

Barcode - 4990010223494

Title - Masik Basumati (1936) vol. 1

Subject - GENERALITIES

Author - N. A.

Language - bengali

Pages - 1124

Publication Year - 1936

Creator - Fast DLI Downloader

<https://github.com/cancerian0684/dli-downloader>

Barcode EAN.UCC-13



4990010223494















১৫শ বর্ষ ]

১২২

বৈশাখ, ১৩৪৩

[ ১ম সংখ্যা ]

৫৩৪

শ্রীরামকৃষ্ণদেবের উদ্দেশে

৪৩৮

পুরাণেই শূন্যেই শুনেছিলুম ভক্তগণ বল সাধনায়  
সহস্র বর্ষের তপে এক দিন ভগবানে পায়।  
অগাধ বিশ্বাসশক্তি এ হৃদয়ে আছিল শৈশবে,  
বিশ্বাস করিয়াছিলুম। পুরাণ কি মিথ্যা কথা ক'বে ?

কৈশোর-মৌবনে হয় তার পর নানা গ্রন্থ পাড়ে,  
সে বিশ্বাস হারাইল বিজাতীয় শিক্ষা-মোহনোরে।  
সহস্র বর্ষের তপ মনে হলো উপকথা বলি,  
ধ্রুব-প্রহ্লাদের কথা কবিদের কল্পনা-কাকলী।  
যদি র'ন ভগবান, ধরি তিনি মানব-বিগ্রহ  
মানুষে দিবেন দেখা, এ কি কভু হয় যুক্তিসহ ?  
এই মনোভাব পৃষি এ জীবন হ'তো মরুভূমি  
করণামৃতের দারা যদি তায় না বর্ষিতে ভূমি।

এই নিরীশ্বর যুগে অদিশ্বাসে অন্ধমত মনে  
বসাইলে ভগবানে পুনঃ তাঁর নিজ সিংহাসনে।  
প্রমাণ করেছ তুমি মিথ্যা নয় পুরাণের কথা,  
ব্যর্থ নয়, ভ্রান্তি নয় অকপট ভক্তের আত্মতা।  
দিলে জ্ঞান, দিলে আলো, দিলে পূর্ণ সত্যের সন্ধান,  
বাণিতে সান্ত্বনা দিলে, নৈরাশ্যের হলো অবসান।  
শৈশব ফিরিয়া পায় পুন মোর পলিত হৃদয়,  
সহস্র বর্ষের তপ মিথ্যা বলি মনে নাহি হয়।

সহস্র বৎসর ধরি এ ভারত তপস্বাচরণে,  
দেগিতে পাইল পুনঃ ভগবানে তোমার জীবনে।

শীকালিদাস রায়।

## শ্রীশ্রীরামকৃষ্ণ-দেব

### অষ্টম পরিচ্ছেদ


নানাভাবে দর্শন—পরমহংসহ লাভ—সখীভাবের সাধনা

বিদ্যাসুত্রে সাধনকালে ঠাকুর নানাপ্রকার আশ্চর্য্য দর্শন লাভ ও আশ্চর্য্য ভাবসমূহ অনুভব করিতে লাগিলেন। তিনি দেখিলেন—চিদাকাশে কোটি ব্রহ্মাণ্ডের উৎপত্তি—আবার উজ্জ্বল হইতেছে। এই উৎপত্তি ও লয়-প্রকরণ বুঝাইতে উপমাশব্দরূপে তিনি বলিয়াছেন, “সেমন সন্তার টং শব্দ—ট-অ-অ-ম্। শব্দ ক্রমে ক্রমে থামিয়া গেল, যেন লীলা থেকে নিত্য লয়—স্থল, স্থল কারণ থেকে মহা জাগ্রৎ, স্বপ্ন, স্তম্ভিত থেকে তুরীয়ে লয় হইল। আবার সন্টা বাজিল, যেন মহাসমুদ্রে একটা বক জিনিস পড়লো, আবার নিত্য থেকে লীলা আরম্ভ হ’ল, মহাকারণ থেকে স্থল, স্থল, কারণ শরীর দেখা

ই তুরীয় থেকেই স্তম্ভিত স্বপ্ন স্তম্ভিত সব অবস্থা এলো। আবার মহাসমুদ্রের ঢেউ মহাসমুদ্রেই লয় হলো। নিত্য ধরে ধরে লীলা, আবার লীলা ধরে ধরে নিত্য। চিৎসমুদ্র অনন্ত। তাই থেকে এই সব লীলা উঠলো, আবার ওতেই লয় হয়ে গেল।” \*

সর্বভূতে এখন ঠাকুর দর্শন করিতে লাগিলেন ঈশ্বরকে। এক দিন বেলপাতা তুলিবার সময় গাছের খানিকটা ছাল উঠিয়া গেল। তাহাতে তিনি দেখিলেন, গাছ চৈতন্যময়—গাছের কণ্ঠ হইতেছে। বেলপাতা আর তুলিতেন না। দুর্কা-দলের উপর দিয়া এক দিন এক জন মাড়াইয়া যাইতেছিল, তাহাতে ঠাকুর সর্কাজে মাড়ানর ব্যথা অনুভব করিয়াছিলেন। এক দিন কুল তুলিতে গিয়া দেখিলেন যে, গাছগুলি কুটস্ত কুল সমেত এক একটি জীবন্ত তোড়া বিরাট মূর্তির মাথায় সাজানো। বিরাটের পূজা এই ভাবে অহরহঃ—আপনা আপনি হইতেছে। তবে আর কুল তোলার ও

পূজার প্রয়োজন নাই, এই ভাবিয়া ঠাকুর কুল তোলা বন্ধ করিলেন। এক দিন শিব গড়িয়া পূজা করিবার সময় শিবের মাথায় বজ্র দিবার সময় ঠাকুর দেখিলেন, এই বিরাট মূর্তিই শিব। এইরূপে তাহার শিবপূজাও উঠিয়া গেল। মহামায়ার মায়ী দেখিলেন। ঘরের মধ্যে একটু ছোট জ্যোতিঃ ক্রমে ক্রমে বর্দ্ধিত হইয়া, সমস্ত জগৎ ঢাকিয়া দিল।




শ্রীশ্রীরামকৃষ্ণ-দেব

তাহার মানামোহ নাশ হইল এবং হৃদয়ে জ্ঞানাগ্নি জ্বলিয়া উঠিল। এই ঘটনাটি ঘটে কুঠীর পিছনে, উত্তরদিকে। ঠাকুর চলিয়া যাইতেছিলেন, হঠাৎ গায়ে যেন কেহ হোমাগ্নি জ্বলিয়া দিল বোধ হইল। ঠাকুর প্রায়ই বলিতেন, জ্ঞানাগ্নি দ্বারা এই অজ্ঞান-কাঁটা পোড়াইতে হয়—অজ্ঞান-কাঁটা যাঁহা জীবকে সর্বদা ত্রিতাপে যন্ত্রণা দিতেছে। বটতলার বসিয়া

\* শ্রীরামকৃষ্ণ-কথাবৃত্ত ১, ১৩, ৬.

যখন ঠাকুর ভগবান-চিন্তা করিতেন, তখন মা নানা দেব-দেবীর মূর্তি ধারণ করিয়া, গঙ্গাগর্ভ হইতে উৎপিত হইয়া, ঠাকুরের কাছে আসিতেন—তাহার সহিত কথা কহিতেন, হাসিতেন, এমন কি, খেলার ছলে ঠাকুরের অঙ্গুলীও টিপিয়া বা মটকাইয়া দিতেন।

এক দিন ঠাকুর দেখিলেন, গঙ্গাগর্ভ হইতে দুর্গামূর্তি উঠিলেন। ঠাকুর সেই দেবীকে পূজা করিলেন, তার পর মূর্তি আবার গঙ্গামধ্যে ডুবিয়া গেলেন। ঠাকুর প্রথমে মনে করিলেন,



মহেন্দ্রনাথ গুপ্ত—মাষ্টার মহাশয়

এ মূর্তিদর্শন বুঝি তাঁর ভাবের খেলা বা চক্ষুর ভুল। কিন্তু কি আশ্চর্য্য, তখন নিজের চক্ষুতেই দেখিলেন, সম্মুখের ধুলার উপরে মায়ের চরণ-চিহ্ন সব বর্তমান! ঐ দর্শন তাহার বাহ্য দৃষ্টিতেই হইয়াছিল।

ব্রাহ্মণী ঠাকুরকে বলিয়াছিলেন, তিনি নিতাইয়ের খোলে গৌরুর সত্তা। ঠাকুর যখন একাধারে পুরুষ-প্রকৃতিভাবে গৌরবঙ্গের ভাবে থাকিতেন,—তখন এক দিন দেখিলেন, গঙ্গা হইতে, শ্রীগৌরাস্বরের সঙ্কীর্ণন-দল পঞ্চবটীতে উঠিয়া

আসিলেন এবং কীর্তন করিতে করিতে পঞ্চবটীর দিক হইতে সেই দল বকুলতলার অভিমুখে যাইতে লাগিলেন। ঠাকুর গৌর ও নিত্যানন্দকে পরিবেষ্টন করিয়া, নৃত্যপঞ্চায়ণ সেই দলের প্রত্যেককেই চিনিতে পারিলেন। দেখিলেন, সেই দলেরই দুই জন তাঁর সান্নিধ্য হইয়া এবারে আসিয়াছেন। তাহাদের এক জন মহেন্দ্রনাথ গুপ্ত আর এক জন বলরাম বসু। ইহাও শুনা যায়, মহেন্দ্রনাথ শ্রীচৈতন্যপার্ষদ মুরারি গুপ্তেরই নব প্রকাশ।

এক দিন ঠাকুর দেখিলেন যে, সমগ্র ব্রহ্মাণ্ডই এক চৈতন্য খেলা করিতেছেন। তিনি দেখিলেন, তাহার চারিদিকে



বলরাম বসু

চতুর্দিক অন্ন, বিষ্ঠামূত্র সব পড়িয়া রহিয়াছে। হঠাৎ তাহার ভিতর হইতে জীবাশ্মা বাহিরে আসিয়া একটি লক্-লক্ জিহ্বা অগ্নিশিখারূপে সে সকলের আশ্বাদ গ্রহণ করিলেন;—বিষ্ঠামূত্র কিছুই বাদ গেল না। ঠাকুর জানিলেন, সব এক—অভেদ। চৈতন্য ব্যতীত কোথাও অন্য কিছুই নাই। আমরা যে জড় ও চৈতন্যে ভেদ করি, তাহা আমাদের অজ্ঞতা ও আধ্যাত্মিক দৃষ্টির অভাব বশতই করি।

আর এক দিন ঠাকুর দেখিলেন, এক বিরাট দীঘি—নিম্মল জলবিশিষ্ট; কিন্তু পানাতে জল আবৃত। বায়ু-প্রবাহে পানার স্রিতেছে আর একবার জল দেখা যাইতেছে—আবার ঢাকা পড়িতেছে এই জল সচ্চিদানন্দ—পানার

মহামায়া। মহামায়া সচ্চিদানন্দকে ঢাকিয়া রহিয়াছেন বলিয়া জীব সে আনন্দ বোধ করিতে পারিতেছে না। ঠাকুর কখনও দেখিতেন, চারিদিকে অগ্নিস্থলিঙ্গ—কখনও দেখিতেন, চারিদিক সব জ্যোতির্ময়—সমস্ত বস্তু ঝক্-ঝক্ করিতেছে—যেন চারিধারে পারার হ্রদ বা গলান রূপা ঢালা রহিয়াছে। কখনও তিনি দেখিতেন, চারিদিকে যেন রঙ্গ-মশালের আলো জ্বলিতেছে—উজ্জ্বল আলো—কখনও রঙ্গীন, কখনও বর্ণহীন। আবার এই ব্রহ্মজ্যোতিঃসমুদ্রমধ্যে কেশবচন্দ্র সেন ও তাঁহার দল এবং নরেন্দ্রাদি ভক্তগণের স্বরূপ দর্শন করিয়াছিলেন—তাঁহারা তখনও তাঁহার কাছে আসেন নাই—তাঁহাদের সঙ্গে প্রত্যক্ষভাবে ঠাকুরের দেখা-সাক্ষাৎ হয় নাই। কেশব সেনকে দেখিলেন, যেন একটি সুন্দর ময়ূর পাখা বিস্তার করিয়া বসিয়া রহিয়াছেন। পাখা তাঁহার দলের লোক, তাঁহারা চারিদিকে ময়ূরকে বেষ্টন করিয়া আছেন। ময়ূরের মাথায় লালমণি—লাল রজোগুণের লক্ষণ,—ময়ূরকে দিয়া মা অনেক কার্য্য করাইবেন। ঠাকুর আরও দেখিলেন, কেশব সেন তাঁহার দলকে বলিতেছেন—“তোমরা এঁর (ঠাকুরের) কথা শোনো।” তখন মাকে ঠাকুর জিজ্ঞাসা করিলেন, এই সব ইংরেজি ভাবাবলম্বীদের সঙ্গে তিনি আবার ভবিষ্যতে কি কথা কহিবেন। মা বলিলেন যে, হাঁ, ইংলিশম্যানদের সঙ্গেও তাঁহার ভাবের আদান-প্রদান চলিবে। দেশ, কাল ও পাত্র অনুসারে ইহার যে যথেষ্ট প্রয়োজন হইয়াছে, মা তাহা বুঝাইয়া দিয়াছেন। মা’র কথা অবশ্য শেবে ফলিয়াছিল। কেশব বাবুও ঠাকুরের নিকট হইতে মা’য়ের নাম গ্রহণ করিয়াছিলেন; ব্রহ্ম ও শক্তি একই বুঝিয়াছিলেন। মা কেশবের দল হইতে সাধারণের জগৎ বিজয়কে টানিয়া বাহিরে আনিয়াছিলেন; কিন্তু ঠাকুর বলিয়াছেন যে, মা আদি সমাজে গেলেন না।

নরেন্দ্রকেও ঠাকুর সাক্ষাৎলাভের পূর্বেই দর্শন করিয়াছিলেন। দেখিয়াছিলেন, ধ্যানপরায়ণ ভক্তগণ জ্যোতির্মধ্যে বসিয়া আছেন, মাঝে সেই জ্যোতিঃ আবার দুই ভাগে বিভক্ত; এক ভাগে আছেন সাকারবাদী ভক্তগণ কেদার, চুণি প্রভৃতি আর এক ধারে নিরাকারবাদীগণ, বিশেষ করিয়া নরেন্দ্র। লাল সুরকীর রঙের জ্যোতির্মধ্যে নরেন্দ্র উপবিষ্ট—সমাধিস্থ। ঠাকুর নরেন্দ্র নরেন্দ্র বলিয়া ডাকিতে নরেন্দ্র একটু মাত্র চাহিলেন। তাহাতেই ঠাকুর

বুঝিলেন যে, নরেন্দ্রও তাঁহার ডাকে অবতীর্ণ হইয়াছেন এবং সিমলায় কাশ্মীরদের ঘরে বালক নরেন্দ্র জন্মগ্রহণ করিয়াছেন। তখন ঠাকুর মাকে বলিলেন, “মা, শীঘ্র ওকে মায়াবদ্ধ কর, নৈলে নরেন্দ্র দেহত্যাগ করবে সমাধিস্থ হয়ে।” নরেন্দ্র অতি উচ্চ অখণ্ডের ঘর, তাহা ঠাকুর পূর্বেই বুঝিতে পারিয়াছিলেন।

এই অদ্বৈতসাধন-সময়ে বাঙ্গালার এক প্রাকৃতিক বিপ্লব হয়, যাহার কথা ঠাকুর বলিতেন,—সেটি ‘আশ্বিনে ঝড়’। ১৮৬৪ খৃষ্টাব্দের এই অক্টোবর আশ্বিনে ঝড় হয়। এই আশ্বিন মাসের ঝড়ে সমগ্র বাঙ্গালার অতিশয় ক্ষতি হয়। বহু গৃহ ভূতলশায়ী হয় এবং অনেক লোকও অকালে লীলা সম্বরণ করে। দক্ষিণেথরে অনেক গাছপালা পড়িয়া যায়। অনেক বেলায় সে দিন ঠাকুরদের ভোগ হইয়াছিল। ঠাকুর ভক্তদের জিজ্ঞাসা করিয়াছিলেন—কেউ সে ঝড়ের কথা স্মরণ করিতে পারেন কি না। মহেন্দ্র বলেন, তাঁহার স্মরণ আছে, তিনি তখন দশ বৎসর বয়স্ক বালক। সেই দুর্ঘ্যোগের সময় একটি ঘরে বসিয়া কাতরভাবে তিনি ভগবানকে ডাকিতেছিলেন।

বেদান্তমতে সিদ্ধকে পরমহংস বলে। এই সময় হইতে ঠাকুরের পরমহংস অবস্থা দেখিয়া সাধু ও ভক্ত লোকে ক্রমে তাঁহাকে পরমহংস রামকৃষ্ণ বলিয়া অভিহিত করিতে আরম্ভ করিলেন। সেই সর্বসত্তাপহারী, পতিত উদ্ধারকারী নাম এখন সমগ্র জগতে চলিতেছে।

দক্ষিণেথরে ষড়্-ঘরে প্রত্য দিন হুলাধারী পূজা করিতে ছিলেন। হঠাৎ এই সময় এক দিন ষড়্-ঘরের ঠাকুরদের গহুনা চুরি হইল। রাধাকান্তের গহনা, রাধারাণীর গহনা চোরে মন্দিরের তাল ভাঙ্গিয়া চুরি করিয়া লইয়া গেল। মথুর বাবু আসিলেন এবং ঠাকুরকে সঙ্গ লইয়া দেখিতে গেলেন। তিনি রাধাকান্তদেবকে গহনা রক্ষা করিতে অসমর্থ দেখিয়া, রহস্ত্রচ্ছলে তিরস্কারও করিতে লাগিলেন। বাশবেড়ের হংসেশ্বরীর মন্দিরে চোর চুরি করিতে আসিয়া গহনাদি লইবার পর কেমন ধাঁধা লাগিয়া পথ খুঁজিয়া না পাইয়া মন্দিরে আটক থাকে, তজ্জগৎ প্রাতে ধরা পড়ে। তাই হংসেশ্বরী কেমন গহনা রক্ষা করিয়াছিলেন, তাহাও রাধাকান্তকে শুনাইতে মথুর ছাড়িলেন না। ঠাকুর মথুরের কথা কতকটা রহস্ত্রময় হইলেও শুনিয়া তাহা সমর্থন করিলেন



না, বরং দেবতাকে লক্ষ্য করিয়া একরূপ কথা বলা ভালো নয়, ঠাকুর তাহা মথুরকে বলিয়া প্রতিবাদ করিলেন। তিনি বলিলেন, ধনীরা ধন ভালবাসে, তাই ধনের আদর ও দাম তাহাদের কাছে এত। কিন্তু শ্রীকৃষ্ণ স্বয়ং ভগবান, ধনেশ্বরী লক্ষ্মী যার সহচরী ও শক্তি, তাঁর কি আর কোন ঐশ্বর্যের অভাব আছে? এ সব ঐহিক হীরা, মুক্তা, সোনা তাঁর চক্ষুতে মাটি বা তাহার বিকার ছাড়া আর কিছুই নহে। এই সকল পাথর মাটি রক্ষার জন্ত রাধাকান্তদেবের চিন্তা হইবার কোন হেতু ঠাকুর দেখিলেন না। 'কথাগুলি হয় ত' মথুর বুলিলেন। এই চুরির পরেই হৃদধারী কন্দুত্যাগ করিলেন এবং রামকুমারের পুত্র অক্ষয় আন্দাজ ১৭ বৎসর বয়সে বিষ্ণুমন্দিরে পূজা আরম্ভ করিলেন।

পূর্বেই বলা হইয়াছে, অক্ষয় ভূমিষ্ঠ হইবার সঙ্গে সঙ্গেই তাহার মাত্রবিয়োগ হয়, এই জন্ত রামকুমার অক্ষয়কে বড় কোলে পিঠে করিতেন না। কারণ, একে ত ছেলে জন্মিবার পরই মাতার জীবন গেল, তার উপর আবার জ্যোতিবশাস্ত্রের সাহায্যে রামকুমার দেখিয়াছিলেন যে, অক্ষয় অল্পায়ু। এই সব কারণে তিনি পুত্রের প্রতি খুব মমতাবান্ তন নাই। ঠাকুর কিছু অক্ষয়কে ভালবাসিতেন, কোলে পিঠে করিতেন। অক্ষয় কিছু কিছু সংস্কৃতাদি বিদ্যাও শিক্ষা করিয়াছিলেন এবং উত্তম ভাগবত পাঠ করিতে পারিতেন, অতিশয় ভক্তি সহকারে তিনি রঘুবীরের সেবা করিতেন—বালা হইতেই রামভক্ত ছিলেন। অক্ষয় দক্ষিণেধরে বরাবর নিজের হাতে পাক করিয়া খাইতেন এবং অবসরকালে বিষ্ণুমন্দিরে বসিয়া ভাগবত পাঠ করিতেন। এক দিন তিনি ভাগবত পাঠ করিতেছেন, এমন সময় ঠাকুর বিষ্ণুমন্দিরে আসিলেন। পাঠ শুনিয়া তাঁহার ভাব হইল; তখন ভাবচক্ষুতে দেখিলেন যে, একটা জ্যোতির স্রোত অক্ষয়, ভাগবত গ্রন্থ ও রাধাকান্ত-বক্ষ এই তিন স্থান সমকালেই স্পর্শ করিয়াছে। ঠাকুর বুলিলেন, ভাগবত—ভক্ত—ভগবান এ তিন একই বস্তু। চারি বৎসর পরে অক্ষয়ের বিবাহ হয়। বিবাহের কয়েক মাস পরে তিনি দেশে যান এবং পীড়িত হন। পীড়া উত্তরোত্তর বাড়িতে থাকে এবং সেই জন্ত তাঁহাকে কলিকাতার চিকিৎসার্থ আনান হয়। কিন্তু জর্তুগাবশতঃ এখানে অক্ষয়ের রোগবৃদ্ধি হইয়া মৃত্যু ঘটে। ঠাকুর অক্ষয়ের মৃত্যুতে বড় কষ্ট বোধ করিতে লাগিলেন, যেন তাঁহার

হৃদয়ের মধ্যে "বিল্লীতে আঁচড়াচ্ছে।" অক্ষয়কে তিনি অনেকটা দর্শন স্পর্শন করিয়াছিলেন, এ জন্তই সেই মায়ার তাড়নায় তাঁহার ঐরূপ যন্ত্রণা। অক্ষয়ের মৃত্যুর পর ঠাকুর কুঠার নীচের ঘর ত্যাগ করিলেন। ঐ ঘরে অক্ষয়ের মৃত্যু হইয়াছিল। এখন যে ঘরটি আমরা ঠাকুরের ঘর বলিয়া জানি, যাহা দ্বাদশ শিবমন্দিরের ঠিক উত্তরে, উহা তখন রাধাকান্তের ভাঁড়ার ঘর ছিল। পরে মথুর-বাবুর আদেশে ঠাকুরের জন্ত ভাঁড়ার স্থানান্তরিত করিয়া



দক্ষিণেধরে ঠাকুরের ঘর (সম্মুখ দৃশ্য)

ঐ ঘর ঠাকুরকে খালি করিয়া দেওয়া হইয়াছিল। ১৮৩২ খৃষ্টাব্দ হইতে নরলীলার শেনাশেমি পর্য্যন্ত ঠাকুর ঐ ঘরেই ছিলেন। যাহারা শ্রীঠাকুরের দর্শনলাভে বঞ্চিত হইয়াছেন, এই ঘরখানি তাঁহাদের নিকট বৈকুণ্ঠ, কৈলাস, কাশী বা বৃন্দাবনের মত পবিত্র!

দক্ষিণেধরে কিছু দিন ধরিয়া এই সময়ে বেদান্তবাদী সাধু ও সন্ন্যাসীর সমাগম ঘটিতে লাগিল। ঠাকুর নিরবচ্ছিন্ন বেদান্ত-চর্চা আরম্ভ করিলেন। একদা এক বেদান্তবাদী সাধু আসিলেন, তিনি মেঘ দেখিয়া নাচিছেন,

বৃষ্টিতে আনন্দ বোধ করিতেন। ধ্যানের সময় কেহ নিকটে গেলে ভারী রাগ করিতেন, এমন কি, ঠাকুরকেও ধ্যানের সময় নিকটে যাইতে দেখিলে বিরক্ত হইতেন। তাঁহার হাতে একটি কাচের ঝাড়ের কলম থাকিত। ঝাড়ের কলমের মধ্য দিয়া দেখিলে আলোকের নানা রং দেখা যায়, কিন্তু বাস্তবিক এক সূর্য্যের শাদা আলোই আছে, রং বাহিরে কোথাও নাই। মায়াতেই সেই রকম এ ব্রহ্মাণ্ড নানা বৈচিত্র্যে পরিপূর্ণ দেখাইতেছে, কিন্তু পদার্থ এক ব্রহ্ম। ঝাড়ের কলম সাধুর মনে এই চিন্তা সর্বদা জাগাইয়া রাখিত, সেই জন্তু উহা তিনি সঙ্গ্বে রাখিতেন। কোন জিনিষই এই সাধু একবারের বেশী দেখিতেন না, পাছে সে জিনিষে মায়া হয়। এক দিন পোস্তার ধারে সানাইয়ের শব্দ শুনিয়া ঠাকুরকে বলিলেন যে, যাঁহার ব্রহ্ম-দর্শন হইয়াছে, তাঁহার ঐ শব্দ শ্রবণে সমাধি হইতে পারে। তিনি তিন দিন মাত্র দক্ষিণেশ্বরে ছিলেন।

ঠাকুরের ঘরে যে সকল দেব-দেবীর ও সাধু-ভক্তের ছবি ছিল, অতঃপর ঠাকুরের ইচ্ছায় সব নামান হইল। এ অবস্থায় ঠাকুরের সজ্জনে, তুলসী এক বোধ হইতে লাগিল। মন অথগে লয় হইয়া মাইতে লাগিল। নিজের মাথাটা নিরাকার বোধ করিতে লাগিলেন। ঠাকুর ঈশ্বরীয় রূপ দেখা পরিত্যাগ করিলেন; কেন না, রূপ দর্শনের মগ্ন্যে ছেদ আছে। কেবল অথগে সচ্চিদানন্দে থাকিতে তাঁহার ইচ্ছা হইল এবং সেইভাবে রহিলেন। এইরূপ কিছুদিন নিরবচ্ছিন্ন অধৈত-চিন্তায় মগ্ন থাকার ফলে তাঁহার খুব পেটের অসুখ হইল। দর্শন কিছু ছাড়িল না, নানা ভাবের দিব্য-দর্শনও হইতে লাগিল। আর যে দিন বেশী দর্শন হইত, রোগও সেই দিন বাড়িয়া যাইত। শেষে রূপ দর্শন হইলে ঠাকুর থু থু করিতেন, যাহাতে আর মূর্ত্তি সব কাছে না আসে। মাকে পূজা-প্রণাম করিতে, কালীমন্দিরে গিয়া দেখিতেন, সব চিন্ময়—যেন সচ্চিদানন্দরসে রসিয়া রহিয়াছে;—ছোট বড় সমস্তরই ভিতরে, এমন কি, পিপড়ে-মাছিটির ভিতরও সেই সচ্চিদানন্দ। পেটের অসুখে আহার করিতেন সামান্য পুরাতন তণ্ডুলের অন্ন ও তৎসহ গাঁদালের ঝোল বা কই মাছের ঝোল। কই মাছগুলি একটি পাত্রে জীয়াণ থাকিত—তখন এও দেখিতেন, কই মাছগুলি কতকগুলি ঝোল—যার মধ্যে সেই সচ্চিদানন্দই রহিয়াছেন,

—খোলগুলি মাত্র বদলায়—তাহারা হত হয় না, তাহাদের “ন হস্ততে হস্তমানে শরীরে।”

ক্রমে অসুখ বাড়িয়া গেলে নাট্যাগোড়ের রাম কবিরাজকে আনাইয়া দেখান হইল। তিনি আসিয়া দেখিলেন যে, ঠাকুর হাড়সার হইয়া গিয়াছেন, সেই অবস্থার ভিতরই বিচার চলিতেছে, “ব্রহ্ম সত্য, জগৎ মিথ্যা বা অস্তি-ভাতি-প্রিয়।” কবিরাজ অবাক! ভাবিলেন, এ রোগী মানুষ না পাগল! হৃদয় মুখ্যেও মাঝে মাঝে ঠাকুরকে খোঁটা দিয়া বলিতেন, “তোমার ভাবও যেমি, রোগও তেমি।” ঠাকুরের পেটের অসুখ আরাম হইতেছে না দেখিয়া মথুর বাবু গঙ্গাপ্রসাদ কবিরাজকে দিয়া শেষে চিকিৎসার ব্যবস্থা করিয়াছিলেন। গঙ্গাপ্রসাদ স্বর্ণ-পটুপটি ব্যবস্থা করেন। এই ঔষধ সেবন করিলে জলপান চলে না, রাত্রে ত একেবারেই নয়, শুধু দুধ পান বা বেদানার রস পান করিয়া থাকিতে হয়। ঠাকুর রোক করিয়া তাহাই করিলেন। রহস্য করিয়া বলিলেন, “পরমহংসও হংস ত’! হাঁস, দুধে জলে মিশানো থাকিলেও কেবল দুধ খায়। আমিও তাই করবো, কেবল দুধ খাবো।” এই চিকিৎসার ফলে কিছুদিনের জন্তু তাঁহার রোগ অনেকটা উপশম হইয়াছিল।

এই সময় তিনি কালীঘর হইতে পঞ্চাবতী পর্য্যন্ত এক অদ্ভুত মূর্ত্তি দর্শন করিয়াছিলেন। তবে কি মূর্ত্তি ও কি ভাবে দর্শন করেন, তাহা কিছুই বলেন নাই। এইমাত্র আভাসে বলিয়াছিলেন যে, তিনি দেখিয়াছিলেন, কালীবাড়ীর সবই যেন মোমে গড়া। মন্দির, মূর্ত্তি, ঘর, লোকজন, পরিচারক, দৌবারিক সবই মোমের, সমস্তই এক সত্তা।

১৮৬৫ খৃষ্টাব্দে ঠাকুর একবার তীর্থে গমন করেন। তখন সবেমাত্র কাশী পর্য্যন্ত রেল খুলিয়াছে। ১৮৬৬ খৃষ্টাব্দে প্রথম ইষ্ট ইণ্ডিয়ান রেল খোলা হয়। প্রথমে গাড়ী হগলী পর্য্যন্ত যাইত। পরে লাইন রাণীগঞ্জ পর্য্যন্ত বাড়ান হয়। ক্রমে তাহা কাশী পর্য্যন্ত লইয়া যাওয়া হয়।

ঠাকুর নিজের মাতৃদেবী চন্দ্রমণি দেবীকে সঙ্গ্বে লইয়া গিয়া কাশী দর্শন করেন; প্রয়াগও এ যাত্রায় দর্শন হইয়াছিল। ব্যয়ভার মথুর বহন করেন। মথুরের ছেলেরা ও বিষ্ণুঘরের সহকারী পূজক রাম চট্টোপাধ্যায়ও এই দলে ছিলেন। এ তীর্থযাত্রার বিশেষ বিস্তৃত বিবরণ

পাওয়া যায় না। বোধ হয়, মাতৃদেবীকে কাম্বী প্রয়াগ দর্শন করানই ছিল ঠাকুরের প্রধান উদ্দেশ্য। অল্পসময়-মধ্যেই এই তীর্থভ্রমণ শেষ হয়। ঠাকুর আবার কালী-বাড়ীতে ফিরিয়া আসিলেন।

ঠাকুরের সাধন-ভজন কার্য এখনও চলিতেছিল। এই-বার আবার অষ্টৈতসাধন পরিত্যাগ করিয়া ঠাকুরের ভক্তির সাধন নানা ভাবে বৈষ্ণব-সাধন আরম্ভ হইল। তিনি কর্ত্তা-ভজা-সাধন প্রথমে আরম্ভ করিলেন। কর্ত্তাভজা কি না—কর্ত্তা গুরুকে ঈশ্বরবোধে পূজা। এই সাধনে সাহায্য করিলেন বৈষ্ণবচরণ ও ব্রাহ্মণী। ইতিপূর্বে কাছির বাগানে ঠাকুরের বৈষ্ণবচরণ সঙ্গ গমনের কথা বলা হইয়াছে। কর্ত্তাভজা-সাধনে সিদ্ধ অবস্থার নাম 'সহজ' হওয়া। এই সহজ বা সিদ্ধ অবস্থার লক্ষণ কৃষ্ণগন্ধ গায়ে থাকিবে না, অর্থাৎ বাহ্য-লক্ষণে আর সাধক বলিয়া জানা যাইবে না। সমস্ত ভাব ভিতরে থাকিবে। সহজের আর একটি লক্ষণ—তিনি জিতেন্দ্রিয় হইবেন—পদে ভ্রমর বসিবে বটে,—কিন্তু মধু পান আর করিবে না। এঁদের মন হচ্ছে "মন তোঁর" অর্থাৎ সবই তোমার নিজের মনের উপর নির্ভর। এঁদের মতে "যার ঠিক মন,—তার ঠিক করণ,—তার ঠিক লাভ।"—ঠাকুরের এই সাধনকালে সেই সহজ অবস্থা হইল।

সহজিয়া সাধন-সময়ে পণ্ডিত বৈষ্ণবচরণ সর্বদাই দক্ষিণেশ্বরে যাতায়াত করিতেন। তিনি ঠাকুরকে যতই দেখিতে লাগিলেন, ততই তাঁহাকে মিষ্ট হইতে মিষ্টতর বোধ হইতে লাগিল। শাস্ত্র পড়া—পাণ্ডিত্য লাভ করা আর গুরুমুখে শোনায় তফাৎ যেমন ছায়াচিত্র দর্শনে ও অভিনয় দর্শনে তফাৎ;—যেমন ভূচিত্র দর্শন ও প্রকৃত স্থান দর্শনের পার্থক্য। গুরুমুখে না শুনিলে শাস্ত্রের আসল মর্মার্থ-বোধই হয় না, ছাপার অক্ষরে মনে ছাপ দিতে পারে না। তাই বৈষ্ণবচরণ বলিতেন যে, যদিও ঠাকুরের কথা সবই শাস্ত্রে আছে, তথাপি তাঁহার মুখে সেই কথাগুলি সজীব হইয়া উঠিত এবং তাহা শুনিয়া তিনি যথেষ্ট উপকৃত হইতেন বলিয়া এত আনাগোনা করিতেন।

তার পর বাউল সাধন। এই সাধনের সময় অনেক বাউল আসিতে লাগিলেন। বাউলদের সিদ্ধকে বলে সাঁই, সাঁইএর পর আর নাই। ঠাকুর সাঁই হইলেন। সাঁইরা

ভগবানকে 'আলেখ' বলেন। আলেখ অর্থাৎ ব্রহ্ম। বাহ্যকে এই চক্ষে দেখা যায় না। তাঁহারা কুণ্ডলিনীর জাগরণকে বলেন 'হাওয়ার খবর'। ঘটচক্র যোগশাস্ত্রে আছে, এঁরা বলেন, ছয় পৈঠা। বাউলদের মুক্ত অবস্থার লক্ষণ—জ্যৈষ্ঠের মুখে চূর্ণ দিলে যেমন জ্যৈষ্ঠ আপনি খসিয়া পড়িয়া যায়, তেমনি এই মতে সিদ্ধ হইলে সাধকের ইন্দ্রিয় শিথিল হইয়া যায়। 'রমণীর সঙ্গে থাকে, না করে রমণ' এই রকম অবস্থা। আর এক সাধন আছে, যাহাকে বলে রাপাতন্ত্রের মতে সাধন। তান্ত্রিক সাধনেরই মত ইহা পঞ্চতন্ত্র লইয়া সাধন। এই মতে মল, মূত্র, রজঃ, বীজ এই সব লইয়া সাধন করিতে হয়। ঠাকুর এক্ষণে সাধনকে বলিতেন, নোংরা সাধন। তবে তাহাতেও কেহ কেহ সিদ্ধ হইয়া ভগবান লাভ করেন। ঠাকুর বলিয়াছেন, এই সাধনায় সিদ্ধিলাভ করা ঠিক যেন পাথরখানার দ্বার দিয়ে বাড়ীর মধ্যে প্রবেশ করা, নোংরা স্থান ও পথ দিয়া গন্তব্যস্থানে এসে পৌঁছান।

অষ্টৈত ভূমিতে থাকিবার কালে ঠাকুর ভক্তি ও ভক্ত ত্যাগ করিয়া কেবল বেদান্তবিচার করিয়াছিলেন। এই সময় বিচার করিয়া তিনি কামিনী ও কাঞ্চন মন হইতে সম্পূর্ণ দূর করিয়া দেন। পঞ্চবটীতে হাতে টাকা লইয়া টাকা মাটী, মাটী টাকা, সোনা মাটী, মাটী সোনা ইত্যাদি কথা বারংবার বলিতে বলিতে ঠাকুর সত্য সত্যই দেখিলেন, টাকা বা সোনা যাহা সমস্ত জগৎসংসারকে ঘুরাইতেছে, তাহা মাটী ছাড়া আর কিছুই নয়; এবং উভয় দ্রব্যই গঙ্গায় বিসর্জন দিলেন। মাকে এ-ও জানাইয়া দিলেন, "মা, আমি আজ থেকে টাকা কি না ধন ঐশ্বর্য্য চিরদিনের জন্ম ত্যাগ করিলাম।" কিন্তু তাঁহার ভয় হইল—পাছে মা রাগ করিয়া খাওয়া বন্ধ করিয়া দেন। তখন আবার মাকে বলিলেন, "মা, তুমি আমার হৃদয়ে লক্ষ্মীরূপে বাস করো, মা।" কামিনীও তিনি বিচার করিয়া ত্যাগ করিলেন। নারীর দেহে এমন কিছু আছে কি যাহার জন্ম মানুষ পাগল হয়? ঠাকুর বিচার করিলেন, তাহাতে হাড়, মাংস, নাড়ী, মল, মূত্র, রস এ সব ছাড়া অণু কিছুই নাই। এই শরীর লইয়া রমণ শুধু মূঢ় অন্ধরাই করিতে পারে। এই শরীর তিনি কখনও ভোগ করিতে চাহিবেন না, চিরদিনের জন্ম সে দেহস্থ ত্যাগ করিলেন। ঠাকুর বলিতেন, "যে মাগস্বখ ত্যাগ করেছে, সে জগৎস্থখ ত্যাগ করেছে।" এই সব চিন্তার ফলে

ঠাহার নিদ্রা চলিয়া গেল—দেহ অসুস্থ হইয়া পড়িল। এ সময় ঠাহার আরও ছ একটি নূতন উপসর্গও হইয়াছিল; একটি সর্বগ্রাসী ক্ষুধা—যতই খান—যতবারই খান, ক্ষুধা আর যায় না। তাহা নিবারণ করিলেন ব্রাহ্মণী। এক দিন ঠাহার ঘরে নানাবিধ খাবার জিনিস যথেষ্ট পরিমাণে সাজাইয়া দেওয়া হইল এবং ঠাহাকে যখন যাহা ইচ্ছা তখন তাহা খাইতে বলা হইল। ঠাকুর তাহাই করিলেন, ঠাহার সে দৃষ্টিক্ষুধাও চলিয়া গেল। আর একটি অবস্থা এই সময়ে ঠাহার হইয়াছিল। ঠাহার চক্ষুতে পলক পড়িত না। কাহারও কাহারও মতে তিনি কিছুদিন উদয়াস্ত সূর্য্যবিদেহ দিকে চাহিয়া থাকিতেন, তাহার ফলে এইরূপ হইয়াছিল। এই অপলক দৃষ্টির অবস্থাও মাকে জানাইতে চলিয়া গেল। এই অবস্থা দেখিয়া কোন কোন সাধু বলিয়াছিলেন, কোন কোন যোগীর এই দিব্য অবস্থাও হইয়া থাকে। দ্বিতীয় উন্মাদসময়েও তাহার পর কিছুদিন ঠাহাকে দারুণ গাত্রদাহ ভোগ করিতে হয়। এ গাত্রদাহ চন্দন মাখা ও স্তগন্ধি ফুলের মালা ধারণ দ্বারা ক্রমে ক্রমে আরোগ্য হইয়াছিল। এতদিন এই সময়ে এক তান্ত্রিক ব্রাহ্মণ—নাম রামকানাই খোষাল—বিনি শিবানন্দ স্বামীর পিতা—তিনি ঠাকুরকে ইষ্টকবচ ধারণ করিতে বলিয়াছিলেন। ঠাকুর খুব সম্ভব এই সময় হইতে ইষ্টকবচ ধারণ আরম্ভ করিয়াছিলেন; তাহাতেই সুকল লাভ করিয়াছিলেন।

বৈষ্ণব-সাধনার সময় ঠাহার দিব্যভাব জাগ্রত হইল। স্কন্দরী বৃবতী দেখিলে মা'র একটি রূপ মনে করিয়া তিনি পূজা করিতেন। একবার এমনি একটি ব্রাহ্মণকণ্ঠা সতের আঠার বৎসর-বয়স্ক দক্ষিণেশ্বরে আসেন। ঠাহাকে বড়ই মূলক্ষণা দেখিয়া ঠাকুর ঠাহাকে নিজ গৃহে লইয়া গিয়া গলায় মালা ও ধূপ-ধূনা দিয়া পূজা করিতে লাগিলেন। সেই নারীও তৎক্ষণাৎ ভাবসমাধিতে ডুবিয়া গেলেন। ঠাকুর ঠাহাকে টাকা দিয়া প্রণাম করিয়াছিলেন। তাবাস্তে বৃবতীর আনন্দাশ্রু বিগলিত হইতে লাগিল। বৃবতীর এই অবস্থা বা স্ত্রীভাবের নাম ঠাকুর বলিয়াছেন দৈবী স্বভাব। ঠাকুর অনেকবার কুমারী-পূজাও করিয়াছিলেন। মা কালীর নাটমন্দিরে ভৈরবী-পূজাও করিয়াছিলেন, তাহা ইতিপূর্বেই বলা হইয়াছে। অনেক ভৈরবীও ঠাহার কাছে আসিতেন।

এই সময়ে অতি আশ্চর্য্য বাৎসল্যভাবের আর এক সাধন করিবার জন্ম মা ঠাহাকে নিযুক্ত করিলেন। এক দিন এক সাধু দক্ষিণেশ্বরে আসিলেন, ঠাহার কাছে এক অষ্টধাতু-নির্ম্মিত গোপালমূর্ত্তি ছিল, নাম “রামলালা”। সাধু ভিক্ষালব্ধ দ্রব্যাদি রন্ধন করিয়া রামলালাকে ভোগ দিতেন আর সাধু দেখিতেন, রামলালাও তাহা পরিভোষ সহকারে গ্রহণ করিতেছেন। এই দৃশ্য কিন্তু সাধুই কেবল দেখিতে পাইতেন আর দক্ষিণেশ্বরে সাধু আসিলে পর—এই দৃশ্য দেখিতে পাইতেন পরমহংসদেব। ক্রমে রামলালা প্রায়ই ঠাকুরের কাছে আসিতেন, বসিতেন, ঘাড়ে কোলে উঠিতেন এবং কিছু কিছু অল্পবিধ চাকলাও প্রকাশ করিতে আরম্ভ করিলেন। ঠাকুরের রামলালাকেও বড় ভাল লাগিত। ক্রমে রামলালার উপর ঠাকুরের ভালবাসাও জন্মিতে আরম্ভ করিল। ৪৫ বৎসরের স্কন্দর নবধনশ্যাম বালকমূর্ত্তি রামনারায়ণ,—সুকুমার তনু,—দেখিলে মন আনন্দরসে আপ্লুত হয়, চক্ষু জুড়াইয়া যায়। এই ঘনিষ্ঠতা এতদূর বাড়িয়া গেল যে, সাধু অন্নাদি রাখিয়া ভোগ নিবেদন করিয়া বসিয়াই থাকেন,—রামলালা আর খাইতে আসেন না—অনেক সময় ঠাহাকে খুঁজিয়া আনিতে হয়। সাধু রামলালার এই ছাড়-ছাড় ভাব দেখিয়া ব্যথা বোধ করিতে লাগিলেন। রামলালা প্রেম-ভক্তির অধিকারী সেই রামাং সাধুর মনোব্যথা বুঝিয়া ঠাহার প্রতি বিশেষ অনুগ্রহ করিবেন স্থির করিলেন এবং শেষে এক দিন রামলালা সাধুর সাধন-ভজন পূর্ণ করিয়া, ঠাহাকে দিব্য রাজারামের মূর্ত্তিতে দর্শন দিয়া বলিলেন, “তুমি অতঃপর সিদ্ধ হইয়া সর্বদা আনন্দপূর্ণ হৃদয়ে থাকিবে, তোমার আর সাধন দরকার নাই, কিন্তু আমি এইখানেই থাকিব।” ইহাতে সাধু আর হুঃখবোধ করিলেন না। রামলালাকে ঠাকুর শ্রীরামকৃষ্ণের হাতে সমর্পণ করিয়া সাধু প্রস্থান করিলেন। এক্ষণে ঠাকুর রামলালাকে লইয়া অতিমাত্র ব্যস্ত থাকেন। নিজে নারিকেল-সন্দেশ প্রস্তুত করিয়া রামলালাকে খাইতে দিতেন আর বলিতেন, “তুমি রাজার ছেলে,—আমি গরীব ব্রাহ্মণ, তোমার জন্ম রাজভোগ কোথায় পাইব? এই সামান্য উপহারেই সন্তোষলাভ কর।” রামলালা সানন্দে সেই উপদ্রুত দ্রব্য গ্রহণ করিতেন। ঠাকুর রামলালাকে নাওয়াইতেন, খাওয়াইতেন, গোয়াইতেন এবং অতিশয়



চাকল্য প্রকাশ করিলে ধমক দিতেও ছাড়িতেন না। রামলালাও কম হুঁট ছিল না। স্নান করিতে ঠাকুরের সঙ্গে গঙ্গায় গিয়া এতই জলে ঝাঁপাঝাঁপি ও লাফালাফি করিত, ডুবিত উঠিত যে, কখনো কখনো ঠাকুর তাহাকে অসুখ হইবার ভয় দেখাইয়া জোর করিয়া জল হইতে তুলিয়া আনিতেন। ঠাকুরের উদ্গাদ অবস্থা প্রায় কমিয়া আসিয়াছিল, কিন্তু রামলালাকে লইয়া আবার মত্ততা হইতেছে,—তাই ঠাকুরের আবার এইরূপ ভাবান্তর দেখিয়া চন্দ্রমণি দেবী মধ্যে মধ্যে তাঁহাকে বলিতেন, “বাবা, তুমি আবার সন্ন্যাসীর ঠাকুর নিয়ে পাগল হবে নাকি? এতটা আর করিও না।” ঠাকুর কিন্তু বলিয়াছিলেন যে, রামলালাকে লইয়া তিনি বাৎসল্যভাবের আতিশয্যে এক প্রকার উন্মত্তই হইয়াছিলেন বটে। \*

এই রামগোপাল ভাবের সাধন-শেষে ঠাকুর ব্রজের ভাবের সাধন আরম্ভ করিলেন। কিছু দিন ব্রজরাখালের ভাবে থাকিলেন ও ‘কানাই—কানাই, হা কানাই’ বলিয়া কাঁদিতে লাগিলেন। বিষ্ণুঘরে রাধাকান্ত বিগ্রহকে বসন-ভূষণ মালা দিয়া সাজাইতেন। তাঁহার হাতে বাঁশীটি দিতেন, তাঁর সঙ্গে কত কথাই কহিতেন—কখনও কখনও নানাবিধ স্মৃতি ফল লইয়া কানাইকে ভেট দিতেন—এবং “কানাই, খা ভাই, মিঠা ফল তোর জন্ম সংগ্রহ করে এনেছি, একটু খেয়ে দেখ।” ইত্যাদিভাবে অনুনয়-বিনয় করিতেন। তার পর রাধাকৃষ্ণভাবে সাধন আরম্ভ করিলেন। রাধাভাবে ‘কোথা কৃষ্ণ’ ‘কোথা প্রাণবল্লভ দেখা দাও, দেখা দিলে আমার প্রাণ রাখ’ এইরূপ ভাবে আর্তি প্রকাশ করিতেন। এই সাধনের নাম মধুরভাবে সাধন। এ সাধনে ব্রজেশ্বরী সিদ্ধা হইয়াছিলেন। শুদ্ধা-ভক্তির সাধন ব্রজগোপী ছাড়া আর কেহ জানিতেন না, বা এ সাধনের অধিকারী নহেন। ক্রমে কৃষ্ণদর্শনের জন্ম এবং তাঁহার বিরহে ঠাকুরের এমন অবস্থা হইত যে, তিনি শ্রীকৃষ্ণ-বিরহে মূচ্ছিত হইয়া যাইতেন। শ্রীকৃষ্ণ-বিরহে তাঁহার মধ্যে প্রচণ্ড বিরহাগ্নি প্রজ্জ্বলিত হইয়া উঠিল। তিনি তিন দিন তিন রাত্রি অজ্ঞান

হইয়া থাকিতেন। হাঁস হইলে বামনী তাঁহাকে স্নান করিতে লইয়া যাইতেন, কিন্তু তাঁহার শরীরে এত উত্তাপ যে গায়ে হাত দিতে পারিতেন না। গায়ের চাদর ধরিয়া ব্রাহ্মণী তবে লইয়া যাইতেন। অজ্ঞান অবস্থায় ঠাকুরের পায়ে যে কাদা-মাটি লাগিয়া গিয়াছিল, পরে দেখা গেল, তাহা পোড়া মাটির মত লাল হইয়া গিয়াছে। ঠাকুর বলিতেন যে, এমনি নাকি হয়—রূপসনাতনের বিরহাগ্নিতে যে গাছের তলায় তিনি বসিতেন, তাহার পাতা ঝলসিয়া গিয়াছিল। এইরূপ বিরহের পর তিনি ব্রজকিশোর রাধারমণ শ্রীকৃষ্ণের দর্শন লাভ করেন। শ্রীকৃষ্ণের দেহের রং বলিয়াছিলেন ঘাসকুলের রংয়ের মত। কিন্তু রাধারাণীর রূপা না হলে, শ্রীকৃষ্ণের দেখা এমনি পাওয়া যায় না, রাধার প্রেম না হলে শ্রীকৃষ্ণদর্শন হইবার উপায় নাই। তাই তাঁহাকে আগে সখীভাবে সাধন করিতে হইল। ভক্ত হইবেন শ্রীরাধার সখী। এই সখীসাধন প্রকৃতিভাবে পরমাত্মার সহিত মিলনের সাধন—এটি নিষ্কাম সাধন, তাই অতি কঠিন। এই সখীসাধন করিবার জন্ম—শ্রীকৃষ্ণের সখী সাজিবার জন্ম—যে প্রকার বেষণভূষা প্রয়োজন, মধুর সে সমস্ত যোগাড় করিয়া দিলেন। মূল্যবান শাড়ী, ওড়না, কাঁচুলী, নানা অঙ্গের নানা গহনা, সুকৃষ্ণিত কেশের পরচূলা প্রভৃতি সমস্ত দিয়া ঠাকুরকে সাজান হইল। এই সখীবেশে ঠাকুর চোখে কাজল, কপালে সিন্দূর-কোঁটা, নাকে তিলক, কাণে তুল, গলায় অলঙ্কার ধারণ করিলেন। সে সাজে তাঁহাকে আর পুরুষ বলিয়া মনে হইত না, যেন ঠিকই ব্রজের গোপী। কখনও কখনও তিনি এই বেশে মায়ের মন্দিরে গিয়া মাকে ব্যজন করিতেন এবং তাঁহার কাছে রাধাপ্রেম চাহিতেন।

এই সময়ে তিনি বিরহাত্মক গান করিতেন, যথা—  
১। শ্রামের নাগাল পেলাম না যে সই। আমি কি সুখে আর ঘরে রই। ২। রাধার প্রেম কি পায় সকলে ইত্যাদি। এই সখীসাধনের সময় তিনি মধ্যে মধ্যে জানবাজারে মধুর বাবুর অন্তঃপুরে গিয়া কিছুদিন ধরিয়া বাস করিতেন। বাড়ীর মেয়েরা কেহই এ সময় তাঁহাকে পুরুষ মনে করিতেন না এবং তাঁহাকে দেখিয়া সে-জন্ম পুরুষোচিত লজ্জাও করিতেন না। ঠাকুর নিজে বলিয়াছেন, তিনি আন্দীর সঙ্গে মধুর বাবুর মেয়েকে জামাইয়ের কাছে শোয়াইতে যাইতেন। যেমন স্ত্রীলোকরা সাধারণতঃ নব

\* ১৯৩৩ খ্রীষ্টাব্দে য়া কালীর মন্দিরে এক ভীষণ চুরি হয়—মা ভবতারিণীর হীরা-মুক্তা-বর্ণ-নির্মিত অলঙ্কার ও রূপার তৈজস-পদ্মাদি চোখে চুরি করিয়া লইয়া যায়। ঐ সঙ্গে চিত্তর বিগ্রহ রামলালাকেও চোখে স্বর্ণমুক্তি ভাবিয়া লইয়া গিয়াছিল। আর পাওয়া যায় নাই।

পরিবীত্বার বিষয়ে করিয়া থাকেন। কখনো বা মথুর ও জগদম্বা দাসীর সঙ্গে একই শয়নকক্ষে রাতে শয়ন করিতেন। মথুর জিজ্ঞাসা করিতেন, “বাবা, আমরা যা কথা কই, তুমি কি শুনিতে পাও?” ঠাকুর বলিতেন, “পাই।” এই ভাবে সাধন করিতে করিতে ঠাকুরের স্বভাবাদিও স্ত্রীলোকের মত হইয়া গিয়াছিল। চলিবার সময় তাঁহার বাম পদ আগে পড়িত। এমন কি, শুনা যায়, এই সময় তাঁহার স্ত্রীলোকদের মত রজোদর্শন ঘটত। সখীসাধনের সময় ঠাকুর মধ্যে মধ্যে দক্ষিণেশ্বরে গিয়াও মা’র সেবা করিতেন, ওড়না গায়ে মা’কে চামর বাজন করিতেন—মা’র সখীভাবে—দাসীভাবে,—আবার জানবাজারে আসিয়াও থাকিতেন। রাধামূর্তি দর্শন করিয়া ঠাকুরের সখীভাবসাধনের শেষ হইল। পেশোয়াজ পরা, নানা অলঙ্কার-বিভূষিতা, সোনার বরণ—পরমাসুন্দরী রাধামূর্তি তিনি দর্শন করেন। মূর্তি উজ্জল, তাহা হইতে জ্যোতিঃ তরঙ্গায়িত হইতেছে। এই মধুরভাবে সাধন-সময় তিনি পঞ্চবটীতে এক সাধু দর্শন করেন। তাঁহার মাথায় নয় হাত লম্বা চুল। তিনি অল্প পূজাপাট কিছুই করিতেন না—সন্ন্যাসী মুখে কেবল রাধে রাধে উচ্চারণ করিতেন। ঠাকুর পরে যখন বৃন্দাবন গিয়াছিলেন, তখন তথায় এক ভক্তিমতী—নাম গঙ্গামায়ী ঠাকুরকে সাক্ষাৎ রাধা বলিয়া গ্রহণ করিয়াছিলেন এবং তাঁহাকে ‘জ্বালী’ (অর্থাৎ রাধা) বলিয়া ডাকিতেন।

এত দিনে ঠাকুরের দেহ প্রায় রোগশূন্য হইল। তাঁহার শরীর স্থূল ও বর্ণ অতিশয় উজ্জল হইয়া উঠিল। সোনার রং আসিল তাঁর গায়ে। এ সময় তিনি উলঙ্গ থাকিতেন ও গায়ে একখানি মোটা চাঁদর ঢাকা দিয়া রাখিতেন। দেহ জ্যোতির্ময় হইয়া উঠিয়াছে দেখিয়া তিনি ভীত হইলেন এবং নিজের শরীর আরও বেশী করিয়া চাঁদর ঢাকা দিয়া রাখিতে লাগিলেন। ভয়ের কারণ এই যে, লোকের সে দেহ দর্শন করিলে তাঁহাকে দৈবীমানুষ বলিয়া দর্শনমাত্রই বৃষ্টিতে পারিবে এবং নানা প্রার্থনা পূরণের জন্ত দিবারাত্র তাঁহাকে ব্যতিব্যস্ত করিবে। তাহার ফলে শেষে দক্ষিণেশ্বর হাসপাতাল, ডিম্পেন্সারী হইয়া উঠিবে। তখন তিনি মায়ের নিকট প্রার্থনা করিতে লাগিলেন, “মা, ভেতরে চ’লে যাও, মা, ভেতরে চ’লে যাও। হাক্কা মা বাধাইও না।” ক্রমে ক্রমে সে রূপ ও জ্যোতিঃ অদৃশ্য

হইয়া গেল। ঠাকুর বলিয়াছেন, তার পর হইতে তাঁহার এমন দেহ হইয়াছে।

মথুরের স্ত্রী জগদম্বা—রাসমণির সর্লকনিষ্ঠা কণা—এই সময় (১৮৩৫-৩৬) অতিশয় পীড়িত হইয়া পড়িলেন। ডাক্তারগণ কিছুই করিতে পারিলেন না, শেষে তাঁহার এক প্রকার ইঞ্জিতে জানাইলেন যে, রোগিণীর বাঁচিবার আশা নাই। মথুর এই বিপদে মনের বল হারাইয়া ফেলিলেন। তিনি ঠাকুরের কাছে আসিয়া কাঁদিয়া পড়িলেন, বলিলেন, ‘বাবা, এ বিপদে তুমি ছাড়া আর আমার যে কেহ নাই। বাবা, জগদম্বা যদি চ’লে যায়, তাতে আমার যা হবার হোক, কিন্তু এই জমিদারীটা যদি অন্যের হাতে চ’লে যায়, তবে বাবা, তোমার সেবা কেমন ক’রে হবে?’ এই কথা শুনিয়া ঠাকুর মাঝে জগদম্বার কথা জানাইলেন। মা আশা দিলে ঠাকুর মথুরকে বলিলেন, “ভয় নাই, মা বলেছেন, জগদম্বা আরাম হ’বে।” অগাধ সমুদ্রে মথুর কূল-কিনারা পাঠিবার মত আশ্বস্ত চিত্তে জানবাজারে ফিরিয়া আসিলেন এবং সত্য সত্যই রোগ অতঃপর আরোগ্যের পথে গাঠিতে আরম্ভ করিল। জগদম্বা যথাসম্ভব শীঘ্র আরোগ্যলাভ করিলেন।

ইহার কিছু দিন পরে (১৮৩৭) ঠাকুর কামারপুকুর দর্শনে যাইলেন—সঙ্গে রহিলেন হৃদয় ও ব্রাহ্মণী। সেখানে পৌঁছিয়া শ্রীশ্রীমাকে জয়রামবাটী হইতে আনান হইল। মা এখন ১৪ বৎসর বয়সের ছোট কিশোরী বধু মাত্র। ঠাকুরের দেশে তাঁর কোন বিষয়ে কিছুমাত্র অসুবিধা না হয়, মথুর আগে হইতে ভাবিয়া তাহার ব্যবস্থা করিয়া দিয়াছিলেন এবং হৃদয়ের উপর সমস্ত দেখিবার ভার দিয়াছিলেন। মেয়েকে খণ্ডরবাড়ীতে পাঠাইবার সময় সামর্থ্যবান পিতা যেরূপ দ্রব্যসম্ভারসহ কণাকে পাঠাইয়া থাকেন, ঠাকুরের দেশে আগমনকালে মথুর সেইরূপই দ্রব্য সঙ্গে তাঁহাকে বরাবরই পাঠাইতেন। বস্ত্র, চেলা, বেনারসী, মেওয়া-ফল, মিছরি, মিঠায় এই সব জিনিস সঙ্গে থাকিতই এবং হৃদয়ের হাতে বায়ের জন্ত যথেষ্ট টাকাও মথুর দিয়া দিতেন। এবারে শ্রীমাকে আনা হইবে বলিয়া মথুর আরও অধিক পরিমাণে বেনারসী, ঢাকাই প্রভৃতি বস্তাদি সঙ্গে দিয়াছিলেন। চক্রমণি দেবী গঙ্গাতীর ছাড়িয়া দেশে ফিরিতে রাজী না হওয়ায় ঠাকুর তাঁহাকে দক্ষিণেশ্বরে রাখিয়া গেলেন। কামারপুকুরে শ্রীমার সেবা ঠাকুর এই প্রথম গ্রহণ করিলেন;—

নিজে পেট-রোগী ছিলেন বলিয়া কি কি তরকারী হইবে, তাহা মাকে আগে হইতে বলিয়া রাখিতেন, শ্রীমা সেইমতই রন্ধন করিতেন। ঠাকুর বামনীকে বরাবরই মা বলিতেন, কামেই শ্রীমাও তাঁহাকে শাস্ত্রীর মত ভয় ও ভক্তি করিতেন। ব্রাহ্মণী পূর্বদেশীয়া, কামেই নিজে যে তরকারী রাখিতেন, তাহা ঝালে পোড়া হইত। মাকে সেই তরকারী দিতেন খাইতে। মা ঝালের জল চোখের জল মুছিতেন আর সেই তরকারী খাইতেন এবং ব্রাহ্মণী ক্রিঙ্গাসা করিলে ভয়ে বলিতেন, রন্ধন বেশ ভালই হইয়াছে। কিন্তু রামলালের মা (রামেশ্বরের স্ত্রী) বলিতেন, “মা গো, কি তরকারীই চয়েছে, ঝালে পোড়া!” এই জন্ম তাঁকে বামনীর ভাল লাগিত না। এক দিন চিন্মু শাঁখারীকে ঠাকুর খাইতে বলিয়াছিলেন। চিন্মু ঠাকুরের বাল্যকালের বন্ধু ও ভক্ত ছিল, এ কথা পূর্বেই বলা হইয়াছে। সেই জন্ম ঠাকুর তাহাকে ভালবাসিতেন। বামনীরও চিন্মুকে ভাল লাগিল। আহারের পর বামনবাড়ী বলিয়া চিন্মুকে স্থানটি পরিষ্কার করিতে বলা হইল। বামনী বলিলেন, থাক, তিনিই ভক্তের উচ্ছিষ্ট পরিষ্কার করিবেন। হৃদয় তাঁহার এই আচরণে আপত্তি করিলেন। দুজনের মধ্যে ইহা লইয়া বচসা হইল। শেষে ঠাকুর আবার বিবাদ মিটাইয়া দিলেন। এইবারে ঠাকুর কয়েক মাস কামার-পুকুরে বাস করেন। তার পর শরীর ভাল হইলে দক্ষিণেশ্বরে ফিরিলেন। শ্রীমাকে লইয়া ঠাকুরের সঙ্গে মধ্যে মধ্যে ব্রাহ্মণীর নানা বিষয়ে মতভেদ ঘটতে লাগিল। ঠাকুর বুঝিলেন যে, বামনীর সঙ্গে তাঁহার এখন ছাড়াছাড়ি ঘটাই মা'র ইচ্ছা। মা'র ইচ্ছা পূর্ণ হইল। ব্রাহ্মণী আর কলিকাতায় ফিরিলেন না। তিনি ঠাকুরের কথায় কানী চলিয়া গেলেন। অল্পদিন পরে দক্ষিণেশ্বরে ফিরিয়া আসিয়াই আবার ঠাকুরের মন সাধনের দিকে ঝুঁকিতে আরম্ভ করিল।

এইবার ইসলামধর্ম-সাধন বিষয়ে ঠাকুরের অভিলাষ জন্মিল। দমদমার নিকট এক ব্যক্তি বাস করিতেন— নাম গোবিন্দ রায়। ইনি গোপনে মুসলমানধর্ম আচরণ করিতেন। এই সময়ে যেমন তাঁহার দক্ষিণেশ্বরে আসা-যাওয়া ঘটিল, অমনি উভয়ে উভয়ের মনের কথা জানিতে


পারিলেন। গোবিন্দের নিকট ঠাকুর আল্লা-মস্তু গ্রহণ করিলেন। তিনি তিন দিন এই সাধনা করিলেন। তাঁহার অবস্থা বদলাইয়া গেল, কাছা খুলিয়া কাপড় পরিলেন, মুখে আল্লামস্তু জপ, মন্দির দর্শন বন্ধ, আহার পেঁয়াজ দিয়া রান্না ভাত-তরকারী। পেঁয়াজের তরকারী খাইতেছেন আবার বিচারও করিতেছেন—মন বোধ, এরই নাম পেঁয়াজবদ্ধ রান্না খাওয়া। অবশ্য খুনা মথুর বাবুর নিযুক্ত বামনেই রাখিত—কিন্তু তাহাকেও কাছা খুলিয়া পৈতা কোমরে গুঁজিয়া রান্না করিতে হইত। হৃদয় আমার এই বিধর্মী আচারে অসন্তুষ্ট হইয়া তিরস্কার করিতে লাগিলেন, কিন্তু ঠাকুর তাহা শুনিলেন না। দিনশেষে আবার দক্ষিণেশ্বরে কালীমন্দিরের সদর-ফটক হইতে কিছু দূরে উত্তর-পূর্বদিকে অবস্থিত এক ক্ষুদ্র মসজিদে গিয়া নেমাজও করিতেন। অনেকক্ষণ পর্যন্ত তিনি ফিরিয়া না আসায় সেখান হইতে ভাবাবস্থায় হৃদয় তাঁহাকে ধরিয়া আনিয়াছিলেন। এইরূপ তিন দিন সাধনার পর ঠাকুর এক দীর্ঘশ্বাস জ্যোতির্ময় পুরুষ দর্শন করিলেন—তিনি বলিয়াছেন, ইনিই মহম্মদ, মুসলমান-ধর্ম-প্রবর্তক। মহম্মদকে দর্শনের সঙ্গে দেখিলেন যে, এক যায়গায় পশু জীবজন্তু সবই রহিয়াছে আর হিন্দু মুসলমান ইংরেজ প্রভৃতি নানা জাতির মানুষও রহিয়াছে। ঠাকুরও সেখানে, কুকুরও সেখানে, মূর্খকরাসও সেখানে। সেইখানে ঐ দাড়ীওয়াল মুসলমান হাতে সান্ধি ও ভাতে ভাত লইয়া উপস্থিত হইলেন। তিনি তার পর সকলের মুখে দুটি দুটি ভাত দিলেন—ঠাকুরের মুখেও দুটি দিলেন। ঠাকুর তাহা হইতে ধারণা করিলেন যে, ভক্তরা এক জাতি এবং সকল ধর্মের শেষ সেই অখণ্ড চৈতন্যের সঙ্গে মিলন। এ সময়ে তাঁহার আবার একটি অবস্থা হইয়াছিল। এঁড়েন্দার শ্মশান-ঘাট হইতে কিম্বা গঙ্গার ওপার হইতে যে মরা পোড়ার গন্ধ দক্ষিণেশ্বরের বাগানে আসিত, ঠাকুরের নিকট তাহা এত মিষ্ট লাগিত যে, তিনি সে গন্ধ টানিয়া লইতেন।

এই ভাবে ঠাকুরের সাধন-ভজন শেষ হইয়া আসিল। বাকি রহিল খৃষ্টিয়ান মতে সাধনা। পরে কেমন ভাবে মা তাঁহাকে তাহা করাইয়াছিলেন, তাহা যথাস্থানে বর্ণিত হইবে।

[ক্রমশঃ

শ্রীচূর্ণাপদ মিত্র।





## প্রথম পরিচ্ছেদ

—১২৮৬ সাল—

১২৮৬ সালের এক বৈশাখী অপরাহ্ন। আকাশে কাল-বৈশাখীর সূচনা লক্ষ্য করিয়া বিন্দুবাসিনী তাড়াতাড়ি নদীর ঘাট হইতে গা ধুইয়া ও এক সড়া জল কাঁখে করিয়া দ্রুতপদে গৃহে প্রত্যাবর্তন করিল।

ঘড়াটি দাওয়ার উপর রাখিয়া, রোয়াকের উপর উঠিয়া দাঁড়াইতেই বিমল কিছুক্ষণ তাহার দিকে একদৃষ্টে চাহিয়া থাকিয়া কহিল—“ভগবান্ যাকে দেন, সব দিক দিয়েই দেন; আবার যাকে দেন না, কোন দিক দিয়েই দেন না; একেবারেই তারে নিঃস্ব করেই ছাড়েন।”

হাতের গামছাখানা নিংড়াইতে নিংড়াইতে বিন্দু কহিল,—“কি গো, গ্রন্থ-ট্রহ কিছু লিখতে শুরু করেছ বোধ হয়? ক’রে থাক যদি, তা হ’লে উপঢাস কিছুতেই নয়,—নিশ্চয়ই কোন তথ্যকথা সম্বন্ধেই হবে। না গা?”

“ঠিকই তাই। সৃষ্টিতত্ত্ব। ভগবান্ এক জনকে—এই ধর গিয়ে, তোমাকেই—তার তাঁড়ারে যত রূপ ছিল, সব ঢেলে দিয়েই তৈরী করলেন, আর ওদের জগৎগাটার সামান্য একটু রূপের জন্মে বিয়েই হচ্ছে না। চোদ্দ বছরের খেড়ে মেয়ে হতে চলো, এখনও আইবুড়ো হয়েই রইল।”

“সত্যি, বড় অবিচার বটে।”

“তবে, তোমার ক্ষেত্রে, অবিচারটা যদি আর এক দিক দিয়ে জানিয়ে না দিতেন, তা হ’লে তার তীব্রতাটা বড়ই চোখে লাগতো।”

বিন্দু দালানের মধ্যে গিয়া ভিজা কাপড় ছাড়িল, তৎপরে রোয়াকে আসিয়া কহিল—“কি বলছো?”

“এই ধর, তোমার বাইরের রূপটা যত বড় ক’রে সৃষ্টি

করেছেন, ভেতরের রূপটাও যদি সেই রকম বড় ক’রে সৃষ্টি না করতেন—”

“তা হ’লেই মাকাল-ফল হয়ে যেতুম। কিন্তু মাকাল-ফলও কি একটা অমুখে লাগে শুনছি। তা এখন সৃষ্টিতত্ত্ব রেখে দিয়ে, খানিকটা যুরে-ফিরে এস; নইলে ও-বেলায় মত এ-বেলাও হয় ত ক্ষিপে হবে না।”

“বাইরে কোথাও আর যেতে ইচ্ছে করছে না। বাড়ীর মধ্যেই খানিক ছুটোছুটি করবো। লুকোচুরি খেলবো—তুমি আর আমি,” বলিয়া বিমল বাহির-বাটীর দিকে গেল এবং সদরের দরজাতে খিল লাগাইয়া দিয়া আসিল। তার পর বিন্দুর মুখের দিকে চাহিয়া কহিল—“আমিই চোর। লুকোও গে। উঠানের এই আমগাছটাই বুড়ী।”

মুখ টিপিয়া হাসিতে হাসিতে বিন্দু কহিল—“আমার সঙ্গে খেলায় কেবলই ত তুমি চোর হও। তোমার মত চিরকালের চোর নিয়ে ঘর করা—সত্যি বড় ভয়ের কথা।”

এই ছ’টি স্বামি-স্ত্রীর—এই ছ’টি যুবক-যুবতীর—এইরূপ লুকোচুরি খেলা আজ নূতন নহে। সংসারে আর দ্বিতীয় কেহ নাই। বিমল যখন বোল বছরের আর বিন্দু নয় বছরের—তখন তাহাদের বিবাহ হইয়াছিল। তখন হইতে এক যুগ কাটিয়া গিয়া উভয়কে তরুণ-তরুণীর স্থান হইতে অনেকটা সন্মুখের দিকে ঠেলিয়া লইয়া গিয়াছে। এখন বিমলের বয়স—২৮, বিন্দুর ২১। এই বয়সে সদর দরজায় খিল দিয়া স্বামি-স্ত্রীতে লুকোচুরি খেলা—যেমন অসাধারণ, তেমনই বে-মানান। কিন্তু ইহারা খেলিত। উঠানের আমগাছকে বুড়ী করিয়া কখনও বিন্দু লুকাইত, বিমল চোর হইত; কখনও বিন্দু চোর হইত, বিমল লুকাইত। বিমলের স্বর্গীয় জননী, তাহার বড় আদরের একমাত্র কিশোর পুত্র ও পুত্রবধূকে এইরূপ ছেলেখেলা খেলিতে উৎসাহিত করিতেন। কোন জননীর পক্ষে ইহাও বোধ



হয়—অসাধারণ। কিন্তু বিমলের মাতা ইহাতে গভীর আনন্দ ও তৃপ্তি লাভ করিতেন। আজ তিনি বাঁচিয়া নাই এবং ইহারাও আজ তখনকার দিনের মত কিশোর-কিশোরী নয়, কিন্তু তবুও ইহাদের স্নগপূর্বের সেই অভ্যাসটি একেবারে যায় নাই। মধ্যে মধ্যে প্রেম-দেবতার খেলালী হাতের নাড়া পাইয়া ইহাদের মনের মাঝে সেই ছেলেখেলার সাড়া পড়িয়া যায়। শোভন অশোভন, উচিত অশুচিত তাহারা ভাবে না; ভাবিবার আবশ্যক মনে করে না। সুপ্রশস্ত নির্জন বাটার মধ্যে এক জন মালকোঁচা ও আর এক জন গাছ-কোমর বাঁধিয়া লুকোচুরি খেলার সুরে ছুটাছুটি করে।

আজও তাহাই করিল।

অবশেষে সন্ধ্যার অন্ধকার নামিয়া আসিলে, ‘আকা’ দিয়া বিন্দু রোয়াকের এক ধারে বসিয়া পড়িল। বিমলও তাহার পার্শ্বে বসিয়া পড়িল। উভয়ের সুন্দর, স্নান্যপূর্ণ, শক্তিশালী দেহ ঘামে ভিজিয়া উঠিয়াছিল। কিছুক্ষণ বিশ্রামের পর বিন্দু সন্ধ্যা দিতে উঠিয়া গেল, বিমল বসিয়া রহিল। তাহার মাথার উপর, আকাশের গায় এক ফালি চাঁদ উঠিয়াছিল। দক্ষিণের বাতাস পাঁচীলের ধারের নারিকেল গাছগুলির মাথায় উঠিয়া, তাহাদের পাতাগুলিকে অস্থির করিয়া তুলিতেছিল। দূরের কোন একটা গাছ থেকে একটা পাখী অনবরত একঘেয়ে সীস্ জুড়িয়া দিয়াছিল।

রাত্রিতে আহ্বারশেষে তামাক খাইতে খাইতে বিমল কহিল—“বিন্দু, বড় সুখেই আমি আছি, কিন্তু মাঝে মাঝে একটা ভয় হয় যে, এ সুখ যদি আমার হঠাৎ—। সুখই বলছি; যদিও-পয়সা-কড়ি নেই, বিষয়-সম্পত্তিও নেই, কিন্তু তোমাকে স্ত্রীরূপে পেয়ে আমি ওসবের অভাবকে অভাব বলেই গ্রাহ্য করি না।” তার পর হাঁকতে হুই চারিটা টান দিয়া আবার কহিল,—“আমি তোমায় পেয়ে সুখী বটে, কিন্তু তোমাকে ত সুখী করতে পারলুম না, বিন্দু। একখানা গয়না কি একখানা ভাল কাপড় পর্যন্ত তোমাকে দিতে পারিনি, পারবও না। তাই ভাবি যে, আমি সুখী বটে, কিন্তু তোমার হৃৎকের আর অস্ত নেই। রাজা-জমিদারের ঘরেই তোমায় মানায়, বিন্দু, আমার মজুদীন ভিখিরীর ঘরে তোমায় মানায় না।”

“তোমার কাছেই আমার মানায়। আমি যে

জন্ম-জন্মই তোমার। আমি কি তোমার ঘর ছেড়ে, অন্য কোথাও যেতে পারি? তুমি কি মনে কর, আমি শুধু এই জন্মেই তোমার স্ত্রী হয়ে এসেছি? তা মনেও করে না। জন্ম-জন্মই এই ছ’টি পায়ের তলায় আশ্রয় পেয়ে এসেছি— জন্ম-জন্মই পাবো,” বলিয়া বিন্দু বিমলের পায়ের উপর তাহার পদমুখ রক্ষা করিল।

ঘরের এক কোণে পিলসুজের উপর মোটা পলিতা দেওয়া বেড়ির তৈলের প্রদীপ জ্বলিতেছিল। মুক্ত জানালা দিয়া, সন্ধ্যার সেই চাঁদের ফালিটুকু তখন পশ্চিমাকাশে অনেকখানি নামিয়া পড়িয়াছিল। তাহারই স্নিগ্ধ ক্ষীণালোক প্রদীপের স্নিগ্ধালোকের সঙ্গিত মিশিয়া গিয়াছিল। ও-পাশের বাড়ীর নন্দ বৈরাগী বাউলের সুরে তখন একখানা গান ধরিয়াছিল :—

সেই প্রেমতে বাধ রে নাগরে।  
বে প্রেমতে উর্ধ্ব তাবে যাবে নিয়ে—  
বন্দী ক’রে রাখবে না ঘরে।

## দ্বিতীয় পরিচ্ছেদ

—১২২০ সাল—

বেলা প্রায় দেড় প্রহরের সময় পাড়া হইতে ছুইটি খবর সংগ্রহ করিয়া বিমল বাটা প্রত্যাগত হইল। প্রথম খবর— গাজুলী-বাড়ীর নূতন জামাই নরহরি আজ কয় দিন হইল শুরুরালয়ে আসিয়াছে এবং কয় দিনই আহালাদির পর সমস্ত মধ্যাহ্নকালটা, বহির্কোণের পরিবর্তে তাহাকে অঙ্গরের ঘরের মধ্যেই স্থান দেওয়া হইতেছে এবং সে ঘরে তাহার নব-পরিণীতা বধু বিরজাসুন্দরী না কি যাতায়াত করিয়া থাকে। গাজুলী-বাড়ীর এবিধ অনাচার—অর্থাৎ দিবাভাগে স্বামি-স্ত্রীর মধ্যে একরূপ দেখা-সাক্ষাৎজনিত অপরাধের বিচার করিতে ও-পাড়ার লোক গোপনে কমিটী বসাইয়াছে এবং জয়কালী গাজুলীর প্রতি কি ভাবে এবং কোন্ শ্রেণীর সামাজিক শাস্তির প্রয়োগ বিধেয়, তাহারই কল্পনা-জল্পনা চলিতেছে। বিমলের নিকটও তাহার পরামর্শ-প্রার্থী হইয়াছেন। অধিকাংশের মত হইবে, বিমলেরও তাহাই, এই কথা জানাইয়া বিমল চলিয়া আসিয়াছে।

দ্বিতীয় খবর এই যে, বিন্দুকে শীঘ্রই একবার কলিকাতায়

কালীঘাটে যাইতে হইবে এবং সেখানে কালীমন্দিরের অভ্যন্তরে—উত্তরদিকে যে স্তম্ভ মনসাগাছ আছে, তাহাতে কাপড়ের ফালিতে বাঁধিয়া ঢেলা বুলাইয়া আসিতে হইবে ।

ও-পাড়ার রান্না ঠান্দি বিমলকে ডাকিয়া আজ ধরিয়া বসিয়াছে যে, বিমল ও বিন্দু বৌকে তিনি রামসীতা বলিয়াই মনে করবেন । তাঁর এইরূপ মনে করার মধ্যে কোন ভুলট নাই । তারা দু'টি ঠিকই রেতার রামসীতা । হ' একটি ছেলে-মেয়ে না হইলে তাদের মেন মানাইতেছে না । তাই তাঁর উক্তরূপ আদেশ জারি হইয়াছে । কালীঘাটের মনসা-গাছে ঢেলা বাঁধিয়া দিয়া আসিলেই বিন্দুর কোলে লব-কুশের আগম্মন অব্যর্থ ।

সমস্ত শুনিয়া, মুখে সাজীর অঞ্চল চাপা দিয়া বিন্দু ও-ঘরের দিকে পলাইয়া গেল । বিমল তাহার অন্তসরণ দ্বারা গৃহমধ্যে প্রবেশ করিয়া কহিল—“পালিয়ে এলে হবে না । রান্না ঠান্দির হুকুম,—তামিল করতেই হবে । নইলে, কবে হয় ত তিনি নিজেই তোমাকে টেনে নিয়ে তৃগলীর ঈষ্টানে গিয়ে বেলে উঠে বসবেন ।”

এই কথা পর অনেক দিন বিন্দুর মনে চুপিসাড়ে কালীঘাট যাওয়ার কথা অনেকবার উঁকি দিয়া গিয়াছে । তাহার অন্তঃকরণে মা হইবার বাসনার একটা নাড়া আসিয়া লীগিয়াছে । একরূপ সময়ে, খানিক ভাবিয়া অবশেষে সে নিজের মনে বলিয়াছে—বেশ আছি, আর ছেলের দরকার নেই । এই অভাবের সংসারে আমাদেরই ছোটো পেট চলা ভার, এর ওপর ছেলেপুলে না হয়েছে—ভালই হয়েছে । ঔঁকে সুখী করে, ঔঁর পায়ের তলায় আ-মরণ এই ভাবে কাটিয়ে যেতে পারলেই আমার সাধ যোল আনা পূর্ণ হবে । কালীঘাট!—হ্যাঁ, আছে বটে । মন্দিরের ঠিক উত্তরেই বাঁধানো বগীতলা । কত দেশ-দেশান্তরের মেয়েরা সেই মনসাগাছে ঢিলি বেঁধে দিয়ে যায় । আমার বিয়ের আগে আমরা যে সেই গিয়েছিলুম । মা, ঠাকুরমা, বৌদিদি, ও-বাড়ীর গঙ্গা-পিসী, মোড়লের ছোট-গিন্নী, ন'কাকা, আরও সব কত কে । মেয়ারী থেকে বেলে চেপে হাওড়ায় নামলুম ; তার পর গঙ্গা পেরিয়ে কতকটা পথ বোড়ার গাড়ীতে এসে, এক যায়গাতে সব টামগাড়ীতে উঠলুম । কেমন রেলগাড়ীর মত ছোট ছোট, দু'খানা করে গাড়ী, একখানা এঞ্জিনে

টেনে নিয়ে যাচ্ছে । আগে আগে এক জন তুড়ুক-সওয়ার ঘোড়া ছুটিয়ে যেতে লাগলো । সে সব না কি এখন আর নেই,—এখন না কি ঘোড়াতেই গাড়ী টানে । কি যায়গা গো ! আদিগঙ্গার ধারে হৈগলা-ঘেরা ঘরে তিন দিন আমরা ছিলাম । কি নোংরা ! পথের দু'পাশে কত বড় বড় পচা নদ্যমা ! কত এঁদো পুকুর ! আমাদের মোড়লপুর ওর চেয়ে সোণার চাঁদ যায়গা !

এই রকম ভাবিতে ভাবিতে বিন্দু এক বিষয় হইতে আর এক বিষয়ে আসিয়া পড়ে । তাহা হইলেও মূলে ঢেলা-বাঁধার কথাটা তাহার মনে ঠিকই উঁকি দিয়া যায় । যদি কোন দিন বিমল পুরাণো কথাটার উল্লেখ করিয়া উত্তরের প্রতীক্ষায় বিন্দুর মুখের দিকে তাকাইয়া থাকে, বিন্দু বলে—“কি হবে ছেলেপুলে ? একে আমাদের এই গরীবের সংসার, তার পর ধর গিয়ে—” বলিয়া বিমলের কাণের কাছে মুখ লইয়া গিয়া চুপি চুপি বলে—“ছেলেপুলে হ'লে তোমার ওপর আমার ভালবাসার ভাগাভাগি হয়ে যাবে !” বলিয়াই মৃত্ত মৃত্ত হাসিতে হাসিতে বিন্দু ছুটিয়া পলাইয়া যায় ।

সতাই গরীবের সংসার । সাবেককালের পিতৃ-পিতামহ-পরিত্যক্ত প্রকাণ্ড বাড়ীখানাই আছে, আর কিছু নাই । তাহাও চারিদিকে ভাঙ্গিয়া পড়িয়াছে, মেরামতের পয়সা নাই । বিন্দু কোন কষ্টকেই কষ্ট বলিয়া গ্রাহ্য করে না, তাই সাংসারিক এই অস্বচ্ছলতাকে সে মোটে আমল দেয় না । আর বিমল বলে—“যার বিন্দু আছে, তার খাবার কষ্ট কি ?” তবুও পাড়ার পাচ জনে ইহাদের উদ্দেশে বলে—“আহা !” এই ‘আহা’র মানে—এমন সুন্দর স্বামি-স্ত্রী, এমন মধুর চরিত্র ইহাদের, যেন কলির লক্ষ্মী-নারায়ণ, কিন্তু দু'টি শাক-ভাতেরও বৃষি বা বারো মাসের সংস্থান এদের নাই ।

বাড়ুঘোদের ছোটকর্তা বাড়ী আসিয়াছেন । গায়ের মধ্যে একমাত্র তিনিই গা ছাড়িয়া বাহিরে থাকেন । কলিকাতায় লাহাদের স্ত্রীর কারবার আছে, তিনি সেইখানে কাষ করেন । দেশ ছাড়িয়া কলিকাতায় থাকা, সকলেই ছরদৃষ্ট বলিয়া মনে করিত ; কেহ থাকিতও না । বাড়ুঘোদের ছোট-কর্তা এবার ছয় মাস পরে বাটা আসিয়া বিমলকে ডাকিয়া কহিলেন—“আমাদের স্ত্রীর কারবারে তোমার একটা কাসের ঠিক করেছি । খাওয়া পাবে, থাকবার যায়গা

পাবে, আর মাসে সাত টাকা করে নগদ পাবে। তা' ছাড়া পূজোর সময় নতুন পুতি-চাদর।" এই শুভ-সংবাদে পাড়ার সকলেরও আনন্দ হইল। সকলেই ইহাদিগকে ভালবাসে। বিমল ও বিন্দুর অন্তঃকরণ ছোটকর্তার প্রতি কৃতজ্ঞতায় ভরিয়া গেল। এক জনের খোরাকটা বাঁচিয়া যাইবে; তার উপর বৎসরে প্রায় একশতটি করিয়া টাকা পাওয়া যাইবে। তা' হলেই আর কোন অভাব-অনটন থাকিবে না। উপরন্তু, দু'একটা ভালমন্দ জিনিষ বিন্দুকে দিতে পারা যাইবে।

ভিতরে ভিতরে সব বন্দোবস্ত হইতে লাগিল। বিন্দুর কাছে রাত্রিতে নেড়ার মা শুইবে। সেই দোকান-হাট করিয়া দিবে। বিমল ছ'মাস অন্তর ১৫ দিনের ছুটিতে বাটা আসিবে। কলিকাতা হইতে দল বাঁধিয়া এ অঞ্চলে প্রায়ই সব আসিয়া পাকে। আবুইহাটী, নলডাঙ্গা, ছাতিমপুর, বিলসরা, সিমলেগড়, সাতশিমুল প্রভৃতি গ্রামের অনেক লোক আজকাল দল বাঁধিয়া প্রায়ই কলিকাতা যায়-আসে। যাদের পয়সা আছে, তারা রেলের চেপেও যাতায়াত করে। কিন্তু তেমন লোক আর কয়টা? সবে ত বিশ পঁচিশ ক্রোশ পথ। ঠাঁটিয়া আসিতে দুইটা দিনের বেশী লাগে না। মধ্যে সেওড়াফুলিতে এক রাত না কাটাইলে সত্ত্বসত্ত্বই আসা যায়। তবে দশ-বিশ জন মিলিয়া একসঙ্গে না আসিলে হয় না। কেন না, পথে একটু ভয়ের কারণ আছে। তবে, ঠাঙ্গাবাড়ীর মাঠে আগের চেয়ে ঠাঙ্গাড়ে ভয় এখন অনেকটা কমে এসেছে, সেই বলেই হয়।

বিমলের কলিকাতা আসিবার দিন বতাই কাছে আসিতে লাগিল, ততই তাহার মুখভাবে চিন্তা জন্মিয়া উঠিতে লাগিল। বিন্দুর সদা-প্রফুল্ল মুখেও হাসি যেন ক্রমেই অন্তর্ভুক্ত হইতে লাগিল। বাস্তবের যতাই হউক, অন্তরের অন্তরে একটা স্বস্তির নিশ্বাস উভয়ে নিশ্চয়ই ফেলিয়াছে। এইবার সংসারের অনটন আর বড় একটা রহিবে না, এইবার হয় ত বিমল বিন্দুর সঙ্গে দু'একখানা ভাল কাপড় পরাইতে পারিবে। দু'চার বৎসর পরে একখানা সোনার জিনিস হয় ত বিমল এইবার বিন্দুর গায়ে দেখিতে পাইবে।

কলিকাতা যাইতে আর ছয়টা দিন বাকী আছে। বাঁড়ুঘোদের ছোট কর্তা বিমলের কাছে আসিয়া বলিলেন—“গোছ-গাছ সব সেরে ফেল, বিমল।” বিমল কহিল—“সবই আমার ঠিক, কাকামশাই।”

আর পাঁচ দিন।

আর তিন দিন।

মধ্যে আর একটি দিন মাত্র বাকী।

ষাইবার আগের দিনের সন্ধ্যা। বিন্দু বেলাবেলি রাত্রির আহার প্রস্তুত করিয়া, সন্ধ্যা হইতে না হইতে, নদীর ঘাট হইতে গা ধুইয়া, কাপড় কাচিয়া আসিয়াছিল। সেই সঙ্গে নদীর জলে দু'চার কোঁটা চোখের জলও হয় ত মিশাইয়া আসিয়াছিল। এখন দালানের প্রদীপের সম্মুখে বিমলের কাছে নীরবে বসিয়াছিল। আজিকার রাত্রি-প্রভাতেই বিমল বাটা ছাড়িয়া চলিয়া যাইবে। বহুক্ষণ নীরবতার পূর্বে সেই কথাই বোধ হয় দম্পতির মধ্যে হইতেছিল।

নীরবতা ভঙ্গ করিয়া বিমল কহিল—“সকাল সকাল খেয়ে নেওয়া যাক, ভাত দেবে চল। কিন্তু——”

বিন্দু কহিল,—“চল, ভাত দি : খেয়ে-দেয়ে নাও। তবে——”

বিমল একটু স্নান হাঙ্গিয়া কহিল,—“আমার ‘কিন্তু’ আর তোমার ‘তবে’—যা বলতে চায়, সেটা একই কথা না কি?” বলিয়াই বিমল উঠিয়া ঘরের মধ্যে যাইল এবং দুই টুকরা কাগজ ও দোয়াত-কলম আনিয়া, প্রথমে এক টুকরাতে নিজে কি লিখিল। তারপর অপর টুকরাটা বিন্দুর হাতে দিয়া বলিল—“তবে’র পর যেটা বলতে গিয়ে বললে না, সেটা সত্যি করে এতে লেখ ত, বিন্দু। ঠিক লিখো : যেটা বলতে যাচ্ছিলে। মিথো কিছু লিখো না—আমার দিকি। দেখি, আমার ‘কিন্তু’র সঙ্গে মিলে যাব কি না।”

একইরূপ স্নান হাঙ্গিয়া, বিন্দু কাগজখানিতে কি লিখিল। প্রদীপের আলোকে উভয় কাগজই একসঙ্গে বিমল মেলিয়া ধরিল। বিমল লিখিয়াছে—“কিন্তু তোমায় ছেড়ে কোথাও আমি থাকতে পারব না, স্মরণঃ আমি যাব না।” আর বিন্দু লিখিয়াছে—“তবে, তোমায় ছেড়ে বাটাটা কি আমার সম্ভব হবে? দুঃখ না ঘোচে, নাই বৃচক;—তোমার যাওয়া হবে না।”

হরি বোল্—হরি!

বাঁড়ুঘোদের ছোটকর্তা পরদিন প্রত্নানে একাকীই চলিয়া গেলেন।

এ কয় দিনই বিমল কেবলই ভাবিয়াছে—কি করিলে

আর যেতে হয় না। হঠাৎ একটা খবর আসে যে, আর লোকের আবশ্যক নেই, তা' হলে সে বাঁচিয়া যায়। কিষা ছোট কর্তা কোন কারণে বিরক্ত হয়ে না নিয়ে যান! ক'দিন ধ'রে খুব ঝড়-বৃষ্টি হয়!—কিছু না হয়, তবুও আমি যাব না—কিছুতেই যাব না।

আর বিন্দু এ কয় দিন কেবলই বলিয়াছে—‘হে ঠাকুর, হঠাৎ এ কি হল? ওঁকে ছাড়া হয়ে আমি বাঁচবো কি ক'রে? আমাদের দুঃখ ঘুচে কাষ নেই, ওঁর যাওয়া যেন না হয়। যাবার আগে হঠাৎ যেন আমার খুব অসুখ করে।’

রাঙ্গা ঠানদি এক দিন আসিয়া বলিলেন—“ওরে, যেখানে লক্ষ্মী, সেইখানেই যে নারায়ণ; কখনও কি ছাড়া-ছাড়ি হয়?”

ঠিক তখন, সেদিনের মত নন্দ বৈরাগীর সেই বাউল-গানখানা শুনিতে পাওয়া গেল—

সেই প্রেমতে বাধ রে নাগরে।

যে প্রেমতে উর্কে তারে— বাবে নিয়ে—

বন্দী ক'রে রাখবে না ঘরে।

### তৃতীয় পরিচ্ছেদ

—১৩০২ সাল—

দ্বাদশ বৎসর পরে।

এই এক নূগ সময়ের মধ্যে ভগতে কত পরিবর্তন সংঘটিত হইয়া গিয়াছে। কত সুখের সংসারে দুঃখের বান ডাকিয়া, তাহাকে অশে জলের মধ্যে ডুবাইয়া দিয়াছে। আবার কত দুঃখের সংসারে, সুখসূর্য্য উদয় হইয়া, নব কিরণসম্পাতে তাহার আধাররাশিকে তাড়াইয়া দিয়াছে।

পলাশদীঘি গ্রামের বাডুয়াদের ছোটকর্তা সূতার কারবারে কাম করিতে করিতে আজ বছর কয়েক হইল মারা গিয়াছেন। গাঙ্গুলীবাড়ীর সেই বিরজা বলিয়া মেয়েটি, যাহার সহিত নরহরির বিবাহ হইয়াছিল, সে বিধবা হইয়াছে। দুগ্গার ভাল যাত্রায় বিবাহ হইয়া, সে দুইটি ছেলে ও একটি মেয়ের মা হইয়াছে। তাঁতিদের প্রকাণ্ড কোঠা উঠিয়াছে। নদীতে কচুরিপানা জন্মিয়া তাহা বুজিয়া গিয়াছে, তাহার ঘাট ভাঙ্গিয়া গিয়াছে। কেহ বড় একটা আর নদীতে স্নান করিতে বা কাপড় কাচিতে নামে না।

মধোর পাড়ার চিরকালের বারোয়ারী পূজা, পরস্পর মনোমালিগ হইয়া বন্ধ হইয়া গিয়াছে। নন্দীদের প্রকাণ্ড বাড়ী ভূমিসাৎ হইয়াছে। মুখ্যেরা দেশ ছাড়িয়া, পশ্চিমের কোথাও গিয়া বাস করিতেছেন। তাঁহাদের ‘আনন্দ-কাননে’—রাজ্যের সাপ, শিয়াল আর জংলী-গাছের আড্ডা হইয়াছে। রাঙ্গা-ঠানদির আসন্ন সময়; তিনি মৃত্যুশয্যা শায়িত। আর এক জন হঠাৎ মারা গিয়াছে। সে সেই নন্দ-বৈরাগী। মোট কথা,—বহুকালের ক্ষুদ্র গ্রামখানির উপর দিয়া, দ্বাদশ বৎসরের মধ্যে পরিবর্তনের একটা ওলট-পালট খেলিয়া গিয়াছে।

বিমল ও বিন্দু,— তাহারা কিন্তু ঠিক তেমনই আছে। তাহাদের বাহিরের দেহ তু'খানাতে, বারো বৎসরের দুঃখ-কষ্টের বারো শ চেউ লাগিয়া হয় ত তাহাদের নাড়াইয়া দিয়া গিয়াছে, কিন্তু অন্তরে তাহারা দ্বাদশ বৎসর পূর্বের মতই আছে। তবে, হয় ত তাহারা সন্ধ্যাবেলা, উঠানের আম-গাছকে বুড়ী করিয়া-আগের মত লুকাচুরি আর খেলে না। হয় ত উভয়ের মনের ভাব, কাগজ-কলম লইয়া লিখিয়া দেখায় না। দুঃখ—দুই জনকে অনেক সস্ত করিতে হইয়াছে। তাহা বুঝিতে পারা যায়—তাহাদের উভয়েরই দৈহিক সৌন্দর্যের পরিপূর্ণ বিকাশ দেখিয়া। পূর্বের সৌন্দর্য্যে বুকি বা একটু জোয়ারের খরশ্রোত ছিল, বুকি বা একটু আবর্তন ছিল, বুকি বা একটু উচ্ছ্বাস, একটু চঞ্চলতা ছিল। দুঃখের বা খাইয়া এখন উভয়েরই তাহা—স্থির, দীর, উচ্ছ্বাসহীন, আবেগহীন, অচঞ্চল। কয় বৎসর হইল, তাহাদের সদর বাটার পাঁচিল পড়িয়া গিয়া, ভিতরের কতক অংশ পথেরই সামিল হইয়া গিয়াছিল। এখন পথিকেরা পথ চলিতে প্রায়ই দেখিতে পায়—এই ছটি প্রোচ-প্রোচ, বৈকুণ্ঠের এই লক্ষ্মী-নারায়ণ, হয় বাহিরের রোয়াকে, নূর ত বা মুক্তদ্বার দালানের মধ্যে বিশিষ্ট-অরুণতীর মত বসিয়া রহিয়াছে।

আগের বছর এ অঞ্চলে মোটেই ফসল হয় নাই। লোকে অর্দ্ধাহারে, স্বল্পাহারে, অনাহারে কাটাইয়াছে। এ বছরও আকাশের লক্ষণ ভাল নয়। লোকের চোখে-মুখে একটা আতঙ্কের ভাব পরিস্ফুট হইয়া উঠিয়াছে। উত্তরের দিকে না কি তুর্ভিক্ষ দেখাও দিয়াছে।

অনেকে গ্রাম ত্যাগ করিয়া অল্প কোথাও পলাইয়া যাইতেছে। যার কোথাও কেহ নাই, সে আকাশের দিকে



চাতকের গায় চাহিয়া দিন কাটাইতেছে। বিমলের যে কয়টি খোরাকীর পান ছিল, তাহা নিঃশেষ হইতে আর বড় বিলম্ব নাই।

বিন্দু কহিল—“তুমি ভাবছ কেন? যা পান আছে, আমি যদি এক বেলা ক’রে খাই, তা হ’লে ওতে আমাদের দু’মাস চ’লে যাবে।”

বিমল বিন্দুর সীঁথির প্রশস্ত সিন্দুর-রেখা ও তড়পরিষ্ক সাদীর লাল পাড়ের উপর দৃষ্টি ফেলিয়া কহিল—“তার পর?”

“তার পর ভগবান্ ব্যবস্থা ক’রে দেবেন।”

“ভগবান্ এবার আর ব্যবস্থা ক’রে দেবেন না, বিন্দু। আর তা ছাড়া, তুমি যে এক বেলা ক’রে খাবে, সেও ত আমি সহ্য করতে পারব না। চল, দিন থাকতে তোমায় মোড়লপুরে রেখে আসি। তোমার বাপের বাড়ীর দেশে ‘কানেলের’ জন্মে অজন্মা ত কোন বছর হয় না। ক’মাস সেখানে গিয়ে থাকলে, ত’বেলা পেট ভ’রে ত’টি খেতে পাবে।”

“আর তুমি?”

“কোন রকমে আমি নিজেকে চালিয়ে নেব, বিন্দু, তুংখের এই উদ্দিনে।”

“সুখের দিনে হ’লে, কোন রকমে কষ্ট স্বীকার ক’রে না হয় দিন কতকের জন্মে তোমায় ছেড়ে থাকতে পারতুম; কিন্তু তুংখের মাঝে তোমায় ফেলে আমি একটি মুহূর্তও সে কোথাও গিয়ে থাকতে পারব না,—স্বর্গে গিয়েও না।”

কিন্তু পরের মাসেই দেশের অবস্থা এমন শোচনীয় হইয়া পড়িল যে, শেষ পর্য্যন্ত যাহারা একটা সুরাহাব অপেক্ষায় ছিল, তাহাদের মধ্যেও অনেককেই দেশত্যাগ করিয়া অন্তর কোথাও গিয়া আশ্রয় লইতে হইল। এমনই সময়ে, অনেক বুঝাইয়া, অনেক প্রকারে তোকবাকা দিয়া, মাত্র দু’টি মাসের কড়ারে বিমল বিন্দুকে মোড়লপুরে রাখিয়া আসিল। বিমলের ফিরিয়া আসিবার দিন বিন্দু নিজ্জন গৃহমধ্যে তাহার পায়ের উপর মুখ রাখিয়া কাঁদিতে কাঁদিতে কহিল—  
“বিশ্বের পর থেকে আমি কখনও ঠাকুরদেবতাকে ডাকি নি। তুমিই আমার সাফাং ঠাকুর, সহজ দেবতা। তোমাকেই সেবা ক’রে এসেছি, তোমাকেই পূজা ক’রে এসেছি। আজ তোমার কাছেই প্রাণের নিবেদন জানাচ্ছি—বেশী দিন আমাকে তোমা-ছাড়া ক’রে রেখে না।”

বিন্দুকে রাখিয়া আসিবার পর বিমলের দুই মাস কাটিয়া গিয়াছে। সে এখন লক্ষীছাড়া। সহস্র তুংখ-কষ্টেও যে অল্পমম স্ত্রী তাহার অক্ষুণ্ণ ছিল, এই দুই মাসের মধ্যেই সে স্ত্রী তাহার নষ্ট হইয়া গিয়াছে। ভাঙ্গা বাড়ীখানারও যেন আগে একটা সৌষ্টব ছিল, তা’ও যেন বুড়ী রাক্ষসীর মত ভাঙ্গা দাঁতে আজ তাহার বিকট মুখ হাঁ করিয়া ভয় দেখাইতেছে।

বিমল এক বেলা দু’টি ভাত সিদ্ধ করিয়া লয়। সেই সঙ্গে কোন দিন কিছু হেলেকা, কোন দিন কিছু কলমী, কোন দিন বা আধখানা কাঁচা কলা, কোন দিন বা গোটা-কতক ডুমুর তাহার মধ্যে ফেলিয়া দেয়। দিনান্তে একবার অনেক বেলায় তদ্বারাই উদরপূর্তি করে। ঘরে-দুয়ারে আর কাঁটা পড়ে না; সন্ধ্যা দেখানো হয় না। তুলসী গাছ কয়েক গাছ। শুষ্ক কাঠিতে পরিণত হইয়া, তুলসীতলার আচট মার্টার উপরে কোনপ্রকারে দাড়াইয়া আছে। যে শাখ বহুকাল ধরিয়া প্রতি সন্ধ্যায় বিন্দুর মুখের কুঁয়ে বাজিয়া উঠিত, আজ সে দীর্ঘ দিনের ছুটি পাইয়া, তাহার গভে কুম্বে পোকাকে বাসা বাঁদিবার অবিকার দিয়া নিশ্চিন্তমনে কুলুঙ্গীর কোণে পড়িয়া আছে।

শুধু দ্বিপ্রহরটাতে বিমল ঘরের মধ্যে শুইয়া থাকে ও আকাশ-পাতাল কি যে ভাবে, তা সেই জানে। সমস্ত প্রভাতকাল, অপরাহ্ন ও সায়াজ্ সে নদীর ধারে ধারে, মাঠে মাঠে, পথে পথে, এখানে সেখানে,—উদ্দেশ্যহীন, আশাহীন কন্দুহীনের মত ঘুরিয়া বেড়ায়।

‘বোলুর মাঠের’ বিলের ধারে, যেখানে কয়েকটা শিরীষ আর মাদার গাছ সমস্ত স্থানটাকে ছায়া করিয়া রাখিয়াছিল, সে দিন অপরাহ্নে বিমল সেইখানে গিয়া বিলের জলের দিকে মুখ করিয়া বসিল। পিছনের শিয়াকুল, বনযুঁই আর নৈচির ঘন ঝোপের অন্তরালে প্রাণের সূর্য্য তখন ঢলিয়া পড়িয়াছিল। পূবে হাওয়ার বিলের জলে ছোট ছোট তরঙ্গ উঠিয়া, সম্মুখস্থ পাড়ের গায়ে ছলাং ছলাং শব্দে আঘাত করিতেছিল। সেইখানে পাড় হইতে কিছু দূরে জলের উপর পাশাপাশি দুইটি রক্তকমল ফুটিয়া তরঙ্গাভিবাতে অনবরত আন্দোলিত হইতেছিল। একটি বড় কমলের পাশে অপেক্ষাকৃত একটি ছোট কমল। একের স্বক্কেশে অপরের ছোট মুখখানি ক্রমাগত ঢলিয়া পড়িতেছে। বিমল একান্তমনে সেই দিকে চাহিয়া রহিল।

ওপারে খেজুর-ঝোপের তলায় এক ঝাঁক ছাতার কিচির-মিচির জুড়িয়া দিয়াছিল। ডানার শব্দ করিয়া হঠাৎ তাহারা উড়িয়া গেলে, সোঁদাল গাছের ডাল হইতে উড়িয়া আসিয়া বসিল—এক জোড়া বন-কপোত-কপোতী। খানিকক্ষণ বিজয়ী বীরের আয় গলা ফুলাইয়া আপন গৌরব-গান গাহিতে গাহিতে পায়চারী করার পর কপোতটি ওধারে উড়িয়া গিয়া বসিল। সঙ্গে সঙ্গেই কপোতী তাহার অনুসরণ করিয়া তাহার পার্শ্বে গিয়া বসিল ও তাহার কণ্ঠ-নিয়ন্ত্রে আপনার মুখখানি রক্ষা করিল। পরক্ষণেই উভয়ে একসঙ্গে অগ্ৰ উড়িয়া গেল। তন্ময় হইয়া এই সব দেখিবার কিছুক্ষণ পরে একটি সুদীর্ঘশ্বাস ধীরে ধীরে নিজের অজ্ঞাত-সারে ধিমলের অন্তর হইতে বাহির হইয়া গেল।

কয়েক দিন পরে হঠাৎ এক দিন কম্প দিয়া ধিমলের খুব জ্বর আসিল। পাড়ার লোকে কেহই এ সংবাদ জানিতে পারিল না। তিন দিন ধরিয়া বিছানাঘর পড়িয়া সে ছটফট করিল। চতুর্থ দিনে কে জানিতে পারিয়া, গায়ের ডাক্তারকে ডাকিয়া আনিয়া দেখাইল। ডাক্তার পরীক্ষা করিয়া কহিল—“অসুখটা সোজা নয়—নিউমোনিয়া। দুই দিকই বেশী রকম ‘স্যাফেক্ট’ করেছে; ভাল রকম তড়ির চাই।” গ্রামের দুই চারি জন পরামর্শ করিয়া, মোড়লপুর হইতে বিন্দুকে আনয়ন করিল। বিন্দু আসিয়াই স্বামীর শিয়রে স্থান গ্রহণ করিল। একবার সুঁকিয়া তাহার মুখের কাছে মুখ লইয়া গিয়া কহিল—“আমায় দূরে ঠেলে দিয়ে পালাবার যোগাড়ে আছ? কেন—কি অপরাধ আমি করেছি?” তাহার চোখের জলে ধিমলের বুক ভিজিয়া উঠিল।

তার পর হইতে বিন্দুর সে কি অক্লান্ত স্বামিসেবা! দিনের পর দিন কাটিয়া বাইতেছে; স্নান নাই, আহার নাই, নিদ্রা নাই,—মরণপন্থাত্রী স্বামীকে ফিরাইয়া আনিবার সে কি উদ্দাম ব্যাকুলতা! কি প্রাণপণ আয়াস!

রোগের যত্নগা যখন একটু কম থাকে, তখন ধিমল বলে—“এত করেও বুঝি আমাকে ফেরাতে পারলে না! কি করে তোমায় ছেড়ে যাব আমি?” তাহার দুই চোখ ভরিয়া জল জমিয়া আসে। বিন্দু অঁচল দিয়া তাহা মুছাইয়া দিয়া অশ্রু-আকুলকণ্ঠে কহে—“হয় তোমায় ফিরিয়ে আনবো, আর তা যদি না পারি, ত একলা তোমায় যেতে দেবো না, দু’জনে একসঙ্গেই যাবো, এ তুমি ঠিকই জেনো।” ধিমল চক্কু

বুজিয়া নির্জীবের মত কিছুক্ষণ চূপ করিয়া থাকে, তার পর আপনা-আপনি বিড়-বিড় করিয়া বলিয়া যায়—“দু’টি রক্ত-কমল! একসঙ্গে—পাশাপাশিই আছে। একসঙ্গেই কাঁপছে, দুলাচ্ছে! একটি ছোট—একটি বড়। একটির কণ্ঠে আর একটির মাথা। কি গভীর ভালবাসা! কি মধুময় প্রাণ! কি কোমল সে প্রাণের আকর্ষণ!—আর সেই? সেই দু’টি বন-কপোত-কপোতী! উঃ! বিন্দু—বিন্দু!”

“ওগো, কেন তুমি অমন কচ্ছ?” বিন্দু ধিমলের মাথার বালিসে মুখ গুঁজিয়া অজস্রধারে কাঁদিয়া যায়।

সে দিন শুক্লা সপ্তমীর রাত্রি। সন্ধ্যা হইতেই বাদল লাগিয়াছিল। বৃষ্টির সঙ্গে সঙ্গে ঝড়েরও বিরাম ছিল না। মুহূর্মুহঃ দমকা বাতাসের পাগল গর্জন আর মুগ্ধধারে বৃষ্টি-পতনের শব্দ, জগতে যেন আসন্ন প্রলয়ের বার্তা জ্ঞাপন করিতে লাগিল। মধ্যরাত্ৰিতে সামান্য কিছুক্ষণের জন্য ঝড়-বৃষ্টি একেবারেই কমিয়া আসিল। কিন্তু তৎপরিবর্তে আকাশে ঘন ঘন বিদ্যুৎ চমকাইতে লাগিল। সেই সময় সারা পলাশ-দীঘি কাঁপাইয়া নিকটে কোথাও একটা ভয়ানক বাজ পড়িল। সেই শব্দে ধিমল একবার কাঁপিয়া উঠিল। বিন্দু তাহার বুকটা চাপিয়া ধরিয়া, তাহার মাথার পার্শ্বে সোজা হইয়া বসিয়া রহিল।

পরদিন প্রাতে গ্রামের লোক শুনিল—গত রাত্রির দুর্ঘ্যোগের মধ্যে বিন্দুর কোলে মাথা রাখিয়া ধিমল পলাশ-দীঘির মায়া কাটাইয়া চলিয়া গিয়াছে।

## চতুর্থ পরিচ্ছেদ

—১৩১০ সাল—

হাওড়া জেলার ডাঙারহাটের জমিদার শিবকালী রায় অপরাহ্নকালে তাঁহার বহির্বাটীর বসিবার ঘরে ফরাস-বিছানার উপর তাকিয়ায় দেহভার রক্ষা করিয়া ধূমপান ও সংবাদপত্র, একসঙ্গে দু’টি জিনিষই উপভোগের চেষ্টা করিতেছিলেন। তাঁহার বাম হস্তে সুদীর্ঘ গড়গড়ার নল এবং দক্ষিণ হস্তে সাপ্তাহিক সংবাদপত্র—‘বঙ্গমতী’। তামাকটা যে তিনি উপভোগ করিতেছিলেন, সে পক্ষে কোন সন্দেহ ছিল না। কিন্তু ‘বঙ্গমতী’র যে স্থানটা তাঁহার চোখের সম্মুখে খোলা ছিল, সে স্থানটা বর্ণমালায় অক্ষরাবলীতে পূর্ণ

ছিল, কি কৃষ্ণবর্ণের রকমারি পোকা-মাকড়ের দল সরু সরু পায়ে সেখানটায় নিঃশব্দে চলিয়া বেড়াইতেছিল, তাহা তিনি ভিন্ন আর কাহারও সঠিকভাবে বলিবার শক্তি নাই। একথা বলিবার একটা কারণ আছে ; এবং সে কারণটা এখনই জানিতে পারা যাইবে। তিনি ভৃত্য হরিদাসকে হাঁক দিলেন এবং সে আসিলে তাহাকে কহিলেন—“আজ আফিংটা বড় ধরেছে রে, হরিদাস। বাড়ীর ভেতর থেকে এক গেলাস গুড়ের সরবৎ আন দেখি। অমনি খবরটাও একবার নিয়ে আসিস্—বুঝতে পেরেছিস্ ?” হরিদাস সবই বুঝিয়াছিল ; কিন্তু আমরা সকলকে একটু ভাল করিয়া বুঝাইয়া বলি :—

জমিদার শিবকালী বাবুর বয়স পঞ্চাশ ছাড়াইয়া গিয়াছে। তাঁহার গৃহিণীর ত্রিশ। অর্থাৎ তাঁহার প্রথম স্ত্রী কোন সন্তানাদি না রাখিয়া বছর পনের পূর্বে মারা যাইলে, তিনি পুনরায় দ্বিতীয়বার দারপরিগ্রহ করেন। বর্তমান স্ত্রীর গর্ভেও এ যাবৎ কোন সন্তানাদি না হওয়াতে স্বামি-স্ত্রীর অন্তরে দুঃখের আর অবধি ছিল না। কিন্তু সহসা তাঁহাদের এই পরিণত বয়সে ভগবান মুখ তুলিয়া চাহিয়াছেন। গৃহিণী গর্ভবতী এবং আসন্ন প্রসবা হইয়াছেন।

আজ দৈনন্দিন দিবানিদ্রার পর, যখন তিনি অভ্যাসমত নিতাপরিচিত ক্ষুদ্র কোঁটাটি খুলিয়া অহিফেন সেবন করিতে যাইবেন, সংবাদ পাইলেন, গৃহিণীর শরীর অসুস্থ—দাইকে খবর দিতে হইবে। কয় দিন হইতে এই অসুস্থতারই তিনি অপেক্ষা করিয়া আসিতেছিলেন। কারণ, সময় পূর্ণ হইয়াই আসিয়াছিল। বাহা হউক, এই সুসংবাদে তাঁহার মনে যুগপৎ হর্ষ, উৎকর্ষ ও ভয় আসিয়া দেখা দিল। তাড়াতাড়ি তিনি আজ মাত্রার অধিক অহিফেন সেবন করিয়া ফেলিলেন এবং তৎপরে ‘বসুমতী’খানি হাতে লইয়া, খড়মের শব্দে চতুর্দিক মুখরিত করিয়া, নীচে বসিবার ঘরে আসিয়া বসিলেন। তখন হইতেই তাঁহার এক হাতে গড়গড়ার নল এবং অপর হস্তে ‘বসুমতী।’ কিন্তু মৌতাতী মনটি তাঁহার এতহৃভয়ের কোনটিতেই ছিল না। মন ছিল—অন্দরবাটীর এক পার্শ্বস্থিত ছোট একখানি ঘরের মধ্যে—যেখানে খানিক পরেই হয় ত একটি সজোজাত শিশু কাঁদিয়া উঠিবে—ট্যা—ট্যা—ট্যা।

• বাহা হউক, যথাসময়ে তাঁহার কাছে সংবাদ আসিল—  
একটি ফুটফুটে কণ্ঠা হইয়াছে।

তাহার পর আনন্দে, উল্লাসে, উৎসবে—দিনের পর দিন কাটিতে লাগিল। এইভাবে সাত মাস কাটিয়া গেলে অষ্টম মাসে কণ্ঠার অল্পপ্রাশনের দিন আসিল। মহা ধূমধাম। বিশখানা গ্রামে ‘সামাজিক’ বিলি হইল। তল্লাটের লোককে নিমন্ত্রণ করা হইল। আহৃত, অনাহৃত, রবাহৃত—অসংখ্য লোক ভূরি-ভোজনে পরিতৃপ্ত হইল। দূর-দূরান্তর হইতে বহু ব্রাহ্মণ-পণ্ডিত এবং অধ্যাপককে ‘পত্র’ পাঠান হইয়াছিল ; রায় মহাশয় স্বয়ং তাঁহাদের আদর-আপ্যায়ন করিলেন।

বর্তমান জেলার মোড়লপুর হইতে এক বৃদ্ধ ভদ্রলোক আসিয়াছিলেন। রায় মহাশয় তাঁহাকে কুশলাদি জিজ্ঞাসা করিলেন। তিনি কহিলেন,—“জামাইটি ত বছর সাতেক হ’ল মারা গিয়াছে, সে ত আপনি শুনেছেন। তার পর আমার কাছেই বিন্দুকে এনে রেখেছিলুম। কিন্তু সে-ও আজ বছর দেড়েক হল—” বৃদ্ধ আর বলিতে পারিলেন না, তাঁহার চক্ষুর্দ্বয় জলে ভরিয়া উঠিল। রায় মহাশয় কহিলেন,—“মেয়েটিও আপনার মারা গিয়েছে ? ছেলেবেলা তাকে সঙ্গে ক’রে প্রায়ই এখানে আসতেন, আমার মনে আছে ; তখন আমিও ছেলেমানুষ। আহা—মেয়েটি আপনার—”

যে জল বৃদ্ধের চোখে জমা হইয়া উঠিয়াছিল, তাহা এক্ষণে দুই গণ্ড বহিয়া গড়াইয়া পড়িতে লাগিল। সঙ্গে সঙ্গেই রায় মহাশয়ের মনের নূতন মরুস্থানে একটি আট মাসের শিশুকণ্ঠার কচি পন্নমুখ ফুটিয়া উঠিল। অমনি তিনি দ্রুতপদে অন্দরের উদ্দেশে চলিয়া গেলেন।

### পঞ্চম পরিচ্ছেদ

—১৩১১ সাল—

“বাবা- -বাবা—গোউ।”

শায়িত পিতার বুকের উপর চাপিয়া বসিয়া একটি দেড় বৎসরের মেয়ে, তাহার ননীর মত কচি হাতখানা মুক্ত জানালার দিকে বাড়াইয়া দিয়া বলিল,—“বাবা, বাবা—গো-উ।”—অর্থাৎ কি না, গরু। পথ দিয়া একটা গরু যাইতেছিল।

“নিনিরাণী !”

“বাবা !”



“তুমি ছুঁ খেয়েছ ?”

“গো-উ।”

“হ্যাঁ, গোউ দেখেছি ; তুমি ছুঁ খেয়েছ ?”

“গো-উ—গো-উ—”

“দেখিছি গো, দেখিছি—গরু দেখিছি। নিনিরাণু!”

“বাক্সা, কু! কু! ও কু!”

—অর্থাৎ, জানালার বাহিরে গাছে ফুল, তার মানে ফুল দেখিতে পাইয়াছে, তারই একটা চাই।

চাই-ই যখন, তখন ত আর উপায় নাই। রায়মহাশয় হাঁক দিলেন,—“হরিদাস!” হরিদাস আসিয়া খুকীর হাতে সেই ফুল আনিয়া দিল। কিন্তু অমনি খুকী সুবিধা পাইয়া পিতার প্রশস্ত বুকখানি অপছন্দ করিয়া হরিদাসের কোলের উপর ঢলিয়া পড়িল। তাহাকে জাপটাইয়া ধরিয়া কহিল,—“মা—মা—হাম।”

রায় মহাশয় কহিলেন,—“ক্ষিদে পেয়েছে বোধ হয় ; নিয়ে যা।”

খুকী হরিদাসের কোলে উঠিয়া, তাহার মুখে হাত বুলাইয়া, পুনরায় তাগিদ দিয়া বলিল,—“মা—মা—মা—কু হাম।” মানেটা এইরূপ সম্ভব—শীগগীর মার কাছে নিয়ে চল, ফুলটা তাকে দিয়ে, হাম করবো—অর্থাৎ ছুঁ খাবো।

শিশুকণ্ঠাটি সংসারে আসা অবদি রায় মহাশয়ের গৃহে আনন্দের অমৃতধারা প্রবাহিত হইয়াছে। সে ধারায় বহু দিনের শুষ্ক ক্ষেত্র কোমল, শ্যামল, নব দুর্বাদলে ভরিয়া উঠিয়াছে। তপাকার মৃতপ্রায় তরুরাজী আজ নবীন পল্লবে মুঞ্জরিত। সেখানে আজ সুগন্ধের ভাণ্ডার বৃকে পুরিয়া গুচ্ছে গুচ্ছে কুসুমরাজী ফুটিয়া উঠিয়াছে।

কর্তা গৃহিণী আদর করিয়া কণ্ঠাকে ডাকেন—নিনি।

ভাল নাম—মন্দাকিনী।

মন্দা—অমরার অমর-বাহিত অমৃতের ধারা।

## ষষ্ঠ পরিচ্ছেদ

—১৩২৪ সাল—

মন্দাকিনী এখন আর শিশু নহে। এখন সে পঞ্চদশী কিশোরী। বছর পাঁচ সাত হইতে সে এক অদ্ভুত গুণগোলের

সৃষ্টি করিতে আরম্ভ করিয়াছে। সে বলে, পূর্বজন্মে বর্ধমান জেলার মোড়লপুরে সে জন্মিয়াছিল। পলাশদীঘিতে তাহার বিবাহ হয়। বাইশ বৎসর হইল, তাহার স্বামী অণু কোন স্থানে আবার জন্মগ্রহণ করিয়াছেন। তাহার পূর্বজন্মের পিতাও এখন আর জীবিত নাই। এই ধরণের নানা কথা সে পিতামাতা এবং বড় পিসীর কাছে বলিয়া আসিতেছে।

প্রথম প্রথম রায় মহাশয় কথাগুলোকে তেমন গুরুতবে লয়েন নাই। কিন্তু পরে আর উপেক্ষা করিতে পারেন নাই। নিনির প্রবল আগ্রহে ও-বছর তাহাকে লইয়া রায় মহাশয়কে বর্ধমান জেলার মোড়লপুর গ্রামে ৬মহানন্দ মুখ্যমার গৃহে যাইতে হইয়াছিল। একটীবার হুগলী জেলার পলাশদীঘিতেও যাইতে হইয়াছিল। বিমলের পৈতৃক সেই ভাঙ্গা বাড়ীর উঠানমধ্যস্থ সেই আমগাছতলায় বসিয়া মন্দাকিনীর সে কি আকুল ক্রন্দন! অনেক কণ্ঠে, অনেক চেষ্টায় তিনি কণ্ঠাকে শান্ত করিতে সমর্থ হইলেন। সে ভগ্নগৃহ-স্তূপের উপর হইতে মন্দা কি কিরিয়া আসিতে চাহে!

নিনি বিবাহের বয়সে আসিয়া পড়িলেও, দু'একটি কারণে আজ পর্যন্ত তাহার বিবাহ দেওয়া ঘটয়া উঠে নাই। এক কারণ—রায় মহাশয় অতুল বিভবের মালিক এবং নিনি তাঁর একমাত্র উত্তরাধিকারী কণ্ঠা। কোন সম-অবস্থাপন্ন ধনিপুঞ্জের সহিত কণ্ঠার বিবাহ দিলেই তাঁহার নয়নের মণিকে নয়নের আড়াল করিতে হইবে। সেটা কি তাঁহার পক্ষে সম্ভব হইবে? কোন দরিদ্র বরের ছেলের সহিতও তিনি নিনির বিবাহ দিয়া, জামাতাটিকে বারের রাখিতে পারেন, কিন্তু সেরূপ পছন্দমত ছেলে অনেক খোঁজাখুঁজিতেও মিলিতেছে না। তার পর আর একটি বড় কারণ আছে। নিনি যাহার কাছে কিছুমাত্র লজ্জা করে না এবং যাহার কাছে তাহার মনের সকল কথাই অসঙ্কোচে খুলিয়া বলে, তাহার সেই বড় পিসীর কাছে সে বলে যে, তার পূর্বজন্মের স্বামীর সঙ্গেই তাহার বিবাহ হইবে। তাঁহাকে ছাড়া সে আর কাহাকেও বিবাহ করিতে পারিবে না। তাহার সেই বাহিত স্বামীকে সে দেখিলেই চিনিতে পারিবে। এ জন্মে কোথায় তিনি জন্মিয়াছেন, তাহা সে জানে না। কিন্তু তাঁহার সহিতই যে তাহার বিবাহ হইবে, তাহাতে আর কোন ভুল নাই।



এ কথা সে ঠিকই জানে, কিন্তু কেমন করিয়া জানে, তাহা সে কিছুই বলিতে পারিবে না।

এই সব কথা, রায় মহাশয় সাদ্যমত গোপনে রাখিতেই চেষ্টা করিয়া আসিয়াছেন, বশতির বড় একটা কেহ জানিতে পারে নাই।

গৃহিণী বলেন—“দেখ, নিনিও যেমন পাগল মেয়ে, তুমি আর ঠাকুরঝিও তেমনি পাগল হয়েছ। এক জন ভাল ডাক্তার দিয়ে ওকে একবার দেখাও দিকি। আমার বোধ হয়, এসব ওর মনের কোন রকম অস্থখ ছাড়া আর কিছুই নয়।”

গৃহিণীর কথা শ্রুয়ায়ীই কায হইল। রায় মহাশয় নিনিকে লইয়া শীঘ্রই কলিকাতা আসিলেন এবং ভাল এক জন ডাক্তারকে দিয়া নিনিকে দেখাইলেন। ডাক্তার পরামর্শ দিলেন—“কণ্ঠাকে সঙ্গে নিয়ে দিনকতক দেশভ্রমণ করিয়ে আনুন। নানা দেশের নানা বৈচিত্র্যের মধ্যে গুরে এগে এরকম ভাবটা সেরে যাবে।”

সেই ব্যবস্থা হইল। রায় মহাশয় ৬৩র্গাপূজার পরই কণ্ঠা ও তাঁহার জোষ্ঠা সহোদরাকে লইয়া দেশভ্রমণে বাহির হইলেন। মধুপুর, গিরিডি, গয়া, কাশী, বৃন্দাবন, আগ্রা, দিল্লী প্রভৃতি পশ্চিমের নানা স্থান ভ্রমণ করিলেন। ইহার ফলে সকলের স্বাস্থ্যের প্রভৃতি উন্নতি হইল বটে, কিন্তু নিনিরাণীর মনের কোন পরিবর্তন ঘটিল না, তাহার সেই একই কথা—‘তাহার পূর্বজন্মের স্বামীর সহিতই তাহার বিবাহ হইবে।’

পৌষের শেষে, গৃহে ফিরিবার পথে, রায় মহাশয় আর একবার কাশী আসিলেন। এখান হইতে বরাবর দেশে ফিরিবেন, আর কোথাও দেবী করিবেন না। তিন মাস হইল তাঁহার বাটীছাড়া, স্তত্রাং ফিরিবার জগ্য সকলেরই মন অস্থির হইয়াছে।

এক দিন সকালে তিনি একলা বাহির হইয়া বিশেষর গলি হইতে কতকগুলি জারমান-সিলভারের বাসন কিনিলেন। যে পরিমাণ মূল্যের বাসন কিনিবেন বলিয়া তাঁহার মনে ছিল, এটা-সেটা কিনিতে কিনিতে সে-মূল্য ছাপাইয়া গেল, স্তত্রাং তিনি যে-টাকা লইয়া গিয়াছিলেন, তাহাতে কুলাইল না, কিছু টাকা কম পড়িল। দোকানী এক বাঙ্গালী ভদ্রলোক। তিনি কহিলেন—“একটি ছেলেকে আপনাদের সঙ্গে দিচ্ছি, বাকী দামটা তার হাতে দিয়ে দেবেন।”

পুষ্পদেবের রায় মহাশয়ের বাসা। তিনি ছেলেকে সঙ্গে করিয়া আনিলেন। তাকে নীচে সিঁড়ির কাছে দাঁড় করাইয়া রাখিয়া তিনি উপরে টাকা আনিতে গেলেন। সেই সময় নিনি এ-দিককার ঘরে ছিল। সে জানালার ফাঁক দিয়া একদৃষ্টে ছেলের দিকে দেখিতে লাগিল। তার পর টাকা লইয়া, সেই ঘরের মধ্য দিয়া আসিতে গিয়া রায় মহাশয় দেখিলেন, নিনি জানালার ধারে মেঝের উপর অজ্ঞান হইয়া পড়িয়া আছে। তাঁহার মাথা গুরিয়া গেল। চীৎকার করিয়া বড় ভয়ীকে তিনি ডাকিলেন। দয়াময়ী ছুটিয়া আসিল। হরিদাস ও বামার মা নি পাখা ও জল লইয়া ছুটিয়া আসিল। নীচে হইতে সেই ছেলেকে আসিল। সকলের চেষ্টায় ও সেবার মিনিট আট-দশের মধ্যেই নিনির জ্ঞান ফিরিয়া আসিল।

একটু মৃত হইলে সে বড়পিসীকে কহিল—“আমার পূর্বজন্মের সেই স্বামী, বড় পিসী।” দয়াময়ী কহিলেন,—“কি বাজে কথা সব বলিস—বলু ত?”

“ঠিক বড় পিসী- ঠিকই। যা বলছি, এর এক বিলুও বাজে কথা নয়। ইনিই সেই। তোমরা জাতিস্মর জাতিস্মর বোলে আমার মাথা খারাপ করে দাও খালি। জাতিস্মর হলে, পূর্বজন্মের সব কথাই না হয় মনে থাকবে। ইনি ত নতুন জন্ম নিয়েছেন, এখন এঁকে আমি চিনতে পারলুম কি করে? জাতিস্মর ছাড়া, এতে এমন কিছু আছে, যা আমি তোমাদের কাছে ঠিক করে বলতে পারছি না।” বলিতে বলিতে নিনির চোখ জলে ভরিয়া আসিল।

দয়াময়ীর মুখে সমস্ত কথা শ্রুনিয়া, রায় মহাশয় তখনই সেই বাসনের দোকানের উদ্দেশে বহির্গত হইলেন। সেখানে গিয়া ছেলের সঙ্গে গৌজ লইয়া যাত্রা জানিতে পারিলেন, তাহা এই :—

ছেলেটির নাম দেবব্রত চট্টোপাধ্যায়। বয়স বছর বাইশ কি তেইশ। দোকানী বাবুটিরই এক বন্ধুপুত্র। গত বৎসর ছেলেটি বি, এ পাশ করিয়াছে। এখানে তাহার বৃদ্ধা ঠাকুরমা কাশীবাস করিয়া আছেন। তাই তাঁহাকে মধ্যে মধ্যে দেখিতে আসিতে হয়। এদের দেশ—কলিকাতার দক্ষিণ রাজপুর গ্রামে। দেশেই বাপ-মা আছেন। সাংসারিক অবস্থা খুব ভালও নয়, খুব মন্দও নয়—মাঝামাঝি। দেবব্রত সর্ববিষয়েই খুব সং এবং নূতন

বিজাতীয় ভাবধারার বিষয়োতে নিজেকে ভাষাইয়া না দিয়া জাতীয় ধর্ম, আচার-ব্যবহার এবং বৈশিষ্ট্যকে সব দিক দিয়াই মানিয়া এবং রক্ষা করিয়াই চলে। এখনও তাহার বিবাহ হয় নাই; খোজাখুঁজি, দেখা-শুনা, কথা-বার্তা চলিতেছে।

রায় মহাশয় কাশীতে আর বিলম্ব করিলেন না। সকলকে লইয়া দুই এক দিনের মধ্যেই তিনি দেশে ফিরিলেন। দেশে গিয়াই তাঁহাকে একবার রাজপুর গ্রামে যাইতে হইল।

### সপ্তম পরিচ্ছেদ

—১৩২৫ সাল—

গত ফাল্গুনের এক শুভদিনে দেবব্রতের সহিত মন্দাকিনীর শুভ বিবাহ সম্পন্ন হইয়া গিয়াছে। এ বিবাহে সকলেই সুখী হইয়াছে। গ্রামের সকলেই বলিতেছে—যেমন দেবীর মত মেয়ে, তেমনি দেবতার মত জামাই হইয়াছে। মন্দার এত দিনের রিক্ত হৃদয় যেন অমূল্য মণিমাণিক্যে ভরিয়া গিয়াছে। দয়াময়ী মন্দাকে কাছে টানিয়া, তাহার পিঠে হাত বুলাইয়া বলেন—“সম্পর্কের হিসেবে বলা চলে না বটে, কিন্তু আমার কাছে তুই ত কিছুই কখনও লুকোস নি, তাই আমিও বলি, নিনি, তোর ভালবাসা বটে! এত তার জোর যে, জন্মান্তরের স্বামীকে তুই অধিকার ক’রে তবে ছাড়লি।”

নিনি হাসিতে হাসিতে বলে—“বড় পিসী, সম্বন্ধটা যে তাই গো। জন্ম-জন্মই যে আমি ওঁর দাসী।”

বিবাহের পর গোটা চৈত্র মাসটা স্বামীর সহিত নিনির রাজপুরে কাটিয়াছে। সেখান হইতে বৈশাখ মাসে সে ভাণ্ডারহাটী আসিয়াছে। সম্মুখেই জামাই-বধী। দেবব্রতকে আনিবার জন্ম লোক পাঠানো হইয়াছে।

বিবাহের পর এই প্রথম জামাই-বধী, স্নতরাং রায়-বাড়ীতে আনন্দের ও উৎসবের স্রোত বহিতে লাগিল।

সন্ধ্যার সময় দ্বিতলের নির্জন প্রশস্ত কক্ষमध्ये রায়

মহাশয় কণ্ঠ-জামাতাকে লইয়া নানারূপ গল্প-গাছা করিবার পর উঠিয়া দাঁড়াইয়া কহিলেন,—“সন্ধ্যাহিকটা সেরে নিই গে। বেজায় গুমোট করেছে আজ। এই বারান্দাটি আমার এমন যে, কোথাও হাওয়া না থাকলে এখানে একটু থাকবেই। তোমরা এইখানেই থাক।” যাইতে যাইতে ফিরিয়া দাঁড়াইয়া কণ্ঠ-জামাতার মুখের দিকে চাহিয়া আবার কহিলেন,—“আমার দিন ফুরিয়ে এসেছে। দিনও ফুরিয়েছে, কাণ্ডও ফুরিয়েছে। এইবার থেকে সকল ভার তোমাদের ছুটির ওপরেই পড়বে আর কি।”

সে দিন সন্ধ্যার কিছু পরেই চতুর্দিক তরল জ্যোৎস্নায় ভরিয়া উঠিয়াছিল। সারাদিনের অসহ গুমোটের পর ঝিঝ-ঝিঝ করিয়া শিথল বায়ু বহিতে শুরু হইল। কক্ষা দ্বিতীয়ার চাঁদের আলো সারা বারান্দা ও ছাদের উপর আসিয়া পড়িয়াছিল। দেবব্রত কহিল,—“কি সব তুমি বল, মন্দা, আমি কিছুই বুঝতে পারি না। তবে এইটুকু বুঝি, তোমায় দেখে অবধি মনে হয় যে, বহুদিনের কি একটা হারিয়ে যাওয়া জিনিষ—না না মন্দা—আমি ঠিক ক’রে কিছু বুঝতেও পাচ্ছি না, বুঝিয়ে বলতেও পাচ্ছি না; যেন—যেন—মনের মধ্যকার বহুদিনের একটা ফাঁক কাণায় কাণায় সহসা ভ’রে উঠেছে। কিন্তু তোমার সব কথা আমি ঠিক ধরতে বা বুঝতে পাচ্ছি না।”

উচ্ছ্বসিত পুলকে মন্দা কহিল,—“তোমার কিছু আর বুঝতে হবে না।” তাহার অগুরুবাসিত কুঞ্চিত অলকাবলী দেবব্রতের স্বক্ষে, পৃষ্ঠদেশে, বক্ষে লুটাইয়া পড়িয়াছিল। ছোট মাথাটি স্বামীর বক্ষে রাখিয়া অসীম তৃপ্তিতে মন্দা কহিল,—“একবার লুকোচুরি খেলবে? আমগাছকে বড়ী ক’রে? বল না—খেলবে একবারটি?”

“মন্দা!”

দেবব্রতের পায়ের ধূলা মাথায় লইয়া মন্দা তাহার কাণের কাছে মুখ আনিয়া চুপি চুপি কহিল,—“মন্দা নয়—বড় সাধ হচ্ছে, একবার বিন্দু বলে ডাক। ডাকবে?”

শ্রীঅসমঙ্গ মুখোপাধ্যায়।





## যুরোপের ভবিষ্যৎ



পৃথিবীতে সকল ভূমিখণ্ডের মধ্যে যুরোপ সভ্যতায় শ্রেষ্ঠ, ধনেও শ্রেষ্ঠ। অথচ এই অংশেই সর্বদা অশান্তির আশঙ্কা; সর্বদাই শান্তিভঙ্গের ভয়, সর্বদাই যুদ্ধের ভয়। যুরোপ যেন আগ্নেয় গিরির শিখরদেশে অবস্থিত। অভ্যন্তরে গহ্বর-কটাছে নিরন্তর ক্রোধ, হিংসা, দ্বেষ, সংশয় ফুটিতেছে, যে কোন মুহূর্তে জলন্ত অগ্নি-প্রবাহ উচ্ছসিত, উদ্বেলিত হইয়া উঠিতে পারে।

সভ্যতার প্রধান লক্ষ্য ও উদ্দেশ্য কি? শান্তি ও আপত্তির অব্যাহত উন্নতি। অসভ্য ও বর্বর জাতির সর্বদা যুদ্ধ, মারামারি, কাটাকাটি করে। যুদ্ধবিগ্রহই সভ্যতার বিরোধী। আফ্রিকায়, আমেরিকায় অসভ্য জাতির সর্বদা যুদ্ধ করিত। মধ্য-আফ্রিকায় যে খর্বকায় অসভ্য জাতি বাস করে, তাহাদিগকে বৃহদাকার অপর জাতির ভয় করে, তাহার কারণ, বামন জাতি বিযাক্ত তীর দিয়া হাতী পর্য্যন্ত ধন করে।

এ কথা সত্য যে, এখন যেমন যুদ্ধ হয়, পুরাকালেও এইরূপ হইত। জগতের প্রায় সকল মহাকাব্যের ভিত্তি যুদ্ধ। হোমর-রচিত ইলিয়ড, বাল্মীকির রামায়ণ, ব্যাসের মহাভারত সমস্তই যুদ্ধের ব্যাপার। পারিস হেলেনকে হরণ করে, এই জন্ম ট্রোজান যুদ্ধ, রাবণ সীতাকে হরণ করিয়া লইয়া যায়, এই কারণে লঙ্কায়ুদ্ধ। আত্মীয়বিচ্ছেদে কুরুক্ষেত্রের মহাযুদ্ধ।

যুদ্ধের অপর কারণ ব্যক্তিগত জিগীষা ও রাজ্যলোভ। ইহাতে বিবাদ-বিসম্বাদ অথবা অপমানের প্রতিশোধ, এ সকল কোন কারণ থাকে না, কেবল জয়ের আকাঙ্ক্ষা, কেবল বলপূর্ব্বক অপর দেশ গ্রহণের লালসা। গ্রীস দেশে মাসিডন ক্ষুদ্র প্রদেশ; ফিলিপের পুত্র আলেকজান্ডার কুড়ি বৎসর বয়সে সেই দেশের রাজা হইয়াছিলেন। প্রসিদ্ধ দার্শনিক এরিস্টটল আলেকজান্ডারের শিক্ষক। তাঁহার কাছে ইলিয়ড মহাকাব্য পড়িয়া আলেকজান্ডারের যুদ্ধলিপ্সা হয়। ফিলিপের কালেই মাসিডোনিয়ার সৈন্তের ব্যূহরচনা প্রসিদ্ধি লাভ

করিয়াছিল। ত্রিশ হাজার পদাতিক ও পাঁচ হাজার অশ্বারোহী সৈন্ত লইয়া আলেকজান্ডার দিগ্বিজয়ে যাত্রা করিলেন। পার্সী সম্রাট দরায়সকে পরাজয় করিয়া আলেকজান্ডার ফিরিয়া, মিশর, পারস্ত দেশ জয় করিয়া ভারতবর্ষে পঞ্জাবে প্রবেশ করেন। বত্রিশ বৎসর বয়সে তাঁহার মৃত্যু হয়, কিন্তু যুদ্ধের ইতিহাসে তাঁহার তুল্য খ্যাতি কেহই লাভ করিতে পারে নাই। আটলা,—তাহাকে লোকে ঈশ্বরের কণা বলিত, হুন জাতির সম্রাট; তিনি সমগ্র মধ্য-যুরোপ জয় করিয়া রোমান সাম্রাজ্য হইতে কর আদায় করেন। মোগল জঙ্গিস খাঁর দেশ-জয় ও হত্যাকাণ্ড স্মরণ করিলে এখনও হৃৎকম্প হয়। চীনদেশ লুণ্ঠন করিয়া তিনি তুর্কদিগকে তাড়না করিয়া যুরোপে প্রেরণ করেন, দক্ষিণ-রুসিয়া ও উত্তর-ভারত লুণ্ঠন করেন, বোখারা ও মর্ক নগর লুণ্ঠন করিয়া সহস্র সহস্র নগরবাসীকে বধ করেন। তাঁহার নামের ভয়ে অনেক দেশ কাঁপিত। নাদির শাহ দিল্লী লুণ্ঠন করিয়া নগরবাসীদিগকে হত্যা করিয়াছিলেন, সে ঘটনা কখনও বিস্মৃত হইবার নয়। যে মসজীদে খজা-হস্তে বসিয়া তিনি লুণ্ঠন ও হত্যার আদেশ করিয়াছিলেন, তাহা এখনও বর্তমান আছে। অধিক কালের কথা নয়, নাপোলিয়োঁ প্রায় সমস্ত যুরোপ তাঁহার অধীনস্থ করিয়াছিলেন, কিন্তু তাঁহার শান্তি হইতেও বিলম্ব হইল না এবং জীবনের শেষ কয়েক বৎসর তাঁহাকে বন্দিভাবে যাপন করিতে হয়। সেই অবস্থায় কারাধ্যক্ষ তাঁহাকে সদাসর্বদা লাঞ্চিত ও অপমানিত করিতেন।

এ প্রকার ঘটনা চিরকালই ঘটিবে। কারণ, ব্যক্তি-বিশেষের উদ্যম আকাঙ্ক্ষা ও সর্বগ্রাসী লোভ কিছুতেই নিবারণ করিতে পারা যায় না। অবসর ও সুযোগ পাইলেই ক্ষমতাশালী ও লুক্ক ব্যক্তি এইরূপ আচরণ করিবে। জার্মান সম্রাট দ্বিতীয় উইলিয়ামের কি উদ্দেশ্য ছিল, তাহা ঠিক বলিতে পারা যায় না, এখন তিনি পলাতক হইয়া হলণ্ড দেশে নগণ্য ব্যক্তির গৃহ আশ্রয় পাইয়াছেন। এক সময় এই ক্ষুদ্র দেশকে তিনি স্বণার দৃষ্টিতে দেখিতেন।

যুদ্ধেও সভ্য ও অসভ্য জাতি বিভিন্ন প্রণালী অবলম্বন করে। উত্তর-আমেরিকার তাম্রবর্ণ অসভ্য যোদ্ধা বিজয়ী হইলে শত্রুর মস্তকের কেশশুদ্ধ চর্ম কাটিয়া লইয়া কটিদেশে ঝুলাইয়া রাখিত। জুনু ইম্পী শত্রু জাতিকে আক্রমণ করিলে, গ্রামের একটি প্রাণীও রক্ষা পাইত না, পুরুষ, স্ত্রীলোক, শিশু সকলকেই বর্শায় বিদ্ধ করিয়া হত্যা করিত। অসভ্য রাক্ষস জাতি পরাজিত অথবা নিহত শত্রুকে বধ করিয়া উদরসাৎ করিত ও তাহাকে 'লম্বা শূকর' বলিত। সভ্যজাতি অকারণ হত্যা দোষের মনে করে, অসভ্য জাতি শত্রুর প্রাণ দান করে না। যুদ্ধক্ষেত্রে শত্রু পরাজয় স্বীকার করিলে সভ্য জাতি শত্রুকে বন্দী করে, হত্যা করে না। যাহারা অস্ত্র গ্রহণ করে না, তাহাদিগকে আক্রমণ করা সভ্য জাতির পক্ষে নিষিদ্ধ।

যুরোপ সভ্যতার গর্ভ করে। অহঙ্কারশূন্য মানুষই বিরল। আমেরিকান লেখক হোমস বলিয়াছেন যে, সমুদ্রে যেরূপ লবণ, মনুষ্যপ্রকৃতিতে সেইরূপ অহঙ্কার। কোথা হইতে আসিল, কেহ বলিতে পারে না, অথচ সর্বত্রই সমুদ্রের জল লবণাক্ত। অসভ্য যোদ্ধা যখন শত্রুকে হত্যা করে, সে সময় সদর্পে গুণগীতি গান করে। বিজ্ঞানের সহায়তায় যুরোপে যে প্রকার উন্নতি হইয়াছে, তাহাতে গর্বেের কারণ থাকিতে পারে।

সভ্যতার উন্নতির সঙ্গে যুদ্ধপ্রণালী কিরূপ পরিবর্তিত হইয়াছে, তাহা বিবেচনা করিতে হয়। যুদ্ধ বলের পরীক্ষা। গুলতি ও ধনুক প্রথম অস্ত্র। মহাকাব্য-সমূহে ধনুর্বিদ্যার পরিচয় পাওয়া যায়; অসভ্য জাতিরা এখন পর্যন্ত তীর-ধনুক ব্যবহার করে। বাইবেলে কথিত আছে, ডেভিড অল্পবয়স্ক, প্রিয়দর্শন, যুবক; ফিলিস্টাইন গোলিয়াথ দৈত্যাকৃতি, তাহার হস্তে তরবারি, বর্শা ও ঢাল। কিন্তু গুলতি দিয়া ডেভিড তাহাকে ধরাশায়ী করিয়া নিহত করেন। রোমের সৈন্যেরা তাম্র ও পিত্তলমিশ্রিত ক্ষুদ্র তরবারি দ্বারা যুদ্ধ করিত। যুরোপে মধ্যযুগে অস্বারোহী সৈনিকরা লোহের বর্শা ধারণ করিত। বীরপুরুষরা অসহায় ও উৎপীড়িত রমণীদিগকে রক্ষা করিতেন। ডন কুইক্সট নামক গ্রন্থে সর্বাণ্টিস ইহাদিগকে বিদ্রূপ করিয়াছেন। বন্দুক ও গুলী আবিষ্কৃত হইলে বর্শাধারী অস্বারোহীরা ভিরোহিত হইল। সভ্য যুদ্ধরীতির ইহাই আরম্ভ।

যুরোপে যেমন যেমন সভ্যতা বাড়িয়াছে, সেইরূপ নূতন নূতন যুদ্ধের অস্ত্র ও কৌশল আবিষ্কৃত হইয়াছে। উদ্দেশ্য—বহুসংখ্যক লোককে হত অথবা আহত করা। বিজ্ঞানের বলে মানুষ যেমন দ্রুত গমন করিতে পারে, শূন্য আকাশে বিচরণ করিতে পারে, সেইরূপ বিজ্ঞানের সহায়তায় 'অবলীলাক্রমে মানুষ বধ করিতে পারে। গুলীগোলা বহু দূর নিক্ষিপ্ত হয়, তাহাতে অনেক দূরের মানুষ নিহত হয়। এত কাল জলে ও স্থলে যুদ্ধ হইত, এখন আকাশে ও জলের ভিতরে যুদ্ধ হয়। যাহারা যুদ্ধে যোগ দেয়, আর যাহারা যুদ্ধের নিসীনায় যায় না, এই উভয় শ্রেণীর লোকদিগের মধ্যে আর কোন প্রভেদ নাই। নগরে ও গ্রামে এয়রোপ্লেন হইতে বোমা নিক্ষিপ্ত হয় এবং তাহাতে নিরপরাধ শিশু ও স্ত্রীলোকদিগের প্রাণবিনাশ হয়। সভ্য জাতির যুদ্ধে যে সকল বিষাক্ত গ্যাস-বোমা ব্যবহৃত হয়, তাহার সহিত অসভ্য জাতির বিষাক্ত তীরের অথবা দক্ষিণ-আমেরিকার অসভ্য জাতির নলের মূখ হইতে নিক্ষিপ্ত বিষাক্ত ক্ষুদ্র তীরের তুলনাই হয় না। বিষাক্ত তীরে একটা লোকের মৃত্যু হইতে পারে, ক্লোরিন গ্যাসের বোমায় শত শত ব্যক্তি নিহত হইতে পারে।

গায়বুদ্ধ অথবা তুলা অস্ত্র লইয়া যুদ্ধ যুরোপের সভ্য জাতির মধ্যে আর দেখিতে পাওয়া যায় না। অসভ্য জাতিদের উত্তম অস্ত্র নাই, কিন্তু তাহাদের সহিত যুদ্ধ হইলে সভ্য জাতিরা বিজ্ঞানাবিস্কৃত সকল প্রকার অস্ত্র প্রয়োগ করিতে কিছুমান সঙ্কোচবোধ করে না। সভ্যতার বৃদ্ধির সহিত মানুষের শোণিতলিপ্সা বাড়িয়াছে; যুদ্ধে কেবল চেপ্টা—কত অধিকসংখ্যক শত্রু বধ করিতে পারা যায়। তোপের একটা বড় গোলা কাটিয়া এক শত ব্যক্তিকে বধ করিতে পারে, একটা টর্পেডো শত শত যাত্রিগণ জাহাজ জলমগ্ন করিয়া তাহাদের প্রাণনাশ করিতে পারে। রণক্ষেত্রে সৈনিকদিগের সংখ্যা অসম্ভবরূপ বাড়িয়াছে। পুরাকালে এবং যুরোপে মধ্যযুগেও যোদ্ধাদের শ্রেণী স্বতন্ত্র ছিল। প্রাচীন ভারতে আৰ্য্যজাতিতে ক্ষত্রিয়েরা যুদ্ধ করিত। প্রাচীন ইরান দেশে জরথুষ্ট্র ধর্মাবলম্বীদের মধ্যে রথেশ্ভারগণ যুদ্ধ করিত, ধর্মবাজক ও চাঘারা যুদ্ধে লিপ্ত হইত না। জাপানে সামুরাই শ্রেণী যুদ্ধবৃত্তি অবলম্বন করিত। যুরোপের সভ্যতার এবং প্রাচীন ভারত, ইরান,



চীন ও জাপানের সভ্যতায় অনেক প্রভেদ। যুরোপে এখন সমগ্র জাতি যুদ্ধে জড়িত হয়। যুরোপের সকল জাতিতে পুরুষমাত্রকেই যুদ্ধ শিক্ষা করিতে হয় এবং প্রয়োজন হইলে সকলকেই সৈন্যদলে যোগ দিতে হয়। ইংলণ্ডে সেরূপ আইন না থাকিলেও সৈনিকের অভাব হয় না। ১৯১৪-১৮ খৃষ্টাব্দের মহা লোকক্ষয়কর আহুঁষে অনেক জাতির পুরুষসংখ্যা লুপ্তপ্রায় হইয়াছিল। কেবল নৃবা ও মধ্যবয়স্ক পুরুষেরা যুদ্ধে যোগ দেয় নাই, স্কুল-কলেজের ছাত্রগণ দলে দলে রণযুদ্ধে অংশগ্রহণ করিয়াছিল। পুরাকালে ফিনিশিয়ান জাতির। যেরূপ মোলক নামক দেবতার উদরে নরবলি হিসাবে মানুষকে নিষ্ফেপ করিত, সেইরূপ এই সকল অল্পবয়স্ক বালককে যুদ্ধে আত্মত্যাগ প্রদত্ত হইত। অনেকে শত্রুকে দেখিবার পূর্বেই নিহত হইত। এই যুদ্ধে যে সকল কথার সৃষ্টি হয়, তাহারও অর্থ ভয়ানক। যেমন gun fodder—তোপের খাণ্ড। সহস্র সহস্র নৃবক ও কিশোর কেবল তোপের খাণ্ড হইত, যুদ্ধ করিবার অবসর হইত না। অনেক দেশে পুরুষের একরূপ অভাব হইয়াছিল যে, স্ত্রীলোকদিগকে পুরুষের কণ্ঠ করিতে হইত। যুদ্ধের পর লোকসংখ্যার সামঞ্জস্য করা একটা সমস্যা হইয়া উঠিয়াছিল। সভ্যতার উন্নতিতে ফল হইয়াছে এই যে, যুদ্ধে কেবল সর্বস্বান্ত হইতে হয় না, সকল পুরুষকে অস্ত্র ধারণ করিয়া যুদ্ধে প্রাণত্যাগ করিতে হইতে পারে। কুরুক্ষেত্রে কেবল কাণ্ড্যবর্ণনা নয়, আমাদের চক্ষুর সমক্ষে ঘটিতে পারে।

এই ভয়ঙ্কর প্রাণিক্ষয়ের ক্ষতিপূরণ কি, জাতির অসংখ্য লোক নিহত হইলে কি লাভ? যুরোপে কোন জাতি অপর কোন জাতির দেশ চিরকালের জন্য বলপূর্বক গ্রহণ করিতে পারে না। এক রুসিয়া ছাড়া নাপোলিয়ের সমস্ত যুরোপ জয় করিয়াছিলেন, কিন্তু ফ্রান্সের এক বিঘত জমি তিনি বাড়াইতে পারেন নাই। যুরোপের কয়েক দেশে তিনি রাজা নির্বাচন করিয়াছিলেন, কিন্তু তিনি বন্দী হইয়া সেন্ট হেলেনায় নির্বাসিত হইলে পর সে সকল রাজাদের আর কোন চিহ্ন রহিল না। ১৮৭০-৭১ খৃষ্টাব্দে যুদ্ধের পর জার্মানী ফ্রান্সের আলসেস-লোরেন প্রদেশ অধিকার করে, কিন্তু ফ্রান্স এখন সে প্রদেশ গ্রহণ করিয়াছে। ফ্রান্স এইবারকার যুদ্ধের পর জার্মানীর সার নামক প্রদেশ অধিকার করিয়াছিল, এখন তাহা পরিত্যক্ত হইয়াছে।

এক সময় অষ্ট্রিয়া ইটালীকে পরাজিত করিয়া পরাধীন করিয়াছিল, এখন ইটালী স্বাধীন, অষ্ট্রিয়ার রাজ্যলোপ হইয়াছে। যুরোপীয় যুদ্ধের সমস্ত লাভ-লোকসান যুরোপের বাহিরের সম্পত্তি লইয়া। এবার যুদ্ধে জার্মানীর আফ্রিকায় যাহা কিছু ভূ-সম্পত্তি ছিল, ফ্রান্স গ্রহণ করিয়াছে; ফিরিয়া পাইবারও কোন সম্ভাবনা নাই। কিন্তু যুরোপে একরূপ ঘটিতে পারে না।

কেবল কি যুদ্ধে কীর্তিলাভ করিবার জন্য বার বার যুরোপে একরূপ ভয়ঙ্কর যুদ্ধ-বিগ্রহ হইতেছে? নাপোলিয়ের তুল্য সেনাপতি ইদানীং যুরোপে কেহই হয় নাই, তাহার পরিশেষে কি দশা হইল? বর্তমান কালে কোন জাতি কিংবা কোন সেনাপতি কি আলেকজান্ডারের কীর্তি পুনঃস্থাপিত করিতে পারে এবং যুরোপ হইতে সমস্ত এসিয়া জয় করিয়া ভারতবর্ষে প্রবেশ করিতে পারে? সবশুদ্ধ আলেকজান্ডারের সৈন্যসংখ্যা পঞ্চাশ হাজারও ছিল না। এ কালের যুদ্ধে উভয় পক্ষে লক্ষ লক্ষ সৈন্য থাকে, কিন্তু সেনাপতিদিগের নাম লোকে দুই দিনে ভুলিয়া যায়। ১৯১৪-১৮ খৃষ্টাব্দের জগদ্ব্যাপী যুদ্ধে এমন কোন সেনাপতি দেখিতে পাওয়া যায় নাই—বাতার নাম আলেকজান্ডারের গায় চিরস্মরণীয় হইয়া থাকিবে।

সভ্যতা বলিতে আমরা কি বুঝি? মানুষের সভ্য ও অসভ্য অবস্থায় কি প্রভেদ? সভ্যতা কি কেবল একটা বাহ্য আবরণ মাত্র, মানুষের মন, তাহার চিন্তা এবং প্রকৃতির কোন পরিবর্তন হয় না? সভ্যতা বুদ্ধিকে নিম্নস্তর হইতে উচ্চতর স্তরে লইয়া যায়, মানুষের নৃহিত মানুষের সমস্ত প্রকৃতরূপে নির্ণয় করে, উচ্ছৃঙ্খল চিত্তবৃত্তি সংযত করে, সামাজিক সম্বন্ধ স্থির করে, মানুষের বাহিরে কি আছে, তাহার জ্ঞান উৎপাদন করে এবং কলাবিদ্যার অনুশীলনে উৎসাহিত করে। মানুষ ও পশু উভয়ের পক্ষে যুদ্ধ পাশব বৃত্তি। কেবল আহাৰ সংগ্রহ এবং জীবনধারণের জন্য যুদ্ধের সৃষ্টি নয়। হিংস্র জন্তু প্রধানতঃ উদরপূরণের নিমিত্ত অপর জীবকে বধ করে। কদাচ কখন শোণিতোন্মত্ত হইয়া অকারণে বহু প্রাণীর প্রাণ বিনাশ করে। পশু ও পক্ষীর মধ্যে যাহারা মাংসাহারী, তাহারা অল্প জীবকে মারিয়া আহাৰ না করিলে অনাহারে মরিয়া যায়। মানুষের পক্ষে রাক্ষসের প্রবৃত্তি স্বাভাবিক নয়, কেন না, মানুষের আহাৰের

নানাবিধ সামগ্রী আছে। বিবেচনা করিয়া দেখিলে যুদ্ধের ব্যাপারে মানুষ পশুর অপেক্ষাও অধম। পশু হয় খাচের জন্য প্রাণহিংসা করে অথবা নর পশুগণ মাদার জন্য যুদ্ধ করে। তাহারা অস্ত্র নির্মাণ করিতে জানে না, অস্ত্র যে অস্ত্র আছে, তাহার দ্বারাই যুদ্ধ করে। কেবল মানুষ কারণে অকারণে যুদ্ধ করে ও তাহার দেহে কোনরূপ অস্ত্র না থাকায় অস্ত্রের সৃষ্টি করে। এমন কোন বুদ্ধিহীন অসভ্য জাতি নাই—যাহারা কোন অস্ত্র নির্মাণ করিতে পারে না। তীর, ধনুক ও গুলতি ছাড়া আসেগাই নামক বর্শা, টোমাতক নামক কুঠার এবং অষ্ট্রেলিয়ার বুমিরাঃ সমস্তই অসভ্য জাতির অস্ত্র। যেমন যেমন সভ্যতা বাড়িতে থাকে, সেই অনুসারে ভীষণ অস্ত্র সমূহের সৃষ্টি হয়।

ধর্মের সত্ত্বিত কি সভ্যতার কোন সঙ্গ নাট? যুরোপ শুধু সভ্যতাগ শ্রেষ্ঠ নয়, খৃষ্টান ধর্মের মূলস্থান। সভ্যতা ব্যতীত যুরোপ ধর্মেরও গর্ভ করে। যুরোপবাসীরা বলে, খৃষ্টধর্ম সকল ধর্মের অপেক্ষা শ্রেষ্ঠ। এ অভিমানে সকল ধর্মই আছে। ইহুদীরা খৃষ্টধর্মকে Messial বলিয়া মানে না, তাহাদের ধর্ম খৃষ্টান ধর্মের অপেক্ষা অনেক প্রাচীন। জরথুষ্ট্রের শিক্ষাগণ বলিবেন, তাহাদের ধর্ম সর্বশ্রেষ্ঠ। হিন্দুরাও সেই কথা বলেন। বৌদ্ধধর্মে কোনরূপ অত্যাচার নিষিদ্ধ, কিন্তু বৌদ্ধদিগের বিবেচনার তাহাদের ধর্ম শ্রেষ্ঠ। ইসলাম-ধর্মাবলম্বী সদর্পে প্রচার করেন যে, ইসলামের তুল্য ধর্ম জগতে নাই।

এক তুর্ক দেশ ব্যতীত সমস্ত যুরোপ খৃষ্টধর্মের ভজনা করে। অতএব যুরোপনিবাসী সমস্ত জাতির জীবন, মনোভাব ও চরিত্র খৃষ্টধর্মের শিক্ষা দ্বারা শাসিত হইবে, একরূপ আশা করা অসম্ভব নয়। খৃষ্টান প্রচারকরা এই ধর্ম প্রচার করিবার জন্য জগতের সর্বত্র গমন করেন। তাহারা প্রাণ উপেক্ষা করিয়া তিন্ত্র অসভ্য জাতিদের মধ্যে এই ধর্ম প্রচার করেন। অনেকে প্রাণ হারাইয়াছেন, কিন্তু কাহারও ভয়ের লেশ নাই। ইহারা সকলের প্রশংসা ও শ্রদ্ধাভাজন। এক ধর্মশিক্ষা প্রদান ব্যতীত এই সকল প্রচারকের আর কোন উদ্দেশ্য নাই। খৃষ্টধর্মের শিক্ষা বর্গরাজ্যের স্থাপন, মর্ত্যরাজ্যের কোন উল্লেখ নাই। একটা বিজ্ঞপ উক্তি আছে যে, খৃষ্টান মিশনারীর পশ্চাতে

মাক্সিম তোপ যায়। কথাটা সত্য হইলেও ইহাতে মিশনারীর অপরাধ নাই। কিন্তু এই কারণে অপর জাতির মিশনারীদিগের প্রতি বিরক্ত। যুরোপের জাতির পৃথিবীর সমস্ত দেশই অধিকার করিতে চায়। আমেরিকা ও অষ্ট্রেলিয়ায় প্রথমে মিশনারী যায় নাই।

যুরোপের সমস্ত জাতি কিরূপভাবে খৃষ্টধর্মের শিক্ষা গ্রহণ করিয়াছে? প্রথম প্রথম খৃষ্টানদের উপর রোমানরা অত্যন্ত অত্যাচার করিত, তাহার পর খৃষ্টধর্মই সাম্রাজ্যিকতা ও বিরোধ আরম্ভ হয়। ধর্মের নামে নানাবিধ নৃশংস অত্যাচার হইত। খৃষ্টানধর্মযাজকদিগকে অনলে দগ্ধ করা হইত। ইনকুইজিসন নামক ধর্মের বিচারালয়ে অপরাধীদিগের ভীষণ দণ্ড হইত। সকলের অপেক্ষা নিন্দনীয় ইহুদীদিগের প্রতি অত্যাচার। কিছুদিন এই অত্যাচারের ভ্রাস হইয়াছিল, এখন আবার জাঙ্গাণীতে ইহুদীদিগকে পীড়ন আরম্ভ হইয়াছে। সমস্ত যুরোপে উহাদের নিগ্রহ হইত। নগরের উত্তম স্থানে তাহারা বাস করিতে পাইত না। রুসিয়ায় তাহাদের সকল পুণ্ডন করিয়া বন্য পশুর গায় তাহারা বিতাড়িত হইত। এখন আবার জাঙ্গাণীতে একটা নতন মত প্রচারিত হইয়াছে যে, জাঙ্গাণেরা আফ্রিকা জাতি, স্বতরাং ইহুদীদের সত্ত্বিত তাহারা বিবাহ করিতে পারে না। ইহুদীরা সমাজে মিশিতে পারে না। আইনষ্টেনের গায় জগদ্বিখ্যাত বিজ্ঞানচাৰ্য্য জাঙ্গাণী হইতে পলায়ন করিয়া দেশান্তরে আশ্রয় গ্রহণ করিয়াছেন।

Merchant of Venice নাটকে সেক্সপীয়র শাইলকের মুখে যে সকল কথা দিয়াছেন, তাহা স্মরণ করা উচিত। যুরোপে তিনি সর্বশ্রেষ্ঠ খৃষ্টান গ্রন্থকার। খৃষ্টধর্ম স্বয়ং ইহুদী, তাহার প্রচারকরা সকলেই ইহুদী। তাহার মৃত্যুদণ্ডের আজ্ঞা ইহুদীরা দেয় নাই। তাহার পরাধীন জাতি, কাহারও দণ্ডবিধান করিবার তাহাদের ক্ষমতা ছিল না। সে কালেও সকল ইহুদী জাতি খৃষ্টধর্মের বিরোধী ছিল না। খৃষ্টধর্মকে বধ করিবার আদেশ রোমান গবর্নর পলটিয়স পাউলেট দেন। ক্রমে বিক্র হইয়া খৃষ্টধর্ম বলিয়াছিলেন, পিতাঃ, ইহাদিগকে মার্জনা কর, ইহারা কি করিতেছে, তাহা জানে না। সেই মুহূর্ত্তে ইহুদীদিগের অপরাধের মার্জনা হয়। ঈশ্বর মার্জনা করিলেও খৃষ্টানরা ইহুদীদিগকে মার্জনা করে নাই, পুরুষাত্মকমে তাহাদিগকে নিগৃহীত

করিয়াছে। ইহাতে স্বয়ং শীশুখৃষ্টের প্রার্থনা ও আদেশ লক্ষ্যন করা হইয়াছে।

ইহুদীদিগের প্রতি এরূপ বিদ্বেষ থাকিলেও খৃষ্টানরা নানা বিষয়ে তাহাদের নিকট খণী। খৃষ্টানদের গৃহে গৃহে এবং ধর্মমন্দিরে যে ধর্মগ্রন্থ পাঠিত হয়, তাহার প্রথম অংশ ইহুদীদের ধর্মপুস্তক। Old Testament ইহুদীদের ধর্মগ্রন্থ। মূল বাইবেল পড়িতে হইলে ত্রিক ভাষা শিখিতে হয়। খৃষ্টানদের গির্জায় যে সকল ধর্মসঙ্গীত গীত হয়, তাহা সমুদয় ইহুদীদিগের রচিত। ডেভিডের গীত সকলের অপেক্ষা চিত্তহারী, তিনি ছিলেন ইহুদী রাজা। সম্রাট সলোমনের গীত প্রসিদ্ধ Book of Proverbs জ্ঞানের কথায় পরিপূর্ণ। উহা আনুপাত্ত ইহুদীদিগের বচন। ইহার অনেক কথা ইংরেজি ভাষায় প্রচলিত হইয়াছে। ধর্ম ও সাহিত্যে খৃষ্টান যুরোপ ইহুদী জাতির নিকট বিশেষভাবে খণী। সেই জাতিকে উৎপীড়ন করিয়া ধর্মের শোধ হইতেছে।

যুরোপের খৃষ্টান জাতির কেবল ইহুদীদের প্রতি অত্যাচার করিয়া ক্ষান্ত হয় নাই : জগতের সকল জাতিকে তাহারা তাচ্ছালা ও ঘণা করে। জগতের অপর সকল জাতির অপেক্ষা যুরোপের জাতির উদ্ধত ও গর্বিত। অঙ্গের বর্ণ, জাতি ও ধর্ম তাহারা আপনাদিগকে সর্বশ্রেষ্ঠ বিবেচনা করে। যুরোপের অনেক ভাষায় অপর জাতির প্রতি ঘণাব্যঞ্জক শব্দ প্রচলিত আছে। মার্ক টোয়েন এক স্থানে বিদ্রূপ করিয়া লিখিয়াছেন যে, বাইবেলে ইংরেজ জাতির উল্লেখ আছে, কারণ, শীশুখৃষ্ট বলিয়াছেন, The meek shall inherit the earth। ইংরেজ ও জাঙ্গাল জাতি যুরোপের অপর সকল জাতির অপেক্ষা গর্বিত, কিন্তু মসোলিনী যে কিছু কম, তাহা মনে হয় না। রোমানদের সহিত ইটালীয়ানদের কোন তুলনা হয় না।

নিরপেক্ষভাবে স্বীকার করিতে হইবে যে, যুরোপের বহুসংখ্যক ব্যক্তি ও অনেক পরিবার মথার্থ-ই শীশুখৃষ্টের শিক্ষা পালন করেন, কিন্তু জাতি অথবা রাজকমচারিগণ সতন্ত্র। যুরোপের জাতির সমষ্টি বিবেচনা করিতে হইলে খৃষ্টান ধর্মের কিছুমাত্র প্রতিষ্ঠা লক্ষ্য করিতে পারা যায় না। শীশুখৃষ্ট বিনয়ের শিক্ষা দিয়াছেন : যুরোপ গর্বে ও দর্পে পরিপূর্ণ। শীশুখৃষ্ট সম্পত্তি ও রাজ্য তুচ্ছ জ্ঞান করিতেন, যুরোপের রাজ্যলালসা কিছুতেই পূর্ণ হয় না। শীশুখৃষ্টের

শিক্ষার ফল যুরোপে কিছুই দেখিতে পাওয়া যায় না, বরং ইহুদীদিগের ধর্মপুস্তকের প্রভাব সর্বত্র দেখিতে পাওয়া যায়। Old Testamentএ যেরূপ কেবল বিবাত, রক্তপাত এবং ঈর্ষার বর্ণনা আছে, প্রকৃতপক্ষে যুরোপে তাহাই ঘটিতেছে। যুরোপে ভিন্ন ভিন্ন জাতির ব্যবহারে খৃষ্টান ধর্মের কোন শ্রুণ দেখিতে পাওয়া যায় না। সংশয় ও ঈর্ষা সর্বদা জাগরুক। সকল জাতির লক্ষ্য বৃদ্ধির প্রতি, শান্তির ভাব কোথাও স্থান পায় না। লীগ অব নেশন্সের বৃদ্ধাস্থ বিদ্রূপ মনে হয়। ১৯১৪-১৮র যুদ্ধে এরূপ লোকক্ষয় হয় যে, যাহারা যুদ্ধে জয়লাভ করিয়াছিল, সেই সকল জাতিই লীগ অব নেশন্স স্থাপন করে। একমাত্র উদ্দেশ্য, যাহাতে ভবিষ্যতে আবার যুদ্ধ না হয়, জাতীয় বিবাদ হইলে সালিসী করিয়া মিটিয়া সাইবে। এখনও সেই যুদ্ধের পর বিশ বৎসর অতীত হয় নাই, ইহারই মধ্যে লীগভুক্ত এক জাতি লীগভুক্ত অপর এক জাতির রাজ্য আক্রমণ করিয়া অধিকার করিবার প্রয়াস করিতেছে। সিনোঁর মসোলিনী যুরোপের সকল জাতিকে অধঃশলা করিয়া আবিসিনিয়া অধিকার করিয়া ফ্যাসিষ্ট সাম্রাজ্য স্থাপন করিবার মনন করিয়াছেন। সভ্য জাতির বৃদ্ধি কিরূপ, আবিসিনিয়া তাহা এখন অমুভব করিতেছে। আবার সেই ব্যাপার—যাহারা যুদ্ধে লিপ্ত নয়, তাহাদিগকে হত্যা, আকাশ হইতে বোমা নিক্ষেপ করিয়া স্থল্লোকের এবং শিশুর প্রাণবধ, হাঁসপাতালের উপর বোমা নিক্ষেপ—সভ্যতার অসীম বীরত্ব! আবিসিনিয়া কেবল লীগে যোগ দেয় নাই, আবিসিনিয়ার সম্রাট স্বয়ং খৃষ্টধর্মাবলম্বী। লীগের কর্তব্য পালন করিবার এই প্রথম সুযোগ। দেখা যাইতেছে, লীগ যুদ্ধ নিবারণ করিতে একেবারে অক্ষম। লীগের জন্ম যে অর্থ-ব্যয় হইয়াছে, তাহা সম্পূর্ণ নিষ্ফল।

যুরোপের কোন জাতি অপর কোন জাতির বন্ধুত্ব অথবা সদ্ভাবের উপর নির্ভর করিতে পারে না। সন্ধি অথবা সদ্ভাব কেবল মতলবের জন্ম। কোন দুই জাতির মধ্যে এমন বন্ধন নাই, যাহা এক মুহূর্ত্তে ছিন্ন না হইতে পারে। পরস্পরের বিশ্বাস ও মথার্থ বন্ধুত্ব না থাকিলে কখন দৃঢ় বন্ধুত্ব হয় না। যুরোপে ইহা একেবারে অসম্ভব। এমন কোন জাতি নাই যে, আর কোন জাতিকে সম্পূর্ণরূপে বিশ্বাস করে। যুরোপে এমন কোন বড় জাতি নাই যে,



কোন সময় না কোন সময় অপর জাতির সহিত যুদ্ধ করে নাই। কোন সন্ধি চিরস্থায়ী নয়, যে কোন সন্ধি ভঙ্গ করিলেই হইল। চোরাবালির উপর সন্ধির সৌধ নিশ্চিত হয়, দেখিতে দেখিতে ভূগর্ভে লুপ্ত হয়। সে ছই জাতিতে প্রকাশ্যে অত্যন্ত সত্কাব, তাহারাও নিজেদের রাজ্যসীমায় দিবারাত্রি পাহারা দেয়। প্রত্যেক জাতির রাজ্যসীমা অত্যন্ত সাবধানে নির্দিষ্ট হইয়াছে। এক জাতির সৈন্য অপর জাতির রাজ্যসীমা অতিক্রম করিলেই যুদ্ধের কারণ হইবে। যদি এক দেশের সীমা ভঙিতে সৈন্য সরাইয়া লুপ্ত হয়, তাহা হইলে আর এক দেশের সৈন্য সে দেশে প্রবেশ করিতে পারে না। কিন্তু কে কাহাকে বিধ্বাস করে? অথচ যুরোপের এক জাতি অপর জাতির দেশ বঙ্গপূর্বক গ্রহণ করিতে পারে না। ফ্রান্স, ইংলণ্ড, জার্মানী সকলেই বলবান্ জাতি, কিন্তু যুরোপে ইহারা কেহই অন্য দেশের কোন অংশ অধিকার করিতে পারে না। ক্ষুদ্র, নির্দ্বন্দ্ব, সুখী সুইটজারলণ্ডে না আছে রাজা, না আছে মসোলিনী, কিন্তু স্টিটার, পাণের কোন একটা বড় দেশ এক গ্রামে তাহাকে উদরস্থ করিতে পারে। এক দিকে জার্মানী, আর এক দিকে ফ্রান্স, দক্ষিণ-পূর্বে ইটালী, যে কেহ গ্রহণ করিতে পারে। কিন্তু এই সকল দেশ চারিদিকে আছে বলিয়াই সুইটজারলণ্ডের রক্ষা। যাহা অনেকে চায়, তাহা কেহই পায় না। যদি কোন দেশের কোন আশঙ্কা না থাকে, তাহা হইলে সদাসর্বদা একরূপ সন্ধিগ্ধভাব কেন, প্রত্যেক রাজ্যসীমায় একরূপ দিবারাত্রি প্রহারা কেন, অবিরত সকল দেশের সৈন্যসংখ্যা বর্দ্ধিত হইতেছে কেন, বার বার সৈন্যবলের প্রদর্শনী হয় কেন, নিরবচ্ছিন্ন যুদ্ধের আয়োজন হয় কেন? এই সকল প্রশ্নের উত্তর সম্পূর্ণরূপে সহজেই দেওয়া যাইতে পারে।

জগতের ভূগোল-চিত্র দেখ। পৃথিবীর প্রাচীন অথবা নূতন বিভাগে এমন কোন স্থান নাই, সেখানে যুরোপীয়ান জাতির কোন দেশ অধিকার করে নাই। যুরোপ এবং এশিয়া প্রকৃতপক্ষে একই মহাদেশ। এক প্রান্ত হইতে অপর প্রান্তে যাইবার কোন বাধা নাই, কোথাও সমুদ্রের অথবা অলঙ্ঘ্য পর্বতের বাবধান নাই। জাতিভেদে এই বৃহৎ ভূমিবিভাগ বিখণ্ড হইয়াছে। আফ্রিকাও পূর্বে যুরোপের সহিত সংলগ্ন ছিল, এখন স্বয়ংক্রিয় নহর হইয়া স্বতন্ত্র

হইয়াছে। মিশরদেশ আফ্রিকায়। যুরোপীয় পণ্ডিতদিগের মতে প্রাচীন মিশর জাতির সভ্যতাই জগতের সর্বাপেক্ষা প্রাচীন সভ্যতা। সে সভ্যতা কিরূপ ছিল? পিরামিড পুনরায় নিশ্চিত হইতে পারে না, শবদেহ সহস্র সহস্র বৎসর রক্ষা করিবার কৌশল এখন কেহ জানে না। ইহুদীর মিশরের অধীন জাতি ছিল এবং মিশরবাসীরা তাহাদের প্রতি অত্যন্ত অত্যাচার করিত। মোজেজ ইহুদী জাতিকে প্যালেষ্টাইনে লইয়া যান এবং সেখানে তাহারা প্রবল ও প্রধান জাতি হইয়া উঠে। মিশরবাসীরা সে অপর দেশ বা অপর জাতিকে জয় করিবার চেষ্টা করিয়াছিল, তাহার কোন প্রমাণ নাই। প্রাচীন গ্রীক জাতি সাম্রাজ্য বিস্তার করে, কিন্তু তাহা ক্ষণস্থায়ী। রোমান সাম্রাজ্য কিছু অধিক কাগ ছিল। যুরোপের আধুনিক জাতির যে ভাবে অন্য দেশ অধিকার করে, রোমানরা সেরূপ করিত না। জুলিয়াস সিজর প্রকাশ্যভাবে ব্রিটন জয় করিতে গমন করেন এবং কিয়দংশ রোমের অধীন হয়। সাক্সনদিগের সহিত পূর্বে রোমানদিগের কোন রকম ব্যবসা-বাণিজ্য ছিল না। ভারতে ইংরেজের আগমন সামান্য বণিকরূপে। ইংরেজদের প্রতিনিধি স্তর টমাস রো মোগল সম্রাটকে যথাবিধি অভিবাদন করিয়াছিলেন। ইংরেজ একা আসে নাই; ফ্রেঞ্চ এবং পোর্টুগীজরাও ছিল। সেই সময়ে মোগল সাম্রাজ্য ভাঙ্গিতে আরম্ভ হইয়াছিল। ওদিকে অযোধ্যা, অপর দিকে সিন্ধিয়া, হোলকর, মহারাষ্ট্র স্বতন্ত্র রাজ্য হইয়া উঠিতেছিল। অক্ষয় মোগল সম্রাটের সাম্রাজ্য লইয়া ভাগাভাগি, কাড়াকাড়ি উপস্থিত হইল। ইংরেজদের অধিক কৌশল, ভাগ্যলক্ষী প্রসন্ন, ভারত তাহাদের ভাগ্য লাভ হইল। ফ্রান্সের ও পোর্টুগালের নিদর্শন এখন পর্য্যন্ত বর্তমান রহিয়াছে। ইংরেজরা তরবারি দিয়া ভারত জয় করিয়াছেন ও তরবারি দ্বারা ভারত শাসন করিতেছেন, ইহা সর্ব্বৈব কল্পিত কথা। এইরূপ করিয়া ঐতিহাসিক উপকথা রচিত হয়।

পৃথিবীর ভূগোল-চিত্র আবার দেখ। প্রাচীন জাতির যাহাকে নূতন জগৎ বলে, তাহার অস্তিত্বই জানিত না। আমেরিকা আবিষ্কৃত হইবার পরেই যুরোপীয় জাতির এক দেশের পর আর এক দেশ অধিকার করিতে আরম্ভ করিল। অষ্ট্রেলিয়া অথবা ওশিয়ানিয়া বহুসংখ্যক দ্বীপের



সমষ্টি; উহা প্রায় সমস্তই যুরোপীয় জাতির মধ্যে বিতরিত হইয়া গিয়াছে। ইংলণ্ডের অংশ সকলের অপেক্ষা অধিক। উত্তর-আমেরিকা সম্পূর্ণরূপে তিনটি যুরোপীয় জাতির কর-কবলিত হইয়াছে:—ইংরেজ, মিশ্রিত যুরোপীয় জাতি এবং মেক্সিকোবাসী। ইহারা স্পেনবাসী ও আদিম মেক্সিকোর অসভ্য জাতি-মিশ্রিত। উত্তর-আমেরিকার পূর্বে দক্ষিণ-আমেরিকা যুরোপীয় জাতি কর্তৃক আক্রান্ত হয়। স্পেনের লোকেরাই প্রধানতঃ আক্রমণ করে, কিন্তু রেজিন পোর্টুগীজরা আক্রমণ করে। ইহারা সেই সকল দেশের লোকদের সহিত মিশ্রিত হইয়া আর একটা জাতি হয়। দক্ষিণ-আমেরিকাতেও ইংরেজদের ব্রিটিশ গায়েনা নামক উপনিবেশ আছে, তাহার পাশে ফরাসী ও হলণ্ডবাসীদের গায়েনা। আফ্রিকা হইতে কান্ধী-জাতীয় দাসসমূহ আনিয়া উত্তর এবং দক্ষিণ-আমেরিকায় নিষ্কৃত করা হইত। তাহাদিগের প্রতি যুরোপীয় জাতিরা কিরূপ নিষ্ঠুর আচরণ করিত, তাহা Uncle Tom's Cabin নামক পুস্তকে বর্ণিত হইয়াছে। উদাহরণ: দক্ষিণ-আমেরিকার জাতিদের মধ্যে কৃষ্ণ, শ্বেত ও পীতবর্ণ জাতিরা মিশ্রিত হইয়াছে। দক্ষিণ-আমেরিকায় কেবল অসভ্য জাতির বাস ছিল না। যে সময় স্পেনের লোকেরা উপস্থিত হয়, সে সময় পেরু দেশে সভ্যতা বর্তমান। ইন্ফা রাজাদের অধীনে ধর্মযাজক যোদ্ধা শ্রেণী ছিল, কিন্তু ইহারা হীনবল হইয়া পড়িতেছিল, সুতরাং যুরোপ হইতে সমাগত স্পেন দেশের সৈন্যগণ উহাদিগকে অবলীলাক্রমে পরাজয় করিল। এখন দক্ষিণ-আমেরিকায় কোথাও রাজা নাই, সকল দেশেই প্রজাতন্ত্র এবং সকল জাতিই মিশ্রিত। কেবল বনে এবং অপর স্থানে কোথাও কোথাও আদিম জাতিরা বাস করে, তাহারা অপর জাতির সহিত বিবাহাদি করে নাই। এক জাতির সহিত অপর জাতির মিশ্রণ হওয়া দোষের না হইতে পারে, কেন না, পূর্বকালেও একরূপ হইত। ভারতবর্ষে আৰ্য্য জাতি আসিয়া আদিম-বাসীদের সহিত মিশিয়া গিয়াছিল; সেই আৰ্য্য জাতির আর এক ভাগ ইরাণে গিয়া সে দেশের লোকের সঙ্গে মিশিয়া গিয়াছিল। যুরোপেও তাহাই ঘটিয়াছে। যুরোপের কোনও দেশে অবিমিশ্রিত খাটি জাতি নাই। কিন্তু আমেরিকায় এবং অষ্ট্রেলিয়ায় যাহা ঘটিয়াছে, তাহা ভয়ানক। যুরোপীয় জাতিদিগের আবির্ভাবে ঐ সকল দেশের আদিম

নিবাসীরা লুপ্তপ্রায় হইয়াছে। উত্তর-আমেরিকা ও কানাডায় যে সকল ভাববর্ণ আদিম অসভ্য জাতি ছিল, তাহারা কি হইল? যুরোপ হইতে আনীত প্রচণ্ড সুরা অতিরিক্ত পান করিয়া তাহারা প্রায় নিঃশেষ হইয়াছে। তাহাদিগকে এই সুরা অকাতরে বিতরিত অথবা স্বল্পমূল্যে বিক্রীত হইত। অষ্ট্রেলিয়ার মাওরিগণ দেখিতে দেখিতে লোপ পাঠিতেছে। এই সকল জাতি উর্বর জীবনী ছিল না, বলিষ্ঠ ও অসাধারণ সামর্থ্যশালী, কিন্তু সভ্যতার প্রভাবে শূন্য অসভ্যতা নয়, অসভ্য জাতি পর্যন্ত বিলুপ্ত হইয়াছে।

আফ্রিকায় কান্ধী জাতির বাস। যুরোপীয় জাতিরা প্রায় সমস্ত আফ্রিকা অধিকার করিয়াছে। এই খণ্ডেও ইংরেজের অংশ অপর সকল জাতির অপেক্ষা অধিক, তবে গতবারের যুদ্ধের পর ফ্রান্স জাম্বাণীর সমস্ত উপনিবেশ অধিকার করিতে তাহারও ভাগে অনেক পড়িয়াছে। ফ্রান্স বেলজিয়ম প্রকাণ্ড কঙ্গো প্রদেশ গাস করিয়াছে। পোর্টুগাল কিছু লইয়াছে। আবিসিনিয়া একমাত্র স্বাধীন রাজ্য ছিল, ইটালী তাহা বলপূর্বক অপহরণ করিতেছে।

এসিয়ায় ভারতবর্ষ ইংরেজের অধীন, আরব্যদেশে এডেন এবং চীন দেশে হংকং, বঙ্গ সমুদ্রে আন্দামান ও নিকোবার দ্বীপপুঞ্জ ইংরেজদের। ম্যালেশিয়ার Dutch East Indies হলণ্ডবাসীদিগের। ভূগোল-চিত্রে ইংরেজ সাম্রাজ্য লাল বর্ণে চিত্রিত করা হইবে কেন? লাল শঙ্কার ও বিদ্রোহের চিহ্ন। লাল আলো দেখিলে রেলের গাড়ী থামিয়া যায়, ফরাসী বিপ্লবের সময় টুপিতে লাল চিহ্ন ধারণ করিত; বোলশেভিকরা কোটে লাল চিহ্ন ধারণ করে।

লাভ-লোকসানের একটা হিসাব করা ভাল। ব্রিটিশ সাম্রাজ্য এখনও বৃহৎ, কিন্তু আমেরিকার যুক্তরাজ্য ইংরেজের হস্তচ্যুত হইয়াছে, আয়ারলণ্ডের দক্ষিণ ভাগ স্বতন্ত্র স্বাধীন প্রজাতন্ত্র হইয়াছে। জাম্বাণীর সমস্ত উপনিবেশ গিয়াছে, রুসিয়া চীন দেশে পোট আর্থর এবং সাইবিরিয়ায় ব্লাডিভষ্টক হারাইয়াছে।

যে প্রশ্ন উত্থাপিত হইয়াছিল, তাহার উত্তর এই। কেন যুরোপের সকল জাতি অল্প জাতিকে সন্দেহ করে, কেন লোকহত্যার জন্য ভীষণ অস্ত্র ও কৌশল আবিষ্কৃত হইতেছে, কেন সৈন্যসংখ্যা বাড়িতেছে, কেন সর্বদা যুদ্ধের আয়োজন, কেন সময়ে অসময়ে সৈন্যবল সমবেত

হয়, এই সকল প্রণেয় এই উত্তর। বাস্তবে অতিরিক্ত লোভ হইলেই ঘরে সর্বদা সংশয় হইবে। যদি সম্ভব হইত, তাহা হইলে যুরোপের জাতির সমস্ত পৃথিবী অধিকার করিত। যে সকল উপনিবেশে বাস সম্ভব, সেখানে তাহারা বাস করে এবং তাহাদের সংখ্যা দ্রুত বাড়িয়া যায়। যেখানে সেই সকল দেশবাসীর সহিত বিবাহাদি হয়, সেখানে অভিনব বর্ণ-সঙ্কর মিশ্রিত জাতির উৎপত্তি হয়, যেখানে যুরোপীয়রা আদিমবাসীদিগের সহিত মিলিত হয় না, সেখানে আদিম জাতি ক্রমশঃ লোপ পায়। এক ভারতবর্ষে একরূপ সম্ভাবনা নাই : ভারতবর্ষে বহু সাম্রাজ্য লুপ্ত হইয়াছে, আরও সাম্রাজ্য লুপ্ত হইবে, কিন্তু ভারতবাসীর লোপ পাইবার কোন আশঙ্কা নাই। যুরোপীয় জাতি যে সকল উপনিবেশে নিজেরা বাস করিতে না পারে, সেখানে বিজিত জাতির প্রতি অত্যাচার করে। বেলজিয়ামের রাজা লিওপোল্ডের জীবদ্দশায় বেলজিয়ামের কয়েক প্রদেশের অসভ্য জাতিকে অত্যন্ত উৎপীড়ন করিয়াছিল। তাহার পর গতবারের যুদ্ধে জার্মানরা বেলজিয়ামের কি দশা করিয়াছিল, তাহাও স্মরণ করা উচিত। প্রাচীন মিশরের যুগ হইতে আবহমানকাল এইরূপ হইয়া আসিতেছে। সেখানে প্রকাশ্য অত্যাচার হয় না, সেখানে দেশবাসীদিগকে সর্বস্বাস্থ্য করা হয়। দেশের মাহা কিছু সম্পত্তি থাকে, শোষণ করা হয়। অপর জাতির সহিত বাবহারেও অতি কুৎসিত আচরণ দেখিতে পাওয়া যায়। উত্তর-আমেরিকার বলিষ্ঠ জাতিসমূহ Fire water অর্থাৎ তীব্র মদিরা সেবন করিয়া নিঃশেষ হয়। সেই মদিরা যুরোপবাসীর অকাতরে যোগাইত। প্রাচীন ও পরিশ্রমী চীন জাতি বহু সহস্র বৎসর সভ্যতা প্রাপ্ত হইয়াছে। তাহাদিগকে বলপূর্বক অপরিসীম অতিফেন প্রদত্ত হইত। এই জগৎ চীনের সহিত উইবার যুদ্ধ হয়। তিন চার কোটি টাকা মূল্যের আফিম প্রতি বৎসর ভারতবর্ষ হইতে চীনদেশে চালান হইত। সমস্ত জগতে কঠিন প্রতিবাদ হওয়াতে এই পাপপূর্ণ বাণিজ্য রহিত হয়।

ক্রমাগত অকারণে, বিনা বিবাদে, ছলপূর্বক বা বলপূর্বক পরস্ব অপহরণ করিলে, পরের দেশ অধিকার করিলে, অপর জাতির স্বাধীনতা হরণ করিলে, হিংস্র পশুর ন্যায় আক্রমণ করিলে, উদ্ধত ও গর্ভিত প্রকৃতি হইলে মানুষের স্বভাবে কি কি লক্ষণ দেখা যায়? সভ্যতার কি ইহাই

শিক্ষা, জীবনের কি ইহাই উচ্চতর ও মঙ্গলতর আদর্শ? যে সকল জাতির এইরূপ বাবহার, তাহারা কখনও শাস্তির মস্ত গ্রহণ করিতে পারে না, প্রতিরেশী অপর জাতির সহিত সদ্ভাবে বাস করিতে পারে না। তাহারা স্বয়ং লুক্ক এবং এই কারণে অপরকে লুক্ক মনে করে। যেমন তাহারা ঔপরের সম্পত্তি হরণ করিতে চায়, সেইরূপ তাহাদের মনে সর্বদা সংশয় যে, অপরে তাহাদের সামগ্ৰী লুণ্ঠিত চায়। তাহাদের প্রকৃতি একেবারে পরিবর্তিত হয়। মানুষের সরলতায়, সদাশয়তায় কিছুমাত্র বিশ্বাস থাকে না। বিশ্বাসের পরিবর্তে সংশয় দ্বারা তাহারা অভিভূত হয়। এই জগৎ যুরোপের সকল জাতি সর্বদা সশস্ত্র, সর্বত্র অস্ত্রের বন্দনা শুনিতে পাওয়া যায়। কেহ কাহাকে বিশ্বাস করে না, শাস্তির কোন লক্ষণ নাই, সতত আশঙ্কা, সর্বত্র প্রহরা। সম্মুখে সর্বক্ষণ যুদ্ধের প্রচণ্ড মুষ্টি, শাস্ত্রচর্চি শাস্তির দেখা নাই। ইটালী যুদ্ধে ব্যাপৃত, যুরোপে যে কোন মহুড়ে শাস্ত্রভঙ্গ হইতে পারে।

যুরোপের অবস্থা এবং যুরোপের ভবিষ্যৎ স্মরণ করিলে চিত্তে অত্যন্ত অবসাদ হয়। তাহা, মানব জাতিরও সভ্যতার কি এই পরিণাম? মিলনের এবং শাস্তির যত উপাদান যুরোপে বর্তমান, জগতের কুত্রাপি সেরূপ নাই। এক তুক দেশ ব্যতীত সমস্ত যুরোপ এক বস্তু অবলম্বন করিয়াছে। খৃষ্টদশ্যে বিভিন্ন সম্প্রদায় থাকিলেও মূল দশ্মের কোন বিষয় হয় না। এক অর্থ ও দারিদ্র্য ছাড়া অন্য কোন প্রকার জাতি-ভেদ নাই। সমস্ত যুরোপের বেশ একরূপ : আচার-বাবহার প্রায় একই রকম। এক জাতির সহিত অপর জাতির বিবাহাদিতে কোন বাধা নাই। ইংরেজ জার্মানকে বিবাহ করিতে পারে, ফরাসী রাশিয়ানকে বিবাহ করিতে পারে। সমাজের নিষেধ নাই—বশ্যে বাধা নাই। কোন দেশ অপর কোন দেশ গ্রহণ করিতে পারে না, কোন জাতি অপর কোন জাতির স্বাধীনতা হরণ করিতে পারে না। যে কালে যুরোপে বহুসংখ্যক রাজ্য ছিল, তখন ভিন্ন ভিন্ন রাজবংশের মধ্যে বিবাহ-সম্বন্ধ স্থাপিত হইত। ইহাতে সেই সকল দেশে পরস্পরের মধ্যে প্রীতি হইবার কথা। প্রকৃতপক্ষে ঘটিয়াছে সমস্তই বিপরীত। যে ক্ষেত্রে সকল জাতীয় একতা স্থাপিত হওয়া কর্তব্য, সেখানে কেবল পরস্পরের মধ্যে ঈর্ষা ও সংশয় উৎপন্ন হইয়াছে। অতিরিক্ত লোভ ও

লালসার এই ফল। রাজ্যলোভ ও অর্থলোভে সমস্ত যুরোপ উৎসন্ন হইবার উপক্রম হইয়াছে।

মহাভারতীয় মৌসল পর্বে কথিত আছে, দ্বারকানগরে একদা মহর্ষি বিশ্বামিত্র, কথ ও তপোদান নারদ উপনীত হইলে যজুবংশীয় সারণ প্রভৃতি কতিপয় মহাবীর ঋষিদিগের সহিত কৌতুক করিবার মানসে বাসুদেবতনয় শাস্ত্রকে স্ত্রীবশে ধারণ করাইয়া, ঋষিদিগের নিকট উপস্থিত হইয়া কহিলেন, — তে মহর্ষিগণ, ইনি অমিত-পরাক্রম বক্র পত্নী! বক্র পুত্রলাভে নিতান্ত অভিলষী হইয়াছেন, অতএব আপনারা বলুন, ইনি কি প্রসব করিবেন? ঠাহাদিগকে প্রতারণিত করিবার চেষ্টা করিতে ঋষিগণ ক্রুদ্ধ হইয়া কহিলেন, এই বাসুদেবতনয় শাস্ত্র বৃষ্টি ও অন্ধকবংশ বিনাশের নিমিত্ত ঘোরতর দ্রৌহময় মুসল প্রসব করিবে। ঐ মুসল-প্রভাবে মহাত্মা বলদেব ও জনাঙ্গন ভিন্ন যজুবংশের সকলেই এককালে উৎসন্ন হইবে। এই মুসল উদ্যানে পোষণ করিবার মুসল-দণ্ড নয়, ইহা প্রাচীন ভারতের বৃদ্ধান্তবিশেষ। ঋষিদিগের অলঙ্ঘ্য অভিশাপে পরদিবস শাস্ত্র এক ঘোরতর মুসল প্রসব করিলেন। ভীত হইয়া রাজপুরুষরা সেই মুসল চূর্ণ করাইয়া সমুদ্রে নিক্ষেপ করাইলেন। চূর্ণিত মুসল সমুদ্রতীরে এরক (খাগড়া নদ) আকারে উৎপন্ন হইল। কিছুদিন পরে এক

দিন যজুবংশীয় বীরগণ সুরাপানে উন্মত্ত হইয়া কলহ করিতে আরম্ভ করিলেন। প্রথমে সাত্যকি খড়্গ দ্বারা কৃতবর্ষার মস্তকচ্ছেদন করিয়া অগ্ন্যাণ্ড বীরগণকে প্রহার করিতে লাগিলেন। বাসুদেব তাঁহাকে নিবারণ করিতে পারিলেন না। ভোজ ও অন্ধকদিগের সংখ্যা অধিক। বাসুদেবের সাফাতেই প্রভ্রায় ও সাত্যকি নিহত হইলেন। তখন বাসুদেব কোপাবিষ্ট হইয়া মুসল-চূর্ণজাত এক মুষ্টি এরক গ্রহণ করিলেন। তৎক্ষণাৎ উহা বজ্রতুল্য মুসল হইল। সকল বীরই এরক উৎপাটন করিতে আরম্ভ করিলেন এবং ঠাহাদের হস্তে ঐ চূর্ণ মুসলে পরিণত হইল। এইরূপে যজুবংশ ধ্বংস হইল। মুসলঃ কুলনাশনম্।

য়ুরোপে সকল জাতিই বজ্রতুল্য মুসলদারী বিস্কানের সহায়তায় যে সকল অস্ত্র প্রস্তুত হইয়াছে, তাহাতে একেবারে সহস্র সহস্র লোক নিহত ও আহত হইতে পারে। বৃষ্টি, অন্ধক এবং ভোজ-বংশের জ্ঞান যুরোপের সকল জাতিতেই সম্পর্ক আছে। লোভ এবং ঈর্ষার অপরিমিত সুরাপানে যুরোপের সকল জাতি উন্মত্ত। তাহা হইলে কি ঋষিকথিত কুলনাশনের পুনরভিনয় হইবে? যিনি সন্দ্যান্যামী, তিনিই জানেন।

শ্রীমদেবজনাথ গুপ্ত।

## কুমুম ও নারী

ও-দণ্ডের তরে ফুল আলো করে বন,  
নেহারিয়া মানবের জুড়ায় নয়ন,  
তুই দণ্ড পরে সে ত পড়িবে ঝরিয়া,  
তবু তার স্তুতি গায় অলি গুঞ্জরিয়া।

কোমল বলিয়া তার এত সমাদর,  
ফটিকের ফুলে কভু, বসে না ভ্রমর।  
নারী ও কুমুম আমি, গণি সমতুল,  
নর সম নারী গড়া, অতিশয় ভুল।

নরের কণ্ঠের ভাব, নারীতে না পাড়ে,  
কোমলতা বিনে নারী, লাগে কোন্ কাড়ে!  
পুরুষ বাঁচিয়া আছে, নারী-ছায়াতলে,  
কর্মের পাষাণে নারী, উৎসরূপে খেলে।

নারীকে যে দিতে চায়, পুরুষের মাজ,  
'ডালে বসি ডাল কাটা' বাতুলের কাজ।

শ্রীবিনয়ভূষণ সেন গুপ্ত

# পাহাড় ঝাড়

উপন্যাস ।

১

সে ঘরে বসিয়া “ছোট সাহেব” কয় জন ছাত্রের সহিত  
সাহিত্যলাপ করিতেছিলেন, তথা হইতে তিনি ক্রমোচ্চ  
কণ্ঠস্বরে ডাকিলেন, “মণিকা!—মণি!—মা!”

একটু দূর হইতে নারীকণ্ঠে উত্তর আসিল, “কি, বাবা?”

“এঁরা সব যাচ্ছেন : দেখা ক’রে যাও।”

কণ্ঠাকে আসিতে বলিয়া “ছোট সাহেব” ছাত্র কয় জনকে  
বলিলেন, “মা সেমন ছেলের খাবার করবার ভার আর  
কাউকে দিয়ে নিশ্চিন্ত হ’তে পারেন না, মণিকা তেমনই  
আমার খাবার আপনি না দেখে করতে দেয় না।”

তাহার কথা শেষ হইবার অল্পক্ষণ পরেই পাশের ঘর  
হইতে পিতার বসিবার ঘরে আসিবার দ্বারের পন্দা ভেলিয়া  
এক যুবতী তথায় আসিয়া দাঁড়াইয়া সকলকে নমস্কার  
করিল। তাহার বর্ণ তপ্ত-কাঞ্চনের মত বা বিকশিত  
পদ্মপলাশের মত নহে—কিন্তু গৌর;—গৌরের নানা রুপ  
মাছে, সে সকলের মধ্যে যাহাকে “মাজা” বলে, তাহাই।  
তাহার দেহে যৌবনের পূর্ণতার লাবণ্য চল চল করিতেছে—  
স্বাস্থ্য তাহাতে আরও সৌন্দর্য্যযোগ করিয়াছে। সে  
আসিবার সময়ে তাহার গালে “টোল” পড়ে। তাহার চক্ষুই  
সন্দেহে লোকের নুগ্ন দৃষ্টি আকৃষ্ট করে—যাহাকে “চোখের  
খেলা” বলে, সে চক্ষুতে তাহা নাই—দৃষ্টি সরল, উজ্জল,  
প্রকল্পতাব্যঞ্জক—সে চক্ষুতে সেই দৃষ্টিই শোভা পায়। যুবতীর  
“পরিধানে একখানি ছাপা শাড়ী—নক্সা মনোহর, শাড়ীর বর্ণ  
যুবতীকে মানাইয়াছে। সে যখন নমস্কার করিল, তখন  
দেখা গেল, তাহার হস্তে কোন স্বেতবর্ণ চূর্ণদ্রব্য লিপ্ত—  
সে নিশ্চয়ই পিতার জন্ম মরদা মাখিতে যাইতেছিল—পিতার  
ডাকে আসিয়াছিল এবং আসিবার সময় অর্ধ-সমাপ্ত কার্য  
ত্যাগ করিয়া হাত ধুইয়া আসা প্রয়োজন মনে করে নাই।

“ছোট সাহেবের” ছাত্রগণ যুবতীকে প্রতিনমস্কার করিল।  
যুবতী পন্দার অন্তরালে চলিয়া গেল।

যুবকগণ অদ্যাপককে নমস্কার জানাইয়া বিদায় লইল।

“ছোট সাহেব” প্রৌঢ়। তাহার পিতা ডাক্তার হইয়া  
উত্তর-পশ্চিম প্রদেশে (বর্তমান যুক্তপ্রদেশে) আসিয়া  
সর্বাপেক্ষা বড় ডাক্তার বলিয়া প্রসিদ্ধি লাভ করেন। তখন  
ইংরেজী শিক্ষা বাঙ্গালার মত ব্যাপ্ত হইয়াছে, তত আর কোন  
প্রদেশে নহে এবং বহু প্রদেশে বাঙ্গালীরাই সে শিক্ষার  
বার্তাবহরূপে গমন করিয়াছিলেন। তখন ভারতবর্ষে  
শিক্ষকের কার্যে, সমাজ-সংস্কারে, দেশাত্মবোধ প্রচারে,  
বাবহারাজীবের কামে বাঙ্গালীই অগ্রণী—কোন কোন  
সামন্ত রাজার দব্বারে বাঙ্গালী মদ্বিত্ত করিতেছেন। “ছোট  
সাহেবের” পিতা যখন আগ্রায়, তখন তথায় আর যে সব  
বাঙ্গালী ছিলেন, তাহাদিগের মধ্যে “সমুনা-লহরী”—রচয়িতা  
গোবিন্দচন্দ্র রায় অগ্ৰতম। তিনি তখন মোগল-প্রাধাণ্যের  
শ্মশানে—সমুনাভীরে—তাজমহলের ছায়ায় বসিয়া চিত্তাসা  
করিয়াছিলেন—

“কত কাল পরে

বল, ভারত রে

তুখ-সাগর সঁতারি পার হ’বে?”

তখনও “বাবু” সন্মানব্যঞ্জক ছিল; সেই জন্ম “শ্রীমতকে” স্থান  
দান করিয়া বার্নপ্রস্থ অবলম্বন অবশ্যস্তাবী বিবেচনা করে  
নাই। ডাক্তার বাবু আগ্রায় “ডাগদার বাবু” বলিয়াই পরি-  
চিত ছিলেন। তিনি যৌবনে নবপ্রচারিত ব্রাহ্মদণ্ডে দীক্ষিত  
হইয়াছিলেন। তাহার স্ত্রী বিনাবিচারে—কষ্টব্যবোধে স্বামীর  
দণ্ডমতই গ্রহণ করিয়াছিলেন। কিন্তু স্বামী ও স্ত্রী কেহই  
হিন্দুর আচার ত্যাগ করেন নাই এবং স্ত্রী বিধবা হইয়া সে  
বর্ষাধিককাল জীবিতা ছিলেন, সে সময় হিন্দু বিধবার সব  
আচার নিষ্ঠাসহকারে পালন করিয়াছিলেন।

তাহাদিগের দুই পুত্র ও এক কণ্ঠা। পুত্রদ্বয়কে ডাক্তার  
বাবু শিক্ষা-সমাপ্তির জন্ম বিলাতে পাঠাইয়াছিলেন। জ্যেষ্ঠ  
বিলাতে কোন ইংরেজ-কণ্ঠাকে বিবাহ করিয়া এবং সরকারী  
ডাক্তার হইয়া আসিয়া কার্যে প্রবৃত্ত হইলেন। কনিষ্ঠ “ছোট



সাহেব" শিক্ষা বিভাগে চাকরীই মনোমত বিবেচনা করেন। কল্লার বিবাহ বাঙ্গালার হইয়াছিল।

সমরকুমার পশুপতি যখন আগ্রা কলেজে অধ্যাপক হইয়া আসিলেন, তখন তিনি ইংরেজি সাহিত্যের দ্বিতীয় অধ্যাপক বলিয়া "ছোট সাহেব" নামে পরিচিত ছিলেন। সে আজ অনেক দিনের কথা। তাহার পর তিনি কলেজে ইংরেজি সাহিত্যের প্রধান অধ্যাপক হইয়াছেন এবং অধ্যক্ষের পদ পাইয়াছেন। কিন্তু তিনি এখনও "ছোট সাহেব" নামেই পরিচিত।

তাঁহার অধ্যাপনার খ্যাতি দিকে দিকে ব্যাপ্ত হইয়া ছাত্রদিগকে আকৃষ্ট করে; কেবল বৃজপ্রদেশের নানা স্থান হইতেই নহে, পরন্তু পঞ্জাব প্রভৃতি প্রদেশ হইতেও ছাত্রগণ—বিশেষ বাঙ্গালী ছাত্ররা তাঁহার নিকট অধ্যয়নের লোভে আগ্রার কলেজে শিক্ষার্থী হয়। দীর্ঘকালের মধ্যে বহু ছাত্র তাঁহার নিকট অধ্যয়ন শেষ করিয়া কর্মজীবনে প্রবেশ করিয়াছে; কিন্তু কেহই তাঁহার অধ্যাপনা-পদ্ধতি ভুলিতে পারে নাই।

তিনি কলেজের প্রাঙ্গণেই একখানি বাঙ্গলোয় বাস করেন। সেখানি সুসজ্জিত উद्याনের মধ্যে অবস্থিত—সকল সময়েই সে উद्याনে ফুল দেখা যায়। যখন দারুণ গ্রীষ্মে বৃজপ্রদেশের ভূমি ফাটিয়া যায়, তখনও তাঁহার বাগানের ইন্দারা হইতে জলসেচের ফলে গাছে গাছে ফুল ফুটিয়া থাকে। গৃহসজ্জায় আতিশয়া নাই—কিন্তু সবই মার্জিত রুচির পরিচায়ক। গৃহসজ্জার সর্বপ্রধান উপকরণ—রাশি রাশি পুস্তক। সব পুস্তকে তাঁহার পাঠ-পরিচয় তাঁহার স্বহস্ত-লিখিত মন্তব্যে ও ব্যাখ্যায় সপ্রকাশ। তিনি তাঁহার চারি পার্শ্বে জানের পরিবেষ্টন সৃষ্টি করিতে জানেন—তাই ছাত্ররাও সেই পরিবেষ্টনের মধ্যে জানার্জনোসাহী হয়। তিনি কেবল কলেজেই ছাত্রদিগকে শিক্ষা দিয়া কর্তব্য শেষ হইল, মনে করিতে পারেন না। তাই যে সব ছাত্র অধ্যয়নানুরাগী ও জানলাভের জন্য অধ্যয়ন করে, তাহারা প্রায় প্রতিদিন অপরাহ্নে তাঁহার কাছে আসিয়া থাকে। তাহাদিগের সহিত চা পান করিয়া তিনি তাহাদিগকে লইয়া বেড়াইয়া আসেন এবং তাহার পর তাহাদিগকে কোন পুস্তক পড়ান বা তাহাদিগের সহিত সাহিত্যালোচনা করেন।

"ছোট সাহেব" বিপণীক। তাঁহার ত্রী বত দিন বাচিয়া

ছিলেন, তত দিন ছাত্রদিগের সখ্যে অতিথিসংকারে তাঁহার আগ্রহ ছাত্রদিগকে মুগ্ধ করিত। তাহার পর সে কাবের ভার কল্যা মণিকাকে গ্রহণ করিতে হইয়াছে। মণিকার এক ভাই আছে। সে পঞ্জাবে সেচ বিভাগে চাকরী করে।

মণিকাকে সুশিক্ষিতা করিতে "ছোট সাহেব" যত্নের ক্রটি করেন নাই; কিন্তু বিশ্ববিদ্যালয়ের শিক্ষায় তাহাকে অধিক দূর অগ্রসর হইতে দেন নাই। তিনি স্বয়ং ইংরেজিতে সুপণ্ডিত—কল্যাঁকে আপনি পড়াইয়াছেন। এখনও সে তাঁহার ছাত্রদিগের সহিত সমানভাবে সাহিত্যালোচনা করিয়া থাকে। আমরা যে দিনের কথা বলিতেছি, সে দিনও সে পিতার নিকট ছাত্রদিগের সহিত কবি টেনিশনের বন্ধুবিয়োগে রচিত অমর কাব্য পাঠ করিয়া নির্দিষ্ট সময়ে পিতার জন্ম আহার্য প্রস্তুত করিতে গিয়াছিল।

পিতা স্বাবলগ্ন ভাগবাসেন—কিন্তু তাঁহাকে অনেক বিষয়ে দুহিতার উপর নির্ভরশীল হইতে হইয়াছে। মণিকার ইচ্ছা ছিল, সে চিকিৎসাবিদ্যা অর্জন করিবে; কিন্তু তাহা তাহার পিতার অভিপ্রেত নহে বুলিতে পারিয়া সে সে ইচ্ছা ত্যাগ করিয়াছে। সে পিতার গৃহখানি চিত্রের মত করিয়া রাখে এবং যাহাতে পিতার কোন অসুবিধা না হয়, সে বিষয়ে অবহিত থাকে।

মণিকা পিতার আদরের কল্যাঁ। সেই কারণে তাহার মনে অভিমান স্কুরিত হইয়াছে; কিন্তু তাহা ব্যক্ত করিবার কোন কারণ ঘটিল না। পিতার কোন কার্যে সে কোনরূপ বাধা পাইত না। মা যত দিন জীবিতা ছিলেন, তত দিন কখন কখন মাতাপুত্রীতে মজভেদের কারণ ঘটিল—কারণ, কোন দুই জন মানুষের প্রকৃতি ঠিক একইরূপ হয় না। মাতার মৃত্যুর পর গৃহে তাহার কথাই আদেশ বলিয়া বিবেচিত হইয়া আসিতেছে।

তাহার বিবাহের কথা সমস্ত সময় "ছোট সাহেবের" মনে উদ্ভিত হইত। কিন্তু তিনি ভগবানের উপর নির্ভর করিতে শিখিয়াছিলেন; মনে করিতেন, যে দিন ভগবানের অভিপ্রেত হইবে, সে দিন তাহার উপযুক্ত পাত্র মিলিবে।

ছাত্ররা অধ্যাপককে অত্যন্ত ভক্তি করিত। তাহারা তাঁহার নিকটে মণিকার সহিত মিশিত, কিন্তু মণিকার ব্যবহার আশ্চর্যান্বয়ের যে ব্যবধান রক্ষা করিত, তাহা কখন লঙ্ঘিত হইত না।

২

অধ্যাপকের গৃহ হইতে ছাত্রবা যখন বাহির হইল, তখন আকাশে জ্যোৎস্না। ছাত্রদিগের মধ্যে এক জন বলিল, “চল, তাজমহলে যাওয়া যা'ক।”

আর এক জন বলিল, “না। ফিবতে দেরী হ'বে।”

তৃতীয় ছাত্র বলিল, “সরল বাবু কবি মানুষ—ওঁর কাছে তাজমহল কবিতা—কখন পুবাণ হয় না।”

সবলকুমার বলিল, “ও কি কখন পুবাণ হয়? আমি ত যত দেখি, ততই দেখতে ইচ্ছা হয়।”

“যেমন মমতাজকে দেখে শাহজাহানের কখন তৃপ্তি হয় নি এবং তাঁরই স্মৃতি জড়ান বলে তাজমহল দেখেও তিনি কখন তৃপ্ত হ'তে পাবেন নি। কপেব এমনই মোহ।”

সবলকুমার বলিল, “কপেব সঙ্গে যে গুণ ছিল না, সে বিষয়ে কি আপনি নিশ্চিত প্রমাণ পেয়েছেন?”

“মোগল হারেমের কথা—প্রমাণ সবই অনুমান : তবে ইতিহাস সে বিষয়ে নির্দ্বন্দ্ব।”

“আজও নির্দ্বন্দ্ব ; কিন্তু এব পব কি বলবে, বলা যায় না। মোগলদের অন্তঃপুরেও মহিলাদের লেখাপড়ার ও শিল্প চর্চার অনেক প্রমাণ আছে।”

“আপনি মেয়েদের লেখাপড়া শেখাব খুবই অনুযোগী।”

“নিশ্চয়। তা'তে মনের বিস্তৃতিসাধন হয়। দেখলেন ত, আজ মণিকা কেমন একটা নতুন ব্যাখ্যা কবলেন। অথচ বাড়ীর কাষও তিনি কেমন ভাবে কবেন, তা'র পরিচয় আজ নমস্কারের সময় তাঁ'র হাতেই পাওয়া গেল।”

“আপনি কিন্তু প্রশংসার পথে বড় দ্রুত এগিয়ে যাচ্ছেন।”

“কেন?”

“প্রশংসা মানুষকে নানা দিকে নিয়ে যেতে পারে, যথা—কাউকে ভক্তির পথে, কাউকে শ্রদ্ধার পথে—যেমন আমরা ‘ছোট সাহেবকে’ ভক্তি করি, শ্রদ্ধা কবি। আর কোন কোন ক্ষেত্রে তা' অনুরাগের পথেও উপনীত করতে পারে।”

এক জন বলিল, “অস্তার্থ—সরল বাবু, সাবধান।”

সরলকুমার বলিল, “সাবধান হ'বারই বা কারণ কি?”

“কি সর্বনাশ! ‘ছোট সাহেব’ যে ব্রাহ্ম—জাতিভেদে বিশ্বাস করেন না।”

“সেটা কি বড় ক্রটি বা অপরাধ?”

“তা' নষ?”

“সেকালে আব ফিরে যাওয়া চলবে না এবং সে যুগে যে সব প্রথা সমাজের প্রয়োজনে রচিত হয়েছিল, সে সব যে এই খৃষ্টীয় বিংশ শতাব্দীতেও ঠিক তেমনই থাকবে না—তা' মনে করা অপরাধ হ'তে পারে না। আমরা নিষিদ্ধ ভোজ্য দেখলে রসনায রসসঞ্চার বন্ধ রাখতে পারি না; বেল, ষ্টামার প্রভৃতিতে অস্পৃশ্যতা বজায় রাখতে পারি না; বর্ণবিভাগ কেবল বিষের সময় দরকার মনে করি—ইত্যাদি ইত্যাদি।”

“আপনি দেখছি, অনেকটা এগিয়ে গেছেন।”

আব এক জন বলিল, “অনুরাগের পথে?”

সকলে হাসিয়া উঠিল।

ততক্ষণে তাহারা ছাত্রাবাসের দ্বারে উপনীত হইয়াছে।

এই কক্ষটি বাঙ্গালী ছাত্র অগ্ণাণ স্থান হইতে আসিয়াছিল এবং কলেজের যুথাসমূহ নিকটে একখানি বাঙ্গলো ভাড়া লইয়া যৌথ হিসাবে বাস করে। যে স্থানে বাঙ্গলো-খানি অবস্থিত, তাহাতেই আব একখানি ছোট বাঙ্গলো আছে এবং সবলকুমার সেখানি স্বতন্ত্রভাবে ভাড়া লইয়াছে। সকলের আচার ব্যবস্থা একসঙ্গে হয়; কেবল সবলকুমার স্বতন্ত্র বাঙ্গলোয় থাকে।

সবলকুমার পিতামাতার একমাত্র সন্তান। তাহার পিতা ভারত সরকারের দপ্তরে বড় চাকরীয়া ছিলেন। পুত্র একটু বড় হইলে বৎসরে কতকংশ সিমলায় ও কতকংশ দিল্লীতে থাকিলে তাহার পাঠের অসুবিধা হয় বলিয়া তিনি তাহাকে কলিকাতায় ছাত্রাবাসে রাখিয়াছিলেন। সে পূজার ছুটীতে সিমলায় ও বড়দিনের ছুটীতে দিল্লীতে পিতামাতার নিকট যাইত। একবার সিমলা হইতে আসিবার পথে রেল-তর্ঘটনায় তাহার মাতার মৃত্যু হয়—পিতাও বিশেষ আঘাত পাঠিয়া কয় মাস পরে সব যাতনা হইতে অব্যাহতি লাভ করেন। পিতৃমাতৃহীন যুবক সরলকুমার অবিভাবকহীন অবস্থায় জীবনসংগ্রামে প্রবৃত্ত হয়। কেবল তাহার অর্থের অভাব ছিল না। পিতার চাকরীর সঞ্চয়, জীবনবীমার টাকা ও রেল কোম্পানীর নিকট হইতে প্রাপ্ত ক্ষতিপূরণের অর্থ—সব একসঙ্গে করিলে যাহা হয়, তাহার আয়ে যে কোন মিতব্যয়ী পরিবারের সুখস্বচ্ছন্দে চলিয়া যাইতে পারে। তাহার উপর—তাহার পিতা কলিকাতায়

পৈতৃক বাড়ীতে তাঁহার অংশ জার্মান যুদ্ধের পরই দাঁড়িয়ে বিক্রয় করিয়া বালীগঞ্জ অঞ্চলে অনেকটা জমী লইয়া একখানি গৃহ নির্মাণ করাইয়াছিলেন। সেখানি ভাড়া দেওয়া ছিল। সরলকুমার সেই ব্যবস্থাই রাখিয়াছিল। অধ্যয়নে তাহার প্রবল অনুরাগ ছিল—এখন জীবনে তাহার আর কোন অবলম্বন না থাকায় তাহা আরও বর্ধিত হয়। আই, এ, পরীক্ষায় উত্তীর্ণ হইয়া সে কাশ্মীরে বেড়াইতে গিয়াছিল—ফিরিবার পথে আগ্রায় আইসে। আগ্রা তাহার ভাল লাগে এবং “ছোট সাহেবের” অধ্যাপনার খ্যাতিতে আকৃষ্ট হইয়া সে আগ্রাতেই অধ্যয়ন করিতে থাকে।

তাহার পর দুই বৎসর কাটয়া গিয়াছে। বি, এ, পরীক্ষায় উত্তীর্ণ হইয়া সরলকুমার শেষ পরীক্ষার জন্য প্রস্তুত হইতেছে—কোন ব্যবসা অবলম্বন করিবে এবং কোন ব্যবসা অবলম্বন করিবে কি না, তাহা সে স্থির করিতে পারে নাই। সে বিষয়ে সে “ছোট সাহেবের” উপদেশ চাহিয়াছিল : তিনি বলিয়াছেন, ভারতবর্ষের রাজনীতিক অবস্থার যেরূপ দ্রুত পরিবর্তন হইতেছে, তাহাতে অল্পকালমধ্যেই রাজনীতিচর্চায় লোক শাসন-কার্যে ক্ষমতা পাইবে ; সে কাষ মন্দ হইবে না। তিনি বিলাতের এক জন প্রসিদ্ধ রাজনীতিকের উক্তি তাহাকে শুনাইয়াছিলেন—স্বায়ত্ত-শাসনশীল দেশে রাজসেবা দেশসেবা বাস্তবিক আর কিছুই নহে। তাহা শুনিয়া সরলকুমার ইংরেজি সাহিত্যের সঙ্গে সঙ্গে রাজনীতি ও অর্থনীতিবিষয়ক পুস্তক পাঠ করিতেছিল। সে “ছোট সাহেবের” প্রিয় ছাত্র এবং তাঁহার বিশেষ স্নেহভাজন।

দুই বৎসরের অধিককাল সে “ছোট সাহেবের” আকর্ষণে আকৃষ্ট হইয়া আগ্রায় আছে এবং তাঁহার সান্নিধ্যে বিশেষ আনন্দ লাভ করে। কিন্তু আজ তাহার সঙ্গীদিগের মুখে যে কথা সে শুনিল, তাহা সে কোন দিন ভাবিয়া দেখে নাই। আগ্রায় তাহার আকর্ষণের সঙ্গে কি মণিকার কোন সম্বন্ধ আছে ?

সে কথা ইতঃপূর্বে কখন তাহার মনে হয় নাই। আজ ছাত্রদিগের মধ্যে এক জনের কথায় তাহা মনে হইল। অস্তি ক্ষুদ্র বীজ হইতে বৃহৎ বটবৃক্ষ উৎপন্ন হয় ; বিনা উদ্দেশ্যে উক্ত ছোট একটি কথা হইতে অনেক চিন্তার উদ্ভব হয়। আজ শয্যায় শয়ন করিয়া সরলকুমার নানা কথা

ভাবিতে লাগিল। মুক্ত বাতায়নপথে চন্দ্রালোক আর কুসুম-গন্ধামোদিত স্নিগ্ধ সমীরণ তাহার কক্ষ পূর্ণ করিতেছিল। সে দিকে তাহার লক্ষ্য ছিল না। দুই বৎসরের কিছু অধিক কাল সে মণিকাকে দেখিয়াছে—মণিকাকে সে যে প্রশংসা করে, তাহা সে কখন গোপন করে নাই। কিন্তু “ছোট সাহেবের” ব্যবস্থায় মণিকার সঙ্গে কোন ছাত্রের ঘনিষ্ঠতাই আতিশয়া লাভ করিতে পারে না। আগ্রায় ও তাহার নিকটে—চারি দিকে দ্রষ্টব্য গৃহাদির অভাব নাই ; সে সকলের সহিত ঐতিহাসিক স্মৃতি বিজড়িত। “ছোট সাহেব” সময় সময় ছাত্রদিগকে লইয়া সে সব দেখিতে ও দেখাইতে যাইয়া থাকেন—মণিকা তখন সঙ্গে যায়। কিন্তু তিনি সঙ্গে না থাকিলে মণিকা কখন যায় না। তাহার সহিত ছাত্রদিগের আলাপ কখন শিষ্টাচারসম্বৃত আলাপের সীমা লঙ্ঘন করিতে পারে না।

কামেই তাহার প্রশংসা যে অনুরাগেরই লক্ষণ, তাহা সরলকুমার মনে করিতে পারে না। কিন্তু—

সঙ্গী ছাত্রের কথায় সরলকুমারের নূতন চিন্তার রুদ্ধ পথ যেন মুক্ত হইয়া গিয়াছিল। সে যে পথের বিষয় জানিত না—সে পথের সন্ধান মিলিয়াছে। পিতৃমাতৃহীন যুবক—এত দিন ভূত্যের উপর নির্ভর করিয়া সংসারের ব্যবস্থা করিয়া আসিয়াছে। তাহাতে দিন কাটে—বাধিয়া থাকে না, কিন্তু পারিবারিক সুখশান্তির যে আশা ও আকাঙ্ক্ষা মানুষের পক্ষে স্বাভাবিক, তাহা পূর্ণ হয় না—হইতে পারে না। তাহার কল্পনা কবিতাপুষ্ট হইলেও সে কোন দিন সেই আশা ও সেই আকাঙ্ক্ষা পূর্ণ করিবার কোন কল্পনা করে নাই। আজ—বাতায়নপথে তাহার কক্ষে চন্দ্রালোকের মত, সেই কল্পনা তাহার মনে প্রবেশ করিল এবং তাহার মনে হইতে লাগিল, তাহা বিকচ-কুসুমগন্ধামোদিত বাতাসেরই মত মধুর।

স্বদেশের ও বিদেশের বহু কবির রচনার কথা তাহার মনে হইতে লাগিল। স্কটল্যান্ডের প্রসিদ্ধ কবি যাহা লিখিয়াছেন, তাহার মর্মার্থ :—

“যাতনা-তাড়িত যবে—বাধিত যখন,

দেবীমূর্তি হেরি তব, রমণী তখন।”

আর বাঙ্গালার ‘মহিলার’ কবি নারী-সৃষ্টির কল্পনা তাহার প্রকাশ করিয়াছেন—নবীন জন্মে জাগিয়া যাহুব—

“শূন্য-মনে বসি’ শূন্য আকাশের তলে,  
 শূন্য দেখে—শোভিত সংসার;  
 নিরূপিতে নাহি পারে নিজ বুদ্ধিবলে  
 কিসে দুঃখী—কি অভাব তার।—  
 বুঝি ভাব মানবের  
 ধাতা তার মানসের  
 করিলেন প্রতিমা রচনা ;—  
 ভুলোক পুলকপূর্ণ, জন্মিল বলনা।”

সরলকুমার তাহার মাতাকে দেখিয়াছে—আপনার সুখতঃখের স্বাতন্ত্র্য পর্য্যন্ত তিনি যেন বিসর্জন দিয়া স্বামীর সহিত অভিন্নতা লাভ করিয়াছিলেন। সে মণিকার কথা মনে করিল—যে যৌবনে চাঞ্চল্য স্বভাবতঃ মনে স্থান পায় এবং গতি হইতে ব্যবহার পর্য্যন্ত সর্ববিধে আত্ম-প্রকাশ করে—সেই যৌবনে সে কি নিষ্ঠাসহকারে পিতার সেবাতার গ্রহণ করিয়াছে! তাহার মনে পড়িল, তাহা-দিগের ছাত্রাবাসের পার্শ্বের গৃহে সে একটি বালিকাকে কি অসীম যত্নে রুগ্না মাতার সেবা করিতে—রোগজীর্ণার অকারণ তিরস্কার হাসিমুখে পুরস্কার মনে করিতে দেখিয়াছিল; সে তাহার কথা উচ্ছ্বসিতভাবে বলিলে তাহার মাসীমা কিরূপ বিক্রম করিয়া ভগিনীকে বলিয়াছিলেন, “ছেলেকে ওখান থেকে সরিয়ে নাও।”

ভাবিতে ভাবিতে সরলকুমার ঘুম হইল, পড়িল—কিন্তু তাহার নিদ্রা গাঢ় হইল না।

বাতায়ন মুক্ত ছিল—অকণালোক যখন কক্ষে প্রবেশ করিল, তখন তাহার নিদ্রাভঙ্গ হইল—সে অল্প দিনের মত উঠানে যাইয়া একবার ফুলের গাছগুলি দেখিয়া আসিল। তাহার দিনের কায এইরূপেই আরম্ভ হইত—সে ফুল বড় ভালবাসে।

অল্প দিনের মত অপরাহ্নে ছাত্রগণ “ছোট সাহেবের” গৃহে গমন করিল। তাহারা যখন বাহিরের দ্বার পার হইয়া কঙ্করাসূত পথে উপনীত হইল, তখন “ছোট সাহেব” ও মণিকা গৃহের উঠান পর্য্যবেক্ষণ করিতেছিলেন। ছাত্রদিগকে দেখিয়া মণিকা লঘু ও ক্ষিপ্ত গতিতে বাহ্যলোয় চলিয়া গেল। সে যে ছাত্রদিগের অন্ত চা প্রস্তুত করিতে

গেল, তাহা ছাত্ররা বুঝিতে পারিল। অন্য সকলের মত সরলকুমারও তাহার দিকে চাহিল; কিন্তু সে চাহিয়াই দৃষ্টি নত করিল। যখন মণিকা বারান্দায় টেবলের উপর চা’র পেয়াল, পিরিচ, ও পাউরুটি টোষ্ট রাখিল, তখন তাহাকে ধন্যবাদ দিবার সময়ও সরলকুমার কেমন ঈজ্জামুভব করিল।

চা পান শেষ হইলে “ছোট সাহেব” বলিলেন, “আমি মণিকাকে বলছিলাম, অনেক দিন তাজমহল দেখতে যাওয়া হয় নি। যা’ দেখতে বিদেশ হ’তে—কত দূরদেশ হ’তে লোক আসে, আমরা কাছে থাকি বলে তা’র যথেষ্ট আদর করি না। এর কারণ কি? হয়—ঘনিষ্ঠতা উপেক্ষা উৎপন্ন করে, নয় ত কবি ক্যাম্পবেলের সেই কথা—

‘দূরত্বের ব্যাপান শোভা দান করে—  
 বর্ণের রঞ্জে করে রঞ্জিত ভূধরে।’

কোনটা ঠিক?”

এক জন ছাত্র বলিল, “সরল বাবু কবিতা লেখেন, উনি এ প্রশ্নের ঠিক উত্তর দিতে পারবেন।”

“ছোট সাহেব” বলিলেন, “আচ্ছা, সরল, তুমিই বল।”

সরলকুমার বলিল, “ঘনিষ্ঠতা সব ক্ষেত্রে উপেক্ষা উৎপন্ন করে না। মমতাজের সঙ্গে শাহজাহানের অবশ্য খুবই ঘনিষ্ঠতা ছিল—স্বামা আর স্ত্রী—কিন্তু তা’তে উপেক্ষা উৎপন্ন হয় নি; এবং সেই ঘনিষ্ঠতা শাহজাহানের প্রেমকে মৃত্যুঞ্জয়ী কবেছিল—‘মমতুরে রচিত এই প্রেমের স্বপন’ তাজমহল তা’র প্রমাণ। আমাদের না যাওয়াও প্রশংসার অভাব-ব্যঞ্জক নয়।”

সরলের উত্তর শুনিয়া “ছোট সাহেব” বিশেষ আনন্দ প্রকাশ করিলেন। তিনি শাহজাহানের ‘পত্নীবিয়োগব্যথা’ আপনার হৃদয়ে অনুভব করিতেছিলেন; স্থির করিয়াছিলেন, তাহার পত্নীর স্মৃতিজড়িত বাহ্যলোতেই জীবনের অবশিষ্ট কাল যাপন করিবেন—আর কোথাও যাইবেন না। তিনি সন্মুখে সরলকুমারের পৃষ্ঠে করতল স্থাপন করিয়া বলিলেন, “চমৎকার ব্যাখ্যা।”

যে ছাত্রটি ব্যাখ্যার ভার সরলের উপর দিয়াছিল, সে বলিল, “কবির ব্যাখ্যা বটে; কিন্তু—”

মণিকা যে সরলের কথা উৎকর্ণ হইয়া শুনিতেছিল, তাহা



কেহ বুঝিতে পারে নাই। এখন মণিকা জিজ্ঞাসা করিল—  
“কিন্তু—কি?”

“কিন্তু শাহজাহানের এই স্মৃতিসৌধ রচনায় যে তাঁহার রাজগর্বই প্রকাশ পায়, নি—দিল্লীতে ছমায়ুনের সমাপিসৌধ, সিকান্দার আকবরের সমাপিসৌধ, লাহোরে জাহাঙ্গীরের সমাপিসৌধ—এসবগুলিকে সৌন্দর্য্যে পরাহৃত করবে, এমন সৌধ রচনা করবেন, এই অভিমানই যে শাহজাহানকে এই তাজমহলে রচনায় প্ররোচিত করে নি, তা’ কে বলিতে পারে?”

মণিকা বলিল, “এই ধর্ম্ম সম্বন্ধে নাস্তিকের মত—পৈনাজের খোশা ছাড়াতে ছাড়াতে শেষে আর কিছুই থাকে না, ধর্ম্মও তেমনই। কিন্তু ধর্ম্ম বিশ্বাসের উপর প্রতিষ্ঠিত।”

সরলকুমার নত দৃষ্টি তুলিয়া মণিকার দিকে চাহিল। মণিকার মনে হইল, দৃষ্টিতে প্রশংসার এমন অভিব্যক্তি সে আর কখন প্রত্যক্ষ করে নাই। ভক্তের দৃষ্টিতে ভক্তির পদের প্রতি এই ভাবই বৃষ্টি সূটিয়া উঠে। কিন্তু মণিকার দৃষ্টির সহিত তাহার দৃষ্টি মিলিত হইতেই সরলকুমার দৃষ্টি নত করিল।

“ছোট সাহেব” বলিলেন, “চল, তাজমহলে যাওয়া যা’ক—কান্ ব্যাখ্যা সমীচীন, তা’ দেখে স্থির করা যা’বে।”

সকলে তাজমহলে দেখিয়া ফিরিয়া আসিলে “ছোট সাহেব” তাজমহলে সম্বন্ধে কোন ইংরেজ কবির একটি কবিতা পাঠ করিয়া বলিলেন, “ধনেশ, এখন কি বল?”

ধনেশ বলিল, “দেখছি, সরল বাবুর পক্ষেই ভোট অধিক। আজকাল—এই গণতন্ত্রের যুগে যখন ভোটের আধিক্যে সব বিষয় স্থির হয়, তখন আমিই হাঁর মান্তে বাধ্য।” কিন্তু জানেন ত, কবি গোল্ডস্মিথের সৃষ্টি গ্রামা শিক্ষক—‘যুক্তিতে হারিলে তবু তর্কেতে তৎপর।’ আমি সেই রকম হ’তেও পারি।”

সকলে হাসিয়া উঠিলেন

পূর্বদিন প্রত্যাবর্তনপথে যে ছাত্রটি বলিয়াছিল—সরল-কুমার প্রশংসার পথে বড় দ্রুত অগ্রসর হইতেছে, আজ প্রত্যাবর্তনপথে সেই-ই বলিল, “আজ সরল বাবুর প্রবল সমর্থক আমাদের গুরুকণা—কুমারী পালিত।”

তাহার কথা কি কোন গুপ্ত ইঙ্গিত ছিল?

তাহার কথা কোন গুপ্ত ইঙ্গিত থাকুক আর না-থাকুক, সরলকুমারের মনে হইতে লাগিল, তাহার আপনার মনের ইঙ্গিত সম্বন্ধে তাহার আর সন্দেহ নাই। আগ্রার দুর্গমধ্যে সমাম বুরুজ বা জুই মতলের প্রাচীরগাত্র শিল্পী যেমন অসাধারণ নৈপুণ্য সহকারে নানা চিত্রে পূর্ণ করিয়া দিয়াছিল, তাহার মনও তেমনই নানা চিত্রে পূর্ণ হইয়াছিল। সে এত দিন তাহা লক্ষ্য করিতেই পারে নাই—সে তাহার আপনার দৃষ্টিপাতের দোষে।

আজ সে মনে করিল, এ সব চিত্র কোথা হইতে আসিল? কে যেন তাহার সেই জিজ্ঞাসায় উত্তর দিল, “কুলকলি বিকশিত হইবার পূর্বে কে তাহার কেন্দ্র হইতে প্রতি পর্ণ যথাযোগ্য বর্ণে রঞ্জিত করে?”

তাহার মনে হইতে লাগিল, তাহার সংসারের আদর্শ পরিবর্তিত হইয়া গিয়াছে—জীবনের উদ্দেশ্য সে সন্ধান করিয়া পাইয়াছে। অথচ সে পরিবর্তন তাহার চেতনাসাধ্য হয় নাই, সে উদ্দেশ্য তাহাকে সন্ধান করিয়া বাহির করিতে হয় নাই। কিরূপে—দীর্ঘে দীর্ঘে তাহার মনে পুরাতনের স্থান নূতন অধিকার করিয়াছে, যাহা শূন্য ছিল, তাহা পূর্ণ করিবার আকাঙ্ক্ষা আত্মপ্রকাশ করিয়াছে, যৌবন তাহার অতৃপ্ত ক্ষুদ্রা লইয়া তৃপ্তি চাহিতে দেখা দিয়াছে—তাহা সে বুঝিতে পারে নাই। সে দিকে তাহার দৃষ্টিও ছিল না।

সে যত ভাবিতে লাগিল, তাহার মনের অভাব ততই তীব্র হইয়া উঠিতে লাগিল—সে অভাব দূর করিবার জগু তাহার ইচ্ছাও তত প্রবল হইতে লাগিল। কিন্তু প্রণয়ের প্রথম বিকাশ যুবককে শঙ্কিত করে। এ ক্ষেত্রে তাহার শঙ্কা প্রবল হইবার বিশেষ কারণও যে ছিল না, তাহা নহে। সে যদি তাহার মনের বাসনা ব্যক্ত করে, তবে কি হইবে? যদি “ছোট সাহেব” তাহাকে কণ্ঠার উপযুক্ত পাত্র বিবেচনা না করেন বা তাহার সহিত বিবাহ মণিকার অভিপ্রেত না হয়, তবে তাহাকে আত্ম ত্যাগ করিয়া যাইতে হইবে; কেন না, তাহার পর আর তাহার পক্ষে পূর্ববৎ “ছোট সাহেবের” গৃহে গত্যাত করা সম্ভব ও সম্ভব হইবে না; এবং সে অবস্থায় তাহার পক্ষে আর আগ্রায় থাকা সমীচীন হইবে না।

তাহাকে আত্ম ত্যাগ করিতে হইতেও পারে, এই চিন্তায় সে যখন বেদনামুভব করিল, তখন সে বুঝিল,

আগ্রায় সে “ছোট সাহেবের” অধ্যাপনার দ্বারা আকৃষ্ট হইয়াছিল বটে, কিন্তু আজ যে সে আগ্রার আকর্ষণে আকৃষ্ট হইয়া আছে, তাহার অন্য কারণও আছে—হয় ত সেই কারণই প্রবল ও প্রধান।

যাহাতে তাহার পক্ষে মণিকার সান্নিধ্যে থাকি। অসম্ভব হইতেও পারে, তাহা সে সাহস করিয়া করিতে পারে কি? সে যদি কোন কথা প্রকাশ না করে—উপাসক যেমন দূর হইতে দেবীর উপাসনা করিয়া আপনাকে কৃতার্থ মনে করে, তেমনই করে, তবে তাহাতে কি দোষ হইতে পারে? সে ত তাহাতে কাহারও কোন অনিষ্ট করিবে না। দিন যেমন কাটিতেছে, তেমনই কাটিবে; কেবল সে তাহার মনের গোপন ভাব গোপন রাখিবে। আর কিছুই নহে।

সাহস করিয়া “ছোট সাহেবের” নিকট তাহার প্রস্তাব উপস্থাপিত করিবার সঙ্কল্প সে ত্যাগ করিল এবং সে আপনাকে আপনি বুঝাইবার চেষ্টা করিল—তাহাতেই সে শান্তিতে থাকিতে পারিবে।

তাহার পর সরলকুমার পূর্ববৎ জীবন যাপনের চেষ্টায় ব্যাপ্ত হইল—সেই অধ্যয়ন, সেই সাহিত্যালোচনা, সেই প্রতিদিন “ছোট সাহেবের” গৃহে গমন ও তথায় মণিকার সহিত সাক্ষাৎ, সেই আপনার ফুলগাছ প্রভৃতি দেখা—ইত্যাদি।

কিন্তু তাহার মনের মধ্যে যে পরিবর্তন হইয়া গিয়াছিল, তাহার কি হইবে?

[ ক্রমশঃ

শ্রীহেমেন্দ্রপ্রসাদ ঘোষ।

## “—অন্ধকার জ্যোতির্ময়ী ধরা”

হরমুখ দারিদ্র্য আর দুর্নিমিত্ত অতৃপ্ত কামনা  
শত লক্ষ ফণা ধরি জীবনেরে করিছে দংশন,  
রূপে ভরা নিখিলের ছন্দ-গান করিছে শোষণ  
বাচিবার তরে এই লঙ্কার নির্লজ্জ সাধন।

শুধু বেঁচে থাকা মাত্র দগ্ধদের অন্ন এক মুষ্টি,  
প্রত্যহ ফেলিয়া দেওয়া, তার বেশী আর কিছু নয়,  
তারি তরে এ সংগ্রাম—ছলনার হীন অভিনয়  
করিতে হতেছে মোরে মর্শভেদী অশ্রুজলে লুটি!।

সব ঠাই ব্রণা আর দ্বিপাণীন অবজ্ঞাব শর  
আস্বারে করিছে বিদ্ধ স্তনিপুণ অবার্থ সন্ধানে,  
সহি' মদা অনাদর জ্বালামুখী আত্ম-অপমানে  
মোহশূন্য হইতেছি অভিশপ্ত জীবনের 'পর'।

ভগবান তুমি কোথা! কোথা তব করুণার ধারা  
এ সে দেখি শুধু কালো, অন্ধকার জ্যোতির্ময়ী ধরা।

কুমারী নীলিমা বসু ভারতী

# হিতহাসের খবুসরগ

“দীন-ই-ইলাহী”

পানিপথের দ্বিতীয় যুদ্ধে পরাজিত ও বন্দী পাঠান সেনাপতি হীমুকে স্বহস্তে নিধন করিয়া “গাজী” হইবার জন্ত বৈরম খা আকবরকে উপদেশ দিলেন; এবং কাফেরের যুদ্ধে অসি রঞ্জিত করিয়া “গাজী” হওয়া পবিত্র কোবাণ শরীফ অনুমোদিত, সুতরাং প্রত্যেক ধর্মপ্রাণ মুসলমানের বিশেষ কামা, ইহাও স্বরণ করাইয়া দিলেন। কিন্তু মহানুভব বালক আকবর দেখিলেন, কাফের শত্রু, চক্ষুতে তীর বিদ্ধ হওয়ার জন্ত যন্ত্রণায় সংজাহীন, ধূল্যবলুষ্ঠিত দেহ, এরূপ অসহায় শত্রুর সঙ্গে অস্ত্রাঘাত করা নিতান্ত বর্কবোচিত। এরূপ নিষ্ঠুর কর্ম তাঁহার বিবেকানুমোদিত হইল না। এজন্ত মহাবীর হীমুকে হত্যা দ্বারা পবিত্র কোবাণের উক্তির অথবা ধর্মপ্রাণ গুরুর উপদেশের সম্মান রক্ষা করিতে পারিলেন না। Elphinstone's "History of India" p 496.

আকবরের কাষীকলাপ আলোচনা করিলে দেখিতে পাওয়া যায় যে, বাল্য-জীবনের অঙ্কবিত্ত সেই মনোবৃত্তি ভবিষ্যতে বৃহৎ কাষীবিধিতে পরিণত হয়। প্রচলিত পুরাতন প্রথা, পুস্তকের লিখিত উক্তি, অথবা জ্ঞানাত্মনীর উপদেশ, সর্ব-সময়ে ও সর্বাবস্থায় বিনা বিচারে ক্রম সত্য জ্ঞানে গ্রহণ না করিয়া নিজেব বিবেক ও অভুলনীয় বিচার-বুদ্ধির কষ্টি-পাথরে ষাটাই করিতেন; এবং তাঁহার বাস্তব জগতের কর্মধারা এই নিয়মের দ্বারা নিয়ন্ত্রিত হইয়া তাঁহাকে জগতের সর্বশ্রেষ্ঠ রাজস্বগণের মধ্যে উচ্চাসনে সুপ্রতিষ্ঠিত করে। Malleson's "Akbar" p 147.

তাঁহার পূর্ববর্তী মুসলমান বিজেতার হিন্দুস্থানের সিংহাসন অধিকার করিয়াছিলেন, হিন্দুধর্ম অমার্জনীয় অপবাদ বিবেচনা করিয়া হিন্দুদের হত্যা, তাহাদের স্ত্রী-পুত্রকে ক্রীতদাস, এবং তাহাদের ধর্মের উপর মহা অত্যাচার করিয়া পবিত্র কোবাণ শরীফের সম্মান রক্ষা করিয়াছিলেন; কিন্তু হিন্দুস্থানে সূদূর ভিত্তির উপর রাজস্ব স্থাপন করা প্রয়োজন মনে করেন নাই। Vincent Smith's "Akbar the Great Mugul" p 356; Bloc Aim p 237 (note); Malleson's "Akbar" p 172. রাজ্য-ভিষেকের পর আকবরের মন্ত্রীরা হিন্দুদের উপর ক্রমাগত উৎপীড়ন করিতে পরামর্শ দিলেন। তাঁহার পিতা হুমায়ুন কনোজের যুদ্ধে পরাজিত হইয়া হিন্দুস্থান ত্যাগ করিতে বাধ্য হইলেন। পৃথিমধ্যে আকবর-জননী আসন্ন-প্রসবের সম্ভাবনা। তদুপরি বিজয়দুগ্ধ শেরশাহের পশ্চাদমুসরণ হুমায়ুনকে কিংকর্তব্যবিমূঢ় করিয়া ফেলিল। তখন অমরকোটের হিন্দুরাজা শেরশাহের প্রতিহিংসা এবং নিজের সর্বনাশের সম্ভাবনা উপেক্ষা করিয়া বিপন্ন হুমায়ুনকে আশ্রয় দিলেন। হিন্দুর এ মহৎ হুমায়ূনের অন্তরে রেখাপাত করিতে পারিল না। জীবনের শেষ দিন পর্যন্ত হিন্দুদের উপর উৎপীড়ন ভিন্ন অন্য পন্থা নির্দেশ

করিতে পারিলেন না। আকবরের আত্মলিক ধর্মপ্রাণ বৈরম খা হিন্দুদের পদদলিত করিতে এবং উপযুক্ত সৈন্য-সমাবেশ ও শক্তি-প্রয়োগের দ্বারা রাজস্ব দৃঢ় করিতে পরামর্শ দিলেন।

স্বহস্তে রাজ্যভার গ্রহণের পর আকবর মোগল সাম্রাজ্য চিরস্থায়ী করিতে প্রয়াসী হইলেন। কিন্তু তৎপক্ষে পূর্ববর্তী বাদশাহের আদর্শ অথবা পূর্বোক্ত পরামর্শ তাঁহার বিবেকানুমোদিত হইল না। তখন তিনি দেখিলেন যে, হিন্দুদের সহিত চিরবিবাদ অপেক্ষা তাহাদের সমানুভূতি ও আন্তরিক প্রহ্লা অর্জন করা, তাহাদের অন্তর অধিকার করা, তাহাদের সহিত মিত্রতা স্থাপন করা অধিকতর প্রয়োজন। এজন্ত বাচনীতিজ্ঞ আকবর রাজপুত জাতির সহিত বৈবাহিক সংঘ স্থাপন করিয়া অধ্ববাজকে চিবসহায় করিয়া রাখিলেন। এরূপ ঘনিষ্ঠতা স্থাপনের পর আকবর তাহাদের গুণাবলী পর্যবেক্ষণ করিবার সুবিধা পাইলেন। তিনি দেখিলেন, রাজপুত জাতি প্রকৃতপক্ষে সত্যবাদী, কর্তব্যপরায়ণ, কাষীক্ষম, সাহসী ও বিশ্বাসভাজন এবং মুসলমান অপেক্ষা কোন অংশে নিকৃষ্ট নহে; তাহাদের অন্তর অধিকার করিতে হইলে তাহাদের উপর অন্ধ সংস্কার বা হিংসাপ্রবৃত্তিবশে যে সকল উৎপীড়ন করা হইত, সেগুলি সম্বন্ধ দূর করা উচিত। এজন্ত হিন্দুস্থান হইতে বিদ্রিত হিন্দুদের ক্রীতদাস করার প্রথা, তীর্থ-কর, এবং হিন্দুদের মহা কষ্টদায়ক ভিজিয়া কর উঠাইয়া দিলেন। Beveridge Akbarnamah" II. p 243, 244, 295 & 317.

এ সকল সংস্কারের পরেও হিন্দু-মুসলমানের মধ্যে বিবাদ দূর হইল না। বাদশা তাহার কারণ নির্ণয় করিলেন এবং দেখিলেন যে, কতকগুলি ধর্মীক মুসলমান সকল অশান্তির সৃষ্টিকর্তা। এই সকল মুসলমানের দাবণা, তাহারা ধর্মসম্বন্ধে অভ্রান্ত, তাহারা অবাক্ত, অনাদি ও ধারণাতীত শব্দব্রহ্মের ধারণা ও উপাসনা করে। হিন্দুরা ভ্রমাক হইয়া অসত্য ও হীন ধর্মের আচরণ করে, অশপ ও প্রাণহীন বিগ্রহের পূজা করে, অর্থহীন ক্রিম্বার অনুষ্ঠান করে; হিন্দুদের পক্ষে ইসলাম গ্রহণ করা এবং তাহার প্রাধান্য স্বীকার করা অবশ্য কর্তব্য; অস্ত্রধার হিন্দুরা চিরদিন কঠোর অত্যাচার সহ্য করিতে বাধ্য। আকবর প্রথম কয়েক বৎসর এই মতের বশবর্তী হইলেন। সুতরাং তাঁহার রাজ্যের সর্বশেষে দেবমন্দির ভগ্ন, বিগ্রহ পদাঘাতে ভুলুষ্ঠিত, গোহত্যা, হিন্দুস্ত্রীর অবমাননা দৈনন্দিন ব্যাপার হইয়া উঠিল। তিনি নিজে শত শত ব্রাহ্মণকে ইসলাম গ্রহণ করিতে বাধ্য করিলেন। কিন্তু তাঁহার বিবেক তাঁহার ভ্রম দেখাইয়া দিল। তিনি বলিলেন, "Formerly I presented men into conformity with my faith and deemed it Islam. As I grew in knowledge I was overwhelmed with shame."

Not being a Muslim myself, it was unmet to force others to become such. What constancy is to be expected from proselytes on compulsion?" Jarret, *Ain-i-Akbari* III. p 384. অর্থাৎ "পূর্বে মনে করিতাম, নির্ধ্যাতন দ্বারা সকলকে মুসলমান ধর্ম গ্রহণ করাইতে পারিলে ইসলামের প্রকৃত উদ্দেশ্য সাধিত হয়। কিন্তু জ্ঞানবুদ্ধির সহিত নিজের ভ্রম বুঝিতে পারিয়া বিশেষ লজ্জিত হইতেছি। নিজে সর্বাস্ত্রকরণে মুসলমান নহি, এরূপ অবস্থায় অপরকে মুসলমান হইবার জন্ত বাধ্য করান আমার পক্ষে অসুচিত। বাধ্য হইয়া কেহ ধর্মগ্রন্থ গ্রহণ করিলে তাহার নিকট হইতে গৃহীত ধর্মের প্রতি স্থিরানুভাব আশা করা বুঝা।" তখন তিনি দেখিলেন যে, এই সকল ধর্মগ্রন্থ মুসলমান অল্প ধর্মের প্রতি নিরপেক্ষ বিচার করিতে অপারগ হইয়া, পাশবিক বলে এবং ব্যক্তিগত মতের বশে হিন্দুধর্মকে হীন ও অসত্য বলিতেছে। Malison, p 148. তিনি আরও দেখিলেন যে, হিন্দুধর্ম বহু পুরাতন, প্রকৃতপক্ষে অসত্য হইলে বহু পূর্বেই লোপ পাইত। এক ধর্ম যাহা বলিবে, অল্প ধর্ম তাহা অস্বীকার করিলে, ঐতিহ্যটি প্রামাণিক বলিবার কোন কারণ দেখিলেন না। পাশবিক বলে কোন ধর্মকে হীন বা অসত্য বলা চলে না। সুতরাং যুক্তি তর্কের দ্বারা প্রতিপন্ন না হওয়া পর্যন্ত হিন্দুধর্মের হীনতা বা অল্প ধর্মের প্রাধান্য স্বীকার করিতে পারিলেন না। Badaoni II p 256; Bloch. p 79. তখন তিনি হিন্দুস্থানের সমস্ত ধর্মের একে একে আলোচনা করিতে এবং প্রয়োজন হইলে একটি নূতন ধর্ম প্রচার করিতে স্থিরসঙ্কল্প হইলেন। বাদশা কর্তৃক নূতন ধর্ম প্রচারের প্রচেষ্টা অল্পতপূর্ব হইলেও আকবরের মৌলিক কল্পনা-প্রসূত নহে; এরূপ কল্পনার জন্ত তিনি পাঠান মাত্র আল্লাউদ্দীন খিলজীর নিকট স্বামী। ধর্মপ্রচার ব্যাপারে আল্লাউদ্দীনের চিন্তা ও কল্পনার বিবরণ নিম্নে প্রদত্ত হইল।

হজরত মহম্মদ তাহার চারি জন বন্ধুর সাহায্যে ইসলাম ধর্ম প্রচার করিয়া জনসাধারণকে গ্রহণ করাইতে সক্ষম হইলেন। আল্লাউদ্দীন আশা করিলেন, উলুগখাঁ প্রভৃতি তাহার চারি জন বিশিষ্ট বন্ধুর সাহায্যে একটি নূতন ধর্ম প্রচার করিয়া বল-প্রয়োগ দ্বারা জনসাধারণকে গ্রহণ করাইতে সক্ষম হইলে হজরত মহম্মদের জায় তিনি পৃথিবীতে অমর হইয়া থাকিবেন। মগধের সময় বন্ধুদের মধ্যে আল্লাউদ্দীনের এইরূপ কথাবার্তা হইত এবং তিনি গোপনে তাহার বিষয় সভাসদগণের সহিত এ বিষয়ে পরামর্শ করিতেন। কিন্তু দিল্লীর কোতোয়াল আলাও-উল-মুল্ক নিয়ন্ত্রিত যুক্তি প্রয়োগ করিয়া আল্লাউদ্দীনকে ধর্ম-প্রচারের বাসনা ত্যাগ করিতে পরামর্শ দিলেন। কোতোয়াল বলিলেন, "পৃথিবীর আদি-যুগ হইতে ধর্মপ্রচার প্রত্যাদিষ্ট ব্যক্তির কর্তব্য হইয়া রহিয়াছে। ধর্মপ্রচার কখনও রাজার কর্তব্য হয় নাই বা হইতে পারে না। প্রত্যাদিষ্ট ব্যক্তির হৃদয়ে ভগবৎতত্ত্বজ্ঞানের উন্মেষ আপনা হইতে হইয়া থাকে; এই তত্ত্বই ঈশ্বর-প্রকটিত সত্য, ইহার প্রচার ধর্মপ্রচারের নামান্তর মাত্র। পাশবিক বল, যুক্তি, কল্পনা ও পরামর্শের দ্বারা মানবহৃদয়ে ধর্মের বিকাশ হয় না। মুসলমান-দের মোগল ধর্মে দীক্ষিত করিবার জন্ত চেম্বের্গার আজ্ঞার যত্নের নদী বহিল, কিন্তু কোন মুসলমান মোগলধর্মে দীক্ষিত

হইল না; বরং অনেক মোগল মুসলমানধর্ম গ্রহণ করিল।" আল্লাউদ্দীন অশিক্ষিত ও বোকাচারী হইলেও কোতোয়ালের এই যুক্তি ও পরামর্শ বিশেষরূপ বিবেচনা করিয়া দেখিলেন এবং অবশেষে ধর্মপ্রচারের বাসনা চিরদিনের জন্ত ত্যাগ করিলেন। Elliot & Dowson III p 168 & 169. এ ব্যাপার আকবরের অবদিত ছিল না।

১৫৭৩ খৃষ্টাব্দে গুজরাট জয়ের পর আকবর রাজধানীতে প্রত্যাগত হইলে সেখ মবারক (আবুল ফজলের পিতা) তাঁহাকে মোগল সাম্রাজ্যের ধর্মের ভবিষ্য নিয়ন্ত্রণ বলিয়া অভিনন্দন করিলেন। Beveridge A. N. III p 56. এখন হইতে তিনি এই আশাকে হৃদয়ের মধ্যে প্রচ্ছন্নভাবে পোষণ করিলেও হিন্দুস্থান হইতে ইসলাম দূর করিয়া তাহার স্থানে অল্প ধর্ম স্থাপন করিতে একেবারে অগ্রসর হন নাই।

১৫৭৫ খৃষ্টাব্দ হইতে ফতেপুর শিকরি প্রসিদ্ধ "ইবাদাখানা" বা ধর্মমন্দিরে প্রতি বৃহস্পতিবার রাত্রিতে ধর্মালোচনা আরম্ভ হইল। ধর্মালোচনার সময় ধর্মশাস্ত্রবিদ উলেমারা মকদম-উল-মুল্ক ও আনছুল-নবীর অধীনে দুই দলে বিভক্ত হইতেন। বাদশার মনে ইসলাম ধর্ম ও কোরাণ-শরীফের অংশবিশেষের অর্থ সম্বন্ধে কতকগুলি সন্দেহ উপস্থিত হওয়াতে তিনি এই সকল সন্দেহ দূর করিবার জন্ত উলেমাদের নিকট যাইয়া একে একে সকলকে প্রশ্ন করিতেন। এই সকল প্রশ্নের উত্তরে এক দল উলেমা ধর্মমত প্রকাশ করিতেন, অপর দল প্রায়ই তাহার বিপরীত মত প্রকাশ করিতেন। নিজেদের মধ্যে কোনরূপ সম্ভাবজনক মীমাংসা করিতে না পারিয়া উলেমারা পরস্পরকে মূর্খ, নাস্তিক ও ধর্মপ্রোত্তী বলিতেন। উচ্চশিক্ষাভিমাত্রী ও ধর্ম-শাস্ত্র-অভিজ্ঞ উলেমাদের আচরণ দেখিয়া বাদশা সন্তুষ্ট হইলেন। তিনি দেখিলেন, এই উলেমারা সকলেই উৎসাহবান, রুচিবান, এবং আত্মসম্মতজ্ঞানশূন্য। যাহারা বাদশার সমক্ষে এবং ধর্মচর্চার সময় নিজেদের কদর্য স্বভাব ও আচরণের পরিচয় দিতে লজ্জিত হইতেন, তাহাদের মধ্যে প্রকৃত শিক্ষা বা মানসিক উৎকর্ষের সম্পূর্ণ অভাব; তাহাদের মধ্যে ধর্মমত অপেক্ষা ব্যক্তিগত মতই প্রবল; ধর্মচর্চার প্রকৃত উদ্দেশ্য সম্বন্ধে তাহারা অজ্ঞ; তাহাদের ধারণা বাহ্য আড়ম্বর, ক্রিয়ামুগ্ধতা ও বিবিনিয়মপালনের দ্বারা ধর্মচর্চার প্রকৃত উদ্দেশ্য সাধিত হয়। যাহারা নিজেদের পর্যাপ্ত জ্ঞানভাব বশতঃ ইসলামের পবিত্র উদ্দেশ্য এবং কোরাণ শরীফের প্রকৃত অর্থ ব্যাখ্যা করিতে অপারগ, তাহারা সকলেই অজ্ঞ, সকলেই ধর্মোন্মত্ত। সুতরাং ইসলামের প্রকৃত উদ্দেশ্য এবং কোরাণ শরীফের প্রকৃত অর্থ ব্যাখ্যা করিবার লোকভাব মনে করিয়া এবং এরূপ উলেমাদের উপর ধর্মশিক্ষা বিষয়ে নির্ভর করা নিরাপদ নহে ভাবিয়া বাদশা ইসলামের মধ্যে তাহার অস্তিত্বের তৃপ্তিসাধনের পক্ষে কোন উপায় দেখিলেন না; এবং কোরাণ শরীফের নানারূপ অর্থের মধ্যে সত্য নির্ণয় করিতে না পারিয়া অল্প ধর্মের মধ্যে সত্যের অন্বেষণ করিতে প্রয়াসী হইলেন। অবশেষে গুজবাবের নামাজ ব্যক্তিকে ইসলামের সমস্তই পরিচয় করিলেন। Blochmanns "Ain-i-Akbari" p 171, 172 & 177 195; Jarret's "Ain-i-Akbari" vol III. p 369 & 394; Badaoni II p 239 & 259; Father



Pir heiro's letter frome Lahore father Pinheiro's letter dated 28th August, Lahore ; Malleson p 156.

তৎপরে খৃষ্টধর্মের আলোচনা করিতে ইচ্ছুক হইয়া বাদশা বঙ্গপ্রদেশ হইতে Julian Perrira নামক পাদ্রীকে এবং সেই পাদ্রী সাহেবের পবানর্শে গোয়া হইতে Jesuit পাদ্রীদের কতপুর লইয়া আসিলেন। Jesuit পাদ্রীদের মধ্যে Rololfo Aquaviva সাহেবের বিজ্ঞাবুদ্ধি এবং তর্কযুক্তি দ্বারা উল্লেখ্যের সহজেই পরাজিত কবিবার ক্ষমতা দেখিয়া বাদশা বিশেষ সন্তুষ্ট হইলেন এবং গীতখৃষ্টের ধর্মোপদেশ ( Gospel ) শ্রবণে তৎপ্রতি আকৃষ্ট হইয়া বাইবেলের ( New Testament ) অনুবাদ কবিবার জ্ঞান আবুল ফজলকে আদেশ দিলেন। কিন্তু পাদ্রীদের মধ্যে নকদম-উল-মুল্ক-এব জায় ধর্মোপদেশ ও ভিন্ন ধর্মের প্রতি উল্লেখ্যের সম্পূর্ণ অভাব দেখিয়া ( "As Friars & Mollas argued before him, he saw in his Christian visitors the same angry intolerance, the same universal condemnation of all outside their pale &c &c"...Oaten's "European Travellers in India" ); এবং ধর্মের অজুহাতে অল্প পাদ্রীদের দ্বারা অমুষ্ঠিত নিষ্ঠুর ও অজ্ঞান কথের সংবাদ পাইয়া ( "It is legitimate that the Emperor could not have allowed himself to be converted by the Missionaries, whose co-religionists were guilty of the horrors of the Inquisition of Goa, of which he must have heard"...Monserrates "Commentaries"—Translated by Hayland—Introduction p II ) পাদ্রীদের প্রতি দীর্ঘশ্রদ্ধা হইলেন এবং ক্রমে ক্রমে খৃষ্টধর্মের আলোচনা ত্যাগ করিলেন। Sir E. D. Maclagan in Journal of Asiatic Society of Bengal vol LXV p 35-45 ; Hugh Murray's "Historical Account of Discoveries & Travellers in Asia", vol I p 86-96.

বাদশা অসংকট ছিলেন যে, হিন্দুদের মধ্যে অনেক সংস্কৃত অস্কৃত ক্ষমতামালী, সর্বশাস্ত্রে প্রগাঢ় পাণ্ডিত্য, অধ্যাত্মতত্ত্ববিদ ও ভবিষ্যৎকালজ্ঞ লোক আছে। Badaoni II p 256। ঐধর ও মনুসম্বন্ধে পবস্পদ সম্বন্ধ, পৃথিবীর সহিত মানব-জীবনের সম্বন্ধ, মানব-জীবনের চরম সার্থকতা ও শেষ পনিণতি কি প্রভৃতি বিষয় বহুদিন হইতে হিন্দুদের চিন্তার বিষয় হইয়া রহিয়াছে এবং এই সকল জটিল সমস্যার গভীর চিন্তা-প্রযুক্ত ব্যাখ্যা তাহাদের ধর্ম-পুস্তকে দেখিতে পাওয়া যায়। হিন্দুধর্ম শোক-সমুদ্র চিন্তাকে সাধনা দেখ, জীবের কল্যাণকামনাই হিন্দুধর্মের মূলমন্ত্র। পাখির ভোগবিলাসকে তুচ্ছ জ্ঞান করিয়া হিন্দুরা একাগ্রচিত্তে ভগবানের আরাধনা করে এবং নিজের অধাবসায় ও গভীর চিন্তার দ্বারা ঐধরের স্বরূপ উপলব্ধি করে। বাদশা হিন্দুধর্মের আলোচনা করিয়া মুগ্ধ হইলেন ; এবং ধর্মোপদেশের চরম উদ্দেশ্য-সাধনের পক্ষে হিন্দুধর্ম-প্রদর্শিত পথ সঙ্গম মনে করিলেন।

জোরাস্টার ( Zoraster ) প্রবর্তিত—পারসীক ধর্মের মধ্যে সূর্য্যায়ুপূজা বাদশার সর্বপেক্ষা মনোবশ বোধ হইল। এ জন্ম

রাজ-সভায় দিবারাজি অগ্নি প্রজ্জ্বলিত করিয়া রাখিবার জ্ঞান, আবুল ফজলের উপর ভার্য্যপণ করিলেন। Bloc. Ain, p 184.

জৈন সম্প্রদায়ের গুরু হরিবিজয় স্বরী, ভায়ুচক্র উপাধ্যায় প্রভৃতির সহিত ধর্মালোচনার পর “বিনা কারণে জীবহত্যা, নিবারণ” বাদশার বিবেকানুমেদিত হইল এবং উক্ত গুরুদের পবানর্শে তিনি অনেক রাজবন্দী ও পিঞ্জরাদেহ পশুপক্ষী মুক্ত করিয়া দিলেন। Monserrate's "Commentaries" Translated by Hayland—Introduction p iv.

হিন্দুস্থানের সমস্ত ধর্মের আলোচনা করিয়া বাদশা স্থির করিলেন যে সমস্ত ধর্মের মধ্যে কোন না কোন শেষ আছে। অধিকাংশের মধ্যে অপ্রীতিকর কর্তব্যকাল ও সাম্প্রদায়িকতাই সর্বস্ব। ভিন্ন ধর্মের প্রতি উদারতার এবং আন্তরিকতার অভাব। ধর্মোপদেশের উদ্দেশ্য অর্থাৎ আত্মার উৎকর্ষসাধনের পব অশ্রবণমুখে ভগবানের স্বরূপ উপলব্ধি করিয়া তাঁহার চরণে আত্মনিবেদন কবিবার প্রকৃষ্ট উপায় তিনি অতি অল্পই দেখিলেন।

তখন বাদশা হিন্দু, জৈন ও পারসীক ধর্মের মনোবশ অংশ-গুলির সমন্বয়ে এক নূতন ধর্ম ( Eclectic Religion ) প্রচার করিতে স্থিরসঙ্কল্প হইলেন। কিন্তু তৎপক্ষে মুসলমান সম্প্রদায়ের গুরুতর আপত্তি হইবার আশঙ্কা করিয়া সচতুর্ভুজ আকবর উক্ত সম্প্রদায়ের সম্মতি লওয়া আবশ্যিক মনে করিলেন। এ জন্ম ১৫৭৯ খৃষ্টাব্দে সেখ মর্য্যক-লিখিত এবং অনেক আমীর ও মর্য্যকদের স্বাক্ষরিত এক দলিল বা স্বীকারোক্তিপত্র সম্পাদিত হইল। এই দলিলের উক্তি-মতে আকবর “ইমাম-ই-আদিল,” “ঐধরের প্রতিনিধি” ( Akbar is God's representative—Bloc Ain p 188 ) প্রভৃতি আপা পাইলেন অর্থাৎ রাজকীয় ধর্মের একজন্ম নিষ্কৃত্য ব “সগরগুরু” হইলেন। দলিলের মধ্যে প্রকাশ রহিল যে, তিনি ধর্মসম্বন্ধে যখন বেকপ আদেশ প্রচার কবিবেন, তাহা অমোঘ ও অনিবার্য্য সাধারণ কর্তৃক গৃহীত হইবে। ঐধর বাদশা মর্য্যক ও উল্লেখ্যের ধর্মসম্বন্ধে কর্তৃক এবং সাধারণের আপত্তি কবিবার অধিকার রহিত হইল। Beveridge "Akbarname" vol III chap XLV, Bloc Ain p 186 & 187.

১৫৮২ খৃষ্টাব্দে “সগরগুরু” তাঁহার “দীন-ই-ইলাহী” নামক ধর্ম এবং শিষ্যদের পালনের জন্ম দিধি-ব্যবস্থা প্রচার করিলেন। কিন্তু উসমান ধর্মের প্রতি মুসলমানের জন্মগত বিশ্বাস এবং নবধর্মের গুঢ় আধাষ্মিক ভাব “দীন-ই-ইলাহী”র প্রসারের পক্ষে অন্তরায় হইল; ফলে শিষ্যসংখ্যা অধিক হইল না। বরং মনো সাহেবের হিসাব অনুযায়ী আবুল ফজল প্রভৃতি ১৭ জন বিশিষ্ট ও সম্ভ্রান্ত মুসলমান এবং হিন্দুদের মধ্যে একমাত্র রাজা বীরবল “দীন-ই-ইলাহী” গ্রহণ করিলেন। Bloc. Ain p 198, 206 & 209 ; Badaoni II p 312, 363 & 413 তবে অর্থের লোভে কতকগুলি নিম্নশ্রেণীর লোক শিষ্য গ্রহণ করিল। "He has already some followers but only by bribing" Father Pinheiro's letter D 28th 1595 from Lahore.

### দীক্ষা-প্রণালী

“দীন-ই-ইলাহী” গ্রহণের আশায় গুরুর সমীপে উপস্থিত হইলে ভাবী শিষ্য নিজের উকীল উন্মোচন করিয়া সমস্ত



//////////

অহঙ্কারত্যাগের নিদর্শনস্বরূপ গুরুর পাদদেশে মস্তক রক্ষা করিত। তখন গুরু শিষ্যের মস্তক উত্তোলন করিয়া দীক্ষামন্ত্র ও উকীষে ধারণ করিবার জন্ত নিজের একটি ক্ষুদ্র প্রতিমূর্তি প্রদান করিলে শিষ্য গুরুর পাদোদক পান করিত। এখন হইতে শিষ্য গুরুর জন্ত নিজের জীবন, ধন, মান ও ধর্ম ত্যাগ করিতে বাধ্য রহিল। Bloc Ain p 191, 203 ; Badaoni II p 338

শিষ্যদের পালনের জন্ত প্রচারিত বিধিনিয়মগুলির মধ্যে কয়েকটি নিম্নে প্রদত্ত হইল।

এখন হইতে প্রচলন হইল :—

১। “হিজরী” সালের পরিবর্তে “ইলাহী” সাল, চান্দ্রিক মাসের পরিবর্তে সৌর মাস। আকবরের রাজ্যাভিষেকের বৎসরে মেঘ রাশিতে সূর্য্যের সংক্রমণের দিন নূতন বৎসরের প্রথম দিন বলিয়া গণনা করা হইল। ১২ মাসের আরবিক নামের পরিবর্তে পারসীক নাম।

Bloc. Ain p 195

২। সিজ্দা বা রাজার সমক্ষে সাষ্টাঙ্গে প্রণাম।

Do p 192

৩। মস্তপান।

Do Do

৪। হিন্দুদের অমুকরণে পূজার্তনাকালীন বেশমের বস্ত্রাদি ও অলঙ্কার পরিধান।

Do 195

৫। সমস্ত মুসলমান ধর্মোৎসবের পরিবর্তে জোরাস্টার প্রবর্তিত পারসীক ধর্মের ১৪টি পর্ব।

Do 192

৬। দিবা-রাত্রির মধ্যে ৪ বার সূর্য্যোপাসনা।

Do 200

৭। পত্রাদির লিখিত “বিশমিল্লার” পরিবর্তে “আল্লাহ আকবর” লিখন।

Do 203

৮। শিষ্যদের পরস্পর সাক্ষাতের সময় প্রথম ব্যক্তির “আল্লাহ আকবর” এবং দ্বিতীয় ব্যক্তির “আল্লা আল্লাহ” বলিয়া অভিবাদন করিবার প্রথা।

Do 205

৯। “শুম্মৎ” বা অন্ধবিশেষের তৃষ্ণ ছেদন জাদু বৎসর পূর্ণ হইবার পর এবং ইচ্ছাধীন।

Do 207

১০। শত্রুমুগ্ধন!

Do 207

এখন হইতে নিষিদ্ধ হইল।

১। গোমাংস, রক্তন ও পেঁয়াজ ভক্ষণ।

Do p 183

২। সম্পর্কে ভগিনী ও আত্মীয়কন্য়ার সহিত বিবাহ।

Do p 195

৩। মুসলমানের তীর্থযাত্রা ও রমজান উপবাস।

Do p 195

৪। মুসলমানের দিবারাত্রির মধ্যে ৫ বার উপাসনা।

Do p 198

৫। আরবিক ভাষা পাঠ্য শিক্ষা ও লেখা ও আরবিক নাম ধারণ।

Do p 195

& 196

৬। বিবাহে ও আকবরের জন্মমাসে জীবহত্যা।

Do p 200.

## “দীন-ই-ইলাহী” প্রচারের উদ্দেশ্য

ঐতিহাসিক আবুল-ফজলের মতে হিন্দুস্থানে বাস্তববাদী ও অধ্যাত্মবাদী এই দুই শ্রেণীর লোক দেখিতে পাওয়া যায়। স্বভাবতঃ তাহারা একমতাবলম্বী না হইয়া বৈরিভাবাপন্ন হয়। একরূপ অবস্থায় রাজা স্বয়ং উভয় শ্রেণীর লোকের ধর্মের নিয়ন্ত্রা হইলে সাম্য স্থাপন করিতে পারেন এবং তাহা রাজার অবশ্য কর্তব্য। Bloc. Ain, Introductory Remarks to Ain 77. অর্থাৎ হিন্দুস্থানের বিভিন্ন সম্প্রদায়ের মধ্যে ধর্মপার্থক্যের জন্ত পুরুষাত্মকমিক বিবাদ দূর করা এবং রাজ্যময় শান্তি স্থাপন করিয়া মোগল সাম্রাজ্য চিরস্থায়ী করা দীন-ই-ইলাহী প্রচারের উদ্দেশ্য। আবুল ফজল বর্ণিত মহৎ উদ্দেশ্য সফল হইল। আকবর ধর্মোন্মত্ত মুসলমানের অত্যাচার দমন করিয়া দুর্বল হিন্দুদের রক্ষা এবং রাজ্যময় শান্তি স্থাপন করিলেন; এবং হিন্দু মুসলমান এক-জাতীয়ভাবে অমুপ্রাণিত হইয়া নিজেদের শোণিতদানে ব্রহ্মপুত্র হইতে কাবুল পর্য্যন্ত আকবরের বিজয়-বৈজয়ন্তী স্থাপন করিল। কিন্তু আকবরের ধর্মপ্রচার-সম্পর্কীয় কার্যকলাপ এবং প্রচারিত বিধিনিয়মগুলি আলোচনা করিলে স্পষ্ট প্রতীয়মান হয় যে, পূর্বোক্ত মহৎ উদ্দেশ্যের সহিত অল্প উদ্দেশ্য জড়িত ছিল। আলাউদ্দীনের জায় নূতন ধর্ম প্রচারের দ্বারা অমরত্বলাভের এবং নিজেকে ঈশ্বরের প্রতিনিধির আসনে বসাইবার আশায় দীন-ই-ইলাহী প্রচারের প্রচেষ্টা। একাধারে রাজ্যশাসক, ধর্ম-প্রবর্তক, ও দীক্ষাগুরু হওয়া, শিষ্যদের রোগ-শোক দূর ও কামনা পূরণ করিবার জন্ত নিজের পাদোদক পান করিতে দেওয়া, তাহাদের উকীষে নিজের প্রতিমূর্তি ধারণ করান, শিষ্যদের সিজ্দা বা সাষ্টাঙ্গে প্রণাম গ্রহণ, অর্থের দ্বারা বশীভূত করিয়া নিম্নশ্রেণীর লোককে দীন-ই-ইলাহী গ্রহণ করান, নিজের প্রচারিত নূতন বৎসর ও নূতন ধর্ম, “ইলাহী সান” (ঐশ্বরিক বৎসর) ও “ইলাহীদীন” (ঐশ্বরিক ধর্ম) নামে অভিহিত করা, এবং সর্কোপরি অতি বড় স্পন্দাবাক্য ও স্বার্থ, “আল্লাহ আকবর” (এক অর্থে “আকবরই ঈশ্বর” অল্প অর্থে “ঈশ্বর মহৎ”) আকবরের অস্বনিহিত উদ্দেশ্য সম্বন্ধে সাক্ষ্য দিতেছে।

## দীন-ই-ইলাহীর সংক্ষিপ্ত মর্ম

ঈশ্বর এক, অশেষ শক্তি ও করুণার আধার। মানুষ নিজের বিবেক ও বিচারবুদ্ধির সাহায্যে ঈশ্বরকে ধারণ করিয়া ভক্তি সহকারে পূজা করিবে। ক্রোধ ও ঘৃণিত ভোগবিলাসের লালসা দূর করিয়া পূর্বোক্ত প্রকারে ঈশ্বরচিন্তায় আত্মনিয়োগ করা দীন-ই-ইলাহী ভক্তের কর্তব্য। মানুষমাত্রই পাপের বশীভূত, ভুল হওয়া তাহার স্বভাবগত দোষ, সুতরাং মনুষ্যানির্দিষ্ট ক্রিয়ানুষ্ঠানকে প্রকৃত ধর্মোচরণ বলা যায় না। সাধারণ লোক পরম ত্রস্তের ধারণা সহজে করিতে পারে না; অতএব ধর্মোচরণের প্রথম সোপানস্বরূপ ঈশ্বরের তেজঃশক্তির প্রতীক সূর্য্যায়িত্র পূজা করিবে, পরে এবং ক্রমে ক্রমে পরম ত্রস্তের ধারণা ও উপাসনা করিবে। কতকগুলি বিধিনিয়ম পালন করিলে মনের স্থিরতা ও শান্তি আনয়নে এবং ধর্মোচরণের সাহায্য করে, এ জন্ত কতকগুলি বিধিনিয়ম প্রচারিত হইল। Beveridge's "Akbar

namah" III chap. XLV ; Prof. Wilson's "Collected Works" Vol II ; Jarrets "Ain-i-Akbari" III p 369 & 384 ; Elphinstone p 536 ; Malleson p 163

"জগদগুরু" আকবর ধর্মস্বাক্ষক ও সাধারণ-পূজামন্দিরের প্রয়োজনীয়তা উপলব্ধি করিতে না পারিয়া নিজ শক্তি ও প্রভাবের দ্বারা লক্ষ লক্ষ লোককে একাকী দীক্ষিত করিতে অগ্রসর হইলেন। তাঁহার মতে বুগাবতার মহম্মদের বিধিনিয়ম পরিত্যাজ্য। আকবর বলিলেন, ধর্ম্মাচরণে কর্ম্মকাণ্ডের আশ্রয় লওয়া অবিধেয়, কিন্তু নিজে সূর্য্যোপাসনকে দীন-ই-ইলাহী প্রধান অঙ্গরূপ গ্রহণ করিয়া, কর্ম্মকাণ্ডের আশ্রয় লইলেন। নিজের বিবেক ও বিচারবুদ্ধির সাহায্যে ঈশ্বরকে ধারণা করিয়া পূজা করিবার জন্ত সাধারণ লোককে ব্যবস্থা দিলেন ; এরূপ ব্যবস্থাপালন ঘোর দার্শনিকের পক্ষে সম্ভব হইতে পারে, কিন্তু সাধারণ লোকের পক্ষে একেবারে অসম্ভব, ইহা বিবেচনা করিলেন না। ভক্তের হৃদয়ের ভক্তি ও বিশ্বাস সমস্ত ধর্ম্মের ভিত্তি এবং সমস্ত মুক্তিকর্ত্তের বাহিরে, এই চিরস্থান সত্য বিশ্বিত হইয়া যুক্তি, কল্পনা ও পরামর্শের দ্বারা মুসলমানের হৃদয় হইতে সতত বৎসর বহুমূল ইসলাম প্রভাব দূর করিয়া তাহার স্থানে

দীন-ই-ইলাহী স্থাপন করিতে প্রয়াসী হইলেন এবং তাঁহার বিবেক ও বিচারবুদ্ধির অমুমোদিত বাস্তব জগতের কার্যবিধির দ্বারা ধর্ম্মজগতের কর্ম্মধার! নিয়ন্ত্রিত হইতে পারে না, ইহাও উপলব্ধি করিতে পারিলেন না। বাস্তবজগতে নির্বাচনের দ্বারা সফল মিলিলেও, বিভিন্নধর্ম্মের নির্বাচিত অঙ্গগুলির সমন্বয়ে সৃষ্ট, নূতন ধর্ম্ম, কোন সম্প্রদায়ের হৃদয়গ্রাহী হইল না। দীন-ই-ইলাহী সন্যাক্ত উপলব্ধি করিতে হইলে জ্ঞানমার্গের আশ্রয় লওয়া দরকার, এ জন্ত কার্যকর জন মাত্র শিক্ষিত লোক তাঁহার শিষ্যত্ব গ্রহণ করিলেন। "পৃথিবীর আদিযুগ হইতে ধর্ম্মপ্রচার করনো রাজার কর্ত্তব্য হয় নাই এবং যুক্তি, কল্পনা ও পরামর্শের দ্বারা মানব-হৃদয়ে ধর্ম্মের বিকাশ হয় না" আলাউদ্দীনের প্রতি কোতোয়ালের এই উপদেশ উপেক্ষা করাতে ইতিহাস-অভিজ্ঞ ও মহাশক্তিশালী আকবরের দীর্ঘকালব্যাপী আগ্রহ ও চেষ্টা সহজেই নিফল হইল। তাঁহার ধর্ম্মজগতের কর্ম্মধারার মধ্যে যেরূপ ভুল ও অসামঞ্জস্য দেখা যায়, বোধ হয়, তাঁহার বাস্তবজগতের কোন ব্যাপারে সেরূপ দেখা যায় নাই। মুসলমান ধর্ম্মজগতে প্রথম বিপ্লবকারী আকবরের মৃত্যুর পর দীন-ই-ইলাহী অস্তিত্ব রহিল না।


শ্রীউপেন্দ্রনাথ ঘোষ।

## উৎপল

উৎপল! উৎপল!  
চঞ্চল-জলতটে  
নির্ম্মল, স্বচ্ছল  
সাগরের উল্লাস,  
উর্ম্মির কল্লোল,  
বাতাসের আকুলতা  
তোমাতেই উচ্ছল।  
উৎপল!  
মেঘমালা সুনীবিড়,  
জ্যোৎস্নার চাঁড়নি,  
সাগরের পারিজাত  
খাসা তব গাউনি  
চঞ্চল-বায়ু-স্নাত,  
পুষ্পের বেণুকা  
ধিরি তব দশদিক  
বাজে কার বেণুকা?  
চন্দ্রের লীলায়িত?  
আলোকরা অঞ্চল,—  
কুসুমিত বনভূমি  
বনদেবী চঞ্চল,  
সাগরের কুলবধু  
জাগো সদা উচ্ছল।  
উৎপল।

ইন্দ্রের বাগানের  
নিমিত্তা বেতসী  
মুদ্রিত নয়নে  
কারে ভার চেতসী?  
গোলাপের পাপড়ি,  
চামেলীর গন্ধ  
তব রূপ-ছটা হেরি  
তটেভূমি অন্ধ!  
চপলার অস্থির  
নয়নের কাঁপুনি  
ধর্ম্মার ঝটকায়  
জলদের দাপুনি,  
মদনের ফুলধনু,  
রাধিকার হৃদয়,  
মৌবন-সীতিকার  
একখানি হৃদ!  
মেঘমালা আকাশের  
উন্মনা উদাসী  
নিরুপন বিলাসের  
কে তুমি গো রূপসী?  
কে জাগিছ আলো ক'রে  
বিস্তৃত জলতল—  
উৎপল! উৎপল!

শ্রীভামাদাস মুখোপাধ্যায় (এম এ)।



( গল্প )

দয়াময়ের চিঠি পাইলাম—খুব ভাল সাধুর সন্ধান পাইয়াছি। শীঘ্র চলিয়া আসিবে। এ সাধুকে তোমারও ভাল লাগিবে।

দয়াময় যখন যেটাকে ধরে, তাহা শেষ না করিয়া ছাড়ে না। চাকুরীতে চুকিয়া সে দিন কতক এমন পড়াশুনা লইয়া পড়িল সে, তাহার খাওয়া-নাওয়ার সময় করাই দায় হইয়া উঠিল। কেহ কেহ তাহার অধ্যয়নের বাড়াবাড়ি দেখিয়া বলিত—ওটা স্বধু একটা বাহাদুরী দেখান মার। উহার মধ্যকার ভাবটা এই—দেখ আমি কত বেশী পড়ি; তোমরা কেহ এমন পড়িতে পার? যাহারা দয়াময়ের অনুরক্ত ছিল, তাহারা জানিত, কি গভীর তাহার অধ্যয়নের পিপাসা, কি গাঢ় তাহার অনুরাগ। এক এক বিষয় লইয়া এক এক সময়ে সে পড়া শুরু করিত। সে বিষয়ে যথাসম্ভব জ্ঞান অর্জন করিয়া—অন্ততঃ তাহার কৌতুহলকে চরিতার্থ করিয়া তবে সে অন্য বিষয় গ্রহণ করিত। সাহিত্যে ছোট গল্প, কবিতা উপন্যাস, প্রবন্ধ, নাটক, সমালোচনা কোন জিনিষ সে বাদ দিত না। তাহার স্বল্প অঙ্গ হইতে যতগুলি মাসিক পত্র সম্ভব, ততগুলি সে কিনিত। বাকিগুলি বিভিন্ন লাইব্রেরীতে গিয়া পড়িত। প্রত্যেক মাসে বেতনের কিছু অংশের বহি না কিনিলে তাহার তৃপ্তি হইত না।

কিছুদিন সে থিয়েটার লইয়া পড়িয়াছিল। সে সময়ে তাহার থিয়েটারে অধ্যবসায় দেখিয়া সবাই অবাক হইয়া যায়। যে নাটকের অভিনয় হইবার কথা ছিল, তখন কলিকাতার ষ্টেজে তাহার অভিনয় চলিতেছিল। অন্ততঃ ৫০ বার সে অভিনয় দয়াময় নিবিষ্ট-চিত্তে দেখিয়া তবে আপনার ভূমিকা গ্রহণ করিয়াছিল। ইহার পূর্বেই বিলাতী ষ্টেজ-সংক্রান্ত ১০০ খানি বই সে পড়িয়া ফেলিয়াছিল। যে রাত্রিতে আমাদের গ্রামে সে অভিনয় হইয়াছিল, সে রাত্রিতে যাহারা অভিনয় কিছু বুঝিত, তাহারা একবাক্যে বলিয়াছিল, এমন অভিনয়

তাহারা কলিকাতার ষ্টেজেও খুব কম দেখিয়াছে। সত্যই সে রাত্রিতে চন্দ্র গুপ্তে অভিনয়ে তাহার চাণক্যের ভূমিকা সর্কাজ-সুন্দর হইয়াছিল। তার পর বৎসর দুই কি বিক্রম ও উৎসাহে তাহার অভিনয় চলিয়াছিল। তাহার পর সে পথ একেবারে ছাড়িয়া দিল। কেহ কেহ ধরিয়। বসিলে বলিত—বড় আর্টিফিসিয়াল (অস্বাভাবিক); আর ভাল লাগে না।

কিছুকাল স্বদেশী হইয়া এমন কার্য করিয়াছিল যে, তাহার সঙ্গে রাস্তাঘাটে দেখা করা দায় হইয়াছিল; ভয় হইত, পুলিশ ইহা লক্ষ্য করিতেছে কি না। সমস্ত বিদেশী দ্রব্য ও বিদেশী প্রথা বর্জন করিয়া সে একেবারে গাটি স্বদেশী হইয়া পড়িয়াছিল। সিগারেট ছাড়িয়া বিড়ি, সাবানের বদলে বেসম ও তুধের সর, চিনির যায়গায় গুড় ইত্যাদি ব্যবহার করিয়া সে নেতাদেরও ছাড়াইয়া গেল। এই সময়ে বড় বড় বক্তাদের সঙ্গে সভাসমিতিতেও জুটিতে লাগিল। পরিশেষে বিলাতী মার্চেন্টের অফিসের বেশী মাহিনার কার্য পরিত্যাগ করিয়া দেশী মার্চেন্টের অফিসে কম মাহিনার কাম লইল। অবশ্য কায ছাড়িয়া সে ভালই করিয়াছিল, কারণ, আপনি কায না ছাড়িলে সাহেবরাই তাহাকে ছাড়াইয়া দিত। এক দিন আবার স্বদেশীও ত্যাগ করিল। কারণ, জিজ্ঞাসা করিলে বলিল, নেতাবা সব ইনসিনসিয়র।

শেষটা দয়াময় এইবার ধন্দ্ব লইয়া পড়িয়াছে। সাধু-সন্ন্যাসীর নাম শুনিলে সে এখন উন্নতের মত সেখানে ছুটিয়া যায়। অন্ধের মত কিছুদিন তাহাকে অনুসরণ করে; তার পর যদি সেই সন্ন্যাসীর একটা বড় রকমের ক্রটি বা লোভ তাহার অর্দনিমীলিত চক্ষুর সন্মুখে পড়িয়া যায়, সে দিন হইতে সেই সাধুর সঙ্গ সে বিষবৎ পরিত্যাগ করে। কিন্তু এইটুকুতেই তাহার শরীরের ও মনের মধ্যে যে বিপ্লব ঘটয়া যায়, তাহাতে কিছুকাল তাহাকে ক্লিষ্ট, পরিশ্রান্ত ও নিষ্ক্রিয় করিয়া রাখে। তার পর যে দিন সে তাহার 'শোকশয্যা'

ত্যাগ করিয়া বাহিরে আসে, তাকে দেখিলে মনে হয়, যেন ছয় মাসের রোগশয্যা ছাড়িয়া সে আজই সচ্চ উঠিয়া আসিতেছে। কয়েক মাস আগে সে এমন এক সাধুর হাতে পড়িয়াছিল—যাহার মোতপাশ হইতে অব্যাহতি পাইয়া এক পক্ষকাল তাকে প্রায় 'রোগশয্যা' গ্রহণ করিতে হইয়াছিল।

দয়াময়ের পত্র পাইয়া বুঝিলাম, সে আবার এক 'সাধুর' সাক্ষাৎ পাইয়াছে—যাহাতে পূর্ব-হত্যাধার আঘাত সে সামলাইয়া লইয়াছে। কিন্তু কদিনের জন্য? এক দিন এমন আঘাত আসিবে—যাটা সামলাইতে তাকে প্রাণান্ত শক্তির নিয়োগ করিতে হইবে।

ভবিষ্যতে যাহাই হউক, পত্র পাইয়া দেবী করিতে পারিলাম না। সন্ধ্যার ট্রেনেই কলিকাতা আসিলাম। দেখিলাম, প্ল্যাটফর্মে দয়াময় দাঁড়াইয়া। কিন্তু একবারে নতন বেশ। পরনে সাদা ধূতি, গায়ে একখানা মোটা দেশী চাদর, খালি পা, মুখে চুরুট নাই। তাহার চেহারায় এমন একটা বিশেষত্ব ছিল যে, এই বেশেও তাকে সুন্দর দেখাইতেছিল। তাহার খালি পা দেখিয়া মনে হইল সুদৃশ্য, সুকোমল ও মঙ্গল জুতা স্বেচ্ছায় ফেলিয়া দিয়া সে যেন কোন এক মহৎ কার্য্য করিবার জন্য সোৎসাহে দাঁড়াইয়া আছে। মোটা চাদরে আবৃত তাহার দীর্ঘ, শীর্ণ, অথচ বলিষ্ঠ দেহের দিকে চাভিলেই মনে হয়, যেন ঐ স্থূল কর্কশ-বস্ত্রের অন্তরালে সে রাজবেশ লুকাইয়া রাখিয়াছে। যে সব কথা তখন মনে হইয়াছিল, সে সব বলিবার তখন অবসর ছিল না। যেমন কাছে আসিয়া দাঁড়াইলাম, দয়াময় হাত বাড়াইয়া আমার হাত ধরিল। দুই জনে হাত ধরাধরি করিয়া জনশ্রোতে মিশিয়া বাহিরে রাজপথে আসিয়া দাঁড়াইলাম। একবার জিজ্ঞাসা করিলাম, তুমি কি করে জানলে আমি এই ট্রেনেই আসব? সে সংক্ষেপে বলিল—মন বলছিল।

এই ট্রেনে যদি আমি না আসিতাম, তাহা হইলে সে যে ঐ একই স্থানে দাঁড়াইয়া ট্রেনের পর ট্রেন অক্লান্ত ধৈর্য্যের সহিত লক্ষ্য করিয়া যাইত, তাহা আমরা দুই জনেই জানিলেও কেহ সে কথা উল্লেখ করিলাম না। তার পর নীরবে দয়াময়ের মেসে আসিয়া পৌঁছিলাম।

২

মেসে সবাই দয়াময়কে একটু সম্মতের দৃষ্টিতে দেখে। আমি দয়াময়ের বন্ধু, সেজন্য আপনা হইতেই আমার আহ্বারের আয়োজনে একটু পারিপাট্যই হইতেছিল বলিয়া মনে হইল। অবশ্য দয়াময়ের সেজন্য কোন ব্যস্ততাই ছিল না। আহ্বারের সময় কিছু যাত্রা দেখিলাম, তাহা আজ পর্যন্ত কোন দিন দেখি নাই। যতবার দয়াময়ের মেসে আসিয়াছি, উভয়ে পাশাপাশি বসিয়া খাইয়াছি, এবং তাহাতে অতুল আনন্দও পাইয়াছি। আজ সে আমাকে আহ্বারের স্থানে ডাকিয়া আনিয়া আমাকে আসনে বসাইয়া কাছে দাঁড়াইয়া রহিল।

আমি সবিস্ময়ে জিজ্ঞাসা করিলাম—“তুমি খাবে না?”

দয়াময় কিছু না বলিতেই—তাহার মেসের এক বন্ধু বলিল, “আপনি বুঝি শোনেন নি, দয়াময় হবিষ্কার ধরেছে?”

আর এক জন বলিল, “এবং তাও স্বপাক।”

আমি সত্যই বিস্মিত হইলাম। দয়াময়ের দিকে চাভিয়া জিজ্ঞাসা করিলাম, “সত্যি?”

সে একবার শুধু ম্লান হাসি হাসিল।

দয়াময়ের এ হাসি আমি খুব টিনি। এ তাহার বেদনার হাসি। বুঝিলাম, কোথাও সে একটা বড় রকমের ব্যথা খাইয়াছে, তাহাই ভুলিবার জন্ম এই চেষ্টা ও আয়োজন। তাহার ধর্মপিপাসা কিছুদিন হইতে তীব্রভাবে জাগিয়াছে, তাহা আমি জানিতাম; তাহারই টানে সে সাধু-সন্ন্যাসীর পিছনে ফিরিতেছে, ধর্মসত্য ঘুরিতেছে ও কীর্তনাদি শুনিতেছে, ইহাও শুনিয়াছি। কিন্তু কোন দিন ধর্ম লইয়া তাকে কিছু সাধন করিতে দেখি নাই। ইহার মূলে নিশ্চয়ই কোন গুঢ় বেদনা প্রচ্ছন্ন আছে, তাহাতে আমার কোন সন্দেহ রহিল না। সে অভুক্ত দাঁড়াইয়া থাকিবে, আর আমি রসনার প্রচুর তৃপ্তিসাধন করিব, ইহা আমার সহ্য হইতেছিল না। প্রথমটা স্থির করিয়াই ফেলিয়াছিলাম—রাগ করিয়া উঠিয়া পড়িব। জিজ্ঞাসা করিলে বলিব, আমিও ধর্ম করিতে জানি। কিন্তু তাহার মুখে সেই বেদনাবিজ্ঞান হাসি দেখিয়া আমার মুখে অভিমানের কোন কথাই আসিল না। তাই বিনা বাক্যবাহ্যে কোনমতে আহ্বার সারিয়া লইতে লাগিলাম। হয় ত বা একটা নিশ্বাস জোরে পড়িয়া থাকিবে, মুখের ভাবে মনের ভাবের কিয়দংশ



প্রকাশিত হইয়া থাকিবে। হঠাৎ দেখিলাম, সে আমার পাশে বসিয়া পড়িয়া আমার কাঁধের উপর নীরবে তাহার দক্ষিণ হস্ত রাখিল। তাহার মনের ভাব বুঝিতে আমার বিলম্ব হইল না। একবার মুখ তুলিয়া চাহিতে দেখিলাম, চশমার অন্তরালে তাহার আয়ত দীপ্ত চক্কুয়ুয়ে দুই বিন্দু অশ্রু টলটল করিতেছে। তাহার হাতের মৃদুস্পর্শ, চক্কুতে সেই অশ্রুবিন্দুর অস্তিত্ব আমার কণ্ঠ ক্ষণেকের জন্য অশ্রুবাষ্পজালে রোধ করিয়া দিল। দয়াময়েরই জয় হইল। তাহাকে অভুক্ত রাখিয়াও অভিমান তাগ করিয়া আমি তাহার সমাধা করিয়া উঠিয়া পড়িলাম। তথাপি এত দিন পরে আসিয়া একসঙ্গে খাইবার আনন্দ হইতে বঞ্চিত হওয়ার দুঃখ তুলিতে পারিলাম না। হাত-মুখ ধুইয়া একসঙ্গে তাহার কক্ষে ফিরিয়া আসিলাম।

শয্যায় বসিয়া দয়াময়কে জিজ্ঞাসা করিলাম, “তুমি কি খাবে?”

“মিষ্টি খেয়ে জল খাব।”

“কি মিষ্টি?”

“আখের গুড়।”

“ভাল, কিন্তু আমাকে এসব কথা বলা উচিত ছিল।”

“বললে আসতে না?”

“হয় ত।”

“তুমি হলেই কি শাস্তি পেতে?”

“হয় ত পেতাম না, কিন্তু এ দুঃখও সহিতে হ’ত না।”

“দুঃখ ক’রো না।”

“আচ্ছা, এর কারণ কি, দয়াময়? এই শীতের রাতে তোমার খালি গা, খালি পা, অনাহার। এর মানে কি?”

“বলছি সব।”

দয়াময় উঠিয়া একটা মাটির পাত্র হইতে খানিকটা আকের গুড় মুখে দিয়া এক গেলাস জল পান করিয়া ফিরিয়া আসিল। পরে বলিল, “তোমার কথাই ঠিক, শচীন।”

“কি কথা?”

“স্বামীজীর মধ্যে আড়ম্বরই বেশী।”

এতক্ষণে বুঝিলাম, কোথায় তাহার ব্যথা।

মনে আসিল অনেক কথা। বলিতে ইচ্ছা হইয়াছিল, তবু ভাল যে এত দিনে চোখ খুলেছে। যে আলোর পিছে এত দিন ঘুরে বেড়াছিল, তার যে সমাপ্তি হয়েছে, এই মঙ্গল।

কিন্তু তাহার মুখের দিকে চাহিয়া, তাহার কণ্ঠস্বর শুনিয়া মনের কথা আর মুখ দিয়া বাহির করিতে পারিলাম না। যে স্বামীজীর রূপ, গুণ, বাগ্মিতা, শিষ্যগণের উপর অসীম প্রভাব, যাহার তথাকথিত বদাচ্যুতা ও ত্যাগ তাহার গর্কের বিষয় ছিল, তাহার সম্বন্ধে এই কথা যে কি কষ্টে ও কি লজ্জায় তাহার মুখ দিয়া বাহির হইয়াছে, ইহা বুঝিয়া আমি স্তব্ধ হইয়া গেলাম।

কিছুক্ষণ পরে দয়াময় আবার বলিল, “এক জন সাধুর সম্প্রতি সাক্ষাৎ পেয়েছি, তাঁর নাম অনাথ দাস। আমরা সবাই অনাথদা বলে ডাকি। আমার বিশ্বাস, তাঁকে দেখে তুমি সুখী হবে। কাল ছুটি, সকালে তাঁর কাছে নিয়ে যাব। পরমানন্দ স্বামী সম্বন্ধে তুমি আমাকে মাঝে মাঝে সাবধান করাতে আমি তোমার উপর অনেকবার রাগ করেছি। তুমি আমার সে দোষ নিও না।”

দয়াময়ের স্বর গাঢ়। তাহাতে বেদনা ও অনুতাপের ভাব স্পষ্ট।

আমি বলিলাম, “ও কথা ভুলে যাও। সব ভুলে, এস আবার ছেলেবেলার মত ঘুমিয়ে পড়ি।”

আলো নিভাইয়া দয়াময় শুইয়া পড়িল।

যে বিষয় লইয়া দয়াময় এই কথা বলিতেছে, তাহা আমার মনে গভীরভাবে অঙ্কিত ছিল। ভবানীপুরে পরমানন্দ স্বামীর ওখানে দয়াময়ের সঙ্গে গিয়াছি। গিয়া দেখি, সম্মুখের ঘরে এক ঘর লোক বোঝাই। সবাই নীচে মেঝের উপর বসিয়া। কেবল অতি সুদৃশ্য পালকে গৈরিক বর্ণের রেশমী বস্ত্রাবৃত সুকোমল শয্যার উপর স্বামী পরমানন্দ সুখে উপবিষ্ট। মস্তকে কুঞ্চিত দীর্ঘ কেশভার। গৌড়-দাড়ি অতি সুন্দরভাবে কামানো। মুখে কখনও করুণ গাম্ভীর্য, কখনও মৃদু হাসি অনুরাগভূত মত খেলিয়া যাইতেছে। নানাভাবে নানাবিধ বিষয়ে তাহার মত চাহিতেছে। তিনি সঙ্গে সঙ্গে তাহার মত দিয়া যাইতেছেন। যেন সমস্ত প্রশ্নই তিনি পূর্ক হইতে জানিতেন এবং পূর্ক হইতেই তাহার সমাধান করিয়া রাখিয়াছিলেন। ইমার্শন স্বাধীন চিন্তা সম্বন্ধে কি বলেন, শঙ্করাচার্যের মধ্যে কতখানি বিজ্ঞানগিণী ও কতখানি সত্যকার ধর্মতত্ত্ব ছিল, হইতে শুরু করিয়া কোন রেসে কোন

বোড়াটির জিতিবার সম্ভাবনা ইত্যাদি কোন প্রশ্ন বা আলোচনা বাদ যাইতেছিল না।

পাণের ঘরে হাসির টুকরা ও প্রতিমধুর কথার শ্রোতে বুঝা যাইতেছিল, মহিলারা ঐ কক্ষ আলো করিয়া আছেন। পরমানন্দ মাঝে মাঝে ঐ ঘরে যাইতেছেন ও তাঁহার অমৃতোপদেশ পরিবেষণ করিয়া আসিতেছেন। দয়াময় আসিতেই তিনি হাসিয়া তাহাকে অভ্যর্থনা করিয়াছিলেন ও কিছুক্ষণ কেবল তাহার সঙ্গেই কথা কহিয়াছিলেন। ভক্তদের মধ্যে অনেকে যে তাহাকে বেশ ঈর্ষা করে, তাহা বুঝিতে আমার বিলম্ব হইল না। তার পর শীঘ্র শীঘ্র পট পরিবর্তিত হইতে লাগিল। পেয়লা পেয়লা চা আসিল। রেকাবিতে করিয়া নতির বড়া আসিল। শুনলাম, ইহা স্বামীজীর প্রিয় খাদ্য : সেজন্য ভক্তদেরও প্রিয়। স্বামীজীও পালঙ্কে বসিয়া শ্বেতপাথরের পেয়লায় চা ও সুচিকণ কাল পাথরের রেকাবিতে তাঁহার প্রিয় খাদ্য সেবন করিলেন। ভক্তরা সবাই শ্রদ্ধা ও আদর করিয়া খাইলেন ; কারণ, উহা শ্রীমা নিজ হস্তে তৈয়ারী করেন।

আমার সঙ্গেও স্বামীজী ছুই চারিটি স্নেহাত্মক কথা-বার্তা কহিলেন। কথাগুলি এই ভাবের “তুমি দয়াময়ের বন্ধু, কায়েই আমাদের বন্ধু ও স্নেহের পাত্র। তোমাকে এই ঘরে যেন অনেক দিন ধ’রে আশা করেছিলাম। আজ তোমাকে পেয়ে সুখী হলাম। দয়াময়, এঁকে মাঝে মাঝে আনবে। এঁর মন এখনও তরঙ্গের উপর ভাসছে। একটু তলিয়ে যাওয়ার প্রয়োজন।”

দয়াময় ব্যতীত প্রায় সবাই আমার দিকে অমুকম্পাভরে চাহিল। চাহনিটা এই ভাবের সে, তাহারা সবাই বহুপূর্বে হইতেই একবারে অথই ভলে তলাইয়া গিয়াছে আর আমি এখনও ভাসিতেছি, এতখানি গাঢ় অমুকম্পা আমি আর সহিতে পারিলাম না। বলিলাম, “আশীর্বাদ করুন, ভগবান্ যেন আমাকে সংসারে এই রকম ভাসাইয়াই রাখিয়া দেন। যেন কোন দিন তলাইয়া না যাইতে হয়।”

সকলেরই মুখে অনেকখানি অসহিকৃত্য ভাব ফুটিয়া উঠিল। দয়াময় একটু বেন কুন্তিত হইয়া পড়িল—যাহা তাহার স্বভাবের সঙ্গে মোটেই খাপ খাইত না। “মায়ের সঙ্গে দেখা ক’রে আসি” বলিয়া সে একবার ভিতরে চলিয়া গেল। একটু পরে ফিরিয়া আসিল। দেখিলাম, মুখে সে একটা পাণ

চিবাইতেছে, হাতেও কয়েকটা পাণ আছে। বুঝিলাম, মায়ের ডিপার্টমেন্টে পাণও আছে। দয়াময় সে দিন তখন ত আমাকে বেশীক্ষণ রাখা নিরাপদ মনে করিল না ; তাই স্বামীজীকে প্রণাম করিয়া উঠিয়া পড়িল। আমিও উঠিলাম—মাটিতে মাথা রাখিয়া প্রণাম করিয়া নচে, তাহা তুলিয়া নমস্কার করিয়া।

রাস্তায় আসিয়াই দয়াময় বলিল, “তোমাকে না আনাই উচিত ছিল এখানে।”

আমি বলিলাম, “সত্যি সত্যিই তাই।”

“মাথা নীচু ক’রে একটা প্রণাম করলে কি ক্ষতি হ’ত, শচীন ?”

“ক্ষতি এই হ’ত যে, অনর্থক জোর ক’রে মাথাটাকে পীড়া দিতে হ’ত।”

“তার মানে ?”

“কাকে প্রণাম করব ? যা দেখে এলাম, সে ত শুধু বাহিরের জিনিষ, শুধু আড়ম্বর, শুধুই ভাবের ও ব্যবহারের বিলাসিতা।”

“বিলাসিতা ?”—শীঘ্র কণ্ঠে দয়াময় কহিল।

“নয় ত কি ? নরম বিছানায় চিকণ রেশমী চাদর, বালিসে ঝালর দেওয়া রেশমী ওয়াড়। অন্তরে পাণের ব্যবস্থা, তার আবার জরদা দেওয়া। মাছ-মাংসও আছে তুমি বলা ; কারণ, স্বামীজী না খেলে শ্রীমা খাবেন না। তোমার বিচারশীল মন কি ক’রে সে এ সব নির্কিঁচাবে গ্রহণ ক’রে নিল, তা আমি ভেবে পাইনে।”

মূহুর্তে দয়াময় যেন আগুন হইয়া উঠিল। কঠিন স্বরে বলিল, “শচীন, গুরুর নিন্দা করো না। আজ থেকে তোমার আমার পথ একেবারে ভিন্ন। বুঝলে ?”

“খুব” বলিয়া ভিন্ন পথই ধরলাম। বরাবর শিয়ালদহ আসিয়া বাড়ী ফিরিবার গাড়ীতে উঠিয়া বসিলাম।

তার পর কলিকাতা আসিলেও বহু দিন দয়াময়ের সঙ্গে দেখা করি নাই। শেষে দয়াময়ের মা ও স্ত্রীর অনুরোধে বহু দিন পরে একবার আসি। কারণ, ধর্ম্মের বন্ধ্যায় তাহার মাহিনার টাকাকড়ি কোথায় ভাসিয়া গিয়াছিল এবং কয়েক মাস বাড়ীতে খরচ পর্য্যাপ্ত পাঠাইতে ভুলিয়াছিল। আসিয়াছি, টাকা বইয়াই চলিয়া গিয়াছি। ধর্ম্মচর্চা করি নাই, তাহার আতিথ্যও লই নাই।

তার পরে বহু দিন পরে এই ভাবে আবার হুজনের সাক্ষাৎ।

ভাবিতে ভাবিতে কখন ঘুমাইয়া পড়িয়াছিলাম, মনে নাই। ঘরের আলো নিভানো, রাজপথের দূরস্থিত আলোকের স্নিগ্ধ রশ্মি খোলা জানালা দিয়া আসিয়া স্নান জ্যোৎস্নার মত ঘরটাকে ভরিয়া দিয়াছিল, কেবল এইটুকু মনে ছিল।

যখন জাগিলাম, দেখি দয়াময়—যে অতবেলায় উঠিত, কখন উঠিয়া স্নান পর্য্যন্ত সারিয়া কুশাসনে বসিয়া রূপ করিতেছে।

৩

না জানি আবার কি ভাবের সাধুর কাছে লইয়া যাইবে, ভাবিতে ভাবিতে দয়াময়ের সঙ্গে চলিতেছিলাম। হারিসন রোড ছাড়িয়া কর্ণওয়ালিশ স্ট্রীট ধরিয়া চলিতে চলিতে একটি গেটযুক্ত সুবৃহৎ অটালিকার সম্মুখে ক্ষণেকের জগু পাড়াইয়া দয়াময় বলিল, এই হচ্ছে অনাথদাদের বাড়ী। ওঁর ভাইর! এখন এই বাড়ীর অধিকারী। বাড়ীটার দিকে একবার চাহিয়া দেখিলাম। সুন্দর বিশাল অটালিকা। ধনীর বিলাসগৃহ। সম্মুখে সুরচিত পুষ্পাগ্রান। দুই পাশে দুটি বিদেশী তালীকুঞ্জ। মাঝখানে কৃত্রিম ফোয়ারা হইতে অবিশ্রান্ত জল ঝরিয়া পড়িতেছে। নীচেকার সুপ্রশস্ত বারান্দায় দুটি মর্ম্মরনির্ম্মিতা অর্ধনগ্না রূপসী তাহাদের অর্ধ-নির্ম্মীলিত নেত্রে কটাক্ষ ভরিয়া কত কাল ধরিয়া পাড়াইয়া আছে, কে জানে! ভাবিলাম, সত্যই যদি এই সব ছাড়িয়া গৃহস্থানী দিয়া থাকেন, হয় ত তাহা দর্শেরই সন্ধানে হইয়া থাকিবে। আর এ ত কেবল বাহিরের ঐশ্বর্য্য। হয় ত অন্তঃপুরে এখনও তাহার জগু গভীরতর ঐশ্বর্য্য ব্যর্থপ্রতীক্ষার দীর্ঘশ্বাস ফেলিয়া কক্ষের পাষাণতল ক্লিষ্ট করিতেছে।

সে অটালিকা পিছনে ফেলিয়া অনেকখানি চলিয়া আসিলাম। অন্তপথ ধরিলাম। এইরূপে ঘুরিয়া ফিরিয়া একটা খোলার বস্তির মধ্যে পৌঁছিলাম। দুই একটি খোলার ঘর পার হইয়া একটি ছরারের কড়া নাড়িয়া দয়াময় ডাকিল— অনাথদা!

ভিতর হইতে কে বলিল, এই যে যাই। সঙ্গে সঙ্গে ভিতর হইতে ছরার খুলিয়া গেল। আগে দয়াময়, পিছনে

আমি ভিতরে প্রবেশ করিলাম। সম্মুখে দেখিলাম, এক মহিলা—যাহার আকৃতি হইতে বয়স ঠিক অনুমান করা কঠিন, অনুমান করিয়া চেষ্টা করিতে গেলে মনে হয় ২৫ হইতে ৩৫ বৎসরের মধ্যে হইতে পারে। হয় ত বা কিছু বেশীই হইবে। কিন্তু দেখিলে তাহা মনে হয় না। মুখের পানে চাহিতেই মনে পড়িয়া গেল—বহুদিন আগেকার দেখা আমাদের পাড়ার জগদ্ধাত্রী-প্রতিমা। দীপ্ত তপ্ত কাঞ্চনের মত বর্ণ, ভাস্কর-কোদিত অপূর্ণ সুন্দর মুখমণ্ডল শক্তি ও মেহে উদ্ভাসিত। পরনে গেরুয়া রঙ্গের লাল পাড় সাড়ী, চরণদ্বয় অলঙ্কর-রঞ্জিত। ইহার বেশী তখন আর কিছু লক্ষ্য করিতে পারি নাই। দয়াময় প্রণাম করিল। আমি ইতস্ততঃ করিতেছিলাম প্রণাম করিব কি না; কিন্তু বিচার করিয়া কর্তব্যস্থির করিবার পূর্বে আমার শির আপনা হইতে তাহার চরণে নত হইয়া পড়িয়াছিল।

দয়াময় জিজ্ঞাসা করিল, “দাদা কোথায়?”

তিনি বলিলেন, চরকা কাটছেন। বলিয়া আগাইয়া চলিলেন। ক্ষুদ্র অঙ্গণ। গোময়-লিপ্ত, মশণ ও সুন্দররূপে মাজ্জিত। প্রাঙ্গণের মাঝখানে একখণ্ড গোলাকার তৃণস্তুর্ণ ভূমি। দেখিলেই মনে হয়, বহু যত্ন করিয়া তৃণগুলিকে রোপণ করিয়া বাচাইয়া রাখিতে হইয়াছে। তাহার মধ্যস্থলে একটি অল্পচ তুলসীমঞ্চ। এই তৃণসমাচ্ছন্ন ভূমিখণ্ড বিরিয়া কয়েকটি ফুলের গাছ—বেলা, চামেলি, ঘুঁই ও রক্তনীগন্ধা। দুই পাশে দুটি শ্বেতকরবীর ঝাড়। বারান্দায় উঠিতে দেখিলাম, দুই পাশে দুটি মতা—মালতী ও মাদবী সেই খাপরার চালে উঠিয়া স্থানটিকে অনেকটা কুঞ্জবনের আকার দিয়াছে। লতাবিতানের এক দিকে রক্তবর্ণ মালতী, অপর দিকে শুভ্র মাদবীর গুচ্ছ সুশোভিত। আমরা কক্ষে প্রবেশ করিলাম।

খালি মেঝের উপর বসিয়া যিনি চরকা কাটিতে ছিলেন, তিনি একহারা গ্রামবর্ণ মধ্যমাকৃতি পুরুষ। গুচ্ছ-শুষ্ক মুণ্ডিত। মাথার চুল অতি ছোট করিয়া ছাঁটা। পরনে একখানি কম বহরের মোটা ধান;—বোধ হয়, আট হাতি হইবে। প্রথম দর্শনে একটু হতাশই হইলাম। ইনিই সাধু। একবারে বিশেষবর্জ্জিত। পরমানন্দের তবু চেহারাটা ছিল।

আমাদিগকে কক্ষে প্রবেশ করিতে দেখিয়া তিনি যুথ তুলিয়া বলিলেন, “আমার কাম হয়ে গেল ব’লে। আর দু মিনিট।”

বলিয়া তিনি কিপ্রহস্তে চরকা চালাইতে লাগিলেন। আমরা তাঁহার পাশে বসিয়া তাঁহার চরকা চালানো দেখিতে লাগিলাম। ঠিক দু মিনিট হইতেই তিনি ডুলার পাঁজগুলি ও চরকাটি একটি জলচৌকির উপর উঠাইলেন ও জলচৌকিটি ঘরের এক কোণে সরাইয়া রাখিলেন। তার পর আমাদের পানে চাহিয়া বলিলেন, “তোমরা মাটীতে বসলে! অন্তত পাঁচটা অর্থাৎ তুপাসনটা নিয়ে বস। নইলে যে গৃহস্থের দুর্নাম হবে, দয়াময়!” বলিয়া মৃদু হাসিলেন।

আমি একটি বিষয় লক্ষ্য করিয়া বিস্মিত হইলাম। এই সর্বপ্রকার বিশেষত্ববর্জিত মানুষটি হাসিবামাত্র মনে হইল, যিনি এতক্ষণ একমনে চরকা কাটিতেছিলেন, ইনি সে লোক যেন নন। মৃদু হাসিবামাত্র তাঁহার মুখমণ্ডলে এক অসাধারণ মৈত্রীভাব ফুটিয়া উঠিল। লক্ষ্য করিলাম, কথা কহিতে শ্বেলেই ইহার চক্ষুতে এক অপার্থিব দীপ্তি খেলিয়া যায়।

তিনি এবার আমার দিকে ফিরিয়া বলিলেন, “এত দিনে তুমি এসে, শচীন! তুমি আসছ আসছ করে দয়াময় বড়ই ব্যস্ত হয়ে উঠেছিল।”

দয়াময় একটু লজ্জা পাইল। কিছু বলিল না।

আমি বলিলাম, “আমি কাল রাত্রে এসেছি।”

তিনি বলিলেন, “তুমি হয় ত ভাবছ, আমি তোমাকে চিনলাম কি করে? আমি কিন্তু তোমাকে অত্যন্ত চিনি। তোমার বাড়ীর চৌহদ্দী বলতে পারি,—তুমি যে ঘরে বসে পড়, তার বিবরণ জানি। কবে তোমাদের ছেলের জুল খুলবে, এর আগে তুমি কোথায় কাষ করতে, কিছুই আমার অজানা নেই। দয়াময় তোমায় যেমন জানে, আমিও প্রায় তেমনি জানি।”

বুঝিলাম, দয়াময় আমার সম্বন্ধে যাহা কিছু বলিবার, বন্ধুত্বের মর্যাদা রাখিয়া সব কথাই সে বলিয়াছে। তথাপি আমি বিস্মিত না হইয়া পারিলাম না। বিস্ময়ের কারণ এ নহে যে, আমার মত লোকের জীবনচরিত্রের উপকরণ তিনি অল্প আয়াসেই সংগ্রহ করিয়া লইয়াছেন। ইহার কারণ অজ্ঞবিধ। ইহার কথা শুনে এমন একটি অকৃত্রিম আশ্চর্যতা মাখানো আছে—যাহাতে মন মুগ্ধ না হইয়া পারে না। হঠাৎ তিনি মহিলাটির দিকে চাহিয়া বলিলেন, “কই, আমাদের খেতে দিলে না? আমার যে প্রচুর ক্ষুধা আজ।”

দয়াময় তৎক্ষণাৎ বলিল, “আমারও প্রচুর ক্ষুধা। কিছুই খেয়ে বেরুই নি আজ।”

তিনি বলিলেন, “এবং শচীনকেও দিও। তাতে লজ্জা কি? বা দয়াময়কে দিতে পার, শচীনকেও তা দিতে বাধা নেই।”

একটু পরেই তিনি তিনটি মাঝারি পাথরের বাটিতে আধ বাটি করিয়া ভিজা ছোলা আনিয়া সকলের সম্মুখে রাখিয়া দিলেন। তাহার পর এক গ্লাস করিয়া জল আসিল।

আমি চাহিয়া দেখিলাম—অনাথদার বাটিতে শুধুই ভিজা ছোলা, আমাদের বাটিতে ছোলার সঙ্গে কয়েকটি করিয়া চীনা-বাদাম দেওয়া।

অনাথ দাদা বেশ কুচিসংকারে ছোলাভিজাগুলি খাইতে লাগিলেন। দয়াময় বলিল, “দিদি, খানকয়েক বাতাসা দ্বিন; শুধু ছোলাভিজাতে মিষ্টিমুখ হয় না।” দিদি একটি ছোট হাঁড়ির ঢাকনা খুলিয়া খানকয়েক বাতাসা আনিয়া দয়াময়কে দিলেন। আমাকে জিজ্ঞাসা করিলেন, “তোমাকে দেব, ভাই?”

আমি বলিলাম, “অ-দিম্।”

আমার বাটিতে দিদি কয়খানা বাতাসা দিতে যাইবেন, এমন সময় দয়াময় হাত পাতিয়া তাহা অর্ধপথে অধিকার করিয়া বলিল, “ও মিষ্টি ভালবাসে না, দিদি। একটা আমিই নিলাম।”

দিদি প্রসন্ন হাশ্বে দয়াময়কে ক্ষমা করিয়া আমার জন্য আর কয়েকখানা বাতাসা আনিয়া দিলেন।

বুঝিলাম, দয়াময় এখানে অনেকখানি সাহসনা পাইয়াছে। চাহিয়া দেখিলাম, অনাথ দাদা ইহারই মধ্যে ছোলাভিজা-গুলি শেষ করিয়া পরম পরিতোষ সহকারে একপাত্র জল পান করিয়া লইলেন।

আমি বাতাসা সংযোগে ভিজাছোলা চর্কণ করিতে করিতে ঘরটির মধ্যে ভাল করিয়া দৃষ্টিপাত করিলাম। একখানি মাত্র ঘর। তাহাতেই সংসারের সব জিনিষপত্র যথাসম্ভব গুছানো।

স্বল্প আসবাবপত্র। দুখানি চৌকি পাশাপাশি করিয়া পাতা। শস্যার মধ্যে সম্বল কবল ও চাদর। ঘরের এক কোণে ছুইগাছি দড়ি টাঙ্গানো। তাহাতেই ছুই জনের বস্ত্রাদি থাকে। চৌকি অনেকটা উঁচু। তাহার নীচে বাস, বাসন এবং গৃহস্থালীর অন্যান্য স্বল্প উপকরণ। ঐটুকু ঘরেই একটা দিক



একেবারে খালি। এক কোণে একখানি কঞ্চল ঝাঁজ করিয়া পাড়া। সম্মুখে একটি ছোট ডেঙ্গ—মাহার উপর বই বা কাগজ রাখিয়া বোধ হয় লেখাপড়া করা হয়। তাহারই ঠিক বাঁদিকে একটি কুলুঙ্গি—মাহার মধ্যে একটি সুপরিষ্কৃত পিলসুজ ; উপরে একটি পিতলের প্রদীপ বসানো। পিলসুজটা একটি তক্তার ফালির উপর বসানো। পিলসুজের পাশে সেই তক্তার উপরেই আরও তিনটা প্রদীপ পাশাপাশি সাজানো। যেখানে বসিবার আসন, সেইখানে নীচে হইতে দেওয়ালে উপরি উপরি প্রায় খাপরার ঢাল পর্য্যন্ত কয়েকটি 'তাক' সাজানো—খোলা আলমারীর কাম করিতেছে। দেওয়ালের ঐ অংশটুকু ইট বসাইয়া সিমেন্ট করিয়া লওয়া—মাহাতে বইতে সহজে উই না লাগে। তাকগুলি সব বই ও পুঁথিতে বোঝাই।

অনাথ দাদা জলযোগ শেষ করিয়া হাত-মুখ ধুইয়া বসিলেন। আমরাও তাঁহার পস্থা অনুসরণ করিলাম।

অনাথ দাদা বলিলেন, "কাল রাতে ভাবছিলাম, দয়াময় অনেক দিন আসে নি। সকালে আসে ত ভাল হয়। তাই আজ সকালেই তোমার গলা শুনে ভারি আনন্দ হ'ল। শচীনকে দেখে আনন্দ আরও বেড়ে গেছে। কিন্তু ভগবানের ইচ্ছা, এমন যে আনন্দ বেশীক্ষণ ভোগ করতে পারা যাবে না। মিনিট দশেকের মধ্যেই আজ বেরুতে হবে।"

"কোথায় যাবেন হঠাৎ?"—দয়াময় জিজ্ঞাসা করিল।

"সিরাজপুর। সেই মামলাটা উঠেছে। খবর এসেছে, তার সাক্ষী নাকি পাওয়া যাচ্ছে না। তাই যেতে হবে এঁখনি।"

দয়াময়ের মুখ মুহূর্তে মেঘাচ্ছন্ন হইয়া উঠিল। বলিল "সিরাজপুরের সেই ভয়ানক কাণ্ডের সাক্ষী পাওয়া যাচ্ছে না—যা অতগুলো লোকের সামনে ঘটেছে!"

"তাতে ক্ষোভ করলে কি হবে? এখানকার বিচারকের কাছে মুখের কথাই গ্রাহ্য। মুখ বন্ধ করলে বিচারই যে এগুবে না। মনের কথা আদালত যে একেবারে আলাদা, তাই।"

দয়াময় মুহূর্তে ক্রোধে চঞ্চল হইয়া উঠিল। তাহার মুখ-চোখের চেহারা দীপ্ত হইয়া উঠিল। বলিল, "এ যে ক্রমশঃ অসহ্য হয়ে উঠছে, অনাথদা। বাঙ্গালাদেশবাসী এই স্ত্রীলোকদের উপর দৈশাটিক অত্যাচার বাঙ্গালা দেশকে

সমস্ত ভারতবর্ষের কাছে—এমন কি, পৃথিবীর কাছেও একেবারে হীন করে দিচ্ছে। এর প্রতিকার হওয়া অত্যন্ত উচিত।"

"সহজে কি করে, এর প্রতিকার হবে, তাই? যাদের হাতে প্রতিকারের ক্ষমতা ও ভার, তাঁরা যে অত্যন্ত মন্থর বিচারশীলতার সঙ্গে অগ্রসর হচ্ছেন।"

"এ-সব কাম পরের হাতে ভার দিয়ে নিশ্চিন্ত থাকলে হয় না। চুরার খোলা রেখে পুলিশের উপর মূল্যবান সম্পত্তির রক্ষার ভার দিয়ে ঘুমুলে এই রকমই হয়ে থাকে। আমার মনে হয়, এখন প্রত্যেক দেশহিতৈষীর উচিত, কংগ্রেসের কাম, গ্রামসংস্কারের কাম, হরিজন উদ্ধারের কাম ইত্যাদি সব কিছুদিন বন্ধ রেখে এই ছাগলালসা নিবারণের চেষ্টা করা। শুধু মোকদ্দমার ভয় না দেখিয়ে নারীরক্ষা সমিতির সভারা যদি লাঠি নিয়ে রুখে দাড়াই, তা হ'লে এই মুহূর্তে ভোজবাজীর বলে পিচাচরা সব এঁট পথ ছেড়ে দেয়।"

"ও সব সাংবাদিক কথা আর বলো না, দয়াময়। শাস্ত হও। এর উপায় হচ্ছে—মেয়েদের সাক্ষ্য ও শক্তি বৃদ্ধি করা ও পুরুষদের মতাকে তুচ্ছ করতে শেখা। তা হ'লে উঠলাম, তাই। গোজখবর নিও, দয়াময়। আবার এসো, শচীন। চার পাঁচ দিন পরে আমি ফিরব।"

একটি ছোট চাটাইয়ের ব্যাগ পূর্ণ হইতেই সজ্জিত ছিল। দড়ির উপর হইতে একটি চাদর টানিয়া লইয়া তিনি উঠিয়া দাঁড়াইলেন। দিদির দিকে একবার চাহিয়া— "তা হ'লে চললাম" বলিয়া অনাথ দাদা কক্ষ হইতে নিষ্ক্রান্ত হইলেন।

বাসায় ফিরিয়া বলিলাম, "দয়াময়, অনাথ দাদাকে আমার বেশ ভাল লেগেছে। তাঁকে সত্যিকার কন্স বলেই মনে হয়। আমরা গেলাম, কথাবার্তা কইলেন খাবার খেলেন, খাওয়ালেন, আবার ঠিক ঘড়ির কাঁটার মত কামে বেরিয়ে গেলেন।"

দয়াময় আমার পানে একবার চাহিল। তাহার দৃষ্টিতে এইটুকু বুঝা গেল যে, সে এইরূপই প্রত্যাশ করিতেছিল।

আমি একটু ভাবিয়া জিজ্ঞাসা করিলাম, “দিদির সঙ্গে  
ওঁর সঙ্গীটো কি?”

“দিদি—ওঁর স্ত্রী।”

“উনি ও সন্ন্যাসী—তবে স্ত্রী কেন?”

“উনি বৈষ্ণব। সন্ন্যাস বৈষ্ণব ধর্ম—করেছেন। তবে  
বিবাহের সামান্য একটা ইতিহাস আছে।”

“কি ইতিহাস?—জান?”

“সামান্য জানি। অনাথ দাদাই আমাকে গোপনে বলেন।  
পূর্বে হুঁতে ওঁর সঙ্গেই দাদার বিবাহের কথা শ্রব হয়। মাতা-  
খানে একটা বিষপণ্ডে যায়। কে এক জন পক্ষের ও নিষ্কাম  
কক্ষের মোভ দেখিয়ে দিদিকে বিবাহে বিরত করবার চেষ্টা  
করে। দিদিও সে দিকে খানিকটা ঝুঁকেছিলেন। এমন  
সময় তার স্বার্থের মুখোমুখি যোগ্য দিদি নুহতে  
পারেন, তার শুধু বিবাহে বাধা দেওয়া উদ্দেশ্য নয়, সেমন  
করে হোক দিদিকে হস্তগত করাই তার উদ্দেশ্য ছিল। দিদি  
তখন ফিরে আসেন। কিন্তু বাড়ী ফেরার পথ তখন প্রায়  
রুদ্ধ। অনাথ দাদা তৎক্ষণাৎ সমস্ত দোষ নিজের ঘাড়  
নিয়ে দিদিকে রক্ষা করেন। দিদির মানসিক অবস্থা,  
সমাজের অন্তর্দৃষ্টি, আত্মীয়বন্ধুর সম্মানরক্ষা, সব দিক  
থেকে বিবেচনা করে এঁরা দুজনেই বৈষ্ণব ধর্ম  
দীক্ষা নিয়ে বিবাহ করেন। দিদি যে এক মুহূর্তের জগৎ  
দাদার চেয়ে কোন এক কপট পক্ষের নিশানদারীকে  
উচ্চ স্থান দিয়েছিলেন, এখনও তাঁর সে মনস্তাপ যায়  
নি। সে দিন থেকে আজ পর্যন্ত দাদার সেবা, দাদার  
সে কায, তাই সম্পন্ন করার প্রাণপণ চেষ্টা—এই নিয়ে  
আছেন।”

জিজ্ঞাসা করিলাম—“ওঁর বাবা আছেন?”

দয়াময় বলিল,—“হ্যাঁ, আছেন। তিনি এক জন লক্ষপতি  
বলতে গেলে। দিদি তাঁর একমাত্র মেয়ে।”

আমি বলিলাম,—“একমাত্র মেয়ে—তা হলে ছেলেও  
আছে?”

দয়াময় বলিল,—“হ্যাঁ, ছেলেও একটা। তবে দিদি প্রথম  
পক্ষের সন্তান। ছেলেটি দ্বিতীয় পক্ষের এবং তাহার মা  
বর্তমান। বিবাহের কোন মৌতুকই দিদি পান নি এবং  
ভবিষ্যতেও যাহাতে কিছু না পান, সে দিকে ছেলের পক্ষের  
কোন ক্রটি নেই।”

জিজ্ঞাসা করিলাম, “অনাথ দাদারাও ত বড় লোক।  
তাঁর দিক থেকে এ বিবাহে কোন অসুবিধা ঘটে নি?”

“ঘটেনি আবার? এই বিবাহ নিয়ে সবাই তাঁর শত্রু  
ইয়ে উঠে। তিনি সেজন্য তাঁর পিতৃব্য ও ভাইদের বলে  
এলেন যে, তারা যেন ব্যতিব্যস্ত না হন; কারণ, তিনি  
সম্পত্তির একটু গুদ-কুঁড়াও চান না। তাঁর নামে যৎসামান্য  
বা টাকা ছিল, কেবল তাই তিনি নিয়েছিলেন; তার বেশী  
নয়। সে টাকাও তিনি গরীব-হুঃখীর সেবায় ব্যয় করেছেন  
ও কচ্ছেন। কোন রকমে দুজনে গ্রাসাচ্ছাদন এক রকম  
করে চালাচ্ছেন।”

“সাদারণতঃ কি কাম করেন এখন?”

“ওঁর সঙ্গপ্রথম কাম হচ্ছে অত্যাচারিত নারীদের রক্ষা  
করা; তার পর অসহায় রোগীদের সেবা করা।”

“অর্থ দিয়ে, না শরীর দিয়ে?”

“ওই। যেখানে যা পারেন।”

“যে টাকা তাঁর ছিল, তাতে এখন পর্যন্ত চলে?”

“না। এখন তাঁকে চাঁদা তুলে এ সব কাম করতে হয়।  
তাঁর এমন অনেক অনুরাগী আছেন, যাদের কাছে তিনি  
দাড়াবামাত্র তাঁরা মুক্তহস্তে দেন। অনাথদা বলেন, তাঁর  
দৃঢ় বিশ্বাস যে, ভাল কাযের জগৎ প্রধান জিনিষ হচ্ছে উৎসাহ;  
সত্যিকার কায করবার লোক থাকলে উপায় বা টাকার  
অভাব কোন দিন হয় না। শুধু মুখে বলা নয়, কামের  
দ্বারাও তিনি তা প্রমাণ করেছেন। এই ছোট সংকীর্ণ  
খাপরার ঘরে বসে তিনি কত বড় কল্পনা কার্যে পরিণত  
করেছেন।”

“আচ্ছা, দয়াময়! এত বড় কায ও অসাধারণ—পিছনে  
এত উৎসাহে বৃহৎ, কিন্তু ছোট ও সাধারণ কামে তোমার  
ক্রটি কেন হচ্ছে আজকাল?”

“কিছু দিন বাড়ী যাই নি, তাই এ কথা বলছ? বাড়ী  
ঘেতে আর উৎসাহ পাই নে, শচীন।”

“এক সময়ে কি করে পেতে? সপ্তাহে দুই একবার  
তোমাকে বাড়ী ঘেতে দেখেছি। দারুণ শীতের সময়েও  
কত দিন ‘ডেলি প্যাসেঞ্জারি’ করেছ—তাও বাধ হয় ভুলে  
যাও নি?”

“সব মনে আছে ভাই। তখন যেতাম—শান্তি পেতাম।  
সে শান্তি আর নেই।”

“কিসের জন্ত সে শাস্তি গেল, দয়াময়? তার জন্ত কি একা বাড়ীর লোকই দায়ী? তোমার কি তাতে কোন দোষ নেই?”

“এ ত খালি দোষ-গুণের কথা হচ্ছে না; এ রুটির কথা। ভাল লাগা না লাগার কথা। শুধু ঘর-বাড়ী নিয়ে, শুধু সেবা নিয়ে—আর তৃপ্ত হ’তে পারছি না। আরও কিছু মন চায়। কেবলই গ্রহণ না ক’রে কিছু দেবার জন্তও মন মাঝে মাঝে ব্যাকুল হয়। তখন স্ত্রীর ও মায়ের অশান্তির জন্ত মনকে আমি ফেরাতে পারি নে, চাইও নে।”

“কেন চাও না? তাঁদের অশান্তি দূর করা কি তোমার অজ্ঞবিধ কর্তব্য নয়?”

“অজ্ঞবিধ বটে, কিন্তু একমাত্র নয়। তাঁদের অশান্তি দূর করার জন্ত আমি যে পরিমাণে দায়ী, তার চেয়ে ঢের বেশী পরিমাণে দায়ী তাঁরা এই অশান্তি রচনার জন্ত। আমি তাঁদের দেখব, আমাকেও দেখব। শুধু শরীর বা মন নিয়ে আমি আর তৃপ্ত থাকতে পারছি নে। আমার আত্মারও প্রয়োজন। আমার সে প্রয়োজনে তাঁরাই বা কেন বাধা দেবেন?”

“তুমি তাঁদের দাবী অগ্রাহ্য করবে, তাঁদের সুখ-দুঃখে উদাসীন থাকবে—আর তাঁরা সব সময়ে তোমার সব প্রয়োজনে সচেতন থাকবেন, এই বা তুমি কি ক’রে আশা করতে পার?”

“তুমি জান, তাঁদের সব দাবী মেনে নিয়ে আমি এক দিন সে আশা করেছিলাম, আজ আর তা করি নে; কিন্তু ক্রীতদাস প্রথাও আমি মেনে নিতে পারিনে।”

“ক্রীতদাস প্রথা মানে?”

“আমাদের এই সর্বগ্রাসী পারিবারিক সম্বন্ধ। পূর্বের ক্রীতদাস প্রথার সঙ্গে এর এইটুকু প্রভেদ যে, আজকের প্রথা আগেকার চেয়ে একটু মার্জিত। আগেও তাদের আপনার বলতে কিছু ছিল না, এখনও নেই। যদি থাকত বা থাকে, তা হলেই সেটা অমার্জনীয় অপরাধ বলে আগেও গণ্য হ’ত, এখনও হয়।”

“দেখ দয়াময়, কথাগুলো শুনে এমনি ভাল; কিন্তু কার সম্বন্ধে প্রযোজ্য, সেটা ভাববার বিষয়। সত্য কথা, কেউ কাউকে কেনেনি। তুমিও তাদের কেননি, তাঁরাও তোমাকে কেনেনি। তোমার উচ্চাশায় বাধা পড়তে বা

তাঁদের সহায়কুতি না পেতে তুমি ক্ষুব্ধ হচ্ছে। তাঁদের সামান্য ও সাধারণ আশায় ব্যাঘাত ঘটলে তাঁরাও ক্ষুব্ধ হচ্ছেন। তুমি ভাবছ, তাঁদের অনবস্থের ব্যবস্থা ক’রে বাকি শক্তি ও সময় দিয়ে তুমি নিজের মনের প্রসার ও আত্মার কল্যাণ চাইছ, তাঁরা কেন তাতে বাধা দেবেন? তাঁরা ভাবছেন, তোমার সংসারের পায়ে তাঁদের সময়, শক্তি, স্বাস্থ্য—তাঁদের শরীর, মন, আত্মা সব জলাঞ্জলি দিয়েছেন ও দিচ্ছেন, আর তাঁর পরিবারে তোমার কাছ থেকে পাচ্ছেন অনাদর ও অবজ্ঞা। একবার তাঁদের চোখের দেখা দিতেও তোমার সময় হয় না এবং তার জন্ত তোমার মনে দুঃখ আসে না, অশুশোচনাও জাগে না। তোমার মত তাঁরা হয় ত আত্মার কল্যাণের গর্ল করতে পারেন না। কিন্তু তোমারই মত তাঁদেরও মন আছে। সেই মনে যদি তাঁদের অহরহ দুঃখ-জ্বালা বাড়তেই থাকে, তাঁরাও ত তোমাকে ঠিক এই ভাবেই দোষী করতে পারেন। তুমি যদি তোমার অধ্যয়নজনিত শিক্ষা—তোমার অভিজ্ঞতাসম্বৃত জ্ঞান সবেও তাঁদের সেটুকু শাস্তি বা আনন্দ দিতে না পার, তা হলে তোমার দোষ কি তাঁদের চেয়ে বেশী হবে না? অনাথ দাদার মত তোমার মন দেশের অত্যাচারিত নরনারীর দুঃখে কাঁদছে; কিন্তু সেই মন তোমার মা ও স্ত্রীর দুঃখেই বা কাঁদে না কেন?”

“তুমি কোন্ হিসাবে তাঁদের দুঃখ বল?”

“কোন্ হিসাবে নয়? তাঁদের সংশয় তোমাকেই কেন্দ্র করে। তোমার সুখ-স্বাস্থ্যের জন্ত তাঁরা তাঁদের যথাসাধা করেছেন। সংসারের পেষণে তাঁদের বাইরের দিকে চেয়ে দেখবার সময় পর্যাপ্ত হয়নি ও হয় না। না আছে তাঁদের অধ্যয়নের অবসর, না আছে সুযোগ। তুমি বাড়ী বাবে, তোমায় দেখে, তোমায় কাছে পেয়ে তবে তাঁদের মনে একটু তৃপ্তি, একটু আনন্দ আসবে। তুমি যদি তাঁদের সেটুকু আনন্দ থেকে বঞ্চিত কর, তা হলে কি সেটা তোমার নিষ্ঠুরতা হবে না? তোমার হাতে যখন তাঁদের গড়বার ভার ছিল, তাঁদের গ’ড়ে তুলবার জন্ত কি চেষ্টা তুমি করেছিলে? তুমি তাঁদের মনের কতখানি দেখেছিলে? তাঁদের তোমার তথাকথিত আত্মার কথা কতখানি ভেবেছিলে? যে সময়ে নিজে অবসরমত পড়াশুনা করেছ, সে সময়ে তাঁদের কেন পড়াশুনা? নিজে যখন বড় কথা—বড় জ্ঞান শিখছ.

তাদের কেন শিখাওনি ? তুমি যদি তোমার শিক্ষা—তোমার জ্ঞান সবেও তাঁদের মন ও আত্মার সম্বন্ধে উদাসীন থাকতে পেরে থাক, শিক্ষাহীন ও জ্ঞানবিহীন তাঁরা কেন তা পারবেন না ?”

“হয় ত তোমার কথা ঠিক, শচীন। হয় ত আমিও তাঁদের প্রতি অবিচার করেছি। কিন্তু আমি কি ভাবি জ্ঞান? গাছ মাটীতে জন্মায়, সেখান থেকে রস নেয়, ভ্রাণশক্তি নেয়, কিন্তু তাই বলে সেখানেই তার বৃদ্ধির শেষ হয় না। মাধবী তাকে স্নেহভরে আশ্রয় করুক, কিন্তু তাই বলে কঠিন বন্ধনে তাকে পঙ্গু করে যেন তার শ্বাসরোধ করে না দেয়। মাটীর রস ও মাধবীর স্পর্শ সবেও সে তার শাখা-প্রশাখা বিস্তার করে মাথা তুলে দীপ্ততর আলো ও উচ্চতর আকাশের পানেই ছুটে যায়। এই তার সত্যকার ধর্ম। তার জন্ম না মাটীর, না মাধবীর ছুঃখ করা সাজে।”

“কিন্তু এটা নিছক উপমা। উপমা দিয়ে কোন জিনিষকে বুঝানো চলে, কিন্তু যুক্তিকে খণ্ডন করা চলে না। এটা তুমিও জান, আমিও জানি। যদি সত্যই তোমার কোন ক্রটি হয়ে থাকে মনে কর, সে ক্রটি দূর কর। তোমার মন ও আত্মার প্রসারের সঙ্গে এই সাধারণ কর্তব্যের যেন সমন্বয় ঘটে।”

দয়াময় কিছুক্ষণস্থির হইয়া ভাবিতে লাগিল। কোন উত্তর করিল না।

৪

পরদিন দিদির কাছ হইতে একটি ছোট ছেলে এক ছোট চিঠি লইয়া আসিল—“দয়াময় একবার এস; বিশেষ প্রয়োজন।” চিঠি পাইয়াই দয়াময় বলিল, চল, যাই।

তুই জনে তৎক্ষণাৎ বাহির হইলাম। দিদির বাসায় পৌঁছিয়া তাঁহাকে একটু বাস্ত দেখিলাম। তাঁহার স্বভাব-স্বন্দর মুখে উদ্বেগের স্নান ছায়া পড়িয়াছে। পাণি-হাটি হইতে একটি লোক অনাথদার নামে এক চিঠি আনিয়াছে—“প্রভু, এখানে বড় বিপদ। কলেরা দেখা দিয়াছে। অনেকেই বিপন্ন। আপনি না আসিলে আমরা নিরুপায়।

সেবক—সনাতন দাস।”

এই সময়ে কৃষ্ণপুরে এক বিখ্যাত মেলা বসে। দেশ-বিদেশ হইতে কীর্তনের দল আসে। কয় দিন ধরিয়া অষ্টপ্রহর কীর্তনাদি হয়। প্রচুর লোকসমাগমও হইয়া থাকে। অনেক দোকান বসে; ক্রয়-বিক্রয়ও বহু হইয়া থাকে। এমন সময় এই বিপদ।

দিদি বলিলেন, “এসো, ভাই। এখন বল কি করি?”

দয়াময় বলিল, “দাদাকে এখনই একবার খবর দেওয়া দরকার। তিনি না এলে ত কোন উপায় নেই।”

দিদি বলিলেন, “কিন্তু তিনিও ত বিশেষ প্রয়োজনে গিয়েছেন। কাষ অসমাপ্ত রেখেই বা তাঁকে কি করে আসতে বলি?”

দয়াময় বলিল, “তা হ’লে কি করতে বল তুমি?”

দিদি বলিলেন, “তাই ত ভাবছি ভাই। কৃষ্ণপুরে যাওয়া বিশেষ প্রয়োজন। তিনি নেই বলে তাঁর কাষ কি করে পণ্ড হতে দিই?”

দয়াময় বলিল, “তুমি বল ত আমি যাই ততক্ষণ। এদিকে দাদাকেও খবর দেওয়া যাক। তিনি যেন ওখান থেকে বরাবর কৃষ্ণপুর চলে আসেন।”

দিদি চিন্তাগ্রস্ত-মুখে বলিলেন, “তোমাকেই বা একা কি করে ছেড়ে দিই, ভাই! সে হয় না। আমাকেও যেতে হবে।”

দয়াময় বলিল, “তুমি যাবে?”

দিদি বলিলেন, “কেন যাব না? তুমি যেতে পার, আর আমি বুঝি কেউ নই? তাঁর অনুপস্থিতিতে কটা দিনের জন্মও যদি তাঁর কাষটা চালাতে না পারি, তবে তোমাদের দিদি হওয়াটাই আমার বৃথা।”

দয়াময় বলিল, “তার চেয়ে তুমি যদি বল, আমি এখনই সিরাজপুর চলে যাই! হয় তাঁকে নিয়ে আসি, না হয় সাফাতে তাঁর উপদেশ নিয়ে যেমন বলেন, সেইমত কাষ করি।”

দিদি বলিলেন, “না দয়াময়, তাঁকে এ সময় বিরক্ত করা হবে না। তুমি আমাকেই নিয়ে চল। দেখি কিছু পারি কি না। তার মধ্যে উনিও এসে পড়তে পারেন।”

তাহাই স্থির হইল।

দয়াময় আমাকে বলিল, “তোমার ত এখন স্থল বন্ধ। চল না, একসঙ্গে যাই। না কি আপত্তি আছে?”

আমি বলিলাম, “আছে বৈ কি। তবুও চল, যাই।”



দয়াময় দিদির বালি, “তুমি তৈরি হয়ে নাও; দিদি। আমি একটাবার বাসায় গিয়ে ছুটির ব্যবস্থা করে আসি।”

দিদি বলিলেন, “তা হলে আমি চাট্ট ভাতে ভাত চড়িয়ে দিই, এখান থেকেই খেয়ে যেনো।”

দয়াময় বলিল, “না, তুমি এখন বাস্তব। আমরা খেয়েই আসব।”

আমরা চলিয়া আসিলাম। আহালাদি তাড়াতাড়ি শেষ করিয়া লইলাম। দয়াময় আফিসের এক সহকর্মীর হাতে কয়েকদিনের জুতা ছুটির দরখাস্ত পাঠাইয়া দিল। কয়েকখানা কাপড়, দুই জনের মত অতি সামান্য বিহানাও সে টিক করিয়া লইল। আর লইল একখানি কোষবদ্ধ দীপ্ত ছুরিকা। কোমরবন্ধের সঙ্গে জামার নীচে তাহা খুলাইয়া রাখিল।

“ওটার কি প্রয়োজন, দয়াময়?” জিজ্ঞাসা করিলাম।

দয়াময় হাসিয়া বলিল, “পরাদীন জাতির মনের অবস্থা এমনই হয়ে যায় যে, আত্মরক্ষার কোন অস্ত্র সঙ্গে নিতেও তার সঙ্কোচ হয়।”

জিজ্ঞাসা করিলাম, “এর কি কোন প্রয়োজন আছে?”

সে উত্তর দিল, “এটা কি নতুন প্রয়োজন? সেখানে মহামারী, সেখানেই চুরি-ডাকাতির প্রাদুর্ভাব। তা ছাড়া আমাদের থাকতে হবে একেবারে মাঠের মধ্যে। আত্মরক্ষার একটা উপকরণ থাকা প্রয়োজন। একা থাকলে নিতাম না, কিন্তু দিদি থাকবেন সঙ্গে, একেবারে অরক্ষিত থাকা উচিত নয়।”

পরে একটা মোটা লাঠি বাহির করিয়া বলিল, “এটা তুমি কাছে রাখ। চল, যাওয়া যাক।”

দুজনে বাহির হইলাম। দিদি প্রস্তুত হইয়াই ছিলেন। তাহার বাসা হইতে তাঁহাকে উঠাইয়া লইয়া আমরা যথাসময়ে স্টেশনে পৌঁছিলাম।

বাহির হইবার পূর্বে অনাথ দাদার কাছেও একটা খবর পাঠাইয়া দেওয়া হইল।

অপরাত্নের পূর্বেই আমরা কৃষ্ণপুরের মহোৎসবের কাছে পৌঁছিলাম। সে এক বিরাট ব্যাপার। দেশ-বিদেশের বৈক্যব সম্প্রদায় আসিয়া নামগান করিতেছেন। সাত দিন ধরিয়৷ দিন-রাত্রির মধ্যে স্বল্পকালের জুতাও বিরাম নাই। সেই কীর্তনের মাঠ পার হইয়া তবে আমরা দিগকে আশ্রমের

টাঁবুতে পৌঁছিতে হইবে। ইহারা পূর্বে হয় ত আরও অনেকবার দেখিয়া থাকিবেন; কিন্তু আমি এই প্রথম দেখিতেছি। সেজন্ত ক্রিয়াক্ষণের জুতা চারি দিক ঘুরিয়া দেখিতে লাগিলাম। এক এক সম্প্রদায়ের এক এক দল। এক প্রকাণ্ড বটগাছের নীচে এক বৃহৎ দল কীর্তনে মত্ত। কাছে আসিতেই দৃষ্টি পড়িল—এক দীর্ঘমুষ্টি উজ্জল গৌরবর্ণ পুরুষ। দীর্ঘ কৃষ্ণিত কেশ; অতি মসৃণভাবে ক্ষৌরীকৃত সুন্দর মুখমণ্ডল। চন্দন-রেখাক্রিত প্রশস্ত ললাট। দেখিবা-মাত্র চিনিলাম—পরমানন্দ স্বামী। তাহার দৃষ্টিও আমাদের প্রতি নিপতিত হইল। আমার পাশেই দিদি, পিছনে সামান্য দূরে দয়াময়। কণকালের জুতা তাহার মুখদৃষ্টি দিদির দিকে স্থির হইয়া রহিল। অথচ ইহার মধ্যেও তাহার নৃত্য ও কীর্তনের বিরাম ছিল না। রাধেশ্যাম বলিয়া—দীর্ঘ বিশাল ঈষৎ রক্তাভ দুই বাহু তুলিয়া কি সে উদ্দাম অবিরাম নৃত্য! হাঁ, সুন্দর আকৃতি বটে! দেখিলে না মুগ্ধ হইয়া থাকি যান না।

আমরা নীত্বই জনসমুদ্রে মিশিয়া গেলাম। মনে হইল, কীর্তনের মধ্যেও তাহার দৃষ্টি যেন আমাদের দিকে খুঁজিতেছিল। সে স্থান পার হইয়া আমরা সেবা-শিবিরে পৌঁছিলাম।

৩

সারি সারি খড়ের দোচালা ঘর। প্রত্যেক ঘর চারি জন রোগীর জুতা নির্দিষ্ট। এই ভাবের পাঁচখানি ঘর। একখানি বড় আটচালা। তাহাতেও ষোল জন রোগীর স্থান সঙ্কুলান হয়। চাটাইয়ের দেওয়াল। রোগীর কক্ষ হইতে কিঞ্চিৎ দূরে ডাক্তার, গুণ্ণবাকারী ও গুণ্ণবাকারিণীর জুতা কয়টি কুটার।

সনাতন দাস বৃদ্ধ। তবুও দিদির গর্ভ হইয়া প্রণাম না করিয়া ছাড়িল না। সত্যকার স্নেহের সহিত আমরা দিগকে আলিঙ্গন করিল। এই সবই আমাকে সবচেয়ে বিস্মিত করে। অপরিচিতের প্রতি এ স্নেহ মানুষের মনে কি করিয়া আসে? কে এই স্নেহ জাগাইয়া দেয়?

সনাতন দিদির বালি, “আজ আপনি বিশ্রাম করুন, কাল থেকে দেখাশুনা করবেন। আপনি এসেছেন, আমি দেহে-মনে বল পেলাম।”

দিদি বলিলেন, “আমরা ওখান থেকেই এখানে আসছি;

আমাদের আর কি এত পরিশ্রম হয়েছে! চলুন, একবার বরগুণি দেখে আসি।”

প্রথম বরটিতে দিদি প্রবেশ করিলেন। দয়াময় দিদির পশ্চাৎ পশ্চাৎ গেল। আমি ছয়ারের গোড়ায় দাঁড়াইলাম। বরটিতে চার জন রোগী, এক জন নার্স। তিনটি রোগীর অবস্থা একটু ভাল। হোমিওপ্যাথি চিকিৎসায় ফল হইয়াছে। চতুর্থটিকে সেলাটন ইন্জেকশান দেওয়া হইয়াছে; ফল এখনও স্থায়ী হয় নাই।

দরমার দেওয়াল। দরমা কাটিয়া পরদা লাগাইয়া জানালা করা হইয়াছে। প্রয়োজনমত পরদা গুটাইয়া রাখা বা ফেলিয়া দেওয়া হয়। জানালার কাম একপ্রকার ইহাতেই চলিয়া যায়। অসুবিধা হইয়াছে মেঝে লইয়া। মাটির মেঝে। জল পড়িলেই বিপদ। যাহাতে কোন জিনিস মেঝের উপর না পড়ে, সেজন্য এনামেল করা স্বতন্ত্র পাত্রাদির ব্যবস্থা করা হইয়াছে।

ছয়ারের পাশেই যে রোগীটি ছিল, সে একটি বালক। চৌদ্দ পনেরো বৎসর বয়স হইবে। দিদি তাহার শয্যাপার্শ্বে বসিলেন। জিজ্ঞাসা করিলেন, “কেমন আছ, ভাই?”

শীর্ণ বালক। রোগে, যন্ত্রণায় ও নিরাশায় যেন শয্যার সঙ্কিত একবারে মিশিয়া গিয়াছে। দিদির মিষ্ট কথায় তাহার চোখে জল আসিল। দিদি স্নেহভরে তাহার ললাটে হাত রাখিলেন। বালক সেইটুকু স্নেহে ফোপাইয়া কাঁদিয়া উঠিল। দিদি তখন তাহার শয্যাপার্শ্বে বসিয়া তাহাকে শাস্ত করিলেন। বালক শান্ত হইয়া দিদির সঙ্গে কথা কহিতে লাগিল।

বালক বলিল, তাহার শরীর আগে হইতেই খারাপ ছিল। তাহার মা কিছুতে আসিতে দিবেন না। সে জোর করিয়াই আসিয়াছিল। রাগ করিয়া এক দিন খায় নাই; সেজন্য মা বাধ্য হইয়াই আসিতে দিয়াছিলেন। নহিলে তাঁহার আসিতে দিবার আদৌ ইচ্ছা ছিল না। এখন যদি সে না বাচে, মায়ের কি হইবে? মাকে কে দেখিবে? তাহার বাপ নাই, সেই জ্যেষ্ঠপুত্র, তাহারই শিরে বলিতে গেলে সংসারের ভার। সে যে মায়ের অমতে আসিয়াছে—হরি বৃষ্টি তাহাকে ভাই এই শাস্তি দিয়াছেন। এবার যদি সে বাঁচিয়া উঠে, আর কখনও মায়ের অবাধ্য হইবে না।

দিদি তাহাকে আরও সাহসনা দিয়া, চোখের জল মুছাইয়া আর এক জনের কাছে গেলেন। সেটি এক বসীরসী নারী—বিধবা। তাহার পাশে বসিয়া বলিলেন, “আজ একটু ভাল আছ, মা?”

বিধবা বলিল, “মার ভাল, মা! ভাল হ’তে আর ইচ্ছাও নেই। মহাপ্রভুর মচ্ছব, ভাবলাম দেখে আসি। পাপের দেহ; এখানে এসেও পরের কষ্টের কারণ হয়েছি। দেখ না—কত জনকে কত কষ্ট দিচ্ছি। এখন ত মহাপ্রভু দয়া করলেই নাচি।”

দিদি বলিলেন, “মহাপ্রভু ত দয়া এক দিন করবেনই; তার জন্ম বাস্তু কেন, মা? বেঁচে থাকলে তবে না মহাপ্রভুর কাষ করবে, তবে না দরিদ্রনারায়ণের সেবা করবে? আজ যদি কারও সেবা পেয়ে কুণ্ঠিত হয়ে থাক, মা, এর দশ গুণ, যত দিন বাঁচবে, তত দিন পরের সেবা কোরো, কুণ্ঠা দূরে যাবে। মহাপ্রভুর দয়া পাবে।”

বিধবা হাত ঘোড় করিয়া মাথায় স্পর্শ করিয়া বলিল, “ভাই যেন হয়, মা। সংসারে ত আর কেউ নেই। তাঁর দয়া থেকে যেন বঞ্চিত না হই।”

দিদি সেখান হইতে উঠিয়া তৃতীয় রোগীর কাছে আসিলেন—সে যুবক। বয়স হইবে বৎসর পঁচিশ। বলিষ্ঠ বিশাল দেহ। কিন্তু রোগে যেন মুহূর্তমান হইয়া পড়িয়াছে। মস্তিষ্কে জড়তা আসিয়াছে।

দিদি তাহার কাছে দাঁড়াইয়া বার কয়েক ডাকিলেন। সে ডাক তাহার জ্ঞানেক্রিয় পর্যাপ্ত পৌঁছিল না। দিদির মুখে চিন্তার রেখা ফুটিয়া উঠিল। কাছে বসিয়া তাহার কপালে, বুকে হাত বুলাইয়া দিলেন। সন্মুখে মৃদুস্বরে জিজ্ঞাসা করিলেন, “কি বাবা, কি কষ্ট হচ্ছে? কথা কইতে পাচ্ছ না?”

মনে হইল, এ কথা কয়টা রোগী বুঝিল। কিন্তু কথার উত্তরে কিছু বলিতে পারিল না, কেবল তাহার ছুটি চক্ষু জলে ভরিয়া আসিল। সে কক্ষের লোক সেখানেই বসিয়া ছিল; দিদি বলিলেন, “তুমি একবার ডাক্তারকে খবর দাও ত।”

লোকটি চলিয়া গেল। একটু পরেই ডাক্তার আসিলেন। তিনি পরীক্ষা করিয়া লক্ষণাদি দেখিয়া চিন্তিত হইলেন। আর এক জন ডাক্তারকে খবর দেওয়া হইল; তিনিও আসিলেন। দ্বিতীয়বার রোগীকে সেলাইন

ইন্জেক্সন দেওয়া হইল। ইহার পর হইতে দিদি সর্কফণ ইহারই শয্যাপার্শ্বে রহিলেন। কিন্তু কিছুতেই রোগ উন্নতির দিকে গেল না।

রাত্রি আসিল। রোগ বাড়িয়াই চলিল। শেষে রাত্রিতে মহাপ্রভুর নাম ও দিদির কাতর অশ্রুজলের মধ্যে অপরিচিত যুবকের ইতালোকের খেলা সাস্র হইয়া গেল। প্রভাতের সঙ্গে সঙ্গে তাহার দেহ সেখান হইতে অপসারিত করা হইল। তাহার শেষ অশ্রুবিন্দু ও সকাতর দৃষ্টি দ্বারা সে শেষ মুহূর্তে কাহাকে খুঁজিয়াছিল, তাহা কেহ জানিল না, বঝিল না।

৬

ছুই দিন দুই রাত্রি এই ভাবে কাটিয়া গেল। আজ তৃতীয় দিন। গভীর রাত্রি। দিনের উজ্জ্বল আলোকে যাহা পরিচিত ও ভয়লেশহীন, চন্দ্রালোকে যাহা মাধুর্যময়, তমসাক্ষর রাত্রিতে তাহাই ভয়ঙ্কর। তত্পরি জীবন-মৃত্যুর দৃশ্য এখানে পাশাপাশি।

প্রথম রাত্রিতে জ্যোৎস্নালোকে পথ-প্রাস্তর প্লাবিত করিয়া চন্দ্র কখন অস্ত গিয়াছে। অন্ধকারে চারিদিক সমাচ্ছন্ন। হাসপাতালের কক্ষগুলির স্বল্পালোকে বাহিরের অন্ধকারকে আরও ভয়াবহ করিয়া তুলিয়াছে।

বোধ হয়, রাত্রি ছইটা বাজিয়া গিয়াছে দিদি এই খানিকটা আগে উঠিয়া গিয়াছেন। দয়াময়ের সঙ্গে বসিয়া একই কক্ষে রোগীর পরিচর্যা করিতেছিলাম। একটু নিদ্রার আবেশ আসিতে দেখিয়া দয়াময় বলিল, “তুমি উঠে যাও, একটু বিশ্রাম কর গে।”

সত্যই আমার সমস্ত শরীর, সকল ইঞ্জিয় যেন নিদ্রাক্ষর হইয়া আসিতেছিল। মনে হইতেছিল যে, এই অর্ধসিক্ত মাটির মেঝের উপরেই শুইয়া খানিকটা চোখ বুজাইয়া লইতে পারিলে বাঁচিয়া যাই। দয়াময়কে একা রাখিয়া যাইতে পারিতেছিলাম না। কিন্তু তাহার কথায় আমি আর ইতস্ততঃ না করিয়া উঠিয়া গেলাম। শ্রান্ত, অর্ধতন্দ্রাক্ষর দেহটিকে কোনমতে টানিয়া আপনার কক্ষে আনিয়া শয্যার উপর নিক্ষেপ করিলাম। পরমুহূর্তে প্রায় নিশ্চিন্ত হইয়া নিদ্রাঘোরে ঢুকু মুদিলাম।

কতক্ষণ ঘুমাইয়াছি, মনে নাই। গভীর নিদ্রাবেশের মাঝখান হইতে কে যেন আমাকে টানিয়া তুলিতেছিল। অতি

তীক্ষ্ণ কণ্ঠে কে যেন কহিয়া উঠিল—যাও, যাও। এত তীক্ষ্ণ সেই স্বর যে, সেই তীক্ষ্ণতার মধ্যে সে কণ্ঠ কাহার, এ চিন্তা যেন হারাইয়া গিয়াছিল।

দ্বিতীয়বার আবার সেই কুক, কুক, উত্তেজিত কণ্ঠস্বর শুনা গেল আমার সমস্ত নিদ্রা, তন্দ্রা, জড়তা এক মুহূর্তে দূরে গেল পলকে শয্যার উপর উঠিয়া বলিলাম। শব্দ ত দূরে নয়, ঠিক পাশেই। ঐ না দিদির স্বর। তবে কি—?

বিদ্ভাতের মত মনে সংশয় জাগিল। শয্যা ত্যাগ করিয়া উঠিয়া দাঁড়াইলাম।

তৎক্ষণাৎ কাণে আসিয়া বাজিল—“শান্ত হও বিজলী। পূর্বকথা একেবারে ভুলো না। এখন যদি কেউ এসে পড়ে, আমার চেয়ে তোমার বেশী ক্ষতি।”

এক লাফে ছুয়ারের কাছে আসিলাম।

এবার দিদির গলা স্পৃষ্ট শুনিতে পাইলাম,—“যাও, ছুয়ার খোলো; নয় ত আমাকে বাইরে যেতে দাও। দেবে না? দয়াময়!”

মুহূর্তে ছুয়ার খুলিয়া বাহিরে আসিলাম। দিদির স্বর লক্ষ্য করিয়া ছুটিলাম। ঘরের কাছাকাছি আসিতে ভিতরে যেন দ্রুত পদসঞ্চারের শব্দ শুনলাম। হাসপাতালের দিক হইতে কে এক জন বিদ্ভাঘেগে পাশ দিয়া ছুটিয়া গেল। ঘরের ছুয়ার বন্ধ দেখিবামাত্র সে মূর্তি জানালার পর্দা ছিঁড়িয়া ভিতরে লাফাইয়া পড়িল।

তাহাকে ছুয়ারের কাছে যেটুকু পামিতে হইয়াছিল, তাহাতেই সন্দেহ হইয়াছিল, সে দয়াময়।

পরমুহূর্তে ভিতর হইতে ছুয়ার খুলিয়া গেল। ভিতরে দৃষ্টি পড়িতেই ভয়ে বিস্ময়ে অবাক হইয়া গেলাম। পরমানন্দ স্বামী দিদির হাত ধরিয়া দাঁড়াইয়াছিল। ক্ষুণ্ণিত ব্যাঘ্রের মত দয়াময় পরমানন্দের উপর ঝাঁপাইয়া পড়িল। পরমানন্দ বাধ্য হইয়া দিদিকে ছাড়িয়া দিল এবং দয়াময়ের গলা চাপিয়া ধরিবার চেষ্টা করিতে লাগিল। তাহার মুখে চোখে পিশাচের দৃষ্টি কুটিয়া উঠিল। দয়াময় অস্বরের মত শক্তিতে এক হাতে তাহাকে ধাক্কা দিয়া ঠেলিয়া দিল ও অপর হস্তে তাহার বস্ত্রাভ্যস্তর হইতে সেই ছুরিকাখানি বাহির করিয়া পরমানন্দের দেহ লক্ষ্য করিয়া আঘাত করিতে গেল।

দিদি আর্জস্বরে চীৎকার করিয়া উঠিলেন। আমি ভয়ে

শিহরিয়া উঠিলাম। নিবারণ করিবার শক্তি পর্যাপ্ত অন্তর্হিত হইয়াছিল; সময়ও ছিল না। সেই মুহূর্তে নিমেষমধ্যে কে ক্ষিপ্ৰপদে কক্ষ প্রবেশ করিয়া দয়াময় ও পরমানন্দের মাঝখানে উত্তম আঘাত নিবারণের জন্ত বাহু তুলিয়া পাড়াইল। তৎক্ষণাৎ উত্তম অস্ত্র প্রবেশকারীর বাহুমাধ্য প্রবিষ্ট হইল। রক্তধারা কিন্ধু কি দিয়া ছুটিল।

সঙ্গে সঙ্গে দয়াময় চকিত আর্তকণ্ঠে চীৎকার করিয়া বলিল, “তোমাকে মারলাম, অনাথ দাদা?”

বলিয়া দয়াময় সেই বিদ্ধ ছুরিকা অনাথ দাদার রক্তাক্ত বাহুমূল হইতে উঠাইতে গিয়া মুচ্ছিত হইয়া তাঁহার পদতলে লুটাইয়া পড়িল।

ছুরিখানা বাম হাতে এক টানে উঠাইয়া অনাথ দাদা ঘরের এক কোণে ছুড়িয়া ফেলিলেন ও আপনার রক্তাক্ত হাতের অঙ্গুলি দিয়া পরমানন্দকে বাহিরের দিক নির্দেশ করিয়া দিলেন। পরমানন্দ নতমস্তকে পদাহত কুকুরের মত দীর্ঘে দীর্ঘে কক্ষ হইতে নিষ্ক্রান্ত হইয়া গেল।

দিদি নিকটস্থ দড়ি হইতে একখানি পরিষ্কৃত বস্ত্রের খানিকটা ভাড়াভাড়া ছিঁড়িয়া ফেলিয়া অনাথ দাদার আহত স্থান বাধিয়া দিলেন। আমি দৌড়িয়া ডাক্তার ডাকিতে ছুটিলাম। ডাক্তার ব্যস্তভাবে আসিলেন; ঔষধ দিয়া অনাথ দাদার প্রসারিত হস্তে ব্যাণ্ডেজ বাধিয়া দিলেন।

ঘরের কোণে কলসী ছিল। অনাথ দাদা অপর, হস্ত দিয়া দয়াময়ের চোখে মাথার জল দিতে লাগিলেন। আমি বাতাস করিতে লাগিলাম।

একটু পরেই দয়াময় চক্ষু মেলিল। আশ্বসমাহিতভাবে কি যেন ভাবিয়া গেল। উঠিয়া বসিতেই অনাথ দাদার ব্যাণ্ডেজ-বাঁধা হাত চোখে পড়িল।

দয়াময় দুই হাত দিয়া অনাথ দাদাকে জড়াইয়া ধরিয়া বালকের মত কাঁদিতে কাঁদিতে কহিল, “তোমার দেহে আমি আঘাত করলাম, অনাথদা!”

অনাথ দাদা দয়াময়ের মাথায় পিঠে সম্মুখে হাত বুলাইতে বুলাইতে সজলনয়নে বলিলেন, “ছেলেমানুষি কোরো না, দয়াময়। দৈবাৎ আমার হাতে সামান্য একটু লেগেছে, তাতে কান্না কেন ভাই? তোমার দিদির তুমি মান কাঁচিয়েছ আজ। ঐ সেই লোকটা, যে তোমার দিদিকে এক দিন ভুল পথে নিয়ে যাবার চেষ্টা করেছিল, আবার আজ সুযোগ পেয়ে অপমান করতে এসেছিল।”

তখন অনেক লোক জড় হইয়া গিয়াছিল। দয়াময়ের হৃৎক ও অনাথ দাদার আঘাত—সে কক্ষের সকলের মর্ম্ম স্পর্শ করিয়াছিল। ব্যাণ্ডেজে আর রক্ত আসিতেছে কি না, তাহা ভাল করিয়া দেখিবার জন্ত অনেককেই চক্ষু মুচ্ছিত হইয়াছিল।

শ্রীমানিক ভট্টাচার্য্য।

## আবার আসিও ফিরে

আবার আসিও ফিরে, তুমি মোরে কর না হলনা  
কেমনে বিদায় দিব? এ মনেরে বুঝাব কেমনে?  
অকারণে এই হৃৎক, কেন আমি সহিব বল না,  
তুমিই কি পাবে স্মৃতি, এ নির্দম বন্ধন ছেদনে?  
দূরে হের পৌর্ণমাসী, অস্তিত্ত বিমলিন চাঁদে  
সে কি বুঝিয়াছে ব্যথা আসন্ন বিরহ-ব্যথা মোর!  
নক্ষত্র-সভায় আজ বিরহিণী অরুদ্রতী কাদে  
শুকতার না জানিতে বিষম রজনী হবে ভোর।  
নদি আর না আসিবে, কেন তবে এলে আজ প্রিয়  
আসিবে বলিয়া মোর প্রতীক্ষা যে ছিল মধুময়

আবার আসিও বধু আবার আসিও তুমি ফিরে  
হাঁট আঁধি প্রতীক্ষার জেপে রবে বৈতরণীতীরে।

উদয়-পথের দৃষ্টি দিনে দিনে হ'ল রমণীয়  
রবি অস্ত যাবে যদি, তার চেয়ে ভাল অমুদয়।  
কেবল একটি রাত্রি, এ রাত্রির স্মৃতি স্মধুর  
দিলে যদি আপনারে, ফিরাইয়া লবে কোন্ হলে,  
আপনি নিকটে আসি হেলায় করিবে মোরে দূর  
নিজ হাতে মালা গাঁধি সাধিয়া পরালে যার গলে?  
এখনও অধর মম তোমার সে অধীর চুমনে,  
বিহ্বল হইয়া কাঁপে ছনয়ন অশ্রুতারাতুর,  
আল্লোবপরশ তব, সারা অক্ষে জাগে ক্ষণে ক্ষণে  
মিলন মুহূর্ত হবে এখনই কি বিরহ-বিধুর?

শ্রীসাহিত্যীপ্রসন্ন চট্টোপাধ্যায়।





# সাহিত্যের বৈঠক

## বঙ্গালী সমালোচন-সাহিত্য

বঙ্গালী দেশে যে-সমস্ত সাহিত্যিকের আবির্ভাব ইংরেজ আগমনের পূর্বে হইয়াছিল, তাঁহাদের মানসিক বিকাশ পরিপূর্ণতা লাভ করে নাই, এবং তাঁহাদের দৃষ্টিও একটি অপরিমিত রক্ত-পথে পরিচালিত হইয়া তাঁহাদিগকে গতানুগতিক ও সঙ্কীর্ণ করিয়া রাখিয়াছিল। ডক্টর দীনেশচন্দ্র সেন মহাশয় ইংরেজ-আমলের পূর্বেই লেখকদের পুঙ্খগ্রাহী বলিয়াছেন, তাঁহারা পূর্বেই লেখকের অনুকরণ করিয়াই চলিয়াছেন, নিজে কোনও নূতন ধরণের বা বিষয়ের অবতারণা বা সৃষ্টি করিতে পারেন নাই। বঙ্গালী-সাহিত্যের প্রধান ধারা ছিল মঙ্গলকাব্য—চণ্ডীমঙ্গল, ধর্ম্মমঙ্গল, মনসামঙ্গল, শীতলামঙ্গল, রায়মঙ্গল ও পরবর্তী কালে কৃষ্ণমঙ্গল ও চৈতন্যমঙ্গল। এক এক বিষয় লইয়া একাদিক কবি কাব্য রচনা করিয়া গিয়াছেন, তাহাতে কাহারও নিজস্ব ব্যক্তিত্ব স্পৃহিত হইবার অবকাশ হয় নাই। গীতিকবিতা এই মঙ্গলকাব্যের প্রতিযোগী সাহিত্য এবং তাহার আদি কবি চণ্ডীদাস সেই পদ রচনা করিলেন, এবং মিথিলা হইতে তাহারই অনুরূপ বিজ্ঞাপতির পদ এ দেশে আমদানী হইল, অমনি কবির পরে কবি কেবল সেই নির্দিষ্ট পথেই চলিতে আরম্ভ করিলেন, তাহার ছাঁচ ছাড়িয়া নূতন ভঙ্গীতে কিছু রচনা করিতে পারা যায়, ইহা কেহ আর ভাবিয়াও দেখিলেন না। আর একটি ধারা হইতেছে সংস্কৃত কাব্য বা শাস্ত্রের ভাবানুবাদ, যেমন মহাভারত, রামায়ণ, ভাগবত ইত্যাদি। এত যে বিভিন্ন ধরণের ও বিভিন্ন লেখকের রচনা চতুর্দশ শতাব্দী হইতে আরম্ভ করিয়া অষ্টাদশ শতাব্দীর শেষ পর্য্যন্ত প্রচারিত হইল, তাহার দোষগুণ কোনও সাহিত্যিক বিচার করিয়া একটিও পুস্তক রচনা করিলেন না, সেই সকল রচনার ভাল-বন্দ বিচারের ভার অর্পিত হইয়াছিল সাধারণ শ্রোতা বা পাঠকদের উপরে, তাহাদের বাহা ভালো লাগিত, তাহা

সমাদৃত হইয়া প্রচলিত থাকিত, এবং তাহাদের মনোরঞ্জন করিতে না পারিলে সেই রচনা ধীরে ধীরে বিশ্বাসিত বিলুপ্ত হইয়া যাইত।

খৃষ্টীয় ঊনবিংশ শতাব্দীর প্রথমে যখন এ দেশে শ্রীরামপুরের ক্রিষ্টিান মিশনারীরা আসিয়া নিজেদের ধর্ম্মপ্রচারের সুবিধা হইবে বলিয়া বঙ্গালী ভাষা শিক্ষা করিবার জন্ম বঙ্গালী-সাহিত্যের সন্ধান করিতে লাগিলেন এবং পুপি সংগ্রহ করিয়া তাঁহাদের প্রতিষ্ঠিত ছাপাখানায় সেইগুলিকে ছাপিয়া প্রকাশ করিতে লাগিলেন, তখন তাঁহারা এই বঙ্গালী ভাষা শিখিয়া ইংরেজি সাহিত্যের আদর্শে নানা বিষয়ের পুস্তক প্রকাশ করিতে লাগিলেন। ইহার পরে ১৮০০ খৃষ্টাব্দে কলিকাতার ফোর্ট উইলিয়াম কলেজ প্রতিষ্ঠিত হইলে গভর্নমেন্টের সিভিল সার্ভান্টদিগকে বঙ্গালী শিখাইবার জন্ম পাদরী কেরী সাহেব এবং কয়েক জন পণ্ডিত নিযুক্ত হইলেন এবং তাঁহারা গণ্য সাহিত্য সৃষ্টির কাষে প্রবৃত্ত হইলেন। ইংরেজদের সংস্পর্শে আসিয়া আমাদের দেশের লোকের বুদ্ধির মুক্তিলাভ হইল এবং তাঁহাদের দৃষ্টির ক্ষেত্রও প্রসারিত হইয়া চলিল।

এই সময়ে আবির্ভূত হইলেন মহামনীষী রাজা রামমোহন রায় এবং তিনি একাকী ত্রিপুরার সহিত বন্দুকপ্রবৃত্ত হইলেন—ক্রিষ্টিান পাদরী, মুসলমান মৌলবী এবং হিন্দু পণ্ডিতদিগের সহিত তর্ক-বিতর্ক করিয়া সকল ধর্ম্মের সার-সমন্বিত প্রাচীনতম হিন্দুধর্ম্মের শ্রেষ্ঠত্ব প্রতিপন্ন করিতে লাগিলেন। এই তর্কযুদ্ধের ফলে আমাদের দেশে প্রথম সমালোচনার উদ্ভব হইল, ইহা তখনও মতের সমালোচনা মাত্র, সাহিত্য-সমালোচনা তখনও আসরে আবির্ভূত হয় নাই।

ইহার পরে শ্রীরামপুরের মিশনারী সাহেবরা সংবাদপত্র

প্রকাশ করিলেন, তাঁহাদের সমাচারদর্পণে (১৮১৮) প্রথম সাহিত্যের সংবাদ, নূতন পুস্তক ও সাময়িক পত্রের বিবরণ এবং বাঙ্গালা ভাষায় বিরচিত পুস্তকগুলির ভাষা সম্বন্ধে নানা কথা প্রকাশিত হইতে আরম্ভ হইল। ইহার পরে রাজা রামমোহন রায়ের সংবাদকৌমুদী (১৮২১) ও ভবানীচরণ বন্দ্যোপাধ্যায়-সম্পাদিত সমাচারচন্দ্রিকা (১৮২২) প্রভৃতি সংবাদ ও সাময়িক পত্রে সাহিত্যের অপরিপুষ্ট সমালোচনা হইতে লাগিল। ইহার পরে ১৮৩১ খৃষ্টাব্দে প্রতিভাবান্ কবি ঈশ্বরচন্দ্র গুপ্ত সংবাদ-প্রভাকর প্রকাশ করিলেন এবং তাহাতে সম্পাদক-কবি নিজে এবং অপরাপর লেখকরা সাহিত্যের সমালোচনা করিতে বিশেষভাবে প্রবৃত্ত হইলেন। ইহার পরে অগাণ্ড সকল পত্রেই এই ধারা প্রচলিত ও প্রসারিত হইয়া চলিয়াছে।

রেভারেণ্ড কৃষ্ণমোহন বন্দ্যোপাধ্যায় (১৮১৩—১৮৮৫) বিদ্যাকল্পদ্রুম প্রকাশ (১৮৪৬) করিয়া তাহাতে সাহিত্য-সমালোচনা রীতিমত আরম্ভ করিলেন। তাঁহার পরে রাজা রাজেন্দ্রলাল মিত্র (১৮২১—১৮৯১) প্রসিদ্ধ সাময়িক পত্র বিবিধার্থ-সংগ্রহ প্রকাশ (১৮৫১) করিয়া তাহাতেও এই সমালোচনার রীতি বজায় রাখিয়া তাহার উন্নতি করিতে সাহায্য করিয়াছিলেন।

সাহিত্য-সমালোচনা করিয়া পুস্তক রচনা ও প্রকাশ সর্বপ্রথমে করেন বোধ হয় ঈশ্বরচন্দ্র বিদ্যাসাগর মহাশয় (১৮২০—১৮৯১)। তিনি 'সংস্কৃতভাষা ও সাহিত্য-বিষয়ক প্রস্তাব' নামে একখানি পুস্তক প্রকাশ করেন ১৮৫৬ খৃষ্টাব্দে।

তাঁহার পরে অক্ষয়কুমার দত্ত (১৮২৫—১৮৮৭) তত্ত্ব-বোধিনী পত্রিকার সম্পাদক হইয়া সেই পত্রে নানা বিষয়ের আলোচনার সঙ্গে সঙ্গে সাহিত্যের আলোচনা করিতে আরম্ভ করেন এবং তাঁহার 'ভারতবর্ষীয় উপাসক-সম্প্রদায়' গ্রন্থের ভূমিকায় সংস্কৃত-সাহিত্য ও ধর্মশাস্ত্রের বিবৃতি ও সমালোচনা করিয়া তাঁহার পাণ্ডিত্যের পরিচয় দিয়া গিয়াছেন।

ধারকানাথ বিদ্যাতৃষণ (১৮২০—১৮৮৪) সোমপ্রকাশ পত্রে (১৮৫৮) নিরপেক্ষ সাহিত্যসমালোচনা করিয়া বিশেষ যশস্বী হইয়াছিলেন।

অক্ষয়চন্দ্র সরকার মহাশয়ের পিতা গঙ্গাচরণ সরকার (জন্ম ১৮২৩) সর্বপ্রথম 'বঙ্গসাহিত্য ও বঙ্গভাষা' নামে বঙ্গ-সাহিত্যের বিবরণ ও সমালোচনা প্রকাশ করেন (১৮৭৯)।

ইহার পরে রাজনারায়ণ বসু (১৮২৬—১৯৫০) 'বাঙ্গালা-ভাষা ও সাহিত্য-বিষয়ক বঙ্গভাষা' এবং 'বিবিধ প্রবন্ধ' প্রকাশ করেন।

বর্তমান জেলার রায়না-গ্রাম-নিবাসী কৈলাসচন্দ্র ঘোষ ১৮৮৫ খৃষ্টাব্দে 'বাঙ্গালা সাহিত্য' প্রকাশ করেন।

ভূদেব মুখোপাধ্যায় (১৮২৫—১৮৯৪) 'বিবিধ প্রবন্ধের' মধ্যে সংস্কৃত-সাহিত্যের নিপুণ বিশ্লেষণ ও সমালোচনা করিয়া সমালোচনার একটি আদর্শ স্থাপিত করেন।

সঞ্জীবচন্দ্র চট্টোপাধ্যায় সেকালের (১৮৩৪—১৮৮৯) 'সাত্তা সমালোচনা' করেন।

কবি হেমচন্দ্র বন্দ্যোপাধ্যায় (১৮৩৮—১৯০৩) কবির মাইকেলের কাব্য সমালোচনা করিয়া প্রকাশ করেন ১৮৭৪ খৃষ্টাব্দে।

ইহার পরে মহারথ বঙ্কিমচন্দ্র চট্টোপাধ্যায়ের আবির্ভাব (১৮৩৮—১৮৯৪)। তিনি তাঁহার মৃগাস্তরকারী মাসিক-পত্র বঙ্গদর্শনে (১৮৭২) নানা ভাবে সাহিত্যের সমালোচনা করিয়া সাহিত্যের আদর্শকে সূচি ও উন্নত করিয়া তুলেন। তাঁহার বিবিধ প্রবন্ধের মধ্যে তাঁহার সমালোচনা-শক্তির কিঞ্চিৎ পরিচয় আছে। তাঁহার সমালোচনা এক দিকে যেমন কঠোর ছিল, অণ্ড দিকে আবার খাটি জিনিষের সমাদরও তিনি করিয়া গিয়াছেন। সেই জন্য বঙ্গদর্শনে কাহারও প্রশংসালাত পরম সৌভাগ্য বলিয়া পরিগণিত হইত। কিন্তু যাহার নিন্দা করিতেন, তাহাকে এমন কঠিন ও তীক্ষ্ণ বিদ্রূপে বিদ্ধ করিতেন যে, তাহার মর্মান্তিক ক্লেশ ও ভয় হইত এবং অক্ষম সাহিত্যিক সাহিত্যক্ষেত্রে অনধিকার প্রবেশ করিতে আর সাহস পাইত না। একখানি ক্ষুদ্রকার পুস্তকের সমালোচন-প্রসঙ্গে তিনি লিখিয়াছিলেন—বইখানির আকার ৪ ইঞ্চি লম্বা ও ৩ ইঞ্চি চৌড়া, ইহা বোধ হয় গলিবরের পকেটে লিলিপুটদের দেশ হইতে আমদানী।

বঙ্কিম বাবুর সমসাময়িক লেখক ও বঙ্গ চন্দ্রনাথ বসু (১৮৪৪—১৯১০) অনেকগুলি সমালোচনার পুস্তক লিখিয়া যশস্বী হইয়া আছেন—শকুন্তলা-তত্ত্ব, ত্রিধারা, ভারতরত্নমালা, বর্তমান বাঙ্গালা সাহিত্যের প্রকৃতি, পশুপতি-সম্বাদ, ইত্যাদি।

অক্ষয়চন্দ্র সরকার (জন্ম ১৮৪৫) 'প্রাচীনকাব্য-সংগ্রহ' পুস্তকে বৈষ্ণব-পদাবলীর ও কবিকঙ্কণ চণ্ডীর পরিচয় দিয়াছেন। 'কবি হেমচন্দ্র' পুস্তকে তিনি কবির কাব্যপ্রতিভার

সমালোচনা করিয়াছেন। তাঁহার সম্পাদিত 'নবজীবন' ও 'সাধারণী' পত্রদ্বয়ে তিনি সাহিত্যের সমালোচনা করিয়া সাহিত্যাচার্য নামে সম্মানিত হইয়া রহিয়াছেন।

বিহারীলাল সরকার (১৮৫৫—১৯২১) বঙ্গবাসী পত্রের সংস্বে বহু দিন সাহিত্যের সমালোচনা করিয়া গিয়াছেন। তাঁহার 'শকুন্তলা-রহস্য' চন্দ্রনাথ বসুর 'শকুন্তলা-তত্ত্ব' পুস্তকের পূর্ববর্তী। তাঁহার সম্পাদিত 'ভারতচন্দ্রের গ্রন্থাবলী' ও 'বাঙ্গালীর গান' পুস্তকদ্বয়ে কবিদের কাব্যপ্রতিভার এবং কাব্যের সৌন্দর্য্য-বিশ্লেষণ আছে। বিদ্যাসাগর মহাশয়ের জীবনচরিতের মধ্যেও বিদ্যাসাগর মহাশয়ের সাহিত্যপ্রতিভার ও কর্মজীবনের বিচার আছে।

রামগতি জায়রত্ন (১৮৩১—১৮৯৪) সর্বপ্রথম বিশদভাবে তৎকালে পরিজ্ঞাত সমস্ত সাহিত্যের ও সাহিত্যিকের পরিচয় দিয়া 'বাঙ্গালাভাষা ও সাহিত্য-বিষয়ক প্রস্তাব' (১৮৭৩) প্রকাশ করেন, এবং এই পুস্তক তাঁহাকে বঙ্গসাহিত্যের সমালোচকদিগের মধ্যে একটি উচ্চ সম্মানিত অঙ্গন দিয়াছে।

কালীপ্রসন্ন ঘোষ (১৮৪৩—১৯১১) 'বান্ধব' পত্র প্রকাশ করিয়া তাহাতে সাহিত্য-সমালোচনা করিতে থাকেন। তাহার মধ্যে কবি হেমচন্দ্র বন্দ্যোপাধ্যায়ের 'দশমহাবিষ্ঠা' কাব্যের সমালোচনা সমধিক প্রসিদ্ধ হইয়া আছে।

মহামহোপাধ্যায় হরপ্রসাদ শাস্ত্রী (১৮৫৩—১৯৩১) মেঘদূত সমালোচনা, বাঙ্গালা-সাহিত্য-সমালোচনা ও সাহিত্য-সমালোচনা সম্বন্ধে পুস্তক ও প্রবন্ধ লিখিয়া গিয়াছেন।

ইন্দ্রনাথ বন্দ্যোপাধ্যায় (১৮৪৯—১৯১০) ঠিক সাহিত্য-সমালোচনা না করিলেও তাঁহার পঞ্চানন্দ ও পাঁচুঠাকুর নামক বইয়ের মধ্যে রঙ্গ-ব্যঙ্গের ভিতর দিয়া তিনি অনেক সাহিত্যিকের সমালোচনা করিয়া গিয়াছেন।

পণ্ডিত শিবনাথ শাস্ত্রী (১৮৪৭—১৯১৯) রামতনু লাহিড়ী ও তৎকালীন বঙ্গসমাজ (১৯০৪) পুস্তকে ঊনবিংশ শতাব্দীর প্রথমার্ধের বঙ্গসমাজ ও সাহিত্যের পরিচয় দিয়া গিয়াছেন। এই পুস্তকখানিকে সেই সময়ের একখানি উজ্জ্বল রূপ বলি যাইতে পারে।

রাজকুমার মুখোপাধ্যায় (১৮৪৬—১৮৮৬) 'নানা প্রবন্ধ' লিখিয়া বঙ্গদর্শনে প্রকাশ করিয়াছিলেন।

জৈলোক্যনাথ ভট্টাচার্য্য 'সংস্কৃত-সাহিত্যের ইতিহাস'

(১৮৮৫) লিখিয়াছিলেন। বিবেকর দাস লিখিয়াছিলেন 'সংস্কৃত সাহিত্য-বিষয়ক প্রস্তাব'।

রমেশচন্দ্র দত্ত (১৮৪৮—১৯০৯) ইংরেজিতে বঙ্গসাহিত্যের ইতিহাস ও সমালোচনা লিখিয়া বঙ্গসাহিত্যকে বঙ্গের বাহিরে পরিচিত করেন। তাঁহার হিন্দুশাস্ত্র আলোচনাতেও সমালোচন-শক্তি প্রকাশ করিয়া গিয়াছেন।

কবীন্দ্র রবীন্দ্রনাথ ঠাকুর (১৮৬১) অতি বাণ্যকাল হইতেই সমালোচনার দক্ষতা ও প্রবণতা দেখাইয়া আসিয়াছেন। তাঁহার 'আলোচনা', 'সমালোচনা' নামক দুইখানি পুস্তক বাণ্যরচনা হইলেও, তাহার মধ্যে শূন্য পর্য্যবেক্ষণ-শক্তি, সাহিত্য-বিচারের উচ্চ আদর্শ, রসজ্ঞতা ও নিপুণ-বিশ্লেষণ-দক্ষতার পরিচয় পাওয়া যায় এবং এখনও অনেক বঙ্গ লেখক সেই রকম লিখিতে পারিলে নিজেকে ধৃত্ত মানিবেন এবং তিনি সাহিত্যক্ষেত্রে স্থায়ী যশ রাখিয়া যাইতে পারিবেন। তাঁহার 'লোকসাহিত্যে' গ্রাম্য কবিদের রচনার আলোচনা, 'প্রাচীন-সাহিত্যে' সংস্কৃতসাহিত্যের শ্রেষ্ঠ কয়েকখানি বই ও চরিত্রের আলোচনা, 'আধুনিক সাহিত্যে' আধুনিক কালের কয়েকখানি খ্যাত ও অখ্যাত বইয়ের সমালোচনা আছে। তাঁহার 'পঞ্চভূত' নামক পুস্তকে সাহিত্য সমাজ রাষ্ট্র মনস্তত্ত্ব প্রভৃতি সমগ্র মানব-জীবনের নানা দিকের তন্ন তন্ন আলোচনা নানা দৃষ্টিকোণ হইতে বিবিধ পরিপ্রেক্ষিতের পরিবেশের মধ্যে করা হইয়াছে। জীবনস্থিতি ও ছিন্নপত্রের মধ্যে কবি নিজের কাব্য-বিচার করিয়াছেন এবং প্রসঙ্গক্রমে সাহিত্যের নানা দিকের বিচার করিয়াছেন। তাঁহার 'ব্যঙ্গকৌতুকের' মধ্যে ব্যঙ্গের ভিতর দিয়া বহু বিষয়ের সমালোচনা করা হইয়াছে। ইহা ভিন্ন তাঁহার বহু প্রবন্ধ নানা বিষয়ের অসাধারণ সমালোচনার পূর্ণ হইয়া আছে।

কালীপ্রসন্ন কাব্যবিহারদ (১৮৬১—১৯০৭) রবীন্দ্রনাথের কড়ি ও কোমল কাব্যের সমালোচনাত্মক বিদ্রূপ করিয়া একটি ছোট কাব্য লেখেন—মিঠেকড়া।

প্রিয়নাথ সেন (মৃত্যু ১৯১৩) পরম রসজ্ঞ সাহিত্য-সমালোচক ছিলেন। তাঁহার প্রবন্ধগুলি তাঁহার পুস্তকের 'প্রিয়পুষ্পাঞ্জলি' নামে প্রকাশ করিয়াছেন।

রায় বাহাদুর ডক্টর দীনেশচন্দ্র সেন (১৮৫৬) তাঁহার বহু বিখ্যাত বঙ্গভাষা ও সাহিত্য লিখিয়া বঙ্গবাসী

হইয়া আছেন। ইহাতে তিনি বহু অজ্ঞাতপূর্ব কবির ও কাব্যের পরিচয় বহু পরিশ্রমে সংগ্রহ করিয়া, অতি বিচক্ষণতার সহিত সমালোচনা করিয়া প্রথম আমাদিগকে জানাইয়াছেন। ইহার পরে তিনি 'রামায়ণী কথা' রামায়ণের প্রধান চরিত্রগুলির নিপুণ বিশ্লেষণ ও বিচার করিয়াছেন। এই সব সমালোচনার ভাষা যেমন সুমিষ্ট, তেমনই বিষয়োপযোগী হইয়াছে। এই সব বই পড়িতে পড়িতে একই সঙ্গে সমালোচনার বিচার, বিশ্লেষণ ও কাব্য-রসাস্বাদ উপভোগ করা যায়। ইহার পরে তিনি 'ধরের কথা ও যুগসাহিত্য', ময়মনসিংহ গীতিকার সৌন্দর্য্য-বিশ্লেষণাত্মক সমালোচনা প্রভৃতি বহু পুস্তক ও প্রবন্ধ প্রকাশ করিয়াছেন।

'দেবীপ্রসন্ন রায়চৌধুরী (১৮৫৩—১৯২০) তাঁহার সম্পাদিত নব্যভারত মাসিকপত্রে 'সঙ্গীতিকা' নামে প্রতি মাসে বহু বিষয়ের এবং প্রধানতঃ সাহিত্যের সমালোচনা করিতেন। এই নব্যভারতে আরও দুই জন লেখক সমালোচনা করিয়া ও সাহিত্যবিচার করিয়া নাম করিয়াছেন—ক্ষীরোদচন্দ্র রায় এবং সত্যসুন্দর দাস ছদ্মনামে কবি মোহিতলাল মজুমদার।

ঠাকুরদাস মুখোপাধ্যায় 'শারদীয় সাহিত্য' এবং পূর্ণচন্দ্র বসু 'কাব্যসুন্দরী', 'কাব্যচিন্তা', 'সাহিত্যচিন্তা' রচনা করিয়া এককালে সাহিত্য-সমালোচক বলিয়া বিখ্যাত হইয়াছিলেন।

ক্ষিতীন্দ্রনাথ ঠাকুর 'আর্ট ও সাহিত্য' সম্বন্ধে পুস্তক লিখিয়া গিয়াছেন। তাঁহার বহু সমালোচনাত্মক প্রবন্ধ আছে।

রামদয়াল মজুমদার 'কৈকেয়ী' নামক পুস্তকে কৈকেয়ীর চরিত্র সমালোচনা করিয়াছেন। নগেন্দ্রনাথ গুপ্ত 'বিদ্যাপতি' সম্পাদন করিয়া তাঁহার ভূমিকায় বিদ্যাপতি সম্বন্ধে বহু আলোচনা করিয়াছেন এবং তাঁহার গোবিন্দদাস সম্বন্ধীয় বিতর্ক, উর্দূশী সম্বন্ধীয় প্রবন্ধ প্রভৃতি নানা মাসিকপত্রে বিক্ষিপ্ত হইয়া আছে।

বীরেশ্বর পাণ্ডে (১৮৪২—১৯১১) কবি নবীনচন্দ্র সেনের কাব্যগ্রন্থ রৈবতক, কুরুক্ষেত্র ও প্রভাস সমালোচনা করিয়া 'ঊনবিংশ শতাব্দীর মহাভারত' নামে পুস্তক প্রকাশ করেন। হীরেন্দ্রনাথ দত্তও নবীনচন্দ্র সেনের কাব্যের প্রশংসাত্মক সমালোচনা লিখিয়াছিলেন।

সুরেশচন্দ্র সমাজপতি তাঁহার সাহিত্যপত্রে তীক্ষ্ণ ও বিদ্রূপ-বিক সমালোচনা করিয়া সাহিত্যিকদের তীর্ষি ও শ্রদ্ধার পাত্র হইয়াছিলেন।

দ্বিজেন্দ্রলাল রায় (১৮৬৩—১৯১৩) রবীন্দ্রনাথের 'সোনার তরী' কবিতার কঠোর বিদ্রূপাত্মক সমালোচনা করেন, আবার 'যেতে নাহি দিব' কবিতার উজ্জ্বলিত প্রশংসাত্মক সমালোচনা করিয়া নিজের নিরপেক্ষতা প্রমাণ করিতে চাহিয়াছিলেন। তাঁহার কালিদাস ও ভবভূতি পুস্তকে ঐ দুই কবির কাব্য-নাটকের সৌন্দর্য্যবিশ্লেষণ ও চরিত্র-সমালোচন আছে।

বিজয়চন্দ্র মজুমদার (১৮৬১) রবীন্দ্রনাথের নাট্য-কাব্য চিত্রাঙ্গদার বিরুদ্ধ সমালোচনা করেন। কালিদাস, গণেশ ঠাকুর, শিব, চর্গা প্রভৃতি সাহিত্য, দেবতত্ত্ব, সমাজতত্ত্ব, নৃত্য, মনস্তত্ত্ব, প্রত্নতত্ত্ব ইত্যাদি বহু বিষয়ের সমালোচনা করিয়া তিনি দেশ-বিদেশে বিখ্যাত হইয়াছেন।

চিত্তরঞ্জন দাশ (১৮৭০—১৯২৫) তাঁহার সম্পাদিত 'নারায়ণ' পত্রে সাহিত্য সমালোচনা করেন এবং বৈষ্ণব কবিতা সম্বন্ধে সমালোচনা করিয়া একটি পুস্তিকা প্রকাশ করেন।

বিপিনচন্দ্র পাল কবি অক্ষয়কুমার বড়ালের 'এমা' ও 'শম্ভু' কাব্যের প্রশংসাত্মক সমালোচনা করেন।

হারাগচন্দ্র রক্ষিত (১৮৭২—?) 'বঙ্গসাহিত্যে বঙ্কিম', 'ভিক্টোরিয়া যুগের বঙ্গসাহিত্য' প্রভৃতি পুস্তক প্রণয়ন করিয়া সাহিত্যক্ষেত্রে সুপরিচিত হইয়াছিলেন।

ক্ষিতীন্দ্রনাথ দত্ত রচনা করেন 'বঙ্গসাহিত্যে হেমচন্দ্র'। ধর্ম্মানন্দ মহাভারতী সাহিত্য সম্বন্ধে অনেক প্রবন্ধ লেখেন এবং সেগুলি ধর্ম্মানন্দ-প্রবন্ধাবলীর অন্তর্গত হইয়া আছে।

রাজকুমার বসু 'কবি কালিদাস', সুরেশচন্দ্র সেন 'কাব্য-কথা' রচনা করিয়াছেন।

মহেন্দ্রনাথ বিদ্যানিধি (মৃত্যু ১৯১২) 'অনুসন্ধান', 'পুরো-হিত', 'অমূল্যলন' প্রভৃতি পত্র সম্পাদন করেন এবং তাহাতে তিনি সাহিত্যবিষয়ক বিবিধ প্রবন্ধ লেখেন। তিনি বঙ্গীয় সাহিত্য-পরিষৎ পত্রিকাতেও প্রাচীন সাহিত্য সম্বন্ধে কয়েকটি প্রবন্ধ লিখিয়াছিলেন। তিনি অক্ষয়কুমার দত্তের জীবন-চরিত লিখিয়া অক্ষয়কুমারের সাহিত্য-প্রতিভা সম্বন্ধে সমালোচনা করিয়া গিয়াছেন।



যোগীন্দ্রনাথ বসু (১৮৫৭—১৯২৭) মাইকেল মধুসূদন ঘোষের জীবনচরিত লিখিবার প্রসঙ্গে কবির সমস্ত কাব্যের ও নাটকের দোষগুণ নির্ণয় করিয়া নিপুণ সমালোচনশক্তি প্রকাশ করিয়া গিয়াছেন।

চণ্ডীচরণ বন্দ্যোপাধ্যায় বিদ্যাসাগর মহাশয়ের জীবন-চরিত লিখিয়া তাহাতে বিদ্যাসাগর মহাশয়ের সাহিত্য-সৃষ্টির ইতিহাস দিয়াছেন।

রামেন্দ্রসুন্দর ত্রিবেদী (১৮১৮—১৯১৯) বলেন্দ্রনাথ ঠাকুরের গ্রন্থাবলীর ভূমিকায়, শ্রীকৃষ্ণকীর্তনের ভূমিকায় এবং চরিতকথা প্রভৃতি পুস্তকে তাহার সাহিত্যবোধ ও সমালোচনশক্তির পরিচয় দিয়া গিয়াছেন।

মামিনীকান্ত সেনের 'আট ও আঠিতাণি' আট সমালোচনার একখানি উৎকৃষ্ট পুস্তক।

গিরিজাপ্রসন্ন রায়চৌধুরী (১৮৩২—১৮৯৫) 'বন্ধিমচন্দ্র' নামক পুস্তক লিখিয়া বন্ধিম বাবুর সমস্ত উপন্যাসের সমালোচনা করেন।

ললিতকুমার বন্দ্যোপাধ্যায় বন্ধিমচন্দ্রের উপন্যাসের নানা দিক সমালোচনা করিয়াছেন। তাহার কপালকুণ্ডলা-তর্ক 'কৃষ্ণকান্তের উইলে বন্ধিমচন্দ্র', 'কাব্যমুখা', 'সখী', 'সাদুভাষা বনাম চলিতভাষা', 'বানান-সমস্যা', 'ব্যাকরণ-বিভীষিকা', 'ফোয়ারা' প্রভৃতি পুস্তক সাহিত্য ও ভাষা-সম্বন্ধীয় আলোচনায় সমৃদ্ধ।

বলেন্দ্রনাথ ঠাকুর (১৮৭০—১৮৯৯) সাহিত্য, সমাজ, আট ইত্যাদি বহু বিষয়ের প্রবন্ধ লিখিয়া অল্পবয়সেই বিশেষ যশস্বী হইয়া উঠিয়াছিলেন।

স্বধীন্দ্রনাথ ঠাকুর 'সাধনা' মাসিক পত্রে প্রবন্ধ লিখিতেন এবং পরে 'প্রসঙ্গ' নামে তাহার প্রবন্ধ-পুস্তক প্রকাশিত হইয়াছে।

সতীশচন্দ্র বিদ্যাজুষণ (১৮৭০—১৯২০) 'ভবভূতি ও তাহার কাব্য' ইত্যাদি সম্বন্ধে পুস্তক ও প্রবন্ধ লিখিয়া গিয়াছেন।

কেশবদাস মজুমদার (১৮৭০—১৯২৮) 'বাঙ্গালী সাময়িক সাহিত্য', 'রামায়ণের সমাজ' নামক দুইখানি বৃহৎ পুস্তক তাহার গবেষণার ও সমালোচনার প্রকৃষ্ট পরিচয়।

নিত্যকৃষ্ণ বসুর 'সাহিত্যসেবকের ডায়ারি'র মধ্যে অনেক কবি ও কাব্যের ও সাহিত্যের সমালোচনা আছে।

অমৃতলাল গুপ্ত রবীন্দ্রনাথের কবিতার রস ও ভাব বিশ্লেষণ করিয়া কয়েকটি প্রবন্ধ নানা মাসিকপত্রে লিখিয়াছিলেন। সতীশচন্দ্র চক্রবর্তীও রবীন্দ্রকাব্য সমালোচনা করিয়াছেন। মোহিতচন্দ্র সেন রবীন্দ্রনাথের কাব্যগ্রন্থাবলী সম্পাদন করিয়াছিলেন এবং তাহার ভূমিকায় তিনি কবির কাব্য সম্বন্ধে আলোচনা করিয়াছিলেন। প্রভাতকুমার মুখোপাধ্যায় রবীন্দ্রনাথের 'চিত্রা' কাব্যের সমালোচনা করিয়াছিলেন। হেমেন্দ্রপ্রসাদ ঘোষ রবীন্দ্রনাথের 'চৈতালী' কাব্যের বিরুদ্ধ সমালোচনা করেন এবং তাহার আরও অনেক অল্প সমালোচনাও আছে।

হরিশোভন মুখোপাধ্যায় বঙ্গভাষার লেখকদের পরিচয় একত্র পুস্তকাকারে প্রকাশ করিয়াছেন। অনাথকৃষ্ণ দেব বঙ্গের কবিতার সমালোচনা ও পরিচয় দিয়াছেন।

উমেশচন্দ্র বটব্যাল (১৮৫২—১৮৯৮) 'বেদপ্রবেশিকা' লিখিয়া তাহাতে বেদের সম্বন্ধে বহু গবেষণা করিয়া গিয়াছেন।

আবদুল করিম সাহিত্য-বিশারদ (১৮৭৪) প্রাচীন পুথির বিবরণ, গোরক্ষবিজয় কাব্যের ভূমিকা ইত্যাদি লিখিয়া প্রাচীন সাহিত্যের সহিত আমাদের পরিচয়সাধন করিতেছেন।

সতীশচন্দ্র বায় (১৮৮১—১৯০৪) অতি অল্পবয়সেই সমালোচনশক্তি দেখাইয়া মাত্র কয়েকটি সমালোচনা করিতে পারিয়াছিলেন। স্বপ্নপ্রয়াণ কাব্যের ও রবীন্দ্রনাথের 'কণিকা' কাব্যের সমালোচনা এবং ইংরেজ কবি রবার্ট ব্রাউনিঙের "প্যারাসেলসাস" কাব্য ও 'আরো একটি কথা' নামক কবিতার তিনি সমালোচনা ও বিশ্লেষণ করিয়া বিশেষ নিপুণ সাহিত্যরসজ্ঞ বলিয়া আজও সমাদৃত হইতেছেন।

অজিতকুমার চক্রবর্তী 'রবীন্দ্রনাথ', 'কাব্যপরিক্রমা', 'বাতায়ন' প্রভৃতি পুস্তকে তাহার সমালোচনা করিবার অসাধারণ ক্ষমতার পরিচয় রাখিয়া গিয়াছেন। তিনি যেরূপ নিপুণতার সহিত রবীন্দ্র-কাব্য-সাহিত্যের সমালোচনা ও সৌন্দর্য্য উদ্ঘাটন করিয়া গিয়াছেন, তাহা আজ পর্যন্ত অনতিক্রমণীয় হইয়া আছে।

ইন্দুপ্রকাশ বন্দ্যোপাধ্যায় অকালে জাশ্মাণীর সঙ্গে যুদ্ধের সময়ে জাশ্মাণ ডুবো জাহাজ হইতে টরপেডো আঘাতে পিসিটেনিয়া জাহাজ ডুবি হইয়া মারা যান। তিনি শিক্ষা

সমাপ্ত করিয়া আমেরিকা হইতে দেশে ফিরিতেছিলেন। ইনি অল্পদিনেই তাঁহার সাহিত্যসেবার দ্বারা সুপরিচিত হইয়া উঠিতেছিলেন। ইহার রচিত সম্ভাব্যতক-প্রণেতা 'কৃষ্ণচন্দ্র মজুমদারের জীবনী', 'কবি রবীন্দ্রনাথের ঋষি', 'বঙ্গসাহিত্যের এক পৃষ্ঠা', 'কবি বলদেব পালিত' ইত্যাদি পুস্তকে তিনি তাঁহার সাহিত্যরসজ্ঞতা ও সমালোচনাশক্তির পরিচয় দিয়া গিয়াছেন।

নবকৃষ্ণ ঘোষের 'দ্বিজেন্দ্রলাল', দেবকুমার রায়চৌধুরীর 'দ্বিজেন্দ্রলাল', হেমচন্দ্র আচার্য্যের 'স্বভাবকবি গোবিন্দদাস' বই তিনখানি কবিদের জীবনকথার আলোচনা-প্রসঙ্গে কবিপ্রতিভারই সমালোচনা।

অমরেন্দ্র রায় 'রবিয়ান' লিখিয়া কবীন্দ্র রবীন্দ্রনাথের রচনা হইতে অসঙ্গতি ও বিরুদ্ধ উক্তি দেখাইয়া তাঁহাকে নিন্দা ও বিদ্রূপ করিয়াছিলেন। কিন্তু বিষয় হইতে বিচ্ছিন্ন করিয়া একাংশ উদ্ধৃত করিলে সকলের লেখা হইতেই অসঙ্গতি ও বিরুদ্ধতা দেখানো যায়। এই বইখানি রবীন্দ্রনাথের নিন্দুক মহলে দিনকতক বেশ প্রসার জমাইয়া লইয়াছিল। কিন্তু ইহার মধ্যে কোনো পদার্থ না থাকাতে ইহার অকালমৃত্যু হইয়াছে, ইহা নামশেষ হইয়া আছে।

রাজেন্দ্রনাথ বিদ্যাসুধ 'কবি ভবভূতি, কালিদাস, শ্রীকণ্ঠ বা মাব' প্রভৃতি কাব্যের সৌন্দর্য্য বিশ্লেষণ ও সমালোচনা করেন। তিনি পরবর্ত্তী কালে ধারাবাহিকভাবে বাঙ্গালা-সাহিত্যের ইতিহাস লিখিতেছিলেন।

রায় বাহাদুর যতীন্দ্রমোহন সিংহ রবীন্দ্রনাথের লেখা উপন্যাস ও গল্পের মধ্যে অশ্লীলতার আভাস পাইয়া 'সাহিত্যের স্বাস্থ্যরক্ষা' করিবার জন্ত সাহিত্যক্ষেত্রে কিছুদিন শোরগোল করিয়াছিলেন এবং তাহার জের এখনো মিটে নাই।

জ্ঞানেন্দ্রমোহন দাস মেঘনাদবধ কাব্য অতি বিচক্ষণ নিপুণতার সঙ্গে সম্পাদন করিয়া বাঙ্গালা বইয়ের মর্যাদা বৃদ্ধি করিয়াছেন। ইহাতে তাঁহার সেমন পাণ্ডিত্যের প্রকাশ আছে, সঙ্গে সঙ্গে তেমনি কাব্যরসান্বাদনশক্তিরও পরিচয় আছে। এই বইখানি বাঙ্গালা সাহিত্যের এক অমূল্য সম্পদ। কিন্তু চুঃখের বিষয়, ইহার প্রকাশক মহাশয়রা আর ইহার দ্বিতীয় সংস্করণ করা আবশ্যিক বিবেচনা করেন নাই।

রায় বাহাদুর দীননাথ সান্যাল জ্ঞানেন্দ্র বাবুর পঞ্চাশতাব্দীর

করিয়া তাঁহারই আদৃত উপকরণের দ্বয় অঙ্গ-বদল করিয়া পরে মেঘনাদবধকাব্য সম্পাদন করিয়াছেন। তিনি অবশ্য ইহার পরে বীরাজনা ও ব্রজাঙ্গনা কাব্যের সটীক স্কন্দর সংস্করণ প্রকাশ করিয়াছেন এবং কুমারসম্ভবকাব্যেরও সমালোচনা ও সৌন্দর্য্যবিশ্লেষণ করিয়াছেন।

একরামউদ্দীন 'রবীন্দ্রপ্রতিভা' লিখিয়া রবীন্দ্রনাথের শ্রেষ্ঠ নাটক বিসর্জনের অতি নিপুণ সমালোচনা ও বিশ্লেষণ করিয়াছেন। তাঁহার কৃষ্ণকান্তের উঠল সমালোচনাও উপাদেয় গ্রন্থ।

শশাঙ্কমোহন সেন (১৮৭৩—১৯২৮) 'বঙ্গবাণী' পুস্তকে বঙ্গসাহিত্যের ও 'বিশ্ববাণী' নামক পুস্তকে বিশ্বসাহিত্যের (বিশেষ করিয়া ইংরেজি কাব্যসাহিত্যের) সমালোচনা ও রসগ্রহণ দক্ষতার সহিত করিয়াছেন। তাঁহার 'মধুসূদন' গ্রন্থেও কবি মাইকেল মধুসূদনের কবিপ্রতিভার ও কাব্যের নিপুণ বিচার ও বিশ্লেষণ আছে। কিন্তু তাঁহার আড়াই দুই সংস্কৃতশব্দে ভারাক্রান্ত ভাষার জন্ত তাঁহার এমন তিনখানি বইয়ের যথোচিত সমাদর হয় নাই। কিন্তু এই বই তিনখানি বঙ্গসাহিত্যের মধ্যে বিশেষভাবে উল্লেখযোগ্য।

শিবরতন মিত্র (১৮৭১) বঙ্গীয় সাহিত্যসেবক নামে সাহিত্যসেবকদিগের পরিচয়ের একটি অভিধান সংকলন করিতেছিলেন। তাহা কিছুদূর অগ্রসর হইয়া স্থগিত হইয়া গিয়াছে। ইহা আমাদের বঙ্গবাসী শিক্ষিত সম্প্রদায়ের লজ্জার কথা। এই পুস্তকে তিনি বহু লেখকের অজ্ঞাত জীবনকাহিনী, ইতিহাস, পুস্তকাবলীর নাম এবং বঙ্গসাহিত্যে তাঁহাদের স্থান নিরূপণ করিতেছিলেন। গুণিতেছি যে, কলিকাতা বিশ্ববিদ্যালয় ইহা বর্দ্ধিত পূর্ণতর আকারে প্রকাশ করিবার সঙ্কল্প করিয়াছেন। ইহা যদি সত্য হয়, তাহা হইলে কলিকাতা-বিশ্ববিদ্যালয় বহু সংস্কারের মধ্যে এই আর একটি সংস্কার্য করিবেন এবং ইহার জন্ত বর্ত্তমান ভাইস-চ্যান্সেলার জীযুক্ত শ্রীমা প্রসাদ মুখোপাধ্যায় বঙ্গবাসীর কৃতজ্ঞতা ও ধন্যবাদভাজন হইয়া থাকিবেন।

সরোজরঞ্জন বন্দ্যোপাধ্যায় 'প্রাচীন বাঙ্গালাসাহিত্যের প্রকৃতি', অধ্যাপক রামধাকমল মুখোপাধ্যায় 'বর্ত্তমান বাঙ্গালাসাহিত্য' সম্বন্ধে আলোচনা করিয়া প্রবন্ধ প্রকাশ করেন।

আধুনিক কালে বহু বিচক্ষণ সমালোচকের আবির্ভাব

হইয়াছে ও হইতেছে। ইহা বঙ্গসাহিত্যের পক্ষে বিশেষ আশার লক্ষণ। সমালোচনার দ্বারা লেখক নিয়ন্ত্রিত হন, পাঠকরাও তাঁহাদের রচনার ভালমন্দ বিচার করিয়া ভাল রচনার আশ্রয় ভাল করিয়া পাইয়া আনন্দিত হইতে পারেন। বর্তমান সমালোচকদের মধ্যে প্রথম ও প্রধানভাবে নাম করিতে হয়—বীরবলের অর্থাৎ প্রমথ চৌধুরী মহাশয়ের। তাঁহার লেখা দেশী-বিদেশী সাহিত্যের রসবিশ্লেষণ পরম উপাদেয় ও উপভোগ্য।

পরশুরাম রঙ্গ-বাসুদেব ভিতর দিয়া যে সমালোচনাশক্তি দেখাইয়াছেন, তাহার বহু অক্ষয় অনুলকরণ হইয়াছে, কিন্তু পরশুরামের যশ ও শক্তি অনতিক্রমণীয় হইয়া আছে।

প্রসিদ্ধ ঔপন্যাসিক শরৎচন্দ্র চট্টোপাধ্যায় কেবল রসসাহিত্যেরই প্রাণী নহেন, তিনি 'নারীর মূল্য'ও নির্ধারণ করেন এবং 'স্বদেশ ও সাহিত্য' সম্বন্ধে প্রবন্ধও লেখেন।

কবি কালিদাস রায়ের সাহিত্য-বিষয়ক প্রবন্ধাবলী 'সাহিত্য-প্রসঙ্গ' কেবলমাত্র প্রসঙ্গ নহে, সাহিত্যের মর্ম ও রসের উৎসের সন্ধান দিয়াছে।

নলিনীকান্ত গুপ্তের 'সাহিত্যিক', নরেশচন্দ্র সেনগুপ্তের 'আঙ্কতি' অতি উচ্চাঙ্গের পুস্তক।

কাজী আবদুল ওজদের 'সমাজ ও সাহিত্য' এবং ডক্টর মুহম্মদ শহীজুল্লাহর 'ভাষা ও সাহিত্য' পুস্তকদ্বয়ে সাহিত্যের নানা দিকের আলোচনা আছে।

অক্ষয়কুমার দত্তগুপ্তের 'বঙ্কিমচন্দ্র', রামসহায় বেদান্ত-শাস্ত্রীর 'বঙ্কিমচন্দ্র' বঙ্কিমচন্দ্রের সাহিত্যসৃষ্টির সৌন্দর্য্য ভ্রমরস্বয়ম করিবার পক্ষে বিশেষ সহায়তা করে।

রাধারমণ চক্রবর্তী ও সত্যকিঙ্কর মুখোপাধ্যায় 'চন্দ্রশেখর-তর্ক' লিখিয়া বঙ্কিমচন্দ্রের একখানি উপন্যাসের সৌন্দর্য্য ও বিশেষত্ব উদ্ঘাটন করিয়াছেন।

অবিনাশচন্দ্র চক্রবর্তী ও হেমেন্দ্রনাথ দাশগুপ্ত 'গিরিশ-প্রতিভা' বিশ্লেষণ করিয়া দেখাইয়াছেন।

এক রবীন্দ্র-সাহিত্য সম্বন্ধে আলোচনা করিয়া আধুনিক কালে বহু পুস্তক বিরচিত হইয়াছে। তাহাদের কতকগুলির নাম নির্দেশ করিতেছি। 'অরতী-উৎসর্গ' বহু লেখকের বহু দিক হইতে রবীন্দ্র-সাহিত্য পর্য্যবেক্ষণের ফলসমষ্টি।

'কবি-পরিচিতি'ও এইরূপ। যতীন্দ্রনাথ সেন কবির 'কাব্য-পরিমিতি' কাব্যের মূল তত্ত্ব ও রসের পরিমাণ নির্ধারণ করিয়াছে এবং বহুলভাবে রবীন্দ্রনাথের লেখা হইতে উদাহরণ ইহাতে দেওয়া হইয়াছে। বিজয়লাল চট্টোপাধ্যায়ের 'বিদ্রোহী রবীন্দ্রনাথ', প্রিয়লাল দাসের 'রবীন্দ্রনাথ' ও 'এবার কবি', সুরেন্দ্রনাথ দাশগুপ্তের 'রবি-দীপিতা', যোগেশচন্দ্র বসুর্গ রায়ের 'কবীন্দ্র রবীন্দ্রনাথের আদর্শ', কাজী আবদুল ওজদের 'রবীন্দ্র কাব্যপাঠ', ননীলাল ভট্টাচার্যের 'রবীন্দ্রনাথের কাব্য', শিবকৃষ্ণ দত্তের 'রবীন্দ্রসাধনা', বিশ্বপতি চৌধুরীর 'কাব্যে রবীন্দ্রনাথ', ভারতচন্দ্র মজুমদারের 'জাতিগঠনে রবীন্দ্রনাথ', অপ্রকাশিতনামা লেখকের 'রবীন্দ্রসাহিত্যে ভারতের বাণী', ভোলানাথ সেনগুপ্তের 'রক্তকরবীর মর্মকথা', 'অপ্রকাশিতনামা লেখকের 'গীতাঞ্জলি-সমালোচনা' এবং সাত জন 'সমসাময়িক কবির চোখে রবীন্দ্রনাথ', প্রভাতকুমার মুখোপাধ্যায়ের 'রবীন্দ্র-জীবনী' প্রভৃতি রবীন্দ্র-সাহিত্যের বহু দিকের সৌন্দর্য্য, ঐশ্বর্য্য ও বিচিত্রতা পাঠকের সম্মুখে সুন্দরভাবে সুপরিষ্কৃত করিয়া ধরিয়াছে।

সুবোধচন্দ্র সেনগুপ্তের 'রবীন্দ্রনাথ', 'শরৎ-প্রতিভা' ও 'শরৎচন্দ্র' অতি উপাদেয় বই। ইহাতে নিপুণ ও সুন্দর সমালোচনা স্থান পাইয়াছে। অবনীনাথ রায়ের 'পাঁচ-মিশেলি' বইও রবীন্দ্রনাথের ও শরৎচন্দ্রের সাহিত্য-সমালোচনার সমষ্টি।

আধুনিক কালে বহু লেখক সুন্দর সমালোচনার পরিচয় দিতেছেন। তাঁহাদের সকলের নাম ও পরিচয় দেওয়া এখন ক্রমে দুঃসাধ্য ব্যাপার হইয়া উঠিতেছে। ইহা বঙ্গ-সাহিত্যের পরিপুষ্টির পক্ষে শুভ লক্ষণ। আমার এই প্রবন্ধ কেবল সাহিত্য-সমালোচনার একটি মোটামুটি ইতিহাসের দিগ্‌দর্শন মাত্র। ইহাতে অনেক দক্ষ সমালোচকের নাম হয় ত বাদ পড়িয়া গিয়াছে। তাহা যে ইচ্ছাকৃত নহে, অনবধানতা বা অজ্ঞানতাবশতঃ, তাহা জানাইয়া এই প্রবন্ধ শেষ করিতেছি। পরবর্তী কোনো বিশেষ সন্ধানী লেখক আমার এই প্রবন্ধটিকে পাদপীঠ করিয়া যশের সিংহাসনে আরোহণ করিলে আমি নিরতিশয় সুখী হইব।



[ উপন্যাস ]

বৈকালের দিকে কালবৈশাখীর ঝড়ে চারিদিক অন্ধকার হইয়া যাইবার পর সেই মে বৃষ্টির ধারা নামিয়াছে, তাহার আর বিরাম নাই। সাতটায় সন্ধ্যা, কিন্তু আকাশ এমনই মেঘাচ্ছন্ন যে, ছ'টা বাজিতে না বাজিতেই অন্ধকার বনাইয়া আসিয়াছে, সঙ্গে সঙ্গে অবিশ্রান্ত বারিবর্ষণ। সহরের পথঘাট কোথাও কোথাও জলমগ্ন, বিশেষ বালিগঞ্জ অঞ্চলে কোন কোন যাক্‌গায় বাগানবাড়ীর পুকুরের জল ছাপাইয়া রাস্তার জলের স্রিত একসা হইয়া গিয়াছে। সে জুর্যোগে পথে কুকুর-বিড়ালও ব্যক্তির ভয় নাই, কেবল মাঝে মাঝে দুই একখানা মোটর-ট্যাক্সি-সীমলক্ষের মত জল-কাটিয়া ফাড়াফাড়া করিতেছিল, তাহাদের ছিটানো জল দুই পাশের বাগানবাড়ীর ফটক পর্গাস্ত পৌঁছিতেছিল। বর্ষার জলশ্রোতের কলকল আওয়াজের সঙ্গে ভেকের মকমকানি-পল্লীর মীরবতা ভঙ্ক করিতেছিল।

এই আধ ঘণ্টা আগে অসহ গুমোটো লোকের প্রাণ প্রতিষ্ঠা হইয়াছিল, বিজলী-পাখার হাওয়াও গরম লাগিতেছিল, প্রকৃতির লীলাবৈচিত্র্যে মুহূর্ত্ত ধারাবর্ষণে ধরিত্রী শীতল হইল, ঠাণ্ডা জ্বোলো হাওয়ায় গায়ে কাপড় দিতে হইল।

বসিবার ঘরে জানালার ধারে একখানা ইজি-চেয়ারে অঙ্গ হেলাইয়া হিরণী একান্তে বহিঃপ্রকৃতির এই রুদ্ধতাওব উপভোগ করিতেছিল। ভ্রম্ভঙ্কায় অসহ, ভ্রাতা গৃহে অসহিত, কাকেই সে একটুকিনী। প্রথমে টলটলের একখানি উপন্যাসে সে নিবিষ্টচিত্ত ছিল, কিন্তু ঝড় উঠিলে অন্ধকার ঘরে, যখন খানসামার সাসী-খড়খড়ি বন্ধ করিতে আসিল, তখন হিরণী কেবল একটা জানালার সাসীটি বন্ধ করিতে বলিয়া কেতাব কেণিয়া ঝড়ের সংহারমূর্ত্তির পানে

তাকাইয়া মন্থমুগ্ধের স্তায় বসিয়া রহিল—সে ঝঞ্জা-বৃষ্টি-বড় ভালবাসিত।

মেঘের গুরুগুরু গর্জন, রূপ-রূপ অবিরল বর্ষণ, মাঝে মাঝে কড়-কড় শব্দে বজ্র-পতন। প্রকৃতির প্রলয়-মৃত্যুর এই গাভীর্যের শোভা হিরণীর বড় মিষ্ট লাগিতেছিল। চিন্তাধারার যোগসূত্র তাহার মনকে অতীতের কোন যুগ-যুগান্তরে বিরহী মক্ষের বর্ষার বিরহবাথার অমর বর্ণনার দিকে টানিয়া লইয়া ধাইতেছিল কি?

এক ঘণ্টা মূলধারে বৃষ্টিপাতের পর হঠাৎ বৃষ্টির বেগ থামিয়া আসিল। তখন হিরণীদের স্নহহং যুগন্ত পুরীর সমস্ত অভ্যন্তরভাগ বেন গল্পের রাজপুত্রের সোণার কাঠির স্পর্শে বাঁচিয়া উঠিয়া আলোক-সম্ভ্রাম হাসিতে লাগিল। রাজপথে তখন একটিও আলোক জ্বলে নাই। অন্ধকারে সবই ঝাপসা দেখাইতেছিল।

হঠাৎ খানসামা দ্বারপথে আসিয়া মুছম্বরে বলিল,— “দিদিমণি!”

হিরণী পশ্চাতে ফিরিয়া বলিল, “কি চাও, মধু?”

মধু মাথা চুলকাইতে চুলকাইতে বলিল, “না দিদিমণি, এমন কিছু না। এক জন লোক বাবুর সঙ্গে দেখা করতে চায়।”

হিরণী বিস্মিত হইয়া বলিল, “দেখা করতে চায়? এই জল-ঝড়ে? তা ঠুঁড়িওতে নিয়ে যাও, এখানে কেন? দাদা হয় ত ফিরে এসেছেন।”

মধু বলিল, “আজ্ঞে না, বাবু ত ফেরেন নি।”

হিরণী বলিল, “তা আমি কি করতে পারি? তিনি চাইছেন দাদাকে। ওখানেই নিয়ে গিয়ে বসাও, দাদা এখনই আসবেন।”

মধু নড়ে না। হিরণী উত্তরোত্তর বিস্মিত হইয়া বলিল, “কি, দাড়িরোরইলে যে?”



মধু পুনরপি মাথা চুলকাইতে চুলকাইতে বলিল, “আজ্ঞে, আজ্ঞে—

হিরণী বলিল, “কি, কিছু বলতে চাও?”

মধু বলিল, “বড্ডো ভিক্ষে এসেছেন মেয়েলোকটি দিদি-মণি একবারে নেয়ে বললেই হয়—

হিরণী উঠিয়া বলিল, সবিস্ময়ে বলিল, “মেয়েছেলে? কে সে? কি চায়?”

মধু বলিল, “তা ত জানি নি, দিদিমণি—দেখতে শুভ্র তন্দুর লোকের ঘরের মেয়ে, তবে বড্ড গরীব বলে মনে হোলো, —বোধ হয়, কিছু ভিক্ষে শিক্ষে করতে এসেছেন। নইলে এই জলঝড়ে—”

হিরণী বলিল, “আচ্ছা, নিয়ে এস এখানে।”

মধু চলিয়া গেলে হিরণীর ক্র কুঞ্চিত হইল। সে ভাবিতেছিল, কে এই নারী? এই দুর্যোগে-দাদার কাছে তাহার কি এমন জরুরী দরকার?

আগন্তুকাকে পৌঁছাইয়া দিয়া মধু চলিয়া যাইতেছিল, হিরণী ইঙ্গিতে নিষেধ করিয়া অন্তর হইতে এক জন দাসীকে ডাকিয়া দিতে বলিল। তাহার পর আগন্তুকার দিকে চাহিয়া দাঁড়াইয়া উঠিয়া বলিল, “ইস! একবারে ভিক্ষে নেয়ে এসেছেন যে! তা, এ দুর্যোগে না এলেই হতো না?” কথাটার একটু অনুযোগের স্বর ছিল।

আগন্তুকার মুখে চোখে দুঃখ, ক্ষোভ বা ক্রোধ,—কোন লক্ষণই প্রকাশ পাইল না। তাহার মুখের ভাব দেখিয়া মনে হইল, সে যেন এ সকল অনুভূতির অতীত, যেন কোন কিছুতেই তাহার আগ্রহ বা গুৎসুক্য নাই। সে দ্বারপ্রান্তে দাঁড়াইয়াছিল,—যদি তাহার বসনাঞ্চলের জলধারায় কক্ষের কৃষ্ণবান্ কার্পেটখানি নষ্ট হইয়া যায়!

সে উদাসভাবে বলিল, “জল-ঝড়ে আমাদের কিছু হয় না। খুব দায়ে পড়েই এসছি। আপনারা বড়লোক, গরীবের দরকারের কথা বুঝতে পারবেন না।”

দাসী এই সময়ে ঘরে আসিয়াছিল। হিরণী বলিল, “আগে আপনি এর সঙ্গে গিয়ে কাপড় ছেড়ে আসুন, তার পর আপনার কথা শুনবো। যান, দাঁড়িয়ে রইলেন যে? আমি কোন ওজর আপত্তি শুনবো না। কান্তর মা, তুমি এঁকে চাসের ঘরে নিয়ে গিয়ে কাপড়-চোপড় ছাড়িয়ে নিয়ে এস, বুঝেছো? আমার জামা-কাপড় ঠিক হবে এখন।”

আগন্তুক। তবুও নড়ে না। সে কম্পিতকণ্ঠে বলিল, “আপনার কাপড় আমার পরতে দেবেন? আমার পরিচয়—”

হিরণী অধীরভাবে বাধা দিয়া বলিল, “আপনি যেই হোন, মানুষ ত! যান, আপনার কোন কথা শুনবো না।”

কান্তর মা আগন্তুকাকে সঙ্গে লইয়া অন্তরের দিকে চলিয়া গেল। তখন বর্ষার প্রবল ধারা ধামিয়াছে, বর্ষণলগ্ন মেঘের অঙ্গ হইতে বৃষ্টির জল ফোঁটা ফোঁটা ঝরিয়া পড়িতেছিল। হিরণী ভাবিতেছিল, এই অল্পবয়স্ক রমণী একাকিনী এই দুর্যোগে তাহার দাদার কাছে কি প্রয়োজনে আসিয়াছে? তবে কি—

সে ডাকিল, “মধু!”

মধু আসিলে সে বলিল, “চা—গরম—এখনই।”

মধু দৌড় দিল। এ বাড়ীতে বরং মনিব বা মনিব-গৃহিণীর আদেশ-পালনে বিলম্ব ঘটিলে পার আছে, কিন্তু দিদিমণির?

বেশপরিবর্তনান্তে আগন্তুক। বসিবার ঘরে ফিরিয়া আসিল। তখন তাহার সহজকাস্তি বিজলীর আলোকে যেন শতশুণ ফুটিয়া উঠিয়াছিল। হিরণী তাকে বসিতে বলিয়া চায়ের দিকে অঙ্গুলি নির্দেশ করিয়া বলিল, “চা খান ত? কিছু ফল মিষ্টি?”

আগন্তুকার সহজেই অপ্রসন্ন মুখ ঈষৎ প্রসন্ন হইয়া মুহূর্তে ম্লান হইয়া গেল। সে বলিল, “বলেছি ত, আমার পরিচয় পেলে আমার এ সব কিছুই করতে বলতেন না।”

হিরণী পাণ্টা জ্বাবে বলিল, “আমিও ত বলেছি, আপনি মানুষ। নিন, এই জলে ভেজার পর চাটা কায হবে এখন, খান।”

অগত্যা আগন্তুক। চা-পানে মনোযোগ দিল। সে যে চা ও ফল মিষ্টান্ন বেশ উপভোগ করিল, তাহা তাহার মুখ-চকুর ভাবই বলিয়া দিল। হিরণী জিজ্ঞাসা করিল, “আপনার নাম কি বললেন না ত? কোথায় থাকেন?”

আগন্তুক। বলিল, “বলতে দিলেন কৈ আমার? হয় ত নাম-ধাম বলবার দরকারও হবে না। যে জন্মে এসেছি, আগে তার যা হয় একটা কিছু করে থাক—”

হিরণী বাধা দিয়া বলিল, “সে তখন হবে এখন। আগে মিন দিকি ভাল করে গুণলো খেয়ে। আর ত'একটা মিষ্টি? হুঁচোরটে নোকা?”

আগস্টকা একটু অভিজ্ঞতার মত হইয়া পড়িয়া পরাগলায় বলিল, “আপনার এ আদর-ঘরের কথা কখনও ভুলতে পারবো না—এমন ক’রে ত অযাচিত হয়ে বিনা স্বার্থে কেউ আমায় আদর করে নি। আপনি—আপনি—ঠিক যেন মরে পেটের বোনের মত—”

তাহার কণ্ঠ রুদ্ধ হইয়া আসিল, তাহার নয়নকোণে অশ্রুবিন্দু টলটল করিতেছিল। হিরণী বিষম অশ্রুতি বোধ করিতে লাগিল—একপ ভাব-প্রবণতায় সে অভ্যস্ত ছিল না। সে ভাড়াভাড়ি বলিল, “ওঃ, বুঝতে পেরেছি, আপনি কি—”

আগস্টকা তাহার কথা শেষ না হইতেই বলিল, “হাঁ, আমি পাবলিক স্ট্রেকের অ্যাকট্রেসের মনে, আমিও সিনেমা অ্যাকট্রেস। নাম শুনেছেন বোধ হয়—মিস চামেলীবালা—”

হিরণীর বিষয়ের সীমা রহিল না। চামেলী? সে ত প্যারাডাইজ ফিল্ম কোম্পানীর ষ্টার অ্যাকট্রেস! এই তরুণী—চামেলী?

যেন তাহার মনের কথা বুঝিতে পারিয়া চামেলী বলিল, “না, না, আমি প্যারাডাইজের চামেলী না, আমি নান্দীকি ফিল্ম করপোরেশানে এক বছর চুকেছি—তবে বিক্রমোর্সনীতে উর্সলীর পাটে কিছু নাম হয়েছে বোধ হয়। যাক, এসেছি এখানে অসীম ফিল্ম করপোরেশানের বিজ্ঞাপন দেখে। কোথায় ষ্টুডিও বললেন? সেইখানেই না হয় যাচ্ছি। মাপ করবেন, আপনাকে অনেক কষ্ট দিলুম—আমার কাপড়-চোপড় বোধ হয় এতক্ষণ শুকিয়েছে? আপনি? ওঃ, আপনার কাছে আজ যা পেয়েছি—তা—যাক; আমার ষ্টুডিওটা দেখিয়ে দিতে বলবেন কি দয়া ক’রে?”

হিরণী বিস্মিত। এমন মেয়ে সে কখনও দেখিয়াছে বলিয়া মনে করিতে পারিল না। এই গম্ভীর, এই চপল,—যেন শরতের আকাশ! অল্পবয়সে এমন গম্ভীর,—মুখে যেন বিমাদের নিকষ-রেখা কে টানিয়া দিয়াছে। সংসারের ঝড়ঝাপটা এ কত না সহিয়াছে! আবার এখনই এক নিশ্বাসে সে আপনার কত পরিচয়ই না দিয়া গেল! হুটক, তবুও প্রাণিনী—নিভাস্ত দায়ে না পড়িলে কেহ এই ঝড়-বৃষ্টি মাথায় করিয়া পথে বাহির হয় না। তাহার প্রতি করণায় তাহার সমস্ত অন্তরটা ভরিয়া গেল!

হিরণী ব্যথিতহৃদয়ে তাহার হাত ছ’খানি ধরিয়া মিনতি-ভরা স্বরে বলিল, “হি তাই—তোমার চোখে এখনও জল? কি কষ্ট তোমার, আমায় বলবে না? তুমি বোসো, আমি দেখে আসি দাদা এলেন কি না। অসীম ফিল্মের মালিক অসীম বাবু আমার দাদা।”

ব্রহ্মে হস্ত বন্ধনমুক্ত করিয়া দাড়াইয়া উঠিয়া চামেলী বিষ্ময়বিফারিতমনে তাহার দিকে চাহিয়া রহিল। হিরণী হাসিয়া বলিল, “কি দেখেছো হাঁ ক’রে?”

চামেলী কিছুক্ষণ নীরবে রহিল। তাহার পর বলিল, “দেখছি আপনাকে। আপনি—”

হিরণী বলিল, “তা দেখবে’খন পরে, আমি এলুম বলে।”

উত্তরের প্রতীক্ষা না রাখিয়া হিরণী চলিয়া গেল। সেই দিন সে বন্ধুগৃহ হইতে ফিরিয়াছে, কায়েই বাড়ীর খবর কিছুই জানিত না। তাহার ভ্রাতৃজার অসুস্থ, ভ্রাতা ভোর হইতে অনুপস্থিত, ঘরের সকল খবর পাওয়া তাহার পক্ষে সম্ভব ছিল না।

বাগানের আদ্র তৃণশষ্পের উপর দিয়া হিরণী দ্রুত ষ্টুডিওর দিকে অগ্রসর হইল। পাড়কা জলসিক্ত হইয়া এমন নিঃশব্দ হইয়াছিল যে, সে যখন ষ্টুডিওর আফিস-ঘরে প্রবেশ করিল, তখন সে লোকটি আরাম-কেদারায় আরাম করিয়া দেহ এলাইয়া সিগারেটের ধূমরাশিতে কক্ষ আচ্ছন্ন করিতেছিল, সে তাহার হঠাৎ আগমনের বিষয় কিছুই জানিতে পারিল না।

হিরণী প্রায় ছুটিয়াই আসিয়াছিল, তাই খাসকক্ষ কণ্ঠে ডাকিল, “দাদা!”

বোধ হয়, ভীক্ষাগ্র সৃষ্টি দ্বারা বিদ্ধ হইলে মানুষ যে ভাবে চীৎকার করিয়া লাফাইয়া উঠে, হিরণীর অতর্কিত আহ্বানে লোকটা তদপেক্ষা অধিক আওয়াজ করিয়া চেয়ার ছাড়িয়া তীরের মত লাফাইয়া উঠিল এবং নিশ্চল প্রতিমার মত দ্বারদেশে দণ্ডায়মান। হিরণীর দিকে নির্ঝাঁকু অপলক-নেত্রে চাহিয়া রহিল,—তাহার অর্ধভুক্ত সিগারেটটা যে অঙ্গুলীভ্রষ্ট হইয়া অদূরে কার্পেটের উপর পড়িয়া গৃহদাহের সূচনা করিতেছে, সে দিকে তাহার নজর রহিল না। পরিধানে তাহার টিলা ইজের, পায়ে স্লিপার, অঙ্গে বোতামহীন একটা টিলা পিরিহান, মাথার পশ্চাদভাগে কবিদের মত এক

কাঁকা চুল! কক্ষের বিজলী বাতি সবুজ সেডে আচ্ছাদিত, ভিতরের জিনিসগুলি অস্পষ্ট দেখাইতেছিল।

ক্ষিপ্ৰগতি অগ্রসর হইয়া হিরণী পাড়কা দ্বারা সিগারেটটা দলিত পিষ্ট করিয়া লোকটির দিকে ভাল করিয়া দেখিয়া থমকিয়া দাঁড়াইল, পরে বলিল, “ওঃ, আপনিই বুঝি শুভেন্দু বাবু? বোম্বাই থেকে এসেছেন না আপনি?”

শুভেন্দুর মাথাটা তখন ঘুরিতেছিল। মনে যে কোথায ছিল, তাহা সে নিজেই বুঝিতে পারিতেছিল না। গোটা কতক ঢোক গিলিয়া আমতা আমতা করিয়া সে নিজের ক্রটির জন্ত ক্ষমাপ্রার্থনা করিল—তাহার কণাষ না আছে মাত্রা, না আছে বোধন, কি সে কতকটা আবোল-তাবোল বকিলা গেল, তাহা সে পরে হয় ত নিজেই স্বরণ করিতে পারিবে না।

তাহার এই ভাবগতি দেখিয়া হিরণীর অধর ও নখন-কোণে ছুঁই হাসি খেলিয়া গেল। কিছুক্ষণ প্রাণপণে সে হাসি চাপিয়া রাখিয়া শেষে অসহ্য হইলে প্রগল্ভতার পরিচয় দিতেছে জানিয়াও প্রাণ পুলিয়া উচ্চরবে হাসিয়া উঠিল। হাসির এমন একটা সংক্রামক প্রভাব আছে—বিশেষ তরুণদের মধ্যে—সে, শুভেন্দুও সে হাসিতে যোগ না দিয়া পারিল না।

এই হাসির হিল্লোলে অজানা অচেনা তরুণ-তরুণীর মধ্যে কক্ষের গুরুগম্ভীর ব্যবধানের পাষণ্ডভার অনেকটা হালকা হইয়া গেল।

হিরণী আলোকের সেডটা সরাইয়া দিয়া কক্ষটিকে আলোকে উদ্ভাসিত করিয়া বলিল, “দাদা কেমননি এখনও? কখন ফিরবেন, বলতে পারেন কি আপনি?”

শুভেন্দু বলিল, “তা ত জানিনি। তবে ভোরে বেরিয়ে গেছেন ডায়মণ্ডহারবারে, এতক্ষণ ত ফেরবার কথা! বশুন!”

হিরণী বলিল, “না, বসবো না এখন, এক জনকে দাঁড় করিয়ে রেখে এসেছি। আচ্ছা, আপনি বলতে পারেন, আপনাদের ষ্টুডিওর জন্তে এক জন অ্যাকট্রেসের দরকার হবে কি না?”

শুভেন্দু বলিল, “না—হাঁ, হবে বোধ হয় নতুন ফিল্ম-খানার জন্তে। আপনি কি—”

হিরণী বলিল, “হাঁ, আমি হিরণী, অসীম বাবুর বোন। নমস্কার।”

হিরণী আর দাঁড়াইল না—যেমন চপলাচমকের মত তাহার আবির্ভাব, তেমনই চপলাচমকের মত তাহার প্রস্থান,—স্থানটা কেবল একটা স্তবাসে ভরিয়া রছিল। শুভেন্দু নির্ঝাঁক বিশ্বফেসেই সঞ্চারণী পল্লবিনী মত তার চলন্ত মূর্তির দিকে চাহিয়া রছিল। ওয়ার্ডসওয়ার্থ প্রথম দর্শনে ডোরোথিতে যে ‘ভিসান’ দেখিয়াছিলেন, শুভেন্দুর নয়নেও কি হিরণী তাহারই রেখা টানিয়া গেল?

হিরণী তাহার বসিবার ঘরে ফিরিয়া আসিয়া চামেলীকে দেখিতে পাউল না। জিজ্ঞাসা করিয়া জানিল, সে বেশ পরিবর্তনান্তে কিছুই না বলিয়া চলিয়া গিয়াছে, মাইবার আগে একখানা চিঠি রাখিয়া গিয়াছে। চিঠিতে মাত্র দুইটি ছত্র,—“ক্ষমা করবেন, এর পর লিখে সব জানাবো। —চামেলী।”

প্রথমটা ক্রোধে হিরণীর সমস্ত অন্তর ভরিয়া উঠিল। এ কেমন মানুষ, যে নিজের দরকারে আসিয়া জ্বাভের অপেক্ষা না রাখিয়া চলিয়া যায়? অভাবগ্রস্ত দরিদ্র বলিয়া পরিচয় দেয়, অথচ স্নেহ-মমতা পাউলেও ভাগ্য-প্রত্যাখ্যান করিয়া দস্তভরে দেখা না করিয়াই প্রস্থান করে? এমনই অকৃতজ্ঞ কি সমস্ত অভাবগ্রস্ত দরিদ্র? দূর হউক, কোণা-কার কে সে, তাহার ভাবনা ভাবিয়া মন খারাপ করিবার দরকার?

হিরণী নানা কামে আপনাকে ডুবাইয়া দিয়া আজিকার এই সন্ধ্যার বেলায় ঘটনাটা ভুলিবার চেষ্টা করিল। ভ্রাতৃ-জাহার ঘরে গিয়া দেখিল, তিনি তখন দীর্ঘ-নিদ্রাভঙ্গের পর গাত্রোথান করিয়াছেন। জিজ্ঞাসা করিয়া জানিল, মাথা ধরিয়াছিল, ঘুমাইয়া ছাড়িয়াছে, তিনি ভাল আছেন, শুক্রবার কোন প্রয়োজন নাই। অধিক রাত্রিতে দাদা ফিরিয়া আসিলে তাই-ভগিনী যখন আহ্বারে বসিল, তখন হিরণী সন্ধ্যার ঘটনার কথা জানাইয়া মনটা অনেক হালকা করিয়া ফেলিল। তাহার দাদাও জানাইল যে, সেই অ্যাকট্রেস মেয়েটির অনেক ইতিহাস আছে, সে তখন আর এক দিন বলিবে। আপাততঃ তাকে যে চাকুরী দেওয়াই ঠিক, এটা সে জানিয়া রাখিতে পারে। মৃদল, অল্প অ্যাকট্রেসদের মত উহার অল্পত থাকিবার স্থান নাই, এজন্য সে ষ্টুডিওতে স্থান চাহিয়াছে। হয় ত তাহার জন্ত ষ্টুডিওর একটা উইং অ্যাকট্রেসদের জন্ত পৃথক করিয়া দিতে হইবে।



কে নিবি গো কিল - ”





জুখিনী চামেলীর চাকুরী হইবে শুনিয়া ফিরিয়ার মনটা অনেক আশস্ত হইল। রাত্রিতে ঘুমাইয়াও সে চামেলীর বিবাদচ্ছায়াক্ত মুখখানা বার বার চোখের সম্মুখে ভাসিয়া উঠিতে দেখিল—অমনই তাহার মনটা কেমন এক হৃদিস্তার গুরুভারে অবসন্ন হইয়া পড়িল। সে ত চেষ্টা করিয়াও সেই বিমাদক্রিষ্ট নয়নযুগলের করুণ স্মৃতি ভুলিতে পারিল না!

৬

“এখন কেমন আছ? একটু ভাল বোধ করছ?”

অসীমের তন্দ্রালসজড়িত নয়ন বিষ্ময়ে বিস্ফারিত হইল, সে ধড়মড়িয়া বিছানার উপর উঠিয়া বসিল। তাহার শয্যাপার্শ্বে অসময়ে উষারাগী! স্বাস্ত্যের কথা এমন করিয়া জিজ্ঞাসা করার পাঠ ত উঠিয়াই গিয়াছে। তবে? আজ দুই দিন হইল, সে ইন্ফ্লুয়েঞ্জা রোগে আক্রান্ত—অসময়ে আহার ও শয়ন, তাহার পর জলে ভেজা, রোদে পোড়া,—শরীর ত লোহার নহে!

কি সুন্দর এই বিবাতার অসাধারণ সৃষ্টি উষা! নিশ্চিতই তাহার মানসী কল্পনা হইতে রূপ পরিগ্রহ করিয়াছে এই প্রতিমা, না হইলে মানুষে কি এই রূপ সম্ভব হইতে পারে? এই দেবভোগ্য অপাপবিদ্ধ পবিত্র নিম্মাল্য কখনও কুকুরের পাপস্পর্শে পরিম্লান হইতে পারে না। সঙ্গীণ তাহার মন!

উষা আবার বলিল, “কি ভাবছো? কথাটার জবাবও দেবে না?”

সে পাশের চেয়ারের উপর বসিয়া পড়িল। হঠাৎ কি জানি কেন, অসীম ব্যঙ্গের সুরেই বলিল, “মারাত্মক এমন কিছু হয়নি, খার জগে ঘটা করে আমায় লোকের কাছে আছা উছ শুনতে হবে। কিছু দরকার আছে?”

উষারাগীর দিবাস্বপ্ন ভাঙ্গিয়া গেল, কেন সে একটা বড় আগ্রহ লইয়া আসিয়াছিল? দূর হইতে যুগ যেমন ধূ ধূ বালুকাবিস্তারের মধ্যে শশুশ্রামল মরুস্থানের নীতল প্রস্রবণে তুষা দূর করিবার আশায় অগ্রসর হইয়া মরীচিকার নীরস কঠোর স্বরূপ দেখিয়া ব্যথাহত নিরাশ মনে ফিরিয়া যায়, ভেমনই করিয়া উষারাগীর আশালুক মনটি প্রতিকূল বায়ুতে বিষম ধাক্কা খাইয়া পশ্চাতে ফিরিয়া আপনাতেই সঙ্কুচিত হইয়া পড়িল। সে বলিল, “আর পাঁচ জনের মত খবরটা

নিতে এসে যে মস্ত বড় একটা অপরাধ করে ফেলছি, তা জানলে আসতুমই না।”

অসীম বোধ হয় বুদ্ধিগত, ইচ্ছাপূর্বক এই আঘাত দিবার কোন কাষট তাহার পত্নী করে নাই, তাই একটু নরম সুরে বলিল, “রাগ করলে? তামাসা করবারও অধিকার থেকে বঞ্চিত হয়েছি? শোন।”

উষা ফিরিয়া মাইতেছিল, ঘুরিয়া দাড়াইয়া জিজ্ঞাস্যনেত্রে তাকাইয়া রহিল।

এবার অসীম হাসিয়া বলিল, “ধর, যদি মারাত্মক ব্যায়রামট কখনও হয়, তা হলে?”

উষা সে কথাটা শেষ করিতে না দিয়াই তীব্র প্লেবের সুরে বলিল, “মরা পাচটা যদি কারুর হাতধরা হোতো, তা হলে না হয় কথাটার জবাব দেওয়ার দরকার হোতো। এখন তা হয় না, তখন ও কথা ভেবে মাথা নামাবার দরকার দেখছি না।”

অসীম গম্ভীর সুরে বলিল, “হঁ।”

কক্ষ ক্ষণকাল নীরব—হাওয়াটা কেমন যেন গুমোটের মত অতিষ্ঠ করিয়া তুলিল।

উষা আবার কক্ষত্যাগ করিতে উত্তত হইল। এক পা অগ্রসর হইয়া নিতান্ত উদাসীনভাবে জিজ্ঞাসা করিল, “কি খাবে এ বেলা, ডাক্তার কিছু বলে গেল?”

অসীম আবার একটু আঘাত দিয়া বলিল, “সেটা ব’সে শুনে গেলে হোতো না? আমারও ত কিছু জিজ্ঞাসা করবার থাকতে পারে? আচ্ছা, মরার কথা শুনে তোমার অমন রাগ হবার কারণ কি? মরা বাঁচা ত মানুষ জন্ম থেকেই সঙ্গে নিয়ে আসে। তবে তোমরা মরার কথা শুনলে একবারে অধীর হয়ে ওঠো কেন, বুঝতে পারি না।”

উষা বলিল, “না, তা পারবে না। দেখ, তোমরা বুঝতে পারো না, কেন ও কথাটা স্বামিস্ত্রীর মধ্যে চ’তে নেই—বিশেষ ও কথাটা বলবার বা ও নিয়ে তামাসা করবারও একটা ব্যেস আছে।”

অসীম বলিল, “তার মানে?”

উষা বলিল, “ভগবান মানুষকে যত কিছু সম্পদ দান করেন, তার মধ্যে স্বাস্থ্য ও যৌবনের কাছে আর কিছু নেই। যারা বলে, রূপ-যৌবন কিছু নয়, তাদের মত হাঙ্কা

কথা কেউ বলে না। যত দিন রূপ-যৌবন থাকবে, তত দিন মরার কথা মুখে আনতে নেই।”

অসীম ঈষৎ হাসিয়া বলিল, “কেন, মুখে আনাও পাপ?”

উষা দৃঢ়স্বরে বলিল, “নিশ্চয়ই! বিশেষ—তোমার আমার মধ্যে ও কথা ওঠাই পাপ। আমি যখন দেখবো বুড়ো হচ্ছি—তখন—তখন আত্মহত্যা করে মরবো!”

অসীম এবার হেঁ হেঁ হাসিয়া উঠিল, উঠিয়া উষারানীর আসনের পশ্চাদিকে আসিয়া দাঁড়াইয়া তাহার কাঁধের উপর হুইখানা হাত রাখিয়া বলিল, “এই ভূমিও ত এই নিমিত্ত কথাটা বলে ফেললে রাগের মাথায়। আমিও তা হলে রাগ করি? হি, হি, কাদছো?”

তীরের মত উঠিয়া উষা বাষ্পরুদ্ধকণ্ঠে বলিল, “কে কাদছে? বয়ে গেছে আমার কাদবার জ্ঞান!”

অসীম তাহাকে বুকের মাঝে টানিয়া লইয়া বলিল, “উষা!”

বৃষ্টির জল গাছের পাতার উপর সঞ্চিত ছিল, সেই জল ঝরঝর করিয়া পড়িল। স্বামীর কাঁধের উপর মাথা রাখিয়া উষা খানিকটা ফোঁপাইয়া কাদিল। অসীম তাহার একরাশ মেঘের মত কালো চুলের উপর মুচু করপর্শ করিতে লাগিল।

“দাদার কোন খবর পলে মধুপুর থেকে?” উভয়ে প্রকৃতিস্থ হইবার পর অসীম কথাটা জিজ্ঞাসা করিল। মহসা দেন নিম্নলি উজ্জল আকাশ হইতে বজ্রধ্বনি হইল। উষা ভয়-চকিতস্বরে বলিল, “হাঁ, না,—কেন বল দিকি? ভূমি শুনেছে কিছু?”

অসীম বলিল, “বিশেষ কিছু না। তবে এদিন হয়ে গেল, পরিভোষ বাবুদের ওখানে—”

উষা তাড়াতাড়ি বলিল, “লিখেছে শীগগিরই আসছে কলকাতায়—”

অসীম বাধা দিয়া বলিল, “থাক্ গে, ফিরে আসছে ত শীগগীর, তা হলেই হ'লো। দেখ, ক'দিন দ'রে একটা কথা বোলবো বলে মনে করুছি, কিন্তু—”

উষা হাসিয়া বলিল, “কিন্তু কি? ভয়ে বলতে পারুছে না নাকি?”

অসীম বলিল, “কতকটা তাই বটে—তা' ছাড়া কেমন বাধা বাধা ঢেকছে। হয়েছে কি জান, নতুন এক জন

আ্যক্টেসকে এনগেজ করেছি শুনেছে। ত—ঐ তিরোকে সে চিঠি লিখে তার অনেক ছুখের কথা জানিয়েছে গো—ঐ আ্যক্টেসটি, কি তার নাম? চামেলী, হাঁ! চামেলী আমাদের 'সবুজের জয়যাত্রা' বলে যে নতুন ফিল্মখানা হচ্ছে, তাতে যেন তিরোইনের পার্ট নিয়েছে। শুভেন্দু 'পোজ-টোজ'গুলো শেখাচ্ছে ভাল, কিন্তু ওর মাথায় সেগুলো ঠিকমত ঢুকছে না।”

উষা বলিল, “কেন, শুনেছিলুম হুখব বড় আ্যক্টেসের মেয়ে?”

অসীম বলিল, “হাঁ, তা বটে। কিন্তু সে হ'ল একে স্টেজের আ্যক্টেস, তার উপর সে কালের, মডার্ন টেঙ্কের মত—বিশেষ টকি-সিনেমার কিছুই জানে না, কাসেই মেয়েকে শেখাবে কোথেকে?”

উষা বলিল, “তা, ও যেখানে ছিল, সেখানে কিছু শেখেনি?”

অসীম ত্রাচ্ছীলাভরে বলিল, “শিখবে না কেন, তাদের বিদ্যার দোড় যতটুকু, ততটুকুই শিখিয়েছে, তার বেশী ত আর পারে না। আমাদের বাঙ্গালার টেঙ্কে আর তাদের টেঙ্কে আকাশ-পাতাল তফাৎ বিশেষ আমাদের বাঙ্গালীর বরসংসারের কথায়, বুঝলে?”

উষা বলিল, “তা ত বুঝলুম, কিন্তু এতে আমার পরামর্শের কি দরকার হ'ল?”

অসীম হাসিয়া বলিল, “তোমার পরামর্শ নেবো না? গৃহিনী সচিব সখী—মাক্, বলছিলুম কি জান, আমাদের ঘরের মেয়েদের পোজগুলো যদি ওকে শিখিয়ে দিতে পারো!” অসীমের কর্ণে মিনতির সুর বাজিয়া উঠিল।

উষার বিশ্বাসের সীমা রহিল না। এমন প্রস্তাব সে কখনও স্বামীর কাছে প্রত্যাশা করে নাই। সে বলিল, “ও মা, সে কি কথা গো? আমরা পোজ শেখাবো থিয়েটারের আ্যক্টেসকে? ষ্টুডিওতে গিয়ে সকলের সামনে? ফিল্ম করে পাগল হ'লে না কি? ছিঃ ছিঃ!”

অসীম বাধা দিয়া বলিল, “আহা, সবটা শোনই না আগে। তিরো ওর বন্ধুদের সঙ্গে প্রাইভেটে প্লে করে না শুনেছি?”

উষা বলিল, “হাঁ, তাই ত এসেই ক'দিন সুনন্দাদের ওখানে গিয়ে রইলো।”

অসীম বলিল, “তাই ত বলছি গো—ও যখন প্রাইভেটে প্লেট করে, তখন এই ফিল্মটার জন্মে গোটা দুই পোজ শিখিয়ে দিক না এক—”

উমা চমকিয়া বলিল, “ও মা, সে কি কথা গো! বন্ধুদের বাড়ী বন্ধুদের সঙ্গে আপনা-আপনি পাঁচ জনের সামনে প্লে করে বলে না, না, সে আমি করতে দেবো না, তোমার ফিল্মে পোজ-ফোজ দিতে দেবো না—আমি বরং বারণই কোরবো তাকে—”

অসীম বলিল,—“হ্যাঁ-হ্যাঁ, আগে থাকতেই শিউরে ওঠো কেন? শোনই না সবটা। কেবল তিনটে দৃশ্যে তাকে দরকার হবে। বাইরে কোথাও কারু সঙ্গে যেতে হবে না, আমার এই ষ্টুডিওর ভেতরেই পোজ দিলেই চলবে। কেবল একবার বাগানে ফিল্মটার ধারে এলোচলে, আর ঐ পাহাড়টার ওপরেও তাই। না হলে কি আমি নিজে করতে বলছি আমার বোনকে?”

উমা হাসিয়া বলিল, “কি ভাগিা যে আমার বলনি পোজ দিতে—”

অসীম ক্ষণেক তাহার মুখের দিকে চাহিয়া বলিল, “তা সত্যিই, তোমায় মানাতো আরও ভাল, কিন্তু তোমার অভ্যাস নেই ওদিকে, টেইও নেই।”

উমা হাসিতে হাসিতে বলিল, “আর তোমার বোনটির মত বুদ্ধি?”

অসীম বলিল, “যা বল। যাক, পারবে ত ওকে রাজী করতে? তোমায় ও বড্‌ডা ভালবাসে, তোমার কথায় ওঠে বসে—”

উমা বলিল, “আর তোমায়? সে যে দাদা-অন্ত প্রাণ, দাদা বলতে অজ্ঞান!”

অসীম বলিল, “যাই বল, ও কথা আমি ওকে মুখ কুটে বলতে পারবো না। পারবে না রাজী করতে? দেখ, এই যে অ্যাকট্রেসটি, এর ইতিহাসটা সব শুনেছো ত! ওর মা আর তার বন্ধুবান্ধবরা ওকে ওদেরই পথে নিয়ে যেতে চেষ্টা করেছিল, পারে নি। সত্যিই এই মেয়েটার ঝোক হচ্ছে সিনেমা টকির প্লের দিকে—সুন্দর প’ড়ে লেখাপড়াও অনেকটা শিখেছে গেরস্তো ঘরের মেয়েদের মত—ওপথে যেতে চায় না তাই। তাই বলছি, ওকে যদি তোমরা একটু শিখিয়ে তৈরী করে নাও—কখনও ত গেরোস্তো ঘরের শিক্ষা পায়

নি—তা হলে ও একটা ষ্টার অ্যাকট্রেস নিশ্চয়ই হবে। কি বল, পারবে?”

আগতের আতিশয়ো অসীম উমার কুমুমপেলব হাত ছ’খানি ছই করে চাপিয়া ধরিল। উমার সর্দাঙ্গ দিয়া একটা তড়িৎ-শিহরণ বহিয়া গেল। কিন্তু উমা তাহা বাস্তিরে কিছুই জানিতে না দিয়া সহজকণ্ঠে বলিল,—“আচ্ছা, ভেবে দেখি। তবে কি জান, অ্যাকট্রেস! দেখো, ও নাকি বাড়ী ছেড়ে পালিয়ে এসেছে?”

অসীম বলিল, “হাঁ, হিরণী কিছু বলে নি? ওর উপর যখন বড় পীড়াপীড়ি চল্লো, যখন ওরা ওকে সত্যিসত্যিই পাপের পথে নামাবার জন্মে জোর-জবরদস্তি আরম্ভ করলে, তখন ও পালিয়ে এসে ওর এক সুলের বন্ধুর বাড়ী যাত্র—তার। ওকে দু’দিন লুকিয়ে রেখেছিল। কিন্তু সমাজের ভয়—কামেই তারা আর রাখতে পারলে না—এখন রাস্তাই ওর ভরসা।”

উমার মনটা এই ছ’খিনীর কথায় ব্যথায় টন-টন করিলেও সে যে থিয়েটার-সিনেমার অ্যাকট্রেস, একথা সে ভুলিতে পারিতেছিল না। তাহার কথাটা আবার পাড়িতে যাইবে, এমন সময় দ্বারের দিকে চাহিয়া বলিল, “এই যে হিরো, সেই অ্যাকট্রেস মেয়েটি তোর কাছে এসেছিল আর?”

হিরণী বলিল, “সে হচ্ছে। দাদা কেমন আছে এখন?”

অসীম হাসিয়া স্নেহভরে চাহিয়া বলিল, “তবু ভাল, দাদাকে মনে পড়েছে এতক্ষণে—”

হিরণী অভিমানে ঠোট ফুলাইয়া বলিল, “বা রে, আমার দোষ হ’ল বুঝি? ছ’ ছ’বার এসে দেখে গেলুম, দিকি ঘুমুচ্ছে। জরটা আর আসে নি ত? ব্যথা?”

উমা বলিল, “ব্যথা খুবই আছে, তবে কাসিটা এ বেলা দেখছিনে বললেই হয়। আমরা বললে ত কথা মিষ্টি লাগে না—রোদে জলে রাতদিন ছুটোছুটি ত বন্ধ হবে না।”

হিরণীও অনুযোগের সুরে বলিল, “হাঁ দাদা, তুমি ভারী ছষ্ট—বৌদির মনে খালি কষ্ট দাও—”

দরদের কেমন একটা আকর্ষণী শক্তি আছে, যাহাতে মানুষ ইচ্ছা না থাকিলেও অন্তরের রুদ্ধ অভিমানের অভিব্যক্তি করিয়া ফেলে। উমাও তাই হিরণীর কথাটাকে অবলম্বন করিয়া বলিল, “ওদের শরীরের কিছু হ’ল না হ’ল,



তাতে আমাদের কি সম্পর্ক থাকতে পারে, হিরো ? 'যাই করুন ওঁরা, কারুর তাতে কিছু বলবার নেই। আমরা যাই।'

হিরণী বলিল, "সত্যিই ত দাদা,—এ তোমার ভারী অজ্ঞান ! দেখ দেখি, ভেবে ভেবে বৌদির চেহারা কি হয়ে গেছে ? এমন যে গোলাপ-ফুল ফুটে থাকে গালে, একবারে কালির বরণ হয়ে গেছে—তুমি ত দেখেও দেখ না।"

তাহার বৌদিদি যে রূপের প্রশংসায় ভারী খুসী হইয়াছিল, তাহা হিরণী না বুঝিলেও তাহার দাদা বিলক্ষণ বুঝিয়াছিল, কেন না, উমারানীর মুহূর্ত্ত পূর্ব্বের বিবাদ-অভিমান-জড়িত ভাবটা নিম্নে অন্তর্হিত হইয়াছিল এবং তাহার অনিন্দ্যসুন্দর পদ্মকোরকের মত মুখখানি আশ্চর্য্যসাদে উৎফুল্ল হইয়া উঠিয়াছিল। এই হাসি, এই কান্না,—অদ্ভুত প্রকৃতিই বটে ! অসীম এই কথাটাই ভাবিতেছিল। বলিল, "তাই না কি ? তা এক কাণ্ড কর তোর। তুই তোর বৌদির রূপের ব্যাখ্যা কর, আর তোর বৌদি তোর রূপের ঢাক পিটতে থাকুন ; মাঝে থেকে এই নেহাৎ কাঠখোটা পুরুষ বেচারী তোদের মহাভারতের কথা অমৃত সমান শুনতে শুনতে পুণ্যবান্ হোক, কি বলিস ?"

উষা হাসিয়া ফেলিল। কিন্তু হিরণী কথাটা অল্প ভাবে গ্রহণ করিল, বিদ্রূপের ভঙ্গীতে বলিল, "নেহাৎ কাঠখোটা পুরুষমানুষরাও যে রূপটাকে নেহাৎ তুচ্ছতাজ্জীল্য করেন, তাও ত দেখতে পাই না। জান বৌদি, সে দিন জল-ঝড়ের রাতে দাদাকে খুঁজতে গেলুম ঠুঁড়িগতে চামেলীর জলে—ভাল কথা, চামেলীর আজ আসবার কথা আছে ঠুঁড়িয়োতে—তা ঠুঁড়িয়োতে উনি ছিলেন না, ছিলেন ওঁর বন্ধুটি। তিনি এমনই ভদ্রলোক যে, আমি দাদার কথা জিজ্ঞাসা করলুম, উনি তার জবাব না দিয়ে হাঁ করে আমার মুখের দিকে চেয়ে রইলেন, যেন সাত জন্মে মেয়েছিলে দেখেন নি। হিঃ হিঃ ! আর যা কর দাদা, তোমাদের পুরুষমানুষের কড়াই কোরো না বলছি।"

অসীম ট্রে হইতে এক টুকরা মিছরী-তুলিয়া লইয়া বলিল, "বলি ত ফড়-ফড় করে অনেকগুলো কথা, কিন্তু জানিস, কেন ওভো অমন করে তাকিয়ে ছিল তোর দিকে ?"

হিরণী জাজ্জীল্যভরে বলিল, "দরকার ?"

অসীমও সমান উদাসীন্য দেখাইয়া বলিল, "তবে থাক, দরকার নেই যখন তোব জানবার ! সাত বছর আগে যাকে সে দেখে গিয়েছিল এতটুকু—যাক, চামেলীর আসবার কথা কি বলছিলি ?"

হিরণী বলিল, "চিঠি লিখে জানিয়েছে আমরা, আজ আসবার কথা তার এখানে। আহা, বড় কষ্ট পেয়েছে বেচারী ! ওর এখানে থাকার ব্যবস্থাটা শীগ্গীর করে দাও না দাদা—তোমার ছুটি পায়ে পড়ি !"

অসীম হাসিয়া বলিল, "দূর পাগলী কোথাকার ! আমি ত সেই ব্যবস্থাই করছি রে"—

উষা বলিল, "তা করছো বটে, কিন্তু দেখো যেন খাল কেটে কুমীর এনে না যবে !"

হিরণী বলিল, "বা রে, বৌদি যেন কি !—লেখাপড়া শিখে সে ভাল পথটা বেছে নিচ্ছে, তাকে সাহায্য করা—উৎসাহ দেওয়া ভাল না বুঝি ? জান, যাকে তুমি বলছো কুমীর, সে মাটিক পাশ করেছে ?"

উষা বলিল, "ওঃ, তাই না কি ? তা, তোমাদের ভাই বোনের যদি ঐ ইচ্ছে হয়ে থাকে, সে ত ভাল কথা। কিন্তু তাকে ত শুধু পুষলে হবে না, সঙ্গে সঙ্গে তাকে ভদ্র-স্বরের মেয়ের মত ঘাড়ে নিতেও হবে তোমাকে।"

হিরণী বলিল, "আমাকে ? তার মানে ?"

উষা স্বামীর দিকে একবার চাহিয়া বলিল, "তার মানে, এঁদের নতুন ফিল্মে সিরোইনের পার্টটা তুই যদি ওকে দেখিয়ে ঠিক গেরোস্টোর স্বরের মত করে তৈরী করে দিতে পারিস"—

এই সময়ে অসীম ঝোপ বুঝিয়া কোপ মারিয়া বলিল,— "এই ধর না, পোজ-টোজগুলো যদি তোর ঠিকমত দেখিয়ে দিস—"

উষা বলিল, "হাঁ, ধর না কেন, আমাদের বাঙ্গালীর স্বরের তোর মত শিক্ষিত মেয়েরা যেমন করে চলা-ফেরা করে, সেই রকম—আর তোরাত প্রাইভেটে প্লে করেই থাকিস—সেই রকম করে দাঁড়া-বসা চলা-ফেরা শিখিয়ে দিস—"

হিরণী বলিল, "পারি না বুঝি তা ? দাও না কি পারি দেবে, খুব পারি।"

অসীম সাগ্রহে বলিল, "ওঃ, তা হলে যা হয়—একবারে কাঠ রুম ! তোকে যা মানাবে হিরো—"

হিরণী উচ্চ হাসিয়া বলিল, “দাদা যেন কি! আস্ত পাগল! ভদ্র লোকের মেয়েরা বুঝি ফিল্মে পোজ দেয়? দূর!”

উমা হাসিয়া বলিল, “কেন, লোম কি?”

অসীম বলিল, “আচ্ছা, তোরা ঘরোয়া রঙ্গমাঞ্চে উঠতে ভয় পাস নে, কিন্তু চলচ্চিত্রে অভিনয় করবার নামে শিউরে উঠিস কেন? যদি অভিনয় করাটা মস্ত একটা পাপ বলে মনে না করিস—যদি ওটাকে আর্ট বলে—একটা বিদ্যে বলে মনে করিস, তা হলে ঘরোয়া আর প্রকাশ্য অভিনয়ে তফাৎ দেখিস কি করে? যুরোপে আমেরিকায় এখন ত বিস্তর ভদ্রঘরের মেয়ে অভিনয় করছেন প্রকাশ্যে। আমাদের দেশে এটা এখন নতুন ঠেকছে বটে, কিন্তু দু’দিন পরে ওটা ও সারবে। আগে কি ট্রামে-বাসে আমাদের ঘরের মেয়েরা চড়তো, না একলা যাওয়া-আসা করতো?”

হিরণী বলিল, “না দাদা, তোমার ও ব্যক্তি ঠিক নয়। নিজেদের মতো যা করা যায়, বাইরের লোকের কাছে তা করা ঠিক নয়। আমাদের বৈশিষ্ট্য ছাড়ব কেন, দাদা?”

অসীম ঈষৎ রুষ্টিস্বরে বলিল, “নাক ত তুলেই আছিস! কেন বল ত, বাইরের লোক এলেই তুই মুখখানা পাঁচাচার মত করে থাকিস?”

উমা চোখ টিপিয়া স্বামীকে আর অগসর হইতে নিষেধ করিয়া বলিল, “এ বাবু তোমাদের অল্যাস! ও কবে আবার পাঁচামুখ করে রইলো? তোমাদের দুটিতে ঝগড়া যেন লেগেই আছে দেখছি!”

হিরণী ক্রোধকম্পিতকণ্ঠে বলিল, “দাদা মনে করে, পুরুষ মানুষরাই জগতের লাট বাদশা, আর তাদের মন বুগিয়ে চলবার জন্মেই আছি আমরা। কাসেই জানা নেই, শোনা নেই, পুরুষ-মানুষ বন্ধু যিনিই আসুন ওঁর ঘরে, অমনি তাঁদের সামনে আমাদের হেসে চলে পড়তে হবে, মন বুগিয়ে চলতে হবে, না?”

হিরণী যে বিষম ক্রুদ্ধ হইয়াছিল, তাহার মুখ-চোখই তাহা বলিয়া দিতেছিল। অসীম মনে মনে তাহার সেই অন্তরের উমা খুবই উপভোগ করিতেছিল। কিন্তু বাহিরে গাভীর্ষ্য দেখাইয়া বলিল, “বলেই আসছি ত বরাবর, মেয়ে-ছেলেদের প্রতিভা বলে কোন পদার্থই নেই। কেবল

সেজে গুজে থাকার আটটা ওরা খুবই জানে আর পুরুষদের মন বুগিয়ে বাত্বা নেওয়াই ওদের বাবসা!”

উমা ক্রটিম কোপ দেখাইয়া হাসিয়া বলিল, “তুমি থাম বলছি। বড়ো ভয়ে চলে, তবু বোনের সঙ্গে পুনশ্চড়ি করার রোগ এখনও গেল না!”

অসীম বলিল, “কেন, মিপো কি বলেছি? মা আর মেয়ে যদি সেজে গুজে কোথাও পার্টিতে বা গ্র্যাট হোমে গেলেন, আর যদি কেউ তাঁদের দু’জনকে দেখে বড় বোন ছোট বোন বলে গুলিয়ে ফেলবার ভাণ করলে,—অমনি মা আফ্লাদে আটখানা, বোধ হয় একখানা জড়োয়া গবনা পেলেও তাঁর তত আফ্লাদ হয় না!”

হিরণী রাগে ফুলিতেছিল, বলিল, “যাও, তুমি ভারী চুষ্ট, তোমার সঙ্গে কথা কইবো না।” রাগে গর গর করিতে করিতে বিভ্রান্তলোকের মত সে ঘর ছাড়িয়া চলিয়া গেল।

অসীম হো হো হাসিয়া বলিল, “ওরে শোন, শোন, পাগলী—না, দাড়ায়ে না!”

উমা বলিল, “হাঁ, দাড়াচ্ছে এই যে! যে তোমার মিষ্টি মধুর বচন—ভাড়া জলে যায় একবারে!”

অসীম বলিল, “তা হোক! রাগলে ওকে আমার বড্ড ভাল লাগে। পাগলী! কথায় কথায় অভিমান!”

উমা বলিল, “হাঁ, বড্ড অভিমানী! আদর দিয়ে দিয়ে বোনটিকে যা করে তুলেছো!”

অসীম বলিল,—“আর যিনি বলছেন, তিনি বড্ড কম! আদরের জিনিষকে আদর দেবে না? তুমি দাও কেন?”

উমা বলিল, “হাঁ, আমি না কি আদর দিই! তোমার ওপরেই ওর মত মান-অভিমান! তোমায় না দেখলে থাকতে পারে না। দেখ না, দেশে গিয়ে বাপের কাছে দু’দিন থাকতে পারে না, একটা ছুতো করে কলকাতায় চলে আসে!”

অসীম হঠাৎ গম্ভীর হইয়া ধরা গলায় বলিল, “মার পেটের বোন কি রকম, জানি নি, কিন্তু হিরো—রাগিয়েই দিই আর যাই করি, ওর মত আদরের জিনিষ আর কিছু আমার থাকতে পারে বলে মনেই করতে পারি নি। পাগলী!” অসীমের চোখ ছল-ছল করিতে লাগিল।

উমা বলিল, “পাগলীই বটে! কিন্তু পাগলীই হোক

আর যাই হোক, মনটি যেন দুধের মত সাদা। 'তা, ওর একটা বিয়ের—আঠারোয় ত পড়লো এ দিকে—'

পথে যাইতে যাইতে হঠাৎ সম্মুখে উত্তরফণা কালভূজঙ্গ দেখিয়া মানুষ যেমন চমকিয়া উঠে, তেমনই চমকিয়া উঠিয়া অসীম বলিল, "বিয়ে? কার বিয়ে, হিরোর? ওর যুগি বর যাকে মনে কোরবো, তাকে ত এখনও দেখতে পাই নি আমি। যে হবে, সে এখনও কিছু দিন তপস্যা করুক!"

অসীমের কণ্ঠস্বর গাঢ় হইয়া আসিল।

উষা হাসিয়া বলিল, "অবাক! তোমার বোনটি বলেই ত আর দেব-কন্যাও নয় বা রাজ-কন্যাও নয় যে, দেশ-বিদেশের লোক ওকে পাবে বলে তপস্যায় বাসে যাবে বা পাবে এসে লুটিয়ে পড়বে? ঠাট্টা না, সত্যি ওর একটা সম্বন্ধ এখন থেকেই দেখতে আরম্ভ করে দাও। কাকাবাবু ত তোমার ওপর ওর ভার দিয়েই নিশ্চিন্তি: তা ছাড়া নিজে অগ্নি মানুষ—নড়াতে-চড়াতে পারেন না।"

অসীম বলিল, "তা ঠিক। কিন্তু সম্বর ত বয়ে যায় নি। তবে একটা কথা তোমায় জানিয়ে রাখছি, ওর মত মেয়ে কাউকে ভাল না বাসলে বিয়ে করবে না, আর আমিও ওর মন না জেনে কখনও ওর বিয়ে দেবো না।"

উষা কিছুক্ষণ নীরব থাকিবার পর ছোট একটি হাঁ দিয়া বলিল, "সে ত ভাল কথা। কিন্তু—কিন্তু—যাক গে সে কথা, আমি বলছিলুম কি, ওর যা বিষয়-আশয় আছে, তার লোভে অনেক বরই ত ভালবাসার ভাগ দেখিয়ে গকে খুঁজবে!"

অসীম বলিল, "খোঁজা এক কথা, আর পাওয়া অণু কথা। মানুষ যা খোঁজে, সব সময় তাই যদি পেতো!"

কথাটা বলিয়াই অসীম হাঁড়ির মত মুখ ভার করিয়া দীর্ঘশ্বাস ত্যাগ করিল।

উষা গম্ভীরভাবে কিছুক্ষণ নীরব থাকিবার পর বলিল, "কে না লিখেছেন, বিয়েটা একটা পরীক্ষা? মানুষ বিয়ে করে যখন, তখন লাল, নীল, গোলাপী, সবুজ কত আশা-আনন্দের রামধনুই দেখে! তার পর সব মিটে গেলেই অবসাদ—হা-হতাশ!"

অসীমের বিষয়ের সীমা রহিল না। এমন ত উষার মুখে সে কখনও শুনে নাই। আজ হঠাৎ—তখনই মনে

পড়িয়া গেল সে দিনের ষ্টুডিওতে শুভেন্দু ও উষারানীর বিশ্রান্তালাপের কথা। মানুষের মনের মধ্যে যে হিংস্র পশু অনুক্ষণ আধিপত্য-বিস্তারের চেষ্টা করে, সেই পশুটা নখ-দস্ত বাহির করিয়া গর্জিয়া উঠিল,—“হাঁ, অবসাদই আসে বটে। নারীদের কি হয় জানি না, তবে পুরুষের যে অবসাদ আসে, তার সম্বন্ধে বলতে পারি, সে অবসাদের গোড়া খুঁজতে গেলে অনেক দূর এগিয়ে যেতে হয় পেছন ফিরে—তার বর্ণনা কি তোমাদের ভাল লাগবে? মোটেই না।"

উষাও অনুযোগ করিল, "তা ত বলবেই, আমরা তোমাদের দেবতার আসনে বসিয়ে পূজা করি কি না! পূজা করি বলেই যা ইচ্ছে তাই বলতে সাহস পাও। মিথ্যা বলে না ত হিরণী! বল দিকি সত্যি করে, আমাদের একটু স্পর্শ পেলে তোমাদের যত কিছু পশুত্ব, যত কিছু অগ্নয়, যত কিছু পাপ,—দূর হয়ে যায় কি না? পুরুষ তোমরা কেবল নিজের সুখ-স্বার্থ টাই বড় করে দেখো—তোমাদের মনের সে ময়লা আমাদের ভালবাসার আগুনে পুড়ে সাদা হয়ে ওঠে না কি?"

অসীম বলিল, "তা ঠিক, আমাদের ময়লা কেটে খাটি সোণা বার করে পড়ে বটে, কিন্তু সে আগুন খুঁজে ত পাওয়া যায় না।"

উষা বলিল, "খোঁজা না, খোঁজা দরকার বলে মনে কর না, তাই পাও না। যাক, একটা কথা বলতে চাই, ভয়ে বোলবো, না নির্ভয়ে?"

অসীম বলিল, "তার মানে? এ আবার কদিন থেকে হ'ল? যদি 'আমার আটটি বন্ধুটি এসেছেন, তদিন না কি? নইলে যাত্রার কাটা না হ'লে ত নৃমন্ত রাজ-কন্যা ছেগে ওঠে নি!"

কথাটার বেশ একটু গোঁচা ছিল, উষা তাই বৃথিল কি না, সেই বলিতে পারে। সে কেবল বলিল, "তোমার আটটি বন্ধুর কথা তুমিই বলতে পারো। যাক, যে কথাটা বলতে এসেছিলুম, বলে যাই। দাদার খবর-টবর কিছু শুনেছ? এই খানিক আগে আমার জিজ্ঞাসা করছিলে না? সত্যি, কিছু শুনে বৃথি কথাটা জিজ্ঞাসা করেছিলে?"

অসীম বিদ্রূপের ভঙ্গী করিয়া বলিল, "কে? দাদা? হার ম্যাডেষ্টির ডিয়ার বাদার মিঃ ড্যাটা? ওঃ, খুব রাখি

খবর। তিনি ত ঠ্যাং ভেঙ্গে প'ড়ে রয়েছেন হাসপাতালে মধুপুরে—”

উষা কতকটা স্বস্তি অশ্রুভব করিল, বলিল, “তা গো হা—তা এত ঠাট্টায় দরকার কি? বলই না কেন, তার নাম শুনলেই তোমার হাড় জ্বালা করে!”

অসীম নিতান্ত লজ্জিত ও অপ্রতিভ হইবার ভাণ করিয়া বলিল,—“এঁা, ঠাট্টা? কার সঙ্গে? মহামহিমমন্নী শ্রীমতী শ্রীমতী উষারানী দেবীর অঞ্চলের একমাত্র নীলমণি দন—”

উষা প্রায় কাদ-কাদ হইয়া বলিল, “দেখ, ওরকম গোঁচা আমার গা-সওয়া হয়ে গেছে—বাড়ীতে যে এখনও কাক-চিল বসছে, সেটা আমার গুণে—আর বাড়ীও ত ছেড়ে দিয়েছ একরকম ফিল্ম ফিল্ম ক'রে—তা এর পর কি চাকরবাকরের সামনেও এই রকম চলতে থাকবে? ভেতরে আমাদের ঘাই থাকুক, বাইরের ঠাট্টাও ত বজায় রাখতে হবে। না, তাও নয়? খালি অশাস্তি, খালি অশাস্তি।—না তুমি, চলেই যাচ্ছি আমি, কথার দরকার নেই।”

উষা দ্রুতপদে কক্ষ ত্যাগ করিতেছিল, অসীম বাধা দিয়া বলিল, “শোন। কথাটা যখন পাড়লে, তখন জবাবটাও শুনতে হবে তোমায়। বাড়ী? বাঙ্গালীর যে বাড়ীর চেয়ে কিছু নেই—সে বাড়ী যদি আমার বাড়ী থাকতো—যাক, বাইরের মাটের কথা কি বলছিলে না? সেই বাইরের মাট থেকে চূর্ণ খসেছে কি একটুও?”

উষা বলিল, “খসে নি? তোমার বন্ধু তোমার মনের মান্বন ত'তে পারেন, তা ব'লে তাঁর কাছে আমাদের দরের কথা—”

অসীম বলিল, “আমি বলেছি ঘরের কথা? বন্ধু যদি উপযাচক হয়ে ঘরের লোকের জন্তে সুপারিশ করতে আসে, তা হ'লে তাকে 'ছ'কথা শুনতে হয় বৈ কি?”

উষা বলিল, “ঘরের লোকের জন্তে সুপারিশ?”

অসীম বলিল, “ঘরের লোকের সহোদর ভাইও যে, ঘরের লোকও সে ত! যাক, কি বলবে বলছিলে বল, এসব ইত্যরের মত কথা-কাটাকাটি যত না হয়, ততই ভাল। বল, কি করতে হবে?”

উষা বলিল, “না, ব'লে কাষ নাই তা। তবে একটা কথা বলতে চাই, সেটায় তোমার ছকুম না নিলে হবে না বলেই বলছি। হাসপাতাল থেকে বেরিয়ে অবধি

দাদার শরীরটে ভাল নয়। আমি দিন কতক তাকে এখানে এনে রাখতে চাই। তোমার এতে কোন আপত্তি আছে কি?”

অসীম গম্ভীরভাবে বলিল, “যখন ছকুমের কথা আনলে, তখন আমাকেও ছকুমদারের মত বলতে হচ্ছে যে, আমার এ কথা জিজ্ঞাসা করবার মানে বুঝছি নে। দাদার ক্রমে পবামর্শ হ'ল অণু বায়ুগায়, তার সম্বন্ধে ব্যবস্থা করবার ভারও পোড়লে: সেইখানে, এখন দাদাকে এখানে আনা না আনার কথায় আমি কি বলবো? ইচ্ছে হয় স্বচ্ছন্দে নিলে এস।”

উষা বলিল, “ওটা ত হ'ল রাগের কথা, স্বচ্ছন্দের কথা নয় ত?”

অসীম ক্ষণকাল নীরব ও গম্ভীর হইয়া রহিল, পরে দীরে দীরে বলিল, “একটা কথা বলবো? ভয়ে বলবো না নির্ভয়ে?”

উষা শ্বেনের সুরে বলিল, “সেমন অভিক্রটি! বাড়ীর মালিক তুমি!”

অসীম কথাটা শুনিয়াও শুনিল না, বলিল, “কথাটা খোলসা ক'রে বলাই ভাল মনে করছি, নইলে ছ'জনের কেউই আমরা ঠিক ছ'জনকে বুঝতে পারবো না,—বিশেষ ক'রে ছ'জনের মনো যখন কেবলই পাটীল খাড়া হয়ে উঠছে। নয় কি?”

উষা গম্ভীর-কণ্ঠে বলিল, “শুনছি, বল।”

অসীম বলিল, “তুমি ছাড়া তোমার দাদার আপনার বলবার কেউ নেই, কেমন না? আপনার বলেই বলছি, তার ভবিষ্যৎটা দেখা ত তোমার দরকার—মদিও সে তোমার চেয়ে বড়।”

উষা অবীরভাবে বলিল, “ঐ লম্বা লোকটার ছাড়া আর কিছু বলবার আছে তোমার? ও ত ঢের হয়ে গেছে। দাদার নিন্দে এক বুড়ি শুনতে আসিনি এখানে, আমার ঢের কাষ রয়েছে।”

অসীম বলিল, “আহা, সবটা শোনই আগে ছাই। এ সব যদি বই ক'রে লিখি, তা হলেই দাদার স্রবস্ততি হয়ে যাবে, বুড়ি বুড়ি গুণ!”

উষা বলিল, “কাণ আছে শুনছি—বেঁধে মারলেও যখন আমাদের অণু উপায় নেই—”



অসীম বলিল, “পিঠোপিঠি ভাইবোনকে রেখে বাৰ্প-মা গেলেন স্বর্গে। যাবার আগে বোনটির ভার নেবার লোকও ঠিক ক’রে গেলেন বটে, কিন্তু ভাইটির ভার নেবার কোন ব্যবস্থা ক’রে গেলেন না। তবে তার নিজের ভার নেবার মত কিছু সংস্থানও যে ক’রে গেলেন না, তাও নয়। কেমন, ঠিক ত?”

কোন জবাব না দিয়া উষা গম্ভীর হইয়া বসিয়া রহিল। অসীম বলিয়া যাইতে লাগিল, “ভাইটি অত ভার বহিতে না পেরে একে একে মাথা থেকে ভার নামিয়ে মোট খালাস করতে লাগলেন। দেশের কিছু ধেনো জমা জমি ছিল, সে ভার অতি অল্প দিনেই নামিয়ে ফেলে যন্ত্রির নিখাস ফেঁকে বাচলেন। তার পর পৈতৃক ভদ্রাসন, বাগান, পুকুর বিক্রমপুর রওনা হ’ল। বিরক্ত হচ্ছো না বোধ হয়?”

ক্রোধে উষার বাকস্ফুটি হইল না। এবারও সে নীরব রহিল।

বিষয়বাদের অস্বোপচারে চিকিৎসক যেমন রোগীর কোনও আপত্তি গ্রাহ্য না করিয়া কর্তব্য পালন করিয়া যান, অসীমও তেমনি দৃঢ়কণ্ঠে বলিয়া যাইতে লাগিল, —“শেষ আশ্রয়,— দিগম্বর সন্ন্যাসীর মত বৃক্ষতল আর উন্মুক্ত আকাশতল— না, না, স্নেহময়ী কনিষ্ঠা ভগিনীর অনুরক্ত অঞ্চল। আর—”

রুদ্ধ ক্রোধে ও অভিমানে উস্কসিতকণ্ঠে উষা বলিল, “ত, ব’লে যাও, দয়া ক’রে একশো টাকা মাসহারা যোগাচ্ছ তাকে, ছয় মাস অম্লারের বাড়ী অ্যাপ্রিটিস রাখিয়ে দিয়ে তাকে ঘটা ক’রে বিলেত পাঠিয়েছিলে ইঞ্জিনিয়ারী শিখতে, রোগের ছুতো ক’রে পালিয়ে এলো সেখান থেকে—”

অসীম বাধা দিয়া বলিল, “সব ব’লে যাচ্ছ ঠিক, তবে একটা যাযগার সুরটা বেখাপ্পা লাগলো। দয়ার কথা ত এর ভেতর কিছু নেই, সব কর্তব্য। কিন্তু তুমি যেমন এর প্রতি তোমার কর্তব্য পালন করছ, ও কি তেমনি ক’রে তোমার প্রতি ওর কর্তব্য পালন করছে ঠিকমত? সাধলুম ফিল্মের কাষে ঢুকতে—চেহারাখানা আছে ভাল, তা ওটা হ’ল উচ্চ কাম! মাটিক পর্যন্ত বিদ্যে, তবে কি হাইকোর্টের জজ?”

ধৈর্যচ্যুত হইয়া উষা বলিল, “তুমি ত খুলেই বলছ ওকে তাড়িয়ে দিতে। আচ্ছা, তাই হবে।”

উষা আবার চলিয়া যাইতেছিল, অসীম বাধা দিয়া বলিল, “দেখ, উটেটা বুঝো না। ওর ভাল-মন্দও দেখবে না? সে পথে চললে ক্রমে আরও নীচে নামতে হবে, সে পথ থেকে ওকে ফিরিয়ে আনবার চেষ্টা করা ভাল না?”

উষা বলিল, “কি করতে চাও বল।”

অসীম বলিল, “মধুপুরে কি করেছে, শুনেছো বোধ হয় পরিতোষ বাবুদের কাছ থেকে। যার মনটা এখনও এমন ময়লায় পোরা, তাকে ঘরে চাবী দিয়ে রাখাই উচিত না? এর পর কোন দিন যে পুলিশ-কেসে পড়বে না, তাই বা কে বলতে পারে? তাই বলছিলুম কি, ওকে বুঝিয়ে সুঝিয়ে ট্রেডিঙে কাষে লেগে যেতে বল। কথা হচ্ছে, ওকে কোন রকমে আটকে ফেলা, তা হ’লে না ডাকলেও পরের ঘরে গিয়ে থাকতে পারবেও না, যেখানে সেখানে কেলেঙ্কারী ক’রে বেড়াতেও পারবে না। কি বল?”

ভিতরের সমস্ত কথাই তাহা হইলে প্রকাশ হইয়া পড়িয়াছে! অশনি পড়িবে পড়িবে করা হইতে অশনি পড়িয়া গেলে অনেকটা শান্তি পাওয়া যায়। উষার যেটুকু লুকাইবার ছিল, তাহা যখন প্রকাশ হইয়া পড়িল, তখন আর আতঙ্ক কি, সঙ্কোচই বা কি? তাই দৃঢ়কণ্ঠে উষা বলিল, “অর্থাৎ তুমি যে মাসহারা দিচ্ছ, তার একটা রিটাণ চাইছ, না?”

অসীম এইবার সত্যই রুদ্ধ হইল, উচ্চৈঃস্বরে বলিল, “এই জগুই ও-সব কথায় থাকতে চাইনে। বা ভাল বোঝো কর, আমি ওতে নেই।” অসুস্থ শরীরেও অসীম গো-ভরে বাহিরে চলিয়া গেল, উষা বাধা দিলেও শুনিল না। সে চলিয়া গেলে উষা ক্ষুণ্ণমনে ভাবিতে লাগিল, কামটা কি ভাল হইল? দূর হউক, যাতা হইবার হইবে, ভাল লাগে না ভাবতে কিছু।

ভারাক্রান্ত মনে আপনার ঘরে ফিরিয়া আসিয়া উষা দেখিল, তাহার দাদা প্রকল্পমুখে স্বচ্ছন্দচিত্তে সোফার উপর অর্ধশায়িত থাকিয়া পা দোলাইতেছে, আর মাঝে মাঝে একরাশ সিগারের ধোয়া ছাড়িয়া কফটিকে অঙ্ককার করিয়া দিতেছে। অযাচিত অতিক্রম আগমন—বিশেষতঃ মুহূর্ত্ত পূর্বে ইহারই বিষয় লইয়া স্বামি-স্ত্রীর মধ্যে মনোমালিগোর উদ্ভব—উষার সারা অঙ্গ দারুণ ক্রোধে জলিয়া উঠিল।

[ক্রমশঃ

শ্রীসত্যেন্দ্রকুমার বসু ( সাহিত্যরত্ন ) ।



## শ্যাম-সুন্দরী

শ্যাম-রাজ্যকে বিদ্যাতা ৩'ভাগে বিভক্ত করিয়া রাখিয়াছেন ।  
উত্তরাংশে ব্যাপিয়া দীর্ঘ গিরিশ্রেণী চলিয়াছে ; দক্ষিণা-  
ংশে ভূমি প্রায়-সমতল ; গিরি-পশ্চত বা আছে, তাহা

কম্বোজ, আনাম প্রভৃতি প্রদেশগুলি ভূগোলে ইন্দো-চীন  
অস্থরীপ নামে অভিহিত ।

শ্যাম, কম্বোজ প্রভৃতি ইন্দো-চীন প্রদেশ-সমূহে নারীর



শ্যামের সম্রাজ্ঞী মহিলা



শ্যাম-কামিনী

নগণ্য । দক্ষিণে আছে প্রচুর উপত্যকা—শ্যামল সিন্ধু ;  
বাগ্ম-ধ্বনে সমৃদ্ধিশালিনী । উত্তরের গিরিশ্রেণী আবার গিয়া  
মাথা তুলিয়াছে সেই পূর্ব-কম্বোজে এবং আনামে ।

আসন, আচার-রীতি প্রভৃতিতে কথঞ্চিৎ সৌসাদৃশ্য আছে ।  
এ-সব প্রদেশে ভারতীয় সভ্যতা ও কৃষ্টি এক দিন সমধিক  
প্রভাব বিস্তার করিয়াছিল,—তার পর ভারতের স্মৃতি

অপগত হওয়ার সঙ্গে সঙ্গে ভারতীয় কালচারের সংস্পর্শ তারা ইয়া প্রদেশ স্বভাবে গড়িয়া উঠিয়াছে। এইটুকু বর্ণিত রাখিলে এ সব প্রদেশের আচার, দৃশ্য, নীতির কথা সহজে বুঝা উঠবে।

করাশী-অধিকৃত ইন্দো-চীন এবং ব্রিটিশ-অধিকৃত বঙ্গদেশের মাঝে শ্যামরাজ্য অধিষ্ঠিত। অর্থাৎ শ্যামের পূর্বে ও উত্তর-পূর্বে করাশী ইন্দো-চীন; পশ্চিমে ও উত্তর-পশ্চিমে একদেশ; দক্ষিণে শ্যাম-সাগর, চীন উপসাগরের একাংশ; দক্ষিণে শ্যামের গা বেংমিয়া আছে মলয়-সীমান্ত।

শ্যামে নদী নালাব সংখ্যা নাই। যুরোপীয়রা শ্যামকে ভেনিসের সঙ্গে তুলনা করিয়াছেন। পথ-ঘাট শ্যামে নাই বলিলে

অত্যাক্তি হয় না। প্রধান নদী ইয়া—এবং এই নদী বহু শাখা-প্রশাখা বহুশিখার মত শ্যাম প্রদেশের বুক চিরিঃ দিকে দিকে বিচ্ছুরিত হইয়াছে।

শ্যামবাসীরা শ্যামকে বলে 'মুয়াং থাই' প্রদেশ। 'মুয়াং থাই' কথাটা মলয়জ; ইহার অর্থ,—স্বাধীনতা। দশ। শ্যামে শ্রেষ্ঠ হস্তী আছে প্রচুর : একটা যুরোপীয়



বাহকের যাত্

শ্যামের নাম দিয়াছেন Land of the White Elephant। শ্যামরাজ্যে পদার্পণ করিবামাত্র বিদেশীর নয়ন-মন সর্বোৎসাহে নিপতিত হয় বৌদ্ধ-মন্দির-পথযাত্রিনী পূজারিণী শ্যাম-রমণীদের দিকে। প্রাতে শ্যামা রমণীরা চা, চাউল, সিদ্ধ-বেণু-শাখা লইয়া মন্দিরে চলিয়াছেন—তাদের পিছনে চলিয়াছে অপর পূজারিণীর দল।



শ্যামের পরিচারিকা

কিছুকাল পূর্বে পর্যাপ্ত শ্যামরাজো নারী ছিল সংসারে তৈজস-পরের সামিল। গৃহে কণ্ঠ্যর জন্ম হইলে আনন্দ উৎসবের কোনো সাড়া উঠিত না। বিবাহে কণ্ঠ্য-বিক্রয়ের প্রথা বিদ্যমান ছিল।

এখন শ্যামের নারী-সমাজ ব্রহ্ম-বাসিনীর মত ব্যক্তিবল্লাভে সমর্থ হইয়াছে; স্বাধীনতা-স্বথ ভোগ করিতেছে। বেশীর ভাগ সংসারে নারী গাভিকা অর্জন করে। বেশে-ভূষায় শ্যামার বড় বেশী বিলাস নাই, আড়ম্বর নাই। গায়ের বণ পীতাল, মাথার কেশ নীলাভ-কালো, ছোট করিয়া ছাঁটা,—দাঁতগুলি প্রসাধনে তারা কালো করিয়া রাখে, যেন উচ্চের বীজের মত—তথাপি স্নিগ্ধ মাধুর্য্য ও লাবণ্যে চিত্ত-হারিকার মূর্তি!

বেশে-ভূষায় সারল্য থাকিলেও যে সব শ্যামা-রমণীর বিষয়-বুদ্ধি আছে, তারা চায় ধনী চীনাঁকে বিবাহ করিতে। অলঙ্কারের দিকে যাদের লোভ, চীনাঁ ছাড়া স্বজাতিকে বিবাহ করিতে তাদের প্ররতি বড় একটা দেখা যায় না। শ্যামা-রমণীর বেশে কোনো মাধুর্য্য বা বৈচিত্র্য নাই—নগ্ন-বিলাসে তাহাদের দারুণ অকুচি। সাদা-সিঁধা বেশে-ভূষায় যে কুচি দেখা যায়, তাহা মনোরম।

ব্যাঙ্কক-বাসিনী শ্যামা রমণীর বেশ-ভূষা পুরুষের সমতুল্য। আমাদের দেশে পল্লী-বালকের দল ছুটাছুটি-ভড়াভড়ি করিবার সময় যেমন মালকোঁচা দিয়া কাপড় পরে, শ্যামা-রমণীরা সাধারণতঃ কাপড় পরেন ঠিক সেইভাবে। তার উপর মোটা চাদর থাকে বক্ষোবাস; সে বাসে নিম্নলক্ষ্যে আবৃত রাখেন। এই বক্ষোবাস প্রায়ই উজ্জ্বল রঙীন কাপড়ে তৈয়ারী হয়। এ বেশে রূপ কান্তি খুলিত চমৎকার—যদি না তাঁরা পুরুষের মত এমন ছোট ছাঁদে চুল ছাঁটিতেন! শ্যামা-রমণীর মাথাব চুল পনি দরিদ্র-নিবিশেষে—এত



শ্যাম-পরিবার



ছোট করিয়া ছাঁটেন যে মাথায় চিকুণী-রাশ চালাইলেও কেশাগ খাড়া থাকে—শুকর-কুচির মত। তাহাতে রমণীর সর্দ-রমণীয়তা একেবারে বিনষ্ট হয়।

মাতৃ-স্নেহ-ভব সময় গ্রামা-রমণীদের যেন অগ্নি-পরীক্ষা চলে। প্রসবের ঠিক এক মাস পূর্বে হইতে অম্বুবন্তী কামিনীকে প্রস্তুত অগ্নিকুণ্ড সামনে অপ্রতির বসিয়া থাকিতে হয়। কখনো অগ্নির দিকে নুখ ফিরাইয়া—কখনো বা পিছনে অগ্নি রাখিয়া বসিয়া থাকেন। সে ঘরে অগ্নিকুণ্ড জ্বলা হয়, সে ঘরে একটিমাত্র ছিদ্র-পথ থাকে মৃত—এই বৃষবাষ্প ও অগ্নির মতো একমাস থাকিতে সে যাতনা হয়, তা অকথা! তবু এ রীতি চলিয়া আসিতেছে চিরবৃগ বরিয়া—কাজেই মেয়ে-জাঙ্কতব তাহা সহিয়া গিয়াছে।

সন্তান ভূমিষ্ঠ হইলে গৃহের বসায়সী কোনো রমণী চাউলের তিনটি লাড্ড, পাকাইয়া তিন দিকে নিক্ষেপ করেন। নিক্ষেপের কারণ ভূত-প্রেত সরিয়া যাইবে—সন্ধ্যোজাত শিশুর উপর তারা নজর দিবে না! পরে এই লাড্ডগুলি কুড়াইয়া গৃহের বা পল্লীর কুকুর-বিড়ালকে খাইতে দেওয়া হয়।

সন্তান ভূমিষ্ঠ হইলে আচার্য্যের ডাক পড়ে। তিনি গণিয়া বলিয়া দিবেন, শুভ, না, অশুভ দিনে জন্ম হইল। ছেলের ও মেয়ের শুভাশুভ ভিন্ন দিনে নির্ধারিত আছে। সে দিন কল্যায় জন্মের পক্ষে শুভ, সে দিনে যদি কোনো পুত্র-সন্তানের জন্ম হয়, তাহা হইলে সে শিশুর ভবিষ্যতে মঙ্গল নাই—তিসাব করিয়া বহুকাল হইতে তাহা একেবারে নির্ধারিত হইয়া গিয়াছে। কিন্তু জন্মদিনকে তো কোনো রকমে বদলানো চলে না; বা তাহাতে কাহারো হাত নাই; কাজেই এমন বেয়াড়া দিনে পুত্র-সন্তান জন্মিলে ভাগ্য-বিধাতার চোখে ধুলি দিয়া সে ছেলেকে ছর্ভাগ্য হইতে রক্ষা করিবার উপায়ও নির্ণীত আছে! অর্থাৎ ছেলের নাম দেওয়া হয় মেয়েলি ছাঁদে। এক্ষেত্রে ছেলের নাম হয়,—‘বেচারী গুণী-খোকা’ (little she-male child); মেয়ের বেলায় নাম হয় তেমনি ‘খোকা-গুণী’ (little she-boy বা little he-girl) এই নাম-করণের উপর ছেলেমেয়ের জীবন-মরণ নির্ভব করিতেছে—ইহাই গ্রামবাসীদের বিশ্বাস। এমন বিসদৃশ দিনে জন্মিয়া অনেক রাজাকে মৌবন-কাল পর্যান্ত নারীর

বেশে থাকিতে হইয়াছে—ছর্ভাগ্যের নজর এড়াইবার জন্য—এমন কথা গ্রামরাজ্যের ইতিহাসে আমরা পাই।

পাঁচ বৎসর বয়স পর্যান্ত গ্রামরাজ্যে মেয়েদের অঙ্গে বসন বা আবরণ চাপাইবার রীতি নাই। “সৌন্দর্য্যে নগ্ন বসনই”—এ বয়সের আবরণ! ছয় বৎসর বয়স হইলে



গ্রাম-কুমারী—কেশ-পাণ ছিন্ন হয় নাই!

মেয়েদের শাড়া দেওয়া হয় কোমরে জড়াইবার জন্য। সহরে বা নগরে যে সব মেয়ের বাস, তারা শাড়া ও বক্ষোবাস পরে ছয় বৎসর বয়স হইতে। বারো বৎসর বয়সের পূর্বে মেয়েদের লেখাপড়া শিখাইবার রীতি নাই। তা না থাকিলেও তাদের গান শেখানো হয় এবং এগারো-দ্বারো বৎসর বয়সের মেয়েরা গৃহের বাহিরে প্রেমের গান গাতিয়া

বেড়ায়, তাহাতে নিষেধ নাই, শাসন নাই। মেয়েদের কাজ শেখানো হয়। শ্যামে রেশম-কীট প্রচুর—সেই কীট-পালন ও গুটি হইতে রেশম বাহির করা, রেশমী সূত্য কাপড় বানা—এ সব কাজে ছোট বেলা হইতে মেয়েরা বেশ পটু হইয়া ওঠে।

মেয়েদের জীবনে প্রথম ও প্রধান উৎসব—এগারো হইতে তেরো বৎসর বয়সের মধ্যে তাদের মাথার শিখা-



বনেদী ঘরের মেয়ে

কর্জন! তেরো বৎসর বয়সের পরে মেয়েদের মাথায় দীর্ঘ কেশ রাখিবার বিধি নাই। ধনি-দরিদ্র-নিবিশেষে এই শিখা-কর্জন-ব্যাপারে সমারোহ-উৎসব চলে। কণ্ঠাকে সোনালি শাড়ী পরাইয়া, নানা ভূষণে ভূষিত করিয়া মিছিলসহ রাজ-প্রাসাদে আনা হয়। রাজা স্বয়ং এ উৎসবে পৌরোহিত্য করেন। রাজধানীর বাহিরে


এ উৎসবে পৌরোহিত্য করেন রাজার কোনো উচ্চপদস্থ কর্মচারী, তাহার প্রতিনিধি-রূপে। অতি-দরিদ্র ঘরের মা-বাপও কণ্ঠার এই সৌভাগ্য-দিনটির প্রতীকা করে আকুল—উল্লাস-কম্পিত অন্তরে।

নারীর জীবনে দ্বিতীয় উৎসব—চম্পা-উৎসব। এ-উৎসবে বিবাহার্থিনী কণ্ঠা বরের পাণি প্রার্থনা করে। বিবাহের কণা ষটকের মারফৎ আগে হইতে চলিয়া পাকা থাকে; তার পর বর, সেই সঙ্গে বর ও কণ্ঠা-পক্ষের বহু তরুণ যুবাকে কণ্ঠার গৃহে নিমন্ত্রণ করিয়া আনা হয়। কণ্ঠা তাহাদের



পদস্থ কর্মচারী ও তাহার পত্নী

সঙ্গে 'হোলি' খেলায় প্রবৃত্ত হয়। গৃহে ভোজের সমারোহ-আয়োজন—মহিষ ও শূকর বলি হয় অজস্র; এবং হোলি খেলার পর কণ্ঠা আসিয়া নির্ঝাঁচিত বরের সামনে দাঁড়ায়। কণ্ঠার হাতে থাকে তাম্বুল, চালের গুঁড়ি, সুপারি, খদির, সিদ্ধ মাছ, রেশমী কাপড়, সূতির কাপড় প্রভৃতি। বর সেগুলি লইয়া কণ্ঠার হাতে মূল্য দান করে—রূপার বাট। আর্থিক অবস্থানুযায়ী রূপার দান বেশ বাড়িয়া ওঠে—ভারী হইয়া। মূল্য-দানের পর বর ও কণ্ঠা পাশা-পাশি



ঢাঁকিতে চাল ছাঁটা

বসে—তাদের সামনে পিতলের পাত্রে দুটি ডিম, একটি মুগা, ও সুরা সংরক্ষিত হয়। ছ'জনের হাতে পল্লী-মাদুকর সেগুলি তুলিয়া দেয়; তার পর বরের সঙ্গে কণ্ঠার পিতা-মাতা ও স্বাস্থ্যায়গণের পরিচয় করাইয়া দেওয়া হয়। পরিচয়-সাপনান্তে বধূকে লইয়া বর নিজ-গৃহে আসে। বরের গৃহে এ সময় বিশেষ সোপানশ্রেণী রচিত থাকে। বর ও কণ্ঠাকে একসঙ্গে সমতালে পা ফেলিয়া এই সোপানে উঠা-নামা করিতে হয়। তিন দিন পরে বর আবার আসে বধুর সহিত বধুর গৃহে। এ গৃহ হইতে বধুর এবার চির-বিদায় লইবার পালা। বধু বিদায় লইয়া চলিয়া যায় স্বামীর গৃহে নূতন সংসার পাতিয়া সেখানে বাস করিতে।

প্রাচীন রীতি-অনুসারে বিবাহের আর একটি বিধি আছে—কণ্ঠা-হরণ। এ বিধিতে বেশ একটু বৈচিত্র্য আছে।

রাত্রে বাড়ীর সকলে শয়ন করিলে কণ্ঠা ভাঁড়ার-ঘরে চালের ধামায় বা পাত্রে একটি রৌপ্য-মুদ্রা রাখে। মুদ্রা রাখার অর্থ, পালন-ব্যয় ধরিয়া দেওয়া হয়। মুদ্রাটি রাখিয়া নিঃশব্দে সে গৃহের বাহিরে চলিয়া আসে;



মদির-নর্দকী

দ্বারে তাঁর প্রতীক্ষায় বর থাকে দাঁড়াইয়া। কণ্ঠা আসিলে তার হাত ধরিয়া বর তাকে একেবারে নিজের গৃহে লইয়া আসে। পিতৃ-গৃহের বাহিরে কণ্ঠা বরের হাত ধরিবামাত্র তাহাদের বিবাহ হইয়া যায়। কণ্ঠার পিতৃ-মাতা, ভ্রাতা বা অপর কোনো আত্মীয়-বন্ধু যদি সে সময়ে কণ্ঠাকে বরের হাত হইতে ছিনাইয়া আবার তাকে

কণ্ঠার মূল্য-বাবদ বর সত অর্থ দেয়, কণ্ঠাকে তার দ্বিগুণ অর্থ প্রত্যর্পণ করিতে হয়।

ব্যভিচারিণী বা কুলগার শাস্তি পূর্বে ছিল,—উপপতি সত নারীকে কণাঘাতে জর্জরিত করা। এখন উভয়ে স্বামীকে খেশারং দিলেই পরিব্রাণ পায়। খেশারতের পরিমাণ নির্দ্ধারিত আছে—উপপতি দেয় বারো খানি রূপার বাট ;

কুলটা পত্নীকে দিতে হয় ছয় খানি।

ধনি-সমাজে বহু-বিবাহ-প্রথা আজিও বিদ্যমান আছে। তবে মজা এই, যত বড় ধনী লোক, বৃদ্ধ-নির্দ্ধাচনে পুরুষের কোন অধিকার নাই—বৃদ্ধ বাছিয়া দেয় বরের আত্মীয়ের।

মাতৃ-বিয়োগে কুকুর, চিংড়ী মাছ ও ভেকের মাংস ভোজনে নিষেধ আছে। ছেলেমেয়ে মরিলে মা-বাপের অশৌচ হয় না। পিতৃ-বিয়োগে ছেলে-মেয়েকে অশৌচ পালন করিতে হয় পনেরো মাস ; মাতৃ-বিয়োগে অশৌচ থাকে তিন বৎসর। মাস দশ মাস দশ দিন বহু কষ্টে সম্মানকে জ্ঞারে ধারণ করেন, তার উপর প্রসবের বেদনা সহেন,



দেবদাসী-নৃত্য

ফিরাইয়া গৃহে আনিতে পারে, অবশু হর্ষ্যোদয়ের পূর্বে—তাহা হইলে এ গাঙ্ক-বিবাহ সেই মুহূর্তে নাকচ হইয়া যায় ! নচেৎ এ বিবাহের বান্ধন অটুট থাকে।

.. শ্রামের বিবাহে ডিভোর্শ আছে। স্বামীর তরফ হইতে ডিভোর্শ ঘটিলে স্বগুর-দত্ত উপহার-ষোড়শাদি স্বামীকে ফিরাইয়া দিতে হয় ; কণ্ঠার তরফ হইতে ডিভোর্শ ঘটিলে

তাই শ্রামরাজ্যে বাপের চেয়ে মা গোরবে গরীয়সী। বাচিয়া থাকিতে মায়ের সম্মান তেমন না মিলিলেও মৃত্যুর পরে তাঁর প্রতি ছেলেমেয়েদের সম্মানের আর সীমা থাকে না।

মৃত্যু ঘটিলে মৃত দেহ শবাধারে রক্ষা করা হয়। শবাধারের পাশে নিকট-আত্মীয়দের বসিয়া প্রহরা দিতে হয়—



তার পর আসেন পুরোহিত। বিবিধ মন্তোচ্চারণ পূর্বক মৃতের আত্মাকে স্বর্গে পাঠাইবার তিনি ব্যবস্থা করেন।

মন্তোচ্চারণ-পূর্বক চুকিলে শবকে গৃহ তইতে বহিয়া কোনো মুক্ত প্রান্তরে বা নদীর তীরে আনা হয়। সেখানে স্মৃগন্ধি কাষ্ঠ-ভারে—চন্দন ও ঈগল কাষ্ঠের ব্যবহারই সমধিক প্রচলিত—চিতা সজ্জিত হয় : চিতার পার্শ্বে মৃতের আত্মীয়-বন্ধু আসিয়া সমবেত হয় ; অস্থাবর সম্পত্তির কিয়দংশ, মায় গৃহপালিত গো-মেঘ-মহিষ-কুকুর-বিড়ালটিকে পর্যাস্ত চিতার সামনে আনিতে হয় : অর্থাৎ মৃতের প্রতি যতখানি শ্রদ্ধা-সম্মান দেখানো সম্ভব, তাহাতে কোনো দিক-দিয়া ক্রটি বা ব্যতিক্রম ঘটতে দেওয়া হয় না।

আমাদের দেশের মত মৃতদেহ অগ্নিতে নিঃশেষে ভস্মীভূত করার বিধি শ্রাম-রাজ্যে প্রচলিত নাই : দগ্ধ দেহাবশেষ শবাধারে বহিয়া মন্দিরে আনিয়া মন্দির-সংলগ্ন ভূমিতে তাহা সমাহিত করিতে হয়। অবস্থা-বৈশিষ্ট্যে যারা মৃতদেহ সমাহিত করিতে পারে না, তারা সে মৃতদেহ লইয়া কোনো বিজন প্রান্তরে ফেলিয়া দিয়া আসে ; সে-দেহ শূণাল বা শকুনি-গৃধিনীর ভক্ষ্য হয়।

দেশে মড়ক লাগিলে এত সমারোহে অর্ন্তম-কৃত্য চলে না। মাটী খুঁড়িয়া কোনো মতে দেহ চাপা দিয়া শেষকৃত্য সারিয়া লয়। কারাগৃহ-বাসী অপরাধী, শিশু, নিঃসন্তান রমণী, আত্মঘাতীর দল, কিম্বা অপবাতে যাহাদের মৃত্যু ঘটে, তাহাদিগের মৃত্যুতে সম্মান-শ্রদ্ধা প্রকাশের বিধি নাই। নিরুপায় দীন-দরিদ্র ভিখারী, বা কারাগৃহের বন্দীদের মৃত-দেহ ব্যাঙ্কের এক মন্দির-সংলগ্ন ভূমিতে ফেলিয়া দেওয়া হয়, সেখানে শকুনি-গৃধিনীর বিরাট অক্ষৌহিনী ওং পাতিয়া বসিয়া আছে, সারাক্ষণ—সে সব দেহ ভোজনের বাসনার লোলুপ চিন্তে।

শ্রাম-রাজ্যে দেবদাসী-প্রথা এখনো প্রচলিত আছে। দেবদাসীর বিবাহ হয় দেবতার সঙ্গে ; মন্দিরে তাদের বাস। নৃত্য-গীতে দেবতার তৃপ্তি-সাদন তাহাদের ব্রত। এ জন্ম কাঠিন তৃষ্ণার তপস্রার ভাবে তাহারা নৃত্য-লীলা শিক্ষা করে। শিশু-বয়সেই তাহাদের দেব-দ্বারে সমর্পণ করা হয় ; পরে তাহাদের দেহ-মনের উপর যাকিছু অধিকার, তাহা গিয়া বর্তমান রাজা বা রাজ-বংশীয় পুরুষের হাতে। যৌবনোদয়ে রাজ-গণিকা হইয়া তাহারা প্রাসাদ-অন্তঃপুরে স্থান পায়।

## “নববর্ষ”

নব প্রভাতের শূন্য আলোক-ধারা  
পূরশি তাহার প্রাণময়ী হলো ধরা ;  
জাগিয়া উঠিল রূপ রস আর গানে,  
সে ভারতা আজ রহুক সবার প্রাণে।  
তরুণ অরুণ প্রথম ছড়াল বাণী—  
‘আকাশ, বাতাস করে শুধু কানাকানি  
আনন্দ আজ মূঢ়ল সুরভি বায়ে  
জাগে আনন্দ মেঘের অলক ছায়ে।  
প্রথম প্রভাতে জাগিল জীবন-ধারা  
চূর্ণ করিয়া শত বন্ধন কারা ;  
ভেদি কত শত অবসাদ আর প্লানি  
সৌবন রসে আনন্দ লয় টানি।

দিকে দিকে আজ জয় আনন্দ গান—  
‘হৃদি-কারাতলে হঠাৎ জাগিল প্রাণ !  
জীবনানন্দে মনের মানুষ জাগে  
নব প্রভাতের পুণ্য প্রসাদ মাগে।  
‘আপনার মাঝে যে আনন্দ আজ নাচে,  
বাহিরের পথ মোর কাছে শুধু যাচে ;  
সে জয়গান আজ প্রীতি শুভেচ্ছা দানে  
পাঠাইয়া দিহু তোমাদের মাঝখানে।  
‘মায়া-কজ্জল যে মোর দিয়েছে চোখে,  
রূপময়ী সে যে আমার কল্পলোকে ;  
হে মোর মানসী অতুল কণ্ঠে তব  
দোলাইয়া দিহু প্রেমমালা অভিনব !

শ্রীবিমল বসু।



## সর্বের মধ্যে ভূত !

( সত্য ঘটনা )

আমাদের দেশে আফি, গাঁজা, চরস প্রভৃতি যে সকল পণ্য-দ্রব্য আবগারী আইন অনুসারে বিনা-লাইসেন্সে বিক্রয় নিষিদ্ধ, তাহা প্রচুর পরিমাণে নানা কৌশলে স্থানান্তর হইতে আমদানী হইয়া থাকে। রেল, স্ট্রীমারে, মোটর-কারে ঐ সকল দ্রব্য আমদানী হইলেও সন্ধানী গোয়েন্দার চেষ্টায় তাহা ধরা পড়িয়া যায়, সংবাদপত্রে নিত্য তাহার বিবরণ প্রকাশিত হইতে দেখি। অপরাধীরা শাস্তিও যথেষ্ট পায়; কিন্তু গোপন আমদানীর বিরাম নাই। রাজসাতীর নওগাঁ মহকুমার এলাকায় গাঁজার চাষ প্রচুর। সেই স্থান হইতে ঢাকে ঢোলে গাঁজা ভরিয়া লইয়া স্থানান্তরে চালান দেওয়া হয়, কিন্তু গোয়েন্দারা তাহাও ধরিয়া ফেলে। একবার উত্তরপশ্চিম প্রদেশ হইতে এক জন বাত্মী কুমড়ার ভিতর আফি পুরিয়া, ঝোড়া-বোঝাই কুমড়ো লইয়া ট্রেনে যাইতেছিল; কিন্তু আবগারী বিভাগের কর্মচারীরা তাহাও ধরিয়া ফেলিয়াছিল। এ সকল ত এ দেশের কথা, দেশান্তর হইতে জাহাজের সাহায্যে যেসকল অদ্ভুত কৌশলে রাশি রাশি অফিকেন অল্প রাজ্যে চালান দেওয়া হয়, সেই কৌশলের তুলনায় এ দেশের অবলম্বিত এ সকল কৌশল যেন ছেলেখেলা! সাপ্তাহিক লণ্ডনের কোন বিখ্যাত মাসিকে জাহাজের সাহায্যে দেশান্তরে অফিকেন চালান দেওয়ার একটি কৌশলের বিবরণ প্রকাশিত হইয়াছে। বর্ণনাকারী লেখকের সহকর্মী, স্বয়ং ভুক্তভোগী; লেখক তাঁহার রচিত প্রবন্ধে অপরাধী ও তাহার সহযোগীকে ছদ্মনামে পরিচিত করিয়াছেন বটে, কিন্তু ঘটনাটি যে সম্পূর্ণ সত্য, তাঁহার বর্ণিত বিবরণের কোনও অংশে অত্যাঙ্কি নাই, ইহা তিনি দৃঢ়তার সহিত বলিয়াছেন। 'মাসিক বসুমতী'র পাঠক-পাঠিকাগণের মনোরঞ্জনের জন্ত লেখকের উক্ত সহযোগীর ব্যক্তিগত অভিজ্ঞতাও বিবরণ নিয়ে অনূদিত হইল। সত্য ঘটনার এই বিবরণ কোন কাল্পনিক গোয়েন্দাকাহিনী অপেক্ষা অল্প কৌতুকাবহ নহে, এবং সত্য হইলেও অল্প বিশ্বয়াবহ নহে।

লেখক মিঃ হারী ওয়েন লিখিতেছেন—তাঁহার সহযোগী এবং তাঁহাদের জাহাজের প্রধান কর্মচারী ঘটনাটির বিবরণ এই ভাবে বর্ণিত করিয়াছেন,—

"যে সময়ের ঘটনার কথা বলিতেছি, সে সময় আমার বয়স ছিল নিতান্ত অল্প। তখন আমি সবে মাত্র চাকরী পাউলেও জাহাজের প্রধান কর্মচারীর পদে 'একটিনী' করিবার ভার পাইয়াছিলাম। যে জাহাজে আমার এই চাকরী, সেই জাহাজ তখন কাউন্সিলের বন্দরে নঙ্গর করিয়া, প্রাচ্য দেশের জন্ত কয়লার বোঝাই লইতেছিল। বয়োধম্মে অগ্গা যুবকের জায় আমারও প্রবল উচ্চাকাঙ্ক্ষা ছিল, এবং আশা করিতেছিলাম, আমিও এক দিন

নিজের জাহাজের কর্তৃত্ব করিতে পাইব। একটি সুন্দরী তরুণী নিউকাসলে আমার প্রতীক্ষা করিতেছিল। আমার আশা ছিল, উপযুক্ত পরিমাণ অর্থ সংগ্রহ করিতে পারিলেই তাহাকে বিবাহ করিয়া ফেলিব।

বলিয়াছি, আমাদের জাহাজ তখন কাউন্সিলের ডকে অপেক্ষা করিতেছিল। কাল শেষ হইলে প্তর হইল, সেই দিনই আর চারি ঘণ্টার মধ্যে আমরা নঙ্গর তুলিয়া পূর্বাঞ্চলে বাত্মা করিব। জাহাজের কাপ্তেন তখন তীরে থাকায় সাময়িকভাবে আমারই উপর জাহাজের ভার ছিল। রাত্রি প্রায় বারোটোর সময় আমি জাহাজের 'বেলিং'এর উপর ভর দিয়া চারিদিক দেখিতেছিলাম; নৈশ প্রকৃতি তখন নিস্তর, এবং চতুর্দিক নির্জন।

সেই অন্ধকারের মধ্যে সহসা একখান মোটর-কারের মাথার আলো আমার দৃষ্টিগোচর হইল; পর-মুহূর্ত্তেই একখান বৃহৎ রোলস্ রয়েস্ গাড়ী জাহাজের পাশে আসিয়া দাঁড়াইল।

আমি মনে মনে বলিলাম, "এ আবার কি বাপার!"

মুহূর্ত্ত পরে একটি লোক গাড়ীর দরজা খুলিয়া নীচে নামিয়া পড়িল; পশ্চলোমনিষ্টিত একটি জমকাল কোটে তাহার দেহ আবৃত। লোকটিকে দেখিয়া সহজেই ক্রমিতে পারিলাম, সে ধনী ত বটেই, পদগৌরবেও মাতব্বর।

আমাকে জাহাজের 'বেলিং'এ ভর দিয়া দাঁড়াইয়া থাকিতে দেখিয়া আগন্তুক বলিল, 'তুমিই কি জাহাজের ভারপ্রাপ্ত কর্মচারী?'

আমি বলিলাম, 'আমার উপরেই জাহাজের ভার আছে; আমাকে কি করিতে বল?'

আগন্তুক বলিল, 'তোমার সঙ্গে আমার দুই একটা গোপনীয় কথা আছে।'

আমি তাহাকে জাহাজে উঠিয়া আসিতে বলিলাম।

লোকটা আমার সম্মুখে আসিয়া পূর্ণ দৃষ্টিতে আমার মুখের দিকে চাহিল; তাহার পর গলার আওয়াজ খাটো করিয়া অসঙ্কেতে জিজ্ঞাসা করিল; 'কুড়ি পাউণ্ড উপার্জন করিতে চাও কি?'

আমার সেই অবস্থায় কুড়ি পাউণ্ড অনেক টাকা! আমি বলিলাম, 'চাই ত বটেই, কিন্তু সেজন্য আমাকে কি করিতে হইবে বল তুমি।'

অপরিচিত আগন্তুক আমার প্রশ্ন শুনিয়া হাসিয়া বলিল, 'বেশী কিছু নয়। তুমি আমাকে পূর্বাঞ্চলে যাইতেছ।'

আমি বলিলাম, 'হাঁ, ঠিকই শুনিয়াছি।'

লোকটা বলিল, 'আমার কথা এই,—টি—জাহাজের প্রধান কর্মচারী অঙ্গীকার করিয়াছিলেন, তিনি আমার কয়েকটি ছোট

পার্শেল কোনও নির্দিষ্ট স্থানে লইয়া যাইবেন ; কিন্তু হুর্ভাগ্যক্রমে আমার গাড়ীখান পথের মধ্যে হঠাৎ বিগড়াইয়া বাওয়ার আমার এখানে আসিতে এরূপ বিলম্ব হইল যে, সেই জাহাজ ধরিতে পারিলাম না। পার্শেলগুলি যাগাতে ঠিক সময়ে বিলি হয়, সেজন্য আমি ভারী ব্যস্ত হইয়া পড়িয়াছি। উনিসাম, তোমাদের জাহাজ আজ প্রত্যুষেই প্রাচ্য দেশে রওনা হইবে। এই জন্য আমার ইচ্ছা হইয়াছিল, এই জাহাজের কোন পদস্থ ব্যক্তিকে জিজ্ঞাসা করি, তাঁহার নিকট এই উপকারটুকু আমি পাইতে পারি কি ?

আমি বলিলাম, 'তুমি শুধু এই উপকারটুকু চাও—কয়েকটা পার্শেল যথাস্থানে পৌঁছাইয়া দেওয়া ?'

আগন্তুক বলিল, 'হাঁ, তাহাই ; পার্শেলগুলি তাঁহার নিকট প্রেরিত হইতেছে, তাঁহার নিকট সেগুলি পৌঁছাইয়া দিলেই হাতের কাষ শেষ। কুড়ি পাউণ্ড পুরস্কারের তুলনায় এ কাষ বিশেষ কঠিন নহে ; কি বল তুমি ?'

আমি বলিলাম, 'পার্শেলগুলি তাহা হইলে নিশ্চিতই খুব মূল্যবান।'

লোকটি বলিল, 'সে কথা সত্য ; মূল্যবান বলিয়াই ত আমি এই কাষের জন্য এত বেশী টাকা দিতেছি।'

এত সহজে এতগুলি টাকা পাওয়া যাইবে, আমি চোপ গিলিলাম ! আমি তখন তরুণ যুবক, সাংসারিক অভিজ্ঞতা সঞ্চয় করিতে পারি নাই ; বিশেষতঃ, পূর্বেই বলিয়াছি—সে সময় কুড়ি পাউণ্ড আমার পক্ষে অনেক টাকা।

আমি বলিলাম, 'বেশ, আমি এই প্রস্তাবে রাজি।'

লোকটি বলিল, 'উত্তম, আমি অত্যন্ত বাধিত হইলাম। আমি পার্শেলগুলি জাহাজে লইয়া আসি ; তার পর অস্ত্রাঙ্গ কথার আলোচনা করিব।'

লোকটি তাহার গাড়ীতে ফিরিয়া গেল। সে তাহার প্রকাণ্ড কোটের পকেটগুলি পার্শেল-সমূহে পূর্ণ করিয়া জাহাজে পুনর্বার উঠিয়া আসিল।

আমি তাহাকে বলিলাম, 'নীচে আমার কেবিনে চল।'

আমরা উভয়ে আমার কেবিনে প্রবেশ করিলাম। আগন্তুক তাহার পকেট হইতে কতকগুলি পার্শেল বাহির করিল ; দেখিয়া মনে হইল, প্রত্যেকটি ছয় ইঞ্চি দীর্ঘ, এবং তিন চার ইঞ্চি প্রশস্ত।

আগন্তুক সেই পার্শেলগুলি টেবলের উপর পর পর সাজাইয়া রাখিয়া বলিল, 'এই দেখ মোট কুড়িটি পার্শেল, এগুলি বিলি করিতে হইবে ; প্রত্যেকটির জন্য এক এক পাউণ্ড পাইবে।'

পরীক্ষার জন্য একটা পার্শেল হাতে তুলিয়া দেখি—অসম্ভব ভারী ! আমি ইহাতে বিস্মিত হইয়া লোকটার মুখের দিকে চাহিলাম।

আমার বিস্ময়ের কারণ বুঝিতে পারিয়া সে হাসিয়া বলিল, 'পার্শেলটা খুব ভারী মনে হইল কি ?'

আমি কিঞ্চিৎ উত্তেজিত স্বরে বলিলাম, 'কি আছে ইহাদের মধ্যে ?'

আগন্তুক বলিল, 'সত্য কথা আমি তোমার নিকট গোপন করিব না। এই পার্শেলগুলি চাপ-সম্পিষ্ট অহিফেন-পূর্ণ।'

বলিয়াছি, আমি তখন তরুণ যুবক মাত্র, বহুদর্শিতাও লাভ করিতে পারি নাই, এবং কুড়ি পাউণ্ড উপাৰ্জনের জন্য আমার

আগ্রহও বখেট ছিল ; তথাপি এ জ্ঞান আমার ছিল যে, বে-আইনী আফিং চালান দেওয়া অত্যন্ত গুরু অপরাধ ; বিশেষতঃ এই ব্যবসায়টা লক্ষ্যজনক বলিয়াই আমার ধারণা ছিল।

আমি সক্রমে বলিলাম, 'ইহার মধ্যে আফিং আছে ? তাহা হইলে আমি এই বাপাবের সংস্রবে নাই, মিষ্টার ! এই লক্ষীছাড়া মাল তুমি অবিলম্বে জাহাজ হইতে অপসারিত করিলেই বাধিত হইব।'

আমার কথা শুনিয়া লোকটি অদ্ভুতভাবে আমার মুখের দিকে চাহিল, তাহার পর কোন কথা না বলিয়া দশখান স্বর্ণমুদ্রা পকেট হইতে বাহির করিল ; সেগুলি সে টেবলের উপর ছড়াইয়া রাখিল। সেই উজ্জ্বল স্বর্ণখণ্ডগুলি যথেষ্ট প্রলোভনের সামগ্রী হইলেও আমি সঙ্কল্প করিলাম—এই লোভ সংবরণ করিব।

আমি বলিলাম, 'আমাকে সোণার টাকা দেখাইয়া কোন ফল নাই। ও কাষ আমি করিব না, করিতে পারিব না। তোমার মাল লইয়া তুমি জাহাজ হইতে নামিয়া যাও। কাপ্তেন জাহাজে আসিবার পূর্বেই সরিয়া পড়।'

লোকটি মূহু হাসিয়া বিদ্রূপভরে বলিল, 'ডকের ফটকে এক জন পুলিশম্যান দাঁড়াইয়া আছে। যদি আমি এই আফিং এখান হইতে লইয়া গিয়া গাড়ীতে রাখি, আর সে গাড়ী খানাতলাস করে, তাহা হইলে তোমাকে তর ত কুইয়ার স্ট্রীটে আসামীর কাঠরাঘ দাঁড়াইতে হইবে !'

তাহার এই কথার মর্ম্ম প্রথমে বুঝিতে পারিলাম না, কিন্তু তাহা হৃদয়ঙ্গম করিতে অধিক বিলম্বও হইল না। যদি সেই পুলিশম্যানটা তাহাকে জাহাজে আসিতে দেখিয়া থাকে, এবং গাড়ী পরীক্ষা করিয়া পুলিশদ্বার সংরক্ষিত আফিংয়ের সন্ধান পায়, তাহা হইলে সেই নিষিদ্ধ সামগ্রী যে সে এই জাহাজ হইতে লইয়া যায় নাই, তাহা সপ্রমাণ করা কঠিন হইবে।

তাহার কথার মর্ম্ম বুঝিতে পারিয়াও আমি দৃঢ়স্বরে বলিলাম, 'নির্কোণের মত যা তা বলিও না। এ জিনিষ তুমিই ত তোমার গাড়ী হইতে আনিয়া জাহাজে তুলিয়াছ ! ইহার সঙ্গে আমার কোনও সম্বন্ধ নাই।'

আগন্তুক বলিল, 'সে কথা সত্য ; কিন্তু কে তোমার কথা সত্য বলিয়া বিশ্বাস করিবে ? আমার যাচা বলিবার আছে—তাহা শুনিয়া পুলিশ তোমাকেও সমান অপরাধী বলিয়াই মনে করিবে।'

আমি বলিলাম, 'আমার ঘাড়ে দোষ চাপাইবার জন্য তুমি কি বলিবে—আফিংয়ের এই সকল বাণ্ডিল 'আমিই তোমাকে দিয়াছি ?'

সে পুনর্বার হাসিয়া বিদ্রূপভরে বলিল, 'তোফা ! আমার মনের কথা তুমি টানিয়া বাহির করিয়াছ।'

কণকালের জন্য আমার ইচ্ছা হইল, সেই শয়তানকে তাহার কোটের কলার ধরিয়া উর্কি তুলিয়া, সমুদ্রে ছুড়িয়া ফেলি, তাহার আফিংয়ের সেই বাণ্ডিলগুলো তাহার অমুসরণ করুক। কিন্তু ধীর-ভাবে চিন্তা করিয়া আমি বুঝিতে পারিলাম, সেই কাষের ফল অধিকতর বিড়ম্বনাজনক হইতে পারে। কি সঙ্কটেই পড়া গেল ভাবিয়া অত্যন্ত ব্যাকুল হইয়া পড়িলাম !

একখন চেয়ারে বসিয়া পড়িয়া আমি এই সঙ্কট হইতে পুনর্বিদ্রাণের উপায় চিন্তা করিতে লাগিলাম ; কিন্তু কোন ফন্সীই

মাথায় আসিল না। সেই হতছাড়া জিনিস জাহাজে রাখিলেও বিপদ, না রাখিলেও ঠিক সেইরূপই বিপদ, কোনও দিকে পরিত্রাণ নাট!

আমি ভাবিয়া দেখিলাম, ডকের গেটের পাহারাওয়ালার ঘেখানে দাঁড়াইয়াছিল, জাহাজ হইতে সেই স্থানের দূরত্ব অধিক নহে; কিন্তু জাহাজের গন্তব্যস্থল বহু দূরে অবস্থিত। আমরা তত দূরে বাইতে বাইতে এই সঙ্কট হইতে পরিত্রাণের একটা উপায় হয় ত

পার্শ্বলগুলি গ্রহণ করিব। কিন্তু এ কথা তুমি শ্রবণ রাখিও যে, এই সঙ্কট হইতে পরিত্রাণ লাভের কোন উপায় স্থির করিতে না পারাতেই আমি এ কাণ্ড করিতে সম্মত হইলাম।'

লোকটা আমার কথা শুনিয়া দাঁত বাতির করিয়া আবার হাসিয়া উঠিল। তাহার হাসি দেখিয়া আমার সর্বাত্মক জলিয়া গেল; আমার ইচ্ছা হইল—কি ইচ্ছা হইল, তাহা বলিয়া কোন



সে একখানি ছিন্ন খামের অর্ধাংশ বাহির করিল

আবিষ্কার করিতে পারিব।—সুতরাং যে পন্থা অবলম্বন করিলে, ভাবিয়া চিন্তিয়া একটা উপায় স্থির করিবার অবসর পাইব বলিয়া ধারণা হইল, সেই পন্থা অবলম্বনেরই সঙ্কল্প করিলাম।

অবশেষে আমি তাহাকে বলিলাম, 'তুমি আমাকে বিলক্ষণ কাহদায় পাইয়াছ, তাহা বৃত্তিতে পারিলাম। যদি আমার কোন সাক্ষী থাকিত, তাহা হইলে আমি পুলিশ ডাকিয়া তোমাকে তাহার জিজ্ঞা করিয়া দিতাম। তুমি কি বকম খেলোয়াড়, তোমার ব্যবহারে তাহাঁও বৃত্তিতে পারিয়াছি। আমার বিরুদ্ধে মিথ্যা কথা বলা, এবং সাক্ষী সংগ্রহ করিয়া তাহা সপ্রমাণ করা তোমার পক্ষে কঠিন হইবে না। এই প্রকার বিপদে পড়িয়াছি বলিয়াই তোমার

লাভ নাই; কিন্তু সে আমাকে মুঠার তিত্তর পাইয়া খুসী হইয়া বলিল, 'তুমি বিজ্ঞের মত কথা বলিয়াছ। কুড়ি পাউণ্ড তুচ্ছ করিবার বস্ত্র নহে; বিশেষতঃ, আমাকে এই ভাবে সাহায্য করিলে তোমার বিপদের কোন আশঙ্কা নাই।'

আমি বলিলাম, 'মনে কর, সমুদ্র-পথে কিছু দূর বাইবার পর তোমার এই বিবের কাড়ি যদি আমি সমুদ্রে ফেলিয়া দিই, তাহা হইলে কে সেই কার্য্যে বাধা দিবে?'

আফিংওয়ালার বলিল, 'খবর্দার, ওরকম কাণ্ড করিও না। এই মাল বাহার নিকট পাঠাইতেছি, নির্দিষ্ট সময়ে তিনি ইহার প্রতীক্ষা করিবেন; কিন্তু যদি কোন কারণে পার্শ্বলগুলি পৃথিমধ্যে থোয়া



যায়, তাহা হইলে তোমার বিপদের সীমা থাকিবে না; তোমার প্রাণেরও আশঙ্কা থাকিতে পারে।'

আমি হতাশভাবে বললাম, 'তুমি বড় সোজা মানুষ নহ; যাহা হউক, আমাকে আর কি করিতে হইবে বল।'

লোকটা তাহার কোটের আর একটা প্রশস্ত পকেটে হাত পুরিয়া দিয়া, আফিংয়ের বাগুিল অপেক্ষা স্থূল একটি বাগুিল বাহির করিয়া তাহার মোড়ক খুলিতে লাগিল। তাহার ভিতর সুদীর্ঘ এবং সুদৃঢ় রজ্জুবন্ধ কুড়িটি ছোট ছোট রক্তবর্ণের কাংনা ছিল। কাংনার রজ্জু কাংনার সহিত বিভক্ত। প্রত্যেক রজ্জুর শেষ মুড়ার কিঞ্চিৎ উর্দ্ধে এক একটি সীসার 'ভারা' (a leaden sinker) আবদ্ধ। (যাহারা মুগার সূতায় বঁড়ী বাধিয়া মৎস্য শিকার করেন, এই শ্রেণীর ভার তাহাদের সুপরিচিত।)

আফিংওয়ালার বলিল, 'স্বয়ংক্রিয় খাল পার হইবার পর এ বন্দরে তোমাদের জাহাজ ভিড়াইতে হইবে।'

আমি বললাম, 'তাহা আমার জ্ঞানা আছে।'

'পূর্বে সেখানে গিয়াছ কি?'

'হাঁ।'

'সেখানে বেতারের ষ্টেশন, এবং পাহাড়ের উপর স্বেতবর্ণ মনুমেণ্ট আছে জান?'

'হাঁ।'

আফিংওয়ালার বলিতে লাগিল, 'বেশ, তোমাদের জাহাজ এ—বন্দরে ভিড়বার পূর্বে তুমি এক এক গাছ দড়ির মুড়ায় এক একটি পার্শেল বাধিয়া ফেলিবে; এ ভাবে বাধিবে যেন সীসার ভারটি তাহার অদূরে থাকে। এই কাষ শেষ হইলে তাহা ঠিক মুহূর্তে সমুদ্রে নিক্ষেপ করিবার জন্ত প্রস্তুত থাকিবে। তাহার পর যে সময় দেখিবে, জাহাজ চলিতে চলিতে সেই বেতার ষ্টেশন ও মনুমেণ্টের সমন্বয়ে আসিয়া পড়িয়াছে, সেই সময় কাংনা সহ পার্শেলগুলি ধীরে ধীরে সমুদ্রে নিক্ষেপ করিবে। ভারগুলি এ—উপসাগরের তলা স্পর্শ করিতে পারে—তাহার উপযোগী করিয়াই রজ্জুগুলি দীর্ঘ করা হইয়াছে। আমার কথা বুঝিতে পারিলে কি?'

আমি বললাম, 'না বুঝিলে তোমার কবল হইতে মুক্তিলাভের উপায় কি?—এইখানেই থাম, না আরও কিছু আছে?'

'আর একটু বাকি'—বলিয়া আফিংওয়ালার কোটের ভিতরের পকেট হইতে একখান লেফাপা বাহির করিল। সে সেই লেফাপা ছুঁটুকরা করিয়া ছিঁড়িয়া এক টুকরা নিজের পকেটে ফেলিল, অল্প টুকরা আমার হাতে দিয়া বলিল, 'এই লেফাপা'র যে আধখান আমার পকেটে রাখিলাম, উহা লইয়া এক জন লোক তোমার সঙ্গে দেখা করিবে; তোমার নিকট লেফাপার যে আধখান থাকিল, তাহা তাহাকে দেখাইবে। সে দুই টুকরা মিলাইয়া যখন বুঝিতে পারিবে, উভয় টুকরা একই লেফাপার দুই অংশ, সেই সময় অবশিষ্ট দশ পাউণ্ড সে তোমাকে প্রদান করিবে। এই ভাবে দশ পাউণ্ড পাইবে, অবশিষ্ট দশ পাউণ্ড আমি তোমাকে দিয়া যাটতেছি। ইহাতেই বুঝিতে পারিবে—তোমাকে ফাঁকি দেওয়ার চরিত্রসন্ধি আমার নাই।'

এই কথা বলিয়া সে টেবলস্থিত স্বর্ণমুদ্রাগুলির দিকে অঙ্গুলি প্রসারিত করিল। আমি একটা স্বর্ণমুদ্রা হাতে লইয়া তাহা

বাজাইয়া দেখিলাম। তাহার 'বুন' গুনিয়া বুঝিতে পারিলাম—মেকি নয়।

আফিংওয়ালার হাসিয়া বলিল, 'খাঁটি সতরীণ, তোমার প্রতারণিত হইবার আশঙ্কা নাই। আমার উপদেশ অনুসারে কাষ করিলে অবশিষ্ট অর্থ পাইতে তোমার কোন অসুবিধা হইবে না।'

আমি মুদ্রাগুলি তুলিয়া লইয়া তাহাকে বললাম, 'বেশ, তাহাই হইবে। এখন জাহাজ হইতে নামিয়া যাও। কাপ্তেন তীর হইতে জাহাজে আসিয়া তোমাকে দেখিতে পাইলে, তুমি কি উদ্দেশ্যে জাহাজে আসিয়াছিলে, তাহা আমাকে জিজ্ঞাসা কারবেন। কাপ্তেন না আসিতেই তুমি সরিয়া পড়।'

লোকটা আমার মঙ্গল কামনা করিয়া চলিয়া গেল। দেখিলাম, তাহার গাড়ী ডকের কটক পার হইতেই পাহারাওয়ালার তাহার গাড়ী আটক করিল। গাড়ীখান সেখানে কয়েক মিনিট দাঁড়াইয়া রহিল; তাহা দেখিয়া আমি বুঝিতে পারিলাম, পাহারাওয়ালার তাহার গাড়ী খানাতলাস না করিয়া ছাড়িল না। তখন বুঝিলাম, তাহার অনুরোধ প্রত্যাখ্যান না করিয়া ভালই করিয়াছি। তাহার জিনিসগুলি আমার জিনিসপত্রের মধ্যে লুকাইয়া রাখিলাম। আমার হৃদয়স্থিত কোন কারণ ঘটিয়াছে, ইহা কাহাকেও বুঝিতে দিলাম না। প্রত্যবে পাঁচটার সময় আমরা সমুদ্রপথে যাত্রা করিলাম।

আমি জানিতাম, কোন কোন জাহাজের কাপ্তেন এই প্রকার বে-আইনী কার্যে অভ্যস্ত ছিল, এবং এই প্রকার উপাঙ্কনের লোভ সংবরণ করিতে পারিত না; কিন্তু আমাদের এই জাহাজের অধক্ষকটি খাঁটি মানুষ, জাহাজের আইন-কানুন লঙ্ঘন করিলে কাহারও অপরাধ তিনি মার্জনা করিতেন না। যদি তিনি কোনরূপে ঐ সকল পার্শেলের সন্ধান পাইতেন, তাহা হইলে আমার বিপদের সীমা থাকিত না।

কতবার আমার মনে হইয়াছে, আফিংয়ের পুলিশাগুলি গোপনে সমুদ্রে ফেলিয়া দিয়া নিশ্চিন্ত হই। কিন্তু তাহাতেও আমার বিপদের আশঙ্কা ছিল। আমার প্রণয়িনীর কথা স্মরণ হওয়ার ঐরূপ কার্যে আমি প্রতিবৃত্ত হইয়াছিলাম। আমি কাপুরুষ না হইলেও ঐ সকল পুলিশার প্রাচ্যদেশীয় মালিকের ক্রোধভাজন হইবার জন্ত আমার আগ্রহ ছিল না। ইহাদের জিজ্ঞাসা করিয়া ভীষণ, তাহা আমার অজ্ঞাত ছিল না।

কিন্তু হৃদয়স্থিত আমি ব্যাকুল হইলাম। যদি কাহারও নিকট আমার সঙ্কটের কথা প্রকাশ করিতে পারিতাম, তাহা হইলে বোধ হয়, একটু স্বস্তি পাইতাম; বিশেষতঃ কোন সহকারীর সাহায্য ব্যতীত একাকী অল্পের অলক্ষ্যে রজ্জুবন্ধ কাংনা সহ পার্শেলগুলি নির্দিষ্ট সময়ে কিরূপে সমুদ্রে নিক্ষেপ করিব—তাহা স্থির করিতে পারিলাম না। দুই জনের চেষ্টায় এই কার্য সহজে সম্পন্ন হইতে পারিত।

জাহাজ ক্রমশঃ যখন স্বয়ংক্রিয় খালের সন্নিকটবর্তী হইল, তখন আমার উৎকণ্ঠা অসহ্য হইয়া উঠিল। অবশেষে স্থির করিলাম, ভাগ্যে যাহাই ঘটুক, এই কার্যে আমাকে এক জন বন্দরদার জুটাইয়া লইতেই হইবে।

বিশ্বস্ত চিন্তার পর আমার সহযোগী কর্মচারীর নিকট আমার গুপ্তকথা প্রকাশ করিতে কৃতসঙ্কল্প হইলাম। বর্তমান আধ্যাতিকায় আমি তাহাকে 'স্বিথ' নামে পরিচিত করিব। আমার অপেক্ষা

তাহার বরস অধিক। তাহাকে অনেক ঝড়-ঝাপটা সঙ্গ করিতে হইয়াছিল। তাহার সাহস ও উৎসাহ অসাধারণ। একটা বিষয়ে আমি নিঃসন্দেহ ছিলাম; সে বিবেক-টিবকের ধার ধারিত না। বিশেষতঃ, পেটে বোমা মারিলেও তাহার পেটের কথা মুখ দিয়া বাহির হইত না। সুরোগ বুঝিয়া এক দিন তাহাকে আমার কেবিনে ডাকিয়া আনিলাম। তাহাকে পাশে বসাইয়া আমার গুপ্ত কথার আগাগোড়া খুলিয়া বলিলাম। আমার কথা শেষ হইলে সে কাতলা মাছের মত মুপব্যাদান করিয়া অদ্ভুত মুপভঙ্গী করিল। অবশেষে সে আমাকে সাহুনা দানের জন্ত বলিল, আমি বুদ্ধির দোষে বশন একটা নোংরা কাব করিয়া ফেলিয়াছি, তখন আর হা ছতাপ করিয়া ফল কি? যে উপায়ে হউক, শেষ বন্ধা করিতেই হইবে।

তাহার কথা শুনিয়া মনে একটু সাহস হইল; আমি বলিলাম, দেখ ভাই, এটা নোংরা কাবটা শেষ করিতে পারিলে আমি এ—তে গিয়া যে পুরস্কার পাইব, তাহার অর্ধেক লইয়া এই কার্যে আমাকে সাহায্য করিতে রাজী আছ?

শিখ উৎসাহভরে বলিল, 'আলবৎ! এ কাষে যে মজা আছে, তাহা বিলক্ষণ উপভোগ্য।'

সকলটা কি কৌশলে কার্যে পরিণত করিব, বিস্তর চিন্তাতেও আমি তাহা স্থির করিতে পারি নাই; কিন্তু শিখ চটু করিয়া একটা ফল্টা বাহির করিয়া ফেলিল। এ সকল কাষে সে চমৎকার মাথা খাটাইতে পারিত। অতি প্রহুমে এ—উপসাগরে আমাদের প্রবেশ করিবার কথা। শিখ যে কার্যপ্রণালী স্থির করিল, তাহা কেবল সহজই নহে, বিলক্ষণ নিরাপদও বটে।

শিখ বলিল, 'জাহাজের পিছনে আলু রাখিবার একটা সিন্দুক আছে জান ত? সেই সিন্দুকটা এখন খালি হইয়াছে। আমি আজ দুপুর রাত্রিতে সেই দিকের পথে পাহারায় থাকিব, তুমি সেই পুলিন্দাগুলি মায় সরঞ্জাম সেখানে লইয়া বাইবে। তাড়াতাড়ি সমুদ্রে নিক্ষেপ করিতে পারা যায় এভাবে সেগুলি গুছাইয়া সেই সিন্দুকে লুকাইয়া রাখিবে। তাহার পর বাহা করিতে হয়, সে ভার আমার। তুমি অনর্থক হুশিস্তায় কাঙ্ছিল হইও না।'

রাত্রি প্রায় বাবোটার সময় পুলিন্দাগুলি, ফাৎনায় জড়ান দড়ি সমেত নির্ঝিলে সেই সিন্দুকে লুকাইয়া রাখা হইল। অতঃপর আমার চিন্তাভার লঘু হইল। যত দিন সেগুলি আমার কেবিনে ছিল, তত দিন আমার মনে বিন্দুমাত্র শান্তি ছিল না। কিন্তু অবশেষে রাত্রিটুকু মানসিক অস্থিরতায় আমি ধুঁমাইতে পারিলাম না। আমি পরিচ্ছদে সজ্জিত হইয়া প্রভাত পর্যন্ত আমার কেবিনে বুরিয়া বেড়াইলাম। তাহার পর অশান্ত হৃদয়ে ডেকে চলিলাম।

আকাশ পরিষ্কার। অদূরে এ—দেখিতে পাইলাম। উদ্যাকালে আমরা উপসাগরে প্রবেশ করিলাম। এ—র প্রাকৃতিক সৌন্দর্য মনোহর। নবোদিত অরণ্যের লোহিতালোক নগর-প্রাসাদের মিনার ও গম্বুজগুলিতে প্রতিফলিত হওয়ার, এই নগর আনন্দ রজনীর প্রমোদময় উৎসবপূর্ণ কোন মায়াগরীর জায় প্রতীর্ণমান হইল। কিন্তু সেই শোভার দিকে আমার তখন লক্ষ্য ছিল না; শিখ কাপ্তেনের অজ্ঞাতসারে কিরূপে সেই আফিংয়ের পার্শেলগুলি সমুদ্রের বখাছানে নিক্ষেপ করিবে, এবং তাহার গোপন

চেষ্টা সফল হইবে কি না, এই চিন্তায় আমি তখন ব্যাকুল হইয়া উঠিয়াছিলাম।

অল্পকাল পরে আমি বেতার ষ্টেশনটি দেখিতে পাইলাম, এবং আরও কয়েক মিনিট পরে একটা পাগড়ের উপর বৃক্ষশ্রেণীর পুরোভাগে অবস্থিত শুভ্র মনুমেণ্ট আমার দৃষ্টিগোচর হইল। বুঝিলাম, আমাদের কার্যকাল উপস্থিত। আমি এক পাশে সরিয়া গিয়া, আমার মানসিক চাকল্য গোপন করিবার জন্ত জাহাজের পশ্চাদ্ভাগে দৃষ্টিপাত করিলাম।

কাপ্তেন জাহাজের ব্রীজ হইতে আমাকে দেখিয়া জিজ্ঞাসা করিলেন, 'ব্যাপার কি মিষ্টার! ওদিকে কোন অদ্ভুত জিনিষ দেখিতে পাইয়াছ কি?' আমি বিব্রতভাবে বলিলাম, 'না, আমি সমুদ্রতট দেখিতেছিলাম।'

আরও কয়েক মিনিট পরে বেতার-ষ্টেশন এবং মনুমেণ্ট জাহাজ হইতে সমসূত্রে লক্ষিত হইল। সঙ্গে সঙ্গে সাগরজলে 'ঝপাং' শব্দ শুনিতে পাইলাম! আমি বক্র দৃষ্টিতে চাহিয়া সমুদ্রবক্ষে একটা ক্ষুদ্র লাল ফাৎনা ভাসিতে দেখিলাম। বুঝিতে পারিলাম, শিখ পার্শেলগুলি ফেলিতে আরম্ভ করিয়াছে।

ক্রমশঃ কুড়িটা পার্শেল নিক্ষেপ হইল, প্রত্যেকটির শব্দ আমার কর্ণগোচর হইল। সঙ্গে সঙ্গে আমার সকল হুশিস্তা দূর হইল। কিন্তু লাল ফাৎনাগুলি যেখানে ভাসিতেছিল, সেই স্থান হইতে আমি দৃষ্টি অপসারিত করিতে পারিলাম না। আমার আশা হইল, লৌহই কোন বোট আসিয়া সেই ফাৎনাগুলির সাহায্যে আফিংয়ের পার্শেলগুলি সংগ্রহ করিবে; কিন্তু একখানিও বোট কোন দিকে দেখিতে পাইলাম না।

বখাসময়ে জাহাজ নঙ্গর করিয়া কাপ্তেন তীরে নামিলেন। দুই ঘণ্টার মধ্যে কোন ব্যক্তি অফিংয়ের পার্শেলগুলি সংগ্রহ করিতে আসিল না। আমি ইহার কারণ স্থির করিতে না পারায় চিন্তিত হইলাম। কোন রকম ভুল-চুক হইল না কি?

সহসা শিখ আমার সম্মুখে আসিয়া, তীরের দিকে অঙ্গুলি প্রসারিত করিয়া বলিল, 'ঐ দেখ একখান বোট; উহা আমাদের জাহাজের দিকেই আসিতেছে। যুক্তিযুক্ত সজ্জিত এক জন লোক বোটের মাথায় দাড়াইয়া আছে দেখিয়াছ? কি সর্বনাশ! ওখানা যে পুলিশের বোট। আমি হলফ করিয়া বলিতে পারি, ঐ লোকটি পুলিশের কর্তা। খোদ পুলিশ সাহেব আমাদের জাহাজে আসিতেছে!'

আমার বুকে যেন হাতুড়ি পড়িতে লাগিল। কোন ক্যাসাদে পড়িতে হইবে না কি?

শিখ আমার মুখের দিকে চাহিয়া বলিল, 'কেহ হয় ত জাহাজে গোয়েন্দাগিরি করিতে আসিতেছে; তবে ইহা আমার অনুমান মাত্র। আমাদের বিরুদ্ধে উহার কোন প্রমাণ সংগ্রহ করিতে পারিবে না। যদি আমাদেরিকে কেহ জেরা করে, তাহা হইলে কোন কথা স্বীকার করিব না; বিন্দুমাত্র চাকল্যও প্রকাশ করিব না। বুঝিয়াছ?

আমি বলিলাম, 'বুঝিলাম ত; কিন্তু মিথ্যা কথা যে আমার মুখে আসে না।'

শিখ বলিল, 'তুমি কখনও মাহুব হইতে পারিবে না; যাও, নীচে যাও, বাহা বলিতে হয়, আমিই বলিব।'

আমি আমার কেবিনে আশ্রয় গ্রহণ করিলাম। বেটখানি অবশেষে জাহাজে ভিড়িলে জমকালো পরিচ্ছদধারী এক জন পুলিশ-কর্মচারী জাহাজে উঠিল। ভয়ে, হুশিয়ার আমার বুকের ভিতর কাপিতে লাগিল, ভাবিলাম, পুলিশের জেরায় হয় ত সকল কথা প্রকাশ হইয়া পড়িবে। তাহার পর? তাহার পর কি হইবে, তাহা আমার অজ্ঞাত ছিল না। গোপনে অহিফেন আমদানী ক্রমপ অপরাধ, এবং তাহার দণ্ড ক্রমপ কঠোর, তাহা আমার সুবিদিত।

কিন্তু আমার আশা ছিল, চতুর শিখ ধাঙ্গা দিয়া সেই পুলিশ-কর্মচারীকে তাড়াইতে পারিবে। হয় ত পুলিশের কড়াটি অল্প কোন কালে জাহাজে আসিয়াছিলেন। যাত্রা হউক, আমি পাঁচ মিনিট উৎকণ্ঠাকুল চিত্তে আমার কেবিনে বসিয়া রহিলাম; তাহার পর কেবিনের দ্বারে করাঘাত শুনিয়া লাফাইয়া উঠিলাম। রুদ্ধধামে বলিলাম, 'ভিতরে এস।'

শিখকে দেখিয়া আমি আশঙ্কিত হইলাম বটে; কিন্তু সে মুখভঙ্গী করিয়া বলিল, 'বহু চেষ্টাতেও তোমাকে আড়ালে রাগিতে পারিলাম না, তাই! তোমাকে যাইতেই হইবে, পুলিশের কড়াটি তোমার সঙ্গে আলাপ করিতে চায়।'

বন্ধুর কথা শুনিয়া ঘামিয়া উঠিলাম; তাহাকে বলিলাম, 'কি চায় সে?'

শিখ বলিল, 'কি করিয়া বলি? আমার নিকট সে কথাসে প্রকাশ করিল না; কেবল বলিল, প্রথম অফিসারের সঙ্গে তাহার দেখা না করিলে নয়, তাহার নিজের কি কর্তব্য দরকার।'

আমি রুদ্ধ নিশ্বাসে বলিলাম, 'রুদ্ধ বড় ভাল নয়! কি বল?'

শিখ বলিল, 'তাহার ক্ষুণ্ণি দেখিয়া আমার কিছু চিন্তা হইল। সে যাহাই হউক, তুমি হতাশ হইও না। তোমাকে কেবা করিলে শপথ করিয়া বলিবে—কিছুই তুমি জান না; কিন্তু সে যেন জেরায় তোমাকে ঘাল করতে না পারে। তাহা হইলে তুমি তাহার সকল চেষ্টা বিফল করিয়া বিক্রয়ী বীরের মত তোমার কামবায় ফির্দিতে পারিবে।'

কি কার? দেখা না করিলে ত উপায় নাই! অগত্যা সাহসে বুক বাধিয়া শিখকে বলিলাম, 'পুলিশের কড়াটাকে এগানেই পাঠাইও, আমি আমার কেবিনের বাহিরে পা বাড়াইতেছি না।'

শিখ চলিয়া গেল; কিন্তু কয়েক মিনিট পরেই 'দীর্ঘদেহ বৃহস্ক মহাভূজ' এক পুলিশ প্রভূসহ আমার কেবিনে প্রবেশ করিল। ভদ্রলোক পুলিশের কেতার আমাকে এক সেলাম ঠুকিয়া শিখকে কেবিন ত্যাগ করিতে ইঙ্গিত করিল। শিখ আমাকে সতর্কভাবে কথা বলিতে ইঙ্গিত করিয়া কেবিনের বাহিরে পা বাড়াইবামাত্র বিশালদেহ পুলিশটি কেবিনের দ্বার ভিতর হইতে রুদ্ধ করিয়া আমাকে প্রসন্ন করিল, 'তুমিই এই জাহাজের প্রথম অফিসার?'

আমি বলিলাম, 'হাঁ।'

পুলিশের কর্তা বলিল, 'আমি নিজেই তোমার নিকট নিজের পরিচয় দিই। আমি এ—র পুলিশের অধ্যক্ষ, (Chief of Police.)'

আমি সন্ত্রস্তভাবে অভিবাদন করিলাম।

সে পুনর্বার বলিল, 'তোমার কেবিনে অনধিকারপ্রবেশের স্বত্ব

আমি তোমার নিকট ক্রমা প্রার্থনা করি। কিন্তু একটি তুচ্ছ বিষয় সম্বন্ধে তোমার সঙ্গে আমি গোপনে কিঞ্চিৎ আলোচনা করিতে চাই।'

আমি যথাসাধ্য সংবত স্বরে বলিলাম, 'সে ত ভাল কথা; আপনার কি বলিবার আছে বলুন।'

'উত্তম। আমার বিশ্বাস, তুমি কাড়িক হইতে আসিতেছ।'

'আপনার অনুমান সত্য।'

পুলিশের কর্তা তীক্ষ্ণ দৃষ্টিতে আমার মুখের দিকে চাহিয়া গম্ভীর স্বরে বলিল, 'কাড়িক হইতে এই জাহাজ প্রাচ্যদেশে যাত্রা করিবার কিছুকাল পূর্বে একটি ভদ্রলোক এই জাহাজের উপর তোমার সঙ্গে দেখা করিয়া কুড়িটি ছোট ছোট পার্শেল তোমার জিখা করিয়া দিয়াছিলেন। তাহার অমুরোধ ছিল—সেই পার্শেলগুলি তুমি এ—তে আনিবে।'

আমার মাথায় বেন বজ্রাঘাত হইল! বৃষ্টিতে পারিলাম, কোন লোক আমার অজ্ঞাতসারে সকলই লক্ষ্য করিয়াছিল; সম্ভবতঃ তাহারই নিকট গোপনে সংবাদ পাইয়া বে-আইনীভাবে রপ্তানী অহিফেনের সকল লইবার জন্মই এই পুলিশ-প্রভুর এখানে আগমন।

আমি অগত্যা অন্ধকার দেখিলাম; কিন্তু শিখের উপদেশ অনুসরণ করা ভিন্ন আমার পরিক্রমের আর কোন উপায় নাই, সেই সঙ্কটময় মুহূর্তেও এ কথা ভুলিলাম না।

আমি জ্বাকা সাজিয়া বলিলাম, 'আপনার ও কথার মধ্য বৃষ্টিতে পারিলাম না, কারণ, আমি ও বিষয়ের কিছুই জানি না।'

পুলিশের কর্তাটি বলিল, 'জ্বাকামী রাখ। আমি জানি, সকল কথাই তুমি জান। সেই ভদ্রলোক তোমাকে দশটা সত্ত্বীর্ণ দিয়া বলিয়াছিলেন, অবশিষ্ট দশ 'সত্ত্বীর্ণ' তুমি এখানে পাইবে।'

সর্বনাশ! সকল পবরই পুলিশ জানিতে পারিয়াছে! এখন বাঁচিবার উপায় কি? চক্ষুর সম্মুখে সর্ষের ফুল দেখিলাম; কিন্তু তখনও হাল ছাড়িলাম না। মাথা নাড়িয়া বলিলাম, 'না মহাশয়, আপনি ভুল করিয়া আমার কাছে আসিয়াছেন। অর্থাৎ হয় আপনি ভুল সংবাদ পাইয়াছেন, না হয়, আপনার জাহাজ ভুল হইয়াছে। কোন্ জাহাজে উঠিতে কোন জাহাজে উঠিয়াছেন।'

পুলিশের কর্তাটি আমার প্রতিবাদে কর্ণপাত না করিয়া বলিল, 'তুমি বৃথা আমার নিকট সত্য গোপন করিতেছ। এই ব্যাপার-সংক্রান্ত সকল বিষয়ই আমার সুবিদিত। আমি জানি, সেই সকল পুলিশদ্বায় অহিফেন প্রেরিত হইয়াছে। তুমি সেই ভদ্রলোকটির উপদেশ অনুসারে ফাংনা-বাধা রজ্জুর সতিত আবদ্ধ সেই পার্শেল-গুলি মনুমেটের বিপরীত দিকে নিক্ষেপ করিয়াছ। তুমি যে নির্দিষ্ট স্থানেই সেগুলি জাহাজ হইতে সমুদ্রে নিক্ষেপ করিয়াছ—এ কথা অস্বীকার করিয়া তোমার কোন লাভ নাই; এবং তুমি অস্বীকার করিলেও আমি তাহা বিশ্বাস করিব না।'

আমি অভিনয়ের ভঙ্গীতে টেবলে সবেগে মুঠাঘাত করিয়া তীব্র স্বরে বলিলাম, 'আপনাকে আমি পুনর্বার বলিতেছি, আপনি ভুল করিয়া আমাকে জেরা করিতেছেন!'

পুলিশের কর্তা আমার এই ক্রোধাভিনয়ে বিস্ময়াত বিচলিত না হইয়া তাহার কোটের পকেটে হাত পুরিয়া দিল, এবং একখান সেকাপার অর্ধাংশ বাহির করিয়া গোঁফে তা দিতে দিতে মুরুবীরানার



ভক্তিতে বলিল, 'এই ছেঁড়া লেফাপার আর আধখানা কোথায় আছে, বাহির কর।'

সেই আধখানা লেফাপা তাহার হাতে দেখিয়া আমার মনের ভাব কিরূপ হইল, তাহা প্রকাশ করা আমার অসাধ্য। বুলিলাম, সেই বে-আইন আকিং চালান-সংক্রান্ত সকল ব্যাপারই পুলিশের গোচর করা হইয়াছে। বাহার নিকট আমি আকিংয়ের বাঁশুলগুলি পাইয়াছিলাম, সম্ভবতঃ সে পুলিশের হাতে ধরা পড়িয়াছে, এবং পুলিশের নিকট আমার নাম প্রকাশ করিয়া, অপরাধের প্রধান প্রমাণ ঐ আধখানা লেফাপাও পুলিশের হস্তে অর্পণ করিয়াছে। আমার সঙ্কট ক্রমশঃ ঘনীভূত হইয়া উঠিল; কিন্তু আমি সঙ্কল্প ত্যাগ করিলাম না। যে বাহাই বলুক, আমি কোন কথা স্বীকার করিব না।

আমি বলিলাম, 'লেফাপার অবশিষ্ট আধখানা আমার কাছে আছে, আপনার একপ ধারণার কারণ কি?'

উত্তর হইল, 'কার্ডিফে যখন তোমাকে অতিকেনের পার্শেল-গুলি এবং 'সভরীণ' দশটি দেওয়া হয়, সেই সময় সেই আধখানা লেফাপা তোমার হাতে দিয়া বলা হইয়াছিল, অবশিষ্ট আধখানার সঙ্গে তাহা ঠিক মিলিলে তোমাকে বাকী টাকা দেওয়া হইবে।'

আমি বলিলাম, 'আপনি বৃথা সময় নষ্ট করিতেছেন। আপনার কথাগুলি অর্থহীন, প্রলাপ বলিয়াই আমার মনে হইতেছে; আমি কিছুই বুঝিতে পারিতেছি না।'

পুলিসের কর্তাটি হো হো শব্দে হাসিয়া পকেট হইতে দশটি স্বর্ণ-মুদ্রা বাহির করিয়া টেবলের উপর ছড়াইয়া দিল, এবং অর্থপূর্ণ দৃষ্টিতে আমার মুখের দিকে চাহিয়া বলিল, 'প্রথম দফার দশ সভরীণ পাওয়ার কথা এখন স্মরণ হইতেছে কি?'

আমি কিংকর্তব্যবিমূঢ়ের স্থায় তাহার মুখের দিকে চাহিয়া দেখি, তাহার মুখে পূর্বের ঔদ্ধত্য ও গাঙ্গীর্ঘা আর নাই; চক্ষুর দৃষ্টিও কোমল, যেন সে অল্প লোক।

আমি বিস্মিতভাবে বলিলাম, 'আপনি কি তবে সত্যই—'

পুলিসের কর্তা আমার কথায় বাধা দিয়া বলিল, 'হাঁ, আমি সত্যই সেই লোক, অর্থাৎ পার্শেলগুলি নির্দিষ্ট স্থানে পৌছাইয়া দিলে বাহার নিকট হইতে বাকি দশ সভরীণ তোমার পাইবার কথা ছিল। তুমি আমাদের যে উপকার করিয়াছ, সে জন্য তোমাকে সহস্র ধন্যবাদ। তুমি কাষ শেষ করিয়াছ, এখন এই স্বর্ণমুদ্রা-গুলি গ্রহণ কর।'

আমি বিস্ময়-বিফারিত-নেত্রে তাহার মুখের দিকে চাহিয়া রহিলাম; মনে হইল, আমি জাগিয়া স্বপ্ন দেখিতেছি! ইহা কি সত্য, না আমাকে ফাদে ফেলিবার জন্য ইহা পুলিশের দুর্বোধ্যা চাল?

পুলিসের কর্তাটি আমার মনের ভাব বুঝিতে পারিয়া হাসিয়া বলিল, 'তুমি কি ভাবিতেছ, তাহা আমি বুঝিতে পারিয়াছি। তোমার আশঙ্কা হইয়াছে, আমি কৌশলে তোমার মুখ হইতে সত্য কথা বাহির করিয়া লইয়া হয় ত তোমাকে ফাদে কেলিব। কিন্তু আমি অঙ্গীকার করিতেছি—সে ভাবে তোমাকে বিপন্ন করিব না। তুমি তোমার অঙ্গীকার পালন করিয়াছ—এ জন্য আমি তোমার প্রশংসা করি। যদি তুমি কথার খেলাপ

করিতে, তাহা হইলে আমি তোমাকে গ্রেপ্তার করিবার জন্য পরোয়ানা আনিতাম।'

তাহার ব্যবহারে কপটতা নাই বুঝিয়া আমি সেই লেফাপার বাকি আধখানা বাহির করিয়া তাহার হাতে দিলাম। সে দুই খণ্ড একত্র জোড়া দিয়া বলিল, 'চমৎকার! এই দুই খণ্ড সে একই লেফাপার দুই অংশ, তাহা বোধ হয় বুঝিতে পারিয়াছ; কিন্তু একটা বিষয় আমি বুঝিতে পারি নাই।'

আমি বলিলাম, 'কোন বিষয়?'

পুলিসের কর্তা বলিল, 'বাহারা এই ভাবে পার্শেল-বহন কার্যে সাহায্য করে, তাহাদিগকে সেই কার্যের জন্য এক শত পাউণ্ড পুরস্কার দেওয়া হয়। কিন্তু তুমি কেবল কুড়ি পাউণ্ড পাইলে কেন?'

আমি বলিলাম, 'সে আমাকে কুড়ি পাউণ্ড মাত্র দিতে চাহিয়াছিল।'

উত্তর হইল, 'বড় অজ্ঞান। সম্ভবতঃ আমাদের ইংরেজ এজেন্ট তোমাকে নূতন লোক পাইয়া এই ভাবে কাঁকি দিয়াছে। হুই কাণ্ডে অভিজ্ঞ লোককে সে এ ভাবে প্রতারণিত করিতে পারিত না।'

অনন্তর সে কেবিনের বাতায়নের ভিতর দিয়া সমুদ্রের দিকে আমার দৃষ্টি আকৃষ্ট করিয়া বলিল, 'এ দিকে চাহিয়া দেখ।'

আমি জাহাজের বাহিরে দৃষ্টিপাত করিয়া সন্নিহয়ে দেখিলাম, সেই প্রকাশ্য দিবালোকে পুলিশের লোক পুলিশ-বোট লইয়া সমুদ্র-গর্ভ হইতে অতিকেন-পূর্ণ পার্শেলগুলি বোটের উপর টানিয়া তুলিয়াছিল।

আমি কৌতূহল দমন করিতে না পারিয়া বলিলাম, 'অদ্ভুত বটে! যে রক্ষক, সে-ই ভক্ষক?'

উত্তর হইল, 'এই ব্যাপার কি তোমার নিকট নূতন?'

আমি বলিলাম, 'হাঁ, নূতন; এ রকম বে-আইনী কাষ পূর্বে কোন দিন করি নাই, এবং ভবিষ্যতেও কখনও করিব না। ইহাই আমার প্রথম ও শেষ দুর্ভাগ্য।'

পুলিসের কর্তা বলিল, 'কেন? এ কাষ কি তুমি পছন্দ কর না?'

আমি বলিলাম, 'এ কাষ আমি অন্তরের সঙ্গে ঘৃণা করি!'

ভদ্রলোক হাসিয়া বলিল, 'তোমায় বড় আশ্চর্য্য মনে হইতেছে যে, আমি স্বয়ং পুলিশের কর্তা হইয়া ব্যক্তিগতভাবে এই অবৈধ ব্যবসায় লিপ্ত আছি।'

আমি বলিলাম, 'হাঁ, আমার আশ্চর্য্য বোধ হইতেছে। আপনি পুলিশের কর্তা, কোথায় এই সকল বে-আইন কাষ বন্ধ করিবেন, অপরাধীদের গ্রেপ্তার করিয়া তাহাদিগকে কঠোর দণ্ডে দণ্ডিত করিবার ব্যবস্থা করিবেন—না আপনি স্বয়ং—'

পুলিসের কর্তা হাসিয়া বলিল, 'তুমি এখনও বয়সে তরুণ, সংসার সম্বন্ধে এখনও অভিজ্ঞতা লাভ করিতে পার নাই। বয়স অধিক হইলে, সংসার সম্বন্ধে যথেষ্ট অভিজ্ঞতা লাভ করিলে তোমার এই ধারণার পরিবর্তন হইবে।'

যে মন্ত্রপূত সর্বে দিয়া ভূত জাদুইতে হয়, সেই সর্বের ভিতর ভূতের অধিষ্ঠানের দৃষ্টান্ত সংসারে বিরল নহে, এবং এই ভাবেই সংসার চলিতেছে।





## চিঠি

( গল্প )

চেয়ারে বসিয়া মস্ত একটা মামুলার কন্শালুটেশন্ সারিয়া বৌগলী নিকুঞ্জ দত্ত গৃহে ফিরিলেন। রাত্রি তখন আটটা বাজিয়া গিয়াছে।

একজন এটর্নি বসিয়া ছিলেন মক্কেল-সমত ; দেখিয়া দত্ত সাহেব বলিলেন,—আজ যাপ করো, ভাই। এইমাত্র একগাদা কেতাব খেঁটে ফিরছি—একটি মিনিট আজ বিশ্রাম করতে পারিনি! তাছাড়া তোমার মকদ্দমার তো দেবী আছে—এখনো ওয়ানিং লিষ্টে। সামনের তপ্তা কেটে যাবে'খন—আমার নিজেরই ডটো কেশ আছে। ডটোই টপ-লিষ্টে—রীতিমত কুটকচালে ব্যাপার...কি বলো? অসুবিধা হবে না, বোধ হয়?

—বেশ! বলিয়া এটর্নি উঠিলেন।

দত্ত সাহেব আসিলেন দোতলার কামরায়। গৃহিনীর দেখা পাইলেন না। বিছানার পড়িয়া আছে পুত্র, অশেষ। তার জ্বর। অশেষের বয়স আট বৎসর। তার পাশে বসিয়া বেয়ার। রাসু—অশেষকে গল্প বলিতেছে।

দত্ত-সাহেব ছেলের ললাটে হাত রাখিয়া দেখিলেন—  
তেমন গরম নয়। বলিলেন,—জ্বর এবেলায় ওঠে নি?

রাসু কহিল—না। ডাক্তার বাবু একটু আগে এসে দেখে গেছেন। বলে গেছেন, ঐ ওষুধই চলবে। কাল সকালে তিনি আবার আসবেন।

দত্ত সাহেব কহিলেন,—নার্শ?

রাসু কহিল—তিনি খেতে গেছেন।

—ও!

দত্ত সাহেব একটা নিশ্বাস ফেলিলেন।

এ কি গৃহ! ছেলে জ্বরে পড়িয়া আছে—তার সেবা করিতেছে নার্শ! ছেলের মা গিয়াছেন মিটি করিতে!

উপায় কি! যে-সোসাইটিতে মিশিয়াছেন, সে সমাজে কন্তবাগুলার চেহারা'ই অল্প রকমের!

তিনি ডাকিলেন—অঙ্ক...

—বাবা...

—কি তোমার চাই? বলো।

ছেলের ম্লান মুখে দীপ্তি কুটিল। অশেষ কহিল—আমার সে ব্যাগাটেলটা গেছে ভেঙ্গে...আমার নতুন শেট চাই ব্যাগাটেলের!

দত্ত সাহেব কহিলেন,—গলু রাইট।

আজ্ঞারাদির পর ঘরে আসিয়া দত্ত সাহেব দেখিলেন, অশেষ ঘুমাইয়াছে—স্নী তখনো ফেরেন নাই।

অশেষের বিছানার পাশে পড়িয়াছিল একখানা মহা-ভারত—বহুকালের পুরানো বই!

কি খেদাঙ্ক হইল, মহাভারতখানা হাতে লইয়া তিনি আসিলেন নিজের ঘরে। ভাবিলেন, ছেলেবেলায় এই বই আর রামায়ণ—ইহাই ছিল অবসর-যাপনের একমাত্র উপায়! এখনকার দিনে ছাই-পাঁশ কত বই নিত্য বাহির হইতেছে—ছেলেরা সে-সব বই লইয়া মাতিয়া মশগুল; রামায়ণ-মহাভারতের পরিচয় না মেলে, তা স্কুলের পাঠ্যগ্রন্থ হইতে! অথচ তাঁর ছেলেবেলায়...

অশেষকে সে দিন বলিয়াছিলেন—ও-সব “আফ্রিকার জঙ্গলে কাক্রীর দল” কিম্বা “মায়াপুরীর রাক্ষস” না পড়ে রামায়ণ-মহাভারত বই হ'খানা পড়িস। সত্যি, তোরা বাঙালীর ছেলে—সাহেব নোস! লিভিংষ্টোন হবি নে, গ্যানসেনও হবি নে—এর পরে চাকরি-বাকরি করে হংসার প্রতিপালন করতে হবে...

একথাষ বেয়ারাদের ধরিয়। ছেলে পুরানো আলমারি হইতে পুরাকালের এই 'মহাভারত' বহিখানা বাহির করাইয়াছে। এখনো পড়া হয় নাই। কে পড়াইবে? মায়ের নানা কাজ...ছেলেকে মহাভারত পড়িয়া শুনাইবেন, সে অবসর তাঁর নাই!

মহাভারতের পাতা উন্টাইতে উন্টাইতে সহসা বইয়ের মধ্যে পাওয়া গেল পুরানো ক'খানা কাগজ। কোনোটায হিসাব কথা...একখানা ক্যাশ মেমো...ওয়ার্ডশপওয়ার্থের পোস্টেমস্ কিনিয়াছিলেন তাহারি দরুণ; একটা পোস্টকার্ড; দু'ছত্র কবিতা...নিজের কবিত্ব-সাধনার নিদর্শন; একখানা খাম—আঁটা। ভিতরে চিঠি রহিয়াছে! খামে কাতারো নাম লেখা নাই...

হাসি পাউল! এগুলো আরো একবার দেখিয়াছিলেন— ফেলিতে পারেন নাই—ছেলেবেলাকার স্মৃতি...থাকুক! এই বাস্তব-বিপুল কর্মপ্রবাহের মাঝে এগুলো যেন ছোট ছোট মায়ী-দীপ...আজিও এ দীপগুলার মন যেন একটু আরাম পায়! এ দীপ যেন সেই রূপকপার মায়ী-কৃত্তকে ভরিয়া আছে!

পলকের জন্ম পুরানো স্মৃতি মনের উপর দিয়া বসন্ত বাতাসের মত বহিয়া গেল। মা...বাবা...দিদি...প্রাইজের বই লইয়া হাসি-মুখে সেই বাড়ী ফেরা...

সে-সবে যে সুখ, যে আনন্দ ছিল, আজ কণ্-জগতে অর্থ, মান-খ্যাতির অজস্রভার—কৈ সে সুখ? কৈ সে আনন্দ? ...কিন্তু এ কার চিঠি? কতকাল পড়িয়া আছে এই মহা-ভারতের মধ্যে?

খাম ছিঁড়িয়া দত্ত সাতের চিঠি বাহির করিলেন। এ যে তাঁর লেখা। এ চিঠি...

মনে বহিয়া আসিল কোথা হইতে পুষ্প-স্মরণি-ভরা এক ঝলক বাতাস! আর...

এ চিঠি তিনি লিখিয়াছিলেন বিন্দুকে...

বিন্দু! ছেলেবেলায় খেলার সাথী বিন্দু! হাসি-মুখে যে বিন্দু তাঁর কত অভ্যাচার নীরবে সহ করিয়াছে...ছোট-বড় সকল আদেশ নিরলস চিন্তে পালন করিয়াছে! তাঁর হইয়াছে মাহ ধরিবার সখ, নখে মাটী খুঁড়িয়া বিন্দু কেঁচো আনিয়া বড়শীতে গাধিয়া দিয়াছে: কাঁচা আম তিনি

পাড়িয়া দিয়াছেন, বিন্দু সে আম কুটিয়া হেঁচিয়া লক্ষা মাখাইয়া আনিয়া ধরিয়াছে তাঁর মুখে...হাতে লক্ষার কন্! ভুলিয়া কখন চোখে হাত দিয়াছে, বিন্দুর ডই চোখে কি জল না ঝরিয়াছিল!

সে এক দিন! তবু বিন্দুর মুখে হাসি এতটুকু মলিন হয় নাই!

সেই বিন্দু!...

গ্রামের স্কুলে পড়া শেষ করিয়া দত্ত সাতের আসিলেন দ্বলারশিপ লইয়া কলিকাতার কলেজে পড়িতে। ছেঁড়া কাপড়ের পুঁটলিতে মাটির তাঁড় বাধিয়া বিন্দু চুপি চুপি তাঁর গাড়ীতে তুলিয়া দিয়াছে...তাঁড়ে আচার আর কাগুন্দি। সে বয়সে দত্ত সাতের এই আচার-কাগুন্দি ভালো বাসিতেন প্রাণের চেয়ে...

এ চিঠি তিনি লিখিয়াছিলেন বিন্দুকে কলিকাতা হইতে। কি লিখিয়াছিলেন?

দত্ত সাতের চিঠি পড়িতে লাগিলেন—

বিন্দু

আজ এখানে পূব বশা নামিয়াছে। আকাশ একেবারে কালোর কালো! আর সৃষ্টি যা ঝরিতেছে, সারা পথ জলে জনময়!

তোমার কথা আজ বড় বেশী মনে পড়িতেছে! এ বর্ষার কেন কি জানি, যেন হইতেছে, তুমি যদি কাছে থাকিতে! হঠেনে বন্ধ আছে অনেক—তাদের সঙ্গ ভালো লাগিতেছে না। শুধু মনে হইতেছে, তুমি যদি কাছে থাকিতে!

পাশের ঘরে একটি বন্ধু গান ধরিয়াছে,—

এমন দিনে তারে বলা যায়

এমন ঘন ঘোর বরিষার...

ও গান শুনিয়া আমার মনে হইতেছে,—গানের ঐ 'তারে' আর কেহ নহ—তুমি! কিন্তু তোমাকে কি বলা যায়? কোন কথা? তাই ভাবি!

যে কথা মনে জাগে—তোমার না বলিয়া থাকিতে পারিলাম না! রাগ করিয়া না! সে কথা,—তোমার আমি ভালোবাসি—পূব বেশী ভালোবাসি!

বর্ষার আকাশের পানে চাহিয়া কি দেখিতেছি—জানো? দেখিতেছি, তুমি আমি ছুজনে আরো বড় হইয়াছি। আমি পাশের পড়া শেষ করিয়া পরমা রোজগার করিতেছি—ডেলি-প্যাশেঞ্জারি করিয়া নিতা অকিসে আসি—আবার সম্মায় বাড়ী ফিরি। কিরিবাবাত্র দেখা হয় তোমার সঙ্গে—উঠানে তুলসী-মকে প্রদীপ জালিয়া তুমি শাখ বাজাইতেছ,—ছুজনে চোখো-চোখি হইল—হাসিয়া তুমি মাথার ঘোমটা টানিয়া দিলে—তোমার সে হাসিতে আমার সারা দিনের খাটুনির ব্যথা, অকিসের বড় বাবুর বকুনির গানি—সব যেন নিমেষে কোথায় ঝরিয়া গেছে...

সত্যি,—এমনি কল্পনা আমার মনে জাগে। যেন, আমাদের ছেনেবেলাকার ভালোবাসা স্বামি-স্ত্রীর গভীর প্রেমে পাচ ঘন হইয়া উঠিয়াছে।

তোমার বোধ হয় খুব লজ্জা করিতেছে। খুব রাগ হইতেছে। বলিতেছ, অমড়া কোথাকারের! এমন সব কথা চিঠিতে লেখে কখনো! যদি কেহ এ চিঠি খুলিয়া পড়ে?

কিন্তু এ বর্ষায় আমার মনের সে সঙ্কোচ-ভয়—সব খুঁটয়া মুছিয়া গেছে! সত্যি বিন্দু, যদি আমাদের বিবাহ না হয়...

বন্ধিমবাবু বলিয়া গিয়াছেন, বাল্য-প্রণয়ে বৃদ্ধি অভিসম্পাত আছে! আমরা ছুঁড়নে প্রমাণ করিয়া দিব জগৎ-সত্য, না, বাল্য-প্রণয়ে অভিসম্পাত নাই! আছে শুধু মূগ—আছে চির-জীবনের আশ্রয়!

আচ্ছা, যদি বিবাহ না হয়—বলো তো, তুমি কি স্থপী হইবে? না, আমিই স্থপী হইব?

তোমার সঙ্গে বিবাহ না হইলে আমি এ জীবনে বিবাহ করিব না—দারুণ ব্রহ্মচারী হইয়া দেশ ত্যাগ করিয়া যাইব!

এ বারে বাড়ী গিয়া তোমার উপর কোনো গীড়ন অত্যাচার করিব না—বন্ধিব না; শুধু মিত্র কথা বলিব, আর আদর করিব।

তোমাদের ওখানেও এখন বৃষ্টি হইতেছে? আজ রবিবার। এখন বেলা ছুটা বাজিয়া বারো মিনিট। আমায় লিখিও। আর লিখিও, আমার মতো তোমার মনও এ বৃষ্টিতে আমার পাশে চাহিতেছে কি না?

লুক্কোট, লজ্জা করিয়ে না—লিখিও!...

বিন্দু

চিঠি এইখানে শেষ।

পাঠানো হয় নাই; খামে ভরিয়া ঠিকানা লিখিতে গিয়া মন বিধার ভরিয়া এতটুকু হইয়া গেল। বিন্দুকে কোনো দিন চিঠি লেখেন নাই! বিন্দু কাহারো কাছ হইতে কোনো চিঠি পায় না! সহসা তার নামে এ চিঠি—ডাক-পিয়ন তাদের গৃহে লইয়া গেলে একটা কলরব পড়িয়া যাইবে! কে চিঠি লিখিল? বলিয়া চারিদিকে কোঁতুহল একেবারে রথচক্রের মতো ঘর্ঘর করিয়া উঠিবে!

তার চেয়ে ছোট-একখানা চিঠি আগে লিখিয়া এ চিঠির সম্বন্ধে তাকে মনোযোগী করিয়া রাখিলে ডাক-পিয়ন আসিবার মাত্র নিঃশব্দে সে গিয়া এ-চিঠি...

পরক্ষণে আবার মনে হইয়াছিল,—না, তাও হয় না! তার চেয়ে বাড়ী গিয়া তাকে বলিবেন, একদিন দারুণ বর্ষায় যে-সব কথা মনে জাগিয়াছিল! চিঠিতে তাহাই লিখিয়া রাখিয়াছেন! ডাকে সে চিঠি দেওয়া হয় নাই! তার কারণ, পাছে বিন্দু লজ্জা পায়...এবং এই চিঠি বিন্দুর হাতে দিবেন; তাঁর সামনে বসিয়া বিন্দু চিঠি পড়িবে! পড়িবার সময় তার চুটি কপোলে লজ্জার রক্তিম আভা...

বায়োঙ্কোপের ছবির মতো সমস্ত ঘটনাগুলো সুশৃঙ্খল ধারায় মনের পর্দা বহিয়া ঝরিয়া চলিল...

এ চিঠি-লেখার মাসখানেক পরে তিনি বাড়ী আসেন। বিন্দুর সঙ্গে দেখা হয় নাই। বিন্দু গিয়াছিল তার মামার বাড়ী—মাতামহীর অস্থল। তার পর মাতামহী মারা গেলেন। তাঁর শ্রাদ্ধ-শাস্তি...

ছুটি কুরাইলে দত্ত সাহেব ফিরিয়া আসিলেন কলিকাতার হট্টেলে...

তারপর গুড-ফ্রাইডের ছুটি...পূর্বে চার দিনের ছুটিতে কখনো তিনি বাড়ী যান নাই—সেই প্রথম! বিন্দুর জন্ম মনে জাগিয়াছিল নিদারুণ আকলতা! অনেক দিন তার সঙ্গে দেখা হয় নাই।

দেশে আসিলেন। আসিয়া শুনিলেন, বিন্দুর বিবাহের কথা হইতেছে। পাত্রটি দোজবরে—পশ্চিমে কোথায় সামান্য চাকরি করে—এক পয়সা যৌতুক দিতে হইবে না। পাত্রটির বাড়ী বিন্দুর মামার বাড়ীর দেশে—সেইখানেই প্রজাপতি কেমন করিয়া দৃতীয়ালী করিয়াছে...

দত্ত সাহেবের মন যেন দশ-হাত বসিয়া গেল! এ কি কথা...!

মার কাছে তিনি বলিলেন—অমন মেয়েটার হাত-পা ধরে রাতুল কাকা জলে ফেলে দিচ্ছেন!

মা বলিলেন,—বাল্যই! অমন কথা বলিস্ নে! পাত্র মাইনে পায় আশী টাকা করে। দোজবরে হলেও আর-পক্ষের ছেলে-মেয়ে নেই। এক পয়সা যৌতুক দিতে হবে না—সে কি কম লাভ! অল্প জায়গায় বিয়ে দিতে হলে এক কাঁড়ি টাকা ঢালতে হবে...সে টাকা দেবার সামর্থ্য রাতুল ঠাকুরপোর নেই!

বুক ঠেলিয়া একটা কথা কণ্ঠ-নাগীতে আসিয়া জমিল। দত্ত সাহেবের মনে হইল, বলেন,—কেন, তুমি পারো না তোমার ছেলের সঙ্গে বিন্দুর বিবাহ দিতে? বিন্দুকে যে এত ভালোবাসো! তার এ উপকারটুকু যদি না করিতে পারো ত্তো তোমার এ-ভালোবাসার দাম?

কিন্তু এত স্পষ্ট করিয়া সে কথা বলা গেল না। কোথায় যেন বাধিল! কেন রাখিল, আজ এ বয়সে তাহা ভাবিয়া দত্ত সাহেবের কল্পনের আর সীমা রহিল না!

তারপর বিন্দুর সঙ্গে দেখা হইয়াছিল। এ চিঠিখানাও হাতে ছিল। কিন্তু বিবাহের কথা বলিবামাত্র বিন্দু হাসি-মুখে জবাব দিল,—বা রে, বড় হয়েছে—বিয়ে হবে না ?

বিন্দুর সেই স্পষ্ট দ্বিধাহীন কণ্ঠস্বর—অমন অমলিন হাসি! দত্ত সাহেব কেমন ভড়কাইয়া গেলেন—চিঠির কথা আর তুলিতে পারিলেন না।

তার পর বিবাহ...

দত্ত সাহেবের মনে আছে, বিন্দুর বিবাহের সময় দত্ত সাহেব দেশে গিয়াছিলেন।

কতবার মনে হইয়াছিল, উপন্যাসের নায়িকার মতো গভীর রাত্রে সকলে ঘুমাইলে বিন্দু আসিয়া কাঁদিয়া ডাকিবে,—নিকুঞ্জদা...

এ আশায় দত্ত সাহেব নিজের ঘরের দ্বার খুলিয়া রাখিয়া ছিলেন। দ্বার খুলিয়া জোর করিয়া রাত্রি জাগিয়াছিলেন—এবং গভীর রাত্রি যখন স্তব্ধতায় ভরিয়া গেল, তখন উৎকর্ণ বসিয়াছিলেন কখন মৃত্ চরণধ্বনি জাগে দ্বারের বাহিরে... বসিয়া ভাবিতেছিলেন, তিনি কি করিবেন? বিন্দু আসিয়া কাঁদিয়া যখন বলিবে, আমার এমন ভাবে ঠেলে বিদায় করে দেবে, নিকুঞ্জদা...? আমি সে অনেক স্বপ্ন দেখতুম! তোমার অত ভালোবাসা...সে শুধু খেলা?...একটা নারীবন্দন ভেঙ্গে চূর্ণ হয়ে যাবে তোমার এ খেলার লীলায়?

কি জবাব? তিনি এমন কি জবাব দিবেন?

রক্ত-মাংসে গড়া মানুষের মতো তিনি চূপ করিয়া থাকিবেন না—কখনো না...! উপন্যাসের নায়কের মতো বলিবেন,—না, না বিন্দু, তোমায়-আমায় এই যে ভালোবাসা—এ ভালোবাসা অক্ষয় অম্লান থাকিবে চিরকাল...! জানে বিন্দু, কলিকাতার হঠেলে বসিয়া এক দারুণ বর্ষার দিনে অসঙ্কোচে আমার মনকে মেলিয়া ধরিয়াছিলাম তোমারি উদ্দেশে! এই ঠাখো, তোমায় লক্ষ্য করিয়া মনের অকপট কি কথা আমি চিঠির ছত্রে লিখিয়াছিলাম...

তখন এ চিঠি ধরিয়া দিবেন বিন্দুর অশ্রু-সজল চোখের সামনে!

তার পর...?

মাকে গিয়া সাফ বলিবেন—বিন্দু...এই বিন্দুকে আমি ভালোবাসি! আমি তাকে বিবাহ করিব। আমি ভিন্ন আর কাহাকেও সে স্বামিহে বরণ করিতে পারে না। বরণ করা

তার পক্ষে সম্ভব নয়। ছটা বুক এমন করিয়া তোমরা ভাবিয়া দিয়ো না মা...

মা যদি সে কথা না শোনেন? বিদ্রোহ...

তাই! স্বামি-স্ত্রীর মনে থাকে যদি নিবিড় ভালোবাসা, সংসারে কোথায় তবে অভাব রহিল? বড় বাড়ী, গাড়ী, ব্যাঙ্কের মোটা তবিল, দাস-দাসী—সেগুলায় কি এমন স্ত্রী! সেগুলো না থাকিলেও সংসার দিব্য চলিয়া যার...

কিন্তু হায়রে, অধীর প্রতীক্ষার সারা রাত্রি কাটিয়া গেল, দ্বারে বিন্দুর পায়ের ধ্বনি জাগিল না! বিন্দু আসিল না!

বেচারী...

হয়তো ভয়ে আসে নাট!

সকালে তিনি গেলেন বিন্দুদের বাড়ীতে। হাসি-মুখে বিন্দু আসিয়া দেখা করিল। পরণে লাল-পাড় শাড়ী...মাথায় গৌপা, সে গৌপায় রূপার কাজল-লতা গৌজা...

বিন্দুর হাসি-মুখ দেখিয়া দত্ত সাহেব সেন কুণ্ঠিত হইয়া পড়িলেন।

বিন্দু কহিল,—মুখ অমন শুকনো কেন, নিকুঞ্জদা? রাত জেগে এগজামিনের পড়া পড়ছিলে, বুঝি?

পড়া! তায় মৃত্ বালিকা! রাত্রি জাগার ঐ একটা কারণই শুধু জানিয়া রাখিয়াছ! বৃকের মতো...

বিন্দু কহিল—বিয়ে দেখে যাচ্ছ তো?

মুখে জোর করিয়া হাসির রেখা আঁকিয়া দত্ত সাহেব বলিলেন,—হঁ।

বিন্দু কহিল,—কতদূরে চলে যাবো—তোমার বিয়ের সময় জ্যাঠাইমাকে বলে আমায় আনিয়ো—সত্যি, নিকুঞ্জদা, নাহলে তোমার সঙ্গে জন্মের মতো আড়ি হয়ে যাবে...

সেই বিন্দু...

আজ কোথায় সে আছে? কেমন আছে, কে জানে! ...আশী টাকার উপর সংসারের নির্ভর...

ছোট একটা নিশ্বাস!

বিন্দুর বিবাহ হইয়া গেল। উপন্যাসের নায়কের মতো লুচি পরিবেষণ করিয়া অত্যাগ্র হাসির উচ্ছ্বাসে দত্ত সাহেব



কাহারো বিরক্তি জাগাইয়া তোলেন নাই...বিবাহ-বাড়ীর শঙ্করোল শুনিয়া কাঁদিয়া বিচঞ্চল হন নাই !...

কোথায় চলিয়া গেল বিন্দু...এ চিঠি তাকে দেওয়া হইল না। চিঠিখানা কেন যে রাখিয়া দিলেন...এবং কোথা হইতে এ চিঠি ঘুরিয়া ফিরিয়া গিয়া এই পুরানো মহাভারতের মতো নিরাপদ নীড় বাধিয়াছে, মনে পড়ে না !...

কলেজের পড়া, এগ্জামিনের মাতন...দিনগুলি কোথা দিয়া কোন্ পথে তখন চলিয়াছিল...

এম-এ পাশ করিয়া বিশ্ববিদ্যালয়ে যে কীর্তি রাখিলেন, সে কীর্তির ফলে গৃহঘারে আসিয়া দেখা দিলেন মৃগাক্ষ মিত্র বায়ু বাহাদুর ! তাঁর কন্যা শ্রীমতী অন্নপূর্ণা দেবী বর-মালা লইয়া দাড়াইয়া আছেন—দত্ত সাহেবের প্রতীক্ষায়...দেবীর অঙ্গে মণি-মাণিক্যের বিচিত্র ভূষা ! এবং বরকে আমন্ত্রণ করিয়া লইয়া যাইতে বায়ু বাহাদুরের হাতে ছিল নগদ দশ হাজার মুদ্রা এবং আনুষ্ঠানিক আরো বহু অর্থভার !

মন হইতে সরিয়া বিন্দু তখন পশ্চিমের কোন্ সহরে দোজবরে স্বামীর ঘরে বাস করিতেছে...সঙ্গে সঙ্গে কোথায় সরিয়া গিয়াছে সেই এক বর্ষা-দিনের তীব্র কাব্যোচ্ছ্বাস ! বায়ু বাহাদুরের কথায় চোখের সামনে জাগিতেছিল আলো-ঝলমল প্রশস্ত রাজপথ ! সে পথে চলিয়াছে প্রমত্ত গোরবে নিকুঞ্জর মোটর-গাড়ী প্রাসাদ-ভবন লক্ষ্য করিয়া...

ভাবিতেছিলেন, এ পথে আসিয়া কি পাইয়াছি ? পয়সার পিছনে নিত্য দিন ছুটিয়া সারা হইতেছি, মেন শৌকারী কুকুর ! শৌকারের সহ্যানে ছুটিয়া ছুটিয়া দিনের শেষে শৌকারী কুকুর যেমন ফিরিয়া তার বন্ধ ঘরে আশ্রয় পায়,—সে ঘরের কোথাও প্রাণ নাই, প্রীতি নাই, হাসি নাই, আলো নাই—আলোর যেটুকু ঝলক অঙ্গে আসিয়া লাগে, তা ঐ পথে মৃগায় বাহির হইয়া...তাঁর ভাগ্যেও তাই ! এ-গৃহে কোথায় স্নেহ ? প্রেম ? দরদ-প্রীতির সে আরাম-সুখা ? জীবনটা চলিয়াছে মেন কলের মতো—একেবারে রুটানের লাইন ধরিয়া !

যে জীবনের স্বপ্ন দেখিতেন, চিঠিতে যে জীবনের আভাস...অনাড়বর কামনা...সহজ ভূক্তি...সরল আনন্দ !

দাস-দাসীর কলরব না থাকিলেও সন্ধ্যার প্রদীপ-হাতে প্রিয়তার চোখে চোখ পড়িবারাত্র অধরে হাসির সে জ্যোৎস্না-সহর তার কাছে আজিকার এই...

শুধু সে দিন নয়, চিরদিন মনে হইত, মানুষের সব-কামনার সার্থকতা সেই হাসির বিজলী-প্রভায় !

নীচে গাড়ীর শব্দ । দত্ত সাহেবের চমক ভাঙ্গিল ।

শ্রীমতী অন্নপূর্ণা দেবী আসিলেন ।

আকাশে জ্যোৎস্না...চিঠিতে ছিল মেন পুষ্প-সুরভি ! সে-সুরভি দত্ত-সাহেবের মন হইতে তখনো ঝরিয়া মিলাইয়া যায় নাই ! একটু প্রীতি, একটু দরদ, একটু হাসির প্রত্যাশায় মন আকুল...

ভালো লাগে না ! সত্যি ভালো লাগে না কন্যচক্রের নীচে মনকে জ্বলজ্বা গতি-বশে ধরিয়া দিয়া তাকে পিষিয়া চূর্ণ করিয়া নিত্য এমন পয়সা সংগ্ৰহ করার বিপুল সাধনা...

দত্ত-সাহেব নিশ্বাস ফেলিলেন । শ্রীমতী অন্নপূর্ণা দেবীর পানে চাহিয়া কোমল সরস কর্ণে কহিলেন,—আজ তোমাদের মিটিং এ কি হলো ?

ক্রকুটি-ভঙ্গীতে শ্রীমতী অন্নপূর্ণা চাহিলেন স্বামীর পানে...বলিলেন,—হ্যাঁ, ক্ষিদেয় সারা হয়ে যাচ্ছি—খাওয়া-দাওয়া রেখে এখন তার রিপোর্ট দিতে বসি তোমায় !

শ্রীমতী অন্নপূর্ণা দেবী চলিয়া গেলেন, বেশ-বদল করিতে...

দত্ত সাহেব দাড়াইয়া রহিলেন নিষ্কাক, নিষ্পন্দ...

ও ঘর হইতে শ্রীমতী অন্নপূর্ণা দেবী প্রণয় করিলেন,—আজকের টাকা-কড়ি তুলেছ ? না, পড়ে আছে সেই ক্রীফ-ব্যাগে ?

দত্ত-সাহেব কোনো জবাব দিলেন না...মনের অবস্থা এমন যে, মন এ-পৃথিবী ছাড়িয়া যেখানে হোক, পলাইতে পারিলে বাচে !

একরাশ মেঘ আসিয়া আক্রোশ-ভরে আকাশের চাঁদকে দিল ঢাকিয়া...চারিদিকে কালো ছায়া নামিল...

দত্ত-সাহেব একটা নিশ্বাস ফেলিলেন—এই কালো ছায়াই জীবনে সব-চেয়ে বড় সত্য হইয়া রহিল, ভগবান !

শ্রীসৌরীন্দ্রমোহন মুখোপাধ্যায় ।



## হিমালয়ে পাঁচ ধাম

( পূর্বে প্রকাশিতের পর )

মন্দিরের অভ্যন্তরভাগে যে ঘরে “বদরী-বিশালজী” বিরাজ করিতেছেন, তাহার সম্মুখেই আর একটি ঘর, সেটি অপেক্ষাকৃত প্রশস্ত, অনেকটা নাট-মন্দিরের মত হইলেও আচ্ছাদনযুক্ত থাকায় ভিতরের ঘরটি যেন কতকটা অন্ধকার করিয়া দিয়াছে। এ জগৎ বাহির হইতে হঠাৎ কোন যাত্রী মূর্তি-সম্মুখে উপস্থিত হইলে কিয়ৎকাল তাঁহাকে স্থির হইয়া দাঁড়াইতে হয়। অবশ্য অহোরাত্রই সেখানে ঘৃত-প্রদীপ জ্বলিতে থাকে।

মন্দিরের পশ্চিমাংশে কোণের দিকে ভোগ-বাগীর ঘর ও তৎপার্শ্বে লক্ষ্মীদেবীর মন্দির বিরাজমান। বেলা বাড়িয়া যাওয়ার



মন্দির-প্রাঙ্গণে যাইতে বহির্দ্বারের এক পার্শ্ব

ঐ দিনে আমরা ইহাদের দর্শন-পূজাদি শেষ করিয়াই বাসায় ফিরিয়াছিলাম। নির্দিষ্ট পাণ্ডা “স্বর্ধা-প্রসাদ-রাম-প্রসাদ”এর দ্বিতল বাটীর নীচের একখানি ঘরে আশ্রয় লওয়া হয়। সে সময়ে পাণ্ডা ঠাকুরের ওখানে যথেষ্ট যাত্রী, তন্মধ্যে চন্দ্রনগরনিবাসী জনৈক ভদ্রলোকের দল উল্লেখযোগ্য। ইহার সঙ্গে এককালীন ১৪ খানি ডাক্তিতে ১৪ জন সওয়ার এবং কতক জন বা ঘোড়ার উপরে সওয়ার হইয়া হরিদ্বার হইতে এখানে আসিয়াছিলেন। জিজ্ঞাসায় জানিলাম, প্রত্যেক ডাক্তির ভাড়া সওয়ারের ওজন হিসাবে ১১০ টাকা হইতে ১৩০ টাকা পর্যন্ত দিতে হইবে।

“চানাচবৈনি” ইত্যাদি স্বতন্ত্র। ইহাদের তদ্বীর করিতেই পাণ্ডা ঠাকুর সে সময় বিলক্ষণ ব্যস্ত ও বিব্রত ছিলেন। দেখিলাম, আহাৰ-ব্যাপারে এখানে বেশীর ভাগ যাত্রীই ভোগের প্রসাদের উপরেই নির্ভর করিয়া থাকেন। জগন্নাথক্ষেত্রের মত ‘ছড়িদার’রা মন্দির হইতে কেবল মহাপ্রসাদই বহন করিয়া আনিতেছিল, সে কি ছড়াছড়ি ও দৌড়াদৌড়ি ব্যাপাব’ ভাত, ডাল, তরকারী, চাটনি হইতে পায়সান্ন, পাপর পর্যন্ত কোন জিনিষ যেন আর বাকী নাই, বিশালজীর ভোগের ব্যবস্থা কতই না বিশাল! শুনিলাম, কেবলমাত্র এই বদরীনাথের ভোগেই দৈনিক ১৫২৮০ বায় নির্দিষ্ট আছে। বড় সাধারণ কথা নহে। “প্রসাদঃ হরি-নৈবেদ্যং ভূঞ্জীয়াস্তুক্তিতংপবঃ” এই শাস্ত্রবচনামুযায়ী অনেকই যে এ বিষয়ে যথেষ্ট ভক্তিপরায়ণ, তাহা দ্বিপ্রহরে ভোগের পরে সে সময়কার অবস্থা দেখিলেই সহজে উপসক্তি হইয়া থাকে।

“বদরীবনমধ্যে বৈ বদরী-নাথকো হরিঃ” এই শাস্ত্রবচনামুযায়ী অতীত যুগে কোন্ সময়ে এই বদরিকা-ক্ষেত্র বদরী-বনে পরিপূর্ণ ছিল, বলিবার উপায় নাই, তবে ইদানীন্তন এই চতুর্দিকে পাহাড়বেষ্টিত বৈকুণ্ঠ-ভবন যেন একটি মানব-সৃষ্ট ‘ছোট-খাটো’ সহরের মতই পরিণত হইয়াছে বলিলে অতুক্তি হয় না। বাস্তব হুধারেই সারি সারি অজস্র দোকান। নানাবিধ দ্রব্যসম্ভারে দোকানগুলি পরিপূর্ণ—খেলানা, ছবি, ফটো, মনিহারী দ্রব্য, তীর্থ-পুস্তক, পুরী হালুয়া-মিঠাইএর দোকান, মুদীখানা—এমন কি, দেশের খবর লইবার সংবাদপত্র পর্যন্ত যাহার যে জিনিষের প্রয়োজন, সমস্তই খুঁজিয়া পাঠিবেন। সরকারের অগ্রগৃহে খাবারের দোকানের পাশে পাশে পাইপ-সংযোগে জলের ব্যবস্থা, ধর্মশালা, পোষ্ট অফিস, তার-ঘর—কিছুরই ত অভাব দেখিলাম না। এমন সহজসাধ্য ও সুখের বৈকুণ্ঠ-ভবনে বৈকুণ্ঠনাথ-দর্শনে অবহেলা করিলে বাস্তবিকই সে ব্যক্তি কলিযুগে বঞ্চিতই হইয়া থাকেন সন্দেহ নাই। শাস্ত্রেই উল্লিখিত রহিয়াছে,—

“আগচ্ছন্ বদরীং যস্ত কৃতকৃত্যত্বমাপ্নুয়াৎ।  
ন নমঃশ্চ হরিং দেবং বঞ্চিতোহত্র কলৌ যুগে।”

অর্থাৎ যে ব্যক্তি বদরিকাশ্রমে আগমন করিয়াছে, তাহার কৃতকার্য লাভ অর্থাৎ সিদ্ধি হয়, কিন্তু কলিযুগে যে ব্যক্তি ইহাকে প্রণাম না করিয়াছে, সে বঞ্চিতই হইয়াছে।”

এ স্থানে আসিলে যাত্রিগণ পঞ্চতীর্থে \* স্নান, পঞ্চালয় † নমস্কার ও শ্রীশ্রীখাদি কেনােখের শঙ্ককে দর্শন করিয়া থাকেন। এখানে আমবা ত্রিরাত্র বাস করিয়া ছলাম। দ্বিতীয় দিবস প্রাতে আমবা “তপ্তকুণ্ডে” স্নানেচ্ছু হইয়া স্থানে উপস্থিত হইলাম। কুণ্ডটি একটি প্রকাণ্ড চৌবাচ্চার মত, উপরে টিনের আচ্ছাদন দেওয়া আছে। কবিত আছে, এক সময় এই বাসু-তীর্থে আসিয়া অগ্নি হরির পূজা করা হইয়াছিল;—

“বহু তীর্থসমায়ুক্তং বিষ্ণুলোকপ্রদং শিবঃ,  
বাসু-তীর্থং যত্র দেবি বহুনারাধিতো হরিঃ।”

অর্থঃ “শিব! ইহা বিষ্ণুলোকপ্রদ বহুতীর্থযুক্ত। যে বহু-তীর্থে অগ্নি হরির আরাধনা করিয়াছিলেন।” এই স্থানে যাত্রীদের ভিড়ের সঙ্গত পাণ্ডাদের ভিড়ও যথেষ্ট দেখিলাম। স্নান করিবার উচ্চাকাঙ্ক্ষা যাত্রীর মনে বহুটুকুই থাকুক না কেন, সঙ্কল্প করাটীবার জঙ্গ এই পাণ্ডাগণের ঘন উচ্চাকাঙ্ক্ষা অনেক বেলী! কুণ্ডমধ্যে উষ্ণ জলের প্রবাহ, শীতের দিনে স্নান কতকটা আনন্দপ্রদও বটে! তুষারকিবাটি, তিমালয়ের ইহাও এক অপূর্ণ বৈভব সন্দেহ নাই। বৈজ্ঞানিকগণ যাচাই বলুন না কেন, তুষার-শীতল জলের পার্শ্বেই ধমন দেখি, এট উষ্ণ জলের ধারা প্রস্রবণ, বিচিত্র সমাবেশ তিন্ন তখন আর কি বলা যাইতে পারে! স্নান করিয়া উপরে উঠবার কালে সম্মুখেই আদি কেনােখের পাবত্র মন্দির দেখা যায়। মন্দিরের পার্শ্বেই তথাকথিত “বাওল” বা বিশাল-লালের পূজারীর প্রাসাদ। এই স্থানেই “ত্রোটিকাচার্ঘ্যের গদি” ও “কাছারীবাড়ী”—যেখানে যাত্রিগণ সাধারণতঃ বিশালজীর পূজা বা ভোগের দক্ষণ সামর্থ্য ও ক্রটি হিসাবে ভেট নিয়া বসিদি লইয়া আসেন।

তপ্তকুণ্ডে স্নান ইত্যাদির পরে আমবা এ দিন পুনরায় মন্দিরে উপনীত হইয়া ছলাম। বিশালজীর স্নানকালীন দর্শন মধুর ও উপভোগ্য ভাষায় বহু সাধনসাধনায় কর্তৃপক্ষকে আপ্যায়িত করিয়া মন্দিরমধ্যে প্রবেশলাভ করি। পদ্মাননে উপবিষ্ট ভগবানের চতুর্ভুজ মূর্তির এই সময়েই ত যাত্রীর সমস্ত রূপ স্পষ্ট দেখবার মৌভাগ্য লাভ করিয়া থাকেন। বাওল বা পূজারী নিজেই দণ্ডায়মান থাকিয় স্বহস্তে শ্রীমন্দির স্নানাদি কার্য সম্পাদন করেন, সে সময় দর্শকবৃন্দ যথার্থই সেই বিশ্বনিয়ন্তা বৈকুণ্ঠনাথের জাগ্রত স্বরূপ দর্শনে যেন বৈকুণ্ঠনাথের স্নানল লইয়াই বাসায় ফিরিয়া আসেন, ফিরিবার কালে দর্শন প্রত্যাগত যাত্রিগণের মুখে কেবল এই কথাই পুনঃ পুনঃ স্রুত হইয়া ছলাম।

এই ভোগেশ্বরীমণ্ডিত বিশালজীর আয় বড় কম নহে। ভারতের এক প্রান্ত হইতে অপর প্রান্ত পর্যন্ত রাজা, মহারাজা, ধনী ও সাধারণ—লক্ষ লক্ষ হিন্দুস্তানই প্রতি বৎসর এ সময়ে এখানে আগমন করিয়া সামর্থ্যানুযায়ী পূজা ও ভেট ইত্যাদি অর্পণ করেন। নারায়ণের শ্রীপাদপদ্মে দানের পরিমাণ কত উদ্ভিরা থাকে, আঁতরাব দিনে স্নানেই হয় ত ইহার খবর রাখেন না।

\* পঞ্চতীর্থ যথঃ,—কবিগঙ্গ, কুণ্ডারী, এজলাধারা, তপ্তকুণ্ড ও নারদগুণ্ড।

† পঞ্চালয় যথঃ,—নারায়ণালী, বারাহীশিলা, নারসিংহীশিলা, মার্কণ্ডেশ্বরীশিলা ও মার্কণ্ডীশিলা।

আমবা বাওলের বিশিষ্ট কর্ণচারী-প্রস্থান সে সময় প্রথমতঃ বতদূর অবগত হইতে সমর্থ হইয়াছি। পাঠকবর্গের অবগতির নিমিত্ত এখানে তাহার আয়-ব্যয়ের একটু সংক্ষিপ্ত আভাস দেওয়া অপ্ৰাসঙ্গিক মনে করিলাম না।

আয়ঃ—

রাজস্ব বা রেভিনিউ বিভাগ হইতে	
আনুমানিক বাৎসরিক আদায়	১৫,০০০
রাজা মহারাজা হইতে	২৫,০০০
এবং	
যাত্রী হইতে আনুমানিক বাৎসরিক আদায়	১০,০০০
আনুমানিক সর্বসমেত আয়	৫০,০০০

ব্যয়ঃ—

ইহার অধীন ২২টি মঠের দেবতা ইত্যাদির—

১। পূজা এবং ভোগ ইত্যাদি বাবদ		
প্রত্যাহ ১০০ টাকা হিসাবে বাৎসরিক	৫৬,৫০০	
২। বদরী-বিশালজীর ভোগ বাবদ		
প্রত্যাহ ১৫২১/০ হিসাবে	৫৫,৭০৮	
৩। মাসিক বেতন খাতে		
রাওল	২০০	} ৮০০ হিসাবে ২,৬০০
নাচের রাওল	১০০	
অম্বাঙ্গ কর্ণচারী, চাকরবৃন্দ	৫০০	
৪। দস্থবী বিভাগ ও স্বয়ং-সাব্যস্ত		
বিভাগ ইত্যাদিতে		৫০০০
৫। মঠ ইত্যাদির বাটী মেঘামত ইত্যাদি খাতে		
মাসিক ৩০০ হিসাবে		৩৬০০
৬। গড়গাল জেলার স্কুল বিভাগের স্বহারশিপ খাতে		
মাসিক ১০০ টাকা হিসাবে		১২০০
৭। দরিদ্রদগকে বিতরণ খাতে		১০০০
৮। ঔষধ বিভাগে		
মাসিক ৫০ টাকা হিসাবে		৬০০
আনুমানিক সর্বসমেত ব্যয়		১,১৩,২০৮

রাওল—কর্ণচারীর এই উক্তি যদি অসত্য না হয়, তবে উল্লিখিত হিসাব দৃষ্টে স্পষ্টই বুঝা যায় যে, আয় হইতে এই সকল ব্যয় বাদ দিয়াও বিশালজীর ভোগের প্রতি বৎসরেই প্রায় পঁচিশ হইতে কমবেশী ত্রিশ হাজার টাকা পর্যন্ত উদ্বৃত্ত থাকিয়া যায়। তুষারকিরাটী তিমালয়ের নিভৃত তুষারক্ষেত্রে সেই ধনাধিপতি কুবেরের বাসস্থান কোথায় লুকায়িত আছে, এ যুগে তাহা জানিবার আদৌ উপায় নাই, কিন্তু পর্যবেক্ষণ করিয়া দেখিলে এই বদরী-বিশালজীর বিশাল বিশ্ববন্দিত চরণ-পদ্মে যে যক্ষের ধনের মত প্রতি বৎসরেই অগণিত অর্থ ও বৈভবানি ভগ্ন হইতেছে—মানব-চক্ষুতে ইহার চক্ষু প্রমাণ এইখানেই, ইহা অস্বীকার করিবার উপায় নাই। অনন্তব্যায় শাসিত, মুদিত-পদ্মনেত্র চতুর-চূড়ামণি শ্রীহরির চরণ পার্শ্বে যেখানে মূর্তিমতী স্বয়ং চকলা দেবী সেবা-নিরতা বিরাগ করেন, সেখানে লক্ষ লক্ষ পরিভ্রান্ত যাত্রীর


ভক্তিনিবেদিত অর্ঘ্য সম্ভার বিপুল বৈভবরূপেই যে দিন দিন আত্ম-প্রকাশ করবে, বিচিত্র কি!

যেখানেই কল্পমাণ্ডলের কুপাদৃষ্টি থাকে, সেখানে প্রায় সর্বত্রই কোন ন কোন রকমে একটু বিবাদের সৃষ্টি দেখা যায়।

পূর্বেই বলিয়াছি, একমাত্র রাওলই এ স্থানের পূজা ইত্যাদি সকল কার্যেই হস্তা কর্তা বিদ্যাতার মতই উচ্চাসনে বসিয়া হুকুম চালাইয়া থাকেন। পূর্বে এই বদরীনাথ স্বাধীন টিহরী-রাজ্যের সীমান্ত ছিল। গত ১৮১৫ খৃষ্টাব্দে "গুরুগ-যুদ্ধের" পর হইতে এ স্থান বৃটিশ গভর্নমেন্টের এলাকামধ্যেই নিদ্ধিষ্ট হইয়াছে। সশস্য বৃটিশ গভর্নমেন্ট প্রজারিগের ধর্ম সংক্রান্ত ব্যাপারে চিরদিনই নিরপেক্ষ থাকা হেতু এই নিয়মানুযায়ী তথা-কথিত রাওল বা

টিহরী-রাজ-বিক্রমে ফৌজদারী মোকদ্দমা আনয়ন করিয়াছিলেন। বিচারে তে সময়ে প্রকৃতপক্ষে দরবার-পক্ষই পরাস্ত হইয়া যান।

তখন হইতেই রাজনরায়র স্পষ্টতঃ বৃটিশ গভর্নমেন্টকে জানাইয়া আসিতেছেন যে, "যত দিন পর্যন্ত এই বদরীনাথের দেওয়ানী ও ফৌজদারী বিভাগ তাঁহার রাজ্যে হস্তান্তরিত না হইবে, তত দিন তিনি ও তাঁর-স্বাক্ষর ব্যতী বা আয়-ব্যয়ের প্রকৃত তথ্য পর্যবেক্ষণ বিষয়ে অত্যন্ত অসুবিধা বোধ করিবেন ইত্যাদি।" দরবার-পক্ষ হইতে মুদ্রিত, "বদরীনাথ মন্দির সম্বন্ধে" সংকল্প কাগজ-খানি পাঠ করিলে জানা যায়, এ বিষয়ে ইউ. পি. গভর্নমেন্ট ভারতের সমগ্র সনাতনী হিন্দু জনসাধারণের মহামত কি, জানিতে



বদরীনাথ-মন্দিরের আর এক দরজা

পূজারীরা ঘাই-তদন্থি এ বদরীনাথ তাঁর পূজা ও ধর্ম-স্বাক্ষর আয়-ব্যয়ের ব্যাপারকার্য সুনির্ভর হইয়া আসিতেছে। টিহরী রাজ দরবার-পক্ষ, এ স্থানের প্রশাসনিক না থাকিলেও রাওল কর্তৃক আয়ব্যয়-সংক্রান্ত সমস্ত বিষয়ই পরীক্ষা (audit) করিবার জন্য গভর্নমেন্ট হইতে সম্মতি লাভ করিয়াছেন। সম্প্রতি গত ১৯২৩ খৃষ্টাব্দ হইতে দরবার-পক্ষ ও রাওল মহাশয়ের খুবই "মন কবাকবি" চলিতেছে শুনিলাম। দরবার-পক্ষের কথা—“ঐ সময়ে তাঁহাদের নিদ্ধিষ্ট কোন কর্তব্যকারী মন্দিরস্বাক্ষর কোন কার্যে হস্তক্ষেপ করিতে গেলে রাওল মহাশয় উহার ব্যবস্থা মানিয়া লইতে অস্বীকার করেন। ফলে দরবার-পক্ষ মন্দিরের অর্থভাণ্ডার ঘরের (Treasury door) দরজার রাওলের অমতে চাবিবদ্ধ করার সেই সুযোগে রাওল মহাশয় স্থানীয় বৃটিশ ফৌজদারী আদালতে



তপ্ত কুণ্ড

চাহিয়াছেন। এই হস্তান্তর উদ্দেশ্যে দরবার পক্ষ ইতিমধ্যেই বহু স্থানের হিন্দু-সভার মতামত সংগ্রহ করিয়াছেন দেখিলে। অবশ্য রাওল মহাশয়ও তাঁহার নিজের প্রাপ্য ভাগে অক্ষুণ্ণ থাকে, সেজন্য নিশ্চেষ্ট বসিয়া আছেন বলিয়া মনে হইল না। ফল ফল সূক্ষ্ম-দৃষ্টি বৃটিশ গভর্নমেন্টের আদেশের উপবেই নির্ভর করিতেছে সন্দেহ নাই। আমরা কিহ এ স্থলে যাত্রীর পক্ষ হইতে কর্তৃপক্ষকে কেবল উহাই স্পষ্ট জা হইতে বাধ্য হইব, “যুগ-বৃগান্তর হইতে যে মন্দির ভারতের সমগ্র হিন্দুজাতির গৌরব ও পারিত্রিক নিস্তারের একমাত্র কারণ, সে মন্দিরে যাত্রী-সকল এত অধিক ধন-সম্পত্তি সঞ্চিত থাকিতে যাত্রীগণ সেখানে কোনও বিষয় কোনও প্রকার অব্যবস্থা বা অবহেলা না দেখিলেই প্রকৃতপক্ষে সুখী হন। এইটুকু জানিয়াই যেন কর্তৃপক্ষ সুব্যবহার নিকে দৃষ্টিপাত করেন।



টিহরীরাজ দরবার পূজা বিভাগের কর্তা বাওল মহাশয়ের নিকট হইতে এ ক্ষেত্রে মন্দির-সংক্রান্ত কোন বিষয়ে ব্যবহার ক্রটি দেখিয়াছেন (যাহার জ্ঞান এই মনোমালিন্যের সৃষ্টি হইয়াছে), তাহাও জনসাধারণের নিকটে সুস্পষ্ট জানাইয়া দেওয়া, সর্ব-প্রকারেই সুসঙ্গত বলিয়া মনে হয়।

মুনিজনসেবিত এই শ্রেষ্ঠধাম বদরিকাশ্রমে যে দিকেই দৃষ্টিপাত করা যায়, সকল স্থানই এক একটি তীর্থে পরিণত হইয়াছে বলিলে অত্যুক্তি হয় না। এস্থানের মাহাত্ম্য একমুখে বর্ণন করা অসম্ভব। শাস্ত্রকার বলিয়াছেন,—

“মাহাত্ম্যং কেন শক্যোত বক্তুং বহুশটৈতরাপ।

বহু গঙ্গা মহাভাগা বদরীনাথশোভিতা।”

অর্থাৎ যে স্থানে মহাভাগা গঙ্গা বদরীনাথের শোভা সম্পাদন করিয়া থাকেন, সে স্থানের মাহাত্ম্য শতবর্ষেও কেহ বলিতে সমর্থ হইবেন



বদরীর নিকটে তুষার-দৃশ্য

না। পিতৃপুরুষগণকে পিণ্ডদানের নিমিত্ত “ব্রহ্মকপাল” এ স্থানের আর একটি বিশিষ্ট তীর্থবিশেষ। মন্দিরের উত্তরভাগে একেবারে অলকনন্দার তটের উপরেই ইহা অবস্থিত। কথিত আছে, এক সময়ে সৃষ্টিকর্তা ব্রহ্মা উন্নত অবস্থায় স্বীয় মানস-কন্ডার রূপদর্শনে মোহিত হইয়া তাহার পশ্চাৎ পশ্চাৎ ধাবিত হন। সে সময়ে দেবাদিদেব মহাদেব স্বয়ং সেই সৃষ্টিকর্তা পঞ্চবক্তুর একটি মুণ্ড ছেদন করেন। অতঃপর ব্রহ্মাহত্যাভিনিত পাপফালনের নিমিত্ত এ স্থানে আসিয়া স্নান করিলে তিনি পাপমুক্ত হন। এই অলকনন্দার তটেই সে ছিন্নমুণ্ড পতিত হইয়াছিল, সেই কারণে এ স্থানের “ব্রহ্মকপাল” নাম হইয়াছে। তদবধি এ স্থানে পিণ্ডদান-প্রথা চলিয়া আসিতেছে।

“যৈরজ পিণ্ডবপনং কৃতং জলসুতপ্নম্।

তারিতাঃ পিতরস্তেন দুর্গতা অপি পাপিনঃ।

কিং গয়াগমনাদেবি কিমন্ততীর্থতর্পণঃ।”

অর্থাৎ যে ব্যক্তি এই স্থানে পিণ্ডবপন বা জল দ্বারা তর্পণ করে, তাহার পিতৃপুরুষগণ হীনগতি প্রাপ্ত হউক অথবা পাপী হেতু নরকেই পড়িয়া থাকুক, তাহাদের জন্ম গয়াগমন বা অন্য তীর্থে তর্পণের আবশ্যক কি? ব্রহ্মকপালে পিণ্ডদানমাত্র তাহারা মুক্ত

হইয়াছে।” সেখানকার প্রথাক্ষমারী ‘মহাপ্রসাদ’ খরিদ করিয়া তদ্বারাই পিণ্ডদানকার্য সম্পন্ন করিতে হয়। বলা বাহুল্য, আমরাও তৃতীয় দিনে তৎসক্রে উপস্থিত হইয়া “কর্মধারায়” প্রথমে স্নানাদি কৃত্য শেষ করিয়া লটলাম, তার পর ক্রীত মহাপ্রসাদ দ্বারা মথারীতি এইরূপে পিণ্ডদান কার্য শেষ করিয়া বাসায় ফিরিয়াছিলাম। দেখিয়াছি, “ব্রহ্মকপালে” প্রত্যহই যাত্রীর যথেষ্ট ভিড়। সকলেই তীর্থঙ্কর দ্বারা এখানে এ কার্য সম্পন্ন করিয়া থাকেন।

বাজারের মধ্যভাগে একটু নিম্নদেশে আসিয়া “ত্রিধারা”। তাহার জল পানীয় হিসাবে উৎকৃষ্ট—আরও একটু আগে উত্তরদিকে বামামুখ সম্প্রদায়ের একটি স্থান তাহাকে “বামামুখ কোঠা” বলা হয়। এই বাটার মধ্য হইতেই আবার “প্রফ্লাবধারা” বাহির হইয়াছে। ইহার জল না গরম না ঠাণ্ডা। “ঋষিগঙ্গার” দক্ষিণে



বরফগলিত ধারা নদীতে নামিয়াছে

পর্বতপার্শ্বে “উর্কশী” দেবীর মন্দির, ঋষিগঙ্গা পর্বতের উপরিভাগে “চরণ-পাড়কা”, নর-পাহাড়ে “শেষ-নেত্র” ও ব্রহ্মকপাল হইতে এক মাইল আন্দাজ উত্তরে প্রস্তরক্ষেপিত “মাতা-মূর্তি” প্রভৃতি কত তীর্থের কথাই স্মৃত হইলাম। বলা বাহুল্য, আমাদের সময়ের অল্পতা নিবন্ধন সে সব তীর্থ দেখিয়া আসা কোনমতেই সম্ভবপর হয় নাই। বদরীনাথ হইতে দুই মাইল আগে গেলে “মানা-গ্রাম” এবং তথা হইতে মাত্র ৪ মাইল দূরে “বসু-ধারা” দর্শনের খুবই ইচ্ছা ছিল, কিন্তু দুর্ভাগ্য বশতঃ আমাদের সহযাত্রী পূজনীয় অগ্রজ মহাশয় পাঁচ দাম দর্শনের পর শুধু পরিশ্রান্ত নহে, বিলক্ষণ অসুস্থ হইয়াও পড়িয়াছিলেন, এই সব কারণে বলিতে কি, আগে যাওয়ার আশা একবারেই পরিত্যাগ করিতে হইয়াছিল। তার পর, বসুধারা হইতে আরও উপরের কথা যদি কেহ জিজ্ঞাস্য হন,—সে ত তপো-বলসম্পন্ন মহাপুরুষ মুনিঋষিগণেরই শেষ আকাঙ্ক্ষিত “সত্য-পথ” ও “স্বর্গারোহণ” বলিয়াই শাস্ত্রগ্রন্থে নির্দিষ্ট আছে। বলা বাহুল্য, ধর্মরাজ যুধিষ্ঠিরের মত তপঃশক্তিসম্পন্ন মহাপুরুষই সে পৃথের পথিক হইতে পাবেন, আমাদের পক্ষে তাহা কেবল একমাত্র কল্পনা ও প্রস্তুতি আকাশকুসুম ভিন্ন আর কি হইতে পারে?

এই বদরিকাশ্রম সমুদ্রগর্ভ হইতে প্রায় ১০৪০ ফুট উচ্চ

অবস্থিত। খৃষ্টীয় অষ্টম শতাব্দীতে এ স্থানে এই বিশালজীর মূর্তি শঙ্করাচার্য্য কর্তৃক স্থাপিত হইয়াছে বলিয়া প্রকাশ। এ দিকে মহাভারতাদি প্রাচীন পুস্তকগ্রন্থে বদরী-বিশালজীর সম্বন্ধে নানা স্থানে উল্লেখ থাকায়, “আচার্য্য স্থাপিত এই মূর্তি সে মূর্তি নহে” “সেইটিই আসল, এ কালে লুক্কায়িত অবস্থায় আছেন” ইত্যাদি প্রকারের আভাসও লোক-মুখে শুনা যায়। এমন কি, কাহারও কাহারও দারণা, আসল বদরীনারায়ণের মূর্তিটি সুদূর তিব্বতে লামা-কবতলগত বৌদ্ধ-বিহার “খুলিং মঠে” সুরক্ষিত আছে, একপ সন্দেহও মনে উদয় হইয়া থাকে। আজগা মূর্তি-উপাসক হিন্দুদিগের দৃষ্টিতে দেবমূর্তির কোনটি ‘আসল’, কোনটি ‘নকল’, এ বাদ-বিচার, মূর্তি-তক কোনমতেই সমীচীন বলিয়া



বদরীনাথ বাইতে এক স্থানে নদীর দৃশ্য

লেখকের আদর্শ পরিণা নাই। সাক্ষাৎ শঙ্করাচার্য্যের স্থাপিত যে মূর্তি সুদীর্ঘ সহস্র বৎসরাধিক কাল হইতে এই নরনারায়ণ-শোভিত বদরিকাশ্রমের তপে মহিমা-মণ্ডিত পুণ্যভূমিতে লক্ষ লক্ষ ভক্তের দ্বারা এইরূপে পূজিত হইয়া আসিতেছে—সেই মূর্তি বদরী-বিশালজীর আসল মূর্তি হইতে কোন্ কোন্ অংশে পৃথক হইতে পারে? আজিকার যুগের মদ-মোহাক্ক সংশয়সমাকুল-চিত্ত মানুষ আমরা! আমরা কোন্ ছার! মূর্তি-উপাসক হিন্দু-মহাত্মারা কোন যুগেই যে এ বিষয়ে উত্তর দিতে সমর্থ হইবেন না, ইহা নিঃসংশয়েই বলা যাইতে পারে। অবিস্মৃত কালীকৃত্তের মহত্ব বা ‘কালীত্ব’ ষাঁহাকে লাভ করিয়া—সেই মঙ্গলময় বিখ্যেবরের ‘আসল’ মূর্তিই ত ‘জ্ঞান-বাণী’র অতল-তলে চির-নিমগ্ন রহিয়াছে; কিন্তু তাহা বলিয়া কালীকৃত্তের চিরন্তন মহিমা ও গৌরব উদ্ভাসিত করিতে যে মূর্তি

বিশ্বনাথ-মন্দিরে প্রতিদিন অসংখ্য ভক্তের দ্বারা অর্চিত ও পূজিত হইয়া আসিতেছেন, সে মূর্তি কি সেই একচ্ছত্র অধিভীম মূর্তি-সম্রাটের নিজস্ব মূর্তি হইতে পৃথক মনে করা যায়?

আমার পুরাতন বন্ধু, কৈলাসযাত্রার সহস্রাঙ্গী কালিকানন্দ স্বামীজীর সহিত চঠাৎ এখানে এক দিন সাক্ষাৎ হইয়া গেল। উভয়েই উভয়ের কুশলাদি জিজ্ঞাসা করিবার পর বখন তিনি শুনিতে পাইলেন, “আমরা একদাত্রায় পাঁচ ধাম দর্শনে বাহির হইয়াছি, ইহাই আমাদের এক্ষণে শেষ ধাম”, তখন তিনি যুগপৎ আনন্দিত ও বিস্মিত হইয়াই জিজ্ঞাসা করিয়া উঠিলেন, “পাঁচধামের পথ দিয়াই ত আসিয়াছেন?” উত্তরে সে পথের দুর্দশার কাহিনী ব্যক্ত করিলাম। তিনিও সে সে পথকে এই একইরূপ “কঠিন!” “নকট-জনক!” ইত্যাদি মনে করিয়া থাকেন, তাহা সে সময়কার ভাবে ও ভাষায় শত মুখেই ব্যক্ত হইয়াছিল।

এই শেষ-ধাম বদরীনাথ পর্য্যন্ত পৌঁছিতে আমাদের সর্বসমেত প্রায় ৪২৬ মাইল পথ আসা হইয়াছে। ইতিপূর্বে মসৌরী হইতে যমুনোত্তরী তক ৯৬ মাইল পথ এবং যমুনোত্তরী হইতে দ্বাবার গঙ্গোত্তরী তক ১০০ মাইল পথের হিসাব সংক্ষিপ্তভাবে প্রকাশ করিয়াছি, এক্ষণে গঙ্গোত্তরী হইতে কেদারনাথ পর্য্যন্ত ১২৩ মাইল পথ ও কেদারনাথ হইতে এই বদরীনাথ পর্য্যন্ত ১০৬ মাইল \* পথেরও সংক্ষিপ্ত হিসাব পাঠকবর্গের অবগতির নিমিত্ত স্থানান্তরে লিপিবদ্ধ করিলাম।

এখানে আসা নিবন্ধন আমরা ডাণ্ডওয়াল ও বোঝাওয়াল কুলীগণকে প্রত্যেকেরই ইনাম, বিচুড়ী প্রভৃতি হিসাবমত চুক্তি করিলাম। বলা বাহুল্য, তাহার সর্বসমেত পাঁচ ধাম দর্শন করাইতে যথেষ্ট পরিশ্রম করিয়াছে। এইবার নিবন্ধনে ফিরিবার ষাত্রা-পথটুকু (সে-ও বড় কম নহে!) শেষ হইলেই ত তাহাদের ছুটি।

“স্বরঘপ্রসাদ” পাণ্ডা ঠাকুরকে কিছু ‘মোটা’ দক্ষিণাই স্বীকার করিতে হইল। তাহার দেওয়া ভগবান্ সিং (ছড়িদার) এই দুর্গম পথে বরাবরই ত এ যাবৎ সাথী রহিয়াছে। বাকী পথটুকুও পার করিবার জন্ত তিনি ভগবান্কে আদেশ দিতে বিস্মৃত হইলেন না। এইরূপে তাহার নিকট হইতে ‘সুফল’ ইত্যাদি সংগ্রহ করিয়া আমরা একে একে ২৮শে জ্যৈষ্ঠ রবিবার প্রাতে শেষ ধাম হইতে বিদায় গ্রহণ করিলাম।

বারো মাইল পথ নামিয়া আসিয়া বেলা বারোটা আন্দাজ সময়েই “ঘাট” চটাইতে মধ্যাহ্নের আহারাদি সে দিন সম্পন্ন করা হইল। বৈকালের দিকে আকাশে দুর্ধোগ দেখিয়া এ স্থানেই রাত্রি-বাস করা হয়। পরদিন প্রাতে ৫টা আন্দাজ সময়ে বাহির হইয়া সাতটার বিষ্ণুপ্রয়াগে বিষ্ণুগঙ্গার পুল অতিক্রম করিলাম। দক্ষিণে অলকনন্দার সুমধুর কল-কল-ধ্বনি এখান হইতে চড়াই পথের উঠিবার কালে ক্রমশঃই যেন ক্ষীণ হইতে ক্ষীণতর হইয়া আসিল। দুধারেই অলকাম্পর্শী পর্বত-প্রাসাদের চূড়ায় চূড়ায় নবোদিত সূর্য্যরশ্মি খেলিয়া বেড়াইতেছিল। সম্মুখেই এই চড়াইটুকু শেষ করিতে পারিলেই “ষোল্লীমঠে” উপস্থিত হইব। সেই আচার্য্য

\* “তুঙ্গনাথ” ও “গুপ্তকালী” এই দুই তীর্থে যাওয়ার দূরত্ব আমা-দিগকে প্রায় ৬১ মাইল অতিরিক্ত যাইতে হইয়াছিল। নতুবা এ পথের দূরত্ব আনুমানিক ১০০ মাইলের বেশী নহে।

শঙ্করের স্থাপিত সহস্রাব্দিক বৎসরের প্রাচীন মঠ! কোন্ জ্ঞাতীত কালের সুমধুর পবিত্র স্মৃতি এ স্থানের প্রস্তরে প্রস্তরে আজও যেন সম্মানভাবে মিশ্রিত রহিয়াছে! ধর্মের পথে, সাধনার সোপান অতিক্রম করিয়া এক দিন এখানে হয় ত মনুষ্যকর্ণে স্বর্গের চুন্ডিত-নির্দায়ক ঞ্জ হইয়াছিল! সে দিন কোথায়। ধীরে ধীরে দুই মাইল প্রায় চড়াই শেষ করিয়া সেই শঙ্কর-মহিমা-মণ্ডিত সুপ্রাসঙ্গিক ষোল্লীমঠে উপস্থিত হইলাম।

আচ'গেব স্থাপিত চ'রিটি মঠের মধ্যে এই ষোল্লী মঠ হইতেছে অল্পতম। \* এখানে মন্দির-মধ্যে অনেক দেবদেবীই বিরাজ করিতেছেন। তন্মধ্যে “নৃসিংহ” ভগবানের মূর্তিটি সর্বাপেক্ষা মনোরম ও দর্শতে সুন্দর মনে হইল। ষাটশাল্লী-পরিমিত মন্থণ শালগ্রাম-শিলায় নিখিত এই মূর্তিটি বীরাসনে বিরাজ করিতেছেন, বামহস্তে শঙ্খ ও দক্ষিণহস্তে চক্র সুশোভিত। সৌভাগ্যক্রমে ইহার স্নান-কালেই আমরা দর্শনলাভ করি। পূজারী মণ্ডল্যর বলিলেন, আচার্য্য শঙ্কর এই মূর্তি স্বয়ং পূজা করিতেন। ইহারই দক্ষিণে বদরী-বিশালজীর অষ্টপাত্ৰনিখিত সুন্দর মূর্তি, কোড়ে উদ্ধবজী এবং বামে বাম লক্ষণ সীতার কৃষ্ণপ্রস্তর-মূর্তি, বহির্ভাগে বৃহৎ কাঠকোদিত চণ্ডীমূর্তি ও সম্মুখে চারিটি শালগ্রাম-শিলা বিরাজ করিতেছেন। মন্দির-বাহিরে “নৃসিংহ-ধারা”। ষাত্রিগণ এখানে স্নান করিয়াই দর্শনানি করিয়া থাকেন। এখান হইতে আর একটু উপরে উঠিলে আর একটি মন্দির দৃষ্ট হয়। তাহাতে ভগবান্ বাসু-দেবের নানাবিক পাচ গাত উচ্চ এক কৃষ্ণপ্রস্তরমূর্তি শঙ্খ-চক্র-গলা-পদ্ম-শোভিত চতুর্ভূজরূপে দণ্ডায়মান। “জয়া” ও “বিজয়া” এই একই প্রস্তরে একসঙ্গে ক্ষোদিত মনে হইল। পার্শ্বে “ভূ-দেবী ও “ত্রী”দেবী বিরাজিত। দক্ষিণভাগে আবার দণ্ডায়মান বলদেবের নয়নাভিরাম মূর্তি শোভিত রহিয়াছে। এই সকল দেব-দেবী দর্শন করিয়া মন্দিরপ্রদক্ষিণকালে দক্ষিণ ভাগের একটু মন্দিরে আবার নবদুর্গের নয়টি মূর্তি নিরীক্ষণ করিলাম। \*তাহা ছাড়া আরও এ স্থানের অসংখ্য মূর্তির মধ্যে “হর-পার্বতীর” মূর্তি—( শিবমূর্তির হস্তে বেষ্টিত অবস্থায় পাষণপ্রতিমা পার্বতী ) ও গণেশজীর অষ্টভুজ “তাণ্ডব-মূর্তি” দুইই দেখিতে অতি সুন্দর মনে হইল। শুনিলাম, এ স্থানের মন্দিরাদিতে প্রত্যহ প্রায় এক মণ চাটালের ভোগ দিবার ব্যবস্থা আছে। অবশ্য প্রাতঃকালের ভোগের জন্ত সে সময়ে আমরা সেখানে বিশেষ কিছু আয়োজন দেখিলাম না। বদরিকা ক্ষেত্রের মন্দিরদ্বার বখন রুদ্ধ থাকে, এই ষোল্লীমঠেই তখন নারায়ণের পূজাদি কার্য সম্পন্ন হইয়া থাকে। এখান হইতে কতকটা পূর্বাভিমুখী হইয়া উত্তরদিকে একটি স্বতন্ত্র রাস্তা গিয়াছে। কেহ কেহ সে রাস্তা ধরিয়া মানস-সরোবর তীরে ( তিব্বতে ) যাইবার ক্রেশ স্বীকার করিয়া থাকেন। তাহাতে “নর্তি-পান” অতিক্রম করিতে হয়। ধর্মশাল্যর আগরাধি শেষ করিয়া এ দিন আমরা সোজা-পথে একেবারে “পাতাল গঙ্গায়” আনিয়াই রাত্রিযাপন করিলাম। ষাট চটা হইতে পাতালগঙ্গার দুবড় প্রায় ১২ মাইল হইবে। তৃতীয় দিনে দুই বেলায় আমরা ১৫ মাইল পথ অতিক্রম করিয়া “মঠ” চটাতে অবস্থান করি।

তিনটি যপ,— দক্ষিণে ভূকানীপে “নৃসিংহী,” পশ্চিমে ষারকায় “শারদা” এবং পূর্ব-প্রান্তে পুীতে “গোবর্ধন” মঠ স্থাপিত আছে!

এখানে ডা. গুণ্ডালা ফ. ত. সিং ও বোঝাওয়াল কণ সিং উভয়েরই জ্বর ও রক্তামাশয় দেখা দেওয়ার ক্রতগতি ফিরিবার পথে আমাদের এক নূতন চিন্তা উপস্থিত হইয়াছিল। পরদিন দুই মাইল দূরে “লালসান্ধা”র আসিয়া এবার নূতন পথের সম্মুখবর্তী হইলাম। এ স্থানটি কেদার, বদরী ও কর্ণপ্রয়াগ এই তিনটি পথের মিলনস্থান। এখান হইতে “মেটল চৌরী” প্রায় ৫০ মাইল হইতেছে। এইটুকু পার হইতে পাদিলেই ত এই সকল কুশী-নিগের নিকট হইতে অব্যাহতি লাভ করা যায়। অলকনন্দাকে দক্ষিণে রাখিয়া আমরা বরাবর দক্ষিণমুখে দুই মাইল আগে আসিতে “কুবের” চটা পাইলাম। এই স্থানে একটি ঝরণার উপরে কাঠ-পুল ভাঙ্গিয়া বাওয়ার নূতন করিয়া নিখিত হইতেছিল। তার পর আর একটি চটা ( নাম মঠিঘানা ) অতিক্রম করিয়া প্রায় ৫ মাইল দূরে “নন্দ-প্রয়াগে” বখন উপস্থিত হইলাম, তখন বেলা প্রায় সাড়ে নয়টা হইবে। এ স্থানটি নন্দা ও অলকনন্দার সম্মুখস্থ। নন্দা নদী গ্রামের দক্ষিণদিক হইতে আসিয়া পশ্চিমে



বদরীনাথ ষাটতে তুবারের পথে ষাত্রী

অলকনন্দার সঙ্গিত মিলিত হইয়াছেন; রাজা নন্দদেব পূর্বকালে এ স্থানে বস্তু করিয়াছিলেন বলিয়া প্রকাশ। নন্দদেবের মন্দির-সম্মুখে একটু নূতন দোকানঘরে সে দিন আমাদের মধ্যাহ্নের আহারাদি শেষ করা হয়। নাড় গোপালের পিতলের মূর্তি-শোভিত “গোপাল মন্দির” এ স্থানের একটু উঠবা স্থান।

এখান হইতে “গরুড়” চটা ষাটবার স্বতন্ত্র পথ নিখিত হইয়াছে। সে পথের দুবড় প্রায় ৪৪ মাইল হইবে। এই গরুড় চটা হইতে ষাত্রিগণ মোটরযোগে ষ্টেশনে উপস্থিত হইতেও “পারেন শুনা গেল। তবে সে পথে চটাগুলি তত সুবিধার নহে এবং সে পথে গেলে “কর্ণ-প্রয়াগ” ও “আদি-বদরী” প্রভৃতি তীর্থদর্শন বাকী রহিয়া যায়, এজন্য ষাত্রিগণ “গরুড়” চটাতে সাধারণতঃ ষাটতেই চাহেন না। এই নন্দ-প্রয়াগ হইতে কর্ণ-প্রয়াগের দুবড় মাত্র বারো মাইল। বলা বাহুল্য, আমরা এই গ্রামের দক্ষিণাংশের পুল পার হইয়া পাতাড়ের গা দিয়া দিয়া এবার পশ্চিমাভিমুখী রাস্তা ধরিলাম। প্রায় সাড়ে সাত মাইল দূরে “জয়কান্তি” চটাতে আসিয়া এ দিন রাত্রিযাপনের স্থির হইল। যথো তিন মাইল দূরে “সোনলা” এবং তথা হইতে আরও তিন মাইল আগে গিয়া “লালসান্ধা” চটা পার হইয়াছিলাম। এই জয়-কান্তি হইতে “মেটল চৌরীর” দুবড় মাত্র ৩৩ মাইল হইবে। পরদিন ৪১০ মাইল মাত্র দূরে কর্ণের তপস্ঠাশ্রম

“কর্ণ-প্রয়াগে” প্রভাতেই উপস্থিত হইলাম। মধ্যে ‘উমডী’ নামে আর একটি চৌচৌ পড়িয়াছিল। দেগিলাম—কর্ণ-প্রয়াগ স্থানটি দৃশ্য হিসাবেও বেশ সুন্দর। “শঙ্কর-গঙ্গা” ও অলকনন্দার সঙ্গম-স্থলে ষাট্টিগণ এখনে সচরাচর স্নান করিয়া থাকেন। সে স্থলে দুই নদীতীরেই নানা বর্ণের কত প্রকার সুন্দর ‘মুড়ি’ বিস্তৃতভাবে পড়িয়া রহিয়াছে। তাহা দেখিলেই সমস্তলোকেরা বাতীর কুড়াইয়া লইবার স্বভাবই ইচ্ছা জন্মে। এ স্থানেরই পূর্ব-সমীপে কর্ণ-সূর্য্যদেবের দর্শন পাইয়া তাহার নিকট হইতে অল্পে কবচাদি বর লাভ করিয়াছিলেন বলিয়া প্রকাশ। সঙ্গমস্থলে স্নান করিয়া উপরিভাগে “কর্ণ-শিলা” কর্ণদেবের মন্দির ও উমা-মহেশ্বরের মন্দির প্রভৃতি দর্শনান্তে আবার আমরা আগে যাত্রা করি। এখান হইতে



যোশী মঠ

“দেব-প্রয়াগের” রাস্তা স্বতন্ত্র, প্রায় ৬০ মাইল দূরে গুনিলাম,— পাঁচ ধাম যাত্রার সুদীর্ঘ পথ-ক্লেশের পর সে তীর্থ দর্শন করিয়া আবার হরিদ্বার পর্য্যন্ত যাওয়া আমাদের পক্ষে বিশেষ কষ্ট-সাধ্য মনে হওয়ায়, আমরা-পূর্ব হইতেই আমাদের কুলীগণের সহিত মেইল চৌরী তক পৌছাইয়া দিবার সঙ্কল্প করিয়াছিলাম। যাত্রীর পক্ষে ইহাই ত নিকটতম পথ। অলকনন্দা দেবপ্রয়াগ অভিমুখেই ছুটিয়া চলিয়াছেন, সুতরাং সে পবিত্রতোয়ার স্রমধুর কল-কল-ধ্বনি এখান হইতে একবারেই কোথায় লীন হইয়া গেল।

আমাদের পাঁচ ধাম যাত্রার শুরু হইতে শেষ পর্য্যন্ত সাধী ভগবান ণি আজ ক’দিন হইতে জ্বরে পড়িয়াছে। তথাপি তাহার প্রভুত্বের অদেয়মত সে অসুস্থাবস্থায়ই আমাদের সঙ্গে এ পর্য্যন্ত বরাবরই চলিয়া আসিতেছিল। দেব-প্রয়াগের পথেই তাহার বাতী এবং এখান হইতে খুবই কাছে পড়ে গুনিয়া, আমরা আর তাহাকে আমাদের সঙ্কট আশিয়া কষ্ট করিবার প্রয়োজন নাই, এইরূপ বলিয়াই একেবারে বিদায় দিলাম। এত দিনের সুখ-ছুখের সাধীকে কিছু কিছু বখশিশও দেওয়া হইল, ইহা অবশ্য তাহার পক্ষে অতিরিক্ত লাভ,—সন্দেহ নাই।

মেইল চৌরীর আর ২৯ মাইল মাত্র বাকী জানিয়া দ্রুতগতি কর্ণপ্রয়াগ হইতে আমরা এ দিনে আরও ৮ মাইল আন্দাজ আসিয়া “ভটৌলী”তে রাত্রি কাটাষ্টলাম। মধ্যে প্রায় ৪ মাইল দূরে “সেমনী” চৌচৌ হইতে “পাড়” নদীর তীর ধরিয়া বরাবর সমতল পথ

পাইয়াছি। সেখান হইতে ভটৌলী আসতে মধ্যে “দিরোলা” নামে আরও একটি চৌচৌ ছিল।

পরদিনের যাত্রা-পথে প্রভাতেই “আদি-বদরী” উপস্থিত হইলাম। ভটৌলী হইতে ইহার দূরত্ব কিকিঞ্চিৎ ৪ মাইল হইবে। মধ্যে “উজলপুর” ও “তাল” বলিয়া দুইটি ছোট চৌচৌ এ পথে দৃষ্ট হয়। আদি-বদরীতে মন্দিরগুলি অতি প্রাচীন। মন্দিরে আদি-বদরীর কৃষ্ণপ্রস্তরমূর্ত্তি অতি সুশোভন দেখিলাম। আশে-পাশে লক্ষ্মীনারায়ণ, গুরুড্ডী, কেদারনাথ ও গণেশজী প্রভৃতি বিরাজ করিতেছেন। কতকগুলি ভগ্ন মূর্ত্তিও ইতস্ততঃ বিক্ষিপ্তভাবে পড়িয়া আছে। গ্রন চারটি চৌচৌ ও দোকান আছে। মন্দির হইতে একটু আগের পথে একটি ছোট মন্দির শঙ্খ চক্র-গদা-পদ্মধারী শ্বেতপ্রস্তরনির্ম্মিত সত্যনারায়ণজীর মূর্ত্তিও দেখিতে সুন্দর লাগিল—উত্তরাখণ্ডের পাঁচটি বদরীতীরের মধ্যে ইহাই হইল আমাদের যাত্রা-পথে তৃতীয় বদরী। প্রথম হইটি হইতেছে পাণ্ডুকের বা যোগ-বদরী এবং বদরী-বিশালজী। ইহা ছাড়া যোশীমঠ হইতে বিভিন্ন পথে গিয়া “ভবিষ্য বদরী” এবং “হিলং” হইতে কিছু দূরে “বৃন্দ বদরী” এই সর্ব্বসমেত পাঁচটি বদরীর উল্লেখ দৃষ্ট হয়।

আদি-বদরী হইতে আবার যাত্রা করিয়া আমরা এ দিনে “কৈতী” “জঙ্গল”, “কালীমাঠি”, “রসিয়াগড়” ও “খোয়াড়” এই পাঁচটি চৌচৌ ক্রমাগত কাঁচং চড়াই বা কাঁচং উতরাই পথে অতিক্রম করিয়া, “ধোবীঘাটে”র একটি সুন্দর বারান্দাবৃক্ক দ্বিতল-ঘরে রাত্রি বাপন করিলাম। দৃশ্য হিসাবে এ স্থানটি বেশ মনোরম। চারিদিকেই চোখের আগে পাহাড়গুলি এখান হইতে স্তরের পর স্তর কেমন ভাবে অনন্তে নির্মাণা রহিয়াছে দেখা যায়। সম্মুখেই উন্মুক্ত প্রশস্ত সমতল ভূমি, সুতরাং আলো-বাতাস যথেষ্ট। দোকানদার ঘরগুলিকে বেশ পটখটে ও পরিষ্কার রাখিয়াছে। নীচেই কলের কারুণা পাইপ সংযোগে ধরা আছে। সম্মুখেই ছ’একটি পাহাড়ী ‘চুলু’ বৃক্ক। বলিতে কি, পার্শ্বকার-পরিচ্ছন্নতা দেখিয়া এ স্থানটিতে স্বভাবই থাকিবার ইচ্ছা জন্মে। আদি-বদরী হইতে ইহার দূরত্ব প্রায় ১০-১০ মাইল হইবে।

পরদিন প্রভাতে আমাদের ডাণ্ডিওয়াল কুলীগণের প্রত্যেকেই অত্যন্ত প্রসন্নচিত্ত—দ্বিগুণ উৎসাহে ডাণ্ডি বহন করিয়া লইয়া যাইতেছিল, আর সাত মাইল মাত্র দূরে “মেইল চৌরী” উপস্থিত হইলেই তাহাদের এ পরিশ্রমের শেষ হইয়া যায়। প্রভাতে সওয়ার-বন্ধে প্রথম হইতেই কতে দিঃ-এর বুলি—“মাজী! আজ শেষ দিন,—প্রত্যেকেই এক একখানি কারুণা “কপড়া” (কাপড়) বখশিস দিতে হইবে।” মিষ্ট কথায় আমাদের মন ভুলাইতে সে খুবই অভ্যস্ত। তাহা ছাড়া এই দুর্গম শৈল-শিখরে আরোহণ অবরোহণে অনভ্যস্ত সমস্তলোকেরা নিকট হইতে তীর্থপথযাত্রার একমাত্র অবলম্বন ও ভবনাস্থল এই বহনকারী কুলীরা যে সহজেই দয়া ও সহানুভূতি আকর্ষণ করিতে সমর্থ হইবে, ইহাতে বিশ্বাসের কিছুই নাই। বলা বাহুল্য, তাহাদের শেষ সাধ অপূর্ণ রহিল না। যোগি-কবি-বাহিত্ত মহাপ্রস্থানের পথে যত কিছু দুর্লভ পবিত্র তীর্থ ও ধাম দর্শনের তীত্র আকাঙ্ক্ষা জাগে, ইহারা না থাকিলে এ যুগে আমাদের মত গৃহী যাত্রীর পক্ষে তাহা যে একবারেই অপূর্ণ থাকিয়া যায়। স্থলের বিষয়, আজ এক মাইল আন্দাজ নাড়িয়া



আসিতেই “খুনার ষাট” নামক একটি বড় চটিতে সে দিন একটি কাপড়ের দোকান চোখে পড়ায়, সেখান হইতে প্রত্যেক কুলীর জন্য এক একখানি কাপড় খরিদ করিয়া লওয়া হইল। দশ হাত প্রত্যেকখানি কাপড়ে দুই টাকা হিসাবে দাম স্বীকার করিতে হইয়াছিল। এইরূপে বেলা ৯টার মধ্যেই আমরা মেইল চৌরী আসিয়া উপস্থিত হইলাম। মধ্যে “দাড়মডালি” ও “সেইজি” নামক আরও দুইটি চটা পাইয়াছিলাম।

মেইল চৌরী পর্যন্ত আসিয়াই টিহরী-রাজ্যের গণ্ডী শেষ হইয়াছে, তাই ডাণ্ডি ও বোঝাওয়ালা কুলীগণ এইখানে আসিয়াই তাহাদের সর্বমত একবারেই ক্ষান্ত দিল। অগত্যা বোঝাওয়ালা প্রত্যেকেরই প্রাপ্য মজুরী (প্রতি মণ ৪০ টাকা হিসাবে) যে যেমন মাল বহন করিয়া (ভাটোরারীতে ওজন হইয়াছিল) আনিয়াছে, সেইমত এইবার সমগ্র চুক্তি দিয়া তাহাদিগকে একবারেই বিদায় দিতে বাধ্য হইলাম। ডাণ্ডিওয়ালারাও নির্দিষ্ট মজুরী আদায় লইয়া এইবার সানন্দে দেশে ফিরিবার উদ্যোগ করিতে লাগিল। ইহাদের পরিবর্তে আমরাও আবার রাণীক্ষেত পর্যন্ত নতুন কুলী নিযুক্ত করিতে প্রবৃত্ত হইলাম। কুলীর আদৌ অভাব নাই। এখান হইতে রাণীক্ষেতের দূরত্ব কম-বেশী ৩১ মাইল হইবে। ইহার জন্য প্রতি ডাণ্ডি পিছু ১৮ টাকা দিবার স্বীকারে নতুন কুলী পাওয়া গেল। আর বোঝার জন্য কুলীর পরিবর্তে এবার খোড়া লওয়া সুবিধাজনক মনে হওয়ায় একটি ঘোড়াওয়ালার সহিত অনেক কষ্টে প্রতি মণ মোলা পিছু ২১ টাকা দরে কথাবার্তা স্থির করিলাম। ৫ মণ বোঝার জন্য দুইটি ঘোড়া সঙ্গে সঙ্গে আসিয়া উপস্থিত হইল। সেখানকার রীতি অনুযায়ী সরকারী বহিতে প্রত্যেক কুলীর নাম, দাম, মজুরী ও মাল প্রভৃতির ওজন লিখাইয়া দিয়া আহায়াস্তুে এ দিন আমরা বেলা তিনটা আন্দাজ সময়ে মেইল চৌরী হইতে আগে রওনা হইলাম।

প্রথমেই “রামগঙ্গা” নদীর পুল পার হইয়া কতকটা চড়াই পথে উপরে উঠিলাম। তার পর আবার উতরাই পথ ধরিয়া আড়াই মাইল আন্দাজ দূরে আসিতে “ইমল ক্ষেতের” কয়েকখানি দোকান-ঘর দেখা গেল। সেখান হইতে দুই মাইল আগে “নারায়ণ” চটা, তার পর একবারেই নিম্নভূমিতে দুই ধারে কেবল বিস্তীর্ণ ক্ষেত্রভূমি দেখিতে দেখিতে আমরা “গনাই-চৌখুটিয়া” নামক এক স্থানের একটি দোকানীর দোকান-ঘরে আসিয়া রাত্রি অতি-বাহিত করিলাম। পথিমধ্যে বিস্তৃত ময়দানের মাঝে আরও একটি শ্রীসম্পন্ন “রামপুর” চটা চোখে পড়িয়াছিল।

এই গনাই চৌখুটিয়া হইতে আগে দুইটি রাস্তা পড়ে, একটি দক্ষিণাভিমুখী বানদিকে রাণীক্ষেত গিয়াছে, তাহার দূরত্ব মাত্র ২৩ মাইল, অপরটি পশ্চিমাভিমুখী দক্ষিণদিকে “রামনগর” পর্যন্ত নির্দিষ্ট আছে। ইহার দূরত্ব প্রায় ৫৬ মাইল হইবে। প্রায় ৩৩ মাইল অতিরিক্ত বাইবার ভয়ে আমরা রামনগরের রাস্তা না ধরিয়া বামদিকের রাস্তায় পরদিন ফ্রুত আগে চলিলাম। “গোয়ালী” “মহাকালেধর” চিত্রেশ্বর ও “কৌলেধরের” চটা ক্রমাগতই পার হইয়া মোট ১০ মাইল দূরে “ঘারাহাট” (চুড়াহাটও কেহ কেহ বলিয়া থাকেন) আসিতে পথিমধ্যে তিন চারিটি ভাঙ্গা পুল পার হইতে হইয়াছিল। ঘারাহাট হইতে রাণীক্ষেতের দূরত্ব মাত্র তেরো মাইল হইবে। এখানে দোকানপসার যথেষ্ট। বহু দিনের পর

পাকা আম বিক্রয়ার্থে দেখিয়া এখান হইতে কিছু সংগ্রহ করা হইল। এ স্থানে মধ্যে মধ্যে স্তূপের উপরে কেবলই প্রাচীন মন্দির দেখিয়া জিজ্ঞাসায় জানিলাম, উহাতে কেদার, বদরীনারায়ণ, লক্ষ্মীনারায়ণ ও নৃসিংহ ভগবান প্রভৃতি বহু দেবতাই বিরাজমান আছেন। কত দিনের এ সকল স্থাপনা, বলিবার উপায় নাই। অতীত যুগের এ সকল হিন্দুকীর্তি দেখিবার ইচ্ছা থাকিলেও আমরা এ যাত্রার আর কাল-বিলম্ব না করিয়া, এখান হইতে আরও দুই মাইল আগে “চণ্ডেশ্বর”ই আজ প্রহরের ভোজনাদি কাৰ্য্য শেষ করিলাম।

প্রাতের দিকেই বারো মাইল পথ চলিয়া আসা হইল। কিন্তু বলিতে কি, পথ যেন আর শেষ হইতেই চাহে না! বিশ্রামকে আমরা একেবারেই মন হইতে দূর করিয়া দিয়া বৈকালের দিকে আবার তিন মাইল আন্দাজ উতরাই পথে “কফড়া চটা” উপস্থিত হইলাম। এইখানে আসিতে দূর হইতে অতুল পর্বতগাত্রে রাণীক্ষেত সহরটি সম্মুখভাগে অগণিত খেত-বিন্দুর মত যখন চোখের



বদরী-সম্মিলিত পাহাড়

আগে ফুটিয়া উঠিয়াছিল, তখন আমাদের প্রত্যেকেরই পরিশ্রান্ত, অবসাদগ্রস্ত চিত্তে ক্ষণেকের জন্য কেমন একটা স্বস্তি ও আশার হালোক উদ্ভূত হইয়াছিল, তাহা ভুক্তভোগী ভিন্ন অপূর্ণ কাহারও বুঝিবার সামর্থ্য নাই। দুই মাসের আত্মীয়-স্বজন-স্বদেশ-বন্ধু-বান্ধব-পরিত্যক্ত ব্যক্তি-স্বদয়ে যখনই তীর্থ দর্শনের উৎকট আকাঙ্ক্ষা পূর্ণ হইয়া যায়, সঙ্গে সঙ্গে তখন আত্ম পরিপূর্ণ ঘরের দিকেই যে মন-প্রাণ স্বতঃই ঝুঁকিয়া পড়িবে, ইহাতে বিস্মিত হইবার কোন কারণ নাই। পাহাড়ের নিরন্তর ঘূর্ণিপাক এক্ষণে যেন একবারে আমাদের অসহ্য মনে হইতেছিল। কোন প্রকারে “দড়মার” পর্যন্ত চলিয়া আসিয়া এ দিনের যাত্রা শেষ করা হইল।

দড়মার হইতে মাত্র পাঁচ মাইল দূরে “রাণীক্ষেত”। কোন প্রকারে রাত্রি কাটাইয়া আমরা প্রভাত হইতে না হইতে এ স্থান পরিত্যাগ করিলাম। আজিকার পথটুকু কেবলই চড়াই। কিন্তু সত্যকথা বলিতে কি, সে দিকে আদৌ লক্ষ্য ছিল না। সকলেই ভাবিতেছিলাম, এই বেলার মধ্যেই আমাদের সুদীর্ঘ পাঁচ দাম যাত্রার পথক্লেশের চির-অবসান ঘটিবে। তীর্থ-পথ-যাত্রী, প্রত্যেকদর্শীর খাতা সুসম্পূর্ণ হইলে, তাহার সকল আশ্রিত ও অবসাদ কতই না সার্থক ও সুখের হইয়া থাকে। যাত্রার পূর্বে

কাল বাহা প্রত্যেকেরই নিকটে না জানি কত ভয়াবহ ও ভীষণ দুর্গম ও বিপৎসঙ্কল বলিয়া মনে হইয়াছিল, আজ দৈবাহুগ্রে ফিরিবার শেষ মুহূর্ত্তে—হউক না সে ভীষণ চড়াই, ইহা আর কতটুকু এবং কতক্ষণই বা! এই ধারণাই এক্ষণে প্রত্যেককে দ্রুতগতি আগে লইয়া বাইতেছিল। শুধু আমরা নহি, আমাদের কীর্ণশরীর বৃদ্ধা দিদি পর্যন্ত এই চড়াই পথে আজ সকলেরই অগ্রগামিনী হইয়া চলিয়াছেন। সকলেরই প্রাণে অপরিণীত আনন্দ; হৃদয়ের নিহৃত অন্তস্তলে ফিরিয়া তাকাইলে আজ সেখানে শুধু সস্তোষেরই মধুময় সুখা কানায়-কানায় ভরা মনে হইতেছিল। সেই হিমালয়-শীর্ষ-শোভা সূদূর বনুনোত্তরীর তুবার-শীতল প্রবাহ, অল্প দিকে কিবা তাহার নিবস্তুর আবেগ-উছলিত নৈসর্গিক বিপুল উষ্ণ উচ্ছ্বাস মনে পড়িল। মনে পড়িল সেই রাজসি ভগীরথ-আনীত হরিপাদ-নিঃসৃত ভাগীরথীর প্রথম-কল্লোল-মুখরিত মধুময় অবতরণ! সেই ত্রিযুগ-সঙ্কিত প্রজ্বলিত হোমায়ি! উপরন্তু সেই রক্তগিরিনিভ শুভ্রোজ্জ্বল চিরতুবারবেষ্টিত সুমহান জ্যোতির্লিঙ্গ ও সেই মুনিজনমনোগারী ভৃগুপদশুশোভনসদি শঙ্খচক্রধারী চতুর্ভুজ পাঁচধামের সকল দেবমূর্ত্তি ও তীর্থরাজির কথা ক্ষণেকের জল্প একে একে আজ স্মৃতিপটে আসিয়া উদয় হইল। এত সম্পদ ও নিত্য নবীন চিত্র-বৈচিত্র্য যেখানে বিরাচ করে, সেই মহাজন-প্রদর্শিত মহাপ্রস্থানপথের পবিত্র মহাতীর্থে যাঁহারা অমুগামী হইবার সৌভাগ্য লাভ করিয়াছেন, তাঁহারা সে দৃশ্যে আনন্দ ও বিস্ময়প্রসূত না হইয়া কখনই থাকিতে পারেন না! আত্মীয়-স্বজন-স্বদেশ-বন্ধু-বান্ধব-পরিভ্রাতৃ বান্ধি-হৃদয় এইবার একবার ভক্তিগদগদচিত্তে সেই যোগি-ঋষিবাস্তিত তপো-মহিমামণ্ডিত পবিত্র হিমগিরির চরণোদ্দেশে শেষবার আপন আপন শ্রদ্ধা-অর্ঘ্য নিবেদন করিল। উচ্চকণ্ঠে বলিতে ইচ্ছা হইল, "শে চিবস্তন মহিমার ঠৈম-মুকুটধারী অমল-ধবল শুভ্রোজ্জ্বল তুবার-শোভা হিমালয়! তোমাকে লাভ করিয়া শুধু হিন্দু নহে, সমাগরা ভারতভূমি হইতে পৃথিবী পর্যন্ত সকল দেশবাসীই তোমার দিকেই অনন্তকাল হইতে শ্রদ্ধানতচিত্তে মুগ্ধনেত্রে কেমন তাকাইয়া রহিয়াছে! তুমি পুণ্যভূমি ভারতের শিরোদেশে একমাত্র পবিত্র ভূষণ! তুমি অবিদ্যার, প্রতাপী, অখণ্ড পূর্ণোজ্জ্বল, সুমহান শ্রেষ্ঠ বিকাশ! যোগি-ঋষির নিয়ত ধ্যান ও ধাবণার অতুলনীয় আধার ও অমূল্য সম্পদ বলিলে অতুক্তি হয় না। তোমাকে আজ শেষবার কোটি কোটি প্রণাম জানাইতোছি। তোমার ঐ অভভেদী বিরাট অবয়বে দেব-মধুর লীলা-বৈচিত্র্য ও নিত্য-নবীন রুচিকর পবিত্র-মধুর দৃশ্য যুগ-যুগান্তর ধরিয়াই সমানভাবে ক্ষুদ্র মানবকে বিস্মিত, স্তম্ভিত ও মোহিত করিয়া রাখিবে সন্দেহ নাই!"

চড়াই-পথে "উয়ল্লা" ও "কোটল" নামক দুইটি চটা অতিক্রম করিয়া বেলা সাড়ে সাতটার মধ্যেই আমরা লোক-কোলাহল-পূর্ণ রাণীক্ষেতে আসিয়া উপস্থিত হইলাম। বদরীনাথ হইতে ইহার দূরত্ব প্রায় ১২৮ মাইল হইবে। স্থানান্তরে এ পথেরও সংক্ষিপ্ত বিবরণ লিপিবদ্ধ হইল। উল্লিখিত হিসাব-দৃষ্টে জানা যায়, মসৌরী হইতে পাঁচ ধাম দর্শনান্তে এ পর্যন্ত ফেরত আসিতে


সর্বসমেত প্রায় ৫৫৪ মাইল (৪২৬+১২৮) পার্কৃত্য-পথ আমরাগকে অতিক্রম করিতে হইয়াছে।

রাণীক্ষেতে স্থানীয় সৈন্যদিগের রসদ ও বাহন প্রভৃতি সে দিকে থাকে, সেই পথ দিয়া আমরাগের ডাঙি ও ঘোড়াওয়াল। একটি ত্রিযাস্তার সন্ধিস্থলে মোটরবাসের আড্ডায় আসিয়া উপস্থিত হইল। এইখানেই তাহাদের আপন আপন প্রাপ্য মজুরী চুক্তি দিয়া রেচাই পাইসাম। অসহায়ের সহায় ডাঙি দুইখানি এইবার বোঝা হইয়া দাঁড়াইল। ইহার খরিদদার এ সময়ে কেহই ছিল না; অগত্যা শেষ মুহূর্ত্তে ইহাদিগকে স্থানীয় দুইটি "অনাথালয়ে" অর্পণ করাই সাব্যস্ত হইল। এই অপরূপ বাহন ও বাহকদিগের জল্প প্রথম হইতে শেষ পর্যন্ত বড় কম খরচ পড়ে নাই। হিসাব দৃষ্টে জানা গিয়াছে, প্রতি ডাঙি পিছু ডাঙিওয়ালাদের পশ্চাতে নির্দিষ্ট মজুরী ২২৫ টাকা ছাড়া "চানা-চাঁবনি" "খিচুড়ী" ও ইনাম প্রভৃতিতে অতিরিক্ত আরও ৭৫ টাকা অর্থাৎ সর্বসমেত প্রায় তিন শত টাকা লাগিয়াছে। এইরূপে আবার বোঝার জল্প বোঝা-ওয়ালাদিগকেও পাঁচধামের নির্দিষ্ট মজুরী প্রতি মণ ৪০ টাকা হিসাবে দিয়াও, অতিরিক্ত প্রায় ৩০ টাকা অর্থাৎ প্রতি মণ ৭০ টাকার কমে আমরা পার পাই নাই। পাঁচ ধাম যাত্রার ইহাই হইল প্রধান খরচ। অবশ্য পদত্রয়ে যাত্রীর শুধু বোঝার জল্পই (ডাঙির নহে) খরচ লাগিয়া থাকে। তার পর রেলভাড়া, বাসভাড়া, নিত্য আহাৰ্য্যাদ্যাদি পরিদ, দান-খয়রাত, পূজা, ভেট, প্রণামী ও পাণ্ডার দক্ষিণা ইত্যাদি উপরন্তু খরচ তাহা ত সমস্তই শক্তি অনুসারে যেখানে বেরূপ করা চলে, সকলকেই বহন করিতে হয়।

এখান হইতে "কাঠগুদাম" রেল ষ্টেশন প্রায় ৫২ মাইল হইবে। মোটর-বাসে জন পিছু ভাড়া ২৮০ স্বীকারে, সকলেই একে একে মালপত্রসহ বেলা ১০টা আন্দাজ সময়ে পুনর্বার রওনা হইলাম। অপরাহ্ন নাগাইদ ষ্টেশনে আসিয়া রাণীক্ষেত হইতে ক্রীত ফলমূলাদির দ্বারা এ দিনের ক্ষুৎ-পিপাসা দূর করা হইল। সমস্যাভাবে এদিন গ্নাহার জুটে নাই বলিলে অতুক্তি হয় না।

দীর্ঘ দুই মাস পরে ৬ই আষাঢ় মঙ্গলবার সকলেই নিরাপদে কাশী প্রত্যাবর্তন করিয়াছি। এ স্থলে একটি বিষয় না জানাইয়া আমি আমার এই দীর্ঘ ভ্রমণকাহিনীর পরিসমাপ্তি করিতে পারিতেছি না—এই আগা-গোড়া যাত্রাপথের যে সকল দৃশ্য ক্রমাগত পাঠকবর্গের নিকটে একে একে উপস্থিত করিতে সমর্থ হইয়াছি, তাহার জল্প আমি তিন জনের নিকটে প্রকৃতপক্ষে শুনী আছি। প্রথম ব্যক্তি কাশী-নিবাসী শ্রীযুক্ত ফণিভূষণ চক্রবর্তী—ইনি আমরাগেরই সময়ে সহযাত্রী, বর্ধমানের শ্মশ্রুপ্রাণী শ্রীযুক্ত রাণী মাতার সহিত বদরী-কেদার দর্শনে বাহির হইয়াছিলেন। দ্বিতীয় ব্যক্তি এলাহাবাদনিবাসী শ্রীযুক্ত ধীরেন্দ্রনাথ বাগচী (ইহার জ্যেষ্ঠ ভ্রাতা শ্রীযুক্ত হীরেন্দ্রনাথ জর্নৈক "আর্টিষ্ট", মাসিক পত্রিকার ছবি ইত্যাদি প্রকাশ করিয়া থাকেন) গঙ্গোত্রী পথে পৃথিক ছিলেন এবং তৃতীয় ব্যক্তি কলিকাতানিবাসী শ্রীযুক্ত গৌরচন্দ্র মিত্র—ইহার সহিত "গৌরীকুণ্ড" তীর্থে আলাপাদি হয়। ইহাদের প্রত্যেককেই এজল্প ধন্যবাদ জানাইয়া, আমি এ যাত্রায় পাঠকবর্গের নিকটে বিদায় লইলাম।

শ্রীশুশীলচন্দ্র ভট্টাচার্য্য।



## চতুর্থ পঙ্‌কন

গ্রেপ্তার

জন প্যারাডাইন মিঃ প্রীডের সহিত সাক্ষাতের পর লিঙ্কনস ইন্‌ ফীল্ডস্‌ হইতে গ্রেপ্তার করিবার সময় স্বস্তিবোধ করিল। মিঃ প্রীডের নিকট অপরাধ স্বীকার করিবার পর তাহার বুকের উপর হইতে যেন পাষণ্ডভার অপসারিত হইল। শনিবার রাত্ৰিকালে যে ভীষণ কাণ্ড সংঘটিত হইয়াছিল, তাহার স্মৃতি তাহার হৃদয় অশান্তিপূর্ণ করিয়াছিল। সে মিঃ প্রীডের নিকট সেই সকল কথা প্রকাশ করিয়া যেন হাঁপ ছাড়িয়া বাঁচিল। মিঃ প্রীড তাহার কথা বিশ্বাস করিয়াছেন, তিনি তাহার পক্ষাবলম্বন করিবেন, এই বিশ্বাসে তাহার মন প্রহুর হইল; কিন্তু সেই প্রৌঢ় ব্যবহারাজীব মামলা-মকদ্দমা-সংক্রান্ত বাণপারে তাহার মক্কেলগণের পক্ষ সমর্থন করিয়া থাকেন; কিন্তু সূচতুর ও সুদক্ষ ডিটেক্টিভ ভিন্ন অন্ম কেহ এই জটিল হত্যারহস্য ভেদ করিয়া তাহাকে বিপজ্জাল হইতে মুক্ত করিবে, তাহার সম্ভাবনা ছিল না। এ অবস্থায় মিঃ প্রীড কিরূপে তাহাকে সাহায্য করিবেন, তাহা সে বুঝিতে পারিল না; তথাপি তাহার হৃদয় আনন্দে ও উৎসাহে পূর্ণ হইয়াছিল।

প্যারাডাইন পথে আসিয়া পশ্চিমদিকে চলিতে চলিতে এইরূপ সিদ্ধান্ত করিল যে, মিঃ প্রীড নিশ্চিতই এই জটিল সমস্যা সমাধানের কোন উপায় স্থির করিয়াছেন। টেরিই যে হত্যাকারী, এ বিষয়ে সংশয়ের অবকাশ নাই। যদি তাহার অপরাধ সপ্রমাণ হয় এবং বিচারালয়ে তাহার প্রতি বথাবোধ্য দণ্ডের আদেশ হয়, তাহা হইলে প্যারাডাইন নিরপরাধ প্রতিপন্ন হইবে। যদি সে পুলিশের নিকট সকল কথা প্রকাশ করিতে পারিত, তাহা হইলে তাহারা টেরিকে সম্ভবতঃ গ্রেপ্তার করিত; কিন্তু প্যারাডাইন

পুলিসের নিকট কোন কথা প্রকাশ করিতে সাহস না করায় তাহার গ্রেপ্তারের আশা করিতে পারিল না।

প্যারাডাইন তাহার ভবিষ্যৎ অন্ধকারে সমাচ্ছন্ন দেখিলেও সেই অন্ধকারে ক্ষীণ আলোকরশ্মি দেখিতে পাইল। তাহার মহাজন জেমস ফারমিন তাহাকে এই ভয়প্রদর্শন করিয়াছিল যে, যদি সোমবারমধ্যে সে দুই শত পাউণ্ড তাহার নিকট না পায়, তাহা হইলে সে মিঃ নিস্বেটের নিকট উপস্থিত হইয়া তাহার বিরুদ্ধে অভিযোগ করিবে; কিন্তু মঙ্গলবারেও প্যারাডাইনের মনিব মিঃ নিস্বেট তাহাকে আহ্বান না করায় তাহার ধারণা হইল, ফারমিন শেষ মুহূর্ত্তে সেই সম্ভল ত্যাগ করিয়াছিল। সম্ভবতঃ তাহার মহাজন অতঃপর তাহাকে উৎপীড়ন করিবে না। প্যারাডাইন তাহার পিতার চিকিৎসার জন্ম যে পঞ্চাশ পাউণ্ড ধার করিয়াছিল, সেই ঋণের জন্ম যে ফারমিনকে পঁচাত্তর পাউণ্ড দিয়াছিল; সুতরাং প্যারাডাইনের ধারণা হইল, ফারমিন তাহাকে কায়দায় পাইয়া তাহার নিকট যত টাকারই দাবী করুক, তাহার ঋণ সে পরিশোধ করিরাছে বলিয়াই প্যারাডাইনের ধারণা হইল।

প্যারাডাইন লিসেট্টার স্কোয়ারে উপস্থিত হইয়া চতুর্দিকে দৃষ্টিপাত করিয়া অত্যন্ত ভীত হইল। সে সংবাদপত্রের প্লাকার্ডের দিকে চাহিয়া দেখিতে পাইল, 'মোটা মোটা অক্ষরে লিখিত ছিল, 'উইনগেটসের হত্যারহস্য', 'করোনারের তদন্ত।' প্যারাডাইন স্পন্দিত-বক্ষে একখানি কাগজ কিনিয়া লইল এবং রিউপার্ট ষ্ট্রীটের কোন নির্জন অংশে উপস্থিত হইয়া কম্পিত হস্তে কাগজখানি খুলিয়া তাহা পাঠ করিতে লাগিল।

সে কাগজে যাহা পাঠ করিল, তাহা সমস্তই তাহার স্মবিদিত। তাহার মনিব মিঃ নিস্বেট করোনারের আদালতে যে জবানবন্দী দিয়াছিলেন, তাহাও সে পাঠ করিল। মিঃ



নিস্বেট' সেই জবানবন্দীতে নিহত কর্মচারীর বিশ্বস্ততার ও কর্তব্যজ্ঞানের যথেষ্ট প্রশংসা করিয়াছিলেন। তিনি আরও বলিয়াছিলেন, এই কর্মচারী বিগত ২০ বৎসর যাবৎ নিষ্ঠার সহিত তাঁহার সেবা করিয়া আসিয়াছিলেন। তিনি এই কর্মচারীর খাতা-পত্রে কখন ভুলচুক আবিষ্কার করিতে পারেন নাই এবং কোনদিন তাঁহাকে অর্পকষ্ট অনুভব করিতে হয় নাই।

সাতটা বাজিতে তখনও কয়েক মিনিট বিলম্ব ছিল। প্যারাডাইন শরীরটা কিঞ্চিৎ বেজুত মনে হওয়ায় কোন পানাগারে গমন করিয়া হুইস্কি-সোডা পানে একটু চাঙ্গা হইয়া লইল। সেই সময় খবরের কাগজখানি তাহার হাতে থাকায় তাহার এক স্থানে তাহার দৃষ্টি সন্নিবিষ্ট হইল। সেই স্থানে সেয়ারের বাজারের রিপোর্ট প্রকাশিত হইয়াছিল। আরানার নামটি পাঠ করিয়া সকল বিবরণ জানিবার জন্য তাহার কৌতূহল হইল; তাহার নীচেই সে দেখিল, “আরানা স্বর্ণক্ষেত্রের সেয়ারের মূল্য হু হু শব্দে চড়িতেছে!”

এই স্বর্ণক্ষেত্রের যে সেয়ারের মূল্য বহু বৎসর যাবৎ সংসামান্য ছিল, তাহাই হঠাৎ চড়িয়া দুই পাউণ্ডে উঠিয়াছে। এই প্রকার আকস্মিক মূল্যবৃদ্ধির কারণ একপ রহস্যবৃত্ত যে, একখানি দৈনিক পত্রের প্রতিনিধি ইহার কারণ নির্ণয়ের জন্য এই কোম্পানীর ম্যানেজিং ডিরেক্টর মিঃ নিস্বেটের সহিত সাক্ষাৎ করিলে মিঃ নিস্বেট তাঁহাকে বলিয়াছিলেন,—

“কেবলমোগে আমরা যে সংবাদ পাইয়াছিলাম, সেই সংবাদে নির্ভর করিয়া আমরা খনি হইতে যথেষ্ট অনুকূল রিপোর্টেরই আশা করিতেছিলাম। সেই রিপোর্ট গত শনিবার আমাদের আফিসে পৌঁছাইবার সম্ভাবনা ছিল। কিন্তু মিঃ গার্ডিনের শোচনীয় হত্যাকাণ্ড নিবন্ধন—যে দুর্ঘটনায় আমার অপেক্ষা দ্বিতীয় কোন ব্যক্তির অধিকতর মশাহত হইবার সম্ভাবনা নাই,—আমরা সেই রিপোর্টের অস্তিত্ব আবিষ্কার করিতে পারি নাই। আমাদের ‘সেয়ার’ লইয়া সে প্রকার দরবৃদ্ধির খেলা চলিতেছে, আমি তাহা নিন্দনীয় মনে করি এবং আমি এ কথা বলিতে বাধ্য যে, আরানার সেয়ারের জন্য এই প্রকার আকস্মিক এবং অভূতপূর্ব চাহিদার পরিচয় পাইয়া আমার মন একরূপ সন্দেহে পূর্ণ হইয়াছে যে, এই ব্যাপার পুলিশের গোচর করাই কর্তব্য বলিয়া আমার মনে হইতেছে। বস্তুতঃ, আরানার সেয়ারের বাজারের বর্তমান অবস্থা দেখিয়া আমার ধারণা হইয়াছে

যে, উক্ত রিপোর্ট যথাসময়ে আমাদের আফিসে আসিলে মিঃ গার্ডিনই তাহা নিজের নিকট রাখিয়াছিলেন; সেই রিপোর্ট তাঁহার নিকট হইতে চুরি গিয়াছে। যে তস্বর বা তস্বররা তাহা চুরি করিয়াছে, তাহারা সেই রিপোর্ট পাঠ করিয়া জানিতে পারিয়াছে, আরানা স্বর্ণক্ষেত্র হইতে প্রচুর লাভের সম্ভাবনা আছে এবং এই সংবাদ দ্বারা তাহারা স্বার্থসিদ্ধির পথ প্রশস্ত করিয়াছে। এইভাবে তাহারা কোম্পানীর পরিচালকবর্গকে ক্ষতিগ্রস্ত করিয়া প্রবঞ্চনার সাহায্যে লাভবান হইতেছে।”

প্যারাডাইন এই প্যারাগ্রাফটি দুই তিনবার পাঠ করিল। সে ভাবিল, মিঃ গার্ডিনের হত্যাকাণ্ডের সময় উক্ত রিপোর্ট তাঁহারই জিহ্বায় ছিল, মিঃ নিস্বেটের একরূপ পারণার কারণ কি? তিনি ত জানিতেন যে, শনিবার অপরাহ্নে পশ্চিম-আফ্রিকার ডাকের চিঠি-পত্র তাঁহাদের আফিসে বিলি হইলে নিম্নপদস্থ কোন কেরাণীর সেই ডাক গ্রহণ করিবার ব্যবস্থা ছিল; তথাপি রিপোর্টখান মিঃ গার্ডিনের নিকট গচ্ছিত ছিল—মিঃ নিস্বেট একরূপ অনুমান কেন করিলেন? প্যারাডাইন ভাবিয়া চিন্তিয়া ইহাই সিদ্ধান্ত করিল যে, মিঃ নিস্বেট হয় ত মনে করিয়াছেন, মিঃ গার্ডিন রিপোর্টখানির গুরুত্বের কথা চিন্তা করিয়া, নিম্নপদস্থ কোন কেরাণীকে উহা আফিসের ডাক-বাল্ল হইতে বাহির করিয়া লইবার ভার না দিয়া স্বয়ং সেই দায়িত্বভার গ্রহণ করিয়াছিলেন এবং সম্ভবতঃ তাহা তিনি পকেটে লইয়া বাড়ী গিয়াছিলেন। সোমবারে যথাসময়ে আফিস খুলিলে মিঃ নিস্বেট প্যারাডাইনকে সেই রিপোর্ট সম্বন্ধে কোন কথা জিজ্ঞাসা না করায় সে অত্যন্ত বিস্মিত হইয়াছিল; সে তখন ইহার কারণ বুঝিতে না পারিলেও সংবাদপত্রে মিঃ নিস্বেটের মন্তব্য পাঠের পর তাহার মনের ধাঁধা অপসারিত হইল।

সে ঘড়ীর দিকে চাহিয়া দেখিল, সময় তখন স-সাতটা। সে হাতের কাগজখানি তাল পাকাইয়া সেই কক্ষের মেঝের উপর ফেলিয়া দিয়া পথের দিকে অগ্রসর হইল, এবং পাঁচ মিনিটের মধ্যে ‘বুইগো’ নামক ভোজনাগারে উপস্থিত হইল। সেই সময় তাহার মনে পড়িল, শেষ যে দিন সে সেই ভোজনাগারে আসিয়াছিল, সে দিন টেরি তাহার সহবাস প্লাধার বিষয় মনে করিয়া তাহাকে কতই



আদর-যত্ন করিয়াছিল। মগ্ধা হইতে তিন দিন টেরি সেখানে তাঁহাকে ভোজন করাইয়া আনন্দ লাভ করিত; সেইরূপ উৎকৃষ্ট ভোজ্যদ্রব্য ভোজনের সুযোগে সে জীবনে আর কখন পাইয়াছে বলিয়া তাহার স্মরণ হইল না। শেষ দিন ভোজনের সময় সে তাহাকে দুই শত পাউণ্ড উৎকোচ দানের প্রস্তাব করিয়াছিল।

প্যারাডাইন চঞ্চল-চিত্তে দ্বার খুলিয়া ভোজনাগারে প্রবেশ করিল। যদি সে সেখানে টেরিকে দেখিতে পায়, তাহা হইলে সে তাহার সহিত কিরূপ ব্যবহার করিবে, তাহাই ভাবিতে লাগিল। মিঃ প্রীড্ মতঙ্গণ সেখানে না আসেন, ততক্ষণ কি তাহার সঙ্গে গল্প চালাইবে? কিহু সে উদ্দেশ্যে টেরি তাহার মনোরঞ্জন করিত, তাহার সেই উদ্দেশ্যে সফল হইয়াছিল; এখন কি টেরি তাহাকে চিনিতে পারিবে? তাহার সহবাস প্রার্থনীয় মনে করিবে? টেরির সহিত সে কোন বিষয়েরই বা গল্প করিবে? এই সকল কথা চিন্তা করিয়া তাহার মন অত্যন্ত দমিয়া গেল। কিহু সে যখন চতুর্দিকে দৃষ্টিপাত করিয়া টেরিকে দেখিতে পাইল না, তখন সে স্বস্তি বোধ করিল। প্যারাডাইন টেরির সহিত যে টেবলে ভোজন করিতে বসিত, সে সেই টেবলের নিকট উপস্থিত হইতেই একটা খানসামা ক্ষণকাল তাহার মুখের দিকে চাহিয়া থাকিয়া নতদৃষ্টিতে সেই কক্ষের অন্য প্রান্তে প্রস্থান করিল।

প্যারাডাইন চেয়ারে বসিয়া সমাগত অতিথিদের মুখের দিকে আর একবার চাহিয়া দেখিল। কিহু টেরি বা প্রীড্ কাহাকেও সে দেখিতে পাইল না। সে ভোজ্যদ্রব্যের তালিকাখানি সম্মুখে ধরিয়া শূন্যদৃষ্টিতে সেই দিকে চাহিয়া রহিল। তাহার মনে হইল, টেরি তাহাকে সে সকল উৎকৃষ্ট ভোজ্যদ্রব্য আহা করাইত, সে দিন তাহার তাহা ক্রম করিবার সামর্থ্য হইবে না। বৃষ্টলোঁ দনাটা বিলাসীদের রেসুরী।

খানসামা তাহার নিকট ফিরিল না। প্যারাডাইন তালিকাখানি সর্বাপেক্ষা সূত্রে খাণ্ডদ্রব্যগুলিই ভোজনের জন্য নির্দ্বিগত করিতে লাগিল। সহসা কেহ তাহার স্পর্শ করিল। প্যারাডাইন মুখ তুলিয়া পশ্চাতে চাহিতেই যাহাকে দেখিতে পাইল, সেই ব্যক্তি তাহার সম্পূর্ণ অপরিচিত।

লোকটি তাহাকে জিজ্ঞাসা করিল, “আপনিই মিঃ জন প্যারাডাইন?”

আগন্তকের প্রশ্ন শুনিয়া প্যারাডাইনের মন কি এক অজ্ঞাত আশঙ্কায় পূর্ণ হইল। কিহু সে সংযত স্বরে বলিল, “হাঁ, আমার নাম প্যারাডাইন। আমার নিকট আপনার কি প্রয়োজন?”

আগন্তক বলিল, “আমি স্কটল্যান্ড ইয়ার্ডের ডিটেক্টিভ। গত শনিবার উইনগেটসের প্রিটোরিয়া ক্রেসেণ্টের নিচু বাড়ীতে মিঃ জেমস গার্ডিন নিহত হইয়াছেন; আমি তাহার হত্যাকাণ্ডের তদন্তের ভার পাইয়াছি। সেই রাত্রিটা তুমি কোথায় কি ভাবে কাটাইয়াছিলে, এ সম্বন্ধে তোমাকে দুই একটি কথা জিজ্ঞাসা করিবার প্রয়োজন। এ জন্য আমার সঙ্গে তোমাকে খানসামা যাইতে হইবে।”

আগন্তকের সঙ্গে গ্রেপ্তারী পরোয়ানা ছিল কি না, এবং তাহা না থাকিলে সে কোন অধিকারে তাহাকে খানসামা ধরিয়া লইয়া যাইতে চাহে, প্যারাডাইন এ কথা জিজ্ঞাসা করিতে পারিত; কিহু প্যারাডাইন তাহাকে সেরূপ কোন কথা জিজ্ঞাসা করিল না; আগন্তকের কথা শুনিয়াই সে ভড়কাইয়া গেল, বুকিতে পারিল—সে যে বজ্রাঘাতের আশঙ্কা করিতেছিল, সেই আশঙ্কা কার্যে পরিণত হইল। সে কম্পিতপদে উঠিয়া দাড়াইল। আগন্তকের আদেশের প্রতিবাদ করিতেও তাহার সাহস হইল না। প্যারাডাইন তাহার টুপি ও লাঠী লইয়া আগন্তকের সঙ্গে ভোজনাগর ত্যাগ করিয়া পথে আসিল। পথের দারে একখান মোটরকার দাড়াইয়া ছিল। গাড়ীর দ্বার-জানালা বন্ধ; ডিটেক্টিভ গাড়ীর দ্বার খুলিয়া প্যারাডাইনকে গাড়ীতে তুলিয়া দিল, তাহার পর সে তাহার পাশে বসিল। সঙ্গে সঙ্গে গাড়ী চলিতে আরম্ভ করিল। প্যারাডাইনের মনে হইল, ফাঁসীকাঠের অভিমুখে ইহাই তাহার প্রথম পদক্ষেপণ।

গাড়ীর এক দিকের জানালা অর্ধোন্মুক্ত ছিল। ডিটেক্টিভ সেই জানালা বন্ধ করিবার জন্য হাত বাড়াইয়াছে—সেই সময় প্যারাডাইন সেই জানালা দিয়া পথের দিকে চাহিয়া এক জন দীর্ঘদেহ পথিককে দেখিতে পাইল, তাহার দেহ প্রান্তর্ভ্রমণোযোগী কোটে আবৃত, হাতে ছাতা। তিনি রেসুরীর দিকে যাইতেছিলেন। এই পথিক মিঃ প্রীড্।

সময়ে নিম্নোক্ত কোনও নাবিক দিগন্তসীমায়

ভাসমান জাহাজ দেখিতে পাইলে যেকোন স্পন্দমান-বক্ষে এবং আশ্চর্য-হৃদয়ে সেই জাহাজের দিকে দৃষ্টি নিক্ষেপ করে, প্যারাডাইন গাড়ীর জানালা হইতে মাথা বাড়াইয়া সেই ভাবে মিঃ প্রীডের দিকে চাহিয়া আকুল-স্বরে ডাকিল, “মিঃ প্রীড! মিঃ প্রীড!”

মিঃ প্রীড তাহার কণ্ঠস্বর শুনিয়া মুহূর্তের জগৎ সেই শকটের দিকে ফিরিয়া চাহিলেন; কিন্তু প্যারাডাইন তাঁহাকে কোন কথা বলিবার পূর্বেই তাহার পার্শ্বপাশ্বে ডিটেক্টিভ তাহার গলায় কলার ধরিয়া তাহাকে বাতায়ন-প্রান্ত হইতে টানিয়া আনিয়া আসনে বসাইয়া দিল, তাহার পর তাড়াতাড়ি জানালা বন্ধ করিল।

ডিটেক্টিভের এই ব্যবহারে প্যারাডাইন অত্যন্ত ক্রুদ্ধ হইয়া জানালা খুলিবার চেষ্টা করিল, তাহা দেখিয়া ডিটেক্টিভ এক ধাক্কা তাহাকে পুনর্বার বসাইয়া দিয়া বলিল, “ভাল চাপ ত স্থিরভাবে বসিয়া থাক, নতুবা তোমার অদৃষ্টে বিস্তর—”

কিন্তু প্যারাডাইন তাহার কথায় বাধা দিয়া উত্তেজিত স্বরে বলিল, “এ তোমার কি রকম ব্যবহার? আমি তোমার সঙ্গে থানায় যাইতে সম্মত হইয়াছি বলিয়াই কি আমার উপর অত্যাচার করিবে? গাড়ী থামাও, উনি আমার সলিসিটার। আমি উঁহাকে গাড়ীতে তুলিয়া লইব। থানায় লইয়া গিয়া যখন আমাকে জেরা করা হইবে, সে সময় আমার সলিসিটারকে নিকটে রাখিতে চাই, সে অধিকার আমার আছে। আমি কোন বে-আইনী কাণ্ড করিতেছি না। তুমিই গায়ের জোরে বে-আইনী কাণ্ড করিতেছ। রাখ গাড়ী!”

কিন্তু ডিটেক্টিভ তাহার কথায় কণপাত করিল না; গাড়ী সবেগে গন্তব্য পথে দাবিত হইল। প্যারাডাইন আবার উঠিয়া জানালা খুলিবার চেষ্টা করিল। তখন ডিটেক্টিভ এক ধাক্কা তাহাকে আসনের উপর কাত করিয়া ফেলিতেই প্যারাডাইন ক্রোধ সংবরণ করিতে না পারিয়া, দুই হাতে ডিটেক্টিভের গলা চাপিয়া ধরিয়া তাহাকে গাড়ীর মেঝের উপর নিক্ষেপ করিবার চেষ্টা করিল। কিন্তু ডিটেক্টিভও বলবান; সে দুই হাতে তাহার কাঁধ ধরিয়া তাহাকে গাড়ীর মেঝের উপর চিত করিয়া ফেলিল, এবং তাহার পেটের উপর হাঁটু চাপাইয়া, ভিজা স্পঞ্জ দিয়া তাহার

নাক-মুখ চাপিয়া ধরিল। সে ডিটেক্টিভের উভয় চক্ষুতে প্রতিহিংসানল প্রতিফলিত দেখিল। প্যারাডাইন তাহার কবল হইতে মুক্তি লাভ করিবার চেষ্টা করিল, কিন্তু মুহূর্ত মধ্যে তাহার সর্কাস আড়ষ্ট হইল; তাহার চক্ষুর উপর অন্ধকার ঘনাইয়া আসিল, এবং তাহার চেতনা বিলুপ্ত হইল। ডিটেক্টিভের হাতের স্পঞ্জখানি ক্লোরোফর্ম-সিক্ত ছিল; ক্লোরোফর্মের প্রভাবে অতি অল্পসময়ের মধ্যেই তাহার এই অবস্থা হইল। প্যারাডাইন মোটর-গাড়ীর মেঝের উপর মৃতবৎ পড়িয়া রহিল, দেখিয়া ডিটেক্টিভ হী-হী শব্দে হাসিয়া তাহার পেটের উপর হইতে জালু অপসারিত করিল, এবং উঠিয়া সরিয়া বসিয়া তাহার বিবৎ নৃশের দিকে চাহিয়া রছিল।

মোটর-গাড়ী পূর্ণবেগে দাবিত হইল।

## পঞ্চম পঙ্কল

### নিরুদ্দেশ যাত্রা

মোটর-গাড়ী একটি বন্ধুর পথ দিয়া চলিবার সময় গাড়ীর রবারনির্মিত টায়ারে পুনঃ পুনঃ ধাক্কা লাগায় গাড়ী ক্রমাগত জ্বলিতে লাগিল। সেই আন্দোলনে, বিশেষতঃ ক্লোরোফর্মের উগ্রতা হ্রাস হওয়ায়, প্যারাডাইনের লুপ্ত চেতনা ধীরে ধীরে ফিরিয়া আসিল। চেতনাসঞ্চার হইলে সে বৃষ্টিতে পারিল, তাহার চেতনা বিলুপ্ত হইলে তাহাকে গাড়ীর মেঝে হইতে তুলিয়া আসনের উপর কাত করিয়া ফেলিয়া রাখা হইয়াছিল। তাহার মাথার ভিতর যেন আগুন জ্বলিতেছিল। সে মাথায় হাত বুলাইবার আশায় যখন হাত তুলিবার চেষ্টা করিল, তখন সে বৃষ্টিতে পারিল, তাহার চেতনা বিলুপ্ত হইলে তাহার উভয় হস্ত শৃঙ্খলিত করা হইয়াছিল। তাহার পদদ্বয় অসাড় হইয়া গিয়াছিল; সে পদদ্বয় প্রসারিত করিতে গিয়া বৃষ্টিতে পারিল, তাহার পদদ্বয়ও শৃঙ্খলিত হইয়াছে। এতদ্ভিন্ন তাহার গলায় একটা লোহার কলার আঁটিয়া দুই-গাছা লৌহশৃঙ্খল দ্বারা সেই কলার গাড়ীর কাঠাবরণের উভয় প্রান্তস্থিত লোহার হকে আবদ্ধ করা হইয়াছিল। সুতরাং তাহার স্থান পরিবর্তন করিবার উপায় ছিল না। সে নড়িতে পারিল না।

প্যারাডাইন সর্কাসে যে অসাড়তা অনুভব করিতেছিল,

চেতনাসংস্কারের পর তাহার প্রভাব অতিক্রম করিতে কিছু সময় লাগিল। তাহার মনে হইতেছিল—তাহার মস্তিষ্ক নিবিড় কুঞ্জটিকাস্তরে সমাচ্ছন্ন হইয়াছে ; সেই কুঞ্জটিকাস্তর ভেদ করিয়া স্মৃতির ক্ষীণতম রশ্মিও সেখানে প্রতিফলিত হইল না। পূর্বকথা সে স্মরণ করিতে পারিল না ; কিন্তু ক্রমশঃ ধীরে ধীরে তাহার চিন্তাশক্তি ফিরিয়া আসিল। প্রথমে যাহা একটা উৎকট হৃৎস্বপ্ন বলিয়া মনে হইতেছিল— তাহা যে স্বপ্ন নহে, সত্য, অতি কঠোর সত্য—ইহা সে বুঝিতে পারিল। সঙ্গে সঙ্গে বৃহৎ রেশুরাঁব কথা তাহার স্মরণ হইল। সেখানে সে যে টেবলে বসিয়া টেরির সহিত ভোজন করিত, ভোজন করিতে করিতে সে কত সুখ-দুঃখের কথা আলোচনা করিত, সেই টেবলের কথাও তাহার মনে পড়িল। তাহার স্মরণ হইল, সে মিঃ প্রীডের উপদেশ অনুসারে সেই ভোজন-টেবলে বসিয়া তাঁহার প্রতীক্ষা করিতেছিল, সেই সময় এক জন অপরিচিত লোক তাহার অজ্ঞাতসারে পশ্চাতে আসিয়া তাহার স্বন্ধ স্পর্শ করে। সে মিঃ গার্ডিনের হত্যাকাণ্ডের প্রসঙ্গে তাহাকে কোন কোন কথা জিজ্ঞাসা করিবার জন্ম তাহার সঙ্গে থানায় যাইতে অনুরোধ করে। সে তাহার অনুরোধে তাহার সঙ্গে রেশুরাঁব বাহিরে আসিলে যে সকল অদ্ভুত ব্যাপার সম্বন্ধিত হইয়াছিল, তাহা স্মরণ হওয়ায় সে শিহরিয়া উঠিল। সে মোটর-গাড়ীতে উঠিয়া কিছু দূর অগ্রসর হইলে, মিঃ প্রীডকে রেশুরাঁব দিকে যাইতে দেখিয়াছিল ; সে গাড়ীর জানালা দিয়া তাঁহাকে দেখিতে পাওয়ায় তাঁহার দৃষ্টি আকৃষ্ট করিবার জন্ম তাঁহাকে আহ্বান করিয়াছিল, ইহাতে ডিটেক্টিভ ক্রুদ্ধ হইয়া তাহার প্রতি বিরূপ পৈশাচিক ব্যবহার করিয়াছিল, এবং তাহার ফলে তাহার অবস্থা বিরূপ শোচনীয় হইয়াছিল, তাহাও তাহার স্মরণ হইল।

সেই ডিটেক্টিভ অথবা জাল ডিটেক্টিভ তাহাকে আক্রমণ করিয়া গাড়ীর মেঝের উপর ফেলিয়া দিয়াছিল ; সে সেই আতঙ্কিত কবল হইতে নিষ্কৃতিলাভের চেষ্টা করিবার পূর্বেই সেই নরপিশাচ তাহার পেটে হাঁটু চাপাইয়া ক্লোরোফর্মসিক্ত স্পঞ্জ দ্বারা তাহার নাক-মুখ আবৃত করিয়াছিল। ক্লোরোফর্মের প্রভাবে তাহার চেতনা বিনষ্ট হইলে তাহার অবস্থা বিরূপ হইয়াছিল। তাহা সে স্মরণ করিতে পারিল না ; তবে চেতনাসংস্কারের পর সে বুঝিতে

পারিল, তাহার হাত-পা শৃঙ্খলিত করা হইয়াছে, তাহার গলায় পর্যন্ত লোহার কলার আঁটিয়া তাহাও শৃঙ্খলাবদ্ধ হইয়াছে। ক্লোরোফর্মের প্রভাব অতিক্রম করিতে তাহার যথেষ্ট সময় লাগিয়াছে। সে তখনও মস্তকে অসহ যন্ত্রণা অনুভব করিতেছিল, এবং অসমান পথে গাড়ী চলিতে থাকায় তাহা ক্রমাগত যে ভাবে আন্দোলিত হইতেছিল, তাহার ফলে তাহার মাথা গাড়ীর দরজার প্রান্তভাগে পুনঃ পুনঃ ঠুকিতে থাকায় তাহার মস্তকের যন্ত্রণা বর্ধিত হইয়াছিল ; কিন্তু মাথা বাঁচাইবার জন্ম তাহার দূরে সরিয়া বসিবার উপায় ছিল না। তাহার অবস্থা তখন হাঁড়িকাঠে আবদ্ধ বলির পাঠার অবস্থার অনুরূপ ! সেই অবস্থায় গাড়ীর আসনের উপর কাত হইয়া পড়িয়া থাকিয়া পথিকদের সাহায্য-প্রার্থনার জন্ম তাহার চীৎকার করিবার ইচ্ছা হইল, কিন্তু সেরূপ করিলে তাহার নির্যাতনের মাত্রা বর্ধিত হইতে পারে — এই আশঙ্কায় সে নীরব থাকাই বাঞ্ছনীয় মনে করিল।

প্যারাডাইন বিভিন্ন ডিটেক্টিভ-উপন্যাস পাঠ করিয়া সরকারী ডিটেক্টিভদের কার্য-প্রণালী সম্বন্ধে অভিজ্ঞতা লাভ করিয়াছিল, সেই অভিজ্ঞতা হইতে তাহার ধারণা হইয়াছিল, স্কটল্যান্ড ইয়ার্ডের ডিটেক্টিভরা যদি কোন সন্দেহভাজন ব্যক্তিকে জেরা করিবার জন্ম তাহাকে সঙ্গে লইয়া অদূরবর্তী কোন থানায় যাওয়া আবশ্যিক মনে করিত, তাহা হইলে তাহাকে গাড়ীর ভিতর পুরিয়া পথিমধ্যে ক্লোরোফর্ম-প্রয়োগে অচেতন করিত না, এবং তাহার হাত-পা শৃঙ্খলিত করিয়াও তাহার উত্থানশক্তি রহিত করিত না। সুতরাং তাহার ধারণা হইল, স্কটল্যান্ড ইয়ার্ডের ডিটেক্টিভ বলিয়া নিজের পরিচয় দিয়া যে ব্যক্তি তাহাকে গাড়ীতে পুরিয়া লাক্ষিত করিয়াছে, সে সত্যই ডিটেক্টিভ নহে এবং তাহাকে থানায় লইয়া যাইবার প্রস্তাবও, ধাপ্লাবাজি। তাহার কোন শত্রু তাহার সর্বনাশের জন্ম এই চাল চালিয়াছে। তাহার মনে পাপ ছিল বলিয়াই সে তাহার ধাপ্লায় ভুলিয়াছে, বুদ্ধির দোষে নিজের সর্বনাশের পথ প্রশস্ত করিয়াছে। সে যে কাদে পড়িয়াছে, তাহা হইতে উদ্ধার-লাভের উপায় কি, তাহা সে ভাবিয়া স্থির করিতে পারিল না। কে কি উদ্দেশ্যে তাহাকে এইভাবে প্রহারিত ও বিপন্ন করিয়াছে, তাহা সে বুঝিতে না পারিলেও টেরিই যে তাহার এই দুর্গতির মূল, এ বিষয়ে তাহার সন্দেহ রহিল না।

প্যারাডাইন ভাবিল, টেরি তাহাকে উইনগেটসএ দেখিয়াছিল। হত্যাকাণ্ডের তদন্তের ফলে যদি সত্য প্রকাশিত হইয়া পড়ে, তাহা হইলে টেরির অবস্থা কিরূপ সঙ্কটপূর্ণ হইবে, তাহাও সে বুঝিতে পারিয়াছিল। টেরি যদি রিপোর্টখানি হস্তগত করিবার জন্ত মিঃ গার্ডিনকে হত্যা করিয়া থাকে, তাহা হইলে যে রাত্রিতে মিঃ গার্ডিন নিহত হইয়াছিলেন, সে রাত্রিতে যে ব্যক্তি তাহাকে উইনগেটসে উপস্থিত থাকিতে দেখিয়াছিল, সে পুলিশের নিকট বা আদালতে সে কথা প্রকাশ করিতে না পারে, ইহারই ব্যবস্থা করা প্রথম কর্তব্য বলিয়া তাহার ধারণা হওয়াই স্বাভাবিক। তদ্বিষয়, যদি এ কথা প্রকাশ হইয়া পড়ে যে, রিপোর্টখানি হস্তগত করিবার জন্ত সে প্যারাডাইনকে উৎকোচদানে বণীভূত করিবার চেষ্টা করিয়াছিল, কিন্তু তাহার চেষ্টা সফল হয় নাই; তাহার পরই মিঃ গার্ডিনের হত্যাকাণ্ড, এবং রিপোর্টখানি অপহৃত হইবার কোন প্রমাণ না থাকিলেও আরানা স্বর্ণক্ষেত্রের সেয়ারের আকস্মিক মূল্যবৃদ্ধি; তাহা হইলে পুলিশের তদন্তকালেও এই সকল প্রমাণে টেরির বিপন্ন হইবার আশঙ্কা ছিল। এ অবস্থায় টেরি যদি তাহাকে লোকচক্ষুর অন্তরালে সরাইয়া দিতে পারে, তাহা হইলে তাহার বিপদের আশঙ্কা দূর হইবে, ইহা বুঝিতে পারিয়া টেরি তাহাকে কোশলে ফাঁদে ফেলিয়াছে বলিয়াই প্যারাডাইনের ধারণা হইল।

কিন্তু প্যারাডাইনের এই অনুমানই যদি সত্য হয়, তাহা হইলে টেরি মিঃ গার্ডিনের হত্যাকাণ্ডের তিন দিন পরে হঠাৎ তাহাকে এ ভাবে ফাঁদে ফেলিবার চেষ্টা করিল কেন? হত্যাকাণ্ডের পরদিনই ত সে এই পন্থা অবলম্বন করিতে পারিত। প্যারাডাইন সেই দিনের সকল ঘটনার কথা মনে মনে আলোচনা করিতে লাগিল। সে দিন সে ষথানিয়মে আফিসে উপস্থিত হইয়াছিল। আফিসে তাহার যে সকল কাৰ্য ছিল, তাহা সে শেষ করিয়াছিল; কিন্তু প্রতি মুহূর্তেই তাহার আশঙ্কা হইতেছিল, তাহার মনিব মিঃ নিস্বেট হুন্স তাহাকে তাঁহার সহিত সাক্ষাতের জন্ত আদেশ করিবেন, তাহাকে ডাকিয়া পাঠাইবেন, আরানা রিপোর্টসম্বন্ধে তাহাকে প্রশ্ন করিবেন, অথবা সে তাহার মহাজনের নিকট কি জন্ত কত টাকা ধার করিয়াছিল, এবং সে সেই জন্ত পরিশোধের কি ব্যবস্থা করিয়াছিল, তাহা হয় ত

জানিতে চাহিবেন; কিন্তু আফিসে সেরূপ কোন কাণ্ডই ঘটে নাই। বেলা সাড়ে পাঁচটা পর্যন্ত সে আফিসে ছিল, এবং সারাদিন নির্বিঘ্নেই কাটিয়াছিল। আফিসের ছুটির পর সে টেলিফোনে মিঃ প্রীডের নিকট তাঁহার সহিত সাক্ষাতের অনুমতি গ্রহণ করিয়া লিঙ্কনস ইন্ ফীল্ডে তাঁহার সহিত সাক্ষাৎ করিতে গিয়াছিল।

প্যারাডাইন ভাবিল, সেই সময় তাহার অজ্ঞাতসারে কি কোনও সন্দেহজনক ব্যাপার ঘটিয়াছিল? সে যখন মিঃ প্রীডকে টেলিফোনে কথা বলিতেছিল, সেই সময় সম্ভবতঃ কেহ তাহার সে সকল কথা শুনিতে পাইয়াছিল, তাহার পর লিঙ্কনস ইন্ ফীল্ডে পর্যন্ত তাহার অনুসরণ করিয়াছিল। তাহাকে সলিসিটোরের অফিসে প্রবেশ করিতে দেখিয়া টেরি বা তাহার দলের কোন লোক বুঝিতে পারিয়াছিল, সে তাহার সলিসিটোরের নিকট কোন বিষয় সম্বন্ধে উপদেশ গ্রহণ করিবে, সলিসিটোর তাহাকে যে উপদেশ দান করিবেন, তাহার ফলে টেরি বিপন্ন হইতে পারে—এই আশঙ্কায় টেরি তাহার সম্বন্ধে কি করা উচিত, তাহা স্থির করিয়াছিল।

অতঃপর প্যারাডাইন বুইনো রেস্টুরাঁয় উপস্থিত হইলে টেরি বা তাহার কোন অনুচর সেখানে তাহার অনুসরণ করিয়াছিল এবং তাহাকে কার্যক্ষেত্র হইতে অপসারিত করিবার জন্ত যাহাকে নিযুক্ত করিয়াছিল, সে স্কটল্যান্ড ইয়ার্ডের ডিটেকটিভের ভূমিকা গ্রহণ করিয়া তাহাকে থানায় লইয়া যাইবে বলিয়া ধাপ্পা দিয়া রেস্টুরাঁর বাহিরে আনিয়া গাড়ীতে তুলিয়াছিল। এখন সে সেই গাড়ীতে বন্দী, সম্পূর্ণ অসহায়, এবং শৃঙ্খলিত। এই সঙ্কট হইতে তাহার উদ্ধার-লাভের কোন সম্ভাবনা নাই। নৈশ অন্ধকারে গাড়ী তাহাকে লইয়া কোথায় ছুটিয়া চলিয়াছে—তাহা অনুমান করাও তাহার অসাধ্য। যে নরপিশাচ এইভাবে তাহাকে মুঠায় পুরিয়াছে, সে আরানা স্বর্ণক্ষেত্রের রিপোর্ট হস্তগত করিবার জন্ত মিঃ গার্ডিনকে অসঙ্কোচে হত্যা করিয়াছে। সেই রিপোর্টের সাহায্যে সে বিপুল অর্থ-সঞ্চয়ের উপায় উদ্ভাবন করিয়াছে। আরানা স্বর্ণক্ষেত্রের সেয়ারের মূল্য পূর্বমূলা অপেক্ষা ছয়গুণ বর্দ্ধিত হইয়াছে; টেরিই তাহার ফলভাগী হইবে। কিন্তু এই গুপ্তরহস্য কেবল প্যারাডাইনেরই সুবিদিত। সে যাহাতে এ সম্বন্ধে কোন কথা কাহারও নিকট প্রকাশ করিতে না পারে, টেরি এবং তাহার দলভুক্ত



চক্রান্তকারীদের বড় বস্তু সম্বন্ধে কোন কথা কাহাকেও বলিতে না পারে, এই উদ্দেশ্যে তাহারা তাহাকে কোণে বন্দী করিয়াছে। তাহারা আশ্রয়ক্ষার জন্ত তাহার কর্ণরোধ করিবে, স্তবরাং জীবন থাকিতে সে মুক্তিলাভ করিবে, তাহার সম্ভাবনা কোথায়? তাহাকে হত্যা করাই তাহাদের সঙ্কল্প, এ বিষয়ে তাহার সন্দেহ রহিল না।

সহসা কাহারও কর্ণস্বর শুনিয়া প্যারাডাইনের চিন্তা-শ্রোত অবরুদ্ধ হইল, তাহার মাথার উপর হইতে কে গম্ভীর স্বরে বলিল, “হাতের কাষ তাড়াতাড়ি শেষ কর। আরও এক জনের চিকিৎসার প্রয়োজন। আমাদিগকে ফিরিয়া গিয়া তাহাকেও সংগ্রহ করিতে হইবে। আজ রাত্রিতে আমাদের বিস্তর কাষ, বিশ্রামের আশা নাই।”

লোকটা ক্ষণকাল নীরব থাকিয়া বলিল, “মোড় ঘুরিয়া ঠা ধারে ঘাইলেই আমাদের আড্ডা।”

আর এক জন বলিল, “কেহ আমাদের অনুসরণ করিতেছে না কি?”

উত্তর হইল, “চুলোর থাক অনুসরণ! কে আমাদের অনুসরণ করিবে, বল ত ওনি?”

দ্বিতীয় ব্যক্তি বলিল, “তোমারই তাহা ভাল জানা থাকিতে পারে। তুমি সে কাষ আরম্ভ করিয়াছ, তোমাকেই তাহা শেষ করিতে হইবে। শত্রুর শেষ রাখিতে নাই।”

প্রথম ব্যক্তি হাসিয়া বলিল, “সকল কথা জানিলে ত অল্পে শত্রুতা করিবে; আর কেহ কিছু জানে না। গুপ্ত কথা প্রকাশের ভয় নাই।”

প্যারাডাইনের উচ্ছ্বিত আসনের পশ্চাদ্ভাগ হইতে মম্ মম্ শব্দ হইল। গাড়ীর পশ্চাতে যে ক্ষুদ্র গবাক ছিল, সেই গবাকের ভিতর দিয়া এক জন লোকের মাথা ও হৃৎ কাষ ঝুঁকিয়া পড়িতে দেখিয়া প্যারাডাইন তাড়াতাড়ি চক্ষু মুদ্রিয়া ধ্যানস্থ হইল।

মূহুর্ত পরে সে গুনিতে পাইল, “সব ঠিক আছে, কেহই কোন দিকে নাই।”

গাড়ীখান হঠাৎ ছলিয়া উঠিয়া ঠা দিকে ঘুরিল। অসমান কঠিন ভূমির উপর দিয়া চলিতে গাড়ীর চাকার টায়ারের ধপ্ ধপ্ শব্দ হইল। তাহার পরই গাড়ী থামিয়া গেল। তৎক্ষণাৎ প্যারাডাইন একসঙ্গে দুইটি দ্বার খুলিবার শব্দ গুনিতে পাইল; কাহারও পদশব্দও তাহার কর্ণগোচর হইল।

প্যারাডাইনের দুর্বল হৃদয় আতঙ্কে পূর্ণ হইল। বিপদের সহিত সংগ্রামে সে অভ্যস্ত ছিল না; বিপদের পর বিপদের আক্রমণে সে অবসন্ন, অভিভূত হইয়া পড়িয়াছিল। তাহার ধারণা হইল, আর সে নিষ্কৃতি লাভ করিতে পারিবে না। তাহার নিরুদ্দেশ যাত্রার অবসান হইয়াছে; এবার তাহার জীবনযাত্রারও অবসান হইবে। তাহার ভীতিবিহ্বল বক্ষঃ ভেদ করিয়া একটা হতাশ আর্জনাৎ শব্দ কর্ণ অতিক্রম করিবার চেষ্টা করিল, কিন্তু সে দাঁতে দাঁত চাপিয়া তাহা ওষ্ঠের বাহিরে নিঃসারিত হইতে দিল না। তাহার মস্তকের পশ্চাদ্ভাগে শব্দট-দ্বার উদ্ঘাটিত হইলে সুশীতল নৈশ সমীরণ-প্রবাহ তাহার বেদনা-ক্লিষ্ট, ব্যথিত গলাটে যেন স্নেহাঞ্চল ব্লাইয়া দিল। প্যারাডাইন অর্ধ-নির্মালিতনেত্রে দেখিল, যে ব্যক্তি স্টেল্যাও ইয়ার্ডের ডিটেক্টিভ পরিচয়ে তাহাকে ধাপ্পা দিয়া গাড়ীতে তুলিয়া-ছিল, সে তীক্ষ্ণ দৃষ্টিতে তাহার মুখভাব লক্ষ্য করিতেছিল।

সে মূহুর্তে বলিল, “না, ক্লোরোফর্মের পাক্স এখনও সামলাইয়া উঠিতে পারে নাই; স্বাভাবিক জ্ঞান ফিরিয়া আসিতে আরও কিছু বিলম্ব হইবে। ভালই হইয়াছে, প্রাণরক্ষার চেষ্টায় আর উত্থাকে ব্যাকুলভাবে পরিত্যাগ করিতে হইবে না। উহার গলার কলারের শিকল খুলিয়া দাও।”

এক জন লোক প্যারাডাইনের দুই হাত পরিয়া তাহাকে গাড়ী হইতে টানিয়া নামাইয়া লইল। তাহার শঙ্কলিত পদদ্বয় অসাড়ভাবে মাটিতে লুটাইতে লাগিল। সে তখন চেতনা লাভ করিলেও মুচ্ছিতের ভাণ করিবে কি না, তাহাই ভাবিতে লাগিল। তাহার মনে হইল, যদি তাহার আততায়ীরা বৃদ্ধিতে পারে—তাহার মুচ্ছাভঙ্গ হয় নাই, তাহা হইলে তাহারা তাহার হস্ত-পদের বন্ধন মোচন করিতেও পারে। যদি বন্ধনশৃঙ্খল অপসারিত হয়, তাহা হইলে সে আশ্রয়ক্ষার জন্ত শেষ চেষ্টা করিবে। এইরূপ চিন্তা করিয়া প্যারাডাইন মুচ্ছিতের গায় পড়িয়া রহিল।

জাল ডিটেক্টিভের সঙ্গী বলিল, “উহার হাত-পায়ের শিকল খুলিয়া দিব কি?”

জাল ডিটেক্টিভ বলিল, “তাহাতে আমাদের কি সুবিধা হইবে?”

উত্তর হইল, “সুবিধা? একটু সুবিধা আছে বৈ কি।

পুলিস যদি ঐ অবস্থায় উহার মৃতদেহ আবিষ্কার করে, তাহা হইলে তাহার আত্মহত্যা বলিয়া মনে করিবে না ; সুতরাং তাহার হত্যাকারীর সন্ধানের জন্য তদন্ত আরম্ভ করিতে পারে। তাহাদিগকে সেরূপ সুযোগদানের প্রয়োজন কি ? বিশেষতঃ, ঐ শিকল-জোড়াটা ওভাবে নষ্ট করিলে চলিবে না, আমাদের কাষ এখনও শেষ হয় নাই, অবিলম্বেই উহার প্রয়োজন হইবে।”

জাল ডিটেক্টিভ তাহার সহযোগীর প্রস্তাব সম্মত মনে করিয়া বলিল, “বেশ, তাহাই হউক। শিকল-জোড়াটা খুলিয়া লইয়া উহার হাত-পা ঐ ভাবে দড়ি দিয়া বাধিয়া রাখ, তাহা হইলে জলে পড়িয়া ভাসিয়া উঠিবার চেষ্টা করিতে পারিবে না, ডুবিয়া মরিবে।”

দ্বিতীয় ব্যক্তি বলিল, “হাতে পায়ে দড়ি বাঁধা অবস্থায় উহার মৃতদেহ আবিষ্কৃত হইলে আত্মহত্যা বলিয়া কাহারও সন্দেহ হইবে না।”

জাল ডিটেক্টিভ হাসিয়া বলিল, “তুমি যে ভয়েই মরিলে, জলের ভিতর পড়িয়া থাকিলে দড়ি পচিয়া গিয়া উহার হাত-পা হইতে খসিয়া যাইবে, তখন আর কে কাহাকে সন্দেহ করিবে ? আর তর্ক করিও না। শিকল পুসিয়া দও।”

প্যারাডাইনের হস্তপদ রজ্জুবদ্ধ করিয়া তাহার শিকল-জোড়াটা তাহার হাত-পা হইতে পুসিয়া লইল।

[ক্রমশঃ।

শ্রীদীনেন্দ্রকুমার রায়।

## অভিসার

আজি শুধু মনে পড়ে সে মৃদুর অতীতের কথা,  
শুধু সেই নীপ-কুঞ্জ, ছুটি ঝাঁখি, বুক-ভরা বাখা,  
একখানি বাঁশীর মূর্ছনা,  
যমুনার বিজন পুলিনে একখানি হৃদয়-অর্চনা।  
লতা-কুঞ্জে তরুর মর্শ্বরে  
সচকিত ছুটি ঝাঁখি চারি দিকে খুঁজিত কাহারে  
বংশী হতে খসিত অপর  
পূর্ণিমার রাহি-খানি কেমনে কাপিত নিরন্তর  
থর-থর  
তারি ছায়া ভাসে ঝাঁখি'পর।  
মনে পড়ে, সস্তর্পণে ছ'খানি চরণ  
বিজন বিগিন-মাঝে কেমনে করিত বিচরণ  
অতি ধীরে, অতি সস্তর্পণে,  
নিধুবনে ;  
কোকিল-কুজিত তরুতলে  
যমুনার লহরের অশ্রান্ত কল্লোলে  
প্রেমভরে টলে ;  
গগনে নেমেছে ঝাঁখিয়ার  
যমুনার  
ঘিরে ছুই তরু-গাম পার।

গরজিছে মেঘ গুরু-গুরু  
বর্ষণের পূর্বরাগ করিয়াছে সুর  
সুবিপুল আড়ম্বর করি,  
বিদ্যুতের জয়ধ্বজা সর্গোরবে উর্ধ্বে তুলে ধরি।  
গগনের ঘনঘটা হেরি,  
কাপে থরথরে,  
পুলকেতে বক্ষ রাধিকার।  
সময় করিতে অভিসার  
উপনীত তাহার দুয়ার  
পূর্ণ করিয়াছে বিধি দিবসের প্রার্থনা তাহার  
তাড়াতাড়ি তাই  
স্ননীল বসনে যারা তনু চাকিয়াই  
ললাটে সিন্দূর-বিন্দু সুলিখিত করি'  
নীরবে নিঃশঙ্কে চলে বনপথ ধরি।  
নীপতরু-মূলে  
নবীন নীরদবামে যমুনার কূলে  
অবনতা যৌবনের ভারে  
বিদ্যুৎলতিকা এক মেলে আসি ধীরে  
ব্রহ্মপদ, ব্রহ্মবেশ, মৃত্যুকেশ দক্ষিণ সমীরে।  
শ্রীবিমলকান্তি সমাদার।



## ভূগলী জেলার ইতিহাস

[ পূর্ব-প্রকাশিতের পর ]


### ভূগলী ও মহারাজ নন্দকুমার

মহারাজ নন্দকুমার অসুস্থ ১৭০৫ খ্রীষ্টাব্দে বর্তমান বীরভূম জেলার ভূগলী গ্রামে জন্মগ্রহণ করেন। ভূগলী নদীর তীরে অবস্থিত। ব্রাহ্মণী নদী বর্তমান সময়ে সোপ পাইয়াছে। নন্দকুমারের পিতার নাম পদ্মনাভ, রাঢ়ী শ্রেণীর কুলপ গোত্র। তাঁহার পিতামহের আদি নিবাস জঙ্গল গ্রামে। পিতামহের বিবাহের পর তাঁহার ভূগলী আসিয়া বাস করেন। বাল্যকাল হইতেই তিনি বুদ্ধিমান, সাহসী ও উদ্যোগী ছিলেন। তিনি বাঙ্গালা, সংস্কৃত ও তদানীন্তন পারস্য ভাষায় ব্যুৎপন্ন ছিলেন। তাঁহার পত্নীর নাম কেশবদেবী। নন্দকুমার বিবাহের পূর্বেই পিতার সহিত থাকিয়া বিষয়কার্য শিক্ষা করেন। বিবাহের পর পুনরায় পিতার অধীনে থাকিয়া ফতে সিং, ঘোড়াঘাট ও সাতপাইকা পরগণার নায়েব হন।

নন্দকুমার যখন দূরদেশে ছিলেন, তখন বৃহৎ জগৎ শেঠ ফতে চান, রায় বাইয়া আলমচান ও আলীবর্দীর জ্যেষ্ঠ ভ্রাতা সরফখানের প্রধান মন্ত্রী হাজী মশহুদ, আলীবর্দীকে বাঙ্গালার নবাব করিবার জন্ত সরকারের বিরুদ্ধে চক্রান্ত করিতেছিলেন এবং গিরিয়ার যুদ্ধে তাঁ চক্রান্ত সফল হইল—

### নন্দকুমারের বংশ-তালিকা

রামগোপাল (১)



নবাব সরকার জেট্টে নিহত হইলেন। উর্দুচান ও দীপচানও এই বড়বন্দে ছিল। এই সময় নন্দকুমারের সময় ৩৭ বৎসর। বিপ্লব শেষ হইলে নবাব আলীবর্দী নন্দকুমারকে চাক্ষুশী নাট্যশালার বড় স্বাধিকার ভাণ্ডারী করিয়া, এই সময় চাক্ষুশী প্রকৃতি স্থানে বর্গীয় আক্রমণ হয়। রাজ স্বাধিকার হ্রাস হইয়া পুন্ড্র অঞ্চল নবাবের টকা চাই। ৮০ হাজার টাকা বাকী পাড়ল। চিন্ময় বায় নামে জনৈক বাঙ্গালী নন্দকুমারকে টাকা অনাদায় জন্ত কর্তৃত্ব করিয়া কারাগারে

(১) রামগোপালের আরও দুই জ্যেষ্ঠ সহোদর ছিলেন। মথুর মজুমদার ইঁহাব মথুরের নাম। তিনিও কুলপ গোত্র ছিলেন। পদ্মনাভের পিতা রামগোপাল মাকুপ্রতিষ্ঠিত পালনের জন্ত সরকারে বিবাহ করেন।  
 (২) হেয়ার স্কুলের প্রধান শিক্ষক কৃষ্ণচন্দ্র রায় ইঁহার অশেষ ছিলেন। কলিকাতা 'আরম্ভে' টীকে থাকিতেন।

পাঠাইলেন। নন্দকুমারের পিতা এই টাকা দিয়া তাঁতাকে মুক্ত করেন। নন্দকুমার অনন্ত-উপায় হইয়া হোসেনকুলী খাঁর নিকট কর্ণ-প্রার্থী হইলেন। কিন্তু তাহাতে চিন্ময় রায় বাধা দিলেন। বিকল-মনোরথ হইয়া সেনাপতি মুস্তফা খাঁর নিকট বাতায়াত আবেদন করিলেন। কারণ, সেনাপতির উপর চিন্ময় রায়ের কোন আধিপত্য ছিল না। এই সময় মুস্তফার সহিত আলীবর্দীর মনোমালিন্য চলিতেছিল। কারণ, আলীবর্দী মুস্তফাকে প্রতিশ্রুতি দেন যে, তিনি নবাব হইলে, মুস্তফাকে বিহারের শাসনকর্তা করিবেন। আলীবর্দী ঐ প্রতিশ্রুতি পালন করেন নাই। মুস্তফা সৈন্তদিগের বেতন চাহিয়া পাঠাইলেন। নবাব হুকুম দিলেন, জমিদারি রাজস্ব আদায় করিয়া লইতে। জমিদারগণ নন্দকুমারের আশ্রয় লইলেন এবং তিনি তাঁহাদের জামিন হইলেন। এই উদারতাই তাঁহার কালস্বরূপ হইল। টাকা আদায় না হওয়াতে মুস্তফা নন্দকুমারকে বন্দী করিয়া চিন্ময় রায়ের নিকট পাঠাইতে চেষ্টা করিতে লাগিলেন। নন্দকুমার কোন উপায় না দেখিয়া কলিকাতায় চলিয়া গেলেন। ইহাই তাঁহার প্রথম কলিকাতা আগমন।

১৭৪৬ খৃষ্টাব্দে মুস্তফা সমরক্ষেত্রে নিহত হন এবং চিন্ময়ও ঐ সময় মৃত্যু হয়। নন্দকুমার পুনরায় মুর্শিদাবাদে আসিলেন। অকুমান ১৭৪৮ খৃষ্টাব্দে তিনি হুগলীতে আসেন। নবাব গুণগ্রাহী ছিলেন, মুর্শিদাবাদ অবস্থানকালে তিনি আলীবর্দীর সুনজরে পড়িয়া ছিলেন। নবাব তাঁতাকে হুগলীর দেওয়ানী পদ দিলেন। হেদায়েত আলি তখন হুগলীর ফৌজদার নন্দকুমারের সহিত তাঁহার মতাব ছিল না। এই সময় চারিদিকে যুদ্ধ; নবাবের কাছে সকল সংবাদ পৌঁছিত না। নন্দকুমার হেদায়েতের হাত এড়াইতে না পারিয়া পুনরায় মুর্শিদাবাদ ফিরিয়া গেলেন। এই সময় লহরীমল হুগলীর দেওয়ান হইলেন। লহরীমলের পদচ্যুতির পূর্বে মুখী সাদকউল্লাহ বিশেষ সহায়তায় হুগলীর ফৌজদার মহম্মদ ইয়ারবেগের সময় নন্দকুমার পুনরায় হুগলীর দেওয়ানী পদ পাঠিলেন। এই সময়েই তিনি “দেওয়ান নন্দকুমার” নামে অভিহিত হইলেন। তখন হুগলীর ফৌজদারের সঙ্গে হুগলী, ২৪ পর্বগণা প্রভৃতি প্রদেশ ছিল। ফৌজদারের পরেই দেওয়ানের পদ। ফৌজদারকে সর্বদা বৈদেশিক বণিকদিগের কার্যকলাপ ও পণ্যক্রমের উপর তত্ত্ব সংগ্রহ ও পরস্পরের বিবাদ হইতে নিবৃত্ত করিতে হইত। বৈদেশিক বণিকেরা ফৌজদার ও দেওয়ানকে অর্থ দিয়া বিনা শুদ্ধে অনেক সময় ব্যবসা চালাইত (৩)। এই সময় যুদ্ধ আলীবর্দী সিরাজকে উত্তরাধিকারী স্থির করেন। সিরাজ কিছুদিন হুগলীতে থাকিয়া মুর্শিদাবাদ ফিরিয়া যান।

কয়েক বৎসর পরে ইয়ারবেগ হুগলীর ফৌজদারী পদ ত্যাগ করিয়া নন্দকুমারকে সঙ্গে লইয়া মুর্শিদাবাদে তিসাব বুঝাইয়া দিতে গেলেন। নন্দকুমারেরও দেওয়ানী পদ চলিয়া গেল। কারণ, ফৌজদারই দেওয়ান নিযুক্ত করিতেন। এই সময় ১৭৫৬ খৃষ্টাব্দের ৯ই এপ্রিল আলীবর্দীর মৃত্যু হয়। মৃত্যুসময়ে তিনি সিরাজকে ইংরেজ হইতে সাবধান হইতে বলেন (৪)।

সিরাজের সিংহাসন আরোহণের পূর্বেই তাঁহার বিরুদ্ধে চক্রান্ত আরম্ভ হয়। অনেকে বলেন, রাজা রাজবল্লভ ইংরেজের সহিত মিলিত হইয়া সিরাজের মাতৃসমা ঘসিটী বেগমের নামে বঙ্গদেশ শাসন করিতে সঙ্কল্প করেন। রাজা রাজবল্লভ নিজ পুত্র কৃষ্ণদাসকে বড় পনরত্ন দিয়া কলিকাতায় পাঠাইলেন। কৃষ্ণদাস নবাবের ভয়ে পুনী তীর্থ বাইবার ভাণ করিয়া কলিকাতায় ইংরেজের আশ্রয় লইলেন। সিরাজ সিংহাসন আরোহণের ৪৫ দিন পরেই ইংরেজকে জানাইলেন যে, তাঁহার ষেন কলিকাতায় দুর্গ ভাঙ্গিয়া ফেলেন এবং কৃষ্ণদাসকে মুর্শিদাবাদে ফেরত পাঠান। এই কৃষ্ণদাসই ক্ষুদ্র অগ্নিকুলিঙ্গ, পরে ভীষণ দাবানলে পবিণত হইয়া মুসলমান বাজার পতনসাধন করান। ডেক সাহেব কৃষ্ণদাসের কথা চাপিয়া নবাবকে জানাইলেন, তাঁহার নগবেব চারিদিকে প্রাচীর বেষ্টিত করেন নাই। সিরাজ ভ্রুক হইয়া কলিকাতা আক্রমণ করিলেন। ইংরেজ পরাজিত হইয়া শিবপুর, ফলতা প্রভৃতি স্থানে আশ্রয় লইলেন। অবশিষ্ট বন্দী হইলেন। সিরাজ কৃষ্ণদাসকে সম্মানের সহিত গ্রহণ করিলেন। সিরাজের এ মহৎ অস্বীকার করা যায় না।

নবাব কলিকাতা অধিকার করিয়া বর্ধমানের দেওয়ান মাণিকচাঁদকে (৫) কলিকাতার ভার দিয়া মুর্শিদাবাদ ফিরিয়া গেলেন। এই সময় হুগলীর ফৌজদার মহম্মদ আলি। নবাব কিন্তু তাঁহার অকর্মণ্যতা দেখিয়া সেখ উমরউল্লাকে হুগলীর ফৌজদার এবং নন্দকুমারকে দেওয়ান নিযুক্ত করিলেন। নন্দকুমার যখন হুগলীতে আসেন, তখন ইংরেজ বণিক ফলতায় থাকিয়া মাদ্রাজ হইতে মাহাসেব জন্ত অপেক্ষা করিতেছিলেন। নবাব তাবিয়াছিলেন, ইংরেজ আর কিছু করিবে না, সে জন্ত ফলতা হইতে উঠানো হইয়াছিল। সিরাজ মাণিকচাঁদ ও নন্দকুমারের উপর কলিকাতার ভার দিয়া কিছুদিন নিশ্চিন্ত ছিলেন। এই সময় পূর্ণিয়ার নবাব সততজন্তকে দমন করিতে নবাব ব্যস্ত ছিলেন।

নন্দকুমার হুগলীর ফৌজদার হইয়াই হুগলীর প্রবেশপথ রক্ষা করিতে আরোজন করিতে লাগিলেন। বজবজ দুর্গের সংস্কার করিলেন এবং ইংরেজের আগমন রোধ করিবার জন্ত কলিকাতার দক্ষিণ আলিগড়ে নূতন কেলা স্থাপন করিলেন এবং ইহার অপূর্ণ পাবে খানা (৬) দুর্গ সেরামত করিলেন। এই দুই দুর্গের মধ্যে গঙ্গা নদী অপ্রশস্ত ও অগভীর ছিল। তিনি ঐ স্থানে ইষ্টকপূর্ণ ভাঙ্গাজ জলমধ্যে ডুবাইয়া রাখিবার জন্ত দুইখানি জাগাজ ক্রয় করিলেন। ঐ স্থান বুজিয়া গেলে ইংরেজের ভাঙ্গাজ হুগলী আসিতে পারিবে না। অপর দিকে বিশ্বাসঘাতক মাণিকচাঁদ ইংরেজের সহিত মিলিত হইয়া ফলতায় গাট বসাইলেন—যাহাতে ইংরেজের খাণ্ডাভাব না হয়। এই সময়েই ক্লাইব মাদ্রাজ হইতে সৈন্তসহ আসিয়া উপস্থিত হইলেন। মাণিকচাঁদ লোকলজ্জার খাতিরে সৈন্ত লইয়া বজবজ আসিলেন; সামান্য যুদ্ধও হইল। শেষ মাণিকচাঁদ বজবজ রক্ষা না করিয়া কলিকাতায় পলাইয়া আসিলেন এবং হুগলী হইয়া মুর্শিদাবাদে গিয়া আশ্রয় গ্রহণ করিলেন। মাণিকচাঁদের অভাবনীয় পলায়ন, নন্দকুমারের চিন্তার অতীত—ঐ

(৩) ইষ্ট ইন্ডিয়া কোম্পানী ফৌজদারকে বার্ষিক ২৭হাজার টাকা দিতেন।' Long's selection p. 8.

(৪) Parker's Evidence p. 34.

(৫) মাণিকচাঁদ বর্ধমানের রাজা তিলকচাঁদের আত্মীয়।

(৬) বর্ধমান শিবপুর বোটানিকেল গার্ডেন।



ইষ্টকপূর্ণ জাহাজ আর গঙ্গায় ডুবাইবার সময় পাইলেন না। ইংরেজ অবাধে সৈন্য লইয়া কলিকাতায় আসিলেন। নায়কবিনীন সৈন্যগণ কিছুকণ যুদ্ধ করিয়া পলাইল—ক্লাইব কলিকাতা দখল করিলেন।

সিঁরাজ মাণিকচাঁদের কাছে কলিকাতা দখলের কথা শুনিয়া নন্দকুমারকে তিন হাজার সৈন্য হুগলীর রক্ষার জন্য পাঠাইলেন; হুগলীতে নন্দকুমারের দুই হাজার সৈন্য ছিল। তিনি হুগলী সুরক্ষিত করিতে লাগিলেন। মাণিকচাঁদ মুর্শিদাবাদ পৌঁছিয়া ইংরেজের বলবীৰ্য্য এমন ভাবে বর্ণনা করিলেন—যাহাতে সৈন্যগণ ভীত হইয়া পড়িল এবং ঐ ভীত সৈন্যই নন্দকুমারের কাছে পাঠান হইল। ১৭৫৭ খৃষ্টাব্দের ৫ই জানুয়ারী ইংরেজ হুগলী আক্রমণে বাহির হইলেন—মেজর কিলপার্ট্রিক সেনানায়ক হইলেন। তিনি ভাবিয়াছিলেন এক জোড়ারই হুগলী আসিবেন, কিন্তু একখানি জাহাজ চড়ায় লাগিয়া কয়েক দিন দেবী হইল। ১০ই জানুয়ারী তিনি হুগলী আক্রমণ করিলেন। হুগলীতে একটি মোগল কেরা ছিল। ইংরেজ রাত্রি পূৰ্ব্বাহ্নে গোলা বর্ষণ করিয়া একটি স্থান ভাঙিয়া ফেলিল। পরদিন প্রভাতে বড় দরজার দিক দিয়া ইংবেজ ভাল করিয়া আক্রমণ করিল। মোগল সৈন্য ঐ দিক রক্ষার জন্য দৌড়িল, এ দিকে পূর্বোক্ত ভয়স্থান দিয়া ইংরেজ সৈন্য প্রবেশ করিল। নবাবের সৈন্যগণ পলাইল। দুর্গজয় করিয়া কাপ্তেন কুট কতকগুলি সৈন্য লইয়া বাণেশ্বর লুণ্ঠ করিতে গেলেন। নন্দকুমার এই স্থানে ইংরেজকে ঘেরিয়া ফেলিলেন। শেষ কুট কলিকাতায় পলাইয়া আসিলেন।

নবাব হুগলী আক্রমণ ও গ্রামাদি লুণ্ঠন ও দমনের সংবাদ পাইয়া ইংরেজ দমনের জন্য প্রস্তুত হইলেন। তিনি ১৮ হাজার অশ্বারোহী ও ৬০ হাজার পদাতিক এবং ৫০টা কামান লইয়া কলিকাতার নিকট হালসী বাগানে (৭) উপস্থিত হইলেন। ইংরেজ উত্তপূর্বের অগ্ন্যশেষের নিকট দেড় কোটি টাকা অর্থ গ্রহণ করেন। ইংরেজ শেঠের আশ্রয়ে গেলেন। শেঠ সেনিগ, ইংরেজ ধ্বংস হইলে তাঁহাদের টাকা মারা যায়, সে জন্য বণিজ্য বাস নামে এক ব্যক্তিকে নবাবের নিকট ইংরেজের পক্ষ হইয়া সন্ধির প্রস্তাব করিয়া পাঠাইলেন। সন্ধি কার্যে পরিণত হইল না। ৫ই ফেব্রুয়ারী ক্লাইব চম্পা নবাবশিবির আক্রমণ করিলেন। এ যুদ্ধে যদি মীরজাফর, রায়হুস্‌উল লবণের মাজ রক্ষা করিয়া যুদ্ধ করিতেন, তাহা হইলে পলাশীর অভিনয় হইত না। হতাবশিষ্ট সৈন্য লইয়া ক্লাইব কলিকাতা দুর্গে প্রবেশ করিলেন। উমিচাঁদ (আমিনচাঁদ) ও অগ্ন্য শেঠের কর্মচারী বণিজ্য বায়ের সাহায্যে সন্ধির প্রস্তাব হইল। নবাব দেখিলেন, সেনাপতিদিগের বিশ্বাসঘাতকতা, সুতরাং অগত্য সন্ধি স্থাপিত হইল।

চন্দননগর ও নন্দকুমার :—এই সন্ধি হইবার পর দুইটি বিশিষ্ট ঘটনা হয়—১ম সংবাদ আসে, আবদুল কান্দাহার হইতে উত্তরভাগে আসিয়াছেন এবং তিনি বাঙ্গালা আক্রমণ করিবেন। ২য় বুরোপে ইংরেজ ও ফরাসীতে যুদ্ধ বাধিয়াছে। নবাব সন্ধির কথা মস্ত আসন্ন বিপদের জন্য ক্লাইবের নিকট সৈন্য-সাহায্য চাহিলেন। এ সময় বাঙ্গালায় ইংরেজ ও ফরাসীতে কোন যুদ্ধ হয় নাই—সত্তাবই

ছিল। কিন্তু ক্লাইব মনে করিলেন, যদি ফরাসী নবাবের সাহায্য পায়, তবে ইংরেজকে ধ্বংস করিবে; সুতরাং ফরাসী ধ্বংস করা উচিত। ক্লাইব যেন নবাবকে সাহায্য করিতে বাইতোছেন এই ভাব দেখাইয়া চন্দননগর আক্রমণের উত্তোগ করিলেন। নবাব নন্দকুমারকে কিছু সৈন্য পাঠাইলেন—ভাবিলেন, ক্লাইব যদি হুগলী আক্রমণ করেন। এ সময় নবাবের ফরাসী-প্রীতি ছিল স্বীকার করিতে হইবে। নন্দকুমারের সৈন্য আসিলে ক্লাইব নবাবকে জানাইলেন, তিনি বৃষ্টি ফরাসীকে সৈন্য সাহায্য পাঠাইলেন। নবাব জানাইলেন, ফরাসী তাঁহাকে এককড়া কড়িও দেয় নাই—সৈন্য নন্দকুমারের জন্যই পাঠান হইয়াছে; ফরাসী ইংবেজের অভিপ্রায় বুঝিয়াছিল। ফরাসীরা কয়েকখানি অকথ্যা জাহাজ গঙ্গায় ডুবাইয়াছিল—যাহাতে ইংরেজের জাহাজ বাধা পায়। কিন্তু অদৃষ্ট স্বপ্রসন্ন হইলে কিছু অশুবিধা থাকে না। Sub-Lt Ferranean নামে এক ফরাসী বিশ্বাসঘাতক ওয়াটসন সাহেবের নিকট ঘুম লইয়া ঐ সংবাদ দেয়। ইংবেজ সতর্ক হইল—যুদ্ধ হইল—ফরাসী পরাজিত হইল। এই যুদ্ধের সময় বর্নৈক ইংরেজ লখক বলেন, “নন্দকুমারকে ইংরেজ ১২ হাজার টাকা ঘুষ দিয়াছিল, সেই জন্য নন্দকুমার হুগলীতে নিরপেক্ষ হইয়া বসিয়াছিলেন।” এই অভিযোগ সম্বন্ধে দেশী লখকগণ নীবব। কিন্তু যুতান্বরীণ-লেখক গালাম হোসেন—“তিনি নন্দকুমারের দোষ মথাইতে শতযুগ, তিনি এ সম্বন্ধে কিছুই লখেন নাই। নন্দকুমার নবাবকে জানাইয়াছিলেন, “ফরাসীর ইংরেজ আক্রমণ হইতে আত্মরক্ষা করা অসম্ভব, পাছ আপনার নিজস্ব সৈন্তের অসমানতা হয়, আমি সজ্ঞ সৈন্যদিগকে হুগলী আনিয়াছি নন্দকুমার ইহাও ভাবিয়াছিলেন, বিশ্বাসঘাতক সেনাপতিও এত নাই, বিশেষতঃ মাণিকচাঁদ ও অজ্ঞান সেনাপতি অনেক দূরে অবস্থান করিতেছে, তাহাদের সহায়তা পাওয়াও অসম্ভব। এ অবস্থান নিরপেক্ষ থাকাই শ্রেয়। এ দিক নবাবের কাছে সংবাদ গেল, নন্দকুমার ইংরেজের নিকট ঘুম লইয়া ফরাসীকে সাহায্য করো নাই। অথচ নবাবের তুকুমও ছিল না যে, ফরাসীকে সাহায্য করি নবাব নন্দকুমারকে পদচ্যুত করিলেন। নন্দকুমার সম্বন্ধে ইন্সান্টা. লখক অশ্লি সাহেব বলেন, নন্দকুমার হুগলীর ফৌজদার থাকিলে ইংরেজ মুর্শিদাবাদ পূর্বস্থ হইতে পারিতেন না।” পলাশীর যুদ্ধের সঙ্গে নন্দকুমারের কোন সংশ্লিষ্ট ছিল না, সুতরাং এ সম্বন্ধে কিছু বচ্য অनावক।

নন্দকুমার সপ্রাঙ্গ কলিকাতা পদচ্যুত হইয়া কলিকাতার চালা গেলেন। ইহাব পর ১৭৫৭ খৃষ্টাব্দের ২৩শে জুন পলাশীর যুদ্ধ সংঘটিত হয়। এ সম্বন্ধে বলিবার কিছু নাই—ঐ যুদ্ধে ইংরেজ বিজয়ী হন—মীরজাফর বাঙ্গালার সিংহাসনে বসেন। নন্দকুমার সিঁরাজ কর্তৃক পদচ্যুত হইলেও অগ্ন্য শেঠ ভবনে স্থগিত বড়যুগে লিপ্ত হন নাই, কোন লখক তাঁহার সম্বন্ধে সাহায্যে করেন নাই—তাঁহার চরিত্রের ঐ একটা গৌরবজনক বিশিষ্টতা। মীরজাফর দেখিলেন, তিনি নবাব হইয়াছেন সত্য, কিন্তু ক্লাইবের হস্তে ক্রীড়নক মাত। মন্ত্রী রায়হুস্‌উল বিশ্বাসঘাতক। সেইজন্য তিনি মন্ত্রীকে ইহজগৎ হইতে অপসারিত করিতে মনস্থ করিলেন। ১৭৫৭ খৃষ্টাব্দের বর্ষার অবসানে মীরজাফর পূর্ণিয়ার বিদ্রোহ দমন ও পাটনায় রামনারায়ণের বিরুদ্ধে যুদ্ধবাত্রার আয়োজন করিতে লাগিলেন এবং রায়হুস্‌উলকে সঙ্গে বাইবার হুকুম দিলেন। মন্ত্রী অসুস্থতায়

(৭) উহা উমিচাঁদের বাগান, বর্তমান সময়ে ঐখানে “পরেশ-মাথের” জৈন মন্দির আছে।

ভাণ করিলেন। নবাব ভাবিলেন, তিনি যদি মন্ত্রীকে ফেলিয়া যান, কি জানি, ক্লাইবের সহিত যোগ দিয়া তাঁতাকে সিংহাসনচ্যুত করেন, সেই জন্ত তিনি ক্লাইবকে আসিতে অনুরোধ করিলেন। ক্লাইব নন্দকুমারকে সঙ্গে লইয়া মুর্শিদাবাদ আসিলেন—মন্ত্রীর অস্থখ সারিয়া গেল। রায়হুস্‌উল নন্দকুমারকে বিশেষরূপ চিনিতেন, সে জন্ত তাঁতাকে উকীল নিযুক্ত করিলেন—পাছে মীরজাফর তাঁহার বিরুদ্ধে ক্লাইবকে কিছু বলেন। নন্দকুমার ক্লাইবের সঙ্গেই রহিলেন।

নবাব হুস্‌উল ক্লাইব ও নন্দকুমার সৈন্ত লইয়া পাটনা যাত্রা করিলেন। পশ্চিমঘো পূর্ণিয়ার বিদ্রোহ দমন করিয়া পাটনায় রামনারায়ণের বিরুদ্ধে চলিলেন। রামনারায়ণও সৈন্ত লইয়া অপেক্ষা করিতেছিলেন, কিন্তু তিনি ক্লাইবকে এক পত্র দিলেন যে, তিনি মধ্যস্থ হইয়া বিবাদ মিটাইয়া দিব। নবাব ভাবিয়াছিলেন, রামনারায়ণকে ভয় দেখাইয়া বশীভূত করিবেন। নবাব যুদ্ধ করিতেও ইতস্ততঃ করিতেছিলেন—কি জানি, হুস্‌উল দ্বিতীয় পলাশীর অভিনয় করে। নবাব রামনারায়ণকে নির্ভয় হইতে বলিলেন, কিন্তু তাঁতাকে পদচ্যুত করিয়া মীরজাফরকে নবাব করিলেন, রামনারায়ণকে দেওয়ান করিলেন। এই ব্যাপারে নন্দকুমার যেরূপ বুদ্ধিমত্তার পরিচয় দিয়াছিলেন, তাহাতে ক্লাইব, রামনারায়ণ, এমন কি, নবাবও তাঁহার অনুরক্ত হইয়াছিলেন। যুরোপীয় সমাজে যেমন ক্লাইব 'কর্ণেল ক্লাইব' নামে খ্যাত হন, জনসমাজে নন্দকুমারও সেইরূপ "কালী কর্ণেল" নামে খ্যাত হন।

ক্লাইব কিছু দিন পাটনায় থাকিয়া নন্দকুমারকে সঙ্গে লইয়া মুর্শিদাবাদে চলিয়া আসিলেন। নন্দকুমার ক্লাইবের অনুমোদনে হুগলীর দেওয়ান হইলেন। পলাশীর যুদ্ধের পর ক্লাইব মীরজাফরের নিকট তাঁহার পাওনা টাকা চাহিলে, নবাব তাহা দিতে না পারায়, হুগলী, বর্ধমান ও নদীয়ার রাজস্ব আদায় করিয়া লইতে অনুমতি দিলেন। ক্লাইব ঐ গোলযোগের ভিতর না গিয়া নন্দকুমারের উপর ঐ রাজস্ব আদায়ের ভার দিলেন। ১৭৫৮ খৃঃ ১৯শে আগষ্ট নন্দকুমার ইস্ট ইণ্ডিয়ান কোম্পানীর মহালীপদার হইলেন। এই সময় হেষ্টিংস বর্ধমানের রেসিডেন্ট ছিলেন। তিনি রাজস্ব আদায় করিয়া মুর্শিদাবাদে পাঠাইতেন। ইহাতে তাঁহার অনেক সুবিধা ছিল। নন্দকুমার বর্ধমানরাজকে রাজস্ব হুগলীতে তাঁহার নিকট পাঠাইয়া দিতে হুকুম দিলেন। হেষ্টিংস ক্লাইবকে পত্র দিলেন। ক্লাইব নন্দকুমারকে সমর্থন করিলেন। এই দিন হইতেই হেষ্টিংস নন্দকুমারের শত্রু হইলেন।

নন্দকুমার কখন হুগলীতে, তখন মুর্শিদাবাদে নবাব ও রায়হুস্‌উলের মধ্যে বিশেষ মনোমালিন্য চলিতেছিল, উভয়েই উভয়কে হত্যা করিতে চেষ্টা করিতে ছিলেন। রায়হুস্‌উল আশঙ্কার জন্ত নন্দকুমারকে সংবাদ দিলেন। তিনিও কিছু সৈন্ত লইয়া মুর্শিদাবাদ আসিলেন। হেষ্টিংস এই সুযোগে ক্লাইবকে লিখিলেন—নবাব নন্দকুমারের উপর অসন্তুষ্ট। ক্লাইব জবাব দিলেন, নন্দকুমার ইংরেজপক্ষ, সেই জন্ত নবাব অসন্তুষ্ট। নবাবের অসন্তোষ, আমিরবেগের কোঁজদারি পদত্যাগ জন্ত, নন্দকুমার দেওয়ানী ছাড়িয়া দিয়া কলিকাতায় চলিয়া গেলেন।

নন্দকুমার, রায়হুস্‌উল ও আমিরবেগ তিন জনেই কলিকাতায় একত্র মিলিত হইলে নবাবের উৎকণ্ঠা বৃদ্ধি হইতে লাগিল। তিনি ওলন্দাজদিগের সাহায্যে ইংরেজ ধ্বংস করিতে বাসনা

করিলেন। দূরদর্শী ক্লাইব ওলন্দাজের চূঁচুড়া আক্রমণ করিয়া ওলন্দাজ ধ্বংস করিলেন। ইংরেজ মীরজাফরকে সিংহাসনচ্যুত করিয়া মীরকাশিমকে সিংহাসনে বসাইলেন। মীরজাফরের নবাবী, তিন বৎসর চারি মাস মাত্র হইয়াছিল। মীরজাফর অন্তোপায় হইয়া পূর্ব-বৈরতা ত্যাগ করিয়া নন্দকুমারের আশ্রয় লইলেন। বৃদ্ধ নবাব প্রতিশ্রুতি দিলেন, তিনি পুনরায় নবাব হইলে তাঁতাকে মন্ত্রী করিবেন। গবর্নর ভানসিটাট ও হেষ্টিংসের আক্রোশ বৃদ্ধিত হইতে লাগিল। নন্দকুমার কর্ণেল কুটের আশ্রয় লইলেন। কুটের প্রস্তাবে নন্দকুমার তাঁহার সহিত ১৭৬১ খৃষ্টাব্দে পাটনায় যাত্রা করিলেন। ইহার পর নন্দকুমার হেষ্টিংস ও ভানসিটাট দ্বারা দুইবার বন্দী হন। মীরকাশিম পদচ্যুত হইলে মীরজাফর পুনরায় নবাব হইলেন। ইংরেজের অনুমতি লইয়া নন্দকুমার নবাবের সঙ্গে মুর্শিদাবাদ আসিলেন। ইহার পর তিনি বাঙ্গালা, বিহার, উড়িষ্যার দেওয়ান হন। মীরজাফর বত দিন জীবিত ছিলেন, নন্দকুমার তাঁহার মঙ্গলের জন্ত আশ্রয় চেষ্টা করিয়াছিলেন। সেই জন্ত কোন ইংরেজ লোক নন্দকুমারের চরিত্রে দোষারোপ করিতে ক্রটি করেন না। মীরজাফর ১৭৬৫ খৃষ্টাব্দের ১৪ই জানুয়ারী দেহত্যাগ করেন। মৃত্যুসময়ে নন্দকুমারের অনুরোধে কিশোরীচন্দ্রের চরণামৃত পান করিয়াছিলেন। নন্দকুমার বাদশাহের নিকট হইতে সনন্দ আনাইয়া নাজিম-উদ্দৌল্লাকে বাঙ্গালার সিংহাসনে বসাইলেন। এই সময় হইতে নন্দকুমারের সহিত হুগলীর কোন সংঘর্ষ ছিল না; স্তব্ধ সে সংঘর্ষে লেখা অনাবশ্যক।

এত দূর পর্য্যন্ত বাহা লিখিলাম, তাহা তাঁহার রাজনৈতিক জীবনকাহিনী; পারিবারিক জীবনচরিত এবং শেষ জীবনকাহিনী না লিখিলে উহা অসম্পূর্ণ থাকিয়া যাইবে, সেজন্য লেখা আবশ্যক। মহারাজের পারিবারিক জীবন সুখকর ছিল। লক্ষ্মীস্বরূপিণী পত্নী কেমহরী আদর্শ-পত্নী ছিলেন। তাঁহার ভ্রাতারা জ্যেষ্ঠের আজ্ঞাবহ ছিলেন—সকলেই একত্রে বাস করিয়া আনন্দে দিন কাটাইতেন। তাঁহার একমাত্র অশান্তি ছিল—তাঁহার জামাতা জগজ্ঞানের জন্ত। মহারাজ তাঁতাকে পুত্র পুরুদাসের অধীনে পেশবার-কার্যে নিযুক্ত করেন। এই জামাতাই নন্দকুমারের বিরুদ্ধে অর্থলোভে বিশ্বাসঘাতকতা করিয়া তাঁহার মৃত্যুর অল্পতম কারণ হইয়াছিলেন। অপর জামাতা রাণচরণ বিপদে সম্পদে মহারাজের সঙ্গে ছায়ায় মত থাকিতেন আর জগজ্ঞান বিশ্বাসঘাতক হইয়া সর্বদাই দূরে থাকিতেন। নন্দকুমারের পূর্বপুরুষগণ শাক্তধর্মাবলম্বী ছিলেন; কিন্তু তিনি বৈষ্ণবমতাবলম্বী হন; পরন্তু শাক্তকে কখনও ঘৃণা করিতেন না। তিনি হুগলীর কার্যে অবসর পাইলেই হালিমহরে আসিয়া ভক্ত রামপ্রসাদের সঙ্গে মিলিত হইয়া মার নামগান করিতেন; নাটোরের রাজা রামকৃষ্ণের সহিত একত্র বসিয়া মহামায়ার উপাসনা করিতেন। ধর্ম সংঘর্ষে তাঁহার এতই উদারতা ছিল।

অভাবধি যে কার্য্য কেহ করিতে পারেন নাই, মহারাজ সেই কার্য্য করিয়াছিলেন—লক্ষ ব্রাহ্মণের পদধূলি-গ্রহণ। তাঁহার রাজোচিত প্রাসাদে লক্ষ ব্রাহ্মণকে আহ্বান করিয়া তাঁহাদের পদধূলি লইয়াছিলেন। দেওয়ান গঙ্গাগোবিন্দ সিংহ মাতৃপ্রাচ্যে ২১ লক্ষ টাকা ব্যয় করিয়াছিলেন; কিন্তু লক্ষ ব্রাহ্মণকে আহ্বান করিতে পারেন নাই।

বিনিই অত্যাচারপীড়িত হইয়া তাঁহার আশ্রয় লইয়াছিলেন, তাঁহাকেই তিনি সাহায্য করিতেন—নিজের শুভাশুভ দেখিতেন না—ইহাই তাঁহার চরিত্রের বিশিষ্টতা ছিল এবং এই বিশিষ্টতাই তাঁহার মৃত্যুর কারণ হইয়াছিল। অত্যাচারী, লোভী, অর্থপুঙ্গুণ তাঁহার বিরুদ্ধে দাঁড়াইয়া সেই মহামানবকে ধ্বংস করিয়াছিল। জগন্নাথ তর্কপঞ্চানন কোন সময়ে রাজা কৃষ্ণচন্দ্র কর্তৃক উৎপীড়িত হইয়া মহারাজের আশ্রয় লন। রাজা কৃষ্ণচন্দ্র তাঁহার বৈবাহিক হইলেও তিনি তাঁহার বিরুদ্ধে দাঁড়াইয়াছিলেন—এ কি কম নৈতিক বল? ১১৭৬ সালে (ইংরেজি ১৭৭০ খৃষ্টাব্দ) বাঙ্গালার ভয়ানক দুর্ভিক্ষ হয় এবং যাহাকে অত্যাধি ছিয়াত্তরন মন্বন্তর বলে। এই দুর্ভিক্ষে বাঙ্গালাদেশ শূন্যানে পরিণত হইয়াছিল (৮)। এই সময় তিনি ভদ্রপুর ও মালিহাটা গ্রামে সমস্ত লোককে রক্ষা করেন, যদিও সে কেহ তাঁহার আশ্রয়ে আসিয়াছিল, সেই রক্ষা পাইয়াছিল। এই দুর্ভিক্ষের প্রণয় কারণ রেজাৰী ও ইংরেজ বণিক। ইহারা ধান একচেটিয়া করিয়া দুর্ভিক্ষের সৃষ্টি করে (৯)। এই দুর্ভিক্ষে অনেক প্রাণবিক্রম করিয়াছিল—নিম্নে একখানি আত্ম-বিক্রমপত্রের নকল দিলাম।

শীলাবতী গুরুদাস বাব অওলাদে শ্রীমন্ত মহারাজ নন্দকুমার বাব ইবনে পদ্মনাভ বাব সচরিত্রে লিখিতঃ শ্রীচাক বেওয়া অওলাদে তীতু গোপ ইবনে গঙ্গারাম গোপ বন্দা আটাবিপত্র নিদং সন ১১৭৭ এগার শত শতাব্দীর অফে লিখনঃ কার্বাক আগে অকালে অন্নভাবে মরি মহাশয়ের নিকট আত্ম-বিক্রম হইলাম, ভরণপোষণ করিয়া দাস্তে দাখিল করিবেন, একরায় বিকাইলাম ইত্যাদি পলাইয়া যাউ ধরিয়া আনিয়া শাস্তি করিবেন

(৮) দুর্ভিক্ষ মন্বন্তর লর্ড ক্লিভের সাহেব স্বয়ং দেখিয়া বাগা লিখিয়াছেন, তাহা এইরূপ—“Tender and delicate women, whose veils had never been lifted before the public gaze, came forth from their inner chamber in which Eastern jealousy had kept watch over their beauty, threw themselves before the passersby & with loud wailing, implored a handful of rice for their children. The Hooghly rolled down every day thousands of corps closed to the porticus & gardens of the English conquerors. The very street of Calcutta were blocked by the dying & the dead. The lean & feeble survivors had not energy enough to have the bodies of their kindred borne to the funeral pile or to the holy river or even to scare away the jackals & vultures which fed on human remains in the face of the day” Essay on Lord Clive.

(৯) “Before the famine reached its height, almost all the rice in the country was bought up by the servants of the Company.” History of India By H. Beveridge vol II p 285.

“The gomastas of the English gentlemen, not barely for monopolizing grain but for compelling the poor ryots to sell even the seed requisite for the next harvest”. Auber's British power, vol I p 355

এতদর্থে বন্দা আটাবিপত্র দিলাম ইতি সন সদর বর্তারিখ এ জমাদিলৌন মোতাবেক”। “শ্রীচাকবেওয়া সংকথা” (১০)

### মহারাজের শেষ জীবন

বেনন্দকুমার এক দিন বাঙ্গালা, বিহার ও উড়িষ্যার দেওয়ান ছিলেন, আশ্রিতকে আশ্রয়দান তাঁহার জীবনের ব্রত ছিল, বিনি দরিদ্রের মা-বাপ ছিলেন, তাঁহার শেষ জীবন বড়ই দুঃখময়। হেষ্টিংসই তাঁহার মৃত্যুর কারণ। মহারাজ হেষ্টিংসের অত্যাচার-কাহিনী লিপিবদ্ধ করিয়া কাউন্সিলে দিয়াছিলেন। হেষ্টিংস আত্মরক্ষার্থে তাঁহার অমুচরগণ দ্বারা তাঁহার বিরুদ্ধে জাল মোকদ্দমা সৃষ্টি করিয়া, তাঁহাকে দোষী সাব্যস্ত করাইয়া কাঙ্গী দেওয়াইয়া-ছিল। (তখনকার আইনে জাল মোকদ্দমায় কাঙ্গী হইত)।

বুলাকিদাস নামে এক জন শেঠের কাছে মহারাজ কতকগুলি মূল্যবান জবা বিক্রয় করিতেছেন, কিন্তু উঠা মীরকাশিমের সঙ্গে ইংরেজের যুদ্ধের সময় নষ্ট হইয়া যায়। একজন বুলাকি, নন্দকুমারকে এক অঙ্গীকারপত্র লিখিয়া দেয় যথা—“আমি বুলাকিদাস। এক ছড়া মুল্যের হার, একখানি বন্দা, একটি শিরপেট, চারিটা আংটি দুইটা হীরার, দুইটা মাণিকের। রঘুনাথ জীউ মহারাজ নন্দকুমার বাহাদুরের পক্ষ হইয়া ১১৬৫ সালের আশাঢ় মাসে আমার মর্শিদাবাদের কুঠীতে বিক্রয় জ্ঞাত গচ্ছিত রাখেন। নবাব মীর মহম্মদ কালীম খাঁ সৈয়্যের পরাজয়ের পর উপর উক্ত মহারাজ পূর্বকথিত গচ্ছিত জহরত আমার নিকট দাওয়া করেন, আমার অবস্থা ভাল না হওয়াতে জহরত ফিরাইয়া বা তাহার মূল্য দিতে অক্ষম হই। আমি অঙ্গীকার করিতেছি ও লিখিয়া দিতেছি যে, কিঞ্চিদদিক দুই লক্ষ টাকা যাহা আমার কোম্পানীর কাছে প্রাপ্য আছে, সেই টাকা প্রাপ্ত হইলেই আটচল্লিশ হাজার একশ মিকা টাকা জহরতের মূল্য আমার কাছে পাওনা আছে, সেই টাকার সহিত টাকা প্রতি ১০ আনা সুদ দিব। এ বিষয় আমি মহারাজের কাছে কোন ওজর আপত্তি করিব না। ১১৭২ সালের ৭ই ভাদ্র লিখিত হইল।”

বুলাকি দাসের মৃত্যুর পর তাঁহার উত্তরাধিকারী পদ্মমোহন ও গঙ্গাবিক্রমকে সঙ্গে লইয়া মহারাজ ইংরেজ কোম্পানীর নিকট হইতে বুলাকি দাসের পাওনা টাকা আদায় করিয়া দেন এবং বুলাকির বিধবা পত্নী মহারাজের দেনা শোধ করিয়াছিলেন। চিরপ্রথা অনুসারে মহারাজ ঐ পত্রগুলির কোণ ছিঁড়িয়া কেয়ং দেন।

(১০) আওলাদে—পিতা ও ইংনে পিতামহ। একটি বিশেষত্ব এই যে, এখন যেমন বীলোকের নামের পূর্বে “শ্রীমতী” লেখা হয়, তখনকার দিনে শুধু “শ্রী” লেখা হইত। এখন আবার ঐ “শ্রী” কথা ব্যবহার চলিতে আরম্ভ হইয়াছে—“শ্রীমতী” লেখা হয় ত লোপ পাইবে। ১১৪০ সালের একখানি কাগজে দেখিয়াছিলাম, “আওলাদের” স্থানে “ওলাদের” আছে।

সাক্ষী

মহাতার দ্বার

সাক্ষী

শীলাবতী বুলাকি দাসের  
উকিল

সাক্ষী

অবদেওকমল  
মহম্মদ

আলাব

বুলাকিদাস



বুলাকির বিধবা পত্নী ও পদ্মমোহনের মৃত্যুর পর মোহনপ্রসাদ ও অশ্রান্ত অংশীদারগণ গঙ্গাবিক্রমকে উত্তেজিত করিয়া মহারাজের বিরুদ্ধে ক্ষতিপূরণের মোকদ্দমা আনিলেন। এ মোকদ্দমা দেওয়ানী আদালতে হইল। মোহনপ্রসাদের উদ্দেশ্য ছিল, যদি ঐ টাকা আদায় হয়, তবে সে শতকরা ৫ টাকা পাইবে—না পাইলেও পাইবে এই বন্দোবস্ত হয়। পক (Palk) মাহেব মোকদ্দমার বিচারের পূর্বেই মহারাজকে কারাগারে দিলেন। এই সময় রেজার্ণার মোকদ্দমা চলিতেছিল। হেষ্টিংস দেখিলেন, নন্দকুমার ব্যতীত উদ্ধার নাই, সুতরাং কারাগার হইতে তাঁহাকে আনা হইল। কার্যোদ্ধার হইয়া গেলে তিনি পুনরায় কারাগারে প্রেরিত হইলেন। পরে পূর্বোক্ত দলিল জাল হইয়াছে বলিয়া মহারাজকে ফৌজদারী মোকদ্দমায় ফেলিয়া সুপ্রিম কোর্টে (১১) মোকদ্দমা আরম্ভ হইল। এই ঘটনা ১৭৭৫ খৃষ্টাব্দের ৬ই মে শনিবার আরম্ভ হয় এবং প্রথম বিচারের দিন ৮ই জুন পড়িল। মোকদ্দমার সম্পূর্ণ বিবরণ দেওয়া অনাবশ্যক। সরকার পক্ষের সাক্ষী—মোহনপ্রসাদ, কমলউদ্দীন ও তাহার ভৃত্য হোসেন আলি, খোজা পিড্রাস, সদরউদ্দীন, সহবৎ পাঠক, কৃষ্ণজীবন দাস ও মুন্সী পরে রাজা নবকৃষ্ণ। এই সকল সাক্ষীর দ্বারা প্রমাণিত হইল যে, (১) বলাকি দাসের অস্বীকারপত্রোক্ত তিন জন সাক্ষীর মধ্যে কমলউদ্দীন খাঁই মহম্মদ কমল, (২) মহাতাব রায় নামে কোন ব্যক্তি ছিল না, (৩) শীলাবতের মৃত্যু হইয়াছে। মহারাজের সাক্ষী—তেজরায় বর্ধমান রাণীর পোকার, রূপনারায়ণ চৌধুরী, লাল তামন সিং, চৈতন্যদাস ও ইয়ারবক্স মহম্মদ। মহারাজের সাক্ষীরা বলেন, কমল মহম্মদ মরিয়া গিয়াছে, এ সে কমল নহে! কমলকে জিজ্ঞাসা করায় সে বলে, নবাব নজামউদ্দৌলার সময় কমলউদ্দীন আনিয়া উপাধি লাভ করেন এবং ঐ নামের মোহর ব্যবহার করেন। কমলের কথা সমর্থন করে খোজা পিড্রাস ও সদর উদ্দীন। শীলাবতের সহি জাল, ইহা সাক্ষী দ্বারা প্রমাণ করিলেন সহবৎ পাঠক ও মুন্সী নবকৃষ্ণ। মহারাজের পক্ষে সাক্ষী শেষ হইতে না হইতে গুজুরিমল ও কাশীপ্রসাদকে সাক্ষীর জগ্ন ডাকা হইল। সকলেই মহারাজের বিরুদ্ধে সাক্ষী দিল।

(১১) কলিকাতার পোড়নোড়ের মাঠের দক্ষিণ সারকুলার রোডের উপর বর্তমান গৌরা হাঁসপাতালঘট (station hospital) প্রথমকোর্ট ছিল।

এই মোকদ্দমার বিচারক ছিলেন লেসেটার ও হাইড মাহেব এবং প্রধান বিচারপতি ছিলেন সার ইলাইজা ইমেপ। ইমেপ হেষ্টিংসের সহপাঠী ও বন্ধু ছিলেন। জুরীরা সকলেই ইংরেজ, দেশী জুরীর প্রার্থনা করিলেও ইংরেজি আইনমতে সকলেই ইংরেজ জুরী গৃহীত হয়। ১৬ই জুন ১৭৭৫ খৃষ্টাব্দে মহারাজ জাল অপরাধে অপরাধী ঘোষিত হইল ও মৃত্যুদণ্ডাজ্ঞা বাচির হইল। ২ই আগষ্ট কলিকাতার কুলীবাজারে (এই স্থানের বর্তমান নান হেষ্টিংস, বিদ্যরপুর পুলের উত্তর দিক) মহারাজের ফাঁসী হইল। ব্রাহ্মণের এই প্রথম ফাঁসী। মহারা সক্রিটমের মৃত্যুর পূর্বে তাঁহার এক শিষ্য বলিয়াছিলেন—“বড়ই পরিভ্রাণের বিষয়, আপনি নির্দোষ, তবু মৃত্যুদণ্ডাজ্ঞা হইল।” ইহাতে সক্রিটম বলিয়াছিলেন, “তুমি কি আমার দোষী দেখিলে সুখী হইতে?” মহারাজ নন্দকুমারের মৃত্যুর জগ্ন তুঃখ করিবার কিছু নাই। কারণ, তিনি নির্দোষ হইয়া মৃত্যুর কবলে গিয়াছিলেন।\*

কলিকাতায় মহারাজের স্মৃতিচিহ্ন কিছুই নাই। † মুর্শী নবকৃষ্ণ রাজা উপাধি পাইলেন, তাঁহার নামে রাস্তা আছে, এজন্য কি, গুজুরিমলের নামে বহুবাজারে “গুজুরিমল লেন” আছে। মহারাজ কিন্তু বাঙ্গালীর হৃদয় জুড়িয়া বসিয়া আছেন—ইহাই তাঁহার স্মৃতিচিহ্ন—আর ঐ হেষ্টিংস বা কুলীবাজার।

মহারাজ নন্দকুমারের জীবনচরিত এক অদ্ভুত কাহিনী। তাঁহার জীবনকাহিনী আলোচনা করিলে দেখিতে পাই, পুরুষকারের ও অদৃষ্টের ভীষণ যুদ্ধ—শেষ পুরুষকারের পরাজয়, অদৃষ্টের জয়। তিনি দেশের জগ্ন—দেশের উপকারের জগ্ন কখনও পশ্চাত্তপদ হন নাই। বাঙ্গালীর ভিতর তিনি শ্রেষ্ঠ রাজনীতিক, অদ্ভুত ও অপ্রাসঙ্গিক, নিষ্ঠাবান ব্রাহ্মণ, দেশসেবক, প্রভুভক্ত ও দরিদ্রপ্রতিপালক ছিলেন, এ কথা অস্বীকার করা চলে না।

শিউপেন্দ্রনাথ বন্দ্যোপাধ্যায় (জ্যোতীরত্ন)

\* সোমড়ার রাজা রামচন্দ্র নন্দকুমারের বন্ধু ছিলেন। নন্দকুমারের মৃত্যুর প্রতিশোধ লইবার জগ্ন তিনি হেষ্টিংসকে হত্যার চেষ্টা করিয়া ছিলেন, কিন্তু ঐ চেষ্টা ব্যর্থ হয়। “চান্দরাণী” দেখুন।

† তমপুকের দক্ষিণে “নন্দকুমার” নামক স্থান এখনও রহিয়াছে। আর কাঁথিতে “নন্দকুমার” পুকুরিণী আছে।

দৈনিক বঙ্গমতী ২২শে ভাদ্র, ১৩৪২ সাল—লেখক আদিত্যকুমার, ধাকুড়া।

## কমলা-তর্পণ

বলিবার মত কিছু নাহি আজ, মৌন হয়েছ বাণী,  
বর্গ তোমারে ডাকে ইসারায়, যাও অমরায় রাণী।

দীন ভারতের নন্দিনী মোরা, তোমারে প্রণাম করি,  
মরণে যে দীপ জ্বলাইয়া গেলে, আমরা লইব বরি।  
মোরা ভুলে গেছি প্রেমের মাঝারে, ত্যাগের মাধুরী আছে,  
সে বাণী আজিকে পৌঁছায়ে দিলে, তুমি আমাদের কাছে।

অশ্রুতে আজ ক্রিধিব না পথ, সে জল ওকারে থাক্,  
তোমার পথের মহা আদর্শ, উজ্জ্বল হয়ে থাক্ !  
নয়নের আগে, এ মহা ভারতে বাজালে যে ব্যথা-বীণ,  
তোমার প্রাণের অতৃপ্ত কামনা তার সাথে হোক লীন।

শ্রীমতী অমিয়া সেন





## স্বয়ংসিদ্ধা

তৃতীয় উল্লাস

১

বাঙালীর এই খেয়ালী জমিদারটির প্রভাব, প্রতিপত্তি ও দপদপা দেখিয়া সারা পরগণার লোকে ভাবিত, জন্মান্তরের অতি বড় পুণ্যের জোর না থাকিলে মানুষ এতটা ভাগ্যবান হইতে পারে না। কিন্তু তাহারা যদি এই ভাগ্যধরটির পারিবারিক সুখ-সৌভাগ্যের খবর রাখিত, তাহা হইলে তাহারা বিশ্বয়ে স্তম্ভিত হইয়া দেখিতে পাইত, বিপুল ধন-সম্পত্তি ও প্রায় সমগ্র পরগণার অধিপতি হইয়াও এই অতিমানুষটির হৃৎকের অস্ত্র নাই।

শৈশবে হরিনারায়ণ বাবু পিতৃহীন হন, কিন্তু স্নেহময়ী জননী আদর ও আশ্রিত আত্মীয়গণের বিপুল পরিচর্যায় তিনি পিতার অভাব উপলক্ষি করিতে পারেন নাই। যৌবনে যখন মাতৃহীন হইলেন, সহধর্মিণী সুলোচনার সাহচর্য্য তাঁহাকে সাহসনা দিয়াছিল। কিন্তু যৌবনের অপরাহ্নে যে দিন সুলোচনা তাঁহার বাহুপাশ ছিন্ন করিয়া পরলোকের পথে মহাপ্রস্থান করিল, বিশাল জমিদারী, বিপুল ঐশ্বর্য্য, দুর্কার দপদপা তাহাকে রক্ষা করিতে পারিল না, সেই দিন হরিনারায়ণ বাবু প্রথম উপলক্ষি করিলেন শোকের মর্ম্মস্বন্দ যাতনা—প্রিয়বিরহে সহস্র অতীত স্মৃতির নিদারুণ দংশনের জ্বালা। বিশাল ভবনে আশ্রিত প্রতিপালিত আত্মীয় অনাত্মীয়দের সংখ্যা হয় না, কিন্তু কে দিবে সাহসনা! সাধনী সুলোচনা যে তাহার অক্ষলখানি প্রেসারিত করিয়া ইহাদিগকে রক্ষা করিয়াছেন, করুণাময়ী আশ্রয়দাত্রীর অকাল-বিরোগে সকলেই আত্মহার। দুই বৎসরের শিশু, সুলোচনার একমাত্র উপহার গোবিন্দকে বিশাল বক্ষোমধ্যে চাপিয়া

হরিনারায়ণ বাবু পত্নীশোক ভুলিতে প্রয়াস পাইলেন, পারিলেন না। পুত্র পিতার আদরে ভুলিল না, অসংখ্য পরিচারিকা ও পরিজনরা শোকাক্ত শিশুকে লইয়া বিরত হইয়া উঠিল, শিশু কিছুতেই প্রনোধ মানিতে চাহে না, তাহার মুখে শুধু আকুল উচ্চাস—মা কাছে যাবো।

শোকাতুর পিতা শুরু হইয়া ভাবেন, তিনিও ত শৈশবে পিতৃহারা হইয়াছিলেন, যৌবনে মাকে হারাইয়াছিলেন, কিন্তু এমন ভাবে ত আত্মহার হন নাই!

পৌরুষের অভিমান তৎক্ষণাৎ চল্লিশ বৎসরের উচ্চাকাঙ্ক্ষী ভূস্বামীর চিত্তে তুলিল বিক্ষোভ! সাধারণ দশ জনের মত তিনিও শোকমগ্নিত দেখখানি লইয়া লোকের মৌখিক সহানুভূতির ভিখারী হইবেন! যাহারা তাঁহার সম্মুখে আসিয়া দাঁড়াইতে সাহস পায় না, এই স্ত্রে ঘনিষ্ঠতা গাঢ় করিবার অবকাশ পাইবে! এই চিন্তার সঙ্গে সঙ্গে শোকের আবর্তকে সবলে রুদ্ধ করিয়া তিনি প্রচণ্ড উৎসাহে জমিদারীর কামে লিপ্ত হইলেন। সগঃশোকাতুর হৃজুরের এই আকস্মিক উদ্যম কন্দলিপায় সেরেস্তায় শিহরণ উঠিল। পরিজন ও পরিচারিকাদের উপর কঠোর আদেশ হইল,--ছেলের কান্না তিনি পছন্দ করেন না, অতএব সাবধান!

সকলেই কর্তার সম্বন্ধে সচেতন থাকিত। জানিত, এখানে পাণ হইতে চুণটুকু খসিলেই মুদিল; খোকার কান্না যদি কোনও দিন হৃজুরের কাণে গিয়া বাজে, কাহারও নিস্তার থাকিবে না। কিন্তু খোক কিছুতেই হৃদও চুপ করিয়া থাকে না। শেষে কান্না থামাইবার উপায় স্থির হইয়া গেল। এক পরিচারিকা কলিকাতার কোনও এক

রাজপরিবারে কিছুদিন কায করিয়াছিল। রাজবাড়ীর রোরুগ্ণমান শিশুদের সহজে শাস্ত করিবার কৌশলটুকু শিক্ষা করিয়াই সে বাঙ্গলীর বাবুদের বাড়ীতে ঢুকিয়াছিল। তাহার ব্যবস্থায় সেই কৌশলটুকু এ ক্ষেত্রে কাযে লাগিয়া গেল, পরিমাণমত মরফিয়া ছপের সহিত যোগ দিয়া শিশুকে সহজে ঘুম পাড়াইয়া দিল। অতঃপর শিশু সর্বদক্ষণই ঘুমায়, কর্তার কাণে কান্না তাহার পৌঁছায় না।

বাহিরে কর্তা খুবই কঠিন, সকলেই ভাবে, কি সহ্য পুণ; অত বড় শোকটায় একটু আঁহা উঠে নাই! কিন্তু ভিতরটির কি অবস্থা, কে তাহার সন্ধান রাখিবে! প্রত্যয়ে অশ্রুসিক্ত উপদানটি উপলক্ষ করিয়া এই কঠিন পুরুষের মনোরুদ্ধি নির্গম করিবার অবসর কেত পাউত কি?

ছয়টি মাস এই ভাবে কাটিল। কঠিন পুরুষ বাহিরের সেরেস্তায় জমিদারী গদীতে বসিয়া কঠোরভাবে জমিদারী শাসন করেন, মধ্যাহ্নে ও নিশীথে নিজের সুসজ্জিত কক্ষের কোমল শস্যায় দেহখানি তালিয়া দিয়া স্বর্গীয় সতপন্ডিনীর স্মৃতি লইয়া ভাবেন। কিন্তু ভাবনাটুকুরও পরিসমাপ্তি হইয়া গেল এক অপ্রত্যাশিত ঘটনায়।

অষ্টকোটের রাজার কোপে ও কন্যাকুলের পনকুবের মহাজনের ঋণের চাপে পড়িয়া পার্শ্ববর্তী পরগণার অগ্ৰতম ব্রাহ্মণ ভূস্বামী রাজা রেবতীমোহন বায়চৌধুরী বাঙ্গলীর গাঙ্গুলী বাবুর শরণাপন্ন হইলেন। হরিনারায়ণ বাবু প্রায় এগার লক্ষ টাকা বাহির করিয়া দিয়া রাজাকে যেমন রক্ষা করিলেন, কৃতজ্ঞ রাজাও তেমনই তাঁহার এষ্টেট পরিচালনার সর্বময় কর্তৃত্ব তাঁহার রক্ষাকর্তার উপর অর্পণ করিয়া নিশ্চিন্ত হইলেন। এই সূত্রে দুইটি বন্ধিষ্ণু পরিবারের মধ্যে ঘনিষ্ঠতা গাঢ় হইয়া উঠিল এবং এক দিন সকলেই সবিম্বয়ে শুনিল, রাজা রেবতীমোহনের সপ্তদশী তরুণী কন্যা মাধুরী দেবী বাঙ্গলীর গৃহিণী-শূণ্ডাশ্বে রাণীর মর্যাদায় প্রবেশ করিতেছেন।

হরিনারায়ণ বাবুর খেয়ালের অন্ত ছিল না সত্য, কিন্তু খেতাবের মোহ কোনও দিন তাঁহাকে আকৃষ্ট করিতে পারে নাই। তাঁহার অসংখ্য প্রজার তিনি প্রাণের রাজা,— পরগণার সর্বত্র তাঁহার আখ্যা—বাঙ্গলীর রাজাবাবু। কোনও সরকারী প্রতিষ্ঠানে অর্থ প্রদানের প্রয়োজন হইলে তিনি সেই সঙ্গে কলেক্টর বা কমিশনারকে লিখিয়া পাঠান—

টাকার বিনিময়ে তাঁহাকে যেন কোনও খেতাব দিয়া লজ্জিত না করা হয়।

সে খেয়ালের বশে হরিনারায়ণ বাবু বিবিধ অসাধ্যসাধন করিয়া থাকেন, রাজা রেবতীমোহনের বয়স্থা কন্যাকে এ ভাবে সহসা বিবাহ করাও তাঁহার স্বভাবসিদ্ধ খেয়ালের অন্তর্গত। অষ্টকোটের রাজা বংশমর্যাদায় সীন হইয়াও রাজা রেবতীমোহনের কন্যার পাণিপ্রাণী হন এবং এই সূত্রেই কন্যাকুলের পনী মহাজন রাজা বাহাদুরকে বিব্রত করিয়া তুলেন। হরিনারায়ণবাবু রাজা রেবতীমোহনকে ঋণমুক্ত করিলেন বটে, কিন্তু অষ্টকোটের চরিত্রহীন দুর্দম রাজা অষ্টপদের মত অষ্টপদ বিস্তার করিয়া রাজকন্যাকে আনন্দ করিতে বদ্ধপরিকর হইয়া উঠেন। রাজা রেবতীমোহন বায়বাহুল্যে রাজোচিত মর্যাদাটুকু রক্ষা করিতে যে পরিমাণে সচেতন ছিলেন, মামলাবাজী বা লাঠালি ব্যাপারে সেই অনুপাতে ছিল ঔদাসীণ্য। অষ্টকোটকে এ বিষয়ে বেপরোয়া দেখিয়া তিনি সভয়ে দ্বিতীয়বার হরিনারায়ণ বাবুর শরণাপন্ন হইলেন। অষ্টকোটের রাজাদের সহিত বাঙ্গলীর বাবুদের বংশানুক্রমে একটা মনোমালিগ্য চলিয়া আসিতেছিল। সমস্ত শুনিয়া খেয়ালী জমিদারের রক্ত উষ্ণ হইয়া উঠিল; তলে তলে অষ্টকোটের যখন এই চেঁচা চলিয়াছিল, তখন সকলকে চমৎকৃত করিয়া অসংখ্য লাঠিয়ালপরিবেষ্টিত নবপরিণীতা রাজকন্যার শিবিকা বাঙ্গলীর প্রাসাদে প্রবেশ করিল।

\* \* \* \*

তাহার পর আরও বাইশটি বৎসর কাটিয়া গিয়াছে। বাঙ্গলীর প্রাসাদে বহু পরিবর্দন হইয়াছে। মাতৃহীন দুই বৎসরের শিশু গোবিন্দ এখন চকিশ বৎসরের যুব। মাতৃবিয়োগের পর এই শিশু পিতার মনে যে সংশয় তুলিয়াছিল, আজও তাহাকে লইয়াই যত আশঙ্কা, যত সমস্যা ও সংশয়।

অবশ্য এই বংশের আকৃতিগত সৌন্দর্য্য হইতে গোবিন্দকে বিধাতাপুরুষ বঞ্চিত করেন নাই। তবে এই বয়সে এত বড় অভিজাত বংশের ছেলের চেহারায় যে লাবণ্য ও কমনীয়তা থাকা উচিত, গোবিন্দের দেহে তাহার অভাব দেখা যায়। দেহের রং খুব সুন্দর হইলেও কেমন যেন ফাঁকাসে, মুখখানি যদিও বেশ ঘোরালো, কিন্তু কোমলতা

বর্জিত ; হক্ রুক্ষ ও কৰ্কশ, এই বয়সেই রীতিমত গাফিয়া গিয়াছে। গোফের চুলগুলি পিঙ্গলবর্ণ, মাথার চুলেও তাহার আভা। এইগুলি যেমন তাহার আকৃতিগত ত্রুটি, তেমনই কয়েকটি বিশেষত্বও পোকুষের দিক দিয়া প্রশংসনীয়। গোবিন্দের ছয় ফুট দীর্ঘ দেহশক্তি, আজামুলম্বিত দুটি বাহু, অসাধারণ টিকোলো নাসিকা ও একগোড়া দীর্ঘায়ত চক্ষু সকলেরই দৃষ্টি আকর্ষণ করে।

ইহা ত গেল আকৃতির কথা। কিন্তু প্রকৃতির দিক দিয়া তাহার ত্রুটি প্রচুর। মানসিক ব্যাধি ও মস্তিষ্কের দুর্বলতায় সে একবারেই অকর্মণ্য। বাহিরের কাহারও সহিত তাহার মিশিবার অধিকার নাই, ক্ষমতাও নাই। বিষয়-সংক্রান্ত কোনও কার্যেই এ পর্য্যাপ্ত কর্তার তরফ হইতে তাহার উপর ডাক পড়ে নাই। নামেই সে বাড়ীর জ্যেষ্ঠ সম্মান, বিষয়বুদ্ধি ত দূরের কথা, আয়সম্মান বজায় রাখিবার জ্ঞানটুকুর পর্য্যাপ্ত তাহার অভাব। পরিচারক-পরিচারিকারা তাহাকে গ্রাহ্য করে না, আশ্রিত আয়ীয়া পরিজনরা তাহাকে উপেক্ষা করিয়া চলে। কেহ আদেশ অবহেলা করিলে তাহার মনে অভিমান আসে না, আদেশ কেহ অবহেলা করিলেও তাহার চক্ষুর জ্ব দুইটি কৃষ্ণিত হইয়া উঠে না। সুতরাং এমন নির্বিকার নিস্তেজ নগণ্য বংশধরকে লইয়া যে এই বংশের মালিকের চিত্ত বিক্ষুব্ধ হইয়া উঠিবে, তাহাতে আর কথা কি !

পক্ষান্তরে, কর্তার দ্বিতীয় পক্ষের পুত্র গোবিন্দের বৈমাত্রেয় ভাই—নিবারণ বয়সে প্রায় চারি বৎসরের কনিষ্ঠ হইয়াও সেন সকল বিষয়েই জ্যেষ্ঠকে বহু পশ্চাতে ফেলিয়া কুলী পিতার ঠিক পাশটিতে গিয়াই দাঁড়াইয়াছে। প্রয়োজন পড়িলে, কর্তা তাহাকে কত গুরুতর কামেই নিয়োগ করেন, —পিতার বহু গুণ পুত্রে বর্তাইয়াছে ; কি তাহার দাপট এই তরুণ বয়সেই ; সেরেস্তার কর্মচারিগণ ভয়ে তটস্থ, বাড়ীর মধ্যে দাস-দাসী আয়ীয়া-পরিজন তাহার সম্মুখে দাঁড়াইয়া কথা কহিতে কাঁপিয়া অস্থির হয় ; পুত্রের প্রভাপ ও ঐচ্ছিক্য পিতারও পরম প্রীতিপ্রদ, প্রায়ই সমর্পন করিয়া বলেন,— এই ত চাই, গোড়ায় দাপট দেখাতে পারলে তবেই শেষে নামের জোরে শাসন চলে।

জ্যেষ্ঠের প্রতি কর্তার একান্ত উপেক্ষা ও কনিষ্ঠের প্রতি আনুষ্ঠানিক সহানুভূতি লক্ষ্য করিয়া এষ্টেটের সকলের মনেই

এই ধারণা বদ্ধমূল হইয়া উঠিল যে, অদূর-ভবিষ্যতে কনিষ্ঠ নিবারণই তাহাদের ভাগ্যবিধাতা হইবে।

এই ধারণাটুকু মনে স্পষ্ট হইবার মূলে যে কারণটুকু ছিল, তাহা এইরূপ ;—

পুরুষানুক্রমে এই বংশের প্রচলিত পদ্ধতি—সম্পত্তি বিভক্ত হইবার উপায় নাই। বংশের জ্যেষ্ঠই এষ্টেটের উত্তরাধিকারী হইয়া সর্বময় কর্তৃত্ব গ্রহণ করেন, কনিষ্ঠগণ নির্দ্বারিত বৃত্তির অধিকারী থাকেন মাত্র। উর্দ্ধতন বহু পুরুষ ধরিয়া এই প্রাচীন বিধি অনুসারে বাগুলীর গাঙ্গুলীবংশ ও তাঁহাদের অধিকৃত বিপুল সম্পত্তি পরিচালিত হইয়া আসিতেছে। ঐশ্বর্য্যম্বরে এই গাঙ্গুলী পরিবারের যে পরিমাণ বাড়বাড়ন্ত, বংশবৃদ্ধির দিক দিয়া তাহার অভাব দেখা যায়। বিধাতা-পুরুষ সেন ভাবিয়া চিন্তিয়া হিসাব করিয়াই বরাবর এই বংশে একটি করিয়া পুত্র যোগান দিয়াছেন। কেবল বর্তমান বংশপতি হরিনারায়ণ গাঙ্গুলীর দুর্কার দাপটেই সেন বিধাতার নিয়মভঙ্গ হইয়াছে। এ বংশে একমাত্র ইনিই দুই পক্ষে দুই পুত্র পাইয়াছেন এবং এই সূত্রে এই প্রথম উত্তরাধিকার সম্বন্ধে একটা সংশয় আত্মপ্রকাশ করিয়াছে।

২

শ্যামপুরের নায়েবের পত্রে চণ্ডীর সম্বন্ধে বিস্তারিত সংবাদ পাইয়াই হরিনারায়ণ বাবু গৃহিণী মাধুরী দেবীকে কহিলেন,— চমৎকার একটি মেয়ের সন্ধান পেয়েছি।

ইতিপূর্বেই মাধুরীদেবী স্বামীকে উপদেশ দিয়াছিলেন, গোবিন্দের মৌ রকম মতিগতি, বুদ্ধিবৃদ্ধির অভাব, তাতে কিছুতেই তার বিষয়ে দেওয়া উচিত নয়।

স্বীর কথায় হরিনারায়ণ বাবু কিছুক্ষণ তাঁহার দিকে চাতিয়া একটি স্তদীর্ঘ নিশ্বাস ফেলিয়া বলিয়াছিলেন,—কথাটা ভাববার মত বটে।

ইহার পরেই উঠে গোবিন্দকে রাখিয়া নিবারণের বিবাহের কথা। কর্তা গৃহিণীর কথা শুনিয়া হেঁয়ালীর ভাষায় যে মন্তব্য প্রকাশ করিতেন, তাহাই তাঁহার প্রাণের কথা ভাবিয়া মাধুরীদেবী মনে মনে ইহাই সাব্যস্ত করিয়া লইয়াছিলেন যে, জ্যেষ্ঠের মর্য্যাদাটুকু লইয়াই গোবিন্দ বৃত্তিভোগী অবস্থায় তাহার নিঃসঙ্গ জীবনটা কাটাইয়া দিবে, স্বাস্থ্য, প্রকৃতি ও পরমায়ু সম্বন্ধে সন্দেহভাজন এই ছেলোটি

যেমন সংসারধম্মে লিপ্ত হইতে বিরত থাকিবে, তেমনই বাস্তবীর রাজগদীর সংস্পর্শ হইতে দূরেই থাকিয়া যাইবে।

সুতরাং কর্তা যে চমৎকার মেয়েটির প্রসঙ্গ তুলিলেন, সেটি নিজপুত্র নিবারণের সম্পর্কেই সাব্যস্ত করিয়া মাধুরীদেবী নামিকা কৃষ্ণিত করিয়া কহিলেন,—শুধু ত দেখতে শুনেও চমৎকার হ'লে চলবে না, বরও চমৎকার হওয়া চাই।

কর্তা হাসিয়া কহিলেন,—কিন্তু শাস্ত্রকাররা লিখে গেছেন—স্ত্রীরহঃ শুক্লাদপি।

গৃহিণী ঝঙ্কার দিয়া কহিলেন,—সে শাস্ত্র পুড়িয়ে ফেলো! রাজকন্যা না হলে নিবারণের মনে ধরবে না, আর আমারও এই ধনুর্ভঙ্গ পণ; সে ত তুমি জানই। মেয়েটি কোথাকার শুনি?

কর্তা গম্ভীরভাবেই কথাটার উপসংহার করিলেন,—তা হ'লে আর শুনে কাষ নেই! তোমার এই ধনুর্ভঙ্গ পণটির কথা আমার মনে ছিল না; যাই হোক, এর পর তোমার এ পণ মনে রেখেই আমি নিবারণের কনে খুঁজব।

তুই দিন পরেই কর্তা গৃহিণীকে ডাকিয়া কহিলেন,—গোবিন্দের বিয়ের দিনস্তির ক'রে এলুম, আসছে সাতাশে শুভকাষ।

কর্তার কথাগুলি বজ্রধ্বনির মত গৃহিণীর কাণে নির্ঘাত হইয়া বাজিল। গোবিন্দের বিবাহ! তিনি কি ভুল শুনিলেন! বিশ্বয়কম্পিতকণ্ঠে প্রশ্ন আসিল, কার বিয়ে বললে?

সহদর্শিণীর বিশ্বয়াচ্ছন্ন মুখখানির উপর বন্ধদৃষ্টিতে চাহিয়া কর্তা উত্তর দিলেন,—তোমার বড় ছেলের।

পরক্ষণে শুষ্ককণ্ঠে গৃহিণীর সপ্লেষ উক্তি,—সত্যি! বড় ছেলের আইবুড়ো নামটাও তা হ'লে খণ্ডাবার জন্ম কোমর বেঁধে লেগেছ বল! এটি আগেই প্রয়োজন বটে!

কোণায় গৃহিণীর ব্যথা, তাহা উপলব্ধি করিয়াই কথা-প্রসঙ্গে কর্তার প্রত্যুত্তর,—এত দিন এটা প্রয়োজনীয় ব'লে মনে করিনি; কিন্তু কন্যাটিকে দেখেই যেমনই মনে হ'ল চমৎকার, তখনই তাকে নেবার কথাটা দিয়ে ফেলি। গরীবের মেয়ে, নিজের রূপগুণ যতই থাক, বাপের নাম-ধাক, খেতাব বা বড়মানুষীয়ানার কিছুই নেই। এ দিকে নিবারণের সম্বন্ধে তোমার ধনুর্ভঙ্গ পণ, যেমন তেমন ঘরের মেয়ে তোমার মনে ধরবে না—রাজকন্যা চাই; কায়েই

নিজের যুথের কথাটুকু রাখবার জন্ম গরীবের এই মেয়েটিকে গোবিন্দের ঘাড়ে চাপিয়ে দিয়ে তার আইবুড়ো নাম খণ্ডাবার ব্যবস্থা করা গিয়েছে।

অথও মনোযোগের সহিত স্বামীর কথাগুলি শুনিয়া মাধুরীদেবী এবার গম্ভীরভাবেই মন্তব্য প্রকাশ করিলেন,—ভালই হয়েছে, জমিদারের জড়ভরত ছেলে, আর গরীবের ঘরের চমৎকার মেয়ে,—জুয়ে মিলবে ভাল!

উৎসাহের স্বরে কর্তা কহিলেন,—ঠিক কথাই বলেছ তুমি, আমারও ঠিক এই মত; সেই জন্মই আমি অনেক ভেবেচিন্তে আমাদের এই বেকাম গাধাবোটখানার সঙ্গে একটা তেজীয়ান ষ্টামলাক বেঁধে দেবার ব্যবস্থা করেছি। এর ফল হয় ত ভালই হবে, এক দিন ছেটিতে গিয়ে ভিড়লেও ভিড়তে পারে।

এ সম্বন্ধে আর কোনও কথা উঠিবার অবকাশ পাইল না; কিন্তু যাত্রা উঠিল, বুঝিবার পক্ষে তাহাই যথেষ্ট। কর্তার শেষের কথাগুলি মধুমক্ষিকার হলের মত মাধুরীদেবীর বক্ষে বিদ্ধ হইয়া দাহ উপস্থিত করিল। দীর্ঘ বাইশ বৎসর এই সুরহং সংসারটির উপর প্রভুহের শকটখানি কি তিনি ভুল পথে চালাইয়াছেন? স্বামীর অন্তররাজ্যের রহস্যদ্বার কি এত দিন তাহার নিকট রুদ্ধ হইয়াই ছিল? চারিদিকের আড়গাট দানিয়া প্রথর বুদ্ধির প্রভাবে অতি সন্তুর্পণে পুত্র নিবারণের প্রতিষ্ঠার যে পথটুকু তিনি প্রায় নিরঙ্কুশ করিয়া তুলিয়াছিলেন, তাহা কি সত্যই বার্থ-প্রয়াস?

৩

নির্দিষ্ট দিনটির শুভলগ্নেই এই রহস্যময় বিবাহের মঙ্গল-শঙ্খ বাজিয়া উঠিল।

মধ্যবিত্ত অবস্থাপন্ন কন্যাপক্ষ কন্যার বিবাহ-ব্যাপারে অবস্থাকে অতিক্রম করিয়া যে পরিমাণ ঘটীর ব্যবস্থা করিয়াছিলেন, সেই অনুপাতে ধনাঢ্য বরপক্ষের তরফ হইতে বিশেষ কিছু জাঁকজমকের পরিচয় পাওয়া গেল না। যাহারা ভাবিয়াছিল, খুব জমকালো মিছিল করিয়া যাত্রার দলের রাজার মত সাঁচার পোষাক পরিয়া বর আসিয়া সভায় বসিবে, তাহারা যেন আকাশ হইতে পড়িল। পাকী হইতে নামাইয়া বরকে যখন সভায় বসান হইল, তখন সকলেই সবিস্ময়ে দেখিল, বরের পরনে বেনারসী ধুতি, গায়ে



তাহারই পিরাণ ও চাদর। বিশেষত্বের মধ্যে গলায় তুলিতে-ছিল, বড় বড় মুক্তার এক ছড়া দীর্ঘ মালা। বরের চেহারা দেখিয়া মাহারা বলিল—বেশ, কিছুক্ষণ পরে তাহারাই আবার ভাবভঙ্গী দেখিয়া বরপক্ষের অন্তরালে মত প্রকাশ করিল—বোধ হয় মাথায় আছে ছিট।

কিন্তু শুভদৃষ্টির সময় এমনই এক অপূর্ব ভাবে বরের চক্ষু দুইটি বিস্ফারিত হইয়া উঠিল যে, সেই মুহূর্তেই তাহা বধুর মস্তকস্পর্শ করিল। বধুও ঠিক এই মাত্রেক্ষণে অন্তর্ভেদী উজ্জ্বল দৃষ্টিতেই বরের দিকে চাহিয়াছিল। তাহার মনে হইল, এই অপরিচিত মানুষটি যেন অতি পরিচিতের মতই সক্রমণ দৃষ্টিতে তাহার অন্তরের দ্বারটি উদ্ঘাটিত করিয়া কোনও কাম্য বস্তুর সন্ধান করিতেছে। চণ্ডীর দীর্ঘায়ত চক্ষু দুটি পল্লবভারে দীর্ঘে দীর্ঘে অবনমিত হইল।

বাসরেও বর আসরের মত সকলের মনেই সংশয় তুলিল। মুখে কথা নাই, তীক্ষ্ণ উপহাস-বিদ্রুপে দৃকপাত নাই, তরুণীদের লাস্ত্রলীলায় তাহার মুখে হাসির কোন চিহ্নটিও কেহ দেখিল না। বাসর-সঙ্গিনীদের সকল প্রয়াসই যখন ব্যর্থ হইয়া গেল, বরের হৃদয়-বর্ষা ভেদ করিতে পারিল না, তখন তাহার বেণা-বনে মুক্তা ছড়ানো বিফল ভাবিয়া—মুক্ত অবগুণ্ঠন মাথায় তুলিয়া বাসর হইতে বাহির হইয়া গেল।

অবগুণ্ঠনের ভিতর দিয়া চণ্ডী এ পর্য্যন্ত একদৃষ্টিতে বরের দিকে চাহিয়াছিল। মেয়েরা সকলেই চলিয়া গেলে সে মুখ খানি অবগুণ্ঠনমুক্ত করিতেই বরের সহিত তাহার চোখো-চোখি হইয়া গেল। শুভদৃষ্টির পর পরস্পরের পরিপূর্ণ দৃষ্টির এই পুনরায় সংযোগ।

বরই প্রথমে কথা কহিল, বালকের ত্যাস তরল কৌতু-হলের স্বরে প্রশ্ন করিল,—তোমার নাম বৃদ্ধি চণ্ডী ?

বরের মুখে বালকমূলভ ভঙ্গীতে এই প্রশ্ন শুনিয়া চণ্ডী মনে মনে কৌতুক অন্তর্ভব করিয়া বিদ্রুপের স্বরে অসঙ্কোচে কহিল,—ঠাঁ। তুমি বৃদ্ধি মনে মনে এই কটা কথা এতক্ষণ মুখস্থ করছিলে ?

দুই চক্ষু অস্বাভাবিক উজ্জ্বল করিয়া বর কহিল,—বিয়ে করতে এসে বৃদ্ধি কেউ পড়া মুখস্থ করে !

বরের কথায় চণ্ডীর চক্ষুর ক্র দুটি কৃষ্ণিত হইয়া উঠিল,

তীক্ষ্ণদৃষ্টিতে তাহার মুখের দিকে চাহিয়া প্রশ্ন করিল,—বরকে তা হ'লে কি করতে হয় ?

মুখের ভঙ্গীর সহিত হাতের একটি অঙ্গুলী তুলিয়া বর উত্তর দিল,—চুপটি ক'রে বাবু হয়ে বসে থাকতে হয়।

অনুরূপ কৌতুকভঙ্গীতে চণ্ডী কহিল,—তাই বৃদ্ধি এতক্ষণ চুপটি ক'রে চোরটির মত বসেছিলে, সাত চড়েও কথা কও নি ?

বর কহিল,—ওরা সে মেয়েমানুষ !

চণ্ডী কহিল,—আর আমি বৃদ্ধি পুরুষমানুষ ?

বর এবার হাসিমুখে কহিল,—উহঁ, তুমি যে আমার বউ।

চণ্ডী নিরুত্তরে নিস্পলকনয়নে কিছুক্ষণ তাহার পার্শ্বে উপবিষ্ট সেই নিকোদটির মুখের দিকে চাহিয়া রহিল। তাহার বৃদ্ধিতে বিলম্ব হইল না, নির্ভর অদৃষ্টে তাহাকে কাহার পার্শ্বে আনিয়া বসাইয়াছে ; সঙ্গে সঙ্গে তাহার পৃষ্ঠে কে যেন চাবুক মারিয়া স্বরণ করাইয়া দিল, তাহার স্বপ্নের দেওয়া সোনার চাবুক আর সেই সঙ্গে তাহার কথা—আমার বাড়ীতে আছে একটা ভারি বেয়াড়া গাধা, সেটাকে সায়ের্তা করবে তুমি ; সেই জগুই এই চাবুক ; চণ্ডীর দুই চক্ষু বিস্ফারিত হইয়া উঠিল।

পরক্ষণে তাহার মনে পড়িল, রাজকন্যা বিদ্যাবতীর গল্প। পণ্ডিতদের চক্রান্তে মূর্খ কালিদাসের সহিত তাহার পরিণয়-রহস্য ! কিন্তু রাজকন্যা মূর্খ স্বামীকে প্রত্যাখ্যান করিয়াছিলেন, আর সেই উপেক্ষিত মূর্খ কঠোর সাধনায় জয়পতাকাগুপ্তে বিদ্যামন্দিরের শিখরে দাঁড়াইয়া পণ্ডিতা পত্নীর দর্প ভাঙ্গিয়া দিয়াছিলেন। সেই পরীক্ষা কি আজ তাহাদের সম্মুখেও উপস্থিত !

চণ্ডীকে নিরুত্তর দেখিয়া বর তাহার দন্তুপাটি বিকাশ করিয়া কহিল,—দেখো, আজকে আমার ভারি আহ্লাদ হচ্ছে, সত্যি।

দৃশ্চল্য চিন্তাজাল যেন সবলে ছিঁড়িয়া ফেলিয়া চণ্ডী ব্যগ্রকণ্ঠে জিজ্ঞাসা করিল,—কেন বল ত ?

বর গভীর লজ্জায় হাত দুইখানি কচলাইতে কচলাইতে চণ্ডীর মুখের দিকে চাহিয়া কহিল,—এই তোমাকে বে ক'রে, তোমাকে দেখে, আর তোমার সঙ্গে কথা ক'য়ে—

চণ্ডী মুখ টিপিয়া হাসিয়া কহিল,—আমাকে তা হ'লে তোমার পছন্দ হয়েছে বল ?

শ্রীমদ্ভগবদ্গীতা



পঞ্চমায় শ্রীচৈতন্য

বৈশাখ, ১৯৩৩]

শ্রীমদ্ভগবদ্গীতা



দেং ! আমার লজ্জা করে ।

আচ্ছা, 'ও কথা না হয় থাক্ : তা হ'লে আমার কথাগুলো ত ভাল লাগছে ?

হঁ ; এমন ক'রে কেউ ত আমার সঙ্গে কথা কয় না !

কেন—বাবা ?

বাবা ত' দেখলেই বকেন ।

দেখলেই বকেন বুঝি ? কিন্তু মা ?

মুখে কিছু বলবে না, কিন্তু চোখ পাকিয়ে এমনি চাইবে, বাবা রে ! তোমার মত কি চায় ভেবেছ, সে চাউনি—

শুধুই রাগ ক'রে চান, আদর-বদ্ব করেন না মোটেই ?

কেন করবেন বল ত ? আমি যে মুগ্ধ, মানুষ হয়েও গাধা, আমার ত গুণ কিছু নেই ।

তুমি বুঝি পড়াশুনাও কিছু করনি ?

নাঃ ! করব কোথেকে ? রোজ রোজ মাষ্টার আসত আমাকে পড়াতে, কিন্তু এমনই মজা, যে এক দিন আসত, আর তার টিকিও দেখতে পেতুম না—  
কেন ?

কি করবে এসে বল না ? আমার মাথায় নাকি গোবর পোরা, ব'লক, ওর কিছু হবে না । কিন্তু তোমাকে বলি, আমার ভারি ইচ্ছে করত পড়াতে—

নিজেই কেন পড়াতে না ?

পড়ব কি ক'রে ? খোকা রাজা ছুটে এসে বই কেড়ে নিয়ে সেত ; বলত, তুই পাগল, বই নিয়ে বসলে মাথা গুলিয়ে যাবে । আবার বাবাকে বলত, 'ওর কিছু হবে না ।

খোকা রাজাটি তোমার কে ?

জান না ? আমার ছোট ভাই, ঐ যে নতুন মার কথা বললুম, তাঁর ছেলে ! আমার নিজের মা ত নেই ।

ও ! বুঝেছি ! আচ্ছা, বাবাকে তুমি কিছু বলতে না ?

উহঁ ! খোকা রাজা তা হ'লে পিঠের চামড়া আত্ত রাখত না । এক এক দিন যা মারে—

মারে ! তুমি না তাঁর বড় ভাই !

বড় ভাই হ'লে কি হয়—সেই যে রাজা হবে, তা বুঝি জান না ?

সে কি ? আর তুমি ?

আমি যে খোকা, পাগল, জড়ভরত । তাই কেউ

আমাকে ভালবাসে না, ভালকথা বলে না, তাই না তোমাকে এত ভাল লাগছে তোমার কথা শুনে ! তুমি আমাকে ভালবাসবে ত ?

চণ্ডীর বুকের ভিতর যে ঝড় বহিতছিল, তুই হাতে তাহার গতি রুদ্ধ করিয়াই যেন সে বাষ্পার্জকণ্ঠে কছিল,—  
বাসব বই কি ।

অসহায় শিশুর মত আবদারের স্বরে বর কছিল,—  
ওদের মত মারবে না ত,—নতুন মার মত চোখ দিয়ে বকবে না বল,—এমনি ক'রে গল্প করবে আমার সঙ্গে ?

কণ্ঠস্বর সংমত করিয়া চণ্ডী কছিল,—করব, তুমি যাতে স্নখী তও, তাই করব আমি ।

বিপুল উল্লাসের আবেগে বর কছিল,—সত্যি ? বাঃ ! তা হ'লে কি মজা হবে ! আমি কিছু করব না, শুধু তোমার কথা চুপটি ক'রে ব'সে ব'সে শুনব ।

চণ্ডী মুখে হাসি টানিয়া কছিল, 'তা শুনো, অনেক গল্প আমি জানি, তোমাকে সবই শোনাব, কিন্তু তোমাকেও আমার একটি কথা রাখতে হবে ।

চণ্ডীর মুখের উপর চক্ষু তুইটি তুলিয়া জিজ্ঞাসু নয়নে বর চাতিয়া রছিল । চণ্ডী কছিল,—তোমাকে মানুষের মত মানুষ হ'তে হবে ।

বরের মুখে কথা নাই, তুই চক্ষুর বিশ্বস্তভরা দৃষ্টি পার্শ্ববর্তিনী বদর মুখেই নিবন্ধ : সেই দৃষ্টি যেন প্রশ্ন করিতেছিল—সে আবার কি ?

চণ্ডী তখন বিস্মিত বরকে রাজকণ্ঠা বিচ্যাবতীর গল্পটি শুনাইয়া দিল । বর পরমাগ্রেহে সে গল্প শুনিয়া । মুগ্ধ কালিদাস কঠিন সাধনার সর্লশ্রেষ্ঠ কবি হইয়াছিলেন শুনিয়া বর ব্যগ্র উল্লাসে কছিল,—বাঃ ! বাঃ ! কি মজা ! শুনে এমনি আনন্দ হচ্ছে আমার !

চণ্ডী স্বামীর দিকে পরিপূর্ণ দৃষ্টিতে চাতিয়া প্রশ্ন করিল,—  
তোমার ঐ রকম হ'তে ইচ্ছা করে না ?

সহর্ষে বর কছিল,—আমার ! হ্যাঁ, হয় । কেউ যদি আমাকে শেখায়, আমার ভার নেয়, সত্যি, আমিও তা হ'লে মানুষ হ'তে পারি ।

দৃঢ়স্বরে চণ্ডী কছিল,—মানুষ তোমাকে হতেই হবে । আমি তোমার ভার নেব, এর জন্ম আমি করব কঠোর সাধনা ।

শ্রীমণিলাল বন্দ্যোপাধ্যায় :



# বিজ্ঞান-জগৎ

## কাচ-তন্তু

কাচ হইতে তন্তু উৎপাদন আরম্ভ হইয়াছে। এই তন্তু তুলনা-  
তন্তু অপেক্ষা শক্ত। পশম বা তুলা-তন্তুর স্থায় কাচতন্তুও কায়ে  
লাগিবে। এই কাচতন্তু কশরাজি অপেক্ষা ২০ গুণ ছোট।  
কাচের এই ক্ষুদ্রতম তন্তুগুলিকে নানা বর্ণ রঞ্জিত করা চলে।  
অবশ্য কাচ গলাইবার সময়ই এই তন্তু প্রস্তুত করিতে হয়—




কাচ-তন্তু

বর্ণারঞ্জিত করিতে হয়। কাচতন্তুজাত বস্ত্র অত্যন্ত মৃদুভাব হয়।  
বৈজ্ঞানিক তার-প্রভৃতির জন্য ইহার প্রয়োজনীয়তা অত্যন্ত বেশী।  
কারণ, এই তন্তুজাত তার আগুনে পুড়িবে না। ওয়েল্‌স ইলিনিং  
গ্রাস কোম্পানী এই তন্তু প্রস্তুত করিতেছে। কাচতন্তুজাত বস্ত্র  
প্রভৃতির মূল্য খুবই অল্প।

## বিচিত্র-দর্শন বিমান

অপেক্ষাকৃত স্বল্পমূল্যে ও স্বল্প ব্যয়ে পরিচালিত বিমান নির্মিত  
হইয়াছে। এই বিমান ২০ অংশক্রিয়ক মোটর দ্বারা চালিত

এক ঘণ্টায় ইহা ১ শত ৩১ মাইল পথ অতিক্রম করিয়া থাকে।  
সমগ্র বিমানটির ওজন ১ হাজার ৮ শত পাউণ্ড। অল্প ব্যয়ে এই  
বিমান পরিচালিত হইয়া থাকে।



বিচিত্র-দর্শন বিমান

## অভিনব জাম্বাণ মোটর-গাড়ী

জাম্বাণীতে সম্প্রতি একখানি দ্রুত ও দীর্ঘপথগামী মোটর-গাড়ী  
নির্মিত হইয়াছে। এক যাত্রায় এই গাড়ী আড়াই হাজার মাইল  
পথ অতিক্রম করিতে পারিবে। ঘণ্টায় এই গাড়ী ৭৮ মাইল পথ  
চলিবে। এই শ্রেণীর যে গাড়ী ফ্রান্সে নির্মিত হইয়াছিল, তাহা




অভিনব জাম্বাণ মোটর-গাড়ী

ঘণ্টায় ৬৪ মাইল চলিত। বাতাসের বেগ প্রতিহত করিবার  
ব্যবস্থা এই গাড়ীতে আছে।

### নূতন ধরণের সাগর-পোত

হল্যান্ড আমেরিকা লাইনের জাহাজ একখানি ৩৩ হাজার টন জাহাজ নির্মিত হইতেছে। উহা এমন ভাবে নির্মিত হইবে যে,




নূতন ধরণের জাহাজ

কলস্রোত ও বায়ুপ্রবাহের গতিবেগ তাহার গতিবেগকে বাদ দিতে পারিবে না। জাহাজের দীর্ঘতা ৭ শত ৫১ ফুট। উহা প্রস্থে ৮৮ ফুট। গভীরতা ৫৫ ফুট। ১৩ শত যাত্রী এই জাহাজে স্থান পাইবে। জাহাজটিতে যাহাতে কোনও-রূপে আগুন লাগিতে না পারে, তাহার জাহাজ সর্বপ্রকার ব্যবস্থা হইতেছে।

### নৌ-বিভাগীয় রণ-বিমান

যুক্তরাষ্ট্রের নৌ-বিভাগের জাহাজ অধুনা এক শ্রেণীর রণ-বিমান নির্মিত হইয়াছে। আকাশ



নৌ-বিভাগীয় নূতন রণ-বিমান

পথে উহা যখন ধাবিত হয়, তখন উহার ভূমিতলে নামিবার চাকাগুলি দৃষ্টিপথের অতীত হইয়া থাকে, এমন ব্যবস্থা আছে। এখানে যে চিত্র প্রদত্ত হইল, আলোক-চিত্রকর, তাহা বিমানের পৃষ্ঠ-পথে চলিবার সময় গ্রহণ করিয়াছিলেন। এই রণ-বিমানগুলি নাকি বিশেষ কার্য-উপযোগী হইয়াছে।

### অতি দ্রুতগামী বৃটিশ বিমান

রয়াল এয়ার ফোর্সের বিমানবিদ সেকটেনাড বুলম্যান নূতন রণবিমান চালনা করিয়া তাহার গতিবেগ দেখাইয়াছেন। উগতে এত দ্রুতগামী বিমান আর নাই। এতদ্বারা বিকল্প গতিবেগে যাহাতে বিমানের গতিবেগ হ্রাস না পায়, এমন ভাবে এই বিমান নির্মিত হইয়াছে। ছবি দেখিলেই বিমানের আকার বৃদ্ধিতে পারা বাইবে



অতি দ্রুতগামী বৃটিশ বিমান

### দেড় অশ্বশক্তিবিশিষ্ট দ্বিচক্রযান

এক গ্যালন তৈলে এই দ্বিচক্রযান এক শত মাইল পথ অতিক্রম করিবে। এই গাড়ীর চাকা ছোট,



দেড় অশ্বশক্তিবিশিষ্ট দ্বিচক্রযান

অপচ চড়িয়া আরাম আছে। দুইটি পেডাল গাড়ীকে চলমান করে, অথবা খামাইয়া দেয়। ডান দিকের পেডালটি ব্রেকের মত ব্যবহৃত হয়, বামদিকের পেডাল গাড়ীকে চালায়। এই গাড়ীতে দেড় অশ্বশক্তি বিদ্যমান। উহা ঘণ্টায় ২৫ মাইল বেগে ধাপিত হয়। উহার ওজন ১ শত ৭০ পাউণ্ড, দৈর্ঘ্য ৮০ ইঞ্চি মাত্র।

### বিষবাপ্প-প্রতিষেধক গ্যাস

প্যারীস এক জন বৈজ্ঞানিক বিষ-বাপ্প-প্রতিষেধক এক প্রকার গ্যাস লইয়া গবেষণা করিতেছেন। এই গ্যাস কালো গুঁড়াব জাত—উহা সহজ ব্যবহার করা চলে। এই চৰ্ণ বাতাসে ফুঁ দিয়া নিশাইয়া দেওয়া যায়। তাহার পর ইহার ক্রিয়া চলিতে থাকে।




বিষবাপ্প-প্রতিষেধক গ্যাস

একটা সমগ্র অটালিকার যাবতীয় অধিবাসীকে এই গ্যাস অনেক ঘণ্টা কাল বিষবাপ্পের প্রভাব হইতে রক্ষা করিবে। পরীক্ষা-কালে একটা ইন্দুরকে কার্বনিক অক্সাইড গ্যাসে প্রভাবিত করা হয়। তার পর উক্ত প্রতিষেধক গ্যাসের সাহায্যে ইন্দুরের প্রাণ-রক্ষা ঘটে। এই প্রতিষেধক গ্যাসের নাম অক্সিকার্বোজোম।

### অন্ধকার রঙ্গালয়ে আলোকচিত্র গ্রহণ

অদৃশ্য আলোকের সাহায্যে অন্ধকারাচ্ছন্ন রঙ্গালয়ে আলোক-চিত্র গ্রহণ করা যায়! দর্শকদিগকে বিন্দু মাত্র বিরক্ত না করিয়া



অন্ধকারে আলোকচিত্র গ্রহণ

একজন লোক ক্যামেরা সাহায্যে থিয়েটার-গৃহে রাণী মেরীর এই ফটোগ্রাফ তুলিয়াছেন। রঙ্গালয় তখন অন্ধকারে আচ্ছন্ন ছিল। রাণী তখন রাজকীয় বস্ত্রে বসিয়াছিলেন।

### যুক্তরাষ্ট্রের আধুনিক ডেপ্তার


মার্কিন যুক্তরাষ্ট্রের এই নূতন পোত-ধ্বংসকারী জাহাজ সম্রাতি মেসার্চসেটস্‌এর কুর্টাসিতে স্থানীত হইয়াছে। ইহার দৈর্ঘ্য ৩ শত ৭২ ফুট। ডেপ্তার-জাতীয় পোতগুলির মধ্যে ইহা সর্বশ্রেষ্ঠ। ভূতপূর্ব এডমিরাল উইলিয়াম ও মফেটের স্মৃতির উদ্দেশ্যে উহাও ই নামকরণ হইয়াছে। ঐ দিনেই নিউইয়র্কে আরও একখানি ডেপ্তার বাতির করা হইয়াছে। ইহার ওজন ১৫ শত টন। পথমখানি অপেক্ষা ইহা ৩ শত ৮০ টন কম। দ্বিতীয়খানি লফ্টেন্যান্ট এনড্রু রয়েড কামিংস্‌এর নামে পরিচিত।



যুক্তরাষ্ট্রের আধুনিক ডেপ্তার

### রজ্জুবন্ধ-বিমান-ধাবন

বিমান-চালকদিগের কৃতিত্ব দেখাইবার জন্য নৌ-বিভাগের তিন-খানি বিমানকে রজ্জুবন্ধ করিয়া আকাশপথে ছাড়িয়া দেওয়া হয়।




রজ্জুবন্ধ-বিমান-ধাবন

বলা যাইতে পারে, ওয়াশিংটনের মুণ্ডে যে নাসিকা আছে, ফ্রিংকসের নাসিকা অপেক্ষা তাহা দুই ফুট দীর্ঘ। দশ হাজার টন পাথর কাটিয়া বাহির করিয়া তবে ওয়াশিংটনের নাসিকা ক্ষোদাই হইয়াছে। ৫ লক্ষ টন পাথর কুঁদিয়া তবে ওয়াশিংটন, জেকারসন্ ও লিঙ্কলনসের মুণ্ড পাহাড়ে ক্ষোদিত হইয়াছে। পাঁচ মাস পরিশ্রমের পর এই কার্য সম্পাদিত হয়।

### বিচিত্র-দর্শন বিমান

এই বিমান অপেক্ষাকৃত অল্পব্যয়ে নিৰ্মিত হইয়াছে। এই বিমানের পশ্চাত্তাগ ডিঙ্কাকার। এই ডিঙ্কাকার কক্ষের উপরিভাগে বিমান পরিচালনার জন্য মোটর অবস্থিত। বিমানের পশ্চাতে এঞ্জিন স্থাপিত হওয়ায় পরিচালক চারিদিক ভাল করিয়া দেখিতে পার

গুজলার সহিত ঠিক ইংরেজি ভি অক্ষরের আয় এই তিনখানি বিমান দীর্ঘপথ উড়িয়া ঠিক অমুরূপ গুজলার সহিত ভূমিতলে অবতীর্ণ হয়। উড়িবার সময় বন্ধনরজ্জু একবারও ছিন্ন হয় নাই এবং তাহার বখাবিব গুজলার সহিত মাটিতে নামিয়া আসিয়াছিল।



বিচিত্র-দর্শন বিমান

### রসমোর পাহাড়ের অতিকায় মুণ্ড

রসমোর পাহাড়ে যে অতিকায় মুণ্ড ক্ষোদিত হইয়াছে, তাহার কাছে মিশরের ফিংকস মুণ্ড ক্ষুদ্র বলিয়া মনে হইবে। দৃষ্টান্তরূপ

এক কক্ষের মধ্যে এঞ্জিনের শব্দও হ্রাস পায়। সেন্ট জোসেফ্ এ এই বিমান নিৰ্মিত হইয়াছে। এক গ্যালন তৈলে এই পোত ২৫ মাইল চলে। ঘণ্টায় ইহা ১ শত ২৫ মাইল অতিক্রম করিয়াছিল। কবিনের মধ্যে দুই জন আরোহীর স্থান আছে। হেডেন কাঞ্চেল উহার নিৰ্মাতা।



রসমোর পাহাড়ের অতিকায় মুণ্ড

### ভাঁজ করা দ্বিচক্রযান

বিংশ শতাব্দীর নূতন বৈজ্ঞানিক দান এই বিচিত্র ভাঁজ করা দ্বিচক্রযান। বেশ করিয়া ভাঁজ করিয়া সাধারণ আকারের দ্বিচক্রযানকে ধলির মধ্যে ভরিয়া মানুষ বেশ পদতলে যেখানে খুসী যাইতে পারে। এই দ্বিচক্রযান উদ্ভাবয়িতা এক জন ফরাসী ভদ্রলোক। ছবি দেখিলেই বুঝিতে পারা যাইবে, দ্বিচক্রযানকে ভাঁজ করিয়া উহার অধিকারী কেমন পথ চলিতেছেন। যখন ইচ্ছা হইবে,





ভাঁজ করা ষ্টিফ্রোন

খলি হইতে বাহির করিয়া গইলেই হইল। তার পর উহাতে চড়িয়া ঘটদূর ইচ্ছা ভ্রমণ করা চলিবে।

### গুরুভার বুদ্ধমূর্তি

চৈনিক শিল্পপ্রদর্শনীর জন্ত লণ্ডনে একটি গুরুভার বুদ্ধমূর্তি আনীত হইয়াছে। উহাকে খাড়া করিতে প্রদর্শনকারীগকে অত্যন্ত অসুবিধায় পড়িতে হইয়াছিল। প্রদর্শনী হল-ঘরে ৫ শত ৫০ মণ



অতিকায় এবং গুরুভার বুদ্ধমূর্তি

ওজনের এই অতিকায় বুদ্ধমূর্তি স্থাপন করিতে অনেক কসরত করিতে হইয়াছিল। এই মূর্তিটি খৃষ্টীয় পঞ্চম শতাব্দীতে নিৰ্মিত হইয়াছিল।

### অঙ্গুলির ছাপ-পরীক্ষার ব্যবস্থা

অঙ্গুলির ছাপ বড় করিয়া মুদ্রিত করিলে সনাক্ত করিবার বিশেষ সুবিধা হইয়া থাকে। সেজন্য অঙ্গুলির ছাপ বড় করিয়া



অঙ্গুলির ছাপ-পরীক্ষার ব্যবস্থা

ছাপিবার ব্যবস্থা হইয়াছে। ইহাতে অঙ্গুলির রেখাগুলির বক্রতা প্রভৃতি সহজে ধরা পড়িয়া যাইবে। যে মস্তুর সাহায্যে এই কাৰ্য্য সম্পাদিত হইতেছে, তাহার সহায়তায় তাহার লেখা বা জাল নোটও ধরা পড়িয়া যাইবে।

### জীবন-রক্ষাকারী পরিচ্ছদ

এই পরিচ্ছদ ববাবের নিৰ্মিত, ভিতরে গরম কাপড়ের আস্তর দেওয়া। ববাবের একটা বন্ধনী মূলদেশে এমন ভাবে সন্নিবিষ্ট যে,




জীবন-রক্ষাকারী পরিচ্ছদ

জল কোনও মতে প্রবেশ করিতে পারে না। উহা ধারণ করিলে দুই দিন অনায়াসে জলের উপর ভাসিয়া থাকা যাইবে এবং শীতে শরীরের কোনও অনিষ্ট করিতে পারিবে না। পরিচ্ছদের এক স্থানে খাজুরবা ও জল রাখিবার ব্যবস্থা আছে। সীসা পরিচ্ছদের সহিত এমন ভাবে সন্নিবিষ্ট যে, উহার সাহায্যে মানুষ উপর-দিকে মুখ রাখিয়া ভাসিয়া থাকে।

### সৈনিকের পৃষ্ঠদেশে রেডিও যন্ত্র

ইথিওপিয়ায় ইটালীয় সৈনিকগণ যাহাতে প্রধান সৈন্যশিবির হইতে সর্বদা আদেশ জানিতে পারে, এ জন্ত তাহাদের পৃষ্ঠদেশে



সৈনিকের পৃষ্ঠদেশে-সংলগ্ন রেডিও যন্ত্র

রেডিও যন্ত্র সন্নিবিষ্ট করা হইয়াছে। এক জন সৈনিকের পৃষ্ঠে যন্ত্র থাকে, অপর জন তাহার পশ্চাতে থাকিয়া, প্রধান সেনাবাস হইতে য সকল আদেশ বেতারবাহিত্যে আসে, তাহা লিপিবদ্ধ করিয়া লয়। তদনুসারে অগগামী ও পশ্চাদ্ভাগস্থ সেনা-দলকে পরিচালিত করিবার সুবিধা হয়।

### বিমানপোতে ব্যবহারোপযোগী ছোট মোটর-সাইকেল

কোনও স্থানে বিমান যদি বাধা হইয়া ভূমিতলে অবতীর্ণ হয়, সেরূপ ক্ষেত্রে পোত-চালকের ব্যবহারের জন্ত ক্ষুদ্র মোটর-সাইকেল নিশ্চিত হইয়াছে। এই মোটর বিচক্রযান এমন লঘুভার যে, এক জন অনায়াসে তাহা বহন করিয়া লইয়া যাইতে পারে। বিমান-চালক এই ক্ষুদ্র মোটর বিচক্রযানে আরোহণ করিয়া সাহায্যের জন্ত তাড়াতাড়ি অস্ত্র যাইতে পারে। উক্ত যানের ওজন মাত্র ২০ পাউণ্ড।



ছোট মোটর-বিচক্রযান


### হৃদরোগ-পীড়িতের উপযোগী দোলা-চেয়ার

সম্প্রতি এক প্রকার দোলা-চেয়ার বাতির হইয়াছে। উহাতে হৃদরোগপীড়িতরা বেশ আরামে থাকেন। এই দোলা-চেয়ার বৈজ্ঞানিক শক্তিতে একবার উপরে উঠে, আবার নীচে নামে। অথবা অত্যন্ত ধীরে ধীরে। উহার ফলে রোগীর রক্ত সমস্ত শরীরে সঞ্চালিত হয় এবং রোগীর হৃদযন্ত্র-সংক্রান্ত যন্ত্রণা প্রশমিত হইয়া থাকে।



হৃদরোগ-পীড়িতের উপযোগী দোলা-চেয়ার





## ত্রয়োদশ পরিচ্ছেদ

স্রোতের মুখে

রোজা এখানে আছে ছ'মাস। আপনার খেয়াল-ভরে সে চলে। ফুল্লরা শাসন-নিষেধ তুলিত, এখন আর তোলে না। একবার রোজা বলিয়াছিল,—তোমার যদি সহ্য না হয়, আমাকে দাও পাঠিয়ে বোর্ডিংয়ে।...অন্য মেয়েরা যে-ভাবে মানুষ হচ্ছে, আমি কেন সে-ভাবে হবো না, এইটে আমি বুঝতে পারি না!

ফুল্লরার সময় আজ-কাল কম। স্কুল লইয়া সে মাতিয়া উঠিয়াছে। সেই সঙ্গে আরো পাঁচটা পারিক কাজ আছে—মহিলা সমিতি, সংস্কৃতি পরিষদ, পল্লী-আশ্রম। বড় হইলে চারিদিক হইতে ডাক আসে। ফুল্লরার সে ডাক আসিয়াছে। সে ডাকে সাড়া না দিয়া থাকিবার উপায় নাই। এবং যে ভাবে ফুল্লরা নিজের মনকে গড়িয়া তুলিয়াছে, সংসারের দায়ে সে মনকে ডুবাইয়া দেওয়া চলে না—দিবার প্রয়োজন নাই।

সুশীল চাটাজ্জী ও ফুল্লরা—যদি কেহ দুজনকে নিরীক্ষণ করিয়া কখনো দেখে,—একালের আইনের লাইন ধরিয়া, তাহা হইলে তার বৃষ্টিবার বিলম্ব ঘটবে না, পার্টনারশিপ বলিয়া যে-কারবার আছে, স্বামি-স্ত্রীর কাজ-কারবারে সেই পার্টনারশিপ পুরামাত্রায় বিদ্যমান। পার্টনাররা যেমন ব্যবসার স্থলে মিলিয়া মিশিয়া হাসি-মুখে কাজ করিয়া সন্ধ্যার পর নিজ নিজ নীড়ে ফিরিয়া যায়, এখানেও ঠিক তেমনি ব্যবস্থা! স্বামি-স্ত্রী সন্ধ্যায় পাশাপাশি বসেন। হাসি হয়, কথা হয়, বেশ সস্তাব আছে, কিন্তু এ মেলামেশার অন্তরালে পার্টনারদের যেমন স্বতন্ত্র সত্তা বিদ্যমান, তেমনি স্বামি-স্ত্রীর এ মেলামেশার অন্তরালে আপন-আপন বিশিষ্ট স্বতন্ত্র সত্তা আছে। তার মাঝখানে স্বামী বা স্ত্রীর প্রবেশ-লাভ ঘটে না।

অর্থাৎ স্বামী সুশীল চাটাজ্জী সারা দিন স্ত্রীর মকেল, এটর্নি, ব্রীফ, আইনের কেতাব, কোর্ট লইয়া মাতিয়া মণ্ডল হইয়া থাকেন—সন্ধ্যায় আসিয়া স্ত্রীর কাছে একবার বসেন, ছুটো হাসি গল্প চলে, তার পর আবার নিজের কাজের আশ্রানে দূরে সরিয়া যান; স্ত্রী ফুল্লরা তেমনি স্কুল, পল্লী, আশ্রম, মহিলা সমিতির পাঁচটা কাজ লইয়া তাহারি মধ্যে নিজেকে মগ্ন রাখিয়াছে! যেন রুটীনে কাঁধা লাইনে জীবনকে ছাড়িয়া দিয়াছে। নিত্য-চলার ফলে সে পথ আজ মসৃণ, সমতল; চলিতে কোথাও বাধা-বন্ধ বা ছুঁচোট খাইবার সম্ভাবনা বা আশঙ্কা নাই! রোজাও এ সংসারে নিজের একটা কাঁধা পথ তৈয়ার করিয়া লইয়াছে এবং সেই পথে সেও চলিয়াছে নিঃশব্দ সঙ্কোচহীন স্বাধীন ভঙ্গিমায়!

গ্রীষ্মের ছুটিতে রোজা আসিয়া ফুল্লরাকে বরিল, সে একবার শীলোন ঘুরিয়া আসিতে চায়। বহু দিন যায় নাই। ফুল্লরা কহিল,—কিন্তু বড়দা কোথায়, কোনো খপর নেই, সেখানে কার কাছে যাবে?

রোজা কহিল,—আমার জানা লোকের অভাব নেই। বাবার বন্ধু-বান্ধব আছে, আমারো বন্ধু আছে।

ফুল্লরা কহিল,—বড়দা না বললে কোথায় পাঠাবো? রোজা গম্ভীর দৃষ্টিতে ফুল্লরার পানে চাহিল। ফুল্লরা কহিল,—যাওয়া হতে পারে না। হাজার হোক, তুমি মেয়ে মানুষ...

এইটুকু শুনিবামাত্র রোজা একেবারে ফৌশ করিয়া উঠিল,—মেয়ে মানুষ!...মেয়ে মানুষ বৃষ্টি মানুষ নয়?...ছেলেরা যেতে পারে, আর আমি পারি না?

এ কথায় ফুল্লরার মনে জাগিল নিজের ছেলেবেলাকার স্মৃতি! সেও ঠিক এই কথা বলিত।

মনে ক্রমশ দ্বিধা জাগিল। কথাটা সত্য নয় কি? মেয়ে

মানুষ বলিয়া ঘরের মধ্যে বন্দী থাকিবে? পথে বাহির হইবে না? ভয়! কিসের ভয়? পুরুষ যদি নিজের ভার গ্রহণ করিতে পারে, মেয়েরাই বা কেন পারিবে না?

চট করিয়া রোজার কথায় সে কোনো জবাব দিতে পারিল না।

রোজা কহিল,—আমি যাবো পিশিমা। আমার বড় উচ্চা করচে। এখানে আমার ভারী একঘেয়ে লাগচে।

—একঘেয়ে!

রোজা কি. ভাবিল, ভাবিয়া কহিল,—একঘেয়ে ঠিক নয়। মানে, কলকাতার কথা সেখানে গিয়ে সকলকে বলবার জন্ম মন খুব চঞ্চল অধীর হয়েছে! কি জানি, কেবল মনে হচ্ছে, একটু চেঞ্জ!...তোমার কিসের আপত্তি,—শুনি?

কথার সঙ্গে সঙ্গে অত্যন্ত দরদ-ভরে যেন স্নেহ কামনা করিয়াই রোজা চাহিয়া রহিল ফুল্লরার পানে।

ফুল্লরার মন হইতে সকল বিমুখতা কোথায় যেন সরিয়া গেল। রোজা কথা শোনে না—ফুল্লরা যেমন ভাবে চায়, তেমন ভাবে সে থাকে না—এজন্য ফুল্লরার মনে সত্যিই একটু বিরূপতা জাগিয়াছিল। এখন রোজার চোখের দৃষ্টিতে স্নেহের প্রার্থনা উপলব্ধি করিয়া তার প্রাণ তুলিয়া উঠিল। রোজা—এ রোজা তার ভাইয়ের মেয়ে! পর নয়—খুবই আপন-জন! এক রক্ত বহিতেছে দুজনের শিরায়—যাকে বলে, রক্তের সম্পর্ক!

রোজার মা খুঁটান! তাহাতে কি আসিয়া যায়? আমরা কত নীচু-জাতের দাস-দাসীকে যে স্নেহ করি। জাতি বা ধর্ম মানিয়া স্নেহ-পারা তৃপ্ত বা বঞ্চিত করে না!

এমনি চিন্তার তরঙ্গ বহিয়া ফুল্লরার মন...

সহসা রোজার স্বরে এ তরঙ্গ মিলাইয়া গেল। রোজা কহিল,—কিছু বলচো না কেন? রাগ করেছ আমার উপর? না, অভিমান? তোমার কথা শুনি না বলে? সত্যি পিশিমা, এবার থেকে তোমার কথা শুনবো, খুব লক্ষী হবো—তুমি দেখো। বলা, আমাকে শীলোনে সেতে দেবে?

ফুল্লরা কহিল,—একলা তোমায় ছেড়ে দিতে পারবো না, রোজা...

রোজা কহিল,—কিন্তু জানো, শীলোনে আমি একা কত ট্রিপ করে বেড়িয়েছি!...এতখানি পথ...তুমি ভাবচো,

আমার ভয় করবে! কিন্তু কিসের ভয়, শুনি? চোর? ডাকাত? রোজা উচ্চ-কণ্ঠে হাসিল।

চোর নয়, ডাকাত নয়—তাদের আক্রমণ অটুরবে জাগিয়া ওঠে! তা নয়। পথে তাদের ভয় তত নাই, যত ভয় মিষ্টভাষী বিনয়বনত কুশলী-দরদী বন্ধু-সাজে সজ্জিত পুরুষকে। হাসিতে বাঁশীতে মশগুল করিয়া এমন অব্যর্থ লক্ষ্যে ইহার। মর্দভেদ করে যে গোড়ায় সে আক্রমণ বৃদ্ধিবার সামর্থ্য কাতারো থাকে না! শেষে ইত্যাদের শিষ্ট-হাসিমাখা আঘাত একেবারে সাংঘাতিক হইয়া ওঠে!

অথচ এ সব কথা লইয়া রোজার সঙ্গে তর্ক বা আলোচনা করা চলে না। ফুল্লরা কহিল,—তোমার পিশেমশায় আসুন, তাঁকে জিজ্ঞাসা করো, তিনি যা বলবেন,—তাই হবে!

—আবার পিশেমশায়! বেশ, তাই হোক!

কপাটা সেদিনকার মত এইখানেই বন্ধ রহিল:

পরের দিন। ফুল্লরা স্নানে বাতির হইতেছে, সহসা ছবি আসিয়া হাজির।

ফুল্লরা কহিল,—আশ্চর্য! It is an age since you left. (তুই যাবার পর যেন যুগ বয়ে গেছে!)

হাসিয়া ছবি কহিল,—এত ঝগাটের মধ্যে ছিলুম সত্যি, তোকে একটা খপর দেওয়া উচিত ছিল! পারিনি ভাই...

ফুল্লরা কহিল,—আজ হঠাৎ মনে পড়লো যে! আবার কোনো episodes (কাহিনী) না কি? না, pure business (নিছক কার্যসূত্রে)?

ছবি কহিল,—তোমার গাড়ী তৈরী দেখচি। রেকর্ডিস?

--হ্যাঁ! স্নানে যাবো।

—বটে! শুনেছি, স্নান খুলে তার পরিচর্যায় একেবারে মেতে উঠেছিস!

—একটা কাজ তো করা চাই। না হলে মানুষ বাঁচবে কি করে?

ছবি কহিল,—একটু বসবি নে? মানে, অবসর হবে না? সেখানে ক্লাশ পড়াবি?

ফুল্লরা কহিল,—তা নয়। তবে দুপুরবেলাটা একা বসে থাকতে ভালো লাগে না, এ একটা কাজ নিয়ে বেশ ব্যস্ত থাকি!

ছবি কহিল,—সত্যি ভাই, এ যেন penalty! লেখাপড়া শিখে সংসারে শিকড় গাড়তে না পারার শাস্তি এ। কাকেও



দেখছি, ছাড়লো না !...বোস্ না একটু...আমি আবার কাল হয়তো চলে যাবো ! আবার কবে দেখা হবে, তার কোনো ঠিক-ঠিকানা নেই !

ফুল্লরা বসিল, কহিল,—কোথায় আছিস এখন—শুনি !

ছবি কহিল,—তা ঘরে এসেছি খুব ! মাদ্রাজ, বোম্বাই...

—সেই ক্যানভাশিংসের কাছে ?

—তাই !...কিন্তু তার আগে আর একটু খপর দেওয়া দরকার...

ছবির কণ্ঠ বাধিয়া গেল। দুই কপোলে লজ্জার রক্ত-আঁড়া !

ছবি কহিল,—সেই শোভন বিশ্বাসের episode থেকেই আমি গা-ঢাকা দিই ! তোর মনে বোধ হয় কোঁতুহলও কিছু জন্মে আছে ! মানে, সকালে তোর কাছে আসবো, ঠিক করেছিলুম। ব্যাঘাত ঘটলে ! সকালে দুম ভাঙতে শুনি, একজন ভদ্রলোক এসে বসে আছেন তোর থেকে। মগ-হাত ধুয়ে বসবার ঘরে এলুম—দেখি, শোভন বিশ্বাস ! আমি চমকে উঠলুম।

ফুল্লরা কোনে' কথা কহিল না—ছবির পানে শুধু নিঃশব্দে চাতিয়া রহিল।

ছবি বলিল,—কমা প্রার্থনার কি সম্বারোহ ! Admiration, enchantment মোহ ! ভ্রান্তি ! এমনি কতকগুলো বড় বড় কথা বলে শেষে বলে, allow me please to make amends ( প্রায়শ্চিত্ত করিতে দাও ) ! কি সে প্রায়শ্চিত্ত ? বললে, let us marry ( বিবাহ হোক ) !

বিস্ময়ে, ফুল্লরার দুই চোখ বিস্ফারিত হইয়া উঠিল। ফুল্লরা কহিল,—বিষে করেছিস ?

ছবি কহিল,—করিনি। করবো ! বললুম, বিষের আগে তোমায় পরীক্ষা করবো !

—পরীক্ষা !

—তাই ! বললুম, এসো আমার সঙ্গে বোম্বাই। একটা কাজ পেয়েছি !...আসলে কাজ পাইনি—শুধু বোম্বাই ঘুরে আসা ছিল উদ্দেশ্য ! সে রাজী হলো। তাকে বললুম, We would live like strangers ( দুই জনে অপরিচিতের মত থাকিব )—এ পরীক্ষায় যদি উত্তীর্ণ হও, বিবাহ করবো।

সবিস্ময়ে ফুল্লরা কহিল,—তার পর ?

হাসিয়া ছবি কহিল,—সে রাজী হলো। আমার মনে

ছিল মগ্ন অভিসন্ধি—শোধ দেবো খুব বেশী রকমের। পুরুষ মানুষ—পয়সা আর গায়ের জোর আছে বলে ভেবেছিল, চাইবামাত্র নারী-জাতটাকে আয়ত্ত করবে !...গেলুম বোম্বাই। দুজনে সেখানে আলাদা হোটেলে রইলুম। দেখাশুনা হতো. বেড়ানো, গল্প করা। শেষে একদিন বললুম,—আমি ফিল্মে নামবো ঠিক করেছি ! কলকাতায় থাকতে একজন ভাটিয়া ভদ্রলোকের সঙ্গে আলাপ হয়েছিল। তিনি একদিন বলেন, ভদ্রমহিলাদের নিয়ে যদি ফিল্ম কোম্পানি ষ্টার্ট করা যায়, তাহলে আর্ট আর অর্থ—দুটো বস্তু একসঙ্গে লাভ হবে !...

ফুল্লরা কহিল,—তুই ফিল্মে নামচিস ?

—নেমেছি একটা বোম্বাইয়া ফিল্মে ! “সতী অননুয়া”—শ্রীমহালক্ষ্মী ফিল্ম কোম্পানির ছবি। দু'হাজার টাকা নেট লাভ হয়েছে !

ফুল্লরা মেনে শুভ্রিত ! ছবি কহিল,—মা বলছিলুম... শোভন বিশ্বাস একদিন বললে, আর কত দিন প্রতীক্ষা করবো ? আমি বললুম—ফিল্ম-ষ্টারকে বিবাহ করবে ? সে চমকে উঠলো। বললে, ফিল্ম-ষ্টার ! আমি বললুম—হ্যাঁ ! সতী অননুয়া ছবিতে আমি সতী অননুয়া সেজেছি !...নিশ্বাস ফেলে শোভন বিশ্বাস দাঁড়িয়ে রইলো। আমি বললুম,—একটা কথা মনে রেখো মিষ্টার বিশ্বাস—পুরুষ মানুষ খেয়াল-ভরে চাইবামাত্র মেয়ে-জাতকে পায় না ; মেয়ে-জাতেরও খেয়াল আছে, মর্জি আছে ! আমি বেছে নিয়েছি এই ফিল্ম কেরিয়ার—the way to fame and riches for women ( মেয়েদের খ্যাতি ও সম্পদ লাভের এই পরম পথ ) !

ফুল্লরা কহিল,—চলে এলো বিশ্বাস ?

—নিরাশ চিত্তে।

—বেচারী ! তাকে ভালোবেসেছিল, সত্যি।

ছবি হাসিল, কহিল,—ভালোবাসা !...তাতে সংসারে নন্দনের সৃষ্টি হয় না, ফুল ! আগে চাই স্বাধীনতা—এবং সেই সঙ্গে পয়সা !...

বাদ্য দিয়া ফুল্লরা কহিল,—বিষের কথা সে বলছিলি !

ছবি কহিল,—বোম্বাইয়ে আলাপ হয় আনুওয়ার-সাহেবের সঙ্গে। মগ্ন ডিরেক্টর। তিনি যাচ্ছিলেন মাদ্রাজ। আমাকে এনগেজ করেন, “হংসবতী” ফিল্মে নামবার জন্ত। তেলগু ফিল্ম। নগদ তিন হাজার টাকা remuneration. ট্রেপে দুজনে আলাপ হলো...দুজনেই বুললুম,—যদি

একসঙ্গে এই ফিল্মে মোগ দিই...খ্যাতি আর অর্থ প্রচুর লাভ হবে। স্থির হয়ে গেল বিবাহ! তাই সাত দিনের ছুটি নিয়ে এসেছি। বিয়ে হবে লক্ষ্যে গিয়ে। আনওয়ারের বাড়ী লক্ষ্যে। তারপর দুজনের নাম, বুলি—ফেরারব্যাকস আর মেরি পিকফোর্ড!

### চতুর্থ পরিচ্ছেদ

নিঃসঙ্গতা

রোজা শৌলোনে গিয়াছে। সুশীল চাটাজী কোনে আপত্তি তোলেন নাই; তবে মাষ্টার মশায় রামগোপালবাবুকে রোজার সঙ্গে পাঠাইয়াছেন। লক্ষ্যে বিবাহ সারিয়া ছবিও কলিকাতা হইয়া মাদ্রাজে গিয়াছে।

দুপুরা বসিয়া বসিয়া অনেক কথা ভাবে। এই যে ঘটনাগুলো ঘটিতেছে—কাল-চক্রের আবর্তন, সন্দেহ নাই! কিন্তু কোথায় কিসের পানে লক্ষ্য!

বিবাহ করিতে বাঙলা দেশে ছবিপাত্র পাইল না—বিবাহ করিল লক্ষ্যের কোনে আনওয়ার সাহেবকে! সুবিনা! জীবনটাকে সে আরামে কাটাইয়া দিতে চায়।

প্রশ্ন করিতে ছবি স্পষ্ট ভাষায় জবাব দিল—বিবাহের ফলে একগাদা ছেলোমেয়ে লইয়া তাদের পরিচর্যা—ইহাই যদি সংসারের আদর্শ হয় তো সে সংসারের কামনা মানুষ করিবে কিসের লোভে! প্রাতে উঠিয়া সেই রন্ধনের তদ্বির—সারাক্ষণ পুরুষগুলার পরিচর্যা করিয়া তবে মিলিবে দু'মুঠা ভন্ন গিলিবার অবসর! তাও হয়তো তাহাতে পূর্ণ পরিভূক্তি মিলিবে না। সংসারে স্বামী দেবতা—স্বীলোকের পরম গুরু; আর স্ত্রী তাঁর পদসেবা করিয়া পদে পদে শুধু আঘাত সহিবে! জীবন হইতে রূপ, রস, গন্ধের সকল চিহ্ন বিলুপ্ত করিয়া যন্ত্রের মত পড়িয়া থাকিবে! সে বিবাহ, সে সংসার, সে সুখে ছবির বিরাগ চিরদিন। এ-জীবন উপভোগের জন্ম। আরাম, বিলাস,—জীবনের সার্থকতা শুধু তাহাতেই!

অকুণ্ঠিত স্বরে এ-কথা সে বলিয়া গেল।

বিবাহের উদ্দেশ্য শুধু ইহ-জীবনকে আরামে কাটাইবার জন্ম সুযোগ-সংগ্রহে! সুখ শুধু এই আরামে!

তাই যদি তো পৃথিবীর সাহিত্যে সীতার মত স্ত্রীর সৃষ্টি কি করিয়া সম্ভব হইল! রাজার কণ্ঠা! এই সীতা! রাজার বধু সীতা! অথচ আরাম-বিলাস ত্যাগ করিয়া বনচারী

স্বামীর সঙ্গে বনে চলিলেন! কত যুগের কত কবি সীতার এই চুখ-দারিদ্র্য বরণের স্তুতি গাহিলেন! সে স্তুতিগান তো কাহারো কাছে পুরানো হইল না—কোনো দিন কটু লাগিল না! ডেশডেশমনা—কালো মূর ডুথেলোর অমন পীড়ন কি করিয়া সে সহিল? পোর্শিয়া...

বেচারী পোর্শিয়া! স্বামী ক্রটাশ জানিয়া রাখিয়াছিল শুধু রোম! রোমের মুখ চাহিতে গিয়া পোর্শিয়ার মুখের পানে কতটুকু চাহিয়াছিল! তবু পোর্শিয়া কোনোদিন অল্পযোগ তোলে নাই—অভিমানের বেদনাবিদ্ধ শরে স্বামীর চিত্ত কণ্টকিত করে নাই!

আরাম-উপভোগের সুযোগ সন্ধান করিয়া বসিয়া সুখিয়া যদি স্বামী সংগ্রহ করিতে হইত, তাহা হইলে এতকাল ধরিয়া মানুষের গৃহ-সংসার, সমাজ টিকিয়া আসিল কিসের জোরে!

নিজের কথা মনে পড়িল। সুশীল চাটাজীকে যে সে বিবাহ করিয়াছে, কেন? সুশীল চাটাজী মস্ত ব্যারিষ্টার...তাই? সে যে চিরদিন পণ করিয়া বসিয়াছিল, বিবাহ করিবে না। নিজের শক্তির উপর নির্ভর করিয়া জীবন অতিবাহিত করিবে! সে পণ কোথায় রহিল? বিবাহের সময় বড় গলা করিয়া বলিয়াছিল,—বিবাহ করিলেও নিজের সত্তা সে বিসর্জন দিবে না। স্বামী থাকিবেন তাঁর career লইয়া, সে থাকিবে নিজের career লইয়া।

আজ পর্য্যন্ত সে অভীষ্টসিদ্ধির জন্ম সে কি করিয়াছে? স্বামীর বিরাট ঐর্ষ্যপুটের তলায় নিরাপদ নিশ্চিন্ত নীড় রচিয়া পরম আরামে দিন কাটাইতেছে!

ইহাই যদি সাধ ছিল তো কিসের জন্ম ডিগ্রী লইল? স্বামী সুশীল চাটাজী...তিনি তাঁর নিজের কাজ-কর্ম লইয়া আছেন! বিবাহের পূর্বে যে-কথা বলিয়াছিলেন, সে কথা নিষ্ঠা-ভরে রক্ষা করিতেছেন! আর সে?

রূপাকৃতার্থ অন্তরে স্বামীর অনুকম্পা বহিয়া পড়িয়া আছে—বেচারীর মত!

সুখ! এ তো ছেলেখেলা! বড় লোক স্বামীর স্ত্রী সে—তাই তাকে ডাকিয়া আনা হইয়াছে! স্বামীর খ্যাতিমান ধরিয়া সুখ তাহাকে অবলম্বন করিয়া নিজেকে প্রতিষ্ঠা করিতে চায়! বড়লোকের বাড়ীর চাকর-বেন্নারাদের সঙ্গে আলাপ করিয়া, তাদের খাতির দেখাইয়া এ যেন দরিদ্র প্রতিবেশীর বড় সাজিবার হাশুকর প্রয়াস!

নিজেকে লইয়া সে কত কি করিবে, ভাবিয়াছিল ; তার কোন্টা ষটিল ! শুধু বিপুল ঔদ্যোগ-আলোচনা গা চালিয়া স্বামীর খ্যাতির প্রসাদভোগী হইয়া পড়িয়া আছে !

এর চেয়ে ছবির প্রাণ-মন লইয়া অজানার কোলে কাঁপ দিয়া এ্যাডভেঞ্চার-অভিযানও যে চের ভালো ছিল ! তাহাতে জীবন আছে...সদা-জাগ্রত বেশে উজ্জ্বল, দীপ্তিমান হইয়া !

সুলের কাজে অবসাদ জাগিল। প্রাণহীন—প্রাণহীন পরিচর্যা ! মন দিনে দিনে আকুল অধীর হইতেছিল। এমন সময় রোজার কাছ হইতে একখানি পত্র আসিল। সে লিখিয়াছে,—

পিশিনা, আমায় ক্ষমা করিও। আমি এখন আরো ছ'চার মাস এইখানে থাকিব। মাটার মশার বলেন, তাঁর পক্ষে অত দিন থাকা সম্ভব নয় ; কাজেই তিনি কলিকাতায় ফিরিচ্ছেন। আমি ফিরিব ছ'চার মাস পরে।

বাবা এখানে নাই—জিবরানটার গিফটে জরুরি কাজে। আমার সঙ্গে দেখা হয় নাই। মাদ্রাসার পরে ফিরিবার কথা—পাঁচজনের মুখে শুনিতেছি। বাবার সঙ্গে দেখা না করিয়া ফিরিতে ইচ্ছা হইতেছে না।

আশা করি, তুমি ও পিংশেশায় ভালো আছ। ভালোবাসার সহিত

তোমার প্রিয় ভ্রাতৃ-কন্যা  
রোজা

সুশীল চাটার্জী পত্র পাইয়া কহিলেন—জন্মভূমির মারা ! বেশ, যদি ইচ্ছা হয় থাকে তো ছ'চার মাস থেকেই আসুক। আরো পাঁচ-ছয় দিন পরের কথা।

মিসেস দত্ত আসিয়া বলিলেন,—ব্যাপার কি ফুল ? কাল তুমি কমিটি মিটিঙে গেলে না ? দরকারী কতক গুলো কাজ ছিল।

সুল হাতে ফুলেরা কহিল,—আমার শরীর আর মন—দুটোই কেমন ভালো ছিল না, মিসেস দত্ত।

কুতূহলী দৃষ্টিতে ফুলেরার পানে ফণেক চাহিয়া থাকিয়া মিসেস দত্ত কহিলেন,—কেন বলো তো ?

ফুলেরা কহিল,—তা ঠিক বলতে পারি না। কেমন যেন অবসাদ !

মিসেস দত্ত কহিলেন,—ভাইকীর জন্তে মন কেমন করচে, নিশ্চয় ! তা, এ melancholia তো ধরে বসে থাকলে সারবে না। এ রোগ সারে পাঁচজনের সঙ্গে মেলামেশায়।

ফুলেরা কহিল,—কি জানি, আমার যেন বাড়ী থেকে নড়তে ইচ্ছা করে না !...হুঁদিন বিশ্রাম নিই—তার পর একটু সুস্থ বোধ করলে যাবো'খন ! এ রকম অসুস্থ পশু মন নিয়ে কোনো কাজ করা যাবে না।

মিসেস দত্ত কহিলেন,—সে কথা সত্য ! তা বেশ, হুঁদিন বিশ্রাম নাও তুমি।

কোট হইতে ফিরিয়া সুশীল চাটার্জী কহিলেন,—পরশু রেঙ্গুন যেতে হবে, ফুল !

রেঙ্গুন !

সুশীল চাটার্জী কহিলেন,—একটা বড় মকর্দমা পেয়েছি আজ। সেখান থেকে টেলিগ্রাম এসেছিল, এটর্নি ম্যাকনিলের কাছে—তার ছজন বড় কৌশলীর নাম করে জানিয়েছে—চায় উডষ্টক সাহেব আর সুশীল চাটার্জীকে। দেবে পঞ্চাশ হাজার টাকা। প্রায় দেড় মাস থাকতে হবে। এত বড় লোভ সামলাতে পারিনি। তোমাকে না জানিয়ে জবাব দিয়েছি।

—অনুরাইট।

—কালই টেলিগ্রাফিক-মনি অর্ডারে তারা পাঠাবে দশ হাজার টাকা। তাদের এজেন্ট এখানে আছে কলকাতায়... সিনাগগ ষ্ট্রীটে কে মা-পো—তার কাছে !

চমৎকার ! জগতে সকলের সামনে পড়িয়া আছে বিশাল মুক্ত পথ ! সে শুধু জন্ম লইয়াছে, বন্দী ভাবে এমনি অলস পড়িয়া থাকিবার জন্ত !

হায় রে নারীর পণ ! হায়, তার ছরাশা-স্বপ্ন ! মনের মনে একরাশ নিশ্বাস যেন বর্ণী বেগে ফুঁপিয়া ফুঁপিয়া ফুঁপিয়া উঠিল।

সুশীল চাটার্জী কহিলেন,—তোমার আপত্তি আছে—আমার রেঙ্গুন যাওয়ার ?

—না, না। সে কি ! এমন কথা তো কোনোদিন ছিল না যে তোমার জীবনের পথে আমি তুলবো পাহাড়ের বাধা ! তা নয়। তোমার মান, খ্যাতি, অর্থ,—তা থেকে তোমায় বঞ্চিত করবো আমি—বিবাহ-স্বত্রে ভাগ্যক্রমে তোমার স্ত্রী হয়ে এ ঘরে এসেছি বলে'...না !

শেষের দিকে ফুলেরার কণ্ঠ কাঁপিল।

সুশীল চাটার্জী অবিচল দৃষ্টিতে স্ত্রীর পানে চাহিয়া রহিলেন। অভিমান ? রাগ ?

সেস্টিমেন্ট ! সেস্টিমেন্ট ছাড়া এ আর কিছু নয় ! মেয়েরা কতখানি সেস্টিমেন্টাল, তাহা তাঁর জানিতে বাকী নাই !

[ ক্রমশঃ ]

ঐসৌরীন্দ্রমোহন মুখোপাধ্যায়।



## তোতা সয়তান

( চরিত্র-চিত্র )



### প্রথম দৃশ্য

সুমতি । ওগো গুনছ ! বরে চাল বাড়ন্ত ।  
সভাপতি । বেশ ত ! ভাতে-ভাত চড়িয়ে দাও ।  
স্ব । কি জ্বালা, মা ! বাড়ীতে এক কণা চাল নেই, বলে  
ভাতে-ভাত চড়িয়ে দাও ! তাই দিচ্ছি । সকাল-  
সকাল নেয়ে এস—গরম-গরম খাবে ।  
স । তুমিও নেয়ে ফেল না—পেসাদ পাবে ।  
স্ব । নাইব বৈ কি ! তিন দিন জ্বর আসছে, নাইব না !  
স । তিন দিন ! কৈ, আমি ত কিছু জানি নি !  
স্ব । জানবে কি ক'রে ? চক্ষিণ ঘণ্টা পরের কায়ে ব্যস্ত,  
ঘরের দিকে দৃষ্টি দেবার সময় কোথা ? তা হক !  
আমার এ ম্যালেরিয়া জ্বর ।  
স । সে ত ঘমের দোসর ।  
স্ব । সে ত ভালই ! তোমার তাতে ক্ষতি কি ? বরং লাভ !  
পরের কাসে গোরবার অবসর বাড়বে ।  
স । সুমতি, তুমি অভিমান করেছ ! কি জান—পরোপ-  
কার পরম ধর্ম ।  
নেপথ্যে—রক্ষ মাং দক্ষিণা কালী, দক্ষজা, মোক্ষদায়িনী !  
ভায়া আছ ?—সভাপতি ?  
স । স্বতিরত্ন-দা' ? যাই ।  
স্ব । সব কুশল ? আচ্ছা, তোমার এ সভাপতি নামটি  
নির্বাচন করলে কে ? অনেক দিন থেকে মনে ক'রে  
আছি জিজ্ঞাসা করব, কিন্তু বয়স-দোষে মনে থাকে না,  
ভুলে যাই ।  
স । দাদা, এ নাম আমার অনুরোধের । বাবা দিয়ে  
গেছেন ।  
স্ব । সভাপতি নাম ?  
স । আঞ্জে হাঁ—সভাপতি । আমাদের বংশের সনাতনী  
ধারা, পতি শব্দের যোগে নাম রাখা । যেমন শ্রীপতি,  
নৃপতি, বিশ্বপতি । ক্রমে পুরুষানুক্রমে সব পতিই শেষ

হয়ে গেল । আমার বেলা বাকি রইল কেবল, দম্পতি,  
শালীপতি আর ভগ্নীপতি । পণ্ডিতমণ্ডলীর মধ্যে অনেক  
বাগ্-বিতণ্ডা, তর্ক-বিতর্কের পর শেষ সাব্যস্ত হ'ল—  
সভাপতি । এ নামে আমার নির্বাচ স্বত্ব—কায়ের  
দখল । কিন্তু আপনার ক্ষিরতে এত দেবী হ'ল কেন ?  
স্ব । তার প্রথম কারণ, শ্রীকৃষ্ণ-বাসরে অধ্যাপক-পণ্ডিত  
বিদায়ের তার আমার উপর পড়ল । আরে রাম রাম !  
বড় বড় পণ্ডিত, কিন্তু এক জনের মুখেও সংস্কৃত দেব-  
ভাষার বিশুদ্ধ উচ্চারণ শুনে পেলুম না !  
স । তবে ত বেজায় বিপদে পড়েছিলেন !  
স্ব । আরে ভাই, বিপদ ব'লে বিপদ ! দেব-ভাষার নাম  
সংস্কৃত, কি না শুদ্ধ ভাষা—তার বিশুদ্ধ উচ্চারণ চাই ।  
বাঙ্গলার বেলা ত কোন কথা কই নি ।  
স । সত্য ! ভাল পণ্ডিতের মুখে আমি বিশুদ্ধ চণ্ডীপাঠ  
শুনেছি । স্বতি-দা, সত্যই অপূর্ণ, কি সুমিষ্ট !  
স্ব । হবে না ! প্রত্যেক অক্ষরটি স্পষ্ট স্পষ্ট উচ্চারণ !  
স । অনেকে বলে বোঝা যায় না ।  
স্ব । আরে দাদা ! সচ্চ বিলেত-ফেরতের উচ্চারণ বোঝে  
কার বাপে ! বরং আহেলা বিলাতী সাহেবের কথা  
বোঝা যায় ত সচ্চ বাঙ্গালী সাহেবের ইংরেজি উচ্চারণ !  
ও-বাবা !  
স । ওরা বলে কি জানেন, স্বতি-দা, যদি বোঝাই গেল,  
তবে আর এত খরচ ক'রে, সাত সুমুদ্র পারে গিয়ে ক'রে  
এলুম কি ? আমি ইংরেজি কইব, যদি কেউ বুঝতে  
পারে, বাজি রাখতে রাজি আছি ।  
স্ব । ঠিক ! আমি গোবর্ধন স্বতিরত্ন, আমায় দেখে ঐ  
পঞ্চসাহেব বললে, হা লো গ্যাবারড্যানা !  
স । আপনি কিছু বললেন না ?  
স্ব । বললুম, তোমার বাপ-ঠাকুদা, ইতিপূর্বে তুমি,  
পুরুষানুক্রমে যা ব'লে এসেছ, গোবর্ধন-খুড়ো, তাই  
বল না কেন ?



স। তা কি জবাব দিলে ?

স্ব। বললে—ইডিয়ট !

স। বটে, বটে ! সাদাসিদে নাম একটা বিট্কেল রকমে না দাঁড় করাতে পারলে, ওদের সবই বৃথা ! আমাদের বাংলা উচ্চারণ আর সংস্কৃত উচ্চারণে যখন এত প্রভেদ, তখন ও-কথা ছেড়ে দিন।

স্ব। ক্রমে পণ্ডিত-সভায় শাস্ত্রীয় বিচার আরম্ভ হলো। প্রথমেই পুরোহিত বললেন, আপনারা বিচার করে বলুন, আমার গত যজ্ঞমানের বিধবা পুনরায় বিবাহ করতে পারেন কি না ? এ প্রশ্ন তিনিই করেছেন। কিছু পূর্বেই ষোড়শের বিনামার ভাগ-বাটোয়ারা নিয়ে তাঁর সঙ্গে আমার একটু বচসা হয়ে গিয়েছে। প্রশ্ন অতি গভীর। উপস্থিত পণ্ডিতমণ্ডলীর কেউ বললেন, গুরুর, কেউ বললেন পুরোহিতের।

স। বাঃ, প্রশ্ন বটে ! যেমন বেঁটে, তেমনি গেটে ! কি সিদ্ধান্ত হ'ল ?

স্ব। একটু বৈধব্য ধরতে হবে, ভাই। তুমুল তর্ক ! কিছুতেই আর মীমাংসা হয় না। আমার শিষ্য-পত্নীটি প্রথরা প্রতিভাশালিনী। তিনি অন্তঃপুর হ'তে দৃশ্য করলেন, গুরু-পুরোহিতের অধিকার ণ্যাসঙ্গত-বিচার করতে হলে, বিধবা-বিবাহ ভুল হয়ে যায়। তিনি তাঁর জ্যেষ্ঠ পুত্রকে দিয়ে বলে পাঠালেন, ছজনকে ছপাটা ভাগ করে নিতে বল। পুরোহিত প্রশ্ন করলেন, কার ভাগে কোন্ পাটা ? সচো-বিধবা বললেন, তা যার যে পাটা ইচ্ছা বা দরকার। তবে এক কথা মনে রাখতে হবে। যিনি দক্ষিণ পদ গ্রহণ করবেন, তিনি আর স্বত্ত্ব দক্ষিণা পাবেন না। আমি শিষ্যের জ্যেষ্ঠ পুত্রকে প্রশ্ন করলুম, কেন ? তিনি জবাব দিলেন, চটীর ডান পাটা প্রায় বাঁ-পাটার ডবল। আমি জিজ্ঞাসা করলুম, এরূপ হবার কারণ ? জ্যেষ্ঠ উত্তর দিলেন, কেন, আপনি ত জানেন, তাঁর ডানপায়ে গলগণ্ড ছিল। কে এক জন অর্কাটীন বললেন, পায় গল-গণ্ড ? আমি দেখলুম, এ আবার এক ক্যাঙ্কড়া। বললুম, না হবে কেন ? তবে আর কলিকাল বলেছে কিসের জ্ঞান ? বেশ ! ঐ জুতাই দক্ষিণাস্বরূপ পণ্য হবে।

স। তা যা বলেছেন, স্মৃতি-দা ! তার পর বিধবা-বিবাহ সম্বন্ধে কি স্থির হ'ল ?

স্ব। আমি বললুম, কালাশৌচ না গেলে, সপিণ্ডীকরণ না হ'লে ত কিছুই স্থির হ'তে পারে না। এখন এক বৎসর অপেক্ষা করতে হবে।

জ্যেষ্ঠ বললেন, মা বলেছেন, শরীরের ভদ্রাভদ্র আছে। অনুকল্প বিধানে ছ'মাসেই সপিণ্ডীকরণ সেরে ফেলতে হবে। আমাদের শাস্ত্রেই ত বিধান আছে—“সকলনাশে সমুৎপন্নে অর্কঃ ত্যজতি পণ্ডিতঃ।” এক বৎসর অপেক্ষা না করে ছ'-মাসে কাম সেরে ফেলা যায়। তাই কর্তব্য। কেন না, মা এক বৎসরমধ্যে মারা যেতে পারেন ; তাঁর মনোমত নির্কাচিত পার বেহাত হয়ে যেতে পারে, মারাও পড়তে পারে। তাই “শুভশ্র শীঘ্রং” বিধি।

স। ঠিক ত ! ত্রেতা যুগে রাবণ ঠকেছিল। তার পর এত দিন ধরে আমরা যে অভিজ্ঞতা লাভ করেছি, কিসের জ্ঞান ? স্বর্গের সিঁড়িই যদি গড়তে না পারব, তা হ'লে সবই বৃথা ! কিরূপ বিচার হল ?

স্ব। সভায় এক জন দিগ্গজ পণ্ডিত উপস্থিত ছিলেন। নাম গুনলুম, গড়ে'শ গজানন ভস্ম-ভূষ'ড়।

স। রসুন, রসুন, স্মৃতি-দা ! গণেশ গজানন ভস্মভূষণ। তিনি যে দিগ্গজ পণ্ডিত। গত বৎসর এম-এ, দিয়ে ফাষ্ট ক্লাশে ফাষ্ট হয়ে ডক্টরেটের জ্ঞান থিসিস্ লিখছেন—

স্ব। হাঁ-হাঁ ! তিনিই। বিধবা-বিবাহ সম্বন্ধেই থিসিস্ না থাইসিস্ কি লিখছেন, গুনলুম বটে !

স। তিনি কি বললেন ?

স্ব। তিনি বললেন, বিধবা-বিবাহ কেবল শাস্ত্রসঙ্গত নয়, বেজায় শাস্ত্রসঙ্গত। এক টোলের অধ্যাপক অমনি কোঁস্ করে উঠলেন, প্রমাণ ? আপনি বোধ হয়, পরাশরের সেই পচা শ্লোক—“নষ্টে মূতে প্রব্রজিতে”—এই প্রমাণ দেবেন ? গজানন বললেন, আমি তার চেয়ে বড় প্রমাণ দেব, যা হিঁদুর কাছে অকাটা। বরং কুমারী-বিবাহই অশাস্ত্রীয়—অসঙ্গত। কেবল অসঙ্গত নয়, বেজায় অসঙ্গত। কুমারী-বিবাহ রঘুনন্দনের অদূরদর্শী, অপরিপক্ব মস্তিষ্ক-প্রসূত ! রঘুনন্দনকে ঐরূপ বলাতে আমার রাগ হয়ে

গেল। জিজ্ঞাসা করলুম, আপনার প্রমাড়? তিনি বললেন, আমার প্রমাণ শিববাক্য! মহানির্বাণ তত্ত্বে মহাদেব বলেছেন—“অজ্ঞাতপতিমর্গ্যাদামজ্ঞাত-পতিসেবনাম্। নোদ্ধাহয়েৎ পিতা বালামজ্ঞাত-ধর্ম্মশাসনাম্॥” পরিণয় না হ’লে পতির সেবা-মর্গ্যাদা বুঝবে কেমন করে? আমি প্রশ্ন করলুম, আপনি বলছেন, কুমারী-বিবাহ অসম্ভব, একমাত্র বিধবা-বিবাহই শাস্ত্র-সম্মত। কিন্তু একটা কথা জিজ্ঞাসা করতে পারি কি? বিবাহ না হ’লে বিধবা হয় কিরূপে? ভস্ম ভস্মড় বললেন, এর ব্যবস্থা হচ্ছে, বিবাহের পূর্বে প্রতিনিধি পতি গ্রহণ করে শিফালাভ, তৎপরে বিবাহ।

তাই স্মির হ’ল। আমিও তাড়াতাড়ি বাড়ী রওনা হলেম।

স। ও, সেই জন্মে এত বিলম্ব?

স্ব। শুধু তাই নয়, ভায়া। যাত্রা নিশ্চয় অশুভক্ষণে করা হয়েছিল। অকস্মাৎ পদ্মা-বক্ষে তুমুল তুফান!

স। মাক্ দাদা, প্রাণটা যে বেঁচে গিয়েছে—এ কি! এও যে তুমুল কাণ্ড। পদ্মলোচন ব্যাকরণ সরস্বতী বশিষ্ঠ চাষার কাছা ধরে টেনে আনছেন কেন?

(পদ্মলোচন ও বশিষ্ঠের প্রবেশ)

পদ্ম। হারামজাদা চাষা—তুচ্ছুচ্ছিশাৎ। রাত দুপুরে অধ্যাপকের টোলে ঘুরি-বালুসা!

বশিষ্ঠ। মশাই, কাছা ছাড়ুন! নইলে ভদ্রসমাজে ব্যাত্রম হব!

স। সরস্বতী-খুড়ো, ব্যাপারটা কি?

প। ব্যাপার পরে শুনবে। আগে বিচার কর। এই বেটা চাষা রাত দুপুরে আমার টোলে গিয়ে দোর ঠেলাঠেলি! বলে ঘুরি-বালুসা!

স্ব। ঘুরি-বালুসা নয়, ঘুরি-বালুসার ঔষধ। কেমন রে, বশিষ্ঠ?

প। আজ্ঞে, ঠাকুর-মশাই! সভাপতি মশায় বললেন, পদ্মলোচনের টোলে কুরচি গাছ আছে, তার ছাল একটু এনে গলায় বেঁধে দাও, এখনি ঠাঁপের টান কমে যাবে।

প। বেটা গর্ভশ্রাব! আজ তোর ঘুরি-বালুসার পিণ্ডান, তোর কুরচির আশ্রয়, আর তোর চৌদ্দ পুরুষের সপিণ্ডকরণ করে তবে কাছা ছাড়ব। বেটা—জড়দগব!

স্ব। তুমি বাপু ভুল করেছিলে। পশ্চিম পাড়ার পদ্মলোচনের টোলে কুরচি গাছ আছে। কেমন সভাপতি ভায়া?

স। আজ্ঞে তাই বটে, দাদা। সে কথা বিশেষ করে বললে দিতে আমার ভুল হয়েছিল!

স্ব। তা না হয় ভুল করেই তোমার টোলে গিয়েছিল, খুড়ো! তাতে দোষ হয়েছে কি?

প। তুমি ত বেশ লোক হে, ভাইপো রত্ন! বুড়ো হলে, তবু আক্কেল হ’ল না? জেনে-শুনে ঝাকা হচ্ছ? জান না, আমার ঘরে কালসাপ—দোজপক্ষের স্ত্রী।

স্ব। তা হলেই বা দোজ পক্ষ, পদ্মলোচন খুড়ো! তা হলেই কি কুলে ভস্মার্পণ করতে হবে!

প। আরে কি তুমি আক্স, অক্স, আস্ম—অস্ম, কড়র, মড়র করছ। ও-সব আমরাও জানি! তবে ধুব—

“উক্খারুচ গরলভক্খ,  
অক্খমালা শোভিত বক্খ  
ভিক্খালক্খ, পিশাচপক্খ,  
রক্খক ভবপারে!”

ম-ফলার উচ্চারণ শুনবে! তোমায় ছেয়ে দেব না—  
যস্মৈ কস্মৈ তথা ভস্মৈ অস্মদ্ যম্মদ্ ভৈথবচ।  
রুক্ষমিণী, পদ্মিনী লক্ষ্মী ধর্ম্মশ্রু সূক্ষমিকা গতিঃ!

এইবার মূর্খণ্য গ ধরি—

কারড়েঁ করড়েঁ চৈব  
মারড়েঁ, মরড়েঁ, রড়েঁ!  
বাড়ী, বীড়ী, পাড়ী, বেড়ী,  
রাড়ী প্রাঁড়ে, ত্রড়েঁ তথা।

স্ব। বাপ! ষাট হয়েছে, খুড়ো, ক্ষমা দাও।

প। ফের! তবে আমিও ফিরে ফিরতি সূরু করি, মূর্ছা ধরিয়ে দেব না! কিছু বলিনি বলে—বটে!

অপশ্মারে ক্খমাণ্ডে বা ভস্মৈ ভীষ্মৈ তথা সমরে  
তক্খকে তক্খকে চাপি যথা পূর্কং তথা পরম্ ॥

বশি। আপনারা মুখ চেপে ধরুন! আমার কাছা না  
ছাড়লে ছাড়বেন না।

স্ব। ভায়া, ছেড়ে দাও, আঙুল কামড়ে দেবে! খুড়ো  
এখন ক্রোধে উন্মত্ত!

বশি। দোহাই মশাইরা, ছাড়বেন না!

প। চোপ ব্যাটা চাষা! ধর্মনাশা, তুই বশিষ্ঠ কেন,  
বল! বশিষ্ঠ! থানু ইষ্ট মেরে মাথা ভেঙ্গে দিতে পারি,  
তবে গায়ের ঝাল মেটে!

বশি। আজ্ঞে, তা ভেঙ্গে দিন! এখন কাছা ছাড়ুন!

প। আগে বল, তুই বশিষ্ঠ হয়েছিস কেন?

বশি। আজ্ঞে আমি হইনি। আমার বাবা হইয়েছেন। আমার  
শিহুদত্ত নাম। আপনার ছি-চরণ পর্শ ক'রে বলছি—

প। দেখ চামার পো! ভাল হবে না, বলছি! চামার  
মুখে ছি-চরণ! সাধুভাষা! দেবভাষা! আর রক্ত-  
ভাইপো, তুমি তাই দাঁড়িয়ে শুন্ছ! বল ব্যাটা, রাত  
ছপুরে আমার টোলে চুকেছিলি কেন?

বশি। দোহাই বলছি, দা-ঠাকুর! কুরচি খুঁজতে!

প। কুরচি! ব্যাটা যমের অরুচি!

বশি। আমায় যে দিব্যি করতে বলবেন—

প। বল ব্যাটা, আমার পরিবার তোর কে?

বশি। আজ্ঞে, তিনি আমার ঠাকরুণ—

প। হারামজাদা সহতান! শুন্ছ, সভাপতি, ব্যাটা মা-  
ঠাকরুণ বললে না!

স্ব। তা নাই বললে, খুড়ো!

প। নাই বললে! ব্যাটাকে পুন করেগা! লেয়াও লাঠি!

স। লাঠি আমার বরে নেই! দা আছে! আনব?

প। লেয়াও, আবি লেয়াও!

স্ব। তুমি ত আছা লোক, সভাপতি! ও এখন হুণ্ডে শিয়াল—

প। হাঁ হাঁ! হাম হুণ্ডে শিয়াল! আঁচড়ায়গা, কামড়ায়গা!

খুন করেগা! ষাড়ের রক্ত খাগা! চামাকে পুন  
করেগা, দোজপক্ষকে খুন করেগা! রক্তগঙ্গা বহায়গা!  
দেখে গা, বামনীকে দেখে গা, স্ত্রী-হত্যা নেই মানে গা!

[ পদ্যালোচনের প্রস্থান। ]

স্ব। দেখ ভায়া, তোমার সামান্য ভুলে কি কাণ্ড হয়ে  
গেল! বশিষ্ঠ, তুমি ত কাল রাত্রে খুড়োর টোলে  
গেছলে। তখন কিছু হান্সাম না করে—

বশি। হান্সাম করে নি আবার! লাঠি হাতে ভেড়ে  
আসতেই আমি রড়ু দিলুম। আজ সকালে মাঠে  
শৌচে গিছি। সেইখান থেকে কাছা ধ'রে টেনে  
আনলেন।

স্ব। আছা ভায়া, ঐ উন্মাদ মানুষের হাতে তুমি দা এগিয়ে  
দিচ্ছিলে কি ব'লে! ক্রোধ চণ্ডাল, তখন কি হিতাহিত-  
জ্ঞান থাকে!

স। আমার অপরাধ কি, স্মৃতি-দা! উনি চাইলেন যে!

স্ব। চাইলেন ব'লে যে গলায় দড়ি দিতে চাচ্ছে, তার হাতে  
দড়ি এগিয়ে দেবে? যদি না তোমার হাত থেকে দা  
কেড়ে নিতুম, তা হ'লে যে একটা পুন-খারাপি হ'ত!

স। অতটা ভাবিনি, স্মৃতি-দা! আমি জানি, পারংপক্ষে  
এক জনের অনুরোধ রক্ষা করা কি উপকার করা পরম  
সৌভাগ্যের কথা!

স্ব। যাক ভায়া, পরোপকার করবার উৎসাহ, আগ্রহ  
একটু খাটো কর। এই যে রাসবিহারী রেগে আসছে!  
ওর কোন উপকার করেছ না কি?

( রাসবিহারীর প্রবেশ )

রা। স্মৃতির মশাই একটু দাঁড়িয়ে যাবেন। সভাপতি  
আজ কয়েক দিন আগে আমার কাছে গিয়ে বললেন,  
রাসবিহারী বাব, এ বছর ঘরে ঘরে ম্যালেরিয়া  
প্রাণ্ডর্ভাব, একটা ত বিধান করা উচিত! আমি  
বললুম, কি করতে চাও? সভাপতি বললেন, গ্রামের  
জলনিকাশ ভাল রকম হচ্ছে না, কয়েকটা খানা কেটে  
জলনিকাশের একটা ব্যবস্থা করতে পারলে জ্বর তাড়ানো  
যায়। আমি জিজ্ঞাসা করলুম, তা আমায় কি করতে  
বল? উনি বললেন, আপনার একটা জমির ওপর দিয়ে  
একটা পগার কাটতে যদি দেন, তা হ'লে দেশের দশের  
উপকার হয়। দাসেরা দিয়েছেন, মিত্তিররা দিয়েছেন।  
আমার অপরাধ আমি স্বীকার হলুম। একটা  
পতিত ভূমি দেখিয়ে দিলুম। কেমন সভাপতি, জমি  
দেখিয়ে দিলুম কি না বল?

স। আজ্ঞে হাঁ! আমিও খানা কেটেছি কি না, বলুন!

রা। তা কেটেছ। কিন্তু কেবল ত খানা কাটনি, আমার  
গলা কেটেছ।

স্ব। কি রকম? কি রকম, রাসুবাবু?  
 রা। মশায়, একখানি চণ্ডীমণ্ডপ তুলব ব'লে একটি জমি ভরাট ক'রে চৌরস ক'রে রেখেছিলুম, উনি খানা কেটেছেন সেই জমির ওপর। আচ্ছা সভাপতি, তুমি ভরাট জমির উপর খানা কাটলে কি আক্কেলে?  
 স্ব। রাসুবাবু, তুমি কি জমি সভাপতিকে দেখিয়ে দাওনি?  
 রা। কেন দেব না? ওই বলুক না।  
 স। আমি কি অস্বীকার করছি? যে জমি উনি আমাকে দেখিয়ে দেন, সেটার ওপর ভারী জঙ্কল। সে আগাছা সাফ করতে অন্ততঃ একটি মাস সময় লাগত।  
 স্ব। বেশ ত, ভাল, ওঁকে একবার তোমার বলা ত কর্তব্য ছিল যে, ও-জমিটায় অসুবিধা কি!  
 স। তা কি না বলতুম! ওঁকেই জিজ্ঞাসা করুন না, উনি এখানে ছিলেন কি না?  
 রা। তা ছিলুম না বটে! বিশেষ দরকারে স্থানান্তরে যেতে হয়েছিল।  
 স। তবে? আমার দোষ কি বলুন না? আমি ভেবেছিলুম, যিনি এত বড় উদার, সহৃদয়, মহাত্মা যে, দশের কল্যাণে ভূমিদানে কৃতসঙ্কল্প, তিনি কি আর এ এ-জমিতে ও-জমিতে পক্ষপাত করবেন? তাঁর কাছে সব সমান। “পল্লী-কল্যাণ কমিটি”র সমস্ত সভ্যের মত নিয়ে এ কায করা হয়েছে। কথায় বলে, দশে মিলে করি কাজ, হারি জিনি নাহি লাজ।”  
 রা। ভায়া, তোমার লজ্জা যে নাই, সেটা আমি জানি।  
 স্ব। যাক্ রাসুবাবু! ভায়া যখন নিঃস্বার্থভাবে অনিষ্ট করেছেন, তখন খানাটা ওঁদের দ্বারাই বুজিয়ে নিয়ে রেহাই দাও।

### দ্বিতীয় দৃশ্য

সুমতি ও সভাপতি।

সুমতি। ওগো গুন্ডু?  
 সভাপতি। বিলক্ষণ! গুন্ডু বৈ কি! কি বল না!  
 স্ব। তোমার এই পরোপকারের বৌক, দশের কায করবার খেয়ালটা একটু কমাও! নইলে কোন্ দিন

হয় তোমার হাতে দড়ী পড়বে, আর নয় আমাকে গলায় দড়ী দিতে হবে!  
 স। কেন, কি হয়েছে?  
 স্ব। আর লোকের গাল-মন্দ গুন্ডুতে পারিনি!  
 স। কে গাল দেয়? রোজ বিকেলে কতকগুলি মাগী আসে—কি করতে আসে তারা?  
 স্ব। তোমার যেমন নিঃস্বার্থ পরোপকার, এদের তেমন নিঃস্বার্থ পরচর্চা—পাড়ার মাগী-মিন্দের কুচ্ছ করা।  
 স। আর তুমি তাই ব'সে ব'সে শোন?  
 স্ব। কি করব? আমার সময় কাটে কি ক'রে? তোমার দেখা পাই না যে ছুদগু কথা কব, সেবা করব; একটা গরু নেই যে, গো-মাতার সেবা ক'রে পুণ্য সঞ্চয় করব; একটা কুকুর-বেরাল নেই যে পালন করব; একটা পাখী-পক্ষী নেই যে যত্ন ক'রে পড়িয়ে সময় কাটাব; কি করি বল?  
 স। আচ্ছা, শীগ্গিরই আমি একটা উপায় করছি!  
 স্ব। রক্ষ কর! আর তোমার উপায় ক'রে কায নেই।  
 স। না, সুমতি! যখন মনে করেছি, তখন করবই!  
 স্ব। কি রকম উপায়? যেমন কাপড় রঙ্গিয়ে এনে দিয়েছিলে? ও-মা! নতুন রান্ধানো সাড়ী, একবার জলে ফেলতেই ফরসা!  
 স। সে লোকটা যে এমন আনাড়ী জোচ্ছোর, কেমন ক'রে জানুব বল? সে বললে যে, মশাই, আমি খুব ভাল রং করতে জানি; একরঙ্গা বলুন, দোরঙ্গা বলুন, সব রকম জানি! মায় তেরঙ্গা চৌরঙ্গা পর্যাস্ত করতে পারি।  
 স। আর তুমি অমনি বিশ্বাস করলে?  
 স। কি করব বল। মিথ্যে কথা কওয়া তার কায, বিশ্বাস করা আমার কায। ছুটতে গুলিয়ে ফেলুছ কেন?  
 স্ব। তা জানি। তবু একটু খোঁজ-খবর নিতে হয়! কেউ তাকে জানে কি না, পাকা রং করতে পারে কি না, কোন গৌজই ত করনি।  
 স। যা হয়ে গেছে, তার আর চারা কি? এবার ভাল রকম খোঁজ না ক'রে আর কোন কায করছি নি!  
 স্ব। তোমার মুখে কায গুন্ডু আমায় গা শিউরে ওঠে! আর কারুর কাযে হাত দিয়ে কায নেই। আর লোকের



শাপ-মনি্য কুড়তে পারিনি। আমার আঁচল ভ'রে গিয়েছে!

স। কেন, কার কি করেছি?

সু। কিছু না! গরীব বিধবা, ভিক্ষে-শিক্ষে ক'রে তীর্থে যাবে ব'লে তোমায় মুক্কবী ধরলে। তারা যাবে পশ্চিম, তুমি তাদের পুরীর গাড়ীতে তুলে দিয়ে এলে!

স। আমি কি জানতুম সেটা পুরীর ট্রেন?

সু। একটু খোঁজও ত নিতে হয়! ক্যান্ড পিসী ক'ড়ে রাঁড়ী! যেম বলেই ছিল, তোমাদের পল্লী-কল্যাণ কমিটিতে টাকা দেবে—

স। শোন শোন! শুধু তাই নয়! তার দেওর-ভাসুররা তাকে ঠকাচ্ছিল! তার খণ্ডের বিষয়ের আয় মাসে হাজার টাকা, আর ও মাসহারা পেত মোটে ত্রিশ! এ-ত ফাঁকি দেওয়া!

সু। যাই হক, তুমি তার মুক্কবী হয়ে এমন মোকদ্দমা বাধিয়ে দিলে যে, গরীব বিধবা উদ্বাস্ত হয়ে এখন কাশীতে ভিক্ষে ক'রে খাচ্ছে।

স। বরাত ছাড়া পপ নেই, স্তমতি! আমি চেষ্টা করলে কি হবে?

সু। কত বলবে! পাড়ায় চোরের উৎপাত হ'ল। তোমরা দল গ'ড়ে পাহারা দিতে সুরু করলে। চোরের ভয়ে যত না হক, তোমাদের হাঁকডাকে পাড়া অস্থির। কেউ ঘুমতে পেত না। শেষ এক জন নির্দোষীকে চোর ব'লে ধ'রে জেলে দেবার উদ্যোগ। ভাগ্যিস প্রমাণ হ'ল যে, সে জমিদার-বংশের গুরু-পুত্র!—ওগো দেখ-দেখ, কেমন পাখী বেচ্তে যাচ্ছে!

স। দাঁড়াও দেখছি! ঐটে তোমায় কিনে দেব। ওরে পাখীওলা!

( পাখীওলার প্রবেশ )

স। পাখী বেচ'বি?

পা-ও। এজ্ঞে! আপনি নেবেন?

স। নেব। রং-বেরঙ্গের ওটা কি পাখী?

পা-ও। ওটা পরোটা পাখী। বিলিতি ময়না! সে কালের তোতাপাখী।

স। বিলিতি ময়না, না, মাছরাজা? কথা কয় ত, বলে?

পা-ও। হজুর, যা বলাবেন, তাই বলবে, একবার যা শুনবে, আর ভুলবে? হজুর পরখ করুন না!

স। নমস্কার! তুমি আছ কেমন?

তোতা। নমস্কার! তুমি আছ কেমন?

স। বাঃ! ঠিক আমার মত গলা। কত দাম?

পা-ও। হজুর একশ'র এক পয়সা কম নয়। তাই আপনি পুরোপুরি পঁচিশই দেবেন।

স। পঁচিশ যে বড় বেশী হচ্ছে।

পা-ও। হজুর, আগে গুণ পরখ করুন, তার পর দর দস্তর। তোতা, একবার রসুন-চৌকি বাজাও ত!

[ রসুন-চৌকি আলাপ ও পথে গোবর্দ্ধন স্মৃতি-রত্ন, পঞ্চলোচন ব্যাকরণ সরস্বতী প্রভৃতি প্রতিবাসিগণের ভীড়। ]

পদ্ম। পাখীটা পড়ে?

পা-ও। পড়ে! বিলিতি ময়না একবার যা কাণে শুনবে, তাই বলবে!

পদ্ম। কই, বলাও দিকি, সহর্গে:

সভা। সহর্গে:

তোতা। সহর্গে:। ক-চ-ট-ত-প। খ-ছ-ঠ-গ-ফ। গ-জ-ড-দ-ব। ষ-ঝ-ঢ-ধ-ভ।

স্মৃতি। এ যে ছবছ বিগ্ভাভূষণের মত কণ্ঠস্বর।

পা-ও। এ তোতা এক টোলে ছ' মাস ছিল।

পদ্ম। ওরে পাখীওলা! এ তোতা আমায় বেচবি?

স্মৃতি। তুমি নিশ্চয় কি করবে, খুঁড়ে?

পদ্ম। আমার টোলে কে আসে যায়, কি কথা কয়, সব ছবছ বলবে ত?

স্মৃতি। বুঝেছি।

পদ্ম। কি কচু বুঝেছ?

স্মৃতি। তোমার দোজপক্ষের ওপর পাহারা থাকবে ত?

পদ্ম। তাতে দোষ হয়েছে কি? ওরে বাপু, কত দাম?

পা-ও। ঠাকুরমশায়, পঁচিশ টাকায় হজুর কিনেছেন।

পদ্ম। আমি তার ওপর এক আনা বেশী দেব। আচ্ছা, হ' আনা বেশী নে।

স্মৃতি। সভাপতি, গতক ভাল নয়! যদি পাখী নেবার ইচ্ছা থাকে, বাড়ীর ভেতর পুরে ফেল।

সভা। এই নে পাখীর দাম। পাখী কি খায়?

পা-ও। ফল-পাকড়, পোকা-মাকড়, ভাত, কুটী সব খাবে।  
এক কাষ করবেন, হজুর! রোজ পাখীকে ছান  
করিয়ে দেবেন।

সভা। নাইয়ে দেব?

পা-ও। এজ্ঞে হজুর, নৈলে ওর ক্ষুষ্টি থাকবে না।

সভা। রোজ নাওয়াতে বল্ছ? জল লোগে পাখীর রং উঠে  
যাবে না ত?

পা-ও। রং উঠে যাবে কি, হজুর! পাকা রং কি ওঠে!

সভা। আরে বাপু, থামো! ঢের পাকা রং দেখেছি!  
বড়বাজারের নাম-জাদা দোকান থেকে পাকা ছিট  
কিনে আনলুম, তিন ধোপেই সাক! মিরাজানের  
দোকান থেকে পরিবারের জন্ম সাজী রঞ্জিয়ে আনলুম,  
একবার জলে ডুবুতেই ফরসা!

স্বতি। তা ভায়া, পাখীকে ত আর তুমি ধোপার বাড়ী  
দিচ্ছ না যে, ভয় করছ!

সভা। তা বটে! তাই বলছি! সব খোঁজ-খবর নিয়ে  
কাম করা ভাল। সে সাজীর জন্ম আজও আমি  
পরিবারের কাছ থেকে খোঁটা খেয়েছি, স্বতি-দা! ওরে  
বাপু পাখীওলা, তুই ত হিন্দু? আচ্ছা, এই ঠাকুরমশায়ের  
পা ছুঁয়ে বল, নাওয়ালে পাখীর রং উঠবে না?

পদ্ম। সভাপতি, ওর কথাই প্রত্যয় করো না। কয়েতের  
ভাত খেলেই ওর রং উঠে যাবে।

স্বতি। ভয় নেই ভায়া, রঞ্জের জন্ম আমি দায়ী

### তৃতীয় দৃশ্য

স্বতি। ওহে সভাপতি, তোমার পাখীর রং ওঠেনি?

সভা। আজ্ঞে, আপনাদের আশীর্বাদে ঠিক আছে, স্বতি-  
দা! আর কোন ভয় নেই ত, দাদা?

স্বতি। আর বছর অতীত হয়ে গেল। রোজ স্নান  
করাচ্ছ ত?

সভা। আজ্ঞে হাঁ।

স্বতি। তবে আর ভয় কি? পোষ মেনেছে ত?

সভা। আজ্ঞে, তা খুব! আমার স্ত্রীর কাছে ছাড়াই  
. থাকে। কিন্তু পাখীটার ক্ষুষ্টি নেই, স্বতি-দা!

স্বতি। কেন বল দিকি, ভায়া?

সভা। জানেন ত? আমার বাড়ীতে রোজ  
বিকালে মেয়ে-মজলিস বসে? তাদের সব কথা-বার্তা  
কাণ খাড়া করে শোনে! কিন্তু কোন কথায়  
পুনরুক্তি করে না। তারা বলে, পঁচিশ টাকা  
জলে ফেলেছিস, কায়েৎ-বৌ! পাখীটা বোবা! তুই  
সাধ করে নাম রাখলি, তোতা! সব বুখা হ'ল!

### চতুর্থ দৃশ্য

স্বমতি। ওগো, ওগো, শীগ্গির এস! তোতা উড়ে গেছে!  
ঐ ওদের বকুল-গাছে গিয়ে বসল।

সভা। উড়ল কেমন করে?

স্ব। ডানা বার করে।

স। আহা, তা ত জানি! ডানা বার করে নয় ত কি  
ঠ্যাং ছড়িয়ে উড়বে? রোজ ত ডানা বার করে না,  
আজকে নতুন কি হ'ল যে ডানা বার করলে?

স্ব। আমাদের খিড়কীর বাগানে একটা ছেলে দোদমার  
আওয়াজ করতেই—

সভা। আহা, তুমি একেবারে কেঁদে ফেললে যে!

স্ব। তোমার মতন ত আমার পরোপকারী প্রাণ নয়,  
আর দেশের দেশের কামের বুকও নয়। আমাদের  
প্রাণে মমতা আছে, বুকে দরদ আছে। তুমি ত এক  
দিনের তরেও তাকে আদর করেছ, গা-মাথায় হাত  
বুলিয়েছ, মুখে খাবার তুলে দিয়েছ, তুমি কেমন করে  
স্থির আছ, তাই ভাবি। ভগবান পেটে একটা দেননি  
যে, তাই নিয়ে থাকব। একটা পাখীর ওপর মায়া,  
তাতেও তোমার ঠাট্টা! ক্ষিদে পেলে হবছ তোমার  
মত গলা করে ডাক্ত—স্বমতি!

সভা। তুমি চুপ কর, স্বমতি! আমি যেমন করে পারি,  
তাকে ফেরাব।

স্ব। ও-গো, ঐ শোন! ঠিক বিন্দু-ঠাকুরঝির মত গলা, বলছে—

মিত্তির গিন্নি, মিত্তির গিন্নি,

কর্তা মলে দেবে সিন্নি।

ঐ শোন বলছে—

দাস গিন্নির দাঁত ফোকলা,

কথা যেন কাঠের চোকলা।

স। একে বলে ?

সু। শোননি, পুরুত-পিসির গলা !

ঐ শোন—

ভাত ষোটে না বামুন মাসী,  
কথায় মারেন লাখ পঁচাশি।

স। একে ?

সু। ও-পাড়ার ন-গিল্লী ! ঐ শোন ঠিক রাঙ্গা বোয়ের গলা—

কাম্বুকাকা—পুণ্ডির ঝাঁকা  
পুরুত বাড়ী পেসাদ পেয়ে  
পেনামী দেন মেকি টাকা।

ঐ আবার শোন—

স। আর শুনে কাষ নেই ! তোমরা ত এই সব শ্লোক  
ধরচে পরচর্চা নিত্যি কর আর শোন !

সু। কি করব বল ? এক রকম করে দিন কাটাতে  
হবে ত ? আমাদের ত আর পরোপকার-ব্রত নেই।

( স্মৃতিরত্নের প্রবেশ )

সু। ( নেপথ্যে ) সভাপতি ভায়া ! বেজায় গোল ! পাড়ার  
মেয়ে-মদ সব হস্তে হয়ে চেলা কাঠ, ঝাঁটা হাতে করে  
আসছে। তুমি এখন বেরিয়ে না।

( প্রতিবেশিগণের প্রবেশ )

পদ্ম। ধর, ঐ বকা-বেটার কাছা টেনে। ছিষ্টধর,  
খবরদার ছাড়িসনি ! ও বেল্লিক-বেটা সন্ধ্যার সময়  
সীঁখে কেটে, শিষ দিতে দিতে আমার টোলের চার  
ধারে ঘোরে কেন ? পাষণ্ড বেটা এক দিন ভেতরে  
চুকেছিল, দেশলাই চাইতে—চুরট খাবে ! বেটার  
মুখে আগুন ধরিয়ে দে।

আন্দখুড়ো। তবে রে শালা ষগীদাস ! তোতার মুখে তোর  
পরিবারের গলা ! খুন করুব !

ষগীদাস। তুই আমার খুন করবি ! কাম্ড়ে তোর নাক  
ছিঁড়ে নেব না !

স্মৃতি। সভাপতি ভায়া, ষগীদাস আন্দখুড়োর নাক কাম্ড়ে  
ধরেছে ! বড় বেজায় হ'ল !

আন্দখুড়ো। ছাঁড় বেটা নাক, ছাঁড় !

পদ্ম। ছিষ্টধর, ছেড় না ! ও-বেটাও পাজী ! বিধান জান্বার  
অছিল। করে আমার টোলের মাটী চষে ফেললে।

গুটকে ভট্চায়। তোর বোন মেয়ে মজলিসে গিয়ে আমার  
কুচ্ছ করে ছড়া শেখায় ! মল, শালা, কাণ মল !

স্মৃতি। সভাপতি, বড় বেগতিক ! গুটকে ভট্চায় হীরু  
ঘোষালের দুটো কাণই মুটো করে ধরেছে !

গুটকে। মল, শালা, কাণ মল !

হীরু। তবে রে গুটকে, কাণ মল ! তোর লগা টিকি  
উপড়ে নেব না !

স্মৃতি-সভা। এদিকে ঘোষাল ধরেছে গুটকের টিকি !  
ভায়া, ও-দিকে হিড়িষা ঠাক্করণ উমো বামুনীর ঝুঁটি  
ধরে ঝাঁটা পেটা করছে !

হিড়িষা। তোতাকে শিখিয়েছ, আমি পাড়া-বেড়ানী !  
এই এক-ঘা, এই দু'ঘা, এই তিন-ঘা ! আমার ভাত  
জ্বোটে না ! এই চার-ঘা।

উমো। ঝুঁটি ছাড়।

হিড়িষা। ছাড়ব ? দশ হাত মেপে নাকখত্তা দে !

উমা। নাকখৎ দেব ! তোর চোখ উপড়ে নেব না ! দেখি তুই  
কেমন হিড়িষা ! তোর কোন্ ভীম এসে রক্ষে করে !

স্মৃতি। ভায়া, এবার পাড়ার মুরুব্বী হোড়্‌দং খুড়ো  
গুণো অধিকারীর চুলের মূটি ধরেছে !


পদ্ম। হোড়্‌দং চুল ধরলে হবে না, কাছা টেনে ধর !  
তুমি বড় মানুষ, তোমার ভয় কি ! গুণো ব্যাটা  
আজ ক'দিন ধরে আমার খিড়কির পুকুরধারে ছিপ  
হাতে করে ঘোরে !

স্মৃতি। গুণো, তোতা আবার কি বলছে শোন—

পরের মাথায় কাঁটাল ভেঙ্গে হোড়্‌দং-এর ও টাকার কাঁড়ি।  
বরের খবর সবার জানি ভেঙ্গে দেব হাতে হাঁড়ি।

স্মৃতি। ভায়া, সভাপতি, তোমার তোতা-পাখী না  
সয়তান ! তোতার শেষ ছড়ায় বাজী মাং ! হোড়্‌দং  
আগে পালালো ! পেছনে পেছনে মেয়ে-মদ দলুকে-  
দলু ! ভায়া, বেরিয়ে এস ! আর ভয় নেই ! আমি  
তোমার পাখী ধরে দিচ্ছি ! খাঁচায় কিছু খাবার  
দিয়ে দেখালেই স্ফুস্ফু ক'রে এসে চুকবে। এখন  
বেপরোয়া পরোপকার কর। তোতা থাকতে তোমার  
ভয় নেই ! যা তৈঃ !


শ্রীদেবেন্দ্রনাথ বসু।



## ফরাসী ইন্দোচীন

ইন্দোচীনের উত্তর সীমান্তে পার্শ্বতঃ বনভূমি বিরাজিত। এই অঞ্চল যেন পরারাজ্য বলিয়া মনে হইবে। হাজার বৎসর পূর্বে দক্ষিণী সম্রাট ইন্দোচীনে চাম বা আনামাইট-দিগের মধ্যে শাস্তিস্থাপনের জন্ত একটা কূটনীতিক দৌত্য

করিয়াছিলেন। স্থানীয় গবর্নর জেনারেল পাস্কার, মিঃ উইলিয়ামস্ ও আলেকজান্ডার আইয়াকভেলেককে সমগ্র অঞ্চলের পর্যবেক্ষণকার্যে সহায়তা করিবার জন্ত আমন্ত্রণ করেন। তাঁহারা পাই, মাস্, লোলো এবং মেও উপজাতি-



টানকিন রঙ্গালয়

দিগের অধ্যুষিত অঞ্চলগুলি সম্বন্ধে যাবতীয় জাতব্য তথ্য সংগ্রহের জন্ত নিযুক্ত থাকেন। উল্লিখিত উপজাতি-গুলি উত্তর সীমান্ত অঞ্চলের অধিবাসী।

মিঃ মেনার্ড উইলিয়ামস্ জনৈক স্থানীয় চলচ্চিত্র ফটোগ্রাফারের সহিত বর্ষণস্নাত প্রভাতে কাওবাং নামক অঞ্চলে যাত্রা করেন। আইয়াকভেলেক এবং জনেট, জিয়ান ইভেস্ ক্রেস নামক

প্রেরণ করিয়াছিল। সেই সময় উল্লিখিত উত্তর সীমান্তের রমণীয়তার কথাও তাহারা উল্লেখ করিয়াছিল।

মিঃ মেনার্ড ওয়েল উইলিয়ামস্ নামক জনৈক মার্কিন পরিব্রাজক মোটরযোগে ফরাসী-অধিকৃত ইন্দোচীন পরিভ্রমণ

প্রসিদ্ধ প্রত্নতাত্ত্বিকের সহিত পূর্বেই গন্তব্য স্থানে চলিয়া গিয়াছিলেন। উহার মার্কিন ঐতিহাসিক ও পরিব্রাজক মিঃ উইলিয়ামস্কে পথিপ্ৰদর্শকরূপে সাহায্য করিবেন বলিয়া গবর্নর জেনারেল ব্যবস্থা করিয়া দিয়াছিলেন।



নির্দিষ্ট গ্রামে পৌছিয়া পরিব্রাজক স্থানীয় পাকের ধারে অবস্থিত বন্যাবাসে আশ্রয় গ্রহণ করেন। বৃষ্টি সত্ত্বেও নংস্, থেইস্, মানস্ প্রভৃতি উপজাতির প্রতিনিধিগণকে তিনি তথায় দেখিতে পান। এক জন উপজাতীয় লোকের হাতে তিনি সেকেলে বন্দুক দর্শন করেন।

কতকগুলি নেড়া মাথা নারীকেও তিনি তথায় দেখিয়াছিলেন। মুণ্ডিতশীর্ষ নারীদিগের মাথায় কাপড় ভাঁজ করিয়া বাধা ছিল।

তাহাদের দেহে ভারী রূপার অলঙ্কারও ছিল।

কাণ্ড বাং এ পৌছিয়া মিঃ উইলিয়মস্ উপজাতিদিগের আলোকচিত্র গ্রহণ করেন, তিনি মোটর-গাড়ীতে ইগিয়াছিলেন। পার্শ্বত্যা গ্রামগুলির নারীরা সহস্রলোকলোচনে আসিতে চাহে না, নববর্ষের দিন শুধু তাহাদের দেখা পাওয়া যায়। এই নববর্ষকে দেশীয়

ভাষায় “টেট্” বলে। অনেক সাধ্য-সাধনার পর কয়েক দল নারী আলোকচিত্র গ্রহণে সম্মতি জানাইল। মিঃ মেনার্ড উইলিয়মস্ এক জন সর্দারের কণ্ঠার ফটোগ্রাফ লইবার সুযোগ পাইয়াছিলেন।

নুয়েন্বিন্ গ্রামে গিয়া মিঃ উইলিয়মস্কে বিশেষ বেগ পাইতে হইয়াছিল। সেখানকার ঐন্দ্রজালিক ও পুরোহিতগণ শাসকদিগের আদেশ মানিতে প্রস্তুত নহে। তাহারা দেবতাদের নির্দেশ পালনের কথাই জানে।

উহাদিগের ফটোগ্রাফ লইবার কথা ছিল। কিন্তু তাহাদের আগমন-সংবাদ পাইয়াই তাহাদের মধ্যে কেহ

কেহ এমন ভাবে জপ-তপে আসন গ্রহণ করিয়াছিল যে, সে সময় তাহাদিগের ধ্যান ভঙ্গ করা অপরাধজনক বলিয়া মিঃ উইলিয়মস্ মনে করিয়াছিলেন।

অবশেষে তিনি সদলবলে এক ঐন্দ্রজালিকার গৃহে গমন করেন। ঐন্দ্রজালবিজ্ঞা ও ধর্মের এমন অঙ্গাঙ্গী সংস্রব এ অঞ্চলে দেখিতে পাওয়া যায় যে, তাহাতে বিস্মিত হইতে হয়। ফরাসী শাসকরা ইহাদের কোনও কার্য-



এসং উপসাগরের একটা দৃশ্য

ব্যবস্থায় হস্তক্ষেপ করেন না। কারণ, তাহাতে গোলযোগ বাধিতে পারে।

মিঃ উইলিয়মস্ সেই ভবনে চারি জন ঐন্দ্রজালিকাকে দেখিতে পান। চারি জনের মধ্যে তিন জন তরুণী। তাহাদের শিরোভূষণের উপর শাদা দিতা আবদ্ধ। সকলেরই দেহে রেশমী পরিচ্ছদ। প্রত্যেকেরই হাতে একটি করিয়া তারের যন্ত্র। অঙ্গুলীর আঘাতে প্রতি তারে ঝঙ্কার তুলিয়া তাহারা মাঝে মাঝে ছলিয়া ছলিয়া স্তোত্র আবৃত্তি করিতেছিল। প্রত্যেক তারের যন্ত্র সর্পচর্মের দ্বারা মুণ্ডিত। চতুর্থ ঐন্দ্রজালিকা একটু দূরে উপবিষ্টা ছিল। একটি

দূপদানীতে সুগন্ধি বাষ্প উৎপন্ন হইতেছিল। এই ঐন্দু-জালিকা একটি মালা ফিরাইতেছিল। একটি পালিশকর ক্ষুদ্র পাত্রে সে মাঝে মাঝে লোহিতবর্ণের তরল পদার্থ ঢালিয়া দিতেছিল এবং চায়ের-পেয়ালার মুখে তুলিয়া ধরিতেছিল। ঐন্দুজালিকার কালো দস্তশ্রেণী কিস্তি দেখা যাইতেছিল না। ঐন্দুজালিকা খুবই তাম্বুল-ভক্ত।

মিঃ উইলিয়মস্ যতক্ষণ সেখানে ছিলেন, ঐন্দুজালিকার


দুরিয়া বেড়াইতেছে। তাহাদের টুপীতে ফুলের মালা, হাতে ফুলের তোড়া। হানইএ নীতের প্রভাব মন্দ নহে।

আনাম নারীরা অত্যন্ত তাম্বুলপ্রিয়। পাণের রসে তাহাদের দস্তপংক্তি কালো হইয়া থাকে। তবে ইদানীং কোন কোন তরুণী মুক্তানদশ সমুজ্জল দস্তপাতি রাখিতেছে।

মিঃ উইলিয়মস্ রাজধানীতে জনৈক রাজপুত্রের ভবনে অতিথি হইয়াছিলেন। সেখানে তরুণী নর্তকীরা বীণা

বাজাইয়া নৃত্যগীতে তাঁহাদিগকে পরিতৃপ্ত করিয়াছিল। রাজকুমারের নাম প্রিন্স ব্লু লায়ম্। তাঁহার কণ্ঠা কাইয়ু নিহ বেশ সুন্দরী।

মিঃ উইলিয়মস্ ইন্দোচীনের নৌজীবন সম্বন্ধে লিখিয়াছেন :—  
“এক দিন অপরাহ্নে ছায়াচ্ছন্ন খালের ধারে আমি গিয়াছিলাম। গণ্ডোলা জাতীয় একখানি সাম্পান লইয়া দুই জন দাঁড়ি সেখানে আসিল। খালে তেমন স্রোত ছিল না। নানা জাতীয় জলজ গুল্ম



স্যাংসনের কৃত্রিম শবশোভাযাত্রা

একবারও তাঁহার দিকে ফিরিয়া তাকায় নাই। যেন তাহারা কোনও মানুষের উপস্থিতি পর্য্যন্ত অনুভব করে নাই, এমনই একাগ্রভাবে মস্তোচ্চারণ করিয়া যাইতেছিল। অতঃপর তাঁহারা সেখান হইতে নিঃশব্দে প্রত্যাবর্তন করেন।

হানই ফরাসী ইন্দোচীনের রাজধানী। দেশীয় রাজপথগুলির দুই ধারে স্বর্ণকার, কুমার, রেশমী কাপড়ওয়ালার, হস্তিদন্ত প্রভৃতির দোকান। সহরের মধ্যস্থ হ্রদের ধারে চায়ের দোকানে নৃত্যগীত ও বাণ্যযন্ত্রের সমাবেশ দেখিতে পাওয়া যাইবে।

হ্রদের এক দিকে পুষ্পাভরণা তরুণীরা বৃক্ষতলে কলহাস্তে

জলের উপর ভাসিতেছিল। নৌকায় চড়িয়া আমি নীরবে শান্ত জীবনের আনন্দ পাইলাম।”

হিউ ইন্দোচীনের আর একটি প্রসিদ্ধ সহর। একটি প্রাসাদোপম অট্টালিকায় এক মানুষের আছে। এই মানুষেরে বহু মূল্যবান বস্তু সংগৃহীত হইয়াছে।

এই নগরে প্রতীচ্য দেশ হইতে বাও-দাই প্রত্যাবর্তন করেন। তাঁহারই চেষ্টায় আইন সুসংস্কৃত হইয়াছিল। তিনিই জাতীয় শিক্ষা-সংসদ গঠন করেন। দেশের বহুবিধ উন্নতিকর ব্যাপারে তিনি আত্মনিয়োগ করিয়াছিলেন।

স্বর্ণ-খচিত পরিচ্ছদে দেহ আবৃত হইলেও, তিনি নগ্নাদ



ইন্দোচীনের পুরুষবেশী তরুণী ভোজনে ব্যাপ্তা



আনামাইট অভিনেত্রী



গীতবসন-পরিহিত বৌদ্ধ সন্ন্যাসীর দল



টনকিন পার্বত্য কিশোরীত্রয়



টনকিনের অস্ত্যোষ্টিক্রিয়ার দৃশ্য



চারি জন ঐশ্ব্যালিকা



প্রজাবৃন্দের সেব-  
কের স্থান গ্রহণ  
করিয়া ছিলেন।  
তিনি প্রথমে ই  
বাণিকদিগের জন্ম  
একটি বিদ্যালয়  
প্রতিষ্ঠা করেন  
এবং ব্যবসা-বাণিজ্য  
শিক্ষা-প্রতিষ্ঠান  
পরিদর্শন করেন।  
এত দিন নারীর  
জন্ম কোন শিক্ষা-  
প্রতিষ্ঠান এখানে  
ছিল না, পুরুষরাই  
শুধু শিক্ষা পাইত।



অপার টেনকিনের ভাঁড় অভিনেতা

ইন্দো-চীনে র  
রাজস্ব হইতে একটা


মোটা টাকা শিক্ষার জন্ম ব্যয়িত হইয়া থাকে। চীনা,  
সংস্কৃত এবং পালি ভাষায় প্রাচ্যদর্শন ও দর্শনের শিক্ষা  
ব্যবস্থার সহিত প্রতীচ্য বিজ্ঞানও শিক্ষার ব্যবস্থা আছে।  
তবে দেশবাসীরা যাহাতে তাহাদের চিরাচরিত অভ্যাস,  
চিন্তাধারা ও জীবনযাত্রা হইতে বঞ্চিত না হয়—দেশীয় বৈশিষ্ট্য-  
ভিত্তিক না হইয়া, সে দিকেও শিক্ষাবিভাগের পরিচালকবর্গের  
বিশেষ দৃষ্টি আছে।

হিউ হইতে পরিত্রাঙ্কগণ আঙ্গুর অভিমুখে যাত্রা  
করেন। লেবন পাক্ততা প্রদেশ অতিক্রম করিয়া, মেকং  
নদীর হইয়া কাথোডীয় অরণ্যের মধ্য দিয়া তাঁহাদিগকে  
অগ্রসর হইতে হইয়াছিল। প্রথম রাত্রি তাঁহারা সাভান্না-  
খেটেএ যাপন করিয়াছিলেন। সেখানকার কমিশনার ও  
ম্যাদমসেল দেব্রী তাঁহাদিগকে সমাদরে অভ্যর্থিত করেন।

ল্যায়োটিয়ানরা কুলীর কাৰ্য্য করিতে সম্মত হইয়া নাই।  
সে জন্ম সমতল কর হইতে আনামাইট কুলীদিগকে সংবাদ  
দিয়া আনিতে হইয়াছিল। আনামাইটরা ল্যায়োটিয়ান-  
দিগকে জীবনসংগ্রামে পরাজিত করিতেছে। ল্যায়োটি-  
য়ানরা আদিম অধিবাসী; কিন্তু তাহারা অত্যন্ত গরীব।  
এ জন্ম পৈত্রিক জমি হইতেও ক্রমশঃ তাহারা বঞ্চিত

হইতেছে। লাওয়সুরা দেখিতে সুন্দর এবং তাহাদের  
কাৰ্য্যও ভঙ্গীয়ুক্ত।


সহরের এক প্রান্তে একটি প্যাগোডা অবস্থি স্থানটি  
সাধারণতঃ নির্জন। শত শত নারী এই প্যাগোডায় যাইবার  
পথে পুষ্পমুকুল প্রসারিত করতলে রাখিয়া দাঁড়াইয়াছিল।  
মিঃ উইলিয়মস্ আলোকচিত্র তুলিবার জন্ম সেখানে গমন



লাওয়সুরা হইতে টেনকিন নারী



পাথের লড়াই—ইন্দোচীনের অতিনব আমোদ



আনামের আধুনিক নারী

করিয়াছিলেন।  
কিন্তু কমিশনার  
দেবীর চেষ্ঠা সবেও  
যতক্ষণ নারীরা  
তাহাদের পূজা সাক্ষ  
না করিয়াছিল,  
ততক্ষণ আলোক-  
চিত্র গ্রহণের কোনও  
সুবিধা হয় নাই।  
পুষ্প মুকুল গুলি  
দেবতার উদ্দেশে  
অর্ঘ্য না দেওয়া  
পর্যন্ত নারীরা  
ললাটে যুক্তকর  
রাপিয়া সোজা  
দেবতার দিকে দৃষ্টি

নিবদ্ধ করিয়া দাঁড়াইয়াছিল। অর্ঘ্য নিবেদিত হওয়ার পর  
তাহারা স্বাভাবিকভাবে পরস্পরের সহিত কথাবার্তা  
কহিয়াছিল।

উল্লিখিত উৎসবকালে দুই জন বলিষ্ঠ যুবক পা তুলিয়া  
পরস্পরের বল পরীক্ষা করিয়াছিল। সেই সময় অর্ধনগ্ন  
পুরুষ এবং সমুচ্ছল-বেশধারিণী নারীরা প্যাগোডার চারি-  
দিকে রক্তাকারে দাঁড়াইয়াছিল। মন্দিরের পাদদেশে  
ত্রিশ জন বাদক যন্ত্র বাজাইতেছিল।


সাভান্নাথেটএর সন্নিহিত স্থানে বুনো হাতীর গুব দৌরাঙ্গ্য  
ঘটিয়া থাকে। অজগর সর্পেরও বাহুল্য এই অঞ্চলে যথেষ্ট।  
অজগর সর্পের চর্ম দ্বারা আধুনিক নারীর পাছকা প্রস্তুত  
হইয়া থাকে। এক এক জোড়া পাছকার মূল্য এক ডলার।  
মিঃ উইলিয়মস্ কিন্ত তাঁহাদের গমনপথে ব্যাঘ্র, বুনো  
হাতী বা অজগর সর্প একটিও দেখিতে পান নাই।

পাক্সে হইতে পরিব্রাজকরা মেকং পার হইয়া ওয়াটকু  
অভিমুখে যাত্রা করেন। এইখানে এক জন ব্রাহ্মণ বৌদ্ধের  
বাসস্থান। সন্নিকটে একটি পবিত্র ঝরণা বিদ্যমান।  
তাঁহারা যে পথে চলিয়াছিলেন, সে পথে এ পর্য্যন্ত কোনও  
মোটর-গাড়ী যায় নাই। নদীর উপর মাঝে মাঝে  
কাঠ ও বাঁশের সেতু।


এইরূপ এক  
বাণেশের সেতুর উপর  
দিয়া মোটর চালান-  
বার সময় তাঁহারা  
দেখিলেন, সমগ্র  
সেতুটি অসম্ভব-  
ভাবে ছলিতেছে।  
গাড়ীর চাকা সেতুর  
কাঁকে বসিয়া গেল,  
সেই ভাণ্ডা ক্রমে  
সেখানে স্থানীয় এক  
স্বককে দেখিতে  
পাইলেন। সে  
তাঁহাদিগকে ডাব  
পাড়িয়া আনিয়া  
তাঁহাদের তৃষ্ণা দূর  
করিল। তার পর  
চাকার নীচে  
গাছের ডাল আড়া-  
আড়ি ভাবে  
পাতিয়া দিল। সেতু  
উল্লীর্ণ হইতে তাঁহা-  
দের এক ঘণ্টা  
সময় লাগিয়াছিল।

মেকং নদের  
তীরদেশব্যাপী সু-  
খাও গিরিশৃঙ্গ  
দেখিতে পাওয়া  
যাইবে। এই  
পর্বত অতি পবিত্র  
স্থান। ৬ষ্ঠ শতা-  
ন্দীতে চেন-লা  
রাজারা এই পর্বতে  
নরবলি দিতেন।

পরবর্তী যুগে ব্রাহ্মণরা বিরাট লিঙ্গ হিসাবে ঐ পর্বতকে পূজা  
করিতেন। এখন এখানে একটা বৌদ্ধ মঠ বিদ্যমান।



ইন্দোচীনের যাত্রাদলের অভিনেতা অভিনেত্রী




আনাম রাজধানীর সন্নিক্ত খালে কাপড় কাচা

অরণ্যবেষ্টিত এই স্থানটিতে তিন ধর্মের উপাসনা  
চলিয়াছিল! পবিত্র উৎসের চারিদিকে ব্রাহ্মণ ও বৌদ্ধগণ



লৌহ পাগাড়ের শমিকদল



লাওচায় কুটার

বহু শতাব্দী ধরিয়া শান্তিতে বসবাস করিয়াছিল। পর্বতের এক পার্শ্বে যে উৎসটি বিচক্ষমান, তাহার সলিলধারা অবিশ্রান্ত

যাত্রা করেন। তখন গ্রীষ্মকাল। এই পথে কোনও ভদ্রলোক তাঁহাদের পূর্বে গমন করেন নাই।

ভাবে একটি লিঙ্গকে অভিব্যক্ত করিত। এই লিঙ্গটি ক্ষেত্র মন্দিরের উপাসক-গণ লিঙ্গ-পর্কত বলিয়া অভিহিত করিত।

এইখানে যে মন্দির ছিল, তাহার প্রাচীরগাত্রে বহু-বিধ কারু কার্য্য বিচক্ষমান। তবে মন্দিরের ছাদ অনেক ক্ষেত্রেই পড়িয়া গিয়াছে। এক স্থানে বৌদ্ধ দেবতাদিগের হস্ত-বন্দন এখনও দেখিতে পাওয়া যাইবে।

পীতবসনধারী সন্ন্যাসীরা এখানে কুটার বাধিয়া বসবাস করিতেছেন। মেকং নদের তট-ভূমি হইতে এই স্থানের উচ্চতা ৪ শত ফুট।

পাক্‌সে হইতে মোটরযোগে মিঃ উইলিয়মস্ সদলবলে অরণ্যের মধ্য দিয়া আঙ্গকর অভিমুখে





ছন্দশ্রী চীনা অভিনেতা




কাষোড়িয়ার নাগদেবতা



তরুণীদিগের সম্মুখে পুরুষের প্রেমনিবেদন অভিনয়



বেনটিয়াই শ্রী মন্দিরে প্রাপ্ত মূর্তি




মেকং নদের উপরিস্থিত বাণেশ সেত



হস্তীর দল নদী পার হইতেছে

কোমপদ্থসএর  
 রেসিডেন্ট অরণ্য-  
 পথে তাঁহাদিগকে  
 পথ দেখাইয়া চলি-  
 লেন। তাঁ হা র  
 সহিত প্রচুর ঔষ-  
 ধের সরঞ্জাম ছিল।  
 স্থানে স্থানে অধি-  
 বাসীদিগের কুটীর,  
 তিনি সে খানে  
 উপস্থিত হইলেই  
 গ্রামবাসীরা ঔষ-  
 ধের জন্ম তাঁহার  
 কাছে সমবেত  
 হইতে লাগিল।  
 ক রা সী ইন্দো-  
 চীনের অধিবাসীর  
 সংখ্যা ২ কোটি  
 ১৫ লক্ষ। তন্মধ্যে  
 তাঁহার কাছে এ  
 যাবৎ ৩০ লক্ষ  
 লোক চিকিৎসার্থ  
 আসিয়াছিল।


সেগন্, নাটাং  
 ও হানই সহরে  
 সিভিল ও মিলি-  
 টারী হাসপাতাল  
 আছে। ক্ষি প্ত  
 পশুর দংশনপীড়িত  
 ন র না রী র জন্ম  
 চিকিৎসা প্রতি-  
 ঠানও বিদ্যমান।  
 জনসাধারণের  
 স্বাস্থ্যরক্ষার জন্ম  
 এরূপ প্রচেষ্টা  
 প্রয়োজনীয়।



আঙ্গকবে প্রাপ্ত দশম শতাব্দীর ক্ষোদিত দৃশ্য



কাঠ-কয়লায় আগুনে রুটা সঁকা হইতেছে



প্রস্তরে ক্ষোদিত বণদৃশ্য



আনামের বাঁকওয়াল

বিমান যোগে  
কলেরা, আমাশয়  
ও জলাতক রোগের  
প্রতিষেধক ঔষধ  
ও টীকা লইবার  
বীজ বিনামূল্যে  
গাম্বাসিগণের  
মধ্যে বিতরি-  
ত হইয়া থাকে।

রজনীর অঙ্ক-  
কার সমাগত  
হইবার কিছু পূর্বে  
পরিভ্রাজকগণ  
প্রাণীর মন্দিরে  
উপনীত হইলেন।  
বহু দিন পরিয়া  
এই মন্দির অরণ্য-  
মধ্যে আত্মগোপন  
করিয়াছিল।

যাহারা সর্ক-  
প্রথম অরণ্যের  
কুক্ষিগত ক্ষেতার  
মন্দির আবিষ্কার  
করিয়াছিলেন,  
তাহারা তখন  
সবিশ্বয়ে দেখিয়া-  
ছিলেন, কারু-  
শিল্পের কি বিচিত্র  
নিদর্শন এই মন্দিরে  
বিদ্যমান। এক  
দিন বিজন অরণ্যের  
উপর মাছুষের  
সভ্যতা বিজয়-  
বৈজয়ন্তী উড্ডীন  
করিয়াছিল, ক্ষেতার  
মন্দির তাহারই



নমুনা। ক্ষেমাঙ্গণ  
অতি রহস্যজনক-  
ভাবে যখন এই  
স্থান হইতে অন্ত-  
হিত হইয়া যায়,  
মাকোপোলো তখন  
এখানে আসিতে  
পা রে ন না ই,  
মন্দিরগুলি দেখি-  
বার সুযোগ পান  
নাই। তখন চারি-  
দিকে গভীর ভূর্ত্ত  
অরণ্য। মানুষ স্থান  
ত্যাগ করিয়াছিল,  
তাহার শূন্য স্থান  
অরণ্য অধিকার  
করিয়াছিল :

যে বৎসর  
পোলো ভেনিসে  
প্রত্যাবর্তন করেন,  
সেই বৎসর টো  
টা-কুয়ান্ আঙ্গকর  
আগমন করেন।  
কুবলয় গাঁর দব-  
বা রে ম্মা কো-  
পোলোর সহিত  
তাঁহার পরিচয়  
বটে। টো টা-  
কুয়ান্ সেই সময়  
ক্ষেমাঙ্গণের  
বিবরণ ওজস্বিনী  
ভাষায় ব্যক্ত  
করিয়াছিলেন।

তিনি লিখিয়াছিলেন, “রাজা যখন বাহির হইয়া যান, আহত হইয়া কোনও ক্ষতি করিতে পারিত না। তখন তাঁহার দেহ লৌহের দ্বারা আবৃত থাকে। সুতরাং অশ্বারোহী সেনাদল তাঁহার অগ্রে অগ্রে গমন করিত। ছোৱার তীর ফলা অথবা তীরের তীক্ষ্ণ মুখ তাঁহার দেহে তাহার পর পতাকাবাহী দল আসিত। পরে বাদকদল



পুরোহিতের সম্মুখে পূজার উপচার



কাষোড়ীর তীর্থগাত্রী মস্তক মুগুন করিতেছে

সুমধুর বাত করিতে করিতে অগ্রসর হইত। প্রাসাদের তন্ত্রী কুমারীরা—তাহাদের সংখ্যা তিন শত হইতে পাঁচ শত—পুষ্পাভরণে সজ্জিতা হইয়া, কেশে, গলদেশে ফুলের মালা ঢলাইয়া, প্রজ্জলিত বস্ত্রিকা ধারণ করিয়া রাজার অনুবর্তিনী হইত। দিবাভাগেও তাহারা বাতি জ্বালিত।

“মন্দির ও আমীর-ওমরাহগণ সম্মুখভাগে হস্তিপৃষ্ঠে গমন করিতেন। তাঁহাদের লোহিত ছত্রের সংখ্যা ছিল না।

মধ্য-যুগের প্রাদুর্ভায়ে বৃক্ষমূল সর্পাকারে বিসর্পিত। তাহাদের প্রভাবে বড় বড় প্রস্তর সরিয়া বিল্লিষ্ট হইয়া গিয়াছে। হাত্তবদনা দেবীদিগের দেহ বৃক্ষলতার স্পর্শাতি-স্পর্শ তন্তু বা শিরা দ্বারা আচ্ছন্ন। দেবীদিগের ক্ষীণ কটিতট ও স্তপুষ্ঠে হৃদয়ের চারিদিক তন্তুবেষ্টিত হইয়া তাহাদের দেহ-সৌন্দর্যকে বিল্লিষ্ট করিয়া দিয়াছে। পামাণ প্রাণহীন। তাহারা কথা কহে না। কিন্তু নাম-গোত্রহীন শিল্পীরা এই



হিউ সংঘের সাম্পান

তাঁহাদের পরেই রাজার পত্নী ও উপপত্নীর দল শিবিকা-রোহণে বা শকটে চড়িয়া আসিতেন। কেহ কেহ হস্তিপৃষ্ঠেও স্থানীয় থাকিতেন। তাঁহাদের স্বয়ংগণিত ছত্রের সংখ্যা শতাব্দিক ছিল। তাঁহাদের পশ্চাতেই হস্তিপৃষ্ঠে সরলভাবে বসিয়া রাজা আসিতেন। তাঁহার হস্তে মহামূল্য তরবারি।”

অনেক মন্দিরের নামই প্রাণী। গভীর অরণ্যের মধ্যে আঙ্গকের পূর্বভাগে একটা মন্দির আছে। তাহার প্রাচীর, কক্ষ প্রভৃতি অরণ্যের বাহুপাশে যেন আলিসিত। এই দৃশ্য দেখিলেই বুঝিত পারা যাইবে, পূর্বে ধ্বংসপ্রায় আঙ্গকর কিরূপ বিরাট ও সুন্দর ছিল।

অমৃর্তিত সভ্যতার প্রাণ-প্রতিষ্ঠায় যে শিল্পনৈপুণ্য প্রকাশ করিয়াছিল, এখনও যেন জনহীন মন্দিরে তাহাদের বিজয়বান্ধা প্রতিধ্বনিত হইতেছে।

সে মার রাজসভায় যে সকল চিত্র প্রাচীরগাত্রে দেখিতে পাওয়া যায়, তাহাতে সে যুগের জীবনযাত্রার পরিচয় অভিজ্ঞ দর্শকের দৃষ্টিপথ অতিক্রম করিতে পারে না। ৩২টি নরকের যে বর্ণনা চিত্র-সাহায্যে সমৃদ্ধ হইয়া আছে, তাহাতে দাস্তের নরক-বর্ণনা ম্লান হইয়া যায়।

কাষোডীয় নর্তকীরা আঙ্গকর মন্দিরে ক্ষোদিত নৃত্য-পদ্ধতি অবলম্বন করিয়া তাহাদের নৃত্যকলার পরিচয় দিয়া

থাকে। কাষোড়ীয় নৃত্য শুধু চমৎকার নহে, অতি বিচিত্র ও মধুর। গেইসা নর্তকীরা তাহাদের কাছে দাঁড়াইতে পারে না।

মিঃ উইলিয়মস্ কাষোড়ীয় নৃত্য দর্শনকালে দেখিয়াছিলেন, এক জন ৩৮ বৎসর বয়স্ক বৃদ্ধা যে নৃত্যকলার পরিচয় দিয়াছিলেন, তাঁহার তরুণী শিষ্যাণের কেহই তেমন কলা-বিদ্যার পরিচয় দিতে পারে নাই। জনকয়েক নর্তকী এই নৃত্যকলা আয়ত্ত করিয়াছে। মহসা যদি তাহারা ইহলোক হইতে অন্তর্হিত হইয়া যায়, তাহা হইলে কাষোড়ীয় রঙ্গালয়ের অস্তিত্ব বিলুপ্ত হইয়া যাইবে।

সেগন্এ রবার বৃক্ষ পর্যাপ্ত পরিমাণে বিদ্যমান। ছপ্পাবতী গরুর ঝাঁট হইতে যদি নিয়মিতভাবে ছপ্পা দোহন বন্ধ থাকে, তাহা হইলে গরুর ছপ্পা শুকাইয়া যায়। সেইরূপ রবার বৃক্ষের রস শুকাইয়া যাইতে দিতে নাই। নিয়মিতভাবে উহার রস সংগ্রহ করিতে হয়। এই রস হইতেই রবার জন্মে। রবার-রস-সংগ্রহকারীরা প্রত্যেকে প্রত্যহ দুই শত হইতে চারি শত বৃক্ষ হইতে নির্যাস সংগ্রহ করিয়া থাকে। সে জন্ত তাহারা প্রত্যেকে ৫০ সেন্ট পারিশ্রমিক পায়। টনকিন হইতে উৎকৃষ্ট শ্রেণীর সংগ্রাহকরা এখানে আসিয়া থাকে।

সেগন্এ একটি সুন্দর উদ্যান আছে। নানা জাতীয় ছপ্পাপা বৃক্ষলতা এখানে বিদ্যমান। একটি সুদৃশ্য যাদুঘরও এখানে দেখিতে পাওয়া যাইবে। এই যাদুঘরের মধ্যে



মহিষপৃষ্ঠাকট বাসক

বিশাল পুস্তকাগারও বিদ্যমান। সহরের বাহিরে অনেকগুলি আরণ্য রেস্তোরাঁ আছে। সেই সকল রেস্তোরাঁয় নাচিবার ছাদ ও সন্দেরের জলাশয়ও দেখিতে পাওয়া যাইবে।

শ্রীসরোজনাথ বোষ।

## নিদাঘে

( মহাকবি কালিদাসের অনুসরণে )

নিঠুর নিদর নিদাঘসূর্য্য খরশরজাল আজিকে হানে,  
তৃষ্ণাকাতরা তাপিত ধরণী মুচ্ছিতা তা'র তীক্ষ্ণ বাণে।  
শুক সরসী পল্লল নদী শস্তশূণ্য রিক্ত মাঠ,

কোন্ সে তাপসী জ্বলেছে অনল—কবে হ'বে তা'র

শান্তিপাঠ?

নববিকসিত কুসুমফুলের সিন্দূর আভাদীপ্ত হ'য়ে  
দিকে দিকে আজি ছুটে দাবানল বনভূমি হ'ল আকুল ভয়ে ;  
দগ্ধতায় আজি দিগন্ত ধূলিপিন্ধল বিভলাকাশ  
পাটলপরাগ মাথিয়া অঙ্গে সুরভি হইল বনবাতাস।  
স্নিগ্ধচ্ছায়ায় সুলভ নিদ্রা রম্যমধুর সন্ধ্যাকাল  
শীতলসলিলে স্নান স্নেহকর, সুন্দর নিশা চন্দ্রভাল ;  
শশীর কিরণ স্পৃহণীয় প্রিয়ে! প্রীতিকর ধারায়স্নান  
মরকতময় গৃহচত্বরে শয়নলুক কা'র না প্রাণ?

তৃষ্ণার দেশে জাগে নির্ঝর নিদাঘের তাপে শিরীষফুল  
শিরীষ-পেলব অঙ্গ তোমার কর্ণে ঢলাও তাহার ছল ;  
অয়ি বিজয়িনি! ফুটে চম্পক বিকসিত তব অঙ্গলতা  
স্বর্ণ-টাপার বর্ণ জাগিছে তনুতে তোমার স্বর্ণলতা।  
তোমারি মুখের মদিরা হরিয়া সুরভিত হ'ল বকুলবন  
তব কুম্বল-গন্ধ লভিয়া উত্তল আকুল কবির মন :  
কবরীতে পরে কনক-টাপা, মেথলা করে গো বকুলমালা  
কুসুমে আঁকো পত্রলেখাটি—চারু সুমমায় সাজো লো বালা !  
সুগন্ধ ছকুলে অঙ্গের বাস—বকে লহ বীণা মধুর-স্বনি  
ললিত সূতানে উঠুক কাকলী, জাগাও অতনু হে মোর ধনি !  
নাগকেশরের শাখার শিখরে হটুক উদয় পূর্ণ শশী  
দ্যুগগনের হে রাকা আমার, তুমি রহ চিরচতুর্দশী !

শ্রীউমানাথ ভট্টাচার্য্য ( বি.এ )।

# বৈদেশিক প্রসঙ্গ

## আসন্ন সংগ্রাম

শীঘ্রই যুরোপে আবার একটা প্রবল সমরানল জলিয়া উঠিবে, এইরূপ আশঙ্কা অনেকের মনে উদ্ভিত হইতেছে। মধ্য যুরোপে রণসজ্জা স্বরিতগতিতে অগ্রসর হইতেছে। জার্মানিতে, ইটালীতে এবং ছোট মিত্ররাজ্যমধ্যে সামরিক সাজসজ্জা লক্ষ্য করিলেই তাহা বুঝা যায়। ছোট-মিত্ররাজ্যসমূহ বা আঁতাতে বসিতে জেচোস্লোভেকিয়া, জুগোস্লাভিয়া এবং রুমেনিয়া এই ত্রিশক্তির মিলনকে বুঝায়। মধ্য-য়ুরোপ এই দিকে যে ভাবে সমরসজ্জা এবং আত্মরক্ষার জ্ঞান আয়োজনের ঘটনা দেখা যাইতেছে, তাহাতে মনে হইতেছে যে, ঐ দিকের প্রায় সকল রাজ্যের লোক আশঙ্কা করিতেছেন যে, অচির-ভবিষ্যতে যুরোপে ব্যাপকভাবে সমরানল জলিয়া উঠিবে এবং তাহার ফলে হয় ত পশ্চাত্য খণ্ডের সমস্ত সভ্যতাসম্পন্ন জাতিই ভয়ভূত হইয়া যাইতে পারে। বিগত যুরোপের মহাসমরে জার্মানী ঠিক পরাজিত হইয়াই শত্রুহস্তে আত্মসমর্পণ করে নাই। কারণ, জার্মানী যখন সম্মিলিত ত্রিশক্তির নিকট আত্মসমর্পণ করিয়াছিল, তখনও জার্মানী ফ্রান্সের বৃকের উপর পা দিয়া দাড়াইয়াছিল। জার্মানী পরাজিত হইয়াছিল মিত্রশক্তির বেড়াঙ্কালের ফলে; মিত্রশক্তিগণ জার্মানীকে এমনভাবে বিরিয়া ফেলিয়াছিল যে, সেই বেড়াঙ্কাল ভেদ করিয়া বাহির হইতে জার্মানী এক মুঠা খাণ্ডও আমদানী করিতে পারে নাই। পেটের দায়ের চেয়ে দায় আর নাই। জার্মানীকে তাই বিপদে পড়িয়া পরাজয় স্বীকার করিতে হইয়াছিল। তাই জার্মানী সেবারকার সেই ক্রটি এখন শোধরাইয়া লইবার চেষ্টা করিতেছে বলিয়া কেহ কেহ প্রকাশ করিতেছেন। ভোল্ফ উণ্ড বেইশ সংবাদপত্র মধ্য-য়ুরোপে একটি কেন্দ্রখণ্ড (Central European bloc) গঠন করিবার কথা কিছু দিন পূর্বে বলিয়াছিলেন। ইল্যাণ্ড, জার্মানী, লাক্সেমবার্গ, বেলজিয়মের কিয়দংশ এবং সুইজারল্যান্ড এই ভূখণ্ডের পশ্চিম সীমা হইবে, পূর্বদিকে রিগা ওডেসা সীমান্ত এবং দক্ষিণদিকে পূর্ববর্তী অস্ট্রোহাঙ্গেরীয় সাম্রাজ্যের দক্ষিণ সীমা একেবারে রুমেনিয়া পর্যন্ত বিস্তৃত হইবে। আর্থিক বাপাখের দিক হইতে এই কয়টি রাজ্যকে সমন্বার্থে স্বার্থবান্ করিতে হইবে। উক্ত সংবাদপত্রের সংবাদদাতা ডক্টর নাক্স হান (Max Hahn) এক জন বিশিষ্ট ব্যক্তি। বাণিজ্য-ব্যবসায়ের ক্ষেত্রে তাহার যথেষ্ট প্রতিষ্ঠা আছে। গত দশ বৎসর ধরিয়া ইনি এই বিষয়ে প্রচারণা চালাইয়া আসিতেছেন। এই কেন্দ্র ভূমিখণ্ডে প্রায় ২২ কোটি লোকের বাস থাকিবে। আর্থিক এবং রাজনীতিক দিক দিয়া ইহা একটি শক্তিশালী রাষ্ট্রসমূহ পরিণত হইবে। যদি মধ্য-য়ুরোপে এই রাজ্যগুলি পরস্পর নিবিড়ভাবে সংযুক্ত হয়, তাহা হইলে উহারা কি রুসিয়া, কি মার্কিন, কি ব্রিটিশ সাম্রাজ্য কাহাকেও গ্রাস করিবে না। উপর্য উপরানের নিমিত্ত কাঁচা মালের জ্ঞান তাহা হইলে আর এই রাজ্যকে পরমুখাপেক্ষী থাকিতে হইবে না, অথবা সাগরপার

হইতে পণ্য আমদানী করিতে হইবে না। অল্প কেষু তখন সাহস করিয়া এই সম্মিলিত রাষ্ট্রগুলির কাহাকেও আক্রমণ করিতে চাহিবে না। এইরূপ ব্যবস্থা করিলে বিগত যুদ্ধের পূর্বে জার্মানী যে ভুল করিয়াছিল, সে ভুল আর কখন হইবে না। এ সংবাদ কতদূর সত্য, তাহা বুঝা কঠিন। যুরোপীয় কুশাগ্রবৃদ্ধি রাজনীতিকদিগের চক্ষু এড়াইয়া এই কল্পনা কার্যে পরিণত করা সম্ভব হইবে, ইহা কিছুতেই মনে করা যাইতে পারে না। আবার যদি ভবিষ্যৎ যুদ্ধে জার্মানীকে অবরুদ্ধ হইতে হয়, তাহা হইলে বাহ্যতে জার্মানীতে খাণ্ডাভাব না ঘটে এবং শত্রুকে আত্মসমর্পণ করিতে বাধ্য হইতে না হয়, তাহার জ্ঞান জার্মানীতে বিশেষভাবে চেষ্টা চলিতেছে। যে সকল খাণ্ড জার্মানদিগের পক্ষে বিশেষ প্রয়োজন অথচ বাহ্য জার্মানদিগকে বিদেশ হইতে আমদানী করিতে হয়, তাহার অল্পকল্প কোন খাণ্ড রাসায়নিক পদ্ধতিতে প্রস্তুত করা যাইতে পারে কি না, তাহার পরীক্ষা করা হইতেছে। এই বিষয়ের অনুসন্ধানকল্পে একটি রাসায়নিক বিভাগ খোলা হইয়াছে। ফ্রেডরিক বর্জিয়াস নামক এক জন বিখ্যাত রাসায়নিক উহার পরিচালনায় পাইয়াছেন। এই ব্যক্তি নোবেলপ্রাইজ পাইয়াছেন। নানা দেশে উহার রাসায়নিক শাস্ত্রজ্ঞান সম্বন্ধে খ্যাতি আছে। ইনি কয়লা হইতে তৈল নিষ্কাশনের একটা পদ্ধতি আবিষ্কৃত করিয়াছেন। ঐ পদ্ধতি বর্জিয়াস পদ্ধতি নামে পরিচিত।

শুনা যায়, ইনি কাঠ হইতে রাসায়নিক পদ্ধতিতে মানুষের এবং পশুর খাণ্ড প্রস্তুত করিবার জ্ঞান প্রায় বিশ বৎসর ধরিয়া চেষ্টা করিতেছেন। তিনি বলিয়াছেন যে, তিনি ঐ কার্যে কতকটা সাফল্যলাভ করিয়াছেন। কতকগুলি খারাপ কাঠ রাসায়নিক পদ্ধতিতে জরীভূত করিয়া তাহা হইতে মানুষ এবং পশুর আহারোপ-যোগী অনেক বস্তু পাওয়া যায়। কতকগুলি কাঠ হইতে এরূপ 'পালো' বাহির করা যায়, যাহার গুণ এবং উপকারিতা বালি বা যবের ছাতুর মত। ফলে জার্মানী এবার চারিদিক সামলাইয়া রণক্ষেত্রে অবতীর্ণ হইবার সঙ্কল্প করিতেছে। জার্মানী সম্বন্ধে এখন অনেক আজগুবি কথাও প্রচারিত হইতেছে, স্তবরাং ইহাও কতখানি সত্য, তাহা বলা অত্যন্ত কঠিন। তবে এ কথা সত্য যে, মধ্য-য়ুরোপে একটা মধ্যখণ্ড গঠিত করিবার চেষ্টা জার্মানীর পক্ষে সম্পূর্ণ স্বাভাবিক। কিন্তু ইহাতে বাধাও অনেক। জার্মান সাম্রাজ্যের অধিবাসীরা যে এক অখণ্ড জাতিভুক্ত, এই শিক্ষা দিবার জ্ঞান হিটলার প্রাণপণে চেষ্টা করিতেছেন। জার্মানীর জাতীয় বিপ্লবের ইচ্ছাই লক্ষ্য। যত দূর বুঝা যাইতেছে, তাহাতে মনে হইতেছে, জার্মানী এখন যুদ্ধার্থে সম্পূর্ণ প্রস্তুত হইতে পারে নাই। ম্যাক্সট্রাব গাজেন পত্রে এক জন সংবাদদাতা আভাসে প্রকাশ করিয়াছেন যে, জার্মানীর রণবিমানবহর সম্পূর্ণ করিতে এক বৎসর এবং স্থলে সামরিক আয়োজন সম্পূর্ণ করিতে দুই বৎসর লাগিবে। রণপোত সম্পূর্ণ করিতে কত বৎসর লাগিবে, তাহার স্থিরতা নাই! এই উক্তি অনেকটা সত্য বলিয়া মনে হয়।



সম্প্রতি জার্মানী তাহার রাইনল্যাণ্ড অঞ্চলে সাহসে ভর করিয়া কতকগুলি সৈন্য পাঠাইয়াছিল বলিয়া অনেকের ধারণা জন্মিয়াছে যে, জার্মানী বৃষ্টি যুদ্ধার্থ অনেকটা প্রস্তুত হইয়াছে। সে ধারণা মিথ্যা। সম্প্রতি এই মध्ये একটা সংবাদ পাওয়া গিয়াছে,—জার্মানীর এই কার্শোর অন্তরালে ইটালীর মুসোলিনীর একটা চ'লবাজী আছে। ফরাসীদিগের দৃষ্টি যাহাতে আভিসিনিয়ার উপর যাইয়া না পড়ে,— সেই জন্ত মুসোলিনী হার হিটলারকে ঐ কাৰ্য্য করিতে পরামর্শ দিয়াছিলেন। এই ঘটনার কিছু দিন পূর্বেই মার্কিনের জনৈক সংবাদদাতা না কি ঐ সংবাদ জানিতে পারিয়াছিলেন। তিনি বলেন যে, পৃথিবীর রাজনৈতিক ক্ষেত্রে জার্মানী এক মঙ্গোলীয় এই দুইটিই প্রধান কটিকাকেন্দ্র। ইহার কোথাও গভীর কটিকা-বর ক্ষত হইলেই ফরাসী প্রভৃতির মন সেই দিকে আকৃষ্ট হইবে,— ইটালী সেই অবসরে সমস্ত সামরিক নীতি লঙ্ঘন করিয়া আভিসিনিয়া দখল করিয়া লইবে, সেই জন্ত মুসোলিনী হিটলারকে পরামর্শ দিয়া ঐ ভাবে ভার্শাইল সন্ধি ভঙ্গ করিতে পরামর্শ দিয়া-ছিলেন। তার হিটলারও সেই পরামর্শ বিশেষ কারণে গ্রহণ করিলেন। নাৎসিদের যুবকরা ঐ সময়ে তাহাদের দেশের আর্থিক অবস্থা বিবেচনা করিয়া অতিশয় চকল হইয়া উঠিয়া-ছিল। তিনিও উহাদের মন ঐ দিক হইতে ফিরাইবার জন্ত রাইনল্যাণ্ডে সৈন্য পাঠাইলেন।


ফলে জার্মানীও সেই যুব-আন্দোলন তখনকার মত নিবৃত্তি পাইয়াছিল। জার্মানী এক তুকপেট হ'কুড়ি সাতের খেলা রাখিতে সমর্থ হইল। ইটালী এই আভিসিনিয়ার ব্যাপার লইয়াই ফরাসীদিগের উপর অসন্তুষ্ট হইয়া উঠিয়াছিল। সে সেই জন্ত বলিয়াছিল যে, ইটালী স্বয়ং কয়েদী হইয়া আর জার্মানীর উপর পাহারাওয়ালার কাৰ্য্য করিতে পারিবে না। যখন ফরাসী রাডিকালরা লাভালের নীতি সমর্থন করিতে চাহে নাই, তখন হইতেই ইটালী জার্মানীর দিকে ঝুঁকিয়া পড়িয়াছিল। পরে ফরাসীরা তাহা বৃদ্ধিতে পারিয়াছিল, সেই জন্ত তাহারা ইটালীর বিরুদ্ধে শাসন প্রবর্তিত করিতে অসম্মত হয়। ফলে যুরোপের রাজনৈতিক গগনে নানারূপ এড়া বাতাস বহিয়া যাইতেছে। ইহার ফল কি হইবে, কে বলিতে পারে?

এ সম্বন্ধে ক্রমশঃ অনেক সংবাদ প্রকাশ পাইতেছে। অষ্ট্রিয়ার সীমান্তে সত্বর একটা সাক্ষাৎ বাধিবে বলিয়া সংবাদ পাওয়া যাইতেছে। অষ্ট্রিয়ায় এক দল নাৎসী আছেন, ইহার জার্মানীর সহিত অষ্ট্রিয়ার মিলন চাহেন। কিছু দিন পূর্বে ইহার পরাজিত হইয়াছিলেন বটে,—কিন্তু তাই বলিয়া ইহাদের বিষদস্ত ভগ্ন হয় নাই। ইহাদের সে চেষ্টা এখনও আছে। ভিয়েনাতে গুজব যে, হিটলার অষ্ট্রিয়ার অভিবান করিবার জন্ত প্রস্তুত হইতেছেন।

এ কথা কিন্তু সকলে বিশ্বাস করিতেছেন না! আবার একটা গুজব শুনা যাইতেছে যে, হাঙ্গেরীর সহিত জার্মানীর একটা গুপ্ত সন্ধি হইয়া গিয়াছে। জার্মানী অষ্ট্রিয়া আক্রমণ করিবার জন্ত প্রস্তুত হইতেছেন। কয়েক সপ্তাহ পূর্বে প্রিন্স টারেমবার্গ এবং অষ্ট্রিয়ার চান্সলার ডক্টর মুচনৌগ অষ্ট্রিয়া নাৎসী দলের প্রভাব সম্বন্ধে সেনর মুসোলিনীর সহিত আলোচনা করিয়া-ছিলেন। সম্প্রতি প্রকাশ পাইয়াছে যে, হার হিটলারের সহিত হাঙ্গেরীর প্রধান মন্ত্রী সেনাপতি গোথোজের ১৯৩৩ খৃষ্টাব্দে এক গুপ্ত সন্ধি হইয়া গিয়াছে। এই সন্ধিতে স্থির হইয়াছে যে, হাঙ্গেরী যখন জেকোপ্লাভেকিয়া আক্রমণ করিবে, তখন জার্মানী হাঙ্গেরীকে



হার হিটলার



অষ্ট্রিয়ার চান্সলার ডাক্তার মুচনৌগ

সৈন্য-সামন্ত দিয়া সাহায্য করিবে। উহার প্রতিদানে হাঙ্গেরী জার্মানীর পূর্বাধিকৃত রাজ্যগুলি ফিরাইয়া দিবে। এইরূপ নানা জাতির মধ্যে ক'ত যে গুপ্ত সন্ধি হইয়াছে, তাহার আর ঠিকানা নাই। কেহ কেহ সংবাদ দিতেছেন যে, যুরোপের পাচটি জাতি শীঘ্রই এক মহাসমরে লিপ্ত হইবে। এই পঞ্চরাষ্ট্রের নাম অষ্ট্রিয়া, জেকোপ্লাভেকিয়া, ফ্রান্স, রুসিয়া এবং জার্মানী। জার্মানীর সহিত অল্প শক্তিচতুষ্টয় বর্ণক্ষেত্রে অবতীর্ণ হইবে। এ সংবাদ ঠিক বিশ্বাস করিয়া উঠিতে পারা যায় না। জার্মানী সহসা এতগুলি রাজ্যের সহিত যুদ্ধ করিতে যাইবেন বলিয়া মনে হয় না। তবে রাজনৈতিক পরিস্থিতি বহু দিন একরূপ থাকে না; উহা নিত্য পরিবর্তনশীল! সেই জন্ত উহার সম্বন্ধে কোন কথা নিশ্চিতভাবে বলা যায় না। তাহার পর জাতিসভা যুরোপের, তথা পৃথিবীর, সর্বত্রই রাজনৈতিক অবস্থা জটিলতর করিয়া তুলিতেছে! পৃথিবীর ৫৮টি রাজ্য জাতিসভার সদস্য। কিন্তু তাহা হইলেও জাতিসভা নিরপেক্ষভাবে এবং জোর করিয়া কোন বিষয়েরই মীমাংসা করিয়া দিতে পারিতেছে না। নিতান্ত অকর্মণ্য প্রতিষ্ঠানরূপে ইহা বজায় না রাখিয়া ইহাকে উঠাইয়া দেওয়াই উচিত।

মধ্য-য়ুরোপের অবস্থা ত এইরূপ। কিন্তু এ দিকে আভিসিনিয়ার

ব্যাপার লইয়া ইটালীর সহিত গ্রেটব্রিটেনের মনোমালিঞ্জ দিন দিন বৃদ্ধি পাইতেছে। ইটালী আর্বিসিনিয়াব টানা বা সানা হ্রদের নিকট আসিয়া পড়িয়াছে। উহারা ঐ দেশ দখল করিয়া লইয়াছে। এই স্থানে বৃটিশ জাতির বিশেষ স্বার্থ রহিয়াছে। ইহার কথা পূর্বে বৈদেশিক প্রবন্ধে বিশেষভাবে বলা হইয়াছে। ফলে এখন যুরোপের যেরূপ অবস্থা, তাহাতে কখন কি হয়, তাহা বলা কঠিন হইয়া পড়িতেছে। এখন অনেক বিশিষ্ট ব্যক্তির মতে যুরোপে ত শীঘ্রই একটা যুদ্ধ বাধিবে এবং সেই যুদ্ধের ফলে যুরোপের বর্তমান সভ্যতা, কৃষ্টি এবং চিন্তার ধারা সমস্তই বিপন্ন হইয়া যাইবে! তবে আমাদের দৃঢ় বিশ্বাস, গ্রেট ব্রিটেন এখন

দস্তাবনা জন্মিয়াছে। এ সম্বন্ধে পূর্বে আমরা অনেক কথাই বলিয়াছি। জাপান মার্কুয়ো আধিকৃত করিয়া তাহাদেরই অধীনে মার্কুয়ো সরকার খাড়া করিবার পর হইতে ঐ অঞ্চলে রুসিয়ার সহিত জাপানের সজর্ঘ বাদিবার বিশেষ আশঙ্কা হইয়াছে। এই ব্যাপারে পাশ্চাত্য লেখকরা জাপানকেই বেশী অপরাধী বলিতেছেন। বলা বাহুল্য, এই অঞ্চলের সকল সংবাদ পাওয়া যায় না। কাবেই আমাদের পক্ষে প্রকৃত ব্যাপার কি, তাহা বলা কঠিন হইয়া পড়িতেছে। একটা দৃষ্টান্ত এখানে দেওয়া আবশ্যিক। বিগত ১০ই জানুয়ারী তারিখে জাপানিদিগের একখানি রণবিমান রুস-জাপান অধিকারের সীমান্তরেখা পার হইয়া প্রায় ২২ মাইল



ব্রিটিশ ষ্টারেমবার্গ



হাঙ্গেরীর প্রধান মন্ত্রী গোখোচ

দূরে রুসিয়ার অধিকারস্থ এক পল্লীগ্রামে যাইয়া পতিত হয়। উহাতে দুই জন জাপানী সামরিক কর্মচারী ছিল। রুস পক্ষ প্রচার করেন, তাহারা পুথ হইতে এক জন কুমককে ধরিয়া লইয়া আসিয়া তাহার নিকট হইতে সংবাদ সংগ্রহের চেষ্টা করে! কুমকটি জাপানী সামরিক কর্মচারীর তরবারি-খানি কোনরূপে হস্তগত করিয়া তাহাকে ছত্রম করিয়া একখানা গাড়ী করিয়া সহরে লইয়া যায়। পথে ঐ কুমক কয়েক জন রুস প্রহরী সৈনিককে ঐ কথা বলে। প্রহরী সৈন্যেরা আসিয়া সেই রণবিমানখানি এবং উপর সামরিক কর্মচারীকে গ্রেপ্তার করিয়া লইয়া যায়। পরে জাপান

সহসা কোন যুদ্ধে লিপ্ত হইবেন না। কারণ, ১৯১৮ খৃষ্টাব্দে গ্রেট ব্রিটেনের অবস্থা যেরূপ ছিল, এখন আর মেরূপ নাই।

এ দিকে বৃটিশ বজেটে যুরোপে এই সমবশঙ্কার বিষয় বিশেষভাবে প্রতিদিশিত দেখা যায়। গ্রেট ব্রিটেনের রাজস্ব-সচিব মিষ্টার নেভিল চেম্বারলেন বহিঃশত্রু কর্তৃক আক্রমণ প্রতিহত করিবার জল্প এবার গত বৎসর অপেক্ষা ৬ কোটি ৪০ লক্ষ পাউণ্ড বেশী বরাদ্দ করিয়াছেন। এবারকার এই বজেটকে যুদ্ধের জল্প প্রস্তুত হইবার বজেট বলা হইয়াছে। তথায় আয়করের এবং চারের উপর ধার্যা কবের হার বাড়াইয়া দেওয়া হইতেছে। ইহা দেখিয়াই মনে হইতেছে যে, অচির-ভবিষ্যতে সমরশঙ্কা একেবারে ভিত্তিশূন্য নহে। এই সম্বন্ধে চিন্তা এবং উদ্বেগ সমস্ত সভা জাতিকে আচ্ছন্ন করিয়া ফেলিতেছে।

### প্রাচীতে সমর-শঙ্কা

আমরা এ কথা পূর্বেই বলিয়াছি যে, সুদূর প্রাচীতে মঙ্গোলীয়ান এবং মার্কুয়ান সীমান্তে আবার একটি সমরানল জলিয়া উঠিবার

রুসিয়াকে লিগিয়া পাঠায় যে, দৈবহুর্যোগ বশতঃ উহা ঐ স্থানে অবতরণ করিতে বাধ্য হয় তাহার পর রুসিয়ার কর্তৃপক্ষ ঐ দুই জন জাপানী সামরিক কর্মচারীকে ছাড়িয়া দেন। এইরূপে তিলকে তাল করিয়া উভয় পক্ষের মনোমালিঞ্জ বৃদ্ধির চেষ্টা পাইতেছে। এই ব্যাপারে যেমন হয়, তাহাই হইতেছে; পরস্পর পরস্পরের উপর দোষারোপ করিয়া আপনাকে জগৎসমক্ষে নিদোষ বলিয়া প্রতিপন্ন করিবার চেষ্টা পাইতেছে। এরূপ অবস্থায় যুদ্ধ যে যখন-তখন বাধিতে পারে, সে বিষয়ে সন্দেহ নাই। উভয় পক্ষই সীমান্তপ্রদেশে সৈন্য সমাবেষ্ট করিতেছে। জাপান বলিতেছে যে, রুসিয়া মার্কুয়ো সীমান্তের সান্নিধ্যে প্রচুর সৈন্য জমায়েৎবস্ত করিতেছে বলিয়া জাপানীরা তাহাদের সীমান্তপ্রদেশে সৈন্য লইয়া যাইতে বাধ্য হইতেছে। রুসিয়াও আবার জাপানের উপর এরূপ দোষারোপ করিতেছে। জাপানের দোষ এই যে, জাপান এসিয়াবাসী হইলেও তাহা কচলাইয়া "আজ্ঞা হাঁ" "আজ্ঞা হাঁ" বলিতেছে না! সে রুসিয়ায় তুল্য-মূল্যভাবে কথা কহিতেছে।

এদিকে জার্মানী রুসিয়ার সোভিয়েট সরকারের ঘোর বিরোধী। সেই জল্প জার্মানী জাপানের সহিত এক সন্ধি-সর্ত্তে আবদ্ধ হইয়াছে। রুসিয়া যদি জাপানকে আক্রমণ করে, তাহা হইলে জার্মানী

পশ্চাদিক হইতে রুসিয়াকে আক্রমণ করিবে, উভয়ের মধ্যে এইরূপ কোন সন্ধি হইয়াছে বলিয়া অনেকে প্রকাশ করিতেছে। রুসিয়ার সহিত ফ্রান্সের সন্ধি হইয়া গিয়াছে। জাপানী যদি রুসিয়াকে আক্রমণ করে, তাহা হইলে ফ্রান্স পশ্চাদিক হইতে জাপানীকে আক্রমণ করিবে। রুসিয়া যদি জাপানকে আক্রমণ করে, তাহা হইলে জাপানী রুসিয়াকে পশ্চাদিক হইতে আক্রমণ করিবে। এইরূপে একটা পৃথিবীব্যাপী সমঝানল প্রজ্জলিত হওয়া অসম্ভব নহে। শুনা যাইতেছে যে, জাপান রুসিয়ার ভ্রাডিভষ্টক বন্দরটি অধিকার করিয়া লইবার চেষ্টা করিতেছে। ইহাই পূর্ব-দিকে রুসিয়ার একমাত্র বন্দর, যে বন্দর বরফে আবদ্ধ হয় না। জাপান তাহা দখল করিতে গেলেই রুসিয়ার সহিত জাপানের সমঝ অনিবার্য। ফলে পূর্বাঞ্চলের অবস্থাটা অত্যন্ত উদ্বেগজনক। রুসিয়া ক্রমশঃ দৃঢ়তা ধারণ করিতেছে। উভয় পক্ষই যুদ্ধের জগৎ বিশেষভাবে প্রস্তুত হইতেছে। এক কথায় সমস্ত শক্তিশালী দেশে যেন সামরিক উন্নতি দেখা গিয়াছে। যুদ্ধের জগৎ ছোট বড় সকল জাতিই প্রস্তুত হইতেছে। এখন বিধাতার মনে যাগ আছে, তাহাই ঘটবে; মানুষ তাহা কিছু ভাবিয়া ঠিক করিতে পারে না।

### জাতিসঙ্ঘের ক্রীবতা

বিগত দুইশতাব্দীর মহাযুদ্ধের যখন অবদান হইয়াছিল, তখন পাশ্চাত্য খণ্ডের বড় বড় রাজনীতিক বলিয়াছিলেন যে, এইবার তাঁহারা এমন ব্যবস্থা করিবেন যে, তাহার ফলে পৃথিবীতে আর কখনও যুদ্ধ হইবে না, ধর্মী আর নরশোণিতে অভিবিক্রম হইবে না। সে বড় অধিক দিনের কথা নহে। ১৯২০ খৃষ্টাব্দে জাতিসঙ্ঘ প্রতিষ্ঠিত হইয়াছিল। যাহারা ভাড়াই সন্ধিসন্ধি স্বাক্ষর করিয়া ছিলেন, তাহারা হইয়াছিলেন ইহার আদি এবং অকৃত্রিম সদস্য। তাহার পর উহার সদস্য হইয়াছেন ৫৪টি হোমরা-চোমরা জাতি। ইটালী ইহার আদি সদস্য হইয়াছিল। তখন কথা হইয়াছিল যে, এক জাতির সহিত অন্য জাতির বাগাতে মনোমালিন্য না ঘটে, পরস্পর পরস্পরের সহিত বাগাতে সম্প্রীতির সহিত বাস করিতে পারে, সমস্ত মানবজাতির শাস্তি বাগাতে অক্ষুণ্ণ থাকে, তাহারই জগৎ জাতিসঙ্ঘ প্রতিষ্ঠিত হইল। বলা হইয়াছিল যে, যদি এক জাতির সহিত অন্য জাতির স্বার্থ লইয়া দন্দ বা কলহ বাধে, তাহা হইলে,—সেই বিবাদ মীমাংসার জগৎ জাতিসঙ্ঘের হস্তে সমর্পণ করিতে হইবে, এবং জাতিসঙ্ঘ কি ভাবে উহার মীমাংসা করিয়া দেন, তাহা দেখিবার জগৎ ছয় মাস কাল অপেক্ষা করিতে হইবে। যদি ছয় মাসের মধ্যে মীমাংসা না হয়, তাহা হইলে প্রাপ্ত তিন মাস উহার জগৎ অপেক্ষা করিতে হইবে। রাজনীতিকক্ষেত্রে তখনকার নস, নীল, গয়, গবাক্ষ যখন খুব নাটকেপণা করিয়া এই প্রতিষ্ঠানটি প্রতিষ্ঠিত করিয়াছিলেন, তখন অনেকে ভাবিয়াছিলেন যে, এইবার বৃষ্টি স্বর্গরাজ্য পরাতলে নামিয়া আসিল! আমরা কিন্তু তখনই বুঝিয়াছিলাম যে, এই প্রতিষ্ঠান সফল হইবে না। মার্কিনের তদানীন্তন প্রেসিডেন্ট উইলসন উহার গোড়ায় গলদ ছিল বলিয়া উহাতে যোগদান করেন নাই! কিন্তু অদৃষ্টের এমনই উপহাস যে, এই প্রতিষ্ঠান প্রতিষ্ঠিত হইবার পর ১৫ বৎসর যাইতে না যাইতে উহার নিফলতা এবং অসারতা যে একরূপ

নয়ভাবে লোকের নয়নসমক্ষে প্রকাশিত হইবে, তাহা কেহই ভাবে নাই। যে ইটালী ইহার মূল সভা, সেই ইটালী নিতান্ত শীনতামূচক স্পর্কার সহিত এই সঙ্ঘের অগ্নি এক জন দুর্বল ও দরিদ্র সবস্বে উপর অকারণ গায়ে পড়িয়া যুদ্ধ বাধাইল, এবং যুদ্ধ নীতির সমস্ত সঙ্গত নিয়ম অমাত্র করিয়া রোগিনিবাসে এবং ধর্ম্মনিকেনে রাকসোচিত বিক্রম দেখাইয়া অত্যন্ত যত্নাদায়ক বিষবাস্পূর্ণ বোমা নিক্ষেপ করিতে থাকিল, আপনাদের ঘণা কাপুরুষতাকে বীরত্ব বলিয়া ধরার বক্ষে দাঁড়াইয়া স্পর্কা করিতে লাগিল, আর জাতিসঙ্ঘ নিতান্ত অক্ষম দর্শকের জায় ফাল-ফাল করিয়া উহা দেখিতে লাগিলেন। গায়বিচার-প্রার্থীর রক্ষার জগৎ, হৃদয় জাতির শাস্তিবিধানের জগৎ, কিছুই করিতে পারিলেন না। পরসে খবচ করিয়া এইরূপ নামমাত্র প্রতিষ্ঠান রাখিবার কি প্রয়োজন আছে? গায়ধর্ম উপেক্ষাকারীর শাস্তিবিধানের জগৎ যে ব্যবস্থা করা হইল, তাহাও অপরাধী জাতি জড়স্বী সহকারে উপেক্ষা করিল, জাতিসঙ্ঘ এবং তাহার সদস্যবৃন্দ তাহাও পরিপাক করিলেন। তাহার পর তের জন সদস্যের কমিটি বিবাদ-মীমাংসার জগৎ যে ব্যবস্থা করিতে চাহিলেন, তাহাও ক্ষমতাস্পর্কী ইটালী অটহাস্য হাসিয়া অগ্রাহ করিয়া দিল। জাতিসঙ্ঘ লজ্জাবনত-বদনে জগৎসমক্ষে এই অপমান সহ্য করিতে বাধ্য হইল। ইটালী সন্ধি না করিবার যে হেতু দেখাইয়াছে, তাহার অসারতা বালকেও বুঝিতে পারে। সে সব কথার আলোচনা অনাবশ্যক। সর্বশেষে ইথিওপীয়ার রাণী গলদক্ষনয়নে, গলদক্ষীকৃতবাসে সমস্ত জগদ্বাসীকে জানাইয়াছিলেন,—“ওগো, জগদ্বাসী, আমরা কাহারও কোন অনিষ্ট করি নাই। আজ দস্যু আসিয়া অকারণ অশ্রুতীন আমরা, আমাদেরকে হত্যা করে। আর সময় নাই! আমাদেরকে রক্ষা কর!” সে কাতর নিবেদন অনন্তশূণ্যে মিশাইয়া গেল! যে বীরত্ববোধের অনুপ্রেরণায় রাণী কর্ণাবতীর রাণী পাইয়া হুমায়ূন অবিলম্বে সৈন্তে তাহার উদ্ধারার্থে ধাবিত হইয়াছিলেন, বর্তমান সভ্যতার যুগে বীরত্বের সে আদর্শ মুছিয়া গিয়াছে! এখন কেবল বোমা আর বিষময় বাষ্পের ব্যবহারই বীরত্বের নিদর্শন! প্রতারণাই বীরত্বের অঙ্গভরণ। এখন লীগ অব নেশন্স বা জাতিসঙ্ঘ সংগঠন করিয়া লাভ কি? উহার ক্রীবত্ব জাঙ্ঘলামানভাবে সুপ্রকাশ!

### মিশরের নরপতি পরলোকে

মিশরের রাজা ফুয়াদ গত ১৫ই বৈশাখ পার্শ্বিবে দেহ ত্যাগ করিয়া অনন্তধামে মহাপ্রয়াণ করিয়াছেন। ইনি যে এক জন বিশিষ্ট নৃপতি ছিলেন, সে বিষয়ে সন্দেহ নাই। বর্তমান পারিপার্শ্বিক অবস্থায় মিশরের যতদূর উন্নতিসাধন করিতে পারা যায়, তাহা করিবার জগৎ তাঁহার একান্ত চেষ্টা ছিল। তিনি ছিলেন এক জন অক্লান্ত কর্ম্মী। ইনি বিগোংসাহী, শিকাগুরাগী এবং মিশরের প্রথম নিরমনিয়ন্ত্রিত রাজা। ইনি খদিব ইস্মাইলএর দ্বিতীয় পুত্র ছিলেন। উহার পূর্বজগণ সকলে খেদিব বলিয়া অভিহিত হইতেন। তাঁহার ছিলেন তুর্ক সুলতানের প্রতিনিধি। রাজা ফুয়াদই কেবল রাজ উপাধিতে ভূষিত হইয়াছিলেন। ১৮৬৯ খৃষ্টাব্দের মার্চ মাসের ২৬শে তারিখে ইনি জগৎপ্রণয় করেন এবং



বাল্যকালে ইনি ইহার পিতার প্রতিষ্ঠিত রাজবিদ্যালয়ে বিদ্যারম্ভ করিয়াছিলেন। ষখন ইহার বয়স ১০ বৎসর, তখন তিনি জেনিভার টৌডিকন (Toudikon) বিদ্যালয়ে শিক্ষাপ্রাপ্তির জ্ঞান প্রেরিত হইয়াছিলেন। তাহার পর তিনি টুরিনে গমন করেন এবং ইটালীর রাজা ভিক্টর ইমানুয়ালের সতীর্থ থাকিয়া গোলন্দাজী বিদ্যায় বিশেষ ব্যুৎপত্তি লাভ করিয়াছিলেন। ১৮৯০ খৃষ্টাব্দে ইনি এক বৎসরের জ্ঞান তুরঙ্গ সুলতান আবদুল হামিদের এডিকং বা পার্শ্বচরের কার্য্য করেন। সুলতান আবদুল হামিদ ইহাকে ভিয়েনায়স্থিত অটোমান দূতাবাসের সামরিক কক্ষচারী করিয়া পাঠাইয়াছিলেন। ১৮৯২ খৃষ্টাব্দে তিনি কায়রো নগরে ফিরিয়া আসেন



মৃত রাজা ফরাদ

এবং ঐ বৎসরেরই মধ্যভাগে তিনি তাহার পিতার (তদানীন্তন খেদিবেব) পার্শ্বচর-পদে নিযুক্ত হন। তিনি দেখিলেন যে, তাহার দেশে কালোপয়সী শিক্ষা-প্রতিষ্ঠানের বড়ই অভাব, সেই জ্ঞান তিনি মিশর বিশ্ববিদ্যালয়ের প্রতিষ্ঠায় অবহিত হইয়াছিলেন। ১৯০৩ খৃষ্টাব্দের শেষভাগেই এই বিশ্ববিদ্যালয় গঠিত এবং ১৯২২ খৃষ্টাব্দে উহাকে চারি শাখায় বিভক্ত করা হয়। যথা—আইন শাখা, ভৈষজ্য শাখা, স্থাপত্য শাখা এবং বিজ্ঞান শাখা। ১৯২৯ খৃষ্টাব্দে তিনি রয়্যাল (রাজকীয়) রাজনীতিক, অর্থ-নীতিক এবং বৈজ্ঞানিক সমিতি প্রতিষ্ঠিত করেন। ঐ বৎসরেই তিনি মিশরে রয়্যাল মেডিক্যাল এসোসিয়েশন প্রতিষ্ঠিত করিয়াছিলেন। তিনি এথেন্সের প্রাচ্য বিদ্যালয়সমিতিতে যোগদান করিলে ঐ সমিতি তাহাকে ডক্টর উপাধি দিয়াছিলেন। ১৯২৩ খৃষ্টাব্দের অক্টোবর মাসে তিনি তাহার পিতার প্রতিষ্ঠিত রয়্যাল জিওগ্রাফিক্যাল ইনষ্টিটিউটের সভাপতি হইয়াছিলেন। ফলে ইনি এক জন শিক্ষিত এবং শিক্ষাবিস্তারের পক্ষপাতী ও বিদ্যোৎসাহী নরপতি ছিলেন।

ইহার অগ্গ্রে মৃত্যুর পর ইনি মিশরের সুলতান

হইয়াছিলেন। মুহম্মদ আলি পাশা হইতে গণনা করিলে ইনি দশম নরপতি হন। ইনিই খেদিব (প্রতিনিধি রাজা) এই নামে ঘূচাইয়া সুলতান বা রাজা নাম ধারণ করেন। ইনি এক জন বিশিষ্ট নিয়মনিষ্ঠ নরপতি ছিলেন। তাহার ধর্মনিষ্ঠা অনন্ত-সাধারণ ছিল। স্বয়ং সমস্ত রাজকাৰ্য্যই পরিদর্শন এবং অপব্যয় নিয়মিতভাবে সংবাদপত্র পাঠ করিতেন। শয়ন করিতে ষাটবার



মিশরের নূতন রাজা ফারুক

পৃথিবীতে আবার একটা সময় আসন্ন হইয়া পড়িয়াছে,—এ কথা সকলেই বলিতেছেন। ইহা লক্ষণ দেখিয়া অসুমান মাত্র। তবে যেকোন মেঘাড়ধর, তাহাতে দুই চারিটি বজ্রপাত এবং কিছু করকাপাত না হইয়া যে যাইবে, তাহা মনে হয় না। কিন্তু এখন জিজ্ঞাস্য হইতেছে, যদি সত্য সত্যই একটা বড় রকমের যুদ্ধ বাধে, তাহা হইলে গ্রেট ব্রিটেন সেই যুদ্ধে লিপ্ত হইবেন কি না? বর্তমান কালে কেহ ইচ্ছা করিয়া যুদ্ধে লিপ্ত হইতে চাহে না,—তবে গ্রহের ফেরে বা অজ্ঞতার ফলে অথবা অবস্থার তাড়নায় লোককে যুদ্ধে লিপ্ত হইতে হয়। ব্রিটিশ সেনা-বিভাগের জর্নিক সেনাপতি হেনরী বোয়ান রবিন্সন সম্প্রতি Security (নির্বিঘ্নতা) নামক গ্রন্থে লিখিয়াছেন,—“নানা কারণে আমাদের পক্ষে শান্তিই প্রয়োজনীয়। একটি কারণ, আমরা ধনাঢ্য জাতি, সুতরাং যুদ্ধ হইলে আমাদের কোন দিকেই লাভ নাই, বরং সকল দিকে লোকসান হইবার সম্ভাবনা। দ্বিতীয় কারণ, সাগরপথের এবং বিমানপথের নানা দিক দিয়া আমাদের আক্রান্ত হইবার আশঙ্কা অত্যন্ত অধিক। তৃতীয় কারণ, আমরা যদি সত্য সত্যই যুদ্ধে জড়িত না হই, তাহা হইলেও যুদ্ধের ফলে বাণিজ্যের বাজারে এবং আর্থিক বাপাবে

পূর্বে তিনি নিয়মিতভাবে উপাসনা করিতেন। তিনি স্বয়ং সুশিক্ষিত ছিলেন এবং শিক্ষিত ব্যক্তিদিগের সঙ্গ করিতে ভালবাসিতেন। চলচ্চিত্র দেখিতে তাহার বিশেষ ঝোঁক ছিল। রাজপ্রাসাদে তিনি রাজ্ঞী এবং রাজপরিবারের সচিত্র মিলিত হইয়া চলচ্চিত্র দেখিতেন। ইনি এক জন দানশৌণ্ড ছিলেন—মিশর সরকারের নিকট হইতে ইনি সংসারখরচ বাবদ যে টাকা পাইতেন, তাহার একটা মোটা অংশ যোগা পাত্রে দান করিতেন, ইহার পরলোকগমনে মিশরের বিশেষ ক্ষতি হইল, সে বিষয়ে সন্দেহ নাই। ইহার পুত্র ইহার পুত্রই মিশরের সুলতান হইলেন। আমরা তাহার দীর্ঘ জীবন কামনা করি।

### আসন্ন সময় ও গ্রেট ব্রিটেন



যে গোলযোগ ঘটিবে, তাহার ফলে আমাদের পণ্য বেচিবার পথ  
• রুদ্ধ হইবে।" কথাগুলি খুবই সত্য। গ্রেট ব্রুটেন কোনমতেই  
সংগ্রাম কামনা করিতে পারেন না। ইহা ভিন্ন আরও কতগুলি  
কারণ আছে। বিগত যুবোপীয় মহাযুদ্ধের পূর্বে গ্রেট-ব্রুটেনের  
যে অবস্থা ছিল, এখন আর ঠিক সে অবস্থা নাই। তখন নৌবলে  
গ্রেট ব্রুটেন অপর যে কোন দুই শক্তির সমকক্ষ ছিলেন। এখন  
আর সে অবস্থা নাই। এখন গ্রেট ব্রুটেন রণপোতে মার্কিনের  
তুল্য, অর্থাৎ মার্কিন রণপোতের সংখ্যা বাড়াইয়া এখন গ্রেট  
ব্রুটেনের সমকক্ষ হইয়া উঠিয়াছে। তাহা ভিন্ন ফ্রান্স, ইটালী এবং  
জাপান তাহাদের নৌবল দ্রুত বৃদ্ধি করিয়াছে এবং করিতেছে।  
ভূমধ্যসাগরে এখন ইটালী গ্রেট ব্রুটেনের সত্বে পাল্লা দিবার স্পর্ধা  
করিতেছে। জাৰ্মানী অনেক রণপোত নির্মাণ করিতেছে।  
এখন যদি মরোক্কো এবং ইটালীয় রণপোত সম্মিলিত হয়, তাহা  
হইলে ভূমধ্যসাগর দিয়া উহার ব্রিটিশের ভারতে আসিবার পথ রুদ্ধ  
করিতে পারে। তাহার পর আর একটা ব্যাপার ঘটয়া গেল।  
বিগত মহাযুদ্ধের পক্ষে ব্রিটিশ নৌবাহিনীর সর্বত্র কয়লা লইবার  
আস্রা ছিল। কয়লাও তাহাদের যথেষ্ট ছিল। এখন জাহাজ  
তেলে চলে। এখন গ্রেট ব্রুটেনকে তাহার প্রয়োজনীয় তেলের  
শতকরা ৬০ ভাগ মার্কিন, ইরান এবং ইরাক হইতে আমদানী  
করিতে হয়। ইরাক এবং ইরানের তৈল ব্রুটেনের হাতে  
আসিয়াছে সত্য; কিন্তু তাহা বিদেশে অবস্থিত। তথায় যাইতে  
হইলে ভূমধ্যসাগর দিয়া যাইতে হইবে। যুদ্ধ বাধিলে সে পথ  
আক্রান্ত হইবার সম্ভাবনা আছে! কেবলবাত্র তৈল সরবরাহের  
দিক হইতে ব্রিটিশ নৌবাহিনীর বিশেষ অসুবিধা ঘটিতে পারে।

যুদ্ধের পর আবার একটা ব্যাপার হইয়াছে! এখন বিমান  
দ্বারা আকাশপথে আক্রান্ত হইবার সম্ভাবনা বড়ই বাড়িয়াছে।  
এখন নৌশক্তি দ্বিতীয় স্থান অধিকার করিয়াছে। তাহার উপর  
শিল্প এবং বাণিজ্যের ক্ষেত্রে গ্রেট ব্রুটেনকে এখন প্রবল প্রতিদ্বন্দিতার  
সম্মুখীন হইতে হইয়াছে। যুদ্ধের পূর্বেই মার্কিন এবং জাৰ্মানী  
শিল্প বাণিজ্যে গ্রেট ব্রুটেনের সত্বে ঘোর প্রতিদ্বন্দ্বিতা করিতে  
আরম্ভ করে। যুদ্ধের পর সেই প্রতিদ্বন্দ্বিতা বৃদ্ধি পাইয়াছে।  
এখন মার্কিন, ফ্রান্স, ইটালী ও জাপান শিল্প এবং বাণিজ্যের  
ক্ষেত্রে গ্রেট ব্রুটেনের প্রবল প্রতিদ্বন্দী। তাহার পর আর্থিক  
ব্যাপারে গ্রেট ব্রুটেনের যে নেতৃত্ব ছিল, তাহাও যেন কতকটা হ্রাস  
পাইয়াছে। ইংরেজের ইচ্ছিতেই এখন আর টাকার বাজার সম্পূর্ণ  
চালিত হয় না। সত্য বটে, বহু দেশে গ্রেট ব্রুটেনের মত টাকা  
খাটিতেছে, গল্প কোন দেশের মত টাকা বিদেশে খাটিতেছে না।  
তাহা হইলেও টাকার বাজারে ইংরেজের প্রভাব যেন কিছু  
কমিয়াছে। এই সকল কারণে ইংরেজ সাধারণকে ইচ্ছা করিয়া  
বণক্ষেত্রে অবতীর্ণ হইবেন না।

### হাবসী-সংগ্রাম শেষ

হাবসী-সংগ্রাম শেষ হইয়া গেল। দুই হাজার বৎসরের একটি  
প্রাচীন বাকবংশের আজ বিলোপ ঘটিল। সরল বিশ্বাসী খৃষ্টভক্ত  
একটি জাতির বান্দ্রমি আজ মহাশ্মশানে পরিণত হইল।  
ইথিওপিয়া আজ রাফসী ক্ষুধার বিষয়জনক বীরত্ব প্রদর্শন করিয়া

আত্মবলি দিল। যুরোপীয় সভ্যতার বাহ্য চাকচিক্যের অন্তরালে  
বর্ষরতার এবং পৈশাচিকতার যে মূর্তি লুকাইয়া রহিয়াছে,  
ইটালী তাহার নগ্নতা আজ সমস্ত মানব-সমাজ-চক্ষুতে ধরিয়া  
দেখাইয়াছে। ধন্য ইটালী! ধন্য তোমার বর্ষরতার বহর!  
তোমার এই বর্ষরতার বিজয়-কাহিনী মানবজাতির ইতিহাসকে  
চিরকলঙ্কিত করিয়া রাখিবে; মগুসিন্দুর এবং সহস্র সহস্র  
সরিতের সলিলরাশি তোমার সেই রক্তময় কলঙ্ক ধুইয়া ফেলিতে  
পারিবে না। যদি মানবজাতির মনুষ্যত্বের কিছু অবশেষ থাকে,  
তাহা হইলে তাহারা তোমার এই কাব্য দেখিয়া লজ্জায়  
অধোবদন হইয়া থাকিবে।

যুদ্ধবিগ্রহ চিরকালই আছে এবং থাকিবে। প্রবলের মালসাগ্রি-  
কুণ্ডে দুর্বল চিরকালই আপনাকে আহুতি দিয়া আসিতেছে।  
ইহা কি বিধাতার বিধান বলিয়া মনে হয়? কিন্তু আজ ইটালী  
পৈশাচিক বিজ্ঞানের সাহায্যে যে রাক্ষসিক মারণাস্ত্র প্রস্তুত



মুসোলিনী

করিয়াছে, যে বিমান এবং বিষবাস্তুপূর্ণ বোমা আবিষ্কৃত করিয়া  
সহস্র সহস্র শৌর্ষাশালী এবং স্বদেশপ্রেমিক, কিন্তু রাফসয়ুদ্ধ  
করিতে অসমর্থ, বরণ্য বীরকে অশেষ নতুণা দিয়া মারিয়াছে,  
জানিও, তাহার প্রায়শ্চিত্ত তাহাকে করিতেই হইবে। বিশ্ববরের  
রাজ্যে কিছুই বিলুপ্ত হয় না, কোন কুকীর্তিই ঢাকা পড়ে না।  
এই বিশ্বে একটি ক্ষুদ্র প্রাণী যে বেদনা-কাতর ধ্বনি তোলে,  
জানিও, তাহা অনন্তকাল, এই অনন্ত মহাকাশে ইধার-কম্পনে  
ধ্বনিত এবং প্রতিধ্বনিত হইতে থাকে। উহা বিশ্বপাতার ঋতিমূলে  
পৌঁছিতে বিলম্ব হয় না। তোমার রণবিমান, মাষ্টার্ড গ্যাস  
প্রভৃতি স্বদেশপ্রেমিক বীরের রক্তকে যে ভাবে অশেষ নতুণা  
দিয়া মারিয়াছে, তুমি যে ভাবে গীজ্জা, গাসপাতাস প্রভৃতির  
উপর যুদ্ধের সমস্ত নীতি লঙ্ঘন করিয়া উহা নিক্ষেপ করিয়াছ,  
তাহাতে তোমার কাপুরুষতা ও পৈশাচিকতাই প্রকাশ পাইয়াছে।  
তোমার ঐ হলহলের বিজয়-মুকুট কামিনিকালেও তোমার

যশোভাতি বৃদ্ধি করিবে না। তুমি এখন তাহা বৃদ্ধিতে না পার, পরে তাহা বৃদ্ধিবে। মনে পড়ে কি ১৮৯৮ খৃষ্টাব্দে হেগের মধ্যস্থ সভায় কসিয়ার জার দ্বিতীয় নিকলাস যাহা বলিয়াছিলেন? তাঁহার কথা যে বর্ণে বর্ণে সত্য হইয়াছে, তাহা অস্বীকার করা যায় না। তিনি বলিয়াছিলেন, ঐ সকল বৈজ্ঞানিক নারকীয় অস্ত্র ব্যবহার করা নিষিদ্ধ করিতে হইবে। নতুবা উহার অগ্নিতে যুরোপ ছাড়াইয়া যাইবে। ইহার ফলে যুরোপের নৈতিক দুর্গতি এবং বর্ষবর্তার পুনরাবির্ভাব কিরূপ হইবে, তাহা হার্বার্ট স্পেন্সার, এলফ্রেড রাসেল ওয়ালেস প্রভৃতি উদাত্ত স্বরে ঘোষণা করিয়া গিয়াছেন। সুদী হার্বার্ট স্পেন্সার তাঁহার Facts and Comments নামক বিখ্যাত গ্রন্থের ১৩২-৩৩ পৃষ্ঠায় প্রায় পঞ্চাশ বৎসর পূর্বে লিখিয়া গিয়াছেন।—

Thus on every side we see ideas and feelings and institution appropriate to peaceful life repla-



হাবসী সম্রাট



হাবসী সম্রাজ্ঞী

ced by those appropriate to fighting life. In all places and in all ways there has been going on during the past fifty years a recrudescence of barbaric ambitions, ideas and sentiment, an unceasing culture of blood thirst. If there needs a striking illustration of the result, we have it in the dictum of the peoples Laureate that the "lordliest life on earth" is one spent in seeking to bag certain of our fellow men.

ইহার মর্মার্থ—এইরূপ আমরা সর্বত্রই দেখিতেছি যে, (পূর্ববর্তী) শান্তিময় জীবনযাপনের পক্ষে আবশ্যিক ধারণার, মনোভাবের এবং প্রতিষ্ঠানের স্থানগুলি যুদ্ধে নির্যত জীবনের উপযোগী ধারণা, মনোভাব এবং প্রতিষ্ঠান আসিয়া দখল করিতেছে। গত পঞ্চাশ বৎসর ধরিয়৷ সর্বস্থানে ভঙ্গসমাজের

অযোগ্য উচ্চাভিলাষ, ধারণা, ভাবাবেগ এবং বক্তৃতিপন্যের অনুশীলন দেখা দিতেছে। ইহার ফল স্বরূপে যদি জাজলামান দৃষ্টান্তের প্রয়োজন হয়, তাহা হইলে আমি রাজকাঁবির কথা বলিব যে, স্বজাতিকে শিকার করাই ধরাতলে সম্প্রদায়ের অস্বস্তি জীবন এই কথার মধ্যে তাহা রহিয়াছে। স্পেন্সার ঐ প্রবন্ধের নাম দিয়াছেন বর্ষবর্তার পুনরাবির্ভাব (Rebarb rization)। সত্য বটে, আজ খেতাজ জাতির কৃষকায় জাতিদিগের জন্ম বিন্দুমাত্রও বাধিত নহেন, কিন্তু তাহা হইলেও এই ব্যাপার দর্শনে তাঁহারা নিজ নিজ ভবিষ্যৎ ভাবিয়া উদ্বিগ্ন। ইটালী যে ভাবে অন্তরীক্ষ হইতে স্বদেশপ্রেমিক হাবসী জাতির উপর সানসে মাষ্টার গ্যাস, তরলীকৃত অগ্নি, হৃদযোদক বাষ্প প্রভৃতি নিক্ষেপ করিয়াছে, যুরোপে আসন্ন যুদ্ধে যদি খেতাজ জাতির মরিয়া হইয়া পরস্পর পরস্পরের উপর ঐ সকল মারাত্মক এবং ঘোর যন্ত্রণাদায়ক প্রহরণ নিক্ষেপ করে, তাহা হইলে যুরোপের

কি দাঁড়াইবে? এখন এই চিত্তাই খেতাজ জাতিদিগের মধ্যে প্রবল হইয়া পড়িয়াছে। এই ভগ্নতে যে কাঠায় মাপ, সেই কাঠায় তাহার শোর তম্ব, ইহা জানা কথা। যুরোপের বণচণ্ডী এবার হিন্নমস্তাকপে তাঁহার স্বীয় কদির (যুরোপীয় সভ্যতা) পান করিবেন,—এই আশঙ্কা স্বহৃদে সকলের মনে উদ্ভিত হইতেছে।

শেষ দিকে দুই তিন মাসের দাঁরয়া যুদ্ধের যে সংবাদ আনিতেছিল, তাহাতেই সকলের মনে শঙ্কা জন্মিয়াছিল যে, ইথিওপিয়ায় স্বাধীনতা-যুগে অন্তর্ভুক্ত হইতে আর বিলম্ব নাই। যুদ্ধের দারা সর্বত্রই প্রায় একরূপই ছিল, প্রভেদ কেবল

স্থানের এবং ফলের। শেষ দিকে সংবাদ পাওয়া যায় যে, ইটালীয় সৈন্য সদস্ত পদবিক্ষেপে অগ্রসর হইয়া ক্রমশঃ দেস্‌সি, জিজিগা, হারার অধিকৃত করিয়া আদিস আবাবার দিকে অগ্রসর হইতেছে। সর্বত্রই হাবসী সৈন্য ইটালীয় সৈন্যকে বাধা দিতেছে। ইটালীয় সৈন্য বিমান হইতে বোমা নিক্ষেপ করিয়া অসহায় শৌচাশালী হাবসী সৈন্যদিগকে বিধ্বস্ত করিয়া দিতেছে। সকল বণক্ষেত্র হইতে সেই একই কথা। হাবসী নবনাবীর স্বদেশ-রক্ষার্থ জীবন বিসর্জন করিতেছে,—আর ইটালীয়ান বীরপুঙ্গব ইন্দ্রজিতের জায় অন্তরীক্ষে থাকিয়া তাহাদের উপর বোর যন্ত্রণাদায়ক মারাত্মক প্রহরণ নিক্ষেপ করিয়া সেই নিরপরাধ লোকদিগকে হত্যা করিতেছে। আদিস আবাবা দখলের প্রায় পঞ্চাধিক কাল পূর্বে জিজিগা নামক স্থান ইটালীয় সৈন্যদিগের দখলে আইসে। এই সময় সত্যনিষ্ঠ ইটালীয়ানরা ঘোষণা করেন যে, সম্রাট হাইলস সিলাসি যুদ্ধে নিহত হইয়াছেন। সংবাদটি সম্পূর্ণ

মিথ্যা। ঠিক এই সময়ে ইটালীর 'পিপলো ডি ইটালীয়া' নামক আধা সরকারী পত্রে প্রকাশ পায় যে, ইটালী সমস্ত আবিসিনিয়া রাজ্যটি অধিকার করিয়া লইতে চায়। নতুবা তাহারা আবিসিনিয়ার অধিবাসীদিগকে বর্বরোচিত অত্যাচার হইতে রক্ষা করিতে পারিবে না; তাহার পর হাবসীর' নাপেলীর উত্তরে এক দল ইটালীয় সৈন্যকে ছত্রভঙ্গ করিয়া দিয়াছিল। ঐ যুদ্ধে ৩২০ জন যুরোপীয় সৈন্য মরিয়াছিল। ১৫ই এপ্রিলের সংবাদে প্রকাশ—ওগাডেনে উভয় পক্ষের ঘোর সংগ্রাম হইয়া গিয়াছে। দেদজামাস এবং ওহাইব পাশা এই স্থানে হাবসী সৈন্যদিগকে পরিচালিত করিয়াছিলেন। এই স্থানে ইটালীয়ানরা প্রচণ্ডভাবে বোমাবর্ষণ করিয়াও কিছু করিতে পারে নাই। হাবসীরা দেসদির বিমানের আড়াল আক্রমণ করিয়া ইটালীর ১৭ খানি রণবিমান ধ্বংস করে। এইরূপ ওয়াহা হাচুতে এবং মোলামোদা গিরিবন্যে উভয় পক্ষের ভীষণ যুদ্ধ হয়। সামাচেনেও ঘোর যুদ্ধ হয়। সর্বত্রই ইটালীয়ানরা বোমাবর্ষণ করিয়া জয়লাভ করে। হাবসীদিগের বিস্তর সৈন্য ক্ষয় হয়। কিন্তু যখন দেখা যায় যে, আর উপায় নাই, তখন হাবসী-রাজমহিষী এবং হাবসী-রাজহুহিতা দাশনয়নে সমস্ত সংবাদপত্রের সংবাদদাতাকে এবং মহিলা-সমাজকে হাবসী জাতিতে রক্ষা করিবার জন্ত অনুরোধ জানাইয়াছিলেন। কিন্তু কিছুতেই কিছু হইল না। অষ্টনটনপটীয়সী মহামায়া কি উদ্দেশ্যে কোন্ কার্য করেন, তাহা বুঝিবার সাধ্য মানুষের নাই।

কিন্তু যখন সম্রাট রাস তাফারি দেখিলেন যে, তাঁহার মত প্রায় নিরস্ত্র জাতির আর ইটালীর জাগ মারণাত্রে সুসজ্জিত জাতির সহিত যুদ্ধ করিয়া জয়লাভের আশা নাই,—তখন তিনি রাজমহিষী এবং রাজপরিবারবর্গকে জিবুটীতে পাঠাইয়া দিয়া স্বয়ং রাজধানীতে থাকিবেন সঙ্কল্প করিয়াছিলেন। কিন্তু শেষ-কালে রাজ্ঞী এবং রাজপরিবারের সকলের বিশেষ পীড়াপীড়িতে তিনি রাজধানী পরিত্যাগ করিয়া তাঁহাদের সহিত জিবুটী যাত্রা করেন। প্রথমে সংবাদ আসিয়াছিল যে, রাজ্ঞী জেরুজিলামে

ঘাইবেন। তাহার পরে সংবাদ পাওয়া যায় যে, রাজপরিবারের সকলেই সম্রাটসহ ফ্রান্সে ঘাইয়া আশয় লইবেন। কিন্তু তাহা হয় নাই। প্রকাশ—সম্রাট গত ৪ঠা মে জিবুটী হইতে বুটিশ রণতরী 'এন্টারপ্রাইজে' আরোহণ করিয়া চলিয়া গিয়াছেন। তিনি কোথায় গিয়াছেন, তাহা এখনও প্রকাশ নাই। তবে শুনা ঘাইতেছে যে, তিনি প্যালেষ্টাইনের হাইকা নগরে গিয়াছেন। সম্রাট চলিয়া ঘাইবার পর আদিস আবাবায় খোর অরাজকতা এবং লুণ্ঠনবাজ আদ্রু হইয়াছিল। সহরের মনোভাগ অগ্নিবোগে ভস্মীভূত হইয়া গিয়াছে। বিদেশী, বিশেষতঃ যুরোপীয়দিগের উপর উন্নত জনতা গুলী বর্ষণও করিয়াছে। সেনাপতি রাস নাসিবু এবং তুর্ক সামরিক পরামর্শদাতা ওহাইব পাশা গত ৫ই মে দিয়েদোয়া হইতে আদিস আবাবায় ফিরিয়া গিয়াছেন। কলে ইটালীরদিগকে বাদ দিবার সমস্ত ব্যবস্থা নষ্ট হইয়া গিয়াছে। ৩০শে বৈশাখ মঙ্গলবার অপরাহ্নে ইটালীয় সৈন্য আদিস আবাবায় প্রবেশ করিয়াছে। আপাততঃ প্রকাশ—সম্রাট হাইলমস সিলাসি প্যালেষ্টাইনেই থাকিবেন। কিন্তু তথ্য থাকিয়া তিনি আর আবিসিনিয়ার ব্যাপার সম্বন্ধে কিছু করিবেন না।

হাইলমস সিলাসি শেষ পর্যন্ত তাঁহার বাজের স্বাধীনতা রক্ষার জন্ত প্রাণপণে এবং অকুতোভয়ে চেষ্টা করিয়াছেন। এই যুদ্ধে তাঁহার অনেক লোকক্ষয় হইয়া গিয়াছে। ইহাতে মনে হইতেছে যে, তিনি এক জন জনপ্রিয় রাজা ছিলেন। ইটালীরও এই যুদ্ধে অনেক লোকক্ষয় হইয়াছে; কিন্তু ইটালী দৃষ্টিতে ইরি ট্রিয়া এবং সোমালী-দেশীয় সৈন্যদিগকে প্রথমে শত্রু মন্যুখীন হইতে পাঠাইতেন! সেট জগৎ হাঁহাদের শ্রেষ্ঠ সৈনিক অধিক ক্ষয় হয় নাই। এখন অনেক কথা ঢাপা আছে, ক্রমে সমস্তই প্রকাশ পাইবে।

এখন এই ব্যাপারের তবঙ্গতাডনা কোথায় ঘাইয়া পড়িবে, কে বলিতে পারে?

## “ওয়াল্টেয়ার”

তুলি দিয়ে আঁকা ছবির মতন নীল সাগরের কূলে  
কে যেন বতনে খেলাঘর পেতে রয়েছে ভুবন ভূলে!

কল-কোলাহল হইতে বিজনে

আমরা চলিয়া এসেছি হৃৎকনে

ডাগর তোমার অতল নয়নে সাগর উঠিছে হলে!

মোর খেলাঘর ও দুটি ডাগর নয়ন-সামর-কূলে!

নিজন শৈল, বিজন বনানী, অসীম সলিলরাশি!

শীতল পবন সন্ধ্যার কাণে কি সুরে বাজায় বীণী!

ঘনায় আঁধার উপরে ও নীচে,

ঘনায় আঁধার সম্মুখে পিছে,

মোর মন হ'তে মুছে নেয় ধরা ও কালো আঁধার হাসি!

ভুবন ভুলিয়া রহিয়া তনয় নেহারি' আঁধাররাশি!

দূর মন্দির হ'তে আরতির মৃদুল ঘণ্টা আসে!

কালো সিঁদুর কোলে “ভাইজাগ” শিশুটির মত হাসে!

আঁচলে ঢাকিয়া মাতা যেন তাগ

ঘুম-পাড়ানীয়া ছড়া-গান গায়

তরঙ্গ শিশু দুমতে না চায় খলু খলু করি হাসে!

জনপদ হ'তে জনরব তাই আরতি পনিতে ভাসে!

চলি ধীরে-ধীরে বালু-বেলা-তীরে, আকাশের আঙ্গিনাতে  
দিখালিকারা তারাদীপ জ্বালে জ্যোৎস্না ধোওয়ানো হ'তে!

কালো শিলা আর চেউয়ের লীলায়

আলো-ছায়া ঝলি' উঠিয়া মিলায়

হাসি-মুখে চাঁদ উঁকি দিয়ে চায় নিরালা মধুর রাতে!

সে-হাসি-জ্যোৎস্না মিতালী পাতায় মাটির কবির সাথে!

শ্রীরামেন্দু দত্ত।



# স্বাধীনতা সংগ্রাম

## অস্ত্র এবং উদয়

পৌর্ণমাসী রজনীর শেষ হইলে দেখা যায় যে, চন্দ্রদেব এক দিকে ম্লান-কিরণে অস্তাচলে যাইতেছেন, অগ্নিদিকে সবিতৃদেব পূর্ন-গগনকে জ্বাকুসুমবর্ণে অমুরঞ্জিত করিয়া উদ্ভিত হইতেছেন। জগতের ইহাই নিয়ম। যে অস্তে যায়, তাহার তেজ ম্লান হয়,— যাহার উদয় হয়, তাহার তেজ যেন পলে পলে বৃদ্ধি পায়। সম্প্রতি ভারতের রাজনৈতিক গগন হইতে লর্ড উইলিংডনের অস্তগমন এবং তাঁহার স্থানে লর্ড লিনলিথগোর উদয় এই ব্যাপারেই পরিলক্ষিত



লর্ড লিনলিথগো



লর্ড উইলিংডন

হইয়াছিল। মনে পড়ে, পাঁচ বৎসর পূর্বে এই লর্ড উইলিংডন ভারতের রাজনৈতিক আকাশে যখন নববিভাকররূপে উদ্ভিত হইয়া ছিলেন, তখন তিনি এ দেশবাসীকে কত আশার বাণীষ্ট শুনাইয়াছিলেন! আজ একে একে তাঁহার কথাগুলি মিলাইয়া লইলে কি দাঁড়ায়, তাঁহার বিদায়কালে আমরা তাঁহার আর আলোচনা করিব না! ইতিহাস তাহা লোককে বিশেষভাবে বুঝাইয়া দিবে। এ কথা সত্য যে, লর্ড রেডিংএর শাসনকালে যে দমননীতি প্রবর্তিত হইয়াছিল, লর্ড উইলিংডনের আমলে তাহাই চরমে চড়িয়াছিল। ইনি সিভিলিয়ানী প্রভাবে সম্পূর্ণভাবে পতিত হইয়াছিলেন। ইহার যে কোন ব্যক্তিগত বিশেষত্ব ছিল, তাহা মনে হয় না। ইনি যত অধিক দিন ভারতের বিভিন্ন ক্ষেত্রে শাসন-তরণীর কর্ণধার-রূপে প্রতিষ্ঠিত ছিলেন, এত আর কেহই ছিলেন না। ১৯১৯ খৃষ্টাব্দ হইতে ১৯২৪ খৃষ্টাব্দ পর্য্যন্ত ইনি মাদ্রাজের, তৎপূর্বে ১৯১৩ হইতে ১৯১৯ খৃষ্টাব্দ পর্য্যন্ত ইনি বোম্বাইয়ের শাসনকর্তা হইয়াছিলেন। তাহার পর ১৯৩১ খৃষ্টাব্দে তিনি ভারতের রাজ-প্রতিনিধি এবং গভর্নর জেনারেল হইয়া আসেন। যাহার জীবনের পরিণতিকালের দীর্ঘ ১৫ বৎসর ধরিয়া ভারতের শাসনকার্য পরিচালনে উৎসর্গীকৃত হইয়াছিল—তাঁহার নিকট ভারতবাসী যেরূপ আশা করিয়াছিল,

সেরূপ কিছুই তাহার পাশ পায় নাই। সে জগৎ ভারতবাসীর দুঃখ স্বাভাবিক। যখন ভারতে তাঁহার কার্যকালের অবসান হইয়া আসিতেছিল, তখনও তিনি তাঁহার সাম্রাজ্যবাদ-মূলভ দাপ্তিকতা ত্যাগ করেন নাই। গত নভেম্বর মাসের শেষভাগে মিউনিসিপ্যাল বোর্ডের প্রদত্ত অভিনন্দন-পত্রের উত্তরে তিনি বলিয়াছিলেন, “যে শাসন-সংস্কার আসিতেছে, তাহাতে ভারতবাসী আপনাদের কার্যকরী ক্ষমতার এবং উন্নতি-সাধনের শক্তি কতখানি, তাহার পরিচয় দিবার মত সমস্ত পন্থা উন্মুক্ত করা হইবে।” এই রাজনৈতিক চোঁদো কথা মস্ত সকল ভারতবাসীই বৃদ্ধিতে পারে। ভারতবাসীরা সে যোগ্যতার পরিচয় দিতে পারিয়াছে কি না, তাহার পরিচয় দিতে তাহারাই কৃটি করে নাই। অনেক বিশিষ্ট যুরোপীয় সে পরিচয় পাইয়াছেন বলিয়া স্বীকার করিয়াছেন। অধ্যাপক সীলি (J. R. Seely) সেই পরিচয় পাইয়াই তাঁহার গ্রন্থে (Expansion of England) লিখিয়াছেন—We are not cleverer than the Hindu : our mind are not richer or larger than his. অর্থাৎ হিন্দুদিগের অপেক্ষা আমরা

(অর্থাৎ ইংরেজরা) অধিকতর তীক্ষ্ণাঙ্কি নহি; হিন্দুদিগের অপেক্ষা আমাদের বুদ্ধি অধিকতর উর্ধ্বর অথবা মহত্তর নহে। লর্ড মলে একবার ‘নাইটিংস সেকারী এণ্ড আফটার’ নামক প্রসিদ্ধ মাসিক পত্রে লিখিয়াছিলেন যে, হোয়াইট হলের সর্বাপেক্ষা উৎকৃষ্ট লোক যেমন কার্যক্ষম, ভারতীয় রাজপুত্রয়রা (অর্থাৎ রাজকাষো নিযুক্ত ভারতবাসীরা) সর্ববিষয়ে সেইরূপই যোগ্য ব্যক্তি। স্মৃতবাং ভারতবাসীদিগের আর কার্যক্ষেত্রে যোগ্যতার পরিচয় দিতে হইবে না। তবে সাম্প্রদায়িকতার অনুরোধে অথবা অগ্নি কোন কারণে যদি সরকার দাম্ভিত্বপূর্ণ পদে যোগ্যতম ভারতবাসীদিগকে নিযুক্ত না করেন, এবং তাহার ফলে যদি কার্যক্ষেত্রে কোন রাজপদে অধিষ্ঠিত ভারতবাসী যোগ্যতার পরিচয় না দিতে পারেন, এবং লম্বা সলাম করিয়া চাকুরী বজায় রাখিবার চেষ্টা করেন,—তাহা হইলে তাঁহার অযোগ্যতার জন্ত সমস্ত ভারতবাসীকে অযোগ্য বলিয়া লাঞ্চিত করা কখনই সম্ভব হইতে পারে না। পৃথিবীতলে কোন জাতির সকল লোকই তুল্য যোগ্যতা লাভ করিতে পারে না। যোগ্য ব্যক্তির সাধ্যক্ষে তোষামোদ করিয়া কাষাসিদ্ধি করিতে,—বা আমাদের জয়ে জয় গাহিতে চাহিবে না। যত দিন ঠিক যোগ্যতা দেখিয়া রাজপদে ভারতবাসীদিগকে



নিয়োগ করা হইয়া আসিতেছিল, তত দিন কথক্ষেত্র হিন্দু-মুসলমাননির্বিষেবে সকল ভারতবাসীই যোগাত্মক প্রকৃতি করিতে সমর্থ হইয়াছিল। তত দিন মুসলমান ভারত, হিন্দু ভারত, বৌদ্ধ ভারত প্রভৃতি শব্দ ভারতীয় ভাষায় স্থান পায় নাই।

লর্ড উইলিংডনকে নিদারকালে অভিনন্দিত করিয়াছিলেন বোম্বাইয়ের মুসলমান সম্প্রদায়। অভিনন্দনকারীরা বলিয়াছিলেন,—“মুসলমানদিগের কল্যাণকল্পে এবং রাজনীতিক উন্নতিসাধনে আপনি মুসলমানদিগের প্রাপ্য অধিকার প্রদানের জন্ত যে বিশেষ মনোযোগী হইয়াছিলেন, সে জন্ত মুসলেম ভারত আপনার নিকট বিশেষ কৃতজ্ঞ।” ইহাতেই তাহার শাসননীতির অনেক কথাই প্রকাশ পাইয়াছে। মুসলমান ভারত, খৃষ্টান ভারত, বৌদ্ধ ভারত প্রভৃতি কত ভাগে ভারতকে বিভক্ত করা হইবে? মুসলমান ভারত কেবল কাগর দ্বারা পত্তন হইয়াছিল? মুসলমান রাজত্বকালের কোন মুসলমান লেখক কি মুসলমান ভারত নামক অপূর্ব চীজের উল্লেখ করিয়াছেন?

ভালই হউক আর মন্দই হউক, লর্ড উইলিংডন ভারত ছাড়িয়া চলিয়া গিয়াছেন। তাহার স্থানে আসিয়াছেন মার্ক্‌ইস অব লিন্‌লিথগো। ইনি কৃষিবিদ্যা পারদর্শী; ইহার মত এই যে, কৃষি-সম্পদই ভারতের আদি এবং অকৃত্রিম সম্পদ। এই কৃষিকে বনিন্যাদ করিয়াই ভারতের আর্থিক অবস্থার সমুন্নত সৌধ গড়িয়া উঠিয়াছে। শাসকদিগের মুখে এ কথা নূতন শুনা যাইতেছে না। এই কথা লর্ড মেয়ার আমল হইতে লর্ড লিন্‌লিথগো পর্যন্ত প্রায় সকল শাসকদিগের মুখেই আমরা শুনিয়া আসিতেছি। ইহাতে সহজেই বুঝা যায় যে, শাসকবর্গ ভারতবর্ষকে চিরকালই কৃষিপ্রধান দেশে পরিণত করিয়া রাখিতে চাহেন। কিন্তু কেবল কৃষিমাত্রসম্বল দেশ কখনই কোন উচ্চ অঙ্গের সভ্যতাসমুজ্জ্বল দেশের সমকক্ষতালভে সমর্থ হয় না। তাহা যদি হইত, তাহা হইলে মার্কিং আফ্রিকার উপর শিল্পের সৌধ রচনা করিবার জন্ত বিশেষ মনোযোগী হইত না। কৃষিও ছিল কৃষিপ্রধান, এখন সে শিল্পপ্রধান হইবার চেষ্টা করিতেছে। কেন তাহারা তাহা করিতেছে? কারণ, কেবল কৃষিই যে দেশের লোকের বৃত্তি, সে দেশ কখন প্রজ্ঞায়, প্রতিভায় এবং মনীষায় বড় হইতে পারে না। পাখী যেমন দুইটি পক্ষ সঞ্চালন করিয়া গগনে উড়িয়া যায়, সেইরূপ মানুষও কৃষি এবং শিল্প এই দুইটি বৃত্তি আশ্রয় করিয়া উন্নতিসাধন করিতে পারে। ভারত চিরকালই কৃষিপ্রধান দেশ কি না,—সে প্রশ্ন আমরা এখানে আর তুলিব না। তবে এ কথা যখন সত্য যে, কোন দেশই গোড়ায় শিল্পপ্রধান হয় নাই,—গোড়ায় কৃষিপ্রধান হইয়াই সকল দেশ পরে শিল্পপ্রধান হইয়াছে, তখন ভারতকেও তাহাই হইতে হইবে। আমরা শাসকদিগের নিকট হইতে সেইরূপ প্রতিশ্রুতি পাইতে এবং সেই প্রতিশ্রুতি পালনের চেষ্টা দেখিতে চাই।

লর্ড লিন্‌লিথগো রাজপ্রতিনিধির তরফে বসিয়াই মামুলী প্রথামতে এক বাণী প্রচার করিয়াছেন। সাম্রাজ্যী ভিক্টোরিয়ার ঘোষণাবাণী হইতে এ পর্যন্ত এতরূপ অনেক আশ্বাসবাণী আমরা শুনিয়া আসিতেছি। জাতিদর্শননির্বিষেবে কেবল গুণ দেখিয়া লোকের সমাদর করা হইবে, সরকারী পদে প্রতিষ্ঠিত করা হইবে,—সকল সম্প্রদায়ের সহিত সমান ব্যবহার করা হইবে,—কোন পক্ষকে

অগ্রগণ্য করিয়া কোন বিষয়ে ধর্তা (weightage) দেওয়া হইবে না,—প্রভৃতি প্রতিশ্রুতি কি রক্ষিত হইয়াছে না হইতেছে? তবে আর এসব কথা বলিয়া লাভ কি? লর্ড লিন্‌লিথগো বলিয়াছেন যে, তাহার পাঁচটি সম্মান, তাহাদের প্রত্যেকের প্রকৃতি বিভিন্ন। কিন্তু তিনি সকলের সহিত সমান ব্যবহার করিয়া থাকেন,—কাহাকেও তিনি অধিক আদর বা অগ্রগণ্য করেন না। এ গুণ যে কেবল তাহারই আছে, আর কাহারও নাই, তাহা নহে। আরও অনেকের সে গুণ আছে। কিন্তু ভারতের শাসনকর্তার মসনে বসিয়া মুক্তিমান জায়বিচারকরূপে সর্বসম্প্রদায়ের উপর জায়বিচার বিতরণ করা কি সম্ভব হইবে? আইন যে তাহার পথ বোধ করিবে। তবে সে কথা বলিয়া লাভ কি? সত্য বটে, ভারতে বহু জাতির এবং বহু ভাষা-ভাষী লোকের বাস। কিন্তু যুরোপে এবং মার্কিং কি তাহা নাই? মার্কিং যত বিভিন্ন-জাতীয় লোক আছে, বিভিন্ন-ভাষা-ভাষী লোকের বাস, ভারতে তত বিভিন্ন জাতি এবং বিভিন্ন-ভাষা-ভাষী লোক নাই। কানাডায় ১ শত ৭৮ বর্ষের ভাষা, ৫৩টি বিভিন্ন জাতি আর উনআশী প্রকার বিভিন্ন ধর্মবিশ্বাস প্রচলিত। কিন্তু এই দুই রাজ্যের কোথায় শাসন-সম্পর্কিত আইনে ভারতের জায়টিক সাম্প্রদায়িক ব্যবস্থা আছে? কোথায় ভোট-দানে এবং চাকুরীর দাবীতে কেবল ধর্ম-বিশ্বাসভেদে সংখ্যাগরিষ্ঠ সম্প্রদায়ের জন্তও ধর্তা বা ধরাট (weightage) পরিয়া দিবার ব্যবস্থা আছে? লর্ড লিন্‌লিথগো যখন শাসনসংস্কার আইন গঠনের সমিতিতে ছিলেন, তখন নিশ্চয়ই তিনি সে সব কথা জানেন। সুতরাং পিতা হইয়া তিনি সকল সম্মানের উপর যে সমদর্শিতা দেখাইতে পারিয়াছেন, ভারতের শাসনকর্তার আসনে বসিয়া সর্বসম্প্রদায়ের প্রজাদিগের উপর সেইরূপ সমদর্শিতা দেখাইতে পারিবেন কি?

লর্ড লিন্‌লিথগোর প্রচারিত অভিভাষণ সুন্দর হইয়াছিল। তিনি আইন এবং শৃঙ্খলাবন্ধ প্রয়োজনীয়তার কথা বিশেষভাবে বলিয়াছেন। শাসকদিগের পক্ষে আইন এবং শৃঙ্খলাবন্ধের জন্ত সর্বপ্রথমে চেষ্টা করা কর্তব্য, এ কথা আমরা স্বীকার করি। সে চেষ্টার জন্ত সরকারকে কেহই নিন্দা করিতে পারে না। কিন্তু এই সম্বন্ধে মিষ্টার জিনা যে কথা বলিয়াছেন,—তাহাও লর্ড লিন্‌লিথগোর ভাবিয়া দেখা উচিত। মিষ্টার জিনা বলিয়াছেন যে, বড়সাঁট বাগাজুয়ের এই শাস্তি এবং শৃঙ্খলাভঙ্গের কারণতত্ত্ব বিশেষভাবে চিন্তা করিয়া দেখা উচিত। আমাদের দেশে একটা কথা আছে যে, “বিনা বাতাসে গাং নড়ে না।” অকারণ জন-সমুদ্র বিক্ষুব্ধ হয় না। ইহার কারণতত্ত্ব অনুসন্ধান করিয়া ইহার প্রতিকার করিবার ব্যবস্থা চিন্তা করা উচিত। সরকার পক্ষ যাহাই বলুন না কেন, এ দেশের লোক দেখিতে পাইতেছে যে, লোক দিন দিন অধিক দরিদ্র হইয়া পড়িতেছে। কতকগুলি লোক একেবারে দিশাহারা হইয়া উঠিতেছে। ইহার প্রতিকার হওয়া আবশ্যিক। কেবল কৃষক-সমাজের উন্নতিসাধন করিলে তাহা হইবে না। কৃষক-সমাজের উন্নতিসাধনের সঙ্গে সঙ্গে শিল্পীদিগেরও উন্নতিসাধন করিতে হইবে। কারণ, কৃষি যদি লাভজনক হয়, তাহা হইলে সকল লোকই কৃষিসেবা করিতে চাহিবে। জমির চাহিদা বৃদ্ধি পাইবে। চাষের জমি ক্ষুদ্র ক্ষুদ্র অংশে বিভক্ত হইয়া পড়িবে। ফলে লোকের যে কষ্ট, সেই কষ্টই আসিয়া দাঁড়াইবে। নূতন বড়সাঁট

এ কথা ভালরূপই বুঝেন : সুতরাং এ সম্বন্ধে আমরা আর অধিক কথা বলিব না। তিনি আমাদের সর্বপ্রধান শাসনকর্তা হইয়া আমাদের দেশে আসিয়াছেন। আমরা তাঁহাকে সাদরে অভিনন্দন করিতেছি। তিনি প্রসন্নচিত্ত এবং অটুট স্বাস্থ্যের অধিকারী হইয়া অকপটভাবে ভারতের চিত্তসাধন করিতে থাকুন, ইহাই আমাদের আন্তরিক কামনা। আমরা তাঁহার সকল কথাই আলোচনা করিলাম না। কারণ, এখন তাহা করিয়া লাভ নাই! কার্যক্ষেত্রে কার্য্য ঝাড়াই মনোগত ভাবের প্রকৃত পরিচয় পাওয়া যায়। নতুবা কেবল বাক্য দ্বারা কাহারও মনোভাব বুঝা যায় না।

Where Natures end of language is declined

And man talk only to conceal the mind

রাজনীতিকক্ষেত্রে কি তাহাটী হয় না ?

### পণ্ডিত জগদ্বলালের অভিভাষণ

গত ৩০শে চৈত্র রবিবার লক্ষ্ণৌ মহলে কংগ্রেসের অধিবেশন আরম্ভ হয়। ঐ দিন উহার নির্বাচিত সভাপতি পণ্ডিত জগদ্বলাল নেহেরু এক সুদীর্ঘ বক্তৃতা পাঠ করিয়াছিলেন। তাঁহার বক্তৃতায় প্রধানতঃ সমাজতন্ত্র-বাদের সমর্থন ছিল। পণ্ডিত জগদ্বলাল স্বয়ং সমাজতন্ত্রবাদী, কেবল সমাজতন্ত্রবাদী নহেন, তিনি একেবারে সর্বস্বতন্ত্রবাদী (কমিউনিষ্ট)। তিনি তাঁহার অভিভাষণের এক স্থানে বলিয়াছেন :—“আমার দৃঢ় বিশ্বাস এই যে, সোশ্যালিজম ঝাড়াই জগতের এবং ভারতের সমস্তাংশের মৌমাংসা করা সম্ভব। কেবলমাত্র কাঁকা সেবা-ধর্মের দোহাই দিয়া আমি এই কথা বলিতেছি না, অর্থ-নীতিক এবং বৈজ্ঞানিক দিক দিয়াই এই কথা বলিতেছি। সোশ্যালিজম একটি আর্থিক নীতিমাত্র নহে। ইহা এক নূতন জীবনবেদ; এই জন্তই আমি ইহার অনুরাগী। সোশ্যালিজম ভিন্ন ভারতের দারিদ্র্য, বেকার-সমস্যা, পরাধীনতা এবং অধঃপতনের প্রতিকারের আর কোন পন্থা আমি দেখি না।” যাহার এই ধারণা, তিনি রাজ-নীতি-ক্ষেত্রে নেতার আসনে বসিয়া যে সোশ্যালিজম বা সমাজতন্ত্রমতের প্রচার করিবার সুযোগ পরিত্যাগ করিবেন না, তাহা সহজেই বুঝা যাইতে পারে। তিনি অল্প পন্থা দেখিতেছেন না বলিয়া যে অল্প পন্থা নাই, তাহা মনে করা ভুল। সমাজ-তন্ত্রবাদের মূল নীতির সহিত ভারতীয় চিরন্তন ভাবধারার সামঞ্জস্যসাধন করা সম্ভব হইবে কি না, তাহা তিনি নিবিষ্টচিত্তে ভাবিয়া দেখিয়াছেন কি? তিনি স্বয়ং বলিয়াছেন ;—“ভারতবাসীদিগকে সমাজ-তন্ত্রবাদের আদর্শকে তাহার জাতিগত স্বাভাবিকী বুদ্ধির সহিত খাপ খাওয়াইয়া লইতে হইবে (adept the ideal to the genius of her race)।” কিন্তু তেলে জলে মিশ খাওয়ান কি সহজ? যে দেশের লোক অদৃষ্ট, কর্মফল এবং জন্মান্তরবাদে যুগযুগান্তর ধরিয়া বিশ্বাসী, বাহা তাহাদের অন্তঃপ্রকৃতির সহিত একেবারে গাঁথা হইয়া গিয়াছে, তাহার সহিত নিরীশ্বরবাদ এবং ইহকালসর্বস্বত্ব-বাদের সামঞ্জস্যসাধন একেবারেই অসম্ভব। সভাপতি স্বয়ংই তাঁহার অভিভাষণে বলিয়াছেন : “সমাজ-তন্ত্র-বাদের প্রতিষ্ঠা করিতে হইলে আমাদের রাজ-নীতিক এবং সামাজিক কাঠামোর সমস্তই বদলাইয়া কেলিতে হইবে, ভূসম্পত্তির এবং শিল্পের

কার্যমী স্বার্থগুলির এবং দেশীয় রাজ্যের উচ্ছেদ করিতে হইবে। সমাজে ব্যক্তিগত সম্পত্তি এবং ব্যক্তিগত লাভ-সম্পর্কিত আর্থিক ব্যবস্থার বিলোপ করিতে হইবে। তৎস্থানে পরস্পর পরস্পরের সেবাকর্ম্য রত হইতে হইবে।” ইত্যাদি কথাগুলি শুনিতে অতি সুন্দর এবং মনোহারীও বটে। কিন্তু এই ভালমন্দ-জড়িত ভগতে উহার বিনিয়োগ করা কি সম্ভব হইবে? সমাজতন্ত্রীরা মানব-সমাজ হইতে পারস্পরিক প্রতিদ্বন্দ্বিতাকে নির্বাসিত করিয়া তাহার স্থানে পারস্পরিক সেবার এবং তুল্য ব্যবস্থা করিয়া ধর্মাত্মক স্বর্গস্থল আনিবার কল্পনা করিতেছেন। কবি-কল্পনায় উহা বেশ মানায়, কিন্তু এই মরজগতে উহা আনা সম্ভব হইবে কি? নিখিল পৃথিবীর লোক কি উপোদনের কাছ হিংসা-ধ্বংস ত্যাগ করিয়া একেবারে সম্বন্ধপাবলম্বী হইয়া যাইবে? ভগ্ন জগদ্বলাল, তাহা হইবার নহে। এক জন বিচক্ষণ পাশ্চাত্য পণ্ডিত এ বিষয়ে কি বলিয়াছেন শুনুন ;—“Envy, ambition, the sin by which the angles fell are natural : it is idle to condemn them. Let us find in them commendable aspect and regard them as the source of progress and the legitimate motive for self sacrifice and effort ইহার মর্মার্থ—স্বর্গীয় দূতদিগের যে পাপে পতন ঘটয়াছিল, সেই দুইটি পাপ ঈর্ষ্যা এবং উচ্চাকাঙ্ক্ষা; উহা স্বাভাবিক, উহাকে নিন্দা করা বৃথা। উহার মধ্যে ভাল দিক কি আছে, তাহাই আমাদের দেখা আবশ্যিক এবং উহাকে উন্নতির নিদান ও আত্মত্যাগের এবং আত্ম-চেষ্টার মূল কারণ বলিয়া বিবেচনা করা উচিত। হিন্দুদিগের মতেও ঈর্ষ্যাই শক্তিশালী অস্তুরদিগের পতনের কারণ হইয়াছিল। প্রকৃতি বাহা মানব-প্রকৃতিতে দৃঢ়ভাবে গাঁথিয়া দিয়াছেন, তাহাকে অস্বীকার করা পাগলামি। মানুষকে ঐ দুইটি দোষ পরিহার করিবার জন্ত কিরূপ কঠোর তপস্যা করিতে হয়, তাহা বিশ্বামিত্রের কাচিনীতে বর্ণিত আছে। সভাপতি নিজেই বলিয়াছেন, “যে সোভিয়েট কমিউনিস্ট আমরা এই অভিনব সভ্যতার আভাস পাই, কিন্তু তথায় অনেক বাপার ঘটনা—যাহার জন্ত আমি মনে বাধা পাইয়াছি। আমি উহার সমর্থন করি না।” কি জন্ত পণ্ডিত নেহেরু মনে একরূপ বাধা পাইয়াছেন, তাহা তিনি খুলিয়া বলেন নাই বা আভাসে প্রকাশ করেন নাই। সোভিয়েট সরকার ধর্মের অবমাননা করিয়াছেন, খৃষ্টানদিগের গির্জার অপব্যবহার করিয়াছেন, মুসলমান-দিগের মসজিদগুলিকে অশ্মশালায় পরিণত করিয়াছেন বলিয়া তাঁহার মনে বাধা লাগিয়াছে, ইহা মনে হয় না। কারণ, পণ্ডিত জগদ্বলাল যে ধর্মবিশ্বাসের ধার ধারেন না, সে কথা তিনি বহুবারই বলিয়াছেন; সুতরাং সে জন্ত তাঁহার মনে বেদনার সঞ্চার হইবার সম্ভাবনা নাই। তবে কি জন্ত তাঁহার মনে বেদনার সঞ্চার হইল? সোভিয়েট সরকার যে ভাবে লোকমত প্রকাশের এবং স্বাধীন চিন্তার পথে বাধা দিয়াছেন এবং দিতেছেন, তাহাতেও যে তিনি মনে বেদনা পাইয়াছেন, তাহাও মনে হয় না। কারণ, প্রতিবাদী দল সভা করিয়া মত প্রকাশ করিতে গেলে যিনি বা যাহার দলস্থ লোকেরা অন্তঃস্বরূপে সেই সভা ভাঙিয়া দিতে দ্বিধা করেন না, তাঁহার বা তাঁহাদের সে জন্ত মনে বাধা লাগিবার সম্ভাবনা আছে, ইহা বিশ্বাস করা যায় কি? যদি বলা হয় যে, সোভিয়েট পুলিশের এবং সোভিয়েট কর্তৃপক্ষের জবরদস্তিই তাঁহার মনে বেদনা দান

করিয়েছে, তাহা হইলে সে কথা তাঁহার স্পষ্ট বলা উচিত ছিল। তাঁহার জানা উচিত যে, মনুষ্য-প্রকৃতির সহিত সমঞ্জসীভূত করিয়া যে সকল ব্যবস্থা এবং প্রতিষ্ঠান গড়িয়া তোলা হইয়াছে, তাহার বিলোপসাধন করিয়া অস্বাভাবিক ব্যবস্থা এবং প্রতিষ্ঠান প্রবর্তিত করিতে যাটলেই জোর-জবরদস্তি করিয়া তাহা করিতেই হইবে। তিনি কুমিল্লা গিয়াছেন, কুমিল্লা দেখিয়াছেন এবং তাহাতে মজিয়াছেন, সুতরাং তিনি ইহা নিশ্চিতই জানেন যে, জারের আমলের ব্যবস্থা প্রভৃতি অস্বাভাবিক হইলেও সে আমল অপেক্ষা সোভিয়েট সরকারের আমলে অধিক সৈন্ত-সামন্ত ও সমরায়োজন প্রস্তুত রাখিতে হইয়াছে। কেন, তাহা পণ্ডিত নেহেরু একান্তে বসিয়া ভাবিয়া দেখিবেন কি ?

পণ্ডিত নেহেরু ভাৰতবাসীদিগকে তাহাদের জাতীয় ভাবধারা, জাতীয় মনোবৃত্তি এবং জাতীয় কৃষ্টি অল্পমানে আকার দিয়া সমাজ-তত্ত্ববাদকে গ্রহণ করিবার উপদেশ দিয়াছেন। যেখানে ভারতের জাতীয় ভাবধারা, জাতীয় মনোবৃত্তি ও কৃষ্টি এবং সমাজ-তত্ত্বের মূল সূত্রগুলি পরস্পর সম্পূর্ণ বিপরীতমুখ, সেখানে উপায় কি হইবে ? পণ্ডিত নেহেরু অবশ্য স্বীকার করিবেন যে, ভারতীয় মনীষা যে ভাবে পারিবারিক জীবনকে গঠিত করিয়া তুলিয়াছে, তাহা অতি সুন্দর। অনেক বিদেশীও তাহার ভূয়সী প্রশংসা করিয়াছেন। কিন্তু সোস্যালিজম চাহে তাহার মূলে কুঠারাঘাত করিতে। অস্কার ওয়াইল্ডি (Oscar Wilde) লিখিয়াছেন :—  
Socialism annihilates family life for instance. With the abolition of private property, marriage in its present form must disappear. This is part of the programme, দৃষ্টান্তস্বরূপ বলা যায় যে, সমাজ-তত্ত্ববাদ পারিবারিক জীবনের অস্তিত্ব লোপ করিয়া দেয়। ব্যক্তিগত সম্পত্তির উচ্ছেদের সহিত বর্তমান আকারের বিবাহ লোপ পাইবেই; ইহা সমাজতত্ত্ববাদীদিগের কার্য-তালিকার অন্তর্গত বিষয়। পণ্ডিত নেহেরু এই ব্যবস্থা এ দেশের লোকের ধাতু-প্রকৃতির সহিত খাপ খাইবে কি না, তাহা ভাবিয়া দেখুন। যে মতবাদের মূলনীতির সহিত দেশের লোকের মূল প্রকৃতি খাপ খায় না,—যে মূল-প্রকৃতি সহস্র সহস্র বৎসর ধরিয়া আবেষ্টনের এবং সাধনার বা সংস্কৃতির দ্বারা গড়িয়া উঠিয়াছে, তাহার পরিবর্তনসাধন করা কি সহজ ? বৌবনসুলভ হঠকারিতার সহিত এই সকল বিষয়ের চরম সিদ্ধান্ত করা সম্ভব নহে। সমাজ-তত্ত্ববাদ এ দেশের লোকের ধাতুপ্রকৃতির সহিত খাপ খাওয়াইয়া চালান সম্ভব হইবে না।

### পণ্ডিত জওহরলাল ও বিপ্লববাদ

বিপ্লববাদ অর্থাৎ হিংসামূলক বিপ্লববাদ সম্পর্কে পণ্ডিত জওহরলাল কি বলেন, তাহা জানিবার জন্য কেহ কেহ বিশেষ আগ্রহ প্রকাশ করেন। রাজপুরুষদিগের মধ্যে হয় ত কেহ কেহ মনে করিতে পারেন যে, তিনি স্বখন সর্বস্বভাবাদী, তখন তিনি হয় ত হিংসামূলক বিপ্লববাদের উপর বিশেষ বিরূপ নহেন। কিন্তু কংগ্রেসের সভাপতির আসন হইতে তিনি তারস্বরে ঘোষণা করিয়াছেন যে, হিংসাত্মক বিপ্লববাদ রাজনীতিক অর্কাটীনতার কল। তিনি বলেন, যেখানে গণশাসন প্রবর্তিত নাই, সেখানে প্রতিষ্ঠিত শাসনপ্রণালীর প্রতি অল্পমাত্র

যেমন রাজনীতিক ভীমরতির লক্ষণ, হিংসাত্মক বিপ্লববাদও সেইরূপ রাজনীতিক অর্কাটীনতার বা অপরিণতবুদ্ধির লক্ষণ। আমাদের রাজনীতিক আন্দোলন বহুকাল পূর্বে সেই অর্কাটীনতার সীমানা পার হইয়া গিয়াছে। পূর্বে ষাঁহারা বিপ্লববাদী ছিলেন, আজ তাঁহারা সেই দারুণ সাম্রাজ্যিক মতবাদকে পরিত্যাগ করিয়াছেন। কংগ্রেস শান্তিময় (অহিংস) এবং কাব্যিক আন্দোলনে জোর দিয়া দেশের তরুণদলকে তাঁহাদের দলে টানিয়া আনিয়াছেন। কিন্তু সরকারের অবলম্বিত নীতি যদি উহার মূলে সার না যোগাইত, তাহা হইলে হিংসামূলক বিপ্লববাদ এত দিন এ দেশ হইতে অন্তর্হিত হইত। কংগ্রেসের সভাপতির আসন হইতে পণ্ডিত জহরলাল নেহেরু যে কথা বলিয়াছেন, তাহা বর্ণে বর্ণে সত্য। কিন্তু এ দেশের রাজপুরুষ-গণ তাহা বুঝিতে চাহিবেন না। তাঁহাদের এই মনোবৃত্তি কেন হয়, তাহা আমরা বুঝিতে অসমর্থ। তাঁহারা তাঁহাদের নয়নসমক্ষে দেখিতেছেন যে, ষাঁহারা হিংসামূলক বিপ্লবী বলিয়া ধরা পড়িয়া কাগাদগু বা নির্বাসনদগু ভোগ করিয়া ফিরিয়া আসিয়াছে, তাহাদের মধ্যে প্রায় সকলেই এখন হিংসামূলক কাব্যিক পরিহার করিয়াছেই, অধিকন্তু সরকারী নীতির বিশেষ সমর্থক হইয়া দাঁড়াইয়াছে। আমরা লর্ড লিনলিথগো এবং লর্ড জেটলাগুকে এই কথাগুলি বিশেষভাবে চিন্তা করিয়া দেখিতে বলি। সভাপতির এই কথাগুলি দেশবাসীরই কথা। তিনি শ্রীযুক্ত সুভাষচন্দ্র বসুর আটক সম্পর্কে এই কথাগুলি বলিয়াছেন। সুভাষ বাবু যে কয়েক-কালেও হিংসাত্মক বিপ্লববাদে দীক্ষিত হইয়াছিলেন, সে বিষয়ে প্রমাণ-ভাব। ব্যবস্থা-পরিষদে হোম সেক্রেটারীর উক্তি পড়িয়াই মনে হইয়াছিল যে, মহাত্মা গান্ধীর সেক্রেটারী মিষ্টার কৃষ্ণদাসের পত্রখানিই সরকার পক্ষের প্রাপ্ত প্রমাণের একমাত্র না হউক, প্রধান অবলম্বন। সেই কৃষ্ণদাসই তাঁহার দ্বিতীয় পত্রে বলিয়া দিয়াছেন যে, সুভাষ বাবু কলিকাতার এবং লাহোরের কংগ্রেসে গান্ধীজীর মতের প্রতিকূল মত ব্যক্ত করিয়াছিলেন, সেই জন্য গান্ধীজীকে আমরা শ্রীযুক্ত বসুর উপর বিরাগভাব পোষণ করিতাম। যে যাহাকে দেখতে নারে, সে তাহার চলন বাঁকা চিরকালই দেখে। তাহার পর কৃষ্ণদাস বলিয়াছেন,—কিন্তু কতকগুলি লোক সর্বদাই আমাদের কাণে ফিস্‌ফিস্‌ করিয়া বলিত যে, শ্রীযুক্ত বসুর প্রকৃত প্রতিকূলতার মূল কারণ তিনি অহিংসা নীতির বিরোধী, আমরাও সেই কথা অবিচারিতভাবে মানিয়া লইয়াছিলাম। (Some people often whispered into our ears that S. J. Bose's real opposition centred round the Congress creed of nonviolence which many of us readily believed) যে কয় জন লোক যখন-তখন (often) তাঁহার কাণে কাণে বলিত, সুভাষ বাবু অহিংসা মন্ত্রের বিরোধী, তাঁহাদের নাম নিশ্চয়ই কৃষ্ণদাসের মনে আছে। ইহারা কিরূপ প্রকৃতির লোক এবং কি উদ্দেশ্য-সাধনের জন্য এই কথা বলিয়াছিলেন, তাহা কৃষ্ণদাস এত দিনে নিশ্চিতই বুঝিতে পারিয়াছেন। সেই জন্য এত দিন চুপ করিয়া থাকিয়া অল্প-শোচনার তীব্র বৃশ্চিক-দংশনে তিনি কি সেই কথা প্রকাশ করিয়াছেন ? সে কথা তিনিই জানেন। আমাদের দেশের ইতর মনোবৃত্তিসম্পন্ন লোকের স্বভাবই এই যে, তাহারা বুঝা অপবাদ দিয়া প্রতিপক্ষকে বিপন্ন করিবার চেষ্টা করে। সেই জন্য আমরা সরকারকে সুভাষ বাবুর কথাটা আর একবার ভাবিয়া দেখিতে বলি।





পণ্ডিত জওহরলাল নেহেরু



## পণ্ডিত নেহেরু ও সাম্প্রদায়িকতা

কংগ্রেসের সভাপতি পণ্ডিত জওহরলাল নেহেরু সমাজতত্ত্ববাদী, সেই জন্ম তিনি সাম্প্রদায়িক বাটোয়ারার সমর্থন করেন না। তিনি বলিয়াছেন, “সাম্প্রদায়িকতা ভারতবর্ষকে নানা বিভিন্ন ভাগে বিভক্ত করিতে এবং উহা ধর্মবিধ্বাসের বনিয়াদের উপরই প্রধানতঃ প্রতিষ্ঠিত করিতে চাহে। উহা গণ-শাসনের এবং আর্থিক নীতির বিকাশসাধন হ্রাস করে। প্রকৃতপক্ষে সাম্প্রদায়িক বিভাগ আর সাধারণতন্ত্রের কখনই সামঞ্জস্য করা সম্ভবে না।” তাঁহার এই কথাগুলির সঙ্গিত কোন চিন্তাশীল রাজনীতিজ্ঞ ব্যক্তির মতভেদ হইতে পারে না। কিন্তু তাঁহার পরই তিনি যাহা বলিয়াছেন, তাহার সঙ্গিত কোন নিরপেক্ষ ব্যক্তিই একমত হইতে পাবেন না। তিনি তাহার পরেই বলিয়াছেন যে,—“আমাদের এ কথা স্বীকার করিতে হইবে যে, বর্তমান অবস্থায়, বিশেষতঃ যত দিন আমাদের রাজনীতি মধ্যবর্তী শ্রেণী কর্তৃক প্রভাবিত হইয়া থাকিবে, তত দিন আমরা সাম্প্রদায়িকতাকে পরিহার করিতে পারিব না।” ইহাকেই বলে “এক গায়ে ঢেঁকি পড়ে, আর এক গায়ে মাথাব্যথা।” মধ্যবর্তী শ্রেণীর রাজনীতিকৃত্তে প্রভুত্ব করিতেছে বলিয়া সাম্প্রদায়িক নির্বাচকমণ্ডলী, অনিষ্টজনক হইলেও, বজায় রাখিতে হইবে, ইহার অর্থ কি? পৃথিবীর সকল সভ্য দেশেই এক কালে মধ্যবর্তী সম্প্রদায় রাজনীতিক ব্যাপারে কর্তৃত্ব করিয়া আসিয়াছে। এখনও অধিকাংশ দেশে ঐ সম্প্রদায় তাহা করিতেছে। কিন্তু কোন দেশে এইরূপ ভাবে ধর্ম অনুসারে রাজনীতিকৃত্তে অধিকার নির্দেশ পূর্বক বৃতি বাধিতে হইয়াছে? কানাডায় এবং মার্কিনে অধিবাসীদিগের মধ্যে ধর্মমতগত, ভাষাগত, আচার ও সংস্কৃতিগত এবং জাতিগত বহু ভেদ ছিল এবং এখনও আছে, কিন্তু ঐ সকল দেশের কোথাও কি কশিন্-কালেও ঐরূপ সাম্প্রদায়িক বৃতি গড়িয়া মান-পশার বজায় রাখিতে হইয়াছে? তাহা যদি না হইয়া থাকে, তাহা হইলে রাজনীতিক কার্যে মধ্যবর্তী সম্প্রদায়ের কর্তৃত্বের সঙ্গিত সাম্প্রদায়িক বৃতি বচনার যে দুশ্চল্ল সম্বন্ধ বিদ্যমান, ইহা সপ্রমাণ হয় না। সুতরাং আমাদের দেশে উহা হইবে কেন?

তাঁহার পর শ্রীযুত নেহেরু বলিয়াছেন যে, আমাদের মুসলমান এবং শিখ বর্গদিগের জন্ম আবশ্যিক ব্যতিক্রম করা এক কথা, কিন্তু এই দোষাবহ ব্যবস্থা অল্প বহু সম্প্রদায়-মধ্যে প্রসারিত করিয়া নির্বাচক ধনকে ও ব্যবস্থা পরিবদকে নানা প্রকোষ্ঠে বিভক্ত করা অত্যন্ত বিপজ্জনক প্রস্তাব। কিন্তু এক সম্প্রদায়ের জন্ম ঐরূপ ব্যবস্থা করিলে অল্প সম্প্রদায় উহা চাহিবেই চাহিবে। ইহাই সর্বোপেক্ষা বিপজ্জনক। সেই জন্ম উহা করা কর্তব্য নহে। শিখরা তা' বলিতেছেন যে, মুসলমানদিগের জন্ম যদি ঐরূপ সাম্প্রদায়িক আনুকূল্য না করা হয়, তাহা হইলে তাঁহারাও উহা চাহিবেন না। ইহাতে দোষ কোথায়, তাহা বুঝা যায়। তাঁহারা এই সাম্প্রদায়িক ব্যবস্থার বিরোধী, তাঁহাদের সম্বন্ধে ইনি বলিয়াছেন যে, তাঁহাদের কার্যক্ষেত্রে উহার প্রতীক্য করা সম্ভব হইবে না,—বরং উহা স্বায়ী করা হইবে। কংগ্রেস শ্যাম রাগি কি কল রাখি, এই মনে করিয়া উহাতে মৌন সম্মতি দিতেছেন, তাহাতেই বা তাঁহারা মীমাংসার পথে কতটুকু অগ্রসর হইয়াছেন, তাহা নেহেরুজী বলিয়া দিবেন কি?

## মন্ত্রিত্ব গ্রহণ

কংগ্রেসের বর্তমান সভাপতি শ্রীযুত জওহরলাল নেহেরু স্বয়ং মন্ত্রিত্ব বা অল্প সরকারী পদ গ্রহণের বিরোধী। তিনি বলিয়াছেন :—“এই প্রশ্নে স্বভাবতঃই ১৯২০ খৃষ্টাব্দের কথা মনে পড়ে। তখন আমরা শাসনসংস্কারের লাভের পুরাতনের ব্যর্থনীতি বর্জন পূর্বক এক নির্ভর-নীতি অবলম্বন করিয়াছি। এত দিন অকুতোভয়ে সংগ্রাম করিয়া আমরা আবার কি সেই পরিত্যক্ত পুরাতন পথই ধরিব? আমরা যে দুঃখ-কষ্ট স্বীকার করিয়াছি, যে সাফলালাভ করিয়াছি, যে সাধনা করিয়াছি, তাহার স্মৃতি পর্য্যন্ত কি আজ একেবারে নিশ্চিহ্ন করিয়া ধুইয়া মুছিয়া ফেলিব?” অপিচ “আমরা যদি শাসন-সংস্কার ঝাড়ে-মূলে গ্রহণ করিতে অস্বীকার করি, তাহা হইলে উহার সঙ্গিত সর্ববিধ সংস্রব-বর্জনই আমাদের পক্ষে কস্তবানহে কি? বরং আমাদের পক্ষে সর্বপ্রথমে উহাতে বাধাদান করাই বিধেয়। মন্ত্রিত্ব গ্রহণ করিলে উহা অগ্রাহ্য করিবার প্রস্তাব একেবারে ব্যর্থ হইয়া যাইবে।” কংগ্রেসের গৃহীত নীতি অনুসারে তাঁহার এই কথাগুলি যে সমীচীন, তাহা স্বীকার করা যায় না। কিন্তু কংগ্রেস এখনও এ বিষয়ে কোন স্পষ্ট সিদ্ধান্ত করিতে চাহিলেন না। তাঁহার কোন বকমে এই বিষয়টা ধামা চাপা দিয়াই রাখিলেন। কেহ কেহ সেই জন্ম অনুমান করিতেছেন যে, কংগ্রেস বোধ হয় শেষকালে মন্ত্রিত্ব গ্রহণের দিকেই ঝুঁকিবেন।

## রাজনীতিক লুকোচুরি

অন্ধ্রদেশের ডাক্তার শ্রীযুত পটুভি সীতারামিয়া কংগ্রেসের এক জন বিশিষ্ট জননায়ক এবং মহাত্মা গান্ধীর একজন একান্ত ভক্ত। অসহযোগ আন্দোলনেরও তিনি এক জন নামী পাণ্ডা। সম্প্রতি তিনি মহাত্মাজী সম্বন্ধে যে কথা বলিয়াছেন, তাহা শুনিলে বিস্মিত হইতে হয়। তাঁহার কথাও একেবারে অবিশ্বাস করা যায় না। সম্প্রতি মসলিপট্রমের এক সভায় তিনি বলিয়াছেন যে, মহাত্মাজী বাহিরে কংগ্রেসের সঙ্গিত তথা রাজনীতির সঙ্গিত সকল সংস্রব ত্যাগ করিয়াছেন বলিয়া প্রকাশ থাকিলেও ভিতরে ভিতরে তিনি কংগ্রেসে তাঁহার কলকাঠি নাড়িতেছেন! একথা অল্প লোক বলিলে হয় ত লোক অবিশ্বাস করিত, কিন্তু ডাক্তার সীতারামিয়া যখন বলিয়াছেন, তখন উহা একেবারে উড়াইয়া দেওয়া চলে না। তিনি বলিয়াছেন যে, মহাত্মাজী যাঁহাদের হস্তে কংগ্রেস সঁপিয়া দিয়া বানপ্রস্থ অবলম্বন করিয়াছেন, তাঁহারা মহাত্মাজীরই অমুগত লোক; সুতরাং তিনি নামে কংগ্রেসের বাহিরে থাকিলেও কায়ে উহার সর্বেসর্ব্ব হইয়াই আছেন। অথচ যখন তিনি রাজনীতিকৃত্তে হইতে বানপ্রস্থ অবলম্বন করেন, তখন তিনি বলিয়াছিলেন যে, তিনি রাজনীতিকৃত্তে, বিশেষতঃ কংগ্রেসে থাকিলে কেহ আর স্বাধীনভাবে কোন বিষয় ভাবিয়া দেখিতে চাহে না, তিনি কি বলেন, তাহাই শুনিবার জন্ম তাঁহারই মুখ চাহিয়া থাকে। উহা গণতান্ত্রিক প্রতিষ্ঠানের পক্ষে ভাল কথা নহে। সেই জন্ম তিনি কংগ্রেসের এবং দেশের হিতার্থ রাজনীতিক ক্ষেত্রে হইতে সরিয়া দাঁড়াইলেন। এখন রাজনীতিক ব্যাপার সম্বন্ধে তিনি কোনরূপ মতামত প্রকাশ করিতেও চাহেন না। কিন্তু ডাক্তার পটুভি সীতারামিয়া

বলিতেছেন যে, তিনি পণ্ডিত জওহরলালকে কংগ্রেসের সভাপতি করিবার জন্ত প্রবলভাবে প্রচারণা চালাইয়াছিলেন। এমন কি, সভাপতি হইবার জন্ত অজ্ঞা বাহাদের নাম করা হইয়াছিল, তাহাদিগকে তিনি নির্বাচন-প্রতিদ্বন্দ্বিতা হইতে সরিয়া দাঁড়াইবার জন্ত হুজুরোধপত্রও লিখিয়াছিলেন। ইহা যদি সত্য হয়, তাহা হইলে তাঁহার কথায় এবং কাসে সামঞ্জস্য কোথায়, তাহা বুঝা যায় না। মহাত্মাজী আরও বলিয়াছিলেন যে, কংগ্রেসে সমাজতন্ত্রবাদী-দিগের প্রভাব বৃদ্ধি হইতেছে দেখিয়া তিনি কংগ্রেস হইতে সরিয়া দাঁড়াইলেন, তবে তিনি সমাজতন্ত্রবাদী জওহরলালকে কংগ্রেসের সভাপতি হইয়া সমাজতন্ত্রবাদের পক্ষে ওকালতি করিবার অবকাশ দিলেন কি মতলবে? এখানেই বা তাঁহার কথায় এবং কাসে সামঞ্জস্য কোথায়? কংগ্রেসের প্যারামেণ্টারী বোর্ড গঠন-কালে মহাত্মাজী ভাবভঙ্গীতে প্রকাশ করিয়াছিলেন যে, তিনি দলবিশেষের আগহাতিশোধের জন্তই কংগ্রেস-সদস্যদিগকে ব্যবস্থাপক সভাপতিতে প্রবেশ করিবার প্রস্তাবে মত দিয়াছিলেন। এখন তা দেখা যাউতেছে যে, তাঁহার অন্তরঙ্গ প্রায় সকলেই মঞ্জুর গ্রহণ করিবার জন্ত অতিশয় ব্যস্ত হইয়া পড়িয়াছেন। ইহাতে কি তাঁহার অসহযোগ অন্দোলনের ভাবভঙ্গি রক্ষিত হইতেছে? মহাত্মাজীর মনোনীত সভাপতি জওহরলালজীর মঞ্জুরগ্রহণে ঘোর আপত্তি বলিয়া কি এই প্রস্তাবটি এখন মূলতথী রাখা হইল? গণতন্ত্রের ভাবভঙ্গি অনুযায়ী কাব্যপদ্ধতি বটে!

### নিমায়ার কমিটির রিপোর্ট

বর্তমান সময়ে ভারতবর্ষ অত্যন্ত দরিদ্র দেশ। কিন্তু এই দেশের শাসন-কার্য নির্বাহের ব্যয় অতিশয় অধিক। এ দেশের



সার অটো নিমায়ার

এক এক জন রাজপুরুষ যত অধিক বেতন পান, পৃথিবীর আর কোন দেশের তাঁহাদের সমপদস্থ রাজপুরুষেরা তত অধিক বেতন পান কি না, সে বিষয়ে সন্দেহ। কাসেই এই দেশের জমা-খরচ মিল করা কঠিন কার্য। বিশেষতঃ যতবার শাসন-সংস্কার করা

হইতেছে, ততবারই ইহার ব্যয়ের বাহুল্য বৃদ্ধি পাইতেছে। এবারও শাসন-সংস্কারের জন্ত অনেক ব্যয় বাড়িলে, কাসেই আয়-ব্যয়ের একটা সমতা রক্ষার জন্ত বিশেষজ্ঞগণের একটা পরামর্শ গ্রহণ আবশ্যিক। কারণ, অবস্থা একরূপ আসিয়া দাঁড়াইয়াছে যে, সহজ-বুদ্ধিতে সকল দিক রক্ষা করিয়া এই আয়-ব্যয় ঠিক করিবার সাধ্য নাই। তাই নূতন শাসন-সংস্কার প্রবর্তিত হইলে কেন্দ্রী সরকারের সহিত প্রাদেশিক সরকারের কিরূপ আর্থিক বিলি ব্যবস্থা করা হইবে, তাহা নির্ধারণের জন্ত কর্তৃপক্ষ এক কমিটি গঠন করেন। সেই কমিটির সভাপতি সার অটো নিমায়ারের নাম অনুসারে এই কমিটি নিমায়ার কমিটি নামে অভিহিত। সেই কমিটি তাঁহাদের রিপোর্ট প্রকাশ করিয়াছেন। পাঠক উহার মূল মূল রিপোর্টে দেখিয়া লইবেন। এই রিপোর্টে বলা হইয়াছে যে, ভারতবর্ষের ভবিষ্যৎ আয়-ব্যয়ের বিষয় যত দূর মনে হয়, তাহাতে বলা যায় যে, উপযুক্ত বিলি-বন্দোবস্ত করিতে পারিলে ক্রমশঃ এমন ব্যবস্থা করা সম্ভব যে, তদ্বারা ভারতবাসীরা সংস্কৃত শাসনযন্ত্রের ব্যয় বহন করিতে সমর্থ হইবে। অর্থাৎ এখনও উটের পিঠ ভাজিয়া পড়িবার মত হয় নাই। রিপোর্টখানির বাতাহুরী এই যে, কেবলমাত্র শাসকজাতি ভিন্ন আর কেহই ইহার প্রশংসা করিতে পারিবেন না। দেশের জাতিগঠন-মূলক কার্যে যাহাতে পর্যাপ্ত অর্থ বরাদ্দ করা যায়, তাহার কোন উপায় ইহাতে নির্ধারিত করা হয় নাই। যেন সেটা এই কমিটির কার্য নহে। কি প্রকারে কোন রকমে কেন্দ্রী সরকারের এবং প্রাদেশিক সরকারের পরিচালন-কার্য করিয়া যাওয়া যাউতে পারে, তাহারই অবধারণ করাই যেন এই কমিটির কার্য। কমিটি সেই কার্যই বেশ ভাল রকমে করিয়াছেন। কেন্দ্রী সরকারের পাকা খরচগুলি বাহাতে বিশেষভাবে সুরক্ষিত হয়, কমিটি তাহা ভাল ভাবে নিদ্রিষ্ট করিয়া দিয়াছেন। সমরবিভাগ যে স্বাক্ষরের ক্ষুধা লইয়া ভারত সরকারের আয়ের অধিকাংশ গ্রাস করিয়া ফেলিতেছে, সে বিষয়ে কমিটি একটা কথাও বলেন নাই। সেটা যেন তাঁহাদের অধিকার-বহির্ভূত।

এবার অনেক লোকই আশা করিয়াছিলেন যে, মঠনী ব্যবস্থার ফলে বঙ্গপ্রদেশের উপর যে ঘোর অবিচার করিয়া আসা হইতেছে, নিমায়ার কমিটি তাহার বিষয় বিবেচনা করিয়া কিছু সংশোধন-প্রস্তাব করিবেন। কিন্তু কমিটি সে পথ দিয়াও হাঁটেন নাই। বাঙ্গালা প্রদেশ বরাবরই এই দাবী করিয়া আসিতেছে যে, পাটের প্রান্তী বাবদ যে গুরু আদায় হয়, তাহার সমস্তই বাঙ্গালার জাভা প্রাপ্য। বাঙ্গালার এই দাবীর জাভাতা কেহই এ পর্যন্ত স্বীকার করিতে পারেন নাই। উহা অবশ্য বাঙ্গালার সর্বনিম্ন দাবী। কিন্তু নিমায়ার কমিটি বাঙ্গালীর সেই দাবীর যৌক্তিকতা গণন করিবার জন্ত বিন্দুমাত্রও চেষ্টা করেন নাই,—তাঁহারা যুক্তির গ্রন্থি খুলিতে অসমর্থ হইয়া যেন আলেকজান্ডারের জায় স্বৈরিতায় এক কোপে উহা ছেদন করিয়া বলিয়াছেন, “না, তাহা হইবে না।” ইতঃপূর্বে ভারত সরকার বাঙ্গালাকে পাটের প্রান্তী গুকের শতকরা ৫০ টাকা দিতে সম্মত হইয়াছিলেন,—সার অটো নিমায়ার তাহার উপর আর শতকরা সাড়ে বারো টাকা হারে ঐ গুরু হইতে বাঙ্গালাকে অধিক দিতে বলিয়াছেন। বাঙ্গালার কৃষক রোদে পুড়িয়া, জলে ভিজিয়া, জ্বরে ভুগিয়া, এমন কি, প্রাণে মরিয়া যে পাট উৎপাদন করে, সেই পাটের প্রান্তী-গুরু বাঙ্গালা পাইবে না, অঙ্গে পাইবে, ইহাকেই বলে

“বার ধন তার ধন নয় নেপো মাঝে দই।” সরকারী তহবিলে তায়-বিচার করিবার মত টাকার অভাব, কিন্তু নূতন প্রদেশ গঠনের ত অস্ত্র নাই! ইহাতে পরোক্ষভাবে সাম্প্রদায়িকতার তুষ্টি ও পুষ্টি হইতে পারে, কিন্তু জনসাধারণের তুষ্টি ও পুষ্টি হইবে না। ভারত সরকারকে তিন কোটি টাকা দিতে হইবে ভিন্ন ভিন্ন নাতিয়ায়ান প্রদেশকে। তন্মধ্যে নবগঠিত সিন্ধুপ্রদেশকে দিতে হইবে ১ কোটি ৫ লক্ষ টাকা, উত্তর-পশ্চিম সীমান্তপ্রদেশকে ১ কোটি টাকা, উড়িষ্যাকে প্রথম বৎসর ৫৭ লক্ষ টাকা, দ্বিতীয় বৎসর হইতে ৪ বৎসর ৫৩ লক্ষ টাকা করিয়া এবং তাহার পর বার্ষিক ৫০ লক্ষ টাকা করিয়া। যুক্তপ্রদেশকে বার্ষিক ২৫ লক্ষ টাকা করিয়া পাঁচ বৎসর এবং আসামকে ৩০ লক্ষ টাকা। এ টাকা আসিবে কোথা হইতে? এই বাঙ্গালা হইতে আদায়ী পাটের রপ্তানী-শুল্ক এবং আয়কর বাবদ আদায়ী টাকা হইতে। অথচ সার অটোই স্বীকার করিয়াছেন যে, বাঙ্গালার শাসনকার্য পরিচালনের মাপকাঠিখানি বড় খাটো। পাটের ভবিষ্যৎ বড় ভাল নয়। উহার সংকোচ করিবার চেষ্টা হইতেছে। উহা হইতে বাঙ্গালার আয় যে ক্রমবর্ধমান হইবে, সে আশা নাই। সুতরাং কশ্মিরকালেও যে বাঙ্গালার জনসাধারণের কল্যাণকর ব্যবস্থাগুলির উন্নতি সাধিত হইবে, সে আশা দুর্বাশা।

সার অটো নিম্নোক্তর কেবল কেন্দ্রী সরকারের আর্থিক অবস্থা যাগাতে অক্ষুণ্ণ থাকে, সেই দিকেই দৃষ্টি রাখিয়া সমস্ত পরামর্শ দিয়াছেন। তিনি বলিয়াছেন, কেন্দ্রী সরকারের আর্থিক অবস্থা যাগাতে অক্ষুণ্ণ থাকে, তাহা সর্বদা মনে রাখিয়াই তিনি ঐ প্রস্তাব-গুলি করিয়াছেন। কেন্দ্রের খরচ উপস্থিত যে পরিমাণে কমান হইয়াছে, তাহা অপেক্ষা কম করা নিরাপদ নহে। সুতরাং দেশের লোকের ভাগ্যে যে বৃদ্ধাদুর্ভোগ ঘটবে, তাহা ত জানা কথা। তিনি ভারত সরকারের সামরিক বৃদ্ধির ক্ষুধা এবং অযথা বেতন-পুষ্টি মিলিটারিদিগের লালসা মিটাইয়া প্রদেশগুলিকে দিবার জন্ত মোট ২ কোটি টাকা রাখিয়াছেন। তিনি বলিয়াছেন, উহাই প্রদেশগুলিকে বাঁচিয়া দিলেই যথেষ্ট হইবে। বাঙ্গালাকে পূর্ব-পূর্বে দায় হইতে মুক্তি দিয়া আর ৭৫ লক্ষ টাকা বাড়িয়া দিবার প্রস্তাব ইনি করিয়াছেন। তাহার পর তিনি খাব একটা লোভ দেখাইতে কল্পন করেন নাই। যদি আয়করের আয় এবং রেলওয়ের আয় একত্রে ১৩ কোটি টাকার অধিক কশ্মিরকালে হয়, তাহা হইলে সেই অতিরিক্ত টাকাটা ভিন্ন ভিন্ন প্রদেশকে নিম্নলিখিত হারে ভাগ করিয়া দেওয়া হইবে। উহা কি ভাবে ভাগ করিয়া দেওয়া হইবে, তাহাও বাঙালিরা দিতে তিনি ভুল করেন নাই। যথা—সেই অতিরিক্ত টাকায় শতকরা ২০ টাকা হারে বোম্বাই এবং বাঙ্গালা প্রত্যেকেই পাইবে। মাদ্রাজ এবং যুক্তপ্রদেশ প্রত্যেকে শতকরা ১৫ টাকা হিসাবে, বিহার শতকরা ১০, পূর্ববঙ্গ শতকরা ৮, মধ্যপ্রদেশ শতকরা ৫, আসাম, সিন্ধু এবং উড়িষ্যা প্রত্যেকে শতকরা ২ এবং উত্তর-পশ্চিম প্রদেশ শতকরা ১ টাকা হারে উহার ভাগ পাইবে। তিনি সার চার্জগুলি তুলিয়া না দিয়া উহা বহাল রাখিবার পরামর্শ দিয়াছেন। উহা তুলিয়া দিবার কথাই আছে, এত দিন বজায় রাখাই যোর অল্পচিত হইয়াছে। সার চার্জ বজায় রাখিয়া প্রদেশগুলিকে কিছু অর্থদান করিবার প্রস্তাব যেন লোভ দেখাইয়া ধান ভানাইবার

চেষ্টার মত বলিয়াই মনে হয়। দ্বিতীয়তঃ রেলওয়ের খরচ কমাইয়া উহার আর্থিক উন্নতিসাধন করিতে কত কাল যাইবে, তাহার ঠিক নাই। তাহার পর তা' প্রাদেশিক সরকারদিগকে আয়করের অংশ বাঁচিয়া দেওয়া হইবে। সে এখন অনেক দূরের কথা। কিন্তু সেই কথা বলিয়া পূর্ব-প্রতিশ্রুতি উপেক্ষা পূর্বক সার চার্জ বহাল রাখা কোনমতেই সম্ভব হইতে পারে না। সার পুরুষোত্তমদাস ঠাকুরদাস যথার্থই বলিয়াছেন যে, যদি কেহ বলে যে, ভারতবর্ষ এই রিপোর্টে সম্বলিত হইবে—তবে সে হয় অজ্ঞ, না হয় তাহার উদ্দেশ্য অসং। আমরাও তাহাই বলি।

## অদ্ভুত যুক্তি

সরকার যে সকল লোককে বিনা বিচারে আটক রাখিয়াছেন, তাহাদিগকে মুক্তি দিবার জন্ত কংগ্রেসপক্ষীয় সদস্যরা ব্যবস্থা-পরিষদে প্রস্তাব করেন। সেই প্রস্তাবের উত্তরে ভারত সরকারের স্বরাষ্ট্রমন্ত্রী সার হেনরী ক্রেক যে অদ্ভুত যুক্তির অবতারণা করিয়াছিলেন, তাহা শুনিয়া বিস্মিত না হইয়া পারা যায় না। তিনি ১৯৩০ খৃষ্টাব্দ হইতে এ পর্যন্ত বহু সরকারী এবং বেসরকারী লোক হিংস্রাশ্রয়ী বিপ্লববাদীদিগের দ্বারা নিহত বা আহত হইয়াছেন, তাহার তালিকা দিয়া বলিয়াছেন যে, সরকারী এবং বেসরকারী যুরোপীয়, ফিবিপী, মুসলমান, হিন্দু এবং নানী হিংস্রাশ্রয়ী বিপ্লবী-দিগের দ্বারা নিহত হইয়াছে এমন কি, বিদ্যালয়ের শিক্ষক, রেলওয়ে কর্মচারী, পোষ্ট অফিসের লোক, মোটরগাড়ীচালক, নিম্নস্তরের রাজকর্মচারী পর্যন্ত বহু লোক ঐ শ্রেণীর বিপ্লবীদিগের হস্তে নিহত এবং নির্যাতিত হইয়াছে; কিন্তু ব্যবস্থা-পরিষদের কোন সদস্য কি দেখাইতে পারেন যে, কোন কংগ্রেসওয়ালার উহাদের হস্তে নিহত বা উহাদের দ্বারা নির্যাতিত হইয়াছেন? এক জন কংগ্রেসওয়ালার বাড়ীতে ডাকাতি হইয়াছে, ইহাও কেহ দেখাইতে পারিয়াছেন কি? কংগ্রেসওয়ালাদের মধ্যে নিহত, নির্যাতিত এবং লুপ্তিত হইয়াছেন, এমন কোন ব্যক্তির নাম পাওয়া যায় না। কংগ্রেসওয়ালারাই কেবল হিংস্র বিপ্লবীদিগের অত্যাচার হইতে নিশ্চুক! অতএব কংগ্রেসওয়ালারা যে হিংস্রাশ্রয়ী বিপ্লবী-দিগকে মুক্ত করিতে চাহিবেন, তাহাতে বিস্মিত হইবার কারণ নাই। কংগ্রেসের সহিত হিংস্রাশ্রয়ী বিপ্লবীদের গুঢ় সম্বন্ধ আছে, ইহাই যেন সার হেনরী ক্রেক দেখাইতে গিয়াছেন। তাহার এই বিদ্বকুটে লজ্জিক দেওয়া আমরা বিস্মিত। যদি কেহ জিজ্ঞাসা করে যে, উদারনীতিক দলের অর্থাৎ লিবারাল ফেডারেশনের কোন সদস্য কি হিংস্রাশ্রয়ীদিগের হস্তে নিহত হইয়াছেন বা মুগ্ধিম লীগের কোন ব্যক্তি কি উহাদের দ্বারা নিহত, আহত বা আক্রান্ত হইয়াছেন, তাহা হইলে সার হেনরী কি বলিবেন? তবে ত ক্রেকী-লজ্জিকের দ্বারা সপ্রমাণ হয় যে, ঐ সকল প্রতিষ্ঠানের সদস্য-দিগের হিংস্রাশ্রয়ী বা বিভীষিকাশ্রয়ী যুবকদিগের সহিত সহানুভূতি আছে। সার হেনরী কি বলেন? বরং পুনঃ সহরে কংগ্রেসের সর্দারসর্দার মহাস্বামীকে লক্ষ্য করিয়া এক বোমা নিক্ষেপ হইয়াছিল। পুলিস বলে যে, উহা বিপ্লবীদিগের কাষ। আর এক কথা, সকল জিনিষ বিকৃত হইয়াই উহা রোগে দাঁড়ায়। ঢালবাসা, প্রণয় প্রভৃতি নিখিল মনোবৃত্তিগুলিও বিকৃত হইয়া এমন উৎকট



রোগে পরিণত হয় যে, তাহার ফলে মানুষ খুন, জখম প্রভৃতি অপকর্ম করিয়া বসে। অনেক বড় বড় রাজপুরুষও ত স্বীকার করিয়াছেন যে, হিংসাত্মক বিপ্লববাদ বিকৃত স্বদেশপ্রেম হইতে উদ্ভূত একটা সাংঘাতিক রোগ। সুতরাং বিপ্লবীরা তাহাদের বিকৃত বুদ্ধিবশে যাহাদিগকে ভ্রান্ত স্বদেশপ্রেমিক বলিয়া মনে করে, তাহাদিগকে হত্যা খুন-জখম করে না। জাতির আমলে কসিয়ার অনেক রাজপুরুষ এবং অরাজপুরুষ নিহিলিষ্টদিগের হস্তে নিহত হইয়াছিল, কিন্তু যাহারা দেশভক্ত বলিয়া বিদিত অথচ হিংসাপন্থী নহে, তাহাদের মধ্যে কয় জনকে তাহারা খুন-জখম করিয়াছিল? সার হেনরীর এই যুক্তি কেবল অস্বীকৃত নহে, অশোভন।

### নূতন প্রদেশ

নূতন শাসন-সংস্কারের গামনে দুইটি নূতন প্রদেশ গঠিত হইল;— একটি সিন্ধু আর একটি উড়িষ্যা। নূতন প্রদেশ গঠন করিলেই সবকারী খেতাজ আমলাদিগেরই লাভ,—কারণ, উহার ফলে তাহাদের কয়েকটি বড় বড় চাকুরী ছুটিবে—সুতরাং উহাতে তাহাদের আনন্দ। কিন্তু ভারতবাসীদিগের তাহাতে ক্ষতি ভিন্ন কিছুমাত্র লাভ নাই। কারণ, এই দারিদ্র-দেশবাসীর কষ্টে প্রদত্ত কর হইতে নূতন প্রদেশের সরকারী খরচ বাবদ বিস্তর টাকা ব্যয় হইবে, উহাতে ভারতবাসীর কোন লাভ হইবে না। যে নূতন সিন্ধু-প্রদেশ গঠিত হইল, উহাতে যে কশ্মিরকালেও আর্থিক স্বচ্ছলতা হইবে, তাহা মনে করিতে পারা যায় না। উহার আয়তন ৪৬ হাজার ৫ শত বর্গ-মাইল, লোকসংখ্যা ৩২ লক্ষের অধিক হইবে না। তথায় মুসলমান অধিবাসীদিগের সংখ্যা ২৪ লক্ষ, হিন্দুর সংখ্যা প্রায় সাড়ে ৮ লক্ষ। মুসলমানরা সাধারণতঃ গরীব; হিন্দু আমিনদের অবস্থা কিছু ভাল। প্রথম গোলটেবল সভাতেই এই অঞ্চলকে বোম্বাই প্রদেশ হইতে বিচ্ছিন্ন করিয়া স্বতন্ত্র প্রদেশে পরিণত করিবার প্রস্তাব হয়। এক সময়ে ইহা হিন্দুরাজ্য ছিল, কিন্তু খৃষ্টীয় অষ্টম শতাব্দীতে ইহা আরব জাতির অধিকারে আসে। ১৭৮২ খৃষ্টাব্দে ইহা বেঙ্গলস্থানের তালপুরদিগের অধিকারে আসে। ১৮৪৩ খৃষ্টাব্দে ইংরেজ এই দেশ অধিকার করেন। ইহার হিন্দু অধিবাসীদের মধ্যে অনেকেই মুসলমানভাবাপন্ন। এই ক্ষুদ্র অঞ্চলকে কেবল সাম্প্রদায়িকতার অহুরোধে একটি স্বতন্ত্র প্রদেশে পরিণত করিয়া ভারত সরকারের তহবিল হইতে বৎসর বৎসর ১ কোটি ৫ লক্ষ টাকা দানের ব্যয় করিবার কি প্রয়োজন হইয়াছিল? প্রায় ৪ বৎসর পূর্বে সিন্ধুবিচ্ছেদবিরোধী সমিতির সভাপতি সর্দার সম্পূর্ণ সিং বলিয়াছিলেন যে, সিন্ধুদেশকে কশ্মিরকালেও অহুগ্রহ পূর্বক অর্ধদান করিতে হয় নাই। কিন্তু এই দেশটিকে স্বতন্ত্র-প্রদেশে পরিণত করিলে যদি ইহার অর্ধে ইহার ব্যয়ভার না কুলায়, তাহা হইলে আর একটি মুসলমান-প্রধান প্রদেশ গঠন করিবার উদ্দেশ্যে অল্প প্রদেশের করদাতাদিগের প্রদত্ত কর ইহার জঙ্গ ব্যয় করা উচিত হইবে না। সাগতকারিণী সভার সম্পাদক মুখী (মুখ্য?) গোবিন্দরাম বলেন, সিন্ধুকে একটি স্বতন্ত্র প্রদেশে পরিণত করিলে উহা ভারতের মানচিত্রে কৃষ্ণবর্ণে লঙ্ঘিত প্রদেশ হইবে। কিন্তু ইহার হিন্দু ও শিখ। ইহাদের কথা কেই বা

শুনে! কামেই সম্প্রদায়-বিশেষের অসমিকা চরিতার্থ করিবার জঙ্গ এই ক্ষুদ্র অঞ্চলকে একটি প্রদেশে পরিণত করা হইল। সিন্ধু অপেক্ষা উড়িষ্যার স্বতন্ত্র প্রদেশে পরিণত হইবার দাবী অনেকটা সমীচীন। কিন্তু তথাপি আমরা ব্যয়বাহুল্যের জঙ্গ ইহাতে আপত্তি করি। ভারত-গৌরীসেনের অর্থ সাম্প্রদায়িক দমাক চরিতার্থ করিবার জঙ্গ বেকপভাবে ব্যয়িত হইতেছে, একপ আর কোথাও হয় কি?

### কলিকাতার মেয়র নির্বাচন

১৬ই বৈশাখ সার হরিশঙ্কর পাল কলিকাতার মেয়র এবং মিষ্টার আবদার রহিম ডেপুটি মেয়র নির্বাচিত হইয়াছেন দেখিয়া আমরা



সার হরিশঙ্কর পাল

প্রীতিলাভ করিবাছি। দুই জন ব্যতীত করপোরেশনের কংগ্রেসী কাউন্সিলারগণ ঐ দিনের নির্বাচন সভায় যোগদান করেন নাই। সার হরিশঙ্কর পাল কলিকাতার বিশিষ্ট অধিবাসী—বিশ্ব-বিশ্রুত-নামা বটকৃষ্ণ পাল কোম্পানীর অগ্রতম স্বত্বাধিকারী—বহু জন-হিতকর প্রতিষ্ঠানের পরিচালক ও সভাপতি। আমরা আশা করি, তাহার মত স্বযোগ্য, সদ্ব্যবসায়ীর নেতৃত্বে—প্রচেষ্টায় কলিকাতা করপোরেশনে বহুতর অনাচারের অবসান হইবে;— তিনি করদাতৃগণের কল্যাণসাধন করিয়া আশীর্বাদভাজন হইবেন।



## বিশ্ববিদ্যালয়ের পুস্তক ব্যবস্থা

গত ৪ঠা এপ্রেল বিশ্ববিদ্যালয়ের রেজিষ্ট্রার বিজ্ঞাপন প্রচার করিয়া জানাইয়াছেন যে, (১) কলিকাতা বিশ্ববিদ্যালয় নীচের বাক্সালা—উর্দু—আসামী—হিন্দী—ইংরেজি ভাষায় নিম্নের ১৭টি বিষয়ে প্রবেশিকা পরীক্ষার জন্য পাঠ্যপুস্তক রচনার নির্দেশ-কার্যে প্রবৃত্ত হইবেন—(১) ভারতবর্ষ ও ইংলণ্ডের ইতিহাস, (২) ভূগোল, (৩) অঙ্ক—পাটীগণিত ও প্লেন জ্যামিতি, (৪) প্রাথমিক বৈজ্ঞানিক জ্ঞান, (৫) প্রাথমিক পদার্থবিদ্যা ও রসায়ন, (৬) পরিমিত ও জরিপ, (৭) প্রাথমিক কলকল্প ব্যবহার, (৮) প্রাথমিক স্বাস্থ্যতত্ত্ব, (৯) ব্যবসা-পদ্ধতি ও পত্রব্যবহার, (১০) প্রাণিতত্ত্ব, (১১) ব্যবহারিক ভূগোল, (১২) ভারতের শাসন-পদ্ধতি (প্রাথমিক), (১৩) গাণিত্য বিজ্ঞান (? ) ও গাণিত্য স্বাস্থ্যনীতি, (১৪) সেলাই ও সেলাই শিল্প, (১৫) ভারতীয় সঙ্গীত, (১৬) প্রতীচ্য সঙ্গীত, (১৭) অঙ্কন ও ললিতকলার অর্ধপ্রবেশ।

এক বীজগণিত ব্যতীত অপর কোন বিষয় বিশ্ববিদ্যালয়ের সর্বত্র রেজিষ্ট্রারের নির্দেশ হইতে বাদ পড়িয়াছে বলিয়া মনে হইল না। কলিকাতা বিশ্ববিদ্যালয় পরলোকগত এন. এন. ঘোষকে অর্পিত "ভারতে ইংলণ্ডের কার্য" নামে রাজভক্তি-সংহিতা প্রণয়ন করাইয়া—প্রকাশ করিয়া লাভবান হইতেছিলেন। প্রবেশিকা পরীক্ষার নূতন বিধি অনুসারে ভবিষ্যতে উহা আর পাঠ্যপুস্তক থাকিবে না। ইহাতে বিশ্ববিদ্যালয়ের ক্ষতি হইবার সম্ভাবনা। এজন্য বিশ্ববিদ্যালয় কোন লোককে দিয়া বীজগণিত প্রণয়ন করাইয়া প্রকাশ করিয়া লাভবান হইবেন।

(২) প্রত্যেক পুস্তকের ১৫ খানি ৩শে সেপ্টেম্বরের মধ্যে বিশ্ববিদ্যালয়ে দাখিল করিতে হইবে এবং ৩১শে অক্টোবরের পর দাখিল করিলে চলিবে না। এই এক মাস "গ্রেস", বোধ হয়, কতকগুলি বিশেষ লেখককেই প্রদত্ত হইবে।

জনরত্ন, বিশ্ববিদ্যালয়ের ঘোষণা প্রচারের পূর্বেই কোন কোন ভাগ্যবান—অবসরপ্রাপ্ত সাব জুড হইতে শিক্ষক পর্যায়ে—পুস্তক রচনা করিয়া ছাপাইয়া ফেলিয়াছেন। ইহারা কিরূপে পূর্বেই "সিলেবাস" ও "পরিভাষা" পাইয়াছিলেন?

(৩) বৈজ্ঞানিক বিষয়ে পুস্তক রচনাকালে যে সব পরিভাষা ব্যবহার করিতে হইবে, সে সব সম্বন্ধে লেখকরা রেজিষ্ট্রারের নিকট জানিতে পারিবেন। পুস্তকের ভাষা, আকার প্রভৃতি সম্বন্ধীয় সংবাদও পাওয়া যাইবে। কিন্তু এ সকল পরিভাষা প্রণয়ন সম্বন্ধে বিশ্ববিদ্যালয় মনীষী সাহিত্যিকগণের অভিমত গ্রহণ করিয়াছেন বলিয়া আমাদের জানা নাই। পুস্তকের ভাষা কিরূপ হইবে, তাহাও যে রেজিষ্ট্রার সাহিত্যিকগণকে বুঝাইয়া দিবেন—ইহা অশোভন স্পর্শা বলিয়াই মনে করা যাইতে পারে। কলিকাতা বিশ্ববিদ্যালয় আজ পর্যন্ত কোন অবদানে বঙ্গসাহিত্যকে সমৃদ্ধ করিয়াছেন যে, আজ এই সম্মান দাবী করিতে পারেন?

কলিকাতা বিশ্ববিদ্যালয় যে ভাবে পাঠ্যপুস্তক রচনা—মুদ্রণ—প্রকাশ—বিক্রয়ের ব্যবস্থা করিয়াছেন, তাহাতে কি ছাত্র—গ্রন্থকার—গ্রন্থপ্রকাশক—বিক্রেতার প্রতি অবিচার—অনাচার করা হইতেছে না?

ছাত্রদিগের প্রতি অবিচার—ছাত্ররা যে সর্বোৎকৃষ্ট পুস্তক পাঠ করিবে, সে আশা নির্মূল হয়। বিশ্ববিদ্যালয়ের ছাপ দেওয়া পুস্তক—ভাল মন্দ যেমনই হউক পাঠ করিতেই হয়। আর সে জগৎ যে মূল্য দিতে হয়, তাহা পুস্তকের উৎকর্ষ ও আকারের তুলনায় অত্যধিক।

গ্রন্থকারদিগের প্রতি অবিচার—তঁাহাদের অনুশীলন ও যোগ্যতা যথাযথভাবে প্রযুক্ত হইতে পারে না।

প্রকাশকগণের প্রতি অবিচার—তঁাহারা যে উপযুক্ত পাঠ্য পুস্তক প্রকাশ করিয়া লাভবান হইবেন, সে পথ বন্ধ।

পুস্তক-বিক্রেতার প্রতি অবিচার—বিশ্ববিদ্যালয়ের প্রকাশিত পাঠ্যপুস্তক বিক্রয় করিয়া তঁাহাদের নিষ্কারিত কমিশন পাইতে হইলে সঙ্গে সঙ্গে বিশ্ববিদ্যালয়-প্রকাশিত সেই পরিমাণে কতকগুলি অ-পাঠ্য পুস্তক না লইলে কমিশন পাইবার উপায় নাই।

শেষোক্ত উপায়ে ব্যবসাবুদ্ধিসম্পন্ন কলিকাতা বিশ্ববিদ্যালয় "হুদাম সাবাড়" করিয়াও লাভবান হইবার চমৎকার ব্যবস্থা করিয়াছেন।

## সমাজতত্ত্ববাদীদের পরাজয়

এবার কংগ্রেসের সকল কথা প্রকাশ করা সম্ভব হইল না। তবে মোটের উপর এই কথা বলা যায় যে, সমাজতত্ত্ববাদীরা এবার কোন



শ্রীমতী কমলা দেবী

প্রস্তাবেই জয়লাভ করিতে পারেন নাই। তঁাহাদের দুইটি প্রস্তাবই বিষয়নির্বাচন সমিতিতে অগ্রাহ্য হইয়া গিয়াছে। তঁাহাদের প্রস্তাবের লক্ষ্য ছিল শাসন পদ্ধতির ধ্বংসসাধন। শ্রীমতী কমলা দেবীর সংশোধন-প্রস্তাবের অন্তর্কূলে ২০টি এবং প্রতিকূলে ৪৮টি

ভোট হইয়াছিল; সুতরাং উহা বাতিল হয়। স্বামী সম্পূর্ণ-  
নন্দের সশোধন প্রস্তাবের অন্তর্কলে ২৩টি এবং প্রতিকূলে ৪৪টি  
ভোট হওয়ায় উহাও অগ্রাহ্য হইয়া যায়। এই দুইটি প্রস্তাবই  
সমাজতত্ত্ববাদীদের পক্ষ হইতেই উপস্থিত করা হইয়াছিল।  
ক্রীযুক্ত অমৃতলাল শেঠ প্রস্তাব করেন যে, কনষ্টিটিউয়েন্ট এসেম্বলি  
বা পূর্ণায়তন গঠনকামী সমিতিতে ভারতীয় রাজস্ববর্গের রাজ্য  
হইতে প্রতিনিধি গ্রহণ করা হউক। সে প্রস্তাবের অন্তর্কলে  
২৮টি এবং প্রতিকূলে ৩৭টি ভোট হওয়ায় তাহা অগ্রাহ্য হয়।  
পণ্ডিত বাসকৃষ্ণ শর্মা'র কার্টপিস বর্জন প্রস্তাবের পক্ষে কেবল-  
মাত্র ২টি ভোট হইয়াছিল। শেঠ গোবিন্দ দাস প্রস্তাব করেন  
যে, আগামী নির্বাচনের পক্ষেই যেন মঞ্জিৎ-গ্রহণের সম্বন্ধে একটা  
হেস্তনেস্ত করা হয়। কেবলমাত্র ১৭ জন সদস্য তাহার প্রস্তাব  
সমর্থন করিয়াছিলেন। কংগ্রেসের কার্যকরী সমিতি ভারত-  
সরকারের শাসন-সংস্থার আইন অগ্রাহ্য করিবার যে প্রস্তাব  
প্রাণ্ড করিয়া লইয়াছিল, তাহাটী বিষয়নির্বাচন সমিতি গ্রাহ্য  
করিয়া লইয়াছেন। তাহার অন্তর্কলে ১৮টি এবং প্রতিকূলে  
৫টি মাত্র ভোট হইয়াছিল। এবার পাল'মেন্টারী বোর্ড  
উঠাইয়া দেওয়া হইল। এখন হইতে নিম্নলিখিত ভারতীয় কংগ্রেস-  
কমিটি তাহার কার্য সম্পাদন করিবেন। মঞ্জিৎ-গ্রহণের প্রস্তাব  
কংগ্রেস মুলত্ববীই রাখিয়াছেন। তবে ভাবে ভঙ্গীতে মনে  
হইতেছে যে, কংগ্রেস মঞ্জিৎ-গ্রহণ প্রস্তাবে শেষকালে মত দিবেন।

### পুন্যার দাজ্জা

পুন্যার দাজ্জার ব্যাপার সত্য সত্যই বিষয়জনক। তথাকার  
সোণিয়া মারুতি মন্দিরে উৎসব হয়। বাঘ সে উৎসবের অপরিহার্য  
অঙ্গ। উৎসবের পাশুরা সে জন্ত স্থানীয় ম্যাজিস্ট্রেটের অনুমতি  
চাহিয়াছিলেন। ম্যাজিস্ট্রেটও নির্দিষ্ট সময়ের জন্ত মুহু বাঘ  
করিবার অনুমতি দিয়াছিলেন। উৎসবে তাহাটী করা হইয়াছিল।  
তবে এই ব্যাপারে দাজ্জা-হাজ্জামা ও খুন-জখম হইল কেন? তথায়  
নিকটবর্তী একটি মসজিদ হইতে হিন্দুদিগের উপর অকারণ প্রস্তর  
নিক্ষেপ হয়। ফলে যে দাজ্জা বাধে, তাহাতে তথাকার ৫টি হিন্দু-  
মন্দির মুসলমানরা নষ্ট করিয়া দিয়াছে। জিজ্ঞাসা করি, কোন্  
সাহসে ম্যাজিস্ট্রেটের আদেশ সত্ত্বেও একদল লোক এইরূপ দাজ্জা  
করিতে সাহস পায়? বাহাতে এইরূপ না হইতে পারে, তাহার  
জন্ত সরকারই বা কি ব্যবস্থা করিতেছেন? বাঁহারা মুসলমান-  
বন্ধুদিগের জন্ত লক্ষ্যে প্যাঁজি হইতে সাম্প্রদায়িক রোয়েদার পর্য্যন্ত  
সমস্ত গণতন্ত্রবিরোধী ব্যবস্থার কার্যতঃ সমর্থন করিতেছেন,  
তাঁহারা ই বা এই ব্যাপারে কি বলেন? তাই বলি, ধীরে রজনী  
ধীরে। বাঙ্গালার জলপাইগুড়ি হইতেও ঐরূপ একটি সংবাদ  
পাওয়া গিয়াছে। ব্যাপার কি?

### খোর্দ-গোবিন্দপুরের মামলা

রাজসাহী খোর্দ-গোবিন্দপুরে ৪০ জন মুসলমানের বিরুদ্ধে একটি  
হিন্দু পরিবারের প্রতি পৈশাচিক অত্যাচারের অভিযোগে যে মামলা  
হইয়াছিল, তাহার কথা আর যিনিই কেন বিস্মৃত হউন না, খোর্দ-  
গোবিন্দপুরের হিন্দুরা ও 'বসুমতীর' পাঠকরা কখনই ভুলিতে পারেন

না। এই মামলায় রাজসাহী দায়রা জজ জুরীর সচিৎ একমত  
হইয়া ৮ জন আসামীকে যাবজ্জীবন দ্বীপান্তরের ও অবশিষ্ট আসামী-  
দিগকে ১০ বৎসর কারাদণ্ডেব আদেশ করেন। এই মামলার সম্বন্ধে  
মতপ্রকাশ করায় বাঙ্গালা প্রবন্ধ সম্বন্ধে তিন জন যুরোপীয় জজের  
বিচারে 'দৈনিক বসুমতীর' পূর্বজামিন বাজেয়াপ্ত করিয়া ৬ হাজার  
টাকা জামিন দাখিল করিবার আদেশ বহাল থাকে এবং মুসলমান  
পত্র 'হানালী' বিচারকে প্রতিহিংসা সন্দেহ প্রকাশ করিয়া আদা-  
লতের যৌর অবমাননার জন্য অভিযুক্ত হইয়া ক্ষমা প্রার্থনা করিয়া  
মাত্র ৫ শত টাকা দণ্ড দিয়া অব্যাহতি লাভ করেন।

তাহার পর মামলার পুনর্বিচারের প্রার্থনা হাইকোর্টে আসামী-  
দিগের পক্ষ হইতে করা হয়। গতকল্য হাইকোর্টের ২ জন ইংরেজ  
জজ, জাস্টিস কানলিফ ও জাস্টিস হেগার্টন সেই আবেদন সম্বন্ধে  
প্রায় দিয়াছেন।

প্রায় পাঠ করিয়া বৃষ্টিতেছি, বিচারকদ্বয় মনে করিয়াছেন, বিচারে  
কটিব সম্ভাবনা উপেক্ষা করা যায় না। তাঁহারা যখন সেই  
সিদ্ধান্তে উপনীত হইয়াছেন, তখন তাঁহাদিগের পক্ষে মোকদ্দমার  
পুনর্বিচারের আদেশ করা কখনই অসঙ্গত বলিয়া বিবেচিত হইতে  
পারে না। বিচারক হয় ত জুরীকে মামলা যথারীতি বুঝাইয়া দিতে  
কোন কটি করিয়াছিলেন এবং অভিযোগ হয় ত' যথারীতি বিবেচিত  
হয় নাই। কিন্তু বিচারকরা যে বলিয়াছেন—এ কথা প্রথমেই বলা  
যায় যে, বিচারক হিন্দু এবং জুরাবরাও হিন্দু—ইহাতে আমরা  
বিশ্মিত ও ব্যথিত হইয়াছি। হিন্দু জজ ও হিন্দু জুরাবরা যে কোনরূপ  
সাম্প্রদায়িকতার প্রভাবযুক্ত হইতে পারেন না, এ বিশ্বাস আমা-  
দিগের নাই। পরন্তু আমাদিগের মনে হয়, মুসলমানদিগের বিরুদ্ধে  
মামলায় হিন্দু জজ ও জুরী এবং হিন্দুর বিরুদ্ধে মামলায় মুসলমান  
জজ ও জুরী—পাছে লোকের মনে কোনরূপ সন্দেহের ছায়াপাত  
হয়, সেই ভয়ে—অতিমাত্র সতর্কতা সহকারে বিচার করিতে পারেন।  
বিচারকদ্বয়ের নির্দেশ—

(১) এই মোকদ্দমার পুনর্বিচার হইবে। কিন্তু রাজসাহীতেও  
নহে, হাইকোর্টেও নহে—জলপাইগুড়িতে। বাঙ্গালাদেশে বহু স্থানের  
মধ্য হইতে কি জন্ত জলপাইগুড়িই বিচারস্থান নির্দিষ্ট হইয়াছে,  
তাহা আমরা জানি না। কিন্তু আমাদিগের মনে হয়, যদি কোন  
कारणे রাজসাহীতে বিচার বিচারকদিগের অনভিপ্রেত হয়, তবে  
হাইকোর্টে মামলা হওয়াই ভাল ছিল। বিচার হাইকোর্টে হইলে  
আসামীদিগের অত্যন্ত অধিক ব্যয় হইবে বলিয়া বিচারকদ্বয় মামলা  
হাইকোর্টে আনেন নাই। কিন্তু জলপাইগুড়ী যখন রাজসাহী  
নহে—তখন তথায় ৪০ জন আসামীর কুটুম্বভবন না থাকিলে,  
তথায়ও তাহাদিগের ব্যয় নিতান্ত অল্প হইব'ব কথা নহে। বিশেষ,  
হিন্দু সাক্ষীদিগকেও তথায় বাইতে হইবে।

(২) এবার বিচার জুরীর সাহায্যে না হইয়া এসেসর লইয়া  
হইবে। এই ব্যবস্থার কারণ কি? জুরীর বিচার যে বিচার  
হিসাবে এসেসরের বিচার অপেক্ষা আদরণীয় ও আদৃত, তাহা বলা  
বাছল্য। অথচ এবার সেই জুরীর বিচারই বর্জন করা হইবে!

(৩) সরকারকে বিচারকদ্বয় বিবেচনা করিতে বলিয়াছেন—  
বিচারক যুরোপীয় ও খৃষ্টান হইবেন। এই ব্যবস্থায় কি বৃষ্টিতে  
হইবে, হিন্দু ও মুসলমান বিচারকদিগের নিরপেক্ষতায় সাম্প্রদায়িক  
মামলার নির্ভর করা যায় না? কিন্তু যুরোপীয় আসামী কি

যুরোপীয় বিচারকের নিকটই বিচারের দাবী করিতে পারে না? এই ব্যবস্থাই কি এদেশে বিচারেও third partyর অধিকার কায়েম করা হইবে না?

### ডাকমাগুলে কক্ষণ-কক্ষণ বিতরণ

অসম্ভব ডাকমাগুল বৃদ্ধির ফলে কি ভাবে এই দরিদ্র দেশে স্থলভ সংসাহিত্য প্রচারের পথরোধ—ভিঃপিঃ ব্যবসায়ের খাস কক্ষ হইয়া শিক্ষা-বিস্তারের উপর পরোকভাবে ট্যাক্স নির্ধারিত হইয়াছে, তাহা গত ফাল্গুন সংখ্যায় 'ডাক-মাগুলে সরকারী কক্ষণ' প্রসঙ্গে আলোচনা করিয়াছি। এবারের বাজেটে সরকারী ডাকবিভাগে ১৯ লক্ষ টাকা উদ্ধৃত্ত হওয়ায় ১লা এপ্রিলের ইস্তাহারে যে প্রসাদকণাটুকু সাধারণের উপকারার্থে বিতরিত হইয়াছে—সিক্কুব তুলনায় তাহা বিন্দুমাত্র।

পূর্ববন্ধিত হারে খামের চিঠি আড়াই তোলা পর্যন্ত পাঁচ পয়সা মাগুলে যাইত, এখন এক তোলা পর্যন্ত এক আনা এবং পরবর্তী প্রত্যেক তোলা বা অংশের জন্ত আধ আনা মাগুল দিতে হইবে। অর্থাৎ দেড় বা দুই তোলার জন্ত ছয় পয়সা, আড়াই তোলার জন্ত দুই আনা মাগুল দিতে হইবে। সুতরাং খামের চিঠির মাগুল বাড়িয়াছে বলিয়াই মনে করা যাইতে পারে।

সংবাদপত্র ৮ তোলা পর্যন্ত এক পয়সা মাগুলে যাইত, তাহাই এখন ১০ তোলা পর্যন্ত এক পয়সায়, ২০ তোলা পর্যন্ত দুই পয়সায় যাইতে পারিবে। কিন্তু ২০ তোলার পরে আরও ২০ তোলা বা তাহার অংশের জন্ত এক আনা মাগুলই দিতে হইবে। বিচক্ষণ সরকার বিশেষ হিসাব করিয়া দেখিয়াছেন যে, বাঙ্গালার দেশের অতিকায় মাসিক-পত্রিকাগুলি সাধারণতঃ ৩০ তোলা হইয়া থাকে। মাসিক-পত্রিকাগুলিও সংবাদপত্রশ্রেণীর অন্তর্গত। এজন্ত অতি সাবধানী সরকার সংবাদপত্রের প্রত্যেক ১০ তোলা ওজনের জন্ত এক পয়সা হিসাবে মাগুল নির্ধারিত করিতে পারেন নাই—একেবারে অনধিক ৪০ তোলার ব্যবস্থা করিয়াছেন। ডাক-মাগুলের দিক দিয়া 'ত' সরকার মাসিকপত্রকে কোনরূপ সুবিধা দেওয়াই আবশ্যিক বলিয়া মনে করেন নাই—পরন্তু অল্পদিক দিয়া রক্ষণের অজুহাতে মাসিকপত্রগুলি যে কাগজে ছাপা হয়, তাহার প্রত্যেক পাউণ্ডের উপর পাঁচ পয়সা হারে ডিউটী বসাইয়া প্রত্যেক মাসিকপত্রখানির উপর গড়ে প্রায় আড়াই পয়সা হারে ডিউটী আদায় করিতেছেন বা ভারতের বিদেশী কাগজের কলগুলাদের আদায় করিবার উপায় করিয়া দিয়াছেন। ভারতীয় কাগজশিল্পের সংরক্ষণের দোহাই দিয়া এই ট্যাক্স আদায় হইলেও ইহাতে দেশবাসী কোন কালে উপকৃত হইবেন, এমন কথা মনে করিবার কোন যুক্তিযুক্ত কারণ নাই। ইহার উপর ডাক-বিভাগে নিয়মিতভাবে বহুসংখ্যক মাসিকপত্র খোয়া যায়, তাহার কোন পাত্তা করাই সম্ভব হয় না।

সংবাদপত্রের ওজনও যে সরকার দুই তোলা বন্ধিত করিয়াছেন, তাহাও নিরর্থক বলিয়া মনে হয় না। দেশী কাগজের দাম বেশী বলিয়া সংবাদপত্রকে বিদেশী কাগজ আনাইতেই হয়, এজন্ত স্থলভ-মূল্যের সংবাদপত্রে কাগজ বেশী বা মোটা দিলে ওজনে ভারী হইলে সেই তুলনায় সরকারকে ডিউটীও বেশী

যোগাইতে হইবে। সুতরাং মাগুলে সুবিধা দিয়া সরকার ডিউটীতে পোষাইয়া লইতে পারিবেন।

বুকপোষ্ট—পার্শ্বেল—ভিঃপির অত্যধিক মাগুল সম্বন্ধে সরকার কোনরূপ বিবেচনা করা আবশ্যিক বলিয়া মনে করেন নাই। ১০ তোলা ওজনের সংবাদপত্রের মাগুল এক পয়সা, কিন্তু পুস্তক হইলেই ১০ তোলার মাগুল পাঁচ পয়সা এবং ২০ তোলা সংবাদপত্রের মাগুল দুই পয়সা, পুস্তকের মাগুল নয় পয়সা—পার্শ্বেলের সর্বনিম্ন মাগুল ২০ তোলার জন্ত ৮/০ আনা, তাহার পর ৪০ তোলার জন্ত চাব আনা মাত্র। পুস্তক, ঔষধ, সৌখীন দ্রব্যাদি সাধারণতঃ ভিঃপিতেই সমধিক বিক্রয় হইত; কিন্তু আনবেজিষ্টার ভিঃপিঃ পরিবর্তে প্রত্যেক ভিঃপিঃ রেজিষ্টারী করিবার সুব্যবস্থা প্রবর্তনের সঙ্গে সঙ্গে রেজিষ্টারী ও মণিঅর্ডার 'ফিঃ বাড়াইয়া দেওয়ায় এ সকল ব্যবসা বন্ধ হইবার উপক্রম হইয়াছে। এক-খানি দুই আনা মূল্যের পুস্তক ভিঃপিতে লইতে সাত আনা মাগুল দিবার বিধান বিদ্যমান হইয়াছে। ইহার উপর পুস্তকের কাগজের উপর এক দফা অত্যধিক হারে ডিউটী 'ত' আছেই।

স্থলভ সংসাহিত্য প্রচার—সাহিত্যের আধারে সার্বজনীন শিক্ষাবিস্তার—মক্ষঃস্থলবাসীর সুবিধার জন্ত ভিঃপিতে ঔষধ ও দ্রব্যাদি সরবরাহ যদি সরকারের অভিপ্রত না হয়, তবে পাঠক—গ্রাহক—গ্ৰন্থকার—প্রকাশক—বিক্রেতাকে এভাবে ক্ষতিগ্রস্ত না করিয়া, সরকার ভিঃপির বিধান তুলিয়া দিলেই 'ত' পাবেন। দেশবাসীর সঙ্গে ব্যবসায়ী সম্প্রদায়ও নিশ্চিত হইয়া সরকারের সহায়তা করিতে পারে।

### বাঙ্গালী-ব্যাপী দুর্ভিক্ষ

বাঙ্গালার প্রায় সকল স্থান হইতে দুর্ভিক্ষ, জলকষ্ট এবং অন্ন-কষ্টের সংবাদ পাওয়া যাইতেছে। সর্বত্রই হাহাকার এবং আর্তনাদ। অনেক লোক ঘোর অন্ন-কষ্টে পতিত হইয়াছে। কিছুদিন পূর্বে বুটিশ ইণ্ডিয়ান এসোসিয়েশনের সভাপতি মহারাজাধিরাজ সার বিজয়চাঁদ মহতাব, বেঙ্গল প্যাণ্ড হোল্ডার্স এসোসিয়েশনের সভাপতি মহারাজাধিরাজ কামেশ্বর সিংহ, বেঙ্গল চেম্বার অব কমার্শের সভাপতি সার এডওয়ার্ড বেঙ্গল, কলিকাতা ট্রেডস এসোসিয়েশনের সভাপতি মিষ্টার প্রাট, বেঙ্গল স্ক্যানাল চেম্বার অব কমার্শের সভাপতি সার হরিশঙ্কর পাল, ইণ্ডিয়ান এসোসিয়েশনের সভাপতি শ্রীযুক্ত যতীন্দ্রনাথ বসু প্রমুখ বহু গণ্যমান্য সম্ভ্রান্ত লোক কর্তৃক স্বাক্ষরিত একখানি আবেদনপত্র পশ্চিমবঙ্গের দুর্ভিক্ষপীড়িত ব্যক্তিদিগের সাহায্যার্থে প্রচারিত হইয়াছিল। পশ্চিমবঙ্গে যে অনশনে অধাশনে বহু লোক কষ্ট পাইতেছে, তাহা এই সকল সম্ভ্রান্ত ব্যক্তির স্বাক্ষরিত আবেদনপত্রেই প্রকাশ। তাহার পর ঝাঁকুড়া হইতে দুর্ভিক্ষ-কাতর জনগণের আর্তনাদ শুনা যাইতেছে। ঝাঁকুড়া সিম্ভ্রানীর সভাপতি এবং 'মডার্ণ রিভিউ'-পত্রের সম্পাদক, প্রবীণ সাহিত্যিক শ্রীযুক্ত রামানন্দ চট্টোপাধ্যায় প্রকাশ করিয়াছেন, ঝাঁকুড়া জিলার ১১ লক্ষ অধিবাসীর মধ্যে ৫ লক্ষ লোক জঠরজালায় দগ্ন হইতেছে। নানাস্থান হইতেই এই ভাবের দুর্ভিক্ষ ও দারুণ জল-কষ্টের সংবাদ শুনা যাইতেছে। ব্যবস্থাপরিষদে সার গিরিজাশঙ্কর বাজপেয়ী



যে সরকারী পত্রের নকল দাখিল করেন, তাহাতে বীরভূম, বাঁকুড়া, বর্ধমান, মুর্শিদাবাদ এবং ভগলী জিলার বহু স্থানে অন্নকষ্ট এবং তাহার ফলে শোচনীয় অবস্থার উদ্ভব হইয়াছে, ইহা বলা হইয়াছে। খুলনা জিলার শ্রামনগর থানার গ্রামগুলি হইতে অন্ন-কষ্টের হাহাকার উঠিয়াছে। তথায় অনেক লোক তেঁতুলের বীজ-সিদ্ধ, কচি কলার পাতা, খোড় সিদ্ধ প্রভৃতি খাইয়া কোনরূপে জীবন ধারণ করিতেছে। আমাদের বিশ্বাস, সমস্ত পশ্চিম এবং মধ্যবঙ্গে কয়েক বৎসর যথাযথভাবে বৃষ্টিপাত না হওয়ায় ঘোর অন্নকষ্ট উপস্থিত হইয়াছে। সরকার বর্ধমান, বীরভূম, মুর্শিদাবাদ, বাঁকুড়া প্রভৃতি জিলার কোন কোন স্থানে তুর্ভিক্ষ হইয়াছে বলিয়া ঘোষণা করিলেও পশ্চিম-বঙ্গের বিভিন্ন জিলার তুর্ভিক্ষের কথা আজও স্বীকার করেন নাই। সরকার কোন কোন তুর্ভিক্ষপীড়িত অঞ্চলে সাহায্যদানের ব্যবস্থা করিয়াছেন সত্য, কিন্তু সর্বত্রই যখন বেড়া আঙন লাগিয়াছে, তখন দুই এক স্থানে সাহায্য করিলে বিশেষ কি লাভ হইবে? বাঙ্গালার প্রায় সর্বত্রই অতি দরিদ্র লোক এবং নিঃস্ব ভদ্রসন্তানগণ অন্নভাবে ঘোর কষ্টে পড়িয়াছেন। সত্বর ইহার প্রতিকারে অবহিত না হইয়া, সরকার তুর্ভিক্ষের কারণ অনুসন্ধানের জন্ত উচ্চ বেতনে কমিশনার নিয়োগ করিয়াছেন জানিয়া আমরা অত্যন্ত বিস্মিত হইয়াছি। এক বাঁকুড়া জিলায় তুর্ভিক্ষ দমনের জন্ত অল্পতঃ ১৫ হইতে ১৬ লক্ষ টাকার প্রয়োজন। ইহা ভিন্ন নানা স্থান হইতে দারুণ জল-কষ্টের সংবাদও পাওয়া যাউতেছে। দেশের সকল শ্রেণীর লোকের মধ্যে ঘোর কষ্ট উপস্থিত। একপু অবস্থায় সরকার এবং ধনাঢ্য ব্যক্তির যদি অর্থ-সাহায্য না করেন, তাহা হইলে অবস্থা অতিশয় শোচনীয় হইয়া উঠিবে। বাঙ্গালার এই দুর্দিনে শাসনযন্ত্রের বিরাট ন্যায় হাস করিয়া—মদীর আধিক্য—শৈলাবাসের বায় পরিহার করিয়া তুর্ভিক্ষপীড়িত অঞ্চলে যথোচিত সাহায্যদান করা কি সরকারের একান্ত কর্তব্য নহে?

বিশ্বয়ের বিষয় এই যে, “ফেমিন ট্রাষ্ট” অনেক চিন্তার পর স্থির করিয়াছেন, আপাততঃ মাত্র ২৫ হাজার টাকা বাঙ্গালাকে দেওয়া হইবে—আর সঙ্গত মনে করিলে আরও ২৫ হাজার টাকা দেওয়া হইবে; কিন্তু ইহাই কি বাঙ্গালার জাতি প্রাণ?

## ডাক্তার আম্কারী

গত ২৭শে বৈশাখ, স্মৃ প্রসিদ্ধ চিকিৎসক—স্বদেশসেবক, কংগ্রেস-কর্মী ডাক্তার মুক্তার আমেদ আম্কারী প্রায় ৬০ বৎসর বয়সে, মুম্বরী হইতে দিল্লীতে প্রত্যাবর্তনের সময়ে ট্রেনে মৃত্যুমুখে পতিত হইয়াছেন। ১৮৭৭ খৃষ্টাব্দে হকিমসাহেব গাজীপুরের যে পরিবারে জন্মগ্রহণ করিয়াছিলেন, চিকিৎসা-বিজ্ঞান-সাধনার জন্ত সেই বংশ চির-প্রসিদ্ধ। তিনি এলাহাবাদে শিক্ষালাভের পর ১৯০০ খৃষ্টাব্দে নিজাম কলেজ হইতে উপাধি পরীক্ষায় উত্তীর্ণ হইয়া, চিকিৎসা-বিজ্ঞান শিক্ষার জন্ত বিলাতে গমন করেন। ১০ বৎসর লগুনে অবস্থান-কালে তিনি বিভিন্ন হাসপাতালের সহকারী ডাক্তার হইয়াছিলেন। বিলাত হইতে ফিরিয়া তিনি দিল্লীতে চিকিৎসাকার্য্য আরম্ভ করেন—অল্পদিনেই যথেষ্ট প্রতিপত্তি লাভ করেন। স্মৃচিকিৎসক বলিয়া

নহে—তিনি দেশানুরাগের জন্তই প্যারিস ও শ্রীলঙ্কা লাভ করিয়াছিলেন। তুর্কীর সহিত ইটালীর যুদ্ধকালে তিনি মেডিকেল মিশনে যে কার্য্য করিয়াছিলেন, তাহা অরণীয়। সাম্প্রদায়িক ভেদবুদ্ধির সন্ধীর্ণতা তিনি চিরদিন পরিহার করিতেন। হিন্দু-মুসলমানের ঐক্যের জন্ত—দেশের মুক্তির জন্ত তিনি চিরদিন সংগ্রাম করিয়া গিয়াছেন।



ডাক্তার আম্কারী

১৯১৭ খৃষ্টাব্দে তিনি মাদ্রাজ কংগ্রেসের এবং পরবৎসর কলিকাতার সর্বদল-সম্মেলনের সভাপতিত্ব করিয়াছিলেন। মাদ্রাজে কংগ্রেসের অধিবেশনে তিনি হিন্দু-মুসলমান-বিবাদেব বিস্তৃত সমালোচনা করিয়া সুমীমাংসার প্রয়াস পাইয়াছিলেন ১৯৩০ ও ১৯৩২ খৃষ্টাব্দে তিনি রাজনীতিক কারণে কারাবরণ করিয়াছিলেন। বিনা বিচারে আটক বন্দিগণের মুক্তি তাঁহার একান্ত কামা ছিল। বর্ধমান সাম্প্রদায়িকতা বিস্তারের মোহময় যুগে তাঁহার মত জাতীয়তাবাদী নেতাব অতর্কিত মৃত্যু দেশের দুর্ভাগ্যের পরিচায়ক।



## সুরেন্দ্রনাথ মল্লিক

গত ২৮শে চৈত্র, শুক্রবার রাত্রি ২টার সময় ৬৫ বৎসর বয়সে সুরেন্দ্রনাথ মল্লিক মহাশয় পরলোকগমন করিয়াছেন। তাঁহার মত পল্লী-কল্যাণত্রে আত্মনিবেদিত—বঙ্গালার সুসন্তানের মৃত্যুতে আমরা সুহৃদ-বিয়োগ-বেদনা অনুভব করিয়াছি।

সুরেন্দ্রনাথের পিতা রাজেন্দ্রনাথ ভবানীপুরের সুপ্রসিদ্ধ ডাক্তার ছিলেন;—দানশীলতার জন্ত তিনি উল্লেখযোগ্য সংখ্যক রাখিয়া যাইতে পারেন নাই। শিক্ষালাভের পর সুরেন্দ্রনাথ আলিপুর আদালতে ওকালতী আরম্ভ করেন এবং প্রতিভাবলে অল্পদিনেই প্রতিষ্ঠা অর্জন করেন। যৌবনে তিনি দেশপূজা সুরেন্দ্রনাথ বন্দ্যোপাধ্যায়ের শিষ্যত্ব স্বীকার করিয়া কংগ্রেসে যোগদান করেন। নূতন মিউনিসিপাল আইন প্রবর্তনের পূর্বে সুরেন্দ্রনাথ কলিকাতা করপোরেশনের প্রথম বে-সরকারী চেয়ারম্যানের পদ গ্রহণ করিয়া—অসাধারণ যোগাতার পরিচয় প্রদান করিয়াছিলেন।

• ইহার পর তিনি বঙ্গীয় ব্যবস্থাপক সভার সভ্য নির্বাচিত হইয়া গভর্নর কর্তৃক মন্ত্রী মনোনীত হইয়াছিলেন, কিন্তু স্বরাজ্যদলের প্রচেষ্টায় তাঁহার নির্বাচন নাকচ হয়। ব্যবস্থাপক সভার সভ্য থাকিবার সময় তিনি সরকারের বায়বাহুল্য নিবারণের জন্ত যথাসম্ভব প্রয়াস পাইয়াছিলেন।

১৯২২ খৃষ্টাব্দে বাঙ্গালা সরকার বায়সঙ্কোচের উপায় নির্ধারণের জন্ত সার রাজেন্দ্রনাথ মুখোপাধ্যায়কে সভাপতি করিয়া যে কমিটি নিযুক্ত করিয়াছিলেন—সুরেন্দ্রনাথ তাঁহার অন্যতম সদস্য ছিলেন। বৎসরে বাঙ্গালা সরকারের ১ কোটি ৯০ লক্ষ ২৫ হাজার ৮ শত ১০ টাকা ব্যয় কমান সম্ভব বলিয়া এই কমিটি নির্দেশ করিয়াছিলেন। বলা বাহুল্য, সরকার কমিটির সকল নির্ধারণ গ্রহণ করেন নাই। এই কমিটি কমিশনারের পদ লোপ করিতে এবং গভর্নরের বডিগার্ড বাবদ বৎসরে ১ লক্ষ ২০ হাজার টাকা ব্যয় হ্রাস করিবার জন্ত পরামর্শ দেন।

১৯২৬ খৃষ্টাব্দে সুরেন্দ্রনাথ বিলাতে ভারত-সচিবের পরামর্শ-পরিষদের সদস্য নিযুক্ত হন। বিলাতে অবস্থানকালে তিনি ভারতীয়—নিশেষতঃ বাঙ্গালী ছাত্রদিগের অভিভাবকস্বরূপ ছিলেন। বিলাত হইতে ফিরিবার পূর্বেই তিনি স্থির করেন যে, তিনি আন রাজনীতিক কার্যে যোগদান করিবেন না—তাঁহার চিরদিনের

সাধনা পল্লী-সংস্কার—সমাজ-সেবার কাণ্ডে আত্মনিবেদন করিবেন। শেষ জীবনে নিঃসন্তান সুরেন্দ্রনাথ ও তাঁহার সাক্ষী পত্নী ইহাই তাঁহাদের জীবনত্রুতরূপে গ্রহণ করিয়াছিলেন।

হুগলী জিলার সিন্ধুর খানার অপূর্বপুত্র সুরেন্দ্রনাথ জন্মগ্রহণ করিয়াছিলেন। পঠদশার তিনি তথায় নৈশ-বিদ্যালয় প্রতিষ্ঠা করিয়া স্বয়ং শিক্ষকতা করিতেন। স্বগ্রামে তিনি ম্যালেরিয়া-নিবারণ-সমিতি প্রতিষ্ঠা করিয়াছিলেন। শেষ জীবনে তিনি স্বগ্রামে লক্ষ টাকা ব্যয়ে পিতার স্মৃতিপূজার জন্ত রাজেন্দ্রনাথ হাসপাতাল



সুরেন্দ্রনাথ মল্লিক

এবং মাতার স্মৃতির সন্মানে ৪০ হাজার টাকা ব্যয়ে গোলাপমোহিনী বালিকা-বিদ্যালয় প্রতিষ্ঠা করিয়া গিয়াছেন।

কলিকাতার কয় জন বাঙ্গালীর উদ্যোগে যে দিন বড় লাট লর্ড রেডিংকে ভোজে আপ্যায়িত করা হয়, সেই দিনই শ্রীমতী বাসন্তী দেবী প্রভৃতিকে গ্রেপ্তারের সংবাদ পাইয়া, সরকারের কার্যের প্রতিবাদস্বরূপ সুরেন্দ্রনাথ শ্রীতিভোজের টেবল ত্যাগ করেন।

অসুস্থ হইবার কয়েক দিন পূর্বে বিশেষ অসুস্থতায় তিনি ৪ মাসের জন্ত বাঙ্গালার শাসন-পরিষদের সদস্যপদ গ্রহণে সম্মত হইয়াছিলেন।



শ্রীসতীশচন্দ্র মুখোপাধ্যায় সম্পাদিত

কলিকাতা, ১৬৬ নং বহুবাজার স্ট্রীট, বঙ্গমতী রোটারী মেসিনে শ্রীশশিভূষণ দত্ত মুদ্রিত ও প্রকাশিত।

শিল্পী—মিষ্টার টমাস



“আমি আছে সৌভাগ্যের হৃদয় উজ্জ্বল  
লাবণ্যের মায়াযুগে স্থির গঢ়কল।”

জৈষ্ঠ, ১৯৪৩ ]

[ শিল্পী—মিষ্টার টমাস





১৫শ বর্ষ ]

জ্যৈষ্ঠ, ১৩৪৩

[ ২য় সংখ্যা

## শ্রীশ্রীরামকৃষ্ণ-দেব

### নবম পরিচ্ছেদ

তীর্থযাত্রা -- কাশীযাত্রা -- শ্রীশ্রীন্দাবন-দর্শনে আনন্দলাভ

জগদমা দাসীর অস্থির কথা পূর্বেই বলা হইয়াছে। তাঁহার শরীর ভাঙ্গিয়া গিয়াছিল, কিছুতেই পুনরায় ফিরিয়া আসিতেছিল না। তাঁই স্থির হইল যে, দুর্গাপূজার পরে তীর্থ-নমণে মথুর বাবু সপরিবারে বাতির হইবেন, এক যাত্রায় দক্ষ ও দ্ব্যস্ত্য উভয়ই অর্জুন করা হইবে।

দুর্গাপূজার সময়ে শ্রীঠাকুর জানবাজারে আসিলেন। তিনি পূজায় উপস্থিত না থাকিলে মথুর দুর্গাপূজা করিয়া মুখ বা আনন্দ লাভ করিতেন না। কখনো কখনো একপ হইত যে, ঠাকুর পূজার চণ্ডীপাঠ শ্রুতিতে আরম্ভ করিলেই ভাবস্থ হইতেন এবং এমনও ঘটত যে, পূজার নৈবেদ্য কখনও বা ভাবাবেশে নিজেই গ্রহণ করিতেন। তাহাতে মথুর ভীত বা সঙ্কচিত বোধ না করিয়া, মনে মনে ভাবিতেন যে, তাঁহার পূজা সার্থক হইয়াছে; যা—ঠাকুর যাহার সচল প্রতিমা, তিনি প্রত্যক্ষভাবেই পূজা গ্রহণ করিয়াছেন। পুরোহিতগণ কিছু ইহাতে বড়ই বিরক্ত হইতেন, তবে 'কর্তার ইচ্ছায় কৰ্ম',—কিছুই বলিতে বা করিতে সাহস করিতেন না : কোনরূপে ক্রটি সারিয়া পূজা-কাৰ্য্য চালাইয়া লইতেন। চন্দ্র হালদার নামে কালীঘাটের

এক পালাদার মথুরের এক জন তীর্থ পুরোহিত বা পাণ্ডা ছিল। কালীঘাটে যখন মথুর যাইতেন, পালাদার চন্দ্র বেশ দুই পয়সা উপার্জন করিত এবং মথুর বৎসরে অনেকবারই কালীঘাটে যাইতেন। ঠাকুরকে পাইয়া মথুর এখন কালীঘাটে যাত্রা খুব কমাইয়া দিয়াছেন, যদিই বা কখন মাকে দর্শন করিতে যান, তাও বাবাব সঙ্গে। কাসেই চন্দ্রের খাতির ও আদায় উভয়ই কমিয়া গিয়াছিল। চন্দ্র সে রাগ মনের মধ্যে পোষণ করিতেছিল। পূজার সময় ঠাকুর আসিয়াছেন। এক দিন তিনি ভাবে জড়বৎ হইয়া একটি ঘরে পতিত রহিয়াছেন; দেখিয়া চন্দ্র সেই নিরুজ্জ্বল ঘরে আসিয়া, প্রতিশোধ লইবার উত্তম সুযোগ উপস্থিত বুঝিয়া, প্রথমে ঠাকুরকে সঙ্গে ধাক্কা দিতে আরম্ভ করিল। চন্দ্রের মনের ভাব এই যে, সে মথুরকে দেখাইবে যে, ঠাকুরের এ সব ভাবটাব কিছু নয়, শুধু বুজরুকি বা ভাগ-মাত্র—বড়লোক হাত করার ইহা এক প্রকার কৌশল। কিন্তু যাহা সত্য, তাহা স্বর্ণ-অক্ষরে প্রকাশিত থাকে এবং সত্য চিরকালই জয় লাভ করে। ঠাকুর সে প্রহার ও ধাক্কা খাইয়াও অচল, অটল ও বাহুসহায়! শেষে ক্রোধবেশে ও প্রতিশোধ লইবার জন্ত চন্দ্র সেই কোমল দেহে বিনামার গোঁজা দিতে আরম্ভ করিল। ঠাকুরের দেহের কোমলতার কথা আর কি বলিব! একদা লুচি খাইতে



গিয়া কর্ণা লুচির ধারে তাঁহার অনুলী কাটিয়া গিয়াছিল। সে দেহ নবনীত-সুকোমল ছিল বলিলে অত্যুক্তি হয় না। ঠাকুরের গায়ে নানা স্থানে সে আঘাতের দাগ হইয়া গেল; কিন্তু তবুও আঘাতে তাঁহার চৈতন্য উদয় হইল না। শেষে লোকজন আসায় ধরা পড়িবার ভয়ে, চন্দ্র সরিয়া পড়িল, ঠাকুরও ক্রমে ক্রমে প্রকৃতিস্থ হইলেন। তিনি তখন নিজের দেহের অবস্থা দেখিয়া, সমস্ত ব্যাপারই বুঝিতে পারিলেন, কিন্তু চন্দ্রের আচরণ সম্বন্ধে তখন চূপ করিয়া থাকিলেন। পরে সমস্তই মথুর বাবুর কর্ণগোচর হইল। সমস্ত জানিয়া তিনি গর্জন করিয়া বলিতে লাগিলেন, “আঃ, শালাকে তখন কাছে পেতুম—যখন এই অপকর্ম্য সে করছিল, তা হ’লে তার মৃগু নিতুম।” বলি বাহুলা, চন্দ্রকে তিনি অবিলম্বে পরিত্যাগ করিলেন; অল্প তীর্থা-পাণ্ডা বা তীর্থা-গুরু নিযুক্ত করিলেন; ঠাকুরের সহিষ্ণুতা ও করুণা দেখিয়া মথুর মুগ্ধ হইয়া গেলেন।

নবমী-পূজার দিন ঠাকুরের দেহে বারংবার ভাব-ওরস খেলিতে লাগিল। জগদম্বা তখন তাঁহাকে নানা অলঙ্কারে ও বেনারসী শাড়ীতে সাজাইয়া আস্তে আস্তে ধরিয়া প্রতিমার নিকট লইয়া আসিলেন। ঠাকুর আসিয়া মা দুর্গাকে চামর-ব্যঞ্জন করিতে লাগিলেন। তাঁহার দেহ ও মুখ তখন দিবা জ্যোতিতে উদ্ভাসিত হইয়া উঠিল। একে স্ত্রীবেশ, তাহাতে তাহা জ্যোতিষ্ময়, স্তবরাং তাঁহার চেতারা এককালে পরিবর্তিত হইয়া গেল। এমন কি, মথুরও তাঁহাকে তখন চিনিতে পারিলেন না। রাত্রিতে স্ত্রীকে জিজ্ঞাসা করিলেন—মিনি দেবীর নিকট চামর ব্যঞ্জন করিতেছিলেন, তিনি কোন্ মতিল? মথুরের কথা শুনিয়া জগদম্বা হাস্ত করিতে করিতে বলিলেন, “তুমি বাবাকেও দেখে চিনতে পারলে না?” মথুর মনে করিলেন, তা বটে! বাবাকে চেনা এতই সহজ কি না? বাবাকে এখনও চিনতে পারি নাই সত্য, আর কখনও চিনতে পারবো কি না, তাও জানি না।

মথুর বাবাকে পাইয়া অবধি আর তীর্থা-পর্যটন সম্বন্ধে তত অবহিত ছিলেন না; কিন্তু জগদম্বার আগ্রহাতি-শয্যে শেষে রাজী হইলেন। সমস্ত যোগাড় করিতে

মাঘ মাস হইয়া গেল। ১২৭৪ সালে (১৮৩৮ খৃঃ) শুভদিনে সকলে বাহির হইলেন। সঙ্গে লোক, চাকর, বামুন,



শ্রীশ্রীবৈষ্ণনাথ-মন্দির—দ্বিচ্ছদ্বার হইতে

পাইক, দরওয়ান প্রভৃতিতে একটি ক্ষুদ্র দল হইয়া গেল। ঠাকুর ও চন্দ্রকে লইয়া সম্পূর্ণক মথুর ও জগদম্বা বাহির হইলেন। ঠাকুর বৃদ্ধা মাতার অনুমতি লইলেন এবং তাঁহার অনুপস্থিতিতে মাতার সেবার স্ববন্দোবস্ত করিয়া গেলেন। মা ভরভারিণীর আদেশ লইয়া তবে যাত্রা করিলেন।


এ যাত্রায় প্রথমে সকলে বৈষ্ণনাথে আসিলেন। এখানে থাকাকালীন এক দিন কোন এক গ্রামমধ্যে ভ্রমণ করিতে গিয়া, গ্রামবাসীদের অন্নহীন শীর্ণ দেহ, মলিন বদন এবং ছিন্ন বসন দেখিয়া তাহাদের দুঃখে ঠাকুর কাঁদিতে লাগিলেন এবং বলিলেন, “মথুর, এদের দুঃখে আমি বড়ই কাতর হইয়াছি। তুমি ইহাদিগকে পরিতোষ পূর্বক খাওয়াও ও একখানি করিয়া বস্ত্র দান কর।” প্রথমে মথুর ব্যঙ্গাদিক্য আশঙ্কা করিয়া, ঠাকুরের আদেশমত কার্য্য করিতে ইতস্ততঃ করিতেছিলেন; তখন ঠাকুর মথুরকে ভৎসনা করিয়া বলিলেন, “এ সব ধন-দৌলত তোমার নিজস্ব মনে করিয়াছ? এ সব আমার মা’র, তুমি কেসিয়ার মাত্র। খরচ হবে আমার মা’র, তোমার মাবে না কি?” এবং ঠাকুর শেষে যখন বলিলেন যে, মথুর তাঁহার কথামত কার্য্য না করিলে তিনি বৈষ্ণনাথ হইতে আর নড়িবেন না, তখন মথুর তাঁহার আজ্ঞা পালন করিতে বাধ্য হইলেন। সমস্ত গ্রামবাসীকে ভূরি ভোজন করান হইল ও মথুর প্রত্যেককে একখানি করিয়া বস্ত্র দান করিলেন।

বৈষ্ণনাথ বা দেওঘর হইয়া শিবদর্শনান্তে সকলে পরে কাশীতে আগমন করেন। এখানে কেদারবাটের নিকট ছইখানি বাড়ী ভাড়া করিয়া মথুর বাবু সদলে বাস করিতে লাগিলেন। মথুর কাশীতে রাজা-রাজড়ার মত চালেট


থাকিতেন। মথুর বাহির হইতেন, এক দল দরোয়ান, চোপদার আশামোটা হস্তে বাহির হইত ও ভৃত্যরা তাঁহার মাথায় রূপার ছাতা পরিয়া লইয়া যাইত। ঠাকুর কোমলাঙ্গ, হাঁটিতে পারিতেন না, সেই জন্ত তাঁহার জন্ত সর্বদা পালকী থাকিত। তিনি মথুর সেখানে ইচ্ছা পাক্কীযোগে গমন করিতেন। গঙ্গায় দমণ করিবার জন্ত



বিশ্বেশ্বরের মন্দির—কাশী



অন্নপূর্ণা-মন্দির—কাশী



দশম্বেদ ঘাট—কাশী

বজরা ভাড়া করা ছিল। বজরা করিয়া এক দিন মথুর, সদয় ও ঠাকুর মথুর মণিকণিকার ঘাটের সম্মুখ দিয়া গমন করিতেছিলেন, তখন ঠাকুর শ্রীবিষ্ণুনাথ-শিবদর্শন করেন। তিনি দেখিলেন, শিবের রজত-গিরিনিভ গম্ভীর মূর্তি ;— যাহাদের মৃত্যু হইয়াছে, তাহাদের নিকটে স্বয়ং গমন করিয়া, তাহাদের দক্ষিণকর্ণে তারকবক্ষ নাম দিতেছেন এবং নিজের সাকার রূপ তাহাদিগকে দেখাইয়া পরে অখণ্ডসচ্চিদানন্দে মিলাইয়া যাইতেছেন। তাহারাও


এইরূপে পাশমুক্ত হইয়া দিব্যগতি লাভ করিতেছে। ঠাকুর নৌকায় দাড়াইয়া এই দর্শনের সময় সমাপিস্থ হন। শিব প্রথমে ছিলেন দূরে, ক্রমে তাঁহার শরীরেই প্রবেশ করিলেন। কাশীতে আর এক দিন ভাবে দেখিলেন, যেন তিনি সন্ন্যাসীর হাত ধরিয়া এক ঠাকুরবাড়ীতে প্রবেশ করিলেন— সেখানে তাঁহার সোণার অন্নপূর্ণা-দর্শন হইল।

কাশীতে এক দিন সেজো-বাবু অর্থাৎ মপুর বাবু ঠাকুরকে রাজাবাবুদের বৈঠকখানায় লইয়া গিয়াছিলেন। সেখানে তাহার কেবলি বিষয় আশয়, টাকাকড়ি, লাভ-লোকমান এই সব কথা বলাবলি করিতে লাগিল। তাহাতে ঠাকুরের বড়ই কষ্ট-বোধ হইতে লাগিল এবং তিনি মাকে ডাকিয়া বালকের মত কাঁদিতে কাঁদিতে বলিতে লাগিলেন, “মা, তুমি আমার একোথায় আনলে? আমি যে দক্ষিণেশ্বরে বেশ ভালই ছিলাম। এখানে যে কেবল কামিনী-কাঞ্চনের কথা, মা! সেখানে ত’ আমাকে এ সব ভ্রুনিতে হয় নাই।” ঠাকুরের ঈদৃশ ভাব দর্শন করিয়া অবিলম্বে মপুর তাঁহাকে বাহির করিয়া লইয়া আসিলেন।

ঠাকুর কাশীতে দুর্গাবাড়ীর নিকটে নানকপন্থী সাধুদের মঠ দর্শন করিয়াছিলেন। দেখিলেন যে, মঠের মোহাস্ত্রদের ভারী

মান। বড় বড় হোমরা-চোমরা খোট্টারা হাত ষোড় করিয়া দাড়াইয়া মোহাস্ত্রের আঙ্কা প্রতীক্ষা করিতেছে এবং নিজেদের দত্ত উপহার গ্রহণ করিলে আপনাদিগকে কৃতার্থ বোধ করিতেছে। এইখানে এক

সাধুকে ঠাকুর দর্শন করেন—বয়স ২৮। এই সাধুটি ঠাকুরকে বলিতেন, “প্রেমী সাধু”। এক দিন সাধু ঠাকুরকে নিমন্ত্রণ করিলেন। মঠের মোহাস্ত্রটিও যেন একটি গিন্নী—এমনি সকল বিষয়ে তাঁহার লক্ষ্য ও নিপুণতা। এই সাধু ঠাকুরকে বলিয়াছিলেন যে, ‘কলিতে উপায় নারদীয় ভক্তি।’



মণিকর্ণিকা-ঘাট



সিদ্ধিয়া-ঘাট—কাশী

গীতা পাঠ করার সময় সাধু সেজো বাবুর দিকে পশ্চাৎ ফিরিয়াছিলেন, কিন্তু ঠাকুরের দিকে চাহিয়াছিলেন— বিষয়ীর মুখ দেখবার ইচ্ছা নাই, সেই জন্য এইরূপ আচরণ। ঠাকুর বলিয়াছিলেন, ইনি মুলতানী সাধু ছিলেন।

মথুর বাবু এই যাত্রায় ঠাকুরকে এক দল বেদান্তী তর্কিক পণ্ডিতমণ্ডলীর মধ্যে লইয়া গিয়াছিলেন। সেখানে তাঁহারা ঠাকুরের কথা শুনিয়া—ভাব-সমাধির অবস্থা দেখিয়া অতিশয় চমৎকৃত হইলেন। তখন তাঁহাদের দলপতি বলিলেন যে, তাঁহারা যে এত কষ্ট করিয়া শাস্ত্র অধ্যয়ন

বোল ফোটে। এই বাক্য সে অতি সত্য, ইহাও তাঁহারা উপলব্ধি করিলেন। শুধু বই-পড়া বিচার সাহায্যে সাধন-ভজন বিনা কখনো আনন্দলাভ হয় না, ইহাও তাঁহারা বুঝিলেন।



পঞ্চগঙ্গা-ঘাট—কাশী



ললিতা-ঘাট

করিয়াছেন, তাহা বৃথাই হইয়াছে, বৃথা পরিশ্রম করিয়া শাস্ত্র খাঁটিয়াই জীবনটা খরচ করিয়াছেন, কিন্তু যে উদ্দেশ্যে শাস্ত্রপাঠ, সে আনন্দবস্তু ঠাকুরই লাভ করিয়াছেন। ভগবানের কৃপা পাইলে মূর্খও বিদ্বান্ হয়, বোবারও

কাশীতে গঙ্গার ধারে তান্ত্রিকদের এক ভৈরবীচক্রে ঠাকুর একবার গমন করিয়াছিলেন। এক জন ভৈরবের পাশে এক জন করিয়া ভৈরবী-উপবিষ্টা। প্রথমে কারণ করা হইল। ঠাকুরকেও 'কারণ' করিতে বলায়, তিনি বলিলেন যে, তিনি 'কারণ' ছুঁইতে পারেন না। অনেকক্ষণ 'কারণ' করিবার পর ভৈরব-ভৈরবীগণ ধ্যান-জপ না করিয়া নাচিতে আরম্ভ করিলেন। ঠাকুর তাহা দেখিয়া ভয় পাইলেন, পাছে ভৈরব-ভৈরবীগণ নেশার ঝোঁকে গঙ্গায় পড়িয়া পঞ্চদশ প্রাপ্ত হন। ভৈরবীচক্রে


সাধন-ভজন এই স্থানেই শেষ হইল। এই জগৎ পরে ঠাকুর বলিতেন যে, তান্ত্রিকদের বীর-ভাবের সাধন প্রায়ই সাধককে উত্তম মার্গে লইয়া যাইতে পারে না, তাহা অবশেষে নারী-সংসর্গে প্রায়ই ব্যভিচারে স্বেরাচারে—পর্যবসিত হয়।

কাশীতে ঠাকুর মৌনাবলম্বী তৈলঙ্গ স্বামীকে দর্শন করেন। তাঁহাকে দেখিয়া ও তাঁহার সঙ্গে আলাপ করিয়া সুখী হইয়া ঠাকুর বলিয়াছিলেন যে, ইনিই জ্ঞান-ধনমূর্তি, যোগিরাজ, কাশীরাজ মহেশ্বরের রাজ্যে জ্ঞানী পরমহংস-

রূপে কাশীর মর্যাদা রক্ষা করিয়াছেন। মথুর বাবুকে দিয়া ঠাকুর স্বামীজীকে নিমন্ত্রণ করান এবং নিজ হস্তে তাঁহাকে উত্তম পরমায় খাওয়াইয়াছিলেন।

কাশীতে মথুর বাবু বহুল পরিমাণে দানব্রত আচরণ






শ্রীশ্রীমং ত্রৈলোক্য স্বামী

করিয়াছিলেন। সাধুদিগকে কমণ্ডলু-কম্বল দান, ছুঃখীদিগকে বস্ত্র ও আহাৰ্য্য দান, বিদ্যাৰ্থীকে পুস্তক দান প্রভৃতি

নানাপ্রকার দান ও অগ্ৰবিদ সংকাৰ্য্য কাশীতে সম্পাদন করিয়াছিলেন।

শুনা যায়, ঠাকুর কাশীতে চৌষট্টি যোগিনীতে এক বৃদ্ধার সেবায় নিযুক্ত। অবস্থায় ভৈরবী ব্রাহ্মণীকে দর্শন করেন এবং তাঁহাকে কাশীতেই জীবনের শেষাংশ কাটাইতে উপদেশ দেন। কেহ কেহ বলেন, বৃন্দাবন দর্শনে যাইবার সময় ঠাকুর ব্রাহ্মণীকে সঙ্গে লইয়া গিয়াছিলেন এবং ফিরিবার কালে তাঁহাকে আবার কাশীতে রাখিয়া আসিয়াছিলেন। ব্রাহ্মণীর শেষে কাশীপ্রাপ্তি হইয়াছিল, এইরূপ শুনিতে পাওয়া যায়।

কাশী হইতে মথুরা বাবু সদলে প্রয়াগ গমন করেন এবং সেখান হইতে প্রয়াগকৃত্যাদি করিয়া ও ত্রিরাত্র যাপন করিয়া, আবার কাশীতে প্রত্যাবর্তন করিলেন। কাশী হইতে সকলে অতঃপর বৃন্দাবন দর্শনে গমন করিলেন। বৃন্দাবন যাইতে তইলে মথুরার মধ্য দিয়া যাইতে হয়। ঋবণাটে মথুরা তাঁহারা আসিলেন, তখন ঠাকুরের ভাব উদয় হইল। ভাবে দেখিলেন যে, বসুদেব শিশু ক্রুঞ্চ কোলে করিয়া যমনা পার হইতেছেন। সেই ভাবরসে নির্মজ্জিত অবস্থাতেই ঠাকুর পালকী-যোগে বৃন্দাবনে প্রবেশ করিলেন। এখানে নিধুবনের নিকটে মথুরা বাবু বাসা লইলেন। ঠাকুর আনন্দে



শ্রীগোবিন্দজীউর পুরাতন-মন্দির—বৃন্দাবন

মন্দিরে মন্দিরে ঠাকুর দেখিতে লাগিলেন। গোবিন্দজীকে দেখিয়া তাঁহার তত ভাব হইল না; কিন্তু বন্ধুবিশারীকে দেখিয়া তাঁহার এমন ভাবাবেশ হইল যে, ভাবে মূর্তিকে আলিঙ্গন করিতে গিয়াছিলেন। এক দিন সন্ধ্যার সময় যখন যমুনাপুলিনে বেড়াইতে যান, তখন দেখিলেন যে, গোপুলির সময় রাখালরা গাভী লইয়া গোষ্ঠ হইতে প্রত্যাবর্তন করিতেছে এবং গাভীরা ঠাট্টিয়া যমুনা পার হইতেছে। সেমন এই দৃশ্য দেখা, অমনি ঠাকুর ভাবাবেশে—“কোথা কৃষ্ণ” “কৈ কৃষ্ণ” বলিয়া কাঁদিতে লাগিলেন। বলিলেন—“কৃষ্ণ রে,

সেখানে সাধুরা পশ্চাৎ ফিরিয়া বসিয়া সাধন-ভজন করিতে ছেন। বাহিরের লোক দেখিবেন না—তাহাতে ভাব নষ্ট হইয়া যায়—এই কারণে পিছন ফিরিয়া আছেন।

গিরি গোবর্দ্ধন দেখিয়া ভাবে ঠাকুর ভঙ্কার দিয়া একেবারে গিরির উপরে গিয়া চড়িয়াছিলেন এবং বাজুজ্ঞান শূন্য হইয়াছিলেন। বজবাসীরা পরে গিরি'পরে গমন করিয়া তাঁহাকে ধীরে ধীরে নামাইয়া আনিলেন। বৃন্দাবনে ঠাকুর রাখাল-কৃষ্ণকে স্বপ্নে দেখিয়াছিলেন। মথুর এবং হৃদয়ও স্বপ্নে শ্রীকৃষ্ণ দর্শন করিয়াছিলেন।




শ্রীরাধামদনমোহনজীউর মন্দির—বৃন্দাবন

সেই সব রয়েছে, কিন্তু তোমাকে কেন দেখতে পাচ্ছি না?” কাঁদিতে কাঁদিতে ঠাকুর বেছ'স হইয়া গেলেন।

শ্রামকুণ্ড রাধাকুণ্ড দেখিবার জন্ম মথুর ঠাকুরের জন্ম পাক্কীর ব্যবস্থা করিয়া দিলেন এবং হৃদয়কে দিলেন তাঁহার সঙ্গে রক্ষকরূপে। পথ অনেকটা, পাক্কীতে তাই খাবার দেওয়া হইল—লুচি, জিলেপী প্রভৃতি। মাঠ পার হইবার সময় ঠাকুর কাঁদিতে লাগিলেন এই বলিতে বলিতে—“কৃষ্ণ রে! তুমি নাই, কিন্তু সেই সব মাঠ রয়েছে—যে মাঠে তুমি ধেনু চরাতে।” শ্রামকুণ্ড ও রাধাকুণ্ডে গমন করিয়া ঠাকুর দেখিলেন, সাধুদের সুপড়ি বা ছোট ছোট পর্ণকুটীর।

নিধুবনে গঙ্গামায়ী নামে এক বৃদ্ধা ভক্ত ব্রহ্মবাসিনী ছিলেন। ইনি ঠাকুরকে দেখিয়াই আনন্দে উন্মত্তপ্রায় হইয়া,—‘হুলালী’ ‘হুলালী’ বলিয়া ঠাকুরকে হাত ধরিয়া নিজের বাসায় লইয়া গেলেন। হুলালী অর্থে রাধা। ঠাকুরের ভাব দেখিয়া গঙ্গামায়ীর মনে হইয়াছিল যে, শ্রীরাধা এই মূর্তিতে আবার অবতীর্ণ হইয়াছেন। ঠাকুরেরও গঙ্গামায়ীকে এত ভাল লাগিল যে, তিনি তাঁহাকে দর্শনাবধি নাওয়া-খাওয়া বা বাসায় যাওয়া ভুলিয়া যাইতেন। এমন প্রায় ঘটত যে, ঠাকুরের খাবার হৃদয় আনিয়া গঙ্গামায়ীর কুঞ্জে ঠাকুরকে খাওয়াইয়া আবার ফিরিয়া যাইতেন।




মদনমোহনের মন্দির—বৃন্দাবন




গ্রামকুণ্ড

গঙ্গামায়ীও কখনো কখনো নিজে খাবার তৈয়ার করিয়া ঠাকুরকে খাওয়াইতেন। গঙ্গামায়ীকে পরিত্যাগ করিয়া আর ঠাকুরের ফিরিতে ইচ্ছা ছিল না। তিনি ভাবিলেন যে, কলিকাতায় ফিরিয়া আসিয়া আর শূদ্রের অন্ন তিনি খাটবেন

না, গঙ্গামায়ীর কাছেই থাকিবেন। হৃদয় ঠাকুরের ভাব দেখিয়া বলিলেন,—“মামা, তুমি এখানে থাকবে বলছো, কিন্তু তোমার পেটের অসুখ লেগেই রয়েছে। অসুখ হ'লে দেখবে কে?” গঙ্গামায়ী বলিলেন, তিনি অসুখ করিলে



রাধাকুণ্ড



কুসুম-সরোবর—গোবর্ধন


ঠাকুরের সেবা করিবেন। মথুর দেখিলেন বড়ই বিপদ।  
তীর্থ করিতে অসিয়া শেষে কি বাবাকে হারাইয়া মনিহারী  
ফণীর ঝায় শূণ্যপ্রাণে কলিকাতায় ফিরিয়া যাইবেন?  
মা ভবতারিণি, আমায় এ কি বিপদে ফেলিলেন? মথুর

বাবু এইরূপ ভাবিতে লাগিলেন। হৃদয়ও ছাড়িবে না, গঙ্গা-  
মায়ীও ছাড়িবেন না—ঠাকুরকে লইয়া শেষে এমনই টানাটানি  
চলিতে লাগিল। এমন সময় ঠাকুরের স্মরণ হইল তাঁহার  
বৃদ্ধা মাতাকে—তাঁহাকে তিনি একাকী দক্ষিণেশ্বরে রাখিয়া






মানসী গঙ্গা—গোবর্ধন




ছত্ৰী বলবন্ত সিং—গোবর্ধন

আসিয়াছেন। মার চিন্তা থাকিলে ঈশ্বরচিন্তা হইবে না।  
অতএব ঠাকুরের আর বৃন্দাবনে থাকা চলিল না। মথুরকে  
মাইবার জন্ম প্রস্তুত হইতে বলিলেন। মথুরের শূদ্রেছে  
প্রাণ আসিল। পরমানন্দে প্রত্যাবর্তনের সমস্ত আয়োজন

করা হইয়া গেল এবং সদলে তাঁহারা আবার কাশীতে  
ফিরিয়া আসিলেন। বৃন্দাবনে ঠাকুর বৈষ্ণবের ভেক ধারণ  
করিয়াছিলেন এবং তিন দিন সেই ভেক রাখিয়াছিলেন।  
বৃন্দাবনে ঠাকুর পনের দিন ছিলেন।




ব্রহ্মচারি-মন্দির—বুন্দাবন



লালা বাবুর মন্দির—বুন্দাবন

কাশীতে প্রত্যাবর্তন করিয়া, ঠাকুরের হঠাৎ বীণ শুনিলে বীণ-বাদক ছিলেন। এক দিন ঠাকুর তাঁহার বীণ শুনিলে ইচ্ছা হইয়াছিল। মায়ের ইচ্ছায় সেই সময়ে কাশীর মদন-গেলেন এবং বীণ শুনিল। পরম সন্তুষ্ট হইলেন। শুনিলে পুরা পল্লীতে—মহেশচন্দ্র সরকার নামে এক প্রসিদ্ধ শুনিলে তাঁহার ভাবোদ্বেগ হইবার উপক্রম হইলে, তিনি



শেঠজীর মন্দির—সোণার ভাঙ্গাছ সখলিত



চীরঘাট—বৃন্দাবন

মাকে বলিলেন, “মা, আমাকে অজ্ঞান ক’রো না, আমি বীণ  
শুনবো, মা।” অনেকক্ষণ বীণ শুনিলো তৎপরে ঠাকুর ও  
মধুর বাসায় ফিরিলেন।

আরও কিছুদিন কাশীতে থাকার পর তাঁহারা কলিকাতা  
অভিমুখে যাত্রা করিলেন। পথে গয়ায় নামিতে ও গয়া-  
কৃত্য করিতে মধুর বাবুর ইচ্ছা ছিল। কিন্তু ঠাকুর জানিতেন



কেশীঘাট যমুনা—বৃন্দাবন

যে, তাঁহার শরীর গয়া হইতে আসিয়াছে—আবার গয়ায় গমন করিলে বোধ হয় ভাব-সমাধির আধিক্যে দেহ চলিয়া যাইবে—তিনি আর ফিরিতে পারিবেন না। তাঁহার কায এখন সমস্ত বাকী, এখন শরীর গেলে চলিবে না। তাই ঠাকুর গয়ায় যাইতে অস্বীকার করায় মথুর বাবুরও আর সে-যাত্রায় গয়ায় যাওয়া হইল না। সকলে বরাবর কলিকাতায় ফিরিয়া আসিলেন।

যে কারণে ঠাকুর গয়ায় গমন করেন নাই, ঠিক সেই কারণে ঠাকুর পুরীতে শ্রীজগন্নাথ দর্শন করিতে গমন করেন নাই। নীলাচল বিশেষ করিয়া শ্রীচৈতন্যের লীলাক্ষেত্র। এখানকার বহু স্থান ও বস্তু শ্রীচৈতন্যের উদ্দীপন করিয়া থাকে। ঠাকুর নিজেই শ্রীচৈতন্য ছিলেন, সেই কারণে সেই সব উদ্দীপনের জন্ত ভাবের আধিক্যে তাঁহার দেহত্যাগের অতিশয় সম্ভাবনা। এই সব ভাবিয়া তাঁহার আর পুরী-দর্শন হইল না।

কলিকাতায় আগমনের পর মথুর বাবু এক বৃহৎ ভাণ্ডারা দিলেন, তাহাতে বহু সাধু, ভক্ত, বৈষ্ণব সকলকে সদক্ষিণ ভূরি-ভোজন দেওয়া হইল। শুনা গিয়াছে, এই তীর্থভ্রমণ উপলক্ষে মথুর বাবুর অর্ধ-লক্ষের উপর টাকা খরচ হইয়াছিল।

ঠাকুর বৃন্দাবন হইতে একটি মাধবী-লতার চারা সম্বন্ধে আনয়ন করেন এবং সেইটিকে পঞ্চবটীতে রোপণ করিয়া ছিলেন। সেইটি বটগাছে উঠিয়া এখন অতি বৃহৎ আকার ধারণ করিয়াছে। ভক্তরা সেইটিকে অতি পবিত্র মনে করেন এবং এখনও মাধবীকে দর্শন স্পর্শন করিয়া থাকেন। ঠাকুর বৃন্দাবন হইতে সম্বন্ধে ব্রজের রজঃ আনিয়াছিলেন। সেই ধূলি তিনি পঞ্চবটীতে ছড়াইয়া দিয়াছিলেন এবং সঙ্গে সঙ্গে ইহাও বলিয়াছিলেন—“এ স্থান এখন থেকে বৃন্দাবনের ন্যায় পবিত্র হ'লো।” ঠাকুরের হাতে গড়া এই নব-বৃন্দাবন এখনও ভক্তজনের সাধন-ভজন-ক্ষেত্ররূপে দক্ষিণেশ্বরে বিরাজিত—শত শত ভক্ত সে স্থানে গিয়া দর্শন করিয়া তাপিত প্রাণ শীতল করিতেছেন।

ঠাকুর দুইবার তীর্থদর্শন করিয়া, তীর্থদর্শন যে সাধক-জীবনের তপশ্চার একটি অঙ্গ, তাহা দেখাইয়া দিলেন। কিন্তু সঙ্গে সঙ্গে এ কথাও বলিয়াছিলেন যে, অমুরাগবিহীনমনে তীর্থে গমন করিলে স্থায়ী ফল লাভ করা যায় না। তিনি রহস্য করিয়া বলিতেন, “তীর্থে দেখলাম সেই আমগাছ, সেই তেঁতুল-পাতা—তবে তফাৎ এই যে, সেখানকার পশ্চিমাদের বাহেগুলি ভুসীর মত!” অর্থাৎ যে মনে ঈশ্বরে অমুরাগ বা কোন মূর্তিবিশেষে ভক্তি নিষ্ঠা জন্মে নাই, সে



মনে তীর্থ বিশেষ ছাপ দিতে পারে না। স্থানমাহাত্ম্যে বা নূতন আবহাওয়া ও পারিপার্শ্বিকের ফলে ক্ষণিক ভাবান্তর ঘটে মাত্র। তাহার পর আবার সেই মন পুনরায় স্ব স্বভাব প্রাপ্ত হয়। কলিতে গঙ্গা-ব্রহ্মবীরি মহাতীর্থ—গঙ্গাস্নানে সর্কবিধ পাতক নাশ হয়। অথচ নিত্য গঙ্গাস্নান করে, এমন ব্যক্তিও নানা অসংকর্ষ করে কেমন করিয়া? ঠাকুর বলিতেন, ইহার কারণ এই যে, মানুষটা যখন গঙ্গাস্নানে যায়, তখন সমস্ত পাতকগুলি তাকে ত্যাগ করিয়া তীরবর্তী

বট-অশ্বখ গাছের মাথায় উঠিয়া বসিয়া থাকে। স্নানে পাপ দোষ হইয়া মানুষটি যখন প্রত্যাবর্তন করে, তখন ঐ পুরাতন পাপগুলি আবার তাহার ঘাড়ে লাফাইয়া পড়ে; ফলে মানুষটি যাহা ছিল, তাহাই থাকিয়া যায়। অমুরাগ, ভক্তি, বিশ্বাস ব্যতীত আচরিত কোন ধর্ম-কার্যেরই স্থায়ী সফল হয় না—এই কথা ঠাকুর তাই বারংবার বলিতেন; এবং ‘প্রভু বিনে অমুরাগ, করে যজ্ঞ-যাগ, তোমাকে কি মায় জানা?’ এই ব্রহ্মসঙ্গীতও ভক্তদিগকে স্মরণ করাইতেন।

[ ক্রমশঃ। ]

শ্রীহর্গাপদ মিত্র।

## শ্রীরামকৃষ্ণ-গীতি

শতক বরষ পরে, কে পুনঃ আইল ওরে  
কার বাশী বাজে আজ ভুবন ভ'রে ?  
গগনে পবনে শুনি, কার ঐ জয়ধ্বনি,  
চমকি জাগে ধরনী হরষভরে !  
দিকে দিকে মহোৎসব—“জয় রাম-কৃষ্ণ” রব,  
আনন্দে বিহ্বল সব, নারী ও নরে !  
নামামৃত-সুধাপানে, মৃতেরে জাগায় প্রাণে,  
আলোক বিতরি হুঃখ-তামসী হরে ।  
মনে জাগে সেই দিন, এ কি সেই দীন-হীন,  
কাঁদিলে যে নিশিদিন সবার তরে ।  
সর্কত্যাগী দিগধর—ফিরে নিত্য বর বর  
নাহি বাছে আত্মপর—প্রেমের ভরে—  
জীবের পাপের ভার করি নিজ কণ্ঠহার  
জগতের জীবগণে সুধা বিতরে ।  
সেই দীন হতে দীনতম, দীনের ঠাকুর মম,  
আজি কিবা অমুপম রূপ সে ধরে !  
রাজ-রাজেশ্বর-বেশে—দাঁড়ায় সম্মুখে এসে  
তবু এই রূপাবেশে মন না সরে—  
মনে পড়ে সেই মুখ—কেন রে বিদরে বুক—  
ভুলি সব হুঃখ-সুখ নয়ন করে !

শ্রীমণীন্দ্রকৃষ্ণ গুপ্ত।



## জীব-জন্তুর পরিচ্ছন্নতা



পশুপক্ষীরা যে সর্বদা খুব পরিষ্কার-পরিচ্ছন্ন থাকে, তাহা আমি “পশুদিগের চিকিৎসা-জ্ঞান” শীর্ষক প্রবন্ধে কিঞ্চিৎ আভাস দিয়াছি। বনে-জঙ্গলে ধূলি-কর্দমের মধ্যে বাস করিলেও কোনও জীব-জন্তুর দেহ কখনও অপরিষ্কার দেখা যায় না। পশুপক্ষী-দিগের দেহ অপরিচ্ছন্ন দেখিলেই তাহাদের অসুস্থতা বুঝিতে হইবে। এক্ষণে শুধু হইবার জন্ত উহারা কিরূপ আচরণ করে, তাহা আমি পূর্কোন্নিখিত প্রবন্ধে কতকটা আলোচনা করিয়াছি। পশুরা গাত্ররোম এবং পক্ষীরা পতত্রকে মসৃণ ও পরিচ্ছন্ন রাখিবার জন্ত কি উপায় অবলম্বন করে, বর্তমান প্রবন্ধে তাহাই বিবৃত করিব।

দেহকে পরিষ্কৃত রাখিবার জন্ত পশু-পক্ষীরা নিয়মিতরূপে স্নান, গাত্ররোমাদি মার্জ্জন ও অঙ্গ-লেহনাদি করিয়া থাকে। আমাদের পরিচিত কাকরা প্রত্যহ যথানিয়মে নদী ও পুষ্করিণীর জলে স্নান করে। এই স্নান উহারা মধ্যাহ্ন ও অপরাহ্নেই সমাপন করে। ইডেন-গার্ডেনে ভ্রমণ করিবার সময় যিলের জলে আমি বহুদিন কাকের বৈকালিক স্নান লক্ষ্য করিয়া আনন্দ লাভ করিয়াছি। জলাশয় না পাইলে ইহারা গৃহস্থের বাটিতে প্রবেশ করিয়া এবং টবের জলে মাথা ডুবাইয়া স্নানের কার্য সারিয়া লয়। দেহের পালথকে পরিচ্ছন্ন রাখিবার উদ্দেশে ইহারা প্রাতঃকাল, মধ্যাহ্ন ও অপরাহ্নের যে কোনও সময়ে স্নান করিয়া থাকে।

টকরা অঙ্গ ধূলি মাখিয়া স্নানের কার্য সমাপন করে। গালিক ও কুকুরাও এই রীতিতে স্নান করে। ধূলির মধ্যে পালথগুলিকে মার্জ্জন করিয়া ইহারা দেহের পোকা ও বীজাণুকে বিদূরিত করিয়া থাকে। তিস্তির পাখীরাও ধূলিস্নান করিতে বিশেষ আনন্দ পায়। অথবা ময়দানের ঘাস ও ধূলির উপর গড়াগড়ি দিয়া অঙ্গ মার্জ্জন করিয়া থাকে। কুকুরাও মাঝে মাঝে ভূমির উপর লুটাইয়া দেহরোমকে মার্জ্জিত করিয়া লয়। এই ধূলিস্নানে ইহাদের দেহ মলিন না হইয়া বরং পূর্কোপেক্ষা চাক্চিক্য লাভ করে এবং দেহস্থিত বীজাণু ও কীটাদি বিদূরিত হইয়া থাকে।

হংস প্রভৃতি জলচর পক্ষীরা যে কতবার স্নান করে, তাহা সকলেই অবগত আছেন। প্রতিবার স্নানের পর হংসরা বিশেষ যত্নের সহিত দেহের সমস্ত পালথকে তৈল মাখাইয়া থাকে। ইহাদের পুচ্ছের নিকট একটি তৈলগ্রন্থি বা oil gland আছে। এই গ্রন্থির উপর চক্ষু দ্বারা চাপ দিয়াই ইহারা তৈল বাহির করে এবং সেই তৈল চক্ষু দ্বারা যথাক্রমে সমস্ত পালথকে মাখাইয়া পতত্রকে মসৃণ করিয়া রাখে। বস্ত্র হংসরা লোণা জলের মধ্যে আহার অধেষণ করিলেও জলাশয় ও ক্ষুদ্র নদী প্রভৃতির স্বচ্ছ সলিলে স্নান করিতে ভালবাসে। এই নির্মল স্বচ্ছ জলের সন্ধানে ইহারা বহুদূর পর্যন্ত উড়িয়া যায় এবং এই জলে বহুদূর

ধরিয়া স্নান করিবার পর অঙ্গের প্রত্যেক পালথটিকে মুছিয়া ও তৈলাক্ত করিয়া সুবিস্তৃত করিয়া রাখে। বৃষ্টির বা ঝর্ণার জল পাইলে ইহাদের আনন্দের সীমা থাকে না। এই জলেই ইহারা স্নান করিতে বিশেষ ভালবাসে। বৃষ্টি পড়িতে আরম্ভ করিলেই ইহারা পক্ষ বিস্তার করিয়া সমস্ত পালথকে দৌত করিয়া ফেলে। পরে জল শুষ্ক হইতে উঠিয়া পূর্কোক্ত পদ্ধতিতে পতত্রপ্রসাধন সম্পন্ন করিয়া থাকে।

গৃহপালিত শুক, পারাবত প্রভৃতির বহু সময় পতত্র-মার্জ্জনাৎ কাটাইয়া দেয়। শুক প্রভৃতি পক্ষীরা পতত্র-প্রসাধনে নথকে চিক্ণীর মত ব্যবহার করে। আহাের পর শুকরা এক একটি করিয়া দেহের প্রত্যেক পালথের উপর নখর চালনা করিয়া পালথকে সুবিস্তৃত করে এবং চক্ষু দ্বারা মলিন ও নিম্প্রভ পালথকে তুলিয়া ফেলিয়া দেয়। কাকাতুয়াও দেহ-মার্জ্জনাৎ শুকের রীতি অবলম্বন করে। গৃহপালিত কাকাতুয়াকে বহু সময় এই কার্যে অনন্তমানে ব্যাপৃত থাকিতে দেখা যায়। কপোতরাও দিনের মধ্যে বহুবার চক্ষু দ্বারা “খুঁটিয়া খুঁটিয়া” পালথকে সুবিস্তৃত করিয়া রাখে।

মহিষরা পুকুরের জলে দীর্ঘকাল স্নান করিয়া দেহকে পরিচ্ছন্ন রাখে। জলে নামিতে না পাইলে ইহারা অস্থির হইয়া পড়ে। হস্তীর পক্ষে স্নান অত্যন্ত প্রয়োজনীয়। স্নান করিতে না পাইলে হস্তী বাঁচেনা। গাভীরা গাত্র-লেহন করিয়া রোমকে পরিষ্কৃত রাখে। গাভী যে কিরূপ যত্নের সহিত বৎসের গাত্র লেহন করে, তাহা আর বলিতে হইবে না। এই প্রকার লেহনে গাভী যে শুধু প্রবল অপত্য-স্নেহের পরিচয় দেয়, তাহা নহে, শাবকের দেহস্থ নানাপ্রকার কীটাদি ও বীজাণু গাভীর কর্শ জিহ্বার প্রবল ঘর্ষণে বিদূরিত হইয়া থাকে। স্তম্ভপ্রসূত শাবকের অঙ্গক্লেদ গাভী ও মহিষরা লেহন দ্বারা পরিষ্কৃত করিয়া থাকে।

বিড়ালরাও দেহকে পরিচ্ছন্ন রাখিতে এই রীতি অবলম্বন করে। জিহ্বার দ্বারা ক্রমাগত দেহরোমকে মার্জ্জন করে বলিয়া বিড়ালের একটি নাম হইয়াছে মার্জ্জার। দিনের মধ্যে বহুবার বিড়ালকে অঙ্গলেহন করিতে দেখা যায়। ব্যাঘ্রাও এই উপায়ে দেহরোমকে পরিষ্কৃত রাখে। আহাের পর ব্যাঘ্র কিরূপ ভাবে পদতল ক্রমাগত লেহন করিয়া মুখমণ্ডল পরিষ্কৃত করে, তাহা বোধ হয় অনেকেই পশুশালায় লক্ষ্য করিয়া থাকিবেন। ব্যাঘ্র ও বিড়ালরা মধ্যে মধ্যে বুকের ত্বকে নখর ঘর্ষণ করিয়া নখরকে তীক্ষ্ণ ও পরিষ্কৃত করে। শিকারকালে নখরের কোনও অংশ ছিন্ন হইয়া লাগিয়া থাকিলে বা নিহত পশুর রক্ত-মাংস নখরে সংলগ্ন হইয়া থাকিলে নখরের ছিন্ন অংশ ও রক্তমাংসকে চরণ হইতে বিদূরিত করিবার উদ্দেশ্যেই ব্যাঘ্র ও বিড়ালরা বৃক্ষগাজে নখর ঘর্ষণ করে। বনের মধ্যে এক একটি বৃক্ষশাখা ব্যাঘ্রের নখরের বহু দাগ থাকিতে দেখা যায়। নখ “শাণ” দিবার জন্ত

ব্যায়েরা এক একটি বিশেষ বিশেষ বৃক্ষ বাছিয়া লয় এবং নখর শাণিত করিবার উদ্দেশ্যে প্রতি রাত্রিতেই সেই সেই বৃক্ষের তলে আসিয়া উপস্থিত হয়। পশ্চাতের পদধয়ের উপর দণ্ডায়মান হইয়া ব্যায়েরা সম্মুখ-চরণের নখর “ধার” দিয়া থাকে। এই কারণে এই সকল গাছের ত্বকে খুব লম্বা লম্বা দাগ দেখিতে পাওয়া যায়।

বিড়াল ও ব্যায়ের মত সিংহবাও সম্মুখ চরণের “প্যাডটি” লালায় দিক্ত করিয়া এবং তাহা মুখমণ্ডল ও কর্ণের পশ্চাত্তাগে বারংবার চালনা করিয়া ঐ সকল স্থানের রোমাদি পরিচ্ছন্ন করিয়া থাকে। আহারের পরই ইহারা এই কৰ্মে ব্যাপৃত হয় এবং বহুক্ষণ ধরিয়া অঙ্গমাঙ্জনা করিয়া থাকে। গাছের অপর্যাংশের রোমাদি ক্রমাগত লেহন করিয়া ইহারা ক্রন্দ বিদূরিত করে।

শিকারের পর শিকারী কুকুরবা জিহ্বার দ্বারা ক্রমাগত লেহন করিয়া গাছের ধূলি-কন্দমাদি দূর করে। ষোপ বা বড়ের “গাল” নিকটে পাইলে তাহার উপর পৃষ্ঠ ঘর্ষণ করিয়া ইহারা রোম হইতে কন্দমাদি ছাড়াইয়া লয়। পরে জিহ্বার সাহায্যে উহাকে মষণ ও পরিচ্ছন্ন করিয়া থাকে।

বিলাতের শ্রু (shrew) এবং এ দেশের ছুছুরীরা ভূমির অভ্যন্তরে বাস করিলেও ইহাদের দেহকে কখনও ধূলি-মলিন দেখা যায় না। আহারাদির পর ইহারা বহুক্ষণ ধরিয়া অঙ্গাদির প্রসাধনে ব্যাপৃত থাকে। কোনও দিন এই কার্যের বিরাম ঘটে না। এই সময়ে ইহাদিগকে রোমাবলীর উপর জিহ্বা চালনা করিয়া প্রতি রোম হইতে ধূলিকণা-সকল সম্বন্ধে বিদূরিত করিতে দেখা যায়। দেহের রোমসকল এইরূপে পরিষ্কৃত হইলে ইহারা সম্মুখ ও পশ্চাতের চরণগুলির প্রত্যেক অঙ্গুলী বিস্তৃত করিয়া সৈধ্যিক ক্রন্দমুক্ত করে এবং শেষে ক্ষুদ্র পুচ্ছকে পরিষ্কৃত করিয়া উহার রোমাবলীকে সুবিচ্ছন্ন করিয়া রাখে।

আহারের পর বাসবৃক্ষে প্রত্যাবর্তন করিয়া বাছুরা বিশেষ যত্নের সহিত অঙ্গাদির প্রসাধনে মনোনিবেশ করে। আলিপুর পশুশালার উত্তর দিকের কয়েকটি ঝাউবৃক্ষে আমি ইহাদের অঙ্গমাঙ্জনা দি বিশেষ কৌতূহলের সহিত বহুবার লক্ষ্য করিয়াছি। শাখায় নতশিরে দোহস্যমান থাকিয়া এবং অঙ্গকে বারংবার লেহন করিয়া ইহারা দেহরোম পরিষ্কৃত করে। রোমাবলী পরিষ্কৃত হইলে পর দুইটি “পক্ষ” বিস্তৃত করিয়া উহার উপরে পতিত মূল বা ধূলিকণাসকল সম্বন্ধে বিদূরিত করে। এইরূপে দেহরোম ও “পক্ষবয়” পরিষ্কৃত হইলে ইহারা “পক্ষ” গুটাইয়া নিদ্রিত হইয়া পড়ে। কোনও দিন ইহাদের এই অঙ্গমাঙ্জনা দির বিরাম ঘটে না। দেহের উপর রৌদ্র আসিয়া পড়িলেই ইহারা এই কৰ্মে লিপ্ত হইয়া থাকে। এই অঙ্গ-প্রসাধনে ইহারা যে কত সময় অতিবাহিত করে, তাহা শাখা-বিলম্বিত বাছুরকে কয়েকবার লক্ষ্য করিলেই বুঝিতে পারা যাইবে।

আহারের পর ব্যায় ও বিড়ালরা যেমন খাৰা দ্বারা মুখ-মাঙ্জনা করে, ফলভোজনের পর পক্ষীরাও সেইরূপ বৃক্ষশাখায় চঞ্চু ঘর্ষণ করিয়া চঞ্চুকে পরিষ্কৃত করে। কাক, শালিখ প্রভৃতি

প্রতিবার আহারের পর কেমন করিয়া চঞ্চু মাঙ্জিত করে, তাহা অবশ্য প্রত্যেকেই লক্ষ্য করিয়াছেন। অবসরসময়ে আবার বায়স-মিথুনকে পরস্পরের দেহ হইতে উকুন প্রভৃতি বাছিয়া দিতে দেখা যায়। বানররাও অবসরকালে পরস্পরের গাত্রে উকুন বাছিয়া রোমকে পরিচ্ছন্ন রাখিতে প্রয়াস পায়।

পিপীলিকা ও বোলতকরা (বোলতা) মাঝে মাঝে শুণ্ডের উপর সম্মুখের চরণ দুইটি চালনা করিয়া এবং মক্ষিকারা পশ্চাতের চরণ দ্বারা পক্ষবয় মাঙ্জনা করিয়া ঐ সকল অঙ্গপ্রত্যঙ্গকে পরিষ্কৃত রাখে। মধুচক্র নিরীক্ষণ করিলে উহার নিখাদ-কোশলে শুধু যে জ্যামিতিক রীতির পরিচয় পাওয়া যায়, তাহা নহে, চক্রের মধ্যে স্বাস্থ্য-বিজ্ঞানেরও কিঞ্চৎ আভাস পাওয়া যায়। প্রবল গ্রীষ্মের দিনে চক্রে তাপাধিক্য ঘটিলে শ্রমিক মক্ষিকাদিগের এক শ্রেণী চক্রের বহির্ভাগে অবিরত পক্ষবিধূনন করিয়া চক্রের মধ্যে বায়ুচালনা করিয়া থাকে। চক্রের মধু তক্ষণ করিবার উদ্দেশ্যে কোনও কীট-পতঙ্গ চক্রে প্রবেশ করিলে উহারা দংশন করিয়া তাহাকে মারিয়া ফেলে এবং মৃত্যুর পর তাহার মৃতদেহকে বাহির করিয়া ফেলিয়া দেয়। মৃত কীট-পতঙ্গের দেহ চক্র হইতে বাহির করিতে অশক্ত হইলে মধুমক্ষকারা মৃত জীবের দেহ মধুপত্রাক্ত করিয়া সম্পূর্ণভাবে আবৃত করিয়া ফেলে। ইহা বকলে মৃত জীবের দেহ পচিয়া গিয়া চক্রের বায়ুকে দূষিত করিতে পারে না।


মাছুরাঙ্গা, পেচক, বক, কাঠঠোকরা প্রভৃতির নীড় বাতীত অপর পক্ষীদের নীড়ের মধ্যেও বেশ পরিচ্ছন্নতা লক্ষিত হইয়া থাকে। নীড়ে মৃত শাবক ও শাবকাদির বিষ্ঠা পক্ষীরা চঞ্চুর দ্বারা বাহির করিয়া ফেলিয়া দেয়। এ বিষয়ে গৃহপালিত ক্যানারি পক্ষীর আচরণ বিশেষ উল্লেখযোগ্য। কাক-টিলরা আহারাধেষণ ও শাবক-প্রতিপালনের পর অবশিষ্ট সময় নীড়ের পরিচ্ছন্নতা ও সৌষ্ঠব সম্পাদনে অতিবাহিত করিয়া থাকে।

কীট-পতঙ্গের মধ্যে কতক শ্রেণী মৃতকে মৃত্তিকার মধ্যে সমাহিত করিয়া থাকে। পিপীলিকারা মৃত ও মুম্বুকে স্থানান্তরিত করে। কুকুর-বিড়ালরা মৃত্তিকা-খনন করিয়া মলত্যাগ করে এবং পরে মৃত্তিকা দ্বারা বিষ্ঠা আবৃত করিয়া দেয়।

জীবজন্তুদিগের মধ্যে দেহের পরিচ্ছন্নতা-সাধনে সাহচর্য্যও লক্ষিত হইয়া থাকে। “zig-zag” পক্ষীরা কুণ্ডীরের দস্ত-সংলগ্ন জলৌকাকে ভক্ষণ করিয়া এবং আফ্রিকার “Rhinceros bird” ও “B. ff. no biru” গণ্ডার ও মহিষের গাত্র-সংলগ্ন পোকা-মাকড় উদরস্থ করিয়া উহাদের ত্বকে পরিষ্কৃত করিয়া দেয়। এ দেশে কাক, শালিখ এবং বিলাতে বায়স ও ঠালিং প্রভৃতি পক্ষীরা গো, মেঘ, মহিষ প্রভৃতির রোম হইতে পোকা-মাকড় ভক্ষণ করিয়া উহাদের দেহকে পরিচ্ছন্ন রাখিতে যথেষ্ট সহায়তা করে। জীব-জগতে সকল জীবজন্তুই নানা উপায়ে দেহকে পরিষ্কৃত রাখিয়া প্রকৃতির সৌষ্ঠব সম্পাদন করে। এমন কি, শৃগাল, নকুল, মূষিক প্রভৃতি মৃত্তিকার মধ্যে বাস করিলেও উহাদের দেহকে কখনও ধূলিমলিন বা কন্দমাক্ত থাকিতে দেখা যায় না।

শ্রীঅশেষচন্দ্র বসু (বি.এ.)





হেমন্ত কাছারী হইতে উঠিল বেলা ৪টার একটু পরে। গিয়াছিল বেলা ১১টায়। ১টা, এমন কি, বেলা ১০টায় ফিরিতেও তাহার কোন বিশেষ বাধা ছিল না। অবিশেষ বাধা অবশ্য কিছু ছিল। নহিলে মিছামিছি চারি বণ্টা-কাল মানুষ কেন বসিয়া থাকিবে? দুই চারিবার পেশারের কাছে ঘুরিয়া, বার লাইব্রেরীতে কিছুক্ষণ ইটালী ও আভিসিনিয়ার যুদ্ধের বর্তমান ও ভবিষ্যৎ সম্বন্ধে আলোচনা ও গবেষণা করিয়া, 'ছড়রের' খাস্কামরায় একবার সম্বর্ণণে 'ট' মারিয়া, অদূর-ভবিষ্যতে কোন কমিশন মিলিতে পারে কি না, তাহা জানিবার জগু কিছুক্ষণ বুখা চেপ্টা করিবার পরও হেমন্ত দেখিল—বেলা মোটে দুইটা। মুখ, ততোধিক বুকটা অগুদিনের মতই শুকাইয়া আসিতেছিল। গোটা দুই পাণ মুখে দিয়া হেমন্ত মুখটাকে কিছু সরস করিল। বুকটা যেমন তিলে তিলে ভিতরে শুকাইয়া উঠে, তেমনি উঠিতে লাগিল। ইহার মধ্যে কেবল এইটুকুই ভরসার কথা যে, সে কথা তাহার শুকপ্রায় বুকখানা এবং যিনি ঐ ক্লিষ্ট বুকখানা ও তাহার গভীর ব্যথা সৃষ্টি করিয়াছিলেন, তিনি ব্যতীত আর কেহ তাহা জানিল না ও জানিবে না।

বাহাদের কাম আছে, তাহারা তখন এজলাসে। বাহাদের নাই, তাহারা লোকমত অগোছ করিয়া বাসায় ফিরিয়াছে। তাহাদের মধ্যে অন্ততঃ এইটুকু ভরসা আছে যে, চাউল ও দাল ত বাড়ী হইতে আসিবে। বাকি খরচটা উদ্বৃত্ত শস্ত বিক্রয় করিয়া চলিবে। তাহাতেও যদি কিছু বাকি থাকিয়া যায়, তখন দেখা যাইবে।

হেমন্তের সে সব ভরসা নাই। তাহার যে সবটাই বাকি। তবু সে আরও খানিকটা অপেক্ষা করিল।

বার লাইব্রেরীর চাদা করা খবরের কাগজখানা ধীরে-সুস্থে পড়িয়া শেন করিল। "Wanted" গুলি অভিনিবেশ সহকারে বার বার পড়িল। এমন কি, তাহার কয়েকটা অংশ মুখস্থ পর্য্যন্ত হইয়া গেল। ইহার পরে চারিদিকে চাহিয়া হেমন্ত দুইটি চাকুরী খালির বিজ্ঞাপন আপনাই নোট-বহিতে টুকিয়ালইল। প্রথমটি করিমপুর অঞ্চলে ৪০০ টাকায় অক্ষশাস্ত্রে সুপণ্ডিত এক জন এম-এ শিক্ষকের প্রয়োজন। দ্বিতীয়টি পান্না স্টেটের জগু ৪৫০ টাকায় জমিদারী কার্যে দক্ষ এক জন আইনজ্ঞের প্রয়োজন। কত বিজ্ঞাপনই সে এই ভাবে নোট-বহিতে টুকিয়া লইয়াছে; কত ডাক-খরচই সে এই ভাবে করিয়াছে। একটিতেও সফল হয় নাই। আজিও সে হইবে না—সে বিষয়েও তাহার বিন্দুমাত্র সন্দেহ ছিল না। তথাপি বন্ধুস্বামীর প্রস্তর দেখিলেই তাহা একবার কুড়াইয়া দেখিবার অনিবার্য অভ্যাসের মত সে চাকুরীখালির বিজ্ঞাপনটা না লিখিয়া পারিল না। এমন সময় কাহার পায়ের শব্দ হইল। নোট-বহি পকেটে ফেলিয়া হেমন্ত দ্বিতীয়বার সম্পাদকীয় গুপ্তে দৃষ্টিনিবেশ করিল।

এক জন সহকর্মী প্রবেশ করিলেন; জিজ্ঞাসা করিলেন, "কি তে? কি খবর?"

হেমন্ত বলিল, "আর খবর! যুরোপ আর আমেরিকা ছাড়া পৃথিবীর কোথাও আর স্বাধীন দেশ থাকবে না।"

সহকর্মী বলিল, "বলা যায় না হে। এদের যুদ্ধের ধারাই হয় ত আলাদা। পিছিয়ে এসে এসে হয় ত এক দিন এমন এগিয়ে যাবে যে, ইটালীর চক্ষুস্থির হয়ে যাবে।"

হেমন্ত বলিল, "ক্ষমপেছ? এখন কি আর শুধু মাথা-গুণতি সৈন্ত নিয়ে যুদ্ধ-জয় হয়? ইটালীর অসংখ্য এরোপ্লেন, বোমা



ও বিষাক্ত গ্যাসের কাছে এবিসিনিয়ার অসহায় সাহস কি আর টেকে ?

“কিছুই বলা যায় না হে । জাঙ্গাণ যুদ্ধের সময় কেউ কি ভেবেছিল যে জাঙ্গাণ হারবে ?”

“জাঙ্গাণ যুদ্ধের কথা ছেড়ে দেও । সে এক রকম অভিমত্যা-বধ বঙ্গও হয় । -সপ্তরথী একসঙ্গে জুটেছিল, তাই । নইলে পৃথিবীর হিন্দী ও জিওগ্রাফি দুটোই অণুভাবে বদলে যেত ।”

“দেখা যাক কি হয় ! যাই, আবার ছোট মুসেফের কোর্টে একটা কেস আছে ।”

বলিয়া উকিলটি চলিয়া গেল ।

হেমন্ত ভাবিল, আহা, সেও যদি এমন গর্কভরেই বলিতে পারিত যে, অমূকের কোর্টে এখন আমার একটা কেস আছে, তাহা হইলে জীবনটার কি পরিবর্তনই হইত !

কিন্তু যাহা হয় নাই, শুধু চিন্তা ও কল্পনার বলে তাহা কোন দিন হয় না, হইবেও না । আজিও হইল না ।

হেমন্ত বসিয়া ভাবিতে লাগিল ; সিদ্ধির চেয়ে অন্তরূপ পদার্থ বৃদ্ধি আর কিছুই নাই । কোণায় সে এই সিদ্ধি গোপনে রক্ষিত আছে, আজ পর্যন্ত তাহার নিরাকরণ হইল না । কাণে কলম গুঁজিয়া ঘরময় কলম গুঁজিয়া ক্লাস্ত হইবার মত দুর্ভাগ্যও কত লোকের হইয়াছে ও হইতেছে । লেখার গাড়ী যখন বেগের স্টেশন ছাড়িয়া উঠাও হইয়া কোথায় চলিয়া গিয়াছে, তখন হতভাগ্য কলম আসিয়া পৌঁছিল—ততোধিক হতভাগ্য লোকটার হাতে । এমনই করিয়া কত বুদ্ধি কত শক্তি কত লোকের স্বেচ্ছা ফুরাইয়া গেলে সোগাইতেছে ; কত লোকের তাহাও সোগাইতেছে না । জ্ঞানী লোকেরা ইহাকেই অভিজ্ঞতা বলিয়া থাকেন । জগতের বৃদ্ধি বা ১৫ আনা লোক জীবনের অকৃতকার্যতার বিনিময়ে জীবনের সায়াছে এই অভিজ্ঞতা অর্জন করিয়া নিশ্চিহ্ন হইয়া যাইতেছে । কে তাহাদের সংখ্যা রাখে ? আমার অসিদ্ধির অভিজ্ঞতার কথা শুনিয়া অপরের কল্যাণ হইবে, অপরে সিদ্ধিলাভ করিবে, এই আধ্যাত্মিক সান্ত্বনায় কয় জন মহাত্মা তৃপ্তিলাভ করিতে পারিবেন ? দেখিয়া শুনিয়া মনে হয়, সবাই সিদ্ধির খনি খুঁজিতেছে ; লটারির টিকিটের স্তূপের মধ্য হইতে কোথাও কোন্ দিন দৈবাৎ এক জনের হাতে ‘সিদ্ধি’ লেখা কাগজখানি মিলিয়া যাইতেছে সেই তখন বিজ্ঞ, সুদর্শন, সুবক্তা, এমন কি, সুলেখক পর্যন্ত হইয়া যাইতেছে ।

এমনই কত কি ভাবনা হেমন্ত ভাবিতে লাগিল, যে ভাবনায় কোন সুখ নাই, কোন শান্তি নাই—যাহা জীবনকে অধিকতর অশান্ত ও অভিশপ্ত করিয়া তুলে । এইরূপে সময় কাটাইয়া ৪টা বাজিয়া কয়েক মিনিট হইবামাত্র হেমন্ত সেখান হইতে উঠিল ও গাড়ে ৪টা আন্দাজ বাড়ী পৌঁছিল ।

২

হেমন্তের স্ত্রী মণিকা ছেলেমেয়েদের গরম জামাগুলি সেলাই করিতেছিল । স্বামীর আর অল্প—শুধু অল্প নয়, অতি অল্প । দুটি মেয়ে ও ৪টি ছেলের সত্যকার গরম জামা কিনিতে গেলে যেগুলি টাকার প্রয়োজন, তাহাতে অর্ধেক মাসের খরচ চলিয়া যায় । ৩ বৎসর আগের কেনা গরম জামাগুলি সেলাই করিয়া বড়র জামাটা মেজকে দিয়া মেজরটা সেজকে এই ভাবে বদলাইয়া দিলে, দেখিতে তেমন শোভন না হইলেও, কাম চলিয়া যাইবে । শীতের হাত হইতে ছেলেমেয়েগুলি বাঁচিবে । বাকি থাকিবে বড় মেয়ে । মণিকার নিজের গরম জামাটা তাহার জন্ম রাখিয়া দিয়াছে । খানিকটা বড় হয় বটে ; তা হউক, তাহাতে বিশেষ কিছু আসিয়া যায় না । তাহার নিজের জন্ম গরম জামার দরকারই নাই । মাত্র একটা ঠিকা ঝিয়ের সাহায্যে তাহাকেই গৃহস্থালীর সব কাম করিতে হয় । উদরাস্ত খাটিতে খাটিতে এক-এক সময় মাথা এমন গরম হইয়া পড়ে যে, গায়ের সেমিজটাও যেন অসহ হইয়া পড়ে ।

বাঁদিকের স্তূপীকৃত ছেঁড়া জামাগুলি হইতে এক-একটি তুলিয়া লইয়া মণিকা সেলাই করিতেছিল ও সেলাই শেষ করিয়া ডানদিকে রাখিতেছিল । প্রায় অর্ধেক জামা সেলাই হইয়াছে, অর্ধেক তখনও বাকি, এমন সময় হেমন্ত ফিরিল । একটু আশান্বিতমুখে মণিকা স্বামীর পানে চাহিল । স্বামীর চক্ষু উজ্জ্বল হইয়া উঠিল না, তাহার হাতও পকেটে গেল না । মণিকা বৃদ্ধি, আজ কিছুই মিলে নাই । স্বামীর জন্ম দুঃখ হইল না, তাহা নহে ; কিন্তু সংসারের অভাব ও ছেলেমেয়েদের কষ্ট সে দুঃখ ছাপাইয়া তাহার স্বভাব-সুন্দর মুখখানি ভার ও তাহার উজ্জ্বল চক্ষুৰ্ণয় ম্লান করিয়া দিল । মনোভঙ্গ-জনিত দীর্ঘশ্বাস গোপন রাখিয়া মণিকা যেমন সেলাই করিয়া যাইতেছিল, তেমনই যাইতে লাগিল ।

হেমন্ত বুদ্ধিহীন নহে, সব বুঝিল; আঘাতও পাইল। কিন্তু সে-ও আঘাত গোপন রাখিয়া আপনার কক্ষে গিয়া বস্তু পরিবর্তন করিয়া আসিল।

ইহারই মধ্যে জল-খাবার সজ্জিত রাখা হইয়াছিল। যে কক্ষে মণিকা কাম করিতেছিল, সেই কক্ষেরই মধ্যস্থলে একখানি আসন পাতিয়া সম্মুখে হাত মার্জনা করিয়া খাবারের পাত্রটি রক্ষিত। পার্শ্বে সুপরিষ্কৃত কাঁসার প্লাসে জল। খাবার বেশী কিছু নয়—ছয়খানি ছোট ছোট লুচি ও খান-কয়েক আলু ভাজা; এক পাশে সামান্য একটু চিনি।

মণিকা ছেঁড়া জামার স্তূপ ফেলিয়া—একখানি পাখা লইয়া খাবারের সম্মুখে বসিয়া আছে

হেমন্ত নিঃশব্দে আসিয়া আসনে বসিল। সম্মুখের ঘরটায় বড় মেয়েটি ছাড়া আর সব ছেলেমেয়েই ৪ খানি আলুভাজা সহযোগে বয়স হিসাবে ১ বা ২ খানি রুটী খাইতে বসিয়া গিয়াছে। অভ্যাসমত হেমন্ত আজ আর কনিষ্ঠ পুত্র হইতে শুরু করিয়া কাঠাকেও ডাকিল না। কারণ, ইহা জানাই আছে যে, ডাকিলেই প্রথমে তাহারা বলিবে যে, তাহারা খাইতেছে এবং পরে পীড়াপীড়ি করিলে আসিবে এবং এক এক খণ্ড প্রসাদী লইয়া মায়ের জুকুটির অন্তরালে সরিয়া যাইবে।

একখানি লুচি খাইয়া একটু জল পান করিয়া হেমন্ত উঠিয়া পড়িল। মণিকা বলিল, “খেলে না?”

‘ক্ষিদে নেই’ বলিয়া হেমন্ত হাত ধুইতে গেল। মণিকা কথাটা বিশ্বাস করিল না। একটু গম্ভীর হইয়া পূর্বস্থানে উঠিয়া গেল। হেমন্ত ফিরিয়া আসিয়া বলিল, “কাল থেকে আমার জন্ম লুচি ক’রো না। লুচি খাবার অবস্থা আমার নয়।”

মণিকা একটু তীক্ষ্ণস্বরে বলিল, “তাতে কত টাকা বাঁচবে?”

“যা বাঁচে। একটা পয়সাও তা বাঁচবে। অন্ততঃ এই সুবিধেটা হবে যে, তোমাকে তাড়াতাড়ি ছেলেমেয়েদের একটুকরা রুটী দিয়ে আমার সামনে থেকে সরিয়ে নিয়ে যেতে হবে না।”

বলিয়া হেমন্ত অগ্রসরমুখে আফিস-ঘরে চলিয়া গেল।

মণিকা বেশী বাদামুবাদ ভালবাসিত না। সে জন্ম মনের মধ্যে ক্রোধ ও ক্ষোভ হইলেও সে চুপ করিয়া গেল।

স্বামীর সম্মুখে দুখানা রুটী ধরিয়া দিতে তাহার বড়ই কষ্ট হয়। পাওনাদারদের অতি কষ্টে সামলাইয়া, সংসারের সব কিছু অতি কষ্টে পরিষ্কার-পরিচ্ছন্ন রাখিয়া, ছেলেমেয়ে-গুলি ভঁবেলা ভঁমুঠা যাতাতে পেট ভরিয়া খাইতে পায়, এজন্য তাহাকে যে কি হাড় ভাঙ্গা পরিশ্রম সহিতে হয়, তাহা সে-ই জানে। হেমন্ত এ সব জানিলেও সব সময়ে যেন বুঝিতে চায় না। এই তাহার দুঃখ। বুঝিলে এ সব দুঃখ তৃণ-জ্ঞান হয়। না বুঝিলে পান্যপানের মত যেন বৃকের উপর ছুড়িয়া বসে।

চঠাৎ স্বামীর উচ্চকণ্ঠ শ্রুনা গেল—“যা সব, ও-ঘরে যা।” ক্ষণপরে কতকগুলি দ্রুতপদধরনি প্রতিগোচর হইল। সঙ্গে সঙ্গে দুয়ার বন্ধ করার শব্দ আসিল। মণিকা বুঝিল, ছেলে-মেয়েরা অভ্যাসমত স্বামীর আফিস-ঘরে গিয়াছিল, তাই তাহাদের তাড়াইয়া দুয়ার বন্ধ করা হইল।

একটু পরে মণিকা উঠিয়া মায়ের কক্ষ পার হইয়া বারান্দায় আসিল। দেখিল, স্বামীর কক্ষটি ভিতর হইতে বন্ধ। দ্বারের সম্মুখে সেজ মেয়ে নীলিমা স্নানমুখে খোকাকে কোলে করিয়া দাঁড়াইয়া। তাহার দুই চক্ষু দিয়া জলধারা গড়াইতেছে। ৪ বছরের ছেলে বিকাশের মুখ শুকাইয়া গিয়াছে। তাহার চোখেও দুই বিন্দু জল। মাকে দেখিবামাত্র দুই জনেই উচ্ছ্বসিতকণ্ঠে কাঁদিয়া উঠিল। কোলের খোকা বেগতিক দেখিয়া মায়ের কোলে কাঁপাইয়া আসিল।

দুঃখে ক্ষোভে মণিকার বুক ফাটিয়া যাইতে লাগিল। একবার শুধু সে বলিল, “কেবল রুটী খেলেই ছেলেমেয়েদের কষ্ট হয়; আর কুকুর-বেড়ালের মত দূর ক’রে দিলে সুখের সীমা থাকে না!” কথাটা বলিয়াই মণিকা ছেলেমেয়েদের ভিতরে লইয়া আসিল। যে অপ্রাধারা অনিচ্ছা সত্ত্বেও চোখ দুটা ছাপাইয়া আসিতে চাহিতেছিল, জোর করিয়া তাহা নিশ্চিন্তভাবে মুছিয়া ফেলিল ও কঠিন স্বরে স্বল্প কথায় ছেলেমেয়েদের বলিয়া দিল যে, ও ঘরে যেন আর কোন দিন যাইবার তাহারা স্পর্শ না রাখে। তাহার পর খোকাকে নীলিমার কোলে দিয়া সে আবার আপন মনে সেলাই লইয়া বসিল।

দিনের আলো প্রায় ফুরাইয়া আসিল। তবুও মণিকা খোলা জানালার ধারে বসিয়া সেই স্নান আলোকে সেলাই

করিয়। যাইতে লাগিল। মনের একাগ্রতা নষ্ট করিয়া এক কাষ হইতে অন্য কাষে যাইতে তাহার আজ ইচ্ছা করিতে-ছিল না। এমন সময় বড় মেয়ে মায়ের ঘরে আলোক রাখিয়া দিয়া বলিল, “আঁচ বয়ে গেল মা, রান্না চড়াবে না?”

বড় গোছের একটা নিখাস ফেলিয়া মণিকা হাতের কাষ ছাড়িল ও পুঁটলি করিয়া সব জামা পুথক করিয়া দুই ভাগে রাখিয়া উঠিয়া পড়িল।

৩

কিছু দিন ইহা লইয়া স্বামি-স্ত্রীর মন-কষাকষি চলিল। দু'জনের মধ্যে বড় একটা কথাবার্তা হয় না। যদিও বা হয়, তাহা হইলেও কথাবার্তায় ব্যবহৃত ক্রিয়াগুলির কণ্ঠ তৃতীয় ও মধ্যম পুরুষের অন্তর্গত হইত। যথা—“আমার জন্য আজ খাবার করার দরকার নেই”—ইত্যাদি।

ঘরের তাওয়া ক্রমশঃ এমনই ঘন হইয়া উঠিল, যাতাতে স্বামি-স্ত্রীর জীবন যেন ঠাঁকাটয়া উঠিতেছিল। তদু ছেলে-মেয়েরা আগে ছিল বন্ধ ঘরের ছোট্ট জানালার মত। দুই এক দিন হইতে সেগুলিও যেন বন্ধ হইয়া গিয়াছে। তাহারও ক'দিন হইতে কাছে আসে না—তাহা ভয়েই হউক বা উপদেশেই হউক।

এমন সময় হঠাৎ বাহিরে একটা কমিশন পাইয়া হেমন্ত যেন বাঁচিয়া গেল। একটা উইলের মামলা। এক বৃদ্ধ ডাক্তার তাহার এক জন অছি। তিনি রুগ্ন, উত্থান-শক্তিরহিত। ঠাঁহার সাক্ষ্য লওয়া দরকার।

ডাক্তারটির সাক্ষ্য লইবার জন্য অফিসের লোকজনই সেখানে উপস্থিত ছিল। এক দিনেই সাক্ষ্য শেষ হইবার সম্ভাবনা ছিল। কিন্তু ডাক্তারের শরীর এতই দুর্বল যে, কিছুক্ষণ ক্রমাগত কথা কহিয়া তিনি ক্লান্ত হইয়া পড়িলেন। ঠাঁহার চিকিৎসক সেখানে উপস্থিত ছিলেন। তিনি বলিলেন, আজ আর ইহার কথা কহিবার ক্ষমতা নাই। যদি আরও কিছু জিজ্ঞাস্য থাকে, তাহা হইলে তাহা কাল হইবে। আজ আর কিছুতেই নহে।

রোগী সম্বন্ধে ডাক্তারের মতের উপর কাহারও কথা চলে না। আর সাক্ষী যে দুর্বল, সে বিষয়ে কাহারও কোন সন্দেহ ছিল না।

সে দিনের কাষ শেষ করিয়া তাহার ঠেঁশনের পথে ফিরিতেছিল। খুব বেশী দূরের পথ নহে : আজ ফিরিয়া গিয়া আবার কাল আসিলেও কাষ চলে। থাকিবার স্থান পাইলে আজ থাকিয়া কাল একবারে কাষ সারিয়া গেলেও ক্ষতি নাই। সঙ্গে দুই পক্ষের লোকই ছিল। তা ছাড়া আজিকার দিনটা থাকিয়া যাইবার জন্য অনুরোধও করিতে-ছিল। কিন্তু কমিশনের জন্য যিনি যান, তিনি সে দিনের জন্য হাকিম জাতীয়। কোন পক্ষেরই আতিথ্য গ্রহণ করা ঠাঁহার অধিকার। কামেই ঠাঁহাকে যদি থাকিতে হয়, ডাক-বাংলোতেই ঠাঁহার থাকা উচিত। ঠেঁশনের অদূরে একটা ছোট বাংলাও ছিল। অনেকখানি খোলা যায়গার মধ্যস্থলে বাড়ীখানি। বামদিকে যে খালি জমি, তাহার দ্বারে ধারে পুরাণো বড় বড় গাছ। বড় রাস্তা হইতে নামিয়া গজ কুড়িক ছোট পথ বাহিয়া সেখানে পৌঁছিতে হয়।

পরদিন ১১টায় ফিরিবেন বলিয়া দুই পক্ষের লোকজন উকিল ইত্যাদি চলিয়া গেলেন। হেমন্ত স্থির করিল, রাত্রিটা এইখানেই কাটাওয়া দিবে। যদি এই ডাক-বাংলোতে স্থান পাওয়া যায় ভালই, নহিলে অন্য ব্যবস্থা করিবে।

ছোট পথ বাহিয়া হেমন্ত ডাক-বাংলোতে আসিল। ইহাতে আছে মাত্র দুটি ঘর—একটি বড়, একটি ছোট। বারান্দাটি বেশ প্রশস্ত। মিলিয়া মিশিয়া থাকিলে ৫১৩ জন লোক একসঙ্গে থাকিতে পারে। বড় অফিসার আসিলে ঠাঁহার সবখানিই দরকার। দুই জন সরকারী কন্সটারী আসিলে ভাগাভাগিও চলে।

একটু দূরে রান্নার ঘর ও চৌকিদারের বাসা। হেমন্তকে দেখিয়া সে আগাইয়া আসিল। হেমন্ত জিজ্ঞাসা করিল, ঘর খালি আছে কি না।

চৌকিদার বলিল, খালি আছে, বাবু। তবে যদি সাহেব-সুবে আসেন, তা হলেই মুস্কিল। তখন ছেড়ে দিতে হবে। তবে আপনি ছোট ঘরটায় থাকুন। বড় ঘরটা ত খালি আছে। যদি কেউ আসেন, ঐটোতেই উঠবেন। সন্ধ্যার মধ্যে কেউ এলেন ত এলেন, নইলে বেশী রাতে আর কেউ আসছেন না।

হেমন্ত ছোট ঘরটাই অধিকার করিল। সঙ্গে তাহার কেবল একটা ব্যাগ ও ছোট একটা বিছানা। রাত্রিটা

এক রকমে কাটাইয়া দিলেই চলিবে। বাগ ও বিছানা ঘরের মধ্যে বাথিয়া হেমন্ত সম্মুখের যামগাটায় পারচারী করিতে করিতে ভাবিতে লাগিল।

কলেজে পড়িবার সময়ে কত বড় কথাই ভাবিত : কত বড় কল্পনাই করিত। উচ্চপদ পাইবে। সঙ্গীক ট্র করিবে ; কিন্তু দেশী ভাবে। Plain living and high thinking—ইহাই হইবে জীবনের আদর্শ। ডাক-বাংলায় আসিয়া উঠিবে, কিন্তু ডাল-ভাত রাঁদিয়া খাইবে। রাত্ৰিকালে কত গভীর আলোচনা করিবে। নীল আকাশে পরিপূর্ণ চন্দ্র উঠিবে। শুভ জ্যোৎস্নায় চারিদিক ভাসিয়া যাইবে। স্বামি-স্বী দুই জনে হাত-ধরাবরি করিয়া সঙ্গুণে পাশ্বে বেড়াইবে। রাত্ৰি গভীর হইবে। দুই জনে তিতরে আসিবে। কথায়, গল্পে, তর্কে, কবিতায় রাত্ৰি কাটিয়া যাইবে।

কিন্তু সে সব নিছক কল্পনাতেষ্ট রহিয়া গেল। ভাল করিয়া এম-এ পাশ করিল : ল পাশ করিল। সরকারী চাকরীও ছুটিল না, সঙ্গীক 'ট্র' করিবার সৌভাগ্য ত ঘরের কথা, স্নীকে লইয়া স্বচ্ছল অবস্থায় গৃহবাস করাও ঘটিল না। একটু ভালভাবে অন্তবস্তুর সংস্থান করাও দুরূহ হইয়া উঠিল।

এত কাল পরে জীবনে এই প্রথম ডাক-বাংলাতে বাস ; তাও একা। স্নীকে বলিয়াও আসা হয় নাই যে, সে আজ ফিরিবে না। উৎকণ্ঠায় স্নীর সারারাত্ৰি কাটিবে : অভাব-স্থান দাম্পত্যজীবন ইহাতে হয় ত আরও মলিন হইয়া উঠিবে।

আজ ফিরিয়া গিয়া কাল আবার আসিলেও চলিতে পারিত, এই ভাবের চিন্তা যখন তাহার মনের মধ্যে উঁকি মারিতেছে, এমন সময় একখানি মোটর বড় রাস্তা বাথিয়া যাইতে ঠিক ডাক-বাংলার সম্মুখে মুখ ফিরাইয়া ভিতরে প্রবেশ করিল। সম্মুখটায় গাড়ী আসিয়া ধামিতে চোকিদার দৌড়িয়া আসিল। গাড়ী হইতে নামিলেন ইংরেজি বস্ত্র-পরিহিত এক বাঙ্গালী যুবক। নামিবামাত্র যুবকের সঙ্গে হেমন্তের চোখোচোখি হইয়া গেল।

“তুমি! হেমন্ত!” বলিয়া যুবক এক প্রকার ছুটিয়া হেমন্তের কাছে আসিল।

হেমন্ত সান্তর্ঘ্যে বলিল—“বিজয়!”

মুহূর্ত্তে দুই জন আলিঙ্গনবদ্ধ হইল। ধীরে ধীরে দুই জন ঘরের মধ্যে আসিল।

তার পর বিশ্রুতলাপ।

“তুমিই তা হ'লে বি দাস। একজিকিউটিভ এন্জিনিয়ার বি-দাস নাম শুনেছিলাম বটে ; কিন্তু সে যে তুমি, তা মনে হয়নি।”

“তুমি প্লীডার। বেশ! Right man in the right place. কিন্তু সবডিভিউনে কেন বসলে? জেলায় এস।”

“আর Right man! সে সব গোরবের স্বপ্ন ভেঙে গেছে, বিজয়! প্লীডার এই পর্য্যন্ত। পসার একটুও নেই। জেলায় ডুবছর বুধা নষ্ট করে এখনেই বসেছি। দল পূর্ব্ববৎ।”

“তুমি প্লীডার অথচ পসার নেই! আমরা যে ক'ত বলাবলি করেছি, তুমি উকিল না ব্যারিষ্টার হ'লে ঠিক হবে। তোমার কলেজের সমস্বকার বৃদ্ধি-তর্ক সব ভেসে গেল?”

“সব। তার সঙ্গে আমি ভেসে গেলেও ভাল হ'ত। পসারের আশা আর বড় করিনে। যে মুসেফি এক দিন ঘণা করেছি, সে আজ আমার কাছে স্বর্গের মত কাম্য।”

“So sad and strange! মানুষের ভাগ্যের মত বিস্ময়কর জিনিস পৃথিবীতে আর কিছুই নেই। তুমি উকিল হয়ে পসার করতে পারবে না, এ আমরা কেউ স্বপ্নেও ভাবিনি।”

“ভাগ্যের কথা আর বল কেন? মুসেফি দয়া করে মাঝে মাঝে কমিশন দেন, তাই অতি কষ্টে তুমুয়ে খেতে পাই। নইলে যে কি হ'ত, তাই ভাবি।”

“বল কি, হেমন্ত! এত দূর? তা হ'লে ত বড় কষ্টের কথা।”

“কষ্টের কথা আর কেন বল? এই ভুল-চুক বেছে নেওয়ার জন্ত পারিবারিক শান্তি পর্য্যন্ত নষ্ট হ'তে বসেছে। দারিদ্র্যের মত ভীষণ জিনিস পৃথিবীতে আর কিছু নেই।”

“আচ্ছা, তুমি ত এম-এতে বেশ ভাল করেছিলে। প্রফেসারী কেন চেপ্তা করনি?”

“কারণ—হুঁরাশা। তোমরা আমার সম্বন্ধে যেমন আশাশ্রিত ছিলে, আমিও পূর্বে তেমনই ছিলাম। কায়েই প্রফেসারী তুচ্ছ মনে করেছিলাম। এখন তার ফলভোগ করছি।”



বি দাসের জীবন কৃতকার্যতায় ভরা। ভাল করিয়া Engineering পাশ করিয়া ইহারই মধ্যে সে ইংলণ্ড হইতে আপনাকে কৃতবিগ্ন করিয়া আনিয়াছে। চাকুরীও পাইয়াছে ভাল। ভবিষ্যতে আরও বেশী আশা রাখে। কিন্তু বন্ধুর বার্থতার কথা শুনিয়া নিজের কৃতকার্যতার কোন কথাই সে আজ মুখে আনিতে পারিল না। কেবল মোটামুটি কোথায় থাকে ইত্যাদি দুই চারি কথা বলিল।

কাল বেলা ১০টার মধ্যে হেমন্তের কাষ শেষ হইবে শুনিয়া বিজয় বলিল, “তবে ভাই, কাল তোমার কাষ শেষ হওয়া পর্যন্ত আমি অপেক্ষা করুব। তার পর তোমায় নিয়ে চুঁচুড়ায় ফিরুব।”

“আমার যে আজই ফিরবার কথা ছিল। কালও যদি না ফিরি, তা হলে সবাই বড় ব্যস্ত হয়ে উঠবে। বলেও আসিনি কিছু।”

“তা হোক। কাল যারা ফিরবেন, তাঁদের হাত দিয়ে একটা চিঠি পাঠিয়ে দিও; তা হলেই মার্জনা পাবে। আর যদি না-ও পাও, কিছু শাস্তি নিও। শোনা যায়, দাম্পত্য শাস্তে শাস্তি অনেক সময় মার্জনার চেয়ে মিষ্ট।”

নিশ্বাস ফেলিয়া হেমন্ত বলিল, “ও সব কথা একেবারে ভুলে গেছি, বিজয়। রহস্য, আমোদ, পরিহাস এ সব আমার জীবন থেকে একেবারে ছুঁটা নিয়েছে।”

বন্ধুর মুখে এতখানি নিরাশার স্বর শুনিয়া বিজয়ের মুখে কিছুক্ষণ কোন কথা আসিল না। কিছুক্ষণ পরে হেমন্তের একখানি হাত হাতের মধ্যে লইয়া বলিল, “তবু কাল তোমাকে সোতে হবে, ভাই। একটা দিন মাত্র! পরশু সকালেই চলে যেও।”

হেমন্ত আর আপত্তি করিতে পারিল না।

৪

পরদিন বেলা ৪টায় বিজয়ের গাড়ী যখন চুঁচুড়ায় তাহার বাসার মধ্যে আসিয়া থামিল, তখন ভিতর হইতে ৪।৫টি সুন্দর সুসজ্জিত বাগক-বালিকা ছুটিয়া আসিয়া গাড়ীখানি ঘিরিয়া দাঁড়াইল।

অপরিচিত হেমন্তের মুখের দিকে চাহিতে তাহাদের আনন্দ অনেকখানি কুণ্ঠিত হইয়া পড়িল। বিজয় হাসিয়া বলিল, “তোমরা কেউ চিন্তে পারুছ না। কেমন জন্ম! ইনি

হচ্ছেন আমার ছেলেবেলাকার বন্ধু হেমন্ত বাবু—তোমাদের কাকা। যাও, তোমাদের মাকে বল গে।”

ছোটরা লাফাইতে লাফাইতে ছুটিয়া ভিতরে গেল। বড়রা তাহাদের চঞ্চল ছন্দের অনুসরণ করিল। পিছন পিছন দুই বন্ধু উঠিয়া আসিল।

বিজয়ের স্ত্রীর নাম মীরা। মীরা সুন্দরী, হাশ্রময়ী ও বিদূষী। স্বামীর আস্থানে সে বাহিরে আসিল। পরিচয় করাইয়া দিল—“এই হেমন্ত! আমার কলেজের সহপাঠী ও বন্ধু! চিন্তে ত?”

মীরা হাসিয়া বলিল, “তোমার কলেজ-জীবনের গল্প যে শুনেছে, সে ঝুঁকে চিন্তেই চিন্তে। হঠাৎ কোথেকে ঝুঁকে সংগ্রহ করলে?”

বিজয় বলিল, “ভগবান্ মিলিয়ে দিলেন বলতে পার। বিষ্ণুপুর ডাক-বাংলোতে পৌঁছেই দেখি, হেমন্ত দাঁড়িয়ে কি ভাবছে। কত কাল পরে দেখা। তবু কি আস্তে সহজে রাজী হয় হেমন্ত। বলে—বাড়ীতে ভাববে ইত্যাদি। যেমন তোমাদের স্বামীরা বলে থাকে আর কি! অর্থাৎ আমিও যেমন বলতাম।”

“তা উনি আর অণ্যায় কথাটা কি বলেছেন? তোমাদের স্ত্রীরা ভাবেন বই কি এই রকম! অর্থাৎ আমি হলেও ঐ রকম ভাবতাম আর কি!”

বলিয়া মীরা স্বামীর পরিহাসটুকু ফিরাইয়া দিল।

মীরা হাশ্রময়ী। হেমন্ত দেখিল, স্বচ্ছল অবস্থা ও স্বামীর সোহাগ তাহাকে রসিকাও করিয়াছে। মণিকার চেয়ে যে মীরা সুন্দরী, তাহা নহে; কিন্তু দারিদ্র্য, অভাব ও দুঃখের নিষ্পেষণে যে সৌন্দর্য্য সেখানে ম্লান ও অসম্পূর্ণ রহিয়া গিয়াছে—আনন্দ, স্বাধীনতা ও স্বচ্ছলতার মধ্যে এখানে তাহা পুষ্ট, সতেজ ও পরিপূর্ণ হইয়াছে। হেমন্ত ভাবিল, যদি সুযোগ ও সুবিধা থাকিত, মণিকা মধুর স্বভাব ও মিষ্ট আপ্যায়নে মীরাকেও ছাড়াইয়া যাইত।

পরিচয়ের পর আরম্ভ হইল আগেকার গল্প। তাহার আর যেন শেষ হয় না। মীরার সহিত বিজয়ের বিবাহের মধ্যে বেশ একটু বৈচিত্র্য ছিল। এঞ্জিনিয়ারিং পড়িবার সময়ে একবার excursionএ গিয়া সে মীরাকে প্রথম দেখে। তার পর মায়ের অনুমতি লইয়া এক রকম নিজেই চেষ্টা-চরিত্র করিয়া সে মীরাকে বিবাহ করে। এ সব কথাও

বিজয় মীরাকে সানন্দ লজ্জায় ভূষিত করিয়া হেমন্তের কাছে

বিজয় হঠাৎ জিজ্ঞাসা করিল, “আচ্ছা হেমন্ত, তোমার কি মনে হয়—প্রথম দৃষ্টিতে প্রেম বা প্রণয় আমাদের দেশে স্বাভাবিক কি অস্বাভাবিক? সুলভ কি দুর্লভ?”

হেমন্ত বলিল, “কথাটা একটু অপাত্রে জিজ্ঞাসা করা হয়েছে। কাষেই উচ্চাঙ্গের উত্তর হয় ত পাবে না। আমার ধারণা কি জান? মানুষের মন অল্পবিস্তর সব যায়গাতেই সমান। সামাজিক ব্যবস্থা ও পারিপার্শ্বিক অবস্থার উপর এই প্রেম বা প্রণয়ের পরিণতি অনেকটা নির্ভর করে। তবে প্রেম ও প্রণয় এই দুটো কথাই আমরা একটু ব্যাপকভাবে ব্যবহার করি। অনেক সময় আমরা সাময়িক আকর্ষণকেই প্রেম বা প্রণয় বলে ভুল করি। সৌন্দর্য্য দেখে আকৃষ্ট হলেই প্রেম জন্মে না।”

“তোমার মতে প্রেম কখন জন্মায় তা হ'লে?”

“যখন সেই আকর্ষণ পরিচয় ও পরস্পরের প্রতি শ্রদ্ধা নিয়ে আসবে, তখনই প্রেমের সম্ভাবনা থাকবে।”

“প্রেম অব্যব, প্রেম অন্ধ, এই যে সব কবির উক্তি—এসব কি তুমি তা হ'লে নিছক কল্পনা বলে মনে কর?”

“আমি বলি, একটা সূচনামাত্র। ও সব আকর্ষণ—প্রেমের বীজমাত্র। জমী থাকায় সে বীজ অঙ্কুরিত হ'ল না! অঙ্কুরিত হ'ল ত আলো, বাতাস বা জলের অভাবে অঙ্কুরেই বিনষ্ট হ'ল। প্রেমের ভাগ্যেও এইরূপ হয়ে থাকে। অভাব ও দারিদ্র্য প্রেম ধীরে ধীরে স'রে যায়, এ আমি বিশ্বাস করি।”

এবার মীরা আলোচনায় যোগ দিল। বলিল, “এমনও ত মনে করা যেতে পারে যে, প্রেম মরে না, তার বাইরেটা কেবল শুকিয়ে যায়, যেমন উপরের ডাল শুকিয়ে গেলেও কোন কোন গাছের মূল তখনও বেঁচে থাকে।”

হেমন্ত বলিল, “তা হ'লে রস অভাবে মূলকেও এক দিন শুক হ'তে হবে।”

বিজয় বলিল, “ধর, আমি যদি প্রেমের কোন আধ্যাত্মিক ব্যাখ্যা না ক'রে শুধু বলি, প্রেম মানে গভীর অনুরাগ, তাতে কি ক্ষতি? কারও মনে শরীরের সৌন্দর্য্য দেখে অনুরাগ জাগে, কারও জাগে গান শুনে, কারও বাঁশী শুনে, কারও গল্প বলার শক্তি দেখে। কেউ বা অনুরক্ত হয় কোন

অসাধারণ শক্তি বা গুণের পরিচয় পেয়ে। এ সবকেই ইন্দ্রিয়গ্রাহ্য বিষয় বলতে হয়। কোনটিই ত ইন্দ্রিয়-তীত নয়।”

হেমন্ত বলিল, “তা যদি বল, তা হ'লে প্রথম দর্শনে ‘প্রেম’ হওয়া বিচিত্র নয়। তোমার প্রেম মানে হচ্ছে সাধারণ অনুরাগ। তবে সঙ্গে সঙ্গে এটাও ভেবে রাখতে হবে যে, এ প্রেম যেমন সহজে এসেছে, তেমনই সহজে চ'লে যেতেও পারে। সে আজই যাক, কালই যাক বা দশ পনেরো বছর পরেই যাক, অবশ্য জীবনভর না যেতেও পারে।”

“সহজে যাবেই, এ কথাই বা তুমি কেন মনে করছ?”

“কেন করব না? প্রেম যদি ইন্দ্রিয়গ্রাহ্য পদার্থ হয়, তার সহজে যাওয়া খুবই সহজ। বেলফুল দেখে আমি মুগ্ধ হলাম। পরে গোলাপফুল দেখে একবারে মূর্ছিত হলাম। তখন বুঝলাম, গোলাপফুলের তুলনায় বেলফুল কিছুই নয়। তা হ'লে তোমার তথাকথিত প্রেমের পরমায়ু আর কতটুকু?”

এবার মীরা বাবা দিয়া বলিল, “আপনাদের এ তত্ত্ব বহুদূর অগ্রসর হয়েছে এবং আরও হয় ত হ'তে পারে। কাষেই এটা এখন বন্ধ রেখে রসনেন্দ্রিয়ের প্রতি একবার দৃষ্টিপাত করলে ভাল হয়। অতএব আমি তারই চেষ্টায় চললাম।”

মীরা উঠিয়া গেল। হেমন্তও হাতমুখ ধুইতে গেল। কিছুক্ষণ পরে হেমন্ত ফিরিয়া আসিয়া দেখিল, বিজয় অফিস-ঘরে বসিয়া কায করিতেছে। বিজয়ের ৫৬ বৎসরের ছেলে আসিয়া টেবিল হইতে একটা কাগজ লইয়া পেন্সিল দিয়া তাহার উপরে ২৪৪টা কথা লিখিয়া গেল। ক্ষণপরে বৎসর চারেকের ১টি মেয়ে আসিয়া জ্যোষ্ঠের আদর্শ অনুসরণ করিল। বিজয় কাহাকেও কিছু বলিল না। বড়দের দেখাদেখি তাহার ২ বৎসরের ছেলেটি আসিয়া টেবিল হইতে একখানা মোটা বই লইয়া সশব্দে নীচে ফেলিয়া দিল। বইটা কুড়াইয়া লইয়া টেবলের উপর রাখিয়া বিজয় হাসিমুখে বলিল, “বই ফেলো না, বাবু।” সে ছেলেমেয়েদের সবাইকে ডাকিয়া কিছুক্ষণের জন্ত আপনার কাছে বসাইল, আদর করিল; তার পর প্রত্যেকের হাতে এক একখানি ছোট বই দিয়া বলিল, “যাও, এবার তোমরা খেলা কর গে।”

ছেলেমেয়েরা হাসিমুখে চলিয়া গেল।

হেমন্ত ভাবিতে লাগিল, বিজয় ত ছেলেমেয়েদের কাছাকাছেও ছাড়াইয়া দেয় না; অথচ কাষও ত আমার চেয়ে কম করে না। সুন্দর মূল্যবান পরিচ্ছদ, দাসদাসী এ সব না হয় অথাভাবে সে করিতে পারে না; কিন্তু সস্তিক, সদয় ও সম্মেহ ব্যবহার ইহা তো উল্লভ হওয়া উচিত ছিল না। তাহার নিজের ব্যবহার মনে করিয়া নিজের কাছে নিজেই সে অপরিসীম লজ্জিত হইল। বন্ধুর হাশুমুখ স্মৃষ্জিত পুত্রকণাদেবের সস্তিক তুলনা করিয়া নিজের ম্লানমুখ ছিন্নপরিচ্ছদ সম্মানদিগের স্মরণ করিতে তাহার বক্ষ বেদনায় পীড়িত হইয়া উঠিল। মণিকার কখন কখন অকস্মাৎ রুক্ষ মেজাজ ও কদাচিৎ তীক্ষ্ণবচনের কারণও সে খুঁজিয়া পাইল। সে মনে মনে বুকিল, রুক্ষভাষণের জগু মণিকাকে দোষ দেওনা চলে না।

বাত্রিতে হেমন্ত বন্ধুর সঙ্গে বন্ধুর পুত্রকণাবেষ্টিত হইয়া ভোজনে বসিল। বন্ধুপত্নী নিজহস্তে পরিবেষণ করিল। ভোজনাগার হাশুমুখের উজ্জ্বল হইয়া উঠিল। বন্ধুর প্রদত্ত সম্মেহ সম্মান, বন্ধুপত্নীর মিষ্ট আলাপন, বন্ধুর পুত্রকণাদেবের সস্তিক ব্যবহার—সবই তাহার মধুর লাগিল। কিন্তু এ সমস্তই তাহাকে ব্যথা না দিয়া ছাড়িল না। তাহার পুত্রকণাদেব ম্লান মুখ, সস্তিক ব্যবহার, মণিকার উৎখ, বিরক্তি ও কষ্ট তাহাকে আজ সারাক্ষণ ক্লেশ দিতে লাগিল। বাত্রিতে স্বপ্নের মাঝেও পুত্রকণাদেব ম্লান মুখ তাহার মনে উকি দিতে লাগিল।

পরদিন প্রভাতে সে সকলের নিকট বিদায় লইয়া বাহির হইল। পথে ছেলেমেয়েদের জগু কিছু ফল ও

কিনিয়া লইল। অপরাহ্নের দিকে বাসায় পৌঁছিল। ছেলেমেয়েরা তখন বারান্দায় দাঁড়াইয়াছিল। হয় ত শত অনাদরের মধ্যেও হতভাগ্যরা তাহারই প্রতীক্ষা করিতেছিল। কিন্তু বিজয়ের ছেলেমেয়েদের মত কেহই কলকোলাহলে ছুটিয়া আসিল না। হেমন্ত ভাবিল, ইহাদেরও হয় ত তেমনই চঞ্চলপদে ছুটিয়া আসিতে প্রাণ ফাটিতেছিল; কিন্তু বিরক্তি, তিরস্কার, হয় ত বা প্রহারের ভয়ে তাহারা সে উজ্জ্বল দমন করিয়াছিল। কেবল তাহার দ্বিতীয় পুত্রটি—যে তাহার কাছে কম ভৎসনা পাইত, সেই সাহস করিয়া বারান্দা হইতে নীচে নামিয়া আসিল।

হেমন্ত অগ্রসর হইয়া ছেলেটিকে কোলে তুলিয়া লইল। বারান্দায় উঠিয়া তাহার অবশিষ্ট বিস্মিত সম্মানদিগের পৃষ্ঠে ও শিরে সম্মেহ হস্ত রাখিয়া তাহাদিগকে আপনার বসিবার কক্ষে ডাকিয়া আনিল। ছেলেটিকে কোলে করিয়াই সে ফল ও মিষ্টানের পাত্র খুলিয়া তাহার এতকালকার অনাদৃত পুত্রকণাদেবের হাতে প্রচুর পরিমাণে ফল ও মিষ্টান্ন তুলিয়া দিতে লাগিল। তাহারা দুই হাত ভরিয়া পিছদত উপহার পাইয়া বিস্ময় ও হর্ষভরা নয়নে পিতার মুখের পানে চাহিল।

ঠিক সেই সময়ে মণিকা অভিমানভরে ছেলেমেয়েদের ডাকিতে আসিয়া দেখিল, খোকাকে কোলে লইয়া স্বামী সম্মেহভরে সকলের মাথায় হাত রাখিতেছেন ও তাহার দুই চক্ষু দিয়া অগ্রদারা গড়াইতেছে।

মণিকার মুখে যে অল্পযোগের বাণী আসিতেছিল, এই অপূর্ব দৃশ্য দেখিয়া তাহা মুহূর্ত্তে হারাইয়া গেল। সে দীর্ঘ দীর্ঘে দ্বারান্তরালে আসিয়া আপনার চক্ষু মার্জনা করিল।

শ্রীমানিক ভট্টাচার্য্য।

## মায়াময়ী

জীবনের কোন্ সর্বনিকান্তরালে  
রহিয়াছে যেই মায়াময়ী এক নারী, —  
সন্ধান তার মিলিল না কোনোকালে  
ক্রন্দন শুধু জাগে চিরদিন তারি।  
ইন্দ্রিত তার জাগে কভু নীলাকাশে,  
সঙ্গীত জাগে পবনের সাত তারে,—  
অঙ্গস্বরভি ভাসে মাধবীর বাসে  
স্নিগ্ধ লাবণী ঝরে জোছনার ধারে।

ঋতুর ছন্দে নন্দিত নব বেষে  
জাগে সুন্দরী কোন্ সে মোহিনী রমা,—  
মেঘপঞ্জিত কুঞ্চিত কালো কেশে  
প্রান্তর-শ্রাম-অঞ্চলা অল্পপমা।  
সুন্দারবরণে গুঞ্জিতা মায়াবিনী,  
জীবন ছেয়েছে নিবিড় ইন্দ্রজালে,—  
অস্তুর শুধু কহে যেন তারে চিনি—  
সন্ধান তার মিলিল না কোনোকালে।  
শ্রীশশিভূষণ দাশগুপ্ত (এম্-এ)।



দ্বিতীয় অধ্যায়

তৃতীয় পাদ

ন বিয়দ্ অশতেঃ ( ২।৩।১ )

ন বিয়দ্—( আকাশের উৎপত্তি হয় নাই ) অশতেঃ—  
( কারণ, প্রতিতে আকাশের উৎপত্তি উল্লিখিত হয় নাই )।

ছান্দোগ্য উপনিষদে সৃষ্টির বিষয়ে এইরূপ বলা হইয়াছে—  
“সং এব সোম্য ইদম্ অগ্র আসীৎ, একম্ এব অদ্বিতীয়ম্”  
( ৩।২।১ ) হে সোম্য, এই জগৎ পূর্বে সং ( ব্রহ্ম ) মাত্র  
ছিল, সেই একমাত্র সং বস্তুই ছিলেন, আর কিছুই  
ছিলেন না ; “তং ব্রহ্মত” ( ৩।২।৩ ) সেই ব্রহ্ম সৃষ্টি করিবেন  
মনে করিলেন ; “তং তেজঃ অসৃজত” ( ৩।২।৩ ) তিনি  
অগ্নি সৃষ্টি করিলেন । এখানে প্রথমে অগ্নির সৃষ্টি উল্লেখ করা  
হইয়াছে । তাহার পূর্বে আকাশের সৃষ্টির উল্লেখ নাই  
( পরেও নাই ) । অতএব আকাশের সৃষ্টি হয় নাই । এই  
স্বত্রটি পূর্বপক্ষ ।

অস্তি তু ( ২।৩।২ )

ছান্দোগ্যে আকাশের সৃষ্টির কথা নাই, কিন্তু তৈত্তিরীয়  
উপনিষদে আছে ( অস্তি তু ) । ঐ উপনিষদে দেখা যায়—  
“সত্যং জ্ঞানম্ অনন্তং ব্রহ্ম” ( ২।১।১ ) ব্রহ্ম সত্যস্বরূপ, জ্ঞানরূপ  
এবং অনন্ত ; তাহার পর “তস্মাৎ বা এতস্মাৎ আশ্বনঃ  
আকাশঃ সস্তুতঃ” অর্থাৎ সেই আশ্বনস্বরূপ ব্রহ্ম হইতে  
আকাশের উৎপত্তি হইল ।

গৌণী অসম্ভবাৎ ( ২।৩।৩ )

তৈত্তিরীয়তে যে আকাশের সৃষ্টি উল্লিখিত হইয়াছে, তাহা  
“গৌণী”, “অসম্ভবাৎ”—কারণ, আকাশের সৃষ্টি কখনও সম্ভব  
হইতে পারে না । বৈশেষিক দর্শনে ইহা প্রতিপাদন করা  
হইয়াছে যে, আকাশের কখনও সৃষ্টি হইতে পারে না,  
কোন বস্তু হইতে আকাশের উৎপত্তি হইবে ? আকাশের

স্বজাতীয় অণু কোনও দ্রব্য নাই—যাহা হইতে আকাশের  
উৎপত্তি হইতে পারে ; অতএব লোকে যেমন গৌণভাবে  
বলে “স্থান কর” ( make room ), সেইরূপ বেদ গৌণভাবে  
বলিয়াছেন যে, আকাশের উৎপত্তি হইল । এই স্বত্রও  
পূর্বপক্ষ ।

শব্দাৎ চ ( ২।৩।৪ )

শব্দ অর্থাৎ বেদ হইতেও জানা যায় যে, আকাশ “অজ্জ”  
বা জন্মহীন ; সুতরাং আকাশের যে উৎপত্তির উল্লেখ  
আছে, তাহা গৌণভাবেই বৃষ্টিতে হইবে । বৃহদারণ্যক  
উপনিষদে আছে—“বায়ুশ্চ অন্তরিক্ষং চ এতৎ অমৃতং”  
( ৩।৩।৩ ) অর্থাৎ বায়ু এবং আকাশ, ইহারা অমৃত । যাহা  
অমৃত, তাহা অবশ্যই অজ্জ । ইহাও পূর্বপক্ষ ।

শ্রাৎ চ একশ্চ ব্রহ্মশব্দবৎ ( ২।৩।৫ )

পূর্বে তৈত্তিরীয় উপনিষদের বাক্য উদ্ধৃত হইয়াছে যে,  
ব্রহ্ম হইতে “আকাশঃ সস্তুতঃ” অর্থাৎ আকাশের উৎপত্তি  
হইয়াছে, তাহার পরেই আছে “আকাশাৎ বায়ুঃ, বায়োঃ  
অগ্নিঃ, অগ্নেঃ আপঃ, অদ্ব্যঃ পৃথিবী, পৃথিবীভ্যঃ অনম্”  
ইত্যাদি অর্থাৎ আকাশ হইতে বায়ু সস্তুত বা উৎপন্ন হইয়াছে,  
বায়ু হইতে অগ্নি, অগ্নি হইতে জল, জল হইতে পৃথিবী, পৃথিবী  
হইতে অন্ন ইত্যাদি । এই সকল স্থলে “সস্তুত” শব্দ গৌণভাবে  
প্রয়োগ হয় নাই । আকাশ সম্বন্ধে সস্তুত শব্দ গৌণভাবে  
প্রয়োগ হইল এবং তাহার পরেই বায়ু, অগ্নি প্রভৃতির সম্বন্ধে  
মুখ্যভাবে প্রয়োগ হইল, ইহা সন্দেহ কি না সন্দেহ হইতে  
পারে । কিন্তু এক স্থলেই এক শব্দের গৌণ ও মুখ্য উভয়  
ভাবে প্রয়োগ হইতে পারে । মুণ্ডক উপনিষদে প্রথম খণ্ডে  
অষ্টম শ্লোকে আছে—“তপসা চীয়েতে ব্রহ্ম” ইত্যাদি, অর্থাৎ  
“ব্রহ্ম সংকল্প দ্বারা সৃষ্টি করিবার ইচ্ছা করিলেন” ; এখানে  
“ব্রহ্ম” শব্দ মুখ্যভাবে প্রয়োগ হইয়াছে, অর্থাৎ পরব্রহ্মকে  
বুঝাইতেছে । তাহার পরের শ্লোকে আছে—



যঃ সৰ্বজ্ঞঃ সৰ্ববিদ্ যত্র জ্ঞানময়ং তপঃ ।

তস্মাৎ এতৎ ব্রহ্ম নামরূপম্ অন্নং চ জায়তে ॥

“মিনি সৰ্বজ্ঞ এবং সৰ্ববিদ, জ্ঞানই যাহার তপশ্রা, তাহা হইতে এই ব্রহ্ম, নাম, রূপ এবং অন্নের উৎপত্তি হয় ।”

এখানে ব্রহ্ম শব্দ পরব্রহ্মকে লক্ষ্য করিতে পারে না, হিরণ্যগর্ভ বা চতুষ্সুখ ব্রহ্মাকে লক্ষ্য করিতেছে। সুতরাং এখানে ব্রহ্ম শব্দ মুখ্যভাবে প্রয়োগ করা হয় নাই, গৌণভাবে প্রয়োগ করা হইয়াছে। এক স্থলেই ব্রহ্মশব্দ মুখ্য এবং গৌণভাবে প্রয়োগ করা হইয়াছে। সেই প্রকার তৈত্তিরীয় উপনিষদেও এক স্থলে “সম্বৃত” শব্দ মুখ্য ও গৌণভাবে প্রয়োগ হইতে পারে। এই সূত্রও পূর্বপক্ষ।

প্রতিজ্ঞা অহানিঃ অব্যতিরেকাৎ শব্দভ্যঃ ( ১১১৩ )

প্রতিজ্ঞা-অহানিঃ—( প্রতিজ্ঞার হানি হয় না ), অব্যতিরেকাৎ—( যদি ব্যতিরেক না হয় ), শব্দভ্যঃ—( প্রতিতেও ইহা আছে )

এই সূত্রে সিদ্ধান্ত স্থাপন করা হইতেছে। সে সিদ্ধান্ত এই যে, ব্রহ্ম হইতে আকাশের উৎপত্তি হয়। এক ব্রহ্মকে জানিতে পারিলে জগতের সকল বস্তু জানিতে পারা যায়। এইরূপ প্রতিজ্ঞা বেদান্তে বহু স্থলে দেখা যায়। যথা ছান্দোগ্যে—“সেন অশ্রুতঃ শ্রুতং ভবতি, অমতং মতং, অবিজ্ঞাতং বিজ্ঞাতং” ( ১১১৩ ) যাহার দ্বারা অশ্রুত বস্তু শ্রুত হয়, অচিন্তিত বস্তু চিন্তিত হয়, অবিজ্ঞাত বস্তু বিজ্ঞাত হয়। বৃহদারণ্যকে আছে—“আত্মনি খলু অরে দৃষ্টে শ্রুতে মতে বিজ্ঞাতে ইদং সৰ্বং বিদিতং” ( ৮৪১৩ ) অর্থাৎ আত্মাকে দর্শন করিলে, শ্রবণ করিলে, চিন্তা করিলে, জানিতে পারিলে এই সৰ্বই জানা যায়। মুণ্ডক উপনিষদে আছে “কস্মিন্ নু ভগবো বিজ্ঞাতে সৰ্বম্ ইদম্ বিজ্ঞাতং ভবতি” ( ১১১৩ ) ভে ভগবন্, কাহাকে জানিলে এই সব বিজ্ঞাত হয়? এই প্রতিজ্ঞার “অহানি” অর্থাৎ হানি হয় না। “অব্যতিরেকাৎ” অর্থাৎ যদি ব্রহ্ম ব্যতিরিক্ত কোনও বস্তু না থাকে। বেদে বলা হইয়াছে—এই সবই ব্রহ্ম। সুতরাং বুঝিতে হইবে যে, অগ্নির উৎপত্তি যে রূপ যথার্থ, আকাশের উৎপত্তিও সেইরূপ যথার্থ। তৈত্তিরীয়কে যখন আকাশের সৃষ্টির স্পষ্ট উল্লেখ আছে, তখন ছান্দোগ্যে আকাশের সৃষ্টির

উল্লেখ নাই বলিয়া ইহা সিদ্ধান্ত করা যায় না যে, আকাশের সৃষ্টি হয় নাই।

যাবদ্ বিকারং তু বিভাগো লোকবৎ ( ২.৩৭ )

যে সকল স্থলে একটা বস্তুর সহিত আর একটা বস্তুর বিভাগ বা প্রভেদ দেখা যায়, সেই স্থলে ইহাও দেখা যায় যে, বস্তুগুলি অপর বস্তুর বিকার। বিকার না হইলে বিভাগ হইতে পারে না। আকাশকে যখন পৃথিবী, জল প্রভৃতি হইতে বিভক্ত দেখা যায়, তখন আকাশও অণু বস্তুর বিকার বলিয়া স্বীকার করিতে হইবে। এই প্রসঙ্গে শঙ্করাচাৰ্য্য বলিয়াছেন যে, একরূপ তক করা যায় না যে, আত্মা হইতে যখন আকাশকে বিভক্ত বলিয়া বোপ হয়, তখন আত্মাও অণু বস্তুর বিকার। কারণ, প্রতিতে আত্মার পরে আর কোনও বস্তুর উল্লেখ নাই। আত্মাকে যদি বিকার বলা হয়, তাহা হইলে বলিতে হইবে যে, আত্মা ( এবং আকাশাদি সকল বস্তু ) শূণ্য হইতে উৎপন্ন। ইহাই বৌদ্ধ দর্শনের শূণ্যবাদ। অতএব ইহা অশুদ্ধ। আত্মার অস্তিত্ব কিছুতেই অস্বীকার করা যায় না। যে অস্বীকার করিলে, তাহাকেই আত্মার স্বরূপ বলিতে হইবে। আকাশাদি সকল বস্তু প্রমাণের দ্বারাই সিদ্ধ হয়। আত্মা কোনও প্রমাণের দ্বারা সিদ্ধ হয় না, আত্মা স্বয়ংসিদ্ধ। আত্মা সকল প্রমাণের আশ্রয়। সুতরাং কোনও রূপ প্রমাণ প্রয়োগ করিবার পূর্বেই আত্মার অস্তিত্ব সিদ্ধ হয়। তাহা অস্বীকার করা যায় না। আকাশ দীর্ঘকালশালী বলিয়া আকাশকে অমৃত বলা হইয়াছে।

এতেন মাতরিশ্বা ব্যাখ্যাতঃ ( ১১১৮ )

এতেন—(ইহার দ্বারা), মাতরিশ্বা—(বায়ু), ব্যাখ্যাতঃ—( ব্যাখ্যা হইল )। যে ভাবে আকাশের উৎপত্তি হয়, এই সিদ্ধান্ত স্থাপিত হইয়াছে, সেই ভাবে এই সিদ্ধান্তও স্থাপিত হইবে যে, বায়ুরও উৎপত্তি হইয়াছে।

অসম্ভবস্ত সতঃ অনুপপত্তেঃ ( ১১১৯ )

সতঃ—( ব্রহ্মের—উৎপত্তি ), অসম্ভবঃ—( সম্ভব নহে ) অনুপপত্তেঃ ( কারণ, ইহা যুক্তিযুক্ত নহে )।

ব্রহ্ম সংমাত্র। তাহার উৎপত্তি হইতে পারে কোথা হইতে? যাহা সংমাত্র, তাহা হইতে ব্রহ্মের উৎপত্তি হইতে

পারে না ; কারণ, যাহা হইতে উৎপত্তি হয়, এবং যাহা উৎপন্ন হয়, উভয়ের মধ্যে প্রভেদ থাকা প্রয়োজন ; উভয়েই সং-মাত্র হইলে প্রভেদ হইবে কিরূপে ? সং-বিশেষ হইতে সং-মাত্রের উৎপত্তি হইতে পারে না । কারণ, সামান্য হইতেই বিশেষের উৎপত্তি হয়, বিশেষ হইতে সামান্যের উৎপত্তি হয় না । অসং হইতেও সং-মাত্র ব্রহ্মের উৎপত্তি হইতে পারে না । অসং ( যাহা নাই ), তাহা হইতে সং-এর উৎপত্তি অসম্ভব । শক্তিও বলিয়াছেন—“কথং অসংঃ সং জায়েত”— অসং হইতে কিরূপে সত্তের উৎপত্তি হইতে পারে ?

তেজঃ অতঃ তথাহি আত ( ১৩৩১০ )

তেজঃ—( অগ্নি ), অতঃ—( বায়ু হইতে উৎপন্ন হইয়াছে )  
তথাহি আত ( বেদ ইহা বলিয়াছেন ) ।

অগ্নি বায়ু হইতে উৎপন্ন হইয়াছে, অথবা স্বতন্ত্রভাবে ঈশ্বর কর্তৃক সৃষ্ট হইয়াছে, ইহা সন্দেহ হইতে পারে । ছান্দোগ্যে আছে—“তং তেজঃ অসৃজত” অর্থাৎ ব্রহ্ম অগ্নি সৃষ্টি করিলেন, এজন্য মনে হইতে পারে যে, ব্রহ্ম স্বতন্ত্রভাবে অগ্নি সৃষ্টি করিয়াছিলেন, বায়ু হইতে অগ্নি সৃষ্টি করেন নাই ; তবে যে তৈত্তিরীয়কে বলা হইয়াছে “বায়োঃ অগ্নিঃ”, তাহার অর্থ এই যে, বায়ুর পর অগ্নি সৃষ্ট হইয়াছিল । কিন্তু এই সিদ্ধান্ত যথার্থ নহে । প্রথমে বলা হইয়াছে, “আয়নঃ আকাশঃ সসৃজতঃ” অর্থাৎ আত্মা হইতে আকাশের উৎপত্তি । এখানে “আয়নঃ” এই শব্দে অপাদানে পঞ্চমী বিভক্তি হইয়াছে । এই প্রসঙ্গে পরে বলা হইয়াছে, “পৃথিব্যাঃ ওময়ঃ,” পৃথিবী হইতে ওমদি, ওমদি হইতে অন্ন ইত্যাদি । এ সকল স্থানেই অপাদানে পঞ্চমী । অতএব মনাস্থলে “বায়োঃ অগ্নিঃ” বায়ু হইতে অগ্নি, এখানেও অপাদানে পঞ্চমী । ব্রহ্মই বায়ুরূপে আবির্ভূত হইয়া তাহা হইতে অগ্নি সৃষ্টি করিয়াছিলেন ।

আপঃ ( ১৩৩১১ )

ব্রহ্ম অগ্নিরূপে পরিণত হইয়া অগ্নি হইতে জল সৃষ্টি করিয়াছিলেন ।

পৃথিবী অদিকাররূপশব্দান্তরেভ্যঃ ( ১৩৩১২ )

ছান্দোগ্যে আছে, “তা আপঃ ঐক্ষস্ব বহ্ন্যঃ শ্রামঃ প্রজায়েমহি ইতি তা অন্নম্ অসৃজস্ব” ( ১৩৩১৪ ) অর্থাৎ সেই জল সর্বম আলাচনা করিল “বহু হইব, জন্মগ্রহণ করিব,”

তাহারা “অন্ন” সৃষ্টি করিল । সন্দেহ হয়, এখানে অন্ন শব্দের অর্থ যব গম প্রভৃতি খাদ্যদ্রব্য, না পৃথিবী ? এ বিষয়ে সিদ্ধান্ত এই যে, এখানে অন্ন শব্দের অর্থ পৃথিবী । “অদিকার-রূপশব্দান্তরেভ্যঃ”, অর্থাৎ অদিকার, রূপ এবং অন্ন শক্তি বাক্য হইতে এই সিদ্ধান্ত করা প্রয়োজন । “অদিকার” এইরূপ । পূর্বোক্ত বাক্যের পূর্বে অগ্নি এবং জলের সৃষ্টি উল্লিখিত হইয়াছে । সুতরাং এখানে মহাত্মত সকলের সৃষ্টির প্রসঙ্গ হইতেছে । সেই প্রসঙ্গে “অন্নের” উৎপত্তি যখন উক্ত হইয়াছে, তখন বৃক্ষিতে হইবে, অন্ন শব্দের দ্বারা একটি মহাত্মতকে লক্ষ্য করা হইতেছে, খাদ্যদ্রব্যকে নহে । “রূপ”— পূর্বোক্ত বাক্যের পরে বলা হইয়াছে, “সং রূপং তং অন্নম্” অর্থাৎ, জগতে যে রূপবর্ণ দেখা যায়, তাহা “অন্নের” । কিন্তু বীতি সব প্রভৃতির বর্ণ রূপ নহে । পৃথিবীর বর্ণ কোনও কোনও স্থলে শ্বেত বা লোহিত হইলেও অদিকাংশ স্থলেই রূপ । “শব্দান্তরেভ্যঃ”, অন্ন শক্তিবাক্যেও দেখা যায় যে, জল হইতে পৃথিবীর উৎপত্তি হইয়াছে । তৈত্তিরীয়কে আছে—“অদ্ব্যঃ পৃথিবী” অর্থাৎ জল হইতে পৃথিবীর উৎপত্তি হইয়াছে । বৃহদারণ্যকে আছে, “তং সং অপাঃ শর আসীৎ তং সমহৃত মা পৃথিবী অভবৎ”—সেই জলের যে শর ছিল, তাহা কঠিন হইয়া পৃথিবী হইল । এই সকল কারণে বৃক্ষিতে হইবে যে, এখানে অন্ন শব্দের অর্থ পৃথিবী ।

তং অভিধ্যানাং এব তু তং লিঙ্গাং সঃ ( ১৩৩১৩ )

পূর্বে বলা হইয়াছে, আকাশ হইতে বায়ু, বায়ু হইতে অগ্নি, অগ্নি হইতে জল প্রভৃতির উৎপত্তি হয় । এখানে সন্দেহ হয়—আকাশ, বায়ু প্রভৃতি কি নিজ হইতেই এই সকল বস্তু উৎপাদন করে ? অথবা, ব্রহ্মই আকাশ প্রভৃতি রূপে অবস্থান করিয়া বায়ু, অগ্নি প্রভৃতি সৃষ্টি করেন ? এ বিষয়ে সিদ্ধান্ত এই যে, ব্রহ্মই আকাশ প্রভৃতিরূপে অবস্থান করিয়া বায়ু প্রভৃতি সৃষ্টি করিয়াছেন । “তং অভিধ্যানাং” অর্থাৎ ব্রহ্মের সংকল্প হইতেই এই সকল সৃষ্টি হয় । “তং লিঙ্গাং” সেই প্রকার চিহ্ন বেদে দেখা যায়,—যথা বৃহদারণ্যকে “সঃ পৃথিব্যাং তিষ্ঠন্, পৃথিব্যা অম্বরঃ, যং পৃথিবী ন বেদ, যশ্চ পৃথিবী শরীরঃ, যঃ পৃথিবীং অনুরো যময়তি” ( ৫১৩৩ ) অর্থাৎ যিনি পৃথিবীতে অধিষ্ঠিত হইয়া পৃথিবীর মধ্যে থাকেন, পৃথিবী যাহাকে জানে না, পৃথিবী যাহার শরীর, যিনি

অন্তরে থাকিয়া পৃথিবীকে সংযত করেন। ইহা হইতে বোঝা যায় যে, ব্রহ্ম কর্তৃক অধিষ্ঠিত হইয়াই অচেষ্টম বস্তু প্রযুক্তিযুক্ত হয়। তৈত্তিরীয়কেও আছে, “সঃ অকাময়ত বহু শ্রাং প্রজায়ের” (২।৩।১) অর্থাৎ তিনি কামনা করিলেন, “বহু হইব, জন্মগ্রহণ করিব”। “সং ৬ ভাঃ ৬ অভবৎ” অর্থাৎ (ব্রহ্মই) প্রত্যক্ষ এবং পরোক্ষ সকল প্রকার বস্তু-রূপে পরিণত হইলেন।

বিপর্যায়ণে তু ক্রমঃ অতঃ উপপত্ততে (২।৩।১৪)

“বিপর্যায়ণে তু ক্রমঃ” (ইহার বিপরীত ক্রম) উপপত্ততে (ইহা উপপন্ন হয়)।

যে ক্রমে সৃষ্টি হইয়াছে, তাহার বিপরীত ক্রমে প্রলয় হয়। প্রলয়ের উপক্রম হইলে পৃথিবী জলে পরিণত হয়, জল অগ্নিতে পরিণত হয়, অগ্নি বায়ুতে পরিণত হয়, বায়ু আকাশে পরিণত হয়, আকাশ ব্রহ্মে পরিণত হয়। “উপ-পত্ততে চ” যে ক্রমে সৃষ্টি হয়, তাহার বিপরীতক্রমে প্রলয় হয়, ইহাই স্তম্ভিত। মৃত্যিকা হইতে খট হয়, খট ভাঙ্গিলে মৃত্যিকার পরিণত হয়।

অন্তরা বিজ্ঞানমনসী ক্রমেণ তল্লিঙ্গাং

ইতি চেৎ ন অবিশেষাৎ (২।৩।১৫)

“অন্তরা বিজ্ঞানমনসী ক্রমেণ”—উৎপত্তির যে ক্রম বলা হইল, তাহার মধ্যে বুদ্ধি এবং মনের উৎপত্তি হয়, “ইতি চেৎ”—মদি ইহা বলা যায়, “ন”—না, তাহা হয় না : “অবিশেষাৎ”—এইরূপ সিদ্ধান্ত করিবার কোনও কারণ নাই।

পূর্বে বলা হইয়াছে যে, ব্রহ্ম হইতে পঞ্চভূতের উৎপত্তি হইয়াছে। মনে হইতে পারে যে, আকাশ প্রভৃতি পঞ্চভূতের উৎপত্তির পূর্বেই (ব্রহ্ম হইতেই) বুদ্ধি ও মনের উৎপত্তি হইয়াছিল। কিন্তু ইহা যথার্থ নহে। পঞ্চভূত হইতেই বুদ্ধি ও মনের উৎপত্তি হইয়াছে। কারণ, শ্রুতি বলিয়াছেন—“অন্নময়ঃ হি সোম্য মনঃ” হে সোম্য, মন অন্নময়, “আপোময়ঃ প্রাণঃ” প্রাণ জলময়, “তেজোময়ী বাক্” বাক্ অগ্নিময়। সূতরাং পঞ্চভূতের উৎপত্তির পরে বুদ্ধি ও মনের উৎপত্তি হইয়াছে।

রামানুজের মতে ব্রহ্ম (বা ব্রহ্মের প্রকৃতি) হইতে মহান্ বা বুদ্ধিতত্ত্ব, মহান্ হইতে অহঙ্কার, তাহা হইতে

পঞ্চভূতের উৎপত্তি হয়। তিনি বলেন যে, বর্তমান সূত্রে নিম্নলিখিত শ্রুতিবাক্যের অর্থ বিচার করা হইয়াছে।

এতস্মাৎ জায়তে প্রাণো মনঃ সর্কেন্দ্রিয়ানি চ।

খঃ বায়ুঃ জ্যোতিঃ আপঃ পৃথিবী বিশ্বশ্চ দারিণী ॥

(মুণ্ডক ২।৩।৩)

“এই ব্রহ্ম হইতে প্রাণ, মন, ইন্দ্রিয় সকল, আকাশ, বায়ু, অগ্নি, জল, পৃথিবী এই সব উৎপন্ন হইয়াছে।”

মনে হইতে পারে যে, এই বাক্যে ব্রহ্ম হইতে সকল বস্তুর উৎপত্তি উক্ত হয় নাই, কি ক্রমে উৎপত্তি হইয়াছে, তাহাই বলা হইয়াছে। কিন্তু তাহা যথার্থ নহে। এখানে কি ক্রমে উৎপত্তি হইয়াছে, তাহা বলা হয় নাই। সকল বস্তুর উৎপত্তি ব্রহ্ম হইতেই হইয়াছে, ইহাই বলিবার উদ্দেশ্য; কারণ, “এতস্মাৎ জায়তে” অর্থাৎ ইহা হইতে উৎপন্ন হয়, এই বাক্য “অবিশেষে” সকল বস্তুর সম্বন্ধে সংযুক্ত আছে, ইহা বুঝিতে হইবে।

চরাচরব্যাপাশ্রয়ঃ শ্রাং তদ্ব্যপদেশো ভাক্তঃ

তদ্ব্যবভাবিত্বাৎ ২।৩।১৬

“তদ্ব্যপদেশঃ” জন্ম ও মরণের উল্লেখ “চরাচরব্যাপাশ্রয়ঃ তু শ্রাং” স্থাবর ও জঙ্গম দেহকে আশ্রয় করিয়া বলা হইবে, “ভাক্তঃ” গৌণ, “তদ্ব্যবভাবিত্বাৎ” দেহের প্রাণভাব ও তিরোভাব হইলে জন্ম ও মরণ শব্দ প্রযুক্ত হয়।

অন্যক ব্যক্তির জন্ম বা মৃত্যু হইলে এইরূপ উক্তি সাধারণতঃ প্রচলিত আছে। কিন্তু তাহা হইতে ইহা সিদ্ধান্ত করা যায় না যে, জীবের জন্ম ও মৃত্যু হয়। দেহের সহিত জীবের সংযোগ হইলে বলা হয় যে, জীবের জন্ম হইল। বিরোগ হইলে বলা হয়, মৃত্যু হইল। জীবের বাস্তবিক জন্ম ও মৃত্যু হয় না, জন্ম ও মৃত্যু গৌণভাবে প্রয়োগ করা হয়।

ন আত্মা অশ্রুতঃ নিত্যত্বাৎ চ তাভ্যঃ (২।৩।১৭)

“ন আত্মা”—জীব ব্রহ্ম হইতে উৎপন্ন হয় নাই। “অশ্রুতঃ”—শ্রুতিতে ইহা উল্লিখিত হয় নাই। “তাভ্যঃ”—ঐ শ্রুতিবাক্য হইতে, “নিত্যত্বাৎ চ”—জীবের নিত্যত্ব জানা যায়।


শ্রুতিতে কোনও কোনও বাক্য হইতে মনে হইতে পারে যে, জীব ব্রহ্ম হইতে উৎপন্ন হইয়াছে। যথা, “যথা

প্রদীপ্তাং পাবকাং বিকুলিঙ্গাঃ সহস্রশঃ প্রভবন্তে সরুপাঃ, তথা অক্ষরাং বিবিধাঃ সোম্য ভাবাঃ প্রজায়ন্তে তন্ন চৈবাপি যন্তি” (মুণ্ডক ২।১।১) সেরূপ সূদীপ্ত অগ্নি হইতে সহস্র সহস্র সমানজাতীয় বিকুলিঙ্গ উৎপন্ন হয়, সেইরূপ অক্ষর ব্রহ্ম হইতে বিবিধ বস্তু উৎপন্ন হয় এবং অক্ষরেই তাহার বিলীন হয়। এখানে সমানজাতীয় বস্তুর উৎপত্তি উল্লিখিত হইয়াছে, এ জগৎ মনে হইতে পারে যে, জীবের উৎপত্তি লক্ষ্য করা হইয়াছে। কারণ, জীব ও ব্রহ্ম উভয়েরই চৈতন্য আছে, এ জগৎ উভয়কে সমানজাতীয় বলা যায়। কিন্তু শক্তিতে বহু স্থলে যখন সুস্পষ্ট উল্লেখ আছে যে, জীবায়ার উৎপত্তি নাই, বিনাশ নাই, তখন এই বাক্য হইতে অনুমানের সাহায্যে সিদ্ধান্ত করা উচিত হয় না যে, জীবের উৎপত্তি আছে। বুদ্ধিতে হইবে যে, এই বাক্যে “ভাব” শব্দে জীবকে লক্ষ্য করা হয় নাই, অণু পদার্থকে লক্ষ্য করা হইয়াছে, তাহাদের সহিত ব্রহ্মের কোনও সাদৃশ্য আছে বলিয়া “সরুপা” বলা হইয়াছে। সাদৃশ্য এইরূপ, ব্রহ্মের সত্তা আছে, এই সকল পদার্থেরও সত্তা আছে। নিম্নোক্ত শক্তিবাক্যগুলিতে স্পষ্টভাবে বলা হইয়াছে যে, জীবের উৎপত্তি ও বিনাশ নাই;—ন জীবো ম্রিয়তে (ছান্দোগ্য ৩।১।১) জীবের মৃত্যু নাই; ন জায়তে ম্রিয়তে বা বিপশিৎ (কঠ ১।২৮),—বিদ্বানের জন্ম ও মৃত্যু নাই; অজো নিত্যঃ শাশ্বতোহয়ং পুরাণঃ (কঠ ২।২৮) জীবের জন্ম নাই, জীব নিত্য ও চিরস্থায়ী। প্রশ্ন হইতে পারে, জীব যদি ব্রহ্ম হইতে উৎপন্ন না হয়, তাহা হইলে ব্রহ্মকে জানিলে সকল পদার্থ কিরূপে জানা হইবে? ইহার উত্তর এই যে (শঙ্করের মতে), জীব ও ব্রহ্ম অভিন্ন।


এই সূত্র রামানুজ ভিন্ন প্রকারে ব্যাখ্যা করিয়াছেন। তাঁহার মতে জীব ব্রহ্ম হইতে উৎপন্ন হয় না বটে, কিন্তু জীব ব্রহ্মের বিকার। প্রলয়ের সময় জীবের জ্ঞান সঙ্কুচিত

থাকে এবং জীব ব্রহ্মের সহিত এক হইয়া থাকে। প্রত্যেক জীবের একটা বিশিষ্ট নাম ও রূপ আছে, সেই নাম এবং রূপের দ্বারা প্রত্যেক জীবকে ব্রহ্ম হইতে ভিন্নভাবে নির্দেশ করা যায়। কিন্তু প্রলয়ের সময় নাম ও রূপ ধ্বংস হইয়া যায়, সুতরাং জীবকে ব্রহ্ম হইতে পৃথক বলিয়া নির্দেশ করিবার কোনও কারণ থাকে না। এ জগৎ শক্তি বলেন যে, প্রলয়ের সময় জীব ব্রহ্মের সহিত এক হইয়া থাকে। সৃষ্টির সময় জীবের জ্ঞান-বিকাশ হয়,—কন্ডল ভোগ করিবার জগৎ যতটুকু জ্ঞানের বিকাশ প্রয়োজন, ততটুকু বিকাশ হয়। এই ভাবে জীবকে ব্রহ্মের বিকার বলা যায়, এবং এ জগৎ ইহাও বলা যায় যে, ব্রহ্মকে জানিলে সবই জানা যায়, “সর্বম্ ইদম্ বিজ্ঞাতঃ ভবতি”। জীব ও জগৎ ব্রহ্মের শরীর, ব্রহ্ম তাহাদের আত্মা। অচেতন জগতের বিকার এবং সচেতন জীবের বিকার, উভয়ের মধ্যে কিছু পার্থক্য আছে। প্রলয়ের সময় আকাশ প্রভৃতি অচেতন পদার্থ একবারেই থাকে না, সৃষ্টির সময় সেই সকল পদার্থের আবির্ভাব হয়। কিন্তু জীবের সেরূপ উৎপত্তি হয় না। প্রলয়ের সময় জীবের জ্ঞান সঙ্কুচিত থাকে, সৃষ্টির সময় সেই জ্ঞান কিছু বিকাশ পায়, এই পর্য্যন্ত। জগৎ,—অচেতন এবং ভোগ্য; জীব—চেতন এবং (সুখ-দুঃখের) ভোক্তা; ব্রহ্ম—চেতন, কিন্তু সুখ-দুঃখভোক্তা নহেন, তিনি জীব ও জগতের নিয়ন্তা। তাহার স্বরূপের কখনও পরিবর্তন হয় না। কিন্তু তাহার শরীর (জীব ও জগৎ) সৃষ্টির সময় একরূপ অবস্থায় থাকে, প্রলয়ের সময় তাহার অবস্থা ভিন্ন হয়। প্রলয়ের সময় জীব ও জগৎ সূক্ষদশা প্রাপ্ত হয়, নাম ও রূপ থাকে না, এ জগৎ ব্রহ্ম হইতে ভিন্ন বলিয়া নির্দেশ করিবার যোগ্যতা থাকে না। সৃষ্টির সময় জীব ও জগৎ স্থূলদশা প্রাপ্ত হয়, নাম ও রূপ থাকে, তখন তাহাকে ব্রহ্ম হইতে ভিন্ন বলিয়া নির্দেশ করা যায়। ইহাই বিশিষ্টাদেবতবাদের সিদ্ধান্ত।

শ্রীবসন্তকুমার চট্টোপাধ্যায় (এম-এ)।







## তীর্থ

বড়দিনের ছুটীতে এবার কোথায় যাওয়া হইবে, অপ্রকাশ এখনও ঠিক করিয়া উঠিতে পারে নাই। রবিবার আহারের পর দ্বিপ্রহরে, ইজিচেয়ারে পা ছড়াইয়া তাই খোলা জানালার ভিতর দিয়া গঙ্গার দিকে চাহিয়া ভাবিতেছে : ছুটা প্রায় আসিয়া পড়িল, আর ঠিক না করিয়া ফেলিলে চলে না। অথচ অগুবার কত আগেই ঠিক হইয়া যায়। ছোট ছেলে বিষ্ণু চেয়ারের হাতাটা ধরিয়া হাঁটুটাটা পা-পা করিয়া চলিবার চেষ্টা করিতেছে। তাহাকেই শেষে জিজ্ঞাসা করা হইল, “কোথা যাবি রে, বিষ্ণু? তোর মা এক যায়গায় যেতে চায়, পিসীমা আর এক যায়গায় যেতে চায়, তোর দাদারা কলকাতা ছাড়া যাবেই না বলে, এখন কি করি বল ত! কোন্ দিকে যাবি?”

বিষ্ণু শুধু হাসিয়া বলিল, “হামি-যাব—যাব—যাব উই,” তাহার ছোট ছোট কচি আঙ্গুল দেখাইয়া দেয়—গঙ্গার তীরে ঘাটের উপর ক’টি বাঙ্গালী যাত্রীর দিকে। বোধ হয়, কোন সুন্দর বাঙ্গালার পত্রীর লোক, কাশী আসিয়াছে বিশ্বনাথ দর্শন করিতে, এখন গঙ্গাস্নান করিয়া উঠিতেছে। দেখিলেই মনে হয়, নিতান্ত গ্রাম্য কয়েকটি স্ত্রীপুরুষ,— অনাড়ম্বর, সরল, সাধারণ জীবনযাত্রার ছাপ চোখে-মুখে মাখা। কাশীর বা কিছু দেখিয়াই যেন দৃষ্টি বিষয়ে পুলকে মুগ্ধ। মেরে ক’টির মুখে শাস্ত, স্নিগ্ধ একটি সহজ ভাব, যেন বাঙ্গালার মাটা বাঙ্গালার জলে মুর্ছিত গড়িয়া প্রাণপ্রতিষ্ঠা করা হইয়াছে। কাশীর মন্দিরে মন্দিরে, ঘাটে ঘাটে এমন ত কতই দেখা যায়।

অপ্রকাশ পুলকে বলিল,—“ওরা যে আমাদের বাঙ্গালী দেশের লোক বিষ্ণু, কলকাতার ত নয়। ওদের কাছে পাড়াগায়ে কি যাওয়া যায়? সেখানে বাড়ী নেই, ঘর নেই, দোকান-পাট নেই—জল-হাওয়া বিক্ৰী।”

বলিতে বলিতে অপ্রকাশ থামিয়া গেল। গ্রামবণ, শাস্ত, সুচেহারা একটি প্রৌঢ়া স্ত্রীলোক দুই হাত যোড়

করিয়া, স্নান করিয়া ঘাটের উপর দাঁড়াইয়া সূর্য্য-বন্দনা করিতেছেন, নজরে পড়িল। অত যে ঘাটে লোক, কিন্তু তাঁহার যেন সে চৈতন্য নাই। সবই তাঁহার যেন মুছিয়া গিয়াছে। কেবল গঙ্গার উপরে যে তাঁহার ইষ্ট-দেবতা তাঁহার পূজা লইবার জগু দাঁড়াইয়া,—এই সন্নিটুক আছে মাত্র।

অপ্রকাশের আর বসিয়া থাকা হইল না। সে উঠিয়া জানালার কাছে গিয়া দাঁড়াইল। এমনই যেন সে কবে কোথায় দেখিয়াছে। অস্তরের অস্তুরল আলোড়িত হইয়া উঠিল। স্বরণে তাহার মাথা ভক্তিতে, শ্রদ্ধায়, সদমে নত হইল। মনের মধ্যে যেন কত দিন পরে আজ আবার একটি পুরান ঘরে, প্রদীপ জালিয়া, বড় পুরান পরিচিত মানুষ প্রবেশ করিল। এই আদ্য-বনসী স্ত্রীলোকটির সঙ্গে যেন তাঁহার সাদৃশ্য আছে, অমনই কালো কোমল চেহারা, অমনই তনয় তদগত ভাব।

অপ্রকাশ বিষ্ণুকে কোলে তুলিয়া, সেই স্ত্রীলোকটিকে দেখাইতে লাগিল, বলিল, “ঐ মায়ের বাড়ী যাবে,—না বিষ্ণু?” শিশু নিজের খেয়ালে সমর্থন পাইয়া খুসী হইয়া বলিল, “বাবা যাব, বাবা যাব—উই মা যাব।”

পাণ হাতে উত্তরা পরে ঢুকিয়া দেখিল, বলিল,—“বাপ-বেটায় কি পরামর্শ হচ্ছে? কোথায় বিষ্ণু যাবে?”

পত্রীর দিকে চাহিয়া অপ্রকাশ কহিল, “বিষ্ণু হুকুম করেছে, এবার বাঙ্গালা দেশে যেতে হবে আমি ত মত দিয়েছি।”

উত্তরা ছেলের মাথায় আদরের চাটি মারিয়া বলিল, “আর মামার বাড়ী বৃষ্টি যেতে হবে না, বিষ্ণু? সেই যে দিদিমা মামা মামী। কেমন বিষ্ণু, সেখানে যাবে ত?”

বিষ্ণু ঘাড় নাড়িয়া চোখ বড় বড় করিয়া বলিল,— “না না।”

“ঐটুকু ছেলে—বুদ্ধি দেখ। এরি মধ্যে কলকাতার বায়না নিতে শিখেছে। দাদা-দিদির দলে যোগ দেওয়া

হচ্ছে। তুই কি বুঝিস বল ত। কলকাতার কোন্ মজাটা তুই জানিস?”

অপ্রকাশ বলিল,—“বিগু বাঙ্গালায় যেতে চাইছে, কলকাতায় নয়।”

“ও মা—কলকাতা আবার বাঙ্গালা নয় কি গো? আমরা পশ্চিমে লোক বলে কি বুঝি না কিছু,—কলকাতায় কত বার গেছি,—প্রায় তিরিশ বছর বয়সই যে হ’ল। বলা হচ্ছে—কলকাতা বাঙ্গালা নয়—কলকাতাই বাঙ্গালার মাথা। আর যা সব, সে না থাকলেই ভাল ছিল,—কেবল মোলেরিয়া, জরজরি—নাপ-ব্যাও—হিন্দু-মুসলমানের ঝগড়া-ঝাঁটি আর নিজেদের গায়ের দলাদলি,—পড় নি সেই শরৎবাবুর পল্লী-সমাজ?”

—“তয় ত সেটা তুমি ঠিক বুঝতে পার নি। তয় ত ঐ দলাদলি, দৈন্য-দুঃখের গরল এক হাতে, আর এক হাতে স্নেহের মমতার শ্রদ্ধার অমৃত নিয়ে বাঙ্গালার প্রাণ তার পল্লীর মতোই প’ড়ে আছে। আজ সেই পল্লীর মায়েদের কথাই আমার মনে হচ্ছে। এই দূর-বিদেশেও সেই মায়েদেরই যত্নে, স্নেহে জীবনটা যে বেঁচে আছে, মনে পড়ছে।”

—“বেশ বেশ, এখন তুমি কাবী চর্চা কর, আমি সাই। আমি ত কবিতাও নই, রূপসী পল্লীবাসিনীও নই, আমার আর এখন কি দরকার? অতই যখন সাধ হয়েছে, একবার কলকাতায় নিয়ে গিয়ে তোমায় বাঙ্গালার পাড়াগার রূপ দেখিয়ে আনব’খন। আমরা সেবার ত ডায়মণ্ডহারবার পর্য্যন্ত গেছলুম,—নেহাং মন্দ নয়। নদীগুলো বেশ চওড়া; রাস্তা আমাদের এখানকার মাঝামাঝি রকমের চেয়ে একটু নিরেশ, তবে মোটর চলে—।”

—“আমি বলছিলুম যে, তোমাদের লক্ষ্যে যাবার ব্যবস্থা ক’রে দিয়ে, আমি না হয় দিদিকে কলকাতায় পৌঁছে দিয়ে, ডচার দিন কোন একটা সত্যি পাড়াগায়ে নিরিবিলিতে বেড়িয়ে আসি। কখনও যাইনি। এমনি একটা যায়গার কথা অনেক দিন শুনেছি, মনে পড়ছে, সেটা বেশী দূর নয় কলকাতা থেকে।”

—“আচ্ছা, তোমার আজ হলো কি? এত দিন বিয়ে হয়েছে, কত বার আমি এখানে ওখানে যেতে বলেছি, কখনও ত যেতে পারিনি। আজ এমন ছটফট করছ কেন? কি

অপরাধই বা করলুম আমরা যে, বাপের বাড়ী পাঠিয়ে নিজে নিরীকাসনে যেতে চাইছ?”

শীতের সমাগমে উত্তরার রূপ স্বাস্থ্যে ও সৌন্দর্যে ঝলমল করিতেছিল। এই পরিণত বয়সেও স্বামীটি যে একবারে তাহার আঁচলে বঁধা, উত্তরা ভালই জানিত। অপ্রকাশের হাত ধরিয়৷ উঠাইয়া, বিছানার কাছে আনিয়া বলিল,—“তুমি একটু শোও দেখি। আমি কাছে ব’সে খোকাকে ঘুম পাড়াই। জান ত উপরওয়ালার নিয়ম; যেখানে যাওয়া হয় না হয়, পরে ঠিক করব’খন।—ও মা, তোমার চোখ চক্চক করছে যে। শরীর খারাপ হ’ল না কি? নাম করতেই অর আসছে বোধ হয়। এমনি লোক—বাঙ্গাল-দেশের পাড়াগায়ে না গেলে চলবে কি ক’রে?”

ব্যস্ত উদ্বিগ্নে উত্তরা স্বামীর কপালে বুকে হাত দিয়া দেখিল, কিন্তু কোথাও গরম টের না পাইয়া আশ্বস্ত হইল। নিজের অভ্যুগ্র আশঙ্কা প্রকাশ করিয়া একটা দুর্বলতা দেখাইয়া ফেলিয়াছে, তাই যেন নিজেরই কাছে একটা জবাব-দিহি করিতে হয় ভাবিয়া বলিল,—“আজ আর বেলায় ঘুমিয়ে না বাবু। সত্যি যদি এই বড়দিনের আগে জ্বর হয়, ভারী মুশ্বিল। পূজায় ত কোথায় বেকব’বার জে নেই। রাজ্যের আশ্রয়-স্বজন এখানে এসে জড় হন! এই বড়দিনে যা কোথাও যাওয়া-গাসা!”

এইবার জানান উচিত, এই সম্প্রতিটি কাশীর এক বিখ্যাত বাঙ্গালী পরিবারের। অপ্রকাশের পিতামহ সিপাই-বিদ্রোহের আমলে সরকারী কামে এখানে আসিয়া স্ত্রীবিধাত এই অঞ্চলে জমিদারী করিয়া গিয়াছেন। কণ্ঠা অনেকগুলি ছিল, সকলেরই তিনি এ অঞ্চলের বাঙ্গালী পরিবারে বিবাহ দিয়াছিলেন; কিন্তু একমাত্র পুত্র শিব-চন্দ্রের বিবাহ কলিকাতায় দিয়া বাঙ্গালার সহিত সম্পর্ক রাখিয়াছিলেন। বৃদ্ধ সুরসিক ছিলেন, বলিতেন, “শেবে কি নাভী-নাতনীর নামগুলো পর্য্যন্ত ছাতুর দেশে মিশিয়ে যাবে? এক বাঙ্গালীর বিয়েতে গিয়ে,—অযোন্যায় গিয়ে শুনি, পাত্রের নাম দিল-মোহন, পাত্রীর নাম গ্রাম-কুমারী, উচ্চারণে আবার কোণারী! আমার বংশের ছেলেদের সব বিয়ে বাঙ্গালা দেশে দিতে হবে!” তাহার সে সাধ পূর্ণ হয় নাই। অপ্রকাশের পিতা শিববাবুর দ্বাদশটি পুত্রকণ্ঠা; তাহার মধ্যে কেবল একটি ছেলে ও দুটি মেয়ের

বিবাহ তিনি কলিকাতায় দিয়াছিলেন। পশ্চিমের সহিত সম্পর্ক, বিহার ও যুক্তপ্রদেশবাসী বাঙ্গালী পরিবারের ভিতর দিয়া যেমন বাড়িতেছিল, বাঙ্গালার সহিত যোগ তেমনই কমিয়া আসিতেছিল। ছেলেমেয়েরা সকলেই কানীতে মানুষ হইয়াছিল, পড়াশুনাও সেইখানেই করিয়াছিল, ছেলেবেলায় কখনও বা মামার বাড়ী যাইত। বড় হইয়া কাষে বা সখ করিয়া বেড়ান ছাড়া কলিকাতায় যাওয়ার কোন আবশ্যক ছিল না। তবে ধনী পরিবার তীর্থস্থানে থাকায় কোন কোন আত্মীয়-কুটুম্ব মাঝে মাঝে তাহাদের বাড়ী উঠিতেন। ছেলেমেয়ের বিবাহের সময় এক আধবার নিমন্ত্রণ করিতে হয় ত কলিকাতায় তাঁহাদের খোজ লওয়া হইত। তা ছাড়া বাড়ীতে পুরাতন দাসী ও চাকর ছ' একটি ছিল, যাহারা বাঙ্গালার সহিত বন্ধন একবারে লুপ্ত হইতে দেয় নাই।

উত্তরারও বাপের বাড়ী লক্ষ্মীয়ে সেখানেই তাহার জন্ম; তাহাদের পরিবারও এই অঞ্চলে প্রাচীন এবং বাঙ্গালার সহিত সম্বন্ধ তাহারও বড় বেশী নয়। উত্তর-ভারতের আবহাওয়া, শিল্প-কলা, গান-বাজনা, স্বাস্থ্য-সৌন্দর্য্য তাহার ভিতর যেন মূর্তি পাইয়াছে; তাই নামটা ঠিকই মানাইয়াছিল। কেবল বেশভূষা ও কথাবার্তায় উত্তরা বাঙ্গালী। তবে সাহিত্যের মধ্যে ও কলিকাতার ভিতর দিয়া, বাঙ্গালীর মনের সঙ্গে সামান্য পরিচয় ছিল। বিবাহের পর এই পরিচয়টি প্রথমে হইয়া উঠিয়াছে তাহার স্বামী অপ্রকাশকে লইয়া। সে টের পাইয়াছে যে, 'স্বামীটি নেহাৎ বাঙ্গালী এবং এই বলিয়া মাঝে মাঝে ঠাট্টাও করে অপ্রকাশকে।

প্রকৃতই শিববাবুর অণু কয় ছেলে দেখিয়া, অপ্রকাশকে কেহ তাহাদের ভাই মনে করিতে পারে না। না আছে তাহার সেই বিশাল বপু, না সেই হিন্দী বুলি, না সেই পশ্চিমা মেজাজ। কোথা হইতে যেন একটু বাঙ্গালার জল-হাওয়া এই হিন্দুস্থানীর দেশেও তাহার মুখে-চোখে নিজস্ব ছাপ মারিয়া দিয়াছে। বাঙ্গালীর সৌকুমার্য্য অপ্রকাশের দেহ-মনে যেন বড় স্পষ্ট স্কুটিয়া উঠিয়াছে। যে পর্য্যন্ত না তাহার বিগ্ণা-বুদ্ধির পরিচয়ে বড় বড় হিন্দুস্থানী রাজা-মহারাজও মামলার খাতিরে তাহার কাছে আনা-গোনা করিতে লাগিল, এই সুন্দরবুদ্ধি সুন্দরশরীর লোকটিকে

এই পরিবারের এক জন হিসাবে সকলেই একটু অবজ্ঞার দৃষ্টিতেই দেখিত। সকলের এই ভাবটা দেখিয়া প্রথমে অপ্রকাশ নিজেও নিজের উপর বিশ্বাস কমই রাখিত। পাঁচ ভাই-ই তাহার চেয়ে অনেক বড় ছিল। এমন কি, ছ' চারটি ভাইপো বয়সে প্রায় তাহার সমান ছিল। তাই দাদাদের কাছে, উকিল ও লিখিয়ে-পড়িয়ে হিসাবে ছাড়া, অপ্রকাশ কোন পাত্তা পায় নাই। দিদি ও বৌদিরা কেহই তাহার সমবয়সী ছিল না। সকলে যে তাহাকে কোলে-পিঠে করিয়া মানুষ করিয়াছে, সেই কথাই অপ্রকাশ শুনিত। যখন উত্তরা প্রথম আসিল, অপ্রকাশ ভাবিল, এইবার স্ত্রীর নিকট হইতে সে তাহার গ্ৰাম্য সম্মান পাইবে। উত্তরার প্রেম সে পাইল বটে, কিন্তু এমনই বাড়ীর আবহাওয়া যে, স্বামীর সম্মান তাহার নিকটও অপ্রকাশ পর্য্যাপ্ত পরিমাণে পাইল না। অল্পদিনের মধ্যেই সে স্ত্রীর মুখে শুনিল, "তুমি মেয়েমানুষ হয়ে জন্মালে, আর আমি পুরুষ হলেই তবে নেহাৎ যখন আমার হাতে পড়েছ, তখন একবারে আটকাবে না। চালিয়ে নেব কোন রকমে।"

সেই হইতে উত্তরা চালাইয়াই আসিতেছে এবং অপ্রকাশ চলিয়াই আসিতেছে। স্বামী যে দেখিতে সাবালক, লোকের মুখে শুনিতে বুদ্ধিমান ও কার্য্যত বিশেষ উপায়গম হইয়াও সাবালকের অদম, ইহাই উত্তরার স্থির ধারণা। তবে ভাজেরা যখন আড়ালে জানায় যে, এ বাড়ীর ঐ রকম মেনী-মুখো পুরুষ আর ছুটি নাই, তখন স্বামীর মনটি যে বড় দুর্বল স্মরণ করিয়া মাঝে মাঝে সে অপ্রকাশকে অল্পমোগ করে। কিন্তু স্বামীর পত্নী-নিষ্ঠার সহিত কোথাও যে এই নেহাৎ বাঙ্গালী রকমের দুর্বলতার একটা যোগ আছে, এইটুকু বুঝিয়া সে অপ্রকাশকে ক্ষমা করিয়াছে।

রূপে, ঐশ্বর্য্যে, গর্বে উত্তরা ইঞ্জাণীর মত মাথা উঁচু করিয়া চলে। আজও সে আহায়ে বসিয়া মেজ বাকে সে কথা দিয়াছে যে, লক্ষ্মীয়ের পথে বড় দিনের সময় অপ্রকাশ তাহাদের সকলকে এলাহাবাদ পৌছাইয়া দিবে। বিধবা মেজ বা আশ্বস্ত হইয়াছেন, এতগুলি টাকা বাঁচিয়া যাইবে,—অপ্রকাশ কিছু খরচের জন্ত হাত পাতিবে না। উত্তরার নিজেরও বুদ্ধা মা আছেন, ভাই ভাজ সব আছে,—অবস্থা পড়িয়া গিয়াছে। অপ্রকাশ যাইলে সকলেই কত

খুসী হইবে এবং অপ্রকাশও কিছু তাহাদের গুধু হাতে দেখিতে যাইবে না। হঠাৎ কোথায কি হইয়া যাইতেছে, স্বামীর যাওয়া-আসার উপর আগ্রহ কি করিয়া উত্তরার কম হইতে পারে? তবে উত্তরার নিজের উপর বিশ্বাস অসীম। তাহার তুণে যে নানা বকম বাণ আছে, সহজে যে অপ্রকাশ কিছু করিতে পারিবে না, এ বিষয়ে উত্তরা নিঃসন্দেহ। ভাবিল, আগে খোকাটাকে ঘুম পাড়িয়ে দি—তার পর গুঁকে বণ করছি।

ইতিমধ্যে অপ্রকাশ আর স্থির থাকিতে পারিল না। উঠিয়া বলিল, “একবার ই-বি-আবএর টাইম-টেবলটা আনতে লোক পাঠিয়ে দিই গে। আমাদের এখানে নেই। ষ্টেশন থেকে নিষে আসুক।”

উত্তরা এবার সত্যই চটিয়া উঠিল; বলিল, “বা খুসী কব গে। এখনও তিন দিন দেবী—এখনি টাইম-টেবিল না গলে আব যাবাব সময় হবে না? সাত দিন পবে ৩ একটা দিন ছুটা পাও। একটু ব’সে সে কথা বলুব, শুনবে—তাবও উপায় নেই। সব সময়ই তাডালডো আব লোক লেগেই বযেছে। বাবে ৫ এমন হযে বিছানাব পড যে, ছোটো কথা বলতেও মায়া হয; ভাবি, ক্ষীণজীবী লোক—সাবাদিন খাটে—এখন একটু ঘুমোক। এখনি ভাল মানুষের মত শোও—বলছি; আমাব অনেক দবকাবী কথা আছে। আমি বরং দাইযেব কাছে খোকাকে দিয়ে আসি। একসঙ্গে আব ক’জনকে সামলাই—”

প্রতিবাদে ফল হইবে না জানিয়া অপ্রকাশ চাদব মুড়ি দিয়া বিছানায় শুইয়া পড়িল। উত্তরা ছেলেকে বাখিয়া আসিয়া স্বামীর পাশে আড় হইয়া শুইয়া বলিল, “কি মতলব খুলে বল ত। হঠাৎ কি এমন বাঙ্গালা দেশের টান ধরল, আর ই, বি, রেলের টাইম-টেবিল দরকার হ’ল? আমাব লুকিষে লুকিষে বুঝি কিছু করা হছে। আগে ত বলনি কোন দিন। আমি কিন্তু ব’লে রাখছি, যদি বাঙ্গালা দেশে যাও—আড়ি—আড়ি—আড়ি। এত দিন দেখছ,—চেন না যে তাও নয়।”

অপ্রকাশ পাশ ফিরিয়া অত্মদিকে মুখ করিয়া গুইল। এই উত্তরার জিদ যে সহজে কাটান সম্ভব হইবে না, সে ভালই বুঝিত। কিন্তু এখন আর তাহার স্ত্রীর সহিত কথা কাটাকাটি করিয়া মান-অভিমানের পালা তুলিবার ইচ্ছা ছিল না। বহু দূরের যে স্মৃতি আজ তাহার মনে হঠাৎ

জাগিয়া উঠিয়াছে, নিৰ্জনে সে সেই স্মৃতির আলোকে নিজেকে দেখিতে চাহিতেছিল। টাইম-টেবলের ছুতায়, সেই নিৰ্জনতার সন্ধানই সে নিজের অজ্ঞাতে পাইতে চেষ্টা করিতেছিল। চোখ বুজিয়া অপ্রকাশ অসাড় হইয়া শুইয়া ভাবিতে লাগিল, হঠাৎ কি করিয়া তাহার মনের বড়ি আজ ত্রিশ বৎসর পিছাইয়া গেল।

এত বড় পরাজয় উত্তরার আর মনে পড়ে না। তাই স্বামীর খেয়ালে সে অত্যন্ত বিচলিত হইয়া উঠিল। বড় আদর, বড় সোহাগ বরাবর পাইয়া সে কখনও ভাবিতেই পারিত না যে, অপ্রকাশ তাহার কথা কাণে পর্যন্ত তুলিবে না। কোথায় সে চিরপরিচিত বিজয়ের আশায় বুক বাঁদিয়া বসিয়া আছে; এখন পুরান ঠাট্টা করিয়া অপ্রকাশের পরাজয়ে হাসিবে,--আর স্বামী এমন অসাড়, উদাসীন হইয়া শুইয়া আছে, তাহাকে একটা কথা পর্যন্ত বলা দরকার মনে করিতেছে না।

দীর্বে দীর্বে উঠিয়া উত্তরা শয্যা হইতে নামিল। কাঁদিতে পারিলে বোধ হয় তাহার মনে সাম্বনা আসিত। কিন্তু এত দিন বিবাহ হইয়াছে, চোখের জল ফেলিয়া কখনও যে সে দুর্বলতা দেখায় নাই; আজই কি সে কাঁদিয়া জ্বিতাবে? রাগে ক্ষোভে দরজাটা মশদে খুলিয়া চলিয়া যাইতেছে, এমন সময় শুনিল স্বামী ডাকিতেছেন। এই অবস্থায় অণু দিন অনেক সাধ্য-সাধনার পর সে স্বামীকে মার্জনা করিত। কিন্তু আজ অপ্রকাশের গলায়—কি যেন তাহার কাণে বাজিল,—উত্তরা আর স্থির থাকিতে পারিল না। ছুটিয়া আসিয়া স্বামীর পায়ে হাত রাখিয়া বলিল, “তোমার কি হয়েছে, বল আমায়। আমার কেমন ভয় হছে।” ভাণ-বাসার সত্য দৃষ্টিতে সে টের পাইয়াছে, স্বামীর বৃকে যেন কোথায় ব্যথা।

অপ্রকাশও পত্নীর এই বিহ্বলতা দেখিয়া তাহাকে যেন অনেক নিকটে পাইয়া বলিল, “তুমি আজ একটু আগে যে কথা জিজ্ঞাসা করছিলে, আমি নিজেকেও এতক্ষণ সেই কথা প্রশ্ন করছিলুম বলেই তোমায় তখন বলতে পারিনি। জবাব পেয়েছি কি না, জানি না। যতটা মনে পড়ছে বলি, সব শুনে যদি ইচ্ছা হয়, আমায় যেতে দিও।

“এটা বোধ হয় জান যে, আমার জন্মের আগে মা’র অনেক ছেলে-মেয়ে ছিল,—আমি গুধু সকলের কনিষ্ঠ নয়,



সম্পূর্ণ অপ্রত্যাশিত। দিদিদের বিয়ে হয়ে গেছে, দাদাদের বিয়ে হয়ে গেছে, ভাগ্নে ভাগ্নী আগেই হয়েছে, ভাইপো ভাই-ঝিরও সম্ভাবনা হচ্ছে, এই অবস্থায় প্রায় আট বছর অব্যাহতির পর যখন আমার জন্মের সম্ভাবনা হ'ল, শুনেছি, সে সময় মা আমার নিতান্তই বিড়ম্বনা মনে করেছিলেন। যদি সকলের ইচ্ছায় ও দিকারে আমার জন্মটা বন্ধ করা যেত, তবে নিশ্চয়ই আমি আজ মানবজন্মের সুখ-দুঃখের পরখ করবার জন্মে জগতে থাকতুম না।

“তা যখন হ'ল না, তখন মা ভাবটা এমনি দেখাতেন যেন বুড়োবয়সে ছেলে হয়ে একটা আপদ হয়েছে। খুব ছোট বেলাকার আবছা স্মৃতি যা আছে, তাতে মনে পড়ে, আমি মায়ের কোল ছেড়ে ধরম-মার কাছেই মানুষ হচ্ছি। পরে অবশু আমাকে মানুষ করার দাবী অনেক দিদি বৌদিই করেছেন; গল্পনাও শুনেছি,—‘ছেলের করলুম জানলে না, বুড়োর করলুম মানলে না।’ একটি আশ্রয় কিছু না মেনে উপায় ছিল না।

“তিনি ছিলেন বিধবা,—দিদিমার বাপের বাড়ীর দেশের লোক। একটিমাত্র মেয়ে মতিও যখন তাঁকে রেখে পালিয়ে গেল, তখন পঁচিশ বৎসর বয়সে কাশীবাসিনী হবার জন্মে মায়ের কাছে আসেন। সেই থেকেই আমাদের সংসারের এক জনের মতই ছিলেন। ঠাকুর সেবা ও নিরামিষ রান্নার ভার ছিল তাঁর উপর। প্রথম যতটা আমার মনে পড়ে,—দোহার চোহারা, মুখে একটি শাস্ত্র অথচ বলিষ্ঠ ভাব। স্বভাবটি নম্র অথচ তেজস্বী। চোখ দুটি যেন আমার দেখে মমতার ভরে উঠত।

“এটুকু স্পষ্ট মনে আছে, যখন মা লজ্জায় ফোভে গরুজে বেড়াতে, আর গিন্নার এই অদৃষ্টের কাছে নালিশে সকলে দায় দিত, একমাত্র মতির মা আমার কোলে ক'রে সে পর্কে যোগ না দিয়ে উঠে আসতেন। মাও মুখে গজগজ করলেও নিশ্চয়ই মনে ভাবতেন,—ভাগ্যিস মতির মা আমার বাচালে। এখন আমার ধর্মকর্মের সময়, এ কি একটা পচা ছেলের পিছু থাকার সময়?

“নিজে যে স্নেহটুকু দেখাতে পারলেন না, মতির মাকে দিয়ে সে স্নেহটুকু করিয়ে যেন তাঁর মনটা হালুকা হ'ল। ক্রমে এমনি ভাবটা দেখা গেল, যেন আমি মতির মারই ছেলে। রাতে শুতুম তাঁরই কাছে—খেতুম—চান করতুম,

যা দরকার সবই তিনি করতেন। ছেলেবেলাটা আমার নানা রোগে কেটেছে, সেই জন্ম বোনেরা বড় ছুঁতে চাইত না। বৌদিরা লোক-দেখান ভদ্রতা ক'রে মাঝে মাঝে আদর দেখাত বটে, কিন্তু কোথায় যে আমার সত্যি যায়গা, সেটা বুঝে নিতে আমার বেশী দেবী হ'ল না। মা না কি বলেছিলেন, ‘মতির মা, তোকে ঐ ছেলেটা দিলুম। যদি ও বাঁচে, তোরই থাকবে।’ বোধ হয়, আমি যে বাঁচব, সে আশা কারুর ছিল না। খুঁৎখুঁতে খিটখিটে রুগ্ন ছেলে ব'লে বাবাও কিছু বলতেন না। ভাইদের ত জানাই ছিল যে, আমি একটা অনাবশুক জীব।

“তাই সে দিনগুলো আমার সকলের কাছে তফাৎ করেই কাটিয়ে দিতুম—কেবল ঐ মতির মার আঁচলের তলায়। চারিদিকে ছাপিয়ে ছেঁটে কেবল নিজেকেই দেখতুম, আর মতির মাকে। ছোট ছেলের কাউকে রাত-দিন ‘মা’ না বলে চলে না। তাই মতির মাকেই ‘মা’ ‘মা’ করতুম। অনেক লোকের অনেক ঠাট্টা আজও মনে গাঁথা আছে। নিজের মা থাকতে পরকে মা বলে, এমন বোকা। দরকার ছিল বলেই ডাকতুম—সেটা কে ব্যত? বোধ হয়, তাঁরও লজ্জা হ'ত, বলতেন,—‘আমি যে তোর ধরম-মা, অপু, আমার তুই রাত-দিন মা মা করিস নি।’

“মা কিছু যেন দেখেও দেখতেন না যে, ছেলে পর হয়ে যাচ্ছে।

“চার পাঁচ বছর যখন বয়স হ'ল, তখন বাবার নজর পড়ল আমার উপর। যা হোক ছেলে ত বটে,—বংশের মান-মর্যাদার জন্মেও এবার তাকে একটু দেখাশুনো দরকার; বাঁচবার আশা যখন হয়েছে, তখন মুখ রাখলে ত চলবে না, আর মতির মার আঁচলচাপা থাকতে দিলেও মানাবে না,—ভেবেই বোধ হয় তিনি আমার সখকে প্রথম সচেতন হয়ে উঠলেন। যে ঘরটায় বাবা আর ছোট'দা শুতেন, সেই ঘরেরই এক পাশে আমার বিছানা পড়বে—হকুম হ'ল। আমি ত কেঁদেই ভাসিয়ে দিলুম। ধরম-মা বলেন, ‘তুমি যে বাবা ব্যাটা ছেলে, কাদতে আছে কি?’ এমন ব্যাটা ছেলে হবার জন্মে আমার কোন মাথাব্যথা ছিল না। মনে আছে, রাতে ধরম-মার বিছানায় গুয়ে ঘুমিয়ে পড়লে তিনি আমার তুলে ওইয়ে রেখে আসতেন।

যত রাতই হোক, যখনই উঠেছি, দেখেছি, তিনি আমার দরজার গোড়ায় আমার জন্মে দাঁড়িয়ে। তাঁর রান্নার পিড়ির পাশেই ব'সে ব'সে গল্প শুনতুম, সেই বাঙ্গালা দেশের যেখানে তুলসীতলায় সন্ধ্যাবেলায় হরির লুট হয়, সন্ধ্যা-দীপ জেলে মেয়েরা ছেলে-মেয়ে নিয়ে প্রণাম করতে আসে। সকালে উঠে কীর্তনের শব্দে লোকের ঘুম ভাঙলেই, 'গৌর' 'গৌর' ব'লে ঠাকুরকে ডেকে লোকে জেগে উঠে। যেখানে আকাশে মেঘের আর মাটীতে ফুলের রূপের তুলনা নেই; যেখানে কঁাসর ঘণ্টা জলের শব্দে মিশে মানুষকে পাগল করে, ঘরে থাকতে দেয় না।

“বলতে ভুলে গেছি, আমার ধরম-মার শাস্তিপুত্রের কাছে এক পাড়াগাঁয়ে বাড়ী! পনের বছর দেশে মান নি, কিন্তু কি মাধুর্য্য ঢেলেই সেই গাঁটির গল্প করতেন। যেন এই মহাতীর্থের মাঝখানেও সেই ছোট্ট গাঁটুকু তাঁর বুক ভরে ছিল। শুনে আর আমার আশ মিটত না! আমার চোখের উপর যেন সেই গাঁখানি ভেসে উঠত; দেখতুম, সেই শিবতলা, সেই চণ্ডীপুকুর, সেই মাঠ, বাট, বাট। সেই গাঁয়ের ছেলেরা যে নারকেল-মুড়ি আর বাতাসা খায়, আমার সেই খাবার সাপ হ'ত! তেমনি তাদের মত পুকুরে প'ড়ে ছটোপাটি ক'রে তেমনি ছড়া কাটতে কাটতে নিকানো দাওয়ায় এসে মাছ-ভাত খাবার জন্মে আমার জিভে জল আসত। তাদের শোনা গল্প-ছড়া-গান—আমি যেন প্রসাদ পাবার জন্ম ব্যাকুল হয়ে উঠতুম। সে কি রূপ-কথা—সাত রাজার ধন মাণিক, বেঙ্গমা-বেঙ্গমী—কোটালের ছেলে রাজার ছেলে—পরীর দেশ—ছোট রানী—কেশবতী রাজকন্যা—কি বুদ্ধিমান সব পাখী, শেয়াল—বাঘ-ভালুক। আমার চোখের পলক পড়ত না। এ মেড়োর দেশে ত কত গল্পই পরে শুনলুম,—কোনটি আর সে-রকম লাগল না। মনে হ'ত, যদি বাঙ্গালী পণ্ডিত ম'শায় আসতেন, তবে অক্ষরগুলোও সহজ হয়ে যেত। এখানে মিছির ঠাকুর কি যে পড়াত,—না আমার, না ধরম-মার মনের মত।

“শোবার সময় আমার প্রধান কায” ছিল যে, ধরম-মার নিজের সব কথা খুঁটিয়ে খুঁটিয়ে জিজ্ঞাসা করা। দেখতুম, কান্না শেষ হলেও চোখের পাতাটা যেমন ভিজে থাকে, তাঁর চোখ-মুখ তেমনি ভারী হয়ে উঠত। তবু আমার কোঁতুহলের

অস্ত ছিল না,—দাবীর শেষ ছিল না, তাঁরও শোনানোর বিরাম ছিল না। কেবল যখন মতির কথা হ'ত, দেখতুম, তাঁর গলা কাঁপছে। বেশ টের পেতুম যে, সেই মেয়েটি না থেকেও যেন ধরম-মার মনের মধ্যে আমার ভাগ নিয়ে কাড়াকাড়ি করছে। মতিকে ভোলাটাই যে তাঁর ছিল স্বপ্নি, তখন বুঝতুম না। কেবল জানাতে চাইতুম, মতিটা মোটেই ভাল মেয়ে নয়।

“এমনি আমাদের দিন বেশ কেটে যাচ্ছিল,—ছ'জনে ছ'জনকে ভর ক'রে। কিন্তু হঠাৎ মায়ের কি মত বদলে গেল। তাঁর যে একটি ছেলে পর হয়ে গেছে, এই আক্ষেপ তাঁকে পেয়ে বসল এবং সেজন্ম তিনি দোষী করলেন মতির মাকেই। দেখতে পেতুম, তিনি যেন ধরম-মার উপর কুষ্ঠ হয়ে উঠলেন এবং স্মরণ পেলেই কটু কটু কথা বলতে লাগলেন। বোদিরা, দিদিরা সকলে জোট বেঁধে ঠিক করলে, মতির মার পাল্লায় না পড়লে আমি না কি বেশ জোরাল, সাহসী আর দাদাদের মত দশকর্ম্মান্বিত পুরুষ হয়ে উঠতুম। রাত-দিন বাঙ্গালা দেশের ছাই-পাঁশ গল্প শুনেই আমি না কি ভয়-তরাসে, মেয়ে-বেঁসা, কঁাকাসে হয়ে উঠেছি। একমাত্র বাবা এই অকৃতজ্ঞতার বোঝা বাড়াতে চাইলেন না। কিন্তু তাঁর আপত্তিতে মায়ের ঝোঁক আরও যেন বেড়ে উঠল। আমায় তিনি নিজের আয়ত্তে আনতে চেষ্টা করতে লাগলেন, সাত বছর বয়সে প্রথম খাইয়ে দিতে বসলেন,—আমার হিতের জন্মে যে তিনি ভাবিত, সেটা আমায় বোঝাতে চেষ্টা করলেন। কোনটাই আমার হিত বা মনোহারী মনে হ'ল না—বিপুল ক্ষোভে আমি তাঁদের সকলের চেষ্টা ব্যর্থ ক'রে দিয়ে ধরম-মার আশ্রয়ে পালিয়ে গেলুম। কিন্তু দেখলুম, তাঁর ভাগ্যে গালির মাপ বেড়ে উঠল।

“লুকিয়ে জিজ্ঞাসা করলুম, 'তোমায় ওরা সবাই অত মন্দ বলে কেন?’

“অশ্রুসিক্ত-নয়নে তিনি আমায় বললেন,—‘এটা যে আমার পাওনা, তাই দেয়,—ধন! তুমি যে ওদের। আমি ওদের ফেলে-দেওয়া তোমার মন নিয়েছি, তবু ওরা ভাবে লুকিয়ে চুরি করেছি;—তাই ওরা রাগে।’

“আমি ক্রোধে নিঃশব্দ আশ্ফালন করতুম এবং আমার ক্ষুদ্র হৃদয়ের সকল শক্তি দিয়ে তাঁকে সাধনা দিতুম যে, বড় হয়ে আর আমি তাঁর কোন ছুঁখ রাখব না। সত্যিই যে

আমি তাঁকে কত ভালবাসি, দেখিয়ে দেব। নিশ্চয়ই তাঁর সেই পাড়াগাঁয়ের বাড়ীতে ফিরে গিয়ে মস্ত একটা বাড়ী তুলে কেবল দুজনে থাকব,—আর কাউকে নেব না।

“শিশুর অভ্যুক্তি বুঝে তিনি আমার কথায় সায় ‘দিয়েই আমার শাস্ত করতেন।

“বাড়ীর গিল্লীর এবং সকল স্ত্রীলোকের বিরুদ্ধভাবের মধ্যেও তাঁর মত আত্ম-সম্মতসম্পন্ন স্ত্রীলোক যে কেবল আমার স্নেহেই আবদ্ধ হয়েছিলেন, এটা এখন বেশ বুঝতে পারি। কখনই তিনি কোন কিছু প্রত্যাশী ছিলেন না, তাঁর নিজের হাতেও কিছু টাকা ও গহনা ছিল। ইচ্ছা করলে কাশীর মত যায়গায় স্বচ্ছন্দে তিনি অগ্নত্র স্বাধীনভাবে থাকতে পারতেন। তবু কোন কথা না বলে তিনি নিঃশব্দে সর্ব সময়ে আমার দশ বছর বয়স পর্য্যন্ত আমার আগলে রইলেন। দশ বছরে না কি আমার একটা কাঁড়া ছিল। পরে শুনেছি, দুই মাসেই আমার জন্তে শক্তিত ছিলেন। এগারোয় পড়তে ধরম-মা আশ্রিত হলেন। নিজের মাও আর সবুর করতে পারলেন না। যে চরম-ব্যাপারটা এত দিন কোনমতে ঠেলে রাখা ছিল, সকলে মিলে সেটা উসকে দিতে লাগল। ধরম-মা জানালেন,—তাঁর আর কাশীবাসের ইচ্ছা নেই। দেশে ফিরে যেতে চান।

“আপত্তি আর কার ?

“আমি তখন স্কুলে যাচ্ছি,—দাদাদের তুলনায় পড়াশুনা ভালই করছি, বাহিরের জগতের কিছু কিছু দেখা পেয়েছি,—অল্প রসও পেতে শুরু হয়েছে। তবু যেন মাথায় বাজ পড়ল। ছুটে গিয়ে জিজ্ঞাসা করলাম—‘সত্যি তুমি আমার ছেড়ে যাবে ?’

“তিনি হেসে বলেন, ‘সত্যিই রে অপু।’ আজও মনে পড়ছে, কান্নার চেয়ে কল্পণ সেই হাসিটি। চোখে আমার জল এল। হাত ধ’রে বললাম, ‘তবে আমিও যাব।’

তিনি ঘাড় নেড়ে বলেন, ‘এখন যে পড়াশুনোর সময়, বাবা, এখন কি যেতে আছে ? তুমি পরে যেয়ো। হিঃ, কেঁদো না—লেখাপড়া শিখে, বড় হয়ে,—তবে না আমাকে রোজগার ক’রে খাওয়াবে ? এখন যে সঙ্গে গেলে আমাকেই তোমার জন্ত খাটতে হবে।’ কথাটা বোধ হয় সেই সময় বিশ্বাস হয়েছিল ;—কাঁদতে কাঁদতে তাঁকে ছেড়ে দিলাম।


“আর পরে দেখতে পাইনি। শুনেছিলুম, এক বছরের মধ্যে দেশে গিয়ে মারা গেছেন। দিন কতক পরে কে এক জন লোক, একটা পুরান সিল্কের কুমালে বাঁধা ক’থানি গয়না এনে দিয়ে বলেন, ‘মরবার আগে ব’লে গেছেন, এইগুলো অপূর বিয়ে হ’লে যেন বোঁকে দেওয়া হয়।’ শুনে খানিক দরজার আড়ালে লুকিয়ে কেঁদেছিলুম মনে পড়ে।

“তার পর কত দিন কেটে গেল। কত রকম ঘাত-প্রতিঘাতে জীবন নিজের স্রোতের বেগেই চলেছে। মনের যে রেখা কখনও মুহূর্তে ভাবিনি, সময়ের ঢেউ তাতে পলি ফেলেছে। পাশ করেছি, বড় হয়েছি,—মনের মত স্ত্রী-পুত্র, পয়সা সবই পেয়েছি।

“হঠাৎ তিরিশ বছর পরে আজ বিশ্ব দেখিয়ে দিলে, গঙ্গার তীরে তাঁরই মত মাথা উঁচু ক’রে করঘোড়ে একটা নারী সূর্য্যের উপাসনা করছেন। ছেলেটা বলে, ‘ঐ ঐখানে যাব।’ মনে প’ড়ে গেল, আমারও একটা তীর্থ বাকি আছে। তাই ভাবছি, একবার দেখে আসি, যেখানে তিনি দেহ রেখেছেন। অমত কোরো না।”

উত্তর-ভারতের মেয়ের চোখে আজ বাঙ্গালার নারীর চোখের জল ঝরিতেছিল। উত্তরা শুধু রুদ্ধকণ্ঠে বলিল, “আমি যে কিছুই জানি না এ-সব। কেউ ত আমার বলেননি। তুমি ত যাবেই,—আমিও সেই গয়না পরে তোমার সঙ্গে যাব। বল—নিশ্চয় যাবে ?”

শ্রীরবীন্দ্রনাথ বসু (এম-এ)।





# সাহিত্যের বেঞ্চ

## উপন্যাস-পাঠ

১

মানুষ সাধারণতঃ গল্প শুনিতে ভালবাসে ; ইহা মানবের অরণ্যভীত যুগের অভ্যাস। মানুষ সামাজিক—সমাজের কথা ও কাহিনী, সামাজিকবর্গের আচার-ব্যবহার, ক্রিয়া-কলাপ, সুখ-দুঃখ, প্রেম ও নৈরাশ্র, শৌর্যবীর্যগাথা ইহা মানুষের পরম প্রিয়। নাটকে, গাথায়, কাব্যে, উপন্যাসে, কথায়, ইতিহাসে, চরিত-কাহিনীতে মানবজীবনের কাহিনীই পরিকীর্ণিত। সভ্যতার ইতিহাসে দেখা যায় যে, পণ্ডরচনাই সাহিত্যের প্রথম স্তর—সভ্যতার আদিবুগে মানব-জীবনের কাহিনী নানা অতিপ্রাকৃত ইতিহাস-সম্বলিত হইয়া মহাকাব্য ও খণ্ডকাব্যে প্রকাশিত হইয়াছে। এই সকল কাব্য সভ্য সভ্য কীর্তিত হইত এবং এক সময়ে শত-সহস্র লোক ইহার রসাস্বাদ করিতে পাইত। সমাজের এক শ্রেণীর লোকের এই ভাবে কাব্য-প্রচার জীবিকা হইয়া উঠিয়াছিল। আমাদের দেশে কথক, গায়ক, চারণ, স্মৃত, মাগধ প্রভৃতি এই কার্যে নিরত থাকিতেন। পাশ্চাত্যদেশে Tronbadour, Ironveros, প্রভৃতি গায়কচারণদল দেশে দেশে গান গায়িয়া বেড়াইতেন। গানের সঙ্গে সঙ্গেই নাট্যকলার উদ্ভব—তবে নাট্যকলার পরিণতি বা বিকাশ কাব্যসাহিত্যের কিছু পরে ঘটে। মানবের ধর্মাস্ত্র হিসাবে নাট্যকলার উদ্ভব ; নৃত্য বা নাট্য প্রাচ্য ও পাশ্চাত্য দেশে ধর্মাস্ত্ররূপে বিবেচিত হইত। নাটকের মধ্যে ধর্মপ্রভাব কমিয়া গিয়া লৌকিক নাট্য-সাহিত্যের উদ্ভব হয়। এই নাটকে মানব-জীবনের কাহিনী-বর্ণনা মধ্যযুগের বৈশিষ্ট্য বলিয়া অনুমিত হয়। নাটকের রচনার অতি উচ্চাঙ্গের কলাকৌশলের প্রয়োজন—কেবল কথাবার্তা (Dialogue) বা কর্মচক্রের (action) মধ্য দিয়া উপাখ্যানের বর্ণনা প্রয়োজন। নাটকের সার্থকতা প্রয়োগের কৌশলের (representation)

উপর নির্ভর করিয়া থাকে। এই প্রয়োগ-কৌশলের মধ্যে নানা কলার সমাবেশ দৃষ্ট হয়। যথারীতি আবৃত্তি (acting বা recitation), গীত, নৃত্য, বেশভূষা, বাণ, চিত্রকলা, আলোকপাত, ভাবভঙ্গী (gesticulation) প্রভৃতি নাট্যাভিনয়ের অঙ্গ। নাট্যকারের ক্ষমতা অত্যন্ত সীমাবদ্ধ, প্রতি মুহূর্তে তাঁহাকে নিয়মের নিগড় মানিয়া চলিতে হয়। স্থান-কাল-পাত্রগত সঙ্গতি রাখিয়া নাটক লিখিতে হয়। উপন্যাস-লেখকের কিন্তু নাট্যকার অপেক্ষা স্বাধীনতা যথেষ্ট অধিক। যে স্থলে ব্যঞ্জনাশক্তি (suggestiveness) দ্বারা ঘটনা বা ভাব নাট্যে পরিষ্কৃত করিতে হয়, তথায় উপন্যাসিক স্বয়ং নানা ব্যাখ্যা বা টীপনী করিয়া চরিত্ররহস্য বা ঘটনাচক্র ভাল করিয়া বুঝাইয়া দেন। নাট্যকারকে অনেক স্থলে রাখিয়া ঢাকিয়া লিখিতে হয়, উপন্যাসিকের সে আপদ্ নাই—তিনি সকলই স্পষ্ট করিয়া বলিতে পারেন। চারি পাঁচ ঘণ্টার অভিনয়ে সমস্ত নাটকটি ফুটাইয়া তুলিতে হইবে ; সুতরাং নাট্যকার যে চিত্র অঙ্কন করিবেন, তাহার বস্ত্রপট অতি অল্প-পরিসর। উপন্যাসকার পত্রের পর পত্র লিখিয়া দ্বিতীয় মহাভারত লিখিতে পারেন—কারণ, তিনি নিরঙ্কুশ, সর্ববাধাবিনির্মুক্ত ও স্বাধীন। বহুস্থলে নাটকের সার্থকতা নটের প্রয়োগ-কৌশলের উপর নির্ভর করিয়া থাকে ; নাট্যকারের সর্বদাই অভিনয়োপযোগী নাটক-সৃষ্টির দিকেই দৃষ্টি পড়িয়া থাকে। ফলতঃ অপর কলার সাহায্যে নাটকে যে পরিপূর্ণতা দৃষ্ট হয়, উপন্যাসে স্বতঃ সেই পরিপূর্ণতা থাকে। নাটকের ঘটনা সংক্ষিপ্ত, চরিত্র কার্যমুখে বা কথোপকথনে প্রকটীকৃত, রস-ব্যঞ্জনাশক্তি সাহায্যে উদ্ভূত হয় ! নাটকপাঠে পাঠককে একটু কল্পনাশক্তির সাহায্য লইতে হয়—লিখিত ঘটনা মানসপ্রত্যক্ষ করিতে হয়। সাধারণ পাঠক এই সকল মানসিক শ্রম



স্বীকার করিতে পারে না বলিয়া অনেক সময় তাহার নাট্যপাঠ বিড়ম্বনা হইয়া পড়ে—এই কারণে সাধারণ লোকে নাটক “দেখে,” “পড়ে” না। উপন্যাসের ঘটনা একরূপ সুসংহত নহে বলিয়া তাহা সহজেই সাধারণের হৃদয়গ্রাহী হইয়া থাকে। যে ভাল করিয়া গল্প বলিতে পারে, সেই বোধ হয় সাধারণতঃ “বাজার-চল” উপন্যাস লিখিতে পারে। নাটক লেখায় প্রভূত সংযম ও শিক্ষার প্রয়োজন—অধুনা এই শিক্ষা ও সংযমের অভাব বলিয়া নাটক এত বিরল হইয়া উঠিতেছে। \* অপর দিকে উপন্যাস লেখা অপেক্ষাকৃত সহজ বলিয়া এবং শিক্ষাবিস্তারের সঙ্গে ও মাসিক-পত্রিকার প্রসার-প্রতিপত্তির সহিত উপন্যাস ও ছোট গল্পের প্রসার বাড়িয়া চলিয়াছে। এক্ষণে উপন্যাস ও গল্প-সাহিত্যের একরূপ অতিবৃদ্ধি ঘটিয়াছে যে, সাহিত্যের অপরাপর শাখার তাহাতে বিশেষ ক্ষতি হইতেছে। উপন্যাস-সাহিত্যের ষে রূপ ‘চাহিদা’ ও তাহার প্রয়োজনাতিরিক্ত ‘সরবরাহ’ সাহিত্যকে ভারাক্রান্ত করিয়া তুলিতেছে। উপন্যাস-সাহিত্য আজ অপর সকল সাহিত্যকে পরাজিত করিয়া সাহিত্যক্ষেত্রে একচ্ছত্র সম্রাট হইয়া বসিয়া আছে।

উপন্যাস সকলেই পড়িয়া থাকে। কথামালা-বোধোদয় পর্য্যন্ত যাহার বিচার দোড়, সেও উপন্যাস পড়ে, আবার যিনি পরম পণ্ডিত, তিনিও উপন্যাস পড়িয়া থাকেন। বাড়ীর পাচক ব্রাহ্মণ হইতে বিশ্বপণ্ডিত পর্য্যন্ত সকলেই উপন্যাসের পাঠক—উপন্যাস পড়ে নাই কে? কিন্তু সাধারণ উপন্যাস-পাঠক ও সাহিত্য-রসিক পাঠকের পার্থক্যের মধ্যে বহু পার্থক্য। সাধারণ পাঠক অবসর-বিনোদনের জন্ত, একটু আমোদের জন্ত, গল্পের নেশায় হ্রস্ব বা সময় কাটাইবার জন্ত বা নিদ্রাকর্ষণের জন্ত উপন্যাস পাঠ করিয়া থাকে। কিন্তু উপন্যাসের রস সম্যক উপলব্ধি করিতে হইলে কয়েকটি বিষয়ের উপর সাধারণতঃ দৃষ্টি রাখিতে হয়। উপন্যাসের প্রথম কথা—আখ্যান; লেখক ঘটনা-বিস্তৃতি সুন্দর ভাবে করিতে পারিয়াছেন কি না, ঘটনা সম্ভব কি অসম্ভব, লেখার মধ্যে কোন অসামঞ্জস্য আছে কি না, লেখা কতদূর চিত্তাকর্ষক

\* সামাজিক অবস্থার পরিবর্তনও ইহার জন্ত অনেকাংশে দায়ী। এলিজাবেথের যুগে যে সামাজিক সংস্থানের মধ্যে নাটকের উদ্ভব হইয়াছিল, তাহা আর নাই। বর্তমান যুগের পক্ষে উপন্যাস এবং অধুনা গল্প-সাহিত্যের যুগ পড়িয়াছে।

প্রভৃতি প্রশ্ন সহজেই উঠে। সাধারণ পাঠক গল্পের জন্ত উপন্যাস পাঠ করিয়া থাকে—উপন্যাসে আখ্যান-ভাগের (plot) শ্রেষ্ঠতা সর্বজনস্বীকৃত। দ্বিতীয় কথা—ঘটনার নায়ক-নায়িকা ও চরিত্র-সমূহ; এগুলি কতদূর স্বাভাবিক ও কতদূর চিত্তাকর্ষক, এ সকলের বিচার পরেই আসে। তৃতীয় কথা—এ সকল চরিত্রের বিকাশ কথোপকথনের মধ্যে। এই কথোপকথন কতটা সহজ, স্বাভাবিক, ওজঃ বা প্রসাদ-গুণবিশিষ্ট, ইহাও বিচার্য্য। চতুর্থ কথা—লেখকের লেখার ভঙ্গী, স্থান ও কালের যথাযথ সংস্থান, বিশেষতঃ ঐতিহাসিক উপন্যাসে এবং সাধারণতঃ অতীত গ্রন্থে স্থান ও কালের সহিত সঙ্গতি রাখিয়া ঘটনার সন্নিবেশ করিতে হয়। পঞ্চম কথা—উপন্যাসিক উপন্যাসের মধ্য দিয়া মানবজীবনের কি সমালোচনা করেন ( Criticism of life ) ; উপন্যাসিক ইচ্ছা করুন বা না করুন, তাঁহার লেখার মধ্যে মানবজীবনের সমালোচনা আসিয়া পড়িবে, জীবন-সমস্যা সমাধানের একটা চেষ্টা থাকিয়া যাইবে। তিনি ঘটনা ও চরিত্র অবলম্বন পূর্বক তাঁহার নিজ মত খানিকটা প্রকট করিবেনই। সুতরাং উপন্যাস পাঠ করিতে হইলে পাঁচটি বিষয়ের উপর লক্ষ্য রাখিতে হইবে,—

- ( ১ ) আখ্যান ( plot )
- ( ২ ) চরিত্র ( characters )
- ( ৩ ) কথোপকথন ( dialogue )
- ( ৪ ) স্থান-কালের সঙ্গতি ও রচনারীতি ( time and place of action and style )
- ( ৫ ) মানবজীবনের সমালোচনা ( criticism of life )

২

### ১। আখ্যান ( Plot )

আখ্যানের বিচারে মূল উপাদানের কথা প্রথমতঃ উঠিয়া থাকে। জীবনে বহু ঘটনার সমাবেশ দেখা যায়, জীবনের নানা দিক সাহিত্যে আলোচিত হয়, জীবনের নানা সমস্যা সমাধানের চেষ্টা চলিতে থাকে, জীবনের নানা অবস্থা সাহিত্য-মুকুরে প্রতিফলিত হয়। জীবনের মধ্যে অনেক ঘটনা আছে, যাহা জীবনের পক্ষে নিতান্ত আবশ্যিক নহে, বরং অবাস্তব বা আগন্তুক, এ সকল ঘটনা উপন্যাসে স্থান পাইয়া থাকে বটে, কিন্তু তাহাতে উপন্যাসের মহিমা সমৃদ্ধ হইয়া উঠে না।

নানা স্থান, নানা সময়, নানা ভাব, জীবনের নানা সম্পর্ক বা অবস্থা হইতে উপন্যাসের আখ্যান সংগৃহীত হইয়াছে। বঙ্কিমচন্দ্র হইতে রবীন্দ্রনাথ, রবীন্দ্রনাথ হইতে শরৎচন্দ্র, শরৎচন্দ্র হইতে অতি আধুনিক তরুণ উপন্যাসিকদের উপন্যাসে যাইতে হইলে মনে হয়, যেন এক একটি নূতন জগতে আসিতেছি। বিবৃক্ষ ও কৃষ্ণকান্তের উইল, ঘরে বাইরে ও গোরা, পল্লীসমাজ ও শ্রীকান্ত, শুভা, শাস্তি ও বিপর্যয়ের সময়ের মধ্যে বিপর্যয় ব্যাপারই দাঁড়াইয়াছে! প্রত্যেক লেখকই নূতন জগতের সৃষ্টি করিয়াছেন, কিন্তু বড় লেখকদের লেখার মধ্যে এইটুকু দেখা যায় যে, তাহার জীবনের কেবল অসার বা অবাস্তব অংশ লইয়া উপাখ্যান রচনা করেন না। জীবনের অন্তর্নিহিত যে সকল বিশ্বজনীন ভাব বা সমস্তা বর্তমান, তাহারই আলোচনা গ্রন্থের মধ্যে বিশেষভাবে দেখা যায়। জীবনের যে অংশ সারবান্ ও মহত্বের পরিপূর্ণ, সেই অংশের বিকাশ সংসাহিত্যের নিদর্শন। জীবন-সংগ্রামের কঠোরতার মধ্যে, সংসার ও সমাজের নানা বাধা-বিপত্তির বিরুদ্ধে, মনের নানা বিপরীতগামিনী বৃত্তির লীলায় মানুষের ঐদার্য্য, সৌন্দর্য্য, মহত্বের পরিপূর্ণ প্রকাশই সংসাহিত্যের মধ্যে সাধারণতঃ দৃষ্ট হইয়া থাকে। মানুষের জীবনের দুঃখ, দৈন্য, প্রেম, হিংসা, দ্বেষ, করুণা, মমতা, স্নেহ, সেবা প্রভৃতি মনের যতরূপ প্রবৃত্তি, সকলই সাহিত্যে সুন্দর ও বিশ্বজনীন হইয়া সাহিত্যরসিকের রসপিপাসা মিটাইতেছে। রসের অনুভূতির মধ্যে জাতি-দেশ-কাল-বিচার নাই—সকল দেশের সাহিত্যের প্রথম কথা রসোদ্বোধ। Macbeth, Othello নাটকে যে করুণ রস—Romeo Julietএ যে বিয়োগব্যথা, উত্তররামচরিতে যে অরুণ্ডদ বিরহ-বদনা—কৃষ্ণকান্তের উইলে পল্লীসমাজেও তাহা প্রকটিত। জীবনের মধ্যে যে রস নিত্য ও শাস্ত, যাহা সার্বজনীন ও সার্বভৌম, তাহার বিকাশই সংসাহিত্যের প্রতিপাদ্য।

উপন্যাসের মধ্যে যে লঘু বিষয়ের আলোচনা নাই, এ কথাও বলা যায় না। লেখকের গুণে অতি সামান্য ঘটনা লইয়া অতি সুন্দর চিত্তাকর্ষক উপন্যাস বা নাটক রচিত হইতে পারে। দুই যমজের সাদৃশ্য লইয়া Plautus ও তদবলম্বিত পথ অনুসরণ পূর্বক Shakespeare কেমন সুন্দর নাটক রচনা করিয়াছেন! উপন্যাসেও অতি সহজ ও সাধারণ ঘটনা লইয়া সুন্দর আখ্যায়িকা রচিত হইতে

পারে। উপন্যাস সাধারণ লোকে সংসাহিত্য হিসাবে পাঠ করে না। অনেকের ধারণা, উপন্যাস শুধু মুহূর্তের সুখের জন্ম; অবসররঞ্জনের সহায়ক হিসাবে পঠনীয়। আরাম-কেদারায় শুইয়া বা প্রখর গ্রীষ্মের দ্বিপ্রহরে শীতল গৃহতলে গড়াইতে গড়াইতে তাম্বুল ও তাম্বুকুটের সহিত একখানি উপন্যাস পাইলে দিনটা যাহা হউক কাটান যাইতে পারে, ইহাও কাহার কাহার ধারণা। একটু আনন্দ দিতে পারা, সংসারের দুঃখ-দৈন্যক্রিষ্ট মনকে একটু বৈচিত্র্যের আশ্বাদ দেওয়া, একটু কল্পনার লীলা, একটু হাস্যরসের সমাবেশে মাধুর্যের বিস্তার—এইটুকু থাকিলেই হইল। সাধারণতঃ যে সকল উপন্যাস আমরা দেখি, তাহার মধ্যে এই আখ্যানভাগের সৌষ্ঠব—অর্থাৎ গল্পটা ভাল করিয়া বলিতে পারা এবং চিত্ত আকর্ষণের জন্ম বিশেষ দৃষ্টি রাখা—এইটুকু থাকিলেই হইল। যে উপন্যাস পড়িতে পড়িতে ধামিতে হয়—পড়িব বলিয়া আবার পড়িতে হয়, কতকটা পড়িয়াছি, অতএব শেষ করিতে হইবে, এই জন্মই পাঠ করিতে হয়, এই সকল উপন্যাসের কোন মূল্যই নাই। উপন্যাসের আখ্যানের মধ্যে সম্ভাব্যতা, স্বাভাবিকতা থাকা চাই, চরিত্রের মাধুর্যের বিকাশ দেখান চাই, লেখার পদ্ধতির মধ্যে মৌলিকতা বা দক্ষতার প্রয়োজন। এই সকল থাকিলে মোটামুটি উপন্যাস বাজার-চল হয় বটে; কিন্তু সংসাহিত্যের (standard works) জন্ম উপাদান-গৌরবের কথা ভুলিলে চলবে না। উপাদানের গৌরব ও লেখকের কলাকৌশল (art)—বস্তু ও পদ্ধতি (matter & manner) এই দুই সম্মিলনে সংসাহিত্যের উদ্ভব। উপাদান যৎসামান্য হইলেও দক্ষ শিল্পী সৌন্দর্যের সমাবেশে রচনা সুন্দর ও সমৃদ্ধ করিয়া থাকেন; কিন্তু উপাদানের গৌরব না থাকিলে তাহা মহত্বের পরিপূর্ণ হয় না। মাটির উপর ভাস্করের কাষ স্থায়ী নহে, প্রস্তরে তাহার পূর্ণবিকাশ; ইষ্টকের স্থাপত্য স্থায়ী নহে, তটের উপর স্থচির্শিল্প পণ্ড্রম মাত্র—এ সকল অস্থানে প্রযত্নের উদাহরণ। লেখকের দক্ষতা না থাকিলে উপাদান-গৌরবের কোন অর্থ নাই—সাহিত্যের প্রধান কথা কলাকৌশল। কাব্য, উপন্যাস, নাটক—সকলই কলাকৌশলের উপর নির্ভর করিতেছে—কলা-দক্ষতা যাহার নাই, তাহার রচনা সম্পূর্ণতঃ নিষ্ফল ও নিরর্থক।

এ ক্ষেত্রে ইহাও দ্রষ্টব্য যে, ঔপন্যাসিক যে উপাদান লইয়া লিখিবেন, তৎসম্বন্ধে তাঁহার ব্যক্তিগত অভিজ্ঞতা থাকার প্রয়োজন; নচেৎ লেখার মধ্যে মিথ্যা ও অযথার্থ ঘটনা উপস্থিত হয়। অবশ্য ইহাও স্বীকার্য যে, সকল বিষয়ে সকলের ব্যক্তিগত অভিজ্ঞতা থাকে না। অনেক সময় পুস্তক হইতে বা অপরের নিকট হইতে শ্রুত বস্তু হইতে অভিজ্ঞতা সঞ্চয় করিতে হয়। ডিফোর রবিন্সন ক্রুশো উপন্যাসে সমুদ্রযাত্রার কি মনোরম বর্ণনাই না আছে; অথচ তিনি কখনও সমুদ্রগমন করেন নাই। প্রভাতকুমার একখানি উপন্যাসে তিব্বতের কথা লিখিয়াছেন অথচ তিনি তিব্বতে কখনও যান নাই। সম্রাসী কবি দণ্ডী শ্রীমঙ্গ-রঞ্জিত হইয়াও দশকুমারচরিতে শ্রীপুরুষ-ঘটিত ব্যাপারে চূড়ান্ত জ্ঞানের পরিচয় দিয়াছেন, ইহাও তাঁহার কবি-প্রতিভার পরিচায়ক। প্রতিভায় সকলই সম্ভব, প্রত্যক্ষ না দেখিলেও প্রতিভাবান লেখক ধ্যানশক্তিবলে সকলই প্রত্যক্ষ করিতে পারেন। এই ক্ষমতাবলে আধুনিক লেখক সুদূর অতীতের ঘটনা প্রত্যক্ষবৎ বর্ণনা করিয়া থাকেন। প্রতিভা কিন্তু সকলের থাকে না, সুতরাং যাহার মেরুপ অভিজ্ঞতা, সেইভাবেই তাঁহার লেখা উচিত। আজকাল এক শ্রেণীর লেখক আছেন, তাঁহারা গণতন্ত্রের দোহাই পাড়িয়া সমাজের অতি নিম্নশ্রেণীস্থ লোকের জীবন-কাহিনীর বর্ণনা লইয়া ব্যস্ত হইয়াছেন। কয়লার খাদে কুলীদের জীবন-কাহিনী লিখিতে খুবই ব্যস্ত, কিন্তু ইহারা জীবনে কখনও কোন কুলীর সহিত মিশেন নাই। ইহাদের নভেলে সামান্য কেরাণীপত্নী পর্য্যন্ত বারুট্টাও রাসেলএর মত কথা কহে। নভেলের প্রত্যেক নায়িকাকে এক একটি 'মেয়ে জ্যাঠা' হইতেই হইবে, ইহাতে হয় ত' রসালাপের চিত্র দেওয়া সহজ হইবে; কিন্তু তাহা স্বাভাবিক হইবে কি? উপন্যাসের উপাদান স্বাভাবিক, সম্ভাব্য ও যথার্থ হওয়া উচিত—এই উপাদান লেখকের অভিজ্ঞতা-সম্বৃত হইলে বিশেষ ভাল হয়। ইংরেজ ঔপন্যাসিক জেন অষ্টেন আপনার অভিজ্ঞতা-বহির্ভূত কোন ঘটনা বর্ণনা করেন নাই—তিনি মাত্র পাঁচখানি উপন্যাস লিখিয়াছেন, ঐ পাঁচখানিই রঙ্গ-স্বরূপ; তাহাতে তিনি গ্রীলোকদের মধ্যে কথাবার্তা বা শ্রীপুরুষের কথাবার্তার বর্ণনা দিয়াছেন; কিন্তু কোনও স্থলে পুরুষের মধ্যে কথাবার্তার বর্ণনা দেন নাই।

আপনার ক্ষমতার সীমা-সম্বন্ধে তাঁহার জ্ঞান এরূপ স্পষ্ট ছিল বলিয়াই তিনি এত বড় লেখিকা হইতে পারিয়াছিলেন। সমালোচক হাডসন বলেন—প্রত্যেকেই যদি আপন ব্যক্তিগত অভিজ্ঞতা যথাযথভাবে কলা-কৌশল সহকারে নিবদ্ধ করিতে পারেন, প্রত্যেকেই প্রায় অন্ততঃ একটি সুন্দর উপন্যাস লিখিয়া যাইতে পারেন।

উপন্যাস কেবল আখ্যান নহে, বলিবার ভঙ্গীই উপন্যাসের বৈশিষ্ট্য। এই রীতি, পদ্ধতি বা কলাকৌশল (art) ইহাই উপন্যাসের সারস্বৰ্ণস্ব। বলিবার ভঙ্গীতে বিষয়বস্তু বিশেষভাবে চিত্তাকর্ষক হইবে—ঘটনার গতিপ্রবাহে মনকে টানিয়া লইয়া চলিবে, কোন স্থানে অন্বাচ্ছন্দ্য বা আড়ম্বলতা থাকিবে না; ইহার গতি হইবে সহজ ও সাবলীল, প্রতি-ক্ষণই পাঠকের মনে কোঁতুল, ঔৎসুক্য বা স্তীতির সঞ্চয় হইবে। গল্প সকলেই বলিয়া থাকে, কিন্তু লেখকের অসাধারণত্ব তাঁহার ভঙ্গীতে। অতি সাধারণ কাহিনীও কথকের বর্ণনার ভঙ্গীতে পরম উপাদেশ ও চিত্তাকর্ষক হইয়া উঠে। এই ভঙ্গী বা কলাকৌশল লাভের জন্ম যে বিশেষ জ্ঞানের প্রয়োজন, তাহা নহে—ইহা দৈবদানবিশেষ, ইহাই প্রতিভা। ভাল করিয়া গল্প বলিতে পারা একটি বিশেষ ক্ষমতা। ইংরেজি সাহিত্যে চশার, ড্রাইডেন, স্কট, মরিস্ এজন্ট বিখ্যাত। মেকলে সাহেব সামান্য ঘটনা অতি বোরঘটা পূর্বক বর্ণনা করিতে পারিতেন; তাঁহার History of England এ Yrial of Seven Bishops ইহার প্রকৃষ্ট উদাহরণ। কবেকার ঘটনা পাঠ করিয়া মনে হয় যেন, কোন এক সন্ধ্যাঘটিত ব্যাপারের বর্ণনা সংবাদপত্রে পাড়িয়া যাইতেছি। ফরাসী লেখক ডুমার এই ক্ষমতা অসাধারণ। প্রায় সকল ফরাসী লেখকের মধ্যে এই ক্ষমতা বিশেষভাবে দৃষ্ট হয়। (তবে Ronge et Noir ইহার ব্যতিক্রম মাত্র) পরন্তু রুসীয় লেখকগণ এ বিষয়ে সম্পূর্ণ উদাসীন—টলষ্টয় বিশেষতঃ—প্রমাণ তাঁহার Anna Kranenin. আমাদের বাঙ্গালা দেশে সমস্ত আবিষ্কৃত মৈমনসিং-গীতিকা বা পূর্ববঙ্গ-গীতিকার গল্প বলিবার ভঙ্গীর বৈশিষ্ট্য আছে।

আখ্যানবস্তু বলিবার দুইটি প্রকার আছে। কোন কোন লেখকের বিষয়বস্তু (plot) সুসংহত (organic), কাহারও বা অত্যন্ত অসংহত (loose)। লেখক যে স্থলে একটি ঘটনা বাতপ্রতিঘাতের মধ্য দিয়া হুটাইয়া যুগিয়া

বিষয়বস্তুকে পরিষ্কৃত, উজ্জ্বল ও সহজ করিয়া তুলেন—  
অবাস্তব ঘটনাজাল আনিয়া বস্তুকে জটিল বা অনর্থক  
ভারাক্রান্ত করিয়া তুলেন না, তাহাই সুসংহত বিষয়। বঙ্কিম-  
চন্দ্রের কপালকুণ্ডলা একটি সুসংহত আখ্যানের উদাহরণ।  
দুর্গেশনন্দিনীর মধ্যে দুইটি বিষয় থাকিলেও তাহা পরস্পরে  
বিজড়িত থাকায় ইহাও সুসংহত plotএর উদাহরণ।  
শরৎচন্দ্রের পল্লী-সমাজে এই সুসংহত আখ্যান রহিয়াছে।  
রবি বাবুর রাজসিংহ সুসংহত আখ্যান, কিন্তু গোরা নহে।  
অসংহত আখ্যানে ( loose plot ) একটি ঘটনা বা কয়েকটি  
চরিত্রের চাবিধাবে নানা ঘটনা, নানা কথা, নানা ভাব দেখা  
দিতেছে—ইহাব যে পরিণাম কি, বুঝা যায়ইতেছে না, কিঞ্চিৎ  
লেখকের কলাকৌশলে সকলই সুন্দরভাবে চলিতেছে—  
রসোদ্বোধের বাধা ঘটতেছে না, বরং বৈচিত্র্যের প্রভাবে  
মনোহাবিহীন বাড়িয়া চলিতেছে। বাঙ্গালায় শ্রীকান্ত ইহার  
প্রকৃষ্ট নিদর্শন। Dickensএর সকল নভেলই প্রায় অসংহত  
—Pick Wi k Papers ত’ যেখান হইতে ইচ্ছা পড়া  
যায়। Gil Blas নামক দাবাসী গ্রন্থ এই শ্রেণীর। ইংবেজ  
উপন্যাসিক ব্যাচাবে আখ্যানের বিষয়বস্তু ঠিক কবিষা  
কখনও উপন্যাস লিখিতেন না; তিনি লিখিয়া চলিতেন,  
লেখকের মুখে ঘটনা সেকপ দাড়াইও, সেকপে তিনি  
আখ্যানিক লিখিতেন। রবীন্দ্রনাথের চোখের বালি, গোবী,  
যোগাযোগ এই ভাবে উপন্যাস। সুসংহত উপন্যাসে ঘটনা-  
বিবৃতি পূর্ক হইতেই সঙ্কল্পিত থাকে। এই জন্য প্রায় ইহাতে  
একটু কৃত্রিমতার আবেশ থাকে। অপর দিকে অসংহত  
আখ্যান কলাকৌশলের দিক হইতে কতকটা হীন হইলেও  
স্বাভাবিকতায় ও বৈচিত্র্যে সুন্দর হইয়া উঠে।

সকল উপন্যাস যে একটি আখ্যানিক লইয়া বচিত,  
তাহা নহে; এক একটি উপন্যাসে বিষয়বস্তু একের অধিক  
পাকিতে পারে এবং তাহার পরস্পর ঘটনাসূত্রে গ্রথিত  
হইয়া একটি উপন্যাসের আকার ধারণ করে। যে স্থলে  
বর্ণনীয় বিষয় একটি ঘটনা লইয়া রচিত, তাহা সরল আখ্যান  
নামে ( simple plot ) অভিহিত। রমা ও রমেশের কথা  
লইয়া পল্লী-সমাজ—ইহা simple plot; অন্নপূর্ণার  
মন্দির সতী ও সাবিত্রীর কথা লইয়া রচিত—ইহা simple  
plot; গোরা অসংহত উপন্যাস হইলেও সরল, ঘরে বাইরে,  
চোখের বালি, রাজসিংহ প্রভৃতি সকলই সরল। বঙ্কিমচন্দ্রের

কৃষ্ণকান্তের উইল সরল উপন্যাসের নিদর্শন। বঙ্কিমচন্দ্রের  
বিষয়বস্তুও সরল—দেবেন্দ্র দত্তকে লইয়া একটু তর্ক-বিতর্ক  
উঠিতে পারে। যে উপন্যাসে দুইটি আখ্যানিক থাকে—  
দুইটির আকর্ষণ প্রায় বিভিন্ন হইয়া পড়ে—তাহাই মিশ্র বা  
compound plotএর নিদর্শন। দুইটি আখ্যান উপন্যাসের  
কোন স্থলে কোন সূত্রে এক হইয়া যায়। চন্দ্রশেখর  
শৈবলিনী ও প্রতাপ চন্দ্রশেখরের দুই আখ্যানিক-মধ্যে  
দলনী ও মীরকাসিমের আখ্যানিক আসিয়াছে। এই  
দুইটির মিলন উক্তরূপে হয় নাই—টানিয়া মিলন করা  
হইয়াছে। অপর দিকে কপালকুণ্ডলার কপালকুণ্ডলা ও  
নবকুমারের আখ্যানিক মধ্য, মধ্যে লক্ষ-উল্লসার ঘটনা  
আসিয়া দাড়াইয়াছে, নবকুমারকে কেন্দ্র করিয়া দুই ঘটনা  
মিলিয়া গিয়াছে। ‘শ্রীকান্ত’ ‘শ্রীকান্ত ও রাজলক্ষী’ প্রধান,  
অন্নদা দিদি গৌণ, রেঙ্গুনের ঘটনা অভয়া ও রোহিণী  
গৌণতর হইয়া দাড়াইয়াছে। চরিত্রহীনে সাবিত্রী ও  
সতীশ, এ দিকে কিরণময়ী উপেনদাদা ও দিবাকর, ( ইহার  
মধ্যে ) উপেনদাদা ও তাহার সতীলক্ষী সহস্মিণী ইহার মধ্যে  
তিনখানি আখ্যান রহিয়াছে—লেখক এক করিবার চেষ্টা  
করিলেও সে চেষ্টা সফল হয় নাই। এইরূপ double plot  
বা মিশ্রপটের ফলে বৈচিত্র্য বাড়ে, তুলনামূলক সমালোচনার  
সুবিধা হয়, গ্রন্থের একঘেয়ে ভাব ( monotony ) কমে,  
কোথাও বা একটু গভীরভাব হইতে ( tension ) একটু  
বিশ্রাম পাওয়া যায় ( Relief )। Shakespeareএর  
double plot অসাধারণ কলাকৌশলের পরিচয় পাওয়া যায়।

উপন্যাসে ঘটনাবিবৃতি-পদ্ধতিরও নানা প্রকারভেদ  
রহিয়াছে। লেখক স্বেচ্ছানুসারে সমগ্র ঘটনা বলিয়া যান,  
ইহাই সাধারণ ও সরল নিয়ম। বিষয়বস্তু, মৃগালিনী,  
কপালকুণ্ডলা, চন্দ্রশেখর প্রভৃতি বহু গ্রন্থই এই ভাবে  
রচিত—উপন্যাস-রচনায় ইহাই সাধারণ নিয়ম। ইহাতে  
লেখক দুর্ঘটনার বর্ণনা, চরিত্র-সমালোচনা, ঘটনাবলীর স্থান-  
কালপাত্র সম্বন্ধে স্বীয় মতামত প্রকাশের বিশেষ সুবিধা পান,  
পাঠকও অন্যায়সে লেখকের সাহায্যে বিষয়বস্তু আয়ত্ত  
করিতে পারে। কোন কোন গ্রন্থে ঘটনাবিবৃতির ভিন্ন  
পদ্ধতি দেখা যায়—এই সকল গ্রন্থে চরিত্রমুখে ঘটনা বিবৃতি  
হয়। প্রত্যেক চরিত্র নিজেই নিজের কথা বলিয়া  
যাইতেছেন বা প্রধান চরিত্র তাহার জীবন-কাহিনী



বর্ণনা-প্রসঙ্গে সমগ্র ঘটনার বিবরণ দিতেছেন। 'শ্রীকান্ত' স্বীয় জীবনবর্ণন-প্রসঙ্গে প্রকাণ্ড উপন্যাসের অবতারণা করিয়াছেন। রবিন্শনক্রুশো জীবন-চরিতের আকারে সর্বজন-পরিচিত উপন্যাস, থ্যাকারের Elsmund এবং ডিকেন্সের David Copperfield ঐ ভাবের উপন্যাস। কোম্পীর ফলাফলের মধ্যে ঐ একই ভাবের নিদর্শন পাওয়া যায়। কোন কোন গ্রন্থে দেখা যায় যে, প্রত্যেক চরিত্রই নিজের কাহিনী বলিয়া যাইতেছেন। বঙ্কিমচন্দ্রের কাণা সুল-ওয়ালী রজনীর উপাখ্যানে এই পদ্ধতি অবলম্বিত হইয়াছে। রবীন্দ্রনাথের 'বরে বাইরে' উপন্যাসে প্রতি চরিত্র আপন কথা বলিয়া যান। এই সকল উপন্যাসে অনেক সময় চরিত্র ছাপাইয়া লেখকের ব্যক্তিত্ব বিশেষভাবে উঁকিঝুঁকি

মারিতে থাকে। শ্রীকান্ত কি শরৎচন্দ্র, একথা যদি কেহ জিজ্ঞাসা করে, তাহা হইলে তাহাকে বিশেষ দোষ দেওয়া উচিত হয় না। কোন কোন স্থলে চরিত্রমুখে উপন্যাস বর্ণনার চরিত্রগুলি ভাবপ্রবণ বা sentimental হইয়া পড়ে। সহজ ও সরলভাবে উপন্যাস লেখায় যে স্বাধীনতা পাওয়া যায়, তাহা জীবনচরিতের আকারে লিখিত উপাখ্যানে পাওয়া যায় না। পত্রাকারে লিখিত আর এক শ্রেণীর উপন্যাস অধুনা দেখিতে পাওয়া যায়। এইরূপ উপন্যাস আমাদের সাহিত্যে অধিক নাই; কিন্তু ইংরেজি উপন্যাসিক Richardson এই পদ্ধতি অবলম্বন-পূর্বক তাঁহার উপন্যাস রচনা করিয়া গিয়াছেন। রবীন্দ্রনাথের মণালের কথা নামে আখ্যায়িকাও এইভাবে রচিত হইয়াছে।

[ ক্রমশঃ

শ্রীদীপেন্দ্রকৃষ্ণ মুখোপাধ্যায় এম-এ (অধ্যাপক)।

## ছদ্মবেশী

হে নিষ্ঠুর কুটিল অচেনা!  
কখন তোমার সাথে,  
সন্ধ্যায় দিবসে রাতে,  
ছিল মোর কভু কি গো চেনা?  
কেন তবে অকারণ,  
নিশিদিন সারাক্ষণ,  
তোমার সঘন ছায়া মোরে ছাড়িছে না?—  
হে বধির প্রেমিক অচেনা!

হে পথিক অতিথ অজানা!  
গোপনে আঙ্গিনা-মাঝে,  
নিতি নব নব সাজে,  
কেন কর এত আনাগোনা?  
নৃপুর বাণরী সনে,  
মায়া হানি তনুমনে,  
ধারে মোরে কেন দাও অবিরত হানা?—  
অনাহৃত অতিথ অজানা!

হে নিলাজ সুদূর-প্রবাসী!  
কেন তুমি এত ক'রে,  
করিছ হলনা মোরে?  
হে মায়াবী দূর-দেশবাসী!

পরম আত্মীয় মানি,  
লই যারে বৃকে টানি,  
তারি মাঝে তোমা হেরি লাজ ভঙ্গ বাসি—  
পলকে মিলায় মোর হাসি।

হে কৌশলী সন্ধানী চতুর!  
ভিতর বাহির আর  
করি তুমি একাকার,  
নিতুই বাজাও তব সুর।  
গহন অন্তরে মম  
সুটিছ অন্তরতম;  
পশিলে কেমনে সেথা হে রূপ-বিধুর!—  
কোন্ পথে এলে হৃদি-পুর?

হে প্রবল রসিক বিবাগী!  
দশ দিক হ'তে তেন,  
আমারে টানিছ কেন?  
তুমি কি পাগল-মোর লাগি?  
নাহি লাজ ভঙ্গ-লেশ,  
এস তবে হে অশেষ!  
মুখামুখি পরিচয় দাও অচুরাগী!  
হে অবুধ শাস্ত বিবাগী!

এস, আর, কণ্ঠকার (এম-এ)।



## স্বখাত সলিলে

কুৎসিত তাহাকে বলা চলে না, সুন্দরীও নয়। কারণ, রং তাহার কালো। কিন্তু কপালক্রমে যেখানে তাহার বিবাহ হইল, সেখানে কালোর সম্পর্ক নাই বলিলেও চলে। স্বামী তাহার দিব্যকান্তি সুপুরুষ, স্থির হইয়া ছুঁ দণ্ড চাহিয়া থাকিবার মত চেহারা। তাঁহার দুই ভাই, এক বোন, সকলেই বেশ গৌরবর্ণ। স্বস্তুর বাঁচিয়া নাই, শাশুড়ীর পঞ্চাশের উপর বয়স হইয়াছে, তবু তাঁহার জগদ্ধাত্রীর মত রূপে চোখ যেন জুড়াইয়া যায়।

এ-হেন সংসারে উত্তরার মত কালো মেয়ের কেন যে বিবাহ হইল, সে সম্বন্ধে গবেষণা করিয়া লাভ নাই, আর সেটা এমন কিছু গবেষণার বিষয়ও নয়। তবু এই লইয়াই যে উত্তরার কত সুদীর্ঘ অলস মধ্যাহ্ন এবং রজনীর বিনোদ প্রহরণগুলি কাটিয়া গিয়াছে, তাহার হিসাব করা যায় না। তাহার গায়ের রং যে খুব বেশী কালোও নয়, বাঙ্গালীর ঘরে সাধারণতঃ মাহাদিগকে সত্যকার কালো বলা হয়, তাহাদের তুলনায় তাহাকে যে ফর্সাই বলিতে পারা যায়, এ-ধরণের যুক্তি তাহার মনের মধ্যে কত যে বৃদ্ধবৃদ্ধের সৃষ্টি করিয়া আবার বৃদ্ধবৃদ্ধের মতই মিলাইয়া গিয়াছে, তাহার ইয়ত্তা নাই। তবু, এটুকু সে মন হইতে মুছিয়া ফেলিতে পারে না যে, যে ঘরে তাহার বিবাহ হইয়াছে, তাহার অল্পপাতে তাহার এই রংকেই যে দস্তুরমত কালো না বলিয়া উপায় নাই!

তাহার স্বামী সুপ্রতিম স্বভাবতঃ একটু গম্ভীর প্রকৃতির মানুষ : গেল-বছর ডাক্তারী পাশ করিয়া বড়বাজার অঞ্চলে একটা বড়-গোছের ডিস্‌পেনসারী খুলিয়া বসিয়াছে। তা ছাড়া গসপাতালে একটা চাকরীও আছে। লেখাপড়া এবং নিজের ব্যবসা ইত্যাদি লইয়া সে সব-সময়েই ব্যস্ত। উত্তরা স্বভাবতঃই একটু লাজুক মেয়ে ; তন্ত্রা হরিণীর মত মন যেন তাহার সর্বদাই কোন্ অজ্ঞাত ব্যাধির পায়ের শব্দে চকিত হইয়া ফেরে।

শাশুড়ী রজসুন্দরী থাকেন নিজের পূজা-আঙ্গিক বার-রত লইয়া। সুপ্রতিমের দূর-সম্পর্কের এক বিধবা বৌদিদি এ বাড়ীতে আশ্রিত। বয়সে তিনি উত্তরার অপেক্ষা বছর পাঁচের বড়ই হইবেন। এই মেয়েটিকে দেখিয়াও উত্তরা যেন নিজের ভিতর খুব বেশী সঙ্কুচিত হইয়া পড়ে। কি আশ্চর্য্য, এ ত ইহাদের নিজের সংসারের কেহ নয়, তবু ইহারও রূপের দীপ্তিতে চোখ যেন ঝলসিয়া যায়। বিশেষ করিয়া গায়ের রং, রিক্তা বিধবার পোষাকে সে রংকে এতটুকু মলিন করিতে পারে নাই। উত্তরা কোন কোন বইয়ে পড়িয়াছে, সাদা বরফের উপর উষার রক্তাভা পড়িয়া যে রঙ্গের সৃষ্টি হয়, তাই দিয়া মেয়েদের রূপ বর্ণনা ত' মিথ্যা নয়। ঐ মেয়েটির গায়ের রং দেখিয়া মনে হয়, কবিরী একটুও বাড়াইয়া বলেন নাই। রূপ যদি বলিতে হয়, তবে সে ইহাকেই।

সংসারের গৃহিণীপনার প্রায় সবটুকু ভারই পড়িয়াছে ঐ বিজয়ার উপর। তাহার রূপের সঙ্গে ভাল রাখিয়া তাহার মিষ্ট ব্যবহারটুকু যেন এ-বাড়ীর ছোট-বড় সকলকেই জয় করিয়া ফেলিয়াছে।

সে দিন বিজয়া উত্তরার চুল ঝাঁধিতে বসিয়া বলিতেছিল,—  
“তোমার বুঝি বাপের বাড়ীর জগে মন কেমন করে গা ? তাই এমনি মন-মরা হয়ে থাকো ?”

উত্তরা বলিল, “কৈ, না ! কিছু ত হয়নি, দিদি, যে মন-মরা হয়ে থাকুবো ?”

“হয়নি ত ? তবু ভাল। তোমার মুখ দেখে আমার মনে হচ্ছিল, ঠাকুরপোর সঙ্গে ঝগড়া হয়েছে বুঝি ?”

“ঝগড়া ? কৈ, ঝগড়া ত হয়নি !”

উত্তরার জবাব দিবার ভঙ্গীতে বিজয়া হাসিয়া ফেলিয়া বলিল, “ঝগড়া হয়নি ? তা হ'লে খুব ভাবই হয়েছে বুঝি ?”

তাহার সে হাসিতে উত্তরার মুখখানা বিবর্ণ হইয়া গেল। ঝগড়া তাহাদের সতাই হয় নাই, কিন্তু খুব বেশী ভাবও ত হয় নাই! সেইটুকু জানিতে পারিয়াই কি দিদি অমন করিয়া হাসিলেন? তবে কি স্বামী কিছু বলিয়াছেন? দিদির কাছে? না হইলে দিদিই বা বুঝিবেন কেমন করিয়া?

বিজয়া তেমনই হাসিমুখেই বলিল, “ও মা! তোমার মুখখানা সে আবার পাক্সাস্ হয়ে গেল। কি যে মেয়ে তুমি! — ঝগড়া হয়েছে বললেও তা মান্বে না, আবার ভাব হয়েছে বললেও যেন ভয়ে এতটুকু হয়ে যাবে। ব্যাপার-খানা কি বল দেখি তোমাদের?”

ব্যাপার কি, তা উত্তরা নিজেই জানে না, বিজয়াকে বলিবে কি! সুতরাং কোন জবাব পুঁজিয়া না পাঠিয়া চুপ করিয়াই রহিল।

বিজয়া শুধু মিষ্টভাষিনী নহে, সরসিকাও বটে। মাত্র বছরখানেক হইল, উত্তরার বিবাহ হইয়াছে। এখনও সে নববধূ। নতুন বর ও বধূকে লইয়া রসিকতা করিতে বিজয়ার ভারী ভাল লাগে। কিন্তু তাহার রসিকতা বেশ জমিতে পায় না। কারণ, বয়সের অনুপাতে সুপ্রতিম এত বেশী প্রশান্ত যে, বিজয়ার কোন রসিকতাই সেখানে বিশেষ কোন ঢেউ তুলিতে পারে না। অতি গম্ভীর বর এবং অতি লাজুক বধূর মাঝখানে বিজয়া যেন কোন তপ্তিই পায় না। সেজন্য সময়ে সময়ে হঠাৎ সে গম্ভীর হইয়া পড়ে। যেন, হাসি এবং কৌতুকের বসন্ত-হিল্লোলর মাঝে মাঝে হঠাৎ এক-একবার শীতের কনকনে স্তব্ধতা জমাট কাঁধিয়া উঠে। তখন তাহার মনে হয়, মিথ্যা এই হাস্যরসের প্রহসন, মিথ্যা সব! নিজের অধিকারের গম্ভীরটুকু মানিয়া না চলাতে সুখ ও নাই-ই, চুঃখই আছে বরং ঢের বেশী। তখন সে একেবারে ব্রজসুন্দরীর পূজার ঘরের চৌকাঠের কাছে আসিয়া বসিয়া পড়িয়া বলে, “মাসীমা! এই বোশেখে কিন্তু আমি ফলনানের রত নেব তোমার কাছে। দেবে ত?”

উত্তরা একখানা খোলা বই হাতে লইয়া বিজয়ার ঘরে ঢুকিল। বিজয়া তখন কি-একখানা সাদা কাপড়ের উপর সিন্ধের ফুল তুলিতেছিল। উত্তরা বলিল, “আচ্ছা দিদি, তুমি কৃষ্ণকান্তের উইল পাড়েছ ত?”

বিজয়া সূচের দিকেই মন রাখিয়া বলিল, “পড়েছি বৈ কি! কেন বল ত?”

“এমনি। বেশ বই, না?”

“মন্দ নয়।”

“‘মন্দ নয়’ বলছো কেন, ভাই? এমন বই ত আমি দেখিনি। ভ্রমরের চুঃখে বুক ফেটে যায়।”

বিজয়া তেমনই অগম্যনস্ততার সন্তিতই বলিল, “গোবিন্দ লালের চুঃখও ত কম নয়!”

উত্তরা যেন একটু ততবুদ্ধি হইয়া বিজয়ার মুখের পানে চাহিয়া বলিল, “তা বটে। তবে ভ্রমর—”

বলিয়া একটু চুপ করিয়া থাকিয়া হঠাৎ কি ভাবিয়া সে বলিল, “আচ্ছা, দিদি! ভ্রমর যদি কালো না তবে গুব সুন্দরী হ’ত, তা হ’লে তত কষ্ট তার কখনই হ’ত না। নয় কি বল?”

বিজয়া এবার হাসিয়া মুখ তুলিয়া বলিল, “তোমার এক ক্ষাপামি! এর মধ্যে কালো-কর্সার কথা এলো কোথেকে, তাই শুনি?”

উত্তরা বলিল, “নয় কেন? ভ্রমর কালো আর রোহিণী সুন্দরী বলেই ত এত কাণ্ড—”

বিজয়া হাসিয়া বলিল, “আমি কিন্তু ঠিক তা মনে করি না। ঠিক ঐ ঘটনাটা ঘটবার জন্যে রোহিণীর অতটা সুন্দরী না হলেও চলতে পারত।”

উত্তরা অবাক হইয়া বলিল, “কেন?”

“তার কারণ মোটামুটি এই যে, ভ্রমর কালোই হোক আর সুন্দরীই হোক, সে গোবিন্দলালের বিবাহিতা স্ত্রী, আর রোহিণী তা নয়।”

উত্তরার মুখ দেখিয়া বোঝা গেল, সে অতশত বুঝিতেছে না। সে বলিল, “তাতে কি হ’ল?”

বিজয়া বলিল, “যেটা একেবারে হাতের জিনিষ—নিজের নাগালের মধ্যে, তার চেয়ে যেটা দূরের জিনিষ—পাওয়া যাকে শক্ত, তারই আকর্ষণ ঢের বেশী চর্কার। এটা মানুষের স্বভাব—বিশেষ করে পুরুষ জাতটার ত বটেই! ভ্রমর গোবিন্দলালের নিজের বস্ত, রোহিণী তা নয়, সেই ত তার মস্ত বড় সৌন্দর্য্য!”

এবার উত্তরা যেন কতকটা বুঝিয়া বলিল, “তা হোক। কিন্তু সত্যিই ত রোহিণী ছিল সুন্দরী—”

বিজয়া বলিল, “হ্যাঁ। ‘একে মনসা, তার ধুনোর গন্ধ!’ তাই ত আগুন জ্বলতে কোন দিক থেকেই আটকালো না। তা সে কণা থাক। হঠাৎ থেকে-থেকে ঐ বইখানা নিয়েই পড়া হ’লো কেন? আগে পড়নি বুঝি?”

উত্তরা বলিল, “আগেও অনেকবার পড়েছি। ও বইখানা আমার পুরোনো হয় না।—ওটা কি হচ্ছে, ভাই?”

“ঠাকুরপোর জন্মে একটা টেবলরুথ। যাঃ, ব’লে ফেললুম তোমায়! এখন যেন ব’ল না ভাই ওকে। সে দিন রুমালের ফুলটা ওর ভারী পছন্দ হয়েছে, তাই—”

উত্তরা বলিল,—“ঐ সব পুঁজু ভালবাসে বুঝি ও?”

বিজয়া মাথা নীচু করিয়া সূচের কাষ করিতে করিতেই বলিল, “তা আবার বাসে না? তবে ব্যভার ত করবে না, পুঁজি ক’রে তুলে রাখতেই ওর সুখ। সেবার চুরকমের ছোটো সোয়েটার বনে দিলুম, সে-সব বাক্সতেই প’ড়ে আছে, খ্রীআঙ্গু আর উঠলো না। বলে, তুলে রাখতেই এসব জিনিষের মর্গ্যাদা পাকে।”

উত্তরা বলিল, “হাই, ভাই। কথা কইলে তোমার কাষ এগুবে না।”

বিজয়া বলিল, “কেন, বোসো না, ভারী ত কাষ! এর জন্মে কারু ঘুম হচ্ছে না, এমন ত নয়!”

উত্তরা কিন্তু আর বসিল না; বলিল, “না দিদি, আজ আমি এ বইটা শেষ করবো।”

ঘরে আসিয়া বইখানাকে বুকের কাছে রাখিয়া উপুড় হইয়া গুইয়া সে পড়িবার চেষ্টা করিল বটে, কিন্তু আসলে একটা পাতাও তাহার পড়া হইল না। দৃষ্টি বইয়ের অক্ষরগুলি ছাড়িয়া শূণ্য মেঝের একটা কালো দাগের উপর অত্যন্ত অকারণে নিবদ্ধ হইয়া রহিল। মেঝের ঐ যায়গাটার কবে খানিকটা কালী পড়িয়াছিল, এখনও সে দাগটুকু মিলাইয়া যায় নাই। ঐ কালো দাগটুকুকে কেন্দ্র করিয়া তাহার মনের মধ্যে কত এলোমেলো কথাই যে ঘুরিতে লাগিল! রোহিণী, ভ্রমর ও গোবিন্দলাল সম্বন্ধে বিজয়ার নূতন-ধরণের অভিমতটাকে সে ঠিক স্বীকার করিতে না পারিলেও একেবারে তুচ্ছ বলিয়া ফেলিয়া দিবার শক্তিও তাহার ছিল না। অবশ্য, ভ্রমর যদি রোহিণীর চেয়েও সুন্দরী হইত, অথবা রোহিণী হইত ভ্রমরের মতই কিম্বা তাহার চেয়েও কালো, তাহা হইলে রোহিণী-গোবিন্দলালের

ঐ বিশ্রী ব্যাপারটা হয় ত ষটিতে পারিত না, কিন্তু তবু রোহিণীর সবটুকু আকর্ষণ যে শুধু তাহার সৌন্দর্যই নয়, এ কথাটা একেবারে অস্বীকার করা চলে না ত!

ঐ বইখানা উত্তরা ইতিপূর্বে অনেকবার পড়িয়াছে, এবং ওখানা বিশেষ করিয়া ভাল লাগার প্রধান কারণ এই যে, ভ্রমরের কালো রঙে সে নিজে খানিকটা স্বস্তি পুঁজিয়া পাঠিত। কালো হইয়াও ভ্রমর ঘর-ঘর ভালই পাঠিয়াছিল, সেও পাঠিয়াছে। স্বামীর যে অপরিসীম ভালবাসা ভ্রমর পাঠিয়াছিল, সে যদিও আজও তাহা পায় নাই, তবু তাহারই কল্পনা তাহাকে আনন্দে ভরপুর করিয়া রাখিত।

কিন্তু কেন স্বামী তাহাকে ভালবাসেন না? কালো হইলেই কি সে ভালবাসার অযোগ্য? না, বিজয়া যাহা বলিল, সে কথাটা এখানেও খাটে যে, স্ত্রী হাতের জিনিষ বলিয়াই অপর কোন দূরের বস্তুর প্রতি তাঁহার মন পড়িয়া আছে?

বোনার কাষ তিনি ভালবাসেন, কিন্তু কৈ, কোনও দিন তাহাকে ত কোন কিছু বুনিবার জন্ম বলেন নাই? সে ত স্ত্রী, তবে বিজয়াই বা তাঁহার টেবলরুথ আর রুমালে ফুল তুলিয়া দেয় কেন? বিজয়ার মত অল্প ভাল না পারিলেও সেও ত বুনিতে পারে? সে কথা ত তাঁহার অজানা নাই?

অভিমনে উত্তরার বুক ভরিয়া উঠিল। একবার মনে হইল, এই কথা লইয়া আজ খানিকটা কথা-কাটাকাটি করিবে, রাগারাগি হয়—হইবে, তাই বলিয়া এমন করিয়া মুখ বুজিয়া সে থাকিবে না। সে ত তাঁহার স্ত্রী, না, আর কেহ?

রাত্রিকালে যখন উত্তরা ঘরে আসিয়া ঢুকিল, তখন সুপ্রতিম ডেস্কের উপর ঝুঁকিয়া বসিয়া কি একখানা চিঠি লিখিতেছিল। অল্প দিন সে আসিবার আগে প্রায়ই সুপ্রতিম ঘুমাইয়া পড়ে, উত্তরা তাহার ঘুম ভাঙাইতে সাহস করে না।

উত্তরা স্বামীর চেয়ারের পাশে দাঁড়াইতে সুপ্রতিম একবারমাত্র ঘাড় ফিরাইয়া দেখিয়া বলিল,—“কি খবর?”

তার পর আর কোন কথা না বলিয়া সে চিঠি লেখা শেষ করিল এবং উত্তরা চূপ করিয়া তেমনই দাঁড়াইয়া রহিল। চিঠিখানি খামের ভিতর মুড়িয়া ঠিকানা লিখিয়া প্যাডের তলায় রাখিয়া দিয়া উত্তরাকে বলিল, “দাঁড়িয়ে রইলে সে! শোবে না?”



বিছানায় শুইয়া উত্তরা আস্তে আস্তে বলিল, “আমার একটা নিটীং-কেশ আনিয়ে দেবে?”

সুপ্রতিম বলিল, “নিটীং-কেশ? কেন দেব না?”

তার পর আর কি বলিবে, উত্তরা খুঁজিয়া পাইল না আলো নিবাইতে-নিবাইতে সুপ্রতিম বলিল, “আরও কি জিনিষ তোমার দরকার, কাল পণ্টকে বলো, আমি তাকে ব’লে দেবোখ’ন।

পণ্টু সুপ্রতিমের ছোট ভাই।

শুইয়া শুইয়া উত্তরা ভাবিতে লাগিল, কেন এত দিনের ভিতর এই মানুষটিকে সে এতটুকু চিনিতে পারিল না? এই যে না ঘণা, না প্রেম, এ ব্যবহারের অর্থ কি? রং তাহার কালো, তাই? না, যবনিকার অন্তরালে কোথায় কোন্ অদৃশ্য রোহিণী আয়োগোপন করিয়া আছে?

কি একটা উৎসব-ব্যাপারে উত্তরা কয় দিন বাপের বাড়ী গিয়াছিল, সে দিন সন্ধ্যার সময় ফিরিয়া আসিল। আসিয়াই ঝির মুখে শুনিল, বড় বৌদির ক’দিন থেকে জ্বরে আর দিস্-পিস্ নেই। কি যে হবে! দাদাবাবু ত ক’দিন রাত জেগে জেগে হাড়-মাস কালী ক’রে ফেললে।

কথাটা বলিয়া ঝি নিজের কামে চলিয়া গেল। সুতরাং উত্তরার ইচ্ছা হইলেও এ সম্বন্ধে আর কোন কথা জিজ্ঞাসা করিবার উপায় রহিল না। সে কাপড় ছাড়িয়া মুখ-হাত ধুইয়া মুছিয়া বিজয়ার ঘরে আসিয়া দেখিল, তক্তপোষের উপর এলোমেলো বিছানায় বিজয়া শুইয়া আছে। হঠাৎ দেখিলে মনে হয়, অজ্ঞান হইয়া পড়িয়া আছে। উত্তরা ডাকিল,—“দিদি।”

বিজয়া ধড়মড় করিয়া উঠিয়া বসিয়া বলিল,—“কে? উত্তরা? এসেছ বোন? এসো।—বড্ড জ্বর, ভাই। মনে হচ্ছে, এই আমার শেষ। তোমাদের সকলকে জ্ঞাতন করা এত দিনে আমার সঙ্গ হয়েছে। এবার আমি যেতে পারবো নিশ্চিত হয়ে।”

“কি-সব বলছ, দিদি? তুমি আমাদের জ্ঞাতন করছো!”

“নয় ত কি, ভাই? ঠাকুরপো ডাক্তার মানুষ, তাই না হয় ওর কিছুতেই ক্লান্তি নেই, কিন্তু তবু ত মানুষ, দিন-রাত কেবল এই রোগের ভাবি—”

উত্তরা চুপ করিয়া বসিয়া রহিল।

একটু পরেই সুপ্রতিম আসিয়া ঘরে ঢুকিল। গভীর একটা ভূপ্তির নিশ্বাস ছাড়িয়া বলিল, “এই যে, উত্তরাও এসে পড়েছ। আমি ভাবছিলাম, হয় ত আবার আনতে লোক পাঠাতে হবে। বাচলুম!”

বিজয়া মাথার উপর কাপড় তুলিয়া দিল।

সুপ্রতিম বলিল, “দেখি একবার হাতটা? আজও ত জ্বর খুব বেড়েছে দেখছি—১০৪এর ওপর হবে। তুমি মাথায় একটু জলপটী দিয়ে দাও ত, উত্তরা! আর একটু বাদে টেম্পারেচারটা নিও।”

বলিয়া সে বাহিরে চলিয়া যাইতেছিল, দরজার বাহিরে বারান্দায় তাহার কম্পাউণ্ডারকে দেখিয়া বলিল, “এই যে, সুবোধ! ওহে, ও-বেলার প্রেসক্রিপশনটাতেই আর্শেনিক ৪ ফোঁটা ক’রে দিয়ে রিপোর্ট ক’রে দাও। বুঝলে?” বলিয়া সে ঘরের বাহির হইয়া গেল।

কয়েক দিনের মধ্যেই বিজয়া ভাল হইয়া উঠিল। ম্যান হাসিয়া সে সে দিন উত্তরাকে বলিতেছিল, “মনে করেছিলাম, এবার তোমাদের ছুটি দিয়ে যেতে পারবো, কিন্তু দেখছি, এখনও ভোগাবো সকলকে—”

কথাটা উত্তরার ভাল লাগিল না। মনে হইল, কথাটার ভিতর বড়-বেশী একটা ঝাকামির সুর রহিয়াছে। বিতর্কায় তাহার মন ভরিয়া উঠিল।

বিজয়া বলিল, “কথা কচ্ছে না যে?”

উত্তরা হঠাৎ বলিয়া ফেলিল, “কি কথা কইব বল! তোমার খালি ঐ এক কথা! অথচ, কেন যে অমন ক’রে বল, তাও ত বুঝিনে। এ বাড়ীতে তোমাকে দেখবার লোকের কোনও দিন অভাব হয়নি—হবেও না। এটা তুমি নিজেও বেশ জানো। বরং আমারই অসুখ হ’লে রাত জাগবার লোক মিলবে না।”

বৌকের বশে কথাটা বলিয়া উত্তরা যেন নিজেই অনেকখানি সঙ্কচিত হইয়া গেল। আর বিজয়া হতবুদ্ধির মত উত্তরার মুখের পানে চাহিয়া রহিল। সেই মুখ-চোরা ভীক মেয়েটির মুখে এ-ধরণের কথা সে কোন দিন শোনে নাই—শনিবার আশাও কোন দিন করে নাই। তা ছাড়া, ঐ কথাটার ভিতর যে ইঙ্গিতটুকু প্রচ্ছন্ন ছিল, তাহার

আভাসমাত্রে বিজয়ার রোগচর্কল মস্তিষ্ক যেন বিম্ব-বিম্ব করিয়া উঠিল। রাগের মুখে কোন কথাই তাহার মুখ দিয়া বাহির হইল না, শুধু অন্তরের ভিতর দিয়া একটা বিজ্ঞাপ্রবাহের মত খেলিয়া গেল। অনেক কষ্টে নিজেকে সামলাইয়া সে শুধু সংক্ষেপে এইটুকুই বলিতে পারিল, “এ কথা তুমি জানো ত যে, আমার সেবা করবার জগে আমি কাউকে কোন দিন মাথার দিব্য দিতে যাই নি, বারণই বরং করেছি সকলকে।”

উত্তরা ইহার কি জবাব দিবে, যখন ভাবিয়া পাইতেছিল না, সেই সময় হঠাৎ সুপ্রতিম সেখানে আসিয়া পড়ায় সে এক দিকে যেমন স্বস্তির নিশ্বাস ফেলিল, অপর দিকে তেমনই কি একটা অজ্ঞাত জ্বালায় তাহার বুকের ভিতর জ্বলিয়া উঠিতে লাগিল।

সুপ্রতিম বলিল, “সুবোধ ওষুধটা দিয়ে গেছে কি, বৌদি?”

বিজয়া তাহার কোন রকম উত্তর দিবার আগেই উত্তরা ধীরে ধীরে সেখান হইতে সরিয়া গেল। বাড়ীর ভিতর সর্বস্থানে যেন একটা অসহ্য গুমোট বোধ হইতে লাগিল। সে তাই বরাবর উপরের খোলা ছাদে উঠিয়া আসিল। সেখানে আলসের গায়ের ভর দিয়া চূপ করিয়া দাঁড়াইয়া তাহার এই কথাটাই মনে হইল, ভ্রমের জীবনের সমগ্র তাহার নিজের জীবনেও জটিল হইয়া ফুটিয়া উঠিতে বৃষ্টি আর দেরী রহিল না। কিন্তু কেমন করিয়া সহ করিবে সে? যাহার এতটুকু সোহাগ-আদরের আশায় তাহার দেহ-মন উন্মূখ হইয়া আছে, তাহার তরফ হইতে এই নিস্পৃহ উদাসীনতা সে কেমন করিয়া সহ করিবে? অথচ, সেই লোকটারই কত মাথাব্যথা ঐ বিজয়ার জন্ত! কেন? বিজয়া সুন্দরী, আর সে কালো, তাই?

উত্তরার চোখের জল আলসের উপর ঝরিয়া-ঝরিয়া পড়িল। শুধুই এই গায়ের রঙ্গের একটুখানি মলিনতাব জন্ত এত বড় শাস্তি তাহার?

বিজয়া সুপ্রতিমের সহিত সাধারণতঃ যে ভাবে কথা বলিত, আজ শুধু যে তাহারই ব্যতিক্রম দেখা গেল, তাহাই নয়, আজ যেন কিসের একটা কুৎসিত মানিতে বিজয়ার মন ভরিয়া রহিয়াছে, এটুকু বৃষ্টিতেও সুপ্রতিমের বিলম্ব হইল না; এবং সুপ্রতিম আসিতেই উত্তরার অমনভাবে নিঃশব্দে

সরিয়া যাওয়ার সহিত বিজয়ার এই ব্যবহারেরও সে একটা প্রচ্ছন্ন সংযোগ রহিয়াছে, এটুকু অনুমান করাও তাহার পক্ষে কঠিন হইল না। সুপ্রতিম বৃষ্টি, উত্তরা ও বিজয়ার মধ্যে কি যেন একটা মনোমালিণ্ড শুরু হইয়াছে। হয় ত উত্তরা এ বাড়ীতে তাহার সত্যকার দাবীটুকু লইয়া বিজয়ার সহিত খুঁটিনাটি-ঝগড়া শুরু করিয়াছে এবং বিজয়া তাহাতে অপমান বোধ করিয়াছে। বিজয়া যখন জানালার বাহিরে আকাশের পানে উদাস শূন্য দৃষ্টি ছাড়িয়া দিয়া বেশ একটু দৃঢ়তার সহিত বলিল,—“আর আমাকে ওষুধ দিও না, ঠাকুরপো। এই তোমায় দিব্য দিবে বলে রাখলাম। মরণই যার একমাত্র শাস্তি, তার আবার ওষুধ খেয়ে বেঁচে থাকা কেন?” তখন সুপ্রতিম তাহার পানে স্থিরদৃষ্টি রাখিয়া স্তব্ধের মত দাঁড়াইয়া রহিল; এবং পরে জোর করিয়া একটুখানি হাসিয়া বলিল, “আচ্ছা, আচ্ছা, মরণের কোন রাস্তাটা সবচেয়ে সোজা, সেটা উদ্ভাবন করে তোমায় না-হয় পরে খবর দেব, বৌদি; কিন্তু উপস্থিত তাড়াতাড়ি করো না। হঠাৎ পথ ভুলে গলে পড়তে পারে।”

বলিয়া সে আর না দাঁড়াইয়া স্বাভাবিক ব্যস্ততার সহিত বরাবর নীচে নামিয়া গেল।

ডিম্বেন্দ্রারীতে গিয়াও তাহার মাথার ভিতর বিজয়ার প্রসঙ্গটা এলোমেলোভাবে ঘুরিতে লাগিল; এবং এই কথাটাই তাহার মনে সমগ্রার আকারে দেখা দিল যে, উত্তরা এবং বিজয়া—উভয়ের মধ্যে মনোমালিণ্ড যদি ধীরে ধীরে বাড়িয়া চলিতেই থাকে, তাহা হইলে উত্তরাকে লইয়া হয় ত কোন দুর্ভাবনার কারণ ঘটবে না, কিন্তু বিজয়া? বিজয়ার স্বামী—তাহার বালাবন্ধু অমরনাথের সেই শেষ অনুরোধটুকু সে সে কোন দিনই ভুলিতে পারে নাই! “ওর কেউ রইল না, ওকে দেখিস, ভাই!” মুমূর্ষুর এই কথাগুলি এখনও তাহার কাণে বাজিতেছে। তাই বিজয়ার প্রতি এতটুকু অসম্মান অপমান সুপ্রতিমের বুকে বড় বেশী করিয়াই বাজে। উত্তরা যদি তাহাকে দিনের পর দিন অপদস্থ করিতে শুরু করে? সে দোটার মাকে সুপ্রতিম নিজের কর্তব্য স্থির করিবে কেমন করিয়া?

দিন কয়েক পরের কথা।

কম্পাউণ্ডার সুবোধ সুপ্রতিমকে জানাইল যে, বাড়ীতে

যে আর্শেনিকের ছোট শিশিটা ছিল, সেটা সে খুঁজিয়া পাইতেছে না। সুপ্রতিম যদি ভুলিয়া বাড়ীর ভিতরে কোথাও লইয়া গিয়া রাখিয়া থাকেন, একবার ভাল করিয়া খুঁজিয়া দেখিবার জন্য সুবোধ তাঁহাকে অনুরোধ জানাইল। সুপ্রতিম বলিল, “আমি কোথায় রাখব হে? ওষুধ-পত্র যা-কিছু, সব ত বাড়ীর নীচের ঘরেই থাকে। তুমিই হয় ত সেখান থেকে ডিস্‌পেন্সারী-ঘরে এনে রেখেছ।”

সুবোধ জানাইল,—“আজ্ঞে না। ডিস্‌পেন্সারীতে যে আর্শেনিকের বড় ফাইলটা থাকে, তাই আছে। ও শিশিটা বরাবর বাড়ীতেই থাকতো।”

সে দিন ডিস্‌পেন্সারী হইতে বাড়ীতে আসিয়া সুপ্রতিম নীচেকার ঔষধের ঘরে ঢুকিয়া তন্ন তন্ন করিয়া খুঁজিয়াও আর্শেনিকের শিশিটার সন্ধান করিতে পারিল না। বাড়ীর সকলকেই একে একে জিজ্ঞাসা করিয়াও কোন কিনারা মিলিল না। উত্তরা শুা ছোট করিয়া ঘাড় নাড়িল। বিজয়া হাসিয়া বলিল, “না ঠাকুরপো, তোমার ব্যবসাটি ফেল্‌ করবার কোনও বাসনা আমার নেই যে, তোমার ওষুধের শিশি সরিয়ে রেখে নিজে ডাক্তারী শুরু ক’রে দেব।”

বিজয়া আবার বেশ সুস্থ হইয়াছে। আবার তাহার মুখে পূর্বের সেই হাসি ফিরিয়াছে। কিন্তু এটুকু সুপ্রতিম লক্ষ্য করিয়াছে যে, উত্তরা ও বিজয়ার মধ্যে আগের সে মেলামেশা—সে সঙ্গদয়তা নাই। উভয়েই যেন উভয়ের বহু দূরে দূরে সরিয়া থাকিতে চায়। সুপ্রতিম তাহাতে কষ্ট অনুভব করিলেও মুখ ফুটিয়া কাহাকেও কোন-কিছুই বলিতে পারে না। বিজয়া আবার পূর্বের মত এ সংসারের গৃহিণী-পনা করিতেছে, আবার আগের মতই রহস্যের ঝঙ্কার তুলিয়া কথা বলিতেছে। কিন্তু উত্তরা আজকাল যেন অত্যন্ত আড়ালে-আড়ালে ঘুরিয়া বেড়াইতে ভালবাসে। নিঃস্বপ্নে ছাদের উপর বসিয়া আকাশে তারার সমারোহ দেখিতে দেখিতে তাহার বণ্টার পর বণ্টা কাটিয়া যায়। রাত্ৰিতে সুপ্রতিম হয় ত এক এক দিন তাহাকে জিজ্ঞাসা করে, “তোমার কি হয়েছে বল ত, উত্তরা?”

উত্তরা খুব ক্ষীণ একটু হাসিয়া বলে, “কি আবার হবে?”

সুপ্রতিম বলে,—“তবে?”

উত্তরা তাহার মুখের উপর ভাবহীন স্থির চোখ দু’টি রাখিয়া জবাব দেয়,—“কি তবে?”

সুপ্রতিম ইহার পর আর কোন কথা শুঁছাইয়া বলিতে পারে না।

আর্শেনিকের শিশিটার সন্ধান কোথাও মিলিল না। সুপ্রতিম সে দিন ইহার জন্য সুবোধকে অত্যন্ত ধমক দিতেছিল। বেচা। সুবোধ কিছু বলিতে না পারিলেও মুখখানা তাহার কান্দ-কান্দ হইয়া উঠিয়াছিল। বিজয়া সে দিক্ দিয়া যাইতে-যাইতে দরজার বাহিরে দাঁড়াইয়া বলিল,—“মিছেই হয় ত ওকে বকা-ঝকা কর্ছো, ঠাকুরপো! ঝি-চাকরে হয় ত ভেঙ্গে ফেলেছে, তার পর চুপি-চুপি কুড়িয়ে নিয়ে ফেলে দিয়েছে; এখন আর কি কেউ কবুল করবে?”

সুপ্রতিম হতাশার সুরে বলিল, “সেটা যে ভয়ঙ্কর বিন, বৌদি!”

সেটা সে বিব, এ কথায় বিজয়া দুই চোখ বিস্ফারিত করিয়া একবার সুপ্রতিমের মুখের পানে এবং একবার সুবোধের মুখের পানে তাকাইল। তার পর নিজের কামে চলিয়া যাইতে-যাইতে শুধু বলিল, “যেমন সব অ-গোছালো ব্যাপার তোমাদের!”

কথাটা এক বকম চাপা পড়িয়াই গিয়াছিল। কিন্তু হঠাৎ অত্যন্ত বিস্মী আকারে আবার আত্মপ্রকাশ করিল,— প্রায় মাস দেড়েক পরে।

কিছুদিন ধরিয়। উত্তরার ভিতর-ভিতর খুব বেশী রকম একটা পরিবর্তন লক্ষিত হইতেছিল, শুধু তাহার মনে নয়, দোহেও।

সে যেন সর্বদাই উদাস এবং উন্মনা হইয়া থাকে। সংসারের কোন জিনিষেই যেন তাহার আস্থা নাই। সুপ্রতিম কিছু জিজ্ঞাসা করিলে বলে, ‘কৈ, কিছুই ত হয় নাই!’ বেশী জিদ করিলে বলে, ‘রোজই কেমন মাথা ধরে, আর সর্বাপ জ্বালা করিতে থাকে। এ-ছাড়া আর ত কিছু হয় না।’

তাহার শাশুড়াও তাহার জন্য চিন্তিত হইতে শুরু করিয়াছেন। সে দিন ছেলেকে ডাকাইয়া বলিলেন, “বৌমার কি হ’ল, না হয়, একবার ভাল ক’রে দেখো। সর্বদাই যেন কিম্বিয়ে আছে, গুয়ে-গুয়ে থাকতে চায়। আগে-আগে মনে করেছিলুম, অস্তঃস্বপ্ন; কিন্তু এখন ত তা মনে হয় না। তুমি ত কিছু দেখবে না!”

ছেলে অনুসোগের কণ্ঠে বলিল, “কি ক’রে দেখবো, তাই বল। যার অসুখ, সেই যদি মুখ ফুটে কিছু না বলে মা, আমি কার চিকিৎসা করবো?”

মা বলিলেন, “জানিনে বাছা, তোমাদের সব কি সে কাণ্ড! অসুখের কথা তোমাকে যে ও কেন বলে না, তাও বুঝিনে! সেটাও ত ভাল কথা নয়!”

সুপ্রতিমের মনে হইল, মায়ের কথার ভিতর খুব ক্ষীণ অথচ সুস্পষ্ট একটু ভৎসনা প্রচ্ছন্ন রহিয়াছে। মা যেন এই কথাটাই বলিতে গিয়া চাপিয়া গেলেন যে, স্বামীর কাছে স্ত্রীর অস্বাস্থ্যের কথা খুলিয়া না বলা, ইহাতে স্বামীর কৃটিত্ব কম নয়! কিন্তু সে কি করিবে? সে ত কোন দিন উত্তরাকে অনাদর বা অবহেলা করে নাই! মুখ ফুটিয়া সে যখন মাতা চাহিয়াছে, তখনই আনাইয়া দিয়াছে। তবে সর্বদাই সে নিজের কাষকর্ষ লইয়া ব্যস্ত; বাহিরের কর্তব্য পূরাপূরি বজায় করিয়া সংসারের মাহার যত্নুক দাবী, তাহা মিটাইয়া দিতে সে কোন দিন কার্পণ্য করে নাই। তবু কেন উত্তরা তাহাকে পর ভাবে?

সে এক দিন উত্তরাকে জোর করিয়া ধরিয়া বলিল,— “কেন তুমি এমন হয়ে যাচ্ছে! বল ত সত্যি ক’রে? আমার এখানে তোমার ভালো লাগছে না? এখানে তোমার যত্ন হচ্ছে না বুঝি?”

উত্তরা একখানি ক্যান্সিসের ইজিচেয়ারে নিষ্পন্দ হইয়া পড়িয়াছিল। স্বামীর মুখের এশরণের কথা সে কখনও শুনিয়াছে বলিয়া মনে করিতে পারিল না। তবে কি স্বামী সত্যই তাহাকে ভালবাসিতে শুরু করিয়াছেন? তবে কি বিজয়া—

সুপ্রতিম ভৎসনার সুরে বলিল, “কি যে ফ্যান্-ফ্যান্ ক’রে তাকিয়ে থাকো! বল না, কি হয়েছে? তুমি কিছু বলবে না, আর মা আমাকে বক্বেন!”

উত্তরা বলিল, “তোমাকে বক্বেন মা?”

“বক্বেন না? সে দিন দস্তুরমত বকেছেন যে, আমি তোমার পানে যথেষ্ট রকম নজর দিইনে।”

বলিয়া সে চূপ করিয়া দেয়ালের দিকে চাহিয়া চাহিয়া বলিল, “তবে এ কথাও ঠিক উত্তরা যে, আমি খুব একটা কাঠখোটা গোছের—নিতান্তই এই পৃথিবীর স্থূল মাটিতে ভেঁরী মাছ। তোমরা সাধারণতঃ যাকে প্রেম, প্রণয়

বা ভালবাসা বল, সে সব আমার মাথায় ঢোকে না। আমি জানি, স্বামী বা স্ত্রীর পরস্পরের কাছে পাওনা কতকগুলো কর্তব্যের সমষ্টি। সে সব কর্তব্যের অধিকাংশই বেশ মোটামুটি রকমের শুকনো এবং শক্ত; মধুরত্ব না আছে, তা সামান্যই।”

বলিতে বলিতে সে উত্তরার মুখের পানে দৃষ্টি ফিরাইয়া দেখিল, সে নির্নিমেষ-নয়নে তাহার পানে চাহিয়া আছে।

সুপ্রতিম স্ত্রীর একখানা হাত নিজের হাতের মধ্যে টানিয়া লইয়া বলিল, “কি দেখ্ছে?”

উত্তরা ক্রান্তস্বরে চোখ নামাইয়া বলিল,— “কিছু না।”

সুপ্রতিম একটু চূপ করিয়া কি ভাবিয়া বলিল,— “আমি আমাদের কলেজের এক জন বড় ডাক্তারকে নিয়ে আসবো। আমাকে তুমি না বলতে চাও, তাঁকে সব কথা তোমার বলতে হবে।”

সে চলিয়া গেলে উত্তরা একা সেই ভাবেই ইজিচেয়ারে পড়িয়া পড়িয়া স্বামীর কথাগুলিকে বিশ্লেষণ করিয়া দেখিতেছিল। আশ্চর্য্য! স্বামি-স্ত্রীর সম্বন্ধ কেবল কতকগুলি কর্তব্যের সমষ্টি-মাত্র! কেন এত নির্বিকার? কেন? সে রূপসী নয়, এই তাহার একমাত্র কারণ নয় কি?

নীচে বৈঠকখানাঘরের সুপ্রতিম এবং তাহার কলেজের প্রবীণ অধ্যাপক ডাঃ বিশ্বাস কথা কহিতেছিলেন। দুজনেরই মুখ অতিরিক্ত রকম গম্ভীর এবং বিষঃ। সুপ্রতিমের মুখে একটা বিবর্ণতা সুস্পষ্ট হইয়া উঠিয়াছে।

ডাঃ বিশ্বাস বলিতেছিলেন, “এ সম্বন্ধে সন্দেহের অবকাশ আর এক বিন্দু নেই। আর্শেনিকের লক্ষণ পেয়েছিলুম বলে তোমায় analyserএর রিপোর্ট নিতে বলেছিলাম। এখন ত তুমিও স্পষ্টই বুঝ্ছে!”

সুপ্রতিমের মাথার ভিতর তখন ঘুরিতেছিল—সেই হারানো আর্শেনিকের শিগিটা! কিন্তু সে কথা সে ডাক্তারের কাছে প্রকাশ করিয়া বলিতে পারিতেছিল না।

ডাঃ বিশ্বাস টেবলের উপর আঙ্গুলের মুছ টোকা দিতে দিতে বলিলেন, “এখন এই poisoningটা হ’লো কেন, সে হয় ত তুমিই ভালো বলতে পারবে। আত্ম-হত্যার জন্মে নয়, এটা আমার দৃঢ় ধারণা। কারণ, তার জন্মে এত অল্প-অল্প ক’রে অগ্নিসর হবার দরকার ছিল না।”



সুপ্রতিম রুদ্ধনিশ্বাসে বলিল, “তা হ’লে কি আপনি বলতে চান যে, এটা আর কেউ ওকে—”

ডাঃ বিশ্বাস বলিলেন, “বলাটা অস্বাভাবিক হবে হয় ত। কিন্তু, ডাক্তারী অভিজ্ঞতা নিয়ে ঐ কথাটাই মনে আসে যে! লোকের চোখে ধুলো দিয়ে কাষ শেষ করতে আর্শেনিকের ব্যবহারটা খুবই বেশী। যাক! সব কথা বলা হয় ত আমার উচিত হবে না। কিন্তু, এখন থেকে তোমায় দস্তরমত সতর্ক হ’তে হবে। তোমার স্ত্রীর খাবার জিনিষগুলি যাতে নিজের হাতে না হোক, নিজের সামনে তৈরী ক’রে দিতে পার, তার চেষ্টা ক’রো। আর, উপস্থিত ঐ প্রেসক্রিপ্শনটাই চলবে।”

সুপ্রতিম একবারে হতবুদ্ধি হইয়া গিয়াছিল। উত্তরাকে বিষ দিয়াছে? কে? কাহার সঙ্গে তাহার এমন শত্রুতা যে, তাহাকে পৃথিবী হইতে সরাইতে না পারিলে—

ব্রজসুন্দরী সব কথা শুনিলেন। কিন্তু যাহাতে কোন-রকম কাণাকণি না হয়, সে সম্বন্ধে সুপ্রতিম তাঁহাকে বিশেষ করিয়া সতর্ক করিয়া দিল। ব্রজসুন্দরীর দুই চোখ দিয়া দর-দর করিয়া ভল গড়াইয়া পড়িল। আঁচলে তাহা মুছিতে-মুছিতে কপালে নিঃশব্দে করাত করিতে লাগিলেন।

বিজয়া আসিয়া ব্রজসুন্দরীকে জিজ্ঞাসা করিল,— “উত্তরার কি হয়েছে, মাসী-মা? ডাক্তার কোনও কিছু খারাপ বলে গেলেন না কি?”

ব্রজসুন্দরী বলিলেন, “খারাপ এমন কিছু নয়। তবে ইয়া—একটুখানি ভাবনার কথা বৈ কি।”

ও সম্বন্ধে বিজয়াকে আর কোন প্রশ্ন করিবার অবকাশ না দিয়া ব্রজসুন্দরী নিজের কাষে চলিয়া গেলেন।

ছপুরবেলা সুপ্রতিম বাড়ীতে আসিলে তাহাকে নিরিবিলা পাইয়া বিজয়া ঐ প্রশ্নটাই করিল। সুপ্রতিম একবার যেন কেমন খাপছাড়াভাবে বিজয়ার মুখের দিকে তাকাইয়া গায়ের কোটটি খুলিতে খুলিতে বলিল,—“কি ক’রে বলবো বল! কি যে হয়েছে, তা এখনও নিশ্চয় ক’রে কিছু বলা যাচ্ছে না। তোমাকে কিছু বলে নি?”

বিজয়া যেন একটু মুস্থিলে পড়িয়া গেল। সে ধানিকন্ধন নতমুখে চুপ করিয়া থাকিয়া বলিল,—“আমি ওকে জিজ্ঞাসা করিনি।”

সুপ্রতিম বলিল,—“ও!”

ঐ ছোট্ট একটি কথায় বিজয়ার যেন চমক লাগিল। ঐ একটি অক্ষরের উচ্চারণের ভঙ্গীতেই যেন কত কঠোর ভৎসনা মেশানো রহিয়াছে। সে তেমনই নতমুখেই দাঁড়াইয়া রহিল।

আয়নার সম্মুখে দাঁড়াইয়া নেকটাইয়ের ফাঁসটুকু আলগা করিতে করিতে সুপ্রতিম বলিল,—“আচ্ছা, তোমাদের ঝগড়াটা কিসের, তাও আমি শুন্তে পাইনে, বোদি?”

আয়নার তিতর দিয়াই সে দেখিল, বিজয়া একবার সোজা তাহার পানে দৃষ্টি তুলিয়াছে। সে চোখে কেমন যেন একটা ত্রস্ত ব্যাকুলতা।

মূহূর্তকাল নীরব থাকিয়া সে বলিল,—“কৈ, ঝগড়া ত কিছুই হয়নি, ঠাকুরপো! ও বলেছে বৃথা তোমায়? ওর যেমন সবতাতেই বাড়াবাড়ি!”

ঐ কথায় পর আর সেখানে না দাঁড়াইয়া সে কার্য্যান্তরে চলিয়া গেল।

পোষাক ছাড়া ভুলিয়া সুপ্রতিম স্ত্রীর মত অনেকক্ষণ চেয়ারে বসিয়া রহিল। তাহার মাথায় আকাশ-পাতাল ভাবনা। উত্তরা যদি আশ্চর্য্যের চেষ্টায় আর্শেনিক না খাইয়া থাকে, তবে কে আর তাহাকে বিষ দিবে? এ বাড়ীতে কে আর আছে? উত্তরার প্রতি কাহার এমন মারাত্মক বিদ্বেষ যে—আর সে বিদ্বেষের উৎসই বা কোথায়? ?

উত্তরা প্রায় শয়্যাগত হইয়া পড়িয়াছে। একে সে স্বভাবতই ক্ষীণাঙ্গী, তাহার উপর এই অদ্ভুত অসুখ—সে একবারে ভাঙ্গিয়া পড়িয়াছে। সর্বদাই সে মুখ বুজিয়া আচ্ছন্নের মত বিছানায় পড়িয়া আছে। আগে যদি বা সুপ্রতিম তাহার অসুখ সম্বন্ধে অনেক কিছুই প্রশ্ন করিত, এখন আর এসম্বন্ধে সে বিশেষ কিছু বলে না। তবে এটুকু সে অনুভব করিতেছিল, আজকাল সুপ্রতিম অনেকখানি সময় বাড়ীতে থাকে, এবং যতক্ষণ থাকে, ততক্ষণ সে উত্তরার বিছানার পাশে ইজিচেয়ারে পড়িয়াই কাটাইয়া দেয়। উত্তরা এক একবার মুখ তুলিয়া বলে, “তুমি বেরুবে না?”

সুপ্রতিম বলে, “না। কেন?”

উত্তরা বলে, “এমনি।”

সে দিন উত্তরা স্বামীকে হঠাৎ প্রশ্ন করিয়া বসিল,— “আচ্ছা, তোমায় একটা কথা জিজ্ঞাস্য করবো। সত্যি বলবে?”

“কি ?”

“আমি আগের চেয়ে অনেকটা ফর্সা হয়েছি কি না, সত্যি ক’রে বল !”

সুপ্রতিম খানিকক্ষণ তাহার মুখের পানে চাহিয়া থাকিয়া বলিল, “তা হয়েছে। ফাঁকাশে হ’লে সবাই ফর্সা হয়।”

উত্তরা আর কোন কিছু বলিল না ; ধীরে ধীরে চোখ-চুটি বুজিয়া গুইয়া রহিল।

সে দিন ব্রজসুন্দরী বিজয়াকে ডাকিয়া বলিলেন,—“দেখ, বোমা ! তুমি এখন দিনকতক না হয় আমাদের গায়ে গিয়েই থাকো। সেখানকারও ত সবই অ-গোছালো হয়ে আছে। তুমি গেলে হয় ত খানিকটা উপকার হ’তে পারবে।”

একথার জবাবে বিজয়া কি যে বলিবে, সহসা খুঁজিয়া না পাইয়া হতবুদ্ধির মত হইয়া পড়িল। ব্রজসুন্দরীও তাহার কোন রকম জবাবের অপেক্ষা না করিয়াই বলিলেন, “তা হ’লে কালই সকালে তুমি যাও। সুবোধকে বলেছি, সে তোমাকে রেখে আসবে।”

বিজয়া একবারে স্তম্ভিত হইয়া গেল, এবং এ-সম্বন্ধে আর কোন কিছু আলোচনা হইবার অবকাশ না দিয়া ব্রজসুন্দরী কার্য্যান্তরে চলিয়া গেলেন।

চোখ, কাণ ইত্যাদির অতিরিক্ত মানুষের একটা ইঞ্জিয় আছে.—যাহার সাহায্যে কোন একটা জিনিষ না দেখিয়া, না গুনিয়াও বুঝিতে পারা যায়। বিজয়া অনুভব করিতেছিল, এই বাড়ীর আবহাওয়ার কোথায় যেন একটা নিশ্বাস-চাপা ঘন বাষ্প জমিয়া উঠিয়াছে। ব্রজসুন্দরী হইতে সুরু করিয়া এ বাড়ীর ঝি-চাকর সকলের মুখেই যে একটা ধমধমে ভাব, ইহার গানি তাহাকে রীতিমত গভীরভাবেই স্পর্শ করিয়াছে। এক দিন যে বাড়ীর গৃহিণী হইতে দাসদাসী সকলেই তাহার সহিত হাসিমুখে ছাড়া কথা বলিত না, আজ যেন সে সে-সংসারের কেহ নয়, সম্পূর্ণ অনভিপ্রেত এক জন অনাত্মীয় ছাড়া কেহ নহে। সে জানে, উত্তরার বাড়াবাড়ি অসুখ ; কিন্তু তাহা ছাড়াও এমন একটা কিছু ঘটিয়াছে, যাহার সহিত তাহার নিজেরও যেন একটা কুটিল সংযোগ রহিয়াছে ; অথচ কেহই সে কথাটা স্পষ্ট করিয়া

মুখ ফুটিয়া বলিতে চাহিতেছে না। উত্তরার কি অসুখ, ডাক্তার কি বলিতেছে, কেহই তাহাকে গুনাইতে চায় না। নিজে সে অনেক দিন উত্তরাকে এ সম্বন্ধে জিজ্ঞাসা করিবার চেষ্টা করিয়াও পারে নাই। কেমন একটা ‘কিস্ত’র ভাব তাহাকে বাধা দিয়াছে। তা ছাড়া, এইকু কেহ মুখ ফুটিয়া না বলিলেও সে সম্প্রতি অনুভব করিতেছে, উত্তরার সহিত তাহার মেলামেশা করাটা এ বাড়ীর কেহই যেন পছন্দ করে না। কিস্ত কেন ? উত্তরার সহিত ত তাহার কোন শত্রুতা নাই ! শুধু তাহার সে দিনের সে কথাটাকে আজও বিজয়া মার্জনা করিতে পারে নাই। সে কি তাহার দোষ ? কেন উত্তরা তাহার সম্বন্ধে ঐ হীন সন্দেহ ব্যক্ত করিতে সাহস করিল ? সংসারে তাহার আপনার বলিতে কেহ নাই বলিয়াই ত অমন করিয়া সে বলিতে পারিল ? সে জানে, উত্তরা কি মনে করে। ছেলেমানুষ বলিয়া সে অবশ্য সে কথা গ্রাহ করে না, কিন্তু তবু সে মারাত্মক অপমান সে কখনই ভুলিতে পারিবে না।

মাসীমার হুকুম, কালই তাহাকে এ বাড়ী ছাড়িয়া যাইতে হইবে। এ কি তাহার নির্দাসন ? এ কি তবে উত্তরারই ব্যবস্থা ? না হইবেই বা কেন ? সে-ই ত এ বাড়ীর বড় বউ এবং সে দিক দিয়া গৃহিণীও বটে। সে কি কিছু বলিয়াছে মাসীমার কাছে ? মনের যে কুৎসিত সন্দেহের সে সেদিন আভাসমাত্র দিয়াছিল, তাহাকেই ফেনাইয়া ফাঁপাইয়া মাসীমার কাছে একটা গল্পের সৃষ্টি করিয়াছে ? এবং সেই জগুই তাহার এই শাস্তি ?

বিজয়ার বুক ফাটিয়া কান্না আসিল। নিশ্চয়ই তাই। আর, এই জঘন্য অপমান মুখ বুজিয়া সহ করিয়া সে ওদের দেওয়া শাস্তিটাকেই নির্দ্বিচারে মাথায় পাতিয়া লইয়া চলিয়া যাইবে ?

কিন্তু, তা’ ছাড়া উপায় কি ? সর্বস্বহার। রিক্তা যে সে ! তাহার যে কেহ নাই, কিছু নাই ! এই অহেতুক অপমানের বিরুদ্ধে একটা কথা বলিতে যে এ-সংসারে একটা প্রাণীও নাই।

হ্যাঁ, সহ্যই করিবে সে ! সে বিধবা—ধরিজীর মত তাহার সহিষ্ণুতা চাই—অপমানকে সে বরণ করিবে হাসির অর্ঘ্য দিয়া !

দিন-দুই পরের এক সন্ধ্যা।

সুপ্রতিম সুইচ্ টিপিয়া আলো জালিয়া দিতে উত্তরা উঠিয়া বসিয়া হাত যোড় করিয়া ঠাকুরপ্রণাম করিয়া আবার শুইয়া পড়িল। তার পর খানিকক্ষণ চুপ করিয়া পড়িয়া থাকিয়া সুপ্রতিমকে ডাকিয়া বলিল,—“হ্যাঁগা, আমার খুব শক্ত অসুখ, না?”

সুপ্রতিম ঢোক গিলিয়া বলিল,—“শক্ত অসুখ হ'তে যাবে কেন? তবে ভারী দুর্বল হয়ে পড়েছ কি না—”

উত্তরা কি যেন ভাবিতেছিল। আবার একটু চুপ করিয়া থাকিয়া বলিল, “অ'চ্ছা, দেখ, দিদি আর কেন আমার কাছে একটীবারও আসে না? আগে যদি বা কখনও আসতো, খাবার দিয়ে খেতে বলেই চ'লে যেতো। ‘আমি ছেলেমানুষ, আমার ওপর তার এত রাগ? তুমি একবার তাকে বলবে?”

“কি বলবে?”

“দিদিকে একবার আমার কাছে এসে বসতে?”

“সে ত এখানে নেই, উত্তরা। মা তাকে গায়ে পাঠিয়ে দিয়েছেন।” কথাটা শেষ হইবার আগেই সুপ্রতিমের গলা যেন ধরিয়। আসিল।

“কেন? এখন সে চ'লে গেল কেন? আমার এই অসুখ, বাচ'বো কি না, আর সে আমাকে ফেলে চ'লে গেল?”

সুপ্রতিম একটু চুপ করিয়া থাকিয়া যেন অতি কষ্টে বলিল,—“মা মনে করেন, সে তোমাকে দেখতে পারতো

না। সে-ই তোমাকে খাবারের সঙ্গে কি-সব দিত, যার জগে তোমার এই অসুখ। এত দিন তোমাকে বলিনি; ডাক্তাররা বলেন, অনেক দিন থেকে একটু-একটু ক'রে আর্শেনিক বিষ খাওয়ানোর জগই—”

উত্তরা নিষ্পন্দ অবস্থায় বিছানায় পড়িয়াছিল। সমস্ত শরীরের কোথাও যেন এতটুকু জীবনের লক্ষণ নাই। শুধু চোখ-দুইটা তাহার অতিমাত্রায় বিস্ফারিত হইয়া পড়িয়াছিল। দেখিতে-দেখিতে সেই পলকহীন চোখের কোণে বড় বড় দুটি ফোঁটা জল মুক্তার মত জ্বলিতে লাগিল।

সুপ্রতিম তাড়াতাড়ি তাহার বিছানায় আসিয়া বসিয়া তাহার গায়ে ঝাঁকানি দিয়া বলিল,—“কি হয়েছে, উত্তরা? কাঁদছো যে?”

উত্তরা ছেলেমানুষের মত কাঁদিয়া ফেলিল,—“ওগো! সব দোষ যে আমার! আমার নিজের দোষের জগে তাকে পেতে হ'লো শাস্তি!”

“তোমার কি দোষ, উত্তরা?”

“তোমার সেই আর্শেনিকের শিশিটা লুকিয়ে রেখে আমি নিজেই যে খেতুম একটু একটু ক'রে। শুনেছিলুম, ওতে নাকি ফর্সা হওয়া যায়। হ্যাঁগো, আর কি দিদিকে ফিরিয়ে আনতে পার না? আমি পায়ের ধ'রে কেঁদে পড়লেও কি সে আসবে না?”

জানালার বাহিরে নিষ্পলক শূন্যদৃষ্টি ছাড়িয়া দিয়া সুপ্রতিম কাঠ হইয়া বসিয়াছিল; যেন সে রক্তমাংসের মানুষই নহে!

শ্রীপ্রফুল্লকুমার মণ্ডল


## অমর পুষ্প

তোমারে তো চাহি নাই অশ্রুসিক্ত জীবনের বনে  
বেদনার বৃন্ত পরে ফুটাইতে আনন্দের ফুল,—  
সৌরভে যাহার আজি চিত্ত মোর বিমুগ্ধ-ব্যাকুল;  
স্বর্গের আশিস্ সম পেয়েছিহু না জানি কেমনে।

পথ-মাঝে অকস্মাৎ মিলেছিহু মোরা দুই জনে,  
তার পরে লভিলাম বিচ্ছেদের বিষাদ বিপুল  
তবু মোরে দিয়ে গেছ অমরার অমৃত অতুল;  
ক্ষণিক মিলন, তবু সেই স্মৃতি নিত্য র'বে মনে

মনে পড়ে, কবে কোন্ মুখরিত বসন্তের দিনে  
একসাথে চলেছিহু বাক্যহীন মোরা দুই জন।  
তোমার তরুণ তনু, স্নিগ্ধ ছটা করুণ নয়ন  
ক'য়েছিল কি-সে বাণী এ আমার হৃদয়ের কাণে  
সেই দিন চিত্ত মোর চিরতরে লইয়াছ জিনে;  
সে দিন অমর পুষ্প ফুটিয়াছে অন্তর-কাননে!

শ্রীসরোজরঞ্জন চৌধুরী



## মে কালের স্মৃতি

২৩

আমরা যে সময় বরোদায় ছিলাম, তখন বরোদায় বাঙ্গালীর সংখ্যা নিতান্ত অল্প ছিল। ব্যবসায় ও চাকরী উপলক্ষে সে সময় বোম্বাই নগরে অনেক বাঙ্গালী বাস করিতেন। বোম্বাই হইতে বরোদায় দূরত্বও অধিক নহে, বোম্বাই নগরে ভিক্টোরিয়া টার্মিনস্ স্টেশনের অদূরে বি. বি. সি. আই. রেলপথের কোলাবা স্টেশন। এই স্টেশনে রাত্রি দশটার সময় টেণে চাপিলে প্রত্যয়ে সূর্যোদয়ের পূর্বেই বরোদায় উপস্থিত হইতে পারা যায়; অথচ বোম্বাই হইতে বরোদায় বাঙ্গালীর গতিবিধি ছিল না, এজন্য বরোদায় বাঙ্গালীর অভাব লক্ষ্য করিয়া বিস্মিত হইতাম। গিরীন্দ্র বাবু নামক এক জন বাঙ্গালী জুয়েলার এই সময় ব্যবসায় উপলক্ষে বরোদায় বাস করিতেন। মিঃ ফাডকের সহিত তাঁহার পরিচয় ছিল। আমি কোন কোন দিন অপরাহ্নে পশ্চিমতীর সঙ্গে বেড়াইতে বেড়াইতে তাঁহার দোকানে যাইতাম। এক দিন দেখিলাম, গিরীন্দ্র বাবুর দোকানে তাঁহার কারিকররা স্বর্ণনির্মিত এক জোড়া ব্রেসলেট হীরকপচিত করিতেছিল। ব্রেসলেটযুগলের শিল্পনৈপুণ্য মুগ্ধ হইয়া আমি তাহা হাতে লইয়া পরীক্ষা করিতে লাগিলাম; ক্ষুদ্র ক্ষুদ্র তাম্বিন হীরকবাশি দ্বারা নির্মিত একটি ন'ম ব্রেসলেটের ভিতর ঝকমক করিতেছিল; তাহার উপর দীপালোক প্রতিফলিত হওয়ায় তাহার ঔজ্জ্বল্য চক্ষু ধাঁধিয়া যাইতেছিল। আমি নামটি পাঠ করিলাম—'আমিনা তায়েবজী।' গিরীন্দ্র বাবুকে জিজ্ঞাসা করিলাম—'এ কাহার নাম?' গিরীন্দ্র বাবু বলিলেন, 'উনি বোম্বাই হাইকোর্টের জজ বদরুদ্দীন তায়েবজীর কন্যা, এবং বরোদায় হাইকোর্টের জজ মিঃ আক্বাস্ তায়েবজীর স্ত্রী।' বুঝিলাম, মিঃ আক্বাস তায়েবজী মিঃ বদরুদ্দীন তায়েবজীর কেবল ভ্রাতৃপুত্র নহেন, তাঁহার জামাতাও বটে। মিঃ আক্বাস্ তায়েবজী তখনও স্বদেশপ্রেমিক বলিয়া খ্যাতি লাভ করেন নাই, এবং মহাশয় গান্ধী তখনও দক্ষিণ-আফ্রিকা-প্রবাসী, সুতরাং তাঁহার সহিত ঘনিষ্ঠতার স্বযোগ লাভ করিতে পারেন নাই। বরোদায় শিক্ষিত সমাজে সে সময় কংগ্রেসের প্রতিষ্ঠার বিশেষ কোন পরিচয় পাই নাই। বোম্বাই অঞ্চলের কোনও দেশীয় রাজ্যে কংগ্রেস তখনও প্রতিপত্তি লাভ করিতে পারে নাই। একালেই বা কোন দেশীয় রাজ্য কংগ্রেসকে আমল দিতেছে? নাভার মহারাজ! না কি কংগ্রেসভাবাপন্ন ছিলেন।

এই সময় শ্রীযুত অক্ষয়কুমার ঘোষ ইংলণ্ড হইতে বরোদায় আসিয়াছিলেন। শ্রীঅরবিন্দ অপেক্ষা তাঁহার বয়স কিছু অল্প ছিল। এক দিন অপরাহ্নে—কাহার নিকট শুনিলাম স্বরণ নাই—সংবাদ পাইলাম, বরোদায় ক্যাম্পে এক জন সম্ভ্রান্ত বাঙ্গালী আসিয়া ডাক-বাংলোতে বাস করিতেছেন—তাঁহার নাম যুসুফ-ঘোষ। নাম শুনিয়া মনে হইল, ভক্তলোক হয় ত এলফ্রেড বোসের মত বাঙ্গালী খৃষ্টান, দেশপরিচয় উপলক্ষে বরোদায়

আসিয়াছেন। তথাপি তিনি আমার স্বদেশবাসী, এজন্য তাঁহাকে দেখিতে আগ্রহ হইল। অরবিন্দ বলিলেন, তিনি যখন বরোদায় আসিয়াছেন, তখন দেখা হইবেই। বস্তুতঃ এই আশা পূর্ণ হইতে অধিক বিলম্ব হইল না। দুই এক দিনের মধ্যেই তিনি আমাদের বাসায় অরবিন্দের সহিত সাক্ষাৎ করিতে আসিলেন। শুনিলাম, তিনি আমাদেরই মত খাঁটি হিন্দু। এই সময়ের কয়েক বৎসর পূর্বে মিস্ মুলার নামী বিদ্যুৎ ইংবেঞ্জ-মহিলা এদেশে আসিলে, প্রতিভাবান উচ্চাভিলাষী অক্ষয়কুমার তাঁহার স্নেহলাভে সমর্থ হইয়াছিলেন, এবং তিনি স্বদেশে প্রত্যাগমনকালে অক্ষয়কুমারকে সঙ্গে লইয়াছিলেন। শুনিয়াছিলাম, অক্ষয়কুমার তাঁহার প্রতি কৃতজ্ঞতার নিদর্শনস্বরূপ নিজের নামের সহিত তাঁহার নাম সংযোজিত করিয়াছিলেন, এবং এই জগত ইংলণ্ডে তিনি মুলার এ. কে. ঘোষ নামে পরিচিত হইয়াছিলেন, খৃষ্টদেব সহিত এই নামের সংস্রব ছিল না! থিয়োলজি শাস্ত্রে তাঁহার জ্ঞান অভিজ্ঞ স্বপণিত, বিবেচক যুবক খৃষ্টদেবের প্রসোভনে মুগ্ধ হইবেন, ইহা



বদরুদ্দীন তায়েবজী


অসম্ভব বলিয়াই মনে হইয়াছিল, হিন্দুর সভ্যতা ও সংস্কৃতি যে বিশ্ব-ব্যপ্ত, এবং পৃথিবীর সকল সভ্যতাতির তাহা অমুসরণের যোগ্য, ইহা তিনি মনে প্রাণে বিশ্বাস করিতেন; কিন্তু কিছুকাল যুরোপে বাস করিয়া তিনি যুরোপীয় ভাবাপন্ন ও প্রতীচা সভ্যতার পক্ষপাতী হইয়াছিলেন। তাঁহার আন্তরিকতার পরিচয় পাইয়া অরবিন্দ অতি অল্প সময়ের মধ্যে তাঁহার প্রতি আকৃষ্ট হইয়াছিলেন বলিয়াই মনে হইয়াছিল। অরবিন্দ আমাকে বলিয়াছিলেন, অক্ষয়কুমার খাঁট মানুষ, তবে তিনি অল্পদিন যুরোপে বাস করায় যুরোপীয় সভ্যতা তাঁহার উপর যে প্রভাব বিস্তার করিয়াছে, তাহা স্থায়ী হইবে না; শীঘ্রই উহার প্রকৃতির পরিবর্তন হইবে। কথায় কথায় জানিতে পারিলাম, অক্ষয়কুমার মিস্ মুলারের স্নেহে যত্নে লণ্ডনে বাস করিয়া উচ্চ শিক্ষা লাভ করিতেছিলেন; ইংলণ্ডের রাজনীতিশাস্ত্রে ও সাহিত্যেও তিনি সুনাম অর্জন করিয়াছিলেন। তাঁহার ইচ্ছা ছিল, সিভিল সার্ভিসে প্রবেশ করবেন; এতদ্বারা তিনি ব্যাবসায়ী পাশ করিবার চেষ্টা করিতেছিলেন। কিন্তু মানুষের সকল চেষ্টা সফল হয় না; কিছুদিন পরে মিস্ মুলারের



চাঁদ মুহা চওরার অক্ষয়কুমার সেই স্বপ্ন বদেশে একপ অর্ধ-সহুটে পড়িলেন যে, জীবিত উন্নতির সকল আশাটী তাগ করিয়া স্বদেশে প্রত্যাগমন করিতে বাধ্য হইলেন। সৌভাগ্যক্রমে তিনি পার্শ্ব-কুলভূষণ, জ্ঞানবৃদ্ধ, স্বর্গীয় দাদাভাই নৌরজীর স্নেহকর্ষণে সমর্থ হইয়াছিলেন। অক্ষয়কুমারকে স্বদেশে প্রত্যাগমনোন্মুখ দেখিয়া দাদাভাই নৌরজী তাঁহার অনুকূলে বরোদার বর্তমান মহারাজার নিকট এক সুপারিশ পত্র দিয়াছিলেন। এ সকল কথা পরে শুনিয়া-ছিলাম। তিন্ন প্রদেশবাসী সে কালের বৃদ্ধরা একালের বৃদ্ধদের অপেক্ষা বাঙ্গালীর প্রতি সঙ্গমুভূতিসম্পন্ন ছিলেন।

অক্ষয়কুমার বরোদায় আসিয়া মহারাজার সঙ্গিত সাক্ষাৎ করিয়াছিলেন, এবং মহারাজা যদি কোন চাকরীধারকরী দিয়া তাঁহাকে সাহায্য করেন, এই আশায় তিনি অরবিন্দের সঙ্গিতও সাক্ষাৎ করিয়াছিলেন; অবিন্দ তাঁহাকে মহারাজ'র প্রিয় স্বহৃদ এবং বরোদাসরকারের প্রধান কর্মচারিগণের অঙ্গতম মি: খাসেরাও

বাদবের সঙ্গিত পরিচিত করিয়াছিলেন। খাসেরাও সাহেবও অল্পসময়ের মধ্যেই অক্ষয়কুমারের পক্ষপাতী হইয়াছিলেন; এই নবাগত বাঙ্গালী যুবক সম্বন্ধে তাঁহার অনুকূল ধারণাটী হইয়াছিল: কিঞ্চিৎ খাসেরাও সাহেবকে বা অবিন্দকে অক্ষয়-কুমারের অনুকূলে মহা-রাজার নিকট সুপারিশ করিতে হয় নাট। গুণ-প্রাপ্তী গাঙ্গকবাড় অক্ষয়-



দাদাভাই নৌরজী

কুমারের বিজ্ঞানবুদ্ধির পরিচয় পাইয়া অবিন্দেই তাঁহার প্রার্থনা পূর্ণ করিয়াছিলেন। তবে বিনেশাগত অপরিচিত এক জন বাঙ্গালীকে বরোদা সরকারে বহু সুশিক্ষিত মারাঠা যুবকের আকাজক্ষিত উচ্চপদে নিযুক্ত করিতে মহারাজার আগ্রহ দেখিয়া, মহারাজার কোন কোন পদস্থ কর্মচারী অক্ষয়কুমারের প্রতিকূল কোন কোন কথা বলিলে, খাসেরাও সাহেব না কি অক্ষয়কুমারের সমর্থন করিয়া-ছিলেন; কিন্তু তাহার প্রয়োজন ছিল বলিয়া মনে হয় না। মহারাজা একপ দৃঢ়চিত্ত এবং নিজের বিচার-বুদ্ধিতে একপ নির্ভরশীল যে, তিনি যাহা কর্তব্য মনে করেন, কাহারও প্রতিবাদে তাঁহাকে সেই পথ হইতে এক তিস্তও বিচলিত হইতে দেখা যায় না। বস্তুত: মহারাজা ক্ষণমাত্র বিলম্ব না করিয়া অক্ষয়কুমারকে সিধপুরে অফিসের বিভাগের উচ্চপদে নিযুক্ত করিলেন। সিধপুর গুজ্বরের একটি প্রধান তীর্থস্থান; এবং উক্ত অঞ্চল 'পিতৃগয়া' নামে পরিচিত। এই নগরে এবং ইহার চতুর্দিকে নাগর ব্রাহ্মণ-গণের বাস। এই সকল গুজ্বাঢ়ী ব্রাহ্মণের অনেকেই অধিবর্তী মুসলমান বাহ্যে উচ্চ পদে প্রতিষ্ঠিত আছেন। স্থানীয় মুসলমানরা মাথা গণিয়া যোগ্য হিন্দুদের সঙ্গিত প্রতিযোগিতায় শতকরা নির্দিষ্ট হারে উচ্চপদ অধিকার করিতে পারিত না বলিয়া এক-যোগে মাথা নাড়িয়াছে, বা কোন খা বাহাজুরকে 'জাতা' বানাইয়া

তাঁহার নেতৃত্বে হিন্দুর বিরুদ্ধে ধর্মঘট করিয়াছে, সে কালে একপ ভেদবুদ্ধি গুজ্বাঢ়ীয়া তুলিবার মায়ুস সেই সকল বাহ্যে কেহ ছিল বলিয়া মনে হয় না; এজন্য উক্ত অঞ্চলের মুসলমান নরপতি-শাসিত বাহ্যে হিন্দু বাহু-কর্মচারিগণের প্রাধান্য অল্প থাকিলেও সাম্প্রতিক বিরোধের চিহ্নমাত্র কোথাও লক্ষিত হইত না; এবং হরিজনবর্গকে খোঁচাটীয়া তাহাদের মস্তকে অশান্তির আশ্বিন আলিবার জল্প কাহারও হাতে পতিতোদ্ধারের মশাল না থাকায় তাহারা নিরুপদ্রবে শান্তির সহিত সংসারধর্ম পালন করিতেছিল। গুজ্বরের আমেদাবাদ অঞ্চলে আজ যে উচ্চবর্ণের হিন্দুদের সহিত হরিজনদের কথায় কথায় লাঠালাঠী আরম্ভ হইতেছে, এবং পরস্পরকে ক্ষতিগ্রস্ত করিবার জল্প যথাসাধ্য চেষ্টা চলিতেছে, উচ্চবর্ণের হিন্দু গৃহস্থের গাই বন্দ গোশালায় মরিয়া, পঢ়িয়া ফুলিয়া ঢাক হইতেছে, তাগ ভাগাড়ে ফেলিবার ব্যবস্থা হইতেছে না, আবার হরিজনেরা উচ্চবর্ণের হিন্দুদের ক্ষেতে খামারে, বেড়ায় বাগানে, মজুরী করিতে না পাইয়া অনাহারে গুকাটীয়া কঙ্কালসার হইতেছে, প্রায় চ'ল্লিশ বৎসরের পূর্বে গুজ্বরের একপ দৃশ্যের সম্পূর্ণ অভাব ছিল। দেশ দিন দিন উন্নতির উত্তম শৈল-শিখরে আরোহণ করিতেছে - কে ইহা অস্বীকার করিবে?

অক্ষয়কুমার সিধপুরের অফিসে কেন্দ্রে অবস্থিতি করিয়া বরোদা সরকারের অফিসের বিভাগের কার্য পরিচালিত করিতে লাগিলেন। এই অঞ্চলে বরোদা সরকারের বিস্তার অফিসের উৎপাদিত হইয়া সিধপুরে গোসাভাত হইয়া থাকে। বরোদা সরকারের ইহা লাভজনক ব্যবসায়গুলির অঙ্গতম।

আমি যখন বাঙ্গালার প্রত্যাগমন করি, অক্ষয়কুমার তখনও বরোদা সরকারে চাকরী করিতেছিলেন। তিনি অবসর পাইলেই সিধপুর হইতে বরোদায় আসিয়া অরবিন্দের সঙ্গিত মিলিত হইতেন। তাঁহার কথা শুনিয়া বৃষ্টিতে পারিতাম, এই চাকরীতে তাঁহার আনন্দ বা তৃপ্তি ছিল না। কেবল অর্থোপার্জনই যোগ্যের লক্ষ্য, তাঁহারা এই চাকরীতেই লিপ্ত থাকিতেন। অক্ষয়কুমারও কার্যদক্ষতাগুণে ক্রমশ: উন্নতি লাভ করিয়া বরোদা সার্ভিসের শাসন-বিভাগের কোন উচ্চপদে প্রতিষ্ঠিত হইয়া কর্মজীবনের সাফল্য অর্জন করিতে পারিতেন।

কিঞ্চিৎ অরবিন্দের জায় অক্ষয়কুমারেরও দাসত্বের স্পৃহা ছিল না। আমি বাঙ্গালার প্রত্যাগমনের পর শুনিয়াছিলাম, তিনি বিলাতের বায় নির্কোচোপযোগী অর্ধ সক্ষয় করিয়া বরোদা সরকারের চাকরী তাগ করিয়াছিলেন, এবং বিলাতে গিয়া কিছুকাল চেষ্টার ফলে ব্যারিষ্টারী পরীক্ষায় উত্তীর্ণ হইয়া দেশে ফিরিয়াছিলেন। কলিকাতায় যখন আমি বঙ্গমতীর সেবায় নিযুক্ত ছিলাম, সেই সময় অক্ষয়কুমারকে হই এক দিন স্বর্গীয় সুহৃদ সুরেশচন্দ্র সমাজপতি মহাশয়ের বাড়ীতে দেখিয়াছিলাম; শুনিয়াছিলাম, তখন তিনি হাইকোর্টে ব্যারিষ্টারী করিতেছিলেন। কিঞ্চিৎ আমাদের জায় ক্ষুদ্র সাহিত্যিক তাঁহার জায় বিধান ও উচ্চসম্মানিত ব্যক্তির সঙ্গিত অসঙ্কোচে মিশিবার বা ভাবের আদান-প্রদানের যোগ্য নহে মনে করিয়া, সেই প্রাচীন পরিচয়ের খাতিরে মধুরপুচ্ছাবৃত হইয়া তাঁহার সহিত ঘনিষ্ঠতা করিতে স'চসী হই নাই বা সঙ্গত মনে করি নাই; কারণ, সুরেশ বাবু তাঁহার স্বাভাবিক সঙ্গমততা বস্তুত: আমাদের জায় সামান্য ব্যক্তির সহিত ঘনিষ্ঠভাবে মিশিয়া আত্মীয়তা

করিলেও তাহা যে সম্পূর্ণ আন্তরিক, ইহার বহু পরিচয় পাইয়া ছিলাম; অধিক কি, আমার জুই কঙ্কার বিবাহে তিনি স্বতঃপ্রসূত হইয়াই আমার মেহেরপুরের পল্লীভবনে পদধূলি দান করিয়াছিলেন। এক দিন আমার কাকা বলিয়াছিলেন, সুরেশ বাবুর শিষ্টাচারে তিনি মুগ্ধ হইয়াছিলেন। আমি তাঁহার এ কথার অর্থ বুঝতে না পারায় প্রশ্নগুচক দৃষ্টিতে তাঁহার মুখের দিকে চাহিলে, তিনি বলিয়াছিলেন, সুরেশ বাবু আমাদের বৈঠকখানায়



সুরেশচন্দ্র সমাজপতি

বসিয়া তাঁহার সম্মুখে সাধারণ ভঙ্গলোকের জায় ধূমপান করিয়াছিলেন। কিন্তু সুরেশ বাবুর সহিত তাঁহার পরিচয় হইবার পর সুরেশ বাবু কথায় কথায় যখন জানিতে পারিলেন, আমার কাকা তাঁহার পিতৃবন্ধু ও সতীর্থ, উভয়ে একত্র কৃষ্ণনগর কলেজে পাঠ করিয়াছিলেন, তাহার পর তিনি কাকাকে গুরুজনের প্রাণ্য সম্মান প্রদান করিয়াছিলেন, এবং তাঁহার সম্মুখে চুরুট স্পর্শ করেন নাই। কাকা বলিয়াছিলেন, এ কালের ছেলেদের নিকট তিনি কখনও সঙ্গম ও প্রসঙ্গপূর্ণ ব্যবহার প্রত্যাশা করেন নাই। সুতরাং আমি সুরেশ বাবুর সহিত ঘনিষ্ঠভাবে মিশিলেও, তাঁহার কোন কোন সাহিত্যিক বন্ধুকে আমি সর্বদা এড়াইয়া চলিতাম। কারণ, জানিতাম, তাঁহার আমাদেব জায় ক্ষুদ্র ব্যক্তির সহিত সৌজন্যের সঙ্গিত আসাপ করিলেও, তাহা মৌখিক শিষ্টাচার মাত্র; তাঁহারা মনে মনে আমাদের অবজ্ঞা করেন। এই জন্ত তাঁহাদের সহিত ঘনিষ্ঠতা করিবার তত্ত্ব কখনো আগ্রহ বা প্রবৃত্তি হয় নাই। পরে কখনো কখনো সাহিত্য-ক্ষেত্রে তাঁহাদের সহিত সহযোগিতা করিবার প্রয়োজন হইয়াছে বটে, কিন্তু যতদূর সম্ভব নিজেকে তফাৎ রাখিয়াই চলিয়াছি। কলিকাতায় আমি দীর্ঘকাল বাস

করিলেও কলিকাতা হাইকোর্টের প্রবীণ ব্যারিষ্টার সে কালের বরোদাপ্রবাসী মিঃ এ কে ঘোষের সহিত অধিকবার আমার সাক্ষাৎ হয় নাই।

আমাদের বরোদা ক্যাম্পের বাসায় এক দিন প্রভাতে এক সুরবেশধারী সাহেব লোকের আবির্ভাব হইল; তিনি ইটালীয়ান কি ফরাসী, চেহারা দেখিয়া বুঝিতে পারিলাম না। কিন্তু তাঁহার কথা শুনিয়া বুঝিলাম, তিনি আমাদের মত বাঙ্গালী। পরিচয়ে জানিতে পারিলাম, তিনি বিখ্যাত চিত্রশিল্পী শ্রীযুত শশিকুমার হোস। তিনি যুরোপ হইতে 'সঞ্জীবনী' নামক সাপ্তাহিক পত্রিকায় সে সকল পত্র প্রকাশ করিয়াছিলেন, দেশে থাকিতে তাহা মধ্যে মধ্যে দেখিতে পাইতাম, সুতরাং তাঁহার নাম আমার অপরিচিত ছিল না। তিনি যুরোপ হইতে ভারতে ফিরিয়াছেন, তাহা জানিতাম না, এ জন্ত তাঁহাকে বরোদায় দেখিয়া বিস্মিত হইলাম।

একালের তরুণরা শশিকুমার বাবুকে হয় ত চিনিবেন না; কিন্তু বিংশ শতাব্দীর প্রারম্ভকালে তিনি সুদক্ষ শিল্পী বলিয়া খ্যাতি লাভ করিয়াছিলেন। তাঁহার জীবনের ইতিহাস অতি বিচিত্র। প্রথম-ধীবনে তিনি ময়মনসিংহ জেলার কোন পল্লীর বাঙ্গালী স্কুলের পণ্ডিত ছিলেন; কিন্তু চিত্রশিল্পের প্রতি তাঁহার অসাধারণ অনুরাগ ছিল। ময়মনসিংহের স্বর্গীয় মহারাজা সূর্য্যকান্ত আচার্য্য চৌধুরীর অর্থানুকূলে তিনি যুরোপে গমন করেন, এবং বিভিন্ন দেশে শিক্ষা লাভ করিয়া এই সময় স্বদেশে প্রত্যাগমন করিয়াছিলেন। শুনিয়াছিলাম, তিনি স্বদেশে আসিবার সময় সার জর্জ বার্ডউডের নিকট হইতে মহারাজ গায়কবাদের নামে এক সুপারিশ চিঠি আনিয়াছিলেন; সেই পত্রানুসারে মহারাজা তাঁহাকে সম্ভ্রান্ত অতিথিরূপে গ্রহণ করিয়া বরোদার 'গেট হাউসে' তাঁহার বাসের ব্যবস্থা করিয়াছিলেন।

বরোদার 'গেট হাউস'কে বঙ্গ ভাষায় 'অতিথিশালা' বলিয়া অভিহিত করিলে বোধ হয় তাহার অসম্মান করা হইবে। বাঙ্গালা দেশে অতিথিশালা বলিলে গ্রাম্য জামিনারদের গৃহ-বিগ্রহের মন্দিরের অদূরবর্তী ঝাঁপের বেড়াবিশিষ্ট, বাতায়নবিহীন, অল্পচ্ছ কুটির-শ্রেণীর কথাই আমাদের মনে পড়ে, গৃহস্থের গো-শালা অপেক্ষা তাহাদের অবস্থা উন্নত নহে; সুপ্রতি বাঙ্গালার জমিদারদের আধিক অবস্থা শোচনীয় হওয়ায় এই গ্রাম্য অতিথিশালাগুলিও ক্রমশঃ অদৃশ্য হইতেছে। বরোদা সরকারের 'গেট হাউস'কে অতিথিশালা বলিলে তাহার সম্মান ক্ষুণ্ণ হইবে। বরোদা নগরের এক প্রান্তে এই রাজ্য অতিথিশালা সংস্থাপিত। উচ্চান-পরিবেষ্টিত এই সুরম্য হর্ম্ম আমাদেব দেশের কোন ধনাঢ্য ও বিলাসী জমিদারের বিলাসিতাপূর্ণ প্রমোদভবন অপেক্ষা বহুগুণে শ্রেষ্ঠ। 'গেট হাউস' যুরোপীয়ের ক্রটির অল্পসরণে যুরোপীয় প্রথায় সজ্জিত। ইহার ড্রিং-রুম, বিভিন্ন শয়ন-কক্ষ, বাবুর্চিখানা, আস্তাবল প্রভৃতি দেখিলে মনে হয়, কোন যুরোপীয়ের সুকৃৎসম্পন্ন বাসভবনে প্রবেশ করিয়াছি। পরিদর্শকের জিহ্বায় নানা প্রকার উৎকৃষ্ট খাদ্য ও পানীয় এখানে সঞ্চিত থাকে। এখানে অনেকগুলি সম্ভ্রান্ত অতিথি কোন প্রকার অসুবিধা ভোগ না করিয়াও একত্র বাস করিতে পারেন। তাঁহাদের ব্যবহারের জন্ত উৎকৃষ্ট গাড়ী-ঘোড়া সর্বদাই প্রস্তুত থাকে, এবং সুরবেশধারী কোচম্যান, সহস্র তাঁহাদের পরিচর্যা করিয়া থাকে। বোম্বাই, শিমলা, কলিকাতা

( ভারতের রাজধানী তখন কলিকাতায় ছিল ) প্রভৃতি স্থান হইতে নানা কাৰ্য্যোপলক্ষে যে সকল যুরোপীয় অতিথি বরোদার বাইতেন, তাঁহারা এই গেট হাউসেই বাস করিতেন। সম্ভ্রান্ত দেশীয় অতিথিরাও এখানে স্থান পাইতেন। স্বর্গীয় বমেশচন্দ্র দত্ত মহাশয় বরোদার দেওয়ানী পদ গ্রহণের পূর্বে একবার বরোদায় গমন করিয়া মহারাজার আত্মতা গ্রহণ করিয়াছিলেন। তিনি গেট হাউসেই বাস করিতেন। শ্রীযুত শশিকুমার হেস মহাশয় বরোদায় উপস্থিত হইলে মহারাজার আদেশে গেট হাউসেই বাস করিতেছিলেন। সে সময় সেখানে অল্প কোন অতিথি ছিলেন না।

অরবিন্দের সঙ্গিত শশিকুমারের পরিচয় ছিল না। কিন্তু তাঁহারা পবম্পরের নাম জানিতেন। শশিকুমারের পিতা সেকলে গৌড় হিন্দু হইলেও, শশিকুমার সাধারণ ব্রাহ্ম সমাজে যোগদান করিয়াছিলেন; এবং তিনি অরবিন্দের মেসো শ্রীযুত কৃষ্ণকুমার মিত্র মহাশয়ের পরম স্নেহভাজন ছিলেন। একজন প্রথম পরিচয়ের পর তাঁহাদের গনিষ্ঠতা হইতে অধিক বিলম্ব হইল না। এক জন কবি, আর এক জন চিত্রশিল্পী; কিন্তু উভয়ের আকৃতি ও প্রকৃতিতে আকাশ-পাতাল প্রভেদ! আমি বলিলাম, “আপনাদের উভয়ের মধ্যে বয়সের কত বড়, বৃত্তিতে পারিতেছি না।” শশিকুমার অরবিন্দকে বলিলেন, “আপনি অনুমান করিতে পারেন, আমার বয়স কত? দয়া করিয়া আমাকে বুড়োর দলে ফেলিবেন না।” শুনিলাম, তাঁহাব বয়স তখন ত্রিশ অতিক্রম করে নাই। অরবিন্দ পরে আমাকে বলিয়াছিলেন, শশিকুমারের চেগারা অনেকটা ইটালীয়ানের


চেগারার অনুরূপ এবং চিত্রশিল্পীর আকৃতিগত বিশেষত্ব তাঁহাব মুখমণ্ডলে পরিস্ফুট। শশিকুমারের জীবনযাপনের প্রণালীর পরিচয় পাওয়া আমার ধারণা হইয়াছিল, তিনি অত্যন্ত বিলাসপ্রিয়। আমি অরবিন্দকে আমার ধারণার কথা বলিলে তিনি বলিয়াছিলেন, “তোমার অনুমান সত্য। জগতের শ্রেষ্ঠ চিত্রকরমাত্রই অল্পাধিক পরিমাণে বিলাসী; তাঁহাদের কেহই অবস্থানুযায়ী অল্পব্যয়ে জীবনযাত্রা নির্বাহ করিতে পারেন না।” পরবর্তী কালে শশিকুমারের জীবনযাপনের প্রণালীতেও অরবিন্দের এই উক্তি সত্য বলিয়া প্রতিপন্ন হইয়াছিল।

শশিকুমার বঙ্গ-সাহিত্যের প্রতি অসাধারণ অনুরক্ত ছিলেন, কিন্তু তাঁহার চরিত্রে ইংরেজি সাহিত্য অপেক্ষা ফরাসী সাহিত্যের প্রভাব অধিক ছিল। ফরাসী ভাষার তাঁহার অসামান্য অধিকার ছিল। কিন্তু তিনি ইংরেজি ভাষায় ফরাসী ভাষার জ্ঞান অনর্গল আলাপ করিতে পারিতেন না; অরবিন্দের সঙ্গিত ইংরেজি ভাষায় আলাপ করিবার সময় তাঁহার অনেক কথা বাধিয়া বাইতেছিল; এবং উচ্চারণেরও ত্রুটি ছিল। দেখিয়া শুনিয়া আমার মনে

হইয়াছিল - চিত্রাশিল্পে অভিজ্ঞতা লাভের জন্ত তিনি কিছু দিন ইংলেণ্ডে বাস করিলেও ইংরেজি সাহিত্যের অনুশীলনে তাঁহার আগ্রহ ছিল না; ইংরেজের তিনি পক্ষপাতী ছিলেন না। রাজনীতিসংক্রান্ত অভিমতেও ফরাসী রাজনীতিকবাই তাঁহার গুরু ছিলেন বলিয়া মনে হইয়াছিল; কিন্তু অরবিন্দ কোন দিন তাঁহার সঙ্গে রাজনীতি সম্বন্ধে আলোচনা করিতেন না। রাজনীতি-ক্ষেত্রে ফরাসী জাতি বিরূপ উদার, তাহাদের সামান্যতঃ বিরূপ প্রশংসাযোগ্য ইত্যাদি কত কথাবাই তিনি আলোচনা করিতেন। অরবিন্দ সহিষ্ণু। শ্রোতার জ্ঞান তাঁহার সকল কথা শুনিতেন, কিন্তু মতামত প্রকাশ করিতেন না। তবে শশিকুমার ফরাসী কাব্য উপভাস সম্বন্ধে যে অভিমত প্রকাশ করিতেন, অরবিন্দ তাহার সমর্থন করিতেন। শশিকুমার সুপ্রসিদ্ধ ফরাসী উপন্যাসিক ভিক্টর



বমেশচন্দ্র দত্ত



লর্ড লিনলিথগো

হুগোর বেরূপ প্রশংসা করিতেন, তাঁহার মুখে কোন দিন কোন ইংরেজ উপন্যাসিকের সেরূপ প্রশংসা শুনিতে পাই নাই।

শশিকুমার মহারাজার সম্মানিত অতিথিরূপে বরোদার গেট-হাউসে বাস করিতে লাগিলেন বটে, কিন্তু বরোদা সরকারের চিত্রবিভাগ-সংক্রান্ত কোন কার্যের ভার তাঁহার হস্তে প্রদত্ত হইবে, তাহা স্থির না হওয়ায় তাঁহার অবসরের অভাব ছিল না। একজন তিনি গেট হাউসের এক সুদৃশ্য ক্রমমে চাপিয়া কোন দিন সকালে, কোন দিন অপরাহ্নে বরোদা ক্যাম্পে আসিতেন। সে সময় মোটর-গাড়ী ভারতে অমদানী না হওয়ায় স্তম্ভ-সমাজে জুড়ি-গাড়ীই ব্যবহৃত হইত। কেবল সে কাল কেন, এ কালেও প্রধান প্রধান রাজকীয় উৎসবে মূল্যবান মোটর-গাড়ীর পরিবর্তে সুসজ্জিত ঘোড়ার গাড়ীই ব্যবহৃত হইয়া থাকে। সে দিনও ভারতের নূতন বড়সাঁট লর্ড লিনলিথগো বোম্বাই হইতে স্পেশাল ট্রেনে ভারত-রাজধানী দিল্লীতে উপস্থিত হইয়া, ঘোড়ার গাড়ীতেই ট্রেন হইতে প্রাসাদে যাত্রা করিয়াছিলেন। বহু অধ-পরিচালিত, সুসজ্জিত ও আড়ম্বরপূর্ণ ঘোড়ার গাড়ীর



সহিত যে সমারোহ ও সম্রমের ভাব বিজড়িত, বহু সহস্র মুদ্রা মূল্যের 'রোলস রয়েস' সিডান-কারে তাহা নাই।

শশিকুমার কোন কোন দিন অপরাহ্নে আমাদের বাসায় আসিয়া অরবিন্দকে এবং আমাকে তাঁহার সঙ্গে কিছু কাল বেড়াইয়া আসিবার জন্ত অমুরোধ করিতেন। আমার মত সামান্য লোককে তিনি তাঁহার সহযাত্রী হইবার জন্ত কিছু অমুরোধ করিতেন, তাহা বৃথিতে পারিতাম না; কিন্তু কেবল শিষ্টাচারের খাতিরে এরূপ করিতেন বলিয়াও মনে হইত না। আমি বঙ্গ-সাহিত্যের নগণ্য সবক হইলেও তিনিও সাহিত্যসেবা করিতেন, এবং আমার রচনার পক্ষপাতী ছিলেন, এই জন্ত তাঁহার অমুরোধ মৌখিক শিষ্টাচারমাত্র বলিয়া মনে হইত না; তাঁহার অমুরোধে আন্তরিকতার পরিচয় পাইয়া আমি তাঁহার অমুরোধ অগ্রাহ্য করিতে পারিতাম না। তিনি আমাদের উভয়েকে সম্মানের আসনে বসাইয়া স্বয়ং বিপরীত দিকে বসিতেন। অরবিন্দ প্রতিদিন সন্ধ্যার পূর্বে ঘরের বারান্দায় দীর্ঘকাল পাদচারণ করিতেন; ইহাই তাঁহার একমাত্র ব্যায়াম ছিল। যে দিন আমরা শশিকুমারের সহিত সাক্ষাৎ-ভ্রমণে বাহির হইতাম, সে দিন অরবিন্দ বারান্দার পাদচারণে বিরত থাকিতেন। ভ্রমণে বাহির হইয়া শশিকুমার রাজনীতি, দর্শনীতি, সমাজনীতি, সাহিত্য, শিল্প প্রভৃতি সম্বন্ধে অনর্গল কত কথা আলোচনা করিতেন, তাহা বলিয়া শেষ করা যায় না। অরবিন্দ সহিষ্ণুভাবে সকল কথা শুনিয়া বাইতেন, তিনি কদাচিৎ ছুই একটি কথা বলিতেন; কিন্তু মতের অমিল হইলে শশিকুমার কোন দিন অরবিন্দের সহিত তর্ক করিয়া নিজের অভিমতের প্রাধান্য স্থাপনের চেষ্টা করিতেন না। তিন অরবিন্দের অভিমত শুধার সহিত শুনিতেন। অরবিন্দের প্রগাঢ় পাণ্ডিত্যের প্রতি তাঁহার গভীর শ্রদ্ধা ছিল। রেল-স্টেশন, খাড়দৌড়ের মাঠ প্রভৃতি নানা স্থানে ভ্রমণ শেষ করিয়া আমরা গেট হাউসে উপস্থিত হইতাম। মহা-রাজার অতিথি সেখানে অতিথিসংস্কারের যে ব্যবস্থা করিতেন, তাহাতে তাঁহার আন্তরিকতার ও গভীর আগ্রহের পরিচয় পাওয়া যাইত। ভোজন-টবলে নিদ্রাব পানীয় ভিন্ন অল্প কোন পানীয়ের পাতলের আবির্ভাব হইত না। শশিকুমার সুরা স্পর্শ করিতেন না; কিন্তু গেট হাউসে নানা প্রকার বহুমূল্য দুপ্রাপ্য সুরার অভাব ছিল না। শশিকুমার সে পথের পথিক হইলে সুরার 'জলছত্র' বসাইতে পারিতেন। আমার মনে হইত, সেই সময় আমাদের দলে বাপুভাই মজুমদার থাকিলে তিনি আকণ্ঠ পূর্ণ করিয়া বোতলের সদ্যবহার করিতে পারিতেন!

তৈল-চিত্রাঙ্কনে শশিকুমার কিরূপ দক্ষতা লাভ করিয়াছিলেন, প্রথমে তাহার কোন পরিচয় পাই নাই; তবে যিনি প্যারিস মিউনিক, ভিনিস প্রভৃতি প্রসিদ্ধ শিক্ষা-কেন্দ্রে চিত্রবিচার অমুশীলনে দীর্ঘকাল অতিবাহিত করিয়াছিলেন, তাঁহার জ্ঞান প্রতিভাবান সাধকের সেই সাধনা ব্যর্থ হইয়াছিল, ইহা অমুমান করিতে পারি নাই। বিশেষতঃ, এক দিন তিনি লণ্ডনস্থ তাঁহার 'ষ্টুডিও' প্রসঙ্গে যে কথা বলিয়াছিলেন, তাহা শুনিয়া আমাদের ধারণা হইয়াছিল, তাঁহার সাধনা ব্যর্থ হয় নাই। কথার কথার এক দিন তিনি বলিলেন, লণ্ডনের ষ্টুডিওতে তিনি স্বর্গীয় রমেশচন্দ্র ~~দেব~~ (কিংবা স্বর্গীয় মনোমোহন ঘোষের, এত দিন পরে ঠিক স্বরণ হইতেছে না) একখানি পূর্ণাকৃতি তৈলচিত্র অঙ্কিত করিয়া

এরূপ স্থানে রাখিয়াছিলেন যে, সেই কক্ষে প্রবেশ করিলে সর্বপ্রথমে সেই চিত্রের প্রতি দৃষ্টি আকৃষ্ট হইত! তখন সন্ধ্যার অন্ধকার নিবিড় না হইলেও সেই কক্ষে আলো অন্ধকারের খেলা চলিতেছিল, আলো-অন্ধকারের সেই মিলনক্ষেত্রে চিত্রাঙ্কিত মূর্তি চিনিতে পারা যাইতেছিল! সেই সময় ভ্রম দাড়ি-গোঁক, ভ্রম কেশ, পাবসীশ্রেষ্ঠ বৃদ্ধ দাদাভাই নৌরজী বেড়াইতে বেড়াইতে শশিকুমারের বাসায় উপস্থিত হইলেন, এবং তাঁহার স্নেহাস্পদ চিত্রকর ষ্টুডিওতে আছেন শুনিয়া, তিনি ষ্টুডিওতে প্রবেশ করিয়াই দেখিলেন, সম্মুখে দত্ত উপবিষ্ট! বৃদ্ধের ক্ষীণ দৃষ্টির পক্ষে ছায়া ও কাহার পার্থক্য নির্ণয় করা কঠিন হইল, তিনি সবিম্বয়ে জিজ্ঞাসা করিলেন, "দত্ত, আপনি এ অসময়ে এখানে?"—শশিকুমার তৎক্ষণাৎ বৃদ্ধের সম্মুখে আসিয়া তাঁহার ভ্রম সংশোধন করিয়া বলিলেন, তাঁহার তুলি আর কখনও এরূপ উচ্চ প্রশংসালভ করিতে পারিবে না।

শশিকুমারের এই গল্প শুনিয়া আমি তাঁহাকে স্বর্গীয় নাট্যকার নীনবন্ধুর 'নীলদর্পণ' নাটকের অভিনয় সম্বন্ধে অল্পকাল একটু গল্প বলিয়াছিলাম। গল্পটি স্বর্গীয় সুরেশচন্দ্র সমাজপতি মহাশয়ের নিকট কি অল্প কাহার নিকট শুনিয়াছিলাম, স্বরণ নাই। স্বর্গীয় বিজ্ঞানাগর মহাশয় ষ্টার থিয়েটারে এক দিন 'নীলদর্পণের' অভিনয় দেখিতে গিয়াছিলেন। সুপ্রসিদ্ধ অভিনেতা স্বর্গীয় অর্জুনের মস্তফী মহাশয় নীলকর সাহেবের ভূমিকা গ্রহণ করিয়াছিলেন। এ-কালের অনেকেই বোধ হয় জানেন না, অর্জুণ বাবু রঙ্গমঞ্চে 'সাহেব' নামেই পরিচিত ছিলেন, এবং যখন তিনি সাহেবী পোশাকে কোন মুরোপীয়ের ভূমিকা গ্রহণ করিয়া অভিনয় করিতেন, তখন তাঁহার অভিনয় এরূপ নিখুঁত হইত যে, কি কঠিন, কি অভিনয়-কলায় দর্শকগণকে মুগ্ধ হইতে হইত। বরোনা হইতে ফিরিয়া 'ষ্টার রঙ্গমঞ্চে' আমি 'সাপ্তাহিক বসুমতীর' সম্পাদক হিসাবে নিমন্ত্রিত হইয়া স্বর্গীয় সুরেশচন্দ্র সমাজপতি, শ্রীযুত অরবিন্দ ঘোষ, শশিকুমার হেস প্রভৃতি কয়েক জন সম্মানিত বন্ধুর সহিত স্বর্গীয় ক্ষীরোদপ্রসাদ বিজ্ঞানবিনোদ মহাশয়ের প্রসিদ্ধ নাটক প্রতাপাদিত্যের অভিনয় দেখিতে গিয়াছিলাম। অর্জুণ বাবু সে-দিন পূর্ণগৌরব দৃশ্য রডার ভূমিকা গ্রহণ করিয়াছিলেন। ভূমিকাটি ক্ষুদ্র, রডার বক্তব্য অধিক ছিল না; কিন্তু অভিনয়-ভঙ্গীতে তিনি আমাদের সকলের মনের উপর অদ্ভুত প্রভাব বিস্তার করিয়াছিলেন। সুরতা; নীলদর্পণে নীলকর সাহেবের ভূমিকায় তিনি কিরূপ অভিনয়-নৈপুণ্যের পরিচয় দিয়াছিলেন, না দেখিলেও তাহা অমুমান করা কঠিন নহে। সেই ইত্যর নীলকর যখন কৃষক-কল্যাণ অসহায়া গর্ভবতী ক্ষেত্রমণিকে কবলে পাইয়া তাহার প্রতি অত্যাচার করিতে উদ্যত হইয়াছিল, দর্শকগণ তখন স্তম্ভিত-হৃদয়ে মস্তফী মহাশয়ের সেই অভিনয়-নৈপুণ্য লক্ষ্য করিতেছিলেন। দয়ার সাগর বিজ্ঞান-াগর মহাশয় এতদূর উত্তেজিত হইয়াছিলেন যে, তিনি স্থান-কাল বিস্মৃত হইয়া সেই নারীনিখাতক নীলকরকে লক্ষ্য করিয়া তাঁহার সর্বজন-বন্দনীয় চটিজুতা ষ্টেজের উপর নিক্ষেপ করিয়াছিলেন। মস্তফী মহাশয় তাঁহার অভিনয়-সাফল্যের এই নিদর্শনে উৎফুল্ল হইয়া, সেই চটি শিরোধার্য্য করিয়া বলিয়াছিলেন, তাঁহার অভিনয়-সাফল্যের এরূপ প্রশংসা তিনি জীবনে কখনও লাভ করেন নাই।



শশিকুমার অতঃপর অরবিন্দের নিকট প্রস্তাব করিয়াছিলেন, তিনি অরবিন্দের একখানি তৈলচিত্র অঙ্কিত করিবেন, এজ্ঞা তাঁহাকে দুই তিন বার 'সিটিং' দিতে হইবে। অরবিন্দ তাঁহার এই প্রস্তাবে সম্মতি জ্ঞাপন করিলে অরবিন্দ 'গেট হাউসে' আসিয়া দুই তিন দিন শশিকুমারের সম্মুখে বসিয়াছিলেন। অতি অল্প সময়ে শশিকুমার সেই চিত্রখানি শেষ করিয়াছিলেন, এবং তুলির দুই এক টানে অরবিন্দের মুখের প্রসন্ন ভাবটি একপ চমৎকার ফুটিয়া উঠিয়াছিল যে, কোন সাধারণ চিত্রশিল্পীর তুলিকায় তাহা অসাধ্য। শশিকুমারের



কীরোদপ্রসাদ বিজ্ঞানবিনোদ

আন্তরিক শ্রদ্ধার সেই উপহার অতীত স্মৃতির নিদর্শন-স্বরূপ অরবিন্দ পরবর্তী কালে সঞ্চিত রাখিয়াছিলেন কি কাহাকেও তাহা দান করিয়াছিলেন, তাহা আমার অজ্ঞাত। বরোদা ভাগকালে তিনি তাহা দেশে লইয়া আসিয়া থাকিলে তাঁহার আত্মীয়-স্বজন এবং ভক্তরা সম্ভবতঃ তাহা দেখিয়াছেন।

শশিকুমারের সহিত আমি দুই এক দিন বরোদার 'লক্ষ্মীবিলাস'

প্রাসাদ দেখিতে গিয়াছিলাম। মলহররাও গায়কবাড় বহু লক্ষ মুদ্রা ব্যয়ে এই প্রাসাদ নিৰ্মাণ করাইয়াছিলেন। মলহররাও গায়কবাড় বহু অর্থব্যয়ে বহু মণ বিস্তৃত স্বর্ণ ও রৌপ্য দ্বারা এক জোড়া সোণার ও এক জোড়া রূপার কামান নিৰ্মাণ করাইয়াছিলেন বলিয়া, কোন ইংরেজ পর্যটক তাহা দেখিয়া মলহর রাওর চরিত্রের কঠোর সমালোচনা করিয়াছিলেন, লিখিয়াছিলেন, মলহররাও বিকৃতমস্তিষ্ক ও অপব্যয়ী ছিলেন; কিন্তু এই হতভাগ্য সিংহাসনচ্যুত নরপতির সৌন্দর্য্যানুভাগ এবং শিল্পকলার আদর্শ কিরূপ প্রশংসনীয় ছিল, তাহা লক্ষ্মীবিলাস প্রাসাদের শিল্প-নৈপুণ্য হইতেই বুঝিতে পারা যায়। ইংরেজ লেখকরা নিরপেক্ষভাবে তাঁহাকে চিত্রিত করিবেন—ইহা আশা করিতে পারা যায় না।

লক্ষ্মীবিলাস প্রাসাদের একটি সুপ্রশস্ত হলঘরে সুবিখ্যাত চিত্রকর রবিবর্ষার অঙ্কিত কতকগুলি বৃহৎ চিত্র আছে। শুনিয়াছিলাম, রবিবর্ষা বরোদায় আসিয়া কিছুদিনের ভ্রমণ গায়কবাড়ের আতিথ্য গ্রহণ করিয়াছিলেন, এবং মহাযজ্ঞের অভিপ্রায় অনুসারে লক্ষ মুদ্রা পারিশ্রমিকে ত্রৈসকল চিত্র অঙ্কিত করিয়াছিলেন। ত্রৈসকল চিত্রের প্রতিমূলাপ বাজারে বাহ্যিক হইয়াছিল কি না, জানি না। দুইখানি চিত্রের কথা এখনও আমার মনে আছে। একখানি চিত্রের বিষয় কুরুসভায় দ্রৌপদীর অপমান। হুঃশাসন দ্রৌপদীর বস্ত্রহরণ করিতেছিল; ভীষ্ম, দ্রোণ প্রভৃতি মহাবীররা সভায় অধোমুখে উপবিষ্ট, ভীম বাজকুল-বধূর অপমান দর্শনে নিরুপায় হইয়া ক্রোধে ফুলিয়া ফুলিয়া উঠিতেছিলেন; গান্ধীবধারী অর্জুনের গান্ধীব নিষ্ক্রিয়। আর অপমানশঙ্কাকূলা অসহায় দ্রৌপদী আতঙ্ক-বিফারিত নলিন নেত্র উদ্বেগ তুলিয়া করবোড়ে অগতির গতি অনাথের নাথ পাণ্ডব-সখা শ্রীকৃষ্ণের করুণা প্রার্থনা করিতেছেন। দ্রৌপদীর মুখে, চোখে, অর্ধাবৃত দেহের প্রতি অঙ্গে তাঁহার ভয়, ক্রোধ, অভিমান এবং অতর্কিতনা চিত্রকরের তুলিতে কি চমৎকার ফুটিয়া উঠিয়াছে! বহুকাল পূর্বে বাস্যজীবনে গ্রাম্য বারোয়ারীতলায় নবদীপের প্রসিদ্ধ ষাত্রাওয়াল স্বর্গীয় মতি রায়ের 'দ্রৌপদীর বস্ত্রহরণের' পালায় যে গানটি শুনিয়াছিলাম—তাহা ঠাৎ মনে পড়িল,—'এ ত সুরধা নয়, কুকুলক্ষয়কারী গরলরাশি, খেলার সাগরে সে রূপসী!' আরও মনে পড়িল বঙ্কিমচন্দ্রের সেই রচনা, যে রচনায় তিনি দ্রৌপদী-চরিত্রের সমালোচনা উপলক্ষে কুরুসভায় লাঞ্ছিতা দ্রৌপদীর ভগবানের প্রতি নির্ভরতাপূর্ণ উক্তির প্রশংসা লিখিয়াছিলেন, "ইহা কবিত্বের চরমোৎকর্ষ!" ইহার উপর আর লেখনী চলে না।

শ্রীদীনেশকুমার রায়।





## অন্তঃশ্রোতা

“আর একটু, হাঁ ঐ রকম—ঐ বা দিকে মাথা আর একটু হেলিয়ে, হাঁ, ঠিক হচ্ছে, উহঁ, ও রকম না,”—শুভেন্দু হিরণীকে ‘পোজ’ দিতেছিল। সে তখন আর অজানা অচেনা অপরিচিত বাহিরের লোক নহে, বাড়ীরই পাঁচ জনের এক জন। সকলেই তাহাকে আপনার জন করিয়া লইয়াছিল,—এমন কি, পাবলিক স্টেজের এ্যাকট্রেস চামেলীও তাহার সহিত সমানের মত ব্যবহার করিয়া পরিচিত নিকট-আত্মীয়েরই মত হাসি-তামাসা করিত, তাহার পূর্বের সেই আড়ষ্ট-গম্ভীর ও বিষাদগ্রস্ত ভাবটা শুভেন্দুর সাহচর্যে অম্লহিত হইয়াছিল।

কিন্তু শুভেন্দু আর সকলের কাছে অতি আপনার জন হইয়া গেলেও এখনও হিরণীর ব্যক্তিত্বাত্ম্যের ত্রিসীমাতেও পৌঁছিতে পারে নাই। সেখানে অপরকে তফাতে রাখিবার এমন একটা তেজ ও গান্ধীর্ষ্যের গভী-রেখা টানা ছিল যে, তাহার মধ্যে পাদমাত্র অগ্রসর হইবারও তাহার সাহস হইত না।

হিরণী অপ্রসন্ন দৃষ্টিতে অসীমের দিকে চাহিয়া বলিল, “এমন ক’রে অটোমেটনের মত থাকতে পারবো না, দাদা। ও আমার অভ্যাস নেই। ওর নাম পোজ দেওয়া?”

হিরণী আসন হইতে নামিয়া দাড়াইল।

চামেলী বিস্মিত হইয়া বলিল, “কেন, কি হ’ল? শুভেন্দু বাবু ত খুব নৈর্য্য ধ’রে তুলছেন ফটোখানা!”

অসীম অ্যাস ট্রের উপরে জ্বলন্ত সিগারেটটা রাখিয়া দিয়া বিরক্তির সহিত বলিল, “নৈর্য্য ধ’রে,—না মাথা ধ’রে! তোকে আমি কিছুতেই পারলুম না, শুভো! ওরে গাধা, বেশী টানাটানি করলেই যে বাঁধন ছিঁড়ে যায়, তা তোকে কদিন বোঝাবো বল্ দিকি?”

বাহাকে লইয়া এত কথা, সে কিন্তু তখনও বুঝিতে পারিতেছিল না যে, সে কি অপরাধ করিয়াছে। তাই সে কাচুমাচু-মুখে বলিল, “কেন, অণ্ডায় করলুম কিছু? এ পোজটা ত এই রকমই হবে—না হ’লে পার্ফেকসানে দাড়াচ্ছে কৈ?”

অসীম বলিল, “রাখ তোর পার্ফেকসান! ইডিয়ট! দেখত, সাবজেক্ট কি রকম দেখে উঠেছে। মিস্ চামেলীকে অতক্ষণ রাখতে পারিস?”

শুভেন্দু নিতান্ত অপরাধীর মত হিরণীর দিকে চাহিয়া কাতর মিনতিভরা স্বরে বলিল, “আপনি—আপনি রাগ করলেন না বোধ হয়! দেখুন, ইন্টেনশানালি আপনার কোন অসুবিধে”—

হিরণী তাহার অবস্থা দেখিয়া হাসিয়া ফেলিল; বলিল, “আপনি যে রকম করছেন, তাতে মনে হচ্ছে, খুন-খারাপি যা হয় একটা কিছু ক’রে ফেলেছেন যেন!”

শুভেন্দু স্বস্তির নিশ্বাস ফেলিল। পরে হাত্তোজ্জ্বল-মুখে বলিল, “ওঃ, তাই বলুন! দেখুন, ফিল্মের একখানা ফটো তুলতে গেলে কতবার কত রকমের পোজ দরকার হয়”—

বাধা দিয়া অসীম বলিল, “নে, নে, বচনবাগীশ! ও সব শুছিয়ে নে দিকি, সন্ধ্যার পর যেতে হবে ত্রিকমজীদের ওখানে, মনে আছে?”

চামেলী নীরবে ছিল, আগ্রহভরে বলিল, “কেন? আমার সম্বন্ধে কোন কথা উঠেছে কি?” এ চামেলী যেন আগেকার সেই গম্ভীর উদাসীন বিষাদ-প্রতিমা চামেলী নহে। এ কি পরণ-পাণরের গুণ?

অসীম বলিল, “না, তোমার সঙ্গে ওদের কনট্রাক্টের বাকী মাস দুটোর সম্বন্ধে একটা বন্দোবস্ত ক’রে নিয়েছি। ওদের ওখানে কিছু ফিল্ম আর ফটো গুড্‌স্ আনতে যাচ্ছি, ফ্রেস মাল কিছু এসে পড়েছে।”

হিরণী ঘরের দিকে পা বাড়াইয়া বলিল, “তা হলে আমি যাই?”

অসীম বলিল, “আরে না, না,—ঘেটুকু ধরা হয়েছে, শেষ করে ফেলো ছুজনে। তার পর না হয় যাওয়া যাবে। কি বলিস, শুভো?”

শুভেন্দু বলিল, “হ্যাঁ, শেষ হোক এটা। যাবেন না দয়া করে।”

হিরণী অনিচ্ছাসহেও ফিরিয়া আসিল, সে কাহারও জায়নন্দ উপরোধ এড়াইতে পারিত না। কিন্তু ফিরিবার পূর্বে ঘরের দিকে দৃষ্টিপাত করিয়া একগাল হাসিয়া বলিল, “এই যে, বৌদি! বাবা, বাবা,—ঘুম ভাঙলো?”

দ্বারদেশে দাঁড়াইয়া উষারানী, পশ্চাতে দাঁতা বিভ্রাসচ্ছন্দে মনে হইতেছিল, সে মেন ভয়ে ভয়ে ভগিনীর অঞ্চলের আশ্রয় লইয়া ঘরে ঢুকিতেছিল।

অসীম শ্লেষের কণাঘাত করিয়া বলিল, “আপ্পদা কম নয় তো, হিরো! সাহেব মানুষ, মিড্‌ডে সিয়েস্তা—তার উপর টয়লেট” —

উষা আঘাত পাইয়া হিরণীর দিকে লক্ষ্য করিয়া রুগ্ন স্বরে বলিল, “তোমাদের ভাই-বোনের মত সবাই ত ফিল্ম-পাগল! নয়,—গেরোস্ট মানুষ, সবাইকারই ঘরসংসার আছে।”

অসীম হাসিয়া বলিল, “তাই না কি? তা, এত অল্পগ্রহ! তাই ত বলি, ঘরসংসারের জ্বর কাম না থাকলে বেলাটা বেজে গেলেও চার ঘে আসতে দেবী হবে কেন? দেখ্ শুভো, এক এক দিন ভোরবেলায় দমদমায় বাবার সময় দেখতে পাউ, ছাতুর দেশের হালুইকররা কোন্ রাত্তিরে উঠে ছটার কড়া হালুয়া তরকারী নামিয়ে কচুরীর কড়া চাপাচ্ছে! বোধ হয়, ভোরের মধ্যেই তাদের সব দোকানে হাজার টাকার মাল তৈরী হয়ে গিয়েছে। তখনও কিন্তু আমাদের বাঙ্গালী বাবুদের ঘুম ভাঙেনি! হয় ত কেউ কেউ উঠে আড়ামোড়া ভেঙ্গে হাই তুলে চাকরকে ডাকছেন উম্মনটা ধরিয়ে চায়ের জল চাপিয়ে দিতে—তার পর তাঁদের হালুয়া-কচুরীর কড়া চাপবে! সত্যি বলছি শুভো, এমন কাণের জাত যদি আর ছুটি থাকে!”

শুভেন্দু, হিরণী ও চামেলীর কাছে এই শ্লেষোক্তি বিশেষ উপভোগ্য বলিয়া মনে হইলেও যাহাদের লক্ষ্য করিয়া

এই উক্তি করা হইয়াছিল, তাহারা ইহাতে তৃপ্তি অহুভব করিল না। বিশেষতঃ গৃহস্বামিনী ত চটিয়া আশুন— তাঁহার স্মারক্তিম মুখচক্ষু এবং ক্রোধনিরুদ্ধ কণ্ঠই একথা বলিয়া দিতেছিল। কিন্তু যাহার গায়ে কিছু পড়িলে অমানবদনে ঝাড়িয়া দেবার বিশেষ অভ্যাস ছিল, তিনি বিন্দুমাত্র অপ্ৰতিভ না হইয়া ‘হঃ’ ‘হঃ’ হাসিয়া বলিলেন,— “তোয়াট এ ফানি চাপ! সত্যি বলছি, মিঃ বাসু! ইউ আর একসেলিং ইণ্ডরসেলফ্? হঃ হঃ!”

অসীম বলিল, “নিশ্চয়ই! কিন্তু তা হলেও তোমরা ভাইবোন আমার উপরে একসেল করেছো, মিঃ ডাটা! বাবা! মধুপুরের এডভেঞ্চারটা কি কম? এক দিকে বাবার ”

দণ্ড সাহেব একটু হাসিয়া বলিল, “সবুরি! এতে সাহ্য দিতে পারলুম না, মিঃ বাসু! আই মে বি তোয়াট আই গ্রোম; কিন্তু আমার সিষ্টার? সি ইউ প্রয়ান ইন্ এ দাউজ্যাও!”

হিরণী এই সময়ে ভ্রাতৃজায়াকে দৃঢ় আলিঙ্গনে আবদ্ধ করিয়া হর্ষ-গদগদ-কণ্ঠে বলিল, “পাঁচশো বার। তুমি ভারী অসভা, দাদা! কি সে বল, দেখ দিকি বৌদির চোখ চল-চল করছে!”


সে সময়ে এক জনের প্রশংসমান সশব্দ দৃষ্টি যে তাহার দিকে নিবদ্ধ হইয়াছিল, তাহা সে জানিতে পারিল না।

উষার নয়নপ্রাণে অশ্রু টলটল করিতেছিল, কৌটায় কৌটায় নামিয়া আসিল। ক্রোধে অভিমানে প্রায় রুদ্ধকণ্ঠ হইয়া সে বলিল, “তুলে মাক্‌সি কেন হিরো, পৃথিবীটা: ঠাঁদের জন্মেই হয়েছে, আমরা কেউ নই তার, কেবল তাইবে থেকে তকুম শোনা ছাড়া।”

অসীম বিস্মিত হইল। এমন কাঁক উষার কণায়? জড় পামাণে আশুন জ্বলে? কি জানি কেন, এ আঘাত দিয়া ও পাইয়া সে কতকটা তৃপ্তি পাইল, বলিল, “অগায় বলেছি কিছু? মাপ কর তা হলে। দেবী যদি হয়েই থাকে, তা হলে সে জন্মে কৈফিয়ৎ দাও শুভোর কাছে— কারণ, সে ডাটা সাহেবের পোজ নেবে বলে বাঁসে রয়েছে।”

বিভাসচ্ছন্দ বলিল, “বেটার লেট ছান নেভার! কইনি, নিন, মিঃ মিটার, কি পোজ নেবেন নিন।”—

মুসলমান



জৈষ্ঠ, ১৩৪৩]

মুসল আদান

[ শিল্পী—শ্রীপূর্ণচন্দ্র চক্রবর্তী





শুভেন্দু বলিল, “এই ফেডিং লাইটে? তা না হয় কাল সকালে হবে—এঁর একটু বাকী রয়েছে কি না!”

কথাটা বলিয়া সে সাগ্রহে হিরণীর দিকে দৃষ্টিপাত করিল।

হিরণী তাড়াতাড়ি বলিল, “কার—আমার? না, আজ আর না। চল বৌদি, যাই আমরা।”

অসীম বলিল, “বাবু, গেলেই ভাল? ভার যখন নিয়েছ—কলেজ খুলছে কবে?”

হিরণী বলিল, “বেশী দেবী নেই, সাত আট দিন হবে।”

অসীম বলিল, “তবে? নাও হে শ্রভা, ওরটা সেরে নাও এখন। আর হিরো, এদিকে এগিয়ে”

শুভেন্দু বলিল, “ঠা, এই এ দিকে—এই লাইটটার দিকে।”

নিভাস্ত্র অনিচ্ছা সত্ত্বে হিরণী সরিয়া দাঁড়াইল।

শুভেন্দু বলিল, “আর একটু ডাইনে সরে—না, না” —

দেহ সাহেব পা কাঁক করিয়া দাঁড়াইয়া বিলাতী ধরণে সিগার টানিতেছিলেন, হঠাৎ বলিয়া উঠিলেন, “ওঃ, তোপলেস! তাড়া দিলে অমন ক’রে, কন্কাউণ্ড হয়ে যাবে লিটল গেম্যাল! বেটার টেক মিস চামেলী।”

অসীম ধমক দিয়া বলিল, “থাম হে, লর্ড দত্ত! সব-তাতে ফুস্ কাটতেই হবে তোমার? নে, নে, শ্রভা, বড় দেবী হয়ে যাচ্ছে।”

শুভেন্দু বলিল, “ঠা—এক মিনিট—এই, এ দিকে মুখ ক’রে—চোখের দৃষ্টি বাঁকোণ দিয়ে ফেলে—”

আটিষ্টের আগ্রহভরে শুভেন্দু হিরণীর মৃগালের মত বাহুটি ধরিয়া এক পাশে একটু সরাইয়া দিল। সত্যই আটিষ্টের আগ্রহ ও উৎসাহ ছাড়া তাহার মনে অণু কোন চিন্তা স্থান পায় নাই,—সে যে কোন তরুণীর হাত ধরিয়াছে, এ অনুভূতিই তাহার ছিল না। কিন্তু তাহার উদ্দেশ্য যতই সাধু হউক, ব্যাপারটা দাঁড়াইল বিপরীত!

সে কার্যেই নিবিষ্টচিত্ত ছিল, বহির্জগতে কি হইতেছে না হইতেছে, সে খবর সে রাখে নাই। হঠাৎ হিরণীকে অগমনস্ব ও আরক্তমুখ দেখিয়া বিস্মিতদৃষ্টি উন্নীত করিতেই যাহা দেখিল, তাহাতে তাহার হৃৎপিণ্ডের ক্রিয়া যেন মুহূর্ত্তে স্তব্ধ হইয়া গেল। হিরণীর যে অঙ্গে সে অতিমাত্র আগ্রহে অজ্ঞাতসারে হাত রাখিয়াছিল, দেখিল, হিরণী

সেইখানেই দৃষ্টি নিবদ্ধ করিয়া পামাণমূর্ত্তির মত নিশ্চল হইয়া রহিয়াছে। হিরণীর দৃষ্টিতে ক্রোধ না যথা—কোন্টার অভিব্যক্তি হইতেছিল?

তাড়াতাড়ি হাতখানা সরাইয়া লইয়া সে নিভাস্ত্র অপরাধীর মত কাঁচুমাচু-মুখে দাঁড়াইয়া রছিল তাহার করুণ ভয়চকিত দৃষ্টি হিরণীর নিকট ক্ষমাভিক্ষা করিতেছিল। আর সকলে মুহূর্ত্তের এই ঘটনা লক্ষ্য করে নাই ভাবিয়া সে পরম সৌভাগ্য বলিয়া মনে করিল। কিয়ৎ সে মাহাই ভাবুক, এ দৃষ্টি অসীমের দৃষ্টি এড়াইয়া যায় নাই। সে একটু হাসিয়া বলিল, “নে নে, শীগগীর সেরে নে তোরা, শ্রভা।”

শুভেন্দু এবার নিজেই এসম্মতি প্রকাশ করিয়া বলিল, “না, আজ থাক। সত্যিই এ লাইটে ভাল উঠবে না।” তাহার কণ্ঠস্বর কম্পিত হইতেছিল।

হিরণী তাহার দাতৃজয়ার হাত ধরিয়া নীরবে কক্ষ-ভাগ করিয়া গেল। তাহার মুখ-চক্ষু তখন অসম্ভব গাঙ্গীর্ণা ধারণ করিয়াছিল।

অসীম একরাশ সিগারেটের দোঁরা ছাড়িতে ছাড়িতে বলিল, “তুমিও মাও, লর্ড ডাটা, তোমাকে নিয়েই আটিষ্টের কারবার, তোমার বোনকে নিয়ে না।”

বিভাসচন্দ্র এই সুযোগই গ্ৰহণ করিতেছিল। ভগিনীর পক্ষপুটে আশ্রয় লইয়া ভগিনীপতির সম্মুখীন হওয়া, আব একাকী ভগিনীপতির কঠোর শ্লেষবাম্বের তীক্ষ্ণ তীরের লক্ষ্য হওয়া, এক কথা নহে। তাড়াতাড়ি উঠিয়া একখানা হাত দাঁড়াইয়া সে বলিল, “সো লং! গুড ডে টু ইউ অল, গুড ডে, মিস চামেলী!” নিমেষের মধ্যে সে অদৃশ্য হইয়া গেল, যেন পিঞ্জরের পাখী—মুক্তি পাইয়া ডানা মেলিয়া আকাশ-বাতাসে ভাসিয়া ঠাঁফ ছাড়িয়া বাচিল!

অসীম তাহার দিকে চাহিয়া কেবল একবার অক্ষুট স্বরে বলিল, “ইডিয়ট!”

চামেলী হঠাৎ বলিল, “আজ আর বোধ হয় আমার কোন দরকার হবে না? আমি আসতে পারি কি?”

অসীম বলিল, “না, তোমার কোষাটার্শ ত ঠিক ক’রে দিইছি, আজ থেকে তুমি ঐখানেই থাকবে। ওটা ঠুঁড়িওর এধার থেকে একবারেই আলাদা, তোমার কোন অসুবিধে হবে না।”

চামেলী কৃতজ্ঞ নয়নে চাহিয়া বলিল, “আমি ত আপনার কাছে সেই ভিক্ষেই চেয়েছিলুম। আপনার আশ্রয়ে”—

অসীম বাধা দিয়া বলিল, “ইস, একবারে কেঁদেই ফেললে যে! দেখ, এতে অমুগ্রহ-নিগ্রহ বা আশ্রয়-অনাশ্রয়ের কথা নেই, এ একবারে মেরেফ লেন-দেন। আমি তোমার সব ভার নিচ্ছি, তুমি তার বিনিময়ে তোমার সমস্ত বিদ্রোহিত চেলে দিয়ে প্রাণ খুলে আমার কাছে লেগে যাবে। দেখলে ত হিরণীর পোজ দেওয়া? কেমন লাগলো?”

চামেলী বলিল, “লাগলো? পোজ যত লাগুক না লাগুক, মানুষটাকে আমার যা লেগেছে, তা আর ব’লে কি জানাবো? এমন বড়লোকের ঘরের এমন মানুষ”—

তাহার কণ্ঠ বাষ্পরুদ্ধ হইল। তাহার অবস্থা দেখিয়া অসীম তাড়াতাড়ি কথার মোড় ঘুরাইয়া দিবার জ্ঞান হো হো হাসিয়া বলিল, “কে, হিরণী? আমি ত জানি, ওর তেজের কাছে—ওর ঝাঁবের কাছে আমিও এগুতে পারি নি, ও আবার একটা মস্ত মানুষ হলো? কি রে, শুভো, তুই কি বলিস?”

শুভেন্দু কি ভাবিতেছিল, তা সে-ই জানে। অতক্ৰিত প্রাণে চমকিয়া উঠিয়া সে বলিল, “এ্যা, কে—মিস বঙ্গ? তা, হ্যাঁ—

অসীম হাসিয়া বলিল, “থাক, তোর আর এ্যাও-ম্যাও করতে হবে না। বলছিলুম কি, তোর এই নতুন ছাত্রীকে পোজ যা শেখাবার, কাল থেকে শেখাতে শুরু করে দিস, আজ ত আগারষ্টাডি হয়ে কিছু কিছু দেখলে। দেখ, তোমার এই মাষ্টারটি পাকা লোক, তোমাদের শুধু পোজ শেখাবেন না, কোচও করবেন। খুব ভাল এ্যাক্টর নিজে,—বোম্বাই-এ ষ্টার এ্যাক্টর বলে এর নাম হয়েছে, বুঝলে?”

শুভেন্দু ঘামিয়া উঠিল।

চামেলী বলিল, “আমার মেমন ক’রে শেখাবেন, আমি ঠিক তেমনই শিখে নেবো। ছেলেবেলা থেকে আমি যা একবার দেখি-শুনি, তা আর ভুলি নি। আজ তা হ’লে উঠি?”

অসীম যাত্রার জ্ঞান প্রস্তুত হইতেছিল, বসিয়া পড়িয়া বলিল, “দাবে? আমি আরও ভাবছিলুম, আজ ইনি তোমায় আর্ট গেলারীটা দেখিয়ে বুঝিয়ে দেবেন।”

চামেলী বলিল, “আচ্ছা, একবার বাসা থেকে ঘুরে আসছি। নতুন যায়গা, একবার দেখে শুনে নিই।”

অসীম বলিল, “তাই যাও। দেবী কোরো না কিম্ব; রাস্তির ৯টার মধ্যে গ্যালারী-ট্যালারী বন্ধ হয়ে যায়। কে আছে, একে ওঁর বাসায় পৌঁছে দিয়ে এস।”

ভৃত্য চামেলীকে লইয়া চলিয়া গেল।

কিছুক্ষণ কক্ষ নিস্তব্ধ রহিল,—সিগারেটের ধূমে কক্ষ ভরিয়া গেল। তাহার পর অসীম বলিল, “কি রে, তোলো ঠাণ্ডির মত মুখখানা ক’রে রইলি কেন? কি, হ’লো কি?”

চোর চুরি করিতে গিয়া ধরা পড়িবার সম্ভাবনা হইলে তাহার মুখের ভাব সেমন হয়, তেমনই ভাবে ভীত-চকিত দৃষ্টি অবনমিত করিয়া শুভেন্দু বলিল, “এ্যা, আমি?—আমার? না, কৈ, কিছু হয় নি ত!”

অসীম মৃগ হাসিয়া বলিল, “না হলেই ভাল। ভাবছি, আজ ত্রিকমজীর ওখানে না গিয়ে কাল সকালে তুজনেই যাব। দেখ, অদ্ভুত এই অ্যাক্ট্রেসের ইতিহাস। যে চিঠি লিখেছিল হিরণীকে, তা যদি প’ড়ে দেখিস, তা হ’লে বুঝবি পাকে জন্ম হলেও পরশুকের মত এ মেয়েটা দেবতার পূজায় দেবার মত।”

শুভেন্দু বলিল, “তার মানে?”

অসীম বলিল, “মানে? কোনও অ্যাক্টর অ্যাক্ট্রেসের সঙ্গে মেশে না, কারুর সঙ্গে দরকার না হ’লে কথা কয় না, ভদ্রর ঘরের মেয়েদের মত লেখাপড়া করতে ভালবাসে, ভদ্রর গেরোস্ত বরের লোকেদের সঙ্গে কথাবার্তা কইতে ভালবাসে। প্রথম এসেই যে ভাবে হিরোর ভালবাসা পেয়েছে, যদি এই ভাবে ও স্নানজরে থেকে শিখতে পারে, তা হ’লে কালে ও আমাদের বাঙ্গালার ষ্টার এ্যাক্ট্রেস হবে।”

কথাটি বলিয়া সে বন্ধুর দিকে জিজ্ঞাসু নেত্রে চাহিয়া রহিল। কিন্তু শুভেন্দু হাঁ না কোন সাড়া না দিয়া নীরবে বসিয়া রহিল।

অসীম বলিয়া যাইতে লাগিল, “একে তৈরী ক’রে নে হিরোর সঙ্গে সঙ্গে রেখে হিরোর পোজগুলো দেখিয়ে। দেখছিস ত হিরো এতে প্রাণ খুলে যোগ দিতে চায় না—আর ওর কলেজও খুলে এলো। বাপ, আজ যা ক’রে হোর দিকে চেয়েছিল! আমার ভয় করে, কখন কি কড়া কথা

ব'লে ফেলে। ভেতরে ওর মাই থাকুক, দেখছিস ত, বাইরেটা কি রকম কড়া? বিয়ে যে কি ক'রে হবে, ভেবেই পাইনে, —নাক ত তুলেই রয়েছে, আর ওটা আমাদের বংশের ধারা, ওরই বা দোষ দেব কি! কি বলিস?"

শুভেন্দু চমকিত হইয়া বলিল, "হ্যাঁ, কি বলছো?"

অসীম বলিল, "না, বলছিলুম কি, ওর বিয়েটা কেমন ক'রে দেওয়া যায়? যে মেজাজ! তোর কি মনে হয়?"

শুভেন্দু মহা অস্বস্তি বোধ করিতেছিল, সে বলিল, "আমি? তা, তুমি যা বুঝবে"—

অসীম বলিল, "আরে, তা ত বুঝবোই। জানিস, এর মধ্যে আমারই বন্ধুবান্ধবদের মধ্যে থেকে তিনটে অফার এসেছে। তিনটেই ডিসান্ধারেবল ম্যাচ। শুধুই রায়—সে দিন যার সঙ্গে তোর আলাপ-পরিচয় করিয়ে দিলুম রে—এবার আই, এম, এস, পাশ ক'রে এসেছে, দেখতে শুনতে মন্দ না, বাপের কিছু আছেও বটে। তা, সে ত আমার পাগল ক'রে তুলেছে একবারে। তা, আমি ব'লে দিইছি, আমি কিছু বলবো না আগে ওর মন না জেনে। কিন্তু কেউ ত সে দিকে এগুতে সাহস করছে না। মহা মুদ্বিল! কি করি বল্ দিকি?"

শুভেন্দু একখানা বাগান কটে তুলিয়া লইয়া নাড়াচাড়া করিতে লাগিল, ক্ষীণ কণ্ঠে বলিল, "আমি কি বলবো?"

অসীম বলিল, "বাবু, এদিন রইলি—বাবুই পাচ জনের এক জন হয়ে! সত্যিই তুই ত ওর দাদারই মতন। ওর ভালমন্দ যেমন আমরা দেখবো, তেমনই তুইও দেখবি ত?"

শুভেন্দু আমতা আমতা করিয়া বলিল, "তা ত ঠিকই। তবে আদার ব্যাপারী"

অসীম অর্ধদক্ষ সিগারেটটা অ্যাস-ট্রে উপর রাখিয়া দিয়া নীরে দীরে বলিল, "আদার ব্যাপারী জাহাজের খোঁজ রাখে না বটে, কিন্তু জাহাজের কণ্ঠারের কনফিড্যান্ট হয় ত!"

কথাটার গৌচায় ক্ষুদ্র হইয়া শুভেন্দু বলিল, "বাবুই কতাকে না জানিয়ে গিন্নীর হুকুমে মাপুরে গিয়েছিলুম, —এ অপরাধের কৈফিয়ৎ ত হাজারবার দিয়েছি, তাতেও হয় নি?"

অসীম ঔদাসীণের সহিত বলিল, "হুকুম না মিষ্টি অধুরোধ—যাক, ও তুচ্ছ কথা নিয়ে আর নেবু কচলে কাষ

নেই। উঠলুম এখন। ঐ চামেলীও আসছে, ওকে একবার আর্ট গ্যালারীটা ঘুরিয়ে নিয়ে আসিস। দেবী যে?"

চামেলী বলিল, "দেবী হয়েছে? কি করবো বলুন। নিজে সেখানে থাকব, সে যায়গাটা কেমন ক'রে সাজাতে গুচুতে হবে, তা দেখে নিচ্চলুম। দোষ করলুম কি?"

অসীম বলিল, "না, দোষের কথা কিছু হয় নি, তোমার আসতে একটু বেশী সময় গিয়েছে, তাই কথার কথান বলছিলুম। যাক, আমি চললুম, তোমরা নতুন ফিল্মের বিষয়ে আলাপ কর।"

সে চলিয়া গেলে শুভেন্দু বলিল, "চলুন, এখনও লাইট আছে কিছু, গ্যালারীটা ঘুরিয়ে আনি।"

চামেলী বাইতে বাইতে বলিল, "আপনি আমায় আপনি মশায় করছেন, এটা—"

শুভেন্দু হাসিয়া বলিল, "কেন, অসীম আমায় আপনার গুরুমশাই বানিয়ে দিয়ে গেল ব'লে? আপনিও যেমন ক্ষেপেছেন ঐ পাগলের কথায়! দেখুন, ঐ যে পাহাড়ের মাথা হ'তে দিনের আলো নেমে যাচ্ছে একটু একটু ক'রে, আর তার লালচে আলোটা ছড়িয়ে দিয়ে যাচ্ছে গাছপালার মাথার উপর, ঐটে হ'ল ঠিক থাকে আমরা বলি গোপুলি, twilight. এ সময়ে শ্রান্ত পথিক যদি সারাদিন জলাজঙ্গল ভেঙ্গে একটা ডেরাডাঙা পাবার আশায় হাঁপাতে হাঁপাতে এসে দেখে যে এক পাহাড় সামনে পথ আটকে দাড়িয়ে রয়েছে, তা হ'লে তার মনটা কেমন হয়?"

চামেলী ছবি দেখিতেছিল, বলিল, "আপনি যতক্ষণ আমায় আপনি আপনি করবেন, ততক্ষণ ত আমি আপনার কাছে কিছু শিখবো না, কিছু পরীক্ষার জন্য জিজ্ঞাসা করলেও জবাব দেব না।"

শুভেন্দু হাসিয়া বলিল, "ওঃ, এই কথা! অচ্ছা, তাই হবে। এখন যা জিজ্ঞাসা করলুম, তার জবাব দাও।"

চামেলী বলিল, "হ্যাঁ, কি বলছিলেন, মনটা তখন কেমন হয়? খুব আশা ক'রে থেকে আশা পূর্ণ না হ'লে মন ভেঙ্গে যায়, বুক দ'মে যায়।"

শুভেন্দু বলিল, "তা ত যায়। কিন্তু সে ভাবটা মুখে-চোখে কি রকম ক'রে ফুটে ওঠে, অভিনয় করবার সময় সেই ভাবটা মুখে-চোখে আনাটাই হ'ল শক্ত, আর যিনি তা আনতে পারেন ঠিকমত, তিনিই হ'তে পারেন ঠার অ্যাঙ্কর



অ্যাক্টেস। এই ছবিটেতে সেই ভাবটা ঠিক কৃটে রয়েছে না ?”

চামেলী বলিল, “হাঁ, তা বটে। ঐ রকম করেই ত রাগ, হিংসা, লোভ, স্নেহ, ভালবাসা, রূপা,--সবই দেখাতে হয়। মানে, সবগুলো একরকম করে নয়, সব আলাদা আলাদা, কেমন, না ?”

শুভেন্দু বলিল, “শুধু তাই নয়, টকিতে আক্টর-অ্যাক্ট্রেসদের কথা বলতে হবে, নাচতে হবে, গাইতে হবে, লাফাতে হবে, দৌড়তে হবে,—”

চামেলী বাপা দিয়া বলিল, “আমায় খার পোজ দেখে পাট শিখতে হচ্ছে, তিনি নাচতে গাইতে জানেন ?”

শুভেন্দু বলিল, “গাইতে জানেন খুব ভাল, তা জানি, তবে নাচতে জানেন কি না, কি আর সব জানেন কি না, বলতে পারি না। তুমি নিশ্চয় জান বোধ হয় ?”

চামেলী হাসিয়া বলিল, “নিশ্চয় আবার বোধ হয় কি রকম ? হাঁ, অ্যাক্টেস যখন পাবলিক স্টেজের, তখন সব শিখতে হয়েছে বৈ কি। দেখুন, আমাদের লাইফে অনেক আর্টিষ্টের সঙ্গে মিশতে হয়েছে, শিখতেও হয়েছে অনেক কিছু। গান করা, ছবি আঁকার ত কথাই নেই—ও মা গো !”

চামেলী চমকিয়া ভীতরূপে শুভেন্দুর একটা হাত ধরিয়। ফেলিল। শুভেন্দু তখন বিজলী বাতির স্মুটচ টিপিতেছিল, সে চামেলীর অক্ষুট আক্টনাদ শুনিয়া এবং তাহার কম্পিত হস্তের স্পর্শ অনুভব করিয়া বিস্মিত হইয়া বলিল, “কি হয়েছে, এমন করে উঠলে কেন ?”

চামেলী তখনও কাঁপিতেছিল, বলিল, “কে যেন ঐ বড় ছবিখানার আড়ালে লুকুলো না ?”

শুভেন্দু হাসিয়া বলিল, “লুকুলো ? ষ্টুডিওর ভেতরে ? পাগল !”

এই কথা বলিয়া সে চামেলীকে বসিতে বলিয়া দ্রুতপদে তৈল-চিত্রখানার দিকে অগ্রসর হইল। কিন্তু তন্ন তন্ন করিয়া খুঁজিয়াও সে কোথাও কিছু দেখিতে পাইল না। তখন সে কক্ষ ও কক্ষসংলগ্ন গুদাম-ঘরের সমস্তটা অংশ ঘুরিয়া বেড়াইল, কিন্তু কোথাও জনপ্রাণী নাই। হাসিয়া সে ফিরিয়া আসিতেছিল, হঠাৎ বাগানে যাতায়াতের দ্বারপথের দিকে দৃষ্টি পড়িতেই তাহার লম্বাটের রেখা কুঞ্চিত হইল--এ দ্বার ত রুদ্ধই ছিল, খুলিল কে ? মনটা তাহার

চিন্তা-ভারগ্রস্ত হইয়া রহিল। কিন্তু প্রকাণ্ডে কোনরূপ চিত্তচাক্ষুণ্যের ভাব প্রকাশ না করিয়া সে চামেলীকে সঙ্গে লইয়া আরও কয়খানি চিত্র দেখাইল এবং সঙ্গে সঙ্গে সেই চিত্র-সমূহের ভাবের অভিব্যক্তি বুঝাইয়া দিতে লাগিল। মানুষের ক্রোধ, হিংসা, লোভ, মোহ, শোক, দুঃখ, মান, অপমান, লজ্জা, ভয়, আতঙ্ক, সন্দেহ, অবিশ্বাস, জিহ্বাসা, বিরংসার উদ্বেক হইলে মানুষ কি ভাবে হাসে, কাঁদে, রাগে, ভালবাসে, দুঃখ করে, হিংসা করে, চলে, ফেরে, দাঁড়ায়, বসে,—সেই সমস্ত ভাবের অভিব্যক্তি এই সকল চিত্রে অঙ্কিত ছিল, অসীম বহু অর্থব্যয়ে এই সকল তৈল-চিত্র অঙ্কিত করাইয়াছিল। চিত্রগুলি দেখিতে বাস্তব বলিয়া মনে হওয়া বিচিত্র নহে।

চামেলীর সব দৃষ্টিটা যে সেই দিকে ছিল, এ কথা বলিলে সত্যের অপলাপ করা হয়। বসিবার ঘরে আসিয়া বিদায়কালে সে বলিল, “নমস্কার। আজ রাতে আর ষ্টুডিওতে আপনার যাওয়া দরকার হলে না বোধ হয় ?”

শুভেন্দু বিস্মিত হইয়া বলিল, “কেন বল দাঁকি ? হুঁ, তুমি এখনও সেই ভুলটা পুসে রেখেছ বুঝি ? হাঃ হাঃ ! চল, তোমায় এগিয়ে দিয়ে আসি।”

চামেলী বলিল, “কি দরকার ? ঐ ত বাগানটার উপারে কোয়ার্টার ? আপনি বসুন।” পরে ঈশৎ কম্পিত কণ্ঠে বলিল, “দেখুন, একবার লোকজন দিয়ে ষ্টুডিওটা ভাল করে দেখে নেবেন আজকে।”

শুভেন্দু হাসিয়া বলিল, “আচ্ছা, তাই হবে।” চামেলী চলিয়া গেল।

শুভেন্দু ঘরে ফিরিয়া আসন গ্রহণ করিয়া ভাবিতে লাগিল, চামেলী কি দেখিল ? সে কেন এমন সাবধান করিয়া দিয়া গেল ?

মনটা কেমন একটু চঞ্চল হইয়া উঠিতে সে ষ্টুডিওতে গিয়া আলো জালিয়া আর একবার ভাল করিয়া ঘরটা তন্ন তন্ন করিয়া খুঁজিয়া দেখিল। কোথাও কেহ নাই। চামেলীর ইহা নিশ্চিতই দৃষ্টিভ্রম। বাগানে যাইবার দ্বারপথ রুদ্ধ করিয়া বসিবার ঘরে ফিরিয়া সে ইজি-চেয়ারে অক্ষণায়িত অবস্থায় থাকিয়া সিগারেট ফুঁকিতে লাগিল। ইতিমধ্যে ভৃত্য আসিয়া জানাইয়া গেল, আহার্য প্রস্তুত করিবে।

কখন, বাবু ফিরিয়া আসিলে, না আগে? সে মগামগ চকুম দিয়া দিল, ভৃত্য ভিতরে সংবাদ দিতে গেল।

সকালের খবরের কাগজখানা একবার টানিয়া লইয়া দুই চারি ছত্র পড়িয়াই বিরক্তি বোধ করিয়া সেখানা সে পাশের টেবল রাখিয়া দিল। তাহার মনে তখন অনেকগুলো কথা ভিড় করিয়া তাহাকে ভাবাইতেছিল,— হিরণীর কথা, চামেলীর কথা, অসীম উষার কথা, কত কি! কিন্তু অল্প সব কথা মনের দ্বারপথ দিয়া নিমিষে নিজস্ব হইয়া গেলেও হিরণীর কথাটা আজ সে কিছুতেই ভুলিতে পারিতেছিল না। কেন হিরণী অমন ক্রোধ ও রণাব দৃষ্টিতে চাহিয়াছিল? কি এমন মন্ত অপরাধ করিল সে? সে দরিদ্র, তাহাদের বেতনভুক্ কন্ঠচারী,—এ কথা সত্য। কিন্তু সে ত ইচ্ছাপূর্বক ধনবান্ জমিদারের কণ্ঠা ও ভগিনীর হাতের উপর হাত রাখে না। তবে? সে ক্ষুদ্র, উহার। রুহং; এ কথা সত্য। কিন্তু এই জগতে টাকা আনা পাই কি সব—আভিজাত্যগন্ধই কি সব? আর শিক্ষা-দীক্ষা, মনুষ্যত্ব, চরিত্র, প্রতিভা, মনোমান,—এ সব কিছু নহে? সব জিনিষেরই কি টাকার মূল্য অনুপাতে ওজন দর?

হঠাৎ তাহার চিন্তাস্রোতে বাধা পড়িল। সম্মুখে কক্ষ-প্রাচীরে বিলম্বিত দীর্ঘ দর্পণে সে যাহা দেখিল, তাহাতে তাহার সাহসী অন্তরাশ্রাও মুহূর্তের জন্য কম্পিত হইল। সে অতি বড় বৈর্যশালী, নতুবা সে নিশ্চিতই আতঙ্কে চীৎকার করিয়া উঠিত।

দীর্ঘাকার একটা মানুষ—তাহার আসনের পশ্চাতে দীর্ঘ-পাদবিক্ষেপে অগ্রসর হইতেছে। তাহার মাথার পাগড়ীটা দিয়া মুখখানা এমন ভাবে বাধা যে, কেবল চোখ দুইটা তাহার মধ্য হইতে বাঘের চোখের মত জ্বল্-জ্বল্ করিতেছে। যদি মানুষ খুন করার ইচ্ছা চোখের দৃষ্টিতে ব্যক্ত হওয়া সম্ভব হয়, তাহা হইলে ঐ মানুষটার চোখে যে সেই ইচ্ছা স্পষ্ট ব্যক্ত হইতেছিল, তাহাতে সন্দেহ নাই। লোকটা যে কখন সম্ভরণে ধীরে ধীরে গুপ্ত স্থান হইতে বাহির হইয়া এত কাছে অগ্রসর হইয়াছে, তাহা শুভেন্দু কিছুই বুঝিতে পারে নাই।

অতি বড় শক্তিমান এবং দুর্জয় সাহসী হইলেও এরূপ অতর্কিত বিপৎপাতের আশঙ্কায় যে কোনও মানুষের বুক-খানা আতঙ্কে কাঁপিয়া উঠিবেই। শুভেন্দু কিন্তু তৎসঙ্গেও

যেন কিছুই জানিতে পারে নাই, এইরূপ ভাব দেখাইয়া নিরীকারচিত্তে আততায়ীর আরও নিকট-সান্নিধ্যের জন্য প্রস্তুত হইয়া রহিল। সে একবারে তাহার আসনের পশ্চাতে আসিয়া দাড়াইতেই শুভেন্দু নিমিষে আসনত্যাগ করিয়া বাঘের মত তাহার ঘাড়ের উপর লাফাইয়া পড়িল। সে যৎসম্মত কৌশলে অভ্যস্ত ছিল, অতি সহজেই আততায়ীকে ভূশয়াশায়ী করিয়া ফেলিল। তাহার পর সে তাহার বকের উপর চাপিয়া বসিয়া হাত দুইটা জালু দ্বারা চাপিয়া ধরিল।

লোকটা পশ্চিমা, বয়সে নবীন এবং খুব জোয়ান। সে খুব ঠাপাইতেছিল: শুভেন্দুও তাই। দুই জনেই নীরব, দুই জনেই অজগর-সর্পের মত ঘন ঘন শ্বাস ত্যাগ করিতেছিল।

ক্ষিপ্ৰহস্তে তাহার মুখের বাধনটা খুলিয়া ফেলিয়া উহা দ্বারাই শুভেন্দু তাহার হাত দুইটা বাধিয়া ফেলিল। পাগড়ীর একাংশ রক্তে রঞ্জিত হইয়া গিয়াছিল, বোধ হয় পড়িয়া যাইবার সময় লোকটার মাথাটা দেয়ালে ঠুকিয়া গিয়াছিল কিন্তু আশ্চর্য্য এই যে, লোকটা আঘাত পাইয়াও তাহাকে বাধা দিবার বা প্রতি-আক্রমণ করিবার কোন চেষ্টা করিল না।

শুভেন্দু হিন্দাতে জিজ্ঞাসা করিল, “কে তুই?” সে যে বাঙ্গালী নহে—তাহা শুভেন্দু প্রথম হইতেই বুঝিয়াছিল।

লোকটা সে কথার কোন জবাব না দিয়া প্রায় কান্দো-কান্দো স্বরে বলিল, “জানকী—বাবুজী, আমার জানকী! তোমার কাছে ভিক্ষে চাইছি, আমার জানকীকে ফিরিয়ে দাও সেই কলকাতার বাবুকে বলে—নইলে”—কথাটা বলিয়া সে ফুকারিয়া কাঁদিয়া উঠিল।

শুভেন্দু তখনই তাহাকে ছাড়িয়া দিল, সঙ্গে সঙ্গে বাধনটাও খুলিয়া দিল—বলিল, “উঠে বোসো। তুমি কি মনুষ্য—মধুপুরের?”

লোকটা কান্নাজড়িত স্বরে বলিল, “ঐ বাবুজী—আমার জানকীকে ফিরিয়ে দাও, তোমার পায়ে পড়ছি, বাবুজী।” সে মাথাটা শুভেন্দুর পায়ের উপর রাখিয়া দুই হাতে পা দুইটি জড়াইয়া ধরিয়া ফুঁপাইয়া ফুঁপাইয়া কাঁদিতে লাগিল। মাথার ক্ষত হইতে রক্তধারা ঝরিতেছিল—সে দিকে তাহার লক্ষ্য ছিল না।

শুভেন্দুর মনটা এই দরিদ্র নিরক্ষর গ্রামবাসীর হৃৎখে সমবেদনায় ভরিয়া উঠিল। সঙ্গে সঙ্গে কলিকাতার সাহেব বাবু বিভাসচন্দ্রের প্রতি দারুণ ঘণায় তাহার মনটা তিক্ত হইয়া উঠিল। মানুষ—সভা শিক্ষিত মানুষ—এত নীচ, এত হৃদয়হীন হইতে পারে? সে খানিকটা টিঞ্চার আইওডিন আনিয়া মনুষ্যের ক্ষতস্থানটা বাধিয়া দিল, তাহার পর বলিল, “ঠিক ক’রে বল, মনুষ্য, এখানে এসেছিস কেন? তোর জরুরেই বা এখানে খুঁজছিস কেন? কিছু খেয়েছিস? কবে এসেছিস? তোর জানকী এখানে আছে, কে তোকে বলেছে?”

মনুষ্য কতকটা অভিভূতের মত হইয়া পড়িয়াছিল। জানকীর নাম হইতে সে তীরের মত উঠিয়া পাড়াইল, তাহার চোখ দুটা ধকধক জ্বলিয়া উঠিল। সে চাঁৎকার করিয়া বলিল, “শয়তান! ঐ বাবুই আমার জানকীকে নিয়ে এসেছে। রাগ ক’রে বাপের ঘরে চলে যাবো বলে গিয়েছিল। সেখানেও যায় নি। নিশ্চয়ই ঐ কুকুর-বাচ্ছা ওকে চুরি ক’রে এনেছে! ওর খুন দেখবো বাবুজী, খুন দেখবো!”

“এ কি? কে ও? কি চাস? কার খুন দেখতে চাইছে ও?”—কথাটা বলিতে বলিতে অসীম অতিক্রমভাবে কক্ষে প্রবেশ করিল, তাহার পশ্চাতে দুই তিনটা কলী, কাঁকায় মাল বোঝাই, সঙ্গে খানসামা চাকর।

শুভেন্দু সে ভয় করিতেছিল, তাহাই ঘটয়া গেল। গাড়াতাড়ি লোকটাকে আড়াল করিয়া সে বলিল, “না, ও কিছু না—লোকটা ভিক্ষে করতে এসেছিল—মা, না, চ’লে যা, এই নে রেলভাড়া।”

মনুষ্য নড়িল না, বরং সম্মুখে বাহির হইয়া আসিয়া উচ্চৈঃস্বরে বলিল, “না, বাবুজী, ভাড়া চাইনে—আমি জানকীকে চাই, মধুপুর থেকে সাহেব জানকীকে নিয়ে এসেছে, বাবু—”

অসীমের বিস্ময়ের সীমা রহিল না। সে একবার মনুষ্য ও একবার শুভেন্দুর দিকে চাহিয়া বলিল, “ব্যাপার কি? মধুপুর—জানকী?—ওঃ!”

মুহূর্ত্ত পরে অসীম গম্ভীরকণ্ঠে লোকজনকে মাল রাখিয়া কক্ষত্যাগ করিতে হুকুম দিল। তাহার পর আসন-গ্রহণ করিয়া বলিল,—“মধুপুর থেকে এসেছ তুমি? কে তোমার জানকী? কি চাও? রাত্রি দশটার সময়

ভিখিরী এসেছে ভিক্ষে করতে? শুভো, শাক দিয়ে মাছ চাকছিস, না?”

শুভেন্দু নতমস্তকে নীরবে বসিয়া রহিল। অসীম একটা সিগারেট ধরাইয়া পাখাটা খুলিয়া দিয়া বলিল, “তোমার নাম কি রে, ছোকরা? কি চাস?”

তখন মনুষ্য তাহার পদপ্রান্তে পড়িয়া অর্ধসিক্তনয়নে, বাষ্পরুদ্ধকণ্ঠে ঝড়ের মত এক রাশ অনুযোগের কথা নিবেদন করিল। অসীমের দৃষ্টির উপর হইতে একটা রহস্য-মবনিকা অপসারিত হইয়া গেল। মনুষ্য কটিদেশে লুকায়িত তীক্ষ্ণদার হাঙ্গুলিখানা বাহির করিয়া যখন তাহাকে বুঝাইয়া দিল যে, সে সত্যি আজ তাহার পত্নী-হরণকারীকে হত্যা করিতে আসিয়াছিল, তখন অসীমের মুখমণ্ডল আরও গম্ভীর আকার ধারণ করিল। ক্ষণকাল নিস্তব্ধ নিরুত্তমভাবে বসিয়া থাকিবার পর সে বলিল, “আচ্ছা, তুমি যাও এখন, কাল সকালে এসো, এর ব্যবস্থা করবো। তোমায় খুনে চোর বলে পুলিশে ধরিয়ে দিতে পারতুম, কিন্তু তা দেবো না। সে তোমার চেয়েও মস্ত বড় খুনে চোর, আগে তার শাস্তি হওয়া দরকার। যাও, কাল সকালে এইখানে দেখা ক’রো।”

আশ্চর্য্য! সে লোকটা প্রতক্ষণ কাঁদিয়া কাটিয়া শুভেন্দুকে ব্যতিব্যস্ত করিয়া তুলিয়াছিল, অসীমের একটি কথায় সে আশ্রয় হইয়া নীরবে চলিয়া গেল, যাত্রাকালে কেবল বলিয়া গেল, “আমার জানকী, বাবুজী! জানকী!”

অসম্ভব গুমোট হইলে প্রাণ যেমন অতিষ্ঠ হইয়া উঠে, কক্ষের গম্ভীর অসহনীয় নীরবতা তেমনই দুইটি প্রাণীকে অতিষ্ঠ করিয়া তুলিল। অসীম ক্রমাগত চুরুট টানিয়া যাঁতে লাগিল, শুভেন্দু বহু চেষ্টা করিয়াও বন্ধুর দিকে দৃষ্টি উন্নীত করিতে পারিতেছিল না। সহসা অসীমের অস্বাভাবিক কর্কশ কণ্ঠস্বরে শুভেন্দু চমকিয়া উঠিল। অসীম বলিল, “আড়াল দিনে পাপকে ঢেকে রাখবার গোপনে পরামর্শ খুবই ভাল হ’তে পারতো, যদি না পাপের স্বভাবই হোতো অপনিই প্রকাশ হয়ে পড়া।”

এ তৈয়ালির কথা শুনিয়া শুভেন্দুর মনটা বড়ই আলোড়িত হইয়া উঠিল। সে ভাবিল, বোঝাই ছাড়িয়া চলিয়া আসা তাহার পক্ষে আদৌ বুদ্ধির কার্য্য হইয়াছে কি?

“মানুষের মনই হইল সব। মনের স্বাস্থ্য-অস্বাস্থ্যের উপর মানুষের জীবনের অনেক কিছু নির্ভর করে। এই হেতু যাহা কিছু সত্য, শিব ও সুন্দর, তাহার প্রভাবের প্রয়োজন মনের উপর খুবই আছে, অতীত মনের স্বাস্থ্য অক্ষুণ্ণ রাখা সম্ভবপর হয় না। পাপের চিত্র জগতের সমস্ত চাক্ষুশীরাই কুংসিত আকারে চিত্রিত করিয়াছেন, কোথাও পাপকে সুন্দর করিয়া দেখাইবার চেষ্টা হইয়াছে কি না সন্দেহ। পুণ্ডানদের শয়তানের মস্ত দুইটা শিং, সে দেখিতে অতি কদাকার। কেবল মেরী করে লি শয়তানকে সুন্দর চেহারা দিয়াছেন বটে, কিন্তু উহা নিয়মের ব্যতিক্রম।

“মানুষের মন কিয়ৎ ভিন্নরূপ। নীতিবিদ কাগজে-কলমে পাপকে জবজ্বলে চিত্রিত করেন বটে, মানুষের মন কিয়ৎ পাপকে পরম লোভনীয় দেখিয়া থাকে বলিয়াই তাহার দিকে আকৃষ্ট হয়। কতকটা রাজ-শাসন ও সমাজ-শাসন আর কতকটা পরকালের শাস্তির ভয় সেই লোভকে দমন করিয়া রাখে। যদি সে ভয় না থাকিত, তাহা হইলে সমাজে শৃঙ্খলা বা বন্ধন বলিয়া কোন জিনিস থাকিত না, আব মানুষ ও পশুতে কোন প্রভেদ থাকিত না।”

কেতাবখানা মুড়িয়া রাখিয়া হিরণী অবজ্ঞাভরে বলিল, “বাবিস! এ সব লেখা পুড়িয়ে ফেলাই দরকার।”

উষা কার্পেটের উপর কুল তুলিতেছিল, বলিল, “কি লেখা লো?”

হিরণী ঈষৎ উষ্ণ স্বরে বলিল, “দেখ বৌদি, তোমাদের ঐ ডাক গুণো বড় বিক্রী লাগে, ও সব এ যুগে অচল।”

উষা হাসিয়া বলিল, “কি আবার অচল হ'ল এ যুগে? লো ব'লে ডাকা? তা আমরা সেকলে বুড়ো-হাবড়া মানুষ—”

হিরণী বলিল, “দেখ, মিছে বোকে না বলছি! ভারী বুড়ী হয়েছেন যেন!”

উষা বলিল, “আচ্ছা, আচ্ছা, আমি না হয় তোর মত একালের মেয়েই হলাম। তা, ও লেখাটা বাবিস হ'ল কেন? ও লেখাটা ত শুভেন্দু বাবুর, এ মাসের ‘দরদী’তে বেরিয়েছে না?”

হিরণী বলিল, “হাঁ তাই। এ লেখার কি সবই উটো ছিঁড়ি? মানুষের মন বুঝি পাপের দিকে ঝুঁকেই আছে?”

মানুষ বুঝি কেবল কুংসিতই দেখে—কুংসিতই চায়? তবে মানুষ কুল ভালবাসে কেন, চন্দনের গন্ধ গোঁজে কেন? দেবতাকে ধূপ-দ্বন্দ্ব দিয়েই বা পূজা করে কেন? যা তারা সব চেয়ে ভালবাসে, ভক্তি করে, তাই দিয়ে তবে দেবতাব পূজা দেয় কেন? বাবিস নয়?”

উষা বলিল, “তা শুভেন্দু বাবু ত ভালর দিকটাও বলেছেন।”

হিরণী বলিল, “হাঁ, বলেছেন, কিন্তু টোক গিলে। দেখ, জগতের সৃষ্টি হয়ে অবদিত বড় বড় বই বেরিয়েছে, সব-তাতেই মতঃ মানুষের চরিত্র আঁকা হয়েছে। মানুষ রাম-লক্ষণের সীতাসাবিত্রীর কথা শুনতে ভালবাসে বলেই রামায়ণ-মহাভারতের সৃষ্টি হয়েছে, ভীমার্জুন কিম্বা সুভদ্রাদৌপদীর চিত্র অঙ্কিত হয়েছে বলেই দগ দগ প'রে মহাভারত মানুষের কাছে পূজ্য পেয়ে আসছে। মানুষের মন ভালই গোঁজে, কুংসিত নয়।”

উষা বলিল, “তবে রাবণ-উল্লজিতের সৃষ্টি হ'ল কেন? চর্যোপন, চঃশাসন, শকুনি, কংই বা গ্লো কেন? মানুষ চোর-ডাকাত হয় কেন? পুরুষ লম্পট তার মেয়েমানুষ বেগা হয় কেন?”

হিরণী বলিল, “ও সব নিয়মের ব্যতিক্রম। আলোটাকে ফোটাবার জন্যেই অন্ধকার আনতে হয়।”

উষা বলিল, “না ভাই, আমার উটো সৃষ্টি। আমি বলি, পাপটাই—কুংসিতটাই নিয়ম, আর সব ব্যতিক্রম। জগতে বেশীর ভাগটাই ত পাপ, বেশীর ভাগ লোক ত পাপ নিয়েই আছে, তবে কেউ বা চক্কলজ্জার খাতির লকিয়ে পাপ করে, কেউ বা পাপ করাটাকে মস্ত কাম মনে ক'রে দেখিয়ে বেড়ায়।”

হিরণী বিস্মিত হইয়া বলিল, “কি বলছো, বৌদি? তা হ'লে চামেলী পাপের ঘরে জন্মেও অমন ভাল হ'ল কেন ক'রে?”

উষা বলিল, “পাপকে পদ্ম জন্মে না? তা ছাড়া চামেলীর আর একটা দিক দেখতে হবে। মানুষ যদি এমন একটা জিনিস পায়, যাকে আশ্রয় ক'রে তার পাপের দিকের ঝাঁকটা খাটো হয়ে যায়, তা হ'লে অমন ড'একটা দৈত্যকুলে প্রহ্লাদ দেখা দিতে পারে। কিয়ৎ যাদের সে স্মবিধে না হয়?”



বলিল, “কি, সুবিধে কি ?”

উষা বলিল, “এই ধর না, যেমন ভালবাসা। না হয় ধর না, একটা নেশা, যেমন লেখাপড়া, গান-বাজনা।”

হিরণী বলিল, “বুঝেছি। তুমি বলতে চাও, চামেলীর ঝোঁকটা সিনেমা-টাকির দিকে ঝুঁকেছে বলে সে অভিনয়ে তন্ময় হয়ে আছে—”

উষা বলিল, “ঠা, তাই। না হলে যেখানে ও জন্মেছে, যে হাওয়ায় বাস করছে, সে দিকে ঝোঁক হওয়াই ত ওর পক্ষে স্বাভাবিক।”

হিরণী বলিল, “হঁ। দেখছি, শুভেন্দু বাবুর সঙ্গে তোমার আইডিয়াগুলো মিলে যাচ্ছে তিনি ঐ প্রবন্ধেই পরে লিখেছেন,—‘প্রভাব আর অভ্যাস মানুষকে প্রলোভনের আকর্ষণ হইতে বাচাইয়া রাখে। ইহার অভাবে মানুষের উদ্যম উচ্ছ্বল চঞ্চল মন সংযত হইতে পারে না।’”

উষা বলিল, “তা ঠিকই ত।”

হিরণী বলিল, “তুমি ত বলবেই তা। তার পর শোনো তিনি কি লিখেছেন, ‘যে আবহাওয়া বা আবেষ্ট্রনীর মধ্যে মানুষের মন গড়িয়া উঠে, তাহার প্রভাব সারা মনের উপর বিস্তৃত হয়। এই জন্ত যতরূপে সম্ভব, যাহা কিছু সত্য, যাহা কিছু শিব ও যাহা কিছু সুন্দর, তাহার দিকে মনকে লইয়া যাইবার চেষ্টা করাই হইতেছে প্রকৃত মনুষ্য, মানুষের প্রকৃত কর্তব্য। চেষ্টা ব্যর্থ হইতে পারে, তাহাতে ক্ষতি নাই। এই জন্ত পুনঃ পুনঃ চেষ্টার প্রয়োজন। এই পুনঃ পুনঃ চেষ্টাই অভ্যাস নামে অভিহিত হইয়া থাকে।’ আহা, ঠিক যেন মাষ্টার মশাই বেত নিয়ে পড়াতে বসেছেন কলের ছেলের ! চেষ্টা আবার করে না কে ?”

উষা বলিল, “চের লোকে করে না, আর করে না বলেই এত অনাছিষ্ট, এত পাপ।”

হিরণী বলিল, “তাই বটে ! আমার ত মনে হয়, মানুষের মন এত ছোট নয় সে, কেবল ঝাঁপ্তাকুড়ের দিকেই ছুটেবে !”

উষা বলিল, “সে পরীক্ষা ত হয়নি এখনও। পরীক্ষা হলে বোঝা যায়, কার কতটা দোড়।”

হিরণী বলিল, “তার মানে ?”

উষা বলিল, “তার মানে আবার কি ? যা বটে, তাই বললাম। তার সঙ্গে আমি তর্ক করতে পারিনি বাপু, সে

ক্ষমতাও আমার নেই। কিন্তু যাঁই হোক, সত্যি বলতে কি, চামেলীকে আমার বড্ডো ভাল লাগছে ক্রমে ক্রমে। ওর মুখে যখন ওদের ঘরের কথা শুনি, তখন মনে হয়, ভালবাসা বলে জিনিষটা ওরাই ভোগ করে, ছোটো প্রাণের মধ্যে মিল হলো না বলে ওদের জীবনটা ব্যর্থ হয়ে যায় না।”

হিরণী এ কথায় কেবল বিস্মিত হইল না, কুদ্ধও হইল। দৃষ্ট-কণ্ঠে বলিল, “ওদের ঘরে ভালবাসা ? তোমার মাথা খারাপ হয়ে গেছে না কি, বৌদি ? চামেলীর সঙ্গে ও সব কথা হয় না কি তোমার ? কৈ, আমার ত বলতে সাহস করে না।”

উষা হাতের বোনাটা ফেলিয়া দিয়া উচ্চরবে হাসিয়া বলিল, “পোড়ারমুখী ! এই মাস্তুর মাষ্টার মশায়ের কথা বলছিলি না ? তুইও ত তাই। বাবা, তাদের যে বড়-মানুষি রাশভারি চাল ! পরকে আপনার ক’রে নিতে না জানলে সে তার মনের কপাট তোর কাছে প্লাবে কেন ? এই দেখ না, আমি পুঁটিয়ে পুঁটিয়ে ওদের ঘরের কথা তুলি, তাই ত ও আমার সব কথা বলে।”

হিরণী মুখ ভার করিয়া বলিল, “তুমি যাঁই বল বৌদি, ওর সঙ্গে বেশী মেশামিশি ভাল না।”

উষা উচ্চতান্ত করিয়া বলিল, “সত্যিই তা হলে তুই মাষ্টার মশাই হলি দেখছি। বেতগাছটা এনে দেব হাতে ?”

“কি, বেত চাই না কি ? তা বেতের দরকার হয়েছে বটে এ বাড়ীতে”—কথাটা বলিতে বলিতে অসীম কক্ষে প্রবেশ করিল। রুক্ষ কেশ, আরক্ত চক্ষু, শুষ্ক মুখ,—সে ভাল করিয়া মেঝের উপর পা রাখিতে পারিতেছিল না।

হিরণী উৎকণ্ঠিতভাবে জিজ্ঞাসা করিল, “কি হয়েছে, দাদা ? আবার অসুখ করেছে ?”

অসীম তাড়াতাড়ি একখানা সোফায় বসিয়া পড়িয়া বলিল, “অসুখ ? হঁ, সুখ কবে হ’ল, তা ত মনে করতে পারছি না। একটা কথা বলতে এসেছিলুম, দুরসুং হবে কি তোমার বৌদির ? মধুপুরের সেই ছোটলোকটা আবার এসেছিল আজ। কাকে খুঁজছে, বোধ হয় বলতে হবে না ?”

কক্ষান্তর একবারে নীরব। ক্ষণ পরে হিরণী ক্ষীণ-স্বরে বলিল, “এ খবর বৌদিকে দেবার কি দরকার, তা

বুঝতে পারছি না। তুমিই ত ও সপক্ষে যা হয় ব্যবস্থা করতে পার।”

অসীম বিরক্তিভরে বলিল, “হ্যাঁ, এর একটা হেস্ত-নেস্ত আমি করতে চাই। এমন ক’রে একটা ছোটলোকের চোখ-রাঙ্গানি হুজুম করা আমার অভ্যাস নেই, বিশেষ যখন সে চোখরাঙ্গানির সঙ্গে আমার কোন সম্পর্ক নেই।”

হিরণী অশ্বস্তি বোধ করিয়া কক্ষত্যাগ করিয়া মাইতে-ছিল, অসীম বাধা দিয়া বলিল, “যেও না। কথা যা হয়, তোমার সামনে হয়ে যাওয়াই ভাল। সব শুনেছ বোধ হয়?”

হিরণী মাড় নাড়িয়া জানাইল, সে শুনিয়াছে। অসীম বলিল, “বেশ, ভালই হয়েছে। এখন তোমার বৌদি কি করতে চান, তাই জানতে এসেছি।”

উষা এতক্ষণে কথা কহিল, গম্ভীরভাবে বলিল, “কি করতে হবে, বল।”

অসীম মুখ বিকৃত করিয়া বলিল, “বলাবলি এতে আমার কি থাকতে পারে? তুমি যখন এ বাড়ীর সুনাম-দুর্নামের মালিক, তখন ব্যবস্থা ত তোমাকেই করতে হবে।”

উষা কঠিনস্বরে জিজ্ঞাসা করিল, “মানে?”

অসীমও কঠোরকণ্ঠে বলিল, “মানে—যার জগে সুনাম-দুর্নাম—আপদ-বালাই এসে জুটছে এ বাড়ীতে, তোমার আমার হ’লে তাকে নিয়ে ঘর-সংসার করতে আমাদের কোন আপত্তি ছিল না। যা হ’তে সুনাম-দুর্নাম—হাঙ্গামজ্জ্বল—তা আমাদের উপর দিয়েই হয়ে যেত। কিন্তু আমরা একলা নই, মনে রাখতে হবে—আমার বোন রয়েছে এ বাড়ীতে—”

হিরণী বাধা দিয়া বলিল, “এ কি কথা বলছ, দাদা? আমি কি বৌদির পর? তোমাদের মান-অপমানে আমার কিছু নেই?” কথাটা বলিবার সময়ে সে দুই হাতে তাহার বৌদিদির কণ্ঠ আলিঙ্গন করিয়া রহিল।

অসীম কিছু সে কথাই কাণ না দিয়া উচ্চৈঃস্বরে বলিল, “হ্যাঁ, তোমার জগেই যত কিছু। একটা চরিত্রহীন লম্পট মাতাল বাইরে হাঙ্গাম বাণিয়ে এসে ঘরের বৃকের ভেতর রাতদিন যাওয়া আসা করবে—আর সেই বাড়ীর ভেতরে থাকবে আমার বোন—এ হতেই পারে না। এই সে দিন তোকেই অপমান করতে ছাড়েনি সে—”

হিরণী তাহার লাভজায়ায় অভিমানাহত ছলছল নয়ন

দুইটির দিকে চাহিয়া ভীত হইয়া তাড়াতাড়ি বলিল, “না, না, তখন ত বিভাসদার জ্ঞান ছিল না, দাদা”—

অসীম চীৎকার করিয়া বলিল, “জ্ঞান ছিল না? জ্ঞান ছিল না বললেই দায়ে খালাস? আমার বোনের হাত ধরে ও কোন্ সাতসে? সে দিন আমি বাড়ী থাকলে ওর রক্ত দর্শন করতুম—কোথাকার কে ও—না, তের সখ করেছি”—

উদ্ভত অশ্বিন্দু বহু কণ্ঠে রুদ্ধ করিয়া বাষ্পরুদ্ধকণ্ঠে উষা বলিল, “বেশ, আমরা ভাইবোনেই এ বাড়ী ছেড়ে চ’লে যাচ্ছি এখনই—”

হিরণী দৃঢ় আলিঙ্গনে তাকে আবদ্ধ করিয়া অনুযোগের স্বরে বলিল, “তুমিও ক্ষেপে গিয়েছ, বৌদি? ছিঃ ছিঃ! দাদার না হয় মাথার ঠিক নেই। যাও, বাইরে যাও দাদা, যা করবার আমরা করবো, তুমি বাড়ীর ভেতরের কথাই থাকো কেন বল দিকি? যাও।” হিরণীর কণ্ঠে কঠোর কর্জ্বের স্বর, নয়নে ভাস্বর দৃষ্টি!

অসীম হতবুদ্ধি হইয়া দাঁড়াইয়া উঠিয়া মৃগকণ্ঠে বলিল, “তা যাচ্ছি, আমি ত ভেতরের কথায় থাকতে চাইনে। তবে যাবার সময় একটা কথা ব’লে যেতে চাই,—যত শীগ্গির হোক, এর একটা বিহিত না হ’লে আমিই বাড়ী ছেড়ে চ’লে যাব।”

অসীম কক্ষ ত্যাগ করিতেছে, এমন সময়ে উষা ক্রোধান-কম্পিতস্বরে ব্যঙ্গোক্তি করিল, “একলাই যাবে বাড়ী ছেড়ে, সঙ্গে কাউকে নিয়ে যাবে না?—যাদের সঙ্গে নইলে আজ-কাল দিন চলে না!—”

অসীমের মাথায় আগুন জ্বলিয়া উঠিল, থমকিয়া দাঁড়াইয়া দৃপ্তকণ্ঠে বলিল, “নিশ্চয়ই! নিশ্চয়ই নিয়ে যাব। যাকে খুসী তাকে নিয়ে যাব, তাতে তোমার শুভেন্দু বাবু বা তুমি পরামর্শ এঁটে কিছু করতে পারবে না।”

রাগে জ্ঞানশূন্য হইয়া অসীম নিমেষে বাহিরে চলিয়া গেল।

উষা ক্ষণকাল স্তম্ভিত হইয়া থাকিবার পর মনদীর কাঁধে মাথা রাখিয়া পূর্ব খানিকটা দুঁপাইয়া কাঁদিল। হিরণীও সম্মেহে তাহার মাথাটা বৃকের মধ্যে টানিয়া লইল—যেন সে-ই সংসারের গৃহিণীরূপে সংসারের শান্তিরক্ষার জন্ম দায়ী, সকলের দুঃখে তাপে সাধুনা দায়িনী! মেহাদকণ্ঠে

বলিল, “ইন্, রাগ ত নয়, যেন জর্জাসা ! সাত চড়ে কথা কয় না দাদা—”

উষা হিরণীর বাতপাশ হইতে মুক্ত হইয়া বাষ্প-রুদ্ধকণ্ঠে বলিল, “আমি ত বলছি, তোমাদের জমিদারের ঘরে আমাদের মত ছোটলোকের স্থান নেই—আমরা আপনাই বিদায় হয়ে যাচ্ছি। সেখানেই থাকি, তাকে ত এ নিয়ে দিতে পারিনি—মার পেটের ভাই ত!” উষা কুঁপাইয়া কুঁপাইয়া কাঁদিতে লাগিল।

হিরণী বলিল, “ছি বৌদি, এখনও রাগ পড়লো না? বিদায় নিলেই ভাল? তোমার বাড়ী, তোমার ঘর, বিদায় নেবে কার কাছে শুনি?”

উষা তেমনি কাঠ হইয়া নাড়াইয়া রহিল, ককর্ষকণ্ঠে বলিল, “রাগ? বাড়ীর দাসী-বান্দীদেরও রাগ করবার, অভিমান করবার অধিকার আছে বটে—আমার আবার রাগ কি, অভিমান কি? আমার শুভেন্দু বাবু! বেশ, ভাই। ঠুঁরা যা উচ্ছে ভাই বলবেন, আর আমরা মেয়েমানুষ, আমাদের ত মান-অপমান নেই, রাগ-অভিমান নেই!”

হিরণী বলিল, “এ তোমার অন্টার, বৌদি। দাদার মত মেয়েমানুষের মর্যাদা কে রাখে বল ত? রাগের মাথায় দাদা যাঁই বলুক, কিন্তু সিনেমার অ্যাকট্রিসদেরও কত সম্মম রেখে দাদা কথা কয় বল দিকি?”

উষা বলিল, “জানি। জানি বলেই বলছি, আমি তোমার দাদার কাছে সিনেমা-টিকির অ্যাকট্রিসদের চেয়েও অবম—আমি থাক, তর্কের দরকার নেই। যাতে আজ থেকেই তোমাদের চোখের শূল এ বাড়ী মাড়াতে না পারে, তার ব্যবস্থা করে দিচ্ছি। আচ্ছা বল ত হিরো, দাদা তোমার কি অপমান করেছিল? ও যখন নেশাভাজ করে, তখন প্রতে আর পশুতে কোন তফাৎ থাকে কি? কিন্তু নেশার ঘোরে তোমার হাত ধরেছিল বলে কতবার কুকুরের মত তোমার পায়ের তলায় পড়ে মাপ চেয়েছে বল ত? এততেও রাগ পড়লো না তোমাদের? আর সে দিন যখন শুভেন্দু বাবু ষ্টুডিওতে তোমার হাত ধরেছিল, তখন তুমি কটমটিয়ে চেয়েছিলে বটে, কিন্তু তা নিয়ে ত এত হৈ-চৈ হয় নি।”

হিরণী মস্ত একটা আদাত পাউল। তাহার প্রাণসমা ভ্রাতৃজায়ার এত দিন যে উদার মনের পরিচয় পাউয়া

আসিয়াছে, এ সুরের সহিত তাহার ত খাপ খায় না! ক্ষণকাল নীরবে থাকিয়া সে ধীরে ধীরে বলিল, “শুভেন্দু বাবু যে মস্ত একটা ভাল লোক বা তিনি যে সে দিন মস্ত বড় একটা ভাল কায করেছিলেন, এ কথা ত একবারও বলা হয় নি। তবে সে হাত ধরায় আর এ হাত ধরায় আকাশ-পাতাল তফাৎ আছে। আটাই তাঁর আটে তন্নয় হয়ে অজান্তে একটা কায করে ফেলতে পারেন—সেটা তাঁর অগম্যমন্ত্র হবার ফল হতে পারে। কিন্তু শুভেন্দু বাবুর সে দিকে যে মুহুর্তে দৃষ্টি পড়েছে, সেই মুহুর্তেই ভুল শূপরে নিতে এক দণ্ডও দেরী করেন নি।”

উষা বাবা দিয়া পরুষ-কণ্ঠে বলিল, “আর এ লোকটা মাতাল, লম্পট, ইতর, ছোট লোক,—একে পুলিশে দেওয়াই উচিত ছিল। দিলে না কেন তোমরা?”

হিরণী বলিল, “দিকুম, কেবল একটা কথা ভেবে দিইনি।”

উষা বলিল, “কি, আমার ভাই, ভাই?”

হিরণী বলিল, “কতকটা ভাই বটে। শুভেন্দু বাবু দাদার বন্ধু হতে পারেন, কিন্তু আমাদের কে? আজ আছেন, কাল নেই—ওঁর দোষগুণ নিয়ে আমাদের মাথা ঘামাবার দরকারও নেই। কিন্তু বিভাসদার কথা আলাদা—সে আমাদের আপনার জন। তাকে নিয়ে যখন আমাদের ঘর করতে হবেই, তখন ওঁর দোষগুণ নিয়ে নাড়াচাড়া করবার দরকার আমাদের খুবই আছে। বিভাসদা হাত ধরার সঙ্গে সঙ্গে কি বলেছিল শুনেছ?”

উষা বলিল, “না, কি কথা?”

হিরণী বলিল, “সে কথা শুনলে কাণে আঙ্গুল দিতে হয়। আরও শুনেছ বোপ হয়, মধুপুরে সেই রেলের কুলীটার কি সর্জনশ করে এসেছে ও? তার স্ত্রীর সন্ধান আজও মিলল না। কুলীটা বিভাসদার সন্ধানে সেই জন্তে মোরিয়া হয়ে ঘুরে বেড়াচ্ছে। বিভাসদার পক্ষে এটাও ত খুব গৌরবের কথা নয়। এর একটা বিহিত করার দরকার ত? দাদা রাগই করুক আর বাই করুক, আপনার জন মনে করেই ত ওকে সামলাবার কথা বলছে।”

উষা বলিল, “সেটা ভালভাবেও ত বলা যায়। কিন্তু তাকে কুকুর-বেরালের মত রাতদিন দূর-ছাই করা—কেন, আমি কি কেউ নই বাড়ীর? তুমিই বল না হিরো, আমিই

কি দাদাকে এ সব কাণ্ডের জন্মে মিস্ত্রিমুখ দিয়েছি কোন দিন? পুরুষমানুষ, অত খুঁটিয়ে দেখতে গেলে—”

হিরণী বাবা দিয়া বলিল, “পুরুষমানুষ? তাতেই কি মাথা কিনে রেখেছে? ঐ কথাটা আমি মোটেই বরদাস্ত করতে পারিনি তোমাদের। পুরুষমানুষ! কেন, আর একটা বিধাতা সৃষ্টি করেছে বুঝি ওদের?”

উমা বলিল, “না, তা বলিনি—তবে মেয়েমানুষের সুনাম-দুর্নাম বাতাসের ভর সগু না, পুরুষদের তা হয় না। এই ধর না শুভেন্দু বাবুর কথা। উনি কি খুব ভাল কাণ্ড করেছেন? সিনেমার অ্যাকট্রেসকে আর্টের পোজ শেখাচ্ছেন রাতদিন কি ভাবে? এতে ত কোন কথা হয় না!”

হিরণী ক্ষণকাল নীরব থাকিয়া গম্ভীরভাবে বলিল, “আর যে যা বলে বলুক ঐর মত ক্ষেত্রে, তুমি ও কথা বল না, বৌদি। তোমার জন্মে উনি কি না করেছেন বল দিকি!”

উমা বলিল, “তা ত আমি অস্বীকার করছি, ভাই। কিন্তু তুই-ই বল না, উনি অবিবাহিত—ঐর মত বয়সের লোকের রাতদিন একটা সোমত বয়সী অ্যাকট্রেসের সঙ্গে মেলামেলাটা কি খুবই ভাল দেখায়?”

হিরণী স্তম্ভিত হইল। অন্ধ দাত্তস্নেহ তাহার উদারমনা দাত্তজ্যাকে কত নিয়ন্ত্রণে নামাইয়া দিয়াছে! সে গম্ভীরকণ্ঠে বলিল, “এই খানিক আগে তুমিই চামেলীর কত প্রশংসা করছিলে। খারাপ আকরে জন্মেছে, এই তার দোষ, নইলে তার ভাল হবার সে আগ্রহ, তাতে সকলেরই একে হাত বাড়িয়ে ভালর স্তরে টেনে তুলে নেওয়া উচিত নয় কি? অথচ ওকে নিয়ে তুমি শুভেন্দু বাবুর মতক্ষেত্র কি কুৎসিত ইঙ্গিতই না করলে! এতমাত্র দাদাকেও তুমি ঐ ভাবের বিস্তীর্ণ কথা বলেছ। তোমার হয়েছে কি? বিভাসদাই কি তোমার সব, আর কেউ কিছু নয়? দেখ, যেখানে যথাগণ শঙ্কা বা ভালবাসা, সেখানে অবিশ্বাসের বা সন্দেহের স্থান হয় না।”

উমা কষ্টস্বরে বলিল, “আমিই সন্দেহ করছি, অবিশ্বাস করছি? মন্দ নয়।”

হিরণী বলিল, “যাক্ গে বৌদি, ও সব পরের কথা নিয়ে তর্কাতর্কির দরকার নেই। বলছিলুম কি, বিভাসদার মতক্ষেত্রে কি ব্যবস্থা করবে?”

উমা চীৎকার করিয়া বলিল, “করবে আবার কি? এ বাড়ীতে আর ওকে ঢুকতে দেব না,—সেখানে খুঁসি চলে যাক্ ও।”

হিরণী বলিল, “ওটা ত হ'ল রাগের কথা, মতিতই ত আর তা করতে পারবে না। তার চেয়ে ওকে দাদার কথামত ফিল্ম কোম্পানীর কাছে ঢুকিয়ে দাও না—এ রকম অ্যামেচর না, রীতিমত লেগে থাকতে হবে ওকে এতে। তা হ'লে রাতদিন সাবদানে চোখে চোখে থাকবে সকলের। মতিতই মধুপুরে কোন কাণ্ড বাপিয়ে আসুক না আসুক, কুলীটা যখন অমন ক'রে পেছ নিসেছে, তখন কোন দিন কি একটা ক'রে না বসে।”

উমা বলিল, “এ তোমাদের বাপু অগ্নায় কথা। কোথায় কোন্ ছোট লোক কুলীর বৌ পালালো, তার জন্মে দায়ী হ'ল দাদা! তোমাদের কি একটু বিচার-বিবেচনা নেই? কাণ্ড নেই বাপু, ওকে আজই দিচ্ছি ভাড়িয়ে বাড়ী থেকে।”

হিরণী ক্ষুব্ধ হইল। এত করিয়া বুঝাইলেও সে বুঝিলে না, তাহার কাছে আর বাক্যব্যয় করা বৃথা! সে ত ভালই বলিয়াছিল। ঘাইবার সময় ক্ষুব্ধমনে বলিয়া গেল, “যা ভাল বোঝ, কর, বৌদি। একটা কথা যাবার সময়ে বলে যাচ্ছি, মা-ই কর, বা-ইরের জঙ্গল এনে ঘরের শান্তি নষ্ট কোরো না।” হিরণী চলিয়া গেল।

উমা গুম হইয়া বসিয়া রহিল, কথার জবাব দিল না, তাহাকে ঘাইতে নিষেধও করিল না। সে ভাবিতেছিল, তাহার দিকটা ত কেহ দেখিল না। তাহার সন্তোদর দাত্তা, এ বাড়ীতে তাহার কথার কোন মূল্য নাই, আর কোথাকার একটা কুলী—তাহার কথাই হইল বেদবাক্য? কি অবিচার!

“হালো! উই তিয়ার—তুমি এখানে? তোমাকেই খুঁজছিলুম যে আমি বাণী,—গোটা ত্রিশ টাকা—”

মুখের কথা মুখেই রহিয়া গেল, মিত্র দত্ত সাতবেকে আর অধিক অগ্রসর হইতে হইল না। ক্রুদ্ধ ব্যাঘ্রীর মত গর্জন করিয়া উমারানী বলিল, “তোমার লজ্জা করে না মুখ দেখাতে—এসেছো আবার হাত পাততে? যাও, দূর হয়ে যাও—পুরুষ-মানুষ, রোজগার ক'রে আনতে পার না?” ক্রুদ্ধ ক্রোধ ও অভিমানের বহির জ্বালা সমস্তটাই গিয়া



পড়িল অত্যন্ত অপ্রত্যাশিতভাবে বেচারী বিভাসচন্দ্রের উপরে !

বিভাসচন্দ্র গতমত খাইয়া ফেল-ফেল-নেরে ভগিনীর মুখের দিকে তাকাইয়া রহিল। এ মূর্তি ত সে কখনও দেখে নাই। কিন্তু মুহূর্তমাত্র, তাহার পরেই সে স্বভাবসিদ্ধ তরলতার সহিত হাসিয়া বলিল, “ওঃ! এ টিফ বিটুইন কত-গিন্নী? তার জন্মে মুখ ভার করতে নেই, বোন!” সঙ্গে সঙ্গে সে ভগিনীর হাতের উণ্টা পিঠটা আশ্বে আশ্বে চাপড়াইতে লাগিল।

এত দুঃখেও উবা হাসিয়া ফেলিল। এ লোককে লইয়া সে কি করিবে? যথাসম্ভব গাভীর্যা রক্ষা করিয়া সে বলিল, “দেখ, একটা পাতরকে বোঝানও বরং সহজ, কিন্তু তোমায় নিয়ে আমি আর পেরে উঠিনি। মধুপুরে কি কীর্তি করে এসেছ বল দিকি? ছোট লোক কুলী—সেও তোমার নামে নালিস করে? তাও শুনতে হবে? ছিঃ ছিঃ!”

বিভাসচন্দ্র সেন আকাশ হইতে পড়িল, এই ভাব দেখাইয়া বলিল, “মধুপুর? কুলী? হাউ দানি!”

উবা সক্রোধে বলিল, “দেখ, গ্যাকামি কোরো না বলছি,

যা বলি, শোন। বলছিলে না, অলিম্পিক হোটেলে বোর্ডিং লজিং এর ব্যবস্থা ভাল? আজই সেখানে থাকবার ব্যবস্থা করে এসো শুভেন্দু বাবুর সঙ্গে গিয়ে, টাকার জন্মে ভেবো না। এখানে তোমার থাকা হবে না। যা করেছ করেছ, ভালয় ভালয় কুলীটার সঙ্গে মিট-মাট করে ফেলো।”

চক্ষু আকর্ণ বিস্তৃত করিয়া বিভাসচন্দ্র বলিল, “হোটেল? অফুলি সরি, যদি কিছু অফেন্স দিয়ে থাকি, উষা। কিন্তু হোটেল? বুঝতে ত পারছি না কিছু।”

উবা চীৎকার করিয়া বলিল, “বুঝেও কাগ নেই কিছু তোমার। যা বলছি কর, নইলে কোন সম্পর্ক নেই তোমার সঙ্গে আমার—”

গর্নি-তা রাজহংসীর গায় পাদবিক্ষেপ করিয়া উষা চলিয়া গেল।

বিভাসচন্দ্র ক্ষণকাল বিমূঢ়ের গায় বসিয়া থাকিয়া, দুই হাত উণ্টাইয়া বলিল, “হোপলেস! হোয়াট এ টপসি-টারভি ওয়ার্ল্ড ইট ইজ। নাঃ, মিস হিরণই এই গুর্মে সেক হারবার!”

[ক্রমশঃ।

শ্রীসত্যেন্দ্রকুমার বসু (সাহিত্যকার)।

## তুমি মোরে ভালবাস

তুমি মোরে ভালবাস এই জানি সার,  
আর কিছু প্রয়োজন নাহি জানিবার।  
জীবনের যত কিছু জানা আছে মোর :-  
কল্পনার স্বপ্নরাশি, চক্ষে যুম-দোর,

অন্তল সাগর-তলে পাতালে গহ্বরে,  
অলঙ্ঘ্য অচল গুহে ত্রিমাচল পরে,  
চন্দ্র সূর্য্য গ্রহ তারা ত্রিদিব-আলয়ে,  
অথবা গন্ধর্ব্ব সক্ষ রক্ষের নিলয়ে,

যত কিছু এ বিশ্বে মোর জানিবার আছে,  
কোন-কিছু তুল্য নয় এ জানার কাছে।  
এ বিশ্বাস দেয় মোরে আশা, শাস্তি, বল,  
কন্যক্ষেরে নবোত্তম, চিত্ত অবিচল।

অবিশ্বাসী বাণী সব মুক হয়ে যাক,  
তুমি মোরে ভালবাস এই জানা থাক!

শ্রীদেবেন্দ্রনাথ মণ্ডল

# বিজ্ঞান-জগৎ

## পুলিস-অশ্বে আলোকদীপ্ত রেকাব

মানবাতন ও পথচারী নিয়ন্ত্রণ উপলক্ষে আমষ্টারডামএ অশ্বারোহী পুলিস-প্রহরীর একটি রেকাবে আলোক জ্বালিবার ব্যবস্থা হইয়াছে। এই আলোকধার ক্ষুদ্র, সুতরাং অথ অথবা অশ্বারোহী পুলিসের ইহাতে কোনও অসুবিধা হয় না। আলোকধার হইতে সমুজ্বল লাল আলো নির্গত হইতে থাকে। তাহা দেখিয়া মোটর-চালকরা




অশ্বারোহী পুলিসের রেকাবে প্রদীপ্ত আলোক

সতর্কভাবে মোটর চালনা করিয়া থাকে। . একটি ছোট ব্যাটারী হইতে আলোকপ্রবাহ সরবরাহ হইয়া থাকে।

## দ্রুতগামী যান্ত্রিবাহী বিমান

জার্মানিতে সম্প্রতি যান্ত্রিবাহী অতি দ্রুতগামী বিমান নির্মিত হইয়াছে। এই বিমানে যুগ্ম এঞ্জিন সংযুক্ত আছে। এই নব-নির্মিত দ্রুতগামী যান্ত্রি-বিমানে দশ জন যাত্রী ও দুই জন

পোতচালকের স্থান আছে। ঘণ্টায় ২ শত ৫০ মাইল গতিতে এই বিমান দাবিত হইয়া থাকে



দ্রুতগামী যান্ত্রিবাহী বিমান

## সমুদ্রতীর-রক্ষক বিমানপোত

বৃটিশ সমুদ্রতীর রক্ষার জল্প বৃটেনের রয়াল বিমান বিভাগ কতিপয় যুগ্ম মোটর-পরিচালিত বিমান নিষ্কাশন করিতেছেন। কেবিনের




সমুদ্রতীর-রক্ষক বিমানপোত

পশ্চাতে যেখান হইতে কামানের গুলী নিক্ষিপ্ত করা হইবে, সেখানে কাচনির্মিত একটি পর্যবেক্ষণ-কক্ষ নির্মিত হইবে।

### বাষ্পচালিত দ্বিচক্রযান

মিয়ামিতে বাষ্প-চালিত দ্বিচক্রযান দেখা দিয়াছে। ইহা নিঃশব্দে পথ অতিক্রম করে। শুধু প্রথম চলিবার সময় সামান্য শব্দ হইয়া থাকে। ঘণ্টায় উহা ৫০ মাইল পথ অতিক্রম করে। এক গ্যালন গ্যাসোলিন বা কেরোসিনে ৫৫ মাইল পথ অতিক্রম করা




বাষ্পচালিত দ্বিচক্রযান

যায়। দুই চোঙ্গবিশিষ্ট স্ট্রিম এঞ্জিনের দ্বারা উহা চালিত হয়। ইহাতে জলের ট্যাঙ্ক, তেলের ট্যাঙ্ক প্রভৃতি আছে। এঞ্জিন যখন ঠাণ্ডা অবস্থায় থাকে, তখন উহাকে গরম করিতে ২০ মিনিট লাগে। একটি পেডালে চাপ দিলেই গাড়ী চলিতে থাকে। পেডাল হইতে পা সরাইয়া লইলেই গাড়ী থামিয়া যায়।

### ডাক্তার সন্তুরণ-ভঙ্গী শিক্ষার ব্যবস্থা

জলে না নামিয়াও সাতার শিখিতে পারা যায়, বিংশ শতাব্দীতে সে ব্যবস্থাও হইয়াছে। যে চিত্রখানি এখানে প্রদত্ত হইল, তাহাতে




জলে না নামিয়াও সাতার শিক্ষা

দেখা যাইবে যে, সন্তুরণ-শিক্ষার্থিনী তরুণী একটি যন্ত্রের উপর উপুড় হইয়া রহিয়াছেন। তিনি হাত নাড়িলেই যে পাটাতনের

উপর তিনি শায়িতা এবং চরণযুগল যাহার উপর রক্ষিত, তাহা সম্মুখে ও পশ্চাতে আন্দোলিত হয়। এইভাবে হাত-পা নাড়িয়া তিনি সাতার শিখিতে পারেন।

### মাছের খড়গ হইতে তরবারি

একজাতীয় সামুদ্রিক মৎস্য আছে, তাহাদের শিরোদেশে খড়গাকার বস্তু জন্মিয়া থাকে। মাসাচুসেটসের প্রভিন্টাউন নামক স্থানের জোসেফ আগনা নামক এক জন যুবক উক্ত মৎস্যের খড়গ লইয়া তরবারি নির্মাণে অবহিত হইয়াছেন। উক্ত খড়গে শাণ দিয়া,




মৎস্য-খড়গ-নির্মিত সূদৃশ তরবারি

পালিশ করিয়া, বর্ণরঞ্জিত কাঠের হাতল দিয়া তিনি এমন সূদৃশ করেন যে, উহা মৎস্য-খড়গ হইতে নির্মিত, তাহা মনে হয় না। এইরূপ একখানি তরবারি তিনি প্রেসিডেন্ট রুজভেল্টকে উপহার দিয়াছেন।

### চলমান আফিস

লস্ এঞ্জেলসের এক জন একাউন্টান্ট তাঁহার মক্কেলদিগের সুবিধার জন্ত চলমান কার্যালয় রাখিয়াছেন। একটি মোটর-চালিত ট্রাকের পশ্চাৎদিকে তাঁহার তিনটি কার্যালয় অবস্থিত। আপিসে ডেস্ক,




চলমান আফিস

টাইপরাইটর, গণনা করিবার যন্ত্র, বুককপিংএর যাবতীয় যন্ত্র এবং আরও নানাপ্রকার যন্ত্রাদি আছে। মক্কেলের প্রয়োজন অনুসারে তিনি এই চলমান আফিস লইয়া তাঁহার কাছে উপস্থিত হন। এগার বৎসর ধরিয়া তিনি এইভাবে হিসাবকার্য সম্পাদন করিয়া আসিতেছেন।

### চন্দ্র-ঘটিকা

বার্লিন সহরের উপকণ্ঠে একটি গির্জায় এক অপূর্ণ গোলাকার যন্ত্র সংযোজিত হইয়াছে। উহা গোলাকার, স্ফুটন এবং আলোকিত। ইহাতে ছায়াযুক্ত বিভাগ আছে। মাসের কোন্ কোন্ সময়ে রাত্রির অবস্থা কিরূপ হইবে, ইহা তাহারই নির্দেশক। ঐ



চন্দ্র-নির্দেশক ঘটিকা

গোলকের উপরিভাগে একটি বৃহত্তর ঘটিকাযন্ত্র সংস্থাপিত। সেই ঘটিকাযন্ত্র সময়-নির্দেশের জন্ত। প্রতিপদ হইতে আরম্ভ করিয়া পূর্ণিমা এবং অমাবস্তা পর্য্যন্ত চন্দ্র যে দিন যে সময়ে যে ভাবে আকাশে উদ্ভিত হইবে, তাহা এই আলোকিত গোলক দেখিয়া বুঝিতে পারা যাইবে।

### নূতন ধরণের বায়ুযন্ত্র

এই বায়ুযন্ত্রের নাম "সলফিরা"। বায়ুস্পন্দনে এই যন্ত্র বাজিয়া উঠে। পিয়ানোর স্থায় ইহাতে "চাবী" আছে। রবারের নল সংযোগে, নিখাস সাহায্যে এই যন্ত্র হইতে মধুর সুরভরঙ্গ জাগিয়া উঠিবে। অবশ্য হারমোনিয়ামের স্থায় "বেলো" করিলেও চলে।



নূতন ধরণের বায়ুযন্ত্র

হান্স কউলবারসচ এই যন্ত্রের উদ্ভাবিত। ছোট ছোট ছেলে-মেয়েদের জন্ত এই "সলফিরা" পরিকল্পিত। ইহার মূল্য অত্যন্ত অল্প।

### মোটর-চালিত নখ পালিশ করা যন্ত্র

সুন্দরীদিগের নখের প্রসাধন এ যুগে অপরিহার্য অঙ্গ। এ যাবৎ নানাপ্রকার নখ-প্রসাধক যন্ত্র উদ্ভাবিত হইয়াছে সত্য; কিন্তু তাহাও পর্যাপ্ত নহে, দেখিয়া জটনক বৈজ্ঞানিক মোটর বা বিদ্যুৎচালিত



নখ-প্রসাধক বৈজ্ঞানিক যন্ত্র



নথ প্রমাণন বহু বাজারে বাণিজ্য করিয়াছেন। উহা যেন ইন্দ্রজালের  
জাঘ নখের উপর দিয়া স্বকর্ষ্য সাধন করিয়া যায়।

### বিজ্ঞাপনের কৌশল


কর্টনক স্পেনদেশীয় বণিক কার্ডবোর্ডের সাহায্যে একটা পূর্ণকায়  
বণের মূর্তি তৈয়ার করিয়া তাঁহার বিচক্রগানের এক পার্শ্বে তাহাকে  
সন্নিবিষ্ট করিয়াছেন। সেই বণের দেহে তিনি কি কি জিনিষ বিক্রয়  
করিয়া থাকেন, তাহার বিজ্ঞাপন দিয়া, রাজপথের ভিতর দিয়া গাড়ী  
চালাইয়া যান। হাতে তাঁহার কাণের খুবই সুবিধা হইয়া থাকে।



বিজ্ঞাপনের কৌশল

### তুলাসজাত মেঘ-সৃষ্টি

মেঘ-সমুদ্রে হুর্গ নির্মাণও এখন আর কল্পনা-জগতের কথা বলা



চলচ্চিত্রের জন্ত শিল্পী তুলার মেঘ রচনা করিতেছেন

চলে না। কাষণ, চলচ্চিত্র শিল্পীরা পের্জা তুলার সাহায্যে মেঘের  
সৃষ্টি পর্যন্ত করিতেছেন। পের্জা তুলাকে মেঘের আকার দিয়া  
ধীবে ধীবে ক্যামেরার সম্মুখ দিয়া চালাইয়া দিলে দেখিতে কোনও  
পার্থক্য বুঝাইবে না। সম্প্রতি কোনও চলচ্চিত্রে এইভাবে মেঘ  
দেখান হইয়াছে।

### ক্যামেরায় আলাস্কার সূর্যের দৃশ্য

ডিসেম্বর মাসে আলাস্কার সূর্যদেব আকাশে ৪ ঘণ্টাকাল আলো  
দান করিয়া থাকেন। সেই সময় ক্যামেরার সাহায্যে সূর্যের



আলাস্কার সূর্যের দৃশ্য

আলোকচিত্র গৃহীত হইয়াছে। সেখানে বেলা ৯টা বাজিয়া ৫২  
মিনিটে সূর্যদেব আকাশপ্রাস্তে দেখা দেন। বেলা ২টা বাজিয়া  
৮ মিনিটে সূর্যদেব অন্তর যান। প্রতি ১৫ মিনিট অন্তর ২২শে  
ডিসেম্বর (আলাস্কার সর্বাপেক্ষা ছোট দিন) আলোকচিত্র গৃহীত  
হইতে থাকে। প্রথমেই দেখা যায় যে, সেইজ পর্যন্তের  
পশ্চাৎ হইতে সূর্যদেব উঁকি দিতেছেন। তার পর ত্রমে  
ক্রমে আকাশপথে উদিত হইয়া দিক্চক্রবালে অস্থিত হন।  
সূর্যের আকার কখন ক্রম দেখায়, এই চিত্রে তাহা দেখিতে  
পাওয়া যাইবে।

### বর্তমান আগ্নেয়াস্ত্রের পিতামহ ধনুঃশর

আধুনিক কালের বন্দুক উদ্ভাবিত হইবার তিন শত বৎসর পূর্বে  
চীনা শিকারী এবং যোদ্ধারা কাম্বুক হইতে পুনঃ পুনঃ যেন  
ফুৎকার সাহায্যে শর নিক্ষেপ করিতে পারিত। লস্ এঞ্জেলসের  
বাহুঘরে এই জাতীয় প্রাচীন অস্ত্র রক্ষিত হইয়াছে। এই কাম্বুক  
কালো কাঠ হইতে নির্মিত, উহা ৪ ফুট দীর্ঘ। এই অস্ত্রের  
উপরিভাগে বিশটি শরপূর্ণ তুল সন্নিবিষ্ট। একটি শর নিক্ষেপ  
হইবামাত্র আর একটি শর শূন্য স্থান আপনা হইতে অবিকার

করিবে, এমনই ব্যবস্থা ইহাতে আছে। এই জাতীয় কাম্বুকই বর্তমান আগ্নেয়াস্ত্রের পিতামহ।

কাচের চাকতির ওজন ২০ টন, অর্থাৎ ৫ শত ৫০ মণ, এত বড় কাচ আজ পর্যন্ত নির্মিত হয় নাই। কাচখানি মধুচক্রের আয় দেখিতে।



বর্তমান আগ্নেয়াস্ত্রের পিতামহ ধনুঃশর

### দূরবীক্ষণের অতিকায় মধুচক্র-কাচ


মাউন্ট প্যালেসার পর্যবেক্ষণাগারে যে অতিকায় দূরবীক্ষণ যন্ত্র স্থাপিত হইবে, তাহার কাচের আয়তন ২ শত ইঞ্চি। ঐ কাচকে একটি ইম্পাতের বেষ্টনীর দ্বারা সুরক্ষিত করা হইয়াছে। এই



অতিকায় মধুচক্রবিশিষ্ট দূরবীক্ষণের কাচ

### সিংহের আনন্দক্রীড়া

ক্যালিফোর্নিয়ার কোনও সিংহপালকের আড্ডায় সিংহশাবকদ্বিগকে আনন্দ দিবার অল্প আবর্তনশীল বোলায়ের ব্যবস্থা করা হইয়াছে।




সিংহের আনন্দ-ক্রীড়া

যখনই একটা সিংহ লক্ষ্য দিয়া এই বোলায়ের উপরে উঠে, অমনই প্রকাণ্ড ঢাকা আবর্তিত হইতে থাকে। দেখাদেখি অল্প সিংহ উহার মধ্যে ঝাঁপাইয়া পড়িলে সেও মহানন্দে আবর্তনজনিত সুখ অনুভব করিয়া থাকে।

### দুঃসাহসিক ক্রীড়া

হামবার্গের চারিটি হস্টুরাই ভাতা মার্কিং যুক্তরাষ্ট্রের সার্গাসে



দুঃসাহসিক ক্রীড়া

অল্পত ক্রীড়া দেখাইতেছেন। মাটি হইতে ৯০ ফুট উর্ধ্বে তারের উপর দিয়া বিচক্রমানে তাঁহারা পিরামীডের খেলা দেখাইতেছেন। ভারী ও দীর্ঘ কাঠের দণ্ড সাহায্যে তাঁহারা ভারসাম্য রক্ষা করিয়া থাকেন।

### বিদ্যাংচালিত অশ্ব

বিদ্যাংচালিত অশ্বযন্ত্রে আরোহণ করিয়া আরোহণ-কৌশল শিক্ষার ব্যবস্থা হইয়াছে। ইহাতে আরোহণ করিয়া বালকবাই শুধু




বিদ্যাংচালিত অশ্ব

আনন্দ অশুভব করে না, বয়স্কগণও অস্বারোহণ-কৌশল শিক্ষা করিতে পারে, বন্ধকে আকর্ষণ করিবামাত্র অশ্ব যে কোনও পাঁচ প্রকার চলনভঙ্গী দেখাইবে—মৃদু কদমে চলা হইতে আরম্ভ করিয়া দ্রুতধাবন পর্য্যন্ত।

### মরুভূমিতে টাউনহল, ডাকঘর


মোজাভা মরুভূমিতে, স্যালটন সমুদ্রের ৫০ মাইল উত্তরপশ্চিমে একটি ১৫ ফুট অট্টালিকার টাউনহল অবস্থিত। উপরে জলের ট্যাঙ্ক আছে এবং উক্ত অট্টালিকার একাংশে ডাকঘরও বিদ্যমান। মরুভূমির মধ্যস্থ অধিবাসীর সংখ্যা ১ শত জনেরও কম।



মরুভূমিতে টাউনহল, ডাকঘর

### দ্রুতগামী রণবিমান ও ট্যাঙ্কগাড়ী

ওয়ারলটার জে, ক্রিষ্টি দ্রুতগামী বিমান ও ট্যাঙ্ক একসঙ্গে নিষ্কাশন করিয়াছেন। সামরিক প্রয়োজনে ট্যাঙ্ক বিমানে সংযুক্ত হইয়া নির্দিষ্ট স্থানে নীত হইবে। ভূমিতে বিমান অবতীর্ণ হইবামাত্র, ট্যাঙ্কগাড়ীকে খুলিয়া লইয়া স্বাধীনভাবে গন্তব্য স্থান অভিমুখে ছাড়িয়া দেওয়া হইবে। এই ট্যাঙ্কগাড়ী ঘণ্টায় ৬৫ মাইল পথ বন্ধুর স্থান দিয়াও অতিক্রম করিতে পারিবে। সবল পথে উহা



দ্রুতগামী  
রণবিমান ও ট্যাঙ্কগাড়ী

সহরের ঘণ্টায় ৯৫ মাইল পথ অতিক্রম করিবে। আমেরিকা যুক্তরাষ্ট্র এইভাবে সমরায়োজন করিতেছেন।





## স্বয়ংসিদ্ধা

### চতুর্থ উল্লাস

১

আসরে বর আসিয়া বসিলে তাহার সপক্ষে যে সকল অপ্ৰীতিকর কথা উঠে এবং বাসরে বরের মুখে একটি কথাও না শুনিয়া মেয়ের দল যে সব কথা রটায়, সে সমস্তই চণ্ডীর বাবা, মা ও পরিজনদের কাণে যথাযথভাবেই উঠিয়াছিল। এই অপ্ৰত্যাশিত সংযোগ তাঁহাদিগকে যেমন আনন্দে অভিভূত করিয়া তুলিয়াছিল, বরের সপক্ষে নানা কণ্ঠের অপ্ৰিয় মন্তব্য তেমনই নির্ধূর আঘাতে তাঁহাদের মনের উল্লাস মুসড়াইয়া দিয়াছিল। কিন্তু হরিনারায়ণ বাবুকে এ সপক্ষে কোনও কথা কেহ জিজ্ঞাসা করিতে পারে নাই, কিম্বা তাঁহার সন্মুখে দাঁড়াইয়া বরের সপক্ষে কোনও অপ্ৰিয় মন্তব্য প্রকাশ করিবার মত সাহসটুকুও কাহারও দেখা যায় নাই।

বিবাহের পরদিন প্রত্যুষে পূজার দালানে পরিজনরা সমবেত হইয়াছেন। বরের বিষয় লইয়াই তুমুল আলোচনা চলিয়াছে। বাসর হইতে যে সব তরুণী মুখ ভারী করিয়া ফিরিয়াছিল, বাসর-জাগানীর দক্ষিণা আদায়ের জন্ত তাহারাও আসিয়া দল ভারী করিয়াছে। এক জন মন্তব্য প্রকাশ করিল,—এ যেন ঠিক সেই—ওঠা ছুঁড়ি, তোর বে—হ'ল! খোঁজ-খবর নেই, জিজ্ঞেসাবাদ নেই, অমনি হয়ে গেল পাকাপাকি কথা,—হ'লই বা বড় লোক ?

করালী বাবু রুক্ষস্বরে কহিলেন,—এ সব কথা এখন কেন ? তোমরা কি এই নিয়ে একটা কেলেঙ্কারী বাধাতে চাও ? ভবিষ্যতের বিধান কে কবে খণ্ডন করতে পেরেছে শুনি !

এই সময় প্রাতঃকৃত্যাদি সারিয়া চণ্ডী ধীরে ধীরে

দালানের ভিতরে আসিয়া দাঁড়াইল। সকলের মুখের কথা একবারে থামিয়া গেল, প্রত্যেকেরই আগ্রহপূর্ণ দৃষ্টি পড়িল চণ্ডীর মুখের উপর। কিন্তু সে মুখে বিষাদের কোনও চিহ্ন নাই, চিন্তার একটিও রেখা তাহার সেই দৃষ্ট মুখখানির উপর পড়িয়া এতটুকু বিকৃত করে নাই, এমন একটা অপরিসীম হৃষ্টি ও প্রসন্ন হাসির দীপ্তিতে চণ্ডীর মুখখানি ভরিয়া উঠিয়াছিল—বিয়ের পরদিন সেটুকু কোনও মেয়ের মুখেই দেখিবার আশা করা যায় না।

মেয়ের প্রকৃতি পিতামাতার অবিদিত নয় ; তাঁহারা উভয়েই চণ্ডীর মুখ দেখিয়া স্বেয়াস্তির নিশ্বাস ফেলিলেন। বুকিলেন, বাসরে কোনও অনর্থ বাপে নাই, আর-সকলে হাল ছাড়িয়া দিয়া চলিয়া আসিলেও, তাঁহাদের মেয়ে জামাইকে যাচাই করিতে অবহেলা করে নাই ; নিশ্চয়ই বর চণ্ডীর পছন্দ হইয়াছে, নতুবা কখনই সে হাসিমুখে এখানে আসিয়া দাঁড়াইত না।

তখন নানামুখে জিজ্ঞাসাবাদের বণ্ডা ছুটিল,—বর কেমন হয়েছে ? কথাবার্তা কইতে পারে কি না ? বাসরে বসেও কি নেশা চালিয়েছে ? তোর মুখে যে বড় এমন হাসি ?—এমনই নানা প্রশ্ন, অপ্ৰিয় প্রশ্ন—নানা বয়সের প্রতিবেশিনী ও তরুণী বাসরসঙ্গিনীদের মুখে।

চণ্ডীর মুখে তখনও হাসি, রাগ বা বিরক্তির কোন চিহ্নই দেখা দিল না। সে হাসিমুখেই এক কথায় সকলের কথার উত্তর দিল,—ভগবান্কে বিশ্বাস ক'রে যে যা চায়, তিনি তাই তাকে দেন ; আমার ত নাশিশ করবার কিছুই নেই, তবে এ সব কথা কেন ?



প্রশ্নকারিণীদের কোঁতুকোজ্জল মুখগুলি একবারে ছাইয়ের মত বিবর্ণ হইয়া গেল ; বর্ষীয়সী প্রতিবেশিনীরা বিস্ময়ে নিজ নিজ মুখ বিকৃত করিয়া পরস্পর অর্থপূর্ণ দৃষ্টি-বিনিময় করিলেন। আমাদের পূর্বপরিচিতা মিত্রগৃহিণী কোঁতুকুলী হইয়া কহিলেন,—তবে যে এরা বলছিল, জামাই যেন একটি জন্তু, কারুর সঙ্গে কথাটি পর্য্যন্ত বলেনি,—হাঁও নয়, হুঁও নয়—

কথাটার মনে মনে আঘাত পাইলেও, সে ভাব কাটাইয়া চণ্ডী একটু কঠিন হইয়া উত্তর দিল,—হাঁ, ওরা তাঁকে বুনো জন্তু ভেবেই তাঁর সঙ্গে অমন অভদ্র ব্যবহার করেছিল, কিন্তু তিনি মানুষ বলেই চুপ ক'রে ছিলেন।

এক তরুণী ঝঙ্কার দিয়া উঠিল,—তুমি ধন্নি মেয়ে বাবা !

চণ্ডী হাসিয়া উত্তর দিল,—আমিও ত চুপ করেই বসে ছিলাম ; নাচিওনি, বেহায়াপনাও করিনি কিছু ; ঠোঁকর দিলে শুনব কেন ?

আর একটি মেয়ে মুখখানি মচকাইয়া কহিল,—বাসরে গিয়ে ব'সে ব'সে কেউ ইষ্টমন্তুর জপ করে না।

চণ্ডী কহিল,—তা ব'লে অমন 'ছল্লোড়' কেউ করে না তোদের মত।

মিত্রগৃহিণী চণ্ডীর এই কথায় মায় দিয়া কহিলেন,—তা মিছে নয়, তোমরা বাছা দিন দিন ভারী বেহায়া হয়ে উঠছ, এ কিন্তু ভাল নয়। এ সব বিষয়ে চণ্ডীর কাছে তোমাদের শিক্ষা করবার চেষ্টা আছে। হাঁ রে চণ্ডী, জামায়ের সঙ্গে কথাবার্তী কিছু হয়েছে তোরা ?

চণ্ডী কিছুমাত্র সঙ্কোচ না করিয়াই কহিল,—কেন হবে না ?

এক বর্ষীয়সী অমনই গণ্ডে হাতখানি বিচিত্র ভঙ্গীতে রাখিয়া বিস্ময়ের সুরে কহিলেন,—বাবা ! শোন মেয়ের কথা ! কালে কালে এ সব হ'ল কি ?

চণ্ডী ছেলেমানুষের মত আবদারের সুরে কহিল,—বা রে ! তোমরা বিয়ে দিতে পারলে, তাতে দোষ হ'ল না ; যত দোষ আমাদের ঐ নিয়ে কথা কইলেই ! বেশ ত !

মিত্র-গৃহিণী মুখ টিপিয়া হাসিয়া প্রশ্ন করিলেন,—কি কথা তোরা সঙ্গে হ'ল, বল না শুনি ?

চণ্ডী কহিল,—সে সব কথা এখন নাই বা শুনলে, পিসীমা !

পিসীমা কহিলেন,—নেশা-ভাঙ্গের কথা শুনতে পেলি কিছু ?

পিসীমার কথায় চণ্ডীর মুখে ক্রেশের চিহ্ন ফুটিয়া উঠিল ; কিন্তু তৎক্ষণাৎ সে ভাব গোপন করিয়া সহজ সুরেই উত্তর দিল, এ কথা আমাকে জিজ্ঞাসা না ক'রে, যার ছেলে, তাঁকেই জিজ্ঞাসা করা উচিত। তা হ'লে এখনই মীমাংসা হয়ে যায়।

আবার সকলের মুখে বিস্ময়ের চিহ্ন,—প্রতিবেশিনীদের অধিকাংশেরই মনের আনন্দ পুনরায় বিষাদে রূপান্তরিত হইল। যাহারা প্রকৃতই এ বাড়ীর হিতার্থী, তাহাদের মনের আকাশ হইতে হৃশ্চিস্তার একটা গভীর মেঘ সরিয়া গেল।

করালী বাবু কহিলেন,—এই জন্মই আমি কোন কথা কইনি, কাউকে কোন প্রশ্ন করিনি। চণ্ডীর মুখে না শুনে আমি এ কথায় কোনও কথা কইব না, এই ছিল আমার সঙ্কল্প। চণ্ডীকে দেখেই আমি বুঝেছি, ও সব মিছে কথা, কোনও ভিত্তিই ওর নেই।

চণ্ডী মনে মনে তখন হাসিতেছিল। অল্পবয়সে বাপ-মা পরিজন ছাড়িয়া মেয়েদের পরের ঘরে বাইতে হয়। যে সব মেয়ের বুদ্ধিবুদ্ধি থাকে, তাহারা বুদ্ধি খেলাইয়া হিসাব করিয়া কথা কয়। স্বামী ও শ্বশুরবাড়ীকে খাটো করিতে চায় না, বাপের বাড়ীর মর্যাদাটুকুও ছোট হইতে দেয় না। দাদামহাশয়ের কাছে ছেলেবেলা হইতেই চণ্ডী দুই কুলের মর্যাদা বজায় রাখিবার শিক্ষাটুকু যেমন পাইয়াছিল, চির-প্রচলিত লজ্জা ও সঙ্কোচের মোহটুকুও তেমনই কাটাতে অভ্যস্ত হইয়াছিল।

বাসরসঙ্গিনীদের মনের ক্ষোভটুকুও কিছুক্ষণ পরে একবারে নিশ্চিহ্ন হইয়া গেল,—যখন চণ্ডীর শ্বশুরের নিকট হইতে বাসরে রাত্রি-জাগরণের জন্ম একটি করিয়া মোহর মর্যাদাস্বরূপ তাহাদের প্রত্যেকের হাতে আসিয়া উঠিল ! বহু বাসরে তাহারা রাত্রি-খাপন করিয়াছে, প্রচুর আনন্দ পাইয়াছে, কিন্তু চণ্ডীর বিয়ের বাসরে যদিও তাহারা খুসী হইতে পারে নাই, কিন্তু বাসর-জাগরণের এমন উচ্চ দক্ষিণার কথা তাহারা কখনও শুনে নাই, তখন তাহাদের আনন্দ দেখে কে !

বিদায়ের পূর্বক্ষণে মায়ের হাতে মেয়ের কনকাঞ্জলি দিবার প্রথা। চণ্ডী এই প্রথার বিরুদ্ধে মাথা তুলিয়া সকলকে অবাক করিয়া দিল। পিতলের একখানা খালায় চাল, সুপারি ও একটি টাকা রাখিয়া প্রথামত তাহাকে বলা হইল,—মায়ের হাতে দিয়ে বল, মা! তোমার ঋণ শোধ ক'রে চলনুম।

এ সময় সকল মেয়ের মনটি বিচ্ছেদের ব্যথায় আর্ত হইয়া উঠে, চক্ষু দিয়া অশ্রুর প্রবাহ ছুটিতে থাকে। চণ্ডীরও দুই চক্ষু অশ্রুসিক্ত হইয়া উঠিয়াছিল, তবে পল্লীগ্রামের সাধারণ মেয়েদের মত সে যে কন্দনের প্রবল উচ্ছ্বাসে পরিজনদের পর্যাণ্ড আকুল করিয়া তুলিয়াছিল, এ কথা কখনই বলা চলে না। মাতৃঋণ পরিশোধের কথা কয়টি তাহার কাণে যেন তীক্ষ্ণ গোঁচার মত আগাত দিল। সে উত্তর দিল,—আমি ত ও কথা বলতে পারবো না।

একাদিককণ্ঠে প্রতিবাদ উঠিল,—ও মা, এ কি কথা রে চণ্ডী, এ যে 'নেম কল্প'—ঐ বলে মায়ের ঋণে ঐ খালা শুদ্ধ সব দিতে হয়।

চণ্ডী উচ্ছ্বসিত স্বরে কহিল,—মায়ের ঋণ কি কখনও শোধ হয় যে, এমন মিছে কথা বলব?

মায়ের ব্যগিত চিত্তটিও বুঝি মেয়ের কথায় উল্লাসে নাচিয়া উঠিল, কিন্তু সে ভাব দমন করিয়া তিনিই বিধান দিলেন,—না, না, ও কথা তোকে বলতে হবে না,—তুই শুধু বল যে—অন্নজলের ঋণ শোধ ক'রে চলনুম।

চণ্ডী কহিল,—এই একখালা চাল, গোটাকতক সুপারি আর একটি টাকাতেই তোমার অন্নজলের ঋণ শোধ হবে, মা!—তাও নিজে থেকেই ত দিচ্ছ আমাকে—তোমার হাতে দেবার জ্ঞ। না মা, আমি এ দিয়ে তোমার অন্নজলের ঋণ শোধ করতে পারবো না কিছুতেই।

তখন সকল বয়সের সমবেত সকল মেয়ের কণ্ঠগুলিই গভীর বিষ্ময়ে কল্লোলিয়া উঠিল,—ও মা, এমন সৃষ্টিছাড়া কথা ত কখনও শুনি নি বাপু!

পূজার দালানের নীচেই প্রাঙ্গণটির উপর দুই বৈবাহিক এবং দুই পক্ষের ঘনিষ্ঠ মাতঙ্গররাও এই স্মরণীয় সন্ধিক্ষণটিতে সমবেত হইয়াছিলেন এবং হুজুর বৈবাহিক যেন জোর করিয়াই সঙ্কোচের ব্যবধানটুকু আজ কাটাইয়া দিয়াছিলেন। চণ্ডী তাহার আপত্তি অক্ষুণ্ণে ব্যক্ত করে

নাই, স্মতরাং প্রাঙ্গণে গাহারা অণু কথার আলোচনার উন্নয়ন ছিলেন, চণ্ডীর কথায় তাঁহারা প্রত্যেকেই উৎকর্ণ হইয়া উঠিলেন। কণার আদাতটি যথাস্থানে গিয়াই বাজিল। হরিনারায়ণ বাবু উৎফুল্ল হইয়া উল্লাসের স্বরে কহিলেন,—খাসা কথা বলেছ মা তুমি, এই ত চাই। বরাবর সে ভুল হয়ে আসছে, সেইটেই যে চোখ বুজিয়ে চালিয়ে যেতে হবে, এমন কি কথা! ঠিকই ত, ঐ দিয়ে কি কখনও অন্নজলের ঋণ শোধ হ'তে পারে,—তার ওপর কি না, যার শিল যার নোড়া, তাই দিয়ে তারই দাঁতের গোড়া ভাঙ্গবার ব্যবস্থা! দাঁড়াও মা, দাঁড়াও, এখনই এর উপায় আমি ক'রে দিচ্ছি; তুমি আমার মস্ত ভুল ধ'রে দিয়েছ মা,—বাঃ! বাঃ!

বাড়ী শুদ্ধ সকলকে অবাক করিয়া দিয়া—বাহিরের ঘর হইতে জনৈক কর্মচারীকে ডাকাইয়া হরিনারায়ণ বাবু তৎক্ষণাৎ পুত্রবধুর উপযুক্ত কনকাঞ্জলির ব্যবস্থা করিয়া দিলেন। করালী বাবু মিনতির ভঙ্গিতে বহু আপত্তি করিলেন, কিন্তু তাহা টিকিল না। হরিনারায়ণ বাবু হাসিয়া কহিলেন,—মা চণ্ডীর মুখ দিয়ে যে যুক্তি আমরা শুনেছি বোই, তার খণ্ডন করবার ক্ষমতা আমাদের কারুর নেই। আর এ বিষয়ে আপনার আপত্তি বুঝা, এতে কুণ্ঠিত হবার কি আছে? আপনি নিজের ইচ্ছায় আহ্লাদ ক'রে আপনার জামাতাকে রূপোর খালায় ভ'রে, এক রাশ টাকা, সেই সঙ্গে আরও কত কি সামগ্রী যৌতুক দিয়েছেন, আমি ত প্রত্যাখ্যান করিনি কোনটি। তবে আমার বধুও যদি তার জননীর উদ্দেশে সত্যকার কনকাঞ্জলি দেয়, তা কেন গ্রাহ হবে না বলুন!

হরিনারায়ণ বাবুর এমন যুক্তিযুক্ত কথার উপর কাহারও আর কথা তুলিবার সাহস হইল না। স্মতরাং চণ্ডী স্বশুর-দত্ত পাঁচ শত গিনি-পূর্ণ থলিটি উজাড় করিয়া মায়ের উদ্দেশে রীতিমত কনকাঞ্জলি দিয়া কহিল,—এখানকার অন্ন-জলের ঋণটুকুই শুধু শোধ ক'রে বিদায় নিচ্ছি, মা!

সঙ্গে সঙ্গে চণ্ডীর স্বর আর্ত হইয়া উঠিল, দুই চক্ষুর উচ্ছ্বসিত অশ্রু বীধ-ভাঙ্গা স্রোতের মত দুর্বার হইয়া ছুটিল। সকলের চক্ষু তখন অশ্রুসিক্ত,—কণ্ঠার এ বিদায়-দৃশ্য চিরদিনই সকল সংসারে সকলেরই মন্যম্পর্শী!

\* \* \* \*

পূজার দালানে যে সময় বিদায়-পক্ষের নিয়ম-কন্ম চলিতেছিল, সে সময় বাড়ীর সম্মুখে সুদীর্ঘ রাস্তাটির উপর এমন এক বিরাট মিছিল নানা জাতীয় বাগ্গভাঙাদি ও যানবাহনসহ শ্রেণীবদ্ধ হইতেছিল, এ অঞ্চলে যাহা সত্যই অভূতপূর্ব। বাজনা-বাগ্গের ঘটনা না করিয়া বিনাডম্বরেই বিবাহবাড়ীতে বরাগমন হওয়ায় যাহারা বিক্ষুব্ধ হইয়াছিল, বিবাহের পরদিন বর-বিদায়ের সময় এই অপ্রত্যাশিত মিছিলের বাহার তাহাদিগকে শুধু সে চমৎকৃত করিয়া তুলিল, তাহা নহে, খেয়ালী জমিদারের সহক্ষে এই ধারণাই তাহাদের মনে দৃঢ় করিয়া দিল,—

“যা কিছু শুনেছি, যা কিছু বুঝেছি  
তারো চেয়ে তুমি উপরে,  
কামনা ভাবনা কল্পনা মোদের  
পারে না ধরিতে তোমারে।”

কনকাজলি দিয়া সুসজ্জিতা বধু বরের সহিত বাহিরে আসিতেই হরিনারায়ণ বাবু বৈবাহিককে উদ্দেশ্য করিয়া কহিলেন,—পাকা দেখার দিনটিতে চণ্ডীমার কাছে বাক্বন্দী হয়ে আছি। তৈরী বিঘামন্দির দেখিয়ে যদি ঠুঁকে খুসী করতে পারি, তবেই না আমার নিষ্কতি। কায়েই এই সঙ্গে এ বাড়ীর সকলকেই ওখানে পায়ের ধুলো দিতে হবে। মিছিলে এ জগু পাকীর বিশেষ ব্যবস্থা করা হয়েছে।

কন্যাপক্ষ হইতে এ সম্বন্ধে আপত্তি উঠিলেও শেষ পর্য্যন্ত টিকিল না। হরিনারায়ণ বাবু কহিলেন,—আমরা ত আর কন্যাপক্ষকে সরাসরি বাঙলীতে জোর ক'রে ধ'রে নিজে যাচ্ছি-না, তাঁদেরই কন্যার মন্দিরপ্রতিষ্ঠা দেখে তাঁরা ফিরে আসবেন, এতে আর বাধা কি?

অগত্যা কোনও বাধাই আর রহিল না। কন্যাপক্ষের পুরুষগণ সুসজ্জিত শকটে উঠিলেন, মহিলারা মূল্যবান কিংখাপের আস্তরণ-মণ্ডিত শিবিকার ভিতরে ঢুকিলেন। কেবল চণ্ডীর মা বাড়ীতে রহিয়া গেলেন। কন্যার হাতের কনকাজলি লইয়া কন্যার মা আর পিছনের দিকে না তাকাইয়াই চলিয়া যান, ইহাই প্রথা। পদ্ধতির কথা বুঝিয়া বৈবাহিক তাঁহাকে আর পীড়াপীড়ি করিলেন না।

এ দিকে যেমন বিবাহের সমারোহ চলিয়াছিল, বারো-য়ারীতলায় বিঘালয় প্রতিষ্ঠার আয়োজনও তেমনই ঘট

করিয়া সম্পন্ন হইতেছিল। বিবাহ অপেক্ষা এইখানেই পল্লীবাসীর আগ্রহ অধিক;—একটি পক্ষের মধ্যেই পোড়ো জমির উপর একখানা ইমারত খাড়া করিয়া তোলা পল্লী অঞ্চলে কতটা সম্ভবপর, হরিনারায়ণ গাঙ্গুলী নির্দিষ্ট দিনটির মধ্যে কি ভাবে তাঁহার পণ রক্ষা করিবেন, এই অদ্ভুত খেয়ালী মানুষটির যে সকল উঃসাদ্য কার্য হেলায় সমাধা করিবার গল্প তাহারা এ পর্য্যন্ত শুধু কাণেই শুনিয়াছে—এখন সত্যই তাহারা প্রত্যক্ষ করিয়া চক্ষু-কর্ণের বিবাদ মিটাইতে পারিবে কি না—এই সব কথাই প্রধান আলোচনার বিষয় হইয়া গ্রামাপুর গ্রামখানির সহিত চারিপাশের সন্নিহিত আরও দশখানি গ্রামের অদিবাসিগণকে সচর্কিত করিয়া তুলিয়াছিল। সকলেই বিপুল আগ্রহে আকাঙ্ক্ষিত দিনটির প্রতীক্ষা করিতেছিল। বারোয়ারীতলার সুবিশাল প্রাঙ্গণের চারিদিক সুউচ্চ কানাত দিয়া এমন সম্বর্ণে পরিবেষ্টন করা হইয়াছিল যে, ভিতরে ইমারতের কাখ কি ভাবে সম্পন্ন হইতেছে, সে সম্বন্ধে কিছুমাত্র আভাস পাইবার কোনো সম্ভাবনাই ছিল না;—কাবেই জনসাধারণের কৌতূহল উজ্জ্বলিত হইবারই কথা।

স্বদেশী ও বিদেশী বিবিধ বাগ্গের আবর্তে সারা গ্রামখানি কাঁপাইয়া বিশাল মিছিল বারোয়ারীতলার সম্মুখে আসিতেই যুগপৎ কয়েকটি বন্ধুকের আওয়াজ হইল এবং রক্তমণ্ডলের যবনিকা যে ভাবে সহসা উপরে উঠিয়া যায়, সেইরূপ তৎপরতার সেই সুরহং প্রাঙ্গণের চারিপাশের সু-উচ্চ কানাতগুলি একসঙ্গে খুলিয়া গেল। পরক্ষণে সুন্দর অঙ্গন-সম্বিত বিচক্ষণ শিল্পীর পরিকল্পিত সঙ্গঃসম্পন্ন মনোরম বিঘামন্দিরের নিশাণ-পারিপাট্য সকল কৌতূহলী চক্ষুকেই চমৎকৃত করিয়া দিল।

তুইটি সপ্তাহ পূর্বেও যে পতিত জমিটির উপর পল্লীর গুরু-বাহুর চরিত্রা বেড়াইত, সেখানে আজ আরব্য রজনীর উপাখ্যানের মত এক আশ্চর্য্য অট্টালিকা যেন যাত্মমুগ্ধ প্রভাবেই মাথা তুলিয়া দাড়াইয়াছে।—অঙ্গনের সম্মুখেই বিঘামন্দিরের প্রশস্ত সোপানশ্রেণী, তাহার দুই ধারে তুইটি সুদীর্ঘ চাতাল অট্টালিকার উভয় প্রান্ত পর্য্যন্ত বিস্তৃত। সোপানশ্রেণীর উপরেই ভেলাভেটের একখানি সুবৃহৎ পদ্ম দৃশ্যপটের মত পড়িয়া ছিল। কার্নিশের নিম্নেই বড় বড় হরকে উৎকীর্ণ করা হইয়াছে—মা চণ্ডীর বিঘামন্দির।

দেউড়ীর সম্মুখে আসিয়া মিছিল খামিতেই হরিনারায়ণ বাবু অগ্রবর্তী হইয়া বর-বধু ও কণ্ঠাপক্ষীরদের সহিত সোপানশ্রেণী অতিক্রম করিয়া পদার সম্মুখে আসিয়া দাঁড়াইলেন। কোঁতুলী জনতায় বিশাল অঙ্গন তখন ভরিয়া গিয়াছে।

হরিনারায়ণ বাবু বধুর দিকে চাহিয়া হাসিমুখে কহিলেন,—তোমার হাতের পরশ না পেলে এ পদা ত উঠবে না মা, পদাখানা তুলে তোমাকেই যে আগে প্রবেশ করতে হবে তোমার মন্দিরে।

চণ্ডীর সর্বাঙ্গ ব্যাপিয়া তখন যেন একটা অপূর্ণ পূজকের শিহরণ উঠিয়াছে। কোনও দিকে দৃষ্টি না দিয়া, সে তাহার হাতের কাজললতানি প্রথমে কটিদেশে গুঁজিয়া রাখিল, তাহার পর সবল দুইখানি হাত দিয়া সেই বিশাল পদাখানি গুটাইতে আরম্ভ করিল।

হরিনারায়ণ বাবু হাসিয়া কহিলেন,—মা আমার কিছুতেই পেছুতে চান না, নিজেই হাত লাগিয়েছেন কোনও দিকে দৃকপাত না করে। বাস—মা, হয়েছে। তোমার স্পর্শটুকুই ছিল দরকার,—এবার তুমি ছেড়ে দাও, মা।

কুলীর সাহায্যে পদাখানি উপরে টানিয়া তুলিবার মতোচিত ব্যবস্থাই ছিল। পরক্ষণেই ক্ষিপ্ৰগতিতে সেখানি উপরের দিকে উঠিয়া যাইতেই বিদ্যামন্দিরের সুসজ্জিত স্তম্ভস্থ হলঘরখানি সকলের চক্ষুর উপর প্রকাশ হইয়া পড়িল।

ইমারতের সংখ্যা এ অঞ্চলে নিতান্ত অল্প না হইলেও এই ধরনের প্রশস্ত দরদালানযুক্ত পরিচ্ছন্ন অট্টালিকা সম্পূর্ণ অভিনব। দালানখানি পত্রপুষ্প ও নানাবিধ চিত্রপটে সুসজ্জিত, তাহার তিন দিকেই তিনখানি করিয়া বড় বড় ঘর, প্রত্যেক ঘরেই পালিস্ করা সারি সারি সূত্রী বেঞ্চি, পুরোভাগে টেবল ও শিক্ষয়িত্রীর কেদারা : দেওয়ালে কালো রঙের বোর্ড ও ভারতবর্ষের মানচিত্র টাঙ্গানো। ইঙ্গ প্রবেশ করিতেই দুই পাশের দুইখানি ঘর অল্প প্রকারে সজ্জিত। একখানি ঘরে আফিসের গাবতীয় সাজ-সরঞ্জাম ; বড় বড় দুইটি আলমারীর মধ্যে খাতা কাগজ পেনসিল দোয়াত কালি কলম, নানা দেশের নানাবিধ মানচিত্র, রাশি রাশি প্লেট, প্রাথমিক শিক্ষায় অপরিহার্য্য বিদ্যাসাগরের প্রথম ও দ্বিতীয় ভাগ, ধারাপাত,

শুভঙ্করী, চাণক্য-শ্লোক, ঘরের এক পাশে অনেকগুলি চরকা, প্রচুর তুলা প্রভৃতি। অপর পাশের ঘরখানির দরজা ও জানালা কয়টি বাদ দিয়া সর্বস্তান আলমারীতে ভরা। তবে আলমারীগুলি ঘরের দেওয়ালগুলি ভরাইয়া তুলিলেও, তাহাদের গছেরগুলি তখনও পুত্রকে ভরিয়া উঠে নাট।

চণ্ডীকে অগ্রবর্তিনী করিয়াই সকলে হলে প্রবেশ করিলেন। হরিনারায়ণ বাবু দীর্ঘে দীর্ঘে বধুর অন্তঃস্বয়ং করিতে করিতে কহিলেন,—বুঝেচই পেরেছ মা, তোমার এই স্কুলটির নামকরণ হয়েছে—মা চণ্ডীর বিদ্যামন্দির কেমন মা, ঠিক নাম হয়নি ?

চণ্ডীর মুখখানি তখন পরিভূপ্তির উল্লাসে উদ্ভাসিত হইয়া উঠিয়াছে। বুদ্ধ তাহা লক্ষ্য করিয়া কহিলেন,—দেখ মা, মানুষ লোকের দৃষ্টিতে যতই হয়, দুর্বল বা অসহায় হোক না কেন, তার মনটি যদি হয় সবল আর নিশ্চল, তা ত'লে সেখান থেকে সে প্রার্থনা ওঠে শ্রীভগবানের উদ্দেশে, তা কখনও ব্যর্থ হ'তে পারে না ; তাঁরই প্রেরণায় তখন উপযুক্ত লোক ছুটে আসে তার সেই কাষটুকু উদ্ধার ক'রে দিতে। নিজের স্বার্থের দিকে চেয়ে ত তুমি তাঁর দোরে প্রার্থনা পাঠাওনি মা, দেশের দুঃখমোচনের জন্ত—দেশের কল্যাণের কথা ভেবে কোমল হৃদয়টি তোমার জলে উঠেছিল, দুই চক্ষু দিয়ে অশ্রু গড়িয়ে পড়েছিল, ভগবান্ কি স্থির হয়ে থাকতে পারেন, মা !—এই যে পাঠশালা-প্রতিষ্ঠা, এর মূলে তোমারই মনের গভীর সাধনা ;—তুমি যে মা স্বয়ংসিকা।

২

বিবাহের পর শশুরবাড়ীতে আসিয়াই চণ্ডী নানা স্বপ্নে শুকান্তের সক্ষমগী রাণী মাবুরীদেবীর চিত্তে দারুণ বিরাগ সৃষ্টি করিয়া বসিল।

বিবাহ-রাত্রিতে বাসরে নিব্বোধ স্বামী মূখে তাহার জীবন-পদ্ধতি শুনিয়া চণ্ডী মনে মনে শশুরালায়ে তাহার কক্ষপদ্ধতির একটা খসড়া করিয়া ফেলিয়াছিল। সে বুঝিয়াছিল, প্রতিপক্ষদের সহিত যুদ্ধ করিবার জগুই বিধাতা তাহাকে সৃষ্টি করিয়াছেন। গ্রামাপুরে আসিয়া অবধি বরাবরই সে অন্টারের বিরুদ্ধে মাথা তুলিয়াছে, এ জগু কত নিন্দা, কত অশুযোগই না তাহাকে শুনিতে হইয়াছে ; কিন্তু সে



কোনও দিকেই দৃকপাত করে নাই। বাসরে স্বামীর মুখে যে কাহিনী সে শুনিয়াছে, তাহার সহিত কত বড় বিপদ, কত বিপ্লব, কত সব কলহের সম্ভাবনা যে জড়াইয়া রহিয়াছে, তাহা উপলক্ষ করিতে চণ্ডীর বিলম্ব হয় নাই। স্বামীর যেখানে কোনও সম্মান নাই, কিছুমাত্র আদর নাই, কোনওরূপ প্রতিষ্ঠা নাই,—দরিদ্রের কণা সে, সেই স্বামীর সহধর্মিণী হইয়া সেখানে চলিয়াছে; কি ব্যবহার পাইবে, তাহার আত্মমর্যাদার উপরেও আঘাত আসিবে কি না, কে বলিতে পারে! এই সব ভাবিয়াই চণ্ডী তাহার সঙ্কল্প আগে হইতেই স্থির করিয়া লইয়াই বাঙালীর প্রাসাদে প্রবেশ করিয়াছিল।

কিন্তু প্রাসাদের ভিতর রাণী মাধুরীদেবীর প্রতাপের অন্ত ছিল না। প্রাসাদের কর্তা তাঁহার অসংখ্য প্রজা ও সেরেস্তার কর্মচারীদের মুখে 'হজুর' সম্বোধন শুনিয়াই সমস্ত থাকিতেন, রাজা আখ্যা তিনি পছন্দ করিতেন না। কিন্তু খেতাবধারী রাজার কণা মাধুরী দেবী স্বামীর এই ত্যাগ-টুকুকে খ্যাতিলাভের পথে একটা প্রকাণ্ড ক্রটি বলিয়াই দাবাস্ত করিয়াছিলেন, এবং স্বামীর এই ক্রটিটুকুর পরিপূরণ করিতে তাঁহার চেষ্টার ক্রটি দেখা যায় নাই। সংসার-তরণীখানির হাল বরিয়াই তিনি শুদ্ধান্তের সকলকেই জানাইয়া দিলেন, বাপের বাড়ীতে তিনি ছিলেন রাজকণা, এখানে—রাণী। সুতরাং এক কর্তা ভিন্ন সকলের মুখেই গুঞ্জন উঠিল—রাণী-মা। মায়ের খ্যাতির অংশে পুত্রও বঞ্চিত হইল না, রাণীর ইচ্ছানুসারে পুত্র নিবারণ খোকা-রাজা আখ্যা পাইল।

গোবিন্দের বিবাহ-প্রসঙ্গে রাণী প্রসন্ন হইতে পারেন নাই। তবে তাহার মনে এইটুকুই সাধনা ছিল যে, বধু দরিদ্রের মেয়ে, এখানে আসিয়াই স্ববাক হইয়া যাইবে, ঐশ্বর্য্য তাহার ছই চক্ষু বলিয়া দিবে; এ রকম মেয়েকে দাসী-বাদীর মত পদানত করিয়া লইতে অস্ববিধ হইবে না। সুতরাং মনের ভাব গোপন রাখিয়া গোবিন্দের বিবাহে মুখে তিনি খুবই উৎসাহ দিলেন, আনন্দ প্রকাশ করিলেন, তাহার মধ্যে দীর্ঘনিশ্বাসের সহিত গভীর মন্যব্যথাটুকুও সকলকে শুনাইয়া দিলেন,—ছেলেটা পাগল বলে, একটা বা তা বরের গরীবের মেয়ে আসছে তার বউ হয়ে! মেয়েটারও ঝকঝক, না পারবে ভরসা ক'রে মিশতে,—

পায়ে পায়ে জড়িয়ে মরবে; ছেলেটারও হবে নাকালের একশেষ।—আশ্রিতা, আত্মীয়া, অনাত্মীয়া, পাচিকা, পরিচারিকা প্রভৃতি বিভিন্ন অবস্থা ও বয়সের মেয়েরাও রাণীর দেখাদেখি গরীবের এই মেয়েটির ভাগ্যের কথা ভাবিয়া একটা করিয়া নিশ্বাস ফেলিতে ভুল করে নাই।

কিন্তু প্রথম দর্শনেই বধুর কুণ্ডলপ্রতিভা মুখখানি মাধুরীদেবীর দৃষ্টিতে সংশয়ের একটা নিবিড় রেখা টানিয়া দিল। নববধুসুলভ অপরিমীম লজ্জা ও আড়ষ্টতার প্রভাব কাটাইয়া সহজ স্বচ্ছন্দভাবেই বধু যখন প্রাসাদের সিংহদ্বারে চতুদোলা হইতে নামিল, বাঙালী-প্রাসাদের বিপুল ঐশ্বর্য্যের নানা নিদর্শনই সেখানে বিকীর্ণ হইয়াছিল। কিন্তু রাণী নিম্পলক-নয়নে দেখিলেন, দরিদ্রের এই মেয়েটির চক্ষু ছইটি চক্ষুচমৎকারী ঐশ্বর্য্যের কোনও দিকেই আকৃষ্ট নহে; বরং তাহার দৃষ্টিতে যেন দৃষ্টের একটা ভঙ্গী ও মুখে তাহারই আভাস পরিস্ফুট। অথচ তাহার দিক দিয়া শিষ্টাচারের কোনও অভাব দেখা গেল না। মাধুরীদেবী বধুর চরণ ছইখানির উপর প্রথা অনুযায়ী হরিদা-বারি ঢালিলামাত্রই বধু তৎক্ষণাত নত হইয়া তাঁহার পদবুলি লইয়া মাথায় দিল, তাহার পর যুক্ত হাত ছইখানি ললাটে তুলিয়া শ্মিত-বদনে সমবেত মহিলাদের উদ্দেশে শ্রদ্ধা নিবেদন করিয়াই সম্মুখে আস্তিত রক্তবর্ণ বনাতমণ্ডিত পথে বরের পার্শ্ববর্তিনী হইয়া অসঙ্কোচে অগসর হইল, কাহাকেও কোলে তুলিয়া লইবার অবসর দিল

মাধুরীদেবীই শুধু তীক্ষ্ণদৃষ্টিতে দেখিলেন, অগোর অলক্ষ্যে অপূর্ব কৌশলে বধু তাহার জড়প্রকৃতি বরটির পাশে থাকিয়া তাকে চালনা করিয়াছে। সেই মুহূর্ত্তেই শুরু বিদ্রোহে রাণী উপলক্ষ করিলেন,—এ বংশের বধুর অধিকারটুকু পাইয়াই যেন এই অদ্বিত মেয়েটি অতীতের বাণী কিছু সমস্ত মুছিয়া ফেলিয়া মহিমময়ী রাজ্ঞীর মতই পুরীর ভিতরে চলিয়াছে,—রাজ্য তাহার বৃন্দিয়া লইতে! মাধুরীদেবীর মনে পড়িল, বধুর বয়সে তিনিও ঠিক এইভাবে এই তেজোদ্বন্দ্ব মনোরন্তি লইয়া এই স্থানে আসিয়া দাঁড়াইয়াছিলেন।

পরিজনদের উপর মাতুলিক অন্তর্ধানগুলির ভার দিয়া নিজের মহল্লায় নির্জন কক্ষে আসিয়া মাধুরীদেবী শস্যের আশ্রয় লইলেন। পরিচারিকারা পশ্চাৎ পশ্চাৎ ছুটিয়া আসিয়াছিল, তিনি তাহাদিগকে কিরাইয়া দিলেন। উপধানে

উপর মুখখানি চাপিয়া বহুক্ষণ তিনি নিজেদের মত পড়িয়া রহিলেন। নিজের অজ্ঞাতে অবিরল অশ্রুধারায় উপবান সিক্ত হইতে তিনি শিরিয়া উঠিয়া বসিলেন, অঞ্চলে চক্ষু দুটি মুছিয়া নিজের মনে কহিলেন,—‘ছি, ছি, এ আমার হ'ল কি? এক রত্তি একটা মেনেকে আমার প্রতিবন্ধিনী ভেবে আমি কেঁদে সারা হচ্ছি!’—জোর করিয়া নিজের দেহখানিকে টানিয়া রাণী অলিন্দে আসিয়া দাঁড়াইলেন। কিন্তু সেখানে উৎসব-সজ্জায় সজ্জিত বিশাল পুরীর সৌন্দর্য্য তাঁহার দুই চক্ষুর উপর মেনে দুভেদে ধুমুজাল বিস্তার করিতেছিল। তখন তাঁহার কণ্ঠের অক্ষুটস্বর প্রণের মত শুনাইল,—দোষ কার? এ কি প্রকৃতির প্রতিশোধ?

অস্থিরপদে সুদীর্ঘ অলিন্দে কিছুক্ষণ পদচারণার পর পুনরায় রাণী স্থির হইয়া দাঁড়াইলেন, সঙ্গে সঙ্গে আর্ন্তকণ্ঠের পুনরুচ্ছ্বাস,—‘হুজ্জয় পনের জন্মট না আমার এই পরাজয়! নিবারণের পাশেই ত আজ এই বধুটির দাঁড়াইবার কথা!—তৎক্ষণাৎ কণ্ঠের মুখের কথা দৈববাণীর মত তাঁহার কাণে ঝঙ্কার দিয়া উঠিল,—গাধাবোটখানাকে টেনে নিয়ে যাবে বলেই এই ষ্টামলকের ব্যবস্থা!—রাণীর বুকখানি অমনট উদ্বেলিত হইয়া উঠিল, তিনি বেন কল্পনার দৃষ্টিতে দেখিতে ছিলেন,—এই তেজায়ান্ ষ্টামলকের সহায়তায় গাঙ্গুলী-পরিবারের অকস্মাৎ গাধাবোটখানি দার মন্তরগতিতে বাঙালীর রাজ-গদী লক্ষ্য করিয়া অগ্রসর! শিরিয়া দুই হাতের করপুটে মাধুরীদেবী নিজের ম্লান মুখখানি লুকাইলেন।

পরক্ষণে কাণে বাজিল নিবারণের নিদারুণ তীক্ষ্ণ স্বর,—মা! শুনেছ নতুন বৌএর আ'পনার কথা!

নিজের মস্তব্যথা প্রচ্ছন্ন রাখিয়া চকিতভাবে মা দুই চক্ষু বিফারিত করিয়া চাহিলেন, অপ্রতিহতপ্রভাব পুত্রের এমন ব্যথাতুর বিবণ মুখ তিনি কোনও দিন দেখেন নাই। তাঁহার ওষ্ঠে কথা স্ফুরিত হইল না, কিন্তু দুই চক্ষুতে প্রণ কুটিয়া উঠিল।

নিবারণ কহিল,—দেখাশোনার সময় বাবা না কি বউকে একগাছা চাবুক দিয়ে বলেছিলেন, এই দিয়ে একটা গাধাকে সায়েস্তা করতে হবে। খেলার আসরে বউ সবার সামনে বলেছে—সে গাধা আমি। আমাকেই সে খুঁজছিল।

মনের ভাব গোপন করিয়া মুখে সর্কৌতুক হাসির

ঝিলিক তুলিয়া মাধুরীদেবী কহিলেন,—আজকের দিনের কথা কি গারে মাথতে আছে পাগল! তুই হচ্ছিস দেওর, তাই ঠাট্টা করেছে বউ।

নিবারণ কঠিনস্বরে কহিল,—আমি ত আর ঠাট্টা বুলি না! শুকে ঠাট্টা বলে না, দিব্যি কাঁঝিয়ে ও কথা বলেছে, তেজ দেখিয়েছে; আমি প্রত্যোমাকে বলে রাখছি, মা, এ তেজ যদি না ভাস্কতে পারি—আমি খোকা-রাজা নই।

মাধুরীদেবী শুদ্ধিত-বিশ্বয়ে অবাক হইয়া নিবারণের গমন-গতির দিকে তাকাইয়া রহিলেন, তাকে ডাকিয়া ফিরাইতে বা প্রবোধ দিয়া বুঝাইতে তাঁহার মুখে কথা কুটিল না।

\* \* \* \* \*

রাণীর নিকট নিবারণ বধুর বিরুদ্ধেই একতরফা অভিযোগ করিয়া গেল এবং অভিযুক্তের শাস্তির ব্যবস্থা সে যে নিজের হাতেই করিবে, সে কথাটুকুও দৃঢ়ের সহিত ব্যক্ত করিতে দ্বিধা করিল না। কিন্তু সেই অপ্রীতিকর প্রসঙ্গে সে নিজেও সে কতখানি অপরাধী, সে কথা সে নিজেও যেমন চাপিয়া গেল, প্রত্যক্ষদর্শীর দলও তেমনট খোকা-রাজার অপরাধ সম্বন্ধে নিরুত্তরই রহিল। যাগাদের সাতস একটু বেশী ও উচিতবক্তা বলিয়া কিঞ্চিৎ খ্যাতি আছে, তাহারা এ প্রসঙ্গে যে নির্ভীক এজাহার দিল, তাহার মস্ত এইরূপ,—গোড়ার দিকে খোকা-রাজার কথা—শুনো একটু মুখ-আলুগা-গোছের হয়েছিল। কিন্তু তা না হয় হ'ল; তা বলে কি টম্ দেখিয়ে অমন করে কথা বলা বউ-মাধুরের মুখে সাজে? হাজার হোক, তুই ত বাছা গরীবের ঘরের মেয়ে, তার ওপর বিয়ের কনে, আর উনি হচ্ছেন ঘরের ছেলে—রাজপুত্র, র।

কিন্তু এই অপ্রীতিকর ব্যাপারটির প্রকৃত বিবরণ এইরূপ,—মাঙ্গলিক অনুষ্ঠানগুলি যখন প্রায় শেষ হইয়া আসিয়াছে, সেই সময় তরুণী-সমাজে চাঞ্চল্য উঠিল। বেশ বুঝা গেল, সে স্থলে এমন কোনও মাতব্বর ব্যক্তির আগমন হইতেছে, যাহার সম্বন্ধে অধিকাংশ মেয়ের মনে লজ্জার অন্ত নাই। বিভিন্ন কণ্ঠ হইতেই চাপা স্বরের অক্ষুট নিদেধ—খোকা-রাজা! খোকা-রাজা! এতক্ষণ যাহারা ঘোমটা খুলিয়া অসঙ্কোচেই এই আনন্দ অনুষ্ঠানে যোগ

দিয়াছিল, আগস্থকের নামেই তাহার। শশব্যস্ত হইয়া মাথার কাপড় টানিয়া তাহার মধ্যে মুখ লুকাইল।

বধু এতক্ষণ অবনতমুখী হইয়া নিদ্রেশমত মাদুলিক অনুষ্ঠানগুলিতে নিপ্ত ছিল। সাপের নাম শুনিলে মানুষ যে ভাবে চমকিত হইয়া উঠে, খোকা-রাজা নামটি শুনিতেই বধুও ঠিক সেইরূপ সচকিত ভঙ্গীতে সোজা হইয়া বসিয়া তাঁক্ষদৃষ্টিতে দ্বারের দিকে চাহিল। বিবাহ-বাসরে স্বামীর মুখের কথাগুলি তখনও সে ভুলে নাই,—‘খোকা-রাজা তা হ'লে পীঠের চামড়া আমার আস্ত রাখবে না, এক এক দিন যা মারে!’—সেই লোকটি আসিতেছে তাহারই সম্মুখে!

ভাবভঙ্গী, গতিবিধি ও সর্বদা আভিজাত্যের নানা নিদর্শন লইয়া সেই সুবহুৎ হলটির ভিতর দেখা দিল খোকা-রাজা নিবারণ। তরুণীদের সঙ্কোচ ভাব ও সহসা অবগুণ্ঠনবতী হইবার প্রয়াস তাহার দৃষ্টি অতিক্রম করে নাই। রুক্ষস্বরে সে কহিল,—আমি কি বাব যে আমাকে দেখেই সবাই ভয়ে জড়সড়!

স্বামীর কি বলিতে মাইতেছিল নিবারণ, কিন্তু ঠিক এই সময় নববধুর দীর্ঘায়ত দুইটি চক্ষুর স্তম্ভীক দৃষ্টির সহিত হইল তাহার বিচিত্র চক্ষুগুলের বিষম সংঘাত! বিচিত্র চক্ষু বলিবার অর্থ এই যে, নিবারণের দুই চক্ষুর তাবকায় বিড়ালের চক্ষুর মত অপূর্ণ বর্ণবৈচিত্র্য দেখা যায় এবং 'ইহাই এই সুন্দর সুগঠিতদেহ তরুণ দুবাটির আকৃতিগত একটা বিষম খুঁত অথবা বিশেষত্ব।

তাহাদেরই তালুকের এক সাধারণ প্রজার মেয়ে এ বংশের বধুর মর্যাদা লইয়া আসিয়াছে,—কিন্তু বংশের কলঙ্ক বিকৃতমস্তিষ্ক বড়খোকার পার্শ্বে বধুটি কেমন খাপ খাইয়াছে, তাহা দেখিতেই সদস্ত কোহুলে খোকা-রাজার এই মহিলা-মজলিসে আবির্ভাব হইয়াছিল। কিন্তু আসিবামাত্রই এ ভাবে বধুর সহিত তাহার চোখোচোখি হইবে ও বধু সকল সঙ্কোচ কাটাইয়া পরিপূর্ণ দৃষ্টিতে তাহার দিকে তাকাইবে, ইহা সে কল্পনাও করে নাই। বধুর সঙ্কোচশূন্য প্রথম দৃষ্টি, সুন্দর সপ্রতিভ মুখ ও সর্বদা অনবদ্য স্তম্ভমা নিবারণের মস্তিষ্কের ভিতর কেমন একটা জ্বালা ধরাইয়া দিল। ক্ষণকাল বধুর দিকে বন্ধদৃষ্টিতে চাহিয়া সহসা বিদ্রুপের স্বরে সে কহিল,—খাসা বউ ত

বাগিয়েছে আমাদের গবা পাগলা,—তবে এটা ঠিক বাদরের গলায় মুক্তোর মালার মতই মানিয়েছে।

পরের বাড়ী, অপরিচিত স্থান, চারিদিকে অনায়াসের সমাবেশ, নিজের অসহায় অবস্থা সেই মুহূর্তেই চণ্ডী সমস্ত ভুলিয়া গেল; যে নিষ্ঠুর মানুষটির কদর্য চিত্র সে মানস-পটে কল্পনার তুলিতে আঁকিয়া রাখিয়াছিল, তাহাকে চাক্ষুষ দেখিবার জন্মই তাহার চক্ষু দুইটি অবাধে বিস্ফারিত হইয়া উঠে। কিন্তু দৃষ্টিবিনিময়ের সঙ্গে সঙ্গেই সে সেই মানুষটি তাহাকেও অভ্যন্তর মত একরূপ আঘাত দিবে, এ ধারণা তাহার মনে আসে নাই। উত্তেজনার চণ্ডীর সর্বদা শিরায় শিরায় তখন রক্ত উষ্ণ হইয়া ছুটিয়াছে, মনের ভিতরের সমস্ত জ্বালাটুকু তাহার দুইটি চক্ষুতে তখন দীপ্ত হইয়া উঠিয়াছে; সেই প্রোজ্জ্বল দৃষ্টি স্বামীর মুখের উপর স্থাপন করিয়াই কিন্তু সে শিহরিয়া উঠিল; দেখিল, সে মুখ একেবারে নিপ্তভ, ছাইয়ের মত বিবর্ণ; সর্বদা তাহার থুথু করিয়া কাপিতেছে। মুখে কোনও কথা নাই, কিন্তু দুইটি কাতর চক্ষুর আভ্যন্তর দৃষ্টিতে একটা অব্যক্ত আতঙ্ক যেন ছুটিয়া উঠিতেছে!

স্বামীর সহিত চোখোচোখি হইতেই একটি মনুষ্যভেদী নিখাস ফেলিয়া চণ্ডী তাহার উত্তেজনাদীপ্ত মুখখানি নত করিল, সেই সঙ্গে আস্তে আস্তে মাথার উপর অবগুণ্ঠন টানিয়া দিল।

বরবধুর সান্নিধ্যেই বসিয়াছিল নিবারণের মা-তুল-কণা মৃগালিনী। সপ্তদশী তরুণী, রূপও তাহার প্রচুর; বেথুনে পড়িয়া একটা পাশও করিয়াছে। মহরের অভিজাত ঘরের আদপ-কায়দা পদে পদে সে মানিয়া চলে। নিজে মৃগালিনী খেতাবধারী রাজার আদরিণী নাতনী, স্বামীও কেউকেটা নয়,—নামজাদা ব্যারিষ্টারের ছেলে এবং নিজেও ব্যারিষ্টার হইবার জন্ম বিলাতে থাকিয়া পড়াশুনা করিতেছে। এ অবস্থান পল্লী অঞ্চলে মহিলা-সমাজে মৃগালিনীর সর্বদা নাকটি উঁচু করিয়া থাকিবার কথা,—তাহার তাহার সহিত সে বড় একটা কথা কহে না, নিজের মর্যাদা দৃষ্টের সহিত রক্ষা করিতে সে সর্বদা সচেতন। রাণী মাধুরীদেবী এই স্পর্ধিতা ভ্রাতৃকণাকে অন্তরের সহিত ভালবাসেন। তিনি বলেন,—আভিজাত্যের অহঙ্কারটুকুই বড় ঘরের মেয়েদের একটা উঁচু রকমের সৌন্দর্য্য; বিলাত

হঠতে স্বামী ফিরিয়া না আসা পর্য্যন্ত এই সৌন্দর্য্যময়ী ভাইঝিটিকে রাণী সমস্তে নিজের কাছেই রাখিয়াছেন।

বধূকে সহসা অবগুণ্ঠন টানিতে দেখিয়া মৃগালিনী মুখ টিপিয়া হাসিয়া কহিল,—কথার এমনি গোঁচা দিলে দাদা যে, বউ একবারে লজ্জাবতী লতা!

বধূর দিকে বক্রদৃষ্টিতে চাভিয়া নিবারণ কহিল, কোথায় ওঁকে দেব বাহবা—ওঁর সাতস দেখে, কিম্ব উনিও শেষে ওঁদের দলে ভিড়ে গেলেন,—মেপে একটি হাত ঘোমটা, একবারে কলাবউ!

মৃগালিনী নিবারণের কথায় সাং দিয়া হাসিমুখে কহিল,—তাউ ত, এ যেন গোড়া কেটে আগায় জল ঢালা হ'ল!

সহর্ষে নিবারণ কহিল,—ঠিক বলেছিস মিনা, অমন ক'রে চোখ মেলে দেখবার পর ও লজ্জা এখন আর খাটবে না, ওকে বাতিল করা চাই: ঘোমটাখানা তুই খুলে দে আগে।

মৃগালিনী নিবারণের কথায় তাহার দীর্ঘ অবগুণ্ঠনের প্রান্তভাগ স্পর্শ করিতেই বধূর হাতখানি তাহার কনুইটির উপর তলিয়া পড়িল; পরমুহূর্ত্তেই বিদ্যুৎস্পৃষ্টবৎ মৃগালিনীর সন্দ্বন্দ্র আড়ষ্ট, নিদারুণ যন্ত্রণায় সে আর্তনাদ তুলিল,—মা গো!

তাহার ফিটের ব্যামো ছিল, সকলেই ভাবিল, মৃগালিনীর ফিট হইয়াছে। পাশ্ববর্ত্তিনীরা চঞ্চল হইয়া উঠিল। কিম্ব একটু পরেই তাহার সে ভাব কাটিয়া গেল, সে প্রকৃতিস্থ হইয়া অবগুণ্ঠনবতী বধূর দিকে সংশয়াতঙ্ক-দৃষ্টিতে চাছিল।

নিবারণ কহিল,—কি হ'ল তোর মিনা,—অমন ক'রে নেতিয়ে পড়লি যে!

মৃগালিনীর দেহখানি তখনও ঠক্ঠক্ করিয়া কাঁপিতে ছিল। কণ্ঠের স্বরও তাহার প্রভাব অতিক্রম করিতে পারে নাই। মৃদুস্বরে সে উত্তর দিল,—বউএর ঘোমটাখানি ধ'রে সেই তুলতে যাব, অমনি একটা ঝাঁকুনি পেলুম সন্দ্বন্দ্রে; কে যেন শিরাগুলো জোর ক'রে টানা-ইঁচড়া

করতে লাগলো। ভাবলুম, ফিট বুঝি এলো, কিম্ব তা নয়। আমার মনে হয়, বউ কিছু কারসাজি করেছে!

নিবারণ ব্যস্তের সুরে কহিল,—তা মিছে নয়, শুনেছি কবরেজের মেয়ে, তুক তাক হয় ত অনেক কিছুই জানে।—কিম্ব তুই যে ভয়ে স'রে এলি, ঘোমটাখানা ত খুলে দিলি নি!

মৃগালিনী কহিল,—আবার! আমার দ্বারা হুচ্চ না দাদা, ইচ্ছে হয়, তুমি নিজে খুলে দাও।

নিবারণ স্বর তীক্ষ্ণ করিয়া কহিল,—ঘোমটাখানি নিজেই খুলবে, না আমাকেই খুলে দিতে হবে নিজের হাতে?

বধূ নির্ঝাঁক্, নিস্প্রাণ প্রতিমার মত নিশ্চল। শ্লেষের সুরে নিবারণের পুনরায় প্রণ,—গোড়ায় তীরটি ছুড়ে তার পর হঠাৎ এমন বৈরাগ্য কেন শুনি?

মৃগালিনীও এবার ঝঙ্কার দিয়া কহিল,—টম্ দেখে আর বাঁচি না; দেওরকে দেখে এতই যদি লজ্জা, চোখের পদ্মা তুলে অমন ক'রে আগেই চেয়েছিলে কেন?

অবগুণ্ঠনমধ্যে বধূর কণ্ঠস্বর এবার ঝঙ্কার দিয়া উঠিল,—কেন অমন ক'রে চেয়েছিলুম তখন, তাই জানতে চান?

বধূর কথায় সকলেরই মনে গভীর বিষয়, বিপুল কোঁতুহল।


বধূ দৃঢ়স্বরে কহিল, বাবা আমাকে দেখতে গিয়ে একটা চাপুক মোতুক দিয়েছিলেন।

কাহারও মুখে কথা নাই, বধূর কথা শুনিতে সবাই উৎকণ্ণ।

বধূ কহিল,—বাবা বলেছিলেন, তাঁর বাড়ীতে একটা বেয়াড়া গাধা আছে, তাঁর দেওয়া চাবুক দিয়ে তাকে সায়েস্তা করতে হবে। সেই গাধাটাকে দেখবার জন্তই আমি তখন অমন ক'রে চেয়েছিলুম।

বধূর মুখের কথা শুনিয়া সকলেই একেবারে স্তব্ধ। অবগুণ্ঠনের মধ্য দিয়া তরুণীরা নির্ঝাঁক্-বিষ্ময়ে দেখিতেছিল—নিবারণের সুন্দর মুখখানির উপর কে যেন এক ঝলক কালি ঢালিয়া দিয়াছে!

শ্রীমণিলাল বন্দ্যোপাধ্যায়।







## ভূগলী জেলার ইতিহাস

(পূর্ক-প্রকাশিতের পর)

### জাল প্রতাপচাঁদের মোকদ্দমা \*

বর্ত্তমান সময়ে ভাওয়াল সন্ন্যাসীর যেমন হইতেছে, ঊনবিংশ শতাব্দীর মধ্যভাগে এইরূপ একটি বড় মোকদ্দমা ভূগলী আদালতে হইয়াছিল এবং ১৮৫২ খৃষ্টাব্দের ২৪শে নভেম্বর মেদিনীপুরের রাজা কদনারায়ণের এই ভাবের আর একটি মোকদ্দমা হইয়াছিল। † এই মোকদ্দমাটি ভূগলী জেলার নহে বলিয়া উহার বিবরণ দিলাম না। তখনকার দিনে প্রত্যেক লোকমুখে প্রতাপচাঁদের মোকদ্দমার কথা হইত—তাঁহার স্বপক্ষে ও বিপক্ষে অনেক আলোচনা হইত। প্রায় শতকরা ৯৯ জন লোক প্রতাপের পক্ষে কথা বলিতেন। এই মোকদ্দমায় বড় বড় সাহেব, রাজা, জমিদার, সরকারী উচ্চপদস্থ কর্মচারিগণ সাক্ষী ছিলেন। এরূপ চাকলাকার মোকদ্দমা ভূগলী জেলায় আর হয় নাই।

প্রতাপচাঁদ বর্দ্ধমানের মহারাজা তেজচন্দ্রের জ্যেষ্ঠপুত্র—নান্দী মহারাণীর একমাত্র পুত্র। মহারাণী প্রতাপের শৈশবেই দেহত্যাগ করেন। প্রতাপের কতকগুলি দোষও ছিল—গুণের ভাগ অধিক ছিল। প্রতাপ কোন একটা মহাপাতক করিয়াছিলেন, সেই জন্ত পণ্ডিতরা ব্যবস্থা দেন যে, ১৪ বৎসর অজ্ঞাতবাসই প্রায়শ্চিত্ত। প্রতাপ এই প্রায়শ্চিত্ত মানিয়া লইলেন। প্রতাপ বাড়ী হইতে পলাইলেন। কিন্তু মহারাজ তেজচন্দ্র তাঁহার সন্ধান পাইয়া রাজমহল হইতে তাঁহাকে ধরিয়া আনিলেন। এইখানেই বলিয়া রাখি, প্রতাপ এক জন হঠযোগী ছিলেন। তিনি অশুখের ভাণ করিতে পারিতেন, এমন কি, মৃত্যুর ভাণও করিতে পারিতেন। ডাক্তার-কবিবাজ কিছুতেই উহা ভাণ কি সত্য ধরিতে পারিতেন না।

এক দিন স্নানান্তে প্রতাপ জরের ভাণ করিলেন। জর ক্রমে বৃদ্ধি পাইতে লাগিল। ডাক্তার-কবিবাজ আসিলেন, কেহই কিছু করিতে পারিলেন না—শেষ কালনায় গঙ্গাবাত্রার ব্যবস্থা হইল। মহারাজ সঙ্গে যান নাই। গঙ্গার ঘাট কানটে দেয়া হইল। রাত্রিতে মৃত্যুর কথা বাট হইল। প্রতাপ কিন্তু পলাইলেন।

\* গঙ্গীবচস্প চট্টোপাধ্যায় প্রণীত “জাল প্রতাপচাঁদ” ও Hooghley Past and Present পুস্তক হইতে মর্শ গৃহীত হইল।

† ২২/১২/১৮৫২ সালের “সংবাদপূর্ণচন্দ্রোদয়ে” উহা পাইবেন।

প্রতাপের পলায়নের পর মহারাজ প্রায়ই বলিতেন—“প্রতাপ আবার আসিবে।” লোকে বলিত, মহারাজ শোকাক্ত হইয়াই ঐ কথা বলিতেছেন। প্রতাপ তখন পূর্ণযুবা।

১৪ বৎসর অতীত হইলে ১৮৩৫ খৃষ্টাব্দে এক জন সন্ন্যাসী বর্দ্ধমানে প্রবেশ করিলেন। এইখানে গোপীনাথ ময়রা প্রথম তাঁহাকে চিনিয়া ফেলিল। চারিদিকে কথা ছড়াইয়া পড়িল। মহারাজা ইহার ৭৮ বৎসর পূর্কেই দেহত্যাগ করিয়াছেন। মহারাজার শ্যালক (এবং শশুরও বটে, কারণ, শ্যালক-কণ্ঠাকে তিনি বৃদ্ধবয়সে বিবাহ করেন) পরাণ বাবু (পুরাতন সংবাদপত্রে প্রাণবাবু উল্লেখ আছে) লাঠীয়ালা লাগাইয়া সন্ন্যাসীকে দামোদর নদ পার করিয়া তাড়াইয়া দিলেন। মহারাজার মৃত্যুর পূর্কে মহারাজ তেজচন্দ্র পরাণবাবুর নাবালক পুত্রকে পোষাপুত্র গ্রহণ করিয়াছিলেন। পরাণবাবুই তাঁহার অভিভাবকরূপে কার্য চালাইতেছিলেন।

প্রতাপ বিষ্ণুপুরের রাজার নিকট চলিয়া গেলেন—তিনি প্রতাপকে চিনিয়া বিশেষ যত্ন করিয়া আশ্রয় দিলেন। সেখানে ৩ মাস রহিলেন। রাজা পরামর্শ দিলেন, বাঁকুড়ার ম্যাজিস্ট্রেটের সহিত সাক্ষাৎ করিয়া তাঁহার হুকুম লইয়া বর্দ্ধমানে বাওয়াই শ্রেয়ঃ। প্রতাপ সন্ন্যাসিবেশেই বাঁকুড়া গেলেন। ম্যাজিস্ট্রেটের ডাকবাংলোর কাছে একটি তৈতুলতলায় সাহেবের প্রতীক্ষায় বসিয়া রহিলেন। এই সময় বাঁকুড়ায় ভূগলী লোকের একটি বিদ্রোহ হয়। সেজ্ঞ কৌজও আসিয়াছিল। ইতিমধ্যে চারিদিকে বাট হইয়াছিল যে, বর্দ্ধমান-রাজকুমার প্রতাপ দেশে ফিরিয়াছেন—রাজা ক্ষেত্রনাথ সিংহ তাঁহাকে চিনিয়াছেন। সুতরাং চারিদিক হইতে ঐ সন্ন্যাসীকে দেখিবার জন্ত জনতা হইতে লাগিল। ম্যাজিস্ট্রেট ইলিয়েট বলিলেন, ঐ ফকিরই ‘আলেক সা’ বিদ্রোহী নেতা। কৌজের কর্তা লিটল সাহেব যুদ্ধে আসিলেন। সন্ন্যাসীকে গ্রেপ্তার করা হইল। বিচারের দরকার হইল না। প্রতাপকে জেলে দেওয়া হইল। লিটল সাহেবের বীরত্ব সংবাদপত্রে ঘোষিত হইল। এই ঘটনা ১৮৩৭ খৃষ্টাব্দে হয়। প্রতাপের দুর্ভাগ্যের এটি তৃতীয় পর্ব—প্রথম পর্ব সন্ন্যাসী হওয়া; দ্বিতীয় পর্ব বর্দ্ধমান হইতে তাড়িত হওয়া।

কয়েকমাস জেলে থাকিয়া মুক্তিলাভ করিয়া প্রতাপ কলিকাতায় গেলেন। সেখানে বন্ধুদের সহিত পরামর্শ করিয়া স্থির হইল, নৌকাযোগে কোন আড়ম্বর না করিয়া প্রতাপ বর্দ্ধমান বাইবেন। এই সময় ১৩ই ফেব্রুয়ারী ১৮৩৮ খৃষ্টাব্দে প্রতাপ ডেপুটী গভর্নর আলেকজান্ডার রস সাহেবকে এক দরখাস্ত করেন যে, বর্দ্ধমানে বাইলে যেন তাঁহাকে উপযুক্ত সাহায্য দেওয়া হয়,

যাহাতে তাঁহার কোন বিপদ বা প্রাণহানি না হয়। কিন্তু এই মার্চ গভর্ণমেন্টের সেক্রেটারী মিঃ ফ্রেড্রিক হ্যালিডে (পরে ছোটগাট হইয়াছিলেন) ঐ দরখাস্ত নামঞ্জুর করেন। তবুও প্রতাপ ভয়-মনোরথ না হইয়া বর্ধমান যাত্রা করিলেন। আড়ম্বর খুব কমই হইল। তবুও ৪০।৫০ খানি নৌকা এবং ২।৩ খানি বজরা লইয়া তিনি প্রথম কালনায় ১৩।৪।১৮৩৮ তারিখে পৌঁছিলেন। তাঁহার উকিল 'শ' সাহেব ও দিঙ্গুরের নবাববাবু (ক্রীনাথবাবু) স্থলপথে যাত্রা করিলেন। ইহা ২রা বৈশাখের ঘটনা। পরাণ বাবুও ঐ সংবাদ পাইয়াছিলেন। তিনি প্যারীলাল নামে জনৈক ক্ষত্রিয়কে কালনায় পাঠাইলেন। তাহার বন্দোবস্তে, প্রতাপ যখন কালনায় পৌঁছিলেন (৮ই বৈশাখ), তখন প্রতাপের লোকজনকে খাড়া করা বিক্রম করা হইল না। প্যারীলাল পুলিশকে হাত করিলেন এবং এক জন দেশী খুঁঠানকে হাত করিলেন। প্রতাপ যখন কালনায় অবতরণ করিয়া চারিদিকে ঘুরিতে লাগিলেন, তখন দারোগা মহিবুল্লা \* লোকজন লইয়া চলিলেন, হটো হটো শব্দে দিগন্ত কাঁপাইলেন। ম্যাজিষ্ট্রেট, পাদরী আলেকজান্ডার সাহেবকে ঐ বিষয় জানিবার জ্ঞপ্তি পত্র দিলেন এবং একটু নজর রাখিতে অনুরোধ করিলেন। পাদরী সাহেব তাঁহার জনৈক খুঁঠানকে ঐ বিষয়ের তদন্ত করিতে বলিলেন। ঐ খুঁঠান (যাহাকে প্যারীলাল হস্তগত করিয়াছিল) যাহা বলিল, পাদরী সাহেব তাহাই ম্যাজিষ্ট্রেট সাহেবকে জানাইলেন। তিনি রিপোর্ট দিলেন, প্রতাপ উন্মুক্ত অসি হস্তে ৫ এক শত অস্ত্রধারী, তাহার দিগন্ত লাঠিয়াল ও প্রায় ৪।৫ হাজার লোক লইয়া আইন-বিরুদ্ধ জনতার সৃষ্টি করিয়াছিল। কখন দারোগা মহিবুল্লা উহাদিগকে বাধা দিয়াছে! এই সময় উকিল 'শ' সাহেব ম্যাজিষ্ট্রেটকে প্রতাপ সম্বন্ধে জানাইবার জ্ঞপ্তি আনিয়া-ছিলেন। প্রতাপকে ও শ সাহেবকে গ্রেপ্তার করা হইল। শুধু তাহাই নহে, প্রায় ৩৪ শত অধিবাসীকেও ধরা হইল। তাহাদের মধ্যে বৃদ্ধা স্ত্রীলোকগণও বাদ পড়ে নাই। সকলেরই চালান হইল হুগলীতে। শ সাহেব, সাহেব বলিয়া অতি কষ্টে রেহাই পাইলেন। খবরের কাগজে উঠিল, কালনায় একটা মস্ত বিদ্রোহ হইয়াছিল—বিদ্রোহীরা গ্রেপ্তার হইয়াছে।

শ্রামুয়েল সাহেব হুগলীর ম্যাজিষ্ট্রেট—কিছুদিন পূর্বে বর্ধমানে ছিলেন। পরাণ বাবুর সহিত তাঁহার বিশেষ পরিচয় হইয়াছিল। প্রতাপ যখন প্রথম বর্ধমানে গিয়াছিলেন, শ্রামুয়েল সাহেব তখন বর্ধমানে ছিলেন। পরাণ বাবু তাঁহাকে বুঝাইয়াছিলেন, প্রতাপ এক জন জুয়াচোর। এখন প্রতাপকে হাতে পাইলেন। ইতিপূর্বে গোয়াড়ির শ্রামলাল ব্রহ্মচারীর পুত্র কৃষ্ণলাল নামে এক জন জুয়াচোর ৪।৫ বৎসর নিরুদ্ধ হইয়াছিল। এখন সেই ব্যক্তিই জালরাজা সাজিয়াছে, অতএব সনাক্তের জ্ঞান নদীয়ার ম্যাজিষ্ট্রেট হালকোট সাহেবকে পত্র দিলেন। হালকোট সাহেব লোক পাঠাইলেন, কিন্তু তাহার কৃষ্ণলাল বলিয়া সনাক্ত করিতে পারিল না। সুতরাং পুনরায় চিঠি গেল। এবার সরকারী কৰ্মচারীদিগকে পাঠান হইল।

\* Mohiboolah, the worthy Darogah of Culna, the constituted authority who can neither read nor write, nor walk nor run" (এত বড় কৰ্মঠ) "Petition to the Nizamut Audalot."

† প্রতাপ ক্ষত্রিয় রাজকুমার, মেজস্ত ভরবারি সঙ্গে থাকিত।

এই সময় কলিকাতা দ্বারিকানাথ ঠাকুরকে শ্রামুয়েল সাহেব এক পত্র দিলেন। \* তখনকার দিনে সাক্ষীর জবানবন্দী কাগজেও শুভান হইত না। অনেক সময় আসামীর অনুপস্থিতিতে সাক্ষী লওয়া হইত। জালরাজার বিরুদ্ধে সাক্ষীদের জবানবন্দী 'সমাচার দর্পণে' ছাপা হইত এবং গ্রামে গ্রামে পাঠান হইত; কিন্তু জালরাজার স্বপক্ষে সাক্ষীদের জবানবন্দী কোথাও পাঠান হইত না।

শ্রামুয়েল সাহেব ১লা সেপ্টেম্বর জালরাজার মোকদ্দমা আরম্ভ করেন। জালরাজাকে বলিলেন, "তুমি আপনার নাম গোপন করিয়া অসৎ অভিপ্রায়ে মহারাজাধিরাজ প্রতাপচন্দ্র নাম ব্যবহার করিয়াছ। সেই জ্ঞপ্তি তোমাকে আসামী করা হইয়াছে।" রাজা অবাক। ইহার কিছুদিন পূর্বে কালনায় তাঁহাকে প্রতাপচন্দ্র বলিয়া অজ্ঞান জনতার সৃষ্টি করা অপরাধে গ্রেপ্তার করা হইল আর এখন জালরাজা! ম্যাজিষ্ট্রেট সাহেব বলিলেন, অপরাধ গুরুতর,— জামিন দেওয়া হইবে না—চারি মাস হাজতে কাটিল। আরও আশ্চর্য্য এই যে, প্রতাপের নাম ব্যবহার করায় যাহাদের ক্ষতি হইবে, তাহারা কেহ নালিশ করিল না, পরাণ বাবু নালিশ করিলেন না, তবে গভর্ণমেন্টের এত কি গরজ, এই কথা লোকে বলিতে লাগিল।

তিন বিষয়ের সাক্ষ্য লওয়া হইয়াছিল। ১ম জালরাজার সনাক্ত সম্বন্ধে, ২য় প্রতাপের মৃত্যু সম্বন্ধে, ৩য় জালরাজা গোয়াড়ির কৃষ্ণলাল কি না? এই তিন চার্জ দিয়া দায়রা-সোপর্দ করা হইল। প্রতাপের সঙ্গে আরও কয়েক জনকে আসামী করিয়া গ্রেপ্তার করা হইল, যথা—রাধাকৃষ্ণ ঘোষাল (প্রতাপের মোক্তার), গাফেজ ফতেউল্লা, সাগরচন্দ্র ধর, কালীপ্রসাদ সিং, জমুন খাঁ ও রাজা নরহরিচন্দ্র। গভর্ণমেন্ট প্রায় ৬ মাস পূর্বে বিগনেল সাহেবকে ৫০০ টাকা বেতনে ডেপুটি লিগাল রিমেম্ব্রেনসার নিযুক্ত করিয়াছিলেন। হ্যালিডে সাহেব তাঁহাকে পাঠাইয়াছিলেন। মটন সাহেব ও শ সাহেব আসামীর পক্ষে ছিলেন। মটন সাহেব ম্যাজিষ্ট্রেটকে দরখাস্ত করিলেন যে, তিনি আসামীর পক্ষে থাকিবেন,

\* My dear Dwarkanath—I was disappointed at your non-arrival, as I think you could speak more decidedly than any of the other witnesses to the man's non-identity, but it is not of much consequence. I have no objection to make a bargain with you. I will let you off altogether, if you will procure me the names of half a dozen good respectable witnesses from Baranagore, who know him as Kristolal. I dare say you could do this through Kalinath Roy Choudhury, Mathuranath Mukerjee or any of your own servants. Let me know what you say to this. What scoundrel that Buddinath Roy is! If I had known his character, I would rather have gone without evidence altogether than have had his.

Remember I must have the evidence from Baranagore within a week or so. Persuade Mathooranath also to come. His hoormut and izzut shall be nereck soorut se vahal.

4th. Sept. 1838 Hooghly.

Yours truly

E. A. Samuells

তাহাকে তাঁহার আপত্তি আছে কি না? ম্যাজিষ্ট্রেট সাহেব বিগনেল সাহেবকে জিজ্ঞাসা করিলেন। বিগনেল সাহেব বলিলেন, গবর্ণমেন্ট সেরূপ কোন আপত্তি করিতে নিষেধ করিয়াছেন। মটনের দরখাস্ত মঞ্জুর হইল। আদালতে চিনারি (এক জন ফরাসী চিত্রকর প্রতাপের চেহারা অঙ্কিত করিয়াছিল) অঙ্কিত প্রতাপের ছবি আনা হইল।

প্রথমে গবর্ণমেন্ট তাঁহাদের লোকদের সাক্ষী পাঠাইলেন। সেক্রেটারী প্রিন্সেপ, দেওয়ানীর জজ হাচিসন, বোর্ডের মেম্বর প্যাটেল ঐরাবতী জাহাজে চড়িয়া হুগলী আসিলেন। দ্বারিকানাথ ঠাকুর নিজের ষ্টীমারে হুগলী আসিলেন।

সনাক্ত :—গবর্ণমেন্ট সাক্ষী C. T. Trower বলিলেন, অপর ঘরে যে ছবি আছে, তাহা দেখিবামাত্র প্রতাপকে মনে পড়ে; কিন্তু এ আসামী প্রতাপ নহে। প্রতাপের চক্ষু কটা ছিল, এই ব্যক্তির চক্ষু স্নান।...কিন্তু ডাক্তার হ্যালিডে (তখন তিনি কাশীতে ছিলেন) বলিয়াছিলেন, এই আসামীই প্রতাপচাঁদ। দায়রায় বলিলেন, এই আসামী কখনই প্রতাপ নহে।

প্রিন্সেপ সাহেব (গবর্ণমেন্টের সেক্রেটারী) বলিলেন, প্রতাপ বেঁটে ছিলেন, এ লোকটা লম্বা। দায়রায় বলিলেন যে, জেনারল আর্লার্ড (বর্জিসিং সিংহের সেনাপতি) ফ্রান্স হইতে ফিরিয়া আসিলে পর আমার এক দিন বলিয়াছিলেন, লাহোরের নিকট আসামীর সঙ্গে অনেক দিন তাঁহার সাক্ষাৎ হইয়াছিল, আসামী তখন ফকিরের বেশে বেড়াইতেন।

প্যাটেল সাহেব (James Patel বোর্ডের মেম্বর) বলিলেন, “এই ছবির সহিত আসামীর কোন সাদৃশ্য নাই।”

বিচার সাহেব (John Beecher) বলিলেন, “মাথিয়া দেখিলাম, ছবির প্রতাপ আর আসামী প্রতাপ একইরূপ লম্বা। দায়রায় এই সাক্ষীকে সাক্ষী দেওয়া হয় নাই।

ওভারবেক (D. A. Overbeck) সাহেব ওলন্দাজগভর্ণর প্রতাপের ছবি দেখিয়া বলিলেন, “এখন আমি আসামীকে চিনিলাম, —ইনি আমার পূর্বপরিচিত ছোট রাজা... তাঁহার দক্ষিণ চক্ষুর বামভাগে মেহগিরডের একটি ক্ষুদ্র দাগ ছিল। তিনি উর্দুে চাহিলে সেটি দেখা যাইত। এই আসামীর ঠিক সেইখানে সেই দাগ আছে।...।

দ্বারিকানাথ ঠাকুর বলিলেন, “প্রতাপচাঁদের সহিত আমার বড় বন্ধুত্ব ছিল... প্রতাপের ছবি আদালতে দেখিলাম, তাহার সঙ্গে এই আসামীর সাদৃশ্য আছে। আমি ঠিক বলিতে পারি না, এই আসামী প্রতাপচাঁদ কি না, তবে আমার বোধ হয়, ইনি প্রতাপচাঁদ নহেন।

রাজা বৈষ্ণনাথ বলিলেন, ইহাকে প্রতাপ মনে করিয়াছি, টাকা কর্ত্ত দিয়াছি। ডাঃ হ্যালিডে জেনারল আর্লার্ড এইরূপই বলিয়াছিলেন—এই সেই প্রতাপচাঁদ।

গোপীমোহন দেব বলিলেন, “এ ব্যক্তি নিশ্চয়ই প্রতাপচাঁদ।” পরাণ বাবুর সকল সাক্ষীই বলিল—এ প্রতাপচাঁদ নহে।

সনাক্ত সন্থকে আসামী প্রতাপচাঁদের সাক্ষী :—

ডাক্তার স্কট (Robert Scott 37th Madras Native Infantry) বলিলেন, “আমি ১৮১০ খৃষ্টাব্দ হইতে ১৮১৭ খৃষ্টাব্দ পর্যন্ত বর্ধমানের ছিলাম।... প্রতাপের সমস্ত লক্ষণ দেখিয়া বলিতেছি, এই সেই প্রতাপচাঁদ।

রিডলি (John Ridley), বিবি হারিয়েট, সফিয়াফ্রেন, ফ্রান্সুয়া সুলিমান (ফরাসী), হাজী আবু তালেব, আমীর উদ্দীন, আগা আব্বাস, ডেভিড হেয়ার, রাজা ক্ষেত্রমোহন সিংহ (বীরভূমের রাজা) সকলেই বলিলেন—এই সেই প্রতাপচাঁদ।

পরাণ বাবুর লোকেরা প্রতাপের মৃত্যুর তারিখ পর্যন্ত বলিয়া ছিল, কিন্তু তাহার বারো বৎসর পরে মহারাজা তেজচন্দ্রের মৃত্যুর খবর বলিতে পারে নাই। প্রতাপ সে মৃত্যুর ভাণ করিতে পারিতেন তাহা অনেক বড় বড় ডাক্তার বলিয়াছিলেন। প্রতাপ বলিলেন, তিনি মৃত্যুর ভাণ করিয়া পলাইয়াছিলেন। ম্যাজিষ্ট্রেট সাহেব তাহা বিশ্বাস করিলেন না। এই মোকদ্দমা যখন চলিতেছিল, তখন “হরকরা” কাগজে লেখে—“Some curious evidence transpired concerning the portrait that novel mute witness—the prosecution certainly seen to have unwittingly subpraonaed in this portrait a rather hostile witness...Long odds in favor in the Raja and no takers. Prawn Babu is quite a Dark horse however; and may prove a winner. পরাণ বাবুর সাক্ষীদের কথায় ম্যাজিষ্ট্রেট সাহেব বিশ্বাস করিয়া বলিলেন, ‘The proof here is of the strongest description of the witnesses. নিজামত আদালতে প্রতাপ জামিন দিয়া খালাস চাহিলেন, সে হুকুমও হইল, কিন্তু কাটিস সাহেব নিজামতের হুকুম শুনিলেন না। বাহারা জাল রাজার সঙ্গে জেলে গিয়াছিল, তাহাদের ৭ মাস পরে ছাড়িয়া দেওয়া হইল।

মোকদ্দমার রায় :—এই সময় হুগলীর জজ সাহেব জাল রাজার সম্বন্ধে যে এস্তেমেজাজ করিয়াছিলেন, তাহা নিজামত আদালতে পেশ করা হইল। জজরা বড় বিপদে পড়িলেন; ভাবিলেন, আসামীকে কি করিয়া সাজা দেওয়া যায়? শেষ কাজী সাহেব রক্ষা করিলেন। তিনি বলিলেন যে, আশ্ব-উপকারের নিমিত্ত যদি কেহ অস্ত্রের নাম ব্যবহার করে, তাহা হইলে মহম্মদী ব্যবস্থানুসারে সে ব্যক্তি অপরাধী। জজরা দীর্ঘনিশ্বাস ফেলিয়া বাঁচিলেন—হুকুম দিলেন যে, মৃত মহারাজাধিরাজ প্রতাপচাঁদ বাহাদুরের নাম ব্যবহার করার নিমিত্ত আসামী আলেকশা ওরফে প্রতাপচাঁদ ওরফে কৃষ্ণলাল লক্ষচারীর এক হাজার টাকা জরিমানা করা গেল এবং অনাদায়ে ছয় মাস কারাবাস হইবে। আরও প্রকাশ থাকে যে, অজ্ঞাত চার্জ হইতে তাহাকে মুক্তি দেওয়া গেল। এই রায়ের উপর প্রতাপ দরখাস্ত করিলেন, নিজামত আদালত উহা অগ্রাহ করিলেন। নিজামত আদালত হুকুম দিলেন, মোকদ্দমা নিষ্পত্তি হইয়া গিয়াছে এক্ষণে আর এ সম্বন্ধে কোন কথা শুনা যাইবে না। দরখাস্তকারী ভবিষ্যতে প্রতাপচাঁদ বলিয়া দরখাস্ত করিলে তাহা আর গ্রহণ করা হইবে না। কেন না, বিচারে নিষ্পত্তি হইয়া গিয়াছে যে, দরখাস্তকারী প্রতাপচাঁদ নহে। এই হুকুমই প্রতাপের সর্বনাশের মূল। প্রতাপের সকল পথ বন্ধ হইল। প্রতাপ যে ফকির, সেই ফকিরই হইলেন। প্রতাপের মোকদ্দমা শেষ হয় ১৮৩৮ খৃষ্টাব্দের ২০শে সেপ্টেম্বর।

শেষ ঘটনিকা :—প্রতাপ কিছুদিন কলিকাতার চাপাতলায় ছিলেন। তাহার পর কলুটোলার গোবিন্দ প্রামাণিকের বাটতে



২৩ মাস ছিলেন। গোবিন্দ প্রতাপের জন্ম সর্বদ্য বায় করিয়া-  
ছিলেন। পরে কিছুদিন শ্যামপুকুরে ছিলেন। ঐ সময় লাহোরে  
লড়াই বাধে। গভর্নমেন্ট প্রতাপের উপর তীক্ষ্ণদৃষ্টি রাখিতে  
লাগিলেন। তিনি অগত্যা ফরাসী চন্দননগরের বোড়াই চণ্ডীতলায়  
আসিয়া বাস করিলেন। তাহার পর তিনি শ্রীরামপুরে আসেন।  
তখন শ্রীরামপুর দিনেমারদের অধিকারে। এখানে ৬৭ বৎসর  
ছিলেন। এই সময় তিনি ঠাকুর সাজিয়া সমস্ত দিন আরাধনা  
ধাকিতেন। বেণ্ডারা পঞ্চপ্রদীপ লইয়া তাঁহাকে সন্ধ্যার সময়  
আরত্বিক করিত। প্রতাপ বিশিষ্ট বুদ্ধিমান, শাস্ত্রজ্ঞ ও রাজনীতিক  
ছিলেন। তিনি ফরাসী ও রুস রাজনীতি সকলকে বুঝাইতেন।  
বেদান্ত লইয়া পণ্ডিতদিগের সহিত আলোচনা ও মীমাংসা  
করিতেন। লোকের ধারণা হইয়াছিল, তিনি সাক্ষাৎ দেবতা। এই  
সময় তাঁহার অনেক মন্ত্র-শিষ্যও হইয়াছিল। তিনিই বর্তমান  
“ঘোষণাভার দলের” সৃষ্টিকর্তা। মৃত্যুর আট মাস পূর্বে বরাহনগরে  
আসিয়া বাস করেন। ১৮৫২ কিংবা ১৮৫৩ খৃষ্টাব্দে \* ময়ূরভাঙ্গার  
পল্লীতে দুই তিনটি লোক-পরিবেষ্টিত হইয়া তাঁহার প্রাক্তন  
কর্মফল শেষ হয়। তাঁহার শবধাত্মার সময় চোখের জল ফেলিবার  
কেহ ছিল না। তাই বলি, হে পুরুষকার, তুমি কিছুই নহ।  
তোমায় আশ্রয় করিয়া মানুষ ক্ষত্রবিস্তৃত হইয়া থাকে, শেষ মনস্তাপ  
ভোগ করিয়া ইহলীলা সম্বরণ করে! তাই বলি “বিদিতঃ বলবান্  
ইতি মে মতিঃ!”

### পুরাতন সংবাদপত্রে প্রতাপের কথা

“জেনারেল আর্লাড ও বর্ধমানের রাজা”

“জ্ঞানাবেষণ প্রকাশিত এক পত্রে লেখে যে শ্রীযুত জেনারেল  
আর্লাড সাহেব ক ভগলীক কারাগারে যাইয়া রাজা যিনি  
কারাগারে বন্দ আছেন, তাঁহাকে সম্পূর্ণরূপে চিনিলেন; অনুমান  
তিন ঘণ্টা বেলার সময়ে শ্রীযুত সৈন্যাধিপতি তত্রস্থ কয়েক জন  
সাহেবের সমভিব্যাহারে কারাগারে প্রবেশ করিবারে রাজা তৎক্ষণাৎ  
তাঁহাকে চিনিয়া সমাদর পূর্বক চৌকিতে বসাইলেন, পরে অনেক  
কথোপকথন হইল, তাহাতে শ্রীযুত কহিলেন যে, তোমার দুর্ভাগ্য  
দেখিয়া অত্যন্ত দুঃখিত হইলাম এবং সাধ্যমত যদি কোন সাহায্য  
করিতে পারি, তবে করিব। অনন্তর বেলা ৪।০টার সময়ে শ্রীযুত  
প্রস্থান করিলেন। ১১২১ সংখ্যা কলাম ১৯, ৭ই জানুয়ারী  
১৮৩৭ খৃষ্টাব্দ “সমাচার দর্পণ” হইতে উদ্ধৃত।

“শ্রীযুত জ্ঞানাবেষণ-সম্পাদক মহাশয়েষু”

“শ্রীযুত জেনারেল আর্লাড সাহেব যে ভগলীর কারাগারে শ্রীযুত  
মহারাজ প্রতাপচন্দ্রের সহিত সাক্ষাৎ করিতে গিয়াছিলেন, আপনি  
এই সংবাদ প্রকাশ করিয়াছেন; কিন্তু তাহার বিস্তারিত বিবরণ  
প্রকাশ হয় নাই, অতএব আমি বিশেষ করিয়া লিখিতেছি  
অনুগ্রহ পূর্বক জ্ঞানাবেষণে অর্পণ করিবেন।

ঐ শ্রীযুত জেনারেল সাহেব কলিকাতাতে আসিয়া প্রথমে  
শ্রীযুত মহারাজের উকীলের বাসাতে লোক প্রেরণ করেন, তাহাতে

উকীলবাবু শ্রীযুত রাধাকৃষ্ণ ঘোষাল সাহেবের গবে গিয়া সাক্ষাৎ  
করিবারে সাহেব রাজার সমাচার জিজ্ঞাসা করিয়া কহিলেন, তুমি  
সন্ন্যাসীর নিকট গিয়া আমার সংবাদ জ্ঞাপন কর এবং তিনি যদি  
পত্র লেখেন তবে আমি তাঁহার সঙ্গে সাক্ষাৎ করিতে যাইব।  
পরে শ্রীযুত রাধাকৃষ্ণ ঘোষাল ৬ই পৌষ ভগলীতে গিয়া শ্রীযুত  
মহারাজকে সংবাদ কহিবারে শ্রীযুত মহারাজ তৎক্ষণাৎ সাহেবকে  
পত্র লেখেন, তাহারই পরে সাহেব হুগলীতে গমন করেন।

শ্রীযুত জেনারেল সাহেব হুগলীতে উত্তীর্ণ হইলে পর শ্রীযুত  
মহারাজ সাহেবকে সমাদর পূর্বক গ্রহণার্থ রাধাকৃষ্ণ ঘোষালকে  
অথৈ পাঠাইয়া দিলেন এবং শ্রীযুত সাহেব কারাগারের মধ্যে  
প্রবিষ্ট হইলে রাজা আপন বাসগৃহের বাহিরে আসিয়া সাহেবকে  
গ্রহণ করেন। প্রথম সাক্ষাতে সাহেব রাজাকে অগ্রে সেলাম  
করিলেন, পরে মহারাজ শ্রীযুতের হস্তধারণ পূর্বক বক্ষঃস্থলে  
রাখিয়া আলিঙ্গন পূর্বক শিষ্টাচার করত গৃহের মধ্যে প্রবিষ্ট  
হইয়া বসিলেন, পরে সাহেব জিজ্ঞাসা করিলেন, আপনকার একপ  
দৃশ্য কেন হইল? তাহাতে রাজা কহিলেন, “আমার অসৌভাগ্যের  
কথা কেন জিজ্ঞাসা করেন? পাঞ্জাব হইতে আসিয়া কতক  
লোক সহিত আপন বাটীতে যাইতেছিলাম, এষ্ট অপরাধে  
বাকুড়ার ম্যাজিষ্ট্রেট সাহেব সঙ্গী লোকদিগের সহিত আমাকে  
কয়েদ করেন এবং সেইখানে ছয় সাত মাস কারাভোগ করিয়া  
দোষী লোকের ন্যায় মৃত হইয়া ভগলীতে আসিয়াছিলাম,  
তাহাতে ভরসা ছিল, ভগলীতে আসিয়া পালান পাইব; কিন্তু  
গ্রহণার্থে প্রযুক্ত এখানেও ছয় মাসের মিয়াদে কয়েদ হইয়াছি।”

শ্রীযুত রাজার ঐ সকল কাহিনীকল্পিত শ্রবণে শ্রীযুত জেনারেল  
আর্লাড সাহেব যে পর্যন্ত পদ প্রকাশ করিলেন, আমি তাহা  
এ স্থলে বিস্তারিত করিয়া লিখিতে পারিলাম না। কিন্তু তিনি ঐ  
দিবস সন্ধ্যার কিঞ্চিৎ পূর্বে যখন প্রত্যাগমন করেন, তখন শ্রীযুত  
রাজার হাত ধরিয়া কহিলেন, “আমি আপনার নিমিত্ত সাধানুসারে  
চেষ্টা করিব এবং শ্রীযুত মহারাজ রণজিৎ সিংহের নিকট যে পত্রাদি  
লিখিত হইবে, তাহা প্রস্তুত করিয়া রাখিবেন, আমি আরও এক  
দিবস আসিয়া তাহা লইয়া যাইব।” সম্পাদক মহাশয়, ঐ দিবস  
শ্রীযুত জেনারেল সাহেব কারাগারে প্রবিষ্ট হইবার পূর্বাধিক  
কারাগারের চতুর্দিকে ন্যূনাধিক তিন সহস্র লোক দণ্ডায়মান হইয়া-  
ছিলেন এবং কারাগারের বাহিরে আসিবামাত্র ঐ লোকসমূহ  
সাহেবকে বলিতে লাগিলেন, আমরা ভাবিয়াছিলাম, আপনি  
শ্রীযুত মহারাজকে খালাস করিতে আসিয়াছিলেন, কিন্তু তাহা  
না করিয়া মহাশয় চলিলেন। অতএব আমরা নিরাশ হইয়া  
মহাশয়কে অনুরোধ করিতেছি, যাহাতে রাজা খালাস হইয়া  
সিংহাসন প্রাপ্ত হইতে পারেন, আপনি অবশ্য তাহার চেষ্টা করেন।  
...শ্রীযুত মহারাজ প্রতাপচন্দ্র এইক্ষণে বলিতেছেন, তিনি  
পঞ্জাবে থাকিতে শ্রীযুত শীকরাজ বর্ধমানের বৃদ্ধ মহারাজকে  
যুবরাজের বিষয়ে এক পত্র লিখিয়াছিলেন, তাহাতে বৃদ্ধ  
মহারাজ উত্তর লিখিয়া পঞ্জাব হইতে লালকবুতর আনিবার  
জন্ম রণজিৎ সিংহের নিকট তিন জন আর্দালী পাঠাইয়া দেন।  
সেই সময়ে বধূবাণীদিগের সহিত বিবাদ উপস্থিত হইয়াছিল,  
তাহার পরে শীকরাজা লালকবুতর শব্দের সঙ্কেতার্থ বুঝিয়া  
শ্রীযুত যুবরাজের বিশেষ সমাচার লিখিয়া ঐ তিন আর্দালীকে

\* জাল প্রতাপচাঁদে ঐ সাল লেখা আছে। কিন্তু Hooghly  
Past and Present এ ১৮৫১ সাল লেখা আছে।

† মহারাজ পঞ্জাবকেশরী রণজিৎসিংহের প্রধান সেনাপতি—  
ইনি ফরাসী ছিলেন।



বন্ধমান পাঠাইয়া দেন এবং ঐ পত্র আসিবামাত্রই বৃদ্ধ মহারাজ বধূবাণীদিগের সহিত আপস করেন এবং বধূবাণীরাও সেই পত্রের মর্মার্থ শুনিয়া মুশহুরা পাইয়া চূপ করিয়াছিলেন, পরে বৃদ্ধ মহারাজ ঐ পত্র কোন গোপন স্থানে রাখিয়া যান ; কিন্তু লোকেরা এই সকল গোপন বিষয় জানে না। শ্রীযুত যুবরাজ কহেন, ঐ পত্র তাঁহার হস্তে আসিয়াছে, যদি গবর্ণমেন্ট তাঁহার পক্ষে সুবিচার করেন, তবে ঐ পত্র এবং আরও অনেক দলিল গবর্ণমেন্টকে দেখাইবেন, আর যদি তাহা না করেন, তবে ফকির ভাবেই থাকিয়া দেখিবেন।

এইক্ষেণে কতিপয় পুরাতন আমলা আসিয়া যুবরাজের শরণাগত হইয়াছেন এবং বৃদ্ধ মহারাজ শীকরাজার নিকট যে তিন জন আদালী পাঠাইয়াছিলেন, তাহারাও বর্তমান আছে। অতএব যদি গবর্ণমেন্ট সাক্ষ্যে অপেক্ষা করেন, তবে শ্রীযুত রাজার পক্ষে সাক্ষী অনেক পাইবেন এবং পূর্বে সন্দেহ ছিল, ছয় মাস কয়েক উত্তীর্ণ হইলেও শ্রীযুক্ত প্রতাপচন্দ্র জামিন দিতে পারিবেন না। অতএব পুনরায় কয়েক থাকিতে হইবেক, কিন্তু এইক্ষেণে সে সন্দেহ দূর হইয়াছে, অনেক ভদ্র ভাগ্যধর লোক জামীন হইতে প্রস্তুত আছেন, আর এক মাস পরেই তাঁহার ব্যক্তি হইবেন, বিশেষতঃ শ্রীযুত জেনরল আর্লার্ড সাহেবের সুযোগে অনেক ইচ্ছাবেজাও পক্ষ হইয়াছেন।—জ্ঞানাবেষণ ; ১১২২ সংখ্যা কলাম ১৯১৪ ডায়েরি ১৮৩৭ সাল “সমাচার দর্পণ”।

শ্রীউপেন্দ্রনাথ বন্দ্যোপাধ্যায় (স্বোত্তীর্ণ)

## সিংহলে সংস্কৃত-চর্চা

কোন যুগে কি ভাবে ভারতের দেবভাষা সংস্কৃত সমুদ্র পার হইয়া স্বদূর সিংহলে আপনার গৌরবের আসনে অধিষ্ঠিত হইয়াছে, তাহার ইতিহাস নাই। রামের সিংহলবাস্তার সাক্ষী রামায়ণ, বিজয়সিংহের মহাবংশ, কিন্তু দেবভাষার অল্প সাক্ষী নাই, সে নিজেই কালের আবর্তন উপেক্ষা করিয়া নিজের সাক্ষ্য বহন করিতেছে। মুখর মহাবংশ বিজয়সিংহের সিংহল-বিজয়ের পূর্বক্ষণ হইতে আরম্ভ করিয়া জয়সিংহের হাতে সিংহলের সৌভাগ্য-রবির অন্তর্গমন পর্য্যন্ত সিংহলের সমস্ত কথা কহিয়া গিয়াছে, কিন্তু দেবভাষার শুভ পদার্পণের দিনটা বলে নাই। তথাপি ইহা স্বীকার করিতেই হইবে, তাহার শুভ পদার্পণের তারিখ বিজয়সিংহের সিংহল বিজয়ের মতই প্রাচীন।

বাহাই হউক, সংস্কৃত সিংহলে পৌঁছিয়াই সিংহলবাসীর সমাদর পাইয়াছিল। রামের মত, কিংবা বিজয়সিংহের মত নিজের গৌরব প্রতিষ্ঠার জন্ত তাহার বল-প্রয়োগের দরকার হয় নাই। রাজা প্রজা সকলের কাছে সে সমান আদর পাইয়াছে। সেই সময়ে সংস্কৃতচর্চা রাজপরিবার ও ধনী সম্প্রদায়ের আভিজাত্যের বিশেষ একটি লক্ষণ ছিল। এমন কি, ভারতবর্ষ হইতে বহু বাঘে সংস্কৃতজ্ঞ ব্রাহ্মণ অধ্যাপনার জন্ত নীত হইতেন। ভারতবর্ষ হইতে নীত ব্রাহ্মণ-পণ্ডিতগণের নিকট রাজকুমার পণ্ডুভায় ও রাজকবি কুমারদাসের সংস্কৃত-শিক্ষা ইহার উজ্জ্বল দৃষ্টান্ত। পরবর্তী যুগে ব্রাহ্মণ-পণ্ডিতের নিকট সংস্কৃত শিক্ষা সিংহলবাসীদের গৌরবের বিষয় ছিল। তাঁহাদের সংস্কৃত-শিক্ষা শুধু বেদ-বেদান্তে

সীমাবদ্ধ ছিল না, আয়ুর্বেদ, ধনুর্বেদ প্রভৃতি নানা বিদ্যায় তাঁহারা পারদর্শিতা লাভ করিতেন। এই সব বিদ্যা আয়ত্ত না করিলে বিদ্বৎ-সমাজে কাহারও স্থান হইত না। কাষেই বাধ্য হইয়া উচ্চশিক্ষার্থীদিগকে সংস্কৃত শিখিতে হইত।

যে দিন সম্রাট অশোকের প্রচারে সিংহলে প্রথম বৌদ্ধধর্মের আলোক-সম্পাত হইয়াছিল, সে দিন সিংহলে নূতন যুগের সূচনা হইয়াছিল; সিংহলবাসীদের শিরায় শিরায় নূতন উজ্জ্বলতার ধারা বহিয়াছিল। সিংহলের বিদ্যার্থীগণ বেদ-বেদান্তের অধ্যয়ন ছাড়িয়া নূতন ধর্মের নূতন বার্তা জানিবার জন্ত পালিভাষা শিক্ষায় মনোযোগ দিয়াছিলেন। তাহাতে সংস্কৃতচর্চার পূর্ণ জোয়ারে ভাটা পড়িয়াছিল বটে, কিন্তু তাহার অস্তিত্ব লুপ্ত হয় নাই। আশ্চর্যের বিষয়, পরবর্তী সময়ে সেই সংস্কৃতচর্চা বৌদ্ধ মঠেই পুনরুজ্জীবিত হইল। অবহেলার পরিবর্তে তাহার সমাদর বাড়িল। সংস্কৃত ও পালি দুইটিই মঠসমূহে সমভাবে পঠিত হইতে লাগিল। পরস্পরের মধ্যে যে অকাট্য সম্বন্ধ রহিয়াছে, তাহা বৃদ্ধিতে বিলম্ব হইল না। একটিকে বাদ দিয়া অপরটির শিক্ষা যে অসমাপ্ত রহিয়া যায়, তাহা তাঁহারা মুক্তকণ্ঠে স্বীকার করিলেন। প্রাচীনদের পস্থা অবলম্বন করিয়া এখনও সিংহলের প্রত্যেক পরিবেশে বা প্রাচ্য বিদ্যালয়ে সংস্কৃত ভাষা পালির সহিত বিশেষ স্থান পাইয়াছে। প্রাচ্য বিদ্যালয়সমিতি নামে সিংহলে যেই গবর্ণমেন্ট পরীক্ষা-সমিতি বিদ্যমান আছে, তাহাতেও সংস্কৃত পরীক্ষার ব্যবস্থা রহিয়াছে।

এই অব্যাহত সংস্কৃতচর্চার ফলে বিভিন্ন সময়ে সিংহলের বিভিন্ন প্রদেশে বহু সিংহলবাসী সংস্কৃত-সাহিত্যে গভীর পাণ্ডিত্য অর্জন করিয়াছিলেন। তাঁহাদের মধ্যে কাশ্যপ, অনবমদশী, বজ্জী জ্ঞানাচার্য, সুবপদ, ধর্মকীর্তিপদ, মোদগল্লায়ন, শারীপুত্র, পরাক্রমবাহু, বনবহু, ধর্মকীর্তি, রত্নল প্রভৃতি পণ্ডিতগণের নাম উল্লেখযোগ্য। উনবিংশ শতাব্দীতে যঁাহারা সংস্কৃত-সাহিত্যে গভীর জ্ঞানব পশ্চিম দিয়াছিলেন, তাঁহাদের মধ্যে শ্রীশ্রমজল, ধর্মারাম, বটুবনতুভাবে প্রভৃতির নাম বিশেষ উল্লেখযোগ্য। সিংহলের আধুনিক সংস্কৃত পণ্ডিতদের মধ্যে বাগীশ্বর, বজ্জজ্ঞান প্রভৃতি কয়েক জন সমধিক প্রসিদ্ধ।

সিংহলবাসীরা শুধু সংস্কৃত-ভাষায় ব্যুৎপত্তিলাভ করিয়া ক্ষান্ত হন নাই, সংস্কৃত-সাহিত্যে তাঁহারা যথেষ্ট দান করিয়া গিয়াছেন। তাহাতে সংস্কৃত-সাহিত্যের গৌরব বৃদ্ধি হইয়াছে সন্দেহ নাই। তাঁহাদের রচনাগুলির নাম রচয়িতার নামের সহিত নিম্নে উদ্ধৃত করিলাম :—

চন্দ্রপক্ষিকা—রত্নশ্রীজ্ঞানাচার্য

বাল্যবোধন—কাশ্যপ স্ববির


দৈবজ্ঞ কামধেনু—অনবমদশী

জ্ঞানকীর্তন—কুমারদাস

এতদ্ব্যতীত সিংহলে নামাষ্টশতক প্রভৃতি আরও অনেকগুলি সংস্কৃত কাব্য রচিত হইয়াছিল। তাহাদের মাত্র কয়েকটি অবশিষ্ট আছে। অল্পাঙ্গ কাব্যগুলি কোথায় কি ভাবে নষ্ট হইয়াছে, তাহা বলা কঠিন।

বলা বাহুল্য, সংস্কৃতচর্চার ফলে সিংহলী সাহিত্যে সংস্কৃত-প্রভাব অত্যন্ত অধিক।

শ্রীশ্রীলানন্দ সূত্রবিহার্য।



## রাখে কৃষ্ণ মারে কে ?

( জার্মান যুদ্ধসংক্রান্ত কাহিনী )

( প্রথম ঘটনা )

যুরোপীয় মহাযুদ্ধের সমসাময়িক ঘটনা। গ্রেট ব্রিটেন বিপন্ন। ইংলণ্ড হঠাৎ আমেরিকায় 'স্পেশাল মিশন' পাঠাইবার প্রয়োজন অনুভূত হইয়াছে। মন্ত্রণা-সভায় স্থির হইল, মিঃ আর্থার বেলফোর এই মিশনের কর্তৃত্ব-ভার গ্রহণ করিবেন। মিঃ বেলফোর জার্মান যুদ্ধের পর আল' অফ' বেলফোর গেভারলাভ করিয়া ব্রিটিশ মহামন্ত্রীর পদে প্রতিষ্ঠিত হইয়াছিলেন। শত্রুপক্ষের যড়যন্ত্রে পুনঃপুনঃ তাঁহার জীবন বিপন্ন হইয়াছিল; কিন্তু প্রত্যেকবারই দৈবানুগ্রহে তাঁহার প্রাণরক্ষা হইয়াছিল। এই জন্ত তিনি 'পঞ্চপ্রাণের অধিকারী' (the premier with five lives) বলিয়া খ্যাতি লাভ করিয়াছিলেন! শত্রুপক্ষের যড়যন্ত্রে মিঃ বেলফোরের জীবন বিপন্ন না হয়, এজ্ঞ স্কটল্যান্ড ইয়ার্ডের বহুদর্শী ও চতুর ডিটেক্টিভ মিঃ হারল্ড ব্রেষ্টকে তাঁহার দেহরক্ষী নিযুক্ত করা হইয়াছিল। ডিটেক্টিভ ইন্স্পেক্টর ব্রেষ্ট মিঃ

বেলফোরের দেহরক্ষী হইয়া লণ্ডন হইতে উক্ত স্পেশাল মিশনের সহিত নিউইয়র্কে বাত্মা করিয়া-ছিলেন। তাঁহার সতর্ক-তায় একাধিকবার মিঃ বেলফোর আততায়ীর যড়যন্ত্র হইতে উদ্ধার লাভ করিয়াছিলেন। মিঃ ব্রেষ্ট কিছুদিন পূর্বে স্কটল্যান্ড ইয়ার্ডের কার্যভার ত্যাগ করিয়া অবসর গ্রহণ করিয়াছেন। তাঁহার সতর্কতায় ও কার্যতৎপরতায় মিঃ বেলফোর স্বদেশে এবং দেশান্তরে শত্রুপক্ষের গুপ্তচরদের যড়যন্ত্রের প্রভাব কি ভাবে অতিক্রম করিতে সমর্থ হইয়াছিলেন, সেই সকল কৌতুকবহু বিবরণ যে-



মঃ হারল্ড ব্রেষ্ট

কোনও ডিটেক্টিভ উপস্থানের ঘটনা-বৈচিত্র্যপূর্ণকাহিনী অপেক্ষা অল্প লোমাঞ্চকর নহে। মিঃ ব্রেষ্ট রাজকার্য হইতে অবসর গ্রহণের পর সংপ্রতি লণ্ডনের কোন পত্রিকায় তাহা লিপি-বদ্ধ করিয়াছেন। তাঁহার বর্ণিত বিবরণের কিয়দংশ নিয়ে প্রকাশিত হইল। মিঃ ব্রেষ্ট বলিয়াছেন, ইহার এক বর্ণও অতি-বঞ্জিত নহে!

"সমরবিভাগের মন্ত্রণা-সভার (British War Cabinet.) 'মিটিং' শেষ হইল। ইংলণ্ডের সর্বপ্রধান ব্যক্তির একটি সঙ্কীর্ণ দ্বারপথে ভীড় জমাটয়া লণ্ডনের ডাউনিং স্ট্রীটে বাহির হইয়া পড়িলেন।

আমি সেই গুপ্ত-সভার কোন সদস্যের দেহরক্ষার ভার পাইয়াছিলাম; তাঁহাকে নিরাপদে গৃহে ফিরিতে দেখিয়া নিশ্চিন্ত হইলাম।

কি বিপদেই দিনের পর দিন অতিবাহিত হইতেছিল! জাতীয় নেতৃবৃন্দের ভাগ্যাকাশ তখন ঘনঘটাচ্ছন্ন! আমরা স্কটল্যান্ডে ইয়ার্ডের 'স্পেশাল ব্র্যাঙ্কের' যে সকল কর্মচারী তাঁহাদের জীবন-রক্ষার ভার পাইয়াছিলাম, সেই দায়িত্ব যে কিরূপ দুর্ব্বল, তাহা হৃদয়ঙ্গম করিয়া উৎকণ্ঠাকুলচিত্তে কালাতিপাত করিতেছিলাম, তাঁহাদের জীবন আমাদের হস্তে অর্পিত হইয়াছিল। শতচক্ষু হইয়া প্রতি মুহূর্ত্তে আমাদের গায়ে ডিটেক্টিভের কর্তব্য পালন করিতে হইতেছিল। স্পেশাল ব্র্যাঙ্কের কোনও কর্মচারী কোন দিন প্রভাতে অনুমান করিতে পারিত না—তাঁহার টুপি সেই দিন রাত্রিতে কোথায় গিয়া বিশ্রাম লাভ করিবে।

এই জন্তই এক দিন 'ইয়ার্ডে' আমার কাণের রিপোর্ট দাখিল করিতে গিয়া, আমাদের বড় কর্তার আদেশ শুনিয়া বিস্মিত হইলাম না। বড় কর্তা বলিলেন, 'একটা ব্যাগে জিনিষপত্র গুছাইয়া লইয়া, লম্বা পাড়ি দেওয়ার জন্ত প্রস্তুত হও! স্পেশাল মিশন। গন্তব্যস্থান গোপনীয়।'

আমি বাতাসে মাথা ঠুকিয়া বলিলাম, 'তা বটে; কিন্তু কোথায় বাইতেছি মহাশয়?'

'মিঃ বেলফোরের সঙ্গে—আমেরিকায়!'

আমার চক্ষু কপালে উঠিল। মিঃ বেলফোর তখন পররাষ্ট্র-সচিব।

বড় কর্তা বলিলেন, 'আতসবাজীর দিকে লক্ষ্য রাখিও। তোমার ভাগ্য প্রসন্ন হউক।'

ইউষ্টন স্টেশনে উপস্থিত হইয়া আমার কর্তব্যভার গ্রহণের ব্যবস্থা করিলাম। পররাষ্ট্রসচিব এবং স্পেশাল মিশনের অন্তান্ত সদস্য সেখানে উপস্থিত হইবার অনেকখানি আগেই আমি সেখানে হাজির ছিলাম। মহাযুদ্ধে আমেরিকার যোগদান, এই স্পেশাল মিশনের তৎপরতার উপর নির্ভর করিতেছিল। তাঁহাদের আমেরিকাযাত্রার যে গোপন আয়োজন হইয়াছিল, তাহা একটি সঙ্কীর্ণ চক্রের বহির্ভূত কোনও ব্যক্তি জানিতে পারে নাই। কিন্তু জার্মান গুপ্তচর বিভাগের কার্য-প্রণালীতে কিরূপ দক্ষতার পরিচয় পাওয়া বাইত, তাহার একটি উজ্জল দৃষ্টান্ত আমার নয়ন-সমক্ষে উদ্ভাসিত হইল। স্পেশাল মিশনের ট্রেন যে প্লাটফর্ম

হইতে যাত্রা করিবে, সেই প্ল্যাটফর্মে সহসা একটি স্তবেশধারিণী পরমাসুন্দরী, দীর্ঘাঙ্গী নারীকে পাদচারণ করিতে দেখিয়া আমার চক্ষুকে বিশ্বাস করিতে প্রবৃত্তি হইল না। আমি তাকে চিনিলাম; সে যে আমার সেই পরিচিতা রমণী, এ বিষয়ে সন্দেহের অবকাশমাত্র ছিল না। আমি জানিতাম, তাহার জায় ভীষণ প্রকৃতি দুর্দমনীয়া নারী আমি অজ্ঞই দেখিয়াছি।

তথাপি আমি নিঃসন্দেহ হইবার জন্ত তাহার মুখের দিকে চাহিয়া রহিলাম; তাহার পর দ্রুতপদে তাহার দিকে অগ্রসর হইয়া তাহাকে বলিলাম, “শোন, মিস্ ইউলেনবার্গ, এখানে তুমি কেন আসিয়াছ?”

আমার প্রশ্নে সে হঠাৎ চমকিয়া উঠিল; কিন্তু তৎক্ষণাৎ সামলাইয়া লইয়া অত্যন্ত সহজস্বরে বলিল, ‘তুমি আমাকে চিনিতে ভুল করিয়াছ। আমি মিসেস্ মেনওয়ারিং।’

মোটর-গাড়ীগুলি তখন ষ্টেশনে প্রবেশ করিতেছিল, তাহাদের ঘস্-ঘস্ শব্দ আমার কর্ণগোচর হইল। মুহূর্ত্ত পরে প্রথম গাড়ী ষ্টেশনে প্রবেশ করিলে তাহা ডিটেক্টিভবর্গে পূর্ণ দেখিলাম। বুলিঙ্গাম, মিঃ বেল্ফোর যে-কোন মুহূর্ত্তে সেখানে আসিতে পারেন, তখন আর আমার গয়ংগচ্ছ করিবার সময় ছিল না। (No time to take chances.)

আমি এক জন সহকর্মীকে আহ্বান করিয়া সেই যুবতীকে বলিলাম, ‘আমি তোমাকে গ্রেপ্তার করিলাম। আমি তোমাকে চিনি, তুমি ওল্গা ইউলেনবার্গ! জার্মানীর গুপ্তচর তুমি, যুদ্ধারম্ভের পূর্বে তুমিই পোর্টসমাউথ হইতে নৌ-বিভাগের কতকগুলি নক্সা চুরি করিয়াছিলে বলিয়া সন্দেহ হইয়াছিল। মেনওয়ারিং বলিয়া নিজের পরিচয় দিলে ‘এমেন্স বেট্রিক্সন আইন’ অনুসারে তোমাকে ফৌজদারী সোপর্দ করা হইবে।’

যুবতী স্পষ্টভাবে বলিল, ‘আমাকে গ্রেপ্তার করিলে! মুখের কথায়? ক্ষমতাপত্র সঙ্গে আছে? দেখাও তা।’

গ্রেপ্তারী পরোয়ানা তাহার সম্মুখে ধরিলাম।

সে তখন জাকা সাভিয়া বলিল, ‘আমি এক জন ফরাসীকে বিবাহ করিয়াছি। আমার আত্মীয়দের এখানে দেখিতে আসিয়াছি।’ ‘ইয়ার্ডে’ গিয়া ও কথা বলিও।’

পরে তাহার পরিচ্ছদ খানাতল্লাস করিয়া একখান ফরাসী পাসপোর্ট পাইলাম। তাহার হাতব্যাগের মধ্যে একটি ক্ষুদ্র রিভলভার ছিল; তাহার প্রত্যেক ঘর টোটার পূর্ণ! সেবার তাহাকে নির্কাসিত করা হয়। কিন্তু পরে সে জার্মানীর গুপ্তচর বলিয়া ধরা পড়িয়াছিল, এবং তাহার অপরাধের অকাটা প্রমাণ পাওয়ায়, প্যারিসের দুর্গ-প্রাকারে তাহার প্রাণদণ্ড হইয়াছিল।

যদি সে মিঃ বেল্ফোরের নিকটস্থ হইবার সুযোগ পাইত, তাহা হইলে সে কি কাণ্ড করিয়া বসিত, তাহা চিন্তা করিতে আমার আগ্রহ হয় নাই; কিন্তু কোন অপকর্মেই তাহার কুঠা ছিল না, এবং তাহার দ্বায় ছিল ইম্পাতের জায় ঘাতসহ। যাত্রারম্ভেই যখন আমরাগিকে এইপ্রকার ভীষণ শত্রুর সম্মুখীন হইতে হইল, তখন ভবিষ্যতে কিরূপ বিপদ ঘটবে, ইহা চিন্তা করিয়া উৎকণ্ঠিত হইয়াছিলাম।

শেষ ঘটনা

মিশনের কার্যের শেষ কয় দিন আমরাগিকে মার্কিং যুক্ত সাম্রাজ্যের ওয়াসিংটন নগরে বাস করিতে হইয়াছিল। সেই সময় একাধিকবার অপ্রীতিকর অভিজ্ঞতা লাভ করিয়াছিলাম। এক দিন প্রভাতে সংবাদ পাইলাম, একটি রমণী পরিচারিকা-বেশে মিঃ বেল্ফোরের বাসভবনে প্রবেশের চেষ্টা করিয়াছিল। তাহার পরিচ্ছদাদি খানাতল্লাস করিয়া তাহাকে একটি গতিশীল অস্ত্রাগার বলিয়াই ধারণা হইয়াছিল।

তাহার হাত-ব্যাগের ভিতর কয়েকটি পিস্তল ছিল; তাহার পরিচ্ছদের ভিতর হইতেও একাধিক পিস্তল আবিষ্কৃত হইয়াছিল। তাহার নিকট যে সকল শাকসবজি ছিল, তাহার আড়ালে আর একটি হাতব্যাগ ছিল; তাহার ভিতর একটি ক্ষুদ্র বোমা সঞ্চিত ছিল। এতদ্বিন্ন তাহার আস্তিনের ভিতর একখান ছোরা পাওয়া গেল।

তাহার নিকট হইতে এই সকল অস্ত্র-শস্ত্র সংগৃহীত হওয়ার তাহাকে শরুপক্ষের গুপ্তচর বলিয়া সন্দেহ করিতে পারি নাই; আমার ধারণা হইয়াছিল, সে উদ্ভাদিনী। পরে প্রতিপন্ন হইয়াছিল, আমার এই ধারণা সত্য। সে একটি সরকারী বাতুলশ্রমে প্রেরিত হইয়াছিল। তাহার খেয়াল হইয়াছিল—কোন গণ্য-মাণ্য প্রসিদ্ধ ব্যক্তির জীবন বিপন্ন করিয়া সে খ্যাতি লাভ করিবে। একরূপ বাতিকগ্রস্তা নারীকে উদ্ভাদিনী ভিন্ন আর কি বলা যাইতে পারে?

অবশেষে এক দিন আমরা স্বদেশযাত্রার জন্ত ট্রেনে চাপিলাম। ‘প্রেসিডেন্ট স্পেশাল’ নামক বিখ্যাত ট্রেন আমরাগিকে লইয়া কানাডার প্রান্তসীমায় উপস্থিত হইল। কানাডার সীমাপ্রাপ্তে অবতরণ করিয়া মিঃ বেল্ফোর সুবিখ্যাত ‘মাটাপেডিয়া সালমন ক্লাব’ কর্তৃক মন্ত্র শিকারের জন্ত নিমন্ত্রিত হওয়ায়, সেই নিমন্ত্রণ গ্রহণ করিলেন। তাহার এই নিমন্ত্রণগ্রহণ আমাদের সকলেরই জীবন-রক্ষার উপলক্ষ হইয়াছিল।

কানাডা সরকার সেই ট্রেনখানির ভার মিশনের হস্তে অর্পণ করিয়াছিলেন, অর্থাৎ মিশনের ইচ্ছানুযায়ী তাহা পরিচালিত করিবার ব্যবস্থা হইয়াছিল। মিশন সেই অপরাহ্নে অবসর-যাপনের অভিপ্রায় করায় ট্রেনখানি একটি সাইডিং-এ ‘স্ট’ করা হইয়াছিল।

ট্রেনখানি হালিফাক্স বন্দরে লইয়া যাইবার জন্ত একটি সময় নির্দিষ্ট করা হইয়াছিল। নির্দিষ্ট সময়ে বেল্ফোরকে সংবাদ দেওয়া হইল, ট্রেন ছাড়িবার সময় হইয়াছে। কিন্তু তখন তিনি মাছ ধরিতেছিলেন, শিকার ছাড়িয়া তাড়াতাড়ি ট্রেনে উঠিতে রাজী হইলেন না, অগত্যা ট্রেন তাহার প্রতীক্ষায় দাঁড়াইয়া রহিল।

ট্রেনখানি যাহাতে ‘থু’ চলে, ‘লাইনে’ তদনুযায়ী ব্যবস্থা করিয়া রাখা হইয়াছিল। ‘স্পেশাল’ চলিবার সময় পথিমধ্যে কোন বাধা না পায়, এজন্ত লাইন ক্লিয়ার দেওয়া ছিল। মিঃ বেল্ফোর নির্দিষ্ট সময়ে যাত্রা না করায় রেলের কর্মচারীরা অসহিষ্ণু হইয়া উঠিল, এবং তিনি আরও এক ঘণ্টা মাছ ধরিতে পারেন, এই উদ্দেশ্যে সেই অবসরে একটা মালট্রেন ছাড়িবার বন্দোবস্ত করিয়া ফেলিল।

কতকগুলি মালগাড়ী লইয়া সেই ট্রেনখানা ষ্টেশনের ডিপো হইতে বাহির হইয়া আসিল, এবং প্ল্যাটফর্ম ত্যাগ করিয়া শীঘ্রই অদৃশ্য হইল।

এই ঘটনার দেড় ঘণ্টা পরে মিঃ বেল্ফোর সমলে ট্রেনে আশ্রয়

গ্রহণ করিলেন। মিঃ বেল্‌ফোরকে তাঁহার শয়নের কামরায় নির্বিঘ্নে আশ্রয় গ্রহণ করিতে দেখিয়া নিশ্চিন্ত হইলাম। আমিও ক্রান্ত-দেহে কামরায় প্রবেশ করিয়া শয়ন করিলাম। আমি নিদ্রার ক্রোড়ে আশ্রয় গ্রহণ করিলাম, কিন্তু আমার নিদ্রা দীর্ঘস্থায়ী হয় নাই। মধ্য-রাত্রিতে মহাশয় ব্রেক কঘিবার শব্দের সঙ্গে সঙ্গে একটা প্রকাণ্ড কাঁকুনী! সেই কাঁকুনীর চোটে আমার নিদ্রাভঙ্গ হইল! ট্রেন হঠাৎ থামিয়া যাওয়ায় সমগ্র গাড়ী সবেগে আন্দোলিত হইল।

আমার পরিচ্ছদ ঠিক করিয়া লইয়া 'করিডরে' বাহির হইয়া পড়িলাম। তাড়াতাড়ি বাহির হইতেই ট্রেন কন্ডাকটরের ঘাড়ে পড়িলাম। সে সামলাইয়া লইয়া বলিল, "আমুন আমার সঙ্গে।"

আমরা রেলপথের পাশ দিয়া দৌড়াইতে দৌড়াইতে প্রায় একশত গজ অতিক্রম করিলাম; সেখানে এক ভীষণ দৃশ্য আমাদের দৃষ্টিগোচর হইল। আমাদের 'স্পেশাল' ছাড়িবার পূর্বে যে মাল-ট্রেন ছাড়িয়াছিল, দেখিলাম, সেই ট্রেন লাইনচ্যুত হইয়াছে; তাহার এঞ্জিনখানা লাইনের পার্শ্বস্থিত এক গোধূম-ক্ষেত্রে উ-টাইয়া পড়িয়াছে, এবং ট্রেনের অর্ধেক মালগাড়ী, মাচবাক্স পদাঘাতে ধেরুপ চূর্ণ হয়, সেইরূপ চূর্ণ-বিচূর্ণ হইয়া পড়িয়া আছে। অতি ভীষণ নৈশ দৃশ্য; অগ্নিব লোচিত প্রভায় চতুর্দিক উদ্ভাসিত; এঞ্জিন

বাপরাশি উদ্গিরণ করিতেছিল, সঙ্গে সঙ্গে বহুকণ্ঠের কোলাহল। ট্রেনের কয়েক জন লোক নিহত হইয়াছিল। অমুসন্ধানে জানিতে পারা গেল—রেলের লাইনের সেই অংশ উৎপাটিত হইয়াছিল। 'চেয়ার'গুলি হইতে লৌহকীলক সমূহ টানিয়া তুলিয়া ফেলা হইয়াছিল। সেই সকল লৌহকীলক দ্বারা রেলগুলি কাঠের 'শ্লিপারের' সঙ্গে আবদ্ধ ছিল। সেগুলি অপসারিত হওয়ায় এই দুর্ঘটনা। বৃটিশ মিশন-ট্রেন বিধ্বস্ত করিবার জগাই যে এই প্রকার ব্যবস্থা করা হইয়াছিল, এ বিষয়ে সন্দেহের কোন কারণ ছিল না। মিঃ বেল্‌ফোর নির্দিষ্ট সময়ে ট্রেনে চাপিতে সম্মত না হওয়াতেই আমাদের প্রাণরক্ষা হইল। আমি গুরু দায়িত্বভার গ্রহণ করিয়া মিঃ বেল্‌ফোরের পুলিশ-রক্ষিরূপে যে বিপজ্জনক পথে যাত্রা করিয়াছিলাম, সেই যাত্রায় ইহাই শেষ দুর্ঘটনা; কিন্তু আমি কোন প্রলোভনেই জীবনে আর কখন এরূপ অভিজ্ঞতা সঞ্চয় করিতে সম্মত নহি।'

এই যাত্রায় বৃটিশ পররাষ্ট্রসচিব মিঃ বেল্‌ফোর পরিচালিত মিশনের উদ্দেশ্য সিদ্ধ হইয়াছিল। বৃটিশ সরকার জাখ্মাণ মহাযুদ্ধে জাতির সহায়ত্ব ও সহায়তা লাভে সমর্থ হওয়ায় যুদ্ধের কি ফল হইয়াছিল, তাহা ইতিহাসের বিষয়, কিন্তু এই দৌত্যকাণ্ডের প্রধান-নাযক মিঃ বেল্‌ফোরকে হত্যা করিবার এই শেষ চেষ্টা জাখ্মাণ-আমেরিকানদের বড়বস্ত্রের ফল কি না, মার্কিন গোয়েন্দাদের আশ্রাণ চেষ্টাতেও তাহার সন্ধান হয় নাই।

শ্রীদীনেন্দ্রকুমার রায়।

## সন্ধ্যাতারা


আপার-আকাশ-মাঝে—কোটি কোটি তারা  
চেয়ে আছে সক্রমণ,—যেন, বাণীহারা।  
তারা নয় গৃহে জ্বালা সন্ধ্যার দীপিকা,  
নহে কারো গোপনের প্রণয়-লিপিকা—  
কাজল-নয়ন-নীরে। নহে মণি-হার—  
উর্ধ্বশীর ফেলে আসা,—পুরুরবা তার  
কাননে পড়িলে মনে।

আমি তারে জানি,—

গভীর রহস্য-ভরা কাব্য একখানি  
প্রকৃতির মনোরাজ্যে। কেহ নাহি জানে  
কি দিয়া সাজানো আছে কোথা কোন্‌খানে?  
সে-ই জানে কবে কোন্‌ দিবসে কি রা'তে  
খুলিবে প্রথম পাতা আপনার হাতে।  
আকাশের নীলাধারে ধরি বারো মাস  
—করিছে মানবে শুধু গম্ভীর উদাস!

শ্রীপ্রমথনাথ কুণ্ডার





## রহস্যময় মাইক্রোনেশিয়া

মাইক্রোনেশিয়া কতকগুলি ক্ষুদ্র দ্বীপের নাম। ঐ দ্বীপগুলি জাপানের অধিকারভুক্ত। দ্বীপগুলি আকারে ক্ষুদ্র হইলেও অনেকখানি স্থান লইয়া অবস্থিত। প্রশান্ত মহাসাগরের মধ্যে এই দ্বীপপুঞ্জ বিরাজিত।

এই সকল দ্বীপ দর্শন করিবার সৌভাগ্য পূর্বে কাহারও হয় নাই। জাপানী সরকারী কন্সচারীরা কোনও বিদেশীকে

করিবেন, সরকারী কন্সচারীরা সহিষ্ণুভাবে হাশ্র করেন বটে, কিন্তু মাথা নাড়িয়া বলেন যে, সে সুবিধা হইবে না। যদি সত্যিই কাহারও ঐ দ্বীপপুঞ্জ দেখিবার আগ্রহ থাকে, তাহা হইলে যে জাহাজ দ্বীপে দ্বীপে অত্যল্পকালের জন্য অবস্থান করিবে, তাহাতেই বসবাস করিয়া দ্বীপগুলি দর্শন করিতে পারেন।

মুখে তথ্য যাইতে নিষেধ করেন না বটে, কিন্তু উৎসাহ প্রদানও করেন না। কেহ তথ্য যাইতে চাহিলে তাহার বলেন, সেখানে কোথাও থাকিবার পাশ্চ-নিবাস নাই। যদি কোনও পর্যটক প্রণ করেন, কোথায় অবস্থান করা চলিবে? সরকারী কন্সচারীরা তাহার কোনও সহতর



উরাকাস্ দ্বীপ—ইহা হইতে সর্ব্বক্ষণ ধূম্রজাল উপিত হয়

দিতে পারেন না। আহারাদির সুবিধাই বা কিরূপ? সে কথারও কোন জবাব পাওয়া যায় না। যদি কেহ বলেন যে, তাহার দেশীয়দিগের বাড়ীতে আহার ও শয়ন-স্থান করিয়া লইবেন, অথবা তালবৃক্ষের নীচে শিবির স্থাপন

অতঃপর মিঃ উইলার্ড প্রাইস নামক জনৈক মার্কিন পর্যটক অনেক কষ্টে মাইক্রোনেশিয়ায় ৪ মাস অবস্থানের অনুমোদন লাভ করেন। তিনি এই দ্বীপপুঞ্জ দর্শন করিয়া যে বিবরণ লিপিবদ্ধ করিয়াছেন, মাসিক বসুমতীর

পাঠকবর্গের জ্ঞাত্য তাহার সংক্ষিপ্ত বিবরণ প্রদত্ত হইল। সমুদ্রবক্ষে প্রায় ২৫ লক্ষ বর্গ-মাইল স্থানে ক্ষুদ্র ক্ষুদ্র দ্বীপগুলি বিরাজিত। সমগ্র দ্বীপপুঞ্জের আয়তন মার্কিন যুক্তরাষ্ট্রের ৬ ভাগের পাঁচ ভাগ হইবে। সর্কাপেফা প্রসিদ্ধ দ্বীপপুঞ্জগুলির নাম—মারিয়ানাস, ক্যারোলিনিন, এবং মার্শালস্। দ্বীপপুঞ্জের মধ্যে যেগুলির কিছু প্রসিদ্ধি আছে, তাহাদের মোট সংখ্যা ১ হাজার ৪ শত।

স্পেনের গৌরবময় যুগে এই বিপুল। এবং বিচিত্র দ্বীপপুঞ্জ স্পেনের অধিকারভুক্ত ছিল। কিন্তু ফিলিপাইন দ্বীপপুঞ্জ

কর্তৃত্ব করিতেছে। ইয়োকোহামা হইতে জাহাজে চাঁড়িয়া এক মাসে এই দ্বীপপুঞ্জে উপনীত হওয়া যায়। জাহাজ যে পথ দিয়া অগ্রসর হয়, তাহাও নিরাপদ নহে। সমুদ্রের মধ্যে প্রবাল-শৈল-সমূহ দণ্ডায়মান। তাহা ছাড়া অকস্মাৎ ঝড়ঝাপটার আশঙ্কাও আছে। ব্যাত্যাভাঙিত হইয়া জাহাজ প্রবাল-দ্বীপে আহত হইবার বিশেষ সম্ভাবনা। সমুদ্রমধ্যে আয়েরগিরিও প্রচুর বিদ্যমান।

মাইক্রোনেশিয়া দ্বীপপুঞ্জের অধিকারসীমার মধ্যে জাহাজ পৌঁছিলেই প্রথমেই উরাকাস্ দ্বীপ দেখা যাইবে।



পালায়ু অরণ্যের মধ্যে নব প্রতিষ্ঠিত বিদ্যালয়

যখন মার্কিন যুক্তরাষ্ট্রের কবলে পতিত হয়, সেই সময় স্পেন প্রশান্ত মহাসাগরের দ্বীপ-সাম্রাজ্যের উপর আর লক্ষ্য রাখে নাই। স্পেন ও আমেরিকার মধ্যে যুদ্ধ বাধিবার পর স্পেন অর্থক্লান্ত। নিবন্ধন মাইক্রোনেশিয়া দ্বীপপুঞ্জ জার্মানীর নিকট ১৮৯৯ খৃষ্টাব্দে ৪৫ লক্ষ ডলার মুদ্রা মূল্যে বিক্রয় করিয়া ফেলেন।

যুরোপীয় মহাসমরের সময় জাপানী রণতরীবহর মাইক্রোনেশিয়া দখল করিয়া লয়। ১৯১৯ খৃষ্টাব্দে শান্তিসংসদে, জাতিসভ্য জাপানকে ঐ সকল দ্বীপের উপর প্রভুত্ব করিবার আদেশ দেন। তদবধি জাপানই এই দ্বীপপুঞ্জের উপর

উহা আয়েরগিরি—সর্কাপেফা উহা হইতে পৃথক নির্গত হইয়া থাকে। প্রায়ই এই দ্বীপ হইতে অগ্ন্যুৎপাত হইয়া থাকে। এই দ্বীপ ১ হাজার ৪১ ফুট উচ্চ। চূড়ায় শ্বেত গন্ধক দেখিয়া মনে হইবে, যেন জ্বলন্ত তুষারে উহা আবৃত হইয়া রহিয়াছে। পর্বতগহ্বরের মুখ হইতে অবিশ্রান্ত গাঢ় পীত ধূম্ভজাল উৎখিত হইয়া থাকে,


এই পর্বত অনুক্ষণ যেন অসন্তোষভরে গর্জন করিতেছে। এই দ্বীপের কোথাও তৃণ-লতার সংস্রবমাত্র নাই।

জাহাজের যাত্রাপথে মারিয়ানাস্ দ্বীপপুঞ্জ এক পাশ্বে অবস্থান করে। ওয়াম্ দ্বীপ ডাহিনে রাখিয়া জাহাজ চলিতে থাকে; এখানে ৯০ দিন অন্তর একবার করিয়া জাহাজ নোঙ্গর করে। বিমান-বন্দর অধুনা এখানে প্রতিষ্ঠিত হইয়াছে।

কিছু দূর অগ্রসর হইবার পর জাপ দ্বীপ দেখিতে পাওয়া যাইবে। আধুনিকতার বাতাস এখনও এখানে পৌঁছে নাই। পক্ষ যেন এখানে স্তম্ভিত হইয়া দাঁড়াইয়া রহিয়াছে।

বোধ হয়, আরও  
প্রাচীনতার দিকে  
ই দ্বীপবাসী যেন  
ঝুঁকিয়া পড়িয়াছে,  
প্রাচীন যুগের  
ললিতকলা এই  
দ্বীপ হইতে যেন  
নির্ধাসিত হইয়া  
গিয়াছে, লোক-  
সংখ্যাও হ্রাস  
পাইয়া অদ্বৈকে  
দাঁড়াইয়াছে। বর্ত-  
মান দ্বীপবাসীর  
বাহিরের জগতের  
কোনও সন্ধান  
রাখে না; বরং  
তাহাদের রণছন্দ  
পূর্বপুরুষের  
বহি-  
র্জগতের কিছু সন্ধান  
রাখিত।

‘জাপ’ অর্থে  
জমি। জাপবাসীর  
মনে করে যে,  
ইহাই পৃথিবীর  
কেন্দ্রস্থান, এখানে  
ছাড়া যুক্তিকা আর  
কোথাও নাই।  
সভ্যতার কথা  
তুলিলে জাপ-  
বাসীর বিক্রমের  
হাসি আসে। অবশ্য  
ইহার ব্যতিক্রম  
যে নাই, তাহা  
নহে। আধুনিক



ডাঙ্গার চড়িয়া সমুদ্র পার হওয়া



চ্যামোক বণিক ওস্তির মুদ্রা হইতেছে

কোন কোন যুবক দ্বিচক্রযানে চড়িয়া ভ্রমণ করে, হইয়াছে এবং ছাত্রগণ বন্দাবৃত হইয়া বিদ্যালয়ে আসিবে,  
টেনিসও খেলে। এই দ্বীপে ইদানীং বিদ্যালয় প্রতিষ্ঠিত সে বিষয়ে কঠোর নিয়মক হইয়াছে। তবে ছাত্রগণ



জাপানী প্রথায় অধিবাসীরা ক্রীড়া ভূমির উদ্বোধন করিতেছে



মৃত সর্দারের উদ্দেশে কানাকাদের শাক-সজীভ

এমনও দেখা যায় যে, ছোট ছোট বালিকা ক্রাণত্যাগের পূর্বে পরিধেয় বস্ত্র গাত্র হইতে উন্মোচন করিয়া ডেক্সের মধ্যে রাখিয়া দেয় এবং সূর্যালোকে দৌড়াদৌড়ি করিতে থাকে। গ্রামবৃদ্ধগণ নবীনদিগকে বস্ত্র পরিধানের জ্ঞান তীব্রভাষায় তিরস্কার করে। যুরোপীয় পদ্ধতি অবলম্বন করায় বৃদ্ধগণ উহা অশিষ্টতার লক্ষণ বলিয়া ঘোষণা করে এবং সম্প্রদায়ের দেবতার উহাতে কুপিত হইন, এইরূপ মন্তব্য প্রকাশ করিয়া থাকে।

তাহাদের ধারণা, স্বদেশীয় রীতিনীতির পরিবর্তে বিদেশীয় পদ্ধতি অবলম্বন করিলে, দেবতা ক্রুদ্ধ হইয়া দেশের মধ্যে মড়ক আনয়ন করিবেন, এবং যে ব্যক্তি

বিদ্যালয়ের প্রাক্ষণ ত্যাগ করিবামাত্র উলঙ্গ হইয়া পরিধেয় বস্ত্র পুঁটলি বাঁধিয়া বগলে লইয়া বাড়ীর দিকে দৌড়ায়।

পরের আচরণ অনুষ্ঠান করিয়া চলিবে, তাহাকে মারিয়া ফেলিবেন। সম্ভবতঃ পূর্বেকালে বৈদেশিক নাবিকগণ নানাবিধ





চিত্রাঙ্কিত সোপান



ষিচক্রযানে নগ্নবেহ জাপ বালক



মূর্খ পিতা ও শিক্ষিত পুত্র



জাপ-কুমারী



কানাকা তরুণী



বন্দী—যুগ



ভালবৃক্ষ হইতে রস নিষ্কাশন



পক্ষী ধরিবার ব্যবস্থা

পীড়াগ্রস্ত হইয়া আসিত। তাহা হইতেই দ্বীপবাসীদের মনে ঐরূপ সংস্কার বন্ধমূল হইয়াছে। এ কারণে জাপ-অধিবাসীরা বহির্জগতের সহিত কোনও সংস্রব রাখিতে চাহে না।

পর্যটক মিঃ উইলার্ড প্রাইস একখানি ডোঙ্গায় চড়িয়া রুমং দ্বীপ দেখিতে গমন করিয়া ছিলেন। জাহাজ হইতে তিনি রুমং দ্বীপবাসী এক জন যুবককে ভাগ্যক্রমে জোগাড় করিয়া লইয়াছিলেন। এই যুবক একখানি লাল কোপীন পরিয়া গলদেশে প্রবালের মালা ধারণ করিয়াছিল।

যুবকের মুখ হাসি-পুসীতে ভরা, কিন্তু

তাহার দন্তপংক্তি কালো হইয়া গিয়াছে। শুধু তাহুল চর্কণে নহে, এক প্রকার দন্তমঞ্জন ব্যবহার করায় মেহথি কাঠের মত দাঁতের রং হইয়াছিল। ছোকরা গুয়াম দ্বীপে থাকে বলিয়া কিছু কিছু ইংরেজি বলিতে ও বুঝিতে পারে। ইংরেজি বলা ছাড়া সে অল্প সর্কপ্রকার বৈদেশিক সভ্যতার প্রভাবের সংস্রববর্জিত ছিল। এই যুবক কানাকা জাতীয়। কানাকার অভিধানসম্মত অর্থ—দক্ষিণ-দ্বীপপুঞ্জবাসী। সকল জাতির বর্ণ এই “কানাকার” মধ্যে দেখা যায়—কাল, পাণ্ডটে, লোহিত, পীত, এমন কি, শ্বেত পর্য্যন্ত। বর্তমান যুবকের বর্ণ পাণ্ডটে। কানাকার বিদ্যালয়ে পাঠকালে পাঠীগণিতকে যমের ত্যায় ভয় করে। কিন্তু মাহ কোথায় পাওয়া যাইবে, সে সম্বন্ধে ইহার অজ্ঞান।

জাপ দ্বীপ, ম্যাপ ও রুমং দ্বীপের সহিত ঘন-সন্নিবিষ্ট। এই দ্বীপগুলির চারিদিকে প্রবালের বেষ্টনী। দ্বীপগুলির

দীর্ঘতা ১২ মাইল এবং প্রস্থে সাড়ে সাত মাইল হইবে। রুমং দ্বীপে যাইতে হইলে অগ্রে ম্যাপ দ্বীপ পড়িবে।

পরিব্রাজকের সমভিব্যাহারী কানাকা যুবকের নাম



পালায়তে রজন-প্রথা




পোনেপির খটান ছাত্রী

টোল। তাঁরে অবতীর্ণ হইয়া সে সুপারি গাছে সুপারি ফলিতে দেখিয়া, সেই দিকে দৃষ্টিপাত করিল। ৩০ ফুট উচ্চ গাছে সুপারি ফলিয়া রহিয়াছে। টোল অনায়াসে অত্যাচ্চ

রুক্ষে আরোহণ করিয়া সুপারি পাড়িয়া আনিল। মুষিকের উৎপাত দ্বীপে প্রবল। উহারা দেখিতে এক কাঁচা সুপারি ভাঙ্গিয়া সে এক প্রকার পাতা পাড়িয়া একটি মার্জ্জারের মত। ইহারা ডাব নারিকেল নষ্ট করিয়া লইল। তাহার সঙ্গে বাঁশের চোঙ্গে চূণ ছিল। পাতা, ফেলে। একবার এই দ্বীপে জাহাজ-বোঝাই মার্জ্জার



এক জাতীয় তুলা-বৃক্ষ



টোলের স্বন্ধে জাপ পাষণ-চাক্তি মুদ্রা

সুপারি ও চূণ লইয়া সে মুখে পুরিয়া চিবাইতে লাগিল। গাছে গাছে নারিকেল, ডাব ফলিয়াছিল। পর্যটক দম্পতি ডাবের জল পান করিয়া পরিতৃপ্ত হইলেন।

আমদানী করা হয়। কিন্তু মুষিক-গুলি এমন প্রতাপ-শালী যে, তাহারা মার্জ্জারকুল ধ্বংস করিয়া ফেলিয়াছিল।

কমঃ দ্বীপে অনেকগুলি গ্রামে ক্রীতদাসগণ বাস করে। এই ক্রীতদাসদিগকে বিক্রয় বা ক্রয় করা চলে না। উহারা কোন ব্যক্তির সম্পত্তি নহে, স্বাধীন ব্যক্তি-মাত্রেরই তাহারা তাবদার। কিন্তু কোনও স্বাধীন

মানুষ তাহাকে বলিতে পারে না, ইহা তোমাকে করিতে হইবে, বা উহা তুমি করিতে পাইবে না। রাজা ব্যতীত প্রুপ আদেশ করিবার আর কাহারও অধিকার নাই।


ক্রীতদাসরা তাহাদের গ্রামে বাস করিয়া থাকে। রাজার আদেশ অনুসারে, কোনও স্বাধীন মানুষ তাহাদিগকে কাষ করিবার জ্ঞ আহ্বান করিতে পারে। কোনও লোক যদি অপ্রকাশ্যভাবে ক্রীতদাসদিগের দ্বারা চাষের কাষ করাইয়া লইতে চাহেন, তাহা হইলে তিনি রাজার অনুমোদনলাভ করিতে পারেন। এজ্ঞ তাঁহাকে কিছু তামাকু বা অপর কিছু লোভনীয় বস্তু রাজাকে উপহারস্বরূপ দিতে হয়।

যে সকল পরাজিত উপজাতি বন্দী হইয়া জাপএ আনীত হইয়াছিল, তাহারাই ক্রীতদাস বলিয়া পরিগণিত। যাহাতে তাহারা ডোঙ্গায় চড়িয়া পলায়ন করিতে না পারে, এজ্ঞ



নিভৃত পল্লীতে  
তাহাদিগকে রাখা  
হইত। স্বাধীন  
মানুষের খাণ্ডদ্রব্য  
ক্রীতদাসরা ভোজন  
নাও করিতে পারে,  
হাঙ্গরের মাংস,  
শুঙকের মাংস  
স্বাধীন মানুষদিগের  
অ খা গু ছিল।  
ক্রীতদাসরা তাহাই  
ভোজন করিত।


ক্রীতদাসরা  
মাধাম চিকুণী  
ব্যবহার করিতে  
পায় না। উহা  
স্বাধীন মানুষের  
জগু ব্যবহৃত হয়।  
স্বাধীন মানুষের  
বংশমর্যাদা যত  
বড়, তাহার মাধাম  
চিকুণীও তত বড়  
হইয়া থাকে। এই  
চিকুণীগুলি শাদা  
কাষ্ঠ হইতে নিষ্কিত  
হয়। প্রত্যেক  
চিকুণী প্রস্থে তিন  
ইঞ্চি, দৈর্ঘ্যে ৬  
ইঞ্চি হইতে দুই  
ফুট। চিকুণীর দুই  
দিকে ই দা ডা  
থাকিবে। বেশ-  
ভূষার সঙ্গে চিকুণী  
ধারণ প্রথা। শুধু  
মগমগ ধীপের  
অধিবাসীরা এখানে



জাপানী হাসপাতাল



পরিব্রাজক দম্পতি ডাবের জল পান করিতেছেন



ধানিগাছ হইতে নারিকেল তৈল নিষ্কাশিত হইতেছে



ক্রীষকের স্বপাক-রন্ধন

বসবাস করিতে আসিলে এই ফ্যাসন অনুসারে চলে না।

সুরাপান সম্বন্ধে বিদি-নিষেধ আছে, তাহার সে বিধান মানিয়া চলে না, তাহার কারাগারে প্রেরিত হইয়া থাকে। জাপানী কারাগার গৃহ অপেক্ষাও আকর্ষণের স্থান। কারাগারে প্রেরিত হইলেই অপরাধীদিগের চুল ছাঁটিয়া ছোট করিয়া দেওয়া হয়। তখন আর কেশে চিকুণী ধারণ করিবার উপায় থাকে না। ইহাই হইল প্রধান শাস্তি।

জাপানীরা জাপ-দ্বীপ শাসন করিলেও তাহার প্রাচীন পদ্ধতি অনুসারে দেশশাসনের ব্যবস্থা করিয়াছে। জাপ-দ্বীপে দ্বাদশ জন রাজা আছেন, অবশ্য প্রত্যেক রাজারই রাজ্যসীমা ক্ষুদ্র। তথাপি রাজারা নিজের রাজত্বে অসীম প্রতাপশালী।

পৃথিবীর কোনও স্বৈর-শাসক রাজা তাহাদের অপেক্ষা অধিকতর স্বৈর-শাসক নহে। প্রত্যেক রাজার অধীনে একদল আমীর-ওমরাহ আছে। তাহারা রাজার আদেশ-পালনে তৎপর।

প্রজাবর্গ রাজার শাসন মানিতে অভ্যস্ত। সেজন্ত দ্বীপের জাপানী শাসক নিজের আদেশ প্রত্যেক রাজার মারফত ঘোষণা করিয়া থাকেন। স্থানীয় অধিকাংশ ব্যাপারের মীমাংসা স্থানীয় রাজার আদেশমতই সম্পন্ন হইয়া থাকে।

পথি-প্রদর্শক টোলএর মাতা ঘাসের স্নাট পরিয়া পর্যটকদিগকে অভিনন্দিত করিয়াছিল।

জীবনে প্রথম মার্কিন ভ্রমলোক দর্শন করিলেও, সে তাহাদের সহিত এমন ব্যবহার করিয়াছিল, যেন সর্বদাই সে এমন ভ্রমলোকদিগকে অভিনন্দিত করিয়া থাকে। এক সপ্তাহ পূর্বে টোলের পিতৃবিয়োগ হইয়াছিল। এজন্ত তাহার মাতা শোকচিহ্ন করণে দারুণ করিয়াছিল। সে আবার নতুন পতি নির্বাচিত করিয়া লইয়াছে। জাপ-বিদবারা একসঙ্গেই শোকপ্রকাশ ও পত্যস্তর গ্রহণে কুষ্ঠানুভব করে না। এই নতুন ভর্তা তখন বাড়ীর সম্মুখে বসিয়াছিল। সে সর্দিজ্বরে কষ্ট পাইতেছিল।

টোলের ভগিনী একটি শূকরছানা ক্রোড়ে লইয়া পর্যটকদিগের সম্মুখে আসিল। সে যতক্ষণ মুখ বন্ধ করিয়াছিল, তাহাকে মন্দ দেখাইতেছিল না। কিন্তু তাখুলরাগ-রঞ্জিত কাল দস্তপাতি দেখিলে তেমন মনে হইবে না। তাহার গলদেশে কালো হুতার ফেটি ঝুলিতেছিল। উহাতে



প্রাগৈতিহাসিকযুগের পক্ষিবিষ্টাজাত সার



জাপানীপের বাহুড

এই বুঝায় যে, তরুণী বিবাহের উপযুক্ত বয়স প্রাপ্ত হইয়াছে। কেহ পাণি প্রার্থনা করিলে সে তাহার প্রার্থনার



কুসেয়ি দ্বীপে জালে মাছধরা



পাথরের চাকা মুদ্রা

কর্ণপাত করিতে সম্মত আছে। পর্যটক ও তাঁহার পত্নী দেখিলেন, টোলের বাড়ীতে ফলভারে অবনত বহু বৃক্ষ বিদ্যমান। তাঁহারা কুখার্ত ও তৃক্ষার্ত হইলেও সেই সকল ফলভোগের সৌভাগ্য তাঁহাদের হইল না। কোনও কানাকা পরিবারে কাহারও মৃত্যু ঘটিলে, সেই গৃহের

কোনও খাণ্ড এক বৎসরের মধ্যে অপর কেহ ভোজন করিবার অধিকারী হয় না। গাছের ফল মাটিতে পড়িয়া শুকাইয়া পচিয়া যাইবে, তবুও কাহারও ভাগ্যে তাহা লাভ করা ঘটবে না। প্রবাদ, উহা যে খাইবে, তাহারই পীড়া হইবে এবং মৃত্যু অনিবার্য। প্রচুর ফল থাকা সত্ত্বেও টোল গ্রামের ফলবিক্রেতার কাছে জিনিষ কিনিতে গেল।

জাপদিগের মধ্যে পাথরের অর্গ এখনও প্রচলিত আছে। ছয় ইঞ্চি পাথরের চাকা হইতে ১২ ফুট ব্যাসবিশিষ্ট পাথরের চাকা দেখিতে পাওয়া যাইবে। কোন কোন চাকার গর্ভ এত বড় যে, এক জন মানুষ তাহার মধ্যে কুণ্ডলী পাকাইয়া শুইয়া থাকিতে পারে। বাড়ীর বাহিরে এই সব চাকা প্রহস্বামীর ঐশ্বর্যের প্রমাণস্বরূপ সজ্জিত থাকে। কে কত ধনী, তাহা এই চাকা দেখিয়া দর্শক বুঝিতে পারে। ছোট অপেক্ষা বড় চাকাই ভাল। কারণ, উহা সহজে অপহৃত হয় না।

এই পাথরের চাকা জাল করা সহজ নহে। কারণ, যে পাথর হইতে চাকা নিষ্কৃত হয়, তাহা জাপদ্বীপে পাওয়া যায় না। পানাউ নামক দ্বীপে এই পাথর প্রচুর পাওয়া যায় বলিয়া সেখানেই টাঁকশাল প্রতিষ্ঠিত আছে। ডোঙ্গায় করিয়া উহা বহন করিয়া আনাও বিপজ্জনক। তিন শত মাইল দূর হইতে ডোঙ্গায় করিয়া আনয়ন করা অত্যন্ত কঠিন ব্যাপার। কারণ, ২০ খানা ডোঙ্গার মধ্যে একখানা কোনও মতে চাকা সহ জাপদ্বীপে আসিয়া পৌঁছে।

ক্যাপ্টেন ডেভিড, ডি ওকিফ্ নামক জনৈক আইরিশ বাবসায়ী একখানি জাহাজে করিয়া বড় বড় চাকা-মুদ্রা



জাপানীপে লইয়া যান। তিনি এই ভাবে চাকা-মুদ্রা সরবরাহ করিয়া বিনিময়ে প্রচুর নারিকেল প্রাপ্ত হন। দ্বীপের জন-সংখ্যা অর্ধেক হ্রাস পাওয়ায় সেই চাকামুদ্রাতেই কাষ চলিয়া যাইতেছে। আর নূতন মুদ্রা প্রস্তুত করিবার প্রয়োজন হয় নাই।

চাকা মুদ্রা ব্যতীত আর এক জাতীয় মুদ্রা দ্বীপে প্রচলিত আছে। উহা গুক্তি মুদ্রা।

চামোরোরা সংখ্যায় খুবই অল্প। তাহারা যুরোপীয় পরিচ্ছদ ধারণ করিয়া থাকে। ইহাদের দেহে স্পেনিশ রক্ত প্রবহমান। এই অসভ্যদেশে চামোরোদের নামও বিচিত্র। জেমস্ উন্টালান, মিসাইনা, মাজিয়া, জুয়াসিটো, ম্যানোলো, ভাইসেন্টিফো, মার্কস, টিরেসা, চৌমাসা, জোস্, ফিলোমেনা, উর্শালা এই জাতীয় নাম দেখিতে পাওয়া যাইবে।

চামোরোদিগের অনুকরণ-প্রবৃত্তি তীক্ষ্ণ। নূতন কিছু দেখিবামাত্র তাহারা তাহা অনুকরণ করিয়া থাকে। জাপানী মুদ্রাও তাহারা ব্যবহার করে। কিন্তু কামাকারা পাথরের চাকা বা গুক্তি ব্যতীত অন্য কোনও মুদ্রা ব্যবহার করিবে না। একটা নারিকেলের বিনিময়ে তাহারা একটা চুরটিকা ক্রয় করিবে। একটি দীপশলাকা-বান্দের বিনিময়ে দুইটা স্পারি, দশটা স্পারির বিনিময়ে একখানা রুটী। ডিম্ব, মুরগী-শাবক, শূকর প্রভৃতিও এইরূপ দ্রব্য-বিনিময়ে ক্রয়-বিক্রয় হইয়া থাকে।

টোলের গৃহে পরিব্রাজক দম্পতি নূতন ব্যবস্থা দেখিয়া



গ্রামের "পুরুষগৃহ"



টিনিয়ানদ্বীপের প্রাচীন স্তম্ভযুগল



মাইক্রোনেশিয়ায় স্পেনীয় ধর্মমন্দির

স্বতন্ত্র পাত্রে খাদ্য পরিপাক করা হয়। মেয়েরা তাহাদের মাতার পাত্রে আহার্য্য ভোজন করিতে পারে। পুরুষদের পক্ষে কোনও নারীর আধার হইতে খাদ্য পরিবেষণ করা চলিবে না! উহাতে নাকি পুরুষ নারীর ক্রীতদাস হইয়া পড়ে। এইভাবে নারীর কাঁয়া-তা লি কা বুদ্ধিপ্রাপ্ত হইয়া



পরিত্যক্ত নগরের পাষণ-প্রাকার

বিস্মিত হন! পাঁচটি উনানে রান্না চড়ান হইয়াছিল। টোলকে প্রশ্ন করায় সে জানাইল যে, প্রত্যেক পুরুষের জন্য

থাকে, টোলেব গৃহে পুরুষের নিদ্রা যাইবার ব্যবস্থা ছিল না। গ্রামের ক্লাব-গৃহকে পুরুষ-গৃহ বলিয়া তাহা বা অভিহিত করিয়া থাকে। এই গৃহ স্ববৃহৎ, তৃণনির্মিত। এখানে শুধু পুরুষরাই থাকিতে পারে। শুধু বৈদেশিক মহিলার জন্ম নিয়মের ব্যতিক্রম ঘটয়াছিল।

জাপানীপে এক মাস যাপনের পর পরিব্রাজক দম্পতি মাইক্রোনেশিয়ার অন্যান্য দ্বীপে তিন মাস অবস্থান করিয়াছিলেন। কিন্তু জাপানীপে আদিম মানুষের জীবনযাত্রার পরিচয় যেমন সুস্পষ্ট দেখা যায়, অন্তত তাহা নহে। কিন্তু প্রত্যেক দ্বীপেই বৈচিত্র্য আছে।

পালায়ু দ্বীপপুঞ্জই জাপান সরকারের দপ্তরখানা প্রতিষ্ঠিত। যেখানে পূর্বে অরণ্য ছিল, এখন সেখানে জাপানী সহর প্রতিষ্ঠিত, তাহার লোকসংখ্যা ৫ হাজার। এইরূপ গ্রামে রেডিও যন্ত্র, হাসপাতাল, স্কুল সবই আছে। টোকিওর সহিত পালায়ুর সংযোগ-স্থাপনের জন্য এই দ্বীপে একটা বিমান-পোতাশ্রয় নির্মিত হইতেছে। জাপানীরা যাহাতে এই দ্বীপে আসিয়া বসবাস করে, সে জন্য পালায়ুর অনেক উন্নতি সাধিত হইয়াছে।

এই দ্বীপপুঞ্জে ৪০ হাজার জাপানী ও হাজার দেশীয়



পোনেপের গাম্বিকাবন্দ



জাপ্বীপের কানাকা—মাথায় চিকুণী




পকায়তে যোগ দিবার জন্ত শঙ্খনাদ



জাপানী-কৃষকের তত্ত্বাবধানে শস্যক্ষেত্র



পাষণের চাকামুদ্রা



দেশীয়রা কুটার নির্মাণ করিতেছে



লোক আছে। জাপানীপ ছাড়া আর কোথাও লোকসংখ্যা হ্রাস পায় নাই। চারি বৎসরে এই দ্বীপে জাপানী জনসংখ্যা দ্বিগুণ হইয়াছে। আগামী ৪ বৎসরে তাহারও দ্বিগুণ হইবার সম্ভাবনা। মাইক্রোনেশিয়া অতি দ্রুত জাপানী অধিবাসীতে পূর্ণ হইয়া চলিয়াছে।

জাপানী কৃষিবিদ্যার প্রভাবে জমি কষিত হইয়া ফলশ্রেণী পূর্ণ হইয়া উঠিতেছে। যে সকল জমি সম্পূর্ণ উষ্ণ ছিল, এখন তাহা শস্যসম্ভারে পূর্ণ হইয়া উঠিয়াছে।

করিয়া তুলিয়াছে। পোনাপে দ্বীপে ২ শত ৩৮টি বিভিন্ন জাতীয় ফলের গাছ, শাকসব্জী প্রভৃতি আমদানী করা হইয়াছে।

মাইক্রোনেশিয়ার দ্বীপগুলি দুই প্রকারের ;—আয়েয়গিরিপূর্ণ এবং প্রবালসম্বিত। আয়েয়গিরিপূর্ণ দ্বীপগুলি শৈলসমাকীর্ণ ও উর্ধ্ব। এই উর্ধ্ব ভূমি হইতে প্রবালসম্বিত দ্বীপগুলিতেও মরুগান রচিত হইতেছে।

টুক দ্বীপে ইংরেজি ভাষাভাষী লোকের সংস্রব ঘটিয়াছিল, তাহার প্রমাণ কতকগুলি ব্যবহৃত শব্দ হইতে পাওয়া



জাপানী পুলিশ কর্মচারীর নৃতনগৃহে প্রবেশ

সমূহের যে অংশ অপেক্ষাকৃত শান্ত, সেখানে শুক্রির চাষ হইতেছে। তাহা হইতে প্রচুর মুক্তা উৎপন্ন হইতেছে।

মারিয়ানা দ্বীপপুঞ্জ প্রচুর ইক্ষু উৎপন্ন হইতেছে। আগে এখানে কোন শস্য পর্যাপ্ত জন্মিত না। সাইপাস, টিমিয়ান্স এবং রোটা দ্বীপ হইতে বাৎসরিক ১ কোটি ইয়েন মুদ্রা মূল্যের চিনি উৎপাদিত হয়।

জাপানীরা নানা জাতীয় ফলের গাছ এখানে রোপণ করিতেছে। অবশ্য প্রতিকূল আবহাওয়ায় অনেক চারা মরিয়া যায়, কিন্তু যাহারা বাচে, বৈজ্ঞানিক উপায়ে জাপানীরা তাহাদিগকে মাইক্রোনেশিয়ার স্থায়ী সম্পদ

যায়। মার্শাল ও কুসেয়ি দ্বীপের অধিবাসীরা কিছু কিছু ইংরেজি বলিতে পারে ১৮০৪ খৃষ্টাব্দে কুসেয়ি মার্কিনরা আবিষ্কার করেন। এই দ্বীপে কোন কারাগার নাই। অধিবাসীরা অপরাধ করিতেই জানে না। কোন প্রকার বাধি এই দ্বীপে ছিল না। এই দ্বীপের বর্তমান লোকসংখ্যা ১ হাজার ২ শত।

পোনাপি দ্বীপে পরিত্রাজকরা ডোঙ্গা করিয়া গিয়াছিলেন। এই দ্বীপের প্রধান নগর এখন পরিত্যক্ত। তটভূমি হইতে দুর্গের প্রাকার উথিত হইয়াছে। সমস্তই প্রস্তরনির্মিত। অরণ্যের দ্বারা এই দুর্গ প্রায় আবৃত

হইতে চলিয়াছে। স্থানীয় অধিবাসীরা এই দুর্গের সম্বন্ধিত হইতে ভয় পায়। এমন কি, জাপানীরাও সহজে সে দিকে যাইতে চাহে না।

পরিব্রাজকরা নাম্ টাউয়াচ্ নামক স্থানে ডোঙ্গা হইতে অবতীর্ণ হইয়াছিলেন। একটা তোরণের মধ্য দিয়া দুর্গ-প্রাঙ্গণে তাঁহারা প্রবেশ করেন। এই ধ্বংসপ্রায় দুর্গে শুক্ৰিন্মিত কুঠার, শুক্ৰির হার, কঙ্কণ এবং শুক্ৰির সূচ মনুষ্য-কঙ্কালের সহিত দেখিতে পাওয়া যায়।

দেখিলেই বুঝা যাইবে, এই নগর বহু পূর্বে রচিত হইয়াছিল। বর্তমান পাঁচুটে বর্ণের অধিবাসী হইতে স্বতন্ত্র জাতীয় কোনও সভ্য কালো জাতি এই দুর্গ নগর তৈয়ার

করিয়াছিল। কিম্বদন্তী অনুসারে জানা যায় যে, চাউ-টে-লিচুর নামক কোনও রাজবংশ একদা এখানে রাজত্ব করিয়াছিল। তার পর ইদ্রিকলুকল নামক অসভ্য আততায়ী জাতি এই বংশকে বিতাড়িত করে সুতরাং পুরাতন সভ্যতা ধ্বংসপ্রাপ্ত হয়। সেই জাতি ঐ ছোপ ছাড়িয়া পলায়নও করে।

অরণ্যবাসীরা এখনও সভ্যতাকে ভীতির দৃষ্টিতে দেখিয়া থাকে, ভালও বাসে না। কিম্ব যে ভাবে সুলের ছাত্র-ছাত্রী বৃদ্ধি পাইতেছে, হাঁসপাতালের কাণ চলিতেছে, তাহাতে দক্ষিণ-ভারতীয় দ্বীপপুঞ্জ আর অন্ধকারে থাকিবে না।

শ্রীসরোজনাথ ঘোষ।

## ব্যর্থ মিলন

আপনা হারায়ে চেয়েছিলু দূরে, উন্মনা ;  
প্রাণ হয়েছিল অজানা সুরেতে তন্মনা।

পাইনি তোমারে খুঁজিয়া সকল দিশিতে,  
স্বপনের আশে ঘুমায়েছি, হায়, নিশিতে।  
প্রভাত বেলায় নূতন অরুণ কিরণে,  
চল চঞ্চল দীপ্ত-কমল হিরণে  
খুঁজেছি নয়নে কত আকুলতা ভরিয়া,—  
আস নাই তুমি মনোহর রূপ ধরিয়া।  
দিন গেছে তোমা খুঁজিয়া সিন্ধু নয়নে ;  
কত বেলা, হায়, কেটেছে পুষ্প চয়নে।—  
ওগো নিষ্ঠুর ! শুধুই মালিকা রচনা !  
আসিবে বলিয়া হয়নি কিছুই সূচনা।  
অস্ত-তোরণে বেজেছে ভাঙ্গুর পূরবী,  
লাজে আঁখি নত করেছে রক্ত করবী,  
ওগো অকরণ ! গুনি নাই তব গীতিকা—  
চরণ পরশ লভে নাই বুকে বীথিকা ;

আঁধারে নিশীথ হারায়ে ফেলেছে আপনা,  
তারকা-নয়নে ঝরেছে মিলন কামনা,  
পবন-খাসেতে উঠে নাই প্রিয় আভাসি,  
জোছনার মাঝে উঠে নাই হাসি বিকাশি।  
মিলন আশায় বিরহ উঠেছে ব্যথিয়া,  
অভিমান মোর গিয়েছে হৃদয় মথিয়া।  
ঘুমায়েছি যবে, শিয়রে আমার এসেছ—  
জাগান-ছলায় কত মোরে ভাল বেসেছ !  
আঁখির পাতায় চুষন দেছ আঁকিয়া,  
'মালা কই ?' মোরে সুধায়েছ কত ডাকিয়া !  
জাগি নাই তব, ছিন্তু মোহ-ঘোরে ঘুমিয়া,—  
আঁখিজল রাখি চলে গেছ পুনঃ চুমিয়া।  
চোখে চোখে যদি নাহি পাই, সখা, মিলনে—  
কিবা কাষ তবে হেন মিলনের চলনে ?

শ্রীমতী ইলারানী মুখোপাধ্যায়।

# পাহাড় কাড়

উপন্যাস

৪

সরলকুমার মনে করিয়াছিল বটে, সে তাহার মনের ভাব গোপন রাখিবে, কিন্তু অল্পদিনের মধ্যেই সে বুকিল, তাহা হুঃসাহা—হয় ও অসম্ভব। ফুলের বুক যখন সৌরভে ভরিয়া উঠে, তখন সে যেমন সেই সৌরভ গোপন রাখিতে পারে না, কস্তুরী মুগের নাভি যখন কস্তুরীতে পূর্ণ হয়, তখন সে যেমন তাহার গন্ধ আর গোপন রাখিতে পারে না—যুবকের হৃদয়ে প্রকৃত প্রেম সঞ্চিত হইলে সে তেমনই তাহা আর গোপন রাখিতে পারে না। বিশেষ দুই মাস পরে যখন তাহার শেষ পরীক্ষা হইয়া গেল, তখন তাহার পক্ষে আর আশ্রয় থাকিবার কোন কারণ রহিল না। পরীক্ষা শেষ হইয়া যাইলে সে এক দিন যখন একা তাহার গৃহে গেল, তখন “ছোট সাহেব” বলিলেন, “তুমি যে সাফল্য লাভ করবে, তা’ নিশ্চয় জেনে আমি আগেই তোমাকে অভিনন্দিত করছি। জীবনের কায় কি ভাবে করবে, এইবার তা ঠিক করে নাও।”

সরলকুমার বলিল, “আপনার অনুমতি পেলে আমি আগ্রাতেই থাকতে পারি।”

“কেন? আগ্রা তোমার পাত্ৰশালা। তোমার অভাব আমরা নিশ্চয়ই অনুভব করব; কিন্তু আগ্রা তোমার কন্যা-ক্ষেত্র হ’তে পারে না। তা’র সর্বপ্রধান কারণ—গত পঁচিশ বৎসর আমি লক্ষ্য করছি, এক প্রদেশের লোক অন্য প্রদেশের লোককে আপনাদের মতো প্রাদান্য দিতে চায় না। বিহারে আর বৃহৎপ্রদেশে এই প্রাদেশিক সঙ্কীর্ণতা বাঙ্গালীর প্রতি বিদ্বেষে আত্মপ্রকাশ করছে। কামেই তোমাকে বাঙ্গালায় কায় করে যশ অর্জন করতে হবে।”

“কর্ম-জীবনে প্রবেশ করে স্থির হয়ে বসবার জন্যই আমি আপনার অনুমতি চাইতে এসেছি।”

“আমি অনুমতি ত দিচ্ছিই; যদি কখন আমার দ্বারা কোন সাহায্য হয়, তা’ও আমি সানন্দে দেব—তা’ তুমি অবশ্যই জান। কর্ম-জীবনে প্রবেশে অকারণ বিলম্ব করলে ক্ষতিই হয়। সময়ের অপব্যয় করতে নাই।”

এবার মনের ভাব প্রকাশকালে সরলকুমারের দৃষ্টি লজ্জায় নত হইল। সে একটু উত্তমতঃ করিয়া বলিল, “আমি যে কথা বলতে এসেছি, তা’ যদি অচ্যায় মনে করেন, তবে, দয়া করে আমাকে ক্ষমা করবেন। আর স্নেহে বঞ্চিত করবেন না বললে, বলতে সাহস করি।”

সরলকুমারের কথায় “ছোট সাহেব” বিস্ময়ান্বিত হইলেন। সে কি কথা বলিতে আসিয়াছে? তিনি বলিলেন, “তোমার ভয় করবার কোন কারণ নাই। তুমি জান, আমি তোমাকে ছেলের মত ভালবাসি।”

“সেই ভালবাসা স্থায়ী করবার—আমার জীবনে মণিকাকে সঙ্গী পা’বার আশা কি আমি করতে পারি?”

“ছোট সাহেব” সহসা কোন উত্তর দিলেন না—একটু ভাবিলেন। তাহার পর তিনি বলিলেন, “আমি তোমাকে সর্বাংশে যোগ্য পাত্র ব’লে বিবেচনা করি। কিন্তু এ বিষয়ে তোমাকে যেমন একটা কথা ভেবে দেখতে বলব, তেমনই মণিকাকেও তা’র মত জিজ্ঞাসা করব।”

সরলকুমার নিব্বাক রহিল।

“ছোট সাহেব” বলিলেন, “তুমি জান, আমি ব্রাহ্ম—মণিকাকে বিয়ে করতে হ’লে তোমাকে তোমার হিন্দু—অর্থাৎ রক্ষণশীল হিন্দু আত্মীয়-স্বজনের অপীতিভাজন হ’তে হবে। সুতরাং সে ত্যাগস্বীকার করা তোমার কর্তব্য কি না, সেটা ভেবে দেখবে।”

“আমি সে কথা বিশেষভাবেই ভেবে দেখেছি। আপনি জানেন, আমার বাপ-মা নাই, ভাই-বোনও নাই; যে সব আত্মীয় আছেন, তাঁদের সঙ্গে আমার ঘনিষ্ঠতা নাই। আমি নিজে যে রক্ষণশীল হিন্দু আচারানুষ্ঠানী নই, তা’ও আপনি জেনেছেন। সুতরাং আমার পক্ষে ভাববার আর কিছু নাই। তবে মণিকার মত—আর আপনার মত।”

“আমি পরে তোমাকে বলব। যদি কোন কারণে তোমার প্রস্তাবে সম্মতি দিতে না পারি, তবে সেজন্য আমি নিজেই দ্বিগ্ধিত হ’ব।”

হৃদয়ে আশায় ও নিরাশায় দ্বন্দ্ব অনুভব করিতে করিতে সরলকুমার তাহার বাংলোয় ফিরিয়া গেল।

সে চলিয়া যাইলে “ছোট সাহেব” যে স্থানে বসিয়াছিলেন, কিছুক্ষণ সেই স্থানেই বসিয়া ভাবিতে লাগিলেন। কণ্ঠকে সম্পূর্ণ প্রদান করা তিনি পিতামাতার কর্তব্য বলিয়া বিবেচনা করিয়া থাকেন—আজ তাঁহার সেই কর্তব্য পালন করিবার সময় উপস্থিত। তিনি কিছুক্ষণ পরে কক্ষমধ্যে যাইয়া কক্ষ প্রাচীরে বিলম্বিত তাঁহার পরলোকগতা পত্নীর চিত্রের নিয়ে দাঁড়াইলেন। তিনি তাঁহার স্মৃতি সর্বদা সময়ে রক্ষা করিয়া আসিয়াছেন—ক্রমে সে স্মৃতি ভাণবাসার উচ্চতম স্তরে উপনীত হইয়াছে—তাঁহার শ্রদ্ধায় পরিণতি লাভ করিয়াছে। আজ তাঁহার মনে হইল—পত্নীর অভাব কত প্রবল! কণ্ঠের জন্ম উপযুক্ত পাত্র নির্বাচনে কেবল যিনি তাঁহাকে সাহায্য করিতে পারিতেন,—যাঁহার মতের উপর তিনি অনায়াসে নির্ভর করিতে পারিতেন—তিনি নাই। তাই আজ তাঁহাকেই মণিকার পিতা ও মাতা উভয়ের কর্তব্য একক পালন করিতে হইবে।

তিনি যখন পত্নীর তৈলচিত্রের নিয়ে দাঁড়াইয়া এই সব কথা ভাবিতেছিলেন, তখন মণিকা তাঁহাকে কি একটা কথা জিজ্ঞাসা করিবার জন্ম সেই কক্ষে প্রবেশ করিল। সে জানিত, তাহার পিতা সময় সময় সেই চিত্রে বদ্ধদৃষ্টি হইয়া চিন্তা করেন। সে সময় সে কখনও তাঁহাকে ডাকে না।—কারণ, পূজায় বা উপাসনার রত ব্যক্তির মনোযোগ অন্যদিকে আকর্ষণ করিতে নাই। আজ সে সেই জন্ম যেমন নীরবে আসিয়াছিল, তেমনই নিঃশব্দে বাহির হইয়া যাইবার চেষ্টা করিল। কিন্তু সে যাইবার জন্ম দ্বারের পর্দাটি সরাইলে চিত্রের উপর অধিক আলোকপাত হইল। তাহার কারণ জানিবার জন্ম ফিরিয়া “ছোট সাহেব” দেখিলেন, মণিকা চলিয়া যাইতেছে।

তিনি তাহাকে ডাকিলেন, “মা!”

মণিকা ফিরিয়া আসিল।

“আমি তোমার কাছেই যাচ্ছিলাম।”

“কেন, বাবা?”

“সরলকুমার এসেছিলেন।”

“আমি তাঁকে আসতে দেখেছিলাম; ভাষলাম, পরীক্ষা শেষ করে তিনি দেখা করতে এসেছেন।”

“তা-ও বটে।”

“ছোট সাহেব” একটু চুপ করিয়া থাকিয়া বলিলেন, “তাঁকে এ-বার যেতে হবে।”

মণিকা বলিল, “হ্যাঁ”, কিন্তু সে সেন গণ্যমানস। আর তাহার মুখের স্বাভাবিক প্রফুল্লভাব সেন সতস। অশ্রুহিত হইয়া গেল।

“ছোট সাহেব” বলিলেন, “ক’ বছর তিনি আগায় ছিলেন—মিষ্টস্বভাবতঃ আমাদের সেন আপনাব হয়ে গিয়েছিলেন।”

মণিকা কোন কথা বলিল না,—সে ভাবিতেছিল।

“তাঁকে ছাড়তে আমাদের কষ্ট হবে।”

“তাঁর কি আর এখানে থাকা অসম্ভব?”

“তা’ই বটে। তুমি ত তাঁর ইতিহাস জান—তাঁর ঠিক আপনার বলতে কেউ নাই; তাই তিনি, ইচ্ছা হওয়ায়, এত দিন এখানে ছিলেন। এখন তাঁকে ভবিষ্যৎ-জীবনের কায় ঠিক করে নিতে হবে—তাঁর শিক্ষা, তাঁর প্রতিভা—এ সব ব্যর্থ হওয়া ত অভিপ্রেত হ’তে পারে না।”

মণিকা আর কিছু বলিল না।

“ছোট সাহেব” বলিলেন, “সেই সম্পর্কে তিনি একটা প্রস্তাব করতে এসেছিলেন।”

মণিকা জিজ্ঞাসা করিল, “কি প্রস্তাব?”

“তিনি তোমাকে সঙ্গে নিয়ে যেতে চান।”

“আমাকে? সঙ্গে?”

একটু হাসিয়া “ছোট সাহেব” বলিলেন, “যদি আমার আর তোমার আপত্তি না থাকে, তবে তিনি তোমাকে বিবাহ করবার প্রস্তাব করবেন।”

উষার আলোকে তাজমহলের বিকাশোন্মুখ কুম্বুমের মত গম্বুজের উপর যেমন রক্তাভা ছড়াইয়া পড়ে, মণিকার মুখে তেমনই রক্তমাভা ছড়াইয়া পড়িল।

“ছোট সাহেব” বলিলেন, “তোমার মা বেঁচে থাকলে তোমার মত জানবার ভার অবশ্য তিনিই নিতেন। আমি সেই কথাই ভাবছিলাম। কিন্তু তিনি নাই, কাষেই আমাকে সে কায়ের ভার নিতে হয়েছে। তিনি যেমন ভাবে তোমার মত জানতে পারতেন, তেমন ভাবে জানবার দৈনুণ্য আমার নাই। তাই আমি একেবারে এই কথা তোমাকে জিজ্ঞাসা করছি।”



কোন উত্তর না দিয়া মণিকা চলিয়া যাইবার উদ্যোগ করিল। তাহা দেখিয়া “ছোট সাহেব” বলিলেন, “বিষয়ের গুরুত্ব অসাধারণ। সুতরাং বিশেষ বিবেচনা করিতেই হ'বে। তুমি ভাববার সময় লও। কেবল তোমার ভাববার সুবিধা হ'বে, মত স্থির করতে সাহায্য হ'বে ব'লে আমি ক'টা কথা বলব—প্রথম, সরলকুমারকে আমরা ক' বৎসর দেখেছি—জেনেছি, তাঁর বিরুদ্ধে বলবার কিছু পাই নি; দ্বিতীয়, তিনি যে টাকা পেয়েছেন, তা'তে তাঁর আর্থিক অবস্থা ভালই বলা যেতে পারে—অর্থের জ্ঞান যে তাঁর কষ্ট পা'বার সম্ভাবনা নাই—এ কথা, বোধ হয়, বলা যেতে পারে; তৃতীয়, তাঁর সংসারে তাঁর ও তাঁর স্ত্রীর কাসে হস্তক্ষেপ ক'রে অশান্তি ঘটাবার কেহ নাই; চতুর্থ, তিনি সাহিত্যরসিক; পঞ্চম, তিনি মিষ্টভাষী ও শিষ্টাচারী। এ সবই তাঁর পক্ষের কথা। বিপক্ষে কি বলব, তা' আমি ভেবে পাচ্ছি না; যদি পাই, পরে তোমাকে জানাব। এখন তুমি ভেবে দেখ, আমিও ভেবে দেখি।”

মণিকা নিষ্কতি পাইল। এ প্রস্তাব এমনই অতর্কিত যে, ইহা তাহার অপ্রস্তুত মনকে অতিমাত্র চঞ্চল করিয়া তুলিয়াছিল। কিন্তু সে পিতার সম্মুখে কেবল সেই চাকল্য গোপন করিবার চেষ্টাই করিতেছিল—যাহা সংযত করা যায় না, তাহাই সংযত করিবার জ্ঞান ব্যাকুল হইয়াছিল। এখন সে পিতার নিকট হইতে যাওয়া আপনার বসিবার ঘরে প্রবেশ করিল।

মণিকা চলিয়া যাইলে “ছোট সাহেব” একবার তাঁহার পত্নীর চিরের দিকে চাহিলেন। তাঁহার মনে হইল, যদি ঐ চিরের ওষ্ঠাপরে বাক্যদৃষ্টি হইত! তাহা হইলে তিনি সরলকুমারের প্রস্তাব সম্বন্ধে মণিকার মাতার মত জানিতে পারিতেন। সংসারের সব কাসে তিনি দীর্ঘকাল পত্নীর মতই অল্লাস্তু মনে করিয়া—সর্বতোভাবে তাঁহার উপব নির্ভর করিয়া আপনি অধ্যয়ন ও অধ্যাপনা লইয়া ব্যস্ত ছিলেন। তাহার পর সংসারের ভার কতকটা মণিকার ও কতকটা ভৃত্যের হস্তগত হইয়াছে—তিনি তাহা গ্রহণ করিতে সাহস করেন নাই।

তাহার পর তিনি বারান্দার যাওয়া বসিলেন—ভাবিতে লাগিলেন। বহুদিন তাঁহার চিন্তার এমন কোন কারণ

ঘটে নাই—সব যেন যথারীতি চলিতেছিল। পুত্র বিবাহ করিয়াছে; কিন্তু বিবাহ করিতে সে পিতার মত গ্রহণ করে নাই। তিনি কেবল পুত্রবধুকে আশীর্বাদ করিয়াছেন। মণিকার বিবাহের কথা তিনি যতই ভাবিতে লাগিলেন, ততই তাঁহার ভাবনা বাড়িতে লাগিল।

অপরাজে যখন ছাত্ররা “ছোট সাহেবের” কাছে আসিল, তখন তিনি যেন চিন্তা হইতে অব্যাহতি লাভ করিলেন। সরলকুমারও আসিয়াছিল; কিন্তু আজ সে যেন আপনাকে অণু সকলের পশ্চাতে রাখিতেই সচেষ্ট ছিল।

মণিকা ছাত্রদিগকে চা দিয়া “একটু কাস আছে” বলিয়া চলিয়া গেল।

“ছোট সাহেব” ছাত্রদিগকে বলিলেন, “চল, আজ বাগানেই একটু বেড়ান যাক, তা'র পর ফিরে এসে কিছু পড়া যাবে।”

বাগান মনোরম—বাগানের মনো পুঙ্খ পথগুলি সুরক্ষিত; গাছ এমন ভাবে সজ্জিত যে, কখন বাগানের কোন অংশ ফুলশূণ্য হয় না। “ছোট সাহেব” ফুল ভালবাসেন বলিয়া তাঁহার পত্নী বিশেষ মত সহকারে উদ্যান খানি সাজাইয়াছিলেন। তাহার পর তাহা কখনও মণিকার সতর্ক ও স্নেহদৃষ্টিতে বঞ্চিত হয় নাই।

সকলে গৃহে ফিরিয়া আসিলে সরলকুমারই প্রস্তাব করিল, টেনিসনের ‘লকম্ লি হল’ পাঠ করা হউক।

কবিতাটি পূর্বেও পাঠিত হইয়াছিল; তাই “ছোট সাহেব” কেবল তাহা পড়িয়া যাইতে লাগিলেন—যেন স্মৃতি হইতেই আবৃত্তি করিতে লাগিলেন; ব্যাখ্যার প্রয়োজন হইল না।

গৃহে ফিরিবার পথে এক জন যুবক ছাত্র বলিল, “কি সুন্দর আবৃত্তি!”

আর একজন বলিল, “‘ছোট সাহেব’ যখন কোন কবিতা আবৃত্তি করেন, তখন তাহাতেই যেন কবিতার নূতন সৌন্দর্য্য সপ্রকাশ হয়। কি বলেন, সরল বাবু?”

সরলকুমার তখন অণুমনস্ক হইয়াছিল। সে কবিতার দুইটি চরণ স্মরণ করিতেছিল :—

“বসন্তে বিহগ-দেহে শোভা পায় নবীন বরণ,  
বসন্তে প্রেমের চিন্তা পূর্ণ করে যুবকের মন।”



610 22108

610 22108



পিতার নিকট হইতে সরলকুমারের প্রস্তাবের বিষয় অবগত হইয়া মণিকা মনের মধ্যে 'অনুভূতপূর্ক' ভাব ও চাঞ্চল্য অনুভব করিতে লাগিল। গৃহকার্যের অবসরে স্থিরভাবে চিন্তা করিবার অবসর সে পাইল না—অথবা তাহার মনে হইল, সে পাইল না। মধ্যাহ্নের পর সে যখন একা ভাবিবার সময় পাইল, তখনও সে ভাবিবার পদ্ধতি স্থির করিতে পারিল না; বৃষ্টিতে পারিল না, যৌবনে কেহ একরূপ বিষয়ে ভাবিবার পদ্ধতি স্থির করিতে পারে না—কেন না, সমুদ্রের চাঞ্চল্য যেমন তাহার স্বভাব, এ বিষয়ে সুবর্তীর মনের চাঞ্চল্য তেমনই তাহার প্রকৃতিগত। কেবল মণিকার মনে হইল, যে দিন সে তাজমহল সপক্ষে সরলকুমারের অভিব্যক্ত মতের সমর্থন করিয়াছিল, সে দিন সরলকুমার যে দৃষ্টিতে তাহার দিকে চাহিয়াছিল এবং উভয়ের দৃষ্টি মিলিত হইলেই তাহা মত করিয়াছিল, সে দৃষ্টিতে সে বিদ্যুতের স্পর্শ অনুভব করিয়াছিল। সে দৃষ্টি সেই দিন হইতে বার বার তাহার মনে পড়িয়াছে।

রাত্রিকালে শস্যায় শয়ন করিয়া সে কেবলই ভাবিতে লাগিল। তখন যদি কেহ তাহাকে লক্ষ্য করিতে পারিত, তবে লক্ষ্যকারীর মনে হইত, যখন কোমল চিন্তা ও হরিত-গতি ভাবাতিশয্য সুন্দরীর মুখে সৌন্দর্য্য-সঞ্চার করে, তখন তাহার কাছে প্রভাতের বা দিনান্তের আলোকে দৃষ্ট কুমুমের সুষমাও মলিন অনুভূত হয়।

একবার মণিকার মনে হইল, বিবাহে অনিশ্চিতের সে অংশ অনিবার্য্য, তাহা হইতে অস্থির উদ্ভব হইতে কতক্ষণ? কিন্তু তখনই আবার তাহার মনে হইল—যদি কখন পথে দস্যুর সহিত দেখা হয়—সেই ভয়ে কি কেহ জীবনের পথে তাহার সকল সঞ্চয় ফেলিয়া দিয়া রিক্ত হইয়া অগ্রসর হয়? জীবন সপক্ষে—সংসার সপক্ষে তাহার অভিজ্ঞতা অতি অল্প। কিন্তু সে যাহা প্রত্যক্ষ করিয়াছে, সে কেবল তাহার কথাই মনে করিতে লাগিল—তাহার পিতামাতার সুখসমৃদ্ধ জীবনের কথাই তাহার মনে পড়িতে লাগিল। সেরূপ জীবন যে আর কাহারও হয় না বা হইতে পারে না, এমনই বা কে মনে করিতে পারে?

যদিও তাহার যে বয়স, সে বয়সে মানুষ আপনার সুখের উপকরণ সংগ্রহ করিতে যথেষ্ট সময় পাইলেও স্বজনগণের

সুখবিধানের জন্ত সময় পায় না, তথাপি মণিকার মনে হইল, সে বিবাহ করিয়া স্বামীর সঙ্গে চলিয়া যাইলে, কে তাহার পিতাকে দেখিবে? সে জানিত, “ছোট সাহেব” স্বীর স্বামীর নিকট হইতে দূরে থাকা ভালবাসিতেন না এবং তিনি বলিয়াছেন, সরলকুমারকে বাঙ্গালায় নাওঁতে হইবে।

সে মনে করিল, না—সে বিবাহ করিবে না। কিন্তু সেই সঙ্কল্প স্থির করিতে সে মনে কোন ব্যথা অনুভব করিল কি? সে তরবারের ফলক ধরিয়া তাহার পরিবার স্থান দিয়া অপরকে আঘাত করে, সে কঠোরভাবে আঘাত করিতে পারে না—অথচ তাহার আপনার হাত কাটিয়া রক্ত পড়ে। মণিকার কি তাহাই হইল?

ভাবিতে ভাবিতে শেষ রাত্ৰিতে সে ঘুমাইয়া পড়িল। যখন স্বাধুর শক্তি উত্তেজনার ফলে নিঃশেষ হয়, তখন মানুষ গাট নিদ্রায় নিদ্রিত হয় এবং সে নিদ্রা যখন ভঙ্গ হয়, তখন তাহার মনে হয়, যে চিন্তার ভার ঢুকত বলিয়া মনে হইয়াছিল, সে চিন্তাভারও বহন করা যায়,—সে অবস্থা তৎসহ বলিয়া মনে হইয়াছিল, তাহাও সহ করা সম্ভব। মণিকার তাহাই হইল। সে উঠিয়া অভ্যস্ত গৃহকার্য্যে আত্মনিয়োগ করিল। কিন্তু দর্পণের সন্মুখে যাইয়াই সে বৃষ্টিতে পারিল, গত রাত্রির চিন্তা ও উদ্বেগ তাহার মুখে তাহাদিগের চিহ্ন অঙ্কিত করিয়া গিয়াছে—তাহার চক্ষু বেষ্টিত করিয়া মলিন বৃত্ত সৃষ্টি করিয়া গিয়াছে।

মালী ফুল লইয়া আসিলে মণিকা ঘরে ঘরে পুষ্পপাত্রের মলিন ফুলগুলি ফেলিয়া দিয়া নতন ফুল সজ্জিত করিল এবং সন্ধ্যাবে বারান্দায় আসিয়া তথায় পুষ্পপাত্রটি তুলিয়া লইয়া নতন ফুল দিল।

“ছোট সাহেব” তথায় ছিলেন।

মণিকা পিতার নিকটে বসিলে তিনি বলিলেন, “আমি ঠকে গেছি, মণিকা।”

মণিকা জিজ্ঞাসা করিল, “কেন, বাবা?”

“অনেক ভেবে দেখলাম, সরলকুমারের বিরুদ্ধে বলবার কিছু খুঁজে পেলাম না।”

মণিকা চুপ করিয়া রহিল।

“ছোট সাহেব” বলিলেন, “আমার মত আমি দিলাম; এখন তোমাকে তোমার মত জানাতে হ'বে।”

“বাবা, আমাকে কি বিষয়ে করতেই হ'বে?”



“এ কথা তুমি জিজ্ঞাসা করছ কেন?”

“আপনাকে কে দেখবে?”

“ছোট সাহেব” হাসিয়া উঠিলেন; বলিলেন, “দেখছি, তোমার নাবালক বাপটিকে নিয়ে তুমি বড়ই বিপন্ন হয়ে পড়েছ! বিলাতে বড়াদের জ্ঞান আশ্রম আছে; এ দেশে অকেসো পশুর জ্ঞান পিঁজরাপোল হয়েছে—কিন্তু বড়া মাহুমদের জ্ঞান কোন ব্যবস্থা হয় নি। না?”

“না, বাবা, গাড়া নয়। আমি আপনাকে ছেড়ে যাব না।”

“তা হলে আমি কখন আপনাকে ক্ষমা করতে পারব না। কারণ, আমি নিজেকে কখন এতটা স্বার্থপর ভাবে পারি না। যখন আমার সেবার দরকার হবে, তখন সে সংবাদ তোমরা অবগতই পাবে। কিন্তু সে দরকার যেন না হয়, আমি তাই চাই।”

মণিকা ভাবিতে লাগিল, বাস্তবিক কেহ কি জলে অব-  
তরণ না করিয়া কেবল কূলে বসিয়া জীবন-নদীর স্রোতঃ  
লক্ষ্য করিয়া থাকিতে পারে?

“ছোট সাহেব” বলিলেন, “তুমি ভেবে দেখ। যদি সরলকুমারকে তোমার ভাল বলে মনে না হয়, তবে আমি কখনই বলব না—তুমি তাঁকে বিবাহ কর। সে বিষয়ে তুমি নিশ্চিত থেক। তোমার মত জানতে পারলে, তবে আমি তাঁকে আমার কথা জানাব।”

মণিকা আর কিছু বলিল না।

মণিকা ভাবিতে লাগিল—ভাবিয়া কিছুই স্থির করিতে পারিল না। সে পিতাকে দেবতার মত জ্ঞান করিত; তিনি কোন বিষয়ে ভুল করিতে পারেন, ইহা সে বিশ্বাস করিতে পারিত না। তিনি যে বলিয়াছেন, তিনি সরলকুমারের বিরুদ্ধে বলিবার কিছুই পান নাই, তাহা মণিকার কাছে অদ্রাষ্ট সত্য বলিয়াই বোধ হইয়াছিল।

কূলের পীপড়ীতে যখন স্বাভাবিক নিয়মে বর্ণ-সঞ্চারণ হয়, তখন সে বর্ণ দেখিতে দেখিতে গাঢ়তা ও প্রসার লাভ করে; তেমনই নুবক-নুবতীর মনে যখন ভালবাসা প্রথম দেখা দেয়, তখন তাহা ক্রমেই প্রবল হয়। মণিকার তাহাই হইয়াছিল। সরলকুমারের মনোবাণী ও তাহার মিষ্ট ব্যবহার প্রথমে তাহাকে আকৃষ্ট করিয়াছিল—তাহার পর এই কয় বৎসরের ঘনিষ্ঠ পরিচয়ে সে আকর্ষণ দৃঢ় হইতে দৃঢ়তর হইয়াছিল।

কেবল তাহাই নহে—কখন সে তাহা একটু ভাবাস্তুর লাভ করিয়াছিল, তাহা সে বুঝিতেই পারে নাই। আপনার বক্ষে যে সৌরভ সঞ্চিত হয়, ফুল কি তাহা বুঝিতে পারে? শেষে সে দিন সৌরভ অলিকে আকৃষ্ট করে, সেই দিন সে তাহার স্বরূপ উপলব্ধি করিতে পারে।

বয়সের ধন্য বয়সের সঙ্গে সঙ্গে দেখা দেয়।

মণিকাও সরলকুমারের বিরুদ্ধে বলিবার কিছু গুঁজিয়া পাঠিল না; পরন্তু তাহার পক্ষে বলিবার অনেক নতন বিষয়ের সম্ভাবনা সে পাঠিতে লাগিল।

সে চলিয়া গাইলে পিতার অসুবিধা হইবে বলিয়া সে বিবাহে আপত্তি করিয়াছিল; কিন্তু পিতার কথায় সে বুঝিয়াছিল, সে বিবাহ করিলে পিতা সুখী হইবেন—তাঁহার কর্তব্য শেষ হইল, মনে করিষেন।

তুই দিন পরে “ছোট সাহেব” যখন কণিকাকে জিজ্ঞাসা করিলেন, “মণিকা, তুমি কিছু স্থির করলে?” তখন মণিকা নিন্দাক্ রহিত; কেবল তাহার মুখে সজ্জার ভাব দেখা দিল।

“ছোট সাহেব” বলিলেন, “আমি সরলকুমারকে ডেকে বলে দেব, তাঁর প্রস্তাবে আমি আপত্তির কোন কারণ দেখি না।”

মণিকা কিছুই বলিল না।

৬

যে দিন পিতা পুত্রীকে পুনোন্মিথিত কথা বলিলেন, সেই দিন সন্ধ্যায় ছাত্রেরা বিদায় লইবার সময় “ছোট সাহেব” সরলকুমারকে পরদিন প্রাতে তাহার সহিত সাক্ষাৎ করিতে বলিয়া দিলেন। সে রাত্রিতে সরলকুমার ঘুমাতে পারিল না—শরতের আকাশে যেমন পবন-তাড়িত লঘু মেঘ এক একবার চন্দ্রালোক আবৃত করে, আবার তাহার পর চন্দ্রালোকে আকাশ যেন হাসিতে থাকে, তাহার মনে তেমনই একবার আশার আলোক দেখা যাইতে লাগিল, আবার আশঙ্কার মেঘ তাহা আবৃত করিতে লাগিল। যদি সুসংবাদই হইবে, তবে “ছোট সাহেব” তাহা পরদিন বলিবার জ্ঞান রাখিয়া দিবেন কেন? কিন্তু যদি দুঃসংবাদই হয়, তবেই বা বিলম্বের কারণ কি হইতে পারে? হয় ত তিনি তাহাকে সাধনা দিবার চেষ্টা করিবেন।

সাম্বনা! সে ঘোঁরনের আগ্রহে যে ভালবাসা পুষ্ট করিয়াছে, সে ভালবাসা প্রত্যাখ্যাত হইলে সে কি কখন সাম্বনা লাভ করিতে পারে? তাহার মন বলিল—না—না।

যদি সে দুঃসংবাদই পায়, তবে সে পরদিনই আগ্রা ত্যাগ করিবে, আর কখন আগ্রায় আসিবে না; সে গুরুকে সে এত ভক্তি করে, সে গুরুর সঙ্গে তাহার আর কখন সাক্ষাৎ হইবে না। মণিকার কাছে সে বিদায় লইতে পারিবে না; মানুষের মনকে বিশ্বাস নাই; যদি হতাশার বেদনায় সে কোন অপ্রিয় কথা বলিয়া ফেলে! সে জন্ম সে কখন আপনাকে ক্ষমা করিতে পারিবে না। কিন্তু কেনই বা সে অসংযত হইবে? সে মণিকার কাছেও বিদায় লইয়া যাইবে।

শস্যায় পাকা কষ্টকর মনে করিয়া সরলকুমার বারান্দায় যাইয়া একখানি চেয়ারে বসিল, মধ্য মধ্য উঠিয়া বেড়াইতে লাগিল। দিবালোকবিকাশশূন্য হইতে না হইতে সে ভৃত্যকে ডাকিয়া দিয়া স্বয়ং স্নান করিতে চলিয়া গেল এবং মখন সে “ছোট সাহেবের” বাংলোর পথ গ্রহণ করিল, তখন দিনের আলো কেবল আগ্রার গম্বুজে গম্বুজে মেন বর্ণরঞ্জন করিতেছে। সে আপনি আপনার সদয়ের স্পন্দন-শব্দ শুনিতে পাইতে লাগিল।

সরলকুমার গৃহের বেষ্টনোত্তানে প্রবেশ করিয়া দেখিতে পাইল, মণিকা তাহার পিতার সহিত বেড়াইতেছে। ঠাহারাও তাহাকে দেখিতে পাইলেন। সে ঠাহাদিগের নিকট উপনীত হইবার পূর্বেই মখন মণিকা বাংলোর মধ্য চলিয়া গেল, তখন তাহার উৎকর্ষা ও আশঙ্কা মেন আর সীমায় বদ্ধ রছিল না। সে যে ক্রমে “ছোট সাহেবের” কাছে উপনীত হইল, তাহা সে আপনিই বুঝিতে পারিল না। তাহার মনে হইতেছিল, হয় ত মণিকার সহিত তাহার এই দেখাও শেষ দেখা। সে চিন্তায় কি বাধা!

“ছোট সাহেব” বলিলেন, “এস, সরলকুমার। এস।”

তাহার পর তিনি ডাকিলেন, “মণিকা! মা!”

বাংলোর মধ্য হইতে কেহ উত্তর দিল না। তবে “ছোট সাহেবের” মুখের প্রসুপ্তভাব সরলকুমারকে সাহস দিল।

“ছোট সাহেব” বলিলেন, “মণিকা দেখছি, আসবে না। আমার ইচ্ছা ছিল, তুঁজনকে একসঙ্গে আশীর্বাদ ও অভিনন্দিত করব; তা’ দেখছি, হ’ল না। আশীর্বাদ আমি

তোমাদের দু’জনকেই করছি—চিরস্থায়ী হ’ল। আর আমি তোমাদের দু’জনকেই অভিনন্দিত করতে পারি; কারণ, আমার বিশ্বাস—মণিকার সেমন তোমার মত স্বামী পাওয়া সৌভাগ্য বিবেচনা করা সম্ভব, তুমিও তেমনই—তোমার রুচির অনুরূপ রুচির অনুলীলনকারিণী মণিকাকে পেয়ে সুখী হবে।”

সরলকুমারের হৃদয় আনন্দে পূর্ণ হইয়া উঠিল। সে নতমস্তক হইয়া “ছোট সাহেবের” কথা শুনিতেছিল— তাহার মনে হইতেছিল, সত্য সত্যই মেন তাহার আশীর্বাদ তাহার মস্তকে কল্যাণ বর্ষণ করিতেছে।

উভয়ে উত্তান হইতে বাংলোর উপনীত হইলেন। তথায় “ছোট সাহেব” আবার কণ্ঠকে ডাকিলেন এবং উত্তর না পাইয়া হাসিয়া বলিলেন, “দেখ, মণিকা এর মতোই আর আমার কথা শুনছেন না।”

তাহার পর তিনি সরলকুমারকে বলিলেন, “তুমি যাও, মণিকার সঙ্গে দেখা করে এস।”

সরলকুমার বলিল, “আমি পরে এসে দেখা করব।”

তাহার কথা শুনিয়া “ছোট সাহেব” বিস্মিতভাবে তাহার দিকে চাহিলেন।

সরলকুমার বলিল, “মণিকার আঙ্গুলের আংটির মাপ পেতে পারি কি?”

“ছোট সাহেব” হাসিয়া বলিলেন, “আংটি নিয়ে এসে দেখা করবে? সেটা কিন্তু বিলাতের প্রথার অন্তর্করণ।”

ছাত্র হিসাবে পদের ব্যাখ্যা লইয়া সে যেমন অধ্যাপকের সহিত তর্ক করিত, তেমনই ভাবে সরলকুমার বলিল, “কেন? আমাদের দেশেও যে অঙ্গুরীয় অভিজ্ঞান হিসাবে ব্যবহৃত হ’ত, তা’ ত কালিদাসের সাক্ষ্য পাওয়া যায়।”

“ঠিক বলেছ।”

একটু ভাবিয়া “ছোট সাহেব” বলিলেন, “আংটি মণিকা একটাই ব্যবহার করেন; সেটা যে দেবেন, এমন মনে হয় না—কারণ, সেটা ঠাঁর মা’র ছিল। তবে—ঠাঁ’র আংটি আরও আছে; আমি দেখছি।”

“ছোট সাহেব” তাহার শয়নকক্ষে প্রবেশ করিলেন এবং তথায় আলমারী খুলিয়া একটি অঙ্গুরী আনিয়া সরলকুমারকে দিলেন। সরলকুমার শ্রদ্ধা সহকারে সেটি গ্রহণ করিয়া পকেটে রাখিল এবং উঠিয়া দাঁড়াইয়া বিদায়ী নমস্কার করিল।

“ছোট সাহেব” বলিলেন, “এখনই চলে ?”

সরলকুমার বলিল, “এখন একবার যেতে হ’বে। পরে আবার আসব।”

“এক পেয়লা চা-ও খেলে না ?”

“চা আমি খেয়ে এসেছি”—বলিয়া সরলকুমার বিদায় লইল। আসিবার সময় সে মনে আশঙ্কা লইয়া আসিয়াছিল, যাইবার সময় আনন্দ লইয়া গেল—এ-বার তাহার গতি আর মত্বর নহে—দ্রুত।

“ছোট সাহেব” বুঝিলেন, সে অঙ্গুরীয় কিনিতে গেল। কিন্তু সে জ্ঞাত সে যে আগ্রা হইতে দিল্লী পর্য্যন্ত যাইবে, তাহা তিনি অপরাহ্নের পূর্বে জানিতে পারিলেন না। অপরাহ্নে অগ্নি ছাত্ররা আসিয়া বলিল, কি একটা কাণ আছে বলিয়া সরলকুমার দিল্লী যাত্রা করিয়াছে; বলিয়া গিয়াছে, সন্ধ্যায় ফিরিবে।

সন্ধ্যার পর যখন অগ্নি ছাত্ররা চলিয়া গেল, তখন “ছোট সাহেব” কণ্ঠকে বলিলেন, “সকালে সরলকুমার যখন তোমার আংটার মাপ চেয়েছিলেন, তখন যদি বলতেন, তিনি সেটা নিয়ে দিল্লী পর্য্যন্ত যাবেন, তবে আমি বারণ করতাম। ছেলেমানুষ!”

মণিকা কোন কথা বলিল না; কিন্তু পিতার কথায় তাহার চক্ষু সেন উজ্জ্বল হইয়া উঠিল।

এই সময় একখানি যান গৃহবেষ্টনোত্তানে প্রবেশ করিল—শব্দ শুনা গেল এবং তাহার পরই সেখানি বারান্দার সম্মুখে দাড়াইবামাত্র সরলকুমার নামিয়া বাংলায় প্রবেশ করিল।

সে ঘরে প্রবেশ করিলে মণিকা উঠিয়া চলিয়া যাইবার উদ্যোগ করিলে, “ছোট সাহেব” বলিলেন, “মণিকা, শুনেছ ত, সরলকুমার দিল্লী থেকে আসছেন—তুমি ওঁর জ্ঞাত কিছু খাবার আন; চাকরকে বল, স্নানের ঘরটা দেখিয়ে দিক—হাত-মুখ ধুয়ে আসবেন।”

মণিকা চলিয়া যাইলে সরলকুমার অঙ্গুরীয়ের বাক্স বাহির করিয়া সেটি খুলিল—বিদ্যুতের আলোকে অঙ্গুরীয়ের হীরক যেন জ্বলিয়া উঠিল।

“ছোট সাহেব” বলিলেন, “তুমি একত টাকা জিনিষ এনেছ ?”

সরলকুমার বলিল, “বেশী নয়।”

সরলকুমার হাত মুখ ধোত করিয়া আসিল। মণিকা তাহার জ্ঞাত খাবার লইয়া আসিল।

অঙ্গুরীয়ের বাক্সটি টেবলের উপরেই ছিল। “ছোট সাহেব” সরলকুমারকে বলিলেন, “তুমি এটি মণিকাকে দাও।” বলিয়া তিনি—যেন কি কামে—পাশের কক্ষে গমন করিলেন।

সরলকুমার পকেট হইতে একখানি খাম বাহির করিয়া সেইখানি ও অঙ্গুরীয়টি মণিকাকে দিল। মণিকা লজ্জানত-দৃষ্টি হইয়া সেগুলি গ্রহণ করিয়া অঙ্গুরীয়টি টেবলের উপর রাখিয়া দিল এবং খামখানি বৃকের কাপড়ের মধ্যে লুকাইয়া রাখিল।

‘আপনার ঘরে যাইয়া মণিকা খামখানি বাহির করিল। তাহার মধ্যে সরলকুমারের স্বরচিত একটি কবিতা ছিল :—

এস রজনীর শেষে সমুজল বেশে দিবালোকরাশিসম ;  
এস স্নিগ্ধ শীতল বরষার জল তপ্ত-হৃদয়ে মম ;  
এস মরুর উষর বালুর উপর স্ফটিকস্বচ্ছ ধার ;  
এস শিশির-অশ্রু নব বসন্তে সুমনস সুকুমার ;  
এস নীল নিম্বল গগনে বিমল রজতজ্যোৎস্না-হাসি ;  
এস অলিসঙ্কুল সৌরভাকুল পুলকিত ফুলরাশি ;  
এস শরৎ-তপনে প্রভাত-পবনে বিকশিত শতদল ;  
এস খররবিকরে পিপাসাকাতরে স্নিগ্ধ শীতল জল ;  
এস অমানিশাপরে নীল অগ্নরে রবিকর মধুময় ;  
এস হতাশের তরে জীবন-সমরে চির-ঈপ্সিত জয় ;  
এস হতাশাকাতর মম অন্তর পুলকিত তোমা লাগি ;  
এস টুটি’ দুখশোক আশার আলোক উঠিছে সেথায় জাগি ;  
এস দুখের আঁধার ঘূচায় আমার আলোক পুলকভরা ;  
এস সুখ এ জীবনে শান্তি মরণে সংসার আলোকরা ;

কবিতাটি একবার পাঠ করিয়া মণিকা যখন আবার পাঠ করিতেছে, সেই সময় তাহাকে ডাকিয়া পিতা কক্ষে প্রবেশ করিলেন। তিনি অঙ্গুরীয় ও আধারটি টেবলের উপর রাখিয়া বলিলেন, “তুমি ফেলে এসেছিলে। সরলকুমার অনেকগুলি টাকা খরচ করেছেন। এটি তোমাকে পরতে হ’বে।”

তিনি চলিয়া যাইলে মণিকা একবার ঘরের দিকে চাহিয়া দেখিল, তাহার পর অঙ্গুরীয়টি বাক্স হইতে বাহির করিল। আলোকপাতে হীরক হইতে আলোক যেন

বিচ্ছুরিত হইল। মণিকা সেটি অঙ্গুলীতে পরিধান করিল। তাহার মনে হইল, অঙ্গুরীয়টি কবিতাটিরই মত সুন্দর। সে আপনাকে জিজ্ঞাসা করিল, সরলকুমারের প্রেম কি আরও সুন্দর ?

সে অঙ্গুরীয়টি দীর্ঘে দীর্ঘে খুলিয়া রাখিল বটে, কিন্তু রাগিতে শয়ন করিতে মাইবার পূর্বে কবিতাটি আবার—

বারবার পাঠ করিয়া অঙ্গুরীয়টি পুনরায় পরিধান করিয়া যখন শুইতে গেল, তখন কবিতাটি তাহার স্মৃতিগত হইয়াছে ! শয্যায় শয়ন করিয়া তাহার মনে হইতে লাগিল, কবিতাটি মেন তাহার মনের মন্যে কেবল গুঞ্জরণ করিতেছে।

সে ঘুমাইয়া পড়িল।

[ ক্রমশঃ।

শ্রীহেমেন্দ্রপ্রসাদ ঘোষ।

## গোঁয়ো নদী

অনাদি কালের প্রাচীন তাপস হিমালয়-শিখর হ'তে  
কোন অমরার পীযুষ বহিয়া পুত জাহ্নবী স্রোতে  
চলিয়াছ বেয়ে চির-আনমনা স্বচ্ছ তটিনি অধি।  
পতিত-পাবনি ! শান্তি-দায়িনি ! চিব-কলাপ-মগি !  
সৃষ্টি-প্রভাতে জন্ম হয় ত, সেট আদিযুগ হ'তে  
আপনা তুলিয়া সঁপিলে জীবন শুধু পরহিত-ব্রতে।  
কুল কুল কুল চলিয়াছ গেয়ে কত গ্রাম, পথ ছাড়ি,  
কত যে নগর কত বনভূমি প্রান্তর দিয়া পাড়ি !  
বিটপী-গুহ-ব্রতভীতে ঘরা তোমার উভয় তীর,  
প্রণাম জানায় অশ্রুপ বট বিনয়ে নোয়ায়ে শির।  
কোথাও ছ-পাশে কুঞ্জ, কানন, শ্যামল বেতস-বনে  
শ্যামা তরুণীর আঁচড়ানো চুল জুলে মুহু সমীরণে।—  
বন-মালতীর শুভ্র লহর ছলাইয়া কম গলে,  
আলতা-রাঙানো বৃগল চরণ রেখেছে কমল দলে ;  
শ্যামল আঁচল তট হ'তে তার বৃষ্টি বা তোমারি জলে  
তট সমীর ছড়াইয়া দেছে পুলক-কৌতূহলে।  
কশের সুরভি পাগল করেছে ডাঙক বৃষ্টি বা তাই  
সারা দিনমান কি যেন কি খোঁজে কি যেন তাহার নাই।  
শাকলী-শাখে রয়েছে বসিয়া মাছরাঙা একমনে,  
রাগ চাহনী চৌদিকে হানে অপলক ছ'নয়নে।  
পানিকৌড়ী সে কখনো ডুবিলে উঠিলে কতু বা ভেসে,  
ডুব দিয়া পুনঃ চ'লে যায় কোন্ গহীন অতল দেশে ;  
কনক-বরণ কোন্ মেয়ে সে যে পলাশের মাঝে ধীরে  
মুখ বাড়াইয়া ছবি দেখে তার স্বচ্ছ তোমারি নীরে !  
তট-ভূমে কোথা শত জোণফুল ধবল মুকুতা-বাশি,  
বৃষ্টি বা তোমারি জোয়ারের সনে আসিয়াছে তারা ভাসি' ;  
নাঁকে ঝাঁকে উড়ে গাওঁ চিল কত সারা দিনমান ধরি',  
বটগাছ শিরে কত শত পাখী রহিয়াছে বাসা করি'।  
অনেক দিনের বালুচর ভরা কাশের বনের মাঝে  
খরগোস আর খেঁকশিয়ালীরা ছুটে ফিরে প্রাতে সাঁঝে !  
তারি পাশ দিয়া মাঠে মাইবার সরু পথখানি ধ'রে  
রাখাল ছেলেরা গরু নিয়া যায় হরষে নিতুই ভোরে।  
মিঠেল সুরেতে বাঁশের বাঁশীট বাজায় সে নানা মতে,  
সেই মিঠে সুর যেন ভেসে চলে তোমারি তরল স্রোতে।

গায়ের মেয়েরা জল নিতে যায় শূণ্ড কলসী কাঁখে,  
হয় ত কাহারো উদাস বাঁশরী হয় ত কাবোও ডাকে।  
শূণ্ড গাগরী ভরাইতে গিয়া দেবী হয় শুধু তার,  
সঙ্গী মেয়েরা বলে—ছি ছি ওসো, এ কি তোমার ব্যবহার !  
সকাল নেমেছে আঁকা-বাকা পথে ঘাইতে হইবে দুবে,  
আনমনা ওলো মন ছুটে তোমার কোন্ সে মায়ার পুবে,  
পিছে পিছে ধীরে চলে সে তরুণী অদূরে পথের বাঁকে  
কে যেন তাহারে হাতছানি দিয়া বারে বারে শুধু ডাকে।  
শিখিল চরণ অবশ তাহার কোন মতে যায় বাড়ী  
ভাবে বৃষ্টি তার হৃদয়ের ধন পথ-বাঁকে এলো ছাড়ি,  
জটাধারী ষোগী বসিয়া থাকিত তব 'জাড়গাছ'-তলে,  
সে-ই বসাইল 'ষোগীর হাট' বে শুনা যায় তপোবলে।  
আজো শুনা যায় ঘোর অমা-রাতে নীরব নিশীথে কেহ  
হাটের প্রান্তে ধ্যানে নিমগ্ন দেখেছে বিশাল দেহ।  
ছ'নয়ন তার আঙনের মত বক্ বক্ জলে যেন,  
দৃষ্টি-প্রভাবে ভয় হইবে বৃষ্টি বা সকলি হেন।  
শনি মঙ্গল কিবা অমা সাঁঝে তাই 'জাড়গাছ'-তলে  
'ভোগ' দিয়া কেহ 'ফাঁড়া' বটে যায় দুধ-কলা পাকা ফলে।  
লক্ লক্ লক্ চিতার আঙন জলিছে কোথাও ধু ধু,  
কত হৃদয়ের বুক-কাটা খাস খসিছে পবনে ছ ছ ;  
বাধ-হারা বারি ছনয়ন হ'তে ঝরিছে অনর্গল,  
তিতিয়া বক্, তিতিয়া বস্ত্র, তিতিয়া শ্যামান-স্থল।  
স্মৃতি-মন্দির গড়িল কেহ বা, কেহ বা দহন-শেষে  
ফিরে গেল শেষ স্মৃতি নিয়া শুধু অশ্রু-সলিলে ভেসে,—  
অবগাতি' তব পুত ও জলে। 'দেখি' সব নিরবধি  
চলিয়াছ বেয়ে চির-আনমনা একমনে অধি নদি !  
বর্ষা-বসন্ত ভেদ নাই তব চলেছ সদাই বেয়ে,  
সেই অবিরাম কুল কুল কুল, কুল কুল কুল গেয়ে।  
ভরা যৌবনে জোয়ার আসিয়া ফিরে যায় পুনরায়,  
প্রেমিকে তোমার তবু নাহি পাও বিরহিণী চির হায় !  
শান্ত প্রেমে জীবন সঁপিয়া তাই কি পরের হিতে  
বা কিছু সকলি বিলাইয়া দিছ পরম হৃষ্ট চিতে ?  
পাখিব কিছু নহেকো কামা তাই লো আপন-হারা,  
যুগ যুগ ধরি' বিলাইছ শুধু বৃষ্টি বা পীযুষ-ধারা !  
কে, এম, শম্শের আলী।



# ইতিহাসের খবুসরগ

## অশোক

ভারতের ইতিহাস-প্রসিদ্ধ মৌর্যাবংশের প্রতিষ্ঠাতা চন্দ্র-গুপ্তের পৌত্র এবং রাজা বিন্দুসারের পুত্র অশোকের নাম অনেকে শুনিয়াছেন বটে, কিন্তু তিনি যে কত মহৎ কার্য্য করিয়াছেন বা ইতিহাসবেত্তা পণ্ডিতগণ তাঁহাকে কত উচ্চ আসন দিয়াছেন, তাহা সকলে জানেন না। যদিও এ কথা আমরা নিঃসন্দেহে বলিতে পারি যে, তাঁহার গায় দেশ-সবক ও প্রজারঞ্জক রাজা অতি অল্পই দেখা যায়, তবুও পণ্ডিতগণ তাঁহাকে মাত্র এই কারণেই মহৎ বলিয়া আখ্যাত করেন নাই। তিনি প্রজাদিগকে সুখে-স্বচ্ছন্দে রাখিবার দিকে প্রথম দৃষ্টি রাখিয়াছিলেন। তাঁহার রাজত্ব-সময়ের বিবরণ পাঠে আমরা জানিতে পারি যে, তাঁহার সময়ে চৌর্য্যবৃত্তি কেহই গ্রহণ করে নাই। লোক নিষ্কিরোধে জীবনযাত্রা নির্বাহ করিত, কাহারও কোন অভাব ঘটিত না। এইরূপ কার্য্য করিলে প্রত্যেক রাজাই প্রশংসা পান। কিন্তু তাঁহার কার্য্য এত উন্নত যে, প্রশংসার দ্বারা তাঁহার প্রকৃত মহত্ব উপলব্ধি করান সহজ নয়। তিনি কোন্ কোন্ মহৎ কার্য্য করিয়া তাঁহার মনের উদারতা দেখাইয়াছিলেন, আজ আমরা তাহাই বলিবার চেষ্টা করিব।

তিনি রাজ্য হইবার অল্পদিন পরেই যে বিপুল আয়োজন করিয়া কলিঙ্গ প্রদেশকে তাঁহার রাজ্যের অন্তর্ভুক্ত করেন, তাহাতে অনেক নরহত্যা ও প্রভূত অর্থব্যয় হইলেও তাহার দ্বারা দেশের, তথা সমস্ত জগতের যে উপকার সাধিত হইয়াছিল, তাহার তুলনা হয় না। এই যুদ্ধে হতাহতের সংখ্যা দেখিয়া এবং বিনা কারণে একদেশবাসী জনগণের অবর্ণনীয় দুর্দশা দর্শনে তাঁহার মহৎ হৃদয় এত দূর বিচলিত হইয়া উঠে যে, তিনি এই পাপক্ষালনের জন্ত বৌদ্ধধর্মের মতে দীক্ষা গ্রহণ করেন। এই বৌদ্ধধর্মের অহিংসানীতি, পরোপকার-প্রবৃত্তি ও স্থনীতি অনুসরণের আদেশ ইত্যাদি দেখিয়া তিনি এতদূর মোহিত হন যে, স্বয়ং ঐ মতে দীক্ষিত হইয়া ইহার মতে কার্য্য করিয়াই কাঙ্ক্ষ

হইলেন না; পরন্তু যাহাতে এই ধর্মমত সমস্ত দেশে ছড়াইয়া পড়ে, তাহার জন্ত বিশেষ সচেষ্ট হইলেন। ইতিহাসের প্রত্যেক ছত্রে যে তাঁহার যশোগান করা হইয়াছে, তাঁহার এই বৌদ্ধধর্মবিস্তৃতির চেষ্টাই তাহার প্রধান কারণ। তিনি কিরূপ ভাবে রাজ্য শাসন করিতেন, সে সম্বন্ধে কিছুমাত্র আলোচনা না করিয়া আমরা এক্ষণে কেবলমাত্র তাঁহার সম্বন্ধে পাশ্চাত্য পণ্ডিতগণ কিরূপ ধারণা পোষণ করেন এবং কেনই বা সেরূপ ধারণা করেন, তাহাই বলিব।

এক জন পণ্ডিত বলিয়াছেন—ইতিহাসে আমরা যে শত-সহস্র রাজার নাম দেখিতে পাই, তাহার মধ্যে অশোকের নাম একটি তারকার গায় উজ্জ্বল হইয়া রহিয়াছে। অপর এক ব্যক্তি বলিয়াছেন, রাজা অশোকের তুলনা পৃথিবীর ইতিহাসে পাওয়া যায় না। যদি তাঁহার তুলনাই করিতে হয়, তাহা হইলে কোন এক নিদ্রিষ্ট ব্যক্তির সহিত তুলনা না করিয়া, একত্রে তিন জনের সহিত তুলনা করাই ভাল। তিনি একাদারে কনষ্টানটাইন, নেপোলিয়ন ও আলেকজান্দার। যে ব্যক্তির সম্বন্ধে পণ্ডিতগণ এইরূপ মতামত পোষণ করেন, তাঁহার কৃতিত্ব সম্বন্ধে আলোচনার স্বতঃই আগ্রহ হয়।

যে ব্যক্তিই অশোকের ইতিহাস পাঠ করুন না কেন, অশোক সম্বন্ধে পণ্ডিতগণের মতামতের বিরুদ্ধে বলিবার মত কিছুই পাঠিবেন না। অশোককে রাজা আখ্যাত না করিয়া রাজর্ষি নামে অভিহিত করিলেই গুণগ্রাহিতার পরিচয় দেওয়া হয় এবং তিনিও যে জনহিতকর ও যশোমণ্ডিত কার্য্য করিয়াছেন, তাহারও কতক সম্মান রক্ষা করা হয়। অশোক মৃত্যুসময় পর্য্যন্ত, কেহ কেহ বলেন কিছু পুণ্ডে, সিংহাসন ত্যাগ করিয়াছিলেন। রাজ্যশাসন করিলেও তাহা যে কেবলমাত্র প্রজাদিগের সুখ ও শ্রীবৃদ্ধিসাধনের হেতু হইয়াছিল, সে বিষয়ে, বোধ হয়, কিছুমাত্র সন্দেহের অবকাশ নাই। যিনি অহিংসানীতিকে জীবনের শ্রেষ্ঠ ধর্ম জ্ঞানে গ্রহণ করিয়া, প্রজাদিগের যাহাতে ধর্মের মতি হয়, তাহার জন্ত অতুল ঐশ্বর্য্য ব্যয় করত চতুর্দিকে

ধর্ম-নীতি-সমূহ-ক্ষোদিত প্রস্তরফলক বসাইতেন, এবং স্তম্ভে ও লিপি-গাত্রেও ঐ সব অনুশাসন ক্ষোদিত করাইতেন। তিনি প্রজাদিগকে সুখে রাখিবার নিমিত্ত যে নানারূপ উপায় উদ্ভাবন করিতেন, তাহাতে বিশ্বয়ের কি আছে? আমরা তাঁহার ৬নং রক এডিক্ট (শিলালিপি) প্রস্তরস্তম্ভে দেখিতে পাই, তিনি বলিতেছেন—প্রজারা যে কোন সময়েই আসুক না কেন, তিনি যেন তৎক্ষণাৎ তাহাদিগের আগমনের কারণ জানিতে পারেন। তিনি ইহাও বলিয়াছেন যে, তখন যদি আমি রাণীর কক্ষে থাকি, তাহা হইলেও আমাকে জানাইতে হইবে।

অশোক তাঁহার রাজ্য যাহাতে সম্পূর্ণ সুশৃঙ্খলে অর্থাৎ প্রজাবর্গের সুখ-স্বাস্থ্যে শাসিত হয়, সে বিষয়ে তাঁক্ষু দৃষ্টি রাখিয়াছিলেন সত্য, কিন্তু তিনি বৌদ্ধধর্ম প্রচারের জন্ম যেক্রম আগ্রহান্বিত হইয়াছিলেন বা যেক্রম বন্ধ লইয়াছিলেন, তাহাতে তাঁহার রাজ্যভোগ লালসার বিকাশ প্রবল ছিল না বলিলে, বোধ হয়, সত্যের অপলাপ করা হইবে না। আমরা দেখিতে পাই, অশোক এই ধর্ম প্রচারের জন্ম মধ্যে মধ্যে ভিন্ন ভিন্ন দেশে ভিক্ষু (বৌদ্ধ সন্ন্যাসী) প্রেরণ করিতেন এবং তাহারই ফলে এই ধর্ম বিভিন্ন জাতির মধ্যে ছড়াইয়া পড়ে। ভিনদেশে গিয়া বসিয়াছেন, সর্বসমেত তিনি নয়বার এইরূপ ভিক্ষু পাঠাইয়াছিলেন, তাহার মধ্যে সাতটি দল ভারতের সীমানামধ্যে, একটি ব্রহ্মদেশে এবং অপরটি সিংহলে পাঠান হইয়াছিল। এই শেষোক্ত ভিক্ষু, তাঁহার এক দাতা ও এক ভগিনী একটি মঠের মধ্যে জীবন নিরীহ করিয়াছিলেন। তিনি এই দেশের রাজাকে তাঁহার ধর্ম-প্রচার-কার্যের সহায়করূপে প্রাপ্ত হইলেন। যদিও যুরোপে তাঁহার লোক পাঠান সম্বন্ধে কোন প্রমাণ এখনও পাওয়া যায় নাই, তথাপি আমরা এই পর্য্যন্ত জানি যে, খৃষ্টধর্মের উপদেশাবলীর জন্ম শেষোক্ত ধর্ম বৌদ্ধধর্মের নিকট গুলী এবং আরও শুনিয়াছি যে, খৃষ্ট যে বংশে জন্মগ্রহণ করিয়াছিলেন, সেই বংশ না কি তখন অশোক-প্রচারিত ধর্মেই দীক্ষিত ছিলেন। যদিও এ বিষয়ে সম্যক প্রমাণ পাওয়া যায় না, তথাপি পরস্পর তুলনা করিয়া যে প্রমাণ পাওয়া যায়, তাহা হইতেই এ কথা বলা চলে।

রাজা অশোক বৌদ্ধধর্ম প্রচারের নিমিত্ত নানারূপ উপায় উদ্ভাবন বা তাহার জন্ম বিশেষ ক্রম স্বীকার

করিয়াছিলেন। তিনি ভারতের বিভিন্ন প্রদেশে এই ধর্ম প্রচারের জন্ম সময়ে সময়ে ধর্মযাজক প্রেরণ করিয়াই ক্ষান্ত হন নাই; যাহাতে লোক সর্বসময়ে এই ধর্মের উপদেশাবলী পাঠ করিয়া এই ধর্মে দীক্ষিত হয়, তাহার জন্ম তিনি জন-বহুল স্থানসমূহে উপদেশের সারাংশ প্রস্তরে ক্ষোদিত করিয়া রাখিয়া দিতেন। এই সকল প্রস্তরে আমরা তাঁহার এবং দেশের সম্বন্ধে সকল বিষয় অবগত হইতে পারি। তাহারই দুই চারিটির লিপির অনুবাদ নিম্নে প্রদান করিলাম।

আমার রাজত্বের যত উচ্চ ও নিম্নপদস্থ কর্মচারী আছেন, তাহাদিগের প্রত্যেককেই রাজকীয় কার্য থাকুক বা না থাকুক, ধর্মসম্বন্ধে উপদেশ দিবার নিমিত্ত প্রতি পাঁচ বৎসরে নিজ নিজ এলাকার মধ্যে ভ্রমণ করিতে হইবে।—পিতা-মাতার আদেশ পালন, বন্ধু, পরিচিত ও আত্মীয়বর্গের প্রতি সদ্ভাবহার, ব্রাহ্মণ ও বৌদ্ধ সন্ন্যাসীদিগের প্রতি ভক্তি, প্রাণি-হত্যায় বিরতি, মিতব্যয়িতা, অল্প সঞ্চয় ইত্যাদি যে সংকর্ম, সে বিষয়ে উপদেশ দিতে হইবে। (Rock Edict III)

ধর্মদান অপেক্ষা কোন দান উচ্চ নয়, ধর্মকার্যের জন্ম বন্ধুত্ব, ধর্মনীতি সম্বন্ধে উদারতা, পরদর্শনে অসহিবু না হওয়া, সংসংসর্গ এবং ক্রীতদাসের প্রতি গায় আচরণ ধর্মকার্য; (R. E. XI.)

কোন ব্যক্তি যথেষ্টরূপ প্রমাণ না পাইয়া তাহার নিজের ধর্ম সম্বন্ধে উচ্চ মত বা পরধর্ম সম্বন্ধে মিথ্যা কলঙ্ক ঘোষণা করিবে না। বিশেষ কোন দোষ না পাইলে অন্য ধর্ম সম্বন্ধে কুংসাপ্রচার অনুচিত। কারণ, ভিন্নধর্মাবলম্বিগণও কোন না কোন বিষয়ে প্রশংসা পাইবার যোগ্য। এই মতানুসারে কাষ করিলে নিজ ধর্মকে উন্নত এবং পরধর্মেরও উপকার করা হয়। ইহার বিপরীত কাষ করিলে নিজের ধর্মের উপর গ্লানি আনয়ন করা হয়। (R. E. XII.)

ধর্মকে বিশেষরূপে ভাল না বাসিলে নিজেকে সম্পূর্ণরূপে পরীক্ষা করিয়া সমস্ত কালিমা ধুইয়া না ফেলিলে, বিনয়, ভয় এবং দুর্নিবার্য প্রয়াস না থাকিলে ইহলোক এবং পরলোকে কোথাও শান্তিলাভ হয় না। (Pillar dict)

ধর্মকার্যের নিমিত্ত জীবনধারণ অতীব সুখের।

কিন্তু কোন্ কার্যমধ্যে ধর্ম নিহিত আছে?—পাপিষ্ঠ না হওয়া, সংকর্ম, দয়া এবং সত্যবাদিতা এই সকল ধর্মমধ্যে নিহিত আছে। (R. E. II)

পূর্ব পূর্ব অনেক রাজা তাঁহাদিগের প্রজাবর্গকে আশীর্বাদ করিয়াছেন। আমিও এক্ষণে তাহাদিগকে এই বলিয়া আশীর্বাদ বিতরণ করিতেছি—যেন তাহাদের ধর্ম্মে মতি হয়। (R. E)

রাজা অশোক ইহার মধ্যে নিজ নাম দেন নাই। তিনি “প্রিয়দর্শন” বলিয়া নিজেকে আখ্যাত করিয়াছেন। ইহাতে এইরূপ মনে হয় যে, তিনি যশের আকাঙ্ক্ষা করিতেন না।

বুদ্ধদেব-প্রচারিত নীতিসমূহ হিন্দুধর্ম্ম হইতে গৃহীত হইলেও অহিংসা-নীতিকে এই মত অতি উচ্চ স্থান দান করিয়াছে। হিন্দুধর্ম্মে নাগযজ্ঞ ইত্যাদি কার্য্য নিরূপিত জ্ঞান পশু-বলিদানের ব্যবস্থা আছে। কিন্তু অগ্ন্যগ্নি রীতি-নীতি সবই হিন্দু ও বৌদ্ধধর্ম্মে প্রায় এক। বৌদ্ধধর্ম্মে জাতিভেদ-প্রথা নাই। জৈনদিগের মধ্যেও ইহা নাই। কিন্তু রাজা-অশোক সেরূপ বৌদ্ধধর্ম্ম প্রচারের নিমিত্ত প্রাণপণ প্রয়াস করিয়াছিলেন, সেরূপ অপর কোন রাজা জৈন-ধর্ম্মের জন্ম না করায় ইহা দেশগত ধর্ম্ম হইয়া গিয়াছে এবং ভারতের নিতান্ত সামান্য স্থান বাতীত অপর কোথাও ইহার প্রচলন হয় নাই। যদিও অশোকের রাজত্বকালে ভারতের অধিকাংশ ব্যক্তিই বৌদ্ধধর্ম্মে দীক্ষিত হইয়াছিলেন, তথাপি তাঁহার মৃত্যুর কিছুকাল পরেই তাঁহার পুনরায় হিন্দুধর্ম্মে দীক্ষিত হইয়াছিলেন এবং এক্ষণে আমরা দেখিতে পাই যে, বৌদ্ধধর্ম্ম এই দেশে লুপ্তধর্ম্ম হইয়া গিয়াছে।\* কেবলমাত্র চীন, জাপান ইত্যাদি দেশে এই ধর্ম্ম পরিবর্তিত-রূপে এক্ষণেও চলিতেছে। পাশ্চাত্যদেশে এই ধর্ম্ম বিস্তার লাভ করিয়াছিল কি না, সে বিষয়ে মতভেদ থাকিলেও খৃষ্টান-ধর্ম্মের কিছু নীতি যে বৌদ্ধধর্ম্ম হইতে সংগৃহীত হইয়াছে, সে কথা পণ্ডিতমণ্ডলী এক্ষণে স্বীকার করেন।

অশোক এই ধর্ম্ম প্রচারের নিমিত্ত যেরূপ প্রয়াস পাঠিয়াছিলেন এবং তাঁহার কার্য্য-প্রণালীর যে সব নিদর্শন পাওয়া যায়, তাহার আলোচনা করিলে আমরা তাঁহার কৃতিত্ব এবং

লোকহিতকর কার্য্য-সমূহ জ্ঞাত হই। তাঁহার সমস্ত কার্য্য-প্রণালী পুঙ্খানুপুঙ্খরূপে বিবেচনা করিয়া কোন পণ্ডিত তাঁহাকে পাশ্চাত্যপ্রদেশের রাজা কনষ্টানটাইনের সহিত তুলনা করেন। আমরা জানি যে, এই শোমোক রাজা খৃষ্টান-ধর্ম্ম-প্রচার যাহাতে চলিতে পারে, সেই জন্ম এই ধর্ম্মাবলম্বীদিগের অসুবিধাজনক যে সব আইন ছিল, সে সব প্রত্যাহার করিয়া এই ধর্ম্ম প্রচারের সাহায্য করেন। তিনি ইহার দ্বারা খৃষ্টান-ধর্ম্মের অবর্ণনীয় উপকার করিয়াছিলেন সত্য, কিন্তু সেই জন্ম যে তাঁহাকে অশোকের সহিত তুলনীয় মনে করা যাইতে পারে, তাহা আমরা স্বীকার করি না। কারণ, আমরা জানি, তিনি এই ধর্ম্ম প্রচারের বিরুদ্ধে না থাকিলেও প্রত্যক্ষভাবে ইহার প্রচারের কিঞ্চিন্মাত্র সাহায্যও করেন নাই। আবার কেত কেত আকবরের সতিত অশোকের তুলনা করেন। এই দুই জনের কর্ম্ম-পদ্ধতিপাঠে বেশ বুঝা যায় যে, ইহাদের দুই জনের তুলনা উচ্চের সতিত অল্পের তুলনার জায়।

উপসংহারে আমরা অশোকের ব্যক্তিত্ব সম্বন্ধে আলোচনা এবং তাঁহার জন্ম ইতিহাস কোন্ স্থান নির্দেশ করে, তাহাই বলিব। আমরা দেখিলাম, অশোক বিদ্রুত রাজ্যেব নৃপতি হইয়াও আর রাজ্য-জয়ের আকাঙ্ক্ষা করেন নাই। তিনি রাজ্য-রক্ষার নিমিত্ত বিদ্রুত বন্দোবস্ত করিলেও রাজ্য-ভোগ সম্বন্ধে উদাসীন হইয়া মনঃপ্রাণ ধর্ম্মবিস্তারে নিয়োজিত করিয়াছিলেন। সেই জন্মই আমরা তাঁহাকে রাজা না বলিয়া রাজর্ষি নামে অভিহিত করিতে পারি। অশোক তাঁহার কর্ম্ম-জীবন ধর্ম্মার্থে অর্পিত করিয়া যাহাতে তাঁহার নাম না প্রচারিত হইতে পারে, তজ্জন্ম “প্রিয়দর্শন” ছদ্মনামে কাষ করিতেন। এই পৃথিবীতে অনেক দেশের অনেক রাজা তাঁহাদের প্রজাবর্গের হিতের জন্ম নানাবিধ কার্য্যের অমুষ্ঠান করিয়াছেন, কিন্তু অশোকের জন্ম কেহই ধর্ম্ম দান করেন নাই। কোন কাষই যে ধর্ম্ম-বিস্তার অপেক্ষা মহৎ নহে, সে কথা না বলিলেও চলে প্রত্যেকেই বোধ হয় জানেন যে, ধীশুখৃষ্ট, শঙ্করাচাৰ্য্য ইত্যাদি ধর্ম্ম-প্রাণ ব্যক্তিগণ অতি দীন-দরিদ্রের জন্ম জীবন-যাপন করিলেও সাধারণ ব্যক্তিবর্গ তাঁহাদিগকে যেরূপ ভক্তি, প্রীতি ও জনসাধারণের হিতকারী বলিয়া পূজা করেন, কোনও রাজাকে তাঁহারা সেরূপ মনে করেন না।

\* অধিকারিতেন না থাকায় বৌদ্ধমত সর্বজনগাহ্য হয় নাই, ইহাই পণ্ডিতদিগের মত। আদর্শ বস্তু উন্নত হইবে, হউক না, তাহা গ্রহণের ও অনুসরণের ক্ষমতা না থাকিলে, তাহা বার্থ হয়। এই কথা বুদ্ধমতের তাঁহার ‘দেবী চৌধুরাণী’তে বুঝাইয়াছেন—“ঈশ্বর অনন্ত জানি। কিন্তু অনন্তকে ক্ষুদ্র হৃদয়-পিঞ্জরে পূরিতে পারি না। তাই অনন্ত জগদীশ্বর, হিন্দুর হৃৎপিঞ্জরে সান্ত্বিত হইল।”

ইহার মূল কারণ, ইহারা জগতের লোকের সুখশান্তির নিমিত্ত যেরূপ পরিশ্রম ও যত্ন স্বীকার করিয়াছিলেন, জন্ম যে সব উপদেশ দিয়া গিয়াছেন, সে সকল ভোগযোগ্য তাহা অসাধারণ। তিনি শেষ জীবনে সম্পূর্ণরূপে ভিক্ষু দব্যসমূহ হইতে অনেক শ্রেষ্ঠ। ইহাদের উপদেশ-সমূহ হইয়াছিলেন কিনা, সে বিষয়ে মতবৈধ থাকিলেও তিনি না পাইলে মনুষ্য-সমাজ পঙ্কিল হইয়া যাইত বলিলেও, যে তাঁহার জীবনের কিছুকাল দরিদ্র ভিক্ষুরূপে মঠে বোধ হয়, অত্যাক্তি করা হইবে না। অশোক নিজে অতিবাহিত করিয়াছিলেন, তাহা বোধ হয় প্রামাণ্য। কোন ধর্মমত উদ্ভাবন না করিলেও তিনি বৌদ্ধধর্ম প্রচারের অশোককে আমরা নিঃসন্দেহে মহাপুরুষ বলিতে পারি।

শ্রীসচ্চিদানন্দ মুখোপাধ্যায় ( বি, এ )।

## কি সুরে বাজাও বীণা ?

জিজ্ঞাসি তবু,—জানি না যদিও উত্তর পাব কি না,  
হে যদী, তুমি আদিকাল হ'তে কি সুরে বাজাও বীণা ?  
সৃষ্টি-স্থিতি-প্রলয়ের গান  
লভি' কি জন্ম পায় নির্দীপ ? -  
কখন কি সুর উঠিছে পড়িছে কিছুই তার বুঝি না -  
হে যদী, তুমি আদিকাল হ'তে কি সুরে বাজাও বীণা ?

টানিয়া এনেছ যে দিন ধরায় দিয়া জননীর ক্রোড়,  
সৃষ্টির গান সে দিন আদিয়া কাণে শুনায়েছ মোর।  
তোমার বীণার স্তনি সেই সুর  
লেগেছিল কাণে বড়ই মধুর,  
ভেবেছিলাম মনে সেই সুর বুঝি স্তনিব জীবন-ভাব।  
এনেছিলে টানি' যে দিন ধরায় দিয়া জননীর ক্রোড়।

শৈশব কাটি' একদিন যবে যৌবন সমাগত,  
'স্থিতি'র মন্ত্র কাণেতে আমার শুনালে মনের মত।  
তব গান স্তনি' মনে লভি' অংশ।  
সংসার-ভূমে বাঁদিলাম বাসা,  
মনেতে জাগিল কত না সুরের ছায়া-ছবি শশত,  
ভাবিলাম বুঝি লভিয়াছি স্থিতি চিব-জীবনের মত।

তখনো জানি না আরো কত সুর শুনাতে রয়েছে বাকি,  
স্থিতি সুর-বেশ শুধু কাণে বাজে, আবেশে মুদেছি অর্থাৎ ;  
স্তনি নাই আমি মাতি' নানা কাজে  
আরো কোনো সুর বাজে কি না বাজে,  
মনে ভেবেছিলাম সারাটা জীবন এই ভাবে দিবে রাখি'—  
তখনো জানি না আরো কত সুর শুনাতে রয়েছে বাকি !

যৌবনকাল পাড়ি দিয়া যবে আসিলাম জীবন-সাঁকে,  
তোমার বীণার প্রলয়ের সুর কর্ণে আমাব বাজে।  
নয়নে নাহিক মোহ-অঙ্কন,  
চোখের সমুখে নাচিছে মরণ,  
এ ধরায় আব নাহি প্রয়োজন—লাগিবে না কোন কাজে,  
তোমার বীণার প্রলয়ের সুর কর্ণে শুধুই বাজে !

জীবন-বেলায় শেষ ক্ষণে আজি নিভিয়া আসিছে আলো,  
ব'লে বাই আমি সব ক'টি সুর লেগেছে আমার ভালো ;  
তুমি স্ননিপুণ যদী, তোমার  
সে সুর কখনো কি গো ভুলিবার ?  
দিয়াছে সে সুর ধুইয়া আমার জীবনের যত কালো ;  
যত সুর তুমি গেয়েছ, সকলি লেগেছে আমার ভালো !

তাই জিজ্ঞাসি,—জানি না যদিও উত্তর পাব কি না,  
হে যদী, তুমি আদিকাল হ'তে কি সুরে বাজাও বীণা ?  
তব বীণা হ'তে উঠিছে যে তান,  
আমি স্তনি তাহে প্রলয়ের গান,  
শিশু যুবা শোনে সৃষ্টি-স্থিতি সুর—কিছুই তার বুঝি না—  
হে যদী, তুমি আদিকাল হ'তে কি সুরে বাজাও বীণা !





## সিংহলী নারী

সিংহল বা স্বর্ণ-লঙ্কা—এখন শীলোন—ছোট একটি দ্বীপ।  
এখানকার জল-বাতাস না কি স্টেলাগের অমুরূপ! তাই  
শ্বেতাঙ্গ-জাতি এ-দ্বীপটিকে ভালোবাসে। এ দ্বীপে পাশ্চাত্য  
সভ্যতা আজ তাই বেশ আধিপত্য বিস্তার করিয়াছে।

স্বর্ণ-লঙ্কার মোহ ভারতবাসীর মনে আজো  
বড় কম নয়! পৌরাণিক যুগে  
রাবণ-রাজার সেই বিপুল ঐশ্বর্য্য,  
সেই অশোক-কানন, নিকুঞ্জিলা  
যজ্ঞ-গৃহ, চরম্ব চেড়ী, রক্ষ-সৈন্য :—  
তারপর ইতিহাসের যুগে বঙ্গ-  
রাজ-পুত্র বিজয়-সিংহের অভিযান,  
সিংহল-রাজকন্যা কুবেরী! বারো-  
শ্লোপের ছবির মত মনের পন্দায়  
সে-সব দৃশ্য আজো সিংহলের নামে  
ঝলশিয়া ওঠে! বিজয়সিংহ লঙ্কা  
জয় করেন; এবং সে বিজয়ের  
ফলে সমগ্র ভারতে লঙ্কার নাম  
'সিংহল' বলিয়া প্রখ্যাত হয়।

পৌরাণিক যুগ হইতেই স্বর্ণ-লঙ্কা  
বা সিংহলের সঙ্গে ভারতবর্ষের  
সম্পর্ক অতি-নিকট।

সিংহল কুলের দেশ, মণি-রত্নের দেশ। কুলের শোভা  
এখনো আছে; মণি-রত্ন এখনো মেলে প্রচুর।

ঐতিহাসিক মতে সিংহলের আদিম অধিবাসী বেদা  
জাতি। খৃঃ জন্মের প্রায় পাঁচশত বৎসর পূর্বে তামিল-  
রাজ এলালা সিংহলে আসিয়া সিংহল জয় করেন। তখন

বেদা-রাজ সন্দার তুতুগেমু ছিল সিংহলের একচ্ছত্র  
অধিপতি। প্রথম যুদ্ধে পরাজয়ের পর এলালাকে তুতু-  
গেমু দ্বন্দ্ব-যুদ্ধে আহ্বান করে। হাতীর পিঠে চড়িয়া দুজনের  
যুদ্ধ হয়; এ যুদ্ধে এলালা হন নিহত।

ইহার পর হইতে ভারতের তামিল হিন্দু জাতির



বেদাদের ঘরে

সঙ্গে সিংহলী বেদা-জাতির বিরোধের অন্ত ছিল না;  
এবং বহু যুদ্ধেই তামিলীদের হস্ত জয়। সেই সময় হইতে  
বহু তামিলী সিংহলে আসিয়া বসতি স্থাপনা করে।  
নগর ছাড়িয়া, গ্রাম ছাড়িয়া বেদারা ক্রমে জঙ্গলে  
প্রবেশ করে, নিরাপদ নীড় রচনা করিয়া বাসের উদ্দেশ্যে।

এবং এমনভাবে গ্রাম-নগরে বেদার দর্শন সুজ্জ্বলিত হইয়া ওঠে।

তারপর সে-দিনের কথা। ব্রিটিশ-জাতি সিংহল অধিকার করে এবং বেদা-জাতি আজ পর্যন্ত জঙ্গলে রহিয়া গিয়াছে; সভ্যতার আলোয় আসিয়া এ পর্যন্ত বাসের সুবিধা করিতে পারে নাই।

ব্রিটিশ অধিকারের পূর্বে পোর্কুগীজ-জাতি আসিয়া সিংহলের দ্বারে হানা দেয়; তারপর আসে ডাচ জাতি। এমনি নানা জাতির নানা অভিযানের ফলে সিংহলে আজ বহু জাতির আস্তানা পড়িয়াছে। বিদেশী জাতির কথা ছাড়িয়া দিলেও সিংহলের আদিম অধিবাসী বা সিংহলী বলিতে আজ আমরা বুঝি—বেদা, তামিলী হিন্দু ও মুসলমান।

এখানকার মুসলমান জাতি আসলে মূর। যে-সব আরব বণিক দীর্ঘকাল ধরিয়া বাণিজ্য-স্থলে এখানে আসিয়া বাস করিয়াছে, এ সব মুসলমান তাহাদের বংশধর।

এখানে মেয়েদের মধ্যে পদার প্রথা সম্পূর্ণ অবিদিত; শুধু সিংহলী মুসলমানেরা পদা মানিয়া চলে।

পথে-বাটে মেয়েদের ভিড় প্রায় পুরুষের মত। মিল-কারখানার কাজ, তরী-তরকারীর পণ্য লইয়া হাটে-বাজারে বিক্রয় করিতে যাওয়া, রবারের ক্ষেত, চা-বাগান—সকলই মেয়েরা কাজ করে। পুরুষের দল বেশীর ভাগ রিকশ-গাড়ী টানে। এ দেশে গরুর গাড়ী ও রিকশ-গাড়ীর প্রচলন খুব বেশী।

পদা-প্রথা না থাকিলেও শিক্ষিত গৃহস্থ বা বনিয়াদী ঘরের সিংহলী মেয়েরা পথে-বাটে বড় বাহির হন না। 'প্রাপ্তে তু দ্বাদশে বর্ষে' মেয়েদের মনে জাগে মর্যাদা-বোধ। পথে বাহির হইতে হইলে তখন তাঁরা রিকশ বা অথ কোন গাড়ীতে চড়িয়া বাহির হন। হাঁটিয়া পথ চলিলে সমাজে নিন্দা রটে।

মেয়েদের বিবাহের বয়স নিশ্চিষ্ট আছে, সাধারণতঃ বারো হইতে বিশ বৎসর। বিবাহ হইলে একা কোনো নারী পথে বাহির হয় না। সে-রীতি নাই। হাঁটিয়া বাহির হওয়া চলে না; গাড়ীতে চড়িয়া পথে বাহির হইলে বিবাহিতা রমণীর সঙ্গে সাথী চাই দাসী—কিথা কোনো বয়সীসী আত্মীয়।

বিবাহের পর সকল দেশের মেয়েদের মতো সংসারই

হয় নারীর সর্বস্ব। গৃহে নানা কাজ; সে কাজে নারীর দিনান্তিপাত হয়। বাহিরে যাইবার অবসর থাকে না। কাজেই বাহিরের প্রতি কোনো আকর্ষণ সাধারণতঃ নারীর মনে সাড়া দেয় না। বর-সংসার লইয়া তাঁরা আরামে বাস করেন।

পূর্বে বলিয়াছি, সিংহলে নানা মিশ্র-জাতির বাস। কাজেই জাতি-হিসাবে গড়ন, বেশভূষা, আচার-রীতি ও



সিংহলী পল্লী রমণী

ধম্মে বহু ভারতম্য দেখা যায়। সিংহলী ও তামিলী, মূর এবং বার্জার ( ডাচ-বংশ-জাত ইউরেশিয়ান )—এ কয় জাতি মিলিয়া মিশিয়া দীর্ঘকাল ধরিয়া বাস করিতেছে—তবু কাহারো স্বাতন্ত্র্য লোপ পায় নাই। এ চারিটি জাতির মলয়, আফগান এবং পার্শী আছে বিস্তর; তবে ইহাদের সংখ্যা এত অল্প যে, লঙ্কাদ্বীপের নারী বলিয়া এ তিন জাতের নারীর কথা আলোচনার যোগ্য বলিয়া মনে হয় না।

প্রথমে আমরা সিংহলের আদিম অধিবাসী বেদা মেয়েদের কথা বলিব। বহু কাল ধরিয়া তাঁরা বনে-জঙ্গলে

আশ্রয় লইয়া বাস করিতেছে। বেঙ্গার শিকা-সত্যতার কোনো দার দারে না। কোথা হইতে কোন্ রাজা আসিয়া কবে সিংহলের গদি অধিকার করিয়া বসিল, তাহারো কোনো সংবাদ রাখে না।

ইহাদের প্রাণে না আছে আশা বা আকাঙ্ক্ষা, উগ্রম বা অদ্যবসায়। শাস্ত নিরীহ বলিয়া বেঙ্গাদের খ্যাতি জগৎ-প্রসিদ্ধ। ইহারা হিংসা জানে না। বিদেশী কোন লোক যদি

অবিদিত। বেঙ্গা-নারীরা খুব সাদামী; স্বামি-পুলের উপর ভালোবাসা সত্যই সীমাহীন। এ জাতি আজ মরণ-উগ্ৰুখ। বহু বেঙ্গা উদরের দায়ে বন ছাড়িয়া নর-নারী-নির্কিশেষে সিংহলী ও তামিলীদের গৃহে আসিয়া দাশুযুক্তি করিতেছে। ফলে সিংহলী ও তামিলী আচাররীতি অবলম্বনে তাদের জাতিত্ব ক্রমে বিনষ্ট হইতে বসিয়াছে।

সিংহলের উত্তর এবং পশ্চিমাঞ্চলে তামিলী জাতির



বেঙ্গা-যুবতী



তামিলী মেয়ে-কুলি

•বনে গিয়া পড়ে, তাহার সহিত অভদ্র উত্তর ব্যবহার করে না। এক কথায়,—রেড ইণ্ডিয়ান, পাপুয়ান প্রভৃতি বঙ্গর জাতির হাতে পড়িলে বিদেশীর নির্ঘাতন সেমন শাপিত হইয়া ওঠে, বেঙ্গাদের হাতে সে আশঙ্কা আদৌ নাই। বেঙ্গারা ফল-মূল ও চাকের মধু খাইয়া জীবন ধারণ করে এবং তাদের অবসরকাল কাটে তীর-ধনু লইয়া পশু-শিকার করিয়া। তাদের ভাষা মৌলিক সনাতনী; বাস বৃক্ষ-কোটরে, গিরি-গুহায় কিম্বা তৃণপত্রে ছাওয়া কুটীরে। তরু-পল্লব ছিঁড়িয়া বন করিয়া বুনিয়া তাহাই লজ্জা-বস্তুরূপে ব্যবহার করে।

বঙ্গর হইলেও বেঙ্গা-সমাজে বহু-বিবাহ-রীতি সম্পূর্ণ

বাস; সিংহলীদের বাস দক্ষিণে ও পূর্বে। তামিলীদের মধ্যে অনেকে চা'বাগানে কুলির কাজে দিনান্তিপাত করে। কয়েক ঘর বনিয়াদী তামিলী আছে। বনিয়াদী ঘরের মেয়েরা দেখিতে সুশ্রী। তাঁদের আচার-ব্যবহার মিষ্ট মধুর এবং তাঁরা শিক্ষিত। এখন ইংরেজী শিক্ষার প্রবর্তনে তামিলী ঘরের মেয়েরা বি-এ, এম-এ পাশ করিতেছেন। তামিলী মেয়েদের বেশ-ভূষা ভারত-রমণীর মতই। অলঙ্কারের তাঁরা সমাদর করেন; এবং অলঙ্কার-ভারে দেহ একেবারে ভারাক্রান্ত রাখেন। কণ্ঠে পরেন কুণ্ডল বা ইয়ারিং; কণ্ঠে স্বর্ণ বা মণি-রত্নের মালা; কেশেও মালা পরেন।

লম্বাট ঘিরিয়া অলঙ্কার-ধারণের প্রথা খুব প্রচলিত। তার উপর, হাতে পরেন তাগা, বালা, চুড়ি। পদ-নখে চুটকি আছে, 'আঙ্গুঠ' আছে; নাসায় নোলক, নথ, নোজ-পিন্ডও বাদ দেন না।

যে-সব তামিলী চা-বাগানে কুলির কাজ করে, তাদের ঘরের মেয়েরা ঘরে বসিয়া শুধু রান্না-বান্নায় সময় কাটায় না; মেয়েরাও চা-বাগানে কাজ করে। তারা চায়ের পাতা চয়ন করে, গাছগুলার সেবা-পরিচর্যা করে। পাহা-ডের গা ঘিরিয়া চায়ের প্রশস্ত ক্ষেত; সেই ক্ষেত ভরিয়া তামিলী নারীরা দলে দলে কাজ করিতেছে—হালকা বুড়ি পিঠে বাঁধা—চায়ের পাতা ছিঁড়িয়া সেই বুড়িতে রাখিতেছে। চায়ের ক্ষেতে তাহাদের দেখায় যেন অজস্র বিন্দু—কে যেন সবুজ পটে কালি ছিটাইয়া দিয়াছে! শিশু-কোলে নারীরা কাজ করিতে আসে; নোপের পাশে শিশুদের শোয়াইয়া ঘুম পাড়াইয়া কাজে নামে; শিশু কঁাদিলে তাকে চাপড়াইয়া আবার ঘুম পাড়ায়, শুষ্ক-হৃৎ তাদের ক্ষুধা-ত্রুষ্ণা নিবারণ করে; অর্থাৎ শিশুদেরও দিন কাটে এই মাঠে-বাটে।

ডাগর ছেলে-মেয়েরা মা-বোনের সঙ্গে আসে চায়ের পাতা তোলা বা গাছের সেবা-পরিচর্যার কাজে সহায়তা করিতে। রোদ্দ-বাতাসে মা ও ছেলে-মেয়ে—সকলের দিন কাটে। তাহার ফলে সকলের দেহে যেমন স্বাস্থ্য, মনেও তেমনি সুখ!

ইহাদের দেখিয়া এক জন সুদী ইংরেজ লেখক বলিয়াছেন,—মুক্ত-বাতাসে ইহাদের কাজ। হাসি-ভরা মুখ এবং দেহ-ভরা স্বাস্থ্য দেখিয়া আমাদের দেশের বন্ধ কারখানা-ঘরের কারিগরদের সেই রক্ত-হীন বিবর্ণ মুখ, রুগ্ন-জীর্ণ দেহ এবং অপ্রীতি-অসন্তোষে-ভরা মনের কথা মনে জাগে। কি সহজ সুখেই না তাদের আমরা বঞ্চিত রাখিয়াছি, অথচ এই সব তামিলী মেয়ে-পুরুষদের মধ্যে দেখি, গভীর প্রীতি-ভালোবাসা, চিন্তাহীন প্রসন্ন মুখ। সারা দিন তারা সন্তোষ-ভরে কাজ করিতেছে—আলো-বাতাসের এতখানি প্রাচুর্য্যে দেহ-মন ঢালিয়া দিয়া! সপ্তাহে হয় তো পাঁচ-সাত শিলিং মাত্র বেতন পায়, তাহাতেই সকল অভাব মিটাইয়া আনন্দে দিন কাটায়, কোনো দিন অল্পযোগ তুলিতে দেখি না।

মাত্রাজ-অঞ্চল হইতে এখনো নিত্য বহু নর-নারী

সিংহলে আসে এখানকার চা-বাগানে কুলির কাজ করিতে। এখানে তাদের স্বাস্থ্য ভালো থাকে; এবং যাহা উপার্জন করে, সুখে তাহাতে সংসার চলিয়া যায় বলিয়া তারা আর দেশে ফিরিতে চান না। এই ভাবে তামিলী নর-নারীরা এখানে দলে বেশ পরিপুষ্ট হইয়া উঠিতেছে।

সিংহলের মুসলমান-সমাজে শুধু অবরোধ-প্রথা বিদ্যমান আছে। এখানকার মুসলমানেরা আসলে মূর। আট-দশ



সিংহলী ফলওয়ালী

বৎসর বয়স হইবামাত্র মেয়েরা গিয়া পদার আড়ালে আশ্রয় লয়; তখন হইতে বাহিরে আসা নিষেধ! সঙ্গে সঙ্গে তার শিক্ষায় ঘটে সমাপ্তি। বাহিরে যাইতে হইলে গাড়ীতে চড়িয়া যাও—গাড়ীর চারিদারে কঠিন পর্দা ঢাকিয়া কিম্বা গাড়ীর ফির্কি কষিয়া বন্ধ করিয়া। কাজেই এ সমাজে নারীর জীবনে কোনো ঘটনার ছায়াপাত দেখা যায় না। মূর-নারীর জীবনে ঘটনা ঘটে একটি-মাত্র। সে ঘটনা—বিবাহ। তখন নানাবিধ আচার সমারোহে বাধিয়া যায়। পুরুষের দল করে উপবাস—কত্না গহনার ভারে আড়ষ্ট হইয়া বধু সাজিয়া বসিয়া থাকে।



সেই দিনটিতে তার যা-কিছু আদর ও গৌরব! এই দিনটিই শুধু তার জীবনে স্মরণীয় ও বরণীয়! কাজেই এই ভার-বাহিনীর বেশে মূর-বধু স্বামীর সঙ্গে স্বামীর সংসারে আসিয়া দাঁড়ায়। জীবন হয় একঘেয়ে, বৈচিত্র্যহীন। স্বামীর কথায় ওঠা-বসা—যেন তার খেলার পুতুল! ছেলেমেয়ে হইলে তাদের লালন-পালন করে, সেবা-পরিচর্যা করে।



মূর-বধুর মেয়ে

ছেলে মত দিন ছোট থাকে, মায়ের সঙ্গে তত দিনই তার যা-কিছু সম্পর্ক! ডাগর হইলে অর্থাৎ খুঁটিয়া খাইতে শিখিলে মায়ের সঙ্গে ছেলের সম্পর্ক দুরায়। মা তখন অন্তরের অঙ্ককার-বাসিনী নারীমাত্র হইয়া দাঁড়ায়! ছেলে অন্তর ছাড়িয়া সদরে আসিয়া জাঁকিয়া বসে। সে তখন মানুষ হইয়াছে। তাকে মানুষের মতো কাজ-কর্ম করিতে হইবে। সে কাজ-কর্মের মাঝে মায়ের আসন নাই! আসলে ছেলে ডাগর হইবামাত্র সে যায় মায়ের নাগালের বাহিরে। সিংহলে মূর মায়ের মতো এতখানি বেদনা বোধ হয় অপর কোনো দেশের সমাজে দেখা যায় না।

মব বধুর শিক্ষা-সহবতের ভার পড়ে শান্তড়ীর হাতে। নিজের খেয়াল-ভরে কিছু করিবে, মব-বধুর সে অধিকার

নাই! অন্তরে বসিয়া পুরুষের প্রীতি ও সেবার ব্যবস্থা করে। নিজের সখের খেয়ালে সেলাই-কাজ কিংবা গান-বাজনা করা বা ছবি আঁকা, বই পড়া—এ সবে মূর নারীর অধিকার নাই!

মূর মেয়েরা বেশীর ভাগ দেখিতে সুশ্রী। তবে এ সমাজে নারীর দেহে স্থলয়ের মোহ এত বেশী যে, নব সৌবনোদয়ের সঙ্গে সঙ্গে মেয়ে-মহলে দেহ-লতাকে স্থল মর্হীকর্মে পরিণত করিবার জ্ঞান সাধনা চলে অবিরাম, কঠোর রকমের। ফলে বিশ বৎসর বয়সে মূর-নারী আকারে হয় মাংস-পিণ্ডের মতো। তাদের রূপ-মাধুরীর যা-কিছু বৈচিত্র্য বা কমনীয়তা, তা ঐ বালিকা-বয়সে!

মূর সমাজে নারীর উপর পুরুষের পাঁড়ন-নির্গ্যাতন বড় দেখা যায় না। কাজেই ব্যক্তিত্ব লোপ করিলেও মূর-জাতের মেয়েরা দীর্ঘকালের সংসার-বশে এ বেদনা উপলব্ধি করেন না, আজ এ যুগে পাশ্চাত্য সভ্যতার প্রবর্তন সত্ত্বেও!

তার পর বাঁজার বা দো-আশলা জাতি! ডাচ ও পোর্্তুগীজ রক্তে এ-জাতির জন্ম। সমগ্র ইউরেশিয়ান জাতি এ-জাতির অন্তর্ভুক্ত! নর-নারী-নির্কিশেমে ইহারা বুদ্ধিমান, উদ্যোগী ও শ্রমশীল। পুরুষের দল চিকিৎসা, আইন ও ব্যবসা লইয়া আছে; মেয়েরা শিক্ষা-দীক্ষায় বেশ উৎকর্ষ লাভ করিয়াছে। এ জাতের মেয়েরা স্থলে শিক্ষকতা এবং চিত্র-সঙ্গীতাদি ললিত কলার সাধনা করেন।

আদিম সিংহলী বা সিংহ-জাতি খুব পরিশ্রমী, সবল এবং স্ব-শক্তিতে নির্ভরশীল। ইহারা বৌদ্ধধর্মাবলম্বী। সিংহলী-সমাজে বহু-বিবাহ-প্রথা নাই। নারী-সমাজে বহু-পতিত্ব-প্রথা পূর্বে বিদ্যমান ছিল, এখন আর নাই। তবে সে ক্ষেত্রে এক-কন্য়ার বিবাহ হইত দুই সহোদর ভাইয়ের সঙ্গে। কাণ্ডির সন্নিহিত কয়েকটি প্রদেশে মেয়েদের মধ্যে বহু-বিবাহ-প্রথা এখনো দেখা যায়; তবে শিক্ষা-প্রসারের সঙ্গে এ প্রথা ক্রমে বিলুপ্ত হইতেছে।

পারিবারিক স্নেহ-প্রীতি সিংহলী জাতের বৈশিষ্ট্য। এ সমাজে গুরুকর্ম বিবাহের প্রচলন আছে; দিগা ও বীণা।

দিগা-রীতিতে প্তা আসে স্বামীর সঙ্গে স্বামীর ঘরে সংসার পাতিতে; বীণা-রীতিতে স্বামী গিয়া স্ত্রীর গৃহে

সংসার পাতে। গৃহ-জামাতারূপে স্ত্রীর গৃহেই সে প্রতি-পালিত হয়। এ সব স্বামীর জীবন নির্ভর করে স্ত্রীর রূপার উপরে; যদি স্ত্রীর মন রাখিয়া চলিতে পারো, টিকিয়া গেলে! নহিলে সরিয়া অন্য পথ চাখো! অর্থাৎ মনে করিলে স্ত্রী এ-দলের স্বামীকে যে-কোনো মুহূর্তে তাড়াইয়া দিতে পারে। বাঁধা-দলে স্ত্রী সর্ব্বেসর্বা। সম্পত্তির মালিক স্ত্রী। কোন-কিছুতে স্বামীর এক্তিয়ার বা

শাস্ত্রাদি হইতে মদ্র উচ্চারণ করে। পুরোহিত অবশ্য বোধ-নন। বৌদ্ধ পুরোহিতের দল চির-কুমার—সেঙ্গল বিবাহাদি অনুষ্ঠানের সত্বে তাঁর সম্পর্ক রাখা শাস্ত্র-বিরুদ্ধ।

বিবাহের সময় বাগ্গাড়ম্বর এবং আত্মীয়-কুটুম ডাকিয়া ভোজের সমারোহ চলে। গৃহসজ্জা করিতে হয়। এ সজ্জা সম্পাদিত হয় নারিকেল-পত্রে। সে সজ্জা-সুখমা সত্যই চমৎকার :



তামিলী কুলি-রমণী



তামিলী মহিলা

অধিকার থাকে না। ব্যবসায়াদি-কার্যেও স্ত্রী অগ্রণী। এ সংসারে কন্যা কুমারী-হাসি নামে সমাজে অভিহিতা হয়।

সিংহলী-সমাজে বাল্য-বিবাহ আদৌ নাই। মেয়েরা বিবাহ করে ষোল-সতেরো বৎসর বয়সে।

পূর্বে এ বিবাহে ঘটক-ঘটকীর দূতীয়ালাই ছিল; বহু অনুষ্ঠান-উৎসবের সমারোহ ছিল; এখন সে সব রীতি উঠিয়া গিয়াছে। এখন এ বিবাহ নিষ্পন্ন হয় রেজিষ্ট্রী-অফিসে। তবু বিবাহের সময় বর-কন্যার বৃদ্ধাঙ্গুষ্ঠদ্বয় একত্র বাঁধিয়া দিবার প্রথা বিলুপ্ত হয় নাই। রেশমী সূতা দিয়া ছ'জনের অঙ্গুষ্ঠ-বন্ধন ক্রিয়া সম্পন্ন হয় এবং পুরোহিত সে সময় বৌদ্ধ

নারিকেল-পত্র সিংহলী সমাজে কল্যাণের নিদর্শন। শুভকর্মে নারিকেল-পত্রের সংযোগ থাকা চাই-ই। আমাদের দেশে আত্ম-পল্লব যেমন সর্ব্ব-অনুষ্ঠানে শুভ সূচনার জন্ত প্রয়োজন, সিংহলে নারিকেল-পত্রের ঠিক তেমনি সমাদর ও গৌরব। নারিকেল সিংহলে সম্পদ-স্বরূপ; লক্ষ্মী বলিলেও অভ্যুক্তি হয় না! নারিকেলের জলে পিপাসা ঘোচে, শ্বাসে ক্ষুধানাশ হয়। নারিকেলের ছোবড়ায় কার্পেট ও শয্যা রচনা; কাঠে ফার্ণিচার, কুটার রচিবার খুটী-বাতা; নারিকেলের মালায় পাত্র; নারিকেল-গাছ চিরিয়া ভোজ্য ও শালুতি, নারিকেল-তৈলে রন্ধন ও কেশ-প্রসাধন,—

এক কথায় নারিকেল সংসারের সকল অভাব-মোচন হয়।  
তাই নারিকেল এদেশের লক্ষ্মী!

সিংহলী নারী স্নকেশিনী; এবং সে কেশ-স্পন্দের মূলে  
আছে এই নারিকেল-তৈল!

মেয়েরা নারিকেল লইয়া বিবিধ খাণ্ড রচনা করে।  
আমাদের দেশের মতো চন্দ্রপুলি, নাড়ু,  
ছাবা-সন্দেশ প্রভৃতি তৈয়ার করিতে  
তারা পটু।

সিংহলী সংসারে ছেলেমেয়ের আদর  
খুব বেশী। মায়েরা ছেলেমেয়েদের  
কুয়াতলায় আনিয়া নিত্য স্নান করায়।  
স্বামীকে ধরিয়া স্নান করানোর প্রথা  
আছে। প্রকাশ্য কুয়ার ধারে দেখিবে,  
স্বামীকে ধরিয়া স্নী তার অঙ্গ মার্জনা  
করিয়া ঘষিয়া বগড়াইয়া স্নান করাইয়া  
দিতেছে! সেই সঙ্গে দাত মাজিয়া  
দেওয়া, কাপড় কাচিয়া দেওয়া—এ  
সবও দেশাচাবে দাড়াইয়াছে। এমনি-  
ভাবে চলে নারীর সংসার-সাদনা।  
এ-কাজে তিলমাত্র ঔদাস্য বা বিরাগ  
দেখা যায় না!

মেয়েরা একখানি মাত্র সুদীর্ঘ  
বসনে অঙ্গাবরণ করে। জ্যাকেট পরার  
রীতি খুবই সীমাবদ্ধ।

রোড়িয়া জাতের মেয়েরা সুশ্রী।

তাদের দেহের গঠন সুছাঁদের। তারা  
স্বল্পদেশ রাখে অনাবৃত—কণ্ঠ হইতে ঘের দিয়া বসন পরে;  
সে বসন আমাদের দেশের মেয়েদের বসনের মতো ফেরতা  
দিয়া পরে। বক্ষোবাসরূপে অনেকে রেশমী-কমাল বুক  
জড়ায়। পায়ে জুতা আঁটিবার রেওয়াজ নাই। মুখে বা  
মাথায় ঘোমটা দিবার প্রথাও সিংহলী-সমাজে প্রচলিত  
নাই। তবে যে পরিবারে পাশ্চাত্য আচার-প্রথা প্রবেশ  
করিয়াছে, সেখানে হাই-হীল জুতাও চরণাশ্রয়-সাথে কৃতার্প  
হইয়াছে।

সিংহলে রত্নপুর নগরটি সত্যই মণি-রত্নের ভাণ্ডার।  
এখানকার হাটে-বাজারে তরী-তরকারীর মতোই চুণী,

পান্না, নীলা, cats eye, এবং আরো বহু মণি-রত্নের পশরা  
মাথায় পশারী-পশারিণীরা নিত্য আসিয়া বসে। মণি-রত্নের  
দেশ হইলেও সিংহলী ঘরের মেয়েরা এ সব মণি-রত্ন গায়ে  
আঁটিয়া থাকে, এমন কথা যদি কেহ ভাবিয়া থাকেন তো সে  
ভুল। সিংহলী মেয়েদের অলঙ্কারের দিকে ঝাঁক নাই!



রোড়িয়ার ঘরে

খুব ধনী সিংহলী-ঘরের মেয়েরা তামিলী মেয়েদের মতো  
অলঙ্কার-ভূষণের বোঝা বহিয়া বেড়ান না। সাধারণতঃ  
তাঁরা কণ্ঠে ছলান মণি-হার, মাথায় আঁটেন হেয়ার-পিন,  
বসনে লাগান্ হীরার বোতাম: কচিং কেহ হিহার  
উপর হাতে আঁটেন ব্রেসলেট, কানে পরেন ইয়ারিং।  
নাসা ফুঁড়িয়া নাক-ছাবি কিম্বা নথ পরার প্রথা সিংহলী-  
মেয়ে-সমাজে আদৌ নাই। কাণ্ডির মেয়েরা সোনার  
ভারী গহনার ভারে ঝুঁকিয়া লুইয়া পথে চলেন।

আমাদের দেশের মতো তাণ্ডলের আদর এখানকার  
মেয়ে-সমাজে খুব বেশী। ধনি-সরিঙ্গ-নির্কিশেষে মেয়েরা

বড় বড় পাণের ডিবা পাণে ভরিয়া সঙ্গে রাখেন, সকল সময়ে। এই পাণের ডিবা-রচনার কলা-শিল্পের চরম বিকাশ দেখা যায়।

সিংহলে পর্দা-প্রথা নাই বলিয়া মেয়েদের শিক্ষার বেশ সুব্যবস্থা আছে। এখন গ্রামে গ্রামে বহু বিদ্যালয় হইয়াছে। হাত্তমুখী মেয়েরা নিত্য বিদ্যালয়ে চলিয়াছে। কলম্বো, কাণ্ডি ও গালিত নিরক্ষর মেয়ে নাই বলিলে অতুক্তি হয় না। এখন বিশ্ববিদ্যালয়ের দৌলতে পাশ করার দিকে মেয়েদের প্রবল মোহ জাগিয়াছে এবং এক্ষেত্রে মেয়েদের পটুতা সত্যই অসাদারণ।



বাড়িয়া সুন্দরী

শিল্প-কাজে সিংহলী মেয়েদের অনুরাগ প্রবল। বালিশের ওয়াড়ে এত বিচিত্র ছাঁদের নক্সা রচনা করে, দেখিলে বিশ্বয়ের সীমা থাকে না! পুরুষদেরও একাজে পটুতা খুব।

মেয়েদের আর একটি কাজ,—নানা ছাঁদের নানাবর্ণের বুড়ি তৈয়ার করা। পাশ্চাত্য শিক্ষা-সভ্যতার প্রভাবে এ শিল্পের প্রতি বিরাগ জাগে নাই। শিক্ষিতা পাশ-করা মেয়েদের আজো বুড়ি-বোনার কাজে এতটুকু শৈথিল্য দেখা যায় না।

শিক্ষা সত্ত্বেও সিংহলী নারী-সমাজে তুচ্ছতাক, মন্ত্র-তন্ত্র, ভূত-প্রেতে বিশ্বাস আজো অটল অবিচল রহিয়া গিয়াছে। সেজন্ত সমাজে জ্যোতিবীর আদর আজো প্রাচীন যুগের মতো অটুট আছে। সিংহলীর আজ পর্যন্ত কতকগুলি

অতি-প্রাচীন সংস্কার ত্যাগ করেন নাই। মাটির বা মোমের পুতুল গড়িয়া তার গায়ে আলুপিন ফুটাইলে শত্রু-নিপাত সুনিশ্চিত! লেবুর রস নিংড়াইয়া প্রাতে পান করিলে কুগ্রহ মোচন হয়; যদি কেহ ভয় দেখায় তো তার নাম করিয়া গাছ হইতে লেবু ছিঁড়িয়া সেই লেবু মাটি খুঁড়িয়া পুঁতির দিলে শত্রু-হস্তে অনিষ্ট-আশঙ্কা থাকিবে না!

চা-বাগানের এক কুলি এক দিন প্রাতে সাহেব মনিবের কাছে আসিয়া কম্পিত স্বরে বলিল—সাহেব, আমার বড় বিপদ।

সাহেব কহিলেন,—কি হইয়াছে?

সে বলিল—আমার এক ছশমন আমার নামে কাদার পুতুল গড়িয়া সেই পুতুলের বৃকে লোহার পেরেক বিঁধিয়া দিয়াছে। আজ রাত্রে আমার মরণ নিশ্চিত।

সাহেব কহিলেন—কোথায় সে পুতুল পুঁতিয়াছে, জানো?

—জানি সাহেব। আমার ঘরের পাশে। আজ রাত্রে সেখানে আসিয়া মৃত্যু পড়িবে। সঙ্গে সঙ্গে আমার মৃত্যু হইবে।

সাহেব কহিলেন—পুতুলটা মাটি হইতে তুলিয়া ফেলিয়া দাও।

সে বলিল—সর্বনাশ! সে পুতুল মন্ত্র-পুত! তাকে তুলিতে গেলে পুতুল আমায় তখনি মারিয়া ফেলিবে।

হাসিয়া সাহেব তাকে সঙ্গে লইয়া চলিলেন তার গৃহের পাশে। স্বহস্তে মাটি খুঁড়িয়া পুতুল তুলিয়া ভাঙ্গিয়া চূর্ণ করিয়া ফেলিলেন; পরে সেই চূর্ণ মাটি ফেলিয়া দিলেন নদীর জলে। কুলি কম্পিত বক্ষে ভীত নয়নে এ দৃশ্য দেখিল। সাহেব বলিলেন—যাও, গিয়া কাজ করে। তোমার ভয় নাই। যে মাটির পুতুল রাত্রে তোমায় প্রাণে মারিত, সে ঐ নদীর জলে গলিয়া জল হইয়া গিয়াছে! পেরেকটা আমার কাছে রাখিয়া দিব।

কুলির ভয় তবু ঘোচে না! কিন্তু মনিবের হুকুম—কি করে! কাজে নামিতে হইল।

রাত্রে সাহেবের বাঙালোর সে পড়িয়া রহিল। প্রাতে উঠিয়া যখন দেখিল, বাঁচিয়া আছে, তখন সাহেবের শক্তির উপর প্রচণ্ড বিশ্বাস জাগিল। সাহেবের পায়ে নতি জানাইয়া বলিল—সাহেব, তুমি ভগবান!

সাহেব বলিলেন—ভগবান নই। তোমার মতো মানুষ! তবে মাটির পুতুল দেখিয়া ভয় পাই না—তফাৎ শুধু এই। আর কখনো পুতুলের নামে ভয় পাইয়ো না!



## মেয়েদের দেহ-চর্চা

দেহের শক্তি-সামর্থ্য প্রধানতঃ নির্ভর করে আমাদের পিঠের মেরু-দণ্ড বা শির-সাঁড়ার উপর। মেরু-দণ্ড যদি জোরালো থাকে, তাহা হইলে কোনোরূপ দৌকালো আমরা ভাবিয়া পড়িব না।



১নং চিত্র

সহায় নয় ; সংসারের শ্রী-সাধন করে। এ শ্রী যে-পুরুষ চাহে না, তার উচিত বনে গিয়া পশুর সঙ্গে বাস করা !

এই মেরু-দণ্ড-সাধনার ফলে নারীর মাতৃহৃৎ আদৌ ক্লেশ-কর হয় না ; ইহার ফলে মাতৃহৃৎ সহজ ও সরল হয়।

প্রত্যেক নারীর কর্তব্য, মেরুদণ্ডকে গড়িয়া তোলা।



৩নং চিত্র



২নং চিত্র

মেরুদণ্ড সুদৃঢ় হইলে নারীর কল্যাণী-মূর্তি স্বাস্থ্য-সুখে সমৃদ্ধল থাকিবে—সংসার আনন্দ-নিয়ম হইবে !

আধুনিক বিশেষজ্ঞদের মতে মেরু-দণ্ড-গঠনের সহায়ক কয়েকটি ব্যায়াম-চিত্র প্রকাশিত হইল। এ চিত্র দেখিয়া কল্যাণীরা যদি নিত্য ব্যায়াম সাধনা করেন তাহা তার সুফল তাঁরা অঙ্গে-অঙ্গে এবং মনে-প্রাণে উপলব্ধি করিবেন ; রূপ-সম্পদে বিভূষিতা হইয়া আনন্দ-পুলকের অধিকারিণী হইবেন।

নারী ও পুরুষ—উভয়ের পক্ষে এই মেরুদণ্ডের পরিচর্যা একান্ত আবশ্যিক। সে পরিচর্যার প্রধান উপায়—ব্যায়াম-সাধনা। নারীর সুগঠিত দেহ শুধু তাঁর স্বাস্থ্যের

১।—মেরুদণ্ডের সঙ্কোচন ও প্রসারণ—পায়ের রক্তাঙ্গুলি স্পর্শ করা চাই।

২।—নিশ্বাস-প্রসারণ-কল্পে।



৪নং চিত্র



৫নং চিত্র



৬নং চিত্র

৩।—সিধা দাঁড়াইয়া বিভঙ্গ-ভাবে দুই পারের বৃদ্ধান্ত স্পর্শ করুন। বার-বার অন্ততঃ দশ বার পুনরাবৃত্তি প্রয়োজন।

৪।—ভূমে চিং হইয়া শুইয়া হাঁটু তুলিয়া সঙ্গে সঙ্গে জঘনদেশ উর্দ্ধে তুলিতে হইবে।

৫ ও ৬—এ দুটি চিত্রে একই অঙ্গের গতি-ছন্দ দেখানো হইয়াছে। একটি টুলের উপর তুলার বালিশ রাখিয়া তদুপরি তলপেটে ভর দিয়া—পা দুটিকে কোনো ভারী কাপড়-চার বা খড়খড়ির গরাদে কাঁদিয়া স্থস্থির রাখিতে হইবে; তার পর বক্রভাবে দেহাঙ্গভাগ তুলুন,—যতখানি উর্দ্ধমুখী হইতে পারেন, চেষ্টা করিবেন। দুই হাতে কণ্ঠ বেষ্টন করিয়া থাকিতে হইবে—চিত্রের অনুরূপ ভঙ্গিমায়। লক্ষ্য-নৃত্য-ছন্দে মেরুদেশ সুগঠিত হয়—এ-কথা ভালো করিয়া মনে রাখিবেন।

সর্বনিম্নে এই যে দোলার ছন্দে শুইয়া দোল খাওয়া—সর্বদেহের পুষ্টি ও কাঙ্ক্ষিত-বর্ধনের পক্ষে এমন উপায় আর নাই। নিত্য এ ব্যায়ামে দেহে-মনে একসঙ্গে যে স্বাস্থ্য জাগিবে, দেখিয়া সুখী হইবেন।





## সান্‌কীতে বজ্রাঘাত

পয়ঃ-প্রণালীর কপাট

রক্তবদ্ধ প্যারাডাইনের পদব্ধ ও উভয় স্তম্ভ ধরিয়া, তাহাকে পরাশয্যা হইতে শূণ্ণে উত্তোলিত করা হইল। মুচ্ছিতের ভাণ করিয়া সে আততায়িদের কবলে আত্মসমর্পণ করিলেও, ধীরে ধীরে চক্ষু দুইটি অর্ধ-উন্মীলিত করিতেই সম্মুখবর্তী আততায়ীর প্রশস্ত পৃষ্ঠ তাহার দৃষ্টিগোচর হইল। প্যারাডাইনের ধারণা হইল, তাহার আততায়ীরা একটি সর্জন পথ দিয়া তাহাকে বহিয়া লইয়া যাইতেছিল। কয়েক মিনিট পরে প্যারাডাইন দক্ষিণ পার্শ্বে পতনোন্মুখ একটি জীর্ণ অট্টালিকা অন্ধকারে পটাক্ষিত চিত্রবৎ দেখিতে পাইল। মুহূর্ত্ত পরেই একটি সরোবরের নিস্তরঙ্গ স্বচ্ছ জলরাশি তাহার নেরঘুগলে প্রতিফলিত হইল।

তাহার ভাগ্যে কি আছে, তাহা সে এবার বুঝিতে পারিল; বুঝিতে পারিল, জ্বালের খাঁচায় আবদ্ধ ইঁদুরের মত তাহাকে জলে ডুবাইয়া হত্যা করা হইবে, মৃত্যু-কবল হইতে তাহার উদ্ধারের উপায় নাই!

প্যারাডাইনের আততায়ীরা সেই সরোবরতীরে উপস্থিত হইয়া থমকিয়া দাঁড়াইল। সেই সঙ্কটময় মুহূর্ত্তে জীবনের প্রধান প্রধান সকল ঘটনার কথাই প্যারাডাইনের স্মরণ হইল। তাহার বাল্য-জীবনের কত তুচ্ছ ঘটনার কথা, আট বৎসর বয়সের সময় তাহার স্নেহময়ী জননীর মৃত্যুর কথা, মাতার পরলোকগমনের পর যে পিতা তাহার জননীর স্থান অধিকার করিয়া পরম স্নেহে যত্নে তাহাকে প্রতিপালন করিয়াছিলেন—সেই পুত্রবৎসল পিতার কথা, শৈশবে বিদ্যালয়ে প্রবেশের পর তাহার ছাত্র-জীবনের কথা, তাহার পর মেসার্স নিস্বেট কোম্পানীর অফিসে নিয়োগস্থ কেরাণী-পরি লাভের কথা, কর্মক্ষেত্রে প্রবেশ করিবার পর তাহার

পিতার সাংঘাতিক রোগের কথা পটের উপর ছায়াচিত্রের স্তায় তাহার চিত্তপটে প্রতিফলিত হইল। তাহার স্মরণ হইল, ডাক্তার তাহাকে উপদেশ দান করিয়াছিলেন—তাহার পিতার জীবন রক্ষা করিতে হইলে বায়ু-পরিবর্তনের জগু তাঁহাকে ফ্রান্সদেশের দক্ষিণাংশে কোন স্বাস্থ্যকর স্থানে প্রেরণ করিতে হইবে; কিন্তু সে দরিদ্র কেরাণী, চিকিৎসকের এই উপদেশ পালন করা তাহার অসাধ্য হওয়ায়, পিতার প্রাণরক্ষায় হতাশ হইয়া সে কিরূপ তীব্রভাবে দারিদ্র্য-যন্ত্রণা অনুভব করিয়াছিল, তাহাও তাহার স্মরণ হইল।

অতঃপর শেষ কয়েক সপ্তাহের সকল ঘটনা একযোগে তাহার মনে উদ্ভিত হওয়ায় তাহার জীবনের নিদারুণ সঙ্কট-সঙ্কুল অবস্থার কথাও সে যেন বিশ্বত হইল। মিঃ ফার্মিনের সহিত তাহার সাক্ষাৎ, পিতার চিকিৎসার জগু তাহার নিকট পঞ্চাশ পাউণ্ড ঋণ গ্রহণ; কিন্তু তাহাও বৃথা হইল, পিতার চিকিৎসার জগু এই টাকা ব্যয় করিয়াও প্যারাডাইন পিতার জীবন রক্ষা করিতে পারিল না। কিন্তু ফার্মিন অবিলম্বে ঋণ পরিশোধের জগু তাহাকে পুনঃ পুনঃ ভয় প্রদর্শন করিতে লাগিল। অগত্যা তাহাকে টেরির শরণাপন্ন হইতে হইল। ফার্মিনের ঋণ সে পরিশোধ করিল বটে, কিন্তু টেরি তাহাকে প্রলুব্ধ করিয়া যে পাশে আবদ্ধ করিল, তাহা হইতে মুক্তিলাভ করা তাহার অসাধ্য হইল; অবশেষে পাশবদ্ধ অবস্থায় তাহাকে মৃত্যুদ্বারে উপস্থিত হইতে হইয়াছে। এত দিনে তাহার সকল যন্ত্রণার অবসান হইবে।

সহসা তাহার মাথার দিক হইতে এক জন বজিল, “আর বিলম্ব কেন? উহাকে সাঁতার দিতে ছাড়িয়া দাও, যেন এক ডুবেই জীবনের এপার হইতে ওপারে পাড়ি জমাইতে পারে।”

এই কথা শুনিয়া প্যারাডাইনের চিন্তা-স্রোত অপরূপ হইল। মুহূর্ত্তমধ্যে তাহার বাহকব্র তাহাকে উর্ধ্বে তুলিয়া, পুনঃ পুনঃ সবেগে আন্দোলিত করিতে লাগিল।

এক জন নীরস স্বরে বলিল, “যে মুহূর্তে বলিব—ছাড়, সেই মুহূর্তেই—বুঝিয়াছ?”

বজ্রার সহযোগী কথা বলিল না; কিন্তু প্যারাডাইনের দেহের আন্দোলনের বেগ বর্ধিত হইল। প্যারাডাইন রুদ্ধ নিশ্বাসে শেষ মুহূর্তের প্রতীক্ষা করিতে লাগিল। সে বিফারিত-নেত্রে সেইরূপ আন্দোলিত অবস্থায় উর্দ্ধাকাশে দৃষ্টিপাত করিল: অন্ধকারাচ্ছন্ন আকাশে শত শত নক্ষত্র গুল হীরক-গুচ্ছের গায় উজ্জ্বল দীপ্তি বিকাশ করিতেছিল, আরও দূরে দিগন্ত-বিস্তৃত মলিনাভ ছায়াপথ। চক্ষুর নিমেষে সমস্তই তাহার নয়নসমক্ষে মসামলিন অন্ধকার যবনিকায় সমাচ্ছাদিত হইল।

বজ্রধ্বনিবৎ তাহার শব্দ-বিবরে প্রবেশ করিল,—“ছাড়।”

সঙ্গে সঙ্গে প্যারাডাইনের বাতকন্বয় যুগপৎ তাহার হাত-পা ছাড়িয়া দিল। তাহার। যে বেগে তাহার দেহ আন্দোলিত করিতেছিল, সেই বেগে প্যারাডাইন শূণ্ণে নিক্ষিপ্ত হইল; তাহার পর সে সবেগে নিক্ষিপ্ত লোষ্ট্রবৎ “ঝপাং” শব্দে সরোবরবক্ষে নিপতিত হইল।

প্যারাডাইন জলে পড়িবামাত্র সরোবরগর্ভে অদৃশ্য হইল; ক্রমশঃ সে তলাইতে লাগিল। সে কতক্ষণ ধরিয়া ডুবিল, কত নীচে ডুবিল, চেতনা থাকিলেও তাহা সে ধারণা করিতে পারিল না; তাহার মনে হইল, সেই সরোবর-গর্ভ প্রশান্ত মহাসাগরের গায় অতলস্পর্শ, এবং সে অনন্তকাল ধরিয়া তাহার ভিতর তলাইয়া যাইতেছিল! কিন্তু তাহাকে সেই সরসীর তলদেশ স্পর্শ করিতে হইল না। যে বেগে সে জলে পড়িয়াছিল, সেই বেগেই কিছু দূর পর্য্যন্ত তলাইবার পর পুনর্বার ভাসিয়া উঠিতে লাগিল। যেন সরোবর-গর্ভস্থিত কি একটা অদৃশ্য শক্তি তাহাকে ঠেলিয়া উর্দ্ধে তুলিতে লাগিল। মুহূর্তের জন্ম তাহার মস্তক জলের উর্দ্ধে ভাসিয়া উঠিল। সে শ্বাসনালীতে সজোরে শ্বাস গ্রহণ করিয়া পুনর্বার মাথা ডুবাইল, এবং অদৃশ্য হইল।

এতক্ষণ পরে প্যারাডাইনের মনে এই অনুভূতির সঞ্চার হইল, যেন তাহার কোমরে কি একটা ভারী জিনিষ বাধিয়া দেওয়া হইয়াছিল; যাহা তাহাকে নীচের দিকে আকর্ষণ করিতেছিল, এবং সে জলের ভিতর হাত-পা আন্দোলিত করিয়া উর্দ্ধে উঠিবার জন্ম যথাসাধ্য চেষ্টা করিয়াও রতকার্য হইতে পারিতেছিল না। সে বহু চেষ্টায় একটু

উর্দ্ধে উঠিলেও সেই ভারী জিনিষটা তাহাকে টানিয়া নীচে নামাইতে লাগিল।

প্যারাডাইন ডুবিতে ডুবিতে দুই হাতে কোমর স্পর্শ করিয়া বুঝিতে পারিল—তাহার কোমরে কোনও একটা ভারী জিনিষ জড়াইয়া তাহার উপর কোমরবন্ধ আঁটিয়া দেওয়া হইয়াছিল। কিন্তু সেই ভারী জিনিষটা কি, বা কোন্ উপাদানে নিশ্চিত, তাহা সে বুঝিতে পারিল না। তাহা জলের ভিতর দেখিবার উপায় ছিল না; তাহার উপর প্রাণরক্ষার আশায় মৃত্যুর সহিত যুদ্ধ করিতে করিতে জিনিষটা কি, তাহা অনুমান করাও তাহার অসাধ্য হইয়াছিল। তথাপি সে কোমরবন্ধের ভিতর হইতে তাহা টানিয়া খসাইয়া ফেলিবার চেষ্টা করিল; কিন্তু কোমরবন্ধ তাহার কোমরে একপ জোরে আঁটিয়া বসিয়াছিল যে, তাহা টানিয়া আলুগা করিতে পারিল না; তখন সে ডুবিতে ডুবিতে দুই হাতে কোমরবন্ধের বগলস্ ধরিয়া টানাটানি করিতে লাগিল। অবশেষে যখন তাহার শ্বাসযন্ত্র বিদীর্ণ হইবার উপক্রম, সেই সময় বগলসের ফিতা পিন হইতে খসিয়া পড়িতেই কোমরবন্ধ আলুগা হইয়া গেল; সঙ্গে সঙ্গে কোমরবন্ধ-সংলগ্ন ভারী জিনিষটা ঝলিত হইবামাত্র প্যারাডাইন জলের উপর ভাসিয়া উঠিল। এবার সে জলের উপর চিত হইয়া পদদ্বয়ের সম্বাডনে দেহটি জলের ভিতর এভাবে ভাসাইয়া রাখিল যে, দেহের বিভিন্ন অবয়ব জলের উপর না জাগিলেও তাহার মুখমণ্ডল জলের উর্দ্ধে রহিল।

এই ভাবে চিত-সাঁতার দিয়া প্যারাডাইন শ্বাস-প্রশ্বাসের ক্রিয়া অব্যাহত রাখিল। জলে পড়িয়া নাকানিচুবানী খাইয়া সে অত্যন্ত পরিশ্রান্ত হইয়াছিল; কিছুকাল চিত-সাঁতার দিয়া সে শ্রান্তি দূর করিয়া যখন একটু প্রকৃতিস্থ হইল, তখন সে একবার চতুর্দিকে দৃষ্টিপাত করিয়া স্থানটি পরীক্ষা করিতে লাগিল। সে তীরের দিকে চাহিয়া তাহার আততায়ীদিগকে দেখিতে পাইল না; তখন তাহার। অদৃশ্য হইয়াছিল। সে জলে পড়িয়া থাকিয়া সেই নৈশ নিশ্চরতার মধ্যে শব্দ শুনিবার চেষ্টা করিল; যে শব্দ তাহার কর্ণ-গোচর হইল, তাহাতে তাহার ধারণা হইল, কোন মোটর-কার ঘস্-ঘস্ শব্দ করিতে করিতে দূরে চলিয়া গেল।

সরোবরে নিক্ষিপ্ত হইবার সময় সে জীবনের আশা ত্যাগ করিয়াছিল; কিন্তু যখন সে বুঝিল, প্রথম ধাক্কা



সামলাইতে পারিয়াছে, এবং জলে ডুবিয়াও বাঁচিয়া আছে—  
তখন তাহার মনে আশার সঞ্চার হইল, কিন্তু সেই জলাশয়-  
গর্ভ হইতে উদ্ধারলাভ করা কিরূপ কঠিন, তাহা বুঝিতে  
পারিয়া পুনর্বার সে হতাশ হইল। তাহার উভয় হস্ত এবং  
পদদ্বয় রজ্জুবদ্ধ ছিল; এ অবস্থায় অণ্ডের সাহায্য ব্যতীত  
মূল্যনাভের কোন উপায় ছিল না; কিন্তু সেই সময় সেই  
স্থানে কে তাহাকে সাহায্য করিবে? প্যারাডাইন কোন  
উপায়ে সরোবরের কিনারায় যাইবার জগ্গ উৎসুক হইল।

প্যারাডাইন রজ্জুবদ্ধ পদদ্বয় জলের ভিতর আন্দোলিত  
করিতেই তাহার মস্তক জলমগ্ন হইল। তখন সে উপায়ান্তর  
না দেখিয়া চিত-সাঁতার দিয়া সরিয়া যাইবার চেষ্টা  
করিল; কিন্তু হাত-পা রজ্জুবদ্ধ,—এ জগ্গ তাহার চেষ্টা সফল  
হইল না। সে পুনর্বার জলের ভিতর তলাইয়া যাইতে  
লাগিল। সে জলের কয়েক ফুট নীচে যাইতেই কি একটা  
শক্ত জিনিষে তাহার পিঠ ঠেকিল। সে ব্যগ্রভাবে তাহা স্পর্শ  
করিয়া বুঝিতে পারিল—তাহা কঠিন মৃত্তিকা। সেই স্থানে  
মাটি কোথা হইতে আসিল, তাহা সে বুঝিতে পারিল না;  
কারণ, সরোবরের তীর সেই স্থান হইতে অনেক দূরে ছিল।

যাহা হউক, পিঠে মাটি স্পর্শ হওয়ার প্যারাডাইন সেই  
মাটিতে পৃষ্ঠ-স্থাপন করিয়া রজ্জুবদ্ধ পদদ্বয় দ্বারা মাটি ঠেলিতে  
লাগিল; এবং অগভীর জলের ভিতর দিয়া ক্রমশঃ তীরের  
দিকে অগ্রসর হইতে লাগিল। এই ভাবে চলিতে চলিতে  
ইষ্টকনিষ্ঠ একটি প্রাচীরে তাহার মাথা বাধিয়া গেল।  
প্যারাডাইন বুঝিতে পারিল—সেই স্থানে জলের গভীরতা  
দুই ফুটের অধিক নহে। সে সেই স্থানে উভয় জানুর  
উপর ভর দিয়া বসিয়া পড়িল। তখন তাহার আর ডুববার  
আশঙ্কা না থাকায় সে জলের উপর মাথা তুলিয়া কয়েক  
মিনিট বিশ্রাম করিল। কিন্তু সে একরূপ পরিশ্রান্ত হইয়া-  
ছিল সে, তাহার অবসন্ন দেহ থর-থর করিয়া কাঁপিতেছিল।  
শ্রান্তি দূর হইলে সে সেই ইষ্টক-প্রাচীরে আরোহণ করিবার  
চেষ্টা করিল, এবং পুনঃ পুনঃ চেষ্টার পর সে তাহার বাহুদ্বয়  
সেই প্রাচীরের মাথায় স্থাপন করিতে সমর্থ হইল।

কয়েক মিনিট পরে তাহার দেহ তৃণশস্য প্রসারিত  
হইল। কিন্তু সে জীবিত ছিল কি ঘুমাইয়া স্বপ্ন দেখিতে-  
ছিল, তাহা বুঝিতে পারিল না। সে ভাবিল, “তবে কি  
সত্যই এ-যাত্রা বাঁচলাম?”

## সপ্তম পঙ্কজ

ম্যানেজারের আফিস

মিঃ প্রীড্ বউলোঁ রেশুরায় প্যারাডাইনের সঙ্গে সাক্ষাৎ  
করিতে প্রতিশ্রুত হইয়াছিলেন, এই জগ্গ তিনি নির্দিষ্ট  
সময়ে সেখানে উপস্থিত হইবার অভিপ্রায়ে রেশুরায়  
দিকে অগ্রসর হইয়াছেন, হঠাৎ পশ্চিমদ্যে আছবানধ্বনি  
শ্রুতিতে পাইলেন; কে কোথা হইতে কি উদ্দেশ্যে তাঁহার  
নাম ধরিয়া ডাকিল, ইহা বুঝিতে না পারিয়া তিনি পথের  
চারিদিকে দৃষ্টিপাত করিতেই চলন্ত ট্যাক্সিতে তাঁহার দৃষ্টি  
আকৃষ্ট হইল। তিনি ট্যাক্সির বাতায়ন-পথে প্যারাডাইনকে  
মূর্ছিতের জগ্গ দেখিতে পাইলেন; কিন্তু ব্যাপার কি, তাহা  
বুঝিতে না পারিয়া তিনি সেই ট্যাক্সির দিকে ছুই এক  
পা অগ্রসর হইতেই শকটারোহী প্যারাডাইনের বাড়  
ধরিয়া টানিয়া ট্যাক্সির বাতায়ন বন্ধ করিল; তাহার  
পর ট্যাক্সিখানি দ্রুতবেগে চলিয়া গেল। মিঃ প্রীড  
ট্যাক্সির দিকে চাহিয়া রহিলেন। কোন সাদারণ লোক  
মিঃ প্রীডের ভাবভঙ্গী দেখিলে অস্বাভাবিক কিছু নাট্যাচ্ছে  
বলিয়া বুঝিতে পারিত না। কারণ, একরূপ কৌতূহলোদ্দীপক  
ব্যাপারেও মিঃ প্রীডের মুখভাবের পরিবর্তন লক্ষিত  
হইল না। তিনি চলিতে চলিতে মূর্ছিতের জগ্গ থমকিয়া  
নাড়াইয়াছিলেন, যাহা দেখিবার, তাহা দেখিয়াছিলেন;  
তাহার পর ট্যাক্সি অদৃশ্য হইলে তিনি পূর্ববৎ রেশুরায়  
দ্বারের দিকে অগ্রসর হইলেন।

কিন্তু মিঃ প্রীডের ভাবভঙ্গী দেখিয়া যদি কেহ মনে  
করিয়া থাকেন, পূনোক্ত ব্যাপার প্রত্যক্ষ করিয়া তিনি  
সম্পূর্ণ উদাসীন ছিলেন, প্যারাডাইনের মিনতি-ভরা  
আকুল আছবানে তিনি বিন্দুমাত্র বিচলিত না হইয়া সম্পূর্ণ  
নির্লিপ্তভাবে তাঁহার গম্বু-পথে অগ্রসর হইয়াছিলেন,  
তাহা হইলে স্বীকার করিতে হইবে, মিঃ প্রীড সম্বন্ধে  
সেই ব্যক্তির ধারণা ভ্রমপূর্ণ। মিঃ প্রীড যাহা দেখিয়া-  
ছিলেন, এবং শ্রুতিয়াছিলেন, তাহা হইতে মূর্ছিতের মধ্যে  
যে সিদ্ধান্তে উপনীত হইয়াছিলেন, তাহা তাঁহার মনুষ্য-  
চরিত্রজ্ঞানের পরিচায়ক। তিনি বুঝিতে পারিয়াছিলেন,  
প্যারাডাইন অত্যন্ত বিপন্ন হইয়াই তাঁহাকে আছবান  
করিয়াছিল; সম্ভব হইলে তিনি তাহার প্রার্থনা পূর্ণ

করিতেন। কিন্তু তিনি বুদ্ধিতে পারিয়াছিলেন, দ্রুতগামী মোটর-কারের অনুসরণ করিয়া তাহাতে আরোহণের চেষ্টা বাতুলতা মাত্র; সেরূপ চেষ্টা করিলে তাঁহার সময় ও উত্তম নষ্ট হইত। কিন্তু তাহাতে তাঁহার রুতকার্য হইবার সম্ভাবনা ছিল না। এই জন্ম তিনি শকটখানির নম্বরটি স্মরণ রাখিলেন, এবং যে দৃশ্য তাঁহার দৃষ্টিগোচর হইল, তাহার প্রকৃত কারণ কি হইতে পারে, তাহাই মনে মনে আলোচনা করিতে লাগিলেন। সেই সময় তিনি ইহার অধিক আর কিছুই করিতে পারিতেন না।

মিঃ প্রীডের ধারণা হইল, প্যারাডাইন বৃহল্লো রেশুরায় তাঁহার আদেশ পালন করিতে আসিয়াছিল, সেখানে সম্ভবতঃ একরূপ কোন ঘটনা সংঘটিত হইয়াছিল—যে জন্ম তাহাকে অনিচ্ছার সহিত সেই স্থান ত্যাগ করিতে হইয়াছিল : হয় ত এই কার্যে তাহাকে বাধ্য করা হইয়াছিল, নতুবা রেশুরায় সে তাঁহার প্রতীক্ষা করিত। মিঃ প্রীড গাড়ীর ভিতর প্যারাডাইনের পার্শ্বে আর এক জন লোককে দেখিতে পাইয়াছিলেন, তাহার চেহার। তিনি লক্ষ্য করিয়াছিলেন, এবং সেই অল্পসময়ের মধ্যেই তাহা তাঁহার মানসপটে অঙ্কিত করিয়া লইয়াছিলেন। এই জন্ম তিনি স্থির করিলেন, বৃহল্লো রেশুরায় উপস্থিত হইয়া এই বিষয়ের অনুসন্ধান করিবেন।

মিঃ প্রীড রেশুরায় প্রবেশ করিতেই দ্বারপ্রান্তে এক জন প্রহরীকে দেখিতে পাইলেন। তিনি তাহাকে বলিলেন, “একটি যুবক কয়েক মিনিট পূর্বে অত্র এক জন লোকের সঙ্গে এই রেশুরায় ত্যাগ করিয়াছে। যুবকটির সেই সঙ্গীর পরিচ্ছদ নীলবর্ণ, মাথায় গোল টুপী এবং মুখে এক জোড়া জমকাল কালো গোক ; তাহার টাই ডোরা কাটা। আমি যে যুবকটির কথা বলিতেছি, সে ইদানীং প্রায় প্রতি সপ্তাহেই এইখানে আহার করিত ; এই জন্ম আমার বিশ্বাস, সে তোমার অপরিচিত নহে। যুবকটি কি কারণে তাড়াতাড়ি রেশুরায় হইতে চলিয়া গেল, তাহা জানিবার জন্ম আমার আগ্রহ হইয়াছে। এতদ্বিন্ন তাহার সঙ্গীটিরও পরিচয় জানা আবশ্যিক।”

আদালতের আমলা এবং হোটেলের আরদালীর হাতে যতক্ষণ কিছু গুঁজিয়া দেওয়া না যায়, ততক্ষণ তাহাদের কাছে কায পাওয়া যায় না। প্রহরী মিঃ প্রীডের মুখের

দিকে চাহিয়া উপেক্ষাভরে বলিল, “রেশুরায় প্রত্যহ কত লোক আসিতেছে, যাইতেছে, যদি তাহাদের সকলের মুখ চিনিয়া রাখিতে পারিতাম, তাহা হইলে—”

মিঃ প্রীড প্রহরীর বাক্য স্মরণ শুনিয়া তৎক্ষণাৎ একটি রক্ত-মুদ্রা তাহার মুঠার ভিতর গুঁজিয়া দিলেন। সঙ্গে সঙ্গে প্রহরীর মুখভাবের পরিবর্তন হইল ; প্রহরী স্মরণ করিয়া বলিল, “তাহা হইলে আপনার প্রশ্নের উত্তর দিতে বিলম্ব হইত না ; তথাপি আমি চেষ্টা করিয়া দেখিব। সেই যুবকটি কি আপনার কোন আত্মীয় বা বন্ধু ?”

মিঃ প্রীড বলিলেন, “আমার প্রশ্নের উত্তর দিতে হইলে যুবকটি আমার আত্মীয় কি বন্ধু, তহো বোধ হয় জানিবার প্রয়োজন হয় না।”

প্রহরী বলিল, “মিঃ প্যারাডাইন যে ভদ্রলোকটির সঙ্গে রেশুরায় বাহিরে গিয়াছেন, সেই ভদ্রলোকটির কথা জানিতে চাহেন ?”

মিঃ প্রীড বলিলেন, “আমি যাহা জানিতে চাহি, তাহা তোমাকে জিজ্ঞাসা করিয়াছি।”

প্রহরী বলিল, “আমার তাহা জানা নাই, মহাশয় ! আপনি রেশুরায় ম্যানেজারকে ঐ সকল কথা জিজ্ঞাসা করিতে পারেন। মিঃ প্যারাডাইন সাতটা বাজিয়া কুড়ি মিনিটের সময় এখানে আসিয়াছিলেন, এবং সে গাড়ীতে আপনি তাঁহাকে চলিয়া যাইতে দেখিয়াছিলেন, সেই গাড়ী তাহার ঠিক ছয় মিনিট পরে রেশুরায় দরজায় উপস্থিত হইয়াছিল। যে ভদ্রলোকটি সেই গাড়ীতে ছিলেন, তাঁহাকে আমি চিনি না। তিনি গাড়ীর ড্রাইভারকে অপেক্ষা করিতে বলিয়া গাড়ী হইতে নামিয়া আসিলেন ; তাহার পর রেশুরায় প্রবেশ করিয়া মিঃ প্যারাডাইনকে সঙ্গে লইয়া বাহিরে আসিলেন, ইহাই আমি দেখিয়াছি ; এবং যাহা দেখিয়াছি, তাহাই আপনাকে বলিলাম।”

মিঃ প্রীড বুলিলেন, টাকাটা মাঠে মারা গেল। কিন্তু প্রহরীর নিকট আর কোন কথা জানিবার উপায় নাই বুলিয়া তিনি রেশুরায় প্রবেশ করিলেন। প্রহরী তাঁহাকে বলিয়াছিল, তিনি ম্যানেজারকে সকল কথা জিজ্ঞাসা করিতে পারেন ; কিন্তু মিঃ প্রীড তাহা সম্ভব মনে করিলেন না। তাঁহার মনে হইল, যদি এই রেশুরায় টেরির প্রতিপত্তি থাকে এবং রেশুরায় কর্তৃপক্ষ তাহাকে

তাহাদের মুকুন্নি মনে করে, তাহা হইলে তিনি ম্যানেজারকে কোন কথা জিজ্ঞাসা করিয়া সত্বর পাইবেন না। এই সকল বেওয়ার ম্যানেজারবা তাহাদের খদ্দেরের স্বার্থ-রক্ষারই চেষ্টা করে। যাহা হউক, মিঃ প্রীড স্থির করিলেন—তিনি সেই স্থানেই আহার করিবেন এবং আহার করিতে করিতে তাঁহার কর্তব্য সম্বন্ধে সকল কথা চিন্তা করিবেন।

মিঃ প্রীড খাণ্ডদুবোর জল আদেশ করিয়া ভোজন-টেবলে বসিয়া পড়িলেন; সেই সময় একটি বিশালদেহ ভদ্রলোক আকর্ণ-বিশ্রাম্ গোফের নিশান উড়াইয়া তাঁহার পাশে আসিয়া দাঁড়াইল। সে মিঃ প্রীডকে বলিল, “বেস্তুরীর দ্বাররক্ষীর নিকট শুনলাম, আপনি মিঃ প্যারাডাইনের সন্ধান লইতেছিলেন?”

মিঃ প্রীড সেই বিরাট গোফের দিকে দৃষ্টি প্রসারিত করিয়া বলিলেন, “হাঁ। মিঃ প্যারাডাইন আমার বন্ধুপুত্র, তাহাকে একটা লোকের সঙ্গে এই বেস্তুরী ত্যাগ করিতে দেখিয়া আপনাদের দ্বাররক্ষীকে তাহার কথা জিজ্ঞাসা করিয়াছিলাম বটে।”

প্রশ্ন হইল, “আপনার এই বন্ধুপুত্র যে ভদ্রলোকটির সঙ্গে বাহিরে গিয়াছেন, তাঁহারও পরিচয় জানিবার জল আপনি আগ্রহ প্রকাশ করিয়াছিলেন?”

মিঃ প্রীড বলিলেন, “সে কথা সত্য। আমরা বৃড়া হইতে চলিয়াছি কি না, আমাদের কোঁতুহলের পরিমাণ কিছু অধিক। এ কালের ছেলেরা কাহারও সহিত মিশামিশি করিতেছে শুনিলে কিরূপ লোক তাহাদিগকে দলে টানিবার চেষ্টা করে—তাহা জানিবার জল স্বতঃই আমাদের আগ্রহ হইয়া থাকে।”

গুণে ভদ্রলোকটি সেই বেস্তুরীর ম্যানেজার। ম্যানেজার মিঃ প্রীডের কথা শুনিয়া সেই জনবল ভোজন-কক্ষের চারিদিকে কুণ্ঠিত দৃষ্টি নিক্ষেপ করিল, তাহার পর ক্ষণকাল ইতস্ততঃ করিয়া মৃদুস্বরে বলিল, “আপনি যদি আমার অফিসে মাইতেন, তাহা হইলে আপনার সেই বন্ধুপুত্র সম্বন্ধে কোন কোন কথা আপনাকে বলিতে পারিতাম। এই কক্ষে বিস্তর লোক আহারাদি করিতেছে, এখানে আপনার সঙ্গে ঐ সকল কথার আলোচনা করিলে উহাদের কেহ না কেহ সে কথা শুনিত পাইবে;

এই জলই এখানে আমি সে কথার আলোচনা করিতে চাহি না।”

“সে কথা সত্য”—বলিয়া মিঃ প্রীড তাঁহার টুপী ও ছাতাটি তুলিয়া লইয়া আসন ত্যাগ করিলেন।

অতঃপর মিঃ প্রীড ম্যানেজারের অনুসরণ করিয়া সেই কক্ষের অন্ত প্রান্তে উপস্থিত হইলেন। তাহার পর একটি অন্ধকারপূর্ণ পথ অতিক্রম করিয়া আর একটি দ্বারের সম্মুখে আসিলেন।

দ্বারটি রুদ্ধ থাকায় ম্যানেজার পকেট হইতে একটি চাবি বাহির করিল। সেই চাবির সাহায্যে সে রুদ্ধ দ্বার উন্মোচিত করিয়া মিঃ প্রীডকে বলিল, “আপনি এই কক্ষে প্রবেশ করুন।”

মিঃ প্রীড সেই কক্ষের চৌকাঠ পার হইয়া ভিতরে দৃষ্টিপাত করিলেন। কক্ষটি বৃহৎ, কিন্তু বাতাসনবর্জিত এবং আসবাবপত্রবিহীন; তাহার বায়ুস্তর তুর্গন্ধপূর্ণ; কক্ষটির প্রধান বৈচিত্র্য এই যে, তাহার এক-প্রান্তে রাশি রাশি খড় পড়িয়াছিল। মিঃ প্রীড কক্ষের ভিতর প্রবেশ করিয়া দ্বারের অদূরবর্তী দেওয়ালে ঠেস দিয়া দাঁড়াইলেন এবং কি উদ্দেশ্যে ম্যানেজার তাঁহাকে সেই কক্ষে প্রবেশ করিতে বলিল—তাহাই চিন্তা করিতে লাগিলেন। ম্যানেজার তখন সেই কক্ষের দ্বার ছই হস্তে পরিয়া চৌকাঠের নিকট দাঁড়াইয়াছিল।

মিঃ প্রীড ম্যানেজারকে বলিলেন, “আপনার অফিসের চারিদিকের অবস্থা দেখিয়া অবাক হইতে হয়। আপনার এই কামরাটি গো-পালনের যোগ্য বটে।”

ম্যানেজার গম্ভীর স্বরে বলিল, “অধিকতর প্রয়োজনীয় কার্যে এই কক্ষ ব্যবহৃত হয়। আপনি শীঘ্রই তাহা জানিতে পারিবেন। আপনার বোধ হয় স্বরণ আছে, আপনি আমার প্রহরীকে উৎকোচ দানে বশীভূত করিবার চেষ্টা করিয়াছিলেন, হাঁ, তাহাকে ঘুস দিয়া কোন কোন কথা তাহার নিকট জানিবার চেষ্টা করিয়াছিলেন, অথচ আমার নিকট আপনার সেই উদ্দেশ্য গোপন করিয়া আমাকে বুঝাইবার চেষ্টা করিলেন—ঐ সকল কথা জানিবার জল আপনার আগ্রহ ছিল না! আপনি বলুন, কি উদ্দেশ্যে আপনি এখানে আসিয়া জুটিয়াছেন?”

মিঃ প্রীড ততোধিক গম্ভীর স্বরে বলিলেন, “আপনার

এই প্রশ্নের উত্তর দেওয়া আমি নিশ্চয়োজন মনে করি।”

ম্যানেজার ক্রভঙ্গী করিয়া কঠোর স্বরে বলিল, “আলবৎ আপনি আমার প্রশ্নের উত্তর দিবেন। এখন আমার হাতে অন্য জরুরী কাম আছে, এই জন্য আমার এখানে অপেক্ষা করিবার অবসর হইবে না। সুতরাং আপনি কর্তব্য নির্ধারণের জন্য যথেষ্ট সময় পাইবেন।—পেড়ো!”

ম্যানেজার হঠাৎ পেড়ো বলিয়া ছস্কার দিল; মিঃ প্রীড তাহার এই ছস্কারের অর্থ বুঝিতে পারিলেন না; তাঁহার অনুমান হইল, ম্যানেজার কোন কারণে তাহার কোন ভৃত্যকে আহ্বান করিল। সেই কক্ষের এক প্রান্তে সংস্থাপিত একটি ক্ষুদ্র বৈদ্যুতিক দীপ-গোলক হইতে মৃদু আলোকপ্রভা নিঃসারিত হইতেছিল, তাহাতে সেই কক্ষের সকল অংশ আলোকিত হয় নাই। মিঃ প্রীড দেখিতে পাইলেন, ম্যানেজারের আহ্বানমাত্র অন্ধকারাচ্ছন্ন খড়ের গাদার এক প্রান্ত হইতে নেকড়ে বাবের আকারবিশিষ্ট কি একটা চতুষ্পদ জন্তু সেই কক্ষের দ্বার লক্ষ্য করিয়া দৌড়াইয়া আসিতেছিল; জানোয়ারটা ম্যানেজারের নিকট আসিয়া দাঁড়াইলে মিঃ প্রীড তাহাকে দেখিয়া চিনিতে পারিলেন—তাহা আলস্যাটিয়ান নেকড়ে কুকুর। (Alsatian wolf-hound) এই জাতীয় ঐরূপ ভীষণ-দর্শন বলিষ্ঠ কুকুর মিঃ প্রীড পূর্বে কোন দিন দেখিয়াছেন বলিয়া তাঁহার স্মরণ হইল না। কুকুরটার স্তম্ভীক ও সুরহং দম্বশ্রেণী উদ্ঘাটিত, তাহার স্নোহিত লোল জিহ্বা হইতে লাল ফরিত হইতেছিল। সে আরক্তিম নেত্র উর্ধ্বে তুলিয়া ম্যানেজারের মুখের দিকে চাহিয়া রহিল। মিঃ প্রীড স্তম্ভিতহৃদয়ে সেই কুকুরটার ভাবভঙ্গী নিরীক্ষণ করিতে লাগিলেন।

ম্যানেজার মিঃ প্রীডকে লক্ষ্য করিয়া নীরস স্বরে বলিল, “মহাশয়, আপনি যেখানে দাঁড়াইয়া আছেন, এই স্থানে স্থির-ভাবে দাঁড়াইয়া থাকুন, এই স্থান ত্যাগ করা আপনার পক্ষে অত্যন্ত অবিবেচনার কাম হইবে। আমার এই উপদেশ অগ্রাহ্য করিলে আপনার জীবনের আশঙ্কা আছে, এ কথা স্মরণ রাখিবেন। আর মিনিট পনের পরে আমি এখানে ফিরিয়া আসিব। আমার প্রশ্নের উত্তর দেওয়া উচিত কি না, তাহা আপনি এই সময়মধ্যে স্থির করিয়া ফেলিবেন;

কিন্তু পুনর্বার আপনাকে সতর্ক করিতেছি, যদি জীবন বিপন্ন করিবার জন্য আপনার আগ্রহ না হয়, তাহা হইলে এই স্থান হইতে আপনি নড়িবেন না। আমি এখন চলিলাম। পেড়ো; তুই উত্তর পাহারার পাক।”

কথা শেষ হইলে ম্যানেজার মূর্ছার জন্য কুকুরটার মাথায় হাত বুলাইয়া সেই কক্ষের বাহিরে দাঁড়াইয়া দ্বার রুদ্ধ করিল। মিঃ প্রীড দ্বারে ভাল বন্ধ করিবার শব্দ শুনিতে পাইলেন। পরমূহুর্তেই সেই কক্ষের বৈদ্যুতিক দীপ নিরূপিত হইল। মিঃ প্রীড নিবিড় অন্ধকারাচ্ছন্ন কক্ষে দাঁড়াইয়া রহিলেন।

মিঃ প্রীড সেই অন্ধকারের মধ্যে দাঁড়াইয়া কুকুরটার উজ্জল চক্ষু দুইটি দেখিতে পাইলেন, অন্ধকারে তাহা ব্যাঘ্রের চক্ষুর গায় জলজলু করিতেছিল। মিঃ প্রীড বুঝিতে পারিলেন, তিনি সেই কক্ষের দেওয়ালে ঠেস দিয়া দাঁড়াইয়া ভালই করিয়াছিলেন, কারণ, সেই অবস্থায় তাঁহার সরিয়া যাওয়ার সম্ভাবনা ছিল না, সুতরাং কুকুরটা তাঁহাকে আক্রমণ না করিয়া নিস্তরুভাবে তাঁহার পাহারায় নিযুক্ত থাকিবে। কিন্তু মিঃ প্রীড সেই অন্ধকারেও কুকুরের উজ্জল চক্ষু দুইটি ক্রমশঃ তাঁহার দেহের দিকে পৌঁসিয়া আসিতেছিল দেখিয়া উৎকণ্ঠিত হইলেন। তিনি ছাতার মাথাটা সোজা-ভাবে মেঝের উপর রাখিতেই তাহার আঘাতে ‘খট্’ করিয়া শব্দ হইল। মৃদুশব্দ; কিন্তু সেই শব্দেই কুকুরটা গম্ভীর গর্জন করিল। মিঃ প্রীড বুঝিতে পারিলেন, রেশুরীর ম্যানেজার অতি ভীষণ জানোয়ারকে তাঁহার পাহারায় রাখিয়া গিয়াছে। মেঝের উপর ছাতার অগ্রভাগ স্পর্শের মৃদু শব্দেই কুকুরটা যখন একরূপ বিচলিত হইয়া উঠিয়াছিল, তখন তিনি স্থান পরিবর্তন করিবামাত্র সে তাঁহার বুকের উপর লাফাইয়া উঠিয়া তাঁহার গলা কামড়াইয়া ধরিবে, এ বিষয়ে তাঁহার সন্দেহ রহিল না। তাঁহার ধারণা হইল, ম্যানেজার তাঁহাকে যে কথা বলিয়া সতর্ক করিয়াছিল, তাহা অত্যাুক্তি নহে।

মিঃ প্রীড ছাতার দাপিতে হাত দিয়া হাতখানি ধীরে ধীরে তাহার স্প্রিংএর কাছে নামাইলেন; সেই স্প্রিংএর উপর তাঁহার অঙ্গুলীর চাপ পড়িতেই পুনর্বার ‘খট্’ করিয়া শব্দ হইল। সেই শব্দ শুনিয়া কুকুরটা পুনর্বার গৌ-গৌ শব্দ করিয়া মুখ তুলিয়া তাঁহার মুখের দিকে চাহিল। মিঃ প্রীড অন্ধকারে তাহার উজ্জল চক্ষু দুইটি উর্ধ্বে প্রসারিত দেখিলেন।



সেই মুহূর্তে তিনি ডান পাশে দ্রুত সরিয়া দাঁড়াইয়া ছাতার দাগি ধরিয়া আকর্ষণ করিতেই ছাতার শিকণ্ডলি সহ কাপড়ের সাজ মেঝের উপর খসিয়া পড়িল, এবং তীক্ষ্ণধার গুপ্তিখানি তাঁহার হাতের মুঠার মধ্যে রহিয়া গেল।

মুহূর্তমধ্যে মিঃ প্রীড তাঁহার পার্শ্বে কোন ভারী জিনিষের পতন-শব্দ শুনিতে পাইলেন, তিনি বুঝিতে পারিলেন, কুকুরটা তাঁহাকে আক্রমণের উদ্দেশ্যে, দেওয়ালের যে স্থানে তিনি প্রথমে দাঁড়াইয়াছিলেন, সেই স্থানে লাফাইয়া পড়িল। তিনি সরিয়া না দাঁড়াইলে কুকুরটা তাঁহারই দেহের উপর নিষ্ফিঙ্গ হইত।

কুকুরটা দেওয়ালের নীচে পড়িয়াই উঠিয়া দাঁড়াইল, এবং অগ্নিগোলকের আয় উজ্জ্বল চক্ষু দুইটি উর্দ্ধে তুলিয়া তাঁহার মুখের দিকে চাহিল। সেই মুহূর্তে মিঃ প্রীডের দক্ষিণ হস্ত সেই সাংঘাতিক গুপ্তিসহ সম্মুখে প্রসারিত হইল।

কুকুরটা তাঁহার সম্মুখে আসিয়া আক্রমণোদ্ভূত হইল; কিন্তু তাহার বিশাল দেহ মিঃ প্রীডের অঙ্গস্পর্শ করিতে পারিল না; এবার ছঙ্কারের পরিবর্তে তাহার বিদীর্ণ কণ্ঠ হইতে যন্ত্রণাসূচক গভীর আর্তনাদ নিঃসারিত হইল। সঙ্গে সঙ্গে একটা ব্যাটকা টানে গুপ্তিখানা তাঁহার হস্তচ্যুত হইবার উপক্রম! কিন্তু তিনি উভয় হস্তের সাহায্যে সবেগে তাহা আকর্ষণ করিয়া, দেহের সমগ্র শক্তি প্রয়োগে এরূপ এক গোঁচা দিলেন যে, সেই গোঁচায় কুকুরটার কণ্ঠ চির-নীরব হইল, তাহার ভারী দেহ শব্দে মেঝের উপর নিষ্ফিঙ্গ হইল।

মিঃ প্রীড ক্ষণকাল নিস্তব্ধভাবে সেই স্থানে দাঁড়াইয়া রহিলেন, তাহার পর গুপ্তিখানি সবলে টানিয়া লইয়া পকেট হইতে 'পেট্রল লাইটার' বাহির করিলেন। তাহার মৃদু আলোকে সেই স্থান আলোকিত হইল। সেই আলোকে তিনি সুবৃহৎ আলুসাটিয়ান হাউণ্ডের মৃতদেহ তাঁহার পদ-প্রান্তে নিপতিত দেখিলেন। তাঁহার গুপ্তির তীক্ষ্ণাগ্রভাগ কুকুরটার কণ্ঠনালী এবং ঘাড় এভাবে বিদীর্ণ করিয়াছিল যে, তাহা এক দিকে প্রবেশ করিয়া অন্য দিক দিয়া বাহির হইয়া গিয়াছিল। মেঝের উপর তাহার শোণিতের স্রোত বহিতেছিল।

মিঃ প্রীড মেঝের উপর হইতে তাঁহার ছাতার শিক ও কাপড়ের সাজ কুড়াইয়া লইয়া দীর্ঘ দীর্ঘ গুপ্তিখান তাঁহার ভিতর সংস্থাপিত করিলেন, এবং মুহূর্তমধ্যে তাহার স্পিঃ

টিপিয়া তাহাকে ছাতায় পরিণত করিলেন। অতঃপর তিনি কুকুরটার গলার কলার ধরিয়া তাহার মৃতদেহ টানিয়া তুলিলেন, এবং কুকুরটা সেই কক্ষের যে কোণের খড়ের গাদা হইতে বাহির হইয়া আসিয়াছিল, তাহাকে সেই কোণে টানিয়া লইয়া গিয়া খড়ের সেই গাদার ভিতর ফেলিয়া রাখিলেন।

অতঃপর মিঃ প্রীড নিঃশব্দপদসঞ্চারে সেই কক্ষের দ্বারের নিকট উপস্থিত হইলেন। কোন কোণে সেই কক্ষের দ্বার খুলিয়া বাহিরে যাইবার জন্ত তাঁহার আগ্রহ হইল, কিন্তু তিনি রুদ্ধ দ্বার পরীক্ষা করিয়া বুঝিতে পারিলেন, তাঁহার সেই চেষ্টা সফল হইবার সম্ভাবনা নাই, ভিতর হইতে চেষ্টা করিয়া সেই মৃদু দ্বার খুলিবার উপায় ছিল না। কিন্তু দ্বার খুলিতে না পারিলেও তিনি বিন্দুমাত্র উৎকণ্ঠিত হইলেন না।

ম্যানেজার তাঁহার নিকট শীঘ্রই ফিরিয়া আসিবার অঙ্গীকার করিয়াছিল। তিনি অব্যাকুল-চিত্তে তাহার প্রতীক্ষা করিতে লাগিলেন।

মিঃ প্রীড ভাবিলেন, ম্যানেজার আসিয়া দ্বার খুলিয়া তাঁহার সম্মুখে অগ্রসর হইবামাত্র তিনি তাহাকে ফেলিয়া অনায়াসেই রেশুরা ত্যাগ করিতে পারিবেন এবং পুলিশ ডাকিয়া তাহাদিগকে ম্যানেজারের অপকার্যের প্রমাণ প্রদর্শন করিলে তাহাকে দৌড়দারী সোপর্দ করা কঠিন হইবে না; কিন্তু ম্যানেজারকে এইভাবে শাস্তিপ্রদানের চেষ্টা করিলে তাঁহার সঙ্কল্পসিদ্ধির ব্যাঘাত হইবে বলিয়াই তাঁহার ধারণা হইল। কারণ, তিনি একটি বিশেষ উদ্দেশ্যে বৃহল্লো রেশুরায় উপস্থিত হইয়াছিলেন। তিনি মিঃ গার্ডিনের হত্যাকারীকে আবিষ্কার করিয়া জন প্যারাডাইনকে তাহার শত্রুপক্ষের ষড়যন্ত্রজাল হইতে উদ্ধার করিবেন, ইহাই তাঁহার সঙ্কল্প। তিনি প্যারাডাইনের শত্রুপক্ষের ষড়যন্ত্রের কোন কোন সূত্র আবিষ্কারে সমর্থ হইয়াছিলেন বটে, কিন্তু রহস্যভেদে তখনও অনেক বিলম্ব ছিল, এ অবস্থায় রেশুরার ম্যানেজারকে পুলিশে ধরাইয়া দিয়া মূল চেষ্টা ব্যর্থ করিতে তাঁহার প্রবৃত্তি হইল না।

বৃহল্লো রেশুরা নগরের সাধারণ রেশুরাগুলির আয় ভোজনালয় হইলেও তাহা যে অন্য গোপনীয় উদ্দেশ্যে ব্যবহৃত হইত, এ বিষয়ে তিনি নিঃসন্দেহ হইয়াছিলেন। এই রেশুরাই বদমায়েসদের অপরাধজনক কার্য্যানুষ্ঠানের একটা

আজ্ঞা, ইহার সুস্পষ্ট প্রমাণ তিনি সংগ্রহ করিতে পারিয়াছিলেন। কিন্তু টেরি এখানে কোন্ যড়যন্ত্রে লিপ্ত ছিল, টেরির প্রকৃত পরিচয় কি, এবং সে কোথায় বাস করিতেছিল, তাহা তিনি তখনও জানিতে পারেন নাই। এই জ্ঞান মিঃ প্রীড বৈর্যধারণ করিয়া সুযোগের প্রতীক্ষা করাই সম্ভব মনে করিলেন। কিন্তু আর একটি বিষয় চিন্তা করিয়া তিনি অত্যন্ত উৎকণ্ঠিত হইলেন। প্যারাডাইসের ভাগ্য কি ঘটিয়াছিল, তাহাকে কি ভাবে কিরূপ যড়যন্ত্রে জড়াইয়া পড়িয়া দুঃসহ যন্ত্রণা ভোগ করিতে হইতেছিল, তাহা আবিষ্কারের পূর্বে তিনি ম্যানেজারের অত্যাচারের প্রতিফল দেওয়া অকর্তব্য মনে করিলেন।

মিঃ প্রীড ঘড়ীর দিকে দৃষ্টিপাত করিয়া বুঝিতে পারিলেন, তিনি সেই কক্ষে অবরুদ্ধ হইবার পর প্রায় এক ঘণ্টা অতীত হইয়াছিল; অথচ ম্যানেজার তাঁহাকে বলিয়া গিয়াছিল—

পনের মিনিটের মধ্যে সে তাঁহার নিকট ফিরিয়া আসিবে! কিন্তু এক ঘণ্টার মধ্যে তাহার সাফাৎ নাই, তাহার অস্থপস্থিতির কারণ অনুমান করা তাঁহার অসাধ্য হইল।

আরও কিছুকাল পরে দূরন্ত বারান্দা হইতে কাহারও পদশব্দ মিঃ প্রীডের কর্ণগোচর হইল; ক্রমশঃ সেই শব্দ স্পষ্টতর হইতে লাগিল, যেন দীর্ঘ দীর্ঘে তাহা সেই কক্ষের দ্বারের অভিমুখে অগ্রসর হইতেছিল। অবশেষে মিঃ প্রীড কাহারও নিঃশব্দ-পতনের শব্দ শুনিতে পাঠিলেন। সম্ভব সেই কক্ষের বৈচিত্র্য দীপ জ্বলিয়া উঠিল। ম্যানেজার মুহূর্ত্তমধ্যে সেই কক্ষে প্রবেশ করিবে মনে করিয়া মিঃ প্রীড সতর্কভাবে দ্বারের নিকট অগ্রসর হইলেন; কিন্তু সেই মুহূর্ত্তে দীপ পুনর্বার নিৰ্ব্বাপিত হইল, এবং সেই কক্ষ আবার গাঢ় অন্ধকারে আচ্ছন্ন হইল।

[ক্রমশঃ।

শ্রীদীনেন্দ্রকুমার রায়।

## গান

কে দিলি রে কে দিলি,  
 ঐ যে আমার মায়ের পায়ে  
 রক্তজ্বার অঞ্জলি ?  
 ভক্তি-রাঙ্গা কামনা কে  
 ছড়িয়ে গেল প্রাণ গুলি ?  
 তা'রই মনের ছোঁয়াচ লেগে  
 উঠুক আমার চিত্ত জেগে,  
 নিত্য আমি হুঁহাত ভ'রে  
 তোমার পূজার ফুল তুলি।

সেই পূজারি আনন্দেতে  
 পূরবে আমার মনের সাথ,  
 মাথায় ল'য়ে প্রসাদী ফুল  
 বইব তোমার আশীর্বাদ ;

তাইতে ফুটে উঠবে আমার হৃদয়-কমল-দলগুলি।

বিশ্ব-জবা-ফোটা পায়ে,  
 স্নিগ্ধ তোমার করুণ-ছায়ে

হৃদয় আমার পাগল হয়ে

পড়বে 'টি' চঞ্চলি'।

শ্রীঅসমঞ্জ মুখোপাধ্যায়।

## অশ্রু-অর্ঘ্য

### সার রাজেন্দ্রনাথ মুখোপাধ্যায়

বাংলা বাঙ্গালীজাতির মুখোক্ষল করিষাছেন, সার রাজেন্দ্রনাথ তাঁহাদের অঙ্গতম। শুধু অঙ্গতম তিনি নহেন—কাহারও পশ্চাতে তাঁহার আসন নির্দিষ্ট হইতে পারে না। বিগত ১৩৪০ সালের আষাঢ় মাসে “মাসিক বসুমতী” বাঙ্গালা মাসের এই কৃতী সন্তানের অশ্রুতিতম জন্মতিথি উপলক্ষে তাঁহার জীবন-কাহিনীর আলোচনা করিয়া ধন্য হইয়াছিল। এত শীঘ্র সার রাজেন্দ্রনাথ বঙ্গ-জননীকে কোড় শূণ্য করিয়া চলিয়া বাইবেন, ইহা তাঁহার গুণ-মুগ্ধ বাঙ্গালীজাতি কল্পনা করিতে পারে নাই। ১লা জ্যৈষ্ঠ তারিখে কর্মবীর রাজেন্দ্রনাথ মহাপ্রয়াণ করিষাছেন।

২৪ পবগণার বসিরহাট মহকুমার প্রায় এক মাইল দূরে অবস্থিত ভ্যাবলা গ্রামে রাজেন্দ্রনাথ জন্মগ্রহণ করেন। তাঁহার পিতা ভগবানচন্দ্রের বহু সাধনার সন্তান তিনি। জননী ৩৩৩৪ বৎসর বয়সে রাজেন্দ্রনাথ মাতৃকোড় আলোকিত করেন। একালবর্তী পরিবারে ভগবানচন্দ্র তাঁহার স্বোপার্জিত সমুদয় অর্থ প্রদান করিতেন! তাই নিজের পুত্রের জন্ত তিনি কিছুই সঞ্চয় করিতে পারেন নাই।

ছয় বৎসর বয়সে রাজেন্দ্রনাথ পিতৃহারা হন। কিন্তু জননীর অকপট স্নেহ তাঁহাকে সকলপ্রকার অভাবের তাড়না হইতে বক্ষা করিত। রাজেন্দ্রনাথ গ্রাম্য পাঠশালার কিছুদিন বিদ্যালয়িকার করেন। পাঠশালার গুরুমহাশয় মানসাকে বিশেষভাবে অভিজ্ঞ ছিলেন। রাজেন্দ্রনাথ প্রথম শিক্ষাপুত্র নিকট হইতে মানসাকে বিশেষ পারদর্শী হইয়াছিলেন। উত্তরকালে এই অসাধারণ স্মৃতি-শক্তিই তাঁহার উন্নতির পথকে বিদ্র-শূণ্য করিয়া তুলিয়াছিল।

পাঠশালার শিক্ষা সমাপ্ত হইলে রাজেন্দ্রনাথ ইংরেজি শিখিবার জন্ত আগ্রহ প্রকাশ করিতে থাকেন। কালীগঞ্জে একটি ছোটখাট ইংরেজি বিদ্যালয় ছিল। সম্পর্কে ভ্রাতৃপুত্র মতিলালের সহিত রাজেন্দ্রনাথ কালীগঞ্জে পড়িতে গেলেন। এই মতিলাল রাজেন্দ্রনাথের অন্তরঙ্গ বন্ধুর স্থান অধিকার করিয়াছিলেন। বসন্ত-রোগের মহামারী আরম্ভ হওয়ার রাজেন্দ্রনাথকে বাধ্য হইয়া কালীগঞ্জ ত্যাগ করিতে হয়। এই ব্যাধির কবলে পড়িয়া রাজেন্দ্রনাথ বহু দিন শয্যাশায়ী ছিলেন—অতি কষ্টে তাঁহার জীবন রক্ষিত হইয়াছিল। ভ্যাবলায় ফিরিয়া আসিয়া কিছুকাল তিনি সম্ভরণ ও মন্ত্র-শিকারে দিন-যাপন করিতেন।

অতঃপর রাজেন্দ্রনাথ বাবাসতের স্থানীয় স্কুলে দ্বিতীয় শ্রেণী পর্য্যন্ত অধ্যয়ন করেন। সেখানে বাহার আশ্রয়ে থাকিয়া তিনি লেখাপড়া করিতেছিলেন, অকস্মাৎ তাঁহার মৃত্যু হওয়ার রাজেন্দ্রনাথের পড়াশুনা বন্ধ হয়। তার পর তিনি মাতুলশ্রমে থাকিয়া

পড়িবার জন্ত আগ্রায় গমন করেন। সেখানে তিনি মনের আনন্দে অধ্যয়ন করিতেছিলেন। কিন্তু কৌশলে তাঁহাকে অনতিবিলম্বে দেশে ফিরাইয়া আনা হইয়াছিল। তখনও তাঁহার বয়স অষ্টাদশবৎসর হয় নাই। বাড়ীতে আসিবার পরই কৌলিক প্রথা অনুসারে তাঁহার বিবাহ হয়।

বয়সে অনেক বড় ভ্রাতৃপুত্র, কলিকাতা মিউনিসিপ্যালিটির কলেজের যোগেন্দ্রনাথ মুখোপাধ্যায়ের বাসায় থাকিয়া তার পর তিনি লণ্ডন মিশন ইনস্টিটিউশনে পাঠ আরম্ভ করেন। তাঁহার ভ্রাতৃপুত্র মতিলালও সেই স্কুলে পাঠ করেন। এণ্ট্রান্স পরীক্ষায় উত্তীর্ণ হইয়া রাজেন্দ্রনাথ প্রেসিডেন্সী কলেজে এঞ্জিনিয়ারিং বিভাগে প্রবেশ করেন। মতিলাল মেডিক্যাল কলেজে চিকিৎসা-বিদ্যা শিক্ষা করিতে থাকেন।

১৮৭২ খৃষ্টাব্দ হইতে তিন বৎসর তিনি প্রেসিডেন্সী কলেজে পূর্ববিভাগের কার্য শিক্ষা করিতে থাকেন। স্বাস্থ্য ক্ষয় হওয়ার ফলে উপাধিলাভ করিবার পূর্বেই বাধা হইয়া পাঠ বন্ধ ও কলেজ ছাড়িয়া দিতে হয়। তখন জীবিকা উপার্জনের জন্ত তিনি ব্যাকুল হইয়া উঠিলেন।

স্বাধীন কর্মজীবন গড়িয়া তুলিবার অভিপ্রায়ে রাজেন্দ্রনাথ ওয়েলিংটন স্কয়ারের কাছাকাছি একটি মেসে থাকিবার ব্যবস্থা করিয়া লইলেন। বন্ধুবর্গের সাহায্যে একটি অনাথ বালিকা-আশ্রমে ১৫ টাকা বেতনে গণিত-শিক্ষকের পদ পাইলেন। প্রত্যহ দুই ঘণ্টা শিক্ষাদান করিয়া ঐ সামান্ত আয়ে তিনি মেসের ব্যয় নির্বাহ করিতেন।

এঞ্জিনিয়ারিং বিদ্যার প্রতি তাঁহার প্রবল অহুসাগ ছিল। এ জন্ত উচ্চ বিজ্ঞান সম্বন্ধে অতিরিক্ত জ্ঞানার্জনের অভিপ্রায়ে তিনি কলিকাতা সহরের রাজপথ ও সাধারণ উদ্যানে প্রায়ই বেড়াইতেন। সেই সময় সহরের প্রাসাদোপম অটালিকাসমূহের রচনা-কৌশল দেখিয়া তিনি বিমল আনন্দ ও উপভোগ করিতেন। কারিকরণের কার্যকলাপ অংশে মনোযোগ-সহকারে পর্য্যবেক্ষণ করিয়া তিনি মনে মনে ভাবিতেন, উহা আরও উত্তমরূপে করা যায় কি না।

রামকৃষ্ণ সার্বাপ নামক মেডিক্যাল কলেজের কোনও ছাত্র রাজেন্দ্রনাথের সহিত একই মেসে থাকিতেন। তিনি শারীরিক অসুস্থতা বশতঃ শেষ পরীক্ষায় উত্তীর্ণ হইতে পারেন নাই। কিন্তু জীব-বিজ্ঞানের ব্যবহারিক জ্ঞান লাভ করার ফলে তিনি আলিপুর চিড়িয়াখানার সুপারিন্টেন্ডেন্টের পদ পাইয়াছিলেন। রাজেন্দ্রনাথ বন্ধুর কাছে চিড়িয়াখানায় প্রায়ই আসিতেন।

ব্রাডফোর্ড গেনারেল কলিকাতা কর্পোরেশনের তদানীন্তন চীফ এঞ্জিনিয়ার ছিলেন। এক দিন রাজেন্দ্রনাথ বন্ধুসহ পুস্তকালয়



[ বসুমতীর জন্ম বিশেষভাবে গৃহীত চিত্র ।

শ্রী বসুমতী নন্দ মুখোপাধ্যায়  
২৭/৩/৪০





সম্মত-সকালে সঙ্গীক সার রাজেশ্বরনাথ

ভ্রমণকালে দেখিতে পান, এক জন ইংরেজ কয়েক জন কারিকরকে একটা নূতন সেতুর নিৰ্মাণ-প্রণালী বুঝাইয়া দিবার চেষ্টা করিতেছিলেন, কিন্তু মিস্ট্রীরা সাহেবের কথা আদৌ বুঝিতে পারিতেছিল না। ইনিই ব্রাডফোর্ড লেশলি। রাজেন্দ্রনাথ সাহেবকে বিব্রত দেখিয়া প্রধান মিস্ট্রীকে সহজভাষায় ব্যাপারটা বুঝাইয়া দিতেই সে বলিয়া উঠিল, এবার সে সব বুঝিয়াছে। ব্রাডফোর্ড লেশলি তখন যুবক রাজেন্দ্রনাথের পরিচয় গ্রহণ করিয়া তাঁহাকে পরদিবস প্রভাতে ফলতা জলকলের কারখানায় গিয়া তাঁহার সহিত দেখা করিতে বলিলেন।

নির্দিষ্ট দিনে সাক্ষাৎ করার পর লেশলি সাহেব ফলতা কলের কন্ট্রাক্ট তাঁহাকে প্রদান করিতে সম্মত হন। এই যুক্তিতে রাজেন্দ্রনাথের প্রতিভা তাঁহার কল্প-জীবনের বিরাট সৌন্দর্য গঠনের সহায়তা করিয়াছিল। ফলতা কলের কন্ট্রাক্ট লইয়া সেই কাগা নিষ্পন্ন করিতে তাঁহাকে মূলধনের জ্ঞান বরূপ বেগু পাইতে হইয়াছিল, তাহা ইতিহাসের বিষয়। নির্দিষ্ট সময়ে কাগা সমাপ্ত হইলে প্রধান এঞ্জিনিয়ার কাব দেখিয়া রাজেন্দ্রনাথের উপর অত্যন্ত প্রশংসা করিলেন। তার পর তিনি জল-শোধনের বন্দোবস্ত ও খিতাইবার জলাধারগুলির সংরক্ষণকাগা তদারক করিবার ভার প্রাপ্ত হইলেন।

অতঃপর মণিরামপুরে তিনি পত্নী ও মাতাকে লইয়া আসিলেন। কিন্তু পত্নী সন্তান-সম্ভবা হওয়ার তাঁহাকে পিতৃত্বপূর্ণ পাঠান হইল। সেখানে রাজেন্দ্রনাথের পত্নী-বিয়োগ ঘটে। মনের দুঃখে কিছু দিন বাপনের পর মাতৃ-আদেশে ২৬ বৎসর বয়সে রাজেন্দ্রনাথ সোলাদানার কোনও দরিদ্র ব্রাহ্মণকণার পাণি-গ্রহণ করেন। ইনিই বর্তমানে লেডী বাহুমতী। গৃহলক্ষীর পুনরাগমনের পর রাজেন্দ্রনাথের সৌভাগ্যলক্ষীও সোনার কাঁপি খুলিয়া কাম্ববীর রাজেন্দ্রনাথের মাথায় আশিসধারা ঢালিয়া দিতে লাগিলেন।

টি, সি, মুখার্জি এণ্ড কোম্পানী নাম দিয়া রাজেন্দ্রনাথ যুরোপীয় কন্ট্রাক্টরগণের তীক্ষ্ণ প্রতিদ্বন্দ্বিতা সত্ত্বেও প্রথম শ্রেণীর কন্ট্রাক্টর বলিয়া প্রসিদ্ধি লাভ করিলেন। ফলতার জলকলের বিস্তার-সংক্রান্ত নিৰ্মাণ-কাগার অধিকাংশ কন্ট্রাক্টমূলে পাইয়া রাজেন্দ্রনাথ বহু অর্থ লাভ করিলেন। তাঁহার নাম চারিদিকে প্রচারিত হইল।

তার পর আগ্রা সহরে কলের জল প্রবর্তিত হইবে জানিতে পারিয়া রাজেন্দ্রনাথ আগ্রার গমন করেন। সেখানে মিঃ হিউজ চীফ এঞ্জিনিয়ার ছিলেন। রাজেন্দ্রনাথ তাঁহার নক্সার কতিপয় ভ্রম প্রদর্শন করেন। ইহাতে মিঃ হিউজ তাঁহার গুণমুগ্ধ হইয়া পড়েন। যত কোম্পানী টেণ্ডার দিয়াছিল, রাজেন্দ্রনাথের টেণ্ডার সর্বনিম্ন ছিল। মিউনিসিপ্যালিটির সুপারিশ সত্ত্বেও তিনি ভারতীয় কন্ট্রাক্টর বলিয়া সরকারী ব্যবস্থায় তাঁহাকে কন্ট্রাক্ট দেওয়া হইল না। অল্প যুরোপীয় ব্যবসায়ী তাঁহার অপেক্ষা বেশী টাকায় টেণ্ডার দিলেও কন্ট্রাক্ট পাইলেন। রাজেন্দ্রনাথ এই অববেচনা দর্শনে মর্মান্ত হইয়া বাঙ্গালায় ফিরিয়া আসিলেন।

এলাহাবাদে জলকলের প্রতিষ্ঠা হইবে জানিয়া রাজেন্দ্রনাথ বার্ষিক্য হইবেন ভাবিয়া কোনও চেষ্টা করেন নাই। কিন্তু হিউজ সাহেব পুনঃপুনঃ তাঁহাকে টেণ্ডার দিবার জ্ঞান অনুরোধ

করেন। কলিকাতার অনেকগুলি যুরোপীয় ব্যবসায়ী রাজেন্দ্রনাথকে কাষ এবং উচ্চ বেতন ও কমিশন দিবার প্রস্তাব করেন। রাজেন্দ্রনাথ দাসত্বের ঘোর বিরোধী ছিলেন। কাষেই কাহারও প্রস্তাবে তিনি কর্ণপাত করিলেন না! কিন্তু ওয়ালস্ লভেট নামক কোম্পানীর অ্যাকুইন মাটিন সম্মানজনক সত্ত্বে রাজেন্দ্রনাথকে একতৃতীয়াংশ লভ্যাংশ দিবার প্রস্তাব করায় রাজেন্দ্রনাথ স্বীকৃত হইলেন। এলাহাবাদে গিয়া মিঃ মাটিন ও রাজেন্দ্রনাথ গোপনে টেণ্ডার প্রস্তুত করেন; কিন্তু তাহা কৌশলে বিক্রয়ক্ষম চুরি করে। শেষ মুহূর্ত্তে পুনরায় অসাধারণ শ্রম সহকারে টেণ্ডার প্রস্তুত করিয়া ফেলেন। রাজেন্দ্রনাথের অসাধারণ স্বর্ণশক্তিই তাঁহাকে এ বিষয়ে বিশেষ সাহায্য করিয়াছিল। সৌভাগ্যক্রমে রাজেন্দ্রনাথ ও মিঃ মাটিন জলকলের কন্ট্রাক্ট প্রাপ্ত হন।

১৮৯০ হইতে ১৮৯২ খৃষ্টাব্দ পর্যন্ত রাজেন্দ্রনাথ এলাহাবাদে প্রবাস-জীবন বাপন করেন। আগ্রার জলকলের কাষ বহু পূর্বে আরম্ভ হইলেও তখনও সমাপ্ত হয় নাই। কিন্তু রাজেন্দ্রনাথের অপূর্ণ কাম্ববৈপুল্যে এলাহাবাদের জলকলের প্রতিষ্ঠা অগ্রে হইয়া গেল। উদ্বোধন-কাগ্যে তদানীন্তন বড়লাট লর্ড ল্যামডাউন শ্রয় আসিলেন। রাজেন্দ্রনাথকে তিনি অশেষ প্রশংসা-বচনে পুরস্কৃত করেন।

আগ্রার জলকল নিৰ্মাণে অনতিদ্রুতগতির বাধা উপস্থিত হইয়াছিল। যুক্তপ্রদেশের সরকার রাজেন্দ্রনাথকে পারিশ্রমিক দিয়া আস্থান করিলেন—গলদ কোথায়, তাহা আবিষ্কার করিতে। কিন্তু তেজস্বী কাম্ববীর বিনা পারিশ্রমিকে সাহায্য করিবেন বলিয়া জানাইলেন। তাঁহার কাম্ববৈপুল্যে আগ্রা জলকল প্রতিষ্ঠিত হইল। সরকার মুক্তকণ্ঠে এই বাঙ্গালী কাম্ববীরের পক্ষমুখে প্রশংসা করিতে লাগিলেন।

১৮৯২-৯৫ খৃষ্টাব্দে কানপুর জলকলের কন্ট্রাক্টও রাজেন্দ্রনাথ প্রাপ্ত হইলেন। তখনও ওয়ালস্ লভেট কোম্পানীর নামে কারবার চলিতেছিল। উক্ত কোম্পানীর প্রধান অংশীদার এক জন বাঙ্গালী কন্ট্রাক্টরকে একতৃতীয়াংশ লভ্যাংশ দিতে আপত্তি করায় অ্যাকুইন মাটিন সেই কোম্পানীর সহিত সমুদয় সংশ্লিষ্ট ত্যাগ করিলেন। রাজেন্দ্রনাথকে সমান অংশীদাররূপে লইয়া তিনি “মাটিন কোম্পানী” নাম দিয়া নূতন কোম্পানী গঠন করিলেন। রাজেন্দ্রনাথও টি, সি মুখার্জি কোম্পানীর সহিত তাঁহার সংন্ধ বিচ্ছিন্ন করিয়া লইলেন।

যুরোপীয় কোম্পানীগণের প্রবল প্রতিদ্বন্দ্বিতা সত্ত্বেও নব-প্রতিষ্ঠিত মাটিন কোম্পানী মীরাট, নাইনিতাল, বেনারস ও লক্ষ্মৌয়ের জলকলসমূহের এবং লক্ষ্মৌ সহরের বৃহৎ পঞ্চপ্রণালী-সমূহের নিৰ্মাণের কন্ট্রাক্ট পাইলেন। জয়ের রথচক্র তখন ঘর্ষের নিৰ্বোধে চলিয়াছে—বাঙ্গালী কাম্ববীরের জয়পতাকা আকাশে তখন পত্ পত্ শব্দ করিয়া উড়িতেছে।

প্রবাসের সর্বত্র জয়লাভ করিয়া অতি বিস্ময়করভাবে মাটিন কোম্পানী হাওড়ায় পরাজিত হইলেন। কিন্তু ইহার মূলে নিদাক্ষণ বিশ্বাসঘাতকতা ছিল। রাজেন্দ্রনাথ যখন লক্ষ্মৌতে, সেই সময় হাওড়া জলকলের জ্ঞান টেণ্ডার আহৃত হয়। বাঙ্গালাদেশে, নিজের জন্মভূমিতে রাজেন্দ্রনাথ এই কন্ট্রাক্ট পাইবার জ্ঞান উদ্গ্রীব হইলেন—মাটিনও অমুরূপ আগ্রহ প্রকাশ করিলেন।

রাজেন্দ্রনাথের প্রধান সহকারী এঞ্জিনিয়ারের ( তাঁহার নাম করিবার প্রয়োজন নাই ) সহিত পরামর্শ করিয়া রাজেন্দ্রনাথ লক্ষ্যে হইতে টেণ্ডার প্রস্তুত করিলেন । যথাসময়ে টেণ্ডার প্রেরিত হইল । কিন্তু মার্টিন ও রাজেন্দ্রনাথ পরে জানিতে পারিলেন যে, প্রতিযোগী বারণ কোম্পানী ৪ হাজার টাকা কম টেণ্ডার দেওয়ায়, তাঁহাদের টেণ্ডার না-মঞ্জুর হইয়াছে । উক্ত ঘটনার পর উল্লিখিত সহকারী এঞ্জিনিয়ার মার্টিন কোম্পানীর চাকরী ছাড়িয়া বারণ কোম্পানীতে যোগদান করেন ।

অ্যাকুইন মার্টিন নাইট পদবী লাভ করায় রাজেন্দ্রনাথ নিজের অর্দ্ধাংশ হইতে আধ আনা অংশ প্রিয়বন্ধু সার অ্যাকুইনকে অভিনন্দন হিসাবে চিরকালের জ্ঞান অর্পণ করেন । কৃতজ্ঞ সার অ্যাকুইন এই মহানুভবতা বিশ্বস্ত হন নাই । তিনি যত্নকালে উইল দ্বারা রাজেন্দ্রনাথকে নিজ সম্পত্তির একমাত্র তত্ত্বাবধায়ক নিযুক্ত করিয়া গিয়াছিলেন ।

প্রচুর অর্থোপার্জন করিয়া রাজেন্দ্রনাথ ২০ নম্বর বীডন ষ্ট্রীটে বিস্তৃত উদ্যান-সমন্বিত প্রাসাদোপম অট্টালিকা নির্মাণ করিয়াছিলেন । সেখানে বাঙ্গালার সুসন্তানগণের সহিত মিলিত হইয়া নানাবিধ জ্ঞানের চচ্চা তিনি করিতেন ।

রাজেন্দ্রনাথের উদ্ভাবনী প্রতিভা অতঃপর বাঙ্গালার নানা স্থানে লাইট রেলওয়ে নির্মাণ করিবার পন্থা উদ্ভাবিত করিল । সরকারের পৃষ্ঠপোষকতার মার্টিন কোম্পানী, হাওড়া—আমতা—সেয়াখালা, রাণাঘাট কৃষ্ণনগর, বারাসাত বসিরহাট, বক্তিস্বারপুর-বেহার, এবং আরা-সাসারাম লাইট রেলওয়ে নির্মাণ করিলেন । ইহা হইতে প্রচুর অর্থাগর হইতে লাগিল—রাজেন্দ্রনাথের নাম ইতিহাসের পৃষ্ঠে অমর হইয়া রহিল । কিন্তু যুরোপীয় বণিকগণের ঈর্ষা দিন দিন বাড়িতেছিল । তাঁহাদের প্ররোচনায় সরকার আর পৃষ্ঠপোষকতা করিতে সম্মত হইলেন না—মার্টিন কোম্পানীর রেলপথ নির্মাণ বন্ধ হইয়া গেল ।

নূতন কল্পনায় রাজেন্দ্রনাথের উর্ধ্ব মস্তিষ্ক হইতে উদ্ভাবিত হইল । সার অ্যাকুইন বন্ধুবরের পরামর্শমত বিলাত হইতে থর্নটন নামক এক অপূর্ণ প্রতিভাশালী স্থপতি শিল্পীকে ভারতবর্ষে আনাহিলেন । থর্নটনের মৌলিক ও অতুলনীয় পরিকল্পনা অনুসারে মার্টিন কোম্পানী কলিকাতা মহানগরীর প্রাসাদসদৃশ হর্ষামালা রচনা করিলেন—অগ্গল সহরের সুদৃশ্য ও মনোরম সৌধাবলীও রচিত হইল । আগ্রার তাজের মর্ম্মরূপ কলিকাতা সহরেও ভিক্টোরিয়া স্মৃতিসৌধে বিকশিত হইয়া উঠিল ।

১৯২৭ খৃষ্টাব্দে সার রাজেন্দ্রনাথ বারণ কোম্পানীর স্ববৃহৎ কারবার ক্রম করিয়া মার্টিন কোম্পানীর সহিত যোগ করিয়া দিলেন । উক্ত কোম্পানীর কোনও প্রতিনিধি রাজেন্দ্রনাথকে দেশীয় বলিয়া অবজ্ঞা করিয়াছিলেন । তেজস্বী রাজেন্দ্রনাথ তখনই প্রতিজ্ঞা করিয়াছিলেন, এক দিন বারণ কোম্পানীর এই দর্প চূর্ণ করিবেন । কালবেশে সার রাজেন্দ্রনাথের সে উদ্দেশ্য সিদ্ধ হইয়াছিল ।

সার রাজেন্দ্রনাথের বিরাট কর্ম্মময় জীবনের ইতিহাস অল্প-পরিসর স্থানে বিবৃত করা অসম্ভব । সরকারের মনোনীত সদস্যরূপে বহু উচ্চ অবৈতনিক পদে তিনি কাষ করিয়াছিলেন । জনসাধারণের বহু হিতকর কার্যেও তিনি আত্মনিয়োগ করিয়াছিলেন । নিয়ে তাঁহাদের কতিপয় তালিকা প্রদত্ত হইল :—

১। এলাহাবাদে শ্রমশিল্প ও অর্থনীতিক সমিতির সভাপতি-পদে তিনি ১৯১০ খৃষ্টাব্দে প্রতিষ্ঠিত হন ।

২। ১৯১১ খৃষ্টাব্দে তিনি কলিকাতায় গেয়ফ হইয়াছিলেন ।

৩। ১৯১৬-১৮ খৃষ্টাব্দে ভারত-সম্রাট শ্রমশিল্প কমিটির সদস্য নিযুক্ত করেন । কয়েক মাসের জন্ত সার রাজেন্দ্রনাথ উহার প্রেসিডেন্টও হইয়াছিলেন ।

৪। ১৯২১ খৃষ্টাব্দে বেঙ্গলে কমিটির সদস্যপদে তিনি মনোনীত হন ।

৫। ১৯২২ খৃষ্টাব্দে ভাগীরথী সেতু কমিটির প্রেসিডেন্ট নিন্দাচিত হইয়াছিলেন ।

৬। ১৯২৩ খৃষ্টাব্দে বঙ্গীয় বায়-সঙ্কোচ কমিটির প্রেসিডেন্ট-রূপে তিনি কাষ করেন ।

৭। ১৯২৪ খৃষ্টাব্দে ভারতীয় বায়-সঙ্কোচ কমিটির সদস্য পদে ভারতসম্রাট তাঁহাকে নিয়োগ করেন ।

৮। ১৯২৫-২৬ খৃষ্টাব্দে ভারতীয় কয়লা কমিটির সদস্য ।

৯। ১৯২৫-২৬ খৃষ্টাব্দে ভারতসম্রাট নিযুক্ত ভারতীয় মুদ্রানীতি ও আয়ব্যয়-সংক্রান্ত কমিটির সদস্য ।

সার রাজেন্দ্রনাথ আত্মশ্রম ও অমূল্য শ্রমের উন্নতি বিধায়ক সমিতির প্রধান পৃষ্ঠপোষকও ছিলেন । নারী-শিক্ষার পৃষ্ঠপোষকরূপে তাঁহার দান সামান্ত নহে । শরীরচর্চায় তাঁহার উৎসাহের সীমা ছিল না । ভারতের এঞ্জিনিয়ারিং সভার সভাপতিরূপে রাজেন্দ্রনাথ অনেক কাষ করিয়াছেন ।

রাজেন্দ্রনাথ দুইবার বিলাতে গিয়াছিলেন । কিন্তু তৎসময়েও তিনি নিজের ব্যক্তিগত কখনও বিসর্জন দেন নাই । তিনি খাটি হিন্দু ছিলেন এবং পারিবারিক কাব্যসমূহ নির্ভাবন হিন্দুর নিয়মা-নুসারেই পরিচালিত হইত ।

ভারতীয় এবং যুরোপীয় সমাজে সার রাজেন্দ্রনাথের সমান প্রতিপত্তি ও সম্মান ছিল । গোলটেবল বৈঠকে ভারত সমস্যা-সম্পাদনের পরিকল্পনা তিনিই প্রথমে করিয়াছিলেন । তাঁহাকে বাঙ্গালার মন্ত্রিত্ব করিবার জন্ত অনুরোধ করা হইলেও, তিনি তাহা গ্রহণ করেন নাই । রাষ্ট্রনীতিক আন্দোলনে যোগদান করিবার বাসনা তাঁহার মোটেই ছিল না ।

সার রাজেন্দ্রনাথের মাতৃভক্তি অতুলনীয় । স্বদেশবাসিগণের প্রতি তাঁহার প্রীতি অগ্নের অনুকরণযোগ্য ।

বাঙ্গালার এই স্বনামধন্য কর্ম্ম-বীরের ৮২ বৎসর বয়সে তিরোধান ঘটিল । পরিণত বয়সে তিনি ইঙ্গলোক ত্যাগ করিয়াছেন । সে জন্ত শোক প্রকাশ করিবার কথা নহে । কিন্তু এমন আদর্শ কর্ম্মবীর—বাঙ্গালী জাতির বরণ্য প্রতিভাধর ব্যবসায়ীর মৃত্যুতে বাঙ্গালী মায়ের অঙ্কের যে স্থান শূন্য হইয়া গেল, তাহা কখনও পূর্ণ হইবে কি না, তাহা ভগবানই বলিতে পারেন । বাঙ্গালী রাজেন্দ্রনাথকে হারাইয়া বাঙ্গালী জাতির গর্ভের মণিহারের অহুজ্জ্বল মণির অভাব অনুভব করিবে । ব্যবসায়-জীবনে বাঙ্গালীর নয়ন-সমক্ষে যে প্রদীপ্ত ভাস্কর দীপ্তি পাইতেছিল, তাহার অন্তর্গমনে খনাককার জাগিয়া উঠিয়াছে । আজ বাঙ্গালী সার রাজেন্দ্রনাথের শোক-সন্তপ্ত পরিবারবর্গের সহিত হৃদয়ের সমবেদনা প্রকাশ করিতেছে ।

## পূর্ণচন্দ্র মুখোপাধ্যায়

ঐহ্যার উৎসাহের সিংহনাদে বঙ্গমতী-সাহিত্য-মন্দির প্রকল্পিত হইত—কল্পিবৃন্দ সম্বল—উদ্বীপিত হইত, সেই কল্পবীর পূর্ণচন্দ্র মুখোপাধ্যায়—সর্বজনপ্রিয় পটল বাবু গত ১৭ই জ্যৈষ্ঠ রবিবার,

উপহার বিতরণ করিয়া, প্রবলপ্রভাব প্রতাপাধিত বাঙ্গালা সংবাদপত্র-প্রচারে আত্মনিবেশন করেন, সেই সময়ের ছাণ্ডিপ্রেসের সাহায্যে সুলভ শাস্ত্রগ্রন্থ মুদ্রণ—প্রকাশ হইতে বৈদ্যুতিক বোটারী যন্ত্রে বঙ্গমতীর প্রবল প্রচার পর্যন্ত সাক্ষ্য-গৌরবের কল্পকল্পের ভার পূর্ণচন্দ্রের উপর স্তম্ভ ছিল। পটল বাবু নামে বঙ্গমতীর

প্রিণ্টার পাবলিসার হইলেও ম্যানেজারের গুরু দায়িত্বভার সান্নয়ে গ্রহণ করিয়াছিলেন। তিনি পরম নিষ্ঠার সচিত্র চিরদিন সেই কর্তব্য সম্পাদন করিয়া গিয়াছেন। বঙ্গমতীর স্বত্বাদিকারিত্ব চিরদিন তাঁহার সুপরামর্শ—কার্যকুশলতার উপর নির্ভরশীল ছিলেন।

বঙ্গমতীর শাস্ত্রপ্রচারে পূর্ণচন্দ্রের উৎসাহের অস্ত ছিল না। বঙ্গমতীর বিভিন্ন সংস্করণের মুদ্রাকর—প্রকাশকরূপে—বঙ্গমতী-প্রচারিত সংসাহিত্য-গন্থাবলী—শাস্ত্রগ্রন্থের মুদ্রাকররূপে তাঁহার নাম বঙ্গসাহিত্যে দেনীপ্যমান—বাঙ্গালার যবে যবে বিবাজিত। তিনি কল্প-জীবনের ৪৭ বর্ষব্যাপী সাধনায় ভদ্র পরিবারের অসংখ্য বাঙ্গালী—শিক্ষিত যুবককে কম্পোজের কার্যে শিক্ষা প্রদান করিয়া তাঁহাদের জীবনযাত্রার পথ সুগম করিয়া দিয়াছেন। যে সময়ে তিনি বঙ্গমতী প্রেসের কার্যে যোগদান করেন, তখন মুদ্রণ যন্ত্রের কার্য মুসলমান প্রেস-ম্যানগণের এনচেটিয়া ছিল—প্রধানতঃ তাঁহার উৎসাহে—প্রচেষ্টায় এখন এই কার্যে বহু বাঙ্গালী যুবক নিয়োজিত হইয়া বিশেষ অভিজ্ঞতা লাভ করিয়াছে। এজ্ঞ কেবল বঙ্গমতী প্রেসে নহে—কলিকাতা—বাঙ্গালার বহু প্রেসেই পূর্ণবাবুর বহু ছাত্র বিদ্যমান। প্রেসের শত কার্যের ভিতরও পটল বাবু প্রতিদিন সক্ষ্যায় কিছুক্ষণ কল্পিবৃন্দকে ধর্মোপদেশ দিতেন—তাঁহাদের চরিত্রগঠনের প্রয়াস পাইতেন—তাঁহাদের অভাব অভিযোগের বধাসাধ্য প্রতিকার করিতেন—শ্রীরামকৃষ্ণমহিমা প্রচার করিতেন। তাঁহার প্রভাবে বঙ্গমতীর কয়েক জন কম্পোজিটার শ্রীরামকৃষ্ণ মঠের সন্ন্যাসী হইয়াছে।

তিনি ভগবান শ্রীরামকৃষ্ণদেবের পরম ভক্ত—শ্রীমাতাঠাকুরাণীর মনুষিয়া ছিলেন। বঙ্গমতী কাষ্যায় সমাগত স্বামী বিবেকানন্দ, স্বামী ব্রহ্মানন্দ, স্বামী শিবানন্দ, স্বামী

অদ্ভুতানন্দ, স্বামী অখণ্ডানন্দ প্রভৃতি পূজাপাদ সন্ন্যাসিমণ্ডলী—কান্তিমান সাহিত্যিক—সংবাদিকগণের আশীর্বাদ—স্নেহপ্রীতিলাভের যথেষ্ট সুযোগ তিনি লাভ করিয়াছিলেন। স্বামী অদ্ভুতানন্দ—শাটু মহারাজের বিশেষ কৃপালাভে তাঁহার জীবন ধন হইয়াছিল। নাট্যকবি গিরিশচন্দ্রের প্রতিভার তিনি পরম অমুরাগী ছিলেন।



পূর্ণচন্দ্র মুখোপাধ্যায়

মধ্যরাত্রিতে, ৬৪ বৎসর বয়সে, দীর্ঘকাল রোগযন্ত্রণা ভোগের পর শ্রীরামকৃষ্ণমঠে মহাপ্রয়াণ করিয়াছেন। দেশের অতীব দুর্দিনে বাঙ্গালা-সাহিত্য ও সংবাদপত্রের প্রতি শিক্ষিতসমাজ—জনসাধারণের উপেক্ষায়—অনাদরে ব্যথিত হইয়া বঙ্গমতীর প্রতিষ্ঠাতা উপেন্দ্রনাথ বখন সংসাহিত্য—শাস্ত্রগ্রন্থরাজি বিনামূল্যে—নামমাত্রমূল্যে



এ দেশের সংবাদপত্রে নিভীক অভিমত প্রকাশের পথ বিয়-  
বহুল—এজগৎ বসুমতী-সম্পাদকের সহিত পূর্ণ বাবুকেও বহুবার  
আদালতে অভিযুক্ত হইতে হইয়াছিল—কিন্তু তিনি কষ্টব্যে বিচলিত  
হন নাই। তাঁহার কষ্টকঠোর জীবনে দয়ামমতার উৎস প্রবাহিত  
ছিল—দুঃস্থ ব্যক্তিকে বসুমতী তহলি হইতে সাহায্য করিয়াও  
তাঁহার ভূপ্তি হইত না—নিজ বেতনের বহু অংশ তিনি নিয়মিত  
ভাবে দান করিতেন; এবং দানের সঙ্গে সঙ্গে একটি প্রচণ্ড ধমক  
দিয়া আত্মপ্রসাদের অবসান করিতেও কোন দিন বিম্বৃত হইতেন  
না। তাঁহার মৃত্যুতে আমরা সোদর-বিয়োগ-বেদনায় মর্ষাহত।  
তাঁহার মত একান্ত তিষ্ঠিত বন্ধু—অকপট মুহুর্ত—শিক্ষাদাতা  
সহকর্মীর অভাব কোন যুগে পূর্ণ হইবার নহে।

### হরিপদ মুখোপাধ্যায়

স্বনামপ্রসিদ্ধ উকিল হরিপদ মুখোপাধ্যায় গত ৫ই জ্যৈষ্ঠ  
পরলোকগমন করিয়াছেন। হরিপদ বাবু ১২৭৩ সালে চন্দননগর



হরিপদ মুখোপাধ্যায়

তেলিনীপাড়ার সন্ন্যাস গ্রহণ করেন। বাল্যেই তাঁহার পিতৃবিয়োগ  
হয়। এষ্ট ১ম পরীক্ষার বৃত্তিতে ও দুই তিনটি গৃহে শিক্ষকতা-  
লব্ধ পারিশ্রমিকে সংসার প্রতিপালন করিয়া, তিনি এক এ. বি এ

পাশ করেন। বি এ পাশের পর জ.প্রথমে স্কুলে দ্বিতীয় শিক্ক  
নিযুক্ত হইয়া কলিকাতা সিটি কলেজ হইতে আইন পাশ করেন।  
পবে হুগলী জজ আদালতে ওকালতি করিয়া বখেট খ্যাতি অর্জন  
করেন। অবসর গ্রহণ করিয়া তিনি জনসেবাকার্যে ব্রতী হন।  
তিনি ভদ্রেশ্বর মিউনিসিপ্যালিটির ভাইস চেয়ারম্যান,—স্কুলের  
প্রেসিডেন্ট—তেলিনীপাড়া অনাথ ভাণ্ডার প্রতিষ্ঠাতৃগণের অন্যতম  
ছিলেন। তাঁহার জ্যেষ্ঠ পুত্র শ্রীযুত সুশীলকুমার মুখোপাধ্যায়  
কলিকাতা মেডিকেল কলেজের লব্ধপ্রতিষ্ঠ চক্ষু-চিকিৎসক।

### পুরাণচাঁদ নাহার

গত ১৭ই জ্যৈষ্ঠ অপরাহ্নে, ৩৩ বৎসর বয়সে পুরাণচাঁদ নাহার  
মহাশয় তাঁহার কলিকাতা ইণ্ডিয়ান মিটার ট্রাষ্ট ভবন হইতে  
পরলোকে গমন করিয়াছেন। পুরাণচাঁদ বাবু মুশিদাবাদ—আজিম-  
গঞ্জের সুপ্রসিদ্ধ নাহার-পরিবারে ১৮৭৫ খৃষ্টাব্দে জন্মগ্রহণ করেন।  
তিনি রায় সিতানচাঁদ নাহার বাহাদুরের পুত্র। তিনি প্রেসিডেন্সি



পুরাণচাঁদ নাহার

কলেজ হইতে বি এ পাশের পর ১৮৯৫ খৃষ্টাব্দে জৈন সম্প্রদায়ে  
প্রথম আইন পরীক্ষার উত্তীর্ণ হন। এটর্নী হইবার জন্ত তিনি  
কিছুদিন ভূপেন্দ্রনাথ বসু মহাশয়ের আপিসে শিক্ষানবীশ ছিলেন।  
তাঁহার জ্ঞানার্জন-স্পৃহা—জৈনদর্শনচর্চা—শিক্ষানুরাগ—ধর্মনিষ্ঠা  
তাঁহাকে ব্যবসারে বিরত করে। তিনি অনন্তকর্মী হইয়া জৈনদর্শন  
অধ্যয়নে মনোনিবেশ করেন এবং জৈনদর্শনে বিশেষজ্ঞ হইয়া  
বহু গ্রন্থ প্রকাশ করেন। পুরাণচাঁদ বাবু প্রাচীন ও মধ্যযুগের

শিল্পকীর্তি সম্বন্ধে বহু অর্থব্যয়ে সংগ্রহ করিতেন—এরূপ পুরাবস্তু-সংগ্রহ দুর্লভ। তিনি বিভিন্ন অনুসন্ধান সমিতি ও সাহিত্য-প্রতিষ্ঠানে সদস্য ছিলেন—অশোয়াস জৈন সম্মেলনের প্রথম সভাপতি হইয়াছিলেন। তাঁহার লিখিত 'জৈন অনুশাসন' গ্রন্থ ইতিহাসের অমূল্য সম্পদ।

### চিত্তরঞ্জন গোস্বামী

আনন্দ-মঙ্গলসিমে সর্বজনচিত্তরঞ্জন—ভাঙ্গরসের সুপ্রসিদ্ধ অভিনেতা চিত্তরঞ্জন গোস্বামী গত ১লা জ্যৈষ্ঠ শুক্রবার অপরাহ্নে ৫৫ বৎসর বয়সে লোকান্তরিত হইয়াছেন জানিয়া আমরা বাথিত হইয়াছি। শাস্তিপুরের সুপ্রসিদ্ধ গোস্বামী-বংশে তিনি জন্মগ্রহণ করেন, বাল্যেই তাঁহার কৌতুকভিনয়ের প্রতিভা পরিস্ফুট হইয়াছিল। বসবাজ আমতলাল চিত্তরঞ্জনের ভাঙ্গরস-টঙ্কল 'মালাবদন' চিত্রপুস্তকের পরিচয় প্রসঙ্গে লিখিয়াছেন—



চিত্তরঞ্জন গোস্বামী

শিশুকে দেখিয়া বৃথিতে পারিয়াছিলেন, তাঁহার পুত্র যৌবনে সমস্ত বঙ্গদেশবাসীর চিত্ত-নিহিত আনন্দ-উৎস মাত্র চক্ষের দৃষ্টিতে খুলিয়া দিতে সমর্থ হইবে যে, তিনি তার নাম রাখিলেন চিত্তরঞ্জন ?”

চিত্তরঞ্জন কিছুদিন পাকুড রাজষ্টেটে, পরে ই, আই বেলে চাকরী করেন। হামির গানের অমরকবি স্বিজেন্দ্রলাল দাসের অনুপ্রেরণায় তিনি চাকরী ত্যাগ করিয়া, কৌতুকভিনয়ের অনাবিল

ভাঙ্গরস-তরঙ্গে বাঙ্গালার অসংখ্য আনন্দ-মঙ্গলসিমে তরঙ্গায়িত করেন। সুবসিক-চূড়ামণি দীনবন্ধু মিত্র, সাহিত্য-সম্রাট বঙ্কিমচন্দ্রের ভবনে পূর্ণিমামিলনে যে ভাঙ্গরসোক্তের সূচনার পর, লাট সখরনার আসর হইতে নিভৃত পল্লীতে পর্য্যন্ত লীলায়িত হইয়া সর্ব-সম্প্রদায়কে কৌতুকরসে বিভ্রাস্ত করিয়াছে—চিত্তরঞ্জনের সেই একক অভিনয়ের সহজাত প্রতিভা—বিভিন্ন মুখভঙ্গীতে নানাভাবেব বিকাশনৈপুণ্য সত্যই অতুলনীয়—অনন্তসাধারণ ছিল। মাসিক বসুমতীতে প্রকাশিত তাঁহার ৬৪ রকম হামির চিত্র যেমন নূতন—তেমনি সম্মোহন। বাহ্যস্থোপে প্রদর্শিত তাঁহার কয়েকখানি সবাক্ নির্ঝাঁক্ চিত্রাভিনয়—ভাঙ্গরসবর্ণ চিত্রপুস্তক রঙ্গামোদী সমাজে বিশেষ প্রশংসালভ করিয়াছিল। বাঙ্গালার শ্রেষ্ঠ সম্পদ কীর্তন-গান—শ্রীকৃষ্ণসীলামাধুরীও কথকতা তিনি বাণীমত শিক্ষা করিয়া ছিলেন। কিন্তু শোভগণ তাঁহাকে দেখিয়া ভাঙ্গরসবর্ণ করিতে পারিতেন না বলিয়া, তিনি সে ভক্তিরসধারা প্রবাহিত করিতে বিরত হন।

### ডাক্তার প্রাণকৃষ্ণ আচার্য্য


সুপ্রসিদ্ধ চিকিৎসক—ব্রাহ্মসমাজের সুপ্রবণ আচার্য্য ডাক্তার প্রাণকৃষ্ণ আচার্য্য মহাশয় গত ১শে জ্যৈষ্ঠ, ১৩ বৎসর বয়সে,



ডাক্তার প্রাণকৃষ্ণ আচার্য্য

সন্ন্যাসরোগে পরলোকগমন করিয়াছেন। প্রাণকৃষ্ণ বাবু জন্মস্থান পাবনা হইতে এণ্টেন্স পাশের পর কলিকাতায় আসিয়া সম্মানে এম এ ও এম বি পরীক্ষায় উত্তীর্ণ হন। যৌবনে তিনি ব্রাহ্মধর্মে দীক্ষিত হইয়াছিলেন। মধুর বাবহার ও সুচিকিৎসা-নৈপুণ্যে তিনি যথেষ্ট খ্যাতি অর্জন করিয়াছিলেন। প্রাণকৃষ্ণ বাবু বঙ্গ-বিভাগের প্রতিবাদ আন্দোলনে যোগদান করিয়াছিলেন—তাঁহার আন্তরিকতা এই আন্দোলনে শক্তিসম্ভার করিয়াছিল।





( উপভাস )

## পঞ্চদশ পরিচ্ছেদ

প্রান্তর-প্রান্ত

সুশীল চাটাজী রেস্ট্রনে ; ফুল্লরা নিঃসঙ্গতা বোধ করিতেছিল । স্বামীর সঙ্গে বসিয়া নিত্য হাসি-গল্প, বা সেই প্রাচীন ও সাধারণ সংসারের মতো সোহাগ-আদর, মান-অভিমান,— এ গুলার সহিত তার কোনো সম্পর্ক ছিল না । পাঁচ জনের মুখে গল্প শুনিয়াছে,—স্বামি-স্ত্রী—ছুটিতে যেন কপোত-কপোতী ! সিনেমায় যাইতে, নিমন্ত্রণে যাইতে কোন্ শাড়ীখানি পরিয়া যাইবে, কোন্ গহনা গায়ে দিবে, বহু স্ত্রী এ সম্বন্ধে স্বামীর সঙ্গে বসিয়া খানিকটা পরামর্শ করে : পরামর্শে যেমন স্থির হয়...

এ-কথা শুনিয়া সে আশ্চর্য হইয়া থাকে ! এমন ছেলেমানুষী মানুষ কি বলিয়া করে ? তাছাড়া এতখানি বাধাবোধ ! স্বামীর সঙ্গে কোনো দিন এ-সবের আলোচনা সে করে নাই । সে-আলোচনার সময় কোথায় ? যতক্ষণ গৃহে থাকেন, স্বামী তাঁর ব্রীফ্ আর নজীরের কেতাব লইয়া আছেন ! ফুল্লরা থাকে তার নিজের কাজ লইয়া ! তার মধ্যে...

কলেজে পড়া কাব্য-নাটকগুলার কথা মনে জাগে ! মিরান্দা, রোশালিন্দ, ডেশডেমোনা, শকুন্তলা...

নিছক কাব্য ! জীবনে মিরান্দা কোনো দিন মানুষ দেখে নাই—নিজের বাপকে ছাড়া ; তাই ফার্দিনান্দকে দেখিবা-মাত্র অধীর, আকুল ! রোশালিন্দ রাজার মেয়ে...মল্ল-গুড়ে অর্জান্দাকে দেখিয়া তাকে ভালোবাসিল ! এ ভালোবাসা... সংসারে সম্ভব নয় ! পুরুষ সাজিয়া বনে বনে গুরিয়া

বেড়ানো—হা-হতাশ আর দীর্ঘ-নিশ্বাস ! পাগল ! ফুল্লরা এর অর্গ বোঝে না ! ডেশডেমোনা ? শকুন্তলা...?

নায়কদের সঙ্গে সাফাতের পূর্বে কোনো কাজ লইয়া কাহাকেও বিব্রত থাকিতে হয় নাই ! হাসিয়া খেলিয়া বেড়াইত. সখ করিয়া তাই এ ভালোবাসার খেয়াল জাগিল তাদের মনে ! ব্যাদি ! ফুল্লরার জীবন কি তপস্রার মধ্য দিয়া কাটিয়াছে...

হয়তো যে দিন যৌবন আসিয়া প্রথম জীবনের দ্বারে দাঁড়াইয়াছিল, মন যদি সে দিন অবসর পাইত, তাহা হইলে...! কিন্তু কাব্য-নাটকের এ ভালোবাসা...? সংসারে এই যে লক্ষ লক্ষ স্বামি-স্ত্রী দিনান্তিপাত করিতেছে, তাদের জীবনে মিরান্দা, রোশালিন্দ, শকুন্তলার প্রেম কখনো উদয় হইয়াছে ?

শাড়ী-গহনা পছন্দ করা...না হয় মোটর-গাড়ী কিনিবার সময় ছ'জনে মিলিয়া একখানা বাছিয়া লওয়া... স্বামি-স্ত্রীর দল অনন্ত যুগ ধরিয়া এমনি করিয়াই নিজেদের ভালোবাসার পরিচয় দিয়া আসিতেছে !

পাঁচ জনের কথায় তার মনে এমনি কথা জাগে । তাও ক্ষণেকের জন্ম...তার পর আবার কাজের মধ্যে পড়িয়া এ-কথা ভুলিয়া যায় ।

সেদিন শেষ রাত্রি হইতে বর্ষা নামিয়াছে । সকালে চায়ের টেবিলে বসিয়া একা চা-পান করিতে করিতে বুকখানা কেমন ভারী বোধ হইল । চায়ের টেবিলে সুশীল চাটাজী বসিতেন । ছুজনে একসঙ্গে বসিয়া চা পান করিত । সে সময়ে কথাবার্তা হইত—সুন্দর কেমন

চলিতেছে? প্রশ্ন করিতেন,—সেই সঙ্গে আর পাঁচটা কথা উঠিত...বাহিরের জগতের স্পর্শ খানিকটা আসিয়া তখন প্রাণে লাগিত।

আজ স্নান চাটাজী কাছে নাই। ফুল্লরা একা বসিয়া চা-পান করিতেছে। মনে হইতেছিল, স্বামী থাকিলে ভালো হইত, পাঁচটা কথা চলিত। বাহিরে ঐ অন্ধকার! বর্ষার অজস্র বারি-পাতে মনে কেমন নিরানন্দ ভাব! প্রভাতের রৌদ্রে জীবনের অনেকখানি যেন পাওয়া যায়—মন যেন অনেকখানি প্রসারিত হইয়া ওঠে,—ফুল্লরা তাই ভাবিতেছিল।

সংসার কি সত্যই শুধু কৰ্তব্যের স্থান? মন বলিয়া যে-সামগ্রীর রহস্য-নির্ণয়ে মানুষ যুগ-যুগান্তর ধরিয়া সাধনা করিতেছে, সে মনটা কি? কি লইয়া মানুষ তৃপ্তি পায়?

চা-পানের পর ফুল্লরা খবরের কাগজ খুলিল। হয়তো বাহিরে মাইত! কিন্তু এ বৃষ্টিতে কোথায় যাইবে, এই জল-কাদা...? খবরের কাগজে টেলিগ্রাম-কলমে দেখে, বড় বড় হরফে ছাপা—ব্রহ্মপুত্রে প্রবল বণ্ডা নামিয়াছে—সে জলে আসাম বুঝি যায়!

বুকখানা ধক্ক করিয়া উঠিল। সহস্র আর্ন্ত কণ্ঠের চীৎকার তার কাণে বাজিল! নিশ্বাস ফেলিয়া কাগজ রাখিয়া ফুল্লরা আসিল বাহিরের ঢাকা-বারান্দায়।

পাশে স্বামীর অফিস-কামরা। পা ছ'খানা আপনা হইতে ফুল্লরাকে টানিয়া সেই ঘরে লইয়া গেল। চেয়ার খালি। শূন্য ঘর। টেবিলের এক ধারে ডাঁই-করা ব্রীফ...

অন্য দিন এ সময় এ ঘর গম্-গম্ করিত...একটি লোককে ধরিয়া কি বিপুল কণ্ড-স্রোত বহিত! কি ভিড়! কি কলরব! শুধু এক জনের জন্ম!

কেন?

প্রতিভা...শক্তি! এ শক্তি, এ প্রতিভা সকলের নাই!...তার?

এমন কোনো শক্তি নাই যার কুহকে দলে দলে লোক আসিয়া তার সামনে ভিড় করিয়া দাঁড়াইবে?

পুরুষ আর নারীর সাম্য! তাও কি হয়? কত কত বৎসর, কত কত যুগ ধরিয়া পুরুষ শক্তির চর্চা করিয়া আসিতেছে—নারী শুধু বসিয়া থাকিত গৃহের কোণে—সর্ব

কর্মের অন্তরালে সকল শক্তির সান্নিধ্য ছাড়িয়া দূরে... বহু দূরে!

আজ ছ'খানা ইংরেজি বইয়ের কল্যাণে বাধা কতক-গুলি গৎ পড়িয়া সে চায় পুরুষের সঙ্গে পাল্লা দিতে। মিথ্যা! মরীচিকা!

বেলা ন'টা। স্কলের টীচার বনলতা ব্যানাজী আসিয়া হাজির।

ফুল্লরা বলিল—কি খপর, মিস্ ব্যানাজী?

সরমের রক্ত-রাগে বনলতার কপোল রাঙা হইয়া উঠিল। মৃদু হাস্তে সঙ্গজ ভাষে বনলতা বলিল—আমার বিয়ে।

—বিয়ে!...

এত বড় আশ্চর্য্য সংবাদ ফুল্লরা যেন জীবনে কখনো শোনে নাই! শুনিবে বলিয়া কল্পনাও করে নাই!

বনলতার পানে ক্ষণেক চাহিয়া থাকিয়া ফুল্লরা কহিল—হঠাৎ?

—হঠাৎ নয়, মিসেস্ চাটাজী। অনেক দিন থেকেই কথা ছিল। শুধু ওঁর চাকরি পাকানা হবার জন্মই...

—ও...তিনি কি করেন?

—প্রফেশরি চাকরি পেয়েছেন। পাকা চাকরি। গভর্নমেন্ট সার্ভিস। কাল এ্যাপয়েন্টমেন্ট লেটার পেয়েছেন। জয়েন করতে হবে রাজসাহী কলেজে পয়লা তারিখে।

ফুল্লরা কোনো জবাব দিল না, স্থির দৃষ্টিতে বনলতার পানে চাহিয়া রহিল।

বনলতা কহিল—আমি গিয়েছিলুম আজই মিসেস্ দত্তর কাছে। তিনি পাঠায়েন আপনার এখানে।...মানে, এ মাসের শেষ তারিখে আমাকে ছেড়ে দিতে হবে। বিয়ের পরে স্বামীর সঙ্গে আমাকেও রাজসাহী যেতে হবে।

—চাকরি ছেড়ে দেবে?

অপ্রতিভ হাসি-মুখে বনলতা বলিল—সংসার আর চাকরি—দুই রাখা আমার পক্ষে সম্ভব হবে না। আমাদের বিয়ের কথা স্থির হয় প্রায় বছরখানেক আগে। তখন আমার মা বেঁচে। আমার যিনি শাওড়ী, তিনি আর আমার মা—দুজনে ছেলেবেলা থেকে ছিল খুব ভাব। বাবা মারা গেছেন প্রায় এক বছর। সংসারে সঞ্চয় কিছু ছিল



না। আমার আর আমার একটি ভাইয়ের লেখাপড়ার জন্যে সঞ্চয় থাকবার উপায় ছিল না। আমার ভাই পড়ছে শিবপুরে। তার খরচ, সংসারের খরচ...কাণ্ডেই বি-এ পড়তে পড়তে এই স্থলে মাষ্টারী নিতে হয়েছে। মিসেস্ দত্ত সব জানেন। স্বামী এ-কলেজে ও-কলেজে এ্যাক্টিং চাকরি করছিলেন। তাতে বিয়ে করে সংসারের দায়িত্ব নেওয়া সম্ভব ছিল না...

বিশ্বয়ে বিহ্বল হইয়া ফুল্লরা এ কাহিনী শুনিতেছিল। এক বৎসর ধরিয়া বিবাহের কথা পাকা হইয়া আছে... বনলতা মেয়েটি ভালো—লেখাপড়াতেও বেশ! সংসারের মায়ায় সব ছাড়িয়া নিজের ভবিষ্যৎ ভাবিয়া দিয়া সেই চিরকালের দাশ মানিয়া সংসার-কোঠারে আশ্রয় লইবে! কি আছে এ সংসারে? কিসের স্বাদ সে পাইয়াছে? স্বামী? তারো আছে। ফুল্লরার বিবাহ হইয়াছে, সংসার আছে...চমৎকার সংসার! কোথাও একটুকু অভাব অনুভোগ নাই!...তবু...

বুকে একটা নিশ্বাস ফেলিয়া উঠিল। সে নিশ্বাস রোপ করিয়া ফুল্লরা বলিল—সংসারের লোভে লেখাপড়া, নিজের career, ভবিষ্যৎ—সব ছেড়ে দেবে?

সলজ্জ মুহূ ভাষে বনলতা বলিল—সংসারে আমাব বড় মায়ী! স্বামী, ছেলেমেয়ে...

তার কথা শেষ হইল না।

ছেলেমেয়ে কথাটা ফুল্লরার বিবিল ছুঁচের মতো বুকে।

ফুল্লরা কহিল—এই এক বৎসর স্বামীর সঙ্গে দেখাওনা হয়?

সলজ্জ দৃষ্টি ভ্রমে নিবন্ধ করিয়া বনলতা বলিল—হয়।

ঠিক! ভালোবাসা...কাব্যের সেই প্রেম!

ফুল্লরা বলিল—আমাকে সত্যি বলবে, মিস্ ব্যানার্জী, এই ভালোবাসাটা কি—যার জন্য এক বৎসর ধরে শত নিরাশা-বেদনার মধ্যেও তোমরা দু জনে দু জনকে আশ্রয় করে আছ?

নিশ্বাস ফেলিয়া বনলতা বলিল—তা জানি না। শুধু জানি, দু জনে দু জনকে দিনের শেষে কিছুক্ষণের জন্য দেখতে না গেলে অস্বস্তির সীমা থাকে না। সকাল হলে কাজের সাড়া আগে। কাজ করি। মনে হয়, এ কাজটুকু সার্থক হবে সন্ধ্যার সময় দু জনে দু জনের কাছে

যখন দিনের কাজের হিসেব দেবো। কত নিরাশা, কত ব্যথা যে গেছে...

ফুল্লরা বলিল,—বুকেছি।...তা বিয়ে কবে?

বনলতা বলিল—আঠারো তারিখে।

ফুল্লরা বলিল—নিমন্ত্রণ-পত্র পাবো তো?

—নিশ্চয়। তা হলে আমার দেবেন তো ছুটি?

মিসেস্ দত্ত বললেন, তুমি চিঠি লিখে মিসেস্ চাটাজ্জীর হাতে দিয়ো। তিনি আমাদের কমিটিতে সে-চিঠি ফরোয়ার্ড করলে ছুটি পাবে!...মানে, চাকরি নেবার সময় মিসেস্ দত্তকে আমি একথা জানিয়ে রেখেছিলুম।

ফুল্লরা কোনো জবাব দিল না—চাহিয়া রহিল বনলতার পানে। কত কথা মনে ভাসিয়া আসিতেছিল...মানস-নয়নের সামনে দেখিতেছিল, যেন দীর্ঘ প্রাস্তর! সে প্রাস্তরের প্রান্তে ছোট একখানি ঘর...পাছ চলিয়াছে প্রাস্তর-প্রান্তের সেই গৃহ লক্ষ্য করিয়া...চারি দিক দিয়া যেন সন্ধ্যার অন্ধকার নামিতেছে! সে অন্ধকারের বুকে গৃহ-বাতাসে ছোট একটা দীপ-শিখা...যেন নক্ষত্র!

বনলতা বলিল—তা হলে দরখাস্ত লিখে আজই সে দরখাস্ত আপনাকে দেবো।...

ফুল্লরা যেন কোন্ নিঃশব্দ-লোকে বসিয়া আছে! চেতনা নাই!

কৃতাজ্জলি-পুটে নমস্কার জানাইয়া বনলতা কহিল—এখন তা হলে আসি...

বনলতা উঠিল। ফুল্লরার স্বপ্ন ভাবিল। একটা নিশ্বাস ফেলিয়া সে বলিল—তোমার খুব আনন্দ হচ্ছে...না?

বনলতা কোনো জবাব দিল না; মুহূ হাশ্বে মাথা নত করিল।

ফুল্লরা কহিল,—এসো।

বনলতা চলিয়া গেল।

ফুল্লরা দাঁড়াইয়া রহিল তার পানে চাহিয়া...যেন কাঠের পুতুল!...

বেলাতেও বৃষ্টি ধরিল না।

বারোটা বাজিল। ইভা আসিল; কহিল,—একটা টিকিট নিতে হবে।

ফুল্লরা বলিল,—কিসের টিকিট?

ইভা কহিল,—চ্যারিটি প্লে করচে বসন্তবাণী-বিছালয়ের মেয়েরা...ফুলটা বে-মেয়ামতে প'ড়ে যেতে বসেছে। চ্যারিটি প্লে করে যে টাকা পাওয়া যাবে, তাতে বাড়ীর সংস্কার হবে।

ফুলরাকে কিনিতে হইল একটি বস্ত্র। পঞ্চাশ টাকা দাম।

ইভা কহিল—মিসেস্ দত্ত নিরেটেন পাশের বস্ত্র। তিনি বললেন, এটা দিয়ে ফুলরাকে।...তোমার একটা বস্ত্রের দরকার নেই, জানি। কিন্তু এ তো প্লে দেখা নয়—দান করা।

ইভা হাসিল, হাসিয়া কহিল,—মিষ্টার চাটাজী বাইরে গেছেন। তুমি গেলে না যে সঙ্গে। একা এই বর্ষায় বিরহিণী যক্ষ-বধু সঙ্গে ব'সে আছে।...তোমাদের ভাই, সব আলাদা রকম! মিলনে কোনো দিন উচ্ছ্বাসের ঘনঘটা দেখলুম না—বিরহেও বেশ থাকে। রাজ্যের বাইরের কাজ নিয়ে মত্ত!—এখন বসন্তে পারছি না...চের কাজ। এখনো প্রায় ছশো টাকার টিকিট বেচতে হবে। শনিবারে প্লে। আসা চাই, মোদা। বুঝলে!

মাথা নাড়িয়া ফুলরা জানাইল, সে যাইবে প্লে দেখিতে।

তার পর ইভা বিদায় লইল। আসিয়াছিল যেমন এক ঝলক চপল বাতাসের মতো, গেল ঠিক তেমনি ভাবে।

গেল। কিন্তু ফুলরাকে পল্লবিনী লতার মতো দোল দিয়া গেল।...

ফুলরার মন আকুল হইয়া উঠিল। তাদের সবই আলাদা রকমের...মিলনে যেমন নাই উচ্ছ্বাসের ঘনঘটা—বিরহেও তেমনি নাই নিশ্বাসের সম্মারোহ!...নিশ্বাস আছে বলিয়া মনে হয় না!

সত্যই তাই?...হয়তো-বা!

চিরদিনের সংসার...সে-সংসার স্বামি-স্ত্রীর হাসি-গানে গলে গাঁথা আছে চিরদিন। শুষ্ক কর্তব্যের বোঝা যদি মানুষকে বহিতে হইত, তাহা হইলে...

কাব্যে-উপগ্ৰাসে হৃদয়-বৃত্তি লইয়া এই যে রঙ ফলানো চলিয়াছে, সে আগাগোড়া কাল্পনিক? হাতে হাত রাখিয়া, নয়নে নয়ন মিলাইয়া প্রণয়ের সেই আধ-আধ বাণী! ছুটি তৃষিত অধর পরস্পরকে পাইয়া পিপাসার কি তৃপ্তি সাধন করে। আগাগোড়া বসন্তের ত্রিলোল...

তার জীবনে সে বসন্ত তো আসিল না!...

নিজের মনের মধ্যে সন্ধান লইল, সুগভীর সন্ধান! অধরে পিপাসা কোনো দিন জাগিয়াছে বলিয়া মনে পড়ে না! স্বামি-স্ত্রী বাস করিতেছে, যেন...

আজ ফুলরার সারা প্রাণ আর-একটি প্রাণের মিলন চাহিয়া অধীর উচ্ছ্বাসে উচ্ছ্বসিত হইয়া উঠিল। সংসারে সব আছে—নিজের তেজ, অহঙ্কার, অভিমান...সব, সব! কাজের উৎসাহ, খ্যাতির মোহ—তাও আছে! নাই শুধু প্রাণ চাহিয়া প্রাণের আত্মদানের বাসনা!

যে-সব নারী সংসারে বসিয়া বাহিরের দিকে তাকাইতে ভুলিয়া যায়, তারা তাহা লইয়াই থাকে! তারা কখনো নিজেদের প্রাণে এমন নিঃসঙ্গতা বোধ করিয়াছে? কে জানে!

ফুলরার মনে হইল, এত ভিড়ের মধ্যেও সে যেন পড়িয়া আছে দীর্ঘ প্রাস্তরের প্রান্তে একা...নিঃসঙ্গ! পাশে তার কেহ নাই!

বারান্দায় ছিল প্রকাণ্ড দাঁড়া-খাঁচার মধ্যে এক ঝাঁক পাখী—মুনিয়া, জাভা-স্প্যারো...আরো কত জাতের ছোট পাখী! তাদের কলরবে বাতাস ভরিয়া গিয়াছে!

ফুলরা একটা নিশ্বাস ফেলিয়া ঘরে আসিয়া বসিল।

---

## ষোড়শ পরিচ্ছেদ

সমবেতা স্মৃৎসব:

পাঁচ-সাত দিন পরের কথা।

ব্রহ্মপুত্রের বন্যায় আসামের অনেকখানি ডুবিয়া ভাসিয়া গিয়াছে। ঋপরের কাগজওয়ালারা হুজুগে মাতিয়া উঠিয়াছে। রাজ্যের পুরানো ছবি বাহির করিয়া তার ব্লক কাগজে ছাপিয়া দেই ছবির সঙ্গে প্রত্যক্ষদর্শীর পত্র টাইটেল ঝাঁটিয়া রোমাঞ্চকর এমন বিবরণ ক'দিন ধরিয়া ছাপিতে শুরু করিয়াছে যে পড়িয়া পাঠক-পাঠিকাদের উত্তেজনার আর সীমা নাই! বেকার ছোকরার দল পাড়ায় পাড়ায় আখড়া খুলিয়া কোরাশ-গ'নের রিহার্শাল চালাইয়া গলায় বস্ত্র-হারমোনিয়াম বুলাইয়া পথে পথে সে গান গাহিয়া ছেঁড়া কাপড়, জামা, চাদর, চাল-ডাল, পয়সা সংগ্রহ করিতেছে বিষম রোখে! যে-সব বৃদ্ধ কাজের অভাবে পরচর্চা

করিয়। ফিরিত, তারা ছোকরাদের নিঃস্বার্থ অধ্যবসায় দেখিয়া গুম্বু হইয়া বসিয়া আছে... অর্থাৎ সহর কলিকাতার সঙ্গে আসামের নাড়ীর যোগ বাধাইয়া ব্রহ্মপুত্র আজ বন্ধাশ্রোতে যেন ব্যবধান ঘুচাইয়া দিয়াছে! সে যেন আজ বহিয়া চলিয়াছে এই কলিকাতা-সহরের বুক ছুঁইয়া!

ইভা আসিয়া ফুল্লরার সঙ্গে আবার দেখা করিল, বলিল—লেডিস্ প্র্যাসোশিয়েন বন্ডার রিলিফ কাজে নেমেছে! তারা চায় এক জন নামজাদা মহিলাকে সভানেত্রী করতে। তোমাকে সে ভার নিতে হবে, ভাই।

ফুল্লরার মনের নিঃসঙ্গতা তখনো ঘুচে নাই। সে বলিল—কিন্তু...

ইভা বলিল—এতে কিন্তু বলা চলে না। এতগুলো লোক ধনে-প্রাণে নষ্ট হতে বসেছে...

ফুল্লরাকে রাজী হইতে হইল।

কাগজে-কাগজে এ সংবাদ ছাপা হইয়া গেল। তলায় সম্পাদকের টিপ্পনী,—এই তো চাই! অন্নপূর্ণার জাত মায়েরা যদি অন্নপাত্র হাতে লন তো অন্নের চাঞ্চ না বুঢ়িয়া থাকে কখনো? টিপ্পনী পড়িয়া ফুল্লরার মনে হইল, নিরন্ন আসাম তার হাতের অন্ন-খালিটির পানে চাহিয়া আছে তৃষিত নয়নে!

ইভা আসিয়া বলিল—রিলিফের কাজে এক দল ইয়ং ভলান্টিয়ার পাঠানো চাই গোঁহাটীতে। দেখে-ভনে কাজের তদ্বির করা চাই। আমি যাবো।

ফুল্লরার কি খেয়াল হইল! সে কহিল—আমিও যাবো।

—তুমি! কিন্তু মিষ্টার চাটার্জী এখানে নেই!

ফুল্লরা কহিল—তাতে কি! আমাদের মধ্যে সন্ত আছে,—to call of Duty that both of us would think proper...(যোগ্য কর্তব্যের আহ্বানে আমরা কাহারো পথে বাধা হইব না)...

নিমেষে এ ব্যবস্থা পাকা হইয়া গেল। রেশমুনে টেলিগ্রাম পাঠাইয়া ফুল্লরা যাত্রার উদ্যোগ করিতে লাগিল।

মিসেস্ দত্ত আসিয়া ডাকিলেন—ফুল্লরা...

ফুল্লরা কহিল—এ পুণ্য কাজ।

মিসেস্ দত্ত কহিলেন—সেখানে ভয়ঙ্কর কষ্ট পাবে। মাথা গোলবার জন্ম হয়তো ঘর পাবে না।

ফুল্লরা কহিল—তা হোক...

মিসেস্ দত্ত কহিলেন,—কিন্তু...

ফুল্লরা কহিল—মন বড় কাঁকা... নিরাশ্রয় মনে হচ্ছে। কাজ করতে চাই আমি...

ফুল্লরা কাহারো নিষেধ শুনিল না। আরো ক'জন তরুণী ভলান্টিয়ার লইয়া দু'জন তরুণ সহকর্মী গোঁহাটী যাত্রা করিল ট্রেনে। ইভাকে লইয়া ফুল্লরা চলিল এরোগেনে চড়িয়া। শীঘ্র গিয়া পৌঁছবে! তা ছাড়া আকাশ-পথ হইতে এ বিপ্লবের চড়াস্ত পরিচয় পাওয়া যাইবে।

পদ্মার পারে ঢাকায় গিয়া প্লেন পৌঁছিল দেড় ঘণ্টায়। রমনার ও-পাশে এরোডোমে প্লেন নামিল। ক্ষণেক বিশ্রাম।

পরে জলযোগ সারিয়া প্লেন আবার চলিল...

কুয়াশার অস্পষ্ট আব-ছায়ায় দেখিল, নীচে পৃথিবীর যতখানি দেখা যায়, কে মেন তার দেহে বৃসর রঙের চাদর বিছাইয়া রাখিয়াছে! সে-চাদরের গা ফুঁড়িয়া কোথাও দু'চারিটি গৃহ-শিরের একটুখানি জাগিয়া আছে! কোথাও গাছপালার সবুজ রেখা—তুলির অতি-ক্ষীণ আঁচড়ের মতো!

চারিদিকে জল আর জল...

সন্ধ্যার পূর্বে খানিকটা উঁচু জমির উপরে গিয়া প্লেন নামিল। লোকে লোকারণ্য... আর্ন্ত হতভাগাদের কাতর কলরব ছুটিয়াছে! সে কলরবের বুক চিরিয়া মাঝে মাঝে সাস্থনা, আশা জাগিতেছে... নিকষ-কালো মেঘের বৃকে বিজলীর চকিত-চমকের মতো!

কানাডের ক'টা ক্যাম্প। একটা ক্যাম্প ছাড়িয়া দেওয়া হইল ফুল্লরা ও ইভাকে। বহু লোক আসিয়া তাদের ঘিরিয়া ভিড় করিয়া পাড়াইল,—সকল কাজে ফরমাস খাটিবার জন্য বিপুল আগ্রহ লইয়া...

আর্ন্ত-ভূমি চকিতে যেন মায়ার স্পর্শে উৎসব-মণ্ডপে পরিণত হইল। সেবার কাজে কর্মীদের উৎসাহ বাড়িল চতুর্গুণ। পরস্পরে যেন প্রতিবন্দিতা জাগিল... সেবার পরিচর্যায় এই উৎসব-সম্মীর প্রসন্ন-দৃষ্টি কে কতখানি লাভ করিতে পারে...

খবরের কাগজে প্রত্যক্ষদর্শীর পত্র ছাপিয়া বাহির হইল। লেখা আছে,—কল্যাণী নারীর সংযোগ নহিলে কোনো অনুষ্ঠান সাফল্য-মণ্ডিত হয় না! আর্ন্ত-ব্রাণের এ ব্রতে দেবী সুভদ্রার মতো শ্রীমতী ফুল্লরা চট্টোপাধ্যায়ের অলঙ্ঘ অতুরাগ, জীবন্ত উদ্দীপনা ইত্যাদি ইত্যাদি। একখানা

কাগজে ছাপা হইয়াছে—Ministering angel-এর মতো শ্রীমতী ফুল্লরা দিকে দিকে উৎসাহ-শিখা আলিয়া দিয়াছেন! তাঁর রূপের বিভাষ, মনের জ্যোতিতে বিপদের বনাককার যুঁচিতে আর বিলম্ব নাই! জ্বর শ্রীশ্রীমতী ফুল্লরা দেবী! কুরুক্ষেত্র-সমরাসনে তোমায় দেখিয়াছি স্তম্ভদ্রাক্রমে। যুরোপের সমরাসনে তুমি দেখা দিয়াছিলে কুমারী ফ্লোরেন্স নাইটিঙ্গেলের মহিমময়ী মূর্তিতে! আর আসামের এ বিপ্লব-খণ্ডানে আজ রূপোজ্জ্বলা, চূর্ণ-কুম্ভলা, মণি-কুণ্ডলা অভয়-বরাভয়া রূপে ইত্যাদি ইত্যাদি!

খবরের কাগজে ছাপার অক্ষরে এ লেখা পড়িয়া ফুল্লরা মুগ্ধ! মনে হইল, সত্যই যেন কুরুক্ষেত্র-রণাসনে সে আসিয়া দাঁড়াইয়াছে স্তম্ভদার বেশে...

চারিদিকে ভক্ত পূজারীদের অজস্র স্তুতি! সে স্তুতিবাণীর কি প্রচণ্ড মোহ!

ফুল্লরার নিঃসঙ্গ জীবন পরিপূর্ণ হইয়া উঠিল!...

এখানে দিন পনেরো কাটিবার পর কলিকাতা হইতে টেলিগ্রাম আসিল। সুশীল চাটাজী টেলিগ্রাম করিয়াছেন,—

গৃহে ফিরিয়াছি। তুমি আর কত দিন ওখানে থাকিবে? কাজের ব্যবস্থা করাইয়া ফিরিয়া এসো। ফিরতি-টেলিগ্রামে তারিখ জানাইয়ো। প্লেন পাঠাইবার ব্যবস্থা করিব। আমার সময় থাকিলে নিজে গিয়া তোমাকে লইয়া আসিতাম। টেলিগ্রাম দেখিয়া ইভা কহিল,—বিরহী যক্ষ ডাক দিয়েছে! এবার ফেরো, সখি!

ফুল্লরা কহিল—না। কাজ ফেলে কি ক'রে এখন যাবো?

ইভা কহিল—মিষ্টার চাটাজীর অসুবিধা হচ্ছে।

ফুল্লরা কহিল—কোনো অসুবিধা হবে না যক্ষের মতো। সেখানে সংসার যেমন চলে, আমরা দুজনেও তেমনি চলি... যন্ত্রের মতো...বাঁধা কটীন ধ'রে...তার এতটুকু নড়চড় হবার জো নেই!

হাসিয়া ইভা কহিল,—তার মানে?

ফুল্লরা কহিল,—জীবন-ধারণ করছি সকলেই। সংসার, এবং সে-সংসারে স্বামী, আমি...

হারে আসিয়া কে ডাকিল,—মা...

ফুল্লরা বলিল,—নকুল...এসো।

নকুল ডলাটিয়ার। বখামি করিয়া জীবনটাকে

রসাতলের পথে লইয়া মাইতেছিল, কর্তব্যের আহ্বানে আজ এ পথে পা দিয়াছে!

নকুল আসিল, বলিল,—একটি মেয়ে এসেছে। আপনার সঙ্গে দেখা করতে চায়।

—নিয়ে এসো।

মেয়ে আসিল। এক জন আসামী তরুণী। সে বলিল, তার সব গিয়াছে: কাঁদিয়া-কাটিয়া সে-শোক ভুলিয়াছে। কিন্তু সে চায় বাঁচিতে—বাঁচিয়া নতুন করিয়া সংসার পাতিতে। এখানে দেখা পাইয়াছে এক জন পূর্ব-প্রতিবেশীর। তারো সব গিয়াছে। সেও চায় নতুন করিয়া সংসার পাতিতে। সে রাজী আছে তাকে লইয়া...তবে কিছু টাকা চাই। মণিপুরের ও-দিকে গিয়া ছোট-খাট দোকান খুলিয়া দুজনে বাস করিবে।

ফুল্লরা বলিল,—কত টাকা চাই?

মেয়েটি বলিল,—শ'খানেক।

ফুল্লরা বলিল,—পাবে। আমার নিজের টাকা থেকে দেবো।

মেয়েটি বলিল—এখন যদি পাই, তাহলে এইখানেই সে আমাকে বিয়ে করে...

ফুল্লরা বলিল—তাই হবে। নকুলবাবুর হাতে টাকা আমি পাঠাবো। ও-বেলায় পাবে।

মেয়েটি চলিয়া গেল—খুশী-মনে। ইভা কহিল—কত ভাঙ্গা সংসারকে এ-ভাবে তুমি গড়ে তুলবে! এ লোভ দেখিয়ে না! জানো না তো, এর মধ্যে অনেকেই...

নকুল বলিল—বিয়ে-টিয়ে হয়তো বাজে কথা!...কোনো-মতে কিছু আদায় করে...আপনি বুঝবেন না এ-সব লোকের রুচি-প্রবৃত্তির ব্যাপার!

ফুল্লরা বলিল—খুব বড় calamityর পর মানুষের প্রবৃত্তি একটু অসংযত হয়...এটা ঐতিহাসিক সত্য। পৃথিবীর সর্বত্র তাই ঘটেছে। অত বড় জাশ্মান-ওয়ার... তার পরে সভ্য জগতেও...নকুল এখন যাও! এক সময়ে এসে ওদের টাকাটা নিয়ে যেয়ো...

নকুল চলিয়া গেল। পরক্ষণে আর একটা আজী আসিল। এক জন প্রৌঢ় পুরুষ আসিয়া নালিশ জানাইল, তার দ্বিতীয় পক্ষের স্ত্রী—বয়স অল্প—জলের মুখে সব ফেলিয়া দিয়া এ বয়সে সেই স্ত্রীকে পিঠে বহিয়া নিরাপদ



আশ্রয়ে গিয়া কোনোমতে দুজনে প্রাণ বাঁচাইয়াছে। সে-স্বী এখানে একজন ভলাটির বাবুর সঙ্গে ভাব করিয়া তাকে ত্যাগ করিয়া সরিয়া যাইতে চায়!

ফুল্লরা বলিল—প্রসাদবাবুকে পাঠিয়ে দাও... তাঁর কাছে তোমাদের নাম-ধাম লিখে দিয়ে... ব্যবস্থা করবো'খন।

প্রসাদবাবু এখানকার দশটা ক্যাম্পের অধিনায়ক। লোকটা চলিয়া গেলে ইভা কহিল—Scandalous (কদর্য্য)!

ফুল্লরা বলিল—ভালো র গায়ে মন্দ লোগে থাকে সর্ব্বত্র। যেমন আলোর সঙ্গে ছায়া! কিন্তু এ ব্যাপারের মীমাংসা করুন প্রসাদবাবু। আমাদের দ্বারা এর মীমাংসা সম্ভব নয়।

ইভা কহিল,—ও কথা থাক,—টেলিগ্রামের তুমি কি জবাব দিচ্ছ?

ফুল্লরা কহিল,—কি ক'রে এখন যাবো?

ইভা কহিল—উচিত, যাওয়া। তুমি একজনের বিবাহিতা পত্নী...

ফুল্লরা কহিল,—ক্রীতদাসী নই। এ কাজে যদি তিনি আসতেন...কর্তব্য বুদ্ধি? আমি তাঁকে ফিরতে বলতে পারতুম? না, বললে তিনি এ-কাজ ফেলে ফিরে যেতেন?

ইভা কহিল—তোমার এ তরু আমার মাথায় আসে না! স্বামি-স্ত্রীর মধ্যে প্রভু-ভূত্যের সম্পর্ক নয়,—পরস্পরের কথা শোনার মধ্যে আত্ম-পালনের কথাও আসতে পারে না।

ফুল্লরা কহিল—তা নয় ইভা। সারা জীবন ধরে আমি কেবল ভাবছি, সংসারে এক সঙ্গে বাস করাই কি স্বামি-স্ত্রীর একমাত্র কাজ? পৃথিবী তো তা হলে কতক-গুলো ভিন্ন ভিন্ন সংসারের সমষ্টিমাত্র হবে—সবগুলোর মধ্যে যোগ থাকবে কি দিয়ে? চারি দিকে এই যে দাতব্য হাসপাতাল, স্কুল, কারখানা গ'ড়ে উঠেছে, এগুলো কি গ'ড়ে উঠতো কখনো?

অর্থ না বৃষ্টি ইভা কৌতূহলী দৃষ্টিতে ফুল্লরার পানে চাহিয়া রহিল।

ফুল্লরা বলিল—স্বামি-স্ত্রী নিজের-নিজের সংসার নিয়েই যদি মত্ত থাকে, তা হলে...এখানকার এই বস্তার কথাই ধরো—এই সব বিপন্ন নর-নারী। এ বিপন্নে কার হাত

ধরে আবার মাথা তুলে দাঁড়াতে? কি করে কোথায় বা আশ্রয় পেতে? আমি যদি আজ স্বামীর পাশটিতে চূপ করে বসে থাকতুম...? তুমি...আর সকলে...? সকলের সংসার আছে—আলাদা সংসার—সেই সংসার নিয়েই তো আর সব ত্যাগ করে কেউ বসে নেই...তা থাকে না! থাকে না বলেই পৃথিবী চলেছে অনন্ত কালের সঙ্গে যোগ রেখে এমন শৃঙ্খলিত ধারায়। সেখানে কিরে আমি যাবো...ফিরে আমি করবো স্কুলের কাজ...স্বামী তাঁর মকেলের মকদ্দমা করবেন। এখানে আমি চূপ ক'রে ব'সে নেই—যে-কাজ পেয়েছি, সাধ্যমত সে কাজ করছি। কাজেই ফেরৎ প্রয়োজন বৃদ্ধি না। আমার অভাবে সংসার সেখানে অচল হয়ে দাঁড়িয়ে পড়েনি! সে চলছে। মিঠার চাটাজ্জীরও ত্রীফের অভাব ঘটেনি। তবে...?

আরো ছ'চারিটা কথা বলিল...কিন্তু সে কথার অর্থ না বৃষ্টি ইভা হাল ছাড়িয়া দিল।...

ফুল্লরা টেলিগ্রামের জবাব পাঠাইল—এখানে অনেক কাজ। এখন ফিরিয়া যাওয়া সম্ভব নয়। ক্ষমা করিবে।...

তিন দিন পরে কিসের ছুটি ছিল। বৈকালের দিকে ঘর্ষর রবে একখানা এরোপ্লেন আসিয়া নামিল। সে-এরোপ্লেনে আসিলেন সুশীল চাটাজ্জী।

নগদ পাঁচশো টাকা ফুল্লরার হাতে দিয়া সুশীল চাটাজ্জী কহিলেন—টাকাটা দিয়ে আপাততঃ এসো আমার সঙ্গে। দু'তিন দিনের মধ্যে রোজা আসছে। রামগোপাল বাবুর টেলিগ্রাম পেয়েছি কাল। মাদ্রাজ থেকে টেলিগ্রাম করেছেন তিনি আসচেন ব'লে।...

ফুল্লরা ফিরিল; যে-মন লইয়া ব্রহ্মপুত্রের বন্যা-রিলিফে গিয়াছিল, সে-মনে অনেকখানি পরিবর্তন লইয়া ফিরিল।

ভক্ত পূজারীদের সেই বন্দনা-গান...কানে যেন লাগিয়া আছে! সারাক্ষণ গুঞ্জন তুলিতেছে—কল্যাণী সুভদ্রা! নাইটিঙ্গেল! Ministering angel—রূপোজ্জ্বলা মণি-কুণ্ডলা দেবী!...জীবনের দিনগুলো কি সার্থকতাতেই না ভরিয়া উঠিয়াছিল! নিমেঘের জন্ত শৃঙ্খতা উপলব্ধি করে নাই।...

রোজা ফিরিল। আবার সেই স্কুল! ঘরে বসিয়া রামগোপাল বাবুর কাছে নিত্য সেই লেশ-মুসের ঘন-ঘটা!

অবাধ মুক্ত জীবনকে আবার সেই বন্ধ-পিঞ্জরে ঠাশিয়া ধরা!...

সুশীল চাটাজ্জী বলিলেন,—আবার আমায় যেতে হবে রেঙ্গুন। তুমি যাবে?

ফুল্লরা স্বামীর পানে চাহিল। কোনো জবাব দিবার পূর্বে সুশীল চাটাজ্জী বলিলেন—গেলে হতো...কিন্তু রোজা একা কার কাছে এখানে থাকবে?...দেখা যাক, আর একবার হয়তো যেতে হবে। তখন বরং দুজনেই তোমরা...

সুশীল চাটাজ্জী রেঙ্গুনে গেলেন; সেখান হইতে সিঙ্গাপুরে যাইতে পারেন। সিঙ্গাপুরে এক জন মক্কেল কাগের কাছে টাকা বাজাইতেছিল...

ইভা ফিরিয়া আসিয়াছে। চারিটি-প্লের আয়োজনে সে দারুণ ব্যস্ত। এবারকার এ চারিটি বন্ধপুল্ল-রোম-গ্রন্থ বিপন্নদের সাহায্য-কল্পে।

ফুল্লরাকে সে বরিল—এ আয়োজনে নেতৃত্ব করিতে নকুলও আসিয়াছিল, বলিল—হ্যাঁ মা। মেয়ে জোগাড় হয়েছে। আমার এক বন্ধু বই লিখেছে, মদন-ভস্ম।

সমারোহে রিহার্সাল চলিল। রিহার্সাল লইয়া ফুল্লরা মত্ত। এম্পায়ারের ষ্টেজ ভাড়া দওয়া হইয়াছে। টিকিটের চাহিদা অসম্ভব রকমের।

প্লের দু দিন বাকী। ষ্টেজের উপরে রাত্রি বারোটা হইতে তিনটা পর্যন্ত রিহার্সাল চালাইয়া ফুল্লরা শ্রান্ত দেহে গৃহে ফিরিলে বয় তার হাতে একখানি চিঠি দিল। সাদা খামে আঁটা। খামে কিছু লেখা নাই।

খাম ছিঁড়িয়া চিঠি বাহির করিয়া ফুল্লরা দেখে,—রোজা লিখিয়াছে। ইংরেজিতে কয় ছত্র...

মোটরে চড়িয়া ঠাচি চলিয়াছি—তু জন বন্ধু সঙ্গে। মিস্ পাইক আর মিষ্টার পাওয়েল। চার দিন পরে ফিরিব। সন্ধ্যার সময় কথা হইয়াছে। পাওয়েল নূতন টু-শীটার কার কিনিয়াছে—হিলম্যান নূতন মডেল। চিন্তা করিয়া না।

ফুল্লরার পায়েব তলায় মাটি তুলিয়া উঠিল। মনে পড়িল বহুদিন-পূর্বেকার কথা...পথে সেই এ্যাডভেঞ্চার!

শ্রান্ত অবসন্ন দেহ...মাথা কেমন ঘুরিয়া গেল। ফুল্লরা সোফায় বসিয়া পড়িল।

[ক্রমশঃ

শ্রীসৌরীন্দ্রমোহন মুখোপাধ্যায়।

## দেখবে কেমন—

ব্যথার বিষে জর্জরিত  
হো'ক না তোমার হৃদয়খান;  
কিসের তা'তে দুঃখ এত,  
বন্ধু, কেন মুহুমান?  
ধরার কোলে ওই যে দূরে,  
তটিনী বয় মধুর সুরে  
কণ্ঠ ওতে মিশাও—মদি  
ধেমেরি থাকে বুকের গান।

শান্তি যদি নিভেই থাকে  
সায়নেতে শ্রাম বনানী,—  
হৃদয়খানা ভরাও নিয়ে  
সুখা তাহার সব ছানি'।  
সুখের স্বপন অঁখির পাতে,  
দেখবে আবার আঁধার রাতে,  
—দেখবে কিবা মরুর মাঝে  
বিরাজ করে মরুজ্ঞান ॥

—রাজা শ্রীপূর্ণেন্দু রায়।

# বেদেশিক প্রসঙ্গ

## সিরিয়াতে অশান্তি

ভূমধ্য সাগরের পূর্বতীরে সিরিয়া দেশ অবস্থিত। এই রাজ্যটি ভূমধ্য সাগরের বেলাভূমি হইতে পূর্বদিকে ফ্রুটিস্ নদী পর্যন্ত বিস্তৃত। এখন এই রাজ্যটির বিস্তার আনুমানিক ৬০ হাজার বর্গ-মাইল, লোকসংখ্যা ৩০ লক্ষের অধিক নহে। রাজ্যটি ছিল তুরস্কের। বিগত যুরোপীয় মহাযুদ্ধের অবসানকাল হইতে ফরাসী জাতি এই দেশটি আদেশাত্মকভাবে শাসন করিবার অধিকার পাইয়াছেন। এখন ফরাসী জাতিই ঐ অঞ্চলের যথেষ্ট ক্ষমতাসালী শাসনকর্তা। কিন্তু সুন্দর ফরাসীজাতি এই রাজ্যের শাসনদণ্ড পরিচালিত করিলেও এই রাজ্যে শান্তি প্রতিষ্ঠিত হইতেছে না। ১৯২৫ খৃষ্টাব্দে যে বিখ্যাত ডুস-বিস্ত্রোহ উপস্থিত হইয়াছিল, তাহা দমন করিবার জন্ত ফরাসীরা ৪৮ ঘণ্টা ধরিয়া ডামাস্কাসনগরের উপর গোলা বর্ষণ করিয়াছিলেন, ইহা ইতিহাসপ্রসিদ্ধ ঘটনা। সেই সময় হইতে সিরিয়াবাসীদের মনে একটা অশান্তির অনল ধিকি ধিকি জ্বলিতেছে। সংপ্রতি আবার ঐ অশান্তির অনলশিখা দাউ দাউ জ্বলিয়া উঠিয়াছিল। ফরাসীদের আর্থিক নীতিজনিত অসন্তোষের ফলে তথাকার জাতীয় দল মধ্যে মধ্যে বিদ্রোহ উপস্থিত করিতেছিল। ইহার পর মিশরে বৃটিশ-বিরোধী জাতীয় দলের সাফল্যে উৎসাহিত হইয়া সিরিয়ার জাতীয় দল স্বাধীনতা লাভের জন্ত আন্দোলন উপস্থিত করে। এই জাতীয় আন্দোলনের দমনকল্পে সিরিয়ার ফরাসী রাজপুরুষগণ তথাকার নবগঠিত জাতীয় দলকে ভাঙ্গিয়া দেন এবং তাহাদের ৩৯ জন নেতাকে গ্রেপ্তার করেন। ইহাদের বিরুদ্ধে ফরাসীরা একমাত্র এই অভিযোগ উপস্থিত করিয়াছিল যে, ইহারা আইনের নির্দেশ অনুসারে ইহাদের দলকে রেজিষ্টারী করেন নাই। দ্বিতীয় অভিযোগ এই যে, এই দল যদি বস্তায় থাকে, তাহা হইলে সাধারণের নির্দোষতার বিষয় ঘটিবে। বলা বাহুল্য যে, সাম্রাজ্যবাদীদের যে মামুলী অভিযোগ আছে, দ্বিতীয় অভিযোগ তাহাই। ফরাসী রাজপুরুষদের এই দৃঢ়তা প্রদর্শনের বিপরীত ফল ফলিল। ফরাসী কর্তৃপক্ষ ঐ অঞ্চলের সংবাদপত্রগুলি সমস্ত বন্ধ করিয়া দিলেন, (Damascus) ডামাস্কাসের বিশ্ববিদ্যালয়ের এবং স্কুলগুলির দ্বার বন্ধ করিলেন, জাতীয় দলের নেতাদিগকে নির্বাসিত করিয়া দিলেন এবং সেনিগাল অঞ্চল হইতে আনীত সৈন্যদিগের দ্বারা রাজপথে পাহারা বসাইলেন। কিন্তু এত করিয়াও তাহারা জাতীয় দলের বাহু আন্দোলন বন্ধ করিতে পারিলেন না। লোক দোকানপাট বন্ধ করিয়া হরতাল করিল। ফরাসী রাজপুরুষেরা হুকুম দিলেন যে, ২৪ ঘণ্টার মধ্যে দোকানপাট খুলিতে হইবে—না খুলিলে জরিমানা দিতে হইবে এবং আর দোকান বা কারবারের আফিস খুলিতে দেওয়া হইবে না। সে কথাই কেহই কর্পণাত করিল না। তিন মাসকাল সেই হরতাল চলিয়াছিল।

বাহু দৃষ্টিতে এই হাঙ্গামা ও ক্যাসাস্কের কারণ ছিল রাজনীতিক, কিন্তু অর্থনৈতিক কারণ ইহার ভিত্তর অস্তঃসলিলা কল্পধারার দ্বায়

বহিতেছিল। ফরাসীরা সিরিয়া দেশটাকে পাঁচ প্রদেশে বিভক্ত করিয়া ফেলিয়াছেন, সিরিয়ার জাতীয় দল বলেন যে, ফরাসীরা অস্তঃপ্রাদেশিক ভেদনীতির বীজ বপনের জন্ত ঐ বিভাগ করিয়াছেন। তাহাদের বিশ্বাস, উহা রোমকদিগের পুরাতন ভেদনীতির পুনঃপ্রবর্তন। ইহার উপর সিরিয়ার জাতীয় দল ভাঙ্গিয়া দেওয়াতে সেই অসন্তোষ আরও প্রবল হইয়া উঠে।

অধিকতর উপস্থিত হয় আর্থিক কারণ। সিরিয়া অঞ্চলের খ্যাতনামা লোকেরা বলিয়া থাকেন যে, গত ১৬ বৎসরে ফরাসী জাতি কি কৃষির দিকে গথবা কি শ্রমশিল্পের দিকে সিরিয়ায় সম্পদ বৃদ্ধি করিবার কোনরূপ চেষ্টাই করেন নাই। বরং সিরিয়াতে ফরাসী মালের কাটতি হ্রাস পাইলে তাহারা সিরিয়াবাসীদের আর্থিক উন্নতিসাধক কার্যে বাধা দেন। অল্প দেশ হইতে আমদানী মালের উপর তাহারা কড়া হারে শুল্ক বসাইতেছেন, কিন্তু ফ্রান্স হইতে আগত মালের উপর তাহারা কোন প্রকার শুল্ক ধার্য করেন না বা নামমাত্র শুল্ক ধার্য করিয়া থাকেন। উদাহরণস্বরূপ দুইটি দৃষ্টান্ত দেওয়া মাইতে পারে। সিরিয়ার কতকগুলি ভূমলোক মার্কিনে থাকিয়া ব্যবসা করিয়া প্রচুর ধন উপার্জন করেন। তাহারা তাহাদের দেশে বহুলক্ষ ডলার ব্যয় করিয়া একটি চামড়ার কাবখানা প্রতিষ্ঠিত করিয়াছিলেন। সেই কারখানার দ্বারা এক শত পরিবারের গ্রাসাচ্ছাদন নির্বাহিত হইতে পারিত। ফরাসীরা প্রথম তাহাদিগকে ঐ কার্যে উৎসাহ দিয়াছিলেন। কারণ, ফ্রান্স হইতে তাহারা যত্নপাতি আমদানী করেন। তখন বিদেশ হইতে আমদানী পাকা চামড়ার উপর শতকরা ৪০ টাকা হারে আমদানী শুল্ক ধার্য ছিল। সুতরাং সিরিয়াবাসীদের বৈদেশিক চামড়ার উপর প্রতিদ্বন্দ্বিতা করা সহজ ছিল। কিন্তু যেমন ঐ কারখানার কাব্য আরম্ভ হইয়াছিল, অমনই ফরাসী চর্শ্বকারগণ টীংকার করিতে আরম্ভ করিয়াছিলেন যে, তাহাদের ব্যবসায় মাটি হইতে বসিয়াছে, আর প্রায় সেই সঙ্গে সঙ্গেই ফরাসী কর্তৃপক্ষ চামড়ার আমদানী শুল্ক শতকরা ৪০ টাকা হইতে ১১ টাকায় নামাইয়া দিয়া সিরিয়ার স্বদেশী কারবারের মুণ্ডপাত করিয়া বসিলেন। আর একটা দৃষ্টান্ত এই যে, সিরিয়ার অতি সুন্দর বিলাতী মাটি (সিমেন্ট) প্রস্তুত হয়। কিন্তু ফরাসী সরকার তথাকার সমস্ত সরকারী ইমারতের কাষে ফ্রান্স হইতে আমদানী সিমেন্টই ব্যবহার করেন। কিন্তু সিরিয়াবাসীদের প্রদত্ত টেকা হইতেই ঐ ইমারতগুলি নির্মিত হয়। সিরিয়ার ব্যবসায়ীরা আরও অভিযোগ করেন যে, তথাকার ফরাসী রাজপুরুষগণ ফরাসীদের প্রতিষ্ঠিত সমবার তাণ্ডার হইতে আলপিন হইতে মোটরগাড়ী পর্যন্ত সমস্ত জিনিষই খরিদ করেন, দেশীয় দোকান হইতে কিছুই খরিদ করেন না।

এইরূপ নানা কারণে সিরিয়াবাসীদের মন অসন্তোষে পূর্ণ ছিল। তাহার পর ডামাস্কাসের ট্রামের ভাড়া লইয়া সিরিয়াবাসীদের সহিত কর্তৃপক্ষের বিবাদ বাধে। ঐ ট্রাম বেলজিয়াম এবং ফ্রান্সের লোক দ্বারা গঠিত কোম্পানী কর্তৃক চালিত। সিরিয়ানরা

বলেন যে, উহার ভাড়ার হার বড় অধিক, অতএব উহা কমাইয়া দিতে হইবে। কোম্পানী তাহাতে সম্মত হন না। সীরিয়ানরা ট্রাম বর্জন করে। ফরাসী এল বারোদী এই ট্রাম বর্জন আন্দোলনের নেতা ছিলেন। ফরাসী সরকার তাঁহাকে নির্যাসিত করেন। তখন সীরিয়ানরা সব ছাড়িয়া দিয়া পূর্ণ স্বাধীনতা-প্রাপ্তির দাবী করিতে লাগিল। সীরিয়ান নারীরাও বড় বড় সভা করিয়া সরকারী কার্যের প্রতিবাদ করিতে থাকিলেন এবং দাঙ্গা-ফ্যাসাদ ঘটাইবার জন্ত পুরুষদিগের সহিত যোগ দিলেন। তাঁহারা জিদ করিয়া সীরিয়ান প্রজাতন্ত্রের প্রেসিডেন্ট আলি বে এল আবেদকে পদত্যাগ করিতে সম্মত করাইলেন। সীরিয়ায় তদানীন্তন হাইকমিশনার কাউন্ট হেনরী ডি মাটেন বলপ্রয়োগ না করিয়া কোর্শলে কার্যসিদ্ধি করিবার জন্ত ব্যস্ত হইলেন। তিনি সরকারের সহিত জাতীয় দলের মিটমাট করিবার জন্ত জাতীয় দলের বহির্ভূত সাত জন লোককে মধ্যস্থতা করিবার জন্ত এক কমিটি গঠিত করেন। তাঁহার ইচ্ছা ছিল, কমিটি “সরকারের গোড়েই গোড় দেন।” কমিটি তাহাতে সম্মত হইলেন না। তখন কাউন্ট মাটেন কিছু নরম হইলেন। তিনি ঐ রাজ্যের প্রধান মন্ত্রী জাতীয়তার বিরোধী তাজেদসিন এবং তাঁহার মন্ত্রিমণ্ডলীকে বিদায় দিয়া তাহার স্থানে অটাল আয়ৌবী (Attal Ayoubi) কে মন্ত্রী নিয়োগ করেন। ঐনি জাতীয় দলকে লইয়া মন্ত্রিমণ্ডলী গঠিত করেন এবং হাজ্জামা-ফ্যাসাদ সমস্ত বন্ধ করিবার প্রতিশ্রুতি দেন। ইতোমধ্যে কাউন্ট মাটেন সরকার হাই কমিশনার হইয়া তথায় গিয়াছেন, এবং মসিয়ে পন্সোঁ (Ponsot) সীরিয়ায় হাই কমিশনার হইয়াছেন। হাজ্জামা-ছুজ্জং কিছু কমিয়াছে। ফরাসীরা সীরিয়াকে কিঞ্চিৎ স্বাধীনতা দিতে সম্মত হইয়াছেন। এখন কাষে কি দাঁড়ায়, তাহা দেখিবার জন্ত সকলে কৌতূহলী রহিয়াছেন। দাঙ্গা-ফ্যাসাদের যে শেষ হইয়া গেল, তাহা মনে হইতেছে না।

### পাতালে পাট

পাট বাঙ্গাল এবং আসামের একচেটিয়া সম্পত্তি। মাত্রাজে কিছু পাট উৎপাদনের চেষ্টা করা হইয়াছিল, কিন্তু তাহা বিশেষ সাফল্যসাধে সমর্থ হয় নাই। কিন্তু সম্প্রতি পাহালপুরী মেক্সিকো দেশে পাটের চাষ আরম্ভ হইয়াছে এবং সে চেষ্টা সফল হইবার সম্ভাবনা জন্মিয়াছে; মেক্সিকো এখন কৃষির দ্বারা পাটের জায় অংশ উৎপাদনে মন দিয়াছে। ঐ দেশে এক প্রকার গাছের আশ হইতে পাটের জায় আশ পাওয়া যায়,—সে গাছ অনেকটা পাট-গাছেরই মত। এখন মেক্সিকোতে অনেক পাটের চাষ হইতেছে। গত বৎসর তথায় প্রায় ৫ হাজার এক শত বিঘা জমিতে পাট চাষ হইয়াছিল, এবার তথায় ১৫ হাজার বিঘারও অধিক জমিতে ঐ পাট উৎপাদনের আয়োজন হইতেছে। মেক্সিকোতে কতকগুলি ছোট ছোট পাটকলও প্রতিষ্ঠিত হইয়াছে, কিন্তু তথায় জুরি পরিমাণে দাঁড়-দড়া, বোরা, চট, গালিচা প্রভৃতি হেনে কোয়েন অংশ হইতে প্রস্তুত হইতেছে। আর ঐ আংশের অনেক অংশ বিদেশে চালান যায়। সেসাই করিবার শ্রমালী বাহারা প্রস্তুত করে, তাহারা উহা লইয়া থাকে। তুনা যাইতেছে যে, মার্কিনের এক কারবারওয়ালারা মেক্সিকোতে বড় বড় এক পাট-কল প্রতিষ্ঠার জন্ত কার্যারম্ভ করিয়া দিয়াছেন। গত এপ্রিল মাসে মার্কিন হইতে ঐ অঞ্চলে

বহুপাতি চালান দিবার কথা ছিল। মিষ্টার এফ জে গিস্ত্রেথ ঐ নূতন মার্কিনী পাট-কলের ম্যানেজার হইয়া বাইতেছেন। গত মাসে ইহার কালিফোর্নিয়া হইতে মেক্সিকোতে রওনা হইবার কথা ছিল। এই সংবাদে ভারতীয় কলওয়ালাদিগের মনে আতঙ্কসঞ্চার হইয়াছেন। বঙ্গবাসীর মনেও আতঙ্ক জন্মিবার কথা। কারণ, পাট বাঙ্গালীর একটা বড় আয়ের জিনিষ। কিন্তু চিরদিন কখনই সমান যায় না। বাঙ্গালার পাটের সুদিন আসিয়াছিল, আবার চলিয়া যাইবে। তবে বাঙ্গালীর সেজ্ঞ সময় থাকিতে প্রস্তুত হওয়া উচিত। কলে বাঙ্গালার জুর্দিন ক্রমে ঘনাইয়া আসিতেছে। বাঙ্গালীকে অচিরে বলিদানের জন্ত আনীত যুবক ব্রাহ্মণবালকের জায় বলিতে হইবে:—

পিতৃবৌ ধনলুকো চ রাজা খজাধরসুখা।

দেবতা বলিমিচ্ছন্তি কো মে ত্রাতা ভবিষ্যতি।

### বোলিভিয়ায় রাষ্ট্র-বিপ্লব

চাকো সংগ্রাম সম্পর্কে দক্ষিণ-আমেরিকার বোলিভিয়ার কথা পাঠক বহুবার শুনিয়াছেন। সে যুদ্ধের সমস্ত বিবাদী বিষয়ের এখন মীমাংসা হয় নাই। তবে প্রায় মীমাংসা হইয়া গিয়াছে বলা যাইতে পারে। এই যুদ্ধের সময় বোলিভিয়ারাঙ্গীদিগকে প্যারাগুয়া-বাসীদিগের সহিত সংগ্রামে অনেকবার পরাজিত হইতে হইয়াছিল। সে জন্ত ঐ রাজ্যের কতকগুলি লোক রাষ্ট্রপরিচালকদিগের উপর অদৃষ্ট হইয়া উঠে। তাহাদের বিশ্বাস জন্মে যে, কস্তাদের ক্রটির জন্ত তাহাদের পরাজয় ঘটিয়াছিল। ইহা তিন্ন এই দেশের আর্থিক দুর্গতির জন্ত ইহারা এ দেশের ধনী সম্প্রদায়কে এবং শাসকদিগকেই মুখ্যতঃ দায়ী করে। এই রাজ্যের লোকসংখ্যা ৩০ হইতে ৩১ হাজারের মধ্যে, তন্মধ্যে আমেরিকার আদিমনিবাসী রেড ইণ্ডিয়ানের সংখ্যা হইবে উহার অর্ধেকের কিছু অধিক। শিক্ষিত শ্রেণী ইণ্ডিয়ানরা স্পেনিস ভাষায় কথা বলে—অশিক্ষিত রেড ইণ্ডিয়ানরা যুয়েচুয়া এবং আইমায়া ভাষায় কথা বলে। স্যুর (Suro) এই রাজ্যের রাজধানী বলিয়া পরিজ্ঞাত, কিন্তু লাপাজহ এখন ইহার প্রকৃত রাজধানী। কারণ, ঐ সহরেই প্রজাতিগের প্রতিনিধি সভার এবং সিনেটের অধিবেশন হয়। সম্প্রতি এই বোলিভিয়া রাজ্যের দৈনন্দিন তাহাদের শাসনব্যবস্থা পরিবর্তন করিয়া দিয়াছে। তাহাদের স্বরাষ্ট্রের অধিক কৃতিত্ব এই যে, তাহারা সম্প্রতি বিনা রক্তপাতে এই কার্য সাধন করিয়াছে। এই কার্যে লেফট্যান্ট কর্নেল যুসুথ নামক এক জন জাঙ্গাণ তাহাদিগকে বিশেষ সাহায্য করিয়াছেন। কর্নেল টোরো এখন চাকোতে আছেন। তাঁহাকেই সকলে একবাক্যে ঐ রাজ্যের প্রেসিডেন্ট নির্যাসিত করিবেন স্থির করিয়াছেন। তথাকার প্রগতিশীল দুইটি বড় বড় দলই নূতন সরকারের সমর্থন করিতেছেন। এখন নূতন সরকার সমাজতন্ত্র-নীতির অনুসরণ করিয়াই শাসনব্যবস্থা ও দেশের কার্য পরিচালন করিবেন স্থির হইয়া গিয়াছে। তাহারা স্থির করিয়াছেন, ঐ অঞ্চলে সমাজতন্ত্রবান অসুখারী শাসনব্যবস্থা প্রবর্তিত হইলে তথায় ধনিক-দিগের প্রভাব হ্রাস পাইবে এবং দেশে শান্তি ও শৃঙ্খলা প্রতিষ্ঠিত হইবে। এখন তাহাদের সে আশা কতখানি সফল হইবে, তাহা দেখিবার জন্ত অনেকে প্রতীক্ষা করিয়া রহিয়াছেন।



## ইংরাজ শাস্তিপ্রিয় কেন ?

আজকাল অনেকেই প্রশ্ন করিতেছেন—ইংরাজ জাতি হঠাৎ এত শাস্তিপ্রিয় হইয়া উঠিল কেন ? ইটালী এত কথা বলিল, এত বক্তৃতা দেখাইল, কিন্তু প্রত্যক্ষভাবে বৃটিশ কেশরী একটু কেশর-কম্পনও করিল না কেন ? বৃটিশ সিংহের গায়ে কি মহারাজার বাতাস লাগিল না কি ? না, তাহা লাগে নাই। সম্প্রতি পারিসের 'লে ম্যাডিন' পত্রে সেন্ট ব্রাইস নামক জনৈক ব্যক্তি লিখিয়াছেন, ইংরেজ জাতি জাৰ্মানীর সহিত একটা চুক্তি করিবার জন্য কি-কিছু ব্যস্ত ? এই প্রশ্নের উত্তরে তিনিই বলিয়াছেন যে, ইহার কারণ, সুদূর প্রাচীতে মিশরে এবং প্যালেষ্টাইনে ইংরেজের উদ্দেশ্যের অনেক স্বেচ্ছা আছে। ইংলণ্ডে তাহার সৈন্য এবং বণতরী পুনর্গঠিত করিতে হইবে। কায়েই তাহারা যুদ্ধ বাপাইয়া আর অশান্তিকে ডাকিয়া আনিতে চাহেন না।

আর এফ কারণে ইংরেজ শাস্তিপ্রিয় হইয়াছেন ; হিটলার যে এত আড়ম্বরে সেনাবল ও নৌবল বৃদ্ধি করিতেছেন,—তাহা দেখিয়াও ইংরেজ সেপিতেছে না। সম্প্রতি বুটেনের ঋদ্ধি ফিরিয়া আসিতেছে। গত বৎসরে তাহার জমা-খরচ ভালরূপ মিলিয়া গিয়াছে। দশ লক্ষ নূতন লোক কাষ পাইয়াছে। কাঁচা মালের আমদানী এবং শ্রমশিল্পের পণ্যের রপ্তানী বাড়িয়া গিয়াছে। এখন এই সুবিধা ছাড়িয়া ইংরেজ জাতি যে যুদ্ধ দ্বারা জগতে অশান্তি আনিবেন, এত নিরোধ ইংরেজ জাতি নহেন।

## প্যালেষ্টাইনএ অশান্তি

প্যালেষ্টাইনের আরব মুসলমানগণ বিক্রোহ ঘোষণা করিয়া নানাবিধ অশান্তির সৃষ্টি করিতেছে। সংবাদ-পত্রে নিত্যই নূতন নূতন রোমাঞ্চকর সংবাদ প্রকাশ পাইতেছে। আরবরা শাস্ত হইতে চাহিতেছে না। কর্তৃপক্ষ জরুরী রেগুলেশন জারী করিলেও আরবগণ উপদ্রব করিতে পশ্চাৎপদ নহে। বৃটিশ-সৈন্যের এটি ব্যাটালিয়ন প্যালেষ্টাইনএ আছে। কিন্তু আরব মুসলমানবা কিছুই গ্রাহ্য করিতেছে না।

গত ৫রা জুন সংবাদ আসিয়াছিল, হেব্রন বোডে দুইটি সেতু উড়িয়া দেওয়া হইয়াছিল। এই পথের ধারে যে টেলিগ্রাফের তার ছিল, তাহাও ধ্বংস করিয়া ফেলা হইয়াছে। রাত্রিকালে বৃটিশ-পুলিস যখন টহল দিয়া ফিরিতেছিল, বিদ্রোহী আরবরা তাহাদিগকে লক্ষ্য করিয়া গুলী নিক্ষেপ করিতে থাকে, কিন্তু সৌভাগ্যক্রমে কেহ আহত হয় নাই।

প্যালেষ্টাইনএ যে জরুরী রেগুলেশন জারী করা হইয়াছে, তাহার ফলে জেলা-কমিশনাররা দোকান খোলা ও কাষ করিতে দিবার হুকুম করিবার ক্ষমতা পাইয়াছেন। তাহারা তাঁহাদের কথা শুনিবে না, তাহাদের প্রতি হুণ্ডদেশ দিবার ক্ষমতাও তাঁহাদের আছে। কিন্তু তথাপি প্যালেষ্টাইনএ এখনও শান্তি সংস্থাপিত হয় নাই।

এই আরব বিদ্রোহের স্বেচ্ছা কি ? আরব-মুসলমানরা প্যালেষ্টাইনএ মুসলমান প্রাধান্য রক্ষা করিবার জন্য বন্ধ-পরিষ্কার। তাই এই বিদ্রোহের উদ্ভব। ইহুদীজাতির নিজের কোনও দেশ নাই।

পৃথিবীর সর্বত্রই তাহারা হুড়াইয়া পড়িয়াছে, নিজের দেশ না থাকায়, যে দেশে ইহুদীজাতি যখন বাস করে, তখন তাহার স্বাভাবিক অধিবাসীরা প্রায়ই তাহাদের উপর নানাপ্রকার অত্যাচার করিয়া থাকে। সম্প্রতি জাৰ্মানীতেও তাহাই ঘটিয়াছে। হার গিটলার ইহুদী-বিতাড়ন ব্যাপারে প্রসিদ্ধি লাভ করিয়াছেন।

লর্ড ব্যালফোরের মনে ইহুদীজাতির প্রতি অমুকম্পা জাগিয়াছিল। পৃথিবীর এই বহু পুরাতন জাতি যাগতে প্যালেষ্টাইনএ পাকা আশ্রয়স্থান পায়, ইহাই ছিল তাঁহার মনোগত অভিপ্রায়। তিনি সুপণ্ডিত লোক। বর্ণ-বিষয়ে তাঁহার উদার প্রাণে প্রভাব বিস্তার করিতে পারে নাই। মুসলমান-বিদ্বেষের কোনও পরিচয় এ পর্যন্ত লর্ড ব্যালফোরের আচরণে প্রকাশ পায় নাই। প্যালেষ্টাইনএ ইহুদীরা বসবাস করিলে মুসলমানরা ক্ষুব্ধ হইয়া পড়িবে, একপ কোনও দুর্ভিতসিদ্ধি লর্ড ব্যালফোরের মনে ছিল না।

ইহুদীরা তাঁহার আশ্রয়স্থানে আশ্রয় হইয়া প্যালেষ্টাইনএ আশ্রয়-স্থান রচনা করিতে থাকে। আদম শুমারীর হিসাব দেখিলে বুঝিতে পারা যাইবে, ১৯২২ খৃষ্টাব্দ হইতে ১৯৩১ খৃষ্টাব্দ পর্যন্ত ১০ বৎসরে প্যালেষ্টাইনএর জন-সংখ্যা ৭ লক্ষ ৫৭ হাজার ১ শত ৮২ হইতে বাড়িয়া ১০ লক্ষ ৩৫ হাজার ৮ শত ১১ জন হইয়াছে। অর্থাৎ প্রায় শতকরা ৩৬ জন বাড়িয়াছে। লোক সংখ্যার এই বৃদ্ধি দেখিয়াই মুসলমানদিগের চমক ভাঙিয়াছে— তাহারা শঙ্কিত হইয়া উঠিয়াছে।

হিসাব করিলে দেখা যাইবে, ইহুদীদিগের সংখ্যা শতকরা ১০০ জন বাড়িয়াছে। অর্থাৎ ৮৩ হাজার ৭ শত ৯৪ হইতে ১ লক্ষ ৭৪ হাজার ৮ শত ১০ জনে দাঁড়াইয়াছে। এ দিকে আরবদিগের সংখ্যা বাড়িয়াছে মাত্র শতকরা ২৮ জন। তাহাদিগের সংখ্যা ৫ লক্ষ ৯০ হাজার ৮ শত ৯০ হইতে ৭ লক্ষ ৫৯ হাজার ৭ শত ১২ জনে দাঁড়াইয়াছে।

প্যালেষ্টাইনএ যে সকল খৃষ্টান আছে, তাহাদের সংখ্যা শতকরা ২৫ হিসাবে বাড়িয়াছে। অর্থাৎ ৭৩ হাজার ২৪ জন হইতে ৯১ হাজার ৩ শত ৯৮ দাঁড়াইয়াছে। ১৯৩১ খৃষ্টাব্দের পর ১৯৩৫ খৃষ্টাব্দ পর্যন্ত সকল সম্প্রদায়ের জনসংখ্যা আরও বাড়িয়াছে, কিন্তু তাহার হিসাব এখন পাওয়া সম্ভবপর নহে।

উল্লিখিত প্রকার লোকসংখ্যার বৃদ্ধির মূলে সুশাসন বিদ্যমান রহিয়াছে, ইহা অনায়াসে অনুমান করা যাইতে পারে। মুসলমান-শাসনসময়ে এই অল্পপাতে জন-সংখ্যার বৃদ্ধি ঘটে নাই, ইহা স্বতঃসিদ্ধ প্রমাণ বলিয়া কেহ গ্রহণ করিলে তাহাতে আপত্তি করিবার কিছু থাকিতে পারে না।

প্যালেষ্টাইনএর মত ধর্মস্থানে সকল সম্প্রদায়ই গমন করিবার অধিকারী। ইহুদীদিগের সম্বন্ধে বরং কিছু বিধিনিষেধ দেখা যায়। তৎসম্বন্ধে দশ বৎসরে যদি ইহুদীদিগের সংখ্যা শতকরা ১০৮ হিসাবে বাড়িয়া থাকে, তাহার জন্য ইহুদীদিগের অপরাধ আছে, ইহা কোনও নিরপেক্ষ লোকই বলিতে পারেন না—আরব মুসলমানগণও এ জন্য ইহুদীদিগকে নিশ্চয়ই অপরাধী করিতে পারেন না। সুতরাং প্যালেষ্টাইনএ মুসলমান-প্রাধান্য রক্ষাকল্পে তাহারা হানামা বাধাইলে, জায়বর্ধের কাছে তাহা যুক্তিহীন বলিয়া পরিগণিত হইবে।

আরব মুসলমানরা বলিতেছেন যে, প্যালেষ্টাইনএ জমির

পরিমাণ অনির্দিষ্ট নহে—তাঁহা একটা সীমা আছে। সুতরাং ইহুদীরা অর্ধবলে যদি ইহুদীদিগের জন্ম অধিক জমি সংগ্রহ করে, তাহা হইলে মুসলমানরা কোথায় বাটবেন? ইহাকে জ্ঞানসম্মত যুক্তি বলা চলে কি? জীবন-সংগ্রামে শক্তিমানরাই টিকিয়া থাকে। ইহুদীরা যে কারণে জমি সংগ্রহ করিতে পারিতেছে, মুসলমানরাও সেই কারণে অবলম্বন করিতে পারেন।

দেশের ভূমিতে জন্মগত অধিকার দাবী করিয়া আরব মুসলমানরা যদি তথায় স্বায়ত্তশাসন প্রতিষ্ঠিত করিতে চাহেন এবং ইহুদী ও খৃষ্টান জাতির সাহচর্যে প্যালেষ্টাইনএ স্বায়ত্তশাসন-প্রথা প্রবর্তিত করিতে পারেন, তাহা হইলে দেশের প্রকৃত কল্যাণ ঘটিতে পারে। অবশ্য স্বায়ত্তশাসন অর্থে, সেই স্থানের অজ্ঞাত সম্প্রদায়কে বঞ্চিত করিয়া একচ্ছত্র অধিকার সংগ্রহ নহে। সমান অধিকারের উদার মনোবৃত্তি প্রকাশ করিয়া, ইহুদী ও খৃষ্টান জাতির স্বার্থ অক্ষুণ্ণ রাখিয়া যদি আরব মুসলমানরা আন্দোলন চালাইবার পরিচয় দিতেন, তাহা হইলে পৃথিবীর সভ্য মানব বৃত্তিত যে, তাঁহারা কল্যাণকর অনুষ্ঠানে ব্রতী হইয়াছেন। কিন্তু তাঁহারা যে অশান্তির সৃষ্টি করিয়াছেন, তাহার অন্তরালে এমন মনোবৃত্তির পরিচয় পাওয়া বাটতেছে না।

এ জন্ম আরব বিদ্রোহ কল্যাণপ্রসূ বলিয়া কেহ মনে করিতে পারিতেছে না।

## বুটেন ও ইটালী

ইটালীর ভাগ্যবিধাতা সেনর মুসোলিনী মুখে যদিও ঘোষণা করিয়াছেন যে, গ্রেট বুটেনের সহিত ইটালী বন্ধুভাবেই আচরণ করিবে, কিন্তু রাষ্ট্রনৈতিক গগনের প্রাস্তদেশে যে মেঘসঞ্চার হইতেছে, তাহাতে আশাবাদীরও মনে আশার আলোক জলিয়া উঠিবে, এমন মনে হয় না।

সম্প্রতি সংবাদপত্রে একটি সংবাদ বাহির হইয়াছে যে, অস্ত্রিয়ার সিংহাসনে হাপসবার্গ বংশের কাছাকেও পুনঃ প্রতিষ্ঠিত করিবার জন্ম ইটালী ও জার্মানীর মধ্যে একটা চুক্তি হইয়াছে। এই চুক্তি পরিণামে জার্মানী ও ইটালীর মধ্যে সন্ধিসন্ধি পরিণত হইবে না ত?

ইটালীর অবসরপ্রাপ্ত নৌ রাজ্য কর্ষচারী ডিউক জেনারো পাসানোভি মেলিটো একখানি পুস্তিকা রচনা করিয়াছেন। সেই রচনায় ডিউক ঘোষণা করিয়াছেন, "বুটেন যদি ইটালীর সহিত লড়াই করিতে চেষ্টা করে, তাহা হইলে ভূমধ্যসাগর বুটিশ নৌ-বহরের সমাধিসন্ধিরূপে পরিণত হইবে।"

কথাটা হয় ত আক্ষালনেই পর্যাবসিত হইবার মত। কিন্তু উক্ত লেখক দেখাইয়াছেন যে, বুটিশের নৌপ্রতাপ এখন পূর্ববৎ নাই। ইটালীর নৌবহর বুটেনের অপেক্ষা অধিক। পপুলার সায়াল নামক একখানি মার্কিন বৈজ্ঞানিক পত্রে কসিয়া, ইটালী, জার্মানী ও ইংলণ্ডের সৈন্যসংখ্যা ও বিমানবহর কিরূপ, তাহা দেখাইয়াছে। তাহাতে দেখা যায় যে, ইটালীর সৈন্যসংখ্যা ১০ লক্ষ, গ্রেট বুটেনের ৪ লক্ষ। ইটালীর বিমানবহরও গ্রেট বুটেন অপেক্ষা দুইগুণেরও অধিক। এ কথা যদি সত্য হয়, তাহা হইলে ইটালীর ডিউকের নির্ধারণ অনুসারে ইটালীর সাবমেরিনের সংখ্যা

অনেক অধিক হইয়াছে। তাই তিনি জোর গলায় বলিয়াছেন, বুটেন যে আজ লড়াই করিতে চাহে না, তাহার কারণ ইহাই যে, বুটেনের লড়াই করিবার শক্তিই নাই।

শক্তি আছে কি না, তাহা প্রমাণমাপেক্ষ, তবে ইটালীর এই ডিউক দেখাইয়াছেন যে, বুটেনকে আপন অস্ত্রের জন্ম সম্পূর্ণরূপে সমুদ্রপথের উপর নির্ভর করিতে হয়। "যদি কোনও কারণে লণ্ডন ডকে প্রত্যহ বুটেনের যে আহার্য্য পণ্য আসে তাহা না পৌঁছায়, তাহা হইলে তিন সপ্তাহের মধ্যে ইংরেজদিগকে মাঠের ঘাস তুলিয়া দিষ্ট করিয়া খাইতে হইবে" শুধু তাহাই নহে, ডিউক মনে করেন যে, বুটেন তাহার জিব্রালটার ও মালটাস্থিত মৌলিক নৌকেন্দ্র পরিত্যাগ করিতে বাধ্য হইবে। কারণ, সিসিলি-স্থিত ইটালীর বিমান-ঘাঁটিগুলি হইতে মালটা ২০ মিনিটের পথ। লড়াই যদি বাধে, তাহা হইলে ভূমধ্য সাগরের পূর্বাংশ বুটিশ নৌ-বহরের সমাধিসন্ধিরূপে পরিণত হইবে।

ক্যাপ্টেন ফার্দিনন্দ টুওলিও বলিয়াছেন, মুসোলিনীর একমাত্র উদ্দেশ্য ভূমধ্যসাগরের দক্ষিণপূর্বাংশে ও প্রাচ্যদেশে গমন করিবার পথ আয়ত্ত করা। মুসোলিনীর একান্ত ইচ্ছা যে, ইটালী, জার্মানী ও ফ্রান্স একযোগে যুগপৎ বুটেনকে আক্রমণ করিয়া সপ্তদিক হইতে বুটেনের রাজ্য লুণ্ঠন করিয়া লইবেন।

ইটালীর এই মনোবৃত্তি থাকা অসম্ভব নহে। বিশেষতঃ সম্প্রতি জার্মানীর সহিত যে চুক্তির কথা অস্ত্রিয়া সম্বন্ধে প্রকাশ পাইয়াছে, তাহা যে গভীরতর ইঙ্গিতপূর্ণ, ইহা অনুমান করা কষ্টসাধ্য নহে। অবশ্য ফরাসী দেশ ইংলণ্ডের পার্শ্ব শীঘ্র ত্যাগ করিবে না। কারণ, সে জার্মানীকে ভয় করে; কিন্তু ইহাও সত্য যে, মুসোলিনীর ফরাসীপ্রীতি সুস্পষ্ট। আবিসিনিয়ার যুদ্ধে ফরাসী দেশ মুসোলিনীকে কম সাহায্য করে নাই! ফরাসী সরকার ইটালীর বিরুদ্ধে অসুলিমাাত্র পরিচালনা করা দূরে থাকুক, ইটালী-প্রীতিই সুস্পষ্ট হইয়া উঠিয়াছিল।

রাষ্ট্রনৈতিক স্বার্থপ্রবাহ কখন কোন্ খাতে প্রবাহিত হইবে, তাহা অনুমান করা কঠিন। ইটালীর গ্রেটবুটেনবিষয়ে অত্যন্ত সুস্পষ্ট। এ জন্ম রাষ্ট্রনৈতিক ও সাম্রাজ্যবিস্তারের লোভ উদ্ধত শক্তিশালী মানুষকে কোথায় টানিয়া লইয়া যায়, তাহা কেহই বলিতে পারে না। সুতরাং আকাশে যে মেঘ জমিয়া উঠিতেছে, তাহা হইতে বজ্র কবে নিপতিত হইবে, কে বলিতে পারে?

## আবিসিনিয়ার দশা

### হত্যাকাণ্ড

বিস্তীর্ণ আফ্রিকা ভূমির শেষ স্বাধীন রাজ্য আজ ইটালীর কুক্ষিগত। ইটালী এখন হাবসী জাতিকে নিকরীর্ষ্য করিবার জন্ম বিধিমাতে চেষ্টা করিতেছে। আদিস আবাবা হইতে বাহারা বাহির হইয়া আসিয়াছে, তাহাদের মুখে শুনা গিয়াছে যে, ইটালীর কর্তৃপক্ষ আদিস আবাবায় লুণ্ঠনকারীদিগকে অত্যন্ত নিশ্চয়ভাবে শাস্তি দিতেছে। ইটালীর সামরিক বিচারালয়ে বিচারের পর তাহা-দিগকে দলে দলে গুলী করিয়া মারা হইতেছে। এক এক দলে ৩০ হইতে ৪০ জনকে কলের কামানের মুখে দাঁড় করাইয়া তাহাদিগকে দেওয়া হইতেছে। বড় বড় রাস্তার ধারে মৃতদেহগুলি

পুতিয়া ফেলা হইতেছে। খুব কঠোরতার সহিত হত্যাকাণ্ড চালান হইতেছে। ইটালীয় সৈন্য এই মে আদিস আবাবা অধিকার করে। তাহার পর তাহার কয়েক দিনের মধ্যে ১৫ শতেরও অধিক লোককে শ্রেণ্ডাব করে। লুপাট করার অভিযোগে তাহাদিগকে অভিযুক্ত করিয়া সামরিক আদালতে সর্াসিভাবে অভ্যস্ত ভরিতগতিতে তাগদের বিচারকার্য করা হয়। কোন হাবসীর নিকট অন্ত্রশস্ত্র থাকিলে তাহার অপবাদের জন্য প্রাণদণ্ড দেওয়া হইতেছে। আদিস আবাবায় প্রবেশ করিবার পর ইটালীয় সৈন্যদল এই মর্মে এক ইস্তাগার প্রকাশ করেন যে, এই ইস্তাগারপত্র প্রকাশের ৩ দিনের মধ্যে হাবসীদিগকে সমস্ত অন্ত্রশস্ত্র ইটালীয় সৈন্যদের হস্তে সমর্পণ করিতে হইবে। অনেকে সে ইস্তাগারের কথা জানিতেও পারে নাই। ৯ই মে বিভিন্ন জেলায় খানাভঙ্গানী আরম্ভ হয়। তখনও পর্যন্ত মফস্বলের কেহ ঐ আদেশের কথা অবগত ছিল না। কিন্তু তাহা হইলেও তাহাদিগকে বিচারের অভিনয় করিয়া হত্যা করা হইয়াছে।

### একটি দৃষ্টান্ত

কি ভাবে এই হত্যাকাণ্ড চালান হইতেছে, তাহার একটি দৃষ্টান্ত এ স্থলে দেওয়া গেল। অষ্ট্রিয়ান ব্যাঙ্কার হার আডেল বেলজিয়ান দূতাবাসের এলাকায় বাস করিতেন। ৯ই মে ২৬শে বৈশাখ তিনি বাসায় ফিরিয়া আসিয়া দেখেন যে, ইটালীয় সৈন্যগণ তাহার সমস্ত হাবসী ভৃত্যকে ধরিয়া লইয়া গিয়াছে। তিনি আর বিলম্ব না করিয়া সামরিক শাসনকর্তার নিকট যাইয়া তাগকে তাহার ভৃত্যদিগকে ছাড়িয়া দিতে বলেন। তাগকে তাহার পরদিন যাঁতে বলা হয়। পরদিন প্রাতে তিনি যাইয়া শুনিলেন যে, ইটালীয় সৈন্যরা তাহার ভৃত্যদিগকে গুলী করিয়া মারিয়া ফেলিয়াছে। ভৃত্যদিগের মধ্যে কেহ কেহ হার আডেলের নিকট গত ২০ বৎসর ধরিয়া কাষ করিয়াছিল। হাকামার সময় তাহার তাহার বাসগৃহ রক্ষা করিয়াছিল। ইটালীয় ইস্তাগারের কথা তাহার কিছুই অবগত ছিল না বলিয়া মনে হয়। ইহাতে বিচার করিয়া কিরূপ ভাবে হাবসীদিগকে খুন করা হইতেছে, তাহা বুঝা যাইবে। ইটালী ঐ দেশে উপনিবেশ স্থাপন করিবে, সুতরাং তথায় হাবসী থাকে,—ইহা তাগদের অভিপ্রেত নহে বলিয়া মনে হয়। হাবসী ব্যবহারাজীব মিষ্টার অটো আডেরা এই যুদ্ধের পূর্বে বিশেষ বিচারালয়ে মামলায় কতকগুলি ইটালীয় প্রজার প্রতিকূল পক্ষে দাঁড়াইয়াছিলেন। তিনি ছিলেন এক জন দেশপ্রেমিক। গত ২৪শে বৈশাখ এক দল ইটালীয় সৈন্য তাহাকে হত্যা করিয়াছে বলিয়া সংবাদ আসিয়াছে।

কিন্তু যাইতেছে যে, হাবসীদিগের উত্তর-বংশোদ্ভূত সেনাপতি ডেভ্রাসমাচ আইলডাক দুই শত সৈন্যসহ মার্শাল বোগাডিলিওর কবে আত্মসমর্পণ করিয়াছেন। আবির্গিয়া হইতে ৩ শত যুবোপীয়কে বিতাড়িত করা হইবে প্রকাশ পাইয়াছিল। সংবাদপত্রের অনেক সংবাদনাতাকেও বহিষ্কৃত করা হইয়াছে। বিখ্যাত সাংবাদিক মিষ্টার স্ট্রায়কে আবির্গিয়া হইতে বহিষ্কৃত করা হইয়াছে।

আদিস আবাবাতে হাবসীদিগকে এলোপাতাড়িভাবে খুন করা হইতেছে বলিয়া যে সংবাদ প্রকাশিত হইয়াছিল, ইটালীয় সরকার তাহা অস্বীকার করিয়াছেন। তাহার বলিয়াছেন যে, যাহারা লুণ্ঠরাজ করিয়াছিল, কেবলমাত্র তাহাদিগকেই খুন করা হইয়াছে। অবশ্য একটা বিচার বা বিচারের অভিনয় করা হইয়াছে, তাহা সত্য। কিন্তু অষ্ট্রিয়ান ব্যাঙ্কার হার আডেলের বিশ্বস্ত ভৃত্যগণকে



সেনর মুসোলিনী



মার্শাল বাডোগ্লিও

যে ভাবে হত্যা করা হইয়াছে, তাহাতেই আসল ব্যাপারটা সুপ্রকাশ।

### আবির্গিয়ায় ইটালীর উপনিবেশ

সেনর মুসোলিনী তাহার নববিজিত আবির্গিয়া রাজ্যকে ইটালীর উপনিবেশে পরিণত করিবার জন্য মনে মনে সঙ্কল্প ধাৰ্য্য করিয়া বসিয়াছেন। তিনি হুকুম দিয়াছেন যে, যে সকল ইটালীয় যুবক আবির্গিয়া জয় করিবার জন্য ঐ অঞ্চলে প্রেরিত হইয়াছেন, —তাঁহারা আর দেশে ফিরিতে পারিবেন না। তাহাদিগকে ইথিওপিয়াতেই বসবাস করিতে হইবে। মুসোলিনী তাহাদিগকে জমি দিবেন,—বসবাসের ব্যবস্থা করিয়া দিবেন, এবং দেশ হইতে গৃহিণী পাঠাইয়া দিবেন। যাহাদিগের গৃহিণী আছে, তাহাদিগকে ত বিনা ভাড়ায় লাহাজে করিয়া তাহাদের নিকট পাঠাইয়া দিবেনই, অধিকন্তু যাহাদিগের পরস্পর বিবাহের কথাবার্তা হইতেছিল, তাহাদিগকেও ইটালী হইতে আবির্গিয়ায় পাঠাইয়া দেওয়া



হইবে। কথাবার্তার শেষ পরিণাম কি দাঁড়াইত, তাগা আর বিবেচনা করিয়া দেখা হইবে না। তাহাদিগকেও এই শৈব শাসকদিগের নির্দেশ অনুসারে বাধ্য হইয়া পরস্পর পরস্পরকে বিবাহ করিয়া ঘরসংসার করিতেই হইবে। আর বাগানের বিবাহ হয় নাই,—বিবাহ হইবার কথাও হয় নাই,—কাহারও সহিত

হইবে, তাহার ঠিক নাই। তবে ভঙ্গী দেখিয়া মনে হইতেছে,— সরকার পক্ষ হইতে যাহাকে যাহার সহিত গাঁট-ছড়া বাঁধিয়া দিবেন, তাঁহাকে সম্বলিত হইয়া তাঁহার সহিত ঘরকন্না করিতে হইবে। অর্থাৎ দাম্পত্য-বন্ধনে বদ্ধ হইবার জন্ত পাজাপাজ বিবেচনা করিবার স্বাধীনতা দেওয়া হইবে না। দেশের ক'ষের দোহাই



হাবসী সম্রাট



হাবসী সম্রাজ্ঞী



হাবসী যুবরাজ



বাস কাসা

প্রমালাপও হয় নাই,—তাহাদিগের জন্ত দলে দলে নারী জাহাজ-বন্দী করিয়া হাবসী রাজ্যে পাঠাইয়া দেওয়া হইবে। এই সকল খ্রী-বেঞ্জিমেন্টের সহিত পুরুষ বেঞ্জিমেন্টের লোকেরা পরস্পর প্রণয়লাপ এবং প্রেম-প্রতিযোগিতা করিয়া পরস্পর পরস্পরের সহিত মাল্য বদল করিবেন, না সরকারী লোক যাহার সহিত যাহাকে গাঁধিয়া দিবেন, তাঁহাকে তাহা লইয়াই সম্বলিত হইতে

হইবে, তাহার ঠিক নাই। তবে ভঙ্গী দেখিয়া মনে হইতেছে,— সরকার পক্ষ হইতে যাহাকে যাহার সহিত গাঁট-ছড়া বাঁধিয়া দিবেন, তাঁহাকে সম্বলিত হইয়া তাঁহার সহিত ঘরকন্না করিতে হইবে। অর্থাৎ দাম্পত্য-বন্ধনে বদ্ধ হইবার জন্ত পাজাপাজ বিবেচনা করিবার স্বাধীনতা দেওয়া হইবে না। দেশের ক'ষের দোহাই দিয়া ইটালীতে নারী সংগ্রহ করাও হইতেছে। আড়কাঠিও বোধ হয় ঘূঁরতে ছ। এ দিকে কিছু যুবক দলকে দেশে ফিরিতে দেওয়া হইবে না শুনিয়া তাহারা অতিশয় রুষ্ট এবং অসন্তুষ্ট হইয়া উঠিতেছে। সংবাদ আসিয়াছে যে, ইটালীর, বিশেষতঃ উত্তর-ইটালীর শ্রমিক এবং সৈনিক পরিবারবর্গের মধ্যে অতিশয় ভয় উপস্থিত হইয়াছে। আবার শুনা যাউতেছে, যে সকল সৈনিক আবিসিনিয়া বিজয়ের জন্ত প্রেরিত হইয়াছে, তাহাদিগের ফিরিয়া আসিবার ছাড়-পত্র সম্বন্ধে কড়া নিয়ম জারি হইয়াছে বলিয়া গুজব রটিয়াছে যে, ঐ সকল সৈনিককে আর দেশে ফিরিয়া আসিতে দেওয়া হইবে না। সরকারপক্ষ বলিতেছেন যে, তাঁহারা শৃঙ্খলাক্ষার জন্ত কতকগুলি নূতন বিধি মাত্র জারি করিয়াছেন। এই জনরব উদ্ভবের কারণ যাহাই হউক না কেন, ইহার ফলে ইটালীর শ্রমিক মহলে যে চাঞ্চল্য এবং বিক্ষোভ জন্মিয়াছে, তাহা দমন করিবার জন্ত ফ্যানিষ্ট কর্তৃপক্ষকে যে বিশেষ বেগ পাইতে হইতেছে এবং এই উপলক্ষে কতকগুলি লোককে গ্রেপ্তার করা হইতেছে ও হইয়াছে, এই সংবাদ হইতেই তাহা জানা যায়। নারী-প্রেরণের সংবাদটাও কি মিথ্যা?

ইথিওপিয়ায় ইটালী উপ-নিবেশ প্রতিষ্ঠার জন্ত অর্থও যথেষ্ট সংগ্রহ হইতেছে। রোম হইতে প্রাপ্ত সংবাদপাঠে জানা গিয়াছে যে, সিনেটার জেসপি আবিসিনিয়ার উন্নতিসাধন করিবার জন্ত মুসোলিনীর হস্তে ১০ লক্ষ লীরা দিয়াছেন। মুসোলিনী বলিতেছেন যে, তিনি আবিসিনিয়ার উন্নতিসাধনের জন্ত আবশ্যক ব্যবস্থা করিতেছেন। তিনি শিল্প-সংখের সভাপতি কাউন্ট ভেলপি মিল্লারাটাকে আবিসিনিয়ার সম্পদের পরিমাণ নির্ধারণের জন্ত



অনুসন্ধান আরম্ভ করিবার কথা বলেন। আবিসিনিয়ার কুরুপ খনিজ সম্পত্তি আছে এবং তথ্য কি পরিমাণ কৃষিজ সম্পত্তি উৎপাদন করা যাইতে পারে, সে সম্বন্ধে অনুসন্ধান করা হইবে। এইবার ঐ অসভ্যের দেশকে যুরোপীয় সভ্যতার করালচক্রে আরোহণ করান হইতেছে।

ট্রিয়েষ্ট হইতে সংবাদ পাওয়া গিয়াছে যে, আবিসিনিয়ার মেঘলী অঞ্চল হইতে এক চালান কফি ইটালীর ট্রিয়েষ্ট বন্দরে যাইয়া পৌঁছিয়াছে। উহাতে তিন শত টন কফি আছে। সব কফির সফ্যা বই ত নয়। কিছু দিন পূর্বে আফিস আবাবার সংবাদ হইতে জানা যায় যে, রামের শাসনকর্তা মেজর বোর্ট্রাই আফিস আবাবার শাসনকর্তৃপদে নিযুক্ত হইয়াছেন। তথ্য ফার্সিষ্ট দল গঠনের ভার ভাংসি ও ওরসিওর উপর অর্পিত হইয়াছে।

এখনও ইটালী ইথিওপিয়ার সকল স্থান অধিকার করিতে পারে নাই। অনেক অঞ্চল এখনও অনধিকৃত রহিয়াছে। তবে ইটালীধানরা বাহিরে প্রকাশ করিতেছে যে, অনধিকৃত স্থানগুলি অধিকার করা কঠিন হইবে না।

#### পরাজিত সম্রাট

এ দিকে ইথিওপিয়ার সম্রাট হাইলাস সিলাসী প্যালেটাইন হইতে দুই পুত্র, দুই কন্যা এবং সেনাপতি রাস কাসাকে সঙ্গে লইয়া

গত ২০শে জ্যৈষ্ঠ ওয়াটালু' ষ্টেশনে উপস্থিত হইয়াছেন। তথ্য বৃটিশ জাতি তাঁহাকে সম্মানে সঙ্গর্গনা করেন। বৃটিশ সরকারের পররাষ্ট্রসচিব মিষ্টার এডুনি এডেনের খাস যুক্তি অগ্রসর হইয়া প্রথমে সম্রাট হাইলাস সিলাসীকে অভিনন্দিত করিয়াছিলেন। ইহা ভিন্ন লর্ড এলেন, সার ওয়াটালু' লেটন, সার নর্থান এঞ্জেলও তথ্য উপস্থিত ছিলেন। ষ্টেশনের সান্নিধ্যে বহু লোকের সমাগম হয়। রাজপুত্রস্বয় কৃষ্ণবর্ণ পরিচ্ছদ এবং কন্যাস্বয় যুরোপীয় পরিচ্ছদ পরিয়াছিলেন। রাস কাসা এবং সম্রাট তাঁহাদের দেশীয় পরিচ্ছদ পরিয়াছিলেন। জটনক মহিলা ষ্টেশনে ইথিওপীয় পতাকা বিতরণ করেন। ঐ সকল পতাকা আন্দোলিত করিয়া জনতা সিংহাসনচ্যুত সম্রাটকে সঙ্গর্গনা করিয়াছিলেন। সম্রাট তথা হইতে প্রিন্সেস গেটে সার ইলাই কাহুরীর গৃহে গমন করেন।

#### ততাত্ত্বের সংখ্যা

হাবসী যুদ্ধে ইটালীর কুরুপ লোকস্বয় হইয়াছে, রোমে তাহার খাটি খবর বাহির করা হইয়াছে। উহাতে বলা হইয়াছে যে, ঐ যুদ্ধে ১ হাজার ০ শত ৬৬ জন ইটালীয় সৈন্য এবং ১ হাজার ৫ শত ৯০ জন ইটালীয়দলের দেশীয় সৈন্য নিহত হইয়াছে। এ সংবাদ অশ্রান্ত বলিয়া সকলে মানিয়া লইতে চাভিতেছেন না। ইটালী যখন রণজয়ী, তখন তাঁহার কথা সত্য বলিয়া মানিতেই হয়।

## মাটির মায়া

চোখ রাঙ্গিয়ে বললেম হেকে,—ওরে,—

এ পৃথিবীর সবই শুধু ফাঁকা ;

করিস্ যদি শান্তি-সুখের আশা—

শুঁজিস্ নে কো মায়ায় যাহা ঢাকা !

অবুঝ এ মন বুঝ মানে না মোর,

ভয়ে ভয়ে বললো অতি ধীরে,—


হোক না ফাঁকা, তবু যে ভাই একে

প্রাণের চেয়েও ভাল বেসেছি রে !

শ্রীগিরিজাশঙ্কর চট্টোপাধ্যায় ।



## স্মৃতি-সৌধ




### আকবরের সমাধি

আগ্রার কথায় লোকের মনে স্বভাবতঃই অনিন্দ্যসুন্দর স্থাপত্যকৌশলী তাজমহলের স্মৃতি উদ্ভিত হয়। কালিন্দীর কূলে সম্রাট সাহজাহানের পত্নীপ্রেম যে সৌধে মূর্তি গঠন করিয়া কালজয়ী সৌন্দর্য্য সৃষ্টি করিয়াছে, তাহার খ্যাতি আগ্রার সান্নিধ্যে অবস্থিত আর সব স্মৃতি-সৌধের খ্যাতি মান করিয়া দিয়াছে। সে সব সৌধ তাজমহলের তুলনায়—

এবং লাহোরে জাহাঙ্গীরের সমাধি-সৌধ—এ সবই বহি তাজমহল রচনা সম্ভব ও সহজ করিয়া দিয়াছিল। হুমায়ূনের সমাধিসৌধে যে পৌরুষের ভাব দেখা যায়, তাহাই কমনীয়তায় পরিণতি লাভ করিয়া তাজমহলে অবিসল সৌন্দর্য্যের সৃষ্টি করিয়াছে।

আকবরের স্মৃতিসৌধের গঠন-পদ্ধতি স্বতন্ত্ররূপ—ইহার সহিত মোগলদিগের স্থাপত্যের আর কোন নিদর্শনের সাদৃশ্য নাই; কেবল আকবরের পরিত্যক্ত রাজধানী ফতে-পুর সিক্রীর “পাঁচ মহলের” যে কিছু সাদৃশ্যাত্মকতা করা যায়। উভয় সৌধই সম্ভবতঃ বৌদ্ধ সৌধের আদর্শে কল্পিত হইয়াছিল। মহাবল্লীপুরের বথগুলির সহিতই ইতাদিগের সাদৃশ্য সুস্পষ্ট অঙ্ক-ভূত হয়।

আগ্রা হইতে পাঁচ মাইল দূরবর্তী সিকন্দ্রা নামক গ্রামে আকবরের সমাধিসৌধ অবস্থিত। ভারতবর্ষের মুসলমান নৃপতিদিগের মধ্যে মোগল-দিগের পূর্ববর্তী সিকন্দর লোদীর নামানুসারে এই গ্রামের নামকরণ হইয়াছিল।



মহাবল্লীপুরের বথ

পূর্ণিমার পূর্ণচন্দ্রের নিকট উজ্জল তারকার মতই প্রতীয়মান হয়। কিন্তু এমন মনে করিবার কারণ আছে যে, এই সব স্মৃতি-সৌধ রচনায় যদি স্থপতিদিগের রচনাকৌশলের অমূল্যলন না হইত, তবে হয় ত তাজমহল রচনা সম্ভব হইত না। দিল্লীতে হুমায়ূনের সমাধি-সৌধ, আগ্রার উপকণ্ঠে আকবরের স্মৃতি-সৌধ ও হুরজিহানের পিতার সমাধি-সৌধ

আগ্রা হইতে যে রাজপথ সামরিক প্রয়োজনে বাবর কর্তৃক কল্পিত ও তাহার পরবর্তী মোগল সম্রাটদিগের দ্বারা সমাপ্ত হইয়াছিল, সেই পথে যাইলে পথের পার্শ্বে এখনও ক্রোশ-চিহ্নস্বস্ত (‘‘কোশ মিনার’’) দেখা যায়। এই পথে যাইতে পথেই কতকগুলি ঐতিহাসিক ধ্বংসাবশেষ লক্ষিত হয়। প্রথমেই পুরাতন নগরপ্রাচীরের দিল্লীদ্বার

উল্লেখযোগ্য। সমগ্র নগর কি ভাবে প্রাচীর-পরিবেষ্টিত থাকিত, তাহার পরিচয় এখনও দিল্লীতে পাওয়া যায়। হয় ত কিছু দিন পরে সে পরিচয় নিশ্চিহ্ন হইয়া মুছিয়া যাইবে— কারণ, সাহজাহানের দিল্লীর এই ঐতিহাসিক অবশেষও নষ্ট করিয়া সহরের প্রসাররুদ্ধির প্রস্তাব হইয়াছে।

ইহার পর প্রায় এক মাইল পথ অতিক্রম করিলে একটি প্রাচীর-পরিবেষ্টিত স্থান লক্ষিত হয়। আকবরের প্রধান মন্ত্রী ও চরিতকার আবুল ফজলের ভগিনী লাডনী বেগমের নামানুসারে ইহার নামকরণ হইয়াছে। এই স্থানে পূর্বে লাডনী বেগমের, তাহার পিতা শেখ মোবারকের ও জ্যেষ্ঠ ভ্রাতা ফৈজীর সমাধি ছিল। কিন্তু বহু বর্ষ পূর্বে বৃটিশ সরকার ইহা বিক্রয় করেন। মথুরার কোন ধনী ব্যবসায়ী (লক্ষীচাঁদ শেঠ) ইহা কিনিয়া সমাধিসৌধগুলি ভাঙ্গিয়া ফেলিয়া লব্ধ উপকরণে একটি গৃহ নিশ্চিত করান। প্রবেশদ্বারের সম্মুখে একটি প্রকাণ্ড “বাড়ী” বা কূপগৃহ ছিল—আগ্রার এই অঞ্চলে আর এত বড় কূপগৃহ ছিল না। তাহাও বুজাইয়া দেওয়া হইয়াছে। এ দেশে হিন্দু ও বৌদ্ধদিগের অনেক মন্দির ও মূর্তি প্রভৃতি মুসলমান শাসক ও সামরিক কর্মচারীদিগের দ্বারা বিকৃত ও বিভগ্ন হইয়াছিল। কিন্তু ইহা যদি বর্ধরতার পরিচায়ক হয়, তবে এই বর্ধরতা হইতে এ দেশে ইংরেজরা যে অব্যাহতি লাভ করেন নাই, তাহা ইংরেজরাই স্বীকার করিয়াছেন। উড়িষ্যায় যাজপুরে মুসলমানদিগের দ্বারা হিন্দুমূর্তি ও মন্দির ভাঙ্গিয়া সেই উপকরণে মসজিদ নিৰ্মাণের কথা বলিয়া ঐতিহাসিক হান্টার বলিয়াছেন—

“But it was reserved for the English to put the finishing-stroke of ruin to the royal and sacred edifices of Jajpur.”

ইংরেজ সরকারের পুস্ত বিভাগ প্রাসাদের অবশেষ ভাঙ্গিয়া সেই প্রস্তরে সেতুনিৰ্মাণ করিয়াছিলেন।

লর্ড কার্জন বলিয়াছেন, দীর্ঘকাল ইংরেজরা এই বিষয়ে বর্ধরোচিত ব্যবহার করিয়াছেন (“How strongly the barbarian dominated the aesthetic in the official mind, may be shown by incidents that from time to time occurred”) লর্ড উইলিয়াম বেটিক যখন ভারতের বড়লাট, তখন মর্ধর-প্রস্তর বিক্রয় করিয়া

অর্থলাভের জন্ত তাজমহল ভাঙ্গিয়া ফেলিবার সম্ভাবনা ঘটয়াছিল। তিনিই আগ্রায় সাহজাহানের প্রাসাদের মর্ধর-নিৰ্মিত স্থানের জলাধার নীলামে বিক্রয় করাইয়াছিলেন। এই জলাধার চতুর্থ জর্জকে উপহার দিবার জন্ত লর্ড হেষ্টিংস স্থানান্তরিত করিয়া রাখিয়াছিলেন; কিন্তু ঘটনাচক্রে বিলাতে প্রেরিত হয় নাই। সিকান্দ্রায় আকবরের সমাধিসৌধবেষ্টন উদ্যান একজিকিউটিভ এঞ্জিনিয়ারকে চাষের জন্ত ভাড়া দিবার প্রস্তাব হইয়াছিল। ১৮৫৭ খৃষ্টাব্দে সিপাহী-বিদ্রোহের পর দিল্লীর জুমা মসজিদ ভাঙ্গিয়া ফেলিবার প্রস্তাব হইয়াছিল,—কেবল সার জন লরেন্সের প্রতিকূলতায় সে প্রস্তাব কার্যে পরিণত করা হয় নাই। তাহারই প্রতিবাদ-হেতু ১৮৫৮ খৃষ্টাব্দে সাঁচীর ভোরণ রক্ষা পাইয়াছিল। আলিগড়ে মিউনিসিপ্যালিটির কায়ে ও কতকগুলি দোকানঘর নিৰ্মাণ জন্ত ৬ শত বৎসরেরও অধিক কালের পুরাতন একটি স্তম্ভ নষ্ট করা হয়; অথচ দোকানঘরগুলি নিৰ্মাণের পর কখন ভাড়া দেওয়া হয় নাই! তৎকালীন বড়লাটের গমন-পথে ভোরণ নিৰ্মাণের জন্ত আজমীরে মসজিদের কয়টি ভাস্করকার্যস্থল নষ্ট ভাঙ্গিয়া ফেলা হইয়াছিল। এই সব ইংরেজকে লর্ড কার্জন মহাপাপী বলিয়াছেন (“I must confess that I think these individuals have been, and within the more restricted scope now left to them, still and inveterate sinners.”) লর্ড কার্জনের বহু পূর্বে স্থপতিবিদ্যা বিধারন যাগুর্সন এ দেশে ইংরেজের এই সব কার্যের নিন্দা করিয়াছিলেন। কিন্তু তাহাতে যে কোন ফল ফলিয়াছিল, তাহা বোধ হয় না। তাহার কারণ, যে মনোভাব লইয়া এই সব ইংরেজ—বড়লাট হইতে এঞ্জিনিয়ার পর্যন্ত—কাষ করিয়াছেন, সেই মনোভাবে এ দেশের লোকের ও তাহাদিগের পুরাকীর্তির প্রতি শ্রদ্ধার স্থান নাই। যে ধৈর্য্য ও সঙ্গীর্ণতা ও দস্ত হেতু লর্ড মেকলে বলিয়াছিলেন, প্রাচীর সমগ্র সাহিত্যও ইংরেজের পুস্তকাগারের একটি আলমারীর একটিমাত্র তাকের পুস্তকের সহিত তুলিত হইতে পারে না, সেই সঙ্গীর্ণতা ও দস্তই এই সকল ইংরেজকে এ দেশের পুরাকীর্তিরক্ষায়—সত্য জাতিমাত্রেই কর্তব্যে অনবহিত করিয়াছিল।

লর্ড কার্জন এ দেশে পুরাকীর্তি রক্ষার্থে যে আইন বিধিবদ্ধ করেন, তাহার পূর্বে কত কীর্তি লোপ পাইয়াছে, কে

তাহা বলিতে পারে? ইসলামাতিরিক্ত ধর্মদেবী ঔরঙ্গজেবের কুকীর্্তি যেমন বন্দাবনে গোবিন্দজীর ভগ্নলীর্ষ ও মদন-মোহনের ত্যক্ত মন্দিরে এবং বারাণসীর বক্ষে বিখ্যাতের মন্দিরের স্থানে নিশ্চিত মসজিদে সপ্রকাশ—তেমনই ইংরেজের পুরাবস্তু-ধ্বংসকারী কার্য্য নানা স্থানে দেখিতে পাওয়া যায়। ঔরঙ্গজেব ইসলামাতিরিক্ত ধর্মের প্রতি বিদ্বেষ-বশে যে কাণ্ড করিয়াছিলেন, ইংরেজরা ইংরেজাতিরিক্ত

ইনি—মিরিয়ম জামানী। ইনি আকবরের অন্ততমা পত্নী ছিলেন। ইনি কোন্ জাতীয়া ছিলেন, সে সম্বন্ধে মতভেদ আছে। তবে প্রচলিত মত, ইনি খৃষ্টানবংশে জন্মগ্রহণ করিয়াছিলেন এবং বাদশাহের উপর এই সুন্দরীর যথেষ্ট প্রভাব পাকায় আকবর খৃষ্টদেবতার পূজাকে কোনরূপে উৎসাহিত করিতেন না। কিছু দিন পূর্বে একখানি চিত্র পাওয়া যায়, এবং সেখানি আকবর ও মিরিয়ম



আকবর ও তাঁহার পৃষ্ঠান পত্নী

জাতির প্রতি শ্রদ্ধাবুদ্ধির অভাবহেতু তাহাই করিয়াছিলেন : কল একই হইয়াছে।

লাডলী বেগম দিল্লীর প্রসিদ্ধ পীর সেলিম চিস্তির বংশধর ইসলাম গার পত্নী ছিলেন—তাহার স্বামী জাহাঙ্গীরের রাজত্বকালে বাঙ্গালার শাসক হইয়াছিলেন : ১৬০৮ খৃষ্টাব্দে অর্থাৎ তাহার স্বামীর মৃত্যুর পাঁচ বৎসর পূর্বে লাডলী বেগমের মৃত্যু হয়।

এই স্থানে আকবরের সমাধি-সৌধের নিকটে অবস্থিত স্থান এক জন মহিলার শেষ-শয়নস্থানের উল্লেখ করিব।

বেগমের বলিয়া কেহ কেহ মত প্রকাশও করিয়াছিলেন। চিত্র-খানি পুরাতন হইলেও চিত্রে চিত্রিতা রমণীই মিরিয়ম কি না, তাহা নিশ্চয় বলা যায় না। মোগল বাদশাহ যে তাহার পত্নীর চিত্র অঙ্কিত করিতে দিবেন, ইহাও মনে হয় না। তবে মোগল-শুদ্ভাস্ত্রে মহিলারা যে কেহ কেহ চিত্রাঙ্কন-কৌশলের অমুশীলন করিয়াছিলেন, তাহা যদি সত্য হয়, তবে ইহা তাহাদিগের কাহারও অঙ্কিতও হইতে পারে। দিল্লীর সিঁক্রীতে ও মিরিয়মের মহল বলিয়া

একটি মহল দেখান হয়। সে যাহাই হউক, যে স্থানে এই সমাধি বিদ্যমান, তাহাই সম্রাট সিকন্দর লোদীর গ্রীষ্মাবাস বা বারদ্বারী ছিল। ইহা ১৪২৫ খৃষ্টাব্দে তাহার দ্বারা নিশ্চিত হয়। এই দ্বিতল গৃহ লোহিত বালু-প্রস্তরে নিশ্চিত এবং আগার অত্যন্ত পুরাতন গৃহগুলির অন্ততম। সেকেন্দর লোদীই, বোধ হয়, প্রথম আগায় মুসলমাননগর প্রতিষ্ঠা করেন।

এই উদ্যান হইতে অনতিদূরে কান্দাহারী বাগে শাহজাহানের প্রথম পত্নী—কান্দাহারী বেগমের সমাধি।



ইনি পারস্যের রাজবংশীয় মুজাফ্ফর হোসেনের চহিতা ছিলেন।

ইন্দ্রনীলমণিনীলজলবেণীরমা। কালিন্দীর কূলে মন্ডরে রচিত প্রেমস্বপ্ন তাজমহল যেমন সাহজাহানের আর সব সৌধের সৌন্দর্য্য গ্লান করিয়াছে, তেমনই তাঁহার যে পত্নীর জন্ম সেই সমাধিসৌধ নিশ্চিত হইয়াছিল, তাঁহার গৌরব সাহজাহানের আর সব পত্নীর গৌরব এমন মলিন করিয়াছে যে, ইতিহাসেও আজ আর তাঁহাদিগের সন্ধান পাওয়া চক্কর। তাঁহারা যেন ইতিহাসের উপেক্ষিতা। কান্দাহারী বেগমের সম্বন্ধে তাহাই বলা যাইতে পারে। সাহজাহানের মমতাজের প্রতি আনুরক্তি ও তাঁহার বিয়োগে শোকের কথা সমসাময়িক ঐতিহাসিকরা লিপিবদ্ধ করিয়া গিয়াছেন এবং তাজমহলই পতিপত্নীর সেই প্রেমকে কাবোর বিষয় করিয়াছে। ১৬১২ খৃষ্টাব্দে সাহজাহানের সহিত মমতাজের বিবাহ হয়। তখন সাহজাহান পুরাম নামে পরিচিত। তখন তাঁহার পত্নী কান্দাহারী বেগম জীবিত। তবে মমতাজই সাহজাহানের—“গৃহিণী সচিব স্বামী” ছিলেন এবং তাঁহারই গর্ভে সাহজাহানের ১৪টি সন্তান হয়—শেষ সন্তানটি প্রসব করিবার পরই তাঁহার মৃত্যু হয়। তখন সম্রাট গা জাহান লোদীর সহিত যুদ্ধ করিতে যাইয়া বুরহানপুরে শিবির-সন্নিবেশ করিয়াছিলেন এবং মমতাজও তাঁহার সঙ্গে ছিলেন।

কান্দাহারী বেগমের মৃত্যু-কাল ও মৃত্যুর কারণ জানা যায় না এবং তাঁহার সমাধি-সৌধও প্রসিদ্ধি লাভ করিতে পারে নাই।

পথে আর একটি দ্রষ্টব্য বস্তু আছে—লালপাতরে ক্ষোদিত একটি পূর্ণাঙ্গ অশ্বমূর্তি। এই বিস্ময়কর বস্তুর ইতিহাস পাওয়া যায় না এবং ঔরঙ্গজেবের মূর্তিধ্বংস যে

ইহাকে নষ্ট করে নাই, তাহাও বিস্ময়ের বিষয়। জীবের প্রতিকৃতি পটে বা প্রস্তরে রচনা ইসলামের নির্দেশ-বিরুদ্ধ বলিয়া ঔরঙ্গজেবের আদেশে বা তাঁহার সম্বোধবিধানের জন্ম বহু শিল্পকীর্তি নষ্ট করা হইয়াছিল। লকউড কিপলিং লিখিয়াছেন—

“You may hear, when going over palaces in Rajputana, of elaborate carvings in stone, which on a threatening hint from the iconoclastic court at Delhi, were hastily covered up with plaster.”

এই অশ্ব সম্বন্ধে দ্বিবিধ কিম্বদন্তী আছে। একটি এইরূপ :—কোন অশ্বারোহী দিল্লী হইতে আগ্রায় আসিবার সময় পথে এই স্থানে—আগ্রার উপকণ্ঠে আসিয়া কোন বুদ্ধাকে—আগ্রা আর কত দূর, জিজ্ঞাসা করেন। অশ্বারোহী যে আগ্রা কোথায় জানেন না, ইহা বিশ্বাস করিতে না পারিয়া বুদ্ধা তাঁহার জিজ্ঞাসা ব্যঙ্গ মনে করিয়া বিরক্তিভরে বলেন—“যত পথ আসিয়াছ, আর তত পথ।” এই উত্তরে শ্রান্ত অশ্বারোহী আগ্রায় উপনীত হওয়া সম্বন্ধে হতাশ হইয়া পড়েন এবং তাঁহার মৃত্যু হয়। তাঁহার স্মৃতি-রক্ষার্থ এই অশ্বের মূর্তি এই স্থানে প্রতিষ্ঠিত হয়; নিকটস্থ সমাধিটি আরোহীর।


দ্বিতীয় কিম্বদন্তী—কোন ধনী প্রিয় অশ্ব এই স্থানে নিহত হইলে তিনি এই অশ্বমূর্তি প্রতিষ্ঠা করেন। অশ্বের চালকও নিহত হইয়াছিল—নিকটস্থ সমাধি তাহার।

কোন কিম্বদন্তী সত্য কি না বলা যায় না।

অদূরে গুরু-কা-তালো; বৃহদায়তন জলাশয়—এখন শুকাইয়া গিয়াছে। এই জলাশয় ও তাহার নিকটস্থ ভগ্ন গৃহগুলি সিকন্দর লোদীর কীর্তি বলিয়া প্রকাশ।

[ ক্রমশঃ।

শ্রীহেমেন্দ্রপ্রসাদ ঘোষ।



# সাময়িক প্রথম

## কাসিমজে সূভাষচন্দ্র

গত ৬ই জ্যৈষ্ঠ (২০ মে) তারিখে সূভাষচন্দ্র বসুকে কাসিমজে তাঁহার ভ্রাতা শ্রীযুত শরৎচন্দ্র বসুর গৃহে আনিয়া তথায় আটক করিয়া রাখা হইয়াছে। শ্রীযুত শরৎচন্দ্র বসুকে যে যে সত্রে তথায় আটক রাখা হইয়াছিল, সূভাষ বাবুকে সেই সেই সত্রে তথায় আটক রাখা হইয়াছে বলিয়া প্রকাশ। গত ৮ই জ্যৈষ্ঠ



শ্রীসূভাষচন্দ্র বসু

সূভাষ বাবুকে কাঁসী এক্সপ্রেস ট্রেনে লক্ষ্মীতে লইয়া যাওয়া হইয়াছিল। তথা হইতে আমগাও প্যাসেঞ্জার ট্রেনে তাঁহাকে লইয়া যাওয়া হয়। এই সংবাদ যাহাতে পূর্বে প্রকাশ না পায়, তাহার জ্ঞান সরকারপক্ষ সাবধানতা অবলম্বন করিয়াছিলেন। কিন্তু সংবাদ পাইয়া ব্যবস্থা পরিষদের সদস্য মোহনলাল সাকসেনা প্রভৃতি সূভাষ বাবুকে দেখিবার জ্ঞান চারবাগের সেন্ট্রাল ষ্টেশনে উপস্থিত হইয়াছিলেন। তাঁহারা প্রথমে মনে করেন যে, পুলিশ তাঁহাদের আকাজকা ব্যর্থ করিয়া দিবার জ্ঞান সূভাষচন্দ্রকে অন্তর লইয়া গিয়াছে; তাই আর এক দল কংগ্রেসকর্মী লক্ষ্মী সিটি ষ্টেশনে গমন করেন। তথায় তাঁহারা দেখিতে পান যে, সূভাষ বাবু আমগাও প্যাসেঞ্জার ট্রেনের প্রথম শ্রেণীর একটি কামরায় বসিয়া আছেন। বন্দী পুলিশ তাঁহার পাহারায় নিযুক্ত। তাঁহাকে তথায় বাঁহারা দেখিয়াছিলেন, তাঁহারা তাঁহাকে দুর্বল মনে করিয়াছিলেন। শ্রীযুত শরৎচন্দ্র বসু কাসিমজে গিয়া ১৬ই জ্যৈষ্ঠ সূভাষ বসুর সহিত সাক্ষাৎ করিয়াছিলেন। বাহা ইউক, সরকার যে

তাঁহার প্রতি এটুকু অসুগ্রহ করিয়াছেন, ইহা শুধের কথা। আশা করি, এইবার সরকার তাঁহাকে মুক্তি দিয়া তাঁহার প্রতি সুবিচার করিবেন। কৃষ্ণনাসের দ্বিতীয় চিঠি প্রকাশের পর আর তাঁহাকে আটক রাখা সম্ভব হইবে না।

## বঙ্গভাষা বঙ্গভাষার নূতন নিয়ম

হাতে কাণ না থাকিলে অনেক লোক খুড়োর গঙ্গাযাত্রার উল্লেখ করে। আমাদের কলিকাতা বিশ্ববিদ্যালয়ের দেখিতেছি, হাতে কাণ নাই, তাই তাঁহারা খুড়োর গঙ্গাযাত্রারূপ বাঙ্গালা বানানের সংস্কার বা সংস্কারার্থে মন দিয়াছেন। তাঁহারা হুই আনা মূল্যের একখানা "বাঙ্গালা বানানের নূতন নিয়ম" নামধের পুস্তিকা প্রকাশ করিয়াছেন। তাহা পাঠ করিয়া আমাদের ধারণা জন্মিয়াছে যে, বিশ্ববিদ্যালয়ের কর্তাদের ধারণা এই যে, বাঙ্গালা ভাষাটা এবং বাঙ্গালা বানানটা এক তাল বেওয়ারিস ময়দা, সুতরাং যাহার সেকপ ইচ্ছা সে সেইরূপ ভাবে উগা ঠাসিতে পারে। আসল কথা, আজকাল কতক লোক বাঙ্গালাভাষা শিক্ষা করিতে না, বহু-গত বৃদ্ধিবে না,—কানেই মাতৃভাষায় তাহাদের পক্ষে লেখাপড়া করা কঠিন হয়। বিশেষ বানানের বাপারে ত' কথাই নাই। তাহাদের কল্পনাবে বাঙ্গালা বানানের একটা হেস্তনেস্ত করিবার জ্ঞান একটা চেষ্টা হইতেছে। বিশ্ববিদ্যালয় কর্তৃক প্রকাশিত পুস্তিকাপানিতে সেই কথারই আলোচনা হইয়াছে। তরুণ ভাইস-চ্যান্সেলার শ্রীযুক্ত আমা-প্রসাদ মুখোপাধ্যায় উহার ভূমিকার বলিয়াছেন যে, "বাঙ্গালা ভাষায় প্রচলিত শব্দ-সমূহের মধ্যে যেগুলি সংস্কৃত ভাষা হইতে অপরিবর্তিতভাবে আসিয়াছে, তাহাদের বানান প্রায় সুনির্দিষ্ট" সুতরাং তাঁহার কথার ভঙ্গীতে বোধ হইল, সে সকল শব্দ সংস্কৃত নহে অর্থাৎ যেগুলি দেশজ বা অজ্ঞাতমূল, বিদেশাগত অথবা সংস্কৃত বা বিদেশী শব্দের অপভ্রংশ, তাহাদের বানানে বহুস্থলে ভিন্নতা দেখা যায়, সুতরাং সেই সকল শব্দের বানানের একটা বাধা-ধরা নিয়ম করিবার কথা হইয়াছে। বিদেশাগত শব্দের অপভ্রংশের সঠিত সংস্কৃত শব্দের অপভ্রংশকে একপার্থীয়ে ফেলা কোনমতেই সম্ভব হইতে পারে না। কেন না, মাতৃষের যেমন পিতৃ-পরিচয়ের প্রয়োজন, শব্দেরও সেইরূপ পিতৃ-পরিচয়ের প্রয়োজন আছে। নতুবা শব্দের স্বরূপ নির্ণয় করা সম্ভব হইবে না। মনে করুন, বাঙ্গালা কাণ শব্দ। উহা সংস্কৃত কর্ণ শব্দ হইতে অপভ্রষ্ট হইয়া বাঙ্গালার আসিয়াছে। উহার ঐ মূর্ধণ্য গটি রাখিলে উহা যে কর্ণ শব্দ হইতে আগত, তাহার একটু পরিচয় পাওয়া যায়; কিন্তু কান বলিলে সেটা আর থাকে না। কাণ লিখিতেও যে কষ্ট, কান লিখিতেও সেই কষ্ট, তবে এই অতীতের সখক যত দূর সম্ভব ঘটাইবার প্রয়োজন কি? অনর্থক প্রচলিত ব্যবস্থাকে বিপর্যস্ত না করিলে কি বাহাছরী প্রকাশ পায় না? ইহা নাকি মধ্যম পন্থা। উত্তম পন্থা অবলম্বন করিলে, বোধ হয়, বাঙ্গালা হরণ

পূর্ণাঙ্গ লোপাপত্তি পাইবে। সুতরাং আমরা ঐ সকল অপভ্রষ্ট শব্দের বহু-বহু বদলাইয়া ফেলিবার পক্ষপাতী নহি।

বিশ্ববিদ্যালয়ের কমিটি ঠিক করিয়া দিয়াছেন যে, অহঙ্কার, ভয়ঙ্কর প্রভৃতি শব্দ অহংকার ও ভয়ঙ্কর লিখিতে হইবে। কেন অহঙ্কার ভয়ঙ্করই থাকুক না? উহাদিগকে ভাষায় অপাক্ষেপ করিলে কি লাভ হইবে? যদি কোন ছাত্র অহঙ্কার বা ভয়ঙ্কর লেখে, তাহা হইলে তাহার নম্বর কাটা যাইবে কোন্ অপরাধে? যখন সংজ্ঞাত এবং সজ্ঞাত, স্বয়ং এবং স্বয়ংভূ উভয়কেই পাক্ষেপ রাখা হইল, তখন অহঙ্কার ও ভয়ঙ্করকে বর্জন করিবার যুক্তি বিশেষ বৃক্ষিলাম না। লাইনো টাইপের 'কী বোর্ডের' দিকে দৃষ্টি রাখিয়া বানান সংস্কার করিতে গেলে তাহাতে নানা গোলযোগ ঘটিবে। বিদেশী যন্ত্রের প্রসারবুদ্ধির ও সুবিধার জ্ঞান বানান-বিভ্রাট ঘটান কখনই উচিত নহে।

আবার বানানটা উচ্চারণের অনুঘাতী করিবার জন্ত বিশ্ববিদ্যালয়ের বিভাগদিগ্গজ্জদিগের বাস্তবিক চাৰ্গিমা উঠিয়াছে। এই বিষয়ে, বোধ হয়, তাঁহারা মার্কিনের পদাঙ্ক অনুসরণ করিতে চাহেন। নকলনবিশী ছাড়া মৌলিকতার পরিচয় তাঁহারা য, কখনও বিশেষ দিতে পারিয়াছেন, তাহা মনে হয় না। কিন্তু মার্কিনীরা এমন ভাবে ভাষার পূর্ববর্তী ব্যবস্থার সহিত সর্বসম্বন্ধ বিচ্ছিন্ন করিয়া শব্দের পরিবর্তন কবেন নাই। মার্কিনেরা although স্থানে altho লেখেন বটে, কিন্তু through স্থানে throo লেখেন না বা enough এর স্থানে উচ্চারণের অনুরোধে enuff লেখেন না। আমাদের বিশ্ববিদ্যালয়ের বিভাগাগীর্ণগণ তাহা মানিবেন না। তাঁহারা পূর্বভাগের সহিত সম্বন্ধ ছেদনের জগ্জট ব্যস্ত। ঢাক এই কথাটি কোন কোন অঞ্চলের লোক ডাক এইরূপ উচ্চারণ করে। আমাদের এই অঞ্চলের এক জামাই ঐ অঞ্চলে গুরবাজীতে গিয়াছিলেন। পূজার সময় ঢাকের বাগ্জ গুনিয়া জামাই তাহার জালককে জিজ্ঞাসা করেন, ঢাক বাজে কোথায়? তখন উভয়ের ঢাক শব্দের উচ্চারণ লইয়া তক উপস্থিত হয়। গুরকে মধ্যস্থ মানা হয়। শব্দ বলেন, ও ঢাক বললেও হয়, ডাক বললেও হয়। অনেক স্থলে লেখে শাক, বলে হাগ। এখন বানানটা কাহাদের উচ্চারণগুগ হইবে? অল্প আর এক অঞ্চলের বঙ্গবাসীরা 'দ্বীর' লেখেন, কিন্তু উচ্চারণ করেন দ্বীয়েব। তাঁহারাও বাঙ্গালী। বানানটা তাঁহাদের উচ্চারণ অনুঘাতী না হইয়া কলিকাতার নিকটবর্তী স্থানের অনুঘাতী বা পিরালিদের মত কব হইবে কেন? ইহার যুক্তি কি? আমরা লিখি 'সেকরা,' পড়ি সাকরা। অনেক স্থলে সেখরাও পড়ে। অনেক স্থলে লেখে বাণ, পড়ে বাপ। সুতরাং আমরা বিশ্ববিদ্যালয়ের এই বিদ্যুটে প্রস্তানের সমর্থন করি না। ও অক্ষরকে লক্ষ্য করিয়া কিছুদিন পূর্বে বাঙ্গালী কবি লিখিয়াছিলেন—

“মাথায় পাকড়ি সার, ত্রীফলেস ব্যাগিষ্ঠার

ক বর্গের পঞ্চমবর্ণ ওরে আমার।”

বিশ্ববিদ্যালয়ের কৃপায় ও এয়ার অনেক client পাইলেন। বাঙালি তাহার client হইল; সঙ্গে সঙ্গে আঙুল ও রঙ আদিয়া ওর পশার জাঁকাইয়া তুলিল।

বিশ্ববিদ্যালয়ের পুস্তিকার লেখা হইয়াছে—ইয়া, উয়া প্রত্যয়ান্ত কতকগুলি শব্দের চলিত (ও আধুনিক সাধু) রূপ এই প্রকার

হইবে; এক ঘরে, জাট, কটমটে ইত্যাদি। তাহার পর লেখা হইয়াছে যে, উপাস্ত্য বর্ণে ও-কার ধনি বুঝাইবার জন্ত বিকল্পে উর্ধ্ব কমা দেওয়া যাইতে পারে। যথা এক ক'রে জ'লো। যদি সেই বিকল্পের ব্যবস্থাই রাখিতে হইল, তাহা হইলে অহঙ্কার, ভয়ঙ্কর কি অপরাধ করিল?

কমিটি ধায়া করিয়া দিয়াছেন, “ইংরেজির st স্থানে নূতন সংযুক্তবর্ণ স্ট বিধেয় যথা স্টেশন।” কিন্তু অনভ্যস্ত চক্ষু ত সেটেশন পড়িবে। কেবল লাইনো টাইপের কী বোর্ডের দিকে দৃষ্টি রাখিয়া এইরূপ ব্যবস্থা করিলে যে সমস্ত বাঙ্গালী জাতির লিখিবার এবং পড়িবার ঘোর অসুবিধা ঘটিবে, তাহা নহে, তাহাদের চক্ষু এই প্রকার লেখা পড়িতে অভ্যস্ত হইলে আর তাঁহারা পুরাতন বানানে ছাপা পুস্তকাদি পড়িতে পারিবেন না। বিশ্বপঞ্জিতদিগের কমিটি সে কথা ভাবিয়া দেখিয়াছেন কি? এখন কি লাইনো টাইপের অনুরোধে পূর্ববর্তী সাহিত্যের সহিত সম্বন্ধ বিচ্ছিন্ন করিতে হইবে? এ কি অন্যায়!

এর স্থানে বিশ্ববিদ্যালয় নূতন চিহ্ন ব্যবস্থার বিধান দিয়াছেন। একে উনপকাশ বলাইয়া আমরা ব্যক্তিবাস্ত, তাহার উপর আবার নূতন চিহ্ন। ইহাট কি তাঁহাদের উনপকাশ বাস্ত প্রকোপ ঢাকিবার ব্যবস্থা?

বাঙ্গালার বহু ভদ্র যুবক এখন কম্পোজের কাষ—বাঙ্গালী অক্ষর প্রস্তুতের কাষ করিয়া অন্নসংস্থান করিতেছেন। যে সকল তথাকথিত জাতীয়তাবাদী সংবাদপত্র বাঙ্গালার বেকারসমস্যা-সমাধানের জগ্জ অতিমাত্রায় ব্যাকুল কুটীরশিল্প প্রসারের জগ্জ বাঁহাদের চেং অশ্রবলা বহিয়া যায়, তাঁহারা এই সকল শিক্ষিত যুবককে উপার্জনে বঞ্চিত করিবার জগ্জ বিদেশী যন্ত্র প্রচলনে বিদেশের সম্পদবুদ্ধির জগ্জ বাস্ত হইয়াছেন। গুরুণ ভাইসচ্যান্সেলারের নেতৃত্বে কলিকাতা বিশ্ববিদ্যালয়ও কম্পোজের যন্ত্র প্রতিষ্ঠান সুবিধা করিয়া দিবার জগ্জ নিরঞ্জন ক্ষমতা প্রয়োগ করিতেছেন দেখিয়া আমরা অত্যন্ত বিস্মিত হইয়াছি। লাইনো মেশিনে কম্পোজের অনুরোধে বাঙ্গালী বানানের পরিবর্তনে সচেষ্ঠ না হইয়া তাঁহারা প্রচলিত বানান অনুসারে মেশিনের ছাঁট করাইবার প্রচেষ্টা করিলে তাঁহাদের প্রয়াস সার্থক হইতে পারিত। যে বিশ্ববিদ্যালয়লক শিকার কলে অন্নসংস্থান হয় না—বেকার—উমেদারের সংখ্যা দিন দিন প্রবৃদ্ধিত হইতেছে—সেই বিশ্ববিদ্যালয়ের কর্তৃপক্ষের পক্ষে বানান সংস্কারের নামে সাহিত্য-সংস্কারের অন্তরালে বিদেশী বণিকের সম্পদবুদ্ধির সহায়তার প্রচেষ্টা—সঙ্গে সঙ্গে বহু ভদ্রপরিবারের অন্নহানির প্রয়াস—বেকারসমস্যাবুদ্ধির উজম যে উচ্চ প্রশংসার যোগ্য, তাহাতে সন্দেহের অবকাশ নাই।

## বঙ্গে জুড়িয়া

আজ সারা বাঙ্গালী জুড়িয়া অন্নহীনের আন্তনাদ উঠিতেছে প্রথমে বর্ধমান, বাকুড়া, বীরভূম প্রভৃতি জেলা হইতে ক্ষুধিতের আন্তনাদ উপিত হইয়াছিল, এখন দেখা যাইতেছে, এই হাহাকার বাঙ্গালার প্রায় সর্বব্যাপী। এখন ২৪ পরগণা, নদীয়া, যশোহর, খুলনা, হুগলী প্রভৃতি জেলা হইতে দাক্ষণ উদ্বৈগজনক সারাণ পাওয়া যাইতেছে। ভদ্রসন্তানদিগের মধ্যে অনেকেই যুৎ

কাটিলেও মুখ ফুটিয়া কোন কথা বলিতে পারিতেছেন না। প্রায় ৩০ বৎসর পূর্বে সুবী রমেশচন্দ্র দত্ত বলিয়াছিলেন যে, বাঙ্গালার চিরস্থায়ী বন্দোবস্ত আছে বলিয়া বাঙ্গালায় দুর্ভিক্ষ অদিক হয় না। আজ বাঙ্গালীর ছেলে সেই চিরস্থায়ী বন্দোবস্তের উপর কুবুদ্ধির বোঝা হস্ত। এ দিকে দুর্ভিক্ষও বাঙ্গালায় যেন জাঁকিয়া বসিয়াছে। গত তিন বৎসরকাল বাঙ্গালাদেশে নিয়মিতভাবে এবং পর্যাপ্ত পরিমাণে বারিপাত হয় নাই, -সেজগৎ অজন্মা হইয়াছে। সেজগৎ শস্য অল্প জন্মিয়াছিল,—কাষেই প্রায় কাহারও ঘরে মজুদ ধান নাই। তাহার উপর গত বৎসর বর্ষা অল্প হইয়াছিল। ফলে এবার প্রায় সমস্ত বঙ্গদেশেই অন্তর্গতের তাহাকার উঠিয়াছে। সম্প্রতি বাঙ্গালার কোন কোন জেলায় প্রচুর বারিপাত হইয়াছে। কিন্তু বাহার উপর বিধাতা বাম, তাহার সকল ব্যাপারের ফলই বিপরীত হইয়া থাকে। আমরা ২৪ পরগণার উত্তর এবং যশোরের দক্ষিণস্থ কতকগুলি স্থান হইতে সংবাদ পাইলাম যে, ঐ অঞ্চলে কয় দিনের জলে জমিতে দাস এত অদিক জন্মিয়াছে যে, এবার আশুধান্ত অদিক জন্মিবে না। চান্দীরা কষ্ট করিয়াও এই ঘাস মারিতে পারিতেছে না। সুতরাং এই বারিপাত দেখিয়া যাহারা মনে করিতেছেন যে, বৃষ্টি বা বাঙ্গালীর দুঃখের অবসান হইল,—তাঁহারা সিদ্ধান্তকাঁচাটা আপাততঃ স্থগিত রাখুন। অনেক কৃষক জঠরজালায় দগ্ন হইয়া বীজ-ধান খাইয়া ফেলিয়াছে। আমন ধান বৃনিবার সময় তাহারা কি বৃনিবে, তাহা ভাবিয়া পাইতেছে না। সরকার অবগু অর্থসাহায্য করিতেছেন। কিন্তু বিপদের তুলনায় সে সাহায্যের পরিমাণ এত অল্প যে, তাহাতে বিশেষ কোন ফল ফলিবে না। যে সুন্দরবনের ধান বাঙ্গালাকে এত দিন রক্ষা করিয়া আসিতেছে, আজ সেই সুন্দরবনের গোলা শূন্য। বাঙ্গালার বহু স্থানের লোক অল্পহীন, বস্ত্রহীন এবং জলহীন হইয়াছিল। যেকোন বস্তু নামিয়াছে, তাহাতে মনে হইতেছে যে, জলকষ্ট শীঘ্র খুঁচিতে পারে, কিন্তু অন্তর্বস্ত্রের কষ্ট সহজে খুঁচিবার নহে। এক কালীনগর কেন্দ্রেই শত শত দুর্ভিক্ষ-ক্রান্ত নরনারী এককালীন দান গ্রহণের জন্য সমবেত হইয়াছিল। সেখানে ২ শত ঘোড়া কাপড় বিতরিত হইলেও অনেক লোক কাপড় পায় নাই। সরকার ২৪ পরগণা জেলায় এককালীন দানের জন্য ১০ হাজার টাকা মঞ্জুর করিয়াছেন, জেলাবোর্ড এক হাজার টাকা দিবেন বলিয়াছেন, আর ২৪ পরগণার মাজিষ্ট্রেট সাধারণের নিকট হইতে দুঃস্থ লোকের সাহায্যের জন্য ২৭ হাজার টাকা সংগ্রহ করিয়াছেন। ইহা ভিন্ন সরকার কৃষি এবং জমির উন্নতিসাধনকল্পে প্রদত্ত ঋণের টাকা বাতীত নানা বাবদে সাহায্যার্থে ২৪ পরগণার জন্য ৫ লক্ষ টাকা মঞ্জুর করিয়াছেন। এখানে একটা কথা সকলেরই স্মরণ রাখিতে হইবে যে, পরিদ্র ভ্রলোকদিগের এবং বিধবা, নাবালক ও রুগ্ন ব্যক্তিদিগের অবস্থা অত্যন্ত শোচনীয় হইয়া উঠিয়াছে।

বাঙ্গালা সরকারের রাজস্ব বিভাগের সদস্য শ্রীযুত বিজয়-কুমার বসু এ বিষয়ে বিশেষ অনুসন্ধান করিয়া দেখিয়াছেন কি? বাঙ্গালার মন্ত্রী সার বিজয়প্রসাদ সিংহরায় বর্তমান অঞ্চলের লোকের আর্থিক অবস্থা দেখিয়া তথ্য সংগ্রহ করিবেন কথা ছিল। কিন্তু তিনি আগামী নির্বাচনের জন্য ভোট সংগ্রহে যত ব্যস্ত ছিলেন, দুর্ভিক্ষপীড়িতদিগের অবস্থাগত

তথ্য সংগ্রহের জন্য ততটা ব্যস্ত ছিলেন কি না, সে সংবাদ আমরা পাই নাই। তিনি তাঁহার জেলাবাসী বিপন্নদিগের সাহায্যার্থে কয়টি টাকা দান করিয়াছেন? তাহারাই প্রচার প্রতিনিধি! হার অদৃষ্ট! এই উপলক্ষে আমরা একটা কথা সরকারকে এবং সাধারণকে বিশেষভাবে স্মরণ রাখিতে বলি। এবার বারিপাত আরম্ভ হইয়াছে দেখিয়া নিশ্চিত হইবার কারণ ঘটে নাই। ১৮৭৪ খৃষ্টাব্দে বিহার এবং উত্তরবঙ্গে যে দুর্ভিক্ষ হইয়াছিল, তাহার পূর্বেই তথায় ঠিক এই অবস্থা হইয়াছিল। সে বার প্রথমে এবারকার মত বর্ষণ হয় নাই। তাহার পর হঠাৎ বর্ষণের আধিক্যে তাহাই শস্য বিশেষ ক্ষতিগ্রস্ত হয়। তৎপরে শস্যদিকে বর্ষণ এরূপ ভাবে বন্ধ হইয়া যায় যে, তৈমস্মিক শস্য নষ্ট হইয়া যায়। সেবার পূর্ববঙ্গে এবং মধ্যবঙ্গেও বারিপাতের গোলযোগ হওয়াতে শস্য ভাল জন্মে নাই। ফলে সে বার বিহারে এবং উত্তর-বঙ্গে ঘোর দুর্ভিক্ষ ও মধ্যবঙ্গে কতকটা দুর্ভিক্ষ ঘটে। লর্ড নর্থব্রুক তখন ভারতের বড় লাট। তিনি লোকের প্রাণরক্ষা করিবার জন্য প্রথম হইতেই সুরক্ষা নীতি অবলম্বন করেন। তাঁহার অনুসৃত নীতি সফল হইয়াছিল। সে বৎসর নয় মাসকাল ৭ লক্ষ ৩৫ হাজার লোক রিলিফ কানে খাটিয়াছিল আর সাড়ে ৪ লক্ষ দুঃস্থ লোককে অনুগ্রহ করিয়া অর্থ দান করা হইয়াছিল। প্রায় ছয় মাস ধরিয়া ঐ অনুগ্রহ দান করা হইয়াছিল। সার জর্জ ক্যাম্পবেল স্পষ্টই লিখিয়াছিলেন যে, “বিপন্ন লোকদিগকে সাহায্য করিতে হইলে সময় থাকিতে তাহা করা উচিত।” আমরা বাঙ্গালার বর্তমান গভর্নর সার জন এণ্ডারসনকে সেই দুর্ভিক্ষের প্রাক্কালে ২২শে অক্টোবর তারিখে প্রথম পত্রখানি পাঠ করিতে অনুরোধ করি। এবার স্থানে স্থানে অনাহারের রোগে লোক মৃত্যুশত্যা করিয়াছে এবং কদম্ব ভোজন করিয়া ওলাউঠায়—উদরাময়ে আক্রান্ত হইয়া মরিয়াছে, শুনা যাইতেছে। আমাদের মনে হয়, সাহায্যদান-ব্যবস্থা পূর্বেই আরম্ভ হওয়া উচিত ছিল। চান্দীদিগকে বীজধান ও চালের গরু কিনিবার জন্য বিশেষভাবে সাহায্যদান আবশ্যিক।

### সমাজতত্ত্ববাদে অঁতহু

পণ্ডিত জগদ্বরলাল নেত্রকংগ্রেসের সভাপতির পদে প্রতিষ্ঠিত হইয়া যে অভিভাষণ করিয়াছিলেন, তাহার সম্বন্ধে গত মাসেই আমাদের বক্তব্য সঙ্ক্ষেপেই বলিয়াছি। সংপ্রতি সংবাদ পাওয়া গিয়াছে যে, সার নৌরজী সাক্লামতওয়াল, সার পুরুষোত্তমদাস ঠাকুরদাস, সার কওয়ারসজী জাহাঙ্গীর প্রমুখ ২১ জন ধনিক তাহাদের নাম স্বাক্ষরিত একখানি ইস্তাহার প্রচার করিয়াছেন তাহাতে পণ্ডিত জগদ্বরলালজী কর্তৃক সমাজতত্ত্ববাদ প্রচারে ঘোর আপত্তি করা হইয়াছে। বাহার যেখানে স্বার্থ নিহিত, সে তাহা রক্ষার জন্য স্বতঃ পরতঃ সজাগ হইয়া থাকে। ভারতের ইতিহাসে দেখা যায় যে, এ দেশের ধনীরা ধন উপার্জন করিয়া সেই ধন সঞ্চিত করিয়া রাখিতেন না; তাহা ধর্মকাণ্ড উপলক্ষে নানা জনহিতকর ব্যাপারে ব্যয় করিতেন। তন্মিন্ন অতিথিসেবা, পুষ্করিনী খনন, বিদ্যালয়-স্থাপন, তুলাপুষ্করদান, দুঃস্থকে সাহায্য দান প্রভৃতি কাষে ধনীরা সেই ধন ব্যয় করিতেন। কাষেই এ দেশে



ধর্মীর সহিত নির্ধনের বিবাদ কখনই বাধে নাই। তাহা না করিলে তাঁহাদের উপর সামাজিক শাসন প্রযুক্ত হইত; লোকও ধর্মবুদ্ধিবশে তাহা করিত। কিন্তু তাই বলিয়া আমরা সমাজতন্ত্রবাদের পক্ষপাতী নহি। সমাজতন্ত্রবাদ সর্বপ্রকার ধর্ম-বিশ্বাসের বিরোধী। সমাজতন্ত্রবাদীদিগের এক জন বড় চাই এ কথা উদাত্তস্বরে ঘোষণা করিয়াছেন যে—It is our duty as socialists to root out the faith in God with all the zeal; nor is any one worthy of the name who does not consecrate himself to the spread of atheism.

ভগবানের উপর বিশ্বাসের উচ্ছেদ করাই আমাদের সমাজ-শাস্ত্রিকদিগের কতব্য। যে ব্যক্তি নাস্তিক্য-প্রচারে আগ্রহনিয়োগ



পণ্ডিত জওহরলাল

না করে, সে ব্যক্তি কখনই সমাজতন্ত্রবাদী নাম গ্রহণের যোগ্য নহে। কেবল তাগাই নহে। কয়েক বৎসরমাত্র পূর্বে কসিমিয়া কমিউনিষ্ট যুবকনজ্ব লোকের মন হইতে ধর্মসম্বন্ধীয় অমুড়তি কাড়-মুড়ে উৎপাটিত করিবার জন্ত শোভাযাত্রা বাহির করিয়াছিল। উহারা পেট্রোগ্রাডে এবং মস্কো সহরে অনেকগুলি উচ্চ বয়স্ক নির্ধিত করিয়া, তাহার উপর বীভৎস এবং কুমারী মেত্রীর প্রতিমূর্তি প্রতিষ্ঠিত করিয়া, সেগুলির মস্তকচ্ছেদন করিয়াছিল। সোভিয়েট শাসন এতই মনোহারী এবং শুভজনক যে, কসিমিয়া হইতে ধর্মভাব বিদূরিত করিবার জন্ত তথাকার কমিউনিষ্ট সরকার সহস্র সহস্র ধার্মিক লোককে এবং ধর্মবাজককে ঘোর অত্যাচারে প্রসীড়িত করিয়া তুলিয়াছিলেন। সে কয় বৎসর পূর্বের কথা? সে অত্যাচার মধ্য-যুগের ইনকুইজিশনের অত্যাচার অপেক্ষা কম নহে। স্বাধীন মত প্রকাশের জন্ত গ্যালিলিও এবং ক্রপোকে বেষ্টপ নির্ধ্যাতন সহ্য করিতে হইয়াছিল, কসিমিয়ার বহু ধর্মপ্রাণ লোককে তাহা অপেক্ষা বিশেষ অল্প নির্ধ্যাতন ভোগ করিতে হয় নাই। সাইবেরিয়ার বন্দিশালায় এখনও কত ধর্মপ্রাণ কস আবদ্ধ আছেন।

জওহরলালজী তাহার সন্ধান লইয়াছেন কি? সমাজতন্ত্রবাদ প্রতিষ্ঠিত হইলে দেশে শাস্তি প্রতিষ্ঠিত হইবে, লোকের চুঃখ-দৈন্ত থাকিবে না, এ কথা কতখানি ভুল, তাহা কসিমিয়ার দিকে চাহিলেই বুঝা যায়। জারের আমলে কসিমিয়ার এক লক্ষ সৈন্তও ছিল না। ১৯৩২-৩৩ খৃষ্টাব্দে উহা ৫ লক্ষ ৬২ হাজারেরও উপর ঠাঁড়ায়। আবার কয়েক মাস মাত্র পূর্বে এক জন কস সেনানায়ক গর্ব করিয়া বলিয়াছেন যে, কসিমিয়া এখন ১০ লক্ষ শিক্ষিত সৈন্ত বণক্ষেত্রে হাজির করিতে পারে। ইহাতেই কসিমিয়ার শাস্তি কতখানি প্রতিষ্ঠিত, তাহা সুপ্রকাশ। পণ্ডিত জওহরলাল ঐ ২১ ব্যক্তির স্বাক্ষরিত ইস্তাহার পাঠ করিয়া 'বোখাই ক্রনিক্যালের' বিশেষ প্রতিনিধির সহিত যে কথা বলিয়াছেন, তাহাতে তাহার বিশেষ অজ্ঞতারই পরিচয় পাওয়া যায়। বোখাইয়ের ২১ জন ভদ্রলোক স্বাক্ষরিত ইস্তাহারে ধর্ম বিপন্ন হইবার কথা বলা হইয়াছে বলিয়া তিনি বিদ্রূপ করিয়া বলিয়াছেন, "ঐ ২১ জন লোক যে বোখাই সহরে ধর্মবাজক বা ধর্মরক্ষক, তাহা আমি জানিতাম না।" যেন ধর্মবাজক এবং ধর্মরক্ষক ভিন্ন অল্প কাহারও ধর্ম সংক্ষেপে কথা বলিবার অধিকার নাই। তিনি আবার বলিয়াছেন যে, "আর্থিক নীতির আলোচনাকালে ধর্মসংক্রান্ত কোন কথাই উঠিতে পারে না।" কেন, ধর্ম আর অর্থ এই দুইটি কি মানব-প্রকৃতির মধ্যে দুইটি সম্পূর্ণ স্বতন্ত্র এবং পরস্পর-দুঃস্বপ্নেণ্ড প্রকোষ্ঠে রক্ষিত না কি? অর্থ সংগ্রহ করিতে হইলে সমস্ত ধর্মজ্ঞান বিসর্জন দিয়া ইটালীতে জায় দুর্বলের সর্ব্ব্ব লুঠন করিতে হইবে, ইহা কমিউনিজ্‌ম নীতি-সঙ্গত হইতে পারে, কিন্তু মনুষ্যের নীতিসঙ্গত কখনই হইতে পারে না। তাহার পর তিনি বলিয়াছেন, "যদি বিশেষ অধিকার এবং সুবিধা ভোগের কথা না উঠে, তাহা হইলে ধর্ম-সম্পর্কিত ব্যাপারে সকল প্রকার স্বাধীনতা থাকা উচিত।" সে উচিত্যের কথা তিনি এ দেশে প্রচার না করিয়া, তাহার নন্দনকানন সমাজতন্ত্রবাদ ও সর্ব্ব্বধর্মবাদের লীলাভূমি কসিমিয়া বাইয়া প্রচার করিলে ভাল করিতেন।

যাহা হউক, আমরা বোখাইয়ের ইস্তাহারের ঐ ২১ জন স্বাক্ষরকারীর সমর্থন করি না। তবে সমাজতন্ত্রবাদ প্রচারে যে ধর্ম বিপন্ন হইবে, সে কথার আমরা সম্পূর্ণ সমর্থন করি। একটা অল্প ভাবের ঝোঁকে কাষ করিলে তাহাতে ভুল হইবেই হইবে। আমরা এ সম্বন্ধে তাহার স্তম্ভিত অধিক কথা বলিতে চাই না।

## অষ্টম খণ্ডের সংক্ষিপ্ত

১৬ই জ্যৈষ্ঠ বোখাই হইতে সংবাদ আসিয়াছে, মহাত্মা গান্ধীর জ্যৈষ্ঠ পুত্র হীরলাস গান্ধী ৫০ বৎসর বয়সে মুসলমানধর্ম গ্রহণ করিয়া ধর্ম হইয়াছেন। ধর্মাস্তরগ্রহণ ব্যাপারটা নাকি পূর্বেই নাগপুরে সুসম্পন্ন হইয়াছিল। ১৫ই জ্যৈষ্ঠ বোখায়ে জুম্মা মসজিদে নামাজ পাঠ শেষ হইলে তিনি ইসলাম ধর্ম গ্রহণ করিয়াছেন বলিয়া ঘোষণা করেন এবং আবহুল্লা নাম গ্রহণের সঙ্গে সঙ্গে তীব্র ভাষায় অজ্ঞাত ধর্মের প্রতিকূল সমালোচনা করিতেও বিশ্বস্ত হন নাই। তাহার বক্তৃতা শুনিয়া সমবেত মুসলমান জনতা উচ্চৈঃস্বরে "আম্মা হো আকবর" ধ্বনি করিতে থাকে।

পত্নী ফেরাঘারী মাসে হীরালাল ভক্তিতরে বাইবেল পড়িয়া খৃষ্ট-ধর্ম গ্রহণে প্রবল আগ্রহ প্রকাশ করিয়াছিলেন; কিন্তু সম্প্রতি তিনি গোষণা করিয়াছেন যে, খৃষ্টধর্মে তাঁহার কুচি নাই।

অনেকে বলেন, মহাত্মাজীর সহিত তাঁর মতভেদের ফলেই তাঁহার শাস্ত্রাদিকারী জ্যেষ্ঠ পুত্র তাঁহাকে পিণ্ড হইতে বঞ্চিত করিবার জন্তই ধর্মাস্তর গ্রহণ করিয়াছেন।

মহাত্মাজী কামমনোবাক্যে অহিংসা সাধনা করিয়া সিদ্ধি লাভ করিয়াছেন—সত্যগ্রহের তিনি একমাত্র আবিষ্কর্তা ও দীক্ষাগুরু। পিতা-পুত্রের মধ্যে মতবিবাদ যতই প্রবল হউক, মহাত্মাজীর প্রাণে বিবেকবুদ্ধি প্রবেশ করিবার উপায় নাই। প্রেম ও সত্যের প্রভাবে যিনি সমগ্র ভারতের—এমন কি, বিদেশী শাসনকর্তাদের হৃদয় পরিবর্তনের জন্ত বন্ধপবিকর, তিনি যে বিবেকবুদ্ধিহীন আত্মজের মনোবৃত্তি—ধর্মবুদ্ধি পরিবর্তনে সমর্থ হইবেন না—এ কথা নিতান্তই অশ্রদ্ধেয়।

ধর্মাস্তর গ্রহণের পর মহাত্মাজীর মুসলমান বন্ধুগণকে লিখিত যে দীর্ঘপত্র ২০শে জৈষ্ঠের দৈনিক বসুমতীতে প্রকাশিত হইয়াছে, তাহার শেষাংশে তিনি লিখিয়াছেন,—“স্বীকার করিতেছি, ইহাতে আমি আঘাত পাইয়াছি, এ ব্যাপারের পশ্চাতে কোন ধর্মবুদ্ধি আমি প্রত্যক্ষ করিতেছি না। যঁাহারা হীরালালকে ইসলাম ধর্ম গ্রহণ করাইয়াছেন, তাঁহারা সামান্য সাবধানতাও অবলম্বন করেন নাই। হীরালালের নবধর্ম গ্রহণে হিন্দুধর্মে কিছুমাত্র ক্ষতি হইবে না। আমার আশঙ্কা এই যে, পূর্ববৎ উচ্ছ্রাস রহিয়া গেলে, হীরালালের ইসলাম ধর্ম গ্রহণে উক্ত ধর্ম দুর্বল হইবে। সৃষ্টির অস্তরের কথা জানেন একমাত্র স্রষ্টা। দীক্ষা এই সৃষ্টি ও স্রষ্টার সম্পর্ক হইতে উদ্ভূত। অস্তর নির্মূল না থাকিলে ধর্ম গ্রহণ করার অর্থ ধর্ম ও ভগবানকে স্বীকার করা। অস্তর শোধন করিয়া না লইয়া ধর্মে দীক্ষাদান সাধু ব্যক্তির নিকট আনন্দের বিষয় নহে—দুঃখের বিষয়।”

মহাত্মাজী জানেন, যে ধর্ম হীরালালকে অধিক মূল্য প্রদান করিবে, তিনি সেই ধর্মই সাদরে গ্রহণ করিতে প্রস্তুত ছিলেন। তথাপি তিনি মুসলমান বন্ধুগণকে হীরালালকে বর্জন করিবার জন্ত বৃথা অহুরোধ করিয়াছেন। মুসলমান-সমাজ হইতে হীরালালকে বর্জন করা দরের কথা, আগ্রায় নবাব মহম্মদ ফৈয়াজ খাঁ হীরালাল—আবদুল্লাকে টেলিগ্রামে জানাইয়াছেন, হীরালাল প্রাদেশিক ব্যবস্থাপক সভার সদস্যপদপ্রার্থী হইলে তিনি স্বয়ং সরিয়া দাঁড়াইয়া তাঁহার নির্বাচনের পথ মুক্ত করিবেন। মুসলমান সাহায্যে কাউন্সিলে প্রবেশ করিতে পারিলে ভবিষ্যতে হীরালাল যুক্তপ্রদেশের শিক্ষামন্ত্রীর পদ লাভ করিতেও পারেন। মিউনিসিপ্যালিটির কেরানীর পদ বড় না এই দাঁও বড়? সুতরাং মহাত্মাজী অরণ্যে বোদন করিয়াছেন।

### অসম্পূর্ণ বিবাহ আইন

কাশীস্থ শ্রীযুত ভগবান দাস হিন্দু-সমাজে অসবর্ণ বিবাহ চালাইবার জন্ত আইনের একখানি পাণ্ডুলিপি ভারতবর্ষীয় ব্যবস্থা-পরিষদে পেশ করিয়াছেন। হিন্দু-সমাজে অসবর্ণ বিবাহ আইনসিদ্ধ

করিবার জন্তই তাঁহার এই প্রচেষ্টা। হিন্দু-সমাজের জাতিভেদ-প্রথা উচ্ছিন্ন করিবার জন্ত যঁাহারা উঠিয়া পড়িয়া লাগিয়া আছেন, তাঁহাদের পক্ষে এই চেষ্টা নূতন নহে। যাহা হউক, এই প্রকার বিবাহ হিন্দুর ধর্মশাস্ত্র অনুসারে বর্তমান সময়ে সিদ্ধ হইতে পারে না। সত্য বটে, এক কালে হিন্দু-সমাজে অনুলোম অসবর্ণ বিবাহ চলিত ছিল, কিন্তু কলিযুগে তাহা নিষিদ্ধ হইয়াছে। যাহা নিষিদ্ধ হইয়াছে, তাহার পুনঃ প্রবর্তন করা কোনমতেই কর্তব্য নহে। এ কথা সত্য যে, যঁাহারা সম্পূর্ণ দিয়া আক্রমণ করিয়া জাতি-ভেদ উচ্ছিন্ন করিতে সমর্থ হইতেছেন না,—তাঁহারা পার্শ্ব-দেশ দিয়া আক্রমণ পূর্বক জয়লাভ করিবার প্রয়াস পাইতেছেন। যদি অসবর্ণ বিবাহ হিন্দু-সমাজে সিদ্ধ বিবাহ বলিয়া গণ্য হয়, তাহা হইলে জাতিভেদ টিকিবে না। শাস্ত্র বলিতেছেন যে, যদি কোন বিজাতি শূদ্রাণীকে বিবাহ করে, তাহা হইলে সে ব্যক্তি কখনই শূদ্রাণীর পক্ষান্তর গ্রহণ করিবে না। অসবর্ণ বিবাহের পদ্ধতিরও ভেদ আছে। সমাজসংস্কারকরা সেই পদ্ধতিভেদ রাখিবেন না! কারণ, তাঁহারা ঐ সমস্ত কিছুই মানেন না। আমাদের বিশ্বাস, হিন্দু-সমাজ যদি শাস্ত্র-নির্দিষ্ট পথ ত্যাগ করিয়া চপেন, তাহা হইলে তাঁহারা আত্মহত্যা করিবেন। সাম্যবাদের ভাঁওতায় বা ধাপ্পায় পড়িয়া যঁাহারা দিশাহারা, তাঁহারা জাতিভেদের সুফল কি, তাহা ঠিক বুঝিয়া উঠিতে পারিতেছেন না। কিন্তু অধাপক ব্লুন্টলি (Bluntchli) জায় এক জন চিন্তাশীল ব্যক্তি বলিয়াছেন যে, “Indian civilization is the blossom and fruit of the caste system অর্থাৎ ভারতীয় সভ্যতা জাতিভেদেরই পুষ্প এবং ফলস্বরূপ।” এ কথা কেবল ব্লুন্টলিই বলেন নাই,—অনেক নিরপেক্ষ যুরোপীয়ও এ কথা বলিয়াছেন। বিশ্বাত যুরোপীয় পর্যাটক আবেড়ুবয় ভারতে আগিয়া হিন্দু-সমাজের জাতিভেদ দেখিয়া লিখিয়া গিয়াছেন, “আমার বিশ্বাস এই যে—জাতিভেদ অনেক বিষয়ে সিদ্ধ হস্তের কার্য এবং মনুষ্যকৃত-ব্যবস্থার সর্বাপেক্ষা মঙ্গলকর ব্যবস্থা। সমস্ত দেখিয়া শুনিয়া আমার বিশ্বাস হইয়াছে যে, ভারতের লোক জাতিভেদ অনুসারে বিভক্ত বলিয়া ভারতবর্ষের লোক বর্ধিততায় ফিরিয়া যায় নাই এবং যে সময় অজ্ঞান অধিকাংশ রাজ্য বর্ধিত বা বন্ধ অবস্থায় ছিল, সেই সময়ে ভারতের লোক শিল্প বা বিজ্ঞানের উৎকর্ষসাধন এবং উন্নত অবস্থা রক্ষা করিতে সমর্থ হইয়াছিল।” এ কথাগুলি মিথ্যা নহে। জাতিভেদ কৌলিক শক্তি-সংক্রমণ দ্বারা পূর্ব-পুরুষের সাধনালব্ধ গুণাবলি রক্ষা করে বলিয়া অতীত সাধনার ফলকে বিলুপ্ত হইতে দেয় না। কিন্তু আমাদের দেশের লোক এখন সাম্যবাদের ভণ্ডামিতে ভুলিয়া মনে করিতেছে যে, ভারতে সাম্যবাদ প্রতিষ্ঠিত হইলেই হাতে হাতে স্বর্গ মিলিবে। কিন্তু তাহা হইবার নহে। সাম্য-প্রতিষ্ঠার সঙ্গে সঙ্গে সাম্যের ভণ্ডামিও আমদানী হইবে। বিশ্বাত জার্মান দার্শনিক ফ্রেডরিক উইনহিম নিট্শে যথার্থই বলিয়াছেন যে, The wrong never lies in unequal rights. It lies in the pretension to equal rights. “বৈষম্যপূর্ণ অধিকারের মধ্যে অজ্ঞান নিহিত নাই,—সমান অধিকারের ভণ্ডামির মধ্যেই অজ্ঞান নিহিত।” জীব-জগতের কুত্রাপি অধিকার-সাম্য নাই। সর্বত্রই অধিকারের বৈষম্য বিদ্যমান। এ সকল কথা এই মস্তবো বিস্তারিতভাবে আলোচনা

করিবার স্থান হইবে না। তবে আমরা উপসংহারে এইমাত্র বলিতে পারি যে, ভারতের এক একটি জাতির পূর্ব-পুরুষগণ সহস্র সহস্র বৎসর ধরিয়া তাহাদের প্রকৃতিতে কতকগুলি বিশিষ্টভাব ও গুণ সাধনা দ্বারা বিকশিত করিয়া তুলিয়াছিলেন। সেই গুণভেদেই জাতিভেদ-বাবস্থা হইয়াছে। বহু পুরুষ ধরিয়া সেই ভাব এবং গুণ বিকশিত করাতে উহা সেই সেই জাতির চরিত্রে একরূপ ভাবে নিখাত হইয়া গিয়াছে যে, ঐ সকল ভাবের ও গুণের বীজগুলি কৌলিক দ্বারা অমুসারে বিসর্পিত হয়। উহা সহজে নষ্ট হয় না। প্রকৃতি কোন কিছুই সহজে নষ্ট হইতে দেন না। অবশ্য পূর্বজগণের সাধনালব্ধ ঐ সকল ভাব ও গুণ অমুশীলন বাতীত বিকাশ লাভ করে না। কিন্তু অমুশীলন না করিলেও উহা বহু পুরুষ পর্যন্ত স্থপ্ত থাকে, সহসা লুপ্ত হইতে চাহে না। ইহা ঋষিদিগের সিদ্ধান্ত। বীজের অন্তর্নিহিত শক্তি অমোঘ। নতুবা ৬ হাজার বৎসরের পুরাতন বীজ (মহেক্রোজোডোতে প্রাপ্ত) হইতে গমের চারা বাহির হইত না। তাই বলি, পরম্পর বিভিন্ন ভাবের বীজ-সংমিশ্রণ দ্বারা পুরুষপুরুষের সাধনালব্ধ গুণাবলি বিনষ্ট করিবার চেষ্টা করিও না। উহা একবার হারাইলে আর পাইবে না। সমাজসংস্কারকর ধ্বংস করিতেই মজবুৎ, গঠন করিবার কেষ্ট নহেন। ইহারা গুণ দেখিয়া গাছের জোড় কলম বাঁধেন,—ঘোড়া কুকুর প্রভৃতি কিনিবার বা উৎপাদন করিবার সময় তাহাদের জনক-জননী কুলজি (Pedigree) দেখেন। কেবল মানুষের বেলা সাম্য-বাদের পাণ্ডা সাজিয়া দাঁড়ান। শাস্ত্রের কথা শুনিলে ইহারা কাণে আজুল দেন, এমনই ইহাদের দেশাত্মবোধ ও স্বদেশপীতি। কিন্তু তাহারা যাহাদের কথা নিরীক্কারে গ্রহণ করেন, সেই পাশ্চাত্য দেশে এখন blue blood এর গরিমা লুপ্ত হয় নাই। আমাদের দৃঢ় বিশ্বাস, এই জাতিভেদ আছে বলিয়া আজি হিন্দু জাতি আত্মসত্তা অক্ষুণ্ণ রাখিতে পরিয়াছে; নতুবা তাহারা কালের স্রোতে কাথায় ভাসিয়া যাইত, তাহার ঠিকানা নাই। উদার-নীতিকগণ যখন বাজনীতিকক্ষেত্রে প্রবল ছিলেন, তখন ইহারা

দল হিসাবে তাহাদের প্রতিষ্ঠানে ধর্মের ও সমাজের কথা আমল দিতেন না। এই জগুই কি তাহারা ১৭৮০ খৃষ্টাব্দের ইষ্ট ইণ্ডিয়া কোম্পানীর আইনে ১৮ ধারা এবং ১৭৯৭ খৃষ্টাব্দের ইষ্ট ইণ্ডিয়া আইনের ১২ ধারা পুরাতন বলিয়া উঠাইয়া দিবার বাবস্থা করিয়া আসিয়াছেন? ব্যাপারটা বড় রহস্য-জালে আবৃত।

—

### সহিদগঞ্জ মসজিদেদেহ মামলা

গত ১১ই জ্যৈষ্ঠ লাহোরের দায়রা জজ মিষ্টার সেল্‌স সহিদগঞ্জ মসজিদ মামলার দায় প্রকাশ করিয়াছেন। ডাক্তার আলম এবং মিষ্টার মুকদ্দীন সহিদগঞ্জ মসজিদেদেহ দখল পাইবার জন্ত এই মোকদ্দমা উপস্থিত করিয়াছিলেন। দায়রা জজ তাহা যথেষ্ট বলিয়াছেন যে, ঐ মসজিদটি ১৭৬২ খৃষ্টাব্দ হইতে শিখ-দিগের দখলে আসিয়াছে। সুতরাং এই মামলা তামাদি হইয়া গিয়াছে। এখন উভয় পক্ষই নিজ নিজ খরচা বহন করিবেন। মিষ্টার মুকদ্দীন ঐ মসজিদটি দখলে পাইবার জন্ত এক মামলা উপস্থিত করিয়াছিলেন। সে মামলাও মাথ খরচা ডিসমিস হইয়াছে। এই দায় উপলক্ষে একটা চাকল্য উপস্থিত হইবে, সরকার তাহা ভাবিয়াছিলেন। ঐ দিনই লাহোর হইতে সংবাদ পাওয়া যায় যে, স্থানীয় মুসলমানগণ সম্পূর্ণ হরতাল করিয়াছিলেন। এই মামলার দায় প্রকাশিত হইবার পর স্থানীয় উর্দু দৈনিক পত্রিকার সেই দায় প্রকাশিত হয় এবং মুসলমানগণ চৌকি পিটাইয়া ঘোষণা করেন যে, স্থানীয় বাদশাহী মসজিদে মুসলমান-দিগের এক সভা হইবে। সহরে পুলিশ প্রহরীর সংখ্যা বৃদ্ধি করা হইয়াছিল, কিন্তু কুতূহি কোনরূপ গোলযোগ ঘটে নাই। আজ প্রায় ত্রিাদ শতাব্দীকাল যে মসজিদ অগ্নির হস্তগত হইয়াছে এবং যে মসজিদে এত কাল নমাজ প্রভৃতি পড়া হয় নাই, সে মসজিদে দখল পাইবার জন্ত এই মামলা উপস্থিত করা কোন-মতেই সম্ভব হইবে না।



ত্রীশতীশচন্দ্র মুখোপাধ্যায় সম্পাদিত

কলিকাতা, ১৬৬ নং বহুবাজার স্ট্রীট, বসুমতী রোটারী মেসিনে ত্রীশশিভূষণ দত্ত মুদ্রিত ও প্রকাশিত

আমি নিজেই



“অর্পিত জীবনখানি, বসন্ত বাতাসে  
চঞ্চল বাসনা বাখা অগ্নি নিশ্বাসে।”

আমি, ১৩৫৩ ]

[ শিল্পী—শিল্পী জিয়াস







১৫শ বর্ষ ]

আষাঢ়, ১৩৪৩

[ ৩য় সংখ্যা

## শ্রীশ্রীরামকৃষ্ণ-দেব

### দশম পরিচ্ছেদ

শ্রীঠাকুর ও মথুর—বৈষ্ণব-তীর্থ ভ্রমণ—মথুরের দেহত্যাগ

মথুর প্রথমে রাসমণির তৃতীয়া কন্যাকে বিবাহ করেন, এ জন্ম তাঁহাকে সকলে সেজোবাবু বলিয়া ডাকিত—এ কথা পূর্বেই বলা হইয়াছে। ঠাকুরও তাঁহাকে মাঝে মাঝে সেজোবাবু বলিতেন এবং সেই জন্ম যদিও জগদম্বা দাসী, রাসমণির ছোট কন্যা মথুরের দ্বিতীয়া স্ত্রী ছিলেন, তথাপি তিনিও সেজো গিন্নী নামে অভিহিত হইতেন।

যে দিন মথুর ঠাকুরের শরীরে মা-কালীর রূপ দর্শন করিলেন, সেই দিন হইতে তিনি ঠাকুরের পদে আত্মসমর্পণ করিয়াছিলেন;—ঠাকুরও সাধনাবস্থায় মথুরকে তাঁহার প্রথম রসদাররূপে দেখিয়াছিলেন, এ কথাও পূর্বে বলা হইয়াছে। তীর্থভ্রমণকালে মথুরের সেবার কিছু কিছু পরিচয় আমরা পাইয়াছি। বিষয় বিষয়ীর প্রাণ বলিলেও অত্যাক্তি হয় না। তীর্থভ্রমণসময়ে ঠাকুরের আজ্ঞায় ও সেবায় মথুর জলের গায় অর্থ ব্যয় করিয়াছেন। এ বিষয়ে মথুরের আজ্ঞালুপ্তিতার পরিচয় আমরা ক্রমে ক্রমে আরও দিতেছি।

কালীবাড়ীতে এক্ষণে হৃদয় বেষণ এক জন বিশিষ্ট ব্যক্তি হইয়া উঠিয়াছেন। মথুর তাঁহাকে ঠাকুরের সেবায়

নিযুক্ত রাখিয়াছেন, সুতরাং এ জন্মও তিনি মথুরের এক জন প্রীতিভাজন ব্যক্তি। কিন্তু হৃদয়ের সেবা যখনই মথুরের মনঃপূত না হইত, তখনই তিনি শ্রীঠাকুরকে নিজ বাড়ীতে—জানবাজারে লইয়া যাইতেন। এখানে মথুর, তাঁহার স্ত্রী ও ছেলেমেয়েরা সকলেই তাঁহাকে আপনার জন বলিয়া ভাবিতেন এবং কিসে তিনি সুখে থাকেন, কিসে তাঁহার ভাবের ব্যতিক্রম না হয়, তদ্বিষয়ে এই ভক্ত পরিবারের বিশেষ লক্ষ্য থাকিত। মথুর তাঁহাকে লইয়া নিজে জুড়ী হাঁকাইয়া বেড়াইতে লইয়া যাইতেন;—কখনও কেলায় লইয়া যাইতেন,—কখনও এসিয়াটিক সোসাইটীর মিউজিয়ামে, কখনও বা চিড়িয়াখানায়। কখনও বা কোথাও কোন তামাসা থাকিলে মথুর তথায় বাবাকে লইয়া যাইতে ভুলিতেন না। ঠাকুরের উত্তরকালের কথোপকথনমধ্যে আমরা সোসাইটীর কথা শুনিতে পাই। তাঁহার শরীর অসুখের দুর্বলতা বশতঃ যখন হাড়সার হইয়া গেল, তখন মা'র কাছে ঠাকুর বলিয়াছিলেন—“মা, সোসাইটীতে যেমন তার দিয়া জোড়া খণ্ড খণ্ড হাড়ে তৈয়ার করা নরকঙ্কাল দেখিয়াছি, আমার শরীরটা তেমনি জুড়ে জুড়ে শক্ত একটু ক'রে দাও—তোমার নাম-গুণ কীর্তন ও তোমার ভক্তসঙ্গ করি।” কেলা দেখার কথায় বলিয়াছেন, “প্রথমে যখন কেলায় যাচ্ছি, তখন যে নীচের দিকে নেমে যাচ্ছি, তা বৃকতে পারিনি।

শেষে ভিতরে পৌঁছে দেখি, কেতলা সমান নেমে গেছি। কলম বাড়া বা ক্রমনিয়ম রাখায় গেলে প্রথমে নামাটা ধীরে হয় বলে বোঝা যায় না। কিন্তু শেষে দেখা যায়, কোথায় আমরা নেমে এসেছি। মহামায়ার সংসারে মেয়েমানুষ এই কলমবাড়া রাখা। এই পথে যাহারা চলে, তাহারা প্রথমে বুঝতে পারে না যে নামছে—শেষে দেখতে পায় কত নেমে গেছে!” চিড়িয়াখানায় ঠাকুর সিংহ দেখিয়াই ভগবতীর বাহন চিন্তা করিয়া, ভগবতীর উদ্দীপনে ভাবে মত্ত হইয়া গেলেন। তিনি আর কিছুই দেখিতে পান নাই—সেই ভাবাবস্থায় মথুর বাবু তাঁহাকে ফিরাইয়া আনেন। একবার গড়ের মাঠে বেলুন উঠা দেখিতে গিয়া একটি গাছের তলায় এক মাহেবের ছেলে ত্রিভঙ্গ নামে দাঁড়াইয়া আছে দেখিয়া, ঠাকুর বলিত্রিভঙ্গ গ্রামস্থল্লর ভাবে বিভোর হইয়া যান। তাহার চক্ষু, মন, ভাব কিছুই ত' ঐহিক মানুষের তুল্য ছিল না, সেই জন্ম যাহাই দেখিতেন, তাহাতেই সেই পরমানন্দময় বা পরমানন্দময়ীর ছাপ দেখিতে পাইতেন। যে মন বিষয়রসশূন্য, ঠাকুর বলিতেন তাহা শুধু দীপশলাকার মত একটু সামান্য বর্ষণেই জলিয়া উঠে। ঠাকুরের মন সেইরূপ সামান্য উদ্দীপনে চিদানন্দমাগরে ডুবিয়া যাইত।

মথুরের বাড়ীতে ঠাকুরের প্রতি চন্দ্র হালদারের কুব্যবহারের কথা পূর্বে বলা হইয়াছে। আর একবার জানবাজারে কোন এক ভৃত্যের অসাবধানতায় ঠাকুরের বড় কষ্ট হইয়াছিল। একদা তিনি যখন অর্ধবাহু দশায় একটি ঘরে বসিয়াছিলেন, তখন একটি চাকর বড় কলিকাতে তামাক সাজিয়া গুলের আঁগুনে তাহা ধরাইয়া, বাবুদের জন্ম লইয়া যাইতেছিল। চলন পথের ধারে উপবিষ্ট, ভাবনিমগ্ন ঠাকুরের গায়ে সেই কলিকা হইতে একটি জ্বলন্ত গুল পড়িয়া যায়, তাহাতে ঠাকুরের বুক, পরে মাংস পুড়িতে থাকে। সেই জ্বলন্ত গুল মাংসের মধ্যে প্রবেশ করিলেও ঠাকুরের বাহু চেতনা না আসায় ব্যাপারটি কেহ জানিতে পারে নাই। যখন মাংস পোড়া গন্ধ বাহির হইতে লাগিল, তখন মথুর প্রথমে চারিদিকে গন্ধের কারণ অনুসন্ধান করিয়া, শেষে

ঠাকুরের গায়ে জ্বলন্ত গুল দেখিতে পাইলেন। মগ্নাহত মথুর ইহা দেখিয়া নিজেকে অতিমাত্র অপরাধী মনে করিলেন এবং বিশেষ যত্নে ও শুশ্রূষায় সেই ক্ষত আরাম করাইলেন। এই দাগটি কিন্তু ঠাকুরের তলপেটের কিঞ্চিৎ উপরে বরাবর থাকিয়া গিয়াছিল।


ঠাকুরের যখন যাহা আবশ্যক হইত, তাহা মথুরকে জানাইবার জন্ম হৃদয়ের উপর ভার ছিল; ইহা ব্যতীত ঠাকুর যদি কখনো কোন ইচ্ছা মথুরের নিকট প্রকাশ



মথুর বাবু

করিতেন, মথুর তৎক্ষণাৎ তাহা পূর্ণ করিতেন। নাথের বাগানে একটি ছেলের কোমরে সোণার গোট দেখিয়া ঠাকুরের সোণার গোট পরিতে সাধ হইয়াছিল। মথুর সোণার গোট পরাইয়া ঠাকুরের সে সাধ পূর্ণ করিয়াছিলেন। বড়বাজারের রক্ষীন্দ্র সন্দেহ, ধনেখালির খটচুর, কৃষ্ণনগরের সরভাজা ইত্যাদি যখন যাহা তাঁহার খাইতে ইচ্ছা হইত, মথুর তৎক্ষণাৎ তাহা আনাইয়া বাবাকে খাওয়াইতেন। তৎকালে রাজা জমিদার বা বড় লোকেরা যেমন জরীর

সাজ পরিতেন, ঠাকুরের একবার সেই মত সাজ পরিতে সখ হইয়াছিল। সেই সাজ পরিয়া রূপার গুড়গুড়িতে তামাক খাইবেন—হাতে হীরার আংটা থাকিবে ইত্যাদি প্রকারের ইচ্ছার কথা যেমন মথুর জানিলেন, অমনই সে সব জোগাড় করিয়া দিলেন এবং নিজে দাঁড়াইয়া ঠাকুরের রাজবেশ করিয়া দিলেন। ঠাকুরের সাজগোজ করিয়া তামাক খাওয়া হইল। সাধ মিটিবার পর কিন্তু আর এক মিনিটও সে সব গায়ে রাখিবার উপায় ছিল না। রাজকেতা যেমন শেখ হওয়া, অমনই, সঙ্গে সঙ্গে সে বাসনাও চিরন্তরে মিটিয়া গেল।



স্বামী রাসমণির ভবন—জানবাজার

ঠাকুরের একবার ভাল জরীর শাল গায় দিতে সাধ হইয়াছিল। তাহা জানিতে পারিয়া এক হাজার টাকা দানের জরীর কাষ করা শাল মথুর কিনিয়া দিলেন; শাল গায়ে দেওয়া হইল। অল্পক্ষণ পরে দেখা গেল যে, সেই দামী শালকে মাটিতে ফেলিয়া দিয়া তাহার উপর ঠাকুর থুথু দিতেছেন। ঠাকুর বিচার করিয়া মনকে বলিলেন—“এই শাল জিনিষটার ভিতর লোম ছাড়া আর কিছুই নাই অথচ তাহা গায় দিয়ে লোকের অহঙ্কারের অন্ত থাকে না। অতএব এই অসার জিনিষ যাহা অহঙ্কার বাড়ায়, তাতে থুথু দেওয়াই তাহার উপযুক্ত ব্যবহার।” মথুর এই কাণ্ড দেখিয়া

হাসিলেন; বুঝিলেন, যিনি মা-খনে ধনী, তাঁহার কাছে সামান্য শাল ও ছেঁড়া ঢাকড়ার প্রভেদ হওয়াই আশ্চর্য।

দক্ষিণেথরে ঠাকুরের সাধন-ভজনকালে অনেক সাধু আসিতেন এবং ঠাকুরের তাঁহাদের সেবা করিতে ইচ্ছা হইত। তাই মা'র কাছে ঠাকুর প্রার্থনা করিয়াছিলেন, “মা, আমার ভার কে নেবে—তোমার তত্ত্ব-সঙ্গ করিব, তাহাদের সেবা ক'রবো ইচ্ছা—কিন্তু মা কেমন ক'রে হয়। এক জন বড় মানুষ পেছনে না থাকলে কেমন ক'রে হবে, মা।” ঠাকুর বলিতেন, ‘মা তাই মথুরবাবুকে

আনিয়া দিলেন, তিনি চৌদ্দ বৎসর (১৮৫৭—১৮৭১) সঙ্গে সঙ্গে থাকিয়া আমার সর্ব-বিধ ভার গ্রহণ ও বহন করলেন। ঠাকুরের সাধু-সেবার জন্ম আলাদা এক ভাড়ার মথুর বাবুর হুকুমে খোলা হইল। সেই ভাড়ার হইতে চাল, ডাল, সিধে, মা'র কয়ল, কমণ্ডলু পর্যন্ত ঠাকুরের ইচ্ছামত দেওয়া হইতে লাগিল। এমন কি, শুনা গিয়াছে, ঠাকুরের আদেশে গাড়ী, পাল্কী

পর্যন্ত মথুর বাবু কোন কোন সাধুকে দানের ব্যবস্থা করিয়া দিয়াছিলেন। ব্রাহ্মণী তাই মথুর বাবুর দান ও ঠাকুরের প্রতি তাঁহার ভক্তি ও সেবা দেখিয়া বলিতেন, ‘চৈতন্য অবতারের প্রভাপ রুদ্র এ অবতारे মথুর হয়ে এসেছেন দেখছি।’

মথুর, ঠাকুরকে এমনই আপন ভাবিতেন—এমনই ভাল-বাসিতেন যে, তাঁহাকে এমন সব কাষের জন্ম অনুরোধ করিতেন, যাহা অন্তের কাছে অস্বাভাবিক বোধ হইবে, কিন্তু মথুর বাবু নিজে তাহা দোষ বলিয়া মনে করিতেন না। একবার মথুর একটা বড় মকদ্দমায় পড়েন, তাহাতে



অনেক হাজার টাকা ক্ষতি হইবার সম্ভাবনা ছিল। কিন্তু তিনি জানিতেন, তাঁহার বাবা সাক্ষাৎ অভয়া, তাঁহার আবার ভয় কি? এক দিন তিনি বাবাকে বলিলেন, “বাবা, এই অর্ঘ্যটি মাকে দিন ত।” বাবা মাকে অর্ঘ্য দিলে তাহাতে ভক্তের অতীষ্টসিদ্ধি নিশ্চিত, ইহাই মথুরের ধ্রুব বিশ্বাস। ঠাকুর অর্ঘ্যটি মাকে দিলেন; অন্তর্ধ্যামী ঠাকুর এই জ্ঞান দিলেন যে, মথুরের কি বিশ্বাস!

আর একবার সেজো-গিন্নী (জগদম্বা) বাবাকে বলেন, “বাবা, আমার সন্দেহ হয়, সেজোবাবু বোধ হয় খারাপ জায়গায় যান। বাবা, আমি যেদিন বলবো, আপনি কি সেদিন সেজোবাবুর সঙ্গে যাবেন?” ঠাকুর বলিলেন, “বেশ, তা যাবো।” শেষে সেজো-গিন্নীর ইচ্ছিতে এক দিন তিনি সেজো বাবুর সঙ্গে গাড়ীতে করিয়া বাহির হইলেন। করিয়া আসিলে সেজো-গিন্নী তাঁহাকে জিজ্ঞাসা করিলেন, “বাবা, আপনারা কোথায় গেলেন, কি হোলো বলুন ত।” ঠাকুর বলিলেন, “দেখ গো—আমরা এক জায়গায় গেলুম। সেখানে সেজো-বাবু আমাকে নীচে বসিয়ে রেখে উপরে কোথায় চলে গেল। প্রায় আধ ঘণ্টা পরে এসে আমার সঙ্গে, চল বাবা।” সেজো-গিন্নী ঠিক অবস্থাটা বুঝিয়া লইলেন। মথুর কিন্তু এত সাহসী যে, ঠাকুরকে সঙ্গে লইয়া এমন স্থানে যাইতেও দ্বিধা-বোধ করেন নাই। ধন্য ভক্তি-বিশ্বাসের জোর ও সাহস! যাহার কাছে লজ্জা-সরম ধর্ম-অধর্ম সকলই সমর্পিত হইয়াছে, সেখানে ভয় কুণ্ঠা আর আসিবে কেমন করিয়া? ‘যশ, অপযশ, সুরস, কুরস সকল রস তোমারি।’

আর একবার জমিদারীর বিষয় লইয়া প্রতিপক্ষের সহিত দাঙ্গা লাঠালাঠি হয় এবং তাহার ফলে এক জন লোক খুন হয়। মথুর জমিদার, বিপদে পড়িয়া ঠাকুরের শরণাপন্ন হন। ঠাকুর প্রথমে মথুরকে পূর্ব তিরস্কার করিলেন, বলিলেন, “তুমি রোজ রোজ ক্যানাদ বাধাবে, আর আমি রোজ রোজ মা’র কাছে গিয়ে তোমার জ্ঞান কাঁদাকাটা করবো—এই বুঝি তুমি মনে করেছো? এখন যাও, নিজ কর্মের ফলভোগ কর।” কিন্তু মথুর কি ছাড়িবার পাত্র? শেষে মথুরের কাতরতার ও পীড়াপীড়িতে আর বিমুখ থাকিতে না পারিয়া “মা’র যা ইচ্ছে তাই

হবে,” বলিয়া ঠাকুর মথুরকে অভয় দিলেন এবং মথুর সে বিপদেও সহজে মুক্তিলাভ করিলেন।

ঠাকুরের ভাব আর সমাধি লাগিয়াই ছিল; এ সব দেখিতে দেখিতে মথুরের নিজের ভাব হইবার জ্ঞান সাধ হইল। ঠাকুরের কাছে মথুর প্রার্থনা জানাইলেন। ঠাকুর বলিলেন,—‘এ সবে কাষ নাই—ভাবটাব পাক—সব ধাতে এ সব সহ না।’ কিন্তু মথুর তাহা শুনিতে ইচ্ছুক নন। ভক্তবাঞ্ছা পূর্ণ না করিলেও চলে না,—কাষেই মথুর বাবুর শেষে সত্য সত্যই ভাব হইল। সর্বদাই আনন্দে মাতোয়ারা অবস্থা এবং বিষয়-কর্মে উদাসীন। জমিদারীর লোকজন অবাক। এ কি অবস্থা! মথুর এমন বিষয়-কর্মে উদাসীন হইলে বড় বড় জমিদারী—বিষয় থাকিবে কেমন করিয়া? ছোট ভট্টাচার্য্য এমন কি গুণ—তুচ্ছ-তাক্ করিল, যাহাতে বাবুর এমন দশা! সেই ঘোর বিষয়ী মথুর এখন যেন আর এক ব্যক্তি! শেষে মথুর নিজেই এক দিন বাবাকে ডাকাইলেন। ঠাকুর আসিলে মথুর ঠাকুরের পদতলে পতিত হইয়া বলিলেন, “বাবা, আমি যাহা চাহিয়াছিলাম, তাহা আপনি দিয়াছেন। কিন্তু তখন বুঝিতে পারি নাই যে, এতে মন একেবারে বিষয়-বিমুখী হইয়া যাইবে। মনে করিয়াছিলাম, এও হ’বে—ও’ও হ’বে। এখন বাবা, আমার আবার ভাল ক’রে দিন।” ঠাকুর মথুরের বুকে হাত দিয়া তাঁহার ভাব সম্বরণ করিলেন এবং বলিলেন যে, তিনি প্রথমেই এ-বিষয়ে বারণ করিয়াছিলেন। মথুরের ধাতে এ সব সহ হইবে কেন? ভোগবাসনা তাঁহার তখনও যথেষ্টই ছিল। ভোগীর এত সহজে যোগী হওয়া সম্ভব হয় না। ঠাকুর রূপা করিয়া শুধু আনন্দরস একটু আশ্বাদ করাইয়া দিলেন।

মথুরের ইচ্ছা ছিল, ঠাকুরকে বহুমূল্য একখানি তালুক লিখিয়া দেওয়া, মথুরের অবর্তমানে যাহাতে ঠাকুর ও শ্রীমার সেবার কোন কষ্ট না হয়। হৃদয়ের সঙ্গে মথুর বাবু এ বিষয়ে পরামর্শ করিয়াছিলেন। হৃদয় মথুরের পরামর্শ উত্তম বলিয়া মনে করিলেও ঠাকুরের কাছে কথাটা হঠাৎ মথুর উত্থাপন করিতে ইতস্ততঃ করিতে লাগিলেন। ঠাকুরের মনে কান্ধন, জমি বা টাকার প্রতি একটুও টান নাই, তাহার নিদর্শন ইতিপূর্বে মথুর বহুবারই দেখিয়াছেন কিন্তু শেষে কথাটা ঠাকুরের কাছে বলিবারাত্র, ঠাকুর বলিলেন, “দেখ মথুর, এমন কার্য্য করবার চিন্তা


পর্যন্ত ছেড়ে দাও। ওতে আমার এবং সেই সঙ্গে তোমারও ভারি অনিষ্ট হবে।” গুনিয়া মথুর আর এই ভাবের কথা দ্বিতীয়বার উত্থাপন করিতে সাহস করেন নাই। ঠাকুরের মাতাঠাকুরাণী চন্দ্রমণি দেবী তখন নহবতে বাস করিতেছিলেন। মথুর একবার শেষ চেষ্টা করিলেন, যদি তিনি কিছু গ্রহণ করেন। কিন্তু চন্দ্রাদেবী ত্যাগের মূর্তি। তিনি মথুরের অভিলাষের কথা গুনিয়া প্রথমে বলিলেন, “মথুর, তুমি গদাইকে দেখছো, আমাদের দেখছো, আবার আমাদের কি দরকার থাকতে পারে।” কিন্তু মথুর বিশেষ জেদ করিতে থাকায় বলিলেন, “আচ্ছা, যখন কিছু দিতে তোমার এতই ইচ্ছা, তখন আমাকে এক আনার দোস্তাপাতা এনে দিও, পুড়িয়ে জ্বল করবো এখন।” মথুর গুনিয়া সজলনয়নে ভাবিতে লাগিলেন, এমন ত্যাগের জ্বাকর না হ’লে কি এমন অভূতপূর্ব ত্যাগিচূড়ামণি পুত্ররত্ন জন্মে! সব শুক্লিতেই কি মহামূল্য মুক্তা হয়, না সকল গজেই গজমুক্তা জন্মে!

ঠাকুরের অসামান্য তপস্বী ও ত্যাগের কথা ইত্যবসরে কিছু কিছু লোকের মুখে মুখে কলিকাতার পৌছিতে আরম্ভ করিয়াছে। বড় বড় লোক গাড়ীজুড়ী চড়িয়া ঠাকুরের কাছে মাঝে মাঝে আসিতে আরম্ভ করিল, রোগ সারাইবার জন্ত, শান্তি-স্বস্তায়ন জন্ত বা মকদ্দমা জিতিবার জন্ত। তাহাদের সঙ্গে দেখা করিতে বা কথা কহিতে ঠাকুর বড়ই কষ্ট বোধ করিতেন—বিশেষতঃ তাহাদের স্বার্থবুদ্ধির জন্ত। এ দিকে বলিতেছে পরমহংস, আর এ দিকে চাহিতেছে মকদ্দমায় জয় বা গ্রহদোষশান্তি! যেন কল্পতরুর কাছে গিয়ে লাউ কুমড়া ফল প্রার্থনা করা! শেষে ঠাকুরের এমন অবস্থা হইল যে, তিনি এই সব লোক আসিতেছে দেখিলে বা জানিতে পারিলে গৃহের দ্বার বন্ধ করিয়া দিতেন। তাহাদের সঙ্গে দেখা করিতেন না। বরং সর্বদা খুঁজিতেন কোথায় ভক্ত আছে—যাহারা ঈশ্বর-চিন্তা করিতেছে বা ঈশ্বরলাভের জন্ত ব্যাকুল। কারণ, এরূপ লোকের সঙ্গ পাইলে তিনি কথঞ্চিৎ সুস্থ বোধ করিতেন। শিখদের হাকিমদার কোয়ার সিং এ সময় খুব আসিতেন, ঠাকুরও তাঁহার সঙ্গে কথা কহিয়া সুখবোধ করিতেন। কোয়ার সিং সাধু-সেবা করিতে ভালবাসিতেন ও ভগ্নপুত্র ঠাকুরকে নিয়ন্ত্রণ করিয়া, অল্প সাধুদের সঙ্গে

ধাওয়াইতেন। এক দিন ঠাকুর গুনিলেন, বাগবাজারের পোলের কাছে দীননাথ মুখোপাধ্যায় নামে একটি ভাল লোক আছেন। তাঁহাকে দেখিবার জন্ত ঠাকুর সেজো বাবুকে বলিলেন, “আমায় নিয়ে চল।” তিনিও গাড়ী করিয়া ঠাকুরকে সেই স্থানে লইয়া গেলেন। সেখানে গিয়া কিন্তু তাঁহাদের বড় অসুবিধা ঘটিল। বাড়ী ছোট, আর গাড়ী করিয়া ধনী লোক আসিয়াছেন দেখিয়াই তাঁহারা বিব্রত;—আবার সেদিন তাঁহাদের বাড়ীতে ছেলের উপনয়ন। কোথায় ঠাকুরকে বসান হয়; কোথায় মথুরকে বসান হয়; উভয়পক্ষই অপ্রস্তুত!

তাহার পর ঠাকুরের দেবেন্দ্রনাথ ঠাকুরকে দেখিবার ইচ্ছা হইয়াছিল। তাহা গুনিয়া মথুর বাবু বলিলেন যে, তিনি ঠাকুরকে সেখানে লইয়া যাইতে পারিবেন। দেবেন্দ্র ঠাকুর ও মথুর বাবু হিন্দু স্কুলে একসঙ্গে পড়িয়াছিলেন। ঠাকুর ও মথুর একসঙ্গে গিয়া দেবেন্দ্রের সহিত দেখা করিলেন। মথুর ঠাকুরের পরিচয় দিলেন এবং বলিলেন, ইনি ঈশ্বরের নামে পাগল। ঠাকুরের সঙ্গে দেবেন্দ্রনাথের অনেক কথাবার্তা হইবার পর ঠাকুরের সমাধি হইল। সমাধিস্থ হইয়া তিনি দেখিলেন, দেবেন্দ্রের যোগ ভোগ দুইই আছে। তার পর দেবেন্দ্র বেদ হইতে কিছু কিছু উদ্ধৃত করিয়া ঠাকুরকে শুনাইলেন এবং সেই অংশের এই অর্থ করিলেন যে, জগৎ যেন একটি বৃহৎ ঝাড়ের মত, আর জীবগুণি তার এক একটি দীপ। ঠাকুরও ধ্যানে ইতিপূর্বে ঠিক এইট দর্শন করিয়াছিলেন, কাষেই দেবেন্দ্রের ব্যাখ্যা গুনিয়া খুব আশ্চর্য্য বোধ করিলেন। শেষে কিন্তু দেখিলেন, এই মন্ত্রের মর্ম্মার্থ ঠাকুর যাহা ধারণা করিয়াছেন, দেবেন্দ্র তাহা ব্যাখ্যা করেন নাই। আলাপান্তে দেবেন্দ্রনাথ ঠাকুরকে তাঁহাদের বার্ষিক উৎসবে আসিতে বলিলেন। ঠাকুর বলিলেন যে, সে সবই মান্নের ইচ্ছা। দেবেন্দ্র বলিলেন যে, ঠাকুরকে কিন্তু চাদর গায়ে দিয়া আসিতে হইবে, এলোমেলো বা খালি গায়ে আসিলে চলিবে না। যদি কেউ কিছু বলে, দেবেন্দ্রের মনে তাহাতে কষ্ট হইবে। কিন্তু ঠাকুর বলিলেন, তিনি বাবু হইতে পারিবেন না। পরদিনই সেজো বাবুর কাছে দেবেন্দ্রের চিঠি উপস্থিত—ঠাকুরকে উৎসবে যাইতে বারণ করা হইয়াছে। ঠাকুরের গায়ে চাদর না থাকিলে, অসভ্যতা দোষ হইবে, সেই জন্ত!

দক্ষিণেশ্বর কালীবাড়ীতে হৃদয় যে এখন এক জন গণ্যমান্য ব্যক্তি হইয়া উঠিয়াছেন, তাহার আভাস পূর্বেই দেওয়া হইয়াছে। হৃদয়ের এখন অর্ধ উপার্জনের দিকে লক্ষ্য খুব। মামার সেবা করা যেমন তাঁহার কার্য, তেমনই মধুর-প্রদত্ত ও মামা কর্তৃক পরিত্যক্ত বেনারসী কাপড়, টাকা, অলঙ্কারাদি কুড়াইয়া এবং দর্শনী প্রণামী হস্তগত করাও ছিল তাঁহার কার্য। ধর্ম-কর্মে বিশেষ মন দেওয়ার ইচ্ছা বা অবকাশ এখনও তাঁহার হয় নাই। হৃদয় ভাবিতেন, মামা যখন এত বড় এক জন সাধু, তখন মামাকেই ধরে শেষে কিছু করে নেওয়া যাবে, উপস্থিত বিষয়-আশয় একটু ঠিক করিয়া লওয়া যাক। বড় মানুষ কেহ ঠাকুরের সঙ্গে দেখা করিতে আসিলে, হৃদয় দর্শনী না পাইলে দেখা হইতে দিতেন না। পূর্ক হইতে হৃদয়ের সহিত টাকার বিনিময়ে বন্দোবস্ত না থাকিলে হৃদয়ের সম্মুখে কেহ ঠাকুরের পদধূলি গ্রহণ করিতে পারিত না। এই সময়ে হঠাৎ হৃদয়ের স্ত্রী-বিয়োগ ঘটিল। স্ত্রী-বিবাহে হৃদয়ের মনে কিঞ্চিৎ বৈরাগ্য উদয় হইল এবং একটু সাধন-ভজন করিতে ইচ্ছা হইল। হৃদয় মার পূজার বিশেষ অনুরাগী হইলেন এবং মধ্যে মধ্যে পঞ্চবটীতে গিয়া ধ্যান-ভজন করিতেও আরম্ভ করিলেন। ঠাকুর তাঁহার অবস্থান্তর লক্ষ্য করিয়া বলিলেন, “হৃদয়, তুমি এখানকার কায়-সেবা করছিলে, তাই কর না, মা তোমাকে শেষে সব দেবেন—মা তুমি চাচ্ছ।” কিন্তু হৃদয় তাহা শুনিলেন না। কিছুদিন সাধন করিবার পর হৃদয়েরও ভাবাবেশ হইতে লাগিল এবং ঈশ্বরীয় রূপদর্শন হইতে লাগিল। মধুর হৃদয়ের এই অবস্থান্তর দেখিয়া ঠাকুরকে কারণ জিজ্ঞাসা করিলেন। তখন ঠাকুর বলিলেন, “হৃদয় মার কাছে আনকাল এই সব চায়, তাই মা কিছু কিছু তাকে দিচ্ছেন।” মধুর বলেন, “বাবা, হৃদয় ও আমি আপনার



দেবেন্দনাথ ঠাকুর

সেবা করি। এই যথেষ্ট ধর্ম করা হচ্ছে। ভাব-টাব ও সব আমাদের ধাতে সহ্য না।” ঠাকুর বলিলেন—“তাই হবে মধুর, মা সব ঠিক করে দেবেন।” ইহার কম দিন পরে হৃদয় এক দিন পঞ্চবটীর ঘরে ধ্যান করিতেছিলেন। এমন সময় তাঁহার মনে হইল, কে যেন তাঁহার গিঠের উপর জ্বলন্ত অগ্নিশিখার স্রোত বহাইয়া দিল। হৃদয় যন্ত্রণার ‘গেলুম মলুম’ বলিয়া চীৎকার করিতে আরম্ভ করিলেন, পরে ঠাকুর তাঁহার পৃষ্ঠে হাত বুলাইয়া সে জ্বালা নিবারণ করিয়া দিলেন। আরও কিছু দিন এই ভাবে বাইতে বাইতে হৃদয় এক দিন যখন পঞ্চবটীর দিকে ঠাকুরের পশ্চাদ্ভ্রমণ করিতেছিলেন, তখন হঠাৎ দেখিতে পাইলেন যে, ঠাকুরের দেহ জ্যোতির্ময় হইয়া গিয়াছে এবং

তিনি মৃত্তিকা স্পর্শ না করিয়াই শূণ্ণে চলিয়া যাইতেছেন। নিজের দিকে চাহিয়া হৃদয় দেখিল, নিজেও জ্যোতির্ময়, যেন বড় জ্যোতির ক্ষুদ্র অংশ। এই দেখিয়া হৃদয় ভাবোন্মত্ত হইয়া চীৎকার আরম্ভ করিল “ও রামকৃষ্ণ, তুমিও যে আমিও সে। চল জগতের হিতের জন্ত ছুজনেই এই স্থান হইতে চলিয়া যাই।” ঠাকুর হৃদয় চীৎকারে অসম্বলিত হইয়া বলিলেন, “এমন ক’রে কেন চোঁচাচ্ছিস? লোকে শুনে মনে করবে কি?” কিন্তু সে কথায় হৃদয়ের চীৎকার থামা দূরে থাক, আরও বাড়িয়া যাইতে লাগিল। তখন ঠাকুর হৃদয়ের বুকে হাত দিয়া বলিলেন, “একটুখানি শক্তিও ধারণ করতে পারিস না—আবার ভাব সমাধি, এই সবার ফরমাস করিস! থাক শালা জড় হয়ে!” বলিবামাত্র হৃদয়ের ভাব ও দর্শন চলিয়া গেল, তিনি সাধারণ অবস্থা প্রাপ্ত হইলেন এবং তখন ঠাকুরের পদতলে পড়িয়া কাঁদিতে কাঁদিতে বলিলেন—“মামা, আমাকে সত্যি সত্যিই জড় ক’রে দিলে?” ঠাকুর বলিলেন, “তুই রাখতে পারিস না, তা আমি কি করবো। আচ্ছা, এখন এলি থাক, সময়ে সব ঠিক হয়ে যাবে।” হৃদয় সেই অবধি আর সাধন-ভজনের দিকে মনোযোগ করিতেন না।

এই সময়ে দেশের বাড়ীতে হৃদয়ের জর্গোৎসব করিবার ইচ্ছা হইল। ঠাকুর ইহাতে সন্মতি দ্রোপন করিলেন, মথুরাও অর্থ-সাহায্য করিলেন। হৃদয় ঠাকুরকে লইয়া যাইতে ইচ্ছুক ছিলেন, কিন্তু মথুরা ছাড়িলেন না, বলিলেন, “বাবা আমার বাড়ীতে না থাকলে আমার পূজা হ’বে কেমন ক’রে?” কাখেই হৃদয় একাকী দেশে চলিয়া গেলেন। তবে ঠাকুর বলিলেন, “হৃদয়, জুখ করিস্ নি, আমি স্থপদেহে তোমার পূজায় তিন দিনই হাজির থাকবো—তুই রোজ আমাকে তোমার বাড়ীতে মা’র আরাতির সময় দেখতে পাবি।” হৃদয় তিন বৎসর জর্গাপূজা করিয়াছিলেন। প্রথম বৎসব জর্গোৎসবের পর হৃদয় কিন্তু দ্বিতীয়বার দারপরিগ্রহ করিলেন।

১৮৬৯ খৃষ্টাব্দে ঠাকুরের ভ্রাতুষ্পুত্র অক্ষয় অল্পবয়সে দেহত্যাগ করিলেন, অক্ষয়ের দেহত্যাগের পর—ঠাকুরের মধ্যম ভ্রাতা রামেশ্বর বিষ্ণুধরের পূজারী নিযুক্ত হইলেন—রাম চট্টোপাধ্যায় সহকারী রহিলেন। এই সময়ে, (১৮৬৯ খৃষ্টাব্দে) ঠাকুর জয়নারায়ণ পণ্ডিতকে দর্শন করেন। জয়নারায়ণ তর্কপঞ্চানন বিখ্যাত আলঙ্কারিক ও নৈয়ায়িক

ছিলেন। ইহার পিতাও পণ্ডিত ছিলেন। ১৮৪০ খৃষ্টাব্দে ইনি সংস্কৃত কলেজের লায়ের অধ্যাপক নিযুক্ত হন। ১৮৬৯ খৃষ্টাব্দে ঠাকুরের সহিত সাক্ষাতের পর তিনি কাশীতে গমন করেন। কাশীতে তাঁহার মৃত্যু হয় ১৮৭৩ খৃষ্টাব্দে। ঠাকুর ইহার সঙ্গে কথা কহিয়া খুসী হইয়াছিলেন। ইনি অতিশয় সরল ও বিচারার্থিগণের প্রতি সর্বদা সদয় ছিলেন। ঠাকুর যখন ইহাকে দর্শন করেন, তখন ইহার ছেলের বৃটপরা



জয়নারায়ণ তর্কপঞ্চানন

দেখিয়াছিলেন। এই ছেলের এক জন হরমোহন, পরে Dy Inspector of Schools হইয়াছিলেন।

অক্ষয়ের মৃত্যুতে ঠাকুরকে কিঞ্চিৎ শোকাবেগ সহ্য করিতে হয়। সেই জন্ত মথুরা তাঁহাকে লইয়া আবার কলিকাতার বাহিরে তাঁহার জমিদারীতে লইয়া যান। হৃদয়ও সঙ্গে ছিলেন। শুনা যায়, এই যাত্রায় মকিমপুর নীলকুঠী দর্শন ও পরে তথা হইতে মথুরের জন্মস্থান খুলনা জেলার বাড়ীতেও গমন করেন। এতদুপলক্ষে নিজগ্রামে মথুরকে আর একবার ঠাকুরের আদেশে ভাঙার দিতে



হয়। তিনি দেশের বাবতীর কাছালী গবীবকে অন্ন, বস্ত্র, একটি করিষা সিকি দানে তুষ্ট করিয়াছিলেন।

বৈষ্ণবচরণ ঠাকুরের কাছে সর্বদাই বাতাবাত্ত করিতেন। তিনি ঠাকুরকে যতই দেখিতে লাগিলেন, ততই তাঁহার প্রতি তাঁহার ভক্তি-বিশ্বাস বাড়িয়া যাইতে লাগিল। তিনি ঠাকুরকে সাফাৎ দেহধারী শ্রীচৈতন্য বোধ করিতে লাগিলেন। কলিকাতার কলুটোলায় কালীনাথ দত্তর বাড়ীতে একটি হরিসভা ছিল। এখানে পাঠ-কীর্তনাদি নিয়মিতভাবে হইত,



শ্রীচৈতন্যদেব

এবং সেই অবিবেশনের সময়ে সভামঞ্চের উপরে একটি বস্ত্র আসন শ্রীচৈতন্যদেবের উদ্দেশ্যে পৃথকভাবে ফুল-মালা প্রভৃতিতে সাজাইয়া রাখা হইত। এক সময়ে বৈষ্ণবচরণ এখানে ভাগবত পাঠে ব্রতী ছিলেন, ঠাকুর হৃদয়ের সঙ্গে এই সভায় আসিয়া এক পার্শ্বে বসিয়াছিলেন। ক্রমে কীর্তন মহোৎসব আরম্ভ হইলে ঠাকুর নৃত্য করিতে করিতে মুহূর্ত্তঃ সমাধি হইতে থাকেন এবং ভাবাবেশে শ্রীচৈতন্যের আঙ্গুর পিয়া লগ্ন্যমান হন। তাঁহার সেই দ্বিবা

ভাবোদ্ভাসিত মূর্ত্তি ও ঈশ্বরপ্রেমোজ্জ্বল সহায় মুখ দেখিয়া তখন কেহ তাঁহাকে বাধা দিতে ইচ্ছা করিলেন না বা তাঁহাদের মনে কোন বিবেচ্যভাবও তৎকালে আসিল না। কিন্তু ক্রমে যখন অগ্ন্যাগ্ন বৈষ্ণবগণ এই কথা শুনিতে পাইলেন, তখন তাঁহারা ঠাকুরের উপর বড়ই অসন্তুষ্ট হইলেন এবং শ্রীচৈতন্য আসন গ্রহণ করার স্পন্দকে তত্ত্বামীর চূড়ান্ত বলিয়া ঠাকুরের অজস্র নিন্দাবাদও কবিত্তে ছাড়িলেন না। ক্রমে এই সংবাদ তৎকালীন বৈষ্ণবদিগের মধ্যে বয়সে ও সাধনে বরিষ্ঠ কালনার ভগবান দাস বাবাজীর কর্ণে গেল। তিনিও এ কথা শুনিয়া শ্রীরামকৃষ্ণ পরমহংসদেবকে এক জন মহাভগ্ন মনে করিলেন এবং তাঁহার চঃসাহসের জগ্ন যথেষ্ট নিন্দা করিত্ত ক্রটি করিলেন না।

ঠাকুর প্রায় প্রতি বৎসব পানিহাটীর মহোৎসবে যোগদান করিতে যাইতেন। পানিহাটী গ্রাম কলিকাতা হইতে ৭।৮ মাইল উত্তরে গঙ্গা তীরে অবস্থিত শ্রীগোবিন্দদেব মন্দির অবতীর্ণ, তখন তাঁহাব পাষদ শ্রীনিত্যানন্দ নাম প্রচার কার্যে বতী থাকিষা এক দিন পানিহাটী গামে আসিষা গঙ্গাতীরস্থ এক বটবৃক্ষতলে বসিয়াছিলেন। তিনি অবধূত, কাহাবও বাড়ী যাইতেন না, কায়েই বৃক্ষতলে অবস্থান কবেন। পরে তাঁহার শিষ্যবা তাঁহাকে সেইখানে দেখিত্ত পান। এই শিষ্যগণমধ্যে দাস বয়ুনাথ ছিলেন। উনি সপ্তগ্রামনিবাসী এক জন ধনীৰ পুল, বৈরাগ্যবশতঃ সংসার ত্যাগ করিষাছিলেন। নিত্যানন্দ তখন বয়ুনাথ দাসকে বলিলেন—“তুমি কেবল বাড়ী থেকে পালাও এবং ভগবানের প্রেম ও ভক্তিরস গোপনে আশ্বাদন করিষা থাক। তাহাব দণ্ডস্বরূপ আজ তুমি আমাদিগকে চিড়ার মহোৎসব করিষা ধাওষাও।” এইজগ্ন এই উৎসবের নাম দণ্ড মহোৎসব। জ্যৈষ্ঠ শুক্লা ত্রয়োদশী তিথিতে এই মহোৎসব প্রথমে হইষা ছিল। বয়ুনাথ দাসের পর এই মহোৎসব প্রতি বৎসর ঐ গ্রামস্থ শ্রীচৈতন্যভক্ত রাষব পণ্ডিত করিতেন। এখনও এই মহোৎসব চলিষা আসিত্তেছে। ঠাকুর যখনই পানিহাটী যাইতেন, তখনই তিনি ভাবে মাতোয়ারা হইষা নৃত্য করিতেন এবং তাঁহার ঘন ঘন সমাধি ও ভাবোজ্জ্বল মূর্ত্তি দেখিলে মনে হইত, শ্রীগোবিন্দ বৃষ্টি আবার অবতীর্ণ হইষা প্রেমের হিলোলে দেশ ভাসাইতে আসিষাছেন। কলুটোলায় শ্রীচৈতন্য আসন গ্রহণের পর বয়ুনের উর হইল, পাছে হষ্ট

বৈষ্ণবগণ পেনেটীতে ঠাকুরের প্রতি কোন অত্যাচার করে, সেইজন্ম প্রথমে ঠাকুরকে সে বৎসর পেনেটী যাইতে নিষেধ করিলেন। কিন্তু ঠাকুর যখন ভীত হইলেন না, নিষেধও শুনিলেন না, তখন অগত্যা মথুর তাঁহাকে যাইতে দিয়া নিজের মনের দুশ্চিন্তা বশতঃ চার জন দরোয়ান লইয়া প্রচ্ছন্ন-ভাবে দূর হইতে উৎসবক্ষেত্রের উপর দৃষ্টি রাখিলেন। তিনি দরোয়ান চারি জনকে আদেশ দিলেন, তাহারা যেন একটু দূর হইতে বাবাকে চোখে চোখে রাখে এবং সামান্য বিপদের চিহ্ন দেখিলেই যেন তাঁহাকে লইয়া নিরাপদ স্থানে চলিয়া আসে। সুখের বিষয়, এ উৎসবে ঠাকুরের অদ্ভুত ভাব ও সমাধি দর্শনে সমবেত সমস্ত বৈষ্ণবই আনন্দ লাভ করিলেন, কেহই তাঁহার প্রতি বিদ্বেষের লেশমাত্র পোষণ করিয়াছেন, তাহার কোন চিহ্ন দেখা গেল না। সমবেত ভক্তমণ্ডলীকে পরমানন্দ দান করিয়া দিব্যশেষে পরমানন্দময় ঠাকুর সুস্থদেহে ও প্রফুল্লমনে আবার দক্ষিণেশ্বরে ফিরিয়া আসিলেন।

১৮৭০ খৃষ্টাব্দে ঠাকুরের আবার পেটের পীড়া অতিশয় বৃদ্ধি পাইল। লোকে পরামর্শ দিল যে, গঙ্গায় কিছুদিন ভ্রমণ করিলে গঙ্গার নির্মলবায়ু সেবনে তাঁহার পীড়ার উপশম হইতে পারে। মথুর বাবু তাহা শুনিয়া বজ্রা ভাড়া করিয়া কিছু দিনের জন্ম ঠাকুরের গঙ্গাভ্রমণ ব্যবস্থা করিলেন। বজ্রায় রহিলেন ঠাকুর, মথুর, হৃদয় এবং পরিচারকগণ। মাঝিরা যখন রাঁদিত, তখন যদি ঠাকুর সেখানে গিয়া দাঁড়াইতেন, মথুর নিজে আসিয়া তাঁহাকে ফিরাইয়া লইয়া যাইতেন। মথুর হয় ত ভাবিতেন, ঠাকুরের যে সর্ব্বদর্শে অনুরাগের অবস্থা, তাহাতে তিনি অনায়াসে মুসলমান মাঝিদের নিকট হইতে কিছু চাহিয়া খাইতে পারেন। ইসলামধর্ম্মে সাধন কথা মথুর বেশ স্মরণ রাখিয়াছেন এবং সেও খুব বেশী দিনের কথা নহে। এইভাবে ভ্রমণ করিতে করিতে বজ্রা যখন কালনার উপস্থিত হইল, তখন ঠাকুর কাহাকেও কিছু না বণিয়া বজ্রা হইতে নামিয়া আসিলেন এবং পরিচিত স্থানের গায় চলিতে চলিতে সোজা ভগবানদাস বাবাজীর আশ্রয় উপস্থিত হইলেন। হৃদয় সঙ্গে ছিলেন, তিনি প্রথম আশ্রয় প্রবেশ করিতেই কি জানি কেমন করিয়া ভগবানদাস বুদ্ধিতে পারিয়াছিলেন যে, কোন এক মহাপুরুষ

তাঁহার আশ্রয় আসিতেছেন। হৃদয়ের পশ্চাতে ঠাকুর যখন চাদর মুড়ি দিয়া প্রবেশ করিয়াছিলেন, তখন অল্প লোকেরা তৎপ্রতি বিশেষ মনোযোগ দেন নাই। ভগবানদাস মালা জপ করিতেছিলেন। হৃদয় বলিলেন যে, তাঁহার বাবাজীকে দেখিতে আসিয়াছেন এবং জিজ্ঞাসা করিলেন, “আপনি সিদ্ধ পুরুষ, তবে মালা জপ করছেন কেন?” বাবাজী জবাব দিলেন, “নিজের জন্ম জপ নয়, জপ লোক-শিক্ষার জন্ম।” এই কথা ঠাকুর যেমন শুনিলেন, অমনই তাঁহার ভাবাবেশ হইল; তিনি হৃদয় দিয়া বলিলেন— “আরে ভগবান, তোমার এখনও এত অভিমান! বৈষ্ণবের অভিমানশূন্যতা একটি বিশেষ লক্ষণ, আর তুমি এতদূর দর্পিত যে, সামান্য জীব হইয়া লোকশিক্ষা দিবে, তাই হুবুন্ধি ও বিধম অভিমান পোষণ কর! লোকশিক্ষা দেবেন মা— যার জগৎ তিনি। তুমি লোকশিক্ষা দেবার কি শক্তি রাখ?” কথাগুলি তীক্ষ্ণ তীরের গায় সাধক ভগবানদাসের হৃদয়ে প্রবেশ করিল। তিনি কথাগুলির স্বার্থতা অনুভব করিয়া নীরবে অশ্রু বিসর্জন করিতে লাগিলেন এবং ঠাকুরের কথায় তাঁহার চৈতন্য উদয় হইল। কঠা একমাত্র ভগবান, মানুষের স্বাধীনতা নাই, মানুষ ভগবানের নির্দেশের যন্ত্রমাত্র, এই জ্ঞান যেন তাঁহার চক্ষুর সম্মুখে ভাসিয়া উঠিল। নবা-গতের এই রুঢ় কথার জন্ম তাঁহার প্রতি ক্রোধ হওয়া দূরে থাকুক, তিনি বিশ্বদৃষ্টিতে ঠাকুরের ভাবাবেশ ও তেজ দেখিয়া বুঝিলেন, ইনি সামান্য ব্যক্তি নহেন। তাহার পর বাবাজীর সঙ্গে ঠাকুরের ধর্ম্মকথাপ্রসঙ্গ চলিতে লাগিল, ভাবনিদি ঠাকুরের বারংবার ভাব-সমাধি হইতে লাগিল। তাহা দেখিয়া ভগবানের মন ঠাকুরের প্রতি ভক্তি ও প্রীতিতে ভরিয়া উঠিল। কথা-প্রসঙ্গে যখন ভগবানদাস জানিলেন যে, ইনিই তিনি—যিনি ভাবাবেশে কলুটোলায় শ্রীচৈতন্যের আসন অধিকার করিয়াছিলেন, তখন নিজ মুখেই ভগবানদাস স্বীকার করিলেন যে, ঠাকুরের গায় ব্যক্তিই ভাব-ভক্তি-প্রেমে মাতোয়ারা শ্রীচৈতন্যের আসনে বসিবার উপযুক্ত। তিনি যেন শ্রীচৈতন্যের নব আবির্ভাব বলিয়া ভগবানদাসের মনে হইতে লাগিল। হৃদয়গ্রহি ভেদ হইয়া সাধন-ভজনের পূর্ণতা ভগবানদাস লাভ করিলেন।

কালনা হইয়া ঠাকুর নবদ্বীপ দর্শনে গমন করেন। নবদ্বীপ সহরে চারিদিকে মন্দিরাদি দর্শন করিয়া বেড়াইতে

বেড়াইতে ঠাকুরের মন কোথায়ও কোন উচ্চ ভাবভূমিতে উঠিল না। ইহাতে তিনি খুব বিশ্বয়বোধ করিতে লাগিলেন। কিন্তু নৌকা করিয়া ভ্রমণ করিতে করিতে গঙ্গামধ্যবর্তী কোন এক চড়ার নিকটে যখন বজরা আসিল, তখন ঠাকুর 'ঐ এলো রে' বলিয়া চীৎকার করিয়া সমাধিস্থ হইলেন। পরে বলিয়াছিলেন, দুইটি তেজঃপুঞ্জদেহী যুবক হাসিতে হাসিতে আসিয়া ঠাকুরের দেহে প্রবেশ করিয়াছিলেন। ইহাতে অনুমান হয়, বর্তমানে যে স্থান নবদ্বীপ বলিয়া কথিত আছে, তাহা চৈতন্যদেবের লীলাভূমি নবদ্বীপ নহে। আসল নবদ্বীপ এখন গঙ্গাগর্ভে চলিয়া গিয়াছে এবং সেই স্থানেই শ্রীঠাকুরের গৌর-নিতাই-দর্শন ঘটিয়াছিল।

মথুর বাবু চৌদ্দ বৎসর ধরিয়া ঠাকুরের শিষ্যের স্নায়, দাসের স্নায়, প্রভুভক্ত সেবকের স্নায় সেবা করিয়াছেন। এইবার তাঁহার জীবন-লীলায় চূড়ার সময় উপস্থিত। ঠাকুর বলিতেন, "সেজোবাবু বয়সকালে দেহের উপর অনেক অত্যাচার করেছিলেন—প্রথমে তা টের পাওয়া যায় নাই, শেষবয়সে সেই সবে ফল হ'তে আরম্ভ করিল।" প্রথমে তাঁহার দুঃখ হইল, তাহা হইতে আরোগ্য হইয়া কিছুদিন পরে হইল জ্বর-বিকার। এবার আর মথুর রক্ষা পাইলেন না। ১৮৭১ খৃষ্টাব্দের জুলাই মাসের মধ্যভাগে বৈকাল টোর সময় মথুর দেহত্যাগ করিলেন। যত দিন রোগশয্যা মথুর পড়িয়াছিলেন—হৃদয় প্রত্যহই তাঁহার সংবাদ আনিয়া ঠাকুরকে দিতেন। ঠাকুর পূর্বেই জানিতে পারিয়াছিলেন যে, মা এবার মথুরকে লইবেন। যখন মথুর কালীঘাটে শরীর ত্যাগ করিলেন, তখন দক্ষিণেশ্বর মন্দিরে ঠাকুরও সমাধিস্থ হইয়া পড়িলেন। জ্ঞান হইলে বলিলেন, মথুর দেবীলোকে গমন করিল। সংবাদ আসিলে জানা গেল, ঠাকুরের সমাধির সময়েই মথুরের দেহত্যাগ হইয়াছিল। মথুরের দেহত্যাগের পর এক জন ভক্ত ঠাকুরকে জিজ্ঞাসা করিয়াছিলেন, মথুরের মুক্তি হইয়াছে কি না? উত্তরে ঠাকুর বলিয়াছিলেন যে, মথুরের ভোগবাসনা এখনও মিটে নাই। মথুর পুনরায় কোথাও কোন রাজপুত্র হইয়া জন্মগ্রহণ করিবেন।

বাসনা থাকিতে জীবের মুক্তি হয় না। বিবেক-বৈরাগ্য জন্মিলে তবে বাসনার বীজ নষ্ট হয়। প্রশ্ন উঠিতে পারে, এত সঙ্গ, সেবা, দর্শন করিয়াও কি মথুরের মনের বাসনার বীজ ধ্বংস প্রাপ্ত হয় নাই? ইহার উত্তরে বলা যায়, ঠাকুরের কথায়, যে কল্পভরুর কাছে লোকে যাহা চায়, তাহাই লাভ করে। ধর্ম, অর্থ, কাম, মোক্ষ চার ফলের মধ্যে মথুর প্রথম তিন ফল কামনা করিয়াছিলেন, চতুর্থ ফল বোধ হয় কামনা করেন নাই। তাই তাঁহাকে আবার জন্মগ্রহণ করিতে হইয়াছিল। সম্পূর্ণ ভোগান্ত না হইলে ঈশ্বরের জগৎ ঠিক ঠিক ব্যাকুলতা আসে না এবং ব্যাকুলতা জন্মিলেই তবে মানুষ বিবেক-বৈরাগ্যের অধিকারী হইয়া অমৃতফলাভ করিয়া থাকে।

মথুরের দেহত্যাগের কিছু পূর্বে মা ঠাকুরকে জানাইয়া দিয়াছিলেন যে, তাঁহার অনেক শুকসত্ত্ব ভক্ত আছেন, যাহারা এইবার আসিতে আরম্ভ করিবেন। ঠাকুর আরতির সময় তাই কুঠীর ছাদে উঠিয়া মধো মধো উচ্চৈঃস্বরে ডাকিতেন, "ওরে তোরা কে কোথায় আছিস চ'লে আয়—তোদের দেখার জগৎ আমি বড়ই কাতর হয়ে পড়েছি!" এই সব কথা শুনিয়া মথুর কখনো কখনো বলিতেন, "কেন বাবা, আমার সেবায় কি আপনি তুষ্ট হন না? বেশ ত' আপনার আরও ছেলে আশুক। সকলে মিলেই সেবা করবো।" কিন্তু মথুর থাকিতে ইহারা কেহ আসেন নাই। মা যখন মথুরকে লইলেন, তখন হইতে নানা ভক্ত-সমাগম যে হইবে, তাহার লক্ষণ প্রকাশ পাইতে লাগিল। ঠাকুরের অন্তরঙ্গ ভক্তগণকে ঠাকুর বলিতেন যে, তাঁহারা তাঁহার সহিত একস্বভা—যেন একটি বড় অগ্নির ফুলিঙ্গগুলি। এই সকল ভক্তের মধ্যে সর্বপ্রধানা শ্রীশ্রীমাতাঠাকুরাণী,—যিনি ঠাকুরের শক্তি ও তাঁহার সহিত অভেদাত্মাস্বরূপিণী সাক্ষাৎ ব্রহ্মময়ী স্বরূপা। এইবার তাঁহার আগমনকাল হইয়াছে। সুধী পাঠক এইবার আপনাকে সেই সব কথা জানাইব।

[ ক্রমশঃ ]

শ্রীহর্গাপদ মিত্র।





## জলধর-স্মৃতি-সম্বন্ধনা



নিজের বিশ্বত স্মৃতির তর্পণ করিতে গিয়া, রায় জলধর সেন বাহাদুর কেবল যে 'বসুমতীতে' আমার নিয়োগ সম্বন্ধেই মতের অপলাপ করিয়াছেন, তাহা বলিলে ভুল হইবে। আত্মপ্রসাদ লাভের আশায় তিনি স্মৃতি-পূজার অন্তরালে আত্মপ্রশংসার প্রয়াসে যে অশোভন স্পর্শ প্রকাশ করিয়াছেন, তাহা কোন কারণেই উপেক্ষণীয় নহে। বিশেষতঃ তিনি প্রবন্ধ-সূচনায় পূজনীয় পণ্ডিত সুরেশচন্দ্র সমাজপতি মহাশয়ের অমুরোধের নামে বিনয়ের আবরণে যখন উদ্দেশ্য বিবৃত করিয়াছেন—“বাংলা সাহিত্যিকদিগের ইতিহাসের কিছু মাল-মসলা জমা হবে” (ভারতবর্ষ ১৩৪২ কার্তিক ৭১০ পৃষ্ঠা) তখন সে ইতিহাস যাহাতে অনত্য-বিহীন—অসঙ্গতি-দোষ-বর্জিত হয়, সাহিত্যিকগণের সে চেষ্টা করা বাঞ্ছনীয়—একান্ত কর্তব্য বলিয়াই মনে করি। আমার 'সেকালের স্মৃতি' কথায় বরোদা হইতে প্রত্যাবর্তনের পর 'বসুমতীর' সেবা-ভার গ্রহণের কথা এবার স্থানাভাবে বলিতে পারিলাম না; এবং সেই জগুই জলধর বাবুর জীবন-স্মৃতির অষ্টাদশ পর্ক মহাভারতের—এ পর্য্যন্ত প্রকাশিত নয় পর্ক মধ্যে আদি—সভা—বন পর্কের মহিমা-কীর্তন করিয়াই ক্ষান্ত হইতে হইল।

বিশ্ববরেণ্য স্বামী বিবেকানন্দের জীবনদানপ্রসঙ্গে রায় বাহাদুর স্মৃতিতর্পণে লিখিয়াছেন :—

“প্রায় শনিবারেই অপরাহ্ন দু'টার সময় স্কুল থেকে ফিরে এসে... একখানি কবল ও লাঠি নিয়ে মহানন্দে বেড়িয়ে পড়তাম।...

“এই সময় এক শনিবারে বেলা একটা কি দুটোর সময় লাঠি ধার কবল নিয়ে নগ্নপদে বেড়িয়ে পড়ি। সেদিন আমার লক্ষ্যস্থান ছিল—স্বীকেশ।...

“পথে নামলে আমার পা দুখানিতে কে যেন পাখা বেঁধে দিত! আমি সেদিন এমন হেঁটেছিলাম যে, সন্ধ্যার পূর্বেই স্বীকেশে পৌঁছাই। অবশ্য তখন গ্রীষ্মকালের দিন।—কাষেই খুব বড়।”

(‘ভারতবর্ষ’ ১৩৪২, ফাল্গুন, ৩৪৫ পৃষ্ঠা)

গ্রীষ্মের “সন্ধ্যার প্রাকাল” বোধ হয় ৭টা পর্য্যন্ত ধরা পাইতে পারে। তাহা হইলে পূর্ণ পাঁচ ঘণ্টার জলধর বাবু ডেরাডুনের করণপুর হইতে স্বীকেশে পৌঁছিয়াছিলেন।

করণপুর হইতে ডেরাডুনের দূরত্ব বাদ দিলেও রেলপথে ডেরাডুন হইতে স্বীকেশ ৫০ মাইল; পাহাড়ের পাকদণ্ডীর জঙ্গল পথে ৩৬ মাইল। এই সংক্ষেপ পার্কীয় রাস্তা দিয়া জলধর বাবু তাঁহার “পাখা বাঁধা” চরণযুগল পরিচালনা করিয়া থাকিলেও কত সময় লাগিবার কথা, তাহা তাঁহার বর্ণিত ‘হিমালয়’ ভ্রমণ-কাহিনী হইতে দেখিবার প্রয়াস পাইতেছি।

(১৮৯০ খৃষ্টাব্দের) “৬ই মে বুধবার রাত্রি সাড়ে চারটা সময় দেশত্যাগের বন্দোবস্ত। তৎপূর্বেই বন্ধু বর্গ বিদায়ের জন্ত সমবেত হলেন।... সূর্যোদয় ৮'ল। আমরা স্বীকেশের পথে আসতে লাগলুম।... পাহাড় জঙ্গল অতিক্রম করে বেলা ১১টার সময় 'খালু' নামে একটা ছোট গ্রামে উপস্থিত হ'লুম।... অপরাহ্ন ৫টার সময় আবার যাত্রা আরম্ভ করলুম।... সন্ধ্যার সময় আমরা 'ভোগপুরে' উপস্থিত হ'লুম।... ভোগপুরের ধর্মশালায় রাত্রিবাস করা গেল।...”

“৭ই মে বৃহস্পতিবার প্রত্যুষে উঠে আবার যাত্রা।... বেলা একটার সময় স্বীকেশে পৌঁছলুম।... সন্ধ্যাবেলা বৌদের তেজ কন্ডে যাত্রা করে লছমন কোলায় উপস্থিত হতে সন্ধ্যা হ'য়ে গেল।”

(‘হিমালয়’ ১০ম সংস্করণ ৪—৭ পৃষ্ঠা)

স্বীকেশ ও লছমনকোলার মধ্যবর্তী স্বর্গাশ্রমেই সদাব্রত ও সাধুদের রুপড়ী—এই স্থানেই স্বামীজী ছিলেন।

পরিব্রাজকরূপে মাষ্টার মহাশয় যে পথ দুই দিনে অন্ততঃ ১৮ ঘণ্টায় অতিক্রম করিয়াছিলেন—এক শনিবারের বারবেলায় তাহাই পাঁচ ঘণ্টায় মারিয়া দিলেন। এ যেন সেই, “কাঞ্চীপুর বর্তমান ছ'মাসের পথ, ছয় দিনে উত্তরিল অশ্ব-মনোরথ”। আশা করি, সে-দিনও তাঁহাকে যে পদ-যুগলের উপর নির্ভর করিতে হইয়াছিল—এ দিনেও সেই পাখাবাধা পা দুখানিই চালিত করিয়াছিলেন। ইহাতে তিনি অবশ্যই বলিতে পারেন “আমি গর্ক ক'রে বলতে পারি যে, সব প্রতিযোগিতায় ফাষ্ট ক্লাশ ফাষ্ট হতাম।” (ভারতবর্ষ ১৩৪২, ফাল্গুন, ৩৪৫ পৃষ্ঠা) এইবার স্বীকেশে মুমূর্ষু স্বামীজীর জীবনদানের জগু জলধর বাবুর মৃত-সঞ্জীবনী-সুখা প্রদান কাহিনীটি উদ্ধৃত করিতেছি :—

“সন্ধ্যার প্রাকালে স্বীকেশে পৌঁছে আমি সন্ন্যাসীদের কুটার-গুলি দেখতে গেলাম। সেইখানে ঘুরতে ঘুরতে একটি কুটারের



সম্মুখে দেখি, জন তিন চার বাঙ্গালী সন্ন্যাসী সেখানে দাঁড়িয়ে আছেন। তাঁদের মুখে প্রবল উৎকণ্ঠা দেখে আমি হিন্দীতেই জিজ্ঞাসা করলাম—কি হয়েছে? তাঁরা বলেন—স্বামী বিবেকানন্দ নামে একজন সন্ন্যাসী মৃত্যুবরণ করেছেন।

“স্বামী বিবেকানন্দ! জীবীকেশের গঙ্গাভীরে এই ক্ষুদ্র কুটীরে পরমহংসদেবের পরম স্নেহপাত্র স্বামী বিবেকানন্দ! আমি সন্ন্যাসীদের অনুমতি নিয়ে সেই কুটীরের মধ্যে প্রবেশ করলাম। কুটীরমধ্যস্থ ধূনির অশ্রু আলোকে স্বামী বিবেকানন্দকে দেখলাম। তিনি তখন সংজ্ঞাহীন।

“হিমালয়ের বনজঙ্গলের মধ্যে অনেক অসামান্য সন্ন্যাসীও দেখেছি, আবার অনেক সাধু সন্ন্যাসীরও দর্শনলাভ হয়েছে। তাঁদের কারো কারো বিশেষ কথ্যতাও দেখেছি। এমনও দেখেছি, কোন সন্ন্যাসী কোন একটা গাছের পাতা দিয়ে মুমূর্ষু রোগীর জীবন কিরিয়ে এনেছেন। তাঁর কাছে সে পাতার সন্ধানও নিয়েছি। সে দিন স্বামী বিবেকানন্দকে মুমূর্ষু অবস্থায় দেখে এবং তাঁর চিকিৎসার কোন সুবিধাই নাই দেখে আমার সে গাছের কথা মনে হ’য়েছিল। আমি তখন তাড়াতাড়ি কুটীর থেকে বেরিয়ে এসে সেই প্রায়াক্রমিক গঙ্গার বালুকাময় চড়ায় সেই গাছের অনুসন্ধান করে সৌভাগ্যক্রমে ঈশ্বরিত্বেরই সেই গাছ পাই। তা’র ২৩টি পাতা এনে হাতে বগড়ে রনবেব করে স্বামীজীর মুখে দিলাম। দেখিই না কেন,— সন্ন্যাসীর এ গাছ কলপ্রদ হয় কি না। তার পর ঔষধেব ফলাফল দেখবার জন্ত কুটীরের বাইরে বালুকায় আসনে বসে বইলাম। প্রায় আধঘণ্টা পরে স্বামীজী চৈতন্য লাভ করলেন।”

(‘ভাবতরঙ্গ’ ১৩৪২, ফাল্গুন, ৩৪৬ পৃষ্ঠা)।

তাঁহার স্মৃতিতর্পণে এই অলৌকিক কাহিনী পাঠ করিয়া, কোন কোন কৌতূহলী পাঠক বিশ্বাসগ্রহে অধীর হইয়া, রায় বাহাদুরকে জিজ্ঞাসা করিয়াছিলেন—দাদা, এমন মৃত-সঞ্জীবনী ঔষধ যখন জানেন, তবে এই সুদীর্ঘকাল এ কর্মভোগ করিতেছেন কেন? সন্ন্যাসি-মুখ-শত এই এক জীবন-প্রদায়িনী ঔষধের রূপায় অনায়াসে ত’ এখনও ধনকুবের হইতে পারেন;—সঙ্গে সঙ্গে অসংখ্য মুমূর্ষু রোগীর জীবন দান করিয়া জগতের প্রভূত কল্যাণ-সাধন করিতে পারেন!

আমরা শুনিয়া অতিমাত্রায় বিস্মিত হইলাম, কোন সুপ্রসিদ্ধ সাহিত্যিকের সনির্ভর অনুবোধে অবশেষে আমাদের এই সার্কজনীন দাদাকে মৃতসঞ্জীবনী ঔষধের নামটি বেকাঁস করিতে হইয়াছে! এই ধর্মপ্রাণ হিন্দুর দেশে অবশ্যই নামটি শুনিয়া কেহই চমকিত হইবেন না—মুমূর্ষু-দেহে জীবনীশক্তি-সঞ্চারিণী তুলসী—তুলসীগাছের পাতা। আকার ও প্রকার-ভেদে তুলসী-গাছের নানা জাত—বিভিন্ন নাম আছে। কোন জাতের তুলসীপত্র প্রাণশক্তি-প্রদায়ী,

তাহা অবশ্য ‘দাদা’ এখনও খুলিয়া বলেন নাই—মনের নিভৃত গুহার সংগুপ্ত রাখিয়াছেন। কিন্তু জলধর বাবুর পূর্বে এবং পরবর্তী ৪৩ বৎসরের ভিতর অসংখ্য বাঙ্গালী কেদারবদ্বিনাথ-দর্শনে হিমালয়ে গিয়াছেন—যাত্রা-সূচনায় জীবীকেশের গঙ্গার বালুকাময় চড়ায় (১) পরিভ্রমণ করিয়াছেন। কিন্তু নিতান্ত দুর্ভাগ্য-ক্রমেই তাঁহারা এই পার্বত্য-প্রদেশে ও গঙ্গার বালুকাময় চড়ায় (১) তুলসী-গাছ দেখিবার সৌভাগ্যে বঞ্চিত হইয়াছেন। তুলসীপত্র হুপ্রাপ্য বলিয়াই বদ্বিনারায়ণের পূজার জন্ত যাত্রিগণ গুরু তুলসীপত্র লইয়া যান।

এ মৃতসঞ্জীবনী ঔষধ কিম্বা যাহাই হউক—মাষ্টার মহাশয়—জলধর বাবুর অপার পরম রূপায় মুমূর্ষু স্বামী বিবেকানন্দ পুনর্জীবন লাভ করিয়াছিলেন। সেজন্ত আজ সমগ্র বিশ্ব—ধর্মজগৎ—বিশেষতঃ শ্রীরামকৃষ্ণ মঠের সন্ন্যাসিমণ্ডলী—সংখ্যাভীত ভক্তসম্প্রদায় সে রায় বাহাদুরের নিকট অপরিশোধনীয় ঋণে চিরঞ্জী, এ কথা অস্বীকার করিবার উপায় নাই। অলৌকিক শক্তিবলে জলধর বাবু পায়ে পাখা দাঁড়িয়া পাঁচ ঘণ্টার ভিতর জীবীকেশে উপস্থিত হইয়া—সেই প্রায়াক্রমিক গঙ্গার বালুকাময় চড়ায় (১) ঔষধ সন্ধান করিয়া, যদি স্বামীজীর মুমূর্ষু দেহে জীবনীশক্তি সঞ্চার না করিতেন—তবে বেঙ্গল মঠ প্রতিষ্ঠিত হইত কি?—শ্রীরামকৃষ্ণ মিশনের সেবারতের প্রবর্তন হইত কি?—ভবিষ্যৎ জীবনে স্বামীজী চিকাগোর ধর্ম-মহাসভায় বক্তৃতা করিয়া সনাতন ধর্মের বিজয়-বৈজয়ন্তী জগতে উদ্ভীন করিতে পারিতেন কি?—বহু মুমূর্ষুকে তিনি শান্তি ও মুক্তির সন্ধান দিতে পারিতেন কি? রায় বাহাদুরের সে অসীম মহিমার সুযোগ্য ধন্যবাদ প্রদানের উপযুক্ত প্রশংসা কীর্তন করিবার মত ভাষা আমি ত’ ‘অনুবাদ সাহিত্যিক’ জানিই না—সাহিত্য-রত্নাকর নিঃশেষ করিলেও, বোধ হয়, যথাযোগ্য গুণগান সম্ভব হইবে না।

পরিভ্রাজক-জীবনে জীবীকেশে সাধনাকালে স্বামীজী এক দিন সহসা প্রবল অর ও ডিকথিরিয়ার আক্রান্ত হইয়া অচৈতন্য হইলে এক জন বৃদ্ধ সাধুর প্রদত্ত ঔষধে তাঁহার চৈতন্য-সঞ্চার হইয়াছিল। ইহা ইতিহাস-প্রসিদ্ধ ঘটন—স্বামীজীর অন্ততঃ দশখানি জীবনচরিতে এই ঘটনাটি বিবৃত হইয়াছে। স্বামীজীর গুরুভ্রাতৃবৃন্দের এবং প্রাচ্য

প্রতীচ্যের বিশিষ্ট ভক্তগণের নিকট হইতে তথ্য সংগ্রহ করিয়া, বহু বৎসরের ঐকান্তিক সাধনায় আলমোড়া মায়াবতীর অধীত আশ্রম হইতে স্বামীজীর যে সুপ্রকাণ্ড জীবনী প্রকাশিত - তাহা যে প্রামাণ্য গ্রন্থ, সে বিষয়ে সন্দেহের অবকাশ নাই। আমরা সেই প্রামাণ্য জীবনী হইতে ঘটনাটি উদ্ধৃত করিতেছি।

"In Hrishikesh the Swami and his 'gurubhais' passed a considerable time, dwelling in a hut raised by their own hands, near the temple of Chandeswar Mahadev, and living on 'madhukari bhiksha' Again the resolve of performing severe Sadhanas came upon the Swami; but as ill-luck would have it, hardly had he proceeded with them for a time than a severe illness frustrated all his intentions. One day the 'gurubhais' went into the jungle to cut bamboos for the purpose of extending their huts, and returning the Swami was suddenly attacked with high fever and diphtheria. He grew worse and worse until his brethren were in terror. One day his pulse sank lower and lower, and the life-blood turned, as it were, into perspiration. His body became cold, his pulse seemed to have stopped. Indeed, it appeared as though the Leader's last moments had come. He lay unconscious on his rude bed composed of a couple of coarse blankets on the ground. His Brothers overwhelmed with grief and anxiety, were at a loss to know what to do. In those days no help could be found within a great distance. While they were thus in the utmost agony of mind, praying that his life be spared and theirs taken in its stead, they heard a faint rustling sound caused by a movement in the grasses outside. And before the entrance of the hut stood a Sadhu. They invited him in, and when he heard the case he brought out from his wallet some honey and powdered Pichul, and mixing them together, forced the medicine into the Swami's mouth. This seemed to be the one remedy, a god-send as it were.

"After a while the Swami opened his eyes and attempted to speak. One of the 'gurubhais' put his ear near his mouth and heard him utter in a feeble, almost inaudible voice, the words, 'Cheer up, my boys! I shall not die!' Gradually he re-

covered and later he told his companions that during that unconscious state of his body, he had seen that he had a particular mission in the world which he must fulfil, and that until he had accomplished that mission, he would have no rest"—The Life of the Swami Vivekananda, Vol. II, pp 120-121.

তপস্যা-সঙ্গী গুরুভ্রাতৃগণ-প্রদত্ত বিবরণ হইতে সংকলিত স্বামীজীর এই প্রামাণ্য জীবনীগ্রন্থ নির্ভরযোগ্য হইলে স্বীকার করিতে হয়, সন্ন্যাসী বুলি হইতে সে ঔষধ দিয়া স্বামীজীর চৈতন্যসঞ্চার করিয়াছিলেন, তাহা পিপুল-চূর্ণ ও মধু—জলধর বাবু-বর্ণিত গঙ্গার বালুকামর চড়ার (৭) সংগৃহীত গাছের পাতা বা তুলসী-পাতা নহে, এবং সময়টাও দিনমান—'সন্ধ্যার প্রাকাল' নহে।

বেলুড় মঠ-পরিচালিত উদ্বোধন কার্যালয় হইতে প্রকাশিত 'স্বামী বিবেকানন্দ' নামে সংক্ষিপ্ত জীবনীর দ্বিতীয় সংস্করণের ৩৩ পৃষ্ঠা হইতে সম্ভবতঃ জলধর বাবু এই কাহিনীটি আয়ত্ত করিয়াছেন। কিন্তু তাহাতেও দেখা যায়,—

"এমন সময়ে সহসা একজন 'প্রাচীন' সাধু তথায় উপস্থিত হইলেন। ঘটনাক্রমে তাঁহার নিকট ঔষধ ছিল। সেই ঔষধ প্রয়োগ করায় স্বামীজীর দেহে চৈতন্যোদয় হইল।"

ডেরাজুন-হইতে যাত্রাকালে জলধর বাবু 'লাঠি আর কপাল' লইয়াছিলেন বটে, কিন্তু গেরুরা পরিতে ভুলিয়া গিয়াছিলেন। আমরা পরে দেখিতে পাইব, জলধর বাবুর বয়স তখন ৩০ বর্ষের বেশী নহে। সুতরাং স্বামীজীর গুরু-ভ্রাতারা তাঁহাকে 'প্রাচীন সাধু' বলিয়া ভুল করিবেন কেন?

অক্ষয় ভাষার সাহায্যে ত' রায় বাহাদুরের এই অমর কীর্তির যথাযোগ্য সম্বন্ধনা করিতে পারিলাম না। অক্ষ-পাত করিয়া, তাঁহার জীবন-ইতিহাসের তারিখনির্ণয়ে যদি সে গরিমা সমুজ্জল করিতে পারি, সেজন্য প্রয়াস পাইতেছি। কিন্তু মাষ্টার মহাশয় অক্ষণ্যে পরম পণ্ডিত—

'মাসিক বসুমতী' ১৩৪০ আশ্বিন, ১০২৪ পৃষ্ঠায় তিনি লিখিয়াছেন,—"এই বৃদ্ধবয়স পর্যন্ত উচ্চ গণিতের চর্চা ক'রে আনন্দ পাই।"

আর কাকার কথায় আমি স্বীকার করিয়াছি যে, "আঁকে আমি গো-মুখু" ('মাসিক বসুমতী' ১৩৪০ শ্রাবণ, ৫৭৮ পৃষ্ঠা)।

বিশ্ববিশ্রুত-নাম সাহিত্যিক রায় জলধর সেন বাহাদুরকে "কোন কোন বহু ধারাবাহিক ভাবে লিখিতে অনুরোধ

করেছেন। কিন্তু তা হলে যে জীবন-চরিত হয়, তা আমি এখন পারছি নে।” তাই তাঁহার জীবনী-সঙ্কলনের সুবিধার জন্য বিশেষ ঘটনাগুলির সন তারিখ তাঁহার স্মৃতিতর্পণ হইতে সঙ্কলন করিয়া দিতেছি।

### আদিপর্ব—ছাত্রজীবনে

“আমি ( জলধর সেন ) জন্মগ্রহণ করি ১৮৬০ অব্দের ১লা চৈত্র, শিবচন্দ্র জন্মগ্রহণ করেন ঐ ১৮৬০ অব্দের—২রা জ্যৈষ্ঠ, সোমবার। আর তৃতীয় জন বাংলা দেশের সুপ্রসিদ্ধ প্রথিতযশা ঐতিহাসিক ও সাহিত্যিক অক্ষয়কুমার মৈত্রেয়—জন্মগ্রহণ করেন ঐ ১৮৬০ অব্দের—আমার অন্নপ্রাণনের দিন।”

( ‘ভারতবর্ষ’ ১৩৪২ চৈত্র, ৪৩৯ পৃষ্ঠা )

“আমি তখন আমাদের গ্রামের ( নদীয়া জেলার কুমারখালী ) বাঙ্গালা স্কুলে পড়ি। সাল, তারিখ আমি ঠিক বলতে পারবো না; মনে হচ্ছে, সে হয় ত’ ইংরাজী ১৮৭০ কি ১৮৭১ অব্দ। তখন আমার বয়স এই এগার বারো বৎসর।

“আমি যখন বঙ্গবিদ্যালয়ের প্রথম শ্রেণীতে পড়ি, সেই সময় একদিন স্নানতে পেলাম যে, বিদ্যালয়সমূহের ইন্স্পেক্টর ভূদেববাবু দু-একদিনের মধ্যে আমাদের স্কুল পরিদর্শনে আসছেন।...ভূদেব বাবু কুষ্টিয়া থেকে নৌকাযোগে আসছেন, যদিও তখন আমাদের গ্রামের উপা দিয়ে বেলপথ গোয়ালন্দ পর্যন্ত গিয়েছিল।...ভূদেব বাবু ইংরাজী স্কুলই পরিদর্শন করছেন, আর আমরা বাঙ্গালা স্কুলের ছাত্রেরা হুয়ারের দিকে চেয়ে বসে আছি।...কাজল হরিনাথের আদেশ পেয়ে আমি দাঁড়িয়ে হাত ঘোড় করে আবৃত্তি করলাম।...আমাদের সময়ে ছাত্রবৃত্তি পরীক্ষার পাঠ্য ছিল পরলোকগত রাজকৃষ্ণ মুখোপাধ্যায় মহাশয় প্রণীত ‘মিত্রবিলাপ কাব্য’।...আমার ঐ আবৃত্তি শুনে মহাশয় ভূদেবের চক্ষু অশ্রুপূর্ণ হলো।...ভূদেব বাবু আমাকে আশীর্বাদ করে যে বইখানি নিয়ে গিয়েছিলেন, সেখানি ইংরাজি বই! তার নাম Spe t tor।”

( ‘ভারতবর্ষ’ ১৩৪২ পৌষ, ৪৩—৪৫ পৃষ্ঠা )

ভারতবর্ষের পরবর্ত্তী সংখ্যায় ( ১৩৪৩ মাদ ১৭৮ পৃষ্ঠা ) রায় বাহাদুর লিখিয়াছেন,—

“গোয়ালন্দের উকিল, মোস্তাফ, বড় বড় কর্ণচারী সকলেই আমাকে ভালবাসতেন ও আদর করতেন, কারণ আমি বাল্যকাল থেকেই গোয়ালন্দে ছিলাম। গোয়ালন্দের মাইনর স্কুল থেকেই পরীক্ষা দিয়ে পাঁচ টাকা বৃত্তি পাই, তারপর অবস্থা-বিপথ্যে (?) সেই মাইনর স্কুল এন্ট্রান্স স্কুলে পরিণত হলে আমি শিক্ষক হয়ে আসি।”

জলধর বাবুর গ্রাম কুমারখালি নদীয়া জেলায়—গোয়ালন্দ ফরিদপুর জেলায়—রেলপথে আসিতে এখন সওয়া এক ঘণ্টা লাগে—তখনও তাহাই লাগিবার কথা; তিনি স্বগ্রাম কুমারখালির স্কুলে ছাত্রবৃত্তি ক্রমে প্রাইজ পাইলেন, অথচ গোয়ালন্দে বাল্যকাল হইতে আছেন—

গোয়ালন্দের মাইনর স্কুল হইতে তিনি পরীক্ষা দিয়া ৫ বৃত্তি পাইলেন কিরূপে? ইহার কোনটি সত্য, বুকিয়া উঠিতে পারিলাম না। মাইনর ও ছাত্রবৃত্তি পরীক্ষা একই বৎসরে—একই সময়ে গৃহীত হইত বলিয়াই ত’ জানি। রায় বাহাদুর জীবনী-লেখককেও এখানে ধাঁধায় ফেলিলেন! তাহার পর—

“সে হচ্ছে ১৮৭৮ খৃষ্টাব্দের কথা...এ সালটা মনে আছে, কারণ এইবার আমি প্রবেশিকা পরীক্ষা দিই...আমি পরীক্ষা দিতে গিয়েছিলাম আমাদের গ্রামের স্কুল থেকে, আর দ্বিজেন্দ্রলাল পরীক্ষা দিয়েছিলেন কৃষ্ণনগর থেকে...আমি ও দ্বিজেন্দ্রলাল ( অমর কবি ডি, এল, রায় ) একই ব্রাকেটে স্কলারশিপ পেয়েছি।

( ভারতবর্ষ ১৩৪২ কার্তিক, ৭১১ পৃষ্ঠা )

“১৮৭৮ অব্দে প্রবেশিকা পরীক্ষায় পাশ হলাম। অভাবনীধ সৌভাগ্যের বশে দ্বিতীয় বিভাগে পাশ হয়েও মাসিক ১০ টাকা বৃত্তি পেলাম, কারণ সেবার প্রথম বিভাগে বেশী ছাত্র উত্তীর্ণ হতে পারেনি,—বিশেষতঃ প্রেসিডেন্সী বিভাগের বৃত্তিসংখ্যা নির্দিষ্ট থাকাতাই আমার সৌভাগ্যলাভ হয়েছিল।”

( ভারতবর্ষ ১৩৪২ অগ্রহায়ণ, ২৩১ পৃষ্ঠা )

উপসংহারে অশ্র-বিসর্জন-প্রসঙ্গে দ্বিজেন্দ্রলালের কথায় ব্রাকেট-মাহাত্ম্যের দৃঢ় ভিত্তি প্রতিষ্ঠা-প্রয়াসে কোশল প্রয়োগ করিতেও রায় বাহাদুর বিস্মৃত হন নাই। তিনি বলিতেছেন,—

“তারপর কলকাতায় কতবার দ্বিজেন্দ্রলালের সঙ্গে দেখা হয়েছে। প্রতিবারেই সকলকে গুলিয়ে তিনি বলেছেন—জলধর বাবু আর আমি এক ব্রাকেটে। এ ব্রাকেট ভাঙবে না।

“হায়, সেই ব্রাকেটই ভেঙ্গে গেল তেইশ বৎসর আগে। একদিন অকস্মাৎ আমার শৈশবের (?) বন্ধু দ্বিজেন্দ্রলাল ব্রাকেট ভেঙ্গে চলে গেলেন।”

( ‘ভারতবর্ষ’ ১৩৪২ কার্তিক ৭১৬ পৃষ্ঠা )

কিন্তু ১৮৭৯ খৃষ্টাব্দে ২০শে জানুয়ারীর ‘কলিকাতা গেজেট’ এই ব্রাকেটটি দিতে ভুল করিয়াছেন। তাহাতে দেখা যায়, কৃষ্ণনগর কলেজিয়েট স্কুল হইতে দ্বিজেন্দ্রলাল রায় প্রেসিডেন্সী বিভাগের সেকেণ্ড গ্রেড এবং কুমারখালি এইচ, ই, স্কুল হইতে জলধর সেন থার্ড গ্রেড জুনিয়ার স্কলারশিপ পাইয়াছেন। মধ্যে অনেকগুলি ছাত্রের নামের ব্যবধান ছিল বলিয়াই বোধ হয় এ ব্রাকেট দেওয়া সম্ভব হয় নাই। কলিকাতা বিশ্ববিদ্যালয় তাঁহাদের ১৮৮০-৮১ খৃষ্টাব্দের ক্যালেন্ডারেও এই ব্রাকেটটি বর্জন করিয়া, একইরূপ মারাম্বক ভুল করিয়াছেন। বিশেষতঃ তাঁহারা উপাধির বর্ণানুক্রমে নাম সাজাইতে গিয়া IIএর কোটার দ্বিজেন্দ্রলালের এবং Sএর কোটার জলধর বাবুর নাম ছাপিয়া বিষম ভ্রটি করিয়াছেন। সেই ভ্রটি আজ তাঁহার ব্রাকেট ভাঙার আক্ষেপ ভিত্তিহীন।



“১৮৮০ খৃষ্টাব্দে এল-এ ফেল কবে তার পর-বৎসরই আমাকে চাকরীতে প্রবিষ্ট হ'তে হয়েছিল।...১৮৮১ অব্দে পচিশ টাকা বেতনে গোয়ালন্দ স্কুলে থার্ড মাস্টার হয়েছিলাম।...খাই দাই, ছেলে পড়াই, পূর্ব-সংস্কারবশে স্বদেশীও করি, ছেলেদের নিয়ে সভাসমিতি করি, বড়দের সঙ্গে মিশে দেশোদ্ধারেরও পাণ্ডাগিরি করি।...সেই যে ৮১ অব্দে ২৫ বেতনে মাস্টারী আরম্ভ কবেছিলাম, ৮৫ অব্দের মধ্যভাগ পর্যন্ত আমার সে মাইনে আর বাড়েনি। ঐ সালের শেষভাগে স্কুল কর্তৃপক্ষের শুভদৃষ্টি আমার উপর পড়ল। তাঁরা আমার বেতন ৫ টাকা বাড়িয়ে দিলেন। এ যে আমার যোগ্যতার পুরস্কার, সে কথা মনে করবেন না...কারণ...সেই বৎসরের প্রথম ভাগে আমি বিবাহ করি।”

(‘ভারতবর্ষ’ মাস ১৩৪২, ১৭৭-১৭৮ পৃষ্ঠা)

### সভাপর্ষ—কংগ্রেসে

“...১৮৮৬ অব্দের শেষভাগে ডিসেম্বর মাসে কলিকাতা নগরীতে জাতীয়মহাসমিতি (কংগ্রেসের) দ্বিতীয় অধিবেশন হয়। সেই অধিবেশনে আমি গোয়ালন্দের জনসাধারণ কর্তৃক প্রতিনিধি নির্বাচিত হয়ে যাই।” (‘ভারতবর্ষ’ ১৩৪২ মাস, ১৭৮ পৃষ্ঠা)

রায় বাহাদুরের এই নির্বাচনে বাঙ্গালীর মানবুদ্ধি—মুখরফা হইল। বোম্বাইয়ে কংগ্রেসের সুবর্ণ-জয়ন্তীর অনুষ্ঠানের নেতৃত্ব করিবার সুযোগে তদানীন্তন কংগ্রেস সভাপতি বাবু রাজেন্দ্রপ্রসাদ এবং মাদ্রাজী ডাক্তার পটুভী সীতারামিরা তাঁহার রচিত কংগ্রেস ইতিহাসে যে বলিয়াছেন, প্রাথমিক যুগের কংগ্রেসে বিভিন্ন প্রদেশ হইতে প্রতিনিধি নির্বাচিত হইতেন না, রায় বাহাদুরের এই উক্তি তাহার মূর্ত্তিমান প্রতিবাদ! সহানুভূতি—করণা উদ্বেক-প্রয়াসে জলধর বাবুর ছাত্র-জীবনে দুঃখের অবধি নাই—কিন্তু ১৮৮৬ খৃষ্টাব্দের কংগ্রেসের দ্বিতীয় অধিবেশনের মুদ্রিত রিপোর্টের ১৩৩ পৃষ্ঠায় তাঁহার পরিচয়—ভূস্বামী—ইণ্ডিয়ান এসোসিয়েশনের গোয়ালন্দ শাখার প্রতিনিধি। তিনি নিশ্চয়ই এ মিথ্যা পরিচয় দেন নাই। ‘কংগ্রেস ও বাঙ্গলা’ নামে সম্প্রতি যে শতবর্ষের রাজনৈতিক ইতিহাস প্রকাশিত হইয়াছে, তাহার ১১৬—১১৭ পৃষ্ঠার প্রদত্ত তালিকায় ইণ্ডিয়ান এসোসিয়েশনের গোয়ালন্দ শাখার নাম নিশ্চয়ই ভ্রমক্রমে প্রদত্ত হয় নাই। তাহা হইলেও গোয়ালন্দের স্বয়ংসিদ্ধ প্রতিনিধি—ভূস্বামিরূপেই জলধর বাবু যে কংগ্রেসের দ্বিতীয় অধিবেশনে হাজির হইয়াছিলেন, তাহাতে ত’ সন্দেহের কারণ নাই! বঙ্গভঙ্গের পর স্বদেশী আন্দোলনের সূচনা হইবার বহু পূর্বেই যে জলধর বাবু ‘দেশোদ্ধারেরও পাণ্ডাগিরি’ করিয়া বিভিন্ন সভায় বক্তৃতার প্রণয় ঝঞ্ঝার পন্থায়

প্রবল প্রবাহের মতই যে গোয়ালন্দে দেশোদ্ধারবোধ উজ্জ্বলিত করিয়াছিলেন—তাহাতেই বা সন্দেহের অবকাশ কোথায়?

### বনপর্ষ—হিমালয়ে

“ডিসেম্বর মাসের শেষে কংগ্রেস হয়ে গেল। ত্রামুয়ারীর প্রথম ভাগে (অর্থাৎ ১৮৮৭ খৃষ্টাব্দে)...শনিবারের প্রত্যুষে মেল গাড়ীতে অখিনীবাবু গোয়ালন্দ ষ্টেশনে পৌঁছিলেন।...এই দুই দিনে অখিনী-কুমার আমার ক্ষুদ্র কুটারকে একেবারে আনন্দের স্রোতে ভাসিয়ে দিয়েছিলেন।...পূর্ববর্ত্তী ঘটনার নয়মাস পরে এক দিন অপরাহ্নে গোলদীঘির ধারের ফুটপাথের উপর অখিনীকুমারের সঙ্গে আমার দেখা—আমি তখন হিমালয়ের যাত্রী।...সব খবর শেষ হয়ে গিয়েছে।...” (‘ভারতবর্ষ’ ১৩৪২ মাস, ১৮০-১৮৫ পৃষ্ঠা)।

তাহা হইলে অবশ্যই স্বীকার করিতে হয়, ১৮৮৭ খৃষ্টাব্দের সেপ্টেম্বর অক্টোবর মাসের পূর্বে তিনি হিমালয় যাত্রা করেন নাই। এই প্রসঙ্গ-সূচনায় তিনিও তাহাই লিখিয়াছেন—

“সে ইংরাজী ১৮৮৭ অব্দের কথা—প্রায় পকাশ বৎসর পূর্বেই কথা। আমি তখন এল-এ ফেল কবে ফরিদপুর জেলার গোয়ালন্দে মাস্টারী করি।” (‘ভারতবর্ষ’ মাস, ১৩৪২ সাল, ১৭৮ পৃষ্ঠা)

তাঁহার জীবন-স্মৃতির আলোচনা এবারের মত সৃগিত রাখিয়া এইবার মূল প্রসঙ্গের অনুসরণ করি,—কোন সময়ে জলধর বাবু স্বামীজীর জীবন দান করিয়াছেন? স্মৃতি-তর্পণে তিনি লিখিয়াছেন :—

“তারপর এক অভাবনীয় ঘটনায় আমি স্বামী বিবেকানন্দের (নরেন্দ্রনাথ দত্তের নহে) দর্শনলাভ করি। দর্শনলাভ মাত্র; পরিচয় হয় নি, তখন পরিচয় হবার অবস্থাও তাঁর ছিল না।”

“এ কিন্তু প্রায় ১২ বৎসর পরের কথা। আমি তখন হিমালয়ের মধ্যে ঘুরে বেড়াছি। তখনো আমি বদরিকাশ্রমের দিকে যাইনি। ষাবার কল্পনাও মনে হয় নি।...আমি ঘুরতে ঘুরতে হিমালয়ের মধ্যে গিয়ে সর্বপ্রথম ডেরাডুনে...মাস্টারজীর আশ্রয় লাভ করি।...ওবে বাবা! সেই মাস্টারী! এই যে দেশ তাগ করে এলাম—তুমি কিনা বিনা টিকিটে আমার সঙ্গে সঙ্গে এগে এই হিমালয়ের সান্নিদেশে ডেরাডুনেও উপস্থিত।”

(‘ভারতবর্ষ’ ১৩৪২ ফাল্গুন, ৩৪৪ পৃষ্ঠা)।

কিন্তু রায় বাহাদুরের স্মৃতিতর্পণের অষ্টাদশ পর্ষ মহাভারতের এই দ্বাদশবর্ষব্যাপী বনপর্ষ কোন বর্ষ হইতে গণনা করিব? জলধর বাবুর ১৮৮০-৮১ খৃষ্টাব্দের ‘কলেজের পাঠসমাপ্তি পর্যন্ত’—‘সাধারণ ব্রাহ্মসমাজের রবিবাসরীয় উপাসনার যোগদান’ সময় হইতে দ্বাদশ বর্ষ গণনা করিলে ১৮৯২-৯৩ খৃষ্টাব্দ হয়; কিন্তু সে সময় ত’ তিনি মহিষাদল রাজসুলের মাস্টার এবং স্বামীজীও দাক্ষিণাত্য—



বোম্বাই—খেতরি পরিভ্রমণ করিয়া আমেরিকাযাত্রী। জলধর বাবুর গোলদীঘির বিনায় পর্ব ১৮৮৭ খৃষ্টাব্দ হইতে গণনা করিলে ১২ বৎসর পরে ১৮৯৯ খৃষ্টাব্দ হয়। কিন্তু তিনি তখন ত' সশরীরে 'বসুমতী' কার্যালয়ে বিরাজিত!

“আমি ১৩০৪ সালের শেষে অথবা ১৩০৫ সালের প্রথমে বসুমতী আসিমে প্রবেশ করি ( ভারতবর্ষ ১৩৪৩ আঘাট, ১২৩ পৃষ্ঠা )

জলধর বাবু সাহিত্যিক ভাষামহলে চিরদিন সুপ্রচার করিয়া আসিতেছেন, তাঁহার হিমালয়ে বনবাসপর্ব ষাটশ বর্ষব্যাপী। সেইজন্মই বোধ হয় উচ্চাসের লক্ষ-কোশলে এক যুগ—ষাটশ বর্ষ অতিক্রম করিলেন। কিন্তু সময় নির্ণয়ের সুবিধার জন্ম এই প্রসঙ্গে তিনি আর এক হৃদয় দিয়াছেন,—

“তখনো আমি বদরিকাশ্রমের দিকে যাই নি।”

তাঁহার বদরিকাশ্রম-ভ্রমণকাহিনী 'হিমালয়' পুস্তকে বর্ণিত হইয়াছে। তাহাতে দেখি, তিনি ১৮৯০ খৃষ্টাব্দের ৩ই মে বৃহস্পতি রাত্রি সাড়ে চারটার সময় যাত্রা করিয়া—২৩ দিনে ২৯শে মে শুক্রবার বদরিকাশ্রমে উপস্থিত হইয়াছেন।

( 'হিমালয়' ৪ ও ২২৬ পৃষ্ঠা )

সুতরাং জলধর বাবু যে ১৮৮৭ খৃষ্টাব্দের সেপ্টেম্বর হইতে ১৮৯০ খৃষ্টাব্দের মে মাসের পূর্বেই সহসা স্বীকৃতি উপস্থিত হইয়া স্বামীজীর জীবন দান করিয়াছিলেন, সে বিষয়ে সন্দেহের অবকাশ নাই।

জলধর বাবুকে তাঁহার জীবনের এই শ্রেষ্ঠ গৌরব হইতে বঞ্চিত করিবার জন্মই স্বামীজীর জীবনী-লেখকগণ বোধ হয় বড়মস্ত করিয়া, স্বীকৃতি উপস্থিতকালে স্বামীজীর জরদোরে অচেতন হইবার তারিখটির উল্লেখ করেন নাই। কিন্তু মায়াবতী অদ্বৈত আশ্রম প্রকাশিত স্বামীজীর প্রামাণ্য জীবনী অনুসরণে তিনি কোন্ সময়ে গুরুভ্রাতৃগণ সঙ্গে স্বীকৃতি সাধনাকালে সাধুর প্রদত্ত ঔষধে চৈতন্যলাভ করিয়াছিলেন, তাহা নির্ণয় করা দুঃসাধ্য নহে। এজন্য স্বামীজীর পরিভ্রমণ-জীবনের আত্মপূর্বিক বিবরণ সঙ্কলন করিয়া দিতেছি।

১৮৮৩ খৃষ্টাব্দের ১৬ই আগষ্ট রবিবার, ভগবান শ্রীশ্রীরামকৃষ্ণদেব লীলা স্মরণ করেন।

“Sunday, August the sixteenth, eighteen hundred and eightysix,—the Master, breathing the most

sacred word of the Vedas, entered Brahma-Nirvanam, passing into the uttermost peace” (Vol. 1 page 430)

১৮৮৩ হইতে ১৮৯২ খৃষ্টাব্দ পর্যন্ত শ্রীরামকৃষ্ণ মঠ বরাহনগরে ছিল। “The Monastery was at Baranagore from the year 1886 to 1892” (vol II page 15 )

মঠ প্রতিষ্ঠিত হইল বটে, কিন্তু নির্জনে সাধনা করিবার জন্ম প্রথমে স্বামী যোগানন্দ—অদ্ভুতানন্দ—ত্রিগুণাভীত (সারদা)—অখণ্ডানন্দ—পরে স্বামী সারদানন্দ—ব্রহ্মানন্দ—অভেদানন্দ—শিবানন্দ—রূপানন্দ প্রভৃতি সন্ন্যাসিবৃন্দ তীর্থ-পর্যটনে বাহির হইলেন। স্বামীজী, শশী মহারাজ (রামকৃষ্ণানন্দ) ও অগাণ্ড গুরুভ্রাতৃগণ তখনও বরাহনগর মঠে থাকিয়া সাধন ভজন করিতে লাগিলেন। ১৮৮৮ খৃষ্টাব্দের প্রথমার্ধ পর্যন্ত শিমুলতলা—বৈষ্ণনাথ—আঁটপুর প্রভৃতি নিকটবর্তী স্থানে কয়েক দিনের জন্ম গমন ব্যতীত স্বামীজী বরাহনগর মঠেই অবস্থান করিতেন।

“With the exception of several unimportant journeys, more in the nature of ‘excursions’ from the monastery, the Leader did not leave Baranagore until the year 1888 was well on the way. He had paid flying visits to Vaidyanath, Shimultola and for the second time to Antpur,”

[ Vol. 11 page 59 ]

১৮৮৮ খৃষ্টাব্দের মধ্যভাগে তিনি সর্বপ্রথম কালী—অযোধ্যা—আগ্রা হইয়া পদব্রজে ব্রহ্মাবনে পৌঁছিলেন। বেলুড় মঠে সংরক্ষিত এবং পত্রাবলী তৃতীয় ভাগের ১ ও ২ পৃষ্ঠায় প্রকাশিত—তাঁহার ১৮৮৮ খৃষ্টাব্দের ১২ই আগষ্টের পত্রে তিনি ব্রহ্মাবন হইতে লিখিতেছেন—“নীলই হরিদ্বার যাইব, বাসনা আছে।” ১৮৮৮, ২০শে আগষ্টের পত্রে স্বামীজী লিখিতেছেন—“গ—(স্বামী অখণ্ডানন্দ) দুইবার তিব্বত ও ভূটান পর্যন্ত গিয়াছিল। এই মাসেই ব্রহ্মাবন আসিবে। আমি তাহাকে দেখিবার প্রত্যাশায় হরিদ্বারে গমন কিছুদিন স্থগিত রাখিলাম।” গিরিগোবর্দন, রাধাকৃষ্ণ পরিভ্রমণ করিয়া, তিনি হাতরাসে কিছুদিন থাকিয়া, এসিষ্ট্যান্ট স্টেশন-মাঠার শরৎচন্দ্র গুপ্তকে (সদানন্দ স্বামীকে) প্রথম শিষ্যরূপে সঙ্গে লইয়া, স্বীকৃতি সাধনা করিলেন। কিন্তু সদানন্দ স্বামী অত্যন্ত অসুস্থ হওয়ায় স্বামীজী সবার

হাতরাসে ফিরিতে বাধ্য হইলেন। “But with his disciple ill, he was bound to give up the Kedar-Badri trip and even his life of ‘tapasya’ in Hrishikosh”. ( Vol 11 page 79 )

এই সময় দ্বীকেশে কয়েক দিন অবস্থান-কালে স্বামীজী যে প্রবল জ্বরে অটুতল হন নাই—সম্পূর্ণ সুস্থ ছিলেন—সদানন্দ স্বামি-প্রদত্ত বিবরণই তাহার প্রকৃষ্ট প্রমাণ। “I was ill and fainted with hunger and thirst The Swami carried me on his shoulders for several miles, and thus undoubtedly saved me from certain death. On another occasion, like a syce he led the horse, which some one kindly lent us for the journey, across a mountain river which was very dangerous to ford, being extremely swift, and slippery at the bottom. ...he carried my personal belongings, including my shoes, upon his head.” ( vol II page 78 )

যিনি কয়েক দিন পূর্বে প্রবল জ্বরে অটুতল ছিলেন, তাঁহার পক্ষে এক জন দুর্বল-রোগীকে কয়েক মাইল বন্ধুর রাস্তা কাঁধে করিয়া আনা, অশ্ববল্লী ধরিয়া পার্বত্যনদী ও গভীর ঢালু—বিপজ্জনক পিচ্ছিল পথ অতিক্রম করা—শিষ্যের জুতাসহ দ্রব্যাদি মস্তকে বহন সম্ভবপর কি ?

গুরুভ্রাতৃগণের পত্র পাইয়া স্বামীজী হাতরাস হইতে বরাহনগর মঠে ফিরিয়া আসেন। কয়েক মাস পরে সদানন্দ স্বামীও বরাহনগর মঠে আসেন। ১৮৮৮ খৃষ্টাব্দের নভেম্বর, ১৮৮৯ ফেব্রুয়ারী—মার্চ—জুন—জুলাই—আগষ্ট—সেপ্টেম্বর হইতে ডিসেম্বর ১৩ই পর্যন্ত স্বামীজী যে বরাহনগর মঠে ছিলেন, তাহা বেলুড় মঠে সুরক্ষিত এবং পত্রাবলী তৃতীয়-ভাগে ৩ হইতে ২৬ পৃষ্ঠায় প্রকাশিত তাঁহার স্বহস্তে লিখিত পত্ররাজিতেই সুপ্রকাশ।

১৮৮৯ ডিসেম্বর মাসে স্বামীজী বৈষ্ণনাথে গিয়া কাশী যাইবেন স্থির করিয়াছেন, এমন সময় যোগানন্দ স্বামীর কঠিন পীড়ার সংবাদ পাইয়া, তিনি এলাহাবাদে গমন করেন। পত্রাবলী তৃতীয় ভাগের ২৬—২৭ পৃষ্ঠায় এবং ৩ম ভাগের ৩ হইতে ১০ পৃষ্ঠায় প্রকাশিত ১৮৮৯ খৃষ্টাব্দের

২৬শে ও ২৭শে ডিসেম্বর বৈষ্ণনাথের এবং ৩০শে ডিসেম্বর ও ১৮৯০ খৃষ্টাব্দের ৫ই জানুয়ারীর প্রয়াগনামের পত্র ইহার প্রমাণ।

যোগানন্দ স্বামী আরোগ্য লাভ করিলে স্বামীজী কিছুদিন কাশীতে থাকিয়া, ১৮৯০ খৃষ্টাব্দের জানুয়ারী মাসের শেষ ভাগে পাণ্ডহারী বাবার সঙ্গলাভের জন্ত গাজীপুরে গমন করেন। ১৮৯০ খৃষ্টাব্দের ২৪শে, ৩১শে জানুয়ারী ৪ঠা, ৭ই, ১৩ই, ১৪ই, ১৯শে, ২৫শে ফেব্রুয়ারী—৩রা, ৮ই, ১২ই, ১৫ই, ৩১শে মার্চ—২রা, প্রথম সপ্তাহ এপ্রিলে গাজীপুর হইতে স্বামীজীর লিখিত পত্রসমূহ পত্রাবলী ৩য় ভাগে ২৯ হইতে ৫৮ পৃষ্ঠায় এবং ৫ম ভাগে ১১ হইতে ২২ পৃষ্ঠায় প্রকাশিত। স্বামীজী যে এই সময়ে গাজীপুরে অবস্থান করিয়া, পাণ্ডহারী বাবার উপদেশ গ্রহণ করিতে ছিলেন, তাঁহার স্বহস্তলিখিত এই পত্রগুলিই তাহার প্রকৃষ্ট প্রমাণ। গাজীপুরে অবস্থানকালে স্বামীজী অভেদানন্দ স্বামী দ্বীকেশে পীড়িত সংবাদ পাইয়া, তাঁহাকে কাশীতে আনিবার ব্যবস্থা করিয়া, স্বয়ং কাশীতে আসিয়া সংস্কৃতে সুপণ্ডিত প্রমদাদাস মিত্রের অতিথি হইলেন। এই সময় কাশীতে ঠাকুরের প্রিয়তম গৃহী শিষ্য বলরাম বাবুর পরলোকগমন-সংবাদ পাইয়া, তিনি বরাহনগরে ফিরিয়া, দুই মাস মঠে ও বলরাম বাবুর বাড়িতে অবস্থান করেন। পত্রাবলী ৩য় ভাগে ৫৯ হইতে ৭১ পৃষ্ঠায় তাঁহার বরাহনগর ও বলরাম বাবুর বাড়ী হইতে লিখিত—১৮৯০ খৃষ্টাব্দের ১০ই, ২৬শে মে—৪ঠা জুন—৬ই জুলাই তারিখের পত্র প্রকাশিত হইয়াছে। স্বামীজীর স্বহস্তাক্ষরের পত্রগুলি আজও বেলুড়মঠে সংরক্ষিত।

স্বামী অখণ্ডানন্দ তিব্বত পরিভ্রমণ করিয়া, এই সময়ে মঠে প্রত্যাবর্তন করেন। তাঁহার মুখে তিব্বত—কাশ্মীর—কেদার-বদ্রিনাথের মহান সৌন্দর্য্যের উচ্ছ্বাসময় বর্ণনা শ্রবণে আকৃষ্ট হইয়া, স্বামীজী ১৮৯০ খৃষ্টাব্দের জুলাই মাসে স্বামী অখণ্ডানন্দের সহিত হিমালয় পরিভ্রমণে যাত্রা করেন। ১৮৯০—৬ই জুলাই হিমালয় যাত্রা সূচনায় তিনি যে পত্রখানি লিখিয়াছিলেন, তাহা এইরূপ ;—

“I had no intention to leave Ghazipur this time and certainly did not want to come to Calcutta but Kali's ( অভেদানন্দ স্বামীর ) illness made me go to Benares and Balaram's sudden death

brought me to Calcutta. So Suresh Babu and Balaram Babu have both gone !....

"I intend shortly, as soon as I can get a portion of my fare, to go up to Almora and thence to some place in Gharwal on the Ganges where I can settle down for a long meditation. Ganga-dhar is accompanying me. Indeed, it was with this desire and intention that I brought him down from Kashmir...I am in fine health now..."

( Vol II. pp 101-102 )

বিভিন্ন সময়ে বিভিন্ন সন্ন্যাসী গুরুভ্রাতা স্বামীজীর ভ্রমণ-সঙ্গী হইয়াছেন, কিন্তু বেণুড়মঠের বর্তমান প্রেসিডেন্ট—ধর্মগুরু অখণ্ডানন্দ স্বামীই এই সময়ে স্বামীজীর সঙ্গী হইয়াছিলেন।

"At different times these different monks were the companions of the Leader in his travels in these days, but of all of them, the Swami Akhandananda remained with him for the longest period at a time, being with him from the end of July, 1890, till the latter part of the autumn of the same year."

( Vol. II page 61 )

শালকিয়া ঘুসুড়ীতে শ্রীশ্রীমাতাঠাকুরাণীর পদগুলি লইয়া যাত্রা করিয়া, স্বামীজী ও অখণ্ডানন্দ স্বামী ১৮৯০ আগষ্ট মাসে ভাগলপুরে পৌঁছিয়া কয়েকদিন বিশ্রাম করেন। পরে বৈষ্ণবনাথে আসিয়া, ঠাহারা এক দিন শ্রদ্ধেয় রাজনারায়ণ বসুর আতিথ্য গ্রহণ করিয়া, কাশী ও অযোধ্যা হইয়া পদব্রজে হিমালয়ের পাদদেশ নৈনিতালে উপস্থিত হন। নৈনিতালে স্বামীজী রমা প্রসন্ন ভট্টাচার্য্যের ভবনে ৬ দিন আতিথ্য গ্রহণ করেন। নৈনিতাল হইতে আলমোড়ার পথে স্বামীজী কুদার তৃষ্ণার মুচ্ছিতপ্রায় হইয়াছিলেন, এক জন ককিরের প্রদত্ত একটি পশা খাইয়া তিনি তৃপ্ত হন। আলমোড়ার পৌঁছিয়া ঠাহারা হিমালয়-পরিভ্রমণকারী অপর দুই গুরুভ্রাতা—স্বামী সারদানন্দ ও কুপানন্দের সহিত মিলিত হইয়া বঙ্গীসার বাগানে কয়েক দিন অবস্থান করেন।

ব্রহ্মচারী জীপ্রকাশচন্দ্র সংকলিত 'স্বামী সারদানন্দ' জীবনী-গ্রন্থের ৭৪ পৃষ্ঠায় বঙ্গীসার বাগানে গুরুভ্রাতৃগণের মিলনসময়ের নিম্ন পত্রখানি আলমোড়া ডাকঘরের শীলে ৫ই সেপ্টেম্বর ১৮৯০ তারিখের প্রতিলিপিসহ প্রকাশিত হইয়াছে,

কাশীর প্রমদাদাস মিত্রকে স্বামীজীর আলমোড়া আগমন সংবাদ দিবার জ্ঞাত শরৎ মহারাজ লিখিতেছেন :—

আলমোড়া, ৫ই সেপ্টেম্বর ১৮৯০

"মহাশয়—নরেন্দ্র ও গঙ্গাধর প্রায় ৫৭ দিন হইল এখানে আসিয়াছে। অল্প পুনরায় গাড়োয়ালের দিকে রওনা হইবে। নরেন্দ্র বার বার নিবেদন করিতে আপনাকে এত দিন উত্তর দিতে পারি নাই। তজ্জন্ম কমা করিবেন। আমরাও নরেন্দ্রের সঙ্গে চলিতেছি। পত্রাদি কিছুকাল আর লিখিতে পারিব না। কারণ, তাহা হইলে আমাদের সঙ্গে রাখিবে না।"...

গাড়োয়াল রাজ্যাভিমুখে অগ্রসর হইয়া, কর্ণপ্রয়াগ অতিক্রম করিয়া, এক চটীতে বিশ্রামকালে স্বামীজী অরে আক্রান্ত হন। সেই চটীতে তিন দিন বিশ্রাম করিয়া, কুদ-প্রয়াগের পরবর্ত্তী চটীতে ঠাহার আবার প্রবল অর হয়। কাছারীর আমিন-প্রদত্ত কবিরাজী ঔষধে স্বামীজী কিছুকাল সুস্থ হইলে তিনি ঠাহাকে দাণ্ডী ভাড়া করিয়া, শ্রীনগরে (গাড়োয়াল) পাঠাইয়া দেন। আলমোড়া হইতে ঠাহারা এ পর্য্যন্ত ১২০ মাইল পদব্রজে অতিক্রম করিয়াছেন—এই স্থান হইতেই বদরিকাশ্রমের রাস্তা। শ্রীনগর (গাড়োয়াল) হইতে কাঠগোদামের দূরত্ব ১৬০ মাইল। ধর্মপ্রসঙ্গ আলোচনা—ধ্যান-পারণা—ভিক্ষা সংগ্রহ করিয়া, আলমোড়া হইতে শ্রীনগরের বঙ্গুর পার্শ্বত্যা পথ অতিক্রম করিতে ঠাহাদের দুই সপ্তাহেরও উপর সময় লাগিয়াছিল।

"It had taken them more than two weeks to accomplish the distance from Almora, and the time had been spent in wandering slowly up the mountain paths, begging their food, meditating, and holding religious conversation."

( Vol. II page 115 )

তাহা হইলে স্বামীজী ও ঠাহার গুরু-ভ্রাতৃগণ ১৮৯০ খৃষ্টাব্দের ২০শে বা ২১শে সেপ্টেম্বরের পূর্বে কোনমতেই গাড়োয়ালের শ্রীনগরে উপনীত হইতে পারেন নাই।

অন্যদর বাবু বদরিকাশ্রমের পথে দুইবার গাড়োয়ালের শ্রীনগর অতিক্রম করিয়াছেন। যাত্রাকালে—

(১৮৯০) "১৪ই মে বৃহস্পতিবার বেলা প্রায় এগারটার সময় গাড়োয়ালের প্রধান নগর শ্রীনগরে উপস্থিত হওয়া গেল।" ('হিমালয়' ৪৪ পৃষ্ঠা)।

(১৮৯০) "৮ই জুন—আজ আমার দীর্ঘ প্রবাসের সঙ্গী অচ্যুতানন্দ ব্রহ্মচারীকে হারিয়েছি।...এই দিন থেকে আমি আর ডাইবি রাখিনি।...অত্যাযত্নের পথে শ্রীনগর অবধি এসে আর

আমার লেখবার তেমন ইচ্ছা হ'ল না। বিশেষ যে পথে গিয়েছিলুম, সেই পথেই প্রত্যাবর্তন; নূতন ব্যাপার, নূতন দৃশ্য কিছুই আমার সম্মুখে পড়েনি; ডাইরি না লিখবার ইহাও একটি কারণ।”

“শ্রীনগর হিমালয়ের মধ্যে হ'লেও সেটা লোকালয়। আমরা লোকালয়ে পৌঁছিযাছি, শ্রীনগরে আমার অনেক বন্ধু অনেক ছাত্র আছেন, তাঁদের সঙ্গে কয়েক দিন কাটিয়ে আমি ফিরে আসি!”  
(‘হিমালয়’ ২৮৭—২৮৯ পৃষ্ঠা)

জলধর বাবুর বন্ধু ও ছাত্রগণের সহিত শ্রীনগরে কয়েক দিন অবস্থান এক সপ্তাহ বলিয়া ধরিয়া লওয়া যাইতে পারে। তাহা হইলেও স্বামীজীর শ্রীনগরে ১৮৯০ খৃষ্টাব্দে ২০শে সেপ্টেম্বর তারিখে পৌঁছিবীর অন্ততঃ ২৭ দিন পূর্বেই ১৮৯০ খৃষ্টাব্দের ৮ই জুন হইতে এক সপ্তাহ পরে ১৫ই জুন তারিখে যে জলধর বাবু শ্রীনগর ত্যাগ করিয়াছেন, তাহাতে সন্দেহের অবকাশ নাই। অগতঃ তিনি লিখিয়াছেন—“তখনো আমি বদরিকাশ্রমের দিকে যাই নি। যাবার কল্পনাও মনে হয় নি।” (‘ভারতবর্ষ’ ১৩৪২ ফাল্গুন, ৩৪৪ পৃষ্ঠা)

কিন্তু আমাদের প্রতিপাত্ত প্রসঙ্গ এখনও সমাপ্ত হয় নাই। শ্রীনগরে আসিয়া স্বামীজী ও তাঁহার গুরুভ্রাতৃগণ অলকনন্দাতীরে একটি নির্জন কুটীরে কিছুদিন সাধনা করিলেন। এই কুটীরেই পূর্বে স্বামী তুরীয়ানন্দ তপস্বী করিতেন। শ্রীনগর হইতে তাঁহার টিহরী যাত্রা করিলেন। পথে ভিক্ষা মিলিল না। টিহরীতে গঙ্গাতীরে একটি পোড়ো-বাগানের ছুটি নির্জন কুটীরে থাকিয়া, তাঁহার সাধনা করিতে লাগিলেন। কয়দিন পরে পণ্ডিত হরপ্রসাদ শাস্ত্রী মহাশয়ের ভ্রাতা—টিহরী-রাজের দাওয়ান রঘুনাথ ভট্টাচার্য মহাশয়ের সহিত পরিচয় হইলে, তিনি গণেশপ্রসাদে—গঙ্গা ও ভিলাঙ্গন নদীর সঙ্গমস্থানে তাঁহাদের সাধনা করিবার ব্যবস্থা করিয়া দিলেন। এই স্থানে সাধনাকালে স্বামী অখণ্ডানন্দ ব্রহ্মাইটিস রোগে আক্রান্ত হন। পার্শ্বত্যাগ বায়ু তাঁহার সহ্য হইবে না এবং শীত আসিতেছে বলিয়া স্থানীয় ডাক্তারের পরামর্শমত স্বামী অখণ্ডানন্দের চিকিৎসার জন্ত তাঁহার টিহরী হইতে মুন্সীর মধ্য দিয়া রাজপুর (ডেরাডুন) গেলেন।

“The physician at Tehori ordered him to go down at once to the plains, as the mountain air was proving too rarified for his lungs, and as the winter was approaching.”

( vol II page 117 )

রাজপুর উপত্যকায়—নব-রাত্রির এক দিন পূর্বে ১৩ই অক্টোবর ১৮৯০—বহুকাল পরে স্বামী তুরীয়ানন্দের সহিত তাঁহাদের মিলন হইল। ডেরাডুনে উপনীত হইয়া তাঁহার সকলে স্বামী অখণ্ডানন্দকে ডেরাডুনের সিভিল সার্জনের নিকট লইয়া গেলেন। টিহরীর দাওয়ানের অনুরোধ-পত্রানুসারে স্বামী অখণ্ডানন্দকে বিশেষভাবে পরীক্ষা করিয়া সিভিল সার্জেন মত দিলেন যে, ইহার আর পর্ষতে উঠা উচিত নহে—সমতল-ভূমিতে কিছুকাল থাকিয়া, ভাল করিয়া চিকিৎসা করা দরকার। স্বামীজী তাঁহার অসুস্থ গুরু-ভ্রাতার চিকিৎসার জন্ত আশ্রয়প্রার্থী হইয়া ডেরাডুনের প্রত্যেক বাড়ীতে গুরিয়াও আশ্রয়স্থান পাইলেন না।

“After careful examination the Doctor advised Akhandananda not to return to the hills but to live carefully in the plains and have good medical treatment. But first of all some shelter had to be found for the sick monk. So the Swami himself went about the town of Dehra Dun, in search of a suitable place, entering many houses, and saying, ‘My ‘gurubhai’ is ill! Can you give him a little place in your house and arrange for suitable diet for him?’ But the Swami only received cold-hearted replies and excuses. Nothing undaunted he went abegging from house to house and at last the Pandit Ananda Narayan, a Kashmiri Brahman and a vakil of the place, took charge of the sick monk. He rented a small house for him and provided him with suitable diet and warm clothing. The others stayed elsewhere, and begged their meals as fortune favoured them.”

( vol. II. pp. 118-119. )

ইহা ১৮৯০—২০শে সেপ্টেম্বরের স্বামীজীর শ্রীনগরে পৌঁছিবীর তিন সপ্তাহ পরে ১৩ই অক্টোবর মহালয়ার দিনের ঘটনা। জলধর বাবু নিশ্চয়ই এ সময়ে ডেরাডুনে ছিলেন না। কিন্তু ইহার পরও কি জলধর বাবু বলিবেন?—

“স্বামী বিবেকানন্দের দর্শনসাভের বোধ হয় ১০।১৫ দিন পবে সংবান পেলাম, সানুচর বিবেকানন্দ স্বামী ডেরাডুনে এসে সাধনাকার কালীবাড়ীতে আতিথা-গ্রহণ করেছেন। সেই কথা শুনে আমি শ্রীযুক্ত বিমলাচরণ এবং তার খুলতাত সারভে অফিসের এক জন প্রধান কর্মচারী বন্ধুর শশিভূষণ সোম—এই তিন জন কালীবাড়ীতে গিয়ে উপস্থিত হলাম। সেই রাত্রিতেই তাঁদের করণশূরে নিয়ে আসতে চেয়েছিলাম, তাঁরা পরদিন প্রাতঃকালে আসতে স্বীকার করলেন।

“শশিভূষণ সোম মহাশয়ের বাড়ী খুব বড় ও সুন্দর। সেইখানেই তাঁদের থাকবার ব্যবস্থা করলাম। শশীবাবুদের সকলেরই



অকিস ছিল। কাষেই সন্ন্যাসীদের পরিচর্যার ভার—বাহিরে আমি এবং ভিতরে শশীবাবুর বাড়ীর মেয়েরা গ্রহণ করলেন।

“স্বামীজী এবং তাঁর সহচরবর্গকে আমবা কয়েকদিন আটকে রাখতে চেয়েছিলাম, কিন্তু স্বামীজী অস্বীকার করলেন। তিনি বলেন, দ্বিতীয় তিথি পর্যন্ত অপেক্ষা করতে নেই—সেইজন্যই নাম ‘অতিথি’। তার পরদিন প্রভাতে তাঁরা চলে গেলেন। স্বামীজী বলে গেলেন, তিনি উত্তরাপথ ত্যাগ করে এইবার দক্ষিণাপথে যাবেন।”...

(‘ভারতবর্ষ’ ১৩৪২ ফাল্গুন, ৩৪৬ পৃষ্ঠা)

ধন্য জলধর বাবু! বিনয়ের অন্তরালে আত্মপ্রকাশ করতে গিয়া, জলধর বাবু সত্যের প্রত্যেক স্বামী বিবেকানন্দের মুখ দিয়াও মিথ্যা কথা বাহির করিয়া লইয়াছেন। যিনি পীড়িত গুরুভ্রাতার জন্ত সেই সময়ে বা তাহার কিছুদিন পরে ডেরাডুনেই দ্বারে দ্বারে আশ্রয়প্রার্থী—পরিব্রাজক-জীবনে যিনি বহুস্থানে বহুদিনব্যাপী আতিথ্য গ্রহণ করিয়াছেন—সামকজীবনে ভিক্ষাই যাহার মূল—সেই স্বামী বিবেকানন্দই কি না ‘অতিথি’ শব্দের অর্থ বিশ্লেষণে মিথ্যার আরোপ করিয়া, জলধর বাবুকে সৌজন্মে বঞ্চিত করিলেন। ‘অতিথি’ শব্দের প্রকৃত অর্থ রায় বাহাদুরের জানা থাকিলে এরূপ অপূর্ব পাণ্ডিত্য প্রকট করিয়া, স্ত্রীজনসমাজে মৃত-সঙ্গীবনীস্বপ্নার সঙ্গে হাত্তরস পরিবেশন করিতে পারিতেন কি? অ+তিথি=যাহার তিথি বিচার নাই—যে কোন তিথিতে সহসা গৃহস্থের গৃহে আগমন করিয়া যিনি আতিথ্য গ্রহণ করেন, তিনিই অতিথি। রায় বাহাদুরের এই উক্তি কেবল অমার্জ্জনীয় অপরাধ নহে, ধৃত্ততারও পরিচায়ক নহে কি?

কিন্তু ডেরাডুনে স্বামীজীর আশ্রয় মিলিল। পণ্ডিত আনন্দনারায়ণ নামে এক জন কাশ্মীরী ব্রাহ্মণ উকিল অসুস্থ অখণ্ডানন্দ স্বামীর জন্ত একটি ছোট বাংলা ভাড়া করিয়া আশ্রয়—পথ্য—গরম কাপড় দিলেন। স্বামীজী ও অসুস্থ সন্ন্যাসিগণ ভিক্ষা করিয়া খাইতেন। ডেরাডুনে প্রায় তিন সপ্তাহ অতিবাহিত করিয়া, অখণ্ডানন্দ স্বামী একটু সুস্থ হইলে তাঁহাকে কৃপানন্দের সঙ্গে চিকিৎসার জন্ত এলাহাবাদে পাঠাইয়া, স্বামীজী তুরীয়ানন্দ সারদানন্দ প্রভৃতি গুরুভ্রাতৃসহ দ্বীকেশে আসিলেন।

“The Swami remained at Derah Dun for about three weeks and then advising Akhandananda to go to a friend's house in Allahabad.

( vol II. page. 120 )

অখণ্ডানন্দ স্বামী সাহারাণপুর হইতে বন্ধু বাবুর পরামর্শে এলাহাবাদে না গিয়া, মীরাটে ডাক্তার ত্রৈলোক্যনাথ ঘোষের বাড়ী গেলেন—সেখানে দেড় মাস চিকিৎসার পর সুস্থ হইলেন।

ডেরাডুন হইতে দ্বীকেশে আসিয়া তপশ্রাকালেই স্বামীজী এক দিন জ্বরবোরে অচেতন হইয়া, সাধুর প্রবৃত্ত ঔষধে সংজ্ঞানাত করিয়াছিলেন। মায়াবতী অর্ধশত আশ্রম প্রকাশিত স্বামীজীর জীবনী হইতে সে বিবরণ পূর্বেই উদ্ধৃত করিয়াছি।

দ্বীকেশে প্রবল জ্বরে স্বামীজী অত্যন্ত দুর্বল হইয়াছিলেন, তিনি একটু সুস্থ হইলেই তাঁহার গুরুভ্রাতারা তাঁহাকে হরিদ্বারে আনিলেন। রাখাল মহারাজ—স্বামী ব্রহ্মানন্দ সে সময়ে হরিদ্বার কনখলে সাধনা করিতেছিলেন। তাঁহাকে সঙ্গে লইয়া সকলে সাহারাণপুরে আসিয়া বন্ধু বাবুর নিকট গুলিলেন, অখণ্ডানন্দ স্বামী মীরাটে আছেন। তাঁহারা মীরাটে আসিয়া অখণ্ডানন্দ স্বামীর সহিত শরৎকালের শেষভাগে কালীপূজার পর মিলিত হইলেন। “It was now past the time of the year when mother Kali is worshipped, that is, late in the autumn.” (vol II page 122). যথাযোগ্য চিকিৎসায় স্বামীজী ও অখণ্ডানন্দ স্বামী সুস্থ হইলেন। মীরাটে গুরুভ্রাতৃগণ সকলে সম্মিলিত হইয়া, বরাহনগর মঠের আনন্দের মত পরমানন্দে প্রায় তিন মাস ধর্মালোচনা—সাহিত্য-দর্শন-চর্চা—ধ্যান-ধারণা করিতে লাগিলেন। স্বামীজী ১৮৯১ জ্যৈষ্ঠমাসের শেষে গুরুভ্রাতৃগণকে ৭ বৎসরের জন্ত ত্যাগ করিয়া, মীরাট হইতে দিল্লী-যাত্রা করেন।

“And from the year 1891 for nearly seven years the Leader himself was absent. When he became the ‘Parivrajaka’, he was buried in forgottenness; none of his brothers knew his whereabouts, though often they made efforts to find him out. But since the passing of Sri Ram Krishna for about four years he was on and off, with his guruthais, either at Baranagore or in the company of one or more of them on various pilgrimages, and only for short periods by himself. Then in the beginning of the year 1891 he broke free from his brother-monks, leaving them finally at Delhi.”

( Vol. II page 52-53 ).

দিল্লী হইতে ১৮৯১ ফেব্রুয়ারী মাসে স্বামীজী আলোয়ারে উপনীত হন—পরে জয়পুর—আজমীর—আবু পাহাড়—খেতরি—গুজরাট—বোম্বাই হইয়া, দাক্ষিণাত্যের বিভিন্ন প্রদেশ—রামেশ্বর—কণ্ঠাকুমারী পরিভ্রমণ করিলেন। পণ্ডিচেরী যুরিয়া স্বামীজী ১৮৯৩ খৃষ্টাব্দের ফেব্রুয়ারী মাসে—হায়দ্রাবাদ—মাদ্রাজ হইয়া আবার খেতরি গিয়া, ১৮৯৩—৩১শে মে স্বামীজী আমেরিকায় যাত্রা করেন এবং ১১ই সেপ্টেম্বর চিকাগোর ধর্মমহা-সম্মেলনে যোগদান করেন। উহার বহু দিন পরে তিনি আবার হিমালয়ের বিভিন্ন প্রদেশ—কাশ্মীর প্রভৃতি পরিভ্রমণ করিয়াছিলেন; কিন্তু তাহা আমাদের আলোচ্য নহে।

স্বামীজী ১৮৯০ খৃষ্টাব্দের ১৩ই অক্টোবর ডেরাডুনে পৌঁছিয়া, প্রায় তিন সপ্তাহ—৪ঠা নভেম্বর পর্যন্ত, ডেরাডুনে ছিলেন। কালীপূজার পর ১৫ই নভেম্বর নাগাং তাঁহার মীরাটে সমবেত হন। উহার মধ্যে কনখল ও সাহারাণপুরে অস্থতঃ ২ দিন ছিলেন। তাহা হইলে ৪ঠা হইতে ১২ই নভেম্বর মধ্যেই স্বামীজী হ্রদীকশে অট্টেতত্ত্ব হইয়াছিলেন।

জলধর বাবু ১৮৯০ খৃষ্টাব্দের ৮ই জুন শ্রীনগরে ফিরিয়া কয়েক দিন—এক সপ্তাহ-পরেই ১৫ই জুন তাঁহার যাত্রাপথ দিয়াই ডেরাডুনে প্রত্যাগমন করেন। তিনি ১৮৯০—৩ই মে তারিখে ডেরাডুনে যাত্রা করিয়া ১৪ই মে—৯ দিনে শ্রীনগরে পৌঁছিয়াছিলেন। সুতরাং ১৮৯০ খৃষ্টাব্দের ২৪শে জুন তাঁহার ডেরাডুনে ফিরিবার কথা। ইহার কিছু দিন পরেই তিনি স্বগ্রাম কুমারখালিতে ফিরিয়া—সাধকপ্রবর কাঙ্গাল হরিনাথের ‘গ্রাম্যবার্তা-প্রকাশিকা’র পরিচালনে সহায়তা করিতেছিলেন; এবং তাহার কিছুদিন পরেই মহিষাদল রাজসুলে তৃতীয় শিক্ষকের কার্যে ব্রতী হইয়াছিলেন। ‘ভারতবর্ষের’ ১৩৪২ সালের ফাল্গুন সংখ্যায় জলধর বাবু স্বামীজীর ‘স্মৃতিতর্পণ’ করিবার ৩০ মাস পূর্বেই ‘মাসিক বসুমতীর’ ১৩৩০ সালের ভাদ্র সংখ্যায় ৭৪৬ পৃষ্ঠায় আমার ‘সেকালের স্মৃতি’ কথায় এই প্রসঙ্গের বিস্তৃত আলোচনা করিয়াছি। সুতরাং জরঘোরে হ্রদীকশে স্বামীজী অট্টেতত্ত্ব হইবার পূর্বেই জলধর বাবু কুমারখালি ফিরিয়াছিলেন। বদরিকাশ্রম হইতে ফিরিয়া জলধর বাবু আবার ডেরাডুনে সুলে মাষ্টারী করিতেছিলেন, এ কথা বলিবারও উপায় নাই। কারণ, তিনি প্রসঙ্গ-সূচনার স্পষ্টই লিখিয়াছেন :—

“আমি তখন হিমালয়ের মধ্যে ঘুরে বেড়াছি। তখনো আমি বদরিকাশ্রমের দিকে যাইনি। বাবার কল্পনাও মনে হয় নি।...আমি ঘুরতে ঘুরতে হিমালয়ের মধ্যে গিষে সর্বপ্রথম ডেরাডুনে এই মাষ্টারী আশ্রয় লাভ করি।”

(‘ভারতবর্ষ’ ১৩৪২ ফাল্গুন, ৩৪৪ পৃষ্ঠা)

হ্রদীকশে হিমালয়ের পাদদেশে অবস্থিত। টিহরী হইতে যাত্রা-সময়েই শীতের আগমন-সম্ভাবনায় স্বামীজীরা ডাক্তারের পরামর্শে অক্টোবর মাসে ডেরাডুনে ফিরিয়া-ছিলেন। নভেম্বর মাসে বাঙ্গলাদেশেই শীতের প্রাচুর্য্য, হিমালয় প্রদেশে নিশ্চয়ই তখন গ্রীষ্মকাল। নচেৎ জলধর বাবু “গ্রীষ্মকালের...সন্ধ্যার প্রাক্কালে” হ্রদীকশে সহসা হাজির হইয়া—“সেই প্রায়াক্কালে গঙ্গার বালুকাময় চড়ায় (?) সেই গাছের অনুসন্ধান করে সৌভাগ্যক্রমে অনতি-দূরেই সেই গাছ” পাইবেন কিরূপে?—“তারি ২১টি পাতা এনে হাতে রগড়ে রস বের করে স্বামীজীর মুখে” দিলেন কিরূপে?—“প্রায় আধঘণ্টা পরে স্বামীজী চৈতন্তলাভ করলেন” কিরূপে?

বুদ্ধ সন্ন্যাসী নিশ্চয়ই এতকাল বাঁচিয়া নাই—দৈবাৎ বাঁচিয়া থাকিলেও ৪৬ বৎসর পূর্বে এক দিন হ্রদীকশে তিনি ঔষধ প্রয়োগ করিয়া জরঘোরে অট্টেতত্ত্ব স্বামীজীর চৈতন্ত-সঞ্চার করিয়াছিলেন বলিয়া, নিশ্চয়ই এই সুদীর্ঘকাল পরে সে গৌরবের দাবী করিতে আসিবেন না। অতএব সন্ন্যাসীর প্রাপ্য গৌরব স্বকোশলে আয়গাং করিতে দোষ কি? জলধর বাবু নিজেই স্বীকার করিয়াছেন—সাইমালুটেনিয়াস্ ইকোয়েসনে তিনি ছাত্রদের গাধা বানান। ইহাও কি সেই সাইমালুটেনিয়াস্ ইকোয়েসনের মোহিনী ধাঁধা? কিন্তু স্মৃতিজনসমাজ—পাঠকগণের সকলেই ত’ আমার মত তাঁহার ছাত্র নহেন—তাঁহাদের নিকট তিনি এ ছাইমালের সামাল দিতে পারিয়াছেন ত’?

জলধর বাবুর পক্ষে পরবর্তী কালে স্বামীজীর জীবনী পাঠে ব্রাহ্মসমাজে তাঁহার গানের প্রশংসা-ঘনিষ্ঠতার কথা অবগত হইয়া অনায়াসে স্মৃতিতর্পণে তাহার উল্লেখ সম্ভবপর হইতে পারে;—দক্ষিণেশ্বরে সে সময় বিশিষ্ট ভক্তগণ ব্যতীত বিরাট জনতা না থাকিলেও—ঠাকুরের ক্ষুদ্র কক্ষের “ছয়োরের কাছ থেকে প্রশংসা করেই বিদায়” লওয়া—“কোনো দিন তাঁর দৃষ্টি না পড়াও” বিশ্বাসযোগ্য হইলেও হইতে পারে;—কিন্তু “সংসার ত্যাগ করে স্বামী বিবেকানন্দ

নাম ধারণ করেছেন, এ সংবাদও বন্ধু-বান্ধবগণের মুখে অথবা সংবাদপত্রের মারফতে পেয়েছিলাম”—এবং হৃষীকেশে সেইজন্মই তিনি চমকিত—উকণ্ঠিত হইয়াছিলেন—“স্বামী বিবেকানন্দ! হৃষীকেশে গঙ্গাতীরে এই ক্ষুদ্র কুটারে পরম-হংসদেবের পরম স্নেহপাত্র স্বামী বিবেকানন্দ!” (“ভারতবর্ষ’ ১৩৪২ ফাল্গুন—৩৪৪-২৪৫ পৃষ্ঠা) কিন্তু সে সময়ে অর্থাৎ ১৮৯০ খৃষ্টাব্দে অথবা তাহার ১২ বৎসর পূর্বে ১৮৭৮ খৃষ্টাব্দে জলধর বাবু কোন্ কোন্ সংবাদপত্র পাঠে বা কোন্ কোন্ বন্ধুর নিকট স্বামী বিবেকানন্দের নাম জানিতে পারিয়াছিলেন—পরবর্তী স্মৃতিতর্পণে তাহা প্রকাশ করিবেন কি? কিন্তু তাঁহার মত সপ্রতিভ রায় বাহাদুরও গুনিয়া বিস্মিত হইবেন—সংবাদপত্রে প্রশংসার ঢাক বাজান দূরের কথা, সাধনসময়ে—হিমালয়ে পরিভ্রমণকালে স্বামীজী এতটা আত্মগোপন করিয়া থাকিতেন যে, কাহাকেও পত্রাদি পর্য্যন্ত লিখিতেন না এবং আত্মসংগোপনের জগু তিনি ‘বিবিদিষানন্দ’ ও ‘সচ্চিদানন্দ’ নাম গ্রহণ করিয়াছিলেন।

আমেরিকা যাত্রার অব্যবহিত পূর্বে ১৮৯৩—মে মাসে—খেতরির রাজার সনির্লক্ষ অনুরোধে তিনি গৈরিক রেশমী পরিচ্ছদ—পাগড়ী এবং গুরুদত্ত নাম সর্বপ্রথম ব্যবহার করিতে সম্মত হন।

“Now he was known as ‘Vividishananda’, now as ‘Sachchidananda’ and so on. It is said that he finally assumed the name Vivakananda at the earnest entreaty of the Rajah of Khetri.

( Vol II, page 258 ).

ডেরাডুনে স্বামীজীর জলধর বাবুর আতিথ্যগ্রহণপ্রসঙ্গে জলধর বাবু লিখিতেছেন—

“এই যে আমাদের সেদিনকার এত আনন্দ—এর মধ্যে কিন্তু যুগান্তেরও হৃষীকেশে আমার সেই অভাবনীয় বা অপ্রত্যাশিতভাবে স্বামীজীর চর্চনলাভের কথা উল্লেখ করিনি। স্বামীজী ত’ ন’নই, তাঁর সঙ্গীরাও ডেরাডুনে আমাকে চিনতে পারেন নি—পারবার কথাও নয়; তখন আমি নগ্নপদ কখন-সবল সন্ন্যাসী, আর ডেরাডুনে আমি ভক্তবেশী, প্রকাণ্ড পাগড়ীধারী মাঠারঙ্গী। তা ছাড়া হৃষীকেশে গঙ্গাতীরে প্রায়াক্ষকারে মানুষ হেনাও শক্ত।”

( ‘ভারতবর্ষ’ ১৩৪২ ফাল্গুন, ৩৪৬ পৃষ্ঠা )

ছাপার অক্ষরে—স্বাক্ষরযুক্ত প্রবন্ধে একপ নির্লজ্জ শিখ্যার বিরাট বাহার আর কখনও দেখিবার সৌভাগ্য হইয়াছে বলিয়া ত’ স্মরণ হয় না।

উপসংহারে এই অলীক কাহিনীকে সত্যের ভিত্তিতে প্রতিষ্ঠিত করিবার জগু রায় বাহাদুর লিখিতেছেন—

“সম্পূর্ণ আত্মবিস্মৃত হয়ে স্বামীজীর পরলোকগমন উপলক্ষে একদিন মাত্র টাউনহলের শোকসভায় হৃদয়ের আবেগ সঞ্চার করতে না পেয়ে হৃষীকেশের ঘটনার সামান্য উল্লেখমাত্র করেছিলাম।”

জলধর বাবু বিস্মৃত হইয়াছেন—টাউনহলের সেই শোক-সভা হৃষীকেশের অতীত যুগের কাহিনী নহে—স্বামী বিবেকানন্দের দেহাবসানের পর সেদিনের শোক-সভায় উপস্থিত স্বামীজীর বহু ভক্ত আজও সশরীরে বর্তমান। স্বামী বিবেকানন্দ ‘বসুমতী’-প্রতিষ্ঠাতৃগণের অন্যতম ছিলেন—‘বসুমতী’ নাম ও সম্পাদকীয় স্তম্ভশীর্ষে ‘নমো নারায়ণায়’—সন্ন্যাসিগণের প্রণাম-মন্ত্র তাঁহারই প্রদত্ত। ১৯০২ খৃষ্টাব্দে জলধর বাবু ‘বসুমতীর’ সম্পাদক নামে অভিহিত হইতেন বলিয়াই তাঁহাকে স্বামীজীর স্মৃতিপূজা-সভায় বক্তৃতা করিতে আহ্বান করা হইয়াছিল—৫ মিনিট মাত্র তাঁহার বক্তৃতার সময় নির্দিষ্ট হইয়াছিল। কিন্তু বোধ হয়, তৎপূর্বে অথ কোন বিরাট সভায় তিনি বক্তৃতা করেন নাই। সেই বিপুল জনতার সম্মুখে বক্তৃতা করিতে উঠিয়া, তিনি ত্রাস-জড়িত অম্পষ্ট কণ্ঠস্বরে একটি মাত্র ছত্র—“হিমালয়ে এক দিন স্বামী বিবেকানন্দ আমার উরুর উপর মাথা রেখে আট দশ ঘণ্টা বড় আরামে ঘুমিয়েছিলেন”—বলিয়াই সে কম্পাদিত-কলেবরে বসিয়া পড়িতে বাধ্য হইয়াছিলেন—তাহা আজও অনেকের স্মরণ আছে। সেই স্মৃতিসভায় উপস্থিত স্বামী সারদানন্দ বেলুড় মঠে জলধর বাবুর বক্তৃতা সম্বন্ধে আলোচনাকালে এই কথা জানাইলে, স্বামী অখণ্ডানন্দ গ্রে ট্রীটে ‘বসুমতী-কার্যালয়ে’ পদধূলি প্রদান করিয়াছিলেন। আমার সম্মুখেই তিনি জলধর বাবুকে জিজ্ঞাসা করিয়াছিলেন—“জলধর বাবু, আমরা মরিবার পর এইরূপ কথা প্রচার করিলেই ঠিক হইত না কি?” সে কথা আমার আজও বেশ স্মরণ আছে। জলধর বাবু গুনিয়া আশ্চর্য হইবেন, স্বামীজীর হিমালয়ের সাধন-সঙ্গী পরম পূজনীয় স্বামী অখণ্ডানন্দ আজও সশরীরে বিচরমান;—তিনিই এখন বেলুড় মঠের প্রেসিডেন্ট—ধর্মগুরু। স্বামীজীর অন্যতম লীলাসহচর—গুরুভ্রাতা স্বামী অভেদানন্দ বর্তমান সময়ে দার্জিলিংএ রহিয়াছেন, তিনি স্মরণীয় বেনারস সমিতির প্রতিষ্ঠাতা ও প্রেসিডেন্ট।



রায় বাহাদুরের স্মৃতি-তর্পণের অষ্টাদশ পর্ক মহাভারতের বনপর্ক পর্যন্ত আলোচনা করিয়াই পাঠক-গণের ধৈর্য্যচ্যুতির আশঙ্কায় এবারের মত ক্ষান্ত হইলাম। আগামী সংখ্যায় 'বনুমতী'পর্ক পর্যন্ত আলোচনা করিবার বাসনা রহিল। জলধর বাবুর ভাষায় ব্যক্ত করিতে গেলে বলিতে হয়, অল্পের সাফল্য-গৌরব আত্মসাৎ করিবার প্রবল আকাঙ্ক্ষা তখনও তাঁহার যেরূপ ছিল—এখনও তেমনি আছে।

কিছুদিন পূর্বে মহাত্মা গান্ধী বলিয়াছিলেন—  
Himalayan blunder,—ভাগ্যে এত দিন বাঁচিয়া আছি—  
তাই জলধর বাবুর 'হিমালয়' প্রসঙ্গে ছইবার সেই

Himalayan blunder প্রত্যক্ষ করিয়া, হিমালয় সদৃশ মিথ্যার প্রকট পরিচয়ের সৌভাগ্যলাভে আমরাও তাঁহারই মত ধন্য—কৃতার্থ হইলাম।

বনপর্কের সুধারস জলধর দান।

অতুল মহিমা ভবে, কর জয়গান ॥

শ্রীদীনেন্দ্রকুমার রায়।

স্বাক্ষরযুক্ত হইলেও সম্পাদক-লিপিত প্রবন্ধের প্রতিবাদ সেই সংবাদপত্র—মাসিকপত্রেই প্রকাশ করা সম্ভব হয় না। এজন্য এই প্রতিবাদ প্রবন্ধ প্রকাশ করিতে বাধ্য হইলাম। রায় জলধর সেন বাহাদুর বা তাঁহার পক্ষ হইতে কোন সুপরিচিত সাহিত্যিক অমুগ্রহ করিয়া যদি কোন প্রতিবাদ করেন, তাহাও সাদরে প্রকাশ করিব।  
—'মাসিক বনুমতী'-সম্পাদক।


## অশ্রু-অর্ঘ্য

### ম্যাক্সিম গর্কি

৬৮ বৎসর বয়সে বিশ্ববরেণ্য রুশীয় সাহিত্যিক ম্যাক্সিম গর্কি ইচ্ছা-লোক ত্যাগ করিয়াছেন। তাঁহার প্রকৃত নাম পেশকফ। কিন্তু ম্যাক্সিম গর্কি এই ছদ্ম নামেই তিনি বিশ্ববিখ্যাত হইয়াছিলেন। আশেপাশ তিনি জীবনে তিরু অভিজ্ঞতা সঞ্চয় করিয়াছিলেন, তাই রুস ভাষায় তিরু শব্দের প্রতিশব্দ গর্কি নামটিকে তিনি ব্যবহার করিতেন। শৈশবে পিতৃ-মাতৃহীন হওয়ার ফলে তিনি মাত্র ৫ মাস বিদ্যালয়ে শিক্ষাজ্ঞান করিবার সুযোগ পাইয়াছিলেন।

দশ বৎসর বয়সে জীবন-সংগ্রামে অতিষ্ঠ হইয়া তিনি এক মুচির দোকানে কাৰ্য্যরত্ন করেন,

কিন্তু সে কায ভাল না লাগায় তিনি উহা ত্যাগ করেন। তার পর কখনও স্ত্রীমারের খালাদীদিগের পাচকবৃত্তি,—কখনও পাউকটীর দোকানে রুটা সেকিয়া, কখনও চৌকীদারী, কখনও বা কেরাণীগিরি করিয়া তিনি জীবিকাার্জন করিতে থাকেন। টিফলিসে গর্কি রেল চাকরী করিতেন। সেই সময় আত্মজীবনকাহিনী লিপিবদ্ধ



ম্যাক্সিম গর্কি

করিবার সংকল্প তাঁহার মানসপটে উদ্ভিত হয়। ইহার ফলে "কাডকাফ" পত্রে তাঁহার প্রথম রচনা প্রকাশিত হয়, ইহার পর স্বগ্রামে ফিরিয়া গিয়া তিনি ছোট গল্প রচনায় মনোনিবেশ করেন। এই সময় প্রসিদ্ধ কথাসাহিত্যিক ভ্লাডিমির করলে-স্কীর সহিত তাঁহার পরিচয় হয়। ভ্লাডিমির এই নবীন সাহিত্য-সেবীর অপূর্ণ প্রতিভার পরিচয় পাইয়া মুগ্ধ হন। তাঁহারই চেষ্টায় রুশিয়ার একটি প্রসিদ্ধ সাময়িক পত্রে গর্কির "চেনকাশ" নামক প্রসিদ্ধ গল্প প্রকাশিত হয়।

যাহারা দারিদ্র্য, কুশিক্ষা, নিরক্ষরতা ও পাপকলুষিত জীবন বাপন করিত, গর্কি তাহাদের মধ্য হইতেই রচনার উপাদান সংগ্রহ করিতেন। তাঁহার কোনও গল্প বা উপন্যাসের নায়ক ধনীরা ছিল না। ১৮৯৮ খৃষ্টাব্দে গর্কির কতিপয় গল্প ছইখানি গ্রন্থে প্রকাশ পায়। নাটক রচনা করিয়াও তিনি প্রচুর খ্যাতি অর্জন করিয়াছিলেন! তাঁহার রচিত "In the Depths" নামক নাটক বার্লিনে ৫ শত রাত্রি ধরিয়া অভিনীত হইয়াছিল। "My Childhood" বা আমার শৈশব কথা নামক আত্ম-জীবন-কাহিনী ১৯১৪ খৃষ্টাব্দে গর্কি প্রকাশ করেন।

বিপ্লববাদীদিগের সহিত গর্কির সহায়ত্ব ছিল বলিয়া ১৯০৯ খৃষ্টাব্দে রুস সরকার তাঁহাকে গ্রেপ্তার করেন। পর-বৎসরে তিনি আমেরিকায় গিয়া জারের বিরুদ্ধে প্রচারকাৰ্য্য আরম্ভ করেন। তিনি যে রমণীকে আমেরিকায় লইয়া গিয়াছিলেন, তিনি গর্কির বিবাহিতা পত্নী নহেন বলিয়া সেখানে প্রবল আন্দোলন চলিতে থাকে। তখন বাধ্য হইয়া তিনি যুরোপে প্রত্যাবর্তন করেন। যুরোপীয় মহাযুদ্ধে যোগ দিয়া গ্যালিয়া রণক্ষেত্রে তিনি আহত হন। বলশেভিক বিদ্রোহেও তিনি অসুস্থ দেহে যোগ দিয়াছিলেন। লেনিনকে গণতন্ত্রের পূজারী মনে করিয়াই তিনি তাঁহার সাহায্যে অবতীর্ণ হইয়াছিলেন। কিন্তু কাছে আসিয়া সত্যের পূজারী গর্কি যখন দেখিলেন, লেনিন একাই সর্বশক্তি গ্রাস করিতে চাহেন, তখন তিনি লেনিনের বিরুদ্ধাচরণ করেন। তাঁহার প্রতিষ্ঠিত সংবাদপত্র ইহাতে বন্ধ হইয়া যায়।



কিন্তু কসিয়্যার বিরাট নর-নারীর জনয়ে তাঁহার জন্ম শ্রদ্ধার আসন এমন সুপ্রতিষ্ঠিত ছিল যে, লেনিনের বিরুদ্ধাচরণ জন্ম কোন শাস্তি তাঁহাকে পাইতে হয় নাই। বঙ্গশেতিক নীতির সমর্থক হইলেও গকি ভাহাদের অজ্ঞাচরণ সহ্য করিতে পারিতেন না। কর্তৃপক্ষের আদেশে যখন বহু মনীষীকে গুলী করিয়া হত্যা করা হয়, গকি তখন আবেগপূর্ণ ভাষায় লেনিনের নিকট প্রতিবাদ করিয়াছিলেন।

গকির চল্লিশ বৎসরব্যাপী সাহিত্য-সাধনা স্বর্ণীয় রাখিবার জন্ম তাঁহার নামানুসারে কসিয়্যার কতিপয় সহরের নূতন নামকরণ হইয়াছে। ১৯২১ খৃষ্টাব্দে অভাবপীড়িত স্বদেশবাসিগণের সাহায্যের জন্ম গকি দেশভ্রমণে বাহির হইয়াছিলেন। ১৯২৮ খৃষ্টাব্দে তিনি যখন মস্কো সহরে প্রত্যাবর্তন করেন, রাজ্যোচিত সমারোহের সহিত তাঁহার সন্মিলন হয়। ১৯৩১ খৃষ্টাব্দে ইটালীতে অবস্থানকালে স্থানীয় সরকার জানিতে পারেন, ম্যাক্সিম গকিকে হত্যা করিবার বড়বন্দু হইতেছে।

১৯৩২ খৃষ্টাব্দ পর্যন্ত কসিয়্যার সাহিত্য অপেক্ষা সমাজতন্ত্রের আদর অধিক ছিল। এ জন্ম কসীয় সাহিত্য বনতির পথে চলিয়াছিল। ম্যাক্সিম গকি—ইহা দেখিয়া তদানীন্তন প্রচলিত ব্যবস্থার বিরুদ্ধে দাঁড়াইয়াছিলেন। ষ্ট্যালিন তাঁহারই পরামর্শে নূতন পদ্ধতির প্রবর্তন করেন। তাহার পরে কস সাহিত্যে নূতন জীবনালোক প্রতিবিম্বিত হইয়াছে।

আধুনিক সাহিত্যের প্রথম ও প্রধান পুরোধিত হইলেও গকি পূর্ববর্তী সাহিত্যিকদিগকে বিশেষ শ্রদ্ধার দৃষ্টিতে দেখিতেন। তিনি প্রায়ই বলিতেন, আধুনিক সাহিত্যিকগণ যেন উনবিংশ শতাব্দীর শ্রেষ্ঠ গ্রন্থগুলি সম্বন্ধে পাঠ করেন। প্রতীচ্যের আধুনিক সাহিত্য সম্বন্ধে গকির আস্থা কিরূপ ছিল, তাহা বলা কঠিন। তবে রোমা রোজার সাহিত্যিক প্রতিভা স্বীকার করিতে তিনি কুণ্ঠিত হন নাই।


সাহিত্যের মধ্য দিয়া ম্যাক্সিম গকি সমগ্র কসিয়্যার হৃদয় জয় করিয়াছিলেন, তিনি ঘরের বাতির হইলেই মস্কোএর পথে ছেলেদের ভিড় জমিয়া বাইত। তাঁহার দর্শনের আশায় নর-নারী পরম সহিকৃতাবে ঘণ্টার পর ঘণ্টা প্রতীক্ষা করিত।

গকির প্রসিদ্ধ উপন্যাস “খি অব দেম,” “মানার” (মা) জগতে অমর হইয়া থাকিবে। “দি ব্রোকন হার্ট” (ভগ্ন হৃদয়) নামক গল্প-পুস্তকের গল্পগুলি চির-নূতন। শৈশব হইতে সমাজ ও রাষ্ট্রব্যবস্থা সম্বন্ধে গকি যে অসম্ভব স্বপ্ন দেখিতেন, তাঁহার জীবদ্দশায় তাহাই সার্থক হইয়াছে। ম্যাক্সিম গকির কর্মবহুল জীবনের অবসান হইল, কিন্তু সাহিত্যে তিনি অমর আসন অধিকার করিয়াই থাকিবেন।

### পরলোকে রায় বাহাদুর কৈলাসচন্দ্র বসু

এই আবার আলিপুরের ভূতপূর্ব সরকারী উকিল রায় বাহাদুর কৈলাসচন্দ্র বসু ১৬ বৎসর বয়সে ইহখাম ত্যাগ করিয়াছেন। সম্ভ্রান্ত কিন্তু দরিদ্র পরিবারে তাঁহার জন্ম হইয়াছিল; কিন্তু স্বাবলম্বনের বলে তিনি প্রতিভার পরিচয় দিয়া জীবন-সংগ্রামে অসম্ভ্রান্ত করিয়া প্রভূত বশ: ও সম্পদ অর্জন করিয়াছিলেন।

প্রবেশিকা পরীক্ষায় সাফল্য ও বৃত্তিপাতের পর কৈলাস বাবু দয়ার সাগর ঈশ্বরচন্দ্রের মেট্রপলিটান ইনষ্টিটিউশনে বিনা বেতনে



কৈলাসচন্দ্র বসু

অধ্যয়ন করিতে থাকেন। বহু বাধা-বিঘ্ন জয় করিয়া, শিক্ষক-তার সাহায্যে বি, এ পরীক্ষায় উত্তীর্ণ হইয়া তিনি আইন পরীক্ষায় সাফল্য-লাভ করেন। সে সময়ে আর্থিক অবস্থা শোচনীয় হইলেও তিনি নিষ্ঠা সহকারে ব্যবহারাজীবের ব্যবসায় অবলম্বন করেন।

উপযুক্ত গৃহ-লক্ষ্মীর সুব্যবস্থায় কৈলাস বাবু আইন ব্যবসাতে

মন-প্রাণ দিয়া কার্য নিরত করেন। প্রতিভা ও কর্মতৎপরতার সাহায্যে তিনি অল্পদিনের মধ্যেই প্রতিষ্ঠার পথে অগ্রসর হইতে থাকেন। তাঁহার আইন-জ্ঞান দেখিয়া আলিপুরের বিচারকমণ্ডলী তাঁহার প্রতি বিশেষ শ্রদ্ধাশীল হইয়া উঠেন। সরকারও তাঁহাকে সরকারী উকীলের পদে নিয়োগ করিয়া এই প্রতিভাবান্ ব্যবহারাজীবের সন্মিলন করেন। দীর্ঘ অন্ধশতাব্দীকাল আলিপুরের শ্রেষ্ঠ ব্যবহারাজীব-গণের মধ্যে তিনি সর্গোববে আপনার আসন সুপ্রতিষ্ঠিত রাখেন।

কৈলাস বাবু যেমন স্বরবুদ্ধি, তেমনই দৃঢ়চেতা ছিলেন। তাঁহার মত অমায়িক, চরিত্রবান লোক সাধারণতঃ দেখা যায় না। অন্ধশতাব্দীকাল ব্যবহারাজীবের ব্যবসা করার পর আলিপুরের উকীলগণ তাঁহার জয়ন্তী উৎসব সম্পন্ন করিয়াছিলেন। পরিণত বার্দ্ধক্যেও তিনি পরিশ্রমবিমুখ ছিলেন না। যুত্থার দুই মাস পূর্বে তিনি উকীল-সরকারের পদত্যাগ করেন। নূতন নিয়মে ৬০ বৎসর বয়সের পর সে পদে থাকিবার ব্যবস্থা নাই।

জীবনে তিনি দুইটি প্রবল শোক পাইয়াছিলেন—কনিষ্ঠ ভ্রাতার বিরোধ এবং টাইফয়েড জ্বরে তাঁহার মধ্যম পুত্রের অকাল-বিরোধ। কৈলাস বাবু কার্মাইকেল মেডিক্যাল কলেজে টাইফয়েড চিকিৎসাগারের জন্ম ৫০ হাজার টাকা দান করিয়া যান। পুত্রের স্মৃতিরক্ষাকল্পেই এই দান। স্বগ্রামে পিতাম্ব নামে তিনি একটি বিদ্যালয় প্রতিষ্ঠাকল্পেও অর্থদান করিয়া গিয়াছেন। তাঁহার বিরোধে এ বিষয়ে যে ক্ষতি হইল, তাহা সহজে পূর্ণ হইবার নহে। আমরা কৈলাস বাবুর আত্মীয়-পরিজনকে এই শোকে সাহায্য দিবার ভাষা খুঁজিয়া পাইতেছি না। তাঁহার আত্মা শান্তি লাভ করুক, ভগবানের নিকট ইহাই আমাদের প্রার্থনা।



## স্বয়ংসিদ্ধা

(উপন্যাস)

পঞ্চম উল্লাস

১

গান্ধলী-বংশের প্রথা, কুশণ্ডিকার পর গৃহিনী ও পুরবাসিনী-গণ শত্ৰুধ্বনি ও পুত গঙ্গাবারির ধারার সহিত সুসজ্জিতা বধুকে শুদ্ধাস্তের কোষাগারে লইয়া যান। সেই কক্ষে এক অতিকায় লৌহময় সিন্দূকের মধ্যে গুল্লভ রত্নরাজি ও স্বর্ণময় মাস্তুলিক ছন্দ্রাপ্য বহুবিধ সামগ্রী সুরক্ষিত। শুভক্ষণে কুলবধুর সন্মুখে সেই বিরাট সিন্দুকটির বিশাল ডালা উদ্ঘাটিত হইলে বধুকে শ্রদ্ধাসহকারে ভিতরের রত্নরাজি ও স্বর্ণময় দ্রব্যাদি স্পর্শ করিতে হয়।

কুশণ্ডিকা-অস্ত্রে শুভ লগ্নে মাধুরীদেবী ও পুরমহিলাগণ রীতিমত শোভাযাত্রা করিয়াই নববধু চণ্ডীকে লইয়া কোষাগারে বিশালকার রুদ্ধ সিন্দুকটির সন্মুখে উপস্থিত হইলেন। পাশাপাশি কতিপয় সূদৃঢ় কীলকাবদ্ধ স্তম্ভহং তালার এই মহাকায় সিন্দূকের ডালা রুদ্ধ ছিল।

কর্তার আদেশমত বালক ভৃত্য দুর্গাদাস শৃঙ্খলবদ্ধ চাবি-গুচ্ছ আনিয়া তালাগুলি খুলিয়া দিল। অল্প সময় এই মহাসিন্দুক খুলিবার প্রয়োজন হইলে কর্তাব খাস ভৃত্য পালোয়ান পঞ্চানন চাবির তাড়া লইয়া আসে এবং সেই ই তালাগুলি খুলিয়া গুরুভার ডালা তুলিয়া ধরে।

দুর্গাদাস তালাগুলির চাবি খুলিয়া দিয়া, ডালার কীলক মুক্ত করিয়া সরিয়া দাঁড়াইতেই মাধুরীদেবী বিরক্তির পুরে প্রশ্ন করিলেন,—পক্ষা যে এল না, ডালা তুলবে কে ?

দুর্গাদাস সবিনয়ে জানাইল,—রাজাবাবু ব'লে দিলেন, পালোয়ান দিবে সিন্দূকের ডালা তোলাবার আর দরকার হবে না।

ক্র বুঝিও করিয়া রাণী কহিলেন,—তা হ'লে তুই এই ডালা তোলাবার মত লাভক হযেছিস বুঝি ?

ভীতিপূর্ণ স্বরে বালক কহিল,—আমি ! আমার ক্যামতা কি, রাণী-মা—যে ঐ পেরলয় ডালা তুলব। দু-হাতে চাড়া দিবে চারটি আঙ্গুলও উঁচু করতে পারব না তা, রাণী-মা।

কণ্ঠস্বর তীক্ষ্ণ করিয়া রাণী কহিলেন,—তা হ'লে তোর রাজাবাবুকে গিয়ে বল যে, পালোয়ান দিবে ডালা তোলাবার দরকার যদি না থাকে, তিনি নিজে এসেই ডালাখানা তুলে দিবে যান।

চণ্ডী স্থির হইয়া দুই পক্ষের কথাই গুনিতেছিল, ডালা তোলা সম্বন্ধে রাজাবাবুর প্রচ্ছন্ন মনোভাবটি বুঝিয়া সে মনে মনে হাসিল। কিন্তু নিজের মনোভাব গোপন করিয়া শাণ্ডীভব মুখের দিকে চাহিয়া সে কহিল,—বাবা ত ভালো কথাই বলেছেন মা, সিন্দূকের ডালা তুলতে মেয়ে-মহলে পালোয়ানের কি দরকার? আমরা তুলতে পারব না?

স্বামীর কথায় মাধুরীদেবীর মনটি অভিমানে ভরিয়া উঠিয়াছিল, বধুর বুদ্ধি গুনিয়া সর্বাঙ্গ তাঁহার অগিয়া উঠিল, দীর্ঘায়ত দুইটি চক্ষুর দৃষ্টি প্রথর করিয়া তিনি বধুর দিকে চাহিলেন মাত্র। বাক্য স্মৃতিও না হইলেও সে তীক্ষ্ণ দৃষ্টির অর্থ দুর্বোধ্য ছিল না।

সেই অল্প বয়সের অর্থ কথায় ব্যক্ত করিল তাঁহার ভ্রাতৃকণ্ঠা মৃগালিনী। বিক্রমের সুরে সে বধুকে লক্ষ্য করিয়া কহিল,—কথা কইতে হয় বউদি, মশ জনেব সামনে হিসেব ক'রে—আগা-পাছা ভেবে। এ তোমার বাপের বাড়ীর আয়কাঠের সিন্দুক নয় যে, গায়ের জোরে ডালা চাপিয়ে তুলবে।—এর 'ছ'খোনি' ডালাখানা আমাদের তুলতে হ'লে ছুটি বছর আদা-ছোলা খেয়ে ডন-বৈঠক করতে হবে।

আরক্ত মুখখানিতে অপূর্ণ হাসিব লহব তুলিয়া চণ্ডী উত্তর দিল,—তোমার কথাগুলি সবই সত্য, মাকুবকি, কিন্তু আসল কথাটাই তুমি বলতে ভুলে গিয়েছ; সে কথাটি হচ্ছে এই,—এ বংশের বধব মসাদা নিয়ে এ ঘরে আসতে হ'লে এই কুলবস্তুটির ডালাখানি নিজেব হাতে তালবাব যোগাতাটুকুও তাকে আনতে হবে। বাবার নিদেশটুকু মাথায় নিয়ে তাঁরই আশীর্ষাদে—বাপের বাড়ীর এমো-সিন্দুক-খোলা-হাতেই স্বস্তরবাড়ীর এই লোহার সিন্দুকটার ডালাখানা আমিই তুলে দিচ্ছি,—পালোয়ান ডাকাবার মতাই কোনও দরকার হবে না।

দিব্য সহজ স্বাভাবিক ভঙ্গীতে অগমর হইয়া চণ্ডী সেই মহাসিন্দুকটির কীপকম্বুজ অতিকায় ডালাটি হই হাতে তুলিয়া স্বচ্ছন্দে কক্ষের দেওয়ানের আশ্রয়ে হেলাইয়া রাখিল।

দোকণ্ডপ্রতাপ জমিদারের গৃহিণী—সুন্দর রানী হইতে আরম্ভ করিয়া প্রৌঢ়া-তরুণী-কিশোরী-নিষ্কিশেয়ে প্রায় অর্ধশত পুরমহিলা ও তাহাদের পশ্চাতে দণ্ডায়মানা পাচিকা ও পরিচারিকাগণ নববধুর কাণ্ড দেখিয়া অবাক বিষয়ে তাহার দিকে চাহিয়া রহিল;—সত্যই কি বধু সহজে এই বিশাল সিন্দুকটির গুরুভার ডালাটি তুলিল, কিম্বা এই বংশের কুলদেবী বধুর কোমল হাত ছ'খানি আশ্রয় করিয়া তাহার মুখ রক্ষা করিলেন! মৃগালিনীর মুখখানি ছায়ের মত বিবর্ণ, রানীর দৃষ্ট মুখে অতৃপ্তির কালিমা। বালক ভৃত্য ছর্গাদাস বধুর উদ্দেশে হেঁট হইয়া কক্ষতলে মাথা ঠুকিয়া কহিল,—আপনাকে গড় করছি বউরানী-মা, এমনটি কুখাও দেখি নাই।

চণ্ডী কাহারও স্তুতিবাদে কর্ণপাত না করিয়া গৃহিণী মাদুরীদেবীকে উদ্দেশ করিয়া কহিল,—এখন কি করতে হবে, মা?

গৃহিণী এ পর্যন্ত নববধুকে বতবুর মতব এড়াইয়া আসিয়াছেন। উভয়ের মধ্যে কথাবার্তা অল্পই হইয়াছে, একান্ত প্রয়োজনস্বরে যে দুই চারিটি কথা তিনি কহিয়াছেন ও বধু সেই কথার পিঠে যে উত্তর দিয়াছে, তাহা তাঁহার ভাল লাগে নাই। এ কক্ষে চাবিসহ ভৃত্য ছর্গাদাসের আগমন, তাহার উক্তি, সেই প্রসঙ্গে বধুর আচরণ, প্রত্যেকটিই যেন তাঁহাকে আঘাত দিবার অস্ত্র ঘটিয়া গেল। সমস্ত রোষটুকু তাঁহার কঠোর উপর গিয়া পড়িল। এই সময় বধুব প্রশ্ন যেন তাঁহাকে স্বাভাবিক অবস্থায় ফিরাইয়া আনিল। সঙ্গে সঙ্গে মুখের ভাবটুকু বদলাইবাব জগু হাসির ভান করিয়া কহিলেন,—সেই কথাই ত ভাবছি অবাক হয়ে মা, আগে জানা থাকলে পাড়ার মেঘেদেব নেমস্তত্র ক'বে এ ঘরে এনে এ হাত ছ'খানার শক্তিটুকু দেখাতুম।

চণ্ডী অল্প একটু হাসিয়া বেশ মপ্রতিভভাবেই উত্তর দিল,—এর জগু ভাবনাই বা কেন মা, শুনেছি, আজ রাতে হাজার মেয়ে আসবেন নেমস্তত্র খেতে, আমাকে 'সে সময় ছেড়ে দেবেন তাঁদের পরিবেশন করতে, তাতেই তাঁরা এই হাত ছ'খানার শক্তি দেখতে পাবেন; এর চেয়ে সেটা আরও ভালো দেখাবে, আর তাতে আপনাদের কায়েরও সাশ্রয় বাড় কম হবে না, মা।

মাদুরীদেবীর মুখের হাসিটুকু দীরে দীরে অন্তর্ভুক্ত হইয়া গেল। গম্ভীর হইয়াই এবার তিনি কহিলেন,—ভাল, এই ব্যবস্থাটাই না হইতখন হবে। এখন ত এ ঘরের কাণ্ডটুকু সারা হোক।

অতঃপর তিনি সিন্দুকের অভ্যন্তরে রক্ষিত দুর্লভ রত্ন-রাজির উপর বধুর করস্পর্শে মঙ্গলাচরণে প্রবৃত্ত হইলেন। সুগপৎ শব্দ ও হৃদয়নিতে গাম্বুলী-সংসারের লক্ষীর ভাঙার মুখরিত হইয়া উঠিল।

২

বিবাহ-বাসরে প্রথম আলাপনের পর এই বিচিত্র দম্পণি কথোপকথনের আর অবসর পায় নাই, সে অবসর আসিলে ফুলশয্যার মধুময় নিশায়।

সুন্দর যে অংশে গোবিন্দের মা থাকিতেন, সেই সুবৃহৎ মহলাটি নববধুর অস্ত্র সংস্কার করাইয়া কঠোর নির্দেশ মত সাজানো হইয়াছিল। মাদুরীদেবী এ বাড়ীতে বধুরূপে

পদার্পণ করিয়া অল্পকালই এই মহলে অবস্থিতি করিয়াছিলেন, স্বামীর চিত্ত হইতে লোকান্তরিতা পরীর স্মৃতিটুকু নিশ্চিহ্ন করিবার জন্য নিজেই জেদ করিয়া শুদ্ধান্তের অপরাংশে আধুনিক পরিকল্পনার তাঁহার বাসোপযোগী স্বতন্ত্র একটি মহল নির্মাণ করাইয়া লইয়াছিলেন।

অব্যবহৃত পরিত্যক্ত মহলটি দীর্ঘকাল পরে নতন স্ত্রী, মনোরম সজ্জা ও প্রচুর দীপালোকে উদ্ভাসিত হইয়া নবদম্পতির সম্বন্ধনা করিতেছিল। নিজেই মহলটির ব্যবস্থা দেখিয়া চণ্ডীর মন তৃপ্তিতে ভরিয়া গেল। শয়নঘরে বিচিত্র পালঙ্কের উপর অপূর্ণ শয্যা, তাহার আশ্রয় ও উপবনগুলি পুষ্পময়। কক্ষতলে পারস্যদেশীয় মূল্যবান্ গালিচা আশ্রিত, কক্ষের দেওয়ালে বিভিন্ন স্থানে নানাবিধ মনোজ্ঞ আলেক্সা, দরজার সম্মুখেই দেওয়াল জুড়িয়া এক বিশাল তৈলচিত্র,— অপূর্ণরূপলাবণ্যবতী এক তাত্ত্বাননা নারীর পরিপূর্ণ অবয়ব সেই চিত্রে প্রতিফলিত; কক্ষদ্বারে দাঁড়াইলেই মনে হয়, চিত্রাঙ্কিতা নারীমূর্তি মধুর ভাষে অভাগতদের সাদর আহ্বান করিতেছেন! নানাজাতীয় উল্লভ ও ভ্রম্মপ্য পুষ্পসম্ভারে এই বৃহৎ শয়নমন্দিরটির অভ্যন্তর ও বাহিরের সুপ্রশস্ত দরদালান পরিপাটীরূপে সুসজ্জিত; কক্ষতলে আশ্রিত গালিচার উপর ছোট ছোট পাতুময় কারুকর্মাখচিত আধারগুলি পুষ্পসম্ভারে পূর্ণ।

শয়নঘরের এক পার্শ্বে পুস্তকাগার, বড় বড় সুদৃশ্য আলমারিভরা বিবিধ পুস্তক, মধ্যস্থলে টেবল, চারিপার্শ্বে কেদারা; ইহার পরেই বসিবার ঘর, সুন্দর সুন্দর কোচ ও সোফায় সে ঘর সজ্জিত। অপর পার্শ্বে মনোহর প্রসাধন-কক্ষ, বিবিধ বিলাসসম্ভার কক্ষের বায়ুকে সুরভিত করিয়া তুলিয়াছিল। ইহার পার্শ্বেই দম্পতির ভোজন-ঘর, অদূরে প্রশস্ত উন্মুক্ত ছাদ, চারিপার্শ্বে ফুলের টব, নিম্নে সুরমা উদ্যান।

উপত্যাসের রাজাস্তঃপুরিকাদের স্বতন্ত্র প্রাসাদ-কক্ষের যে কাহিনী এক সময় চণ্ডীর মনে কল্প-লোকের সৃষ্টি করিত, নিজের মহলে আসিয়া এই প্রথম সে অনুভব করিল যে, কল্পিত কাহিনীও সত্য হয়।

সুসজ্জিতা দম্পতির সহিত অনেকগুলি তরুণীরও ফুল-শয্যার কক্ষে সমাগম হইয়াছিল। আচার অনুষ্ঠানগুলি শেষ হইলেও ইহাদের স্থান-ত্যাগের কোন লক্ষণ দেখা

গেল না। বধুর মুখখানি বিরক্তিতে বিকৃত হইয়া উঠিলেও ইহাদের ক্রক্ষেপ নাই; বধুর অনেক কথাই ইহারা অবাক হইয়া শুনিয়াছে, কিন্তু বরের সহিত বধু কি ভাবে কথা কহে, এ পর্য্যন্ত ইহাদের কেহই তাহা শুনে নাই, সুতরাং শুনিবার এই স্পর্শটুকু মিটাইতে ইহারা যেন জোর করিয়া ভাঁকিয়া বসিয়াছিল। যুগালিনীই এখন এ বাড়ীর সকল ক্ষেত্রেই অগ্রবর্তিনী, সে নিজেই কপাটা খপু করিয়া পাড়িয়া ফেলিল, কহিল,—এখন তোমরা গুটিতে গোটাকতক কপা কইলেই আমরা ছুটা পাঠ, আর উৎসবটারও মধুরেণ সমাপনেং হয়, বৌদিদি!

এব কোনও উত্তর দিল না, কিন্তু এ বাড়ীতে যে মানুষটিকে কাহারও কথার পিঠে কোনও দিন একটি কথা কহিতে কেহ দেখে নাই, সেই নিরীহ মানুষটিই সহর্ষে বলিয়া উঠিল,—তোমরা তা হ'লে কিছু জান না,—বিগেব রাতেই আমাদের কত কথা হয়ে গেছে, সে বুঝি গোটাকতক ৭ ওরে বাবা! সে কত সারারাত ধরে কত ভালো-ভালো গল্প—

গোবিন্দের কথার সঙ্গে সঙ্গে তরুণীদের মুখে মুখে কৌতুকের হাসি যেন বিড়্যাতের মত খেলিয়া গেল। যুগালিনী মুখ টিপিয়া হাসিয়া কহিল,—বল কি গবা-দা, এত কথা হয়ে গেছে তোমার বাসরে, গপ্পো পর্য্যন্ত! ও—বাবা!

গোবিন্দের মুখ-চক্ষু তখন উৎসাহে দৃপ্ত হইয়া উঠিয়াছে, গভীর উল্লাসের সুরে সে কহিল,—সে গপ্পো যদি শোনো, একবারে তাক লেগে যাবে। সব চেয়ে ভালো, সেই যে রাজ-কত্তে বিঘাবতীর গপ্পোটা,—কি মজার গপ্পো সেটা—ওঃ!

যুগালিনী সকৌতুকে জিজ্ঞাসা করিল,—কে গপ্পো বললে গবা-দা, বউ না তুমি?

গোবিন্দ মগলের উত্তর দিল,—বউ! ঐ যে—

এতক্ষণে চণ্ডীর সহিত গোবিন্দের চোখোচোখি হইল। চণ্ডী অসহিষ্ণুভাবেই গোবিন্দের দিকে পুনঃপুনঃ অর্থপূর্ণ দৃষ্টিতে চাহিতেছিল, কিন্তু কথা কহিবার উৎসাহে গোবিন্দের বধুর মুখের দিকে চাহিবার অবসর ছিল না, কথা-প্রসঙ্গে চোখোচোখি হইতেই বধুর তীক্ষ্ণ-দৃষ্টির সংঘাতে গোবিন্দের উৎসাহ মুহূর্তে নিবিয়া গেল, পরক্ষণেই স্বর নিম্ন ও আর্ভ করিয়া সে কহিল,—ও বাবা, তুমিও আবার চোখ দিয়ে ধমকাচ্ছে!



গোবিন্দের কথায় তরুণীরা সকলেই কৌতুক অল্পভব করিল, মৃগালিনী বধুর দিকে চাহিয়া কহিল, বৌদি বুঝি তা হ'লে বের রাতেই আমাদের গবাকাস্ত ভাইটির বুদ্ধির স্মীংএ পাক-কতক দম খাইয়ে দিবেছিলে ?

চণ্ডী প্রকর বিক্রপের সুরে কহিল,—কি সূত্রে এত বড় আবিষ্কারটি ঠাকুরঝির বুদ্ধিভরা মাথায় গজিয়ে উঠল শুনি !

কথাটায় মনে মনে আঘাত পাইলেও সে ভাব গোপন করিয়া সহজ সুরেই মৃগালিনী উত্তর দিল,—কথা বলবার ধরণ দেখেই গো ! যে লোক সাত চড়েও কথা কইত না, আজ সে ওপরপড়া হয়ে কথা কইতে আসে ! এতে মনে হয় না কি, তোমার হাতের গুণে কিম্বা স্পর্শের প্রভাবে এমনটি হয়েছে ।

চণ্ডী একটু হাসিয়া কহিল,—তোমাদের ভাইটিকে ভোমরাই যদি সাব ক'রে মাঝাকাস্তি ছুঁইয়ে ঘুম পাড়িয়ে রেখে থাকো, তার পর একটা শুভলগ্নে হঠাৎ সোণার কাঠীর পরশ পেয়ে ঘুম তাঁর ভেঙ্গে যায়, সে দোষ ত আমার নয়, ঠাকুরঝি !

বধুর কথা এক মুহূর্তেই সকলকেই নির্মূল্য করিয়া দিল ; মৃগালিনী আসিয়াছিল তাহাকে গোটা দিয়া খাটো করিতে, কিন্তু নিজেই আঘাতের পর আঘাত পাইয়া ক্রমেই কঠিন হইয়া উঠিতেছিল । এতগুলি মেয়ের সম্মুখে সে অপ্রতিভ হইয়া যাইবে ! স্তবরাঃ মুখের কথায় বিশেষ জোর দিয়াই সে এবার কহিল,—দোষের কথা হবে কেন বৌদি, এত পূব গৌরবেরই কথা গো ! হবুকাস্ত রাজার ছিল গবাকাস্ত মন্ত্রী, এবার আমরাও পেনাম—গবাকাস্ত ভাইটির পরশ-পাণর বউটি !

চণ্ডী হাসিমুখে কহিল,—কিন্তু এর পরে সত্যি সত্যিই যদি পুকুর চুরি হয়, তা হ'লে যেন দোষ দিয়ো না, ঠাকুরঝি ।

ঠাকুরঝির মুখে এবার উত্তর যোগাইল না, উত্তর আসিল বাহির হইতে তাহারই উদ্দেশে,—চুপ ক'রে রইলি কেন মিনা, বল না তুই—ও তবু এখানে মোটেই নেই, কবরেজের মেয়েরা বড় জোর ওপুধ চুরি করতে পারে ।

বাহিরের দিকে চাহিতেই সবিগ্নয়ে সকলে দেখিল, দ্বারদেশে দাঁড়াইয়া নিবারণ ! তরুণীদের অনেকেই শশবাস্ত হইয়া অবগুণ্ঠন টানিল, মৃগালিনীর মলিন মুখখানি উৎসাহে

উজ্জল হইয়া উঠিল । নিবারণের কথায় সায় দিয়া সে এবার দৃঢ়কণ্ঠে কহিল,—দাদা ঠিক কথাই বলেছে, বউদি । জমিদারের মেয়ে যদি হ'তে, তা হ'লে তোমার মুখে পুকুর চুরির কথা সাজতো ।

সকলকে চমকিত করিয়া উদ্দীপ্ত কণ্ঠে চণ্ডী কহিল,—কথা হচ্ছিল ঠাকুরঝি আমাদের মধ্যে, এখানে বাপ-পিতা-মহকে টেনে আনবার কোনও দরকার ত ছিল না !

আরক্তমুখে মৃগালিনী নিবারণের মুখের দিকে চাহিতেই চকিতের মতো তাহাদের চোখে চোখে কি কথা হইয়া গেল, পরক্ষণেই মৃগালিনী তাজ্জোল্যের ভঙ্গীতে কহিল,—ছোট মুখে উঁচু কথা বললেই বংশের গোঁটা সকলেই দিয়ে থাকে । যার বাপ নাজী টিপে বড়ী বেচে খায়, তার মুখে বড় বড় কথা মানায় না ।

ভ্রাতা-ভগিনীর অশিষ্ট ব্যবহার ও রুঢ় কথায় দৃষ্টি প্রথর হইয়া উঠিল, মৃগালিনীর মুখের উপর ছই চক্ষু তুলিয়া, মুখের কথায় বিশেষ জোর দিয়াই সে কহিল,—আমার বাবা বুদ্ধি হিসেবে ওসুদের বড়ী বেচে খান, এ কথা পূব সত্য, কিন্তু দেনার দামে মেয়ে বেচে বংশকে তিনি খাটো করেন নি কোন দিন । এ দিক দিলে শূণ্য ঘড়ার চেয়ে পূর্ণ খটীর মর্যাদা অনেক বেশী

নিজের কথাগুলি রুঢ় হইলেও বধু যে তাহার উত্তরে এমন নির্ভব আঘাত করিবে, তাহার মহামান্য স্বর্গীয় পিতা মহাকেও আক্রমণ করিয়া সকলের সমক্ষে তাহার মুখখানি নাচু করিয়া দিবে, মৃগালিনী এতটা ভাবে নাই । এ বাড়ীতে আসিয়া কয়েক দিনের মতোই যে বধু এ বংশের সকল তথ্যই জানিয়াছে, ইহাও সে জানিত না । বিবণ মুখখানি তুলিয়া একান্ত অসহায়ের মত সে নিবারণের দিকে চাহিল ।

নিবারণও আশ্রয় প্রস্তুত হইয়াই বধুর সহিত বোঝাপড়া করিতে আসিয়াছিল । তাহার পিতৃবংশ ও পিতার বৃত্তির প্রসঙ্গ তুলিয়া অপ্রতিভ করিয়া দিবে এবং এই সূত্রে রুঢ় কথা শুনাইয়া সে দিনের অপমানের প্রতিশোধ লইবে, ইহাই ছিল নিবারণের তরুণ চিত্তের উদ্দাম বাসনা । কিন্তু কথার সূত্রে বধুর পিতার প্রসঙ্গ উঠিতেই বধু তাহার উত্তরে যে স্মৃতীক্ল শর নিক্ষেপ করিয়া বসিল, তাহার লক্ষ্যস্থলকে—মৃগালিনীর জায় নিবারণেরও তাহা বুদ্ধিতে বিলম্ব হয় নাই । তবে মৃগালিনী নিকৃপায়ের মত নিবারণের দিকে

নির্দোষ হুঁতুতে চাহিয়াছিল, কিন্তু নিবারণ বধুর এই স্পর্ধায় ধৈর্য্যচ্যুত হইয়া চীৎকার তুলিয়া নির্দোষের মত কহিল,—  
কাকে ঠেস্ দিয়ে ছোটমুখে এত বড় কথা তুমি বললে, তা জান ?

চণ্ডী অশ্রুদিকে মুখ ফিরাইয়া অবিচলিত কণ্ঠে কহিল,—  
আমি কাউকে ঠেস্ দিয়ে বা কারুর নাম নিয়ে এ কথা বলিনি ; কথায় কথায় যারা উচু বংশ নিয়ে গলাবাজি করে, আমি তাদের জানাতে চেয়েছি—প্রদীপের নীচেই অঙ্ককার বেশী, উচু বংশও অনেক সময় নীচু কাষ ক'রে লোক হাসায়, কাষেই বংশ নিয়ে বড়াই করা মস্ত ভুল।

চণ্ডীর কথাগুলি নিবারণকে আরও বিচলিত করিয়া তুলিল, সে এবার ছই চক্ষু পাকাইয়া তর্জ্জন করিয়া কহিল,—  
তুমি এখন শাক দিয়ে মাছ ঢাকবার চেষ্টা করছ, কিন্তু এ চালাকী খাটবে না তোমার ! আমি বলছি, তুমি আমার মাতামহকে ঠেস্ দিয়েই এ কথা বলেছ। বল নি তুমি—বল নি ?

নিবারণের তর্জ্জনে রপ্ত হইয়া মেয়েরা চণ্ডীর মুখের দিকে চাহিল, কিন্তু ভয়ের কোন চিহ্নই তাহার মুখে দেখা গেল না। পূর্ববৎ অবিচলিত কণ্ঠে স্বর অপেক্ষাকৃত কঠিন করিয়া সে কহিল,—  
আপনার মাতামহের নাম ধ'রে আমি কোনও কথাই বলিনি, আপনিই তাঁর কথা তুললেন। এখন আমি বলছি, সত্যিই যদি তিনি এমন কাষ ক'রে থাকেন, তাঁর নাতিনাতনীর সে জগৎ লজ্জিত হওয়াই উচিত।

কি ! তুমি আমার দাদামশায়ের কাষের বিচার করতে চাও ?

আমার বাবার বৃত্তি নিয়ে গৌটা দেবার অধিকার কে আপনাদের দিয়েছে—আমি যদি এ কথা জিজ্ঞাসা করি ?

তোমার বাবার সঙ্গে আমাদের রাজাপ্রজা সম্বন্ধ, তার সম্বন্ধে চর্চা করবার অধিকার আমার নিশ্চয়ই আছে।

তা হ'লে আমারও উত্তর শুনে রাখুন, মানুষের মতই আমি রাজার মুখোসপরা লোকদের অত্যাচার প্রতিবাদ করব চিরদিন !

মৃগালিনী এই সময় সবেগে নিবারণের একখানি হাত ধরিয়া মিনতির স্বরে কহিল,—  
চুপ কর দাদা, আর কেলেঙ্কারী বাড়িয়ে কাষ নেই, এ মেয়ের সঙ্গে কথায় তুমি পারবে না।

নিবারণ তখন রাগে ফুলিতেছিল, এ দিকে উত্তর দিবার মত কথার পুঞ্জিও তাহার নিঃশেষ হইয়া গিয়াছিল। আলোচ্য বিষয়ের মোড় ফিরাইয়া রুক্ষস্বরে সে এবার ঝঙ্কার তুলিল,—  
এ রকম আস্পর্ধা সহ্য করা যায় না, সে দিনও তুমি আমাকে সকলের সামনে গাধা বলেছিলে !

চণ্ডী চুপ করিয়া রহিল, এ কথার কোনও উত্তর দিল না। কিন্তু সেই কক্ষের সকলকে চমকিত করিয়া নিবারণের কথার উত্তর দিল গোবিন্দ ; ঘণায় মুখখানি বিকৃত করিয়া সে কহিল,—  
কেন বলবে না গাধা ? দাদাকে পাগল বললি, বউএর ঘোমটা খুলে দিতে গেলি, চেঁচিয়ে সবার কাণে তাল ধরিয়ে দিলি—তুই গাধা নস্ ত কি ?

দৃষ্টি উচ্ছল করিয়া চণ্ডী স্বামীর মুখের দিকে চাহিল। নিবারণের সহিত মৃগালিনীর আবার দৃষ্টি-বিনিময় হইল, সঙ্গে সঙ্গে নিবারণ শ্লেষের স্বরে কহিল,—  
গবা পাগলাও কপচাতে শিখেছে দেখছি,—  
ম'রে যাই, ম'রে যাই ! মুখের ভারী দৌড় যে,—  
বে'র জল প'ড়ে অবদি পিঠে বেত পড়ে নি—  
তাই বুঝি এত ঝাঁঝ ?

গোবিন্দর মুখ আজ খুলিয়া গিয়াছে। নিবারণের কথার পিঠে আজ সে অকুতোভয়েই উত্তর দিল,—  
সাধে কি বউ তোকে গাধা বলেছে ! এক ঘর মেয়েমানুষের ভেতরে দাঁড়িয়ে তুই সকলকে শুনিয়া বলছিস্ কি না—  
বড় ভাইকে মারিস্ ! তুই গাধা—গাধা ; আমার ইচ্ছে করছে, কাগজের একটা গাধার টুপী বানিয়ে তো'র মাথায় পরিয়ে দিই,—  
বেশ মানায় তা হ'লে, আর আমরা সকলে পেছনে পেছনে হাত-তালি দিয়ে বলি—  
তুই গাধা, তুই গাধা—

চণ্ডী তীক্ষ্ণ দৃষ্টিতে গোবিন্দের মুখের দিকে চাহিয়াছিল, এই সময় আবার চোখোচোখি হইতেই তাহার উৎসাহে সহসা বাধা পাইল, সে বৃথিল,—  
নিজেও সে গাধার মত চেঁচাইয়া দোষ করিয়া ফেলিয়াছে ; মনের উচ্ছ্বাস তৎক্ষণাৎ বন্ধ করিয়া চুপ করিয়া সে বসিয়া রহিল।

কিন্তু নিবারণের উৎসাহ তখন উদ্দীপ্ত হইয়া উঠিয়াছে। এ পর্য্যন্ত সে জ্যেষ্ঠকে শাসন করিয়াই আসিয়াছে, আজ সে বধুর অঞ্চল ধরিয়া তাহাকে সকলের সমক্ষে হেয় করিয়া দিবে ! তাহার ছই চক্ষু দৃষ্ট হইয়া উঠিল, বধুর উপর সঞ্চিত রোষটুকু গোবিন্দের উপর প্রয়োগ করিয়া সে তীক্ষ্ণ

স্বরে কহিল,—আজ তোর কাণ চুটো ধ'রে এই ঘরে বোড়-দোড় করাব, রাখেল !

নিবারণের কথায় চণ্ডীর অন্তর যেন জ্বলিয়া উঠিল, কিন্তু বাহিরে তাহার কোন লক্ষণ প্রকাশ না করিয়া, প্রকাশ্যে একটুখানি হাসিয়া সে কহিল,—দোড়-দোড়ের মাঠই আপনার যোগ্য স্থান ; কিন্তু মনে রাখবেন, এটা ময়দান নয়, ভদ্র-ঘরের মেয়েরা এখানে আপনার আচরণে অতিষ্ঠ হয়ে উঠেছেন। রীতিমত সভাতা ও ভদ্রতা শিক্ষা করে তবে মেয়েদের সঙ্গে কথাবার্তা কইতে হয়, এ বিবেচনাটুকুও আপনার নেই !

নিবারণ এবার মারমুখী হইয়া হুকুম দিয়া কহিল,—কি বলব, তুমি কেনে বউ, মেয়েমানুষ, নইলে—

কণ্ঠের স্বরটুকু তরল করিয়া পরিহাসের সুরে চণ্ডী কহিল,—কি করতেন তা হ'লে? কাণ ধ'রে বোড়দোড় করাতেন বোধ হয়? সে দিন আপনাকে উদ্দেশ্যে গাধা বলেছিলুম, কিন্তু আজ আপনার আচরণ দেখে মনে হচ্ছে, গাধাকেই ছোট করা হয়েছে।

মৃগালিনী এই সময় ক্রন্দনের সুরে চীৎকার তুলিয়া কহিল,—দাদা, তুমি কি এখানে দাঁড়িয়ে দাঁড়িয়ে এমনি করে আঘাত সহ্য করবে? আমি তোমাকে এক মুহূর্তও এখানে থাকতে দেব না, কিছুতেই না, তুমি চল—

নিবারণ ভীকু দৃষ্টিতে বধুর দিকে চাহিয়া কহিল,—আমি বুঝতে পেরেছি, কার জ্বরে এত বড় আন্দোলন হয়েছে ওর ! কিন্তু আমি বলে যাচ্ছি, এ দর্প আমি ভাঙ্গবই—যে ওকে মাগায় তুলেছে, সেই-ই দু'পায়ে খঁাতলাবে কামই। হাঁ, এখানে ধারা ধারা আছেন, মিনা, তুই তাঁদের নাম দিবি, সবাইকে সাক্ষী দিতে হবে বাবার কাছে।

কথাগুলি শেষ করিয়াই খরদৃষ্টিতে একবার বধুর দিকে চাহিয়া নিবারণ চলিতে চলিতে ঘর হইতে বাহির হইয়া গেল।

চণ্ডী হাসি-মুখে ঘরের দিকে চাহিয়া কহিল,—মোল্লার দোড় মসজিদ পর্য্যন্ত। কিন্তু ভাইটিকে আগেই কেন এই উপদেশটুকু দাওনি, ঠাকুরঝি !

মৃগালিনী মুখখানি ডার করিয়া কহিল,—মোল্লাকেও এখনি আর মসজিদের পার্শ্বাংশে দেখনি, সেখানে

শীগীর ; তখন চোখের জলে পায়ের আলতা পর্য্যন্ত ধুয়ে যাবে।

চণ্ডী সবেগে ছুটিয়া গিয়া মৃগালিনীর কাঁধটি এক হাতে ধরিয়া অপর হাতে তাহার মুখখানি চাপা দিয়া পরিহাস-ভঙ্গীতে কহিল,—মুখ সামলে ঠাকুরঝি, মুখ সামলে ! আজ আমাদের ফুলশয্যার রাত, হাসি ছাড়া অন্য কথা মুখে আনাও পাপ, অতএব সাবধান !

মৃগালিনীর সন্দেহ তখন আড়ষ্ট হইয়া গিয়াছে,—না পারে ঘাড়টি নাড়িতে, মুখ দিয়া কথা বলিবারও সামর্থ্য নাই, বিদ্যাস্পৃষ্টের মত নিরাক্দৃষ্টিতে সে বধুর দিকে চাহিয়া রহিল। ক্ষণকাল পরেই কাঁদ হইতে হাতখানি সরাইয়া বধু তাহাকে মুক্তি দিল। তাহার পর সে তরুণীদের দিকে চাহিয়া কহিল,—আপনারা ঠাকুরঝির সঙ্গে গিয়ে নামগুলো লিখিয়ে দিন, সাক্ষীর সমন যাবে আপনাদের কাছে।

তরুণীদের ভিতর হইতে এক জন কহিল,—আমরা ত এখন আপনারই কোটে, এই সময় দুসটুস দিয়ে হাত করে ফেলুন, বৌদি।

চণ্ডী কহিল,—ঠাকুরপো আগেই আপনাদের সাক্ষী মেনে গেলেন শুনলেন না? আপনারা তাঁর তরফেই সাক্ষী দেবেন, আমার সাক্ষীই সাক্ষী আছে।

এই সময় মৃগালিনী প্রকৃতিস্থ হইয়া কহিল,—বউ আমার গায়ে হাত দিয়েছে, মুখ চেপে ধরেছে, তোমরা তা দেখেছ, রাজাবাবুর কাছে এ কথা বলতে হবে তোমাদের।

তরুণী-সমাজে তখন চাঞ্চল্য দেখা গেল, কেহ কেহ বিরক্তির সুরে কহিল,—কি ঝকঝকিই করেছি বাবা, ফুলশয্যার ধরে এসে !

নানা কণ্ঠে গুঞ্জন তুলিয়া তরুণীদল মৃগালিনীর সহিত চলিয়া গেল। চণ্ডী এতক্ষণে নিষ্কৃতি পাইল।

\* \* \*

সকলে চলিয়া গেলে ক্ষণকাল পরে চণ্ডীও বাহিরের দিকে গেল। এই মহলের প্রবেশদ্বারে হুই জন পরিচারিকা বসিয়া বসিয়া কিম্বাইতেছিল। চণ্ডীকে দেখিয়াই তাহারা উঠিয়া দাঁড়াইল, জিজ্ঞাসা করিল,—কি চাই, বউরাণী-মা ?

চণ্ডী কহিল,—কিছু চাই না, তোমরা এখন যুমাতে যাও। তাহার বিদ্যায় কাণ্ডিত চাহিছ—বাতে যদি পরকার

পড়ে,—আমাদের সারা রাত পাল্লা করে এখানে জেগে থাকবার কথা। এক জন ঘুমোবে, এক জন জাগবে।

চণ্ডী জানাইল,—কোনও প্রয়োজন নেই এ ভাবে তোমাদের রাত কাটাবার। দরকার পড়ে, আমি নিজেই তা সেরে নেব, আমি ত হুঁটো নই,—তোমরা যাও।

বিস্ময়ে হতবুদ্ধি হইয়া তাহার চলিয়া গেল। চণ্ডী স্বহস্তে দরজা বন্ধ করিয়া দিয়া নিজের ঘরে ফিরিয়া আসিল। গোবিন্দ তখন পালঙ্কের উপর গম্ভীর হইয়া বসিয়াছিল। চণ্ডী আস্তে আস্তে তাহার সম্মুখে গিয়া দাঁড়াইল, পরিপূর্ণ শাস্ত দৃষ্টিতে স্বামীর মুখের দিকে চাহিল।

গোবিন্দ এতক্ষণ মনে মনে বিচার করিতেছিল, সে যে আজ এত কথা কহিয়া ফেলিল, তাহা কি ভাল হইয়াছে, কিবা সে অন্বেষণ করিয়া ফেলিয়াছে! চণ্ডীর পুর মূর্তি ও শাস্ত দৃষ্টি দেখিয়া সাহস পাইয়া সে নিজেই সংশয় ভঞ্জন করিতে বাগ্র হইল, আগ্রহের সুরে চণ্ডীর দিকে চাহিয়া প্রশ্ন করিল,—তুমিই বল না, কথা বলে আমি ভাল করেছি, না মন্দ করেছি?

চণ্ডী গম্ভীর হইয়া উত্তর দিল,—তুমি নিজে বুঝতে পারছ না, ভাল করেছ কি মন্দ করেছ?

গোবিন্দ নিরুত্তরে চণ্ডীর মুখের দিকে চাহিয়া রহিল, তাহার স্নান দৃষ্টি যেন প্রকাশ করিতেছিল,—আমি যদি বুঝতে পারব, তা হলে তোমাকে জিজ্ঞাসা করব কেন?

চণ্ডী স্বামীর মুখভঙ্গীটির দিকে বক্রদৃষ্টিতে চাহিয়া কহিল,—বাসরের কথা কে তোমাকে বলতে বলেছিল? মেয়েগুলোর মুখে ঠাট্টা শুনেও তোমার হাঁস হয় নি!

ওহো! তাই তুমি তক্ষুনি আমাকে চোখ দিয়ে ধমকে দিয়েছিলে! কিন্তু তুমি ত আমাকে বারণ করে দাও নি—বাসরের কথা কাউকে বলতে নেই। তা হলে আমি ককখনো বলতুম না। আর ত বলব না।

মনের কথা মুখে সব বলতে নেই, স্বামি-স্ত্রীর মধ্যে যে সব কথা হয়, অপর কাউকে শোনাতে নেই। আজ থেকে আমার সম্বন্ধে কোনও কথা তুমি কাউকে বলতে পারবে না, আমি তোমাকে যা যা বলব, সে সব মনের ভেতর ছিপি এঁটে রাখতে হবে, বুঝেছ?

বুঝিছি—বুঝিছি,—বউএর কথা কাউকে বলতে নেই, তা হলে ভাল কথা; মশা আমার কখনও বলব না।

বেশী কথা না বলাই ভাল; যা বলবে, ভেবে চিন্তে বলবে। তোমার একটি কথায় আমি আজ ভারি খুসী হয়েছি।

খুসী হয়েছ—সত্যি? বাঃ—বাঃ! কি মজা!

কিন্তু জিজ্ঞাসা ত করলে না—কোন কথাটা?

বল না, বল না,—লক্ষ্মীটি! বল না—

ঠাকুরপো গাধার কথা তুলতে, তুমি প্রথম যে জবাবটি দিয়েছিলে। বেশ বলেছিলে।

বলব না! আমার তখন যা রাগ হয়েছিল!

তোমার মনে তা হলে রাগও হয়?

আগে হ'ত না, কিন্তু এখন হয়, কেউ যদি তোমাকে কিছু বলে, অমনি রাগ আসে। রাগের মাধ্যমে আমি কি করতুম আজ জানি না, কিন্তু তুমি যে আবার ধমকে দিলে চোখ ছুটো পাকিয়ে—

তুমি অভদ্রের মত ভারী বাড়াবাড়ি করে ফেললে। মেয়েদের সামনে হাততালি দিয়ে অমন করে চোঁচালে যে নিন্দে হয়।

আচ্ছা, আমি আর কখনও মেয়েদের সামনে চোঁচিয়ে কথা বলব না।

আজ আমাদের ফুলশয্যা, তা জান ত?

তা আর জানি না,—অত ঘটা, ঘরে এত ফুল—

আচ্ছা, ঐ বড় ছবিখানা বোব হয় তোমার মায়ের?

হাঁ, ঐ ত আমার মা।

তোমার ঔঁকে মনে পড়ে?

কি করে পড়বে মনে? আমি যে তখন ছোট্টটি ছিলাম, মা যখন স্বর্গে যান—

এ ঘরের আর সব ছবির গলাতেই আজ মালা চড়ানো হয়েছে, শুধু আমাদের মায়ের ছবিখানিই খালি দেখছি; বলতে পার—কেন?

কি জানি! হয় ত ভুলে গেছে।

কিন্তু আমাদের ত এই ভুলটুকু শুধরে নিতে হবে। ঘরে ত মালার অভাব দেখছি না, তুমি ওঠ এখনি, নিজের হাতে মায়ের গলায় মালা পরিয়ে দাও।

অভিভূতের মত গোবিন্দ পালঙ্ক হইতে উঠিল। কক্ষের বিভিন্ন আধারে প্রচুর মালা ছিল, চণ্ডী নিজে বাছিয়া কয়েক ছড়া গোড়ে স্বামীর হাতে দিয়া, পার্শ্বের ঘর হইতে



নিজেই একথানা কেনারা আনিয়া ছবির সম্মুখে রাখিল, গোবিন্দ তাহার উপর দাঁড়াইয়া মায়ের আলোখ্যটির উপর মালাগুলি চড়াইয়া দিল।

কেনারাখানি সরাইয়া চণ্ডী স্বামীর হাত ধরিয়া সেই আলোখ্য-সম্মুখে নতজানু হইয়া বসিয়া কহিল,—এসো, আমরা হুঁজনে এই শুভরাতটিতে আগে আমাদের মায়ের আশীর্বাদ প্রার্থনা করি ;—উক্তির সঙ্গে বলি, -মা! আমাদের মনে বল দাও, তোমার আশীর্বাদে আমরা যেন সত্যকার মানুষ হ'তে পারি।

পুরোহিতের মন্ত্র শুনিয়া শিষ্ঠা যে ভাবে তাতা আরতি করে, চণ্ডীর মুখের কথাগুলি সেই ভাবেই গোবিন্দ ভাবগদগদস্বরে উচ্চারণ করিল। চণ্ডী কহিল,—রোজই সকাল সন্ধ্যায় এই ভাবে আমরা এই মন্ত্র পড়ব, তার পর আমরা মানুষের মত মানুষ হবার জন্ত কঠোর সাধনা করব।

গোবিন্দ জিজ্ঞাসনরূপে চণ্ডীর মুখের দিকে চাহিয়া রহিল, শেষের কথাগুলি তাহার ঠিক বোধগম্য হয় নাই। চণ্ডী তাহা লক্ষ্য করিয়া কহিল,—আমার কথা বোধ হয় বুঝতে পারনি, কিন্তু মুখে বললে বুঝতে হয় ত পারবেও না; কাষের সঙ্গে সঙ্গে সব কথাই তুমি ক্রমে ক্রমে নিজেই বুঝতে পারবে। তখন হয় ত আমাকেও অনেক কথা তুমি বুঝিয়ে দেবে। কিন্তু সেই বোঝাপড়ার গোড়াপত্তন হবে আজ এই শুভ রাতটিতে। আজ থেকেই আমাদের সাধনার পথে হাতে ঝড়ি। চল, আমরা পড়বার ঘরে যাই।

যেন তাহার মাথার উপর আর কেহ নাই, সেই-ই এই গৃহের সর্বময়া কত্রী, এমনই সহজ স্বচ্ছন্দ গতিতে অসকোচে চণ্ডী মন্ত্রমুগ্ধ স্বামীর তাতখানি ধরিয়া পড়িবার ঘরটির দিকে অগ্রসর হইল।

[ ক্রমশঃ ]

শ্রীমণিলাল বন্দ্যোপাধ্যায়।

## চির-সাথী

তোমারেই যেন ভালবাসি  
জীবনের শত পথ দিয়া,  
সুখে দুঃখে হরষে বিষাদে  
তুমি হও চির-সাথী, প্রিয়া।

এ বিশ্ব-নিশীথে যবে আমি  
আঁধারেতে থাকি গো মগন,  
নিজ হাতে জ্বলে নব বাতি  
থেকো কাছে চাদের মতন।

সে আলোকে যখন চাহিব  
আঁধারের মুছি আঁখি-জল,  
ওই মুখ কেবলি হেরিব  
বক্ষে যাহা বাহিত কমল।

তুমি সুল মোর প্রাণ-বনে,  
গন্ধে তার হয়েছি মধুর,  
সদা ভয় যদি পড়ি যদি,  
চলে যাও অথানা সুর।

তবুও জেনেছি ওগো আমি  
তোমা ছাড়া কোন ঠাই নাই,  
তব দেহ-ঝরা পরিমল  
সবখানে আছে তার ঠাই।

জলে স্থলে বনে উপবনে  
সদাই রয়েছ এক সাথী,  
আলোকে আঁধারে সুখে দুঃখে  
সমতুল সব সাথে মাতি।

খরতর এই কাল-স্রোতে  
তুমিই রয়েছ স্রোতহীন,  
পুরাণে মলিনে জীর্ণে শীর্ণে  
আগিতেছ তুমিই নবীন।

শ্রীমণিলাল বন্দ্যোপাধ্যায় (এম-এ)।



## উপন্যাস পাঠ

### ২। চরিত্র (Characters)

উপন্যাসমাত্রই প্রায় উপাখ্যান-প্রধান—উপন্যাসের ঘটনার উপর সকলে বিশেষ লক্ষ্য রাখিয়া থাকে, কিন্তু প্রকৃত কথা বলিতে কি, ঘটনা-প্রধান উপন্যাস শ্রেষ্ঠ স্থান অধিকার করিতে পারে না। চরিত্রচিত্রণেই উপন্যাসের উৎকর্ষ বর্ধিত হইয়া থাকে; অল্পশিক্ষিত বা বালকেই ঘটনার বিবরণ লইয়া বিশেষ ব্যস্ত থাকে—চরিত্রের বিশ্লেষণের দিকে তাহার লক্ষ্য আদৌ থাকে না। উপন্যাসের ঘটনার বিবৃতি ও চরিত্র-গৌরব উভয়ই থাকার প্রয়োজন, কিন্তু লেখকবিশেষের হস্তে উপন্যাস হয় ঘটনা-প্রধান বা চরিত্র-প্রধান হইয়া পড়ে। কথাবস্তুর শ্রেষ্ঠ ও চরিত্রগৌরবের মাধুর্যের সুন্দর সম্মিলন স্বরূপ বঙ্কিমচন্দ্রের মধ্যে হইয়াছে, এরূপ অপর কোন উপন্যাসে দেখা যায় না। রবীন্দ্রনাথের 'গোরা', 'ঘরে বাইরে', 'শেষের কবিতা' প্রভৃতি উপন্যাস ঘটনাবহুল না হইয়া মনস্তত্ত্বের বিশ্লেষণে চরিত্রচিত্রণনিপুণতার পরিচায়ক হইয়া পড়িয়াছে। এতদ্ভিন্ন কতকগুলি রোমাঞ্চকর উপন্যাস আছে, তাহাতে চরিত্রচিত্রণের কোন আপদ-বালাই নাই—সে-গুলিতে হত্যাকাণ্ডের বর্ণনা, নানাপ্রকার চুরি, জুয়াচুরি প্রভৃতি অপরাধ ও গোয়েন্দাদের কীর্তিকলাপ বর্ণনা থাকে। কিন্তু এ সকল উপন্যাস সাহিত্যে উচ্চ স্থান অধিকার করিয়া থাকিতে পারে না। চরিত্রমাধুর্যহীন উপন্যাস, কাহিনী বা উপাখ্যানে পরিণত হয়, সে সকল পুস্তক-পাঠ অরসজ্ঞ বালকের ভাল লাগিতে পারে, শিক্ষিত পাঠকের তাহা কখনই তৃপ্তিকর হইতে পারে না। উপন্যাসের মধ্যে চরিত্রের প্রাধান্য কি উপাখ্যানের প্রাধান্য, তাহা সমাধান করা বিশেষ কঠিন বলিয়া বোধ হয় না। প্রমাণ উপন্যাসে চরিত্রচিত্রণই

প্রধান স্থান অধিকার করিয়া আছে। উপন্যাসের চিত্রিত চরিত্র সজীব হওয়া একান্ত আবশ্যিক। বঙ্কিমচন্দ্রের আখ্যানিকার বহু চরিত্র ঐতিহাসিক সত্য চরিত্র অপেক্ষাও আমাদের নিকট অধিকতর সত্য এবং আত্মীয়-স্বজন অপেক্ষা আমাদের প্রিয় আপনার জন হইয়া গিয়াছে। বঙ্কিমচন্দ্রের সূর্যমুখী, ভ্রমর, কমলমণি যেন বাঙ্গালার মেয়ে—বাঙ্গালার তেলে জলে পুষ্ট—বাঙ্গালার ঘরে ঘরে দৃষ্ট মধুর ছবি। ইহারা যেন কল্পরাজ্যের নয়—ইহারা যেন আমাদের নিত্য-দৃষ্ট গৃহে গৃহে বিরাজিত গৃহলক্ষ্মীস্বরূপ। যে চরিত্র যত সজীব, স্বাভাবিক হইবে, তাহা ততই সুন্দর ও হৃদয়গ্রাহী হইবে। যে স্থলে চরিত্র ভাব বা আদর্শের প্রতীক হইয়া দাঁড়ায়, তাহা অস্বাভাবিক হইয়া উঠে এবং সাহিত্যে যে সত্যের আদর্শের সমাদর দৃষ্ট হয়, তাহা হইতে বিচ্যুত হইয়া পড়িয়া থাকে। সাহিত্যক্ষেত্রে সত্য (Principle of truth), সুন্দর (Principle of beauty) ও শিব (Principle of morality) এই ত্রিসত্যের মর্যাদা রক্ষা না করিলে তাহা হইতে উচ্চাঙ্গের সাহিত্য গঠিত হইতে পারে না। যাহা কেবল সুন্দর—কিন্তু সত্য বা শিবময় নহে, তাহা কখন শ্রেষ্ঠ স্থান অধিকার করিতে পারে না, অপর দিকে সত্য—সুন্দর ও শিবময়রূপে অভিব্যক্ত না হইলে তাহাও সাহিত্যে সমাদৃত হয় না। এ কারণে সাহিত্যে যে সৃষ্ট চরিত্র, তাহা সত্য জগতের অনুরূপ বা সম্ভাব্য সত্য (possible truth) পরিণত হওয়া একান্ত আবশ্যিক। উপন্যাসের পাত্রবর্গ গ্রন্থকারের অভিজ্ঞতাসম্মত হইলে বিশেষভাবে পরিষ্কৃত ও সজীব হইয়া উঠে। যে বিষয়ে গ্রন্থকারের অভিজ্ঞতা নাই, তাহার বর্ণনায় বহুসময়ে অস্বাভাবিকতা ঘটিয়া থাকে; সত্য বস্তুর পরিবর্তে বহুস্থলে মিথ্যা বর্ণনা আসিয়া পড়ে। এ স্থলে জেন অষ্টেন বা ডিকেন্সের আদর্শ স্মরণীয়—যেহ

অষ্টেন তাঁহার সীমাবদ্ধ আবেষ্টনীর মধ্যে যে সকল চিত্র অঙ্কন করিয়াছেন, সেগুলির প্রত্যেকটিই রত্নস্বরূপ। ডিকেন্স তাঁহার উপন্যাসসমূহে সমাজের নিয়ন্ত্রণের লোকের সুন্দর চিত্র দিয়াছেন, কিন্তু উচ্চপদবীহী লোকের চরিত্রচিত্রণে তিনি আদৌ সাক্ষ্য লাভ করেন নাই। তিনি যে শ্রেণীর লোকের কথা অবগত ছিলেন এবং যাহাদের সহিত ব্যবহারিক জীবনে মিশিতেন, সেই সকল চরিত্র অঙ্কনেই তিনি সফল প্রযত্ন হ'ন—অপরজ তাঁহার চেষ্টা আদৌ ফলবতী হয় নাই। এই চরিত্র-চিত্রণেই লেখকের প্রয়োগনৈপুণ্যের বিশেষ পরিচয় পাওয়া যায়। যিনি ষত সহস্রভূতিসম্পন্ন, তিনি ততই সুন্দর চরিত্র আঁকিতে পারেন; এ বিষয়ে সেক্সপীয়ারের তুলনা নাই। তিনি যেরূপ চরিত্র—সেইরূপ চরিত্রই আঁকিতেন; তাঁহার অনূপম সহস্রভূতিবলে প্রত্যেক চরিত্রই সুন্দর ও স্বাভাবিক হইয়া উঠিত; সৃষ্ট চরিত্রমণ্ডল অষ্টার ব্যক্তিত্ব কোন দিনই উঁকি মারে নাই। এই জগৎ সেক্সপীয়ারের ব্যক্তিত্ব চিরদিনই রহস্যময় রহিয়া গিয়াছে। পরবর্তী সমালোচকবর্গ তাঁহাকে পরিবার কত না চেষ্টাই করিয়াছেন—কেহ তাঁহাকে Protestant, কেহ বা Roman Catholic, কেহ বা তাঁহাকে রক্ষণশীল, কেহ বা তাঁহাকে উদারনৈতিক, কেহ বা তাঁহাকে দার্শনিক, কেহ বা তাঁহাকে ক্ষুধিবাজ Bohemian, কেহ বা তাঁহাকে গণভাষিক, কেহ বা তাঁহাকে গণবিদ্বেষী বলিয়া প্রতিপন্ন করিবার চেষ্টা করিয়াছেন; কিন্তু সেক্সপীয়ার চিরকালই এই সকল মুক্ত (বা মুচ) সমালোচককে ধাঁধায় ফেলিয়া নিজের মহিমায় মগ্ন হইয়া আছেন। যে স্থলে উপন্যাসে চিত্রের মধ্যে লেখকের ব্যক্তিত্ব ধরা পড়ে, সেই স্থলে সাহিত্যরসের অপচয় ঘটিয়া থাকে। এই সকল স্থলে Sugar coated Quinineএর কায় সাহিত্যের আবরণে দেখা দেয় প্রচার বা Propoganda. এই ভাবে বক্ষিমচক্রের দেবী চৌধুরাণী, সীতারাম ও আনন্দ-মঠে তিনি সাহিত্যিক বক্ষিমচক্র হইতে প্রচারক বক্ষিমচক্রের পূর্ণ্যে অবনত হইয়াছেন। পরৎচক্র 'শেষ প্রশ্ন' গ্রন্থে আর সাহিত্যিক পরৎচক্র নহেন, তিনি Propagandist বা প্রচারক পরৎচক্র—কমলের মুখ দিয়া তিনি অগ্নিগর্ভ বকুলতা করিতেছেন। সাহিত্য হিসাবে এই সকল গ্রন্থ সম্পূর্ণ মার্ধক হয় নাই। মানবের আশা, আকাঙ্ক্ষা, বাসনা,

বৃত্তি ও ভাবের অভিব্যক্তিই সাহিত্যের কাম্য, তাহা স্থান-কালের মধ্যে থাকিয়াও সার্বজনীন ও সার্বকালীন হইয়া পড়ে। এই সকল চরিত্র প্রেম ও ত্যাগের মহত্ব, ভাবের ঐশ্বর্য, মনের গুচিতা ও উদার্যে কাগতিক সাহিত্যে চিরবরণীয় হইয়া থাকে! এই কারণেই দেখা যায় যে, জগতের ইতিহাসে রামায়ণ, মহাভারত, Iliad, Devine comedy or Paradise Lost প্রভৃতি মহাকাব্যগুলি সাহিত্যে অতি উচ্চ স্থান অধিকার করিয়া আছে। গ্রন্থ-নিহিত চরিত্রের মহত্ব গ্রন্থ-গৌরব অবশ্য অবশ্য বৃদ্ধিপ্রাপ্ত হয়—প্রতিপাদ্য-মহিমা চ প্রবন্ধো হি মহত্তরঃ।

উপন্যাস সাহিত্যে চরিত্রচিত্রণেই প্রতিভার প্রকৃত পরিচয় পাওয়া যায়। কেহ কেহ শিব গড়িতে বানর গড়িয়া তুলেন; কিন্তু প্রতিভাশালী ব্যক্তির হস্তে সকল চিত্রই অনবদ্য ও সুন্দর হইয়া উঠে; তাহাদের হস্তের বুলিমুষ্টি সুবর্ণমুষ্টিতে পরিণত হয়। প্রতিভার কোন আইন-কানুন নাই—প্রতিভা আপনা-আপনি গড়িয়া উঠে এবং স্বীয় সৃষ্টি-শক্তি দ্বারা সকলই সুন্দর ও শোভন করিয়া গড়িয়া তুলেন। বিখ্যাত উপন্যাসিক প্যাকারে বলিতেন যে, উপন্যাসের চরিত্র সমক্ষে পূর্ণ হইতে তাহার কোন বিশেষ ধারণা থাকে না; লিখিতে লিখিতে তাহার হস্তে চরিত্র মে ভাবে পাড়াইয়া যায়, তাহাট গিনি তাঁহার পাঠকবর্গের সমীপে উপস্থিত করেন। এই সমূহ চরিত্র তাঁহার সৃষ্টিশীল প্রতিভার দিবাদান—হতা কোন সাহিত্য-দর্পণের বিধিনিষেধের ফল নহে। প্রতিভার সৃষ্টি-শক্তিবলেই সং-সাহিত্যের সৃষ্টি—যাহার হস্তে প্রতিভার যাত্নদণ্ড থাকে, তিনিই সাহিত্যে সৃষ্টির অধিকারী হইয়া থাকেন। উপন্যাসে যে সকল সুন্দর স্বাভাবিক সজীব চিত্র দেখিতে পাওয়া যায়, তৎসমুদায় প্রতিভার সৃষ্টি, ইহাই অবশ্য স্বীকার্য।

চরিত্রের বর্ণনা প্রায় দুই প্রকারে হইয়া থাকে। যে স্থলে গ্রন্থকার স্বয়ং উপন্যাসোক্ত পাত্রের চরিত্র বর্ণনা করেন, তাহাকে মুখ্য প্রকার (direct method) বলা হয়; যে স্থলে পাত্র-পাত্রীর কার্যের ধারায়, কথাবার্তায় তাহাদের চরিত্র প্রকটিত হয়, তাহাকে গৌণ প্রকার (indirect method) বলা হইয়া থাকে। মুখ্যপ্রকার সাধারণ পাঠকের নিকট বৃদ্ধিবার পক্ষে সুবিধাজনক হইলেও তাহা প্রয়োগ-বিহীন পাত্র-পাত্রীর পক্ষে অপরিহার্য নহে। অপর দিকে গৌণভাবে বর্ণিত

চরিত্র বিশেষভাবে লক্ষ্যগ্ৰাহী হয় ও লেখকের কলা-কৌশলের পরিচয় প্রদান করিয়া থাকে। কোন কোন লেখকের হস্তে উপন্যাস নাটকের আকার ধারণ করিয়া থাকে—তথায় গ্রন্থকার ধরা দেন না; ঘটনার পর ঘটনা চলিয়াছে, ঘটনার স্বাভাবিকভাবে পাত্র-পাত্রীও চলিতেছেন—ইহার মধ্যে চরিত্র উজ্জ্বল হইতে উজ্জ্বলতরভাবে সূচিয়া উঠিতেছে। আবার কোন কোন লেখক প্রতিপদে টীকা-টিপ্পনী করিয়া ঘটনার ক্রমপারস্পর্য্য বর্ণনার সহিত চরিত্রের মনের বিশ্লেষণ করিতেছেন, তাহার নৈতিকবলের হিসাব-নিকাশ দিতেছেন, তাহার সহিত স্বীয় মতামত প্রকট করিয়া পাঠককে শিক্ষা দিয়া চলিতেছেন। উপন্যাসে ইতা চলে, একজন লেখককে দোষ দেওয়া যায় না; কিন্তু লেখক যখন প্রস্তুত বিষয় 'ছাপাইয়া' কোমর বাঁধিয়া প্রচার-কার্য্যে নামিয়া যান, তখন তাহা 'সাহিত্য' না হইয়া প্রচার-সাহিত্যে পরিণত হয়।

উপন্যাসে যে সকল চরিত্র চিত্রিত হয়, সে সকল চরিত্রে একটা সামঞ্জস্য থাকা আবশ্যিক। লেখকের খেয়ালমত এক জন চরিত্রের এক মুহূর্তে সাধু হয় না বা একটা সাধু চিত্রকে এক মুহূর্তেই অতি কুৎসিত করা যায় না। চরিত্রের মধ্যে সামঞ্জস্য থাকা নিতান্ত প্রয়োজন—প্রতি চরিত্রে ক্রম-বিকাশের একটি ধারা থাকার প্রয়োজন। খরসোতা উপন্যাসে সুন্দর শোভন চরিত্র এক নিম্নসে পাপের অতল জলে ডুবাইয়া দেওয়া হইয়াছে—ইহাতে উপন্যাসের চরিত্র-ঘটিত সামঞ্জস্যহানি ঘটিয়াছে, অপর দিকে নরেশচন্দ্রের সুপ্তশিখা গ্রন্থে একটি নারী-চরিত্রে অপঃপতনের ক্রম-বিবর্তন স্থির রাখিয়া চরিত্রের মধ্যে সঙ্গতি রাখা হইয়াছে। বিষয়ক্ষে কত না স্বাভাবিকভাবে পর কুন্দনন্দিনীর প্রতি নগেন্দ্রনাথের আসক্তির চিত্র দেওয়া হইয়াছে। শৈবলিনী-চরিত্রে পরিবর্তন আনিতে যোগশক্তির পর্য্যাপ্ত অবতারণা করিতে হইয়াছে, কিন্তু বালাপ্ৰীতির সে বীজ ধ্বংস হয় না—এই যে চরিত্রে সংরক্ষণনীতি (Law of conservation), ইহা একান্তভাবে উপন্যাসে পালনীয়।

৪


### ৩। কথোপকথন (Dialogue)

দিন দিন নাটক ও উপন্যাসের পার্থক্য যেন কমিয়া আসিতেছে। Ibsen ও Bernard Shaw এর নাটকে দৃশ্যের প্রথমটুকু বর্ণনা করা হয়। স্থান, কাল ও পাত্রের

বর্ণনা থাকে, তাহাতে এরূপ মনে হওয়া বিচিরা নহে; অপর দিকে বহু উপন্যাসের বর্ণনার আঁকজমক কমিয়া গিয়া পত্রের পর পত্র কথাবার্ত্তাই চলিতেছে; একটু কাটছাঁট করিলে এ সকল উপন্যাসে কথাবার্ত্তা ভিন্ন আর কিছুই নাই। এখন নাটকে ভাল করিয়া নভেলের Setting বা ভূমিকা দেওয়া হয়, অপর দিকে নভেলে কথাবার্ত্তাই সমস্ত স্থানটি জুড়িয়া থাকে। প্রত্যন্তসত্ত্বেও নভেল ও নাটক সাহিত্যের বিভিন্ন বিভাগরূপে বর্ত্তমান থাকিলে। কারণ, নাটকের ও উপন্যাসের উপাদান সম্পূর্ণ বিভিন্ন, তাহাদের রসও সম্পূর্ণ পৃথক, তাহাদের আকারও (form) যথেষ্ট প্রভেদ। আধুনিক উপন্যাসে আর আখ্যানবস্তুর যেন তত প্রাধান্য দেখা যায় না—এ সকল প্রায় মনস্তত্ত্বের বিশ্লেষণমূলক বা চরিত্রপ্রধান; গল্পাত্মক আরও কতকগুলি উপন্যাস সমস্তামূলক হওয়ার তাহার মধ্যে কথাবার্ত্তাই গ্রন্থের প্রায় সমগ্র স্থান জুড়িয়া আছে। রবীন্দ্রনাথ ও শরৎচন্দ্রের উপন্যাসে কথাবার্ত্তার বৈশিষ্ট্য বিশেষভাবে দেখা যায়। শরৎচন্দ্রের 'শেষ প্রশ্ন' আগস্ত কথোপকথন ও তর্ক-বিতর্কে পূর্ণ। এই গ্রন্থে শরৎচন্দ্র পুরাতন আদর্শ ভাস্কিবার অল্প বন্ধপরিষ্কার হইয়াছেন—কথোপকথনের মধ্য দিয়া, নানা দৃশ্য (situation) সৃষ্টি করিয়া, একই কথা বারবার ফেনাইয়া ফাঁপাইয়া বলিতেছেন। কিন্তু তাহার বলিবার ভঙ্গী এত সুন্দর যে, একবার বসিয়া দুই শত পাতা পড়ার পূর্বে আর উঠিতে ইচ্ছা করে না। রবীন্দ্রনাথের 'গোরা' বা 'চোখের বাগির' মধ্যে এইরূপ কথাবার্ত্তার বৈশিষ্ট্য দেখা যায়। কথাবার্ত্তায় ঘটনাবিকাশ বা চরিত্রচিত্রণ বিশেষ কলাতনপুণ্যের লক্ষণ; ইহা সমানভাবে নাটক ও উপন্যাসে আবশ্যিক। উপন্যাস বা নাটকে কথাবার্ত্তার সূষ্ঠা সমাবেশ করিতে যথেষ্ট নিপুণতার প্রয়োজন। উপন্যাসের উৎকর্ষ প্রধানতঃ চরিত্রচিত্রণ ও কথাবার্ত্তার উপর নির্ভর করিয়া থাকে। কবি স্বয়ং সমালোচনা না করিয়া কথাবার্ত্তা দ্বারা যে কেবল ঘটনাবিকাশ ও চরিত্রচিত্রণ করিয়া থাকেন, এমন নহে, পরন্তু কথাবার্ত্তার মধ্য দিয়া নাটকীয় পাত্রবর্ণ পরস্পরের চরিত্র বিশ্লেষণ, ঘটনার সংস্থান ও নানা অবাস্তুর বিষয় দ্বারা প্রস্তুত বিষয় মনোহর করিয়া তুলেন। একটি কথা উপন্যাসের অঙ্গীভূত (organic) হওয়ার একান্ত প্রয়োজন। বহু অবাস্তুর কথা আলোচনার সাহিত্যের বিস্তৃত রস দোষবাক্ত







[ গল্প ]

নিস্তর রাত্রি ।

দেবী বাবু বাড়ী ঢুকিয়া উপরের ঘরে আসিতেই যোগমায়া ক্ষতপদে কাছে আসিয়া জিজ্ঞাসা করিল, “কি হলো, হ্যাঁগা ?”

দেবী বাবু জীর দিকে একটিবার তাকাইলেন, তার পর মুখখানা নীচু করিয়া অত্যমনকভাবে খাটের উপর গিয়া বসিয়া পড়িলেন ।

দেবী বাবুর গৃহ-জামাতা নিরুদ্দেশ হইয়াছে, সে আজ এই পূর্ণ বারো বৎসর । কেন হইয়াছে, বাহিরের লোক জানে না । কেহ বলে, মস্তিষ্ক-বিকৃতি হইয়াছিল বলিয়া, কেহ বলে—পরমহংসদেবের ‘কণামৃত’ পড়িয়া, পাড়ার নিন্দুক-মহলে প্রচার—‘পরিবারের’ হতশ্রদ্ধায় । কিন্তু, শেষের কথাটা বিশ্বাস করিতে প্রবৃত্তি হয় না । কারণ, তখন রাণুর বয়স উনিশ কি কুড়ি—এ বয়সে—কিন্তু, সে-কথা এখন যাক ।

জবাব না পাইয়া যোগমায়াও সরিয়া গিয়া স্বামীর সম্মুখে বসিল এবং অধীর হইয়া পুনশ্চ প্রশ্ন করিল, “বল না ?”

দেবী বাবু এইবার মুখ তুলিলেন—তাঁহার দৃষ্টি উদাস, অথচ স্থির, অচঞ্চল । কহিলেন, “রাণু ঘুমিয়েছে ?”

“হ্যাঁ !”

দেবী বাবু পুনরায় মুখ নামাইয়া লইলেন, যেন মুখ খুলিয়া কহিবার কোনও কথা নাই ।

স্বামীর অস্তরের বিকৃতি বুঝি বা যোগমায়ার কাছে গোপন রহিল না । বিবর্ণ মুখে স্বামীর দিকে চোখ তুলিয়া, চোখ নামাইয়া যেন মোরিয়া হইয়া বলিয়া উঠিল, “উপায় নেই ?”

“আছে ।” বলিয়াই দেবী বাবু বাহিরের দিকে একবার সতর্ক দৃষ্টিপাত করিলেন ।

দেবী বাবু স্বামীর দিকে তাকাইয়া যোগমায়া

তৎক্ষণাৎ উঠিয়া দাঁড়াইয়া বলিল, “আচ্ছা, দেখে আসছি”—বলিয়াই বাহির হইয়া গিয়া রাণুর রুদ্ধকক্ষের কপাটে খানিকক্ষণ কাণ পাতিয়া থাকিয়া গলা চাপিয়া সাড়া লইল—“রাণু, অ—রাণু—”

ভিতর হইতে সাড়া আসিল না । স্মৃতরাং যোগমায়াও নিশ্চিত হইয়া ফিরিয়া গিয়া স্বামীকে কহিল, “জেগে নেই !”

দেবী বাবুর বুকের ভিতর হইতে যেন এক গোপন অমৃতভূতি নির্গত হইল—‘হঁ !’ অতঃপর চকিত হইয়া বলিয়া উঠিলেন, “একখানা চিঠি দেখাতে হবে—বেঁচে আছে ! তা’ হলেই আরো বারো বৎসর—”

“চিঠি ?”

“প্রমাণের প্রয়োজন হবে না ! আমি হাতে করে দেখাতে পারলেই—বাস্ !”

যোগমায়ার মুখখানা চক্চক্ করিয়া উঠিল । অধীর আগ্রহে বলিয়া উঠিল, “তবে, তাই কর না ? কাউকে দিয়ে লিখিয়ে—”

দেবী বাবু হাত তুলিয়া বাধা দিলেন । জোর করিয়া একটু হাসিয়া কহিলেন, “জানি !”

“তবে ?”

“হিন্দু, ব্রাহ্মণ !”

কুরুক্ষেত্রে পাণ্ডব-সখা যেমন তাঁহার এক পরমাত্মীয়কে উপদেশ দিয়া তাজা করিয়াছিলেন, ঠিক তেমনই করিয়া যোগমায়া বলিয়া উঠিল, “এতে পাপ নেই ! কু-খবর বাতাসে উড়ে আসে ! যদি কিছু হতো—”

“তা ত জানি ! কিন্তু, সমাজ, বিধি, শাসন !”

“আর মেয়েমানুষ—খাওয়া-পরা, অকারণ দণ্ড ?”

ইহার উপর আর কথা চলে না । একটু নীরব থাকিয়া দেবী বাবু একনিষ্ঠ পুরোহিতের জায় জীর মুখের দিকে তাকাইয়া কহিলেন, “তাই ভাবছি, মানুষের অজ্ঞায় নিজেই বুঝি পাপ তৈরী হয়েছিল !”

কথাটার বৃষ্টি খোঁচা ছিল। যোগমায়া মুখখানা হাঁড়ি করিয়া শ্লেষকণ্ঠে কহিল, “কিসে কি হয়েছিল, জানিনে। মেঘেমাগুয়ের ওপর অথবা শান্তিই যদি তোমাদের শাস্ত্রের অঙ্কার হয়, তবে তাই হোক।” বলিয়াই উঠিয়া বাহিরের দিকে পা বাড়াইল।

দেবী বাবু বাবা দিলেন। বলিয়া উঠিলেন, “শোন। রাত্রি আমি হয়েই এসেছি। কাল সকালে সমাজ বসবে, এইখানে—চিঠিই আমি দাঁবে দেব।”

কথাটা এই। ত্রিপি, নক্ষত্র ও দিনের হিসাব দেবী বাবু বা যোগমায়াব তত্ত্ব থাক বা না থাক—পাড়ার মেঘেমতলে ইত্যাব সঠিক হিসাব বহুদিন পাকের হইয়া গিয়াছে যে, আজ ঠে নিকদ্বিতের নিকদ্বিশ বাবোটা বৎসর পবিত্র হইবে। সূতরাং, শাস্ত্রীয় ও সামাজিক বিধানে রাণুকে কাল হইতে সম্ভাব্য সাজ ও আচার পরিহার করিতে হইবেই হইবে। বাবু জনক জননীও এ সিদ্ধান্ত নিষিদ্ধ করে মানিয়া উঠেন। কিন্ত এটা মানিয়া লইতে পাবেন নাই সে, বাস্তবিকই ঠে সর্বশেষে অকারণ প্রভাত কোনও দিবস তাঁহাদের কোপে পবিয়া দিতে পারে! ইত্যাব একটু ইতিহাস আছে। স্বামী নিকদ্বেশ হইবার পরদিন হইতেই রাণু ‘গুহ-বিগত’ গোবিন্দের পাষে একান্তভাবে আশ্রয় সমর্পণ করিয়া আছে। সংসারের কাষকক্ষে সে নিলিপ্ত—অন্তর এং অশ্রুভৃতির ভাগাভাগি হয় নাই, কাষমনোবাক্যে এই দীর্ঘ বারোটা বৎসর ধরিয়াই সে ডাবিয়া আসিতেছে গোবিন্দকে—“তুমিই আমার মুখ রেখো!” এ সত্য রাণুর জনক-জননীও অবিদিত নাই। সূতরাং তাঁহারা নিশ্চিন্ত হইয়াই ছিলেন যে, ‘গোবিন্দ’ যদি সত্য হয়, তা হইলে রাণুর এক মুগের সাধনাও সত্য হইবে। কিন্ত ‘কলিকালের’ ঠাকুর-দেবতা—দুর্নাম আছে! প্রার্থিতার প্রার্থনা পূরণ করিলেন না। তাই দিনের পর দিন কাটিয়া যখন একে-একে সমস্ত দিনই দুর্গাইয়া গেল, তখন দেবী বাবু ও যোগমায়া উভয়েই হাহাকার করিয়া উঠিলেন। আজ শেষদিন, তাই দেবী বাবু সমাজপতির কাছে ছুটিয়া গিয়াছিলেন, দুর্দৈবকে রোধ করিতে যদিই বা কোন অস্ত্র থাকে; এবং সমাজপতি যাহা নির্দেশ দিয়াছেন, তাহা আশ্রয়

যোগমায়া কিরিয়া দাঁড়াইল। হর্ষে আশ্রয় হইয়া বলিয়া উঠিল, “দেবে?”

“নিশ্চয়ই! পাপ নইলে পাপ ঢাকা পড়ে না! বাপ-মায়ের পাপ না থাকলে, ছেলে-মেয়ের শান্তি হয় না! দণ্ড, বাণুব, অকারণ—আমাদেরই পাপে।”

যোগমায়া যেন বৃষ্টিতে পারে নাই, এমনইভাবে স্বামীর দিকে তাকাইতেই তিনি বলিয়া উঠিলেন, “বৃষ্টিতে পারছ না? মেঘেব লোভ দেগিয়ে পবের ছেলেকে হবে এনে পশু ক’বে বাখুত চেয়েছিলাম—সে পাপ নয়? মাগুস!—মাগুস হলে খাব এক মাগুসকে করে চেয়েছিলাম, অ-মাগুস, মনাম্বিক।

একটু থামিয়াই আবার শুরু করিলেন, “মাগুসের একমাত্র ধর্ম, তার স্বামী-স্ত্রী—এক জনেব সেই রঙটিকে অপতবৎ করে গিয়েছিলাম স্বামী। তার, কন্য—পাপী নই?”

অন্যকার কবিবার মুক্তি নাই। এক পচত্ত্ব সন্তান প্রতিমূর্তি যন বারবার কবিয়া যোগমায়াব বৃক্বেব তিচ্চন টকি মাবিয়া চলিয়া গেল। নক্ষত্রী হইয়া কিসংক্ষণ শুরু হইয়া দাঁড়াইয়া বাবুব অশ্রুচক্ষু কহিল, “এমন ক’বে হবে কান নেই—সাক।”

কেহ হাসিতে বলে নাই, তথাপি দেবী বাবু আপন মনে খামকা হাসিয়া বলিয়া উঠিলেন, “থাকলে চলে না! পাপেব প্রায়শ্চিত্ত প্রয়োজন। শপথ করেছি—নিজেকে ত্যাগ করবোই কব্বো।” বলিয়াই একখানা চাদব মুড়ি দিয়া শুইয়া পড়িলেন।

যোগমায়াব মুখে আর কথা নাই, তেমনই নতনেব হইয়া নিঃশব্দে দাঁড়াইয়া রহিল! এমনইভাবে কতকক্ষণ অতিবাহিত হইল, তাহা সে জানে না, এক সময় টের পাইল, যেন কে বর হইতে বাহির হইয়া আসিতেছে!

চৌকাঠ পার হইয়াই যেমন বাহিরের বারান্দায় পা দিবে, দেখিল, সম্মুখেই—রাণু। যেন একমুঠি অঙ্কার-এক ঝলক জ্যোৎস্না! যোগমায়া ধমকিয়া একটু পিছাইয়া আসিল, যেন চোখের উপর—এক প্রেতমূর্তি, একটি দেবকন্ডা।

অপর পক্ষের এক মুহূর্তও বিলম্ব হইল না! রাণু প্রশ্ন করিল, “আমাকে ডাকছিলে, মা?” যেন সে প্রয়োজনের

মায়ের মুখ দিয়া কিন্তু কোন কথাই নির্গত হইল না।  
রাগু অবাব না পাইয়া আপন-মনে বলিয়া উঠিল, “তা  
হ’লে—স্বপ্ন!” বলিয়া আর অপেক্ষা করিল না।

মায়ের কিন্তু পা উঠিল না, শবের স্মায় কিরৎক্ষণ  
দাঁড়াইয়া রহিল। অতঃপর নিজেকে যেন টানিয়া হিঁচড়াইয়া  
কক্ষান্তরে লইয়া গেল।

দেবী বাবুর বহির্বাটীতে প্রভাতেই ‘সমাজ’ বসিয়াছে।

দেবী বাবু একনিষ্ঠ ব্রাহ্মণ, ধার্মিক! শোনা যায়,  
কোনও মামলায়, তিনি সাক্ষী থাকিলে, মহকুমার হাকিম  
ঠাহারই সাক্ষ্যে রায় দেন! স্মরণ্য, তিনি দেশের মাথা,  
সমাজের মুখ! এ হেন লোকের বাড়ীতে ‘সমাজ’—পদার্পণ  
করিতে কেহই বিমুখ হয় নাই!

যথাসময়ে দেবী বাবু আসিয়া দেখা দিলেন। সভায়  
একটু আলোড়ন উঠিল, উঠিয়াই পামিয়া গেল। সমাজপতি  
কে টিপ নশ্ব লইয়া বলিলেন, “বসো ভায়া।” বলিয়াই  
মজোরে নাক টানিয়া নাক মুছিয়া পুনশ্চ কহিলেন, “বিদীর  
বিধান! তোমার বাড়ীতেও সমাজ বসলো—‘গৌরহরি’!”

পাশেই একটি সত্তর-আঠারো বৎসরের ছেলে বসিয়া  
ছিল। সে নশ্বের গন্ধ পাইয়া উসখুসু করিতেছিল। এই বাব  
যেন এক স্মযোগ পাইয়া বলিয়া উঠিল, “পিসেমশাই—”

“বলো, কি বলছ—তোমাকে নিয়ে ত তিন-পুরুষ হলো—”

ও ধারের কোণ হইতে কে চাপাকণ্ঠে বলিয়া উঠিল, “পূর্ব  
পিণ্ডি পাবে—”

“কে রে! কোন্ নচ্ছার—”

সম্মুখে এ-পাড়ার চাটুষ্যে মশাই বসিয়াছিলেন, অর্থ ও  
সম্পত্তিতে তিনি সকলের সেরা—ঠাহার বাড়ীতে বন্দুক  
আছে। অকারণ কলহের নিষ্পত্তি তিনিই করিয়া দিলেন,  
কহিলেন, “আপনি চটছেন কেন? সম্পর্কে ওরা নাতি—  
ঠাট্টা ত করবেই!”

সমাজপতি একটু নরম হইলেন। কহিলেন, “তা করুক  
না, করবেই ত! তবে পিসেমশাই বলে কি না!”

“বলবেই—ওদের বাপ-ঠাকুরদা বলে এসেছে, ওরা  
বলবে না?” চাটুষ্যে মশাই হো-হো করিয়া হাসিয়া উঠিলেন।

ইহার একটু ইতিহাস আছে। কোন অজাত দিনে  
এই সমাজপতি ও-পাড়ার ভট্টাচার্য-বাড়ীর গৃহ-স্বামী

হইয়া আসিয়া এই গ্রামে বসবাস শুরু করেন। ইহার  
বয়সের খবর গ্রামের বর্তমান লোকজন কেহ রাখে না।  
রাখে মাত্র এইটুকুই—ওঁর বয়সের আদিও নাই, অন্তও  
নাই। সে যাহাই হউক, তদবধিই পুরুষানুক্রমে আবালবৃদ্ধ-  
বনিতা সবাই ইহাকে ‘পিসেমশাই’ বলিয়াই ডাকিয়া  
আসিতেছে—কিবা হিন্দু, কিবা মুসলমান! বেশী বয়সের  
একটু দুর্নাম আছে—মানুষে অক্লে চটিয়া উঠে! ইনিও যদি  
মাঝে মাঝে চটিয়া উঠেন, কিন্তু তাহা মারাত্মক নহে। সবাই  
ইহাকে মানিয়া চলে, বয়সের মূল্য ও সম্পর্কের মান সাগ্রহে  
দিয়া থাকে। তাই ইনি সমাজপতি।

ছেলেটির নেশা কিন্তু মাঠে মারা পড়িতে বসিয়াছিল।  
‘পিসেমশাইকে’ একটু প্রকৃতিস্ব দেখিয়া আবাব বলিয়া  
উঠিল “বল্বো, পিসেমশাই—”

“ভাল আপদ! আরে বল না কি বলবি?”

“এই বাবারা বলতো—”

“বাবার কি বে? বাবা কারা?”

“এই আমাদের সবাইকার—”

সমাজপতি গভীর হইয়া বলিলেন, “কি বলতো, ওনি?”

“বলতো, ‘পিসেমশাই’ আসবার আগে রোজ-রোজ  
‘সমাজ’ বসতো—এর বাড়ী, ওর বাড়ী, তার বাড়ী! পিসে-  
মশাই এসে সব বন্ধ হয়ে গেছে—কি শাসন!”

‘পিসেমশাই’ একগালি হাসিয়া ফেলিলেন! বলিলেন,  
“কথাটা ঠিক! কিন্তু, আমি এ-গায়ে আসবার আগেকার  
খবর তোমার বাবারা জানলে কি ক’রে? আমি যখন  
এসেছি, তখন ওরা মায়ের পেটে!”

ছেলেটি একটু অপ্রতিভ হইবার ভাণ করিয়া বলিল,  
“তা বটে!—পিসেমশাই, একটু নশ্ব দেবে?”

“দুস্কুল্য! আচ্ছা, এই একটুখানি—” বলিয়া ‘পিসে-  
মশাই’ ছেলেটিকে এক টিপ নশ্ব দিলেন। তার পর ঠাহার  
নজর ফিরিল দেবী বাবুর উপর। বলিলেন, “দাঁড়িয়ে  
কেন ভায়া, বোসো—বোসো না?”

দেবী বাবু এতক্ষণ নিশ্চল হইয়া দাঁড়াইয়াছিলেন,  
এইবার ঠাহার চমক ভাঙ্গিল। একটু দূরেই সমাজপতির  
আসন—দেবী বাবু সরিয়া আসিলেন। অতঃপর কলের  
পুতুল যেমন করিয়া হাত তোলে, তেমনই করিয়া একখানা  
পত্র বাহির করিয়া হাত তুলিয়া দেখাইলেন, দেখাইয়াই



সেইখানে বসিয়া পড়িলেন—আজলের চাপ খুলিয়া পত্রখানা তখন মাটীতে পড়িয়া গিয়াছে।

সমাজপতি পত্রখানা উঠাইয়া লইয়া যেন কুণ্ঠিতভাবেই বলিয়া উঠিলেন, “আমরা দেখ্‌বো আর কি?” বলিয়াই চশমা খুলিয়া পত্রখানার আগাগোড়া নিরীক্ষণ করিলেন, করিয়া কহিলেন, “ঠিকানা নেই, পাছে গিয়ে গ্রেপ্তার কর!” তিনি একমুখ হাসিয়া উঠিলেন।

চাটুষ্যেশ-মশাইও সেই হাসিতে যোগ দিলেন, কহিলেন, “তা হোক, বাবাজীর ধর্মজ্ঞান কিন্তু খুব—পরিবারকে খুব বাঁচিয়েছে!”

সমাজপতি গভীর হইয়া মন্তব্য প্রকাশ কবিলেন—  
“আহা-হা! জামাই ত আর মুখ্য নয়—একটা পাশ দিয়ে তবে বেরিয়েছে! আমাদের ‘নদের নিমাই’ যে বাড়ী বয়ে এসে জানিয়ে যেতেন—‘ওগো, আমি বেঁচে আছি!’”

কে এক জন ও-দিকেব কোণ হইতে বলিয়া উঠিল,  
“বাবাঠাকুরদের কি দয়া!”

চাটুষ্যেশ-মশাই প্রসঙ্গটাকে চাপা দিবার উদ্দেশে ভাড়াভাড়ি সমাজপতিকে বলিয়া উঠিলেন, “আপনি আব এ-দিকে কাণ দেবেন না—কাষ আবস্ত ক’রে দিন!”

সমাজপতি পত্রখানার দিকে আব একবার চোখ ফেলিয়া সভাস্থ সকলকে উদ্দেশ করিয়া কহিলেন, “তোমরা কেউ দেখ্‌তে চাও?”

একবাক্যে সকলেই কহিল—“না।”

“বলবার কিছু—”

“না।”

সমাজপতি রাগ দিলেন, “আরও বারো বৎসর—”

“আর এক দিনও নয়—” বলিতে-বলিতে রাগ প্রবেশ করিল। তাহার পরনে ধান-কাপড়, হাত শুষ্ক, মাথায় শিকুর নাই। সকলের বিস্মিত-দৃষ্টি তাহার উপর পড়িতেই, তাহার মুখে স্নান হাসি দেখা দিল। দীর ও সংযতকণ্ঠে কহিল, “হিঁদুর মেয়ের আর ও-সব মানার না!”

সমাজপতি শামুকের খোল হইতে নস্ত বাহির করিয়া সবেমাত্র নাকে ঝুঁকিতেছিলেন, ভাড়াভাড়ি এক জোর টান দিয়া বলিয়া উঠিলেন, “অকারণ বৈধব্য—অশান্ত্রীয়!”

রাগুর মুখে আবার তেমনিই হাসি। বলিল, “হ’তে

পিজালরে থাকিলেও, কোনোও দিন এই মেয়েটির মূর্তি পর্যন্ত কেহই দেখিতে পায় নাই, মুখের কথা শোনা শুধুরের কথা। হুতরাং রাগুর আকস্মিক এই আবির্ভাব, তদুপরি নির্ভীক এই কথাবার্তা সকলকেই বিহ্বল করিয়া তুলিয়াছিল। কিন্তু, শাস্ত্রে প্রতিবাদ—বিশেষ করিয়া অধিকারহীনা নারীর মুখে—ইহা সমাজপতির অন্ততঃ সহ্য হইল না। ঈষৎ রুদ্ধকণ্ঠে তিনি বলিয়া উঠিলেন, “কি বল্‌ছিস্?—মুখ্যর মতন!”

“মেয়েমানুষ, মুখ্য—তাই-ই হয়! পণ্ডিত হ’লে আমাদের জাত বাব!”

বাগুর কথাটার ঝাঁক ছিল না। না থাকিলেও, সকলেই ইহা স্পষ্ট করিয়া বুঝিল যে, এক প্রচ্ছন্ন বিদ্রূপ বাক্যটির ভিতর নিহিত আছে, কিন্তু উহা এমনই নিরীহ, এমনই সহজ যে প্রতিবাদ করা চলে না। সকলেই চুপ করিয়া রহিল।

একমুখ হাসিয়া সমাজপতি বলিয়া উঠিলেন, “দেখ্‌ছি, খুব কথা জানিস! আচ্ছা, তারপর—”

“তারপর? তোমাদের শাস্ত্র আজ থেকে আমাকেই মেনে চলুক, আমি ওকে মানবো না।”

“মানবিনে?”

“না।”

“ধর্ম, সমাজ, কল্যাণ—”

রাগু মাটীর দিকে মুখ নামাইয়া নখে মাটী খুঁড়িতে খুঁড়িতে জবাব দিল, “জানি।”

“তবে?”

বাগু মুখ তুলিল, তাহার দৃষ্টির এক পার্শ্বে সমাজপতি, অল্প পার্শ্বে পিতা, আব চারিদিক্ ধরিয়া এক পরিপূর্ণ ‘ইহলোক!’ সকলেবই মুখে দাবী—‘উত্তর দাও!’ রাগুর মুখটি আবার ঝুলিয়া পড়িল। নীরবে সে দাঁড়াইয়া রহিল।

সমাজপতি তাহার মুখের দিকে চাহিয়া ঈষৎ হাসিলেন—  
—কয়ের হাসি। অন্তঃপর পরমাত্মীরের স্মার মেহান্তকণ্ঠে কহিলেন, “বুঝে দেখ্—বাপের মুখে কালি পড়বে!”

রাগু শিহরিয়া উঠিল। মুখ তুলিতেই সমাজপতি পুনশ্চ কহিলেন, “লোকে ভাবছে, এ-চিঠি বিধো—তুই

জ্ঞাপি রাণু নিরীক, নিরীক। তখন তাহার চোখটুকি বড় হইয়া জ্যোতিঃ ফেলিয়া সম্মুখের এক জানালা দিয়া বাহিরে গিয়া পড়িয়াছে, যেন সেই আলোকেই বলিয়া পৃথিবীর কোন্ একান্তে ইহলোকের এক আদি-পুরুষ মানুষের শাস্ত্র, সমাজের আইন, ধর্মের নির্দেশ, পরিত্রীর কল্যাণ-রচনায় তন্ময় হইয়া আছেন, আজিও তাহার শেষ হয় নাই!

সমাজপতি অধীর হইয়া উঠিতেছিলেন। একটু তাড়া দিয়া বলিলেন, “মেয়েমানুষ, সব্বা!—ও-সব ছাড়তে নেই!”

রাণুর এইবার চমক ভাঙ্গিল। যেন কিছুই শুনিতে পার নাই, এমনই ভাব দেখাইয়া বলিল, “আমাকে কিছু বলুছ, পিসেমশাই?”

“গৌরহরি! এতক্ষণে কথা হলো—‘কি বলুছ?’—বলুছি, এয়োতির চিহ্ন—ও-সব ত্যাগ করো না!”

“কুচি, মন, প্রবৃত্তি—আর ও-সবে নেই!” বলিয়াই রাণু ঈষৎ হাসিয়া মুখ ফিরাইয়া তাড়াতাড়ি বাহির হইয়া গেল।

সঙ্গে-সঙ্গে সমাজপতির মুখে যেন কালি পড়িয়া গেল। যুগ-যুগের পুঁথি, যুগ-যুগের আচার, হিঁচুয়ানী, শাসন, নিয়ম, আইন—সমস্তই এক নিমেষে ধ্বংস করিয়া গেল—ওই মেয়েটা! মিনিটখানেক গুম্ব হইয়া থাকিয়া দেবী বাবুর দিকে চাহিয়া বিকৃত কণ্ঠে তিনি বলিয়া উঠিলেন, “মেয়েকে এইবার থিয়েটারে পাঠাও—” বলিয়াই ঠক্-ঠক্ করিয়া কাপিতে-কাপিতে উঠিয়া পড়িলেন।

পশ্চাৎ হইতে এক বিক্রমকণ্ঠ বলিয়া উঠিল, “আর পিসে-মশাইকে স্ববরাজের ‘পাট’ দিলেই হবে!”

“হতভাগা, বানর—” বলিয়া ‘পিসেমশাই’ লাঠি ঠুকিয়া গর্জিয়া উঠিলেন।

তখন সকলেই উঠিয়া পড়িয়াছে। চাটুঘোমশাই তাড়াতাড়ি ‘পিসেমশাইয়ের’ কাছে সরিয়া আসিয়া একমুখ হাসিয়া বলিয়া উঠিলেন, “আঃ, করেন কি! আপনি যান দিকিনি বেরিয়ে!” বলিয়াই পশ্চাদিকে ফিরিয়া বলিলেন, “বুড়ো মানুষ—বরসেরও একটু মান রাখতে তোমরা জান না—ছিঃ!”

‘পিসেমশাই’ আশ্রয় পাইয়া বলিলেন, “দেখ দিকিনি, ভায়া—”

“আপনি যান, আমি ভালো করেই দেখছি—” বলিয়াই চাটুঘোমশাই সহস্র ‘পিসেমশাইয়ের’ হাত ধরিয়া বর হইতে বাহির করিয়া রাস্তায় দিয়া আসিলেন। অতঃপর ফিরিয়া আসিয়া জনতার দিকে লক্ষ্য করিয়া বলিলেন, “আমার অনুরোধ—ওঁকে আর তোমরা রাগিয়ে না, এতে হয়—তোমাদেরই অকল্যাণ!” তার পর দেবী বাবুর কাছে সরিয়া গিয়া আন্তে-আন্তে কহিলেন, “আজ জয় হয়েছে রাণুর! সত্যিই ত, যে-মেয়ে বারো-বারোটা বৎসর দর্শন পেলে না, তার কাছে স্বামীর এক উড়ো-খবরের আর আদর কি? আমার মেয়ের বয়সী রাণু, কিন্তু সে আমার পূজনীয়া!” বলিয়াই সকলকে ডাক দিয়া বাহির হইয়া গেলেন।

সবাই গেল। কেবল বসিয়া রহিলেন দেবী বাবু—এক মাটির মূর্তি! বসিয়া-বসিয়া বুঝি বা এই কথাটাই বেনী করিয়া ভাবিতে লাগিলেন যে, পৃথিবীতে যে-উৎসব অহরহঃ মানুষের বুলি ভরিয়া রাখিবে বলিয়া আশ্বাস দেয়, উহাই আবার এক নিমেষে বুক খালি করিয়া দিয়া, রিক্ত করিয়া তাহাকে নিষ্পিষ্ট করিয়া চলিয়া যাইতে পারে, অথবা আনন্দে আশ্বহারা যে-মানুষ বেদীর উপর প্রতিমা বসায়, তাহাকেই আবার মুহূর্ত্তে জলসই করিতে চায় কেন? হুৎপিও বলিয়া উহলোকের যে উপহার, মানুষের কাছে কি ছাই এর কোনও কদর নাই?

এমনই ভাবে কতক্ষণ ইনি বেহঁস হইয়া ছিলেন, তাহার ঠিক নাই, সহসা রাণুর কণ্ঠস্বরে চমকিয়া উঠিলেন। রাণু ডাকিল, “বাবা—”

দেবী বাবু চাহিয়া দেখিলেন—সেই সে! পুরাতন যুগের এক ‘উমা!’ সত্যিই কি এত দিন পরে রাণু নিরুদ্ধিষ্ট স্বামীর মথার্থ উদ্দেশ্য পাইয়াছে? অক্ষম দৃষ্টি, অবশ চোখ—জলে ভারি হইয়া উঠিল।

রাণু তাড়াতাড়ি কাছে সরিয়া গিয়া ধমক দিয়া বলিয়া উঠিল, “ছাই-ভস্ম!—ব’সে-ব’সে ওই-সব ভাবুছ বুঝি? উঠে এসো—” বলিয়া হাতে একটা টান দিল।

দেবী বাবু কোঁচার খুঁটে চোখ মুছিলেন। মুছিয়া বলিলেন, “না মা, তা ভাবিনি! ভাবছি—স্বামীর নামে মেয়েদের আর একটা বুক আছে, যা বাপ-মাকে দেবার বুকের সঙ্গে মেলে না!”



## নারী—পাশ্চাত্য-সমাজে ও হিন্দু-সমাজে

(পূর্ব-প্রকাশিতের পর)

### জাতিভেদ প্রথা

জীব-জগৎ পর্য্যালোচনার পাওয়া যায় যে, অনেক সময়ে পিতা-মাতার দোষ, গুণ বা শক্তি যদিও সময়ে সময়ে তাহাদিগের শাবকদিগের ভিতর পাওয়া যায় না, কিন্তু সেই গুণ, দোষ বা শক্তি সেই বংশে—তাই তিন পুরুষ পরেও পাওয়া যায়—তাহাকে Atavism বলে। যেখানে জাতিভেদ-প্রথা নাই, সেখানে পিতা বা মাতার যে গুণ নাই, তাহাদিগের অপত্যদিগের ভিতর কেহ কেহ সেই গুণসম্পন্ন হইয়া থাকে। কিন্তু এ দেশে বংশানু-ক্রমিক বৃত্তি থাকায় ও একই জাতিভুক্তদিগের ভিতর বিবাহ নিবন্ধ থাকায় একজাতিভুক্ত লোকের সম্ভানের ভিতর প্রায় কখনই অল্পজাতির বৃত্তিতে আবশ্যিক গুণ অধিক পরিমাণে থাকে না। ইংলণ্ডাদি দেশে যেমন ভারবাহী ঘোড়ার শাবক প্রায় কখনই ঘোড়দৌড়ের ঘোড়া হয় না—সে কেবল ঘোড়দৌড়ের ঘোড়ার শাবকবাহী হয়—এ দেশেও তেমনই একজাতিভুক্ত লোকের সম্ভানের অল্প জাতির বৃত্তির উপযোগী শ্রেষ্ঠ গুণসম্পন্ন হইবার সম্ভাবনা অতীব অল্প—নাই বলিলেই হয়। সুতরাং এখানে জাতিগত বৃত্তি নির্দেশে অতীব অল্পসংখ্যক লোককে হয় ত তাহার কোন কর্মের উপযোগী শ্রেষ্ঠ গুণ থাকা সত্ত্বেও সেই কর্ম করিতে দেওয়া হয় না। যদি কদাচ কখনও পৃথিবীর আশ্চর্য ঘটনার স্মরণ বা গুপ্ত প্রণয়ের ফলে ঐরূপ হয়, তাহার অল্প সাধারণ নিয়মের ব্যতিক্রম কোন সমাজই করিতে পারে না। মনে রাখিতে হইবে যে, কোন এক বৃত্তির উপযোগী শ্রেষ্ঠ গুণসম্পন্ন লোককে যদি সেই বৃত্তি অবলম্বন করিতে দেওয়া না হয়, তাহা হইলেই উহা সমাজের ও দেশের পক্ষে অমঙ্গলজনক—মোটামুটিভাবে অল্প এক বৃত্তির কার্য করিতে পারায় কিছু আসে যায় না। ধোপার ছেলে কেয়াগীগিরি করিতে পারাড়ে বা করাতে দেশের কোন মঙ্গল হয় না—তাহা অনেকেই করিতে পারে।

এই জাতিগত বৃত্তি-নির্দেশের একটি বিশেষ গুণ হল হইয়াছিল এই যে, বংশানুক্রমিকতার ফলে ও অমুকুল আবেষ্টনীতে বৃদ্ধিত হওয়ার অল্প বাহারা যে কর্ম করিবার বিশেষ উপযোগী গুণসম্পন্ন, তাহারা সেই কর্ম করিবার সুবিধা হইতে বঞ্চিত হয় নাই। এই মৌখিক সমান সুযোগ ও ইচ্ছানুযায়ী কর্ম করিবার স্বাধীনতার দিনে, প্রায় কোন গরীব লোক তাহার কোন উচ্চ কর্ম করিবার শ্রেষ্ঠ গুণ থাকা সত্ত্বেও সে কর্ম করিতে পার না। কারণ, অধিকাংশ উচ্চ কর্মের উপযোগিতা অজ্ঞান করিতেও বহুকাল অধ্যয়ন করিতে হয়, তাহাতে র্যে অর্থের আবশ্যক—অবস্থাপন্ন না হইলে তাহা কোন লোকই

তাহাদিগের স্বাহোর অল্প বাহার বাহা আবশ্যক তাহা পায়— তাহারা যে কার্য করিতে বা বিত্তা শিখিতে চায়—যে কার্য করিবার বা যে বিত্তা শিখিবার বিশেষ উপযোগিতা আছে—তাহাতে পাবদর্শিতা লাভ করিবার সকল সুবিধা বিনা ব্যয়ে করিয়া দেয়—পুস্তক বন্দাদি কিনিয়া দেয় বা ব্যবহার করিবার সুবিধা দেয়, তাহা হইলে বৃত্তিতাম যে, যথার্থ সকলকে সমান সুযোগ দেওয়া হইল—অল্পথা এই সমান সুযোগবাদ গরীব-ভুলানো ছলনা মাত্র। এই সমান সুযোগবাদ প্রচার করিয়া সকলকে প্রাথমিক শিক্ষা বিনা বেতন করিতে দিয়া (তাহাতে ধনী, বণিক বা পদস্থ প্রভৃদিগের বেতনভোগী দাসরা তাহাদিগের আত্মা প্রতিপালনে সম্যক সমর্থ হয় সুতরাং তাহাদিগেরই বিশেষ সুবিধা হয়) পাশ্চাত্যের রাষ্ট্রপরিচালকরা এই মিথ্যা স্তোকবাক দিয়া নিজেদের স্মরণপরতা জ্ঞাপন করিতেছেন—যুগে বলিতেছেন, সকলের সকল কর্ম করিবার সমান অধিকার—সকল কর্মেই অব্যাহত ঘাব—গরীবরা বড় হইতে পার না নিজের দোষে—ফলতঃ গরীবদিগের পক্ষে সকল ঘাবই প্রায় সম্পূর্ণ রুদ্ধ। মাত্র দশ বিশ জন বিশেষ অমুকুল ঘটনা সাহায্যে বা কোন ধনী বা পদস্থ লোকের সাহায্যে (যাহা পাওয়া যায়, তাহাদিগের কোন প্রকাণ্ড বা গুপ্ত উদ্দেশ্য সাধন করিয়া) ধনী বা পদস্থ হয়—তাহা দেখিয়া আমরা মুগ্ধ হই। দশ বিশ জন গরীব ঐরূপে ধনী বা বড় হওয়ার সমাজের কোন লাভ নাই বিশেষতঃ যখন দেখা যায়, তাহারা এমন কোন কার্য কর নাই, যাহা অল্প লোক করিতে পারিত না। অতি অল্পসংখ্যক লোকের আর্থিক অবস্থা অল্প লোকের পরিবর্তে উন্নত হইল বটে তাহাতে বহু সহস্রের জীবনের সম্ভাব ও শাস্তি নষ্ট হয়। আবও দেখা যায় যে, তাহারা ধনীদিগের সতিত মিশিয়া যায়—আত্মীয় গরীবদিগের সতিত বিচ্ছিন্ন হয়—সমাজে ধনের প্রভাবের অতিবৃদ্ধি হয়—বিলাসিতারও বৃদ্ধি হয়, তজ্জন্ম সাধারণ লোকের জীবনের সম্ভাব, শাস্তি ও স্বচ্ছন্দতা নষ্ট করা হয়। যে ঐরূপে বড় হয়, তাহারও জীবন বিশেষ সুখশাস্তিদায়ী হয় না। অবস্থা পরিবর্তনের সতিত আবেষ্টনেরও পরিবর্তন হয়—উহার সামঞ্জস্য সাধন কষ্টকর—আবার তিনি যে রূপ সামঞ্জস্য করিতে চাহেন তাহার স্বী-পুত্র-কন্যারা সেরূপ করিতে পারে না বা চাহে না—তজ্জন্ম পারিবারিক জীবনে বিশেষ অশান্তি হয়। তজ্জন্ম বাহার ঐরূপে অধিক দন বা মান পায়, তাহাদিগের নিজের পক্ষে তাহা বিশেষ গুণজনক হইল, তাহাও বলা যায় না—দিল্লীক লাড্ডু পাওয়ার মতই হয়।

পূর্ব-প্রবন্ধে বলা হইয়াছে যে, সকল কর্মে সকলের সমান সুযোগ দেওয়ার পাশ্চাত্যে ধনী ও বণিকরা প্রায় সকল ব্যবসা-



করেন। রাষ্ট্রশক্তিও তাহারা গ্রাস করিতেছে। সুতরাং মধ্যবিত্ত ও গরীবরা কেবল ধনীদিগের ও রাষ্ট্রশক্তির চাকরী করিতে পার। এই সকল চাকরীর উচ্চ কর্ম ওকালতী, ডাক্তারী, ইঞ্জিনিয়ারী আদি কর্তে উপযোগিতা অর্জন করা বহু ব্যয় ও সময়-সাপেক্ষ, সুতরাং মধ্যবিত্তরাই তাহা করিতে পার—দরিদ্ররা তাহা করিতে পার না। দরিদ্ররা তজ্জন্ত বংশগত ভাবেই দরিদ্র কার্যশ্রমিক থাকিয়া যায়—নির্বংশ হইয়া যায়—আর ধনী ও মধ্যবিত্তদিগের ভিতর বাহারা একবার দরিদ্র হইয়া যায়, তাহারাও বংশগতভাবে চিরকালের জন্ত দরিদ্র কার্যশ্রমিকভুক্ত হইয়া যায়—আর যখন চাকরী পাওয়া হুঁট হইয়, তখন রাজসরকারের সাহায্য ব্যতীত তাহারা বাঁচিতেই পারে না। এই কোটি কোটি দরিদ্রের ভিতর—বাহারা বংশাধিকৃত গুণ ও শক্তিতে মধ্যবিত্ত ও ধনীদিগের সমকক্ষ কত সহস্র সহস্র লোক কত উচ্চ করিবার উপযুক্ত শ্রেষ্ঠ গুণ লইয়া জন্মায়, অর্থ ও সুযোগ অভাবে সেই সকল গুণের বিকাশ হইতে পার না— তাহাদিগকে দরিদ্র কার্যশ্রমিকই থাকিয়া বাইতে হয়—তাহাতে তাহাদিগের কিরূপ অসুস্থদাঁহ হয়—কত মূর্খ নিগূর্ণ লোক কত উচ্চ কর্ম করে—ধনের বলে রাজনৈতিক সভার সভ্যও হয়, ইহা সমাজের পক্ষে কত অনিষ্টকর, তাহা সকলকে দেখিতে বলি। সকলের সকল কর্ম করিবার সমান সুযোগ থাকার ফলে কত অল্পসংখ্যক গরীব ধনী হইতে পার—তাহার তুলনায় কত অধিকসংখ্যক লোকের জীবিকার লাভ ধনীরা গ্রাস করিয়া বসে ও তাহাদিগকে বংশগত ভাবে কার্যশ্রমিক দাসভে পরিণত করে, তাহাদিগকে জীবন ভীষণ কষ্টকর করে, কত অধিকসংখ্যক দরিদ্রের সহান, তাহাদের অনেক উচ্চ কর্ম করিবার গুণ ও শক্তি থাকা সত্ত্বেও সে সকল কর্ম করিতে পার না, তাহা দেখিলে জাতিগত বৃত্তি নির্দেশের মঙ্গল নগণ্য মাত্র প্রতিপন্ন হয়। ইহার সুফল কত অধিক, পরে দেখান হইবে।

পাশ্চাত্য দেশসকল আমাদিগের তুলনায় বহু ধনী, তাহাদিগের অনেকের বিস্তৃত রাজস্ব, বৃহৎ বৃহৎ শিল্প কারখানা বাবসা-বাণিজ্য আছে। সেখানকার দরিদ্ররা বুদ্ধি ও শক্তিতে ধনী ও মধ্যবিত্তদিগের সমকক্ষ; সুতরাং সেখানকার কোটি কোটি দরিদ্রের ভিতর অল্পসংখ্যক লোক সময়ে সময়ে, দেশে ও বিদেশে অধিক ধনী বা মধ্যবিত্ত হইবার সুবিধা পায় বটে; কিন্তু আমরা পরাধীন, আমাদিগের বাণিজ্য পরহস্তগত, দেশও প্রায় লুপ্তশিল্প—যে সকল বৃহৎ শিল্প আছে, তাহাও আমাদিগের কর্তৃত্বাধীনে নয়। নিম্নজাতির অনেকই সভ্যতার বিভিন্ন স্তরের—তাহাদিগের বংশাধিকৃত শক্তি ও বুদ্ধি বিভিন্ন প্রকারের—সুতরাং এ দেশে সকল কর্তে সকলের সমানাধিকার থাকিলে দরিদ্র ও নিম্নজাতিদিগের কোন উন্নতির আশা নাই—লাভের ভিতর তাহাদিগের একচেটিয়া বৃত্তির লাভ ও তাহাদিগের ব্যক্তিগত স্বাধীনতা ধনী ও মধ্যবিত্তরা গ্রাস করিয়া তাহাদিগকে কার্যশ্রমিক দাসমাত্রে পরিণত করিবে এবং যখন দাসত্ব ছোটাও ভাঙ হইবে, তখন তাহাদিগের দুর্গতির একশেষ হইবে—অস্বাস্থ্যে মরিবে—দেশে সংক্রামক ব্যাধির বহু বিস্তার হইবে। পাশ্চাত্য দেশে যে সকল উপায়ে দরিদ্রদিগকে সাহায্যমান করা যায়—এই বিদেশে বাসমান লোক যে ব্যবস্থা আনে

সে উপায় এ দেশে অসম্ভব পরে দেখান হইবে—সম্পূর্ণ স্বাধীন হইলেও অসম্ভব।

দরিদ্র ও নিম্নজাতিদিগের উন্নতিকল্পে যে সকল উপায় অবলম্বিত হইতেছে, তাহার ভিতর রাজসরকারের চাকরীতে ও রাজনৈতিক সভার সভ্যের ভিতর একটা নির্দিষ্ট অংশ দেওয়া স্থির হইয়াছে। প্রথমতঃ দেখা যায়, রাজসরকারের চাকরীতে মাত্র শতকরা ২২টি প্রতিপালিত—তাহাও সৈনিক ও পুলিশ ও আবগারী ও তাহাদিগের দ্বারা প্রতিপালিত স্ত্রী-পুত্র-কন্যা লইয়া—সুতরাং তাহা ৪ কোটি ৭০ লক্ষ লোকের ভিতর বিতরিত হইলে অতি অল্পসংখ্যক নিম্নজাতীয়দিগের সুবিধা হইতে পারে। কতক ইংরেজি শিক্ষিত না হইলে রাজসরকারের চাকরীর সুবিধা হয় না—তাহাদিগের শতকরা ৯৮ অশিক্ষিত—নিরক্ষর। বাকী ২টি চাকরীর উমেদার হইবার যোগা। এই রাজসরকারের চাকরী ও রাজনৈতিক সভার সভ্য লইয়াই ইতিমধ্যে হিন্দু-মুসলমান বিদ্বেষ ও বিরোধ (শিখ ও মুসলমান বিরোধ—প্রাদেশিক বিদ্বেষ) শিক্ষিত সম্প্রদায়ের ভিতর উদ্ভিত হইয়াছে ও তাহাদিগেরই গুণ্ড প্ররোচনায় অশিক্ষিত ও অল্পশিক্ষিত সম্প্রদায়ের ভিতর উত্তরোত্তর প্রজ্জলিত হইতেছে। এই চাকরী পাওয়ার বৈশিষ্ট্যে ক্রমে হিন্দুদিগের গুণ উচ্চ ও নিম্নজাতিদিগের ভিতর নয়—বিভিন্ন সম্প্রদায়ের নিম্ন জাতিদিগের ভিতরও প্রজ্জলিত হইয়া উঠিবে—তাহার সূত্রপাতও হইয়াছে।

এই চাকরী ও ওকালতী, ডাক্তারী, এঞ্জিনিয়ারী ইত্যাদি (যাহাতে মাত্র শতকরা ২টি লোক—তাহাদিগের প্রতিপাল্য লইয়া আছে) এখন অনেক অবস্থাপন্ন বৈষ্ণ, শূদ্র জাতীয়তা অবলম্বন করিতেছেন—মুসলমানরাও করিতেছেন, তজ্জন্ত উচ্চশ্রেণীভুক্ত হিন্দুরা ইতিমধ্যেই নিম্নজাতিভুক্তদিগের বৃত্তি অবলম্বন করিয়া তাহার লাভ ভোগ করিতেছেন—কামার, পোটা, গয়লা, ধোপা, কুস্তকার, মুচির কার্য করিতেছেন—শীঘ্রই বাধা হইয়া পূর্ণভাবে গ্রাস করিবে—সুতরাং দশ বিশ জন আশ্বেদকরের মতন লোক ব্যতীত সকল নিম্নজাতিদিগের ভীষণ দুর্গতি অবশ্যস্তাবী। এই দুই দশ জনের অবস্থা উন্নত দেখিয়া আরও অধিক-সংখ্যক লোক জাতীয় ব্যবসা পরিত্যাগ করিয়া—সাধ্যতিরিক্ত বিলাসিতায় অভ্যস্ত হইয়া—ঐ সকল কর্ম করিবার উপযোগিতা অর্জন করিতে বাইবে ও উমেদার-সংখ্যা বাড়াইয়া জীবনের সমস্তোষ বা শাস্তি হারাইবে মাত্র। ঐ সকল জাতিভুক্ত বাহাদিগের পিতা, পিতামহ ভদ্রজাতিভোগ্য গোলামীগিরি ও ওকালতী, ডাক্তারী ইত্যাদি কার্য করিয়াছিলেন, তাহারা প্রায় সকলেই তাহাদিগের আত্মীয়-কুটুম্বদিগের সহিত বিভিন্ন মনোভাবগ্ৰস্ত হইয়া বিচ্ছিন্ন হইয়াছেন—জাতিগত ব্যবসা করিতে অপারগ হইয়াছেন—তাহাদিগের এখন ঐকুপ চাকরী আদি কর্ম করিতে না পাওয়ার জীবন বিশেষ কষ্টকর হইয়াছে! আর সেই সকল জাতীয় বৃত্তিতে বুদ্ধিমান বিধান লোকাভাবে তাহার কোন উন্নতি হইতে পাইতেছে না—অন্ত প্রদেশবাসীরাও গ্রাস করিয়া প্রভূত ধনোপার্জনও করিতেছে।

ইচ্ছানুযায়ী কর্ম করিতে দেওয়া হয় বলিয়া—এই মৌখিক সমান সুযোগবাদের জন্ত কত কোটি কোটি লোকের জীবন কিরূপ সঙ্কোচ, স্বচ্ছন্দতা ও শক্তিহীন করা হইতেছে



তাহা আমরা দেখি না। কৈশোর ও যৌবনে সকলেরই অনেক উচ্চ আশা থাকে—সকলেই নিজেকে যথেষ্ট বুদ্ধিমান মনে করে—তৎকালে ধন, মান, রূপ ইত্যাদি ভোগ্যবস্তুর মোহ প্রবল থাকে—সামসারিক অভিজ্ঞতা অল্প থাকে—নিজের নিজের শক্তির সীমা ও আবেষ্টনের প্রভাব সম্বন্ধে জ্ঞান অল্পই থাকে—তৎকাল অধিকাংশ তরুণ বে সকল কার্যে তৎকালে অধিক ধন ও মাল্য লোকেবা পার দেখে, তাহাই করিতে যায়। সে কর্ম করিতে বে মানসিক বা শারীরিক শক্তির আবশ্যিক, তাহা পূর্বে হইতে জানা প্রায় অসম্ভব। তৎকাল অধিকাংশ তরুণদিগের উচ্চ আশা অনুসরণ যবীচিকা অনুসরণের জায়গাই হয়—সেই আশা অনুসরণ করিতে গিয়া সহজলভ্য, অর্থোপায়, সম্ভাব ও শাস্তি উপেক্ষা করে—অধিকাংশকেই পরে বিফলতার হুঃখ, কষ্ট ভোগ করিতে হয়—কতক পরিমাণ সাফল্য ও জীবনে সম্ভাব ও শাস্তি থাকে না—অনেকেরই জীবন বিফল হয়। বহু কোটির ভিতর এক জন রামক্লে ম্যাকডোনাল্ড হইয়াছে—কত লক্ষ লোক ঐরূপ হইবার আশা হৃদয়ে পোষণ করিয়া প্রাণপণ চেষ্টা করে, কত যত্ন সাধিয়া বক্তৃত মুখস্থ করে—হৃদয়ের কোমল বৃত্তি কিরূপ বলি দিতে হয়—তৎকাল কত লোকেব হৃদয়ে শেল বিদ্ধ করা হয়, পরে বিফলতার হুঃখ হৃদয়ের অন্তঃস্থলে গোপন করিয়া জীবনই অশান্তিগ্রস্ত করে, তাহা কে দেখে? দুই দশ জন ঐরূপ সাফল্যলাভ করার ফলে লক্ষ লক্ষ লোকের জীবন অশান্তিগ্রস্ত ও সম্ভাবহীন করা হয়, তাহা আমরা দেখি না, তাহা ত সমাজের পক্ষে বাহনীয় নয়। তাহার উপর যখন দেখা যায় যে, বাবকে ম্যাকডোনাল্ডও এমন কোন কার্য করেন নাই—যাহা অল্প লোকে করিতে পারিত না; সুতরাং তাহার উচ্চপদ লাভে দেশের কোন উপকারই হইল না। আর দেখা যায় যে, ঐরূপ উচ্চপদ পাইবার নিমিত্ত বা তাহাতে প্রতিষ্ঠিত থাকিবার জন্য তাহার আজীবনের মত পরিবর্তন করিতে হইল—তাহাতে কি তিনি সুখী হইতে পারিয়াছেন? যে অবস্থায় যাহার জন্ম, তদপেক্ষা বহু ধনী বা বহু উচ্চপদ পাইতে হইলে এইরূপ মতপরিবর্তন ও অধিকাংশ স্থলেই করিতে লোকে বাধ্য হয় ও অনেক অন্য় কার্যও করিতে হয়।

আর দেখা যায়, যে সকল কার্যে অধিক ধন বা মাল্য লোকে পায়, তাহাতেই অত্যধিক লোক নিযুক্ত হয়—অপর কার্যে লোকান্তর হয়! যে সকল কার্যে অত্যধিক লোক যায়—সেখানেই তৎকার্যে নিযুক্ত লোকদিগের জীবন কষ্টকর হয় এবং বাহারা সেই সেই কর্মের উপযুক্ত, তাহারাও অর্থাভাবে বা অল্প সুবিধার অভাবে সে কর্ম করিতে পায় না। সকলেই শুনিয়াছেন, বিখ্যাত লর্ড সিংহ কয়েক বৎসর ব্যারিষ্টারী করার পর মুন্সেফীর প্রার্থী হইয়াছিলেন। তাহার ভাগ্যবলে তাহা তৎকালে পান নাই। আরও কিছুদিন ব্যারিষ্টারী করিবার অবধি তাহার ছিল ও এইরূপ কি ব্যারিষ্টারীতে, কি ওকালতীতে, কি ডাক্তারীতে, কি এঞ্জিনীয়ারীতে, কি কেরানীপিরিতে অত্যধিক-স্বাধ্যক লোক হইয়াছে, তাহারা ঐ সকল কর্ম করিবার জন্য কত সময়, শক্তি ও অর্থকর করে—কত বিশেষ উপযুক্ত লোক ঐ কার্যে প্রতিযোগিতার ঠেলায় সেই সকল কর্ম করিবার সুযোগ

কত অধিক, কত অল্পযুক্ত লোকও খোসামুদি বা অল্প অন্য় উপায় অবলম্বনে বড় হয়। উপযুক্ত লোকরা তাহাতে কিরণ মর্দ্রাচত হয়, অবশেষে বিফলতার হুঃখ ও কষ্ট অল্পভব করে—লোকের কাছে অকিঞ্চিৎকর বলিয়া গণ্য হয়, সামাজ্য সাফল্যও জীবনের শাস্তি ও সম্ভাব নষ্ট হয়, তাহা আমরা দেখি না। লোকের ইচ্ছানুযায়ী কর্ম করিতে দিলে,—সকল কর্মে অবাধ প্রতিযোগিতা থাকার ইহা অবশ্যস্বাভাবী ফল,—আমরা তাহা বুঝি না, কেবল দুই দশ জনের আর্থিক সাফল্য দেখিয়াই মুগ্ধ হই।

বঙ্গালা দেশ হইতে ইংরেজ রাজত্বের উদ্ভব হইয়াছে ও ক্রমে সর্বত্র বিস্তৃত হইয়াছে। বঙ্গালীরাই প্রথমে ইংরেজি শিখিয়া তাহাদিগের চাকরীতে চুক্তি করাছে, তাহাদিগের সচিত অন্য় প্রদেশে গিয়া ইংরেজের চাকরী করিয়া তাহাদিগের রাজত্ব প্রতিষ্ঠিত করিয়াছে। আমরা যদি ইংরেজি না শিখিতাম ও চাকরী না করিতাম, ইংরেজ রাজত্ব হওয়াই অসম্ভব হইত, কখনই সুপ্রতিষ্ঠিত হইতে পারিত না। বাহারা ইংরেজি শিখিয়া চাকরী করিত, তাহাতে তাহারা বঙ্গালায় ও অন্য় প্রদেশে জাঘা ও অন্য় উপায়ে প্রচুত অর্থোপাঞ্জন বিবিত, মাল্যও পাইত। কার্যদিগের স্বজাতীয়বৃত্তি ঐ রাজসরকাবের চাকরী করা। যে সকল ক্ষত্রিয় পূর্বে রাজ্য পরিচালন উচ্চ অ-সামসারিক কার্য করিত, তাহাবাই কালক্রমে কার্য বলিয়া পরিচিত হইয়াছে এবং তাহাবাই প্রথমে অধিকাংশ চাকরী করিত। অনেক ব্রাহ্মণের জমি বাজেয়াপ্ত হওয়ার ব্রাহ্মণ দিগের অতিশয় উদ্বেগ হয়, তৎকাল তাহারাও বধ্য হইয়া ইংরেজ দিগেব চাকরীতে চুক্তিতে লাগিল ও তদ্বারা অর্থোপাঞ্জন ও মাল্য পাইতে লাগিল—যদিও একপে অর্থোপাঞ্জন হয় বলিয়া গণ্য ছিল। তৎকালে বোগাধিক্য না থাকায় বৈজ্ঞানিকের অবস্থা অতিশয় মন্দ ছিল, তাহারাও ইংরেজি শিখিয়া চাকরীতে চুক্তিতে লাগিল। ও দিকে আমরা পরাধীন বলিয়া ও যন্ত্র-সাহায্যে নিশ্চিত শিল্পের সচিত অবাধপ্রতিযোগিতায় আমাদিগের স্বজাতীয় শিল্প ধ্বংস হইতে লাগিল। ঐ সকল শিল্পে নিযুক্ত লোকদিগের হৃদশা হইতে লাগিল। উচ্চ জাতিদিগের অবস্থা ইংরেজি শিক্ষার নিমিত্ত চাকরী আদি পাওয়ার কতক উন্নত দেখিয়া বৈশ্ব-শুদ্রাও ইংরেজি শিখিতে লাগিল, চাকরী আদি বৃত্তি অবলম্বন করিতে লাগিল। তৎসঙ্গে ইংরেজি শিক্ষিত সকলেই অন্য়ধিক পরিমাণে পাশ্চাত্য প্রভাবগ্রস্ত হইতে লাগিল, তাহাদিগেব মত ভোগবিলাসপ্রবণও হইতে লাগিল, ব্যক্তিতাত্ত্বিকতার প্রভাবও বাড়িল—যৌথ-পরিবার প্রথাও ভাঙিল—জাতিগত সমাজ-শাসন, সামাজিক বিধি-নিষেধের প্রতি অবজ্ঞা প্রকাশ করিয়া স্বাধীন মনোবৃত্তির পরিচয় দিয়া ক্ষীণবক্ষঃও হইল দেশের হৃদশাবৃত্তির সহায়তাও করিল। বাহাদিগের জাতীয় ব্যবস ঐরূপে নষ্ট হইল, বাহারা ভ্রোচিৎ গোলামীগিরি করিয়া মাল্য গণ্য হইল, তাহারা তখন বলিতে আরম্ভ করিল, কতকটা পাশ্চাত্যদিগেব কথার প্রতিধ্বনিত, যে জাতিতেদ প্রথার নিয়মজাতিদিগকে উচ্চ কর্ম করিতে না দেওয়ার নিমিত্ত—তাহাদিগকে লেখা-পড়া না শিখিতে দেওয়ার নিমিত্তই উহাদিগের হৃদশা হইয়াছে, উহা ব্রাহ্মণদিগের অত্যাচার। কেহ তৎকালে দেখিল না যে, আমাদিগের দেশের ও তাহাদিগের হৃদশায় মূল কারণই অবাধপ্রতিযোগিতায় আমাদিগের শিল্পধ্বংস হওয়া ও তৎসঙ্গে যৌথপরিবার ভাঙা ও পাশ্চাত্য অন্য়করণে

বলিয়া তাহা আমাদের খন দোহন করিতেছে ও দুর্দশা হইতেছে। শিক্ষিত সম্প্রদায় সাম্যবাদের মোহে জাতিভেদ প্রথার বিরোধী হইয়াছেন। ইহার উদ্দেশ্য কি—ইহার সুফল কত অধিক, ইহা বিশেষতঃ এ দেশে কত একান্ত আবশ্যিক, কেহ দেখিল না—বুঝিবার চেষ্টাও করিল না। অল্প কোন দেশে এ প্রথা নাই, সুতরাং ইহা অজ্ঞান ও নিম্নজাতিদিগের প্রতি অত্যাচার, ইহা স্বতঃসিদ্ধ সত্যের মত স্বীকৃত হইতেছে এবং শুধু তাহাই নহে, এ দেশেই জাতিভেদ-প্রথা আছে, এ দেশ প্রায় সহস্র বৎসর পরাধীন, সুতরাং ইহাই আমাদের পরাধীনতার কারণ, সুতরাং অনেকে ইহাই ভাঙ্গিতে বন্ধপরিকর হইয়াছেন।

অল্পলোকই দেখিতেছেন যে, জাতিভেদপ্রথা যদি আমাদের জাতীয় পরাধীনতার কারণ হয়, তাহা হইলে এই প্রথা থাকা সত্ত্বেও আমরা বহু সহস্র বৎসর ধরিয়া কখনই সভ্যতার স্বীর্ঘস্থান অধিকার করিয়া থাকিতে পারিতাম না। জাতিভেদ-প্রথার সর্বোচ্চ জাতি ব্রাহ্মণদিগের জীবিকা নির্দিষ্ট বৃত্তি পবের দান ও ভিক্ষামাত্র। পূর্বে দেখান হইয়াছে যে, এখনও রাজ-সরকারের চাকরীতে সবে শতকরা ২৫টিরও (অল্পলোক সৈনিক ও পুলিশ ও তাহাদিগের প্রতিপাল্য লইয়া, প্রতিপালিত হয়—পুরাকালে ঐ বৃত্তিতে তাহার দশম বা চতুর্থ অংশ মাত্র প্রতিপালিত হইতে পারিত। আরও ধনোপার্জনের সকল শ্রেষ্ঠ উপায়গুলি—ব্যবসা-বাণিজ্য, শিল্প ও কৃষি নিম্নজাতিদিগের জন্য নির্দিষ্ট—সুতরাং এই প্রথা নিম্নজাতিদিগের প্রতি ব্রাহ্মণদিগের বা উচ্চ জাতিদিগের নিম্নজাতিদিগের প্রতি অত্যাচার, একথা উঠিতেই পারে না,—পাশ্চাত্যের সখের গোলামরাই কেবল একথা বলিতে পারেন। সভ্যতার বহু ভিন্নস্তরের বহুজাতি সমাবিষ্ট ভারতে জাতিভেদ-প্রথা ও জাতিগত বৃত্তিনির্দেশই নানা নিম্নজাতিদিগকে স্বচ্ছন্দে বাঁচাইয়া রাখিবার সর্বত্র সমদর্শী সেকালের শ্রেষ্ঠ মনীষীগণের দ্বারা উদ্ভাবিত শ্রেষ্ঠ উপায়, এবং শুধু তাহাই নহে, বাহাতে কোনকালে অধিক দরিদ্র ও বেকার না হয়, তাহারও পূর্ক হইতে স্থায়ী বন্দোবস্ত (Economic planning) ইহার ও যৌথ পরিবার-প্রথার দ্বারা করা হইয়াছিল। এইরূপ সামাজিক গঠনের আশ্রয়ে বহু সহস্র বৎসর ধরিয়া পরাধীনতা ও অরাজকতা সত্ত্বেও আমরা স্বচ্ছন্দে বাঁচিয়াছিলাম। কোন কালে বেকার, দারিদ্র্য ও নারী-সমস্যা পাশ্চাত্য দেশের ন্যায় ভীষণ হয় নাই—ভারতীয় সভ্যতার অতুলনীয় সঞ্জীবনী শক্তি এই সমাজগঠনেই নিহিত আছে—ইহা উপনিষদ ও গীতারই মত, ভারতের প্রাচীন মনীষিগণের অতুলকীর্তি ও ঐ দর্শনশাস্ত্রে উক্ত মতবাদেরই অভিব্যক্তি। আমরা তাহাদিগের কৃতধ্ব দুঃসন্তান বলিয়া পাশ্চাত্যের মৌখিক সাম্যবাদে বিভ্রান্ত হইয়া তাহার নিন্দা করি ও তাহা ভাঙ্গিতেছি।

প্রায় সকল পাশ্চাত্যদেশেই এক ধাঁচের (homogenous) লোকের বাস। সেখানেও ধনোপার্জন ও ধনরক্ষণে অকুশল ব্যক্তিদিগের কত দুর্দশা হইয়াছে—বেকার-সমস্যা-পূরণ কত অধিক ব্যয়-সাপেক্ষ হইয়াছে—অধিকাংশ লোকই ধনীদিগের দাসত্বে নীত হইয়াছে—নারী-সমস্যা-পূরণ প্রায় অসাধ্য হইয়াছে। ধনী ও শ্রমিক, বিরোধ ও বিবেক বিরূপ বাড়িতেছে, তাহা সকলকে দেখিতে বসি। সুতরাং সভ্যতার বহু বিভিন্ন স্তরের বহু জাতি

সমাবিষ্ট ভারতে, জাতিগত নির্দিষ্ট বৃত্তি না থাকিলে, সকল লোককে তাহাদিগের ইচ্ছামত সকল কর্ম করিতে দিলে এই সকল নিম্নজাতি-দিগের, অল্পবুদ্ধি লোকদিগের—গরীবদিগের অতি ভীষণ দুর্গতি অবগুস্তাবী, তাহা আমাদের সাম্যবাদমোহগ্রস্ত সংস্কারকরা দেখেন না। এই জগুই পাশ্চাত্যে যেখানে কেবল ধনের প্রভেদ সমাজের শ্রেণীনির্দেশক, সেখানে বণিক ও শ্রমিকবিষয়ে ক্রমাগতই বাড়িতেছে। সাম্যবাদভিত্তিতে এ দেশে সমাজগঠন হইলে শুধু যে দারিদ্র্য-সমস্যা ও নারী-সমস্যা পূরণ এ গরীব পরাধীন দেশে অসাধ্য হইবে, তাহা নহে, নানা বিভিন্ন সম্প্রদায়ের ভিত্তর ভীষণ অন্তর্দ্রোহ ভারতের অভীপ্সিত একতা সুদূর-পর্যন্ত করিবে, তেমনি নিম্নশ্রেণীর জাতিদিগের ও সকল দরিদ্রের এ দেশে এখন শতকরা ৯৯ জন দরিদ্র দুর্গতির একশেষ হইবে, অল্পাভাবে মরিবে—সংক্রামক ব্যাধির ভীষণ বৃদ্ধি হইবে।

রাজসরকারের চাকরী আদি এখন দুপ্রাপ্য হওয়ায় ও তাহাতে অল্প লোক অধিক উপার্জন করিতে পার দেখিয়া এখন এই সকল উচ্চ জাতি তথাকথিত 'অত্যাচারিত' নিম্ন-জাতিদিগের একচেটিয়া বৃত্তি অবলম্বন করিতেছেন, তাহাতে অধিক অর্থোপার্জনও করিতেছেন। আমরা ইংরেজি শিক্ষিয়া পাশ্চাত্য ভাবগ্রস্ত হওয়ার ফলে অধিক ভোগপ্রবণ, শারীরিক কষ্ট অসহিষ্ণু ও শ্রমবিমুখ হইয়াছি বলিয়া, ব্যবসায়ী ও শিল্পজাতি-দিগের দ্বারা বৃদ্ধিমান, বিদ্বান ও ধনবান, তাহার চাকরী আদি কার্য করিতে যাওয়ায়, ঐ সকল কার্যে বৃদ্ধিমান লোকাভাবে কোন উন্নতি হইতে পাইতেছে না ও যাগ আছে, তাহাও অল্প প্রদেশবাসীদিগের, হস্তে চলিয়া বাইতেছে; সুতরাং বৃদ্ধি ও পাণ্ডিত্যভিমानी অধিকতর পাশ্চাত্যভাবগ্রস্ত বাঙ্গালীরা বেকারসংখ্যা বাড়াইতেছেন, অনেকেই ইতিমধ্যেই সভ্যসমাজোচিত গর্ভনিরোধপ্রথা, জগহত্যা, জারজসন্তান ত্যাগ, আত্মহত্যাও করিতেছেন। দেশের ব্যবসা শিল্প (কৃষিও) ঐরূপে কতক উচ্চজাতিদিগের, অধিকাংশই অল্প প্রদেশবাসীদিগের, হস্তে চলিয়া যাইবে—তখন নিম্নজাতিভুক্ত প্রায় সকলেই পাশ্চাত্য দেশের ন্যায় কায়শ্রমিক দাস মাত্র হইবে। যখন দাসত্ব ছোটাও ভাং হইবে, তখনই অধিকাংশের ভীষণ দুর্দশা হইবে—বেকার-সমস্যা পূরণ করা আমাদের অসাধ্য হইবে—অল্পাভাবে মরিবে—দেশ নানা ব্যাধিতে প্রাবিত হইবে—ইতিমধ্যেই অনেক নতুন ব্যাধি এ দেশে বহুমূল হইয়াছে। অল্পসংখ্যক শিক্ষিত সম্প্রদায়ের বেকার-সমস্যা এখনই এত গুরু হইয়াছে যে, তাহাই পূরণ করা দুঃসাধ্য হইয়াছে—শিক্ষার আমূল পরিবর্তন করা বিধেয় অনেকেই বলিতেছেন—এখনও কোন সুনিশ্চিত পন্থা কেহই দেখাইতে পারেন নাই। তাহার উপর অল্পদিনেই নিম্নজাতিদিগের নির্দিষ্ট বৃত্তির লাভ ধনী ও বণিক ও উচ্চজাতিরা যখন গ্রাস করিবে—অবাধ প্রতিযোগিতায় করিবেই—তখন যে বেকার-সমস্যা পূরণ, দরিদ্রদিগকে বাঁচাইয়া রাখাই যে অসম্ভব, তাহা অল্পলোকেই দেখিতেছেন।

সকল কর্মে সকলের সমান সুযোগ থাকার ফলে সাম্যবাদ মোহ-গ্রস্ততার বহু ধনী পাশ্চাত্য দেশসমূহের বেকার-সমস্যা বিরূপ হইয়াছে, তাহা সকলকে দেখিতে বসি। পৃথিবীর সর্বোপেক্ষা শ্রেষ্ঠ ধনী দেশ আমেরিকার যুক্তরাষ্ট্রে ১১ কোটি লোকের ভিতর

এখন প্রায় ২০ লক্ষ লোক বেকার। তাহাদিগের সাহায্য দানে কত অর্থ কোটি টাকা ব্যয় হইতেছে। ইংলণ্ড বাহা ধনাধিকো পৃথিবীতে দ্বিতীয় স্থান অধিকার করে ও বাহার রাজস্ব পৃথিবীব্যাপ্ত — বাহাতে লুখা কপনও অস্ত্র যায় না, সেখানেও কিছুদিন পূর্বে তাহার ৪ কোটি ৫০ লক্ষ লোকের ভিতর ৩৫ লক্ষ লোক বেকার ছিল। অটোমোবিল ও অন্যান্য উপায় অবলম্বন করিয়া এখনও প্রায় ২২ লক্ষ লোক বেকার—তাহাদিগের সাহায্য দানে প্রায় ২৬ হইতে ৩০ কোটি টাকা ব্যয় করিতেছেন। সুতরাং বাঙ্গালাতে বাহাতে ৪ কোটি ৬০ লক্ষ লোকের বাস—যেখানে পাশ্চাত্যের তুলনায় শিল্প, বাণিজ্য নাই বলিলেই হয়, সেখানে অন্ততঃ ২০ লক্ষ লোককেও সাহায্য দান আবশ্যিক। জেলের প্রত্যেক কয়েদীদিগের জন্য মাসিক ৭ টাকা ব্যয় হয়—এই বেকারদিগের শুধু খ্রাসাচ্ছাদনের জন্য মাসিক ৩ টাকাও ব্যয় করিলে বাৎসরিক ৭ কোটি ২০ লক্ষ টাকা ব্যয় হয়—তাহার উপর তাহাদিগের বসবাস, চিকিৎসা, শিক্ষার জন্যও ব্যয় আবশ্যিক, এই টাকা কোথা হইতে আসিবে? বাঙ্গালার মোট রাজস্ব ১১ কোটি টাকা মাত্র (পাটের টেক্সের কতক অংশ বাঙ্গালা পাওয়ার ঠিক এখন কত হইয়াছে, জানি না)। বাঙ্গালার দশশালার বন্দোবস্ত তুলিয়া দিলে মাত্র এক কোটি টাকা রাজস্ব বৃদ্ধি হইতে পারে—ইহা রাজস্বসচিব সার প্রভাসচন্দ্র মিত্রের সাইমন কমিশনের সম্মুখে সাক্ষাৎকারে প্রকাশ আছে—জমিদারদিগের উপর ঘোর অত্যাচারও আছে এবং এই টাকা রাজস্বকাবের হস্তে চলিয়া যাইবে—তৎক্ষণ অর্থাভাবে দেশের কোন শিল্পোন্নতি হওয়াও অসম্ভব হইবে। ভারতের বর্তমান রাজস্বসচিব গিগ, সাহেব কিছুদিন পূর্বে রাজনৈতিক সভায় স্বীকার করিয়াছেন যে, ভারতের টেক্সতার অত্যধিক। বাঙ্গালার ত শতকরা একটা বা সওয়া একটিমাত্র লোকের মাসিক আয় এক শত টাকা আছে; সুতরাং নূতন টেক্স স্থাপন করিয়া অধিক অর্থাগমের সম্ভাবনা নাই; সুতরাং এই সকল লোক অর্থাভাবে মরিবে—নানা ব্যাধি বৃদ্ধিও হইবে—চুরি-ডাকাতিও বাড়িবে, কতক টেক্স বৃদ্ধিও অনিবার্য। একে ত যে টেক্স আছে, তাহাতেই লোকের প্রাণান্ত ও তাহার উপর নূতন টেক্সের ঠেলায় অস্থির হইতে হইবে।

অগাধ ধনী পাশ্চাত্য দেশসমূহ তাহাদিগের এত শিল্প-বাণিজ্য থাকা সত্ত্বেও সেখানে এত টাকা ব্যয় করিয়াও ত এত লোকের বেকার থাকা বন্ধ করিতে পারিতেছেন না। আমেরিকার যুক্তপ্রদেশে এত প্রচুর আহাৰ্য্য ও অনেক আবশ্যিক দ্রব্যাদি হয় যে, অনেক সময়ে তাহা পোড়াইয়া দেওয়াও হয়, তাহা না হইলে ঐ সকল দ্রব্যের দর এত কম হয় যে, তাহাতে লোকমান হয়—অর্থাৎ এত বেকার হইয়াছে যে, সাহায্য দান ব্যতিরেকে তাহারা অর্থাভাবে মরে। তাহা হইতে প্রমাণ হয় যে, প্রথম দ্রব্য উৎপাদনকার্য্যে অবাধ প্রতিযোগিতা থাকায় কতক কার্য্যে অধিক লোক গিয়াছে ও দ্রব্য প্রস্তুত করণের আবশ্যিক ভূমি ও স্থানিক সকল অল্পসংখ্যক লোক গ্রাস করিয়া বসিয়াছে—সিক বেমন কান্সালী বিদায়কালীন প্রভূত আহাৰ্য্য সংগ্রহ করিয়া তাহা বাটওয়ারা না করিয়া কান্সালীগণকে যদি তাহা লইতে ছাড়িয়া দেওয়া হয়,—বাহারা শক্তিশালী, তাহারা অধিকাংশ দ্রব্য লয়, কাড়াকাড়ির মুখে অনেকে চাপা পড়ে, অনেকে কিছুই পায় না, প্রভূত ধনী পাশ্চাত্যে তাহাই হইতেছে। প্রজন্মের

ভিতর যে যেখানে শারীরিক শক্তিশালী বাহারা, তাহারা অধিক আহাৰ্য্যাদি কাড়িয়া লয়, এক্ষেত্রে বাহা বা ধনোপার্জন ও ধনরক্ষণ-কুশল, তাহা লুখা উপায়ে হটক বা অলুখা উপায়েই হটক, তাহারা দেশের ধন অধিকার করিয়া বসে। এই ধনোপার্জন ও ধনরক্ষণ কুশলতা কোন উচ্চ অঙ্গের গুণের উপর নির্ভর করে না। অনেক অল্পবুদ্ধি ও নীচাশয় ব্যক্তিরও সেই গুণ থাকে। অনেক শ্রেষ্ঠ বিদ্বান, বুদ্ধিমান লোকও ধনোপার্জন করিতে পারে না দেখা যায়; সুতরাং এইরূপ লোকের ধনাধিক্য সমাজের পক্ষে বিশেষ অমঙ্গলজনক। ভারতে জাতিভেদ প্রথা ও জাতিগত বৃত্তি নির্দেশে এই সকল দোষ নিবারিত হইতেছিল, ইহাই আমাদের Economic planning, পাশ্চাত্যরা বহু অর্থ ব্যয় করিয়া, বাহা করিবার আমাদের শক্তি নাই, কেবল দুঃস্থ বেকারদিগকে খ্রাসাচ্ছাদন দিতেছেন, কিন্তু ঐ তুল সাম্যবাদের উপর প্রতিষ্ঠিত সকল কর্ত্তে সকলের সমান সুযোগ ও অবাধ প্রতিযোগিতা থাকার নিমিত্ত পাশ্চাত্যের প্রভূত ধন ও আহাৰ্য্যাদি থাকা সত্ত্বেও অত্যধিক বেকার ও দুঃস্থ জন্মাইতেছে, পূর্বে হইতে বন্দোবস্ত ব্যতিরেকে চিরকালই জন্মাইবে। কসিয়া বাতীত কোথাও কোন সুচিন্তিত বন্দোবস্তই নাই। শিল্প-শিক্ষাদি দিয়া তাহা করিবার চেষ্টা করা হইতেছে, কলভেন্ট ও হিটলার অনেক নূতন নূতন উপায় অবলম্বন করিতেছেন, কিন্তু কৃতকার্য্য হইবার কোন চিহ্নও দেখা যাইতেছে না—যদিও তাঁহাদের জয়ডঙ্কা বাজাইবার লোকের অভাব নাই। কস্যার লোকদিগকে রাষ্ট্রশক্তি-পরিচালকদিগের ছকুম অনুযায়ী কার্য্য করিতে হয় অর্থাৎ অবাধ প্রতিযোগিতা বন্ধ ও ইচ্ছানুযায়ী কৰ্ম্ম করিবার স্বাধীনতা লোপ করা হইয়াছে। এখন রাষ্ট্রপরিচালক দিগের তাত্ক্ষণিক ইচ্ছা অনুযায়ী কার্য্য হইতেছে—তাহাদিগের ভুলের, পক্ষপাতিত্বের ও অজ্ঞানের দুঃখকষ্ট সকলকে ভোগ করিতে হইতেছে, ব্যক্তিগত স্বাধীনতার লোপ হইয়াছে, রাষ্ট্রপরিচালক ও তাহাদিগের মত পরিবর্তনের সহিত লোকের জীবিকা ও জীবনের কার্য্যেরও পরিবর্তন হইতেছে। একপ অবস্থার বেকার লোকদিগের উপযোগিতা ও ব্যক্তিগত সামর্থ্যের ও অন্তরস্থ ইচ্ছার অনুযায়ী কার্য্যে নিযুক্ত হওয়া অসম্ভব, সুতরাং লোকদিগের স্বচ্ছন্দতাও অসম্ভব, এ পর্য্যন্ত কোন প্রায়ী বন্দোবস্তও হয় নাই। তাহার উপর আমাদের মনে রাখিতে হইবে যে, আমরা স্বাধীন নই—ইংরেজেরা পুরাকালের হিন্দু রাজাদিগের মত তাহাদিগের পালনপুত্র ইংরেজীশিক্ষিত সম্প্রদায়ের হস্তে রাজ্য-শাসনভার দিয়া চলিয়া যাইবার কোন বন্দোবস্ত ত করেন নাই—সুতরাং অল্প পাশ্চাত্য দেশে বাহা হইতেছে, তাহা করিবার আশা বা চেষ্টা করাই বৃথা সময় ও শক্তিক্ষয় মাত্র।

আজকাল মহাত্মা গান্ধী সমাজের নিম্নতম শ্রেণীর উন্নতিবিধানে বিশেষ চেষ্টা হইয়াছেন,—হিন্দু সমাজ তাহাদিগের প্রতি ঘোর অত্যাচার করিয়া আসিয়াছে, তাহা প্রচারিত হইয়াছে। তাহাদিগকে প্রাথমিক শিক্ষা দিবার ব্যবস্থা হইতেছে, তাহাদিগকে একই বিদ্যালয়ে অল্প জাতিদিগের সহিত শিক্ষাদান দেওয়া বাঞ্ছনীয় অনেকে বলেন—সকল মন্দিরে প্রবেশাধিকার দিতে চাহেন। কিন্তু আমাদের মনে রাখিতে হইবে যে, তাহারা সচরাচর অতিশয় অপরিষ্কার, পরিষ্কার থাকার শক্তি ও স্মৃতিশক্তি নাই—ইচ্ছাও নাই



এবং তাহাদিগের বুদ্ধি অত্যন্ত অল্প। সুতরাং অল্প জাতীয় বালক-বালিকারা তাহাদিগের অপরিচ্ছন্নতা ও অল্পবুদ্ধির জন্ত তাহাদিগের প্রতি অবজ্ঞা প্রকাশ করিবে—অল্প জাতিভুক্তদিগের দেখাদেখি সাধাতিরিক্ত বস্ত্রাদি পরিবার ও অল্প ভোগ ইচ্ছা উদ্দীপিত করা হইবে, জাতীয় ব্যবসা করিতে লজ্জা বোধ করিবে—অথচ যে বিজ্ঞা তাহারা অর্জন করিবে, তাহাতে অল্প উপায়ে অধিক অর্থোপার্জননের কোন সুবিধাই হয় না—হইবেও না। ইহাতে তাহাদিগের দুর্গতি বৃদ্ধি করা হইবে, জীবনের শাস্তি ও সম্ভাব্য নষ্ট করা হইবে—অল্প জাতীয় বালকদিগের অবজ্ঞা পাওয়ার উচ্চশ্রেণী-মাত্রেরই প্রতি বিদ্বেষ ও বিরোধ উদ্দীপিত করা হইবে মাত্র। এখনই জাতিভেদ-প্রথা নিম্ন জাতিদিগের প্রতি অত্যাচার এই কথা শিক্ষিত নব্যতন্ত্রী সম্প্রদায় প্রকাশ করায়, উচ্চ জাতিদিগের, বিশেষতঃ ব্রাহ্মণদিগের প্রতি বিদ্বেষ প্রদীপিত হইতেছে—নিম্ন জাতিদিগের স্বার্থ ও উচ্চ জাতিদিগের স্বার্থ বিভিন্ন, ইহা আমরা নিজেরাই শক্তি ও অর্থক্ষয় করিয়া প্রকাশ করিতেছি—এইরূপ করিয়াই হিন্দু সমাজের সর্বত্র অস্ত্রদৌচ সৃষ্টি করিয়া সর্বনাশসাপন করিতেছি। পাশ্চাত্যের অনেক দেশে তাহাকেই প্রাথমিক শিক্ষা দিয়া অনেক উন্নতি করিয়াছে বলিয়া প্রকাশ আছে—আমরা সকল বিষয়েই পাশ্চাত্যের অনুকরণপ্রিয়ানী, সেই জ্ঞান এইরূপ প্রাথমিক শিক্ষা প্রবর্তনের প্রিয়ানী। কিন্তু প্রাথমিক শিক্ষা দিবার অর্থ নাই, পুনরায় উচ্চ ভাবে টেক্স দিতে হইবে। অথচ ম্যালেরিয়ায় অনেক দেশদাস-কারী ব্যাধিনিবারণের জন্ত অর্থ ব্যয় করিবারও অর্থ নাই—মরা নদী কাটিয়া চতুর্দিকের জমির উন্নয়ন বৃদ্ধি ও লোকের ব্যস্ত্যারতি করিবার অর্থও নাই। সকল পাশ্চাত্যদেশে প্রায় একই ধাঁচের লোক আছে, তাহারা সভ্যতার একই স্তরের। সেখানে প্রাথমিক শিক্ষা পাঠিয়া মাতৃভাষায় সকল জাতীয় বিষয়ের পুস্তকাদি পড়িতে পারে—পাঠাগারের সুবিধা আছে। সুতরাং তাহাতে লোকদিগের উন্নতি করিবার কিছু সুবিধা পায়। শুধু প্রাথমিক শিক্ষাতে কোন আর্থিক বা মানসিক উন্নতির সুবিধা হয় না। আমাদের দেশে এই নিম্নজাতিভুক্তরা অধিকাংশ ক্ষেত্রে সভ্যতার নিম্নস্তরের, তাহাদিগের বুদ্ধি অতি অল্প—তাহাদিগের মাতৃভাষায় যে শিক্ষার জাগতিক উন্নতি হইতে পারে, তাহার কোন পুস্তক নাই—বাঙ্গালা হিন্দী ভাষাতেও নাই বলিলেই হয়—সাধারণ পুস্তকাগারও নাই; সুতরাং এইরূপ বহুবায়সাপেক্ষ শিক্ষা প্রবর্তন আপাততঃ স্থগিত রাখাই কর্তব্য। তৎপরিবর্তে তাহাদিগের জাতীয় ব্যবসার কিরূপ উন্নতি করা সহজে হইতে পারে, তাহা গাতে কলমে করিয়া দেখাইয়া দিলে, তাহাদিগের উৎপাদিত পণ্য বিক্রয়ের ও আবশ্যক দ্রব্য ক্রয় সম্বন্ধে প্রথা দ্বারা, সুবিধা করিয়া দিলে, তাহাদিগের যথেষ্ট উন্নতি অতি সহজে ও বিনা অধিক অর্থব্যয়ে হইতে পারে। একপ করা দেশের অবস্থা ও পূর্বপ্রচলিত প্রথা অনুযায়ী হয়, তাহাতে অস্ত্রদৌচ সৃষ্টি না করিয়া পরস্পরের সহায়ত্বিত বৃদ্ধি করাও হয়। উদাহরণস্বরূপ বলিতেছি—ডোমদিগকে চীনা ও বর্মীদিগের মত নানা প্রকারের উত্তম উত্তম ধানের কার্য যদি শিখান হয়, হুরিয়া-দিগকে মৎস্য সংরক্ষণ ও মৎস্যের তৈল নিষ্কাশন করিবার ও মৎস্যাদি দ্রব্য সকল বিক্রয়ের সুবিধা করিয়া দেওয়া হয়, তাহা হইলে তাহাদিগের যথেষ্ট উন্নতি হইতে পারে। এই সকল সভ্যতার নিম্নস্তরের জাতিদিগের উন্নতিতে সাফল্যলাভ করা ছেলেখেলা নয়।

তাহাদিগের সহিত মিশিতে হইবে, তাহাদিগের বুদ্ধি, শক্তি ও অভাব বৃদ্ধিতে হইবে, তবে কিঞ্চিৎ সাফল্যলাভ হইতে পারে। মিশনারীরা বহুবাল ধরিয়া বহু কোটি টাকা ব্যয় করিয়া তাহাদিগকে ফর্সা কাপড় পরাইতে শিখাইয়াছেন বটে, তাহাদিগের সাহায্যে চাকরীতে জনকতকের কিছু সুবিধা করিয়া দিয়াছেন বটে, কিন্তু স্বাধীনভাবে অর্থোপার্জননের কোন সুবিধাই করেন নাই। মিশনারী ও ইংবেজদিগের সাহায্য ব্যতিরেকে তাহাদিগের ফিরিঙ্গিদিগের জায় অত্যন্ত দুর্দশা হয়, আর দেখা যায়, অধিকাংশের জীবন আপেক্ষিক অর্থ স্বচ্ছন্দতা সত্ত্বেও স্বচ্ছন্দতা ও আনন্দবিহীন হয়। মিশনারীরা যাহা করিতেছে, তাহার শতাংশের এক অংশও করিবার শক্তি আমাদের নাই। সুতরাং এইরূপ করিবার চেষ্টায় কেবল বুধা শক্তি ও সময় ও অর্থক্ষয় করা হইবে, তাহাদিগের জীবনের স্বচ্ছন্দতা নষ্ট করা হইবে, তাহাদিগের দুর্গতি বৃদ্ধি করা হইবে—দেশে কেবল অস্ত্রদৌচ সৃষ্টি করা হইবে। শুধু নিম্নতম শ্রেণীর জাতিদিগের জন্ত এই পূর্বোক্ত প্রকার শিক্ষা-প্রবর্তন বিদ্বেষ নয়, প্রত্যেক জাতির জাতীয় ব্যবসা বা বৃত্তির অমুকুল শিক্ষাই প্রধান লক্ষ্য রাখিয়া শিক্ষা অল্প বয়স হইতে দিলেই দেশের উন্নতি সহজে হইতে পারে, দেশের শ্রী ফিরিতে পারে।

ব্যবসায়ী শিল্পী জাতিভুক্ত যাহারা উচ্চ শিক্ষা পাঠিয়াছেন, তাহারা যদি প্রত্যেকের জাতিগত বৃত্তির উন্নতি করিতে চেষ্টা করেন—পাশ্চাত্যে এই সকল ব্যবসায় বা শিল্পের উন্নতি-বিধায়ক যে সকল তথ্য অর্জিত হইয়াছে ও কার্যে পরিণত হইয়াছে, তাহা স্বজাতির ভিতর প্রচার করেন, তাহা হইলে সহজেই দেশের বহু উন্নতি হইতে পারে। কিন্তু দুঃখের বিষয়, তাহা হইতেছে না; তাহারা সকলেই কায়স্থ ও ব্রাহ্মণদিগের বৃত্তি অবলম্বন করেন; স্বজাতিভুক্তদিগের সহিত বিচ্ছিন্ন হইয়া পড়েন, আর বৃদ্ধিমান লোকাভাবে সেই সকল বৃত্তি অধিকাংশ স্থলেই অ-বান্ধবীয় হস্তে চলিয়া যাইতেছে ও তজ্জন্ত আমাদের দুর্দশা বাড়িতেছে।

এখন শিক্ষার আমূল পরিবর্তন করা বিদ্বেষ অনেকেই বলিতে-ছেন ও তাহারা শিল্প শিক্ষা দিবার ব্যবস্থা করিতে উদ্যত হইয়াছেন। যদি শিল্প শিক্ষার ব্যবস্থা পুরাতন প্রথামত হয়, প্রত্যেক জাতির জন্ত তাহার জাতিগত ব্যবসা বা শিল্পের উপযোগী শিক্ষা দেওয়া হয়, তাহা হইলে তাহা অল্পব্যয়সাপেক্ষও হয় এবং আশু ফলপ্রসূ হয়। ইহা করিতে হইলে প্রত্যেক জাতির জাতিগত স্থানীয় সভ্যতাই সংগঠন করিয়া এক বৃহৎ সভার অন্তর্গত করিতে হইবে, ও তাহাদিগের সকলকেই তদ্বিষয়ে বিশেষ উদ্যোগী হইতে হইবে। এই কার্য করা ও জাতিস্থ লোকদিগের দারিদ্র্য নিবারণের জন্ত যথাসাধ্য চেষ্টা করা তাহাদিগের প্রধান কার্য হওয়াই বিদ্বেষ।

সকল জাতিভুক্ত লোকদিগের জন্ত একই প্রকার শিক্ষা প্রবর্তনে অধিকাংশ স্থলেই বুধা শক্তি, সময় ও অর্থক্ষয় হয়। উদ্যোগী ব্রাহ্মণ সম্ভ্রান্তকে মুচির কথ্য শিখাইয়া প্রায় কোন লাভ হয় না, তাহার পক্ষে এই কথ্য করিয়া জীবিকা নিরীহ করা প্রায় অসাধ্য। এই কথ্যে অধিক অর্থোপার্জন করিতে হইলে যে মূলধন আবশ্যিক, তাহা সংগ্রহ করা প্রায় দুঃসাধ্য হয়, তাহা জুটিলেও এই কর্মোপযুক্ত শ্রমিক জোটানও ভার হয় ও তাহাদিগকে পুরামাত্রায় আবশ্যকমত খাটাইয়া লওয়াইতেও অপারগ হয় ও এই কর্ম চালাইবার উপযোগী



অভিজ্ঞতা অভাবে প্রায়ই লোকসান হয়। মুর্শিদাবাদ জেলার বেশমশিঙ্গ শিকালয়ে বেশমবাবসারীদিগের সজ্ঞান ব্যতীত অন্ত কাহাকেও শিক্ষা দেওয়ার কোন কল্যাণ হয় না বলিয়া গভর্নমেন্ট রিপোর্টেও প্রকাশ আছে ওনিয়াছি। সূতার বস্ত্রবস্ত্র কার্য ত বহু লক্ষ লোক শিখিয়াছিল—তাঁতি ভিন্ন কয় জন লোকই বা ঐ কৰ্ম করিতেছে—কত লক্ষ লক্ষ চরকা ও তাঁত আলানী কাঠে পরিণত হইয়াছে, তাহাও সকলকে দেখিতে বলি। লেখক বহু বৎসর ধরিয়া জাতীয় শিল্পশিক্ষালয়—যাহা এখন বাদবপুবে প্রতিষ্ঠিত, তাহার কার্যকরী সমিতির সভ্য। সেখানে ৬৫০ হইতে ৭০০ ছাত্রের স্ত্রী বাৎসরিক দেড় লক্ষ টাকা ব্যয় হয়। তাহার উপর বাটিনিষ্কাশন যন্ত্রাদি কিনিবার স্ত্রী বহু লক্ষ টাকা ব্যয় হইয়াছে ও তজ্জন্য আরও বহু লক্ষ টাকা আবশ্যিক—সে টাকা জুটিতেছে না। আমাদিগের অনেক ছাত্র উপযুক্ত শিক্ষা পাইয়াও ইতিমধ্যেই বেকারসংখ্যা বাড়াইতেছে। উপরে উক্ত নানা কারণে অতি অল্পসংখ্যক ছাত্র স্বাধীনভাবে যে কার্য শিখিয়াছে, তাহা করিতে সমর্থ হইয়াছে। বেকারসমস্যা পূরণের স্ত্রী অনেকেই technical education দিবার স্ত্রী ব্যগ্র হইয়াছেন—পাশ্চাত্য ধরণের

সেইরূপ নানা শিক্ষাগার স্থাপন করা বিধেয় বলিতেছেন। একে ত জার্মানী, আমেরিকা, ইংলণ্ডদি দেশের মত ঐরূপ নানা শিক্ষালয় করাই আমাদিগের অসাধ্য—তাহার শতাংশের একাংশ করাও অসাধ্য, তাহার উপর তাহা করিয়াও ঐ সকল দেশে বেকার-সমস্যা, দারিদ্র্য ও নারীসমস্যা পূরণ হয় নাই—সুতরাং ঐরূপ পন্থার অনুবর্তন করিয়া আমরা কখনও সাফল্যলাভ করিতে পারিব না—করিতে পারিলেও ধনিকরাই পাশ্চাত্য দেশের স্ত্রায় বৃহৎ যন্ত্রচালিত বড় বড় কারখানা স্থাপন করিবে—বেকার-সমস্যা অধিকতর ভীষণ হইবে। এই বৃন্থিয়াই বোধ হয় ত্রিকালদর্শী মহু তাঁহার ধর্মশাস্ত্রে মহাযন্ত্র ব্যবহার মহাপাপের অন্তর্গত কবিয়াছিলেন—উহার ব্যবহারফলেই কোটি কোটি লোকের জীবন দুঃসহ হইয়াছে। পাশ্চাত্য প্রথা অনুবর্তনের চেষ্ঠায় আমাদিগের দুর্গতির লাভ হওয়া অসম্ভব—বৃদ্ধি হইবারই অধিক সম্ভাবনা, তাহা দেখিয়া সকলেরই বোকা উচিত যে, আমাদিগের প্রাচীন প্রথা অনুবর্তন করা ভিন্ন আমাদিগের গত্যন্তর নাই ও তাহা সহজসাধ্য ও আন্ত ফলপ্রদ ও বহু সহস্র বৎসর ধরিয়া পরীক্ষিত।

[ ক্রমশঃ।

শ্রীচাকচন্দ্র মিত্র (এটর্নী)

## কবিতার দুর্দশা

তুপুব বেলাতে ঘরের মেনেতে মাহুরখানিরে পাতি,  
লয়ে কবিতার খাতাখানি আর পার্কাবেরে কবি সাখী  
ভাবি মনে মনে অবসর-ক্ষণে দিব না বিফলে যেতে —  
কত কল্পনা লয়ে জল্পনা উঠি উৎসাহে মেতে।  
বাহিরে বাদল বাজার মানল সঘন বড়িছে বাগ,  
কালো মেঘটরে ক্ষণে ক্ষণে চিরে বিজলী বহিয়া বাগ।  
এমন স্তম্ভিনে কবিতা এ বিনে কিছুই লাগে না ভালো,  
চারিদিকে চূপ শুধু বৃপ বৃপ, আঁধার আকাশ কালো।  
খাতাটির লয়ে আধশোয়া হয়ে চাহি জানালার পানে  
ভিত্তে ভিত্তে হাওয়া করে আসা-যাওয়া কথা কয় কাণে কাণে,  
কত এলোমেলো কথা এলো গেলো! ভাবিলাম মনে মনে—  
বন্ধা-রাণীকে সাজাব আঞ্জিকে কবিতা-কুসুম বনে।  
সাজাই বস্তনে আপনার মনে কথাগুলি মালা করি  
এমন সময় কেঁদে ওঠে যেরে ধূলার উপরে পড়ি,  
খাতা কেলে দিয়ে তারে কোলে নিয়ে তুলাই কত না ক'রে—  
কাসুছে আবার খাবে না খাবার পড়বে বৃষ্টি বা জ্বরে!  
দিয়ে বেলেডোনা গান গেয়ে নানা আবল-তাবল বকে,  
ঘুমটি পাড়িয়ে পারে চাপা দিয়ে বসি কবিতার সখে,  
কি আসিয়ে কলে জল নেই কলে বাসন রহিল পড়ে—  
সেদিকেতে বাই নীচেতে তাকাই কড়া নাড়ে কেও দোরে?

এই রে এলিকে নিয়ে গেল কাণে খুঁচীর বিষুকখানা!  
বেলা পড়ে গেল, খোকা নাহি এলো, ভাবনা নানান খানা।  
ঘাড়ে বোকা লয়ে এল মোপা-মেয়ে হিসাব মিলাতে যাউ,  
খাতাও না পাউ কি যে করি ভাউ হাতও দুটি বই নাই।  
চের কাষ পড়ে করি সে কি করে কুটনো কুটতে বাকি,  
তুপ এল ওই, কড়াখানা কই? জ্বাল দিয়ে তুলে রাখি।  
এবে কবিতার দেখা পাওয়া ভার লুকায় সে কোন্‌খানে  
খাতাখানি হায় ধূলায় লুটায় নিদারুণ অভিমানে।  
সব কাষ সেরে লয়ে খাতাটিরে সাঁঝের বেলায় পুন  
বসি যেই এসে শব্দী বলে কেসে ফুরায়ে গিয়েছে ধুনো!  
তাগারে বিদায় ক'রে যেই হায় বসি তোড়-সোড় লয়ে,  
ডাকিল তারিণী,—ঠাকুর আসেনি—উম্মন বেতেছে বয়ে।  
রন্ধন-গৃহে মুগ-তেল লয়ে সময় কাটিল চের—  
সবারে খামারে ঘুমটি পাড়িয়ে বসি খাতা লয়ে কের।  
শোবার ঘরেতে ইঞ্জিচেরারেতে কর্তার ডাকে নাক,  
ঘুম ভেঙ্গে গিয়ে বলেন হাসিয়ে, “কবিতা এখন থাক।  
কয়দিন ধরে নানা কাষ করে হয়নি হিসাব দেখা  
এই নিরিবিলি ছন্দনার মিলি হিসাবটা থাক দেখা।”  
হিসাবের চোটে মাথা তেতে ওঠে প্রাণ ছাড়ে জ্বালা ডাক,  
বাঁচি শুতে গেলে আর সব ঘেলে কবিতা চুলোর থাক।

শ্রীমতী গুল দেবী।



### [ উপন্যাস ]

চামেলীকে দেখিলে এখন আর কেহ পূর্বের সেই বিবাদ-প্রতিমা বলিয়া চিনিতে পারিবে না। তাহার সর্বদা সশঙ্ক সন্দিক্ধ দৃষ্টি যেন যাহকের মায়াদগুস্পর্শে কোথায় অন্তর্হিত হইয়াছে। আর তাহার সদালাপে পরিতুষ্ট হইয়া অপরিচিত লোক সে তাহাকে শিক্ষিতা মার্জিতকৃষ্টি গৃহস্থ-কন্যা বলিয়া স্থির করিয়া লইবে, ইহাতে কোন সংশয়ই ছিল না। শাস্ত্র-কাররা এই জগৎ সংস্কার অশেষ গুণব্যাখ্যা করিয়াছেন বোধ হয়।

চামেলী এখন ষ্টুডিওরই একাংশে বাস করে এবং কোথাও বাহির হইলে অসীমের নিমুক্ত রক্তকের আশ্রয় লইয়াই বাহির হয়, অগত্যা তাহার অন্তর যাওয়ায় নিষেধ আছে। এ সতর্কতার বন্দোবস্ত তাহার নিজের প্রার্থনা-মতই করা হইয়াছিল। কেন না, তাহার আপনার লোকের কাছেই ছিল তাহার ভয়; তাই বাহিরের লোকের কাছেই আশ্রয় প্রার্থনা।

এখন আর হিরণীকে আদর্শ রাখিয়া চামেলীকে পোজ লইতে হয় না, সে প্রথম শিক্ষার কালে সেই বিজ্ঞায় এতট প্যারদর্শিনী হইয়াছিল যে, পর পর ছইখানি ফিল্মে সে প্রধানা নায়িকার ভূমিকা গ্রহণ করিয়া জনসাধারণের ভূয়সী প্রশংসা অর্জন করিয়াছে এবং উহাতেই সে অসীম ফিল্মস লিমিটেডের ষ্টার একট্রেস বলিয়া পরিগণিত হইয়াছে। আর একখানি নূতন ফিল্ম নাট্য তৈয়ার হইতেছে, এখানির গল্পলেখক, প্রযোজক ও আর্টিষ্ট স্বয়ং শুভেন্দু। সুতরাং এইখানির প্রধানা নায়িকার ভূমিকায় চামেলীকে প্রস্তুত করিয়া তুলিবার জন্য তিনি প্রাণ-মন ঢালিয়া শিক্ষা দিতেছেন। একত্র প্রায় দিবসের অধিকাংশ সময় তাহাদের উভয়কে একত্র থাকিতে

হয়। এ মিলামিশায় ঘনিষ্ঠতা অবগুস্তাবী। এ ঘনিষ্ঠতা যে সকলের দৃষ্টি অতিক্রম করিয়াছিল, তাহা নহে। এই সবাক্ চলচ্চিত্রের অগ্গাণ্ড নায়কনায়িকাদেরও ষ্টুডিওতে রিহার্সাল দিতে হইত; তাহারা আর্টিষ্ট, সুতরাং তাহাদের আর্টিষ্টের দৃষ্টিতে হয় ত এ ঘনিষ্ঠতা নির্দোষ বলিয়া পরিগণিত হইত, কিন্তু দূর হইতে যাহারা কচিং কখনও ইহার সংস্রবে আসিত, তাহাদের মধ্যে কাহারও কাহারও এ ঘনিষ্ঠতার যেন কিছু অভিনবন ছিল বলিয়াই অনুমিত হইত। ইহাদের মধ্যে উষারাগী এক জন।

অপদার্থ ভ্রাতা বিভাসচন্দ্রের জগৎ উষাকে মাঝে মাঝে শুভেন্দুর শরণাপন্ন হইতে হইত। একবার সে যখন স্বামীর অজ্ঞাতসারে গোপনে এ বিষয়ে শুভেন্দুর সাহায্য গ্রহণ করিয়াছে এবং সেই সাহায্য গ্রহণের কথা এ যাবৎ স্বামীর নিকট গোপন রাখিয়াছে, তখন তাহার আর গতান্তর ছিল না। এ বিষয়ে হিরণী তাহাকে অনেক বুঝাইয়াছে। সে বলিয়াছে, স্বামি-স্ত্রীর মধ্যে গোপন কথা কিছুই থাকিতে পারে না, পাকা উচিত নয়। এক খণ্ড কালো মেঘের মত যদি সন্দেহ ও অবিশ্বাস একবার তাহাদের মধুর শান্ত পবিত্র পারিবারিক জীবনাকাশে দেখা দেয়, তবে তাহার পরিণাম কোন্ ভীষণ ঝটিকাবর্তে পরিণত হইবে, তাহা কে বলিতে পারে? স্বামি-স্ত্রীর ভালবাসার সম্বন্ধে মধ্যে তৃতীয় ব্যক্তির অনধিকার-প্রবেশ কখনই দাম্পত্য জীবনের সুখ-স্বাচ্ছন্দ্যের পক্ষে মঙ্গলের বিষয় হইতে পারে না। এই ভাবের কথা শুভেন্দুও প্রথমে বলিয়াছিল।

কিন্তু হিরণীর সকল যুক্তি-তর্কই উষারাগীর অগ্গায় ভ্রাতৃ-স্নেহের এবং আত্মাভিমানের প্রবল শ্রোতে ভাসিয়া গিয়াছে। সেও হিরণীকে বুঝাইয়াছে, তাহার ভ্রাতার সাংসারিক

ব্যবস্থা সে নিজেই করিবে, এ জন্ম যদি তাহাকে তাহার অলঙ্কারপত্র অথবা নিজস্ব সম্পত্তি বাধা দিতে অথবা বিক্রয় করিতে হয়, তাহাও স্বীকার, তাহাপি সে গর্হিত স্বামী নিকট হাত পাতিবে না! যে তাহার সহোদরকে পথের কুকুরের মত দূর-ছাই করিয়া গৃহ হইতে বিতাড়িত করিয়া তাহার অনাবিল দাম্পত্য-প্রণয়ের মস্তকে পদাঘাত করিতে সম্মুচিত হয় না, তাহার নিকটে সে ভ্রাতার জন্ম প্রার্থিক্রমে মস্তক অবনত করিবে? তাহার আগে যেন তাহার মরণ হয়!

এ অবস্থাকে হিরণী বুঝাইবে কিরূপে? বয়সের অনুপাতে সে কত ছোট, কিন্তু তাহাকেই আজ এ সংসারের শাস্তি পুনরানয়নের জন্ম বর্ষায়সী গৃহিণীর মতই ব্যবহার করিতে হইতেছে। এ কি মহা পাপ!—আজ তাহাকে দাতৃজায়ার জন্ম জগতে আরাধ্য দেবতা দাদার বিরুদ্ধে অন্ধাভে চক্ৰান্তে অভিহিত হইতে হইতেছে!

হিরণীর সহজগণ নিতান্ত অল্প ছিল না। সে কাহারও অস্তায় কথা সহিতে পারিত না, এ কথা সত্য, কিন্তু সেখানে তাহাদের পারিবারিক সুখশান্তির সমস্যা বিজড়িত, সেখানে সুসমস্তার সমাধানে সে তাহার সারা অন্তরের শোণিত দিয়াও মুখটি বুজিয়া অসহ্য মন্ত্রণা সহ্য করিতে পারে,— এমনই ধাতুতে সে গঠিত! এক দিকে তাহার প্রাণাদিক প্রিয়তম শিক্ষা গুরু জ্যেষ্ঠভ্রাতা, অন্ম দিকে তাহার প্রাণসমা দাতৃজায়ার। এ কি ভীষণ পরীক্ষা!

বুঝাইলেও উষা বুঝিত না, সময়ে অসময়ে শুভেন্দুর ঠুঁড়িওতে গিয়া তাহার সহিত ভ্রাতার সম্বন্ধে গোপনে পরামর্শ করিত, কখনও শুভেন্দুর নিজস্ব বসবাসের অংশে, আবার কখনও বা সাধারণ ঠুঁড়িওতে; তবে অধিকাংশ সময়ে সে সুখাংশুর নিজস্ব বিশ্রামকক্ষেই হাজিরা দিত; আবার ঠুঁড়িওতে রিহার্শাল রুমে বহু অভিনেতা-অভিনেত্রীর সমাগম হইলে অথবা পূর্ণমাত্রায় রিহার্শাল চলিলে সে ক্ষুণ্ণ-মনে স্বস্তানে প্রত্যাবর্তন করিত। বিভাসচক্র হোটেলে গিয়া উঠিবার পর হইতে উদারানীর এই মাগুরা আসাটা একটু বেশী রকমেই হইয়া পড়িয়াছিল। যাহার জন্ম সে তাহার সোণার সংসারে বহুস্তে আশ্বিন আলিয়া দিবার বন্দোবস্ত করিতেছিল, সেই গুণধর ভাইটি কিন্তু তাহার বারবার নিষেধ ও তৎসমা সবেও এক এক দিন গোপনে অন্তর্কিতে তাহার অন্তরমহলে আলিয়া উপস্থিত

হইত এবং তাহার নিকট নিত্য নূতন আবদার বাহানা করিতে বিন্দুমাত্র সঙ্কোচ বা লজ্জা অনুভব করিত না। হিরণী এই গোপনে দেখা-সাক্ষাতের বিপক্ষে বিদ্রোহী হইয়া দাতৃজায়াকে বেশ ছই কথা শুনাইয়া দিয়াছিল এবং উহার পুনরাবৃত্তি হইলে সে অনর্থপাত করিবে বলিয়া ভয়ও দেখাইয়াছিল। শুভেন্দুও যখন বিভাসচক্রের সহিত অন্তরে উপস্থিত হইয়াছিল, তখন হিরণী শুভেন্দুকেও এজন্ম কম অন্ত্যযোগ করে নাই। একটা পাপকে অথবা একটা মিথ্যাকে ঢাকিবার জন্ম যেমন সাতটা পাপ বা সাতটা মিথ্যার আশ্রয় লইতে হয়, তেমনই এই গুপ্ত দেখা-সাক্ষাতের কথা আরও গুপ্ত রাখিবার জন্ম তখন হইতে হিরণীকেও যথাসম্ভব এড়াইয়া দেখা-সাক্ষাত চলিতে লাগিল। এ সব ব্যাপার গুপ্ত রাখিতে গেলে বেতনভুক অধীন ভৃত্য-পরি-চ্ছনের কাছে অনেক সময় হীনতা ও দৈন্য স্বীকার করিতে হয়, গুপ্ত পুরস্কারের প্রলোভনে বাধ্য করিয়া উচ্চ মাথা হেঁটে করিতে হয়,—গৃহ-স্বামিনী হইয়াও উষাকে এজন্ম কত নিলে—পুলিস্তরের উপরেই না নামিতে হইয়াছিল! কিন্তু তাহাতেও ত তাহার মোহ দুচল না। অপদার্থ কাপুরুষ দ্রাতাই হইল সব, আর কেহ কিছু নহে? সংসার, পরিবার, সমাজ, নন্দা, স্বামী?

গোপনে দেখা-সাক্ষাতের দল কিন্তু এক দিন বিষম হইল। বিস্তীর্ণ বাগানবাড়ীর একাংশে গৃহস্বামীর প্রাসাদোপম আবাসভবন, মধ্যে সুবিস্তীর্ণ মাঠ, দল ও ফুলের বাগান, তাহার পর অপরাংশে ঠুঁড়িওর দিকে বাগানের অংশে ক্রিম পাছাড়, প্রস্রবণ, খাল, প্রান্তর ও জঙ্গল—যেন প্রকৃতির ক্ষুদ্র লীলা-নিকেতন। সেখানে বাঘ লুকাইয়া থাকিলেও কাহারও পরিবার সাধ্য নাই। এক দিন চামেলী রক্ষীর সহিত বাগানের খিড়কীর ছোট ফটক দিয়া বাহিরে যাইবার সময় সন্ধ্যার অন্ধকারে প্রাসাদের দিক হইতে বিভাসচক্রকে লুকাইয়া আসিতে দেখিয়া বিস্মিত হইল। সে জানিত, বিভাসচক্রের পক্ষে এ বাড়ীর দ্বার রুদ্ধ। তবে? আর এক দিন এমনই সময়ে সেই ফটকের কাছে একটা লোক বিভাসচক্রকে আক্রমণ করিয়াছিল; ভাগ্যে সেই সময়ে শুভেন্দু তথায় উপস্থিত হইয়াছিল, নতুবা সে দিন একটা অবটম নিশ্চয়ই ঘটয়া যাইত। শুভেন্দু সে লোকটাকে দেখিয়াই চিনিয়াছিল—সে সেই মধুপুত্রের কুলী মহায়া।

এ সকল কথা অসীমের কাছে উঠিতে বিলম্ব হয় নাই। ইহা লইয়া পতি-পত্নীতে এক দিন তুমুল বাদামুবাদও হইয়া গিয়াছিল। সে দিন অসীমের মুখে যে সব কটুবাক্য বাহির হইয়াছিল, কেহ তাহা কখনও শোনে নাই এবং সেজন্ত হিরণী তাহাকে খুবই অনুযোগ করিয়াছিল। আর সে দিন উবারাণীর চোখে যে ক্রোধ ও অভিমান মিশ্রিত অশ্রুধারা নামিয়াছিল, তেমনটি আর কখনও নামিয়াছিল বলিয়া হিরণীর জানা ছিল না। হিরণী এবার ভ্রাতৃজ্ঞানকে কঠিন স্বরে জানাইয়া দিল যে, এখন হইতে বিভাসচন্দ্রকে এ বাড়ীতে আর সেন প্রকাশ্যে বা গোপনে আনয়ন করা না হয়, তাহার হোটেলের থাকার ভাগ; আর আসিলে যখন সংসারে এই অশান্তি দেখা দেয় এবং গৃহিণী হইয়াও তাহাকে অপমান লাঞ্ছনা ভোগ করিতে হয়, তখন তাহার নিজেরই মঙ্গল ও আত্মসম্মান রক্ষার জন্ত তাহাকে এ বিষয়ে একটু দৃঢ়চিত্ত হইতে হইবে।

উষা অনেক কাঁদিল, অনেক কিছু বলিল; কিন্তু মনে বুঝিল যে, নন্দনা হিত-কথাই বলিতেছে। সে তাহাকে প্রতিশ্রুতি দিল যে, অতঃপর সে আর কখনও তাহাদের না জানাইয়া তাহার ভ্রাতাকে গৃহে প্রবেশ করিতে দিবে না। কিন্তু তরলমতি উবারাণীর প্রতিশ্রুতি দেওয়ার পরিণাম ইহাই হইল যে, সে অতঃপর ভ্রাতার সম্পর্কের সমস্ত কথা মুখে-দুঃখে সমব্যথী স্নেহময়ী নন্দনার কাছেও গোপন করিতে লাগিল। তখন তাহার একমাত্র বিশ্বাসের ও নির্ভরের পাত্র হইল শুভেন্দু বাবু! বিবাহিতা নারীর পক্ষে স্বামীর বন্ধুর উপর স্বামী ও নন্দনার অজ্ঞাতে এই নির্ভর সমর্থন-যোগ্য কি না, তাহা অন্ধ ভ্রাতৃস্নেহের মোহবশে একবারও সে চিন্তা করিয়া দেখিল না। কত সংসারের সর্বনাশের বীজ এই মনোবৃত্তিতে খুঁজিয়া পাওয়া যায়!

আরও এক দিকে সে এক জনকে আপনার পরম শত্রু করিয়া রাখিল। যে চামেলীকে এক দিন সে-ই সকলের চেয়ে স্নানজরে দেখিয়াছিল এবং তাহার সহিত অতিরিক্ত মিলামিশার জন্ত হিরণীর কাছে তীব্র অনুযোগ শুনিয়াছিল, সেই চামেলীই হইল এখন তাহার চক্ষুশূল। সে-ই তাহার ভ্রাতাকে এ বাড়ীর বিষ-নজরে ফেলিবার মূল কারণ। সে তাহার ভ্রাতার গোপন যাতায়াতের কথা তাহার স্বামীর কর্ণগোচর করিল কেন? শুভেন্দু বাবু এই গণিকা-কণ্ডার

মধ্যে কি দেখিয়াছেন যে, তাহাকে মাথায় করিয়া রাখিয়াছেন? শুভেন্দু বাবুর আর সব ভাল, কিন্তু এ কি অজ্ঞানের তিনি প্রশ্ন দিতেছেন? তাহার স্বামী না হয় অন্ধ—চামেলী তাঁহাকে কি এক যাত্নময়ে বশ করিয়া ফেলিয়াছে। কিন্তু শুভেন্দু বাবু এই প্রকৃতির মানুষ নহেন—তবে?

মানসিক অবস্থার কোম্ নিয়ন্ত্রণে নামিলে সম্ভ্রান্তধরের শিক্ষিতা হিন্দু কুলবধুর মনে এসব চিন্তার উদয় হয়, তাহা বোধ হয়, সহজে অনুমান করিয়া লওয়া যায়। স্মৃতরাং উবারাণীর মানসিক অবস্থা যে তখন অতি শোচনীয় এবং সে অবস্থায় যে কোন কিছু ভাল করিয়া ভাবিয়া চিন্তিয়া বিচার করিয়া লওয়া যায় না, তাহা বোধ হয় কাহাকেও বুঝাইবার প্রয়োজন নাই।

উবারাণীর যখন এইরূপ মনের অবস্থা, তখন এক দিন সে ষ্টুডিওর সে অংশে শুভেন্দুর বসবাসের স্থান নির্দিষ্ট ছিল, তাহারই মধ্যস্থ বসিবার কক্ষে ইচ্ছাং প্রয়োজনীয় গুপ্ত পরামর্শের জন্ত উপস্থিত হইয়া দ্বারপ্রান্ত হইতে যে দৃশ্য দেখিল, তাহাতে তাহার বিশ্বাসের সীমা রহিল না, সে তাড়াতাড়ি সেখান হইতে ফিরিয়া আসিতে পথ পাইল না।

অপরাত্তের স্মরণলোকে কক্ষ উদ্ভাসিত, কক্ষের সমস্ত দ্বার ও বাতায়ন উন্মুক্ত, স্মৃতরাং সে দৃশ্যের কোথাও বিন্দুমাত্র লুকাচুরি ছিল না। তথাপি উষা তথায় শুভেন্দু ও চামেলীকে সোকার বনিষ্ঠভাবে পাশাপাশি বসিতে দেখিয়া যে অতিমাত্র বিস্মিত ও স্তম্ভিত হইবে, ইহাতে সত্যই বিশ্বাসের বিষয় কিছুই ছিল না। শুভেন্দু স্মদর্শন যুবক, চামেলী কুলটা-গভজা স্মন্দরী সুবতী, অগ্নি ও হুতের একত্র সমাবেশে বাহা হইবার, তাহাই হইয়াছে, এই ধারণা লইয়াই উষা তথা হইতে দ্রুত প্রস্থান করিয়াছিল।

কিন্তু সে যদি তখন ঘৃণা ও বিরক্তিভরে চলিয়া না আসিয়া এই অবস্থার কারণ অবগত হইবার চেষ্টা করিত, তাহা হইলে বোধ হয়, চামেলী হইতে তাহার অনর্থপাতের বীজোদ্ভব হইত না। সত্যই শুভেন্দু তখন চামেলীকে নির্জনে তাহারই নূতন ফিল্মের একটি কঠিন পোজে অভ্যস্ত করাইতেছিল। এই ফিল্মটি আছোপান্ত শুভেন্দুর নিজেরই সৃষ্টি, স্মৃতরাং সে এইটিকে সর্বাসম্মন্দর



করিবার চেষ্টা করিতেছিল। হয় ত নায়ক-নারিকার এই মিলনের 'পোষে' চামেলীর ভাবের অভিব্যক্তিতে লালসার তীব্র নিদর্শন স্মৃষ্টিয়া উঠিয়াছিল, কিন্তু শুভেন্দুর মুখচকুতে আর্টিষ্টের নিষ্পাপ-অনাবিল ভাবের অভিব্যক্তি ছাড়া অন্য কিছুই ছিল কি না, তাহা উবারাণীর ভাল করিয়া বুঝা উচিত ছিল। এটুকু উবার অব্যবস্থিত চঞ্চল মনের দৃষ্টি এড়াইয়া গিয়াছিল।

মনে যাহার পাপ নাই, সে বিন্দুমাত্র বিচলিত হয় না। শুভেন্দু উষাকে দেখিয়া বিচলিত হয় নাই। কিন্তু সে যখন দেখিল, উষা কক্ষে প্রবেশ না করিয়াই বিরক্তিতরে চলিয়া ধাইতেছে, তখন সে বিস্মিত হইয়া একরূপ রূঢ়ভাবেই চামেলীকে এক পাশে সরাইয়া দিয়া দাড়াইয়া উঠিতে গেল; কিন্তু চামেলী তাহার উপর অতৃপ্ত লালসার দৃষ্টি স্থাপন করিয়া ছুই হস্তে তাহাকে ধরিয়া বসাইবার চেষ্টা করিল।

বিস্মিত ও স্তম্ভিত শুভেন্দু মুহূর্তমাত্র কিংকণ্ঠব্যবিত্ত হইয়া রছিল। কিন্তু তৎপরেই অবস্থাটি যখন পূর্ণরূপে হৃদয়ঙ্গম করিল, তখন সবলে চামেলীর বাহুপাশ হইতে আপনাকে মুক্ত করিয়া ছুই হস্ত দূরে সরিয়া গিয়া অঙ্গুর মর্পের স্নায়ু দীর্ঘশ্বাস ত্যাগ করিতে লাগিল—সে এই চামেলীর মধ্যে আর্টে তন্ময়া পূর্বের ভাবপ্রবণা চামেলীকে খুঁজিয়া পাইল না, এ যে তীব্র লালসাময়ী জীবন্ত রক্তমাংসমেদের ক্রমিকীটপৃতিগন্ধময় রূপজীবিনীর গর্ভজা কণ্ঠা চামেলী! সে চীৎকার করিয়া বলিল, “চামেলী, আমার ভুল ভেঙ্গে দাও। বল, তুমি সত্যই অভিনয় করছো?”

উত্তরে চামেলী তাহার পদতলে লুটাইয়া পড়িল। জাহ্নবী আলিঙ্গন করিয়া অশ্রুপূর্ণলোচনে তাহারমুখের দিকে দৃষ্টি উন্নীত করিয়া সে জড়িত অস্পষ্টস্বরে যাহা বলিল, তাহাতে শুভেন্দুর মস্তকে বজ্রাঘাত হইল, সে এই নারীর অঘাচিত প্রেমভিকার স্কন্ধ ব্যপিত হইয়া ছুই হস্তে কণ আচ্ছাদন করিয়া কঠোর-স্বরে বলিল, “কি প্রলাপ বকছো, চামেলী? মাথা ঠিক কর। আমি যে তোমায় মার পেটের বোনের মত দেখে আসছি, আর তাই যাতে তুমি তোমার সাধের আর্টের জগতে কালজয়ী নাম কিনতে পারো, তারই জন্তে যা আজ পর্যন্ত কাউকে শেখাবার-চেষ্টা করিনি, তাই তোমায় শেখাচ্ছি। হিঃ হিঃ, ভুলে যাও এ সব কথা! তুমি আমার ভগ্নী, আমি তোমার ভাই।”

চামেলী তথাপি বাষ্পগদগদকণ্ঠে বলিল, “নির্ভর! আমি যে নারী হয়ে”—

বাধা দিয়া আপনাকে মুক্ত করিয়া লইয়া শুভেন্দু বলিল, “আবার প্রলাপ বকছো? দেখ, যা হয়ে গিয়েছে গিয়েছে, এ কথা কেউ জানতে পারবে না। কিন্তু এখন হ'তে কেনো, তুমি আমার ভগ্নী, আমি তোমার ভাই—এ সবকিছু যদি বজায় রাখতে পারো, তা হ'লে আবার এসো নির্জনে এমনি ক'রে পার্ট রিহার্শাল দিতে, নইলে আর এসো না।”

শুভেন্দু আর দাড়াইল না, দ্রুতপদে কক্ষ ত্যাগ করিয়া গেল। আর চামেলী? তাহার নয়নে ক্রুর কুটিল মরকের আগুন জ্বলিয়া উঠিল। সে হস্ত দৃঢ় মুষ্টিবদ্ধ করিয়া, অধর দংশন করিয়া আপন মনে বলিল, “আচ্ছা! আমার ভাল-বাসায় পাপ? আর যে পরস্মীর লোভে আমার এই অপমান, তার ভালবাসায় পাপ নেই? আচ্ছা!”

দলিতা ফণিনীর দংশনের তীব্রতা কত অধিক এবং তাহার জ্বালা কি ভীষণ, তাহা পরে জানা যাইবে।

১০

কোঁটা কোঁটা জল বর্ষণে পান্যগণ্ড গদন হইয়া যায়। পুরুন মতই দৃঢ়চিত্ত ও কষ্টব্যপরায়ণ হইক, অহরহঃ যদি তাহার কণ্ঠে নারী মরণা দান করে, তাহা হইলে কালে সে সফলচ্যুত হইতে পারে। অসীমবিকাশের তাহাই হইয়াছিল। একেই নানা কারণে তাহার নিকটে তাহার বিবাহিত জীবন বিনময় হইয়া উঠিতেছিল, তাহার উপর সুগৃহিনীর সুপরামর্শের অভাবে তাহাদের স্বামিনীর মনোমালিগের পান্যগণ্ড-প্রাচীর ক্রমশঃ অত্রভেদ করিবার নিমিত্ত মস্তক উত্তোলন করিতেছিল। হিরণী উহাতে মতটুকু সম্ভব বাধাপ্রদান করিতেছিল বটে, কিন্তু সে সংসারানভিজ্ঞা বালিকা, তপঃসিদ্ধ অগস্ত্যের মত ক্রমবর্ধমান বিদ্যাকে ‘ভিত্ত’ বলিবার ক্ষমতা তাহার ছিল না। ইহার উপর মনসাকে ধনার গন্ধ দিবার লোকের অভাব হইল না। একই পুরুষের প্রেম-ভিখারিণী নারী যদি অপরাধে তাহার সফলকাম প্রতিদ্বন্দ্বী বলিয়া মনে করে, তবে তাহার প্রতিদ্বন্দ্বীকে, অভাবে প্রণয়ীকে হেয়, অপদস্থ অথবা ক্ষতিগ্রস্ত করিতে জগতে অসাধ্য কায তাহার কিছুই থাকে না। দ্রাস্ত ধারণার বশে চামেলী উবারাণীকে তাহার প্রণয়ী

শুভেন্দুর প্রেমাকাজিনী বলিয়া স্থির করিয়াছিল এবং প্রণয়ী শুভেন্দুও যে উদারানীর প্রণয়ার্থী ও সেই জন্ত তাহার অস্তরের প্রেমনির্মাণ্য ঘৃণায় দূরে নিক্ষেপ করিয়াছে, ইহাই হইল তাহার সমস্ত ক্রোধ, ঘৃণা ও আক্রোশের মূল। চামেলী এ যাবৎ লেখাপড়া ও কলাবিদ্যার চর্চায় অতি জঘন্য অসৎসংসর্গের মধ্যেও আপনার মনটিকে খাঁটি রাখিতে সমর্থ হইয়াছিল, তাহার দেহও সে রাখিয়াছিল পবিত্র এবং অকলুষিত। এ যাবৎ ভালবাসা তাহার হৃদয়ে কোন ছাপ দিতে পারে নাই। কিন্তু একবার যখন তাহার অপাপ-বিদ্ধ অনাবিল পবিত্র হৃদয়পটে ভালবাসা শুভেন্দুর উদার স্নেহ দয়ামায়ী-প্রবণ অনিন্দাসুন্দর মূর্তি অঙ্কিত করিয়া দিয়া গেল, তখন সেই দাগ আর সহজে মুছিয়া যাউবার নহে। প্রতীচ্যের কবির। কাব্যে কামদেবকে অঙ্ক করিয়া সৃষ্টি করিয়াছেন, আর প্রাচ্য ও প্রতীচ্য উভয় দেশের কবিরাই তাঁতাকে ফুলদল্লুরূপে বর্ণনা করিয়াছেন। প্রণয়ী বা প্রণয়িনী একবার ফুলদল্লুর শরে বিদ্ধ হইলে তাঁহারই মত অঙ্ক হইয়া যায়,—তাহার ভালমন্দ, গান-অগান, পাপ-পুণ্য কিছুই বিচার করিবার শক্তি থাকে না। চামেলীর অবস্থা ঠিক তাহাই হইয়াছিল।

তাই সে নানা উপায়ে নানারূপে অসীমের কাণে বিষ ঢালিয়া দিতে লাগিল। প্রথম প্রথম অসীম বিস্মিত ও বিরক্ত হইয়া তাহার স্পর্ধাকে, অবজ্ঞা ও ত্যাগীনের গুরুভারে অবনত ও ধূলিসাৎ করিয়া দিবার চেষ্টা করিয়াছিল। সে গৃহস্বামী, এই সাধারণ গণিকাশেলীর অভিনেত্রীর প্রভু, অন্নদাতা, প্রতিপালক,—স্পর্ধা ত তাহার কম নহে যে, সে তাহার সহবাসিনীর—এই প্রাসাদের সন্দেসর্বময়ী কর্ত্রীর বিপক্ষে ঘৃণাক্ষরেও অপবাদে কথা উচ্চারণ করিতে সাহস করে! আবার সেই অপবাদে সহিত তাহার বাল্যবন্ধ সতীর্থ সোদরপ্রতিম শুভেন্দুর নাম বিজড়িত! তখনই এই নষ্টচরিত্রা নটীকে পদাঘাতে দূর করিয়া দিবার উৎকট বাসনা অসীমের মনে জাগিয়াছিল।

কিন্তু দুর্বল তাহার মন—তাহার মন কেন এই কুলটার মিথ্যাভাষণে সায় দিতে চায়? বন্ধুকে স্বগৃহে অধিষ্ঠিত করিবার পর হইতে এ যাবৎ একটি একটি করিয়া ক্ষুদাদপি ক্ষুদ্র ঘটনা তাহার দুর্বল সঙ্কীর্ণ ক্ষুদ্র মনের চিত্রপটে এই দুর্বল মুহূর্তে ফুটিয়া উঠে কেন? সে বন্ধুকে সর্পভ্রম করিতেছে না ত?

কিন্তু—কিন্তু—সত্যকে ত মিথ্যা করা যায় না, দিনকে ত রাত্রি বলিয়া মানিয়া লওয়া চলে না। অলজ্ব্য অকাটা প্রমাণ,—কেন শুভেন্দু তাহাকে গোপন করিয়া মধুপুরে বিভাসচন্দ্রের সাহায্যে যায়—বিভাস তাহার কে? কি সম্পর্ক তাহার বিভাসের সহিত? বিভাসই হউক অথবা বিভাসের ভগিনীই হউক, তাহাদের কাহারও সাংসারিক ব্যাপারে তাহার মাথাব্যথা কেন? সে ত আর্টিষ্ট—আর্টিষ্ট তাহার প্যান জ্ঞান—সে ত আর্ট লইয়াই মসগুল হইয়া থাকিবে। তবে? বিভাসচন্দ্র গৃহ হইতে বিভাডিত হইবার পরে গোপনে তাহাকে তাহার ভগিনীর সহিত দেখা-সাফাতের যোগাযোগের মূলে ছিল কে? সেও না শুভেন্দু? তাহার পর কেবল এক দিন এক মুহূর্ত নয়,— একাদিক দিন সে অতর্কিতভাবে অসময়ে ঠুঁড়িওতে গিয়া শুভেন্দু ও উদারানীকে যে ভাবে তন্ময় হইয়া গোপনে নিয়ন্ত্রণে পরামর্শ করিতে দেখিয়াছে এবং সে আত্মপ্রকাশ করিলে তাহার। মেরুপ অপ্রতিভ হইয়াছে, তাহাতে চামেলীর কথায় ত তাহাদের সঙ্গকে সেই ধারণা দৃঢ়মূলই হয়!

অসীম ভাল করিয়া খায় না, ঘুমায় না, তাহার অমত-বিগত রুক্ষ কেশ ও আরক্ত নয়ন তাহার মনের অস্থিরতা ও অশান্তিরই পরিচয় দিতেছিল। হিরণী সবই দেখে, সবই বুঝে, কিন্তু কোন প্রতীকারের উপায় পুঁজিয়া পায় না। তাহার অন্তঃকণ ডাক ছাড়িরা কাঁদিতে ইচ্ছা করে। এক এক সময়ে তাঁর মাতনা উপস্থিত হইলে সে কাতরস্বরে প্রার্থনা করে,—ভগবান, কি করিলে আবার এ বাড়ীতে যে শান্তি বিরাজ করিত, তাহা ফিরিয়া আসে!

বাল্য ও কৈশোরের সুখস্বপ্নঘেরা মধুর স্মৃতি—সে ত ভুলিবার নয়! সে স্মৃতি এই দুর্দিনে শত বৃশ্চিক-জ্বালার মত অস্তরের অস্ত্রস্তলে দীকি দীকি জ্বলিয়া উঠে! অজ্ঞান শিশুরূপে যখন সে মাতৃকোড়ে, তখনই তাহার জননীর স্মৃতি ধুইয়া মুছিয়া গিয়াছে। পিতা স্বয়ং পিতা ও মাতারূপে তাহাকে অঙ্কে ধারণ করিয়াছিলেন। সেই স্নেহময় পিতাও তাহার বাল্য ও কৈশোরের সন্ধিগুলে অকস্মাৎ এক দিন দারুণ সন্ন্যাস রোগে শয্যাশায়ী হইলেন। তাঁহার বাঁচিবার আশা ছিল না। বিধির রূপায় যদিও বা তিনি সেই প্রথম আক্রমণ সহ করিয়া বাঁচিয়া উঠিলেন, তথাপি চিরজন্মের মত পক্ষাঘাতে পঙ্গু হইয়া রহিলেন। অতুল ঐশ্বর্যের প্রাপ্য

সবুজ সুখস্বাচ্ছন্দ্য বিচ্যমান, অথচ মাহুঘের বুকু হৃদয় যে স্নেহমতীর সুখসংস্পর্শের জন্ত কাঁদাল, জীবনের প্রথম প্রভাতে যখন সে তাহা হইতে বঞ্চিত হইল, তখন কে তাহাকে তাহার অফুরন্ত অপরিমেয় ভ্রাতৃস্নেহের পক্ষপুটে আশ্রয় দিয়া সঞ্জীবিত করিয়া রাখিয়াছিল? সে তাহার সহোদর নহে, সে তাহার অপেক্ষা বয়সে অধিক বড় নহে,— অথচ প্রশান্ত সাগরের মত ছিল তাহার উদার উন্মুক্ত হৃদয়, হিমাচলের মত উন্নত ছিল তাহার বুদ্ধিবৃত্তি আর ধরিতীর মত ছিল তাহার অচল সহিষ্ণুতা,—সে-ও ছিল তাহারই মত অল্পবয়সেই পিতৃমাতৃহীন। আত্মীয়স্বজনের জীবনদায়িনী স্নেহসুধায় বঞ্চিত এই কিশোর হৃদয়ের অতৃপ্ত স্নেহকুণা মিটাইয়াছিল তাহার জ্যেষ্ঠভ্রাতৃপুল অসীমবিকাশ। তাহার মুখের একটি কথা খসাইতে হয় নাই, মনে বাসনার উদয় হইতে না হইতেই তাহার দাদা অবিলম্বেই সেই বাসনা পূর্ণ করিয়াছে। দাসদাসী ভৃত্য-পরিজন দাদার ইচ্ছিতে তাহার সকল আদেশ—সকল আবদার বাহানা নিমেষে পালন করিয়াছে। নিজে না খাইয়া দাদা তাহাকে খাওয়াইয়াছে, নিজে না পরিয়া তাহাকে পরাইয়াছে, নিজে আমোদ-আহ্লাদ বন্ধ করিয়া তাহার রোগশয্যার পাশে স্থান গ্রহণ করিয়াছে। সেই দাদার ঘর-আলো-করা বো আসিল, আর সেই বিবাহের প্রধান উল্লোক্যই ছিল সে স্নেহ। তাহাদেরই কলেজের স্কুলে সে যখন তৃতীয় শ্রেণীর ছাত্রী, তখন উবা পড়িত প্রথম বার্ষিক শ্রেণীতে। উবা ছিল তাহাদের কলেজের ছাত্রী-সমিতির সেক্রেটারী, সেই পূর্বেই উবার সহিত তাহার ঘনিষ্ঠতা হইয়াছিল। উবাও এই নিতীক ও তেজস্বী কুঁটকুটে মেয়েটিকে দেখিয়া অবদি তাহার একান্ত পক্ষপাতিনী হইয়া পড়িয়াছিল। হিরণীই উবাকে প্রায়ই তাহাদের ঘরে ধরিয়া লইয়া আসিত। সেইখানেই তাহার ভ্রাতার সহিত উবার সাক্ষাৎ ও পরিচয়। প্রথম প্রথম ধরিয়া আনিতে হইয়াছিল বটে, কিন্তু পরে ঘন ঘন বাতায়ানের আগ্রহটা ছিল উবা ও অসীমেরই সমন্বিত; কারণ, অসীমও ইহার পর উবার আত্মীয় অভিভাবকদের সহিত আলাপ-পরিচয় করিয়া লইয়াছিল। পরস্পরের প্রতি পরস্পরের আকর্ষণ,—যেন উপত্যাসের নায়ক-নায়িকারই মত। সে সব কি মুখের দিনই গিয়াছিল!

হিরণীর চোখের পাতা ভিকিয়া আসিল।

তাহার সেই সদানন্দ উদার দাদা ও অনন্ত প্রেমময়ী ভ্রাতৃজ্ঞার মধ্যে এই কালো মেঘের আড়াল কে গড়িয়া তুলিল? কে তাহাদের মুখের সংসারে অশান্তির আশ্রয় ধরাইয়া দিল? সত্য বটে, তাহার বৌদি একটু তরলমতি, গভীর চিন্তাশক্তির স্থান তাহার মধ্যে নাই, তাই সে নিজের ভালমন্দ কিসে হয়, বুঝিতে পারে না, বুঝিবার চেষ্টাও করে না। কিন্তু অত্যা সে ত নিষ্পাপ কোমলহৃদয়া পরম স্নেহপ্রেমপ্রবণ। সে জানে, তাহার ভ্রাতৃজ্ঞা পূর্কেরই মত তাহার ভ্রাতাকে প্রাণ দিয়া ভালবাসে, তাহার ভ্রাতার পায়ে একটি কাটা কুটিলে বুক দিয়া তাহা তুলিয়া দিতে পারে। তবে কেন সে আজ মিথ্যা অভিমানতরে আপনার সর্বনাশ আপনি ডাকিয়া আনিতেছে? পতিপ্রেমের কাছে ভ্রাতৃস্নেহ? তাও সেই ভ্রাতা যখন অপদার্থ কাপুরুষ? হিরণীদের ক্লাসে তখন রোমিও-জুলিয়েট পড়া হইতেছিল। জুলিয়েটের মুখে রোমিও ও টাইব্যাক্টের তুলনার কথা মনে পড়িয়া গেল। তুচ্ছ টাইব্যাক্ট! হিরণীর অতৃপ্ত বাসনা অন্তরের অন্তঃস্বলটাকে সেন কুরিয়া কুরিয়া খাইতে লাগিল; সে টেবিলের উপরে মাথা ঝুঁজিয়া নিঃশব্দে অশ্রু বিসর্জন করিতে লাগিল।

“একলাটি বসে অঙ্ককারে কি করছিঁ রে, হিরো? ওঃ, অনেক দিন তোকে দেখিনি—আয়, তাই-বোনে আজ ততো কথা কই।” অসীমবিকাশ দীর্ঘ দীর্ঘে আসিয়া তাহার পাশের আসনে উপবেশন করিল। হিরণী তাহার কর্ণধরে চমকিত হইয়া পূর্বেই আপনাকে সামলাইয়া লইয়াছিল। তাড়া গাড়ি অফলে চোখ মুছিয়া গাঢ়স্বরে বলিল, “দাদা! তুমি?”

“হাঁ হিরো, আমি। তা আশ্চর্য হবার কথা বটে—তোমার সঙ্গে দশ দিনের উপর দেখা হয়নি—এটা—এ কি, কান্দছিলি? দেখি, দেখি!”

অসীম তাড়াতাড়ি উঠিয়া লাইটের সুইচ টিপিয়া দিল, তখনও গোলুপের আলো ঘরখানিকে একবারে অন্ধকারে আচ্ছন্ন হইতে দেয় নাই।

হিরণী জোর করিয়া মুখে-চোখে হাসি আনিয়া বলিল, “হাঁ কান্দছি না বয়ে গেছে! তুমি কোথেকে এলে বলে দিকি, আকাশ থেকে?”

অসীম বলিল, “তাই বটে। তা, তোমার গলা ভারী, চোখের পাতা এখনও ভিকি—বানে কি?”

সম্মুখে হিরণীর মেঘের মত কালো কেশরাশির উপর হস্তাবমর্ষণ করিতে করিতে অসীম বলিল, “সত্যই হিরো, স্বার্থপর আমি নিজের সুখ-দুঃখ নিয়েই মসগুল, তোমার খবরটা পর্য্যন্তও নিতে পারিনি। আর দিকি একটু পড়াই মেঘদূত-খানা, অনেক দিন বই ছোঁয়া হয়নি।”

হিরণী বলিল, “সে হবে খন পরে। বলছিলুম কি, তুমি এখন হয়ে যাচ্ছ কেন বল দিকি? অমন যদি কর, তবে একেবারে দেশে চলে যাব, আর আসবো না বলে দিচ্ছি। আমার কিছু ভাল লাগে না, দাদা।”

“তুই চলে যাবি? তা হলে আমিও এক দিকে গিয়ে বেরবো। তুই আমার এই ঋণানপূরীতে সোণার প্রদীপ— হিরো, এ সংসারে মানুষ কি স্মৃতি থাকে বলতে পারিস?”

“ছিঃ দাদা! তুমি না পুরুষমানুষ বলে বড়াই করো? কিন্তু আমি যে বলি পুরুষমানুষ হলেই তার একটা লেজ বেরায় না—যে বিধাতা পুরুষকে সৃষ্টি করেছেন, তিনিই মেয়েমানুষকে সৃষ্টি করেছেন—সে কথা সত্যি বলে মান? তুমিই না বল, মেয়েমানুষ বড় পান্দে, একটুতেই ঝাঁঝেরা চোখে তার জল ঝরে?”

অসীম একটা সিগারেট ধরাইয়া ধূম উদ্গিরণ করিয়া কিছুক্ষণ সেই আকাশগামী ধূমরাশির দিকে স্থিরনেত্র চাভিয়া বহিল। তাহার পর দীরে দীরে বলিল, “হাঁ, তা বলি বটে— আর সেটা মিথ্যেও নয়। তুই এক জনকে বাদ দিলে যা থাকে, তাদের সবারই দেখতে পাই হৃদয় বলে একটা জিনিষট নেই—তার পুরুষের মনটাকে নিয়ে নকড়া-ছকড়া করে।”

হিরণী ক্লান্ত হইয়া বলিল, “ছি দাদা—এমন ছোট মন ত তোমার আগে ছিল না।”

“না, ছিল না। কিন্তু ঠেকে শিখছি অনেক নতুন জিনিষ। যাদেরই বিশ্বাস করা যায় অগাধ—তারাই আগে বিশ্বাস ভেঙ্গে দেয়—”

হিরণী বাধা দিয়া বলিল, “এ তোমার অগাধ, দাদা। তুমি কেবল নিজের দিকটাই দেখছো, তাদের দিক থেকেও কি বলবার আছে, তা কখনও খোঁজ করে দেখেছো?”

অসীম বলিল, “না, দেখিনি—দেখবার দরকারও হয় নি—নিজের চোখ-কাণকে ত অবিশ্বাস করতে পারিনি।”

হিরণী একটু উত্তেজিতস্বরে বলিল, “কখখনো না। তুমি নিজের চোখে কাণে কিছুই দেখ নি শোন নি, পরের

চোখে কাণে দেখেছ শুনেছো। আজ যখন কথা উঠলো, তখন এর একটা মীমাংসা করতে চাই, আমি ব’সে ব’সে সর্কনাশ দেখতে চাই নি। দাদা, আমার কথায় বিশ্বাস কর, যা ছিল, তাই আছে, কিছুই বদলায় নি, কেবল তোমাদের মধ্যে একটা খোলা কথাবার্তা—

অসীম য়ান হাসি হাসিয়া বাধা দিয়া বলিল, “তা হয় না, হিরো, কাচ একবার ভাঙ্গলে আর জোড়া লাগে না।”

হিরণী বলিল, “তা হ’তে পারে, কিন্তু স্বামি-স্ত্রীর সম্বন্ধ কাচের মত ঠুনকো নয় যে, ভেঙ্গে গেলে জোড়া লাগবে না। তুমি ব’স দাদা, আমি—”

অসীম বাধা দিয়া বলিল, “সর্কনাশ! ও কাগটি করতে দেও না, মিছে অপমান হবে।”

হিরণী দৃঢ়স্বরে বলিল, “তা হই হবো, তোমাদের কাছে আমার আবার মান অপমান কি? আচ্ছা, আমি বলি কি, ষ্টুডিওটা এখন থেকে তুলে দাও না কেন? অন্ততঃ চামেলীকে অল্প যাত্য়গায় থাকবার বন্দোবস্ত করে দাও না।”

অসীম বলিল, “গুব সোজা কথা নয়, হিরো। ষ্টুডিও সরিয়ে দেওয়া মানে আমার হাতে গড়া এই বিরাট ফিল্ম কোম্পানীটিকে গলা টিপে মেরে ফেলা। আর তার মানে আমার ভাত-ভিজিতে টান দেওয়া। জান ত, আমার যথাসর্ব্বশ্ব এতেই দিয়েছি।”

হিরণী বলিল, “কেন দাদা, আমাদের জমিদারী রয়েছে ত, উঠে গেলেই বা ফিল্ম কোম্পানী! সংসারের শান্তির কাছে ত আর ফিল্ম কোম্পানী নয়।”

অসীম বলিল, “তা হ’তে পারে, কিন্তু যে হাতে করে গড়েছে, তার কাছে নয়। আর তা ছাড়া জমিদারী আমার বলতে ত এক ছটাকও নেই, যা আছে কাকাবাবুর, তার মানে তোমার নিজের।”

হিরণী ছলছলনেত্রে বলিল, “ছি দাদা, তুমি এত পর হয়ে গেছ? তোমার আর আমার কি? তোমার যা, তা আমার নয় কি? তবে? আমার থাকলেই ত তোমার।”

অসীমের চোখের পাতা ভিজিয়া আসিল। সম্মুখে ভগিনীর মাথার উপর হাত রাখিয়া বলিল, “এমনি মিষ্টি মনটি যদি সকলের হ’ত জগতে!”

“তবে চামেলীকে আর কোথাও বিদায় করে দাও।”



“তুইই না বলেছিলি, অসহায় নিরাশ্রয়, ওকে আশ্রয় দাও, মানুষ ক’রে গ’ড়ে তোল ?”

“হাঁ, তাও বটে। ওকেও তাড়ানো যায় না। তবে বিভাসদাকে কোন দূরদেশে চাকরী-বাকরীতে পাঠিয়ে দাও না। বোম্বাই সহরে অনেক বড়মানুষ ত তোমার বন্ধু।”

“তা পারি। কিন্তু দুদিন গিয়েই সেখানে, আবার পালিয়ে আসবে বোনের আঁচলে।”

“কেন, এখন ত হোটেলেরেই রয়েছে।”

“তা হলেও দেখাসাক্ষাতে বাবা আছে বলে মনে হয় না—বিশেষ তোমাদের শুভেন্দু বাবুটি মাঝখানে থাকতে।”

কথাটা বলিবার সময় অসীমের নয়নে অস্বাভাবিক এক উয়ার লক্ষণ প্রকাশ পাইল।

হিরণী অমুযোগের সুরে বলিল, “বলেইছি ত, তুমি কেবল নিজের দিকটাই বড় ক’রে দেখেছো। আজ তুমি যাকে আমাদের বলে মগু বড় অভিমান ক’রে অভিযোগ জানাচ্ছ, মনে ক’রে দেখ, তিনি তোমার কে ছিলেন এত দিন, আর তাঁকেই বা এখানে এনেছিল কে? মানুষ রাগে অন্ধ হ’লে তার যে বিচার-বিবেচনার ক্ষমতা লোপ পেয়ে যায়, তা ত সত্যিই দেখছি চোখের সামনে।”

অসীম বিস্মিত হইল, সে এমনভাবে কখনও হিরণীকে শুভেন্দুর পক্ষ গ্রহণ করিতে দেখে নাই। একটু যে ক্রোধও হইল না, তাহা নহে। এই লোকটা কি মোহিনী জানে যে, তাহার নিজের সংসারে যাহাদের আপনার বলিবার, তাহারাও তাহার বিপক্ষে বিদ্রোহী হইয়া শুভেন্দুরই পক্ষপাতিনী হইয়া পড়িয়াছে? কথায় একটু কাঁক দিয়া বলিল, “সে ছদ্মকলা দিয়ে পোনে; সে যাকে পোষে, তাকে ভাল জেনেই পুষতে নিয়ে আসে, কিন্তু সে সে পরে সাপ হয়ে দংশন করবে, তা ত আগে থেকে জানা থাকে না।”

হিরণী বিষয়ে কিছুক্ষণ স্তম্ভিত হইয়া রহিল। তাহার পর বলিল, “কি বলছ তুমি দাদা? তোমার কি মাথা খারাপ হয়ে গেছে? হিঃ হিঃ!”

অসীম বলিল, “হাঁ, তোমরা আমায় হি হি করবে বটে, কিন্তু তুমি যদি সব কথা জানতে, তা হ’লে এমন কথা বলতে না।”

হিরণী বলিল, “আমি সব কথা জানি। জানি বলেই বলছি, তুমি মনে মনে যে মাকড়সার জাল বুনছো, তা এক দিন তোমারই চোখের সামনে কেঁসে যাবে। মিছে তুমি কেবল তোমার মনকে কষ্ট দিচ্ছ, দাদা।”

অসীম বিরক্তিভরে বলিল, “আমার চেয়ে তুমি যে শুভেন্দুকে ভাল ক’রে জানো, এটা খুবই নতুন কথা বটে। এক বছরে যে তুমি মানুষটাকে এতটা চিনে ফেলেছো, এটুকু তোমার বাহাজুরীও বটে। তাই বুঝি ওর হয়ে আমার সঙ্গে লড়াই করতে এসেছ?”

হিরণী গম্ভীরস্বরে বলিল, “বলেইছি ত, রাগে তুমি অন্ধ হয়েছ। নইলে সেটাকে তুমি লড়াই করা বলছো, সেটাকে লড়াই বলে না বুঝে, বুঝতে যে, আমি তোমার সংসারে সুখ-শান্তি আনবার জগেই বোঝাবার চেষ্টা করছিলাম। যাক, তুমি যখন বুঝবে না বলে আগে থাকতেই ঠিক ক’রে রেখেছ, তখন আর ও-কথা নিয়ে তর্কো করবার দরকার নেই, ও-কথা আর তুলবোও না কখনও, হয় ত এখানে থেকে চোখে এ সব দেখার চেয়ে আমার দেশে চ’লে যাওয়াই ভাল। যাবার আগে কিন্তু একটা কথা বলে যাবো। তুমি যাকে কুৎসিত বলে মনে ক’রে শত্রুর দলে ফেলেছো, তাঁর চেয়ে তোমার মঙ্গলাকাঙ্ক্ষী কেউ নেই, এটা জেনে রেখো, আর তাঁর মনে কোন পাপ নেই, এটাও জেনে রেখো।”

হিরণী দীর্ঘশ্বাসের পাদবিক্ষেপ করিয়া চলিয়া গেল, অসীম একবার হিরণী বলিয়া ডাকিয়া ফিরাইবার চেষ্টা করিল বটে, কিন্তু হিরণী ফিরিয়া ও চাহিল না।

কিছুক্ষণ স্তম্ভিত হইয়া অসীমবিকাশ নীরবে বসিয়া রহিল। সে তখন মনের মধ্যে আকাশ-পাতাল তোলাপাড়া করিতেছিল। এই নারীজাতির অন্তরের অন্তঃস্থল কি গভীর দুর্ভেদ্য রহস্যজালে আবৃত! সে অন্তরের বাহিরে শুধু নীরস সাহারার ধূ ধূ বালুকারাশি, কিন্তু ভিতরে অন্তঃশ্রোতা ফস্কর মত শীতল শাস্ত প্রস্রবণ! হিরণীর এই অযাচিত উজ্জ্বলিত প্রশংসাবাদে গুণগ্রহণের পরিচয় পরিস্ফুট, না আর কিছু? বহুক্ষণ চিন্তা করিয়াও অসীম-বিকাশ এ সমস্তার সমাধান করিতে পারিল না।

[ ক্রমশঃ

শ্রীসত্যেন্দ্রকুমার বসু ( সাহিত্যরত্ন ) ।



## হুগলী জেলার ইতিহাস

(পূর্ব-প্রকাশিতের পর)

### হুগলীর বিবিধ সংবাদ

মোগলদের সময়ে হুগলী জেলা তিন ভাগে বিভক্ত ছিল— প্রত্যেকটিকে 'সরকার' বলিত। সপ্তগাম, শালিমানাবাদ ও মন্দারণ এই তিনটি 'সরকার' ছিল।

হুগলীতে আকের চাষ খুব বেশী ছিল। মৃত্যুর কাপড় ও তমর কাপড়ের ব্যবসায়ও খুব বেশী ছিল।

হুগলীর কেল্লা (মোগলদের) মহম্মদউল্লা নিৰ্মাণ করেন। তিনি এক জন হুগলীর ফৌজদার ছিলেন।

মুর্শিদকুলী খাঁ বাঙ্গালার স্ববেদার হন। তৎপরে তাঁহার জামাতা সুলতানউদ্দীন হন। তিনি সুলতা খাঁকে হুগলীর ফৌজদার নিযুক্ত করেন।

মীরকাশিমের সময় বর্গী সেনাপতি শীতট একবার হুগলী আক্রমণ ও লুণ্ঠন করেন।

মেজর ক্লিওপ্যাট্রিক ও কাপ্তেন কুট পলাশী-যুদ্ধের পূর্বে একবার হুগলী লুণ্ঠন করেন; সেই জন্ত নবাব সিরাজউদ্দৌল্লা নিজেকে কলিকাতা আক্রমণে গিয়াছিলেন। "হুগলী ও হাবড়ার ইতিহাস ২য় খণ্ড পৃ ১২৪।"

সোমডানিবাসী রামকান্ত রায় (জাতিতে বৈজ) চিৎপুরে নবাব-বাজীর প্রধান মুন্সি ছিলেন, পরে নিজ ভ্রাতৃপুত্র কালীনাথকে ঐ চাকরী দিয়া, হুগলীতে নবাব খানজা খাঁর দেওয়ানী পদে নিযুক্ত হন।

কাঁচড়াপাড়ার (কাঞ্চনপল্লী) বৈজ্ঞক-বিশারদ রামচন্দ্রের নিবাস ছিল। তিনি নবাব খানজা খাঁর গৃহচিকিৎসক ছিলেন। কোন সময়ে নদীয়ার রাজা কৃষ্ণচন্দ্র রায় হ্রাবোগ্য রোগে আক্রান্ত হইলে বর্ধমানের রাজার অমুবোধে রামচন্দ্র নদীয়ার রাজাকে আরোগ্য করেন। "চাঁদবাণী" হইতে গৃহীত।

ভট্টরাজবংশে (মহারাজ কৃষ্ণচন্দ্রের পূর্বপুরুষ) কালীনাথ নামে এক রাজা ছিলেন। তাঁহার জ্যেষ্ঠপুত্র হুর্গাদাস গঙ্গারাজ উপলক্ষে বরভণ্ডপুর্বে আসিয়াছিলেন। সেই সময় নবাব-সৈন্ত নৌকাযোগে বাইবার সময় ঐখানে অবতরণ করেন। সৈন্ত আগমনের জন্ত হুর্গাদাসের সঙ্গী ও রক্ষীগণ ভয়ে পলায়ন করে, কিন্তু বালক হুর্গাদাস স্থিরভাবে দাঁড়াইয়া রহিল। বালকের দাহস দেখিয়া মুসলমান শাসনকর্তা বিস্মিত হইলেন এবং উত্থাকে

হুগলী বাইবার পথ জিজ্ঞাসা করিলেন। হুর্গাদাস হুগলীর দূরত্ব, প্রত্যেক গ্রামের নাম, এমন কি, গঙ্গানদীর গভীরতা পর্যন্ত বলিয়া দিলেন। মুসলমান শাসনকর্তা অত্যন্ত সন্তুষ্ট হইয়া উত্থাকে, হুর্গাদাসের জ্যেষ্ঠ ভ্রাতাদের অনুমতি লইয়া হুগলীতে লইয়া যান। এই হুগলীতেই তাঁহার শিক্ষালাভ হয়। এই হুর্গাদাসই কৃষ্ণনগর রাজবংশের প্রতিষ্ঠাতা ভবানন্দ মজুমদার।

ঐ বংশে কুদ্ররায় নামে এক রাজা ছিলেন। হুগলীর শাসনকর্তা তাঁহাকে বার বার ডাকিয়া পাঠান, কিন্তু কুদ্ররায় খাজনার প্রাপ্য টাকা পাঠাইতেন—নিজে কখনও যাইতেন না। উত্থাতে নবাব ছলক্রমে কুদ্ররায়কে ধরিয়া হুগলীতে আনেন।

ঐ কুদ্ররায় মৃত্যুর পূর্বে বলিয়াছিলেন যে, তাঁহার শব মেন চন্দ্রকাষ্ঠে দাহ করা হয়। সেই জন্ত হুগলীতে লোক পাঠান হয় এবং চন্দ্রকাষ্ঠও লইয়া যাওয়া হয়। ঐ চন্দ্রকাষ্ঠ খুব সম্ভব চন্দ্রনগর হইতে সংগৃহীত হইয়াছিল। "দাগোপযুক্তচন্দ্রকাষ্ঠ-মানেতুং হুগলী-প্রদেশে তরবীং প্রস্থাপয়িত্বা ইদানীমপি নাগতা।" এখানে হুগলী প্রদেশ বলিয়াছে, কিন্তু ঠিক হুগলী নহে। "কিতৌশ-বংশাবলীচরিত" Edited by W. Perch published from Berlin 1852.

কুদ্ররায়ের মৃত্যু হইলে তাঁহার কনিষ্ঠ পুত্র রামজীবনকে রাজ্য দিয়া যান এবং জ্যেষ্ঠপুত্র রামচন্দ্রের ভার রামজীবনের উপর দিয়া যান। কিন্তু শ্রদ্ধদিবসে যখন সমস্ত ত্রাক্ষণ ও অপরাধের সকলে সভাস্থ হইলেন, তখন রামচন্দ্র রামজীবনকে পিতার আদেশ সম্বন্ধে জিজ্ঞাসা করেন যে, তাঁহাকে কি দেওয়া হইবে। রামজীবন কিছুই দিতে স্বীকার না হওয়ার, রামচন্দ্র অশ্রুপূর্ণ আবেগে ক্রিয়া হুগলীর ফৌজদার-সমীপে আইসেন ও ভ্রাতার সম্বন্ধে অভিযোগ করেন। এই রামচন্দ্র অতিভোজী ছিলেন, এমন কি, ১৫২০ জনের আহাৰ্য্য একা খাইতে পারিতেন। শারীরিক বলও অসাধারণ ছিল। তাঁহার শরীরের ওজন এত অধিক ছিল যে, আরবদেশীয় অশ্ব ব্যতিরেকে অন্য অশ্ব তাঁহার ভার বহন করিতে পারিত না।

২২শের শেষবীর প্রতাপাদিত্যের বিরুদ্ধে হুগলীর শাসনকর্তাই আকবর বাদশাহের নিকট প্রথম 'অভিযোগ' প্রেরণ করেন। At this time the Governors of Jamhagir and Hooghly informed the Sultan of Delhi of the many fold baseness."

মুর্শিদকুলী খাঁর সহিত ইংরেজের অমিল হয়। সেজন্য ইংরেজ, বাদশাহ শাহ আগমের কাছে দূত প্রেরণ করেন। এই

সময় উইলিয়াম হ্যামিলটন ডাক্তার সাহেব বাদশাহের কঠিন পীড়া আরোগ্য করেন। ইহারই পুরস্কাররূপে ১৭১৪-১৫ খৃষ্টাব্দে কলিকাতার নিকট ৩৮ খানি গ্রাম ক্রয় করিবার প্রার্থনা করেন। প্রার্থনা মঞ্জুরও হইয়াছিল। কিন্তু মুরশিদ জমিদার-দিগকে হুকুম দিলেন, যে জমি বিক্রয় করিবে, তাহারই তিনি সর্কনাশ করিবেন। সেজন্য কেহই জমি বিক্রয় করিতে সাহসী হন নাই। এই সময়ে হুগলীর ফৌজদার ছিলেন জৈনউদ্দীন, তৎপরে ওয়ালিবেগ, তৎপরে আদান আলি খাঁ ফৌজদার হন। ঐ ৩৮ খানি গ্রামমধ্যে শিবপুর ও বেতড় ছিল।

ডাঃ টমাস ওয়াইজ সাহেব হুগলীতে প্রথম হাসপাতাল করেন এবং 'স্বটিকলচারল' সোসাইটী স্থাপন করেন। জীবনচন্দ্র পাল ঐ সোসাইটীর অগ্রণী ছিলেন। হুগলীতে তাঁহার বিস্তৃত উদ্ভান এখনও বর্তমান আছে।

কলিকাতাস্থাপিতা জব চারণক প্রথমে ইষ্ট ইণ্ডিয়া কোম্পানীর এক্জেন্ট হইয়া হুগলীতে ছিলেন। তৎপরে উল্বেড়িয়ায় উপনিবেশ স্থাপন করেন। কিন্তু দুই বায়গাতেই অকৃতকাষ্য হন। পরে সূতানুটিতে পাট্টা গ্রহণ করিয়া কলিকাতার ভিত্তি স্থাপন করেন। বর্তমান টাকশাল সূতানুটি গ্রাম ছিল। প্রসঙ্গক্রমে উল্লেখ করিতেছি, জব চারণক চাণকের সৃষ্টিকর্তা নহেন, উহা জনরব মাত্র। চাণকের বহুপূর্বে বিপ্রদাসের কবিতায় ( ১৪৯৫ খৃঃ ) চাণকের উল্লেখ আছে। ঐ সাহেব সহমরণ হইতে পলায়িতা এক হিন্দু রমণীর পাণিগ্রহণ করেন। চাণকের মৃত্যুর পূর্বেই তাঁহার সহমরণীর মৃত্যু হয়। তাঁহার কবর চাণকে ছিল। চারণক সাহেব পত্নীর কবর দেখিতে প্রায়ই চাণকে সাত্তেন। "Travels of a Hindu" পুস্তক হইতে গৃহীত।

পূর্বে বৈজ্ঞানিক পাখা ত ছিলই না, টানা পাখাও ছিল না। এক জন ডাঃ গভর্নর উহার উদ্ভাবন করেন।

নিউটনের উদ্ভাবিত দূরবীক্ষণ যন্ত্র এম, কে, ধর ব্রাদার্স' প্রথমে হুগলীতে তৈয়ারি করে। District Gazetteer p 186 by O' Malloy.

পূর্বে ১'৩ বর্গমাইলে ৮৬০ জন লোকের বাস ছিল। ইহার উপর ১ জন মাত্র পুলিশ-কর্মচারী ছিল অর্থাৎ প্রায় ১২২০ জন লোকের উপর ১ জন মাত্র পুলিশ-কর্মচারী ছিল।

সন্দীপের রাজা কেদারবায় মানসিংহের সতিত বৃদ্ধে নিহত হন। তাঁহার মৃত্যুর পর তাঁহার নৌ-সেনাপতি কার্ডালো সৈন্য সংগ্রহের জন্ত হুগলী আসিয়াছিল। মোগল-দুর্গ হইতে তাঁহার জাহাজে তোপ নিক্ষেপ করে। কার্ডালো ক্রুদ্ধ হইয়া তাঁহার সৈন্য লইয়া সমুদ্র দিয়া তীরে উঠিয়া দুর্গের প্রহরীকে নিহত করিয়া দুর্গে প্রবেশ করে এবং ৪০০ শত সৈন্য নিহত করে। এক জন মাত্র কাকী পলাইয়াছিল। "হাবড়া ও হুগলীর ইতিহাস ২য় খণ্ড পৃঃ ১১২।"

মীর হবিব বর্গীদের সঙ্গে যোগ দেয়। বর্গীরা মন্দারণে আড্ডা লয়। শেষ হুগলী লুণ্ঠন করে। "ঐ পৃঃ ৩৫"

খোজা ওয়াজিদ নামে হুগলীর এক জন ধনী মুসলমান বণিক করাসী জেনেরল ( ল ) সাহেবকে নবাব সিরাজদ্দৌলার সঙ্গে পরিচিত করিয়া দেয়—"Caja Wajid who had introduced me ( Law ) to the Nawab and who, it would be natural

to suppose, was our patron was a great merchant of Hoogly."—Three Frenchmen in Bengal p 88

By S. C. Hill B.A. B.T.

ইষ্ট ইণ্ডিয়া কোম্পানীর বাণিজ্যের ভিত্তর উপরিতন অফিসার পর্যন্ত ভাগে কাষ করিতেন—প্রকারান্তরে বাণিজ্য-তত্ত্ব দিতেন না। "The first was the private monopoly in partnership which commenced in the begining of June 1765 between Lord Clive, Messieurs Summers, Sykes and Verelst each one quarter part for purchasing large quantities of salt that inthe hands of private merchants and in August 1765 the monopoly of inland-trade in salt beetelnut and tobacco was established.—Consideration on Indian Affairs part II p 58 By William Balts.

মতিরাম নামে এক জন হুগলীর ফৌজদার ইষ্ট ইণ্ডিয়া কোম্পানী দ্বারা কারাক্রম হয়। "Matiram a Hindoo and man of family who had been lately appointed fouzder of Hooghly through the interest of Mr. John Johnstone one of the council together with Busuntroy his dewan were suddenly imprisoned." —Ditto p. 59.

হুগলীর বাণিজ্য লইয়াই নবাব সিরাজদ্দৌলার বিরুদ্ধে তাঁহার মাতা আমিনা বেগম দাঁড়াইয়াছিলেন এবং ঐ বেগম ইংরেজের সাহায্য করিতেন। আমিনা সিরাজকে ইংরেজের সতিত যুদ্ধ করিতে বাধ্য করেন—ইহার মূলে একটু স্বার্থ ছিল বলিয়া মনে হয়। বসিটি ( সিবাজের মাসী ) ও আমিনা বাবসায়-বাণিজ্য দ্বারা অর্থোপার্জন করিতেন। বাণিজ্যের পথ উন্মুক্ত রাখিতে হইলে ইংরেজ বণিকের সতিত সম্ভাব রাখা একান্ত প্রয়োজন। কারণ, ইংরেজের জায় অধিক মূল্যে দ্রব্যাদি খরিদ করিবার সামর্থ্য আর কাহারও ছিল না। উমিচাঁদ নবাবের প্রিয়পাত্র ছিলেন। তাঁহার মারকত আফিম ও সোরা কল্যাঙ্গী দিয়া হুগলীতে ব্যবসা চলিত। "বাক্সালার বেগম"—শ্রীব্রজেন্দ্রনাথ বন্দ্যোপাধ্যায়।

মুরশিদকুলি খাঁ হুগলীতে ওয়ালিবেগকে ফৌজদার নিযুক্ত করেন এবং জৈনউদ্দীনকে পরচ্যুত করেন। ওয়ালিবেগ বিক্রমসেনকে সঙ্গে লইবার প্রস্তাব করিলে জৈনউদ্দীন আপত্তি করিলেন। পরে উভয়েই অন্তর্ধারণ করসেন। ওয়ালি নবাবের সাহায্য চাহিলেন এবং তিনি দীলপং সিং নামে এক জন হিন্দু সেনাপতিকে পাঠাইলেন। নবাব ইতিপূর্বেই যুরোপীয়ানদিগকে সাবধান করিয়া দেন, যেন তাঁহার কোন পক্ষই অবলম্বন না করেন। কিন্তু ফরাসী ও দিনেমার জৈনউদ্দীনকে কামান দিয়া সাহায্য করিল। চন্দননগরের সমীপে এই ঘটনা হয়। কিছুদিন এই ভাবেই কাটে। পরে দীলপংসিংকে মধ্যস্থতার জন্ত নবাব হুকুম দিলেন। তিনি নবাবদত্ত শাল কাঁধে করিয়া চন্দননগরের দিকে গেলেন। অপর পক্ষের প্রতিনিধি ও দীলপংসিং দাঁড়াইয়া কথাবার্তা কহিতেছেন, এমন সময়ে ফরাসীর কামানে দীলপংয়ের মাথা উড়িয়া গেল।—Historical Sketches of Bengal p. 45.



সায়েন্টা খাঁর সময়ে টাকার ৮ মণ চাউল পাওয়া যাইত। সেক্ষত্রে তিনি টাকার পশ্চিম গেট ইটের গাঁথনি করিয়া বন্ধ করিয়া দেন এবং বলেন, যদি কেহ এইরূপ সস্তা করিতে পারেন, তবে যেন ঐ গেট খোলা হয়। বশোবস্তুরায়ের সময়ে ঐরূপ খাওয়ার সস্তা হইয়াছিল। তিনি ঐ গেট ভাঙ্গিয়া দেন। বশোবস্তুরায় মুর্শিদকুলী খাঁর দ্বারা শিক্ষিত হন। খাজনা আদায়ের তিনি কৰ্ত্তা ছিলেন।

আইন আকবরীতে উল্লেখ আছে যে, সাতগাঁ ও হুগলীর মধ্যে ব্যবধান ১ মাইল, কিন্তু জেমস্ রেনেলের লিখিত Memoir of a map of Hindustanএ ৫ম পৃষ্ঠায় লেখা আছে ৪ মাইল।

রৌপ্যমুদ্রা সের খাঁর সময়েই প্রথম প্রচলিত হয়। উহার ওজন ১১২ মাষা। ১ টাকার তামার পয়সা বা দাম ৪০টা ছিল। আকবরশাহ চতুর্কোণ টাকা উঠাইয়া দিয়া গোল টাকা প্রচলন করেন। “আইন আকবরী”

পূর্বকালে সামুদ্রিক জাহাজ বাঙ্গালা দেশেই তৈয়ার হইত। বলাগড়ের নিকট জাহাজ তৈয়ার হইত। ১৯ শতাব্দীর প্রথম ভাগে কোন্নগরের ডকে ছোট ছোট জাহাজ তৈয়ার হইত। “Early in 19th century there was a dock at Konnagar where ships were built.” Dr.—Crawford’s Medical Gazetteer P 24. ঐ স্থানে “হাঁড়িকুল অয়েল মিল” হইয়াছিল। বর্তমান সময়ে “বাটা” কোম্পানির জাহাজ তৈয়ার হইয়াছে।

মীর হবিব, মীর আবুল হাসান ও আবুল কাশিম দুই জন বণিকের সহিত বড়বন্দ করিয়া, উহাদের সাহায্যে হুগলী অধিকার করিলেন। এক দিন রাত্রিতে দুর্গদ্বার বন্ধ হইলে ঐ বণিকদ্বয় সংবাদ পাঠায় যে, শাসনকর্ত্তার সহিত তাহাদের বিশেষ আবশ্যক আছে। দুর্গদ্বার খোলা হইল। মীর হবিব ১৫ জন অশুচর লইয়া ভিতরে প্রবেশ করিয়া শাসনকর্ত্তাকে বন্দী করিল। সহরের বাহিরে বগী-সেনাপতি শিবরাও অপেক্ষা করিতেছিলেন। মীর হবিব তাঁহাকে নিজের সাফল্যের সংবাদ অবিলম্বে পাঠাইলে শিবরাও হুগলীতে সর্বসঙ্গে প্রবেশ করিলেন—শাসনকর্ত্তাকে বন্দী করিলেন—হুগলী লুণ্ঠন করিলেন।

জনশ্রুতি যে, ফুরফুরায় এক জন বাগ্দী রাজা ছিলেন। তিনি হুজুরশাহ কবির হাবিলদার এবং হুজুর কাওয়ামুদ্দীন কর্ত্তক পরাক্রান্ত হন, কিন্তু উভয়েই পরে নিহত হন।

১২২ শকাব্দায় মঙ্গলগ্রামে (হুগলী ইহার ভিতর) রূপো নামে বাগ্দী রাজা ছিলেন। বাগ্দী ও ডোম জাতীয় তাঁহার বিশেষ পরাক্রান্ত সৈন্যও ছিল। তাঁহার বাগ্দী সেনাপতির নাম ছিল ‘মেঘা’। রাজা বরগুণ ও উড়িয়ার রাজা হরিবর্ষণ দেব একত্র মিলিত হইয়া অবিরাম যুদ্ধের পর মেঘাকে পরাক্রান্ত করেন। রূপো রাজাও মারা যান। ডোম সৈন্যরা অখারোহী ও পথ-পরিষ্কার কার্যে (স্বাপারমাইনর) নিযুক্ত থাকিত এবং তাহারাই পথে অগ্রে যাইত। ইহা হইতেই আমাদের ছেলে-ভুলান ছড়া হইয়াছে—“আগে ডোম বাগা ডোম ঘোড়াডোম সাজে

ঢাল মৃগল ষাগর বাজে

বাজতে বাজতে পড়লো সাড়া

সাড়া গেল সে বামন পাড়া।” ইত্যাদি,

—“বেণের মেয়ে” হইতে উদ্ধৃত।

ইষ্ট ইণ্ডিয়া কোম্পানীর ১। এপ্রিলের মাহিনা বাৎসরিক ১০০ পাউণ্ড, পরে ২০০ পাউণ্ড হয় ও বকসিস ছিল। ২। হিসাবপরীক্ষক, ৩। গুদামবক্ষক, ৪। খাজাগী, ৫। পাদরী মাহিনা বাৎসরিক ১০০ পাউণ্ড, ৬। ডাক্তার মাহিনা বাৎসরিক ৩৬ পাউণ্ড, ৭। ফ্যাকটরের মাহিনা বাৎসরিক ২০ হইতে ৪০ পাউণ্ড, ৮। কেবালীর মাহিনা বাৎসরিক ১০ পাউণ্ড ছিল।

বার্নিয়ার সাহেব ( যিনি ১৫০ টাকা মাহিনাব বাদশাহ আরম্ভজের ডাক্তার ছিলেন ) পিপলাই হইতে হুগলীতে নৌকাযোগে ভ্রমণ করেন। তিনি লিখিয়াছেন,—“I remember a nine days voyage that I move from Piplay to Hooghly among these islands sandcamels...my seven oared boat had conveyed us out of the river Piplay and we had advanced 3 or 4 leagues at sea along the coasts saw sea covered with fishes, carles and dolphines.”

র্যাল্ফ ফিচ নামে এক জন ইংরেজ প্রথম হুগলী আসেন, তিনি লেখেন, “In the year of our Lord 1583, I Ralph Fitch of London merchant being desirous to see the countries of the East India in the company of Mr. John Newberie...” হুগলী সম্বন্ধে তিনি লেখেন যে, From thence I returned Hugely which is the place where the Portugals keep in the country of Bangalas, which standeth in 23 degrees of Northerly latitude standeteh a league from Satagar, they cal it Porto Piqueno. We went through the wilderness because the right way was full of thieves where we passed countreys of Gouren (গৌড়)”—Ralph Fitch P. 48 & 113 by I. Horton Rylay.

উইলিয়ম ক্রটন বলেন, ১৬৩২ খৃষ্টাব্দে হুগলী গঙ্গা নদীর একটি দ্বীপ ছিল। বার্নিয়ার ট্রাভলে একখানি মানচিত্রেও দ্বীপ দেখান আছে। কিন্তু প্রকৃতপক্ষে দ্বীপ ছিল না। পর্তুগীজরা গঙ্গার দিক ব্যতীত অপর তিন দিকে গড়খাত কাটিয়া তাহা জলে পূর্ণ করিয়া রাখিত। ‘ষ্ট্র্যাটের ডেসক্রিপটিক ক্যাটালগ’ এই কথা সমর্থন করে এবং ক্যাম্পস সাহেবও ঐ খাতের কথা বলেন। হুগলী গঙ্গা নদীর দ্বীপ ছিল না।

৩০ সালের বজার করের দিন পরে বারাকপুরে সিপাহী-বিদ্রোহ হয়। এই সংবাদ প্রাপ্তিতে হুগলীর ম্যাজিষ্ট্রেট স্মিথ সাহেব কতকগুলি বরকন্দাজ পাঠাইয়া ৪৫ জন বিদ্রোহীকে ধরিয়া আনেন। তাহাদের মধ্যে ১২ জনের ফাঁসি হয়।

ইষ্ট ইণ্ডিয়া কোম্পানীর Commercial Residencies হুগলী জেলায় হরিপালে, খিরপাই এবং বাধানগরে ছিল। ১৮০৭-১৮২০ খৃষ্টাব্দ পর্যন্ত রবার্ট রিচার্ডসন এবং জর্জ রিচার্ডসন, ১৮২৪ খৃঃ চার্লস কেরি, ১৮২৫-১৮২৮ খৃঃ পর্যন্ত রবার্ট ক্রক, ১৮২৯-১৮৩৩ পর্যন্ত হেনরি এস. স্পেন রেসিডেন্ট ছিলেন। ইহার পূর্বে ১৭৬৫ খৃঃ টমাস হিউয়েট হরিপালে, ১৭৯৫ খৃঃ মে মাসে রজার গেল ওরিকার্ড গেলোগরে এবং আগষ্ট ১৭৯৬ খৃঃ পিটস্ মিডলটন রেসিডেন্ট ছিলেন। —Dr. Crawford’s Medical Gazetteer.



শ্রীশকালে হুগলী কাছারী সকালে বসিত :—“হুগলী... আজকাল রৌদ্রের তেজ প্রখর হওয়াতে ফোজবারী, বেজেটাবারী, কালেকটারী প্রভৃতি আনালত-সমূহের কার্খা প্রাতঃকালে হইতে আরম্ভ করিয়া বেলা দশটা এগারটা পর্যন্ত হইয়া থাকে।... শ্রীযুত কেদারনাথ বিখাস ডেপুটী ম্যাজিষ্ট্রেট হুকুম দিয়াছেন, তিনি বেলা ৯ টা হইতে দুই ঘটিকা পর্যন্ত স্বীয় আনালত ও ট্রেজারি খোলা রাখিবেন। ২৩ ভাগ ২য় সংখ্যা ১২৮৭।১৫ই বৈশাখ ইং ১৮৮০।২৬ এপ্রেল “সোম প্রকাশ”।

১৬৫৮-৬৪ খৃষ্টাব্দে ওলন্দাজ শাসনকর্তা ভনডাব ব্রুক হুগলী নদী জরিপ করেন এবং প্রথম পাইলট চার্ট প্রস্তুত করেন। ব্লেকের সময় ইংরেজ ১৬৬৮ খৃঃ ঐ নদী জরিপ করেন এবং ইহা হইতেই পাইলট সার্ভিসের সূত্রপাত হয়।

১৬৭৬ খৃষ্টাব্দে ইংরেজ বণিক সভা হুগলী “Key of Bengal” বলিয়া বর্ণনা করেন। সেই জন্ত তাহারাই এইখানে প্রধান কুঠী স্থাপন করেন। ১৬৭৯ খৃঃ বাঙ্গালার কুঠীগুলি সংহত করা হয়। হুগলীতে কাউন্সিল রচিত হয় এবং সমস্ত বাঙ্গালার ইংরেজ-চালিত বাণিজ্য তাহার অধীন হয়।

ইষ্ট ইণ্ডিয়া কোম্পানীর আয়-ব্যয়-তালিকা :—“পালিয়ামেন্টে প্রাধিকার হিসাবে প্রকাশ হয়, ১৮৭৮ খৃষ্টাব্দে ১ মে তারিখ অবধি ১৮৪৯ খৃষ্টাব্দের ৩০ এপ্রিল পর্যন্ত এক বৎসবে বিলাতের ধনাগারে ভারতবর্ষ হইতে ৫ কোটি ৬১ লক্ষ ৮৯ হাজার ২৭১ টাকা জমা হইয়া ৪ কোটি ২৭ লক্ষ ৪৪ হাজার ৯৫১ ব্যয় হয়, এতদতিরিক্ত ১ কোটি ৩৭ লক্ষ ৪৪ হাজার ৩২০ টাকা সঞ্চয় থাকে। ১৮৪৯ খৃষ্টাব্দের ১ মে অবধি ১৮৫০।৩০ এপ্রিল পর্যন্ত দ্বাদশ মাসে ৫ কোটি ২০ লক্ষ ১৯ হাজার ৩১১ টাকা জমা হইয়া ৪ কোটি ২৩ লক্ষ ৩৮ হাজার ৮৫১ টাকা ব্যয় বাদে ৯৬ লক্ষ ৮০ হাজার ৪৬০ টাকা উদ্ধৃত থাকে...ইষ্ট ইণ্ডিয়া গভর্নমেন্টের বিলাত রাজস্ব কম্পচারী-দিগের এক তালিকা গত মে মাসে প্রস্তুত হয়, তদ্বারাবগতি হইল তথায় সর্বমুদ্র ৫১৪ জন লোক নিযুক্ত আছেন ইহারদিগের বার্ষিক বেতনে ১২ লক্ষ ৬১ হাজার ২১১ টাকা পর্যন্ত ব্যয় হয়।” ৬০ সংখ্যা ১৮৭৯।৪ সেপ্টেম্বর। ১২৫৬।২০ ভাদ্র মঙ্গলবার “সন্ধান-ভাস্কর।”

১৮৭০ খৃষ্টাব্দ হইতে ১৯০০ খৃষ্টাব্দ পর্যন্ত

হুগলী জেলায় বৃষ্টিপাতের তালিকা

খৃষ্টাব্দ	ইঞ্চি হিসাবে	খৃষ্টাব্দ	ইঞ্চি হিসাবে	খৃষ্টাব্দ	ইঞ্চি হিসাবে
৮৭০	৫৮'০২	৮৮০	৫৪'৮৭	৮৯০	৫৫'০৭
৭১	৭৬'৭৯	৮১	৬২'৭৭	৮২	৫৫'৮৫
৭২	৫১'০০	৮৩	৫৬'২০	৮৪	৫১'৩১
৭৩	৩৯'৬৩	৮৫	৫৬'২৬	৮৬	৬২'৪৭
৭৪	৩৯'৩৭	৮৭	৫৬'৫২	৮৮	৫৩'৮২
৭৫	৫২'২২	৮৯	৭২'৭৯	৯০	৫৩'১৮
৭৬	৪০'৭২	৯১	৫২'৮৯	৯২	৫৩'৬১
৭৭	৫৬'৩৭	৯৩	৫৮'৬০	৯৪	৬৮'৮২
৭৮	৮২'৩০	৯৫	৭২'৪৭	৯৬	৫২'৮৭
৭৯	৪২'৫৩	৯৭	৪০'২৭	৯৮	৭১'৮৭

১৯০০ খৃষ্টাব্দে সেপ্টেম্বর মাসের ২১শে ৯'৭০" ইঞ্চি, ২০শে ৫'৮৫" ২২শে ২'৮৫ ইঞ্চি অর্থাৎ তিন দিনে ১৮'৪০" ইঞ্চি বৃষ্টিপাত হয়। এই বৎসর কলিকাতা সহরের অনেক বাস্তায় নৌকা চলিয়াছিল, কিন্তু মোটের উপর অধিক বৃষ্টিপাত হয় নাই। ১৮৬৩ খৃঃ ৭৬'৮০ ; ১৮৬৪ খৃঃ ৭১'১০ ; ১৮৬৫ খৃঃ ৬৩'০০ ; এবং ১৮৬৬ খৃষ্টাব্দে ৬৪ ৭০ ইঞ্চি বৃষ্টিপাত হয়। ১৮৬৪ খৃষ্টাব্দের জুলাই মাসে ২০'৫০" এবং ১৮৬৬ খৃষ্টাব্দের ঐ জুলাই মাসে ২০'২০" ইঞ্চি এক দিনে বৃষ্টিপাত হয়। এক দিনের বারিপাত হিসাবে ইহাই সর্বাপেক্ষা অধিক।

হুগলী জেলায় রম্ মদের কারখানা ছিল, তাহার তালিকা

স্থান	মালিকের নাম
বলভপুর	W, Woolen late C. S,
ঐ	W. Graves
পদমডাঙ্গা	Elberling late Donish secretary
ধানগোবিন্দ	Carr, T. gore & Co,
রিষড়া	G. Macnair
কোয়লগর	Do.
বাঁকীপুর	Jerdon
চন্দ্রনগর	Tressanges "Toynbee"

হুগলী জেলার গড়পড়তায় দৈনিক পারিশ্রমিক :—

সাল	ঘণ্টা	দুতর	কৃষাণ	অস্ত্রান্ত মজুর
১৮৪৭	৮/০	১/০	১/০	১/৫
১৮৫৯	৮/০	১/১০	১/১	১/১০
১৮৫৯	৮/০	১/০	১/০	১/৭
১৮৬৯	৮/৫	১/০	১/০	৮/০
১৮৬৯	১/৫	১/৫	১/৭	৮/০
১৮৭০	১৮/১০	১৮/১০	১/৭	৮/১০

ওমেলির ডিষ্ট্রিক্ট গেজেটিয়ার হইতে গৃহীত।

চাউল প্রভৃতি ১ এক টাকায় কত পাওয়া যাইত

গড় বৎসর	চাউল (সের)	গম	ছোলা	লবণ
১৭৯৩ হইতে ১৮১৩	৯০	৫০'৫০	৫০'৫০	...
১৮৬১ হইতে ১৮৬৫	১১	১১'৪০	১২'৭১	১০'৬০
১৮৬৫ — ১৮৭০	২০'৮৪	২১'৮৬	১৭'১৪	৯'৩২
১৮৭১ — ১৮৭৫	১৬'৯৪	১৪'৬৪	১৮'৭৪	৮'৭৩
১৮৭৬ — ১৮৮০	১৪'৪০	১৩'৮৯	১৫'৪৩	৯'০০
১৮৮১ — ১৮৮৫	১৬'৫৯	১৫'৫৭	১৮'৩৭	১২'৪৩
১৮৮৬ — ১৮৯০	১৪'৮৬	১৩'৯৫	১৭'১৬	১০'৭৬
১৮৯১ — ১৮৯৫	১১'৮৬	১২'৯৫	১৫'০৩	১০'৫৯
১৮৯৬ — ১৯০০	১০'৯৫	১০'৯৭	১২'৫৯	৯'৯৭
১৯০১ — ১৯০৫	৯'৯৮	১০'৩৪	১২'৬৪	১২'১৬
১৯০৬ — ১৯০৭	৭'৪০	৮'৫০	৯'৪৬	১৬'১৭

হুগলী জেলার হাঁসপাতাল

স্থান	স্থাপিত সাল	স্থান	স্থাপিত সাল
শ্রীরামপুর	১৮৩৬	ভদ্রেশ্বর	১৮৮৫
(হুগলী) ইমামবাড়ী	১৮৩৬	খানাকুল	১৮৯৩
উত্তরপাড়া	১৮৫১	মাগুরা	১৮৯৩
ধারবাসিনী	১৮৫৬	হুগলী জানানা	১৮৯৪
বৈষ্ণবাটা	১৮৫৭	বলাগড়	১৮৯৪
আবামবাগ	১৮৭১	ইটাচোনা	১৯০১
বিষড়া	১৮৭৩	ভাগুরহাটা	১৯০৫
বৈচি	১৮৭৮	হরিপাল	১৯০৮

শ্রীউপেন্দ্রনাথ বন্দ্যোপাধ্যায় (জ্যোতীরঙ্গ)।

পুষ্পাঞ্জলি—শ্রীনবকৃষ্ণ ভট্টাচার্য্য প্রণীত কবিতার বই। প্রকাশক নারায়ণ লাইব্রেরী, ২৭ কর্ণওয়ালিস স্ট্রীট, কলিকাতা। ১২৮ পৃষ্ঠা, কাগজে বাধানো শক্ত মলাট চিত্রিত, উত্তম এটিক কাগজে ছাপা। মূল্য পাঁচ টাকা।

নবকৃষ্ণ বাবু প্রবীণ কবি, এক কালে তাঁহার কবি-খ্যাতি বঙ্গদেশে সুবিস্তৃত ছিল। তাঁহার সহস্র সরল ভাষা, উত্তম ভাব, গুণ্য পর্যবেক্ষণ-শক্তি তাঁহার কবিতাগুলিকে এক কালে বিশেষ সমাদৃত করিয়াছিল। বিশেষ করিয়া তাঁহার শিশু-পাঠ্য উপদেশ-মূলক কবিতাগুলি সেকালের স্বল্প শিশু-পাঠ্য সাহিত্যের মধ্যে একটি উচ্চ আসন অধিকার করিয়াছিল। এখনও এমন পাঠ্য পুস্তক খুব অল্পই লিখিত বা সংকলিত হয়—যাহাতে নবকৃষ্ণ বাবুর শিশু-পাঠ্য কোনো না কোনো কবিতা না গৃহীত হয়। তাঁহার “শিশুরঞ্জন-রামায়ণ” প্রভৃতিও শিশু-সাহিত্যে একটি নূতন দিক নির্দেশ করিয়া দিয়াছিল, এবং তিনিই এই বিষয়ে অগ্রণী বলিয়া বঙ্গবাসীর কৃতজ্ঞতার পাত্র। কিন্তু নবকৃষ্ণ বাবু কেবলমাত্র শিশুতোষণ কবিতাই লেখেন নাই, তিনি বহুকাল হইতে নানা বিখ্যাত সাময়িক পত্রে স্বকীয় ভাবোচ্ছ্বাস সরল সুমধুর কবিতায় পরিব্যক্ত করিয়া সাহিত্য-সমাজে সুপরিচিত হইয়াছিলেন। এই বর্তমান পুস্তকখানি সেই সব পূর্ক-প্রকাশিত কবিতাগুলির সমাহার। ইহাতে ১২৯১ সাল হইতে আরম্ভ করিয়া ১৩৪১ সাল পর্যন্ত সময়ের—পূর্ণ ৫০ বৎসরের সাহিত্য-সাধনার নমুনা সংগৃহীত হইয়াছে। কবি নবকৃষ্ণ বাবু তাঁহার সাহিত্য-সাধনার ইতিহাস এইরূপ দিয়াছেন—“সোমপ্রকাশ, নববিভাকর, এডুকেশন গেজেট প্রভৃতি সাপ্তাহিক পত্রের আমি সর্বপ্রথম কবিতা লিখিতে আরম্ভ করি।...মাসিক পত্রের মধ্যে সুবিখ্যাত ‘ভারতী’ পত্রিকাতেই আমার কবিতা প্রথম প্রকাশিত হয়। তখন আমি কলিকাতা সংস্কৃত কলেজিয়েট স্কুলে প্রথম শ্রেণীতে পড়িতাম—নিজের লেখার উপর নিজের বিশ্বাস ছিল না। একদিন প্রথম কয়েকটি লেখা কবির (অধুনা বিশ্বকবি) শ্রীযুক্ত রবীন্দ্রনাথের নিকট পাঠাই।

তিনি দেখিয়া বিশেষ সন্তোষ প্রকাশ করেন এবং উহাতে সংশোধনের কিছুই নাই, এইরূপ মত প্রকাশ করিয়া ‘ভারতী’র সম্পাদিকা মহাশয়ের নিকট পাঠাইয়া দেন। সম্পাদিকা মহাশয়াও ঐগুলি আনন্দের সন্তিত প্রকাশ করেন।...১২৯১ সালে সাহিত্য-সম্রাট বঙ্কিমচন্দ্রের তত্ত্বাবধানে তদীয় জ্যেষ্ঠ জামাতা (অধুনা স্বর্গীয়) রাখালচন্দ্র বন্দ্যোপাধ্যায় মহাশয়ের সম্পাদকতায় মাসিকপত্র ‘প্রচার’ বাহির হইলে দ্বিতীয় বর্ষ হইতে আমি তাহাতেও কবিতা লিখিতে থাকি। রাখাল বাবু আমার কবিতার বড়ই আদর করিতেন, ইহাতে আমি যথেষ্ট উৎসাহিত হই। এই উপলক্ষে পুষ্পাঞ্জলি সাহিত্য-সম্রাটের নিকট অনেক উপদেশ লাভ করিয়াও আমি কৃতার্থ হইয়াছিলাম।”

এই পুস্তকে ৫০ বৎসর সময়ের মধ্যে লেখা ৪২টি বিভিন্ন বিষয়ের কবিতা আছে। ৫০টি কবিতা থাকিলেই বৎসর-সংখ্যায় সঙ্গে সঙ্গতি রক্ষিত হইত। ইহাদের মধ্যে কতকগুলি প্রাচীন কালে লেখা, এবং কতকগুলি আধুনিক কালে আধুনিক বিষয় লইয়া বা ঘটনা লইয়া লেখা।

এক বৎসর হইল, আমি বঙ্গসাহিত্যের প্রাচীন কাল হইতে আধুনিক কাল পর্যন্ত লিখিত উত্তম গীতিকবিতার একটি চরনিকা ‘বঙ্গবীণা’ নামে সংকলন করিতে প্রবৃত্ত হইয়াছিলাম। তখন আমি নবকৃষ্ণ বাবুকে কেবল শিশু পাঠ্য কবিতা-রচয়িতা বলিয়াই জানিতাম। এই জল্প তাঁহার কোনো কবিতা আমার সেই সংগ্রহে স্থান পায় নাই। আমার এই ক্রটি প্রদর্শন করিয়া সুপ্রসিদ্ধ সাহিত্যিক বন্ধুবর শ্রীযুক্ত যোগেন্দ্রনাথ গুপ্ত মহাশয় আমাকে এক পত্র লেখেন এবং প্রাচীন ‘প্রচার’ হইতে ‘শেষ’ নামক একটি কবিতা আমাকে নকল করিয়া পাঠাইয়া দিয়াছিলেন। সেই কবিতাটি পড়িয়া আমি বিস্মিত ও মুগ্ধ হই। কিন্তু তখন আমার বই সমস্ত ছাপা হইয়া গিয়াছিল, আমি সেই সুন্দর সরস সুমিষ্ট কবিতাটি আমার পুস্তকে সন্নিবেশিত করিতে না পারিয়া আমার পুস্তকের অঙ্গহানি হওয়ার জল্প অত্যন্ত দুঃখিত হইয়াছিলাম। নবকৃষ্ণ বাবুর কবিতা-সংগ্রহ পুষ্পাঞ্জলি হাতে পাইয়াই আমি প্রথমে দেখিলাম যে, যোগেন্দ্র বাবুর নির্দিষ্ট কবিতাটি এই সংগ্রহের মধ্যে আছে কি না, এবং উহা আছে দেখিয়া আনন্দিত হইয়াছিলাম।

এ-সব তো গেল আমার ব্যক্তিগত মতামত। পাঠক-পাঠিকারা যাহাতে পরের মুখে কাল না খাইয়া আশ্বাদ ও নিজেবা বিচার করিয়া কবি-প্রতিভার নিবিধ নির্ণয় করিতে পারেন, তাহার সুবিধার জল্প আমি কয়েকটি কবিতা হইতে কিয়দংশ উদ্ধার করিয়া নমুনা দেখাইতেছি। কোনটির কতটুকু উদ্ধার করিব তাহা স্থির করা আমার পক্ষে দুঃসাধ্য বোধ হইতেছে, কয়েকটি কবিতা সম্পূর্ণ ই উদ্ধার করিবার প্রবল লোভ হইতেছে। কিন্তু সে লোভ সঞ্চার করিয়া আমি পাঠকপাঠিকাদিগকে কবিত্বের উৎস-সন্ধানে বাইবার জল্প প্রলুব্ধ করিয়া বিদায় লইব।

প্রথমেই ‘শেষ’ কবিতাটির উল্লেখ করিয়াছি, অতএব ‘শেষ’ দিয়াই আরম্ভ করি। ইহাতে কোনো অসঙ্গতি হইবে না, কারণ, কবিগুরু রবীন্দ্রনাথ বলিয়াছেন যে, ‘শেষের মধ্যে অশেষ আছে’, এবং ‘শেষ নাহি যে শেষ কথা কে বলবে!’ শেষ কবিতাটি ১২৯২ সালে ‘প্রচার’ পত্রে প্রকাশিত হয়, চৈত্র মাসে লেখা, বঙ্গবন্ধুর

বিদায় ও সঙ্গে সঙ্গে "প্রচারের" বিরোধানে মর্ষবাধা অনুভব  
করিয়াই কবি বোধ হয় লিখিয়াছিলেন—

গোকুলে মধু ফুরায়ে গেল, অঁধার আজি কুঞ্জবন,  
আর গাহে না পাখী, ফটে না কলি, নাহিক অলি-গুঞ্জরণ।  
হুসাতে মুহু লতিকা বনে, খেলিতে নব-কলিকা সনে,  
মধুরতর নাহি সে আর সমীর-ধীর সঞ্চরণ।  
কাননে ঢালি' জোছনারাশি ভাসে না চাঁদ গোকুলে আসি',  
নাহি সে হাসি প্রমোদ-রাশি, নাহি সে সুখ-সম্মিলন।  
জলদে শশি-মাধুরী ঢাকা, বিয়াদ যেন সকলে মাখা,  
শ্রীশীন তরু, শ্রীশীন লতা, শ্রীশীন চাক-পুষ্পবন।

এই সুসলিত কবিতাটির সমস্তটা যিনি না পড়িবেন, তিনি  
বঙ্গসাহিত্যের একটি উত্তম নমুনার আবাদ হইতে বঞ্চিত থাকিবেন।  
এই সব কবিতা পাঠ করিলে দেখিতে পাওয়া যায় যে, অনেক  
আধুনিক কবির কবিতায় নবকৃষ্ণ বাবু কবিতার প্রতিধ্বনি বা  
সুর বাজিয়াছে।

'চিঠি আসায়' এবং 'চিঠি না আসায়' কবিতা দুটিতে নারী-  
চিত্তের একটি মধুর রহস্য প্রকাশিত হইয়াছে—প্রিয়তমের চিঠি  
যখন আসে ঘন ঘন, তখন তাহার যেন কতই বিরাগ, কিন্তু যে দিন  
চিঠি আসা বন্ধ হয়, সে দিন হইতে দিন গণনা আরম্ভ হয়—

রাত পোহালে বৃহস্পতিবার  
ন' দিন হবে—

বুধে বুধে আট দিন আজ যায়,  
কোনও খবর এলো না কই তাব,  
কালকে তবে

বিপিন, কি তুই যাবি কলকাতায় ?

'বর্ষ-বিবর্তন' কবিতায় নববর্ষ বলিতেছে—

আমি এসেছি আবার—  
তরুণে ছেয়েছি ফল-মুকুলে,  
ধরণী ঢেকেছি শ্যাম-ঢকুলে,  
পর্যবেছি সত্যিকার  
অন্ন বেড়ি' ফল-অলঙ্কার,—  
এসেছি আবার।

রূপ রস-গন্ধে ধরাতল  
করিয়াছি আনন্দে চঞ্চল—

ভূঞ্জিতে মঞ্জুল ফুলে গুঞ্জন-রত অসিকুলে  
কুঞ্জে এনেছি ডেকে,  
ওই শোন মধুর বক্তাব—  
এসেছি আবার।

আমি নীলিমা দিয়েছি ঢেলে আকাশে,  
সুখতি দিয়েছি ঢেলে বাতাসে ;  
নন্দন বনের পাখী বতনে এনেছি ডাকি',  
থেকে থেকে কুহুতানে  
মোহ আনে হৃদয়ে সবার—  
এসেছি আবার !

এই কবিতাটির সচিত্র 'নববর্ষ' কবিতাটি তুলনা করিয়া পাঠ  
করিতে অনুবোধ করি। কবি ধরা-সুন্দরীকে জিজ্ঞাসা করিতেছেন—

বল, ধরা-সুন্দরী, তুমি,  
কার প্রেমে তোর এত হাসি,  
কার তরে সাজালি অঙ্গ  
দিয়ে গুচ্ছ ফুলের রাশি।

এই কবিতাটি পড়িলে শ্রীমদ্ভাগবতের মধ্যে রামপূর্ণিমায়  
গোপীরা ধরা-সুন্দরীর রূপ-ঐশ্বর্য দেখিয়া যে প্রসন্ন করিয়াছিলেন, সেই  
বর্ণনা মনে পড়িয়া যায়—তাহার মূল সংস্কৃত ও অকবি আমার  
অনুবাদ দিয়া ভাবসাম্য বুঝাইতে চেষ্টা করিতেছি। কৃষ্ণ গোপীদের  
কাছে লুকায়িত হইয়াছেন, গোপীরা তাঁহাকে খুঁজিয়া খুঁজিয়া  
ফিরিতেছেন, এবং সেই সময়ে গোপীরা—

দৃষ্টং বনং কুম্মমিতং বাকেশ-কর-বঞ্জিতম্।  
যমুনানিল-লীলৈলজ্জং-তরুপল্লব-শোভিতম্।  
দখিল কানন কুম্মম-ভূষণ  
পূর্ণ চাঁদেবি জ্যোৎস্না-মাতা।  
যমুনা-বিহারী শীতল-বায়ুতে  
লীলা-চঞ্চল বৃক্ষ-পাতা।

তখন তাহার তাহাদের জিজ্ঞাসা করিতে লাগিলেন—

দৃষ্টো বঃ কচ্চিদ্ অখণ্ড-প্রসঙ্গ-সঙ্গোদ...  
কচ্চিৎ কুরুবকাশোক-নাগ-পুন্নাগ-চম্পকাঃ ?  
মালতাদর্শি বঃ কচ্চিন্ মল্লিকে জাতি-যথিকে ?  
প্রীতিং বো জনয়ন্ যাতঃ করম্পশেন মাধবঃ।  
কিঃ তে কৃতং ক্ষিত্তি তপো বত কেশবাশি -  
স্পর্শোৎসবোৎপুলকিতাক্ষকটৈবিভাসি ?

দেখেছ তোমরা অশথ পাকুড়, বট তুমি কি গো দেখেছ তার ?  
কুরুবক নাগকেশর অশোক চম্পা চামেলি দেখেছ তার ?  
মল্লী মালতী জাতি ও যথিকা, মধুময় তাবে দেখেছ মানি,—  
তাঁই তোমাদের এত আনন্দ, শোভা দেছে তার পরশখানি।  
ওগো ধরিত্রী, বলো বলো কোন্ সে গোপন পুণাতপ  
তাব চরণের পরশে জাগালো অঙ্গে পুলক-মতোৎসব।

এবং কৃষ্ণ পছমানা বন্দাবন-লতান্ তরুন্  
ব্যচকৃত বনোদ্দেশে পদানি পরমায়নঃ।

এইরূপে তারা কৃষ্ণে চুঁড়িয়া পুঁচিল ব্রজের লতা ও গাছে—  
বনের বুকেতে পরমায়ার পায়ের চিহ্ন দেখিল আছে।

কবি একটি বালিকার অকাল-মৃত্যু স্মরণ করিয়া কবিতা  
লিখিয়াছিলেন 'নিরুদ্দেশের পথে'—

বালিকা গেল কোথা চলিয়া,  
খেলিতে এসে গেলা ফেলিয়া।  
খেলার ঘর-বাটি সাজানো পরিপাটি,  
ভবেছে কুটি-মাটি পড়িয়া।  
খেলানা তাঁ'ড় পড়ি' যতেছে গড়াগড়ি,  
ধুলার চিনি যায় উড়িয়া।  
সেদিকে কেহ আর চাহে না একবার,  
চাহিলে অঁধি যায় নঁাধিয়া,  
পিপিড়া সারি দিয়ে সেখানে শুধু গিয়ে  
ফিরিয়া আসে বুঝি কাঁদিয়া।

এই কবিতাটির আগাগোড়াই একটি শিশু-কল্প রস টসটস  
করিতেছে।

প্রণয়-প্রণয়িনী পরস্পরকে ভালবাসে, কিন্তু তাহাদের সেই গোপন প্রাণের প্রণয় তাহারা প্রকাশ করিতে চায় না, বা সাহস পায় না, তাই তাহাদের দৃষ্টিতে 'লুকোচুরি' খেলা চলে। সেই লুকোচুরি ধরিয়া ফেলিয়া এক জন আর এক জনকে বলিতেছে—

তুমি বটে ভাবো মনে মনে—  
মনোভাব বেগেছ গোপনে,—  
হৃদয় সে নিঃস্বজন, সেখা রমা ফুলবন,  
সন্ধান করিবে সাধ্য কার ?  
কিন্তু সে তোমার ভুল, সেখা যে ফুটেছে ফুল  
প্রতি শ্বাসে আসে গন্ধ তার,  
সেখা যে গাঠিছে পিক কানে বাজিতেছে ঠিক  
দূরগত সঙ্গীত সুধার !

'ফুলের পলা' নামক কবিতাটি ভাগীর লালিতো ও কবিদে মনোহর। তাহা উদ্ধার করিয়া দেখাইবার প্রলোভন সংবরণ করিলাম, কোঁতুহলী পাঠক-পাঠিকারা তাহা মূল পুস্তোক্তানে প্রবেশ ও বিচরণ করিয়া সম্ভোগ করিবেন এই আশায়।

প্রণয়িনী প্রণয়ীর সহিত মিলনে হতাশ হইয়া 'পাখা মালা' গতে লইয়া নিঃফল প্রয়াসের জন্ত বিলাপ করিতেছে—

সই যে, জলিছু মিছে,  
বাসনা হইল সাব !  
সারা বন বুলে বুলে  
বন-ফুল তুলে তুলে  
গাখিছু চিকণ মালা,—  
দিব কাবে উপহার ?

এই কবিতাটির আগাগোড়া একটি করুণ মিত্ততা পরম উপভোগ্য হইয়াছে।

'মহাভিক্ষা' কবিতায় কবি মানব-মনের চির-অশুভ্র আকাঙ্ক্ষা জিজ্ঞাসা ও অজ্ঞাতের সন্ধান সাধনার কথা চমৎকার করিয়া পরিব্যক্ত করিয়াছেন। জগতের সমস্ত কিছুর সঙ্গে বে মানবের চিরস্বন যোগ রহিয়াছে, এবং সেই যোগের জন্ম মানব যে ব্যাকুল হইয়া ইহার পরম রহস্য জানিতে আগ্রহান্বিত হইয়াও রহস্য উদ্ভেদ করিতে পারিতেছে না, তাহাই কবি সুন্দর করিয়া এই কবিতায় বলিয়াছেন—

পুঞ্জ-পরমাণুয় বিশাল বিশ্বের এই  
প্রতি-অণু-পরমাণু-কাছে  
প্রতিদিন—প্রতিকণ স্বপ্নময়—মোহময়  
কি ভিক্ষা আমার যেন আছে।

এই কবিতাটি সমস্ত উদ্ধৃত করিতে পারিলে ইহার সর্বাঙ্গীণ সৌন্দর্য্য বুঝাইতে পারিতাম, কিন্তু তাহার স্থান নাই, অতএব পাঠক-পাঠিকারা ইহার মূল উৎসে গিয়া ইহার সৌন্দর্য্য ও ভাবের গভীরতা উপলব্ধি করিবেন আশা করি। এই কবিতাটি সমস্ত কবিতার মধ্যে ভাব-সমৃদ্ধ বলিয়া শ্রেষ্ঠ মনে হয়।

এই পুস্তকের আর একটি উত্তম কবিতা 'শারদীয় আবাহন'। ইহার বাক্য—চিত্র সুন্দর কবিতাময় এবং ভাবও সু উচ্চ। সমস্ত কবিতাটি উদ্ধৃত করিয়া আমার পরিচয় দেওয়া সমাপ্ত করি—

সুপ্রসন্ন ছায়াপথ বাহি' শরতের রথ  
নামিয়া আসিল ধরাতলে,  
দীর্ঘ বরষার পর স্বর্ণবর্ণ রনি-কর  
ধরণীর বৃকে ঝলমলে।  
পাখী গায় কলভাব, চামর ঢুলায় কাশ,  
জলে ফোটে কুমুদ কমল,  
চরণ-পূজার তরে শেফালী নীরবে ঝরে,  
হৃদপদ্মে শোভিল ভূতল।  
বক্তৃত্বা গঠে ফুটি, নীলের মাদুরী লুটি'  
ফুটিল অপরাজিতা বঙ্গে,  
এস মা অপরাজিতা বঙ্গে।  
চরিত শস্তুর ক্ষেত্র দেখিলে জুড়ায় নেত্র,  
বিছাইয়া দিয়াছে আসন,  
এ আসনে ঘাঁরে চাই, ভাবিয়া তো নাহি পাই  
কি নামে কবিব আবাহন।  
বাস্তু বিনি বিশ্বময়, সৃষ্টি স্থিতি আর লয়  
বাঁহাও ইচ্ছার পরিণাম,  
কুদ্রাদপি কুদ্র জ্ঞান ল'য়ে তুচ্ছ চিন্তা ধান,  
মানব কি দিবে তার নাম !  
তাই নাম দূরে বাধি' শুধু 'মা' বলিয়া ডাকি,  
মা গো পূর্ণ করো অভিসাধ।  
দেখায়ে পুণোর পথ চালাও এ মনোরথ,  
পাপের প্রগতি করো নাশ।  
কবিব সহিত আমরাও এই প্রার্থনায় যোগ দিয়া বসি,  
তথাস্ত, আমেন।

চাক বন্দ্যোপাধ্যায় ( এম এ )।

## 'কুরুক্ষেত্র'

গত চৈত্র মাসের মৌনী অমাবস্তার দিন দিল্লী হইতে কুরুক্ষেত্র গিয়াছিলাম। সঙ্গে ছিলেন কালী টাকমাণি সংস্কৃত কলেজের অধ্যাপক শ্রীযুক্ত তারাচরণ সাহিত্যাচাৰ্য্য ও দিল্লী তিকিয়া কলেজের অধ্যাপক মদীয় ছাত্র শ্রীমান্ উপেন্দ্রনাথ সাংখ্যাতীর্থ। আমরা তিন জনে সেই পবিত্র তীর্থক্ষেত্রে উপনীত হইয়া দৈপায়ন হুদে অবগাহনাদি শ্রাদ্ধান্ত তীর্থকার্য্য সম্পাদন করিয়া ঐ স্থানের দ্রষ্টব্য সকল দেখিয়াছিলাম। যে সকল ভূমি তীর্থক্ষেত্র বলিয়া পরিচিত, ভারত-যুদ্ধকালে সেই কয়েক ফ্রোশ ভূমি যুদ্ধকাণ্ডে ব্যবহৃত হয় নাই, ইহা মহাভারত পাঠে অবগত হওয়া যায়। এবারে আষাঢ় মাসে সূর্য্যগ্রহণ হইবে এবং তৎকালে বহু লক্ষ যাত্রীর সমাগম হইবে বলিয়া এখন হইতেই পথঘাট পানীর জলের ব্যবস্থা কার্য্য অতি দ্রুতবেগে সম্পন্ন হইতেছে। চিকিৎসালয়, সেবকগণের বাসস্থানাদিও নিশ্চিত হইতেছে। সর্ব্বত্রই একটা কার্ধ্যের গুরুত্ব উপলব্ধি করা যায়। ট্রেন হইতে হুদ পর্য্যন্ত মোটর, বাস বা টাক্সা যায়, পথও দুই মাইলের কম, রাস্তা উৎকৃষ্ট। হুদ হইতে আমরা সর্ব্বপ্রথমে বাণগঙ্গায় গিয়াছিলাম। দৈপায়ন



ব্রহ্মের একাংশ পৃথিবীর আকারে চতুস্পার-সম্বিত ও সুস্বাদু সোপানাবলী মণ্ডিত। উহার অপর নাম 'সন্নিক্টিয়া', এই নাম অজ্ঞাত বহু পুরাণেও দৃষ্ট হয়। কাশীখণ্ডে গ্রহণকালে ঐ পৃথিবীতে স্নানদানের বহু প্রশংসার কথা আছে। সুপ্রসিদ্ধ প্রভাসবজ্র কুরুক্ষেত্রেই হইয়াছিল। সেই সময়ে ভারতের রাজস্ব-মণ্ডলী কুরুক্ষেত্রে গ্রহণ-স্নান ও দানোপলক্ষে মিলিত হইয়াছিলেন, এ কথা বিষ্ণুপুরাণ ও ভাগবতে বর্ণিত হইয়াছে। ইহার অপর একটি নাম স্রমস্তপকক তীর্থ। পরশুরাম কাশীবীর্ষ্যাজ্জুন কর্তৃক অজ্ঞায়ভাবে পিতৃহত্যায় একুশবার পৃথিবী নিক্ষেপ করবেন ও তাহাদের কথির দ্বারা পাঁচটি কথির-হ্রদ নিষ্কাশন করিয়াছিলেন, উহাই স্রমস্তপকক নামে অভিহিত হয়। বর্তমানে ঐ সব হ্রদই প্রায় ভরিয়া গিয়াছে, প্রায় দুই মাইল পর্ষাদ একটি নদীর মত—অন্ন-জলা নদীর জায় উহার শেষ অস্তিত্ব পরিলক্ষিত হয়। এই কুরুক্ষেত্রে বর্ষাকালে আটটি নদীর অস্তিত্ব স্মৃতিত হয়। আমরা যখন গিয়াছিলাম, তখন মাত্র সন্নিক্টিয়া চিহ্ন দেখিয়াছি। অন্ন-কোন নদীর চিহ্ন দেখি নাই। ঐ স্থানের পাণ্ডুর মুখে শুনিয়াছি,— এই পাণ্ডাটির কিছু জ্ঞান আছে, বিত্তম মস্তোচ্চারণে সমর্থ ও প্রাচীন ঘটনাও অনেকটা জানে এবং ভদ্র বাবহার করে,—যে স্থানে কুরু-বৃদ্ধপিতামহ—আদর্শ কল্পিত ভীষ্ম পিতামহ অজ্জুন-শরে অজ্জরিত হইয়া পরশুরা গ্রহণ করিয়াছিলেন, সেই স্থান হ্রদের নিকট হইতে তিন মাইল দূরে অবস্থিত। উহার একটি নাম 'বিনশন' বলে। মহাভারতে শাস্তিপর্বে উক্ত হইয়াছে—“ততো বিনশনং প্রাগাদ্ বহু দেবত্রতোহপত্যং।” এই বিনশন নাম হইবার কারণ, সরস্বতী ঐ স্থানে আসিয়া বিনষ্ট হইয়াছেন বলিয়া ইহা কেহ কেহ বলেন। সম্ভবতঃ যে স্থানকে বাণগঙ্গা বলা হয়, সেই জলাশয়ই সরস্বতীর খাত এবং উহার পর আর তাহার অস্তিত্ব দেখা যায় না। ঐ স্থানে দুইটি সুবৃহৎ প্রাচীন আশ্রয়স্থল দেখিয়াছি। চতুর্দিকে দিগন্তবিস্তৃত মাঠ, উহাতে কোন শগই হয় না; কেবল ক্ষুদ্র ক্ষুদ্র পলাশবৃক্ষ বা ঐরূপ বৃক্ষ-শৃঙ্গাদি বহিয়াছে। মনে হইল, এই সেই পবিত্রতম স্থান—যেখানে শাসিত থাকিয়া দেবব্রত রাজধর্ম, আপদধর্ম ও মোক্ষধর্ম বৃষ্টিরূপে বলিয়াছিলেন। সেই আদর্শ কল্পিত সংগ্রামে পতিত হইলে সমস্ত স্রমি তাঁহাকে দেখিতে সেই স্থানে আসিয়া-ছিলেন, অসুখ্যাম্পত্তা কল্পিত রমণীগণ পুষ্পমাল্য লাজ-চন্দনে তাঁহার পূজা করিতে আসিতেন এবং কর্ণ ও পিতামহের নিকটে আসিয়া তাঁহার স্নেহলাভে বিগলিত হইয়াছিলেন। ১০ দিন যুদ্ধের পর ঐ স্থানও নিষিদ্ধ হইয়াছিল।

আমরা সেই স্থান হইতে প্রত্যাবর্তনকালে ঐপারশ্ব হ্রদের

কিরদুই পৃথিবীতে একটি প্রকাণ্ড বটবৃক্ষ ও জঙ্গলাকীর্ণ স্থান দেখিলাম। ঐ বটবৃক্ষ সুবৃহৎ ও প্রাচীন। তদুপরে মনে হইল, এইরূপেই একটি বটবৃক্ষতলে সায়াছে কৌরব পক্ষের অবশিষ্ট বীরজয় আশ্রয় লইয়াছিলেন এবং তথা হইতে রাতে পাণ্ডব-শিবিরে গমন করিয়া চোবের জায় তাহাতে অগ্নিসংযোগ ও নিষ্ঠুরভাবে দ্রৌপদীর পঞ্চপুত্র পাঞ্চালরাজবংশ ধ্বংস করিয়া-ছিলেন। তথা হইতে হ্রদ পার হইয়া স্বাধীশ্বররাজ ভারত-সম্রাট ইতিহাস-প্রসিদ্ধ চন্দ্রবর্দ্ধনের রাজধানীর ভগ্নাবশিষ্ট ও রাজবাটীর উপর প্রকাণ্ড মসজিদ স্থাপীত্বের শিব দেখিলাম। কুরুক্ষেত্রের দর্শনীয় সকলের মধ্যে ইহারই স্থানটি সুন্দর, সুস্বাক্ষিত আছে। অবশ্য এই মন্দিরটিও মুসলমানগণ ভাঙিয়াছিল, পবে নূতন নিৰ্ম্মিত হইয়াছে। ঐ স্থান দেখিয়া 'ভদ্রকালী' (যাহা একান্ত মহাপীঠের অঙ্গতম) দেখিলাম, ঐ স্থানটিও বেশ মনোরম, কিন্তু দেবীর যে বিশেষ পূজা হয়, তাহা বোধ হইল না! আমরা যে দিন গিয়াছিলাম, সেই দিন মৌনী অমাবস্তা বলিয়া তথায় লক্ষাধিক যাত্রী উপস্থিত হইলেও ঐ মহাপীঠে আমরা একটি লোকও দেখি নাই।

ভদ্রকালী ও স্বাধীশ্বর শিব ইহার মধ্য দিয়া সরস্বতী প্রবাহিত ছিল। এখনও সেই নদীর খাতে জল আছে এবং নদীর উপরে ইষ্টকনিৰ্ম্মিত চন্দ্রবর্দ্ধনের সময়ের একটি সেতুর ভগ্নাবশেষ আছে। উহার তিনটি গিলান এখনও সুদৃঢ় আছে। তথা হইতে চন্দ্রবর্দ্ধনের বাড়ী ও মহারামান স্থান দেখিয়া আমরা ষ্টেশনে প্রত্যাবর্তন করি। এই কুরুক্ষেত্র ষ্টেশনে বাঙ্গালীর একটা দম্পণালা আছে। তথা হইতে পুনর্বার দিল্লীতে প্রত্যাবর্তন করি। কুরুক্ষেত্র কর্ণাল জেলার অন্তর্গত। কর্ণালও খুব ইতিহাস-প্রসিদ্ধ, ঐ স্থানে আঘা ও অনাধার বিপুল সংগ্রাম হইয়াছিল। কুরুক্ষেত্র ষ্টেশন দিল্লী হইতে ৮০ মাইল এবং তাহার পরও দিগন্তবিস্তৃত মাঠ। মধ্যবর্তী কয়েক কোশ স্থান বাদ দিয়া সর্বত্রই বৃক্ষ হইয়াছিল। পূর্বাংশে কৌরবগণ, পশ্চিমাংশে পাণ্ডবগণ ছিলেন, ওদবতা নদীর তীরে শিবির সন্নিবিষ্ট ছিল। ভীষ্মের পতনস্থান হইতে ২৪ মাইল দূরে বর্তমানে পাণিপত ষ্টেশন, ঐ নাম দুটো তাহার কারণ অমুসন্ধান করিয়াছিলাম; কিন্তু কেহই ইহার কোন সম্ভাবজনক উত্তর দিতে পারেন নাই। আমার মনে হয়, ইহা ভূরিশ্বার পাণিপতনের স্থান। মহাভারতে উক্ত হইয়াছে, যুদ্ধক্ষেত্র হইতে ২৪ মাইল ব্যাপী শকটবাহের অন্তর্বর্তী স্থানে জয়ত্রথকে বক্ষা করা হইয়াছিল এবং ঐ স্থানে ভূরিশ্বার হস্ত অজ্জুন কাটিয়া ফেলেন, সেই বিখ্যাত ঘটনাবলম্বনে স্থানের নাম পাণিপত হইয়া থাকিবে।

শ্রীশ্যামাকান্ত তর্কপঞ্চানন ( কাশীরাজ-সভাপাণ্ডিত )

## ‘শুদ্ধি’

আগুন-শিখার যত দগ্ধায়

উজ্জ্বল তত হেম,

বেদনাদহনে দহিয়া যধুর

মানবের বৃকে প্রেম।

শ্রীঅম্বিকেশ্বর সরকার।



## চিরন্তনী

( গল্প )

এক

লক্ষ্মী বাদশাবাগের দিকে, ফিকে নীল রংএর ছোটো-খাটো বাংলোখানি, পরিষ্কার, ঝরঝরে, রাস্তা হঠতে ছবির মত দেখা যায়।

বাংলোর অধিকারিণী অমিয়া চাটাজ্জী, এক জন লেডী ডাক্তার। মেডিকেল কলেজ হঠতে অল্পদিন বাহির হইলেও সে ইহারই মনো বেশ পসার করিয়া ফেলিয়াছে। সহরের অনেক সম্ভ্রান্ত বড়লোকের বাড়ীতে তাহার ডাক আসে। অমিয়ার হাতশখ খুব,—মিশুক অমায়িক স্বভাব, অধ্যবসায়গুণেই হয় ত এত পসার, কিন্তু তাহার সমব্যবসায়ীদের মুখে অল্পকম কথা শোনা যায়, তাহার আড়ালে বলিয়া থাকেন, “এ শুধু ডাক্তার মুখাজ্জীর অনুগ্রহ।”

কথাটা কতদূর সত্য, তা ঠিক বলা যায় না, তবে এই নতন পাশ করা লেডী ডাক্তারটির দ্রুত উন্নতি তাঁহাদের অনেকেরই মনে যে কিঞ্চিৎ ঈর্ষার উদেক করিয়াছিল, ইহা মিথ্যা নহে।

অমিয়ার প্র্যাক্টিস, অমিয়ার চরিত্র ও আত্মীয়-স্বজনহীনতা তাঁহাদের ছিল প্রধান একটা আলোচনার বিষয়। এমন কি, অমিয়ার বয়স লইয়াও মাঝে মাঝে বেশ একচোট বাদামুবাদও হইত।

বাস্তবিক অমিয়াকে দেখিয়া তাহার বয়স অনুমান করা কঠিন। তাহার আকৃতি-প্রকৃতিতে প্রৌঢ়ের গাভীর্ষ্য ও বুদ্ধিমত্তা, যৌবনের লীলাবিত লাবণ্য-সুখমা এবং কিশোরীর-তাক্রণ্য ও সরলতার ছাপ সুস্পষ্ট। তাহা ছাড়া সে মিস্ কি মিসেস, তাহার প্রমাণও এ পর্য্যন্ত কেহ

পায় নাই। অনেকে শুধু অনুমানে নির্ভর করিয়া বলিত, ইনি বিদবা কিম্বা—কিন্তু সে কথা থাকুক।

বেলা তখন প্রায় দশটা। একখানা ভাড়াটে সেকেণ্ড ক্লাস টাঙ্গা সেই বাংলোর গেটের কাছে আসিয়া দাঁড়াইল। টাঙ্গা হইতে নামিলেন এক জন বাঙ্গালী ভদ্রলোক আর একটি সাত-আট বছরের ছেলে। গেটে লাগানো সাইনবোর্ডটা একবার দেখিয়া লইয়া, টাঙ্গার জিনিষপত্র টাঙ্গাতেই রাখিয়া, ছেলেকে সম্মুখে দাঁড়াইতে বলিয়া ভদ্রলোকটি সুরকি-পেটা লাল টুকটুকে রাস্তা দিয়া সবুজ আইভি-লতায় ছাওয়া গাড়ী-বারান্দার দিকে অগ্রসর হইলেন। তকমানারী এক হিন্দুস্থানী বেয়ারাকে দেখিয়া তিনি জিজ্ঞাসা করিলেন—“এই—তোমারা মাইজী কাগা?”

বেয়ারা সে প্রশ্নের উত্তর না দিয়া প্রশ্নকারীর মুখের পানে চাহিয়া রহিল।

“আরে বাবা! তোম বোলতা কাহে নেই? তোমারা মাইজী—”

বড় অদৌর সে প্রশ্ন। বেয়ারা ভাবিল, লোকটার বাড়ীতে হয় ত বাড়াবাড়ি অসুখ, কিন্তু এমন অসভ্যের মত মাইজী বলিয়া ডাকে কেন?

যাহাই হউক, বেয়ারা তাঁহাকে কারদা-হরস্তভাবে একটা সেলাম ঠুকিয়া চটপট জিজ্ঞাসা করিল, “আপ কিস্কো পুঁছতে হাঁয়, সাব? মেম সাবকো?”

“মেম সাব! ও! হাঁ হাঁ—মেম সাব ঘরমে হায়?”

উত্তরে বেয়ারা জানাইল, মেমসাহেব খুব সকালেই বাহির হইয়াছেন একটা ডেলিভারি কেশে, কখন ফিরিবেন, তাহার কিছু স্থিরতা নেই।

“এঃ! তবেই ত গোল দেখছি।”

ভদ্রলোক উদ্বিগ্নভাবে রুমালে কপালের ঘাম মুছিতে লাগিলেন। বেয়ারা বলিল, তিনি যদি অপেক্ষা করিতে চাহেন, তাহা হইলে বাবাকে লইয়া কামরায় আসিয়া বসুন।

“আরে বাপু! অপেক্ষা যে করতেই হবে! তা হ’লে চলো, এই টাঙ্কাওয়ালো, আসবাব উতারো! দীপু, আয় বাবা!”

আসবাব কেন?—বেয়ারার বিশ্বয় আরও বৃদ্ধি পাইল। এমনভাবে আসবাব-পত্র লইয়া সে কাহাকেও ত আসিতে দেখে নাই!

গাড়ী-বারান্দার সম্মুখেই সিঁড়ি-দেওয়া একটা প্রশস্ত উঁচু দালান, দালানের ডানহাতি একটা কামরায় সপুত্র সলগেজ বাবুটিকে বসাইয়া আবার এক সেলাম দিয়া বেয়ারা নিজের কাছে গেল।

লগেজগুলি একবার দেখিয়া লইয়া, গাড়োয়ানকে বিনাম দিয়া বাবুটি একখানা ইঞ্জি-চেয়ারে বসিয়া পড়িলেন—অক্ষয়শিত্তভাবে।

ঘরখানা তেমন বড় নহে! আসবাবপত্রের বাহুল্যও ছিল না; ম্যাটিং করা মেঝের উপর কেবল খান-কতক ছোট-বড় চেয়ার পাতা, একখানা টেবলও আছে, দেয়ালে ঘ’চারখানা ছবি! কিন্তু বেশ মানান-সই ও পরিচ্ছন্ন।

ছেলেটি কৌতূহলী হইয়া ঘরের এ-দিক ও-দিক ঘুরিয়া দেখিতে দেখিতে সানন্দে বলিয়া উঠিল, “বাবা! বেশ সুন্দর ঘর ত, বাবা! আমাদের বাড়ীতে কিন্তু এরকম—”

—“আঃ! মিছে বকো না, দীপু! চূপ ক’রে বসো, ক্ষিধে পেয়ে থাকে যদি, তা হ’লে ঐ টিফিন-ক্যারিয়ারে খাবার রয়েছে।”

“বাবা! এরি মধ্যে ক্ষিধে পাবে কি! এই ত ইন্টিসনে এতো খাবার খেলুম—”

“তবে বসো না একটু স্থির হয়ে।”

দীপু বসিল, কিন্তু বেশীক্ষণ নহে। একবার এ চেয়ারে, একবার ও চেয়ারে বসিয়া বাপের চিন্তামগ্ন গভীর মুখপানে চাহিয়া সে ভয়ে ভয়ে জিজ্ঞাসা করিল, “আমি একটু বাইরে যাই, বাবা? ঐ যেখানে ফুলের গাছ সব—প্রজাপতি উড়ছে কত—”

“যাও, কিন্তু ছোটোছোটো করে না, গেটের বাইরেও যেও না।”

দীপু খুসী-মনে বাহিরে গেল। তাহার বাবা একটা গভীর নিশ্বাস ফেলিয়া গালে হাত দিয়া আবার ভাবিতে লাগিলেন। সে ভাবনার মেন অন্ত নাই।

কতক্ষণ পরে মোটরের তীব্র হর্ণের শব্দে তাঁহার চিন্তাসূত্র ছিন্ন হইয়া গেল।

সচকিত শব্দব্যস্ত হইয়া তিনি জানালার সম্মুখে আসিয়া পক্ষার কঁাকে দেখিলেন—একখানা টু সীটের বেবী-অস্টিন ‘কার’—একেবারে নতুন বক্রাকারে—দ্রুত ছুটিয়া আসিল গাড়ী-বারান্দায়, তাহাতে পাশাপাশি বসিয়া দু’জন;—লেডী ডাক্তার অমিয়া চ্যাটাঙ্গী এবং ডাক্তার মুখাজ্জী।

বাবুটির রেখাঙ্কিত ললাট আরও কুঞ্চিত হইল, চক্ষু-স্ফুল জলিয়া উঠিল।

লেডী ডাক্তারের বেশ-ভূষা অনাড়ম্বর অথচ সুশোভন, জরীর দাঁত দেওয়া কালাপাড় দেশী শাড়ী পরিয়া, গায়ের শুভ লেডীস্ শালখানাও দেশী: বিলাতীর মতো শুধু হাতে কোলানো জাণ্ড-ব্যাগটা। সুগঠিত দেহ, সুশ্রী মুখখানিতে চারু শাস্ত্র কমনীয়তা। রুক্ষতার আয়ত চক্ষুটি প্রতিভার দীপ্তিতে সমুজ্জ্বল।

ডাক্তার মুখাজ্জী জাট-কোট-চশমানারী, পুরা-দপ্তর সাহেব। কদা রং, গোসফ কামানো, চেহারাটা গভীর হইলেও মুখের ভাব বেশ হাসি-হাসি।

মোটর থামিতেই অমিয়া নীচে নামিয়া ডাক্তার মুখাজ্জীর দিকে চাহিয়া বলিল, “আপনি নামবেন না কি?”

“নামব?—বড্ড বেলা হয়ে গেছে না?”

ডাক্তার সাহেব হাত তুলিয়া বড়ী দেখিলেন, তার পর অমিয়ার মুখপানে চাহিয়া বলিলেন, “আচ্ছা, চল।”

তিনিও নামিয়া পড়িলেন।

বাবুটি এবার সঙ্গতভাবে জানালা হইতে সরিয়া পাড়াইতেছিলেন, সাহেব যদি এই ঘরেই আসেন; কিন্তু তাহা হইল না। সোফারকে অপেক্ষা করিতে বলিয়া তিনি অমিয়ার সঙ্গে সোজা বাড়ীর ভিতর চলিয়া গেলেন।

ডাক্তার সাহেবের এ বাড়ীতে অব্যাহত দ্বার। সন্ধ্যা-সন্ধ্যের বালাই নাই, লেডী ডাক্তারের সঙ্গে তাঁহার অতটা বনিষ্ঠতা ব্যবসায়ের হইলেও একটুকু স্নেহ-প্রীতির সংস্পর্শও ছিল যেন। অন্ততঃ চাকর-বাকররা এইরূপ বনিষ্ঠতা

দেখিয়া ভাবিয়া লইয়াছিল, এই ডাক্তার মুখার্জীই এক দিন এ-বাড়ীর মালিক হইবেন।

সত্য মিথ্যা ভগবান্ জানেন।

উভয়ে দৃষ্টির অম্বরালে চলিয়া গেলেও ভদ্রলোকটি সেইখানে নিশ্চল স্তব্ধভাবে দাঁড়াইয়া রহিলেন।

লাল সুরকি দেওয়া রাস্তাটির দুই ধারে লাল, নীল, গোলাপী, হলদে কত রং-বেরংএর বিচিত্র মরসুমী ফুলের সমারোহ। নানা বর্ণের প্রজাপতি রঙ্গীন পাখনা মেলিয়া দলে দলে ফুলে ফুলে ফিরিতেছে।

বিন্মান্তভাবে সে দিকে চাহিয়া বাবুটি বুঝি কোন বিশ্বত অরণের চেষ্টা করিতেছিলেন। শেষ মাথের দীপ্ত সোনালী রৌদ্রছটা তাঁহার পলকহার চোখের দৃষ্টিতে যেন আপসা হইয়া উঠিয়াছে!

“হ্যা বাবা, ঐ যে মোটরে ক’রে সায়েব মেম এলো, ওরা গেল কোথায়?”

সে প্রশ্নে চকিত হইয়া বাবুটি চাপা-গলায় ধমক দিয়া বলিয়া উঠিলেন, “আহা! বলনুম চূপ ক’রে থাকতে, তা নয়—বকবু বকবু করবে খালি!”

বালক খতমত ভাবে কোণের দিকে রাখা ছোট চেয়ারখানায় গিয়া বসিল।

‘বাস্তবিক—কি অভাবনীয় আশ্চর্য্য পরিবর্তন!—অ্যা?’

আয়গতভাবে কথাটা বলিয়া ভদ্রলোক আবার একটা স্তদীর্ঘ নিশ্বাস ত্যাগ করিলেন।

## দুই

মান-আত্মার সময় উত্তীর্ণপ্রায়, তখনও মুখার্জী সাহেব উঠি উঠি করিয়াও উঠিতে পারিতেছিলেন না।

লোকে ডাক্তার মুখার্জীকে খুব গম্ভীরপ্রকৃতি ও স্বল্প-ভাষী বলে, কিন্তু অমিয়ার সঙ্গে কথা বলিবার সময় তিনি যেন পঞ্চমুখ হইয়া উঠেন।

প্রথমে আজকের রোগীর বিষয়, তার পর অল্প পাঁচটা অবাস্তর কথা তুলিয়া ডাক্তার গল্পটা দস্তুরমত জমাইবার চেষ্টা করিতেছিলেন। বেয়ারা বেগতিক দেখিয়া মেম সাহেবকে জানাইল, এক জন বাঙ্গালী-বাবু ঘণ্টাখানেক হইল অপেক্ষা করিতেছেন; সঙ্গে আসবাব-পত্র এবং একটি ছেলেও আছে। বাবুটি বোধ হয় অনেক দূর হইতে আসিয়াছেন।

আঃ! এমন অসময়ে কে আবার—

ডাক্তার সাহেব আকস্মিক রসভঙ্গে বিরক্ত হইয়া অমিয়াকে কিছু বলিবার অবকাশ না দিয়াই হুকুম করিলেন, “উন্কো নাম-কা কার্ড লে আও না?”

মিনিট পাঁচ পরে বেয়ারা এক টুকরা কাগজ আনিয়া অমিয়ার হাতে দিল। পেন্সিলে লেখাঃ—প্রভাসচন্দ্র চট্টোপাধ্যায়, বর্ধমান।

সেই লেখায় চোখ পড়িতেই অমিয়া এমন চমকিয়া উঠিল যে, তাহার হাত হইতে কাগজটুকু খসিয়া টেবলের নীচে পড়িয়া গেল।

ডাঃ মুখার্জী বিস্মিত হইয়া জিজ্ঞাসা করিলেন, “কি হ’ল, অমিয়া?”

অমিয়া বা হাতে কপালটা টিপিয়া ধরিয়া বিবর্ণ মুখে বলিল, “কি জানি কেন, মাথাটা কেমন ঘুরে উঠল হঠাৎ, আজ বড্ড বেশী ক্লান্ত হয়ে পড়েছি যেন।”

“তা হ’লে স্নানাহারটা সেরে নাও এখন, ও বাবুটি একটু বসুন না। আচ্ছা, আমি এখন উঠি, শুভ বাই!”

ডাক্তার সাহেব বিদায় হইলে অমিয়া উর্দ্ধদৃষ্টিতে খানিক চূপ করিয়া থাকিয়া বেয়ারাকে বলিল, “উন্কো এহি পর লে আও।”

“এহি পর!”—এই ড্রমিংক্রমে যাহাদের পায়েয় বুলা পড়িয়া থাকে, তাঁহার সকলেই মেমসাহেবের বিশেষ পরিচিত, তবে এ লোকটা—

বেশ একটু আশ্চর্য্যভাবেই বেয়ারা মনিবের হুকুম পালন করিতে গেল।

আয়া আদিয়া বলিল, “মেম সাব! গোলখানামে গরম পানি—”

“অভি ঠায় রো।”

টেবলে শ্রুত বাহু দুটি ছড়াইয়া দিয়া বাহুর মধ্যে মুখ গুঁজিয়া অমিয়া বসিয়াছিল। অবশপ্রায় দেহখানা তুলিয়া তুলিয়া উঠিতেছিল চাপা নিশ্বাসের বেগে। বারান্দায় পদশব্দ হইতেই সে তাড়াতাড়ি সোজা হইয়া উঠিয়া কুমালে মুখ মুছিতে লাগিল।

বেয়ারার সঙ্গে সেই ভদ্রলোক ও ছেলেটি।

অমিয়া সে দিকে একবার চাহিয়াই চকিতে চোখ



নামাইয়া লইল। তাহার আননে তখন রক্তলেশমাত্র যেন ছিল না।

আগন্বকের মুখ-চক্ষুতেও একটা আশ্চর্য ভাবাস্তুর দেখা গেল।

এক মুহূর্ত পাপোষের উপর থমকিয়া দাঁড়াইয়া তিনি আশ্বে আশ্বে মূলতানী গালিচার উপর দিয়া অমিয়ার পাশের চেয়ারখানা একটু তফাৎ করিয়া বসিয়া পড়িলেন। তার পর অমিয়ার মুখের পানে অপাঙ্গে দৃষ্টিপাত করিয়া বাব-বাব কর্ণে তিনি বলিলেন, “কত কষ্টে, কত চেষ্টায় তোমার সন্ধান করতে পেরেছি যে—ওঃ!”

অমিয়া আশ্চর্য হইয়া জিজ্ঞাসা করিল, “কেন?”

অকুণ্ঠিত সে প্রশ্ন। প্রশ্নকারিণীর কর্ণস্বরেও সঙ্কোচ বা ছড়তার লেশমাত্র নাই।

প্রভাস বাবু একটু থামিয়া আলিত-কণ্ঠে বলিলেন, “এ দিকে আসতে হ’ল কানের চেষ্টায়, তাই ভাবলাম—এত দূরে এসেছি, তখন একবার দেখেই মাই—”

অমিয়ার ওষ্ঠপ্রান্তে কুটিল হাসির বক্ররেখা দেখা দিল। সে হাসি তীক্ষ্ণধার ছুরীর দলার মত শাণিত। দীপুর দিকে চাহিয়া সে জিজ্ঞাসা করিল, “এ ছেলেটি?”

“এটি আমার ছেলে!—ওঁকে নমস্কার কর, দীপু!”

দীপু এতক্ষণ বাপের চেয়ার পরিয়া জড়সড়ভাবে দাঁড়াইয়াছিল। সে হাত দুইটি যুল করিয়া নমস্কার করিল। অমিয়ার পা ছ’খানা টেবলের তলার অন্তর্ভুক্ত, কাষেই পদধূলি লওয়া সম্ভব হইল না।

“থাক, থাক, হসেছে, তুমি বসো, খোকা!”

দীপুকে পাশে বসাইয়া অমিয়া তাহার আপাদমস্তক নিরীক্ষণ করিতে লাগিল। ছেলেটি মন্দ না ত! রংটাও বেশ ফরসা আছে, কিন্তু ভারী রোগা। শীর্ণ মুখখানিতে টিক্টিকে নাকটি আর ডাগর চোখটুকি একটু বেমানান লাগে যেন। সে চোখের দৃষ্টি বড় নম্র, বড় স্নেহাতুর, দেখিলেই মায়ী হন মনে।

দীপুর একখানি হাত হাতের মৃগায় পরিয়া অমিয়া কোমল-কণ্ঠে বলিল, “তুমি এত রোগা কেন, দীপু?”

ছেলের দিকে চাহিয়া দীপুর বাবা সহানুভূতির সুরে বলিলেন, “এত বেশী রোগা ও ছিল না, কিন্তু এবার ম্যালেরিয়ার ভুগে ভুগে—তারপর যত্নও ত পায় না বেচারী—”

“কেন?”

“কে করবে যত্ন? যার মা নেই—নীহার মারা গেছে কি না—এই কার্টিক মাসে। অসুখ-বিসুখ কিছুই নয়—প্রসব হ’তে গিয়ে—”

“ও!”

সেই ক্ষুদ্র শব্দটুকুর মধ্যে কেবল সহানুভূতিই নহে, আরো এমন কিছু ছিল, যাহা সহজে ধরা যায় না।

“তুমি স্নান করবে, খোকা? না, থাক—বড় বেল হয়ে গেছে। অম্নি হাত-মুখ ধুয়ে দুটি খেয়ে নেবে চলো।”

দীপুর হাত বরিয়া অমিয়া ভিতরে চলিয়া গেল।

দীপুর বাবা এতক্ষণে স্বস্তির নিশ্বাস ফেলিয়া বাঁচিলেন। চেয়ারের পিঠে মাথা হেলাইয়া প্রশংসমান দৃষ্টিতে তিনি দেখিতে লাগিলেন ড্রয়িং-রুমের স্ক্রুটিসদৃশ সুন্দর সাজসজ্জা। শুধু এই ঘরখানাই কি? সমস্ত বাড়ীটাই কি নিপুণভাবে সুশৃঙ্খলতার সহিত সাজানো। আর এ গৃহের অধিকারিণী? অপূর্ণ! কে বলিবে এ সেই অমিয়া? এ যে কল্পনার অতীত, স্বপ্নের চেয়েও আশ্চর্য!

বাস্তবিক জগতে অসম্ভব কিছুই নাই বৃদ্ধি?

## তিন

“তুমি একটু ঘুমোলে না, খোকা?”


অমিয়ার শয়নঘরের পশ্চাতে—এক যায়গায় সারি সারি সূর্যামুখী গাছ, তাহাদের শাখায় কুড়ি পরিয়াছে, ছ’চারটি ফুলও ফুটিয়াছে। পীতোজ্জলচ্ছটার গাছগুলি আলোকিত।

দীপু সেখানে চুপি চুপি প্রজাপতির সন্ধান ঘুরিতেছিল। তাহার বাবা আহালাদির পর দুমাইয়া পড়িয়াছেন অঘোরে, সেই দাঁকে দীপু পলাইয়া আসিয়াছে। অমিয়ার সহসা আগমনে সে একটু গতমত খাইয়া বলিল, “না, আমি ত রেল সমানে ঘুমিয়েছিলুম, বাবাই জেগে বসেছিলেন সমস্ত রাত্রির।”

দীপুর কাছে আসিয়া তাহার মুখের পানে নীরবে খানিক চাহিয়া থাকিয়া অমিয়া জিজ্ঞাসা করিল, “তোমার এখানে কেমন লাগছে, ভাল?”

“ওঃ! খুব! আমাদের বর্দ্ধমানের বাড়ী ছোট, এমন সুন্দর বাগানও নেই সেখানে।”

“আচ্ছা, দীপু!—তোমার নাম দীপু না?”



অভিজ্ঞান

আষাঢ়, ১৩৪৩

শ্রীমৎকনকজ মুখোপাধ্যায়



“হ্যাঁ, আমাকে দীপু বলেই ডাকে সকলে, কিন্তু আসল নাম হচ্ছে আমার দীপক।”

“বাঃ! সুন্দর নাম ত!”

“এ নাম আমার মায়ের রাখা।”

বালকের উৎসাহদীপ্ত চোখ দুটিতে পলকে বেদনার স্থান ছায়া ঘনাইয়া আসিল।

“বেশ নাম তোমার।”

অমিয়া তাহার পিঠের উপর হাত রাখিয়া স্নিগ্ধ কণ্ঠে জিজ্ঞাসা করিল, “আচ্ছা দীপু! তোমাদের বর্ধমানের বাড়ীতে এখন কে কে আছেন?”

“কে আর থাকবে? আমরা ত চলিই এলুম, খুকীকে বাবা পিসীমার কাছে রেখে গেলো, সে এখনো ছোট্ট কঁকি না।”

“তোমার আর ভাই বোন নেই বুঝি?”

“না, দী খুকীই—”

“আর তোমার ঠাকুমা?”

“ঠাকুমা?—ঠাকুমা ত নেই, আমার ত মনেই পড়ে না ঠাকুমা—”

“ও!”

আয়া খবর দিল, উকীল মাতাপ্রসাদ গাড়ী পাঠাইয়াছেন, তাহার দ্বীপ তবিলে বড় খারাপ। একবার মেহেরবাণি করিয়া যদি—

“ঠাকুমা অপেক্ষা করতে বলা।”

অমিয়া দীপুকে বলিল, “আচ্ছা, তুমি এখন খেলা করো, দীপু, আমি যাই, আমার ফিরতে যদি দেবী হয়, তা হ’লে—”

“কোথায় যাবেন?”

“রুগী দেখতে।”

“ও। তুমি—আপনি বুঝি ডাক্তার? লেডী ডাক্তার না?”

“হ্যাঁ, তুমিও ডাক্তার হবে, কেমন?”

আদর করিয়া দীপুর খুঁতনীটা নাড়িয়া দিয়া অমিয়া চলিয়া গেল।

দীপুর বড় বড় চোখদুটি বিস্ফারিত হইয়া উঠিল গভীর বিষ্ময়ে। আর এক জন লেডী ডাক্তার তাহার মায়ের অস্থলের সময় আসিয়াছিলেন; তাহাকে দেখিয়া দীপুর কি রকম ভয়

হইয়াছিল! খুকীটা ত কেঁদেই অস্তির। কিন্তু ইনি ত বেশ! ডাক্তার বলেই মনে হয় না। কেমন মিষ্ট কথা, কত আদর-সহ করিতেছেন তাহাকে।

“বাবা! ও বাবা! ওঠো, চা খেতে ডাকছেন যে—”

ছেলের ডাকে প্রভাস বাবু বিছানার উপরে উঠিয়া বসিলেন। চোখ মুছিতে মুছিতে এদিক ওদিক দেখিয়া তিনি জিজ্ঞাসা করিলেন, “কই? কে ডাকছে?”

“ওই যে উনি—লেডী ডাক্তার।”

“ওঁকে তুমি মা বোলো, বুঝলে?”

“আচ্ছা, কিন্তু উনি যদি রাগ করেন?”

দীপুর বাবা একটু ভাবিয়া ধীরে ধীরে বলিলেন, “না, রাগ করবেন কেন?”

দীপু খুসী হইয়া বলিল, “বেশ, তাই বলব’খন। তুমি চলো বাবা, চা ঠাণ্ডা হয়ে যাবে যে!”

কুঁজোর জল লইয়া চোখে মুখে দিয়া দীপুর বাবা বলিলেন, “চলো, কোথায় যেতে হবে?”

“খাবার ঘরে, ওই যে, যেখানে আমরা ভাত খেয়েছিলুম।”

প্রভাস বাবু ছেলের হাত ধরিয়া খাবার ঘরে গিয়া দেখিলেন, টেবলের উপর চায়ের সরঞ্জাম নাড়াইয়া অমিয়া বসিয়া আছে দরজার পানে চাহিয়া। তাহার এ প্রতীক্ষা প্রভাস বাবুর সংশয়-স্কন্ধ মনকে পুলকিত করিয়া তুলিল। আসন গ্রহণ করিয়া তিনি হর্ষোৎফুল্ল স্বরে বলিলেন, “বড্ড ঘুমিয়ে পড়েছিলুম, এমন নিশ্চিন্তে কত দিন যে ঘুম হয় নি!”

অমিয়া হেঁট হইয়া চা ঢালিতেছিল। যেটাতে দুদের ভাগ বেশী, সে কাপটা দিল দীপুকে, অণুটা প্রভাস বাবুকে, একখানা ফুলকাটা কাচের ডিসে খানকতক ‘সিঙ্গাড়া’ আর ‘দালমুট’ রাখা ছিল, সেখানাও আগাইয়া দিল।

“এ আবার কি? দুপুরবেলা যে খাওয়া খাইয়েছ, তাই এখনো হজম করতে পারিনি, তার ওপর আবার জলখাবার,—দীপু—”

“দীপুকে এ ঘিয়ের খাবার না দিলেই ভাল হয়, ওর লিভার বেড়েছে।”

“বটে! তাই এত ভুগছে বেচারী! তা হ’লে ত ওর



খাওয়া-দাওয়ার ধরকাট করা দরকার, কিন্তু কি করে তা হয়? আমার যে কিছুই ঠিক নেই—”

প্রভাস বাবু একটা নিখাস ফেলিলেন ছেলের পানে তাকাইয়া। দীপু খাবাবের প্লেটের দিকে লুকু দৃষ্টিতে চাহিয়া আছে দেখিয়া অমিয়া বলিল, “ওগুলো বড় ঝাল, তুমি খেতে পারবে না, তার চেয়ে এই খাও এখন, ওবেলা আমার জন্মে ভাল বিস্কুট চকোলেট সব আনিয়ে দেব।”

মাখন-মাখন পাঁউরুটীতে আধ-সিদ্ধ একটা ডিমের কুমুম মাখাইয়া আনিয়া দীপুকে খাউতে দিল। বলিল, “দেখ দেখি, কেমন লাগে?”

দীপু এক কামড় মুখে দিয়া থসী হইয়া বলিল, “খুব ভাল!”

দীপুর বাবা চায়ের পেয়ালায় চুমুক দিতে দিতে ছেলের খাওয়া দেখিতে লাগিলেন পরম পরিচুপ্তির সঙ্গে। এক বেলাতেই তাহার চেহারা ঐ ফিরিয়া গিয়াছে যেন! আহ! এমনই একটু যত্ন-আত্তি সে পায় যদি! প্রকাশে তিনি বলিলেন, “এ রকম যত্ন পেলে ও এত দিন ভুগতো না, কিছুকে করবে? ওর মা—”

“মা না থাকলে বাপকেই করতে হয় যে, এটা ত কর্তব্য!”

গম্ভীরভাবে কথাটা বলিয়া অমিয়া অতিথিকে আর এক কাপ চা পরিবেষণ করিল।

দীপুর বাবা বিমর্ষভাবে বলিলেন, “ঠিক কথা, কিন্তু আমার ত শুধু ছেলে-পিলে আগলে ঘরে বসে থাকা চলবে না। এন্ডিনকার চাকরী, তা-ও গেল, এখন পেটের জ্বালায় যে কোথায় কোথায় ঘুরতে হয়, মেয়েটাকে তাই বীণার কাছে রেখে এলুম, সে-ও আবার পরবণ—কি আর করা যান?—ওদের ভাগ্য! পাচটির মধ্যে এই দুটি, তার এই দুর্গতি। আমিও আর পারি না, দেহমন ভেঙ্গে পড়েছে যেন, দুটা দিন জিরোতে পারলে বাচতুম।”

ক্লান্ত কণ্ঠের ব্যথায় আঁদ। অমিয়া এতক্ষণ পরে চোখ দুটি তাহার মুখের পানে তুলিয়া জিজ্ঞাসা করিল, “এখন কোথায় যেতে হবে?”

“তা কেমন করে বলা যায়? ঠিক তো কিছু নেই, তবে কানপুরে—সুদীরের কাছে গেলে একটা সুবিধে হ’তে পারে, তাই মনে করেছি প্রথমে সেখানে—”

“তাড়াতাড়ি না থাকে যদি, তবে দিন কতক বিশ্রাম করে—তোমার খাওয়া হয়ে গেছে দীপু, আচ্ছা রসো—”

অমিয়া আপকিন্ দিয়া দীপুর মুখ-ভাত পরিষ্কার করিয়া দিল।

দীপু বলিল, “এইবার আমি বাগানে যাই?”

“যাও।”

দীপুর বাবা বলিলেন, “গাছ-পালা কিছু নষ্ট করো না যেন!”

দীপু চলিয়া গেলে প্রভাস বাবু দ্বিতীয় পেয়ালা এক চুমুকে নিঃশেষিত করিয়া খানিক নিঃশব্দে বসিয়া বহিলেন। তার পর কুণ্ঠিতস্বরে ডাকিলেন, “অমিয়া!”

অমিয়া চমকিয়া উঠিল। বিস্মতির ভলে চাপা পাড়িয়া যাওয়া সে ডাক যে তাহার অনেক—অনেক কাল আগের শোনা—এক সুগেরও বেশি হইয়া গেল!

“ভুল-ভ্রান্তি মানুষমাত্রেরই হয়ে থাকে, কিন্তু—আমার অপরাধ ক্ষমার অতীত, তবু তুমি যদি দয়া করে আমাকে ক্ষমা চাইবার অধিকার দাও, অমিয়া—”

“থাক, যা হয়ে গেছে, তা হয়ে গেছে, তার জন্মে আমার মনে আর একটুকু গ্লানি কি আপশোষ নেই ত।”

অমিয়া চায়ের খালি পেয়ালাগুলি একপাশে সরাইয়া রাখিয়া ফুলদানি হটতে করিয়া-পড়া গোলাপের পাপড়ি ক’টি তুলিয়া নখ দিয়া খুঁটিতে লাগিল। কথাগুলি বেশ সহজ ভাবেই বলা হইলেও তাহার মধ্যে যে একটা নিলিপ্ত ঐদাম্প্রের ভাব ছিল, তাহা প্রভাস বাবুকে এমন অভিভূত করিয়া তুলিল যে, কতক্ষণ তাহার মুখে আর বাকশূন্য হইল না।—একটুও আপশোষ নেই আর?—কেনই বা থাকবে? আপশোষের কোনো হেতুই যদি না থাকে—

বেহারা আসিয়া জানাইল, ডাক্তার সাহেব আসিয়াছেন। তাহাকে কি এখনেই—

“—না।”

অমিয়া শশবাস্ত্রে উঠিয়া পড়িল। ঘর হইতে বাহির হইবার সময় সে একবার প্রভাস বাবুর দিকে ফিরিয়া বলিয়া গেল, “আমাকে এখন বেবোতে হবে, ফিরতে রাত হয় যদি তোমরা খাওয়া-দাওয়া করে নিয়ো—আমার অপেক্ষা না করে।”

## ভার

রাগি অনেক ।

দীপু আহাঙ্গাদির পর ঘুমাইয়া পড়িয়াছে । প্রভাস বাবু খবরের কাগজ দেখিতেছিলেন, পড়ায় তাঁহার মন ছিল না একটুও, কেবল সময় কাটাইবার জন্তই হয় ত ।

রাস্তায় গাড়ী-ঘোড়া-চলাচলের শব্দ কাণে গেলেই তিনি উৎকর্ণ হইয়া উঠেন, তাঁহার উৎসুক দৃষ্টি পদার কাঁকে বাহিরে উধাও হইয়া যায় থাকিয়া থাকিয়া ।

অমিয়া কখন ফিরিবে কে জানে ? রোগী দেখা কি প্রতিক্ষণেও—সে যে রোগী দেখিতেই গিয়াছে, তাঁহারই বা কি নিশ্চয়তা ! কি জ্বালা, অমিয়া কোথায় যায়, না যায়, কি করে, না করে, সে গোছে তাঁহার কায় কি ? অধিকারই বা কি গোছে লইবার ?—তিনি কেবল অতিথিই নহেন, প্রত্যাশী হইয়া অনাহুতভাবে তাঁহার ঘরে আসিয়াছেন !

একটা বিচ্ছুরিত উজ্জ্বল আলোকচ্ছটা সম্মুখের রাস্তায় আসিয়া পড়িল । সঙ্গে সঙ্গে মোটর বেক করার নব নব শব্দ পরক্ষণেই অমিয়াকে গেটের কাছে নামাইয়া দিয়া 'কার'খানা ফিরিয়া চলিয়া গেল ।

প্রভাস বাবু একবারটি বাহিরে পা দিয়াই তাড়াতাড়ি বিছানায় আসিয়া বসিলেন । বারান্দায় লেডিস 'সু'র শব্দ হইল । সে শব্দের তালে তালে প্রভাস বাবুর বুকের স্পন্দন দ্রুত হইয়া উঠিল যেন । অমিয়া দরজার পদা সরাইয়া মৃদু কণ্ঠে ডাকিল, "দীপু !"

"দীপু ঘুমিয়েছে ।"

"ঘুমিয়েছে ?"

বরের ভিতর মুখ বাড়াইয়া ঘুমন্ত দীপুর দিকে খানিক চাহিয়া অমিয়া জিজ্ঞাসা করিল, "তোমাদের খাওয়া হয়েছে ?"

"অনেকক্ষণ । তুমি এখন এলে বুঝি ?"

"ঠ্যা, ডাক্তার মুখাজ্জী আমায় নামিয়ে দিয়ে গেলেন ।"

প্রভাস বাবুর মুখে চোখে ক্ষণিকের যে আনন্দ-দীপ্তিটুকু উজ্জ্বল হইয়া উঠিয়াছিল, তাহা মিলাইয়া গেল । শরীরের সমস্ত শিরা-উপশিরা যেন ঝন্ ঝন্ করিয়া উঠিল একটা অসম্বরণীয় উত্তেজনার বেগে ।

"আচ্ছা, আমি এখন সাই । রাত হয়েছে খুব । কোনো অসুবিধে হ'লে জানিও, সন্দেহ দেখা-শোনা করার সময় যদি হয়ে না ওঠে, তাই ব'লে রাখলুম ।"

অমিয়া তখনই চলিয়া গেল ।

প্রভাস বাবু বিমূঢ়ের মত বসিয়া রছিলেন । খানিক বাদে অমিয়ার আয়া পাণ লইয়া আসিল । পাণের সঙ্গে জুন্দা—আশ্চর্যা !

প্রভাস বাবু তাহাকে বাগতীর সঙ্গে জিজ্ঞাসা করিলেন, "মেম সারের কি করছেন ?"

আয়া উত্তর দিল, "তিনি এই মাত্র শুতে গেলেন ।"

"এরি মধ্যে ? খাওয়া হয়ে গেছে তাঁর ?"

"না, মেম সারের খেয়ে এসেছেন ।"

একটুকু দাঁড়াইয়া থাকিয়া আয়া বলিল, "বাবুজীর যদি আর কিছু দরকার থাকে—"

প্রভাস বাবু মাথা নাড়িলেন,—"উহু !"

আয়া চলিয়া গেল । প্রভাস বাবু গালে হাও দিয়া ভাবিতে লাগিলেন—'আশ্চর্যা ! পাণে জুন্দা খাওয়া—সেটুকুও মনে আছে, এত দিন—এত কাল পরেও ! কিছুই ভুল হয় নি আতিথোর দিক থেকে, কর্তব্যের দিক থেকে, কোনো খান্টায় এতটুকু কাঁক পড়ছে না ত ?—কেবল আসলেই কাঁকি ! কিয় এই কাঁকি পড়ার জন্য দায়ী কে ? অপুরের জিনিসকে দূরে রেলে দিয়ে যে হতভাগা স্বেচ্ছায় এই জলজ্য ব্যবধান রচনা করেছে, সে-ই না ?'

এই যে সমস্ত অতিথি-সংকার—ইহাতে আন্তরিকতার স্পর্শও আছে কিছু । ইহাও যদি ভাগ্যে না ঘটত, অমিয়া যদি বেয়ারাকে দিয়া ঘাড় ধরিয়া তাহাকে আজ গেটের বাহির করিয়া দিত, তাহাতে এ পক্ষ হইতে অসুযোগ অভিযোগ করিবার কি ছিল ? কিছুই না—তবে ?—

এক দিন যাহা অস্যাচিতভাবে পাইয়া হেলায় হারাইয়াছেন, তাহা পাইবার জন্য এমন নিলজ্জ কাম্বাল পনা কেন ?

কে জানে ? বড় অস্তুত, বড় বিচিত্র মানুষের মন !

সুসজ্জিত কক্ষে, তৃপ্ত-গুত্র কোমল শয্যায় শয়ন করিয়া বিনিদ্র প্রভাস বাবু ছটফট করিতে লাগিলেন যন্ত্রণাগ্রস্ত রোগীর মত ।

অল্প বয়ে অমিয়াও জাগিয়া ছিল।

নিশ্চেষ্টভাবে চক্ষু মুদ্রিয়া সে ভাবিতেছিল—কত  
বাছুর এলোমেলো ভাবনা।

বাল্য ও কৈশোরের কত স্মরণীয় ঘটনা—সুদূর অতীতে  
হারাইয়া গেলেও এখনও তাহা মনে পড়ে। আজ অতীত  
যেন সুস্পষ্ট হইয়া উঠিয়াছিল একটা অস্বপ্নিকর অভিনব  
অনুভূতির প্রেরণায়।

অমিয়ার পিতা মা-হারা মেয়েটিকে কত যত্নে—কত  
আদরে পালন করিয়াছিলেন। কন্যাকে বয়স্হা ও  
শিক্ষিতা করিয়া যোগ্যপাত্রের অর্পণ করিবেন, ইহাই  
ছিল তাঁহার মনোগত অভিলাষ। কিন্তু অসময়ে কালের  
আহ্বানে তাঁহাকে অকস্মাৎ চলিয়া যাইতে হইল।

পিতার নিরাপদ আশ্রয় হারাইয়া অমিয়া এলাহাবাদে  
তাহার জ্যাঠামশায়ের কাছে আসিল—পিতৃদত্ত হাজার  
তিনেক টাকা লইয়া। সেই টাকার কিসদংশ ব্যয় করিয়া  
জ্যাঠামশায় কিশোরী অমিয়ার একটা সপল করিয়া দিলেন।  
কামটা তিনি বুদ্ধিমানের মতই করিয়াছিলেন, তাহাতে  
কোনও ভুল নাই, কিন্তু বিবাহের সময় কন্যাকে অলঙ্কার  
ও যৌতুকাদিতে কিঞ্চিৎ হেরফের করিয়া জ্যাঠামশায় যে  
অতিবুদ্ধির পরিচয় দিয়াছিলেন, তাহার ফলভোগ করিতে  
হইল অমিয়াকে।

শাশুড়ীর নিরুৎসাহ বিমুখ মন আর প্রসন্ন হইল না।  
অমিয়া অনেক চেষ্টা করিয়াছিল, কিন্তু শাশুড়ী প্রসন্ন  
হইলেন না। প্রভাস অত্যন্ত অসুগত ও বাধ্য পুত্র ছিল।  
অমিয়ার প্রতি স্বামীকর্তব্য-পালনে সে আগ্রহ সহ্যেও  
হীনতা প্রকাশ করিয়াছিল। কিশোরী পত্নীর প্রতি  
সহজাত প্রেম প্রকাশেও সে সাহস করিত না। কায়েই  
স্বামিগৃহে পাওয়ার মধ্যে সে পাইয়াছিল শুধু অনাদর  
আর উৎপীড়ন—তাহাও সহ্য করিয়াছিল নীরবে, নির্দিবাদের  
একটি বৎসর। তাহার কষ্টের কথা শুনিতে পাইয়া  
জ্যাঠামশায় একবার অমিয়াকে লইতে আসিয়া ফিরিয়া  
গিয়াছিলেন—অপমানিত হইয়া। কিন্তু তাহার কিছু দিন  
পরেই প্রভাসের মাতাঠাকুরাণী বধূর স্বাস্থ্য সম্বন্ধে সহসা  
সচেতন হইয়া এক দিন তাহাকে আপনা হইতেই বাপের  
বাড়ী পাঠাইয়া দিলেন, তখন অমিয়া যেন হাঁফ ছাড়িয়া  
বাঁচিল। কিন্তু তাহার জ্যাঠাইমার মনে একটা খটকা

লাগিয়া গেল। বেহানের এই অস্বাচিত করুণার মূলে  
কোনও গোপন অভিসন্ধি নাই ত ?

অমিয়াকে নীরোগ, কিন্তু নিরাভরণা দেখিয়াই তাঁহার  
এ রকম সন্দেহ হইয়াছিল বোধ হয়, কিন্তু সন্দেহটা মিথ্যা  
নহে। বহু দিন যাবৎ জামাতার কোনো সংবাদ না  
পাইয়া তাহার রাগের আশঙ্কায় অমিয়ার জ্যাঠামশাই  
যখন মেয়েকে লইয়া নিজেই রাখিতে গেলেন শশুরবাড়ী,  
তখন সে বাড়ীর চরার অমিয়ার জন্ম বন্ধ হইয়া গিয়া-  
ছিল। তাহার স্থান অধিকার করিয়াছিল আর একটি  
অপরিচিতা তরুণী।

তবুও হিন্দু মেয়ের পতি ছাড়া আর গতি নাই, স্বামি-  
গৃহের আশ্রুকুড় কাঁট দিয়া খাওয়াও নাকি তাহাদের পক্ষে  
পরম গৌরবের বিষয়—তাই বেচারী অমিয়া শাশুড়ী ও  
স্বামীর পায়ে ধরিয়া কত কাকুতি-মিনতি—কত কান্নাকাটি  
করিয়াছিল—সে বাড়ীর একটি কোণে একটুকু আশ্রয়  
পাইবার জন্ম; কিন্তু তাহাও তাহার ভাগ্যে ঘটে নাই।  
নিরাশ হইয়া তাহাকে ফিরিতে হইল—অমিয়ার বয়স  
জীবনের এইখানেই পরিসমাপ্তি।

জ্যাঠামশায়ের আশ্রয়ে আসিয়াও সে এবার শান্তি  
পাইল না আর। জ্যাঠামশায়ের বিরক্তি, জ্যাঠাইমার  
স্নেহহীন অকরণ আচরণ অমিয়াকে অতিষ্ঠ করিয়া  
তুলিল।

স্বামিগৃহের কষ্ট-নির্যাতন সে সহ্য করিয়াছিল নীরবে,  
সে জন্ম কোনও অসুযোগ অভিযোগও কাহাকেও সে জানায়  
নাই কখনও; কিন্তু এবার আর তাহা সম্ভব হইল না।  
বারবার আঘাতের পর আঘাত পাইয়া কিশোরীর  
কোমল চিত্ত ক্রমশঃ কঠিন ও বিদ্রোহী হইয়া উঠিয়াছিল।  
তাই অসহিষ্ণু, উদ্ভ্রান্ত হইয়া অমিয়া এক তঃসাহসের  
কাষ করিয়া বসিল।

হাতের সোণারদাঁধানো শাঁখা তুঁগাছি আর পনেরোটি  
টাকা সপল করিয়া অমিয়া এক দিন হঠাৎ রাতারাতি  
কাণপুরে চলিয়া গেল। সে দেশে তাহার এক দূর-সম্পর্কের  
মাসী থাকিতেন, তাঁহার ঠিকানাও সঠিক জানা ছিল না।  
তবু সেখানে পৌঁছিয়া খোঁজ করিয়া লইতে পারিবে, এই  
ভরসা তাহার ছিল; কিন্তু কাণপুর ছোটখাটো সহর  
নহে। খোঁজ করিবে কোথায়? খোঁজ না পাইলে সে

ঘাইবেই বা কোথায়? ফিরিবার পথও যে এখন বন্ধ! অমিয়া কাঁপরে পড়িয়া গেল।

বহু লাঞ্ছনা—বহু বিড়ম্বনার পর বিপন্ন নিরাশ্রয়া বালিকা শেষে অকূলে কূল পাইল। আর্ধ্য সমাজের জনৈক প্রধান আচার্য্য তাহাকে আশ্রয় দিলেন। সে আশ্রয় না পাইলে অমিয়া প্রতিকূল ঘটনার স্রোতে পড়িয়া এত দিন কি জানি কোন্ অতলে তলাইয়া ঘাইত।

কত কষ্টে, কত চেষ্টায় অমিয়া তাহার বিড়ম্বিত তুচ্ছ জীবনটাকে আবার নূতন করিয়া গড়িয়া তুলিয়াছে। অতীতের ব্যথা-গ্লানি সব নিঃশেষে মুছিয়া ফেলিয়া উজ্জ্বল ভবিষ্যৎকে উজ্জ্বলতর করিবে বলিয়া সে বদ্ধপরিকর! এমন সময় হঠাৎ এ কি বিপত্তি?

স্বামী—স্ত্রীর ইহ-পরকালের দেবতা, দোষ-গুণ বিচার না করিয়া কায়মনে তাঁহার সেবা করাই পতিব্রতার ধর্ম, এ বিশ্বাস এক দিন অমিয়ার মজ্জাগত ছিল; কিন্তু সে দিন আর আছে কি? এখন সুগুণসম্মে তাহার মতি-গতি ও রুচি পরিবর্তিত হয় নাই কি? সে জীবনে যাঁহা পায় নাই, পরক্ষণে তাঁহা পাইবার জন্য তাঁহাব আগ্রহও নাই। ইহা কি সত্য নহে?

তবে কর্তব্য,—হ্যাঁ, কর্তব্যই সে করিবে। শুধু যতটা করা দরকার, তাহার বেশী কিছু নহে।

## পাঁচ

পরদিন চুপুরবেলা—

দীপুর সাড়াশব্দ অনেকক্ষণ না পাইয়া প্রভাস বাবু বাহিরে আসিয়া ডাকিলেন, “দীপু!”

“কি বাবা?”

শব্দটা বাগানের দিক্ হইতে আসিল। প্রভাস বাবু সেই দিকে অগ্রসর হইয়া বলিলেন, “কৈ—কোথায়?”

“এই যে এখানে,—তুমিও এসো না, বাবা! দেখ কি সুন্দর—”

আজুরের জাফরীর ছায়ায় পাতা একটা বেঞ্চির উপর বসিয়া অমিয়া দীপুকে ছবির বই দেখাইতেছিল। প্রভাস বাবু সেইখানে আসিতেই বেঞ্চির এক প্রান্তে সরিয়া গিয়া সে দীপুকে বলিল, “তুমি এ দিকে সরে এসো, দীপু। ওঁকে বস্তুতে যায়গা দাও।”

“থাক,—দীপুর সাড়াশব্দ পাইনি অনেকক্ষণ, তাই—”

“বসো না, বাবা! বসো, কেমন সুন্দর ছবি দেখছ?”

এ বই এখন আমার—জানলে বাবা? এই দেখ না, আমার নাম লেখা রয়েছে—”

“হঁ!”

প্রভাস বাবু দীপুর হাতের বইখানার দিকে একবার চাহিয়া তাহার পাশে বসিলেন গম্ভীর মুখে। অমিয়া আনন্দ-নয়নের বক্র-দৃষ্টি দিয়া দেখিল, তাঁহার চেহারা যেন বিজ্যৎ-গর্ভ মেঘের মত গম্ভীর করিতেছে। দেখিয়া অমিয়ার মনে বোধ হয় দুঃখ হইল না, বরং আনন্দই হইল;—এ আনন্দ কি জয়ের?

এক দিন পায়ে ধরিয়া ভিক্ষা করিয়াও যাহার কাছে করুণার কণামাত্রও পায় নাই, অমিয়া আজ মাথা তুলিয়া বিজয়িনীর গৌরবে তাহার সম্মুখে দাঁড়াইতে পারিয়াছে।

লোকটা এখন বুকুক, যাহাকে সে এক দিন লাঞ্চিত, অপমানিত করিয়া চোখের জলে বিদায় দিয়াছিল, নারী হইলেও সে এক জন মানুষ! পশু নহে! তাহার জীবনেরও একটা মূল্য আছে, নারীত্বেরও মর্যাদা আছে।

দীপু বই হইতে একটা সিংহের ছবি বাহির করিয়া বলিল, “ও বাবা! কি প্রকাণ্ড সিংহ দেখ। ঠিক যেন সত্যিকার—”

“সত্যিকার সিংহ তুমি দেখবে, দীপু?”

অমিয়ার কথা শুনিয়া দীপু সাগ্রহে বলিয়া উঠিল, “হ্যাঁ দেখ, কোথায় আছে সিংহ?”

“এখানেই আছে,—বিকালবেলা দীপুকে একটু বেড়িয়ে আনো না, মোটর ত রয়েছে।”

কথাটা প্রভাস বাবুর দিকে চাহিয়া অমিয়া কহিল।

“কি দরকার মোটরের? গরীবের ছেলে, বেড়াতে হয় অমনিই যাবে।”

প্রভাস বাবুর কথার মধ্যে ঝাঁঝ ত ছিলই, তাহা ছাড়া গোঁচাও ছিল একটু। অমিয়া মনে মনে হাসিয়া মুখটা ফিরাইয়া লইয়া দীপুর কপালে ঝুলিয়া পড়া এলো-মেলো চুলগুলি সরাইতে সরাইতে সম্মেহকণ্ঠে বলিল, “আমি তোমাকে সিংহ দেখিয়ে আনব, দীপু! আজ ত হয়ে উঠবে না, দেখি কাল কোনও এক সময়ে—”

দীপু পুলকিত হইয়া কহিল, “আচ্ছা।”



দীপুর বাবা খানিক গুম হইয়া থাকিয়া বলিলেন,  
“কাণপুরে আজ রাত্তিরেই ছাট করবো ভাবছি।”

—“আজ-ই ?”

—“হ্যাঁ, আজ নেহাৎ না পারি, তা হ'লে সকালের  
ট্রেনে নিশ্চয় বেরোতে হবে।”

—“কেন ? এত তাড়া কিসের ? দিন-কতক বিশ্রাম  
নিয়ে—”

“বিশ্রাম করে না আর—চের হয়েছে, একলা ত  
নয়, ছেলে-মেয়ে দুটো রয়েছে, ওদের জন্তে একটু কিছু  
না করলে—”

কথাটা শেষ না করিয়া প্রভাস বাবু দীপুর দিকে  
চাহিয়া রহিলেন উদাসভাবে। দীপু তখন বইখানা  
বেঞ্চির উপর রাখিয়া সম্মুখের বড় একটা কাঠের টবে  
রাখা গোলাপের চারা গাছে কটি গোলাপ, তাহা গুণিতে-  
ছিল। অমিয়াও নীরব।

ক্ষণ পরে সে বলিল,—“তোমার এখানে কষ্ট  
হচ্ছে কি ?”

অমিয়ার এ আকস্মিক প্রশ্নে প্রভাস বাবু চকিতে  
দৃষ্টি ফিরাইয়া দেখিলেন, অমিয়া তাঁহার খুব কাছে সরিয়া  
আসিয়া তাঁহার দিকে চাহিয়া আছে, তাহার প্রদীপ্ত  
নয়ন-বৃগলে করুণার স্নিগ্ধতা, মুখের ভাব বড় কোমল।—  
সাদাসিদা ধরণে পরা লাল-পাড় শাড়ীর আঁচলখানি এলানো  
কৌকড়ানো চুলের উপর গুস্ত—এ যেন মমতাময়ী  
গৃহলক্ষ্মীর কল্যাণী রূপ !

সে রূপ এক মুহূর্ত মুগ্ধ-নয়নে দেখিয়া প্রভাস বাবু  
বলিলেন, “কষ্ট ?—না, অমিয়া ! এ রকম আদরে থেকেও  
যদি বলি কষ্ট হচ্ছে, তা হ'লে যে নেহাৎ অকৃতজ্ঞের মত—  
না, তা নয়, তবে এ সব আমার সইবে না, কুণী-মজুর  
লোক আমরা—”

ছাড়া ছাড়া ভাবে কথাগুলি বলিয়া তিনি ঈষৎ  
হাসিলেন। সে হাসি ও কথায় প্রশ্নের তুলনায় বোধ  
হয় ব্যথাই ছিল বেশী।

অমিয়ার প্রকৃত মুখ-কান্তি নিমেষে লান হইয়া গেল।

“উহ, ও গাছ নষ্ট করো না, দীপু ! ও দোপাটা,  
ওটা তুলে এখানে লাগাতে হবে, রসো—”

বলিতে বলিতে সে উঠিয়া দীপুর কাছে গেল।

আশে-পাশের ঘাসগুলি তুলিতে তুলিতে অমিয়া এক সময়  
পশ্চাৎ ফিরিয়া দেখিল, প্রভাস বেঞ্চির উপর নাই !

আশ্চর্য একটা দীর্ঘ নিশ্বাস ফেলিয়া সে দীপুকে বলিল,  
“তোমার বাবা ত এখানে থাকতে চান না, দীপু !”

দীপু মুখখানা মলিন করিয়া বলিল, “আমি বলব  
থাকতে। আমার ত এখান থেকে যেতেই হচ্ছে  
করছে না, মা !—সত্যি—”

‘মা’, ছোট্ট একটি শব্দ, কিন্তু কি প্রাণ-গলানো মাধুর্য  
ইহাতে ! সে ডাকে অমিয়ার অন্তরের কোন্ গোপন  
গহন-তল হইতে সাড়া দিয়া উঠিল তাহার অপরিভূপ  
মাতৃহৃৎ ! এ কি অপূর্ণ অমুভূতি !

“দীপু !”

দীপুকে কাছে টানিয়া আনিয়া অমিয়া মমতাসিক্ত-কণ্ঠে  
বলিল,—“তুমি আমার কাছে থাকবে, দীপু ?”

“থাকব, মা !”

দীপুর বিরস-মুখে হাসি দেখা গেল, সবলতা-মাখানো  
চোখদুটিতে কি কুণ্ডলীন নির্ভরতা !

“তুমি বাবার জন্তে কান্দবে না ?”

“বা রে ! তা কেন ? আমি কি কচি খোকা যে  
কান্দব ? বাবা ত আমাকে পিসীমার কাছে রেখে  
আসছিল—আমার সেখানে ভাল লাগে না, তাই—”

“এখানে ভাল লাগবে ত ?”

“ওঃ ! খুব—খুব ভাল লাগবে !—”

পরিপূর্ণ তৃপ্তিতে দীপুর মুখে হাসি উজ্জ্বল হইয়া উঠিল।

রাত্তিতে দীপু ঘুমাইয়া পড়িয়াছে।

দীপুর বাবা বিছানায় চিৎ হইয়া শুইয়া ছাদের কড়ি  
কাঠ গণিতেছিলেন বোধ হয়। কিসের একটু শব্দ কাণে  
যাইতেই তিনি ষাড় উঁচু করিয়া দেখিলেন, ঘরের মধ্যে  
পাণের ডিবা হাতে করিয়া ‘আয়া’ নছে, অমিয়া নিজে !

প্রভাস বাবুর পলকে মনে পড়িয়া গেল কত দিন, কত  
বৎসর আগের দেখা একটি সরম-কুণ্ঠিতা কিশোরীর কথা  
কি দীনতা, কি সঙ্কোচভরে সে জড়সড় ভাবে তাঁহার কাণে  
খেষিয়া দাঁড়াইত—তাঁহার অন্তরের এতটুকু স্পর্শ পাইবার  
আশায়, একান্ত নির্ভরশীল আশ্রিতা মতীর মত—এ ত সেই  
অমিয়া !

আলোড়িত চিত্তের ফেনিল উচ্ছ্বাস কণ্ঠে রোধ করিয়া প্রভাস বাবু ত্বরিতে উঠিয়া বসিয়া বলিলেন, “বসো, অমিয়া !”

টীপরের উপর পাণের ডিবা রাখিয়া অমিয়া দীপুর খাটের এক পাশে বসিল, তার পর প্রভাস বাবুর আগ্রহভরা চোখের দিকে একবার তাকাইয়া তখনই চক্ষু নত করিয়া জিজ্ঞাসা করিল, “তা হ’লে তোমার মাওয়াই কি ঠিক হ’ল ?”

উত্তরে প্রভাস বাবুর মুখে আসিতেছিল, ‘তুমি যদি বল, তবে’—কিন্তু কপাটা তাড়াতাড়ি চাপিয়া লইয়া তিনি শুধু বলিলেন, “তা বৈ কি ?”

মনে হয় ত ক্ষীণ আশা ছিল, অপর পক্ষ হইতে আরও দুই দিন থাকিয়া যাইবার জন্য উপরোধ আসিতে পারে : কিন্তু তাহা হইল না। অমিয়া সুপ্ত দীপুর গায়ে হাত রাখিয়া ধীরে ধীরে বলিল, “দীপু আমার কাছে থাকতে চায়, যদি কোন রকম বাধা না থাকে, তা হ’লে ওকে এখানে রেখে যাও, ও আমার কাছে বেশ থাকবে।”

“রাখবে ওকে ? আঃ! তুমি আমাকে বাচালে, অমিয়া !—”

আশাতীত আনন্দে উৎফুল্ল হইয়া প্রভাস বাবু উচ্ছ্বসিত কণ্ঠে বলিলেন, “কথাটা বলি বলি করেও তোমাকে বলতে পারছিলাম না, ভরসা হচ্ছিল না বলতে। কিন্তু দীপুর জন্মে আমার যা ভাবনা হয়েছিল! নিজের ত কিছু ঠিক-ঠিকানা নেই, ছেলেটা তোমার আশ্রয়ে থাকলে আমি নিশ্চিত হয়ে কায় করতে পারি।”

তার পর একটু থামিয়া একটা কম্পিত ক্ষুদ্র নিশ্বাস নিঃশব্দে ফেলিয়া প্রভাস বাবু আবার আবেগভরে বলিতে লাগিলেন, “আমি বুঝতে পারছি, তোমার ওপরে এ ভার দেওয়া আমার উচিত হচ্ছে না, কিন্তু তুমি ত সত্যি সত্যি আমার পর নও ? এ জীবনে বিচ্ছিন্ন হবার নয় ! আমি অতি হতভাগা যে, এ কথা এক দিন বুঝেও বুঝিনি, পূজার কুসুম পায়ে দলে—”

“থাক, আবার কেন ? বলেছি ত আমার মনে সেজন্য আর চুঃখ অনুতাপ কিছুই নেই।”

—“বেশ !”

অমিয়া উঠিতে উঠিতে বলিল, “তা হ’লে ঐ ঠিক রইলো, দীপু আমার কাছে থাকবে।”

প্রভাস বাবু তাহার গমনে বাধা দিয়া আহতকণ্ঠে বলিয়া উঠিলেন, “আমার একটা কথা ক’বাব দিয়ে যাও, অমিয়া, —আমি জানতে চাই, তুমি কি সেই অমিয়া ? তেরো বছর আগে আমি যাকে—”

—“না, না, সে অমিয়া অনেক দিন মরেছে, তুমিই ত তাকে গলা টিপে মেরে ফেলেছো ! আজ যদি তুমি তারই সন্ধানে এসে থাকো, তা হ’লে সেটা তোমার মস্ত বড় ভুল ! সে অমিয়া আর নেই !”

গমনোন্মুখী অমিয়া যাইতে যাইতে আবার ফিরিয়া দাঁড়াইয়া দৃষ্ট ভঙ্গীতে বলিল, “দীপুকে আমি মনের মত ক’রে মানুষ করতে চাই, এ আমার কর্তব্য ব’লে নয়, আমার অন্তরের ইচ্ছে। ছেলেটিকে আমার ভাল লেগেছে, তাই। তুমিও যত দিন খুসী এখানে থাকতে পার স্বচ্ছন্দে, আমি তোমায় আদর ক’রে রাখব হিতৈষী বন্ধুর মত, কিন্তু—”

অমিয়া আর দাঁড়াইল না।

## ছয়

বিদায়প্রার্থী প্রভাস বাবু প্রণত ছেলের মাথায় হাত রাখিয়া মনে মনে আশীর্বাদ করিয়া বলিলেন, “বেশ ভাল ক’রে লক্ষ্মীটি হয়ে থেকো, বাবা। উনি যা বলেন, তাই করো, বুঝেছ ?”

অমিয়া খাবার-ভর্তি-করা টিফিন-ক্যারিয়ারটা গাড়ীতে রাখিতে দিয়া, সেখানে আসিয়া দীপুকে কোলের কাছে টানিয়া লইয়া বলিল, “সেজন্য ভাবতে হবে না, দীপু তারি লক্ষ্মী ছেলে, ও আমার কাছে বেশ থাকবে—দেখো। আর তুমি যেখানেই যাও, নিজের ঠিকানাটা জানিয়ো, তা হলেই দীপুর খবর নিশ্চিত পাবে।”

প্রভাস বাবু ষাড় নাড়িয়া শুধু সায় দিলেন। হৃদয় যখন পরিপূর্ণ, মুখে তখন কথা আসে না। কিন্তু অমিয়া ? দীপুর হাত ধরিয়া তাহার সঙ্গে সঙ্গে সে গাড়ীর কাছে আগাইয়া গিয়া বেশ সহজ ভাবেই বলিল, “কাণপুর থেকে লক্ষ্মী ত এ-পাড়া ও-পাড়া। সেখানেই যদি থাকা হয়, তা হ’লে মাঝে মাঝে স্মৃতি ক’রে ওকে স্বচ্ছন্দে দেখে যেতে পারো, সেজন্য অনুরোধ উপরোধ না করতে হয় যেন। হাজার হলেও বাচ্ছা ত ?”

“তাই হবে।”

গাড়ীর পা-দানীতে পা দিয়া অমিয়ার দিকে ফিরিয়া প্রভাস বাবু বিকৃতচিত্তের স্তম্ভীর উচ্চস্রাব্যক্ত রাখিয়া শুধু ধরা-গলায় মৃগস্বরে বলিলেন, “আচ্ছা, তবে চললুম! যদি পার, আমাকে ক্ষমা করো।”

অমিয়া নীরবে হাত ছ'খানা ঈষৎ তুলিয়া নমস্কার জানাইল—একটি নমস্কার শুধু! নিতান্ত অপরিচিতের মত!

প্রভাস বাবুর বুক চিরিয়া একটা গভীর গাঢ় নিশ্বাস বাহির হইল।

গাড়ীখানা অদৃশ্য হইলেও অমিয়া কতক্ষণ সেই দিকে চাহিয়া রহিল—স্বপ্নাক্ষয়ের মত : তার পর আকস্মিক হর্ষলতাটুকু সবলে কাড়িয়া ফেলিয়া উত্তম দীর্ঘশ্বাসটা বুকের মধ্যে চাপিয়া ফেলিয়া সে বলিল, “চল দীপু! আমরা ঘরে যাই!”

বৈকালে দীপু নতুন-কেনা ব্যাটবল লইয়া খেলা করিতেছিল; অমিয়া ডাকিল, “দীপু, এইবার এসো, বাবা! তোমার মুখ-হাত ধুয়ে কাপড় ছাড়িয়ে দি।”

দীপু খেলা ছাড়িয়া তখনই ছুটিয়া আসিল পোষমানা কুরঙ্গ-শিশুর মত। আয়া তাহাকে বাথরুমে লইয়া মাইতে-ছিল, অমিয়া বাধা দিয়া নিজেই তাহাকে লইয়া গেল।

সে নিজের হাতে দীপুকে পরিষ্কার করিয়া কাপড় ছাড়াইয়া দিল। দীপুর তখন তাহার মায়ের কথা মনে পড়িতেছিল—অমিয়ার হাতের স্পর্শে, চোখের চাহনিত্তে, কথার সুরে যেন তেমনই দরদ মাখানো।

দীপুর মাথাভরা ঘন চুলে ব্রহ্ম দিতে দিতে অমিয়া সাদরে জিজ্ঞাসা করিল, “তোমার বাবার জন্তে মন কেমন করছে দীপু—না?”

দীপু সলজ্জভাবে একটু হাসিয়া উত্তর দিল, “না, মা।”

“সত্যি?”

দীপুর অবনমিত কচি মুখখানি বুকের উপর টানিয়া আনিয়া উচ্ছ্বসিত মমতায় অমিয়া বলিয়া উঠিল, “আমার দীপুমণি ত ভারী লম্বী ছেলে! চল, তোমাকে আজ সত্যিকার সিংহ দেখিয়ে আনি।”

দীপু সোপ্লাসে কহিল, “কখন যাবেন, মা?”

“এই বে এখনি, বেলাবেলি না গেলে ভাল করে দেখা হবে না।”

বাহিরে ভারী বৃট-জুতার মস্ মস্ শব্দ শোনা গেল। শব্দটা অমিয়ার পরিচিত।

“আমি আসতে পারি?”

ডাক্তার মুখাজ্জী ঘরে ঢুকিয়াই সাহেবী কারদায় একবার হাটুটা তুলিয়া বসিয়া বলিলেন, “কাল কিছুতেই সময় করতে পারলুম না—এমন ঝগাট—”

বলিতে বলিতে দীপুর দিকে দৃষ্টি পড়িতেই থমকিয়া বলিয়া উঠিলেন, “এ ছেলেরি আবার কে?”

“সেই যে যিনি এসেছিলেন—তার—!”

“ও! তিনি এখনও আছেন না কি?”

“না, আজ চ'লে গেলেন।”

“তবে এ ছেলেরি যে—”

মনোযোগের সহিত দীপুর চুলে সীঁথি কাটিতে কাটিতে অমিয়া বলিল, “এ আমার কাছেই থাকবে।”

“সে কি? কেন?”

ডাক্তার মুখাজ্জীর মুখপানে একবার উজ্জ্বল দৃষ্টিপাত করিয়া অমিয়া বলিল, “এমনি, ইচ্ছে হলো! মা-হার ছেলেরি দেখে—”

“বা: এ আবার কি বাতিক তোমার? পরের ছেলে মানুষ করার দায়িত্ব কত—তা জানো?”

মুখাজ্জীর মুখের ভাব অপ্রসন্ন। তাহা লক্ষ্য করিয়া অমিয়া হাসিতে হাসিতেই বলিল, “জানি, কিন্তু এ ছেলে ও আমার পর নয়।”

“তবে?—ওর ফাদার তোমার আত্মীয় হন বুঝি?”

“হ্যাঁ, উনি আমার—স্বামী।”

“স্বামী!”

পথ চলিতে চলিতে সতসা সঙ্গুখে বজ্রপাত হইলে পথিকের সে অবস্থা ঘটে, ডাক্তার মুখাজ্জীর এখন সেই অবস্থা।

“মাই গড!”

হুই হাতে মাথা টিপিয়া তিনি বসিয়া পড়িলেন।

খানিক নীরবতার পর মুখাজ্জী গুঞ্চ কণ্ঠে বলিলেন, “কিন্তু—তোমার যে স্বামী আছেন, তা ত কোনও দিন বলোনি, অমিয়া!”

“না, বলার দরকার বুঝি নি, কামেই—তুমি কোটটাও গায়ে দিয়ে নাও, দীপু। দোরসা সময়, ঠাণ্ডা লাগানো উচিত নয়।”

ডাক্তার সাহেব একবারে স্তম্ভিত! এ যাবৎ অমিয়ার তরফ হইতে স্পষ্ট কোন ইঙ্গিত না পাইলেও তিনি মনে মনে যে অনেকখানি আশা পুষিয়া রাখিয়াছিলেন, সমস্তই ধূলিসাৎ হইয়া গেল এক নিমেষে!

“কিন্তু, অমিয়া! এটা তোমার—”

অমিয়া বাধা দিয়া জ্বস্তে বলিয়া উঠিল, “আমার কথা হয় ত এক দিন জানতে পারবেন, ডাক্তার! কিন্তু এখন নয়। আজ আমাকে সেতে হচ্ছে একটু—”

“কোথায়?”

“দীপুকে সিংহ দেখাতে—আপনি যাবেন?”

“নাঃ! আমার কাগ রয়েছে।”

দীপুব দিকে বক্রনয়নের অগ্রিময় দৃষ্টি নিষ্ফেপ করিয়া ডাক্তার মুখাজ্জী মেনাচ্ছন্নমুখে তাড়াতাড়ি চলিয়া গেলেন।

অমিয়া মোটর আনিতে বলিয়া অবসন্নভাবে কোঁচের ওপর এগাইয়া পড়িল।

বাহিরে চাঞ্চল্য প্রকাশ না পাইলেও অন্তরে অন্তরে সে কেমন যেন অস্বস্তি বোধ করিতেছিল। তাহার বৃকের ভিতর কিসের একটা অদম্য উচ্ছ্বাস ঠেলিয়া উঠিতেছিল।

“ও মা, মোটর এসে গেছে।”

দীপু কাছে আসিতেই অমিয়া তাহাকে কোলের মধ্যে ব্যাকুল আগ্রহে টানিয়া লইয়া বলিল, “দীপু আমার—মাণিক আমার,—সোণা ছেলে হবে, আমায় কত ভালবাসবে—না?”

অমিয়ার কণ্ঠস্বর বিকম্পিত গাঢ়!

চোখের পাতাও বোধ হয় ভিজিয়া উঠিয়াছিল!

শ্রীচিন্তরঞ্জন বন্দ্যোপাধ্যায়।

## ছিন্নকলি

ধূলি-ধূসরিত মলিন গোপলি চাকিয়াছে বরণীরে,  
গন্ধ বহিয়া দখিণা বাতাস ব'য়ে যায় দীরে দীরে।

ওরে ও মাগতি আস!

আয় বোন এই আকাশের তলে মিলি মোরা দুজনায়—

ডুকরি কেঁদে লো উঠি,

বল তো মোদের অনন্ত ব্যথা বলি আর কারে ফুটি!

মোরা তো ভগিনী থাকি একা একা প্রকৃত মায়ের মেয়ে  
আপনার মনে নাচি হাসি খেলি কাননের বুক ছেয়ে।

মানুষ স্বার্থপর,

পলকের সুখে ছুড়ে ফেলে দেয় মোদের মাটার 'পর।

গাজুক নূতন বধূটির মত উষালোকে অবগাহি'  
ছুটেছিলি একা সঙ্গিবিহীনা আকাশের পানে চাহি'।

ছোট তোর তলুটিরে,

নীরব প্রেমিক বাতাস শুধুই ছুঁয়ে' চলে গেল দীরে।

মাতাল ভ্রমর এলো সে ছুটিয়া, মৌন অফুট বাণী।

তপ্ত-চুমায় শুধু ভ'রে দিলো তোর ও কপোলখানি।

কিন্তু বহিন্ তোদের মিলন, ও মহান্ উৎসব

সহিতে পারে না, ভেঙ্গে ফেলে দেয় নিষ্ঠুর মানব সব।

নিচোণ মোহন লীলায়িত তোর সুন্দর তনুখানি  
আপন খেয়ালে কঠিন পরশে ছিঁড়ে ফেলে দেয় টানি।

কিন্তু ভগিনি, আমি তো পারিনে ফুটিতে তোমার মত  
আমার বৃকেতে কেঁদেছে গন্ধ বরেছে মধু সে কত!

ছিল মনে কত আশা,

বিষ্মেরে আমি করিব পাগল দিয়া এই ভালবাসা।

আমার আলোর দেবতা সে যে লো আমারে বৃকেতে নিবে  
লজ্জা-লালিম এই মুখে মোর সোহাগের চুমা দিবে।

মিথ্যা হ'লো সে আশা,

মিথ্যা হ'লো সে প্রণয়-আবেগ, বুক-ভরা ভালবাসা।

তারি বিনিময়ে আজিকে ভগিনি, লুটে প'ড়ে আছি ভুঁয়ে,  
নীহার সে তার তুহিন ধারায় দেয় মোর তনু ধুয়ে।

ভেঙ্গে ফেলে দেছে মানুষ আমার যৌবন-ভরা বুক,  
ভেঙ্গেছে রে তারা আমার প্রেমের রঙিন স্বপ্নটুকু।

আমরা অবলা সুল,


নিতে পারি নাকো প্রতিশোধ এর মানুষের সমতুল!

নিয়ে ভাঙা বুক, যৌবন, প্রাণ পড়ে থাকি ভূমিতলে—

মৌন ব্যথায় মাটারে শুধুই ভিজাই চোখের জলে।

শ্রীমতীজ্ঞকুমার দাশগুপ্ত।





## বাঘের শিকার

( শিকার-কাহিনী )

আসামের কোন ইংরেজ চাকর ডি, এইচ, এম, এই সজ্জিত নামে যে আসামের এক বিলাসী মাসিকে ব্যাঘ্র-শিকারের একটি গল্প লিখিয়াছেন। এই গল্পটির বন্ধনুবাণ্ডে শিকারীকে 'বাঘের শিকার' বলিয়া অভিহিত করিলে অত্যাঙ্গী হইবে না। আশা করি, পাঠকগণ আমাদের এই উক্তি সমর্থন করিবেন। গল্পটি কৌতুকবহু।

লেখক লিখিয়াছেন—আলোচ্য ঘটনাটি যখন ঘটিয়াছিল, সেই সময় ( এই গল্পের উপনায়ক ) বড় ডগলাসের বয়স বাইশ বৎসর। এই আখ্যায়িকারস্তরের প্রায় এক বৎসর পূর্বে এক চা-বাগিচার সহকারী পদে নিযুক্ত হইয়া সে আসামে আসিয়াছিল। যুবকটি একদম খর্বকায় ও কুশ ছিল যে, তাহার অঙ্গপ্রত্যঙ্গ ও মুখ দেখিলে মনে হইত, তাহার বয়স আরও অল্প। এত দিন পরেও এখন তাহাকে ওজন করিলে, তাহার দেহের ভার এক শত কুড়ি পাউণ্ডের ( প্রায় দেড় মণের ) অধিক হইবে না।

ডগলাস চাকরী লইয়া লণ্ডন হইতে আসামের চা-বাগানে উপস্থিত হইলে, তাহাকে দেখিয়া বাগানের ম্যানেজার মনুরো কি রাগ! তিনি লণ্ডনস্থিত ডাইবেক্টরগণকে লক্ষ্য করিয়া বলিয়াছিলেন, তাঁহাদের বিন্দুমাত্র বৃদ্ধি-বিবেচনা নাই। তাঁহারা বাছিয়া বাছিয়া এ বকম একটা রোগী ছোকরাকে চাকরীতে নিযুক্ত করিয়া পাঠাইয়াছেন যে, এ দেশের জলবাতাসে সে ছয়মাসও টিকিয়া থাকিতে পারিবে না! এই গল্পারস্তরের সময় যদিও মনুরো বৃদ্ধিতে পারিয়াছিলেন—ডগলাস কাষের লোক এবং নির্ভরযোগ্য সহকারী, সে তাঁহার স্নেহভাজনও হইয়াছিল, তথাপি তাহার ক্ষীণ দেহের দিকে চাহিয়া অবজায় তাঁহার নাসিকা কুঞ্চিত হইত।

এক দিন অপরাহ্নে বাগানের ম্যানেজার ও তাঁহার এই সহকারী বাগানের এক প্রান্তে কুলী খাটাইতেছিলেন; শত শত কুলী চা-গাছ হইতে কচি কচি পাতা সংগ্রহ করিতেছিল। তখন বর্ষা আরম্ভ হইয়াছিল, কিন্তু বায়ুর উষ্ণতা তখনও অত্যন্ত অধিক; তাহার উপর তাহা একদম আর্দ্র যে, যুরোপীয়দের পক্ষে অত্যন্ত কষ্টদায়ক বলিয়া মনে হইত।

মনুরো এবং ডগলাস উভয়েই কার্পাস-সূত্র-নির্মিত সাদা সাট এবং থাকীর হাক্‌প্যাট পরিধান করিয়া কাষে বাহির হইয়াছিলেন, তথাপি যর্ষধারার তাঁহাদের সর্বত্র প্রাবিত হইতেছিল। তাঁহাদের রৌদ্রদগ্ধ আরক্তিম মুখমণ্ডল হইতে ষর্ষপ্রবাহ ধারাকারে করিয়া পড়িতেছিল। তাঁহাদের অনাবৃত হস্ত ষর্ষাপ্লুত এবং পরিষ্কন্দও ষর্ষসিক্ত।

তাঁহারা সেই অবস্থায় কুলী খাটাইতে খাটাইতে সাধারণ কৃষক-শ্রেণীর দুই জন অসমিয়াকে পথ দিয়া তাঁহাদের দিকে দৌড়াইয়া আসিতে দেখিলেন।

তাঁহারা উভয়ে তাঁহাদের সম্মুখে উপস্থিত হইলে মনুরো জিজ্ঞাসা করিলেন, "তোমরা কি চাও?"

আগন্তুকদ্বয়ের এক জন বলিল, "সাহেব, আমাদের বড় বিপদ! আমাদের ছোট ভাইটিকে বাঘে মারিয়াছে। আপনি আমাদের রক্ষা না করিলে আমরা নিরুপায়।"

ম্যানেজার সাহেব বলিলেন, "কিভাবে আমি তোমাদিগকে রক্ষা করিব?" লোকটি বলিল, "হুজুর বাঘটাকে গুলী করিয়া মারিলে আমাদের প্রাণরক্ষা হইতে পারে।"

অতঃপর তাঁহাদিগকে প্রশ্ন করিয়া জানিতে পারা গেল—সেই চা-বাগিচার প্রান্তবাহিনী নদীর অপর তীরবর্তী কোন গ্রামে তাহাদের বাস; সেই গ্রামখানি বাগান হইতে প্রায় তিন মাইল দূরে অবস্থিত। তাঁহারা যে বাঘটির কথা বলিল—তাঁহার আকার অত্যন্ত বৃহৎ। তাহাদের ভাই যে গরুটাকে চরাইতে লইয়া গিয়াছিল, বাঘ প্রথমে সেই গরুটাকে হত্যা করে; তাহা পর তাহাদের বাড়ীর সম্মুখে আসিয়া তাহাদের ভাইকে আক্রমণ করে। ইহা পূর্কদিন সায়ংকালের ঘটনা।

এই সকল কথা শুনিয়া মনুরো জিজ্ঞাসা করিলেন, "এত দেরী করিয়া খবর দিতে আসিয়াছ কেন?"

আগন্তুক বলিল, "সাহেব, প্রথমে আমাদের খানায় গিয়া খবর দিতে হইয়াছিল; তাহার পর ঘবে ফিরিয়া ভাইকে মাটি দিলাম। এ সকল কাষ শেষ করিয়াই আপনার কাছে আসিতেছি।"

মনুরো কয়েক মিনিট কি চিন্তা করিলেন, তাহার পর তাঁহার সহকারীকে লক্ষ্য করিয়া বলিলেন, "এ কাষের ভার লইতে আমার ইচ্ছা হইতেছে না। উহাদের গ্রামে যাইবার ভাল রাস্তা নাই, পথ কাদায় ভরা; তাহার উপর মশার ঝাঁক। শেষে গিয়া বাঘের হস্ত সঙ্কানই পাওরা যাইবে না! তখন আবার অন্ধকারে কাদা ভাঙ্গিয়া ফিরিয়া আসিতে হইবে। কাষ কি এত বড়াটে?"

অনন্তর তিনি অসমিয়াদ্বয়কে বলিলেন, "অত্যন্ত হুঃখের বিষয় বটে, কিন্তু আমি বাইতে পারিব না।"

মনুরোর মন্তব্য শুনিয়া চাবীটা ব্যাকুল ধরে বলিল, "হুজুর আমাদের মা-বাপ। আমরা আমাদের জানানাদের ঘরের ভিতর পুরিয়া রাখিয়া, ঘরের দরজা বন্ধ করিয়া আসিয়াছি। আমরা

বাড়ীতে মাই, বাঘটা তাহাদিগকেও খাইয়া ফেলিবে বলিয়া ভয় হইতেছিল। আপনি দয়া করিয়া চলুন, সাহেব!”

তাহারা উভয়েই মন্বোর পদপ্রান্তে ঝুঁকিয়া পড়িয়া তাঁহার জুতা স্পর্শ করিল।

মন্বো বলিলেন, “বাঘ যদি জঙ্গলে ঢুকিয়া সেখানে লুকাইয়া থাকে, তাহা হইলে তোমাদের সঙ্গে আমার যাওয়ার ফয়দা কি?”

কৃষক বলিল, “বাঘটা যে পক্ষ মারিয়াছে, সাহেব! তাহার গোস্তর লোভে জ্বর সেখানে আসিয়া জুটিবে।”

ডগলাস এতক্ষণ কোন কথা বলে নাই, মুখ বৃজিয়া উভয় পক্ষের তর্কবার শুনিতেছিল; এবার সে তাহার ‘বড়া সাহেবের’ মুখের দিকে চাহিয়া বলিল, “আপনি না যান, আমার ইচ্ছা, একবার চেষ্টা করিয়া দেখি।”

মন্বো দুই এক মিনিট তাহার মুখের দিকে চাহিয়া বলিলেন, “আমি তোমাকে একাকী যাঁতে দিতে পারি না। ভয়ঙ্কর জানোয়ার! সেটা এখনও যদি ঠিক ‘মানুষ-থেকে’ না হইয়া থাকে ত শীঘ্রই ‘মানুষ-থেকে’ হইয়া উঠিবে। বিশেষতঃ, ব্যাঘ শিকারে তুমি অনভিজ্ঞ, ডগলাস।”

ডগলাস বলিল, “আমি খুব হুঁসিয়ার থাকিব মহাশয়, বাঘের উপর একবার গুলী চালাইতে আমার ভারী সখ হইয়াছে।”

মন্বো কয়েক মিনিট নীরব থাকিলেন; বস্তুতঃ তিনি কর্তব্য স্থির করিতে পারিলেন না। অবশেষে তিনি গমনোন্মুখ হইয়া ফিরিয়া দাঁড়াইয়া বলিলেন, “এদিকের পাতা সংগ্রহ করা শেষ হইলে জমাদারকে পাতাগুলা ওজন করিয়া লইতে বলিয়া তুমি আমার কাছে যাইবে, এক পেয়লা চা খাইবে!”

ডগলাস ম্যানেজারের আদেশ পালন করিয়া মন্বোর অনুসরণ করিল। মন্বো বাগান হইতে বাংলায় ফিরিলে, কৃষকসহ ও তাঁহার সঙ্গে গিয়াছিল। ডগলাস মন্বোর বাবান্দার উঠিয়াই এক পেয়লা চা পাইল। মন্বো স্তম্ভভাবে বসিয়াছিলেন; চাবীঘর বাবান্দার সম্মুখে বসিয়া শূন্য-দৃষ্টিতে চাহিয়াছিল।

ডগলাসের চা-পান শেষ হইলে মন্বো তাহাকে বলিলেন, “জানি তোমার রাইফেল নাই; তোমার ১২ বোবের কার্তুজ আছে ত?”

ডগলাস আশস্ত হৃদয়ে বলিল, “হাঁ, আছে বৈ কি! গত সপ্তাহেই ত কয়েকটা চালাইয়া পরীক্ষা করিয়াছিলাম।”

মন্বো তাহাকে তাহার বন্দুক ও কার্তুজগুলিসহ শিকারের পোষাকে শীঘ্র সম্বিহিত হইয়া আসিতে আদেশ করিলেন।

ইত্যবসরে মন্বো একটা ঝোলায় কতকগুলি প্রয়োজনীয় জিনিষ ভরিয়া লইয়া, শিকারের পরিচ্ছদ পরিধান করিলেন। ডগলাস ষোড়শবে তাহার বাংলায় ফিরিয়া আসিলে তিনি বলিলেন, “কৃষক হুঁজনকে নদীতীরে পাঠাইয়াছি; চল, আমরা সেখানে গাড়ীতে যাই।” তিনি তাঁহার রাইফেলটি এক জন আর্দালীর হাতে দিয়া কার্তুজের হালাটি পরিয়া লইলেন।

তাঁহারা উভয়ে শকটারোহণে নদীতীরে উপস্থিত হইলেন। কৃষকসহ নদীকূলে শালুচি জাতীয় একখানি নৌকার নিকট দাঁড়াইয়াছিল; বর্ধার নদী কূলে কূলে ভরিয়া উঠিয়াছিল; তাহার স্রোত অত্যন্ত প্রবল।

নৌকা আশ ঘণ্টা পরে নদীর অপর পারে উপস্থিত হইলে

মানিকে তাঁহাদের প্রত্যাগমনের প্রতীক্ষায় নৌকাসহ সেখানে হাজির থাকিতে বলিয়া, মন্বো ও তাঁহার সহকারী ভৃত্যসহ কৃষকসহের অনুসরণ করিলেন। সঙ্কীর্ণ পথ আইলের উপর দিয়া প্রসারিত; দুই পাশে ধাক্কেত্র। অল্পকাল পরে দক্ষিণ-পশ্চিম আকাশে কৃষ্ণবর্ণ মেঘের সঞ্চায় হইল, এবং মেঘগর্জনে তাঁহাদের কর্ণগোচর হইল।

মন্বো বলিলেন, “আমরা বাঘ শিকার করিতে পারি না পারি, বৃষ্টিতে ভিজিয়া লণ্ডভণ্ড হইতে হইবে! তবে বৃষ্টি নামিলে শরীর ঠাণ্ডা হইবে বটে।”

ডগলাস কোন কথা বলিল না; সে ভাবিল, বন্দুক ব্যবহারের সুযোগ পাইলে বৃষ্টিতে ভিজিতে তাহার কোন আপত্তি নাই।

পথ দিয়া চলিতে চলিতে তাঁহারা অরণ্য প্রবেশ করিলেন। সেই অরণ্যের ভিতর তাঁহারা যে পথ পাইলেন, তাহা অত্যন্ত দুর্গম! পথের অবস্থা দেখিয়া তাঁহাদের মনে হইল—সেই পথে লোকের তেমন অধিক গতিবিধি ছিল না। পথের দুই ধারে বাঁশবন, গুচ্ছ গুচ্ছ কণ্ডিতে তাঁহাদের গতিরোধ হইতে লাগিল; এতদ্বারা কৃষকসহ দা দিয়া কণ্ডিগুলি কাটিয়া পথ পরিষ্কার করিতে লাগিল। কয়েকটি কাদাজলপূর্ণ নালাও তাঁহাদিগকে লাফাইয়া পার হইতে হইল। কোন কোন স্থানে তাঁহাদিগকে পাকের ভিতর দিয়া হাঁটিতে হইল। আরও কিছুকাল পরে বৃষ্টি আরম্ভ হইল। অরণ্যের ভিতর গাঢ় অন্ধকার। সঘন বিদ্যুৎ-স্বরণে অরণ্য আলোকিত হইতে লাগিল।

মন্বো বিজুলী-বাতির সাহায্যে পথ দেখিয়া চলিতে লাগিলেন; কিন্তু বৃষ্টির বেগ ক্রমশঃ বর্ধিত হইয়া মুহলধারায় বর্ষণ আরম্ভ হইল। ঘন ঘন মেঘ-গর্জনে কর্ণ বধির হইবার উপক্রম!

অবশেষে বৃষ্টির বিরাম হইল; শিকারী দল অরণ্য হইতে মাঠে প্রবেশ করিলেন; তখনও দিবালোকের অভাব হয় নাই। কৃষক-সহ বেড়ায় ঘেরা দুইখানি ক্ষুদ্র কুটারের দিকে অগ্রসর হইল। এই স্থানটি অরণ্যপ্রাস্ত হইতে প্রায় এক শত গজ দূরে অবস্থিত।

কৃষকসহের এক জন একটি তৃণপূর্ণ ক্ষেত্র দেখাইয়া বলিল, “এই স্থানে আমাদের ভাইকে বাঘে মারিয়াছে।” তাহার পর আর একটি স্থান দেখাইয়া বলিল, “এই স্থানে গরুটা মারা গিয়াছে।”

তাঁহারা বেড়ার ভিতর প্রবেশ করিলেন; নিহত ‘গাভীর চর্ম উৎপাতনের উদ্দেশ্যে তাহার মৃত দেহটি সেই বেড়ার ভিতর আনীত হইয়াছিল। শকুনি প্রভৃতি পক্ষীর আক্রমণ হইতে মৃত দেহটি রক্ষা করিবার জন্ত ডাল-পাতা দ্বারা তাহা ঢাকিয়া রাখা হইয়াছিল; সেগুলি অপসারিত করা হইল।

কুটারগুলির কিছু দূরে একটি ক্ষুদ্র জীর্ণ গোশালা অবস্থিত; মৃত গাভীর বাছুরটি সেই গোশালায় আবদ্ধ ছিল। মন্বো ডগলাসকে বলিলেন, “বাঘটা মড়ির কাছে আসিলে এই ‘চালা’ হইতে তাহাকে লক্ষ্য করিবার সুযোগ হইবে।”

অতঃপর তাঁহারা সেই গোশালার বাঁশের আগড়ের মাথার একদংশ ভাঙিয়া, দৃষ্টি-পরিচালনের জন্ত একটা ফুকর করিলেন। বাড়ীর পুরুষরা তখন কুটারের দ্বার খুলিয়া স্ত্রীলোকদের মুক্তিদান করিতে গিয়াছিল। মন্বো তাহাদিগকে ডাকিয়া গোশালার আগড়ের পশ্চাতে শিকারীর বসিবার জন্ত একটা মাচান বাঁধিয়া দিতে আদেশ করিলেন।

তখন সন্ধ্যা সমাগতপ্রায়। মন্বো গৃহস্থদের সকলকে কুটীরে আশ্রয় গ্রহণ করিতে আদেশ করিলেন; ইহাও বলিয়া দিলেন, না ডাকিলে তাহারা যেন ঘরের বাহিরে না আসে।

মন্বো তাঁহার সহকারী ডগলাস ও আর্দালী সহ সেই গোশালায় প্রবেশ করিলেন; গো-বৎসটিও এক পাশে রহিল। ঘরখানি যেরূপ নোংরা, সেইরূপ দুর্গন্ধপূর্ণ। মেঝে ভিত্তা, তাহার চাৰিদিকে গোবত, কুটীরের পচা খড়ের ছাউনি ভেদ করিয়া বৃষ্টিধারা সেই গোময়রাশির উপর ঝরিয়া পড়ায়, তাহা কৰ্দ্দমের সঙ্গে মিশিয়া গিয়াছিল; এবং কোন স্থান শুষ্ক ছিল না। গো-মূত্র, গো-ময় এবং কৰ্দ্দমের সংমিশ্রণে যে সৌরভ উৎপিত হইতেছিল, তাহা শ্বেতাঙ্গদের নাসারন্ধ্রে প্রবেশ করিয়া তাঁহাদিগকে পুলকিত করিয়া তুলিল। আগড়ের উর্দ্ধাংশ ভাঙ্গিয়া যে ফুকরের সৃষ্টি হইয়াছিল, ডগলাস তাহার ভিতর দিয়া অদৃশ্য মড়িটা (kill) দেখিতে পাইতেছিল।

মন্বো ডগলাসকে যত্নসহকারে বলিলেন, “মড়িটার ষ পাশে .তামার নজরে পড়িতেছে, বাঘ যদি ঐ পাশে আসে, তাহা হইলে তুমিই প্রথমে গুলী করিবে। কিন্তু চলন্ত অবস্থায় তাহাকে লক্ষ্য করিয়া গুলীবর্ষণ করিও না। যখন আমি বলিব, ঠিক সেই সময় গুলী করিবে। যদি তাহাকে মাথা তুলিতে দেখ, তাহা হইলে তাহাব দুই চক্ষুর বাবধানে গুলী করিবে। যদি তাহার পাশের দিক নজরে পড়ে, তাহা হইলে কাঁধের পশ্চাচ্ছাগে নিশানা করিবে। (aim behind the shoulder) যাহাট ঘটুক, অচঞ্চল থাকিবে! শীঘ্রই অক্ষয় হইবে বটে, কিন্তু তাহা দীর্ঘস্থায়ী হইবে না; কারণ, কিছুকাল পরেই চন্দ্রোদয় হইবে।”

অল্পকাল পরে মশার ঝাঁক গুঞ্জনধ্বনি আরম্ভ করিল। ডগলাস হাতে ও মুখে তাহাদের হলের স্তনীক পোঁচায় অস্থির হইয়া উঠিল। গো-শালায় ছাঁচায় দেওয়ালের অপর পাশে গৃহবাসীরা ঘুরিয়া বেড়াইতেছিল, ডগলাস তাহাদের পদশব্দ শুনিতে পাইল। অতঃপর নাগীরা বন্ধন আরম্ভ করিলে সে তাহারও গন্ধ পাইল। সন্ধ্যার অন্ধকার গাঢ় হইলে শিকারীঘর গাভীর মৃতদেহটি দেখিতে পাইলেন না; তথাপি তাহারা সতর্কভাবে সেই দিকে চাহিয়া রহিলেন।

আরও কিছুকাল অতিবাহিত হইল; কুটীরবাসীদের চাপা কণ্ঠস্বর ক্রমশঃ নীরব হইল; কিন্তু ভেকের অশ্রান্ত মকধ্বনি, অসংখ্য পতঙ্গের মিশ্র গুঞ্জন এবং গোবৎসটির তাহারব নৈশ প্রকৃতির নিস্তব্ধতা ভঙ্গ করিতে লাগিল।

অবশেষে পূর্বাকাশে চন্দ্রোদয় হইল; চন্দ্রালোকে প্রকৃতি দেবীর তিমিরাবস্ত্রধরী বীরে অপসারিত হইল। তখন চতুর্দিক সুস্পষ্টরূপে দৃষ্টিগোচর হইল। চন্দ্র ক্রমশঃ আকাশের উর্দ্ধদেশে আবোহণ করিলে ডগলাস গোশালায় বাহিরে কাহারও নড়িয়া চড়িয়া

বেড়াইবার শব্দ অনুভব করিল; কিন্তু সুস্পষ্টরূপে কিছুই দেখিতে পাইল না।

অবশেষে মন্বো ডগলাসের দিকে ঝাঁকিয়া পড়িয়া যত্নসহকারে বলিলেন, “এ কষ্ট আমার অসহ্য হইয়া উঠিয়াছে। আমি জর-ভাব বোধ করিতেছি। ঝানিক আগেই বোধ হয় তাহার শুভাগমন হইয়াছে।”

তাঁহাদের উভয়েবট পরিচ্ছদ বৃষ্টিতে ভিজিয়া গিয়াছিল; তাহার উপর ঝড়বৃষ্টি আরম্ভ হওয়ার হঠাৎ অত্যন্ত ঠাণ্ডা পড়িয়াছিল। শীতে মন্বো কাঁপিতেছিলেন। ডগলাস যে মাচানে বসিয়াছিল, তাহাও নড়-বড় করিতেছিল।



হাতকে তাহাদের বিক্ষারিত চক্ষু কপালে উঠিয়াছে

মন্বো চতুর্দিকে দৃষ্টিপাত করিয়া পুনর্বার বলিলেন, “আমি উত্থানের স্বপ্নে ভিতর বাইতেছি। সেখানে এখনও বোধ হয় আশ্রয় আছে, শরীরটা একটু গরম করিয়া লইব।”

মন্বো সেই গোশালায় ভিতর হইতে গৃহস্থামীকে ডাকিয়া তাহার বাসগৃহের দ্বার খুলিয়া দিতে আদেশ করিলেন। মন্বো প্রস্থান করিলে গোশালায় ডগলাস মাচানের উপর একাকী বসিয়া রহিল। মন্বোর আর্দালী একপ্রান্তে মশক-দংশনে ভক্ষারিত হইতেছিল। ডগলাস তাহার দায়িত্ব উপলব্ধি করিয়া অধিকতর সতর্কতা অবলম্বন করিল। প্রতি মুহূর্তেই সে বাঘের প্রতীক্ষা করিতে লাগিল। নিহত গাভীর দেহ হইতে সে মুহূর্তের অন্ত দৃষ্টি ফিরাইল না।

সহসা সে ঝাঁপের দেওয়ালের অপর পাশে বাসগৃহ ও

ও গোশালার ব্যবধান-পথে কাহারও সঙ্করণ-শব্দ শুনিতে পাইল; পরমুহূর্ত্তেই গভীর ভঙ্কার, সঙ্গে সঙ্গে গৃহবাসিনী রমণী-কণ্ঠের আন্তনাব তাহার কর্ণগোচর হইল। মন্বো সরোষে গালি দিয়া উঠিলেন।

কুটারপ্রান্ত হইতে আন্দালীটা উত্তেজিত স্বরে বলিল, "ঐ বাঘ!"

ডগলাস সেই মুহূর্ত্তে দরমার আবরণ আঙ্গুলের সাহায্যে একটু ফাঁক করিয়া অদূরবর্তী কুটারস্থিত মৃৎপ্রদীপের মূহু আলোকে দেখিল, একটি প্রকাণ্ড ব্যাঘ সেই কুটারের মধ্যস্থলে বসিয়া ছিহ্না দ্বারা তাহার খাবা লেহন করিতেছিল। (licking his paws) মন্বো বাঘটার কিছু দূরে নিস্তব্ধভাবে পড়িয়াছিলেন। কুটারের একপ্রান্তে বংশনির্গত মাচানের উপর কুটারবাসিনী নারীরা দেওয়াল-ঘেসিয়া বসিয়া ভয়ে কাঁপিতেছিল, এবং তাহাদের পুরুষরা তাহাদিগকে আড়ালে রাখিয়া ব্যাঘের আক্রমণের প্রতীক্ষা করিতেছিল! আতঙ্কে তাহাদের বিক্ষাণিত চক্ষু কপালে উঠিয়াছিল।

ডগলাস তৎক্ষণাৎ বন্ধক হুলিল, কিন্তু সে বৃষ্টিতে পারিল, সে গুলী করিলে গৃহবাসীরা আহত হইতে পারে; যে দিকে গুলী



শিকারী ক

চলিবে, তাহারাই সেই দিকেই বসিয়াছিল। এই ভয় সে মুক্তদার কুটারের ধারে উপস্থিত হইয়া গুলীবর্ষণের সঙ্কল্প করিল। কিন্তু মুহূর্ত্তমধ্যে আর একটা সম্ভাবনার কথা তাহার মনে পড়িল। সে ভাবিল, কুটারধারে উপস্থিত হইয়া বাঘকে গুলী করিলে যদি সেই গুলীতে বাঘ না মরে, তাহা হইলে ক্রুদ্ধ ব্যাঘ গৃহবাসিগণকে আক্রমণ করিয়া তাহাদের সকলকেই হত্যা করিতে পারে।

এ অবস্থায় কহব্য কি? ডগলাস ফুকরের ভিতর দিয়া চাহিয়া কুটারের জর্গ ও বিবর্ণ খোড়ো চালের এক অংশ দেখিতে পাইল; সেই স্থানের খড়গুলি পচিয়া যাওয়ায় যেটুকু ফাঁক

হইয়াছিল, তাহার ভিতর দিয়া তাহাদের আলো কুটারের ভিতর প্রতিফলিত হইতেছিল। তাহা দেখিয়া তাহার মাথায় একটা ফন্দি গজাইল এবং তৎক্ষণাৎ তাহা কার্য্যে পরিণত করিবার জল্প তাহার আগ্রহ হইল।

ডগলাস আন্দালীর কাঁধে উঠিয়া, গোশালার চালের কতকগুলি খড় হুই হাতে সরাইয়া ফেলিয়া, সেই স্থান দিয়া চালের উপর উঠিবার জল্প একটা পথ করিয়া লইল। সেই ফাঁক দিয়া সে চালে উঠিয়া আন্দালীকেও চালের উপর তুলিয়া লইল। তাহার পর উভয়ে চাল হইতে নামিয়া গৃহবাসীদের কুটারের চালে উঠিল, এবং কুটারস্থিত নরনারীরা কুটারের যে প্রান্তে শয়নের মাচানের উপর বসিয়া ছিল, নিঃশব্দে কুটারের চালের সেই প্রান্তে উপস্থিত হইয়া চালের খড় সরাইতে লাগিল। কিন্তু প্রতি মুহূর্ত্তে তাহার আশঙ্কা হইতেছিল, পাছে বাঘটা সেই শব্দ শুনিয়া বিচলিত হইয়া একটা অনর্থ ঘটায়! কারণ, বাঘটা তখনও মন্বোর অদবে বসিয়া নিশ্চিন্তভাবে খাবা চাটিতেছিল।

চালের খড়-প্রকৃতপক্ষে সেগুলি শুষ্ক ঘাস) গুলি সরাইয়া চালের বাতীর ভিতর দিয়া যে ফুকর করা হইল, সেই ফুকর দিয়া ডগলাস আন্দালীর সাহায্যে কুটারের মাচা হইতে স্ত্রী-পুরুষ সকলকে চালের উপর তুলিয়া বাহিরে নামাইয়া দিল। বিশ্বয়ের বিষয় এই যে, কুটারের একপ্রান্তে বসন এই কাষা চলিতেছিল, বাঘটা তখনও মন্বোর অদবে খাবা পাতিয়া বসিয়াছিল।

মন্বোর বাম উরু ব্যাঘের নখাঘাতে বিদীর্ণ হইয়াছিল; তিনি কুটারের মেঝেতে মাথা গুঁজিয়া পড়িয়া, আহত উরু উভয় হস্তে চাপিয়া ধরিয়াছিলেন। ডগলাস বৃষ্টিতে পারিল, বাঘটা জীবিত থাকিতে মন্বোরকে সেই স্থান হইতে অপসারিত করিবার উপায় ছিল না। কিন্তু বাঘ যদি গুলী খাইয়া না মরে, তাহা হইলে মন্বোর জীবন রক্ষা করা অসাধ্য হইবে; ইহা বৃষ্টিতে পারিয়া ডগলাস কুটারের চালের উপর হইতে

তখনও গুলী চালাইতে সাহস করিল না।

কুটারবাসীদের শয়নের জল্প কুটারের এক প্রান্তে যে বাঁশের মাচান ছিল, মন্বো তাহার অদূরে পড়িয়াছিলেন, ইহা লক্ষ্য করিয়া ডগলাস বৃষ্টিতে পারিল—মন্বো যদি বাঘটার অজ্ঞাতসারে (without attracting the beast's attention) গড়াইতে গড়াইতে সেই মাচানের তলায় গিয়া আশ্রয় লইতে পারেন, তাহা হইলে সে বাঘটাকে গুলী করিতে পারে; বাঘ এক গুলীতে না মরিলেও আহত হইয়া মাচানের তলায় গিয়া মন্বোরকে আক্রমণ করিবার পূর্বে সে দ্বিতীয় গুলী মারিবার সুযোগ পাইবে। কিন্তু মন্বোরকে সে তাহার মনের কথা কি উপায়ে বুঝাইয়া দিবে?



ଉଗ୍ଲାସ ଚାଲେର ଉପର ହିତେ ମନ୍ରୋକେ ପୁନଃ ପୁନଃ ଇନ୍ଦ୍ରିତ କବିୟା ତାହାର ମନେର ଭାବ ବୁଝାଈବାର ଚେଷ୍ଟା କରଲି । ଅବଶେଷେ ମନ୍ରୋବ ଦୃଷ୍ଟି ସେ ଆକୃଷ୍ଟ କରিতে ସମର୍ଥ ହଇଲ । ମନ୍ରୋ ଉଗ୍ଲାସକେ ବାସେର ବନ୍ଧୁଃସ୍ତଳ ଲକ୍ଷ୍ୟ କବିୟା ବନ୍ଦୁକ ପ୍ରସାରିତ କରিতে ଦେଖିୟା ନିଃଶକ୍ତେ ଗଢାହିତେ ଗଢାହିତେ ମାଟାନେର ତଳାୟ ଚଲିଲେନ । ବାସ ତାହା ସେନ ଦେଖିତେ ପାହିଲ ନା, ବାସେର ସେନ ତଥନ୍ ଡୁଲୁନୀ ଆସିୟାହିଲ ! (it looked almost sleepy.)

ମନ୍ରୋ ଗଢାହିତେ ଗଢାହିତେ ସେହି ମାଟାନେର ନୀଚେ ପ୍ରବେଶ କରিতে ଏକପ ଅଧିକ ସମୟ ଲଈଲେନ ସେ, ଉଗ୍ଲାସ ଅନୀର ହିତ୍ତା ଉଠିଲ ; ବନ୍ଦୁକେର ଭାବେ ତାହାର ହାତ ଡାଟାହିତେ ଲାଗିଲ ।

ସାଗ ହଉକ, ଅବଶେଷେ ମନ୍ରୋ କୁନ୍ଦାଓବନ୍ ଗଢାହିତେ ଗଢାହିତେ ମାଟାନେର ନୀଚେ ପ୍ରବେଶ କରିତେଟି ଟୁଙ୍ଗ କବିୟା ଏକଟା ଶକ୍ତ ହଇଲ ; ବାସ ସେହି ଶକ୍ତେର ଅନୁସରଣେ ମାଟାନେର ନୀଚେ ଦୃଷ୍ଟିପାତ କବିୟା ଚକ୍ଷୁର ନିମେଷେ ବିଶାଳ ଦେହ ଆଲୋଡିତ କବିୟା ମନ୍ରୋର ଦିକେ ସୁବିୟା ବସିଲ, ତାହାର ଚକ୍ଷୁ ହିତେ ଆଖିନେର ଚକ୍ଷୁ ବାହିର ହଇଲ । ସେ ମେକେର ଉପର ସବେଗେ ଲାଞ୍ଛୁଲ ଆଫାଲନ କରିତେ କରିତେ ମନ୍ରୋକେ ଆକ୍ରମଣ କରିବାର ଉଚ୍ଚ ମାଟାନେର ତଳାୟ ପ୍ରବେଶ କବେ ଆବ କି !

ଉଗ୍ଲାସ ବାସେର ନୀଚେ ଦେହ ତାହାର ବନ୍ଦୁକେର ନେର ମାଧ୍ୟମ ପ୍ରସାରିତ ଦେଖିୟା ତତ୍ତ୍ଵଜ୍ଞାନ୍ତ ଶୁଣି କରଲି । ଶୁଣି ବାସେର ମର୍ଦ୍ଦଭେଦ କବାସ ବାସ ଭୀଷଣ ଗର୍ଜନ କବିୟା ଶୁଣ୍ଠେ ଲାକି ଦିଲ, କିନ୍ତୁ ସେହି ମୁହୂର୍ତ୍ତେହି ତାହାର ଦେହ ସମ୍ପଦେ ମେକେର ଉପର ନିକ୍ଷିପ୍ତ ହଇଲ ।

ଉଗ୍ଲାସ ବନ୍ଦୁକେର ଦ୍ଵିତୀୟ 'ବ୍ୟାରେଲ' ଓ ଧାଳି କରିତେ ଉଚ୍ଚତ ହଇଲ, ତାହା ଦେଖିୟା ମନ୍ରୋ ବଲିଲେନ, 'ବାସ ମରିୟାଛେ ।'

ଉଗ୍ଲାସ ଆଡ଼ିଟି ହାତ ଜୁଡାହିବାର ଉଚ୍ଚ ବନ୍ଦୁକଟା ଆର୍ଦ୍ଧାଳୀର ହାତେ ଦିୟା ଚାଲେର ଖଡ଼ ସରାହିୟା ଫୁକଟା ଆରଓ ବଡ଼ କରଲି ଏବଂ ମହା ଉଠିତାହେ ଚାଲେର ଉପର ହିତେ କୁଟୀରେ ପ୍ରବେଶ କରଲି । ମନ୍ରୋ ଆଡ଼ିଟି ଦେହେ ପଢିୟା ଧାକିୟା ପିପାସାର ସ୍ଵପ୍ନବ୍ୟାଦାନ କରଲି, ଉଗ୍ଲାସ ତାହାର 'ଫ୍ଲାମ୍' ବାହିର କବିୟା ମନ୍ରୋର ପିପାସା ନିବୃତ୍ତି

କରଲି । ମନ୍ରୋ ଭୃଷ୍ଟିଲାଭ କବିୟା ବଲିଲେନ, "ଦିଅରକେ ଧନ୍ୟବାଦ ! ଉଗ୍ଲାସ, ତୁମିଓ ଧାକିକ ପାନ କବିୟା ଅସ୍ତ ହଓ । ଆମି ସମ୍ପୂର୍ଣ୍ଣ ନିରୁପାୟ । ଆମି ଏହି କୁଟୀରେ ପ୍ରବେଶ କବିୟା ଆମାର ବାହିଫେଲଟା ହୁର୍ବୁଦ୍ଧି କ୍ରମେ ଦେଓରାଲେର ଗାସେ କାତ କବିୟା ବାସିୟାହିଲ । ବାସଟା ହିତାନ୍ତ କୁଟୀରେ ପ୍ରବେଶ କରଲେ, ତାହା ଆମି ତୁଲିୟା ଲଈବାର ପୁର୍ବେହି ସେ ଆମାକେ ଆକ୍ରମଣ କବିୟା ଆମାର ଉଚ୍ଚ ଶକ୍ତିବିକ୍ଷତ କବିୟାହିଲ ।"

ଉଗ୍ଲାସ କୁଟୀରବାସୀ ବନ୍ଧକଦେର ଡାକିୟା ତାହାଦେର ସାହାଯ୍ୟେ ମନ୍ରୋକେ ମାଟାନେର ତଳା ହିତେ ବାହିବ କରଲି, ଏବଂ ଶକ୍ତଶୂଳ ଗରମଜଳେ ଧୁହିୟା ଫେଲିୟା ବାଓଢେଇ ବାଧିୟା ଦିଲ ।



ବାସେର ଶିକାର

ଉଗ୍ଲାସ ବଲିଲ, "ବାସଟାକେ ଆମି ମଢିର ଦିକେ ବାହିତେ ଦେଖି ନାହି, କୁଟୀରଦ୍ଵାରେଓ ତାହାକେ ଦେଖିତେ ପାହି ନାହି । ସେ କିକ୍ଷେ କୁଟୀରେ ପ୍ରବେଶ କବିୟାହିଲ, ତାହା ଦୁଃଖିତେ ପାରି ନାହି ।"

ମନ୍ରୋ ବଲିଲେନ, "ବାସ କୁଟୀରେର ପଶ୍ଚାନ୍ତ ଦିୟା ସୁବିୟା ଆସିୟାହିଲ । ଆମି କୁଟୀରଦ୍ଵାର ଧୁଲିୟା ଆଗଢ଼ ବାଧିୟା ନା ବାଧାର ଉଚ୍ଚା ବୋଧ ହିତ ଆଲଗା ହିତାହିଲ । ଆମି କୁଟୀରେ ପ୍ରବେଶ କବିୟା କଲ୍ପିତ ଦେହେ ଆଖିନେ ପୋହାହିତେହିଲ । ସେହି ସମୟ ପଶ୍ଚାନ୍ତେ ଏକଟା ଶକ୍ତ ଶୁଣିୟା କିବିୟା ଚାହିଲ । ବାସଟାକେ କୁଟୀରେ ପ୍ରବେଶ କରିତେ ଦେଖିୟା ଆମାର ବାହିଫେଲଟା ହାତେ ଲଈବାର ଚେଷ୍ଟା କରଲି ।"

কিন্তু তাঁহার আর সুযোগ হইল না; বাঘ এক খাবায় আমাকে কাত করিয়া ফেলিয়া আমার উক ফত-বিক্ষত করিয়া ফেলিল। এখন আমি নিস্তরুভাবে পড়িয়া থাকা ভিন্ন আয়ত্ত্বকার অঙ্গ উপায় দেখিলাম না।

“তোমার ইচ্ছিতে আমি উগাদের শয়নের মাচানের নীচে প্রবেশের চেষ্টা করিলাম, কিন্তু সৌভাগ্য বশতঃ বাঘ সে সময় আমাকে লক্ষ্য করিল না; কিন্তু আমার অঙ্গুলের অঙ্গুরী মাচানের নিম্নস্থিত পিতলের গামলাটায় ঠেকিতেই ‘ঠুং’ করিয়া শব্দ হইল; সেই শব্দ শুনিয়া বাঘ আমাকে আক্রমণের চেষ্টা করিল।”

ক্ষতস্থানে বাণেশ্বর বাঁধা হইলে একজন কৃষক মন্বরকে তাঁহার বাংলোয় লইয়া যাইবার জ্ঞা বাচক সংগত করিতে গেল। প্রত্যয়সবে তাঁহাকে বহন করিবার জ্ঞা বাঁধেব খাটলী নিম্নিত হইল।

কিছুকাল পরে বাচকেরা আসিলে, তাঁহারা আহত মন্বরকে সেই খাটলীতে শয়ন করাইয়া বহন করিতে লাগিল। কিন্তু তাঁহাদের বাংলোয় প্রত্যয়গমন করিতে অনেক অধিক সময় লাগিল। পরদিন প্রভাতে মন্বরের চিকিৎসা আরম্ভ হইল। ডাক্তার সেই চা-বাগিচা হইতে পনের মাইল দূরে বাস করিতেন। ডগ্লাম মুহূর্তমাত্র বিশ্রাম না করিয়া শ্রান্তদেহে তাঁহাকে আনিতে গিয়াছিল। ক্ষতস্থানের রক্ত দূষিত না হওয়ায় মন্বরো অল্পদিন ভূগিয়াই সুস্থ হইলেন; তাঁহাকে সে যাত্রা খোড়া হইতে হইল না।

মন্বরো কৃতজ্ঞতার নিদর্শনস্বরূপ ডগ্লামকে একটি উৎকৃষ্ট রাইফেল উপহার দিয়াছিলেন। তিনি তাঁহার জীবনদাতাকে খন্দকাণ্ড, রুগ্ন ও অকর্মণ্য বলিয়া আর কোন দিন উপহাস করেন নাই এবং বিলাতেব ডাইরেক্টরদের বুদ্ধিহীনতারও নিন্দা করেন নাই। ডগ্লাম সেই দিন হইতে মন্বরোব গভীর শ্রদ্ধা ও আন্তরিক শ্রদ্ধার অধিকারী হইয়াছিল।

শ্রীদীনেন্দুকুমার রায়।

## অপরিচিতা

তখনো হয় নি আঁধারের অবসান,  
তরুণাথে শুধু জেগেছে পাখীর গান।  
খাবছায়া মাখা সিক্ত বীথির দাসে  
পদবেথা আঁকি থমকি' দাড়ালো পাশে,  
নীরব তাঁহার অরুণ-নয়না ভাসে  
মিশেছিল যেন প্রভাত-কাকলী-তান।

হাতে তার ফুল-ডালা,  
কণ্ঠে শেফালী মালা;—  
দাড়ারে একাকী অচেনা ষোড়শী বালা!  
সরমের রাগা আবরণখানি থলি'  
একটি কুসুম দিল মোর হাতে তুলি,'—  
মৃগ্ন-নয়নে আমি শুধু চাহিলাম,—  
কহিল সে শুধু,—শুধায়ো না মোর নাম!

তখনো জাগে নি দুপুরের গুরুতা,  
বকুলের শাখে জাগে দু'টি কল-কথা।  
তরুছায়া-ঢাকা জনহীন পথে ধীরে  
দেবালয় হতে একাকী আসিছে ফিরে,  
শুভ্রবসন এলো-কুস্তল বিরে  
উদ্ভাসি' ওঠে শুচিতার স্নিগ্ধতা

হাতে উপচার-গালা,  
কণ্ঠে শেফালীমালা,—  
আমারে দেখিয়া থমকি' দাড়ালো বালা!  
মোর মুখপানে বারেক রাখিয়া আঁখি  
লগাটে আমার দিল চন্দন আঁকি;  
মৃগ্ন-নয়নে আমি শুধু চাহিলাম,—  
সে কহিল শুধু,—শুধায়ো না মোর নাম!

তখনো ভুবন চাকিয়া নামেনি নিশি,—  
আলোকে আঁধারে ঘিরে আছে দশ দিশি;  
সন্ধ্যাস্বরের নীরব রাগিণী সাথে  
একা চলেছিল শাঁঝের প্রদীপ হাতে,—  
কম্পিত তার করুণ নয়ন-পাতে  
সন্ধ্যা-দীপের কিরণ সে ছিল মিশি!'

হাতে তার দীপ জালা,  
কণ্ঠে শেফালী-মালা,  
বিজনে একাকী অচেনা ষোড়শী বালা!  
মোর পানে চেয়ে কি ভাবিয়া নাহি জানি,—  
মোর বেদী-মূলে রাখিল প্রদীপখানি;  
মৃগ্ন-নয়নে আমি শুধু চাহিলাম,—  
ব'লে গেল শুধু,—শুধায়ো না মোর নাম!

শ্রীশশিভূষণ দাশগুপ্ত (এম-এ)।

# বিজ্ঞান-জগৎ

## মৃত্তিকা-রচিত অভূত অট্টালিকা

দক্ষিণ-আরব দেশে প্রাচীন শিবাম নগরে শত শত বৎসরের পুরাতন, মৃত্তিকানির্মিত আকাশচুম্বী অট্টালিকা এখনও বিদ্যমান। আধুনিক আকাশচুম্বী ইম্পাটের অট্টালিকাগুলি ৫০ বৎসর পূর্বেই নিশ্চিত। রাণী সবার রাজত্বকালে এই প্রাচীন নগর শিবাম অত্যন্ত প্রগতিশীল রাজধানী ছিল—বহু আকাশচুম্বী



মৃত্তিকা-নির্মিত গগনচুম্বী অট্টালিকা

অট্টালিকা নগরের শোভা বর্ধন করিত। এখনও মরুভূমির মধ্যে এই নগর জনবহুল। মাটির সতিত খড় মিশাইয়া এই সকল গগনস্পর্শী অট্টালিকা নিশ্চিত হইয়াছিল। তুর্কস উপজাতীয় আরবগণ এই সকল গৃহে বাসাতে সহজে প্রবেশাদিকার না পার, এ জল ভূমি হইতে বহু উর্দ্ধে বাতাসন নির্মিত হইত। খড়মিশ্রিত মাটি সূর্য্যতাপে এমন শক্ত ও সুদৃঢ় হইত যে, সহস্রাব্দ কাল মৃত্তিকাভবন চর্ণ করিতে পারিত না। মৃত্তিকাভবনগুলি কালের প্রভাব অতিক্রম করিয়া এখনও অটুট অবস্থায় দাঁড়াইয়া রহিয়াছে।

## জিরাফের গলদেশ পরিষ্কারের ব্যবস্থা

জিরাফ অতি দীর্ঘকায় পশু। ইহার গলদেশ ভূমি হইতে বহু উর্দ্ধে অবস্থিত। সার্কাস কোম্পানী পশু-প্রদর্শনীর জল শীতের প্রারম্ভে অন্তত ষাইবার পূর্বে সার্কাসের পশুগুলিকে স্নান করাইয়া,

মাজিয়া ঘসিয়া সুন্দর করিয়া তুলে। কিন্তু জিরাফের গলদেশের ময়লা পরিষ্কার করা দুর্কহ ব্যাপার। সার্কাস কোম্পানীর এক জন কামচাণ্ডী বুদ্ধি-কৌশলে একটা প্রকাণ্ড ব্রহ্ম একটা সুদীর্ঘ দণ্ডে




জিরাফের কণ্ঠদেশ-মার্জনের ব্যবস্থা

বাধিয়া তাহারই সাহায্যে জিরাফের কণ্ঠদেশ মার্জিত করিবার ব্যবস্থা করিয়াছে।

## বোমানিক্বেপকারী অতিকায় বিমান

ফরাসী বিমানবহরে একখানি নূতন বোমানিক্বেপকারী বিমান সংগৃহীত হইয়াছে। এই বিমানের ওজন প্রায় ৪ শত ২৫ মণ। ইহার গতিবেগ ঘণ্টায় ২ শত মাইল। ইহাতে প্রায় ৬৯ মণ ওজনের বোমা থাকে। ফ্রান্স যে অস্ত্র জাতির ক্রায় মারণ অস্ত্র প্রয়োগের জগৎ উপযুক্ত বিমান রাখায় অবহিত হইয়াছে, ইহা তাহার একটা নিদর্শন মাত্র। কসিরা, ইটালী, জার্মানী ও ফরাসী সকলেই

রণবিমান নির্মাণে সবিশেষ মনঃসংযোগ করিয়াছে। জার্মানীর রণবিমানের সংখ্যা গুণ্ড রাখা হইয়াছে। এ পর্য্যন্ত যত দূর জানা গিয়াছে, তাহাতে রুসিয়ার বিমানপোতের সংখ্যা ৩ হাজার,



বোমা-নিষ্ক্ষেপকারী অতিকায় বিমান

ফ্রান্সের ২ হাজার ৫ শত, ইটালীর ১৫ শত এবং ইংলণ্ডের ১১ শত। প্রত্যেক শক্তিই বিমানপোতের সংখ্যা বৃদ্ধি করিবার জ্ঞ প্রাণপণে চেষ্টা করিতেছে।

### বেলুনের সাহায্যে ফুসফুসের উন্নতি

চর্নেক কানাডীয় চিকিৎসক শ্বাস-সংকাস্ত্র একটি বেলুন উদ্ভাবিত করিয়াছেন। ইহার সাহায্যে ফুসফুস শক্তিশালী হয় এবং বক্ষঃস্থল




বেলুনের সাহায্যে ফুসফুসের উন্নতি

প্রশস্ত হইয়া থাকে। বাস্কেটবলের আকারবিশিষ্ট একটি রবার-ব্যাগের মুখে একটি মুখোস লাগাইয়া ব্যাগের অভ্যন্তরস্থ কারবন্ডা-অক্সাইড গ্যাস মুখোসের ছিদ্রপথে সেবন করিলে ফুসফুসের ক্রিয়া ভাল হয়।

### টর্পেডো ট্রেন

পোল্যান্ডে “টর্পেডো ট্রেন” চলিতেছে। এই ট্রেন ঘণ্টায় ৯৩ মাইল চলে। যুরোপের দ্রুতগামী ট্রেনের মধ্যে ইহা অন্যতম।




টর্পেডো ট্রেন

এই ট্রেনের এঞ্জিন ডিকেল মোটরের দ্বারা পরিচালিত হয়। এই গাড়ীতে ৮৬ জন যাত্রীর স্থান আছে।

### রবার-নির্মিত প্রকাণ্ড হস্তী

বিজ্ঞাপনের সুবিধার জ্ঞ আমেরিকার পশ্চিম উপকূল অঞ্চলে রবারের প্রকাণ্ড হস্তিনৃতি নির্মিত করা হইয়াছে। রবার




রবার-নির্মিত প্রকাণ্ড হস্তী



নির্মিত পশু-পরিপূর্ণ পশুশালায় এইরূপ মূর্তি রচনা করিয়া রক্ষিত হইতেছে। উড়ানে এইরূপ পশু রাখিবার সখ অনেকের আছে। মূর্তিনিখাতা নিজের কারখানার বিজ্ঞাপন প্রচারের উদ্দেশ্যে এই ভাবে পশুমূর্তি নিষ্কাশন করিতেছেন।

### নূতন ধরণের ভেলা

মনলুপ্তে একপ্রকার অভিনব ভেলা নির্মিত হইয়াছে। ছবি দেখিলেই ভেলার আকৃতি বাধগম্য হইবে। জুইখানি বড় তক্তার



নূতন ধরণের ভেলা

উপর ছুই নির্মিত। ছুইএর নীচে পেডাল আছে। উঠা পদ দ্বারা চালিত হইলেই ভেলা চলিতে আরম্ভ করে। জলক্রীড়া এবং অস্বাস্থ্য কাষেও এই ভেলা ব্যবহৃত হইতে পারে।

### অভিনব ছত্র

জোরে বৃষ্টি পড়িতেছে, এমন সময় ক্রকলিনের কোন পথচারিণী নাগী সম্মুখে ছাতার আড়াল করিয়া পথ পার হইবার সময়,




অভিনব ছত্র

ক্রতগামী একখানি মোটর ট্রকের আঘাতে সাংঘাতিকভাবে আহত হন। তিনি উক্ত ট্রক ছাতার আড়াল বশতঃ দেখিতে পান নাই। উক্ত নারী অতঃপর ছাতার সহিত একটি স্বচ্ছ যবনিকা সংযুক্ত করিয়া দেন। ছবি দেখিলেই উক্ত ছত্র ও যবনিকা সম্বন্ধে জানি জন্মিবে। ছাতা মুড়িবার সময় উক্ত স্বচ্ছ যবনিকার শিকগুলিও স্বচ্ছন্দে মুড়িয়া রাখা যায়।

### সীমাহীন মই

অবিগনএর জটনৈক উদ্ভাবনিত এই বিচিত্র আরোহণী বা মই নির্মাণ করিয়াছেন। ইহার সাহায্যে ব্যায়াম শিক্ষা হয়। দাকা দেওয়া, টানিয়া তোলা, উপরে উঠা প্রভৃতি যাবতীয় শ্রমসাধ্য বাপাব




সীমাহীন মই

এই যন্ত্রে সম্পাদিত হয়। জুইটি সীমাহীন শৃঙ্খল দাঁতওয়ালা ঢাকার উপর দিয়া উঠা-নামা করে। দাপড়লিতে পা দিবার উঠা আবর্তিত হইতে থাকে। যন্ত্রে যে 'ব্রেক' আছে, তাহা সাহায্যে গতিবেগ নিয়ন্ত্রিত হইয়া থাকে।

### অতিকায় বিমান

ইংলণ্ডে এক শ্রেণীর অতিকায় বিমান নির্মিত হইতেছে। এই বিমান দ্বিতল। উপর তলে বিমান-চালক ও তাহার সঙ্গীর থাকিবে; নিম্নতল যাত্রীদিগের জন্ত। ১৬ জন যাত্রী বাহায়ে রাত্রিকালে নিদ্রা যাইতে পারেন, এমন কক্ষের বন্দোবস্ত হইতেছে। এই অতিকায় বিমানের ওজন ৪ শত ৬৭ মণের



অতিকায় বিমান

৮পূর্ব। সমস্ত দিন ৬ বারি বাগাতে বিমান পরিচালিত হয়, লাহার বাবস্থা গন্য হতপযোগী তৈল ইত্যাদি সংগৃহীত থাকিবে।


### যুক্তরাষ্ট্রের নূতন কামান

যুক্তরাষ্ট্রের সেনা-বিভাগের জগৎ নূতন কামান নিশ্চিত হইয়াছে। এই কামানের গোলা ১৩ হাজার ৫ শত গজ পর্যন্ত লক্ষ্যভেদ করিতে সমর্থ। এই জাতীয় কামান ইহার অপেক্ষা ৩ মাইল কম দূর পধ্যন্ত গোলা নিক্ষেপ করিতে পারিত। এই কামানের ওজন


২ হাজার ৮ শত পাউণ্ড। ঘোড়া বা ট্রাক্টর উভয়েই দ্বারাট ইহা পরিচালিত হইতে পারে। পুরাতন কামান নিশ্চয় করিতে যে অর্থব্যয় হইত, তদপেক্ষা ৫ হাজার ডলার বেশী ইহার জগৎ ব্যয় পড়িয়াছে। কোর্ট ক্যাবল এই কামানের শক্তি পরীক্ষিত হইয়াছে।

### অঙ্গুরীয়-সংলগ্ন পেন্সিল

ওকলাহোমা সহরের এক জন ডাকবিভাগীয় কন্সটারী পেন্সিল



যুক্তরাষ্ট্রের নূতন কামান



অঙ্গুরীয়-সংলগ্ন পেন্সিল

বাথিবার এক চমৎকার কৌশল উদ্ভাবন করিয়াছেন। তর্জনী-সংলগ্ন অঙ্গুরীয়কে স্প্রিংয়ের সাহায্যে একটি পেন্সিল বাথিবার ব্যবস্থা তিনি করিয়াছেন। মণিবন্ধ একটু ঘুরাইবামাত্র পেন্সিলটি লিখিবার উপযুক্ত আঙ্গুয়ে আসিয়া পড়ে বা

হস্তের উপরে গিয়া খামিয়া পড়ে। ইহাতে  
পন্থিল খাঁজিয়া হস্তরাণ হইতে হয় না।

### পতঙ্গখাদক হংস-পুষ্প


ফ্লোরিডায়ে এই বিচিত্র হংস-পুষ্পের জন্মস্থান।  
ইহা কীট-পতঙ্গ ভক্ষণ করিয়া জীবিত থাকে। এই  
হংসপুষ্পের মধুর গন্ধে আকৃষ্ট হইয়া কীট-পতঙ্গ  
উহার ছিদ্রপথে উদরে প্রবেশ করে। বামে  
চিত্র, তাহাতে হংসপুষ্পের স্বন্দর অভাস্তরভাগ



পতঙ্গখাদক হংসপুষ্প



প্রজ্বলিত গ্যাসোলিন ট্রাক



আলোকদীপ্ত ফাতনা



আলোকদীপ্ত ফাতনা

কিঞ্চপ, তাহা বুঝা যায়। এই ছিদ্রপথেই মৃগক নির্গত হয় এবং  
সেই গন্ধে কীট-পতঙ্গ আকৃষ্ট হইয়া গন্ধেরে প্রবেশ করে।  
দক্ষিণের চিত্র হইতে পুষ্পের হংসাকৃতি বুঝা যায়।


### প্রজ্বলিত গ্যাসোলিন ট্রাক

ক্যালিফোর্নিয়ার রাজপথে সম্প্রতি একটি গ্যাসোলিন ট্রাক জ্বলিয়া  
উঠিয়াছিল। ভীষণ বিক্ষোভের আশঙ্কায় পথ হইতে যাত্রিগণ  
সরিয়া দাঁড়াইয়াছিল। যাহাতে শীঘ্র আগুন নিভিয়া যায়, একজন  
পেট্রোল-কোম্পানীর এক জন কন্ডাক্টর প্রজ্বলিত ট্রাক পিস্তলের  
শুলীতে ছিদ্র করিয়া ফেলেন। ইহাতে গ্যাসোলিন বহু ছিদ্রপথে  
বাতির হইয়া যায়। ছিদ্রবহুল হওয়াতে ট্রাকের মধ্যে বাষ্পও  
জ্বলিতে পার নাট। ঐ ট্রাকে ৫ হাজার গ্যালন গ্যাসোলিন  
ছিল।

ছিপ ফেলিয়া মাছ ধরিবার সময়, বঁড়ীতে মাছ লাগিবামাত্র ফাতনায়  
একটা আলো জ্বলিয়া উঠিবে। ইহা বৈজ্ঞানিকের অভিনব  
ব্যবস্থায় সম্ভবপন্ব হইয়াছে। ফাতনার সঙ্গে বিদ্যুতালোকের ব্যবস্থা  
আছে। মৎস্য টোপ গিলিবানাদ ঐ আলো আপনা হইতে জ্বলিয়া  
উঠে। ফাতনা-সংলগ্ন ব্যাটারীতে ৫ শত বায় আলোক জ্বলিয়া  
উঠিবে, এমন ব্যবস্থা আছে।

### বিচিত্রদর্শন মোটরগাড়ী

মোটরদোড়ে সুবিখ্যাত ইংরেজ ক্যাপ্টেন জর্জ এইটোনের জন্ম  
একখানি নতুন ধরণের গাড়ী নির্মিত হইয়াছে। ১২ গিলিওরেব  
একটা এঞ্জিন এই গাড়ীতে সংলগ্ন করা হইয়াছে। উহার নক্সা  
সাধারণে প্রকাশ পায় নাট। সমুদ-উপকূলে বালুকামাণির উপর  
দিয়া গাড়ী ছুটিয়া চলিবার সময়, যাহাতে চালকের চোখে-মুখে



বিচিত্রদর্শন মোটরগাড়ী

বালুকণা বা শীকণিকা না লাগিতে পারে, সে ব্যবস্থাও এই গাড়ীতে আছে। দীর্ঘ দৌড়ে এই গাড়ী অপরাহ্নেয় বলিয়া স্বীকৃত হইয়াছে।

কণ্ঠস্বর শুনা নহে, মানুষকেও দেখা যাইবে। তিন মিনিটকাল মূর্তি টেলিফোনের সম্মুখস্থিত পরদায় স্পষ্ট থাকিবে। এ জন্ত বায় পড়িবে ১'৪০ ডলার মূল্য।

### ফোনএ মূর্তি দর্শন

বালিন হইতে লিপজিক সহরে কেহ কাছাকেও ফোনের সাহায্যে আহ্বান করিলে, আহ্বানকারীর ছবি শ্রোতার কাছে ফুটিয়া উঠিবে, আহ্বানকারীও শ্রোতার ছবি দেখিতে পাইবে। বিজ্ঞান-সাহায্যে ইহাও সম্ভবপন হইয়াছে। এখন হইতে শুধু কাণে

### রবারনির্মিত বৈদ্যুতিক পাখা

রবারনির্মিত ব্লেড বৈদ্যুতিক পাখায় সংযুক্ত করায় সকলপ্রকার বিপদের আশঙ্কা দূরীভূত হইয়াছে। এ জন্ত পাখার চারিদিকে তারের বেড়া দিবার প্রয়োজন নাই। ব্লেডগুলি এমনই নমনীয় যে, কোন শিশু ইহাতে হাত দিলে চলন্ত পাখায় তাহার কোনও অনিষ্ট হইবে না, অথচ পাখা দ্রুতবেগে চলিতে থাকিবে। এই পাখার আর একটা সুবিধা, উহা যখন আবর্তিত হয়, তখন কোনও শব্দ



ফোনএ মূর্তি দর্শন



রবার-নির্মিত বৈদ্যুতিক পাখা



হয় না। নূতন ধরণের মোটর সংযুক্ত হওয়ায় পাখার আবর্তনবেগে অধিক উত্তাপ জন্মিতে পারে না। সজ্জ এই পাখা দীর্ঘ-স্থায়ী হইবে। ছবি দেখিলেই এই টেবল-পাখার পরিচয় পাওয়া যাইবে।

**মুখোসধারী দ্বিচক্রযান আরোহী**

বিষবাপ্প দ্বারা দেশ আক্রান্ত হইলে, সে সংবাদ নগরবাসীকে জানাইবার জন্ত, বিষবাপ্প-নিবারক মুখোস পরিয়া পুলিশ দ্বিচক্র-যানে করিয়া নগরের পথে পথে লাউডস্পীকারেব সাহায্যে



মুখোসধারী দ্বিচক্রযান আরোহী

ছুটিয়া বেড়াইবে। সম্প্রতি ইংলণ্ডে ইহার পরীক্ষা হইয়াছে। পরচারী দ্রুতগণও অতুলকভাবে পরীক্ষা দিয়াছে। মোটর গাড়ী চড়া মুখোসধারীরাও এই ভাবে নগরবাসীকে সংবাদ দিবার জগা শিক্ষালাভ করিতেছে।

**ব্যাঙ্কের বিচিত্র ব্যবস্থা**

বৃটিশ ব্যাঙ্কগুলির কর্তৃপক্ষ বিচিত্র ব্যবস্থা অবলম্বন করিয়া টাকা ও অস্ত্র জিনিস গচ্ছিত রাখিবার বন্দোবস্ত করিয়াছেন। পাশে ছবি দেখিলেই এই ব্যক্তিক ক্যাসিগারেব স্বরূপ উপলব্ধি হইবে। চিত্রপটে নোট, টাকা, দলিল-পত্র

প্রভৃতি নিক্ষিপ্ত হইবামাত্র যন্ত্রের অভ্যন্তরস্থ ক্যামেরা-বাতায়ন শব্দ করিয়া উঠে। কয়েক সেকেণ্ড পবে অল্প ছিত্র-পথে একখানি রসিদ বাহির হইয়া আসে। সেই রসিদে জমা দেওয়া বস্তুর আলোক চিত্র মুদ্রিত থাকে। সেই সঙ্গেই কোন্ সময়ে এই ভ্রব্য গচ্ছিত হইল, তাহাও সেই রসিদে ছাপা হইয়া যায়। কে জমা



ব্যাঙ্কের বিচিত্র ব্যবস্থা

সে সত্বকেও কানও প্রকার গোলমাল হয় না। ব্যাঙ্ক যথ থাকে, সেই সময়ে এই যন্ত্রেব উপকারিতা অত্যন্ত অধিক।

**বিমানের ক্রমোন্নতি**



মিনিটে পাঁচ মাইলগামী বিমান

টমাস্‌ ই, সেলটন "ক্রুসেডার" নামক এক বিমান নির্মাণ করিয়া নিয়ামিতে তাহার গতিবেগের পরীক্ষা দিয়াছেন। এই বিমান ১২ ঘণ্টায় নিউইয়র্ক হইতে প্যারী নগরে পৌঁছিতে পারে। ২৬ হাজার ফুট উর্দ্ধে উড়িত হইয়া এই বিমান প্রতি মিনিটে ৫ মাইল পথ অতিক্রম করিতে পারে। ইহাতেও দুইটি এঞ্জিন সন্নিবিষ্ট হইয়াছে।




নূতন "রকেট কার"

### নূতন "রকেট কার"

আরোহীদিগকে শিব্বৎসে আমোদিত করিবার জ্ঞান বিজ্ঞাংচালিত এই দোলা-গাড়ীর উদ্ভাবন হইয়াছে। ইহার ওজন ১ শত সাড়ে সাত্বিশ মণ। ১৮ জন আরোহী একমঙ্গে ইহাতে বসিয়া আমোদ উপভোগ করিতে পারে। ইহার গতিবেগ ঘণ্টায় ১৫ মাইল। জনৈক ইংরেজ ইহার উদ্ভাবয়িত। টেকম্যানের প্রদর্শনীতে ইহা আমেরিকায় লইয়া যাওয়া হইবে।

### বিমানবাহী জাহাজ

জনৈক বৃটিশ বিমান-নিপাত্তা বিমানবাহী একখানি গণপোত নিৰ্মাণ করিতে-ছেন। জাহাজের উপর ছোট ছোট বিমানগুলি স্থান করিবে। শুধু বিমান-বহন ব্যতীত এই জাহাজ অল্প কোন কাৰ্য্য করিবে না। এই জাহাজ দৈর্ঘ্যে ৩৫ শত ৬১ ফুট, উহার প্রসার ২০ ফুট। ৫ হাজার মাইল পর্যন্ত উহা গতা-য়াত করিবে।




বিমানবাহী জাহাজ

### প্রেম

আখি মেলি' চারিদিকে চেয়ে কহে কবি,  
কি সুন্দর মরি মরি এ নিখিল ছবি!  
প্রেম কহে, আমা ছাড়া সুন্দরের হাট  
মিলিত না, হতো ধরা শুধু মাটী কাঠ।

শ্রীঅবনীমোহন চক্রবর্তী।



## ঐতিহাসিক রোমান্স

— [ গল্প ] —

ক্ষিতিপতি হিন্দীর এম-এ ছেলেবেলায় কবিতা লিখিত ; এখন ইউনিভার্সিটির পাতা-ইতিহাস পড়িয়া সেই ইতিহাসের কঙ্কালের উপর কল্পনার রঙীন ফিতা জড়ায়—জড়াইয়া নিজে মুগ্ধ হয়। ভাবে, হায়রে, যদি এমন না হইয়া অমন হইত ! অর্থাৎ মামুদ গজনীর ভারত-অভিযানের অন্তরালে যদি একটু রোমান্সের টিঙ্গ...! বেগম-রাজিয়ার যদি প্রণয় হইত কোনো হিন্দু-রাজার সহিত ! রাণী চন্দ্রাবতী যদি চিঠি পাতাইতেন মহারাণ প্রতাপসিংহকে, সে চিঠির তরক যদি লিখিতেন বুকের রক্ত দিয়া এবং সে রক্তে ঢালিয়া দিতেন প্রাণের প্রেম, প্রীতি...

ইতিহাসের পাতা খুলিয়া এমন অনেক কথা সে ভাবিতে বসে ! কল্পনায় সে দেখে, আরাবলী গিরির কোলে খজুর কুঞ্জ—সেখানে বসিয়া শাহজাদী সাদা চোখে আহত রাজপুত্র বীরের সেবা করিতেছে...সিদ্ধ-নদের তীরে বসিয়া মামুদ গজনীর স্বপ্ন দেখিতেছে...হিমালয় ভেদ করিয়া তিকতে ছুটিয়াছে বঙ্গদিপ লক্ষণসেনের বাহিনী...

কিন্তু এ স্বপ্ন ! এক-একবার মনে হইত, ঐতিহাসিক নাটক ছাপ মারিয়া রাজ্যের ঐতিহাসিক ব্যাপার লইয়া কত নাটক বাঙলার রঙ্গমঞ্চে তাণ্ডব নৃত্য করিয়া বেড়াইতেছে—সে-গুলার আদর্শে ইতিহাসকে ভিত্তি করিয়া সে রোমান্স রচনা করিবে ! কিন্তু ইতিহাসে এম-এ ডিগ্রী লইয়া এমন কাল্পনিক কথায় ইতিহাসের 'মার্ক' দিতে...

না ! লজ্জা করে ! এ কাজ আর যে করে করুক, সে করিতে পারিবে না !

পাঁচ বকমের গল্প শুনিয়া সেবারে সে টুরে বাহির হইল—পঞ্জাবের দিকে ঐতিহাসিক তবু খুঁজিবার বাসনায়।

দিল্লী-আগ্রা ঘুরিয়া সে আসিল রাজপুতানায়। উদয়পুর, যোধপুর দেখিয়া অবশেষে জয়পুরে !

সহর ছাড়িয়া এদারে ওদারে ঘুরিতে একদিন চকের ও-দিকে দেখে, ছোট একটি দোকান। দোকানের সামনে রঙ-চটা কাঠের ফলক—তাহাতে দেবনাগরী ও বাঙলা তরফে লেখা আছে,—(আমরা শুধু বাঙলা তরফ-গুলার পরিচয় দিতেছি)।—

শ্রীচন্দ্রকান্ত ভট্টাচার্য

প্রাচীন-কালের সর্বদ রকম দ্রব্য

সববরাহ-কারক পরীক্ষা প্রার্থনীয়

রৌদ্র-জল খাইয়া অক্ষরগুলি স্থানে স্থানে অস্পষ্ট অদৃশ হইয়াছে।

দোকানের জানলার সার্শি বসানো, গাল-ফ্যাশনে। সার্শির মধ্য দিয়া দেখা যায়, ভিতরে জানলার সেলুফে টুকিটাকি অনেক জিনিস সাজানো রহিয়াছে,—আংটি, হার, লকেট, ক্রচ,—তাছাড়া জয়পুরী পাথরের খেলনা।

ক্ষিতিপতি গিয়া দোকানে ঢুকিল। মালিক চন্দ্রকান্ত ভট্টাচার্য, মাথায় প্রকাণ্ড পাগড়ী ; আসিয়া বলিল—আপনি বাঙালী !

অত-বড় পাগড়ী-ধারীর মুখে বিস্তৃত বঙ্গভাষা নিখুঁত ভাবে উচ্চারিত হইতে শুনিয়া ক্ষিতিপতি যেন চমকিয়া উঠিল ! সে ভাব কাটিলে ক্ষিতিপতি প্রশ্ন করিল—আপনাকেও বাঙালী দেখি !

চন্দ্রকান্ত কহিল—তাই। প্রথম জীবনে ভেবেছিলুম, নাটক লিখে নাম আর পয়সা রোজগার করবো। তা হইলো না। এ মূল্যকে কাজ করতো এক সখস্বামী। এতে তার আশ্রয় নিলুম। তার পর এই সব টুকিটাকি সংগ্রহ করে বিক্রী করছি।...সাহেব-সুবোরা কেনে—বাঙালীও কেনে—এদিকে অবশ্য যাদের সখ আছে !

ক্ষিতিপতি বলিল,—এসবে আমরা একটু সখ

আছে...যুরে-ঘারে তেমন কোনো-কিছু পেলে সংগ্রহ করি।...তা, আমাকে কোনো জিনিষ দেখাতে পারেন—মানে, যার বেশ historical interest আছে ?

—আছে বৈ কি...নিশ্চয় আছে।

কথাটা বলিয়া চন্দ্রকান্ত বাহির করিল একটা তাবিজ। তাবিজের গায়ে রকমারি নক্সা।

নক্সা বুঝাইতে চন্দ্রকান্ত রাজপুত্র-আট, মোগল-আট প্রভৃতি লইয়া অনেক বড় বড় কথা শুরু করিয়া দিল। ক্ষিত্তিপতির রোখ চাপিল। সে যেন দোকানখানা কিনিয়া ফেলিবে, এমন ভাব দেখাইল; এবং তার কলে ছুঁটা ছোট আলমারি খাটিয়া চন্দ্রকান্ত রাজ্যের জিনিষ বাহির করিল। নাক-ছাবি—এ নাক-ছাবি এই জয়পুরেরই এক মহারানী নাকে আঁটিতেন!—বাজুবন্ধ—মোগল-আমলের : বড় খোসামোদে দিল্লীর জোহানি বক্সের কাছ হইতে চড়া দামে কিনিয়া সংগ্রহ করিয়াছে—এ বাজুবন্ধ দিল্লীর শেষ বাদশা মতওয়দ সাহেব এক নান্দী পেটের দায়ে বেচিয়া দিয়াছিল। উদ্ধৃতরকে লেখা ক'খানা জগৎ মলিন কাগজের টুকরা চন্দ্রকান্ত মেলিয়া ধবিল ক্ষিত্তিপতির সামনে।

কথায়-কথায় ছুঁপক্ষের উৎসাহ বাড়িয়া উঠিয়াছিল এবং ছুঁটাইটি করিতে গিয়া ছোট একটা টলে ছুঁটাইতে চন্দ্রকান্তর কতুয়ার জেবে-ঝুলানো সোনার চেনছড়া লকেটসমেত ছিটকাইয়া কাচের শে-কেশে আসিয়া লাগিল।

সে-শব্দে ছুঁজনেই চাঞ্চল কাচের পানে। কাচখানা ভাঙিল না কি ?

ক্ষিত্তিপতি বলিল—লকেট ! বাঃ ! দেখি...

চেন-সমেত লকেটটি চন্দ্রকান্ত ক্ষিত্তিপতির হাতে দিল। ক্ষিত্তিপতি দেখিল, দেখিয়া লকেটটি খুলিল। লকেটের মধ্যে...নারীর মাথার একগাছি কেশ—সুদীর্ঘ; রঙ মিষ্কালো; আর নরম যেন রেশমী সূতা।

নিশ্চয় কোনো গুঢ় রহস্য আছে...ঐতিহাসিকের দৃষ্টিতে নিমেষে সে বুঝিল।

ক্ষিত্তিপতি বলিল,—একগাছি মাথার চুল...

চন্দ্রকান্ত বলিল,—হ্যাঁ। ঐটুকু ওর ইতিহাস।

ক্ষিত্তিপতি বলিল,—ইতিহাস !...লকেটটি বেচবেন...যদি আমি কিনি ?

কুণ্ঠিত স্বরে চন্দ্রকান্ত বলিল,—এ লকেট বেচতে পারবো না। এ এক-রকম আমার luck ! যাকে বলে, charm ! তাছাড়া আমার নিজের জীবনের সঙ্গে এর যোগ আছে।

—আপনার জীবনের সঙ্গে যোগ !

ক্ষিত্তিপতির স্বরে একরাশ বিস্ময় !

মুগ্ধ হাফ্রে চন্দ্রকান্ত বলিল,—তাই !...তবে লকেট যদি চান, ঢের ভালো লকেট আছে আমার কাছে। জয়পুরী মীনার কাজ...

ক্ষিত্তিপতি বলিল,—আপনি যে বললেন, এ চুলের ইতিহাস আছে ! তার মানে, আপনার জীবনের ইতিহাস ? না...না ?

বাধা দিয়া চন্দ্রকান্ত বলিল,—পুরোনো ইতিহাস। সে ইতিহাসের সঙ্গে শেষে আমার জীবনের যোগ হয়। অর্থাৎ ঐ চুলগাছি...আপনার বোধ হয় সে কথা বিশ্বাস করবেন না !

আশ্চর্য্য কথা ! ক্ষিত্তিপতি বলিল,—আমি বিশ্বাস করবো না, এ দাবী আপনার কিসে হলো ? আমি বেশী কিছু বলতে চাই না...শুধু ঐটুকু জেনে রাখুন, আমি ইতিহাসে এম-এ ; তত্ত্ব-সন্ধান করি। আমার বাস কলকাতায়।

—বটে !

চন্দ্রকান্তর ছুঁ চোখ প্রদীপ্ত হইয়া উঠিল। চন্দ্রকান্ত বলিল,—বাঙালীর মুখে একথা এই প্রথম শুনলুম।...কাউলি সাহেবের নাম শুনেচেন ? খুব বড় হিষ্টোরিয়ান...থাকেন অক্সফোর্ডে...রিশার্চ করেন। তিনি এসে একটি নাচের যুঁড়ুর নিয়ে যান্ এখান থেকে...সে যুঁড়ুরটি ছিল বাদশা ফরুক্ শিয়ারের এক বাদীর। যুঁড়ুরের পায়ে নানা চিত্তির-বিচিত্রের কাটা ছিল...তাই দেখে,সাহেব সেটা নেন...তার পর দেশে গিয়ে সেই নক্সা নিয়ে মস্ত essay লেখেন...হুলস্থল পড়ে যায় সে essayতে ! আমায় একখানা ছাপা কাগজ পাঠিয়ে দিয়েছিলেন। ছুঁটার বছর অন্তর সাহেব একবার ক'রে ইণ্ডিয়ায় আসেন।...এলে আমার সঙ্গে দেখা না ক'রে যান্ না !

লোকটি গুধু দোকান খুলিয়া বসে নাই—গুণী ! ক্ষিত্তিপতির শ্রদ্ধা হইল। ক্ষিত্তিপতি বলিল,—আপনার কোনো আপত্তি আছে এ চুলগাছির ইতিহাস আমায় বলতে ? কোনো কেশবতী রাজকন্য়ার মাথার চুল, বুঝি ?



ছোট একটা নিখাস ফলিয়া চন্দ্রকান্ত বলিল,—রাজ কণা নয়...তবে...আচ্ছা, আমি বলছি। আপনারা এ সব নিয়ে মাথা ঘামাচ্ছেন...হয়তো মস্ত রহস্য আবিষ্কার করতে পারবেন...

ক্ষিতিপতি বলিল,—বলুন...

চন্দ্রকান্ত কহিল,—সিগারেট-বিড়ি ইচ্ছা করেন ?

—না।

—বটে! তা হলে বসুন...আমি বলছি ...

ক্ষিতিপতি বসিল। চন্দ্রকান্ত বলিতে লাগিল,—ইন্দোরের তখন সম্বন্ধীর বাসায় এসে উঠেছি...খাট-দাট বেড়াই। কোনো মতে যদি কাজকর্ম জুটে যায়...চেষ্টা! কিন্তু চেষ্টা থাকলেও কাজে তা ঘটেছিল না। দারুণ অস্বস্তি... বৈরাগ্যের কথা মনে জাগছিল। স্ত্রী মিষ্টভাসিনী হলেও বেকার-স্বামীকে সে মিষ্ট ভাষা কত গর জোগাবেন! শেষে তাঁর ভাষা হলে তিল, বাণী রুচ; সম্বন্ধী হলে উলাস, শামুড়ী গম্বীর—তখন সত্যি এক রাতে সকলে ঘুমোলে আমি বেরিয়ে পড়লাম পামাণ-পথে। মনে হতো, কোনো পাহাড়ের গুহার দেখা পাবো! জটাছটদারী কোনো সাধু-সন্ন্যাসীর—ভক্তিতে তাঁকে তুষ্ট করে স্পর্শমণি, না হয় কোনো স্বপ্নাঙ্ক ওষধি নিয়ে ফিরে আসবো! তখন...

আশার এমনি রঙীন ছাপ মনে লেগে থাকতো বলে চলার পথ হয়েছিল সহজ, স্বচ্ছন্দ!

ইন্দোর পার হয়ে উজ্জয়িনীতে এলাম...পয়সা-কড়ির জোর তেমন ছিল না—তবু আশ্রয় মিলেছে বরাবর। জানি, যিনি জীব দিয়েছেন, উপায় তিনিই করে রেখেছেন!

উজ্জয়িনীতে ছিলাম এক দরমশালায়। সেখানে বান্ধীদের মুখে শুনলাম, পাঁচ ক্রোশ উত্তরে এক পাহাড় আছে; পাহাড়ের নাম মহেশ্বর। সেখানে আছেন এক যোগী—তাঁর বয়স প্রায় তিনশো বছর। তিনি সাক্ষাৎ কামনানাথ মহাদেব—সদা-প্রসন্ন মুষ্টি!

আমার মন নেচে উঠলো...পরের দিন মহেশ্বরকে স্মরণ করে বেরুলাম মহেশ্বর পাহাড়ে যোগী-মহেশ্বরের উদ্দেশে!

তিন হণ্ডা পরে পাহাড়ের দারে এক চটীতে এসে পৌঁছলাম। সন্ধ্যা হয়-হয়। শীতে হাত-পা ঝন্ঝন করছিল। চটীটি ছোট—যাত্রীতে ভরে গেছে। চটীওয়াল জানালো, সেখানে তিল-ধারণের ঠাই নেই।

উপায় ?

চটীওয়াল বললে,—খানিকটা এগিয়ে গেলে পাবো গড়। অর্থাৎ সেখানে আছে বহুকালের পুরানো কেল্লা। কেল্লায় ক'খানা ঘর এখনো টিকে আছে। মহারাজিয়া ব্রাহ্মণী সে ঘর দখল করে আছে। তার ওখানে যাত্রী থাকে। সেখানে গেলে আশ্রানা মিলবে।

দায়ে পড়ে শ্রান্ত দেহটাকে টেনে-ঠিঁচড়ে কোনো মতে এসে পেলুম সেই গড়। পাহাড়ের ঠাঁচিল, পাহাড়ের পাঁচিল—কতদূর পর্যন্ত চলে গেছে—ওঃ!...পরিখা আছে, চূড়া আছে...মাঝে মাঝে ভেঙ্গে গেছে! খুব জীর্ণ দশা। দেখলে মনে হয়, হ্যাঁ, ছিল বটে এক কালে কেল্লার মতো কেল্লা...নাম বীরগড়। সে-কেল্লার যোগা নাম বটে!

ডাকাডাকি করে মহারাজিয়াকে পাওয়া গেল।

আশ্রানার কথা বললাম। মহারাজিয়া বললে,—কামর মিলবে এসে।

তার সঙ্গে গড়ে চুকলাম ...

প্রচুর খোল জায়গা...এখন মাঠ হয়ে আছে! মাঝে মাঝে পাথরের স্তূপ। গড়ের পাঁচিলের গায়ে অসংখ্য দর দোতলা তিন-তলা। পাথরের সিঁড়ি। দেওয়ালের একটা ঘরে এনে মহারাজিয়া জ্বাললো প্রদীপ। দরটি প্রকাণ্ড! ও পাশে জানালা। মহারাজিয়া জানল খুলে দিল...

বললে—খাওয়া-দাওয়া হবে তো ?

বললাম,—কিছু খেতে পেলো বাঁচি। ক্ষেত থেকে কাচা ছোলা তুলে খেয়েছি!

—বসো...খাবার আনছি। আটার রুটা আছে—ছোলার ডাল আছে।

মহারাজিয়া গেল চলে...আমি এসে জানলার দারে ঠাডালুম। বাস্তিরে অজস্র জ্যোৎস্নার আলো! মেনে মায়া-ছড়ি বুলিয়ে কে এই পাহাড়-তলীর রঞ্জে-রঞ্জে যে-কালে অন্ধকার ছিল লেপে, সে-কালি মুছে রূপা গলিয়ে ঢেলে দেছে! মন বলে উঠলো, চমৎকার!

মহারাজিয়া ফিরলো খানিকক্ষণ পরে; তার হাতে পিতলের থালিতে রুটা আর বাটীতে ডাল।

থালি রেখে সে বললে,—জল দিয়ে যাচ্ছি। খেয়ে-দেয়ে ঐ খাটওয়ার গুয়ে ঘুমিয়ে—কাল সকালে এসে আমি পাত নিয়ে যাবো। ..

যথাসময়ে আহালাদি সেরে খাটিয়ার উপর শ্রান্ত দেহকে দিলুম বিছিয়ে। জানলা খোলা ছিল। আকাশ যেন তুধ-মাগর! ঘরে জ্যোৎস্নার আলো উথলে এসে পড়েছে... প্রদীপটা নিবিয়ে দিলুম...দারুণ পরিশ্রম গেছে...চোখে তন্দ্রা-ভার...আমি চক্ষু মুদলুম।

স্নিগ্ধ বাতাস! দিবা প্রশান্তি!

কতক্ষণ ঘুমিয়ে ছিলুম, জানি না। হঠাৎ যেন একটা শব্দ পেলুম! যেন শাড়ীর খশখশ শব্দ...স্পষ্ট! চোখ মেলে চাইলুম।

চাইতে দেখি, ঘরে দাঁড়িয়ে অপূর্ণ-রূপসী এক তরুণী! পরণে রূপার কুচি-আঁটা সাদা বাগরা...বুকে পেরাজী-রঙের কুচি...মাথায় দীর্ঘ কালো কেশ...মস্ত-দারে ঘরে পড়েছে পিঠ বয়ে জাগ্রত ছুঁয়ে...যেন মেঘের ঝালর! তরুণীর সর্বাঙ্গে জ্যোৎস্না-ধারা! মনে হলো, যেন বাণী পদ্মিনী এসে সামনে দাঁড়িয়েছেন!

কল্পনার ছবি? না, সত্য? বিস্ময়বিত্ত নেত্রে তার পানে চেয়ে আমি বিছানার উপর উঠে বসলুম। প্রশ্ন করলুম—কে?

জবাব পেলুম না...তবে স্পষ্ট দেখলুম, তরুণীর অধরে দুটো! মুছু হাস্য-রেখা! যেন তুটি রজনী-গন্ধা ফুল! তেমনি সাদা, তেমনি নরম!

আমি উঠে দাঁড়ালুম...না, এতো বিলম্ব নয়! সত্য। কিন্তু কে?

তরুণী দ্রুত পায়ে ঘর থেকে বেরিয়ে গেল। আমি ছটলুম পিছনে...

পাশের ঘর। অন্ধকার...কেউ নেই। মনে হলো, সে অন্ধকারের গা বয়ে একটা রূপালি-আলোর আভা সরে-সরে চলেছে...

সিঁড়ির ধারে এলুম। নীচে নামলুম না। মনে কেমন আতঙ্ক! বিশ্বয়ে হতভয় দাঁড়িয়ে রইলুম সেই অন্ধকারে পাথরের সিঁড়ির সামনে উৎকর্ণ!

কিন্তু কোথায় কে? এতটুকু সাড়া নেই, শব্দ নেই কোনো দিকে! দারুণ নিঃশব্দতা যেন জমাট স্তূপের মতো পৃথিবীর বুকে চেপে বসে আছে!

নিরুপায় বিমূঢ়ের মতো ফিরে এলুম ঘরে...বিছানায় শুয়ে পড়লুম।...

পরের দিন সকালে মহারাজিয়ার কাছে কথাটা প্রকাশ করে বললুম। সে অবাক হয়ে চেয়ে রইলো আমার মুখের পানে।

আমি বললুম,—স্পষ্ট দেখেছি।

মহারাজিরা বললে,—যাত্রী এখানে আরো ছ'চার জন আছেন। কিন্তু এমন বড়-ঘরানা...কৈ এমন মেয়ে তো আমার এখানে নেই এখন।...ভালো কথা, আপনি কি এখানে থাকবেন ছ'চার দিন?

মনের ভাব! মুখে ফুটে উঠলো। বললুম,—হ্যাঁ, কিছু দিন এখানে আমি থাকবো।

সারা দিন মন প্রতিষ্ঠা করে রইলো,—বুঝি সে আসবে!

এলো না! বিকেলের দিকে অস্বস্তি-ভরে বেরিয়ে পড়লুম পথে। গেলুম সেই গুহার সন্ধানে। মন পড়ে রইলো কিন্তু এই জাঁপ কেলায়। হয়তো রূপসী এসেছেন! কেলায়কোনে। ঘরের বাতায়নে হয়তো আছেন দাঁড়িয়ে—ডাগর চোখে চেয়ে পাতাড়ের কোলে বনের পানে! হয়তো ঘুরে বেড়াচ্ছেন সেই পাথরের স্তূপগুলোর কাঁকে কাঁকে যে-পথ, সেই পথে...বাতাসে উড়ছে তার বাগরা, ওড়নী...গতির ছন্দ-রাগে বাজছে হাতের কিঙ্কিনী!...রূপ-কথার উদাসিনী রাজকণার মতো হয়তো আমারি সন্ধান করছেন!

গুহায় থাকতে পারলুম না! ফিরে এলুম সেই কেলায়। দটক খোলা ছিল...এলুম ভিতরে।

এ ঘর, ও ঘর—খালি ঘরগুলোয় ঘুরে-ঘুরে দেখলুম। কেশের সুরভি কণা...হাসির বিদ্যুৎ-ঝিলিক...কিঙ্কিনী-রাগিনীর রেশ...রূপের সে রূপালি আভা...কোথাও কোনো চিহ্ন নাই!

একটা ঘর...দিন-শেষের রাঙা রবির আলোয় ঘর ভরে আছে। সে আলোয় দেখি, পাথরের দেওয়ালে রঙের রেখায় ছবির একটা আদরা! একখানি তরুণীর মুখ...মাথায় কেশের রাশি...

সে-মুখ—রাত্রে-দেখা সেই তরুণীর মুখ! হুবহু! কোনো নিপুণ শিল্পী পাথরের বুকে তরুণীকে যেন বন্দিনী করে রাখবার প্রয়াস পেয়েছিলেন!

আমার সর্বাঙ্গে রোমাঞ্চ-রেখা ! মুগ্ধ নয়নে আমি সেই  
পাষণ্ড-রেখার পানে চেয়ে রইলুম...অনেকক্ষণ...মন  
বিহ্বল, বিবশ হয়ে এলো !

সন্ধ্যা ঘনিয়ে আসছিল !...অন্ধকারে পাথরের বুক  
সে রেখা অদৃশ্য হয়ে গেল।

আমি চ'লে এলুম আমার ঘরে।

মহারাজিয়া এলো। তার হাতে ভোজ্য

আমি বললুম,—ওই পাশের ঘরে দেয়ালের গায়ে  
তুলির রঙে কে ও ছবি এঁকেছে ?

—ছবি !

মহারাজিয়া যেন আকাশ থেকে পড়লো ! আমি  
বললুম,—হ্যাঁ, ছবি। কে ও মেয়েটি...আর ও ছবিই বা  
কে আঁকলো ? কবে আঁকলো ?

মহারাজিয়া বললে,—কে আবার ছবি আঁকবে,  
বাবু-সাব ? কার ছবি আঁকবে ? আপনার চোখের ভুল !

ভুল ! ভাবলুম, মনের মতো যে-মানসী বসে আছে,  
সেই মানসীই এ বিজ্ঞান পাতাড়-তলীতে আমার চোখে  
কুহক-মায়া রচনা করছে !

মহারাজিয়া চ'লে গেল। আমার মন উত্তল হয়ে  
রইলো।

কিন্তু না, ভুল নয় ! মোহ নয় ! চাই ! যেমন  
ক'রে পারি, এই রূপসীকে খুঁজে বার করা চাই ! এই  
পাষণ্ডের বুক চিরে রূপসীকে আমি উদ্ধার করবো !  
করবোই ! স্পষ্ট তাকে দেখেছি...

হুজুয় লোলুপতার মন ভরে উঠলো। ভুলে গেলুম,  
আমি নিরস্ত্র বেকার ! মনে হচ্ছিল, আমি যেন রূপ-কথার  
সেই রাজপুত্র...এসেছি এই পাষণ্ড-হুর্গে বন্দিনী রাজকন্যাকে  
তার পাষণ্ড-কারা থেকে উদ্ধার করতে !...

আবার সেই রাত্রি ! জানলার পানে চেয়ে বসে  
আছি...নিষ্পন্দ ! চোখের সামনে ভরে এলো গাঢ়-কালো  
অন্ধকার...সে অন্ধকার ধুয়ে মুছে বয়ে এলো আবার সেই  
জ্যোৎস্নার বত্মা-ধারা !...

মনের উপর দিয়ে ভেসে চলেছিল পাংলা মেঘের মতো  
অতীত যুগের ইতিহাসের বহু ঘটনা !

রাণা ভীমসিংহ...রাণী পদ্মিনী...আলাউদ্দিন খিলজি...

জওহর ব্রত...চাঁদ সুলতান...রাণী সংযুক্তা...জয়চাঁদ...  
স্বয়ংবর সভা...ছবির মতো !

হঠাৎ মনে হলো, আমি একা নই...নিঃসঙ্গ নই ! কে  
যেন এসে কাছে দাঁড়িয়েছে ! যেন তার নিখাস ..

সারা দেহে আবার রোমাঞ্চ !

আপনা-হতে কণ্ঠে জাগলো অক্ষুট ধ্বনি—কে ?

উত্তর নেই...শব্দ নেই ! আমার সে স্বর যেন কঠিন জমাট  
নৈঃশব্দের গায়ে পড়ে ভেঙ্গে টুকরো টুকরো হয়ে ছড়িয়ে গেল !

মনে হলো, যেন রূপের আভা জাগছে...অন্ধকারের  
রঞ্জে রঞ্জে ! সে আভা স্পষ্ট হলো, উজ্জ্বল হলো...আর সেই  
স্পষ্ট আলোয় দেখি...

চোখের সামনে রূপসী তরুণী...সে !

বললুম,—কে ?

সত্য ? গাভ বাড়াগুম স্পর্শ নেবার জন্ম।

কোথায় কে ? শব্দ না ! কেউ নেই ! রূপসী যেন  
মিলিয়ে গেল ! যেন আলোর শিখা নিবে গেছে !

সিঁড়ির কাছে এসে জোর-গলায় ডাকলুম,  
মহারাজিয়া...

নীচে কে গান 'উচ্ছিল...ভজন-গান মহারাজিয়ার  
সাড়া পেলাম না।

আবার ডাকলুম...আবার...আবার...

মহারাজিয়া এলো ! আমি তাকে বললুম...যা দেখেছি !

মহারাজিয়া বললে—কি জানি বাবু-সাব ! কেউ কেউ  
এমন কথা বলেছে বটে আগে ! আমি তো কিছু দেখিনি...  
কখনো !...আশ্চর্য্য নয়...কত রাজা-রাজড়া এখানে একদিন  
বাস করেছে। কোন্ শাহজাদা ছিল বন্দিনী...রাজকন্যা,  
সখা-সহচরী...বাদী ! কেউ বলে, দেখেচে রূপসী রাজ-  
কন্যা ! কেউ শুনেচে বাণী-গান...এমনি নানা কথা  
বলেছে নানা লোক !...ভুল, বাবু-সাব ! স্বপ্ন !...

মহারাজিয়ার কাছে কোনো সন্ধান পাবো না—বুঝলুম।  
কিন্তু এ স্বপ্ন নয়...

ফিরে এলুম নিজের ঘরে। আলোয়ার পিছনে কোথায়  
ঘুরবো ?

বিছানায় শুয়ে শুয়ে নানা কথা ভাবছিলুম...তার মতো  
চোখে বয়ে এলো ঘুমের পাথার।

সে ঘুম ভাঙলো অতর্কিতে! চাঁদ তখন আকাশে এক রাশ মেঘের আড়ালে গেছে সরে'...আলোর আবহায়া... সেই ছায়া-মেশা অস্পষ্ট আলোর দেখনুম...ঘরের ধারে সেই রূপসী! মাথায় দীর্ঘ কেশের রাশি...আলুলায়িত! সারা বর তার রূপের আলোর আলো হয়ে উঠলো!

উঠে বসলুম...তরুণী চ'লে গেল না...এগিয়ে এলো আমার দিকে। মুখে মুছ হাসি! সে যে কি...

বললুম,—বসবে?

তরুণী এসে বসলেন আমার পালঙ্কে...আমার শিরায় শিরায় বাসনা হলো উগ্র...অনীর উন্মাদ শ্রোতে বৃকের রক্ত উচ্ছল হয়ে উঠলো...মনে হলো, এ তরুণী আমার! আমার পথ চেয়ে বসে আছে জন্ম-জন্ম যুগ-যুগ ধরে'...! আর আমি সব ভুলে তুচ্ছ চাকরি-নোকরির মোহে কোণায় বেড়াচ্ছি গুরে...রাজ্যের ইট-কাঠের চাপে দেহ-মন ক্ষত-বিক্ষত করে...

মস্ত নেশায় আমি যেন বিহ্বল হয়ে উঠলুম।

তরুণীকে বৃকে টেনে নিলুম। তার কেশের সুরভি... কপোলের লালিমা...রূপের মাধুরী...

অধরে অধর মিশে আমাকে যেন মূর্ত্যুতুর করে তুললো!

স্বর্গ! আমার বৃকে তরুণীর দেহ-লতা...আমি তার কেশরাশি নিয়ে আঙুলে জড়িয়ে লীলা-ভরে খেলায় মত্ত...

বললুম,—আমাকে ছেড়ে তুমি চলে যেয়ো না...

তরুণী তার ডাগর দুটি চোখ মেলে আমার পানে তাকালো। তার চোখে ফুটলো যেন আতঙ্ক! বর্ণের আভায় নীলিমার আভাস!

চকিতে আমার বাহর ধারন কেটে তরুণী উঠে দাড়ালো... এবং চকিতে চলে গেল সে-বর ছেড়ে চঞ্চলা-চপলার চমকের মতো!

আমি ছুটলুম তার পিছনে।

কিন্তু মিথ্যা ছোটা! রূপসীর চিহ্ন যেন পৃথিবীর বৃক থেকে নিমেষে উবে মুছে গেল!...

আমার সমস্ত প্রাণ হায়-হায় করে উঠলো! চেতনা-গাভে দেখি, আমার আঙুলে জড়িয়ে আছে তার মাথায় সেই সুরভি কালো কেশ...একগাছি! যেন রেশমী

মৃত্যু...আর সেই কেশের প্রান্তে বাধা ছোট একটি পদক... সে এই লকেট!...

ক্ষতিপতি মুগ্ধ চিত্তে কাহিনী গুনতেছিল। প্রশ্ন করিল,—কে সে রূপসী? কোনো পরিচয় পেলেন?

চন্দ্রকান্ত বলিল,—পেয়েছিলুম।...তবে তাকে আর কোনো দিন দেখিনি। ছিলুম সেখানে এ ঘটনার পর আরো প্রায় দু'হপ্তা। নিত্য প্রতীক্ষায় থাকতুম, মনে অনন্ত আশা নিয়ে...কিন্তু দেখা পাইনি!...

সকালে উঠে মহারাজিয়াকে ধরলুম...মিনতি জানালুম। আমার আঙুলে ছিল চূনীর আংটি। সেই আংটি তার হাতে ভুলে দিয়ে মিনতি জানিয়ে বললুম—বলো আমার এর কথা, মহারাজিয়া...করুণা করো...

জবাবে তার সেই এক কথা—আপনার চোখের ভুল বাবু-সাব...স্বপ্ন! এমন রূপসী কেয়ার নেই...এ তল্লাটে নেই!

আমি বললুম,—হতে পারে না। সে আছে...নিশ্চয় আছে আমার ভুল নয়!

আমি তার চোখের সামনে ধরলুম সেই পদক আর কেশ! দেখে মহারাজিয়া শিউরে উঠলো। বললে,—জানি বাবু-সাব, এ জেবর! এ জেবর ছিল আমাদের বংশের এক জেনানীর।...

তার পর মহারাজিয়া বললে,—অনেক বছর আগেকার কথা! আমার প্রপিতামহীর বহিন...নাম ছিল লছমী...সে ছিল রাজকণ্ঠা চম্পাবতীর সহচরী। চম্পাবতী আর জামাই-রাজা। মুখে দুজনের দিন কাটছিল। তার পর এই লছমী-দেবীকে ভালো বাসলো জামাই-রাজা! লছমী দেবীর রূপ ছিল লছমী ঠাকুরাইনের মতো! দুজনে জাগলো গভীর ভালোবাসা! জামাই-রাজা ছিল গুণী...ছবি আঁকতে পারতো পাথরের বৃকে। লছমী দেবীর যে-ছবি দেখেচো বাবু-সাব ঐ ঘরে পাথরের দেওয়ালে, সে রেখা জামাই-রাজার হাতের। শেষে এ ভালোবাসার কথা গুনলেন রাজকণ্ঠা চম্পাবতী। লছমী দেবীকে তিনি করলেন বন্দিনী।...লছমী দেবী সে-অপমান সহ্যে না পেয়ে কেয়ার ছাদ থেকে লাফিয়ে পড়েন পাহাড়ের বৃকে। তাঁর সব শেষ হয়ে যায়!...



কাহিনী শুনিয়া ক্ষতিপতি বলিল—ভৌতিক ব্যাপার!...  
ছায়া-ভূত কিন্তু সত্যকার লকেট চূলে বেঁধে পৃথিবীতে  
ঘোরে না!

চন্দ্রকান্ত হাসিল, হাসিয়া বলিল—এ কথা কেউ  
বিশ্বাস করতে চায় না...কিন্তু আমি তো জানি...চোখে  
যা দেখেছি, হাতে যে লকেট পেয়েছি...তাছাড়া দেখছেন,  
এ লকেটের চেহারা? গড়ন এ-কালের নয়। একে সূর্যাদানি  
বলে চলে, মশলাদানি বলা চলে, কবচ বলাও চলে! এ  
লকেট কে এখন গড়ে? গড়তে পারে? বলেন তো!

কথাটা সত্য।

ক্ষতিপতি দেখিল ভালো করিয়া...লকেট না বলিলে  
কে চিনিবে?...Curios বটে! অপরূপ গড়ন!

চন্দ্রকান্ত বলিল,—আজ আমার এমন দেখছেন—সেদিন  
কিন্তু সুপুরুষ বলে আমার খ্যাতি ছিল।...এ ঘটনার পর  
উদ্ভ্রান্তের মতো পথে পথে ঘুরে বেড়িয়েছি। শেষে এক  
সন্ন্যাসীর রূপায় আমার সে পাগলের ভাব কাটে। আবার  
সংসারে ফিরে আসি। তবে সে বেকার-দশা ঘোচে  
আসবামাত্র!...

চন্দ্রকান্ত ক্ষণেক স্তব্ধ রহিল, পরে একটা নিশ্বাস ফেলিয়া  
আবার বলিল,—সে স্বপ্ন নয়, ভুল নয়...সারা জীবনে...  
এতখানি ব্যয় হলো, তবু আমি ভুলতে পারিনি সে-রাত্রের  
কথা! যেন সে কালকের ঘটনা...! বুঝলেন মশায়,  
লক্ষ্মী দেবী বাস করতেন আমার এই বৃকে। এটি বৃকে  
বয়ে বেড়াচ্ছি...সেই দিন থেকে আজ পর্য্যন্ত বরাবর।...  
লকেটটিকে কোনো ক্ষণে সঙ্গ-ছাড়া করিনি।

ক্ষতিপতি স্তম্ভিতের মতো বসিয়া রহিল।...

চন্দ্রকান্তর নৃষ্টি গম্ভীর-উদাস!

ক্ষতিপতি কহিল,—শুনছেন?

—কি?

ক্ষতিপতি বলিল,—এ লকেটটি বেচবেন? আমি  
একশো টাকা দিতে পারি...দাম!

—মাপ করবেন। এর আসল দাম কতই বা! বড়  
দোর চার-পাঁচ টাকা...কিন্তু এ তো ব্যবসায় জিনিষ  
নয়...ঐ যা বললুম...

—আচ্ছা, আমি ছশো টাকা দেবো।

—মাপ করবেন। আপনি বাঙালী...এসবে আপনার  
সখ আছে, বুঝি। কিন্তু...

—বেশ...আড়াইশো নিন্। দিন...এ নিয়ে আমি  
রিশার্চ করবো...রানী চম্পাবতী...লক্ষ্মী দেবী! জামাই-  
রাজার কি নাম ছিল?

চন্দ্রকান্ত কহিল,—জানি না। মানে, জানতে পারিনি।

—তা হ'লে এই কথা...এখন আমি দিচ্ছি আড়াইশো  
টাকা...নিন্, রাখুন।

পকেট হইতে পার্শ বাহির করিয়া একতড়া নোট...

গণিয়া চন্দ্রকান্তর সামনে রাখিয়া ক্ষতিপতি কহিল,—  
শুণে নিন্। কোনো আপত্তি নয়...

ক্ষতিপতি দুই পাণি অঞ্জলি-বদ্ধ করিল।

নোটের তাড়ার পানে চাহিয়া চন্দ্রকান্ত কহিল,—  
আপনি বড় লোক...শুণী...যে-জিনিষের যা দাম,  
তা বোঝেন...আমি আর কদিন বা বাচবো? তার পরে...  
বুঝি সব। কিন্তু...

—না, না, কিন্তু করবেন না। দিন লকেট...নোটগুলো  
শুণে নিন্। এদিকে রাত হয়ে এলো...

—তাই তো! আপনি বিপদে ফেললেন!...

চন্দ্রকান্ত নোট গণিল বহু-অনিচ্ছায়। ক্ষতিপতি  
কহিল,—ঠিক আছে? আড়াইশো?

—তা আছে!...কিন্তু...

—না, কোনো কথা শুনবো না, শুনতে চাই না!...  
আপনি বরং আমার নাম-ঠিকানা লিখে রাখুন...এমন  
historical interestএর কোনো-কিছু জিনিষ পেলে  
আমাকে লিখে জানাবেন। আমি...

নোটের তড়া চন্দ্রকান্তর হাতে...চন্দ্রকান্তর চোখের  
দৃষ্টিতে বিদ্য...

ক্ষতিপতি শাইকলজি পড়িয়াছে। টাকা হাতে  
থাকিলে...কঠিন পরীক্ষা! টাকার মোহে মানুষ স্বভি,  
প্রীতি সব ভুলিয়া যায়! চন্দ্রকান্তর মনে চলিয়াছে বন্দ!  
এই সুযোগে একটু মস্তিষ্ক-কৌশল...! লকেটটি পকেটে  
কেলিয়া ক্ষতিপতি দুই হাত পুটবদ্ধ করিয়া নতি জানাইল।

চন্দ্রকান্তর দুই চোখের দৃষ্টিতে করুণ কাকুতি...  
ক্ষতিপতি উঠিয়া পড়িল, বলিল,—এখন আসি। আর এক

দময় আসবো'খন !...ভালো কিছু পেলে...বলসুম তো...এই আমার কার্ড রইলো, খপর দিতে ভুলবেন না !...

বিনয়-নম্র মুহূ বচনে চন্দ্রকান্ত কহিল—তা ভুলবো না ! কিছু ও লকেট...দয়া করুন ! আমায়...

—না, না । এ লকেট আমাকে দিতেই হবে । এ আমি ছাড়বো না । বলেন কি, এত-বড় historical romance...

ক্ষিতিপতি ভাবিল, এ কাহিনী লিখিয়া পাঠাইলে বিলাতী যে কোনো মাসিক-পত্রে...

ক্ষিতিপতি বিদায় লইল ।

ক্ষিতিপতি চলিয়া গেলে নোটের তাড়া গেঁজিয়ায় ভরিয়া গাসি-মুখে চন্দ্রকান্ত দোকানের ভিতর-দিককার দ্বার ঠেলিয়া খন্দরে আসিল, ডাকিল, ওগো...

গৃহিনী ছিলেন রান্নাঘরে ; মেয়ে চাকরুবালা আসিয়া বাপের সামনে দাঁড়াইল ।

চন্দ্রকান্ত বলিল—আজ একটা লকেট বেচলুম রে, নগদ আড়াইশো টাকায় ।

মেয়ে চাকরুবালা ক্র কৃষ্ণিত করিল, করিয়া কহিল, - নতি...এ তুমি কি করচো বাবা ! এ সব মিথ্যা-গল্পে লোক ভুলিয়ে পয়সা নেওয়া এতে পাপ হয়, জানো !

চন্দ্রকান্ত কহিল কি করি, বল মা ? দেশ ছেড়ে এ

মুহূকে এসেছি ব্যবসা করতে ! এই সব মুড়ি-পাথর কেউ কিনবে না—অথচ মূল-ধন এমন কিছু নেই ! কথায় বলে, ব্যবসা-বুদ্ধি যার আছে, তারই উচিত ব্যবসা করা । ব্যবসা তো অনেকে করছে—বড় হয় সে, যার বুদ্ধি আছে । এতে কোনো পাপ নেই, মা ।

চাকরুবালা বলিল—অনেক পয়সা তো করেছ, আর কেন এ ব্যবসা ?

চন্দ্রকান্ত বলিল—তোমার বিষে দিতে হবে ভালো পাত্রে— তারা অনেক টাকা যৌতুক চাইবে । আট-দশ হাজার টাকার কমে তো মেয়ের বিষে হবে না এ কালে । সে টাকার জোগাড় চাই ।...

মেয়ে বলিল—কিন্তু তোমার ঐ সব পচা বাজে আংটি-লকেটের জন্মে এক-গাছি এক-গাছি করে মাথার চুল জোগাতে জোগাতে আমার মাথা যে ঝাড়া হয়ে গেল !

চন্দ্রকান্ত কহিল—আজ বানিয়ে যে-গল্প বলেছি, কোথায় লাগে তার কাছে আরব্য-উপায়াস ! ভাবছি, তোমার বিষে হোক, তার পর এ সব গল্প ছেপে বই বার করবো । ভাগ্যে প্রথম বয়সে গল্প-লেখা অভ্যাস করেছিলুম । সহজ-ভাবে গল্প লিখে পয়সা হলো না ! তাই সে-গল্প মূলধন করে practical ব্যবসা ধরেছি বলেই মা-লক্ষ্মী আজ মুখ ভুলে চেয়েছেন ! জয় মা লক্ষ্মী দেবী !

শ্রীসৌরীন্দ্রমোহন মুখোপাধ্যায় ।

## ভালোবাসা

ভালো আমায় বাসো কি না  
সুধাবো না তোমায় প্রিয়া,  
ভালো তোমায় বাসবো শুধু—  
আমার সকল হৃদয় দিয়া ।

চাইবে চেয়ো আমার পানে  
নয় তো থেকে নয়ন মুদি,  
আমি তবু তোমার পানে  
চাইবো সখি নিরবধি ।

ওই অধরের মধুর-মধু—  
নিতুই আমি লবো লুটে,  
নাই বা তুমি ফিরিয়ে দিলে  
একটি চুমা অধর-পুটে ।

নিতুই বাহর মালা গাঁথে  
পরিয়ে দেবো তোমার গলে,  
দেবে দিও ছিন্ন ক'রে—  
আমার বাঁধন অবহেলে ।

তোমার সুখে হাসবো আমি  
জুথের দিনে রাখবো বুকে,  
নাই বা তুমি একটি কথা  
কইলে প্রিয়া, আমার জুখে ।

শ্রীরবীন্দ্রনাথ চক্রবর্তী ।



## মানকীতে বজ্রাঘাত

[ উপন্যাস ]

### অষ্টম পল্লব

হিতে বিপরীত

মিঃ প্রীড্ সেই অঙ্ককারাচ্ছন্ন কক্ষের চতুর্দিকে তীক্ষ্ণ দৃষ্টি প্রসারিত করিলেন। সহসা তাঁহার মনে হইল, ম্যানেজার পুনর্বার তাঁহার সহিত দেখা করিতে আসিয়া যদি তাঁহাকে সেই স্থানে দাঁড়াইয়া থাকিতে দেখে, তাহা হইলে তিনি পলায়ন করিতে পারেন—এই সন্দেহে তাড়াতাড়ি সেই কক্ষের দ্বার রুদ্ধ করিয়া তাহার চাবি বন্ধ করিতে পারে। এই জন্ত তিনি সঙ্কল্প করিলেন, কোন কোণে তাহাকে কক্ষের ভিতর লইয়া যাইবেন, এবং তাহাকে কাষদায় পাইয়া বাহা কর্তব্য মনে হইবে, তাহার প্রতি সেইরূপ ব্যবহার করিবেন।

এই সঙ্কল্প কার্যে পরিণত করিবার উদ্দেশ্যে মিঃ প্রীড্ চকুর নিমেষে সেই কক্ষের স্বর প্রাপ্তে উপস্থিত হইলেন এবং সেখানে যে গুহ্য ভগ্নরাশি প্রসারিত ছিল, তাহার উপর উপুড় হইয়া পড়িয়া মেঝেতে মুখ গুঁজিলেন; সেই সময় তিনি ছাতার ভিতর হইতে গুপ্তিখানা টানিয়া বাহির করিয়া ভগ্নরাশির ভিতর লুকাইয়া রাখিলেন।

সেই কক্ষের দ্বার ধীরে ধীরে উন্মোচিত হইতে লাগিল। মিঃ প্রীড্ পূর্বে যে ভারী পদবিক্ষেপের শব্দ এবং নিশ্বাস-পতনের শব্দ শুনিতে পাইয়াছিলেন, তাহা পূর্বাপেক্ষা পরিস্ফুটরূপে তাঁহার কর্ণগোচর হইল। তাহার অল্পকাল পরে ধপাস্ করিয়া একটা শব্দ হইল, যেন কোন ব্যক্তি সবেগে মেঝের উপর বসিয়া পড়িল। সঙ্গে সঙ্গে অল্পক্ষণ হস্তধ্বনি।

প্রশ্ন হইল, “আমার আদেশ অগ্রাহ করিয়া স্থানান্তরে গিয়াছ কেন? অত্যন্ত অন্টার কাষ করিয়াছ।”

মিঃ প্রীড্ দেখিতে না পাইলেও পদশব্দে বুঝিতে পারিলেন, ম্যানেজার তাঁহার দিকে অগ্রসর হইতেছিল।

ম্যানেজার গম্ভীর স্বরে ডাকিল, “পেড়ো!”—কক্ষ আলোকিত হইল।

ম্যানেজার তাহার কুকুরের আগমনের জন্য প্রতীক্ষা না করিয়াই মিঃ প্রীডের অদূরে আসিয়া দাঁড়াইল। মিঃ প্রীড্ সেই মুহূর্ত্তেই ধরা-শয্যা ত্যাগ করিয়া উঠিয়া দাঁড়াইলেন এবং তাঁহার হাতের গুপ্তিখানা ম্যানেজারের দেহের দিকে প্রসারিত করিয়া তাহার তীক্ষ্ণগ্র দ্বারা ম্যানেজারের মূল কর্ণালীর মধ্যস্থল স্পর্শ করিলেন। তাহার পর অচঞ্চল স্বরে বলিলেন, “যদি তোমার কুকুরের মত অন্ধা লাভেব জন্য অগ্রহ না থাকে, তাহা হইলে ঐ স্থান হইতে এক ইঞ্চি নড়িও না বন্ধ! যে স্থানে দাঁড়াইয়া আছ, ঠিক ঐ স্থানেই কাঠের পুতুলের মত দাঁড়াইয়া থাক। একটু নড়িলেই গলা এ. কোঁড় ও কোঁড় হইবে।”

মুহূর্ত্তমধ্যে ম্যানেজারের স্বগোল হাঁড়ির মত মুখখানা বিবর্ণ হইল।

ম্যানেজারের আরক্তিম ক্ষুদ্র চকু দুইটির দৃষ্টি মিঃ প্রীডের মুখের উপর সংস্থাপিত হইল; তাহার বিস্ফারিত নেত্রের আন্তরক পরিস্ফুট। মিঃ প্রীড্ তীক্ষ্ণ দৃষ্টিতে ম্যানেজারের মুখের দিকে চাহিয়া থাকিলেও নিমেষের জন্য একবার সেই কক্ষের অন্ত প্রাপ্তে দৃষ্টি নিক্ষেপ করিলেন। সেখানে এক অদ্ভুত দৃশ্য তাঁহার দৃষ্টিগোচর হইল। সেই কক্ষের দেওয়ালে পৃষ্ঠ সংলগ্ন করিয়া একটি লোক মেঝের উপর উপবিষ্ট ছিল। লোকটি দীর্ঘকায়, তাহার রৌদ্রদগ্ধ কপোলময় আরক্তিম। তাহার মস্তক সম্মুখে ঝুঁকিয়া পড়িয়াছিল, এবং উন্মুক্ত বদনগহ্বর হইতে নিশ্বাসপতনের ঝায় ফোঁস্ ফোঁস্ শব্দ নিঃসারিত হইতেছিল। মিঃ প্রীড্ সেই শব্দই পূর্বে শুনিতে পাইয়াছিলেন; কিন্তু তাহা কোথা হইতে আসিতেছিল, অঙ্ককারাচ্ছন্ন কক্ষে দাঁড়াইয়া ইহা তিনি তখন বুঝিতে পারেন নাই।

মিঃ প্রীড্ ম্যানেজারকে লক্ষ্য করিয়া অশ্রুট স্বরে বলিলেন, “তোমার আর একটা শিকার! উহার সম্বন্ধে তোমার বোধ হয় অনেক কথাই বলিবার আছে, কিন্তু সর্বাগ্রে উহার নামটি শুনিতে চাই, কি নাম উহার—অর্থাৎ ঐ পাশের ঐ কয়েদীটির?”

ম্যানেজার মিঃ প্রীডের প্রশ্নের উত্তরদানে অনিচ্ছুক বলিয়াই মনে হইল, সে নিরীকভাবে দাঁড়াইয়া রহিল।

মিঃ প্রীড বলিলেন, “উহার নাম প্রকাশ করিবার ইচ্ছা নাই? আমার প্রশ্নের উত্তর দিবে না? কিন্তু কথা কহাইবার কৌশল আমার অজ্ঞাত নহে, পরীক্ষা করিতে চাও?”—তিনি তাঁহার হাতের গুপ্তির ডাঙিতে একটু চাপ দিলেন, সঙ্গে সঙ্গে তাহার তীক্ষ্ণ অগ্নি কণ্ঠনালীর দ্বারা একটু জ্বরে বসিল।

ম্যানেজার বুঝিল, নিরুত্তর থাকিলে কায়েমীভাবে তাহার কণ্ঠরোধের আশঙ্কা আছে। এ জন্ম সে অনিচ্ছার সহিত বলিল, “উহার নাম ডসন,—হেনরী ডসন, কিন্তু এই ব্যাপারের সহিত আমার কোন সম্বন্ধ নাই। আমি হলপ করিয়া বলিতেছি—ইহাতে আমার কোন হাত ছিল না।”

মিঃ প্রীড গম্ভীর স্বরে বলিলেন, “খাসা! এই সকল অপকর্মে তোমার কোন হাত নাই, তুমি যে পরম সাধু, শাস্ত, শিষ্ট, অপাপবিদ্ধ পুরুষ, মহামুর্খেরও ইহা বুঝিতে বিলম্ব হয় না! দেশের আইন এবং শাস্তি-শৃঙ্খলার প্রতি তোমার অহুরাগ অসাবারণ, তাহার সাধা ইহা অস্বীকার করে? তথাপি আমি জানিতে চাই, এই ভদ্রলোকটিকে অর্থাৎ মিঃ ডসনকে কি কারণে মাদকাভিভূত করিয়া ঐ ভাবে ওখানে বসাইয়া রাখা হইয়াছে, এবং আমাকেই বা উহার সহিত যোগদানের ব্যবস্থা কেন করা হইয়াছে?”

ম্যানেজার নিরুত্তর : কিন্তু সঙ্গে সঙ্গে সে গুপ্তির খোঁচা খাইয়া স্বল্পাঙ্গ অশ্রুট আর্দ্রনাদ করিয়া বলিল, “আমি তাহা জানি না; আমি শপথ করিয়া বলিতেছি, এ তথ্য আমার অজ্ঞাত। আমি বেতনভোগী কর্মচারী মাত্র, পয়সা খাই—টাকরী করি। আমাকে আদেশ করা হইয়াছে যে, কেহ এখানে মিঃ প্যারাডাইন সম্বন্ধে কোন গৌজ-খবর লইতে আসিবে, তাহাকেই যেন নজরবন্দী করি।”

মিঃ প্রীড্ তাঁহার গুপ্তি ঠিক সেই ভাবেই উত্তর রাখিয়া ম্যানেজারকে বলিলেন, “একসঙ্গে এক রাশি

কথা না বলিয়া পর পর প্রত্যেক প্রশ্নের উত্তর দাও। আমরা মিঃ ডসনের প্রশ্নের আলোচনা করিতেছি। উহাকে মাদকাভিভূত করিয়া এই কক্ষে আটক রাখিবার জন্ম তাহার নিকট টাকা খাইয়াছে?”

ম্যানেজার বলিল, “আমি তাহার নাম জানি না। তাহা জানিবার জন্মও আমি আগ্রহ প্রকাশ করি নাই। টাকার আমার প্রয়োজন, তাহা পাইয়াছি; তাহার নাম জানিবার প্রয়োজন কি? আমি তাহা জানিতে পারি নাই।”

মিঃ প্রীড্ বলিলেন, “এই ব্যাপারের সংস্রবে টেরীর নামটা কখন কি তোমার কর্ণ-গোচর হয় নাই?”

মিঃ প্রীডের কথা শুনিয়া ম্যানেজারের মুখ কাল হইয়া গেল। কিন্তু উত্তর না দিলে গলা কুটা হইতে পারে বুঝিয়া সে মুহূর্তকাল নিস্তব্ধ থাকিয়া বলিল, “হাঁ—ইয়ে—তা ও নামটা শুনিয়াছি বটে, কিন্তু উহা যে আসল নাম নয়, ছদ্মনাম মাত্র, ইহা সহজেই বুঝিতে পারা উচিত।”

মিঃ প্রীড্ বলিলেন, “সম্ভব বটে, কিন্তু ছদ্মনাম হইলেও লোকটা ত কাল্পনিক নহে। তাহার প্রকৃত নাম যাহাই হউক, সেই ব্যক্তিই কি মিঃ ডসনকে এখানে আটক রাখিবার জন্ম তোমাকে আদেশ করিয়াছিল? শীঘ্র আমার এই প্রশ্নের উত্তর দাও, উত্তর দিতে বিলম্ব করিলে আমার ধৈর্য্য ধারণ করা কঠিন হইবে, এবং আমি ধৈর্য্যচ্যুত হইলে আমার হাত সূড়-সূড় করিবে, তাহাতে তোমার জীবনের আশঙ্কা আছে।”

সঙ্গে সঙ্গে তাহার গলায় গুপ্তির আর এক খোঁচা! সেই খোঁচা খাইয়া ম্যানেজার উভয় জাহুর উপর ভর-দিয়া সেই স্থানে বসিয়া পড়িল। আতঙ্কে তখন তাহার সর্বাস্ত্র খর খর করিয়া কাঁপিতেছিল; তাহার পদদ্বয় একপ অসাড় হইয়া পড়িয়াছিল যে, তাহা তাহার দেহের ভার বহনে অশক্ত হইয়াছিল।

ম্যানেজার কম্পিতকণ্ঠে বলিল, “আমি তাহা জানি না। আমি শপথ করিয়া বলিতেছি, উহা আমি জানি না। সাত নম্বর টেবলখানা টেলিফোনে রিজার্ভ করা হইয়াছিল। যাহারা আমাকে টাকা দিয়াছিল, তাহারা কোন কোন কথা বলিয়া আমাকে কি করিতে হইবে, তাহা জানাইয়া দিয়াছিল। মিঃ ডসন রেন্ডোরায় আসিলে



আমি সেই আদেশানুসারে তাহাকে সাত নম্বর টেবলে লইয়া বাই। যে ভদ্রলোকের সঙ্গে সেখানে তাহার ভোজন করিবার কথা, সেই ভদ্রলোকের জন্ত তাহাকে অপেক্ষা করিতে হইয়াছিল। ইত্যবসরে আমি আদেশানুসারে তাহাকে পানীয় দিয়াছিলাম।”

মিঃ প্রীড্ বলিলেন, “এবং সেই পানীয়ে মাদকদ্রব্য মিশ্রিত ছিল। মিঃ ডসনকে মাদকাত্তিত দেখিয়া, আদেশানুসারী তাহাকে এই কক্ষে লইয়া আসিয়াছিলে।”

মিঃ প্রীড্ ম্যানেজারের মুখের দিকে চাহিয়া বৃদ্ধিতে পারিলেন, তাঁহার কথাগুলি সত্য, ইহা অস্বীকার করিতে তাহার সাহস নাই।

মিঃ প্রীড্ বলিলেন, “বুঝিলাম; তাহার পর কি হইল বলি শোন: অতঃপর মিঃ প্যারাডাইন আসিলেন: সাড়ে সাতটার সময় এখানে তাঁহার ভোজন করিবার কথা ছিল। সময়টা আমিই নিষ্কারিত করিয়াছিলাম। আমি জানিতাম, কোন কারণেই তিনি ইহার ব্যতিক্রম করিবেন না। কিন্তু তথাপি সেই সময়ের পূর্বেই আমি তাঁহাকে অল্প এক জন লোকের সঙ্গে একখান গাড়ীতে পথ দিয়া বাইতে দেখি। সেই গাড়ী আবরণ দ্বারা আচ্ছাদিত ছিল। তখন সাড়ে সাতটা বাজিবার দুই মিনিট বিলম্ব ছিল। কিন্তু তৎপূর্বে এখানে কি কাণ্ড ঘটয়াছিল, তাহা শীঘ্র আমাকে বল।”

ম্যানেজার জানুতে ভর দিয়া বসিয়া দুই একটা ঢোক গিলিয়া বলিল, “আমার সন্দেহ নাই, আর আমার নিশ্চিন্তি নাই। উহারা আমাকে হত্যা করিবে।”

মিঃ প্রীড্ বলিলেন, “তাঁহার। যাহারাই হউক, ঐরূপ করিবার সুযোগ পাইবে না। যদি তুমি সকল কথা প্রকাশ কর, তাহা হইলে তোমার অনিষ্টের আশঙ্কা নাই। তুমি ত জান, যতক্ষণ জীবন, ততক্ষণ আশা।”

ম্যানেজার বলিল, “মিঃ ডসনের সহিত তাঁহার সাক্ষাৎ না হওয়াই প্রার্থনীয় ছিল। সাক্ষাতে বিপদের আশঙ্কা ছিল। মিঃ প্যারাডাইন এখানে আসিলে আমি টেলিফোনে সে সংবাদ জ্ঞাপন করায় আমার কর্তব্য সম্বন্ধে উপদেশ পাইয়াছিলাম। এক জন লোক আসিয়া মিঃ প্যারাডাইনের সঙ্গে আলাপ আরম্ভ করিল। কিন্তু তাহাদের সেই আলাপের মর্ম আমি জানিতে পারি নাই। তবে

মিঃ প্যারাডাইন তাহার সঙ্গে রেস্তোরাঁ ত্যাগ করেন। আমি সেই লোকটিকে চিনি না।”

মিঃ প্রীড্ আইন-জীবী। তিনি ম্যানেজারকে কিছুকাল জেরার পর বৃদ্ধিতে পারিলেন, তাহার উক্তি মিথ্যা নহে। অনন্তর তিনি বলিলেন, “এখন আমার আর একটি প্রশ্নের উত্তর দাও। তুমি বলিয়াছ, প্যারাডাইনের আগমন-সংবাদ টেলিফোনে জানাইয়া তুমি তোমার কর্তব্য সম্বন্ধে উপদেশ গ্রহণ করিয়াছিলে। টেলিফোন-যোগে কাহার নিকট হইতে উপদেশ গ্রহণ করিয়াছিলে? তাহার নাম ও নম্বর শীঘ্র বল।”

ম্যানেজার বলিল, “সেই ব্যক্তির নাম আমার জানা নাই, তবে নম্বর পাচ-নয়-চার-সাত মে ফেরার।”

মিঃ প্রীড্ বামহস্ত প্রসারিত করিয়া বলিলেন, “এই কক্ষের চাবি কোথায়? আমাকে দাও।”

ম্যানেজার তাঁহার আদেশপালনে বিলম্ব করিল না।

মিঃ প্রীড্ চাবিটি হস্তগত করিয়া ম্যানেজারের পরিচ্ছদ খানাতল্লাস করিলেন, কিন্তু তাহার পকেটে কয়েকটি ধাতু-মুদ্রা ভিন্ন আর কিছুই পাইলেন না; তাহা তিনি সেই কক্ষের মেঝের উপর ফেলিয়া রাখিয়া ম্যানেজারকে বলিলেন, “এখন যাহা বলি, মন দিয়া শোন। তোমাদের এই রেস্তোরাঁ হইতে বাহিরে যাইবার জন্ত সম্ভবতঃ কোন গুপ্তপথ আছে। তুমি মিঃ ডসনকে তুলিয়া লইয়া সেই পথে আমার সঙ্গে বাহিরে চল।”

ছাতার শিক-সংলগ্ন বস্তাবরণ বগলে পুরিয়া মিঃ প্রীড্ ম্যানেজারকে উঠিতে ইঙ্গিত করিলে ম্যানেজার মিঃ ডসনের নিকট উপস্থিত হইল এবং তাহাকে টানিয়া তুলিয়া অতি কষ্টে কাধে ফেলিল। মিঃ ডসন তখনও বাস্তবজ্ঞানরহিত।

মিঃ প্রীড্ বলিলেন, “চল, সেই গুপ্ত পথ আমাকে দেখাইয়া দিবে।”

ম্যানেজার গুপ্তির খোঁচা খাইবার ভয়ে আড়ষ্ট হইয়া, তাহার কাধের বোঝা সহ টলিতে টলিতে সেই কক্ষের বাহিরে আসিয়া অন্ধকারাচ্ছন্ন দালান দিয়া চলিতে লাগিল। মিঃ প্রীড্ গুপ্তি-হস্তে তাহার অনুসরণ করিলেন। কয়েক মিনিট পরে উভয়ে সোপান-শ্রেণী অতিক্রম করিয়া অষ্টালিকার বাহিরে আসিলেন এবং একটি আঙ্গিনা-পার

হইয়া পশ্চাতের দ্বার দিয়া রেস্তোরাঁর পশ্চাৎস্থিত পথে উপস্থিত হইলেন। পথটি সংকীর্ণ। মিঃ প্রীড্ ম্যানেজার সহ সেই পথে প্রবেশ করিতেই তিন জন লোককে পথের এক পাশে দণ্ডায়মান দেখিলেন। তাহাদিগকে দেখিবামাত্র মিঃ প্রীড্ গুপ্তি হাতে লইয়া তাহাদের দিকে ঘুরিয়া দাঁড়াইলেন। সেই লোক তিন জনকে সে স্থানে দেখিয়া ম্যানেজারের সর্কাস্ ভয়ে আড়ষ্ট হইল, ডসনের দেহ তাহার কাপ হইতে পথে পড়িয়া গেল। মিঃ প্রীড্ সেই সময় দেখিলেন, পূর্বোক্ত তিন জন পথিক ঠিক একই সময়ে পকেটে হাত পুরিল।

মিঃ প্রীড্ তাঁহার বিপদের গুরুত্ব বুঝিতে পারিলেন। আগন্তুকত্রয় রিভলভারধারী, তাঁহার সম্বল গুপ্তি মাত্র; তাহারা পথের অন্ধ প্রান্ত হইতে তাঁহাকে গুলী করিলে গুপ্তি দ্বারা তিনি কিরূপে আত্মরক্ষা করিবেন? এ যেন ইটালিয়ানদের বোমারু বিমান হইতে নিষ্ফল বিস-বাম্পের বোমারু বিরুদ্ধে হাবসী-বীরদের হাতের সেকলে গেটে বন্দুক! আত্মরক্ষার কোন উপায় নাই, সম্মুখে মৃত্যু অপরিহার্য! মিঃ প্রীড্ তাহাদের আক্রমণে বাধাদানের কোন উপায় স্থির করিতে পারিলেন না।

মিঃ প্রীড্ মূর্ত্তমণ্ডো কর্তব্য স্থির করিলেন। তিনি গুপ্তি দ্বারা রেস্তোরাঁর ম্যানেজারের পা জরে গোঁচা দিয়া বলিলেন, “পথের প্রায় পনের গজ দূরে তিন জন পুলিশম্যান দাঁখতেছি, তুমি ঐ তিন জন লোককে চাঁৎকার করিয়া বল, ‘ঐ দেখ পুলিশ আসিতেছে’;—আমার কথা বুঝিতে পারিয়াছ?”

ম্যানেজার তৎক্ষণাৎ উচ্চৈঃস্বরে বলিল, “ঐ পুলিশ!”

ম্যানেজারের কর্তব্য সেই রিভলভারধারীদের কর্ণে প্রবেশ করিল। তাহারা সম্মুখের পথ বিল-সফুল মনে করিয়া পশ্চাতে দৃষ্টিপাত করিল এবং সেই দিকে জন-সমাগম না দোঁখিয়া সেই পথে উচ্ছ্বাসে পলায়ন করিল।

অতঃপর মিঃ প্রীড্ ধরাশায়ী ডসনকে পুনরায় কাধে তুলিয়া লইবার জন্ত ম্যানেজারকে আদেশ করিতে উত্তত হইয়া দেখিলেন, ডসনের চেতনা-সঞ্চার হওয়ার সে উঠিয়া বসিবার চেষ্টা করিতেছিল।

মিঃ প্রীড্ রেস্তোরাঁর ম্যানেজারকে বলিলেন, “মিঃ ডসনের মোহ কাটিয়া গিয়াছে, সে উঠিয়া বসিয়াছে,

উহাকে ধরিয়া তোল, এবং দাঁড় করাইয়া দেওয়ালে ঠেস দিতে দাও।”

ডসন ম্যানেজারের সাহায্যে উঠিয়া দেওয়ালে ঠেস দিয়া দাঁড়াইল এবং বিহ্বল-দৃষ্টিতে মিঃ প্রীডের মুখের দিকে চাহিয়া রহিল।

মিঃ প্রীড্ বলিলেন, “মিঃ ডসন, আজ রাত্রে আপনার জীবন কিরূপ বিপন্ন হইয়াছিল, তাহা আপনার বুঝিবার শক্তি ছিল না। আপনি সেই দাক্ষ সামলাইতে পারিয়াছেন বটে, কিন্তু এখনও সম্পূর্ণ প্রকৃতিস্থ হইতে পারেন নাই; এ অবস্থায় আমি আপনাকে সঙ্গে লইয়া আমার বাসায় যাইব, আশা করি, ইহাতে আপনার আপত্তি হইবে না। আমার বাসা অদূরেই অবস্থিত। সম্ভবতঃ এখনও আপনি স্বাভাবিকভাবে চলিবার শক্তি লাভ করিতে পারেন নাই; কিন্তু এই ভদ্রলোকটি আপনার হাত ধরিয়া আপনাকে পথের ঐ মুড়ায় লইয়া যাইলে আপনি বোধ হয় এই পথটুকু হাঁটিয়া পার হইতে পারিবেন। সেই স্থানে উপস্থিত হইয়া আমি ট্যাক্সি সংগ্রহ করিতে পারিব। সেই ট্যাক্সিতে আপনি আমার বাসায় যাইবেন।”

মিঃ প্রীডের আদেশানুসারে ম্যানেজার মিঃ ডসনের হাত ধরিয়া দীর্ঘ দীর্ঘ পথের মুড়ায় উপস্থিত হইলে, মিঃ প্রীড্ এক জন ট্যাক্সি-চালকের ট্যাক্সি খামাইয়া সন্ধিষয় সহ সেই গাড়ীতে উঠিয়া বসিলেন। ট্যাক্সি তাঁহাদিগকে লইয়া কয়েক মিনিট পরে গ্রেটল্যাণ্ডস্ ম্যানসনসের সম্মুখে উপস্থিত হইল। মিঃ প্রীড্ সন্ধিষয় সহ ট্যাক্সি হইতে নামিয়া তাঁহার বাস-ভবনে প্রবেশ করিলেন। মিঃ ডসন তখন সম্পূর্ণ প্রকৃতিস্থ হইয়াছিলেন। মিঃ প্রীড্ তাঁহাকে একখান চেয়ার দেখাইয়া তাহাতে বসিবার জন্ত ইঙ্গিত করিলে, মিঃ ডসন তাঁহার অনুরোধ রক্ষা না করিয়া ঘুরিয়া দাঁড়াইলেন, এবং ক্র-ভঙ্গী করিয়া মিঃ প্রীড্কে বলিলেন, “আপনার শিষ্টাচারে বাধিত হইলাম; কিন্তু এ সকল কি ব্যাপার? কে আমাকে লইয়া খেলা আরম্ভ করিয়াছিল?”

মিঃ প্রীড্ বলিলেন, “তাহাই আবিষ্কারের জন্ত আমার আগ্রহ হইয়াছে।”

অনন্তর তিনি সেই কক্ষের এক প্রান্তে সংরক্ষিত

ডেকের সম্মুখে উপস্থিত হইয়া তাহার ভিতর হইতে ছই জোড়া হাতকড়ি বাহির করিলেন, সেই হাতকড়ি সহ তিনি রেস্তোরাঁর ম্যানেজারের সম্মুখে আসিলেন, এবং তাহাকে বলিলেন, “তুমি ঐ চেয়ারখানা টানিয়া লইয়া তাহাতে বসিয়া কিছুকাল শ্রান্তি দূর কর। আশা করি, এখানে বিশ্রাম করিতে তোমার কষ্ট হইবে না। কিন্তু বসিবার পূর্বে তোমার হাত ছ’খানি আমার সম্মুখে প্রসারিত কর, তাহা হইলে তোমার সম্বন্ধে আমি কতকটা নিশ্চিত হইতে পারিব।”

কিন্তু ম্যানেজার তাঁহার এই অনুরোধ গ্রাহ্য করিল না; তাহার মন ভয় ও তৃষ্ণিতায় পূর্ণ হইয়াছিল। মিঃ প্রীড, ম্যানেজারের অনিচ্ছা বৃদ্ধিতে পারিয়া তাহার উভয় হস্ত সম্মুখে আকর্ষণ করিলেন, এবং চক্ষুর নিমিষে তাহার উভয় প্রকোষ্ঠে হাতকড়ি-জোড়াটা আঁটিয়া দিলেন। দ্বিতীয় লৌহবলয়-জোড়াটা অতঃপর তাহার পদদ্বয়ে আবদ্ধ করিয়া তিনি মিঃ ডসনকে বলিলেন, “মিঃ ডসন, এখন আমরা কিছুকাল নিষ্কিয়ে আলাপ করিতে পারিব।”

### নবম পঙ্কজ

ডসনের আশ্চর্যকথা।

মিঃ ডসন মিঃ প্রীডের অনুরোধে কর্ণপাত না করিয়া গভীর-ভাবে বসিয়া রহিলেন; মিঃ প্রীডকে তিনি বিশ্বাস করিতে পারেন নাই, তাঁহার মন তখন নানা তৃষ্ণিতায় পূর্ণ। রেস্তোরাঁর ম্যানেজারের প্রতি মিঃ প্রীডের ব্যবহার লক্ষ্য করিয়া তিনি অস্বস্তি বোধ করিতেছিলেন। মিঃ প্রীড তাঁহার মনের ভাব বৃদ্ধিতে পারিয়া, তিনি রেস্তোরাঁর উপস্থিত হইবার পর যাহা যাহা ঘটয়াছিল, তাহা সমস্তই ডসনের গোচর করিলেন এবং তিনি রেস্তোরাঁর কারাকক্ষে ডসনকে মাদকাভিভূত দেখিয়া কিরূপে ম্যানেজারের কবল হইতে তাঁহাকে উদ্ধার করিয়াছিলেন, তাহাও তাঁহাকে বলিলেন। সেই সকল কাহিনী শ্রবণ করিয়া মিঃ ডসনের উৎকর্ষা দূর হইল, মিঃ প্রীডের প্রতি তাঁহার সকল সন্দেহ অপনীত হইল।

মিঃ ডসন বলিলেন, “আমি অজ্ঞানভিত্তিত ছিলাম, এ জন্ম আমি প্রথমে বৃদ্ধিতে পারি নাই—আপনি আমার কিরূপ উপকার করিয়াছিলেন। আপনি আমার প্রাণরক্ষা

করিয়াছেন, এ জন্ম আমি আপনার নিকট আন্তরিক কৃতজ্ঞ; কোন্ ভাবার আপনার নিকট কৃতজ্ঞতা প্রকাশ করিব, তাহা আমার অজ্ঞাত। কিন্তু হল ও হালিফান্ন এই মাতকর মুরুস্বীঘর কি উদ্দেশ্যে আমাকে ও-ভাবে মাদকাভিভূত করিবার ব্যবস্থা করিয়াছিল, তাহা ধারণা করা আমার অসাধ্য।”

মিঃ প্রীড বলিলেন, “আপনি কি জন্ম রেস্তোরাঁর গমন করিয়াছিলেন?”

মিঃ ডসন বলিলেন, “এক জন বন্ধুর সহিত সেখানে আমার সাক্ষাতের কথা ছিল। তিনিই আমাকে ওখানে ভোজনের নিমন্ত্রণ করিয়া বলিয়াছিলেন—ভোজন উপলক্ষে সেখানে তাঁহার সহিত আমার সাক্ষাৎ হইবে।”

মিঃ প্রীড বলিলেন, “আপনার সেই বন্ধুটির পরিচয় জানিতে পারি কি?”

মিঃ ডসন বলিলেন, “তালের দস্তুর অনুসারে আপনাকে বলিলাম বটে তিনি আমার বন্ধু; কিন্তু প্রকৃতপক্ষে আজ সন্ধ্যার পূর্ব পর্য্যন্ত তাঁহার সঙ্গে আমার আলাপ-পরিচয় থাকা দূরের কথা, তাঁহার চেহারাও পূর্বে কোন দিন দেখি নাই! আমি যে ‘ফান্সে’ কাষ করি, সেই ফান্সের যিনি ‘ম্যানেজিং ডাইরেক্টর’, তাঁহারই বাড়ীতে এই ‘বন্ধু’টির সহিত আমার প্রথম সাক্ষাৎ। মিঃ নিস্বেট স্থানান্তরে আবদ্ধ থাকায় তিনি আমার অভ্যর্থনার ব্যবস্থা করিতে পারেন নাই, কিন্তু অতিথিসংকারে ক্রটি প্রদর্শন অকর্তব্য বোধে তিনি তাঁহার খাস মুসার হস্তে আমার অভ্যর্থনার ভার অর্পণ করিয়াছিলেন।”

মিঃ প্রীড গভীর মনোযোগ সহকারে মিঃ ডসনের আশ্চর্যকাহিনী শ্রুতিতে লাগিলেন, কিন্তু তাঁহাব কোতূহল প্রবণ হইলেও তাঁহার মুখভাবের বিন্দুমাত্র পরিবর্তন লক্ষিত হইল না, তাঁহার লগাটের একটি শিরাও কুঞ্চিত হইল না, যেন তিনি মুখোমুখি আবৃত করিয়া মিঃ ডসনের কথাগুলি শুনিতেছিলেন। মিঃ ডসন প্রসঙ্গক্রমে যে নাম উচ্চারণ করিলেন, সেই নাম শুনিয়াও তাঁহার চক্ষুর পাতা মুহূর্তের জন্ম কম্পিত হইল না। মিঃ প্রীডের সংঘম এবং কোতূহলমনের শক্তি অসাধারণ।

মিঃ ডসন একবার তীক্ষ্ণ-দৃষ্টিতে মিঃ প্রীডের মুখের দিকে চাভিয়া, তাঁহার মনোভাব বৃদ্ধিবার জন্ম চেষ্টা করিয়া

পুনর্বার বলিতে লাগিলেন, “আপনাকে প্রথমেই জানাইয়া রাখা ভাল যে, আমি অষ্ট্রেলিয়াবাসী। এখানে আমার নিজের লোক বলিতে কেহই নাই। মহাযুদ্ধের পর আমি লগুনে এই প্রথম আসিয়াছি। ইতিপূর্বে আমি পশ্চিম-আফ্রিকায় গমন করিয়াছিলাম, অল্পদিন পূর্বে সে দেশ হইতে এ দেশে প্রত্যাগমন করিয়াছি। গত শনিবার প্রভাতে আমি জাহাজ হইতে সাউদামটন বন্দরে অবতরণ করিয়াছিলাম; কিন্তু জাহাজ-ত্যাগের সঙ্গে সঙ্গে আমি ম্যালেরিয়ার আক্রান্ত হইয়া সাউদামটনেই শয়্যাগত ছিলাম, আজ সকালে লগুনে আসিয়াছি।”

মিঃ প্রীড মিঃ ডসনের বাক্যস্রোতে বাবা দিয়া বলিলেন, “পশ্চিম-আফ্রিকায় আপনি কোন্ কার্যে লিপ্ত ছিলেন, তাহা জিজ্ঞাসা করিতে পারি কি?”

মিঃ ডসন বলিলেন, “আমি খনি-এঞ্জিনিয়ার। গত ছয় মাস হইতে আমি একটি বৃহৎ খনির কার্যে রত ছিলাম, অত্যন্ত দায়িত্বপূর্ণ কঠিন কার্য। আপনি কখনও আরানা স্বর্ণখনির নাম শুনিয়াছেন?”

মিঃ প্রীড বলিলেন, “হাঁ, শুনিয়াছি।”

মিঃ ডসন বলিলেন, “গত ছয় মাস সেই স্বর্ণখনিতেই আমি এঞ্জিনিয়ারিং কার্যে নিযুক্ত থাকিয়া খনির কার্য পরিচালিত করিয়াছি। বাবসান-সংক্রান্ত আর্থিক লাভা-লাভের সকল ব্যাপার আমার হস্তেই সংরক্ষিত ছিল। আমার পরিদর্শন-কার্য শেষ হইলে, খনির কার্য-সংক্রান্ত রিপোর্ট প্রস্তুতের ভার আমার হস্তেই অপিত হয়; তদনুসারে আমি সেই রিপোর্ট প্রস্তুত করি এবং যে জাহাজে সেই রিপোর্ট প্রেরিত হয়, সেই জাহাজেই আমি ইংলণ্ডে যাত্রা করি।”

মিঃ প্রীড বলিলেন, “আপনি লগুনে উপস্থিত হইয়া বোধ হয় মনে করিলেন, এই খনির ম্যানেজিং ডাইরেক্টর মিঃ নিস্বেটের সহিত সাক্ষাৎ করিয়া, আপনি খনি-সংক্রান্ত যে রিপোর্ট তাঁহার নিকট প্রেরণ করিয়াছিলেন, সেই রিপোর্টের আলোচ্য বিষয় সম্বন্ধে তাঁহার সহিত মৌখিক আলোচনা করিবেন?”

মিঃ ডসন বলিলেন, “হাঁ মহাশয়, আপনার এই অনুমান সত্য। ঐ উদ্দেশ্যেই আমি লগুনে আসিয়াই মিঃ নিস্বেটের সহিত সাক্ষাৎ করিবার জন্য উৎসুক হইয়াছিলাম।

বিশেষতঃ সেই খনির কার্য পরিচালনের জ্ঞান অর্থাভাবও অনুভূত হইয়াছিল। সুতরাং মিঃ নিস্বেটকে আর্থিক অবস্থা সম্বন্ধে সকল সংবাদ জ্ঞাপন করাও অবশ্য-কর্তব্য বলিয়া আমার ধারণা হইয়াছিল। আমার নিকট সকল বিবরণ শ্রবণ করিলে তিনি প্রকৃত অবস্থা বুঝিতে পারিতেন।”

মিঃ ডসন এই পর্য্যন্ত বলিয়াই হঠাৎ যেন সন্ধিগ্ন হইয়া উঠিলেন; তিনি জয়গল উর্কে তুলিয়া মিঃ প্রীডকে বলিলেন, “দেখুন মিঃ প্রীড, আজ রাত্রিকালে আমাকে যে বিপজ্জালে জড়িত হইতে হইয়াছিল, তাহার সহিত মিঃ নিস্বেটের কোন সংস্রব ছিল বলিয়া কি আপনার সন্দেহ হয়?”

মিঃ প্রীড গম্ভীর স্বরে বলিলেন, “মিঃ নিস্বেটকে আমি চিনি না, জানি না, এ অবস্থায় আপনার ঐ প্রশ্নের উত্তর দেওয়া আমার অসম্ভব; আর যদি তাঁহার সঙ্গে আমার পরিচয় থাকিত, তাহা হইলেও এই সকল বৈষয়িক ব্যাপার সম্বন্ধে তাঁহার মনোভাব বিশ্লেষণ করাও সম্ভবপর হইত না। কিন্তু সত্য কথা বলিতে কি, এই ব্যাপার লইয়া যে রহস্যের সৃষ্টি হইয়াছে, তাহার আলোচনা করিয়া আমার ধাঁধা লাগিয়া গিয়াছে, নানা জটিল ব্যাপার, এমন কি, নরহত্যা পর্য্যন্ত এই রহস্যের অন্তর্ভুক্ত!”

অনন্তর মিঃ প্রীড চেয়ারে উপবিষ্ট ম্যানেজারের শৃঙ্খলিত দেহের দিকে দৃষ্টিপাত করিয়া তাহাকে বলিলেন, “মিঃ ডসনের সকল কথাই তুমি শুনিলে, এ বিষয়ে আরও কোন কোন সংবাদ তোমার নিকট জানিতে চাই। মিঃ ডসন পানীয়ের সহিত মাদক দ্রব্য পানে অভিভূত হইলে তুমিই তাঁহাকে সেই কক্ষে স্থানান্তরিত করিয়াছিলে—যে কক্ষটিকে তুমি তোমার আফিস বলিয়া অভিহিত করিয়াছিলে। তুমি তাঁহাকে সেই কক্ষের এক প্রান্তে আবদ্ধ করিয়া রাখিয়াছিলে; দৈবক্রমে তাঁহাকে দেখিতে পাইয়া সেই কারাকক্ষ হইতে উদ্ধার করি। তোমার সাধ্য হইলে তুমি আমার চেষ্টা বিফল করিতে—ইহা আমি দৃঢ়তার সহিত বলিতে পারি; কিন্তু যদি তাঁহাকে ঐ ভাবে মুক্তিদান করিতে না পারিতাম, তাহা হইলে পরে তুমি তাঁহার সম্বন্ধে কি ব্যবস্থা করিতে, তাহা জানিতে চাই। দেখ, তুমি আমার নিকট কোন কথা গোপন না করিয়া সরলভাবে সকল কথা প্রকাশ কর। যদি তুমি আমার অবাধ্য হও, এবং মিথ্যা



কথার আমাকে প্রভাবিত করিবার চেষ্টা কর, তাহা হইলে তাহার ফল তোমার পক্ষে অত্যন্ত বিপজ্জনক হইবে। মনে করিও না, আমি তোমাকে মিথ্যা ভয় প্রদর্শন করিতেছি।”

ম্যানেজার বলিল, “কি করিতাম, তাহা বলিতে পারিব না, কারণ, তখন পর্য্যন্ত আমি কর্তব্য সম্বন্ধে কোন আদেশ পাই নাই। আমি উহাকে আটক করিয়া আদেশের প্রতীক্ষা করিতেছিলাম। সেই সময় রোজার ঘাড়ে ভূত চাপিয়াছিল।”

মিঃ প্রীড তৎক্ষণাৎ উঠিয়া গিয়া সেই কক্ষের অণু প্রান্ত হইতে টেলিফোনের কলটি ম্যানেজারের চেয়ারের নিকট আনিয়া, রিসিভারটি তাহার কানের কাছে ধরিলেন, তাহার পর বলিলেন, “তোমার নিকট গুনিয়াছিলাম—সেই বাড়ীর টেলিফোনের নম্বর পাঁচ-নয়-চার-সাত মে ফেরার। তুমি এই টেলিফোনে মিঃ ডসনের প্রতি তোমার কর্তব্য সম্বন্ধে উপদেশ বা আদেশ জিজ্ঞাসা কর; বল, এখন পর্য্যন্ত কোন আদেশ না পাওয়ায় তাহা জানিবার জ্ঞ উৎসুক হইয়াছি। বিশেষতঃ, মিঃ ডসনের চেতনা-সঞ্চার হওয়ায় শীঘ্র তাহা জানিবার প্রয়োজন হইয়াছে। তুমি তোমার রেস্টোরাঁ হইতে টেলিফোন করিতেছ—ইহাই সেন তোমার সেই মুক্কটী বৃদ্ধিতে পারে।”

ম্যানেজার অত্যন্ত অনিচ্ছার সহিত মিঃ প্রীডের আদেশ পালন করিল। নম্বর দেওয়া হইলে অল্পকাল পরে মাটিক্রোফোনে গম্ভীর স্বরতরঙ্গ প্রতিধ্বনিত হইল।

ম্যানেজার বলিতে লাগিল, “আমি ফারিনি কথা বলিতেছি। যে ভুললোকটিকে আপনি আমাদের রেস্টোরাঁয় পাঠাইয়াছিলেন, তাঁহার প্রতি কর্তব্য সম্বন্ধে আমি উপদেশের প্রতীক্ষায় ছিলাম। কিন্তু তাহারা উপস্থিত না হওয়ায় আমি উৎকণ্ঠিত হইয়াছি।”

মিঃ প্রীড অতঃপর রিসিভারের অণু প্রান্ত এ ভাবে ধরিলেন যে, উত্তরটা তাঁহাদের উভয়েরই কর্ণগোচর হইবার অসম্ভব হইল না।

উত্তর আসিল, “ল্যাঙ্কাম এবং হান্স-এ উভয়েরই বহু পূর্বে প্রত্যাগমন করা উচিত ছিল। আমি পিটার্সকে আদেশ করিয়াছিলাম, তাহাদের সাহায্যের প্রয়োজন হইলে সে যেন তাহাদের সহিত যোগদান করে।”

মিঃ প্রীড ম্যানেজারের পিঠে গুঁতা দিয়া, অতঃপর তাহার বাহা বলিবার ছিল, তাহা বলিবার জ্ঞ ইচ্ছিত করিলেন। তদনুসারে ম্যানেজার টেলিফোনের সাহায্যে বলিল, “কিন্তু তাহাদের উভয়ের কেহই এখন পর্য্যন্ত এখানে উপস্থিত হয় নাই। এখন আমি কি করিব?—লোকটা যে কোন মুহূর্ত্তে চেতনালাভ করিতে পারে।”

উত্তর আসিল, “ল্যাঙ্কাম মুহূর্ত্তমধ্যে মাইবে। সে এখন পর্য্যন্ত ওখানে যায় নাই কেন, তাহা বৃদ্ধিতে পারিতেছি না। রেস্টোরাঁয় এখন অণু কোন লোক আছে কি?”

ম্যানেজার বলিল, “সন্ধান লইয়া বলিতেছি, অপেক্ষা করুন।”

মিঃ প্রীড টেলিফোনের রিসিভারের মুখে হাত চাপা দিয়া তাহা আবৃত করিলেন। ম্যানেজার তাঁহার মুখের দিকে চাহিয়া সভয়ে বলিল, “আমি এখন কি বলিব? যদি সে প্রকৃত ব্যাপার জানিতে পারে, তাহা হইলে আমাকে হত্যা করিতে কুঞ্জিত হইবে না, দোস্তাই আপনার, আপনি আমার প্রাণরক্ষা করুন।”—ভয়ে ম্যানেজারের মুখ সাদা হইয়া গেল, সে চেয়ারে বসিয়া ঠক ঠক করিয়া কাপিতে লাগিল।

মিঃ প্রীড বলিলেন, “তোমার কোন ভয় নাই। এই লোকটার আদেশ পালনের জ্ঞ বিস্তর এজেন্ট আছে, তাহা বৃদ্ধিতে পারিয়াছি। এখন কথা এই, তুমি যখন রেস্টোরাঁ ত্যাগ করিয়া আসিয়াছিলে, সেই সময় উহার কোন কারপদাঙ্গ কি রেস্টোরাঁয় উপস্থিত ছিল? তুমি উহার এজেন্টদের অনেকেরই নাম জান: তোমার ইচ্ছামত তাহাদের কাহারও কাহারও নাম উহাকে বলিতে পার।”

মিঃ প্রীড রিসিভারের মুখ হইতে তাঁহার হাতখানি অপসারিত করিলে ম্যানেজার অত্যন্ত অনিচ্ছার সহিত টেলিফোনে বলিল, “হাট এবং জেমস এখন এখানে উপস্থিত আছে সার!”

উত্তর হইল, “উত্তম, তাহাদের দ্বারা কাৰ চলিবে। তাহাদিগকে জানাও, তুমি যে ব্যক্তিকে ধরিয়া রাখিয়াছ, তাহারা তাহাকে ‘স্লুইনের’ কাছে লইয়া যাক। তাহারা ফিরিলে তাহাদের নিকট যে সংবাদ পাইবে, তাহা আমাকে জানাইবে। ল্যাঙ্কাম তোমার সঙ্গে দেখা করিলে তাহাকে বলিবে, তাহার সঙ্গে আমার কথা আছে।”

মিঃ প্রীড রিসিভারে কর্ণ সংযোগ করিয়া মনোযোগ সহকারে এই সকল কথা গুনিতেছিলেন। তিনি চমকিয়া

উঠিয়া বিশ্বসূচক অক্ষুট শব্দ করিলেন। তিনি মুখ ফিরাইয়া দেখিলেন, মিঃ ডসন তাঁহার চেয়ারে কাত হইয়া পড়িয়া সকল কথা শুনিতেছিলেন।

মিঃ প্রীড ম্যানেজারকে ইঙ্গিতে জানাইলেন, শীঘ্র তাহাকে উত্তর দিতে হইবে।

ম্যানেজার তৎক্ষণাৎ বলিল, “আপনার অদেশানুযায়ী কাষ হইবে।”

অতঃপর মিঃ প্রীড রিসিভার সরাইয়া রাখিয়া মিঃ ডসনকে লক্ষ্য করিয়া বলিলেন, “আপনি কোতূহলের বশবর্তী হইয়া আমার সকল সম্বল ব্যর্থ করিতে উত্তত হইয়াছিলেন, তাহা বৃষ্টিতে পারিয়াছেন কি? যে ব্যক্তির সহিত কথা চলিতেছিল, সে যদি কোনক্রমে জানিতে পারিত, এই সকল কথা অণু কেহ শুনিতেছিল, তাহা হইলে তাহার মনে সন্দেহের উদয় হইত।”

মিঃ ডসন বলিলেন, “আমার কোতূহলের জন্ম আমি ভংগিত; কিন্তু প্রকৃত ব্যাপার জানিবার জন্ম আমার কোতূহল অসংবরণীয় হইয়াছিল। প্রকৃত ব্যাপার কি, তাহার কিছুই আমি বৃষ্টিতে পারি নাই। তবে যে ব্যক্তির সহিত ম্যানেজারের কথা হইতেছিল, সেই ব্যক্তির কর্ণস্বর শুনিয়া আমি বৃষ্টিতে পারিয়াছি, তিনি কে।”

মিঃ প্রীড গভীর বিষ্ময়ে মিঃ ডসনের মুখের দিকে চাহিয়া বলিলেন, “তাহাকে চিনিতে পারিয়াছেন? বলুন ত বক্তাটা কে?”

মিঃ ডসন বলিলেন, “উনি আরানা স্বর্ণখনি কোম্পানীর ম্যানেজিং ডাইরেক্টার মিঃ নিস্বেট।”

মিঃ প্রীড এ কথা শুনিয়া স্তম্ভিতভাবে তাঁহার চেয়ারে

বসিয়া রহিলেন। সেই কক্ষ তখন সম্পূর্ণ নিস্তক। কয়েক মিনিট পরে তিনি স্বপ্নাবিষ্টের ছায় উঠিয়া তাঁহার ছাতা ও টুপী লইবার জন্ম হাত বাড়াইলেন। তাহার পর মিঃ ডসনকে বলিলেন, “আপনি এই ব্যক্তির সঙ্গে এখানে অপেক্ষা করুন, আমি যতক্ষণ ফিরিয়া না আসি, ততক্ষণ এই কক্ষ ত্যাগ করিবেন না। কোন কোন জরুরী বিষয়ের সন্ধান লইবার জন্ম আমাকে এই মুহূর্ত্তেই বাহিরে যাইতে হইতেছে।”

তিনি দ্বারপ্রান্তে অগ্রসর হইয়া শৃঙ্খলাবদ্ধ ম্যানেজারকে বলিলেন, “যে তিন জন লোককে আমরা পথের ধারে অপেক্ষা করিতে দেখিয়াছিলাম, এবং যাহারা পুলিশের নাম শুনিয়া পলায়ন করিয়াছিল, তাহাদেরই এক জনকে আমি প্যারাডাইনের সঙ্গে গাড়ীতে যাইতে দেখিয়াছিলাম। সেই ব্যক্তির নামই কি ল্যাঙ্হাম নহে?”

ম্যানেজার তাঁহার প্রশ্নের উত্তর দিতে পারিল না, তাহার বাকশক্তি যেন রহিত হইয়াছিল, কিন্তু মিঃ প্রীড তাহার আতঙ্ক-বিস্ফারিত চক্ষুর দিকে চাহিয়া বৃষ্টিতে পারিলেন, তাঁহার অনুমান সত্য। তাহার চক্ষু তাঁহাকে প্রত্যাহিত করিতে পারিল না।

মিঃ প্রীড মিঃ ডসনকে জিজ্ঞাসা করিলেন, “মিঃ নিস্বেটের ঠিকানা কি?”

মিঃ ডসন বলিলেন, “বাইশ নম্বর লংফোর্ড গার্ডেন্স।”

মিঃ প্রীড বলিলেন, “বটে? তবে ত আমরা পরস্পরের প্রতিবেশী।”

মিঃ প্রীড মুহূর্ত্তমধ্যে অদৃশ হইলেন।

[ ক্রমশঃ।

শ্রীদীনেন্দ্রকুমার রায়।

## মুক্তি

বঁধু! তব প্রেম-জাহ্নবী-নীরে অবগাহিয়াছে চিত্ত,  
দেশে দেশে ঘুরি বৃথা খুঁজি মরি মন্দির, মঠ, তীর্থ।

শ্রীঅম্বৈতকুমার সরকার।



জ্ঞঃ অতএব ( ২।৩।১৮ )

( শঙ্কর ) জ্ঞঃ ( জীবাশ্মা নিতা চৈতন্যস্বরূপ ) ; অতএব ( এই কারণেই )

বৈশেষিক মতে জীবাশ্মার কখনও চৈতন্য থাকে, আবার কখনও চৈতন্য থাকে না। সাংখ্যমতে জীবাশ্মার ( পুরুষের ) সর্বদাই চৈতন্য থাকে। কোন্ মত যথার্থ? সাংখ্যের মতই যথার্থ। জীবাশ্মার সর্বদাই চৈতন্য থাকে,—ইহা চৈতন্যস্বরূপ। কারণ, বক্ষই দেহের মধ্যে জীবভাবে প্রবেশ করেন এবং চৈতন্য ব্রহ্মের স্বরূপ। চৈতন্য যে ব্রহ্মের স্বরূপ, তাহা নিম্নলিখিত শ্রুতিবাক্যে উক্ত হইয়াছে :—

বিজ্ঞানম্ আনন্দং ব্রহ্ম ( বৃহদারণ্যক ৩।১।২৮ ) অর্থাৎ ব্রহ্ম চৈতন্যস্বরূপ এবং আনন্দস্বরূপ।

সত্যং জ্ঞানম্ অনন্তং ব্রহ্ম ( তৈঃ ২।১।১ )

অর্থাৎ ব্রহ্ম সত্য, জ্ঞান এবং অনন্ত।

অনন্তরঃ অবাস্ত্বঃ কৃত্বন্মঃ প্রজ্ঞানমন এব ( বৃ ৪।৫।১৩ ) অর্থাৎ ব্রহ্মের অনন্তর বাহির ভেদ নাই, তিনি কেবল চৈতন্যস্বরূপ।

জীবাশ্মা সমক্ষে শ্রুতিতে উক্ত হইয়াছে, “অয়ং পুরুষঃ স্বয়ংজ্যোতিঃ ভবতি” ( বৃহদারণ্যক ৪।৩।৯ ) অর্থাৎ জীব নিজ জ্যোতিতেই ( চৈতন্যেই ) প্রকাশ পায়। “নহি বিজ্ঞাতুর্বিজ্ঞাতের্বিপরিলোপো বিগতে” ( ৪।৩।৩০ ) অর্থাৎ জ্ঞাতা জীবের জ্ঞানের কখনও বিলোপ হয় না।

আপত্তি হইতে পারে যে, জীবের জ্ঞানই স্বরূপ, ইহা কিরূপে বলা যায়? কারণ, কোনও ব্যক্তির নিকটে পুষ্প আনিবার পর তাহার সুগন্ধের জ্ঞান হয়, পূর্বে সে জ্ঞান থাকে না। ইহার উত্তর এই যে, সাধারণভাবে জ্ঞান পূর্বেও ছিল। একটা বিশেষ আকারের জ্ঞান পুষ্পটি নিকটে আনিলে পরে উৎপন্ন হয় বটে। সুমুগ্ধির সময় বিষয়ের অভাব হেতু

জাগ্রৎ অবস্থার গায় বিশেষ জ্ঞান হয় না, কিন্তু সাধারণ রকমের জ্ঞান তখনও থাকে। এ বিষয়ে শ্রুতি বলিয়াছেন— “যং বৈ তং ন পশ্যতি পশ্বন্ বৈ ন পশ্যতি ; ন হি দ্রষ্টুঃ দৃষ্টেঃ বিপরিলোপঃ বিগতে, অবিনাশিত্বাং ; ন তু তং দ্বিতীয়ম্ অস্তি ততঃ অগ্নং বিভক্তং যং পশ্যেৎ” ( বৃহঃ ৪।৩.২৩ ) অর্থাৎ সুমুগ্ধির সময় জীব যে দেখিতে পায় না, তখন দেখিয়াও দেখে না। কারণ, দ্রষ্টার দৃষ্টির বিলোপ হয় না। দৃষ্টি ( জ্ঞান ) অবিনাশী। তখন তাহা হইতে ভিন্ন দ্বিতীয় বস্তু থাকে না—যাহা দেখিতে পাইবে। সুতরাং যখন মনে হয় চৈতন্য নাই, তখন বিষয়ের অভাব হেতু সেইরূপ বোধ হয়, চৈতন্যের অভাব হেতু সেইরূপ বোধ হয় না।

( রামানুজ ) বৈশেষিক বলেন যে, জীবাশ্মার চৈতন্য কখনও থাকে, কখনও থাকে না। সাংখ্য বলেন যে, চৈতন্য বা কেবলমাত্র জ্ঞানই জীবের স্বরূপ। সংশয় হইতেছে, ইহাদের মত কি সত্য? না। ইহাদের কাহারও মত সত্য নহে। জীবের স্বরূপ “জ্ঞঃ” অর্থাৎ জ্ঞাতা। জীব আগতক চৈতন্যগতক বস্তু নহে ; প্রত্যুত নির্নিশেষ জ্ঞান বা চৈতন্যই জীবের স্বরূপ নহে। জ্ঞাতৃহই জীবের স্বরূপ। “অতএব” অর্থাৎ শ্রুতি হইতেই ইহা জানা যায়। ছান্দোগ্য উপনিষদে আছে—“অথ যো বেদ ইদং ছিদ্ভাগি ইতি স আশ্মা” অর্থাৎ “যিনি জানেন, ইহা আশ্মাণ করিতেছি, তিনিই আশ্মা।”

সত্যকামঃ সত্যসংকল্পঃ ( ছান্দোগ্য উপনিষদ্ ৮।৭।১ ) মুক্ত জীব যাহা ইচ্ছা করেন, যাহা কল্পনা করেন, তাহাই সত্য। “বিজ্ঞাতারম্ অরে কেন বিজানীয়াৎ” ( বৃহঃ ৩।৫।১৫ ) অর্থাৎ যে জীব বিজ্ঞাতা, তাহাকে কাহার সাহায্যে জানিতে পারিবে? “এষ হি দ্রষ্টা শ্রোতা ভ্রাতা রসয়িতা মন্তা বোদ্ধা কর্তা বিজ্ঞানাত্মা পুরুষঃ” ( প্রশ্নোপনিষদ্ ৪।৯ ) অর্থাৎ এই জীবই দ্রষ্টা, শ্রোতা, ভ্রাতা, রসয়িতা, মন্তা, বোদ্ধা, কর্তা ও বিজ্ঞানাত্মা। যে সকল স্থানে জ্ঞানকে

জীবাশ্মার স্বরূপ বলিয়া নির্দেশ করা হইয়াছে, সেই সকল স্থানের উদ্দেশ্য এই যে, জ্ঞান জীবাশ্মার অসাধারণ গুণ।

উৎক্রান্তিগত্যাগতীনাম্ ( ২।৩।১৯ )

জীবাশ্মার পরিমাণ কিরূপ? উহা অনন্ত, ( infinite ), অপরিচ্ছিন্ন, ( finite ), অথবা অণু ( infinitesimal )? বেদে জীবের 'উৎক্রান্তি' 'গতি' এবং 'আগতি' শোনা যায়। "উৎক্রান্তি" যথা—“স যদা অশ্মাৎ শরীরাৎ উৎক্রামতি সহ এব ঐতৈঃ সর্কৈঃ উৎক্রামতি” (কৌষিতকী ৩।৩) অর্থাৎ, সে ( জীব ) যখন দেহত্যাগ করিয়া গমন করে, তখন বুদ্ধি ইন্দ্রিয় প্রভৃতির সহিতই গমন করে। "গতি" যথা, “সে বৈ কে চ অশ্মাৎ লোকাৎ প্রোবন্তি চন্দ্রমসম্ এব তে সর্কৈ গচ্ছন্তি” (কৌষিতকী ১।২) অর্থাৎ, যাহারা এই পৃথিবী হইতে গমন করে, তাহারা সকলে চন্দ্রলোকেই গমন করে। "আগতি" অর্থাৎ আগমন যথা,—“তশ্মাৎ লোকাৎ পুনঃ গতি অশ্মৈ লোকায় কশ্মণে” (বৃহদারণ্যক ৪।৪।৩) অর্থাৎ পরলোক হইতে পুনরায় এই পৃথিবীতে কশ্ম করিবার জ্ঞান আসে। জীবের যখন উৎক্রান্তি, গতি ও আগতির কথা বলা হইয়াছে, তখন বুদ্ধিতে হইবে যে, জীব অনন্ত নহে। কারণ, যাহা অনন্ত, তাহার উৎক্রামণ, গতি ও আগতি হইতে পারে না। সুতরাং জীব হয় পরিচ্ছিন্ন ( finite ) অথবা অণুপরিমাণ। জীব পরিচ্ছিন্ন হইলে দেহের পরিমাণ হইত, কিন্তু জৈনমত আলোচনা করিবার সময় দেখান হইয়াছে যে, জীবের পরিমাণ দেহের সমান এরূপ কল্পনা করা যায় না। অতএব জীব অণুপরিমাণ, ইহাই সিদ্ধান্ত।

স্বায়না চ উত্তরয়োঃ ( ২।৩।২০ )

জীবের উৎক্রান্তি, গতি এবং আগতির কথা বেদে পাওয়া যায়। উৎক্রান্তিবাচক শ্রুতি মুখ্যভাবে গ্রহণ না করিয়া গৌণভাবে গ্রহণ করা সম্ভব। কোনও গ্রামের স্বামীর যদি স্বামিত্ব চলিয়া যায়, তাহা হইলে সে ব্যক্তি কোথাও না যাইলেও কবির ভাষায় বলা যাইতে পারে “গ্রামস্বামী চলিয়া গেলেন।” কিন্তু “উত্তরয়োঃ” অর্থাৎ পরবর্তী ছুটি ব্যাপার অর্থাৎ গতি এবং আগতিবাচক শ্রুতিবাচ্য গৌণভাবে গ্রহণ করা সম্ভব নহে; “স্বায়না” অর্থাৎ জীবাশ্মা সত্য সত্যই গমনাগমন না করিলে এই

শ্রুতিবাচ্যগুলি সার্থক হয় না। সুতরাং জীবের অবশ্যই গমনাগমন হয়। অতএব জীব নিশ্চয়ই অণুপরিমাণ হইবে।

ন অণুঃ অতচ্ছুতেঃ ইতি চেৎ ন ইতরাধিকারাৎ ( ২।৩।২১ )

ন অণুঃ ( আশ্মা অণুপরিমাণ হইতে পারে না ), অতৎশ্রুতেঃ ( আশ্মা অণু নহে, বৃহৎ, এইরূপ শ্রুতিবাচ্য দেখিতে পাওয়া যায় ) ইতি চেৎ ( কেহ যদি ইহা বলেন ), ন ( না ), ইতরাধিকারাৎ ( যেখানে আশ্মাকে বৃহৎ বলা হইয়াছে, সেখানে অণু আশ্মা অর্থাৎ পরমাশ্মা বা ব্রহ্মকে লক্ষ্য করা হইয়াছে, জীবাশ্মাকে নহে )। বৃহদারণ্যক উপনিষদে আছে, “স বা এষ মহান্ অজঃ আশ্মা যঃ অয়ম্ বিজ্ঞানময়ঃ প্রাণেশু” ( ৪।৪।২২ ) অর্থাৎ “প্রাণের মধ্যে যে বিজ্ঞানময় আশ্মা আছেন, তিনি মহান্ এবং জন্মরহিত”। “আকাশবৎ সর্কগতঃ চ নিত্যঃ” অর্থাৎ আশ্মা আকাশের স্থায় সর্কগত এবং নিত্য। “সত্যং জ্ঞানম্ অনন্তং ব্রহ্ম” অর্থাৎ আশ্মা সত্য, জ্ঞান এবং অনন্ত। এই সকল স্থানে পরমাশ্মা বা ব্রহ্মকে লক্ষ্য করা হইয়াছে। “প্রাণের মধ্যে যিনি বিজ্ঞানময়” এখানে জীবাশ্মাকে লক্ষ্য করা হইতেছে সত্য, কিন্তু বামদেবের যেরূপ ব্রহ্মদর্শন হইয়াছিল, সেইরূপ জীবাশ্মাকে ব্রহ্ম বলিয়া অনুভব হইয়াছিল।

রামানুজের মতে “প্রাণের মধ্যে যে বিজ্ঞানময় আশ্মা” এই মর্মের যে শ্রুতিবাচ্য উপরে উদ্ধৃত হইয়াছে, এই শ্রুতিবাচ্যে পরমাশ্মাকে লক্ষ্য করা হইয়াছে। “যোঃসৎ বিজ্ঞানময়ঃ প্রাণেশু” ( বৃঃ ৬।৩।৭ ) এই বলিয়া এখানে জীবাশ্মার প্রস্তাব আরম্ভ করা হইয়াছে সত্য; কিন্তু মধ্যস্থলে “যশ্চ অনুবিত্তঃ প্রতীবুদ্ধঃ আশ্মা” ( বৃঃ ৬।৪।১৩ ) অর্থাৎ প্রতীবুদ্ধ আশ্মা অর্থাৎ নিত্যবোধসম্পন্ন আশ্মা ( পরমাশ্মা ) যাহার অনুবিত্ত ( অর্থাৎ জাত ) হইয়াছে, এই বলিয়া মধ্যস্থলে পরমাশ্মার প্রসঙ্গ উত্থাপন করা হইয়াছে, তাহার পর বলা হইয়াছে, “স বা এষ মহান্ অজঃ আশ্মা” ( বৃঃ ৬।৪।২৫ ) অর্থাৎ সেই আশ্মা মহান্ এবং জন্মরহিত। সুতরাং যেখানে মহান্ আশ্মা বলা হইয়াছে, সেখানে পরমাশ্মাকেই লক্ষ্য করা হইয়াছে। জীবাশ্মাকে লক্ষ্য করা হয় নাই।

স্বশব্দোন্মানাভ্যাং চ ( ২।৩।২২ )

যে অণু, তাহা “স্বশব্দে” অর্থাৎ বেদে উক্ত



হইয়াছে, “এষ অণুঃ আত্মা চেতসা বেদিভব্যঃ ষশ্বিন্ প্রাণঃ পঞ্চধা সংবিবেশ” ( মুণ্ডক ৩।১।৯ )

অর্থাৎ এই অণুপরিমাণ আত্মাকে চিত্ত দ্বারা জানিতে হইবে, যে আত্মাতে প্রাণবায়ু পাঁচ ভাগে বিভক্ত হইয়া সংবিষ্ট হইয়াছে। “উন্মান” অর্থাৎ জীবাত্মার যে মাপ দেওয়া হইয়াছে, তাহাতেও জীব যে অণুপরিমাণ, তাহা বুঝিতে পারা যায়, যথা—

বালাগ্রনতভাগশ্চ শতধা কল্পিতশ্চ চ ।

ভাগো জীবঃ স বিজ্ঞেয়ঃ ( শ্বেতাশ্বতর ৫।৯ )

কেশাগ্র শতভাগে ভাগ করিয়া, তাহার প্রত্যেক ভাগ আবার শতভাগে বিভাগ করিলে যাহা পাওয়া যায়, তাহাই জীবের পরিমাণ বলিয়া জানিবে ।

অবিরোধঃ চন্দনবৎ ( ২।৩।২৩ )

আপত্তি হইতে পারে যে, আত্মা যদি অণুপরিমাণ হয়, তাহা হইলে সকল দেহ ব্যাপ্ত করিয়া কিরূপে অনুভূতি হয়? “অবিরোধঃ” আত্মার অণুপরিমাণ এবং সকলদেহগত অনুভব উভয়ের মধ্যে বিরোধ নাই। “চন্দনবৎ” যেমন এক বিন্দু হরিচন্দন দেহের এক স্থানে লগ্ন হইলে সকল দেহে তৃপ্তির অনুভব হয়। আত্মার সহিত হৃৎএর সম্বন্ধ আছে এবং হৃৎ সকল দেহ ব্যাপ্ত করে, এ জন্ম সকল দেহে অনুভব হয়।

অবস্থিতিবৈশেষ্যাৎ ইতি চেৎ ন অভ্যুপগম্যাৎ হৃদি হি  
( ২।৩।২৪ )

আপত্তি হইতে পারে, “অবস্থিতিবৈশেষ্যাৎ”,—হরিচন্দন-বিন্দু দেহের এক স্থানে অবস্থিত থাকে, আত্মা সেরূপ দেহের এক স্থলে অবস্থিত নহে। “ইতি চেৎ ন”—এইরূপ আপত্তি করিলে বলা যায়,—না, “অভ্যুপগম্যাৎ হৃদি হি” আত্মা হৃদয়ে অবস্থান করে, ইহা স্বীকার করা হইয়াছে। প্রম্পোপনিষদে আছে—“হৃদি হি এষ আত্মা” ( ৩।৭ ) অর্থাৎ এই আত্মা হৃদয়ে অবস্থান করে। ছান্দোগ্য উপনিষদে আছে—“স বা এষ আত্মা হৃদি” ( ৮।৩।৩ ) অর্থাৎ এই আত্মা হৃদয়ে অবস্থান করে।

শুণাৎ বালোকবৎ ( ২।৩।২৫ )

পুনরায় আপত্তি হইতে পারে যে, হরিচন্দনের স্বল্প অংশ-তুলি সকল দেহে পরিব্যাপ্ত হইয়া আত্মার জগাইতে পারে,

কিন্তু আত্মার ত কোনও স্বল্প অংশ নাই। ইহার উত্তর এই যে, “শুণাৎ বা” আত্মার শুণ চৈতন্য সকল দেহে ব্যাপ্ত হইয়া সকল দেহে স্বল্প-স্বল্প অনুভব করে। “আলোকবৎ” যেমন প্রদীপের আলোক গৃহের সকল স্থানে প্রসারিত হইয়া সকল স্থান আলোকিত করে, সেইরূপ।

( রামানুজ ) আত্মা জ্ঞাতা ; তাহার শুণ জ্ঞান। এই শুণ সকল দেহ ব্যাপ্ত করে। আত্মার সহিত প্রদীপের তুলনা হইয়াছে। জ্ঞানের সহিত আলোকের তুলনা হইয়াছে।

ব্যতিরেকো গন্ধবৎ ( ২।৩।২৬ )

আপত্তি হইতে পারে যে, শুণীকে আশ্রয় না করিয়া শুণ থাকিতে পারে না। যথা বস্তুর শুণ শ্বেতবর্ণ, বস্তুকে আশ্রয় করিয়া থাকে, যে স্থানে বস্তু নাই, সে স্থলে শ্বেত-বর্ণের অনুভব হইতে পারে না। অতএব যে স্থলে আত্মা নাই, সে স্থলে আত্মার শুণ—চৈতন্য বা জ্ঞানের অনুভব হইতে পারে না। আত্মা যখন সকল দেহ ব্যাপ্ত করিয়া অবস্থিত নহে, তখন সকল দেহে জ্ঞানের উপলক্ষি হওয়া যুক্তিসঙ্গত নহে। ইহার উত্তর এই যে, “ব্যতিরেকঃ”—যে স্থলে শুণী থাকে না, সে স্থলেও শুণ থাকিতে পারে। “গন্ধবৎ”—যে স্থলে পুষ্প নাই, সে স্থলেও গন্ধের অনুভব হইয়া থাকে।

তথা চ দর্শয়তি ( ২।৩।২৭ )

শ্রুতিতেও ইহা দেখান হইয়াছে। শ্রুতি বলিয়াছেন যে, আত্মা অণু পরিমাণ এবং হৃদয়েই তাহার আশ্রয়। তাহার পর বলিয়াছেন যে, আত্মার শুণ—চৈতন্য—সমস্ত শরীর ব্যাপ্ত করিয়া থাকেন,

—“আলোমভা আনখাগ্বেভাঃ” ( ছান্দোগ্য ৮।৮।১ )—  
লোম এবং নখ পর্য্যন্ত।

রামানুজ পূর্বের দুইটি সূত্র একত্র করিয়া একটিমাত্র সূত্র করিয়া লইয়াছেন, “ব্যতিরেকো গন্ধবৎ তথা চ দর্শয়তি” এবং ইহার ব্যাখ্যা করিয়াছেন, “যে রূপ পৃথিবীর শুণ গন্ধ পৃথিবী ব্যতিরিক্ত অগ্ৰতঃ অনুভব হয়, সেইরূপ জাতীয়রূপ আত্মার শুণ—জ্ঞান—আত্মাব্যতিরিক্ত অগ্ৰতঃ ( সকল দেহে ) উপলক্ষি হয়। “তথা চ দর্শয়তি” অর্থাৎ শ্রুতি ইহা দেখাইয়াছেন। কারণ, শ্রুতি বলিয়াছেন, “জানাতি এব অয়ং পুরুষঃ” অর্থাৎ এই পুরুষ জানে। সুতরাং পুরুষ এবং জ্ঞান এক বস্তু নহে। জ্ঞান পুরুষের শুণ।

পৃথক উপদেশাৎ ( ২।৩২৮ )

আত্মা এবং জ্ঞানের পৃথক উপদেশ আছে, অতএব বুদ্ধিতে হইবে আত্মার গুণ—চৈতন্য—দ্বারা শরীর ব্যাপ্ত হয়। কোষিতকী উপনিষদে আছে, “প্রজ্ঞয়া শরীরং সমাক্রুহ” ( ৩৬ ) অর্থাৎ জীবায়া প্রজ্ঞা বা জ্ঞানের দ্বারা শরীরে সম্যক্ আরোহণ করে, অথবা অধিষ্ঠিত হয়। এখানে জীবায়া কর্তা, জ্ঞান করণ, স্মৃতরাং উভয়ে বিভিন্ন।

তদ্গুণসারহাৎ তু তদ্ব্যপদেশঃ প্রাজ্ঞবৎ ( ২।৩২৯ )

( শঙ্কর ) পূর্বে যে বলা হইয়াছে, জীব অণুপরিমাণ, তাহা যথার্থ নহে জীব ব্রহ্ম হইতে অভিন্ন। ব্রহ্মের যাহা পরিমাণ, জীবেরও তাহা পরিমাণ ব্রহ্ম অনন্ত; অতএব জীবও অনন্ত। ব্রহ্ম বুদ্ধিরূপ উপাদি দ্বারা পরিচ্ছিন্ন হইয়া জীব বলিয়া বোধ হয়। “তদ্গুণসারহাৎ তু তদ্ব্যপদেশঃ”—“তদ্গুণ” অর্থাৎ সেই বুদ্ধির যে সকল গুণ (যথা ইচ্ছা, দ্বেষ, সুখ, দুঃখ ইত্যাদি), ব্রহ্ম বা আত্মা সংসারী হইলে বুদ্ধির এই গুণগুলি সার বলিয়া বোধ হয়, এই জন্ত “তদ্ব্যপদেশঃ”—তৎ অর্থাৎ সেই বুদ্ধির পরিমাণ অনুসারে, আত্মার পরিমাণ “ব্যপদেশ” অর্থাৎ উল্লেখ করা হইয়াছে। শ্রুতি বলিয়াছেন, “বালাগ্রশতভাগশ্চ শতবা-কল্পিতশ্চ চ, ভাগো জীবঃ স বিজ্ঞেয়ঃ স চানন্ত্যায় কল্পতে” ( খেতাশ্বতর ৫।৯ ) “কেশের অগ্রভাগ যদি শতভাগে ভাগ করা হয়, আবার সেই এক একটি ভাগ যদি শতভাগে ভাগ করা হয়, তাহা হইলে যে পরিমাণ হয়, তাহাই জীবের পরিমাণ, কিন্তু মোক্ষলাভ করিলে তাহাই অনন্ত হইয়া যায়।” যাহা প্রকৃতই অণুপরিমাণ, তাহা কখনও অনন্ত হইতে পারে না। জীবের প্রকৃত পরিমাণ অনন্ত। বুদ্ধিরূপ উপাদির পরিমাণ অনুসারে তাহাকে অণুপরিমাণ বলা হইতেছে। সেইরূপ মুণ্ডক উপনিষদে যে আছে “এষ অণুঃ আত্মা চৈতস্য বেদিতব্যঃ।” ( ৩।১।৯ ) অণুপরিমাণ এই জীবায়াকে চিত্ত দ্বারা জানিতে হইবে—ইহা হইতে এরূপ সিদ্ধান্ত করা উচিত নয় যে, জীবের পরিমাণ অণু। জীবায়াকে উপলক্ষি করা হ্রুহ বলিয়া অণু বলা হইয়াছে, অথবা বুদ্ধিরূপ উপাদিকে লক্ষ্য করিয়া অণু বলা হইয়াছে। পূর্বসূত্রে যে শ্রুতিবাক্য উদ্ধৃত হইয়াছে “প্রজ্ঞয়া শরীরং সমাক্রুহ,” তাহাও বুদ্ধিরূপ

উপাদির দ্বারা বুদ্ধি উপাদিবৃত্ত আত্মা ( অর্থাৎ জীব ) শরীরে অধিষ্ঠিত হয়, ইহাই বলা হইয়াছে। জ্ঞানকে আত্মার গুণ বলা যুক্তি-যুক্ত হয় না। যেখানে জীবের গতি উক্ত হইয়াছে, সেখানেও বুদ্ধিরূপ উপাদিকে অবলম্বন করিয়া বলা হইয়াছে। “প্রাজ্ঞবৎ” যেমন প্রাজ্ঞ অর্থাৎ পরমাত্মাকে কোনও কোনও স্থলে অণু বলা হইয়াছে। যথা “অণীয়ান্ ত্রীহেবাঁ যবাদ্ বা” ( ছান্দোগ্য ৩।১৪।৩ ) ( ব্রহ্ম ) ত্রীতি এবং যব অপেক্ষাও অণু। উপাসনার জন্ত উপাদির গুণ অনুসারে পরমাত্মাকে এইভাবে নির্দেশ করা হইয়াছে। সেইরূপ পরমাত্মাকে উপাদির গুণ অনুসারে বলা হইয়াছে “মনোময়ঃ প্রাণশরীরঃ,” তিনি মনোময়, প্রাণই তাঁহার শরীর

( রামানুজ ) “তদ্গুণসারহাৎ” এখানে ‘তৎ’ শব্দের অর্থ জীব। জীবের সার ( শ্রেষ্ঠ ) গুণ হইতেছে জ্ঞান। এ জন্ত কোনও কোনও স্থলে জীবকে জ্ঞান বা বিজ্ঞান শব্দের দ্বারা অভিহিত করা হইয়াছে। যথা ‘বিজ্ঞানং যজ্ঞং তন্মতে’ অর্থাৎ জীব যজ্ঞ করে। “প্রাজ্ঞবৎ” প্রাজ্ঞ অর্থাৎ পরমাত্মার শ্রেষ্ঠ গুণ আনন্দ, এ জন্ত কোনও কোনও স্থলে পরমাত্মাকে আনন্দ শব্দের দ্বারা নির্দেশ করা হইয়াছে। যথা “আনন্দো ব্রহ্ম ইতি ব্যজানাৎ” অর্থাৎ ব্রহ্মকে আনন্দ বলিয়া জানিল। আবার কোনও কোনও স্থলে পরমাত্মাকে জ্ঞান শব্দের দ্বারাও নির্দেশ করা হইয়াছে, যথা “সত্যং জ্ঞানম্ অনন্তং ব্রহ্ম” অর্থাৎ ব্রহ্ম সত্য-স্বরূপ, জ্ঞান স্বরূপ এবং আনন্দ-স্বরূপ। এই সকল শ্রুতি-বাক্য হইতে জানা যায় যে, জ্ঞানও ব্রহ্মের সারভূত গুণ।

যাবদাত্মভাবিত্বাৎ ন দোষঃ তদর্শনাৎ ( ২।৩।৩০ )

( শঙ্কর ) যদি ব্রহ্ম এবং বুদ্ধির সংযোগেই জীবের উৎপত্তি হইয়াছে, তাহা হইলে উহাদের বিয়োগ হইলে জীব কিরূপে থাকিতে পারিবে? ইহার উত্তরে এই সূত্রে বলা হইয়াছে, “ন দোষঃ”, এই দোষ নাই; যাবদাত্ম-ভাবিত্বাৎ,—যতক্ষণ জীব থাকে, ততক্ষণ ( ব্রহ্ম ও বুদ্ধির ) সংযোগ থাকে। যখন ব্রহ্মজ্ঞান হইয়া যায়, জীব নিজকে ব্রহ্ম হইতে অভিন্ন বলিয়া উপলক্ষি করে, তখন জীবই ব্রহ্ম হইয়া যায়, জীব আর থাকে না। “তদর্শনাৎ”—বেদাদি শাস্ত্র তাহা দেখাইয়াছে। “যোহয়ং বিজ্ঞানময়ঃ

প্রাণেষ্ কৃষ্ণঃ জ্যোতিঃ পুরুষঃ স সমানঃ সন্ উভৌ লোকৌ অমুসঞ্চরতি ধ্যায়তি ইব লেনায়তি ইব” প্রাণ এবং হৃদয়ের মধ্যে যে জ্যোতিষ্ময় পুরুষ দেখা যায়, সে সমানভাবে ইহলোক এবং পরলোকে সঞ্চরণ করে, মনে হয় যেন ধ্যান করিতেছে, চলিতেছে। বুদ্ধি যখন ধ্যান করে, তখন মনে হয় যে জীব ধ্যান করিতেছে। বুদ্ধি যখন চলে, তখন মনে হয় যে জীব চলিতেছে।

( রামানুজ ) “যাবদায়তাবিত্যং” যতক্ষণ আত্মা ( জীব ) থাকে, ততক্ষণ জ্ঞানও থাকে। “ন দোষঃ” জ্ঞানশব্দ দ্বারা আত্মাকে নির্দেশ করা দোষ হয় নাই। “তদর্শনাং” দেখা যায় যে, অনেক সময় যত্নকেও গো শব্দ দ্বারা নির্দেশ করা হইয়াছে, কারণ, যত্ন যতক্ষণ থাকে, গোত্রও ততক্ষণ থাকে।

পুংস্বাদিবৎ তু অশ্রু সতোহভিব্যক্তিমোগাং ( ২।৩।৩১ )

( শঙ্কর ) পূর্বে বলা হইয়াছে যে, যতক্ষণ জীব থাকে, ততক্ষণ বুদ্ধির সহিত সংস্কৃত থাকে, এ বিষয়ে সন্দেহ হইতে পারে যে, সুষুপ্তির সময় বুদ্ধির অস্তিত্ব থাকে না, সকলই প্রাণে বিলীন হইয়া যায়? তাহার উত্তরে এই সূত্রে বলা হইতেছে—“পুংস্বাদিবৎ”—বালকের পুংস্ব থাকিলেও যেমন অভিব্যক্তি হয় না, যৌবনে অভিব্যক্তি হয়, সেইরূপ সুষুপ্তির সময় বুদ্ধির অস্তিত্ব থাকিলেও অভিব্যক্তি হয় না, পুনরায় জাগ্রত হইলে তাহার অভিব্যক্তি হয়।

( রামানুজ ) পূর্বের সূত্রে বলা হইয়াছে যে, যতক্ষণ জীব থাকে, ততক্ষণ জ্ঞানও থাকে, এ বিষয়ে সন্দেহ হইতে পারে যে, সুষুপ্তির সময় জ্ঞান থাকে কি না। এই সূত্রে সেই সন্দেহ নিরস্ত হইতেছে,—বাল্যকালে যে রূপ পুংস্বের ( পুংস্ব ) অস্তিত্ব থাকিলেও উপলক্ষি হয় না, যৌবনে উপলক্ষি হয়, সেইরূপ সুষুপ্তির সময় জ্ঞানের উপলক্ষি হয় না ( কিন্তু জ্ঞান থাকে ), জাগ্রত হইলে উপলক্ষি হয়। মূক্ত অবস্থাতেও জ্ঞান থাকে, কেবল স্থলদেহের অমুগামী জন্মমরণাদি থাকে না।

নিত্যোপলক্ষি-অমুপলক্ষিপ্ৰসঙ্গঃ অন্যতরনিয়মো বা

অনুথা ( ২।৩।৩২ )

( শঙ্কর ) অনুথা ( বুদ্ধির অস্তিত্ব স্বীকার না করিলে )

নিত্যোপলক্ষি-অমুপলক্ষিপ্ৰসঙ্গঃ ( সর্বদাই উপলক্ষি হইবে, অথবা সর্বদাই অমুপলক্ষি হইবে,—এইরূপ স্বীকার করিতে হইবে ) অন্যতরনিয়মঃ ( অথবা অন্যতর বস্তুর শক্তিপ্রতিভা হয়, ইহা স্বীকার করিতে হইবে। আমরা কখনও একটি বস্তু উপলক্ষি করি, কখনও বা বস্তুটি সম্মুখে থাকিলেও উপলক্ষি করি না। আত্মা, ইন্দ্রিয় এবং বিষয় ( বাহ্য বস্তু ) ব্যতীত অপর একটি বস্তু ( বুদ্ধি বা মন ) না স্বীকার করিলে ইহার কারণ নির্দেশ করিতে পারা যায় না, কেন আমরা সম্মুখের বস্তু কখনও উপলক্ষি করি, কখনও উপলক্ষি করি না? আত্মা, ইন্দ্রিয় এবং বিষয় সর্বদাই বিদ্যমান থাকে, তাহার যদি উপলক্ষির পক্ষে যথেষ্ট তইত, তাহা হইলে সর্বদাই বিষয় উপলক্ষি হইত, যদি যথেষ্ট না তইত, তাহা হইলে কখনও বিষয় উপলক্ষি তইত না। আত্মা, ইন্দ্রিয় ও বিষয় ভিন্ন নিশ্চয় অপর একটি বস্তু আছে,—ইহার নাম অন্তঃকরণ,—ইহাকেই বুদ্ধিভেদে অমুপলক্ষি মন ও বুদ্ধি নাম দেওয়া হয়,—যখন সংশয়াক্রমক বুদ্ধি হয়, তখন ইহার নাম হয় মন, যখন নিশ্চয়াক্রমক বুদ্ধি থাকে, তখন ইহার নাম হয় বুদ্ধি। যখন অন্তঃকরণ বিষয়ের সহিত সংস্কৃত হয়, তখন আমরা বিষয় উপলক্ষি করি, যখন বিষয়ের সহিত সংযোগ থাকে না, তখন আমরা বিষয় উপলক্ষি করি না। এ বিষয়ে ক্রটি বলিয়াছেন—“অগ্ৰমনা অধ্বং ন অদর্শং অগ্ৰমনা অভূবং ন অশৌধ্যম, মনসা হি এব পশ্যতি মনসা হি এব শৃণোতি” ( বৃহদারণ্যক ১।৫।৩ )—অর্থাৎ আমার মন অগ্ৰ ছিল, এ জন্ম দেখি নাই, আমার মন অগ্ৰ ছিল, এ জন্ম শুনি নাই, মনের দ্বারাই দর্শন করে, মনের দ্বারাই শ্রবণ করে।

( রামানুজ ) যদি আত্মা জ্ঞানস্বরূপ এবং বিভূ ( স্বগত ) হয়, তাহা হইলে এক ব্যক্তির দ্বারা উপলক্ষি হইবে, সকল ব্যক্তিরই তাহা উপলক্ষি হইবে, কারণ, প্রত্যেক ব্যক্তির আত্মা সকল ব্যক্তির ইন্দ্রিয়ের সহিত সমানভাবে সংযুক্ত থাকিত। বিভিন্ন ব্যক্তির অদৃষ্টে বিভিন্ন বলিয়া, উপলক্ষিও বিভিন্ন হয়,—এ প্রকারেও সমস্তার সমাধান হয় না, কারণ, প্রত্যেক আত্মা যদি সর্বব্যাপক হয়, তাহা হইলে একটি বিশেষ অদৃষ্টের সহিত একটি বিশেষ আত্মার সংস্কৃত স্থাপন করিবার কোনও হেতু থাকে না।

শ্রীবসন্তকুমার চট্টোপাধ্যায় ( এম-এ )।



## ঢাকী ভর

এক-মুহুর্তে তেরো-জাতের বাস। মুসলমান ছাড়া এখানে আছে আলবানিয়ান, কুন্দ, সাকেশিয়ান, তাতার, তুকোমান এবং যুরাক জাতি।

এক জন মুসলমান পুরুষ একসঙ্গে চারটি পত্নী গ্ৰহণ করিতে পারে; ইশলামের তাহাতে নিবেদনাই। তার উপর বাদী পালন করে। অসংখ্য, তাহাতে মানা নাই। তার কার্যক্ষেত্রে খুব দনী মুসলমান ছাড়া সাধারণ গৃহস্থ পুরুষ একটি পত্নী হইয়াই ঘর-সংসার করে। একাদিক পত্নী পুষিতে ব্যয় অনেক—সে ব্যয় ক'জন বহিতে পারে?

একটির উপর তার একটি স্ত্রী ঘরে আনিলে তার জন্ম চাই আর একখানি ঘর; তার পর সামাজিক পদবী বৃদ্ধি স্বতন্ত্র দাসী-বাদী রাখিতে হইবে। তার উপর আছে দেন-মোহরের উৎপাত।

মুসলিম কুমারীর উত্তরাধিকার-বিধি ভালো। পিতার মৃত্যু ঘটিলে ভাই থাকিলে ভাইয়ের সঙ্গে পৈতৃক সম্পত্তি সে পায় তুল্যাংশে। বিবাহের পরে স্বামীর সম্পত্তিতে তার অধিকার আছে; পিতার সম্পত্তিতেও অধিকার বিদ্যুপ্ত হয় না। আইনের চোখে, তার দায়িত্ব ঠিক পুরুষের মতো। সামাজিক পদ-মর্যাদা অনুসারে স্ত্রীর খোরপোষ দিতে স্বামী বাধ্য। ঢুকি-সমাজে ডিভোর্স-প্রথা আছে; তবে বিবাহের পূর্বে স্বামীর সঙ্গে স্ত্রীর দেন-মোহর বা যৌতুকের চুক্তি-নামা থাকে। বিবাহ-বন্ধন ছিন্ন হইলে স্বামীকে কড়ায়-গণ্ডায় সে দেন-মোহর চুকাইয়া দিতে হয়; নচেৎ ডিভোর্স বা তাল্লাক মঞ্জুর হয় না।

মুসলিম সংসারে শাওড়ী হন্ কত্রী; তাই ছেলেমেয়েরা মাঝে সাধারণতঃ খুব ভক্তি করে—মায়ের আদেশবত্তী হয়।

তার উপর মুসলিম সমাজে পদার খুব কড়াকড় বিধি থাকার জন্ম অনায়াসে গৃহের মেয়েদের সঙ্গে কেহ মিশিতে পারে না; এ জন্ম পুরুষ-জাতের বন্ধু ও সহায় বলিতে আছে শুধু মা, বোন ও নিকট-আত্মীয়রা। সমাজে এই বিধির কল্যাণে মুসলিম সংসারে মায়ের-ছেলের, ভাইয়ের-বোনের বেশ সম্প্রীতি দেখা যায়।

ঢুকি গৃহে আছে দুটা ভাগ। এক ভাগের নাম হারেম-লিক বা অন্দর; অপর ভাগের নাম সেলামলিক বা সদর।



কালের ঘোমটা

সেলামলিকের অর্থ, নৌচের তলায় হু'খানা ঘর—বেঠকখানা ও অফিস-কামরা। এ দুই কামরায় বসিয়া কত! বন্ধু-বান্ধবের সঙ্গে খোশ-গল্প করে; কাজ-কন্স করে।

হারেমলিক বা অন্দর-মহলের দ্বারে কোলে পদা; পদার ও দিকে উঠান, বাগান। এ অংশটিতে

মেয়েদের আস্তানা; এ অংশে বাহিরের লোকের প্রবেশ-অধিকার নাই। অন্দরে মেয়েদের বান্ধবী বা সখী আসিলে বাড়ীর যুব-প্রৌঢ়-বৃদ্ধগণের হুট করিয়া অন্দরে আসিবার জো থাকে না।

'হারেম' আরবী কথা। এ কথাটির আসল অর্থ—



অন্তরাল; seclusion বা privacy. এই অর্থ ধরিয়া অন্তর-মহল বুঝাইতে হারেম কথার প্রচলন হইয়াছে।

মুসলিম গৃহে বাদী-প্রথা প্রচলিত থাকিলেও বাদীদের স্বত্ব অস্বীকার করিবার উপায় নাই। বাদীদেরও বহু স্বত্ব আছে, অধিকার আছে। কাজেই বাদীর জীবন মুসলিম-গৃহে দুঃসহ নয়; বাদী এক দিন ঘরের ঘরনী হইতে পাবে— তাহাতে দণ্ড বা সমাজগত কোনোরূপ নিষেধ নাই। মুসলিম-

বধু যেন নারী-কুলে বরণ্য্য হয়। পরগণ্ডের মতে— বুদ্ধিমতী, সত্বম-মর্যাদাশীলা, সতী, লজ্জাবতী, পতি-অন্তরাগিনী, গম্ভীর ও শাস্তপ্রকৃতির নারীই বধু-কুলে শ্রেষ্ঠ। এমন বধু বিবাহ করিবে—যে-বধু পতিগত-চিত্তা এবং প্রচুর সন্তানবতী হইবে।

কেমন মেয়েকে বিবাহ করিবে না—তাহারো বিধি নিদিষ্ট আছে। মে-মেয়ে অশ্রমুখী, কুৎসা-রতা, নিন্দাঘ



অন্ধরে—স্বামী ও স্ত্রী-ত্রয়



কুল-কামিনী

সমাজে দর্শনশাসন এমন সে, কাহারো পক্ষে অবিবাহিত থাকি চলে না। অবিবাহিত থাকার অর্গ, জাতির বিলোপ-সাধন। এ জন্ত পরগণ্ডের আদেশ,—যেবনোদয়ে পুরুষ-মাত্রেই বিবাহ করিবে। বিবাহের ফলে পাপাচরণে প্রবৃত্তি ঘটিবে না। এ বিধি মেয়ে-পুরুষ দু'জনের সংক্ষে খাটির আসিতেছে সম্মানভাবে দুগ-দুগাস্তকাল ব্যাপিয়া।

বধু-নির্বাচনেও দর্শনশাসন মানিতে হয়। অর্থাৎ

সহস্রমুখী, শোক-ভংখার্তা বা মুখরা ও কলহপ্রিয়া, এমন মেয়েকে কদাচ বিবাহ করিবে না। যে বিধবার পূর্ক-স্বামীর ঔরস-জাত সন্তান আছে, কিথা যে উড়নচণ্ডী, এমন কল্যাকে কদাচ বিবাহ করিবে না। পূর্ক-স্বামীর গুণ যে নিত্য গাহিয়া বেড়ায়, স্বামীর কাছে দিবানিশি যে ভংখ জানায়, স্বামীকে দেখিলে যার মুখের হাসি উবিয়া যায়,— এমন নারীকে কদাচ বিবাহ করিবে না। তার উপর

সম্পর্ক-বিচারেও আছে বিবাহে নিষেধ। অর্থাৎ বিমাতা, মাতা, কণ্ঠা, সহোদরা, খুড়ী, জেঠী, পিসী, মাসী, ভাগিনেয়ী, ভাইব্বী এবং শাশুড়ীকে কোনো পুরুষ কদাচ বিবাহ করিবে না।

এমনি বহু নিষেধ-শাসনের চাপে মুসলিম যুবা বিবাহের পাত্রী-নির্বাচন সম্বন্ধে উদাস ও নির্লিপ্ত থাকে। বধু নির্বাচন করে



তুর্কি নতকী



অন্দরের অন্তরে

মা-বাপ—ঘটক-ঘটকীর সহায়তায়। পাত্রী স্থির হইলে পাত্রী মনোনীত করিবার ভার শুধু মায়ের। দেখিয়া শনিয়া মা আসিয়া পাত্রীর সম্বন্ধে সার্টিফিকেট দিলে তখন বিবাহের কথা পাকা হয়। মায়ের রিপোর্ট ভালো হইলে বিবাহ ঘটা দায়।

পাত্রী পছন্দ হইলে নিয়ম-রক্ষার জন্ত এ বিবাহে পাত্রের সম্মতি লইতে হয়। বিবাহের যৌতুকাদি স্থির হইলে বিবাহ ঘটে। এই যৌতুক বা দেন-মোহর—বিবাহে

নির্দিষ্ট পরিমাণ অর্থ দিবে। এ অর্থের পরিমাণ থাকে খুব বেশী। সে অর্থ দেওয়া অনেক সময় স্বামীর সামর্থ্যে কুলায় না; কাজেই পাণ হইতে চূর্ণ খশিলে বা সামান্য মান-অভিমান ঘটিলেই স্বামী স্ত্রীকে বলিবে—“তোমায় তালাক দিলাম! তুমি সরিয়া পড়ো” সে উপায় নাই!

মুসলিম-বিবাহে পাত্র-পাত্রী উভয়ের সম্মতি থাকা চাই। মেয়েদের বিবাহ হয় বালিকা-বয়সে—তখন তারা নাবালিকা থাকে; তাই পাত্রের হইয়া তার মা-বাপ কিম্বা মা-বাপের

অবর্তমানে নিকটতম আত্মীয়-আত্মীয়ারা সম্মতি-দানের পালা সারিয়া বিবাহ-অনুষ্ঠান সম্পাদিত করেন। বালিকা-বয়সী মেয়ে লজ্জার মতো খাইয়া বলিতে পারে না—এ পাত্র বিবাহ করিব না; কিম্বা ও-পাত্রটি আমার ভারী পহন্দ— উহাকে আমি বিবাহ করিব। তাই কণ্ঠকে প্রগল্ভতা হইতে রক্ষা করিতে এবং আইনে নাবালিকার চুক্তি বা সম্মতির মূল্য নাই বলিয়া আইনের মধ্যদায় কাটাইতে সম্মতিদানের এই ব্যবস্থা। বিবাহে মা-বাপ সম্মতি দিলেও,—বিবাহের পরে মেয়ে সাবালিকা হইলে মুখের কথায় তাকে একবার স্বামী-পাত্রের 'হাঁ, পহন্দ' বলিয়া সায় দিতে হয়।

বিবাহের কথা পাক হইবার পর বিবাহ ঘটে অনতিবিলম্বে। তিন দিন ধরিয়া উৎসব চলে। বরের গৃহে নানান অনুষ্ঠান; বধু বসিয়া থাকে পিতার গৃহে লোক-লোচনের অন্তরালে। তৃতীয় দিনে জমকালো বেশভূষায় সাজিয়া আত্মীয়-বন্ধুবান্ধব কৌতুহল বর আসে কণ্ঠের গৃহে। সদরে আসর। পুরুষের দল আসরে বসে; মেয়েরা থাকে অন্তরে সদরে-অন্তরে উৎসবের বজা বজিয়া যায়। তার পর বিবাহ-অনুষ্ঠান।

বর ও বধু—এ গাবৎ কেত কাঠাকেও দেখে নুই—দেখিবে না। বধুর তরফে থাকে প্রতিনিধি proxy। সাক্ষীদের সামনে বর আসে—প্রতিনিধির হাত ধরিয়া সকলের সামনে বরকে কাজী প্রণয় করেন—যে বধুর ইনি প্রতিনিধি, তাহাকে গ্রহণ করিতে রাজী আছে? চুক্তিনামা বরাবর তাহাকে দেনমোহর দিতে স্বীকৃত আছে?

এ প্রশ্নের উত্তরে বর বলে,—কায়মনোবাক্যে আমি এ নারীর সকল ভার গ্রহণ করিলাম। তাহাকে নির্দারিত দেন-মোহর দিব। আমি রাজী—আমি রাজী—আমি রাজী। তখন কাজী প্রার্থনা নিবেদন করেন—হে মহান্ ঈশ্বর, এই দাম্পত্য-মিলনকে অটুট সুখময় করো—আদম ও

ঈভের মতো, আব্রাহাম ও শারার মতো, শীল শ্রীষুত মহম্মদ পয়গম্বর এবং আয়েনার মতো এ মিলন হোক সুখ-শান্তিময়, পুণ্যময়।

এই প্রার্থনার সঙ্গে সঙ্গে বিবাহ মঞ্জুর হইয়া যায়। এখন বর অনুমতি পায় বধুকে দেখিতে। বরকে অন্তরে আনা হয়। বধু অন্তরে বসিয়া আছে দীর্ঘ-অবগুণ্ঠনবর্তী—



অন্ধের আশ্রয়

তাকে কেন্দ্র করিয়া আত্মীয়ের দল দাঁড়াইয়া থাকে। বর সামনে বর আসিয়া উপস্থিত হইলে আত্মীয়ারা অন্তরালে সরিয়া যায় এবং বর তখন অবগুণ্ঠন মোচন করিয়া বর চন্দ্র-মুখ দেখে।

বাহিরে ওদিকে বর-ও-কণ্ঠাযাত্রীর দল অধীর ওৎপুটে



শাবার ধানে



বনিয়াদী মহিলার বিলাস

দাড়াইয়া আছে। বর বধুর মুখ দেখিবামাত্র সে সংবাদ সদরে পাঠানো হয়; অমনি সেখানে পুরুষের দলে আনন্দ-উল্লাসের ধনি জাগিয়া ওঠে। সকলে নব-দম্পতীর কল্যাণ-কামনা করে। পরক্ষণে ছড়াছড়ি ঠেলাঠেলির ধুম বাধিয়া যায়। বর এবার বধুকে লইয়া নিজের গৃহে ফিরিবে। হাসি-ভাসা, নাচ-গানের নিকর বহিতে থাকে।

বরের গৃহে বধুর জন্ম অক্ষরে বিশিষ্ট আসন পাতা থাকে। বধু আসিলে তাকে সেই আসনে বসানো হয়; তখন বরের গৃহের মেয়েদের সঙ্গে, বরের আত্মীয়্য কুটুম্বিনীদের সঙ্গে বধুর চেন-পরিচয় করাইয়া দেওয়া হয়।

মুসলিম সমাজে পুরুষ-বিধিমাতে পুরুষের দ্বারা নারীর চেয়ে বেশী। পুরুষ শ্রেষ্ঠ—নারী তীন; নারী শয়তানের সহচরী, তার হাতের কণা! এমন বহু বচন বহু মুসলিম-গৃহে দেখা যায়।

পুরুষের অধিকার এতখানি অপ্রতিহত যে, খেয়ালমানে বিবাহিত পত্নীকে সে ভাগ করিতে পারে; তাহাতে কোনো নিবেদ নাহি। তবে দেন-মোহর দিতে হইবে। এই ডিভোর্শের বিধিও খুব সহজ। স্বামী শুধু দ্বীকে তিনবার মাত্র বলে—তোমায় হালাক! হালাক!

হালাক! তাহা হইলেই সম্পূর্ণ—বিবাহের গচ্ছি অমনি ফুলিয়া গেল!

মেয়েরা ডিভোর্শ চাহিতে পারে শুধু স্বামীর তরফে নিষ্কর আচরণে। স্বামী যদি অবিধাসী হয়, রোগগত হয়, কিম্বা শক্তিহীন হয়, তাহা হইলে স্বামীর সম্মতি বা অনুমতি না পাইলেও ডিভোর্শে প্তীর অধিকার আছে। তা ছাড়া স্বামি-স্ত্রী পরস্পরের সম্মতি-ক্রমেও বিবাহ-বন্ধন ছেদন করিতে পারে।

ডিভোর্শের ব্যবস্থা এত সহজ হইলেও কোনো সুদী মুসলিম এপ্রথার তারিফ করে না। পয়গম্বর স্বয়ং ডিভোর্শের বিরোধী ছিলেন। তিনি বলিয়া গিয়াছেন—আইন ডিভোর্শের অনুমোদন করিলেও এ ব্যবস্থা



ভগবানের বিরাগ ! যে-নারী স্বেচ্ছায় ডিভোর্শ চায়, বেহেস্তে তার প্রবেশ-বার চির-রুদ্ধ !

মুসলিম সংসারে বাদী অপরিহার্য অঙ্গ বলিলে অভুক্তি হইবে না। কোনো নারী ঘোমটা খুলিয়া নিকট-আত্মীয় ছাড়া অপর পুরুষ মানুষের সামনে বাহির হইবে না, ইহাই শাস্ত্র-বিধি। এমন যদি বিধি, তাতা হইলে বাদী প্রথার সৃষ্টি এ সমাজে কি করিয়া ঘটিল ?

বহু প্রাচীন যুগে যে সব বিদেশী বিদেশী জাতি তুর্কির হাতে পরাজিত ও বন্দী হয়, তাদের ঘরের মেয়েদের আনিয়া বিজয়ী তুর্কি জাতি দাস্ত্র নিয়ন্ত্র করে। তার পর বনিয়াদী বিলাসী ঘরে বাদীর প্রয়োজন বাড়ার সঙ্গে সঙ্গে বহু লোক রীতিমত বাদীর ব্যবসা শুরু করিয়া দেয়। সার্কেশিয়া হইতেই বেশী বাদী সংগৃহীত হইত।

এই বাদীর দল কিন্তু তুর্কি সংসারে একান্ত উর্ভাগিনী নয়। সংসারে তাদের নানা কাজ সত্য ; কিন্তু সে কাজে যে খুব হুসুহ পরিশ্রম করিতে হয়, তাহা নয়। কাপড় কাচা, দাসী-রতি, সখী-সহচরীর কাজ করিলেও তাদের অবসর থাকে প্রচুর। সে অবসরে বসিয়া অনেকে দিবা-সপ্ন দেখে। কাহারো ভাগ্যে সে সপ্ন সত্য হয় ; কাহারো বা হয় না। তবে রূপ-সৌন্দর্যের জোর থাকিলে বাদীর প্রমোশন-লাভে কোনো দিন বাধা-বিঘ্ন ঘটে না।

বাদীদের নাম স্বাধীন জেনানা (free maiden)। বাদী বা স্বাধীন জেনানাকে বিবাহ করিতে হইলে বাজারে বেশ চড়া দাম দিয়া তাকে কিনিতে হয়। গৃহের বাদীর যদি কণ্ঠা হয়, তবে সে কণ্ঠাকে বিক্রয়ের অধিকার মালিকের বাই—বাদীর গর্ভে জন্মিলেও সে কণ্ঠা স্বাধীন জেনানা।

বাদী যদি মুখরা বা অবাধ্য হয়, তথাপি তাকে বাড়ীর

বাহির করিয়া দিবে, সে উপায় নাই। সাত বৎসর কোনো পরিবারে একাদিক্রমে দাস্ত্র করিলে মুক্তি-লাভে বাদীর অধিকার জন্মায় ; তখন তার পক্ষে বিবাহ করা মোটেই দুঃসাধ্য হয় না।



কস্তা-গৃহিণী-ত্রয়ের ভোজন-বিলাস

তুর্কিতে আজ সে বাদী-বাজার নাই সত্য ; তবু দনী সৌখীন মুসলিম পুরুষের বাদীর নেশা আজো উবিয়া যায় নাই ! তাদের খেয়াল-তৃষ্ণির জন্ত এখন বাদী আসে জর্জিরিয়া, সার্কেশিয়া এবং অন্যান্য বহু প্রদেশ হইতে। খেতাজিনী যুবতা বাদী ! এ ব্যবসা অটুট বলিয়া দিক্ত হয় না। বাদী-ব্যবসায়ীর দল শ্রেন-সৃষ্টি লইয়া বাদীর সন্ধানে ফাঁদ হাতে



তুর্কি বৈদ্য-বালিকা



কনস্টান্টিনোপলের ধনী-সদাগর-বনিভা

আজো যুরোপে-আমেরিকায় ঘুরিয়া বেড়াইতেছে—তাদের কুহকে পড়িলে রক্ষা পাইবার আশা থাকে না।

কনস্টান্টিনোপলে এক বাদী-সদাগরের প্রাসাদ-তুল্য অট্টালিকা এবং ঐশ্বর্য্য যাহা আছে, দেখিলে বিশ্বয় বোধ হয়। সমাজে এই বাদী-বেচা সদাগরের সম্মম-মর্য্যাদারও সীমা নাই।

এই বাদীর দল—তারা জানে না, ভালোবাসা কি বস্তু—মুক্তিই বা কি! বিলাসী পুরুষের কামানলে নিজেদের আভিতি দিয়া পড়িয়া আছে। এমন অবস্থায়,—যারা বুদ্ধিমতী, তারা লক্ষ্য রাখাে, রূপসৌবনের কাঁদে দনী বিলাসীকে কর-গত করিতে। 'ভালোবাসিতে মানা'—তারা তাহা বোধে। কাজেই তারা রূপ-সৌবনকে মূলধন করিয়া ব্যবসায়ে নামে। এ সব বাদীর মধ্যে অনেকের জন্ম জর্জিয়ায় ও সার্কেশিয়ায়।

তুর্কি রমণীর স্থান ছিল অন্দরে : অবশ্য এ যুগে অন্দরে সে পদা খসিয়া গিয়াছে,—আমরা বলিতেছিলাম পূর্ক-যুগের কথা! সেকালে সদর ছিল তুর্কি রমণীর পক্ষে নিষিদ্ধ জগৎ (forbidden land) : তখন তুর্কি রমণীর কাজ ছিল—বিবাহে নিমন্ত্রণ-রক্ষা, জন্ম বা পারিবারিক উৎসব-অনুষ্ঠানে যোগ দেওয়া, হামামে স্নান-পথে-ঘাটে বাহির হইতেন ; তবে সর্কাছ বোর্ণায় ঢাকিয়া বাহির হইতে হইত। বিলাসিনী মহিলার অভাব ছিল না—রোমাসের রঙে রঙীন মন লইয়া তাঁরা নিঃশব্দে পথে বাহির হইতেন, সঙ্গে থাকিত বিশ্বস্তা বাদী! এবং...

কিন্তু সে-সব রোমাসের কেছা

সাবস্তারে লেখা আছে আরব-রজনীর কাহিনী গ্রন্থে !  
সুতরাং সে কথার আলোচনার নিবৃত্ত রহিলাম ।

তুর্কি নারী সাধারণতঃ গৃহ-ক্লেমে নিপুণ । তাঁরা বিদুষী ।  
ভাষা-শিক্ষা, শিল্প-শিক্ষা, ললিত-কলার অন্বেষণ — এ সবে  
তুর্কি নারীর অথও অল্পরাগের কথা কে না জানে !

তুর্কিতে আজ পাশ্চাত্য-শিক্ষা প্রবেশ করিয়াছে এবং  
তার ফলে পদা সরানোর সঙ্গে সঙ্গে তুর্কি-হারেমে আজ  
আলো-বাতাসের নৃত্য-লহর বহিয়াছে । বালিকা এবং  
কিশোরীদের মতো বর্ষায়নী বহু নারী খল-কলেজে গিয়া  
লেখাপড়া শিখিতেছেন — বিদ্য-বিদ্যালয়ের ডিগ্রী-লাভের জ্ঞ  
উৎসাহী হইয়াছেন । তা ছাড়া তুর্কি-নারী আজ পলিটিকের  
ক্ষেত্রে অবতীর্ণ হইয়াছেন ! কামল-পাশার জন্ম-ময়ে  
তুর্কি-নারী নব-চৈতন্য-লাভে পাশ্চাত্য নারীর সমতুল্য হইয়া  
উঠিয়াছেন । যুরোপীয় আদর্শে শিক্ষা-দীক্ষা চলিয়াছে ;  
আচার-রীতিতেও পাশ্চাত্য প্রভাব আসিয়া মিশিয়াছে !  
তুর্কি-বালিকার আজ গার্ল-সাইড সাজিয়া, স্টাউট  
সাজিয়া পথে-ঘাটে দপ্ত-ভঙ্গিমায় বিচরণ করিতেছে ।



কুন্দ-জাতের স্ত্রী



বাগিচার তুর্কি-মহিলা

তবে নারীরা যুরোপীয় বেশ-ভূষাকেই  
কাল্চারের চরম উৎকর্ষ বলিয়া  
জানিয়াছে, এ-জ্ঞ বহু যুরোপীয় স্ত্রী  
আক্ষেপ করিয়া বলিতেছেন—তুর্কির  
সে প্রাচীন আদর্শ আজ চূর্ণ হইয়া  
পূলায় মিশিয়াছে ! তুর্কি আজ ফ্যাশনে  
প্যারিস, শিক্ষায় ইংরেজ, দীক্ষায়  
জার্মানী ! ইহা লইয়া মার্কণের বহু  
পত্রিকা তুর্কি-নারীকে ব্যঙ্গ-বিদ্রুপ করে !

ব্যবসা-বাণিজ্যে, ডাক্তারী, ওকালতি  
পেশায়—তুর্কি-নারী দলে দলে আসিয়া  
সোগ দিয়াছে । খনিতে, ক্যাক্টরিতে  
তুর্কি-মেয়েরা কুলী-মজুর ও কারিগরের  
কাজ করিতেছে । ব্যাঙ্কিংয়ের কাজে  
তুর্কি মহিলা হাজিজা হানুমের নাম  
আজ বিশ্ব-প্রসিদ্ধ ।

এ সব ব্যবসায়াদি-কাজে নামলে



তুর্কির পত্নী-মহিলা

তুর্কি-নারীর সংসারপ্রীতি কমে নাই। মস্তান-পালন, স্বামিসেবা—এগুলি এখনো ঠিক আছে। হাতিজা হানুমের ছ'টি পুত্র-কণ্ঠা—ব্যাকার হইলেও তিনি ছেলেমেয়েগুলির পরিচর্যা করেন। স্বামীর আছে চাষ-বাসের কাম, তাহাতেও তিনি স্বামীর প্রধান সহায়। তিনি বলেন,—মেয়েদের পক্ষে ব্যাকিংয়ের কাষ খুব ভালো। হিসাব-নিকাশে নারী-জাতির পটুতা যুগান্তর-ব্যাপী। কারণ, তাঁরা পুরুষের চেয়ে ঢের বেশী হিসাবী ও হাশিয়র। ইস্তাম্বুলের American College for Girls হইতে হাতিজা হানুম গ্রাজুয়েটের ডিগ্রী লাভ করিয়াছেন।

পূর্বে বলিয়াছি, মুসলিম ছাড়া তুর্ক-মুলুকে আরো নানা জাতির বাস।

সার্কেশিয়ান, কুর্দ, যুরাক, তাতার, তুর্কোমান প্রভৃতি। এ সব জাত ধর্ম্মে মুসলমান। তবে এ ধর্ম্ম তাঁরা বড় বেশী দিন গ্রহণ করে নাই!

যুরাক জাতি বহু-বিবাহ করে। যে ঘরে গিয়া সন্ধান লও, দেখিবে, গৃহে যুরাক পুরুষের চারটি স্ত্রী হইতে পারে; কাহারো বা পত্নীর সংখ্যা আরো বেশী। পত্নী-পালনে যুরাক জাতির পয়সা বড় বেশী ব্যয় হয় না। স্ত্রীর সংখ্যা বাড়িলে চাষ-বাসের কামে, পশু-পালনের কামে সাহায্য পাওয়া যায়। এ জাতি প্রধানতঃ উষ্ট্রবাহী। পয়সা দিয়া লোক খাটাইবে, সেই পয়সার অভাব। তাই যে রমণীর উট আছে, গুঁজিয়া বাছিয়া তাদের এরা বিবাহ করে। এরা বাস করে কানাতের ছাউনিতে; মেঘ-চাগ ও উষ্ট্রাদি পালন করে। কোনো স্ত্রী মেঘাদি দেখে; কেহ উষ্ট্র-পরিচর্যা করে; কেহ জালানি কাঠ কুড়ায়; কেহ ইদারা বা ঝণা হইতে জল আনে; কেহ তাঁতে কাপড় বোনে, তাঁবুর কাপড় তৈয়ার করে। প্রতি পরিবার বেশ বহুং। এক একটি স্ত্রীর গর্ভে পাঁচ



ইস্তাম্বুলের বিদ্যালয়ে প্রোফা ছাত্রীরা





পদ্মার বাগিচাে এ বৃগের তুঁকি-মহিলা



নব্য তুঁকির গাল-গাইড

ছয়টি করিয়া সম্ভান হয়। তাহা হইলে আটটি স্ত্রীর গর্ভে রীতিমত অকৌহিনী সেনার সৃষ্টি! সে-পরিবারে ষত লোক, সে পরিবারে ব্যবসায় তত সমৃদ্ধ হয়।

কুর্দ জাতের মেয়েদের বাগানের সখ খুব বেশী। তারা বাস করে অন্তরে। পথে-ঘাটে ঘুরিয়া বেড়ানোয় কুর্দ জাতের মেয়েদের অপমান, লজ্জা ও কলঙ্ক। হাটে-বাজারে যাইতে হয় দায়ে পড়িয়া; তবে সে সময় বোখায় সর্কাছ ঢাকিয়া যায়। কুর্দ জাতের মেয়েরা সূচী-কামে বেশ নিপুণ। তারা লেশ বোনে,—তা ছাড়া বিবিধ সূচী-শিল্পে তাদের দক্ষতা অসামান্য।

এ বিঘা তারা শিখিয়াছে তুর্কি ভারেমে। আজ পাশ্চাত্য শিক্ষা-দীক্ষা তুর্কি মূল্যকে আসন পাতিয়া বসিলেও তুর্কি নারী তাঁর চিরনৃগাত্যস্ত সংসার-পীতি, সূচী-শিল্প ও ললিত-কলা-সাধন, গীত-বাণ্য ত্যাগ করেন নাই।

প্রতি তুর্কি গৃহে বাগান আছে। যত কাম, যত পরিশ্রম করো, বাগানে বসিয়া একটু আরাম-সুখ-উপভোগ—এ বনিয়াদী চালে কোনো দিন ক্রটি নাই।

প্রত্যেক পুষ্প-পত্র-পল্লবের ভাষা আছে,—প্রাণ আছে; প্রতি পুষ্প-পল্লবের অর্থ আছে। সে অর্থ, ফুলের তোড়ার মত কবিত্বময়, উপলোভ্য। এক জন ইংরেজ কবি তুর্কির বাগিচা, তুর্কির পুষ্প-পল্লব সম্বন্ধে ছন্দ লিপিয়া গিয়াছেন :  
সই ছন্দে তুর্কি-ভারের বন্দনা শেষ করি,—

ফুলের দেশ এ—

ফুলের ভাষায় সবার মনের কথা!

ফুলের মালায়

জানায় এরা মনের প্রীতি-বাখা!

বাতাস-দোলায়

কানন-কোণে যে কুঁড়িটি জাগে—

তার পাতায় পাতায়

জানায় স্নেহে প্রাণের অমুবাগে!

## দেহের ছন্দ

এ দেশের প্রাচীন কবি বলিয়াছেন,—ইয়ং গেহে লক্ষ্মীরিয়-ময় তবর্তির্নয়নয়োঃ!

গৃহলক্ষ্মীর কল্যাণী-মুর্তি যদি নয়নে-মনে আনন্দ না দিল  
ও সংসারে আনন্দ আর কিসে মিলিবে!

নারীর রূপশ্রী তার সৃগঠিত দেহ-ছন্দে। শুধু কাব্যের দিক দিয়া এ রূপশ্রী বা সূচ্যম দেহের আদর নয়; নারী বংশ-জননী, সম্ভান-প্রসবিনী; কামেই নারীর দেহ স্বাস্থ্য-সম্পদে ভূষিত থাকা চাই। এই রূপ ও স্বাস্থ্য-সম্পদ বহু সাধনার লাভ করিতে হয় এবং বহু যত্নে তাহা রক্ষা করিতে হয়।

অনাদরে-ঐন্দ্রিয় নারীর রূপ, নারীর লাবণ্য, দেহ-ছন্দ সকলই বিনষ্ট হয়; তাহার সত্তিত যদি নারীর সৌভাগ্য-শ্রী গ্রাহগ্রস্ত হয় ত তৎখ বা আক্ষেপ অপরিসীম হইবে।



পায়ে ভর—উর্দ্ধবাহ

মোহ-মুগ্ধারে আমাদের মনকে পিউরিটান্-দল যতই পিটিয়া পাত্ করিয়া দিন, এ কথা তবু স্বীকার করিতে হইবে যে,—নারীর দেহ-ছন্দ যদি সূচ্যক না হয়, রূপশ্রী পরিম্লান হয়, তাহা হইলে সংসার হইবে সুখহীন, শান্তিহীন—অরণ্যতুল্য; নারী হইবে দুর্ভাগিনী!

স্বাস্থ্য, লাবণ্য প্রভৃতি রক্ষা-কল্পে ব্যায়াম-সাধনার

প্রয়োজন। আমরা জানি, লজ্জাবতী নারীর পক্ষে পুরুষের মত ব্যায়াম-সাধনা সুকঠিন, অনেক স্থলে অসম্ভব! তাই আমরা সহজ ও অনায়াস কয়েকটি সাধনার কথা প্রকাশ করিতেছি।

বিশেষজ্ঞরা বলেন,—দৈহিক শক্তির অভাবে সুন্দরীর সৌন্দর্য্য ন্যূন হয়। এজন্য শক্তি-লাভ ও শক্তি-সঞ্চয়ের জ্ঞান



ঝিনিকি-ঝিনিকি ঝিনি-ঝিনি

নারীর সাধনা চাই। সে-কালে কুম্ভ ভরিয়া জল আনা, বাটনা বাটা, ধান-কাটা প্রভৃতি বহু কামে নারীর শক্তি-সাধনা চলিত; এখন নানা কারণে সে উপায় তিরোহিত হইয়াছে। কালের পরিবর্তনের সহিত সাধনার ভঙ্গী বদলাইয়াছে।

এই নিবন্ধের সহিত নৃত্য-ভঙ্গিমার ক'খানি চিত্র ছাপা হইল। এ নৃত্য পায়ে ঘুঙুর আঁটিয়া প্রকাশভাবে মজলিসী-আসরের নাচ নয়; বিজ্ঞান-বরে, সকলের দৃষ্টির



বাহু দোলে চরণ তালে



স্বপ্ন-তাণ্ডব



আবেশে বিভোর!

অস্তুরালে ব্যায়াম-সাধনার ছলে এ নৃত্য-ভঙ্গী অভ্যাস করিলে দেহে শক্তি সঞ্চারিত হইবে,—দেহ সুঠাম সুহৃদে গঠিত হইবে। দেহে মেদ-সঞ্চার হইবে না; নারী তাঁর প্রিয়জনের চিত্তরঞ্জিকা-বেশে চির-যৌবনা আনন্দ-দায়িনীরূপে বিরাজ করিবেন—ভাগ্যা-সম্পাদে ঐশ্বর্যময়ী হইবেন!

এই নৃত্য-ভঙ্গীর সাধনা চলিবে মৃদুভাবে। ঠেজে বা মজলিসে নাচিতে হইবে, এমন কথা বলি না,—শুধু অস্তুর হৃদ-দোলা,—বিজ্ঞান বরের কোণে অভ্যাস করুন! তাহাতে দেহ হইবে রমণীয়, কমণীয়, নমনীয়—সুহৃদে গঠিত। ইংরেজিতে যাকে grace বলে,—এ ভঙ্গী-সাধনায় নারী সেই grace-এর অধিকারিণী হইবেন।

প্রত্যহ সকালে ও সন্ধ্যায়—পনেরো মিনিট ধরিয়। এই ভাবে ব্যায়াম সাধনা করিলে নারীর দেহ কোনো কালে মেদ-পিণ্ড হইবে না; এ সাধনায় দেহে শক্তি মিলিবে, স্বাস্থ্যলাভ হইবে এবং নারী হইবে ললামভূতা সুলক্ষী!

নাচের ভঙ্গীগুলিতে পায়ের আঙুলের উপর ভর দিয়া দাঁড়ানো এবং দোলন-হৃদের প্রতি লক্ষ্য রাখিতে হইবে। এ ভাবে দেহ-দোলায় অঙ্গপ্রত্যঙ্গ হইবে নিটোল ও পরিপুষ্ট; মেদ-বর্জিত। অর্থাৎ মনোহর!

## প্রতীক্ষায়

[ গান ]

আসবে ব'লে ওগো তুমি দয়া ক'রে আমার বরে,  
মনের সাধে আসনখানি সাজিয়েছি আজ এমন ক'রে।

বেলা যে বেড়ে ওঠে কাজে কাজে,

গান যে থেমে আসে সুরের মাঝে;

শূন্য তোমার আসনখানি থাকবে কি গো এমনি প'ড়ে?

ক্ষীণ হয়ে এল ধূপেরি ধোঁয়া,

ফুল-চন্দন শুকা'ল।

স'রে গেল ওই পথের ছায়া,

অগুরু গন্ধ মিলা'ল।

এত আয়োজন, এত ডাকা-ডাকি,

এত চেয়ে থাকা, বৃথাই হ'বে কি?

এস প্রাণাধিক, চিত্ত আমার কানায় কানায় উঠুক ভ'রে।

শ্রীঅসমঞ্জ মুখোপাধ্যায়।



# পাহাড় বাড়

( উপন্যাস )

প্রত্যয়ে যখন মণিকার নিদ্রাভঙ্গ হইল, তখন তাহার দৃষ্টি প্রথমেই সরলকুমারের উপহার অঙ্গুরীর উপর পড়িল। তাহার পর সে দেখিল, টেবলের উপর কবিতার কাগজখানি রহিয়াছে—শুইতে ঘাইবার সময় সে জয়পুরী শিল্পীর রচনা একটি কাগজচাপা সেটির উপর রাখিয়াছিল, পাছে কাগজ উড়িয়া যায়—কাগজচাপাটিতে একটি ময়ূর তাহার গাঢ় নীল কণ্ঠ উন্নত করিয়া যেন দূরস্থ ময়ূরীর আহ্বানকে কণ্ঠে শুনিতেছে। সে কবিতার কাগজখানি ও অঙ্গুরীটি টেবলের টানায় রাখিয়া দিল; রাখিবার পূর্বে অঙ্গুরীটি তুলিয়া লইয়া এক বার ভাল করিয়া দেখিল—সেটি ওষ্ঠাধরস্পৃষ্ট করিল।

সে যখন পিতার ও আপনার জন্ম চা লইয়া বারান্দায় আসিল, তখন সরলকুমার তথায় উপস্থিত।

সরলকুমার গত সন্ধ্যায় মাপের জন্ম গৃহীত অঙ্গুরীটি ফিরাইয়া দিতে তুলিয়া গিয়াছিল; আজ সেইটি দিবার জন্ম প্রত্যয়েই আসিয়াছে।

পিতার নির্দেশে সে সরলকুমারের জন্ম এক পেয়ালা চা ঢালিল। তাহার মনে হইল, সরলকুমারের দৃষ্টি তাহার আঙ্গুলে কিসের সন্ধান করিতেছে। সে বুঝিল, সে অঙ্গুরীটি পরিয়াছে কি না, সে তাহাই দেখিতেছে। শেষে সরলকুমার “ছোট সাহেবকে” জিজ্ঞাসা করিল, “আংটা মাপে ঠিক হয়েছে কি?”

মণিকাকে তাহার পিতা যখন সেই কথা জিজ্ঞাসা করিলেন, তখন সে লজ্জা-সঙ্কচিতভাবে মাথা নাড়িয়া জানাইল—হাঁ।

“ছোট সাহেব” বলিলেন, “ওটি তুমি সন্দেহ পরবে। যাও—প’রে এস।”

মণিকা ঘাইয়া সেটি পরিয়া আসিল।

“ছোট সাহেবের” ও মণিকার সঙ্গে বাগানে একটু বেড়াইয়া সরলকুমার যখন ঘাইবার জন্ম বিদায় লইল,

তখন “ছোট সাহেব” তাহাকে বলিলেন, “আজি রাত্তিতে তুমি আমাদের সঙ্গে থাকবে!”

সে দিন অপরাহ্নে সরলকুমার অগ্ন্যাণ্ড ছাত্রের সঙ্গে অধ্যাপকের গৃহে আসিল।

সে দিন ওমর খৈয়ামের কবিতার আলোচনা করিতে করিতে ছাত্রদিগের মধ্যে এক জন বলিল, “ইংরেজীতে ওমরের কবিতার অনেক অনুবাদ হয়েছে বটে, কিন্তু মনে হয়, ফিটজিরােল্ডের অনুবাদ সবচেয়ে ভাল।”

“ছোট সাহেব” বলিলেন, “তা’র কারণ, এ ক্ষেত্রে অনুবাদকও এক জন বড় কবি; আর তিনি অনুবাদ অপেক্ষা অনুসরণে অধিক অবহিত হয়েছিলেন।”

“কিন্তু অনুবাদ ঠিক অনুবাদ না হ’লে কবির রচনার স্বরূপ বুঝা যায় না।”

“তা’ বটে; কিন্তু সেটা অনেক সময় অসম্ভব হয়ে পাড়ায়,—বিশেষ কবিতায় কবিতার অনুবাদে।”

“আবার কোন কোন কবিতা দাতুগত প্রভেদের জন্ম অল্প ভাষায় অনুসরণ করা যায় না।”

সরলকুমার বলিল, “ও কথা আমি স্বীকার করি না। ভাব সব দেশেই এক; কামেই ভাবের অনুসরণ করা যায়।”

টেবলের উপর কবি টেনিসনের গ্রন্থাবলী ছিল। সেখানি লইয়া পাতা উন্টাইতে উন্টাইতে এক স্থানে আসিয়া সেই যুবক বলিল, “এই ধর ‘মিলারসভটারের’ গান—এর ভাবানুসরণে বাঙ্গালায় কি কবিতা রচনা করা যায়?”

সরলকুমার বলিল, “নিশ্চয়ই যায়। আমি গত মাসখানেকের মধ্যেই সে চেষ্টা করেছি। আমার মনে হয়, একটু চেষ্টা করলে আমি আমার কবিতাটা মনে করতে পারব।”

সে মণিকার নিকট কাগজ চাহিল। মণিকা তাহার একখানি খাতা আনিয়া দিল। সরলকুমার খাতাখানি লইয়া ঘর হইতে বারান্দায় ঘাইয়া আলোকের কাছে বসিল।

ঘরের মধ্যে সকলে পূর্ববৎ ওমরের কবিতার আলোচনা করিতে লাগিলেন ; কেবল মণিকা পুনঃ পুনঃ বারান্দা হইতে ঘরে আসিবার দ্বারের দিকে চাহিতে লাগিল ।

প্রায় পনের মিনিট পরে সরলকুমার খাতাখানি লইয়া ঘরে প্রবেশ করিল । যে যুবকের সহিত তাহার তর্ক হইয়াছিল, সে একটি ইংরেজী গানের একটি চরণ আবৃত্তি করিয়া বলিল—“বিজয়ী বীরেন্দ্র, হের, আসিছেন ওই ।”

“ছোট সাহেব” বলিলেন, “সরলকুমার, তোমার কবিতাটি পড় ।”

সরলকুমার পড়িল ;—

আমি যদি শুধু হ'তাম তাতার

কবরীর ফুল-তার,—

নিবিড় আঁধার কেশের পরশে

উঠিলাম ফুটি' আকুল হরমে

চিকণ চিকুরে তা'র ;

এ অদম্য করি' খালি অলকে দিতাম ঢালি'

আমার সৌরভতার ।

হয় ত দেখিত চাহি, ক্ষণেকের তরে,

কোন্ ফুলমালা হ'তে এ সৌরভ করে ?

আমি যদি তা'র কমল-চরণে

হ'তাম নূপুরখানি

গুঞ্জরি' উঠি' গৌরব-মদে

করিতাম তা'র প্রতি পদে পদে

কৌতুক কাণাকাণি ;

'গুঞ্জরি' চরণ-তলে কহিতাম কত ছলে

হৃদয়ের আশা-বাণী ।

হয় ত অধীরা লাজে চাহিত চরণে —

মুখর নূপুর যেন বাজে ক্ষণে ক্ষণে ?

আমি যদি শুধু হ'তাম কাঁকন—

কোমল করে'র সাথী,

রভস লালস পরশে আমার

কম করখানি বেড়ি' ধরি' তা'র

রহিতাম দিবারাতি ;

কোমল-প্রকোষ্ঠলীন, রহিতাম নিশিদিন,

পরশ-হরষে মাতি' ;

হয় ত আমারে তুলি ভাবিত, কি চাহি'  
অধীর কাঁকন মরে নিশিদিন গাতি' ?

আমি যদি শুধু হ'তাম হীরক

হারলতামাঝে বৃকে—

নিশ্বাসসাথে কাঁপি' চঞ্চল

লভিয়া দীপ্তি অমিত—উজল

রহিতাম শত স্মৃথে ।

হরষে উরসে মিশি',

রহিতাম দিবানিশি,

চাহি' শুধু তার মুখে ।

হয় ত হেরিয়া মোরে ভাবিত কেবল

তা'র বৃকে মণি কেন এত সমুজ্জল ?

কবিতাটি পাঠ করিবার সময় সরলকুমার বার বার—বুঝি আপনারও অজ্ঞাতে—মণিকার দিকে চাহিয়াছিল এবং প্রতি দারই সে দেখিয়াছিল, মণিকা তাহার দিকে চাহিয়া আছে ।

কবিতাপাঠ শেষ হইলে, যে যুবকের সহিত সরলকুমারের তর্ক হইয়াছিল, সে বলিল, “পৃথিবীর ইতিহাসে দেখা যায়, অনেক পরাজয়ের গৌরব জয়ের গৌরব অপেক্ষা উজ্জল ; আমি পরাজয়ের গৌরবই গ্রহণ করলাম । কেবল আমার বক্তব্য, কবরী এখন আর মেয়েরা ধানেন না, আর নূপুর বাতিল হয়ে গেছে ।”

সকলে হাসিল ।

“ছোট সাহেব” বলিলেন, “সরলকুমার, তুমি এমন কবিতা লিখতে পার, এ ত আমরা এত দিন জানতে পারিনি ?”

এক জন যুবক বলিল, “আমরা জানি, উনি কবিতা লেখেন : কিন্তু কিছুতেই ছাপাতে চান না ।”

আর এক জন বলিল, “সেইটাই অসাধারণ সংঘমের পরিচায়ক ।”

“ছোট সাহেব” বলিলেন, “অনুসরণ চমৎকার হয়েছে—এমন কি, মূল কবিতায় যেমন বাসনা-বিকাশের কারণ কি, তা' স্পষ্ট ব্যক্ত হয়নি অর্থাৎ বাসনা কি থেকে উদ্ভূত, তা' ব্যক্ত হয় নি, এতেও তেমনই । ভালবাসা অনেক ক্ষেত্রেই অন্ততাববিকাশ নয় ; আত্মস্মৃতি, উচ্চাকাঙ্ক্ষা, অর্থাৎ-লালসা, লালসা—এ সব হ'তেও তা'র উদ্ভব হ'তে পারে—ভালবাসা বৈচিত্র্য লাভ করতে পারে । প্রকৃত ভালবাসার সঙ্গে এ সকলের প্রভেদ স্থির করা হুঙ্কর ;

কারণ, এ সবও সন্দেহ, বেদনা, লক্ষ্য করবার ক্ষমতার ভীকৃততা উৎপন্ন করে। কেবল নিঃস্বার্থতায় আর স্থায়িত্বে প্রকৃত ভালবাসা বুঝা যায়—সেই তার কষ্টি-পাতর।”

ছাত্রগণ বিদায় লইবার সময় সরলকুমার মণিকার খাতাখানি তাহাকে ফিরাইয়া দিল—দিবার সময় তাহার হস্ত মণিকার হস্ত স্পর্শ করিল। তাহার মনে হইল, মণিকার হাত একটু কাঁপিল।

এক জন ছাত্র বলিল, “সরল বাবু, এ কবিতাটা কোন মাসিক পত্রে ছাপবার অনুমতি দিতে হ’বে।”

সরলকুমার মণিকার দিকে চাহিয়া বলিল, “আমি ত কবিতাটি স্বত্বত্যাগ করেই দিয়াছি।”

“আমি কাল এসে কুমারী পালিতের অনুমতি নিয়ে মা’ব, আর কবিতাটিও নকল ক’রে নেব।”

অন্য ছাত্রদিগের সহিত সরলকুমার বারান্দায় আসিলে “ছোট সাহেব” বলিলেন, “সরলকুমার, কবিতায় বিভোর হয়ে ভুলে সেও না যে, তুমি আজ এখানে থাকে।”

সরলকুমার উত্তর দিল, “আমি যাচ্ছি না।”

“ছোট সাহেবের” বাড়ীতে মধ্য মধ্য ছাত্রদিগের (অবশ্য ঘাহারা খাইতে আপত্তি করিত না) আহ্বারের জ্ঞান নিমন্ত্রণ হইত এবং তাহার বৈশিষ্ট্য—তিনি কখনও সকলকে এক দিনে খাইতে বলিতেন না; তাহার প্রধান কারণ, আহ্বারের জ্ঞান নির্দিষ্ট ঘরে স্থানের স্বল্পতা। সুতরাং আজ সরলকুমারের নিমন্ত্রণে কাহারও বিশ্বাসের কোন কারণ ছিল না। তবুও ফিরিয়া যাইবার পথে ছাত্ররা তাহার বিষয়ই আলোচনা করিতে করিতে গেল।

কবিতাটি পড়িবার সময় সরলকুমার যে বার বার মণিকার দিকেই চাহিয়াছিল, তাহা অনেকে লক্ষ্য করিয়াছিল। সে যে পূর্বদিন ও সে দিন সকালেও অধ্যাপক-গৃহে আসিয়াছিল, তাহাও তাহারা জানিত। আবার কোন অজ্ঞাত কারণে তাহার সহসা—কয় ঘণ্টার জ্ঞান—দিল্লী-গমন তাহাদিগের কোঁতুহল উদ্দীপ্ত করিয়াছিল।

এক জন বলিল, “সরল যেন কিছু বেশী ঘনিষ্ঠতা ক’রে দেখাচ্ছে।”

আর এক জন বলিল, “আমি ত আগেই এক দিন বলেছিলাম, সরল বাবু প্রশংসার পিচ্ছিল পথে একটু দ্রুত অগ্রসর হচ্ছেন।”

তৃতীয় ছাত্রটি বলিল, “তা’তে তোমারই বা কি, আর আমারই বা কি?”

“কিছুই নয়; কেবল ক’ বছর একসঙ্গে থাকা গেল—হিন্দুর ছেলে।”

“ওঁর ত সমাজের সঙ্গে ভারি সম্পর্ক!”

“আর আমরাও ত যাকে বলে—

‘নানা পক্ষী এক বৃক্ষে নিশিতে বঞ্চয়ে স্মখে  
প্রভাত হইলে দশ দিকেতে গমন।’

এই ত সরলকুমারের পড়া শেষ হ’ল; আর আগ্রাস থেকে কি করবেন?”

“আজও যে কেন আছেন, তাই বুঝা যায় না।”

“সে কেবল ওঁর বাপ মা তাই বোন কেউ নাই ব’লে—ওঁর পক্ষে—ভোজনং মর তর আর শয়নং হটুমন্দিরে।”

“সে কথাটি ওঁর সম্বন্ধে বলা চলে না—সে সব বিনয়ে খুব পানিপাট্য আছে। বাংলোখানি এমন ভাবে সাজিয়েছেন যে, কোন দিন ছেড়ে যাবার কথা যেন মনেও হয়নি।”

“টাকারও অভাব নাই, সখও আছে। ভাবনার কারণ কি?”

“এটাও দেখতে হবে যে, লোকটা একেবারে বন্ধন-বিহীন।”

“সেই জন্মই ত ভয় হয়, কোথায় কোন্ বন্ধনে করে বন্ধ হয়ে পড়ে।”

ছাত্ররা তাহাদিগের আবাসে উপনীত হইল।

৮

আহারান্তে সরলকুমার “ছোট সাহেবকে” বলিল, তাহাকে এক বার কলিকাতায় গাইতে হইবে। কারণ জিজ্ঞাসায় সে বলিল, “মা’র গহনা সব ব্যাঞ্জে আছে। বাবা সেই ব্যবস্থা করেছিলেন; আর, বোধ হয়, সেই জন্মই ট্রেণ-দুর্ঘটনায় সেগুলি নষ্ট হয় নি। সেগুলি আনতে হ’বে। আর আমার বাড়ীতে যিনি ভাড়াটে আছেন, তাঁর চুক্তির মেয়াদ এখনও তিন বৎসর—যদি ব’লে তাঁকে বাড়ী ছাড়াতে পারি।”

“ছোট সাহেব” বলিলেন, “তুমি বলেছ, বাড়ীটা সহরের কেন্দ্রস্থান থেকে দূরে, আর বড়। ছোট বাড়ীতে স্বামি-স্ত্রী

পরস্পরের যত কাছে থাকতে পায়, বড় বাড়ীতে তত নয়। বড় বাড়ীর তোমার দরকারই বা কি? ভূমি বরং সহরের মধ্যে একখানি ছোট বাড়ী ভাড়া কর; তা'তে কায়েরও সুবিধা হ'বে।”

“তাই করব। কিন্তু আমি আমার বাড়ীর সংলগ্ন জমিতে—বাগানের মধ্যে একখানি ছোট বাংলো করব—তাতে আগ্রার কথা আমাদের মনে পড়বে; আর ছুটির দিন আমরা সেখানে থাকব।”

“ছোট সাহেব” হাসিলেন। স্বাকের কল্পনা কোন্ পথে দাবিত হয়, তাহা তাঁহার অবিদিত ছিল না।

মণিকা এই কথোপকথন শুনিতেন। তাহার মনে হইতেছিল, সে যে নতন জীবনে প্রবেশ করিবে, তাহার সেই জীবনের সঙ্গী তাহার জীবন সুখময় করিবার উপায় উদ্ভাবনেই বাস্তব।

“ছোট সাহেব” জিজ্ঞাসা করিলেন, “তোমার ফিরতে ক'দিন হ'বে?”

“আমার বোধ হয়, এক সপ্তাহের মধ্যেই ফিরতে পাব।”

“সেই অনুসারে বিবাহের দিন স্থির করতে হবে। মণিকার ভাইকে খবর দিতে হ'বে। যদিও তিনি কা'রও দৈম সহিতে ভালবাসেন না, তবুও তাঁকে আসতে বলতে হ'বে। যদি আসেন, খুবই ভাল।”

“বাড়ী কি আমি ঠিক ক'রে আসব? না—মণিকা গিয়ে দেখে ঠিক করবেন?”

“ভূমিই ঠিক ক'রে এস। তোমার পছন্দের উপর অনেক বিষয়ে মণিকাকে নির্ভর করতেই হবে। অবশ্য সেটা পরস্পরের কথা।”

“তাই হ'বে।”

“তোমার আত্মীয়স্বজনদের কাউকে সংবাদ দিতে হ'বে না?”

“আমার পিতৃকুলে যা'রা আছেন, তাঁ'রা বাবার সম্বন্ধে হিংসা ছাড়া প্রীতি কখনও জন্মে পোষণ করেন নি; মাতুল কেউ নাই—আছেন এক মাসীমা; তিনি মনে করেন, একালের যা' কিছু সবই মন্দ। তিনি আমার এ বিবাহে আনন্দিত হবেন না। সেই জন্ত তাঁকে সংবাদ দিতে চাই না।”

“কলিকাতায় যাচ্ছ, আমার একটু কায আছে।”

সরলকুমার সাগ্রহে জিজ্ঞাসা করিল, “কি?”

“আমি মণিকাকে তা'র মা'র একখানি ছবি উপহার দিতে চাই। আমার বসবার ঘরে তাঁ'র যে ছবিখানি আছে, সেখানি এক জন ভাল চিত্রকর তাঁকে দেখে এঁকেছিলেন। সেইখানি দেখে একখানি ছবি আঁকতে হ'বে।”

“আমি চিত্রকর নিয়ে আসব।”—তাহার সঙ্কল্প হইল, সেই চিত্রকরের দ্বারা সে “ছোট সাহেবের” একখানি প্রতিকৃতি অঙ্কিত করাইয়া লইবে।

“কিন্তু আনতে কি খরচ খুব বেশী পড়বে না?”

“ছবি যে খুব বেশী লোক আঁকান তা নয়; স্তরাং এখানে আসবার জন্ত বেশী টাকা নেবার কোন কারণ থাকতে পারে না। বরং এখানে এলে চিত্রকর নিজেও কতকগুলি ছবি এঁকে নেবার সুযোগ পাবেন।”

সাংসারিক ব্যাপারে নিলিপ্ততা হেতু অনভিজ্ঞ “ছোট সাহেব” তাহাই বুঝিলেন এবং সর্বতোভাবে সরলকুমারের উপর নির্ভর করিলেন।

সরলকুমার কলিকাতায় যাইবার আয়োজন করিল। তখন মণিকার সতিত তাহার বিবাহ-সম্বন্ধীয় সংবাদ তাহার বন্ধুদিগের মধ্যে প্রচারিত হইল। তাহাদিগের কাছে তাহা বিশেষ আলোচনার বিষয় হইল। কেহ বলিল, মণিকা জিতিল; কেহ বা বলিল, সরলকুমার যে জিতিল না, এমন বলা যায় না। কেহ বলিল, প্রণয়ে প্রথম পথটা দ্রুত অতিক্রম করিতে হয়, সরলকুমার তাহাই করিয়াছে। আর এক জন বলিল, “যখন প্রণয়ের ফলে বিয়ে, তখন তা'তে পাশ্চাত্য ব্যাপারের সব লক্ষণ থাকাই সম্ভব।” এক জন তাহাকে বিদ্রূপ করিয়া বলিল, “তোমার কি সে জন্ত দুঃখ হচ্ছে? প্রণয়ের ফলে বিয়ে, আর বিয়ের ফলে প্রণয়—দুইয়ের মধ্যে প্রভেদ যে খুব বেশী, তা' মনে হয় না। কেবল প্রথমটিতে রং প্রথমে বেশী ঘোরালো থাকে, পরে ফিকে হয়; আর দ্বিতীয়টিতে ফিকে রং ক্রমে ঘোরাল হয়—শেষে কিন্তু দুই-ই সমান দাঁড়ায়।”

যে দিন সরলকুমার মণিকাকে অঙ্গুরী ও কবিতাটি দিয়াছিল, সেই দিন হইতে সে তাহাকে এক বারও একা পায় নাই—পাইবার চেষ্টা করিতে লজ্জান্বিত করিয়াছিল।



যে দিন সে কলিকাতায় যাইবে, সেই দিন “ছোট সাহেবের” কাছে বিদায় লইয়া উঠিয়া সে বলিল, “মণিকাকে ব’লে যা’ব মনে করছি—”

“ছোট সাহেব” বলিলেন, “হাঁ, ব’লে যাও।” তিনি মণিকাকে ডাকিলেন—ভৃত্য আসিয়া বলিল, মণিকা বাগানে।

সরলকুমার বারান্দার সোপানের উপর হইতে চাহিয়া দেখিল, একটু দূরে যে স্থানে একটা ব্রাউনিয়া অশোকের গাছ বড় বড় গুচ্ছ গুচ্ছ ফুলের ভারে নত শাখা হইয়াছে এবং তাহার নবোদগত পত্রগুলির মধ্যে ঘোর লাল ফুলগুলি মধুর বৈচিত্র্যের সঞ্চার করিতেছে—তথ্যস, গাছের ছায়ায় বেঞ্চের উপর মণিকা বসিয়া আছে। তাহার পরিধানে অশোকের ঐ নবোদগত পত্রেরই বর্ণের একখানি শাড়ী—আর তাহার পাড় ঐ অশোকফুলেরই বর্ণের। অদূরে ফুলের কেয়ারীতে ছোট ও বড় সূর্য্যমুখী কুটিয়া আছে—বড় ফুলগুলি যেন প্রেমগৌরবে গর্ভিতা যুবতীর মত। অশোকফুলের কয়টি গুচ্ছ মণিকার পাশ্বে আসনে রক্ষিত। একটি ময়ূর অভ্যন্ত নিঃসঙ্কোচে তাহার নিকটে আসিয়া ভূমির উপর শশুর সন্ধান করিতেছে। কাছে যে বকুল গাছ, তাহার শাখা হইতে এক ঝাঁক টিয়া পাখী উড়িয়া গেল। মণিকা তাহাই লক্ষ্য করিতেছিল।

সরলকুমার দেখিল,—তাহার অন্তরের প্রেম যেন মণিকাকে অপার্থিব সৌন্দর্যে ভূষিত করিল। ইংরেজ কবির কবিতা তাহার মনে পড়িল :—

“মুরতি তাহার নয়নে আমার  
প্রথম যে দিন উঠিল ভাসি’,  
আনন্দ-প্রতিমা কি তা’র গরিমা-  
যেন সীমাহীন মাঝুরীরাশি।”

দেখিতে দেখিতে সে অগ্রসর হইল।

সে যখন সেই তরুতলে উপনীত হইল, তখন মণিকা—পিতার ছাত্রী আসিলে যেমন উঠিয়া দাঁড়াইয়া নমস্কার করে—অভ্যাসবশে তেমনই উঠিয়া দাঁড়াইল—কিন্তু নমস্কার করিবার জ্ঞান হাত তুলিতে যাইয়া উভয়ের বর্তমান সম্পর্ক মনে করিয়া নিরস্ত হইল। তাহার দৃষ্টি নত ও মুখমণ্ডল লজ্জায় রক্তিমাত হইল।

সরলকুমার মুচ হাসিয়া বলিল, “নমস্কারের দিন আর নাই।”

সে দেখিল, মণিকার আঙ্গুলে তাহার প্রদত্ত উপহার অঙ্গুরী শোভা পাইতেছে।

তাহার কথা শুনিয়া মণিকা মুচ হাস্য করিল—তাহার গণ্ডে টোল পড়িল।

সে গণ্ডে চুম্বন অঙ্কিত করিবার কি প্রবল প্রলোভন! স্বভাবসংগত সরলকুমার সে প্রলোভন সঙ্গরণ করিল। সে বলিল, “আমি আজ এক বার কলিকাতায় যা’ব।”

মণিকা তাহার নত দৃষ্টি সরলকুমারের মুখে স্থাপিত করিয়া বলিল, “বাবার কাছে গুনেছি, যাচ্ছেন।”

সরলকুমার হাসিয়া উঠিল। তাহার হাসির শব্দে ময়ূরটি একবার গীবা উন্নত করিয়া তাহাদিগের দিকে চাহিল, তাহার পর লম্বিত পুচ্ছ যেন টানিয়া লইয়া একটু সরিয়া গেল। সরলকুমার বলিল, “নমস্কারের সঙ্গে সঙ্গে কি ‘আপনি’ও যাবার সময় হয় নি?”

মণিকা হাসিয়া বলিল, “অভ্যাস।”—প্রথম প্রণয় যুবককে যেমন নারীর মত লজ্জাতুর করে, যুবতীকে তেমনই পুরুষোচিত লজ্জাজয়ী করে,—সেই জন্মই প্রথম প্রণয়ে যুবকযুবতী পরস্পরের সমস্বভাব হয়।

“এই ক’ দিনে অভ্যাস জয় ক’রে রেখ। দিবে আসবার পরও যদি এই অভ্যাসের পরিচয় পাই, তবে রাগ করব—তখন আমার অভিমান করবার এদিকাব হ’বে।”

মণিকা একটা অশোক ফুল তুলিয়া লইয়া সেটা নাড়িতে নাড়িতে বলিল, “আচ্ছা।” সে মনে মনে বলিল, “সে অদিকার ভূমি লাভ করেছ।”

“তা’ হ’লে এখন চললাম। তোমার জন্ম বাড়ী সাজিয়ে রেখে আসব।”—বলিয়া সরলকুমার মণিকার করণত অশোক ফুলটি টানিয়া লইল এবং সেটিকে তাহার কোটে ফুল বসাইবার স্থানে বসাইতে যাইয়া দেখিল—কোটে সে ব্যবস্থা নাই। সে পকেট হইতে চাবির রিং বন্ধ ছুরিকা লইয়া কোটের সেই স্থানে ছিদ্র করিয়া ফেলিল এবং ফুলটি তাহাতে গুঁজিয়া দিয়া বিদায় লইল।

সরলকুমার চলিয়া গেল—মণিকা তাহাকে দেখিতে লাগিল। যখন সে দটক পার হইয়া গেল, তখন

মণিকা আসনে বসিয়া পড়িল—তাহার পর অবশিষ্ট কুল  
কয়টি তুলিয়া লইল।

৯

মনের মন্যে যেন মত্ততা লইয়া—ভবিষ্যতের স্বপ্ন রচনা  
করিতে করিতে সরলকুমার বাংলায় ফিরিল। সে দেখিল,  
তাহার পুরাতন ভৃত্য বেণী তাহার ও আপনার দ্বািদি  
গুছাইয়া রাখিয়াছে; বসিয়া কি ভাবিতেছে। বেণীর  
পরিচয়—বেণী। 'আপা-পশ্চিম', 'আপা-কুমার'—তারা অনাথ  
বালককে সিমলায় পাঠিয়া সরলকুমারের পিতা তাকে  
আশ্রয় দিয়াছিলেন এবং তাঁহার স্ত্রী সেই অনাথকে স্নেহে  
নতন করিয়া গড়িয়া তুলিয়াছিলেন। যে দিন সে তাঁহা-  
দিগের গৃহে আশ্রয় পাঠিয়াছিল, সেই দিন হইতে আজ  
পর্যন্ত এক দিনের জন্মও সে সেই আশ্রয় ছাড়ে নাই। সে  
সে কেবল ভৃত্য, তাহা নহে—সে সেই পরিবারের এক জন  
হইয়া উঠিয়াছে। আজ পর্যন্ত সে কোন দিন বেতন বলিয়া  
কিছু লয় নাই; তাহার যখন যাত্রা প্রয়োজন, চাহিলেই  
পাঠিয়াছে। বেতন দিবার কথা বলিল সে রাগ করিত—  
রাগ না বলিয়া তাহা অভিমান বলাই সম্ভব। সে কথায়  
ও বেণী বাঙ্গালীই হইয়া গিয়াছে। যে ট্রেন-দুর্ঘটনা সরল-  
কুমারকে পিতৃমাতৃহীন করিয়াছিল, তাহাতে সে-ও আহত  
হইয়াছিল—তবে তাহার আঘাত গুরু হয় নাই। সরল-  
কুমারের পিতার শেখ শস্যায় সে যেমন করিয়া তাহার  
সেবা করিয়াছিল, বৃদ্ধি সরলকুমারও তেমন করিয়া  
সেবা করিতে পারে নাই। আশ্রয়দাতৃদ্বয়ের অতর্কিত  
ও অপ্রত্যাশিত মৃত্যু তাহার দেহে সহসা জরার সঞ্চার  
করিয়াছে। সে এখন সরলকুমারের ভৃত্য ও মন্ত্রী। তাহার  
অনেক গুণ। তাহার নিকট যথাসর্বস্ব দিয়া সরলকুমার  
নিশ্চিন্ত। আবার তাহার সব জিনিষ যথাকালে ঝাড়িয়া  
গুছাইয়া রাখিতে তাহাকে কখন বলিতে হয় না।  
সে নানারূপ রন্ধনে দক্ষ; রোগীর সেবায় তৎপর; কাহার  
মহিত কিরূপ ব্যবহার করিতে হইবে, তাহা সে যেন  
বহুজাত সংস্কারবশে বুঝিতে পারে। পূর্বে সে সরল-  
কুমারকে "তুমিই" বলিত; এখন তাহাকে "দাদাবাবু"  
বলা বহাল রাখিলেও "আপনি" বলিতে আরম্ভ করিয়াছে  
—নহিলে প্রভুর সম্মম থাকে না। সে জন্ম সে বহুবার  
সরলকুমারের দ্বারা তিরস্কৃতও হইয়াছে; কিন্তু তিরস্কারে

কেবল হাসিয়াছে। সরলকুমারের বন্ধুরা বলিয়া থাকে,  
বেণী একটা রত্ন—সরলকুমারের সকল ভার তাহার।  
সরলকুমার তাহাকে বলিয়াছিল, বাসা ঠিক করিয়া তাহাকে  
তথায় রাখিয়া আসিবে; সে পরে মণিকাকে লইয়া  
যাইবে। শুনিয়া অবদি বেণী ভাবিতেছিল, সে না থাকিলে  
সরলকুমারের অগুবিদা হইবে, অথচ সে আসিলে কলি-  
কাতার নতন বাসায় কে সব গুছাইয়া রাখিবে? এ যেন  
এক সমস্যা! শেষে সে অনেক চিন্তার পর সরলকুমারকে  
বলিয়াছিল, "এসে 'ছোটসাহেবের' কুঠীতে উঠলেই ভাল  
হ'বে; এখানে কে দেখবে?"

আজ কলিকাতায় যাইবার পূর্বে তাহার আর এক  
ভাবনা হইয়াছিল—মণিকাকে সে কি বলিয়া ডাকিবে?  
মণিকা বাড়ীর গৃহিণী হইবে—গৃহিণী ভৃত্যের মাতৃগর্ভাঙ্গনা;  
কেহ কেহ "মা" বলিয়া না ডাকিলে মনে করেন, তাহার  
সম্মম রক্ষা করা লইল না। অথচ—যাহার কাছে সে  
মার স্নেহ পাঠিয়াছে, তাহার কথা মনে করিয়া সে  
চঞ্চল হইয়া উঠিয়াছিল।

সে সরলকুমারকে জিজ্ঞাসা করিল, "আমাকে ত  
কলিকাতায় থাকতে হ'বে?"

সরলকুমার বলিল, "তাই ত বলেছি।"

"আমি 'ছোট সাহেবের' মেয়েকে কি বলে ডাকব?"

তাহার প্রশ্নে সরলকুমারের হাসি পাইল। সে জিজ্ঞাসা  
করিল, "কেন?"

"কি জানি, 'বৌদি' বললে যদি রাগ করেন?"

সরলকুমার হাসিয়া উঠিল, বলিল, "সেটা, তা'কে  
জিজ্ঞাসা ক'রে নিয়ো।"

"সে-ই ভাল"—বলিয়া বেণী যখন গমনোত্ত হইল,  
তখন সরলকুমার জিজ্ঞাসা করিল, "এখনই যাচ্ছ না কি?"

"হাঁ।"

কৌতূহলাতিশয়াত্তে সরলকুমার তাহাকে নিবারণ  
করিল না; বলিল, "দেবী না হয়।"

"তা হ'বে না"—বলিয়া বেণী জুতা পায় দিয়া বাহির  
হইয়া গেল।

সরলকুমার বারান্দায় একখানা লম্বা বেতের চেয়ারে  
গুইয়া আপনার মনে হাসিতে লাগিল—বেণী কি করিয়া  
আইসে, জানিবার জন্ম তাহার কৌতূহল বাড়িতে লাগিল।

বেণী “ছোট সাগেবের” গৃহে অপরিচিত ছিল না— পুস্তক দিতে ও পুস্তক আনিতে তাহাকে প্রায়ই তথায় যাইতে হইত। সহসা তাহাকে দেখিয়া মণিকা মনে করিল, সে সেইরূপ কোন কায়েট আসিয়াছে। সে জিজ্ঞাসা করিল, “বেণী, বাবাকে চাই?”

বেণী বলিল, “না। আপনার কাছে একটা দরকারে এসেছি।”

মণিকা ভাবিল, গৃহে ফিরিয়াই আবার কি মনে পড়ায় সরলকুমার তাহাকেই পাঠাইয়াছে। সে জিজ্ঞাসা করিল, “কি আছে?”

“না। আমি একটা কথা জিজ্ঞাসা করতে এলাম।”

মণিকার কৌতূহল বন্ধিত হইতে লাগিল। সে জিজ্ঞাসা করিল, “কি কথা?”

“দাদাবাবুকে জিজ্ঞাসা করেছিলাম; তিনি আপনাকে জিজ্ঞাসা করতে বলেছেন।”

নিবন্ধিত কৌতূহলে মণিকা বলিল, “কি কথা? বল।”

“আপনাকে কি বলে ডাকতে হবে?”

এ বার তাহার প্রশ্নের সরলতায় মণিকা মুগ্ধ হসিল; বলিল, “কেন?”

“মা’ বলে না ডাকলে কি আপনি রাগ করবেন?”

মণিকা হাসিয়া বলিল, “এই কথার উত্তর তোমার দাদাবাবু দিতে পারেন নি?”

“না।”

“তুমি আমাকে ‘বৌদিদি’ বলবে; যদি ‘মা’ বল, তবেই আমি রাগ করব।”

আনন্দে বেণীর নয়নদ্বয় উজ্জ্বল হইয়া উঠিল এবং তাহাব পরেই অশ্রুসঞ্ছল হইল।

মণিকা তাহা লক্ষ্য করিয়া বলিল, “তবে আর একটা কথা আছে।”

“কি?”

“তোমার কথা আমি ক্রমে ক্রমে সব শুনেছি। তুমি আমাকে আজ অবদি যে ‘আপনি’ বলেছ,—সেই ‘আপনি’ বলার শেষ। এখন থেকে তুমি আমাকে আর ‘আপনি’ বলতে পারবে না—‘তুমি’ বলবে।”

বেণীর আনন্দের আর সীমা রহিল না। সে বুঝিল, যে গৃহে সে আপনার ব্যতীত আর কিছুই মনে করিতে

পারে নাই, সে গৃহে তাহার স্থান পূর্ববৎই রহিল। আজ পরলোকগত প্রভুর ও প্রভুপত্নীর—তাহার দ্বিতীয় পিতা-মাতার কথা স্মরণ করিয়া তাহার হৃদয়ে শোক উথলিয়া উঠিল।

আপনাকে সামলাইয়া লইয়া, চক্ষু মুছিয়া বেণী বলিল, “বাবা আর মা যে আপনাকে বৌ দেখে যেতে পেলেন না, আমার এ দুঃখ রাখবার ঠাই নাই।”

চিন্তিতভাবে মণিকা জিজ্ঞাসা করিল, “বেণী, তোমার কি মনে হয়, আমাকে পেলে তাঁ’রা আনন্দিত হ’তেন?”

“হ’তেন না? অমন মানুষ কি আর হবে? আপনি যেমন বাপের মেয়ে, তেমনই খুশুর-শাশুড়ীর বৌ। মা’র গহনা এলে আমি দেখিয়ে দেব, কত গহনা তিনি এক দিনও অঙ্গে দেন নি—ভাল নক্সা দেখলে বাবা যখন গহনা গড়তে দিবেন, তখন মা যদি বলতেন, ‘আবার গহনা কেন?’—তবে বাবা বলতেন, ‘সরলের বৌ এলে পরবে।’ মা আর কোন কথা বলতেন না। মনে কত আশা! যেখানে যে ভাল কাপড়, ভাল জিনিষ দেখেছেন, বৌমার জন্ত কিনেছেন। এই ক’বছর আমি কেবল বাগ বাগ ভরা সে সব জিনিষ ঝেড়ে পাট ক’রে রেখেছি। কত জিনিষ সময়ে মলিন হয়ে গেছে।”

“তা’ হ’ক, তাঁ’দের স্নেহ সেগুলি উজ্জল ক’রে রেখেছে।”

“এ বার আপনাকে সে সব দিয়ে আমার ছুটি।”

“কেন, বেণী, তুমি ছুটি নেবে কেন?”

“ছুটি নেব না—নিতে পারব না। কোথায় মা’ব? রাস্তা থেকে কুড়িয়ে এনে মা আর বাবা আমাকে মানুষ করেছিলেন। এক বার সিমলায় যখন আমার জ্বর-বিকার হ’ল, ডাক্তার আমাকে হাসপাতালে পাঠাতে বললেন। মা বললেন, ‘না। যদি আমার ছেলের অসুখ হ’ত, আমি কি করতাম? আমাদের মা’রা সেবা করে, তাদের অসুখ হ’লে হাসপাতালে পাঠাতে আমি পারব না।’ বাবা কোন আপত্তি করলেন না। মা নিজের খাট থেকে গদা এনে আমার বিছানা ক’রে দিলেন—ওষুধ পথ্য নিজে খাইয়ে আমাকে বাচালেন। আমার আর কেউ নেই, বৌদিদি, কেউ নেই; কেবল তোমরা আছ। তোমাদের ছাড়া ছেড়ে আমি স্বর্গেও যেতে চাই না।”



অবস্থা, ১৯৪৩ ]

“বগ-পরিচয়”

শিল্পী—ই.স.স.স.স.স.স.স.স.স.





বেণী ব্যথাকাতর বালকের মত কাঁদিতে লাগিল।

মণিকাও অশ্রু সম্বরণ করিতে পারিল না।

অল্পক্ষণ পরে মণিকা বলিল, “বেণী, আমি কলিকাতায় গেলে তুমি আমাকে তাঁদের কথা শুনাবে?”

“শুনা’ব, বৌদিদি, বললে আমার পুণ্য হ’বে।”

তাহার পর বেণী বলিল, “এখন যাউ, বৌদিদি— দাদাবাবু দেবী করতে বারণ করেছেন।”

মণিকা বলিল, “এস।”

যাউবার সময় বেণীর সহিত “ছোট সাহেবের” দেখা হইল। তিনি বলিলেন, “কি, বেণী?”

বেণী প্রণাম করিয়া বলিল, “আজ কলিকাতায় যাচ্ছি : বৌদিদির সঙ্গে দেখা করতে এসেছিলাম।”

“সরলকুমার ব’লে গেছেন, এক সপ্তাহের মতোই ফিরে আসবেন।”

“আমার এখন আসা হ’বে না।”

“কেন?”

“দাদাবাবু কলিকাতায় বাড়ী ঠিক করে’ আসবেন— আমাকে সেখানে থাকতে হবে; সব গুছিয়ে রাখতে হ’বে।”

“তুমি পুরাণ লোক; সেখান থেকে ঔঁদের হুঁজুকে আশীর্বাদ করবে।”

“আশীর্বাদ আপনি করবেন। বৌদিদি যা’দের কত আদরের বৌ, তাঁ’রা যে কাছে থেকে আশীর্বাদ করতে পারলেন না, তাই মনে ক’রে আমি কালা রাখতে পারছি না।”

বেণীর নয়ন আবার অশ্রুতে পূর্ণ হইয়া গেল।

“ছোট সাহেব” বলিলেন, “তাঁ’রা সেখামেই কেন থাকুন না, ছেলেরোকে আশীর্বাদ করবেন।”

বলিতে বলিতে “ছোট সাহেব” একটু অভিভূত হইয়া পড়িলেন। আর এক জনের কথা তাহার মনে পড়িল। মণিকার মা তাহার স্নেহের কণাকে এমন পাত্রে সমর্পিতা দেখিয়া দুই জনকে আশীর্বাদ করিতে পারিলেন না।

বেণী “ছোট সাহেবকে” প্রণাম করিয়া চলিয়া গেল।

“ছোট সাহেব” ভাবিতে লাগিলেন।

বেণীর কথা ও বেণীর অশ্রু আরও এক জনের মনে কত কথা ও কত ব্যথা জাগাইয়া দিয়াছিল! বিবাহের প্রস্তাব শুনিয়া অবধি মা’র কথা কেবলই মণিকার মনে পড়িতেছিল। বিদ্যাতের সান্নিধ্যে যেমন বিদ্যৎ প্রবল হয়, বেণীর কথায় ও ভাবে তাহার তেমনই হইয়াছিল।

প্রেম মানুষকে প্রেমাপ্পদের সঙ্গক্ষে যেমন স্বার্থত্যাগী করে, আর সকলের সঙ্গক্ষে তেমনই স্বার্থপর করে—তাই যুবতী যেমন স্বামীর জন্ম পিত্রালয়কে পরের ঘর মনে করে, যুবক তেমনই স্ত্রীর জন্ম আর সকলের সহিত সঙ্গক্ষ তুচ্ছ মনে করে—তাহারা কেবল পরস্পরের জন্মই ত্যাগ-স্বীকারে আনন্দানুভব করে। তবুও মণিকার কেবলই মনে হইতেছিল, সে চলিয়া যাউলে তাহার পিতার অনেক অসুবিধা হইবে; আর সঙ্গে সঙ্গে সে তাহার মাতার অভাব অনুভব করিয়াছে। আজ সে সেই অভাব অতি তীব্রভাবেই অনুভব করিতে লাগিল। আজ মা’র কথা মনে করিয়া তাহার বুক বেদনায় ও চক্ষু অশ্রুতে পূর্ণ হইয়া উঠিতে লাগিল।

বেণীকে তাহার পিতা যাতা বলিয়াছিলেন, সে তাহা শুনিয়াছিল; শুনিয়া বুঝিয়াছিল, তিনিও সেই এক জনের অভাব অনুভব করিতেছেন। তিনি যে তাহাকে তাহার মাতার চিত্র উপহার দিবেন, তাহাও সে জানিয়াছিল।


মা’র চিত্রখানি দেখিবে বলিয়া যে ঘরে সেই চিত্রখানি ছিল, সে সেই ঘরে প্রবেশ করিতে গেল—দ্বারের পন্দা সরাইয়া দেখিতে পাইল, “ছোট সাহেব” সেই চিত্রের সম্মুখে দাড়াইয়া আছেন। পন্দাটি ফেলিয়া সে নিঃশব্দে সরিয়া গেল।

সরলকুমার তাহাকে যে অশোক তরুমূলে দেখিয়া গিয়াছিল, মণিকা তথায় যাউয়া বেঞ্চে উপবেশন করিল। মা’র কথা ভাবিতে ভাবিতে তাহার দুই চক্ষু হইতে অশ্রু ঝরিয়া পড়িতে লাগিল। কখন যে অপরাহ্ন সন্ধ্যার স্বচ্ছান্ধকারে তাহার বিচিত্র বর্ণ বিসর্জন দিতেছিল, তাহা সে জানিতেও পারে নাই। ভূত্যের আহ্বানে সে চমকিয়া উঠিল। ভূত্য বলিল, ছাত্ররা আসিয়াছেন—“সাহেব” তাহাকে ডাকিতেছেন। সে চক্ষু মুছিয়া আপনাকে স্থির করিয়া বাংলায় গেল।

[ ক্রমশঃ ]

শ্রীহেমেন্দ্রপ্রসাদ ঘোষ।





## নম্ব্যাণ্ডি

নম্ব্যাণ্ডি ফ্রান্সের একটি প্রদেশ। বিজেত্রা উইলিয়ামের নামেব সহিত নম্ব্যাণ্ডি বিজড়িত। ইতিহাসপাঠকগণ নম্ব্যাণ্ডির নামের সহিত স্মরণবিচিত হইলেও এই প্রদেশের ভৌগোলিক বিবরণ এবং অগাণ্ড জাতব্য তথ্য সম্বন্ধে জানিবার আশ্রয় রাখেন। নম্ব্যাণ্ডির প্রধান বন্দরের নাম সারবরো। এখানে মৎস্য ধরিবার শ্রেষ্ঠ কেন্দ্র প্রতিষ্ঠিত। অনেকেই মৎস্য ধরিয়া শুধু জীবিকা নির্বাহ করে না, প্রচুর অর্থও উপার্জন করিয়া থাকে।

সারবরোতে নারীরা সাধারণের ব্যবহৃত উৎস-জলে বস্তাদি ধৌত করিয়া থাকে। তুষারশীতল জলে বস্তা ধৌত করা সহজ ব্যাপার নহে; কিন্তু নারীরা পরম উৎসাহভরে সেই তুষারশীতল জলেই বস্তা ধৌত করিয়া থাকে।

বন্দর হইতে বাহির হইয়া কয়েক মাইল অগ্রসর হইলেই দর্শকের নয়ন-পথে আপেল-ভারাবনত বৃক্ষরাজির সুন্দর দৃশ্য পতিত হইবে। সর্বত্রই আপেল গাছের ছড়াছড়ি।

সমগ্র অঞ্চলটি পাহাড়ে সমাকর্ণ। প্রত্যেক কৃষিক্ষেত্রই পাহাড়ের উপর অবস্থিত। নির্ঝরিণীর সংখ্যা গণনা করা যায় না। নির্ঝরিণী-তীরে পুষ্পিত 'সিডার' গাছ। উহা নম্ব্যাণ্ডির অল্পতম বৈশিষ্ট্য।

প্রত্যেক কৃষিক্ষেত্র এবং গোলাবাড়ী ঘন পুরাতন চর্গের জাতিভাতা। কোন কোন গোলাবাড়ীর আকার অসম্ভব বৃহৎ। এক একটি অট্টালিকার মতো গোলাকার টাওয়ার মাথা উন্নত করিয়া দণ্ডায়মান। গল্প আছে,



নম্ব্যাণ্ডির দীবদ-সম্প্রদায়



সারবরো বন্দরের বৃদ্ধ দম্পতি



গোয়ালিনী ও দুধবতী গাভীর দল

প্রণয়িনীর জন্ম প্রেমিক বা তা য় নে র নিয়ে প্রতীক্ষা করিয়া ছিল। এইরূপে উক্ত সুন্দরী সতর্ক প্রহরীদিগের সমস্ত চেষ্টা ব্যর্থ করিয়া দিয়াছিল।

মাউন্ট সেন্ট মাইকেল এখানকার প্রধান দর্শনীয় স্থান। যাত্রিদল সারবরো বন্দর হইতে বাহির হইয়া এই তীর্থস্থান অভিমুখে গমন করিয়া থাকে। এভরান্চেস নামক ক্ষুদ্র সহরে পৌঁছিয়া সেখান হইতে সেন্ট মাইকেল অভিমুখে যাইতে হয়। পথ ক্রমশঃ উপরের দিকে উঠিয়াছে।

সন্ন্যাসী আবেলার্ড-এর কথা কেহ ভুলিবে না। হেলয়সীর প্রেমে তিনি আকর্ষণ নিমজ্জিত হইয়াছিলেন। তাঁহার রচিত দম্ভগ্রন্থ “সিক্-এট-নন”এর কথা হয়ত অনেকে জানেন না; কিন্তু তাঁহার প্রণয়কাহিনী কেহই বিস্মৃত হইবেন না।

একটি এইরূপ চর্মে কোন কালে একটি সুন্দরী তরুণীকে সতর্কভাবে বন্দী করিয়া রাখা হইয়াছিল। কিন্তু সেই দীর্ঘকেশা সুন্দরী তাহার কেশরাজি বাতায়নপথে নামাইয়া দিয়া তাহার প্রেমিককে চুলের সাহায্যে ধরে তুলিয়া লইয়াছিল।


মানুষ রোমান্স এমনই ভালবাসে। পাহাড়ের উপরেই “প্লেট ফরমে”। এই নাম প্রথমতঃ মানুষের মনে কোন কৌতুহলেবই উদ্বেক করিবে না। কিন্তু উহা পর্যাবেক্ষণ করিলেই এই সাধারণ পাষণথও যে ইতিহাস বক্ষে ধারণ



করিয়া র হি য়া ছে,  
তাহার সমস্তই মানস-  
পটে ভাসিয়া উঠিবে।

পূর্বে এই পামাণ-  
খণ্ডের সম্মুখে একটি  
দক্ষ-মন্দির ছিল।  
এখন তাহা নাই।  
পামাণ খণ্ড মন্দির-  
দ্বারের সম্মুখে ই-  
স্টা পিত ছিল।  
১১৭২ খৃষ্টাব্দে ইংলণ্ডের  
রাজা দ্বিতীয় হেনরী  
পোপের প্রতিনিধি-  
বর্গের সম্মুখে এই  
পাপের উপর নত-  
জানু হইয়া উপবেশন  
করিয়া ছিলেন।  
ক্যান্টারবারি গিফ্রাব  
দক্ষমাজক টমাস  
বেকেটকে হত্যা করার  
পর অন্ততাপ হওয়ার  
রাজা দ্বিতীয় হেনরী  
ক্ষমাপ্রার্থনার জন্য  
এখানে জানু পাতিয়া  
প্রতীক্ষা করিতে  
থাকেন। দক্ষমাজক-  
হত্যাপরাধে রাজা  
সমাজচ্যুত হইয়া-  
ছিলেন। মন্দিরের  
ভিতর পোপের প্রতি-  
নিদিগণ অপেক্ষা  
করিতে ছিলেন।

তাহারা যতক্ষণ না রাজাকে ক্ষমা করিয়াছিলেন, নতজানু  
অবস্থায় ইংলণ্ডের রাজা ততক্ষণ প্রস্তরখণ্ডের উপর অবস্থান  
করিয়াছিলেন। ইহাতে তাহার জানুদুগল ব্যাণায় ভারী  
হইয়া উঠিয়াছিল।



বগীগাড়ীর পশ্চাতে গোবৎস



সম্মানসহ সারবরোর দম্পতির বায়ুসেবন

এই বিচিত্রদর্শন মাউন্ট মাইকেল সমুদ্রগর্ভে অবস্থিত।  
তীর হইতে অবশ্য উহার দূরত্ব অধিক নহে। পাহাড়ের  
উপর মঠ—যেন মঠের শীর্ষগুলি আকাশচুম্বন করিতেছে।  
সেন্ট মাইকেলের তরবারিধৃত বাহু সহ দীর্ঘ মূর্তি যেন



লেস-বয়নরতা তরুণীর দল



সারবরোর ভেড়া-বিক্রেত্রী

সূর্যালোকে ঝলসিত হইয়া নীল আকাশ স্পর্শ করিতে চাহিতেছে।

মাউন্ট সেন্ট মাইকেল যখন ইচ্ছা দেখা যাইতে পারে। এমন কি, শীতের নিশীথ রাত্রিতেও দ্রষ্টব্য। কিন্তু

বার দুর্ভাবনা যে সকল দর্শক করেন না, তাঁহারা পদব্রজে বালুকারাশির উপর দিয়া যাইতে পারেন। তবে পনটরসন হইতে পথ উচ্চ করিয়া তাহার উপর দিয়া ছোট রেলগাড়ী চলিতে আরম্ভ করিয়াছে। শত শত

সর্দাপেক্ষা প্রকৃষ্ট সময়, রাত্রিকালে যখন সমুদ্রে জোয়ার লাগে এবং আকাশে চন্দ্রালোকের বিমলদীপ্তি উদ্ভাসিত হয়, সেই সময়ে পাহাড়ে গিয়া দেখিলেই পূর্ণানন্দলাভ হয়।

কোরেসসন্ নামক ক্ষুদ্র নদীর তীরে পনটরসন্ নামক একটি স্থান আছে। এই স্থান হইতেই মাউন্ট এ যাইতে হয়। তটভূমি বালুকাপূর্ণ এবং সিক্ত। উক্ত আর্দ্র তটভূমির উপর দিয়া পাহাড়ের দিকে অগ্রসর হইতে হইবে। রাজা ও বিশপ-রাও ঐ পথে যাইবেনই। জোয়ার এবং চোরা বালিতে পড়িয়া বিপন্ন হইবার আশঙ্কা থাকে। রাজা একদিন লুই পূর্যাস্তুর পরিধেয় বসন গুটাইয়া এই পথে অগ্রসর হইয়াছিলেন। পূর্বে এই ভাবেই দর্শক মাউন্ট সেন্ট মাইকেল দেখিতে আসিত। এখনও বন্দাদি ভিজিয়া যাই-

মোটরগাড়ীও এখন সেখানে যাত্রী বহন করিয়া লইয়া যায়, বিমানযোগেও গমন করা চলে। প্রজাপতির মত পক্ষ বিস্তার করিয়া বিমান বিশাল বিস্তীর্ণ সৈকতভূমির উপর অবতরণ করিয়া থাকে।

অতি প্রাচীনকাল হইতে এই স্থানটি তীর্থ হিসাবে পরিগণিত। সে সময়ে ভক্তগণ নগ্নপদে সৈকতভূমির উপর দিয়া সেন্ট মাইকেল দর্শনে গমন করিত। ডুইউড পুরোহিত-দিগের নারীরা সেই যুগে এই তীর্থ-স্থানে নানা প্রকার দুন্দোধ্য আচার পালন করিত। তাহারা সুগন্ধি পুষ্প-মালা দ্বারা মস্তক সুশোভিত করিয়া স্বর্ণনির্মিত বাণপূর্ণ তুলীর বহন করিত। যাত্রার বজ্রধ্বনি শুনিয়া ঝটিকার সমন্বিত শিহরিয়া উঠিত, তাহারা এই বাণের গুণে সে আশঙ্কাজনক হইতে মুক্তিলাভ করিত। এইরূপ প্রবাদ।

মন্মথশরে অনাচরিত কোনও বালক এই তীর মেঘ লক্ষ্য করিয়া নিষ্ফেপ করিলে, ভীষণ ঝটিকা পর্যন্ত শাস্ত হইয়া যায়, এইরূপ লোকের বিশ্বাস ছিল। জাহাজের নাবিকরা এই বাণ সংগ্রহ করিবার জন্ত সেন্ট মাইকেল পাহাড়ে প্রায়ই আসিত, দলুর্ভিদ নাবিক তীর নিষ্ফেপ করিয়া ঝটিকাকে শাস্ত করিতে পারিলে ডুইউড নারীদিগের কাছে ফিরিয়া আসিয়া পুরস্কারস্বরূপ কোনও কুমারীকে প্রার্থনা করিত।

ডুইউডদিগের পর সন্ন্যাসীরা এখানে আসিতে আরম্ভ করেন। সেই সময় এই স্থানের নাম ছিল মন্টা টুয়া বা মন্টা টেপে। উহাদের পর সেন্ট অউবার্টের শ্রভাগমন হয়। অষ্টম শতাব্দীতে তিনি আভরাস্চেস্ পাহাড়ে বসবাস করিতে থাকেন। তিনি ঐ স্থানের বিশপ ছিলেন। তিনি এখানে কাষ করিতেন এবং পাহাড় সম্বন্ধে দিবাস্থপ দেখিতেন। সেই সময় সেন্ট মাইকেল হইতে তিনি আকাশবাণী প্রাপ্ত হন। এইখানে

একটি খৃষ্টান গির্জা নিৰ্মাণ করিবার দৈবদেশ তিনি পাইয়াছিলেন। সে যুগে ধর্মপ্রাণ ব্যক্তির প্রায়ই এই প্রকার দৈবদেশ প্রাপ্ত হইতেন। সে আদেশ প্রতিপালনে বিলম্বও ঘটিত না।

বিশপ অউবার্ট কতিপয় ধর্মপ্রাণ সন্ন্যাসীকে পাহাড়ের



মাউন্ট সেন্ট মাইকেলের প্রবেশ-তোরণ

উপরে সামুদ্রিক পাখীর ছায় অবস্থান করিতে দেখেন। তিনি এইখানে একটি গির্জা নিৰ্মাণ করার পর বহুলোক সেখানে তীর্থযাত্রা করিতে আরম্ভ করিয়াছিল। অবশেষে এখানে একটা মঠের প্রতিষ্ঠা হয়। মন্টা টেপে নামের পরিবর্তে মন্টা সেন্ট মাইকেল নামই প্রসিদ্ধ হইয়া উঠে। সপ্তে বিশপ অউবার্টের কাছে এই ঋষিই আবির্ভূত হইয়াছিলেন।

অউবাটের দুই শত বৎসর পরে নন্দ্যানরা এখানে আগমন করে। তাহারা এই মঠ ও মঠস্থ সন্ন্যাসীদিগকে বিদ্বেষের দৃষ্টিতে দেখিত না। সেজন্য অট্টালিকাগুলি ধ্বংসপ্রাপ্ত হয় নাই। নন্দ্যানদিগের দলপতি রোলো এবং তন্মু বংশধর উইলিয়ম (বিদ্বের) তখন অল্প ভাবের ভাবুক ছিলেন।



মন্দিরের সোপানশ্রেণী

সমুদ্রের ধারে একটি পাহাড়ের উপর অউবাট-নির্মিত ছোট গির্জা-ঘর বিদ্যমান। রোভাট জলিভেট নামক জনৈক ভাস্কর চতুর্দশ শতাব্দীর প্রারম্ভে সেন্ট মাইকেল দুর্গের প্রাকার নিৰ্মাণ করিয়াছিলেন।

যে সোপানাবলী দিয়া সেন্ট মাইকেল মন্দিরে উপনীত হইতে হয়, তাহার সোপানসংখ্যা ৬ শত ৬২।

সমগ্র পাহাড়টি অট্টালিকাপূর্ণ, উপরে মঠবাড়ী

অবস্থিত। উহার অভ্যন্তরভাগ বিচিত্র কারুকার্য্য-সমন্বিত, সুদৃশ্য ও সুন্দর।

সেন্ট মাইকেলের মূর্তি অতি বিচিত্রদর্শন। শয়তানকে পরাজিত করিয়া বিজয়-গর্ভে যেন তিনি দাঁড়াইয়া রহিয়াছেন। পদতলে শয়তান পরাজিত হইয়া অবস্থিত। মূর্তির উল্কাংক্ষিপ্ত বাহু যেন বলিতেছে—আরও বহু বিষয়ে তিনি জয়ী হইবেন।

নন্দ্যান গণিক যখন প্রচলিত ছিল, সেই সময় এই মঠ নিশ্চিত হয়। বিরাট সৌন্দর্যের সর্বত্র গণিক ভাস্কর্য্যচিহ্ন প্রকটিত।

মণ্ট সেন্ট মাইকেল যখন মন্স টুপা নামে অভিহিত হইত, তখন ক্ষুদ্র দ্বীপটির নাম ছিল টমেলিন্। প্রাচীন অধিবাসীরা তখন এই স্থানে সমাধিত হইত। এখানে একটি বাড়ী আছে। টিফেস্ রগেসেলের বাড়ী নামে উহা অভিহিত। বারট্রাও ডু গুয়েস্‌সিনের সহিত ঐ সুন্দরী এখানে বাস করিতেন, বারট্রাও চতুর্দশ শতাব্দীতে বীর যোদ্ধা বলিয়া পরিগণিত ছিলেন। তিনি বিবাহের পর যুদ্ধবৃত্তি ত্যাগ করিয়া কিছুদিন শান্তিতে এখানে বসবাস করিয়াছিলেন।


১৪৩৪ খৃষ্টাব্দে ইংরেজসেনা মাউন্ট আক্রমণ করিয়া পরাজিত হইয়াছিল। প্রাকার দুর্ভেদ্য এবং অভ্যন্তর দৃঢ়। গেরিয়েল দুর্গচূড়া আকাশ চুম্বন করিয়া

দণ্ডায়মান। শত্রুকে উপহাস করিয়া এই দুর্গচূড়া যেন গর্বোন্নতমস্তকে দণ্ডায়মান।

উত্তরদিকে এখনও অরণ্য বিরাজিত। পাহাড় হইতে অরণ্য যেন সমুদ্রের দিকে নামিয়া আসিয়াছে। এ অঞ্চলে কোনও অট্টালিকা নাই—শুধু প্রকৃতির মধুর দৃশ্য বিরাজিত।

নন্দ্যাপ্তি কেমন করিয়া নন্দ্যানদিগের অধিকারে আসিয়াছিল এবং কেমন করিয়া ফরাসীরা উহার মালিক







চন্দ্রপুর বন্দরের দৃশ্য



লি ছাত্তার বন্দরের দৃশ্য



সেন্ট মাইকেল পশ্চিমনিরের স্বর্ণখচিত চড়া



সেন্ট মাইকেল পশ্চিমনির-সংলগ্ন সবজিবাগ




সমুদ্র-তীরে ৭ মাইল বিস্তৃত সৈকতভূমি জলমগ্ন



মন্দিরের অভ্যন্তরস্থ খিলান



দুর্গ প্রাকারের একাংশ



বিমান চইতে মণ্ট সেন্ট মাইকেলের দৃশ্য



দুই শত অতিথির ভোজনাগার



মন্দিরের অপর ।



হইয়াছিল; তাহা  
ঐতিহাসিক  
ব্যাপার। এই-  
খান হইতে  
দুঃসাহসী সাম্-  
দ্রিক সঙ্গর  
জাহাজে করিয়া  
উভয় সমুদ্র  
অভিমুখে বিজয়  
যাত্রা করিত  
এবং সমগ্র  
উত্তর-সমুদ্রের  
উপর আধিপত্য  
বিস্তার করিয়া-



মন্দিরের প্রাকার

ছিল। এক শত

বৎসরের অদিককাল নম্যানদিগের  
করতলগত না হইতেই বিজয়ী ইই-

ডিউক বলিয়া আপনাকে

বিশেষিত করেন এবং ইংলণ্ডের প্রতি  
লৌচুপদৃষ্টি নিষ্ক্ষেপ করেন।

সমগ্র নম্যান্ডি করতলগত করিয়া  
ডিউক নানা স্থানে দুর্গ নিৰ্মাণ করেন।  
কালগাইস নামক স্থানে দুর্গ নিৰ্মাণ  
করিয়া উইলিয়মের পিতা ডিউক  
রোবার্ট বাস করিতেন। তাঁহার বয়স  
যখন অষ্টাদশ, সেই সময় দুর্গের বাতায়ন-  
পথে তিনি একটি দৃশ্য দেখিতে পান  
বৃক্ষবীপির অন্তরালে একটি প্রকাণ্ড  
স্থানে বহু নারী সমবেত হইয়া বস্ত্র  
ধৌত করিতেছিল। সেই নারীদের  
মধ্যে এক অপূর্ণ সুন্দরী তরুণী ছিলেন।  
তাঁহার নাম আর্জেট। যুবক ডিউক  
সেই সুন্দরী যুবতীকে দেখিয়া প্রেমমুগ্ধ  
হন এবং তাঁতাকে দুর্গে আশ্রয় করেন।

উভয়ের মধ্যে প্রণয় ঘটে, মিলনও  
হয়; কিন্তু বিবাহ হয় নাই। আর্জেটের



মন্দিরের বহিদৃশ্য



শতাব্দীকালি যোড়ার গাড়ী



মণ্ট দেণ্ট মাইকেলের তীর্থযাত্রীর দল

অপর দুই পুত্র ছিল। তাহারা উইলিয়মের সহোদর ভ্রাতা হইলেও এক পিতার ঔরস-জাত নহে। রোবার্টের উইলিয়ম ছাড়া অণু পুত্র ছিল না। আর্লেট ও রোবার্ট বিবাহ করিয়াছিলেন, কিন্তু পরস্পরকে নহে। এই দুই ভ্রাতা উইলিয়মের সৌভাগ্যের অংশীদার হইয়াছিল। এখনও

ফেলাইসের সেই উৎস-সন্নিধানে নারীরা বস্ত্র দৌত করে এবং আর্লেটের ভাগ্য-বান সন্তান উইলিয়মের সম্বন্ধে আলোচনা করিয়া থাকে। কিন্তু কোনও ইংরেজ উপস্থিত থাকিলে সে আলোচনা বন্ধ হইয়া যায়। কারণ, পাছে তাহাদের মনে উইলিয়মের জন্মকথায় আঘাত লাগে।

সে বাতায়নপথে রবার্ট প্রথম আর্লেটকে দেখেন, এখনও সে বাতায়ন বিগ্ৰহমান। সেই পুরাতন ভূর্গ এখনও দাঁড়াইয়া আছে। আর্লেট যে কক্ষে বসবাস করিতেন, দর্শককে তাহা দেখাইয়া দেওয়া হইয়া থাকে।


ডাইভস্-সর্ব্বমের নামক বন্দরে উইলিয়ম ৭ শত জাহাজ সমবেত করিয়া তাহাতে যোদ্ধ-সমাবেশ করিয়াছিলেন, সে যুগে এই বৃহৎ পোতবহর ও যোদ্ধ-বৃন্দকে সমুদ্রপথে লইয়া যাওয়া সুজ-সাধ্য ব্যাপার ছিল না। উক্ত বন্দরের সহর এখনও বিগ্ৰহমান। এখনও সেখানে বিজেতার নামে একটি সরাই-খানা দৃষ্ট হয়। সেই পাছনিবাসে অসংখ্য




সেন্ট অউবার্ট গিফ্তা



এইখানে মঠের সন্ন্যাসীরা জল সঞ্চয় করিয়া রাখিত



পাগাড়েব উত্তরাংশ হইতে সমুদ্র দৃশ্য



ঊনবিংশ শতাব্দী পূর্বে নিৰ্মিত মন্দিরচূড়া



নন্দ্যাপ্তি বাহক



জলের কল হইতে জল তোলা



পন্টরসনের নন্দ্যাপ্তি নারী



চারিত্রস বেস্তোরা





সমুদ্রস্নানার্থী বালকের দল



আভরাস্চেন সহরের কণাইখানা



এই ভূর্গে বিজেতা উইলিয়মের জন্ম হয়



বিজেতা উইলিয়ম পান্ননিবাস



প্রাচীরগাত্রে উৎকীর্ণ ঋষিনৃসিঁচতুষ্টয়


রণপণ্ডিত নায়ক সমবেত হইয়া-  
ছিলেন।

মোড়শ শৃঙ্খলে মাদাম  
দেসেভেকী নামক এক জন  
লেখিকা উক্ত পাহুনিবাসে  
আশ্রয় লইয়াছিলেন। পাহু-  
নিবাসটি এখন জীর্ণ অবস্থায়  
বিরাজিত। দর্শকগণকে এই  
পাহুনিবাস দেখান হইয়া থাকে,  
সমুদ্র এই নগর হইতে এখন  
এক মাইল দূরে সরিয়া গিয়াছে।

কেইন সহরে বিজেতা উই-  
লিয়ম বিবাহিত জীবন যাপন  
করিয়াছিলেন। এইখানে জাতি-  
ভগিনী ম্যাটিলডার সহিত তাঁহার  
পরিচয় হয়। পরিচয় ক্রমে  
প্রেমে পরিণত হয়। তাহার  
পরই বিবাহ। উইলিয়ম একটি  
কণাসস্থান লাভ করেন। তাহার  
নাম সিসিলিয়া। এই সিসিলিয়া  
অত্যন্ত রূপসী ছিলেন।



সেন্ট মাইকেল হইতে নিম্নস্থ ট্রামলাইনের দৃশ্য



গর্দভবাহিত গাড়ী




সেন্ট মাইকেলের রেস্তোরাঁ

কেইনের পথগুলি জন-সমাগমপূর্ণ। নন্দ্যান অদি-বাসী এই নগরের শোভা-বর্দ্ধন করিতেছে। উইলিয়ম এইখানে একটি ধর্ম্মন্দির প্রতিষ্ঠা করেন। সেন্ট এটিনী ধর্ম্মন্দিরের চূড়া যেন গগন স্পর্শ করিতেছে। সহরের বিপরীত দিকে ম্যাটিলডা লা ট্রিনিটি নামক আর একটি ধর্ম্মন্দির নিৰ্ম্মাণ করিয়া-ছিলেন। এই দুইটি ধর্ম্ম-ন্দির কেইনের বৈশিষ্ট্য।

উইলিয়ম ও ম্যাটিলডার কণা সিসিলিয়া লা ট্রিনিটির ধর্ম্মাধ্যক্ষা নিযুক্ত হইয়া-ছিলেন। উইলিয়ম ও ম্যাটি-লডা স্ব স্ব ধর্ম্মন্দিরে সমা-হিত হন। কিন্তু পরবর্ত্তী শতাব্দীতে তাঁহাদের সমাধি-ক্ষেত্র ভাঙ্গিয়া ফেলা





স্বাতমৌধ—বিখ্যাত বিমান এনগুসেনের উদ্দেশে



লি হাভারের প্রসিদ্ধ বণস্মৃতি-সৌধ



ফ্রাণ্ডিসের প্রদিক সৈকতভূমি



নন্দ্যান গোলাবাড়ী

হইয়াছিল। কেইন শুধু অত্যন্ত যুগের কীর্তি বক্ষে দারণ করিয়া ধরা হয় নাই জাভাবের সচিত্র তাহার বাণিজ্যগত দৃশ্য আছে। খালের পথে বাবসা-বাণিজ্য চল।

উইলিহাম নামক স্থানকে চতুর্দশ ও পঞ্চদশ শতাব্দীতে টংরেজরা বন্দররূপে ব্যবহার করিত। কেইন সহর লুণ্ঠন করিয়া যে সকল জিনিস তাহার সংগ্রহ করিত, তাহা তাহার জাহাজে করিয়া ইংলণ্ডে লইয়া যাইত।

বেইউএর নক্সাসমষ্টি চাদর প্রভৃতির সমানর অত্যন্ত অধিক। এক একখানা ২ শত ৩০ ফুট লম্বা চাদরে সূচি শিল্পের সাহায্যে নম্যান বিজয়ের নানা চিত্র আঁকিত থাকে। কথিত আছে, একখানা চাদরে রাণী ম্যাটিলডা নিজের হাতে নম্যান বিজয়ের নানা চিত্র সূচের সাহায্যে আঁকিত করিয়াছিলেন।

সে নক্সাসমষ্টি বসুখানি বেইউএর লাইব্রেরী-ঘরে কাচের আধারে রক্ষিত আছে। এই লাইব্রেরী পূর্বে বিশপের বাসস্থান ছিল। চোরাবালির গ্রাসভুক্ত একদল সশস্ত্র নম্যানকে টানিয়া তুলা হইতেছে, এমন দ্রিও এই বস্তুর একাংশে সূচিশিল্পের সহায়তায় সূচিয়া উঠিয়াছে।


আমেরিকার হেলেন চার্লিস ক্যাণ্ডি নামী জনৈক মহিলা লেখিকা একবার নম্যান্ডি পরিদ্রমণে গিয়া এইরূপ একখানি সূচিশিল্প-সমষ্টি নক্সাকরা চাদর জয় করিয়া আমেরিকায় লইয়া যান। তিনি লিখিয়াছেন যে,



রাউয়োনর প্রসিদ্ধ ঘড়ী-ঘর



নম্যান নামী কাপড় কাঁচিতেছে



সেন্ট সেটনসেব পাশ্চশাল



বিজ্ঞেতা উইলিয়ম-প্রতিষ্ঠিত গির্জা।

এরূপ সুন্দর নন্দ্যাপ্তি কাস সর্কন সুভূত নহে। লিসিউ নন্দ্যাপ্তির অমুভূ ক। এই সতনটিতে থেবেস। বাস করিতেন। থেবেস। মাটিন তরুণ সৌবনে ১৮৮৮ খৃষ্টাব্দে এগানকার মঠে সন্ন্যাসিনীরূপে প্রবেশ করেন। নয় বৎসর পরে ১০ বৎসর বয়সে তিনি দেহতরফা করেন। তাঁহার মৃত্যুর ১৮ বৎসর পরে ১৯২৫ খৃষ্টাব্দে এই তরুণী সন্ন্যাসিনীর উদ্দেশ্যে মানুস শঙ্কর অর্থাৎ নিবেদন করিতে আরম্ভ করে।

রাউয়েন শূধু ফ্রান্সের নহে, সমগ জগতের তীর্থস্থানস্বরূপ। জোয়ান আর্কের আত্মোৎসর্গে এই নগর পবিত্র তীর্থস্বরূপ বিবেচিত হইয়াছে। নানাদেশ হইতে দর্শকদল এই সতন দেখিতে আসে। সতনটি ভাস্কর্য্য সম্পাদে পূর্ণ। কিন্তু সে জগৎ এত জনসমাগম হয় না। শূধু বীর্গাবতী মহিলাব আত্মনিবেদন সে স্থানকে পবিত্র করিয়াছে, তীর্থযাত্রী হিসাবে দেশ-বিদেশের লোক সেখানে

আগমন করিয়া থাকে। উচ্চ চূড়া-সমগ্নিত গির্জা ও অটোমিকা-সমূহ দেখিতে দেখিতে দর্শকের চরণযুগল পুরাতন বাজারের কাছে গিয়া থামিয়া পড়ে। এইখানেই তরুণী সুন্দরী তাঁহার জীবন উৎসর্গ করিয়াছিলেন। এই বাজারটি অবশ্য সুদৃশ্য স্থান নহে—ইহার আপেক্ষা বহু রমণীয় স্থান রাউয়েনএ দেখিতে পাওয়া যাইবে। কিন্তু সে তরুণীর আত্মত্যাগ, তাঁহার পবিত্র দম্য-বিশ্বাস সমগ্ৰ জাতিকে দগু করিয়াছে, তাঁহার পরলোকগত আত্মা হয় ত এখানও এই স্থানে গুরিয়া বেড়ায়, সেই জগুই দর্শকদল মন্থমুগ্ধবৎ এখানে সমবেত হইয়া থাকে।

নন্দ্যাপ্তির জন্ম-স্পন্দন এই সতনই অমুভূত হইবে। কাবণ, এইখানেই নন্দ্যাপ্তির প্রাচীন রাজধানী ছিল। কিন্তু দর্শক মণ্ট সেট মটেকেল পাগাডকে কোনও দিন বিশ্বত হইতে পারিবে না। সমগ্ৰ নন্দ্যাপ্তির মপো উহার মত চমৎকার স্থান আর নাই।

শ্রীসরোজনাথ ঘোষ।



# বৈদেশিক প্রসঙ্গ

## জাতিসঙ্ঘের বলাধান

কয়েক দিন পূর্বে বৃটিশ সাম্রাজ্যের পররাষ্ট্রসচিব মিষ্টার এড্বিন ইডেন বলিয়াছেন, লীগ অব নেশন্স বা জাতিসঙ্ঘের বলাধান করিতে হইবে। জাতিসঙ্ঘ যে ইদানীং কতকগুলি ব্যাপারে অত্যন্ত অক্ষমতা প্রকটিত করিয়াছে, সে বিষয়ে সন্দেহ নাই। তাহার উপর আবিগিনিয়ার ব্যাপারে উহার ক্রীততা বা সামর্থ্যহীনতা পূর্ণ-মাত্রায় প্রকটিত হইয়াছে, তাহা অস্বীকার করিবার উপায় নাই। নানা কারণে বৃটিশ জাতি জাতিসঙ্ঘের পক্ষপাতী। আন্তর্জাতিক শক্তি রক্ষা করিবার পক্ষে জাতিসঙ্ঘ যে একটা প্রকৃষ্ট উপায়, এই ধারণা এখনও বৃটিশ জাতির মনে হইতে তিরোচিত হয় নাই। কিন্তু কাহাকেও লীগ যে এ পর্যন্ত বিশেষ কিছুই করিতে পারিয়াছেন, তাহা মনে হয় না। সার এড্বিন ইডেন কি প্রকারে লীগ বা সঙ্ঘকে বলবান্ করিয়া তুলিবেন, তাহা স্পষ্ট করিয়া বলেন নাই। সে কথা স্পষ্ট না বলিয়া অব্যক্ত রাখিলেই সাধারণে তাহা বুঝিতে পারিবে না। মার্কিনের ভূতপূর্ব প্রেসিডেন্ট উড্রো উইলসন যে ভাবে জাতিসঙ্ঘ গঠন করিতে বলিয়াছিলেন, উহা ঠিক সেই ভাবে গঠিত হইয়াছে বলিয়া মনে হয় না। তিনি বলিয়াছিলেন যে,—“এই জাতিসঙ্ঘটি একটি সত্যকার সালিসী সভা হইবে।” যে প্রতিষ্ঠান সকলের শ্রদ্ধাভাজন হইবে, সে প্রতিষ্ঠানকে সকল দুর্বলকে সমান দৃষ্টিতে দেখিতে হইবে,—তাহার কেবল সবলের পক্ষাশ্রয়ী বা মুখাপেক্ষী হইলে চলিবে না। প্রবলের অঁষথা আক্রমণ হইতে দুর্বলকে রক্ষা করা সালিসী সভামাত্রেরই কর্তব্য। কিন্তু এ পর্যন্ত জাতিসঙ্ঘ তাহা করিতে পারিয়াছেন কি? আমরা তাহা দৃষ্টান্ত কিছুই দেখিতে পাইতেছি না। পৃথিবী হইতে যুদ্ধ নির্কাসন করা জাতিসঙ্ঘের অকৃতম উদ্দেশ্য, কিন্তু জাতিসঙ্ঘ প্রতিষ্ঠিত হইবার পর কি পৃথিবী হইতে যুদ্ধ নির্কাসিত হইয়াছে? দক্ষিণ-আমেরিকার বাকো সংগ্রাম—পূর্ব-এসিয়ায় জাপান ও চীনের হান্সামা এবং সর্বোপরি আবিগিনিয়ার সহিত ইটালীর সংগ্রাম কি কাহারো জাতিসঙ্ঘের সাফল্য সূচিত করে? গ্রেট ব্রিটেনের প্রধান মন্ত্রী মিষ্টার বলডুইন স্পষ্টাক্ষরেই বলিয়াছেন যে, আবিগিনিয়ার যুদ্ধ-ব্যাপারে গ্রেট ব্রিটেনকে হতমান হইতে হইয়াছে এবং জাতিসঙ্ঘকেও হতমান হইতে হইয়াছে। কথা খুবই সত্য। কারণ, কেয়গ প্যাঙ্ক স্বাক্ষরিত হইবার পর সকলেই মনে করিয়াছিলেন যে, অতঃপর আর কোন প্রবল জাতি জোর করিয়া কোন দুর্বল জাতির রাজ্য অধিকৃত

করিতে পারিবে না, জগতে আন্তর্জাতিক বিবাদ মীমাংসা করিবার জন্ত পশু-বলের স্থানে নৈতিক বল প্রতিষ্ঠিত হইবে। কিন্তু সে আশা বার্থ হইয়া গিয়াছে। ইহার ফল এই দাঁড়াইয়াছে যে, লীগের বা জাতিসঙ্ঘের উপর লোকের একটা অশ্রদ্ধা আসিয়া দাঁড়াইয়াছে। মিষ্টার এড্বিন ইডেনও সে কথা মুক্ত-কণ্ঠে স্বীকার করিয়াছেন; এবং বলিয়াছেন, উহা দেখিয়া কাহারও নিরাশ হওয়া কর্তব্য নহে। তাহার প্রধান কথা এই যে, লীগের কর্তৃত্বশক্তি ক্ষীণ হইয়াছে, ইহাতে উহার সদস্যদিগের উপর এইরূপ একটা দায়িত্ব অর্পিত হইয়াছে যে, তাহারা যেন বর্তমান ঘটনাবলি বিশেষভাবে পরিদর্শন করিয়া উহার ফলে যে সকল ক্রটি প্রকাশ পাইয়াছে, তাহা বাস্তব দিক হইতে বিচার করিয়া অকপটভাবে তাহার সংশোধন করিবার চেষ্টা করিবেন। মিষ্টার ইডেন যে কথা বলিয়াছেন, তাহা সত্য।



মিষ্টার বলডুইন



এড্বিন ইডেন

কিন্তু উদ্ধত এবং ক্ষমতাম্পেক্ষী ব্যক্তি যদি অশ্রয় কার্য করিতে প্রবৃত্ত হয়, তাহা হইলে বিনা যুদ্ধে তাহাকে নিবৃত্ত করা সম্ভব হয় না। সেনর মুসোলিনী যেরূপ স্পষ্টাক্ষরিত সত্বরে জাতিসঙ্ঘের ভিতর দিয়া বণতরী চালাইয়াছিলেন, তাহাতে বুঝা গিয়াছিল যে, বিনা যুদ্ধে তাহাকে নিবৃত্ত করা সম্ভব হইত না। কাষেই যুদ্ধ রোধ করিবার জন্ত যুদ্ধই করিতে হইত। তাহার প্রযুক্ত “অকপট বাস্তবিক সত্তার ভাবে ভাবিত হইয়া” (in a spirit of candid realism) কথা প্রয়োগে বুঝা যায়, তিনি যে শব্দ প্রয়োগ করিতে চাহেন, তাহার অতিরিক্ত ভাব বাঞ্জনার দ্বারা প্রকাশ করিতে চাহেন। আসল কথা, লীগের ভিতরে ভিতরে অনেক ক্রটি রহিয়াছে। সকল সদস্যের পক্ষে একযোগে কার্য করাই কঠিন হইয়া দাঁড়াইয়াছে। কাষেই বস্তগত ব্যাপার দেখিয়া সহসা যুদ্ধে নামা সঙ্গত হইত

না,—ইহা বলাই বাহুল্য। ইটালী এখন ইথিওপিয়াকে গ্রাস করিয়া ফেলিয়াছে। সে আর কিছুতেই উগা উগ্রাইয়া দিবে না। জগতে যার লাঠি তার মাটা, এই নীতি চিরকালই স্বীকৃত হইয়া আসিতেছে। কিন্তু তাহা হইলেও যুদ্ধে কতকগুলি বিধি-নিষেধ মানিয়া চলিতে হয়। নিরস্ত্র গ্রাম্য লোকের উপর, রোগিনিবাসে, চিকিৎসাগারে, ধর্মস্থানে বা বিদ্যালয়ে বোমা প্রভৃতি নিক্ষেপ করা যুদ্ধনীতিতে নিষিদ্ধ। ইটালী কাল আদমীর দেশ জয় করিতে গিয়াছেন বলিয়া সে সমস্ত বিধি-নিষেধ কিছুই মানেন নাই। এ কথা কেবল কাল আদমীরা বলিতেছে না, বক্তৃৎশচিত্রিত আঁহত এবং রুগ্ন ব্যক্তিদিগের চিকিৎসাকার্যে তাহারা নিযুক্ত ছিলেন, এইরূপ বহু চিকিৎসকই সেই কথা বলিয়াছেন। এখন সে কথা আর অস্বীকার করিবার উপায় নাই। অথচ এই কার্যের সমর্থনও করা যায় না। অগত্যা কাল আদমী হাবসীদিগের উপর কতকটা দোস চাপাইয়া ইটালীয়ানরা আত্মপক্ষ-সমর্থনের প্রয়াস পাইবেন, ইহা সত্বে বলা যায়। ইহার মধ্যেই



মুসোলিনী

এক জন তথাকথিত সংবাদদাতা লিখিয়াছেন যে, হাবসীরা রেডক্রস চিহ্নের ঘোর অপব্যবহার করিয়াছে। তাহারা যখন দেখিল যে, রেডক্রস চিহ্নযুক্ত গাড়ীতে, লরীতে হাসপাতালে বোমা বর্ষিত হয় না, তখন তাহারা অস্ত্রশস্ত্রপূর্ণ গাড়ীতে, বোগিহীন বাড়ীতে, গণিকালয়ে, অস্ত্রশস্ত্রপূর্ণ গুদামের উপর রক্ত-পতাকা উড়াইয়া দিতে থাকিল। তখন ইটালীয়ান বেচারীরা কি করেন, তাই দায়ে পড়িয়া তাহারা রেডক্রস চিহ্নিত বাড়ীতে বোমা নিক্ষেপ করিতে বাধ্য হইয়াছিলেন। এ কথা মূল্য কতখানি, তাহা বুঝা কঠিন নহে। এত দিন এ কথা কাহারও মুখে শুনা যায় নাই। যে সকল ভিন্নদেশীয় খেতাব আহতদিগের শুশ্রূষার জন্ত এই দেশে গিয়াছিল, তাহারাও এত দিন ঘুগাকরেও এই কথা প্রকাশ করে নাই। এখন এই নূতন কথা শুনিলে কে তাহা বিশ্বাস করিবে? ইটালীর ডিপ্লোমেসীর স্বরূপ কি, তাহা জানিতে কাহারও বাকী নাই। এখন জাতিসঙ্ঘ ইটালীর এই গহিত আচরণের সমর্থন করিবেন কি না,

তাহা তাহারা জানেন। জাতিসঙ্ঘের যদি প্রকৃত বল থাকে, তাহা হইলে তাহারা ইটালীর এই অনিষ্টাচরণের কৈফিয়ৎ চাহিবেন। কিন্তু ইটালী জাতিসঙ্ঘের কেয়ামতি বুঝিয়াছে। তাহারা কোন কথাই শুনিবে না। এখন সার এম্বনি ইউডেন এবং বৃটিশ রাজনীতিকগণ কি ভাবে জাতিসঙ্ঘের বলাধান করিবেন, তাহা দেখিবার জন্ত সকলেই উৎসুক রহিয়াছেন।

### স্পেনে বিক্ষোভ

আজকাল যুরোপের নানা দেশেই রাজনীতিক ব্যবস্থা সম্বন্ধে একটা যেন কিংকর্তব্যবিমূঢ়তার ভাব দেখা দিয়াছে। যুরোপ কিছুদিন গণতন্ত্রের সেবক ছিলেন। বিখ্যাত ফরাসী বিদ্রোহের ভয়স্বপ্ন হইতে যে স্বাধীনতা, সাম্য এবং মৈত্রীর ধনি উঠিয়াছিল, তাহার ফলে যুরোপের কোন কোন দেশে গণতন্ত্র প্রতিষ্ঠিত হইয়াছিল। কাল হইলেই ভাষার সেই ফরাসী বিপ্লব “কলুষিত এবং ক্ষয়দশা-প্রাপ্ত স্বৈরশাসনের উপর কারামুক্ত অরাজকতার প্রকাশ্য বিদ্রোহ এবং জয়লাভ।” এই ফরাসী বিপ্লবের পর হইতে প্রত্যেক রাজ্যের রাজনীতিকগণ দেশে প্রজাতন্ত্র প্রতিষ্ঠিত করা উচিত কি রাজতন্ত্রকে নিয়মনিয়ন্ত্রিত করিয়া বজায় রাখা উচিত, সেই বিষয়ে চিন্তা করিতে মন দিয়াছিলেন। তাহার ফলে ফ্রান্সে শাসনপদ্ধতির দ্রুত গুরু পরিবর্তন ঘটে, শেষে তথায় প্রজাতন্ত্রই প্রতিষ্ঠিত হইয়াছে। কতকগুলি রাজ্যের রাজশাসনকে নিয়মের নিগড়ে বদ্ধ করা হইয়াছে। উনবিংশ শতাব্দীর শেষভাগে স্পেনের শাসনব্যবস্থা লইয়া বিশেষ গোলযোগ ঘটে। যে স্পেন মোড়াশ শতাব্দীতে যুরোপের সর্বপ্রধান রাজ্য বলিয়া গণ্য ছিল, উনবিংশ শতাব্দীর শেষভাগে সেই স্পেন একেবারে হীনবীধ্য এবং রাজনীতিকক্ষেত্রে বিশেষ পশ্চাৎপদ হইয়া পড়ে। মধ্যে ৫ বৎসরের জন্ত স্পেনে সাধারণ-তন্ত্রের অমুরাগী ব্যক্তিদিগের কর্তৃত্বকালে চারিবার বিপ্লব উপস্থিত হইয়াছিল। ১৯৩১ খৃষ্টাব্দে বিনা রক্তপাতে তথাকার শ্রমিক এবং উদারনীতিকদল রাজতন্ত্রকে এই দেশ হইতে নির্বাসিত করিতে সমর্থ হইয়াছিলেন।

এ স্থলে বলা আবশ্যিক যে, বর্তমান সময়ে স্পেনে মোটামুটি দুইটি রাজনীতিক দল দেখা দিয়াছে। উদারনীতিক এবং শ্রমিক এই দুই উপদল লইয়া তথায় “প্রগতিশীল দল” গঠিত; ইহারা তথায় সমাজতন্ত্র প্রতিষ্ঠা করিতে চাহে। আর একটি দলে আছেন রাজতন্ত্রের পক্ষপাতী দল, ধর্মবাজকদল এবং ধনী ভূস্বামিবর্গ। এই শেষোক্ত দলকে কতকটা রাজতন্ত্রী দল বলা যাইতে পারে। বহুকাল ধরিয়া এই দুই দলে ক্ষমতা লইয়া কাড়াকাড়ি চলিতেছে। ১৯৩১ খৃষ্টাব্দে প্রগতিশীল দলই নির্বাচনে জয়ী হইয়া স্পেনে রাজতন্ত্রের প্রতিষ্ঠা করে। কিন্তু ১৯৩৩ খৃষ্টাব্দে রাজতন্ত্রী দল আবার জয়লাভ করিয়া সমাজতন্ত্রী দলের সমস্ত ব্যবস্থা বিপর্যস্ত করিয়া দিয়াছিল। কিন্তু তাহারা অনেক কায়ে জনসাধারণের অসুবিধা করাতে এক সম্প্রদায়ের লোক বড়ই অসন্তুষ্ট হইয়া উঠে। ফলে ১৯৩৬ খৃষ্টাব্দে আবার প্রজাতন্ত্রী দলের জয়লাভ হয়। এই জয়লাভে প্রজাতন্ত্রীদের সংখ্যা রাজতন্ত্রীদের সংখ্যা অপেক্ষা বেশী অধিক হয় নাই, কিছু অধিক হইয়াছে। স্পেনে ভোটদাতার সংখ্যা ১ কোটি ৩৫ লক্ষ ২৮ হাজার ৬ শত ৯ জন। তন্মধ্যে সরকারী

হিসাবে ৯৪ লক্ষ ৮ হাজার ৫ শত ১৪ জন ভোটার এই নির্বাচনে ভোট দিয়াছিল। ইতাদের মধ্যে ৫০ লক্ষ ৫১ হাজার ৯ শত ৫৫ জন রাজতন্ত্রের পক্ষপাতী দলের অন্তর্কুলে এবং ৪৩ লক্ষ ৫৬ হাজার ৮ শত ৫৯ জন ভোটদাতা প্রজাতন্ত্রীদিগের পক্ষে ভোট দিয়াছিল। কিন্তু স্পেনের নির্বাচন-নিয়মের এইরূপ অব্যবস্থা যে রাজতন্ত্রীদিগের পক্ষে ভোটের সংখ্যা অধিক হইলেও প্রজাতন্ত্রিকদিগের পক্ষে অধিক সদস্য নির্বাচিত হইয়াছেন। প্রজাতন্ত্রিক সদস্য হইয়াছেন ১ শত ৬৬ জন—রাজতন্ত্রিক সদস্য হইয়াছেন ২ শত ১৭ জন। সুতরাং স্পেনীয় পাল্লিমেণ্ট কবেসে প্রজাতন্ত্রিক দল ৪৯ জন সদস্য অধিক পাইল। এইবার রাজতন্ত্রীদিগের তাহাদের ভূতপূর্ব রাজা হুগোশ আলফাঙ্গোকে সিংহাসনে বসাইবার সমস্ত আশাই নৈবাণের পারাবারে নিমজ্জিত হইয়া গেল। এবার তাতে ক্ষমতা পাইয়া প্রজাতন্ত্রী পক্ষ আপনাদের স্বার্থ কায়েম করিয়া লইবার চেষ্টা করিতেছেন। তাহারা সরকারের সমস্ত বিভাগেই প্রজাতন্ত্রের পক্ষপাতী লোকদিগকে বসাইতেছেন। বৈতনিক কোন রাজ-পুরুষের পক্ষে তাহারা রাজতন্ত্রের পক্ষপাতী লোকদিগকে বসাইবেন না। তবে তাহা যদি একান্ত সম্ভব না হয়, তাহা হইলে রাজতন্ত্র-দিগকে বড় বড় পদ প্রদানে সম্মত হইবেন না। কিন্তু তাহারা বুঝিয়াছেন যে, দেশে অধিকাংশ ভোটারই রাজতন্ত্রীদিগের পক্ষে ভোট দিয়াছেন। সুতরাং তাহারা স্পেনের বিচক্ষণ জননায়ক সেনর আজানাকে তাহাদের রাজনৈতিক তরণীর কাণ্ডারীপদে প্রতিষ্ঠিত করেন। সেনর আজানা বলেন যে, তিনি সম্পূর্ণ নিরপেক্ষভাবে রাজকাণ্ড পরিচালিত করিবেন। তাহার ঐ উক্তি এবং তদনুযায়ী কার্যের ফলে রাজতন্ত্রী দল অনেকটা আশঙ্ক হইয়াছিল। কিন্তু সমাজতন্ত্রী দল, বিশেষতঃ তাহাদের মধ্যে যাহারা উগ্রপন্থী, তাহারা উদ্ভিগ্ন হইয়া উঠেন। তাহারা তখন মুখের দুগম খুলিয়া ফেলিয়া আপনাদের প্রকৃত মূর্তি বাহিরে প্রকাশ করিতে থাকিলেন। তাহারা বলি ধরিলেন যে, সেনর আজানা জনসাধারণের স্বার্থ-চানি করিতেছেন। তাহারা বলেন, সমর বিভাগকে মলিনতাশূন্য এবং শাসনযন্ত্রকে বিস্তৃত করিতে হইবে। অর্থাৎ উগ্রপন্থীরা প্রজাতন্ত্রীদিগের অস্বকূলভাবে সমর এবং শাসন বিভাগ গঠন করিতে চাহেন। এই ব্যাপার লইয়া বিবাদ বাড়িয়া উঠে।

কেন্দী পক্ষ হইতেই প্রথম হাজানা উপস্থিত করা হয়। মাদ্রিড (Madrid) এবং থানাডার গীর্জাগুলিতে অগ্নিপ্রদান এবং সোোগ্রোনে অঞ্চলের (উত্তর-স্পেনের) বিস্তীর্ণ অঞ্চল ভস্মীভূত করা হইল। পল্লী অঞ্চলে কুসীবল তাহাদের ভূস্বামীর সম্পত্তি আপনাদের মধ্যে বিভক্ত করিয়া লইতে বসিয়া গেল। তাহাদিগকে এই কার্যে প্রেরণা দিবার জ্ঞা বেতনভোগী লোকরা বাইয়া উৎসাহ নিতে থাকিল। বিপ্লব-সংঘর্ষের অন্তর্কুল মনোবৃত্তি উত্তেজিত করিবার জ্ঞা চেষ্টা হইতে লাগিল এবং যাহারা বিশৃঙ্খলতা এবং অরাজকতার সৃষ্টি করিয়া আনন্দ পায়, তাহারা জনসাধারণকে সর্বপ্রকার কড়া কড়ি এবং অনাচার করিতে প্রেরণা দিতে থাকিল। আজানা কর্তৃক পরিচালিত সরকার এই অশান্তির দমন করিবার জ্ঞা বিশেষভাবে চেষ্টা করিতেছেন, কিন্তু তিনি শেষ পর্যন্ত দেশের শান্তিরক্ষার সমর্থ হইবেন কি না, সে বিষয়ে সন্দেহ আছে। অনেকে আশঙ্কা করিতেছেন যে, শেষে হয় ত তাহাকে পরাজিত হইয়া কার্য ত্যাগ করিতে হইবে। চরমপন্থীদিগের মধ্যে যাহারা

আজানার পক্ষ সমর্থন করিবেন বলিয়া প্রতিশ্রুতি দিয়াছিলেন, তাহারা কাগাকালে সরিয়া দাঁড়াইলেন। সেই জ্ঞা অনেকে শঙ্কা করিতেছেন যে, বর্তমান সরকার হাজানা-হৃৎসং দমন করিতে সমর্থ হইবেন না। অগত্যা তাহাদিগকে হয় ত কর্তৃত্যাগ করিতে হইবে।

স্পেনের প্রগতিশীল দল বা সমাজতান্ত্রিক দল প্রায় সকলেই সর্বস্বত্ববাদী। তাহারা এখন সুবিধা পাইলেই স্পেনে কুসিয়ার অনুরোধে সর্বস্বত্ববাদী সরকারের বা সোভিয়েট সরকারের প্রতিষ্ঠা করিবে, এই ভাবের আশঙ্কা অনেকে মনে জাগিতেছে। সেনর আজানা সমাজতন্ত্রবাদী দলের নায়ক বলিয়া পরিজ্ঞাত ছিলেন। কিন্তু তিনি নিরপেক্ষভাবে শাসনযন্ত্র পরিচালিত করিতে যাইয়া উগ্রপন্থী সর্বস্বত্ববাদীদিগের বিরাগভাজন হইয়াছেন। এখন প্রশ্ন হইতেছে, আজানা সমাজতন্ত্রবাদীদিগকে এবং সর্বস্বত্ববাদীদিগকে দমনে রাখিতে পারিবেন কি না? প্রশ্নটি সঙ্গীন। স্পেনের ভূতপূর্ব প্রধান সচিব, কেন্দী দলের নায়ক ম্যানুয়েল পোর্টেলা বলিয়াছেন যে—আজানার সহিত সমাজতন্ত্রবাদীদিগের অচিরেই বিচ্ছেদ হইবার আশঙ্কা আছে। যদি তাহাট হয়, তাহা হইলে আজানা কেন্দী দল-ভুক্ত সদস্যগণের সহায়তায় এবং রাজতন্ত্রীদিগের আশ্রুকুলে স্পেনের প্রতিনিধি সভা নিয়ন্ত্রিত করিতে সমর্থ হইবেন। কলভো মোটেলো 'লগুন টেলিগ্রাফ' নিকট বলিয়াছেন যে, বর্তমান সময়ে রাজতন্ত্রীদলের প্রত্যেকেই আশা করিতেছেন যে, প্রধান সচিব আজানা সোভিয়েটদিগকে দমন করিতে সমর্থ হইবেন! কিন্তু যখন তাহারা উগ্রপন্থীদিগের সহিত প্রেমে ভাটা পড়িবে, তখনই অবস্থা সঙ্গীন হইয়া উঠিবে। ১৯৩১ খৃষ্টাব্দ হইতেই রাজপক্ষ সমাজ-তান্ত্রিক পক্ষকে গীর্জাঘর অগ্নিপ্রদান, ধর্ম্মায়তনকে অপবিত্রীকরণ এবং মঠগুলি ধ্বংস করিবার জ্ঞা দায়ী করিয়া আসিতেছেন। স্পেনের প্রতিনিধি সভায় আজানা একবার এক বক্তৃতা প্রসঙ্গে বলিয়াছিলেন যে—স্পেনের লোক আর রোমান কাথলিক ধর্ম্মাবলম্বী নাই। তাহারা সে কথায় রাজতন্ত্রী দল বিশেষ বিক্ষুব্ধ এবং সমাজতন্ত্রী দল অত্যন্ত পীত হইয়া উঠিয়াছিল। ১৯৩১ খৃষ্টাব্দ হইতে ১৯৩৩ খৃষ্টাব্দ পর্যন্ত সেনর আজানা যে শাসনযন্ত্র পরিচালিত করিয়াছিলেন, তাহাতে পোপের সহিত তখনকার স্পেনীয় সরকারের বিশেষ সম্প্রীতি ছিল না। সে সময়েও মঠগুলি জ্বালাইয়া দেওয়া হয়, কাডিনাস সঙ্ঘটনকে (S. g. m. ) রাজনৈতিক ব্যাপারে হস্তক্ষেপের অভিযোগে দেশ হইতে বিতাড়িত করা হয় এবং ধর্ম্মবিষয়ের সহিত রাষ্ট্রীয় বিষয়ের একেবারে পৃথক করা হয়। ধর্ম্মের সহিত রাষ্ট্রের সংঘর্ষ সম্পূর্ণ বিচ্ছিন্ন করিয়া দেওয়া হইয়াছিল। সেই সময় জেসুইট সম্প্রদায়কে ছত্রভঙ্গ করিয়া দেওয়া এবং পোপের সহিত স্পেনের সংঘর্ষ রহিত করিয়া দেওয়া হয়। ফলে সে সময়ে স্পেনকে সর্বস্বত্ববাদের দিকে কতকটা অগ্রসর করিয়া দিবার চেষ্টা করা যে না হইয়াছিল, তাহা নহে। তাহার পর ১৯৩৩ খৃষ্টাব্দে আবার যখন রাজতন্ত্রীরা শাসনকার্য পরিচালনের ভার পাইয়াছিলেন, তখন প্রেসিডেন্ট নিমেটো আলকাল জামোয়া পোপের সহিত আবার ঘনিষ্ঠতা করিতে আরম্ভ করেন। আজানা এখন বলিতেছেন—তাহারা কাহাকেও উৎপীড়িত করিতে চাহেন না। আমরা উদারভাবে লোকের স্বাধীনতা রক্ষার জ্ঞা শাসনযন্ত্র পরিচালিত করিতেছি। রোমান কাথলিকই হউন আর প্রোটেষ্ট্যান্টই হউন অথবা মুসলমানই হউন, কেহই আমাদের দ্বারা



হইবেন না। কিন্তু তাহা হইলেও স্পেনে শাস্তি নাই। দক্ষিণ-গুলির উপর উপদ্রব চলিতেছে। দক্ষিণ-সাম্রাজ্য হইতেছে। মধ্য মধ্য গুলীও চলিতেছে, খুন-ক্রমও হইতেছে। ইহার শেষ পরিণতি কেথায়, তাহা বুঝা কঠিন।

### যুরোপে রণরঙ্গ

যুরোপে আবার রণরঙ্গ উপস্থিত। ইটালী আচম্বিতে যুদ্ধার্থ প্রস্তুত হইতেছে। তথায় চারিদিকে সাজ সাজ রব পড়িয়া গিয়াছে। উত্তর-ইটালীতে অনেক স্কুল-গৃহ আছে। সমস্ত স্কুল বা বিদ্যালয়ের ছুটি দেওয়া হইয়াছে। ঐ সকল বিদ্যালয়ে সামরিক প্রয়োজনে সৈনিক সমাবেষ্ট করা হইবে বলা হইতেছে। নৌ-বিভাগের যে সকল সৈনিককে বিশেষ প্রয়োজনের জন্ত রাখা



ডাঃ সূচানগ

হইয়াছিল, তাহাদের মধ্যে কতকগুলিকে যুদ্ধার্থ হাজির করা হইতেছে আর দুই শ্রেণীর বিশেষ সৈনিকদলকে যুদ্ধের জন্ত প্রস্তুত হইতে বলা হইয়াছে। জেনিভাশান্তি ইটালীয়ানদিগকে শান্তি সংগ্রামের জন্ত দলবদ্ধ হইতে বলা হইয়াছে। ফরাসী এবং যুগোস্লাভ সীমান্ত সামরিক আয়োজন চলিতেছে। কেন এই ব্যাপার, তাহা কেহ ঠিক করিতে পারিতেছে না। কেহ কেহ অনুমান করিতেছেন যে, মাশাল বাড়িতে আবিসিনিয়া হইতে ডাকিয়া আনা হইয়াছে, তাহার কারণ যদি ইটালীতে শাস্তিদানমূলক ব্যবস্থাগুলি জোরে চালান হয়, তাহা হইলে ইটালীও কাহাকেও ছাড়িয়া কথা কহিবে না। অথবা ইহার উদ্দেশ্য ইহা হইতে পারে যে, অষ্ট্রিয়ায় হাপসবুর্গবংশীয় রাজাকে সিংহাসন দিবার জন্ত ইটালী এবং জাপানীতে একটা চুক্তি হইয়া গিয়াছে। সম্প্রতি অষ্ট্রিয়ায় ডাক্তার সূচানগ, ইটালীর টাঙ্কনাম্বিত 'ভাইয়া বেগিও' নামক স্থানে আসিয়াছেন। সম্ভবতঃ সেই স্থানেই তিনি মুসোলিনীর সহিত সাক্ষাৎ করিবেন। এখন এই ব্যাপার লইয়া ফ্রান্সে কোনরূপ

চাকল্য উপস্থিত হইবে কি না, কে বলিতে পারে? সংবাদ যেরূপ সংক্ষিপ্ত, তাহাতে কোন কিছুই ঠিক বুঝা যাইতেছে না। জাতি-সঙ্ঘও এই ব্যাপারে আতঙ্কিত। ফলে যুরোপের রাজনীতিক আকাশের ভাব ভাল নহে।

### বুটেনের কর্তব্য

গ্রেট বুটেনের পররাষ্ট্রনীতি লইয়া এখন সকলই আন্দোলন এবং আলোচনা চলিতেছে। ইটালী জাতিসঙ্ঘের অল্পতম সদস্য আবিসিনিয়াকে অকারণে এবং অজ্ঞায় ভাবে আক্রমণ করিল, জাতি-সঙ্ঘের ৫০টি জাতি একবাক্যে বলিল যে, ইটালীর কাণ্ডটি অত্যন্ত গণ্ডিত হইয়াছে, সুতরাং ইটালীর এই কাণ্ডে বাধা দেওয়া আবশ্যিক। গ্রেট বুটেন লীগের কথা সমর্থন করেন। জাতিসঙ্ঘের কথা অমান্য করিয়া ইটালী গায়ের জোরে ইথিওপিয়া রাজ্যটি গ্রাস করিতে লাগিল বলিয়া জাতিসঙ্ঘ ইটালীকে (যুদ্ধ না করিয়া) শাস্তি দিবার ব্যবস্থা করিয়াছিলেন, তাহা পাঠক জানেন। ইটালী তাহা গ্রাহ্য না করিয়া ঐ দুর্বল রাজ্যটিকে গ্রাস করিয়া ফেলিল। ইটালীকে শাস্তি দিবার যে ব্যবস্থা করা হইয়াছিল, তাহা তেমন জোর করিয়া করা হয় নাই,—অধিকন্তু সকলে তাহা মানেন নাই, তাই ইটালী তাহাতে কিছু অসুবিধায় পড়িলেও নিজ উদ্দেশ্যসাধনে পশ্চাৎপদ হয় নাই। সে যুদ্ধে ক্ষান্ত হয় নাই, পরে বিস্তীর্ণ আবিসিনিয়া রাজ্যটি গ্রাস করিয়া বসিয়াছে। জাতিসঙ্ঘ বলিতেছেন যে—এত শীঘ্র যে যুদ্ধ শেষ হইবে, তাহা তাহার ভাবেন নাই। এটা যে একটা বাজে অজুহাত, তাহা বলাই বাহুল্য। রণ-বিমান হইতে বিধময় বাষ্পপূর্ণ বোমা নিক্ষেপ করিয়া দুর্বল জাতির লোকক্ষয় করিলে তাহার কতক্ষণ তাহা সহিতে পারে? তাহার উপর পয়সা দিয়া সামস্ত রাজাদিগকে ভাসাইলে আর উপায় কি? সুতরাং এ যুদ্ধ যে দীর্ঘকালস্থায়ী হইবে না, তাহা বুঝা উচিত ছিল। যাহা হউক, গ্রেট বুটেন জাতিসঙ্ঘের শাস্তিদানের দিচ্ছাস্ত্রের বিশেষ সমর্থন করিয়া আসিয়াছেন। তাহার বলিয়াছিলেন, শাস্তিদানের ব্যবস্থাটা বেশ ভালভাবে চালাইতে হইবে। আবিসিনিয়া বিনীত হইলেও তাহা সহিত করা হইবে না,—এরূপ ভাবও গ্রেট বুটেন আকারে ইচ্ছিতে ব্যক্ত করিয়াছিলেন। কিন্তু এখন দেখিতেছি, বৃটিশ রাজনীতিকরা ঠিক উহার বিপরীত কথা বলিতেছেন! গত ১৮ই জুন ৪ঠা আষাঢ় কমন্স সভায় সার এডুইন হিডেন বলিয়াছেন যে, ইটালীকে শাস্তি দিবার ব্যবস্থা সমস্তই ব্যর্থ হইয়া গিয়াছে, সুতরাং আর ঐ ব্যবস্থা বহাল রাখা সম্ভব হইবে না। এই ব্যাপারের দুইটি দিক আছে, একটা স্বার্থের দিক, আর একটা গ্লোরের দিক। স্বার্থের দিক হইতে বিবেচনা করিলে দেখা যায়, এই শাস্তিদানের ব্যবস্থাটা দ্বারা আর্থিক দিক দিয়া ইটালীর কতকটা অসুবিধা ঘটিয়াছে সত্য, কিন্তু উহার ফলে জাতিসঙ্ঘ ইটালীকে দস্তুরে এবং পরবর্তন-লুপ্তনের ব্যাপার হইতে নিবৃত্ত করিতে পারে নাই। সেই জন্ত মিষ্টার ব্লুইন কষ্টক পরিচালিত বৃটিশ সরকার স্থির করিয়াছেন যে, এই শাস্তিদানের ব্যবস্থা তিরোহিত করিয়া দেওয়া এবং ইটালীর সহিত বিরূপ সম্বন্ধ করিতে হইবে, সে বিষয়ে নূতন করিয়া বিবেচনা করিতে হইবে। সুতরাং দেখা যাইতেছে যে, ইটালী এখন তাহার জিদ সদস্তে বজায় রাখিল, তখন বৃটিশ সরকার তাহাদের



মতটা একেবারে পাটাইয়া ফেলিলেন। সুবিধাবাদের দিক হইতে ইহা মন্দ হয় নাই। যুরোপে এখন মুসোলিনী সহায়তার প্রয়োজন আছে। কারণ, ইটালী যদি জার্মানীর সহিত যোগ দেয়, তাহা হইলে চিন্তার কারণ ঘটবে। কাৰেই মুসোলিনীকে আর অসহ্য করা সম্ভব নহে। ইহা অবশ্য সুবিধাবাদের কথা। জাতিসভ্য এখনও এ বিষয়ে কোন কথা বলেন নাই। জুন মাসের শেষ ভাগে জাতিসভ্য এই বিষয়ে কি করিবেন, তাহা স্থির করিবেন। তবে বৃটিশ পররাষ্ট্রসচিব সার এড্বিনি ইডেন বলিয়াছেন যে, বৃটিশ জাতি বরাবরই সকলে একযোগে কাণ্ড করিবার অনুকূলে মত দিয়াছেন। এখনও তাঁহারা লীগের কাণ্ডেরই সমর্থন করিবেন। সার এড্বিনি ইডেন স্পষ্টই বলিয়াছেন যে, বৃটিশ জাতি মূলনীতি পরিহার করিতে ইচ্ছা করেন না। পক্ষান্তরে তাঁহারা একই মূলনীতির অনুসরণ করিয়াই চলিবেন এবং সম্মিলিতভাবে কাণ্ড করাই তাঁহাদের লক্ষ্য থাকিবে। অতএব জাতিসভ্য যাগ করিবে, তাঁহারা তাহারই পূর্মাগ্রায় সমর্থন করিবেন। সার এড্বিনি বলিয়াছেন যে, “আমরাই জাতিসভ্য নহি। আমরা জাতিসভ্যের সদস্য মাত্র। জাতিসভ্য ৫০টি জাতির সভা।” এই সভ্য যাগ নির্দেশ করিবেন, ইংরেজ জাতি তাহাটী মানিয়া লইবেন এবং তদনুসারে কাণ্ড করিবেন। উপসংহারেও তিনি বলিয়াছেন যে, পররাষ্ট্রসচিব হিসাবে তিনি সরকারকে যে পরামর্শ দিয়াছেন, তাহা বিশেষ বিবেচনা করিয়া বৃটিশ সরকার সিদ্ধান্ত করিয়াছেন যে, আর ইটালীকে চাপ দিবার জন্য শাস্তিদানমূলক ব্যবস্থাগুলি বহাল রাখা উচিত নহে। পররাষ্ট্রসচিব বৃটিশ সরকারের এই নীতির কথা বলিয়া বলিলে কম্প সভাস্থিত সরকারের প্রতিপক্ষ দলের সদস্যগণ ‘শম শম’ এবং ‘ইস্তফা দাও ইস্তফা দাও’ বলে সভাগৃহ মুখরিত করিয়াছিলেন।

বৃটিশ সরকারের এই নীতি কোনমতেই জায়সঙ্গত বলিয়া মনে হয় না। অবশ্য বৃটিশ সরকার লীগের মতানুসারে চালিত হইবেন বলিয়াছেন। কিন্তু লীগের মত যে বৃটিশ এবং করাসী মত দ্বারা বিশেষভাবে চালিত হয়, এ ধারণা অনেকের মনেই দৃঢ়বদ্ধ হইয়া গিয়াছে। সে ধারণা ভুল কি সত্য, আমরা এ স্থলে তাহার আলোচনা করিব না। যদি ইহাটী সত্য হয় যে, লীগের ৫০টি দেশের সদস্য পরামর্শ করিয়া এই সিদ্ধান্ত করেন যে, ইটালীকে শাস্তিদানমূলক ব্যবস্থা প্রত্যাহার করিয়া লইতে হইবে,—তাহা হইলে কি লীগেরও মধ্যমা অধিকতর ক্ষুণ্ণ হইবে না? লীগ যদি দুর্বলের সহায়রূপে বিরাজ না করেন, তাহা হইলে তাঁহাদের থাকিবার প্রয়োজন কি আছে, তাহা আমরা বুঝিয়া উঠিতে পারি না। যে সভা তেজীয়ানদিগের সহিত একরূপ ব্যবহার করে,—আর নিস্তেজ জাতির সহিত অন্যরূপ ব্যবহার করে, সে সভার থাকা অপেক্ষা না থাকাই অনেক ভাল। সে সভার সিদ্ধান্ত কেহ কার-সম্মত বলিয়া মনে করিতে পারে না। বিচারক যদি পাত্র বিবেচনায় তাঁহার জায়ের নিকিটি ঘুরাইয়া দেন, তাহা হইলে সেই বিচারক, তিনি ব্যক্তিই হউন আর প্রতিষ্ঠানই হউন, বিচারকপদে অধিষ্ঠিত থাকিবার যোগ্য বলিয়া বিবেচিত হইতে পারেন না। আজ ইটালী অতি ভীষণ অপরাধ করিলেও যদি জাতিসভ্য তাহাকে রেহাই দেন, তাহা হইলে কাল ঐ প্রতিষ্ঠান কোন্ মুখে অন্য অপরাধী বলিয়া বিবেচিত জাতিকে শাস্তি দিবেন? জাতিসভ্যের

এই আচরণ কেবল উহার নিজ ক্ষীণ মধ্যমাটুকু বিলুপ্ত করিয়া দিল না,—পরন্তু সমস্ত খেতাজ জাতিরও তাহারা সম্মানহানি করিল। সার এড্বিনির এই বক্তৃতা শুনিয়া বিলাতের বহু লোক অসহ্য হইয়া উঠিয়াছেন বলিয়া বোধ হইল। যুরোপীয় মহাযুদ্ধের পর হইতে এ পর্যন্ত বৃটিশ জাতি কখনই এমন দুর্বল সমস্যার সম্মুখীন হন নাই। ইটালীর শুভ ইচ্ছা ক্রয় করিবার জন্য বৃটিশ জাতিকে যে মূল্য দিতে হইল, তাহা কোনমতেই উপেক্ষণীয় বলিয়া মনে হইল না। উহা যেন কাচের বদলে কাঞ্চন দেওয়া হইল। এ কথা সত্য যে, রাজনীতিক ক্ষেত্রে এত দিন যে অবস্থা ছিল, এখন সে অবস্থা আর নাই। এখন উহার অনেক পরিবর্তন ঘটয়াছে। বিগত মহাযুদ্ধে সকলকেই বিশেষ ক্ষতি এবং কর্তৃ স্বীকার করিতে হইয়াছে। বিজ্ঞানের প্রগতিফলে দেশের দূরত্ব হ্রাস পাইয়াছে। ইচ্ছায় হটক আর অনিচ্ছাতেই হটক, এখন সকল জাতিকে পরস্পর ঘনিষ্ঠভাবে মেলামেশা করিতে হইতেছে। অগত্যা দৈর্ঘ্যায়ন বৃটিশ জাতিকে সেই জন্য যুরোপীয় মহাদেশস্থ জাতিদিগের সহিত ঘনিষ্ঠতা করিতে হইতেছে। কাৰেই বৃটিশ জাতির পররাষ্ট্রচিন্তায় ক্রমশঃ জটিলতা বৃদ্ধি পাইতেছে। নানা বিভিন্ন জাতির সম্মিলনফলে বিভিন্ন স্বার্থের সংঘট উপস্থিত হইতেছে। শাস্তি রক্ষা করা কঠিন হইয়া উঠিতেছে। ইটালীর ব্যাপার দেখিয়াই মনে হইতেছে যে, এখন শাস্তিরক্ষাকার্য বিঘ্ন-বহুল হইয়া পড়িতেছে। শাস্তিরক্ষা করিতে হইলে পূর্বাপেক্ষা এখন অধিক স্বার্থত্যাগ করিতে হইবে। এখন থ্রেট বৃটেন শাস্তির পক্ষপাতী। তাঁহারা ইটালীর সহিত মিত্রতা করিতে চাহেন। হায় যুরোপীয় রাজনীতি!

### চীন ও জাপান

প্রাচীতে এবার আবার নিয়তি বণরঙ্গিনী-মূর্তিতে দেখা দিতেছেন। ইতোমধ্যেই তাঁহার অট্টালিকা শুনা যাইতেছে। এবার মনে হইতেছে, জাপানের সহিত চীনের সংগ্রাম আসন্ন হইয়া পড়িয়াছে। উত্তর-চীনে এবার চীন-জাপানে সংগ্রাম বাধিবে বলিয়া মনে হইতেছে। ঐ অঞ্চলে জাপানের গতিবিধিতে চীন কষ্ট হইয়াছে,—এ সংবাদ পাঠক জনেন। আমরা সে কথা পাঠকদিগকে যথাসময়ে জানাইয়াছি। জাপান চাহে চীনকে বশীভূত করিতে। তাহারা চীনের মাফুরিয়া অঞ্চলকে মাফুকুয়ো নামে এক স্বতন্ত্র রাজ্যে পরিণত করিয়াছে। ঐ রাজ্যটি নামতঃ স্বাধীন হইলেও কার্যতঃ জাপানেরই একান্ত বশীভূত। তাহার পর জাপান উত্তর-চীনের পাঁচ ছয়টি পরগণাকে নিজ আয়ত্তমধ্যে রাখিবার চেষ্টা পাইতেছেন। চীন অবশ্য তাহা সহ্য করিতে পারে না। কাৰেই চীনাগের মন এই ব্যাপারে অতিশয় বিক্ষুব্ধ হইয়া উঠিয়াছে। উত্তর-চীনেও কর্তৃপক্ষ এই ব্যাপারে কি কর্তব্য, তাহা স্থির করিতে অসমর্থ হইয়াছেন। তাঁহারা যেন কতকটা ইতস্ততঃ করিতেছেন। কিন্তু দক্ষিণ-চীনের সরকার অর্থাৎ ক্যান্টন সরকার ইহা যেন সন্তুষ্ট করিতে পারিতেছেন না। তাঁহারা চীনের নাস্কিনস্থ কেন্দ্রী-সরকারকে জাপানের সহিত যুদ্ধ-ঘোষণা করিবার জন্য অনুবোধ করিয়াছেন। কিন্তু কেন্দ্রী-সরকারের যুদ্ধ-ঘোষণা করিতে ইতস্ততঃ করিতে দেখিয়া ক্যান্টন সরকার অসহ্য হইয়া উঠিয়াছেন। উত্তর সরকারে

মধ্যে যেন একটা বিরোধ বাধিবার সম্ভাবনা ঘটিয়াছে। অবশ্য বিবাদ যে বাধিবে, এমন কথা আমরা বলিতেছি না। চীনার তরুণ-সম্প্রদায় এতদূর বিক্ষুব্ধ হইয়া উঠিয়াছে যে, তাহারা দলে দলে মিছিল বাহির করিয়া সাংহাইয়ের রাজপথে জাপানের বিরোধী নানাক্রম বাক্য ও শব্দ উচ্চারণ এবং জাপানের বিরুদ্ধে সাধারণের মনোভাব উত্তেজিত করিবার জন্য জলন্ত ভাষায় লিখিত বিজ্ঞপ্তি-পত্র বিলি করিতে করিতে গিয়াছিল। উহারা দিবসত্রয়ব্যাপী হরতাল এবং দেশের চারী এবং সৈনিকদিগকে জাপানীদিগের দ্বারা যে ক্রটি সাধিত হইতেছে, তাহার বিরুদ্ধে দণ্ডায়মান হইবার জন্য উত্তেজিত করিয়াছিল।

এই উপলক্ষে চীনের পুনরুদ্ভাসসাধনের নেতা হুসি যে কথা-গুলি বলিয়াছেন, জাপানের তাগা বিশেষভাবে প্রাধান্য করিয়া দেখা কর্তব্য। জাপান কথায় কথায় চীনকে তাঁহার বন্ধু বলেন, কিন্তু কার্যক্ষেত্রে তাঁহারা চীনের সর্বনাশসাধনে কণ্ঠর করেন না। জাপানের কর্তৃপক্ষ ছোর করিয়া চীনা-সরকারকে এই মর্মে এক আদেশ জারি করাষ্টতে বাধ্য করিয়াছেন যে, কোন চীনাই আর জাপানীদিগের বিরুদ্ধে কোনরূপ বাক্য উচ্চারণ বা মন্তব্য প্রকাশ করিতে পারিবেন না। মন্তব্য প্রকাশই না হয় বন্ধ হইল, মনের বাগ ভাব, তাহা ত বন্ধ করা সম্ভবে না। জাপানীরা এই সোজা কথা বুঝিতেছে না কেন? জাপান মুখে বলিতেছে যে, সে চীনকে সাহায্য করিতেছে, কিন্তু কাষে চীনের সাব শোষণ করিতেছে। সরকারী ঘোষণা বা আইন মানুষের মনোভাব বা চিন্তার ধারা বদলাইয়া দিতে পারে না। চীনের অধিবাসীরা জানে যে, জাপানের সামরিক শক্তি চীনািগের সামরিক শক্তি অপেক্ষা অনেক অধিক। তাই তাহারা বিশেষ কিছু করিয়া উঠিতে পারিতেছে না। জাপান চীনের মাঞ্চুরিয়া অঞ্চলটি লইয়াই ক্ষান্ত হইল না, তাহারা তাহার উপর জেহোল অঞ্চলটি ফাউ হিসাবে গ্রহণ করিল। তাহার অঞ্চলটি না লইলে জেহোল অঞ্চলটি গ্রহণ করা সার্থক হয় না, অতএব লও তাহার। এই প্রকারে জাপান উত্তর-চীনের একে একে পাঁচ পাঁচটি প্রদেশ দখল করিয়া বসিয়াছে। জাপানীদিগের লোভ অসীম হইতে পারে, কিন্তু চীনািগের ধৈর্যেরও ত একটা সীমা আছে। জাপানের কোনমতেই ৪০ কোটি চীনার বিরাগভাজন হওয়া উচিত নহে। হুসির এই কথাগুলি জাপানের বিশেষভাবে পর্যালোচনা করিয়া দেখা উচিত। জগতে জাপানের কোন বন্ধু নাই। বরং শ্বৈতকায জাতিরা জাপানের বিরুদ্ধে পীতাতঙ্কের উদ্দীপনা করিয়া এককাটা হইবার চেষ্টা করিতেছে। সে বিষয়টি জাপানের উপেক্ষা করা সম্ভব হইবে না। জাপান বিগত ৬০ বৎসবে যে উন্নতি করিয়াছে, তাহা ধরাবাসীর বিশ্বয় জন্মাইয়া দিয়াছে। জাপান যদি বৃষ্টিয়া চলে, তাহা হইলে তাহার ভবিষ্যৎ সমুচ্ছল এবং তাহার সাম্রাজ্য ক্রমশঃ প্রগতির পথে ধাবিত হইবে। জাপানের পক্ষে এখন সীনভাবে নিজ সঙ্গীর্ণ স্বার্থ না দেখিয়া উদারভাবে বিশ্বমানবের বিরাট স্বার্থ দেখিয়া চলা উচিত।

জাপানের বিষয় চিন্তা করিলেই হৃদয়ে নৈরাশ্বের সঞ্চার হয়। জাপানে এখন গণতন্ত্রতা বৃষ্টিয়া বাইয়া সামরিক স্বৈরিতা প্রতিষ্ঠিত হইতে বসিয়াছে। জাপান চিরদিনই বিধি-নিষেধ মানিয়া চলিয়াছে, আইনের সম্মান রাখিয়াছে, এখন কিন্তু তথায় সামরিকদিগের

খোসখোয়াল প্রতিষ্ঠিত হইতেছে। জাপান স্বীয় সামরিকতার লক্ষ্যে অবস্থার উদ্ভব করিয়াছে, তাহার মধ্যে আশ্রয়লাভ করিতে হইলে সামরিক বল বেরূপ তাহার পক্ষে প্রয়োজন, তাহা তাহার নাই। এ দিকে সামরিক বলবৃদ্ধি করিতে হইলে অস্ত্রের সন্দেহভাজনও হইতে হয়, সেটাও বড় নিরাপদ নহে। এখন জাপানের পক্ষে বৃদ্ধি স্থির করিয়া কর্তব্যপথ নির্ধারণ করা কর্তব্য।

ইহার পর আরও যে সংবাদ আসিয়াছে, তাহা অত্যন্ত ভীষণ। চীন যুদ্ধের জন্য প্রস্তুত হইতেছে। চীনের দক্ষিণ-পশ্চিমস্থিত রাজনীতিক কাউন্সিল কোয়াংটাংএর সেনাপতি চেন-চিটানকে এবং কোয়াংসির সেনানায়ক লিচ উগেনকে যথাক্রমে জাপান-বিরোধী জাতীয় মুক্তিবাহিনীর প্রথম এবং চতুর্থ দলের সেনাপতি পদে নিযুক্ত করিয়াছেন। ইহাদিগের উভয়কেই চীনের উত্তর অঞ্চলে অভিযান করিবার জন্য সৈন্যদিগকে প্রস্তুত রাখিবার আদেশ দেওয়া হইয়াছে। এ দিকে সাংহাই হইতে সংবাদ আসিয়াছে যে, ক্যান্টনস্থ জাপানী কর্তৃপক্ষ এই মর্মে এক বিজ্ঞপ্তি প্রচার করিয়াছেন যে, উক্ত সহরের অধিবাসী জাপানীরা যেন এমনভাবে প্রস্তুত থাকেন যে, তাঁহারা নোটিশ পাইবার সঙ্গে সঙ্গেই যেন ক্যান্টন পরিত্যাগ করিতে পারেন। কোয়াংটাং এবং কোয়াংসির ৬০ জন সেনাপতি এই মর্মে এক ইস্তাহার প্রচার করিয়াছেন যে, আবশ্যক হইলে যুদ্ধ করিয়াও জাপানের কার্গোর প্রতিরোধ করিতে হইবে। ঐ সকল সেনাপতি এতই অধীর হইয়া উঠিয়াছেন যে, তাঁহারা বলিতেছেন যে, তাঁহাদিগকে অবিলম্বে জাপানের বিরুদ্ধে যুদ্ধযাত্রা করিবার লুকুম দেওয়া হউক। তাঁহারা অল্প সকল সেনাপতিকেও এই অনুরোধ জানাইয়াছেন যে, তাঁহাদের সকলকে একযোগে তাঁহাদের দেশের শত্রু জাপানীদিগকে দেশ হইতে বিদূরিত করিবার জন্য সংগ্রাম করিতে হইবে। ফলে অবস্থা ক্রমশঃ সঙ্কটাপন্ন হইয়া উঠিল। শীঘ্রই হয় ত যুদ্ধ বাধিতে পারে। তবে এখনও যুদ্ধ বিঘোষিত হয় নাই। কেন্দ্রী সরকার অর্থাৎ নাঙ্গিন সরকার যুদ্ধ ঘোষণা না করিলে যুদ্ধ হইবে না।

#### চীনের শেষ কথা

ইহার পর সংবাদ আসিয়াছে যে, চীনে গৃহযুদ্ধ বাধিয়া বাইবার প্রবল সম্ভাবনা জন্মিয়াছে। মধ্যে সংবাদ পাওয়া যায় যে, চীনে গৃহযুদ্ধ বাধিয়াই গিয়াছে। ২৯শে জৈষ্ঠ তারিখে হাংকাউ হইতে যে সংবাদ প্রেরিত হয়, তাহাতে প্রকাশ পায় যে, চীনের কেন্দ্রী সরকারের সৈন্যদল হাংকাউয়ের দক্ষিণে ত্রিশ মাইল দূরবর্তী লিয়াং সহর দখল করিয়া লইয়াছে। দক্ষিণ-চীনের সৈন্যদল লিয়াং এবং বেন চাউয়ের মধ্যবর্তী স্থানে হটিয়া আসিয়াছে। কিন্তু গৃহযুদ্ধ বাধিবার সংবাদটা অতিরঞ্জিত বলিয়াই বোধ হয়। আসল কথা, চীনের কেন্দ্রী সরকার জাপানের সহিত বিবাদ করিতে সম্মত নহেন। তাঁহারা বুঝেন যে, জাপানের সহিত যুদ্ধ বাধিলেই চীনের পরাজয় অবশ্যস্বার্থী। সেই জন্য মাশাল চিয়াং কাইসেক যুদ্ধ করিতে অসম্মত। এ দিকে সাংহাই এবং ক্যান্টনে মুদ্রা-বিনিময়ের ব্যবস্থার ফলে চীনের বহু ধনী ব্যক্তি দেউলিয়া হইয়া পড়িতেছে। সেই জন্য সাংহাই এবং ক্যান্টনের অধিকাংশ লোকই যুদ্ধের বিরোধী হইয়া দাঁড়াইয়াছেন। তাহারা এই মুদ্রা-বিনিময়ের ব্যাপার বিশেষভাবে ভাবিয়া দেখিতেছেন, তাঁহারা সিদ্ধান্ত

করিতেছেন যে, নাক্সিন সরকারের মুদ্রানীতির ফলেই দক্ষিণ-চীনে অর্ধ-সঙ্কট উপস্থিত হইয়াছে। কেহ কেহ বলিতেছেন যে, নাক্সিন সরকার নগদ টাকা দিয়া এই অর্ধ-সঙ্কটের প্রতিকার করিবেন।

এ দিকে বিলাতের সহকারী পররাষ্ট্রনৃতি লর্ড জ্যানবোর্গ কমন্স সভায় বলিয়াছিলেন যে, চীনের কেন্দ্রী সরকারের সহিত দক্ষিণ-পশ্চিম প্রদেশগুলির মনোমালিন্য উপস্থিত হইয়াছে সত্য, কিন্তু তাই বলিয়া এই ব্যাপার লইয়া শঙ্কিত হইবার মত কোন কারণ ঘটে নাই। উত্তর-চীনে বে-আইনীভাবে পণ্য আমদানী করা হইতেছে বলিয়া জাপানের সহিত চীনের যে মনোমালিন্য উপস্থিত হইয়াছে, তাহার মীমাংসা করিবার জল্প বৃটিশ-প্রতিনিধি-গণের সহিত জাপান ও চীনের প্রতিনিধিদিগের কথাবাত্তা চলিতেছে। জাপানী সরকার অকুস্থলে উপস্থিত হইয়া প্রকৃত ব্যাপার পর্যবেক্ষণ করিবার জল্প পররাষ্ট্র বিভাগের এক জন কর্মচারীকে পাঠাইয়াছেন। উত্তর-চীনে জাপানী সৈন্যসংখ্যা বৃদ্ধি করা হইয়াছে সত্য, কিন্তু সেই বৃদ্ধিত সৈন্য-সংখ্যা কত, তাগ তিনি বলিতে পারেন না। কিছুদিন পূর্বে সাংহাই হইতে সংবাদ পাওয়া গিয়াছে যে, চীনে গৃহ-যুদ্ধ নিকটবর্তী হইয়াছে। নাক্সিন সরকারের সৈন্যদল নানাদলে বিভক্ত হইয়া দক্ষিণ-পুনানে প্রবেশ করিতেছে। কোয়ান্সি সৈন্যের সহিত তাহাদের শীঘ্র সংঘর্ষ ঘটিবে বলিয়াই আশঙ্কা হইতেছে। মার্কিনী কামানবাহী জাহাজ বোনোকেক হবানের রাজধানী চাংসায় 'ককসেপার' এবং 'স্বাম' নামক দুইখানি মার্কিনী কামানবাহী জাহাজের সহিত আসিয়া যোগ দিয়াছে। আমরা পাঁচখানি জাপানী বণতরী রহিয়াছে। যদি সঙ্গীত অবস্থা উপস্থিত হয়, তাহা হইলে জাপানী বণতরীগুলি ক্যান্টনে বাইবার জল্প প্রস্তুত হইয়াছিল বলিয়া শুনা গিয়াছিল। আমরা বন্দরে অনেকগুলি চীনারণতরীও আসিয়া উপস্থিত হইয়াছে। ইহার পর টিয়েনসিন হইতে গত ৭ই আষাঢ় সংবাদ পাওয়া যায় যে, চীনের পোরমিট বিভাগের একখানা ক্রুজার গোপে প্রদেশের চিকাউয়ের সান্নিধ্যে একখানা জাপানী ক্রুজারের উপর গোলাবর্ষণ করে। ২ জন জাপানী খালাসী তাহাতে আহত হয়। এই ঘটনায় জাপানের সহিত চীনের মনোমালিন্য বৃদ্ধি পাইবে বলিয়াই অনেকে মনে করিতেছেন। ইহার পর ক্যান্টন হইতে সংবাদ পাওয়া যায় যে, নাক্সিন সরকারের সৈন্যদিগের সহিত কোয়েরেনী সৈন্যদিগের এক সংঘর্ষ বাধিয়াছিল। উভয়পক্ষেই গুলী চলিয়াছিল। কিন্তু ব্যাপার গুরুতর হয় নাই। নাক্সিন সরকার কোয়ান্সি অঞ্চল আক্রমণ করিবে বলিয়া সংবাদ পাওয়া গিয়াছিল। কোয়ান্সি কিন্তু ভিতরে ভিতরে উত্তর অঞ্চলে সৈন্য পাঠাইতেছে। ফলে এ বিষয়ে ধারাবাহিক কোন সংবাদ পাওয়া গাইতেছে না। এখন চীনের অবস্থা ঠিক জানা বাইতেছে না। বিস্তৃত সংবাদ না আসিলে কোন কথাই বলা সম্ভব নহে।

### প্যালেষ্টাইনে বিক্ষোভ

আজ প্রায় দুই মাস বা তাহার অধিক কাল প্যালেষ্টাইনের আরব-বিক্ষোভ অত্যন্ত তীব্রভাবে ধারণ করিয়াছে। প্রথমে এই অশান্তি ধর্মঘটের আকার ধারণ করে, ক্রমে উহা অনেক গুরু আকার ধারণ করিতেছে। এখন আর উহাকে ঠিক ধর্মঘট বলা যায় না,

ক্রমশঃ উহা ঠিক বিদ্রোহের আকারই ধারণ করিতেছে। প্রতিদিন ইহার গুরুত্ব যেরূপ বৃদ্ধি পাইতেছে, তাহাতে ইহা যে শেষে বিদ্রোহে পরিণত হইবে না, এমন কথাও কেহ সাহস করিয়া বলিতে পারেন না। মধ্যে মধ্যে ইহুদীদিগের উপর এবং ইহুদীদিগের আবাস অঞ্চল প্রায়ই আরবদিগের দ্বারা আক্রান্ত হইতেছে। ইহার ফলে সমস্ত দেশটা অরাজকতার বিপ্লুত হইবে বলিয়া আশঙ্কা ঘটিতেছে। প্রতিদিন ঐ দেশের সহর এবং মফস্বল হইতে গৃহদাহের, নরহত্যার, লুণ্ঠনের এবং সম্পত্তিনাশের সংবাদ আসিতেছে। ১৯২৯ খৃষ্টাব্দে কেবল ইহুদীদিগকে যে ভাবে হত্যা করা হইয়াছিল, এবার ঠিক সেই ভাবে কেবল ইহুদীদিগের উপরই অত্যাচার অমুষ্ঠিত হইতেছে না। বৃটিশ গোরা সৈন্য এবং পুলিশদিগকে প্রস্তরঘাতে বা গুলী করিয়া ধরাশায়ী করা হইতেছে, একপ সংবাদও পাওয়া গাইতেছে। ঐ দেশে যত বিদেশী আছেন, তাঁহারাও আপনাদিগকে বিপন্ন মনে করিতেছেন। কিন্তু অবস্থা এখন এমন দাঁড়ায় নাই যে, উহা অসাধ্য হইয়াছে মনে করা যাইতে পারে।

বালফুর যে সময়ে বলিয়াছিলেন যে, তিনি ইহুদীদিগের পিতৃভূমি প্যালেষ্টাইনে ইহুদীদিগকে বসবাস করাইবেন, সেই সময়েই আরব-দিগের মনে কেমন একটা খটকা লাগিয়াছিল যে, তাহারা বুঝি ঐ অঞ্চল হইতে বিতাড়িত হইবে। এই খটকা যে নিবর্ধক, তাহা বলাই বাহুল্য। এই অঞ্চলের আরবরা এখন স্বাভাবিকভাবে উদ্বেগ হইয়া উঠিয়াছে। আফগান রাজ্য হইতে সূদূর মরক্কো পর্যন্ত বিস্তীর্ণ দেশে তাহারা ইসলামের আদিপত্য এবং আরবদিগের প্রাধিক প্রতীতির জল্প ব্যস্ত হইয়াছে। অন্ততঃ এমিয়া মাইনর হইতে মরক্কো পর্যন্ত যে সকল দেশে আরবজাতি এবং আরবজাতির শোণিতসম্প্রুত জাতির বাস আছে, সেই সকল দেশকে একত্র করিয়া তাহারা উহার অধিবাসীদিগকে এক মহাজাতিতে পরিণত করিবার সঙ্কল্প করিতেছে। ইহা ভিন্ন ইটালীয়ানরা দক্ষিণ-ইটালীর বারি হইতেও প্যালেষ্টাইনে যে প্রচারকাণ্ডা চালাইতেছেন, তাহার ফলেও আরবদিগের বিক্ষুব্ধ মন আরও চঞ্চল হইয়া উঠিতেছে। ফলে স্বার্থ লইয়া ইহুদী এবং আরবদিগের মধ্যে বিষম বিদ্বেষ এবং রেবারেখি জাগিয়া উঠিয়াছে। তাহারই ফলে এই অশান্তি প্যালেষ্টাইনের অধিবাসীদিগকে অতিশয় বিপ্লুত করিয়া তুলিয়াছে। দান্না ক্রমশঃ লড়াইয়ের আকার ধরিতেছে।

ইদানীং প্যালেষ্টাইনে যে সন্মুখি দেখা দিয়াছে, তাহা প্রায় সমস্তই ইহুদীদিগের চেষ্টার ফল। তাহাদের উৎসাহ, তাহাদের অবলম্বিত বৈজ্ঞানিক পদ্ধতি এবং তাহাদের মূলধনই এদেশের মক্ষ-কান্তাবে কমলা-কুঞ্জের সুরমা ফুটাইয়া তুলিয়াছে। ইদানীং এই দেশে বহু ইহুদীর আমদানী হইতেছে। ১৯১৯ খৃষ্টাব্দে এই দেশে ৫০ হাজার মাত্র ইহুদী ছিল, এখন তথায় ইহুদীর সংখ্যা দাঁড়াইয়াছে ৪ কোটি। আরবদিগের সংখ্যাও তথায় অল্প নাই। তাহাদের সংখ্যা ছিল ৪ লক্ষ ৫৭ হাজার, এখন তাহাদের সংখ্যা দাঁড়াইয়াছে সাড়ে আট কোটি। যদি এই ভাবে উভয় পক্ষের লোক-সংখ্যা বৃদ্ধি পায়, তাহা হইলে অচির-ভবিষ্যতে ঐ অঞ্চলে ইহুদী-দিগের সংখ্যাধিক্য হইবার সম্ভাবনা। তবে ইহুদীরা গত ১৬ বৎসরে যে হারে বাড়িয়াছে, সেই হারেই যে আগামী ১৬ বৎসরে বাড়িবে, তাহা মনে করা বাইতে পারে না। আরবরা মনে করিতেছে যে, ইহুদীরা তাহাদের দেশেই উড়িয়া আসিয়া জুড়িয়া



বসিতেছে; সেই জন্যই এই অশান্তি। এখন এদেশে ক্রমাগতই হান্সা হাজুং লাগিয়া আছে। এখন তথায় কি করিয়া শান্তি সংস্থাপিত হইতে পারে, তাহাই চিন্তার বিষয়। সম্প্রতি এক বিষয় হান্সা হইয়া গিয়াছে।

ইহার পর সংবাদ আসিয়াছে যে, প্যালেষ্টাইনে আরবরা অনেকটা বিদ্রোহী হইয়া উঠিয়াছে। তাহারা বৃটিশ সৈন্যদিগকে ঠসী করিতেছে, ট্রেন ধ্বংস করিতেছে এবং রেলপথ ধ্বংস করিবার চেষ্টা করিতেছে। তাহারা ইহুদীদিগের সহিত সমস্ত সম্বন্ধ বর্জন করিতেছে। ফলে সমস্ত দেশময় ঘোর অশান্তি উপস্থিত হইয়াছে। বৃটিশ সৈন্য রেলওয়ে লাইনে পাহারা দিতেছে। গত ১২ই আবাত শুক্রবার বিলাতের ডোমিনিয়ন সেক্রেটারী মিষ্টার ম্যালকম ম্যাকডোনাল্ড কমন্স সভায় বলিয়াছেন যে, প্যালেষ্টাইনে এখনও অশান্তি বিরাজ করিতেছে এবং আরবরা বিক্ষিপ্তভাবে বৃটিশ সৈনিক এবং কনেষ্টবলদিগকে খুন-জখমও করিতেছে। ইনি আরও বলেন, সাজা নগরীতে বড় ভীষণ হান্সা উপস্থিত হইয়াছিল; কিন্তু বড়ই সুখের বিষয়, তথায় শৃঙ্গলা এবং সাধারণের শান্তি অনেকটা প্রতিষ্ঠিত হইয়াছে। ঐ অঞ্চলে গোরা সৈন্য এবং ইংরেজ কনেষ্টবল অনেক বৃদ্ধি করা হইয়াছে। এ দিকে রয়টার সংবাদ দিতেছেন যে, ঐ দেশে, বিশেষতঃ উত্তর-প্যালেষ্টাইনে আরবরা অধিকতর দুঃসাহসী হইয়া উঠিতেছে। তাহারা লুকাইয়া থাকিয়া বৃটিশ সৈন্যদিগের উপর এবং সহগামী মোটরগুলির উপর গুলী চালাইতেছে। উহাদের বক্ষার্থ সশস্ত্র প্রহরী থাকিলেও তাহারা তাহা গ্রাহ্য করিতেছে না। উহারা ইহুদীদিগের শত্রুক্ষেত্রে অগ্নি দিয়া ফসল নষ্ট করিয়া ফেলিতেছে; টেলিগ্রাফের তার কাটিয়া দিতেছে। একরূপ অবস্থাকে বিদ্রোহ ভিন্ন আর কি বলা যাইতে পারে? আরবরা বে-আইনী-ভাবে আগের অস্ত্র লুকাইয়া রাখিতেছে। বৃটিশ কনেষ্টবলরা গ্রামে গ্রামে ঘুরিয়া উহার খানাতল্লাস করিতেছে এবং এই কাৰ্য্য করিতে বাইয়া স্থানে স্থানে দুই একটি করিয়া গোরা সৈনিক এবং কনেষ্টবল নিহত হইতেছে। তাহার পর সংবাদ আসিয়াছে যে, নবলুস্ রমলের পথের পার্শ্বে এক দল বৃটিশ সৈন্যের সহিত আরবদিগের ভীষণ সংঘর্ষ হইয়া গিয়াছে। সেই যুদ্ধে সীফোর্থ হাইল্যান্ডার দলের এক জন ল্যান্স কর্পোরাল নিহত হইয়াছেন এবং আরবদিগের ৬ জন নিহত এবং ৪ জন আহত হইয়াছে। তন্নিম্ন নব্লুসের দক্ষিণ-পূর্বদিকে অবস্থিত কুবালান গ্রামে সীফোর্থ হাইল্যান্ডারদিগের সহিত আরবদিগের আর একটি যুদ্ধ হইয়া গিয়াছে। ঐ যুদ্ধে ৪ জন আরব নিহত হইয়াছে। একটি পাহাড়ের উপর প্রায় ৫০ জন আরব লুণ্ঠন করিবার উদ্দেশ্যে লুকাইয়াছিল। সীফোর্থ হাইল্যান্ডার সৈন্যগণ তাহাদিগকে তথা হইতে মেরিন কামান হইতে গোলা বর্ষণ করিয়া খেদাইয়া দেয়। এইরূপ অনেক অশান্তি তথায় লাগিয়াই আছে। ব্যাপার নিতান্ত সামান্য মনে হইতেছে না। এ দিকে আরব দেশের এই অশান্তি ট্রান্স জর্ডান অঞ্চলের অর্ধাংশ জর্ডান নদীর পরপারস্থ বেহুইন জাতির মধ্যে বিসর্পিত হইবার সম্ভাবনা জন্মিয়াছে। প্যালেষ্টাইনের হাই কমিশনার মিষ্টার ওয়াকফের উপর ট্রান্স জর্ডান অঞ্চলের শান্তিরক্ষার ভার চ্যুত রহিয়াছে। বেহুইনরা প্যালেষ্টাইনে ইহুদীদিগের বসবাসের বিরোধী। বৃটিশ কর্তৃপক্ষ বলিতেছেন যে, যদি তাহাই হয়, অর্ধাংশ জর্ডান পারের বেহুইনরা যদি সত্য সত্যই কেপিয়া উঠে, তাহা হইলে বৃটিশ

জাতি তাহাতে শঙ্কিত হইবেন না। অথচ এ বিষয়ে ট্রান্স জর্ডানের আমীর আবদুল্লা কি করেন, তাহাও দেখিতে হইবে। বৃটিশ জাতি আমীরের শাসনকাৰ্য্য নির্বাহের জন্য বার্ষিক ৬০ হাজার পাউণ্ড করিয়া সাহায্য করিয়া থাকেন। এখন প্রশ্ন হইতেছে, আমীর আবদুল্লা বেহুইনদিগকে দমনে রাখিতে পারিবেন কি না? এই ব্যাপারের পরিণাম কি দাঁড়াইবে, তাহা বলা কঠিন। যুদ্ধের সময় আরবদিগকে বলা হইয়াছিল যে, যদি তাহারা তুরস্কের সহিত সংগ্রাম করে, তাহা হইলে তাহাদিগকে স্বাধীনতা দেওয়া হইবে। আবার ইহুদীদিগকেও বলা হয় যে, ঐ দেশ তাহাদের পিতৃভূমি, অতএব উহা তাহাদিগকেই দেওয়া হইবে। কানেই আরবরা অতিশয় বিক্ষুব্ধ হইয়া উঠিয়াছে। তবে তাহাদিগকে শান্ত হইতেই হইবে। আর অনর্থক রক্তপাত করা বুখা।

### হাবসী রাজ্যের কথা

হাবসী রাজ্য এখন ইটালীর পদানত বলিয়াই পরিজ্ঞাত। ইটালীর রাজা ইমানুয়েল এখন আভিসিনিয়া-সম্রাট বলিয়া বিঘোষিত। হাবসী রাজ্যের সম্রাট হাইলাস সিলাসী এখন পরাজিত হইয়া জেনিভায় উপস্থিত। তথায় তাঁহাকে মৌখিক সম্মান বেশ করা হইয়াছে। কিন্তু এখন শুনা বাইতেছে যে, ইটালী এখনও সমস্ত আভিসিনিয়া রাজ্যটি অধিকৃত করিতে পারে নাই। উহার অত্যন্ত অধিক অংশই এখন অপরাজিত রহিয়া গিয়াছে। ইটালী কেবল কতকগুলি সহর দখল করিয়া লইয়াছেন। ইহা কত দূর সত্য, তাহা বলা যায় না। যদি এ কথা সত্য হয় যে, আভিসিনিয়ার এক-তৃতীয়াংশ এখন ইটালী দখলে আনিতে পারে নাই, তাহা হইলে বুঝিতে হইবে, ইটালীর রাজা ইমানুয়েলকে আভিসিনিয়ার সম্রাট বলিয়া ঘোষণা করা ঠিক হয় নাই। কিন্তু রাজনীতিক্ষেত্রে কয়টা কাণ ঠিক হয়? তবে এই চাল চালিবার একটা উদ্দেশ্য আছে। অতঃপর যে সকল হাবসী সর্দার এখনও ইটালীর অধীনতা স্বীকার করে নাই, তাহাদিগকে বিদ্রোহী বলিয়া অসঙ্গতভাবে শাস্তি দেওয়ার সুবিধা হইবে। ইটালী বীরত্ব দ্বারা আভিসিনিয়া জয় করিতে পারে নাই; পারিয়াছে ছলে আর কৌশলে। ও-দুইটিও রাজনীতিক পন্থা বটে। বলা বাহুল্য, রাজনীতির সহিত ধর্মনীতির সম্বন্ধ নাই। প্রতারণাই কূট-রাজনীতির যথাসর্বস্ব। অবশ্য এ কথা এখন শুনা বাইতেছে যে, ইটালী অস্ত্রীক্ষ হইতে বোমাবর্ষণ করিয়া এবং বিষবাপ্প ছড়াইয়াও হাবসীদিগকে পরাজিত করিতে সমর্থ হয় নাই। ইটালী ঘৃণ দিয়া অনেক সর্দারকে ভাঙ্গাইয়া আপনার কার্য্যোদ্ধার করিয়া লইয়াছে। ইহাও একটা রাজনীতিক কৌশল। ঘৃণ খাইয়া অনেক সোমালী এবং আভিসিনিয় বিধ্বাসঘাতকতা করিয়াছে, দেশের পক্ষ ছাড়িয়া বিদেশীর পদলেহন করিয়াছে। যে দেশে জয়চাঁদ, মিরজাকর বা রাসগুংগার মত বিধ্বাসঘাতক জন্মে, সে দেশ বিধ্বস্তের অভিসম্পাতগ্রস্ত হয়-ই হয়। কাবেই আজ আভিসিনিয়ার ভাগ্যে এই দুর্গতি ঘটয়াছে। ঘৃণ দিয়া প্রতিপক্ষের উপর জয়লাভ কেবল ইটালীই করে নাই, আরও বহুজাতি তাহা করিয়াছে। দেশায়বোধের একান্ত অভাব হইলেই কতক-গুলি নরপাণ্ডুল বিপক্ষের নিকট হইতে ঘৃণ লইয়া থাকে। কেবল



যে যুদ্ধের ব্যাপারেই ঘৃণা চলে, তাহা নহে, রাজনীতিক্ষেত্রেও বেশ ঘৃণা চলে। উহা "মনে মনে সবাই জানে বলে দোষী হয়।" টাকা লইয়া বা পুরস্কার লইয়া অথবা পুরস্কারের লোভে অথবা মিষ্ট কথার তুলিয়া অযোগ্য ব্যক্তিকে ভোট সাঁহারা দেন, তাঁহারাও ঘৃণাচর। সাহা হউক, ইটালী কোশলে কার্যোদ্ধার করিয়াছে। মাঝি অরি পারি যে কোশলে, ইহাই মুসোলিনীর নীতি। এ নীতি বীরত্বচক নহে, ইহা শৌর্ধোর সম্মান পাইতে পারে না। ইহা

কাপুকুতার কার্য, তাহাতে সন্দেহ নাই। সাহারা বিনা কারণে দুর্বলের বখাসর্ব্ব হরণ করে, তাহারা যে কাপুকুতের পন্থা অবলম্বন করিয়া কার্যোদ্ধার করিবে, তাহাতে বিশ্বাসের বিষয় কিছুই থাকিতে পারে না। এখন বিলাতের শ্রমিকদল সাহাই বলুক না কেন, তাহাতে কিছুই আইসে যায় না। আবিগিনিয়ার ভাগ্যে যে অমানিশার অন্ধকার নামিয়া আসিয়াছে, কত দিনে তাহার অবগান হইবে, তাহা বিশ্বপাতাই বলিতে পারেন।

## পল্লী-বর্ষা

রিম্ ঝিম্ রিম্ ঝিম্

মেঘ-মল্লারে বীণ

বাজে আজি সঙ্গসা

এল ঐ বরষা ;

হুল্ তুল্ বুল্ বুল্

তুল্ তুল্ ফুল্ তুল্

বন্ জুই কেয়া ফুল

ভরা নদী বিলুকুল

হৃদে জাগে ভরসা

এল ঐ-বরষা।

কাজনী গানের সাথ

সজল "মিগে"র বাৎ

বয় সখি ঝিম্ ঝিম্

যেন সেতারের মীড়

টুং টাং টুং টুং

বাজে সারা মরুম্

ধরণী যে সবসা

এল ঐ বরষা।

তব্ তব্ সব্ সব্

তটিনীর নীরপ

চলে তরী চঞ্চল

বহে নদী কল্ কল্

এদিকেতে স্নকোমল

সবুজেরি অঞ্চল

গাছে গাছে ঝল্ মল্

মখমল্ পরশা

এল ঐ বরষা।

জলে দীর্ঘ টুবটাব

সারা মাঠ সয়লাব

ভরপুর ঝাল বিল

"টোরা" বক্ গাঙ, চিল

মাছ ধরে অবিরাম

রাতদিন ঝিম্ ঝাম্

ঝম্ ঝম্ শুনি ওই

বর্ষা যে এল সই !

করম্ চা সজিনাব,

পাতা ঝলে অনিবার-

ঝিল্ মিল্ চিক্ চিক্

শাসে শাওয়া ফিক্ ফিক্

এদিকেতে নদীজল

ঝল্ মল্ টল্ টল্

ছল ছল চোখে চায়

আজি এই বরষায়।

ধরে গুটি পাকুড়ের

পাকানল ডুমুরের ;

তটিনীর তটপাশ

ছামকল রাশে রাশ

বিছাইয়া পড়ি রস

তকতল জলময়

শুনি শুধু রাত দিন

রিম্ ঝিম্ রিম্ ঝিম্।

এ-পাবেতে বেগাকুল

"জল্-মরীচে"র কুল

কদম ও যথিকার

হেরি যেন স্রমায়

বিছুটাব পানে চায়

নিখুম্ নিরালার

কাটে দিন রজনী

সজনী লো সজনী।

ও-পাবেতে ঘাটজাল

ফেলি সারা সকাল

জ্বলেনী ও জ্বলে ওই

ধরে "সিঙী" "বাটা" "কই"

ছেলেমেয়ে ছাঁকনির—

জাল্ লয়ে তটিনীর

জল করে তোলাপাড়্

গান গাছে বর্ষায়।

গাঙে বেই "পলুয়ে"ই

দের খড়া মংগেই

হাত দিয়ে লোকজন

মাছ ধরে অমুখন্

তার পরে চাবিজাল

ফেলি সারা বৈকাল

ধরে "কই" "কাংলায়"

"পাংসী" ও "পাবদা"য়।

কৈবৎ একপাল

"খেবলা" ও গাঁতিজাল—

ফেলি ঘাঁটে কদম

মাছ ধরে শুধুম্

কত্তু বৃকে নদীটির

দেয় বেড়া কপিং

ভাবি কত সাত পাঁচ

"বাচ" করি ধরে মাছ।

কৃষাণেরা "বুনি" আর—

"ফাটা" জালে বাবেবার

"চাং" "পুঁটি" খয়রায়

"চিংড়ি" ও "চ্যাংরা"য়

খাকুইটা ভরি লয়

কত্তু তোড়ে চেয়ে রয়

কেউ ছুটি পাছে পাছ,

"ট্যাটা" দিয়ে বিধে মাছ।

বিজুরীও লগুপায়

অঁখি মোর ঝলসায়

হিয়া করে ছম্ ছম্

হদম্ থম্ থম্

গম্ গম্ শুনি শায়

এদিকে এ বাদলায়

মাদল্ যে বাজে সই—

দিং-তা-না থই থই।

কোথায় পীতম্ কই

"পিউ কাঁহা" শুনি ওই—

ডাকে পাখী নিরালার

হিয়া মোর মূরছায়

কাঁপে তম্ থম্ থম্

ধরে অঁখি দম্ দম্—

বুখাই জনম্ যায়

সে বিনে এ বরিবার।

কাদেয় নওরাজ।



( উপগাস )

## সপ্তদশ পরিচ্ছেদ

প্রেম ও Love

বহুক্ষণ ফুল্লরার যেন কোনো চেতনা ছিল না! পৃথিবী, সমাজ, ঘর-বাড়ী, লোক-জন...সব কেমন অসুভূতির অন্তরালে অদৃশ হইয়া গিয়াছিল!

ধীরে ধীরে চেতনা ফিরিল। শুধু ঘড়ির পেণ্ডলাম হুলিতেছে...আর কোনো শব্দ নাই। বস দাড়াইয়া আছে ঘরের প্রান্তে...নিঃশব্দে যেন কাঠের পুতুল!

একটা নিশ্বাস! নিশ্বাসের সঙ্গে সঙ্গে দেহ-মনে প্রাণের সঞ্চার হইল। ভয়ঙ্কর মাথা পরিষ্কারে। বয়েস পানে চাহিয়া ফুল্লরা বলিল—তুমি শুভে যাও বস, খানা আমি খাবো না।

বস চলিয়া গেল।

বাড়ীতে দাস-দাসী আছে, অগুণত আশ্রিতও ছ'চারি জন আছে। সকলে নুমাইতেছে।

ফুল্লরার মনে হইল, সে বড় নিঃসঙ্গ...একা! রোজা চলিয়া গিয়াছে...

এই চলিয়া যাওয়াটা তার ভালো লাগিল না! এ-ভাবে মানুষ যায় না! বিশেষ, রোজার মতো ডাগর মেয়ে...! এ-ভাবে কখনো কেহ গিয়াছে? যারা যায়...

ফুল্লরা শিহরিয়া উঠিল।

রোজা গিয়াছে বলিয়া করিবার কিছু নাই!...সন্ধান?

কি প্রয়োজন? স্পষ্ট সে লিখিয়া গিয়াছে—রাঁচি চলিয়াছে; বন্ধুদের সঙ্গে বেড়াইতে।

মনে হইল, স্বামী থাকিলে ভালো হইত! কিন্তু স্বামী

কি করিতেন? রোজাকে ফিরাইয়া আনিতেন? ফিরাইয়া আনিলেও যাওয়ার যে অপরাধ রোজা করিয়াছে, তা ফিরিত না!

পরক্ষণে মনে হইল, কি অপরাধ? অপরাধই বা কেন? সখ হইয়াছে, বেড়াইতে গিয়াছে! পুরুষমানুষ তো এমন যায়। রোজা মেয়ে বলিয়া...

কোথা হইতে বিদ্রোহের ক্ষীণ শিখা মনের মধ্যে বলশিয়া উঠিল। এত লেখাপড়া শিখিয়া ফুল্লরা এ-কথা কেন ভাবে? হয়তো রোজা নিজের মনের পরিচয় জানে! হয়তো তার মনের উপর জোর আছে!

সঙ্গে সঙ্গে মনে পড়িল ছবির কথা। আবার সে শিহরিয়া উঠিল। ছবি সহজ মেয়ে নয়! কিন্তু সেই শরতান বিশ্বাসটা...

পুরুষের উপর নারী কোনো দিন নির্ভর রাখিতে পারিবে না? একা অসহায় নারী...পুরুষের কাছে সে শুধু মৃগয়ার জীব?...

এ কথাগুলো রোজা জানে? জানিলে ভয় নাই! যদি না জানে...?

কথাগুলো সহজ নয়! সহজ ভাবে এ কথার আলোচনা সকলের সঙ্গে করা চলে না! কিন্তু আজ সখন পুরুষের সঙ্গে সাম্য চাহিয়া নারী দিগ্দিগন্তে বাহির হইতেছে, তখন এ কথাগুলো জানিয়া রাখা প্রয়োজন!

এমনি পাঁচ-সাত রকম ভাবিতে ভাবিতে ফুল্লরার দুই চোখ ঘুমে মুদিয়া আসিল। সারাদিন অল্প পরিশ্রম হয় নাই। সেজ্ঞ অবসাদ...

ফুল্লরা উঠিল, উঠিয়া মুখ-হাত ধুইয়া বেশ-পরিবর্তন

করিয়া শয্যায় আশ্রয় লইল। খোলা খড়খড়ি দিয়া আকাশের খানিকটা দেখা যাইতেছে...ছোট ছোট হালুকা ঝেঁপ... যেম বরফের কুচি...কখনো সেগুলার উপর দিয়া, কখনো বা নীচে দিয়া পিছলাইয়া চাঁদ সরিয়া সরিয়া ভাসিয়া ভাসিয়া চলিয়াছে...নিরাময় নিক্ষেপে!

ফুল্লরা চক্ষু মুদিল।.....

পরের দিন সকালে ইভা আসিয়া দেখা দিল, সঙ্গে নকুল।

চায়ের টেবলে বসিয়া কাজ-কন্ঠের কথা চলিতেছিল। ইভা বলিল,—টিকিট যা বেচেছি, তার টাকা তোমায় দিয়ে যাই...তোমার খাতা এনে সেগুলো জমা ক'রে নাও. ভাই। তার পর নকুলের পানে চাহিয়া বলিল,—তুমি এখন যাও সান্নাধ্য সাহেবের কাছে। তিনি নিজে তো ক'খানা দশ টাকার টিকিট নেবেন—তাছাড়া ক'খানা টিকিট চেয়েছেন, বেচে দেবেন। Higher seats এর টিকিট...তুমি একটা ফর্দ ক'রে এনে...সেই ফর্দ দেখে টিকিট নিয়ে যেয়ো মিসেস চাটাজীর কাছ থেকে।...

নকুল চলিয়া গেল।

কথায় কথায় ইভা বলিল,—তোমার ভাইঝী কোথায়? তাকে সঙ্গে নিতে চাই। এ সব কাজে ওয়া যদি না ভলাটিয়ারী করে...

ফুল্লরা কহিল,—সে রাঁচি গেছে।

—রাঁচি! কবে গেল? কাল তাকে দেখে গেছি, সকালের দিকে যখন এসেছিলুম...

ফুল্লরা বলিল,—হ্যাঁ।...রাত্রে ফিরে এসে চিঠি পেলুম। লিখেছে—রাঁচি চললুম...দিন চারেকের জুগ!

ইভা কহিল,—হ্যাঁ!...ক'র সঙ্গে গেল?

ফুল্লরা কোনো কথা গোপন করিল না, বলিল,—তার বন্ধুদের সঙ্গে...কে এক মিস্ আর কে এক জন মিষ্টার। তারা বাঙালী নয়।

বাঙালী নয়!

ইভার বিশ্বয় একেবারে সীমা ছাপাইয়া উঠিল। ফুল্লরা কোনো কথা কহিল না, খাতায় জমার বরে টাকার অঙ্ক লিখিতেছিল...

ইভা কহিল,—ডাগর মেয়ে...একা গেল রাঁচি এমনি

করে'...তোকে কিছু না জানিয়ে!...এ ভে ভালো কথা নয়, ফুল্ল!

ফুল্লরা বলিল,—কি করবো? ফুলে বায়...খাধীন... এ নিয়ে আগে হুঁচার কথা বলেছিলুম...তাতে রাগ করে। সেই অবধি বলা ছেড়ে দিয়েছি...

ইভা কহিল,—পর নয়! রাগ করে বলে' এমন উদাসীন থাকবি!...এ-বয়সে ওদের কি জ্ঞান আছে বাইরের সম্বন্ধে...বল?...তার ভালোর জন্তেই বলা...

ফুল্লরা বলিল,—সে বলে, নিজের ভালো সে নিজে বোঝে।...

ইভা কহিল,—মিষ্টার চাটাজী একথা শুনে রাগ করবেন হয়তো!...

ফুল্লরা কি ভাবিল, পরে খাতার লেখা শেষ করিয়া বলিল,—যা হয়ে গেছে, তা নিয়ে ভেবে তো কোনো ফল নেই!...এই যে আমরা একদিন ও-বয়সে লেখাপড়া শিখেছি...রাঁচি যাবার অবসর হয় নি বা বাড়ীর লোক যা চায় না, এমন কাজ কোনোদিন করি নি!...আর ছবি? কি না করলে, বল? মানুষের প্রকৃতি কি কুচি কেউ কোনো দিন নিষেধ-শাসনে ফেরাতে পেরেচে?

ইভার মনের আতঙ্ক তবু ঘুচিল না। সে চুপ করিয়া রহিল।...

সারাদিন ফুল্লরার অস্বস্তি আর কাটিতে চায় না। নিজেকে কখনো ইহার পূর্বে প্রতখানি নিঃসঙ্গ বা নিঃসহায় সে বোপ করে নাই!

হুপুরবেলায় কোথা হইতে আকাশে একরাশ মেঘ জমিয়া মুঘলদারে বৃষ্টি নামিল। সে বর্ষায় বৈর্য্য হারাইয়া মন তার অসহ বেদনায় আর্ন্ত হইয়া উঠিল। বসিয়া বসিয়া কেবলি মনে হইতেছিল, মনকে শিখাইয়া পড়াইয়া কি পাইলাম? ছেলেবেলার কথা মনে পড়িল। নিজের মায়ের কথা...

তার মতো পড়িয়া মা কতকগুলো একজামিন পাশ করেন নাই! নিজেকে সংসারে সঁপিয়া দিয়াছিলেন কি ভাবে, নিজেকে কতখানি দাবিয়া রাখিয়া! ছেলেরা তর্জ্জন তুলিয়াছে...তারাও কোনোদিন মা বলিয়া পাশে গিয়া বসে নাই, নিজের বিদ্ভা-চর্চা লইয়া মাতিয়া থাকিত। বাপ খেয়ালী...বই আর খাতাপত্র লইয়া দিনাতিপাত

করিতেন...মা কোনো দিন এতটুকু অল্পযোগ তোলেন  
নাই! কাহারো বিরুদ্ধে নয়! হাসি-মুখে...নিমেষের  
জন্ম মাকে শ্রান বা মলিন দেখে নাই। সেই সংসারে  
মানুষ হইয়া মেয়েদের উপর পুরুষের যেটুকু অবিচার  
দেখিয়াছে, পীড়ন দেখিয়াছে, সেই দেখার ফলেই না সে  
মনকে স্তম্ভ পণে বদ্ধ করিয়াছিল, নিজের জীবনে সে  
দেখাইবে, পুরুষের উপর নির্ভর না রাখিয়াও নারীর  
দিন অনায়াসে কাটিয়া যায়।...

বিবাহ!...

...ভুল নয়। মোহ নয়। বন্ধু বলিয়া স্ত্রীল  
চাটাজীকে গ্রহণ করিতে মন উদগ্র উন্মূখ হইয়াছিল। স্ত্রীল  
চাটাজী বলিয়াছিল, ফুল্লরার স্বাধীন চিন্তায়, স্বাধীন মতে  
কোনোদিন হস্তক্ষেপ করিবে না!

এ কথা টলে নাই!...

কিন্তু থাকিয়া থাকিয়া জীবন এমন নিঃশেষ শূন্য মনে  
হয় কেন? সকলের কি এমন হয়?

সংসার!...সংসার এমনি? তার কোণায় কি আকর্ষণ!

কাব্যে নাটকে পড়ে, ভালোবাসা। সে ভালোবাসায়  
দেহ লইয়া কত না নিবেদন কত ভাবে! বাহুর ধারণ...  
অধর-সুখা...

এসবে ফুল্লরার মন বিরূপ ভায় ভরিয়া ওঠে। পশরার  
মতো নিজেকে পরিয়া দেওয়া...

স্বপ্নায়-লজ্জায় মাথা নত হইয়া আসে।...অপচ এই  
ভালোবাসার কথা লইয়া যুগে যুগে যত কবি, নাট্যকার  
ও শিল্পীর চলিয়াছে শিল্প-রচনা...

লজ্জা আর ঘৃণার বস্তু হইলে এ ভালোবাসা...  
যৌবনের এই প্রমত্ত আবেগ...?

লেখাপড়া আর দুর্জয় মনের পণ...তাহারি জন্ম তার  
মনে হয়তো যৌবন কোনোদিন জাগিয়া আসন পাতিয়া  
বসিতে পারে নাই! হয়তো...

কড়-কড় শব্দে আকাশ চিরিয়া তাঁর বজ্রনাদ। ঘর-  
দ্বার...সেই সঙ্গে ফুল্লরার মনের মধ্যটা সে শব্দে বন্-  
বন্ করিয়া কাপিয়া উঠিল।...চিন্তার স্তম্ভ গেল ছিঁড়িয়া।

ফুল্লরা স্থির নেত্রে চাহিয়া রহিল বাহিরের পানে...অজস্র  
বিপুল ধারায় আকাশ যেন তার বক্ষ-সঞ্চিত সমস্ত জল  
পৃথিবীর বুকে ঢালিয়া দিতেছে...

কেন? কেন?

ফুল্লরার নিঃসঙ্গ মনে এ প্রশ্ন বিপর্যয় আকারে চাপিয়া  
বসিল।

সন্ধ্যার দিকে বৃষ্টি থামিল।

টেলিফোনে ডাক আসিল,—হ্যালো...হ্যালো...

রিহার্শালে ঘাইতে হইবে। এ বৃষ্টিতেও কেহ সেখানে  
গর-তাজির নাই। সকলে বসিয়া আছে ফুল্লরার পথ  
চাহিয়া...

শূন্য-স্তম্ভ বাড়ী ছাড়িয়া সে কোলাহল-কলরবের মধ্যে  
ঘাইতে পারিলে প্রাণটা বুঝি বাঁচিয়া ঘাইবে।...

গাড়িয়া হাট রোডে বাণী-মঞ্জরীর গৃহে রিহার্শাল  
বসে। ফুল্লরা রিহার্শালে গেল।...

মেয়েরা সাজিয়াছে...পুরুষের দল নেপথ্যে বসিয়া  
আয়োজন করিতেছে। গান শেখানো, নাচ শেখানো,  
অভিনয়...পোজ, এক্সপ্রেশন...এগুলো শিখাইতেছে গুণীন্  
পুরুষ। ফুল্লরা এ-সবের তত্ত্বাবধান করিতেছে।

শঙ্কর বসিয়াছেন যোগাসনে...ধ্যান-মগ্ন চিত্ত হইতে  
নিভুবন সরিয়া গিয়াছে...উমা আসিয়াছেন পূজার অর্ঘ্য  
বহিয়া...এমনি সময়ে দেবতাদের ইঙ্গিতে মদনকে আসিয়া  
শঙ্করের দ্যান ভাঙিতে হইবে পুষ্পশরের আঘাতে...নয়ন  
মেলিয়া শঙ্কর দেখিবেন পেলবযৌবনা উমাকে...সঙ্গে সঙ্গে  
দিকে দিকে জাগিবে মধুমাস কোকিল-ভ্রমরের গুঞ্জন...  
নব পত্র-পল্লবে আবেগ-আবেশ-মত্ততা!

মদনের প্রবেশ লইয়া তর্ক উঠিল। উমার আসিবার  
পূর্বে মদন আসিয়া বসিয়া থাকিবে গিরি-শিলার অন্তরালে...  
পাশে রতি...শঙ্কর দ্যান-স্তম্ভ...কথা উঠিল, মদন-রতি  
এখানে একটা গান গাহিলে atmosphere খাশা জমিয়া  
উঠিবে নিমেষে! ..

নাট্যকার বলিল,—গান দিলে পেশাদারী থিয়েটারের  
মতো হবে। আমি চাই, আগে থেকে কোনো আভাস  
দেবো না! উমা এসে যখন ঠেজে দাঁড়াবে, তখন মদন  
তার ধমুতে জুড়বে পুষ্পশর!...উমার সেদিকে লক্ষ্য নেই  
...আসচেন ধীর পায়ে দ্বিধা-কুণ্ঠাভরে শঙ্করের কাছে  
এগিয়ে...হুট চোখের দৃষ্টি শঙ্করের মুখে...শঙ্কর চেতনা-  
হারা, নিস্পন্দ...এই শর শঙ্করের বুকে লাগবে ঠিক যখন উমা  
এসে দাঁড়াবেন শঙ্করের সামনে! তীরের বেদনার শঙ্কর



চোখ মেলে চাইবেন...সঙ্গে সঙ্গে বসন্ত জাগ্রত হয়ে উঠবে...শঙ্করের চিত্তে চাক্ষুশ জাগবে উমার যৌবনশ্রী দেখে... এর মধ্যে গান দিলে আর্ট মাটি হয়ে যাবে!...

নানা জনে নানা মত দিল...অবশেষে ফুল্লরাকে করিতে হইবে এ সব মতের বিচার!

ফুল্লরা বলিল—রিহার্সাল হোক। কি রকম impression হয়, দেখি...দেখে আমার মতামত বলবো।

রিহার্সাল চলিল। দৃশ্য-শেষে ফুল্লরা বলিল—মদনের গানের দরকার নেই!

ইভা বলিল—যে মেয়েটি মদন সাজবে, সে ভারী চমৎকার গান গায়। ওর মুখে যত গান দেবে, play তত successful হবে...commercially...Box-office-এর দিকে চেয়ে সেই ভাবে ব্যবস্থা করতে হবে তো!...

আবার তর্ক চলিল...

আর্ট মাটি হইয়া যাইবে, এই ভয়ে নাট্যকার বলিল—আপনি বিচার করুন মিসেস সেন, প্রেমের প্রথম-জাগরণ...তা ঘটে অতি-নিঃশব্দে...অতি মৃদু ইঞ্জিত-ভঙ্গীতে!

হাসিয়া ফুল্লরা বলিল—ও সব কবিতার কথা চলবে না। কথা হচ্ছে, ইভা যা বললে, business-এর দিক দিয়ে...

ফুল্লরা নাট্যকার বলিল—আপনিও দেখবেন ঐ business-এর দিক! Drama-র আর্ট...তবে গিয়ে love's psychology...এগুলো উড়িয়ে দেবেন?

হাসিয়া ইভা কহিল,—শুনুন, এ তো ঘর-সংসারের কথা হচ্ছে না...এ হচ্ছে box office-এর ব্যাপার। মদন মেয়েটি খুব ভালো...ওর রেকর্ড আছে গ্রামোফোনে...রেডিওতে গায়।

নাট্যকার আবার ফুল্লরার পানে চাহিল, মিনতি-ভরা কণ্ঠে কহিল—কিন্তু আপনি বলুন...love...তার প্রথম স্পন্দন জাগলে স্ত্রী-পুরুষে চায় বিজন ঠাই...নির্জনতা!

ফুল্লরা বলিল,—ও-সব love-টাভ চলবে না...এ হলো business। এঁরা যা বলছেন, experience থেকেই বলছেন। এঁরা stage-play করিয়েছেন আরো...তাছাড়া জানেন, এই সব love-display...well, to me, they are simply ridiculous...

—Ridiculous!

কথাটা বলিয়া যে-দৃষ্টিতে নাট্যকার ফুল্লরার পানে চাহিল, দেখিয়া মনে হইল, তার চোখ দুটা যেন ঠিকরিয়া খশিয়া পড়িবে!

## অষ্টাদশ পরিচ্ছেদ

রথ

প্রে'র দিন...রাজস্ব ব্যাপার। পোষাক-পরিচ্ছদ আসিয়া জমা হইতেছে ফুল্লরার গৃহে...দর্জীর দল বসিয়া গিয়াছে। বে-মেয়েরা সাজিবে, সকলে আজ এ-বাড়ীতে আসিয়া আশ্রয় লইয়াছে। পোষাক পরাইয়া তার কাট-ছাঁট চলিয়াছে...অবিরাম। আর্ট-ডিরেক্টর একেবারে দশ হাত বাহির করিয়াছে। সকলের স্নানাহার আজ এ-বাড়ীতে।

বেলা দুটায় একখানা টেলিগ্রাম আসিয়া হাজির। রোজা টেলিগ্রাম করিয়াছে,—

হাজারিবাগের পথে ব্রেক-ডাউন। গাড়ী ব গঞ্জিন অচল। কিরিতে বিলম্ব হইবে। চিন্তা করিয়ো না।

রোজা

টেলিগ্রাম পড়িয়া ফুল্লরা চুপ! ইভা আসিয়া বলিল,—রোজার টেলিগ্রাম?

—হ্যাঁ।

টেলিগ্রামখানা ফুল্লরা দিল ইভার হাতে।...টেলিগ্রাম পড়িয়া ইভা শুধু ফুল্লরার পানে চাহিয়া রহিল। ফুল্লরা বলিল—বসে আছ কি! তোমার এখন অনেক কাজ...এই সব জিনিষ ষ্টেজে পৌঁছে দেওয়া...

ইভা কহিল—কিন্তু এই accident...

ফুল্লরা কহিল,—মানুষ নিজের কর্মফল ভোগ করে। তা নিয়ে ভাবনা-চিন্তা কিম্বা সাধ্য-সাধনা যদি অপরে করে, তাতে লাভ?

ইভা কহিল—এ হলো ফিলজফির কথা...

ফুল্লরা কহিল—কিন্তু ফিলজফি কখনো যা কল্পনা করে না, তার চেয়েও বড় বড় ঘটনা জগতে ঘটে! মোদ্দা একথা থাক...আমার মনের শিক্ষা যা হচ্ছে, একটার পর আর একটা ঘটনার, তাতে দেখুটি, ক্রমে fatalist হয়ে দাঁড়াবো!...এখন তুই যা।

ইভা কহিল—যাই...তুই কখন আসচিস?

—তিনটে-সাড়ে তিনটে নাগাদ আমি যাবো। ক'টা জিনিষ আসবার কথা আছে, সেগুলো এলে বেয়ারাদের কাউকে নিয়ে আমি যাবো। তুই যা। ওদিকে চা, খাবার-দাবার...এ-সবের ভারও তোর হাতে।...

থিয়েটারে অভিনয় যা হইল, চারিদিকে জম-জমকার পঁড়িয়া গেল। ফুল্লরা বসিয়া অভিনয় দেখিল। এ যেন স্বপ্নলোক!

যে-মেয়েটি উমা সাজিয়াছে, তার নাম নবনলিনী; জ্যোতিরেন্দ্রা সাজিয়াছে মদন। নবনলিনীর অভিনয় দেখিয়া ফুল্লরার মনে হইল, এমন যার শক্তি...বাস্তব ভুলাইয়া দর্শকের মনে অতীত যুগের এ প্রেম-সাপনাকে যে এমন জীবন্ত করিয়া তুলিতে পারে...সে শক্তি জাগ্রত করিয়া কেন সে সারা বিশ্বে 'মানন্দময়ীর' বেশে দাঁড়াইবে না? আর জ্যোতির ঐ কথা...নাচে এমন করিয়া ভাবাবেগ ফুটাইয়া তোলা...রতির ঐ বেদনা-ভরা সুর...

ইতার নাম প্রতিভা! এই প্রতিভার জোরে পাশ্চাত্য জগতে সারা বার্ণহার্ড, আনা পাবলোভা, মেলুবা...ইন্দ্রজাল রচনা করিয়া গিয়াছেন! এ-দিক দিয়া নিজেদের জীবনকে কি সার্থকতায় না ভরিয়া তুলিয়াছেন! পুরুষকে অবলম্বন করিয়া নারীর বাঁচা—ভুল! ভুল! নিজের নিজের সত্তা যদি না জাগাইয়া তুলিলাম...তাহা হইলে জীবন যে বৃথা হইয়া গেল!

সংসার দেখা, রান্না-বারা...এ সব কাজ দাস-দাসীতেও করে! খাওয়া-দাওয়ার জগুই মানুষ সংসার করে না! সেক্সপীয়র খাওয়া-দাওয়া লইয়া বসিয়া থাকেন নাই! গ্যাটে, বায়রন, টলষ্টেইন...আর পাঁচ জনের মতো খাওয়া-দাওয়া করিয়াছেন, সত্য! কিন্তু জীবনকে এই খাওয়া-দাওয়া আর পয়সা-রাজগারের মধ্যে সঁপিয়া দেন নাই! এ সব ছাড়িয়া মন ছুটিয়াছিল...তাই পৃথিবীর বুকে অক্ষয় কীর্তি রাখিয়া অমর হইয়া আছেন! আমার মধ্যে যে শক্তি আছে, সে শক্তিকে বিকশিত করিয়া তোলা চাই...

শ্বেজের উপর শিব তখন উমার সামনে ভিখারীর বেশে দাঁড়াইয়াছেন—দুই হাত অঞ্জলিবদ্ধ...শিব বলিলেন,—আমায় ভিক্ষা দাও সুন্দরি...তোমার ঐ হৃদয়-মন! আমি ভিখারী...তোমার দানে আমি ধন হই!

এগুলো শুধু কথা...এ কথার সঙ্গে আমাদের জীবনের কোন যোগ নাই! এমনি কথা নাটকের নায়ক চিরদিন বলিয়া আসিয়াছে,—এ সব কথা না বলিলে নায়ক হয় না। তাই! এ সব কথা ভেদ করিয়া ফুল্লরার মন চলিয়া ছিল,—শান্ত-সত্যের সন্ধানে! শক্তি! প্রতিভা!...

এই শক্তি...কাহার কি শক্তি আছে, সে শক্তি বিকশিত করিয়া তোলা! তনেই জীবনে মিলিবে সার্থকতা! মানুষ করিবে selfকে realise!

কাব্য-নাটক, ফিলজফি আর জীবন—একসঙ্গে সবগুলো মিশিয়া ফুল্লরার মনে তরঙ্গ তুলিয়াছিল...উচ্ছ্বাসে বিপুল তরঙ্গমালা!...

এমনি চিন্তার তরঙ্গে ফুল্লরার মন ভাসিয়া চলিয়াছে, সহসা যেন ভীষণ জঙ্করে বাজ হাকিল। চমকিয়া ফুল্লরা দেখে, এক-বাড়ী লোক মত্ত নেশার ঘোরে অবিরাম করতালি বষণ করিতেছে এবং শ্বেজের মোটা পদ্মাখানা বার-বার • সরিয়া, বার-বার ফিরিয়া শ্বেজকে আবার চাকিয়া দিতেছে! শ্বেজের উপর দাঁড়াইয়া আছে হাসি-মুখে গুলী-মনে সাজা-পোষাকে শিব, উমা, মদন, রতি, ইন্দ্র চন্দ্র, বরুণ...

দর্শকের দল নড়িতে চায় না! থিয়েটার ছাড়িয়া যাইবে না। কি তাদের উল্লাসের উচ্ছ্বাস!

ফুল্লরা বলিল, এ আয়োজন এতখানি সফল হবে, ভাবিনি!

ও দিকে দর্শকদের মধ্য হইতে উপহার বরণ চলিয়াছে... প্রচণ্ড উৎসাহে...বিমুগ্ধ চিত্তের প্রীতি নিবেদন!

ইভা আসিয়া বলিল—সামনের হস্তায় আর একবার রীপীট করো এ প্লে। সকলে বলছে, আবার দেখবে...

আবার!...ফুল্লরা কোনো জবাব দিল না...সে যেন কোন্ স্বপ্নলোকে বসিয়া আছে...চোখের সামনে যা দেখিতেছে...স্বপ্ন! স্বপ্ন!...

জীবন তার ব্যর্থ হইতে বসিয়াছে! সোনার শিকলে বন্দী সে বসিয়া আছে মণিরত্ন-রচিত খাঁচায়। মন হাঁফাইয়া ওঠে প্রতি-নিমেষ!

কোন কাজে মুখ নাই! স্কুলের কাজ...সে যেন প্রাণহীন!

রোজা ফিরিল, ফিরিয়া ফুল্লরার কাছে আসিয়া বলিল—মাপ করে। পিশিমা... I couldn't help this joy drive. It was lovely.

গৃহে ক্রমে সে তুলিত হইয়া উঠিল। ফুল্লরা একদিন বলিল—তোমার পিশেমশায় এখানে থাকলে বিরক্ত হতেন! তাঁর বাড়ীতে তাঁর কতকগুলো নিয়ম-কানুন আছে, এ বয়সে তোমার তা মেনে চলা উচিত, রোজা।

রোজা বলিল—কি সে নিয়ম-কানুন? লেখা কোনো নিয়ম-কানুন আমি কখনো দেখিনি।

ফুল্লরা বলিল—আমি এ কথা বলছি না, সে প্রতি ব্যাপারে দাঙ্গা করে! তা নয়... তবে কতকগুলো সহজ বিধি... আমরাও এক দিন লেখাপড়া করেছি রোজা... বাড়ীর সঙ্গে সম্পর্ক নেই. এমন বন্ধু-বান্ধবের সঙ্গে টিপ দেওয়া... আমি জানি, দু'চার জন এ venture করতে গিয়ে বিপদে পড়েছে... বড় রকমের বিপদ!

এ কথা শুনিয়া রোজা ক্ষণেক গম্ভীর হইয়া রহিল, পরে বলিল—But these my friends... they are all honourable people...

কথাটা বলিয়া রোজা সে স্থান ত্যাগ করিল।...

ফুল্লরা ভাবিল, রোজা কি ভাবে? ভালো কথা বলিতে গেলে তার এমন জটিল অর্থ করে কেন?... তার কল্যাণের জন্য... তাকে শুধু একটু সচেতন করিয়া দিতে এ কথা তুলিতে হয়! নহিলে রোজার সঙ্গে তার সম্পর্ক এমন নয় যে অনর্থক তাকে ব্যথা দিবে, তার সহজ আরামে নিষেধ তুলিবে!

'নিষেধ' কথাটা মনে জাগিতে ছেলেবেলার কথা মনে পড়িল।

এই নিষেধ আর শাসন—এ দুটার বিরুদ্ধে ফুল্লরা চিরদিন কুখিয়া মাথা তুলিয়া দাঁড়াইয়াছে!

তবু এ নিষেধ... আর সে-নিষেধ—দুটা সমান নয়! জয়ে কত ভেদ! ..

মিসেস দত্ত আসিয়া একদিন অগুযোগ তুলিলেন—ফুল্লরার সঙ্গে তুমি সংস্রব কেটে দিলে, মিসেস সেন!

ফুল্লরা বলিল—কাটিনি। মনের অবস্থা খুব ভাল নয় বলে একটু বিশ্রাম নিচ্ছি।

মিসেস দত্ত মুহূ হাসিলেন, বলিলেন,—মন যে-কারণে ভালো নয়, সে কারণ তো ঘরে বসে থাকলে ঘুচবে না! এখন আরো উচিত, পাঁচ জনের সঙ্গে মেলামেশা করা! চারিটি প্লে নিয়ে ব্যস্ত ছিলে... ভাবলুম, ভালো হয়েছে। সত্যি, দুজনে এ বয়সে বেশী দিন ছাড়াছাড়ি থাকা যায় না। আমি জানি মিসেস সেন... আমাদের একদিন এ-বয়স ছিল। মনে পড়ে, মেদিনীপুরে উনি একবার যান মকদ্দমা করতে। সাত দিন একটানা সেখানে ছিলেন! আমার যা হয়েছিল... উনি এসে বললেন, -তোমার খুব অসুখ-বিসুখ করেছিল, মুক্তি?... এ কি চেহারা!... চলো দার্জিলিং, নয় পুরী!... আমি বললুম, তুমি আর মেদিনীপুরে সেয়ো না—দেখো, আমাদের কোনোখানে যাবার দরকার হবে না—ঘরে থেকে সেরে উঠবো... ষোল-কলায়।

ফুল্লরা মনে মনে হাসিল। ভাবিল, কি সে এঁরা ভাবিয়া রাখিয়াছেন! প্তির নেত্রে সে মিসেস দত্তের পানে চাহিয়া রহিল।

মিসেস দত্ত কহিলেন—একটি ছেলে বা মেয়ে হতো... তাহলে মন এতখানি হু হু করতো না...! হওয়া উচিত। এখনো হলো না! সত্যি, বলা যদি তাহলে এমন মাতুলি আমি আনিয়া দিতে পারি... ও-সবে আমার বিশ্বাস আছে খুব। দেখেচি তো চোখে!

ফুল্লরা আর চুপ করিয়া থাকিতে পারিল না, বলিল—আপনি চুপ করুন মিসেস দত্ত... মিষ্টার চাটাজী বাইরে গেছেন বলে' আমার মনে এ ভাবান্তর হয়েছে, তা নয়। আপনারা যা ভাবেন... মানে, ও-সবে আমার প্রবৃত্তি বা কুচি নেই। ছেলেবেলা থেকে একটা কথা শুধু আমার মনে জাগতো... নানা ঘটনা থেকে মনে মনে আমি পণ করেছিলাম, সাধারণভাবে সংসার পেয়ে লোকে তুষ্ট থাকে, তাদের জীবনটুকু তারা ঢেলে দেয় সংসারের পায়ে! তাতে আমার মন ওঠে না। আমার মনে হয়, নিজেদের জীবনকে কোনো একদিক দিয়ে সূটিয়ে তোলাতেই জীবনে সত্যিকার সার্থকতা! স্বামীকে দুটো ভালো খাবার করে' খাওয়ালুম, তাঁর কাছে বসে দুটো ভালোবাসার কথা গুনলুম—তার পর ছেলেমেয়ে... তাদের সাজানো খাওয়ানো ঘুম পাড়ানো... এগুলো যেন কলের কাজ! এ কাজ করবার জন্তে কি

দরকার, বলুন, মনকে শিক্ষায় দীক্ষায় জাগিয়ে তোলার ? কি-বা দরকার পৃথিবীর, এত সাহিত্য, দর্শন, বিজ্ঞান নিয়ে মাথা ঘামাবার ? আমাদের দেশে পুরুষমানুষ বলুন আর মেয়ে-জাতই বলুন—জগতে এসে করলো কি, তার কোনো হিসাব আমরা দিতে পারেন ?

হাসিয়া মিসেস দত্ত বলিলেন,—এ নিয়ে তুমি বক্তৃতা দাও ফুল্লরা...মেয়েরা কবিতা লিখচে, উপন্যাস লিখচে, স্কুল, মহামণ্ডল খুলচে, পলিটিক্স করচে...কিন্তু তোমার মতো ফিলজফির চর্চায় কেউ এখনো মাথা ঘামায়নি ! কি যে তুমি বলো !...আমি বুঝেছি তোমার এ অভিমান.. তা এসো আমার সঙ্গে...স্কুলে। যে ভার নিয়েছিলে, সে ভার নিয়ে আমাকে ভাবনার দায় থেকে বাঁচাও, ভাই. সতি !...

ফুল্লরা কহিল,—আমাকে ক্ষমা করবেন, মিসেস দত্ত, আমার মন সুস্থ না হওয়া ইস্তক আমি স্কুলের কাজ দেখতে পারবো না।...এ-মন নিয়ে কাজ করা চলে না।...ক'দিন ধরে ভাবছি...লেখাপড়া কেন শিখলুম ! কি কাজে লাগবে ? দাসী-চাকরদের উপর কতৃহ করে কিম্বা স্বামীর বিলাস-সহচরী হয়ে জীবনে সব পেলুম বলে তৃপ্তি

বোধ করা—আর যে করে করুক, আমি তা করতে পারছি না।...তার চেয়ে...ঐ যে আমাদের গিয়েটারে সেদিন জ্যোতি বলে মেয়েটি মদন সেজেছিল...ভাবছি, কেন মিছে ও এ বিছা শিখচে ! দুদিন পরে সংসারে হাঁড়িকুড়ি, হাতা-বেড়ির মধ্যে সব বিছা ঢেলে নিশ্চিস্ত হবে তো ! ঐ নাচ নিয়ে ওর উচিত সাধনা করা...আনা পাবলোভা ঐ নাচের কৌশল দেখিয়ে ছনিয়া জয় করে ফেললেন...এ কি কম গৌরব !

মিসেস দত্ত বলিলেন,—বেশতো, তুমি লেখাপড়া শিখেচো—স্কুলের ভার নিয়ে তুমি শিক্ষা দাও, বাঙলার মেয়ে-জাতকে যতখানি পারো, শিখিয়ে-পড়িয়ে মানুষ করে তোলে।

ফুল্লরা বলিল—এ শিক্ষা দেওয়া...যেন প্রাণহীন ঠেকচে ! মামুলি কতকগুলো গং গিলিয়ে দেওয়া...একে শিক্ষা বলতে আমার বাধচে, মিসেস দত্ত।

মিসেস দত্ত চট করিয়া কোনো উত্তর দিতে পারিলেন না। বেগারা আসিয়া সংবাদ দিল,—নকুলবাবু !

ফুল্লরা বলিল—ও ! তাকে ও-ঘরে বসাও।

[ ক্রমশঃ

শ্রীসৌরীন্দ্রমোহন মুখোপাধ্যায়

## বরষা এল অই

বরষা এল অই বাজায়ে রিনি ঝিনি,  
চপলা সখী সাথে এলায়ে মেঘ-বেণী।  
ঈশানে উড়ে মেঘ অশনি গরজন,  
চমকি' নরনারী শ্রীরামে ডাকে ঘন।  
বাদল বাজাইছে মাদল নীলাকাশে,  
মেঘের বুক চিরি চপলা ঘন হাসে।  
দাড়রী সারি সারি কাজরী গাহি চলে,  
জনম হ'তে গুনি মরম তবু গলে।  
নীরব বন-বীথি নবীনা বধু সম.  
সবুজ গুণ্ঠনে আহা কি মনোরম !  
সরল সী'ণিসম বনের পথ তা'র,  
আজি এ ধারা জলে ধোয়া যে ধূলিভার।  
বরষি' অবিরল চলিছে মেঘদল,  
বারতা দিতে দূরে—কামনা থাকে বল।

সুদূর অলকায় তরুণী প্রিয়া কার,  
জমাট মেঘসম সদয়ে গুরুভার।  
দয়িত 'পরে তা'র কুবের দিল শাপ,  
হ'জনে ছাড়া ছাড়ি বিরহে বাড়ে তাপ।  
কোথা সে রামগিরি—দূর সে কতখানি !  
কাঁদিছে বিরহিণী কপালে কর হানি।  
বসন আলুথালু নয়ন ভাসে জলে,  
সচল মেঘদল তাহারে ডাকি বলে।  
প্রাণেশ জানাইল বিরহী-বালা গুন,  
আসিবে ধীরে ধীরে মিলন ফিরে পুনঃ।  
বিকাশি সুখ দুখ বরষ-মাস-পলে,  
নিয়তি লীলায়িত এমনি নাচি চলে।  
তাহাতে দুখ কেন, বিরহ-বিষাদিনি,  
সবলে বাধ হিয়া, দরদী কহে বাণী।

শ্রীমতী চাকরীলা দেবী।





## স্মৃতি-সৌধ



### আকবরের সমাধি

২


লাহোরের পথে আর একটু অগ্রসর হইলেই আকবরের সমাধিসৌধ দৃষ্টিগোচর হয়।

মোগলদিগের অগ্ৰাণ্য সমাধিসৌধেরই মত ইহা বৃহৎ উদ্যানমধ্যে অবস্থিত। এককালে উদ্যানটি কিরূপ সুসজ্জিত ও শোভাময় ছিল, আজ আর তাহা বুঝিবার উপায় নাই। কালের নিস্ক্রম করস্পর্শে সেই পুরাতন সৌন্দর্যমন্দের উদ্যান আজ তাহার পূর্কশ্রীবজ্জিত।

সৌধটির বৈশিষ্ট্য—ইহা মোগল সম্রাটদিগের আর কোন সৌধের মত নহে : দেখিলে মনে হয়, ইহাতে হিন্দুস্থাপত্যের প্রভাবই পরিস্ফুট। হিন্দু—বিশেষ বৌদ্ধ সৌধ সেরূপ বহুতল—ইহাও তাহাই এবং ইহা দেখিলে মনে হয়, বিরাটের

ও অসম্পূর্ণতায় ইহা আকবরের কার্যের প্রতীক বলা যাইতে পারে।


হিন্দু স্থাপত্যের এই দৃষ্টান্ত আকবর ফতেপুর সিক্রীতে অনুকরণ করিয়াছিলেন। যাহারা তাহার পরিত্যক্ত পুরী দেখিয়াছেন, তাহারাই লক্ষ্য করিয়াছেন, তথায় দাওয়ান-ই-আমের বিপরীত দিকে অবস্থিত “পাঁচ মহল” সেই মোগল-পুরীতে হিন্দু প্রভাবের পরিচয় প্রদান করে। মহল-ই-খাস হইতে সোপানপথে “পাঁচ মহলে” যাইতে হয়। এই পঞ্চতল বৃহৎ গৃহের প্রত্যেক তল পূর্বে ছিদমুক্ত প্রস্তররচিত পরিবেষ্টিত ছিল। এই রত্নের আবরণ যেমন ইহার উপর হইতে যে হৃদয় দেখা যায়, তাহাতেও তেমনই—মনে হয়,



পাঁচ মহল

ইহা সম্রাট ও গুপ্তাস্ত্রের মহিলাদিগের ভ্রমণের স্থানরূপে ব্যবহৃত হইত। সর্কনিম্নতলে স্তম্ভগুলির মধ্যে যে বৃত্তি দিয়া বিভাগ করা ছিল, তাহাতে কেহ কেহ মনে করেন, ইহা বাদশাহের পরিবারের বালক-বালিকা ও তাহাদিগের অনুচরদিগের দ্বারা ব্যবহৃত হইত। ঐতিহাসিক কীন এই মতের সমর্থন করেন। এই বিরাট গৃহের স্তম্ভগুলিতে যে সকল নক্সা আছে, সেগুলির বৈচিত্র্য ও রুচি বিশেষ উল্লেখযোগ্য ও চিত্তাকর্ষক। ইহাতে উত্তর-ভারতের হিন্দু ও সারাসিনিক শিল্পরীতি মিশ্রিত হইয়াছে। পূর্বে বলা হইয়াছে, দেখিলে মহাবল্লীপুরের “রথ” মনে পড়ে।

এই “রথ”গুলির কালনির্ণয়ে বহু বিলম্ব হইয়াছে। তাহার সর্কপ্রধান কারণ, এগুলি বিরাট গ্রানাইট প্রস্তর



মহাবল্লীপুরের রথ

হইতে কাটিয়া বাহির করা বলিয়া ইহাদিগের অঙ্গে কালের করচিহ্ন সহজে লক্ষিত হয় না। বিশেষ সবগুলিই যেন অসমাপ্ত; দেখিলে মনে হয়, কাম করিতে করিতে শিল্পীরা চলিয়া গিয়াছিল। এই সকল “রথ”ই যে দক্ষিণ-ভারতের মন্দির-স্থাপত্যের পূর্ববর্তী ও আদর্শ, তাহাতে সন্দেহ নাই। এইগুলি যে খৃষ্টীয় পঞ্চম শতাব্দীর পরবর্তী নহে, তাহা এখন বিশেষজ্ঞরা সকলেই স্বীকার করেন। মদ্রদেশের সিক্কুলে এই সব স্থপতিকীর্তি অবস্থিত। “রথগুলিতে” উৎকীর্ণ লিপিতে সময়ের উল্লেখ নাই। কিন্তু এই সব লিপিতে যে

পল্লভদিগের উল্লেখ আছে, তাহাতে মনে করা যায়, এগুলি খৃষ্টীয় ষষ্ঠ শতাব্দীর পরবর্তী হইতে পারে না। সহজে বলা যায়, বৌদ্ধ যুগের বিহারগুলির আদর্শ এইরূপ ছিল—কারণ, গুহামন্দিরে তাহাই লক্ষিত হয়। ফাগুর্শন বলেন—এই দৃষ্টান্ত বৌদ্ধ স্থাপত্যের শেষ ও দ্রাবিড়ীয় স্থাপত্যের আরম্ভ—উভয়ের মধ্যবর্তী (“It seems hardly to admit of doubt that we have here petrifications of the last forms of Buddhist architecture and of the first forms of that of the Dravidians”)

আকবরের সময় হইতে মুসলমানরা হিন্দু স্থপতিদিগকে স্বাধীনভাবে কাষ করিবার যে সুযোগ দিয়াছিলেন, তাহার ফলে এ দেশে এক নতন স্থাপত্যের উদ্ভব হয় এবং তাহা “ইণ্ডো-সারাসিনিক” নামে পরিচিত। মোগল সম্রাটদিগের মধ্যে আকবরই এ বিষয়ে অগ্রণী। তিনি বুঝিতে পারেন, বিদেশে বিজিত জাতির মধ্যে সর্কতোভাবে বিজেতার আদর্শ অক্ষুণ্ণ রাখায় রাজনীতিক বিপদ থাকে; এবং তিনি হিন্দুর শিল্পে যাহা সুন্দর, তাহা গ্রহণ করেন। “He authorised a liberal use of life portraiture in both animal and vegetable form In other words Hindu treatment of Muhammadan subjects became the rule, not the exception” এই আদর্শে আগা জর্গের এ প্রাসাদের কতকাংশ নিম্মিত হয়, ফতেপুর সিক্কীর রাজপুরী কল্পিত ও রচিত হয় এবং সিক্কাদায় আকবরের সমাধিতে ও তুরজিহানের পিতার সমাধি (ইতিমদৌল) এতদভয়ে এই নতন আদর্শের পরিচয় পাওয়া যায়

দেখা যায়, সমৃদ্ধ মুসলমানরা জীবদ্দশায় আপনাদিগের সমাধি রচনার ব্যবস্থা করিয়া যাইতেন—কেহ কেহ তাহা বচনা করিয়াও যাইতেন। এই প্রথা আজও যে কেহ কেহ পালন করেন না, তাহা নহে।

আকবর স্বয়ং তাঁহার সমাধি-সৌধের গঠন আরম্ভ করিয়া গিয়াছিলেন এবং সেই জন্মই তাহা ভারতে মোগল সম্রাটদিগের অগাণ্য সমাধিসৌধ হইতে গঠনের আদর্শ

ভিন্নরূপ। আকবর যেমন নানা ধর্মে সমন্বয়সাধনের কল্পনা করিয়াছিলেন—এই সমাধিসৌধেও তেমনই হিন্দু বা বৌদ্ধ স্থাপত্যাদর্শ অনুসৃত হওয়ায় ইহা ভারতীয় সারাসিনিক আদর্শের অনুরূপ হয় নাই।

আকবরের মূল কল্পনা কিরূপ ছিল, তাহা জানিবার উপায় নাই। হয় ত সে আদর্শ পরে—তাহার পুত্র জাহাঙ্গীর কর্তৃক পরিচালিত হওয়ায় ইহার সামঞ্জস্যহানি হইয়াছিল। সেই জ্ঞান ফাগুর্শন বলিয়াছেন—প্রথম দৃষ্টিতে মনে হয়, এই অসাধারণ সৌধের কল্পনা আকবরের “খেরাল” বা কোন ভিন্নরূপ সৌধের অনুকরণ। ইহা যে বৌদ্ধ “রথের” অনুকরণ, তাহাতে সন্দেহ নাই। কারণ, প্রস্তরে ক্ষোদিত বৌদ্ধমন্দিরে যে সব ক্ষুদ্র ক্ষুদ্র কক্ষ থাকে, এই সমাধি-সৌধের সর্বোচ্চ তলে তাহার অনুকরণে রচিত “প্যাভিলিয়ন” লক্ষিত হয়। মহাবল্লীপুরের রথের সহিত ইহার তুলনা করিলেই ইহা বুঝিতে পারা যায়। যে স্থানে সমাধি রচিত হইয়াছে—কবরের উপর প্রস্তরখণ্ড স্থাপিত হইয়াছে—তাহার উপর যদি ৩০ বা ৫০ ফুট উচ্চ গম্বুজ থাকিত, তবে “রথের” সহিত ইহার সাদৃশ্য অনায়াসে বুঝা যাইত। ভারতবর্ষে বহু সমাধি বিগ্ৰহমান—কোনটিতে কবর অনাচ্ছাদিত নাই। স্মৃতরাঃ মনে করা অসম্ভব হইবে না যে, গম্বুজ রচনা করাই আকবরের অভিপ্রেত ছিল। যদি ই গম্বুজটি রচিত হইত, তবে যে এই সমাধি-সৌধ সৌন্দর্য্যে তাজমহলের অব্যবহিত পরবর্তী বলিয়া বিবেচিত হইত, তাহাতে সন্দেহ নাই। (“Had it been so completed, it certainly would have ranked next the Taje among Indian mausolea”)

সৌধটি যে আকবরের কল্পনানুসারে সম্পূর্ণ করা হয় নাই, তাহার প্রমাণ জাহাঙ্গীর তাহার আয়ত্বচরিতে লিপিবদ্ধ করিয়া গিয়াছেন। তাহার রাজত্বকালের তৃতীয় বৎসরের বিবরণ বিবৃত করিবার সময় জাহাঙ্গীর লিখিয়াছেন :—

“জামাদী-উল-সানীর” ১৭ই তারিখে—সোমবারে আমি নবমস্বর্গবাসী আমার পিতার সমুজ্জল সমাধিস্থানে আমার শ্রদ্ধা ক্রোপনজন্য পদব্রজে (আগ্রা) হইতে যাত্রা করি। যদি সম্ভব হইত, তবে আমি চক্ষু ও মস্তক দিয়া ইঁটিয়া এই পথ অতিক্রম করিতাম। আমার জন্মের জন্ম তিনি যে “মানত” কবিতাছিলেন, তদনুসারে আমার পূজ্য পিতা

ফতেপুর হইতে ১ শত ২০ ক্রোশ দূরবর্তী আজমীরে শ্রদ্ধেয় খাজা মইন উদ্দীন চিস্তির সমাধিস্থানে শ্রদ্ধা নিবেদন-কল্পে ঐ পথ পদব্রজে অতিক্রম করিয়াছিলেন। যদি আমি চক্ষু ও মস্তক দিয়া ইঁটিয়া এই পথ অতিক্রম করিতাম, তাহা হইলে আমি আর কি বিশ্বয়কর কাণ্ড করিতাম? সেই সমুজ্জল সমাধিস্থানে উপনীত হইয়া আমি তাহার উপর নিশ্চিত সৌধটি যত্নসহকারে পরীক্ষা করিয়া দেখিলাম। আমার মনে হইল, সৌধটি আমার কল্পনানুযায়ী হয় নাই; কারণ, আমার বাসনা এই যে, যাহাতে পৃথিবীর সকল স্থান হইতে ভ্রমণকারীরা আসিয়া সৌধটি দর্শন করিয়া বলিবেন—আমরা পৃথিবীর আর কোথাও এমন গৃহ দর্শন করি নাই—এমন ভাবে সৌধটি নিশ্চিত হইবে। সৌধটি যখন নিশ্চিত হইতেছিল, তখনই হতভাগ্য খশরু বিদ্রোহী হওয়ার আমাকে বাধ্য হইয়া লাহোর যাত্রা করিতে হয়। (আমার অনুপস্থিতিতে) স্থপতিরা যাহা ভাল মনে করিয়াছিল, তদনুসারে নিশ্চয়কার্য্য করিতে থাকে। তাহার কতকগুলি নূতন কাণ্ড করে এবং তিন বা চারি বৎসরের মধ্যে সৌধের জন্ম নির্দিষ্ট সব অর্থ ব্যয়িত হইয়া যায়। আমার আদেশে দক্ষ স্থপতিদিগের নিদেশানুসারে অল্প কারিগররা আমার অভিপ্রেত নক্সা অনুসারে কতকগুলি অংশের পুনর্নিশ্চয় করে। ক্রমে বিরাট সৌধ নিশ্চিত হয়। এই সৌধের চারিদিকে উদ্যান রচনা করা হয় এবং শ্রেষ্ঠ মস্তুর প্রস্তরে রচিত উচ্চ এক বিরাট তোরণ রচিত হয়।”

জাহাঙ্গীরের এই লিপি পাঠ করিলে একটি কথা প্রথমেই মনে হয়। পিতার জীবদ্দশায় পুত্রের বিদ্রোহ-ঘোষণা ভারতে মোগল সম্রাটদিগের অভিসম্পাত ছিল বলিলে—অভ্যুক্তি হয় না। কিন্তু পিতার মৃত্যুর পর পিঃ রাজ্যাদিকারী পুত্রের পিতার সম্বন্ধে উক্তি প্রায় সর্বদা অতিরঞ্জনপূর্ণ। এ দেশে একটি চলিত কথা আছে :—

“জ্যাণ্ডে দিল না ভাতকাপড় ;

ম’রে গেলে দান-সাগর।”—

অর্থাৎ জীবদ্দশায় পিতা বা মাতাকে অন্ন করিয়া তাঁহাঃ শ্রদ্ধে বিরাট আয়োজন করা হয়!

জাহাঙ্গীর যখন যুবরাজ, তখন তিনি অনেক সময় পিতার প্রতি অনুরাগের ও শ্রদ্ধার পরিচয় দেন নাই এ

তিনিই অকবরের শ্রেয় বন্ধু আবুল ফজলের মৃত্যুর জন্ত দায়ী। কিন্তু এই পুত্রের প্রতি অকবরের স্নেহ অপরিসীম ছিল। তিনি পুত্রলাভের আশায় যখন দম্বকম্ব করিতেছিলেন, তখনই জাহাঙ্গীরের জন্ম হয়। তাঁহার জন্ম অলৌকিক ঘটনা বলিয়া অকবরের বিশ্বাস ছিল এবং বহু আরাধনায় যে পুত্র লাভ করা যায়, তাহার প্রতি পিতামাতার স্নেহাদিক্যও স্বাভাবিক। তাই জাহাঙ্গীরের কুব্যবহার জানিয়াও অকবর মৃত্যুর তিন বৎসর পূর্বে তাঁহাকেই উত্তরাধিকারী নিদেশ করিয়াছিলেন।

এই সৌদনিশ্মাণে ১৫ লক্ষ টাকা ও ৪৫ লক্ষ তুরাণীয় মুদ্রা ব্যয় হইয়াছিল বলিয়া জানা যায়।

টমাস হার্বার্ট নামক যে ভ্রমণকারী জাহাঙ্গীরের শাসনকালে আগায় গমন করিয়াছিলেন, তিনি তাঁহার ভ্রমণ-বিবরণে লিখিয়াছিলেন :—

“আগ্রা হইতে—লাহোরে যাইবার পথে—৫ মাইল দূরে মোগল সম্রাটের (অকবরের) সমাধিস্থান। অকবরই সমাধিসৌধের নিশ্চয় আরম্ভ করাইয়াছিলেন এবং তাঁহার পুত্র জাহাঙ্গীর কর্তৃক নিশ্চয়কার্য শেষ করা হইতেছে। এখনও সৌদনিশ্মাণ শেষ হয় নাই এবং এই বিশ্বয়কর সৌদনিশ্মাণে ইতোমধ্যেই ১ কোটি ৫০ লক্ষ টাকা ব্যয়িত হইয়াছে। \* \* \* এমন সৌধ আর দেখা না—

“Such a monument

The sun through all the world sees none  
more great.”

বলা বাহুল্য, হার্বার্ট যখন এই সৌধ অসম্পূর্ণ অবস্থায় দেখিয়া এইরূপ বিশ্বয় প্রকাশ করিয়াছিলেন, তখনও তাজমহল নিশ্মাণের অনেক বিলম্ব ছিল।

১৬৪০ খৃষ্টাব্দে পাদ্রি মানরিকও ইহার সেরূপ উল্লেখ করিয়াছিলেন, তাহাতে স্পষ্টই প্রতীত হয়, তৎকালে এই সৌধ জাহাঙ্গীরের অভিলাস পূর্ণ করিয়াছিল—বিদেশ হইতে আগত ভ্রমণকারীরা ইহার অশেষ প্রশংসা করিয়াছিলেন।

বার্ণিয়ার লিখিয়াছিলেন, দুইটি সৌধে দিল্লী অপেক্ষা আগ্রার শ্রেষ্ঠত্ব প্রতিষ্ঠিত—অকবরের সমাধিসৌধ ও তাজমহল। এই কথা বলিয়া তাজমহলের বর্ণনায় প্রবৃত্ত হইবার পূর্বে বার্নিয়ার লিখিয়াছিলেন :—“আমি অকবরের স্মৃতি-সৌধ সম্বন্ধে আর কিছু বলিব না; কারণ, ইহার সন্মুখিত সৌন্দর্য্য তাজমহলে আরও সুস্পষ্টরূপে বিকশিত হইয়াছে।”

কাউন্ট অব নোয়ার সম্রাট অকবরের প্রতি বিশেষ শ্রদ্ধাসম্পন্ন ছিলেন এবং অকবর সম্বন্ধে প্রামাণ্য পুস্তক রচনা করিয়া গিয়াছেন। তিনি মনে করেন—তাঁহার সমসাময়িক ব্যক্তিদিগের মধ্যে অকবর যেমন তুলনাহীন ছিলেন, তাঁহার সমাধিসৌধও তেমনই ভারতবর্ষে—এমন কি এশিয়ায়—অতুলনীয় বলা যাইতে পারে। ডিউক লিখিয়াছেন :—ইহা নেকালের কিম্বদন্তীকথিত পরীর সৌধের মত মনে হয়। এই সমাধিসৌধ দেখিয়া প্রত্যাভর্তনকালে ইহার প্রভাব তাঁহাকে কিরূপ প্রভাবিত করিয়াছিল—তাঁহার পুস্তকের (দ্বিতীয় ভাগে) উপসংহারে তাহা দেখিতে পাওয়া যায়—“I formed the resolution to hold in remembrance Akbar and the age of Akbar”—আমি অকবরের ও অকবরের সময়ের কথা স্মরণ রাখিতে কৃতসঙ্কল্প হইলাম।

[ ক্রমশঃ।

শ্রীহেমেন্দ্র প্রসাদ ঘোষ।

## “নিভাইয়া দাও দীপ”

নিভাইয়া দাও দীপ। মৃত্যুসম বন অন্ধকার সমুদ্র তরঙ্গ মত প্লাবিত করিয়া চারিধার নাশিয়া আশ্রুক ভরা; কৃষ্ণ-পঙ্ক করিয়া বিস্তার আবরিয়া দিক্ মোরে, যেন স্নিগ্ধ অঞ্চল মাতার! চিহ্ন মোর, নাম মোর মুছে যাক্ এ সংসার হতে আঁধারে মেলিয়া আঁখি দেখি নব আলোকের রথে

জীবন-দেবতা মোর। কাগ নাই আলোকের মেলা ধরণীর প্রয়োজনে আপনারে লয়ে তুচ্ছ খেলা; বাহিরে খুঁজিয়া ফিরে যে অশান্ত ব্যাকুল হৃদয় তাহারে ফিরায়ে আনো অন্ধকারে কর তারে লয়! যে আলোকে দেখি নাই হে সুন্দর তব রূপখানি মৃত্যুসম অন্ধকারে তাহারে লইব আজ চিনি।

শ্রীনলিনী সেন।



# শ্রমিক কৃষক

## কংগ্রেস ও কৃষক

আজকাল দেখিতেছি যে দেশের শ্রমিক এবং কৃষক প্রভৃতিকে স্বল্পে টানিবার জগৎ একটা বিষম হুড়াহুড়ি পড়িয়া গিয়াছে। সরকার পক্ষ আচম্বিতে নিম্নস্তরের লোকদিগের বন্ধু হইয়া দাঁড়াইয়াছেন। আবার কংগ্রেসে জওহরলালজীও সমাজতন্ত্রবাদ প্রচার করিয়া দেশের নিম্নতম শ্রেণীকে স্বল্পে টানিবার চেষ্টা করিতেছেন। মহাত্মাজী যেমন গ্রাম্য উন্নতিসাধনে অবহিত হইলেন, অমনই সরকার পক্ষীয়গণের উন্নতিসাধনে অবহিত হইলেন। সরকারের যে কথা, সেই কাণ। সঙ্গে সঙ্গে ভারত-সরকার কোটি টাকা ত মঞ্জুর করিয়াছেন এবং প্রতি বৎসর ঐরূপ করিতে থাকিবেন বলিয়া আশ্বাস দিয়াছেন। আর কংগ্রেসওয়ালদিগের “মন ত সখেব বটে, হাতে কিছু পয়সা নাই। আমি রাজ্য মারি উজির মারি কুকুর মেরে কাঁদী যাই।” সরকার পক্ষীয়গণের টাকা খরচ করিয়া কৃষক এবং শ্রমিক সমাজে কিছু কিছু উপকার করিবেন,—আর রেডিও বাজাইয়া কিছু আনন্দ এবং সহৃদয়-স্বধা বিতরণ করিবেন। কংগ্রেস লোক পাঠাইয়া তাহাদিগকে রাজনীতিকভাবে ভাবিত করিবেন। কৃষক ও শ্রমিকদিগের কষ্ট কতখানি, তাহাদের অধিকার কতখানি, তাহাদের দাবী কতখানি হওয়া উচিত, তাহারা যে সকলের সমান, এ সকল অমিয় বচন তাহাদিগকে শুনাইবেন! অল্প দেশের কৃষীবলের এবং শ্রমিকদিগের অবস্থার সহিত তাহাদের অবস্থার তুলনা করিবেন,—কিন্তু কামে কিছু করিতে পারিবেন না। কারণ, তাহাদের ক্ষমতা এবং অর্থ এই দুইটি কার্য-সাধক উপকরণেরই অত্যন্ত অভাব। এ দেশের সাধারণ লোকদিগের মধ্যে শতকরা ৯০ জনের অধিক চাষী, তাহারা সকলেই প্রায় নিরক্ষর। তাহারা অত্যন্ত দরিদ্র, তাহাদের উপর অমিতব্যয়ী। অল্প আনুষ্ঠানিক কণ্ঠের অভাবে তাহারা বৎসরের মধ্যে কয়েক মাস প্রায়ই বসিয়া থাকে। তাহাদের উপর তাহাদের শোভের জমি ক্রমশঃ নানা ভাগে বিভক্ত হইয়া যাইতেছে। এক্ষণে অবস্থার কৃষকদিগের উপকার করিতে হইলে কৃষির উন্নতি এবং গবাদি গৃহপালিত পশুর উন্নতি অবশ্যই করিতে হইবে। নতুনা তাহাদের উন্নতির অল্প কোন উপায় নাই। ইহা ভিন্ন বাঙ্গালার কৃষক জ্বরে জীর্ণ, দারিদ্র্যে দীর্ণ। আনুষ্ঠানিক বৃত্তি হিসাবে কৃষিরশিল্পের ব্যবস্থা করিতে হইলে অর্থের প্রয়োজন। সরকারের অর্থ আছে, সরকার মন করিলে তাহা করিতে পারেন। কংগ্রেসের অর্থ নাই,—তাহারা বাকুগর্ভস্থ, সূতরাং এখন নাস্তিক্যবাদমূলক সমাজতন্ত্রবাদ প্রচার পূর্বক সাধারণ লোকের মনে উচ্চাকাঙ্ক্ষা জাগাইয়া তোলা ভিন্ন তাহাদের অল্প কাণ নাই। কিন্তু এই সমাজতন্ত্রবাদ প্রচার দ্বারা দেশে একটা ষড়্ধবিবোধী দারুণ বিপ্লব উপস্থিত করা ভিন্ন অল্প কোন লাভ হইবে না। লর্ড লিনলিথগো এ দিকে গৃহপালিত পশুর এবং কৃষির উন্নতিসাধনে অবহিত হইয়াছেন। কিন্তু কংগ্রেস কি করিতেছেন? তাহাদের মধ্যে এখন সমাজতন্ত্রবাদ প্রচার হইয়া ঘোর মতভেদ দেখা দিয়াছে

বাবু রাজেন্দ্রপ্রসাদ এবং মিষ্টার রাজাগোপালাচারী (মহাত্মাজীর বৈবাহিক) এই ভাবে কথা বলিয়াছেন। তাহারা এবং তাহাদের সহিত আরও অনেকে বলিতেছেন যে, এ দেশের চাষীরা অশিক্ষিত, তাহারা কংগ্রেসের উদ্দেশ্য বৃত্তিতে অক্ষম, অধিকতর চাষী আনা চাদা দিতেও অসমর্থ। তাহারা সমর্থ, তাহারা চাদা দিতে অসমর্থ। অতএব তাহাদিগকে কংগ্রেসের মধ্যে না আনিয়া তাহাদিগকে সম্বন্ধ করা উচিত। তাহাদের অভাব অভিযোগের প্রতীকার করাও বিধেয়। কিন্তু প্রতীকার করিবার সাধ্য কি কংগ্রেসের আছে? বাবু রাজেন্দ্রপ্রসাদ সম্প্রতি বিহারের নানা স্থানে বক্তৃতা করিয়া, কি উপায়ে কংগ্রেসের সহিত কৃষীবলের ঘনিষ্ঠ সম্বন্ধ স্থাপন করা সম্ভব, তাহারা আলোচনা করিয়াছেন। কৃষকরা



বাবু রাজেন্দ্রপ্রসাদ

বাবু রাজেন্দ্রপ্রসাদকে জমিদার এবং জমিদার বন্দিগের নামে বঙ্গোমস্তার অত্যাচার উৎপীড়নের অনেক কথাই বলিয়াছিল। ইহা অবশ্য মামুলী এবং একতরফী কথা। ইহার মধ্যে যদি সত্য কিছু থাকে, তাহা হইলে তাহারা অনুসন্ধান করিয়া চাষীদিগকে তাহাদের প্রতীকার করিবার উপায়

বলা উচিত। বাবু রাজেন্দ্রপ্রসাদ চাষীদিগকে বলিয়াছেন যে, দেশে স্বরাজ প্রতিষ্ঠিত না হইলে তাহাদের সেই অভিযোগের প্রতীকার হইবে না। ইহা যেন প্রকারান্তরে বলা হইতেছে যে, “থাক রে মন সঙ্গে, আঘাট মাসে ভাত দেব তোকে যিসের খোল দিয়ে।” এইরূপ কথা। জমিদারদিগের দেয় জায়া খাজনা জমিদারদিগকে দিতে বলা অবশ্য কর্তব্য। কিন্তু তাই বলিয়া জমিদাররা বন্দ অতিরিক্ত কিছু চাহিয়া বসেন, তাহা হইলে তাহা সহ করাও কোনমতে সম্ভব নহে। বাবু রাজেন্দ্রপ্রসাদ বিহারের অবস্থা খুব ভাল বকমই জানেন। সূতরাং বাহাতে কোন জমিদার বা জমিদারের আমলা-গোমস্তারা প্রজাপীড়ন না করিতে পারে, তাহাদের ব্যবস্থা করা আবশ্যিক। অবশ্য জায়া খাজনা দিতে বলিলে তাহা কোনমতেই দোষাবহ হইবে না। অথচ স্বরাজকে আসিবে, কখনিকালেও তাহা আসিবে কি না, তাহা ভারতে

ভাগ্যবিধাতাই বলিতে পারেন। কিন্তু তাহার মধ্যে জমিদার এবং প্রজার মধ্যে যাহাতে সম্ভাব স্থাপিত হয়, তাহা করা প্রত্যেক জননাথকের অবশ্য কর্তব্য।

বাবু রাজেন্দ্রপ্রসাদ কৃষকদিগের অনেক ক্লেশের কাহিনী শুনিয়া আসিয়াছেন। তন্মধ্যে একটি তথ্য এই যে,—“অনেক স্থলে কৃষকদিগের বিধা প্রতি কুড়ি হইতে পঁয়ত্রিশ টাকা পর্য্যন্ত খাজনা দিতে হয়।” (‘দৈনিক বসুমতী’ ২রা আষাঢ় ৪ পৃষ্ঠা ৪র্থ কলম)। ইহা কি সত্য হইতে পারে? এই বিধা আমাদের দেশের বিধা নহে। আমাদের দেশে ১ হাজার ৬ শত বর্গ-গজ এক বিধা জমি হয়। স্থানে স্থানে ইহার পরিমাণ আরও অধিক; কিন্তু যুক্ত-প্রদেশে ৩ হাজার ২৫ বর্গ-গজ এক বিধা হয়। সুতরাং উহা আমাদের দুই বিঘারও কম। যদি বিঘারের বিধা যুক্তপ্রদেশের বিঘার অনুরূপ হয় আর তাহার খাজনা যদি ২০ হইতে ৩৫ টাকা পর্য্যন্ত হয়, তাহা হইলে ঐ খাজনার পরিমাণ অত্যন্ত অধিক, ইহা স্বীকার করিতেই হইবে। বাগালায় কিন্তু একরূপ উচ্চ হারে খাজনা কোন জমিদারের জমিতে নাই। এখানে অনেক স্থানে বিধা প্রতি আট আনা খাজনা দাখী আছে। অধিকাংশ স্থলে এক টাকা হইতে ২ টাকা পর্য্যন্ত দাখী আছে। সে হিসাবে বিঘারের এক বিধা জমি খাজনা ৩ টাকার অধিক হওয়া উচিত নহে। বিঘারের জমি অধিক উর্বর, ইহা ধরিলেও তথায় এক বিধা জমির খাজনা না হয় ৪ টাকা সাড়ে ৪ টাকা হারেই হউক। ইহার অধিক দাখী হওয়া উচিত নহে। অবিলম্বে ইহার প্রতীকার হওয়া আবশ্যিক। স্বর্গীয় রমেশচন্দ্র দত্ত ১৬ বৎসর পূর্বে গয়া জিলায় খাজনার যে হিসাব দিয়াছিলেন, তাহাতে তৎ এত অধিক হারে খাজনা দেখিতে পাওয়া যায় না। ইহাতে মনে হয়, কৃষকরা তাহাদের অভাব এবং অভিব্যোগের কথা অত্যন্ত অতিরঞ্জিত করিয়া বলিয়াছে। ইহা স্বাভাবিক। যাহা হউক, চাষী লইয়া এই কাড়াকাড়ি বাপারে চাষীদের অজানন্দ পরম। বড়লাট প্রতি প্রদেশের শাসকদিগকে, শাসকরা প্রতি জিলায় ম্যাজিষ্ট্রেটকে এবং জমিদারদিগকে গবাদি পশুর উন্নতি-বিধানের ব্যবস্থা করিবার জ্ঞপ্তি দিতেছেন। সরকারের হুকুম-মতে সকলে না হয় বলবান্ বলীবদ্ধ দ্বারা গো-মহিষাদি জাতির থাকুতির উন্নতিসাধন করিতে থাকিবেন, কিন্তু অর্দ্ধাশনে শীর্ণ কৃষী বল আপনাই উদর পূরিয়া খাইতে পায় না, বলীবদ্ধকে খাইতে দিবে কি? তাহার বাড়ীর সংলগ্ন সম্ভীর্ণ ভূমিতে নেপিয়ার গাছ প্রভৃতির চাষ করিবে,—কিন্তু তাহাদের মুখে অন্নগ্রাস তুলিবার জ্ঞপ্তি তরকারীর চাষ করিবে কোথায়? নেপিয়ার বা সাবু ঘাসের বনে যে সাপ ও মশার আড়ত হইবে না, এমন কথা কি শাসনকর্তারা জ্ঞার করিয়া বলিতে পারেন? যাহা হউক, বড়লাটের ও প্রাদেশিক গার্ডদিগের চাষীদিগের উন্নতিসাধনের দিকে অবিহিত দেখিয়া বিলাতে গার্ডিল সাহেব বলিয়াছেন যে, কৃষকদিগের জ্ঞপ্তি বড়লাটের মনে এত গুরুত্ব দেখিয়া আর ভারতের কৃষকরা রাজভক্ত না হইয়া যায় না। এ দিকে রাজেন্দ্রপ্রসাদ বলিতেছেন, “মা ভৈঃ ভারতের কৃষী বল, যাহা আসিলেই আমরা তোমাদিগকে হাতে হাতে স্বর্গ দিব। যাহা অগত এই।” এখন এই দোটানায় পড়িয়া ভারতীয় কৃষী-বলের প্রাণে কতটা আশার সঞ্চার হইবে, আমরা কেবল তাহাই বলিতেছি। এখন ভূস্বামী, জমিদার ও সাধারণ ভ্রমলোকেরা কথায় বাইয়া দাঁড়াইবেন?

## নিরক্ষর নিবাহ

ভাগাড়ে মরা গরু পড়িলে যেমন অনেক শিয়াল শকুনি আসিয়া তাহার উপর পড়ে, এবং অতি অল্পক্ষণের মধ্যে যেমন উহা একবারে নিঃশেষ করিয়া দেয়, সেইরূপ হিন্দুর ধর্ম্মাশ্রমের উপর হুণ্ডাঘাত করিবার জ্ঞপ্তি অনেক শৃগাল শকুনি গৃধিনী আসিয়া উপস্থিত হইতেছে। সম্প্রতি চৌরঙ্গীর ‘ষ্টেটসম্যান’ ডাক্তার ভগবান দাসের অসবর্ণ বিবাহ আইনের পাণ্ডুলিপিখানির সমর্থনকল্পে ফতোয়া দিয়াছেন যে, হিন্দুর বিবাহ একটা সামাজিক আচার মাত্র। ইহা ধর্ম্মের অঙ্গ নহে। কিন্তু হিন্দু ধর্ম্মশাস্ত্রের বিশেষজ্ঞগণ উহাকে ধর্ম্ম-কার্য্য বলিয়াই জানেন। বিবাহ হিন্দুর সর্ব্বপ্রধান সংস্কার, সুতরাং উহা ধর্ম্মকার্য্য। শাস্ত্রীয় ব্যবস্থা হইতে ত’ উহার ব্যতিক্রম করিলে হিন্দুর হিন্দুত্ব থাকে না—থাকিতে পারে না। হিন্দুর ধর্ম্ম-কার্য্যের লক্ষ্য হইতেছে মায়াজিভূত আত্মার উন্নতিসাধন। সংস্কার-কার্য্যগুলি সেই উন্নতিসাধন করিয়া দেয়। যাজ্ঞবল্ক্য বলিয়াছেন যে,—

এবমেনঃ শমং য়াতি বীজগর্ভসমুৎপদম্।

অর্থাৎ “সংস্কার বীজগর্ভজাত পাপ সকলকে প্রশমিত করে।” যাহা পাপের প্রকোপ প্রশমিত করে, তাহা কখনই সামাজিক কার্য্য হইতেই পারে না। উহাকে সামাজিক কার্য্য বলিলে ভুল করা হয়। ধর্ম্মের সংস্কারসাধন করিবার অধিকার ব্যবস্থা-পরিষদের থাকে কখনই উচিত নহে। ১৭৮০ খৃষ্টাব্দে যে ইষ্ট ইণ্ডিয়া কোম্পানীর আইন প্রণীত হয়, তাহার ১৮ ধারায় এই মর্মে ব্যবস্থা করা ছিল যে, হিন্দু, মুসলমান প্রভৃতি ভারতবাসীদিগের নাগরিক এবং ধর্ম্মসম্পর্কিত ব্যবস্থার কোনকম পরিবর্তন সাধন করা যাইবে না। পরিবারের কর্ত্তা যে ধর্ম্মাচরণ করিয়া আসিতেছেন, তাহাই চড়াপ্ত হইবে। তাহার পূর্ব ১৭৯৭ খৃষ্টাব্দে ইষ্ট ইণ্ডিয়া আইন নামে যে আইন প্রণীত হয়, তাহার ১২ ধারাতেও ব্যবস্থা করা হয় যে, ভারতীয় গৃহস্থের কর্ত্তা নাগরিক (civil) এবং ধর্ম্মবিষয়ক যে আচার প্রতিপালন করিয়া আসিতেছেন, তাহার কোন ক্রমেই ব্যতিক্রম করা যাইবে না। এই ব্যবস্থা বরাবরই চলিয়া আসিতেছে। এতদ্বারা শাসন-সংস্কার সাধিত হইল, কিন্তু এই দুইটি আইনের ঐ দুইটি ধারা বরাবরই অক্ষুণ্ণ ছিল। সাইমন কমিশনের রিপোর্টে ও হোয়াইট পেপারে উহা উঠাইয়া দিবার কথা ঘূর্ণাক্ষেপেও বলা হয় নাই। কিন্তু বিলাতের লর্ড সত্যায় গত ১৯৩৫ খৃষ্টাব্দের ১৮ই জুলাই যখন শাসন-সংস্কার আইন রচিবার বিষয় আলোচিত হইতেছিল, তখন লর্ড মেটনের প্রস্তাবে এবং মার্কুইস অব জেটল্যান্ডের সমর্থনে নূতন শাসন সংস্কার আইনের ৩০১ ধারা সংযোজিত হয়। উহাতে ঐ দুইটি ধারাকে পুরাতন (archaic and obsolete) বলিয়া বাদ দিবার প্রস্তাব করা হয়। সেই প্রস্তাবই গ্রাহ্য হয়। বলা বাহুল্য যে, গোলটেবিল বৈঠকেও ঐ দুইটি প্রয়োজনীয় ধারা (স্থানাভাবে আমরা এখানে ঐ দুইটি ধারা উদ্ধৃত করিয়া দিতে পারিলাম না) সম্বন্ধে কোন আলোচনাই হয় নাই। চুপি চুপি ক্রমে গুপ্তমন্ত্রণাবলে এই কার্য্য সাধিত হইল, তাহা আমরা বুঝিলাম না। কিন্তু এখনও যখন শাসন-সংস্কার আইন বহাল হয় নাই, তখন ঐ দুইটি ধারা বজায় আছে স্বীকার করিতে হইবে।

কারণ, প্রাদেশিক অটোনমি নামক কাঁঠালের আমত্ব এখনও প্রবর্তিত হয় নাই। অবশ্য ইহার পূর্বে সর্দা আইন এবং গৌরের অসবর্ণ বিবাহ আইন এই দ্বারা অমান্য করিয়াই বিধিবদ্ধ করা হইয়া গিয়াছে। কিন্তু জিজ্ঞাসা করি, আইন একবার লঙ্ঘন করিয়া কাষ করিলে কি বারবার তাহা করা যায়? হিন্দু সমাজ শবৎ পতিত, তাই আজ তাহার উপর হিন্দুর ধর্মনাশা শকুনি গৃধিনী আসিয়া ভুগাঘাত করিতে পারিতেছে।

সম্প্রতি অধ্যাপক শ্রীযুত রাধাকমল মুখোপাধ্যায় হিন্দুর এই ধর্মকে বলি দিয়া হিন্দু-মুসলমানের বিরোধ-সমস্যার সমাধান করিতে চাহিতেছেন। তিনি রাজসাহীর আঘাটে সমিতি নামক এক সাহিত্যিক সম্মেলনে এই আঘাটে প্রস্তাব করিয়াছেন। তিনি বলেন যে, ধর্ম লইয়া এই স্বতন্ত্র নির্বাচক-মণ্ডলী গঠিত করাতে দেশ নানা ভাগে বিভক্ত হইয়া পড়িতেছে। অতএব উচ্চ বর্ণের লোকদিগের সাম্প্রদায়িক ভাব বর্জন করিয়া বা উহা এক পাশে ফেলিয়া রাখিয়া আর্থিক বাণিজ্য লইয়া দুইটি বিবদমান সম্প্রদায়কে মিলিত হইতে হইবে। তিনি বলেন, যদি আর্থিক সমস্যা ও রাজনীতিক সমস্যা লইয়া ঠিক ভাবে আলোচনা করা যায়, তাহা হইলে এই সমস্যার সমাধান হইতে পারে। যদি ভাঙ্গাভাবে আর্থিক মতলব আঁটা যায়, তাহা হইলে মধ্যবর্তী শ্রেণীভুক্ত হিন্দু-মুসলমানের এই বিবাদ মিটিয়া যাইবে। কত 'হাতী-ঘোড়া গেল তলু গাধা বলে কত জল।' কত বড় বড় ধনী মহাবধ এই সমস্যাসমাধানের চেষ্টা করিতে যাইয়া বিফলমনোরথ হইয়া ফিরিয়া গেলেন। এখন উপযুক্ত আর্থিক ব্যবস্থা করিলেই সব বিবাদ মিটিয়া যাইবে, ইহা যিনি মনে করেন, এই সমস্যার গূঢ় তত্ত্ব সম্বন্ধে তিনি একবারেই অজ্ঞ। ইহাতে মনে হয়, অধ্যাপক মহাশয় কল্পলোকে বাস করিতেছেন, বাস্তব রাজনীতিক জগতের কোন দারই তিনি ধারেন না। এই বিবাদটা একবারেই আর্থিক নহে, ইহা সম্পূর্ণ রাজনীতিক।

তাহার পর তিনি যাহা বলিয়াছেন, তাহাতে তাহার বাস্তব জগৎ সম্বন্ধে জ্ঞানের অল্পতাই নগ্নমূর্তিতে আত্মপ্রকাশ করিয়াছে। একজন বিভাবুদ্ধিসম্পন্ন ব্যক্তি যে কি করিয়া এইরূপ প্রস্তাব করিতে পারেন, তাহা ভাবিয়াই আমরা বিস্মিত। তিনি বলেন যে, হিন্দু এবং মুসলমান এই দুই সম্প্রদায়ের নিম্নস্তরের লোকেরা যদি পরস্পর বৈবাহিক সম্বন্ধে আবদ্ধ হন, তাহা হইলে সাম্প্রদায়িক বিবাদের দাবানল দপ করিয়া নিবিয়া যাইবে। অবশ্য যাহারা পরস্পর বিবাহবন্ধনে বদ্ধ হইবে, তাহাদিগের কাছকেও ধর্মত্যাগ করিতে হইবে না। উভয়েই নিজ নিজ ধর্মে ঠিক থাকিবেন। একটা প্রবচন আছে, "পাগলে কি না বলে ছাগলে কি না খায়?" এরূপ আজগুবি প্রস্তাব কেহ শুনিয়াছেন কি? হিন্দুর বিবাহ যে একটা ধর্মকার্য, মুখোপাধ্যায় মহাশয় তাহা জানেন না। কিন্তু হিন্দু সমাজের নিম্নস্তরের লোকেরা তাহা জানে। উভয়ের খাড়া-খাড়া-বিচার স্বতন্ত্র। আচার-ব্যবহার স্বতন্ত্র হইবেই। এরূপ অবস্থায় হেঁসেল ঘরে উভয়ে ঠেঙ্গাঠেঙ্গি আবস্ত করিবে না ত? দ্বিতীয়তঃ হিন্দু-মুসলমানের সাক্ষ্যফলে যে সম্ভান জন্মিবে, তাহার ধর্ম কি হইবে? সে মুসলমান হইবে না হিন্দু হইবে? রাধাকমল বাবুর জ্ঞান এক জন শিক্ষিত ব্যক্তির জ্ঞান উচিত ছিল যে, মানুষের ধর্মবুদ্ধি কৌলিক শক্তি হইতে গড়াইয়া উঠে সত্য, কিন্তু পারিবারিক

প্রভাবই যেন তাহাকে জলসেকের দ্বারা বর্ধিত করে। জাতীয় ভাববিকাশার্থে বীজশক্তি যেমন বিশেষ সহায়তা করে, সেইরূপ পারিবারিক প্রভাব, পারিপার্শ্বিকতা এবং শিক্ষা সেই বীজসমৃদ্ধ ভাবে বর্ধিত করে। তাহা তার হইবে না। রাধাকমল বাবুর বাবুগা অহুসারে হিন্দু জাতির ধর্মসের পথ খুব পরিষ্কৃত হইবে সন্দেহ নাই।

## বিনয় বাবুর ব্যবস্থা

অর্থনীতি শাস্ত্রের অধ্যাপক শ্রীযুত বিনয়কুমার সরকার আবার শ্রীযুত রাধাকমল বাবুর উপরে যান। তিনি ব্যবস্থা দিয়াছেন যে, হিন্দু-মুসলমানে বিবাহ ব্যবস্থা ত প্রবর্তিত করিতেই হইবে, অধিকন্তু মুসলমানগণ যখন হিন্দুর বিগ্রহাদি ভাঙিতে আসিবে, তখন তাহারা সে বিষয়ে দৃকপাত করিবেন না। তাহারা সম্পূর্ণ উদাসীন এবং উদ্বেগহীন ভাবে এই ব্যাপার দেখিবেন। এক কথায় হিন্দুরা ধর্মসম্বন্ধে এবং বিগ্রহাদি সম্বন্ধে কোনরূপ মমতাবুদ্ধি হৃদয়ে পোষণ করিবেন না। ঐ মন্দিরাদিভঙ্গ ব্যাপারটা যেন কিছুই নহে, এইভাবে ব্যাপারটা দেখিবেন অর্থাৎ সকলকে বীতরাগভয়ক্রোধ স্থিরশী মূনি হইয়া বসিতে হইবে। যদি কেহ তাহা না পারেন, তাহা হইলে তিনি অকুস্থল হইতে ভেঁা দৌড় দিবেন। তাহার নিকটেও থাকিবেন না। ফলে তাহারা অবোধে তাহাদের মুসলমান ভ্রাতাদিগকে তাহাদের অভীক্ষিত কার্য সম্পাদন করিতে দিবেন। তাহা হইলে বোধ হয়, ছয় মাসের মধ্যেই এই বিস্তীর্ণ ভারতবর্ষ দেবালয়শূণ্য হইবে। সুতরাং মন্দির ও বিগ্রহ লইয়া আর বিবাদ করিবার কোন সম্ভাবনাই থাকিবে না। কিন্তু তাহা হইলেও ত বিবাদের সকল বিষয় অপসারিত হইবে না। মুসলমানেরা যখন নারী-হরণ করিতে আসিবে, তখন কি করিতে হইবে, অর্থশাস্ত্রজ্ঞ বিনয় বাবু ত তাহা বলিয়া দেন নাই। তখন কি হিন্দুদিগের পক্ষে নারীদিগকে মুসলমানদিগের হস্তে সঁপিয়া দিয়া ঘর ছাড়িয়া নিশ্চিন্তভাবে মাঠে যাইয়া বসিতে হইবে? সঙ্গীতে আপত্তি করিলে হিন্দুদিগকে কি ঐ সকল ব্যাপার বর্জন করিতে হইবে? এক কথায় সমস্ত হিন্দু মুসলমানধর্মে দীক্ষিত না হইলে এই বিবাদের অবসান হইবে না। তবে কি তাহাই করিতে হইবে? বিনয় বাবু সেই কথাগুলি স্পষ্ট করিয়া বলিলেই ভাল হয়। হিন্দু-সন্তানগণ তাহাদের পৈতৃক ধর্ম সম্বন্ধে কত দূর অনভিভূ হইয়াছেন, এই ব্যাপারে তাহাই বেশ বুঝা যায়। হিন্দুধর্ম সম্বন্ধে এইরূপ অনভিভূ লোক দ্বারা যে অসবর্ণ বিবাহ আইন বিধিবদ্ধ হইবে, তাহাতে বিশ্বের বিষয় কি আছে? প্রকৃত হিন্দুদিগের ইহাই বিষম বিপদের কারণ হইয়াছে।

## কল্যাণশিপের নুতন নিয়ম

চিরকালই জানা আছে যে, সরকার দেশের লোককে শিক্ষা বিষয়ে উৎসাহ দিবার জন্য প্রতিভাশালী ছাত্রদিগকে বৃত্তি দিয়া থাকেন। সেই জন্য বিশ্ববিদ্যালয়ের পরীক্ষাগুলিতে যাহারা উচ্চ স্থান অধিকার করিয়া থাকে, তাহারা ইন্সলারশিপ বা ছাত্রবৃত্তি পাইয়া থাকে। কিন্তু সম্প্রতি শুনা যাইতেছে যে, বঙ্গীয় সরকারের শি



বিভাগ কলিকাতা বিশ্ববিদ্যালয়ের উপর এবং বাঙ্গালার সমস্ত বিদ্যালয়ের কর্তৃপক্ষের উপর এক সার্কুলার জারি করিয়াছেন, সেই সার্কুলারে ছাত্রবৃত্তি প্রদান সম্বন্ধে বিশ্বকর্ষক পরিবর্তন ঘটাইবার চেষ্টা হইতেছে। তন্মধ্যে একটি প্রস্তাব এই যে, এ পর্যন্ত ছাত্রদিগকে তাগদের কৃতিত্ব হমায়েই যে বৃত্তি দেওয়া হইয়া আসিতেছে, তাগ আর দেওয়া হইবে না। এখন ছাত্রদিগের আর্থিক অবস্থা এবং পিতা-মাতার আর্থিক অবস্থা বিবেচনা করিয়া ছাত্রদিগকে বৃত্তি দেওয়া হইবে। স্বলারশিপের জ্ঞান আবেদনপত্রে বিদ্যালয়ের প্রধান শিক্ষক এবং অধ্যক্ষ ছাত্রদিগের পিতামাতার এবং অভিভাবকের আশ্রয় কত, তাগ লিখিয়া দিবেন, এবং বলিবেন যে, বাহিরের সাহায্য ব্যতীত তাগর পক্ষে পড়াশুনা করা সম্ভব হইবে না। বাহ্যদৃষ্টিতে ইহা মনে হইতে পারে যে, যে সকল ছাত্র মেধাবী, তাগরা বৃত্তি পাইবেন না,—পাইবে যাহারা যোগাড় করিতে এবং লম্বা সেলাম করিতে সমর্থ হইবে। উদ্বলোকদিগের মধ্যে কাগর কল্প আর্থিক অবস্থা, তাগ বৃদ্ধা অত্যন্ত কঠিন। বিদ্যালয়ের হেড মাস্টারের এবং অধ্যক্ষের পক্ষে তাগ জানা অসম্ভব বলিলেও অত্যাঙ্কি হইবে না। কেবল আশ্রয় দেখিয়াই অবস্থা অনুমান করা যায় না। আশ্রয় এবং বায় বা পোষ্যবর্গের সংখ্যা দেখিয়া অবস্থা পরিমাপ করিতে হয়। পূর্বকৃত ঋণাদির বিষয়ও ভাবিতে হয়। এত ভাবিয়া কাগরও প্রকৃত অবস্থা নির্ণয় করা সহজ নহে। ফলে অবস্থা বিবেচনায় স্বলারশিপ দিবার কল্পনা এক দিক দিয়া যতই ভাল শুনাক না কেন,—কাগর: কিছুই হইবে না, অযোগ্য ব্যক্তিরাই স্বলারশিপ পাইবার অধিকারী হইবে। তাগর পর বিদ্যালয়ের অধ্যক্ষ প্রভৃতি কেবল সুপারিশ করিয়াই খালাশ হইবেন। প্রকৃত স্বলারশিপ দিবার পাত্র নির্বাচন করিবেন শিক্ষা বিভাগের রাজপুরুষরা। শিক্ষা বিভাগের ডিরেক্টর বাহাদুরই সম্ভবতঃ কার্য্য করিবার ভার পাইবেন। সুতরাং ব্যাপারটা কিরূপ দাঁড়াইবে, তাগ বৃষ্টিতে কাগরও বলব হওয়া উচিত নহে। আমরা শুনিতেছি, প্রতিভাশালী ছাত্রদিগকে সরকার দুই একটা অনারারী বৃত্তি দিবেন। এই অনারারী বা সম্মানজ্ঞাপক বৃত্তি কিরূপ হইবে, তাগ আমরা জানি না। উগর ফলে ছাত্র অবস্থা হইতেই লোকের মনে অসন্তোষের সঞ্চার করিয়া দেওয়াও হইবে, সে বিষয়ে সন্দেহমাত্র নাই। যদি অবস্থা ভাল ছাত্রদিগের মন নামমাত্র সম্মানখাপক বৃত্তি পাইলেই খুসী হয়, তাগ হইলে এই দরিদ্র ভারতবর্ষে অবস্থাপন্ন লাট বেলাটকে সম্মান-খাপক নামমাত্র বেতন দিয়া কার্য্য করিতে আমন্ত্রণ করিলে কি দোষ হয়? আমাদের প্রধান কথা এই যে, যে ব্যবস্থা পৃথিবীর কোন দেশে আছে বলিয়া জানা নাই,—যাগ আমাদের শাসক জাতির স্বদেশেও প্রবর্তিত নাই, এমন যে সোভিয়েট শাসিত রুসিয়া, তাগতেও এই প্রকার বিদকুটে ব্যবস্থা বহাল হইয়াছে বলিয়া শুনা যায় নাই,—আমাদের দেশে হঠাৎ এইরূপ ব্যবস্থা প্রবর্তিত করিবার জ্ঞান সরকারের প্রাণ কাঁদিয়া উঠিল কেন, তাগ বৃষ্টিতে পারিতেছি না। শুনিতেছি, সরকার আজ তিন বৎসর পূর্বে এই পরিকল্পনা করিয়া রাখিয়াছেন। এইবার হইতে তাগরা ইহা চালাইবার সঙ্কল্প করিয়াছেন। কিন্তু যে ব্যবস্থা কুত্রাপি প্রচলিত নাই, এ দেশে সেই ব্যবস্থা প্রচলিত করিবার পূর্বে এ

বিষয়ে তাগরা সাধারণের মতামত জানিবার চেষ্টা না করিলেন কেন, তাগ আমরা বৃষ্টিতে পারিলাম না। এ বিষয়ে লোকমত জানিবার জ্ঞান সরকারের যেন অকটি লক্ষিত হইতেছে। ইহা শুভ লক্ষণ বলিয়া মনে হইতেছে না। বঙ্গীয় সরকারের ভূতপূর্ব শিক্ষা-মণ্ডি খাজা সার নাঞ্জিমুদ্দীনই কয় বৎসর পূর্বেই এ ব্যবস্থা করিয়া রাখিয়াছিলেন, এ জ্ঞান তিনিই দায়ী। বর্তমান শিক্ষামন্ত্রী এ বৎসরও তাগ কার্য্যে পরিণত করিলেন না। ইহা মন্দের ভাল বৃষ্টিতে হইবে। কিন্তু এরূপ অসঙ্গত ব্যবস্থা বাহাতে রচিত হয়, সরকারের তাগ করা অবশ্যকর্তব্য।

### মহাত্মা গান্ধীর আশ্রয়

সম্প্রতি বিলাতের "ম্যাক্লেইন গার্জেন" The Indian scene নামক একটি প্রবন্ধ লিখিয়াছেন। সেই প্রবন্ধে সম্পাদক লর্ড লিনলিথগো সম্বন্ধে অনেক প্রশংসাসূচক কথা বলিয়াছেন। এ পর্যন্ত এ দেশে লর্ড লিনলিথগোর কার্য্য দেখিয়া মনে হইতেছে যে, তিনি প্রশংসার যোগ্যপাত্র। তবে তিনি এত অল্পদিন এ দেশে আসিয়াছেন যে, তাগর সম্বন্ধে এখনও কোন চূড়ান্ত মত ব্যক্ত করা সম্ভব নহে। তিনি এ দেশে পল্লীগ্রামের উন্নতি-সাধনে অবহিত হইয়াছেন। ভারতবর্ষ পল্লীগ্রামেরই দেশ। ইগর ৬ লক্ষ ৮৭ হাজার পল্লীগ্রামে ভারতবাসীর প্রাণের স্পন্দনই অনুভূত হয়। এ দেশে যে সামাজ্য কয়েকটি সম্ভব আছে,— তন্মধ্যে লক্ষাধিক অধিবাসীর সংখ্যা-যুক্ত সম্ভব ৩৪টির অধিক নাই। বৃটিশ ভারতে উগর সংখ্যা ২৯টি। এত বড় বিস্তীর্ণ দেশে ৩৪টি বা ২৯টি সম্ভব ধর্তব্যের মধ্যেই নহে। সুতরাং এই পল্লীগ্রামের উন্নতিসাধন করিলেই ভারতের উন্নতিসাধন করা হইবে। বৃটিশ শাসিত ভারতে পল্লীগ্রামের সংখ্যা ৫লক্ষ। কি কংগ্রেস কি সরকার কাগরও মুখে এত দিন পল্লীগ্রামের উন্নতির কথা প্রায় শুনা যায় নাই। কেবল যে সময় মহাত্মা গান্ধী রাজনীতিক্ত্রে হইতে অবসর গ্রহণ করিয়াছিলেন, সেই সময় তিনি পল্লীগ্রামের উন্নতি-সাধন করিবার জ্ঞান আশ্রয়নিয়োগ করিবেন বলিয়া মত প্রকাশ করেন। মহাত্মাজী ঐ কার্য্য আরম্ভ করিতে না করিতেই সরকার হ্যালট সার্কুলার জারি করিয়া- ছিলেন এবং সঙ্গে সঙ্গে দেখা যায়, যেন কেমন একটা যাত্রমুগ্ধবলে সরকারের পল্লীগ্রামের জ্ঞান দবদের দরিয়া উখলিয়া উঠে। বৃটিশ শাসিত ভারতের ৫ লক্ষ পল্লীগ্রামের উন্নতি-সাধনের জ্ঞান সরকার প্রথমেই ১ কোটি টাকা বরাদ্দ করিয়াছিলেন। তখন লর্ড উইলিংডন ভারতের শাসন-তরণীর কাণ্ডারী। ইহাতে বৃদ্ধা দাঁড়াইতেছে যে, পল্লীর উন্নতিসাধন করিবার কল্পনা লর্ড লিনলিথগো ভারতে আসিবার পূর্বেই বৃটিশ সরকার করিয়া রাখেন। কাষেই লোকের ধারণা জন্মে যে, মহাত্মাজী পল্লীর উন্নয়নকার্য্য করিবেন বলিবার পবে সরকার পল্লীর উন্নতিবিধান- কার্য্যে আশ্রয়নিয়োগ করিয়াছেন। যাহা হউক, লর্ড লিনলিথগো যখন পল্লীসংস্কার কার্য্যে মনোনিবেশ করিয়াছেন, তখন বৃষ্টিতে হইবে, বড়লাট বাহাদুরের এবং মহাত্মাজীর উদ্দেশ্য বাহ্যতঃ এক। ম্যাক্লেইন গার্জেন বলিয়াছেন যে, Lord Linlithgow's enthusiasm are in many points akin to those of Mr Gandh



himself. The heart of both men is in the country-side. Both chiefly want to see the condition of the peasant improved and new life poured into Indias 500,000 villages ইহার অর্থ এই যে, “লর্ড লিন্‌লিথগোর আগ্রহ অনেক বিষয়ে মহাত্মা গান্ধীই আগ্রহের অনুরূপ। উভয়ের চিন্তা পল্লীর দিকে। উভয়েই প্রধানতঃ কৃষীবলের উন্নতিসাধনের এবং ৫ লক্ষ পল্লীতে নবজীবনসঞ্চারের পক্ষপাতী।” কথা সত্য। ইহার পর ম্যাক্‌গেটার গার্জেন জিজ্ঞাসা করিয়াছেন, “তবে ইহারা উভয়ে বারম্বার সহযোগিতা করিতে না পারিবেন কেন? এই কথা কবিলে চরমপন্থীদিগের অসুবিধা করিয়া সরকারের সুবিধা করা যাইতে পারিবে।” সহযোগিতা করিতে পারিলে অনেক বিষয়ে সুবিধা হয়। কিন্তু তাহা করা হয় না কেন? কোন্ কারণে এদেশের রাজপুত্রবরা দেশীয় জননাযকদিগের কার্যে প্রাণ খুলিয়া সহযোগিতা করিয়া আসিতেছেন? মহাত্মা গান্ধীই হউন, আর গিন্‌ই হউন, ভারতীয় জননাযকমাত্রই সন্দ্বাহকরণে ভারতবাসীর কল্যাণ কামনা করিয়া ইহাদের কর্মপদ্ধতির পরিকল্পনা করিয়া থাকেন। কিন্তু রাজপুত্রবরা তাহা করিতে পারেন কি? তাহারা একটা চক্ষু তাঁহাদের দেশের স্বার্থের দিকে, আর একটা চক্ষু ভারতের দিকে রাখিয়া কাঁচ করেন। সুতরাং উভয়ের কার্য ঠিক একরূপ হইতে পারে না, উভয় সম্প্রদায়ের পরস্পরের মধ্যে সহযোগিতা হইতে পারে না। ব্যুরোক্রেটীর কতকগুলি বিশেষ দোষ আছে। ব্যুরোক্রেটীর একটা বড় দোষ এই যে, তাহারা অত্যন্ত জ্ঞানদপী হইয়া থাকে। তাহারা লোককে দেখাইতে চাহে যে, তাহাদের জ্ঞান বুদ্ধিমান সম্প্রদায় আর জগতে নাই। সেই জন্য জন ট্র্যাফিক মিল বলিয়াছেন যে, A bureaucracy always tends to become a p dantocracy. অর্থাৎ আমলাতান্ত্রিক শাসন সর্বদাই জ্ঞানগরিবতদিগের শাসনে পরিণত হইতে চাহে। সেই জন্য কোন আত্মসম্মানজনসম্পন্ন ব্যক্তিই অপমানিত হইবার ভয়ে আমলাতন্ত্রের আমলাদিগের সহিত সহযোগিতা করিয়া কার্য করিতে চাহেন না। ম্যাক্‌গেটার গার্জেনের লেখক মহাশয়ের তাহা বুঝা উচিত। এই প্রবন্ধ-লেখক বলিয়াছেন যে, ভারতের জননাযকদিগকে আমাদের (অর্থাৎ শাসকদিগের) দলে ভিড়াইয়া আনিতে হইবে।

এখন জিজ্ঞাস্য, দেশের সাধারণ জননাযক কাহারা? পূর্বে দেশের জমিদার বা ভূস্বামিবর্গ দেশের সাধারণ জননাযক ছিলেন। এখন আর তাহা নাই। সরকারই তাঁহাদের সে দোষ ফাঁক করিয়া দিয়াছেন। ব্রাহ্মণগণ (অবশ্য বিছাবিনয়সম্পন্ন) এককালে জননাযক ছিলেন। সরকারী ও মিশনারী শিক্ষা তাঁহাদের সে সম্মান হুঁড়া করিয়া দিয়াছে। উকীল বাবুরা জননাযকত্ব গ্রহণ করিবার চেষ্টা করিয়াছিলেন বচনের এবং টাকার জোরে। কিন্তু তাঁহাদের সে চেষ্টা খাটে নাই। এখন বিছাশুল্য ছুজুগে বাধ্যবাগীশদিগেরই রাজত্ব। সরকারী নীতির ফলেই দেশ নেতৃশুল্য হইয়াছে,—সুতরাং তজ্জনিত অসুবিধা সরকারকেও ভোগ করিতে হইবে। তাহার পর লর্ড লিন্‌লিথগো যতই ভারত হিতে আত্মনিয়োগ করেন না কেন, তিনি কি নিজে বিবেচনাবুদ্ধি অনুসারে কাঁচ করিতে পারিবেন? অতীতের ইতিহাস দেখিয়া

আমরা সে আশা করিতে পারি না। ৯ম ল্যান্ডার সৈন্যদলের প্রতি শাস্তিবিধানের জন্য জবরদস্ত লর্ড কর্জেনকে দিল্লীর দরবার-প্রাঙ্গণে যে ভাবে অপমানিত হইতে হইয়াছিল, তাহা দেশের লোকের মন হইতে কখনই মুছিয়া যাইবে না। ম্যাক্‌গেটার গার্জেন যদি হ্যালোট সাকুলারখানি বিশেষ মনোযোগ সহকারে পড়িতেন, তাহা হইলেই তিনি আসল ব্যাপারটা ভাল করিয়া বুঝিতে পারিতেন। সহযোগিতা করিতে হইলে উভয় পক্ষের আগ্রহ এবং ত্যাগ-স্বীকার চাই।

## বর্ণাশ্রমী সম্মেলন

কলিকাতা আলবাট হলে সনাতনৌদিগের সম্মেলন হইয়াছে। বর্ণাশ্রমী হিন্দুরা শাস্ত্র-নির্দিষ্ট পথে চলিতে চাহেন। সে জন্য কেহ কেহ তাঁহাদের উপর অসন্তুষ্ট হইয়াছেন। বর্ণাশ্রমীরা বলেন, হিন্দু-ধর্ম কালের আঘাত প্রতিহত করিয়া এত দীর্ঘকাল আত্মসত্তা অক্ষুণ্ণ রাখিতে সমর্থ হইয়াছে, ইহা দেখিয়াই বুঝা উচিত যে, এই ধর্ম-বাবস্থায় এমন কিছু আছে, যাহা হিন্দু-সমাজকে কালজয়ী করিয়া রাখিয়াছে। এই হিন্দুধর্ম যে কত প্রাচীন, এ পর্যন্ত তাহা নির্ণীত হয় নাই। সেই জন্য বর্ণাশ্রমী হিন্দুরা পাশ্চাত্য সিদ্ধান্তের মোটে পড়িয়া তাঁহাদের পৈতৃক ব্যবস্থা ও বিধানগুলি পরিহার করিতে চাহেন না। গ্রেট ব্রুটনে পূর্বকালে ব্রুটন জাতির বাস ছিল। ইহারা কিছুকাল রোমকদিগের শাসনাধীনে থাকিয়া রোমকদিগের শিক্ষাপ্রভাবে আপনাদের বৈশিষ্ট্য হারাওয়া একবারে রোমক ভাবাপন্ন হইয়াছিল। তাহার পরিণাম কি হইয়াছিল, তাহা বিদিত ভুবনে। ব্রুটন বা লাইথন জাতিকে বাধ্য হইয়া স্বরাজ দিয়া যখন রোমকরা ইংলণ্ড হইতে চলিয়া গিয়াছিল, তখন সেই জাতিহারা, বৈশিষ্ট্যহারা, পরাধিকারী ব্রুটনগণ নেকদণ্ডীন হইয়া পড়িয়াছিল, তাহারা পড়িয়া পাওয়া স্বরাজও রক্ষা করিতে পারে নাই। উহার দেড় শত বৎসরের মধ্যে তাহাদের দেশে জুট, স্ক্যান্ডিনাভিয়া ও অ্যান্ডেল জাতি আসিয়া বাস করে, এবং তাহাদিগকে ওয়েল্‌সের দিকে খেদাইয়া দেয়। আজ সেই ব্রুটনদিগের মাতৃভূমি এঙ্গেল ল্যাণ্ড (Anglo land) বা ইংলণ্ড নামে খ্যাত,—ব্রুটনদিগের বংশধরগণ এখন ওয়েলস অঞ্চলে অন্টাগে কেন্ট (Celt) জাতির সহিত শোণিত মিশ্রিত করিয়া কয়লায় খনিতে কুলীর কাঁচ বা লোহার খনিতে মজুরের কাঁচ করিতেছে। হিন্দু জাতি তাহাদের পৈতৃক ধারা ধরিয়া চলিয়া আসিতেছে, সেই জন্য তাহারা আত্মসত্তা হারায় নাই। আধুনিক ইংরেজ-শিক্ষিত ব্যক্তির পৈতৃক আচারকে বর্জন করিতে চাহেন। কিন্তু তাহা তর্ককারিতার সহিত বর্জন করা কোনমতেই সম্ভব নহে। বিখ্যাত দার্শনিক এবং চিন্তাশীল ইংরেজ লেখক হার্বার্ট স্পেন্সার বলিয়াছেন যে, যদি এক দল জীব বহু পুরুষ ধরিয়া কতকগুলি নির্দিষ্ট আচার পালন করিয়া চলে, তাহা হইলে সেই আচারগুলির সহিত তাহাদের দেশে একটা উপযোগিতা প্রতিষ্ঠিত হয়। সেইরূপ আর কতকগুলি জীব যদি বহু পুরুষ ধরিয়া অল্প কতকগুলি বিভিন্ন আচার পালন করে, তাহা হইলে সেই আচারগুলির সহিত শেখো

জীবগুলির দেহের একটা উপযোগিতা ঘটায় যায়। এইরূপ যদি দুইটি সম্পূর্ণ বিভিন্ন বা বিপরীত আচারের মিশ্রণ করা যায়, তাহা হইলে তাহার ফল কখনই ভাল হয় না। আবার আর কতকগুলি বিকাশবাদী বলেন যে, পুরুষপুরুষরূপে অনুবৃত্তিত বিভিন্ন ভাবের আচার জীবদেহের গঠনের উপরও কিছু প্রভাব বিস্তৃত করে। এখন যদি সম্পূর্ণ বিভিন্ন প্রকার আচারের একটা জগা-খিচুড়ি বানান যায়, তাহা হইলে তাহা জীবকে ধ্বংসের পথে লইয়া যায়। হবসন বলিয়াছেন যে, উচ্চস্তরের মানবের সতিত যেখানে নিম্নস্তরের মানবের ঘনিষ্ঠতা ঘটে, সেখানে যুদ্ধ এবং অল্প প্রকার হত্যাকাণ্ডের ফলে অসভ্য জাতির যত লোকক্ষয় হয়, নিম্নস্তরের লোকদিগকে উচ্চস্তরের লোকের আচার গ্রহণ করাইবার ফলে তাহাদের তদপেক্ষা অধিক লোক ক্ষয় পায়। মিঠার ট্রাইস তাঁহার এক বক্তৃতায় বলিয়াছিলেন যে, হাউই দ্বীপে কাপ্তেন কুকের আমলে ৩ লক্ষ আদিম অধিবাসী ছিল। ১৮৮৩ খৃষ্টাব্দে তাহাদের সংখ্যা ৩০ হাজারে দাঁড়ায়। ইহার প্রধান কারণ, তাহাদিগকে তাহাদের পুরুষানুক্রমিক কুটারের পরিবর্তে কাষ্ঠনির্মিত গৃহে বাস করান এবং বস্ত্র ব্যবহার করিতে অভ্যস্ত করা। অতএব না বুঝিয়া পুরুষপুরুষরূপে আচার বর্জনীয় নহে। সেই জন্ত হিন্দুরা আচারকে পরম দৃষ্টি বলিয়াছেন। তবে কালের গতি অনুসারে আচারাদির পরিবর্তন ঘটে। সে পরিবর্তন পূর্বজগণের আচারের বিকাশসাধন দ্বারা করা উচিত—এক আচার বর্জন পূর্বক অন্য আচার গ্রহণ করিয়া পরিবর্তনসাধন কর্তব্য নহে!

### পণ্ডিত-সম্মেলন

গত ৩০শে জ্যৈষ্ঠ শনিবার কলিকাতায় এক পণ্ডিত-সম্মেলন হইয়া গিয়াছে। এই সম্মেলনের সভাপতি হইয়াছিলেন সাধু সম্প্রদায়ের আচার্য্য শ্রীমত দামোদরলাল শাস্ত্রী আর অভ্যর্থনা সমিতির সভাপতি হইয়াছিলেন মহামহোপাধ্যায় পণ্ডিত শ্রীযুক্ত হরিন্দাস সিদ্ধান্তবাগীশ।

মূল সভার সভাপতি মহাশয় তাহার অভিভাষণে বলিয়াছিলেন যে, সংস্কৃত ভাষাটি নিখিল ভারতবর্ষে সার্বজনীন ভাষা বলিয়া গ্রহণ করা হউক। যে সময় ভারতবাসীর পূর্ব-পুরুষদিগের মার্জিত ভাষাকে বিশ্ববিদ্যালয়ের দরজা হইতে গলা দাকা দিয়া প্রায় বাতির করিয়া দেওয়া হইয়াছে, সে সময় এই পৈতৃক ভাষার সমর্থন করা যে হুবহু হুঃসাহসের কার্য্য, শাস্ত্রী মহাশয় যে তাহা বুঝিলেন না, ইহাই বড় বিশ্বাসের ব্যাপার। মানুষ যখন পরমুখো হয়, তখন তাহাকে ঘরমুখো করা বড় কঠিন; সুতরাং শাস্ত্রীজীর প্রস্তাব সুধী-সমাজে গৃহীত হইবে না। এখন ভারতে সার্বজনীন ভাষা হইবার জন্ত অনেক ভাষাকে উদ্দেশ্যরূপে উপস্থিত করা হইয়াছে। মহাশয়জী ত হিন্দী ভাষাকেই ভারতের সার্বজনীন ভাষারূপে প্রতিষ্ঠিত দেখিতে চাহেন। মুসলমান ভাষাও উর্দুকে সার্বজনীন ভাষা না করিয়া ছাড়িবেন না। আবার একদল ইংরেজিকেই ভারতের সার্বজনীন ভাষা বলিয়া গ্রহণ করিতে চাহেন। এখন সকলের পক্ষেই বড় বড় উকিল দাঁড়াইবেন;—কিন্তু পৈতৃক ভাষা সংস্কৃতের পক্ষে কোন উকিলই দাঁড়াইবে না। দুর্দশা এতই হইয়াছে। পিতৃপরিচয় নাকি সভ্যতার বিরোধী!

### দেহের পোষণ

লর্ড লিনলিথগো ভারতে অতি অল্পদিনই বড়লাট হইয়া আসিয়াছেন। এই অল্পকালের মধ্যে তিনি অনেকগুলি বিশেষ কার্য্যসাধনে আয়নিয়োগ করিয়াছেন। ভারতের কাঁচামালের



লর্ড লিনলিথগো

উৎপাদক কৃষী-বলের যাহাতে উন্নতি সাধিত হয়, সে বিষয়ে তিনি বিশেষভাবে দৃষ্টি দিতেছেন। এ জন্ত তিনি সাধারণের কৃত-জ্ঞতা ভাঙন হইয়াছেন। ভারতের কৃষকরা অত্যন্ত দরিদ্র। তাহাদের মধ্যে অনেকেই দুই বেলা উদর পূর্ণ করিয়া খাইতে

পায় না। সেই জন্ত তাহাদের দেহের আবশ্যক পুষ্টিসাধন হয় না। পূর্বে কৃষিমাত্রসম্বল জাঠজাতি যেরূপ সবল ছিল, এখন আর তাহারা সেরূপ বলবানু নাই গুণিতে পাই। বাঙ্গালায় কৃষকদিগের মধ্যে পঞ্চাশ বৎসর পূর্বে যেরূপ সবল লোক দেখা যাইত, এখন আর সেরূপ দেখা যায় না। বাঙ্গালায় ইহার প্রধান কারণ ম্যালেরিয়ার প্রকোপ এবং দারিদ্র্যবৃদ্ধি। দেশের লোকের শিল্পবাণিজ্যের সুবিধা না থাকিতে প্রায় সকলেই কৃষিবৃত্তি অবলম্বন করিতেছে, সেই জন্ত কৃষকদিগের জমি অত্যন্ত ক্ষুদ্র ক্ষুদ্র অংশে বিভক্ত হইয়া পড়িতেছে, সে জমির অয়ে তাহাদের সাংসারিক ব্যয় সঙ্কলান হইতেছে না। কয়েকটা তাহারা অল্পাচারে দিনযাপন করিতে বাধ্য হইতেছে। এরূপ অবস্থায় ইহাদের দেহের পুষ্টিসাধন কোনক্রমেই আশা করিতে পারা যায় না। লর্ড উইলিংডন গো-জাতির উন্নতিসাধনে এবং ভারতবাসীর খাদ্যসম্বন্ধে অনুসন্ধান ও গবেষণায় মন দিয়াছেন, ইহা স্তম্ভের বিষয়। তিনি নিজ ব্যয়ে দরিদ্রদিগকে খাইতে দিয়াছেন। শিমলা বিদ্যালয়ের শীর্ষকায় ছাত্রদিগকে বিনামূল্যে এক এক গ্রাস দুগ্ধ দিবার জন্ত স্থানীয় মিউনিসিপ্যালিটিকে আদেশ দিয়াছেন। তিনি গৃহপালিত পশু (গো-মহিষাদির) উন্নতিসাধনের জন্ত প্রাদেশিক শাসনকর্তা-দিগকে অনুবোধপত্র পাঠাইয়াছেন এবং খাদ্যসার সম্বন্ধে গবেষণা করিবার জন্ত শিমলার মিউনিশন এডভাইসারী বোর্ড গঠন করিয়াছেন। এই দিকে এত কাষ ইহার পূর্বে কোন লাটই করেন নাই। এ কার্য্যগুলি যে দরিদ্রদিগের জন্মই করা হইতেছে, তাহাতে সন্দেহ নাই।

কিন্তু আমাদের বিশ্বাস, মাকুইস অব লিনলিথগো এ ক্ষেত্রে সোণা ফেলিয়া আঁচলে গিরো বাঁধিতেছেন। জনসাধারণের আর্থিক অবস্থার উন্নতি না করিয়া কেবল যদি তাহাদের কোন্

খাওয়া কিংবা ভিটামিন বা খাদ্যসার বিচ্যুত, তাহার সন্ধান করা হয়, তাহা হইলে তাহার ফল কিছুই হইবে না। মনে করুন, মসুর দাইলে বা বাঁধা কপিতে প্রচুর পরিমাণে ভিটামিন ও অক্সিজেন পুষ্টিকর খাদ্যদ্রব্য আছে, তাহা এক জন জানে, কিন্তু তাহার যদি উহা কিনিবার পয়সা না থাকে, তাহা হইলে তাহার সেই জ্ঞান কোন কায়ে লাগিবে? আসল কথা, দেশের লোকের আর্থিক অবস্থার উন্নতি না করিতে পারিলে সকল চেষ্টাই ব্যর্থ হইয়া যাইবে। তাহা করিতে হইলে কেবল এ দেশের কৃষির উন্নতি করিলে চলিবে না, সঙ্গে সঙ্গে শিল্পের উন্নতি করিতে হইবে। কারণ, শিল্পাভাবে সমস্ত দেশের লোক যদি কেবল কৃষিমাত্রসম্বল হয়, তাহা হইলে তাহার আত্মরক্ষার্থ জমির উপর যাইয়া পড়িবেই। তাহাদের আর দারিদ্র্য কাটিবে না। দ্বিতীয়তঃ বাঁধের জল বাঙ্গালার মাঠ আর বঙ্গার গৈরিক জলে প্রাবিত হইতে পারিতেছে না বলিয়া শস্তের পোষণকারী শক্তি ক্ষয় পাইতেছে। ১৯২৮ খৃষ্টাব্দে ১১শে ফেব্রুয়ারী তারিখে যখন সার উইলিয়াম উইলকিন্স ডাক্তার বেটলীর সহিত লালগোলাঘাট হইতে কলিকাতায় আসিতেছিলেন, তখন তিনি ডাক্তার বেটলীকে বাঁধের পারে কতকগুলি মসুর-ক্ষেত দেখাইয়া বলিয়াছিলেন—It looks as if locusts had eaten down these poor fields. অর্থাৎ, এই সকল মাঠের শস্তগুলি যেন পক্ষপালে চুষিয়া খাইয়াছে বলিয়া মনে হইতেছে। উহার ফলেও যে শস্তের পুষ্টিকর নষ্ট হইতেছে, সে বিষয়ে সন্দেহ নাই। ইহার প্রতীকার করা আবশ্যিক। তাই বলিতেছি যে, বড় লাট লর্ড লিনলিথগোর উদ্দেশ্য অত্যন্ত মহৎ, সে বিষয়ে সন্দেহ নাই। কিন্তু কেবল দুগ্ধপানের ব্যবস্থা এবং খাদ্য-বোধ (vitamin) অনুসন্ধানে ফল হইবে না। ভারতবাসীর আর্থিক উন্নতিরও ব্যবস্থা করিতে হইবে।

—

### বিলাতী বস্ত্রের উপর ধার্য্য শুল্ক

ইদানীং বিলাত হইতে ভারতে আমদানী বস্ত্রের পরিমাণ কিছু হ্রাস পাইয়াছে। তাই ম্যাক্লেইনগের তত্ত্বাবধানিগের মাথার টনক নড়িয়াছে। এই ম্যাক্লেইনগের স্বার্থের জঙ্ক ভারতীয় বস্ত্র প্রস্তুত-কারকদিগের স্বার্থ বিশেষভাবে বলি দেওয়া হইয়া আসিতেছিল। অনেক সময় যে হারে বিলাতী বস্ত্রের উপর আমদানী শুল্ক ধার্য্য করা হইয়াছিল, ঠিক সেই হারেই ভারতীয় কলজাত বস্ত্রের উপর স্বদেশী শুল্ক (Excise duty) ধার্য্য হইয়াছিল। সে সব কাচিনী আমরা এ স্থলে বিবৃত করিব না। আজ কয়েক বৎসর হইল, ভারতে স্বদেশী কর উঠাইয়া দেওয়া হইয়াছে। কিন্তু বিলাতী আমদানী বস্ত্রের উপর শুল্ক ধার্য্য রহিয়াছে। এ দিকে সম্প্রতি ভারতে বিদেশ হইতে আমদানী বস্ত্রের পরিমাণ হ্রাস পাইতেছে। ইদানীং বিলাত হইতে আমদানী বস্ত্রের এবং সূত্রের পরিমাণ সর্বাঙ্গাৎ অধিক হ্রাস পাইতেছে।

১৯০৫-৬ খৃষ্টাব্দে ভারতবর্ষে বিদেশ হইতে ২ শত ৯ কোটি গজ কাপড় আমদানী হইয়াছিল। উহার অধিকাংশই বিলাত হইতে আমদানী হইয়াছিল। সে-বৎসর ভারতে জনপ্রতি প্রায় ৮ গজ করিয়া কাপড় বিদেশ হইতে আসিয়াছিল। ১৯০১-০২ খৃষ্টাব্দ হইতে ভারতে বিদেশ হইতে আমদানী বস্ত্রের পরিমাণ বিশেষ

কমিয়া আসে। ১৯০৩ খৃষ্টাব্দে উহার পরিমাণ ৭৭ কোটি গজ দাঁড়ায়। অর্থাৎ ঐ বৎসর প্রতি জন ভারতবাসী গড়ে ২৪.০ গজ করিয়া কাপড় বিদেশ হইতে আমদানী করে। কিন্তু ঐ বৎসর ভারতের কলজাত প্রস্তুত ২ শত ৮৯ কোটি গজ মজুত ছিল। অর্থাৎ জন প্রতি প্রায় ৮ গজেরও কিছু অধিক ভারতীয় কল-জাত বস্ত্র বাজারে বিক্রয়ার্থ উপস্থিত হয়। ইহা ভিন্ন হস্তচালিত তাঁতে বোনা ১ শত ৪৪ কোটি গজ কাপড় বাজারে বিক্রয়ার্থ উপস্থিত করা হয়। অর্থাৎ জন পিছু প্রায় ৪ গজ করিয়া তাঁতের কাপড় ভারতের হাতে বিক্রয়। এ হিসাব আন্দাজী, ইহাতে ম্যাক্লেইনগের তত্ত্বাবধানে যে বিচলিত হইবেন, তাহাতে বিশ্বাসের বিষয় কিছুই নাই। যাহা হউক, ভারত সরকার সেই জঙ্গ বিলাত হইতে আমদানী বস্ত্রের উপর ধার্য্য শুল্ক সম্বন্ধে বিচার করিবার জঙ্গ টেরিফ বোর্ডকে অনুবোধ করেন। এই বোর্ড সম্প্রতি সিদ্ধান্ত করিয়া দিয়াছেন, যে সকল ক্ষেত্রে বিলাত হইতে আমদানী পণ্যের উপর শতকরা ১৫ টাকা হারে আমদানী শুল্ক ধার্য্য আছে, সেই সকল ক্ষেত্রে ঐ শুল্কের হার কমাইয়া মূল্য শতকরা ২০ টাকা হারে ধার্য্য করাটী সঙ্গত। অর্থাৎ শতকরা ৫ টাকা হারে আমদানী শুল্ক কমাইয়া বিলাতী বস্ত্রের প্রসারবৃদ্ধির চেষ্টা করা হইল। ইহার ফলে দেশীয় কার্পাস-কলগুলির যে বিশেষ ক্ষতি হইবে, টেরিফ বোর্ড তাহা স্বীকার করিয়াছেন। তবে তাহারা ঐরূপ ব্যবস্থা করিলেন কেন? দেশের শিল্প মাঠতে আঁচ না হয়, দেশের লোকের স্বার্থ বাহাতে অক্ষুণ্ণ থাকে, তাহার ব্যবস্থাই ত সর্বাঙ্গে করা উচিত। একবার এক জন ভারত-সচিব ম্যাক্লেইনগের কলওয়ালদিগকে বলিয়াছিলেন যে, ভারতবর্ষকে যখন আর্থিক বিষয়ে অটোনমি দেওয়া হইয়াছে, তখন আর তাহারা শুল্ক বিষয়ে হস্তক্ষেপ করিতে পারেন না। এরূপ অবস্থায় টেরিফ বোর্ড কেন ঐরূপ ব্যবস্থা করিলেন, তাহা বুঝিলাম না। এই শুল্কের হার কেবল বিলাতী আমদানী বস্ত্রের উপর কমিয়াছে। ইটালী, নেদারল্যান্ড, মার্কিন, সুইজারল্যান্ড, চীন, জাপান প্রভৃতি দেশ হইতে আমদানী কার্পাস-পণ্যের উপর ধার্য্য শুল্ক হ্রাস পায় নাই। এ সময় বাঙ্গালায় কয়েকটি কার্পাস কল প্রতিষ্ঠিত হইয়াছে ও হইতেছে। এ সময়ে ঐ ব্যবস্থা করা নিতান্তই অসঙ্গত হইয়াছে। আমরা বঙ্গবাসীদিগকে বলি, তাহারা যেন যথাসাধ্য বাঙ্গালার কলের কাপড় এবং সূতা ব্যবহার করেন।

### মন্ত্রিত্ব গ্রহণে সত্যমুক্তি

মাদ্রাজের কংগ্রেসী নেতার উদ্ভাবনী শক্তি অতুলনীয়। তিনি গবেষণা-মাত্রায় স্তব্ধ করিয়া ফেলিয়াছেন যে, সরকারী মন্ত্রিত্ব গ্রহণ করিতে পারিলেই স্বরাজ অনায়াসে করায়ত্ত হইবে। এমন সহজ উপায়ে যখন স্বরাজলাভ সম্ভবপর, তখন কংগ্রেসের পক্ষ হইতে সদলবলে ব্যবস্থাপক সভায় প্রবেশ করিতে পারিলেই বিনা আয়াসে মন্ত্রীর পদ অধিকার করা চলিবে। মন্ত্রী হইতে পারিলে, স্বরাজ কোনও দিক দিয়া পলাইতে পারিবে না—বিনা কষ্টে তাহাকে আয়ত্ত করা চলিবে। সে স্বরাজের অর্থ—কংগ্রেসের ত্রিবর্ণ-রঞ্জিত পতাকা সরকারী আপিসগুলির উপর উড়ান করা। সত্যমুক্তি স্বরাজলাভের এই বিচিত্র পন্থা আবিষ্কার করিয়া এত কাল



পরমোৎসাহে মন্ত্রিসভার কথা কহিয়া আসিতেছিলেন। অবশ্য নিখিল ভারতীয় কংগ্রেস কমিটি মন্ত্রিসভা-গ্রহণ সম্বন্ধে স্পষ্টভাবে কোন কথা ব্যক্ত করেন নাই। তবে অনেক কংগ্রেসী নেতার যে মন্ত্রিসভা-গ্রহণের প্রতি লোলুপদৃষ্টি আছে, তাহা তাঁহাদের বক্তৃতা ও মন্তব্যের অন্তরাল হইতে উঁকি মারিয়া থাকে।

সত্যমূর্ত্তি এত দিন ধরিয়া মন্ত্রিসভা-গ্রহণের পক্ষে যে ওকালতী করিতেছিলেন, তাহা শ্রীযুক্ত শরৎচন্দ্র বসু সহ করিতে পারিলেন



শ্রীযুত সত্যমূর্ত্তি

না। তিনি স্পষ্ট ভাষায় সত্যমূর্ত্তিকে জেরা করিয়া বলিলেন যে, ব্যবস্থা পরিষদে বক্তৃতা করিবার সময় তিনি ও শ্রীযুত দেশাই সঙ্গত বলিয়াছিলেন—

নূতন শাসন-পদ্ধতি গ্রহণের সম্পূর্ণ অযোগ্য। এখন তাঁহারা কোন্ মুখে বলিতেছেন, সেই শাসন-পদ্ধতি প্রবর্তিত হইবার

পর, সরকারী

মন্ত্রিসভা-গ্রহণ বিষয়ে? মতের এই প্রকার উদ্ভ্রমকর। সুতরাং শ্রীযুক্ত শরৎচন্দ্র প্রসন্ন করিলেন, শ্রীযুক্ত সত্যমূর্ত্তি দেশের লোককে বুঝাইয়া বলুন, একপ মতপরিবর্তনের হেতু কি?

সত্যমূর্ত্তি বোধ হয় দেশের লোককে বুঝাইয়া বলিবার সুবিধা নাই দেখিয়া, শ্রীযুক্ত শরৎচন্দ্র বসুকে পত্র লিখিয়া জানাইয়া দিলেন, মন্ত্রিসভা-গ্রহণ বিষয়ে লইয়া তাঁহার সহিত বাদানুবাদ না করিয়া শরৎ বাবুর কর্তব্য নেতা হইয়া বাতির হইয়া পড়া। কারণ, ভারতের রাষ্ট্র-সভায় বাঙ্গালার হৃদশার সীমা নাই। স্বরাজ-সমরক্ষেত্রে শরৎ বাবু যদি অবতীর্ণ হন, সত্যমূর্ত্তিও তাঁহার সহিত যোগ দিবেন। মন্ত্রিসভা-গ্রহণ সম্বন্ধে কংগ্রেসের যে নিষেধবাক্য আছে, শ্রীযুত সত্যমূর্ত্তি শুধু সেইটুকু বাদ দিবার জন্ত চেষ্টা করিতেছেন। তার পর মন্ত্রিসভা-গ্রহণ সম্বন্ধে কি না, সে প্রশ্নের বিচার প্রত্যেক প্রদেশ স্বয়ং করিয়া দেখিতে পারে।

নিখিল ভারতীয় রাষ্ট্রীয় প্রতিষ্ঠানে বাঙ্গালার কোন স্থান নাই, এই কথাটার উল্লেখ শ্রীযুক্ত সত্যমূর্ত্তি করিবামাত্র শ্রীযুক্ত শরৎচন্দ্র বসু পত্রযোগে তাহার বিশদ ব্যাখ্যা পাঠাইয়া দিলেন। তাঁহার পত্রের সার মর্ম এইরূপঃ—বিগত পাঁচ ছয় বৎসর ধরিয়া নিখিল ভারতীয় রাষ্ট্রনীতি এমন কদম্ব্য ব্যাপারে পরিণত হইয়াছে যে, ভাষায় তাহার ব্যাখ্যা করা চলে না। কংগ্রেসের বড় বড় কর্তা যাহারা, তাহারা বাঙ্গালাকে কোণঠাসা করিয়া রাখিবার জন্ত কিরূপ বড়মুদ্রা করিয়াছেন। সুতরাং কংগ্রেসের হোমরা

চোমরা ঐ সকল নেতার সহিত বাঙ্গালার সংগ্রব রাখিবার কোনও প্রয়োজন নাই। বাঙ্গালা নিজের পায় ভর দিয়া বাগাতে দাঁড়াইতে পারে, তাহারই চেষ্টা সে করিবে।

শ্রীযুত সত্যমূর্ত্তি এই সরল স্পষ্ট উক্তি শুনিয়া কিছু দমিয়া গেলেন। তাই তিনি পরবর্তী পত্রে শরৎ বাবুকে পত্র লিখিলেন যে, শরৎ বাবুর আশ্রয় তিনিও বিশ্বাস করেন—নূতন



শ্রীযুত শরৎচন্দ্র বসু

শাসন-পদ্ধতিকে প্রত্যাখ্যান করাই কর্তব্য। কিন্তু অনেক ভাবিয়া চিন্তিয়া তিনি স্থির করিয়াছেন যে, অন্ত্য প্রদেশে যাহাই হউক না কেন, মাদ্রাজে যদি নূতন শাসনপদ্ধতি প্রত্যাখ্যান করিতে হয়, তাহা হইলে সেই শাসনপদ্ধতি প্রবর্তনের ফলে যাহা কিছু সুবিধা পাওয়া যাইবে, তাহার সহায়তায় শাসনযন্ত্র অচল করিয়া দেওয়াই তাঁহার লক্ষ্য। সেই জন্তই সত্যমূর্ত্তি মন্ত্রিসভা-গ্রহণের পক্ষপাতী। তবে শরৎ বাবুকে তিনি এমন অমুরোধও জানাইলেন যে, তাঁহার সহিত সাক্ষাৎ হইবার পূর্বে তিনি যেন মন্ত্রিসভা-গ্রহণের বিরুদ্ধে প্রচারকাণ্ড না করেন।

কিন্তু শরৎ বাবু এই সহজ, সরল কথাটা বুঝিতে পারেন নাই। মন্ত্রিসভা-গ্রহণে কোনও সুফললাভের আশা নাই জানিয়া তিনি স্পষ্টাক্ষরে তাহার প্রতিবাদ করিয়াছেন। স্বরাজলাভ কামনার অপেক্ষা শ্রীযুক্ত সত্যমূর্ত্তি বাষিক ৬৪ হাজার লালকে বস্ত্রতান্ত্রিক সফলতলাভ বলিয়া বিশ্বাস করেন, ইহা কি অস্বীকার করা চলে? শাসনযন্ত্রকে অচল করিবার ক্ষমতা মন্ত্রী-দিগের কতটুকু আছে, তাহা নব শাসন-পদ্ধতির মধ্য হইতে আবিষ্কার করা বিন্দুমাত্র কষ্ট-সাধ্য নহে।



## এভারেট অভিযান

এভারেট হিমালয়ের সর্বাপেক্ষা উচ্চ শৃঙ্গ। ইহার উচ্চতা সাগর-বক্ষ হইতে ১৯ হাজার ৩ ফুট। শুনা গিয়াছে, বিগারে বেবার প্রবল ভূমিকম্প হয়, সেইবার ইহার উচ্চতা কয়েক ফুট বাড়িয়া গিয়াছে! এ কথা সত্য কি না, তাহা বিধাতাই বলিতে পারেন। এখন ইহার উচ্চতা ১৯ হাজার ২ ফুট। এই গিরিশৃঙ্গকে কেহ কেহ গৌরীশঙ্কর গিরিশৃঙ্গ বলেন। কেহ কেহ বলেন, সে কথা সত্য নহে। ইহার সন্নিহিত দুইটি গিরিশৃঙ্গই প্রকৃত গৌরীশঙ্কর! যাহা হউক, এই এভারেট গিরিশৃঙ্গে আবেহণ করিবার জন্ত কয়েক দল যুরোপীয় কয়েক বৎসর ধরিয়া চেষ্টা করিয়া আসিতেছেন; কিন্তু কোন দল এই কার্যে সাফল্যলাভ করিতে পারিতেছেন না। এবার মিটার বাটলেজ প্রমুখ কয়েক জন খেতাজ দৃঢ়সঙ্কল্প করিয়া বাহির হইয়াছিলেন যে, তাঁহারা এই গিরিশৃঙ্গ আবেহণ না করিয়া কিছুতেই প্রতিনিবৃত্ত হইবেন না। সেই জন্ত তাঁহারা এবার অনেক তোড় জোড় করিয়া এবং সাজ-সরঞ্জাম লইয়া এই শৃঙ্গে আবেহণ করিবার জন্ত যাত্রা করিয়াছিলেন। তাঁহারা প্রথম বেশ উৎসাহের সহিত এই শৃঙ্গে আবেহণ করিতেছিলেন। তাঁহারা শৃঙ্গের পাদদেশ হইতে আরম্ভ করিয়া শৃঙ্গগাত্রে একের পর একটি করিয়া কয়েকটি স্থানে শিবির সন্নিবিষ্ট করিয়াছিলেন। অনেকে আশা করিয়াছিলেন যে, এইবার বোধ হয় এই অসমসাহসিক আবেহণীর দল জটাধারীর জটাজাল ধরিয়া টানাটানি করিবে। তাহাব পর সংবাদ আসিতে লাগিল, তাঁহাদের গতি নানা প্রাকৃতিক বাধায় বিঘ্নপ্রাপ্ত হইতেছে; কিন্তু তাহা হইলেও তাঁহারা চেষ্টা ছাড়িতেছেন না। সম্প্রতি আচম্বিতে গত আঘাট প্রথমদিবসে সংবাদ পাওয়া গেল যে, তাঁহারা বার বার বাধাপ্রাপ্ত হইয়া এবারকার মত ঐ শৃঙ্গের মস্তকে আবেহণ করিবার সঙ্কল্প বর্জন করিলেন। তাঁহারা যথাক্রমে চতুর্থ শিবির পর্য্যন্ত যেন আবেহণ করিতে সমর্থ হইয়াছিলেন। তাহার পর আরম্ভ হইল ঝড় আর তুফান। তখন অগ্রদর হওয়া ত দুবের কথা, চতুর্থ শিবিরে ত্রিষ্ঠিয়া থাকিও তাঁহাদের পক্ষে অসম্ভব হইয়া উঠিল। অগত্যা তাঁহারা দায়ে পড়িয়া এবং শিবিরে নাশিয়া আসিতে বাধ্য হইলেন। কিন্তু সেখানেও অধিকক্ষণ ত্রিষ্ঠিয়া থাকিতে পারিলেন না। ঝড়-ঝপা ও তুফান ক্রমশঃ বাড়িতে থাকিল। তাঁহারা তখন ৩নং শিবিরে থাকিও নিরাপদ মনে করিলেন না। অগত্যা তাঁহারা ২নং শিবিরে ফিরিয়া আসিলেন। কিন্তু ঝড় ঝপার বিরাম হইল না, বরং ধীরে ধীরে বাড়িতে থাকিল। অবশেষে তাঁহারা অনেকটা নিরাশ হইয়া ২নং শিবির হইতে ১নং শিবিরে ছুটিয়া আসিলেন। কিন্তু শেষকালে গত ১৫ই জুন সংবাদ পাওয়া যায় যে, তাঁহারা এ বৎসরের মত এভারেট বিজয়ের আশা ছাড়িয়া দিতে বাধ্য হইয়াছেন। তাঁহারা বাঁচিয়া থাকেন ত আগামী বৎসর আর এক দল চেষ্টা করিয়া দেখিতে পারেন। তাঁহারা আবার একপ কথাও বলিয়াছেন যে, এই পর্ব্বতশৃঙ্গের উচ্চতার জন্ত তাঁহারা বিশেষ ভীত নহেন। উহার উচ্চতা কখনই উহার আবেহণে বিশেষ বাধা জন্মাইতে পারিবে না। কিন্তু ইহার প্রাকৃতিক অবস্থা যেকোন, তাহাতে কেহ যে কল্পনাকালেও ইহার উপর উঠিতে পারিবেন, এরূপ আশা

তাঁহারা করেন না। এবার এই শিবিরগাত্রে যেকোন তুষারস্তুপ জমিয়াছে, তাহাতে উহার উপর আবেহণ করাও অতিশয় কঠিন হইয়া উঠিয়াছে। তাহার উপর ঝড়-ঝপা ত লাগিয়াই আছে।

## পরলোকে আনন্দময় ধর

প্রসিদ্ধ সাহিত্যিক ও সাংবাদিক আনন্দময় ধর ৩রা আঘাট অকালে লোকান্তরগমন করিয়াছেন। তাঁহার এই আকস্মিক মৃত্যুসংবাদ বঙ্গজনের হৃদয়ে দারুণ বেদনা দিয়াছে। মৃত্যুকালে তাঁহার বয়স মাত্র ৪৮ বৎসর হইয়াছিল। ১৩ বৎসর বয়সে আনন্দময় প্রবেশিকা



আনন্দময় ধর

পরীক্ষায় সাফল্যের সহিত উত্তীর্ণ হন। ডাফটিন কলেজ হইতে বি, এ পরীক্ষায় উত্তীর্ণ হইয়া, স্কটিশচার্চ কলেজ হইতে ইংরেজি সাহিত্যে তিনি এম্. এ পরীক্ষায় সাফল্য লাভ করেন। ১৯১১ খৃষ্টাব্দে বি, এল পরীক্ষায় উত্তীর্ণ হইলেও, ব্যবহার-জীবের কাষে তাঁহার মন আকৃষ্ট হয় নাই। নেপালের মহাবাজার পুত্র-দিগের শিক্ষার ভার গ্রহণ করিয়া কিছুদিন তিনি সেই কাষে করিয়াছিলেন।

আনন্দময়ের পৈতৃক বাসভূমি ফরাসী চন্দননগর। পৈতৃক ব্যবসায় অবলম্বন না করিয়া তিনি সংবাদ-পত্র-সেবায় আত্মনিবেদন করেন। "সার্ভিস্ট" নামক দৈনিক পত্র পরিচালনে তিনি শ্রামসুন্দর চক্রবর্তীর দক্ষিণ হস্তস্বরূপ ছিলেন। ইংরেজি দৈনিক বসুমতীতেও আনন্দ বাবু কিছুদিন কাষা করিয়াছিলেন। আনন্দময় ভাষাবিদ বলিয়া শিক্ষিত সমাজে বিশেষ যশঃ অর্জন করিয়াছিলেন। ইংরেজি, বাঙ্গালা, সংস্কৃত ব্যতীত তিনি ল্যাটিন, ফ্রেঞ্চ, গ্রীক, জার্মান, ইটালীয়ান, রুসিয়ান, উর্ডিয়া, তেলেগু, তামিল প্রভৃতি আরও ১৪টি ভাষায় ব্যুৎপত্তি অর্জন করিয়া যশস্বী হইয়াছিলেন।

কিছুকাল হইতে এই ভাষাবিদ পণ্ডিত কলিকাতা বিশ্ববিদ্যালয়ের অনেকগুলি পাঠ্যপুস্তকের অর্থপুস্তক রচনা করিয়া জীবিকাজন করিতেন। তাঁহার জ্ঞানভাণ্ডারের দ্বার বাঙ্গালী জাতির কল্যাণ-কল্পে উন্মুক্ত করিবার সুযোগ তিনি পান নাই, ইহা বাঙ্গালীর দুর্ভাগ্য বলিতে হইবে। আনন্দময় প্রকৃতই আনন্দময় ছিলেন। তাঁহার চরিত্রে ও ব্যবহারে অহঙ্কারের সংস্পর্শ পর্য্যন্ত ছিল না। তিনি সদালাপী, অমায়িক, বঙ্গুবৎসল ভদ্রলোক বলিয়া সকলের প্রশংসা অর্জন করিয়াছিলেন। আনন্দ বাবু চির-কুমার এবং নিরামিষভোজী ছিলেন। এই অজাতশত্রু সুপণ্ডিত কিছুদিন হইতে অঙ্গীর্ণ রোগে কষ্ট পাইতেছিলেন। পরে পাকস্থলীর ক্ষতরোগ তাঁহাকে শয্যাশায়ী করিয়া ফেলিয়াছিল। তাঁহার অকালমৃত্যুতে আমরা প্রিয়জন-বিয়োগ-বেদনা অমূল্য করিতেছি। তাঁহার শোকার্ভ আত্মীয়-স্বজনগণকে সমবেদনা জ্ঞাপন ছাড়া আর কিছুই করিবার নাই। ভগবান্ তাঁহার আত্মার কল্যাণ করুন।

শ্রীসতীশচন্দ্র মুখোপাধ্যায় সম্পাদিত

কলিকাতা, ১৬৬ নং বহুবাজার স্ট্রীট, বসুমতী রোটারী মেসিনে ত্রিশনিভূষণ দত্ত মুদ্রিত ও প্রকাশিত।



“নাগে তোমার পাছে লেখা  
পুণ্য নামের রহিবেরা,  
সর্বাঙ্গিক অন্দরখানি  
হাসে চোখের পবে।”





১৫শ বর্ষ ]

শ্রাবণ, ১৩৪৩

[ ৪র্থ সংখ্যা ]

## শ্রীরামকৃষ্ণ-দেব

### একাদশ পরিচ্ছেদ

শ্রীমায়ের দক্ষিণেশ্বর আগমন—ভক্তগণ-সমাগম

শ্রীমাকে আমরা ইতিপূর্বে কামারপুকুরে ঠাকুর ও বান্ধবীর সঙ্গে দেখিয়াছি। তাহার পর আর তাঁহার সংবাদ রাখা হয় নাই। জননীর বয়স এখন অষ্টাদশ বৎসর। ইতিমধ্যে ঠাকুরের নানা সংবাদই তাঁহার নিকট পৌঁছিয়াছে। প্রতিবেশিনীরা ঠাকুরকে পাগল বলিয়া মা'র কাছে বর্ণনা করিতেন। তিনি শুনিতেন, ভাবিতেন; কাহাকেও কিছু বলিতেন না। কামারপুকুরে ঠাকুরের সঙ্গে কয়েক মাস বাস করিয়া, তিনি কিন্তু ঠাকুরের বিশেষ কোন উদ্ভাসদলক্ষণই দেখেন নাই। তবে কি ঠাকুর ইতিমধ্যে উন্নত হইয়া গিয়াছেন?—তিনি কি তবে সম্পূর্ণ পরিবর্তিত হইয়া গিয়াছেন? এইরূপ নানা ভাবের চিন্তা তাঁহার তরুণ মনে জাগিত। শেষে তিনি সঙ্কল্প করিলেন যে, স্বয়ং কলিকাতায় গিয়া, একবার ঠাকুরকে দেখিয়া এ বিষয়ে সত্যাসত্য নিরূপণ করিবেন।

১২৭৮ সালের—ইংরেজি ১৮৭২ খৃষ্টাব্দের দোল-পূর্ণিমার সময়, শ্রীমায়ের কয়েক জন দূরসম্পর্কীয় আত্মীয়, আত্মীয় এবং প্রতিবেশী গঙ্গাস্নান করিবার মানস করিলেন। হাঁটাপথে জয়রামবাটা হইতে বৈষ্ণববাটাতে

আসিলে তবে গঙ্গাস্নান সম্ভব। শ্রীমা তাঁহাদের সঙ্গে বৈষ্ণববাটা হইয়া, কলিকাতায় আসিতে মনস্ত করিলেন। শ্রীমার পিতা রামচন্দ্র কিন্তু কণ্ঠার প্রকৃত মনের ভাব বুঝিলেন এবং তাঁহার গমনে বাধা দিলেন না, বরং স্বয়ং তাঁহাদের সঙ্গে আসিবেন স্থির করিলেন। দীর্ঘ পথ, প্রায় ২৫২৬ ক্রোশ—পদব্রজে চলা। পাকার ব্যবস্থা ধনীরাই করিতে পারেন, তাঁহাদের করিবার সাধ্য হইল না। দুই দিন পথ চলার পর পঞ্চশমে শ্রীমা জরে পড়িলেন। জরে বাহুসংক্রান্ত যখন প্রায় লুপ্ত, তখন তিনি দেখিলেন, যেন একটি অতি সুদর্শনা শ্রীমা বালিকা তাঁহার পার্শ্বে বসিয়া তাঁহার গায়ে হাত বুলাইতেছেন। শ্রীমা তাঁর পরিচয় জিজ্ঞাসা করিলে সেই বালিকা বলিলেন, তিনি দক্ষিণেশ্বর হইতে আসিতেছেন—সেইখানেই তিনি থাকেন। শ্রীমা তাঁহাকে বলিলেন যে, তিনিও দক্ষিণেশ্বরে শ্রীঠাকুরকে দেখিতে ও তাঁহার সেবা করিবার জন্ম ঘাইতেছেন। শুনিয়া বালিকা বলিলেন, “তা বেশ ত’, খুব ভাল হ’বে তা হ’লে—তাই চল না।” জরের ঘোরে শ্রীভবতারিণী মাতার সহিত এইরূপ কথাবার্তার পর হইতে তিনি নিজেকে যেন জরমুক্ত ও সুস্থ বোধ করিতে লাগিলেন, ক্রমে ঘুমাইয়া পড়িলেন। প্রাতে শ্রীমার শরীর সত্য সত্যই অনেকটা সুস্থ বোধ হওয়ায় ধীরে ধীরে আবার



পথ চলা আরম্ভ হইল। তিনি যথাসময়ে পিতৃসহ দক্ষিণেশ্বরে আসিয়া পৌঁছিলেন।

ঠাকুর শ্রীমাকে খণ্ডরসহ সমাগতা দেখিয়া প্রথমে কুশলাদি প্রশ্ন করিলেন এবং পরে ছাং করিয়া বলিতে লাগিলেন যে, শ্রীমা সেই যখন দক্ষিণেশ্বরে আসিলেন, যদি আর কিছুদিন আগে আসিতেন, মথুর বিশেষভাবে তাঁহার সেবার বন্দোবস্ত করিতে পারিতেন। কিন্তু এখন মথুর আর নাই, তাঁহার সেবায় কেমন করিয়া হইবে? আর কেই বা করিবে! যাহা হউক, তাঁহাদিগের মথাসম্ভব বাবস্তা হইবার পর শ্রীমা ঠাকুরের সঙ্গে কথাবার্তা করিয়া অল্প সময়মধ্যেই বুঝিলেন যে, ঠাকুরকে কামারপুকুরে তিনি যেমন দেখিয়াছিলেন, ঠাকুর সেই মানুষই আছেন, বিশেষ কোন পরিবর্তন হয় নাই। শ্রীমার মনের উদ্বেগ দূর হইল। তিনি দক্ষিণেশ্বরে রতিয়া গেলেন—চন্দ্রাদেবীর সহিত তিনি নহবতেই বাস করিতে লাগিলেন। তাঁহার পিতা কয়েক দিবস পরে জ্বরামবাটাতে নিজ গৃহে একাকী ফিরিয়া গেলেন।

এখন হইতে শ্রীমা ঠাকুরের সেবায় আত্মনিয়োগ করিলেন এবং ঠাকুর ও তাঁহাকে দিবারাত্র শিক্ষা-দীক্ষা দিতে লাগিলেন। সর্বোপরি শ্রীমাকে তিনি জানাইলেন যে, ঈশ্বর লাভ করিতে সকলেরই চেষ্টা করা উচিত এবং একান্ত মনে কাঁতার হইয়া, তাঁহার নিকট প্রার্থনা করিলে তিনি ভক্তকে দেখা না দিয়া থাকিতে পারেন না। যে জীবনে ঈশ্বরলাভ হইল না, তাহা বৃথাই নষ্ট হইয়া গেল। সেই জন্ম জন্ম মনুষ্যদেহ লাভ করিলে জীবের ঈশ্বরলাভ জন্ম সতত এবং সর্বতোমুখী চেষ্টা হওয়া উচিত।

এত দিন ঠাকুর একাকী দক্ষিণেশ্বরে বাস করিতেছিলেন—মা-জননী আসায় তাঁহার মনে তখন যুগপৎ কয়েকটি চিন্তার উদয় হইল। তিনি ভাবিতে লাগিলেন, মা পল্লীগামে পালিতা ও প্রায় অশিক্ষিতা; ঠাকুরের আয় উচ্চ অবস্থার সাধক ও সিদ্ধের সহশিক্ষিতা তিনি। কিন্তু তাঁহার আচরণ অবস্থানরূপ মানানসই হইবে কি না, তাহা বলা যায় না। তাহা না হইলে লোকে 'হংসের হংসী' বলিয়া তাঁহাকে যদি বিদ্রোপ করে, তবে তাহাও ঠাকুরের ব্যথার কারণ হইতে পারে। আবার শ্রীমা যদি ঠাকুরের অবস্থা না বুঝিয়া সাধারণ স্ত্রীর আয় তাঁহার স্বামীর নিকট হইতে লৌকিক

ব্যবহারের দাবী করেন, তবে ঠাকুরকে নতুন মুষ্টিগে পড়িতে হইতে পারে। বিশেষতঃ ঠাকুর জানিতেন, মা ভবতারিণী তাঁহার কাম-প্রবৃত্তি লোপ করিয়া দিয়াছেন। নানা সাধনের দ্বারা যেমন তান্দ্রিক আনন্দ আসনের সাধনে—সখী ও দাসীভাবে সাধনে সিদ্ধিলাভ করায়, ঠাকুরের ত' আর কামোদ্বেক হওয়ার কথা নয়। তবুও কি জানি শ্রীভবতারিণী মা'র মনে কি আছে? বিকারগ্রস্ত রোগীর পক্ষে তেঁতুল ভোজন বা বহু পরিমাণে জলপানের মতই সাধু-সন্ন্যাসীর পক্ষে স্ত্রীলোক অত্যন্ত অনিষ্টকর। এ সব ভাবিয়া ঠাকুর মা'র নিকট প্রার্থনা করিতে লাগিলেন, যেন জগজ্জননী শ্রীমার মন উন্নত ও উপযুক্তভাবে প্রস্তুত করিয়া



শ্রীশ্রীমা

দেন—যেন তাঁহার মোড় ঘুরাইয়া দেন। কথার আভাসে শ্রীমা ক্রমশঃ ঠাকুরের উদ্বেগের কারণ কিছু কিছু জানিতে পারিলেন। যিনি এই অবতার-বরিষ্ঠের সহশিক্ষিতারূপে আসিয়াছেন—যাহাকে ঠাকুর তাঁহার নিজের শক্তি বলিয়া পরে ভক্তদের নিকট পরিচিত করিয়া দিয়াছিলেন, তাঁহার ভিতরের সেই লোকোত্তর শক্তির উন্মেষ এইবার আরম্ভ হইল। শ্রীমা প্রথমে প্রতিজ্ঞা করিলেন যে, ঠাকুর না ডাকিলে কখনও ঠাকুরের কাছে আসিবেন না। দ্বিতীয়ত

তিনি এমন প্রচ্ছন্নভাবে মন্দিরে আত্মগোপন করিয়া জীবন-যাপন করিবেন যে, লোকে তাঁহার অস্তিত্ব যেন সহজে জানিতে না পারে। তৃতীয়তঃ তিনি ঠাকুরের উপদেশ বর্ণে বর্ণে পালন করিতে যথাসাধ্য চেষ্টা করিবেন।

উত্তর দিকের নহবতের ঠিক উত্তর গায়ে দুইটি সুবৃহৎ বকুলগাছ ছিল। ঐ গাছ দুটির সন্মুখের বাগাঘাট বকুলতলার ঘাট নামে অভিহিত হইত। এই ঘাটটি মুখ্যতঃ বাগানের বাবুদের দীলোকদিগের জন্ম প্রস্তুত করান হইয়াছিল। তাঁহারা বাগানে আসিলে ঐ ঘাট



দক্ষিণেশ্বরের নহবৎখানা

ব্যবহার করিতেন। তদ্বিন্ন ঐ ঘাটে দক্ষিণেশ্বর গ্রামের গৃহস্থ পুরোঁ ও স্নান করিতেন, বকুলতলার ঘাটে পুরুষদিগের স্নান নিষেধ ছিল—এখনও আছে। গাত্রমাজ্জন ও মাপড় বদলান প্রভৃতির জন্ম এই ঘাটে দীলোকদিগের অনেক স্মৃতি হয়। এই বকুলতলার ঘাটে শ্রীমা স্নান করিতেন। রাত্রি ৩টা—৪ টার সময় উঠিয়া, প্রাতঃকৃত্যাদি শেষ করিয়া, স্নান করিয়া, তিনি নহবতের নীচে নিজের ঘরে প্রবেশ করিতেন। ঘরখানি দেখিলে বেশ বুঝাইবে যে, তাহার মধ্যে আবদ্ধ থাকা আর সাধু-সন্ন্যাসীর

কৃদ্র কুটীরে থাকা একই কথা। প্রাকোষ্ঠটি এত ক্ষুদ্রায়তন যে, তন্মধ্যে কোনরকমে হাত পা গুটাইয়া বসা বা শোয়া চলে। দ্বারটি এমন ছোট যে, শ্রীমার মাথায় দরজার ধাক্কা প্রতিনিয়তই লাগিত; তাঁহার একপ ধাক্কা সহ করা একপ্রকার অভ্যাসগত হইয়া গিয়াছিল। শেষ রাতে উঠিয়া স্নানাদি সারিয়া তিনি সিন্ধু কেশ লইয়া এই ঘরে প্রবেশ করিতেন এবং জপ, ধ্যান প্রভৃতি ঠাকুর যেমন যেমন দেখাইয়া শিখাইয়া দিতেন, সেইরূপ করিতেন। অন্ধকারময়ী শেষ রাত্রিতে সর্বশত্বতে উঠার ভূভোগও তাঁহাকে সহ করিতে হইত। শুনা যায়, এক দিন এক কুস্তীর নাকি রাতে জল হইতে উঠিয়া স্থলে নিদ্রা ঘাইতেছিল। শ্রীমা অন্ধকারে দেখিতে না পাইয়া তাহারই ঘাড়ে পা দিয়াছিলেন। সৌভাগ্যবশতঃ কুস্তীর ভয় পাইয়া ভড়মুড় করিয়া জলে গিয়া পড়িল, নচেৎ বিপদ ঘটতেও পারিত। যাহা হউক, এইরূপ নিভৃত বাসের এই ফল হইল যে, শ্রীমা যে এইভাবে দক্ষিণেশ্বরে বাস করিতেছেন, হৃদয়াদি দুই এক জন ব্যতীত মন্দিরের কেহই আর তাহা জানিতে পাইতেন না। শ্রীমার মুখে শুনা গিয়াছে, এইভাবে থাকিতে থাকিতে তাঁহার গায়ে পায়ে বাত ধরিয়া গিয়াছিল; সে কষ্ট তাঁহাকে সারাজীবন ভোগ করিতে হয়। তাঁহার এই গোপন-বাস কথাপ্রসঙ্গে ঠাকুরের পরম ভক্ত মাষ্টার মশায় বলিতেন যে, তিনি দুই বৎসর ঠাকুরের সঙ্গ করার সময় পর্য্যন্ত নহবতে যে শ্রীমা থাকেন, তাহা জানিতে বা বুঝিতে পারেন নাই।

রাতে শ্রীমাকে ঠাকুর সময়ে সময়ে নিজের ঘরে ডাকিতেন ও গায়ে পায়ে হস্ত বুলাইতে বলিতেন এবং সেই সময় যথোচিত উপদেশ ও শিক্ষা দিতেন। শ্রীমা একবার জিজ্ঞাসা করিয়াছিলেন, “আমি তোমার কে?” তাহার উত্তরে ঠাকুর বলিলেন, যিনি মন্দিরে রহিয়াছেন, যিনি নহবতের উপরে আছেন,—চতুর্দিকে মাতা, স্ত্রী, ভগ্নী, কন্যারূপে যিনি লোকদের সহিত বাস করিতেছেন এবং যিনি তখন ঠাকুরের পায়ে হাত বুলাইতেছেন, সকলেই এক—তাঁহার আনন্দময়ী মা! কখনো কখনো ঠাকুর বলিতেন, ঠাকুরও যেমন মায়ের দাস, শ্রীমাও তেমনি মায়ের দাসী, দুই জনেই মায়ের সখী। ঠাকুর

পরে আরও বলিতেন যে, তিনি নিজেকে পুরুষ বলিয়া ভাবিতে ভুলিয়াই গিয়াছিলেন। জগজ্জননীর কাছে ঠাকুর সর্বদা প্রার্থনা করিতেন, যেমন তাঁহার নিজের মনে কামগন্ধও নাই, তেমনি যেন শ্রীমার মনও অতি শুদ্ধ—কামগন্ধশূন্য থাকিয়া যায়। যে মনে কামগন্ধ নাই, সে মনে ঈশ্বর সতত বাস করেন। বলা বাহুল্য, এ বিষয়ে শ্রীমা ঠাকুরের উপযুক্ত সহধর্মিণীই ছিলেন। তাঁহার মন চিরকাল বালিকার মনের মত শুদ্ধ ও অপাপবিদ্ধ ছিল।

তোতাপুরী বলিয়াছিলেন যে, শ্রীরামকৃষ্ণ নিজেকে কামজিৎ পুরুষ মনে করিলে কি হইবে, এই বিষয়ে বহুবিধ পরীক্ষা না হইলে নিজে এত নিশ্চয় হওয়া উচিত নয়। যোগিরাজ শিবেরও একদা কামোন্মাদ হইয়াছিল শুনা যায়। ঠাকুর সে সব কথা মনে রাখিয়াছিলেন। এক্ষণে নিজেকে পরীক্ষা করিবার সুযোগ আসিল। তিনি শ্রীমাকে নিজের কাছে রাত্রে শুইতে দিতেন এবং এইভাবে ক্রমাগত ৮ মাস কাল এক শয্যায় উভয়ে শয়ন করিয়াছিলেন। কিন্তু রাত্রে এই অদ্ভুত দম্পতির মধ্যে যে বিচিত্র ব্যাপার ঘটত, তাহা শ্রীমায়ের এই সময়ের অনুভূতির কথায় কতক কতক আভাস পাওয়া যায়। তিনি বলিয়াছিলেন যে, প্রায় সমস্ত রাত্রি বসিয়া ঠাকুরের নানা ভাব হইত এবং সেইরূপ ভাবান্তর শ্রীমায়ের পূর্বে দেখা না থাকায়, তিনি ঠাকুরের এইরূপ নানা ভাবান্তর দর্শন করিয়া, প্রথম প্রথম ভয়ে—উষেগে রাত্রে ঘুমাতে পারিতেন না, সমস্ত রাত্রি প্রায় জাগিয়াই কাটাটেন। ঠাকুর যখন জানিতে পারিলেন যে, রাত্রে ভয়ে ও উৎকণ্ঠায় শ্রীমার ঘুম হয় না, তখন তাঁহাকে নিজের ভিন্ন ভিন্ন ভাবের ভিন্ন ভিন্ন লক্ষণ ও তাহা উপশমের জন্য মন্ত্রাদি উচ্চারণবিধি শিখাইতে লাগিলেন। এইরূপ শিক্ষা পাওয়া সত্ত্বেও এক এক দিন ঠাকুরের এমন ভাব হইত যে, তাহা শ্রীমার ভাবোপশমন মন্ত্রে তখন কুলাইত না, মাকে হৃদয় মুখোপাধ্যায়কে সেই সময়ে সাহায্যার্থ ডাকাইয়া পাঠাইতে হইত। এই ভাবে ৮ মাস কাটিবার পর নিজেকে ও শ্রীমাকে পরীক্ষোত্তীর্ণ জানিয়া ঠাকুর শ্রীমাকে বলিলেন, “তুমি এখন নহবতে থাকো গে। দরকার হ’লে ডাকবো।” এখন হইতে শ্রীমা এক একবার ঠাকুরকে দর্শন করিতে

আসিতেন, দিনের বেলা প্রায়ই দর্শন হইত না। যখন ভক্ত-সমাগম বৃদ্ধি পাইতে লাগিল তখন এমনও হইত যে, ঠাকুর না ডাকিলে মাসাদিককালও ঠাকুরের কাছে শ্রীমার আসা ঘটয়া উঠিত না। নহবৎ হইতে শ্রীমা উদ্দেশেই ঠাকুরকে প্রত্যহ প্রণাম করিতেন এবং ভক্তমুখে তাঁহার কুশলসংবাদ লইতেন। এইভাবে এই আধুনিক ভোগমুগেব মধো এই আদর্শ দম্পতি, এই ঋষি ও ঋষিপত্নী সাধারণের অগোচরে, কামগন্ধশূন্য এক অপূর্ব জীবন যাপন করিয়া গিয়াছেন। ইহার চাক্ষুষ তুলনা আর কোথায় মিলিবে?

মথুরের দেহত্যাগের পর ঠাকুরের সঙ্গে তাঁহার ভাবে দৃষ্ট দ্বিতীয় রসদার শম্ভুচন্দ্র মল্লিকের আলাপ হইল। শম্ভু



শম্ভুচন্দ্র মল্লিক

বাবু ছিলেন এক জন ইংরেজিনবীণা পনী, কলিকাতাবাসী ভদ্রলোক, জাতিতে সুবর্ণবণিক। ইনি কোন এক সওদাগরি আপিসের মূংসুদ্দি ছিলেন। ইহার পরণও কতকটা সাহেবীভাবের ছিল। শম্ভু বাইবেল খুব পড়িতেন এবং মধ্য মধ্যে তাহা হইতে প্রবচনাদি উদ্ধৃত করিয়া বলিতেন। দক্ষিণেধরে কালীবাটী হইতে কিছু পূর্বে ইহার একটা সুরম্য বাগান ছিল—এখনও সে বাগান আছে। বাগানের উত্তরপশ্চিমের কিয়দংশ নূতন রেল-লাইনের জন্য কোম্পানী এখন গ্রহণ করিয়াছে। বাগানের মধ্যের বাটীটি

সুন্দর—সুবৃহৎ। দক্ষিণেশ্বরে আসিয়া শম্ভুচন্দ্র ঠাকুরকে নিজের বাগানে লইয়া যাইতেন ও তাঁহার সঙ্গে ধর্ম আলাপ করিতেন। ঠাকুর সাধু বলিয়া শম্ভুর জানা ছিল এবং সেই জন্ত তাঁহার ব্যবহারার্থ আলাদা এক সেট বাসন বাগানে রাখিয়া দিয়াছিলেন। ঠাকুরকে তিনি ফল-মিষ্টান্নাদি খাওয়াইয়া বড়ই সুখ অনুভব করিতেন—মধ্যে মধ্যে নানাবিধ ফল-মূল তাঁহার সেবার্থ দক্ষিণেশ্বর মন্দিরে পাঠাইতেন। শম্ভু ঠাকুরকে ‘গুরুজী’ বলিতেন এবং নিজেও কখনো কখনো রাসমণির বাগানে ঠাকুরকে দেখিতে আসিতেন।

শ্রীমা ১৮৭২ খৃষ্টাব্দের ফাল্গুন মাসে দক্ষিণেশ্বর আসিয়াছেন। (১৮৭৩ খৃঃ) ১২৮০ জ্যৈষ্ঠ মাসে ঠাকুরের ঘোড়শী পূজার সাধ হইল ঘোড়শী দশমহাবিঘ্নার তৃতীয়া বিঘা; অগ্ন্যনাম ত্রিপুরাসুন্দরী। ঠাকুর শ্রীমাকে ঘোড়শীরূপে পূজা করিতে ইচ্ছা করিলেন। পূজার দিন নির্দিষ্ট হইল—ফলহারিণী অমাবস্যা-র দিন, সন্ধ্যা ৯টার সময়। পূজার আয়োজনাদি সমস্ত করিতে শ্রমের উপর ভার দেওয়া হইল। বেশী লোক যাহাতে ঠাকুরের সঙ্কল্পের কথা না জানেন, ঠাকুর তজ্জন্ত শ্রমকে সাবধান করিয়া দিলেন। এখন ঠাকুরের ঘরে যে স্থানে জলের জালাটি দেখা যায়, সেই স্থানে পূজার স্থান নির্দিষ্ট হইল। আলপনা দেওয়া পিড়িতে শ্রীমাকে বসাইয়া ঠাকুর তাঁহাকে ভগবতী জ্ঞানে পূজা করিলেন। পূজা করিতে করিতে ঠাকুরও ভাবস্থ, শ্রীমা-ও ভাবস্থ হইয়া যান। বঙ্গ, সিন্দূর-চুপড়ী, বাসন, ঝাঁখা, শাড়ী প্রভৃতি উপহার প্রদানান্তে ঠাকুর শ্রীমায়ের চরণে ফুল, চন্দন, বিশ্বদল, এমন কি, নিজের জপের মালা পর্যন্ত রাখিয়া প্রণাম করিলেন। শাস্ত্রীয় সাধন-ভজন তাঁহার এইখানে সমাপ্ত হইল। পূজা শেষ হইলে শ্রীমা জিজ্ঞাসা করিলেন, পূজায় প্রাপ্ত উপহারবস্তুগুলি তিনি কি করিবেন? ঠাকুর তাহাতে শ্রীমাকে উপদেশ দিলেন যে, ঐ সমস্ত উপহৃত দ্রব্য শ্রীমা যেন তাঁহার নিজের গর্ভধারিণীকে ভগবতী বা জগদম্বাবোধে দান করেন। তখন শ্রীমার জননী গুমাসুন্দরী সদবা ছিলেন। কিছু দিন পরে শ্রীমা দেশে ফিরিয়াছিলেন, সেই সময়ে তিনি ঠাকুরের আদেশমত কার্য করিয়াছিলেন।

শ্রীমা দক্ষিণেশ্বরে অবস্থানকালে ঠাকুরের জন্ত ঝোল-ভাত রাখিয়া খাওয়াইতেন। ঠাকুরের মাতাঠাকুরাণী

যত দিন জীবিতা ছিলেন, ঠাকুর তত দিন নহবর্তে আসিয়া মা'র কাছে বসিয়া আহার করিতেন। মাতার দেহত্যাগ ঘটিলে ঠাকুরের আহার তাঁহার ঘরে যাইত, সেইখানেই আহার করিতেন। শ্রীমা ঠাকুরের পদসেবা করিতেন ও আবশ্যক হইলে তাঁহার গায়ে তৈল মাখাইয়াও দিতেন। ঠাকুর শ্রীমাকে ধর্ম উপদেশ ছাড়া সাংসারিক ব্যাপারেরও উপদেশ দিতেন। স্থানান্তরে কোথাও যাইতে হইলে গাড়িতে বা নৌকাতে গিয়া প্রথমে বসিতে বলিতেন 'ও সর্পশেম নামিতে বলিতেন। কারণ, তাহা হইলে কোন জিনিস গাড়ী বা নৌকাতে পড়িয়া রহিল কি না দেখিয়া লইয়া আসিতে পারিবেন। ঠাকুর নিজে এ দিকে এত এলোমেলো যে, পর-ণের কাপড় কোথায়, তাহার হুঁস নাই; কিন্তু কার্যকালে সিংহতুল্য ছিলেন। নিজের গামছাখানি, চটীজোড়াটি, এমন কি, তাঁহার ব্যবহার্য্য দ্রব্যাদির সামান্য স্থানচ্যুতির জন্ত অসম্বৃত্ত হইতেন। শ্রীমাকে ঠিক এইভাবে জীবন গঠন করিতে শিক্ষা দিয়াছিলেন। ঠাকুরের বেশ একটি উপদেশ আছে—তাহা শ্রীমাকেও বলিতেন—শিখাইতেন;—“যেখানে যেমন, যখন যেমন, যাকে যেমন”—তেমনিই করিতে শিক্ষা ও চেষ্টা করা কর্তব্য। কথা কয়টি কর্মযোগের একটি সংক্ষিপ্ত মন্ত্র বলিয়াও গ্রাহ্য হইবার যোগ্য।

ঠাকুরের মধ্যম ভ্রাতা রামেশ্বর দক্ষিণেশ্বরে বিষ্ণুঘরে পূজা করিতেছিলেন। তাঁহার শরীর কিন্তু ক্রমশঃ খারাপ হইতেছিল। ঠাকুর তাঁহাকে দেশে ফিরিতে বারণ করিলেন, কিন্তু তিনি তাঁহার কথা না শুনিয়া আরোগ্যলাভের আশায় দেশে ফিরিলেন। সেখানে বেশী দিন আর বাঁচিলেন না—জরাসিারে তাঁহার দেহত্যাগ ঘটিল। রামেশ্বর সরল উদার দানশীল ছিলেন। কেহ তাঁহার কাছে কিছু প্রার্থনা করিলে তিনি ‘না’ বলিতে পারিতেন না। রামেশ্বর জ্যোতিষ-শাস্ত্রও কিছু কিছু জানিতেন। মৃত্যুকালে ‘রাম’ নাম করিতে করিতে তাঁহার প্রাণ দেহ ছাড়িয়া গেল। তাঁহার ইচ্ছামত তাঁহার দেহ শ্মশানে না লইয়া গিয়া পথিপাশ্বেই দাহ করা হয়—কারণ, তাহা হইলে তাঁহার দেহাবশেষ সাধুভক্ত পথিকের চরণ-ধূলায় পবিত্রীকৃত হইবে—এইটি তাঁহার শেষ ইচ্ছা ছিল।

রামেশ্বরের দেহত্যাগের পর বিষ্ণুঘরে ঠাকুরের এক জ্যোতি-ভ্রাতৃপুত্র দীক্ষু কিছুদিন পূজাদি দেবসেবা-কার্য্য



করিলেন। তিনি কিন্তু বেশী দিন জীবিত রহিলেন না, ওলাউঠা রোগে তাঁহার মৃত্যু ঘটিল। তাহার পর রামেশ্বরের পুত্র রামলাল বিষ্ণুধরের পুত্র হইয়া আসিলেন। রামলাল পূজা ছাড়াও ঠাকুরের মাতা ও তাঁহার পিতামহী চন্দ্রদেবীর সেবা-শুশ্রূষা করিতেন।

শম্ভুচন্দ্র মল্লিকের কেমন করিয়া ঠাকুরের প্রতি এত ভক্তি-বিশ্বাস হইয়াছিল, প্রসঙ্গক্রমে সে সম্বন্ধে এইবার কিছু বলিতেছি ইংরেজি-নবীণ—শম্ভুর সাধু-সন্ন্যাসী সম্বন্ধে মোটামুটি একটা ঋণমা-গোছের ধারণা ছিল সাধুরা ঈশ্বরচিন্তাও করেন, আবার বড়মানুষের কাছে টাকাকড়িও চাহিয়া লয়েন, এইরূপই ত' দেখা যায়। কিন্তু পরমহংস-দেব ঈশ্বরচিন্তাই করেন, কখনো কাহারও কাছে কিছু চাহেন না—ম! যাহা দেন, তাহাতেই সন্তুষ্ট। তিনি বিবাহও করিয়াছেন অথচ স্ত্রীর সঙ্গে দৈহিক সম্পর্কশূন্য। এ এক মজার সাধু বটে, ইটাকে গৃহীও বলা যায়, সাধুও বলা যায়। অথচ গেরুয়া-বসন নাই, তিলক-ত্রিপুরাও নাই, ভাস্ক-চিমটাও নাই। যাহা হটক, এক দিন শম্ভু খবর পাঠান সবেও ঠাকুর অসুস্থতা বশতঃ শম্ভুর বাগানে নাহিতে পারিলেন না। শম্ভু নিজেরই ঠাকুরের কাছে আসিয়া আলাপ করিতে লাগিলেন। আলাপান্তে ঠাকুর শম্ভুর সঙ্গে আস্তে আস্তে তাঁর বাগানে গেলেন। এখানে ঠাকুরের জন্ম শম্ভু অনেক বেদনা আনিয়া রাখিয়াছিলেন, তাহা হইতে কিছু ঠাকুরকে খাওয়াইলেন, অধিকাংশই পড়িয়া রহিল। শম্ভু বলিলেন যে, ঐ সব ঠাকুরের জন্মই আনা, অতএব ঠাকুর ঐগুলি লইয়া গেলে ভাল হয়। ঠাকুর বলিলেন, তিনি অসুস্থ, কিছুই লইয়া নাহিতে চাহেন না। অবশেষে বিশেষ পীড়াপীড়িতে তিনি ত'টি বেদনা পকেটে লইলেন এবং দক্ষিণেশ্বরের বাগানে আসিবার জন্ম যাত্রা করিলেন। শম্ভুও একটু অগ্রসর হইয়া আসিলেন। ইহার পর এক আশ্চর্য ব্যাপার ঘটিল, এই বাগানের পথ বহুবার আগমন ও ভ্রমণের জন্ম ঠাকুরের বিশেষ-ভাবে চেনা-শুনা থাকিলেও সে সময়ে তিনি সেই বাগানের কটক কোনমতে খুঁজিয়া পাইলেন না। 'অন্ধ-নির্দিত, অন্ধ-জাগরিত লোক যেমন দিশেহারা হইয়া ভ্রমণ করে, ঠাকুর সেইমত বাগানের চারিদিকে পথভ্রাস্ত হইয়া ঘুরিয়া বেড়াইতে লাগিলেন। শম্ভু দাঁড়াইয়া সবই

দেখিতেছিলেন। তিনি আসিয়া ঠাকুরের হাত ধরিলেন। বাগানবাটীতে আসিয়া ঠাকুর বেদনা ত'টি রাখিয়া দিবা-মাত্র তিনি আবার সমস্ত বেশ দেখিতে পাইলেন। শম্ভু এইরূপ পথভ্রাস্তির কারণ জিজ্ঞাসা করিলে ঠাকুর বলিলেন, তিনি এতক্ষণে কারণ বুঝিয়াছেন। পঞ্জী ও দরবেশ সঞ্চয় করিবে না, শাস্ত এই বিধান দেয়। তিনি দরবেশ হইয়াও শম্ভুর বেদনা সঞ্চয় করিয়া-ছিলেন, সেই জন্মই মা তাঁহার এইরূপ ভাবান্তর ঘটাইয়া-ছিলেন। শম্ভুর বেদনা রাখিয়া ঠাকুর চলিয়া আসিলেন। শম্ভু বিস্মিত হইলেন বটে, কিন্তু নিঃসন্দেহ হইলেন না। গোপনে আর একবার পরীক্ষা করিতে ইচ্ছা করিলেন। এই তাগের অবস্থা ঠাকুরের পক্ষে সহজ না লোক দেখান— তাহা শম্ভু নিঃসন্দেহভাবে দেখিতে ইচ্ছা করিলেন।

কিছু দিন পরে ঠাকুর যখন পেটের অসুখে গুব কষ্ট পাইতেছিলেন, তখন শম্ভু আর এক দিন ঠাকুরকে বাগানে লইয়া আসিলেন এবং তাঁহাকে সামান্য একটু অহিফেন সেবন করিতে দিলেন। ফলে অসুখের যেন কতকটা উপশমও হইল। এই অবধি ঠাকুর, পেটের অসুখ বাড়িলে শম্ভুর বাগানে গিয়া কখনো কখনো একটু অহিফেন সেবন করিয়া আসিতেন। এক দিন শম্ভু বলিলেন, ঠাকুর রোজ রোজ কেন কষ্ট করিয়া আসেন, একটু অহিফেন নিজের কাছে রাখিয়া দিলে এতটা কষ্ট স্বীকার করিতে হয় না। যখনই অসুখ বাড়িবে, একটু সেবন করিতে পারিবে, কিন্তু সঞ্চয় করিতে অনিচ্ছুক থাকায় ঠাকুর তাহা গ্রহণে সম্মত হইলেন না। শম্ভু এমন তাগের কথা কখনো শুনে নাই, দেখা ত' দূরে থাকুক। ঐমদার্থ একটু অহিফেন গ্রহণ ও সঞ্চয় সাধুর পক্ষে অবৈদ কার্য্য, এমন কথা কখনও তাঁহাকে কোন সাধু ত' বলেন নাই। শম্ভু এই সন্দেহাত্মক কথাটা মাচাই করিতে চান। সেই জন্ম যখন ঠাকুর উঠিয়া আসিতেছেন, তখন শম্ভু ঠাকুরের অগোচরে একটু অহিফেন পাতায় মুড়িয়া তাঁহার পকেটে ফেলিয়া দিলেন, এবং ঠাকুরের অলক্ষ্যে দেখিতে লাগিলেন, তাঁর কিছু ভাবান্তর বটে কি না। ঠাকুর শম্ভুর ঘর হইতে বাহির হইয়া আর পথ খুঁজিয়া পান না—ফটক যে দিকে, কেবলি তদ্বিপরীত দিকে যান। বারংবার চেষ্টায় নিফল হইয়া, ঠাকুর যখন ক্লান্ত হইয়া পড়িলেন, তখন শম্ভু আস্তে

আস্তে নিকটে গিয়া তেমনি ভাবে ঠাকুরের অজ্ঞাতসারে অফিসেন্টুকু বাহির করিয়া লইলেন। তৎক্ষণাৎ তাঁহার দৃষ্টি সহজ হইল, তিনি এবারে সোজা ফটকে আসিয়া বাগান হইতে বাহির হইয়া আসিলেন। শম্ভু মল্লিক এই ব্যাপার দেখিয়া বিস্ময়ে ও পুলকে নির্ভীক! ভাবিতে লাগিলেন, এমন ত্যাগী নররূপধারী এই রামকৃষ্ণ পরমহংস তবে কে? এ নরোত্তম নিশ্চয়ই দেহধারী ভগবান— জীব-শিক্ষার জন্ম এই দীন আচরণে আপনাকে লুকাইয়া রাখিয়াছেন! সেই দিন হইতে শম্ভু ঠাকুরের পায়ে আপনাকে সমর্পণ করিলেন এবং সেই অবধি যখন যাহা তাঁহার আবশ্যক, তাহা দিতে লাগিলেন। ঠাকুর বলিয়াছিলেন, তাঁর দ্বিতীয় রসদার শম্ভুচন্দ্র মল্লিক। শম্ভু দক্ষিণেশ্বর ভীর্গে শ্রীমার থাকিবার জন্ম কিছু জমি কিনিয়া বাংলা চালা দরও করিয়া দিয়াছিলেন। শ্রীমা অতঃপর কিছুদিন হৃদয়ের দ্বিতীয় পক্ষের স্ত্রীর সঙ্গে সেই ঘরে থাকিতেন।

শম্ভুর মুখে ঠাকুরের অলৌকিক ভাগ ও অসাধারণ চরিত্রকথা শুনিয়া, এই সময় কলিকাতার কতিপয় ধনী লোক ঠাকুরকে দেখিতে আসেন। শম্ভু মল্লিকের নাকটি একটু টেপা ছিল, সেই জন্ম বাহ্যিক লক্ষণে ঠাকুর বলিতেন, তিনি খুব সরল ছিলেন না। শম্ভুচন্দ্রের একান্ত সাধ ছিল যে, তিনি তাঁহার টাকা দিয়া কতকগুলি হাসপাতাল ও ডিস্পেনসারী করিয়া দেন, লোকের কল্যাণের জন্ম কতকগুলি পুকুর খনন করাইয়া দেন। কিন্তু ঠাকুর তাঁহার এই উদ্দেশ্য খুব উচ্চ বলিয়া অনুমোদন করেন নাই। ঠাকুর বলিয়াছিলেন, ঈশ্বরলাভই জীবনের উদ্দেশ্য, হাসপাতাল— ডিসপেনসারী করা নহে। শম্ভু আবার ঠাকুরকে বহুশ্রু করিয়া কখনও কখনও বলিতেন, “ঢাল নাই তলোয়ার নাই নিধিরাম সিং”। শেষে কিন্তু শম্ভুর মন হইতে ঈশ্বরের মোহ একেবারে চলিয়া গিয়াছিল—মৃত্যুর কিছু পূর্বে হৃদয় তাঁহার সহিত দেখা করিতে গিয়াছিলেন, তখন শম্ভু বলিলেন, “হুত, পোটলা লেখে ব'সে আছি।” ঠাকুরের কাছে তিনি প্রার্থনা করিয়াছিলেন, যেন সব ছাড়িয়া ভগবানের কাছে যাইতে পারেন। শম্ভুকে রূপাসিদ্ধ ঠাকুরের আশীর্বাদে হয় ত তাঁহার শেষ প্রার্থনা মা পূর্ণ করিয়া দিয়াছেন—অন্তে তাঁহার পরমা গতি লাভ হইয়াছে। শম্ভু বহুমূত্র রোগে মারা যান। তাঁহার দেহান্তে তাঁহার সাক্ষী স্ত্রীও ঠাকুরের ও শ্রীমার সেবা

করিতে ক্রটি করিতেন না। শম্ভুর স্ত্রী মথ্যে মথ্যে নহবতে শ্রীমায়ের নিকট কিছু কিছু উপহার লইয়া আসিতেন, বসিতেন, সকল সংবাদ লইতেন এবং তাহার পর ঠাকুরকে দর্শন করিয়া আবার কলিকাতায় ফিরিতেন।

যতলাল মল্লিক আর এক জন কলিকাতার ধনী ভদ্রলোক। ইনিও ঠাকুরকে দর্শন করিয়া তাঁহার প্রতি



যতলাল মল্লিক

ভক্তিমান হইয়াছিলেন। রাসমণির বাগানের ঠিক পূর্ব গায়ে ইহার বাগান ছিল। এই বাগান এখন বালীপুলের কর্তৃপক্ষরা কিনিয়া লইয়া, পুলের আপিস করিয়াছেন। এ বাগানেও তিনি ঠাকুরকে প্রায়ই লইয়া যাইতেন, তাঁর কলিকাতার বাড়ীতেও ঠাকুর যাতায়াত করিতেন। যত মল্লিকের এক মাসী ছিলেন, তিনি বড়ই ভক্তিমতী রমণী। তিনি ঠাকুরকে অতিশয় ভক্তিপ্রদা করিতেন। যত মল্লিকের সিংহবাহিনীর সেবা ছিল। এই সিংহবাহিনীকে ঠাকুর বলিয়াছেন জাগতা দেবী, দশভূজা মূর্তি। এই সিংহবাহিনী দর্শন করিয়া ঠাকুর সমাধিস্থ হইয়া পড়িতেন। জোড়াসাঁকো পরীতে যত মল্লিকের বাড়ী যত মল্লিকের বাগানেই মহারাজা যতীন্দ্রমোহন ঠাকুরের সহিত ঠাকুরের আলাপ হয়। ঠাকুর যতীন্দ্রমোহনবে জিজ্ঞাসা করেন যে, “ঈশ্বরচিন্তা আমাদের উচিত কি না?”



সিংহবাহিনী

যতীন্দ্রমোহন বলেন যে, “সংসারীদের ঈশ্বরচিন্তা হ’লেই বা কি হবে, মূল্য ত’ হবে না। রাজা যুধিষ্ঠির সংসারী ছিলেন, তাই মিথ্যাকথা বলতে হয়েছিল, যার ফলে তাঁকেও নরক দেখতে হইয়াছিল।” এ কথা শুনিয়া ঠাকুর যতীন্দ্রমোহনকে বলিয়াছিলেন, “এ ত তোমার অতি হীনবুদ্ধির কথা। ইংগা, তুমি যুধিষ্ঠিরের সত্যনিষ্ঠা, দয়া, ক্ষমা এসব ছেড়ে দিয়েছ, কেবল নরক-দর্শনটিই মনে ক’রে রেখেছ?” এই কথার একটু পরেই মহারাজা অপ্রস্তুত হইয়া চলিয়া গিয়াছিলেন এবং ঠাকুরের সঙ্গে আর দেখা করেন নাই।

১৮৭২ খৃষ্টাব্দের শেষভাগে কবি মধুসূদন ঠাকুরকে দর্শন করিয়াছিলেন, এ কথা ইতিপূর্বে বলিয়াছি। তিনি ঠাকুরকে এই প্রথম ও শেষ দর্শন করেন। ১৮৭৩ খৃষ্টাব্দের



মহারাজা যতীন্দ্রমোহন ঠাকুর

জুন মাসের শেষে তাঁহার দেহত্যাগ ঘটয়াছিল। ঠাকুর মধুসূদনের সহিত কোন শাস্ত্রীয় কথা কহেন নাই, মধুসূদন ঠাকুরের নিকট কিছু তত্ত্বকথা শুনিবার ইচ্ছাপ্রকাশ করিয়াছিলেন। কিন্তু মা শ্রীঠাকুরের মুখ চাপিয়া পরিয়াছিলেন, কথা কহিতে দেন নাই।

[ ক্রমশঃ।

শ্রীতর্গাপদ মিত্র

## ব্যঙ্গ বিরহ

( বৈত ছড়া )

- ১। ছরস্ত বসন্ত এল কান্ত এল কই।
- ২। নিতান্ত প্রাণান্ত বৃষ্টি হ’ল এবার সই ॥
- ১। পাপিয়া পিউ ডাকে কোকিলে দিচ্ছে সাড়া।
- ২। বিরহে বিষম তাতে শুকিয়ে ফাটে সজনেখাড়া ॥
- ১। চলতে গেলে দক্ষিণ-বাতাস আঁচল ধ’রে পিছে টানে।
- ২। কে জানে কি কপাট কয় যেন কার কাণে কাণে ॥

- ১। কে যেন ডান্সা-সুরে বাজালে ডান্সা বাঁশী।
- ২। কে যেন আধেক মুখে হেসে গেল আধেক হাসি ॥
- ১। স্বপনে গোপন মনে সুখা খাই হাতা হাতা।
- ২। ভোরে সৈ খুঁজতে বেরুই কোথা পাই গাঁদালপাতা ॥
- ১। কে ডাকে হাতছানি দেয় হ’ল ভার ঘরে টেকা।
- ২। মিতালি কোরব এবার পেলে পর যমের দেখা ॥

শ্রীদেবেন্দ্রনাথ বসু।



## জলধর-স্মৃতি-সম্বন্ধনা

দ্বিতীয় প্রস্তাব



মাসিক বসুমতীর' আঘাট সংখ্যায় রায় জলধর সেন বাহা-  
রুর স্বত্বিতর্পণ-মহাভারতের আদি, সভা, বনপর্ক পর্গ্যস্ত  
অনুলীলন করিয়া, আশা করিয়াছিলাম যে, এ বার বিরাট ও  
উন্মোগপর্ক সারিয়া যুদ্ধপর্কে অবতীর্ণ হইতে পারিব। কিন্তু  
'মাসিক বসুমতীর' কোন কোন সূনী পাঠক পত্র লিখিয়া  
অনুযোগ করিয়াছেন যে, মাষ্টার মহাশয়ের স্বত্বিতর্পণ  
করিতে গিয়া, স্বামী বিবেকানন্দের পরিব্রাজক জীবনের  
আনুপূর্বিক বিবরণ সঙ্কলন করিয়া দিলাম, কিন্তু মনীষী  
ভূদেব বাবুর পুণ্যজীবনী আলোচনার অবকাশ পাইলাম না।  
ঠাঁহাদের অনুযোগে এ শ্রম-লাঘব প্রয়াসে কর্তব্যে অবহেলার  
জন্ম লঙ্ঘিত হইলাম। কিন্তু সত্য কথা বলিতে কি, রায়  
বাহাধর এ সুপ্রবীণ বয়সেও যে চিরাচরিত মিথ্যার  
বেসতি সমভাবে চালাইতেছেন, তাহা মনে করিতে পারি  
নাই। জলধর বাবুর মত অসত্যসঙ্ক কীর্ত্তিধ্বজ পুরুষের  
জীবন-স্মৃতির মহিমা-সিদ্ধিতে পাছে বিন্দুমাত্র সত্যের  
আলোক পরিস্ফুট হইয়া উঠে—সত্যের আভাসমাত্র দেখিয়াই  
শিকিত সমাজ বিভ্রান্ত হন—সেই জন্ম আবার আদিপর্কে  
অনুবর্তন করিতে হইল। বিশেষতঃ মাষ্টার মহাশয় নিজেই  
স্বীকার করিয়া ফেলিয়াছেন—“হু-একজন কনিষ্ঠের  
অনুরোধে আমি মুখে মুখে আমার বাল্যজীবন ও ছাত্র-  
জীবনের কথা বলেছি। আমার সোদরোপম শ্রীমান্  
নরেন্দ্রনাথ বসু সে কথাগুলি লিখে রেখেছেন। কিন্তু  
ঐ পর্য্যন্তই। আমার ছাত্রজীবনের কথাও বলা শেষ  
হয়নি। আর, হবে বলে আশাও নেই।” (‘ভারতবর্ষ’,  
১৩৪২, কার্ত্তিক, ৭১১ পৃষ্ঠা) রায় বাহাধরের প্রখ্যাতনামা  
উকিল, পরম বন্ধু শ্রীযুত নরেন্দ্র দেব অনুগ্রহ করিয়া  
লিখিয়াছিলেন,—আমি—“সাহিত্য-ক্ষেত্রে অর্দ্ধশতাব্দী ধরিয়া  
লেখনী সঞ্চালন করিয়াও স্থায়ী কিছুই সংস্থান করিতে  
পারি নাই” (‘মাসিক বসুমতী’, ১৩৪০, মাঘ, ৬৫২ পৃষ্ঠা)।  
জীবন-সায়াকে “গুরুদক্ষিণা দিবার ছলে”—মাষ্টার মহাশয়ের  
কীর্ত্তি-প্রহেলিকার রহস্য-ধ্বনিকা যদি অপসারিত করিতে

পারি—তাহা আমাকে “চিরদিন...বঙ্গসাহিত্যে অমর  
করিয়া রাখিবে।”

শ্রীমান্ নরেন্দ্রনাথ বসুর সাহিত্য-প্রতিভার পরিচয়  
এখনও পাই নাই—তিনি কোন্ শ্রীমান্ নরেন্দ্রনাথ, তাহা  
জানিবার সৌভাগ্য আজও হয় নাই। তবে তিনি যে  
কীর্ত্তিমান সাহিত্যিক, সে বিষয়ে সন্দেহ নাই—নচেৎ বিশ্ব-  
বিজয়ী সাহিত্য-দিগ্গজ জলধর বাবুর ‘বাল্যজীবন ও  
ছাত্রজীবন’ লিখিবার ভার পাইতেন না। ঠাঁহার প্রতিভা-  
রঞ্জিত জলধর বাবুর ‘বাল্যজীবন ও ছাত্রজীবন’ প্রকাশিত  
হইবার পূর্বে যদি সাহিত্যক্ষেত্রে অর্দ্ধশতাব্দী সঞ্চালনে  
ক্ষমিত—ব্যর্থ—অক্ষম “লেখনী সঞ্চালন করিয়া স্থায়ী কিছু  
সংস্থান করিতে পারি”—জীবন-সায়াকে এই ছরাশার ভেলা  
ভরসা করিয়া, জলধর বাবুর বাল্যজীবন ও ছাত্রজীবনের  
উন্নিমুখর ছস্তর সাগর উত্তীর্ণ হইবার প্রয়াস পাইতেছি।  
খোসামোদে সিদ্ধবাক্ নহি,—স্ববিরতার দোহাই দিয়া,  
সরলতার ভাণে, দীনতাভিনয়ে প্যাচকসার কেরামতিও  
অভ্যাস করি নাই,—পরের লেখা নিজের নামে পাচার  
করিয়া প্রতিপত্তি অর্জন করিতে পারি নাই—সত্যায়  
কিন্তুমাতের এ-সকল সুকৌশল সুপ্রয়োগ করিতে জানি  
না বলিয়া গত অর্দ্ধশতাব্দীর পণ্ড সাধনার মতই যে  
এ ছরাকাজ্জাও নিশ্চয়ই ব্যর্থ হইবে, তাহাও বেশ  
বুঝিতেছি। তবু মন্দঃ কবিষশঃপ্রার্থী লুক আশার অনুসরণ  
করিতেছি।

### আদিপর্ক-ছাত্রজীবনে— ভূদেব-আশিস্-পর্কোধ্যায়

“আমি তখন আমাদের গ্রামের (নদীয়া জেলার কুমারখালী)  
বাবলা স্কুলে পড়ি। সাল, তারিখ আমি ঠিক বলতে পারবো না;  
মনে হচ্ছে, সে হয় ত’ ইংরাজী ১৮৭০ কি ১৮৭১ অব্দ। তখন  
আমার বয়স এই এগার বাবো বৎসর।...

“আমি যখন বঙ্গবিভাগের প্রথম শ্রেণীতে পড়ি, সেই সময়  
এক দিন শুনেতে পেলাম যে, বিভাগরসমূহের ইন্স্পেক্টর



ভূদেব বাবু দু-একদিনের মধ্যে আমাদের স্কুল পরিদর্শনে আসছেন।... ভূদেব বাবু কুষ্টিয়া থেকে নৌকাযোগে আসছেন, যদিও তখন আমাদের গ্রামের উপর দিয়ে রেলপথ গোয়ালন্দ পর্যন্ত গিয়েছিল।... আমি এই সমারোহ ব্যাপারের জন্ত কত দেবদাকপাতা যে টেনে আনলাম, কত বাঁশ যে কাঁধে করে বইলাম, বড় ছেলেদের হুকুম তামিল করবার জন্ত কত যে দৌড়াদৌড়ি করলাম, তা আর বলতে পারিনি। আমাদের উৎসাহ দেখে কে? এই বৃদ্ধবয়সেও সেই স্মৃষ্টির অতীতের দৃশ্য আমি চোখের সম্মুখে দেখতে পাচ্ছি।...

“বাঘোটা বেজে গেল, একটাও বেজে গেল—ভূদেব বাবু ইংরাজী স্কুলই পরিদর্শন করছেন, আর আমরা বাঙ্গালা স্কুলের ছাত্রেরা দুয়ারের দিকে চেয়ে বসে আছি।... কাল হরিনাথের আদেশ পেয়ে আমি দাঁড়িয়ে হাত ধোড় করে আবৃত্তি করলাম। আমাদের সময়ে ছাত্রবৃত্তি পরীক্ষার পাঠ্য ছিল পরলোকগত রাজকুমার মুখোপাধ্যায় মহাশয় প্রণীত ‘মিত্রবিলাপ কাব্য’।... কিসে কি হোলো বুঝতে পারলাম না। আমার ঐ আবৃত্তি শুনে মহাশয় ভূদেবের চক্ষু অশ্রুপূর্ণ হ’লো। ভূদেব বাবু আমাকে আশীর্বাদ করে যে বইখানি নিয়ে গিয়েছিলেন, সেখানি ইংরাজি বই। তার নাম ‘Spectator’! ... ‘বই আর নেই—পোকার কেটে তাকে একেবারে শেষ করেছে। বইখানি থাকলে আজ আমি পরম গর্বভরে আমার জীবনের সর্বশ্রেষ্ঠ পুরস্কার সকলকে দেখাতাম।...”

(‘ভারতবর্ষ’ ১৩৪২ পৌষ, ৪৩—৪৫ পৃষ্ঠা)

জলধর বাবু ১৮৩০ অব্দে ১লা চৈত্র জন্মগ্রহণ করেন (‘ভারতবর্ষ’ ১৩৪২, চৈত্র, ৫:৯ পৃষ্ঠা)। তাহা হইলে তাঁহার এগার কি বারো বৎসর বয়সে—১৮৭১-৭২ খৃষ্টাব্দে তিনি নদীয়া—কুমারখালির বঙ্গবিদ্যালয়ে ছাত্রবৃত্তি প্রথম শ্রেণীর ছাত্ররূপে ‘মিত্রবিলাপ কাব্য’ হইতে আবৃত্তি করিয়া, বিদ্যালয়-সমূহের ইনস্পেক্টর মহাশয় ভূদেব বাবুর চক্ষে অশ্রু উছসিত করিয়া ‘Spectator’ ইংরেজি পুস্তক আশীর্বাদ পাইয়াছিলেন।

ঋষিকল্প ভূদেব বাবুর সুযোগ্য পুত্র—সদাচারপরায়ণ—সত্যনিষ্ঠ মুকুন্দদেব মুখোপাধ্যায় মহাশয় বিচারকার্যের অবসরগ্রহণ-সময় হইতে—জীবনের শেষদিন পর্যন্ত প্রাণপাত সাধনায় তিন খণ্ডে সম্পূর্ণ ‘ভূদেব-চরিত’ প্রণয়ন করিয়াছেন, তাহা যে প্রামাণ্য গ্রন্থ, অস্বীকার করিবার উপায় নাই। ভূদেব বাবুর স্মরিত পত্রাংশ—স্বহস্তলিখিত ডায়েরী—সরকারী রিপোর্টের স্তূপ আলোড়ন করিয়া, তিনি যে ‘ভূদেব-চরিত’ সঙ্কলন করিয়াছেন—তাহার প্রথম ভাগের ৩৫৪ পৃষ্ঠায় প্রকাশ—“ভূদেব বাবু উত্তরমধ্য বিভাগের \* সাধারণ ইনস্পেক্টর নিযুক্ত হইলেন—(১৩৫১/১৮৬৯)।... চুঁচুড়াতেই তাঁহার সদর আফিস থাকিতে পাইল।”

পাদটীকায় উত্তরমধ্য বিভাগের সীমা-নির্দেশ এইরূপ:—

\* এই ‘নর্থসেন্ট্রাল ডিভিসানে’ মালদহ, রাজসাহী, পাবনা (সিরাজগঞ্জ মহকুমা বাদ), যশোর, মুরশিদাবাদ, বীরভূম (সাঁওতাল পরগণা বাদ) জেলাগুলি ছিল।”

১৮৬৯ খৃষ্টাব্দের ১৩ই এপ্রেলের ‘এডুকেশন গেজেটের’ ৯ পৃষ্ঠায়ও এই সংবাদ প্রকাশিত হইয়াছে।

তাহা হইলে নিয়ম-তন্ত্র-নিষ্ঠ ভূদেব বাবু নিশ্চয়ই যে তাঁহার পরিদর্শন-কেন্দ্রসীমা অতিক্রম করিয়া, নৌকাযোগে নদীয়া জেলার কুমারখালির বঙ্গবিদ্যালয়ে বা ফরিদপুর জেলার গোয়ালন্দের মাইনর স্কুলে—জলধর বাবুর ছাত্র-গৌরবের মশাসৌরভে আকৃষ্ট হইয়া মহা উপস্থিত হইয়া ছিলেন, এবং জলধর বাবুর আবৃত্তি শুনিয়া অপ্রভাভাক্রান্ত চক্ষে—“মলিন-বস্ত্র-পরিহিত, নগ্নগাত্র, নগ্নপদ কায়াত বিশোরকে বুকে জড়িয়ে ধরলেন”—“প্রকৃতিস্ত হয়ে... আশীর্বাদ করে... ইংরাজি বই নিয়ে গিয়েছিলেন”—ইহা সম্ভবপর বলিয়া বিশ্বাস করিবেন কি?

তথাপি এই ১৮৭১—৭২ খৃষ্টাব্দমধ্যে ভূদেব বাবুর নদীয়া কুমারখালি বা ফরিদপুর গোয়ালন্দে মহা উপস্থিত সম্ভবপর ছিল কি না, ‘ভূদেব-চরিত’ হইতে তাহা নিষ্কারণের প্রয়াস পাঠিতেছি।

১৮৬৯ খৃষ্টাব্দে শেষভাগে কাশী হইতে ফিরিয়া “মুরশিদাবাদ, রাজসাহী, পাবনা প্রভৃতির স্কুল পরিদর্শন কালে ভূদেব বাবু কিছুদিন বজরা ব্যবহার করেন।” ১৮৭০—২০শে ফেব্রুয়ারী জলপাইগুড়িতে “৪৫ বৎসর বয়সে প্রথম ঘোড়া চড়িতে আরম্ভ করেন।” (১ম ভাগ, ৩৯৩ পৃষ্ঠা) “একদিন... আরবী ঘোড়া হইতে... তাঁহার (চুঁচুড়ার) বাড়ীর সম্মুখেই পড়িয়া গিয়া... তৎক্ষণাৎ পাঁচ মাসকাল... শয্যাগত থাকিতে হয়।... কর্তৃপক্ষীয়গণ তাঁহার উপর এতাদৃশ অতুল ছিলেন যে, একপ অবস্থাতেও তাঁহাকে ছুটি লইতে হয় নাই। ‘সুবিধামত অফিসের কাজকর্ম চালাইলেই হইবে এবং পরিদর্শনকার্য যখন করিতে সমর্থ হইবেন, তখন করিবেন;’ স্বয়ং ছোটলাট গ্রে সাহেব এই কথা ডিরেক্টর সাহেবকে বলিয়াছিলেন।

“এই অস্থির সময় তাঁহার দ্বিতীয় পুত্র... কয়েক মাস দিনব্যক্তি সেবা করিতে করিতে (১৮৭১) বি-এ পরীক্ষার সময় উপস্থিত হইলে ভূদেব বাবু... আশীর্বাদ” করিয়াছিলেন। (১ম ভাগ, ৩৯৪ পৃষ্ঠা) ১৮৭০—১০ই জুন কবিবর হেমচন্দ্রের ‘ভারত বিলাপ’ ও ২২শে জুলাই ‘ভারত সঙ্গীত’ এডুকেশন গেজেটে প্রকাশিত হয়। (১৮৭১) “বহরমপুরে থাকার সময় এতাহ সন্ধ্যার পর পণ্ডিত রামপ্রতি দ্বারবর মহাশয়, স্বশ্রমিত বঙ্গিমচন্দ্র চট্টোপাধ্যায়

মহাশয় এবং অজ্ঞান কয়েক জন ভুললোক ভূদেব বাবুর বাসায় একত্র হইয়া নানা বিষয়ে, বিশেষতঃ সংস্কৃত-সাহিত্যবিষয়ে আলোচনা করিতেন।” (১ম ভাগ, ৩৯৮ পৃষ্ঠা)

১৮৭২ অর্ধে প্রকাশিত ‘হেকটর বধে’...উৎসর্গপত্র দেখিয়া ভূদেব বাবু মাইকেলকে ঐ বৎসর ২৮শে মার্চ...পত্র চূঁচুড়া হইতে লিখিয়াছিলেন।” (১ম ভাগ, ৪০৩ পৃষ্ঠা) “১৮৭২ অর্ধের প্রথম হইতেই ভূদেব বাবু...ফরাসিভাষায় একটি বাড়ী ভাড়া করিয়া...সপরিবারে বাস করেন। ১৮৭১ ১৮৭২ ছুটি প্রহরে দৌহিত্রটির এবং প্রথম রাত্রিতে ভূদেব বাবুর সহধর্মিণীর দেহান্ত হইয়াছিল।” (২য় ভাগ, ১-২ পৃষ্ঠা) “শোকাচ্ছন্ন চূঁচুড়ার বাড়ী...হইতে সকল পরিজনকে সরাইয়া দিয়া ভূদেব বাবু নিজে মুর্শিদাবাদ জেলার স্কুল পরিদর্শন-কার্যে ব্যাপ্ত হইতে গেলেন।” (২য় ভাগ, ৩ পৃষ্ঠা)

“তিনি মফঃস্বল স্কুল পরিদর্শন করিতে গিয়া জিয়াগঞ্জ হইতে (৩০।৮।১৮৭২) তাঁহার ভ্রাতৃ কঙ্কাকে জঙ্গিপুর্বে পত্র লিখিয়াছিলেন।” (২য় ভাগ, ১৬ পৃষ্ঠা) ১৮৭২ “কার্তিক মাসে তথায় উঁচাদের গুছাইয়া রাখিয়া দিয়া ভূদেব বাবু দ্বিতীয় পুত্রসহ লক্ষ্মী গিয়াছিলেন।” (২য় ভাগ, ১৭ পৃষ্ঠা)

“সদাশয় শ্রে সাহেবের পরেই কতকটা কঠোরতার সহিত শাসিত উত্তরপশ্চিম প্রদেশের সিলিগুড়ির সার জঙ্ক ক্যাথেলের ছাটলাট হইয়া আসা বাঙ্গালীর মনঃপুত হয় নাই।” (২য় ভাগ, ২১ পৃষ্ঠা) “দেশীয় কণ্ঠচারী যতই ভাল হউক না, ইনস্পেক্টরের কাগা—যাতাতে অধিক ঘুরিতে ফিরিতে হয়—ইংরাজ ভিন্ন অপর কেহ ভাল পারে না,—ক্যাথেল সাহেবের এই বিশ্বাস স্থির থাকায়, ...রামপুর বোয়ালিয়া ও মালদহে পরিদর্শন কালে তাঁহাকে (ভূদেব বাবুকে) তথায় উপস্থিত থাকিতে না দেখিয়া...ক্যাথেল সাহেব...আগষ্ট ও অক্টোবর মাসের (১৮৭২) পত্রে ভূদেব বাবুর কৈফিয়ৎ তলব করেন।” (২য় ভাগ, ২৪ পৃষ্ঠা) ভূদেব বাবু নির্ভীক ভাষায় যথাযথ উত্তর প্রদান করিয়া লিখিয়াছিলেন, “সে বৎসর ঘোড়া হইতে পড়িয়া গিয়া পাঁচ মাস চলিতে পারেন নাই, সেবারও ৯৫ দিন মফঃস্বলে ছিলেন।” (২য় ভাগ, ২৫ পৃষ্ঠা)

যিনি ঘোড়া হইতে পড়িয়া গিয়া ৫ মাস শয্যাগত, তাঁহার পক্ষে এই ৯৫ দিনের ভিতর স্বকীয় পরিদর্শন-কেন্দ্রসীমা অতিক্রম করিয়া, নদীয়া জেলার কুমারখালি বা ফরিদপুর জেলার গোয়ালন্দে সহসা উপস্থিত হওয়া সম্ভবপর বলিয়া বোধ হয় কি ?

“তিনি ৩০শে জুলাই ১৮৭২ বহরমপুরে পৌঁছিয়া শুনিলেন যে, ছাটলাট সাহেব পরবর্তী মাসেব ১৯শে বহরমপুরে এবং ২৯শে বামপুর বোয়ালিয়া পৌঁছিবেন।...তিনি স্থির করিয়াছিলেন যে, মুর্শিদাবাদ ও মালদহের স্কুলগুলি এক মাসে পরিদর্শন করিয়া ফেলিয়া বোয়ালিয়াতে একবার হাজির হইবেন। (২য় ভাগ, ২৭ পৃষ্ঠা)

“এ দিকে ক্যাথেল সাহেব হুকুম দিলেন যে, ভূদেব বাবুর সদর আফিস বহরমপুরে উঠিয়া যাইবে এবং তাঁহার এলাকা ঠিক বাঙ্গালী ডিভিসনের সহিত এক হইবে। ইহাতে বীরভূম এবং যশোহর

তাঁহার এলাকার বাহির হইয়া যায় এবং বংপুর, বগুড়া ও দিনাজপুর উহার ভিতরে আইসে। যে সময়ে আফিসের কাগজপত্র চূঁচুড়া হইতে বহরমপুরে যাইতেছে—তাহা সাক্ষান হইয়া উঠে নাই, সেই সময়েই এইরূপ অকারণ পুনঃ পুনঃ কৈফিয়তের তলবে অসুবিধা এবং বিরক্তিবোধ ঘনীভূত হইতে থাকে। শরীর সাত আট মাস পূর্ক হইতেই বিশেষ খারাপ বোধ হইতেছিল; তাহার পর এত দৈব-চূর্ঘটনা। শেষ কৈফিয়ৎ (১০।১১।১৮৭২) পাঠাইয়া দিবার পূর্কই রাতে ১৩।১২...ভূদেব বাবু তাঁহার মৃত প্রিয়তম পৌত্রটিকে সাক্ষাৎ দেখিতে পাঠিয়া মুচ্ছিত হইয়া পড়েন। ডাক্তারের বিশেষ সার্টিফিকেট সহ দরপাস্ত পাঠান হইলে সেক্রেটারী বার্নার্ড সাহেব ডিরেকটর সাহেবকে (১১।১১।৭২) লেগেন যে, ছাটলাট বলিতেছেন, পরিদর্শন সম্বন্ধে পূর্ক কৈফিয়ৎ না পাইলে তিনি ছুটা দিতে চাহেন না। ওরূপ অস্বস্থ অবস্থায় ছুটা না দিলে এরূপ কাজ ছাড়িতেই বলা যায়। বার্নার্ড সাহেব মুখেও বলিয়াছিলেন যে, এখন ভূদেব বাবুর পক্ষে কষ্টত্যাগ করাই ভাল। যাগা হউক, শেষ কৈফিয়ৎ যথাকালে পৌঁছিলে ছুটা মঞ্জুর হইল।... ছুটা (২৭।১০।১৮৭২ হইতে ২৩।১১।১৮৭৩) পাঠিয়া ভূদেব বাবু আসাম প্রদেশে ভ্রমণ করিতে গিয়াছিলেন।...আসাম হইতে ফিরিয়া আসিয়া ভূদেব বাবু আবিগিনিয়া জাহাজে (১।১।১৮৭৩) ব্রহ্মদেশে যাত্রা করিয়াছিলেন। (২য় ভাগ, ২৯-৩০ পৃষ্ঠা)

জলধর বাবু সাদক-প্রবর “কান্দাল হরিনাথের আদেশ পেয়ে...দাঁড়িয়ে হাত মোড় করে আবৃত্তি” করিবার সময় নিশ্চয়ই চক্ষু ছুটিও মুদিত করিয়াছিলেন—সেই জন্ম দিন-মানেই স্বপ্ন দেখিবার স্মরণোত্তর লাভ করিয়াছিলেন। মহাত্মা ভূদেবও, বোধ হয়, সেই সময় অচেতন ছিলেন, সুতরাং জলধর বাবুকে দর্শন দান করিতে তাঁহারও অসুবিধা হয় নাই। জলধর বাবু স্বপ্নাবেশে যে কবিতাটি আবৃত্তি করিয়াছেন তাহাও সময়োপযোগী—তাহাতে সে স্বপ্নের কথা বেশ পরিস্ফুট হইয়াই উঠিয়াছে—

“কেন স্মৃতি দেখাইছ সে স্বপ্ন আর।”

সেইজন্ম জলধর বাবু অতি সত্য কথাই লিখিতে পারিয়াছেন—

“মনে যে ছবি এঁকে ফেলেছিলাম, তার থেকেও জ্যোতির্ষ্ময় মূর্তি! এমন সৌম্যমূর্তি দর্শন আমাদের পল্লীগ্রামে অতি কমই ঘটে। দীর্ঘকায়, গৌরবর্ণ, বীণথুষ্টের ছবির মত চেহারা কান্দাল হরিনাথের পার্শ্বে অপূর্ক-দর্শন মূর্তি! এখনও সে দৃশ্য মনে আছে।” (‘ভারতবর্ষ’ ১৩৪২ পৌষ, ৪৪ পৃষ্ঠা)

মনে থাকিবারই ত’ কথা—স্বপ্নের কথা বহু দিন পরেও বেশ মনে থাকে—বরং প্রয়োজনকালে আরও সুস্পষ্ট হইয়া উঠে। জাগ্রত স্বপ্ন না হইলে—ভূদেব বাবু যেখানে যান নাই—যাইবার সম্ভাবনাও ছিল না—যাহা তাঁহার

পরিদর্শনসীমার বহির্ভূত—কুমারখালির সেই বঙ্গ-বিদ্যালয়ে জলধর বাবুর কল্পনাবলে সহসা হাজির হইয়া, তিনি অশ্রু-উপহার দিয়া আসিবেন কেন ?

১৮৭১—৭২ খৃষ্টাব্দে ভূদেব বাবু যে নর্থ সেন্ট্রাল ডিভিসনের ইন্স্পেক্টর ছিলেন, ঐ সময়ের 'এডুকেশন গেজেটের ফাইলে' তাহার রাশি রাশি প্রমাণ স্মৃষ্টিত আছে। স্থানাভাবে তাহার চারটি মাত্র অব্যর্থ নিদর্শন উদ্ধৃত করিয়া সপ্রমাণ করিতেছি।

### বিজ্ঞাপন

উক্ত মধ্যবিভাগ অর্থাৎ মালদহ, রাজশাহী, যশোহর, পাবনা, মুরশিদাবাদ ও বীরভূম এই কয়েকটি জেলার স্কুলের সম্পাদকগণ অনেকেই তাঁহাদের স্কুলের শিক্ষক মনোনীত করিয়া দিবার ভার আমাকে অর্পণ করেন।...

শ্রীভূদেব মুখোপাধ্যায়

"উ, ম, স্কুল ইন্স্পেক্টর"

('এডুকেশন গেজেটের' ১৮৭১ খৃষ্টাব্দের ২১শে এপ্রেল হইতে ২৯শে সেপ্টেম্বর পর্যন্ত উপরোক্ত বিজ্ঞাপনটি প্রতি সপ্তাহে প্রকাশিত হইয়াছে)

সরকারী ঘোষণায় কোন্ ইন্স্পেক্টর তখন কোন্ বিভাগের ভারপ্রাপ্ত ছিলেন দেখুন :—

### শিক্ষা-বিভাগের সূতন ব্যবস্থা

এখন ছয় জন স্কুল-ইন্স্পেক্টর আছেন, ভবিষ্যতেও থাকিবেন, তবে অধিকারের কিঞ্চিৎ কিঞ্চিৎ পরিবর্তন হইবে। যথা—

"উড্ডো সাহেব—রাজধানী বিভাগ ( মধ্যবিভাগ ) রাজধানী ও ছোটনাগপুরের কমিশনারের এলাকা অর্থাৎ ২৪ পরগণা, নদীয়া, যশোহর, হাজারিবাগ, লোহারডগা, সিংহভূম ও মানডুম জেলা।" আপীস—কলিকাতায়।"

"বাবু ভূদেব মুখোপাধ্যায়—রাজশাহী বিভাগ—রাজশাহী কমিশনারের এলাকা, অর্থাৎ মুরশিদাবাদ, দিনাজপুর, মালদহ, রাজশাহী, বঙ্গপুর, বগুড়া ও পাবনা জেলা। আপীস—বহরমপুরে।"

('এডুকেশন গেজেট' ৪ঠা অক্টোবর ১৮৭২ খৃষ্টাব্দ ৪০৪ ৪০৫ পৃষ্ঠা)

কুমারখালি যে নদীয়া জেলায়, তাহা জলধর বাবুও স্বীকার করিয়াছেন। এইচ, উড্ডো সাহেব যে ১৮৭১ খৃষ্টাব্দে মধ্যবিভাগের ইন্স্পেক্টর ছিলেন, তাহা 'এডুকেশন গেজেটের' ১লা সেপ্টেম্বর ১৮৭১ খৃষ্টাব্দের ২৫২ পৃষ্ঠায় প্রকাশিত তাহার ১৫ই আগষ্ট ১৮৭১ তারিখে স্বাক্ষরযুক্ত বিজ্ঞাপনটি দেখিলেই বেশ বুঝা যায়। মধ্যবিভাগের সীমা-নির্দেশ এইরূপ :—

"মধ্যবিভাগ—কলিকাতা—২৪ পরগণা, নদীয়া, যশোহর জেলা। স্কুলের সংখ্যা অল্পমান ১১৪০।"

('এডুকেশন গেজেট' ৮ই মার্চ, ১৮৭২—৬২৩ পৃষ্ঠা)

তাহার পর ভূদেব-প্রণাম পর্কীধ্যায়ের রায় বাহাদুর লিখিতেছেন—

"আমি যখন জেনারেল এসেম্বলি কলেজের দ্বিতীয় বার্ষিক শ্রেণীতে পড়ি। সেই সময় হুগলীর একটি ছেলে আমাদের সহপাঠী ছিলেন। তাঁর নাম ভুলে গিয়েছি;...তিনি প্রতিদিন বাড়ী থেকে এসে কলেজ করতেন। এক দিন...বললেন, হুগলীতে তাঁদের বাড়ীর অনতিদূরেই ভূদেব বাবুর বাড়ী; তাঁর সঙ্গে ভূদেব বাবুর বাড়ীর সকলেরই বিশেষ ঘনিষ্ঠতা আছে।...পরবর্তী শনিবারে কলেজের ছুটির পর তাঁর সঙ্গে হুগলী গেলাম। নৈহাটীতে গাড়ী থেকে নেমে যাতে গিয়ে গঙ্গা পার হয়ে হুগলী উপস্থিত হলাম। বন্ধু বললেন, 'চল, আগে ভূদেব বাবুর বাড়ীতেই যাই; তার পর আমাদের বাড়ীতে কিছু খেয়ে তোমাকে নৈহাটীতে রেখে আসব।' আমি হুগলী যাবার সময় আমার সেই 'অমূল্য রত্ন', ভূদেব বাবুর দেওয়া 'Spectator' খানি একটা কাগজে মুড়ে সঙ্গে নিয়েছিলাম, সেখানিই যে আমার পরিচয়-পত্র।...

"আমি তখন মোড়ক খুলে সেই বইখানির প্রথম পৃষ্ঠা মুক্ত করে তাঁর হাতে দিলাম। তিনি সেই লেখাটার দিকে চেয়েই তাড়াতাড়ি চেয়ার থেকে উঠে এসে আমার হাত চেপে ধরে বললেন, 'তুমি সেই জলধর এত বড় হয়েছ। আমি তোমায় চিন্তে পারিনি, মনে কিছু কোরো না বাবা! কলেজে পড়ছ, বেশ বেশ।'

"আমার বন্ধু বললেন, 'জলধর স্কলারশিপ পেয়েছে।'...তখন তিনি চাকরদের ডেকে জলখাবার আনতে বললেন।...তার পর প্রচুর জলযোগ করে, সেই মহাশয়্যার পদধূলি ও আশীর্বাদ মাথায় নিয়ে সেই দেবনিকেতন থেকে বেরিয়ে এলাম। বেলা শেষ হয়েছিল, বন্ধুগৃহে আর যাওয়া হোলো না। তিনি গঙ্গা পার হয়ে নৈহাটীতে আমাকে রেলে তুলে দিয়ে গেলেন।

"তার পর আর ভূদেব বাবুর সঙ্গে আমার দেখা হয়নি, দেখা করতে যাইনি—পরীক্ষায় ফেল করে কোন্ মুখ নিয়ে তাঁর সম্মুখে গিয়ে দাঁড়াব।" ('ভারতবর্ষ' ১৩৪২, শোষ, ৪৫-৪৬ পৃষ্ঠা)

ভূদেব বাবুর বাড়ী চুঁচুড়ায় গঙ্গার উপর বলিয়াই জানি—তাহা হুগলীজেলার বা হুগলীর সন্নিকটবর্তী হইলেও—ভাটপাড়ার পরপারে চুঁচুড়ায়। জলধর বাবু নৈহাটী হইতে হুগলীতে গিয়াই তাঁহার সহিত সাক্ষাৎ করিলেন—চুঁচুড়ার 'দেবনিকেতনের' সন্ধান তিনি তখনও যেমন পান নাই, এখনও কি তেমনই জানেন না?

জলধর বাবু ১৮৭৮ খৃষ্টাব্দে এন্ট্রান্স পাশ করিয়াছিলেন তিনি লিখিয়াছেন—

“এ সালটা মনে আছে, কারণ এইবার আমি প্রবেশিকা পরীক্ষা দিই। (‘ভারতবর্ষ’, ১৩৪২ কাঙ্ক্ষিক, ৭১১ পৃষ্ঠা)

জলধর বাবু ১৮৭৯ খৃষ্টাব্দে এল-এ প্রথম বার্ষিক শ্রেণীর—  
১৮৮০ খৃষ্টাব্দে এল-এ দ্বিতীয় বার্ষিক শ্রেণীর ছাত্র ছিলেন।  
তিনি নিজেও তাহাই লিখিতেছেন—

“১৮৮০ খৃষ্টাব্দে এল-এ ফেস করে তার পর বৎসরই আমাকে চাকুরীতে প্রবেষ্ট হ’তে হয়েছিল।” (‘ভারতবর্ষ’, ১৩৪২ মাঘ, ১৭৭ পৃষ্ঠা)

তাহা হইলে ১৮৮০ খৃষ্টাব্দেই যে জলধর বাবু পূজনীয় ভূদেব বাবুর সহিত সাক্ষাৎ করিয়াছিলেন, তাহাতে সন্দেহ নাই। কিন্তু ‘ভূদেব-চরিত’ অনুসরণে দেখা যায়—

“ছুটী শেষ হইলে ভূদেব বাবু (১৭৫১৮৭৩) নর্থ সেন্ট্রাল ডিভিশনের কার্যভার গ্রহণ করেন। (২য় ভাগ, ৩৮ পৃষ্ঠা)

“১৮৭৫ অব্দের ২৮শে এপ্রেল ভূদেব বাবু রাজসাহী সার্কেলের ইনস্পেক্টর নিযুক্ত হন...১৮৭৬ অব্দের ২রা মে তিনি পশ্চিম সার্কেল হুগলীতে বদলী হন।” (২য় ভাগ, ৫৪ পৃষ্ঠা)

“১৮৭৬ খৃঃ অব্দের ১৫ই নভেম্বর ভূদেব বাবু বিহার সার্কেলের ভার প্রাপ্ত হন এবং বাঁকীপুরে নক্টি বিবির কুঠি নামক বাড়ী ভাড়া লইয়া তথায় বাস করেন।...পাটনা, ত্রিহত, ভাগলপুর, বর্ধমান ও উড়িষ্যা স্কুলসমূহ তাঁহার পরিদর্শনাদীন হয়।” (২য় ভাগ, ১২২ পৃষ্ঠা)

জলধর বাবু গুনিয়া পরম প্রীতিলাভ করিবেন যে, ১৮৭৬ অব্দের ২৪ শে ডিসেম্বর হইতে ১৮৮৪ খৃষ্টাব্দের ১০ই অক্টোবর পর্যন্ত ভূদেব বাবুর স্বহস্তলিখিত ডায়েরীর অনুবাদ—ভূদেব-চরিত ২য় ভাগের ১:৬ হইতে ৩৮৬ পৃষ্ঠায় প্রকাশিত হইয়াছে। ভূদেব বাবুর সহিত যাহারা সাক্ষাৎ করিয়াছেন—তিনি যে সকল বিষয়ের আলাপ-আলোচনা করিয়াছেন—চিন্তা করিয়াছেন—যে সকল স্থান পরিভ্রমণ করিয়াছেন—বিশেষ বিশেষ পত্র লিখিয়াছেন, তাহা এই ডায়েরীতে তিনি ধারাবাহিকভাবে লিপিবদ্ধ করিয়াছেন। ভূদেব বাবু এই সময়ের ২৫০ পৃষ্ঠা ডায়েরীতে জলধর বাবুর নাম—প্রণাম ও জলযোগ-পর্কসংক্রান্ত কোনও কথার উল্লেখ করেন নাই।

ইহাতে জলধর বাবু নিশ্চয়ই বলিবেন—তিনি তখনও ত’রায় বাহাদুর হন নাই—তাঁহার খ্যাতিও বিশেষ প্রসারিত হয় নাই—তাঁহার মত অখ্যাতনামা ব্যক্তি চুঁচুড়া বা হুগলীতে আশীর্বাদে নিদর্শন দেখাইয়া প্রণাম করিতে গিয়াছেন, তাহা ভূদেব বাবু ডায়েরীতে লিখিয়া রাখিবেন

কেন? কিন্তু কার্য-কারণের সংযোগ করিলে উত্তরে অবশ্যই বলা যায়—ডায়েরী লেখার অভ্যাস থাকিলে ইহা উল্লেখযোগ্য ঘটনা বৈ কি? যে ছেলেটির ১১:১২ বৎসর বয়সের আকৃতি গুনিয়া ভাবাভিভূত ভূদেব বাবু কুমার-খালিতে ইংরেজি স্কুলের উচ্চশ্রেণীর ছাত্রগণেরও হুঁপাচ্য, সুকঠিন ‘স্পেক্টেটর’ নামক পুস্তকখানি নিতান্ত নিরুপায় হইয়াই তাহাকে প্রাইজ দিয়াছিলেন—সে বড় হইয়া স্কলারশিপ পাইয়াছে, কলেজে পড়িতেছে—তাঁহার সাক্ষ-নেত্রে স্নেহালিন্দন দানের কথা স্মরণ করিয়া কত বৎসর পরে প্রণাম করিতে চুঁচুড়ায় আসিয়াছে, ইহা ডায়েরীতে উল্লেখযোগ্য ঘটনা নহে কি? জলধর বাবু পূজনীয় ভূদেব বাবুর এই সুগুরু ভ্রমসংশোধন করিয়া যে সাহিত্য-জগতের অসংখ্য ধন্যবাদ অর্জন করিয়াছেন, তাহাতে বিস্ময়াত্র সংশয় নাই।

শিক্ষাপ্রসারে আত্মনিবেদিত ভূদেব বাবুর স্কুল পরিদর্শন-নীতির সহিত রায় বাহাদুরের কোনরূপ পরিচয় থাকিলে, তিনি জানিতে পারিতেন, ভূদেব বাবু ছাত্রবৃত্তি ক্লাসের ছাত্রের কবিতা আকৃতি গুনিয়া, কোন দিন অশ্রুভারাক্রান্ত নেত্রে অপ্রকৃতিস্থ হইয়া ‘অভিজ্ঞানস্বরূপ’ ইংরেজি পুস্তক দিয়া আসিতেন না। বিদ্যালয় পরিদর্শনকালে শিক্ষকদের তিনি কিরূপ সারগর্ভ উপদেশ—শিক্ষা-প্রণালীর নির্দেশ দিতেন,—ছাত্রগণের প্রতিভা কেবল পাঠ্যপুস্তকে সীমাবদ্ধ কি না, বিশেষভাবে পরীক্ষা লইতেন—তাঁহার পরিচয় দিতে হইলে সুপ্রকাণ্ড ‘ভূদেব-চরিতের’ বহু অংশ উদ্ধৃত করিতে হয়। কিন্তু স্থানাভাবে তাহা সম্ভবপর নহে। শিক্ষাবিস্তারসম্বন্ধে সরকারী রিপোর্টে—‘শিক্ষাবিধায়ক প্রস্তাব’ প্রভৃতি প্রবন্ধ-পুস্তকে ভূদেব বাবু যে সকল সুচিন্তিত অভিমত প্রকাশ করিয়াছেন, জাতির মঙ্গলের জন্ত তাহা তাঁহার মহান দান।

জলধর বাবু-বর্ণিত স্বপ্ন-কাহিনীর সুদীর্ঘ দশ বৎসর পূর্বে হুগলী নম্ব্যাল স্কুলের প্রধান শিক্ষকরূপে কার্যকালে ভূদেব বাবু ১৮৬২ খৃষ্টাব্দে—ছয় মাসের জন্ত অস্থায়ীভাবে মধ্য-বিভাগের সহকারী ইনস্পেক্টর হইয়াছিলেন। সেই সময়ে তিনি কৃষ্ণনগর জেলার স্কুল পরিদর্শনে গিয়াছিলেন।

“মধ্য বিভাগের অস্থায়ী সহকারী ইনস্পেক্টর পদে এইরূপে নিযুক্ত হইয়া (১৫/৭/১৮৬২) ভূদেব বাবু রথেষ্ট উৎসাহের সহিত কৰ্ম করিতে লাগিলেন।

(১ম ভাগ ২৩৫ পৃষ্ঠা)



“মধ্য-বিভাগের প্রতিনিধি স্কুল ইনস্পেক্টর মেডলিকট সাহেব ডিরেক্টর বাহাদুরের নিকট যে রিপোর্ট (৯৮।১৮৬২) প্রেরণ করেন, তাহার উপসংহারে লিখিয়াছিলেন, ‘মধ্যবিভাগের প্রতিনিধি সহকারী ইনস্পেক্টরের পক্ষে অধিষ্ঠিত থাকিয়া বাবু ভূদেব মুখোপাধ্যায় কৃষ্ণনগর জেলার স্কুল পাঠশালাদি পরিদর্শন করিয়া রিপোর্ট পাঠাইয়াছেন।’ ( ১ম ভাগ, ২৪১ পৃষ্ঠা )

কিন্তু এ সময়েও যে ভূদেব বাবু কুমারখালির বঙ্গ-বিদ্যালয় পরিদর্শন করিতে যান নাই, তাহা পরে দেখাইতেছি। আর জলধর বাবুর বয়স তখন ২ বৎসর ৪ মাস মাত্র। এই বয়সে অলৌকিক প্রতিভাবলে তিনি যদি বঙ্গ-বিদ্যালয়ের ছাত্রবৃত্তি শ্রেণীতে কবিতা আবৃত্তি করিয়া প্রাইজ পাইয়া থাকেন, তাহাতে কাহারও আপত্তি হইবার কথা নহে। তিনি কিন্তু বিশেষ সাবধান হইয়াছেন। ‘ভারতবর্ষের’ ১৩৪২ পৌষ সংখ্যায় ভূদেব বাবুর স্মৃতি-তর্পণ সারিয়াছেন—আর ১৩৪২ চৈত্র সংখ্যায় অমুগ্রহ করিয়া তাহার ভূমিষ্ঠ হইবার তারিখটি বৈফাস করিয়াছেন। তাহার জন্মগ্রহণের তারিখটি যে প্রয়োজনমত পিছাইয়া লইব, তিনি তাহারও উপায় রাখেন নাই। জলধর বাবু লিখিতেছেন—

“আমি জন্মগ্রহণ করি ১৮৬০ অব্দের ১লা চৈত্র (অর্থাৎ ১৩ত মার্চ) শিবচন্দ্র জন্মগ্রহণ করেন ঐ ১৮৬০ অব্দের—২৪ জ্যৈষ্ঠ, সোমবার। আর তৃতীয় জন বাঙ্গালা দেশের সুপ্রসিদ্ধ প্রতিভাশ্রী ঐতিহাসিক ও সাংগিতিক অক্ষয়কুমার মৈত্রেয়—জন্মগ্রহণ করেন ঐ ১৮৬০ অব্দের—আমার অন্নপ্রাশনের দিন।” (‘ভারতবর্ষ’ ১৩৪২, চৈত্র, ৫৫৯ পৃষ্ঠা)

এখন প্রশ্ন হইতে পারে—স্বামী বিবেকানন্দের জীবন-দানে না হয় জলধর বাবুর অতুল কীর্তি জগতে প্রসারিত হইতে পারে—কিন্তু ভূদেব বাবুকে প্রণাম—নিদর্শন দেখাইয়া আশীর্ব্বাদ গ্রহণের আগ্রহে তাহার লাভ কি?—তাঁহার যশোভাতি তাহাতে কতটা বিস্তারিত হইবে?

সাহিত্য-সম্রাট বঙ্কিমচন্দ্র—বর্দ্ধমানের মহাতাপটান—কৃষ্ণদাস পাল প্রভৃতি ভূদেব বাবুর বিশেষ বন্ধু,—মাইকেল মধুসূদন দত্ত তাঁহার সহপাঠী,—অমরকবি হেমচন্দ্র—রঙ্গলাল—দীনবন্ধু—নবীনচন্দ্র—রাজকৃষ্ণ মুখোপাধ্যায় প্রভৃতি তাঁহার পত্রিকার লেখক,—প্যারীচরণ সরকার—ব্রজমোহন মল্লিক—রামগতি শ্যামরত্ন—লোহারাম শিরোমণি প্রভৃতি তাঁহার সহকারী,—ঈশ্বরচন্দ্র বিদ্যাসাগর—কেশবচন্দ্র সেন—মহেশচন্দ্র শ্যামরত্ন তাঁহার সুহৃদ—এ অবস্থায় জলধর বাবুর মত প্রথম শ্রেণীর সুপ্রবীণ সাহিত্যিকের সহিত যদি মনোবী

ভূদেব বাবুর পরিচয় না থাকে, তবে রায় বাহাদুরের জীবন-স্মৃতির মহাভারত তাহাতে অন্তর্ভুক্ত হয় না কি? বিশেষতঃ হিমালয় লেখাইবার বহু পূর্বেই—১৫ বৎসর বয়সেই তাঁ’ মাষ্টার মহাশয় একখানি উপন্যাস লিখিয়াছিলেন।

“আমার বয়স যখন ১৫ বৎসর, তখন আমি চুপে চুপে ঘরে বসে একখানি ছোট-খাটো উপন্যাসই লিখে ফেলেছিলাম। (‘ভারতবর্ষ’, ১৩৪৩ জ্যৈষ্ঠ, ৯০৫ পৃষ্ঠা)

সুতরাং ১৮৭৮ খৃষ্টাব্দে ১৮ বৎসর বয়সে এন্ট্রান্স পাশ করিবার তিন বৎসর পূর্বেই যিনি ১৫ বৎসর বয়সে উপন্যাসিকরূপে সাহিত্যরাজ্যে অভিযান করিয়াছিলেন—তিনি ভূদেব বাবুর সহিত সুপরিচিত ছিলেন না, ইহাও কি একটা বিশ্বাসযোগ্য কথা?

আর সত্ত্বেও দুই বৎসর বয়সে ছাত্রবৃত্তি শ্রেণীতে সাধক-প্রবর কাঙ্গাল হরিনাথের আদেশে জলধর বাবু যদি কবিতা আবৃত্তি করিয়া ভূদেব বাবুর অগ্র-উপহার লাভ করিয়া থাকেন, তাহাতেই বা বিশ্বাসের কারণ কি থাকিতে পারে? ভূদেব পারেন—বুদ্ধদেব পারেন—শঙ্করাচার্য্য পারেন—আর আমাদের জলধর বাবু পারেন না? ইহাই বা কোন্‌ দুঃসাহসে অবিশ্বাস করিব? এই অলৌকিক কাহিনীটি সত্যের ভিত্তিতে সুপ্রতিষ্ঠিত করিবার প্রয়াসে তিনি ত চেষ্টার ক্রটি করেন নাই;—‘ভারতবর্ষের’ ১৩৪২ পৌষ সংখ্যায় ভূদেব আশিস্ পত্র প্রকাশের ১৯ মাস পূর্বেই ১৩৪১ সালের ১১ই জ্যৈষ্ঠের ‘এডুকেশন গেজেটের’ ‘ভূদেব স্মৃতি-সংখ্যায়’ ইহা প্রকাশ করিয়া রাখিয়াছেন—অবিশ্বাস করিতে পারিবেন কি?

### কাঙ্গাল হরিনাথ-আদেশ-পর্কোপাধ্যায়

এই প্রসঙ্গে স্মৃতি-তর্পণে রায় বাহাদুর লিখিতেছেন :—

...“কাঙ্গাল হরিনাথকে অগ্রবর্তী করে ভূদেব বাবু আমাদের প্রকোষ্ঠে প্রবেশ করলেন।”

...“কাঙ্গাল হরিনাথের আদেশ পেয়ে আমি ঠাড়িয়ে হাত ষোড় করে আবৃত্তি করলাম।”... (‘ভারতবর্ষ’ ১৩৪২, পৌষ, ৪৪-৪৫ পৃষ্ঠা)

তাহা হইলে কাঙ্গাল হরিনাথ নিশ্চয়ই এ সময়ে কুমারখালি বঙ্গ-বিদ্যালয়ের প্রধান পণ্ডিত ছিলেন। কারণ, ইনস্পেক্টর বা সহকারী ইনস্পেক্টরের স্কুল পরিদর্শনকালে—তিনি স্বয়ং অথবা সেই বিদ্যালয়ের হেড মাষ্টার বা হেড

শক্তিতের পক্ষেই একরূপ আদেশ দেওয়া সম্ভব। বিশেষতঃ ভূদেব বাবুর পরিদর্শন-নীতির অনুশীলনে দেখা যায়—

“পরিদর্শনে গেলে আসল কাজ বাকী রাখিয়া তিনি (ভূদেব বাবু) সমাগত কাহারও সহিত কথাবার্তা বা আলাপ-পরিচয় করিতেন না। (‘ভূদেব চরিত’, ১ম ভাগ, ৩৮৮ পৃষ্ঠা)

• জলধর-গ্রন্থাবলী দ্বিতীয় খণ্ডের অন্তর্ভুক্ত—রায় শ্রীজলধর সেন বাহাদুর প্রণীত—‘কান্দাল হরিনাথের’ ‘জীবন-কথায়’ প্রকাশ—

“তিনি (কান্দাল হরিনাথ) নিজের জ্ঞানোপার্জন করিতে পারেন নাই, তজ্জন্ত তাঁহার মনে ক্ষোভ ও আক্ষেপ ছিল। তাই দেশের বালকদিগের শিক্ষার জন্ত ১৮৫৪ খ্রীঃ ১৩ই জানুয়ারী একটি বাঙ্গালা পাঠশালা স্থাপন করিয়া বালকদিগের বিদ্যালয় পথ স্বগম করিয়া দেন।...স্থানীয় কতিপয় সদাশয় ব্যক্তি স্কুল পরিচালনের ভার গ্রহণ করিয়া...মাসিক চাঁদা সংগ্রহ করিয়া কমিটি কান্দাল হরিনাথকে জল-পানি ৬ ছয় টাকা স্থির করিয়া দেন।...ছাত্রসংখ্যা ক্রমে বৃদ্ধিপ্রাপ্ত হইলে বিদ্যালয়ের আয় বৃদ্ধি-প্রাপ্ত হইতে লাগিল। স্কুল কমিটি তাঁহার ‘ভাতা’ বৃদ্ধি করিয়া ১২ টাকা করিয়া দিলেন।

“এই সময়ে ইংরাজী ও বাঙ্গালা বিদ্যালয়ের সাহায্য করিবার ব্যবস্থা করিয়া \* গভর্নমেন্ট পাঠশালার ইনস্পেক্টর ও সহকারী ইনস্পেক্টর নিযুক্ত করেন। সহকারী তত্ত্বাবধায়ক বা ইনস্পেক্টর নীলমণি সেন মহাশয় কুমারখালি আসিয়া বাংলা পাঠশালায় ছাত্রদিগের পরীক্ষা গ্রহণ পূর্বক সাহায্যপ্রাপ্তির অনুকূলে অভিমত প্রকাশ করিলেন।...কমিটি কান্দাল হরিনাথের বেতন ২০ টাকা স্থির করিলেন।...হরিনাথ নিজে ১৫ টাকা বেতন গ্রহণ করিয়া অবশিষ্ট টাকা নিম্নতম শিক্ষকগণের মধ্যে বিভাগ করিয়া দিয়া সুখী হইলেন।” (জলধর-গ্রন্থাবলী ২য় খণ্ড, ৬-৭ পৃষ্ঠা)

“...কান্দাল হরিনাথ ১২৭০ সালে গিরিশ বিদ্যালয় যন্ত্রে মাসিক চারি ফর্ম্যা করিয়া গ্রামবার্তা প্রকাশিকা প্রকাশ আরম্ভ করিলেন।...গ্রামবার্তার প্রবন্ধাদি ও প্রেরিত পত্রের সংবাদ প্রভৃতি বিচার ও সংশোধন করিয়া চারি ফর্ম্যার উপযুক্ত আদর্শলিপি অর্থাৎ কাপি নিজ হাতে লিখিয়া যথাসময়ে মুদ্রাযন্ত্রালয়ে প্রেরণ করা বহু সময়ের আবশ্যক।...কাজেই তিনি বাধ্য হইয়া বিদ্যালয়ের শিক্ষকতা পরিত্যাগ করিলেন।” (‘জলধর-গ্রন্থাবলী’, ২য় খণ্ড, ১০ পৃষ্ঠা)।

১৩০৮ সালে ‘বসুমতী কার্যালয়’ হইতে শ্রীজলধর সেন যে ‘হরিনাথ-গ্রন্থাবলী’ প্রকাশ করিয়াছিলেন—যাহার ভূমিকায় তিনি নিজেই স্বীকার করিয়া ফেলিয়াছেন—

“বসুমতীর সুখ্যা স্বত্বাধিকারী উদারহৃদয় শ্রীযুক্ত উপেন্দ্রনাথ মুখোপাধ্যায় মহাশয়ের প্রাণগত স্বত্ব ও সাহায্যে কান্দাল হরিনাথের বিস্তৃত গ্রন্থাবলীর প্রথম খণ্ড প্রকাশিত হইল।”

\* “গভর্নমেন্ট প্রাথমিক শিক্ষার জন্ত (১৮৬২-৬৩ অব্দে বজেটে) ৩০ হাজার টাকা মঞ্জুর করিয়াছিলেন।” (‘ভূদেব-চরিত’ ১ম ভাগ, ২৪০ পৃষ্ঠা)।

সেই ‘হরিনাথ-গ্রন্থাবলীতে’ প্রকাশিত শ্রীসতীশচন্দ্র মজুমদারের স্বাক্ষরযুক্ত জীবনীতেও দেখা যায় :—

“কান্দাল হরিনাথ ১২৭০ সালের ১লা বৈশাখ হইতে ‘গ্রামবার্তা-প্রকাশিকা’ নামে একখানি সংবাদপত্র প্রকাশ করিতে আরম্ভ করেন।” (হরিনাথ গ্রন্থাবলী ১ম ভাগ ৫ পৃষ্ঠা)

তাহা হইলে ১২৭০ সালের ১লা বৈশাখ—অর্থাৎ ১৮৬৩ খৃষ্টাব্দের ১৩ই এপ্রেলের পূর্বেই কান্দাল হরিনাথ কুমারখালির বঙ্গ-বিদ্যালয়ের শিক্ষকতা পরিত্যাগ করিয়াছিলেন। কান্দাল হরিনাথের বঙ্গবিদ্যালয় ত্যাগকালেও যখন জলধর বাবুর বয়স ৩ বৎসরের অধিক নহে—তখন নীলমণি মিত্র মহাশয়ের পরিদর্শনকালে তাঁহার বয়স দুই বৎসর বলিয়া অনুমান করিলে বোধ হয় ভুল হয় না। নদীয়া জেলার কুমারখালির বঙ্গ-বিদ্যালয়ে এবং ফরিদপুর জেলার গোয়ালন্দে মাইনর স্কুলে জলধর বাবু যখন একই সময়ে—বাল্যকালে পড়িয়াছেন, তখন নীলমণি মিত্র মহাশয় সে সহসা ভূদেব মুখোপাধ্যায়ের সৌম্যমূর্তিতে রূপান্তরিত হইবেন—তাহাতেই বা বিশ্বয়ের অবকাশ কোথায়?

পরবর্তী কালে জলধর বাবু কান্দাল হরিনাথের ফিকির-চাঁদ ফকিরের দলে উত্তর বঙ্গের বিভিন্ন স্থানে গান করিয়া প্রচুর বাহবালাভের সঙ্গে খাতির অর্জন করিয়াছিলেন। ‘কান্দাল হরিনাথে’ তিনি যখন তাঁহার সেই মহিমা প্রচার করিতে বিস্মৃত হন নাই—তখন এই সময়ে বা কান্দাল হরিনাথ কুমারখালি স্কুলের সংস্রব ত্যাগ করিবার পরেও যদি তিনি যথার্থই ভূদেব বাবুর অশ্রু-উপহার লাভ করিতেন, এই জীবন-গ্রন্থে জলধর বাবু নিজের সে কীর্তিগাথা গাহিতে বিস্মরণ হইতেন কি?

প্রসঙ্গক্রমে আর একটি কথার উল্লেখও, বোধ হয়, অসম্ভব হইবে না। কান্দাল হরিনাথ-বিরচিত ফিকিরচাঁদ ফকিরের গান ও অন্যান্য গীতাবলী ১৩০৮ সালে বসুমতী প্রেসে মুদ্রিত ‘হরিনাথ-গ্রন্থাবলীতে’ সন্নিবেশিত হইয়াছিল এবং তৎপূর্বে ‘কুমারখালি মথুরানাথ যন্ত্র’ হইতে এ গীতাবলী খণ্ডাকারে প্রকাশিত হইয়া, জলধর বাবুর হিমালয়ের সাথী হইয়াছিল। ইহার সহিত বাধান সাদা কাগজে মাষ্টার মহাশয় হিমালয়ের ডায়েরীর কঙ্কালমাত্র লিখিয়া রাখিয়াছিলেন। এ সকল কথা ‘মাসিক বসুমতীর’ ১৩৪০, ভাদ্র সংখ্যার ৭৪৭ পৃষ্ঠায় আমার ‘সে-কালের স্মৃতি’ কথায় বিস্তৃতভাবে

আলোচনা করিয়াছি। পরম সৌভাগ্যক্রমে সেই সঙ্গীতগুলি এক্ষণে সুনির্বাচিত হইয়া, হরিনাথের 'ব্রহ্মাণ্ড-বেদের' সহিত সংযোগের পর সমালোচনার কৌশলে 'জলধর-গ্রন্থাবলীর' ২য় খণ্ডের প্রায় অর্ধাংশ অধিকার করিয়াছে। জলধর বাবু অবশ্য 'কাজাল হরিনাথের' প্রথম খণ্ড প্রাচীন সঙ্গীতের পরম অমুরাগী "বর্ধমানাধিপতি মহারাজাধিরাজ শ্রীবিজয়চাঁদ মহতাব বাহাদুরের শ্রীকরকমলে" নিবেদন করিয়াছেন। এবং দ্বিতীয় খণ্ড—কাজাল হরিনাথের অশ্রুতম সাহিত্য-শিষ্য বলিয়া আখ্যাত "সোদরোপম শ্রীমান্ অক্ষয়কুমার মৈত্রেয় করকমলে অর্পণ" করিতেও বিশ্বস্ত হন নাই। শ্রীভগবানের রূপায় যদি আরও কিছুদিন বাঁচিয়া থাকিতে পারি—তবে আশা করি, কাজাল হরিনাথের 'বিজয়বসন্ত' উপন্যাস-ধানিও 'জলধর-গ্রন্থাবলী'র অন্তর্ভুক্ত দেখিয়া যাইতে পারিব।

উচ্ছ্বাসের আবেগে বিবশ হইয়া রায় বাহাদুর নিজেই স্বীকার করিয়া ফেলিয়াছেন,—

"আমি হৃদয় করে বলতে পারি, এই সুদীর্ঘ জীবনে আমি কোন দিন ছুই লাইন কবিতাও লিখতে পারিনি।" (ভারতবর্ষ ১৩৪২, পৌষ, ৪৪ পৃষ্ঠা)

সেই অল্পই জলধর বাবু না হয় তাঁহার সাহিত্য-গুরু গীতাবলী 'জলধর-গ্রন্থাবলী'তে সন্নিবেশিত করিয়া কবিতার অভাব পূরণ করিয়াছেন। কিন্তু ১৩০৮ সালে বঙ্গমতী প্রেসে মুদ্রিত 'হরিনাথ গ্রন্থাবলীতে' শ্রীসতীশচন্দ্র মজুমদারের স্বাক্ষরযুক্ত কাজাল হরিনাথের যে সংক্ষিপ্ত জীবনীটি প্রকাশিত হইয়াছিল—সতীশ বাবুর পরলোকগমনের পর তাহাও 'ত' নিঃশেষে ১৩৩২ সালে প্রকাশিত 'জলধর-গ্রন্থাবলীর' দ্বিতীয় খণ্ডের অন্তর্ভুক্ত হইয়াছে। গুরু-দক্ষিণা-হলে জলধর বাবু সতীশচন্দ্র মজুমদার স্বাক্ষরযুক্ত জীবনীর উপকরণ—কাহিনীমাত্র গ্রহণ করিয়াই তৃপ্ত হন নাই। উত্তর জীবনীর ভাবার সামঞ্জস্য দেখিয়া হ্রস্বত অনেকেই বিস্মিত হইবেন। বহু স্থান উদ্ধৃত করিবার স্থানাভাব—সামান্য উদ্ধৃত করিয়া পরিচয় দিতেছি।

"একদিকে তিনি যেমন নিরাশ্রয় প্রেীড়িত দীন-দরিদ্রের রক্ষার জন্য প্রাণপণে অত্যাচারের বিরুদ্ধে মহাসংগ্রাম ঘোষণা করিতেন, অপর দিকে তাঁহার সুকঠিনঃস্বত স্বরচিত পবিত্র গীতিশ্রোতে দুঃখ-দৈন্ত, সমস্তই ভাসিয়া বাইত। সহস্র সহস্র শ্রোতা পুস্তলিকার মত হিরতাবে অতৃপ্ত হৃদয়ে তাঁহার কঠিনঃস্বত সঙ্গীত-সুধা পান করিত এবং নীরবে অশ্রু-বিসর্জন করিত।"

"বার্দ্ধক্যকালে হরিনাথ সর্বদা ধর্মচিন্তায় নিমগ্ন থাকিতেন। সংসার-চিন্তা অল্পকষ্ট কিছুই তাঁহার হৃদয় স্পর্শ করিতে পারিত না। পরের উপকার করা তাঁহার জীবনের কার্য ছিল, অস্তিম-মুহূর্ত্তেও তিনি সেই পরম পবিত্র ব্রত পালনে উদাসীন ছিলেন না। দুঃখী, তাপী, অনাথ, অসহায়, রোগী, শোককাতর ব্যক্তি সকলেই 'কাজালের' স্নেহ পাইত। তিনি মাতৃহীনের মাতা, বিপন্নের বন্ধু, সম্পন্ন ব্যক্তির সুপরামর্শদাতা এবং কুপথগামী জনগণের সুপথপ্রদর্শক ছিলেন। দাসের স্তায় তিনি অনাথের সেবা করিতেন। বিপন্ন ব্যক্তি তাঁহার উপর নির্ভর করিয়া নিক্রমণ হইত।...বার্দ্ধক্যে তিনি রোগী ও তাপীর সাহায্য হইতেন।... হরিনাথ ধীরে ধীরে রোগীর মস্তকপ্রান্তে আসন গ্রহণ করিয়া তাহার শির স্পর্শ করিতেন, কুশল জিজ্ঞাসা করিতেন, কত আশার কথা বলিতেন, শুনিতে শুনিতে সেই মৃতপ্রায় দেহে যেন নবজীবনের সঞ্চার হইত। রোগীর শয্যাপার্শ্বে—তাঁহার সেই তেজঃপূর্ণ উন্নত সুগৌরব দেহ, শ্বেত শ্রুঙ্গ, গৈরিক বস্ত্র, নগ্ন পদ এবং পৃষ্ঠবিলম্বিত শ্বেতবর্ণ রুম্ম কেশভার দেখিলে মনে হইত—স্বর্গ হইতে বিধাতা বুঝি কোন দেবদূতকে এই রোগীর সেবার জন্য পৃথিবীতে পাঠাইয়াছেন।" [সতীশচন্দ্র মজুমদারের স্বাক্ষরযুক্ত 'হরিনাথের জীবনী'—১২—১৩ পৃষ্ঠা।

রায় শ্রীজলধর সেন বাহাদুরের লিখিত 'কাজাল হরিনাথ' উপরি-উক্ত অংশের বর্ণনা এইরূপ :—

"একদিকে তিনি যেমন নিরাশ্রয় প্রেীড়িত দীন-দরিদ্রের জন্য প্রাণপণে অত্যাচারের বিরুদ্ধে মহাসংগ্রাম করিতেন, অপর দিকে তাঁহার কঠিনঃস্বত স্বরচিত পবিত্র গীতিশ্রোতে দুঃখ-দৈন্ত-শোক-তাপ সমস্তই ভাসিয়া বাইত। সহস্র সহস্র শ্রোতা পুস্তলিকার মত অতৃপ্ত-হৃদয়ে তাঁহার কঠিনঃস্বত সঙ্গীত-সুধা পান করিত এবং নীরবে অশ্রু-বিসর্জন করিত।"

"বার্দ্ধক্যে হরিনাথ অধিকাংশ সময়ই ধর্মচিন্তায় নিমগ্ন থাকিতেন। সংসার-চিন্তা, অল্পকষ্ট কিছুই তাঁহার হৃদয় স্পর্শ করিতে পারিত না। পরের উপকার করা তাঁহার জীবনের কার্য ছিল, অস্তিম মুহূর্ত্তেও সেই পরম পবিত্র ব্রত পালনে তিনি উদাসীন ছিলেন না। দুঃখী, তাপী, অনাথ, অসহায়, রোগী সকলেই তাঁহার স্নেহ পাইত। তিনি মাতৃহীনের মাতা, বিপন্নের বন্ধু, সম্পন্ন ব্যক্তির সুপরামর্শদাতা এবং কুপথগামী জনগণের সুপথপ্রদর্শক ছিলেন। দাসের স্তায় তিনি অনাথের সেবা করিতেন। বিপন্ন ব্যক্তি তাঁহার উপর নির্ভর করিয়া নিক্রমণ হইত। তিনি রোগী ও তাপীর সাহায্য হইতেন। হরিনাথ যখন ধীরে ধীরে রোগীর মস্তক স্পর্শ করিতেন, কুশল জিজ্ঞাসা করিতেন এবং কত আশার কথা বলিতেন, তখন তাহা শুনিতে শুনিতে রোগীর সেই মৃতপ্রায় দেহে নবজীবনের সঞ্চার হইত। রোগীর শয্যাপার্শ্বে তাঁহার সেই তেজঃপূর্ণ, উন্নত, সুগৌরব দেহ, শ্বেতশ্রুঙ্গযুক্ত মুখমণ্ডল, গৈরিক-বস্ত্র, নগ্ন পদ এবং পৃষ্ঠবিলম্বিত শ্বেতবর্ণ রুম্ম কেশভার দেখিলে মনে হইত, স্বর্গ হইতে বিধাতা বুঝি কোন দেবদূতকে রোগীর সেবার জন্য পৃথিবীতে পাঠাইয়াছেন।"

( 'জলধর-গ্রন্থাবলী', ২য় ভাগ ১৩ পৃষ্ঠা )

অত্যন্ত সঙ্কোচের সহিত স্বীকার করিতেছি যে, ১৩০৮ সালে হরিনাথ গ্রন্থাবলীর পুরোভাগে প্রকাশিত—স্বর্গীয় সতীশচন্দ্র মজুমদারের স্বাক্ষরযুক্ত কাজালের সংক্ষিপ্ত জীবনীটি আমারই অক্ষয় লেখনী-প্রসূত। সতীশ বাবু 'হরিনাথ গ্রন্থাবলী' প্রকাশ সময়ে তাঁহার পিতৃদেবের জীবনীর উপাদান সংগ্রহ করিয়া দিয়া, একটি সংক্ষিপ্ত জীবনী লিখিয়া দিবার জ্ঞাত আমাকে অনুরোধ করিয়াছিলেন। "বসুমতী" কার্যালয়ে জলধর বাবুও আমাকে ইহা লিখিবার জ্ঞাত সনির্বন্ধ অনুরোধ করিলে, আমিই ইহা লিখিয়া দিয়াছিলাম। আশা করি, সাহিত্য-সুরসিকগণ ভাষাগত বৈশিষ্ট্য দেখিয়া সত্য নির্ধারণ করিতে পারিবেন।

### আদিপর্ব—ছাত্রবৃত্তি-পরীক্ষায়

এই প্রসঙ্গে রায় জলধর সেন বাহাদুর মহিমা-বিস্তার করিয়া লিখিয়াছেন :—

"আমি তখন আমাদের গ্রামের ( নদীয়া কুমারখালী ) বাঙ্গালা স্কুলের প্রথম শ্রেণীতে পড়ি। সাল, তারিখ আমি ঠিক বলতে পারব না। সে হয় ত ইংরাজী ১৮৭০ কি ১৮৭১ অব্দ। তখন আমার বয়স এই এগারো কি বারো বৎসর।...আমাদের সময়ে ছাত্রবৃত্তি পরীক্ষার পাঠ্য ছিল পরলোকগত রাজকৃষ্ণ মুখোপাধ্যায় প্রণীত 'মিত্রবিলাপ কাব্য'।

( 'ভারতবর্ষ', ১৩৪২, পৌষ, ৪৩-৪৫ পৃষ্ঠা )

পরবর্তী সংখ্যায় রায় বাহাদুর লিখিয়াছেন :—

"আমি বাল্যকাল থেকেই গোয়ালন্দে ছিলাম। গোয়ালন্দের মাইনর স্কুল থেকেই পরীক্ষা দিয়ে পাঁচ টাকা বৃত্তি পাঠি।"

( 'ভারতবর্ষ', ১৩৪২, মাঘ, ১৭৮ পৃষ্ঠা )

অন্তের পক্ষে অসম্ভব হইলেও "ত্রিলিয়ার্ট জলধর সেন" ('ভারতবর্ষ', ১৩৪২, কার্তিক, ৭১৪ পৃষ্ঠা) যে অনায়াসে একই সময়ে নদীয়া জেলার কুমারখালির বঙ্গ-বিদ্যালয়ে ছাত্রবৃত্তি প্রথম শ্রেণীতে এবং ফরিদপুর জেলার গোয়ালন্দের মাইনর স্কুলে ক্লাসে পড়িতে পারেন, তাহা পূর্ব-প্রবন্ধেই দেখাইয়াছি। ছাত্রবৃত্তি ও মাইনর পরীক্ষা একই সময়ে—একই বৎসরে গৃহীত হইত। মাইনর পরীক্ষার অতিরিক্তভাবে কেবল ইংরেজির পরীক্ষা দিতে হইত। বিভিন্ন কেন্দ্রে একই সময়ে মাইনর ও ছাত্রবৃত্তি পরীক্ষা গ্রহণের তারিখগুলি প্রতি বর্ষেই 'এডুকেশন গেজেটে' বিধোষিত হইয়াছে। জলধর বাবু যে বৎসর পরীক্ষা দিয়াছিলেন—সেই ১৮৭১ খৃষ্টাব্দের ঘোষণা এইরূপ :—

"মধ্যবিভাগের মাইনর ও বাঙ্গালা ছাত্রবৃত্তি পরীক্ষা আগামী ৪ঠা, ৫ই, ৬ই, ৭ই, ৮ই, ৯ই ডিসেম্বর তারিখে নিম্নলিখিত কয়েকটি স্থানে হইবে—

কলিকাতা নর্মাল স্কুল, হাওড়া গবর্ণমেন্ট স্কুল, উত্তরপাড়া গবর্ণমেন্ট স্কুল, হুগলী নর্মাল স্কুল, বারাকপুর গবর্ণমেন্ট স্কুল, বারাসাত গবর্ণমেন্ট স্কুল, কৃষ্ণনগর কলেজ, বাকুইপুর, টাকি, পুন্ডলিয়া।...

২০শে সেপ্টেম্বর ১৮৭১

এইচ, উড্ডো

মধ্যবিভাগের স্কুল সমূহের ইনস্পেক্টর।

( 'এডুকেশন গেজেট'—২২শে সেপ্টেম্বর হইতে প্রতি সপ্তাহে প্রকাশিত )

তিনি ১৮৭০ কি ৭১ খৃষ্টাব্দে ছাত্রবৃত্তি কি মাইনর পরীক্ষা দিয়াছিলেন, তাহা জলধর বাবুর স্মরণ নাই বটে, কিন্তু ছাত্রবৃত্তি প্রথম শ্রেণীতে যে 'মিত্র-বিলাপকাব্য' পাঠ্য ছিল, তাহার কতকাংশ এখনও তাঁহার বেশ স্মরণ আছে। সেই জ্ঞানই তিনি লিখিয়াছেন :—

"এখন তার সবটা বলতে পারবো না, কয়েক লাইন মনে আছে। তাহা এই—'কেন স্মৃতি দেখাইছে সে স্বপন আর।' ইত্যাদি" ( 'ভারতবর্ষ', ১৩৪২, পৌষ, ৪৫ পৃষ্ঠা )

'মিত্র-বিলাপ কাব্য'খানি যে কেবল ১৮৭১ খৃষ্টাব্দে মাইনর ও ছাত্রবৃত্তির পাঠ্য ছিল—'এডুকেশন গেজেটে' প্রতি বর্ষে প্রকাশিত পাঠ্য-তালিকা হইতে সঙ্কলন করিয়া তাহা দেখাইতেছি।

১৮৬৯ খৃষ্টাব্দে—( ১ ) সীতার বনবাস, ( ২ ) কুম্ভমাবলী ( ৬০-৯৫, ১০৯-১৪৪ পৃষ্ঠা ) ( ৩ ) ভুলসীদাসের রামায়ণ ( ১১-১৫ সর্গ )।

১৮৬৯ খৃষ্টাব্দের ১৭ই ডিসেম্বরের 'এডুকেশন গেজেটে' প্রকাশ—"এতদিনের পর বঙ্গদেশীয় বঙ্গ বিদ্যালয়ে ছাত্রবৃত্তির পাঠ্য পুস্তক এক হইল—ইনস্পেক্টর ভেদে আর পুস্তক ভেদ রহিল না।"

১৮৭০ খৃষ্টাব্দে—( ১ ) সীতার বনবাস, ( ২ ) চারুপাঠ ৩য় ভাগ, ( ৩ ) পদ্মপাঠ ৩য় ভাগ।

১৮৭১ খৃষ্টাব্দে—( ১ ) সীতার বনবাস, ( ২ ) মিত্রবিলাপ কাব্য, ( ৩ ) পদ্মপাঠ ৩য় ভাগ।

১৮৭২ খৃষ্টাব্দে—( ১ ) চারুপাঠ ৩য় ভাগ, ( ২ ) রামের রাজ্যাভিষেক, ( ৩ ) কুম্ভমাবলী ১ম ভাগ।

১৮৭৩ খৃষ্টাব্দে—বাঙ্গালার পাঠ্য পুস্তক পূর্ব-বৎসরের অনুরূপ, কিন্তু টেক্সটবুক হইতে কোন প্রসঙ্গ হইবে না।

কিন্তু আশ্চর্যের বিষয়, কেবল ১৮৭০—৭১ খৃষ্টাব্দে নহে— ১৮৬৯ খৃষ্টাব্দ হইতে ১৮৭৫ খৃষ্টাব্দের এপ্রেল পর্যন্ত 'এডুকেশন গেজেটে' প্রকাশিত মাইনর ও ছাত্রবৃত্তি



পরীক্ষার্থী ও বৃত্তিপ্রাপ্ত ছাত্রগণের নামের তালিকা তন্ন তন্ন করিয়া অনুসন্ধান করিয়াও, আমরা “ত্রিলিয়ান্ট জলধর সেনের” নামটি কোনমতে আবিষ্কার করিতে পারি নাই। তিনি “ত্রিলিয়ান্ট” স্টুডেন্ট, তাঁহার পক্ষে অল্প কোন ছদ্ম নামে পরীক্ষা দেওয়া অসম্ভব নহে। জলধর বাবুর “গোয়ালন্দ মাইনর স্কুল থেকেই পরীক্ষা দিয়ে পাঁচ টাকা বৃত্তি” পাইবার সংবাদটি সাফল্য-গৌরবের আদর্শস্বরূপ বাঙ্গালা, বিহার, উড়িষ্যা, আসাম, ছোট নাগপুর ব্যতীত যদি অল্প কোন বিভাগের প্রাদেশিক গেজেট সমুচ্ছল করিয়া থাকে, তাহা জানিবার উপায় নাই। কল্পনার সে দিব্য-দৃষ্টিতে আমি বঞ্চিত।

আর জলধর বাবুর “মত ত্রিলিয়ান্ট ছেলে...কখন দেখেন নি” (‘ভারতবর্ষ’, ১৩৪২, কার্তিক, ৭১৪ পৃষ্ঠা) সেই জন্মই শিক্ষা বিভাগ বা স্বয়ং ছোট লাট তাঁহার জন্ম স্মরণে ভাবে পাঁচ টাকা বৃত্তি দিবার ব্যবস্থা করিতে বাধ্য হইয়াছিলেন। নচেৎ ‘এডুকেশন গেজেটে’ প্রকাশ—

“১৮৭১ ছাত্রবৃত্তি পরীক্ষার ফল। নিম্নলিখিত ছাত্রগণ মাসিক ৪০ টাকার হিসাবে চারি বৎসরের জন্ম বৃত্তিপ্রাপ্ত হইয়াছে।...নিম্নলিখিত ছাত্রগণ চারি টাকার হিসাবে এক বৎসরের জন্ম বৃত্তি প্রাপ্ত হইয়াছে।

(৮ই মার্চ ১৮৭২, ৩৩৫ পৃষ্ঠা)

“এই ছাত্রবৃত্তির পরিমাণ মাসিক ২০ টাকা। ইহা দুই বৎসর কোন মধ্য ইংরাজী স্কুলে...অধ্যয়নের নিমিত্ত পাঠশালার ছাত্রদিগকে দেওয়া হইবে।”

(২৫ শে অক্টোবর ১৮৭২, ৫২২ পৃষ্ঠা।)

‘এডুকেশন গেজেটে’ সে মহিমা বিধোষিত না হইলেও জলধর বাবু ১৮৭১ খৃষ্টাব্দে কুমারখালি হইতে ছাত্রবৃত্তি পরীক্ষা দিয়া, অনায়াসে গোয়ালন্দের মাইনর স্কুল হইতে পাঁচ টাকা বৃত্তি লাভ করিলেন। কিন্তু ঠিক সেই বৎসরেই তাঁহার স্বগ্রাম কুমারখালি হইতেই ছাত্রবৃত্তি পরীক্ষার তিনটি বিষয়ে সর্বোচ্চ নম্বর পাইবার জন্ম তিনটি রৌপ্য-পদক পুরস্কার দিবার তিনটি বিজ্ঞাপন ‘এডুকেশন গেজেটে’ পর পর কয়েক সপ্তাহ প্রকাশিত হইয়াছে।

“আমার অধীনস্থ বিদ্যালয় সকলের মধ্যে যে ছাত্রটি ১৮৭১ খৃষ্টাব্দে মাইনর ছাত্রবৃত্তি পরীক্ষায় ইংরাজী ভাষাতে সর্বোচ্চ নম্বর বাগিতে পারিবে, তাহাকে পদমর্যাদা বন্দোবস্ত জমিদার জীবন্ত মীর

মহম্মদ আলি খাঁ ২৫ পঁচিশ টাকা মূল্যের একটি রৌপ্য মেডেল পুরস্কার দিবেন।

শ্রীকৃষ্ণনাথ বন্দ্যোপাধ্যায়  
২২ জুলাই ১৮৭১ কুল-সমূহের ডেপুটি ইন্স্পেকটর  
কুমারখালি।

(২৮শে জুলাই ১৮৭১ খৃষ্টাব্দ, ১২২ পৃষ্ঠা)

“খোকসা ইংরাজী বিদ্যালয়ের সেক্রেটারি বিজ্ঞানসাহী জীবন্ত বাবু কাশীকান্ত নজুমদার মহাশয় আমার অধীনস্থ বঙ্গবিদ্যালয় সকলের ছাত্রগণের উৎসাহ বৃদ্ধনার্থে দশ টাকা মূল্যের একটি রৌপ্য-মেডেল প্রদান করিবেন। ১৮৭১ অক্টোবর বাঙ্গালা ছাত্রবৃত্তি পরীক্ষায় আমার অধীনস্থ বিদ্যালয়ের ছাত্রগণের মধ্যে যিনি পাটীগণিত ও ক্ষেত্রতত্ত্ব এই দুই বিষয়ের নম্বর একত্রিত করিয়া সর্বোচ্চ নম্বর বাগিতে পারিবেন, উক্ত পুরস্কার তাঁহারই প্রাপ্য।

শ্রীকৃষ্ণনাথ বন্দ্যোপাধ্যায়  
২৬ জুলাই ১৮৭১ কুল-সমূহের ডেপুটি ইন্স্পেকটর,  
কুমারখালি।

(২৫শে আগষ্ট—১৮৭১ খৃষ্টাব্দ ২৩০ পৃষ্ঠা)

“প্রসিদ্ধ দানশীলা শ্রীমতী মহারাজী স্বর্ণময়ী আমার অধীনস্থ বিদ্যালয় সকলের ছাত্রগণের উৎসাহ বৃদ্ধনার্থে ৩০ টাকা মূল্যের একটি রৌপ্য-মেডেল পুরস্কার প্রদান করিবেন। আগামী মাইনর ছাত্রবৃত্তি পরীক্ষায় যে ছাত্রটি সংস্কৃত সর্বোচ্চ নম্বর বাগিতে পারিবে, উক্ত পুরস্কার তাহারই প্রাপ্য।

শ্রীকৃষ্ণনাথ বন্দ্যোপাধ্যায়  
১৬ সেপ্টেম্বর ১৮৭১ কুল-সমূহের ডেপুটি ইন্স্পেকটর  
কুমারখালি।

(৪ঠা নভেম্বর ১৮৭১ খৃষ্টাব্দ, ৩৪৭ পৃষ্ঠা)

১৮৭১ খৃষ্টাব্দে ছাত্রবৃত্তি বা মাইনর পরীক্ষায় পাঁচ টাকা বৃত্তি লাভের সঙ্গে সঙ্গে এই তিনখানি রৌপ্য মেডেলের অন্ততঃ দুইখানি ত’ জলধর বাবু নিশ্চয়ই লাভ করিয়াছেন। তাঁহার মত “ত্রিলিয়ান্ট জলধর সেন” সেই খৃষ্টাব্দেই যখন খাস কুমারখালি হইতে ছাত্রবৃত্তি পরীক্ষায় বৃত্তি লাভ করিয়াছেন, তখন এই তিনখানি মেডেল ত’ অল্প কোন ছাত্র পাইতেই পারেন না। কিন্তু সেই মেডেলগুলির সম্বন্ধেও অবশ্যই তিনি বলিতে পারিবেন, তাঁহার “জীবনের সর্বশ্রেষ্ঠ পুরস্কার” ভূদেব বাবু-প্রদত্ত, অপ্র-চিহ্নিত Spectator বহিখানির সহিত—

“যখন আমি হিমালয়ে চ’লে যাই, তখন একখানি নেকড়ার বেঁধে আমার জ্যেষ্ঠাইয়ার পুরাতন কাঠের সিল্পকে ...রেখে যাই। অনেক দিন পরে ফিরে এসে...দেখি...” আর নেই—পোকায় কেটে তাকে একেবারে শেষ করেছে।”

(‘ভারতবর্ষ’, ১৩৪২, পৌষ, ৪৫ পৃষ্ঠা)

জলধর বাবুর কল্পনার রঙে সুরঞ্জিত “নিশান শোভিত পানুগা”—“নানা বর্ণের পতাকা ও পত্রপুষ্পে শোভিত তোরণ”—দেবদারু পাতা টানা—বীশ বহিবার কাঁধের কড়া—“লাল কাপড় মণ্ডিত পথের পাশে” “নগ্নপদে—নগ্ন গায়ে—মলিন বস্ত্র-পরিহিত” শ্যামল অঙ্গ-শোভা বিকাশ—ভূদেববাবুর সম্বন্ধনার জগ্ন মিপ্যার কুহকজাল বিস্তারে তাঁহার সকল আয়োজন আশা করি সার্থক হইয়াছে। স্বামীজীর জীবনদানের প্রবল আগ্রহে জলধর বাবু “পায়ের পাখা বেঁধে” পাঁচ ঘণ্টায় ৩৬ মাইল পানুগতা পথ অতিক্রম করে “গ্রীষ্মের সন্ধ্যার প্রাক্কালে” সহসা পর্বীকেশে উপস্থিত হয়ে—“প্রায়াক্ককার গঙ্গার চড়ায় সেই গাছের অনুসন্ধান করে—সৌভাগ্যক্রমে অনতিদূরেই সেই গাছ” পেয়ে—“তারি ২৩টি পাতা এনে হাতে রগড়ে রস করে স্বামীজীর মুখে” দিয়াছিলেন—“প্রায় আশ ঘণ্টা পরে স্বামীজী চৈতন্য লাভ” করিয়াছিলেন। ভূদেববাবুর ‘শ্রী-নিদর্শন লাভের জগ্ন জলধর বাবু যে যশ-কাহিনীটি বর্ণনা করিয়াছেন—আশা করি, তাহা হিমালয়ে স্বামীজীর জীবনদান-বিবরণী হইতে কোন অংশে নিকৃষ্ট হয় নাট। বরং—তিনি সে অদিকতর মিপ্যার রামধনু-প্রভায় উত্থাকে আরও সমৃদ্ধ করিতে পারিয়াছেন, তাহা অস্বীকার করিবার উপায় নাট।

### বিরাত পর্ক—মহিষাদল রাজ্যে

#### অজ্ঞাতবাসে

মাষ্টার মহাশয় মহিষাদল রাজ্যে অজ্ঞাতবাস-লীলার আয়নংগোপন-কাহিনী বিশেষ কিছু ভাস্কিয়া বলেন নাই। স্মৃতি-তর্পণে রহস্য-লীলার আভাসমাত্র দিয়াই তিনি বিরত হইয়াছেন; কিন্তু তাহাতে রহস্য-পিয়াসু পাঠক-সমাজের তৃপ্তি তৃপ্ত করিতে পারিয়াছেন বলিয়া ত’ বোধ হয় না। এই প্রসঙ্গে তিনি লিখিয়াছেন :—

“আমি তখন মহিষাদলে মাষ্টারি করি। হিমালয়-কেরত মুসাকির তখন আবার ঘর বেঁধেছে। মহিষাদলে কয়েক বৎসর আমার বেশ কেটেছিল। তার পর নানা কারণে সেখানে মাষ্টারি করা এবং নাবালক রাজকুমারদের অভিভাবকত্ব আমার আর পুবিরে উঠল না। তখন আমার এমন অবস্থা হয়েছিল যে, সে স্থান ত্যাগ করতে পারলেই বাঁচি।...সুরেশের চিঠি পেয়ে আমি মহিষাদলের মাষ্টারি ত্যাগ করে কলিকাতায় এসে সুরেশের সঙ্গে ভ্রম করলাম।” (‘ভারতবর্ষ’, ১৯৪৩, জ্যৈষ্ঠ, ২০৫-২০৬ পৃষ্ঠা)

জলধর বাবু ব্রাহ্মমতে স্মৃতি-উপাসনা না করিয়া, যখন হিন্দুমতে স্মৃতি-তর্পণ অর্থে স্মৃতির শ্রাদ্ধ করিতেছেন, তখন বাঙ্গালা দেশের সুপ্রচলিত বিধি অনুসারে শ্রাদ্ধবাসরে বিরাত পর্ক পাঠের বিশেষ ব্যবস্থা করিলেই সমীচীন হইত। কিন্তু জলধর বাবু নিজে ব্রাহ্মধর্মের উপাসক, স্মৃতি-তর্পণেই তিনি সে কথা বিবৃত করিয়াছেন :—

“বালাকাল থেকেই আমি ব্রাহ্মসমাজে যাতায়াত করতাম। আমাদের গ্রামে মহর্ষি দেবেন্দ্রনাথ ঠাকুর মহাশয় একটি ব্রাহ্ম-সমাজ প্রতিষ্ঠিত করেন। আচার্য্য কেশবচন্দ্র সেনের আমলে আমাদের গ্রামের ব্রাহ্মসমাজ ভারতবর্ষীয় ব্রাহ্মসমাজের অন্তর্ভুক্ত হয়; তার পর যখন সাধারণ ব্রাহ্মসমাজ প্রতিষ্ঠিত হয়, তখন আমাদের ব্রাহ্মসমাজও ‘সাধারণ’ দল-ভুক্ত হয়। কলে পাঠের সময় থেকে কলেজের পাঠসমাপ্তি পর্য্যন্ত আমি যখনিয়ে ব্রাহ্ম-সমাজের উপাসনায় যোগ দিতাম।” (‘ভারতবর্ষ’, ১৯৪২, ফাল্গুন, ৩৪৩ পৃষ্ঠা)।

ব্রাহ্ম-ধর্মের পরম অনুরাগী বলিয়াই, বোধ হয়, জলধর বাবু মহিষাদলে অজ্ঞাতবাস পর্বের মাহাত্ম্য বর্ণনায় বিরত হইয়া, তাঁহার লীলামাধুর্যের রসায়নে পাঠকসমাজকে নিতান্তই বঞ্চিত করিয়াছেন।

কিন্তু, অন্ততঃ লালবাগের সেই দরোয়ানজীর কথাটা বলাও কি মাষ্টার মহাশয়ের একান্ত উচিত ছিল না? মহিষাদলে জলধর বাবু যে দরোয়ানজীকে আপ্যায়িত করিবার জগ্ন অবসরকালে অতিমাগ্নায় ব্যস্ত থাকিতেন—পরম সমাদরে সম্মান প্রদান করিতেন, তাঁহার স্মৃতি-তর্পণে সেই নিগূঢ় শব্দাস্পদ দরোয়ানজীর নামোল্লেখ পর্য্যন্ত না করা কি শোভন হইয়াছে? দরোয়ানজীকে সম্মান প্রদর্শন করিবার তৌরাজ-কসরতিতে সেই সময়েই অভ্যস্ত হইতে পারিয়াছিলেন বলিয়াই ত’ তিনি আজ রায় বাহাদুর হইবার সৌভাগ্য লাভ করিয়াছেন,—দক্ষিণাপথ ভ্রমণকালে জলধর বাবু বর্দ্ধমানের মহারাজাধিরাজের ভৃত্য—পরিচারকবৃন্দকে খাতির করিয়া, মান বজায় রাখিতে পারিয়াছেন। ইহা কি তাঁহার অনন্তসাধারণ গুণ-গরিমার দিব্য প্রকাশ নহে?

রাজভ্রাতৃপুলকায়ের দুই জন গৃহশিক্ষক—ত্রিভুবনচন্দ্র চট্টোপাধ্যায় ও উকিল রাধানাথ মাইতি অজ্ঞাতকারণে পর পর আয়ত্বত্যা করিলে—তাঁহাদের জগ্ন অগ্ন সুযোগ্য শিক্ষক না আসা পর্য্যন্ত সে ভার জলধর বাবু বিশাল স্বল্পে অস্বাধিকাবে বহন করিয়াছিলেন বলিয়াই ত’ জানি। কিন্তু তিনি নাবালক রাজকুমারদের “অভিভাবকত্বের” সুযোগ

কোন সময়ে লাভ করিয়াছিলেন বলিয়া ত' স্মরণ হয় না। তবে হ্যাঁ—জলধর বাবু যে, মহিষাদলের বাহির-অন্দরের কুমারমুগল ও পরমাত্মীয়স্বয়ের গুরুদায়িত্ব সাদরে গ্রহণ করিয়াছিলেন, তাহা সকলেরই বেশ স্মরণ আছে। কিন্তু মাষ্টার মহাশয় তাঁহার অননুকরণীয় বিনয়রসে অভিযুক্ত করিয়া সে যশঃসৌরভে বঙ্গ-সাহিত্যকে উদ্ভাসিত করিতে বিস্মৃত হইলেন কেন ?

আর ষ্টার থিয়েটারের সেই উজ্জ্বল তারকা দু'টির জ্যোতিপ্রভাও কি স্মৃতি-তর্পণের সময়ে জলধর বাবুর স্মৃতি-পথ হইতে মুছিয়া গেল ? যাহারা সেই সময়ে মহিষাদলের বাহির-অন্দরে বিরাজিতা ছিলেন—'সেন্ট্রাল এভিনিউ' প্রসারে অধুনা লুপ্ত 'ফুলবাগান' প্রাসাদবাসিনী ভগিনী-মুগলের পুত্র-স্বয়ের শিক্ষার গুরুভার জলধর বাবু স-সম্মানে গ্রহণ করিয়াছিলেন বলিয়া ত' সুপ্রচারিত। মাষ্টার মহাশয়ের সেই পরম স্নেহাস্পদ ছাত্রস্বয়ের বড়টি গ্রে ট্রীটের 'বসুমতী কার্যালয়ে' গাড়ী-ঘোড়া বিক্রয় করিতে আসিলে, আমার সম্মুখেই তিনি তাহাকে কত যত্ন—কত আদর করিয়াছিলেন, তাহা ত' এত সহর ভুলিবার কথা নহে। এই পরম স্নেহের প্রতিদানের সতিত জলধর বাবু স্বভাবসিদ্ধ কৌশলে আধ ছটাক চোখের জল—দেড় ছটাক সরলতার ভাণ—আধ সের গাটা মিথ্যা কথার ভেকী মিশাইয়া, ফাউন্টেন পেনে পুরিয়া কি স্মৃতি-তর্পণের আট পৃষ্ঠা অপূর্ব মহিমারঞ্জিত করিতে পারিতেন না ? সে বিচিত্র বর্ণচ্ছটা হৃদীকেশে জলধর বাবুর স্বামী বিবেকানন্দের জীবনদানের গৌরব-গর্ভকে কি আরও প্রদীপ্ত করিয়া তুলিত না ?

মহিষাদল হইতে প্রত্যাবর্তন-প্রদক্ষে রায় বাহাদুর স্মৃতি-তর্পণে লিখিয়াছেন—

...“গুরুদাস বাবুর সঙ্গে এই আমার প্রথম পরিচয়। ইহার তিন চার মাস পরে মহিষাদলের মাষ্টারী ছেড়ে দিয়ে কলিকাতায় চলে আসি।...পরদিন বঙ্গবাসী আফিসে সাবার সময় গুরুদাস বাবুর দোকানে গিয়ে তাঁর পদধূলি নিয়ে বললাম, 'আজই কাজে যাচ্ছি। যোগেন্দ্র বাবু আপাততঃ মাসে ত্রিশটাকা দেবেন, কাজকর্ম শিখলে বাড়িয়ে দেবেন।’”

( 'ভারতবর্ষ', ১৩৪৩, বৈশাখ, ৭৫৫ পৃষ্ঠা )

পূজনীয় গুরুদাস চট্টোপাধ্যায় মহাশয়ের মত সত্যনিষ্ঠ ব্রাহ্মণ—আদর্শ সংব্যবসায়ীর পদধূলি সত্যই গ্রহণ করিয়া

জলধর বাবু যদি সংবাদপত্র-সেবার ত্রুটি হইতে পারিতেন, তাহা হইলে অল্পের সাকল্য-গৌরব আয়সাৎ করিবার তীব্র আকাঙ্ক্ষা প্রকট করিতে নিশ্চয়ই তিনি লজ্জিত হইতেন। আর জলধর বাবুর সারা জীবনের এই উৎকট সাধনার পরিচয় দিবার জন্য আমাদেরও আজ এ বিড়ম্বনা ভোগ করিতে হইত না। রায় বাহাদুর সুপ্রবীণ বয়সে স্মৃতিতর্পণে “বাস্তালা সাহিত্যিকদিগের ইতিহাসের কিছু মালমসলা জমা” করিতেছেন। যে সকল সাহিত্যিকের সাধনা তিনি পরম অনুকম্পায় আয়সাৎ করিয়াছেন—নিজ নামে চালাইবার রূপা করিয়াছেন—তাঁহার বিনয়ান্তিম্যে বিমুগ্ধ হইয়া যে সকল “নগণ্য” লেখক তাঁহার মত সৌভাগ্যবানকে যথাসাধ্য সাহায্য করিয়া দণ্ড হইতে পারিয়াছেন—তাঁহার আশা করিয়াছিলেন, জলধর বাবু এই শুভ সুযোগে তাঁহাদের সাহায্যের কথা স্বীকার করিতে কুণ্ঠিত হইবেন না। কিন্তু স্পন্দার সমুচ্চ-শিখরে অধিষ্ঠিত রায় বাহাদুরের নিকট সে কষ্টব্যপালনের আশা করা—দুরাশার বাতুলতামাত্র।

অমর নাট্যকবি সেক্সপীয়ারের কয়েকখানি নাটক বর্তমান যুগে লর্ড বেকনের লিখিত বলিয়া প্রচারিত হইলেও ও' সেক্সপীয়ারের যশোগৌরব কিছুমাত্র ক্ষুণ্ণ হয় নাই। আর সাহিত্য-জগতে সেক্সপীয়ারের কীর্তিজ্যোতি—বিশাল প্রতিষ্ঠার তুলনায় জলধর বাবুর যশোভাতি হিমালয়ের সহিত বক্ষীকন্তুপের উপমার মতই নিরর্থক নহে কি ?

রায় বাহাদুর যে সকল সাহিত্যিকের প্রাণপাত সাধনার ফলে সুদীর্ঘ জীবন ব্যাপিয়া অজস্রভাবে যশ ও অর্থ আহরণ করিয়াছেন—মহাপ্রত্যাশার পূর্বে সেই দুঃস্থ সাহিত্যিকগণের সাহায্যের কথা স্বীকার করিলে তাঁহার মহিমাই সমুজ্জ্বল হইবে না কি ? সঙ্গে সঙ্গে তিনি কৃতজ্ঞতার স্বর্ণ পরিশোধ করিয়া বয়সোচিত প্রায়শ্চিত্ত করিবার সুযোগ পাইতে পারিবেন না কি ? অবশ্য শেষবরসে প্রায়শ্চিত্তবিধান হিন্দুধর্মেরই সমীচীন ব্যবস্থা। জলধর বাবু এই কলিযুগে একমাত্র সত্য—তত্ত্বশাস্ত্রে—শিববাক্যেও অবিশ্বাসী। স্মৃতিতর্পণেই তিনি লিখিয়াছেন :—

“...আমি তত্ত্ব-শাস্ত্র পড়িনি, এখনও তার কিছুই জানিনে ; কিন্তু তা হলেও আমি বলতে দ্বিধাবোধ করছিনে যে আমি তত্ত্ব-শাস্ত্রের বিরোধী ছিলাম এবং এখনও আছি। আমি

তলোক্ত পঞ্চ-মকারের সাধন কি, তা জানিনে। কিন্তু ঐ পাঁচটি ম-আদি নাম শুনে তখনও শিউরে উঠতাম—এখনও উঠি।”

(‘ভারতবর্ষ’, ১৩৪২, চৈত্র, ৫৪১ পৃষ্ঠা।)

রায় বাহাদুর এই সুপ্রবীণ বয়সেও যে শাস্ত্র পড়েন নাই—জানেন না, এখনও তিনি সেই নিত্য-সত্য তন্ত্রশাস্ত্রের বিরোধী,—হুণা—অশ্রদ্ধার ভাব প্রচার করিতেছেন। তিনি যে হিন্দুধর্মে দীক্ষিত নহেন, তাঁহার হিন্দুধর্ম-বিদেষী এই সদস্ত উক্তি তাহাই প্রমাণ করে না কি? কারণ, দীক্ষার বীজমন্ত্ররাজি—যাবতীয় সাধন-পদ্ধতি তন্ত্রশাস্ত্রে সমাহিত। বৈষ্ণব ভাবের সাধনাও তন্ত্রেরই প্রকারভেদ মাত্র।

কিন্তু তলোক্ত পঞ্চভাবের পঞ্চ মকার সাধনার অন্তর্গত কি জলধর বাবু চিরনিমগ্ন নহেন? পঞ্চ ম-কারের মধ্যে মচ্চ না হয় তিনি পান করেন না; কিন্তু আর একটি বিষয় ভদ্রসমাজে আলোচ্য না হইলেও মৎস্য, মাংস ও মূদ্রা (নব্য মতে)—এ তিনের আদরই কি তিনি চিরজীবন করেন নাই ও করিতেছেন না? তন্ত্রশাস্ত্র-নির্দেশিত দিব্যভাবের পঞ্চ মকার-সাধনা—যাহার প্রভাবে একজ্ঞানলাভ—ব্রহ্মানন্দের অনুভূতি হয়, তাহা অবশ্য জলধর বাবুর মত মিথ্যাশয়ীর পক্ষে এ জীবনে উপলব্ধি করা সম্ভবপর নহে।

কিন্তু তিনি ত’ ব্রাহ্মধর্মের অন্তরাগী—ব্রাহ্মধর্মের অন্তরাগিগণ ত’ সত্যনিষ্ঠ বলিয়া প্রসিদ্ধ—তাঁহারা ত’ সত্য-প্রকাশে কোন দিন কুঞ্জিত নহেন। গৃহস্থানগণও শেষ সময়ের পক্ষে, জীবনের যত কিছু অসদাচরণের গুপ্তকাহিনী পাদরীর নিকট প্রকাশ করিয়া শান্তি লাভ করেন। সকল ধর্মমতই এক—কোন ধর্মমতই ত’ তাঁহাকে সত্যকথা প্রকাশে বাধা দিবে না। তাঁহার ভাষাতেই তাঁহাকে নিবেদন করি—এত কাল পরে মহাত্মাগণের স্মৃতিতর্পণ ক’রে যদি সত্যই তাঁর অন্তর কৃতার্থ—ধন্য—পবিত্র হয়ে থাকে,

তবে সাহিত্যিকগণের নিকট তাঁহার ধর্মের পরিমাণ—তাঁহার স্বনামে প্রচারিত কোন্ পুস্তক কাহার শ্রীতি, তাহা অগ্রহ করিয়া অসঙ্কোচে স্বীকার করুন। এতকাল পরে গ্রন্থকারগণের কেহই কাপিরাইটের দাবী করিতে আসিবেন না। তিনি যথার্থই স্মৃতিতর্পণ করিয়া ধন্য হইবার সুযোগ পাইবেন।

তবে তিনি সুদীর্ঘ-জীবনে যখন অসত্যের সাধনায় সিদ্ধি-লাভ করিয়াছেন, তখন তাঁহার ভাগ্যে কবির সে কথা কখনই সার্থক হইবে না—

“To see the spectre of Despair  
Come to our lonely tent,  
Like Brutus midst his slumbering host  
Summon’d to die by Cæsar’s ghost.”

স্মৃতিতর্পণ-সূচনায় রায় বাহাদুর ক্রমওয়েলের যে উক্তি—“Paint me as I am” উদ্ধৃত করিয়া নির্দেশ দিয়াছেন—মাষ্টার মহাশয়ের সেই নির্দেশ সম্মানে শিরো-ধাৰ্য্য করিয়া, তাঁহার স্বরূপ প্রকাশে যথাসাধ্য প্রয়াস পাইতেছি। আশা করি, শিষ্ট-সমাজের বিরক্তি-ভাজন হইব না এবং অগাণ্ণ পক্ষের কথাও অতঃপর সকলে ধৈর্য্য সহকারে পাঠ করিবেন।

বিরাত পক্ষের কথা চাদ-ধরা ফাঁদ।

খুলিয়া বলিলে পরে যুঁচিঁত প্রমাদ ॥

শ্রীদীনেশকুমার রায়।

এই প্রবন্ধের প্রথম অংশ প্রকাশের পর কয়েকখানি পত্র আসিয়াছে, কিন্তু তাহাদের কোনখানিই প্রতিবাদ-পত্র নহে। ‘মাসিক বসুমতীর’ কোন প্রবন্ধের মত-সমর্থনে পত্রাকারে ছোট প্রবন্ধ প্রকাশের স্থানাভাব। আশা করি, পত্র-লেখকগণ এতদুঃস্থ হইবেন না।

‘মাসিক বসুমতী’-সম্পাদক।

## বাদল-রাতে

স্বপনে কার পায়ের ধ্বনি যেন শুনি!

বৃষ্টিপারা বরছে বেগে দেখি জেগে!

বাদল ঝরে বনে-বনে, বাতায়নে,

খাঙিনাতে বর্ষা-রাতে!

হৃর্যোগে আজ মিথ্যা রাতি—

জাগি বাতি

ব’সে আছি হতাশাসে—

হাসবে না সে!

শ্রীপৃথ্বীরাজ মুখোপাধ্যায়।





কর্তা শাস্ত্রার্থব্হাৎ ( ২।৩।১৩ )

( শঙ্কর ) “কর্তা,” জীবের কর্তৃত্ব আছে, “শাস্ত্রার্থব্হাৎ” যেহেতু শাস্ত্রবাক্য অর্থাৎ হওয়া প্রয়োজন। শাস্ত্র বলিয়াছেন—“যজ্ঞেত” অর্থাৎ যজ্ঞ করিবে, “জুহুয়াৎ” অর্থাৎ আহুতি দিবে। যদি জীব কর্তা না হন, তাহা হইলে এই সকল শাস্ত্রবাক্য সার্থক হইবে না।

প্রকৃতপক্ষে বুদ্ধিই কর্তা। বুদ্ধি আত্মার শ্রেষ্ঠ গুণ। এজন্য আত্মাকে কর্তা বলা হয়।

( রামানুজ ) কর্তৃত্ব আত্মারই গুণ। ইহা মতার্থ নহে যে, কর্তৃত্ব বুদ্ধিরই গুণ, ইহাকে আত্মার গুণ বলিয়া পম হয়। গীতায় ইহা বলা হইয়াছে বটে যে, প্রকৃতিই কর্তা, ভ্রমহেতু আত্মাকে কর্তা বলিয়া মনে হয়, \* কিন্তু তাহার উদ্দেশ্য এই যে, সাংসারিক কন্ম করিবার সময় আত্মা সত্ত্ব, রজঃ বা তমঃ গুণের নিকট হইতে প্রেরণা লাভ করে। “শাস্ত্র” শব্দের অর্থ “যাহা শাসন করে”। যদি জীব কর্তা না হইত, তাহা হইলে কিরূপে শাসন করা হইত ?

বিহারোপদেশাৎ ( ২।৩।১৪ )

জীব যে কর্তা, তাহার আর একটি কারণ এই যে, নিদ্রার সময় জীব দেহের মধ্যে “বিহার” বা ভ্রমণ করে, ইহা শাস্ত্রে “উপদেশ” দেওয়া হইয়াছে। বৃহদারণ্যক উপনিষদে আছে, “স্ব শরীরে সগাকামঃ পরিবর্ততে” (২।১।১৮) অর্থাৎ নিজের শরীরে যথেষ্টভাবে পরিবর্তন করে।

উপাদানাৎ ( ২।৩।১৫ )

জীব যে কর্তা, তাহার আর একটি কারণ এই যে, উপনিষদে উক্ত হইয়াছে যে, জীব ইন্দ্রিয়গুলি “উপাদান” বা গ্রহণ করে। যথা “প্রাণান্ গৃহীত্বা” (বৃহদারণ্যক ২।১।১৮) অর্থাৎ ইন্দ্রিয় সকল গ্রহণ করিয়া।

\* প্রকৃতে: ক্রিয়মাণানি গুণৈ: কন্মাণি সৰ্ব্বশ:।

অহঙ্কারবিমূঢ়াত্মা কর্তাহম্ ইতি মন্যতে।

“প্রকৃতির গুণ দ্বারা কন্ম অনুষ্ঠিত হয়। অহঙ্কারহেতু বাহ্যর জ্ঞান আবৃত হইয়াছে, সে মনে করে ‘আমিই কর্তা’।”

ব্যপদেশাৎ চ ক্রিয়ায়াং ন চেৎ নিদেশবিপর্যায়ঃ ( ২।৩।১৬ )

“ক্রিয়ায়াং” অর্থাৎ কন্মে, “ব্যপদেশাৎ” কর্তৃত্বরূপে উল্লেখ আছে (অতএব জীবই কর্তা)। যথা “বিজ্ঞানং যজ্ঞঃ তন্নতে” (তৈত্তিরীয় উপনিষদ্ ২।৫।১) অর্থাৎ জীব যজ্ঞ করে। আপত্তি হইতে পারে যে, এখানে “বিজ্ঞান” শব্দে জীবকে বুঝায় না, বুদ্ধিকে বুঝায়। না, এখানে বিজ্ঞান শব্দে জীবকেই বুঝায়? “নচেৎ” যদি জীবকে না বুঝাইত, “নিদেশবিপর্যায়ঃ” তাহা হইলে নিদেশের বিপর্যায় হইত, অর্থাৎ বিজ্ঞান শব্দে যদি বুদ্ধিকে বুঝাইত, তাহা হইলে “বিজ্ঞানেন যজ্ঞঃ তন্নতে” এইরূপ বলা হইত। (“বুদ্ধি দ্বারা যজ্ঞ করে” ইহা বলাই সমীচীন, “বুদ্ধি যজ্ঞ করে” ইহা বলা সমীচীন নহে)

উপলক্ষিবৎ অনিয়মঃ ( ২।৩।১৭ )

( শঙ্কর ) আপত্তি হইতে পারে যে, জীব যদি কর্তা হইত, তাহা হইলে সর্বদা নিজের হিতকর কার্য্য করিত, কিন্তু দেখা যায় যে, জীব কখনও কখনও নিজের অহিতকর কার্য্যও করিয়া থাকে। ইহার উত্তর এই যে,—“উপলক্ষিবৎ অনিয়মঃ”। জীব উপলক্ষি বা জ্ঞানের কর্তা। তথাপি সর্বদা সে সুখকর জ্ঞান হয়, তাহা নহে, কখনও সুখকর, কখনও অসুখকর জ্ঞান হয়; এরূপ কোনও নিয়ম নাই যে, সর্বদাই সুখকর জ্ঞানই হইবে, (“অনিয়মঃ”) সেরূপ এরূপ কোনও নিয়ম নাই যে, জীব সর্বদা হিতকর কার্য্যই করিবে। প্রতিকূল বস্তু নিকটে থাকিলে অসুখকর জ্ঞান হয়। সেইরূপ প্রতিকূল অবস্থায় পড়িলে (যথা, কুসঙ্গ) জীব অহিতকর কার্য্য করে। তথাপি জীবকে যেমন জ্ঞাতা বলা হয়, সেইরূপ জীবকে কর্তাও বলিতে হইবে।

( রামানুজ ) যদি জীব কর্তা না হইয়া প্রকৃতিই কর্তা হইত, তাহা হইলে সকল কন্মের ফল সকল জীবকে ভোগ করিতে হইত, কিন্তু দেখা যায় যে, জীব নিজের কন্মের ফলই ভোগ করে, অস্ত্রের কন্মের ফল ভোগ করে না। প্রকৃতি এক। সকল জীবের সহিত প্রকৃতির সখ্য সমান।

প্রকৃতিই যদি সকল কর্মের কর্তা হয়, তাহা হইলে সকল কর্মের সহিত সকল জীবের সম্বন্ধ সমান হইত।

∴ শক্তিবিপর্গায়ং (২।৩।৬)

(শঙ্কর) যদি বুদ্ধি কর্তা হইত, জীব যদি কর্তা না হইত, তাহা হইলে শক্তিবিপর্গায় হইত, বুদ্ধির করণশক্তি থাকিত না, কর্তৃত্বশক্তি থাকিত। কিন্তু বুদ্ধির করণশক্তি আছে, ইহা সুবিদিত।

(রামানুজ) সে কর্তা, সেই ভোক্তা হইবে, ইহা যুক্তি-সঙ্গত। বুদ্ধি যদি কর্তা হইত, তাহা হইলে বুদ্ধি ভোক্তা হইত, অর্থাৎ বুদ্ধির ভোক্তৃত্বশক্তি থাকিত। ইহা শক্তিবিপর্গায়। কারণ, ভোক্তৃত্বশক্তি জীবেরই আছে। বস্তুতঃ ইহাই জীবের অস্তিত্বের প্রমাণ। “পুরুষঃ অস্তি ভোক্তৃ-ভাবাৎ” (সাংখ্যকারিকা ২৭) অর্থাৎ জীব আছে, কারণ, ভোক্তৃভাব আছে।

সমাদ্যভাবাৎ চ (২।৩।৭)

(শঙ্কর) যদি জীব কর্তা না হইত, তাহা হইলে “সমাদি” হইতে পারিত না। কিন্তু উপনিষদে সমাদির উপদেশ দেওয়া হইয়াছে। “আত্মা বা অরে দৃষ্টব্যঃ শোভব্যঃ নিদিদ্যাসি-তব্যঃ” (বৃহদারণ্যক ২।৩।৫) অর্থাৎ আত্মাকে দর্শন করিতে হইবে, শ্রবণ করিতে হইবে, আত্মাতে সমাদি অবলম্বন করিতে হইবে।

(রামানুজ) “আমি প্রকৃতি হইতে ভিন্ন” এইরূপ প্রত্যক্ষই সমাদির অবলম্বন। বুদ্ধি প্রকৃতির অন্তর্গত, সুতরাং বুদ্ধির এরূপ প্রত্যয় হইতে পারে না যে, সে প্রকৃতি হইতে ভিন্ন। সুতরাং বুদ্ধি সমাদিক্রিয়ার কর্তা হইতে পারে না। বুদ্ধি যদি সকল কর্মের কর্তা হয়, তাহা হইলে সমাদি কাহারও হইতে পারে না। সুতরাং বুদ্ধিকে সকল ক্রিয়ার কর্তা বলা যায় না।

যথা চ তক্ষা উভয়থা (২।৩।৮)

তক্ষার (সূত্রধরের) ন্যায়, উভয় প্রকারেই (জীব অবস্থান করে)।

(শঙ্কর) জীবের কর্তৃত্ব স্বাভাবিক নহে, বুদ্ধি প্রভৃতি উপাদির সংসর্গে জীবের কর্তৃত্ব হয়। জীবের কর্তৃত্ব যদি স্বাভাবিক হইত, তাহা হইলে জীবের কর্তৃত্ব কখনও অপগত হইত না,—যেমন অগ্নির স্বাভাবিক উষ্ণতা কখনও অগ্নিকে ত্যাগ করে না। জীবের কর্তৃত্ব অপগত

না হইলে জীবের যোগ্য হইতে পারে না। সূত্রধরের হস্তে যখন যথ্য থাকে, সে তখন কর্তা ও ভূখী হয়; সে যখন গৃহে কিরিয়্যা যথ্য ত্যাগ করিয়া অবস্থান করে, তখন সুখী হয়। সেইরূপ ইন্দ্রিয় সকলের সংসর্গে আত্মা কর্তা ও ভূখী হয়, আবার ইন্দ্রিয়ের সহিত সম্পর্ক ত্যাগ করিয়া ব্রহ্মকে প্রাপ্ত হইয়া আত্মা অ-কর্তা ও সুখী হয়।

(রামানুজ) সূত্রধর যখন ইচ্ছা হয়, তখন কায করে, যখন ইচ্ছা হয় না, তখন কায করে না। সেই প্রকার জীব যখন ইচ্ছা হয়, তখন কায করে, যখন ইচ্ছা হয় না, তখন করে না। যদি অচেতন বুদ্ধি কর্তা হইত, তাহা হইলে সর্বদাই কায করিত। কারণ, বুদ্ধি অচেতন, তাহার ইচ্ছা বা অনিচ্ছা হইতে পারে না।

পর্যং তু তচ্ছ্রুতেঃ (২।৩।৯)

পর্যং (পরমেশ্বর হইতে জীবের কর্তৃত্ব হয়), তৎশ্রুতেঃ (কারণ, পরমেশ্বরের ইচ্ছায় জীব কার্য্য করে, এইরূপ শ্রুতি আছে)।

বেদ বলিয়াছেন—“এষ হি এব সাধু কন্ম কারয়তি তং যম্ এভ্যঃ লোকেভ্যঃ উন্নিনীষতে, এষ হি এব অসাধু কন্ম কারয়তি তং যম্ এভ্যঃ লোকেভ্যঃ অপো নিনীষতে” (কৌষীতকি ৩।৮) অর্থাৎ ইনিই (ঈশ্বর) যাহাকে উপরে তুলিতে ইচ্ছা করেন, তাহার দ্বারা সাধু কন্ম করান, এবং যাহাকে নীচে নামাইতে ইচ্ছা করেন, তাহার দ্বারা অসাধু কন্ম করান। পুনশ্চ, “য আত্মানম্ অঙ্গুরো যয়তি স তে আত্মা অন্তর্যামী অমৃতঃ” অর্থাৎ যিনি আত্মার মধ্যে অবস্থান করিয়া আত্মাকে সংযত করেন, তিনি তোমার আত্মা, তিনি অন্তর্যামী ও অমৃত। গীতাতেও ভগবান্ এই কথা বলিয়াছেন,—

ঈশ্বরঃ সর্বভূতানাং হৃদয়ের্জুন তিষ্ঠতি।

ব্রাহ্মণ্যন্ সর্বভূতানি যন্ত্রাকৃঢ়াণি মায়ায়া ॥

“ঈশ্বর সকল জীবের হৃদয়ে অবস্থান করেন, এবং যন্ত্রাকৃঢ় জীবসকলকে মায়া দ্বারা ভ্রমণ করান।”

কৃৎস্নপ্রযত্নাপেক্ষং বিহিতপ্রতিষিদ্ধ-অবৈয়র্থ্যাদিভ্যঃ (২।৩।১০)

“কৃৎস্নপ্রযত্নাপেক্ষং”—ঈশ্বর জীবের “কৃৎস্ন” (সমুদয়) “প্রযত্ন” (চেষ্টা) “অপেক্ষা” করিয়া (চেষ্টার অহরূপ) জীবকে কন্ম করান। “বিহিতপ্রতিষিদ্ধ-অবৈয়র্থ্যাদিভ্যঃ” শাস্ত্রে যে সকল কার্য্য “বিহিত” আছে, এবং যাহা “প্রতিষিদ্ধ” আছে, তাহার বাহাতে ব্যর্থ না হয় (“অবৈয়র্থ্য”) তজ্জ

এরূপ সিদ্ধান্ত করা প্রয়োজন। শাস্ত্রে আছে—“স্বর্গকামো যজ্ঞেত” যিনি স্বর্গ-কামনা করেন, তিনি যজ্ঞ করিবেন। যিনি স্বর্গ-কামনা করিয়া যজ্ঞ করিবার চেষ্টা করিবেন, ঈশ্বর তাঁহার দ্বারা যজ্ঞ সম্পাদন করান, এবং যজ্ঞ করিবার ফলে তিনি স্বর্গলাভ করেন, এই ভাবে শাস্ত্রবাক্য সার্থক হয়। জীবের চেষ্টা অনুসারে যদি ঈশ্বর তাহার দ্বারা কার্য না করান, তাহা হইলে জীবের পুরুষকার ব্যর্থ হইয়া যাইবে, তাহা হইতে পারে না।

ঈশ্বরের অন্তর্যামিহ এবং সর্লশক্তিমত্তার সহিত এই-ভাবে পুরুষকারের সামঞ্জস্য স্থাপন করা হইয়াছে।

(রামানুজ) যাহার ধারণা বিষয়ে প্রশ্ন, ঈশ্বর তাহাকে সেইরূপ বিষয়ে প্রবৃত্তির অনুমতি প্রদান করেন, ঈশ্বরের অনুমতি হইলে জীবের প্রবৃত্তি হয়। গীতার ভগবান্ বলিয়াছেন, “মন্তঃ সর্লং প্রবর্ত্ততে” (১০।৮) অর্থাৎ আমিই সকলকে প্রবৃত্তি প্রদান করি : ‘দনামি বুদ্ধিযোগং তং যেন মাম্ উপযান্তি তে’ (১০।১১) অর্থাৎ যে বুদ্ধির দ্বারা আমাকে প্রাপ্ত হওয়া যায়, সেই বুদ্ধির সহিত আমি তাহাদিগকে বৃত্ত করিয়া দিই (যাহারা সর্লদা প্ৰীতিপূর্লক আমাকে ভজন করে।)

অংশো নানাব্যপদেশাৎ অগ্ৰথা চ অপি দাশকিতবাদিত্বম্  
অধীযত একে (২।৩।৪৩)


অংশঃ (জীব ঈশ্বরের অংশ), নানাব্যপদেশাৎ (কারণ, জীব ও ঈশ্বরের মধ্যে “নানা” অর্থাৎ প্রভেদের “ব্যপদেশ” অর্থাৎ উল্লেখ আছে), অগ্ৰথা চ অপি “অগ্ৰথা চ” অর্থাৎ প্রভেদ ভিন্ন অগ্ৰরূপ, অর্থাৎ জীব ঈশ্বর হইতে অভিন্ন, ইহারও উল্লেখ আছে, দাশকিতবাদিত্বম্ (দাশ অর্থাৎ কৈবর্ত্ত, কিতব অর্থাৎ দ্যুতকারী, ব্রহ্মকেই দাশ ও কিতব বলা হইয়াছে) “একে অধীযতে” (এক শাখায় এইরূপ কথা আছে)।

যেদে কোনও স্থানে জীব ও ব্রহ্মের মধ্যে ভেদের উল্লেখ আছে, আবার কোনও স্থানে অভেদের উল্লেখ আছে। ভেদের উল্লেখ,—“সঃ অবেষ্টব্যঃ সঃ বিজিগ্গাসিতব্যঃ” অর্থাৎ তাঁহাকে (ঈশ্বরকে) অবেষণ করা উচিত, তাঁহাকে জিগ্গাসা করা উচিত। যিনি জিগ্গাসা করিবেন (জীব) এবং যাহাকে জিগ্গাসা করিবেন (ব্রহ্ম), উভয়ে অবশ্য বিভিন্ন। সুতরাং এখানে জীব ও ব্রহ্মের মধ্যে প্রভেদ আছে, ইহাই বলা হইল। আবার অপর্যবেদে ব্রহ্মস্বত্তে আছে—“ব্রহ্ম দাশা

ব্রহ্ম দাশা ব্রহ্ম এব ইমে কিতবাঃ” ব্রহ্মই দাশ (কৈবর্ত্ত), ব্রহ্মই দাশ (ভূত্যা), ব্রহ্মই এই সকল কিতব (ধর্ত্ত বা দ্যুতক্রীড়াকারী)। সকল মানবই ব্রহ্ম। ব্রহ্ম ও জীবের মধ্যে যখন ভেদও আছে, অভেদও আছে, তখন বুদ্ধিতে হইবে যে, জীব ব্রহ্মের অংশ। কারণ, অংশ ও অংশীর মধ্যে ভেদও আছে, অভেদও আছে।

(রামানুজ) জীব যে ব্রহ্মের অংশ, তাহা পূর্বেই বলা হইয়াছে (ব্রহ্মসূত্র ২।১।২২, “অদিকং তু ভেদনির্দেশাৎ”)। সেই সিদ্ধান্তই এখানে বিস্তারিতভাবে আলোচনা করা হইয়াছে। জীব ও ব্রহ্মের সম্বন্ধ কিরূপ, এ বিষয়ে দ্বৈতবাদ, অদ্বৈতবাদ, বিশিষ্টাদ্বৈতবাদ প্রভৃতি বিভিন্ন মত আছে। একটি মত এই যে, জীব ও ব্রহ্ম একান্ত ভিন্ন, ব্রহ্ম সর্লজ্ঞ, সর্লশক্তিমান, জীব অলজ্ঞ, অলশক্তিমান (দ্বৈতবাদ)। আর এক মত এই যে, জীবও ব্রহ্ম অভিন্ন, অবিচ্ছা বা অজ্ঞান বশতঃ ব্রহ্ম নিজকে জীব বলিয়া ভ্রম করেন (অদ্বৈতবাদ)। আর একটি মত এই যে, জীব ব্রহ্মের অংশ (বিশিষ্টাদ্বৈতবাদ)। শেষের এই মতটিই মথার্ণ। অগ্ৰ মতগুলি মথার্ণ নহে। কারণ, শক্তিতে কোনও স্থানে ব্রহ্মকে জীব হইতে ভিন্ন বলা হইয়াছে, আবার কোনও স্থানে জীবকে ব্রহ্ম হইতে অভিন্ন বলা হইয়াছে। জীব ব্রহ্মের অংশ হইলে এই দুই প্রকার শ্রুতিবাক্যই মথার্ণ হয়। ইহাই বিশিষ্টাদ্বৈতবাদের মত। যাহারা বলেন, জীব ও ব্রহ্ম একান্ত ভিন্ন, তাঁহারা বলেন যে, যে শ্রুতিবাক্যে উভয়কে এক বলা হইয়াছে, তাহার মূখ্য অর্থ গ্রহণ না করিয়া গৌণ অর্থ গ্রহণ করিতে হইবে (অর্থাৎ ঐরূপ শ্রুতিবাক্যের অর্থ এই যে, জীব ব্রহ্মের আনন্দময়)। যাহারা বলেন যে, ব্রহ্ম অবিচ্ছা হেতু নিজকে জীব মনে করেন, তাঁহারা বলেন যে, ব্রহ্ম ও জীবের মধ্যে ভেদবাচক শ্রুতিবাক্যে অবিচ্ছা-কল্পিত এবং লোকপ্রসিদ্ধ ভেদকে লক্ষ্য করা হইয়াছে। এ সকল মত সম্ভোষণক নহে,—কারণ, সকল শ্রুতিবাক্যের মর্যাদা রক্ষা করা হয় নাই। কেবল বিশিষ্টাদ্বৈতবাদে সকল শ্রুতিবাক্যের মর্যাদা রক্ষা করা হইয়াছে। উপাধি-সংযোগে ব্রহ্মই জীব হন, এ মতও ঠিক নহে। জ্ঞানী এবং শক্তিমান কোনও ব্যক্তি গৃহ প্রভৃতি উপাধির সংযোগে জ্ঞানহীন ও শক্তিহীন হইতে পারে না। সুতরাং ব্রহ্মও উপাধিসংযোগে জীব হইতে পারেন না।

ব্রহ্মস্বত্তে (এক)।



১

বাসায় ঝি-বামুন ছাড়া কেহ নাই। বহুক্ষণ অপেক্ষার পর অনাথবন্ধু তক্তপোষে আস্তৃত জীর্ণ মসলন্দের উপর দেহ এলাইয়া দিলেন। গলির মধ্যে পথচারী ও মানবাহনের চলাচলের বিরাম নাই। অনাথবন্ধু গবাক্ষের বাহিরে সন্নিবন্ধদৃষ্টি হইয়া কত কি ভাবিতেছিলেন। উগাণ্ডার কালা জঙ্গলে রেলের ঠিকাদারী, বারো বৎসর পরে স্বদেশে প্রত্যাবর্তন, পরম আত্মীয়-গৃহে আতিথ্য-স্বীকার,—এই বারো বৎসরের মধ্যে সহরের কি অভাবনীয় পরিবর্তন!

ভগিনীপতি প্রসাদদাস কমাসিয়াল আর্টিষ্ট, তাঁহারই গৃহে তিনি অতিথি। কমাসিয়াল আর্টিষ্ট—যেন সোনার পাথর-বাটি! কেশভালের বিজ্ঞাপন, গন্ধদ্রব্যের বিজ্ঞাপন, ঔষধ-পণ্যের বিজ্ঞাপন, বীমার বিজ্ঞাপন, ব্যাঙ্ক ও হোস-সমূহের বিজ্ঞাপন, ব্যবসায়ের যেমন ছড়াছড়ি, বিজ্ঞাপনেরও ততোধিক, বারো বৎসর পূর্বে ইহার নামগন্ধও ছিল না। অন্ধরে ও চিত্রে ঐ সকল বিজ্ঞাপনের পরিকল্পনাকে মূর্তি দেওয়াই ছিল প্রসাদদাসের পেশা, দিনগুরুত্বের প্রধান উপায়। এই অর্ডারের পর অর্ডার, আবার ছই ঘাস কিছুই নাই—নিছক নিষ্কর্য বসিয়া থাকি, অনিশ্চিত আতঙ্কময় ছর্ভাবনার জীবন-যাত্রা! এই বিড়ম্বনাময় জীবন-যাত্রার সংসারে আতিথ্য স্বীকার,—নিতান্ত আপনার না হইলে—

তক্তপোষের একটা কোণে টিনের কোঁটার ডালার উপর অর্ধভুক্ত চুরুটটা আপনিই অস্বস্তিতে পুড়িয়া যাইতেছিল, অনাথবন্ধু উহা মুখে তুলিয়া ছই-চারিবার টান দিলেন।

বারো বৎসর! এক যুগ!—কি ভীষণ যুগান্তর! সহর ত চেনাই যায় না, সহরের সহরে পুরুষ ও নারীও ভ্রমের চ—রিপেত: বাসালী নারী! আশ্চর্য্য তাহার

পরিবর্তন! আর্টিষ্ট প্রসাদদাস প্রায় সারাদিনই ঘরের বাহিরে—হয় ষ্টুডিওতে, না হয় পথে পথে অর্ডারের সন্ধানে। তাঁহার গৃহিণী কল্পনা দেবী প্রায় তথৈব চ—হাফ-আর্টিষ্ট, বিড়ম্বী কথাশিল্পী, কবি, নারী-সমিতির সেক্রেটারী, কত কি,—তাঁহারও ঘরের গণ্ডীর মধ্যে সীমাবদ্ধ হইয়া থাকা সকল সময়ে সম্ভব হইয়া উঠিত না। এই ত আজ সন্ধ্যা অতীত, অথচ গৃহে অতিথি সন্দেশ কর্তা গৃহিণী যথাসময়ে গৃহে অনুপস্থিত। কণা মঞ্জুও বা এত রাত্রি অবধি কোথায়? ভগিনী ও ভাগিনেয়ীর সনির্ভর অধরোধেই তিনি না চিত্ত-বিশ্রাম হোটেল হইতে ডেরাডাণ্ডা উঠাইয়া এখানে আসিয়া উঠিয়াছেন? কিন্তু যাহাদের আগ্রহ, তাঁহারা কোথায়?

ক্ষুণ্ণমনে তিনি এই কথাই চিন্তা করিতেছিলেন। ভাগিনেয়ী মঞ্জুর পরিবর্তনই তাঁহার দৃষ্টিতে বিরাট বলিয়াই মনে হইতেছিল। মঞ্জু সুন্দরী, শিক্ষিতা, বাকপটু,—ইহাতে সন্দেহ নাই। দেখিয়া গিয়াছিলেন তিনি তাহাকে ছয় বৎসরের ফুটফুটে মেয়েটি,—আর আজ সে কলেজের ছাত্রী, পৃষ্ঠে দীর্ঘ বেণী দোলাইয়া নিঃসঙ্কোচে হেথা-সেথা যাতায়াত করে, নির্ভীক নয়নে পরিচিত অপরিচিত পুরুষের সহিত আলাপ-পরিচয় করে। উগাণ্ডার দীর্ঘ নির্বাসিত নিঃসঙ্গ জীবন অতিবাহনকালে প্রতীচ্যের সাহিত্যের মারফতে বহু আধুনিকার চরিত্র-চিত্রাঙ্কনের সহিত পরিচিত হইয়াছিলেন। মঞ্জু ঠিক সে ভাবের না হইলেও কতকটা যে সেই ভাবের, তাহা তিনি নিঃসঙ্কোচে বলিতে পারেন। মাথায় তাহার কর্তিতালক বব্‌ড্‌হেয়ার অথবা অধরোধে সিগারেট নাই বটে, সে তাহার পুরুষ বন্ধুদের মত যৌবন-মদোদ্ধত গর্কিত চরণবিক্ষেপে চলে না বটে, উপানতশোভিত চরণ চেয়ারের উপর উত্তোলিত করিয়া মাথা হেলাইয়া



চোখের চাহনি হইতে লজ্জা ভয় সঙ্কোচ বিদার দিয়া বয়োজ্যেষ্ঠ আগন্তকের সহিত সমান ওজনে আলাপ-পরিচয় করে না বটে, কিন্তু—কিন্তু—তবুও—

কাল অপরাহ্নে খিদিরপুরের কাষ সারিয়া ফিরিবার পথে ইডেন উদ্ভানে বায়ু-সেবনের উদ্দেশ্যে গাড়ী হইতে নামিয়া যাহা দেখিয়াছেন, তাহা কি তিনি জীবনে ভুলিতে পারিবেন? পর পর তিনখানি বাসগাড়ী উদ্ভানের ফটকে দাঁড়াইয়া—তিনখানি বাসগাড়ী ছাত্রী বোঝাই—তিনখানিরই অঙ্গে ভবানীপুরের কোন এক নারী-শিক্ষা-প্রতিষ্ঠানের নামাঙ্কিত। গাড়ীগুলি কয়েকপ যাতায়াত করিবে এবং প্রতি খেপে কত যাত্রী বহন করিবে, সে সম্বন্ধে সোফারের সহিত অভিভাবিকা প্রধান শিক্ষায়ত্রীর কথোপকথন হইতে তিনি বুঝিয়া লইয়াছিলেন যে, অন্ততঃ ছাত্রীর সংখ্যা দেড় শতেরও কম হইবে না। কথার ভাবে বুঝিয়াছিলেন, তাঁহার শিবপুর বাগানের ফেরত যাত্রী, সেখানে তাঁহাদের একসংসর্গ ছিল।

বালিকা, কিশোরী, যুবতী, প্রৌঢ়া—তা ছাড়া সহযাত্রী পুরুষও দুই তিন জন। বোধ হয়, প্রৌঢ়া ও পুরুষরা শিক্ষাপ্রতিষ্ঠানের শিক্ষক ও শিক্ষয়িত্রী।

ছাত্রীদের মধ্যে একাধিকেরও অধিক বাসগাড়ীতে স্থান পাইল না, সুতরাং তাহারা বাগানের মধ্যে বনকুরঙ্গীর মত ছুটাছুটি হড়াহড়ি আরম্ভ করিয়া দিল,—তাহাদের প্রত্যেক গতিতে উদ্দাম অসহনীয় কৈশোর যৌবনের প্রাণ-স্পন্দনের স্ফুর্তি বিকসিত হইতে লাগিল! উগাণ্ডার জঙ্গলের জঙ্গলী মানুষ—তাঁহার চোখে এ এক অভিনব ব্যাপার বলিয়া অল্পমিত হইবে, ইহাতে বিশ্বয়ের বিষয় কি আছে? পাছে মুখ-ব্রষ্ট হইয়া কেহ বিপথে দাবিত হয়, এ জগৎ অভিভাবক ও অভিভাবিকারা অমুযোগ অথবা তাড়না করিলে দুই একটি তরুণী যে জবাব দিয়াছিল, তাহা এখনও তাঁহার কাণে বাজিতেছে! কয়টি ভিন্দেনী বিধর্মী তরুণ, তরুণীদের প্রতি কটাক্ষপাত করিয়া আপনাদের মধ্যে মৃদুস্বরে যে আলোচনা করিয়াছিল, তাহা এখনও তাঁহার মনে কাটার মত বিঁধিতেছে। জঙ্গলের মানুষ—সংসার ও সমাজের মঙ্গলস্পর্শ হইতে দূরে জঙ্গলে হিংস্র ঋপদসমূহের মধ্যে নির্দাসিত এই জঙ্গলী মানুষটির কাছে এ সব পরিবর্তন পৃথিবীর অষ্টম আশ্চর্য বলিয়া বোধ হইবে না?

“একলা বসে আছেন, মামাবাবু? বাঃ! বাবা, কী?”

মঞ্জু কখন কক্ষে প্রবেশ করিয়াছিল, মজীর চিন্তাময় অনাথবন্ধু তাহা জানিতে পারেন নাই। অজর্কিত প্রলে চমকিত হইয়া বলিলেন, “হাঁ মা, একলাই রয়েছি বটে। কটা বাজলো? ওঃ, প্রায় দশটা? তুমি কোথা ছিলে, মা—ক্লাবে? কি রিহার্সাল হ’ল তোমাদের?”

পার্শ্বের কক্ষে মঞ্জু বেশ পরিবর্তন করিতেছিল, বলিল, “না, আজ আমাদের ক্লাবের দিন ছিল না। শিশির-দাদের ওখানে গিয়েছিলুম ইকনমিকস্‌টা বুঝে নিতে—শিশির-দা এম, এ-তে ইকনমিকস্‌ নিয়েছে কি না—”

“তুমিও বুঝি ঐ সাবজেক্ট নিয়েছ? তা বেশ! শিশির-দা?”

“শিশির-দাকে জানেন না? রেবার বড়দা—ঐ যে আমাদের গলির মোড় পেরিয়ে বড় রাস্তার উপর মস্ত ফটকওলা বাড়ী—”

“হুঁ”—অশ্রমনভাবে জবাব দিয়া অনাথবন্ধু মাথার মধ্যে অতীতের কোন একটা ঘটনা স্মৃতিপথে আনিবার জন্ত চেষ্টা করিতে লাগিলেন। গলির মোড় পারে বড় রাস্তার উপর—মস্ত ফটকওলা বাড়ী—ভোরের অন্ধকার—বাসগাড়ী—

মঞ্জু ঘরে আসিয়া বলিল, “খেতে রাত হয়ে যাচ্ছে বোধ হয় আপনার, মামাবাবু? আমরা একটু রাত করে খেয়ে থাকি।”

“তা বেশ কর। বলছিলাম কি, এমনি রোজ রাত করে একলা ঘরে ফেরো?”

ক্ষণকাল বিস্মিতভাবে মুখের দিকে তাকাইয়া মঞ্জু নিস্ত-মুখে বলিল, “ওতে খুব বদনাম হয় বুঝি আমার?”

মঞ্জুর অবজ্ঞামিশ্রিত হাসি অনাথবন্ধুকে বিস্ময়াত্র বিচলিত করিল না, এমন কথা বলা যায় না। তবে তাঁহার মুখের হাসি বিদগ্ধ হইল না। তিনি সহজস্বরে কথাটার জবাব দিতে যাইতেছিলেন; কিন্তু তৎপূর্বেই মঞ্জু ভিতরে চলিয়া গেল।

অনাথবন্ধুর অমুশোচনা হইল, কেন তিনি এমন অবাচিত অপ্রিয় প্রশ্ন করিতে গেলেন? মঞ্জুদের সহিত তাঁহার কিসের সম্বন্ধ—কয় দিনেরই বা সম্বন্ধ? না, কালই তিনি তাঁহার বীরভূমের শান্ত পল্লীবাগে চলিয়া যাইবেন। সেখানে

বাহালা পলীকনীর চেলাকলে লুকায়িত স্নিগ্ধ শ্রাম-শোভা-মণ্ডিত গ্রাম্য কুটীরে কিরণদের সহবাসে তাঁহার স্নেহমায়ী-বুড়ুকু নিঃসঙ্গ জীবন দিন কয়েক বেশ আনন্দেই কাটিবে। সহরের মোটর বিজলীর কৃত্রিম জীবনের অবিরাম অবিশ্রান্ত ক্রম জীবন-স্পন্দন!—প্রাণ যেন হাঁপাইয়া উঠিতেছে!

যাইতে ত হইবেই—কিন্তু—কিন্তু, মঞ্জু? এই কয় দিনেই সেই কুহকিনী মায়াবিনী যে তাঁহাকে আপনার করিয়া নইয়াছে—তাহাকে ছাড়িয়া তিনি ত এক দিনও থাকিতে পারেন না। এ কি বিড়ম্বনা! চিরদিনই লোকালয় হইতে, সমাজ হইতে, দূরে নিঃসঙ্গ নিরবলম্ব জীবন অতি-বাহিত করিয়া আসিয়াছেন,—এ কি পায়ের নতুন শিকল স্বহস্তে গড়িয়া তুলিতেছেন!

দূর জ্ঞাতিপুত্র কিরণচন্দ্র তাঁহারই কল্যাণে লেখাপড়া শিখিয়া মানুষ হইয়াছে। তিনিই তাহার বিবাহ দিয়া সিউড়ী সহরে স্থিতভিত করিয়া দিয়াছেন, সে এখন সদরের জুনিয়র উকিল। সুখেই হউক বা দুঃখেই হউক, সে আপনিই আপনার সংসারযাত্রা নির্বাহ করিয়া তৃপ্তি অনুভব করে, জ্ঞাতি-খুল্লাতাতের মুখাপেক্ষী হইতে চাহে না। সে তাঁহারই আদর্শে আত্মনির্ভরশীল হইয়াছে। আজ তাহারই গৃহে—যদিও সে ঘরবাড়ী-বাগান-পুকুর তাঁহারই দেওয়া—তিনি কিছুদিনের জ্ঞাত বিশ্রামস্থল উপভোগ করিতে যাইবেন মাত্র, নতুবা তাহার সহিত তাঁহার সম্পর্ক কি?

কিন্তু মঞ্জু? মঞ্জু ছাড়া তাঁহার ত কেহ নাই। সেই মঞ্জুকে কি মনের মত করিয়া গড়িয়া তোলা যায় না? অথবা তাঁহার বিপুল সম্পত্তি কি কিরণচন্দ্রের—থাক!

“কি গো বাবুসাহেব, খানাটানা তৈরী? না? উঃ! দশটা কুড়ি? ওঁরা আসেন নি বুঝি? মঞ্জু?”

আটিষ্ট ভগিনীপতির রকম-সকম দেখিয়া অনাথবন্ধু হাস্যসঞ্চরণ করিতে পারিলেন না। মাথায় এক ঝাঁক চুল, তাহাও অযত্ন-বিশ্রান্ত, বেশভূষাও প্রায় তদ্রূপ—যেন কিছুত-কিমাঁকার! বয়স্হা অনুচা কণ্ঠার দরিদ্র পিতার মত তাঁহাকে আদৌ অস্বস্তিত হইতেছিল না। বেশ পরিবর্তন করিতেও ভুলিয়া গিয়া তিনি শ্রামকের পার্শ্বে মোটবাট সমেত বসিয়া পড়িলেন এবং নির্বাপোয়ুগ সিগার হইতে ধূম উপসিরণের প্রায়স পাইতে লাগিলেন।

হাসিতে হাসিতে অনাথবন্ধু বলিলেন, “দশটা কুড়ি না কি? তবু ভাল, হাঁস হয়েছে বাবু সাহেবের। মঞ্জু এত রাতে এলো না এলো, সে খোঁজেরও দরকার হয় না বুঝি? ভাল!”

প্রসাদদাস চক্ষু বিস্ফারিত করিয়া তাঁহার দিকে ক্ষণ-কাল তাকাইয়া রহিলেন। তাহার পর ধীরে ধীরে বলিলেন, “উপযুক্ত ছেলে রাত দশটার পর ঘরে এলে বলা হয় না ত কিছু।”

বিরক্তিতরা সুরে অনাথবন্ধু বলিলেন, “ছেলে আর মেয়ে?” প্রসাদদাস বলিলেন, “কেন, তফাৎ কি? জ্ঞান হয়েছে, লেখাপড়া শিখছে, ভাল-মন্দ বিচারের শক্তি হয়েছে—ওহোহো, তাও বটে, কাকে কি বলছি! দেখো, ও-সব ঠাকুরমা-ঠানদিদের চশমা খুলে ফেলে দেখতে হবে এ যুগের মানুষকে, বুঝলে?”

কিছুক্ষণ নিরুত্তর থাকিয়া অনাথবন্ধু দীর্ঘশ্বাস নিষ্ক্ষেপ করিয়া বলিলেন, “হঁ, তা বটে, তফাৎ কিছুই নেই।”

“টোক গিলে বললে যে? বলতে চাও কি—ঘোমটা টেনে ঘরের কোণে বসে থাকবে ওরা? ছেলেবয়সেই খুবড়ী হয়ে থাকবে? হাসবে না, খেলবে না, আলো-বাতাসে বেরুবে না? এই ধর না গিয়ে তোমার ভগ্নীটি—”

“কেন, ভগ্নীটি আবার কি করলে? দাদা কতক্ষণ এলে? বোসো, এখনই আসছি,”—এক ভাড়া খাতাপত্র বগলে করিয়া ভগিনী কল্পনাদেবী কক্ষে প্রবেশ করিলেন। কিন্তু ভিতরে যাওয়া দূরে থাকুক, পরিশ্রান্ত অবসন্ন দেহে তিনিও একখানা আসনে বসিয়া পড়িলেন।

প্রসাদদাস বলিলেন, “তোমার দাদা বলছিলেন”—

অনাথবন্ধু বলিলেন, “কি মন্দ বলছিলেন? তোমরা কর্তা-গিন্নীতে হিল্লী-ডিল্লী টহল দিয়ে ফিরলে বাড়ী রাত দশটায়, আর অত বড় বিয়ের যুগ্য মেয়ে রইল বাইরে কি করে, তা দেখবার দরকারও হ'ল না তোমাদের, বাঃ! চমৎকার ব্যবস্থা!”

কল্পনাদেবী বিন্দুমাত্র অপ্রতিভ না হইয়া বলিলেন, “কেন, বিশ্বাস হয় না একলা ছেড়ে দিয়ে মেয়েকে? পাহারা বসিয়ে দিতে হবে?”

“না, তা বলছি না,—ওদের পাঁচায় পুরে রাখতে কেউ বলে না,—তবে একলা রাত-বিরেতে যার তার সঙ্গে—”

কথার মধ্যপথে বাধা পড়িল, মঞ্জু আসিয়া বলিল, “খাবার তৈরী, মা। পাশের বাড়ীতে রেবা ফোন করছিল, কাল ওরা কোলাঘাটে পিকনিকে যাবে। কি বন্দোবস্ত হবে, ঠিক করবার জন্তে আমার ডাকছে শিশিরদা। তোমরা খেতে বোসো, আমি এলুম বলে।”

উত্তরের প্রতীক্ষা না রাখিয়াই এক বলক বিজ্ঞানের মত দেখা দিয়া মঞ্জু ঘর আঁধার করিয়া বেণী দোলাইয়া চলিয়া গেল। সে প্রায় নিরাভরণা, কিন্তু তাহার রূপের জ্যোতির কাছে আভরণ ম্লান হইয়া যায়। অনাথবন্ধুর নয়নদ্বয় স্নেহরসে আর্দ্র হইয়া আসিল, সন্তানহীনের সন্তানের বুভুক্ষা শতমুখে তাঁহার হৃদয়মধ্যে জ্বলিয়া উঠিল। আজ তাঁহার যদি এমনই একটি সঞ্চারিণী পল্লবিনী লতার মত মেয়ে থাকিত!

কল্পনাদেবীর আহ্বানে তাঁহার মোহ ভঙ্গ হইল। আহাৰ্যাদি পরিবেষণের বন্দোবস্ত করিতে ঘাইবার পূর্বে কল্পনাদেবী তাঁহাদিগকে প্রস্তুত হইতে বলিয়া গেলেন। অনাথবন্ধুর সে দিকে কাণই ছিল কি না সন্দেহ, তখন তিনি এই আধুনিক বাঙ্গালী সংসারের অভিনবত্বের কথাই ভাবিতেছিলেন। হঠাৎ শুনিলেন, প্রসাদদাস তাঁহার মোটঘাট গুছাইয়া রাখিবার সঙ্গে সঙ্গে বলিতেছেন,— “গরীবের ঘরের ডালভাত রুচবে কি হোটেলের খানাপিনার পরে?”

অসম্মতভাবে অনাথবন্ধু জবাব দিলেন, “ডালভাত? তাই দিও পেট ভরে,—জ্বলে তাও যে কত দিন জোটে নি, তাই!”

২

“দেখো না মামাবাবু, কি সুন্দর!” মঞ্জু এখন অনাথবন্ধুকে খুবই আপনায় করিয়া লইয়াছে, তাই ‘আপনি’ এখন ‘তুমি’তে দাঁড়াইয়াছে।

মন্ত বড় গোলাপের তোড়া। অনাথবন্ধু বলিলেন, “বাঃ, চমৎকার! কোথায় পেলে মা, পাওয়াপুরীতে?”

মঞ্জু এক গাল হাসিয়া বলিল, “হাঁ মামাবাবু। ওটা আমার কমলারা বিউটি প্রাইজ দিয়েছে সেখানে।”

“বিউটি প্রাইজ? তার মানে?”

“মামাবাবু যেন কি! তাও জানো না? পাওয়া-পুরীর জৈন মন্দিরে বিস্তর জৈন দেয়ালে এসেছিল পূজো

দিতে। তা কমলারা—ঐ যে গো কাল সন্ধ্যার পর ধরমশালার দক্ষিণদিকে যাদের ঘরে নাচগান হয়েছিলো—ঐ কমলাদের বাবা ইন্দ্রনারায়ণ বাবু—তাঁর মেয়েরা বাছাই করে—”

অনাথবন্ধু হাসিয়া বলিলেন, “ওঃ! বুঝেছি, বাছাই করে তোমায় সবচেয়ে সুন্দর দেখে প্রাইজ—”

বাধা দিয়া মঞ্জু বলিল, “বল ত গোলাপের তোড়াটা কিসের? গন্ধ পাচ্ছে গোলাপের? হাঃ হাঃ! মামাবাবু কিছু ধরতে পার নি তুমি—বাবা! ও বাবা! এই দেখো ত তোড়াটা, কিসের বল ত?”

মঞ্জুর বালিকামূলত আলাপে কক্ষটি যেন জীবন্ত হইয়া উঠিল। নতুবা এতক্ষণ অনাথবন্ধু এই ধর্মশালার কক্ষমধ্যে একাকী অবস্থান করিয়া অতিষ্ঠ হইয়া উঠিয়াছিলেন। তাঁহার ভগিনী স্বামীর সহিত অল্প এক ধর্মশালায় প্রবাসের বন্ধুদের সহিত আলাপ করিতে গিয়াছিলেন, এইমাত্র স্বামীর সহিত ফিরিয়া আসিয়াছেন।

পিতামাতা এক সঙ্গে বলিয়া উঠিলেন, “বাঃ, চমৎকার!”

মঞ্জু হাসিতে হাসিতে বলিল, “ভ্রয়ো! সত্যিই তোমরা মামাবাবুর মত ভেবেছো এটা সত্যিকারের তোড়া, না? হাঃ হাঃ! এটা যে মাছের আঁশের তৈরী। কি চমৎকার সিক্কের উপর বুনছে কমলারা, না?”

প্রসাদদাস বলিলেন, “বাঃ, তাই ত রে। এটিকে মডেল করে খাসা একখানা পেটিং করা যায়।”

অনাথবন্ধু হাসিয়া বলিলেন, “ব্যাক্ গ্রাউণ্ড হবে কি তার তা হলে এই রাজগীরের পাঁচ পাহাড়ের পাঁচ চূড়া? বাঃ বাঃ!”

কল্পনা বলিলেন, “তা হলে তোমরা গল্প-সল্প কর, আমি গিয়ে দেখি, মহারাজজী পুরী-তরকারীর কি শ্রদ্ধ করছেন।” কল্পনা পার্শ্বের পাকশালার দিকে চলিয়া গেলেন।

আজ দশ দিন হইল মঞ্জুরা রাজগীরের এই ধর্মশালায় আসিয়া উঠিয়াছে। রাজগীরের পাহাড় জঙ্গলের সঙ্গে সপ্তধারার একখানি তৈল-চিত্র অঙ্কনের অর্ডার আসিয়াছিল তাহার পিতার। অনাথবন্ধুর টালীগঞ্জের নুতন বাড়ী হইতেছে, তিনি তাই প্রথমে আসিতে চাহেন নাই, কিন্তু শেষ মুহুর্তে মঞ্জুর আবদার এড়াইতে পারেন নাই, তাই তিনিও তাহাদের সঙ্গী হইয়াছেন। তবে এই সর্ভে যে,

কলিকাতার প্রত্যাবর্তনের পর মঞ্জু কিছু দিনের জন্য তাঁহার শিউড়ীর পৈতৃক আবাস-ভবনে বেড়াইয়া আসিতে কোন ওজর আপত্তি করিবে না।

পাঁচচুড়ার কথা উঠিতেই মঞ্জু বলিল, “সত্যি মামাবাবু, তোমরা বড় কুণো, এক দিনও পাঁচচুড়ার এক চুড়োতেও উঠলে না। এত করে পাওয়াপুরী যেতে বললুম, কেমন পিকনিক হোলো—”

অনাথবন্ধু বাধা দিয়া বলিলেন, “হাঁ, হাঁ, কেমন পিকনিক হ’ল বল ত মা—পূর্ব আমোদে দিন কাটলো, না? কেমন দেখলে মন্দির? ট্যাক্সি একবারে পুকুরপাড়ের মন্দির অবধি গেল তোমাদের নিয়ে?”

মঞ্জু হঠাৎ গম্ভীর হইয়া তাড়াতাড়ি বলিল, “ভাল কথা, ট্যাক্সি দাঁড়িয়ে রয়েছে যে ফটকে—মা, ও মা,—ট্যাক্সি-ভাড়াটা—বা রে, মা কোথায় গেল?”

মঞ্জু দ্রুতপদে পাকশালার অভিমুখে চলিয়া গেল। প্রসাদদাসের মুখ পানে তাকাইয়া অনাথবন্ধু দেখিলেন, আপন-ভোলা আঁটিটি কল্লার কথা যেন শুনিয়াও শুনেন নাই, এমনই ভাবে অশ্রুমনস্ক হইয়া বসিয়া আছেন। ঈষৎ হাসিয়া অনাথবন্ধু ফটকে গিয়া ট্যাক্সি-চালককে বিদায় করিয়া দিলেন। তাহারই মুখে শুনিলেন, তিনখানি ট্যাক্সি বিহার সরিফ হইতে ভাড়া করিয়া আনা হইয়াছিল, দুইখানি অল্প দুইটি ধর্মশালা হইতে বিদায় হইয়াছে, এখানির এই ধর্মশালা হইতে বিদায় হইবার কথা। এমনভাবে ভগিনী-পতির অস্বচ্ছল সংসারে অভাব-অনাটন মিটাইয়া পাওনাদারকে বিদায় করা অনাথবন্ধুর পক্ষে এই প্রথম নহে, অথচ এ সব সাহায্যদান গোপনে অপরের অজ্ঞাত-সারেই সম্পন্ন হইত। যদি কখনও ইহাতে আপত্তি উত্থাপিত হইত, তাহা হইলে হোটেলের পুনঃ স্থানান্তরিত হইবার ভয় দেখাইয়া নিরস্ত করা হইত। বস্তুতঃ কিছু দিন হইতে মঞ্জুর আবদার-বাহানা-জাত সমস্ত অতিরিক্ত ব্যয়ভারই তিনি বহন করিতে আরম্ভ করিয়াছিলেন। ভগিনী বা ভগিনীপতি কিছু বলিলে বলিতেন যে, তাঁহার অবর্তমানে যখন তাঁহার সমস্ত সম্পত্তিই মঞ্জুর হইবে, তখন এই ব্যয়ে কোন আপত্তিই উঠিতে পারে না। টালিগঞ্জে যে সৌধ নির্মিত হইতেছিল, মাঝে মাঝে তিনি মঞ্জুকে তাহার নির্মাণকারী দেখাইয়া আনিতেন। কোথায় কিরূপ ঘর,

দালান বা বারান্দা হইবে, কি প্রকারের বাথ-রুম বা ষ্টোর রুম হইবে, কোন্ ভুলে কি ভাবে কি পরিমাণে জল সরবরাহের বন্দোবস্ত হইবে,—এ সব বিষয়ে মঞ্জুর পরামর্শই প্রায়ই হইত ‘ফাইনাল’। সত্যিই মঞ্জু তাঁহার পরম প্রিয় পুত্রের স্থানই অধিকার করিয়াছিল। কায়েই তাহার ট্যাক্সি-ভাড়া চুকাইয়া দেওয়ার বিষয়ের বিষয় কিছুই ছিল না। প্রসাদদাস এ যাবৎ এইরূপ সাহায্যদানে বিশেষ আপত্তি করেন নাই—যদিও তাঁহার পত্নী এ বিষয়ে ভিন্ন মত পোষণ করিতেন। কিন্তু এক্ষেত্রে হঠাৎ প্রসাদদাস গদ-গদকণ্ঠে বলিয়া ফেলিলেন,—“ভাই অনাথ, তোমার ঋণ—”

অনাথবন্ধু বিস্মিত হইয়া বাধা দিয়া বিক্রপের ভঙ্গীতে বলিলেন, “বাঃ, বক্তৃতাও তা হ’লে আসে দেখছি আঁটিষ্টের! বাহবাঃ!”

“না ভাই, ঠাট্টা না—”

পুনরায় বাধা দিয়া অনাথবন্ধু বলিলেন, “কে বলেছে ঠাট্টা? দেখো ভাই, সোজা কথা বলি, জান ত আমি সোজা কথার মানুষ। মঞ্জুর বিয়ে-খা দেবে, না এমনই দিন কেটে যাবে? এমন মেয়ে যার ঘরে যাবে, তার ঘর আলো করে থাকবে, এ কথা জান ত?”

প্রসাদদাস দীর্ঘশ্বাস ত্যাগ করিয়া বলিলেন, “আলো ত করবে—কিন্তু—”

“কিন্তু কি?”

“অর্থাৎ আলো করা ছাড়া এখনকার কালে আরও কিছু করা চাই যে বিয়ের কনের।”

“কি, টাকা-কড়ি?”

“তা ত আছেই, তা ছাড়া—”

“আবার কি?”

“লেখাপড়া—”

“তাতেও ত মঞ্জু কম যায় না।”

“না। কিন্তু তাতেও কুলোয় না—ওর উপরে আরও কিছু চাই।”

অনাথবন্ধু বিস্মিত ও বিরক্ত হইয়া বলিলেন, “কি, কথাটা ভেঙ্গেই বল না হে, হেঁয়ালীর দরকার কি? বলি, রূপ-গুণ ছাড়া আর কি? রান্নাবান্না বুঝি?”

“আরে না না,—ও সব সেকলে দাবী—ও সব বামুন-ঠাকুরদের ডিউটি! এখনকার দাবী অন্য রকমের। দেখো,



তুমি আসবার আগে মঞ্জুকে ক' বায়গা থেকে দেখতে এসেছিল। পাণ্ডনার হাঁক-ডাকে ও পেটের পিলে চমকে গিয়েছিল। এক পাত্তোর দেখতে এসে—”

উত্তরোত্তর বিস্মিত হইয়া অনাথবন্ধু বলিলেন, “পাত্তোর দেখতে এসেছিল, তার মানে ?”

প্রসাদদাস হাসিয়া বলিলেন, “তাও বটে! উগাণ্ডার খাম জঙ্গলী—একেবারে বন থেকে বেরুলো টিয়ে—জানবে কি ক'রে এ সব। এখনকার কালে যে পাত্তোর নিজের কনে পছন্দ করবার আগে বাজিয়ে নেয় হে।”

“বাজিয়ে নেয়? যেমন ক'রে দোকানে হাঁড়ি সরা বাজিয়ে নেয়?”

“হাঁ, তাই। এ পাত্তোরটি এম-এ,—কলেজে প্রফেসরি করে, খেঁরা-কাঠিট দেখতে, চোখে পাঁশনে, একবারে আবলুস কাঠ! তিনি জিজ্ঞাসা করলেন, পিয়ানো বাজিয়ে গাইতে জান?”

অনাথবন্ধু বিজ্রপের হাসি হাসিয়া বলিলেন, “নাচতে জানে জিজ্ঞাসা করেনি?”

“তা ত করেছিলই, এ-সব নাকি এখনকার কালে বিয়ের কনেদের গুণের অঙ্গ! কি বলবো, পয়সা নেই, নইলে মুখের মত জবাব দিতুম। তবে মঞ্জু পুষিয়ে নিয়েছে ঐ অভাবটা। সে কি জবাব দিয়েছিল জানো?”

“না, কেমন ক'রে জানবো?”

“বলেছিল,—আমারও কিছু জানবার আছে। আপনি ছেলে পড়িয়ে কত পান? সে মাইনের লোকজন রেখে সংসার চালায় নাচিয়ে গাইয়ে পিয়ানো বাজিয়ে পরিবার পুষতে পারবেন? আমার রকম-বেরকমের সাড়ী-রাউজের দাম জোগাতে পারবেন? হাঃ হাঃ! জান ত মঞ্জুর জিবখানি? যেন কুরের ধার।”

অনাথবন্ধু মহা হৃষ্টি ও স্বস্তি অনুভব করিতেছিলেন। হঠাৎ উচ্চ হাস্যরোলে কক্ষ প্রকম্পিত করিয়া বলিলেন, “খাসা মেয়ে আমার মা-লক্ষী। ওকে ঠিকমত গ'ড়ে তুলতে পারলে কি চমৎকার হয়! ওঃ! পাত্তোর এম-এ পাশ—তবে ত মাথা কিনেছে! বা ওঁদের কদর এ কালে। জানো, উগাণ্ডার একটা দ্বিধী ডাক্তার দরকার হয়েছিল, আউট ডোরের জন্তে। তা, কলকাতার এম-বি পাশ হেলের

দশ বারোটা দরখাস্ত পড়েছিল সেই কালাকসলে চাকরীর জন্তে,—তা এম-এ পাশ!”

“তাই না কি?”

“টাকার শ্রদ্ধ ক'রে ছ বছর ডাক্তারী পড়িয়ে তবে ফল কি? তার চেয়ে একটা হোমিওপ্যাথির বাক্স নিয়ে ব'সে হেতুড়েরা কত বেশী উপার্জন করে!”

“কিন্তু গরীবের ঘরে ঐ রকমই ত সব সম্বন্ধ আসছে, আবার তার গাঁই কত! আবদার বায়না দাবী কত!”

“দেখো, একটা কথা শোন। টাকার জন্তে ভেবো না। কিন্তু সত্যিই একটা ভাল পাত্র দেখদিকি। আঃ খাম,—ও সব সাহেবী কেতার শুকনো ধনুবাদ চাইছি না। বিয়ের খরচ সবই দেবো, তোমায় কিছু ভাবতে হবে না,—তবে আমার একটা সর্ত আছে।”

প্রসাদদাসের বক্ষ স্পন্দিত হইল, কম্পিত-কণ্ঠে তিনি জিজ্ঞাসা করিলেন, “সর্ত? সে আবার কি?”

গম্ভীরভাবে প্রসাদদাস বলিলেন, “বলছি। এদিন তোমাদের সঙ্গে বসবাস ক'রে বুঝেছি, কোন কোন বিষয়ে আমাদের মধ্যে মতের মিল হলেও অল্প কয়টি বিষয়ে আমাদের ধারণা আর মতের মধ্যে আকাশ-পাতাল তফাৎ। তফাৎটাকে কিন্তু আমাদের মানিয়ে জুনিয়ে একটু কাছে ক'রে আনতে হবে। যদি তা না হয়, তা হ'লে আবার তল্লীতল্লা বেঁধে উগাণ্ডার জঙ্গলে জঙ্গলী মানুষ ফিরে যাবে।”

উৎকণ্ঠা-ব্যাকুল স্বরে প্রসাদদাস বলিলেন, “ধারণার তফাৎটা কি হ'ল?”

ডাক্তার ছুট্র ব্রণে অন্ত্রোপচার করিবার পূর্বে রোগীকে যেমন আশস্ত ও শঙ্কানু করিবার চেষ্টা করিয়া থাকেন, অনাথবন্ধুও তেমনই করিয়া প্রসাদদাসকে বলিলেন, “কথাটা খোলসা ক'রে বলতে হ'লে একটু কঠোর হবে, তাই। কিন্তু তুমি আমি ত অভেদ নই, মঞ্জু তোমাদেরও যেমন, আমারও তেমনই আপনার।” কথাটা বলিবার সময় তাঁহার কণ্ঠ ঈষৎ বাষ্পরুদ্ধ হইয়া আসিল।

প্রসাদদাস উত্তেজিত-কণ্ঠে বলিলেন, “পাঁচশো বার! তুমি মঞ্জুর জন্তে যত করছো—”

কথা শেষ করিতে না দিয়া অনাথবন্ধু বলিলেন, “তাই বলছি, মঞ্জুকে একটু আলাদা রকম ক'রে গ'ড়ে তোলবার

দরকার হয়েছে ব'লে মনে করছি। আশ্চর্য্য বোধ করছ ? না, না, এতে আশ্চর্য্য হবার কিছু নেই। তোমরা স্ত্রী-পুরুষে সত্যিই ভিন্ন জগতের—আমাদের খোড়বড়ি-খাড়ার সংসারের নও”—

“এ হেঁয়ালী”—

“হেঁয়ালী না। তুমি আটিষ্ট, সংসারের ধার ধারো না, বাইরেই কাটাও। কলনাও প্রায় তাই—সমিতি আর পত্রিকা নিয়েই মনগুণ—তোমরা এক একটা জিনিয়াস—”

“হাঁ, হাঁ, তামাসা করতে পারো বটে—”

“ঠাট্টা না, সত্যি, সে জন্মে তোমাদের শ্রদ্ধা করি। তা হলেও আমি হুম্বু কিম্ব মাটির পৃথিবীর মানুষ—তোমাদের আকাশ-বাতাসের কলনারাজ্যের সঙ্গে আমার সম্পর্কই নেই। আমার আছে টাকা আনা পাই আর আহা'র নিদ্রা, বাস্!”

“আরও জুতো আছে ?”

“উর্টেটা বুঝো না ভাই। জিনিয়াস হওয়া ভাল, কিন্তু সংসারধন্মো করতে হলে, ছেলে-মেয়ে পালন করতে হলে, আমার মত মাটির পৃথিবীতে নেমে আসতে হবে, কেবল আকাশের দিকে চোখ মেলে থাকলে চলবে না, বুঝলে ?”

“না, এখনও বুঝলাম না।”

“অর্থাৎ সংসারী হ'তে হলে,—সামনের ছোটো চোখ ছাড়া পিছনে ও উপরে নীচে আরও তিন জোড়া চোখ রাখতে হবে। ফেলফেল ক'রে চেয়ে রয়েছে সে ? বুঝলে না তবুও ? আচ্ছা, মঞ্জুর লেখাপড়ার কথাটাই ধর না। কি ভাবে ও লেখাপড়া শিখছে, কোথায় যায়, কাদের সঙ্গে বেড়ায়, কখন বাড়ী আসে না আসে,—তোমাদের এই একটা মেয়ে—তাও দেখবার সময় পাও না ? না, দরকার ব'লে মনে কর না ? এক দিন কলকাতায় ঐ কথা পাড়তেই ফেপ্পা হয়ে উঠেছিলে না ?”

কিঞ্চিৎ পরবর্ত্তে প্রসাদদাস বলিলেন, “এ তোমার ভাই খুব অগায় ! মঞ্জু বড় হয়েছে, লেখাপড়া শিখছে, নিজের দায়িত্বজ্ঞান হয়েছে, সে নিজের ভার নিজে মিতে পারে না ? ওদের অবিশ্বাসের দৃষ্টিতে দেখতে হবে ? তার মানে কি ? ওদের ইচ্ছার বিরুদ্ধে বাওয়ার দরকারই বা কি ?”

অনাথবন্ধু ঈষৎ হাসিয়া বলিলেন, “বা রে, তা কেন ?

আমি কি বেত নিয়ে মঞ্জুকে শাসন করতে বলছি, না তাকে ব্রতকথার ছড়া শেখাতে বলছি ? কেবল বাপ-মার স্নেহদৃষ্টির শাসন, তার সঙ্গে বন্ধুর মত ব্যবহার করা। যতই ওদের স্নেহের মুখ থেকে লাগাম খুলে নাও না কেন, তবুও সঙ্গে সঙ্গে সঙ্গটা ওদের কি রকমের হচ্ছে, তার খবরও রাখতে হবে বিশেষ ক'রে—”

প্রসাদদাস বিচলিত হইয়া বলিলেন, “এ কথা বলবার মানে ? কি করেছে মঞ্জু—কি দেখেছো তুমি ? সে ত আমার তেমন মেয়ে নয়।”

“ঠিক কথা। সেই জন্মই ওর উপর নজর রাখার দরকার—অমন মেয়ে—”

“দেখো, কথা চাপা দিও না, কি দেখেছো বা শুনেছো, বল।”

“তা নাই বা বললুম—”

“না, বলতেই হবে। কথা যখন পেড়েছো, তখন শেষ অবধি সবটা খোলাখুলি বলতেই হবে তোমায়। আর আমি ওর বাবা—”

“আঃ, ভাল বিপদ ! কে বলছে মঞ্জু একবারে টোলের পণ্ডিত গুরুদেব গোস্বামী। ওদের বয়সে মানুষের পদে পদেই দোষ-ত্রুটি হয়ে থাকে, তা ব'লে কি মানুষকে মানুষ ফেলে দেয় ?”

গম্ভীরকণ্ঠে প্রসাদদাস বলিলেন, “ওতে ত কথার জবাব দেওয়া হ'ল না। খুবই বেশী রকমের কথা বাড়াচ্ছে। তোমায় বলতেই হবে, কি শুনেছো, কি দেখেছো।”

অনাথবন্ধুও গম্ভীর স্বরে বলিলেন, “তবে শোন। ভেবেছিলুম, ও সব কথা আর তুলবো না, কিন্তু—যাক, কলকাতায় প্রথমে নেমে যখন হোটেলে উঠি, তখন এক দিন ভোরবেলা এজেন্টের সঙ্গে ষ্ট্রপের কাছে ট্যান্সির জন্মে অপেক্ষা করছিলুম হোটেলের সামনে। একখানা বাস যাচ্ছিল কলকাতার দিকে সেই সময়ে। জরুরী কাম, বাসেই উঠে পড়লুম হুজনে। দোতলায় উঠতে কেমন একটা ইচ্ছে হ'ল। উঠে কি দেখলুম জানো ?”

“না, কি ক'রে জানবো ?”

“কেউ নেই সেখানে, কেবল একটা কোণে এক জোড়া তরুণ-তরুণী। কে তারা জানো ?”

“ব'লে যাও।”

“রাগ করে চেঁচামেচি কোরো না,—তারা আমাদের মঞ্জু আর তোমাদের গলির মোড়ের ঐ বড় বাড়ীর শিশির বাবু—”

প্রসাদদাস নিবেদন সবেও চীৎকার করিয়া উঠিলেন, “কখখনো না, এ হতেই পারে না,—মঞ্জু? ভোরের বেলা? বাসে?”

“হাঁ, বাসে। ভোরের অস্পষ্ট আলো, তবু বেশ দেখলুম, তারা ঘেঁসেঘেঁসি করে বসে চুপি চুপি কথা কইছে, হাসি-তামাসাও বোধ হয় করছে—”

প্রসাদদাস আবার বাধা দিয়া সক্রোধে বলিলেন, “কখখনো না—এ হতেই পারে না। মঞ্জুকে আমি বাসের টিকিট ত দিই নি কিনে—কলেজ যাবার জন্মে তার ত ট্রামের টিকিট আছে; সে বাসে যাবে কেন? মঞ্জু, মঞ্জু!”

অনাথবন্ধু তাঁহার মুখ চাপা দিয়া ভৎসনা করিয়া বলিলেন, “ছিঃ ছিঃ, ফের ঘাঁড়ের মত চেঁচামেচি করছো? ঐ জন্মই ত বলতে চাইনি কিছু! এ নিয়ে সোরগোল করতে আছে? চুপ, চুপ!”

শ্রীলককে একরূপ ঠেলিয়া ফেলিয়া উঠিয়া দাঁড়াইয়া প্রসাদদাস বলিলেন, “না, না, এ একটা মস্ত বড় সিরিয়াস কথা—এর একটা হেস্তনেস্ত হয়ে যাওয়া দরকার। মঞ্জু! মঞ্জু!”

একরূপ জোর করিয়া ধরিয়া বসাইয়া প্রসাদদাস বাবুকে অনাথবন্ধু বলিলেন, “দেখো, অমন করে হাঁকডাক করে লোক জড় করে কেলেঙ্কারী কোরো না বলছি। মেরে আমাদের—আমরা যা করবার ঘরেই কোরবো, বাইরের লোক জড় করবার দরকার? কে বলেছে, মঞ্জু শিশিরের সঙ্গে গিয়েছিল বলে মহাভারত অশুদ্ধ হয়েছে বা ওদের ভিতর কোন মন্দ মতলব ছিল? জানো ত, ও লেখাপড়া নিয়ে পাগল—ইকনমি, সোসালিজম, হয় ত ঐ নিয়ে ওদের মধ্যে তর্কাতর্কি চলছিল। দেখো না, এই রাজপীয়ে এসেই বা ও কি করছে। ঐ যে বাঁকীপুর কলেজের প্রফেসরের ক্যান্সিলি রয়েছে ধর্মশালার পূর্বদ্বারের ঘরে, ওদের একটা ছেলে—ঐ যে রমাপতি না কি—ও ত এম, এতে ইকনমি নিয়েছে, তাই প্রায়ই ত দেখি মঞ্জু ওর সঙ্গে হেসে খেলে বেড়ায়, আবার রাগারাগি করে

তর্কাতর্কি করে। সে দিন ভোরের আঁধার থাকতে থাকতে বেড়াতে বেরিয়ে দেখেছি, ও ব্রহ্মধারা থেকে নেয়ে এলোচুলে রমাপতির সঙ্গে ধর্মশালার ফিরে আসছে।”

প্রসাদদাস বলিলেন, “হাঁ, তা ওরা ও-রকম এসে থাকে বটে, বেড়াতেও যায় ছুজনে বিকেলে, টাদের আলোতেও।”

অনাথবন্ধু বলিলেন, “সে দিন রমাপতিদের ঘরে টাইম-টেবলখানা আনতে গিয়েও দেখেছি, রমাপতি মাজুরে গুয়ে কেতাব পড়ছে, মঞ্জু শিয়রে বসে নোটবুকে কি সব টুকে নিচ্ছে। ও ত ঐ প্রকৃতির—মনে কুভাব থাকলে অমন করে সকলকে জানিয়ে তর্কাতর্কি করতে না। ওরা লেখাপড়ার চর্চা নিয়েই থাকে—পুরুষ আর মেয়ে পড়বার মধ্যে কোন তফাৎ আছে, তা ওরা মনেই করতে পারে না। তবে কি জান, আমাদের চোখে—”

প্রসাদদাস অধীরভাবে বলিলেন, “তা হ’লে কি করতে বল?”

অনাথবন্ধু বলিলেন, “দেখো, মঞ্জু বড় সরল, বড় কোমল, বড় স্নেহ-মমতা ওর। ও চায় একটা কোন বড় আশ্রয় ওকে আগলে নিয়ে সংসারের ঝড়ঝাপটা থেকে দূরে রেখে দেয়—জীবনের শাস্ত্র শীতল প্রস্রবণের জলে ও ডুব দিয়ে শান্তি তৃপ্তি পায়। তোমরা কিন্তু ওকে মস্ত বড় হস্টে মনে করে তোমাদের স্নেহ-মমতা থেকে দূরে রেখে হিংস্র সংসারের ভয়ের মধ্যে ছেড়ে দিয়েছ, ভেবেছ, ওর নিজের ইচ্ছামত কাষ করবার ওর বয়েস হয়েছে। এইখানেই তোমাদের মস্ত ভুল। এমন ভাবে কি আমাদের ঘরের মেয়েদের গ’ড়ে তুলতে আছে?”

প্রসাদদাস কেবলমাত্র ঘাড় নাড়িয়া বলিলেন, “হঁ। তার পর?”

“হঁ না, এর একটা বিহিত করতে হবে। ওকে নিঃসঙ্গ থাকতে দেওয়া হবে না, কোলের মধ্যে টেনে নিতে হবে। দূর করে দাও তোমাদের বাইরে ঘোরার রোগ,—ক্লাব কমিটি। রাম, রাম! ও সব কি আমাদের ধাতে নয়?”

“কি করতে বল, বললে না ত।”

“বলছি। ব্যবস্থা আমাদেরই করতে হবে। বেত নিয়ে শাসন করলে—চোখ রাঙ্গালে কিছু হবে না, বরং হিতে বিপরীত হবে। ওর চোখের সামনে আমাদের পেরোস্তোর ঘরের দৃষ্টান্ত দেখাতে হবে—ঐ তাতে ছেলে-মেয়ে

মানুষ করাই এই ওলট-পালোটের যুগে একমাত্র উপায়, ওর চেয়ে বড় পথ আর নেই। ওকে আপনাতেই কেন্দ্র করে গড়ে উঠতে না দিয়ে, আর পাঁচটা গেরোস্টোর ঘরের কি-বউদের সঙ্গে মেলামেশা করবার সুযোগ দিতে হবে। এটা জেনে রেখো, হাজার ওলট-পালোট হোক, আমাদের ঘরের মা-লক্ষ্মীরা চিরকালই মা-লক্ষ্মী থাকবেন। হাজার বাহিরের চেউ এসে তাঁদের ঘরসংসারের দোরে আছাড়ি-পিছাড়ি করলেও কিছু করতে পারবে না।”

“হুঁ।”

“তাই বলছিলুম কি, রাজগীর থেকে ফিরে ওকে নিয়ে দিন কতক বীরভূমে কিরণদের ওখানে গিয়ে থাকি। কি বল?”

“বেশ, তাই হবে।”

অনাথবন্ধুদের আহ্বারের জগু ডাক পড়িয়াছে, তিনি প্রস্তুত হইতে কুপের দিকে গিয়াছেন, কিন্তু তখনও প্রসাদদাস উঠেন নাই, তিনি গভীর চিন্তায় মগ্ন! তাঁহার মনের মধ্যে ঞ্জালকের শেষ কপাটা বার বার জাগিয়া উঠিতেছিল,—আমাদের ঘরের মা-লক্ষ্মীরা চিরদিন মা-লক্ষ্মীই থাকবেন।

৩

কি ভীষণ পত্র! কণা পিতাকে এমন পত্র লিখিতে পারে? প্রসাদদাসের মনে হইল, পৃথিবীটা তাঁহার চরণতল হইতে সরিয়া যাইতেছে।

এমন কি অগাধ কথা তিনি তাঁহাকে বলিয়াছেন? কলিকাতায় ফিরিবার পর তাহাদের কলেজের ছিল প্রতিষ্ঠা-দিবসের উৎসব,—অভিনয়, নৃত্য, সঙ্গীত, যন্ত্র-সঙ্গীত,—কত কি! কণার বাহানামত সাজ-সজ্জার উপকরণ যোগাইতে পারেন নাই, ইহাই হইল তাঁহার প্রধান অপরাধ। কিন্তু চির-অভাবগ্রস্ত দরিদ্র পিতার সংসারে অসম্ভব আবদার-বাহানা কেন? কল্পনালোকের অধিবাসী আকাশে সৌধ রচনা করে—মাটির পৃথিবীর তুচ্ছ যত-লবণ-তৈল-তুণ্ডের চিন্তার প্রতি দৃষ্টিপাতে তাহাদের পবসর কোথায়? তাঁহার আয়াস-অভ্যস্ত সহজ সরল জীবন-যাত্রার পথে এসব অবাঞ্ছনীয় সংসারসমস্যার উদ্ভব হয় কেন? আর গৃহিণী?—সমিতির বার্ষিক রিপোর্টেই তিনি মসগুল,—তাঁহার এ সব তুচ্ছ ব্যাপারে দৃষ্টি দিবার অবসরই নাই।

অভাব—অভাবই যত অনিষ্টের মূল। এ অভাবের বিষ-দংশনের কথা কণা ত বুঝিতে চাহে না। অতীত যুগে গৃহস্থ-সন্তান দুই বৎসর বয়স পর্য্যন্ত দিগম্বর থাকিত। বর্তমানে শিশুর সাজ-সজ্জার জগু যে অর্প ব্যয়িত হয়, তাহাতে ছোট-খাটো একটি সংসার প্রতিপালিত হইতে পারে। কিন্তু পেটের অন্ন মারিয়াও ফ্যাসানের মর্যাদা রক্ষা করা চাই! অতীতে মাত্র দুইটি মুদ্রাব্যায়ে একখানি সাটীতেই ফ্যাসান রক্ষিত হইত। এখন হরেক রকমের রঙ্গবেরঙের একখানি সাটীর দাম পাঁচ টাকাতেও কুলায় না। ছেলোদের চুল ছাঁটিতে আগে লাগিত বড় জোর দুই পয়সা, এখন হেয়ার কাটিং সেলুনের সেই খরচা চারি আনা! অতীতে পাড়ার বারোয়ারী পূজায় কালেভদ্রে যাত্রা কণকতা হইত, এখন নিত্য সিনেমা-টকিতে পয়সার শ্রাদ্ধ! কণার জিহ্বায় দুট্টা সরস্বতী অধিষ্ঠান করিয়া বলিয়াছিল,—অতীতে ভদ্রলোক চটি পায়ে গামছা কাপে গ্রাম হইতে গ্রামান্তরে নিমন্ত্রণ রক্ষা করিতে যাইত, এখন যায় না কেন?

তর্ক-বিতর্ক,—ফল বৈধাচ্যুতি,—প্রসাদদাসকে তাহারই বিষ আকর্ষণ পান করিতে হইতেছে!

“কি ভাবছো ব’সে? ও কি চিঠি? কার চিঠি?”

পত্রখানি আগাইয়া দিয়া প্রায় বাষ্পরুদ্ধকণ্ঠে প্রসাদদাস অনাথবন্ধুকে বলিলেন, “প’ড়ে দেখো।”

পত্র ছোট—মাত্র দুই চারি ছত্র,—“আমার কি করা ভাল, তা বোঝবার আমার যথেষ্ট বয়স হয়েছে, জ্ঞানবুদ্ধিও হয়েছে বোধ হয়। এমন করে স্বাধীন মতে বাধা দিলে তোমাদের সংসাবে থাকা উচিত কি না, ভেবে দেখতে হবে।”

অনাথবন্ধু পাঠান্তে ক্ষণকাল স্তম্ভিত হইয়া রহিলেন, তাহার পর জিজ্ঞাসা করিলেন, “ঝগড়া হয়েছিল কিছু?”

প্রসাদদাস বলিলেন, “না, এমন কিছু না, কেবল তোমার সেদিনকার বাসের ঘটনার কথা পেড়েছিলুম—”

অনাথবন্ধু বিরক্তিভরে বলিলেন, “খুব করেছিলে! বুদ্ধির টেঁকি! যা বারণ করে দিলুম—যাক, চিঠির জবাব দিও না, যা করবার, আমিই করছি।”

“তুমি?”

“হাঁ। দেখ, ওকে নিয়ে আজই দেশে চলে যাব।



পিসীমা কাল সন্ধ্যার সময় গঙ্গা-চানে এসেছেন—সবাই একসঙ্গে যাওয়া যাবে।”

“ও যেতে চাইবে?”

“সে ভার আমার—এই যে মঞ্জু! চল, আজই তা হ'লে দেশে রওনা হওয়া যাক? কি বল মা-লক্ষ্মী?” পূর্বেই পত্রখানি তিনি লুকাইয়া ফেলিয়াছিলেন।

মঞ্জুর নয়নকমল অরুণাত, সে যে এই ক্ষণপূর্বে কাঁদিতো-ছিল, তাহা বৃষ্টিতে অনাথবন্ধুর বিলম্ব হইল না। তিনি সম্মেহে তাহার কালো মেঘের মত চুলের রাশির উপর হস্তাবমর্ষণ করিতে করিতে আবার বলিলেন, “যাওয়াই তা হ'লে ঠিক? গোছ-গাছ ক'রে নাও মা, তোমার বাবাকে নিশ্চয় একবার বাজার হয়ে আসি।”

মঞ্জু হাসিয়া ফেলিল, বলিল, “মামাবাবু যেন কি! আজই—এখনই?”

“না রে পাগলী, রাত্তিরের গাড়ীতে, কাল পৌঁছনো যাবে।”

২

“কি কুটুছো বৌদি, কি হবে ওতে?”

মঞ্জুর বালিকাসুলভ প্রাণে কুমুদিনী হাসিয়া বলিল, “কি আবার, তরকারী।”

“তরকারী? ও মা, ও ত জঙ্গল। তোমরা জঙ্গল খাও?”

“খাই বই কি, ভাই। আমরা যে জঙ্গলী পাড়াগোঁসে ভুত, তোমাদের মত সউরে কি?”

“সত্যি বল না বৌদি, তোমার ওটা পায়ে পড়ি,—ওটা কি হবে?”

কুমুদিনী বলিল, “বলছি ভাই, ততক্ষণ তুমি খুকুকে ওখটো খাওয়াও দিকি—তোমায় যে ও কি চোখে দেখেছে, কেমন শাস্ত হয়ে দুখ খায় তোমার কাছে। তুমি ভাই কি মন্তুরই জানো! হাঁ, ওটা কি জানো? কচু শাক।”

“কচু শাক? ও মা, ও আবার খায় না কি?”

“খায় না ত কি শৌকে? মটর-ডালের বড়া দিয়ে ও মা হয়—”

“দূর, দূর, দুখ কুটু-কুটু করে না?”

“আচ্ছা, আজ খেয়েই দেখো না কেমন লাগে। এই যে

অড়োর ডালে উচ্চে দিয়ে রেঁধেছিলুম কালকে,—মন্দ লাগলো?”

উৎসাহ ও আনন্দভরে মঞ্জু বলিল, “মন্দ? অমন সুন্দর ডাল কখনও খাইনি, বউদি। কি চমৎকারই রাঁধো তুমি!”  
খোকা অরুণ এই সময়ে ঘরে আসিয়া বলিল, “পিসীমা, ও পিসীমা, সেই রাজপুতুর মস্তিপুতুরের গল্পটা এইবার বলুন না।”

মা বলিল, “চ'লে এলি যে এর মধ্যে? পড়া হয়ে গেল? মাষ্টার মশাই ছুটি দিয়েছেন?”

অরুণ বলিল, “ওঃ, পড়া ত এক নিশ্চয়ে দিয়েছি মাষ্টার মশাইকে—পিসীমা যে কাল সন্ধ্যার সময় সব পড়া মুখস্থ নিয়েছিলেন। না পিসী-মা?”

মঞ্জু খোকাকে বুকের মধ্যে টানিয়া লইয়া মুখ-চুষন করিয়া বলিল, “হাঁ মাণিক! অমনি ক'রে লক্ষ্মী হয়ে পড়া তৈরী করলে কত গল্প বলবো। আর—আর—সেই শতদল নভদলের গল্প? মনে আছে ত?”

খোকা সহর্ষে বলিয়া উঠিল, “ওঃ খুব মনে আছে। পিসীমা—কুনবেন? এই এক ছিল”—

কুমুদিনী বাধা দিয়া বলিল, “থাক, এখন আর গল্পে বলতে হবে না। যাও, পিসীমার সঙ্গে চান ক'রে এসো দিকি, ভাত হয়ে এলো।”

মঞ্জু বলিল, “বেশ, মামাবাবুরা আসুন আগে।”

কুমুদিনী বলিল, “আজ যে রবিবার, পাড়ায় গেছেন তাঁরা, বেলা হবে তাঁদের।”

এই কয় দিনেই মঞ্জুর নতুন বন্ধু—তাহার কিরণদাদার পত্নী কুমুদিনী তাহাকে অতি আপনায় করিয়া লইয়াছে। এ বাড়ীর সকলেই যেন তাহার অতি আপনায় জন, কেহ তাহাকে একাকী পাকিতে দেয় না এক দণ্ড। কিরণদা উকিল হইলেও সাদাসিধা মানুষ, লেখাপড়া চর্চাই ভালবাসে। কাছারীর কাষ সারিরাই বাড়ী আসে। বিশ্রাম ও জলযোগের পর তাহাদের লইয়া নদীর ধারে ঝাউগাছের শ্রেণীর মধ্যে সিঁদুরে রাস্তা বেড়াইতে যায়। তখন তাহাদের মধ্যে কত কথা কাটাকাটি হয়—কত তর্কাতর্কি হয়—কিন্তু সবই হয় হাসি মুখে। তাহাতে মঞ্জু যে শাস্তি—যে তৃপ্তি পায়, তাহা জীবনে পাইয়াছে কি না সন্দেহ।

গৃহিণী কুমুদিনী তাঁর—বোধ হয়, তাহার অপেক্ষা ছয় সাত বৎসরের বেশী বড় হইবে না। তাহার মুখে হাসি লাগিয়াছে। গৃহস্থালী ও সম্ভানপালনের অক্লান্ত পরিশ্রমের মধ্যেও সে তাহার সহিত হাস্য-পরিহাস ও আলাপ-আলোচনার অবসর করিয়া লইত; পরন্তু তাহার আদর-যত্নের ক্রটি সাহায্যে না হয়, সে দিকে সতর্ক দৃষ্টি রাখিত। তাহার ও তাহার স্বামীর ত কথাই নাই, তাহাদের দুইটি শিশু-সম্ভানও যেন উত্তরাধিকারসূত্রে তাহাদের স্বভাব প্রাপ্ত হইয়াছিল। বড়টি ছেলে—বছর পাঁচেকের হইবে—সে ত 'পিসীমাকে' একবারে পাইয়াই বসিয়াছিল। তাহার পিসীমা তাকে কত 'ব্যাঙ্গমা ব্যাঙ্গমীর' গল্প বলিত, সোণার কাঠির রাজপুত্র কেমন করিয়া গুমস্ত রাজকন্যাকে জাগাইয়াছিল, তাহার কাহিনী শুনাইত,—বালক শুনিতে শুনিতে মুগ্ধচিত্তে তাহার কোলে গুমাইয়া পড়িত। তাহার সরল নিষ্পাপ গুমস্ত ফুলের মত কচি মুখখানি মঞ্জুর স্নেহ-প্রবণ মনের কাছে কি মিষ্টই লাগিত; বাতাসে তাহার চূর্ণকুণ্ডলগুলি উড়িত, একটি আসিয়া তাহার মুখের উপর পড়িত, মঞ্জু স্নেহাশ-সিক্ত-নেত্রে সেই গুমস্ত শিশুর মুখ পানে একদৃষ্টে তাকাইয়া থাকিত—চাহিয়া চাহিয়া তাহার যেন আশা মিটিত না—শিশুর নব-কিশলয় তুল্য অধরোষ্ঠ সে চুম্বনে চুম্বনে ভরাইয়া দিত!

নারীহৃদয় যতই কঠোর ও নীরস হউক—যতই অহঙ্কারদৃষ্ট হউক—তাহার একটি কোণে মাতৃহৃদের স্নেহ-কামল শীতল প্রস্রবণ ধীরে ধীরে—হয় ত অজ্ঞাতসারে বহিয়া থাকে। বিদাতার এ এক আশ্চর্য্য ব্যবস্থা! মঞ্জুদের ছিল মস্ত বড় মনীষীর সংসার—সকলেই মস্তিষ্ক-গান্। পিতামহ ছিলেন মস্ত বড় লেখক ও সাংবাদিক—রাজদ্বারে ও সাধারণে ছিল তাঁহার তুল্যমূল্যের সম্মান প্রতিপত্তি। মঞ্জুর মাতামহও ছিলেন সদরআলা হাকিম। উত্তরাধিকারসূত্রে তাহার পিতামাতাও পাইয়াছিলেন মস্ত মস্তিষ্ক। সংসারের ছোট-খাটো ব্যাপারের বহু উর্দ্ধে ছিল তাঁহাদের দৃষ্টি। স্নিগ্ধগভীর হিমগিরির তুষার-শুভ্র উত্ত্বঙ্গ-শৃঙ্গ সহস্রাংগুর সুবর্ণ-কিরণে ঝকঝক করে, আবক্ষ-উপিত কুহেলিকার বিষাক্ত বাষ্প কি তাহাকে মলিন করিতে পারে? যশোমানের তুঙ্গ-শৃঙ্গে আকৃত আটিষ্ট

পতি-পত্নীর সামান্য মুখের কথার প্রত্যাশী সমাজ তাঁহাদের সকাশে যে স্বত্তি পরিবেশন করিত, তাহার কাছে ক্ষুদ্র সংসারের তুচ্ছ খুঁটিনাটির কুজ্জাটিকা কি তুলনীয় হইতে পারে?

কিন্তু এ সকল স্নেহও তাঁহাদের সংসারের আবহাওয়া ছিল নীরস—হৃদয়হীন। মস্তিষ্কের সহিত হৃদয়ের সম্পর্ক ঘনিষ্ঠ হইবে, এমন কোন আইন নাই। প্রকাণ্ড মস্তিষ্কের পাশাপাশি প্রকাণ্ড হৃদয়ের অস্তিত্ব প্রায়ই দেখা যায় না। উচ্চাঙ্গের সাহিত্য বা শিল্পচর্চা বিরাট মস্তিষ্কের বাহ্য প্রকাশ হইতে পারে, কিন্তু উহা প্রায়ই হইয়া থাকে ভিষানীর তুল্য শীতল, সংসারপ্রবেশোন্মুখ তরুণ হৃদয়ের তপ্ত রক্তস্রোতের অনুকূল ইন্ধন যোগান দেওয়া উহার সাধ্যাতীত—বরং উহার প্রাণহীন শীতল স্পর্শে রক্তস্রোতের উত্তাপ গ্লান হইয়া যায়। আটিষ্ট পিতামাতার নীরস সংসারের স্নেহ-সহানুভূতির মঞ্জল-স্পর্শের অভাবে মঞ্জুর নবীন মুকুলিত যৌবনের সহস্র আশা-আকাঙ্ক্ষা কামনা-বাসনা শুষ্ক হইয়া উঠিতেছিল—আর সেই কারণেই তাহার অন্তরে তীব্র বৃড়ুকা-তৃষ্ণা মাথা তুলিয়া দাঁড়াইতেছিল।

তাহার পর মাতুলের কল্যাণে হঠাৎ অভাবনীয় পরিবর্তন। চিতোরগড় হইতে রাজপুতনার বিশ ত্রিশ মাইল ধূ-ধূ মরু-প্রান্তর রেলপথে অতিক্রম করিবার পর যখন আরাবলী পর্বতমালার বক্ষঃপঞ্জরস্থ দেবারী গিরি-সঙ্কটের টানেল পার হইয়া রেলগাড়ী নন্দন-পারিজাতের শোভায় অতুলনা সুন্দরী উদয়পুরনগরীর পেশোলা হৃদ-তটে উপনীত হয়, তখন যাত্রীর হৃদয় যে অনির্বচনীয় সুখারসে সিক্ত হয়, এই নূতন সংসারে শিশুর সরল হাসিকান্না ও দরদী তরুণ-তরুণীর অপরিমেয় স্নেহ-মমতার সংস্পর্শে দরিদ্র পিতামাতার প্রাণহীন কঠোর সংসারের অশান্তি অসন্তোষের পর মঞ্জুর হৃদয় সেই মধুর আনন্দরসেই অভিষিক্ত হইতেছিল। এ তৃপ্তি—এ শান্তি ত সে তাহার কলেজ-জীবনের শত শিহরণের মধ্যেও পায় নাই! দরদীর অন্তরে অন্তরে ব্যথা-বেদনার অনুভব ও আকর্ষণ মানুষকে এমন অমৃতের সন্ধান দিতে পারে? এ কি আনন্দ! কি তৃপ্তি!

সকল সময়ে, সকল দেশে, সকল সমাজে ঘরের আকর্ষণ মানুষকে সত্য-পথের সন্ধান দেয়, এই আকর্ষণই মানুষকে সমাজ-শাসনের গভীবদ্ধ জীবরূপে অবস্থান করিতে প্রেরণা

দিয়া থাকে। এ সত্যের সন্ধান পাইলে মানুষের জীবন সুখময়ই হইয়া থাকে। গৃহস্থালীর শত খুঁটিনাটির কাষে মন নিবিষ্ট হইলে বাহিরের আকর্ষণ অতি তুচ্ছ বলিয়াই অনুমিত হয়,—ইহা শাস্ত্র সনাতন সত্য!

অকারণে লইয়া মঞ্জু যখন স্নান করিতে গেল, তখন সত্যই তাহার মন কি এক অনাস্বাদিতপূর্বক আনন্দরসে ভরিয়া উঠিয়াছে। তাহার মনে হইল, এ জীবনই যেন তাহার নিজস্ব—আনন্দ যেন তাহার সেই জীবন-নদের দুই কূল ছাপাইয়া উঠিতেছে। মঞ্জু বালকের সহিত বালিকার মত ছুটাছুটি করিয়া অন্তঃপুরের পুকুরিণীর দিকে যাইতে লাগিল। বালকও যত হাসির লহরে আকাশ-বাতাস ভরাইয়া দেয়, মঞ্জুও তত উচ্চরবে হাসিতে হাসিতে তাহার পশ্চাৎকার করে।

এ এক নতন জীবন! এ জীবন শত দুঃখ-কষ্ট এবং অভাব-অনাটনের মধ্যেও হাসি ও আনন্দ বিলাইয়া দেয়। মঞ্জুর পিতামাতার সংসারে উচ্চাঙ্গের বিদ্যাচর্চার মধ্যেও সে সেন অক্ষুণ্ণ কিসের একটা অভাব অনুভব করিত—সে অভাব তাহার কেহ ত পূর্ণ করিবার চেষ্টা করে নাই! হউক তাহার কিরণদার এটি ক্ষুদ্র সংসার—কলাসাহিত্য-চর্চাস্থান সাধারণ মানুষের সাধারণ সংসার—তবুও তাহার যে মাতৃ-হৃদয় অতৃপ্ত স্নেহ-মমতার ক্ষুদ্র অক্ষুণ্ণ বৃত্তি থাকিত, এখানে সেই মাতৃ-হৃদয় ত তেমন আর ব্যথায় বেদনায় টনটন করে না।

সাধারণ গৃহস্থের ছোট-খাটো সাধারণ সংসার—রান্না-বারা পোড় বড়ি খাড়া,—না আছে দৌড়ঝাঁপ, না আছে শিরণ! কিন্তু তবুও কোথা হইতে বহিয়া যায় তাহাতে আনন্দ-তৃপ্তির প্রস্রবণ! ছোট বাড়ী, ছোট-খাটো সংসার,

সাজসজ্জা আসবাবপত্র সামান্য। তবুও ঘরের লক্ষী কুমুদিনী যখন রান্নাবান্নার অবসরে সন্তান দুটিকে লইয়া নিজেও শিশু সন্তান সাজিয়া খেলা করে, তখন শোভাসম্পদ-হীন সেই ছোট সংসারে কি অপূর্ব লক্ষীশ্রী ফুটিয়া উঠে!

এক দিন মঞ্জু অতিক্রান্ত বৌদিদির শয়নকক্ষে প্রবেশ করিতে গিয়া থমকিয়া দাঁড়াইল। সম্মুখে যাহা দেখিল, তাহাতে তাহার নয়ন হাশ্বোজ্জ্বল হইয়া উঠিল, নয়ন-কোণে আনন্দাশ গড়াইয়া পড়িল! মায়ের কোলে কনিষ্ঠ শিশু—মায়ের নয়নতারা উজ্জ্বল, মুখে মুগ্ধমন্দ হাসি—সে হাসি যেন এ জগতের নয়! সকল দেশের—সকল সময়ের—সকল সমাজের অজর অমর এই চিত্র—যশোদাক্রোড়ে নন্দভ্রমাল! মাতৃ-হৃদয়ের আনন্দতৃপ্তির এই কলাশিল্প অপেক্ষা জগতে নারীর পক্ষে আর কি সুন্দর চর্চার জিনিষ থাকিতে পারে,—ভাবপ্রবণা স্নেহকোমলা মঞ্জু তাহা ঠিক করিতে পারিল না,—কেবল নিম্পলক নেত্র সেই চিত্রের প্রতি তন্ময় হইয়া রহিল।

“কি মা, দাদারে দাড়িয়ে রয়েছে। কেন অমন করে? কি দেখছে?”

অনাথবন্ধুর অতিক্রান্ত প্রশ্নে মঞ্জু চমকিয়া উঠিল। মঞ্জুকে অপ্রতিভ দেখিয়া অনাথবন্ধু কপাটের মোড় ফিরাইয়া বলিলেন, “বাড়ী যেতে ইচ্ছে করছে? এখানে বৃষ্টি মন টিকছে না?”

মঞ্জু তাহার বৌদিদির কোল হইতে শিশুকে বুকে তুলিয়া লইয়া শিশুরই বুকে মুখ লুকাইয়া বাষ্পরুদ্ধকণ্ঠে বলিল, “না মামাবাবু, আরও দুচার দিন থাকি—বৌদিকে আমার বডেডা ভাল লাগে!”

শ্রীসত্যেন্দ্রকুমার বসু (সাহিত্য-রত্ন)

## মিলনের মূল

কঠোর শাসন কিবা অগণিত ধনে,  
পারে কি বাধিতে নরে মধুর-মিলনে?

সম্পদ, ঐশ্বর্য আর আশুরিক বল  
পারে কি সাধিতে কভু মিলন-মঙ্গল?

হয় কি মিলন কভু বিনিময়ে হেম?—  
মিলন সাধিতে পারে শুধু এক প্রেম।

জে, বি, সরকার।

# ইতিহাসের খণ্ডসন্ধান

## সুয়েজ ক্যানালের ইতিকথা

দক্ষিণ-পূর্ব এশিয়ার মোসুমী-বায়ু-পূর্ণ দেশগুলি ইতিহাসের প্রথম হইতেই শস্তাশ্রমসা ও ধনজনসমৃদ্ধ বলিয়া পৃথিবীতে পরিচিত এবং গরম দেশের সামগ্রী উৎকৃষ্ট ও সম্পূর্ণ বিভিন্ন প্রকারের বলিয়া পাশ্চাত্য দেশে ইহাদের যথেষ্ট আদর ছিল। ভারতবর্ষ ও ভারতীয় দ্বীপপুঞ্জের মসলা, গাছ-গাছড়া, ঔষধপত্র, বং, চীনদেশের রেশম, মহামলা এবং ছাপ্রাপা মণি-মুক্তা প্রভৃতি রোমক সভ্যতার সময় হইতেই যুরোপীয় বণিক-সমাজ কর্তৃক সমাদৃত হইত। এমন কি, কোনও কোনও দ্বীপাদি বাইবেলের প্রথম যুগেও ভূমধ্যসাগরতীরবর্তী দেশসমূহে প্রতিষ্ঠা লাভ করিয়াছিল।

সাধারণতঃ যে সকল পথ দিয়া তখনকার দিনে এই দ্বীপাদির ব্যবসা চলিত, তাহা ভিন্ন ভিন্ন সময়ে ভিন্ন ভিন্ন ছিল। রোমানদিগের সময়ে ভারত, তথা অন্যান্য প্রাচ্যদেশের সহিত যুরোপের বাণিজ্যের পথ মিশর দেশের ভিতর দিয়াই ছিল এবং ইহারই ফলে আলেকজান্দ্রিয়া অতি প্রাচীনকাল হইতেই ব্যবসার কেন্দ্র বলিয়া গণ্য হইয়া আসিতেছে। প্রাচ্যদেশীয় ছিন্নমস্ত্র লোহিত সাগরের পশ্চিম উপকূলে নামান হইত এবং সেখান হইতে মিশরের ভিতর দিয়া কায়বো অথবা আলেকজান্দ্রিয়া লইয়া যাওয়া হইত; কখনও কখনও সুয়েজ সংযোজকের ভিতর দিয়াও যাইত।

যুরোপ এবং দক্ষিণ-পূর্ব এশিয়ার মধ্যে যাতায়াতের আরও কয়েকটি পথ ছিল। যথা—(১) দামাস্কাস হইয়া পারস্য উপসাগরের ভিতর দিয়া; (২) এজত্‌ সমুদ্র, তথা কৃষ্ণসাগরের মধ্য দিয়া; (৩) কাস্পিয়ান সাগর এবং কাবুলের দিকে। কিন্তু এই সকল বাণিজ্য-পথের মধ্যে একটিও সুবিধাজনক ছিল না। আমরা দেখিতে পাই যে, অতি পুরাকাল হইতেই যুরোপ ও দক্ষিণ-পূর্ব এশিয়া খণ্ডের মধ্যে ব্যবসায়-প্রসারের নিমিত্ত অধিকতর সুগম পথ আবিষ্কারের জ্ঞান যথেষ্ট চেষ্টা করা হইয়াছে।

যখন গুলনাজ, পর্তুগীজ, ফরাসী ও ইংরেজগণ ভারত এবং তাহার নিকটবর্তী দেশসমূহের সহিত বাণিজ্যে প্রবৃত্ত হইলেন, তাঁহারা ভাস্কোডাগামা আবিষ্কৃত পথে, আফ্রিকার দক্ষিণে উত্তমাশা অস্তরীপ ঘুরিয়া আসা-যাওয়া করিতেন, কিন্তু এই পথে প্রায় ছয় মাস সময় লাগিত, সুতরাং এই পথও ব্যবসার পক্ষে তেমন সুবিধাজনক হইল না।

যুরোপ হইতে এশিয়া যাতায়াতের পক্ষে ভূমধ্যসাগর হইতে সুয়েজের ভিতর দিয়া—তথা লোহিত সাগরের মধ্য দিয়া পূর্বাভিমুখী পথটিই সর্ববাদিসম্মত সুগম। এই পথে সর্বাপেক্ষা কম সময়ে আসা যায় এবং ইহার দুই পার্শ্বে এত সমৃদ্ধ দেশ আছে যে, অল্প কোনও পথে অত নাই। ব্যবসা-বাণিজ্যের পক্ষে ইহা যথেষ্ট অমূল্য। কিন্তু সুয়েজের সংযোজকটি বহুকাল পর্যন্ত এই পথের প্রধান অন্তরায় ছিল এবং তিন সহস্র বৎসরেরও

অধিক কাল ধরিয়া এই সংযোজকটির ভিতর দিয়া জলপথ নিষ্কাশনের চেষ্টার পরে মাত্র ৬৫ বৎসর হইল, এই পথ সম্পূর্ণরূপে সুগম হইয়াছে।

এখনকার সুয়েজ খালের ভিতর সর্বশুদ্ধ জলনিশিষ্ট হইয়া আছে। এই দেখিয়া মনে হয় যে, কোন সময়ে সুয়েজের সংযোজকটি খুব সম্ভবতঃ সমুদ্রতলদেশে ছিল, অর্থাৎ এই স্থানে বহু পূর্বে সমুদ্র ছিল এবং পরে ভূমিকম্প অথবা প্রকৃতির অল্প কোনও খেয়াল বশতঃ সমুদ্রের স্থানে স্থল দেখা দিয়াছে। বাইবেলে কথিত আছে যে, মোজের্‌ এবং ইস্রায়েলের বংশধরগণ মিশর হইতে জলপথে লোহিতসাগর দিয়া পলায়ন করেন। ইহা দ্বারাও প্রমাণ হয় যে, বহুপূর্বে বর্তমান সুয়েজ খালের পথে জলপথ ছিল। সে যাহা হউক, সুয়েজ-সংযোজক কাটিয়া তাহার ভিতর দিয়া জলপথ নিষ্কাশনের চেষ্টা ৩ হাজার বৎসরেরও অধিক সময় ধরিয়া হইয়াছে এবং মিশরের দ্বিতীয় রামেসিস, পারস্যের প্রথম দরায়ুস, গ্রীসের দ্বিতীয় টলেমী, রোম-সম্রাট ট্রাজান, খলিফা হারুণ-অল-রসিদ ও নেপোলিয়ান বোনাপার্ট প্রমুখ বহু গণ্যমান্য ক্ষমতামালী ব্যক্তিই বিভিন্ন সময়ে এই অজ্ঞেয়কে জয় করিবার জ্ঞান যথাসাধ্য চেষ্টা করিয়াছেন।

ফারোয়া দ্বিতীয় রামেসিসের নাম বিখ্যাত; তিনি প্রসিদ্ধ খীবসু নগর নিষ্কাশন করিয়াছিলেন এবং তাঁহার উদ্ভী-নিপীড়ন উল্লেখযোগ্য। তিনি খৃষ্টপূর্ব চতুর্দশ শতাব্দীতে নাইল নদ হইতে লোহিতসাগর পর্যন্ত একটি খালের কিয়দংশ নিষ্কাশন করেন। এই খাল দীর্ঘকালস্থায়ী হইতে পারে নাই, অল্পদিন পরেই বালুকাপূর্ণ হইয়া একেবারে অব্যবহার্য হইয়া যায়। বর্তমান সুয়েজ খাল কাটিবার সময় এই খালের ধ্বংসাত্মক বালুকার তলদেশ হইতে পাওয়া যায়।

ইহার প্রায় ৭ শত বৎসর পরে, অর্থাৎ খৃষ্টপূর্ব সপ্তম শতাব্দীতে ফারোয়া নেকো, রামেসিসের আরম্ভ খাল শেষ করিবার চেষ্টা করিয়াছিলেন। তিনি ১ লক্ষ ক্রীতদাস লইয়া এই কাণ্ডে মন দেন, কিন্তু বেশী দূর অগ্রসর হইতে পারেন নাই।

নেকোর মৃত্যুর প্রায় ১ শত বৎসর পরেও তাঁহার খালের অস্তিত্ব সম্বন্ধে হেরোডোটাস লিখিয়া গিয়াছেন। এই সময়ে পারসিকরা মিশর অধিকার করেন এবং খুব সম্ভবতঃ প্রথম দরায়ুস নেকোর খালটির কার্য শেষ করেন। কিন্তু মানব-কীত্তির নশ্বরতা এবং ক্ষণস্থায়িতা প্রমাণ করিবার জ্ঞানই বোধ হয়, এইবারেও এই খালটি বালুকাপূর্ণ হইয়া ক্রমে ধ্বংসপ্রাপ্ত হয়। দরায়ুসের প্রাণপণ চেষ্টা ও অজস্র অর্থব্যয়ের ফল একেবারে নিশ্চিহ্ন হইয়া গেল।

খৃষ্টপূর্ব ২৬০ বৎসরে দ্বিতীয় টলেমী দরায়ুসের খালটির যথেষ্ট সংস্কারসাধন করেন এবং ইহাকে পুনর্জীবিত করেন। কিন্তু খালটি বোধ হয় সম্পূর্ণ ব্যবহারোপযোগী হয় নাই। কারণ, এই



সময়েও আটোম্যানের সহিত ব্যবসা সাধারণতঃ যুরোপ হইতে আলেকজান্দ্রিয়া, তথা হইতে রসেটা, তথা হইতে নাইল নদ উজান বাহিয়া ৩৪ শত মাইল নীচে কাস্ অথবা কপটপ্ এবং শেষে স্থলপথে গাধা অথবা উঠের পিঠে লোহিত সাগরের তীরস্থ আইদার বেরেনিস্ প্রভৃতি বন্দরের পথে চলিত। এই বন্দরগুলি বর্তমান সুয়েজ বন্দরের কয়েক শত মাইল দক্ষিণে ছিল।

খৃষ্ট জন্মবার পরে, রোম সাম্রাজ্যের গৌরবময় দিনে, সম্রাট ট্রাজান কর্তৃক এই জলপথটি আর একবার খোলা হইল। তিনি দরাদুসের খালটির বালুকারশি অপসারণ করাইয়া তাহাকে পুনরায় গভীর করিয়া কাটিয়া, কার্ণোপযোগী করিলেন। ট্রাজান এই খালের নাম রাখিলেন “অগষ্টাস্ এমনিস্” অথবা বিশাল শ্রোত। ইহা ক্রিওপ্যাটিস্ ( বর্তমান সুয়েজ বন্দর ) হইতে দুইটি লবণ-হ্রদের ভিতর দিয়া পশ্চিমে বুবাষ্টিস্ হইয়া একেবারে উত্তর-দিকে মানসুবে অর্থাৎ নাইল নদের পূর্ব মোহানা পর্যন্ত ছিল। ইহার পূর্বেকার সকল খাল অপেক্ষা এই খালটি বহুল পরিমাণে ব্যবহৃত হইত এবং বর্তমান সুয়েজ খাল কাটিবার সময় শ্রমিকদিগের পানীয় জল সরবরাহ করিবার নিমিত্ত ফার্দিনাও দি লেসেপ্ স্ তাঁহার পানীয় জলের খাল এই পথেই আনিয়াছিলেন।

এইরূপে একে একে মিশরীয়, পারসিক্, গ্রীক্ ও রোমানগণ ব্যবসা চালাইবার নিমিত্ত একটি অত্যাবশ্যক জলপথ নির্মাণের জন্ত বহু সময় এবং অর্থ ব্যয় করিলেন, কিন্তু কালের করাল গ্রাস, নিয়তির নিষ্ঠুর পরিচাস কাহাকেও তাঁহাদিগের কীর্তি উপেক্ষা করিতে পারিল না।

এইবার আরবদেশের খলিফাদিগের পালা। তাঁহারা মিশরে দীর্ঘকালাবধি রাজত্ব করেন। প্রায় ষষ্ঠ শতাব্দীতে আরব খলিফা অমরু ট্রাজানের নষ্ট কীর্তির সংস্কার ও উদ্ধারসাধন করেন এবং এই খাল শত বৎসরেরও অধিক যান-বাহন চলিবার পক্ষে উপযুক্ত ছিল। খালটির অল্প সীমানা ক্রিওপ্যাটিসের পরিবর্তে কুলসম্ নামে অভিহিত হইতে লাগিল এবং লোহিত সাগরের নাম হইল কুলসম্ সাগর।

আরব্যোপল্লাস-বিখ্যাত স্মারপরায়ণ খলিফা হারুন-অল-রাসিদ, বর্তমান সুয়েজ খালের পথেই সুয়েজ সংযোজক কাটিয়া একটি খাল নির্মাণের কল্পনা করেন। কিন্তু পাছে মিশর আলাদা হইয়া যায় এবং তাঁহার সাম্রাজ্যের পূর্বভাগ জলপথে গ্রীক্ আক্রমণে বিপর্যস্ত হয়, এই ভয়ে তিনি তাঁহার কল্পনা কার্যে পরিণত করিতে পারেন নাই।

নবম খৃষ্টাব্দে নাইল নদ হইতে লবণ হ্রদের ভিতর দিয়া কুলসম্ পর্য্যন্ত বিস্তৃত জলপথ পুনরায় বন্ধ হইয়া যায় এবং এই পথে চলাচল বেশী হইত না, মেরামত কার্যও বন্ধ করিয়া দেওয়া হয়। ঊনবিংশ শতাব্দীতে দেখা যায় যে, কুলসম্ বন্দর ধ্বংসস্থাপে পরিণত হইয়াছিল এবং নিকটস্থ সুয়েজ সহরেরও প্রায় সমান অবস্থা ছিল। ইহার পরে কিছুকাল প্রাচ্য এবং প্রতীচ্যের ব্যবসা-বাণিজ্য প্রধানতঃ নাইল নদ দিয়া কাস্ পর্য্যন্ত ও তাহার পরে স্থলপথে আইদার পর্য্যন্ত যাতায়াত করিত।

টাকিশ অটোম্যান সাম্রাজ্যের প্রতিষ্ঠার সঙ্গে সঙ্গে সুয়েজ একটি বড় বন্দর এবং ব্যবসার কেন্দ্র হইয়া উঠিয়াছিল। ইহা বাতীত সুয়েজ বন্দর লোহিত সাগর সহ টাকিশ নৌ-বাহিনীর প্রধান আড্ডা হইয়া উঠিল, এবং এখানে নৌ-গঠন শিল্পও বাড়িয়া

উঠিল। ভারতের সহিত ব্যবসা পুনরায় স্থাপিত হইল এবং প্রাচ্য ও প্রতীচ্যের ব্যবসার পক্ষে সুয়েজ বন্দর একটি বিশেষ স্থল হইয়া উঠিল। প্রতি বৎসরই মুসলমানদিগের বাণিজ্য-জাহাজ জেডা, মক্কা প্রভৃতি বন্দরে ভারতের সহিত ব্যবসায় নিমিত্ত বিবিধ দ্রব্যসম্ভার লইয়া যাতায়াত করিত। কিন্তু তখনও সুয়েজ বন্দর হইতে ভূমধ্যসাগরাভিমুখী সমস্ত ব্যবসাবাণিজ্যই স্থলপথে চলিত। সুয়েজ হইতে ভূমধ্যসাগর পর্য্যন্ত জলপথ অথবা সুবিধাজনক কোনও স্থলপথ না থাকাতে ব্যবসার যে কি প্রকার ক্ষতি হইতেছিল, তাহা অষ্টাদশ শতাব্দীতে যুরোপীয়গণ প্রাচ্য ও প্রতীচ্যে ব্যবসা চালাইবার সময় উপলব্ধি করিতে পারিয়াছিলেন। অষ্টাদশ শতাব্দীর শেষভাগে সুয়েজ সংযোজকের ভিতর দিয়া একটি জলপথের কল্পনা পুনরায় যুরোপের মহাপরখণ্ডকে বিব্রত করিয়া তুলিয়াছিল।

এইরূপে বৎসরের পর বৎসর—যুগের পর যুগ চলিয়া গেল, কিন্তু মানুষের স্বপ্ন অথবা কল্পনা বাস্তবে পরিণত হইবার কোনই লক্ষণ দেখা গেল না। প্রকৃতিরই শেষ পর্য্যন্ত জয় হইল। কিন্তু সুয়েজের ভিতর দিয়া জলপথ নির্মাণের স্বপ্ন তখনও পর্য্যন্ত বহু লোকেরই মস্তিষ্কে খেলা করিতেছিল, যদিও প্রথম যাত্রারা এই স্বপ্ন দেখিয়াছিলেন, তাহারা সকলেই বহুদিন পূর্বেই পৃথিবী হইতে চিরতরে অবসর গ্রহণ করিয়াছিলেন।

ইহার কিছুদিন পরে উনবিংশ শতাব্দীর রণ-দেবতা, সমর-পণ্ডিত নেপোলিয়ান বোনাপার্টির উৎসব মস্তিষ্কে পুনরায় এই কল্পনা বাসা বাধিল এবং এই উদ্দেশ্যে তিনি স্বয়ং সমুদ্র হইতে সমুদ্রে জলপথে ভ্রমণ করিয়া সুয়েজের ভিতর দিয়া ভূমধ্যসাগর ও লোহিতসাগর দুইটিকে সংযুক্ত করিবার উপায় খুঁজিতে লাগিলেন। তিনি যে সকল সংবাদ ও তথ্য সংগ্রহ করিলেন, তাহার সাহায্যে অল্প কসিয়া হিসাব করিয়া দেখিলেন যে, ভূমধ্যসাগর ও লোহিত সাগর এই দুই সমুদ্রের levelএ অনেক তফাৎ—প্রায় দশ মিটার অর্থাৎ এগার গজ। সুতরাং সুয়েজের ভিতর দিয়া সোজাসুজি খাল কাটিয়া এই দুই সমুদ্রকে সংযুক্ত করা একেবারে অসম্ভব বলিয়া ঠিক হইল। অবশ্য এ বিষয়ে নেপোলিয়নের হিসাবে ভুল হইয়াছিল, তাহা পরে বুঝা যাইবে।

ভারতে ব্রিটিশের ক্ষমতার বিরুদ্ধে অভিযান করিবার মানসে নেপোলিয়ন মিশর দখল করিবার চেষ্টা করিয়াছিলেন, যাহাতে তিনি সুয়েজের ভিতর দিয়া একটি জলপথ নির্মাণ করিয়া প্রাচ্যের দিকে একটি নূতন সমুদ্রপথ সম্পূর্ণ ফরাসীদিগের দখলে রাখিতে পারিবেন। তাঁহার আয়োজন সম্পূর্ণ হইবার পূর্বেই নাইল নদে নেলসন কর্তৃক ফরাসী নৌবাহিনী ধ্বংসপ্রাপ্ত হইল এবং ব্রিটিশগণ সুয়েজ দখল করিলেন। ব্রিটিশগণ এখন যুরোপ হইতে এদ্বিরা-খণ্ডের সহিত ব্যবসা-বাণিজ্যের নিমিত্ত মিশরের প্রয়োজনীয়তা কতদূর, তাহা উপলব্ধি করিতে পারিলেন। সুয়েজের ভিতর দিয়া একটি জলপথের বিশেষ প্রয়োজনীয়তা সম্যক্ বুঝিতে পারিয়া ব্রিটিশগণ খাল কাটাইতে মনস্থ করিলেন এবং এই উদ্দেশ্যে ১৮৩৯ খৃষ্টাব্দে এডেন দখল করিয়া তাহাকে সুরক্ষিত করিলেন। তখন তুর্কীর পাশা মহম্মদ আলি শাহ মিশরে নিজের ক্ষমতা বিস্তার করিতেছিলেন এবং তিনি মিশরে ব্রিটিশদিগকে তাঁহাদিগের মনোবাঞ্ছা পূর্ণ করিতে দেন নাই। ইহার পরে ৬ বৎসরকাল কিছুই উল্লেখযোগ্য ঘটে নাই।




সুয়েজ-বন্দরে লেফটেন্যান্ট ওয়াগহর্নের আবক্ষ মর্ম্মর-মূর্ত্তি

১৮৪৫ খৃষ্টাব্দ পর্য্যন্ত লেফটেন্যান্ট ওয়াগহর্ন নামে এক জন ব্রিটিশ নাবিক এঞ্জিনিয়ার নাইল নদ হইতে লোহিত সাগর পর্য্যন্ত উন্নত প্রকারের স্থলপথ প্রতিষ্ঠিত করিলেন। এই পথে প্রথমে গাড়ী, উষ্ট্র এবং ঘোড়ার সাহায্যে মালপত্র যাওয়া-আসাকরিত। পরে রেলগাড়ী চলিতে লাগিল। সুয়েজে রেলপথ এই

প্রথম! ওয়াগহর্নের এই প্রকার সুব্যবস্থার জন্মই আফ্রিকার দক্ষিণে উত্তমাশা অস্তরীপ ঘুরিয়া প্রাচ্যদেশে যাইবার যে সমুদ্রপথ ছিল, তাহার ব্যবহার কমিয়া গিয়া ভূমধ্যসাগর, সুয়েজ ও লোহিত-সাগরের মধ্য দিয়া ভারতে আসিবার পথই প্রধান হইয়া উঠিল। বহুদিন ধরিয়া তিনি সুয়েজ সংযোজকটি কাটিয়া তাহার ভিতর দিয়া খাল লইয়া যাইবার জন্ম ইংলণ্ডে আন্দোলন চালাইলেন, কিন্তু ব্রিটিশগণ তাঁহার প্রস্তাবে বিশেষ আশঙ্ক না হইয়া এ বিষয়ে সম্পূর্ণ নিশ্চেষ্ট রহিলেন। ওয়াগহর্ন বিতশালী ছিলেন না, তাঁহার ক্ষমতাও যথেষ্ট ছিল না। সুতরাং দেশবাসীর নিকট হইতে কোনও সহানুভূতি বা সাহায্য না পাইয়া তিনি তাঁহার প্রচেষ্টা হইতে বিরত হন এবং ১৮৫৮ খৃষ্টাব্দে নিতান্ত দরিদ্রদশায় মারা যান। বর্তমান সুয়েজ খালের সহিত লেফটেন্যান্ট ওয়াগহর্নের নাম কি ভাবে এবং কতদূর জড়িত, তাহা ফার্দিনান্দ দি লেসেপস্ বলিয়া গিয়াছেন। ১৮৮৩ খৃষ্টাব্দের ৩০শে নভেম্বর তারিখে সুয়েজ ক্যানাল কোম্পানীর একটি মিটিংএ লেসেপস্ বলিয়াছিলেন, “কেবলমাত্র ওয়াগহর্নের নিকটই সুয়েজ খাল নির্মাণের কল্পনার জন্ম আমি ঋণী।” ওয়াগহর্নের স্মৃতিচিহ্নস্বরূপ লেসেপস্ টিউকিক্ বন্দরে তাঁহার একটি মূর্ত্তি নির্মাণ করাইয়া স্থাপিত করেন।

এইবার সুয়েজের ভিতর দিয়া জলপথ নির্মাণের কল্পনা এক জন সাহসী এবং দৃঢ়প্রকৃতি ফরাসী লোকের মাথায় উদ্ভিত হইল এবং শেষ পর্য্যন্ত তাঁহারই জয় হইল। তিন সহস্রের অধিক কালের নানা মহাজ্ঞানী, বিচক্ষণ, দূরদর্শী, কূটরাজনীতি-বিশারদ, দেশপ্রেমিক ব্যক্তির সম্মিলিত ঐকান্তিক চেষ্টা—অবশেষে মসিয়ে ফার্দিনান্দ দি লেসেপস্এর আন্তরিক চেষ্টার সহিত মিলিত হইয়া তাঁহার মস্তকে বিজয়-মুকুট পরাইয়া দিল। এই জন্মই বলা হয়, “The many fail, the one succeeds”.



সৈয়দ বন্দরে ফার্দিনান্দ দি লেসেপসের মূর্ত্তি

১৮৩৬ খৃষ্টাব্দে, সম্রাজ্ঞী ভিক্টোরিয়া রাণী হইবার সময়ে, ৩১ বৎসর বয়স্ক একটি যুবকের জায় মসিয়ে কাদ্দিনান্দ দি লেসেপ্স্‌ রাজদূতের কাথোপলক্ষে আলেকজান্দ্রিয়াতে প্রথম আসেন। তিনি দেখিতে পাইলেন যে, তাঁহার জাহাজকে কারেন্টাইনে থাকিতে হইবে। এই সময়ে তাঁহাকে কিছুকাল বাধ্য হইয়া নিরুন্নয়ন জায় বসিয়া থাকিতে হইয়াছিল এবং সেই অবসরে তিনি ভূমধ্যসাগর ও লোহিতসাগরের levelএর difference সম্বন্ধীয় নেপোলিয়নের এঞ্জিনীয়ার লেপায়ারের রিপোর্ট পাঠ করিয়াছিলেন। লেসেপ্স্‌ এই রিপোর্টের সত্যতা নির্ণয় করিতে মনস্থ করিলেন। তাঁহার মাধ্যম নূতন খেয়াল আসিয়া উপস্থিত হইল এবং তিনি তখনকার সর্বাপেক্ষা বিশারদ এঞ্জিনীয়ারগণের সহিত পরামর্শ করিলেন। এঞ্জিনীয়ারগণ অনেক খোঁজ-খবর ও

করিয়া মিশরের সুলতানের নিকট ঘাইয়া তাঁহার সম্মতি লইলেন। তাহার পরে তিনি ষথেষ্ট অর্থ সংগ্রহের নিমিত্ত প্যারিসে গেলেন। লেসেপ্স্‌এর ইচ্ছা ছিল যে, সুয়েজ খাল একটি আন্তর্জাতিক বাণিজ্য জলপথ হইবে এবং সেই উদ্দেশ্যে সকল দেশের প্রধান প্রধান এঞ্জিনীয়ারগণের পরামর্শ এবং মত লইবার জন্ত প্যারিসে একটি আন্তর্জাতিক এঞ্জিনীয়ারদিগের সভা আহ্বান করিলেন। এই সভায় সকল এঞ্জিনীয়ারই লেসেপ্স্‌এর কল্পনার ভূমসী প্রশংসা করিলেন এবং তাঁহার নজামত সুয়েজ খাল কাটিবার প্রস্তাব সমর্থন করিলেন। একদল এঞ্জিনীয়ার মিশর দেশে যাইলে, মিশরের রাজপ্রতিনিধি নাইল নদের মোহানা ও সুয়েজ সংযোজকে তাঁহাদিগের অপ্রতিহত গতির ব্যবস্থা করিয়া দিলেন এবং মহম্মদ সৈয়দ পরিষ্কারভাবে ঘোষণা করিয়া



সৈয়দ বন্দরে লেসেপ্স্‌ স্ট্রীটের একটি দৃশ্য

গবেষণার পরে লেসেপ্স্‌কে বুঝাইয়া দিলেন যে, এ দুই সমুদ্রের levelএ কোনও difference নাই—উভয়ই একই levelএ আছে। লেসেপ্স্‌ স্বস্তির নিশ্বাস ফেলিলেন।

দূরদর্শী লেসেপ্স্‌ এইবার মিশরের তুর্কী রাজপ্রতিনিধি মেহেতের আলি এবং তাঁহার পুত্র মহম্মদ সৈয়দের অন্তঃকরণ জয় করিতে চেষ্টা করিতে লাগিলেন। কারণ, মিশর তখন তুর্কীর অধীনে ছিল। সুয়েজ খালের কল্পনার প্রায় ২০ বৎসর পরে ১৮৫৪ খৃষ্টাব্দে সুয়েজ সংযোজক কাটিবার অনুমতি পাওয়া গেল। তুর্কীর রাজপ্রতিনিধির এই অনুমতি বা সুবিধা সুয়েজ খাল প্রতিষ্ঠা দিবস হইতে ৯৯ বৎসরের জন্ত থাকিল এবং আরও একটি সর্ত্ত ছিল যে, এই খাল ব্যবহার করা সম্বন্ধে সকল জাতিরই সমান অধিকার থাকিবে। তখন লেসেপ্স্‌ জমি ও মৃত্তিকা পরীক্ষা


দিলেন যে, কর্তৃত্ব জলপথ ব্যবসা-বাণিজ্য সম্বন্ধে সম্পূর্ণ নিরপেক্ষ থাকিবে এবং জাতিধর্ম বা বর্ণনির্কিশেষে সকলেরই এই জলপথে সমান অধিকার থাকিবে, কেহ কোন বিশেষ সুবিধা পাইবে না।

অতঃপর “মিশরের খাগ” লইয়া যুরোপের সকল দেশের নেতৃগণ ব্যস্ত হইয়া উঠিলেন। লেসেপ্স্‌ স্বয়ং ইংলণ্ডে প্রস্তাবিত সুয়েজ খালের প্রয়োজনীয়তা ও উপকারিতা সম্বন্ধে বক্তৃতা দিয়াছিলেন এবং ইংলণ্ডের বণিক সম্প্রদায়ও তাঁহাকে সাদরে অভিনন্দিত করিয়াছিলেন। কিন্তু তখনকার ইংরেজ গভর্নমেন্টেব অদূরদর্শিতা চরমে উঠিয়াছিল। ব্রিটিশ গভর্নমেন্ট কিছুকাল পর্যন্ত সুয়েজ খাল নির্মাণের বিরুদ্ধে ছিলেন। কিন্তু কূটরাজনীতি-বিশারদ পামারষ্টোন এবং ডিস্‌ব্রেলী দুই জনেই সম্যক্ বুদ্ধিতে পারিয়াছিলেন যে, কেবলমাত্র ফরাসী ও মিশরীয়গণ কর্তৃক

অধিকৃত ও নিয়ন্ত্রিত জলপথ প্রাচ্যদেশীয় ব্রিটিশ সাম্রাজ্যের প্রতিকূল হইবে। কিছুদিন পর্যন্ত একদল ব্রিটিশ ধনকুবের প্যালােষ্টাইনস্থ হাইফা হইতে লোহিত সাগরের অপর এবং উত্তর-পূর্ব সীমান্ত আকাবা উপদাগর পর্যন্ত বর্তমান সুয়েজ খালের প্রতিদ্বন্দ্বী আর একটি জলপথ নির্মাণের চেষ্টা করিয়াছিলেন; কিন্তু তাহা কার্যে পরিণত হয় নাই। এইরূপে ব্রিটিশ গভর্নমেন্ট প্রথমে সুয়েজ খাল সম্বন্ধে কোনও উৎস্রুকা বা আগ্রহ দেখাইলেন না এবং তাহারাই এই ব্যাপারে নিলিপ্ত থাকিলেন। প্রধানতঃ ফরাসী মূলধন, ফরাসী বুদ্ধি এবং ফরাসী কোম্পানীর অধিনায়কত্ব ও তত্ত্বাবধানেই সুয়েজ খালের কায আরম্ভ হইল। অবশ্য কিছু ওলন্দাজ মূলধনও ছিল।

ইতিমধ্যে লেসেপস্ বর্তমান সৈয়দ বন্দরের স্থানটি তাহার

করিয়াছিলেন। পরে সৈয়দ বন্দর পর্যন্ত একটি জলের পাইপ বসান হইয়াছিল। কিন্তু তাহাতে কেবলমাত্র সৈয়দ বন্দরেরই জলাভাব দূর হইত। অবশেষে কায়রোর নিকটে নাইল নদ হইতে প্রস্তাবিত সুয়েজ খালের ঠিক মাঝখানে টিমসা হুদ পর্যন্ত একটি পানীয় জলের খাল প্রস্তুত করা হইল। এইরূপে পানীয় জল সরবরাহের ব্যবস্থা সম্পূর্ণ হইলে সুয়েজখালের কার্য বতদূর সম্ভব দ্রুত চলিতে লাগিল। সৈয়দ বন্দর হইতে নীচের দিকে এবং সুয়েজ বন্দর হইতে উপর দিকে, দুই দিক হইতেই কার্য আগ্রসর হইতে লাগিল - যাহাতে ভূমধ্যসাগর এবং লোহিতসাগর এই দুইটি সমুদ্রকে মাঝামাঝি কোনও একটি স্থানে সংযুক্ত করাওয়া দেওয়া যাইতে পারে। ভূমধ্য সাগরের নীল জল এবং লোহিতসাগরের রক্তাক্ত জল দুই দিক হইতে পরস্পরের সহিত



সৈয়দ-বন্দরে সুয়েজ ক্যানাল কোম্পানীর আপিস

কাযোগ্যযোগী হইবে মনে করিয়া ঐ স্থান হইতেই বালুকারাশি কাটিয়া খাল নির্মাণের কার্য আরম্ভ করিবেন স্থির করিলেন এবং রাজপ্রতিনিধি মহম্মদ সৈয়দের নামানুসারে তাহার নাম সৈয়দ রাখা হইল। নানাপ্রকার শ্রমিক আন্দোলন, কুচক্রান্ত এবং অসুবিধা সত্ত্বেও মেগাস হার্ডন এণ্ড সাই নামক প্যারিসের এক দল কন্ট্রাক্টরের তত্ত্বাবধানে খালের কায ক্রমশঃ আগ্রসর হইতে লাগিল।

মরুভূমির অসহ্য উত্তাপ, বালুকাপূর্ণ-ঝটিকার তাণ্ডবলীলা, বিষাক্ত কীট-পতঙ্গ এবং সম্পূর্ণ জলকষ্টের মধ্যে প্রত্যহ ২৫ গজার শ্রমিক কায করিতেছে ইহা একেবারে কল্পনার অতীত। প্রথমে লেসেপস্ কায়রো হইতে ১৫০ মাইল দূরে সমুদ্রতীর পর্যন্ত ২ হাজার জলবাহী উষ্ট্রের দ্বারা পানীয় জলের ব্যবস্থা

সম্মিলিত হইবার উদ্দেশ্যে ক্রমশঃ পরস্পরের নিকটবর্তী হইতে লাগিল।

১৮৬৯ খৃষ্টাব্দে ভূমধ্যসাগরের জল উপর হইতে নীচের দিকে প্রস্তাবিত খালের মধ্যস্থানে অবস্থিত লবণ-ভূদে আসিয়া পৌঁছিল। সেই বৎসরই শরৎকালে লোহিতসাগরের জলও নীচে হইতে উপরদিকে ক্রমশঃ আগ্রসর হইয়া তাহার চির-বাহিত প্রিয়ভ্রমের সহিত মিলিত হইয়া দীর্ঘকালের বিরহজ্বালা নিবারণ করিল। এইরূপে দুইটি সাগরের প্রথম মিলন এবং সংযোগ ঘটিল। সুয়েজ সংযোজক সত্য সত্যই শেষ পর্যন্ত কাটা হইল এবং ৩ হাজার বৎসরেরও অধিককালব্যাপী অসুবিধা দূর করিয়া লেসেপস্ মানব-সমাজের যথেষ্ট কল্যাণসাধন করিলেন। লেসেপস্‌এর আকর্ষণী শক্তি দ্বারা অসুপ্রাণিত মিশরের মুক্তহস্ত



খেদিব ইসমাইল বে এই উপলক্ষে এক বিরাট উৎসবের আয়োজন করিয়া ফেলিলেন। যথেষ্ট আড়ম্বর এবং ঘটায় মধ্যে নব নিশ্চিত জলপথের ভিতর দিয়া ফরাসী রাণী ইউজিনী এবং রাজপরিবারবর্গকে লইয়া “লা এইগল” নামক ফরাসী রাজকীয় নৌকাটি সর্বপ্রথম গিয়াছিল। তাহার পিছনে অষ্ট্রিয়ার সম্রাট ফ্রাঙ্ক জোসেফ, জার্মানীর ভূতপূর্ব কাইসার (তখন তিনি ফ্রাউন প্রিন্স ছিলেন), হল্যান্ডের রাজপরিবারবর্গ, তুর্কীর সুলতান, মিশরের খেদিব এবং সমগ্র যুরোপের অধিক রাজনীতিবিদগণ পর পর গিয়াছিলেন। ইহা হইতে মনে হয়, কেবলমাত্র বৃটেনের পক্ষ হইতে কেহই যান নাই।

এইরূপে ১২ মিলিয়ন পাউণ্ড অর্থাৎ প্রায় ১৬ কোটি ৮০ লক্ষ টাকা ব্যয়ে উনবিংশ শতাব্দীর সর্বাপেক্ষা প্রয়োজনীয় ও বিরাট একটি কীর্তি স্থাপিত হইল, যাহার তুলনায় মিশরের পিরামিডও নগণ্য বলা যাইতে পারে।

১৮৭০ খৃষ্টাব্দে কম্প্যাটিনোপলে একটি নৌসভার বৈঠক বসিয়াছিল। এই সভাতে সুরেজ খাল নির্মাণের ব্যয় উঠাইতে সুরেজ খালের ভিতর দিয়া যে সকল জাহাজ যাতায়াত করিবে, তাহাদিগের উপরে অত্যন্ত বেশী হারে ট্যাক্স বা “টোল” বসান হইয়াছিল। ইহার ফল খুবই সন্তোষজনক হইয়াছিল। এখন সুরেজ খালের নিমিত্ত বিশেষ কোন খরচা নাই বলিলেই হয়। কিন্তু তথাপি “টোলের” হার প্রায় সমানই আছে। বর্তমানে সুরেজ খালের ভিতর দিয়া যাতায়াতের নিমিত্ত জাহাজ পিছু এত বেশী টোল দিতে হয় যে, তাহা ব্যবসার দিক দিয়া মোটেই সুবিধাজনক নহে। সুরেজ খাল এখন একটি বিশেষ মূল্যবান এবং লাভজনক সম্পত্তি হইয়া দাঁড়াইয়াছে। ইহা দ্বারা মনে হয়, লেসেপস্ তথা মিশরের রাজপ্রতিনিধির ইচ্ছা এবং উদ্দেশ্য সফল হয় নাই। কারণ, তাঁহারা চাতিয়াছিলেন যে, সুরেজ খাল ব্যবসা-বাণিজ্যের পূর্ণ সহায়তা ও বিস্তার করিবে, সুরেজ খালে পৃথিবীর সকল জাতিরই ধর্ম বা বর্ণনির্কির্ষেবে সমান অধিকার থাকিবে এবং পৃথিবীর সকল যুদ্ধ-বিগ্রহেই সুরেজ খাল সম্পূর্ণ নিরপেক্ষ থাকিবে।


পূর্বেই বলা হইয়াছে যে, প্রথমে সুরেজ খালে ইংরেজগণের কোনও অধিকার ছিল না এবং সুরেজ খাল কেবলমাত্র ফরাসী মূলধনেই নির্মিত হইয়াছিল—ওলন্দাজদিগের কিছু অংশ ছিল। আর কোনও জাতিরই কোন প্রকার অর্থ বা অন্ত কোনও সাহায্য লওয়া হয় নাই। সুরেজ ক্যানাল কোম্পানীর কিয়দংশ শেয়ার মিশরের খেদিবকে দেওয়া হইয়াছিল; এই শেয়ারগুলির মূল্য আড়াই মিলিয়ন পাউণ্ড অর্থাৎ প্রায় ৩ কোটি ৪০ লক্ষ টাকা। বৃটিশ গবর্নমেন্ট প্রথমে সুরেজ খালের আবশ্যিকতা বা প্রয়োজনীয়তার গুরুত্ব উপলব্ধি করিতে পারেন নাই, সুতরাং প্রথমে তাঁহারা সুরেজখালে এক কর্দকও মূলধন দেন নাই! কিন্তু সুরেজ খাল খোলা হইলে এবং ব্যবসায় দ্রুত উন্নতি অবশ্যস্বায়ী বৃত্তিতে পারিয়া তাঁহারা নিজেদের তুলের ভুল আপশোষ করিতে লাগিলেন। যাহা হউক, কিছুদিন পরে ইংরেজ গবর্নমেন্ট দৈবক্রমে সুরেজ খালে কিছু প্রাধান্য পাইয়াছিলেন।

পূর্বেই মিশরের খেদিব ইসমাইল বে দেউলিয়া হইয়া যান। ফলে তাঁহার সুরেজ ক্যানাল কোম্পানীর শেয়ারগুলি অপ্রত্যাশিত

ভাবে বাজারে বিক্রয়ার্থ আসে। তখন ইংলণ্ডের বিখ্যাত দেশ-প্রেমিক নেতা বেঞ্জামিন ডিস্বেলি এই শেয়ারগুলি ইংরেজ গবর্নমেন্টের পক্ষ হইতে ক্রয় করিবার ইচ্ছা প্রকাশ করিলেন। ইহাতে ইংলণ্ডের জনসাধারণ তথা ইংরেজ গবর্নমেন্ট প্রচণ্ড আপত্তি জানাইয়া বলিয়াছিলেন, “এ কি, টাকা লইয়া ছিনিমিনি খেলা? মিশরের একটি সামান্য খালের পিছনে দেশের এত অর্থ অপব্যয় হইবে?” যাহা হউক, এই তুলুল আপত্তি সত্ত্বেও ডিস্বেলির কথাই শেষ পর্যন্ত থাকিল এবং ১৮৭৫ খৃষ্টাব্দে মিশরের খেদিবের আড়াই মিলিয়ন পাউণ্ডের শেয়ারগুলি ইংরেজ গবর্নমেন্টের পক্ষ হইতে ৪ মিলিয়ন ৮০ হাজার পাউণ্ড অর্থাৎ প্রায় ১২ কোটি টাকা মূল্যে ক্রয় করা হইল। অত আপত্তির বিপক্ষে সম্পূর্ণ একাকী হইয়াও কি করিয়া ডিস্বেলি এই শেয়ারগুলি বৃটিশ গবর্নমেন্টের জগৎ কিনিয়াছিলেন, তাহা এখন নাটকাত্মক বলিয়া মনে হয় এবং বর্তমানে ইহা একটি ঐতিহাসিক ঘটনা হইয়া দাঁড়াইয়াছে মাত্র। কিন্তু এই বিচক্ষণ, দূরদর্শী, রাজনীতি-বিশারদের নিঃস্বার্থপরতার কথা অনেকে হয় ত জানেন না। ডিস্বেলি জাতিতে ইহুদী ছিলেন এবং তাঁহার টাকার অভাব ছিল না। সুরেজ ক্যানাল কোম্পানীর শেয়ারের প্রয়োজনীয়তা এবং তাহার সম্বন্ধে সমস্ত খবরই তিনি ভাল করিয়া জানিতেন। ইচ্ছা করিলে তিনি নিজেই সমস্ত না হউক, অস্তুতঃ অধিকাংশ শেয়ার কিনিতে পারিতেন। কিন্তু ডিস্বেলি ইংলণ্ডকে প্রাণাপেক্ষা ভালবাসিতেন এবং সেই জগৎ যে দেশ তাঁহাকে সমাদরপূর্বক সম্মান দেখাইয়া গৌরবান্বিত করিয়াছিল, সেই ইংলণ্ডের জগৎই সম্পূর্ণ নিঃস্বার্থভাবে এই শেয়ারগুলি কিনিয়া দিলেন। এইরূপে কেবলমাত্র ডিস্বেলির দূরদর্শিতা তথা অপূর্ব স্বার্থত্যাগের ফলেই বৃটিশ সুরেজ খালে কিছু প্রাধান্য পাইলেন, যাহার জোরে আজ তাঁহারা ইটালীকে হুমকি দিতেছেন।

তখনকার দিনে সুরেজ খাল সম্বন্ধে বৃটিশ গবর্নমেন্টের সম্পূর্ণ নিলিপ্ততা এবং একগুঁয়েমী ভাব পরবর্তী কালের বৃটেনের পক্ষে বিশেষ হানিকর হইয়াছে এবং তখনকার কতিপয় রাজনীতিজ্ঞের অনূদর্শিতার ফল বর্তমান বৃটিশজাতি ভোগ করিতেছেন। উদাহরণস্বরূপ বলা যাইতে পারে যে, প্রাচ্যে বৃটিশ সাম্রাজ্যের দিক দিয়া দেখিলে এই সুরেজ খাল বৃটিশেরই সর্বাপেক্ষা প্রয়োজনীয় ও অপরিহার্য এবং সুরেজ খাল সম্পূর্ণ বৃটিশ দখলেই থাকা উচিত ছিল।

সুরেজ খাল দৈর্ঘ্যে ৯৯ মাইল। প্রথমে ইহা মাত্র ২৭ ফুট গভীর ও ৭২ ফুট চওড়া ছিল। ১৯২৮ খৃষ্টাব্দে ইহাকে পুনরায় কাটিয়া কিছু বড় করা হয় এবং তখন ইহা ৩৩ হইতে ৪২ ফুট গভীর এবং ১৯৮ ফুট চওড়া ছিল। প্রথমে কেবলমাত্র ৫ হাজার টনের কম ওজনের জাহাজ ইহার ভিতর দিয়া যাতায়াত করিতে পারিত এবং সমস্ত খালটি পার হইতে ৪৮ ঘণ্টা সময় লাগিত। এখন ২৭ হাজার টনের একটি জাহাজ মাত্র ১৫ ঘণ্টায় চলিয়া যায়। সুরেজ খালের দৌলতে এখন লগুন হইতে বোম্বাই মাত্র ১৭ দিনেই পৌঁছান যায়,—যে স্থলে পূর্বে উত্তমাশা অস্বরণীপ হইয়া আসিতে প্রায় ৬ মাস সময় লাগিত।



( গল্প )

মিশন কলেজের প্রিন্সিপ্যাল সাহেব হইলে কি হয়, ছাত্র ও ছাত্রীদের আচরণের দিকে তাঁহার লক্ষ্য এমনই তীক্ষ্ণ যে, কোন পক্ষেরই সামান্য একটু বেচাল হইবার যো নাই। ইহার পূর্বে যিনি প্রিন্সিপ্যাল ছিলেন, তাঁহার আমোলে কলেজের ডিবেটিং ক্লাবে একদা বচসাস্থলে ছাত্রছাত্রীদের মধ্যে তুমুল কলহ বাধিয়া যায় এবং তাহার পরিণাম এমনই শোচনীয় হইয়া উঠে যে, ছাত্রীদের মর্গ্যাদা রক্ষার জ্ঞে কলেজের কর্তৃপক্ষকে পুলিশের সহায়তা গ্রহণ করিতে হয়। এই ঘটনার প্রিন্সিপ্যালের অযোগ্যতা ও সহ-শিক্ষার অবৈদ্যতা সম্বন্ধে সংবাদপত্রের তীব্র আলোচনা সহরবাসীকে বিক্ষুব্ধ করিয়া তুলে। তাহার ফলে এই বহুদশী প্রবীণ প্রিন্সিপ্যালের আগমন এবং কার্যভারগ্রহণের সঙ্গে সঙ্গে ছাত্রছাত্রীদের আচরণ সম্বন্ধে তাঁহার এইরূপ কঠোরতা অবলম্বন।

সেই ঘটনার পর হইতেই ছাত্রীরা ডিবেটিং ক্লাবের সহিত সংশ্রব ছিন্ন করিয়াছিল, ছেলেদের সহিতও তাহারা কথাবার্তা বন্ধ করিয়া দিয়াছিল। ছেলের দল উসখুস করিত তাহাদের সহিত মিশিতে, তাহাদিগকে আবার ডিবেটিং ক্লাবের বৈঠকে টানিতে। কিন্তু মেয়েদের দৃঢ়তা এ সম্বন্ধে অসাধারণ, কিছুতেই তাহাদিগকে সংখ্যাগরিষ্ঠদের দলে ভিড়িতে দেখা গেল না।

ছাত্রীদের যিনি চাই, তাঁহার নাম অনীতা সেন। ফিফ্‌থ ইয়ারে পড়েন, বড় ঘরের মেয়ে, কলেজের সকল মেয়ের উপর তাঁহার অসামান্য প্রভাব। ইহার পরেই থার্ড ইয়ারের ছাত্রী শক্তি বোসের নাম করা চলে। যদিও এই ছাত্রীটি খুব সম্পন্ন ঘরের মেয়ে নন, কিন্তু প্রতিভায় অসাধারণ। লেখাপড়ায় মেধা যেমন তীক্ষ্ণ, বাকপটুতা ও উপস্থিতবুদ্ধি তেমনই অতুলনীয়। এই দুই তরুণী কলেজের মেয়েদিগকে সংঘবদ্ধ করিয়া এক সংস্থা খাড়া করিয়া

বসিল। তাহার নাম হইল, কুমারী-সংসদ। নূতন প্রিন্সিপ্যাল সাহেব তাহাদের উদ্দেশ্য শুনিয়া কলেজের নিয়ন্ত্রণে একখানি ঘর ছাড়িয়া দিলেন। সঙ্গে সঙ্গে আদেশ জারি করিয়া দিলেন,—সেই ঘরে ছাত্রীরা তাহাদের ডিবেটিং ক্লাব বসাইবে, তাহাদের সংসদে কোনও ছাত্র প্রবেশ করিতে পারিবে না। মিশন কলেজে ছাত্রীদের স্বতন্ত্র সংসদ প্রতিষ্ঠার ইহাই সংক্ষিপ্ত ইতিহাস।

ডিবেটিং ক্লাবে যে আলোচনা-প্রসঙ্গে ছাত্রছাত্রীদের মধ্যে বিবাদের সৃষ্টি হয়, তাহার বিষয়বস্তু ছিল—বিবাহে পণ-প্রথা ও তাহার বিষময় ফল। গড়পাড়ের কোনও বিশিষ্ট ঘরের অবিবাহিতা কতিপয় তরুণীর একসঙ্গে বিষপানে আত্মহত্যার শোচনীয় কাহিনী তখন সহরের প্রধান আলোচ্য বিষয়, তরুণী-সমাজে উত্তেজনার অন্ত নাই। সুতরাং ডিবেটিং সভায় এই মর্দ্দস্পর্শী বিষয়ের আলোচনা-প্রসঙ্গে এক তরুণী ছাত্রী এই নির্ধূর প্রথাটিকে আক্রমণ করিয়া দেশের ছেলেদিগকে তজ্জ্ঞে দায়ী করিয়া বসিল। এক সন্তোষবিবাহিত ছাত্র এই সভায় যোগ দিয়াছিল। তাহার পিতা এই বিবাহ উপলক্ষে পাত্রীপক্ষের উপর রীতিমত মোচড় দিয়া হাজার কয়েক টাকা আদায় করিয়াছিলেন, সুতরাং সহপাঠিনীর খোঁচাটি তাহার গায়েই সর্বপ্রথম বিধিল। যে সুরে মেয়েটি মন্তব্য তুলিয়াছিল, তাহার পর্দা তিনগুণ অধিক চড়াইয়া ছেলেটি পার্টা জবাব দিল। তাহার পরেই সভার আইন-কানুন ভাঙ্গিয়া কদর্ঘ্য আবহাওয়ার আত্মপ্রকাশ।

মেয়েরা এখনও সে কথা ভুলে নাই, সুতরাং সংসদের প্রথম বৈঠকেই সতেজে ইহারা ঘোষণা করিয়াছে,—ছেলের বিবাহের নামে ছেলের বাপরা এত কাল ধরিয়া মেয়ের বাপদের উপর যে অত্যাচার করিয়া আসিয়াছে—কসাই

স্বলভ নৃশংস মনোরত্তির পরিচয় দিয়া মেয়েদের মুখ নীচু করিয়া রাখিয়াছে, ইহার মুখ তুলিয়া তাহার প্রতীকার করিবে, সমস্ত অত্যাচারের প্রতিশোধ লইয়া ছেলের অভিভাবকদের ধারালো মুখ ভোঁতা করিয়া দিবে ; এজন্য যে কোনও প্রোপ্যাগ্যান্ডা, ছল বা কৌশল বা চাতুরী চানাইবার প্রয়োজন হইবে, কিছুতেই পেছপাও হইবে না।

ইহাকে ভিত্তি করিয়া উত্তেজনাপূর্ণ গান, নতন নতন প্রস্তাব ও নানাপ্রকার পরিকল্পনা সংসদের প্রতি বৈঠকেই বিপুল চাঞ্চল্যের সৃষ্টি করে, বাহিরেও তাহার রেস্ বায়ু-প্রবাহে ছুটিয়া থাকে ; ছেলেরা উৎকর্ষ হইয়া সভার উচ্চাস শুনে এবং পরস্পর নানারূপ আলোচনাও করে। কিন্তু আলোচ্য বিষয়ের গুরুত্ব বুঝিয়া, নিজেদের বৈঠকে তাহার প্রতিবাদ তুলিতে সাহস পায় না। পূর্বে যাহারা গোলযোগ পাকাইয়া তুলিয়াছিল এবং পণপ্রণার যাহারা সমর্থক, তাহার বেপবোয়া হইয়া ডিবেটিং ক্লাবে মেয়েদের মতবাদের বিরুদ্ধে প্রস্তাব তুলিতে প্রয়াস পাঠিয়াছিল, কিন্তু ভোটে টেকে নাই। অধিকাংশ ছাত্রই দৃঢ়তার সহিত মত প্রকাশ করে যে, ওঁরা যে বিষয় লইয়া আলোচনা করিতেছেন, আমাদেরই উচিত ছিল ওঁদের আগেই তাহা গ্রহণ করা। সমাজের যে কুপ্রণার উচ্ছেদ করিতে ইহার বন্ধপরিকর, আমরা তাহার বিরুদ্ধে সভা করিব ? অসম্ভব। বরং এ ক্ষেত্রে কোনও আলোচনাই আমরা করিব না।—সুতরাং মেয়েদের সংসদ বৈঠকের পর বৈঠকের সফলতায় অপ্রতিহতভাবেই পরিপুষ্ট হইতেছিল।

সে দিন নামমাত্র ক্লাস বসিয়াছিল, নাম লিখাইয়াই সকলে নিশ্চিন্ত ; পরস্পর বিদ্যাভিবাদনের পালা, যেহেতু পরদিন হইতেই গ্রীষ্মাবকাশে কলেজ বন্ধ হইবার কথা। ক্লাস ভাঙিতেই ছাত্রীরা পরিপূর্ণ উৎসাহে তাহাদের সংসদের শেষ বৈঠকের কাযগুলি সারিতে ছুটিল। বিশেষ জরুরী কোনও তাগিদ না থাকিলে ছুটির মধ্যে আর কোনও অধিবেশন হইবে না, একরূপ স্থির ছিল।

ছেলেদের ডিবেটিং আজ বসে নাই, তাহার কমন রুমে বিদ্যাভিবাদনের পালা শেষ করিয়া ইটালী-আবিসিনিয়ার প্রসঙ্গ লইয়া মাতিয়া উঠিয়াছিল। এমন সময় অদূরবর্তী ছাত্রীদের সংসদ-গৃহে মধুর সুর ঝঙ্কার দিয়া উঠিল।

তৎক্ষণাৎ ইটালী-আবিসিনিয়া প্রসঙ্গের তুমুল তর্ক থামিয়া গেল। অনেকগুলি কণ্ঠ যুগপৎ কণ্টকিত হইয়া উঠিল। সুধীর চাটাজ্জী কৌতূহলের সুরে কহিল,—ব্রাহ্ম, হাম্মনিয়ম সাড়া দিয়েছে।

অনুপম হালদার হতাশের সুরে জানাইল,—বেল পাকলে কাকের কি লাভ ? আমাদের যখন ওখানে—নো আডমিট্যান্স।

নিবারণ বিশ্বাস আশ্বাসের ভঙ্গীতে কহিল,—তবুও আনাচে-কানাচে ঘুরলে লাভ কিছু আছে বৈ কি, কোরাস্ গানখানা ত আর মুখ বুজিয়ে গাইবে না, তা ছাড়া কাষারী স্পীচও—

বিশ্বাসের কথায় বাধা দিয়া বংশীধারী বক্সী হাসিমুখে কহিল—আর যাই হোক, ওঁদের গানগুলো কিন্তু রিয়েলী পাউয়ারফুল, ওর একেই কিছু আছেই ; প্রত্যেক কথাটি যেন হলের মত ফোটে।

অখিল মিত্র নিবিষ্টমনেই সহপাঠীদের কথাগুলি শুনিতো-ছিল, কিন্তু নিজের কথাটা নিজেপ করিবার অবসর পাইতে-ছিল না। সে কালের যাত্রার দলের গায়কের মুখের গান অপেক্ষাকৃত সুদক্ষ গায়ক যেমন সহসা কাড়িয়া লইয়া বিচিত্রভঙ্গীতে তান তুলিয়া দর্শকবৃন্দের বাহাবা লইত, ঠিক সেই ভাবেই সে বক্সীর কথাটি যেন গুফিয়া লইয়াই কহিল,—ফুটবেই ত ! ফিফ্ প্ ইয়ারের অনীতা সেন নাম করা ভীমরুলু, উনি হচ্ছেন প্রেসিডেন্ট, আর থার্ড ইয়ারের সার্প বোলতা শক্তি বোস সেক্রেটারী, বাকি যে পনেরোটি হচ্ছেন সভ্য, তাঁরা প্রত্যেকেই এক একটি মোমাছি। এঁদের উচিত ছিল, সভার নাম দেওয়া—হল ফোটানো সংসদ।

ছেলের দল সম্মুখে উল্লাসের সুরে কহিয়া উঠিল,—হিয়ার—হিয়ার !

সত্যরত সেন মুখ মচকাইয়া হাসিয়া কহিল,—মিষ্টার মিত্রের দেখছি ও-দলের অনেক খবরই রাখেন !

মিত্রের বিছুমাত্র অপ্রতিভ না হইয়া উত্তর দিল,—রাখতে হয় ঐ মিস্ শক্তি বোসের জন্ম।

সেন ব্যঙ্গের সুরে কহিল,—এনগেজমেন্ট চলেছে বুঝি ! ও পক্ষ বোস, এ পক্ষ মিত্রের, তার ওঁপর সহপাঠিনী এবং রীতিমত বিউটি।

মিত্তির কহিল,—তুমি যেমন পাগল! ওকে ত চেন না, এমন শক্ত মেয়ে খুব কম দেখেছি। দৃকপাত করে না কাউকে, কত ছুডো ধ'রে আলাপ জমাবার চেষ্টা করেছি, সবই হয়েছে বৃথা। সি ব্রেক নট, বেগু নট এণ্ড কেয়ার নট—

সেন হাসিমুখে কহিল,—থ্যাক্স যু! আশা ছেড় না, ভাই; আজ না হইতে পারে, হতে পারে কাল!—  
Much rain wears the marble অতএব go on.

মিত্তির এবার উৎসাহের সহিত কহিল,—এই যে খাতাখানা দেখছ, এটা মিস্ বোসের। ক্লাসে ফেলে এনেছেন, আমি বয়ে বেড়াচ্ছি আর ফুরসদ পুঁজছি, কি করে তাঁর হাতে পৌঁছে দিই!

অনুপম হালদার ব্যবস্থা দিল,—তার জন্ম ভাবনা কি, চ'লে যাও সোজা ঐ পর্দাখানা ঠেলে ওদের সভায়; খাতাখানার শোকে মিস্ বোসের প্রাণখানা হাঁপিয়ে উঠেছে নিশ্চয়ই, হাতে ক'বে ঐটি পৌঁছে দিলেই চিয়ার্শের সঙ্গে তাঁর পাশের চেয়ারখানাও হয় ত এই সুরে অফার ক'রে বসবেন।

সুধীর চ্যাটার্জী হতাশের সুরে জানাইয়া দিল—  
স গুড়ে বালি! ও-ঘরে মুখখানি বাড়ালেই অমনি—  
গেট আউট প্লীজ!

সেন সহাত্রে প্রশ্ন করিল,—চ্যাটার্জী বৃদ্ধি এ অভিজ্ঞতা-  
টুকু আগেই সঞ্চয় ক'রে ফেলেছেন?

সুধীর উত্তর দিল,—নিশ্চয়ই; মিত্তিরের ও সঙ্কল্প পরানো হয়ে গেছে, সুতরাং ওঁর এ অ্যাডভেঞ্চারের কোনো সার্পকতাই নেই। আমার ক্লাসে পড়েন মহামায়া মুখার্জী, তিনিও ফেলে এসেছিলেন ক্লাসে তাঁর পেনসিলটা। সে দিনও ছিল ওঁদের সভা। আমি পেনসিলটি কুড়িয়ে মিত্তিরের মতই সেটি যথাস্থানে দাখিল করবার জন্ম একেবারে অস্তির! তার পর যেমন ওঁদের গান শেষ হওয়া, অমনই পেনসিল হস্তে সভায় সুধীর চ্যাটার্জীর বেগে প্রবেশ—

সুধীর চ্যাটার্জী মুখখানি বিকৃত করিয়া উত্তর দিল—তখনই এমনই একটা হৈ-টৈ প'ড়ে গেল, সুধীর চ্যাটার্জী যেন গুণ্ডারাজা মীনা পেশোয়ারীর মূর্তি ধ'রে পথানে উপস্থিত! কেউ বলে—ট্রেস্পাস, কেউ বলে—সেম্লেস্ ক্রীচার, প্রেসিডেন্ট অনীতা সেন টেবল চাপড়ে

চৌচিয়ে জিজ্ঞাসা করলে—হোয়াট-ইফ? আমি হাতের পেনসিলটি দেখিয়ে অনধিকারপ্রবেশের কারণটি বলতেই প্রেসিডেন্ট চৌকর দিয়ে প্রশ্ন করলেন—পেনসিলটায় মিস্ মুখার্জীর নামটা বৃদ্ধি লেখা আছে?

সেন হাসিয়া কহিল,—শক্ত জেরা ত! তুমি কি বললে, চ্যাটার্জী?

চ্যাটার্জী সুর আর্দ্র করিয়া উত্তর দিল,—আমাকে কথা বলবার ফুরসদ না দিয়েই মিস্ মুখার্জী ব'লে উঠলেন—এতে আশ্চর্য্য হবার কিছু নেই, অনীতা দি। আমার নিজের বই খাতা পেনসিল সম্বন্ধে অনেক সময় আমি নিজেই যা জানি না, এঁরা তাও জানেন!

বিশ্বাস বিচিন্ন মুখভঙ্গী করিয়া কহিল,—যাকে বলে মিষ্টি ছুতো!

সুধীর কহিল,—এর পরের চ্যাপ্টারটা আগে শোনো, তার পর ক'র তোমার রিমার্ক।

উপসংহারটি শুনিবার আগ্রহ সমবেত ছাত্রদল সকলেই সমস্ববে ব্যক্ত করিল। সুধীর কহিল,—আমি তখন বললুম, আপনার পেনসিলটা একটু স্পেশাল রকমের কি না,—

সেন প্রশ্ন করিল,—পেনসিলটার স্পেশালিটি ছিল বৃদ্ধি?  
সুধীর উত্তর দিল,—হাঁ, তার মাথার দিকে ছিল একটা সাদা টাপ্পী; কিন্তু আমার কথার ওপরে মুখঝাপটা দিয়ে মিস্ মুখার্জী ব'লে উঠলেন—ক্লাসে কিছু ফেলে এলে তার খবরদারী করতে আছে মাইনে-করা বেয়ার', আপনার এ ফেভারটুকু করবার কোনো দরকার ছিল না, আর এই ছুতোয় যে একটা ধন্বাদ আদায় করবেন ভেবেছেন, সেটাও আপনার ছরাশা।

সেন কহিল,—তখনও তুমি সেখানে দাঁড়িয়ে ভাগ্য পরীক্ষা করছিলে?

সুধীর উত্তর দিল,—আমার অবস্থা তখন ত্রিশসুর মত; তবুও হাল একেবারে ছেড়ে না দিয়ে সাহস ক'রে জানিয়ে দিলুম তাঁকে—হাতের জিনিষটা ফেলে এসেছিলেন, আমি সেটা পৌঁছে দিলুম—অ্যাজ এ ফ্রেণ্ড, হাও অ্যাণ্ড ইন্ গ্লোভ উইথ—

সেনের পুনরায় প্রশ্ন,—এ কথা শুনেই বৃদ্ধি মিস্ মুখার্জী হাসিমুখে তোমার হাত থেকে পেনসিলটি নিয়ে কৃতার্থ ক'রে দিলেন?



সুধীরের মুখে বেদনার ছায়া পড়িল, স্বরেও ব্যথার আভাস পাওয়া গেল, কহিল,—আমার কথাটা যেমন শেষ হওয়া, অমনি খপ ক’রে আমার হাত থেকে পেনসিলটা টেনে নিয়ে সেইটে দিয়েই রগের ওপর ঠকাস্ ক’রে একটি ষা বসিয়ে দিয়ে ঝাঁঝিয়ে বললে—সাত আপ—গেট আউট প্লীজ ! রগটা টিপে আমি তখন দে ছুট ।

সবার মুখেই চাপা হাসি, অক্ষুট গুঞ্জন । সেন মস্তব্য প্রকাশ করিল,—সর্বনাশ ! যাকে বলে—ইন্ দি ভেরী অ্যাক্ট ! তা হ’লে মিত্তিরের অবস্থাও হোপলেস্, মিস্ বোসের খাতাখানা বহন করাই সার হ’ল !

সুধীর চ্যাটাঙ্গী কহিল,—বন্ধুর কর্তব্য বন্ধুকে সতর্ক ক’রে দেওয়া ।

এই সমস্ত সংসদকক্ষ হইতে সমবেত কর্তৃক চমকপ্রদ কোরাস্ গানখানির ঝঙ্কার ছাত্রদের কাণের ভিতর দিয়া মরমে প্রবেশ করিয়া সকল আলোচনা বন্ধ করিয়া দিল ।

সকলের উপস্থিতিতে সংসদের এ দিনের বৈঠকটি গোড়া হইতেই জমজমাট হইয়াছে । প্রতি বৈঠকের সূচনায় নূতন গান রচিত ও গীত হইয়া থাকে ! এদিনের বৈঠকের গানখানি শক্তি বোস নিজে রচনা করিয়াছে, সুর দিয়াছে সভানেত্রী অনীতা ; সংসদের সকলেই সমবেত কর্তৃক গানখানি গাহিতে সভায় একটা উত্তেজনার ভাব সেন মূর্ত্ত হইয়া উঠিল । গানখানির মর্ম্ম এইরূপ—

কি দেখিস্ বল না চেয়ে কাঁদে আজ আকুল হয়ে  
ব’সে ঐ বাঙ্গালার মেয়ের বাপ রে ।  
ভেবে মেয়ের বিয়ের কথা ভেঙ্গে পড়ে বাপের মাথা  
কি দারুণ পণপ্রথার ঝাঁঝ রে ।  
ব’সে আছে বরের বাবা বাগিয়ে মস্ত থাবা  
বসাতে মেয়ের বাপের বুকে ;  
রেখেছে মনে পুষে খাবে সে রক্ত চুষে  
তবে গো তৃপ্ত হবে সুখে ;  
তাই বলি জাগ রে তোরা আগুনে আজকে পোড়া  
যত ঐ সমাজ-বিধির পাপরে ।  
আচার্য্যের ‘চিঁড়েগুড়ে’ রছিল সদয় জুড়ে  
চারের কাপ ফেলতে দূরে কহিলেন ডাকি ;

চাবাগানের কুলীর ছুখে ব্যথা তাঁর বাজল বুকে  
দেশের এই পাপের দিকে ফিরে না আঁখি ;  
মেয়েদের এই মৃত্যু বরণ, চিত্তে কারো দেয় না দোলন  
হুজুগ নিয়ে সবাই মগন, এমনি পরিতাপ রে ।

গানের পর সংসদের কায আরম্ভ হইল । সেক্রেটারী শক্তি বোস জানাইল,—বিভিন্ন পত্রিকায় সংসদের বিজ্ঞাপন ছাপা হইয়াছে । প্রকাশিত বিজ্ঞাপনটি সভায় তৎক্ষণাৎ পঠিত হইল । অবিবাহিতা বিপন্ন কুমারীদের আশ্বাস দিয়া এই মর্মে ঘোষণা করা হইয়াছে যে,—

আমাদের সমাজের বুকের উপর পণপ্রথার যে জাঁতা চলিতেছে, কুমারী-সংসদ তাহা বন্ধ করিতে কোমর বাঁধিয়াছেন । স্তত্রাং আর্ন্ত কুমারীদিগকে আমরা অমুরোধ করিতেছি, কেরোসিন ও অহিফেনের আশ্রয় না লইয়া তাহারা সংসদের সভানেত্রীকে সবিশেষ লিখন, প্রতীকার হইবে । শুভবিবাহের নামে যে সকল পণগ্রাহী কল্পাপেক্ষের উপর করাত চালাইতে এখনও কুন্তিত নয়, তাহাদের নাম ধাম সংসদে লিখিয়া পাঠান, সংসদ হইতে তাহাদের প্রতিবিধান হইবে ।

সভ্যাগণ একযোগে করতালি দিয়া প্রকাশিত বিজ্ঞাপনটির সমর্থন করিল । সভানেত্রী অনীতা সেন কহিলেন,—সংসদের গান সমাজের কাণে বেজেছে । সহরের সকল সংবাদপত্র সংসদের সংসাহসের প্রশংসা ক’রে ‘প্যারা’ লিখেছেন ।

সভানেত্রীর আদেশে সম্পাদিকা বিভিন্ন কাগজের সম্পাদকীয় মস্তব্যগুলি পাঠ করিলেন । তাহাদের মোটামুটি মর্ম্ম এইরূপ,—বস্তুতঃ দেশের সর্কাপেক্ষা সমস্তাময় বিষয়টির সমাধানে দেশের নেতা ও সমাজপতিগণ যখন উদাসীন, তখন শিক্ষিতা কুমারী ছাত্রীগণ নিদারুণ অবমাননা হইতে নারীদের গুল্লতাকে রক্ষা করিতে এই আদর্শ সংস্থাটির প্রতিষ্ঠা করিয়াছেন । এ ক্ষেত্রে কবির সেই বিখ্যাত গানটিই আমাদের মনে জাগিতেছে,—‘না জাগিলে এই ভারত-গলনা, এ ভারত আর জাগে না জাগে না !’ কুমারী-সংসদের বীর কুমারীদের এ জাগরণ সার্থক হউক ।

বিপুল উল্লাসে সভ্যাগণ পুনরায় করতালি দিল । অতঃপর কতকগুলি প্রস্তাব উঠিল । প্রথম প্রস্তাব তুলিলেন সভানেত্রী স্বয়ং, কহিলেন,—নানা সূত্রে জানা গিয়েছে, পণপ্রথার সুরোগে আর এক অনাচার কুমারীদের সর্বনাশ আরম্ভ করেছে । এক শ্রেণীর বিবাহ-বাতিকগ্রস্ত বৃদ্ধ

নিক্রপায় অভিভাবকদের কন্যাদায়মুক্তির ছলে বয়স্থা কন্যাদের বিবাহ ক'রে সমাজে হাহাকার তুলেছে। এখন থেকে এই কদর্য ব্যাপারের প্রতীকারে সংসদকে বিশেষভাবে অবহিত হ'তে হবে।

প্রস্তাবটি অনুমোদিত ও সর্বসম্মতিক্রমে গৃহীত হইল। আরও কতকগুলি প্রস্তাব একে একে উপস্থাপিত হইলে, সেগুলিও অনুমোদিত ও গৃহীত হইল। শেষ প্রস্তাব তুলিল সেক্রেটারী শক্তি বোস, কহিল,—আমাদের দেশের যারা নেতা ব'লে পরিচিত এবং যে সকল শিক্ষিতা মহিলার দেশ-নিষ্ঠায় ভারতের নারী-সমাজ গৌরবান্বিত, তাঁদের প্রত্যেকের নিকট আজকের কাগজগুলির মন্তব্য ও সংসদের প্রস্তাবগুলির অনুলিপি পাঠান হোক।

সমস্বরে সকলেই এই প্রস্তাবের সমর্থন করিল। এই সময় দরওয়ান অতি সম্ভর্পণে পদা তুলিয়া কক্ষে ঢুকিল ও সংসদের নামীয় দুইখানি চিঠি সভানেত্রীর টেবলের উপর রাখিয়া সেলাম বাজাইয়া চলিয়া গেল। বাহির হইতে সংসদের নামে ডাকের এই প্রথম চিঠি! লেফাফা দুইখানি দেখিয়া সকলেরই মুখখানি হর্ষোৎফুল্ল। সভানেত্রী নিজেই চিঠি দুইখানি হাতে করিয়া উদ্ভাসের সহিত কহিলেন,—  
দি ক্রুটস্ ফাষ্ট্ গেদার্ড ইন্ এ সিজন্ অফ আওয়ার য্যাড-চারটাইজমেন্টস্ !

শক্তি কহিল,—আমরা ঐ দুই অগ্রদূতের বাণী শুনে উৎকর্ষ, অনীতাদি, আপনাই পড়ুন।

অনীতাদেবী চিঠি দুইখানি খুলিয়া তাহাদের বয়ানটুকু মনে মনে পড়িয়া লইয়া কহিলেন,—দুখানা চিঠির বিষয়ই খব গুরুতর, কাষেই নাম ঠিকানা নানা কারণে উপস্থিত ভেদে রেখে, চিঠির আর সব অংশই আমি পড়ছি। তোমরা শোনো।

প্রথম চিঠির লেখিকা বারো বৎসরের এক বালিকা। সে লিখিয়াছে,—আমার দাড়ুর নাম আপনারা নিশ্চয়ই জানেন। তিনি ছিলেন দায়রার হাকিম। অনেককে জেলে দিয়াছেন, কত লোককে ফাঁসী দিয়াছেন। কিন্তু আপনারা শুনে হয় ত অবাক হবেন, পেনশান নিয়েও দাড়ুর ফাঁসী দেবার হাত-গুড়গুড়নি এখনও থামেনি। তিনি সম্প্রতি ষোলো বছরের একটি কুমারীর গলায় ফাঁসী লাগাবার মতলব করেছেন, অর্থাৎ দাড়ু এই ৭২ বছর

বয়সে সেই মেয়েটিকে নিয়ে শীঘ্রই ছাঁদনাতলায় দাঁড়িয়ে আবার কেঁচে গড়ষ করবেন। এ দিকে সংসারে তাঁর বাড়বাড়ন্ত খুবই; উপযুক্ত সাতটি ছেলে, এগারোটি মেয়ে, নাতিনাতনীদেব সংখ্যা একুশ। তাদের কেউ কেউ ছেলের মা হয়েছে। ডপফের ঠিকানা দিলাম, বিয়ের কথাবার্তা পাকা, এখন যা কিছু করবার, আপনারা করুন।

চিঠিখানি পড়া হইতেই এক সভ্যা কহিয়া উঠিল,—  
ওরে বাবা! বাহাত্তরে বুড়োর সখ ত সামান্য নয়!

সঙ্গে সঙ্গে বহুর্কের ধনি উঠিল,—হুইপ—হুইপ!

সভানেত্রী সকলকে শান্ত হইতে বলিয়া দ্বিতীয় পত্রখানি পড়িতে আরম্ভ করিলেন। তাহার লেখক লিখিয়াছেন,—  
আমি এক ধনী জমিদারের ছেলে। আমরা পাঁচ ভাই; বোন নাই। আমার বাবা চারিটি ছেলে, তিনটি ভাইপো এবং পাঁচটি ভাগনের বিয়ে দিয়ে বারোটি সংসার ভেঙ্গে দিয়েছেন। অর্থাৎ ধনী জমিদারের ঘরে কন্যাদানের মোহে ঐ বারোটি সংসারের মেয়ের বাপরা সর্বস্বান্ত হয়েছেন। আমার বাবার পাপের প্রায়শ্চিত্ত করতে আমি চিরকুমার-এত নিয়েছি। বাবা আমাকে যদিও ত্যজ্যপুল্ল করেছেন, কিন্তু আমি সরকারী চাকরী আশ্রয় ক'রে পণপ্রথার উচ্ছেদে আয়োৎসর্গ কবেছি। অর্থে, সামর্থ্যে, পরামর্শে আমি সর্বতোভাবে কুমারী-সংসদের সহায়তায় প্রস্তুত।

এ পত্রখানি সভায় সংশয় তুলিল। কেহ কহিল, মন্দ কি! কেহ কেহ সন্দেহের সুরে কহিল, বিশ্বাস কি?

সভানেত্রী প্রশ্ন তুলিলেন,—আশা করি, বিয়ের ব্যাপারে হাত দেওয়া সংসদের সকলেরই মত?

সমস্বরে সকলেই উত্তর দিল,—নিশ্চয়ই।

সভানেত্রী জানাইলেন,—তা হ'লে এ সম্বন্ধে তদন্তের জন্ত উপস্থিত সংসদের ছয় জনকে আমি মনোনীত করছি—  
শক্তি বোস, সত্যভামা সোম, গোদাবরী গুপ্তা, মহামায়া মুখার্জী, চাপা চাটার্জী এবং তিলোত্তমা তালুকদার। আর এক কথা, বিষয়টি খুবই গুরুতর; স্মরণ্য এর একটা হেস্তনেস্ত না হওয়া পর্য্যন্ত কাল থেকে আমার বাড়ীতে বৈকাল তিনটের সময় প্রত্যহ সংসদের বৈঠক বসবে।

সভ্যাগণ সকলেই সভানেত্রীর প্রস্তাবে সানন্দে সায় দিল। অবশেষে শক্তি বোস সভানেত্রীকে ধন্যবাদ জানাইয়া সভার কার্য শেষ করিল।

অবনী রায় ছাঁপোষা গৃহস্থ। মার্চেন্টে আফিসে চাকুরী করেন, মাহিনা পান আশী টাকা। বাস করেন বাগবাজার অঞ্চলের শেষপ্রান্তে নিয়োগী-পাড়ায়; ছোটখাটো একখানি বাড়ী, তাহার ভাড়া দেন মাসে বত্রিশ টাকা, বাকি আটচল্লিশ টাকায় তাঁহাকে সংসার চালাইতে হয়। বড় মেয়ে সাবিত্রী মোলো পার হইয়া সতেরোয় পড়িয়াছে, বাড়ন্ত গড়ন, আর রাখা যায় না; গৃহিণী যশোদাদেবী দুই বেলা তাগিদ দেন, কিন্তু ঘরে যাত্রার একটি পরসার স্থিতি বলিতে নাই, সে কি করিয়া মেয়ে পার করিবে? সাবিত্রীর রূপের খ্যাতি থাকিলেও, পাত্রপক্ষ দাবীর অঙ্ক খাটো করিতে কিছুতেই রাজী নহে। রায় মহাশয় করযোড়ে নিজের অক্ষমতার কথা জানাইলে ব্যঙ্গের সুরে উত্তর আসে,—হাজারের কমে এ যুগে মেয়ে পার করা চলে না।

আফিসের এক আটপুট বন্ধুর সৌজন্যে অবনী রায় কণ্ঠ সাবিত্রীর কয়েকখানি ফটো তুলাইয়া ঘটকদিগকে দিয়াছিলেন। উদ্দেশ্য, সুন্দরী কণ্ঠার আলোখ্য যদি রূপগ্রাহী পাত্রপক্ষের চিত্তে সহজেই প্রভাব বিস্তার করে। ঘটকদিগকে তিনি স্পষ্ট করিয়াই বলিয়া দিয়াছিলেন যে, মেয়ের ফটো দেখিয়া খুসী হইয়া কোনও মহাশয় যদি বিনাপণে তাহাকে গ্রহণ করিতে ইচ্ছুক হন, তাহা হইলে যেন কথা পাড়া হয়, কেন না, টাকা দিয়া মেয়ে পার করিবার মত অবস্থা তাঁহার নয়।

ঘটকদের মনান্তরায় যে মহাশয় অবশেষে একাঙ অল্পকম্পার সহিত অবনী রায়ের দায় উদ্ধার করিতে সম্মত হইলেন, তিনি অবসরপ্রাপ্ত দায়রার হাকিম রায় বাহাদুর শশিনাথ 'চৌধুরী'। টালার প্রাসাদতুল্য প্রকাণ্ড বাড়ী। প্রচণ্ড দপদপা, উত্তর অঞ্চল ব্যাপিয়া বিপুল নামডাক, প্রতিষ্ঠা; মোটা টাকা পেনশান পান; পেনশানের অর্ধেক টাকার বিনিময়ে ব্যাঙ্কে প্রায় অর্ধলক্ষ টাকা সঞ্চিত হইয়াছে। মা-লক্ষ্মী ও মা-যজ্ঞের প্রচুর রূপা তাহার বিশাল সংসারের পরিস্থিতি জমজমাট করিয়া তুলিলে কি হয়, গৃহলক্ষ্মীর অভাবে মধ্যে মধ্যে তাঁহার মনটি ক্লিষ্ট হইয়া উঠিত। কিন্তু মকরকেতনের চক্রান্তে এমন এক সঙ্কীর্ণ সাবিত্রীর ফটোখানি রায় বাহাদুরের চক্ষু দুইটিকে চমৎকৃত করিয়া দিল যে, তাহার প্রভাবে তাঁহার ক্লিষ্ট মনটির উপরও নবীন যৌবনের পুলকপ্রবাহ ছন্দারগতিতে উচ্ছ্বসিয়া উঠিল।

রায় বাহাদুরের সাদর আহ্বানে অবনী রায় তাঁহার টালার বাড়ীতে দেখা করিতে আসিলেন; বণ্টা-খানেকের মধ্যেই কথাবার্তা পাকা হইয়া গেল। বয়সের দিক দিয়া যে খোঁচাটুকু রায় মহাশয়ের মনে বিধিতেছিল, রায় বাহাদুরের মুখের কথায় তাহা নিশ্চিহ্ন হইয়া গেল। রায় বাহাদুর দৃঢ়স্বরে আশ্বাস দিলেন,—এ বিবাহে একটি পরসারও তাঁকে বায় করতে হবে না, উপরন্তু মার্চেন্টে আফিসে আশী টাকা মাইনের চাকুরীও তাঁকে আর বেশী দিন করতে হবে না, ছোট আদালতের সেরেস্তায় এমন কোনও ছলভ আসনে তিনি তাঁকে বসিয়ে দেবেন—যার গ্রেড তিন শোর কম নয়। ছেলেদেরও তিনি ভাল যাগগায় চুকিয়ে দেবেন, অপর মেয়েগুলোর বিয়ের জন্তও রায় মহাশয়কে আর ভাবতে হবে না।

দায়রার এজলাসে বসিয়া যে লোক ফাঁসীর আসামীর বিচার করিয়া আসিয়াছেন, আজ সেট লোক স্বেচ্ছায় অবনী রায়ের মুকুটী হইতে ইচ্ছুক! আশা অনাগত ভবিষ্যতের উজ্জল ছবি তাহার চক্ষুর উপর তুলিয়া মাথা ঘুরাইয়া দিল। মন দ্বিগা তুলিলে পরক্ষণেই উত্তর আসিল,—বহু সুন্দরী তরুণীই ত গুণশালা বর্ষীয়ান পুরুষকে স্বেচ্ছায় বরণ করেছে, পুরাণে, ইতিহাসে, সমাজে ত নজীরের অভাব নাই; তবে?

সুতরাং অবনী রায় বিবাহের কথা পাকা করিয়াই বাড়ী ফিরিলেন। গৃহিণী যশোদা দেবী কথাটা শুনিয়া আকাশ হইতে পড়িলেন; তাঁহার স্নেহের ছালা সোণার কমল সাবিত্রীকে শেষে এক বাহাদুরে বুড়োর গলায় ঢলাইয়া দিবার ব্যবস্থা করিয়া আসিলেন স্বামী! তনিয়ায় কি আর পাত্র ছিল না? কিন্তু স্বামী আন্তঃস্বরে জানাইলেন, তনিয়ায় পাত্রের অভাব নেই, কিন্তু গরীবের মেয়েকে বিনি পরসার গ্রহণ করতে কোনও পাত্রই নেই। অত বড় মানী লোক শুধু সাবিত্রীর ছবি দেখেই যখন উপযাচক হয়ে নিতে চেয়েছে, তখন এ যে ভগবানের ইচ্ছা, তাতে সংশয় করবার কি আছে? উমা শিবের গলায় মালা দিয়েছিল, তার গুণ দেখে, বয়স মেপে নয়। বঙ্কিম বাবু রাজসিংহ পড়েছ ত? মনে নেই, রূপনগরের রাজকণ্ঠা বুড়ো রাজা রাজসিংহকে সেধে বরণ করেছিলেন? সবই ভবিতব্যের খেলা, এতে হুঃখ করবার কিছু নেই।

যশোদা দেবী স্বামীর মুখের দিকে চাহিয়া মনের ব্যথা বৃকের মধ্যে চাপিবার চেষ্টা করিলেন, কিন্তু পরক্ষণে সাবিত্রীর স্নান মুখখানির উপর দুই চক্ষু পড়িতেই সকল ধৈর্য হারাইয়া ফেলিলেন, দুই হাতে বুকখানি চাপিয়া ধরিয়া পূজার ঘরে ছুটিয়া গেলেন, ইষ্টদেবীর সিন্দূর-চন্দন-চর্চিত আলেখ্যখানির সম্মুখে লুটাইয়া পড়িয়া আর্তস্বরে মিনতি জানাইলেন,—তোমার দোর ধরেই যে সাবিকে পেটে ধরেছিলুম, মা! এই যদি তোমার মনে ছিল, কেন তাকে সেখানেই শেষ ক'রে দাও নি? পয়সার অভাবে আজ ঘাটের এক মড়ার হাতে তাকে ভুলে দিতে হবে! এই কি তোমার ইচ্ছা, মা! তার চেয়ে তোমার দেওয়া সাবিকে তুমি নিজের কাছে ডেকে নাও, মা, ডেকে নাও!

গ্যামবাজার অঞ্চলে দেশবন্ধু পার্কের সাম্মিখে ছোট একখানি বাড়ীর বাহিরের ঘরে চেয়ারে বসিয়া ক্যালকাটা পুলিশের ইন্সপেক্টর নিম্নলকান্তি ব্যানার্জী আফিসের ফাইল খাঁটিতেছিলেন। সম্মুখেই একখানি স্ক্রেটেরিয়েটে টেবল, তাহার উপর লাল ফিতায় বাঁধা নানাবিধ নথী-পত্র, কেতাব ও কয়েকখানি সাময়িক পত্র। বাহিরের দিকে দরজার উপর জাপানী ছিটের একটা পদ্দা ঝুলিতেছিল। সেই পদ্দা ঠেলিয়া কক্ষে প্রবেশ করিল এক সুন্দরী তরুণী; তাহার আকৃতি, আসিবার ভঙ্গী ও সাদাসিধা একখানি দেশী ষাড়ী পরিবার কায়দাটি তরুণীর বৈশিষ্ট্যের পরিচয় দিল।

নিম্নলকান্তি বিস্ময়িত দৃষ্টিতে তরুণীর দিকে চাহিতেই সে অসঙ্কোচেই প্রথমে প্রশ্ন করিল,—আপনার নাম নিম্নলকান্তি ব্যানার্জী?

শ্রদ্ধার সহিত নিম্নলকান্তি উত্তর দিলেন,—আজ্ঞে হাঁ। বসুন আপনি।

তরুণী বেশ সপ্রতিভভাবেই টেবলের অপর পাশে বসিয়া একটু টানিয়াই তাহাতে বসিয়া পড়িল।

নিম্নলকান্তি বদ্ধদৃষ্টিতে তাহার দিকে চাহিয়া প্রশ্ন করিলেন,—কোথা থেকে আসছেন বলুন ত?—কি আপনার বিজনেস?

তরুণী সহজস্বরেই উত্তর দিল,—আমার নাম কুমারী শক্তি বোস; কুমারী-সংসদের আমি সেক্রেটারী।

সহর্ষে নিম্নলকান্তি বলিয়া উঠিলেন,—আপনি! নমস্কার! আমি আপনাকে খুবই জানি, অবশ্য খুইয়োর ডিস্টিংগুইষ্ট্‌ নেম্,—আপনার সংসদে সম্প্রতি আমি একখানা পত্র—

শক্তি।—সে পত্র আমরা পেয়েছি, আর সেই সূত্রেই আমার এখানে আসা। আপনি লিখেছেন—সকল রকমেই সংসদকে সাহায্য করবেন। সেটা ভেরিফাই করতেই—

নিম্নল।—চিঠিতে আমি যা লিখেছি, আপনার সামনেও তাই বলছি;—যে আদর্শ নিয়ে আপনাদের সংসদ, সে সম্বন্ধে যে কোন ভার নিতে আমি সানন্দে প্রস্তুত।

শ।—একটা ভার আমি নিয়েই এসেছিলুম। কিন্তু—নি।—দ্বিধা কেন, অসঙ্কোচেই বলুন।

শ। সে ভারটা এখন চাপাতে ভরসা হচ্ছে না।

নি।—কেন বলুন ত?

শক্তি নিম্নলকান্তির মুখের দিকে চাহিয়া একটু হাসিয়া কহিল,—আপনার চাপরাশ দেখে। এই ঘরে ঢোকবার আগে দরজার ধারে আঁটা ট্যাবলেটখানা পড়েছি, আর সেই সূত্রে ভরসাটুকুও হারিয়ে ফেলেছি।

নিম্নলকান্তি মুখখানি গম্ভীর করিয়া কহিলেন,—বুঝেছি। যেই জানলেন, আমি ক্যালকাটা পুলিশের ইন্সপেক্টর, অমনি সামনে একটা ব্যবধান খাড়া ক'রে ফেললেন! কিন্তু চিঠিখানাতেই ত জানিয়েছিলুম, আমি সরকারী কর্মচারী।

শক্তি কহিল,—তা জানিয়েছিলেন। কিন্তু তখন বুদ্ধিতে পারিনি, আপনার কার্য দারোগাগিরি! রাগ করবেন না, পরিচয় পেয়ে যদি কিঞ্চিৎ ভীত হই, সেটা কি অস্বাভাবিক?

নিম্নলকান্তি নিজের কথার উপর এবার জোর দিয়াই কহিলেন,—আমি যদি এ কথার উত্তরে বলি—সত্যের দরজায় আগড় থাকে না; যেখানে পাপ নেই, ভয়ও সেখানে ঘেঁসতে পারে না। আপনারা ত মেয়েগুলোর দুঃখমোচনের হলে তাদের আউটসাইড অফ্ বেঙ্গলে চালান দেবার ব্যবসায় ফাঁদেন নি, তবে ভীত হবেন কেন গুনি?

ক্ষণকাল চুপ করিয়া থাকিয়া শক্তি সহসা উত্তর দিল,—তা হ'লে আমার কথা আমি প্রত্যাহার করছি, নিম্নল বাবু!



নির্মলকান্তি আবেগের সুরে কহিলেন,—দেখুন, মুনিভারসিটার শেষ ডিগ্রী নিয়ে কম্পিটিটিভ একজামিনেশান-গুলোর গণ্ডী পার হয়ে কেন আমি বেছে বেছে পুলিশ ডিপার্টমেন্টে ঢুকেছি শুনবেন? আমাদের দেশের মেয়ে-গুলোকে বাঁচাতে আর পণপ্রথাটা ভেঙ্গে দিতে যে ব্রত আমি নিয়েছি, আমার এই পোষ্ট তাতে লোহার পোষ্টের মত কাঁচ করবে। পলিটিক্যাল স্ক্যাফোল্ডারে যে স্ক্যাটি-উডই পুলিশের থাকুক, কিন্তু এমন একটা সোশ্যাল ডিষ্টারব্যাস্লে পুলিশ আর কিছু না পারুক, সিচুয়েশানটাকে পজ্জল করতেও তা পারে!

কণ্ঠস্বর গাঢ় করিয়া শক্তি কহিল,—আমাকে মাপ করুন, নির্মল বাবু। মনে যে সংশয়টুকু উঠেছিল, আপনার কথায় তা মুছে গেল একেবারে। এখন বুঝছি, ঈশ্বরের নির্দেশেই আমরা আপনাকে পেয়েছি। যে ভারটি আমি সংসদের পক্ষ থেকে এনেছি, সেটি বহন করবার উপযুক্ত পাত্রই এখন আপনি।

নির্মলকান্তি কোতূহলী হইয়া কহিলেন,—কি ব্যাপার বলুন তা?

শক্তি তৎক্ষণাৎ একখানি চিঠি বাহির করিয়া নির্মলকান্তির হাতে দিয়া কহিল,—এইখানা পড়ুন, তা হলেই সব বুঝতে পারবেন।

হাতের কাইলটি পার্শ্বে সরাইয়া রাখিয়া নির্মলকান্তি চিঠিখানির দিকে অখণ্ড মনোযোগ দিলেন। শক্তি কিছুক্ষণ চুপ করিয়া থাকিয়া কহিল,—বিধাতার কি সৃষ্টিবৈষম্য দেখুন! কোনও বাপ মেয়ে পার করতে সর্বস্ব বুচায়, আবার কোনও কোনও বাপ সর্বস্ব রাখতে মেয়ের গলায় ফাঁসী পরায়!—পড়া হ'ল আপনার?

চিঠি হইতে চোখ দুইটি তুলিয়া নির্মলকান্তি কহিলেন,—হাঁ! কিন্তু আমি এদের হৃদয়কেই চিনি। বুড়ো জজ, আর—

বিস্ময়োন্মুখে শক্তি কহিল,—চেনেন আপনি! তা হ'লে তা ভালই হ'ল। আমরাও হৃদয়ের সঙ্গে দেখা করেছি। মেয়ের বাপ কপাল দেখিয়ে বলে—নিরুপায়, আর জজ সাহেবের কাছে কথাটা পাড়তেই তিনি রেগে উঠে হাতীর হাঁকরাতে চান—

নির্মলকান্তি কহিলেন,—জজ সাহেবের মেজাজ আজকাল

ঐ রকমই হয়েছে, তাঁর সবকিছু আমাদের ধারণা—শেষ-বয়সে গৃহিণীর শোকে মাথার গোটাকতক জু টিলে ক'রে ফেলেছেন! ওখানে যাওয়াই আপনাদের মন্ত-ভুল হয়েছে!

শক্তি কহিল,—কিন্তু মেয়েটির মুখখানি দেখে আর তার কান্না শুনে আমরা পণ করেছি, নির্মল বাবু, উদ্ধার তাকে করবই। সেই জন্তেই এসেছি আপনার কাছে।

নির্মলকান্তি হাসিমুখে কহিলেন,—আমাদের শাস্ত্র-কাররা শক্তিমান বেকুবদের দাবাতে যে নীতি গ্রহণ করতে বলেছেন, সেটির নাম—শঠে শাঠ্য। এই নীতি আজ আমাদেরও অবলম্বন।

শক্তি নির্মলকান্তির কথায় সায় দিয়া জানাইল,—আমাদেরও সেই ইচ্ছা। জজ বুড়োকে এমন ভাবে নাস্তা-নাবুদ করতে হবে, যা দেখে দেশের এই জাতীয় বিয়ে-পাগলা বুড়োদের রীতিমত আক্কেল হয়।

নির্মলকান্তি কহিলেন,—সঙ্গে সঙ্গে এটাও আমাদের ভাবতে হবে, বিয়ের রাতেই মেয়েটিও যাতে সংপাত্রের হাতে পড়ে।

শক্তি সহসা বিচলিত হইয়া কহিল,—কিন্তু এ কথাটা তা আমরা মোটেই ভাবি নি, নির্মল বাবু! তা হ'লে উপায়?

নির্মলকান্তি তাঁহার মুখের কথায় বিশেষ জোর দিয়াই কহিলেন,—মায়ের জাত আপনারা—এ পাপ থেকে সমাজকে রক্ষা করতে যখন নেমেছেন, তখন কিছুই আটকাবে না, উপায় হবেই। আপনাদের সংসদের পক্ষ থেকে এ ভার আমিই নিলুম। মেয়েটির উপযুক্ত পাত্রের সন্ধান আমি আজই ক'রে ফেলব। কাল আবার এই সময় আমাদের কথা হবে।

শ্রদ্ধার সহিত নির্মলকান্তিকে ধন্যবাদ দিয়া শক্তি বিদায় লইল।

৬

রায় বাহাদুরের মনে সংশয় জাগিয়াছিল, তাঁহার পরিজনবর্গ সম্ভবতঃ বিবাহের কথাটি জানিয়া ফেলিয়াছে এবং তাহাদেরই যোগ-সাজসে বিবাহটি বন্ধ করিবার চক্রান্ত চলিয়াছে। নতুবা তাঁহার বাড়ীচড়াও হইয়া অপরিচিতা এক ভরুণী খোঁটা দিতে আসে কোন্ সাহসে?

সেই দিনই তিনি ভাবী খণ্ডকে ডাকাইয়া অতি সন্তর্পণে

বলিয়া দিলেন, এই বিবাহের কথা যেন কাক-চিলেও জানবার কোনো সুযোগ না পায়; যে ভাবে নিত্য বৈকালে আমি বেড়াতে বেরুই, সেই ভাবেই আমি সাদাসিধা কাপড়-জামা পরেই একলাটি ওখানে যাব, আর আজকাল ত সভ্য সমাজে চলার যোড় প'রে বর সাজানোর পাঠ উঠেই গেছে, আমিও না হয় সেই দলেই ভিড়নুম, তাতে আর কি এমন আটকাবে?

অবনী রায় বিশ্বয়ের সুরে জিজ্ঞাসা করিলেন,—তা যেন হ'ল, কিন্তু পুরুত-নাপিতও কি সঙ্গে নেবেন না?

রায় বাহাদুর হাসিয়া কহিলেন,—কি দরকার? এমন কোনও কথা নেই, যে বরপক্ষের পুরুত-নাপিত না হ'লে বিয়ে সিদ্ধ হবে না। আপনার পুরুত-নাপিত ত আছে, তারাই করবে কাষ; নাই বা হ'ল ছ পক্ষের পুরুত-নাপিতের গুলুতোন। সংক্ষেপেই সব সারবার ব্যবস্থা করুন।

সুতরাং বিবাহরাত্রিতে সেই ব্যবস্থাই হইয়াছিল। ঘটনা-চক্রে এ দিন বিবাহের লগ্ন ছিল রাত্রি পৌনে দুইটায়। রায় বাহাদুর এই অপ্রত্যাশিত লগ্ন নির্ণয়ের জন্ত মনে মনে বোধ হয় পঞ্জিকাকারদের উদ্দেশে ধন্যবাদ দিয়াছিলেন। কাক-চিলের অজ্ঞাতে সম্ভরণে বিবাহের পক্ষে এই লগ্নই ত সুপ্রশস্ত।

রাত্রি দশটার সময় অবনী রায়ের বাড়ীর সম্মুখে একখানি ট্যান্ডি আসিয়া দাঁড়াইল, ভিতর হইতে অতি সম্ভরণে রায় বাহাদুর নামিয়া আসিলেন। পরিচ্ছন্ন সাদা-সিধা পরিচ্ছদ, নরুণপাড় ধুতি, সাদা গরদের পিরাণ, হাতে ও গলায় যুঁইফুলের গোড়ে মালা। অবনী বাবুর জ্যেষ্ঠপুত্র বরাবর বাহিরে রায় বাহাদুরের প্রতীক্ষা করিতেছিল, সসম্মানে তাঁহাকে অভ্যর্থনা করিয়া ভিতরে লইয়া চলিল। বাহিরে কোনওরূপ আড়ম্বরের পরিচয় না পাইয়া, রায় বাহাদুর মনে মনে খুসী হইলেন। কিন্তু তিনি যদি বিশেষভাবে লক্ষ্য করিতেন, তাহা হইলে অবিলম্বেই জানিতে পারিতেন যে, এই বাড়ীর অপরাংশটুকু যাহা খালি পড়িয়াছিল, তাহা এই রাত্রির জন্ত এই বাড়ীর সহিত মিলিত হইয়াছে ও সেই অংশে বিপুল উগ্ধমে শুভবিবাহের উদ্যোগ আয়োজন চলিয়াছে।

অবনী বাবুর পুত্র যে ঘরখানির ভিতরে রায় বাহাদুরকে অভ্যর্থনা করিয়া বসাইল, সেখানি অপেক্ষাকৃত বড় ও সুন্দর-ভাবে সাজানো। ঘরঘোড়া সত্তরঞ্চির উপর সাদা ধবধবে

জাগ্রিম পাতা, কয়েকটা বড় বড় তাকিয়া, এক পার্শ্বে একটা হারমনিয়ম; বরের বসিবার যোগ্য স্বতন্ত্র আসন, দুই পার্শ্বে পিতলের দুইটি ফুলদানির উপর ফুলের তোড়া; অস্থানের কোনও ক্রটিই নাই।

রায় বাহাদুর বরাসনে বসিতেই শাক বাজিয়া উঠিল, উলুধনিও শোনা গেল। সঙ্গে সঙ্গে সুসজ্জিতা তরুণীর দল কলহাস্তের ঝঙ্কার তুলিয়া কক্ষমধ্যে রঙ্গভূমির সখীর ঝাঁকের মত নৃত্যভঙ্গীতে প্রবেশ করিল। রায় বাহাদুর অবাক, আগস্তুকাদের রূপের প্রথম উত্তাপে তাঁহার দুই চক্ষু যেন আড়ষ্ট হইয়া উঠিল।

তরুণীদের এক জন কহিল,—লগ্ন ভোরে কি না, তাই বিয়ের আগেই বাসরের ব্যবস্থা হয়েছে।

আর এক তরুণী স্মিতহাস্তে কহিল,—যদিও ব্যবস্থা ঘোড়া ডিঙ্গিয়ে বাস খাবার মত, কিন্তু বিশ্বের ইতিহাসে এ সম্বন্ধে নজীর যথেষ্ট আছে। এখন হাকিম হজুর যদি কোনো কসুর না নিয়ে হুকুম দেন।

রায় বাহাদুর তরুণীদের রসালোপে প্রচুর আনন্দের আশ্বাদ পাইয়া প্রসন্নভাবে কহিলেন,—ভালই ত, এই ত চাই; যেমন দেখছি তোমাদের রূপ, বুদ্ধি-বিবেচনারও তেমনি পরিচয় পাচ্ছি। তবে, তবে একটা কথা—

কথাটা শেষ হইবার পূর্বেই আমাদের পূর্ব-পরিচিতা শক্তি বোস সুসজ্জিতা অবগুণ্ঠনবতী কণ্ঠার হাতখানি ধরিয়া কক্ষমধ্যে প্রবেশ করিল, সঙ্গে সঙ্গে পরিহাসের সুরে কহিল, হবু বধুটিকেও ধ'রে এনেছি হজুরের এজলাসে—

রায় বাহাদুর এই কথাটিই বলিবার জন্ত উন্মুখ হইয়া ছিলেন। অবগুণ্ঠনবতী ভাবী বধুটিকে দেখিয়াই মুখখানি তাঁহার হাস্যোচ্ছল হইয়া উঠিল। তরুণীরা সমস্বরে কহিল,— হজুরের পাশে বসা, পাশে বসা—

শক্তি অবগুণ্ঠনবতীর হাতখানির উপর একটু ঝাঁকুনি দিয়া কহিল,—ব'স্ লো, ছুঁড়ী, ব'স্,—অত লজ্জা কিসের? কত বড় ভাগ্যধরী তুই, জজ সাহেবের মেমসাহেব হতে চলেছি—ব'স্ এখানে।

অতিমাত্রায় লজ্জিতা দীর্ঘাবগুণ্ঠনবতীকে এক প্রকার জোর করিয়াই শক্তি রায় বাহাদুরের বামপার্শ্বে বসাইয়া দিল, তাহার পর অপাঙ্গে রায় বাহাদুরের দিকে চাহিয়া কহিল,—হজুর কিন্তু অমুগ্রহ ক'রে ক'নের ঘোমটাখানি

এখন খুলবেন না যেন! শুভদৃষ্টির আগে বিয়ের রাতে মুখ দেখতে মানা কি না, তাই!

রায় বাহাদুর একটু গভীর হইয়াই কহিলেন,—সে ভয় তোমাদের নেই গো নেই। বিয়ের আগেই যখন বাসর বসিয়েছ, আর ওঁকেও যে এখানকার আমোদে যোগ দিতে এনেছ, এতেই আমি খুসী হয়েছি।

শক্তি সবগুণবতীর গণ্ডে একটি ঠোনা দিয়া কহিল,—ওলো ক'নে, গুন্‌হিস্ তোর বরের মোহাগের কথা?

তরুণীরা হাসিয়া উঠিল। হাসির উচ্চাস থামিতেই এক তরুণী কহিল,—তা হ'লে উৎসব আরম্ভ হোক!

শক্তি উত্তর দিল,—নিশ্চয়ই; বর এইবার তাঁর চির-তরুণ কণ্ঠের মিষ্টি ঝঙ্কার তুলে এখানে স্বর্গ রচনা করুন।

রায় বাহাদুর কহিলেন,—স্বর্গ রচনার ভারটুকু তোমাদের ওপরেই দিচ্ছি।

একাধিক কণ্ঠে আপত্তি উঠিল,—তা কি হয়, হজুর?

অবশেষে এক তরুণী মীমাংসা করিয়া দিল,—কোটের হজুর যদিও আজ আমাদের কোটে, তথাপি তাঁর হুকুম মানা চাই; ওলো ভাই শক্তি, তুই-ই তা হ'লে এ বাসরে বোধন বসা, তোরই কণ্ঠের সুধাধারায়—

শক্তি তখন হান্সনিয়মটি টানিয়া সুরের ঝঙ্কার তুলিল—

চির-তরুণ, রূপে অরুণ, এসেছ গো আজ শুভ মিলনে,  
বয়েস তাঁহার হয়েছে গো পার,

ঘাটের কোঠা গত কা গুনে।

মাথায় কলপ সাদা অলকে

কেটেছে সীঁথি কত পুলকে

বাধানো দশন শোভিছে কিবা অপরূপ লো লোল-আননে।

গৃহেতে তাঁহার আছে কত পরিজন

ছেলে মেয়ে বধু আদি নাতি অগণন

তাদেরি ত্যজি, ষোড়শী আজি করিতে গ্রহণ,

কত সাধ মনে।

গানের শেষ চরণটি সুরের তালে ঝঙ্কার দিতেই রায় বাহাদুর সক্রোধে সহসা গর্জিয়া উঠিলেন,—বটে, ভেঁপমী! ঠাট্টা করা হ'ল আমাকে! আমি বুঝিনি কিছু বটে, জ্যাঠা মেয়ে কোথাকার—

রায় বাহাদুরের ঝঙ্কারের সঙ্গে সঙ্গে তরুণীগণ আর্তস্বরে চীৎকার করিয়া উঠিল,—পুলিস, পুলিস, পুলিস!

রায় বাহাদুর অপ্রতিভের ভঙ্গীতে কহিলেন,—আমি কি তোমাদের গায়ে হাত তুলেছি যে পুলিস ডাকছ?

তরুণী-সজ্জের এক জন কহিল,—আমরা ডাকছি, না তাদের এখানে আসতে দেখে ভয়ে চৈচাচ্ছি! ঐ দেখুন না, কোট-প্যাণ্ট পরা, মাথায় হ্যাট, ওরে বাবা—

ভয়ে তরুণীরা জড়াজড়ি অবস্থায় কক্ষের এক প্রান্তে আশ্রয় লইল। পরক্ষণে পুলিস-ইনসপেক্টরের পরিচ্ছদে বাসরকক্ষে নির্মলকান্তির প্রবেশ।

কক্ষের চতুর্দিকে দৃষ্টি বুলাইয়া তিনি কহিলেন,—মাপ করবেন, এক ফেরারী পলিটিক্যাল আসামীর তল্লাসে আমাকে এখানে আসতে হয়েছে; আমি সার্চ করব আপনাদের—এ কি! রায় বাহাদুর! আপনি এখানে! কি আশ্চর্য!

রায় বাহাদুর এতক্ষণ বিস্ময়ে হতবুদ্ধি হইয়া পড়িয়াছিলেন, নির্মলকান্তির কর্ণস্বর ও পরিচিত মুখখানি যেন তাঁহাকে প্রকৃতিস্থ করিয়া দিল, সঙ্গে সঙ্গে তিনি বিস্ময়োৎফুল্ল কণ্ঠে কহিলেন,—আরে কে ও, নির্মল বাবু, তুমি? ব্যাপার কি?

আর বলেন কেন, চিটাগঙ্গ কনস্পিরাসি কেসের ফেরারী আসামী হাবুল হাজরা হায়রাণ ক'রে মারলে আমাদের। আজ সন্ধ্যার সময় কমিশনার সাহেব কি রকম ক'রে খবর পেয়েছেন, হাবুল হাজরা এই বাড়ীতে মেয়ে সেজে লুকিয়ে আছে। তাই না তার সন্ধানে এখানে এসেছি। কিন্তু আপনাকে এ ভাবে দেখে আমি যে একবারে আকাশ থেকে পড়ছি, রায় বাহাদুর? কৈ, কিছু শুনি নি ত!

শুনবে কি ক'রে? ধ'রে বেঁধে ভগবানকে ভূত সাজিয়েছে দেখ না! অবনী বাবু আর কোনও উপায় না দেখে, তাঁর মেয়েটিকে চাপিয়েছেন আমারই ঘাড়ে। কি করি, ভদ্রলোকের কুলরক্ষা নিয়ে কথা, ঠেলতে পারলুম না।

সে যাই হোক, আপনাকে কিন্তু এ সময় এখানে পেয়ে আমি হাঁক ছেড়ে বাঁচলুম। আপনি এক জন রিটার্ডেড অফিসার, সরকারী কাষে আপনার সহায়তা আমি নিশ্চয়ই পাব, এ আশা করতে পারি। এখন আমাদের প্রধান

কাষ হচ্ছে, এদের মধ্যে মেয়ে সেজে সেই ছোকরা আছে কি না!

নির্মলকান্তির কথায় রায় বাহাদুরের ছই চক্ষু সহসা উজ্জ্বল হইয়া উঠিল, তিনি সংশয়ের সুরে কহিলেন,—রোসো ইনসপেক্টর, রোসো, এখন আমার মনে হচ্ছে, কমিশনার সাহেবের সন্দেহ হয় ত সত্যই হবে; এদের মধ্যে এই মেয়েটাকে আমার সন্দেহ হয়—

তরুণীদের পুরোভাগেই শক্তি বোস দাঁড়াইয়াছিল, রায় বাহাদুর ছই চক্ষুর জ্বলন্ত দৃষ্টির সহিত হাতের তর্জনী যুগপৎ তাহার দিকেই নির্দেশ করিলেন।

কিন্তু শক্তি বোস কিছুমাত্র দমিল না, রাজহংসীর মত গাভা তুলিয়া সদর্প ভঙ্গীতে রায় বাহাদুরের ঠিক সম্মুখে আসিয়া দৃষ্টান্তে প্রশ্ন করিল,—আপনি আমাকে সন্দেহ করছেন? কি ভেবেছেন আমাকে, স্মর?

রায় বাহাদুরের সর্কান্স এবার ক্রোমে কণ্ঠকিত হইয়া উঠিল, কয়েক দিন পূর্বের স্মৃতি মনে সহসা ভাসিয়া আসিল, তীক্ষ্ণ কণ্ঠে কহিলেন,—তুমিই সে দিন আমার বাড়ীতে গিয়েছিলে আমাকে শাসাতে! যাওনি তুমি?

অকুতোভয়ে শক্তি উত্তর দিল,—গিয়েছিলুম ত। জানতে চেয়েছিলুম, বুড়ো বয়সে নাতনীর বয়সী একটা মেয়ের গলায় ফাঁসীর দড়ি পরাতে হাত জখানা শুড়-শুড় করছে, কেন?

তর্জন করিয়া রায় বাহাদুর কহিলেন,—শুনছ, ইনসপেক্টর, এর কথা? এ কখনো মেয়ে নয়, কথাগুলো যেন বন্ধুকের বুলেট; একে তুমি গ্রেপ্তার কর, এ নিশ্চয়ই তোমার চিটাগঙ্গের ফেরারী আসামী হাবুল হাজরা।

শক্তি দৃঢ়স্বরে কহিল,—নেভার, আমার নাম শক্তি বোস; মিশন কলেজের পাঠ ইয়ারের নাম রেজেষ্টারী খাতায় আমার নাম জলু-জলু করছে—লাইক দি ড্যাজলিং মাইন অফ দি সান্।

রায় বাহাদুর পুনরায় গর্জিয়া উঠিলেন,—অ্যারেস্ট কর ওকে ইনসপেক্টর, অ্যারেস্ট কর; আমি বলছি, কখনই ও শক্তি বোস নয়, নিশ্চয়ই ফেরারী হাবুল হাজরা।

নির্মলকান্তি কহিলেন,—আপনি যদি বলেন, রায় বাহাদুর—

শক্তি তাঁহার কথায় বাধা দিয়া কহিল,—ওঁর বলবার আগে আমিই হাটের মাঝে হাঁড়ী ভেঙ্গে দিচ্ছি, স্মর!

পুলিসের চোখে ধুলো দেবেন বলে রায় বাহাদুর নিজেই হাবুল হাজরাকে ডানা দিয়ে ঢেকে রেখেছেন—

রোষে রুদ্ধকণ্ঠে রায় বাহাদুর কহিলেন, কি? কি? কিন্তু তাঁহার রোষবিক্ষুব্ধ চিন্তের উপর সেই মুহূর্তেই শক্তি বোস বিশ্বয়ের শিহরণ তুলিল রায় বাহাদুরের পার্শ্ববর্তিনী অবগুণ্ঠনবতীর অবগুণ্ঠনটি খুলিয়া দিয়া। যে মুখ বাহির হইল, তাহা যে কোনও কণ্ঠার নহে, সে সম্বন্ধে রায় বাহাদুরের মনেও সন্দেহের অবকাশ রহিল না। অবগুণ্ঠন-মোচনের সঙ্গে সঙ্গে তাহার মাথার দীর্ঘ পরচুল খসিয়া পড়িয়াছিল।

নির্মলকান্তি উল্লাসে চীৎকার তুলিয়া কহিলেন,—হর রে, এই ত আমার আসামী হাবুল হাজরা।

তাহাকে হাতকড়ি পরাইতে বিলম্ব হইল না।—বিদ্রূপের সুরে বিজয়োল্লাসে নির্মলকান্তি বন্দীর দিকে চাহিয়া কহিলেন,—বিয়ের কনে সেজে দিব্যিটি ব'সে ছিলে ত!

রায় বাহাদুর এতক্ষণ স্তব্ধ বিশ্বয়ে আসামীর দিকে চাহিয়া ছিলেন। কি সর্বনাশ! এই রাজদ্রোহের আসামী এতক্ষণ তাঁহার বধু সাজিয়া পার্শ্বে বসিয়াছিল! এতক্ষণে হাকিমী মেজাজে তাহাকে প্রশ্ন করিলেন,—তুমি রাখেল কি ক'রে এখানে এলে,—কে তোমাকে এ রকম ক'রে সাজালে?

আসামী উত্তর দিল—সেটা এখনো বুঝতে পারেন নি, স্মর? বলির হাড়কাঠ থেকে কনেকে সরিয়ে দিয়ে আমি নিজেই মাথাটি বাড়িয়েছিলুম! এখন আমার অবস্থা—বিটুইন দি ডেভিল এণ্ড দি ডীপ্‌সী!

রায় বাহাদুর ছই চক্ষু পাকাইয়া কহিলেন,—আমি তোমাকে জেলে পুরবো, পাজী বদমাস্—

আসামী নির্ভয়ে উত্তর দিল,—জেলে ত আমি পা বাড়িয়েছি, স্মর; কিন্তু এই নিয়ে যদি আপনি কেলেকারী করেন, আমি আপনাকে এমন জড়ান জড়াব, আপনার রায় বাহাদুরী খেতাব আর মোটা পেনশান দুটোই খ'সে পড়বে।

মুহূর্তে রায় বাহাদুরের মুখখানি বিবর্ণ হইয়া গেল, অসহায়ের মত নির্মলকান্তির দিকে চাহিয়া তিনি কহিলেন,—শুনছ নির্মল বাবু, রাখেল ইতরটার কথা? এরা সব পারে।

নির্মলকান্তি গভীরভাবেই কহিলেন—তাই ত, রায় বাহাদুর! আমি এখন কি করি বলুন ত?

রায় বাহাদুর নিফল ক্রোধে পুনরায় তর্জন করিয়া



কহিলেন, এ সব চক্রান্ত, রীতিমত চক্রান্ত ! আমি ডাকছি  
অবনী বাবুকে এখনি ;—অবনী বাবু—অবনী বাবু—

নির্মলকান্তি কহিলেন,—তিনিও কি রেহাই পাবেন,  
সবাইকে নিয়ে এখনই কমিশনার সাহেবের ডেরার ছুটে  
হবে ! মুন্সিল আর কাকে বলে—

মনে মনে অবস্থাটা উপলক্ষি করিলেও মুখে সে ভাব  
প্রকাশ না করিয়া ঈষৎ বিরক্তির ভঙ্গীতে রায় বাহাদুর  
কহিলেন,—চুলোর থাক সব, আমি এ সব নোংরা ব্যাপারে  
থাকতে চাই না, নির্মল বাবু, আমি স'রে পড়ি।

নির্মলকান্তি মুখখানি গভীর করিয়া কহিলেন,—কিন্তু  
অবস্থা যা দাঁড়িয়েছে, তাতে আপনাকেও যে অল্পগ্রহ  
ক'রে কমিশনার সাহেবের কাছে যেতে হয়, রায় বাহাদুর !

রায় বাহাদুর কহিলেন,—তুমি বুঝ না, নির্মল বাবু।  
যেতে আমার বাধা কি ? কিন্তু ব্যাপারটা এমনি নোংরা  
হয়ে দাঁড়িয়েছে, এর সঙ্গে আমার নামটা যদি ওঠে, অমনি  
চারদিকে হৈ-টৈ প'ড়ে যাবে, আর কাগজওয়ালারা এই  
নিয়ে ঘাচ্ছে-তাই শুরু ক'রে দেবে।

নির্মলকান্তি হাসিয়া কহিলেন,—তা মিছে নয় ; বাড়ীর  
কাছেই 'পত্রিকা', হয় ত একটা কার্টুনই এই নিয়ে ছেপে  
দেবে। কিন্তু কি ক'রে আপনাকে বাদ দিই বলুন ত !

রায় বাহাদুর কতকটা আশ্বস্ত হইয়া কহিলেন,—তুমি ইচ্ছা  
করলেই পার ; আসল ব্যাপারটা আমি তোমাকে খুলে বলছি—

নির্মলকান্তির মুখে হাসির রেখা ফুটিয়া উঠিল ; কহিলেন,  
—আমি সব বুঝেছি. আপনাকে আর কষ্ট দেব না।  
আচ্ছা, এ রিঙ্ক আমি নিজের ওপরেই নিচ্ছি ; তা হ'লে  
আপনি এক কাষ করুন, এখন সোজা বাড়ী চ'লে যান,  
একটি মুহূর্ত এখানে আর থাকবেন না।

রায় বাহাদুরের ইহাই একান্ত কামনা ; গলার মালা-  
ছড়াটি ছিঁড়িয়া কেলিয়া দিয়া তিনি দরজার দিকে পা  
বাড়াইলেন। কিন্তু পিছন হইতে শক্তি বোস পরিহাসের  
স্বরে গুনাইয়া দিল,—বাড়ীতে গিয়েই সেই হাণ্ডারটা  
নিয়ে নিজের ভাঙ্গা বরাতটার ওপর ষা-কতক কসিয়ে  
দিতে যেন ভুলবেন না, দাদামশাই !

হুই চক্ষু পাকাইয়া রায় বাহাদুর ফিরিয়া তাকাইলেন,  
সঙ্গে সঙ্গে তীক্ষ্ণবর্ণের স্বরটিও শোনা গেল,—ডে'পো মেয়ে  
এক দম বয়ে গেছে !

শক্তিও ছাড়িবার মেয়ে নয়, দরজার উপর দাঁড়াইয়া  
মুখটি বাড়াইয়া গুনাইয়া দিল—কাল ভোরে আমরা দল বেঁধে  
হাজির হচ্ছি, জলখাবার সাজিয়ে রাখতে ভুলবেন না।

রায় বাহাদুর তখন রোষে ক্ষোভে কম্পিতপদে সোপান-  
শ্রেণী অতিক্রম করিতেছিলেন, কোনও উত্তর তাঁহার মুখ  
হইতে আর বাহির হইল না।

\* \* \*

শক্তি সহাস্ত্রে কহিল, চমৎকার অভিনয় করলেন  
আপনি, নির্মল বাবু !

নির্মল বাবু তখন বন্দীর হাতকড়ি খুলিতে বাস্ত,—  
আসামীকে মুক্তি দিয়া কহিলেন,—আমার চেয়ে ভাল  
অভিনয় করেছেন আপনার ভাই ! রায় বাহাদুরের মাথা  
পর্যন্ত ঘুরিয়ে দিয়েছে।

তরুণীদের মন্য হইতে এক জন কহিল,—কেমন বোনের  
ভাই !

শক্তি বোস কহিল,—এখন আমি লজ্জা অনুভব করছি,  
নির্মল বাবু, আপনাকে অকারণ সন্দেহ করেছিলুম।

নির্মলকান্তি কহিলেন,—এখন বুঝলেন ত, পুলিশের কাষ  
করলেও আমরা দেশের সত্যকার কাষে অবহেলা করি না।

এই সময় সংসদের সভানেত্রী অনীতা দেবী সেই কক্ষে দেখা  
দিলেন, হুই হাত যুক্ত করিয়া নির্মল বাবুকে নমস্কার জানা-  
ইয়া কহিলেন,—এই ত ঠিক কাষের মত কাষ, নির্মল বাবু।  
কুমারী-সংসদের পক্ষ থেকে আমি আপনাকে ধন্যবাদ দিচ্ছি।


শক্তি সাগ্রহে জিজ্ঞাসা করিল,—ওদিককার খবর কি,  
অনীতাদি ?

অনীতা দেবী গাঢ় স্বরে কহিলেন,—নির্মল বাবুর সৌজ্ঞে  
ওদিককার কাষও স্মৃৎস্বলে শেষ হয়েছে। বিয়ে হয়ে গিয়েছে,  
বর-ক'নে বাসরে আসছে। যেমন সুন্দর কনে, তেমনই  
সভা-উজ্জল বিদ্বান্ বর। নির্মল বাবুর জয়জয়কার হোক।

তরুণীদল সম্মুখে নির্মলকান্তির জয়ধ্বনি তুলিতেই, তিনি  
অপ্রস্তুতের ভঙ্গীতে কহিলেন,—থামুন, থামুন, আমি কি  
আপনাদের সংসদ ছাড়া যে, একতরফা আমারই জয়ধ্বনি  
করছেন ? আসুন সকলে মিলে বলি—কুমারী-সংসদের জয়।

সেই গভীর নিশীথে স্তম্ভ পল্লী মুখরিত করিয়া জয়-  
ধ্বনি উঠিল—কুমারী-সংসদের জয় !

শ্রীমণিলাল বন্দ্যোপাধ্যায়।



## মোটর-দ্বিচক্রযানে সিকিম যাত্রা

আমরা ১৯২৯ খৃষ্টাব্দে কর জন বন্ধুতে মোটর সাইকেলে যখন প্রথম দার্জিলিং যাই, তখনই ইচ্ছা ছিল, সিকিমটাও সারিয়া আসিব; কিন্তু ঐ অঞ্চলের খামখেয়ালী বারিপাতের হুমকিটুকু একটু মানিয়া চলিতে হয়। সুতরাং সে সময়ের এবং পরবর্তী আর একটি উত্তমও আমাদের নিফল হইয়াছিল।

এবার শারদীয়ার মাসলিক শঙ্খ বাজিবার কিছু পূর্বেই সিকিম যাইবার উদ্দেশ্যে বাহির হইয়া পড়িলাম। পূজাটা দার্জিলিংয়েই দেখিব—সেতন্ত্র ১৬ই অক্টোবর যাত্রা শুরু করিলাম। ইচ্ছা ছিল, শিলিগুড়ি পর্যন্ত রেলগাড়ীতেই যাইব, কারণ, পূর্বে দার্জিলিং যাইবার সময় সমস্ত পথটির পরিচয় বিশেষভাবে জ্ঞাত ছিলাম। উপরন্তু আমরা গিয়াছিলাম মার্চ মাসের শেষভাগে, নদীগুলি তখন ছিল তেজোগর্ভহীনা শীর্ণকায়া; কিন্তু এখন হইয়াছে তাহার ভরা ঘোবনের চঞ্চলমতি গর্ভিতা স্নীতোদরা বেগময়ী নদী।

ডাকগাড়ী ছাড়িবার পূর্বে গিয়া দেখিলাম, তিল রাখিবারও স্থান নাই। অগত্যা পথে চালাইয়া যাইবার জন্ত আমার হুঁচকার রথ Ariel মোটর সাইকেল সজ্জিত করিলাম। রাত্রি প্রায় তিনটার সময় নিদ্রিত প্রতিবেশীদের শেষ রাত্রির সুখালসভরা তন্দ্রাটুকুর বিষয় ঘটাইয়া একাকী যাত্রা শুরু করিলাম।

মেমারীর কিছু পূর্বে পূর্বাকাশের বং দিগ্বিদিকে প্রক্ষিপ্ত হইল। পাপীয় কাকলি আগমনীর সুরে সূর্যের বন্দনা-গান শুরু করিয়া দিল। সূর্যোদয়ের পবিত্র মুহূর্তের অপেক্ষায় সারা হৃদয় আনন্দে আন্দোলিত হইয়া উঠিল।

বর্ধমানে ৬২০ মিনিটে আসিয়া পৌঁছিলাম। প্রায় ২০ মিনিট তথায় বিশ্রামের পর পুনরায় যাত্রা আরম্ভ করিয়া দু'ঘণ্টার মধ্যেই অণ্ডালের (১২১ মাইল) নিকট পৌঁছিলাম। এ স্থান হইতে একটি রাস্তা পূর্বদিকে অজয় নদ পার হইয়া সিউড়ির অভিমুখে গিয়াছে, সেই রাস্তায় দার্জিলিং যাইতে হয়। কিন্তু অজয়, সাল, বক্রেশ্বর, মৌরাকি প্রভৃতি নদীতে যথেষ্ট 'বান' থাকতে ঐ সকল পথ ত্যাগ করিয়া আসানসোলে (১৩৭ মাইল) আসিলাম।

আসানসোল ষ্টেশনের 'বিশ্রাম কামরায়' স্নান এবং আহার সমাপ্ত করিয়া বেলা বারোটায় বাহির হইয়া পড়িলাম। প্রায় ৮ মাইল আসার পর সীতারামপুর ষ্টেশন (৩ মাইল) যাইবার জন্ত পূর্বাভিমুখে ফিরিলাম এবং সেই রাস্তায় আরও প্রায় ৩৪ মাইল আসিয়া কার্ঘাটার ষ্টেশনে পৌঁছিলাম। এই রাস্তা যদিও একটু অপ্রশস্ত এবং আঁকা-বাঁকা, কিন্তু গাড়ী চালাইয়া যাওয়ার অসুবিধা হইবে বলিয়া মনে হইল না।

কার্ঘাটারে প্রায় দু'ঘণ্টা অপেক্ষার পর কলিকাতা হইতে দিল্লী এক্সপ্রেস আসিয়া পৌঁছিল। তাহাতে গাড়ী সমেত চড়িয়া সন্ধ্যার পূর্বে অসিডি ষ্টেশনে নামিয়া এবং কালকেপ না করিয়াই চার মাইল চালাইয়া বৈষ্ণানাথধামে (দেওঘর) আমাদের বাটীতে সকলকে চমকিত করিয়া আসিয়া পৌঁছান গেল। এই স্থানে বলিয়া রাখা উচিত যে, কার্ঘাটার হইতে একটি কাঁচা রাস্তা দিয়া গাড়ী

চালাইয়া বরাবর দেওঘর পর্যন্ত আসা যায়; কিন্তু এই রাস্তায় বর্ষায় পর জয়ন্তী, অজয়, মৌরাকি, পাথক প্রভৃতি ছোট-বড় করেকটি নদী পার হওয়া বিশেষ কষ্টকর, কারণ, 'ফেরী'র কোনওরূপ ব্যবস্থা নাই। জামতাড়া কিনা মধুপুর হইতেও একবারে হুমকা পর্যন্ত যাইতে পারা যায়, কিন্তু উল্লিখিত কারণে এই সময়ে রেল-গাড়ীর সাহায্য লওয়াই উচিত।

পরদিন (১৭ই অক্টোবর) প্রাতে প্রায় সাড়ে সাতটার সময় বাহির হইয়া এবং ৩৮ মাইল আসিয়া হুমকা ভাগলপুরের রাস্তায় পৌঁছিলাম। এই স্থান হইতে হুমকা সহর দক্ষিণদিকে প্রায় ৩ মাইল দূরে। আমার গাড়ীতে পেট্রল প্রভৃতি যথেষ্ট থাকতে হুমকা যাওয়া প্রয়োজন বোধ করিলাম না এবং সে স্থানে অপেক্ষা না করিয়াই আরও ৩৮ মাইল চালাইয়া বৌসিতে (মন্দার হিল ষ্টেশন) প্রায় নটার সময় আসিয়া পৌঁছিলাম। এই জনবিরল রাস্তাটি অতি সুন্দর এবং পারিপার্শ্বিক দৃশ্যও অতি মনোরম। পথের দুই পার্শ্বে সারি সারি গাছ। প্রায় চার মাইল ব্যাপিয়া ছোট বড় পাহাড়ের সান্নিধ্য ঘেসিয়া রাস্তাটি সোজা চলিয়া গিয়াছে। পাহাড়ের পশ্চাতেই একটি নদী এবং তাহার বহুদূর-প্রসারিত ঘন বন চতুর্দিকের শোভা আরও বর্ধিত করিতেছে।

বৌসিতে প্রায় ১৫ মিনিট অপেক্ষা করিয়া ভাগলপুরের (৩৩ মাইল) উদ্দেশ্যে বাহির হইলাম। বেশ প্রশস্ত রাস্তা দিয়া চালাইয়া তথায় প্রায় ১১টার সময় আসিয়া পৌঁছিলাম। আমার পিস্তুলতো অগ্রজ স্বর্গীয় ডাক্তার মোহিনীমোহন ঘোষের বাটীতে শীঘ্র আহালাদি সম্পন্ন করিয়া প্রায় বেলা দেড়টার সময় ভাগলপুর-কাছারী ষ্টেশনে বি-এন্-ডব্লিউ-রেলের ছোট গাড়ীতে চড়িয়া বসিলাম। খানিক পরে এই রেলগাড়ী গঙ্গার ধারে মহা-দেবপুরঘাট-ষ্টেশনে আসিয়া থামিলে, তথায় ধীরে ধীরে আমার মোটর-সাইকেলটা নামাইয়া ষ্টীমারে উঠিলাম। ষ্টীমার প্রায় ৪০ মিনিট পরে অপরপারে বরাবি ঘাটে আসিয়া থামিল। এখানে পুনরায় রেলগাড়ীতে চড়িতে হইল এবং আসিয়া বিহপুর ষ্টেশনে গাড়ী বদল করিলাম। এই গাড়ী প্রায় ৭টার সময় কারাগোলাঘাট রোড ষ্টেশনে আসিয়া পৌঁছিলে তথায় নামিয়া তত্রস্থ ষ্টেশন-মাষ্টারের শরণাপন্ন হইলাম। তিনি বেহারী এবং পূর্বে যখন আমরা দার্জিলিং যাই, তখনও তিনি এ স্থানে ছিলেন। তাহার নির্দেশ-মত ষ্টেশনের আরাম-কামরায় কখন জড়াইয়া রাত্রিটা কোনওমতে কাটাইয়া দিলাম; তবে সন্ধ্যার ক্লান্তি এবং অবসাদের পর নিজ্রার সুপটুকু উপভোগ করিবার তেমন সুযোগ ঘটে নাই। কারণ, ঘরের বাহিরে হুর্গক এবং ঘরের ভিতরে মশার বেবাদবি উপজ্বব যত কিছু বিষ ঘটাইয়াছিল। খাবারের মধ্যে ষ্টেশন-সংলগ্ন হালুইকরের দোকানের পুরি ও পেঁড়াই স্নান-নিবৃত্তি করিয়াছিল।

১৮ই অক্টোবর। অতি প্রত্যবেই যাত্রা শুরু করিলাম। এখান হইতে পূর্ণিয়া পর্যন্ত ২২ মাইল পথ অতিক্রম করিতে দেড় ঘণ্টা লাগিল। মোটর 'বাসে'র যাত্রারাতের জন্ত রাস্তায় পাঁজরা বাহির

হইয়া পড়িয়াছে এবং নিজ চুঃখদৈব বশতঃ আজ সে তাহাই পাখরের খোয়া দিয়া নিজেই নিজের শিরে আঘাত করিয়া মরিঙেছে !

পূর্ণিয়া হইতে কিষণগঞ্জের রাস্তা ( ৪৫ মাইল ) দেখিলাম, আরও খারাপ। কিষণগঞ্জ পৌঁছিবাব ২২ মাইল পূর্বে মহানদী পার হইতে হইল। এ স্থানে 'ফেরী'র বেশ ভাল ব্যবস্থা আছে। বর্ষা ব্যতীত অন্য সময়ে খানিকটা বাসির চড়ার উপর দিয়া বাইতে হয়। অপর পারের নাম ডিংরা ঘাট এবং তথায় 'ফেরী'র মাওল এক টাকা দিতে হইল।

কিষণগঞ্জে প্রায় আধঘণ্টা বিশ্রামের পর শিলিগুড়ির উদ্দেশ্যে বাহির হইলাম। কিষণগঞ্জ হইতে রাস্তার পাশাপাশি ডি-এইচ রেলের লাইন ইসলামপুর ( ৮ মাইল ) পর্যন্ত গিয়াছে। ইহার পর অতি নিকৃষ্ট রাস্তা আরম্ভ হইল। শুধু গোবানের যাতায়াতের ফলে রাস্তার মধ্যে পাশাপাশি দুই তিনটি নালায় মত গর্ত হইয়া গিয়াছে। এই রাস্তায় মোটরগাড়ী-চালকরা অতি সাবধানে যাতায়াত করে। স্মরণ্যঃ বিক্রম মোটরসাইকেলে চড়িয়া আমার কিরূপ অবস্থা হইয়াছিল, তাহা সহজেই অনুমেয়। দেড় বৎসর পূর্বেও রাস্তার এইরূপ অবস্থা দেখিয়াছিলাম। ইহা ইতিহাসপ্রসিদ্ধ অতি প্রাচীন রাস্তা। যখন পদ্মার অপর পারে রেল হয় নাই, তখন ইংরেজদিগের সৈন্যসামন্ত এবং বাণিজ্যের বসদাদি এই রাস্তা দিয়াই ভাগলপুর হইতে দার্জিলিং, তিব্বত প্রভৃতি স্থানে যাতায়াত করিত; বেল হওয়াতে এখন ইহার কদর নাই। এত বড় রাস্তার উপর জেলাবোর্ডের কর্তৃপক্ষদের কেন দয়া-কটাক্ষ হয় না, তাহা আজ পর্যন্ত বুঝিতে পারিলাম না।

কিষণগঞ্জ হইতে ৩৮ মাইল আসিয়া তিততিয়া গ্রামে পৌঁছিলাম। পূর্বে এখানে এক সেনাবাস ছিল, এখন পরিত্যক্ত। এখানে একটি ডাকবাংলো আছে, তবে সে স্থানে না থাকাই ভাল। এ স্থান হইতে একটি ভাল রাস্তা জলপাইগুড়ি ( ৩০ মাইল ) গিয়াছে। তিততিয়া হইতে বাঙ্গালা দেশ আবার আরম্ভ হইল, এবং এ স্থান হইতে শিলিগুড়ি পর্যন্ত ১৫ মাইল রাস্তা মন্দের ভাল। সেই রাস্তায় চালাইয়া পরিশেষে হাসিকান্না-মিশ্রিত অন্তরে বেলা একটার কিছু পরে শিলিগুড়ির বাজারে আসিয়া পৌঁছিলাম।

শিলিগুড়ির স্টেশন-সংলগ্ন দুইটি ভোজনালয় আছে; একটি মুসলমানদিগের জন্য, অপরটি হিন্দুদের। স্টেশনের বিশ্রামকামরায় কীর্ণ স্নানাদি শেষ করিয়া হিন্দুদের হোটেলে পাকার খাইলাম। উঃ, সে কি তীব্র ঝাল! আজও তাহা মনে পড়িলে চোখে জল আসে।

আধ ঘণ্টা বিশ্রাম করিয়া এইবার দার্জিলিঙের উদ্দেশ্যে শেষ পাড়ি দিলাম। শিলিগুড়ি হইতে শুকনা ( ৭ মাইল ) ছাড়াইয়া কিছু দূর পর্যন্ত রাস্তায় কলিকাতার রাস্তার মত 'পিচ' দেওয়া আছে। প্রকৃতপক্ষে রাস্তার চড়াই এই স্থান হইতে আরম্ভ। তার পর রাস্তা রংটং ছাড়াইয়া চূণাভটি পর্যন্ত এবং পুনরায় তিন-ধড়িয়া ( ২০ মাইল উচ্চতা ২৭০০ ফুট ) ছাড়াইয়া গয়াবাড়ী পর্যন্ত খুব ঘন ঘন বেক খাইয়া রেলের লাইন পার হইয়াছে। সেই জন্ত এই রাস্তাটুকুতে বিশেষ সতর্কতা অবলম্বন করা উচিত।

কাসিয়ঙে ( ৩৪ মাইল, উচ্চতা ৪৮৪০ ফুট ) পৌঁছিয়া দেখি, অনেক স্বাস্থ্যার্থী বাঙ্গালী ভ্রমলোক সাক্ষাৎমুখে বাহির হইয়াছেন।

উষ্ণ এবং ভীতিকাতর চিন্তে যথেষ্ট বেগে আসিতে আসিতে সায়াজের রক্তচুটা আকাশের গায়ে কখন মিলাইয়া গিয়াছে, পাহাড়ের আকা-বাকা রাস্তায় তাহা একবারে দৃষ্টিগোচর হয় নাই। দার্জিলিঙে ( ৫০ মাইল, উচ্চতা ৬৭০০ ফুট ) যখন পৌঁছিলাম, তখন সাড়ে ছয়টা বাজে। এখানে আমার ভগিনীপতি শ্রীশৈলেন্দ্র-নাথ ঘোষ মহাশয়ের বাটীতে হঠাৎ সকলকে সচকিত করিয়া আমার মোটর-সাইকেলের স্নায়বিদারক চীৎকার খামাইলাম। তাঁহার বাটার পার্শ্বেই হিন্দুহলে দার্জিলিঙের বাঙ্গালীদের একমাত্র তুর্গোৎসব হয়। আমি যখন পৌঁছিলাম, তখন সকলে মন্দিরের সম্মুখে সমবেত হইয়া আরতির জন্ত অপেক্ষা করিতেছিলেন। নির্ঝিন্দু একাকী দার্জিলিঙ পর্যন্ত আসিয়াছি চিন্তা করিয়া অন্তরে অন্তরে তাঁহাকে আমার প্রণতি জানাইলাম।

এই স্থানে বলিয়া রাখা প্রয়োজন যে, মোটরগাড়ী কিংবা সাইড-কার সমেত মোটর সাইকেলে এই রাস্তায় যাতায়াত করিলে শুকনা হইতে দার্জিলিঙ পর্যন্ত সমস্ত ছোটবড় স্টেশনে থামিয়া রেলগাড়ীর মত রাস্তাখালির অনুমতিপত্র ( line clearpass ) না লইয়া বাইলে বিপদের বিশেষ সম্ভাবনা আছে।

দার্জিলিঙে প্রায় ১২ দিন ছিলাম; স্মরণ্যঃ পূজার ছুটির বেশী ভাগটা মনের আনন্দেই কাটিয়াছিল। দার্জিলিঙে পূর্বে বহুবার আসিয়াছি, কিন্তু সে স্থানের দ্রষ্টব্য অনেক জিনিস আমার আদৌ দেখা ছিল না। তাই এবারে এখানে অবস্থিতির সময় সেগুলি এক একটি করিয়া দারিয়া লইলাম। উপরন্তু বাঙ্গালার লাট-সাহেবের শাসনকাল শেষ হইয়া আসাতে তাঁহার শৈলবাস এই-বারের মত শেষ হইল বলিয়া অনেক প্রকারের সামাজিক অগ্রগতি এবং আয়োদ-প্রয়োদের বন্দোবস্ত হইয়াছিল; তাহার মধ্যে গুণের বৌদ্ধমন্দিরের প্রাঙ্গণে লামাদিগের নাচ ( devil dance ) উল্লেখযোগ্য। ইহা বেশ উপভোগ্য।

দার্জিলিঙে আসিলে লোক প্রথমে ঠিক করিয়া ফেলেন, কবে তাঁহারা 'টাইগার' পাহাড় হইতে সূর্যোদয় দেখিতে যাইবেন। পূর্বে আমার কখনও দেখা হয় নাই। তাই এবার তত্রস্থ স্কুলের কতিপয় ছাত্রের সমভিব্যাগরে রাত্রি দু'টার সময় উঠিয়া এবং প্রায় ছয় মাইল রাস্তা যুহু বায়ুসঞ্চালিত তিমরাতিতে পদতলে গিয়া শুধু মেঘের ভিতর লুকায়িত বালসূর্যের আলোকরশ্মির ভেঁকি দেখিয়া সর্বস্বাধা পথিকের জায় মনঃক্ষুণ্ণ হইয়া ধীরে ধীরে বাটা ফিরিয়া আসিলাম। স্তনিত পাঠ, এরূপ অবস্থা প্রায় অনেকেরই হয়। স্মরণ্যঃ উচ্চম কমিল না মোটেই। গুণের 'জোড়বাংলো' পর্যন্ত মোটর সাইকেলে আসিয়া এবং সে স্থানে আরও কয়েক জনের সহিত মিলিত হইয়া 'টাইগার' পাহাড়ের উপরে উঠিলাম। লাট সাহেবের গল্ফ খেলার মাঠের পর হইতে আধ মাইল খাড়াই অতিশয় নির্ঘম। কষ্ট করিয়া উপরে উঠিয়া শীতের তীক্ষ্ণ বায়ু-সঞ্চালনে খাস রক্ত হইতেছিল। এই স্থানের উচ্চতা দশ হাজার ফুটের কিছু কম।

রাত্রি সাড়ে চারটা হইতে পূর্বদিকের আকাশ পরিষ্কার হইতে থাকে। সেই সময় নবনির্মিত পাকা ঘরের ভিতর হইতে বাহির হইয়া কাপিতে কাপিতে উপরে উঠিয়া সুবিধামত একটি স্থান অধিকার করিয়া বসিলাম। পাচটার পর হইতে নিমেষ আকাশে নানা রংএর খেলা সুরু হইল এবং তাহারই আলোকরশ্মি পশ্চাতের



আকাশচুম্বী তুঙ্গ-কিরীটশোভিত পর্বতশৃঙ্গের গাত্রে বিলীন হইতে লাগিল; আধ ঘণ্টা আলোকের এইরূপ খেলার পর সহসা বিশাল জ্যোতিষ্কগুলের খানিকটা দৃষ্টিগোচর হইল এবং সেই সন্ধ্যোপ্ত নবসূর্যের বিচ্ছুরিত রক্তরশ্মিতে তাঁহার আশীর্ষার নিম্পলক এবং নিম্পলকান্তে গ্রহণ করিলাম। পর-মুহূর্ত্তে দৃষ্টি ফিরাইয়া তুষারমণ্ডিত পর্বতশৃঙ্গগুলির প্রতি দেখিলাম, ঘোমটার আঁচে আরক্তিম মুখশ্রীর ঈষৎ হাসিচ্ছটা এবং গুভদৃষ্টির নিম্পলক চাহনি। প্রকৃতির নয়নাভিরাম রূপের প্রতি আমাদের দেহের সমস্ত তন্ত্রী একসঙ্গে পরম তৃপ্তিতে সাড়া দিয়া উঠিল। মগ্নমুগ্ন প্রাণীর অন্তরস্থিত যন্ত্রগুলি নিয়ন্ত্রিত করিবার শক্তি কিয়ৎকণের জগ্ন স্তব্ধ হইল। পরমপুরুষের উদ্দেশে সকলের মস্তক আপনা হইতেই যেন কিছু নত হইয়া পড়িল; আধুনিক সভ্যতার নাস্তিক নবা-যুবাঙ্গিণের অস্তরে ভগবানের সত্তা প্রথম অনুভূত হইল।

কথা বলিয়াছিলেন, আমি তুলক্রমে সে রাস্তা ত্যাগ করিয়া সটান সোজা চলিয়া আসিলাম। এই ঘনবৃক্ষসমাকুল অবিদিত জনবিহুল এবং অপ্রশস্ত রাস্তায় ৯ মাইল আসার পর দেখি, ভীষণভাবে রাস্তা আঁকিয়া-বাঁকিয়া নীচের দিকে নামিয়াছে। তাহার উপর আবার পাথরের বড় বড় খোয়া এবং ধূলায় রাস্তা পরিপূর্ণ। সম্মুখে ও পশ্চাতের চাকার 'ব্রেক' আঁটিয়া এবং যৎপরোনাস্তি সাবধানতা অবলম্বন করিয়া পেসক নামে এক পার্শ্বত্যা গ্রাম বা চটীতে আসিলাম। ৩ম হইতে ইহার দূরত্ব ১৪ মাইল। শুনিলাম, এ স্থানে একটি সাধারণের থাকিবার জগ্ন বাংলো আছে। পেসকে কতকগুলি চা বাগানের কারখানা আছে; এবং একটি বাগান হইতে দেখিলাম—শৃঙ্গে অবস্থিত রজ্জুপথ (Aerial ropeway) নীচের দিকে নামিয়া গিয়াছে। জিজ্ঞাসা করিয়া জানিলাম যে, এই রজ্জুপথ তিস্তা পর্যন্ত বিদ্যমান। ইহা দ্বারা উক্ত বাগানের



এক শত কুড়ি ফুট উচ্চ রাস্তা হইতে তিস্তা নদীর দৃশ্য

শুনিয়াছি, পৃথিবীতে ইহার সমতুল্য মনোবিমোহন দৃশ্য আর কোথাও দৃষ্টিগোচর হয় না। তবে মনে হয়, শীতকালে পুরীধামে সমুদ্রবক্ষ হইতে সূর্যোদয়ের দৃশ্যও অতি সুন্দর এবং কমনীয়।

৩১শে অক্টোবর লাটসাহেবের দার্জিলিং-পরিভ্রমণের পরেই সকলে কলিকাতা প্রত্যাবর্তনের জগ্ন উৎসুক হইয়া পড়িলেন। সুতরাং নীচে নামিবার জগ্ন ভিড়ের আধিক্য তইবার পূর্বেই আমি ১লা নভেম্বর সিকিমযাত্রা স্থির করিলাম।

এ স্থান হইতে সিকিম বাইবার পথ আমার একবারে অজ্ঞাত থাকায় দার্জিলিংয়ের সর্দার বাহাদুর লাডেনলা সাহেবের সহিত সাক্ষাৎ করিয়া পূর্ব হইতেই সবিশেষ জানিয়া লইয়াছিলাম।

১লা নভেম্বর এগারটার মধ্যে আহাৰাদি শেষ করিয়া সিকিমের উদ্দেশে বাহির হইয়া পড়িলাম। গুমের 'জোড়-বাংলো' অতিক্রম করিয়া ৬ মাইল-দুটানের নিকট বামদিকে ঘুরিতে হইল। এই স্থানে আসিয়া লাডেনলা সাহেব তাগদার ভিতর দিয়া যে রাস্তার

মাল সরবরাহ করা হয়। পেসকের উচ্চতা ২৭০০ ফুট। পেসক হইতে প্রায় আধ মাইল উক্তরূপ ঢালু রাস্তায় নামিয়া আসিলে বামপার্শ্বে একটি কাঠনির্মিত হাওরা-ঘর বা বিশ্রামস্থান দেখিলাম। এ স্থানে দাঁড়াইলে নূরে তিস্তা এবং রঙ্গিৎ নদীর সম্মুখস্থান দেখিতে পাওয়া যায়। ইহার পারিপার্শ্বিক দৃশ্যও অতি তৃপ্তিকর। এই রাস্তায় মাঝে মাঝে 'ছ' একটি হরিণের দলও দৃষ্টিপথে পতিত হইয়াছিল। ইহার পর আরও দুই মাইল ঢালু রাস্তায় নামিয়া হঠাৎ একটি ছোট পাথরের পুলের সম্মুখে আসিয়া উপস্থিত হইলাম। এ স্থানে রাস্তা সমতল হইয়াছে। বামপার্শ্বে একটি কাঠফসকে লিপিত বিজ্ঞাপনের প্রতি দৃষ্টি পড়াতে দেখিলাম যে, পেসকের রাস্তায় কোনও প্রকার মোটর-গাড়ীর যাতায়াত নিষিদ্ধ। সুতরাং ধরা পড়ার ভয়ে তথায় কালক্ষেপ না করিয়াই খানিক দূর চলিয়া আসিয়া জানিলাম যে, আমি তিস্তা গ্রামে পৌঁছিয়াছি। তথা হইতে আরও প্রায় আধ মাইল আসিয়া বামপার্শ্বস্থিত



তিস্তা নদীর পুলের নিকট পৌঁছলাম। তিস্তা নদীর উপর পুরাতন তারের পুলের (Suspension bridge) পার্শ্ব পাথরের (ferro concrete) একটি নতুন সেতু তৈয়ারী হইতেছে; তাহার জন্ম বহু কালী তথ্য কাষ করে। রবিবার ব্যতিবেকে অল্প দিন নির্দিষ্ট সময় ব্যতীত অল্প কোনও সময়ে উক্ত তারের পুলের উপর দিয়া কোনও প্রকার যানের যাতায়াত বন্ধ থাকে। ভাগ্যক্রমে আমি রবিবারে তথ্য পৌঁছিয়াছিলাম বলিয়া অপর পারে যাওয়ার জন্ম কোনও কষ্ট বা কালক্ষেপ হয় নাই।

তিস্তা গ্রামের উচ্চতা ৫ শত ফুটের কিছু বেশী। এ অঞ্চলে ইহা একটি বাণিজ্যের কেন্দ্র। এ স্থানে একটি ডাক-বাংলো আছে এবং পূর্বে বিভাগের এক জন ওভারসিয়ার থাকেন। মোটর গাড়ীর পেটল প্রভৃতি যাবতীয় জিনিস এখানে পাওয়া যায়।

তিস্তা গ্রামে দিল্লের কোনও প্রয়োজনীয়তা না বোধ করায়

করিবার বন্দোবস্ত হওয়ার একটু বিঘ্ন ঘটে। ইহার নিকটে একটি দক্ষপথ দিয়া তিস্তা পার হইয়া এক পারে হাঁটা রাস্তায় বাদামটু এবং লেবঙ হইয়া দার্জিলিং যাওয়া যায়।

মন্দির কিছু পরেই একটি বড় বকমের ধস দেখিলাম। ইহা সেপ্টেম্বর মাসে হইয়াছিল, তবে এখন মোটামুটি তাহার সংস্কার হইয়াছে। রাস্তাটি বেশ প্রশস্ত না হইলেও বন্ধুর নহে। তবে একটি জিনিষের জন্ম বিশেষ সতর্কতা অবলম্বন করা উচিত। পাহাড়ের গাত্র ঘেঁসিয়া মরণার জল রাস্তার উপর দিয়াই বহিয়া চলিয়াছে। রাস্তার ক্ষতি বাহাতে না হয়, তাহার জন্ম সেই সমস্ত স্থানে উপলক্ষ্য ছড়াইয়া রাখিয়াছে। মোটর-গাড়ীর পক্ষে ইহা বিশেষ অন্তবিধার কারণ না হইতে পারে, তবে মোটর-সাইকেল-চালকের পক্ষে ইহাতে সমূহ বিপদের সন্ভাবনা থাকে।

তিস্তা হইতে ১৪ মাইল আসার পর রংপুতে পৌঁছলাম।




তিস্তা সেতু

অপর পারে গিয়া পুনরায় যাত্রা শুরু করিলাম। প্রায় আধ মাইল আসার পর দেখিলাম, রাস্তাটি দুই ভাগে বিভক্ত হইয়া গিয়াছে। একটি রাস্তা সোজা খাড়াই উঠিয়া কালিংপেডের দিকে গিয়াছে; অপরটি তিস্তা নদীকে বামপার্শ্বে রাখিয়া রংপু হইয়া সিকিমের দিকে গিয়াছে। অতএব আমি শেবোক্ত রাস্তাই ধরিলাম।

এই রাস্তার বামপার্শ্বে বরাবর গর্কোয়স্তা নীলবসনা তিস্তার উদ্যম ধারা প্রবাহিত হইতেছে, অপর দিকে ঝিল্লীমুখরিত ঘন বৃক্ষ-সমাকুল অরণ্যানী সুউচ্চ পাহাড়ের গাত্রে বিভিন্ন রংএর চেলী পরাইয়া সজ্জিত করিয়া রাখিয়াছে। ৩ মাইল আসিয়া মন্দির নামক এক পাহাড়ী চটীর ভিতর দিয়া বাইতে হইল। এখানে একটি ডাক-বাংলো আছে। দার্জিলিং জেলার এলাকার মধ্যে বত ডাক-বাংলো আছে, সেগুলি ব্যবহার করিতে হইলে পূর্বে বিভাগের কাহারও অনুমতিপত্রের প্রয়োজন। উহা না থাকিলে বাংলাতে বাস

ইহা ব্রিটিশ ভারত এবং সিকিম রাজ্যের সীমানা। রংপু এবং তিস্তা নদীর সঙ্গমস্থানে মাছ ধরিবার জন্ম অনেক শেতাঙ্গের আগমন হয়। ভারত সরকার কিম্বা সিকিম দরবারের forest officer এর নিকটে দশ টাকা দিয়া মাছ ধরিবার অনুমতিপত্র লইতে হয়। ভারত সরকারের এখানে একটি পুলিশ-ঘাটি আছে, তাহারে গুলিলাম, ৫ জন সিপাই এবং এক জন হাবিলদার বাস করে। সিকিম রাজ্যে প্রবেশ করিবার পূর্বে এই স্থানে তাহারা বাত্মীদিগকে তাগদের নাম-ধাম জিজ্ঞাসা করিয়া লয়। ভারতবাসী ব্যতীত অল্প কোনও দেশীয় লোকের সিকিম প্রবেশ করিতে হইলে দার্জিলিংয়ের ডেপুটি কমিশনারের স্বাক্ষরিত ছাড়পত্র চাইতে গনিয়াছি, পূর্বে ভারতবাসীর মধ্যে বাত্মালীদেরও সিকিম প্রবেশ করিতে হইলে উক্তরূপ ছাড়পত্রের প্রয়োজন হইত। তাহাৎ কারণ বিবেচনের বোধ হয় এ স্থানে প্রয়োজন হইবে না।

রংপু নদীর উপর দিয়াও একটি রজ্জুপথ আছে, তাহার উপর দিয়াই যান-বাহনাদি গমনাগমন করে। পাকা-সেতু অপেক্ষা এইরূপ রজ্জুপথেরই বন্দোবস্ত এতদঞ্চলে বেশী। রংপুগ্রাম বলিতে গেলে সিকিম-রাজ্যের ভিতরকার গ্রামটিকে বুঝায়। এই স্থানে ডাকঘর, ডাকবাংলো এবং একটি হাসপাতাল আছে। ইহা সমস্তই ভারত সরকারের ব্যয়ে পরিচালিত। পুল পার হইয়াই রাস্তা রংপু বাজারের মধ্য দিয়া চলিয়া গিয়াছে। গ্রামের পরেই একটি



Bridle p.thএর অল্প একটি নমুনা—পার্শ্বে ক্ষম্

বড় রকমের জলপ্রোত রাস্তায় উপরে পার হইতে হইল। ইহাকে ছোটখাট একটি নদী বলিলেও অত্যুক্তি হয় না। প্রকৃতপক্ষে রংপু হইতে রাস্তা ক্রমে ক্রমে উপরে উঠিতে আরম্ভ করিয়াছে। তবে তাহা বুঝিতে পারা যায় না। মাঝে মাঝে খানিকটা ঢালু রাস্তাও পাওয়া যায়। রাস্তায় বড় ধূলা, কিন্তু গর্ত এবং পাথরের খোয়া হইতে ইহা সংরক্ষিত। বামে অতলম্পর্শ খদ নামিয়া গিয়াছে এবং তাহারই নীচে পার্কিত্য জলপ্রোত নিস্তকতা প্রকাশ করিয়া উদ্গাদ হুঙ্কারে ছুটিয়া চলিয়াছে। নদীর অপর পার্শ্বে এখনও বৃক্ষশূন্য পাহাড়ের নৈরাশ্রময় কুৎসিত নগ্নতা এ পারের

পত্রপুষ্পশোভিত বৃক্ষ সমাকুল পাহাড়ের সম্পদকে বিদ্রুপ-কটাক্ষ করিতেছে; আবার কোথাও দুই পার্শ্বের পরিপূর্ণ শোভা কমনীয় মমতার আকর্ষণে পরস্পরকে আলিঙ্গন করিতে চাহিতেছে।

রংপু হইতে প্রায় ৬ মাইল দূরে সিংটম। একটি লোহার সেতুর উপর দিয়া আসিতে হয়। সেতুর পরে খানিক দূর আসিয়া তত্রস্থ বাজারের মধ্য দিয়া বাইতে হয়। Lower Sikkimএর মধ্যে সিংটম সহরটি সকলের অপেক্ষা বড়। ইহাতে বাজারে প্রায় সমস্ত জিনিষ পাওয়া যায়। দোকানদার বেশীর ভাগ মাড়োয়ারী এবং বড় বড় সমস্ত ব্যবসা তাহাদেরই আয়তাদীন।

এই স্থান হইতে বামদিকে একটি রাস্তা বাদামটং হইয়া দার্জিলিং, অপরটি গংটক অভিমুখে গিয়াছে। সিংটমের পর হইতে রাস্তার চড়াই ক্রমশঃ বৃদ্ধিত হইল। প্রায় ৩ মাইল আসিয়া দেখি, এক মাইল ধরিয়া কুলীরা রাস্তা মেরামত কার্যে ব্যাপৃত। পূর্বে এই রাস্তা অত্যন্ত অপ্রশস্ত এবং আঁকা-বাঁকা ছিল। তাহা মোটর-গাড়ীর যাতায়াতের পক্ষে বিশেষ বিপজ্জনক বলিয়া এই স্থানে রাস্তা বামপার্শ্বস্থিত পাহাড় কাটিয়া প্রশস্ত করা হইতেছে। এক স্থানে দেখিলাম, ৫০ ফুট লম্বা একটি সুদৃঢ় পথ তৈয়ারী হইতেছে। রাস্তার দক্ষিণ পার্শ্বে সিংটম নদীর জল খরবেগে বহিয়া চলিয়াছে। যৎপরোনাস্তি সাবধানতার সহিত আমাকে এই রাস্তার উপর দিয়া সাইকেল চালানিয়া বাইতে হইয়াছিল।

রংপু হইতে আসিতে স্থানে স্থানে প্রায়ই কমলা লেবুর বাগান দেখিতে পাওয়া যায়। এই বাগানগুলি বেশীর ভাগ সরকারের অধীনে। সিংটম হইতে প্রায় ৩ মাইল আগার পর ঐরূপ একটি বাগান দেখিলাম। রাস্তার ধারেই ছোট ছোট গাছে কমলালেবু ফলিয়া আছে। কোনও রক্ষকের দর্শন না পাইয়া কয়েকটি চুরি করার ইচ্ছা হইল। সুতরাং গাড়ীটি ধীরে ধীরে একটি গাছে ঠেঁশ দিয়া রাখিয়া টপ টপ করিয়া গোটা চারেক লেবু পকেটস্থ করিলাম। বাস্, অমনি কোথা হইতে এক সরকারী রক্ষক আসিয়া হাজির। তাহাকে বুঝাইয়া বলিলাম যে, আমি বিদেশী মুসাব্বির। তাহাদের দেখা না পাওয়াতেই দু'টি ফল লইয়াছি। আমি ভাবিয়াছিলাম, এগুলি বৃষ্টি গরীব মুসাব্বিরদের জন্য। কিন্তু দোষ যখন করিয়াছি, প্রায়শ্চিত্তের ন্যায়রূপ তাহাকে আট আনা পয়সা দিতে চাহিলাম। প্রথমতঃ সে কোনও মতেই পয়সা লইবে না। অবশেষে কি ভাবিয়া পয়সাপুলি লইয়া চলিয়া গেল; আমিও স্বৈরসিক্ত রক্তাভ মুখে লৌঘ সে স্থান ত্যাগ করিলাম।

৮ মাইল ঠেঁশনের পর হইতে রাস্তার অসম্ভবরূপে চড়াই আরম্ভ হইয়াছে। তবে রাস্তা বেশী আঁকা-বাঁকা নয় এবং যথেষ্ট প্রশস্ত। চতুষ্পার্শ্বের পাহাড়গুলি বেশীর ভাগ ফাঁকা, শুধু শিখর-দেশ জঙ্গলসমাকীর্ণ বলিয়া মনে হয়। দার্জিলিংয়ের নিকটবর্তী হইলেও এই সমস্ত পাহাড়ে কোথাও চায়ের বাগান বা তাহার চাষ দেখিতে পাইলাম না। তাহার পরিবর্তে ধান কিংবা অল্পাল্প ফসলের আবাদ হয়। সিকিম দরবারে চায়ের চাষ করিতে হুকুম দেওয়া হয় না। কারণ, দেশের প্রজারা অত্যন্ত গরীব। তাহাদের উৎপাদিত ধান পর্যাপ্ত পরিমাণে হয় না বলিয়া বাহির হইতে ধান আমদানী করিতে হয়। ইহার উপর যদি চায়ের চাষ হয়, তাহা হইলে প্রজারা হয় ত অর্ধেক অভুক্ত থাকিবে এবং লভ্যাংশের টাকা বেশীর ভাগ বাহিরে চলিয়া যাইবে।

এই রাস্তায় প্রায়ই গো-বানের বাতায়াত হয় দেখিলাম। সূর্যের আলো ক্রমে মন্দীভূত হইয়া আসিতে লাগিল। সন্ধ্যার প্রাকালে মনে হইতেছিল, দুয়ের পাহাড়গুলি যেন জীবন্ত মহাকালের মত দাঁড়াইয়া আছে। যৎপরোনাস্তি সাবধানতা অবলম্বন করিয়া খানিকক্ষণ বেগে চালাইয়া গংটকের রাস্তার বৈশ্বাতিক আলো জ্বালিবার পূর্বেই আসিয়া তথায় পৌঁছিলাম। তত্রস্থ State Engineer শ্রীযুক্ত ফকিরচাঁদ জালির বাস; জানিয়া লইয়া খানিক পরে তথায় গিয়া হাজির হইলাম।

জালি সাহেব এক জন পঞ্জাবদেশবাসী। আমার সত্ৰিত তাঁহার পূর্বে কোনও প্রকার আলাপ ছিল না; শুধুমাত্র দার্জিলিঙে তাঁহার নামের পরিচয় পাইয়াই অস্বাচিতভাবে তাঁহার অতিথি হইলাম। অতিথি অস্বাচিতভাবেই হয়—কিন্তু সে রীতি ছিল বলপূর্বে; এখন খ্যাতনামা লোকের পরিচয়পত্র ব্যতিরেকে

শুভ কিরীটশোভিত বিশাল কাঞ্চনজঙ্ঘা যেন হঠাৎ পৃথিবীর বুক বিদীর্ণ করিয়া উক্কে উঠিয়া স্বয়ং পৃথিবীর জীবনযাত্রা পরিদর্শন এবং তাহার তত্ত্বাবধান করিতেছে। চতুর্পার্শ্বে নাটমন্দিরের আঙ্গিনার মত বিখ্যাত সিকিম উপত্যকার কমণীর দৃশ্য! মধ্যে মধ্যে বাঙ্গালা দেশের পল্লীর মত বাশগাছের ঝাড় দেখিয়া কিয়ৎক্ষণের জন্ত চক্ষু ছুটি উন্মীলন করিয়া সুন্দর বাঙ্গালার পল্লীশ্রীর কথা অন্তরে অনুভব করিলাম।

গংটক সিকিমের রাজধানী। ইহার উচ্চতা ৫৭৮০ ফুট। সিকিমের অন্তর্গত সহর অপেক্ষা ইহা বড় এবং লোকালয়পূর্ণ। তবে এই রাজ্যে সহর বলিতে এই গংটক সহরকেই বুঝায়—অল্প সমস্ত ছোট-বড় পল্লীবিশেষ। আবার পল্লী বলিতে যাহা বুঝায়, তাহাব সংখ্যা এখানে খুব কম। কৃষক-প্রজারা নিজ নিজ ভূমির এক পার্শ্বে এক একটি কুটার তৈয়ারী করিয়া তাহাতেই বাস করে,



গংটক ঘাইবার পথের এক স্থানের অনঙ্গ।

কাহারও গৃহে আশ্রয় ভিক্ষা চাহিলে উদ্ভভাবে বিতাড়িত হইবার সম্ভাবনা থাকে বেশী। আমার কিন্তু তাগ হয় নাই। জালি সাহেবের মত অমায়িক এবং সরলপ্রকৃতির লোক সুন্দর বিদেশে হঠাৎ পাওয়া বাস্তবিক ভাগ্যের কথা বলিতে হইবে। আমি তাঁহার বাংলায় পৌঁছিলে, তিনি অশুস্থ। তত্রাচ তিনি সংবাদপ্রাপ্তিমাত্র বাহিরে আসিয়া আমার সত্ৰিত আলাপ পরিচয় করিলেন এবং আমার সুখ-স্বাস্থ্যের ব্যবস্থার জন্ত তৎপর হইলেন।

২২ নভেম্বর। এ স্থানের প্রাকৃতিক শোভা দেখিবার জন্ত অতি প্রত্যাশে শয্যাত্যাগ করিলাম। তুষারমণ্ডিত হিমালয়ের অভ্রভেদী সেই চিরপরিচিত কাঞ্চনজঙ্ঘা, কবক প্রভৃতি পর্বতশৃঙ্গগুলি দেখিলাম। দার্জিলিঙের দৃশ্য হইতে ইহার এইটুকু পার্থক্য মনে হইল যে, ইহার সম্মুখে সারি সারি পর্বতশ্রেণীর সংখ্যা খুব অল্প।

এক একটি স্থানে ঐকম্প কুটারের সমষ্টি ১০ হইতে ১৫ পর্যন্ত। দোকান-হাটের জন্ত স্ত্রী-পুরুষে নিকটবর্তী কোনও বড় স্থানে সমস্ত একবার কি হইবার 'গাট' করিতে যায়।

সহরবাসীদের জীবনযাত্রা ও গৃহস্থালী অতিরিক্ত অপরিষ্কার। ইহারা মোটা পল্লর-জাতীয় একপ্রকার কাপড়ের ঘাগবা এবং কামা পরিয়া থাকে। পায়ের জুতাও তাহাবা ঐ প্রকারের কাপড়ের দ্বারা প্রস্তুত করে। স্নান ইহারা আদৌ করে না বলিলে অত্যাঙ্কি হয় না।

সিকিমরাজ্যের পরিমাণ ২,৮১৪ বর্গ-মাইল; অর্থাৎ উত্তরে দক্ষিণে ৭৩ মাইল এবং পূর্বে-পশ্চিমে ৫৫ মাইল। ইহার বেশীভাগ অরণ্য-সমাকুল পর্বতে পরিপূর্ণ।

[ আগামীবারে সমাপ্ত। ]

শ্রী প্রণববংশচন্দ্র সিংহ



## উপন্যাস

১১

এক দিন মনুয়া কুলী অসীমের কাছে অনেক কাঁদা-কাটা করিল। সে বলিল, সে জানকীর সন্ধান পাইয়াছে। জানকীকে সাহেব বাবু সহরের এক বস্তিতে রাখিয়াছে, তবে কোন্ বস্তি, সে খবর সে এখনও পায় নাই। বাবুজী দয়া করিয়া সাহেব বাবুকে বলিয়া কহিয়া তাহার জানকীকে ফিরাইয়া দিবার ব্যবস্থা করিয়া দিন। অসীম বুঝাইল যে, সাহেব বাবুকে সে তাড়াইয়া দিয়াছে, সে এখন আর এই বাড়ীতে থাকে না, হোটেলে বাস করে। মনুয়া কিছুতেই সে কথা বিশ্বাস করিতে চাহিল না। সে বলিল, সে সাহেব বাবুকে এই বাড়ীর মধ্যে যাতায়াত করিতে দেখিয়াছে। অসীম বলিল, সে ভুল দেখিয়াছে, অথু কেহ গোপনে এই বাড়ীতে যাতায়াত করে, ইহা হইতে পারে। কিন্তু মনুয়া নাছোড়বান্দা, সে কিছুতেই তাহার গোঁ চাড়িতে চাহে না। শেষে সে বলিয়া গেল যে, সে হাওড়ার রেল-স্টেশনে কুলীর কায়ে ঢুকিয়াছে, যত দিন না জানকীর সন্ধান পায়, তত দিন মধুপুরে ফিরিবে না; আর সাহেব বাবুর রক্ত দর্শন না করিয়াও দেশে ঘরে ফিরিবে না।

মনুয়া এইরূপে শাসাইয়া যাইবার পর অসীম গভীর চিন্তাসাগরে মগ্ন হইল। মনুয়া যাহাকে এই বাড়ীতে যাতায়াত করিতে দেখিয়াছে, সে কে? সে কি—সে কি শুভেন্দু? দারুণ ক্রোধ বা হিংসানলে অসীমের সারা অঙ্গরটা জ্বলিয়া উঠিল। মানুষ একবার গভীর খাদে নামিতে আরম্ভ করিলে তাহার গতি রুদ্ধ হওয়া চুকর। গতি উচ্চ আদর্শ লইয়াই অসীম অনুপ্রাণিত হইয়াছিল; কিন্তু যখন একবার সে সন্দেহ ও অবিশ্বাসের ঘণিত ঢকানু দ্বারা প্রলোভিত হইল, তখন তাহার সেই আদর্শও

সাময়িকভাবে অস্মৃহিত হইল। রক্ত-মাংসের শরীর, মানুষ তাহার স্বাভাবিক পশুবৃত্তি এড়াইতে পারে না।

অসীমের মনের অবস্থা যখন এইরূপ, যখন তাহার মনের মধ্যে নরকের আগুন প্রজ্জ্বলিত হইয়া উঠিয়াছে, তখন সে অতি নীচ গুপ্তচরের কার্যে আত্মনিয়োগ করিতে যে পশ্চাৎপদ হইবে না, ইহা বলা বাহুল্য। সে ফিল্মের উন্নতির দিকে দৃষ্টি না রাখিয়া শুভেন্দুর গতি-বিধির উপর লক্ষ্য রাখিবার জ্ঞান সময় নিয়োজিত করিতে লাগিল। এ বিষয়ে তাহার যোগ্য অনুচরও জুটিয়াছিল ভাল—সে চামেলী। আবাল্য যে দূষিত আবহাওয়ায় লালিত-পালিত ও পুষ্টি হইয়াছে, ক্ষণিকের সংসঙ্গের ফলে তাহার মনের সাময়িক পরিবর্তন সম্ভবপর হইতে পারে বটে, কিন্তু অল্পকূল অবস্থা দেখা দিলে তাহার সহজাত মনোবৃত্তি যে সতেজ ও জীবন্ত হইয়া উঠিবে, ইহা ত স্বাভাবিক।

সুদর্শন শুভেন্দুর প্রতি চামেলীর আকর্ষণে যথার্থ প্রেমের কোন গন্ধ ছিল না, ইহার মূলে ছিল চোখের নেশা। প্রেমের গতি প্রতিহত হইলে তাহা বিষাক্ত হইয়া উঠে না, কিন্তু চোখের নেশার পক্ষে স্বতন্ত্র কথা। শুভেন্দুর কাছে প্রেম প্রত্যাখ্যানের ফলে সে তাহার পক্ষে শোণিতপিপাসু ব্যাঘ্রীর মত হইয়া উঠিয়াছিল। আবার সে যখন দেখিল, তাহার কুমন্ত্রণা গৃহ-স্বামীর উপর প্রভাব-বিস্তারে সমর্থ হইয়াছে, তখন একবার রক্তের আশ্বাদ পাইয়া ব্যাঘ্রী যেমন দ্বিগুণ উৎসাহে প্রাণি হত্যায় অভ্যস্ত হয়, তেমনই সে প্রতি পদে শুভেন্দুর ছিদ্র অবেষণে অতিমাত্র তৎপরতা প্রদর্শন করিতে লাগিল।

আশ্চর্য্য এই, যাহাকে কেন্দ্র করিয়া এত বড় একটা জীবন-নাটকের বিয়োগান্ত অভিনয় হইতেছিল, সেই আপন-ভোলা শুভেন্দু আপনার সমূহ অনিষ্টের কথা বিন্দুবিসর্গও



জানিতে না পারিয়া সম্পূর্ণ নিশ্চিন্তমনে আপনার আরাধ্যা কলাদেবীর উপাসনা লইয়াই তন্ময় হইয়াছিল। যতই সে অভিজ্ঞতা সঞ্চয় করিতেছিল, ততই সে নিত্য নতন পরিকল্পনার পত্র-পুষ্প-তোষ-ফলে আরাধ্যা-দেবীকে পূজার্চনা করিতেছিল, নিত্য নূতন সাজে তাঁহাকে সাজাইতেছিল। ষ্টুডিও লাইব্রেরীতে সিনেমা আর্ট চর্চার আধুনিক যত কিছু প্রামাণ্য গ্রন্থ সংগৃহীত হইয়াছিল— আর সে বিষয়ে অসীমবিকাশ কখনও কার্পণ্য প্রদর্শন করে নাই— শুভেন্দু সে সকল গ্রন্থ অবসর পাইলেই পাঠ করিত। 'আর্ট-অফ-মেক-আপ' অর্থাৎ মানুষকে নানা সাজে সাজাইবার বিদ্যা সম্বন্ধে নানাদিক কুড়িখানি গ্রন্থ ছিল, প্রত্যেকখানিই আধুনিক ও মূল্যবান। রন্ধকে স্বক করিবার, তরুণীকে রন্ধা করিবার এবং রন্ধাকে ঘোড়নোতে পরিণত করিবার, স্তম্ভ সবল ব্যক্তিকে বিকলাঙ্গ অঙ্গ খঞ্জ করিবার, এ মগের লোককে প্রাচীন যুগের উপযোগী সাজে সজ্জিত করিবার অসংখ্য সঙ্কেত ও নিদেশ এই সকল গ্রন্থে ছিল। কেশ ও বেশ-প্রসাদনের অনন্ত কলা-কৌশল অগাণ্ড গ্রন্থে বিশ্লেষিত হইয়াছিল। আবার অভিনয়ের বাক্য-বিদ্যাস (আর্ট-অফ-প্রোলোকিউশন) এবং বসিবার দাঁড়াইবার চলিবার ফিরিবার অনন্ত ভঙ্গী (পোজ্ ও গেশচার পশচার) সম্বন্ধেও অনেক কেতাব ছিল, ভাবের অভিব্যক্তির (হাসি, কান্না, রণা, ভালবাসা, হিংসা, ক্রোধ প্রভৃতির) সম্পর্কিত গ্রন্থেরও অভাব ছিল না। চিত্রাঙ্কন ও অভিনয় শিক্ষাদানের কর্তব্যপালন ছাড়া অবসর পাইলেই শুভেন্দু স্বেচ্ছায় প্রদূরমনে তাহাতে নিমগ্ন থাকিয়া নিত্য নূতন জ্ঞানাহরণ করিত। ঘটনাচক্র সম্প্রতি তাহাকে একটি বিষয়ে বড়ই অশান্তি প্রদান করিতেছিল—তাহার সম্পূর্ণ অনিচ্ছাসত্ত্বেও এবং বিবেকবুদ্ধির বিরুদ্ধে বন্ধুপত্নী গৃহস্থামিনী তাহার উপরে যে গুরু দায়িত্বের ভার চাপাইয়া দিয়াছিল, তাহা পালন করিতে গিয়া তাহাকে অল্পক্ষণ অন্তর্দাহে দগ্ন হইতে হইতেছিল। জগতে সকলের চেয়ে যে তাহার শুভাকাঙ্ক্ষী বন্ধু, যে তাহাকে সহোদরাধিক ভালবাসার ডোরে বাধিয়া রাখিয়াছে, তাহাকে প্রবঞ্চনা করিয়া সে তাহারই পত্নীর অনুরোধ পালন করিতেছে, বিবেকের এ দংশন হইতে ত তাহার অব্যাহতি নাই! একটা হৃদয়হীন স্বার্থপর মস্তক লম্পট ভ্রাতার জন্ত গৃহস্থামিনী তাহার

দেবতুল্য স্বামীকে প্রবঞ্চনা করিতেছে, আর ঘটনাচক্র আশ্চর্যরূপে তাহাকে এই ঘণিত ব্যাপারের সহিত অচ্ছেদ্য-রূপে বিজড়িত করিয়া রাখিয়াছে—এ মোহপাশ হইতে হিম হইবার তাহার সাধ্য নাই, বিধাতার এ কি অভিশাপ!

আরও আশ্চর্যের কথা, বন্ধুপত্নীর সকাতির অনুরোধ রক্ষার জন্ত সে বন্ধুর অজ্ঞাতসারে যে পাপকে প্রশ্রয় দিয়াছে, তাহাতে বন্ধুগৃহের অগতমা কত্রী বন্ধুভগিনীরও পূর্ণ সম্মতি ছিল। নারীর মান-মর্যাদা রক্ষার্থে সে বন্ধুর অজ্ঞাতসারে বন্ধুপত্নীর ভ্রাতাকে সাহায্য করিয়া বন্ধুর অপ্রীতিকর কার্য করিয়াছে। সে বন্ধু তাহার আশ্রয়-দাতা ভ্রাতার অপেক্ষাও মহৎ, তাহার অজ্ঞাতে এই চক্রান্তে লিপ্ত হওয়া তাহার পক্ষে পাপ। কিন্তু তবুও তাহাতে এই সাধুনা ছিল যে, বন্ধুর ভগিনীও তাহাতে এই কার্যে বাধা প্রদান করেন নাই, নিরুৎসাহ করেন নাই। তিনি শিক্ষিতা, বুদ্ধিমতী, গায় ও সত্যের উপাসিকা, নিভীক স্পষ্টভাসিনী। কিন্তু কিছুদিন হইতে তিনিও ত আর ভ্রাতৃজয়ার এই গুপ্ত ব্যাপারে যোগদান করিতে ছেন না। তবে কি তিনিও এই লকাচুরি ব্যাপারটাকে ঈর্ষ ও তাহার পক্ষে অযোগ্য মনে করিয়া উঠা উঠিতে দূরে সরিয়া গিয়াছেন? পূর্বে পোজ দিবার সময় তিনি ষ্টুডিওতে অক্ষুণ্ণ আসিতেন যাইতেন, কিছুদিন হইতে তিনি এখানে একবারেই পদার্পণ করেন না। কেবল তাহাই নহে, এখন তাহাদের আবাসভবনে গেলে তিনি সম্ভবমত তাহাকে এড়াইয়া চলেন, নিতান্ত প্রয়োজন না হইলে দেখা দেন না বা কথা কহেন না। এ কি ঘণার পরিচয়? মানুষ মানুষের বাবহারে বিরক্ত বা অসম্মত হইলেই ত এমনই বাবহার করিয়া থাকে।

শুভেন্দুর এ চিন্তা অসহ্য হইয়া উঠিল। এই এক বৎসরে সে এই অপরিণতবয়স্কা বন্ধু-ভগিনীর ভাল-মন্দ মতামতের যতটা মুখাপেক্ষী হইয়া পড়িয়াছিল, বোধ হয়, তত আর কখনও কাহারও হয় নাই। গুরুণ হৃদয়ের অফুরন্ত আশার যে বীজটিকে সে সময়ে সঙ্গোপনে প্রীতি-প্রেমের স্নেহরসে সিক্ত করিয়া আসিতেছিল, তাহা কি অঙ্কুরেই উন্মূলিত হইবে? কেহ ত জানে না, সে এই এক বৎসর কি যত্নে মানস-সিংহাসনে এই দেবী-প্রতিমাকে বসাইয়া হৃদয়ের সমস্ত শ্রদ্ধাপ্রীতির অঞ্জলি দিয়া আসিয়াছে!

আশা কুহকিনী! সে ত দেখিয়াছে, প্রথম প্রথম সেই দেবীপ্রতিমা তাহার প্রতি ঔদাসীন্য় প্রদর্শন করিলেও এবং কোন কোন ক্ষেত্রে তাহার অজ্ঞাত অপরাধে বিরক্তি প্রকাশ করিলেও পরে কিন্তু অপরের সহিত তাহার কথা হইলেও মনোযোগ দিয়া তাহা শুনিয়াছে, তথাৎ চোখে চোখে দেখা হইলে তাহার প্রতি নিবন্ধ-দৃষ্টি চকিতে অবনমিত করিয়া লইয়াছে। এ সব কিসের লক্ষণ? ঔদাসীন্য় কিছুতেই হইতে পারে না, অবজ্ঞা ত নহেই। তবে কি—তবে কি—না, এ তাহার দৃষ্টতা, স্পর্ধা! পণের ভিখারী বামনের আকাশের চাঁদ পরিবার সাধ?

জমিদারকন্ঠা, ধনী জমিদারের ভগিনী, শিক্ষিতা মার্জিতা অকলঙ্কসুন্দরী সে। আর সে নিজে? দরিদ্র বেতনভুক কৰ্মচারী, প্রভুর অনুগ্রহ-নিগ্রহের মুখাপেক্ষী, তাহারই উপর তাহার দিনযাপনের ভরসা। দূর হটুক এ হরাশা, তাহার পক্ষে এই সহরের আকর্ষণ বা প্রলোভনের আর কোন কারণ ত নাট। তবে অকারণে কেন সে এখানে অবস্থান করে? তাহার বোম্বাইএর চিন্তা-লেশটীল 'খানন্দময় জীবনই ত ছিল ভাল। কেন সে বন্ধুর 'খাবাহনে এখানে আসিল? আসিল যদি, তবে পতঙ্গের মত জলস্থ বক্রির দিকে আকৃষ্ট হইল কেন? না, তাহার এখনই বোম্বাই ফিরিয়া যাওয়াই ভাল—দূরে, মত দূরে এই উন্মাদকর প্রলোভন হইতে সরিয়া গাফা যায়, ততই ভাল। ন পিতা, ন মাতা, ন দাতা, ন ভগিনী,—ঋগতে তাহার আপনার বলিতে কেহ নাট, সে সকল মধুর আকর্ষণের মগ্ন তাহার একে একে ঘুচিয়াছে। তবে আবার এ নতন আকর্ষণের মোহ কেন? যাহাতে লাভের কোন আশা নাট, তাহার প্রতি আকর্ষণ, এ ত মরণের লক্ষণ!

“এই যে শুভেন্দু বাবু, তুটো প্রাইভেট কথা কবার 'অবসর হবে কি?’ অসীম আসিয়া পার্শ্ববর্তী আসনে উপবেশন করিল।

শুভেন্দুর বিশ্বয়ের সীমা নাট, সে বলিল, “এ ডাকা আবার কবে থেকে আরম্ভ হ'ল?”

“যবে থেকে আমি তোমার বন্ধু হারিয়েছি, বন্ধুত্বের বদলে অন্য কিছু পেয়েছি।”

“কি রকম? এটা ত বরং উটোই গাইছ, ভাই। আমি তোমার এ হেঁয়ালির কথা বুঝতে পারছি না। কিছুদিন

থেকে তুমিই আমার তফাতে রাখছ। বুঝছি, প্রভু-ভৃত্যের সম্বন্ধটা বোধ হয় আমার মনে করিয়ে দিচ্ছ”—

প্রবল বেগে মাথা নাড়িয়া অসীম বলিল, “না, না, আমি যেমন ছিলাম, তাই আছি, তুমিই আমাদের বন্ধুত্বের মূল খুঁড়ে ফেলছো।”

শুভেন্দু সবিস্ময়ে বলিল, “আমি?”

অসীম দৃঢ়কণ্ঠে দৃপ্তস্বরে বলিল, “তাঁ, তুমি। যাক, সেই করুক আর যে কারণেই এটা ঘটে থাকুক, এ নিয়ে কথা-কাটাকাটির দরকার নেই। বলছিলুম কি, আমার একটা প্রস্তাব আছে, শুনবে কি?”

শুভেন্দু ব্যথিত-কণ্ঠে অনুসোণের স্বরে বলিল, “কবে শুনিনি? বোম্বাইয়ে গিয়ে তুমি আমায় এখানে আসতে বললে, কোন দিকে না চেয়ে তোমার সঙ্গে চ'লে এলাম। আমি ত বেশ ছিলাম, আমার না আসাই ত ভাল ছিল।”

“বোম্বাইয়ে ফিরে যেতে চাও? আমি সেই প্রস্তাবই করতে এসেছিলাম। দেখ, আমি ভাবছি, এখানকার ষ্টুডিও ভেঙ্গে দেব, 'আর বোম্বাই সহরেই বড় ক'রে ষ্টুডিও প্রতিষ্ঠা কোরবো, সেখানে তোমাকেই কন্ঠা তয়ে সমস্ত জিনিষটা গ'ড়ে তুলতে হবে, পারবে?”

শুভেন্দুর মুখখানা ম্লান হইয়া গেল, সে বলিল, “তা হ'লে বল, প্রকারান্তরে আমার তাড়িয়েই দিচ্ছ? তা ভালই হয়েছে, আমি নিজেই বোম্বাই যাব ব'লে ঠিক করেছিলাম। দেখ, সেখান থেকে আমার অফার এসেছে আজ এক মাস আগে—এখনও সে অফার ওপন্ আছে আমার পূর্ব-মনিবদের কাছে। যাবই আমি যে কোন কোম্পানীর ম্যানেজারী নিয়ে সেখানে, এটা নিশ্চয়। কিন্তু যাবার আগে আমার একটা কথা! খোলাখুলি জিজ্ঞাসা করবার আছে। কিছুদিন থেকে দেখছি, তুমি আর আমার সঙ্গে ছেলেবেলার পড়ার সাথী অন্তরঙ্গ বন্ধুর মত ব্যবহার করছো না, কিসে যেন আমি তোমার মেহ-ভালবাসা হ'তে বঞ্চিত হয়েছি, যেন কোনও অবিশ্বাসের কাম করেছি। এটা কি আমার কামে গাফিলির জন্তে, না পারিবারিক কোন কারণে? আমি খোলাখুলি জবাব চাই, নয় ত ইংরেজিতে কুকুরকে বদনাম দিয়ে পরে ফাঁসী দেওয়ার মত বদনাম নিয়ে আমি যেতে চাই নি। আমি তোমার কাছে কি অপরাধ করেছি, বল।”

অসীম কিছুক্ষণ নিস্তব্ধ হইয়া রহিল, তাহার পর ধীরে ধীরে বলিল, “অপরাধ? হাঁ, না,—অপরাধ কিছু নয়। তবে হিরণীর ইচ্ছা নয় যে, বাড়ীর মধ্যে আর ঠুঁড়িও রাখা হয়।”

শুভেন্দুর মুখখানা একবারে পাংশুবর্ণ ধারণ করিল। ক্ষণপরে ব্যথিত-কণ্ঠে বলিল, “তিনি বলছেন আমাচ বিদায় দিতে?”

অসীমের মনে হইল, এ যেন বন্যার্থ নীত পশুর কণ্ঠনিঃসৃত আর্তনাদ! সে বলিল, “না, ঠিক তা নয়, তবে প্রকারান্তরে বটে। সে বলেছে, ঠুঁড়িও ভেঙ্গে দিতে। তার মতে ঠুঁড়িওর দূষিত বাতাসে আমাদের সংসারের সুখশান্তি নষ্ট হয়ে যাচ্ছে। আমি ত তার কথা কেলতে পারি নি।”

শুভেন্দু আবার কিছুক্ষণ নীরব থাকিয়া বলিল, “হঁ, তা ঠিক। সিনেমা আর্টিষ্টেরা নিজেদের আর্টটাকে যত বড় বলেই মনে করুক, আমাদের বড় ঘরের মেয়েছেলেদের কাছে তারা অনেক নীচ স্তরে প’ড়ে আছে, তাদের হাওয়া দূষিত হওয়াই সম্ভব। তা হ’লে, তাঁর ইচ্ছা কি, আমি আজই বোম্বাই রওনা হই?”

অসীমের মুখে হঠাৎ হাসি দেখা দিল, সে পূর্বের মত বনিষ্ঠতার সুরেই বলিল, “সবটাই খারাপ ব’লে নিচ্ছিস কেন, শুভো? আজই যেতে হবে, তার মানে কি? আর হিরোও ত কাউকে কোথাও যেতে বলে নি, সে কেবল বলেছে ঠুঁড়িওটা তুলে দিতে এখান থেকে।”

শুভেন্দু বলিল, “যাক, তদিন আগে পিছে কিছু আসে যায় না। আজ থেকেই আমি তৈরী হব, সে জগ্জে ভেবো না কিছু। যাবার আগে আমার কিছু করবার আছে, সে কর্তব্যটা যত শীগ্গির পারি শেষ ক’রে ফেলবো। আর কিছু বলবার আছে?”

অসীম তাহার কণ্ঠস্বর ও কথার ভঙ্গীতে যার-পর-নাই বিস্মিত হইল। সে এত দিন তাহাকে আপন-ভোলা আর্ট-পাগলা বোগী বলিয়াই জানিত। তাহার কাছে এমন ভাবের কঠোর স্পষ্ট জবাবের সে প্রত্যাশা করে নাই। সে বলিল, “রাগ করলি, শুভো? আমি ত ভালই বলছি। প্রলোভনকে জয় করা মন্ত বীরের কাম বটে; কিন্তু প্রলোভনকে জয় করবো ব’লে প্রলোভনের কাছে না থেকে, তার কাছ থেকে দূরে সরে যাওয়াই ভাল না?”

শুভেন্দুর অন্তর গুরু গুরু করিয়া উঠিল। তবে কি অসীমবিকাশ তাহার মনের গোপন কথাটির সন্ধান পাউ-য়াছে? ক্ষীণকণ্ঠে সে বলিল, “প্রলোভন? এখানে আমার কি প্রলোভন থাকতে পারে?”

অসীমের সমস্ত অন্তরটা আবার বিদ্রোহী হইয়া উঠিল। মানুষ এত মিথ্যাশ্রয়ী হইতে পারে? এখনও কপটত্বের আবরণ? না, উহার মুখের মুখোস খুলিয়া দেওয়াই ভাল। উত্তেজিত স্বরে বলিল, “কর্তব্যপালনের কথা এইমাত্র বলছিলে না তুমি? সে কর্তব্যপালনের সঙ্গে প্রলোভনের কি কোন সঙ্গন্ধ খুঁজে পাচ্ছ না? একটু ভেবে দেখলেই পাবে।”

অসীম আর দাঁড়াইল না। সাইবার সময় দ্বারপ্রাথ হইতে বলিয়া গেল, “তা হ’লে বোম্বের ঠুঁড়িওর ভার নেওয়াই তোমার ঠিক রইলো?”

শুভেন্দুর মনের ভিতরটা তখন সত্যই গুলাইয়া গিয়া ছিল। সে তখনও বুঝিতে পারে নাই, অসীমবিকাশ কি ভাবিয়া কর্তব্যপালনের সঙ্গে প্রলোভন কথাটাকে জড়িত করিয়া গেল। অন্ধকারে অস্পষ্ট আলোকের মত তাহার মনের মধ্যে একটা সন্দেহের রেখাপাত হইল, সে ক্ষিপ্তের মত চীৎকার করিয়া বলিল, “যেখানেই ঘাই আর যার কাছেই কাম করি, ভবিষ্যতে তোমার ঠুঁড়িওর সঙ্গে সে আমার কোন সঙ্গন্ধ থাকবে না, এটা নিশ্চয়।”

অসীম তখন চলিয়া গিয়াছে, তাহার শেষ কথাটা তাহার কর্ণে পশিয়াছে কি না সন্দেহ। শুভেন্দু অস্থির হইয়া মাথার একরাশ কেশের মধ্যে অঙ্গুলি চালনা করিতে লাগিল। কে তাহাকে এই টেঁয়ালির অর্থ সমাধান করিয়া দিবে? এখানে তাহার একমাত্র প্রলোভন যাত্রা, তাহার সঙ্গে তাহার কর্তব্যপালনের সম্পর্ক ত কিছুই নাই। বরং ইদানীং এই কর্তব্য পালনের সংস্রব হইতে তাহার প্রলোভনের প্রতিমা ত আপনাকে দূরে অপসৃত করিয়াছে। তবে?

মাথার ভিতরে অসঙ্গ যন্ত্রণা হইতেছিল। শুভেন্দু আকাশ-বাতাসহীন সীমাবদ্ধ কক্ষের অভ্যন্তরে আবদ্ধ হইয়া থাকিতে পারিল না, একরূপ ছুটিয়া বাগানের দিকে চলিল। সেখানে ঝিলের ধারে ছায়ানীতল বৃক্ষমূলে সৌহাসনে কিছুক্ষণ বসিয়া থাকিবার পর শীকরসিক্ত স্নিগ্ধ সমীরণে তাহা

উত্তম মস্তিষ্ক শাস্ত শীতল হইল। নিরঝিরে ঠাণ্ডা হাওয়া বহিতেছিল, সে ক্ষণকালমধ্যেই তন্দ্রাচ্ছন্ন হইয়া পড়িল। স্বপ্নে সে যেন দেখিল, চারিদিক আলো করিয়া তাহার মানসী প্রতিমা অদূরে দাঁড়াইয়া আছে, তাহার মুখে মুহম্মদ হাশ্ব; তর্জনী হেলাইয়া সে যেন অমুযোগের সুরে বলিতেছে,— ‘লবাসা যদি সত্য হয়, তবে উহা সন্দেহ বা আশঙ্কার অপেক্ষা রাখে না, চিন্তার অবসর দেয় না; ভালবাসা ভীতকেও সাহসী করে, মুকের মুখেও কথা যোগাইয়া দেয়।’

অশ্রুট স্বরে হিরণীর নাম উচ্চারণ করিয়া, বাহু প্রসারণ করিয়া শুভেন্দু ছায়ামূর্তিকে ধরিতে গেল। কোথায় সেই হাশ্বপ্রকল্পাননা মূর্তি? শুভেন্দুর দিবা-স্বপ্ন বৃদ্ধদের মত উঠিয়াই মিলাইয়া গেল।

১২

হিরণী যে সংসারে এত দিন সুখশান্তির গঠন দেখিতেই অভ্যস্ত ছিল, এখন কিহুতেই আর তাহার ভাস্কনের সূত্রপাত সহ্য করিতে পারিতেছিল না, তাহার প্রাণ যেন দিন দিন অতিষ্ঠ হইয়া উঠিতেছিল। ভ্রাতা ও ভ্রাতৃজ্ঞারাকে বুঝাইবার চেষ্টার ক্রটি সে করে নাই, অন্ততঃ তাহার পক্ষে যতটুকু অনধিকারচর্চা বলিয়া গৃহীত না হয়, ততটুকু চেষ্টা সে প্রাণপণে করিয়াছিল। কিন্তু তাহার প্রাণপণ চেষ্টা ব্যর্থ হইল। তাহার শত চেষ্টা সত্ত্বেও তাহার ভ্রাতা ও ভ্রাতৃজ্ঞার মধ্যে ব্যবধান ক্ষুদ্র হইতে ক্রমশঃ বিরাট আকার ধারণ করিতে লাগিল, উভয়ের কেহই অপরের দিকের কথা শুনিবার বা বুঝিবার সহিষ্ণুতা প্রদর্শন করিতে পারিল না। এক এক সময়ে হিরণীর ডাক ছাড়িয়া কান্না পাইত; লেখাপড়া, খেলা-ধুলা, হাসি-তামাসা কিছুই তাহার ভাল লাগিত না। শেষে এমন অবস্থা হইল যে, সে আপনার মধ্যে গুমরিয়া হাঁপাইয়া উঠিতে লাগিল। তখন সে সত্য সত্যই লেখাপড়া ছাড়িয়া দেশে ফিরিয়া যাইবে বলিয়াই স্থির করিল।

সে তাহার ভ্রাতৃজ্ঞার স্নেহ-প্রেম-প্রবণ কোমল অন্তরের কথা বিলক্ষণ জানিত। দোষের মধ্যে সেই ভ্রাতৃজ্ঞা ছিল তরলমতি ও অতিমাত্র অভিমানিনী। যদি তাহাকে আর একবার বুঝাইয়া বলিলে সকল গোল মিটিয়া যায়,

সেই আশায় প্রত্যাখ্যাত হইবার আশঙ্কা থাকিলেও হিরণী একবার তাহাকে শোন বুঝাইতে গেল।

অভিমান সেখানে প্রবল, সেখানে প্রত্যেক হিতকথাটিই গুরুমহাশয়ের বেতের শাসনের মত বলিয়াই মনে হয়। উমা মনে মনে নিজের দুর্বলতা কোন্‌খানে, তাহা হয় ত বুঝিত, কিন্তু হিরণী যখন তাহা দেখাইয়া দিয়া তাহাকে নরম হইতে অনুরোধ করিল, যখন সে বলিল, “জানি বৌদি, তুমি অগ্নায় কিছু করনি, কিন্তু তবুও যখন দাদার মনে একটা মিথ্যা সন্দেহ দেখা দিয়েছে, তখন গোড়া থেকে সব কথাটা তাঁকে খুলে বলাই উচিত। দেখো, কেবল পাপকে এড়িয়ে যাওয়াই যে উচিত, তা নয়, পাপ করা হচ্ছে বলে যাতে লোকের মনে সন্দেহ না হয়, তা-ও করা উচিত।”

উমা বলিল, “আমি মনে যখন জানি আমি নিষ্পাপ, তখন লোকে কি ভাবলে না ভাবলে, তা দেখবার কিছু দরকার আছে বলে মনে করিনি।”

“এটা তোমার ভুল, বৌদি। সংসারে থাকতে গেলে, সমাজের মুখ চাইতে হ’লে ওটা দরকার বলে নিশ্চয়ই মনে হবে।”

“না, তা হবে না। কেন বল দিকি, সবতাতেই আমরা নরম হয়ে যাব? তুমিই ত যখন তখন বলে থাক, যে বিধাতা পুরুষদের সৃষ্টি করেছেন, সেই বিধাতা আমাদেরও সৃষ্টি করেছেন। তবে কিসে মেনে নেবো যে, জগৎটা ওদের জন্মেই সৃষ্টি হয়েছে, আর আমরা তাতে অনধিকারপ্রবেশ করেছি? ওদের গড়া আইন-কানুন ওরা না মানলে দোষ নেই, আর আমরা না মানলেই দোষ? না, কথখোনো নরম হব না। কেন ওঁরা যা ইচ্ছে তাই বলবেন? ওঁরা যা ইচ্ছে তাই ইতরের মত সন্দেহ করবেন, আর আমরা পায়ে লুটিয়ে প’ড়ে বোলবো,—ওগো, আমি তোমাদের চরণের কেনা বাদী, আমার কোন দোষ হয়নি?”

“এটা বলতে পার বটে; কিন্তু তোমায় এটাও দেখতে হবে যে, পুরুষরা যতই সাবালক হোক, ওদের ভিতর একটুখানি ছেলেমানুষে রআবছায়া থেকে যায়, ওরা আমাদের কাছে একটুখানি মায়ের স্নেহ পেতে চায়—ওদের উপর রাগ না হয়ে ওদের দয়ার পাত্র বলেই মনে করতে ইচ্ছে হয়। কেমন, না?”



উষা বিস্ময়ে একবারে অভিভূত হইয়া পড়িল। হিরণীর মুখে ত কখনও সে এমন কথা শুনে নাই, বরং ঠিক ইহার বিপরীত কথাই শুনিয়াছে। কোন্ যাত্রকের মায়াদণ্ডের স্পর্শে তাহার এই অভাবনীয় পরিবর্তন? নারীর মাতৃ-হৃদয়ের কথা সে জানিল কিরূপে? নারীর পতিপ্রেমের মধ্যেও যে প্রচ্ছন্ন অপত্যস্নেহ লুকায়িত থাকে, এ সত্য ত নারী বিবাহিত না হইলে আবিষ্কার করিতে পারে না। আর এক কারণে নারী এ সত্য উপলব্ধি করিয়া থাকে। নারী যখন প্রাণ দিয়া ভালবাসে, তখন প্রণয়ীর দুঃখে বিপদে জননার চায় পক্ষপুটে আশ্রয় দিবার প্রবল বাসনা তাহার অন্তরে জাগিয়া উঠে; প্রণয়ীর সকল প্রকার সুখ-স্বাস্থ্য-বিধানে জননীই মত তাহার অন্তর আকুল হইয়া উঠে। তবে কি হিরণীর অন্তরে গুপ্ত প্রেমের বীজ উপস্থিত হইয়াছে? কে সেই ভাগ্যবান—

হিরণী বলিল, “কথাটা কাণে গেল বৌদি? দেখো, একটা কথা বলি। এ পর্য্যন্ত কেবল হাসি আর আনন্দের জীবন ভোগ করে এসেছ, আদর-যত্ন ছাড়া কখনও কিছু পাওনি। কিন্তু মানুষের জীবনটা তা নয়।”

উষা বলিল, “তবে কি?”

হিরণী বলিল, “জীবনটাই হাসি-কান্নার, সুখ-দুঃখের। আমাদের সুখের কপাল যে চিরদিনই থাকবে, তা মনে কোরো না।”

উষা হাসিয়া বলিল, “এত কথা শিখলি কোথেকে বল দিকি? কলেজের ডিবেটিং ক্লাবে?”

হিরণী গম্ভীরভাবে বলিল, “ঠাট্টা না, সত্যিই সকল অবস্থার জট্টাই তৈরী হয়ে থাকে আমাদের উচিত।”

উষা বলিল, “আমি ত বলি, জীবনটা ক্ষণভঙ্গুর, কাছেই যতটুকু সুখ বিধাতা দিচ্ছেন, তাই হুঁহাত পেতে নাও আর তাঁর প্রতি কৃতজ্ঞ থাকো। শোন হিরণী, তুই যত লোকচারই দে, কিছুতেই আমার বোঝাতে পারবি নি যে, তোর দাদা আমার কখনও সত্যি ভালবেসেছিল। যে ভালবাসা দেখাতো, ওটা চোখের নেশা। যথার্থ ভালবাসায় কখনও অবিশ্বাস আসে?” উষার চোখ ছল-ছল করিতে লাগিল।

হিরণী ব্যথিত-হৃদয়ে বলিল, “ছি বৌদি, কঁাদছো? যথার্থ ভালবাসা না হলে কি কখনও চোখে জল আসে, না

অভিমান হয়? বোঝো ত সবই, তবে তুচ্ছ মান বজায় রাখতে গিয়ে ইহকালের সুখ-শান্তি নষ্ট করছো কেন? যে ধাতুতে গড়া হলে মানের জন্ত সর্বস্ব বিসর্জন দিতেও বাধা থেকে না, সে ধাতুতে তুমি ত গড়া নও।”

উষা বলিল, “কেন?”

হিরণী বলিল, “কেন? এই জন্তে যে, এর পর যখন তোমার রাগ অভিমান কেটে যাবে, তখন অনুশোচনার ধাক্কা তুমি সামলাতে পারবে না। সে ভালবাসা গভীর নয়, ভাসা ভাসা, তার অনুশোচনা আসে না, তোমার ত তা নয়, বৌদি। তবে মিন্যে কেন নিজে কষ্ট ডেকে আনছো?”

উষা ক্ষণকাল নিস্পন্দ নীরব হইয়া রহিল। তাহার পর ধীরে ধীরে বলিল, “আচ্ছা হিরো, গভীর ভালবাসার ধারণাটা তোর কি শুনি?”

হিরণী লজ্জিত হইয়া বলিল, “আমার ধারণা? আমার ধারণা নিয়ে কি আসে যায়? তোমার মন দিয়েই ত তুমি বুঝতে পারছো। আমি ত বুকি, পুরুষ যতই ভালবাসুক, আমাদের মত সর্বস্ব দিয়ে ভালবাসতে পারে না। মীতা, সাবিত্রী, দয়মন্তী, শকুন্তলা বা জুলিয়েট ডেসডিমনার মত কে ভালবাসতে পারে, ভালবাসার অত্যাচারই বা সহ্য করতে পারে?”

উষা বিস্ময়ে স্তব্ধ হইয়া রহিল। এ না সংসারজ্ঞান-ভিজ্ঞা বালিকা?

হিরণী বলিয়া যাইতে লাগিল, “তাই বলছিলুম বৌদি, দাদা যাই করুক, সে পুরুষমানুষ। তোমার সহগুণ তার চেয়ে ঢের বেশী হওয়া উচিত নয় কি? তোমার ছুটি পায়ে পড়ি, বৌদি, আমার কথা শোন। আমি দাদাকে ডেকে এনে আগাগোড়া সব খুলে বলি, আবার তোমাদের যেমন ছিল, তেমনি হোক।”

হিরণীর এই কাকুতিতে কতখানি আগ্রহ উৎকর্ষা ছিল, উষার তাহা বুঝিতে বাকী রহিল না। তাহার মন বলিতেছে, হিরণীর কথাই ঠিক, কিন্তু দুর্জয় অভিমান ও নারীত্বমর্যাদার গর্ব আসিয়া প্রবল অন্তরায় হইয়া দাঁড়ায় যে! গর্বিভ কণ্ঠে সে বলিল, “না হিরো, তা আর হয় না।

কাচ একবার ভাঙলে আর যোড়া লাগে না। সত্য পথে থেকে, স্তায় পথে থেকেই বা ফল কি? আজ

হয় ত সাধ্যসাধনা করলে তোমার দাদার মন ফিরতে পারে, হয় ত তিনি দয়া ক'রে দাসী-বাদীকে পায়ে স্থান দিতে পারেন। ঐ ভালবাসার অত্যাচারের কথা বলছিলে, না হয় তা সহ্যই করলুম, কিন্তু তার পর? আবার ত এমন ঝটতে পারে। না, না, আমাকে স্বার্থপরই বল, কঠিনই বল আর যা-ই বল, খোসামোদ আমি করতে পারবো না, এতে যা আছে ভাগ্যে, তাই হবে।”

হিরণী ব্যথিত ক্ষুব্ধ মনে আপনার চেষ্টার ব্যর্থতার কথা ভাবিতে লাগিল। সত্যই কি ভাঙ্গা কাচ জোড়া লাগে না? এ অকূলে কে তাহাকে কূল দেখাইয়া দিবে? অবোধ জ্ঞানহীনা সে! যাতনাদিগ্ন স্বরে সে বলিল, “তোমার আকাশের মত উঁচু আদর্শ কোথায় গেল, বৌদি? তুমিই না আমায়—”

উষা বলিল, “হাঁ, নিখিয়েছি। কিন্তু উঁচু আদর্শ আঁকড়ে প'রে থেকে লাভ কি?”

হিরণী বলিল, “লাভ নেই? খুব আছে। সংসার বলতে শুধু ত স্বামি-স্ত্রীকেই বোঝায় না। বাপ-মা, ভাই-বোন, আত্মীয়-স্বজন, এদেরও নিয়ে ত সংসার। বর, আজ যদি তোমাদের একটি সম্ভান থাকতো! তা হ'লে কি করতে?”

উষা বলিল, “থাকলে কি করতুম, বলতে পারিনি। নেই বখন, তখন ও ভাবনায় দরকার নেই। তোমরা যাই বল, আমি আমার ভাইকে ভাসিয়ে দিতে পারবো না।”

হিরণী দুঃখিত হইল। যে অপদার্থ বিভাসচন্দ্রের জন্ম তাহার দাদা এখনও এত করিতেছে, সেই ভাই-ই হইল সব? আর কেহ কিছু নহে? এত করিয়াও ভ্রাতৃজয়ার মন পাইবার যো নাই? সেও অনুবোধের সুরে বলিল, “কে বলছে তোমার ভাইকে ভাসিয়ে দিতে? দাদা কি তাকে ভাসিয়ে দিচ্ছেন?”

উষা শ্লেষের সুরে বলিল, “না, তা দেবে কেন? বলে, খেদাই নি তোর উঠোন চষি।”

হিরণী এবার ক্রুদ্ধ হইয়া বলিল, “এ তোমার বাপু অণায়, বৌদি—তুমি কেবলই দাদাকে ঠেস দিয়ে কথা বোলছো। কিন্তু বল দিকি সত্যি ক'রে, দাদা বিভাসদার জন্মে কি না করেছে, কত না সহ্য করেছে? দাদার মত সহ্যগুণ কার আছে?”

উষা আহতা ব্যাঙ্গীর মত গর্জন করিয়া বলিল, “আমি

ত বলছি, আমি মন্দ মানুষ, আমায় তোমাদের সংস্রবে না রাখাই ভাল।”

ক্রোধে অভিমানে দিগ্‌বিদিক্‌জ্ঞানশূন্য হইয়া উষা ঝড়ের মত কক্ষ ত্যাগ করিয়া গেল। হিরণী সত্যই বড় আঘাত পাইল, তাহার নয়নকমল অশ্রুসিক্ত হইয়া উঠিল। মানুষ যাহাকে ভালবাসে, সে যদি অণায় অক্ষ বিশ্বাসের বশে তাহাকে ভুল বুঝিয়া রূঢ় ভাষা প্রয়োগ করে, তখন সে অন্তরে যে আঘাত পায়, শাণিত অঙ্গের আঘাতও তাহার তুলনায় অনেক অল্প ব্যথা-বেদনাদায়ক। হিরণীর মন এই বাড়ীর বিনাক্ত তাণ্ডয়্য থাকিয়া সত্যই হাঁপাইয়া উঠিয়াছিল; তাহার উপর এই আঘাত তাহাকে অতিষ্ঠ করিয়া তুলিল। সে তদুণ্ডেই দেশে চলিয়া যাইবার জন্ম দৃঢ়প্রতিজ্ঞ হইল। কাম কি অনর্থক এই পারিবারিক কলহের মধ্যে থাকিয়া অহরহ মন খারাপ করিয়া? তাহার পরীক্ষার আর অধিক বিলম্ব নাই, পরীক্ষার জন্ম প্রস্তুত হইতে তাহা-দিগকে শীঘ্রই কলেজ হইতে ছুটি দেওয়া হইবে। এ সময়ে দেশে গিয়া নিরঙ্কনে নিরঙ্কনাটে পরীক্ষার জন্ম প্রস্তুত হওয়াই ত ভাল।

কিন্তু—কিন্তু—দেশে থাকিতে ভাল লাগিবে কি? এই কক্ষকোলাহলময় হাসিকান্নার সংসার ছাড়িয়া শয্যাশায়ী পিতার নিরঞ্জন উৎসাহ-উগ্ৰমহীন চমকলেশহীন সংসারে গতানুগতিক দিনযাপন করিয়া তাহার মন তৃপ্ত হইবে কি?

“দিদিমণি, ঠুঁড়িও থেকে চিঠি এসেছে আপনার নামে”—দাসী পত্র দিয়া চলিয়া গেল। চিন্তাস্রোতে বাধা পড়িতে হিরণী প্রথমে চমকিত হইয়াছিল। কক্ষ আবার নিরঞ্জন হইলে সে পত্রখানি পাঠ করিল। পত্রে নাম স্বাক্ষর ছিল না, কিন্তু হস্তাক্ষর দেখিয়া তাহার অনুমান হইল, পত্র আসিতেছে চামেলীর নিকট হইতে। কিন্তু সে সেই বিষয়ে হিরণিশ্চয় হইতে পারিল না। পত্রে লেখা ছিল মাত্র দুই চারি ছত্র—গভীর নিশীথে সমস্ত সংসার নিদ্রিত হইলে পর প্রাসাদের অন্তঃপুরের দ্বিতলে আজ দুই তিন দিন হইতে নিয়মিত একটি আলোক জলিয়া উঠে এবং ক্ষণপরেই নিভিয়া যায়, ইহা কি আপনি লক্ষ্য করিয়াছেন?

বেনামা পত্র দেখিয়াই সে সেখানি প্রথমে ছিঁড়িয়া ফেলিতে যাইতেছিল, কিন্তু কি ভাবিয়া শেষে পাঠ করিল। দুই তিনবার পাঠ করিয়াও সে পত্রের মন্ত গ্রহণ করিতে

~~~~~

পারিল না। কিন্তু যখন পত্রের বিষয়টি অনুধাবন করিল, তখন তাহার ক্র কুঞ্চিত হইল, ললাট চিন্তায়োখাগ্রস্ত হইল। প্রাসাদের অন্তঃপুরে নিশীথে আলো জলিয়া নিভিয়া যায়, ইহাতে আশ্চর্যের বিষয় কি আছে? সে-ও ত স্বয়ং গভীর নিশীথে আলোক প্রজ্জ্বলিত করিয়া পাঠ্যপুস্তক পাঠ করিয়া থাকে। তবে সে আলোক একবার জলিয়াই নিভিয়া যায় না বটে, সন্ধ্যার আলোক জলিবার পর হইতেই জলিতে থাকে। তবে কি তাহার ভ্রাতৃজায়ার মহলে আলোক জলে? অধুনা তাহার ভ্রাতা ও ভ্রাতৃজয়া একত্র রাত্রিবাস করে না, ভ্রাতা বহির্বাটীতেই নিশাঘাপন করিয়া থাকেন। তবে গভীর নিশীথে আলোক জলিবার কারণ কি? নিয়মিত সময়ে আলোক নিভিয়া যায়,—তবে কি উহা সঙ্কেত? কেন?

হিরণী অস্থির হইয়া উঠিল। এই পুণ্যের সংসারে এ কি পাপ প্রবেশ করিল! সুখ-শান্তি সেখানে অনুক্ষণ বিরাজ করিত, আজ কাহার অভিশাপে সেখানে সন্দেহ অবিশ্বাস প্রবেশ করিল? প্লেগজষ্ট স্থানের মত এই স্থান মত শীঘ্র ত্যাগ করা যায়, ততই মঙ্গল।

১৩

কিন্তু সাতের কিছুদিন হইতে প্রতি কোম্পে বাব দেখিতে আরম্ভ করিয়াছেন। হোটেল সিলেশচিয়ালের দ্বিতলের ৫ নং ক্রমের গবাক্ষে দাঁড়াইয়া পর্দার আড়াল হইতে আজ কয়দিন তিনি দেখিতেছেন, ঠিক মনুষ্যরই মত একটা মুন্সো জোয়ান সন্ধ্যার পর রাজপথের অপর পার্শ্বস্থ ফুটপাথে পাদচারণা করিয়া বেড়ায়, না হয় পাণ-বিড়ির দোকানে বসিয়া খইনি টেপে, হিন্দুস্থানী পাণওয়ালার সঙ্গে খোসগল্প করে; রাস্তার গ্যাসের আলোকে তাহার তেলকুচকুচে কালো বলিষ্ঠ দেহখানা শত শত পথ-চারীর মধ্য হইতে বাছিয়া লওয়া মোটেই কষ্টকর নহে।

তবে ত এই আপদ তাহার হোটেলের সন্ধানও পাইয়াছে। সর্বনাশ! এত করিয়া আত্মগোপন করিয়াও ত ছোটলোক কুলীটার গ্লেমনদৃষ্টি এড়াইবার উপায় নাই!

আতঙ্কে বিভাসচন্দ্রের প্রাণ ওকাইয়া গেল। না, আর এখানে থাকা চলিবে না। উবারাণীর বাড়ীর দরজাও তাহার পক্ষে একরূপ রুদ্ধ—চোরের মত গভীর নিশীথে

যাওয়া আসা ত আর বাস করার সামিল বলিয়া ধরা যায় না। না, আজই বোকা শুভেন্দুটাকে দিয়া অমুরোধ করাইয়া উষার সহিত একটা বন্দোবস্ত করিতে হইবে। এমন করিয়া বনের পশুর মত তাড়া খাইয়া আর বাস করা যায় না। জীবনটা—বিশেষতঃ যৌবনকালটা—কত দিনের? ভোগের সময় বহিয়া গেলে ভোগের প্রয়োজন? ভয়ে ভয়ে চোরের মত প্রাণটি হাতে লইয়া বাস করাকে ত আর জীবন যৌবন ভোগ কর বলা চলে না।

সন্ধ্যার পর রাজপথের সমস্ত দীপাবলী প্রজ্জ্বলিত হইয়াছে—পথটি যেন উজ্জ্বল আলোকের মালা পরিধান করিয়াছে। রাজধানীর রাজপথ, অনন্ত জনশ্রোত, অনন্ত অবিশ্রান্ত যানবাহন, ট্রামের বড়বড়ানি, বাসের ছুটাছুটি, পাল্লাপাল্লি, ট্যান্ডির ভো ভো, হরণের আওয়াজ, রিক্সা-ওয়ালার টুন টুন শব্দ, ফিরিওয়ালার চীৎকার,—রাজপথ যেন গমগম করিতেছে। সবাই জীবন্ত, প্রাণের সাড়া যেন অচেতন প্রাসাদ-হস্তাঙ্গুলার ইষ্টক-পঞ্জরের মধ্য হইতেও পাওয়া যাইতেছে। কিন্তু আশ্চর্য্য এই যে, এই সচেতন প্রাণবন্ত সহর-জীবনের সংস্পর্শে থাকিয়াও বিভাসচন্দ্র আতঙ্কে বিবর্ণমুখ হইয়া রহিয়াছে, কেশ-প্রসাধনে রত তাহার হস্তের ত্রাসখানা কাঁপিতেছে,—সে এইমাত্র চুলের উপর ত্রাস চালাইতে চালাইতে জানালার ধারে গিয়া পর্দা সরাইয়া দেখিয়াছে, অপর পারে সেই কুলীটা পাণ-বিড়ির দোকানে বসিয়া তাহার জানালার দিকে একদৃষ্টে তাকাইয়া আছে!

ভয়ে বিভাসচন্দ্রের বক্ষ গুরুগুরু কাঁপিয়া উঠিল। এই লক্ষীছাড়া ছোটলোক কুলীটা চায় কি? জানকী? আঃ, স্পর্দা ত কম নহে! দেবতার ভোগ্যে কুকুরের সাধ? তাহার মত কুলীর জন্ত জানকীর সৃষ্টি হয় নাই। জানকীর সন্ধান পাইবে সে? যদি হাজার বৎসর খুঁজিয়া মরে, তবুও তাহার কেশাগ্রও দেখিতে পাইবে না।

এই ছোটলোকগুলার সৃষ্টি হইয়াছে কিসের জন্ত—কাহাদের জন্ত? আমাদেরই আরাম ভোগ-বিলাস চরিতার্থ করিবার উপাদান যোগাইবার জন্ত ত! কেহ বা দেহের পরিশ্রমের দ্বারা আর কেহ বা মস্তিষ্কের ব্যবহার দ্বারা। যখন আমাদের উদ্দেশ্যসাধন হইয়া যাইবে, তখন আর তাহাদের প্রয়োজন থাকিবে না।







“এক বাবু সেলাম দিয়া সাব”,—হোটেলের হিন্দুস্থানী ‘বয়’ অভিবাধনাস্তে কথাটা জানাইয়া উত্তরের প্রতীক্ষায় দাঁড়াইয়া রহিল। বিভাসচন্দ্র ক্র কুঞ্চিত করিয়া বলিল, “বাবু? কোন্ বাবু? আচ্ছা, আনে বোলো।”

কে আসিল সন্ধ্যার পর তাহার সহিত সাক্ষাৎ করিতে এই হোটেলে? তাহার এই আবাসস্থলের কথা ত বাহিরের কেহ জানে না। হঠাৎ দ্বারপ্রান্তে আগন্তুককে দেখিয়া সে ব্রাসটা ফেলিয়া দিয়া দক্ষিণ কর প্রসারণ করিয়া দ্রুতপদে দ্বারের দিকে অগ্রসর হইতে হইতে সোল্লাসে চীৎকার করিয়া উঠিল, “হ্যালো! ইউ হিয়ার? তার পর? ওঃ, তোমায়ই চাইছিলুম, মিঃ মিটার। হাপি কোয়েন্সিডেন্স!”

শুভেন্দু আসন গ্রহণ করিয়া বলিল, “আমায় চাইছিলে, দত্ত সাহেব? আমার সৌভাগ্য। তোমায় যে এ সময়ে এখানে পাবো, আশা করিনি মোটেই।”

সহসা বিভাসচন্দ্রের মুখের হাসি মিলাইয়া গেল, সে তাড়াতাড়ি শুভেন্দুর হাতখানা দরিয়া জানালার দিকে টানিয়া লইয়া গেল এবং পদ্যের আড়াল হইতে পথের দিকে অঙ্গুলী নির্দেশ করিয়া ভয়ানক স্বরে বলিল,—“লুক হিয়ার—ঐ, ঐ, বিড়ির দোকানে পা কুলিয়ে বসে—ঐ—”

শুভেন্দু প্রথমে গুবই বিস্মিত হইয়াছিল। হইবারই কথা। সে আসিয়াছিল তাহার সহিত নিভূতে পরামর্শ করিতে, এক্রপ অপ্রত্যাশিতভাবে গবাক্ষের দিকে আকৃষ্ট হইবার সম্ভাবনা তাহার মনে একবারও উদয় হয় নাই। তবে বিভাসচন্দ্রের কাছে কখন কিরূপ অপ্রত্যাশিত ব্যবহার পাওয়া যায়, তাহার কোন নিশ্চয়তা ছিল না—এমনি প্রকৃতির মানুষ সে! এখন বিভাসচন্দ্রের লক্ষ্যের দিকে দৃষ্টিপাত করিয়া গভীর-স্বরে বলিল, “হুঁ, দেখলুম ও, ও ত সেই মধুপুরের মনুষ্য। তা ও ঐখানে বসে রয়েছে কেন?”

ছই হাত উল্টাইয়া দীর্ঘশ্বাস ত্যাগ করিয়া বিভাসচন্দ্র বলিল, “গড্ নোজ! ঐ-ই জানে। আমি কি বলতে পারি?”

শুভেন্দু পুনরায় আসন গ্রহণ না করিয়া দ্বারের দিকে অগ্রসর হইল, বলিল, “তুমি বোসো, আমি ওর সঙ্গে গোটা ছই কথা কয়ে আসি।”

এক লক্ষ্যে দ্বারপ্রান্তে অগ্রসর হইয়া শুভেন্দুর হাতে সজোরে টান দিয়া বিভাসচন্দ্র বলিল, “হেভ্‌ন্ ফরবিড! ঐ কেভ্‌ম্যানটাকে কি বোঝাতে যাচ্ছ তুমি? ড্যাম ইট! একটা কমন্ কুলী—”

শুভেন্দু বলিল, “তা হোক, মানুষ ত।”

বিভাসচন্দ্র নাসিকা কুঞ্চিত করিয়া বলিল, “মানুষ? বাই জোভ! ওদের তুমি মানুষ বলে মনে কর? হাউ ফানি! এস বসি গিয়ে—অনেক কথা আছে। টি? কেক বিন্ডিট? না, না বোলো না, শুভেন্দু বাবু। তোমার ওখানে গেলে”—বিভাসচন্দ্র কলিংবেল টিপিয়া ‘বয়কে’ যথোচিত আদেশ করিল।

শুভেন্দু মুখ টিপিয়া হাসিতেছিল, বলিল, “দেখ, দত্ত সাহেব! ঐ লোকটাকে তুমি মানুষ বলে মনে করতেই চাও না, কিন্তু ওর বৌটিকে নিয়ে মধুপুরে কি কেলেকারী ক’রে এসেছিলে, বল ত?”

বিভাসচন্দ্র বিন্দুমাত্র অপ্রতিভ না হইয়া হঃ হঃ হাসিয়া বলিল, “ওঃ গ্যাটস্ অল্ টুগেদার এ ডিফারেন্ট অ্যাফেয়ার। আমাদের শাস্ত্রই না স্ত্রীরহঃ ছুক্লাদপি বলে?”

শুভেন্দু বলিল, “এই যে সাহেবের সংস্কৃত জ্ঞানও টন্টনে দেখছি”—

বিভাস বলিল, “হোয়াট ডু ইউ টেক মি ফর? তোমাদের মত এম, এ, পাশ না করলেও আমার পড়াশুনো কম আছে বলে মনে কোরো না, মিঃ মিটার।”

শুভেন্দু ক্রমেই বৈধ্যচ্যুত হইতেছিল, বিরক্ত হইয়া বলিল, “আচ্ছা, বেশ করেছো পড়াশুনো করেছ, এখন ছুটো কাথের কথা কও দিকি। ভালই হয়েছে, কাথের কথার আপনিই অবসর হয়েছে। একটা কথা জিজ্ঞাসা করি। লেখাপড়া শিখেছো বলছ, তা তোমার লজ্জা করে না ও-সব কথা বলে বাহাজুরী নিতে? মনে ভেবে দেখো দিকি, তোমার এ সব বদ্‌মায়েসির জ্ঞে তোমার নিন্দোষ ভগ্নীকে কি বিষম অবস্থায় ফেলেছ, তার সংসারে আশুন ধরিয়ে দিয়েছ?”

বিভাসচন্দ্রের যেটুকু আতঙ্ক ছিল, শুভেন্দুর উপস্থিতিতে তাহা অপসারিত হইয়াছিল। এখন সে বেশ স্বচ্ছন্দ ও প্রকুল্লমনে ঘেন আকাশ হইতে পড়ার ভাণ করিয়া বলিল, “আমি? র্যাসক্যালাটি? ও হোয়াট এ ওয়ার্লড্! আমাকে কেউ চিন্লে না।”

শুভেন্দুর গাঙ্গীর্য্য রক্ষা করা অসম্ভব হইয়া পড়িল। সে হো হো হাসিয়া বলিল, “না, তোমায় চিনেও কায নেই—ও কি করছ? রেখে দাও বলছি গেলাস, নইলে আমি এখনই চ’লে যাব—ছি ছি, এততেও তোমার চৈতন্য হয় না? তোমায় না ডাক্তারে বারণ করেছে ও ছাই না খেতে? তোমার না হাট ট্রাবল্‌স্ আছে?”

বিভাসচন্দ্র ততক্ষণ এক নিখাসে গেলাসটি গলাধঃকরণ করিয়া ফেলিয়াছিল। পর পর দুইটি পেগ উদরস্ত করিয়া তপ্তির উদগার তুলিয়া ক্ষিপ্রহস্তে সে টানার মধ্যে গেলাস ও বোতল লুকাইয়া ফেলিল; তৎপূর্ব্বই সে তাহার রুমের দ্বার রুদ্ধ করিয়াছিল। রুমালে মুখ মুছিয়া বলিল, “রেখে দাও তোমার হাট ট্রাবল্‌স্। পন ফেথ, শুভেন্দু বাবু, এই একটি-বার, ওন্‌লি ওয়ান্‌স্, স্মার! আর কোন্‌ শালা খায়! গলাটা একবারে শুকিয়ে কাঠ হয়ে এসেছিল। রাগ করলে, দাদা? সরি—অকুলি সরি—”

শুভেন্দু অতিকষ্টে হাসি চাপিয়া ধমক দিয়া বলিল, “খামো বলছি তুমি, তের ঝাকামি করেছ। আমি ভেবে পাইনে, মানুষ তোমার মত কেমন করে এ রকম দায়িত্ব-জানহীন হতে পারে। দেখ, প্রথম যখন তোমায় দেখে-ছিলুম, যখন অসীম তোমায় যা ইচ্ছে তাই বলে অপমান করেছিল, তখন সত্যিই তোমার জগে আমার বড় ঝগু, বড় লজ্জা হয়েছিল। মনে হয়েছিল, যেন সেই অপমানের চাবুক আমারই পিঠে পড়ছে। তাই তোমার হয়ে তখন থেকে অনেক লড়েছিলুম ওর সঙ্গে, তোমার জগে আমার মন ব্যথায় ভ’রে উঠেছিল। তাই তোমার স্নেহময়ী ভগিনী—হাজারের মধ্যে অমন একটি সুন্দর মন খুঁজে পাওয়া যায় না—”

বিভাসচন্দ্র টেবলের উপর মূগ্ধাবাত করিয়া বলিল, “পাচশোবার—এ প্যারাগন, ওয়ান্‌ ইন্‌ এ খাউজ্যাও—”

শুভেন্দু বাধা দিয়া বলিল, “দেখ, ও রকম করে থিয়েটারী অভিনয় করে বাধা দিও না। অমন ভগিনী—যিনি তোমার জগে কি না সহ করেছে ও করছেন! তাঁকে সুখে রাখবার জগে, তাঁর সংসারের শাস্তি বজায় রাখবার জগে, তুমি কি করেছ এ পর্য্যন্ত? কেবল স্বার্থ খুঁজেছ—কেবল নিজের সুখ, নিজের জবজব ভোগ-বিলাস—না, না, বাধা দিও না, তোমায় আজ সত্যি কথা শুনতে

হবে আমার কাছে। আমি সেই স্বর্গের দেবীর অমুরোধে তোমার মঙ্গল চেষ্ठा করেছি, তোমায় সংপথে আনবার চেষ্ठा করেছি, কিন্তু তুমি তার ঠিক প্রতিদান দিয়েছ?”

বিভাস বালকের মত ক্রন্দনের সুরে বলিল, “এক্স-কিউজ মি, স্মার! এবার থেকে আমি শুভ বয় হবার চেষ্ठा করবো।”

শুভেন্দু বলিল, “বলেইছি ত, নেকামি আমি মোটেই পছন্দ করি না। প্রথম প্রথম অসীম তোমায় অপমান করলে আমার রাগ হতো, আমি তাকে বাধা দিতুম। কিন্তু এই এক বৎসর তোমার সঙ্গে ব্যবহার ক’রে, তোমায় নিয়ে চ’লে বৃদ্ধিতে পারছি, অসীম কিছু অন্য় করেনি। যার রক্তমাংসের শরীর আছে, সে তোমার ব্যবহারে স্থির থাকতে পারে না, ধৈর্য্য ধারণ ক’রে থাকতে পারে না। তুমি জান, তোমার ব্যবহারের জগে অসীমের সংসার কি ভাবে ছারখার যাচ্ছে? জান কি, সে তার ষ্টুডিও তুলে দিচ্ছে? শুধু ওদের স্বামি-স্ত্রীর মধ্যে নয়, ভাই-বোনের মধ্যেও আর মনের সুখ নেই। জান কি, যে ভাই-বোনে এত ভালবাসা ছিল, সেই ভাই-বোনেও ছাড়াছাড়ি হয়ে যাচ্ছে? ছিঃ ছিঃ, তুমি এত বড় নীচ স্বার্থপর লম্পট যে, এখনও তুমি যাকে ছোটলোক কুলী বলে দেখায় নাক সিঁটকে থাকো, তার বিবাহিত ধন্যপত্নীকে এনে কোথায় গুঁকিয়ে রেখেছো, তাকে জানতে দিচ্ছো না। সে তোমাকে মারবার জগে তোমার পায় পায় ঘুরছে। সে দিন আমি মাঝে না পড়লে একটা কাণ্ড ঘটে যেতো। তোমার লজ্জা করে না এমনি ক’রে চলাচল করতে? এত বড় মন্দো মিনয়ে, নিজের খেটে খেতে পার না, ভগ্নীর আঁচল ধ’রে বেড়াচ্ছে। তবুও বজ্জাতি বুদ্ধি ছাড় না—”

যেন কেহ মারিতে উগ্ৰত হইয়াছে বলিয়া আশ্চর্য্যকণ্ঠে দুই হস্তে চক্ষু আচ্ছাদন করিতেছে, এইরূপ ভাণ করিয়া বিভাসচন্দ্র বলিল, “হোল্ড! হোল্ড! এনাফ! উঃ, এরকম বোম্বার্ডমেন্ট সহ করা আমার মোটেই অভ্যাস নেই। তার আগে এলাউ মি সার এনাদর ওয়ান!”

কথাটা বলিয়া বিভাসচন্দ্র অস্মানবদনে টানা খুলিয়া বোতল ও গেলাস বাহির করিতে গেল। অতিমাত্র বিরক্ত

হইয়া শুভেন্দু তাহাকে জোর করিয়া টান দিয়া চেয়ারে বসাইয়া দিল, ক্রোধ-কম্পিত কণ্ঠে বলিল, “শোন বিভাস, তোমায় আমি এই শেষ সুপরামর্শ দিচ্ছি, এর পর হয় ত সময় পাব না। আমি ছই চার দিনের মধ্যেই বোম্বাই চলে যাচ্ছি। যদি বাঁচতে চাও আর তোমার ভগ্নীকে আর ভগ্নীর সংসারকে বাঁচাতে চাও, তবে তুমিও আমার সঙ্গে চল, আমি তোমাকে সেখানে একটা না একটা কাষে লাগিয়ে দেব, তুমিও মানুষের মত মানুষ হ’তে পারবে”—

বিভাসচন্দ্র স্তম্ভিত হইয়া বলিল, “ছ’চারদিনের মধ্যে? ইম্পসিবল! এখানকার একটা সেটলমেন্ট না ক’রে”—

শুভেন্দু বাধা দিয়া বলিল, “সেটলমেন্ট? তার মানে? ওঃ, বুঝেছি, ইন্করিজিবল! তবে তুমি যাবে না? নিজে মরবে, আর পাঁচ জনকেও মারবে? বেশ, তাই হোক! আমি চললুম, জেনে রেখো, এই আমার শেষ কথা।”

বিভাসচন্দ্র তখন আর এক পেগ চড়াইয়াছিল। মুছ হাসিয়া বলিল, “সো লং, মিঃ মিটার! কিন্তু মিস বোস,— হিরণী”—

শুভেন্দু দ্বারপ্রান্তে উপনীত হইয়াছিল, হঠাৎ পশ্চাৎ ফিরিয়া দ্রুতপদে অগ্রসর হইয়া বিভাসচন্দ্রকে একটা ঝাঁকুনি দিয়া পরুষ-কণ্ঠে বলিল, “খবরদার, ও নাম মুখে এনো না ব’লে দিচ্ছি”—

বিভাসচন্দ্র শুভেন্দুর আরক্তনয়ন, উত্তত মুষ্টি দেখিয়া

ও সিংহগর্জন শুনিয়া ভীত হইল, তাড়াতাড়ি বলিল, “না, না, আমি ত ভালই বলছিলাম। গ্যার্ল, ফাইন গ্যার্ল! আপনি কি জন্মের মত চলে যাচ্ছেন তার আশা ছেড়ে দিয়ে? ছাট্‌স্‌নট ম্যানলি!”

শুভেন্দুর বিশ্বাসের সীমা রহিল না। এই অপদার্শ কাপুরুষ তাহার অন্তরের অন্তস্তলের অতি গোপন কথা জানিল কিরূপে? বাহিরে কোনরূপ চাঞ্চল্য প্রদর্শন না করিয়া শুভেন্দু গম্ভীরস্বরে বলিল, “ও সব কথা নিয়ে চর্চা করা আমি মোটেই পছন্দ করি না। তিনি আমাদের এ সব তুচ্ছ তর্কাতর্কির অনেক উপরে। চললুম, পার যদি এখনও আমার কথা শুনে কাণ কোরো, সব বজায় থাকবে।”

শুভেন্দু আর দাঁড়াইল না, দ্রুতপদে কক্ষ ত্যাগ করিয়া গেল। বিভাসচন্দ্র আর এক পেগ চড়াইয়া গুন্ গুন্ স্বরে গান ধরিল। স্বভাবতঃ স্বল্পভাষী শুভেন্দুর আজ এমন মুখ খুলিল কিরূপে, ইহাই সে ভাবিতেছিল। তাহার পর একবার বাতায়নের পর্দা সরাইয়া বাহিরে দৃষ্টিপাত করিল। তাহার মুখখানা হঠাৎ হর্ষোৎফুল্ল হইয়া উঠিল, সেখানে তাহার ভয়ের কারণ নাই। সে আপন মনে বলিল, “ব্লাইণ্ড! ব্লাইণ্ড ইডিয়ট! গুড্‌ গ্যার্ল, ফাইন গ্যার্ল! ট্যা রা রা ল্যা ল্যা!” [ক্রমশঃ।

শ্রীসত্যেন্দ্রকুমার বসু (সাহিত্যরত্ন)

## জেলে

ধনি গৃহ হতে বহু দূরে ওরা, সমাজের চোখে হীন।  
সাগর, নদীর কূলে ছোট কুড়ে বাঙ্গালার বেহুইন।  
শীতে-বর্ষায় দারুণ-গ্রীষ্মে সমতপা মহাঘোণী,  
শাস্ত-সরল প্রকৃতির ছেলে সংসারসুখত্যাগী।  
সুগোল-সুঠাম দৃঢ় বাহুগ শ্রান্তি জানে না কভু,  
কর্মজীবনে কর্মিপ্রবর কর্ম তাহার প্রভু।  
পদ্মাবক্ষে প্রবল তুফান প্রলয়ের নাচ নাচে,  
বিজ্ঞান দান, তুচ্ছ সকলি সে রুদ্র নাচন-কাছে।  
ছোট একখানি জেলে ডিঙি নিয়ে পাড়ি দেয় অবহেলে,  
বিভীষিকাময় মৃত্যু-করাল হেলায় চরণে দলে।

চৈতি হাওয়ায় সাগর উতলা, রক্ত-অরুণ আঁধি,  
হাসিমুখ ভ’রে তাহার উপরে ডিঙ্গি চালাতে দেখি।  
হাড়ভাঙ্গা-শীতে অসাড়-নিশীথে জমে যায় বুঝি জল,  
নিয়তির মত প্রকৃত শাসিতে দাঁড়ায়েছে অবিকল।  
সিউনী লইয়া এক হাঁটু জলে সঙ্গীরে লয়ে বিলে,  
জল সেচে যায় রূপ রূপ রূপ, সঙ্গীত তালে তালে।  
কি দিয়ে ওদের গড়েছিল বিধি, যখন মনেতে ভাবি,  
হুয়ে পড়ে শির, সাধনার কাছে সিদ্ধি লইতে মাগি’  
ধন্য তোমরা, কর্মী তোমরা, ও-ভাই তোমরা জেলে!  
কে বলে তোমরা সমাজে পতিত?—স্বায়ের শ্রেষ্ঠ ছেলে!





# সাহিত্যের বৈঠক

## উপন্যাস পাঠ

৫

### ৪। হাস্য ও করুণরস

কপাবার্জায় যেমন লেখকবিশেষ স্মীয় নৈপুণ্য দেখাইতে পারেন, কোন কোন গ্রন্থকার সেইরূপ হাস্য বা করুণরসের উদ্দীপনে বিশেষ দক্ষতা প্রকাশ করেন। পরিহাসরসপটু উপন্যাসলেখকের বিশেষ গুণ। যে সকল লেখকের এই গুণ বিশেষভাবে বর্তমান, তাঁহাদের লেখাই বিশেষভাবে সমাদৃত হইয়া থাকে। কোন কোন লেখক যেমন পরিহাসরসের উদ্দীপনায় সুপটু, কেহ কেহ বা পরিহাসরসের অবতারণায় একান্ত অসমর্থ; কিন্তু করুণরসের উদ্দীপনায় হয় ত বিশেষ দক্ষ। ইংরেজ কবি মিলটনে এই পরিহাসরসের একান্ত অভাব দৃষ্ট হইয়া থাকে। অপর দিকে দেখা যায় যে, কোন কোন লেখক পরিহাসরস ও করুণরস দুইএর অবতারণায় সমানভাবে সুপটু। অমর লেখক সেক্সপীয়ারের দুই রসোদ্ভাবনায় সমান ক্ষমতা ছিল।

বহু উপন্যাসেই পরিহাসরসের অবতারণা দেখা যায়। পরিহাসের মূল—অসামঞ্জস্য বা বৈসাদৃশ্য। পরিহাসরসের বিশ্লেষণ করিলে দেখা যায়, ইহার মূলে incongruity বা বৈসাদৃশ্যের বিস্তারিততা। স্থলকার স্কীতোদর মানব বৈসাদৃশ্যের উদাহরণ। এই কারণে স্থল ব্যক্তিবর্গ চিরকালই হাস্যোদ্ভেদের কারণ হইয়া রহিয়াছে। ফলশ্রুতি হইতে পিকউইক পর্য্যন্ত সর্বত্রই স্থলকার ব্যক্তিবর্গ জগতে বহু পরিহাসের অবসর প্রদান করিয়াছে। পিকউইক, পেপারসএ স্থলকারের হাট বসিয়া গিয়াছে, স্নডগ্রাস ওয়ারডল, পিকউইক হইতে আরম্ভ করিয়া ইয়ং ল্যান্ডার্ট-রূপী চাকরটি পর্য্যন্ত সকলেই স্থলকার। বাক্যে ও কার্যে বৈসাদৃশ্য—ইহাও হাস্যরসের কারণ। এই জন্ত ক্যাপ্টেন

বোবাডিল হইতে আরম্ভ করিয়া উইকল পর্য্যন্ত সর্বত্র পরিহাসরসের নিদর্শন পাওয়া যাইতেছে। বুড়াপাগলা বুড়ার বৃদ্ধবয়সে বিবাহ চেষ্টা বিসদৃশ—তাহাও পরিহাসরসের নিদর্শন। অপর দিকে ভক্ত-বিটেলের বাহিরে মালাকুড়াঙ্গালি থাকিলেও মুসলমানী ফতেমার উপর নজর—ইহা হাস্যরসের কারণ। ইলেকট্রিসিটি লইয়া হিন্দুমানীর হৈ হৈ কাণ্ড অসামঞ্জস্য বা বৈসাদৃশ্যের ব্যাপার—ইহাতে পরিহাসরসই ফুটিয়াছে। জামাইবারিকে জামাইদের ব্যাপার একান্ত বিসদৃশ—সুতরাং তত্র পরিহাসরসের সমাবেশ।

ইংরেজিতে wit ও humour বলিয়া দুইটি কথা আছে। বাঙ্গালায় ইহার প্রতিশব্দ পাওয়া একটু কঠিন। witকে রসিকতা বলা যায়, humourকে পরিহাসরস বা হাস্যরস বলা যায়। রসিকতা শব্দের প্রয়োগ কৌশলের উপর নির্ভর করে, বহুস্থলে শব্দের দ্ব্যর্থ করিয়া বা pun প্রয়োগে রসিকতার অবতারণা করা হয়। কেদার বাবুর কোমীর ফলাফলে wit ও humour দুই এবং সমান প্রয়োগ দেখা যায়। বর্ণনানৈপুণ্য, বাগ্গেদখ্য বা বাগ্গনিপুণতাই রসিকতার প্রাণ। রসিকতা বিদ্যুতের ন্যায় ক্ষণপ্রকাশে মনকে চমৎকৃত করে, (flash of wit) humourকুর ন্যায় প্যাচ কাটিয়া কাটিয়া অন্তরের মধ্যে প্রবেশ করে। wit বা রসিকতা ক্ষণের মধ্যে আবির্ভূত হইয়া চিত্তকে অভিভূত করে; ইহার ব্যাপকতা নাই, extensity নাই, কিন্তু গভীরতা (intensity) আছে। কিন্তু পরিহাসরস বড় ব্যাপক—ইহার দহন কুলকাঠের ন্যায় জলিতে থাকে।

দুই জন রসিক পুরুষ যখন রসিকতার কোয়ারা ছুটাইতে থাকেন, তখন সে স্থল রসের রণক্ষেত্র হইয়া উঠে। আমাদের বাঙ্গালা দেশে ৬ইন্দ্রনারায়ণ, ৬বিজয়লাল, ৬পাঁচকড়ি

বন্দ্যো, অমৃতলাল, ললিতকুমার বন্দ্যোপাধ্যায় প্রভৃতির এ ক্ষমতা ছিল। দীনবন্ধুর সরস কথোপকথন বহুবিখ্যাত— তিনি ঘণ্টার পর ঘণ্টা আসর জমাইয়া রাখিতে পারিতেন। জীবনসংগ্রামের তীব্রতার বাঙ্গালীর রঙ্গরস ফুরাইয়া আসিতেছে! তথাপি বাঙ্গালা সাহিত্যে যেরূপ রঙ্গরসের নিদর্শন দেখা যায়, এরূপ আর কুত্রাপি দৃষ্ট হয় না। রসিকতা করিতে জানিলে, এমন কি, বেদান্তের মধ্যে সরস রচনা দৃষ্ট হয়। প্রমাণ লক্ষ্মণনাথ বন্দ্যোপাধ্যায়ের অভয়ের কথা। অপরোক্ষ ও পরোক্ষজ্ঞান বুঝাইতে রসিক লক্ষ্মণনাথ বলিতেছেন—অনেক সময়ে স্ত্রীলোকে কুপিতা হইয়া শালা বলিয়া গালি দেয়। শালা শব্দার্থ স্ত্রীলোকের পরোক্ষভাবে জানা থাকিতে পারে; অপরোক্ষভাবে জানা থাকে না। কাহারও কাহারও রসিকতা একটু স্থূল, অমার্জিত হইয়া পড়ে—সেকালে রসিকতা প্রায়ই অশ্লীল হইত; ইহাতে তৎকালের সমাজের ছায়া পড়িয়াছে। এ কালের রসিকতা মার্জিত হইয়াছে বটে, তবে সর্বজননের হৃদয়গ্রাহিণী হয় নাই—সেকালের রসিকতা স্থূল ছিল বলিয়া হয় ত সকলেই বুঝিত। দাশু রায়ের রসিকতা সর্বসাধারণেই বুঝিবে, কিন্তু রবীন্দ্রনাথের বিস্তৃত রসিকতা বহুল পরিমাণে শিক্ষাদীক্ষার উপর নির্ভর করে।

মূল কথা, আনন্দপ্রদানের সহিত বস্তুবিচার বিশেষ নিপুণতার লক্ষণ। এই পরিহাস কাহারও কাহারও লেখনীর গুণ জীবনের মধ্যে অদৃষ্টে ক্রুর পরিহাস প্রদর্শনে এরূপ নিরত যে, সেই হাস্যের মধ্যে নিরুচ্ছ অশ্রু থাকিয়া যায়—ইহাই সাহিত্যে ক্রুর শ্লেষের নিদর্শন। অপর দিকে কাহারও কাহারও হাস্যরস সমবেদনায় সরস হইয়া উঠে—এই বস্তু এডিসন, গোল্ডস্মিথ, ডিকেন্সএর মধ্যে বিশেষভাবে দেখিতে পাই। কাহারও কাহারও হাস্যরস এরূপ মার্জিত যে, বিশেষভাবে শিক্ষিত না হইলে সে রস আনন্দান সার্থক হয় না। ইংরেজি সাহিত্যে ল্যাঙ্ক ও বাঙ্গালা সাহিত্যে ললিতকুমার বন্দ্যোপাধ্যায়ের মধ্যে এইভাবে রসিকতা বিশেষভাবে দেখা যায়। বঙ্কিমচন্দ্রের কমলাকান্তে সরসরচনার প্রবন্ধ আরম্ভ হইয়া তাহা গভীর চিন্তাপূর্ণ হইয়া শেষ হইত। কাহারও কাহারও হাস্যরস অদ্ভুতরূপে পরিণত হইয়াছে—বাঙ্গালা সাহিত্যে ত্রৈলোক্যনাথের গ্রন্থগুলি পড়িলে হাস্যরস ও অদ্ভুতরস কি ভাবে মিশাইয়া বাইতে পারে, তাহার প্রকৃষ্ট উদাহরণ পাওয়া

যায়—ইহা The odd, the grotesque, the Queer in Bengali literature. কাহারও কাহারও পরিহাসরস অতি তীব্র হইয়া কশাঘাতের ঞ্চায় দুর্জনের পৃষ্ঠে পড়িতে থাকে—ইহা অমৃতলাল ও দ্বিজেন্দ্রলালের গ্রন্থে দৃষ্ট হয়। কাহারও কাহারও পরিহাসরস এত তীব্র বা কঠোর হইয়া পড়ে যে, তাহা ব্যঙ্গচিত্রে satiro or caricatureএ পরিণত হয়। ডিন স্টিফটএর গালিভারস ট্রাভেলস তাহার নিদর্শন।

যাহা আমাদের পূজ্য ও নমস্, তাহাতে পরিহাসরসের প্রয়োগ—ইহা পরিহাসরসের অপপ্রয়োগ মাত্র। ধর্ম-বিষয়ে পরিহাস জাতির অধঃপতনের পূর্বলক্ষণ—রোমের অধঃপতনের পূর্বে এ রোগ দেখা দিয়াছিল। আমাদের দেশেও তাহার লক্ষণ দেখা দিয়াছে। সামাজিক কুবীতি, পাপ ও অনাচারের প্রতি পরিহাসই সাহিত্যের কর্তব্য। ব্যক্তিগত শ্লেষ অশিষ্ট, অভদ্র ও ইতরজনোচিত।

উপন্যাসে হাস্যরস প্রয়োগের ঞ্চায় বহুল করুণরসেরও প্রয়োগ দেখিতে পাওয়া যায়। মানব করুণরসে বিশেষ আনন্দ পাইয়া থাকে; হৃৎক হৃদয়কে পরিপুষ্ট ও মার্জিত করিয়া তুলে। এই কারণে বিষাদাস্ত নাটক সাহিত্য-রসিকবর্গের বিশেষ প্রিয় হইয়া থাকে। চন্দ্রশেখরে প্রতাপ মরিয়া অমর হইয়াছেন এবং তিনি জীবিত থাকিয়া সুখে ষর-কল্পা করিতে থাকিলে আমাদের হৃদয়ে তিনি যে স্থান পাইয়াছেন, তাহা হইত না। সীতার বসুন্ধরা-প্রবেশ তাহার অসহনীয় জীবনের যে মহনীয় পরিণাম, তদ্বিষয়ে সন্দেহ নাই। আমাদের দেশের দুইটি সর্বাপেক্ষা শ্রেষ্ঠ মহাকাব্য রামায়ণ ও মহাভারত—তাহা বিষাদাস্ত। সেন্সপীয়ারের চারিটি বিষাদাস্ত নাটক যেরূপ বিখ্যাত, মিলনাস্ত নাটকগুলি সেরূপ নহে—কি জানি কেন শেলীর ভাষার হৃৎকের গানই আমাদের নিকট সর্বাপেক্ষা মধুর। জীবনের মধ্যে হাস্য ও আনন্দ কণিক, হৃৎকই কি আমাদের জীবনের চিরস্তন অবস্থা? এইজন্ত কি আমরা হৃৎক ভালবাসি? দার্শনিকগণ এ বিষয়ে বিচার করিবেন, আমরা ইহা লইয়া গণ্ডগোল করিতে চাহি না। তবে বলিতে পারি, করুণরস সাহিত্যের সেরা রস—হৃৎক কষ্টপ্রদ হইলেও লোকে ভালবাসে। কাঁদিতে লোকে ভালবাসে—কেন তাহা কে জানে!

করুণরস সাহিত্য-রসিকগণের প্রিয় হইলেও হৃৎক-প্রবণতা (sentimentalism) একান্ত দোষের। হৃৎকের

কথা বিনাইয়া বিনাইয়া বলা—নিজেকে জন্মচুঃখী প্রমাণ করিয়া কেবলই পরের সহানুভূতি আকর্ষণ করা একটা ব্যাধি বলিলেই হয়। এই রোগ লর্ড বায়রণকে পাইয়া বসিয়াছিল—লিখিতে বসিলে তিনি এই চুঃখের কথা ফেনাইয়া ফেনাইয়া বলিতে ছাড়িতেন না। ফল কথা, এ সকল অস্বাভাবিক। যাহা অস্বাভাবিক, তাহাই পরিবর্তনীয়; যাহা সহজ, সরল ও স্বাভাবিক, তাহাই শোভন, সুন্দর ও শিষ্ট-সম্মত।

### ৫। দেশ ও কালের অবস্থান

উপন্যাস যখন জীবনের চিত্র, তখন তাহার মধ্যে দেশ, কাল, আচার, ব্যবহার, পারিপার্শ্বিক অবস্থা প্রভৃতির (milien) সুন্দর চিত্র পাওয়া যাইবে। ভারতবর্ষের ঘটনায় বিলাতী সমাজ-সংস্থানের চিত্র দেওয়া যে রূপ অদ্ভুত হইবে, আবার বিলাতের কথা বলিতে চীনদেশের সমাজ-সংস্থান বর্ণনা করা তদ্রূপ অদ্ভুত হইবে। সাহিত্য যতই বিশ্বজনীন হউক, তাহার মধ্যে কোন স্থানের বা সমাজের আবেষ্টনীর প্রভাব থাকিবে। হামলেটএর সাহিত্যরস বিশ্বপ্রিয় হইতে পারে, কিন্তু হামলেটএর লীলাভূমি যে দেনমার্ক, তাহা ভুলিলে চলিবে না। জুলিয়াস সীজারের ব্রটাসের মধ্যে যে বিয়োগান্ত নাটকের বীজ (tragic element) রহিয়াছে, তাহা বিশ্ব-মনোহর হইলেও সেক্স-পীয়ারকে রোমের আবহাওয়ার সৃষ্টি করিতে হইয়াছে। বৈচিত্র্যবহুল জীবনের অখণ্ড স্বরূপ কেহ দেখাইতে পারে না—অসীম বা অনন্তের ধারণা সহজ নহে। মানব-মনের চিরন্তন ভাবগুলি সাহিত্যকে পরিচ্ছিন্ন কাল বা স্থানের মধ্য দিয়া প্রকাশ করিয়া থাকেন। দেশদিমোনার প্রেম বা ওথেলোর সন্দেহ বা ইয়োগোর ঈর্ষ্যা সার্বকালিক ও সার্ব-ভৌমিক হইতে পারে, কিন্তু ইহার বিকাশ একটি পরিচ্ছিন্ন স্থান বা কালের মধ্যে ঘটিয়াছিল। উপন্যাসের মধ্যে এই সকল ঘটনার স্থান ও কালের বর্ণনার মধ্যে একটা সম্ভাব্য সত্য থাকার প্রয়োজন। কৃষ্ণকান্তের উইল বা বিষবৃক্ষের ঘটনাক্রম যতই কাল্পনিক হউক না কেন, তাহা যে বঙ্গ-দেশের অন্তর্গত, তদ্বিষয়ে সন্দেহ নাই; তাহা অলীক হইলেও সত্য হওয়া সম্পূর্ণতঃ সম্ভবপর। বঙ্কিমচন্দ্র তাঁহার উপন্যাসে বাহালী নারী-জগতের অপূর্ণ কোমলতা ও মাধুর্য

দেখাইয়াছেন, কিন্তু যে স্থলে তিনি বাহালী জীবনে সম্পূর্ণ অসম্ভব চরিত্র গড়িয়াছেন, সে স্থলে তাঁহাকে এক দীর্ঘ পরিচ্ছেদ লিখিয়া সাক্ষাৎ দিতে হইয়াছে। অর্থাৎ আনন্দ-মঠে শান্তি-চরিত্রের কথা বলিতেছি। অপর দিকে দেবী চৌধুরাণীর প্রকল্প-চরিত্রের অপূর্ণ রূপান্তরে এই সম্ভাব্য সত্যের অপলাপ ঘটিয়াছে—ইহা তাঁহার অল্পশীলনত্বের উদাহরণস্বরূপ হইয়াছে, কিন্তু সাহিত্যের দিক দিয়া যথেষ্ট ক্ষতি হইয়াছে। কৃষ্ণকান্তের উইল বা বিষবৃক্ষ দেশ-কাল-পাত্রভেদের যথেষ্ট সঙ্গতি রক্ষা করায় ও স্বাভাবিকতায় সুন্দর হওয়ায় এই দুই গ্রন্থ উপন্যাস (Novel) হিসাবে শ্রেষ্ঠ হইয়াছে। Romance বা রম্য উপন্যাসে এ বিষয়ে একটু স্বাধীনতা থাকায় চূর্ণেশ-নন্দিনী, কপালকুণ্ডলা, মৃগালিনী প্রভৃতি গ্রন্থ সাহিত্যিক-গণের প্রিয় হইয়া আছে। যে বিষয়ে গ্রন্থ রচনা হইতেছে, তাহার স্থান ও কাল সম্বন্ধে মধ্যমথ সংস্থান প্রত্যেক ঔপন্যাসিকের কর্তব্য। যিনি যতটুকু জানেন, যে বিষয়ে যাহার অধিকার, ততটুকুই বলা উচিত। তাহার অধিক বলিতে গেলে বিপর্যয় ঘটিয়া পড়ে। ডিকেন্স বিলাতের নিম্নস্তরের লোকের সুন্দর বর্ণনা দিয়াছেন, কিন্তু তিনি যখনই উচ্চস্তরের লোকের কথা বলিতে গিয়াছেন, তখনই গোলে পড়িয়াছেন। ইংলণ্ডের নিম্নস্তরের ব্যক্তি সম্বন্ধে ডিকেন্সের ব্যক্তিগত অভিজ্ঞতা ছিল—তিনি এককালে এই সমাজের মধ্যে মিশিয়াছিলেন। কায়েই তাঁহার বর্ণনা স্বাভাবিক, সহানুভূতিসম্পন্ন ও সুন্দর হইয়াছে, উপরন্তু পরিহাসরসের মিঠাপাকে ফেলিয়া তিনি তাঁহার সৃষ্টি অতি উপাদেয় করিয়া তুলিয়াছেন। ইংরেজ ঔপন্যাসিক খ্যাকারে কিন্তু নিম্নশ্রেণীর চিত্র সুন্দর করিতে পারিতেন না; মধ্যশ্রেণীর বা অভিজাত সম্প্রদায়ের চিত্র তাঁহার হাতে অতি সুন্দরভাবে সূচিত। আমাদের দেশের এক জন খ্যাতনামা ঔপন্যাসিকের হাতে সমাজ-বহির্ভূতা নারীর চিত্র অতি সুন্দরভাবে সূচিত থাকে, গুনিয়াছি, ইহা নাকি তাঁহার ব্যক্তিগত অভিজ্ঞতার নিদর্শন।

এই ভাবে আমরা উপন্যাসের মধ্য দিয়া রাজারাজড়ার জীবন, অভিজাত শ্রেণীর কথা, মধ্যবিত্ত শ্রেণীর মনের কথা, দরিদ্র কৃষক, মুটে, মজুর প্রভৃতির জীবন দেখিতে পাই। এই ভাবে আবার বিভিন্ন জাতির চিত্রও উপন্যাসে দেখিতে

পাই। বিলাতের উপন্যাসের মধ্যে একটা ভৌগোলিক ভাগও দেখা যায়; স্কচ নভেল, আইরিস নভেল, ওয়েসেক্স নভেল; আমাদের দেশে কোন দিন রাঢ়ীয়, বারেন্ডের ন্যায় ঢাকাই নভেল, কলকাতাই নভেল, চাঁটগেয়ে উপন্যাস বা রঙ্গপুরী উপন্যাস না দেখা দেয়! তবে আমাদের দেশে বিলাতফেরত বা বালিগঞ্জী নভেলের অভাব নাই—এক কালে পটোলডাঙ্গা রোমান্সের লীলালেখা ছিল, এখন তাহা অচল, এখন লোক অঞ্চলই উপন্যাসের একমাত্র লীলা-ক্ষেত্র। আসল কথা, উপন্যাসের রঙ্গভূমি সম্বন্ধে বা উপন্যাসের চরিত্রগুলি সম্বন্ধে বা তাহার পারিপার্শ্বিক অবস্থার বর্ণনায় লেখকের অভিজ্ঞতা, যথার্থ দৃষ্টির বিদ্যমানতা থাকার একান্ত প্রয়োজন, এজন্য যদি স্থানের বর্ণনার একটু বস্তুত্বের আমেজ আসে, তাহা ভাল বৈ মন্দ নহে। ডিকেন্স বিলাতের নানাস্থান বর্ণনায় যদি অতিমাত্রায় বস্তুত্বাদিক হ'ন, তাহাতে ছুঃখের কিছুই নাই, বরং উপন্যাসের গৌরব বৃদ্ধি পাইয়াছে।

ঐতিহাসিক ঘটনার বর্ণনায় কিন্তু এ বিষয়ে সম্পূর্ণতঃ সাবধান হওয়া আবশ্যিক। উপন্যাসে দুই একটি ঐতিহাসিক নামের চরিত্র থাকিলে তাহা ঐতিহাসিক উপন্যাস হয় না। প্রমাণ—মুগালিনী, তুর্গেশনন্দিনী, কপালকুণ্ডলা ও চন্দ্রশেখর। অপর দিকে ঐতিহাসিক চরিত্রাদি না থাকিলেও ঐতিহাসিক উপন্যাস হইতে পারে, যথা—বেণের মেয়ে। ঐতিহাসিক উপন্যাস লেখা বড় কঠিন; বহু সময়ে ইতিহাসের খাতির বাধিতে উপন্যাসের প্রাণাণ্ড, আবার বহুস্থলে উপন্যাস বাচাইতে গিয়া ইতিহাসের গলা টিপিয়া মারা হয়। পূজ্য-পাদ শাস্ত্রী মহাশয় বেণের মেয়ে লিখিতে গিয়া ইতিহাসের বহু ঘটনা তন্ন তন্ন করিয়া বর্ণনা করিয়াছেন। সেকালে গাঙ্গুল ও সহজিয়া বৌদ্ধদের আচার-ব্যবহারের প্রত্যেক খুঁটিনাটি এরূপ করিয়া বলিয়াছেন, যেন তাঁহার পর এ সকল কথা স্মিককালের জন্ম লুপ্ত হইয়া যাইবে। এ কথা শুনাইবার জন্ম আর কেহ থাকিবে না। তিনি প্রাণ দিয়া—হৃদয় দিয়া স্বাধীন বাঙ্গালার শেষ সমাচার শুনাইয়া গিয়াছেন—আমরা প্রতি পরের প্রতি ছত্রে তাঁহার লেখায় বিশ্বাস-বিমূঢ় হইয়া পড়ি। তাঁহার ভাষার সহজ সরলতায়, তাঁহার বর্ণনা-ভঙ্গীতে, তাঁহার ঐতিহাসিক গবেষণায় বহুল জ্ঞান স্ফুট করি। এ সকলের ঐতিহাসিক মূল্য কতদূর,

তাহা ঐতিহাসিক পণ্ডিত বলিতে পারেন; কিন্তু তাঁহার বলিবার ভঙ্গী যে অসাধারণ, তাহা স্বীকার করিতে হইবে। পাখুরে প্রমাণ তিনি দেন নাই, ইহা সত্য; কিন্তু ইতিহাসকে তিনি যে সজীব করিয়া তুলিয়াছেন, তাহাও সত্য। ঐতিহাসিকতা রাখিতে গিয়া উপন্যাস সাহিত্যের যে প্রাণ, তাহার কিন্তু অপচয় করিয়াছেন। বেণের মেয়ে উপন্যাসে হয় ত' একটা অপূর্ণ সংঘাত বা Conflict দেখা যাইত, সেই Conflict গুরুপুত্রের দিক্ দিয়া বা বেণের মেয়ের দিক্ দিয়া থাকা উপন্যাসের পক্ষে একান্ত আবশ্যিক ছিল। প্রাচীনপন্থীর হিন্দু বলিয়া বিধবা বণিক-সহিতার মধ্যে তিনি সে সংঘাত দেখাইতে পারেন নাই; কিন্তু গুরুপুত্রের মধ্যেও তাহার ক্ষীণ রেখা দৃষ্ট হইলেও ফুটিয়া উঠে নাই। ঐতিহাসিক উপন্যাসে বহুসময়ে হয় ত' ইতিহাস থাকে, কিন্তু উপন্যাসে গণ্ডগোল ঘটে, আবার হয় ত' উপন্যাস ঠিক হয়, ইতিহাস উপিয়া যায়। বঙ্কিমচন্দ্রের রাজসিংহ ঐতিহাসিক উপন্যাস বা রোমান্স, তাহা সন্দেহ। উপন্যাস হিসাবে নানা সংঘাতের ভিতর দিয়া 'রাজসিংহ' হৃদয়গ্রাহী হইয়াছে, কিন্তু ঐতিহাসিকতায় ইহার বহু অপচয় বা অপহুব ঘটিয়াছে। যে ঐতিহাসিক উপন্যাসে দুই কূল বাচাইতে পারা যায়, তাহাই শ্রেষ্ঠ ঐতিহাসিক উপন্যাস। ফরাসী ঐতিহাসিকগণ, বিশেষতঃ আনাটোল ফ্রান্স বা ডোডে ঐতিহাসিক আবহাওয়া ঠিক রাখিবার চেষ্টা করেন। আনাটোল ফ্রান্সের অদ্ভুত পাণ্ডিত্য বোধ হয় তাঁহাকে এ বিষয়ে সিদ্ধিদানে সমর্থ হইয়াছে। সালোমো গ্রন্থে বা ফক্স নামক অপর একটি গ্রন্থে বর্জিয়া ক্যালসানএর আলেখ্য প্রণয়নে গ্রন্থকারগণ সফলকাম হইয়াছেন। আলোকজাণ্ডার ডুমারএর গ্রন্থগুলি Romance হইলেও ইতিহাসের মূল তথ্য প্রায় বজায় আছে। সার ওয়ালটার ঐতিহাসিক উপন্যাসের জন্ম বিশেষ বিখ্যাত; ঘটনাবিশেষের কালাভূমিক বর্ণনায় তাঁহার ভুল থাকিলেও, তিনি ঐতিহাসিক আবহাওয়ার সৃষ্টি বিশেষভাবে করিতে পারেন। ঐতিহাসিকগণ তাঁহার রাজভক্তি (Royalist leaning) ও Jacobiteএর দিকে পক্ষপাতিদের জন্ম যথেষ্ট নিন্দা করিয়াছেন। ঐতিহাসিক উপন্যাস লিখিতে হইলে নিজের ব্যক্তিগত মত চাপিয়া রাখিয়া, যেটি যেরূপ, সেইরূপই বর্ণনা করিতে হইবে।



বিষয়ে সেক্সপীয়ারএর শ্রেষ্ঠ অবশ্য স্বীকার্য ; এ অল্প কেহ তাঁহাকে ধরিতে চুইতে পারে নাই ; অল্পের হস্তিদর্শন-শ্রমে কেহ তাঁহাকে রয়ালিষ্ট, কেহ তাঁহাকে পিউরিটান, কেহ তাঁহাকে রোমান্‌ক্যাথলিক, কেহ তাঁহাকে বোহেমিয়ান, কেহ তাঁহাকে Optimist, কেহ তাঁহাকে হুঃখবাদী বলিয়াছেন, কিন্তু সেক্সপীয়ার যে রহস্যময়, সেই রহস্যময় রহিয়াছেন । তাঁহার Chronicle plays দেখিয়া কেহ তাঁহার স্বরূপ ধরিতে পারিবেন না । আমরা বাজে বই না পড়িয়া যদি সেক্সপীয়ার পড়ি, সাহিত্যিক আদর্শ সম্বন্ধে বহু বিষয় শিখিতে পারিব । সেক্সপীয়ার ও বঙ্কিমচন্দ্র সম্বন্ধে বিতাপতির সেই চরণ মনে পড়ে—সোহি রূপ বাখানিতে তিল তিল নৌতুন হোয় ।

ফল কথা, ঐতিহাসিক যুগের বর্ণনা করিতে হইলে ঐ যুগের যে ভাব, তাহা অটুট রাখিতে হইবে । জর্জ এলিয়ট রমোলা গ্রন্থে রেনাসাঁ যুগের অতি সুন্দর বর্ণনা দিয়া গিয়াছেন । যে যুগের কথা বর্ণিত হইতেছে, তদানীন্তন কাল ও ভাবের অঙ্কুলে উপন্যাস চলিবে, নচেৎ ঐতিহাসিক ভ্রমপ্রমাদভূত হইয়া গ্রন্থ বিবৃৎগণের বর্জনীয় হইয়া থাকিবে । সামান্য ঘটনার ভ্রমপ্রমাদ মার্জ্জনীয়, কিন্তু অতীত যুগের আশ্রয়ে একবারে আধুনিক ভাব বা ঘটনার বর্ণনা অত্যন্ত অগায় । ঐতিহাসিকে মারিয়া নভেল লেখা অপেক্ষা কেবল উপন্যাস লেখাই ভাল । অনিপুণ হস্তে ঐতিহাসিক উপন্যাস 'না বাটকা না ধরকা' হইয়া তাহার 'তিস্রা হাল' হইয়া তাহা এক সঙ্করজাতীয় কিস্তিতকিমাকার বস্তুতে দাঁড়াইয়া যায় ।

স্থান-কাল-পাত্রের বর্ণনার উপন্যাসের মাধুর্য্য বাড়িয়া যায় । জেন অষ্টিন এ বিষয়ে সেরূপ অবহিত ছিলেন না, কিন্তু ডিকেন্স বা বালজাক্ এ বিষয়ে মনোযোগী ছিলেন । লগুন বা প্যারিসএর প্রত্যেক অলিগলির বর্ণনার ডিকেন্স ও বালজাক্ সিদ্ধ-হস্ত ছিলেন । বহু প্রকার ঘটনাবিজ্ঞাসের ও প্রাকৃতিক শোভার মনোহর বর্ণনা দান করিয়াছেন ; ডিকেন্সএর শ্রায় বস্তুভঙ্গের লেখকও এ বিষয়ে অসাধারণ নহেন । প্রকৃতির বর্ণনা বহুস্থলে ঘটনার পাত্রপাত্রীর মনোভাবের অঙ্কুল । আমাদের সংস্কৃত কবিগণ এ বিষয়ে অপরাধের—রামের বনবাসে বনকে পর্য্যন্ত তাঁহারা কাঁদাইয়া ছাড়িয়াছেন । বাস্তবিক

হইতে কালিদাস, ভবভূতি পর্য্যন্ত এবং classic যুগের কবিগণ হইতে অর্কাটীন ভারবি, মাঘ, ভটি পর্য্যন্ত এবং অধুনাতন জয়দেব পর্য্যন্ত সকলেই সিদ্ধ-হস্ত । এ দেশে প্রকৃতির দান যেরূপ সুপ্রচুর, স্বভাবকবিগণ স্বভাবের বর্ণনায়ও সেইরূপ মুক্তকণ্ঠ । বঙ্কিমচন্দ্রের নভেল এই স্বভাবের বর্ণনায় বড়ই সুমধুর হইয়া আছে—কোথাও তাহা জলদগন্তীর হইয়া মনে বিশ্বয় ও পুলকের সঞ্চার করিতেছে, কোথাও বা শরতের মেঘচ্ছায়ার শ্রায় সুবিমল শ্মিত-হাস্তের সঞ্চার করিতেছে । বিধবার উপর যখন কোকিল ডাকে, আমরা তখন পুলকিত হই । আবার গগন-পবন মুধরিত করিয়া মরণোন্মুখী কল্যাণীর উপর সমগ্র প্রকৃতি সম্মুখে যখন হরে মুরারে গান গাহিতে থাকে, তখন বিশ্বয়বিমুগ্ধ হইয়া যাই । হোমার অশ্বের হেঘার, অশ্বের বন-বন-বনং-কারের মধ্যে wine deep illimitable seaএর বর্ণনা করেন, অথবা উপমামুখে আকাশে সারসপংক্তির বর্ণনা দেন অথবা শরতে শশ্যসম্ভারকর্তনের সংবাদ বহন করিয়া আনেন, তখন প্রাণ একটু হাঁপ ছাড়িয়া দাঁচে—যেন কলকোলাহল হইতে শান্তস্বিগ্ধ প্রকৃতি-জননী কোলে ঘুমাইয়া পড়ি । ঘটনাপুঞ্জের বর্ণনার মধ্যে স্বভাবের শোভায় বাস্তবিকই মনের অবসাদ দূচিয়া গিয়া একটু বিমল আনন্দের আশ্বাদ পাওয়া যায় । কোথায় বা দেখা যায় যে, ঘটনার পাত্রপাত্রীর মুখের দিকে না তাকাইয়া প্রকৃতি আপনার লীলার আপনি মুগ্ধ হইয়া চলিয়া যাইতেছে—মানুষ নদীতীরে শিশুর শ্রায় খেলা করিতেছে, নদী তাহার উদ্গিমালা তুলিয়া ছল-ছল রব করিয়া উপলখণ্ডের মধ্যে ক্রীড়াশীল গতিতে চলিয়া যাইতেছে । সোরাব রোস্তমএর উপসংহারে প্রকৃতির এই লীলাই দেখা যায় । আধুনিক লেখকগণ মানসিকত্বের বিশ্লেষণে এমনই বিভ্রান্ত হইয়াছেন বা যৌনসমস্তার মদিরায় এমনই উন্মত্ত যে, প্রকৃতির এই রুদ্রমধুর লীলার দিকে দৃষ্টিপাত করিতে পারেন না । জড়বাদী সভ্যতার ইহা একটি বিষময় ফল । প্রকৃতির মাধুর্য্যে বাঙ্গালা-সাহিত্যে একখানি গ্রন্থ বড় সুমধুর হইয়াছে, তাহার উল্লেখ না করিলে এ প্রবন্ধ সম্পূর্ণ হইতে পারে না । ইহা শ্রীযুক্ত বিজুভূষণ বন্দ্যোপাধ্যায়ের পথের পাঁচালী, পল্লীগ্রামের সৌন্দর্য্য মার্জার গন্ধ, ইহার পংক্তিতে পংক্তিতে বিরাজমান ।

ইহার বর্ণনাত্মকী স্থল—অত বড় বিরাট গ্রন্থের বর্ণনা-  
নৈপুণ্য পড়িতে অবসাদ আসে না।

### ৬। শেষ কথা—জীবনের আলোচনা

নাটকের গায় নভেলও মানব-জীবন লইয়া ব্যস্ত। নর-  
নারীর নানা সম্পর্ক, তাহাদের চিন্তার ধারা, সুখ-দুঃখ,  
কল্পনা, অভাব, অভিযোগ, আশা-আকাঙ্ক্ষা, প্রবৃত্তি, কামনা,  
প্রেম-নৈরাশ্র লইয়া নভেল। উপন্যাসও নাটকের গায়  
জীবনের দর্পণবিশেষ—যাহা কিছু জীবনে দৃষ্ট হয়, তাহার  
সকলই উপন্যাসে চিত্রিত হইতে পারে; পুনশ্চ, সংসারে  
যাহা দেখা যায় না, কেবলই জল্পনায় তাহার অস্তিত্ব,  
তাহাও সাহিত্যে উপন্যাস হইতে পারে। সাহিত্যের  
বৈচিত্র্যই সাহিত্যের প্রধান আকর্ষণ। কিন্তু নানা  
বটনা-বৈচিত্র্যে মধ্যে এবং নানা চরিত্রের বিকাশ-  
সঙ্গেও লেখকের ব্যক্তিত্ব সময় সময় প্রকাশিত না হইয়া  
পারে না। যে স্থলে লেখক ইহা চাপিয়া রাখিতে পারেন,  
তথায় লেখক অসামান্য ও অসাধারণ। যেমন সেক্সপীয়ার—  
অপর দিকে লেখক সর্বত্র প্রায় নিজের বোঁক, প্রবৃত্তি,  
মতামত প্রকাশ করিয়া ফেলেন। যে সকল উপন্যাস কোন  
বিশিষ্ট মতবাদ প্রকাশের জন্ত লিখিত হয়—সে সকল গ্রন্থের  
কথা ধরিতেছি না, তাহা প্রচার-সাহিত্যমাত্র। তবে এ কথা  
বলা যায় না যে, প্রচার-সাহিত্য হইলে তাহা সংসাহিত্য  
হইবে না। ল্যাটিন কবিতা শিক্ষার জন্ত লিখিত হইলেও  
তাহা সাহিত্যে উচ্চ স্থান অধিকার করিয়া আছে। আঙ্কল  
টমস কেবিন (টমকাকার কুটীর) ক্রীতদাস ব্যবসায়ের বিরুদ্ধে  
প্রচারগ্রন্থ হিসাবে লিখিত হইলেও তাহা সকলের চিন্তাকর্ষক।  
পিলগ্রিমস্ প্রোগ্রেসএ ধর্মতত্ত্বের গুরুকথা লিপিবদ্ধ হইলেও  
তাহা রূপকের রাজা বলিয়া বিশ্বের মন হরণ করিয়াছে।  
বলিদান পণপ্রথার বিরুদ্ধে লিখিত হইলেও নাটকীয় গুণে  
হীন নহে। প্রচার-গ্রন্থ ভিন্ন যে সকল উপন্যাস বা নাটক  
লিখিত হয়, তাহার মধ্যে লেখার নিজস্ব জীবন-সমস্যা  
সমাধানের একটা চেষ্টা দেখিতে পাওয়া যায়। এই যে  
জীবন-সমস্যার আলোচনা—criticism of life, ইহাই  
উপন্যাসের একটি চরম গুণ। চিন্তাবিনোদন বা অবসর-  
রঞ্জনের অন্ত যে গ্রন্থ লিখিত হয়, তাহার সাহিত্যিক মূল্য  
অতি অল্প বা কোন মূল্যই নাই বলা যায়। কিন্তু প্রত্যেক

উপন্যাসেই মানব-জীবনের আলোচনা থাকিয়া যাইবেই।  
আধুনিক নভেল প্রায়ই Problem বা সমস্যা ভিন্ন চলে না;  
যৌন-সমস্যা প্রায় বারো আনা নভেলের প্রতিপাদ্য, সমাজ-  
সমস্যা আধুনিক বাঙ্গালা নভেলের প্রতিপাদ্য। এই সকল  
নভেলে সহজভাবে যে সমস্যার আলোচনা, তাহা সরল রীতি  
বা direct method, কিন্তু direct method বা সরল রীতি  
ভিন্নও জীবনের নানা সমস্যা লেখকের লেখার মধ্যে ফুটিয়া  
উঠে, ইহা indirect বা গোপন প্রথা; সেক্সপীয়ার তাঁহার  
নাটকগুলির মধ্যে নানা ঘটনার ষাত-প্রতিঘাতে ও নানা  
চরিত্রের বিচিত্রতার মধ্যে যাহা বর্ণনা করিয়াছেন, তাহা  
হইতে সমালোচকবর্গ নানা সমস্যার উদ্ভব দেখিয়াছেন ও  
তাহার সমাধানে ব্যস্ত হইয়াছেন। লেখক যে পূর্ব হইতে  
একটা সংস্কার লইয়া সকল সময়ে লিখিয়া যান, তাহা নহে;  
কিন্তু লেখার মধ্যে লেখকের সংস্কার ধরা পড়িয়া যায়!  
লেখক পল্লীসমাজের বোঁক বা bias লইয়া লিখিতে আরম্ভ  
করিয়াছেন, কিন্তু ইহার মধ্যে রমা ও রমেশের সামাজিক  
সমস্যা আপনি উদ্ভূত হইয়া পড়িয়াছে। সেক্সপীয়ারএর  
bias ধরা বড় কঠিন—তিনি এ বিষয়ে আমাদের দৃষ্টি সম্পূর্ণ  
এড়াইয়া গিয়াছেন। বঙ্কিমচন্দ্রের সীতারাম, দেবী চৌধুরাণী,  
আনন্দমঠে তাঁহার উদ্দেশ্য মাফাই বলিয়া গিয়াছেন—গীতার  
শ্লোকগুলি motto করিয়া তাহারই উদাহরণ দিয়াছেন।  
কিন্তু কপালকুণ্ডলার দার্শনিক তত্ত্বের উদঘাটনে নিপুণ  
সমালোচক বিশেষ পাণ্ডিত্যের পরিচয় দিয়াছেন; এ স্থলে  
বঙ্কিমচন্দ্রের যে কি অভিমত, তাহা জানা অতি দুঃস্থ।  
সেক্সপীয়ারএ জীবনের আলোচনা নাটকীয় রীতিতে লিখিত;  
সমালোচকবর্গ সেজন্ত গোলে পড়িয়া নানা মত ও নানা পথ  
অবলম্বন করিয়াছেন। সেক্সপীয়ারএ নৈতিক সমস্যার কথা  
ছাড়িয়া দিই—সামান্য অতিপ্রাকৃত ভৌতিক ব্যাপার লইয়া  
বস্তুতাত্ত্বিক মত মনস্তাত্ত্বিক মত গড়িয়া উঠিয়াছে। এ সকল  
খণ্ডন করিয়া সে যুগের লোকের সংস্কারের উপর  
সাহিত্যের প্রতিষ্ঠা বলিয়া ঐগুলি সাহিত্য হিসাবে সত্য  
বলিয়া তাঁহার মত গড়িয়া তুলিয়াছেন।

সত্য ও নীতি এই দুই বস্তু অবলম্বন পূর্বক সাহিত্যের  
সকল সমস্যার সমাধান হইয়া থাকে। আমরা সাহিত্যে  
যে সত্যের আশা করিয়া থাকি, তাহা বিজ্ঞানের সত্য না  
হইতে পারে। সাহিত্যিক সত্য ও বৈজ্ঞানিক সত্য পার্থক্য

আছে, ইহা প্লেটো পর্যন্ত ভুলিয়া গিয়াছিল। এ কল্পনাতীর্ন হোমারের রচনাকে সত্যশূন্য অসার বলিয়া মনে করিয়া গিয়াছেন। বাস্তব জীবনে দেখা যায় না, অতএব ইহা মিথ্যা, কাব্যবিচারে এ সিদ্ধান্ত গ্রাহ্য নহে। সাহিত্যিক সত্য বাস্তব হইতে আরও গভীর ও ব্যাপক। সম্ভাবন সত্যই সাহিত্যিকের গ্রাহ্য—তাহা বাস্তব সত্য না হইতে পারে। বিষয়ক বা কৃষ্ণকান্তের উইলের ঘটনা বাস্তব জীবনে না ঘটতে পারে, কিন্তু ঐরূপ ঘটনা অসম্ভব নহে। সুতরাং তাহা সাহিত্যবিচারে মিথ্যা বলিয়া উড়াইয়া দেওয়া যায় না। সম্ভাব্য ঘটনার সত্যের পূর্ণভাস রহিয়াছে। জ্ঞানসাহিত্যে এই বৈজ্ঞানিক সত্য বা বাস্তব সত্যের নিত্য আবশ্যক, কিন্তু অভিবৃতি সাহিত্য সম্ভাব্য সত্যে অনায়াসে কার্য্য চলিয়া যাইবে।

সাহিত্যে সত্যের প্রসার অর্থ এই নয় যে, জীবনে যাহা কিছু দৃষ্ট হইবে, তাহাই সাহিত্যে দেখাইতে হইবে। সাহিত্য জীবনের দর্পণ হইলেও দর্পণে সুসজ্জিত সুন্দর মুখখানিই দেখিতে সুন্দর; কিন্তু পৃথিবী কদম্ব্য ব্রণাদি দর্পণ সাহায্যে দেখিতে পাওয়া গেলেও তাহা দেখান সুরুচির কার্য্য নহে। সুরুচি ও সুনীতি একই বস্তুর দুই দিক্ মাত্র। সাহিত্যের মধ্যে জীবনের কদম্ব্য ও আবস্জনাংগ্রহই সত্যসঙ্গ নহে। জীবনের নানা দুঃখ ও দৈন্তের মধ্যে সাহিত্যের আলোচনার যদি সত্য শিব সুন্দরের সাক্ষাৎ না পাওয়া যায় তবে তাহার অস্তিত্বের কি প্রয়োজন? আদর্শবাদীর উপর বস্তুতাত্ত্বিকের যে অভিযোগ, তাহার উত্তরে সাহিত্যিক সত্য বনাম বৈজ্ঞানিক সত্যের কথা আসিয়া পড়ে। বাস্তব সত্য সাহিত্যের সর্ষত্র গ্রাহ্য নহে। সম্ভাব্য সত্যই সাহিত্যের সত্য। নিরবচ্ছিন্ন বস্তুতাত্ত্বিকতা সাহিত্যকে তিক্ত করিয়া তুলে। 'কলরবে' অব্যক্ত মধুর ধ্বনি নাই, তাহা কচকচি মাত্র। সাহিত্যের রসাল উগানে ঢেঁকির কচকচি—ভাই ভাইএ কলহ, জাএ জাএ কোলাহল, কুলীদের মাঙ্গলামি, বা কল লইয়া ঝিএদের কলহ, ডাক্তার আসিলে ভিপিট জুটে না, ভিপিট জুটে ত ঔষধের খরচ নাই, ছেলেটা বখাটে হইয়া যাইতেছে, মেয়েটার বিবাহের টাকা নাই, শান্তী বধু-নির্ধ্যাতন করিতেছেন, কদম্ব্য ভাষার বধুর বাপান্ত করিতেছেন,—এ সকল দৃশ্য অসহ্য। কিন্তু সকল

কদম্ব্য-দৃশ্যের মধ্যে—এই পাকের মধ্যে যে স্থলে পদ্য সূটিয়া উঠে, সে স্থলে সাহিত্যের সার্থকতা ঘটে। নিরবচ্ছিন্ন বস্তুতাত্ত্বিকতাও ঠিক নহে, আবার বস্তু ছাড়িয়া কোন বিষয়ই গড়িয়া উঠিতে পারে না। ভিত্তিহীন প্রাসাদ হইতে পারে না। বাস্তবতা ছাড়িলে তাহা আকুণ্ডি হইয়া দাঁড়ায়—তাহার প্রাণ থাকে না। কল্পনার উজ্জল আলোকে তাহা মুহূর্তের জগু জলিয়া উঠিলেও চিরস্থায়ী হয় না। কল্পাবতীর কথা বা আরব্য উপন্যাস শৈশব-কৈশোরে মন মাতাইয়া তুলিলেও তাহা শিক্ষিত মনের ক্ষুদ্রা মিটাইতে পারে না। কল্পনাসাহিত্য বা আদর্শবাদীর সাহিত্য বস্তুতত্ত্বকে সম্পূর্ণভাবে বিদায় দিতে পারে না। সম্ভাব্য-সত্যের উপর সাহিত্যের প্রতিষ্ঠা করিয়া বস্তুতাত্ত্বিকের প্রয়োগ-কৌশল ও আদর্শবাদীর মহান আদর্শের সম্মিলন ঘটাইতে পারিলে তবেই উচ্চাঙ্গের সাহিত্য পাওয়া যায়। সাহিত্য জীবনের ছায়াচিত্র নহে, সাহিত্যে জীবনের মধ্যে যাহা সুন্দর ও শোভন, তাহারই প্রতিবিম্ব দর্পণের দ্বারা প্রতিকলিত করিয়া থাকে।

জীবন লইয়া সাহিত্য, জীবন লইয়া কাব্য ও নাটক এবং জীবনের আলোচনাই উপন্যাস। জীবন নীতিশূন্য হইয়া চলিতে পারে না। নীতিশূন্য জীবন নিফল ও অসার, নীতিশূন্য সাহিত্যও মূল্যহীন অসার। সাহিত্য নীতি-প্রচারের উদ্দেশ্যে রচিত না হইতে পারে, কিন্তু তাহাতে ত্রুণীতির প্রশস্য থাকিবে কেন? সাহিত্যের কার্য্য প্রচার নয় বটে, কিন্তু সাহিত্যে প্রচার থাকা সত্ত্বেও সংসাহিত্যের অভাব নাই। অকুশল হস্তে প্রচার ধরা পড়ে, কুশল হস্তে সংসাহিত্যের সকল দাবী বজায় রাখিয়া জীবনের নানা সমস্যা আলোচিত হয়। সাহিত্যিক স্কলমাষ্টার না হইলেও তাহার প্রভাব স্কলমাষ্টার অপেক্ষা বহু অধিক। সাহিত্য নীতির মূলোচ্ছেদ করিয়া প্রতিষ্ঠা লাভ করিতে পারে না। সাহিত্যের সহিত জীবন ও নীতির সম্পর্ক অতি নিবিড়; এ কথা অস্বীকার করিলে সত্যের অপলাপ করা হয়।\*

শ্রীধীরেন্দ্রকৃষ্ণ মুখোপাধ্যায়। (এম এ, অধ্যাপক)

\* এই প্রবন্ধ হডসন ওয়ারস্ফোল্ড, ডাউডেন প্রভৃতি বহু ইংরেজ লেখকের গ্রন্থ হইতে সংকলিত হইয়াছে; হডসনএর Introduction to the Study of Literatureএর বহুস্থলে অঙ্গসরণ করা হইয়াছে।



## অশ্রুময়ী

( গল্প )

আর্টের কোণল দেখাইবার জন্য একাধিনী বলিতে বসি নাই। আমি মা...মায়ের মনে যে রাবণের চিত্র জ্বলিতেছে অহর্নিশি.....

বড় ছেলে অমল। তার মখন জন্ম হয়, সংসারে নানা অভাব, নানা অভিযোগ! এক-একটা দিন যায়, মনে হয়, বাঁচিয়া গেলাম। স্বামীর মনে দৃষ্টিস্তার ছায়া! আমার মনে সদাই উদ্বেগ...প্রথম অঙ্কেই যদি জীবন-নাট্যের উপর যবনিকা পড়িয়া যায়! অর্থাৎ সামনে যতদূর দেখা যায়, শুধু অন্ধকার!

এমন দিনে অমল আসিয়া যেন সে-আঁধারে জ্যোৎস্না টাঙ্গিয়া দিল! স্বামী আর আমি—দু'জনের সে হইল মাথার মণি! সে যা চায়, যে বায়না তোলে—তাহাই দি। না দিলে স্বস্তি পাই না! আদরের ঘটায় তার আব্দার বাড়িয়া চলিল সীমাহীন প্রসারে!

দু'দিনের মেঘও কাটিতেছিল...অল্প অল্প আলোর আভাস! অমলের বয়স তখন বারো বৎসর। অফিসের কাজে স্বামীকে যাইতে হইল দিল্লী, লাহোর, করাচি, বোম্বাই। মাছিনা বাড়িল। স্বামীর উপর অফিসের বিশ্বাস বাড়িল এবং দিল্লী-ব্রাঞ্চে স্বামী হইলেন কর্তা।

বাড়ী, গাড়ী, টাকা সব হইল। অর্থাৎ ঐশ্বর্যের দীপ্তিতে—অতীত-দিনের সব কালি, সব অন্ধকার মুছিয়া গেল।

অমলের বয়স একুশ বৎসর। তার কোলে শিশির। শিশিরের বয়স ষোল। আমরা দিল্লীতে থাকি।

অমল বায়না ধরিল—জীবনে সৃণা ধরে গেল! ইট-কাঠের এ বাঁচা আর সহ হয় না! আমি মাছুষ... জানোয়ার নই। কলকাতায় যাবো...এখানে এমন বেঁচে মরে আমি থাকতে পারবো না।

আমি চমকিয়া উঠিলাম, বলিলাম—উনি বলছিলেন, ওঁর সঙ্গে অফিসে বেরুতে। সাহেবরা রাজী তোমায় অফিসে নিতে।

অমল বলিল,—অফিসের দাশ আমায় পোষাবে না। আমি ব্যবসা করবো। চাকুরকে জানো? আমার সঙ্গে পড়তো কলকাতার স্কুলে...প্রায় আসতো আমাদের বাড়ী। সে ব্যবসা করছে...কৈঁপে লাল হয়ে উঠেছে দু'বছরে। আমায় ক্রমাগত চিঠি লিখচে, এসো। আমায় পার্টনার নিতে রাজী!...আমি কলকাতায় যাবো...এখানে থাকবো না।

দুটি ছেলে আমাদের চোখের তারা! তাদের ছাড়িয়া কোন্ প্রাণে বাঁচিব?

অনেক বুঝাইলাম। বলিলাম,—ব্যবসা করতে চাস, এইখানে কর। ওঁকে বল...এখানেও মোটরের ব্যবসা ভালো চলবে।

অমল বলিল,—কলকাতা ছেড়ে দিল্লী!...হুঁ! বাঙলা দেশ আমার প্রাণ। সোনার বাঙলা!

নিশ্বাস চাপিয়া বলিলাম—ওঁকে বলি।

অমল বলিল,—তোমাদের বারণ আমি শুনবো না। প্রাপ্তে তু ষোড়শে বর্ষে...ষোল পেরিয়ে আমার বয়স হলো একুশ! এখনো এমন শাসন-নিষেধ! দেহ-মন পঙ্গু, জীবন অপদার্থ হয়ে গেল! এভাবে কেউ মাছুষ হতে পারে না!

বলিলাম,—ওঁর সঙ্গে কথা ক'। টাকা দেবার মালিক উনি...আমি নই। উনি যদি বলেন...

অমল বাঁজিয়া উঠিল, বলিল,—বলাবলি কি! আমি যাবো কলকাতায় চাকুর ওখানে।...প্রাণ এখানে হাঁফিয়ে



উঠে। তোমাদের ঐশ্বর্য ভোগ করে' নন্দলাল হয়ে পেলুম। নিজের পা ছ'খানায় জোর আছে কি না, সে পারে তবু দিয়ে দাঁড়াতে পারি কি না, দেখতে চাই। ভয় নেই। টাকা এখন দিতে হবে না। আগে কাজ-কর্ম শিখি, তার পর টাকা...আমার তো ঠাট্ট দেবে জীবনে!...আসল কথা, বাবাকে বলো, চাকরি-বাকরি আমি করবো না। কি হুঃখে করবো ?

অমলকে ধরিয়ে রাখা গেল না। সে কলিকাতায় চলিয়া গেল। স্বামী খরচ-পত্রের ব্যবস্থা করিয়া দিলেন।

আমার মন আতঙ্কে হুমহুম করিত সারাক্ষণ। আমার ছেলে অমল...আমার পেটে জন্মিয়াছে! তাকে আমি যেমন জানি,—সে নিজে তেমন জানে না! আমি জানি, ছুঁকল তার মন...ছুঁকয় তার গৌ! যেদিকে ঝাঁকে, কার সাধ্য, ফিরায়! কলিকাতা সহর...আমি কাছে নাই...কে তাকে দেখিবে?

নিখাসে-নিখাসে আমার বুকখানা ভরিয়া এমন করিত! মনে হইত.....

চাকু ছেলোট ভালো। যখন কলিকাতায় ছিলাম, আমাদের বাড়ী আসিত। থাকিবার মধ্যে ছিল বিধবা মা...সে মা আজ নাই!

ছ'মাস পরে সুরেশ আমার চিঠি লিখিল—অমল এখানে একটি মেয়ে দেখিয়াছে। মেয়েটি দেখিতে ভালো...ভাগর বরস। তাকে অমলের খুব পছন্দ। সে চায় তাকে বিবাহ করিতে। তার সঙ্গে প্রায় দেখাশুনা হয়। সে আপনার অনুমতি চায়। অনুমতি পাইলে মেয়েটিকে লইয়া দিল্লীতে আসিবে। সে-মেয়ে আপনার পছন্দ হইবে নিশ্চয়।

চমকিয়া উঠিলাম। আজ তিন বৎসর ধরিয়ে কত মেয়ে দেখিলাম। চমৎকার সব মেয়ে! সুন্দরী, লেখাপড়া জানে, বনিয়াদী ঘর। অমলকে কত সাধিয়াছি...এই দিল্লীরই গুণময় বাবুর মেয়ে শ্রীতিকণা...কানীর বরদা বাবুর মেয়ে সাধনা...এলাহাবাদের জয়কালী বাবুর ভাইবী লাবণ্য-মেখা...কলিকাতার এটর্নি শামশকর বাবুর পৌত্রী দুর্গাবালা... আমার কি পছন্দই হইয়াছিল! অমলের ধর্মুর্ভঙ্গ পণ—না, আমি বিবাহ করিব না।...আর আজ ?

মায়ের পাশ ছাড়িয়া ধূরে গিয়াছে। যেমন গিয়াছে,

অমনি বিবাহে সাধ। নিজে দেখিয়া পছন্দ হইয়াছে, তাই, তাই...

অভিমান? অভিমান হইল খুব—সে কথা গোপন করিব না।

এক সপ্তাহ পরে অমল আসিল দিল্লীতে; সঙ্গে সেই পাত্রী। ডাগর মেয়ে। রূপে পদ্মিনী না হোক, দেখিতে খাশা! মুখ যেন প্রতিমার মুখ!

মেয়েটির নাম অশ্রময়ী। নামটা ভালো লাগিল না। সাধ করিয়া মেয়ের এ নাম রাখিতে আছে?

তার পর বিবাহের কথা! মেয়ে সুখী হইলেই তাকে ছেলের বৌ করা চলে? তার মা-বাপের পরিচয়...বংশের পরিচয়...কেমন লোক...কি বৃত্তান্ত...সে-সবের সন্ধান লইব না?

অমলকে বলিলাম,—মেয়ের মা-বাপ আছেন? বাপের নাম? কি করেন তিনি? তোর সঙ্গে এত-বড় মেয়েকে ছেড়ে দিলেন? এ-সম্বন্ধে তাঁরা আমাদের কোনো চিঠি লিখলেন না কেন?

অমল বলিল—অত খপর আমি নিইনি। তাদের আমি চিনি না। আমি জানি শুধু এই অশ্রমকে। ওর সঙ্গে প্রথম দেখা ট্রামে...আমি সিনেমা দেখে ফিরছি...সেই ট্রামে ছিল অশ্রম। কণ্ঠাকটার টিকিট দিতে এলো; টিকিটের দাম দিতে গিয়ে দেখে, পার্শ্ব নেই! দারুণ-অপ্রতিভ...মুখ-চোখ রাঙা হয়ে উঠেছে! ব্যাপার বুঝে আমি করি ওকে সে-দায়ের উদ্ধার। সেই থেকে জানাশোনা। অশ্রম থাকে "পাশ-নিবাসে"। অশ্রম আমার হোটেল...আর মেয়ে পড়ার পাড়ার একটি গাল-স্কুলে...বাস!

আমি বলিলাম—মা-বাপ?

অমল বলিল—আছে, গুনেছি। কিন্তু কে তাদের খপর রাখে!...শুধু একটা খপর নিয়েছি, জানি তো তোমাদের কাণ্ড...ওরা হলো গাঙ্গুলি...আমরা ক্যানার্জ। তোমাদের শাস্ত্রে বাধবে না—বাস!

আমার মনের বিধা তবু ঘুচিতে চায় না! ছেলের বিবাহ দিতে বসিয়া পাত্রীর মা-বাপের পরিচয় লইব না?

বলিলাম,—তবু মা-বাপের খপর একটা চাই তো...

কাদিয়া অমল বলিল,—কেন ? আমি তো মা-বাপকে বিয়ে করছি না...বিয়ে করছি অশ্রুকে। অশ্রুকে আমি চিনি, জানি...ব্যস্!

ছেলের যে-ভাব দেখিলাম,—কিন্তু অসম্ভব আব্দার ! স্বামী বলিলেন,—ছেলেবেলা থেকে যেমন গড়েচো...

অশ্রু মেয়েটি ভালো। তাকে আমি সত্যই ভালো-বাসিরাছি। কিন্তু বিবাহ তো শুধু খেলা আর ভালোবাসার বস্তু নয় ! এর পিছনে আছে পাঁচ জন...পিছনে আছে সমাজ !

অমল বলিল,—কবে বিয়ে দিচ্ছ, বলো...

বলিলাম,—দাড়া। পাঁজি দেখাই। তাছাড়া ওঁর একটা ইজ্জৎ আছে...লাকজন নিমন্ত্রণ আছে...পাঁচটা আয়োজন আছে।

অমল বলিল—আয়োজন আবার কি ! বিয়ে...এ তো মিউনিসিপাল ইলেকশন্স নয় সে ভোটারদের বাড়ী-বাড়ী গিয়ে গলবস্ত্র হয়ে খোসামোদ করার দরকার। তোমাদের সব বিধী...এই জন্তেই তো...

ছেলের সঙ্গে আলোচনা নিফল ! অশ্রুর কাছে কথাটা পাড়িলাম। বুঝাইয়া তাকে বলিলাম—তোমার মা-বাবা আছেন, অশ্রু...তোমরা যতই বড় হও, স্বাধীন হও, নিজেদের মতে যতই চলো, বাঙালীর ঘরে বিয়ের ব্যাপারে মা-বাপকে হেঁটে কাজ করা উচিত হবে না। তোমার মামার কাছে তুমি থাকো...তাঁর মত আছে, বলচো...মানি। কিন্তু মা-বাপ...তাঁদের একবার খপরটা দেওয়া উচিত তো !

বিনয়-নম্র ধীর বচনে অশ্রু বলিল,—বাবা থাকেন রাণাঘাটে। সামান্য চাকরি করেন। ভাই-বোন আমার আটটি। দিদিমার অসুখ হতে আমি আসি কলকাতায় দিদিমার সেবা করতে। তখন আমার বয়স আট বৎসর। তারপর দিদিমা মারা গেল...আমি আর মা-বাপের কাছে ফিরিনি...মা-বাপও আমার ফিরে যেতে বলেনি ! সেই অবধি আছি মামার বাড়ী। মামার একটি হোটেল আছে—পাঙ্ক-নিবাস। তার উপর আমি জগদম্বা বালিকা-বিদ্যালয়ে মেয়ে পড়িয়ে কুড়ি টাকা মাহিনা পাই। হোটেলের উপনি-কাজ ছচারটে করতে হয়...পয়সার জন্তে। অবস্থা খারাপ। পয়সা চাই !...

বড় করুণ ইতিহাস ! এ ইতিহাস বলিতে অশ্রুর চোখ ছলছলিয়া উঠিল। আমরা বুকে অশ্রুর তরঙ্গ-দোলা !

নিখাস চাপিতে পারিলাম না। বলিলাম—অমলের সঙ্গে বিয়ে হচ্ছে শুনলে তোমার মা-বাপ খুশী হবেন, মা !...তুমি তোমার বাবার নাম ঠিকানা দাও...উনি তাঁকে চিঠি লিখবেন।...তোমার বাপের মত নিতে হবে—নেওয়ার দরকার। সামাজিক দিক থেকে দরকার—নিজেদের দিক থেকেও দরকার।...তাঁরা যদি এত দুঃখ-কষ্টে আনন্দ পান...তুমি মেয়ে, তোমার তা করা উচিত। না করলে পাপ হবে।

অশ্রু বসিয়া রতিল বহুক্ষণ নিম্পন্দ, স্থির ! তার পর নিখাস ফেলিয়া তার বাপের নাম ঠিকানা লিখিয়া দিল—শ্রীসুজ বাবু জহরলাল গাঙ্গুলি...শিবভলা, রাণাঘাট।

স্বামী চিঠি লিখিলেন—মথারীতি অনুমতি চাহিয়া, নিমন্ত্রণ করিয়া। ছেলেমেয়েদের লইয়া কবে এখানে আসিবেন জানাইলে মর্যাদা-স্বরূপ স্বামী টাকা পাঠাইয়া দিবেন, এ কথাও চিঠিতে লিখিয়া দিলেন।

অবস্থা ভালো নয়। এতদূরে আসিতে ট্রেন-ভাড়া তো অল্প লাগিবে না !...নিজেরা, আটটি ছেলে-মেয়ে...

চিঠি গেল।...এক সপ্তাহ, দু'সপ্তাহ কাটিল...কোনো জবাব আসিল না। স্বামীর লেখা চিঠি ফেরতও আসিল না।

অমলের অধীরতা দেখে কে ? সে বলিল,—অশ্রুকে কত দিন এমন অনুগ্রহ-প্রত্যাশী বসিয়ে রাখবে তোমাদের বাড়ী ? ধনী না হলেও ওর মান-ইজ্জৎ আছে। ভিখিরী নয় ! আসল কথা, অশ্রু ছাড়া আর কোমো মেয়েকে আমি বিয়ে করবো না...তা সে ইরানের বাদশাজাদী হোক কি রাশিয়ার রাজকন্যা হোক !

উপায় নাই ! অশ্রু সেই অশ্রময় করুণ কাহিনী...মা-বাপ যদি মেয়েকে ছাঁটিয়া আরাম পায়—মেয়ের দোষ মেয়ে ভাসিয়া যাইবে ? বিশেষ, এমন মেয়ে...

ছেলের বিবাহ দিয়া আমি তো মেয়ের বাপের কাঁ মলিয়া পয়সা রোজগার করিতে চাই না ! ভগবান যা দিয়াছেন,...এমন মেয়েকে যদি আমি না ঘরে লই...পয়সার অভাবে এ মেয়ের বোগ্য বর হয়তো মিলিবে না...তার জীবনটা ব্যর্থ হইয়া যাইবে ? তার উপর ছে

তাকে চায়। একে একে না পাইলে ছেলে যে কি করিয়া  
বসিবে—কি যে না করিবে ..ভাবিলে শিহরিয়া উঠি।

অশ্রুকে যদি আমি না পাই,—অমল তাকে বিবাহ  
করিবেই...পড়ি তো গল্পে-উপস্থানে। তাছাড়া এ বয়সে  
মামার হোটেলে দাস্ত করিয়া অশ্রু দিন কাটাইবে।

ব্যথার-বেদনার বুক ভরিয়া উঠিল।...অনুকম্পা, মায়া,  
স্নেহ, মমতা...বুক জুড়িয়া মস্ত কলরব তুলিল।

স্বামীকে প্রশ্ন করিলাম,—ইয়া গা, তুমি কি বলো ?

স্বামী বলিলেন,—মেয়েটিকে ছাড়তে মন চায় না। বড়  
ভালো মেয়ে...এ্যাদিন তো নিয়ে ঘর করলে। কোনো  
দোষ দেখেচো ?

কহিলাম—না।...

তবু মনের এক কোণে কেমন যে সংশয়ের একটু  
রেখা...এত দিন এ-মেয়ে...ডাগর মেয়ে...তার উপর  
চাকরি করে !

এমন মেয়ের কল্পনা তো কখনো করি নাই।

কিন্তু নিকুপায় ! ছেলে অমলের তৃপ্তি...বেচারী অশ্রু !

শুভদিন দেখিয়া ছেলের বিবাহ দিলাম অশ্রুর সঙ্গে।  
অশ্রু হইল আমাদের বৃকের মনি !...

অমল বলিল—এইখানেই মোটরের কারখানা গুলি, মা।  
তুমি তো ছেড়ে দেবে না, জানি।...তাছাড়া বিদেশে অশ্রু  
বা কার কাছে থাকবে...একলা ! ও চায় এখানে থাকতে ;  
কলকাতায় যেতে চায় না।

অশ্রু এখানে থাকিতে চায়, তাই !...মা আজ কেহ নয় !

তাই হোক ! ছেলেমেয়ে মত দিন ছোট থাকে, তত  
দিনই মায়ের খোঁজ করে। হায়রে, তার পর মায়ের  
কাঁধ ধার কুরাইয়া...মাকে আর প্রয়োজন হয় না !

নির্মল আকাশ...আলোর দীপ্তিতে ভরিয়া আছে।  
কোথাও তার মেঘের ছায়া নাই !

অমল কাজে নামিয়াছে। চকের কাছে মোটরের মস্ত  
কারখানা। আর অশ্রু...

স্বামী বলেন,—পরের মেয়ে...এত তার মায়া ! এত  
যত্ন !...আমার নিজের মাকে যেন আবার ফিরে পেয়েছি !

ওঁহি। আমার মুখে কথা ফোটে না। ঠাকুরকে

উদ্দেশে প্রণাম করি, প্রণাম করিয়া বলি—তোমার  
করণার সীমা নাই, ঠাকুর...

তবু যেন ছায়া ! ছায়ার মতো অশ্রু নিজেকে  
রাখিয়াছে সারাক্ষণ আমার পাশে। হাসি-খুশীর মাঝেও তার  
মুখখানি দেখি, মলিন হইয়া আছে !...যখন একলা থাকে,  
দেখি, কখনো বসিয়া আছে জানালার পাশে উদাস নয়নে  
চাহিয়া আছে আকাশের পানে ! কখনো দেখি, ছাদে গিয়া  
আলিশায় হাত রাখিয়া চাহিয়া আছে সুদূর দিগন্তের পানে...

ডাকি,—অশ্রু...মা...

চমকিয়া অশ্রু আমার পানে ফিরিয়া চায়। যেন  
ঘুমের ঘোরে স্বপ্ন দেখিতেছিল—আমার আস্থানে ঘুম  
ভাঙ্গিয়া গিয়াছে...সেই সঙ্গে স্বপ্ন ! এমনি ভাব !

বলি,—কি তুমি এত ভাবো, মা ?

অচপল নত্রে অশ্রু আমার পানে চাহিয়া থাকে...হুটি  
চোখের তারায় রাজ্যের তৃষ্ণিতা যেন মাখানো !

তাকে বৃকে টানিয়া আদর করিয়া বলি,—বলো। মা-  
বাপের জন্তে মন কেমন করচে ?

নিশ্বাস ফেলিয়া অশ্রু জবাব দেয়,—না।

আতঙ্কে তার সোনার বর্ণ নীল হইয়া ওঠে !...আমার  
বৃকে সে মুখ লুকায়, ফুঁপাইয়া কাঁদে।...

আমি বলি,—কি হয়েছে মা ?...অমল বকেছে ? তার  
সঙ্গে...

মুখ তুলিয়া মাথা নাড়িয়া অশ্রু জবাব দেয়,—না, না...

তার স্বর গাঢ়...জুঁচোখে জল-ধারা !

আমার বৃক ব্যথায় টনটনিয়া ওঠে। অশ্রুর চোখে  
জল কেন ?

কেন ?...মনে তার কি এমন বেদনা ?...

চুপ করিয়া থাকি বহুক্ষণ। নিত্য এমন ঘটে।

সেদিনও। অশ্রুকে বলিলাম,—গাড়ী বার করতে বলি...  
চলো, হুজনে বেড়িয়ে আসি সেই যমুনার ধার পর্য্যন্ত।  
শিশির এখানে নাই। সে লাহোরে পড়িতেছে  
মেডিকেল কলেজে।

অশ্রুকে লইয়া বেড়াইতে বাহির হইলাম। নয়া দিল্লী,  
পুরানো দিল্লী, কোর্ট...সব ঘুরিয়া শেষে আসিবার কুড়বের  
কাছে।

আকাশ-তরা জ্যোৎস্নার বস্তা-সবুজ ঘাসে-ছাওয়া  
প্রশস্ত অঙ্গন...

অশ্রুকে বলিলাম,—এসো, এখানে একটু বসি।

অশ্রু নামিল। আমি নামিলাম। হৃৎকনে বসিলাম  
ভৃগু-শয্যায়।

অশ্রুর মুখ...জ্যোৎস্নার আলোয় দেখি, বিবর্ণ, মলিন!

বুকখানা ছাঁৎ করিয়া উঠিল। কি কথা বলিয়া তার  
মুখে ভাষা ফুটাইব, ভাবিয়া ঠিক করিতে পারিলাম না।

বহুক্ষণ কাটিল...নীরবে।

শেষে বলিলাম,—তোমার কোনো অসুখ করচে?

সংক্ষেপে অশ্রু বলিল,—না।

বলিলাম,—শোনো অশ্রু, তুমি জানো, আমার মেয়ে  
নেই। তোমাকে পেটের মেয়ে বলে জানি। ক'দিন  
পরে দেখছি, তোমার মুখ শুকনো...কি এত ভাবো, বলো  
তো? ...যেন কত ব্যথা! বলো মা, আমার ভাবনা বুঝাচো  
না? আমি মা...

অশ্রু মাথা নামাইল...তার পর অতি কষ্টে নিশ্বাস  
চাপিয়া বলিল,—কোনো অসুখ নয়, মা...

—তাহলে...?

ভাবিলাম, হয়তো সম্মান-সম্ভাবনার প্রথম বেদনা-ভার!  
ইঙ্গিতে সে-কথা তুলিলাম। সলজ্জ-সঙ্কোচে মুড়-ভাষে  
অশ্রু বলিল,—না।

তবে...কি?

চোখে সেই জল-ধারা! অশ্রুকে বুকে চাপিয়া ধরিলাম।  
দূরে কে গান গাহিতোছিল...

সহসা অশ্রু বলিল,—বাড়ী চলুন মা...আমার ভালো  
লাগচে না।

বলিলাম,—তাই চলো। বাড়ী গিয়ে ডাক্তারকে  
ডাকিয়ে পাঠাই।

অশ্রু বলিল,—না, না...ডাক্তারে কি করবে, মা?

তার স্বর কাঁপিয়া ভাবিয়া চূর্ণ হইয়া গেল।

ভাবিলাম, গৃহে ফিরিয়া অমলের সঙ্গে একবার...

গৃহে ফিরিলাম। অমল তখনো আসে নাই।...

সে ফিরিল অনেক রাতে। আমি বসিয়াছিলাম  
দোতলার খোলা বারান্দায়। অমল আসিল, ডাকিল—মা...

বলিলাম,—অমল!...আয় বাবা, বোস্ এখানে. আমার  
কাছে।

অমল বসিল।

বুলিলাম, সে আসিয়াছে অশ্রুর কথা বলিতে। জানি,—  
অশ্রু-অন্ত প্রাণ! অশ্রুকে সে কতখানি ভালোবাসে...  
হৃৎকিতে কি গভীর প্রীতি ভালোবাসা...আমি জানি।

অমল বলিল,—অশ্রুর কি হয়েছে, বলো তো মা...চোখে  
জল...কি ও ভাবে!...জিজ্ঞাসা করি। কিছু বলে না—শুধু  
মুখের পানে চেয়ে থাকে।...কাল রাতে হঠাৎ আমার ঘুম  
ভেঙ্গে যায়...দেখি, অশ্রু বিছানায় নেই...মেঝের উপুড় হয়ে  
পড়ে আছে। ডাকলুম...ধরে তুললুম। চোখ জলে ভরা,  
মুখে-চোখে কালির রেখা! জিজ্ঞাসা করলুম—কি হয়েছে?  
কোনো জবাব দিলে না। আমার কথায় ফুঁপিয়ে কাঁদতে  
লাগলো।...আজ এখন ঘরে ঢুকে দেখি, জানলায় বসে  
কাঁদতে অঝোর-ধারে!...সত জিজ্ঞাসা করি, কি হয়েছে?  
...কোনো জবাব দেয় না।

আমি বলিলাম,—এই কথাই তোকে জিজ্ঞাসা  
করবো বলে বসে আছি, অমল।...এ চোখের জল  
আমিও দেখেছি...জিজ্ঞাসা করে' কোনো জবাব  
পাইনি।...তুই বকেচিস-টকেচিস? কিণা...

—বকেচি!

অমলের স্বরে একরাশ বিস্ময়!

চোখের জল কেন—জানা গেল না। স্বামীকে বলিলাম  
—তিনিও আদর করিয়া অশ্রুকে বহু প্রশ্ন করিলেন। কিন্তু  
কোনো জবাব নাই! শুধু অশ্রু আর অশ্রু! ভাবিলাম,  
এইজন্মই মা-বাপ তোমার নাম রাখিয়াছে অশ্রু-অন্ত!

পরের দিন সকালে পুঁটি দাসী আসিয়া বলিল—পাঁচদিন  
আগে ডাকে একখানা চিঠি আসে বৌদির নামে।...সে  
চিঠি আমি নিয়ে গিয়ে বৌদিকে দিই। সেই চিঠি পড়ে  
বৌদির মুখ হয়ে গেল পাঁশের মতো! দেখে আমি শিউরে  
উঠলুম। জিজ্ঞাসা করলুম,—কোনো মন্দ খবর, বৌদি?  
যে-চোখে বৌদি আমার পানে তাকালো... তা আমি কখনো  
ভুলবো না, মা। বৌদি যেন ভূত দেখেচে...না, কি!

চিঠি!...পুঁটিকে বলিলাম,—এ কথা আমার বলিস্ নে  
কেন?



পুঁটি বলিল—বৌদি যখন বললে না কার চিঠি, কি চিঠি...ভাবসূত্র, তেমন কিছু খপর নয়, বৃদ্ধি! তাছাড়া সেদিন আমি নিজের কাণে শুনেছি মা, দাদাবাবু কত মিনতি করে বৌদিকে বলচেন,—কি হয়েছে, বলো আমার! তা বৌদি কোনো জবাব দিলে না।

পুঁটিকে বলিলাম—তুই যা পুঁটি...

পুঁটি চলিয়া গেল।

ভাবিলাম, কি চিঠি? কার চিঠি?

অশ্রুকে প্রশ্ন করিলাম,—ক'দিন আগে ডাকে কি চিঠি পেয়েচো, মা?

অশ্রু যেন কাঁপিয়া উঠিল! তার মুখ হইতে রক্ত সরিয়া গেল...যে-মুখে অমন রক্ত-কমলের আভা...নিমেষে সে মুখ দেখি, কাগজের মতো সাদা!...

অশ্রু চক্ষু মুদিল। ভাবিলাম, এখন বৃদ্ধি মাথা পুরিয়া পড়িয়া বাইবে! তাড়াতাড়ি ধরিয়া তাকে বৃকে লইলাম। কহিলাম,—কার চিঠি?

অশ্রু কাঁদিয়া একেবারে আমার পায়ে লুটাইয়া পড়িল... ডাকিল,—মা...মা...তুমি আমার মা...আমার সন্তি-কারের মা।

আমি বলিলাম,—তাই...আমি তোমার মা। বলো আমার, কি হয়েছে। ভয় নেই। যদি কোনো খাবাপ খপর পেয়ে থাকো...মনে পুষে রেখে কষ্ট পেয়ে না! আমি মা...আমায় বলো সব কথা শুলে।

অশ্রু কোনো কথা বলিল না...জুটি ঠোট কাঁপিতে লাগিল, বাতাসের দোলায় কিশলয়ের মতো! মুখে কথা নাই! চ'চোখের দৃষ্টি আমার পানে...চোখে জলের ধারা নির্ঝরির মতো ঝরিতেছে!

কত আদর...কত সাধনা!

অশ্রু বলিল—একথা কেউ বুঝবে না, মা...আমার বড় ভয় করে।

কি কথা? কিসের ভয়?

আমার পায়ে অশ্রু লুটাইয়া পড়িল।

বলিলাম,—আর কেউ জানবে না। আমার বলো।

মা আর মেয়ে ছাড়া এ কথার বাস্পও কেউ জানবে না!

অশ্রু বলিল না। তার চোখে শুধু অশ্রুর পাপার! কত

সাধনা, কত আশ্বাস, কত প্রবোধ! কহিলাম,—বলো মা, বলো কোনো ভয় নেই। আমি তোমায় বৃক দিয়ে রক্ষা করবো।

অশ্রু বলিল—তোমায় বলবো মা সব কথা।...কোনো কিছু গোপন করবো না!

অশ্রুর চোখের জল মুছাইয়া দিলাম। অশ্রু বলিল,—অনেক দিন আগে...

কথা আর অগ্রসর হইল না; বন্ধ হইল অমলের অন্তর্কিত আগমনে।

এখন ভাবি, যদি সে না আসিত! যদি সে অশ্রুকে সঙ্গে লইয়া বেড়াইতে না বাহির হইত! হয়তো এমন ঘটত না!...

রাগ্নি প্রায় আটটা। স্বামীর কাছে বসিয়া আছি... বাড়ী মেরামতের জন্ম কাল মিন্টি আসিবে, কোন্ দিকে তার কি কাজ শুরু করিবে, তারি আলোচনা হইতেছিল।

পুঁটি আসিয়া হাজির। বস্তু লাভ। স্বামীর আগ্রহে সে প্রশ্ন করিল,—বৌদি...?

চমকিয়া উঠিলাম। কহিলাম,—খরে নেই? একটু আগে দেখে এলুম, বিছানায় শুয়ে আছে। ভাবলুম, যুমোচ্ছে তাই ডাকিনি।

পুঁটি বলিল—ঠাকুব খাবার দেছে। তাই ডাকতে এসেছিলুম।...কোথাও দেখতে পাচ্ছি না, মা...

পুঁটি বলে কি?

স্বামী স্ত্রী...জুজনে আমরা তখনই আসিলাম অশ্রুর ঘরে। অমল তখনো আসে নাই। কারখানায় ক'দিন কাজ পূর্ব বেশী...তার দিহিতে রাত হয় প্রত্যহ।

শালো জালিলাম। না, অশ্রু নাই! বিছানার উপর পড়িয়া আছে একখানা চিঠি...খামে মোড়া। খামে কাহারো নাম নাই।

খাম ছিঁড়িয়া চিঠি বাহির করিলাম। অশ্রুর লেখা। লিখিয়াছে,—

আমাকে কি না দিয়াছিলে। কিন্তু জানিতে না, আমি কত বড় শয়তানী। তবু ওগো, তবু একটু সঙ্গ-হৃদয়ে আমার বিচার করিও।

এখানে থাকিবার যোগ্যতা আমার নাই। আমার কোনো সন্ধান করিও না।

সকলের পারে আমার কৃতজ্ঞ প্রাণের অক্ষয় প্রণাম  
রাখিয়া গেলাম।

অশ্রু

নভেলের মতো এ কি চিঠি! এ চিঠির মানে?  
এখানে থাকিবে, সে যোগ্যতা তার নাই! আমাদের এত  
আদরের অশ্রু!

চোখের সামনে হইতে ছুনিয়া মুছিয়া বিলুপ্ত হইয়া গেল!  
অশ্রু! অশ্রু! অশ্রু!

চারি দিকে লোক ছুটিল অশ্রুর সন্ধানে। অমল যেন  
পৃথিবী চমিয়া ফেলিল! কোথাও অশ্রুর দেখা মিলিল না।  
ক'দিন পরে যে-খণ্ড মিলিল...

মর্মান্তিক ট্রাজেডি...সেই সঙ্গে কতখানি লজ্জা!

ডাকে চিঠি আসিল অশ্রুর নামে।

সে চিঠি পুলিলাম। তাহাতে লেখা—

চমৎকার খেল খেলিয়াছ শ্রীমতী হৈমবতী! নাম  
বদলাইয়া এখন হইয়াছ শ্রীমতী অশ্রুময়ী! খুব বড় ঘবে গিয়া  
বৌ সাজিয়াছ! বেশ! বেশ! তোমার মামার কাছে  
সন্ধান পাইয়াছি। আগে তোমাকে লিখিয়াছি,—এবারও  
লিখিতেছি,—আমাদের কি ব্যবস্থা করিবে?

চিঠিতে লেখা সে-সব লক্ষীছাড়া কথা তুলিতে চাই না।  
চিঠি পড়িয়া এবং অশ্রুর মা-বাপ ও মামার কাছ হইতে  
যে-সংবাদ মিলিল...

অর্থাৎ মামার বাড়ীতে থাকিয়া অশ্রু করিত সংসারের  
দায়...গাল স্কুলে মাষ্টারী। লেখাপড়া শিখিয়াছিল—  
এদিকে তার ঝোঁক ছিল অনেক খানি। অশ্রু তার  
খাসল নাম নয়। এ নাম সে নিজে লইয়াছে: মা-বাপের  
দেওয়া নাম—হৈম।

মামার বাড়ীতে হৈম ডাগর হইয়া উঠিল। মামার  
সঙ্গতি নাই, তার বিবাহ দেয়। নিজের মেয়ে নয়...  
ভাগিনেরী! এ যুগে কোন্ মামা গাটের পয়সা খরচ  
করিয়া ভাগিনেরীর বিবাহ দেয়!

এমন সময় জুটিয়া গেল পাড়ায় এক লক্ষীছাড়া পাত্র।  
তার নাম নারাণ। বখার শিরোমণি! নারাণের বাপের  
ছিল হোটেল। অশ্রুর রূপে নারাণ কেপিয়া উঠিল। মামার  
দ্বারে ধর্ণা দিত নিত্য। মামা যা হুকুম করিত, তাহাই  
পালন করিত। যেন মামার পোষা কুকুর।

মামা দাঁও বুঝিল। নারাণ বলিল, অশ্রুকে সে বিবাহ  
করিবে! মামা সে- কথা কাণে তোলে না। নারাণ  
লোভ দেখাইল। শেষে মামা বলিল,—এমন ন্দরী  
মেয়ে... আমায় কি দাম দিবে?

হোটেলটা নারাণ লিখিয়া দিল দলিল রেজেষ্ট্রী করিয়া  
মামার নামে—বিক্রম-কোবালা। মামা একটি পয়সা দিল  
না। হোটেলের বদলে দিল হৈমকে তুলিয়া নারাণের হাতে।  
বিবাহ হইয়া গেল।

কিন্তু হতভাগা বখা পাত্র—হৈমর তাকে মনে ধরিবে  
কেন? মামার বাড়ী মানুষ হইলেও তার তেজ ছিল প্রচণ্ড।  
স্বামীর হাতে নিজেকে সে ধরা দেয় নাই—তার শয্যা সে  
স্পর্শ করে নাই কোনো দিন! এ জন্ত বিরোধ-কলহের  
সীমা ছিল না। নারাণ সে-জন্ত মামাকে প্রহার করিতে  
ছাড়ে নাই। অশ্রুও প্রহার খাইয়াছে অসংখ্য রকম!  
হাতে ছিল কাটা দাগ—লক্ষ্য করিয়াছি। প্রহ্ন করিয়া-  
ছিলাম অশ্রুকে; সনিশ্বাসে সে জবাব দিয়াছিল,—একবার  
চোর আসিয়াছিল...

এইটুকু মাত্র!

চ'মাস পরে প্রহারে-প্রহারে পীড়নে নির্যাতনে এক  
গণিকাকে হতা করিবার অপরাধে নারাণের হয় পাঁচ  
বৎসরের জেল। মামা নিশ্বাস ফেলিয়া বাঁচে। হোটেলটি  
দান করিলেও নারাণের খেয়াল-আবদার মিটাইতে মামাকে  
বেগ বড় অল্প সহিতে হইত না!

আপদ কাটিলে হৈমকে মামা দেয় পাড়ার বালিকা-  
নিষ্ঠালয়ে মাষ্টারী করিতে...

দিন কাটিয়া মাইতেছিল। তার পর দৈবক্রমে ট্রামে  
একদিন অমলের সঙ্গে অশ্রুর দেখা।

রূপে-গুণে লক্ষী মেয়ে...অমল বিমুগ্ধ হইবে, তাহাতে  
বিস্ময়ের কিছু ছিল না! অমল বিবাহের প্রস্তাব করিল।  
অশ্রু সে প্রস্তাবে কাঁপিয়া উঠিল..

কি তার সঙ্কোচ...কুণ্ডা! অথচ তার সঙ্গ-ফোটা তরুণ  
জীবন...

খবর আসিয়াছিল, নারাণ নাকি জেলে মারা  
গিয়াছে।

মামা-মামী অশ্রুকে বুঝাইয়াছিল—সে কি তোর  
স্বামী? তাহাড়া সে আজ বাঁচিয়া নাই! এমন সুযোগ

...বিধবা-বিবাহ তো সমাজে চলিতেছে! তবে? ...তোর সারা জীবন মিথ্যা হইবে কি অপরাধে?

মামা-মামী না কি অমলকে এ-কথা বলিতে চাহিয়াছিল...কিন্তু অমল তখন বিহ্বল, উন্মাদ...কোনো কথা কাণে তুলিতে চায় না!

কাজেই...

মামার হোটেলে অমল বসিয়া থাকিত নিত্য-দিন। অশ্রু তার সর্বস্ব! বেচারী অশ্রু জীবনে কোনো দিন আদর ভালোবাসা পায় নাই।

মামা বলিল—তার কি অপরাধ বলুন? অপরাধ আমার। শুধু মেয়েটা সুখী হইবে ভাবিয়াই...তাছাড়া কোথায় দিল্লী...কোথায় কলিকাতা। কে বা জানিবে? লোকের ঘর পুড়িয়া ছাই হইয়া গেলে সে যে আবার নতুন ঘর বাধিয়া জীবন-যাত্রা নতুন ভাবে শুরু করে! স্ত্রী মন্দ হইলে পুরুষ-মানুষ সে আবার বিবাহ করিয়া নতুন স্ত্রী ঘরে আনে! অশ্রু যদি...

মামা বলিল,—জীবনে অশ্রু কি পাইয়াছে? কেন সে পাইবে না, যা পাইবার যোগ্যতা তার আছে?

কিন্তু নারাণ না কি মরে নাই। ষে-খপর পাওয়া গিয়াছিল, মিথ্যা গুজব! জেল হইতে সম্প্রতি সে ফিরিয়াছে। ফিরিয়া কি তার জুলুম-জবরদস্তি! তবু দিল্লীর কথা, অশ্রুর কথা মামা প্রকাশ করে নাই। দিল্লীর কথা বলিয়াছে নারাণের এক বখা ইয়ার ডুলো...নারাণ জেলে যাওয়া ইস্তক সে ফিরিত এই অশ্রুর লোভে! কি জ্বালাতন করিত! হতভাগা শয়তান...

অশ্রুর জীবনের ইতিহাস আমার বুক রক্তের অক্ষরে লেখা আছে। সে লেখা মুছিবার নয়।

অমল?

তার মুখের পানে মা আমি চাহিতে পারি না! অমল বলিতেছিল—তাকে যদি আমি পাই মা, ...না হয় সমাজে থাকবো না! না হয় তোমাদের সঙ্গে এক বাড়ীতে থাকবো না! ...তোমরা আমাদের তাগ করবে না তো... ভালোবাসো!

এমনি কত কথাই বলে!

আমি চুপ করিয়া বসিয়া সে-সব কথা শুনি। কি বলিয়া তাকে কি-বা বুঝাইব? অশ্রু কি বাচিয়া আছে?

তবু অমল অশ্রুর আশা তাগ করে নাই...আজ্ঞো তার সন্ধান করে। রাতে হঠাৎ ধড়মড়িয়া উঠিয়া কোথায় চলিয়া যায়...সকালে ফিরিয়া আসে মলিন মুখে। আমার কোলে মাথা রাখিয়া বলে,—রাতে যেন পৃষ্ঠ গুলনাম মা, আমার সে ডাকচে!...গিয়েছিলুম। সত্য নয়, স্বপ্ন!

ছেলের মুখের পানে চাহিয়া আমি শিহরিয়া উঠি! কোথায় গেল তার সে স্বাস্থ্য...সে ত্রী.....

পাগল হইয়া আছে সে অশ্রুর জন্ম! কিন্তু তাকে পাইব কি? যদি পাই...

মিথ্যা আশা! নিত্য ভাবি, কাল সকালে উঠিয়া হয়তো দেখিব, অশ্রু আসিয়াছে!...ছলনা! অশ্রু আসিবে না...আসিতে সে পারে না! সে যে বড় ভালো মেয়ে.....মান-ইজ্জতের দাম কতখানি, অমল না বুঝুক, অশ্রু বোঝে!

শ্রীসৌরীন্দ্রমোহন মুখোপাধ্যায়

## সুভদ্রার প্রতি উত্তর

সোনার কঁকন খুলে দাও মা গো, কপাল পুড়েছে মোর।

সীংগির সিঁদুর দাও গো মুছিয়া অভাগিনী বধু তোর ॥

রাজবধু আমি নহি মা গো, আজি হয়েছি ভিখারী দীনা।

কি কাব আমার মণিময় হারে, আমি যে মা স্বামিহীনা ॥

কাঁদিছ মা, কাঁদ, পুত্রহারা তুমি, কাঁদ মা আমার সাথে।

রোদনের রবে ভুবন ভরুক, আজি এ আঁধার রাতে ॥

কাঁদিছে আকাশ, কাঁদিছে বাতাস, কাঁদে গো চন্দ্র-তারা।

গভীর রাত্রি কহিছে মা, কাঁদি' উত্তরা স্বামী-হারা ॥

যে দিকে তাকাই মনে হয় মা গো কোনো খানে নাই আলো।

আঁধার সকলি, হেরি চারি দিকে সব যেন আজি কালো ॥

শ্রীমতী শেফালী দেবী।



## হুগলী জেলার ইতিহাস

( পূর্বপ্রকাশিতের পর )

### চুঁচুড়া

ভারতের সঙ্গে বিদেশীয় বাণিজ্য অতি প্রাচীন কাল হইতেই চলিয়াছিল। পাশ্চাত্য জাতির মধ্যে পর্তুগীজই সর্বপ্রথম জলপথে ভারতের পথ আবিষ্কার করেন। ভাসকো-ডি-গামাই ১৪৯৮ খৃষ্টাব্দে প্রথম কালিকটে আসেন। ইহার পর দিনেমারগণ ১৬১২ খৃষ্টাব্দে এবং সঙ্গে সঙ্গে ইংরেজও ভারতে আসেন। ১৬১৬ খৃষ্টাব্দে ডচ বা ওলন্দাজ কোম্পানী ভারতে আসে।

ওলন্দাজদিগের হুগলী বা চুঁচুড়ায় আসিবার সম্বন্ধে অনেকগুলি মত আছে। হুগলী ডিষ্ট্রিক্ট গেজেটিয়ার প্রণেতা ওসমাল সাহেব বলেন, "The earliest record of the arrival of watch ships in the North of the Bay in 1615" কিন্তু ডচ ইস্ট ইন্ডিয়া কোম্পানী ১৬১৫ খৃষ্টাব্দে গঠিত হয়, সুতরাং ১৬১৬ খৃষ্টাব্দে এখানে আসাই সম্ভব। Calcutta Review of the 1845 লিখিয়াছেন যে, ডচগণ ১৬৯৮ খৃষ্টাব্দে হুগলীর নিকট গোদলপাড়ায় আসিয়া বাস করে। কিন্তু ইহা সমীচীন বলিয়া মনে হয় না। কারণ, চুঁচুড়ায় ওলন্দাজগিজ্ঞানভাস্তরে একখানি চম্ফসকে এক জন ডচ শাসনকর্তার ১৬৬৫ খৃষ্টাব্দে মৃত্যুর কথা লেখা আছে। ওলন্দাজগণ দিল্লীর বাদশাহের নিকট হইতে ৪ খানি 'ফরমান' বিভিন্ন সময়ে পাইয়াছিলেন। প্রথম ফরমান ১৬৩৮ খৃঃ, ২য় ফরমান ১৬৫০ খৃঃ, ৩য় ফরমান ১৬৬২ খৃঃ এবং ৪র্থ বা শেষ ফরমান ১৭১১ খৃষ্টাব্দে পাইয়াছিলেন। অরমি সাহেব বলেন, ডচরা ১৬২৫ খৃষ্টাব্দে বাঙ্গালার আসিয়া বাস করে। চুঁচুড়া ইংরেজের দখলে আসিলে ঐ ফরমানগুলি "Presidency Committee of Records"এর নিকট পাঠাইয়া দেন।

আরওবেদর রাজত্বকালে ১৬৯৫-৯৬ খৃষ্টাব্দে শোভাসিং বর্ধমান আক্রমণ করেন। পাঠান রহিম খাঁ উড়িষ্যা হইতে আসিয়া তাঁহাকে সাহায্য করে। বর্ধমানের রাজা কৃষ্ণরাম \* ঐ যুদ্ধে নিহত হন। এই সময়ে বাঙ্গালার নবাব ইব্রাহিম খাঁ। ওলন্দাজ, ফরাসী ও ইংরেজ আশ্রয়কার্য ও বাণিজ্যকার্য কেলা নির্মাণ করিবার অল্প নবাবের নিকট হুকুম চাহিলেন। নবাব কেলা-নির্মাণে

হুকুম দিলেন। এই সুযোগে ওলন্দাজ চুঁচুড়ায় Fort Gustavas, ফরাসী চন্দননগরে Fort Orleans এবং ইংরেজ কলিকাতায় Fort William কেলা নির্মাণ করিলেন। এই ঘটনা ১৬৯৭ খৃষ্টাব্দে হইয়াছিল। ইংরেজের ঐ পুরাতন কেলা এখন আর নাই। কিন্তু ওলন্দাজ কেলায় উত্তরদিকের দরজায় লেখা ছিল ১৬৮৭ খৃষ্টাব্দ এবং দক্ষিণদিকের দরজায় ১৬৯২ খৃষ্টাব্দ লেখা ছিল। ইহা হইতে বুঝা যায়, ওলন্দাজরা নবাবের হুকুম পাইবার পূর্বেই প্রাচীর নির্মাণ করিয়া চুঁচুড়া সুরক্ষিত করিয়াছিল, পরে কেলা নির্মাণ করে। ১৬৯৭ খৃষ্টাব্দের পরেই ওলন্দাজ গোদলপাড়ায় বাস করেন। ঐ কেলা ঘটাঘাট হইতে বাজারের বারিক পর্যন্ত ছিল। ইংরেজের দখলে চুঁচুড়া আসিলে ঐ কেলা ভূমিসাৎ করা হয়। উহার চিহ্নমাত্র এখন নাই।

ইংরেজের বাণিজ্য-বিস্তারের বহু পূর্বে ওলন্দাজরা বিশেষরূপে তাহাদের বাণিজ্য-বিস্তার করিয়াছিল; অটল অধ্যবসায় বাণিজ্য করিয়া বহু অর্থ উপার্জন করিয়াছিল। যে সময় ওলন্দাজ চুঁচুড়ায় আসিল, সে সময় ফরাসী চন্দননগরে ছিল। উভয়ের নগর পাশাপাশি, সেজন্ত উভয়ে বন্দোবস্ত করিয়া একটি বিস্তৃত খাদ কাটাওয়া সীমা নির্দেশ করিয়া লইল। এই সীমানা এখনও বর্তমান আছে—উহাকে "ফরাসিগড়" বলে। চুঁচুড়ার পশ্চিমে একটি ঘারহীন ফটক এখনও বর্তমান আছে। ঐ ফটক দিয়া যে সমস্ত মালপত্র আসিত, তাহার উপর ঐ স্থানে তদ্ব আদায় করা হইত, সে জন্ত উহার নাম "তোলা ফটক।"

চুঁচুড়ায় 'মিঞার বেড়' ও 'ধর্মপুর' পল্লীর মধ্যে একটি প্রাচীর-বেষ্টিত সমাধিক্ষেত্র আছে। ঐ স্থানে আন্দাজ ৩০ ফুট উচ্চ একটি সমাধি আছে। উহার নাম 'বিবির গোর'। ঐ সমাধিটি সর্বাপেক্ষা প্রাচীন।

ইংরেজ ও ওলন্দাজে প্রথমে বিশেষ শ্রীতি ছিল। ১৭৭০ খৃষ্টাব্দে ওলন্দাজ বণিক-সমিতির ডাইরেক্টর বা গভর্নর কলিকাতায় ইংরেজ বণিক-সমিতির প্রেসিডেন্টের সহিত দাক্ষিণ্য করিতে কলিকাতায় আসিয়াছিলেন। এই সময় কাটিয়ার সাহেব কলিকাতায় গভর্নর। ওলন্দাজ ডাইরেক্টর অপরাহু ৪টার সময় ৮ জন সন্নী লইয়া কলিকাতায় রওনা হইলেন। সহর হইতে নদীতীর পর্যন্ত হুই সারি সৈন্ত দাঁড়াইল, কেলা হইতে ২১টি তোপ পড়িল।

\* কৃষ্ণরামের জাতি বৃহৎ পুষ্করী তাঁহারই নামানুসারে হয়।



ডাইরেক্টর সাহেব নিজের বৃহৎ বজার উঠিলেন। ঐ বজার এত বড় যে, ৩৬ জন লোক টেবলে বসিয়া আহার করিতে পারে। এই বজার ডচ-রমণীও ছিলেন। ছইখানি বজার বন্ধনের অস্ত্র, ছইখানি আহরীয় ব্যব্যপূর্ণ এবং অস্ত্র কৰ্মচারীদের অস্ত্র একখানি বজার ছিল; মোটের উপর ৩২।৩৩ খানি বজার সুসজ্জিত হইয়া কলিকাতা যাত্রা করিলেন। পরদিন প্রভাতে ৭টার সময় কলিকাতার চিংপুবে বজার বহর আসিয়া নোঙ্গর ফেলিল। রসেল সাহেব ও অস্ত্র কয়েক জন উচ্চপদস্থ ব্যক্তি ডচ ডাইরেক্টরকে অভিবাদন করিতে আসিলেন। ডাইরেক্টর সাহেব ও তাঁহার সঙ্গী ও দেহরক্ষীগণ তীবে অবতরণ করিলেন। রসেল সাহেব তাঁহাদিগকে আপ্যায়িত করিয়া তাঁহার উজানবাটীতে প্রাতরাশ সমাপন করাইলেন। পরে ৫ খানি অখবান আসিয়া তাঁহাদিগকে বেলভেডিয়ায় প্রাসাদে লইয়া যাওয়া হইল। সেখানে তাঁহাদের বিভিন্ন কক্ষ নিরূপিত ছিল। একটি তামাক খাইবার ঘরও ছিল। সেখানে টেবলের উপর গুড়গুড়ি, তাওয়ান্ডা তামাকু প্রস্তুত ছিল। তাঁহারা তামাকু সেবন করিয়া অস্ত্র কক্ষে গেলেন। গভর্নর কাটিরার সাহেব তাঁহাদের যথোচিত আদর-আপায়ন করিলেন। পরদিন বন্নাচের আয়োজন হইল। সমস্ত রাত্রি নাচ চলিল। পরে কাটিরার সাহেবের নিকট বিদায় লইয়া তিনি বজায় ফিরিলেন। কলিকাতার কেলা হইতে ২০টি তোপধ্বনি হইল। এই ব্যাপাবে ডচ গভর্নরের, নিয়ন্ত্রক ইংরেজ কর্মচারী ও ইংরেজ ভূতাদিগকে বকসিস দিবার অস্ত্র ১ হাজার টাকা ব্যয় হয়। তিনি ফিরিবার সময় প্রথম গৌরহাটা ( গরুটি ) আসিলেন। সেখানে করাসীকর্ভা ( Administrator ) Mr. Chavaller তাঁহাকে নিমন্ত্রণ করিয়া একটি বৃহৎ ভোজ দেন। সন্ধ্যার সময় ডচ গভর্নর চুঁচুড়ায় ফিরিলেন। এই সমস্ত ঘটনা হইতে বেশ বুঝা যায় যে, ডচ গণ খুব মিতুল ছিলেন—সকলের সঙ্গেই বন্ধুত্ব করিতে কুণ্ঠিত ছিলেন না।

### ওলন্দাজদিগের চাল-চলন

ওলন্দাজদিগের ঘরের মেঝেগুলি জমির সমতল করা হইত। চীনদেশে এখনও এই প্রথা প্রচলিত আছে। জমির সমতল হওয়ার মেঝেগুলি অল্পবিস্তর আর্দ্র থাকিত। তাহারা ঐ ঘরে ধূমপানের গরাক রাখিত না। কাচের সারসি লাগাইত না—বলিত, ইহাতে বায়ু আবদ্ধ হইয়া ঘর গ্রীষ্মকালে আরও গরম করে, মেজাজ তাহারা বেতের জাফ্রি লাগাইত। বাঙ্গালার পূর্বে টানা-পাখার প্রচলন ছিল না। কোন ডচ গভর্নর এই টানা-পাখার প্রথম আবিষ্কার করেন। কোন সভা বা উৎসবে তখন বড় বড় তালপাতার পাখা ব্যবহৃত হইত। এখন বৈজ্ঞানিক পাখার অস্ত্র ঐ সকল তালপাতার পাখা উঠিয়া গিয়াছে। তবে পল্লীগামের জমিদার-বাড়ীতে এখনও ঐ পাখা দেখা যায়। ডচগণ অত্যন্ত বিলাসী ছিল।

### ওলন্দাজদিগের বিচার বিভাগ

চুঁচুড়ার উপনিবেশ বটেভিয়ার অধীনে ছিল। চুঁচুড়ার কোন সরকারীপদ শূন্য হইলে, বটেভিয়া হইতে কর্মচারী মিয়ুক্ত হইত। চুঁচুড়া উপনিবেশের ভার এক জন ডাইরেক্টর বা গভর্নর ও সাত জন কোর্সিলের উপর ভ্রস্ত থাকিত। ঐ সাত জনের মধ্যে ৫ জনের সভার প্রত্যেক কার্যে ভোট দিবার অধিকার ছিল এবং গভর্নরকে মন্ত্রণাও দিবার ক্ষমতা ছিল। বাকী দুই জন শুধু মন্ত্রণা দিতে পারিতেন। কিন্তু আর্থিক বিষয়ে ঐ সভাগণ গভর্নরের অধীন ছিলেন। প্রধান ডাইরেক্টরের মাহিনা অল্প হইলেও, তাঁহার 'উপরি পাওনা' যথেষ্ট ছিল। ভালেট নামে এক জন গভর্নরের বাৎসরিক সংসারখরচ ছত্রিশ হাজার টাকা ছিল, তবু তিনি অত্যন্ত মিতব্যয়ী ছিলেন। তাঁহার পূর্বতন গভর্নরের বাৎসরিক খরচ এক লক্ষ টাকা ছিল। ঐ গভর্নরের "তাল্লাম" নামে একরূপ পাকী ছিল। উহাতে চেয়াবে বসিবার বন্দোবস্ত ছিল। এইরূপ তাল্লাম গভর্নর ব্যতীত আর কাহারও ব্যবহার করিবার হুকুম ছিল না। যখন তিনি নগর-প্রমণে বাহির হইতেন, তখন দেশীয় বাগদররা বাজনা বাজাইত। তিনি তাল্লামে আরোহণ করিতেন, দুই পার্শ্বে ছয় জন চোপদার ( ঠিক Body-Guard নহে, কারণ, তাহাদের হস্তে কোন অস্ত্র থাকিত না ) রূপার আসামোঁটা লইয়া সঙ্গে সঙ্গে গমন করিত। রাস্তায় যদি কোন অশ্বারোহী আসিত, তবে তাহাকে অশ্ব হইতে অবতরণ করিয়া, যতক্ষণ না গভর্নর সাহেব চলিয়া যান, ততক্ষণ অপেক্ষা করিতে হইত। যে সময়ের কথা লেখা হইতেছে, সেই সময় কলিকাতায় উচ্চপদস্থ ইংরেজ কর্মচারীদিগেরও চোপদার থাকিত। ওলন্দাজ গভর্নর ব্যক্তিগত সম্মান অত্যন্ত ভাল-বাসিতেন। ওলন্দাজ কাউন্সিলের সভ্যগণ জ্যেষ্ঠ বণিক (Senior) নামে অভিহিত হইতেন। তাঁহাদের প্রত্যেকের উপর এক একটি বিশিষ্ট কার্যের ভার দেওয়া হইত। যিনি কোষাধ্যক্ষ থাকিতেন, তিনিই নগরব্যক্তির ক্ষমতা পাইতেন। তাঁহার বেতন কিন্তু অতি অল্প ছিল। এক জনের উপর বিচার ও শাসনের ভার ছিল ( Judicial Executive )। ইহার আর যথেষ্ট ছিল। এই জজ-ম্যাজিষ্ট্রেটকে সকলে ধেরূপ ভয় করিত, গভর্নরকে তাহারা মেরূপ ভয় করিত না। তাঁহার ক্ষমতার সীমা ছিল না। কোন সামান্য অপরাধীকে খামে বাধিয়া বেত্রাঘাত পর্য্যন্ত করা হইত। বড়লোক অপরাধী হইলেও তাহার নিকৃতি ছিল না। বড়লোকের সাজা ঐরূপই হইত, অধিকন্তু অত্যধিক জরিমানা দিতে হইত। এমন কি, বিশ হাজার টাকা পর্য্যন্ত জরিমানা হইত। ঐ বিচারপতি মাহিনাকে গ্রাহ্যমধ্যেই আনিতেন না। যখন ডচ গভর্নর কলিকাতার কাটিরার সাহেবের সহিত কথা-বার্তা করিয়াছিলেন, তখন তিনি বলিয়াছিলেন—“আশা করি, আপনি এরূপ প্রণালীতে কার্য করিবেন যে, বাহাতে আপনি ঘরায় যুরোপ প্রত্যাগমন করিতে সমর্থ হন।” অর্থাৎ বাহাতে কাটিরার সাহেব যথেষ্ট অর্থ সংগ্রহ করিয়া দেশে ফিরিতে পারেন। তখনকার দিনে ঐরূপই ছিল।

### ব্যবসা

এখান হইতে ওলন্দাজরা অনেক জিনিষ যুরোপে রপ্তানী করিত; কিন্তু জাভাবেই অধিকেন চালানি কার্যে বিশেষ

\* এই প্রাসাদ আরভেবের পৌত্র আকিস ওসমান কর্তৃক নির্মিত হইয়াছিল। কলিকাতার বর্ধন তিনি স্থগরা করিতে আসিতেন, তখন এই প্রাসাদে অবস্থান করিতেন।

লাভ হইত। উহার পাটনা হইতে আকিং লইত। প্রত্যেক বাসের ওজন ৬৪ মণ, উহার মূল্য সাত আট শত টাকা মাত্র। ঐক্য বাস বৎসরে ৭-৮টা জাহাজ চালান দিয়া প্রত্যেক বাস ১২৫০০ টাকার বিক্রয় হইত। অল্প পরিশ্রমে বহু অর্থ উপার্জন হইলে লোকে প্রায়ই অলস ও লোভী হইয়া যায়। ওলন্দাজরা তাহাই হইয়াছিল। তাহারা 'ছিপে' (লম্বা নৌকার ২০।২৫ দাঁড় থাকিত) চড়িয়া গঙ্গার হাওরা খাইতে বাইত। স্ত্রীলোকরা এত অলস হইয়াছিল যে, তাহারা কখনও সোফার শুইয়া থাকিত, সোফা হইতে উঠিয়া চেয়ারে বসিত, কখনও বা এলোমেলো পোষাক পরিয়া মাটিতে পা ছড়াইয়া চাকরদের সঙ্গে বসিয়া গল্প করিত— দিন যেন আর কাটে না। এই ত গেল স্ত্রীলোকদের কথা। পুরুষবাও ক্রমে জুরাচুরি আরম্ভ করিয়াছিল। উগাদের সম্বন্ধে একখানি পত্রে পাওয়া যায়—“তাহাদের সাবুতাব উপর নির্ভর করিয়া কোম্পানীর যে সকল দ্রব্য রাখা হইত, সে সকল দ্রব্য যেন তাহাদের লুণ্ঠনের ভয়ই থাকিত। তাহারা যথেষ্টক্রমে বাণিজ্যের দ্রব্যাদির চালানের দর মিথ্যা করিয়া লিখিয়া দিত।” এই সকল অসাধুতার জন্মই ওলন্দাজ গভর্নমেন্ট পরে ইংরেজকে চুঁচুড়া ছাড়িয়া দিতে বাধ্য হইয়াছিলেন। কারণ, লাভ হইত না—লোকসান কত দিন দিবে? ওলন্দাজদিগের বাগানের খুব সম্বন্ধ ছিল। তাহারা চাষ করিয়া শাকসব্জী পর্যন্ত যুরোপে ও বিভিন্ন দেশে চালান দিত। ওলন্দাজরা কলাইভুঁটির চাষ এ দেশে প্রথম করে; সে জন্ম অজ্ঞাবধি “ওলন্দাজ ভুঁটি” নামে বিখ্যাত। ওলন্দাজ চইতেই ইংরেজ বাগানের সম্বন্ধ পাইয়াছে। কিয়ার নেগার সাহেব বাঙ্গালীকে প্রথম ইংরেজি ভাষা শিক্ষা দেন।

ইংরেজ ও ওলন্দাজে যে বিশেষ সৌহার্দ ছিল, তাহার নিদর্শন ৬৬ গভর্নরের কলিকাতাগমন—পূর্বেই লিখিত হইয়াছে। আর একটা প্রমাণের উল্লেখ করিতেছি। যখন উইলিয়ম হেজ প্রথম ইংরেজ-গভর্নর হুগলীতে আসেন, তখন তিনি প্রথমেই চুঁচুড়ায় আসিয়া ওলন্দাজ-গভর্নরের আতিথ্য গ্রহণ করেন।

July 24 ( 1682 ) “Early in ye \* Morning I was met by Mr. Littleton and most of ye factory near Hugly and about 9 or 10 o'clock by Mr. Vincent near ye Dutch Garden who come attended by severall Boats and Budgerows guarded by 35 Firelock and about 50 Rashpoots and peons were armed. He invited me to go ashore with him to the Dutch Garden where he had provided an entertainment for me and made preparation for my reception. I went along with him and stayed till evening expecting Mr. Beard's arrival in ye other sloop who not coming in time and we went in ye factory and there parted Company.”—Hedges Diary part I by Colonel Yule.

\* তখনকার দিনে the কথাটা লেখার উপরদিকে ye এইভাবে লিখিত হইত। অজ্ঞাত বাক্যের প্রত্যেক থাকিত বর্ণা Severall.

ইহার পর যখন প্রেসিডেন্ট গাইফোর্ডের সহিত হেজ সাহেবের মনোবিবাদ হয়, তখন তিনি ওলন্দাজদের চুঁচুড়াতেই কিছুদিন আশ্রয় লয়েন। “September 23 ( 1684 ) President Gyford and most of ye councillors specially Mr. Beard carrying themselves very unkindly and disrespectfully towards me. I was no longer able to endure their insolent behavior and being resolved to leave ye factory. I removed this afternoon to ye house of ye Duch quarters.”

“September 26th—I went to visit Duch Director and give him thanks for his kindness in so readily in his quarters.”—Hedges Diary part I

### ইংরেজ ও ওলন্দাজে বিবাদ

১৬৫৭ খৃষ্টাব্দে ক্লাইব পলাশীর যুদ্ধে জয়লাভ করিয়া মীরজাফরকে নবাব করেন। মীরজাফর কিন্তু ইংরেজের প্রভুত্ব ও ক্ষমতায় অসন্তুষ্ট হইতে লাগিল—অপর একটি যুরোপীয় জাতিকে ইংরেজের প্রতিদ্বন্দ্বী করিতে প্রয়াস পাইল। ডচরা এত দিন শুধু বাণিজ্য লইয়াই ব্যস্ত ছিল। এখন মীরজাফরের প্ররোচনার তাহারা রাজ্যস্থাপনের জন্ম উদ্যোগী হইল। মীরজাফর তাহাদের সাহায্য করিতে প্রতিশ্রুতি দিল। ইহা ইংরেজ ঐতিহাসিকের কথা। ওলন্দাজরা বটেভিয়া হইতে ৭ খানি যুদ্ধের জাহাজ আনাইল। বাগিরে প্রকাশ করিল, ঐ যুদ্ধেরীগুলি করমণ্ডল উপকূলে যাইবে। কোন কারণ বশতঃ একবার চুঁচুড়ায় আসিবে। ঐ সাতখানি জাহাজের মধ্যে ৩ খানিতে ৩৬টি করিয়া কামান, অপর তিনখানিতে ২৬টি করিয়া কামান এবং অবশিষ্ট ১ খানিতে ১৬টি কামান লইয়া আসিতেছিল। সকল জাহাজের সেনাসমষ্টি প্রায় দেড় হাজার হইবে। এই সময়ে ইংরেজ ও ওলন্দাজে পূর্ণ বন্ধুত্ব ও শান্তি বিরাজিত ছিল। ক্লাইব ভাবিলেন, ইহা ইংরেজের প্রতিপত্তি নষ্ট করিবার জন্মই আসিতেছে—করমণ্ডল উপকূলে যাওয়া মিথ্যা বটনা। তিনি তৎক্ষণাৎ ফোর্ড ( Ford ) সাহেবকে হুকুম দিলেন, ঐ নৌবহর ধ্বংস কর। ফোর্ড ঐ পূর্ণশান্তির সময় ওলন্দাজ নৌবহর ধ্বংস করিতে ইতস্ততঃ করিয়া ক্লাইবকে জানাইলেন, বোর্ডের হুকুম তিনি চাহেন। ক্লাইব তখন তাস খেলিতেছিলেন—বড় ব্যস্ত। তিনি সেই অবস্থায় একটি পেনসিলে লিখিয়া দিলেন—“Dear Forde, Light them immediately I will send you the order of Council to-morrow.” ফোর্ড ঐ হুকুম পাইয়া ওলন্দাজ নৌবহর আক্রমণ করিয়া ধ্বংস করিলেন। ঐ নৌবহর তখন কলিকাতা অতিক্রম করে নাই। ওলন্দাজের রাজ্যলিপ্সা এইখানেই শেষ হইল।

১৭২৫ খৃষ্টাব্দের ২৮শে জুলাই ইংরেজ একবার চুঁচুড়া অধিকার করেন, কিন্তু ১৮১৭২০শে সেপ্টেম্বর উহা প্রত্যর্পণ করেন। এই বারো বৎসরকাল Mr. R. Birch সাহেব বিশিষ্ট কমিশনাররূপে কার্য করেন এবং ইংরেজকে ৮৪৭ টাকা রাজস্ব আদায় করিয়া দিতেন। ওলন্দাজ গভর্নরদিগের নাম পাওয়া যায় না, শুধু ভিনসেন্ট ও ওভারবিকের নাম পাওয়া যায়। যুরোপে ওলন্দাজ-রাজ্য দেখিলেন যে, ব্যবসারে আর তাদৃশ লাভ নাই, শুধু খরচ চলিতেছে ;

ইংরেজও দেখিলেন, সুমাত্রার তাঁহাদের লোকসান হইতেছে, এই জন্ত উজ্জ্বের একটা সন্ধি হইল। ১৮২৪ খৃষ্টাব্দের ১৭ই মার্চ এই নিশ্চিন্তি হইল যে, চুঁচুড়া এবং সহর মাল্কাপুর, পলতা ও বালেশ্বরের কুঠী ইংরেজের হইল এবং তৎসঙ্গে মালাকা দ্বীপ পাইলেন। ওলন্দাজ পাইলেন সুমাত্রা দ্বীপ ও Fort Marlborough, যদিও ঐ তারিখে সন্ধি স্বাক্ষরিত হইল, কিন্তু ওলন্দাজ চুঁচুড়া অর্পণ করিলেন ১৮২৫ খৃষ্টাব্দের ১লা মার্চ তারিখে। গভর্নর ওভারবিক ও আট জন নিম্নপদস্থ অফিসার ওলন্দাজ-রাজা দ্বারা মাহিনার এক-তৃতীয়াংশ পেনসন পাইলেন। ঐ পেনসনের টাকা পামার কোম্পানী দিতেন, পরে লুগলীর কলেক্টর সাহেব দিতেন। এই ওভারবিক সাহেবই বর্তমানের তথাকথিত রাজা প্রতাপচাঁদের মোকদ্দমায় সনাক্ত করিয়াছিলেন। G. Herklots সাহেবও ঐ পেনসনভোগীদের এক জন ছিলেন। পরে তিনি ঐ পেনসন ত্যাগ করিয়া ইংরেজের অধীনে চাকরী গ্রহণ করেন এবং পরে সদর আমীরের পদ পাইয়াছিলেন—মাহিনা ৫০০ টাকা। ইহার কাছারী ছিল আর্মানিগির্জার নিকট।

### ওলন্দাজের স্মৃতি

১৬২৫ খৃষ্টাব্দে আরমিনিয়ানরা প্রথম খৃষ্টান গির্জা নির্মিত করে। ইহাই ওলন্দাজদিগের প্রথম গির্জা। ওলন্দাজ গভর্নমেন্ট ওভারবিক, হফ, হারকন্ট, ফেথ ও মিলেস সাহেবকে চুঁচুড়ায় থাকিবার এবং বার্গাম্যানডেসকে তালদায় থাকিবার ভকুম দেন। চুঁচুড়ায় ২টি হোটেল, ১টি নীলামঘর এবং Mr. N. D. Rozario কর্তৃক প্রতিষ্ঠিত ছাপাখানা ছিল। ইংরেজ W. Bland (নীলামদার), Stephen Mathers (দস্তানা-নির্মাতা), এবং H. Robertকে চুঁচুড়া থাকিবার আদেশ দেন। ঐ রবার্ট সাহেব Vanan Dyke কোম্পানীর চুরুটের কারখানার তত্ত্বাবধায়ক ছিলেন। চুঁচুড়া ইংরেজের হাতে আসিলে ওলন্দাজ গির্জা ও ২টি সমাধিক্ষেত্র কলিকাতার লর্ড বিশপের হাতে অর্পণ করা হয়। Rev. J. Morton প্রথম পাদ্রী এখানে আসেন। ১৮২৫ খৃষ্টাব্দেই চুঁচুড়ায় ওলন্দাজ কেল্লা ভাঙ্গিয়া ফেলা হয়। ঐ স্থানেই ব্যারাক নির্মিত হয়। ঐ ব্যারাকই বর্তমান সময়ে আদালতরূপে পরিণত হইয়াছে। ঐ কেল্লায় যে সকল সেপ্তন কাঠের কড়ি ব্যবহৃত হইয়াছিল, তাহা জাভা দ্বীপ হইতে আনীত হইয়াছিল। ১৬২৭ খৃষ্টাব্দে ঐ কেল্লা নির্মিত হইয়াছিল এবং ১৮২৫ খৃষ্টাব্দে উহা ভূমিসং করা হয়; কিন্তু ঐ ১২৮ বৎসরেও কড়িকাঠের কণামাত্র নষ্ট হয় নাই; এবং ঐ কড়িকাঠই বর্তমান ব্যারাকে আত্ম পর্য্যন্ত আছে। এখন উহার কতকগুলি নষ্ট হওয়ার লোহার কড়ি তাহার স্থানে দেওয়া হইয়াছে। কেল্লার ইষ্টকাঠি রাস্তা প্রস্তুতে লাগান হইয়াছিল। ওলন্দাজের অতীতের স্মৃতি কিছুই নাই, শুধু ২১টি পুরাতন ফটক বিনষ্ট গৌরবের সাক্ষীরূপ নীরবে অক্ষপাত করিতেছে। আর একটি আধুনিক স্মৃতি আছে, তাহা Van Hoorus Dyke নামে রাস্তার কিছু অংশ চন্দননগর ও চুঁচুড়ার মধ্যে আছে। ওলন্দাজ প্রায় ১৮০ বৎসর চুঁচুড়ায় ছিল।

ওলন্দাজদের সময় হই জন বিখ্যাত লোক চুঁচুড়ায় ছিলেন। ১ম—কিয়ার নেতার সাহেব—ইনিই বাঙ্গালীকে প্রথম ইংরেজি-ভাষা শিখা দেন। ২য়—ডয়েটন। ইনি ব্যবসারে বিশেষ উন্নতি

করিয়া যথেষ্ট অর্থ সংগ্রহ করেন। ব্যবসারে অনেকে অর্থ সংগ্রহ করিতে পারেন, কিন্তু দানের জন্ত তিনি স্মরণীয় হইয়া আছেন। তিনি প্রতি মাসে বোল শত টাকা দরিদ্রদিগকে দান করিতেন।

### ইংরেজের সময় চুঁচুড়া

Jan Dinks নামে এক জন ওলন্দাজের হাতের মাপে জমির মাপ হইত। ইহা ওলন্দাজের সময়ে। উহার এক হাত ২১ ইঞ্চি ছিল। ইংরেজ চুঁচুড়া অধিকার করিয়া ওলন্দাজদত্ত পাটায় পরিবর্তন করিয়া জমির মাপ ১৮ ইঞ্চিতে আনয়ন করিলেন। আটসাপরগণা সর্বপ্রথম ঐ ১৮ ইঞ্চি হিসাবে মাপ করা হয়। ১৮৩৩ খৃঃ হইতে ১৮৩৫ খৃষ্টাব্দের ডিসেম্বর পর্য্যন্ত ২১০০ পাটায় মধ্যে ১১০০ পাটায় পরিবর্তন করা হয়। ঐ পাটায় পরিবর্তনের খরচা আদায় হইয়াছিল ১১ হাজার ৪০০ টাকা। এই সময় উত্তরপাড়ার জমিদার জয়কৃষ্ণ মুখোপাধ্যায় মহাফেজখানার (Record) কতী হইয়া চাকরী গ্রহণ করেন। ঐ পাটায় পরিবর্তনের কাষকর্মের ভার তাঁহার উপর ছিল। চুঁচুড়ার শীলরা ঐ পাটায় পরিবর্তনে আপত্তি করেন। জয়কৃষ্ণ বাবু W. H. Balli সাহেব দ্বারা নিযুক্ত হন। জয়কৃষ্ণ বাবুর বিরুদ্ধে প্রায় ৭০ জন লোকের স্বাক্ষরিত একখানি দরখাস্ত, যাহাতে লেখা ছিল যে জয়কৃষ্ণ বাবু যুস লইয়া পাটায় পরিবর্তন করেন। ইহা লইয়া একটা দাঙ্গাও হইয়াছিল। কমিশনার Dvlyn Gordon সাহেব লুগলীতে আসিলেন। তিনি কলেক্টর সাহেবের কাছে তদন্তের ভার দিলেন। বেলি সাহেব তখন কলেক্টর। তিনি লিখিলেন, কোন বিশেষ অপরাধের অভিযোগের কথা ইহাতে উল্লেখ নাই, সুতরাং তিনি ইহার কি আর তদন্ত করিবেন? কিন্তু 'বোড' ঐ দরখাস্ত কমিশনার সাহেবকে নিজে তদন্ত করিতে বলিলেন। গর্ডন সাহেব ১লা জানুয়ারী ১৮৩৬ খৃষ্টাব্দ হইতে ৫ই মার্চ পর্য্যন্ত তদন্ত করিয়া জয়কৃষ্ণ বাবুকে অস্থায়ীভাবে কর্মচ্যুত করিলেন এবং ২০ হাজার টাকার জামিন চাহিলেন। জামিনের টাকা তৎক্ষণাত না দেওয়ায় তাঁহাকে খানায় থাকিতে হইল। ঐ তদন্তের ফল এই যে, জয়কৃষ্ণ বাবু ও নাজীর সাক্ষর আলিকে কমিশনার সাহেব পদচ্যুত করিলেন। বেলী সাহেবকে, কমিশনার সাহেব ডেপুটি না করিয়া লিখিলেন যে, তিনি নিজে কাষকর্ম না দেখিয়া কর্মচারীর উপর বিশ্বাস করিয়া থাকেন, ইহাতেই প্রজাবর্গের উপর অত্যাচার হইতেছে। বেলী সাহেব ক্রুদ্ধ হইয়া কমিশনার সাহেবকে যে পত্র দেন, তাহার কিছু উল্লেখ করিতেছি:—"I can take my oath I am right...something like the wolf and the lamb...The usual self-trumpeting...I am not a jot inferior to Mr. Officiating Commissioner...Flippant as usual. I know the matter as well as, but zid in your food, whilst the essential ends of justice are wholly neglected."—Toynbee.

ওলন্দাজের রাজত্বের হার কিছু ঠিক ছিল না। Special Commissioner দ্বারা তাঁহাদের ইচ্ছামত রাজত্বের হার স্থির হইত। ৩৫/০ হইতে ২২।০ পর্য্যন্ত বিধা প্রতি রাজত্ব নির্ধারিত হইত। মোগল বাদশাহের নিকট হইতে ওলন্দাজরা চুঁচুড়া পাইয়া রাজত্বের হার বৃদ্ধি করে নাই, তবে নূতন পাটায় দেওয়া, পাটায়



পরিবর্তন কিবা হস্তান্তর বা পতিত জমি বিলি বা লুকান জমি ধরা পড়ার উপর তাহারা ইচ্ছামত রাজস্ব লইত। জমি হস্তান্তর, জন্ত উহাদের দুইটি আদালত ছিল। ১ম দেশীয় বা জমিদারী আদালত, ২য় যুরোপীয় আদালত। ১ম আদালতে পাট্টা দেওয়া হইত, বিক্রয় হস্তান্তর বা দানপত্র দেওয়া কাষ হইত। কিন্তু উহা রেজেষ্টারি করা হইত না যতক্ষণ পর্য্যন্ত উহা সাধারণে বিজ্ঞাপিত হইত। যদি কোন আপত্তি না হইত, তবে নূতন পাট্টা দেওয়া হইত। বিষয় হস্তান্তর জন্ত শতকরা ৫ টাকা ফি ধার্য ছিল।

### চুঁচুড়া বারিক

চুঁচুড়ায় সর্ব্বশুদ্ধ চারিটি বারিক নির্মিত হইয়াছিল। ১ম ওলন্দাজদিগের নির্মিত বারিক ভগলীনদীর সমান্তরালে, উত্তর-দক্ষিণে লম্বাভাবে অবস্থিত। ইহাই সর্ব্বপুরাতন বারিক। বর্তমান সময়ে এইখানে জঙ্গসাহেবের আশ্রয়ালয় হইয়াছে। এইখানেই ভগলী কলেজের হিন্দু হোস্টেল ছিল এবং চুঁচুড়া পোষ্টাফিস ছিল। ২য়—এই বারিকটি সর্ব্বাপেক্ষা বৃহৎ। ১৮২৪ খৃঃ ওলন্দাজ ও ইংরেজ সন্ধি হয়, তাহাতে ইংরেজ চুঁচুড়ায় আসিয়াছিল। ১৮২৫ খৃঃ ১লা মার্চ তাহারা চুঁচুড়া দখল করে। ঐ সময়েই ওলন্দাজ কেলা ভূমিসং করা হয়। ১৮২৯ খৃঃ ইংরেজ এই বারিক নিষ্কাশন করে। ঐ বারিকে সৈন্যদিগের থাকিবার স্থাননির্দেশ হয়। ইহা এক হাজার ফুট লম্বা, দ্বিতলগৃহ। এত বড় লম্বা বাড়ী বোধ হয় ভগলী জেলায় নাই। এই বারিকের উত্তরদিকের দ্বিতলে দেওয়ালে পাথরের উপর ক্ষোদিত অক্ষরে লিখিত আছে :—“শ্রীযুক্ত কা বেন সাহেবের দ্বারা মুমতসিলি শ্রীরামহরি সরকার সাং চক্রবেড় এবং শ্রী সেখ তহু দফাদার সাং চক্রবেড় ইং সন ১৮২৯ বাঃ সন ১২৩৬” ঐ বারিকের দক্ষিণ দিকের দেওয়ালে ( দ্বিতলে ) কৃষ্ণপ্রস্তরে ক্ষোদিত অক্ষরে লিখিত আছে :—

“This Barracks were commenced December 1829. The foundation and plinth of the whole

and superstructure of the lower story west wing by Lt. J. A. Crommelin, Executive Engineer the remainder of the structure and entire finishing by Captain Wm. Boll of Artillery Ex. Officer.”

বড়লাট উইলিয়াম বেটিক সাহেব বায়-সঙ্কোচের জন্ত চুঁচুড়া বারিক উঠাইয়া দিবার প্রস্তাব করেন ; কিন্তু তৎকালীন জঙ্গী লাট তাহাতে আপত্তি করেন। বিলাতে উহার মীমাংসা হয়। বেটিকের কথাই রহিল। সমুদায় সৈন্য কলিকাতার কেলায় চলিয়া আসিল। ব্যারাক খালি পড়িয়া রহিল। ইহা ১৮৩০ খৃষ্টাব্দের ঘটনা।

১৮৫৭ খৃষ্টাব্দের মিউটিনির পর জেনারেল হাবলক এই চুঁচুড়া বারিকে আসিয়া বাস করেন। তিনি যে এক জন বিখ্যাত যোদ্ধা ও সৈন্যসাধ্য ছিলেন, তাহা নয়, তিনি এক জন সুপণ্ডিত ছিলেন। সমগ্র সেক্সপিয়র তাহার কণ্ঠস্থ ছিল। উত্তরপাড়ার জয়কৃষ্ণ মুখোপাধ্যায় জমিদার তাহারই নিকট ইংরেজি শিক্ষা করেন। তিনি জয়কৃষ্ণ বাবুকে ছাত্রের জায় পাঠ দিতেন এবং পরদিন পাঠ লইতেন। হাবলক সাহেব এক জন দাতা দিলেন। তিনি ৮০০ টাকা বেতন পাইতেন। ইহার মধ্যে মাসিক ২০০ দুই শত টাকা দরিদ্রদিগকে দান করিতেন। তিনি বলিতেন—“ইহসংসারে আমার পর্য্যাপ্ত হইয়া যাগ থাকিবে, তাহা আমার নহে; বাহাদের অভাব আছে, তাহাদের।” সৈনিক জীবনে এত উদারতা অতি বিরল দেখা যায়।

৩য়—ঐ বারিকের পশ্চিমদিকে একটি দ্বিতল বারিক আছে। দক্ষিণদিকে ও উত্তরদিকে খোলা বারান্দা। এটি খুব উচ্চ ও খুব হাওয়াদার। প্রথমে ইহা সৈন্যদিগের হাঁসপাতালরূপে ব্যবহৃত হইত। বর্তমান সময়ে পুলিশের থাকিবার স্থান হইয়াছে।

৪র্থ—এই বারিকের কিছু দক্ষিণে আর একটি বারিক আছে। বর্তমান সময়ে উহা Circuit House, সিভিল অফিসার কোয়ার্টার, সিভিল সার্জনের বাড়ী, জেলা পুলিশ সুপারিনটেন্ডেন্ট সাহেবের বাড়ীস্বরূপ ব্যবহৃত হয়।

[ ক্রমশঃ

শ্রীউপেন্দ্রনাথ বন্দ্যোপাধ্যায় ( জ্যোতীরত্ন ) ।

## বনে ও মনে

কোন বনে জাগিতেছে মধু নিশিগন্ধা!  
মাগতী হেনায় ভরা সে অলকানন্দা!

বকুল ঝরিয়া নীচে  
ফুল-শেষ বিরচিছে  
আকুল কোকিল গাহে গীতি মধুছন্দা!

জ্যোৎস্নায় ধূয়ে যায় নিতি সে নিকুঞ্জ  
প্রকৃতির ফুলদানে সাজে ফুলপুঞ্জ  
মনের মধুপ কবি  
ভুঞ্জে সে মধু-ছবি  
চিস্তের নিরালায় জাগে অলিগুঞ্জ!


কোন বনে ফুটিতেছে মধু নিশিগন্ধা!  
সোনার স্বপন ভরা সে অলকানন্দা!

মধুহাসি মুখে ভরা  
নন্দন হ'ল ধরা  
কণ্ঠের কলতানে গীতি মধুছন্দা!

ধোয়া তার জ্যোৎস্নায় চাঁদ পারা মুখটি,  
মুকুতা ঢাকেনি আজো ঘোমটার গুন্ডি!  
টানা টানা আঁধি হুঁটি—  
কমল উঠেছে ফুটি!  
বিমল মাধুরী ভরা অকলুষ বুকটি!

শ্রীরামেন্দু দত্ত ।





এক

দীর্ঘ প্রবাসের অবসানে, আই সি এস পরীক্ষায় উত্তীর্ণ হইয়া ইংলও হইতে প্রত্যাগত মণীশ, বাঙ্গালার মাটীতে পা দিতেই তাহার ভাবী শ্বশুর মহাশয় তাহাকে এক রকম গ্রেপ্তার করিয়াই তাহার নিজের গৃহে লইয়া গেলেন। এ গৃহের ভবিষ্যৎ জামাতার যেমন আদর-মত্ত হওয়া উচিত, তাহার অবশ্য ব্যতিক্রম ঘটে নাই। তবু বহু দিন প্রবাসী মণীশের অন্তর কেমন যেন অতৃপ্তি অনুভব করিতে লাগিল। সংসারে মা ভিন্ন তাহার আপন বলিতে কেহ নাই। পুত্রকে বিদেশে পাঠাইয়া এ বয় বৎসর তিনি কালীবাস করিতেছেন। মণীশ ফিরিলে তিনিও দেশে আসিবেন। দীর্ঘ দিন অদেখা জননীসঙ্গে তাহার জন্মস্থান শিবনিবাসের শ্রামল নীতল বুক অদম্য আকর্ষণে নিয়ন্ত টানিলেও এ-দিককার কঠিনবোধন এড়ান বড় সহজ হইল না। দুই দিন পর মণীশ সিপ্রাকে ডাকিয়া বলিল, “আজ আমার ছেড়ে দিতে হবেই, সিপ্রা। আমি বাড়ী যাব।”

পিরানোর সম্মুখে বসিয়া সিপ্রা কি একটা বিদেশী গং বাজাইতেছিল। অত্যন্ত চমকিয়া ফিরিয়া চাহিয়া সে কহিল, “এই ত সবে এসেছ, এর মধ্যেই যাবার জন্তে এত ব্যস্ত ?”

পরক্ষণেই অল্প হাসিয়া রবীন্দ্রনাথের রাজা ও রাণী হইতে আকৃতি করিয়া বলিল, “আমারে লাগে না ভাল ছ সপ্তের বেশী! এসেই যাই যাই কেন বল ত ?”

মণীশও একটু হাসিয়া কহিল, “তোমার ভাল লাগে না, এ কথা বলতে পারি না। কিন্তু আমার মা ? তিনি যে এই তিন বছর আমার দেখেন নি। আমার দেশ, আমার বাড়ী—সব আমার পথ চেয়ে আছে জান, সিপ্রা।”

অভিমান-ফুরিত অধরে সিপ্রা কহিল,—“জানি। কিন্তু আমি যে আগ্রহ নিয়ে এই ক’বছর তোমার পথ চেয়ে থেকেছি, তেমন ভাবে কেউ তোমার চাইছে বলতে পার ? অসম্ভব !”

এ কথার প্রতিবাদ চলে না। হয় ত সিপ্রার মত উদ্দাম আগ্রহ লইয়া সত্যই কেহ তাহার পথ চাহিয়া নাই। একমাত্র সম্মানের জননী তাহার মা-ও হয় ত নহে। তবুও সেই আগ্রহহীন লোকগুলির সঙ্গে, সভ্যতার সংস্ব-পরিশৃঙ্খ তাহার বাল্যের জন্মভূমি সেই ক্ষুদ্র গ্রামখানিকে দেখিবার আকাঙ্ক্ষা, সিপ্রার কাছে থাকিয়াও মনের মধ্যে প্রবল হইয়া উঠিয়াছে, এ সত্য নিজের কাছে অস্বীকার করিতে না পারিয়া তাহার কুণ্ডার সীমা রহিল না। আজও যুঝি সিপ্রাকে সে এমন ভাবে ভালবাসিতে পারে নাই, যাহাতে জগৎ-সংসার সবই তুচ্ছ হইয়া যায়।

সঙ্কোচ-বিভক্ত স্বরে মণীশ বলিল,—“আমায় ক্ষমা কর, সিপ্রা। অনেক দিন বাইরে থেকে একবার সেই চিরপরিচিত চিরপ্রিয় বাড়ী, মার মুখ, আমার বাড়ীর পুরোণ লোকজন, বুড়ো ম্যানেজার দাদা সবাইকে দেখবার ইচ্ছে মনে এত বেশী হচ্ছে যে, ইচ্ছে করছে, এখনই ছুটে যাই। সেই জন্মই মিস চৌধুরীকে বলেছিলুম, দেশ থেকে ফিরে এসে তার পর এখানে আসব, তা তিনি—”

“বাবা যে জানতেন, তাঁর মেয়ে কি ভাবে এত দিন কাটিয়েছে। তাই তুমি ফিরে আসতেই আমার কাছে না এনে দিয়ে পারেন নি। যদি বুঝতেন, অল্প সব কিছুই তুলনায় তোমার মনে আমার স্থান অতি তুচ্ছ, তা হলে তোমার তোমার বাড়ীতে তোমার আপন জনদের কাছেই যেতে দিতেন।”

কথার শেষে সুগন্ধি পুষ্পসারসিক কুমালখানা তুলিয়া সে চোখের উপর ধরিল।

মণীশ সন্তুষ্ট হইয়া উঠিল। আশ্রয়ার্থে অল্পস্বল্প মিথ্যার আশ্রয় না কি লওয়া যায়। ব্যগ্রভাবে সিপ্রার মুখের উপর হইতে রুমালখানা টানিয়া লইয়া সে বলিল, “তুমি একবারে একটি পাগল, সিপ্রা! তোমার চেয়ে আর কেউ আমার কাছে বড়, এ কি সম্ভব? তুমি যে আমার কি, এ কি তুমি এত দিনেও বোঝনি?”

“তোমার ব্যবহারে সেটা বিলক্ষণ বোঝা যায়!”

“তবে আমি উপায়হীন। তুমি যদি এ ভাবে রাগ কর, তা হ’লে কি বলব আর!”

সিন্ধু-কমলের মত জলে ভিজা চোখ দু’টা তাহার দিকে তুলিয়া সিপ্রা কহিল, “কিছু বলতে হবে না! শুধু কথা দাও, এখন তিন সপ্তাহের মধ্যে তুমি আমাকে ছেড়ে আর কোথাও যাবার নাম করবে না!”

মণীশ বিপন্ন হইয়া পড়িল এ প্রস্তাবে। মাসখানেকের মধ্যেই তাহাকে কার্গো নিস্কৃত হইতে হইবে। ইহার মধ্যে তিন সপ্তাহ এখানে কাটাইলে জননীরা স্নেহচ্ছায়াতলে আশ্রয় পাইবে ক’টি দিন? সিপ্রার সাহচর্য্য তাহার কাছে আনন্দময় হইলেও মার মমতাসিন্ধু স্নিগ্ধ বুক আরও তৃপ্তিপ্রদ, আরও পুলকময়, ইহা ত সে ভুলিতে পারে না! প্রবাসের দিনগুলি উজ্জ্বল মধুর করিয়া রাখিয়াছিল শুধু সিপ্রার স্মৃতিই নয়; জননীর স্থান ছিল তাহাতেই অনেকখানি বেশীই।

মণীশকে নীরব দেখিয়া গোটা দিয়াই সিপ্রা কহিল, “পাক পাক, তোমায় কিছু আর বলতে হবে না। জোর ক’রে তোমার কাছ থেকে কথা আদাস ক’রে নিতে আমি চাই না। তুমি আজই যাও—”

“রাগ ক’রে বলছ, সিপ্রা?”

ব্যথিত-উদাস-কণ্ঠে সিপ্রা কহিল, “রাগ করব কেন? রাগ করলেই বা শুনছে কে?”

কথাটাকে হালুকা করিয়া লইবার চেষ্টায় মুহূর্ত্ত হাসির সঙ্গে মণীশ কহিল, “তুমি রাগ করলে শুনব না, এত বড় ছঃসাহস আজও আমার হয় নি।”

“সে রোকাই গেছে। যাও! ধ’রে বেঁধে তোমায় রাখব, এত বিলক্ষণ আমি নই। তুমি যাও!” সিপ্রা আবার চোখে রুমাল দিল।

“আমি কিভাবে ছেলেমানুষী করছি বল ত! আচ্ছা,

আচ্ছা, আমি কথা দিচ্ছি, ষত দিন না তোমার আদেশ পাব, তত দিন এখান থেকে এক পাও নড়ব না। তুমি এখন শান্ত হও, লক্ষ্মীটি। তবু কাঁদে, না সিপ্রা, তুমি ভারী ছেলেমানুষ।”

সিপ্রা ঘন ঘন চোখ মুছিতে লাগিল। তাহার সিন্ধু শতদলের মত অশ্রুমাখা স্ত্রী স্ত্রীপুত্রের মুখখানা ক্ষণেকের জন্য মণীশকে বিশ্বসংসার ভুলাইয়া দিল। অল্প কোন কথাই মনে রহিল না। সুন্দর মুখের মাদকতা অতি তীব্র! তরুণ মনে নেশার ঘোরও বড় সহজেই লাগিয়া যায়। অপলক-নয়নে মণীশ সিপ্রার দিকে চাহিয়া রহিল।

দ্বারবিলম্বিত রেশমী পর্দা সরাইয়া চৌধুরী সাহেব বা মিস: চৌধুরী ঘরে ঢুকিলেন। বছর দশ বারো আগে যখন তিনি উকিল ছিলেন, সে সময় লোকে তাঁহাকে তারিণীপ্রসন্ন চৌধুরী বলিয়া জানিত; ডাকিতও তারিণী বাবু বলিয়া। কিন্তু তার পর বৎসরখানেক বিলাতে থাকিয়া ব্যারিষ্টার-রূপে সে দিন তিনি দেশে ফিরিলেন, সে দিন দেশী পরিচ্ছদ দেশী আচার-ব্যবহারের সঙ্গেই পৈতৃক নামটাও সম্পূর্ণভাবে বর্জিত হইয়াছিল। আজ কেহ তাঁহাকে নাম জিজ্ঞাসা করিলে হয় ত চট করিয়া মনে পড়িতেও না পারে।

মণীশের দিকে চাহিয়া চৌধুরী সাহেব বিনা ভূমিকায় প্রশ্ন করিলেন, “তার পর মণীশ, তুমি আমাদের সঙ্গে যাচ্ছ ত?”

“আপনাদের সঙ্গে? কোথায়? কোথায় যাচ্ছেন আপনারা?”

“কি রকম, সিপ্রা তোমায় বলেনি? সিপ্রা, ‘ইউ নট গার্ল’ তুমি মণীশকে বলনি?”

“বলবার সময় পেলুম কখন? উনি ত কেবলই বলছেন, ওঁকে ছেড়ে দিতে হবে। উনি ওঁর বাড়ী ওঁর মাকে না দেখে একবারে অস্থির হয়ে পড়েছেন।”

“সত্যি না কি? দেশে যাবার জন্তে এত ব্যস্ত? আছে কি সেখানে? তোমার মা বেনারস থেকে ফিরেছেন? বোধ হয় না!”

“না, মা ফিরেছেন! আমি আসছি খবর পেয়েই তিনি ফিরে এসে আমার অন্তে ব্যাকুল হয়ে পথ চেয়ে আছেন, এ আমি দূরে থেকেও বুঝতে পারছি।”

মণীশের কর্তৃত্ব গাঢ় হইয়া আসিল। ক্ষণিক আলোড়নে আন্দোলিত সরসীনীরে বিক্ষেপ আগিলেও তাহার স্বভাবগত শাস্ত শৈথিল্য ফিরিয়া আসিছে বলিয়া হয় না। ক্ষণপূর্বে অমুভূত ভাবটা তখন মণীশের মন হইতে অনেকটা দূরে সরিয়া গিয়াছে। চৌধুরী সাহেব বলিতে লাগিলেন, “তোমার কাছে ‘জয়েন’ কর্তে ত মাসখানেক দেরী আছে। এ কটা দিন আমাদের কাছেই থেকে যাও! আর মণীশ, তুমি শোননি বোধ হয়, আমি একটা নতুন মহল কিনেছি—নীলামে, নারায়ণপুর, কলকাতা থেকে কাছেই, বেশ যায়গা! মনে করছি, এ-বারের গ্রীষ্মটা আর কোথাও না গিয়ে ওখানেই কাটিয়ে আসব। মানে খাজনাপত্র মোটে ‘আদায়’ হচ্ছে না, তা না হলে, প্রজা-গুলো অতি পাজি, বেশীর ভাগ খাজনা আজও সেই পুরোন জমিদারটাকেই দিয়ে আসে। তাই ভাবছি, নিজে গিয়ে এবার ব্যাটাদের সায়ের্তা ক’রে আসব। সিপ্রাও যাবে বলছে, ক্রায়েই তোমায় এর মধ্যে থেকে ছেড়ে দেওয়া অসম্ভব।”

নিষ্ফল আনিয়াও মণীশ ক্ষীণ প্রতিবাদ তুলিল, “আমার সময় বড় কম যে। মার কাছে তা হ’লে—”

তাহাকে কথা শেষ করিবার অবসর না দিয়াই অধীর-ভাবে সিপ্রা কহিল, “আঃ, কেবল মা আর মা। গিটল বেবী। মা ছাড়া জানে না! মা তোমার ছুদিনের মধ্যে কর্পূরের মত উবে যাবেন না ত! বাবা বলছেন, আমি বলছি, তবু তুমি যাবে না? আমাদের চেয়েও কি মা তোমার কাছে বেশী হলেন?”

সত্য কথাটা হয় ত তাই! তবু সত্যকে স্বীকার করিয়া লইবার মত সাহস মানুষের সব সময় থাকে না! অন্ততঃ মণীশের এখন ছিল না। সে তাই স্তব্ধ, নিরুত্তর রহিল।

সিপ্রা বলিল, “জোর ক’রে তোমায় নিয়ে যেতে চাই না। ইচ্ছে না হয়, যেও না।”

তাহার কষ্ট মুখের দিকে চাহিয়া চৌধুরী ব্যস্তভাবে বলিলেন, “মিথ্যে অনুরোধ ক’রে বেচারীকে কষ্ট দিও না, সিপ্রা! ও-স্ত যাবে না বলেনি, না মণীশ, তুমি ও ছষ্টু মেয়ের কথায় কাণ দিও না। ওর কেবল কথায় কথায় অভিমান আর রাগ। যারে বৈ কি মণীশ, নিশ্চয় যাবে। মার সঙ্গে দেখা করা? বেশ ত, তুমি কাছে বাবার আগে দিন ছই তাঁর কাছে থেকে যেও।”

সমস্ত ব্যবস্থা করিয়া দিয়া পরম নিশ্চিতভাবে তিনি চুকটে অধিসংযোগ করিলেন। মণীশ টেবলের উপর হইতে সংবাদপত্রখানা তুলিয়া লইল। চুকটে গোটা ছই টান দিয়া মিষ্টার চৌধুরী কহিলেন,—“আচ্ছা মণীশ, তোমাদের ছেটের ‘ইনকাম’ এখন কত?”

এ প্রশ্ন তিনি আরও অনেকবার অনেক সময় করিয়া-ছেন; মণীশ উত্তর দিয়াছে। কাগজ হইতে চোখ না তুলিয়াই সে বলিল,—“খুব বেশী নয়, হাজার চল্লিশ টাকা হ’তে পারে।”

“হ’তে পারে? তুমি তা হ’লে ঠিক জান না? আচ্ছা লোক ত? বরাবরই আয় এই রকম, না এখন—”

শেষ পর্যন্ত তাহার কথা না শুনিয়াই মণীশ জবাব দিল, “শুনেছি, বাবা থাকতে আরও বেশী কিছু পাওয়া যেত। তার পর ক’বছর হ’তে অনেক প্রজার অবস্থা খারাপ হওয়ার মা তাদের খাজনা কমিয়ে দিয়েছেন।”

চৌধুরী সাহেবের চোখে-মুখে এমন ভাব কুটিল যেন এমন অভাবনীয় কথা তিনি অতি অল্পই শুনিয়াছেন। গভীর বিষয়ভরা স্বরে কহিলেন,—“তোমার মা তাদের খাজনা কম ক’রে দিয়ে নিজের ছেটের আয় কমিয়ে কৈলেছেন? এর মানে কি?”

এবার পূর্ণ-নয়নে তাহার দিকে চাহিয়া মণীশ কহিল, “মানে আর কি, গরীব বেচারীরা দিতে পারে না, তাই।”

“তাই নিজেদের ক্ষতি ক’রে তাদের সুবিধা ক’রে দিতে হবে? বেশ বুদ্ধি ত?”

সিপ্রা এতক্ষণ নীরব ছিল। শ্লেষ-ভরা স্বরে এবার সে কহিল, “ড্যাডি’ সে কি বল। নিরক্ষর গ্রাম্য স্ত্রী-লোকের কাছ হ’তে এর চেয়ে বেশী কি আর আশা করা যায়? নিজের ক্ষতি হয় হোক, অসভ্য চাষা কতকগুলো—তাদের কিসে সুবিধা হয় না হয়, তার জন্ত চেষ্টা আগে! বাস্তবিক মণী, আমি অবশ্য তোমার মাকে লক্ষ্য করেই বলছি না; কিন্তু এটা ঠিক, এই সব শিক্ষালেশপরিশৃঙ্খা বিচার-বুদ্ধিহীনা মেয়েরাই এ দেশের উন্নতির প্রধান অন্তরায়।”

কন্টার কথায় সমর্থন করিয়া পিতা বলিলেন, “এক-অ্যাক্টলি সো! ঠিক বলেছিস। অতি সত্য কথা।”

মণীশ স্তব্ধ নিরুত্তরে কাগজের দিকে চাহিয়া রহিল। হাতের চুকটায় আর একটা লম্বা টান দিয়া চৌধুরী মহাশয়

কহিলেন, “বাই হোক, এ টাকাটা সব ধরে ঠিক আসে কি না, এ খবরটা জান ত?”

এ সব আলোচনা কিন্তু মণীশের ভাল লাগিতেছিল না। বিরসভাবে সে উত্তর দিল, “যত দিন এ দেশে ছিলাম, তত দিন জানতুম, উপস্থিত ক’বছর ত আমি দেশ-ছাড়া।”

“ওয়াণ্ডারফুল! তোমার ‘ষ্টেট’ কি রকম আছে, তার খবর রাখনি?”

“রাখা দরকার মনে করিনি। মা আছেন, ম্যানেজার দাদা—”

শেষ পর্যন্ত না শুনিয়াই অপ্রসন্নমুখে চৌধুরী কহিলেন, “হাঁ, তোমার ঐ ম্যানেজারদা, ওর সখন্ধে আমি কিছু বলব তোমায়। ও লোকটিকে আমার ভাল ব’লে বোধ হয় না। তোমার মার কথা যা শুনলাম, তাতে তাঁকে বুদ্ধিমতী ব’লে ত মনে করাই যায় না! আমার ধারণা, তাঁর নির্ভুক্তিতা আর তোমার সরল বিশ্বাসের সুযোগ নিয়ে ও লোকটা তার নিজের দিকটা বেশ ভারী ক’রে তুলেছে। তুমি বরং দেশে গিয়ে গৌজ নিয়ে দেখ—”

প্রশান্ত আকাশের বৃকে ক্ষণিক মেঘচ্ছায়ার মত মুহূর্তের জন্ত মণীশের মুখে বিরক্তির ছায়া দেখা দিয়াই আবার সহজ হইয়া আসিল। শাস্তভাবে সে বলিল, “ম্যানেজার দাদাকে আমি বড় ভাই বলেই জানি। তিনি আমার ক্ষতি করবেন, এ কথা ভাবতেও কষ্ট হয়। আমার ভাল ভিন্ন মন্দ তাঁর দ্বারা হবে না।”

বিজ্ঞভাবে হাসিয়া চৌধুরী সাহেব কহিলেন, “তুমি এখনও ছেলেমানুষ, সংসারকে চিনতে অনেক দেবী। আচ্ছা, ও ব্যবস্থা আমি পরে করব। এখন আসল যেটা, তার কথাই হোক। তুমি ত এক মাস পরেই কাশ নিয়ে চ’লে যাচ্ছ। অনেক দূরে! তোমাদের বিয়েটা তা হ’লে—”

“আমি ত বলেছি, এ সখন্ধে মা যে দিন স্থির ক’রে দেবেন—”

“আঃ, সব বিষয়েই মার উপর নির্ভর ক’রে থাকবার মত বয়স তোমার বহু দিন উৎরে গেছে। তোমার নিজের কি একটা সত্তা নেই?”

দীর্ঘকণ্ঠে মণীশ কহিল, “আছে। তা হলেও আমি ভুলতে পারি না—মামার মা আছেন। আর আমি তাঁর এক সন্তান। আমার জীবনের সব চেয়ে শ্রেষ্ঠ যে ব্যাপার,

এতে তাঁকে না জানিয়ে মত দিতে আমি কিছুতে পারি না! এর জন্তে আমার কমা করবেন—”

“আশ্চর্য্য! এত শিক্ষিত হয়ে—ইউরোপ যুরে এসেও তোমার মন তেমনই জড় আছে দেখে আশ্চর্য্য হয়ে যাচ্ছি। যাক, জোর ত নেই, যা ভাল হয় কর। মোটের উপর তোমাদের বিয়েটা যত শীগগীর চুকে যাক, সেইটা আমি চাই। তোমার মাকে জানিও, তাড়াতাড়ি এর ব্যবস্থা করতে বলছি আমি। তিনি যেন এ মাসে হ’তে নেই, ও-মাস অকাল, ব’লে দেবী না করেন। অশিক্ষিত মেয়েদের অনেক রকম কুসংস্কার আছে কি না! অনেক বগাট, ‘পাঁজি পু’থি’, দিন-ক্ষণ, কত কি?”

তিক্ত হাসিয়া সিপ্রা বলিল, “পাড়া-গেয়ে মেয়েগুলো মানুষের বা’র। তাই ত এক এক সময় মনে হয়, ওঁর মা’র সঙ্গে মানিয়ে চলা হয় ত আমার পক্ষে সম্ভব হবে না।”

ঈষৎ চিন্তা-বিচলিতকণ্ঠে চৌধুরী সাহেব কহিলেন, “এও একটা কথা সত্যি! আমিও তোমায় জিজ্ঞাসা করুব ভাবছিলুম। তোমার মা সিপ্রাকে বেশ প্রসন্ন-মনে গ্রহণ করতে পারবেন ত? ও ত সে অভিমানী মেয়ে, এতটুকু অনাদর সহিতে পারবে না।”

কাগজখানা টেবলের উপর রাখিয়া দিয়া মণীশ কহিল, “আমার মাকে যদি আপনারা একবার দেখতেন, তা হ’লে বুঝতে পারতেন, এ আশঙ্কা আপনাদের কত বড় ভুল। আমার যাকে ভাল লেগেছে, মা তাকে পছন্দ করবেন না বা অনাদর করবেন, এ কল্পনাও করবেন না। চার বছর আগে যখন প্রথম আপনাদের সঙ্গে পরিচয় হয়, তখনই আমি মাকে সিপ্রার কথা বলি। তিনি এতে খুসী হয়ে সম্মতি দিয়েছিলেন বলেই আমি ওকে প্রার্থনা করি।”

“ওঃ! কিন্তু তুমি তা হ’লে সর্বতোভাবে তোমার মা’র ইচ্ছিতেই চলা-ফেরা কর? এ ত ঠিক নয়! আজ যদি তিনি সিপ্রার বদলে আর কাকেও ছেলের বউ ক’রে ঘরে আনতে চান, তুমি বোধ হয় সুবোধ শিশুর মত অগ্নি তাতেই রাজি হবে?”

সপ্রশ্ন দৃষ্টি মণীশের মুখে রাখিয়া মিষ্টার চৌধুরী অপ্রসন্ন-মুখে চুরুটের ছাই ঝাড়িতে লাগিলেন। মুহূর্তের জন্ত মণীশ চাহিল সিপ্রার দিকে। উজ্জল মোহন দৃষ্টিতে সেও চাহিয়াছিল। ক্ষণেকের জন্ত উভয়ের দৃষ্টি মিলিল



মিষ্ট হাসির সঙ্গে মণীশ কহিল, “তাই কি আর সম্ভব? আর এমন কথা আমার মা বলবেনও না।”

“বলা যায় কি! অশিক্ষিতা মেয়েদের ত কোন দায়িত্ব-বোধ নেই। কিছু করতেই তাদের আটকায় না! যাক, যত শীগুণীর হয়, এ কাষটা মিটিয়ে ফেলতে চেষ্টা কর, আমিও নিশ্চিত হ’তে পারি! আচ্ছা, তোমরা ব’স, আমি একটু ঘুরে আসি।”

## দুই

পশ্চিম আকাশের গায়ে সারা দিনের শ্রমক্রান্ত দেহখানি এলাইয়া অন্তরবি অনেকখানি আয়ুগোপন করিয়াছেন। লাল আলোর খানিকটা আসিয়া পড়িয়াছিল সরসী-তীরে ছিপ হাতে উপবিষ্ট মণীশ ও সিপ্রার চোখে-মুখে, সারা দেহে ক্ষুদ্র নারায়ণপুরে প্রবল আলোড়ন তুলিয়া কম দিন হইতে সপরিবারে চৌধুরী সাহেব আসিয়া রহিয়াছেন। গ্রামবাসীর চোখে নব ভূস্বামীর জাঁক-জমক ঐশ্বর্যের আড়ম্বর যেমন বিস্ময়কর বোধ হইয়াছিল, তীত-সম্বৃত্ত করিয়াছিলও উত্তখানি। বিচুর্ষী জমিদারত্বহিতার বেশভূষা—ভাবী স্বামীর সঙ্গে অবাধে পথে-বাটে ঘুরিয়া বেড়ান দেখিয়া তাহারা ভয়ে ভয়ে নিজেদের মধ্যে তাহার সম্বন্ধে যে আলোচনা চালাইতে ও মত প্রকাশ করিতে লাগিল, তাহার কণামাত্রও তাঁহাদের কাণে উঠিলে এ বেচারীদের দুর্গতির সীমা থাকিত না। ইহাদের সৌভাগ্য যে, মানুষের শ্রবণশক্তির সীমা খুব বেশী দূর অবধি প্রসারিত নয়। অবাধ্য প্রজার দল শাসিত হইয়া যাইতে দেৱী হয় নাই। ভক্তি অপেক্ষা ভয়ে মানুষ সহজে পরাজয় স্বীকার করে। ইহা ত বহু পরীক্ষিত সত্য।

এখানে আসিয়া অবধি মাছ ধরা ও পাখী শিকারের নেশা মণীশ ও সিপ্রাকে পাইয়া বসিয়াছিল। এই দুই বিষয়েই সিপ্রা মণীশ হইতেও নিপুণ। লক্ষ্যও তাহার যেমন অব্যর্থ, ছিপে মাছ গাঁথিতেও তেমনই তাহার পারদর্শিতা। কতকটা সহকারী হিসাবে মণীশ থাকে তাহার সঙ্গে আজও ছোট বড় অনেকগুলো মাছ উঠিয়াছে, অধিকাংশই সিপ্রার ছিপে। মণীশ ধরিয়ছিল একটা কি দুইটা। বড়শীর মুখে ময়দার টোপ দিয়া ছিপ জলে ফেলিয়া সিপ্রা কহিল, “সব কাষেই তুমি দেখছি সিপ্রার।

আমার সারা জীবন তোমার নিরে কাটবে ভাল। একবারে অপদার্থ!”

তাহার মুখের দিকে চাহিয়া স্মিত-মুখে মণীশ কহিল, “এ কথা তুমি আজ জানলে, সিপ্রা? আমি ত অনেক আগেই এ কথা জানি। জানি বলেই তোমার মত কণ্ঠ লোকের হাতে নিজেকে সঁপে দিয়েছি।”

“কথায় তোমার হারান দায়! সাবধান, টোপ গিলেছে, সেবারের মত সূতো ছিঁড়ে নিয়ে পালায় না যেন!”

মণীশ জলের উপর দৃষ্টি রাখিয়া বলিল, “আচ্ছা সিপ্রা, তুমি এ কাষে এত নিপুণ হ’লে কি ক’রে বল ত? তোমার এম এ ক্লাশের পড়ার মধ্যে এ সম্বন্ধে কিছু শেখান হয় ব’লে ত শুনি নি।”

সিপ্রা হাসিয়া উঠিল, বলিল, “ওঃ, সে জান না, বি এ একজামিন দিয়ে হঠাৎ খেয়াল হ’ল মাছ ধরার। বরানগরের বাগানে আমাদের কত বড় পুকুর আছে, জান ত? এক দিন সেখানে একটা পনের সের—এই এই, মণীশ, গাখ গাখ—সূতো ছিঁড়ে পালানো! না, তুমি এক-বারেই অপদার্থ, এ বারেও পারলে না মাছটা তুলতে।”

ছিপটা তুলিয়া লইয়া মণীশ হাসিতে লাগিল। সিপ্রা ভৃত্যের হাতে নিজের ছিপ দিয়া ফ্লাস্ক হইতে চা ঢালিতে লাগিল। তরুণীর্ষ হইতে দিনান্তের শেষ আলোটুকু মিলাইয়া আসিতেছিল। তীর-সম্বিত তরু-রাজির ছায়া কাল জলের উপর গাঢ় হইয়া উঠিতেছে। কলসী লইয়া পল্লী-নারীরা জল লইতে আসিয়া অল্প দিনের মতই দূর হইতে ইহাদিগকে দেখিয়া নীরবে ফিরিয়া ক্রোশ ছই দূরে অবস্থিত নদীর উদ্দেশে চলিল। ক্ষুদ্র গ্রামে জলাশয় মাত্র এই একটাই।

দুই কাপ চা ঢালিয়া একটা মণীশের দিকে সরাইয়া দিয়া সিপ্রা কহিল, “নাও! মাছ ত অনেক ধরলে। চা-টা এবার খেয়ে নাও। আচ্ছা লোককে সঙ্গে এনেছি!”

তাহার চটুল দৃষ্টি মণীশের দেহ-মনে পুস্কের বস্তা বহাইয়া দিল!

“দেখুন, আপনারা যদি প্রত্যহ এ সময় এখানে ব’সে থাকেন, তা হ’লে আমাদের ত অস্ববিধার সীমা থাকে না!”

সচকিতে মণীশ ও সিপ্রা কিরিয়া চাহিল। তাহাদের কাছেই দাঁড়াইয়া সতের আঠার বছরের শ্রামলা একটি তরুণী। সাধারণ আর পাঁচটি গ্রাম্য মেয়ের মতই বেশভূষা। চেহারায় বিশেষত্ব কিছু নাই। দুই জনেরই বিশ্বয়ের সীমা রহিল না—এই তরুণীটির দুঃসাহসে। প্রবলপ্রতাপ ভূস্বামীর পরিচয় গ্রামবাসী ত এ কয় দিনেই যথেষ্ট পাইয়াছে, তথাপিও এ আসিয়াছে নিজেদের অসুবিধার কথা জানাইয়া অভিযোগ করিতে! তাহাদিগকে চাহিতে দেখিয়া নির্ভীক অকুণ্ঠভাবে তরুণী বলিতে লাগিল, “আজ চার পাঁচ দিন হ’তে এইখানে ব’সে আপনারা মাছ ধরছেন। গ্রামের মেয়েদের তাতে অসুবিধার শেষ নাই। নদী কত দূরে, তাও আপনারা জানেন। সেখানে যেতে হয় আমাদের জল আনতে। গ্রামে অল্প পুকুর নেই ত।”

বিশ্বয়ের প্রথম সংঘাতটা কাটিয়া যাইতেই সিপ্রা রাগে অলিয়া উঠিল। মেয়েটির দিক হইতে দৃষ্টি ফিরাইয়া লইয়া ক্রুদ্ধস্বরে কহিল,—“কার কি অসুবিধা হচ্ছে, সে দেখে কাষ করবার দরকার ত আমার নেই।”

“এ কথা যদি বলেন, তা হ’লে অবশ্য আমরা নিরুপায়। কিন্তু গ্রামের জমিদার আপনারা, আপনারা যদি আমাদের সুখ-দুঃখে সুবিধা-অসুবিধায় এ ভাবে ঔদাসীণ দেখান, তা হ’লে আমরা যাই কোথা? আমাদের যাতে অসুবিধা না হয়, তার ব্যবস্থা করা আপনাদেরই কর্তব্য নয় কি?”

ভিক্ত সত্য মানুষকে প্রীতি অপেক্ষা বিরক্তিই বেশী আনিয়া দেয়। সিপ্রা আরও অলিয়া গেল। কিন্তু মণীশের বিশ্বয়ের আর সীমা ছিল না—এই গ্রাম্য মেয়েটির কথার ধরণে, তাহার নির্ভীকতায়! তাহার দিকে লক্ষ্য না করিয়া শুধু সিপ্রার দিকে চাহিয়া সেই মেয়েটি বলিতে লাগিল,—“গ্রামের মধ্যে এমন অনেক লোক আছে, যাদের চার পাঁচ মাইল হেঁটে নদীতে যাবার সামর্থ্য নেই। এ ক’দিন তারা বা কষ্ট পাচ্ছে, তার তুলনা হয় না। এ জেনেও যদি এখনও আপনারা এখানে ব’সে থাকেন, তা হ’লে—”

“তা হ’লে কি করবে তুমি, তাই শুনি?”

অত্যন্ত ক্রুদ্ধভাবে কথাটা বলিয়া সিপ্রা মেয়েটির দিকে চাহিল। মন্ব কণ্ঠেই তরুণী বলিল, “করব কিছু, এমন কথা ত আমি বলিনি। আমাদের অসুবিধার

কথা জানিয়ে এর প্রতীকার প্রার্থনা করেছি,—আপনার মন্বস্যাহের কাছে।”

তার এ কথা সিপ্রাকে ক্ষণভরে গুরু করিয়া দিল। তার পর ঠোট বাঁকাইয়া সে বলিল,—“জল নিয়ে যেতে ত কেউ বারণ করেনি। যাক না নিয়ে—”

এবার অত্যন্ত বিশ্বয়ভরে মেয়েটি বলিল,—“এ আপনি কি বলছেন, দিদিমণি? আপনারা রয়েছেন এখানে, আপনার লোকজন ঘাটের উপর ঘুরছে। এর মধ্যে এসে তারা জল নেবে, গা ধুয়ে যাবে কি ক’রে? হ’তে পারে তারা অসভ্য পাড়াগোঁয়ে, কিন্তু মেয়েদের সহজাত সংকোচ যা, তার হাত এড়াতে কি ক’রে, তাই বলুন?”

সিপ্রার ধৈর্যের বাধন ক্রমশঃ শিথিল হইয়া পড়িতেছিল। ক্রুদ্ধকণ্ঠে কহিল,—“তবে কি করতে হবে, তাই শুনি? তোমাদের পুকুর ছেড়ে দিয়ে উঠে যাব আমরা? কিন্তু একটা কথা ভুল না, এটা আমাদের!”

মাথা নাড়িয়া মেয়েটি বলিল, “সে কথা অস্বীকার করছে কে? কিন্তু পুকুর আপনার বলেই যদি সকলের অসুবিধা আপনারা তুচ্ছ করেন, তা হ’লে তাকে উৎপীড়ন ভিন্ন আর কি বলব?”

“উৎপীড়ন? নিজের জিনিষে দাবী জানানর নাম উৎপীড়ন?” সিপ্রা প্রায় লাফাইয়া উঠিয়া দাঁড়াইল। তাহার চোখ-মুখের উন্মাদ ভাব বিচলিত করিল মণীশকে। ব্যস্তভাবে তাহার দিকে চাহিয়া ইংরেজিতে বলিল, “সামান্য একটা মেয়ের কথায় রাগ ক’রে কি ছেলেমানুষী করছ? যেতে দাও!”

উত্তেজিতভাবে সিপ্রা বলিল,—“যেতে দেব? কি বল তুমি? বাবাকে বলব, কাল থেকে এই পুকুর আমরা ভিন্ন অল্প সকলের অব্যবহার্য্য হবে—এই হুকুম দিতে।”

শাস্ত কোমণ কণ্ঠে মণীশ বলিল, “তা হয় না, সিপ্রা, গ্রামের মধ্যে একটা পুকুর, স্মারতঃ এতে সকলেরই অধিকার।”

তার পর মেয়েটির দিকে চাহিয়া বলিল,—“আমার জন্তেই এখানে আসতে আপনাদের অসুবিধা হয়। কাল থেকে আর আমি এখানে আসব না। না জেনে যে দোষ করেছি, তার জন্তে ক্ষমা করবেন। এস, সিপ্রা, বাড়ী যাওয়া যাক, বেলাও গেছে।”

কথার সঙ্গে সিপ্রার হাতে যুহু একটা টান দিয়া সে

অগ্রসর হইল। নিষ্কল ক্রোধের অসহ দহন বুকে চাপিয়া সিপ্রা উঠিল। মর্যাদাবোধ যাহাদের মনে অতি প্রখর, প্রতি পদক্ষেপে মর্যাদা হারাইবার আশঙ্কাও তাহাদের বড় বেশী। নিঃশব্দে খানিকটা পথ আসিয়া কঠিনভাবে সিপ্রা বলিল, “তোমার সম্মান বাঁচাতে গিয়ে আজ নিজেকে কতটা আশ্রয় অপমান হ’তে হ’ল জান ? এই ভাবে চ’লে আসায় ঐ সব ছোট লোকেরা কত দূর আশ্রয় পেলো ? এর পর ওরা আমাদের মানবে, না গ্রাহ্য করবে ?”

অতাবতঃই মণীশ শাস্ত্র সংযত, ক্রষ্ট হইলেও সে আশ্রয় দমন করিতে জানে। সিপ্রার কথার ভঙ্গীতে তাহার দৃষ্টি মূর্ছার জন্ম দীপ্ত হইয়া উঠিলেও সহজভাবে বলিল, “ছোট লোক হলেও ওরাও মানুষ, সিপ্রা ! সুবিধা অসুবিধা নিয়ে অভিযোগ জানাবার অধিকার ওদের যেমন আছে, ওদের ভাল-মন্দর দিকে লক্ষ্য রাখাও তেমনই আমাদের কর্তব্য, এটা ভুলে যেও না।”

গভীর বিতর্কায় সিপ্রার ওষ্ঠাধর আকুঞ্চিত হইল। ইহার প্রতিবাদ করিয়া কিছু বলিতেও যেন তাহার প্রবৃত্তি হইল না। মণীশ অন্তমনে বলিল, “সে যাই হোক, মেরেটিকে দেখে আমি আশ্চর্য্য হয়ে গেছি। আমার ধারণা ছিল, পল্লীগ্রামের মেয়েরা জড় পদার্থের মতই, নিজের একটা সত্তা পর্য্যন্ত তাদের নেই। কিন্তু আশ্চর্য্য এই মেরেটি। কেমন সহজ অকুণ্ঠ ভঙ্গী ! জড়তার লেশমাত্র কোথাও নেই। এখানে এ রকমটি দেখব, এ ধারণা আমার ছিল না।”

পরিপূর্ণ আধারে অল্প কিছু স্থান হয় না। কণপূর্বে দৃষ্টা কিশোরীর ছবি মণীশের সারা অন্তর ভরিয়াছিল বলিয়াই “তাহার এ প্রশংসার বাণী সিপ্রার মুখে মেঘের ছায়া কতখানি ঘনাইয়া তুলিল, ইহা তাহার চোখে পড়িল না। এক জন রমণীর সুখ্যাতি অল্প রমণী কখনই খুব স্বল্প চিত্ত লইয়া গ্রহণ করিতে পারে না, এ চিরন্তন সত্যও সে ভুলিয়া গেল। বজ্রাধি-নিহিত নীরদ-খণ্ডের মতই পতীর তরাল বৃষ্টি লইয়া সিপ্রা বাড়ী ফিরিল।

### তিন

“এই পুরানরা, হাসহিস কেন ? বল, কেন হাসহিস ?”

অত্যন্ত ক্রষ্ট করেই সিপ্রা সম্মুখস্থ ছেলে দুটিকে লক্ষ্য করিয়া প্রশ্ন করিল। ছেলে দুইটি বোধ হয় সহাদর ভাই।

গ্রামে নূতন আসিয়াছে। সিপ্রার পরিচয় জ্ঞাত নয়। ভাই সর্কোতুকে তাহার দিকে চাহিয়া এক জন অপরকে কহিল, “মেম সাহেব, না দাদা ? পায়ে যে জুতো—”

দাদা গভীরভাবে কহিল, “না রে, ‘পুলু’, তাই হাতে বনুক, সেই বন্ধমানে গিয়ে দেখে এলাম, পুলুদের হাতে বনুক। এও তাই মেয়ে পুলু !”

ছেলে দুইটির সরল কথার ভঙ্গীতে মণীশ হাসিয়া উঠিয়াই সিপ্রার আঙনের মত চোখ দুইটির দিকে চাহিয়া সভয়ে পামিল। এক জনের হাসির উপাদান যাহা, অন্যের পক্ষে তাহা হাশ্বকর না-ও হইতে পারে। সিপ্রা কিরিয় চাহিল। তাহারই ‘রাইফেলের’ গুলীতে সত্তোহত গোটা-কত বটের ও তিতিরের রক্তাক্ত দেহ বহিয়া যে লোকটি সঙ্গে আসিতেছিল, তাহাকে লক্ষ্য করিয়া সে কহিল, “রামলাল, এই বেয়াদব ছোঁড়া দুটোর কাণ ধ’রে কাছারী-বাড়ীতে নিয়ে যা ! দু’জনকে পঁচিশ বা ক’রে বেত দিয়ে ছেড়ে দিবি।”

ছেলে দুইটি এতক্ষণ পর্য্যন্ত নির্ভয়ে সিপ্রার সম্মুখে দাঁড়াইয়া গভীর মনোযোগের সঙ্গে চাহিয়া চাহিয়া তাহার আপাদমস্তক দেখিতেছিল। সহসা এই আদেশের সঙ্গে রামলালকে তাহাদের দিকে আসিতে দেখিয়া, ‘ওরে বাবা রে’ বলিয়া একটা আর্ন্তরব তুলিয়াই প্রাণপণে দৌড় দিল। সিপ্রা নিজেই আগাইয়া ধরিয় ফেলিল ছোটটিকে। বড়টি তখন অদৃশ্য হইয়া গিয়াছে। তারস্বরে ছেলেটা চৈতাইতে লাগিল। রামলালের দিকে তাহাকে ঠেলিয়া দিয়া সিপ্রা কহিল, “উজ্বুক ! ওটাকে ধরতে পারলি না ? একে নিয়ে যা, গুণে পঁচিশ বা বেত—”

“আহা ! এ ছেলেমানুষের উপর এ শাস্তির হুকুম কেন ? ও কি জানে বলুন ত ? এ রকম দেখেনি কখনও, তাই ও কথা বলেছে। দিন—ছেড়ে দিন ওকে।” অদূরস্থ ছোট কুটারখানির দ্বারে দাঁড়াইয়া যে মেরেটি এতক্ষণ এই ব্যাপার দেখিতেছিল, আগাইয়া আসিয়া সে সিপ্রার হাত হইতে ধূপবন্ধ বলির পণ্ডর মত ছেলেটির কম্পিত দেহটা টানিয়া লইল।

মণীশ দূর হইতেই চিনিয়াছিল এ সেই, যে তাহাদের গত দিনে নিজেদের অসুবিধার কথা জানাইয়া পুষ্করিনীর তীর হইতে তাহাদিগকে উঠিয়া বাইতে বাধ্য করিয়াছিল। পুষ্করিন

তাহার কুর্থাহীন নির্ভীকতার সে যেমন বিশ্বয় বোধ করিয়াছিল, আজও তেমনই তাহাকে তৃপ্ত মুখ করিল—তাহার পরের জন্ম এই ব্যাকুলতার। ছেলেটি যে উহার কেহ নয়, তাহা হই জনের দিকে একবার চাহিলেই বুঝা যায়।

সিপ্ৰা অবজ্ঞাভরে তাহার দিকে চাহিয়া দেখিল মাত্র, কথার উত্তর দিল না। রামলালের দিকে চাহিয়া বলিল, “এই উল্লুক, তুই গুন্তে পাচ্ছিস না? ওকে নিয়ে যা!”

মিনতিভরা স্বরে মেয়েটি কহিল, “অবোধ শিশু জানোয়ারের সামিল। ওর উপর রাগ না করে ক্ষমা করাই আপনার পক্ষে শোভন হবে। এবারকার মত ওব দোষটা মাপ করুন।”

সিপ্ৰা এবারও তাহার দিকে ভ্রূক্ষেপ করিল না। তাহার এ অশিষ্ট অবজ্ঞা মুহূর্তের জন্ম মেয়েটির আকর্ষণ রক্তিম করিয়া তুলিল। তার পর সহজভাবেই বলিল, “ওর হয়ে আমি আপনার কাছে ক্ষমা চাইছি।”

সিপ্ৰা তাহার দিকে চাহিলও না; রামলালকে লক্ষ্য করিয়াই গর্জিয়া উঠিল, “আমার হুকুম গুন্তে পেয়েছিস্?”

বিপন্নভাবে রামলাল বলিল, “আমি কি করুব, উনি যে ওকে ধরে রেখেছেন।”

বিহঙ্গ জননী যেমন ভাবে ডানার আড়ালে শাবককে লুকাইয়া রাখে, তেমনই ভাবে ছেলেটিকে নিজের অন্তরালে সে যেন এই রোষাঘ্নি হইতে সন্তর্পণে ঢাকিয়া রাখিয়াছিল। তাহার দিকে চাহিয়া কড়া আদেশের স্বরে সিপ্ৰা কহিল, “এই, ওকে ছেড়ে দে। গুন্তে পাচ্ছিস না?”

মেয়েটির সারা মুখ আবার লাল হইয়া উঠিল। আর তাহারই স্পর্শ লাগিল যেন মণীশের মুখে! মেয়েটি দৃঢ়কণ্ঠে বলিল, “না, আপনার হুকুমে বেত মারবার জন্ম ওকে ছাড়তে আমি পারব না। নির্দোষ অসহায় শিশু এ, একে এ শাস্তি দিয়ে কোন লাভ নেই ত আপনার।”

ক্ষমতার গর্ভ মানুষকে অন্ধ করে যেমন. বিবেচনাশূন্য করেও তেমনই। অসহ ক্রোধে আত্মহারা হইয়া সিপ্ৰা চোঁচাইয়া উঠিল, “আলবৎ ছাড়তে হবে। রামলাল, ওর কাছ থেকে ছিনিয়ে নে ছেলেটাকে।”

মণীশ এতদূর নীরব দর্শকের মত দাঁড়াইয়া ছিল। ইহাদের ব্যাপারে আর কখনও সে কথা কহিবে না স্থির করিয়া রাখিলেও আর সে ভাব বজায় রাখা গেল না।

সিপ্ৰার কাছে আসিয়া মূঢ়কণ্ঠে কহিল, “চায়ের পেয়ালার তুফান তুলছ তুমি, সিপ্ৰা! যেতে দাও ওদের।”

“থাম, তুমি সব কথায় কথা বলতে এস না।”

রূঢ়কণ্ঠে সিপ্ৰা ধমক দিয়া উঠিল। মণীশের দিকে লক্ষ্য না করিয়াই বলিল, “ও যদি না ছাড়ে রামলাল, তুই কেড়ে নে ছেলেটাকে, আমার হুকুম।”

মেয়েটার দীর্ঘায়ত কাল চোখের দৃষ্টি বিজ্ঞাংশিখার মত জ্বলিয়া উঠিল। তীক্ষ্ণকণ্ঠে সে বলিল, “ধন্য আপনি যে, স্ত্রীলোক হয়ে আর এক জন রমণীর অসম্মান করবার আদেশ দিতে পারছেন! কিন্তু যাই বলুন, একে আমি আপনার হাতে দিতে পারব না। এইটুকু ছেলে পঁচিশ ঘা বেতের পর আর বেঁচে থাকবে না। এখনই ত ভয়েই প্রায় ম’রে রয়েছে, আহা!”

কথার সঙ্গে করুণা ও বেদনার একত্র সংমিশ্রণ তাহার মুখে চোখে যে ছায়া ফুটাইল, তাহা যেমন সুন্দর, তেমনই পবিত্র। মেয়েটির কথা সিপ্ৰাকে এতটুকু বিচলিত করিল না। সে কহিল, “ওকে গুন্ড, চুলের ঝুঁটি ধ’রে নিয়ে যা, রামলাল। ওরা জানুক, জমিদারের কথার বিরুদ্ধে দাঁড়ানোর পরিণাম কি?”

অবিচলিত স্বরে মেয়েটি বলিল, “পরিণাম আমাদের অজানা নয়। জমিদারের আদেশের বিরুদ্ধে দাঁড়ান অস্বাভাবিক, এও জানি। কিন্তু আদেশ যখন ণায়ের গণ্ডীর বাইরে গিয়ে দাঁড়ায়, তখন তাকে অবহেলা করবার অধিকার সকলেরই আছে। একটু ভেবে দেখলে আপনি নিজেও বুঝতে পারবেন এ কথা। কিন্তু নিজের ব্যবহারের জন্ম আমি ক্ষমা চাইছি। দয়া করে আমাদের ক্ষমা করুন।”

প্রভুত্বপ্রিয়তা, ক্ষমতাগর্ভ সিপ্ৰার হিতাহিতজ্ঞানকে অতিক্রম করিয়া গেল। সে রামলালের দিকে চাহিয়া কহিল,—“তোদের সকলেরই স্পর্ধা বড় বেশী হয়েছে, নয়? এখনও চূপ করে দাঁড়িয়ে আছিস্!”

রামলাল এই গ্রামেরই লোক। তাই স্বগ্রামের এই মেয়েটিকে নির্খ্যাতন করিতে তাহার পা উঠিতেছিল না। হতাশভাবে সে চাহিল মণীশের দিকে। মণীশ একবার চাহিল সিপ্ৰার দিকে, একবার চাহিল মেয়েটির প্রতি। তার পর বলিল,—“আমি বলছি, আপনারা যেতে পারেন।”

মেয়েটি চমকিয়া তাহার দিকে দৃষ্টি তুলিয়া উজ্জ্বলিত



কণ্ঠে কহিল, “আপনার এ দয়ার কথা আমার চিরদিন মনে থাকবে। নমস্কার!” মুক্ত কর লগাটে ঠেকাইয়া সে অগ্রসর হইতেছিল, সহসা কি ভাবিয়া ফিরিয়া দাঁড়াইয়া সিপ্রাকে উদ্দেশ্য করিয়া বলিল, “আমার উপর আপনি রাগ ক’রে থাকবেন না। আর একটা কথা মনে রাখবেন, নারীর বৈশিষ্ট্য যা, তা শুধু তার কোমল হৃদয়ে, তার নারীত্বের বিকাশ সেইখানে। আপনি উচ্চশিক্ষিতা, এ সহজ কথাটা নিশ্চয়ই বুঝবেন।”

আর একবার হাত ছুটা কপালে তুলিয়া ছেলোটিকে লইয়া চকিতে সে ঘনবিশ্রান্ত তরুণশ্রমীর অন্তরালে অদৃশ্য হইয়া গেল। প্রতীকারশক্তিহীন নিষ্ফল ক্রোধের দহন মানুষকে ক্ষেপাইয়া তুলে। ক্ষণেকের জন্ম কথা বলিবার মত অবস্থাও সিপ্রার রহিল না। তার পর মণীশের দিকে চাহিয়া অত্যন্ত কণ্ঠারকণ্ঠেই বলিল, “কেন তুমি সব বিষয়ে আমার উপর কথা বলতে এস?—কান্ অধিকারে?”

আসন্ন শিকার হাতছাড়া হইলে শিকারীর যেমন মনস্তাপের সীমা থাকে না, তেমনই একটা ভাব কুটিয়া উঠিয়াছিল সিপ্রার চোখে-মুখে! রূঢ়কণ্ঠে আবার সে বলিল, “লোকের চোখে তোমার হেয় করা আমার ইচ্ছে নয়, তাই আমি বাধ্য হয়ে চুপ ক’রে থাকি, কিন্তু আর এ চলে না। কালও তুমি এইভাবে আমার তোমার কথামত চলতে বাধ্য করেছ। তোমার এ প্রভুত্ব আমার অসহ্য।”

অসহ্য! ক্ষণেকের জন্ম মণীশ চঞ্চল হইয়া উঠিল! সে দিকে লক্ষ্য না করিয়া ‘রাইফেল’টা মাটিতে ঠুকিয়া সিপ্রা কহিল, “হ্যাঁ, অসহ্য! তুমি জান, কারও প্রভুত্ব আমি সহ্য করতে পারি না। আমাদের ভবিষ্যৎ সম্পর্কের দাবী নিয়ে তুমি যদি আমার উপর জোর চালাতে যাও, তা হ’লে ভুল করবে। কারও ইচ্ছামত চলতে বাধ্য হব, সে প্রকৃতি আমার নয়।”

শাস্তকণ্ঠে মণীশ কহিল, “ভুল করছ, সিপ্রা! আজই হোক বা দুদিন পরেই হোক, আমার কথামত চলতে তোমার বাধ্য করাব, এত বড় অভদ্রতা আমার মধ্যে নেই।”

বিজ্ঞপভরা স্বরে সিপ্রা কহিল, “মুখে ও কথা বললেও আদেশ আদির করতে ক্রটি ত দেখি না। তোমার কি

বলব, ও পুরুষের স্বভাব! মেয়েদের পদানত ক’রে রাখতেই তারা চায়। আর কিছু না—” বলিয়াই মনের বিরক্তি গতিভঙ্গীতে ফুটাইয়া সে অগ্রসর হইল; মণীশের দিকে চাহিলও না। হত পাখীগুলা তুলিয়া লইতে লইতে রামলাল মণীশকে উদ্দেশ্য করিয়া কহিল, “বেলা গেল, বাড়ী চলুন, হজুর!”

মণীশ কি ভাবিতেছিল। তাহার কথায় ফিরিয়া চাহিয়া কহিল, “চল যাই। উনি ত অনেকটা এগিয়ে গেছেন দেখছি।”

শুষ্ক তরুণের মর্শ্মরশ্মি তুলিয়া, ছায়াশীতল কাননের মধ্যবর্তী পায়ের চলার পথ বহিয়া অগ্রসর হইতে হইতে মণীশ কহিল, “ও মেয়েটি কে, রামলাল? চেন তুমি?”

“চিনি বৈ কি, বাবু, ওনার নাম উষা। এই গাঁয়ে যে স্থল আছে, ওঁর বাবা ছিলেন তার মাষ্টার। বড় ভাল লোক ছিলেন। বছর দুই তাঁর ‘কাল’ হয়েছে! কিছু রেখে যেতে পারেন নি। চঃখ-কঃ ক’রে উনি দিদি নিজের আর বড়ো মার খরচ চালায়। এমন কেউ নেই যে, ওনাদের ভার নেয়। বিয়েও হল’না তাই আজ পর্যন্ত।”

কেন কে জানে, এই মেয়েটির সম্বন্ধে মণীশের কোতূহলের অন্ত রহিল না। উৎসুকভাবে সে কহিল, “কি চঃখ-কঃ করেন উনি? লোকের বাড়ী কাম ক’বেন?”

সসঙ্কোচে রামলাল মাথা নাড়িল, বলিল, “না হজুর! বড় ঘরের মেয়ে উনি, ও-সব কাম কি করতে পারেন? বাপের সেই স্থলটিই উনি চালাচ্ছেন।”

মণীশের কোতূহল বিষয়ে রূপান্তরিত হইল। বলিল, “স্থল চালাচ্ছেন, উনি লেখাপড়া জানেন?”

“জানেন বৈ কি, বাবু! কিছু জানেন নিশ্চয়; নইলে পড়ান কি ক’রে? আর ছোট ছেলে-মেয়ে সব, তাদের পড়াতে বেশী বিচোর ত দরকার নেই।”

“তা সত্যি, তবু মেয়েটির ক্ষমতা আছে যে, এই রকম অসহায় অবস্থাতেও সব দিকে সামঞ্জস্য রেখে নিজের খরচ নিজে চালাতে পাচ্ছে, কারুর উপর নির্ভর করেনি, কারুর গলগ্রহ হয়নি।”

রামলাল সব কথা না বুঝিয়াও বিজ্ঞভাবে কহিল, “ঠিক কথা, হজুর, ঠিক কথা। গাঁয়ে এমন অবস্থা কারও নাই যে, কেউ কাকেও দেখবে, কিন্তু নিজে করবার বেলা সবাই

আছে। ঠাঁর ঐ স্কুল করার জন্তে, বে না হওয়ার জন্তে মাতীর্ণ মশায়ের বিধবাকে কম কথা শুনিবে যায় সব? আ মর! ভাল করতে নেই, মন্দ করতে আছে!”

সিপ্ৰা অনেকটা আগাইরা গিয়াছে। রামলালের কথামুলা মনীশের বেশ ভাল লাগিতেছিল। মছর-পদে চলিতে চলিতে সে বলিল, “ঠাঁর মা চেষ্টা করেন না মেয়ের বেঁর জন্তে?”

“করলেই বা হচ্ছে কৈ, ছজুর? গরীবের ঘরের কালো মেয়ে নেবে কে?”

মনীশ আর প্রণ করিল না।

### চান্ন

মনীশের জন্ত নির্দিষ্ট ঘরের দ্বারে দাঁড়াইয়া সিপ্ৰা বলিল, “চৎকার, এখনও বেশ নিশ্চিত হয়ে গুয়ে আছ? যাবে না?”

সিপ্ৰার বেশ লক্ষ্য করিয়াও মনীশ অনাবগুক প্রণ করিল, “যাব? কোথায় যাব?”

জানিয়া গুনিয়া অজ্ঞতার ভাণ সকলকেই বিরক্ত করে। ক্রুদ্ধভাবে সিপ্ৰা কহিল, “রোজ যাই কোথায়, জান না?”

“ও! পাখী-শিকারে? না, সিপ্ৰা, আজ আমার ভাল লাগছে না।”

“কেন তাই গুনি? কি হয়েছে তোমার?”

মনীশ কথা কহিল না। আরও জলিয়া সিপ্ৰা বলিতে লাগিল, “কদিন হতেই দেখছি, তোমার যেন কি রকম ভাব। আমি জানতে চাই, এর কারণ কি? কি হয়েছে তোমার?”

এবারও মনীশ কথা কহিল না। রাগের মাখায় উত্তর না পাইলে বিরক্তি আরও বাড়িয়া যায়। জুর হাসির সঙ্গে সিপ্ৰা কহিল, “এইখানেই তোমার সঙ্গে আমার যেনে না। তোমরা অতিরিক্ত ভাবপ্রবণ, স্বপ্ন-জগতের মানুষ। আমি তা নই। এই সেটিমেন্টালিটি জিনিবটা আমার ছঁচোখের বিষ! কি হয়েছে তোমার? কিছু কি এখানে অনুবিধা হচ্ছে? কিবা এখানে ভাল লাগছে না, এ কথা স্পষ্ট বলে তার প্রতীকার হতে পারে। কিন্তু এভাবে—”

কিছু অধীরভাবেই মনীশ বলিল, “কিন্তু আমি ত কোন অভিযোগ জানাইনি, সিপ্ৰা।”

“কেন জানাচ্ছ না? আমরা কি তোমার কেউ নই?”

মনীশ কথা বলিল না। অসহিষ্ণুভাবে সিপ্ৰা কহিল, “কি? তা হলে সত্যিই যাবে না?”

“না সিপ্ৰা, আমার শরীর মন ভাল নেই!”

আর কথা না কহিয়া, পদশব্দে কক্ষ মুখর করিয়া সিপ্ৰা চলিয়া গেল। তাহাকে বিশেষ দোষীও করা যায় না। সত্যিই কম দিন হইতে মনীশের যে কি হইয়াছে, নিজেই সে ভাবিয়া পায় না। এক দুর্কৌধ্য ব্যাকুলতা তাহাকে কেমন যেন অধীর উন্ননা করিয়া তুলিয়াছে।

মানুষের মন এক দুর্জয়ের পদার্থ! সিপ্ৰা চলিয়া গেল। মুক্ত-বাতায়নপথে ক্রান্ত অলস দৃষ্টি মেলিয়া মনীশ চাহিয়া রহিল। দিগন্তপ্রসারিত সবুজ মাঠের দিকে—এ বাড়ীর সীমা যেখানে শেষ হইয়াছে, সেখান হইতেই ইহার আরম্ভ হইয়া দৃষ্টির শেষ সীমায় গিয়া আকাশে মিশিয়াছে। তাহার ওপারে কি আছে, কে জানে? ও-দিকটায় তাহারা যায় নাই কোন দিন। মাঠের আর এক দিকে গ্রাম্য পথের সঙ্কীর্ণ রেখা। তাহার উপর সিপ্ৰার বিলীয়মান মূর্তির কতকটা তখনও দেখা যাইতেছে। ‘টিফিন বাস্কেট’, চায়ের ‘ক্লাস্ক’ ও অজ্ঞাত আর কয়টা জিনিষ বহিয়া ভৃত্যটা চলিয়াছে তাহার সঙ্গে। মনীশ সে দিক হইতে দৃষ্টি ফিরাইয়া লইল। মিনিট দুই নিশ্চলভাবে বসিয়া থাকিয়া সে-ও উঠিয়া ত্রুতপদে বাড়ীর বাহিরে আসিল। গ্রীষ্মের খর দৃষ্টির আঘাতে ধরণীর সরস শ্রামলতা লুপ্ত হইয়া চারিদিক কেমন একটা দুঃসহ কাঠিন্বে ডরিয়া উঠিয়াছে। রবিকর সহ্য যায় না। মনীশ লক্ষ্যহীনভাবে পথের পাশের আম-কাঁটালের বাগানের মধ্য দিয়া চলিতে আরম্ভ করিল;—সিপ্ৰাকে যে দিকে যাইতে দেখিয়াছিল, তাহার বিপরীত দিকে। খানিকটা গিয়া শিঙকণ্ঠের সমবেত কলরোলে মনীশ চকিত হইয়া উঠিল। সম্মুখেই খড়ে ছাওয়া মাটির বাড়ী। বাহিরের দিকে একটা ঘরে প্রায় ত্রিশ বত্রিশটি ছোট ছেলে-মেয়ে জড় হইয়াছে। তাহাদের মাঝখানে বসিয়া সে দিনের সেই মেয়েটি। মনীশের মনে পড়িয়া গেল—সে দিন রামলাল বলিয়াছিল এই কথাই। কোঁড়ুল উদগ্ৰ হইয়া উঠিলেও কণ্ঠক সে ইওস্ততঃ করিল।

চলিয়া যাইবে বলিয়া ফিরিলও। তার পর কি ভাবিয়া আগাইয়া সেই ঘরখানির সম্মুখে আসিয়া বলিল, “একটু খাবার জল দেবেন?”

উষা অল্প দিকে চাহিয়া একটি ছেলেকে অঙ্ক বুঝাইয়া দিতেছিল। মনীশের কণ্ঠস্বরে চমকিয়া চাহিল, শিশুদল সমস্ত হইয়া উঠিল।

বাস্তভাবে উঠিয়া দাঁড়াইয়া, ছোট একটি নমস্কার করিয়া উষা বলিল, “আমুন, বরে এসে বসুন, জল এনে দিচ্ছি।”

মনীশ উঠিয়া বরের মধ্যে আসিল। সুপ্রশস্ত ঘরখানি জুড়িয়া মাহুর বিছান। এক ধারে গোটা দুই বেতের মোড়া। বোধ হয়, সম্মানিত অতিথি কেহ আসিলে তাঁহাদের অল্প উহা ব্যবহৃত হয়। তাহারই একটা দেখাইয়া দিয়া উষা কহিল, “বসুন।”

ভিতরে যাইবার বন্ধ দরজাটা খুলিয়া উষা ভিতরে গেল। তাহার মধ্য দিয়া যত দূর দেখা যায়, মনীশ একবার চোখ বুলাইয়া লইল। ছোট উঠানখানির এক পাশে তুলসী-বেদী, তাহারই এক ধারে কয়েকটা বেল-ফুলের গাছ। স্নানির কোটা ফুলগুলি রৌদ্রতাপে পরিম্লান হইয়া রহিয়াছে। অল্প ধারে বোধ হয় রান্না-ঘর। বন্ধ দ্বারের শিকল তুলিয়া দেওয়া। সমস্তই নির্মল পরিচ্ছন্নতায় সুসজ্জিত! আবিষ্কার লেশমাত্র যেন কোনখানে নাই! ছেলেমেয়েগুলি বরের এক ধারে একত্র হইয়া অপলক-নয়নে মনীশের দিকে চাহিয়া ছিল। তাহার স্ত্রী সূর্যের চেহারা কিবা তার হাতের ঘড়ী, চশমা, মহার্ঘ্য পরিচ্ছদ, কোন্টা তাহাদের এত মনোযোগ আকর্ষণ করিয়াছিল, বলা ছরহ।

গোটা দুই ডাব ও ছোট একটি কাটারী লইয়া উষা অল্পক্ষণের মধ্যেই আসিল। শিশু-দলের মধ্য হইতে এক জনকে উদ্দেশ করিয়া কহিল, “গারী, বাড়ীর মধ্যে থেকে পাখরের একটা গ্লাস আন ভ, ভাই।”

গারী চলিয়া গেল। উষাকে লক্ষ্য করিয়া মনীশ বলিল, “জল চেয়ে আপনাকে খুব বিব্রত করলুম। এক গ্লাস জল দিলেই যথেষ্ট হ’ত। এত ব্যাপার—”

দীর্ঘায়ত দুই চোখের শান্ত কোমল দৃষ্টি তুলিয়া তাহার দিকে চাহিয়া উষা কহিল, “এ আমাদের গাছের ডাব। আপনি কুণ্ঠিত হবেন না।”

কাটারী ও ডাব সে তুলিয়া লইতেছিল, বাস্ত হইয়া

মনীশ বলিল, আপনি কেন কষ্ট করছেন? দিন, আমি কেটে নিচ্ছি।”

“আপনি পারবেন না, এ ত কখনও—”

কথা সে শেষ করিল না। মনীশ হাসিয়া বলিল, “আপনি ভুলে যাচ্ছেন, আমি এই বাঙালা দেশেরই ছেলে।”

উষাও হাসিল; বলিল, “কিন্তু এখন?”

“এখন কি? সাহেব হয়ে গেছি? তাই একটা ডাব কাটতেও পারব না? আচ্ছা দিন, দেখিয়ে দিই আপনাকে, এ ধারণা আপনার কত বড় ভুল।”

সে হাত বাড়াইলেও উষা কাটারী তাহার হাতে দিল না। স্মিতমুখে কহিল, “কিন্তু আপনি যে আমার অতিথি, সেটাও ভুলবেন না।”

ক্ষিপ্ৰহাতে ডাব কাটিয়া গ্লাসে জল ঢালিয়া সে মনীশের কাছে রাখিল। গ্লাসটা তুলিয়া লইয়া মনীশ কহিল, “আপনার আতিথেয়তাকে শত ধন্যবাদ। রৌদ্রে ঘুরে যা তেঁটা পেয়েছিল।”

শূণ্য গ্লাসটা নামাইয়া রাখিয়া অপর ডাবটির জল তাহাতে ঢালিয়া দিয়া উষা বলিল, “রৌদ্রে ঘুরছেন কেন? অসুখ হ’তে পারে।”

“অসুখের ভয় আমার নেই! কিন্তু বেরিয়েছিলুম বলেই ত আপনার অতিথি-সংকারের নমুনা দেখতে পেলুম। আরও পেলুম, এ দেশের মেয়েরাও যে স্বাবলম্বী হ’তে পারে, তার একটা চাক্ষুষ পরিচয়। বাস্তবিক আমার একটা ভ্রান্ত ধারণা আজ গেল। আমি জানতুম, আমাদের দেশের সাড়ে পনের আনা মেয়ের সব বিষয়ে পরের মুখোপেক্ষী হয়ে থাক। ভিন্ন অল্প উপায় নাই।”

গভীর কুণ্ঠার উষার মুখখানা লাল হইয়া উঠিল। মনীশ সে দিকে না চাহিয়াই বলিয়া যাইতে লাগিল, “আপনার পরিচয় যত পাচ্ছি, ততই আমি আশ্চর্য হয়ে যাচ্ছি এই ভেবে—”

কি ভাবিয়া সে আশ্চর্য হইতেছে, তাহা শুনিবার অপেক্ষা না করিয়াই উষা কহিল, “কি সব বলছেন আপনি। বেশী কিছু দেখেন নি বলেই যা দেখছেন, তাতেই আশ্চর্য হয়েছেন। এর মধ্যে অসাধারণ কিছু নেই!”

পরক্ষণেই ছাত্রদলের দিকে ফিরিয়া বলিল, “তোমরা সব চুপ করে কেন, পড়তে আরম্ভ কর।”

ছেলেমেয়েগুলি খাতা-বই তুলিয়া লইল। ইহাতে

তাহাকেই চলিয়া যাইবার ইচ্ছিত, মণীশ তাহা বুঝিল। নিঃসম্পর্কীয় এক জন যুবকের সান্নিধ্য সে চাহে না। মণীশ ক্ষুণ্ণমনে উঠিয়া দাঁড়াইল। আরও খানিকটা বসিয়া যাইবার ইচ্ছা কেন যে তাহার মনে এত প্রবল হইয়া উঠিয়াছে, সে নিজেই বুঝিল না। উষার দিকে চাহিয়া কহিল, “চলুম তা হ’লে। অনাহুত এসে পূর্ব উপদ্রব ক’রে গেলুম।”

“পাড়াগাঁয়ের লোক কেউ বাড়ীতে অতিথি এলে উপদ্রব মনে করে না।”

“তার প্রমাণ আমিও পেয়েছি। আচ্ছা, একটা কথা জিজ্ঞাসা করতে পারি?”

“নিশ্চয়, কি কথা বলুন?”—সপ্রশ্ন-নয়নে উমা তাহার দিকে চাহিল।

সভ্যতা-বিরোধী হইলেও অসীম কোতূহল মণীশকে দিয়া অনধিকার প্রশ্ন করাইল। “আপনি কি চিরজীবন এই ভাবে কাটাবেন ঠিক করেছেন?”

সহজভাবেই উমা উত্তর দিল, “তাই ত মনে করেছি।”

“কিন্তু এ ভাবে চিরকাল—আচ্ছা, এদের পড়ান কি প্রণালীতে হয়?”

“সাধারণ স্থলে যেমন পড়ান হয়, তেমনই ভাবে পড়াতে চেষ্টা করি।”

মণীশ ক্রমশই অধিকতর বিশ্বয় বোধ করিতেছিল। বলিল, “আপনার কাছে এদের পড়া কত দূর পর্য্যন্ত হ’তে পারবে?”

এ প্রশ্নের উত্তর দিতে উষার মুখে আর একবার রক্তিমভা জাগিল। নতমুখে মুহূর্তে কহিল, “আমি ত বেশী লেখাপড়া জানি না। ম্যাট্রিক ক্লাশ পর্য্যন্ত ওদের পড়াতে পারব। তার বেশী ক্ষমতা আমার নেই।”

## পাঁচ

সকালবেলা চায়ের টেবলে মণীশকে অল্পপস্থিত দেখিয়া চৌধুরী সাহেব ব্যস্ত হইয়া পড়িলেন। কন্টার দিকে চাহিয়া কহিলেন, “তার কি এখনও ঘুম ভাঙেনি? ব্যাপার কি?”

অর্ধসিদ্ধ জিমের পাত্রটা টানিয়া লইয়া বিরক্তভাবে সিপ্রা কহিল, “কে জানে? তার আজ ক’দিন যেন কি

হয়েছে! ঘর ছেড়ে ত বার হ’তেই চায় না। তুমি নিতান্ত আটকে রেখেছ, তাই রয়েছে, না’ হ’লে চ’লে যেত।”

“তাই না কি? কেন বল ত, তোর সঙ্গে ঝগড়া হয়েছে?”

“কিছু না, বেবী! মার জন্তে বুঝি মন কেমন করছে। কে জানে কি হয়েছে। বলে না ত কিছু, জানব কি ক’রে? বিলৈত ঘুরে এলেও ওর মধ্যে গ্রাম্য ভাব যা—সে যায় নি! ও-ধরণের লোক আমার একটুও ভাল লাগে না।”

পিতা সন্তুষ্ট হইয়া উঠিলেন। বলিলেন, “চুপ চুপ, ‘সিলি গার্ল’! কি বলে, ঠিক নেই।”

উষ্ণকণ্ঠে সিপ্রা কহিল, “আমি অমন মনের ভাব গোপন ক’রে রাখতে পারি না। ও সভ্য-সমাজের অযোগ্য।”

আর কথা না বাড়াইয়া চৌধুরী সাহেব ঘণ্টা বাজাইয়া, পরিচারককে ডাকিয়া মণীশের সংবাদ আনিতে পাঠাইলেন। সিপ্রা নিঃশব্দে চা ঢালিতে লাগিল। ভৃত্য ফিরিয়া আসিল। চৌধুরী সাহেব জিজ্ঞাসা করিলেন, “উঠেছে সে, আসছে না কি?”

“তার ভারী জ্বর। উঠতে পারছেন না। মাথায় যন্ত্রণা—”

জ্বর? আর কিছু না শুনিয়াই পিতা ও কন্টা প্রায় লাফাইয়া উঠিলেন।

অন্ধকার-ভরা মুখে সিপ্রা কহিল, “আমি শুনেছি, এ দিকে ভারী ‘পল্ল’ হচ্ছে, তাই নয় ত?”

উদ্বেগবিহ্বল স্বরে চৌধুরী কহিলেন, “সেইটাই সম্ভব। না হ’লে হঠাৎ জ্বর হবে কেন? কি করি, বল দেখি?”

অন্ধ ব্যক্তি অথ এক অন্ধকে পথ কোথায় জিজ্ঞাসা করিতেছে, এমনই বিপন্নভাবে সিপ্রা চাহিয়া রহিল। ক্ষতকণ্ঠে চৌধুরী বলিতে লাগিলেন, “অসুখ-বিস্ময়ের ঝগাট আমি মোটেই সহিতে পারি না। তার পর যদি সত্যিই ‘পল্ল’ হয়, তা হ’লে ত কথাই নেই! এখন দেখছি, ওকে আটকে রাখাই আমার অন্টার হয়েছে। এমন বিপদে পড়ব যে, তা কে জানে?”

হতাশভাবে চেয়ারের উপর এলাইয়া পড়িয়া সিপ্রা কহিল, “যা হয় ব্যবস্থা কর, বাবা। ভয়ে আমি ‘হার্টফেল’



করবার মত হয়েছি ! এত 'প্যালপিটেশন' হচ্ছে । ওর 'পল্স' না হয়ে যায় না । তা যদি হয়, তা হ'লে আমাদেরও হবে, যা 'কন্টেজিয়াস্ ডিজিজ'ও । কি হবে ?”

সিপ্ৰার চোখে-মুখে অবর্ণনীয় আশঙ্কার যে ছবি ফুটিয়া উঠিল, তাহার তুলনা খুঁজিয়া পাওয়া দুর্লভ । সেইভরে তাহার মাথায় হাত দিয়া পিতা বলিলেন, “তবু কি, অত 'নার্ভস্' হচ্ছে কেন ? আমি এখনই সব ব্যবস্থা করছি । তুমি না হয় একটু শুয়ে পড় গিয়ে । আমি ওকে দেখে আসি ।”

“খুব কাছে যেও না । তফাৎ হতে খোঁজ-খবর নিও । আমার কথা বলো, অসুখের খবর পেয়েই আমার যা অবস্থা হয়েছে, চোখে দেখতে পারব না ।”

“না না, তোমার আর ওর কাছে গিয়ে কাষ নেই ! আমিই যাচ্ছি, কি করি ওর ব্যবস্থা, তাই হচ্ছে চিন্তা ! দাও, চা দাও, খেয়েই যাই ।”

চৌধুরী সাহেব আবার চেয়ার টানিয়া লইয়া বসিলেন । সিপ্রা চা ঢালিতে ঢালিতে অক্ষুট কর্তে কহিল, “যত ঝগড়াটী কে জানে আবার অসুখ বাড়িলে বসবে । এমন জানলে—”

পিতাই কণ্ঠার কণার উপসংহার করিলেন । “তা হ'লে কি ওকে সঙ্গে আনি ? এমন বিপদে মানুষ পড়ে ?”

কাপ তিন চার চা-পানের পর কতকটা সুস্থ হইয়া চৌধুরী সাহেব ঘরের বাহির হইলেন । সিপ্রা সন্ধ্য আগত সংবাদপত্রখানা লইয়া সেইখানেই বসিয়া রহিল ।

খানিকক্ষণ পরে মিঃ চৌধুরী আবার দেখা দিলেন । মুখের ভাব পূর্বাপেক্ষাও শোচনীয় । কহিলেন, ডাক্তার এসেছিল । যা ভয় করা যাচ্ছে, সেইটাই হওয়া সম্ভব বলে গেলেম । হাই টেম্পারেচার । কোমরে গায়েও ব্যথা আছে বলে ।”

কাগজখানা ফেলিয়া দিয়া গভীর ভয়ে আড়ষ্ট হইয়া সিপ্রা কহিল, “কি হবে তা হ'লে ? আমি ত আগেই বলেছি, ঐ অসুখ ভিন্ন আর কিছু নয় ।”

চৌধুরী সাহেব অত্যন্ত চিন্তিতভাবে বাহিরের দিকে চাহিয়া রহিলেন ।

সিপ্রা অস্থির পায়ে ঘরঘর ঘুরিয়া বেড়াইতে লাগিল । বাহা কৃত্রিম, সত্য নয়, তাহার আড়ালে মানুষ নিজেকে বেশীক্ষণ ঢাকিয়া রাখিতে পারে না । অল্প হাওয়া

লাগিলেই আবরণ সরিয়া স্বরূপ প্রকাশ হইয়া যায় । সিপ্রা কহিল, “এই সব 'কন্টেজিয়াস্ ডিজিজের' কাছ থেকে নিজেদের তফাৎ ক'রে না ফেললে বিপদ অনিবার্য, এটা বোঝ ত ? আমার মনে হয়—”

কথাটা সে সম্পূর্ণ না করিলেও চৌধুরী ঠিক বুঝিলেন । বলিলেন, “আমিও তাই ভাবছি । কিন্তু ও যদি এতে কিছু মনে করে ?”

“করে যদি, তাতে ওর নির্বুদ্ধিতাই প্রকাশ পাবে, ও ত ছেলেমানুষ নয় । এটা ওর বোঝা উচিত, নিজেকে সাবধান ক'রে নেবার অধিকার সকলেরই আছে । না না 'ড্যাডি' কোন কথা নয়, ঐ ভয়ঙ্কর অসুখ যা মনে করেও আমি শিউরে উঠছি, ওর কাছে থাকা অসম্ভব ।”

“আচ্ছা, তা হ'লে সেই ব্যবস্থাই করা যাক ।”

“নিশ্চয়, তুমি আর দেরী ক'রো না । ওর গায়ে সেগুলো দেখা দিয়েছে ?”

মাথা নাড়িয়া চৌধুরী কহিলেন, “ঠিক বোঝা গেল না যদিও, তবে ঐ নিশ্চয় !”

### ছন্দ

বেলা প্রায় চারিটা বাজে । বাহিরের তাপ হইতে আশ্রয়-রক্ষায় অসমর্থ ঘরখানা যেন আগুন হইয়া উঠিয়াছে ! অরতপ্ত চোখটুটা মেলিয়া মণীশ ডাকিল, “সিপ্রা !”

কেহ সাড়া দিল না । কোনমতে শয্যার উপর উঠিয়া বসিয়া সে আহ্বান-বণ্টা স্পর্শ করিল । মিনিট কয়েক কাটিতে ঘরের পর্দা সরাইয়া কে এক জন ভিতরে আসিল । মণীশ গুইয়া পড়িয়া ছিল । তাহার দিকে না চাহিয়াই কহিল, “আমাকে একটু জল দিয়ে, সিপ্রাকে ডেকে দাও ত ।”

“তারা ত কেউ নেই । চ'লে গেছেন ।”

মণীশের ব্যাধিক্রান্ত মাথায় কথাটা ঠিক প্রবেশ করিল না । বলিল, “নেই ? কোথায় গেছেন ? শিকার করতে ?”

“না, হজুর, কলকাতার সাহেবের একটা জরুরী কাষ আছে, আর দিদি মেম সাহেবেরও শরীর ভারী খারাপ লাগছিল, তিনিও তাই সঙ্গে গেলেন, বলেন, এক বাড়ীতে দু'জন অসুখে পড়লে দেখবে কে ? আপনার চিকিৎসা-পত্রের সব ব্যবস্থাই তারা ক'রে দিয়ে গেছেন, কোন কষ্ট হবে না !”

অসম্ভব কোন কিছুকে মানুষ সহসা বিশ্বাস করিতে পারে না! আর একবার শস্যার উপর উঠিয়া বসিয়া বিম্বলভাবে কিছুক্ষণ চাহিয়া থাকিয়া মণীশ বলিল, “তুই বলছিস কি রে? তাঁরা চ’লে গেছেন?”

“হাঁ! হুজুর, জরুরী কাম কি না—”

“হঁ! সকালেই বলছিলেন বটে, আমার ‘পদ্ম’ হবার সম্ভাবনা আছে। সেই ভয়েই তা হ’লে পালিয়েছেন! ভাল।”

মণীশ ক্লান্তভাবে আবার শুইয়া পড়িল। চাকরটা কি করিবে ভাবিয়া না পাইয়া নিশ্চলভাবে দাঁড়াইয়াই রহিল। ক্ষণেক নিঃশব্দে পড়িয়া থাকিয়া মণীশ তাহাকে লক্ষ্য করিয়া বলিল, “তোমাদের ম্যানেজার বাবু আছেন, না তিনিও পালিয়েছেন?”

“না, তিনি কোথাও যাননি। এখানেই আছেন।”

“তাঁর অসীম অমুগ্ধতা! একবার তাঁকে ডেকে দিতে পার?”

“দিচ্ছি, হুজুর, এখনই দিচ্ছি।”

লোকটা চলিয়া গেল। ঘরের জানালাগুলো খোলা রহিয়াছে। আগুনের শিখার মত তপ্ত হাওয়া ঘরের মধ্যে থাকিয়া থাকিয়া লুটাইয়া পড়িতেছে। যে চাকরটি প্রতিদিন দশটা বাজিলেই ঘরের দ্বার-বাতায়ন বন্ধ করিয়া দিয়া যায়, সম্ভবতঃ সেও আজ কলিকাতায় দিরাইয়া গিয়াছে। মণীশ আঙ্গুল দিয়া কপালের দুইটা পাশ চাপিয়া ধরিল। ম্যানেজার বাবু আসিয়া দাঁড়াইলেন। প্রভুর রুগ্ন অতিথিকে ফেলিয়া এ ভাবে সরিয়া পড়ায় অসীম সঙ্কোচে এ লোকটির কুণ্ডার সীমা ছিল না। নত দৃষ্টিতে নমস্কার জানাইয়া তিনি বলিলেন, “দেহটা একটু ভাল বোধ কচ্ছেন কি?”

“হ্যাঁ, যথেষ্ট ভাল বোধ হচ্ছে। সে কথা যাক। আপনাকে যে একটু কাম করতে হবে। কলকাতার শেষ ট্রেন ছাড়বে বোধ হয় আটটার। এর আগে আমি যাতে স্টেশনে যেতে পারি, এর ব্যবস্থা দয়া করে আপনি করে দিন!”

সবিস্ময়ে কল্প মুহূর্ত চাহিয়া থাকিয়া ম্যানেজার বলিলেন, “এই শরীর নিয়ে আপনি যাবেন?”

“হ্যাঁ, আপনি আর দেরী করবেন না। যান্—”

ম্যানেজার বাবু ইতস্ততঃ করিতে লাগিলেন, কিছু

বলিবার মত সাহসও তাঁহার হইল না। মণীশ আর একবার তাগিদ দিল;—“যান আপনি! হেঁটে যাবার সামর্থ্য থাকলে অবশ্য আপনাকে কষ্ট দিতুম না।”

“আজ না গেলেই কি চলে না? এই অসুস্থ শরীরে—”

“শরীর আমার বেশ ভালই আছে। আপনি যাওয়ার ব্যবস্থা করুন।”

ম্যানেজার বাবুকে বাধ্য হইয়া সেই ব্যবস্থা করিবার জন্তই ফিরিতে হইল। বিকম্পিত-দেহ মণীশ শয্যা ছাড়িয়া তাহার ইতস্ততঃ ছড়ান প্রয়োজনীয় জিনিসগুলোকে গুছাইয়া একত্র করিতে লাগিল।

ঘণ্টাখানেক পর অবশ্য ক্রিষ্ট দেহটাকে কোনও মতে টানিয়া লইয়া মণীশ যখন এখানকার একমাত্র সম্বল গরুর গাড়ীতে উঠিয়া বসিল, তখনও দিনের আলো বেশ প্রখর হইয়াই রহিয়াছে। সঙ্কীর্ণ কাঁচা রাস্তা বাহিয়া গো-যান চলিল। দুই চোখে গভীর ব্যগ্রতা লইয়া মণীশ চাহিয়াছিল—পথের দিকে, কি যেন প্রত্যাশা করিতেছিল সে। না পাইয়া হতাশাভরে দীর্ঘশ্বাস ফেলিয়া দৃষ্টি ফিরাইল! হঠাৎ কি ভাবিয়া গাড়ীর চালককে সে লক্ষ্য করিয়া বলিল, “হ্যাঁ রে, এখানকার সুল-বাড়ী তুই চিনিস? ছোট ছেলেরা সেখানে পড়ে?”

মুখ ফিরাইয়া সে উত্তর দিল, “চিনি বৈ কি, বাবু! সেখানে দরকার আছে কিছু?”

মণীশ ইতস্ততঃ করিতে লাগিল। প্রয়োজন তাহার কিছু নাই সত্য, তথাপি—ক্ষণেক গুরু থাকিয়া দ্বিধার ভাবটা কাটাইয়া বলিল, “ওখান দিয়ে একটু গাড়ীটা দুরিয়ে নিয়ে যাস ত।”

কথাটা বলিয়াই সঙ্কোচভরে সে সরিয়া ভিতরের দিকে বসিল। একটু পরেই গাড়োয়ানটা ডাকিয়া বলিল, “বাবু, এই ত সুলবাড়ী। নামেন।”

নামিবার প্রয়োজন নাই, অথচ কেন যে সে এখানে আসিল, নিজেই ভাবিয়া স্থির করিতে পারিল না। উৎসুকভাবে একবার চারিদিক দেখিয়া সে বলিল “না। নামব না। নে, তুই চল।”

চালকটা বিস্মিতভাবে একবার আরোহীর দিকে চাহিয়া দেখিয়া গরু দুটাকে তাড়া দিল। হঠাৎ সম্মুখের দিকে চাহিয়া মণীশ বলিয়া উঠিল, “ওরে, রাখ রাখ। আর একটু থাক!”

উষাদের বাড়ীর বাহির দিকের ঘরের মধ্য হইতে ছোট-ছোট মেয়েকে লইয়া উষা এ দিকেই আসিতেছিল। পথের উপর গাড়ীটা দেখিয়া বিস্মিতভাবে চাহিতেই মণীশের উৎসুক ছই চোখের উপর গিয়া পড়িল তাহার দৃষ্টি! ত্রুপদে কাছে আসিয়া মণীশের দিকে চাহিয়াই ব্যাকুলভাবে বলিল, “কি হয়েছে আপনার? এমন দেখাচ্ছে কেন?”

সে কথা উত্তর না দিয়া মণীশ বলিল, “ভাগ্য ভাল, তাই আপনার সঙ্গে এখন দেখা হ’ল। আমি চ’লে যাচ্ছি।”

“চ’লে যাচ্ছেন? কিন্তু আপনাকে যে ভারী অসুস্থ দেখাচ্ছে!”

“অসুস্থই হয়ে পড়েছি। জ্বরটা বেশীই, ডাক্তার বলেছেন, এর উপর ‘পক্ষ’ হবারও সম্ভাবনা আছে!”

উষার মুখখানা নিম্পত্ত হইয়া আসিল। সে বলিল, “কিন্তু এ অবস্থায় চ’লে যাচ্ছেন কেন? ওঁরা আপনাকে যেতে দিলেন?”

বিশুদ্ধ ওষ্ঠে জোর করিয়া একটু হাসি টানিয়া মণীশ বলিল, “কি জানি, ওঁরা বাড়ী থাকলে আমার যেতে দিতেন কি না। কিন্তু আমার দুর্ভাগ্য যে, আমার অসুখের কথা শোনবার পরই ওঁদের হঠাৎ একটা দরকারী কামের কথা মনে প’ড়ে যাওয়ার কল্কাতায় দিগে যেতে হয়েছে।”

নিস্তব্ধভাবে উষা কি যেন ভাবিল, বলিল, “কিন্তু এ অবস্থায় যেতে কি আপনার খুবই কষ্ট হবে না?”

“হওয়াই সম্ভব, কিন্তু উপায় কি? সামর্থ্য থাকতে যাওয়াই ভাল।”

“তার চেয়ে দুটো দিন আমাদের এই কুঁড়েয় কাটিয়ে গেলে কি আপনার খুব অসুবিধা হবে?”

শাস্ত চোখের স্নিগ্ধ দৃষ্টি উষা মণীশের মুখের উপর তুলিয়া ধরিল।

বিমূগ্ধ-নয়নে তাহার দিকে চাহিয়া মণীশ বলিল, “আমার অসুবিধা হবে না, এ খুব সত্যি; কিন্তু আপনারা বিব্রত হবেন। তা’ ছাড়া আমার বসন্ত হবার সম্ভাবনা আছে, এটা মনে রাখবেন।”

কোমল হাসির সঙ্গে উষা কহিল, “আপনারা সহরের লোক, জানেন না তাই, সহর আর পাড়াগাঁয়ের রীতিনীতি ঠিক এক নিয়মে বন্ধ নয়। এই অসুস্থ অবস্থায় আপনাকে

ছেড়ে দিলে আমাদের অপরাধের সীমা থাকবে না। আপনার অবস্থা এখানে খুবই কষ্ট হবে। তবু এ অবস্থায় একা পথে বেরোনোর চেয়ে এ অনেক ভাল। আসুন, কোন বিধা করবেন না, বাড়ীতে আমার মা আছেন। আর কিছু না হোক আপনার মা’র মত তাঁর স্নেহ-যত্ন এখানে আপনাকে তৃপ্তি দিতে পারবে।”

মণীশ নীরবে নামিয়া গাড়োয়ানকে একটি টাকা দিয়া তাহার সঙ্গে অগ্রসর হইল।

## সাত

তিন চার দিনের পরই মণীশের জ্বর ছাড়িয়া গেলেও আর দুইটা দিন তাহাকে এখানে কাটাইতে হইল। সে দিন বিকালের দিকে কি কায়ে উষা তাহার ঘরের সম্মুখ দিয়া যাইতেছিল। দেখিতে পাইয়া মণীশ ডাকিল। প্রয়োজন ভিন্ন এ ঘরে সে আসে না। তাহার নিপুণ হাতের পরিচর্যা এ কয় দিন মণীশের রোগশয্যা নিবিড় তৃপ্তি ও আনন্দে ভরিয়া দিলেও এই পল্লী-তরুণীর সহিত ঘনিষ্ঠতার এতটুকু অবকাশ সে পায় নাই। অটুট গান্ধীয়া দুর্ভেদ্য বস্ত্রের মত নিয়ত তাহাকে ঘেরিয়া অনেক দূরে সরাইয়া রাখিয়াছে। সেখানে প্রবেশের সাধ্য কাহারও নাই। মণীশের ডাকে উষা আসিয়া দাঁড়াইল। তাহার স্বভাবনয় কোমল কর্ণে কহিল, “কি চাই বলুন ত, কি দেব?”

“কিছু দিতে হবে না। বিনা দরকারে কি ডাকতে নাই?”

উষা হাসিল মাত্র; কথার উত্তর দিল না। অকারণ কথা সে বলে না, ইহাও মণীশের অজানা নাই। অপলকনয়নে ক্ষণেক চাহিয়া থাকিয়া সে বলিল, “এবার আর আমার যেতে দিতে আপত্তি হবে না বোধ হয়? আমি কাল যেতে চাই। মাকে বলেছি, তিনি রাজি হচ্ছেন না। বলছেন আর দুদিন থাকতে।”

মণীশ ভাবিয়াছিল, উষাও হয় ত সেই কথাই বলিবে। উৎসুক দৃষ্টিতে সে চাহিয়া রহিল।

সহজকর্ণে উষা বলিল, “বেশ তাই যাবেন। সকালেই ট্রেন বোধ হয়?”

উষা চলিয়া যাইতেছিল। মণীশ ডাকিল, “আমার কথা শেষ হয়নি। উষা, আর একটু দাঁড়াও।”

বিশ্বয়-উজ্জ্বল চোখের দৃষ্টি মণীশের মুখে ফেলিয়া উষা ফিরিল। আজ প্রথম সে তাহাকে নাম পরিয়া ডাকিল। দীরস্বরে বলিল, “বলুন, আর কি বলবেন?”

মূহূর্ত্ত স্তব্ধ থাকিয়া মণীশ কহিল, “আমি কাল যাচ্ছি; কিন্তু শীগ্গীর আবার আসব কেন জান?”

জিজ্ঞাসু-নেত্রে উষা তাহার দিকে চাহিল।

“তোমার নিয়ে যেতে আমার ঘরে আমার কাছে।”

উষার শাস্ত মুখখানা নিমেষে কঠিন হইয়া উঠিল। বলিল, “আপনি কি মনে করেছেন, এই রকম কিছু একটা আশা করেই আমি সে দিন অসুস্থ আপনাকে ঘরে এনেছিলুম? তা নয়। আপনার কৃতজ্ঞ অন্তরের এ

পরিচয় খুবই প্রশংসনীয়, কিন্তু এটাও ভুলবেন না, আমি কারও অনুগ্রাহের প্রত্যাশী নই।”

তাহার দিকে সরিয়া আসিয়া গাঢ়স্বরে মণীশ বলিল, “তুমিও ভুল বুঝো না, উষা। এ কৃতজ্ঞতা নয়! প্রথম যে দিন দেখি তোমায়, তখনই আমার বড় ভাল লেগেছিল। কিন্তু চোখের সামনে ছিল বিজলী আলোর উজ্জ্বল দীপ্তি, তাই বিভ্রান্ত দৃষ্টি আমার চিনেও চেনে নি। আজ কিন্তু ভ্রান্তি নেই। আজ জেনেছি, ও আলো শুধু চোখকে ধাঁধিয়ে রাখে, তৃপ্তি দেয় না। তার চেয়ে অনেক ভাল এই মাটির প্রদীপের স্নিগ্ধ শিখাটুকু! এখনও কি বুঝতে পার নি উষা, যাব বলেও কেন সে দিন যেতে পারি নি, ফিরে এসেছিলুম তোমারই কাছে?”

শ্রীমতী জ্যোৎস্না দোষ।

## শেষ মিনতি

একটি কথা গোপনে আজি বলিব সাধ তোমাকে

মিনতি শেষ এই গো! তব চরণে।

সকল ব্যথা সকল সাধ জান তো ঈধু ফুরাবে—

একটি কথা রাখিয়া প্রিয় স্ররণে!

অভিমানের কোনই কথা কবো না আমি কবো না,  
অভিমানের দিন-সে গেছে চলিয়া,  
হাসিতে আর মাণিক নাই, নয়নে জলে ঝরে না।  
মুকুতা-ধারে কপোল-তল ঝলিয়া!

দরশে আর হরস নাহি, শিহরি নাহি উঠে গো।  
বিবশ তব পরাণ মোরে পবশি',  
কত না বার কত না ছলে ঝাঁধির কোণে হেরিয়া  
চিত্ত তব উঠে না আর সরসি'!

বিশ্ব-মাঝে কোথাও মোর ছিল না কোন তুলনা,—  
কত না কথা উঠিছে মনে ছলিয়া;  
অভিমানের সে সব কথা কবো না ঈধু কবো না,  
সে সব কথা গিয়াছি হায়, ভুলিয়া।

জ্যোছনা-মাঝে মুখের মম লাবণী তুমি হেরিতে—  
একদা সারা জ্যোছনা-নিশি জাগিয়া,—  
কখনো যদি বলেছি ভুলে, “এমন মিছে ব'লো না”—  
ফিরায়ে মুখ উঠিতে তুমি রাগিয়া!

অধরে মম মাদবী-বন-মধু যে ছিল ভরিয়া,  
দেহেতে ছিল পদ্মকুমুম স্মরতি।  
প্রণয় ঢালি, পরাণ ঢালি, হৃদয় ঢালি পূজিয়া  
কেশেতে মোর পরায়ে দিতে করবী!

সে সব কথা বলিতে নাই, সে সব দিন নাহি আর—  
আছে গো তাহা আছে সে শুধু স্ররণে,—  
থাক্ সে মিছে গোপন-কথা পরাণে থাক্ গোপনে,  
সকল সাধ মিটিবে প্রিয়, স্ররণে ॥

শ্রীজ্যোতিষ্ময় চৌধুরী (বি, এ)।



# বিজ্ঞান-জগৎ

## কলম্বসের যুগের ঘটিকাবন্ধ

পাঁচ শত বৎসরাদিক বয়ঃক্রম হইলেও এই ঘটিকাবন্ধ এখনও চলিতেছে। ১৪১০ খৃষ্টাব্দে এই ঘটিকাবন্ধ নির্মিত হয়। নিউইয়র্ক বিশ্ববিদ্যালয়ে যে সকল পুৰাতন জিনিস সংগৃহীত হইয়াছে, এই




কলম্বসের যুগের ঘটিকাবন্ধ

ঘটিকাবন্ধ তাহার অল্পতম। অধ্যাপক ড্যানিয়েল ওয়েবেষ্টার হেরিং উক্ত বিশ্ববিদ্যালয়ের কিউরেটর। কোনও বিক্রেতার দোকান হইতে তিনি উহা সংগ্রহ করেন। অধ্যাপক হেরিংএর বয়স ৮৬ বৎসর। কলম্বস যখন আমেরিকা আবিষ্কার করেন, তাহার কয়েক বৎসর পূর্বে উক্ত ঘটিকাবন্ধ নির্মিত হয়। ঘটিকাটি এখনও চলিতেছে।

## কাচ-নির্মিত পার্বত্য ট্রোগাড়ী

আল্পস পর্বতে বাতারা ট্রোগাড়ী গমন করেন, তাঁহারা পাগোডের দৃশ্য বাতারাতে ভাল করিয়া দর্শন করিতে পান, সে স্বল্প

কাচনির্মিত গাড়ী অধুনা নির্মিত হইয়াছে। গাড়ীর উপরের অর্ধাংশ সমস্তই কাচ-নির্মিত। গাড়ীর ভিতরের দেওয়াল এমন ভাবে নির্মিত, বাতারাতে শব্দ প্রবেশ করিতে না পারে। স্বচ্ছ




উপরের ছবিতে বাতারা কাচ-বাতারনের সাহায্যে দৃশ্য দেখিতেছে, নীচের ছবিতে ট্রোগাড়ী বহির্দৃশ্য

কাচনির্মিত ছাদ কৃত্রিম চক্ষু দ্বারা এমনভাবে আবৃত যে, শব্দ প্রবেশ করিবার কোনও উপায় নাই।

### বিমানধ্বংসী কামান

আমেরিকায় বিমানধ্বংসী এক প্রকার কলের কামান বাহির হইয়াছে। এই কামান অত্যন্ত দ্রুত গুলী নিক্ষেপ করিতে পারে। মিনিটে

বার গুলী উড়া হইতে নির্গত হইয়া থাকে। ৩০ হাজার ফুট দূরে উড়া নিক্ষেপ হয়। এই কামান গুলী নিক্ষেপ কালে একটুও আন্দোলিত হয় না। পরীক্ষা করিয়া দেখা হইয়াছে যে, বন্দুকে বনলের উপর এক গ্রাম জল রাখিলে এক ফোঁটা জলও উচলিয়া মাটিতে পড়িবে না।



রাত্রিকালে উড়া শয্যায় পরিণত হয়। ইহা ছাড়া দুই জনের শয়ন উপযোগী স্বতন্ত্র শয্যাও আছে। একটা ছোট কামবায় বস্ত্রাদি রাখিবার ব্যবস্থা করা হইয়াছে। রান্নাঘর এবং স্নানে উপবেশন করা যায়, এমন চেয়ারও ইহাতে বসিয়াছে। নানা-প্রকার ব্যায়াম ও ক্রীড়ার স্রব্যাদিও এই চলমান গৃহে সংরক্ষিত। নদী-ভ্রমণ করিবার প্রয়োজন হইলে ক্যান-ভাসের নৌকাও আছে। উহাতে ৪ জন বসিতে পারে, নৌকা ঘরের ছাদের উপর রক্ষিত। ছাদের উপর খানিকটা স্থান খুলিয়া দিয়া বাতাস আসিবার ব্যবস্থাও করা হইয়াছে।



বিমানধ্বংসী কামান




### দেশপর্যটকের চলমান গৃহ

ছোট ছোট তক্তা শিরীষ দিয়া জুড়িয়া, পেরেক মাঝিয়া জটিল করাগী উদ্ভাবক এই চলমান বাড়ী তৈয়ার করিয়াছেন। চারি জন পরিভ্রাজক এই গৃহে আরামে দেশপর্যটন করিতে পারেন। বিমান-নিষ্কাশে যে প্রণালী অবলম্বিত হইয়া থাকে, এই চলমান গৃহনিষ্কাশেও সেই প্রণালীর অনুসরণ করা হইয়াছে। সমগ্র গৃহটি লঘুভাব। বায়ুবেগ প্রতিহত করিবার ব্যবস্থা অনুসারে উহা নির্মিত। ইহাব দৈর্ঘ্য ২৪ ফুট। ঘরে দুইখানি সোফা আছে,

বামে গৃহের বহির্শিচর,নিম্নের ছবিতে ভিতরের দৃশ্য প্রদর্শিত হইতেছে

### দাঙ্গা-নিবারণে গ্যাস

পুলিস বিভাগের জগৎ কলের বন্দুক ও পিস্তলের সাহায্যে গ্যাস ছড়াইয়া দাঙ্গা-নিবারণের ব্যবস্থা হইয়াছে। বাম দিকেব ছবিতে যে কলের বন্দুক দেখা যাইতেছে, তাহা হইতে এককালীন প্রচুর গ্যাস নির্গত হইয়া ছড়াইয়া পড়ে। এই গ্যাস এমন দুর্গন্ধযুক্ত



নাসানিবারণে গ্যাস

ও সমনোদককাবী য, সমবেত জনতা ইহার দুর্গকে ছত্রভঙ্গ হইয়া পলায়ন করিতে বাধ্য হয়। মধ্যস্থলে যে ছবি দেখা যাইতেছে, তাহাও কলের বন্দুক। গোড়া টিপিবার উহা হইতে বাশি বাশি গ্যাসবাস্প নির্গত হইয়া ছুড়াইয়া পড়ে। উহাতে জনতা মুহূর্তমধ্যে পলায়নতঃপর হয়। দক্ষিণে যে পিস্তল দেখা যাইতেছে, উহারও অমুরূপ দক্ষতা। এই গ্যাস কয়েক ফুট দূবে গিয়া ফলপ্রসূ হয়; অথচ স্থায়ী অনিষ্ট এই গ্যাসে হয় না। খুব কাছাকাছি থাকিলে কিছু বিপদের আশঙ্কা আছে।

ভাঙ্গ, কিংবা যাহারা শাপ দেয়, তাহাদের নাসারন্ধ্র দিয়া এই সকল পদার্থের সূক্ষ্ম অণু পরমাণু শরীরে প্রবেশ করিয়া নানাবিধ মারাত্মক ব্যাধির সৃষ্টি করিয়া থাকে। এই মুখোমুখি ধারণ করিলে সে সম্ভাবনা থাকিবে না, অথচ গ্যাসপ্রবাহের কোনও অস্তিত্বা খটিবে না। লখন প্রদর্শনীতে তা পরীক্ষিত হইয়াছে।

**ধূলি নিবারক মুখোমুখি**

ধূলির সাহায্যে নানাবিধ ব্যাধির বীজাণু শরীরে প্রবেশ করিয়া থাকে। সে জন্য ধূলি-নিবারক মুখোমুখি নির্মিত হইয়াছে। বাতাসে থানির মধ্যে কাষ করে অথবা পাথর

**চারিদিক ঘেরা তিন চাকার গাড়ী**

পার্বী সমবেত তিন চাকার এক শ্রেণীর সস্তা দানের গাড়ী নির্মিত হইয়াছে। এই গাড়ীর চারিদিকে লোহার রেলিং ঘেঁরা। অল্প কোনও গাড়ীর সচিত্ত সংঘর্ষ হইলে এই গাড়ীর আরোহী কোনও



ধূলি-নিবারক মুখোমুখি




চারিদিক ঘেরা তিন চাকার গাড়ী

ক্ষতি হইবে না, সেই জন্য লোহার রেলিং দিয়া ইহা ঘেঁরা। এক গ্যালন তৈলে এই গাড়ী ১ শত ২৫ মাইল পর্যাপ্ত পথ চলিবে। ইহার গতিবেগ ঘণ্টায় ৩০ মাইল। ইহার এঞ্জিন তেমন বড় নহে।

### শর্করা-নির্মিত হোটেল-বাড়ী

এক শত পঁয়ত্রিশ পাউণ্ড চিনি ও সাড়ে তিন পাউণ্ড গদের সাহায্যে চিকাগো হোটেলের নমুনা এই শর্করা-ভাঙ্গা নির্মিত হইয়াছে। চিকাগো হোটেল ৩ হাজার ঘর আছে। শর্করা-নির্মিত মডেল গৃহে তাহা দেখাইবার প্রচেষ্টা হইয়াছে। সকল বিষয়েই চিকাগো হোটেলের সত্যিত বাস্তবে এই চিনির হোটেলের সাদৃশ্য থাকে, কৃশলী শিল্পী তাহার কোনও ক্রটি করেন নাই।



শর্করা-নির্মিত হোটেল-বাড়ী

দেখিয়া কৌতুক অনুভব করেন। আর এক জন বৃটিশ বৈজ্ঞানিক ছত্রসংলগ্ন ক্যামেরাও উদ্ভাবন করিয়াছেন। ছবি দেখিলেই ব্যাপার বুঝিতে পারা যায়।

### রিপোর্টারের বিচিত্র বর্ণাতি

জাঙ্গালীর কোনও সংবাদপত্রের সংবাদদাতা তাঁহার বর্ণাতিতে স্বচ্ছ বাতায়ন সন্নিবিষ্ট করিয়াছেন। কাগজ-পেনসিল লইয়া তিনি



রিপোর্টারের বিচিত্র বর্ণাতি

### ছত্রসংলগ্ন ক্যামেরা ও দূরবীক্ষণ যন্ত্র

ছত্ৰসংলগ্ন ক্যামেরা ও দূরবীক্ষণ যন্ত্র নিৰ্মাণ করিয়াছেন। যাহারা ঘোড়দৌড় প্রভৃতির ভক্ত, তাহারা এই প্রকার ছত্র-সাহায্যে বৌদ্ধবৃষ্টি হইতে রক্ষা পান এবং দূরের বস্তু




ছত্রসংলগ্ন ক্যামেরা ও দূরবীক্ষণ যন্ত্র

উজ্জ্বল বাতায়নের সাহায্যে কি লিখিতেছেন, তাহা দেখিতে পান। মুসলধারে ঝড়বৃষ্টি হইলেও তাঁহার কোনও অসুবিধা হয় না। কারণ, সেই স্বচ্ছ পদার্থ ভেদ করিয়া জল প্রবেশ করিতে পায় না।

### নূতন ধরণের বিমান

যাহাতে বিমান-পরিচালনা বিজ্ঞান স্বল্প পারদর্শী লোকও সহজে বিমান পরিচালনা করিতে পারে, এই সংকল্প লইয়া আমেরিকার সরকারী বিমান বিভাগের কর্তৃপক্ষ নূতন ধরণের বিমান নিৰ্মাণ করিবার কল্পনা করিতে থাকেন। কেবিনের পশ্চাতের উপরিভাগে এঞ্জিন রাখিলে পরিচালক সব দিক ভাল করিয়া দেখিতে পাইবে, ইহা ভাবিয়া নবনির্মিত বিমানে তাহার ব্যবস্থা হইয়াছে। বর্তমান বিমানের তিনটি চাকা—একটি বিমানের ঠিক নাসিকার নিম্নভাগেই অবস্থিত। এই বিমানে দুই জন আরোহীর জন্ম স্থান আছে। নূতন বিমান ঘণ্টায় ৯০ মাইল গতিতে চলবে। উহার মোটর চারি সিলিঞ্জারবিশিষ্ট। এঞ্জিনের শক্তি ১ শত ২৫টি অশ্বের






শিক্ষানবীশের পরিচালন-উপযোগী নতুন বিমান

সমতুল। ঘণ্টায় এই বিমান এগুনে ৮ গ্যালন তৈল লাগবে। যে কেহ এই বিমান পরিচালনা করিতে পারিবে, এই উদ্দেশ্যে উহা নিম্নিত হইয়াছে।

### শুটকেসে ফটো বড় করিবার সরঞ্জাম

বর্তমান বৈজ্ঞানিক যুগে আলোকচিত্রকর শুটকেসের মধ্যে অঙ্ককার কক্ষে এবং আলোকচিত্র বড় করিবার যাবতীয় সরঞ্জাম রাখিবার




শুটকেসে ফটো বড় করিবার সরঞ্জাম

সুযোগ পাইয়াছেন। যাবতীয় উপাদান-সমন্বিত আলোকচিত্রের শুটকেস এখন বাজারে বাতির হইয়াছে। কাগজকে সোজা ভাবে রাখিবার জঞ্জ যন্ত্রও ইহাতে আছে। অঙ্ককার কক্ষে আলোকচিত্র পরিষ্কৃত করিবার ব্যবস্থা ইহাতে আছে। দুই মিনিটের মধ্যেই কক্ষটিকে কার্যোপযোগী করিয়া লওয়া যায়, শুটকেসটি জলে, এসিডে নষ্ট হইবার নহে। ধূলিকণা প্রবেশের কোনও পথ ইহাতে নাই।

### বৃহৎ মৎস্য শিকারে তীরনিষ্ক্ষেপকারী বন্দুক

হাস্রব, খড়্গামৎস্য এবং ছোট ছোট ভ্রিমি মৎস্য শিকার করিবার উদ্দেশ্যে এক প্রকার বন্দুক নিম্নিত হইয়াছে। এই বন্দুক হইতে



মৎস্য শিকারে তীরনিষ্ক্ষেপকারী বন্দুক

তীর নিষ্ক্ষেপ হইয়া ৫০ গজ দূরবর্তী বৃহৎ মৎস্যকে বিদ্ধ করে। এই বন্দুকের ওজন ১০ পাউণ্ড বা পাঁচ সেরেরও কম। তীরের ওজন দুই পাউণ্ড। উহা বন্দুকের নলের মধ্যে থাকে এই বন্দুকের সাহায্যে অভ্রাস্তভাবে লক্ষ্যভেদ করা যায়।


### তীবুর অন্তরালে বাংলো নির্মাণ

লস্‌এঞ্জেলসে' এক স্থানে বৃহৎ বস্ত্রাবাস সংস্থাপিত হয়। সেই বস্ত্রাবাসের ভিতর মিল্লীরা যে এক বৃহৎ বাংলা নির্মাণ করিতে-ছিল, এ সংবাদ ঘূণাক্ষরেও প্রকাশ পায় নাই। রাত্রিদিন কাষ করিয়া নয়টি কক্ষসম্মিত বাংলোর নির্মাণকার্য। যখন সমাপ্ত হইল, তখন বস্ত্রাবাস সরাইয়া ফেলা হইল। দর্শকগণ তখন সবিশেষে নির্মাণভূগণের এই অদ্ভুত কৌশল প্রত্যক্ষ করিল। উল্লের ছবিতে দেখা যাইবে, বস্ত্রাবাস রহিয়াছে, নিম্নের ছবিতে নবনির্মিত বাংলোর দৃশ্য।



### নূতন ধরণের দ্বিচক্রযান

পারী সহরে চেয়ারের আয় আসনবিশিষ্ট দ্বিচক্রযান বাহির হইয়াছে। চালক তাহাতে সোজাভাবে বসিয়া পীয়াবিং চাকার সাহায্যে গাড়ীকে নিয়ন্ত্রিত কবে। ছবি দেখিলেই ব্যাপারটা বঝা যাইবে।




চেয়ারবিশিষ্ট নূতন দ্বিচক্রযান

৮৩-১৫

### তীবুর অন্তরালে বাংলা নির্মাণ

### খালি দেশলাইয়ের বাক্সনির্মিত দ্বিতল-গৃহ

ফান্সাস্‌ সহরের এক ব্যক্তি এক মাসকাল অবসরসময়ে কাষ করিয়া খালি দীপশলাকার বাক্সের সাহায্যে চিত্রে বর্ণিত দ্বিতল



খালি দেশলাই বাক্সনির্মিত দ্বিতল-ঘর


ঘর নিশ্চয় কবিয়াছেন। এই ঘরটি ১০ ইঞ্চি সথা এবং ১৬ ইঞ্চি প্রশস্ত। ইহার উচ্চতাও ১৬ ইঞ্চি।

### বিচিত্র বন্দুক


আর এক জাতীয় বিমান-ধ্বংসকারী বন্দুক বাহির হইয়াছে। উহা হইতে এক পাউণ্ড ওজনের গোলা বাহির হইয়া সাজোয়া গাড়ী এবং বোমানিক্কেপকারী বিমানপোত চূর্ণ করিতে সমর্থ। এই প্রকার মারণাস্থসমূহ প্রতীচা সভানেশে ক্রমেই বৃদ্ধি পাইতেছে।

### অপ্রতিদ্বন্দ্বী দ্রুতগামী ফরাসী ডেপ্তর


ফরাসী নৌবিভাগ ৬ খানি অত্যন্ত দ্রুতগামী ডেপ্তর নিশ্চয় কবিয়াছেন। পরীক্ষায় স্থির হইয়াছে, ইহারা ঘণ্টায় ৫০ মাইল গতিবেগবিশিষ্ট। প্রত্যেক পোতে ৫টি করিয়া ৫.৫ ইঞ্চি কামান আছে। তাহা ছাড়া ২১ ৭ ইঞ্চি টর্পেডো নল এবং ৩৭ মিলিমিটারের ৪টি কামানও আছে। প্রত্যেক জাহাজে ২২০ জন করিয়া নাবিক আছে। ১৯৩৪ খৃষ্টাব্দের এপ্রিল মাসে শেষ পোতখানি কারখানা হইতে বাহির হইয়া জলে নামিয়াছে। উহাখা ফরাসী উপকূলভাগ বক্ষার জন্য সমুদ্রবক্ষে ভাসিয়াছে।




সাজোয়া-গাড়ী ধ্বংসকারী কলের কামান



অপ্রতিদ্বন্দ্বী ফরাসী ডেপ্তর





## দশম পঙ্‌ক

অনুসরণ

লণ্ডনের পশ্চিমাংশে ( west end ) সম্ভ্রান্ত অধিবাসিগণের যে সকল বাসপল্লী বিরাজিত, তন্মধ্যে ল্যাংফোর্ড গার্ডেনস কেবল আধুনিক নহে, এই স্থানিষ্ঠিত পল্লী সম্প্রবিশেষেই আদর্শ-পল্লীরূপে বিলাসী সমাজের মনোরঞ্জন করিত। সুদৃশ্য উদ্যানের চতুর্দিকে যে সুপ্রশস্ত পথটি নিশ্চিত হইয়াছিল, শব্দনিবারণের জগু তাহার দ্বারা আবৃত; সেই পথে কাষ্ঠাবরণ ব্যবহৃত হয় নাই। দুই চারিখান ট্যাক্সি ভিন্ন এই পথে সাধারণ শকট-সমূহের প্রবেশাদিকার ছিল না। লণ্ডন নগরের বিচিত্র কোলাহল ও অশান্ত শব্দ-কল্লোল এখানে অক্ষুণ্ণ মনোরঞ্জন এবং প্রতীয়মান হইত। মিঃ প্রীড গ্রেটল্যাণ্ডস্ ম্যানসনস্ হইতে এই পল্লীতে প্রবেশ করিয়া চতুর্দিকের নিশ্চলতায়া বিস্মিত হইলেন। তিনি বাগানের রেলিংএর নিকট উপস্থিত হইয়া, রেলিংএ ভর দিয়া ২২নং ভবনের সম্মুখে দাঁড়াইয়া রহিলেন।

মিঃ প্রীড সেই স্থানে দাঁড়াইয়া দূর-বনের একখান মোটর-গাড়ী দেখিতে পাইলেন। গাড়ীখানি সেই অটালিকার সম্মুখে দাঁড়াইয়া ছিল। তিনি সেই গাড়ীর সম্মুখে আসনে দুই জন আরোহীকে উপবিষ্ট দেখিলেন। তৃতীয় ব্যক্তি গাড়ী হইতে নামিয়া অটালিকার সম্মুখের দ্বারের দিকে যাইবার জগু সিঁড়ি দিয়া বারান্দায় উঠিতেছিল। মিঃ প্রীড দেখিলেন, লোকটির স্বক্‌দেশ সুপ্রশস্ত, নীলবর্ণ পরিচ্ছদে তাহার দেহ আবৃত, এবং মস্তকে গোল টপী। লোকটি সিঁড়ি দিয়া উঠিতে উঠিতে একবার মাথা ঘুরাইয়া পথের দিকে দৃষ্টিপাত করিতেই তাহার মুখ মিঃ প্রীডের দৃষ্টিগোচর হইল।

মিঃ প্রীড বুদ্ধিতে পারিলেন, সেই স্থানে উপস্থিত হইবার জগু তিনি অত্যন্ত তাড়াতাড়ি করিলেও তাহার পৌঁছিতে

বিলম্ব হইয়া গিয়াছিল। তিনি টেলিফোনে যে কথাবার্তা শুনিতে পাইয়াছিলেন, এবং বৃহল্লৌ রেশুরীর ম্যানেজারের নিকট যে তারিখটি সংগ্রহ করিয়াছিলেন, তাহা হইতে তিনি এই স্থানিষ্ঠিত সিদ্ধান্তে উপনীত হইয়াছিলেন যে, প্যারাডাইস যে লোকটির সঙ্গে গমন করিয়াছিল, সেই ব্যক্তি ল্যাংহাম ভিন্ন অন্য কেহ নহে। ল্যাংহামই ডসন সম্বন্ধে সুব্যবস্থা করিবার জগু দুই জন সঙ্গীর সহিত বৃহল্লৌ রেশুরায় প্রত্যাগমনের উপদেশ পাইয়াছিল। রেশুরীর পশ্চাৎস্থিত আধুনিক হইতে যে তিন জন লোককে বাহিরে যাইতে দেখা গিয়াছিল, তাহাদের এক জন যে ল্যাংহাম, এ বিষয়েও মিঃ প্রীডের সন্দেহ ছিল না।

মনে মনে এই সকল বিষয়ের আলোচনা করিয়া মিঃ প্রীড একটি সিদ্ধান্ত করিলেন। পুলিশ ল্যাংহামের অনুসরণ করিতেছিল, এইরূপ কল্পনা করিয়া ল্যাংহাম আতঙ্কভিত্ত হইয়াছিল; তাহার পর সেই আতঙ্ক দূর হইলে যখন তাহার মন স্থির হইল, তখন সে ২২নং ল্যাংফোর্ড গার্ডেনস-স্থিত সেই রহস্যবৃত লোকটির নিকট উপস্থিত হইবার জগু ব্যাকুল হইয়া উঠিয়াছিল। বৃহল্লৌ রেশুরীর ম্যানেজার ডসনকে বহন করিয়া এক জন সুবেশধারী অপরিচিত ব্যক্তির সঙ্গে যাইতে যাইতে তাহা বা কোথায় তাহার সম্মুখে পড়িয়াছিল, তাহা সে সেই রহস্যবৃত লোকটিকে তাড়াতাড়ি জানাইবার জগু অদীর হইয়াছিল। ২২নং ল্যাংফোর্ড গার্ডেনসের সেই অধিবাসীর নিকট এই সংবাদ পৌঁছিবামাত্র সেই ব্যক্তি আশঙ্কার কারণ বুদ্ধিতে পারিবে, এবং রহস্যের গুপ্ত তথ্যটিও সে আয়ত্ত করিতে পারিবে। তাহা হইলে মিঃ প্রীড যে রহস্যভেদে উত্তম হইয়াছিলেন, তাহা জটিলতর করিয়া তাহার সঙ্কল্প বাগ্ন করা কঠিন হইবে না, এইরূপই মিঃ প্রীডের ধারণা হইয়াছিল।

মিঃ প্রীড ল্যাংহামকে দ্বারের সম্মুখে দাঁড়াইয়া ঘণ্টাধ্বনি করিতে উত্তম দেখিলেন। তিনি তৎক্ষণাৎ কর্তব্য স্থির



করিলেন। তিনি বুঝিয়াছিলেন, আগন্তুক-রয়ের সকলেই সশস্ত্র। তাঁহাকেও তাহারা জানিত। যদিও তিনি তাহাদিগকে দেখা দিতেন, তাহা হইলে তাহারা বুঝিতে পারিত, তাহারা কাঁদে পড়িয়াছে : তখন তাহারা 'মোরিয়া' হইয়া অস্ত্র-ব্যবহার করিতে কুণ্ঠিত হইত না। মিঃ প্রীড্ ভাবিলেন, প্রদান সমস্তা এই যে, সেই বাড়ীর অধিবাসী সেই রক্তচাপিত অজ্ঞাত ব্যক্তির সহিত তাহাদের আলাপের পথ কি কৌশলে বন্ধ করিবেন? অথচ কামটি এ ভাবে শেষ করিতে হইবে—সেন তাহার ফল সাংঘাতিক না হয়।

সেই সঙ্কটময় মুহূর্তে ভাগ্যান্দেবী তাহার প্রতি প্রসন্ন হইলেন। সেই বাগানের রেলিংএর দ্বারা চলিয়া একটি লোক তাহার অন্তরে উপস্থিত হইল। তাহার পরিচ্ছদ দেখিয়া মিঃ প্রীড্ বুঝিতে পারিলেন, সে পুলিশমান। অদূরবর্তী একটি ল্যাম্পের আলোক মুহূর্তের জন্য পুলিশ-প্রহরীর দীর্ঘ দোহে প্রতিফলিত হইল। যে ব্যক্তি ২২নং অটালিকার দ্বারদেশে দাঁড়াইয়া দ্বারের বৈজ্ঞানিক ঘড়ীর বোতামে গোঁচা দিতে উগত হইয়াছিল, সে ঠিক সেই মুহূর্তে বাগানের রেলিংএর দিকে চাহিয়া কন্টেবলের দীর্ঘ দোহ দেখিতে পাইল; সে তৎক্ষণাৎ বাগানের দিকে সরিয়া দাঁড়াইয়া, হাত নাড়িয়া ক্রমঃ ইঙ্গিত করিতেই পূর্বদিক শকটখানি নিঃশব্দে ২২নং অটালিকার সম্মুখে হইতে সরিয়া গেল এবং সেই বাগানের এক কোণে উপস্থিত হইয়া সেই স্থানে দাঁড়াইয়া রহিল। মিঃ প্রীড্ সেই সন্মোহে ছায়ার ভিতর দিয়া চলিয়া নবগত পুলিশ-ম্যানের সম্মুখে উপস্থিত হইলেন।

মিঃ প্রীড্ পুলিশ-ম্যানটিকে নিয়ন্ত্রণে বলিলেন, "শোন কন্টেবল, আমি তোমাকে একটি জরুরি খবর দিতে পারি : আমার বিশ্বাস, তাহা তোমার কানে লাগিবে। ঐ গাড়ীখানি ঐ বাড়ীর দরজার সম্মুখে হইতে দীর্ঘ দীর্ঘে সরিয়া গিয়া বাগানের ঐ কোণটিতে দাঁড়াইয়াছে দেখিতেছ, ঐ গাড়ীখান চোরা গাড়ী। ঐ গাড়ীর ড্রাইভারের নিকট এবং যে লোকটি উহার সঙ্গে আসিয়াছে, তাহারও নিকট রিভলভার আছে বলিয়াই আমার বিশ্বাস। যদি তুমি উহাদের নিকট উপস্থিত হইয়া উহাদিগকে জেরা কর, তাহা হইলে তুমি একরূপ কতকগুলি সংবাদ সংগ্রহ করিতে পারিবে, তাহা আইনের সম্মান এবং এই নগরের

শান্তিরক্ষার পক্ষে অত্যন্ত প্রয়োজনীয় বলিয়াই তোমার স্মৃঢ় ধারণা হইবে।"

কন্টেবল তাহার কথা শুনিয়া প্রশস্তক দৃষ্টিতে তাহার মুখের দিকে চাহিতেই তিনি তাহার নামের একখানি কার্ড পকেট হইতে বাহির করিয়া তাহার হাতে গুঁজিয়া দিলেন। তাহার পর তাহাকে পূর্বদিক মৃদুস্বরে বলিলেন, "ঐ কার্ডে তুমি আমার নাম ও ঠিকানা দেখিতে পাইবে। আমার সাধ্যানুসারে আমি পুলিশকে সাহায্য করিতে সক্ষম আছি। যদি আমার উপদেশানুসারে কাণ্ড করিতে তোমার আপত্তি না থাকে, তাহা হইলে তুমি এই মুহূর্তেই উহাদের নিকটে গিয়া উহাদিগকে জেরা কর, নতুবা উহারা তাড়াতাড়ি সরিয়া পড়িবে, এ বিষয়ে আমি নিঃসন্দেহ।"

মিঃ প্রীড্ কন্টেবলকে এই সকল কথা বলিবার সময় মুহূর্তের জন্যও সেই ২২নং বাড়ীর দরজার সম্মুখস্থিত লোকটির উপর হইতে দৃষ্টি অপসারিত করেন নাই। ল্যান্ডম্যানের সম্মুখে তখন দুইটি পথ উন্মুক্ত ছিল; একটি পথ—তাহার সাড়া পাইয়া কেহ ভিতর হইতে সেই অটালিকার কক্ষের খুলিয়া দিলে সেই কক্ষে প্রবেশ করিয়া আশ্রয়-গতন; দ্বিতীয় পথ—পূর্বদিক পুলিশম্যানের সাগ্নিক্য ভাগ করিয়া দূরে পলায়ন। সে দ্বারের সম্মুখে দণ্ডায়মান থাকিলেও অদূরবর্তী পুলিশ-কন্টেবলটির প্রতি তাহার দৃষ্টি ছিল। সে কোন পথ অবলম্বন করিবে, তাহাই ভাবিতে লাগিল।

কন্টেবলটি মিঃ প্রীডের উপদেশ শুনিয়া, তৎক্ষণাৎ তাহা পালন করিতে উগত হইল দেখিয়া মিঃ প্রীড আশ্চর্য হইলেন, তাহার যথেষ্ট আনন্দও হইল। কন্টেবল শকটচালক ও তাহার সঙ্গীকে সতর্ক হইবার অবসর না দিয়া পথ-প্রান্তস্থ বৃক্ষশ্রেণীর ছায়ায় ছায়ায় বাগানের কোণে অবস্থিত শকটের নিকট উপস্থিত হইল।

মিঃ প্রীডও কন্টেবলের কার্যে উৎসাহিত হইয়া অত্যন্ত সতর্কভাবে সেই অটালিকার সোপান-প্রান্তে আসিয়া দাঁড়াইলেন। তিনি অত্যন্ত সতর্কতার সহিত সেই স্থানে উপস্থিত হইলেও, সেই অটালিকার দ্বারপ্রান্তবর্তী লোকটি হয় তাহাকে অগ্রসর হইতে দেখিয়াছিল, অথবা তাহার পদশব্দ শুনিতে পাইয়াছিল। সে সহসা ফিরিয়া দাঁড়াইয়া দেখিল—তাহার পলায়নের পথ রুদ্ধ হইয়াছে। সিঁড়ির

নীচেই মিঃ প্রীড তাহার পথরোধ করিয়া দাঁড়াইয়া আছেন। সুতরাং সে পলায়নের চেষ্টা না করিয়া তৎক্ষণাৎ বৃকের পকেটে হাত দিল। কিন্তু সে সেই হস্ত দ্বারা তাহার পকেটের পিস্তল স্পর্শ করিবার পূর্বেই সুদীর্ঘ গুপ্তির স্তম্ভীক অগ্রভাগ তাহার হাতের কঙ্গীতে বিদ্ধ হইল। সঙ্গে সঙ্গে মিঃ প্রীড দৃঢ়স্বরে বলিলেন, “যদি প্রাণের মমতা থাকে, তাহা হইলে হাত সরাইবার চেষ্টা করিও না, মিঃ ল্যাংহাম!”

মিঃ প্রীড পথের আলোকে তাহার মুখের দিকে চাহিয়া দেখিতে পাঠিলেন, তাহার মুখ ভয়ে সাদা হইয়া গিয়াছে। সে হাতের দিকে চাহিয়া দেখিল, অস্বাভাবিক তাহার হাত কুটা হইয়া ক্ষত-মুখ হইতে রক্ত ঝরিতেছিল; সে যত্নায় মুখ বিকৃত করিয়া হাত বৃকের পকেট হইতে সরাইয়া লইতেই তাহা তাহার দেহের পাশে ঝুলিয়া পড়িল।

মিঃ প্রীড বলিলেন, “দুরিয়া দাড়াও! এক জন পুলিশ মান ওদিকে তোমার বন্ধুদের মুঠায় পরিয়াছে: তুমিও যে তাহার নজরে পড়িবার জন্য বিশেষ বাস্ত হইয়াছ, এক্ষণ অনুমান করিতে পারিতেছি না।”

ল্যাংহাম তাঁহার কথায় না শুক, তাঁহার গুপ্তির গোচায় কাতর হইয়া দুরিয়া দাড়াইল। তখন মিঃ প্রীড তাহার হাতের গুপ্তি না সরাইয়া, বা-তাহে তাহার বৃকের পকেট হইতে রিভলভারটি বাহির করিয়া লইলেন। তাহার পর গুপ্তি ছাতার ডাগুর ভিতর পরিয়া ল্যাংহামের পশ্চাতে দাড়াইলেন।

সেই সময় পুলিশের ‘হুইস্’ শুনিয়া মিঃ প্রীড পূর্বোক্ত মোটর-গাড়ীর দিকে চাহিয়া দেখিলেন; তাহার পর ল্যাংহামকে বলিলেন, “তোমার বন্ধুরা পুলিশের হাতে গ্রেপ্তারের ভয়ে গাড়ী হইতে লাফাইয়া পড়িয়া পলায়ন করিয়াছে; কন্ঠেবলটা তাহার সঙ্গীদের সাহায্যাভাবের আশায় ‘হুইস্’ দিয়া তোমার বন্ধুদের অনুসরণ করিয়াছে। তোমাদের ঐ গাড়ীখানিতে আপাততঃ আমার প্রয়োজন হইয়াছে। আমার ইচ্ছা, তুমি ঐ গাড়ীতে চাপিয়া আমার সঙ্গে কিছুকাল বায়ুসেবন কর।”

মিঃ প্রীড ল্যাংহামের পাঁজরে তাহার রিভলভারের নলটি চাপিয়া-ধরিয়া বলিলেন, “এখানে নিষ্কণা হইয়া দাঁড়াইয়া থাকিলে চলিবে না, শীঘ্র চল: পুলিশ-কন্ঠেবলটা গাড়ীর কাছে ফিরিয়া আসিয়া আমাদিগকে জেরা করিতে

আরম্ভ করিবার পূর্বেই আমি গাড়ীখান ওখান হইতে অগ্নিদিকে লইয়া যাইতে চাই।”

ল্যাংহাম তথাপি নড়ে না। তখন মিঃ প্রীড পিস্তলটা তাহার পাঁজরে চাপিয়া ধরিয়া, হাত ধরিয়া তাহাকে টানিয়া লইয়া চলিলেন।

মোটর-গাড়ী বাগানের কোণে খালি পড়িয়াছিল। মিঃ প্রীড ল্যাংহামকে সেই গাড়ীর ভিতর তুলিয়া তুলিয়া দিয়া, স্বয়ং তাহার পাশে বসিয়া পড়িলেন এবং তাহার পাঁজরে রিভলভারের গোঁচা দিয়া বলিলেন, “জলাশয়ের— ‘সুইসের’ কাছে চালাও।”

গাড়ী বাগানের পথ দুরিয়া বাপারে বাহির হইয়া পড়িল। তাঁহারা উত্তরদিকে চলিতে আরম্ভ করিয়া বেকার ষ্ট্রীট ও স্ট্রীট-কটেজ অতিক্রম করিলেন। মিঃ প্রীড নীরব ছিলেন, এইবার কথা কহিলেন; তিনি বলিলেন, “আমি তোমাকে সাহা বলিয়াছি, তাহা করিতে যদি আপত্তি কর, কিম্বা আমাকে প্রতারণিত করিবার জন্য কোন প্রকার চানাকি খাটাইবার চেষ্টা কর, তোমার ব্যবহারে যদি আমি সন্দেহ করিবার কোন কারণ পাই, তাহা হইলে এই রিভলভার ব্যবহার করিতে মুহূর্তের জন্য কুণ্ঠিত হইব না। মিঃ ল্যাংহাম, তুমি স্বরণ রাখিও—আমি এক কথার মানুষ।”

মিঃ প্রীড তাঁহার হাতের রিভলভার ঠিক একই ভাবে তাহার পাঁজরে ধরিয়া রাখিলেন; সতক্ষণ গাড়ী চলিল, সেই সময়ের মধ্যে তিনি তাহা মুহূর্তের জন্য অপসারিত করিলেন না। গাড়ী বিভিন্ন দিক দিয়া, বহু সঙ্কীর্ণ পথ অতিক্রম করিয়া তাহার গন্তব্যপথে অগ্রসর হইল; নিঃসঙ্গ পথে নৈশ অন্ধকার ক্রমশঃ ঘনীভূত হইয়া উঠিল। অবশেষে সেই অন্ধকারে পল্লীসমূহের শেষ চিহ্ন অস্তুহিত হইল! পথের উভয় পাশে কোথাও দূরব্যাপী শস্তক্ষেত্র, কোথাও সুবিস্তীর্ণ জলা। পথের সেই অংশ বিক্ষিপ্ত লোকালয়ের সম্বন্ধবর্জিত।

অবশেষে গাড়ী একটি সঙ্কীর্ণ গলির ভিতর থামিল; সেই গলির উভয় পাশে উচ্চ পাড়। সেইখানে গাড়ী থামাইয়া শকট-চালক শঙ্কা-বিজড়িত স্বরে বলিল, “আমরা সুইসের কাছে আসিয়াছি।”

তাহার কথা শুনিয়া মিঃ প্রীড শকটের পুরোভাগে দৃষ্টিপাত করিলেন, এবং অদূরবর্তী জলাশয়ের ধারে একখানি

গাণ অটালিকা দেখিতে পাইলেন। তাঁহার ধারণা হইল, সেই অটালিকা এক সময় পুরাতন 'ওয়াটার মিলের' কার্যে ব্যবহৃত হইত, এবং জলাশয়টি সেই মিলের পরিচালন-কার্যে শক্তিসঞ্চয় করিলেও আলোচ্য ঘটনার বহু পূর্বে হইতেই অব্যবহার্যভাবে পড়িয়া ছিল। (long since fallen into disuse.)

মিঃ প্রীড্ অটালিকার দ্বারপ্রান্তে গাড়ী রাখিয়া, তীক্ষ্ণ দৃষ্টিতে চতুর্দিকের অবস্থা পর্যবেক্ষণ করিতে করিতে শকট-চালককে বলিলেন, “এ কথা বিখ্যাস করিবার কারণ আছে যে, তুমি মিঃ প্যারাডাইনকে এই স্থানে লইয়া আসিয়াছিলে। তুমি তাকে যেখানে লুকাইয়া রাখিয়াছ, সেই স্থানে আমাকে লইয়া যাইবে, এই উদ্দেশ্যেই আমি তোমাকে এখানে লইয়া আসিলাম। তাকে কোথায় রাখিয়াছ?”

মিঃ প্রীডের কথা শুনিয়া শকটচালক ল্যাংহামের স্মরণে ও পরিপুষ্ট গোল-জোড়াটা ঝুলিয়া পড়িল, এবং তাহার চক্ষুতে উদ্বেগের চিহ্ন বনাইয়া উঠিল; সে কুণ্ঠিতভাবে বলিল, “ভয়ে—তা—কি বলি, এখানে আসিলেন বটে, আসিতে কিছু বড় বিলম্ব হইয়া গিয়াছে যে!”

মিঃ প্রীড তীক্ষ্ণ দৃষ্টিতে তাহার মুখের দিকে চাহিয়া কঠোর স্বরে বলিলেন, “বিলম্ব হইয়া গিয়াছে? তোমার এ কথার অর্থ কি? সকল কথা স্পষ্ট করিয়া বল!”

ল্যাংহাম নিরুপায়ভাবে মাথা চুলুকাইতে চুলুকাইতে অলিত স্বরে বলিল, “আ—আমার কথার অর্থ? অর্থটা জটিল নয়; আমি বলিতেছি, এখানে তা—তাহার—কি বলি—একটা দুর্ঘটনা ঘটিয়া গিয়াছে।”

মিঃ প্রীড তাহার কথা শুনিয়া স্তম্ভিতভাবে তাহার আসনে বসিয়া রহিলেন; প্রায় দুই মিনিট তাহার মুখ হইতে কোনও কথা নিঃসারিত হইল না। অবশেষে তিনি অস্বাভাবিক গম্ভীর স্বরে বলিলেন, “তোমার কথা কতকটা বুঝিতে পারিয়াছি। দেখ ল্যাংহাম, মিঃ প্যারাডাইন আমার কোন পুরাতন বন্ধুর পুত্র। সুতরাং যে কর্ণ্য তোমরা করিয়াছ, তাহার উপস্কৃত প্রতিফল দানের জন্য আইনের ভার স্বত্ত্ব গ্রহণের জন্য তুমি আমাকে প্রলুব্ধ করিও না। তথাপি তোমাকে সতক করিবার জন্য বলিতেছি, দুর্ঘটনাটা কিরূপে ঘটিল, কোথায় ঘটিল, তাহা

আমি জানিতে চাই; সেই স্থানটা আমাকে দেখাইয়া দাও। শীঘ্র গাড়ী হইতে নামো।”

ল্যাংহাম কম্পিত হস্তে গাড়ীর দরজা খুলিয়া তাহার আসন হইতে নিঃশব্দে নামিয়া পড়িল। সে চলিতে আরম্ভ করিলে মিঃ প্রীড রিভলভারটা বাগাইয়া ধরিয়া নিঃশব্দে তাহার অমুসরণ করিলেন। জলাশয়ের তীরে সোঁতা মাটী, তাহার কিয়দূর পর্য্যন্ত শৈবালদামে সমাচ্ছন্ন ছিল; তাহার উভয়ে তাহার উপর দিয়া চলিতে লাগিলেন। এই ভাবে চলিতে চলিতে ল্যাংহাম সেই জলাশয়ের কিনারায় জলের ধারে উপস্থিত হইল।

ল্যাংহাম সেই স্থানে দাড়াইয়া কয়েক মিনিট জলের দিকে চাহিয়া থাকিয়া জলাশয়ের এক স্থানে অঙ্গুলিনিক্ষেপ করিল। সেই দিকে দৃষ্টিপাত করিয়া মিঃ প্রীডের দীর্ঘ দেহ যেন কাঠ হইয়া গেল। তাঁহার হাতের রিভলভারের যোড়ায় (trigger) তাহার সে অঙ্গুলী ছিল, তদ্বারা গোড়া টিপিবার জন্য প্রবল আগত দমন করা যেন সেই মুহূর্ত্তে তাহার অসাম্য হইয়া উঠিল। কিন্তু তিনি অতি কষ্টে সেই ঠক্কাদমন করিলেন। তিনি স্তম্ভভাবে স্বপ্নাবিষ্টের ন্যায় সেই স্থানে দাড়াইয়া রহিলেন, যেন স্থান-কাল সমস্তই বিস্মৃত হইলেন। অসহায়, বিপন্ন, রজ্জুবদ্ধ, মগ্নোন্মুখ প্যারাডাইনের কাতর মুখচ্ছবি যেন তাঁহার কল্পনানৈবের সম্মুখে ভাসিয়া উঠিল; তাহার কাতর কণ্ঠের নিরাশাজড়িত আর্তনাদ যেন সেই নৈশ নিস্তরতা ভঙ্গ করিয়া পুনঃ পুনঃ তাহার কর্ণমূলে প্রতিধ্বনিত হইতে লাগিল; যেন সেই সলিল-সমাধির অন্তস্তল ভেদ করিয়া তিনি সেই ততভাগা, হতাশ যুবকের বিলাপধ্বনি শুনিতে লাগিলেন। তাঁহার মুখের দিকে চাহিয়া ল্যাংহামের বক্ষের স্পন্দন স্তম্ভিত হইবার উপক্রম হইল। তাহার সন্দ্বীপ ঘর্ম্মাপ্লুত হইল, এবং তাহার পদদ্বয় বায়ুপ্রাড়িত বেতসপত্রের ন্যায় ঠক্-ঠক্ করিয়া কাপিতে লাগিল। তাহার পর সে অশ্রুট আর্তনাদ করিয়া মিঃ প্রীডের পদপ্রান্তে পড়িয়া গেল। জলাশয়ের জলের ধারে তাহার দীর্ঘদেহ প্রসারিত হইল। তাহা নিস্তর, অসাড়!

মিঃ প্রীড নতনেত্রে তাহার দেহের দিকে চাহিলেন। তাহার গম্ভীর মুখভাবের কোনও পরিবর্তন লক্ষিত না হইলেও দারুণ মানসিক উত্তেজনায় তাঁহার চক্ষু দুটি যেন জ্বলিয়া উঠিল। তিনি ল্যাংহামের বক্ষঃস্থল লক্ষ্য করিয়া তাহার হাতের রিভলভারের নলের ডগা অবনত করিলেন। কিন্তু মুহূর্ত্তমধ্যে সেই নিরবচ্ছিন্ন নৈশ নিস্তরতা

ভেদ করিয়া যেন কোন শব্দ তাঁহার কর্ণগোচর হইল। তিনি রুদ্ধনিশ্বাসে কাণ পাতিয়া শুনিয়া বুঝিতে পারিলেন, তাহা কোন আগন্তকের পদশব্দ। মুহূর্ত্ত পরে কতকগুলি পাথরের তুড়ি ঝর ঝর শব্দে ঝরিয়া পড়িবার শব্দও তাঁহার কর্ণগোচর হইল। মিঃ প্রীড সেই শব্দ শুনিয়া, মুখ তুলিয়া শব্দের কারণ অনুসন্ধানের জন্ত পূর্বোক্ত জীর্ণ অট্টালিকার দিকে দৃষ্টিপাত করিলেন। তিনি অন্ধকারে সেই ঘরের দিক চাইতে এক জন লোককে, তিনি যেখানে দাঁড়াইয়াছিলেন, সেই স্থানে আসিতে দেখিলেন। একটি ছায়া-মূর্ত্তি নৈশ অন্ধকার ভেদ করিয়া ব্যগ্রভাবে তাঁহার দিকে অগ্রসর হইতেছিল, কিন্তু তাহা মনুষ্যমূর্ত্তি অথবা কোন বস্তুজন্ম, দূর হইতে দেখিয়া তাহা তিনি বুঝিতে পারিলেন না।

### একাদশ পঙ্কন

গদ্যত উপদেশ

মিঃ প্রীড তীক্ষ্ণ দৃষ্টিতে আগন্তকের মুখের দিকে চাহিয়া রহিলেন, বুঝিলেন, সে মানুষ বটে; কিন্তু সে তখনও কিছু দূরে ছিল। তাহার পদশব্দ শুনিয়া ল্যাংহাম মিঃ প্রীডের পদপ্রান্তে উঠিয়া বসিয়াছিল। সে নিজের বিপদের কথা বিস্মৃত হইয়া আগন্তকের মুখের দিকে চাহিল; তাহার পর আতঙ্ক-বিহ্বল স্বরে আর্তনাদ করিল। তাহার হৃদয়ভেদী আর্তনাদে নিস্তরু প্রাস্তর প্রতিধ্বনিত হইল। অবশেষে আগন্তক যখন মিঃ প্রীডের অদূরে আসিল, তখন ল্যাংহাম প্রাণভয়ে মিঃ প্রীডের পদধ্বজ জড়াইয়া দরিল এবং কম্পিত-দেহে, বাকুল স্বরে বলিল, “ভূত, ভূত, সমাদি ভেদ করিয়া উঠিয়া ভূতটা আমাকে শাস্তি দিতে আসিতেছে! আমাকে রক্ষা করুন, ভূত আমার গলা টিপিয়া মারিয়া ফেলিবে। আমাকে বাঁচান।”

ল্যাংহাম পুনর্বার আর্তনাদ করিল। আগন্তক তখনও মিঃ প্রীডের তিন চারি গজ দূরে ছিল।

মিঃ প্রীড ল্যাংহামের আর্তনাদে কর্ণপাত না করিয়া, আগন্তককে সম্বোধন করিয়া অচঞ্চল স্বরে বলিলেন, “প্যারাডাইন, তুমি!”

আগন্তক তাঁহার আরও নিকটে সরিয়া আসিলে, তিনি তাহার মূর্ত্তি সুস্পষ্টরূপে দেখিতে পাইলেন। তাহার পরিচ্ছদ

সিক্ত, মস্তকের কেশরাশি হইতে তখনও বিন্দু বিন্দু জল ঝরিতেছিল; তাহার মুখ শুষ্ক ও বিবর্ণ, তাহার সর্বাঙ্গ যেন অবসাদ-শিথিল; কিন্তু মিঃ প্রীড যে মূর্ত্তি দেখিতে পাইলেন, তাহা যে ছায়া-মূর্ত্তি নহে, রক্তমাংসের দেহ, এ বিষয়ে তাঁহার বিন্দুমাত্র সন্দেহের কারণ ছিল না।

আগন্তক বিচলিত স্বরে বলিল, “মিঃ প্রীড, আপনি! আপনি এখানে?”

প্যারাডাইনের কণ্ঠস্বর মিঃ প্রীডের সুপরিচিত। প্যারাডাইন জীবিত আছে এবং তাঁহার সাড়া পাইয়া সেই জলাশয়তীরে তাঁহার সজিত সাফাং করিতে আসিয়াছে, সে বিষয়ে আর সন্দেহের কোন কারণ না থাকিলেও ল্যাংহাম সন্দিগ্ন দৃষ্টিতে প্যারাডাইনের মুখের দিকে চাহিয়া পুনর্বার আর্তনাদ করিল। সে যাহাকে জলে ডুবাইয়া মারিয়াছে, সে দীর্ঘকাল পরে জীবিত অবস্থায় তাহার সম্মুখে দাঁড়াইয়া স্বাভাবিক স্বরে কথা বলিতেছে, ইহা সে বিশ্বাস করিতে পারিল না।

মিঃ প্রীড বলিলেন, “তুমি নিহত হইয়াছিলে ভাবিয়া আমি এখানে দাঁড়াইয়া তোমার শোচনীয় মৃত্যুর কথাই চিন্তা করিতেছিলাম। যাহাকে তোমার অপমৃত্যুর জন্ম দায়ী মনে করিয়াছিলাম, তাহার অপরাধের বিচার-ভার স্বহস্তে গ্রহণ করিবার জন্ম আমার আগ্রহ হইয়াছিল।”

মিঃ প্রীডকে সেখানে দেখিয়া, তাঁহার কথা শুনিয়া প্যারাডাইন তাহার বিপদের কথা, মৃত্যুর সহিত তাহার যুদ্ধের কথা বিস্মৃত হইল; তাহার গায় জর্নামগস্ত ক্ষুদ্র কেবাণীর জন্ম মিঃ প্রীডের গায় বহুদশী ব্যবহারাজীব—যিনি যন্টায় যন্টায় রাশি রাশি অর্থ উপার্জন করেন, যাহার সময় অত্যন্ত মূল্যবান, তিনি এত কষ্ট স্বীকার করিয়াছেন, তাহার সন্ধানে রাত্রিকালে সেই জর্নাম স্থানে উপস্থিত হইয়াছেন, তাঁহার দয়া ও মহত্ত্ব উপলব্ধি করিয়া প্যারাডাইনের হৃদয় কৃতজ্ঞতায় পূর্ণ হইল। সে পূর্বে তাঁহাকে চিনিতে না পারিয়া তাঁহার সম্বন্ধে কি ভুল ধারণাই করিয়াছিল! তাহার প্রতি অত্যাচারের প্রতিফল দানের জন্ম তিনি নরহত্যা করিতে উদ্বৃত হইয়াছিলেন!

প্যারাডাইনকে নীরব দেখিয়া মিঃ প্রীড বলিলেন, “যে ব্যক্তি তোমাকে সশরীরে আমার সম্মুখে আসিতে দেখিয়া ভূত মনে করিয়া ভয়ে আর্তনাদ করিতেছিল, তাহাকে



বোধ হয় চিন্তিতে পারিয়াছ। এই ব্যক্তি কিরূপে তোমাকে এখানে লইয়া আসিয়াছিল? আমি রাগি সাড়ে সাতটার সময় রেশুরায় তোমার সঙ্গে দেখা করিব বলিয়াছিলাম; তদনুসারে তুমি নিশ্চিতই সেখানে উপস্থিত ছিলে, তথাপি এই ব্যক্তি কি কোশলে নিদ্রিষ্ট সময়ের পূর্বেই তোমাকে রেশুরায় হইতে বাহির করিয়া উহার সঙ্গে আসিতে বাধ্য করিয়াছিল?”

প্যারাডাইন বলিল, “উহার চাতুরী আমিও তখন বুঝিতে পারি নাই, মিঃ প্রীড! ঐ লোকটি রেশুরায় আমার সম্মুখে উপস্থিত হইয়া ডিটেক্টিভ বলিয়া নিজের পরিচয় দিয়াছিল। আমাকে বলিয়াছিল—উহার সঙ্গে আমাকে খানায় যাইতে হইবে। মিঃ গার্ডিন যে রাত্রে নিহত হইয়াছিলেন, সেই রাত্রিটা আমি কোথায় কি ভাবে কাটাষ্টিয়াছিলাম, খানায় উপস্থিত হইয়া তাহা আমাকে জানাইতে হইবে, এই কথা বলিয়া ঐ ব্যক্তি আমাকে উহার সঙ্গে রেশুরায় ত্যাগ করিতে বাধ্য করিয়াছিল। এই জগুই আপনার সতিত আমার সাক্ষাতের সুযোগ নষ্ট হইয়াছিল।”

মিঃ প্রীড রুদ্ধশ্বাসে বলিলেন, “তাহার পর কি হইয়াছিল, তাহাই শুনিতে চাই।”

প্যারাডাইন তাহার বিপদের আমূল বৃত্তান্ত মিঃ প্রীডের নিকট সংক্ষেপে প্রকাশ করিল; তাহার পর বলিতে লাগিল, “আমি অতি কষ্টে জলাশয়ের কিনারায় উঠিয়া কিছুকাল পরিশ্রান্তভাবে পড়িয়া রহিলাম, তাহার পর অতি কষ্টে ঐ অট্টালিকার ভিতর প্রবেশ করিলাম। উহার পশ্চাতের একটি কামরায় ভাঙ্গা জানালা দেখিতে পাইয়া সেই স্থানে উপস্থিত হইলাম। সৌভাগ্যক্রমে জানালার নীচে কতকগুলি ভাঙ্গা কাচ ছিল; তাহা আমার পায়ে ঠেকিল। আমি তৎক্ষণাত্ই একখান কাচ হাতে তুলিয়া লইয়া, পরীক্ষা করিয়া বুঝিতে পারিলাম—ভাঙ্গা কাচের উগায় বেষণ দার ছিল। হঠাৎ আমার মাথায় এক খেয়াল চাপিল; ভাবিলাম, এই দারাগ কাচ দিয়া হাতের বাধন কাটিবার চেষ্টা করিয়া দেখিই না। হাতের কব্জিতে যে দড়ির বাধন ছিল, তাহার উপর কাচের দার দিয়া ঘর্ষণ আরম্ভ করিলাম। ঘষিতে ঘষিতে আমার হাত আড়ষ্ট হইয়া উঠিল; কাচের উগায় আমার হাতের তিন চারিটি যন্ত্রণা কাটিয়া রক্ত ঝরিতে লাগিল, আমি যন্ত্রণায় অস্থির হইয়া উঠিলাম।”

প্যারাডাইন মিঃ প্রীডকে তাহার হাতের ক্ষত-চিহ্ন দেখাইল; তখনও তাহার হাত হইতে রক্ত ঝরিতেছিল।

সে বলিতে লাগিল, “আমি চেষ্টা ত্যাগ করিলাম না; কতক্ষণ পরে ঠিক বলিতে পারিব না, বোধ হয়, ঘষিতে ঘষিতে ঘণ্টা দুই পরে আমার হাতের বাধন কাটিয়া গেল। দুই তিনটি বাধন কাটিবার পর বাধন খুলিয়া ফেলা কঠিন হইল না। আমি মুক্তি লাভ করিলাম, কিন্তু আমি নিশ্চিত হইতে পারিলাম না। আমার আশঙ্কা হইল, আমার শত্রুরা হয় ত অদূরে কোথাও লুকাইয়া আছে, আমি এই অট্টালিকা ত্যাগ করিলেই আমাকে দেখিতে পাইবে, এবং পুনরায় ধরিতে পারিলে তাহাদের চক্রের উপর আমাকে হত্যা করিবে। আমি আমার পায়ের বাধনও কাটিয়া ফেলিয়া, কি করি, কোথায় যাই, কি ভাবে আত্মরক্ষা করি, এই সকল কথা চিন্তা করিতেছি—সেই সময় একটি কক্ষের আড়ালে দাঁড়াইয়া আপনার মোটর-গাড়ীর গঞ্জনের শব্দ শুনিতে পাইলাম। উহার খাবার খাসিয়াছে মনে করিয়া ভয়ে আমার সঙ্গীত আড়ষ্ট হইয়া উঠিল; আমি নিশ্চলভাবে, রুদ্ধ-নিশ্বাসে দাঁড়াইয়া রহিলাম। কয়েক মিনিট পরে ঘরের পাশে আপনার কণ্ঠস্বর শুনিতে পাইলাম। আপনি উত্তেজিতভাবে ঐ লোকটাকে যে সকল কথা বলিতেছিলেন, তাহা শুনিয়া মনে হইল, এ স্মরণ আমার পরিচিত। আমি আপনার আরও দুই একটি কথা শুনিয়া বুঝিলাম, আপনিই আসিয়াছেন। কেন আসিয়াছেন, এই অপরিচিত উদ্গম স্থানে কিরূপে আসিলেন, তাহা বুঝিতে পারিলাম না; কিন্তু আপনি আসিয়াছেন বুঝিয়া আমার মনে আশার সঙ্গার হইল। আপনার সঙ্গে সাক্ষাৎ করিবার জগু আমার আগ্রহ হইল; এই জগুই আমি এখানে উপস্থিত হইয়াছি। আমার সন্ধানে আপনি এখানে কিরূপে আসিলেন?”

মিঃ প্রীড বলিলেন, “তোমার প্রশ্নের উত্তর দিতে হইলে অনেক কথাই বলিতে হইবে; এখন তাহার অবসর নাই। বিশেষতঃ, এই রাত্রেই আমরাদিগকে অনেক কাণ্ড করিতে হইবে, বিলম্ব করিলে চলিবে না।”

মিঃ প্রীড সম্মুখে বুকিয়া পড়িয়া, তাহার পদপ্রাপ্তবস্ত্রী ল্যাংগামের হাত ধরিয়া তাহাকে টানিয়া তুলিলেন। সে তখনও ভয়ে ঠক্ ঠক্ করিয়া কাপিতেছিল।

ল্যাংহাম তাঁহার সম্মুখে সোজা হইয়া দাঁড়াইলে, মিঃ প্রীড তাহার গলার কলার পরিয়া তীক্ষ্ণদৃষ্টিতে তাহার মুখের দিকে চাহিলেন। আতঙ্কে তাহার উভয় চক্ষু কপালে উঠিয়াছিল। তাহার অবস্থা দেখিয়া মিঃ প্রীড প্যারাডাইনকে বলিলেন, “এখন উহাকে প্রশ্ন করিয়া সন্তুষ্ট হইব, তাহার আশা নাই; আতঙ্কে উহার মাথা খারাপ হইয়া গিয়াছে। প্রকৃতিস্থ থাকিলে এই হতভাগার মুখ হইতে অনেক কাণের কথা বাহির করিয়া লইতে পারিতাম; সেই সকল সংবাদে আমাদের যথেষ্ট উপকার হইত; কিন্তু উহাকে প্রশ্ন করিয়া কোন ফল হইবে না। আমার সময় মূল্যবান, ওভাবে তাহা নষ্ট করিবার ইচ্ছা নাই; অথচ উহাকে সঙ্গে লওয়াও সম্ভব হইবে না। এ অবস্থায় আমার কর্তব্য কি, তাহা দুই এক মিনিট চিন্তা করিয়াই স্থির করিয়াছি। সে দড়ি দিয়া উহার তোমার হাত পা বাধিয়াছিল, সেই দড়ি তুমি কাটিয়া-ফেলিয়া মুক্তি লাভ করিয়াছ বলিলে; সেই দড়ির কোনও অংশ ব্যবহারযোগ্য আছে কি?”

প্যারাডাইন মিঃ প্রীডের মনের ভাব বুঝিতে পারিয়া বলিল, “হাঁ মিঃ প্রীড, আমি তাহা কাচ দিয়া কাটিলেও, তাহার সকল অংশ খণ্ড খণ্ড হয় নাই; দুই তিন টুকরা বোধ হয় লম্বা আছে। আমি দেখিতেছি।”

প্যারাডাইন তৎক্ষণাৎ সেই জীর্ণ অট্টালিকায় ফিরিয়া চলিল। সে যে কক্ষে বসিয়া দড়িগুলি খণ্ড খণ্ড করিয়াছিল, সেই কক্ষে প্রত্যাগমন করিয়া সেগুলি সংগ্ৰহ করিল; তাহার পর জলাশয়তীরে মিঃ প্রীডের নিকট উপস্থিত হইয়া তাহা তাঁহার হস্তে প্রদান করিল। মিঃ প্রীড পরীক্ষা করিয়া দেখিলেন, কয়েক খণ্ড রজ্জু কার্যোপযোগী দীর্ঘ ছিল। সেই রজ্জু দ্বারা তিনি ল্যাংহামের হাত-পা দৃঢ়রূপে বাধিয়া, তাহাকে সেই বাঁপীতটে ফেলিয়া রাখিলেন। তাহার পর তিনি বন্ধনের দৃঢ়তা পরীক্ষা করিয়া বলিলেন, “হতভাগাটা এখানেই এখন পড়িয়া থাকুক! ভবিষ্যতে প্রয়োজন হইলে আবার উহাকে হাতে পাইব। এখন চল, আমরা এই স্থান ত্যাগ করি।”

মিঃ প্রীড তাঁহার ছাতাটি মুড়িয়া বগলে পুরিয়া সেই জলাশয়ের তীর হইতে অদূরবর্তী মোটর-গাড়ীর নিকট উপস্থিত হইলেন। তিনি প্যারাডাইনকে গাড়ীতে তুলিয়া লইয়া স্বয়ং তাহার পাশে বসিলেন, এবং বিভিন্ন

সঙ্গীণ প্রান্তরপথ দিয়া তাঁহারা গন্তব্য পথে অগ্রসর হইলেন।

ওয়াটকোর্ড প্রান্তরের সঙ্গীণ পথ অতিক্রম করিয়া তিনি প্রথমে প্যারাডাইনকে কথা বলিলেন।

মিঃ প্রীড বলিলেন, “তোমাদের আফিসের কর্যে সম্বন্ধে তোমার যে অভিজ্ঞতা আছে, তাহাতে নির্ভর করিয়া তুমি সম্ভবতঃ বলিতে পারিবে, তোমাদের ফার্মের সহিত কোন্ কোন্ স্থানের কোন্ কোন্ ব্যবসায়ের সম্বন্ধ আছে। তুমি আমাকে বলিয়াছিলে, পশ্চিম-আফ্রিকার ‘আরানা গোল্ড মাইন’ কোম্পানীর সহিত তোমাদের ফার্মের সম্বন্ধ আছে, এবং তাহারই একটি রিপোর্ট-সংক্রান্ত ব্যাপারে লিপ্ত হইয়াই তোমাকে বিপন্ন হইতে হইয়াছে। সেই কোম্পানীর সেয়ার সম্বন্ধে কোন সংবাদ আমাকে বলিতে পারিবে?”

প্যারাডাইন বলিল, “আরানা স্বর্ণক্ষেত্রের ‘সেয়ার’ সম্বন্ধে অনেক কথাই আমি সংবাদপত্রে পাঠ করিয়াছি; এই ব্যাপার লইয়া যথেষ্ট আন্দোলন-আলোচনাও চলিতেছে। ‘সেয়ারের’ বাজারে না কি উহা ভিন্ন কোন কথা নাই! সংবাদপত্রের প্রতিনিধিরা সকল কথা জানিবার জন্ত মিঃ নিস্বেটের সঙ্গে দেখা করিতে গিয়াছিল। মিঃ নিস্বেটই এই কোম্পানীর ম্যানেজিং ডাইরেক্টর—পরিচালক-সমিতির অধ্যক্ষ।”

মিঃ প্রীড বলিলেন, “মিঃ নিস্বেট তাহাদিগকে কি বলিয়াছিলেন?”

প্যারাডাইন বলিল, “তাঁহার উত্তর শুনিয়া মনে হয়, প্রকৃতই তাহা ঘটয়াছিল, তাহাই তিনি অনুমান করিতে পারিয়াছেন। আমি জানি, টেরি উইনগেটসও উপস্থিত হইয়াছিল; রিপোর্টখানা সে হস্তগত করিবার আশায় ভিক্টোরিয়া হইতে আমার অনুসরণ করিয়াছিল। আমি যখন মিঃ গার্ডিনের ঘরে দাঁড়াইয়া রিপোর্টখানি তাঁহার হাতে দিই, সেই সময় টেরি পথের দিকের জানালার কাছে দাঁড়াইয়া তাহা দেখিতে পাইয়াছিল, এ বিষয়ে আমি নিঃসন্দেহ হইয়াছিলাম।”

মিঃ প্রীড বলিলেন, “তাঁহার পর সে গার্ডিনের বাড়ী ফিরিয়া আসিয়া তাঁহাকে হত্যা করিয়াছিল, এবং রিপোর্টখানি চুরি করিয়াছিল। মিঃ নিস্বেট কি এইরূপই সিদ্ধান্ত করিয়াছিলেন?”

প্যারাডাইন বলিল, “কিন্তু টেরি সম্বন্ধে তিনি কোন কথা জানিতে পারেন নাই ; বস্তুতঃ আমি ভিন্ন অন্য কেহই এ কথা জানে না। প্রকৃত ব্যাপার সম্বন্ধে তিনি যে সিদ্ধান্তে উপনীত হইয়াছেন, তাহা তাঁহার অনুমানমাত্র। সংবাদপত্রের প্রতিনিধিগণ তাঁহার সহিত সাক্ষাৎ করিলে তিনি তাহাদিগকে বলিয়াছিলেন, তিনি তাঁহার সন্দেহের কথা স্ট্রল্যাণ্ড ইয়ার্ডের গোচর করিবেন ; তিনি তাহাদিগকে জানাইবেন—যে ব্যক্তি মিঃ গার্ডিনকে হত্যা করিয়াছিল, আরানার রিপোর্টচুরিও তাহারই কাষ। সেই রিপোর্টের সংবাদ সে ব্যবহার করিয়াছিল। সেই সংবাদ তাহার স্বার্থের অনুকূল ছিল, এবং যে সকল সেয়ারের মূল্য তখন পর্য্যন্ত নিতাস্তই অল্প ছিল, তাহাই সে তাড়াতাড়ি কিনিয়া লইয়াছিল। প্রকৃতপ্রস্তাবে কেহ সেই সকল ‘সেয়ার’ কিনিয়া ফেলিয়াছিল, কারণ, যে সকল সেয়ারের মূল্য এক শিলিং বা সেইরূপ অল্প ছিল, তখন তাহাদের মূল্যবৃদ্ধি হইয়া দুই তিন পাউণ্ডে পাড়াইয়াছিল।”

মিঃ প্রীড বলিলেন, “ঠিক কথা ; কিন্তু এখানে একটি বিষয় আলোচনাযোগ্য এবং কৌতুকাবহ : সে সম্বন্ধে তুমি আমাকে কিঞ্চিৎ সন্ধান দিতে পারিবে কি ?”

এই সময় তাঁহার পরিচালিত শকট ঘণ্টায় প্রায় ৭০ মাইল বেগে ধাবিত হইতেছিল। মিঃ প্রীডকে সেই প্রকার বেগে মোটর চালাইতে দেখিলে সকলেরই ধারণা হইত, তিনি কেবল সুদক্ষ মোটর-চালক নহেন, তিনি ব্রকল্যাণ্ডস্বে মোটরকারের বাজি মারিতেও অভ্যস্ত ছিলেন।

মিঃ প্রীড সেই সময় পথের দিকে দৃষ্টি রাখিয়া গাড়ী চালাইতে চালাইতে বলিতে লাগিলেন, “গত শনিবার অপরাহ্নে পশ্চিম-আফ্রিকার ডাক সংগ্রহের প্রতীক্ষায় ছুটির পরও তোমাকে আফিসে অপেক্ষা করিতে হইয়াছিল ; সেই ডাকেই আরানা স্বর্ণক্ষেত্রের রিপোর্ট আসিবার কথা ছিল। তোমার প্রতি আদেশ ছিল, তাহা ডাক-পিয়ন বিলি করিতে আসিলে, তুমি তাহা লইয়া সিন্দুকে ভুলিয়া রাখিবে। তুমি এই উপদেশ পালন করিবে, মিঃ নিস্বেট নিঃসন্দেহে এইরূপই প্রত্যাশা করিয়াছিলেন। তুমি জান, তুমি সেই রিপোর্ট সিন্দুকে না রাখিয়া তাহা উইনগেটসে লইয়া গিয়াছিলে, এবং তোমাদের আফিসের হেড ক্লার্ক মিঃ গার্ডিনের বাসগৃহে উপস্থিত হইয়া, তাঁহার হস্তে অর্পণ করিয়াছিলে। এই

পর্য্যন্ত সকল কথা বেশ পরিষ্কার বুঝিতে পারিয়াছি ; কিন্তু মিঃ গার্ডিনের মৃত্যুকালে সেই রিপোর্ট তাঁহারই জিহ্বায় ছিল, তাহা আফিসের সিন্দুকে সংরক্ষিত হয় নাই, মিঃ নিস্বেট কিরূপে এই সিদ্ধান্তে উপনীত হইয়াছিলেন, তাহাই জানিবার জন্ম আমার কৌতুহল হইয়াছে ; ইহা তুমি বলিতে পারিবে কি ?”

প্যারাডাইন ক্ষণকাল চিন্তা করিয়া বলিল, “এই বিষয়টি লইয়া আমিও ধাঁধায় পড়িয়াছি, মহাশয় ! আপনার এ বড় শক্ত জেরা। ইহার অণুকূলে একটিমাত্র যুক্তি গ্রহণযোগ্য বলিয়া আমার মনে হইতেছে ; তাহা এই যে, মিঃ নিস্বেট সম্ভবতঃ আফিসের ‘ক্লটিন’ মিঃ গার্ডিনের নিকট রাখিয়া গিয়াছিলেন। যখন তিনি মিঃ গার্ডিনের আকস্মিক হত্যা-কাণ্ডের সংবাদ জানিতে পারিলেন, এবং এ সংবাদও অবগত হইলেন যে, কোনও ব্যক্তি আরানা স্বর্ণখনির ‘সেয়ার’ যত পাইতেছে, সমস্তই কিনিয়া ফেলিতেছে—তখন তিনি উভয় ব্যাপার মিলাইয়া নির্দিষ্ট সিদ্ধান্তে উপনীত হইলেন। তিনি অবশ্যই মনে মনে তর্ক করিয়া এইরূপ স্থির করিয়াছিলেন যে, আরানা স্বর্ণখনির ভবিগ্যৎ উল্লেখ, এই সংবাদ না পাইলে কেহই অধিক মূল্যে উহার ‘সেয়ার’ ক্রয়ের জন্ম আগ্রহ প্রকাশ করিত না। কিন্তু উক্ত রিপোর্টের সহায়তা ব্যতীত এই সংবাদ জানিবার সম্ভাবনা ছিল না ; কেহই তাহা অনুমান করিতে পারিত না। সুতরাং সেই রিপোর্ট যে কোন উপায়ে সেই ব্যক্তির হস্তগত হইয়াছিল, এই সিদ্ধান্তে তিনি উপনীত হইয়াছিলেন। মিঃ গার্ডিন নিহত হওয়ার, সেই রিপোর্ট অণোর হস্তগত হইয়াছিল, এইরূপই তিনি সিদ্ধান্ত করিয়াছিলেন। এই অবস্থায় সেই রিপোর্ট আমাদের আফিসে পৌঁছিবার সময় পর্য্যন্ত মিঃ গার্ডিন যে আফিসেই ছিলেন, এবং উহা ডাকে আসিলে তিনিই তাহা গ্রহণ করিয়াছিলেন, মিঃ নিস্বেটের ইহাই ধারণা হইয়াছিল।”

মিঃ প্রীড তাহার কথা শুনিয়া বলিলেন, “প্যারাডাইন, তোমার এই যুক্তি যে বিলক্ষণ কৌশলপূর্ণ, ইহা স্বীকার করিতেই হইবে। কিন্তু তোমার মুখ বৃজিয়া বসিয়া থাকিবার সময় উত্তীর্ণ হইয়াছে। মিঃ নিস্বেটকে আর অন্ধকারে ফেলিয়া না রাখিয়া প্রকৃত কথা তাঁহার গোচর করাই সম্ভব বলিয়া আমার মনে হইতেছে। এ জন্ম

আমার প্রস্তাব এই যে, তুমি মিঃ নিস্বেটের বাড়ীতে উপস্থিত হইয়া তাঁহার সহিত সাক্ষাৎ কর। তুমি তাঁহার সঙ্গে দেখা করিয়া, যাহা যাহা ঘটনাছিল, সমস্তই তাঁহার নিকট প্রকাশ কর; কোনও কথা গোপন করিবার প্রয়োজন নাই।”

প্যারাডাইন তাঁহার কথা শুনিয়া বিশ্বয়-বিহ্বল-নেত্রে তাঁহার মুখের দিকে চাহিয়া রহিল; তাঁহার কথার ঠিক মন্ত্র বুলিতে পারিল না। সে ক্ষণকাল নিঃশব্দ থাকিয়া তাঁহাকে বলিল, “আপনার কি ইচ্ছা, আমি মিঃ নিস্বেটের সঙ্গে দেখা করিয়া তাঁহাকে বলিব—আমি আরানা স্বর্ণক্ষেত্রের এঞ্জিনিয়ার-প্রেরিত রিপোর্টখানি হাতে পাইয়া, ইচ্ছা করিয়াই তাহা আফিসের সিন্দুকে আবদ্ধ করি নাই: আমি

তাহা দুই শত পাউণ্ড মূল্যে বিক্রয় করিবার চরভিসন্ধিতে পকেটে করিয়া আফিসের বাহিরে লইয়া গিয়াছিলাম; তাহার পর—”

মিঃ প্রীড বলিলেন, “হাঁ, প্রথম হইতে শেষ পর্য্যন্ত সকল কথা আগাগোড়া খুলিয়া বলিবে; যাহা সত্য, তাহা সমস্তই প্রকাশ করিবে, কোন কথা গোপন করিবে না।”

তাঁহার কথা শুনিয়া প্যারাডাইন মাথায় হাত দিয়া অবসন্নভাবে গাড়ীর এক কোণে কাত হইয়া পড়িল। তাঁহার মুখ হইতে আর কোন কথা বাহির হইল না। বর্ণটায় সত্তর মাইল বেগে মোটর-কার অন্ধকারাচ্ছন্ন নিঃস্রব পথে উন্নীর গায় ছুটিয়া চলিল।

ক্রমশঃ

শ্রীদীনেন্দ্রকুমার রায়।

## মহামানব

—শত বর্ষ আগেকার কথা,


ধর্ম্মের প্রয়াগ তীর্থে, মুক্তিমন্ডে যে মহাবারতা  
সেদিন শুনালে দেব, কল্পকণ্ঠে উদাত্ত গম্ভীর—  
আজো তা বাজিছে কাণে : লীলোচ্ছলা পৃথ জাহ্নবীর  
ছায়াতট-তপোবনে আজো সেই পঞ্চবটীমূলে  
বাজে তার প্রতিধ্বনি : তরঙ্গিয়া ওঠে ছলে ছলে  
লীলায়িত ভাবমুগ্ধ এ বিপুল বিশ্বের আকাশ,  
অমৃতের বার্তা বহে বাধাহারা উদার বাতাস।

মুক্তির আনন্দ-যজ্ঞে বজ্রকণ্ঠে সে বীর সন্ন্যাসী  
যেই মহা অগ্নিমন্ডে জাগাইলা সর্ব-দেশবাসী,—  
কোথা ছিল অগ্নিময়ী সেই দিব্যপ্রতিভা তাঁহার—  
তোমারি মাঝারে দেব! হে নমস্ত যুগ-অবতার!  
তুমিই সে বেদান্তের তত্ত্ব-কথা অমিয়-নিষেকে,  
আনন্দের রসধারে মত্ত করি জাগালে বিবেকে!

শত বর্ষ হ'লো গত, প্রতীচী সে চাহে প্রাচী পানে,  
জগতের তিক্ষাপাত্র ভরি দাও তব মহাদানে।  
আবার প্লাবন আনো, ধর্ম্ম-রাজ্যে আনো যুগান্তর  
কুদ্রতা ও সংকীর্ণতা চিরতরে ল'ক অবসর।  
কামনা সমাধি পাক,—মৃত্যু হোক স্বার্থ-পরতার—  
হে মহামানব, তব শ্রীচরণে কোটি নমস্কার।

শ্রীবিজয়মাধব মণ্ডল।





## নিউজিল্যান্ড

প্রশান্ত মহাসাগরের দক্ষিণাংশে ক্যাপ্টেন জেমস্ কুক সর্ব-প্রথম যে দ্বীপ আবিষ্কার করেন, তাহারই নাম নিউজিল্যান্ড। বৃটিশ পতাকা এই দ্বীপে উড়ান হয়। পাছে ফরাসীরা এই দ্বীপে বসবাস করিতে আসে, এ জন্ত উহাকে বৃটিশ উপনিবেশ বলিয়া ঘোষণা করা হয়। দ্বীপের রাজধানীর নাম ওয়েলিংটন।

বহু নিউজিল্যান্ড-বাসী দ্বীপের উপকূল-সীমার বাহিরে না গেলেও, ইংলণ্ডকে মাতৃভূমি বলিয়া এখনও অভিহিত করিয়া থাকে। দ্বীপের একটা বিস্তৃত অংশে সুইজারল্যান্ডের তুষারকিরীটী গিরি-মালার ঞায় গিরি-শ্রেণী বিদ্যমান। জাভা ও জাপানের ঞায় আগ্নেয়গিরিও এখানে আছে। ইটালীর ঞায় হ্রদের অভাবও এখানে নাই।

তুষারনদীর অস্তিত্ব এই দ্বীপে প্রচুর।



গঁদের আশায় গাছে চড়িতেছে

পাইন গাছ এই দ্বীপের শোভা বলিলেও অত্যাঁক্ত হইবে না। কোন কোন গাছের ২২ ফুট ব্যাস পর্য্যন্ত দেখিতে পাওয়া যাইবে।

দক্ষিণের এই দ্বীপগুলিতে মাওরিরাই প্রথম উপনিবেশিক। আকাশের নক্ষত্র, বায়ুর গতি এবং সমুদ্র-স্রোতের সহজে তাহাদের অভিজ্ঞতার সাহায্যে মাওরিরা তাহাদের ডোঙ্গার সাহায্যে জন্মভূমি হাওয়াইকি (সম্ভবতঃ টাহিটি এবং কুক দ্বীপ) হইতে নিউজিল্যান্ডে আসিয়াছিল।



কুম্বা নদীর পঙ্ক ঘাঁটিয়া স্বর্গের সন্ধান

উহা চতুর্দশ শতাব্দীর ঘটনা। খৃষ্টীয় দশম শতাব্দীতে প্রসিদ্ধ পলিনেশীয় নাবিক কুপ্ নিউজিল্যান্ডে গমন করিয়াছিলেন। সেই কিম্বদন্তী অনুসারে মাওরিরা তাহার অবলম্বিত পথ ধরিয়া নিউজিল্যান্ডে গমন করে।

এই দ্বীপে আসিবার পর মাওরিদিগের বংশবৃদ্ধি হইতে থাকে—তাহারা পরস্পর পরস্পরের বিরুদ্ধে সংগ্রামও করিত। সঙ্গে সঙ্গে মিঠা আলুর চাষও (মাওরি ভাষায় উহাকে 'কুমারা' বলে) তাহারা করিত। ঐ আলুর বীজ

তাহারা স্বদেশ হইতে আনিয়াছিল। ক্রমে তিমি মৎস্য-ব্যবসায়ী, ধর্ম্মযাজক-সম্প্রদায় এবং বাবসায়ীর এই দ্বীপে সমাগত হইতে আরম্ভ করিল। নানা স্থান হইতে স্ব স্ব সামাজিক পতাকা উড্ডীন করিয়া বারুদ ও বন্দুকসহ উপ-নিবেশবাসী হইবার আশায় আরও অনেকে সমবেত হইল।

নানা গোলযোগ অনেক দিন ধরিয়া চলিল। তার পর দীর্ঘ দীর্ঘে চারিদিকে স্তব্ধতা হইয়া নিউজিল্যান্ডের আর্থিক পরিস্থিতি ভারসাম্য লাভ করিল।

গত শতাব্দীতে ১৮৬০ খৃষ্টাব্দে অকল্যান্ডে যত লোক ছিল, এখন তাহার দ্বিগুণ বাড়িয়াছে—অকল্যান্ডের জনসংখ্যা



বোমার সাহায্যে তিমি শিকার



বিচিত্রদর্শন কিউই পক্ষী



কারাপিটির বাস্পোচ্ছ্বাসে কানেস্তারা শূন্যে উঠিয়াছে


মাওরিদিগের সহিত সংগ্রাম বাধিল। দীর্ঘকাল ধরিয়া সে সংগ্রাম চলিল। জমি লইয়া বিবাদ আরম্ভ হইল। স্থাননি দেখা দিল, জমির দর বাড়িতে লাগিল। এইরূপে



মাওরি নারীরা উকুজলে আহাৰ্য্য সিদ্ধ করিতেছে

২ লক্ষ ২১ হাজার ৩ শত হইবে। যুক্তরাষ্ট্রের উপকূল-ভাগ হইতে নিউজিল্যান্ড ৬ হাজার মাইল দূরে অবস্থিত। অষ্ট্রেলিয়ার দূরত্ব ১২ শত মাইল হইবে। ঐ সকল স্থান হইতে অর্ণবপোত-সমূহ দ্বীপ ঘুরিয়া হাওয়ায়কি উপসাগরের মধ্য দিয়া ওয়েটিমাটা বন্দরে প্রবেশ করিয়া থাকে। পরে নগরের পাদদেশে উপনীত হয়।

বহুকাল পূর্বে এই স্থানে প্রকৃতির শক্তিরই প্রাদাণ



সমুদ্রগর্ভস্থ আগ্নেয় গিরির অগ্নি-স্ফাপক



মাণ্ডবিগণের নিউজিল্যান্ড আগমন—বাহুবরের চিত্র



ডিউক অব গ্লস্টারের অভিনন্দনে মাওরিগণের নৃত্য



নিউজিল্যান্ডের শৈলমালায় মেঘ বিচরণ ভূমি



ছিল—মানুষের শ্রমশিল্প তখন অজ্ঞাত ছিল। দশ মাইলের মধ্যে প্রায় ৩০টি নির্দ্বাপিত আগ্নেয়গিরির মুখ দেখিতে পাওয়া যাইবে। মাউন্ট এডেনের শীর্ষদেশে দাঁড়াইলে—এই নির্দ্বাপিত আগ্নেয়গিরির মুখবিবর সুরক্ষিত এবং উহা সহরের ঠিক মাঝখানে অবস্থিত—বৃষ্টিতে পারা যাইবে এক সময়ে কিরূপ ভাবে লাভাপ্রবাহ উহা হইতে নির্গত হইয়াছিল।

ঐ স্থানে দাঁড়াইয়া আরও একটি বিময় লক্ষ্য করা যায়—উত্তর দ্বীপ কি করিয়া তুই ভাগে বিভক্ত হইতে রক্ষা পাইয়াছিল। যে যোজকের উপর অকল্যাণ সহর বিবাজিত, তাহার পশ্চিমে টাস্কান সমুদ্র। উহার বিস্তার মাত্র ৮ মাইল।

সহরের মধ্যে কুইন ষ্ট্রীটেই বাবসা-বাণিজ্যের কেন্দ্র জন-সাধারণ বড় বড় রাস্তা-নির্মাণে ঐদাসীল্য প্রকাশ করিলেও, পার্কের বাহুলা আছে। অসংখ্য পার্ক সহরের মধ্যে দেখিতে পাওয়া যাইবে। প্রত্যেক পার্কই পুষ্পসমাকীর্ণ। সারা বৎসর ধরিয় গাছে গাছে অজস্র ফুল ফুটিয়া থাকে। নানাবর্ণের ফুল দেখিলে নয়ন ও মন বিমোহিত হয়। এমন কি, বোড়দৌড়ের মাঠের চারিদিকে তালীবন—অজস্র পুষ্প-সমাকীর্ণ বৃক্ষলতা।

অকল্যাণ সহরের প্রধান দৃষ্টব্য স্থান “রথস্বস্তি-যাজ্ঞসর।” গ্রীসীয় আদর্শে এই অট্টালিকা নির্মিত। বড় দ্বীপ হইতে সংগৃহীত মূল্যবান পদার্থে এই যাজ্ঞসর সুরোভিত। মাওরিদিগের বাড়ীর নমুনা, তাহারা যে ডোঙ্গায় চড়িয়া বৃদ্ধ করিত তাহা, মাওরিদিগের বৃদ্ধান্ন এবং তাহাদের প্রস্তুত নানাবিধ দ্রব্যসম্ভার এখানে সংগৃহীত হইয়াছে।

অকল্যাণ সহর হইতে বাহির হইয়া দক্ষিণদিকে গমন করিলে উন্মুক্ত প্রান্তর নয়নপথে পতিত হইবে। মাঠে গৃহপালিত পশুর দল চরিয়া বেড়াইতেছে। শত শত মেঘ উপত্যকাভূমিতে বিচরণ করিতেছে।

নিউজিল্যান্ডের ঔপনিবেশিকগণ প্রথমতঃ চাষ-বাসেই মন দিয়াছিল। পরিশেষে তাহারা গৃহপালিত পশুর দিকেই মনঃ-সংযোগ করে। ১৮৮২ খৃষ্টাব্দে জমান মাংস ইংলণ্ডে বিক্রয়ার্থ প্রেরিত হয়। উহা হইতে নিউজিল্যান্ডবাসীরা



মাউরুহো আগ্নেয় গিরি

মোট টাকা উপার্জন করিয়াছিল। এই উপায়ে তাহাদের অর্থ-কৃচ্ছতা দূরীভূতও হইয়াছিল।

অধুনা নিউজিল্যান্ড-জাত মাখম এবং ডেরিজাত দ্রব্য সমগ্র পৃথিবীতে বিক্রয়ার্থ প্রেরিত হইতেছে। ৪৩ লক্ষ মেঘাদি পশুর অর্ধেক ডেরিতে প্রতিপালিত হয়। উত্তর ও দক্ষিণ দ্বীপের মেঘের সংখ্যা ২ কোটি ৮৬ লক্ষ। পৃথিবীতে যত দেশে ভেড়ার চাষ হয়, তন্মধ্যে নিউজিল্যান্ড সপ্তম স্থান

অধিকার করিয়া রহিয়াছে। মেমলোম-জাত দ্রব্য হিসাবে নিউজিল্যান্ডের স্থান পঞ্চম।

মার্সার নামক ক্ষুদ্র নগরটি পূর্বে মাওরি ও ঔপনিবেশিকদিগের সীমান্তপ্রদেশ বলিয়া পরিচিত ছিল।



নিউজিল্যান্ডের মেমপাল

সমগ্র অঞ্চলটি ইতিহাস-প্রসিদ্ধ। এইখানে ১৮৬৬-৬৮ খৃষ্টাব্দে মাওরি যোদ্ধগণ বৃটিশ শক্তির পরিচয় লাভ করে। অধুনা এই স্থান ইংরেজ-অধ্যুষিত—গুদ্ধ-বিগ্রহের কোনও লক্ষণই এখানে নাই। একটি শৈলের উপর দেন্টস্ট্রিফেন মাওরি কলেজ প্রতিষ্ঠিত। মাওরি যুবকগণ এখানে প্রয়োজনীয় বিষয়ে শিক্ষালাভ করিয়া থাকে।

প্রধান রাজপথের কয়েক মাইল পশ্চিমে—এই পথ

ধরিয়া টিকুহটিতে গমন করা যায়—ওয়েটোমো গুহা বিরাজিত। ভূগর্ভস্থিত এই গুহা দেখিবামাত্র বিশ্বাসে মন ভরিয়া উঠে। একপ্রকার ক্ষুদ্র জোনাকী পোকা এখানে আছে। ভূগর্ভস্থ জলরাশির উপর নৌকা চড়িয়া এই গুহা দেখিতে হয়। সেই সময় লক্ষ লক্ষ জোনাকী গুহার মধ্যে জ্বলিতেছে দেখা যায়। মনে হইবে যেন একটা ছায়াপথ রচিত হইয়া দূরে মিলাইয়া গিয়াছে। এ দৃশ্য মানুষকে মুগ্ধ অভিভূত করিয়া ফেলে।

কথিত আছে, দর্শকরা কোনও শব্দ করিবামাত্র এই কাটগণ তাহাদের আলোক-উৎস নিভাইয়া দেয়; কিন্তু শব্দ করিবার প্রয়োজন হয় না। সে দৃশ্য দেখিবামাত্র মানুষ নিরীক, নিশ্চল হইয়া পড়ে।

ওয়েটোমো গুহা হইতে বাহির হইয়া, দর্শক উচ্চাচ স্থান ধরিয়া, আওয়াকিমো উপত্যকাভূমি পার হইয়া সমুদ্রতীরে পৌঁছিতে পারে। উহার বহুদূরে মাউন্ট এগমন্ট মাথা উন্নত করিয়া সমুদ্র-বক্ষে দণ্ডায়মান। মাওরিরা ইহাকে টারানাকি বলিয়া অভিহিত করিয়া থাকে।

১৮৩০ খৃষ্টাব্দে টারানাকিবৃদ্ধ সংঘটিত হয়। মাওরি রণ-পতাকায় ঐ পর্বতের চিত্র অঙ্কিত থাকিত। উক্ত পর্বতের উপত্যকাভূমি ও চালু অঞ্চলে তাহারা আশ্রয় গ্রহণও করিত। এই পর্বত তুষারাবৃত। উহার সম্মুখে অসংখ্য উপকথা রচিত হইয়াছে।

জাপানের পবিত্র ফুজি হ্রীপের ন্যায়, মাউন্ট এগমন্টের প্রসিদ্ধি আছে।

প্রবাদ আছে যে, ঐ পর্বতের চূড়া দৃষ্টিগোচর হইলেই বৃষ্টি ঘাইবে যে, বৃষ্টি সমাগত। যদি উহার চূড়া দেখা না যায়, তখন বৃষ্টিতে হইবে, বৃষ্টি হইতেছে। এ জন্ম এখানে অনেক লোকের ভাল ভাল কৃষিক্ষেত্র আছে।

ওয়েলিংটন এই উপনিবেশের রাজধানী। নিকলনস

বন্দরকে যে শৈল-মালা ঘিরিয়া আছে, সেই শৈল-মালার উপর এই রাজধানী অবস্থিত। নিকলনস বন্দর দেখিতে অনেকটা হ্রদের মত। শৈলমালার অনেকগুলি এত খাড়া যে, অধিকাংশ অট্টালিকা উচ্চান পর্যন্ত নাহি।



ওয়েলিংটন সত্বর


শুধু গিরিসত্বর

বোটোক্কাব বল খেলা

নতে। এখানে সন্ধানই বড় বহিয়া থাকে। এখান- দারু-নির্মিত প্রকাণ্ড ভবনগুলিতে সরকারী কার্যালয়সমূহ  
কার শ্রেত মস্তুরপ্রস্তরনির্মিত পার্লামেন্ট-ভবন ব্যতীত প্রতিষ্ঠিত রাজধানীটি সমগ্র দ্বীপের ঠিক মধ্যস্থানে



গো-পাল সাহায্যে চকোর কাষ্ঠ টানিয়া আনা হইতেছে



নিউজিল্যান্ডে খড়-সংগ্রহের প্রণালী

অবস্থিত কুক প্রণালীর মধ্য দিয়া সহজে বৈদেশিক জাহাজগুলিতে সাওয়া যায়।

কর্ণেল উটলিয়ন্স ওয়েকফিল্ড নিউজিল্যান্ড কোম্পানীর

বার পরিকল্পনা ঠাঠারই মস্তিষ্ক-প্রসূত করিয়া দেন যে, নির্দিষ্ট অর্গ দিলে নির্দিষ্ট পরিমাণ জমি গৃহ-নিষ্কাপের জন্য প্রদত্ত হইবে। এই ভাবে জমি বিক্রয়

প্রতিনিধি ছিলেন'। তিনি ১৮৩৯ খৃষ্টাব্দে মাওরি-দিগের নিকট হইতে এক খণ্ড জমি ক্রয় করেন, সেই সহরের নাম হয় ওয়েকফিল্ড। কর্ণেল ওয়েকফিল্ড এই সহরেই সমাহিত হন। ওয়েকফিল্ড সহরের প্রসিদ্ধি কম নহে। রাজধানী ওয়েলিংটনের পরেই ইহা সুপ্রসিদ্ধ। এডওয়ার্ড গিবন ওয়েকফিল্ডের সমাধিও এখানে আছে। সমগ্র দ্বীপটিকে উপনিবেশে পরিবর্তিত করি-



টারানাকি উপকূলভাগে মাউন্ট এগুমন্ট





স্বিপার্স খানের স্বর্ণ দৌত করিবার ব্যবস্থা



খড়া-মংগু শিকার

অর্থ ব্যয়িত হইয়াছিল। ওয়েলিংটন সহরের নামকরণ ব্যাপারেও তাঁহার যোগাযোগ ছিল।

ক্যাথারিন ম্যানসফিল্ড ছোট গল্প লিখিয়া প্রসিদ্ধি লাভ করিয়াছেন। তাঁহার জন্মভূমি এষ্ট ওয়েলিংটন নগর।

নেলসন্ অঞ্চলটি ফলের জন্ম প্রসিদ্ধ। সূর্যালোকও এখানে বৎসরে ২ হাজার ৫ শত ৪ ঘণ্টা থাকে।

করিয়া যে অর্থ সংগৃহীত হইয়াছিল, নতন নতন লোককে উপনিবেশে আনিবার জন্ম প্রসূক করিবার উদ্দেশে সেই

অর্থাৎ প্রতিদিন ৭ ঘণ্টা করিয়া এখানে সূর্যালোক পাওয়া যায়। এমনও দেখা গিয়াছে, বৎসরে কোন কোন দিন



কুয়াপেভ পাহাড়ের তুষার-নদ



২ শত ৫০ পাউণ্ড ওজনের খড়া-মংগু শিকার

আপেল প্রতি প্রচুর পরিমাণে উৎপাদিত হইয়া থাকে। নেলসনের দক্ষিণাংশে সুন্দরান উপত্যকাভূমি ও রমণীয় পাহাড় দেখিতে পাওয়া যাইবে।

সমুদ্র উপকূল বর্তী ওয়েষ্টল্যান্ড অঞ্চল পাহাড়-পূর্ণ। এই অঞ্চলে প্রচুর পাথুরে কয়লা আছে। নিউজিল্যান্ড খনিসমৃৎ হইতে প্রতি বৎসর ২০ লক্ষ টন অর্থাৎ প্রায় ৫ কোটি ৫০ লক্ষ মণ কয়লা

৮ ঘণ্টাব্যাপী সূর্যালোক রহিয়াছে। নিউজিল্যান্ডে একরূপ উষ্ণিত হয়। তন্মধ্যে শতকরা ৪৬ মণ কয়লা ওয়েষ্টল্যান্ড সূর্যালোকিত স্থান আর নাই। এই অঞ্চলে দ্রাফা, অঞ্চল সরবরাহ করিয়া থাকে।

এক সময়ে ওয়েষ্টল্যাণ্ড স্বর্ণ-খনির কেন্দ্রস্থান ছিল। ১৮৬০ খৃষ্টাব্দে ঐ স্থানে স্বর্ণ-খনির লোভে বহু জনসমাগম হইয়াছিল। অনেক পরিত্যক্ত গ্রাম বা সহরগুলি সে যুগের সাক্ষা দান করিতেছে। সে সকল সহর এখন জনসমাগম-বঞ্চিত ভৌতিক স্থান বলিলেও অত্যাুক্ত হইবে না। তবে এখনও স্বর্ণের সন্ধানে কাষ চলিয়া থাকে।

হকিটিকা এই অঞ্চলের একটি সহর। উহার দক্ষিণে রিমু নামক একটি জনপদ আছে। কোনও মার্কিং কোম্পানী এখানকার জমি খনন করিয়া স্বর্ণের সন্ধানে ব্যাপ্ত আছে।

মাওরিরাও এই ওয়েষ্টল্যাণ্ড অঞ্চলে খনির কার্যাব্যপদেশে আগমন করিয়াছিল। তাহারা পীতবর্ণের প্রস্তর সংগ্রহের জন্মই এখানে সমাগত হয়। তাহারা সে সময় যাহাকে পীত প্রস্তর বলিত, শ্বেতকায় মালুমরা পরবর্তী যুগে তাহাকেই স্বর্ণ বলিয়া অভিহিত করে।

গ্রেমাউথ ও হকিটিকার মাঝে আরাহুরা নদী বিদ্যমান। এই পীত প্রস্তর এই নদীতে পাওয়া যাইত বলিয়া কথিত আছে। উত্তর ও দক্ষিণ দ্বীপ হইতে মাওরিরা দলে দলে উহা সংগ্রহের জন্ম আসিয়াছিল।

উক্ত প্রস্তর হইতে তাহারা “টিকি” বা ক্ষুদ্র ক্ষুদ্র মূর্তি নিষ্কাশন করিত। সেই মূর্তি তাহারা গলদেশে পদক বা মাঙলীর মত ধারণ করিত। এই সকল অলঙ্কারকে তাহারা এত মূল্যবান মনে করিত যে, আরাহুরা নদীকে তাহারা তীর্থস্থানের গায় পবিত্র জ্ঞান করিত।

ওয়েষ্টল্যাণ্ডের প্রধান আকর্ষণ তাহার প্রাকৃতিক দৃশ্য। বহুদূর হইতে দর্শকগণ এই মধুর নিসর্গ-দৃশ্য দেখিবার জন্ম আগমন করিয়া থাকে। এই অঞ্চলে পাহাড়, হ্রদ, তুষার-নদী এবং বন-জঙ্গল দেখিতে পাওয়া যাইবে। এই অঞ্চলে

বৃষ্টিপাত প্রচুর হইয়া থাকে—বৎসরে ১ শত ইঞ্চি বারিপাত হয়। এ জন্ম প্রচুর শস্য উৎপাদিত হইয়া থাকে। গাছ গালাও অসম্ভব পুষিলাভ করে।

ফ্রান্স জোসেফ তুষারনদ এই অঞ্চলের দর্শনীয় বস্তু। এমন চমৎকার তুষারনদ পৃথিবীতে তুলনাই দেখিতে পাওয়া



ওয়ানসামুই নদীর দৃশ্য

যাইবে। ৮ হাজার ফুট উচ্চ তুষার-ক্ষেত্র হইতে ইহা নামিয়া আসিয়াছে। উপরের দিকে এই তুষার-নদীর গতি-বেগ অত্যন্ত প্রবল—প্রতিদিন ১৫ ফুট। বিমান সাহায্যে এই তুষারনদ দেখিলে সমস্ত দৃশ্য সুস্পষ্ট নয়নগোচর হয়

ওয়ানসামুই হইতে ১৭ মাইল দূরে আর একটি তুষারনদী

আছে, উহার নাম ফল্গ তুয়ার-নদ। ক্রানজ জোসেফ নদ হইতে উহা আরও দীর্ঘ।

ডনভিন সহরে প্রচুর গম উৎপাদিত হইয়া থাকে। ১৯৩৪ খৃষ্টাব্দে ১ কোটি বুসেল গম এই স্থান হইতে উৎপন্ন হইয়াছিল। সমগ্র নিউজিল্যান্ডে যত গম জন্মে, তাহার ৫ ভাগের ৪ ভাগ এই অঞ্চলেই উৎপন্ন হয়।



ফল্গ তুয়ার-নদ

কাইটচের্চ নামক সহরট যে কোনও ইংরেজ সহরের আদর্শ দেখিতে। এখানে একটি ইংরেজের গির্জা আছে। এডন নদ শান্তগতিতে এই সহরের পার্শ্ব দিয়া আঁকিয়া-বাঁকিয়া চলিয়া গিয়াছে। এই নদের উপর ২৬টি সেতু আছে।

ডনভিন সহর, রাজধানী ওয়েলিংটনের আশে পাশে বেষ্টিত স্থানে অবস্থিত। স্কটল্যান্ড হইতে প্রবাসীরা এখানে আসিয়া বসবাস করিতে থাকেন। ১৮৪৮ খৃষ্টাব্দে স্কটরা এখানে প্রথম আগমন করেন। এখানকার বিদ্যালয়, আইন-আদালত, বিশ্ববিদ্যালয় সবই প্রস্তর-নির্মিত।

১৮৬৯ খৃষ্টাব্দে ওটাগো বিশ্ববিদ্যালয় প্রতিষ্ঠিত হয়।

নিউজিল্যান্ডে ইহাই উচ্চ শিক্ষাদানের প্রথম কেন্দ্র। এখন উহা নিউজিল্যান্ড বিশ্ববিদ্যালয়ের সহিত সংশ্লিষ্ট হইয়াছে। ওটাগো বিশ্ববিদ্যালয়ে ঔষধ ও দস্তবিদ্যা শিখিবার প্রতিষ্ঠান আছে। ক্যান্টার-বেরিতে এঞ্জিনিয়ারিং বিদ্যা শিক্ষা দেওয়া হয়। অকল্যান্ডে স্থপতিশিল্প, ব্যবসা-বাণিজ্য এবং এঞ্জিনিয়ারিং বিদ্যাশিক্ষা দিবার সুব্যবস্থা আছে। ভিক্টোরিয়া কলেজ আইন ও বিজ্ঞান শিক্ষার জন্য প্রসিদ্ধ।

অগাণু সহরের যত দ্রুত উন্নতি হইয়াছিল ডনভিনের তাতা হয় নাই। কিন্তু অধুনা ইহার অধিবাসীর সংখ্যা ৭৮ হাজার ৫ শত। ডনভিনের ব্যবসা-বাণিজ্য ভালই চলিতেছে। ওটাগো পশম-মিলের নাম সর্বত্র পরিচিত। ১৮৬১ খৃষ্টাব্দে ওটাগোতে স্বর্ণ পাওয়া গিয়াছিল। অষ্ট্রেলিয়া হইতে বহু লোক স্বর্ণের সন্ধানে এখানে আসিয়াছিল। কিন্তু বেশী দিন সে অবস্থা স্থায়ী হয় নাই।

টি আনাউ নামক হ্রদটি আকারে বড় এবং দেখিতে মনোরম। ইহা ২২ মাইল স্থান জুড়িয়া আছে। হ্রদটি

কোন কোন স্থানে দুই মাইল প্রশস্ত। ওয়াকাটিসু নামক হ্রদটি রাকাইহাইটু না কি খনন করাইয়াছিলেন। মাওরিগণ এইরূপ কথাই বলিয়া থাকে।

নিউজিল্যান্ডের প্রসিদ্ধ জলপ্রপাত সাজারল্যান্ড। উহার জলধারা ১২৭ ৪ ফুট উচ্চ হইতে ভীষণ বেগে পতিত






টাস্‌ম্যান ভূষাৰ-নদীতে ভূষাৰ-গুহা



পাহাড়ের পথে বুলের ছাত্র-ছাত্রী



উল্, দ্ব সাপ্ন মিটারি শৃঙ্গ



পাহাড়-বেষ্টিত উনডিন সহব

হইতেছে। উহাকে নায়াগ্রা জলপ্রপাতের সহিত কতকটা তুলনা করা যায়।

টাসমান্ তুষার-নদের ত্রুতায় চক্ষু ধাঁধিয়া যায়। এই তুষার-নদ ১৮ মাইল দীর্ঘ এবং সওয়া মাইল চওড়া। উহার গভীরতা ২ শত ফুট হইতে হাজার ফুট হইবে।

উত্তর দ্বীপে নাগায়রুহো নামক আগ্নেয়গিরি সর্বাপেক্ষা বৃহৎ। গত ১৯৩৪ খৃষ্টাব্দে উহা হইতে অগ্ন্যুৎপাত হইয়াছিল। কুয়াপেছ নামক পর্বত উত্তর দ্বীপের মধ্যে



তুষারান্ধ্র ডগলাস্ চক্ষু

সর্বাপেক্ষা উচ্চ। উহার উচ্চতা ৯ হাজার ১ শত ৭০ ফুট হইবে।

উল্লিখিত আগ্নেয় গিরির কয়েক মাইল উত্তরে টাউপো। হ্রদ অবস্থিত। উহাতে প্রচুর মৎস্য আছে। দীঘলরা এ জন্ত ঐ হ্রদকে তীর্থস্থান হিসাবে গণ্য করিয়া থাকে। এত বৃহৎ হ্রদ সমগ্র উপনিবেশে আর নাই।

উপত্যকাভূমি হইতে তিন মাইল দূরে কারাপিটি গিরিনুখ হইতে নিরন্তর বাষ্পরাশি সমুখিত হইতে দেখা যাইবে। উক্ত পাহাড়ের মুখবিবর এক ফুট প্রশস্ত। এই মুখবিবর হইতে প্রচণ্ডবেগে বাষ্পরাশি সমুখিত হইয়া

থাকে। বাস্তবিক এই ভাবে যদি নিরন্তর ভূগর্ভস্থ বাষ্পরাশি নির্গত না হইত, তাহা হইলে উত্তর দ্বীপের অবস্থা কি হইত, তাহা কল্পনাও করা যায় না।

উত্তর এবং দক্ষিণ দ্বীপে স্কটের অধিকারভুক্ত কর্মিত ভূমির পরিমাণ ৪ লক্ষ একর হইবে। ইহা ব্যতীত বে-সরকারী কোম্পানীর ১৯২৩ খৃষ্টাব্দ হইতে প্রায় আড়াই লক্ষ একর ভূমিতে চাষ-গাবাদ করিয়াছে।

টারাগুয়েরা পাহাড়ের উপরিস্থিত যে স্মৃহৎ অরণ্যানী



সেশেন ফেল্ড পাহাড়ের ভৌতিক ছায়া

ছিল, তাহা ১৮৮৬ খৃষ্টাব্দে অগ্ন্যুৎপাতের ফলে নিশ্চিহ্ন হইয়া গিয়াছে।

মাওরি জাতি অত্যাণ্ড প্রাচীন জাতির স্থায় ক্রমে ধ্বংস মুখে যাইতেছে না। তাহাদের সংখ্যা ক্রমেই বৃদ্ধি পাইতেছে। তাহাদের অধিকাংশই কৃষিকার্যে আত্মনিয়োগ করিয়া থাকে—গোমেধাদি প্রতিপালন করিয়াও অনেকে জীবিকার্জন করে।

মাওরিদিগকে বাদ দিলে, নিউজিল্যান্ডের বাকি সব রুটিশ। অধিবাসীদিগের শতকরা ৯৪ জন রুটিশ-রক্তজাত সমগ্র দ্বীপটি অত্যন্ত রক্ষণশীল। নিউজিল্যান্ডে

সরকার বর্তমান শতাব্দীর প্রারম্ভ হইতে সামাজিক সমগ্র-  
সময়ানে নানা প্রকার বিধিনিষেধ প্রবর্তিত করিয়াছেন।



এতন নদের উপরিস্থিত সেতু (যক্ষস্বস্তি বক্ষার্থ নিশ্চিত)

পার্লামেন্টের নেতৃগণ আইন করিয়াছেন যে, প্রত্যেক  
মানুষকে বাচিয়া থাকিবার মত বেতন দিতে হইবে।  
একাদশের জ্ঞাও ব্যবস্থা হইয়াছে। ৬৫ বৎসর বয়স  
হইলেই যে কোন কর্ম্মকে বৃত্তি দিবার ব্যবস্থাও আছে।

এ জ্ঞা এই উপনিবেশে নিঃস্ব কেহ নাই। আবার  
খসাদারণ ধনী বলিয়াও কোন লোক নাই।

উপনিবেশে রেলপথ নির্মিত হইয়াছে। তাহার বিস্তার  
৩ হাজার ৩ শত ১৫ মাইল। ১৭০ মাইল রেলপথ বেসর-  
কারী প্রতিষ্ঠানের দ্বারা পরিচালিত হইয়া থাকে।

রসেল, ওয়াইটফিল্ড, কেরিকোরি, পাইহিয়া প্রভৃতি স্থানে  
(উপসাগরের সম্মিলিত অঞ্চল) নিউজিল্যান্ডের প্রাথমিক  
ইতিহাস রচিত হইয়াছিল। ১৮১৪ খৃষ্টাব্দে জাম্মেল  
মারসভেনই প্রথম খৃষ্টান ধর্ম্মঘাতক প্রথম ধর্ম্মোপদেশ  
প্রদান করেন। উপনিবেশের প্রাচীনতম অট্টালিকাসমূহ



নিউজিল্যান্ডের ডকপক্ষী

এই সকল স্থানেই দেখিতে পাওয়া যাইবে। এই অঞ্চলেই  
প্রথম হলকর্ষণ দ্বারা চাষ আবাদ হয়। ১৮৪০ খৃষ্টাব্দে  
ক্যাপ্টেন হবসন্ প্রথম শাসক হিসাবে এইখানে ব্রিটিশ  
প্রাদান্ত ঘোষণা করেন।

স্পিরিটস্ বে নামক উপসাগর মাওরিদিগের নিকট  
পরম পবিত্র স্থান। তাহার বিশ্বাস করে যে, এইখানে  
তাহাদের আত্মা (মৃত্যুর পর) আসিয়া পুনরায় তাহাদের  
পূর্ব-পিতৃভূমি হাওয়াইকি অভিমুখে প্রয়াণ করিয়া থাকে।

ক্রীসরোজনাথ ঘোষ।

## উপহার

সে সব জানিতে কিছু চাহি না আমি,  
নেবে কি না আমার এ দীন উপহার;  
দিতে আসিয়াছি শুধু; হে জীবন-স্বামী,  
দিব আরো যাহা আছে চরণে তোমার।  
পাষণের বক্ষ ভেদি উঠি স্রোতস্বতী,  
অবিরাম ছুটে চলে সাগরের তরে;

আমার যা আছে আমি দিব পদতলে,  
তুমি ফলে দিও দূরে ঘণা হেলা ছলে।

সে কি পুছে তার দান বারি-অধিপতি,  
নেবে কি ফিরিয়ে দেবে তীর হতানরে?  
কানন-সদয়তলে ফুটে ওঠে ফুল,  
দেবোদ্দেশে গন্ধ তার বিতরে পবনে;  
সে কি খোজে তার বাস করিবে আকুল  
বুণায় কি প্রীতিভরে তার প্রিয় জনে?

সুকুমার সাগাল (আই, এম্, এম্)





## স্বয়ংসিদ্ধা

উপন্যাস

ষষ্ঠ উল্লাস

১

সেরেস্তার কাষ-কক্ষ চুকিয়া গেলেও খাস-কামরায় দেওয়ান-জীর সহিত হুজুরের কথাবার্তা তখনও শেষ হয় নাই। প্রকাণ্ড একটা তাকিয়ার উপর দেহভার বক্ষা করিয়া হরিনারায়ণ বাবু সুদীর্ঘ সটকায় সুগন্ধি তাম্বকুট সেবনের ফাঁকে ফাঁকে হাসিমুখে পুলকিত সঙ্গক্ষে মূখরোচক কথাগুলি উদ্ভারণ করিতেছিলেন, ফরাসের প্রান্তভাগে বসিয়া দেওয়ান রাধানাথ বাপুলী সেগুলি উপভোগ করিতে অথও মনোযোগ দিয়াছিলেন। এমন সময় মুখখানি বিমম গম্ভীর করিয়া নিবারণ সেই কক্ষে প্রবেশ করিল।

মুখের কথা তৎক্ষণাৎ বন্ধ করিয়া কত্না বিশ্বয়ের দৃষ্টিতে নিবারণের মুখের দিকে চাহিলেন। নিবারণ নিত্যই নিয়মিতরূপে সেরেস্তায় হাজিরা দেয়, তাহার স্বতন্ত্র কামরায় বসিয়া আংশিক কার্যও সম্পন্ন করে। প্রত্যন্ত বিভিন্ন মহাল হইতে যে সকল অভিযোগ ও আবেদনপত্র সদরের সেরেস্তায় আসিয়া থাকে, নিবারণ সেগুলি পড়িয়া তাহাতে নিজের মস্তব্য লিখিয়া দেয়; অতঃপর খোদ হুজুর দেওয়ানজীর সহযোগিতায় তাহাদের সঙ্গক্ষে চূড়ান্ত নিষ্পত্তি করেন। এ দিন নিবারণ সেরেস্তায় তাহার কামরায় আসিয়া বসে নাই; তাহার অতৃপ্তিতির সংবাদ হরিনারায়ণ বাবুর অজ্ঞাত ছিল না। সুতরাং অসময়ে তাহার কামরায় নিবারণের উপস্থিতি ও তাহার গুরুগম্ভীর মুখভঙ্গী এই বিচক্ষণ ভূস্বামীর মুখে সংশয়ের রেখা ফুটাইয়া তুলিল। কণকাল নিবারণের দিকে বন্ধদৃষ্টিতে চাহিয়াই তিনি প্রশ্ন

করিলেন,—এমন অসময়ে যে নেমে এলে, নিবারণ? শুনশ্রম, সেরেস্তায়ও আজ বসনি, শরীর ভাল আছে ত?

নিবারণ তাহার স্বভাবসিদ্ধ রুক্ষস্বরেই উত্তর দিল,—আজ্ঞে হ্যা, শরীর আমার ভালই আছে, তবে মনটা মোটেই ভাল নেই; সেই জন্মই সকালের দিকে নীচে আর নামেরে পারিনি, ওপরেই আপনার জন্ম এতক্ষণ অপেক্ষা করছিলাম, দেবী দেখে অগত্যা এখানেই এলাম।

এমনভাবে এক নিশ্বাসে নিবারণ কথাগুলি বলিয়া গেল, এমন এই কয়টি কথাই তাহার বক্তব্য বিময়ের মুখবন্ধমাত্র, খাসলা কথাগুলি প্রকল্প হঠয়াই আছে এবং সেগুলি ব্যক্ত করিবার জন্মই এমন অসময়ে পিতার খাস-কামরায় তাহার আগমন।

বিড়ালের গোক দেখিলেই শিকারা তাহার প্রকৃতি নিবেদ্য করিতে পারে। পুত্রের মুখভঙ্গী ও কথায় প্রকৃত অভিমানের নিদেশ পাউয়াই তীক্ষ্ণদর্শী বর্শায়ান্ পিতার বৃত্তিতে বিলম্ব হয় নাই যে, এমন অসময়ে কোনও প্রীতিকর প্রসঙ্গ লইয়া সে নীচে নামিয়া আসে নাই। পুত্রের প্রকৃতি পিতার অবিদিত ছিল না, সুতরাং মুখে কৌতূহলের কৃষ্ণ ভাবটুকু প্রকাশ করিয়া কোমল স্বরে প্রশ্ন করিলেন,—কোনও বিশেষ কথা তা হ'লে আছে বোধ হয়?

নিবারণ উত্তর দিল,—আজ্ঞে হ্যা।

কত্না কহিলেন,—দাড়িয়ে কেন তা হ'লে, ব'স,—আ কথাগুলোও শীগগীর শেষ ক'রে ফেলো; বেলাও অনেক হয়েছে, অথচ ও-গুলো শোনবারও কৌতূহল হচ্ছে।

বক্রদৃষ্টিতে দেওয়ানজীর দিকে তাকাইয়া নিবারণ অপ্রসন্নভাবে কহিল,—আমার কথা উপস্থিত আপনার সঙ্গে, আপনাকেই বলতে চাই।

নিবারণের কথার সঙ্গে সঙ্গে দেওয়ান রাধানাথ বাপুলী তাঁহার বপুখানি নাড়া দিয়া কুণ্ডার সহিত কহিলেন,—আমি তা হ'লে এখন উঠি, আপনাদের কথাবার্তা চলুক।

হাত তুলিয়া বাধা দিয়া দৃঢ়স্বরে হরিনারায়ণ বাবু কহিলেন,—বিলক্ষণ! আমাদের আগেকার কথাই যে এখনও শেষ হয়নি বাপুলী, তুমি উঠবে কি রকম?

পরক্ষণে পুলের দিকে মন্যস্পর্শী দৃষ্টিতে চাহিয়া কহিলেন,—তুমি ত জান নিবারণ, আমার এষ্টেট বা ঘরের এমন কোনও কথা নেই, যা তোমার কাকাবাবুর সামনে বলা চলে না। বেলা আর বাড়িয়ে না, নিবারণ, কি বলবে, বল।

নিবারণের মুখখানি মুহুর্তে বিবর্ণ হইয়া উঠিল; প্রবীণ দেওয়ান রাধানাথ বাপুলীর সঙ্গক্ষে কোনও দিন সে শ্রদ্ধা-সম্পন্ন ছিল না। পিতা তাঁহাকে অন্তরঙ্গ বন্ধুর দৃষ্টিতে দেখিলেও, পুলের বিদ্বিষ্ট মনে দ্বিধা উঠিত, প্রভু-ভৃত্য সঙ্গক্ষে যেখানে, এই কৃত্রিম বাধ্যবাদকতা বালির প্রাচীর বা তাসের বাড়ীর মত সেখানে অসার! সুতরাং কোনও দিনই দেওয়ান-কাকার উদ্দেশে নিবারণকে সশ্রদ্ধ ব্যবহার করিতে দেখা যায় নাই এবং সেরেস্তার 'ম্যাজিস্ট্রেটসন' সঙ্গক্ষে দেওয়ানজীর সহিত তাহার নিজের অভিমত কখনও একা-বন্ধ হয় নাই। সেই দেওয়ানজীর সম্মুখে পিতার এইরূপ দৃঢ় নিদেশ পুলের চিত্তে যে বিনয় আঘাত দিবে, ইতি স্বতঃসিদ্ধ।

কিন্তু নিবারণ আজ প্রস্তুত হইয়াই আসিয়াছিল। প্রগল্ভা বদুটি অল্প কয়েক দিন মাত্র তাহাদের সংসারে আসিয়া অপ্রত্যাশিতভাবে বিনয় বিপ্লব বাধাইয়া দিয়াছে, তাহার নিজের ও তাহার মায়ের অপ্রতিহত শাসন-শকটের গতিবিধির প্রচণ্ড প্রতিবন্ধক হইয়া দাঁড়াইয়াছে,—তাহার সঙ্গক্ষে খেয়ালী পিতার প্রকৃত মনোবৃত্তি কিরূপ, তাহার পরিচয়টুকু বধীয়ান পিতার বিশাল মনোরাজ্য আলোড়িত করিয়া আজ সে উদ্ঘাটন করিবেই। সুতরাং দেওয়ানজীর উপস্থিতি অগত্যা উপেক্ষা করিয়াই নিবারণ তাহার গুরুতর সমস্যাটুকুর নিষ্পত্তির দিকেই অগত্যা মনোনিবেশ করিল।

অতঃপর আর কোন ভূমিকা না করিয়াই সে কহিল,—আমি একটা গুরুতর নালিশ নিয়ে আপনার কাছে এসেছি।

নিবারণ যদি তুচ্ছনী তুলিয়া, শাণিত অঙ্গ দেখাইয়া বলিত,—আপনাকে আমি খুন করতে এসেছি,—তাহা হইলেও বোধ হয় কক্ষমধ্যে ফরাসে আসীন ডই বধীয়ান পুরুষ এ ভাবে চমৎকৃত হইতেন না!—নিবারণের মুখে নালিশের কথা শুনিয়া উভয়ের মুখেই স্মৃগভীর বিষ্ময়ের রেখা স্পষ্ট হইয়া ফুটিয়া উঠিল। সত্যই, বিস্মিত হইবার কথাই বটে। এ পর্য্যন্ত কত বা দেওয়ানজী কেহ কোনও দিন কোনও কারণে এই বেপরোয়া দাস্তিক ছেলেটিকে অস্ত্রের বিরুদ্ধে নালিশ করিতে দেখেন নাই! নিবারণের বিরুদ্ধে নানা স্তরে নানা লোকের নিকট হইতে কতবার দরবারে অসংখ্য নালিশ উপস্থিত হইয়াছে, কিন্তু সে নিজে কোনও দিন নালিশ লইয়া আসে নাই। যে তাহার কোপে পড়িয়া বিরুদ্ধভাঙ্গন হইয়াছে, কতবার দিকে না তাকাইয়া নিজেই বিচার করিয়াছে, নিজের ইচ্ছামত দণ্ড দস্তুর সহিত দিয়াছে বরাবর। এমন কি, তাহার সঙ্গক্ষে দেওয়ানজীর আচরণ যদি কোনও দিন অপ্রীতিকর হইত, সে তাহার প্রতিবিধানে পিতার দ্বারস্থ না হইয়া নিজেই অবজ্ঞার সুরে কহিত,—মনে রাখবেন আপনি, সিংহের শাবক আমি; আমার মর্যাদা হিসেব করে সন্দেহ কথা কইবেন! খেয়ালী কতবার কাণে পুলের গুরুতর বিবরণ যথাযথভাবেই উঠিত, কিন্তু শাসনে তাঁহার ঔদাসীণ্যই দেখা যাইত। শ্রেষ্টের সুরে তিনি মন্তব্য প্রকাশ করিতেন,—‘ওর নামই যে নিবারণ, তাই কারুর বারণ মানতে চায় না।’ পুলের সঙ্গক্ষে গায়নিষ্ট নৃপপ্রতিম ভূস্বামী এই দুঃস্বলভাটুকু উপলক্ষ করিয়া কত গল্পকথাই প্রচারিত হইয়া আসিতেছে, কত বেনামা-পত্র পিতার করতলগত হইয়াছে, কিন্তু অনুচিত পুলবাৎসল্যের ঐটিটুকু মনো মনো উপলক্ষ করিয়াও তিনি উদ্দাম পুত্র নিবারণকে কোনও দিন বারণ বা শাসন করিতে কিছুমাত্র প্রয়াস পান নাই। এ সম্বন্ধে কোন গৃঢ় উদ্দেশ্যটুকু তাঁহার অন্তরের অন্তঃকলে প্রচ্ছন্নভাবে নিহিত, তাহার তত্ত্ব শুধু তিনিই অবগত।

এমন যে দুঃস্বয় নিবারণ, সেই-ই আজ এই সর্বপ্রথম তাঁহার সম্মুখে দাঁড়াইয়া নালিশের কথা নিবেদন করিতেছে।

কিছুক্ষণ তিনি শুকবিশ্বয়ে নিবারণের মুখের দিকে চাহিয়া রহিলেন, মুখে কোনও কথা নাই; মনের ভিতর শুধু স্মৃতি-মাগর আলোড়ন করিয়া কে যেন জানাইতেছিল—এমন অঘটন তাঁহার সুদীর্ঘ জীবনে বুঝি আর কোনও দিন ঘটে নাই; পুষ্পের স্মৃতি যেন আজ পশ্চিমদিক ধরিয়া প্রকাশ পাইয়াছে,—নিবারণ করিতেছে নালিশ! অথচ তিনি স্বকণে শুনিতেছেন, চক্ষুর উপর তাহার পাণ্ডুর মুখখানি দেখিতেছেন, অবিশ্বাসের কিছু নাই:

ক্ষণকাল পরে আত্মসংবরণ করিয়া কহিলেন,—  
তুমি এসেছ নালিশ নিয়ে আমার কাছে! তা হ'লে দুনিয়ার দরিয়ায় এই প্রথম তুমি হালে পানি পাওনি,—তা হ'লে আমাকে বুঝতে হবে,—এ মামলাও সাধারণ নয়। ভাল, আসামী কে শুনি? কার বিরুদ্ধে তোমার এই নালিশ?

তীক্ষ্ণদৃষ্টিতে পিতার মুখের দিকে চাহিয়া ততোধিক তীক্ষ্ণস্বরে নিবারণ কহিল,—আপনি কি এখনও তা জানতে পারেন নি, বুঝতে পারেন নি কিছু?

নিবারণের এই কয়টি কথা অগ্নিগর্ভ ভয়বহ বোমার রক্তে যেন অগ্নিসংযোগ করিয়া দিল; সমস্ত ঘরখানিকে ত্রস্ত-কম্পিত করিয়া স্ববির সিংহ গর্জিয়া উঠিলেন,—  
চোপরাও বেয়াব! মনে রেখো, নালিশ করতে এসেছ তুমি, চোখ রাঙ্গাছ কাকে? নীচ হস্বে হিসেব ক'রে এখন থেকে কথা বলতে শেখ।

জীবনের পথে এত দূর অগ্রসর হইয়া এ পর্যন্ত পিতার নিকট এমন নির্ঘাত আঘাত নিবারণ কোনও দিন পায় নাই। কঠোরপ্রকৃতি পিতার মুখের উপর অসঙ্কোচে কথা কহিবার একমাত্র অধিকার সেই পাইয়াছিল, কথার পিঠে এমন কঠিন কথা কতবারই সে পিতাকে শুনাইয়াছে, যাহারা সে সময় সেখানে উপস্থিত ছিলেন, নিবারণের কথা শুনিয়া চমকিয়া উঠিয়াছেন, কিন্তু যাহার উদ্দেশে সেই অশোভন কথা, তাঁহার ক্রমুগল কুঞ্চিত হইয়া উঠে নাই, বরং হাসির আবর্তে বিশাল গুফ-জোড়াটি বিস্ফুরিত হইবার শোভাটুকুই তাঁহার সবিশ্বয়ে দেখিয়াছেন। যাহাদের কথা উল্লেখ করা যাইতেছে, দেওয়ান রাধানাথ বাপুলী তাঁহাদের অন্ততম। আজ তিনিও স্নেহহীন পুষ্পের প্রতি পিতার এই অপ্রত্যাশিত তীব্র আচরণে নির্বাক বিশ্বয়ে শুক!

কয়েক মুহূর্ত চুপ করিয়া থাকিয়া নিবারণ মনে মনে

তাহার সঙ্কল্প স্থির করিয়া কহিল,—তা হ'লে আমার যা নালিশ, কাগজে কলমে লিখেই দরখাস্ত করুব।

দৃঢ়স্বরে কহিল জানাইলেন,—না, তার কোনো দরকার নেই, তুমি যা বলতে এসেছ এখানে, বলে যাও।

নিবারণ কহিল,—বেশ, তাই বলছি, কিন্তু আমি বুঝতে পারছি, আমার কথা আপনার মনে আজ ধরবে না—

বাঞ্চে কথা বলবার কোনও আবশ্যক দেখছি না, নিবারণ, তোমার যে নালিশ, সেইটিই আগে বলে ফেলো।

কারুর সঙ্গে পরামর্শ না ক'রে, ছোট ঘরের একটা মেয়েকে কুলবপুর সম্মান দিয়ে—ছাঁচোর বিষ্ঠা আপনি পাহাড়ে তুলেছেন, তা জানেন?

এ তোমার নালিশ নয়, নিবারণ, আমার নিজের কার্যের অনধিকারচর্চা—

কিন্তু আপনার কাষের চর্চা বরাবরই আমি এমনই তেজের সঙ্গেই করেছি!

সে তেজ তুমি হারিয়ে ফেলেছ, তাই অধিকারটুকুও স'রে দাড়াচ্ছে। তোমার যেটুকু নালিশ, তাই আমি শুনতে চাই। তোমার কাছে আমার কাষের কৈফিয়ৎ দেবার সময় এখনও আসেনি।

গোবিন্দর বোয়ের বিরুদ্ধেই আমার নালিশ—  
বলে যাও, আমি শুনিছি।

সে সকলের সামনে আমার অপমান করেছে।  
কি স্বত্রে?

আপনি তাকে যখন আশীর্বাদ করেন, তখন না কি একগাছা সোণার চাবুক তার হাতে দিয়ে বলেছিলেন—  
আমার বাড়ীতে একটা গাদা আছে, এই চাবুক দিয়ে তাকে সান্ন্যস্ত করতে হবে—

তাতে তোমার গান্ধাদাহের কারণ?

আমাকেই সেই গাদা সাব্যস্ত ক'রে নতুন বো আপনার দেওয়া সোণার চাবুকটি আমারই পিঠে ঠাঁকরাবে বলেছে—  
তাই।

বোমা বলেছে এ কথা?

এক ঘর মেয়ের সামনে, সাক্ষীর অভাব নেই।

কথাটা কি স্বত্রে উঠেছিল, শুনি?

নতুন বো আমাকে দেখেই ঘোমটা দেয়, আমি তার

মুখখানি দেখতে চাই, মীনাকে ঘোমটা গুলে দিতে বলেছিলুম—

তোমার এইটুকু ক্রটিতেই তিনি অত বড় রুচ কণা তোমাকে বললেন ?

বলেছে কি না, তাকেই আগে জিজ্ঞাসা করবেন ; আপনি যে তাকে সোণার চাবুক দিয়েছেন, গাঙ্গুলী-বাড়ীর গাধাকে সায়েস্তা করতে বলেছেন, এ সব কণা আগে ত শুনিনি ; বোধ হয়, এ বাড়ীর কেউ শোনেনি—বৌএর মুখ থেকে প্রকাশ হবার আগে ।

হঁ ?—তার পর ? আর কিছু বলবার আছে ?

আমার দাদামশাইকেও নতুন বৌ অপমান করেছে ।

কি বললে ?

আমার স্বর্গীয় মাতামহের কথা বলছি ; ফুলশস্যর রাতে এক ঘর মেয়ের সামনে বৌ তাঁর নামে এমন গৌটা দিয়েছে, শুনলে আপনিও শিউরে উঠবেন ।

কি বলেছেন ?

দেনার দায়ে তিনি না কি তাঁর মেয়েকে—আমার মাকে—বেচেছিলেন ।

বৌমা এ কণা বলেছেন ? বৌমা ! চণ্ডী মা !

পকেট হইতে একখানি কাগজ বাহির করিয়া পিতার হাতে দিয়া নিবারণ কহিল,—যারা সেখানে ছিলেন, এ কণা বৌকে বলতে শুনেছেন, তাঁদের নাম এতে আছে । আমার কণাটা আপনি যাচিয়ে নিতে পারেন ।

সাদা কাগজখানির উপর কালো কালিতে লেখা কতকগুলি নারীর নাম হরিনারায়ণ বাবুর দৃষ্টিতে তখন সেন কুণ্ডলী-পাকানো একপাল সাপের মত প্রতীক্ষমান হইতেছিল ! তাঁহার মস্তিষ্কের তখন জ্বালা ধরিয় গিয়াছে, চক্ষুর দৃষ্টি নিম্প্রভ হইয়া উঠিয়াছে ; যে আদরিণী বধুর প্রতি তাঁহার অতি উচ্চ ধারণা, তাহার সম্বন্ধেই এমন গুরুতর অভিযোগ ; তাঁহারই শব্দরকে এমন ভাবে আক্রমণ করিতে সে সাহস পাইয়াছে ! এ কি স্পর্ধা তাহার !

কিছুক্ষণ নীরবে কি ভাবিয়া হরিনারায়ণ বাবু কহিলেন,—আচ্ছা ; তুমি এখন যেতে পার, নিবারণ, তোমার নালিশ আমি নিয়েছি ; বিচারের ক্রটি হবে না ।

নিরুত্তরে পিতার মুখের দিকে একবার তীক্ষ্ণদৃষ্টিতে চাহিয়া নিবারণ ধীরে ধীরে সে কক্ষ হইতে নিজ্জান্ত হইল ।

একটি সুদীর্ঘ নিশ্বাস ত্যাগ করিয়া কঁটা কহিলেন,—  
বাপুলী, শুনলে ত সব !

বাপুলী কঁটার মুখের দিকে দৃষ্টি নিবদ্ধ করিয়া কহিলেন,—আপনার কি মনে হয় ?

কণ্ঠস্বর গাঢ় করিয়া কঁটা উত্তর দিলেন,—নিবারণ মিথ্যা বলেনি, সোণার চাবুকের কথা এ বাড়ীতে আমরা চুজন ভিন্ন আর কেউ জানে না । এমন কি, রাণী পর্য্যন্ত না ।

বিচলিত কণ্ঠে বাপুলী কহিলেন,—তা হ'লে কি আপনার ধারণা, বউমা নিবারণকে—

উত্তেজিত কণ্ঠের দৃষ্ট স্বরে বাপুলীর কথায় বাধা দিয়া কঁটা কহিলেন,—হঁ, তাকেই সোণার গাধা সাব্যস্ত ক'রে নিয়েছে । আমার কণা সে ধরতে পারেনি, এইখানেই সে হেরেছে ; সব মেয়েই যেখানে ধরা দেয়, এই অভাগীও ঠিক সেইখানেই হৌচটে খেয়েছে ।

একটা কণা আমার জানতে ইচ্ছে হচ্ছে ।

বল ।

রাণী কিছু আপনাকে বলেছেন এ সম্বন্ধে ?

কিছু না ; কিন্তু না বললেও, নতুন বউ আসার পর থেকেই তিনি আশ্চর্য্যকর গম্ভীর হয়েছেন ; এখন আমার মনে হচ্ছে বাপুলী, তিনি সবই শুনেছেন ; বধুর ব্যবহার তাঁর মনেও কঠিন আঘাত দিয়েছে ।

কিন্তু আপনাকে ত বলেন নি কিছু !

তুমি কি পাগল হয়েছ বাপুলী, বলছ কি ? রাণী এই এক ফৌটা মেয়ের বিরুদ্ধে আমাকে লাগাবেন, নালিশ করবেন ?

তাও ত বটে, আমি এটা ভাবিনি ।

ভাববার সময় এখন এসেছে, বাপুলী ! এখন মনে হচ্ছে আমার, বড় ঘরোয়ানা অবহেলা করবার নয় ; যারা করে, তারা ঠকে । আমিও বোধ হয় ঠকেছি, বাপুলী ।

আমার কিন্তু দৃঢ়বিশ্বাস, আপনি যে-ঘরে সওদা করেছেন, সে ঘর পয়সা ছাড়া আর সব দিক দিয়েই বড়, আপনি ঠকেন নি ।

আমিও তাই ভেবেছিলুম, কিন্তু এখন বুঝছি, ভুল করেছি । এই মেয়েটার একটা দিকই আমরা দেখেছিলুম, সেই উজ্জ্বল দিকটাতেই সে জয়পতাকা উড়িয়ে আমাদের



মাত ক'রে দেয়,—কিন্তু আর একটা দিক যে মেয়েদের আছে, আমরা সে দিকে মোটেই নজর দিই নি, আজ সেইটাই কদমঃ হয়ে উঠেছে।

আপনার এ কথাই অর্থাৎ আমি ঠিক করতে পারছি না।

তুমি কি সত্যই এত বোকা? কিম্বা বুঝতে পেরেও না বোকার ভাণ করছ? আমার কথা কি জান,—আমি এই মেয়েটাকে একটু অসামারণই ভেবেছিলুম,—এর মনের আর দেহের শক্তিটুকুর সন্ধান পেয়ে। সেই সঙ্গে এটুকুও আমি ভেবেছিলুম, শশুরবাড়ীতে এসে সামারণ মেয়ের পথে ও মেয়েটি পা বাড়াবে না, বাড়ীশুদ্ধ সকলকেই আপনার ক'রে নেবে। কিন্তু এসেই ও দিয়েছে নিবারণকে এক আঘাত, তার কথাতেই তা বোঝা গেল। নিবারণের মাতামহের গলদটুকু ধরেই সেখানেও নির্ঘাত আঘাত দিয়েছে, বাণীর কথা অবশ্য জানি না, কিন্তু তিনিও যে রেহাই পেয়েছেন, তা মনে হয় না। ও এ-বাড়ীতে এসেই আপনার-পর ঠিক ক'রে নিয়েছে; একটা অপদার্থ গাধা যে ওর স্বামী হয়েছে, সে সম্বন্ধে কোনও দুঃখই ওর মনের কোণেও দেখেনি, ঐশ্বর্য্য দেখে সব ভুলে গিয়েছে।

তা হ'লে আপনি এখন কি করবেন স্থির করেছেন?

এখনও বুঝতে পার নি,—নিবারণের ওপর কুমকি দেখেও? এঁচোড়ে পাকা একটা মেয়ে যে এমন ক'রে আমাকে ঠকিয়ে নেবে, আমার সংসারে একটা বিপ্লব বাদাবে, আমি কিছুতেই তা বরদাস্ত করতে পারব না; শাস্তি তাকে নিতেই হবে, অপরাধ করলে আমার কাছে কারুর রেহাই নেই।

আদর্শকণ্ঠে বাপুলী কহিলেন,—কিন্তু আমার একটি অনুরোধ, যদি দেখেন, সত্যই তিনি অপরাধিনী, তা হ'লে শাস্তির ব্যবস্থাটুকু করবার আগেই—

হাসিমুখে কহ্ণী কহিলেন,—সেন হোমাকে খবর দিই! ভাল, তাই হবে, হোমার সাহনেই না হয় তাঁর শাস্তির ব্যবস্থা হবে। সে দিন গ্রামাপুরে তাঁকে পুরস্কার দিই, সে দিনও তুমি যখন উপস্থিত ছিলে, শাস্তি যখন দেওয়া হবে—হোমার সেখানে থাকাকাটাও উচিত।

কথাটা নিঃশেষ করিয়াই কহ্ণী উঠিয়া পড়িলেন। ভূত্যাগণ বাহিরে প্রতীক্ষায় ছিল, শশুরবাড়ী হইয়া ছুটিয়া আসিল।

ফুলশয্যার শুভ রাত্রিকে সাক্ষ্য করিয়া পড়িবার নিভৃত ঘরখানির মধ্যে নবদম্পতির যে সাধনার সুরপাত হয়, উভয়ের অদম্য উৎসাহে তাহা ক্রমশঃ গভীর হইয়া উঠিতেছিল। অপূর্ণ এই দম্পতির সাধনা; লক্ষ্য ইহাদের মোক্ষলাভ নহে,—সত্যকার মানুষ হওয়া। আর এই সিদ্ধিটুকু আশ্রিত করিবার মত—একাগ্রচিত্তে বিদ্যাদেবীর আরাধনা। আমোদ-প্রমোদ, খেলা-ধুলা, বিলাস-লাস্য, রঙ্গরস প্রভৃতি তরুণ বয়সের এই অপরিহার্য্য উদ্দাম স্পৃহাগুলি সত্যকার মানুষ হইবার সাধনার কঠোর সংযমী সাধক-সাধিকার গভীর নির্ধায় রূপান্তরিত হইয়া এই অপূর্ণ তরুণ-তরুণীর গুইটি হৃদয় যুগপৎ চিত্তশুদ্ধি ও বিবেকবুদ্ধির গুঞ্জল্যে উদ্ভাসিত করিয়া রাখিয়াছে।

এই অপূর্ণ সাধনার পথে ইষ্টলাভের অর্চনায় বসকেই স্বামীর পৌরোহিত্য করিতে হইয়াছে : পূজার পদ্ধতি, মন্ত্রের নিদ্দেশ, প্রয়োগ-প্রণালী—সকল ব্যবস্থাই বধুর উদ্ভাবিত :—কিন্তু বধুর প্রথর বুদ্ধি ও তৎপরতা প্রতি পদেই স্বামীর মর্যাদা রক্ষা করিয়া চলে, কোনও বিষয়েই তাহাকে খাটো হইতে দেয় না।

লাহোরে বিদ্যা-সাধনায় চণ্ডী তাহার বহুদর্শী অধ্যাপক দানামহাশয়ের নিকট যে ভাবে দীক্ষা পাঠিয়াছিল, সেই মনেই গোবিন্দও দীক্ষিত হইয়াছে। সে এখন বুঝিয়াছে,—দেবী সরস্বতীকে তুষ্ট করিয়া বিদ্বান্ হইতে হইলে বিদ্যা অর্জন করিতে হইবে, একমনে লেখাপড়া শিখিয়া বিধ সংসারের সকল সন্ধান জানিতে হইবে। মা-সরস্বতীর পূজার শ্রেষ্ঠ উপচার এই লেখা আর পড়া; এবং অতি শীঘ্র তাঁহাকে প্রসন্ন করিবার মত—একাগ্র মন। তিনি ফুল-চন্দন অপেক্ষা এইগুলিই অধিক পছন্দ করেন। মূর্ণ কালিদাস বনে বসিয়া একমনে লেখাপড়া শিখিয়াই তাঁহার বরপুল হইয়াছিলেন। সুতরাং গোবিন্দের মন আশায় ভরিয়া গিয়াছিল, উৎসাহে নাচিয়া উঠিয়াছিল। মা সরস্বতীকে তুষ্ট করিয়া তাঁহার প্রসাদে বিদ্বান্ হইবার এমন সহজ উপায় আর কেহ তাহাকে কোনও দিন বলিয়া দেয় নাই! গুই চক্ষু মৃদিত করিয়া, আহার-নিদা বিসর্জন দিয়া মনে মনে কোনও মন্ত জপ করিতে হইবে না, কিম্বা হাত তুলিয়া দীর্ঘবাহু হইয়া দাঁড়াইয় তাঁহাকে

ডাকিতে হইবে না,—বই লইয়া বসিয়া একমনে সদা-সর্বদা পড়াশুনা ও খাতায় কালি-কলম দিয়া বইয়ের কথা লেখা ; সব বই পড়িতে শিখিলে, ভালো করিয়া ছাপার মত লিখিতে পারিলে—মা সরস্বতী সদয় হইবেন, সম্মুখে আসিয়া দেখা দিবেন, বর দিয়া আমাকেও কালিদাসের মত পণ্ডিত করিয়া দিবেন ! কি মজা !

তেজোময় মনের অপূর্ণ প্রভাবে গোবিন্দের মস্তিষ্কের জড়তা কোথায় সরিয়া গিয়াছে, সিদ্ধিলাভের উল্লাসে নিবিড় একাগ্রতায় দুর্গভ প্রতিভা ধীরে ধীরে সেই স্থানটুকুর উপর প্রভাব বিস্তার করিতেছে।

বাসরে স্বামীর সহিত পরিচয়স্থলে তাহার বিদ্যাবুদ্ধি ও প্রকৃতির পরিচয়টুকু পাইয়াই বুদ্ধিমত্তা বধু নিজের উপস্থিত-বুদ্ধির প্রভাবে প্রতীকারের উপায় স্থির করিয়া লইয়াছিল। অল্পবয়সেই বয়সের অনুপাতে সুপ্রচুর বিদ্যা সে অজ্ঞান করিতে পারিয়াছিল—নিজের সহজাত অসাধারণ প্রতিভা ও তৎসহ তাহার আদর্শ-শিক্ষক দাদা মহাশয়ের উদ্বাবিত অভিনব শিক্ষাব্যবস্থার সহায়তায়। শিক্ষা-সংক্রান্ত সেই অপূর্ণ ব্যবস্থাপত্রগুলি ইষ্টকবচের মতই সে লাহোর হইতে সঙ্গে করিয়া আনিয়াছিল। এখানেও সেই অমূল্য পুঁথিগুলি তাহার সঙ্গে আসিয়াছে এবং যাহাদের প্রসাদে এই বয়সেই সে বিশ্ব-সাহিত্য-ভাণ্ডারের জ্ঞাতব্য বহু তথ্যরাজির সন্ধান পাইয়াছে, তাহার অজ্ঞ স্বামীকে বিজ্ঞ করিয়া তাহার সম্মুখেও সেই রহস্যময় ভাণ্ডারের দ্বার উন্মোচিত করিবার সুযোগ প্রতীক্ষা করিতেছে।

চণ্ডীর প্রতিক্ষেপেই মনে পড়ে, লাহোরে তাহার সম্মুখে যখন এই দ্বার উন্মোচিত হয়, তখন তাহার নিয়ামক ছিলেন তাহার শিক্ষা-গুরু দাদা মহাশয় স্বয়ং। আর এখানে? তরুণী বধু প্রকারান্তরে রহস্যময়ী স্বামীর বিদ্যাসাধনায় শিক্ষয়িত্রী হইলেও, সে সেই গোরবের দিকে জ্রঙ্কেপমাত্র না করিয়া সহপাঠিনীরূপে স্বামীর সহিত আবার নতন করিয়া সাধনায় বসিয়াছে। সহসা দেখিলেই মনে হয়, দুই তরুণ-তরুণী পরমোৎসাহে একাগ্র সাধনায় বিদ্যা অজ্ঞান-প্রয়াসী, একই পর্যায়ের ছাত্র-ছাত্রী উভয়েই :—তবে অপেক্ষাকৃত পারদর্শিনী বলিয়া ছাত্রীটিই সর্বতোভাবে তাহার সহ-পাঠীকে সহায়তা করিয়া চলিয়াছে।

নিভৃত কক্ষে ইহাদের এই অপূর্ণ বিদ্যাসাধনার বারতা

কক্ষের বাহিরে গাঙ্গুলী পরিবারের জন-প্রাণীও জ্ঞাত নহে। পরিচারিকাদের বিদায় দিয়া নিজ মহল্লার দ্বার রুদ্ধ করিয়া বধু স্বামীর সহিত অহোরাত্রির অধিকাংশ সময়টুকু এই সাধনায় অতিবাহিত করে। স্বামি-স্ত্রীর রুদ্ধ কক্ষে এই ভাবে অবস্থিতি সম্বন্ধে বাহিরে কত কল্পিত উপাখ্যানই পল্লবিত হইয়া উঠে ; কিন্তু স্বামিসর্বদা বধুর বাহু-জগতের আর কোনও দিকেই যেন কিছুমাত্র লক্ষ্যই নাই ; তাহার প্যান-বারণা চিন্তা-কল্পনা সমস্তই স্বামীকে কেন্দ্র করিয়া তাহার চারিপার্শ্বে সর্বক্ষণই ঘুরিতেছে ; স্বামীর মুক্তির জন্ম এই তেজস্বিনী তরুণীর সর্বদা পণ,—স্বামীর জড়হৃদয় করিয়া তাহাকে সে দেবদেব পর্য্যায়ে তুলিবেন ! অদৃশ্য মনোজগতে ও পরিদৃশ্যমান বাস্তব জগতের সর্বত্রই সে দেখিতে পায়, যেন তাহার স্বামীই একমাত্র সকল স্থান অধিকার করিয়া মানবদেবতার প্রতীকরূপে উজ্জল হইয়া বিরাজ করিতেছেন !

\* \* \* \*

সহসা বাহিরের রুদ্ধ কক্ষদ্বারে উপর্যুপরি আঘাত,— তাহার রুদ্ধ নির্ঘাত পাঠাগারের নীরব গাঙ্গুলীয়া ক্ষুণ্ণ করিয়া দিল। লিখিবার ছোট টেবলখানির দুই পার্শ্বে মুখোমুখী বসিয়া উভয়েই এখন নিজ নিজ খাতায় লিখিত একই নির্দিষ্ট অঙ্কের সমাধানে ব্যস্ত। দ্বারে পুনঃপুনঃ আঘাতের শব্দে বিরক্ত হইয়া চণ্ডী হাতের খাতা ছাড়িয়া উঠিল, কিন্তু গোবিন্দের গভীর অভিনিবেশের কিছুমাত্র ব্যতিক্রম দেখা গেল না। দ্বারে অবিরাম আঘাত এবং তাহাতে আকৃষ্ট হইয়া সম্মুখবর্তিনী সহপাঠিনীর প্রস্থান, কোনটিই তাহার কণ ও চক্ষুকে চমকিত করিল না ; টেবলের উপর ঞ্চ খাতাখানির উপর সকল ইন্দ্রিয়ের সহিত তাহার চিত্তটি এমনভাবে নিবদ্ধ, যেন আর কিছুই তাহার লক্ষ্য করিবার নাই ; যে সাধনায় সে লিপ্ত হইয়াছে, তাহা সমাপ্ত না হওয়া পর্য্যন্ত বাহিরের অস্তিত্ব সম্বন্ধেই যেন সে সম্পূর্ণ অচেতন !

এই মহল্লায় যে দুই জন পরিচারিকার পর্য্যায়ক্রমে বরাবর উপস্থিত থাকিবার কথা, খাওয়া-দাওয়ার পাট চুকিয়া গেলেই চণ্ডী তাহাদের বিদায় দিয়া বাহিরের দরজা বন্ধ করিয়া দেয় ; বেলা পড়িলে বৈকালিক পাট-ঝাট আরম্ভ হইবার পূর্বেই চণ্ডী পুনরায় দ্বার মুক্ত করিয়া

রাখে। মনোর এই সুদীর্ঘ সময়টুকু নিরুপদবেই তাহাদের লেখাপড়ায় অতিবাহিত হয়। আজ মধ্যাহ্নের অব্যবহিত পরেই বহির্দ্বারের আঘাতে মনে মনে অতিমাত্রায় বিরক্ত হইয়াই চণ্ডী নিতান্ত অপ্রসন্নভাবেই দরজা খুলিয়া দিল।

কিন্তু মুক্ত দ্বারের সম্মুখে এমন অসময়ে এক অপ্রত্যাশিতের আকস্মিক উপস্থিতি চণ্ডীর মুখের বিরক্তির রেখাগুলি বিস্ময়ে পরিণত করিয়া দিল। সে দুই চক্ষু বিস্ফারিত করিয়া দেখিল, পরিচারিকাদের কেহ নহে, মণালিনী বা পুরবাসিনী কোনও তরুণী দ্বারে আঘাত দিয়া তাহার মনে বিরক্তির সঞ্চার করে নাই, গৃহস্বামী স্বয়ং তাহার সম্মুখে দণ্ডায়মান!

চণ্ডীর কণ্ঠ হইতে স্বাভাবিক গতিতেই অন্তরঙ্গ স্বর নির্গত হইল.—বাবা!

কিন্তু বাবার মুখ হইতে স্বাভাবিক ভাবেই ইহার ঠিক প্রতি-উত্তর আসিল না, এবং চক্ষুর অপ্রসন্ন ভঙ্গীটুকুও চণ্ডীর দৃষ্টি এড়াইল না। নিজের বিস্ফারিত দৃষ্টিকে সহসা তীক্ষ্ণ করিয়া সে দেবতুল্য শব্দের সঙ্কচিত মুখের উপর স্থাপন করিল।

বধুর এই সঙ্কোচশূন্য তীক্ষ্ণ দৃষ্টি আজ কর্তার বৃকে সূচের মতই বিঁড়িল, কিন্তু এ সময়ে মনের ভাবটুকু প্রচ্ছন্ন রাখিয়া অন্য দিক দিয়া তিনি মনের অপ্রসন্নতা প্রকাশ করিলেন; রূক্ষস্বরে প্রশ্ন করিলেন,—দিন-তপূরে এ দরজা বন্ধ ক'রে দিয়োঁ কেমন, বোঁমা! দাসীগুলো গেল কোথায়?

সহজ স্বরে বধু উত্তর দিল,—আমি তাদের ছুটি দিয়োঁছি, বাবা!

বধুর এই সোজা কথায় কর্তার চক্ষু দুইটি অস্বাভাবিক উজ্জ্বল হইয়া উঠিল; সঙ্গে সঙ্গে তীর স্বরে প্রশ্ন হইল,—ছুটি দিয়োঁছ! কেন?

অতি সাধারণ বিষয়ে অসাধারণ শব্দের এই ভাবে কৈফিয়ৎ চাহিবার ভঙ্গী বধুকে ব্যথা দিল, সঙ্গে সঙ্গে তাহার সহজাত আত্মসম্মানজ্ঞানটুকুও সচেতন হইয়া উঠিল; কিন্তু আজ সে ধৈর্য্য হারাইল না, তৎক্ষণাৎ বেশ গুছাইয়া কর্তারকে যতটা সম্ভব কোমল করিয়া উত্তর দিল,—সব সময় ত ওদের এখানে স্নান থাকে না, শুধুই প'ড়ে প'ড়ে ঘুমায়; আর এ দরজাটা খোলা থাকলে সবাই এখানে এসে ঘোটে,

জ্বালাতন করে; সেই জন্মই ছপুরবেলায় ওদের ছুটি দিয়ে দরজা বন্ধ ক'রে রাখি।

তুচ্ছ কথায় এই উত্তরই যথেষ্ট এবং এইখানেই প্রশ্ন-কর্তার তুষ্ট হওয়াই উচিত ছিল, কিন্তু তিনি আজ এই প্রগল্ভা বধুটির উপর চিত্তের অসম্বৃষ্টির সমস্ত অঙ্গগুলিই প্রয়োগ করিয়া প্রত্যেক আঘাতেই তাহাকে আহত করিবার সঙ্কল্প লইয়া আসিয়াছেন। বিচারের সূচনা হইতেই যে বিচারকের মনে আসামীকে শাস্তি দিবার অমোঘ ইচ্ছা প্রচ্ছন্ন থাকে, সেখানে আসামীর সকল যুক্তিই ভাসিয়া যায়। সুতরাং প্রশ্নের যথাযথ উত্তর দিবার পরও বধুকে সবিস্ময়ে শব্দের রূঢ় মন্তব্য শুনিতে হইল,—আমি এর কোনও প্রয়োজন দেখি না; তুমি বোধ হয় ভুলে গিয়েছ বোঁমা, গেরস্তর সংসারে তুমি স্বর-বসত করতে আসনি, আর পাড়ার দশ জনের মাঝে এমন একখানা ঘর পাওনি—নিজের আক্রমণের জন্ম যেখানে দিন তপূরেও দরজা বন্ধ না ক'রে উপায় নেই! সেখানে এসেছ, সব বিষয়েই সেখানকার আদব-কায়দা, রীতি-নীতি, বিদ্যে ব্যবস্থা মেনে চলতে হবে, বুঝেছ?

আভিজাত্যের এই গোঁচাটুকুও বধু নীরবে সস্তা করিল; সে দরিদ্রের কণ্ঠা, ধনাঢ্যের গৃহে বধু হইয়া আসিয়াছে; কিন্তু এই প্রশ্নে দরিদ্রের গৃহস্থশ্রমের প্রতি কটাক্ষ করিবার কি সার্থকতা, তাহা সে বুঝিতে পারিল না। এ সময়ে প্রশ্ন করিবার প্রলোভনটুকু অতি কষ্টেই সে দমন করিয়া লইল বটে, কিন্তু একটা উদ্বেজনার শিহরণ তাহার সর্কাসের শিরায় শিরায় রক্তের প্রবাহের সত্বে তখন ক্ষিপ্ৰবেগেই বহিতেছিল।

বন্ধ কটাক্ষে বধুর নত মুখখানির দিকে চাহিয়া কর্তা পুনরায় মন্তব্য প্রকাশ করিলেন,—তা ছাড়া, নতুন বউ তুমি; মেয়ে-মতলের সবাই আসবেই ত এখানে; এই সূত্রে আলাপ-পরিচয় হবে, বনিষ্ঠতা জন্মাবে, তুমিও অনেক কিছু জানতে শিখতে পারবে। কিন্তু তোমার সবতাত্তই বিপরীত কাণ্ড! কারুর সঙ্গে মিশতে চাও না, সর্কাসে নিজের মহল্লার দরজা বন্ধ ক'রে বসে থাক তটতে! তোমার মুখের সামনে কেউ এগুতে সাহস পায় না, শেষে আমাকেই আসতে হয়েছে এখানে। আর এসেই ত দেখতে পাচ্ছি, যা শুনেছি, সবই সত্যি।

শুভুরের এই ভ্রোক্তিও বধু মুখখানি নীচু করিয়া নিরুত্তরে শুনিল।

কর্তার উৎসাহ আরও প্রখর হইয়া উঠিল, বধুর দিকে বন্ধদৃষ্টিতে চাহিয়া উচ্চাসের সুরে এবার কহিলেন,—জানো, কত বড় উচ্চ ধারণাই আমি তোমার সম্বন্ধে মনে পোষণ করেছিলাম, বৌমা!

বৌমা অবগু কথা কয়টি কাণে শুনিলেন, কিন্তু চোখ তুলিয়া চাহিলেন না; শুভুরের মনের ধারণাটুকু জানিতে কোনও আগ্রহই তাহার দেখা গেল না। চক্ষুর দৃষ্টি অপেক্ষাকৃত তীব্র ও কর্ণের স্বর তীক্ষ্ণ করিয়া কর্তাই তাহা ব্যক্ত করিলেন,—সেখানে তোমাকে দেখে, তোমার কথা-বাত্তা শুনে, তোমার ব্যবহারে যে পরিচয় তোমার বাহিরের দিক দিয়ে পেয়ে আমি মুগ্ধ হয়েছিলাম, এখানে তোমার ভেতরটারও সন্ধান আমরা পাব, আর তাই দেখে এ বাড়ীর সবাই আমার মতই মুগ্ধ হয়ে যাবে, এই ছিল আমার ধারণা। কিন্তু এখানে এসেই তোমার প্রকৃতির এ দিকটা যে ভাবে দেখিয়েছ, তাতে বাড়ীশুদ্ধ সকলেই অবাক! আর তাতে আমার মুখখানাও একেবারে নীচু হয়ে গিয়েছে।

আয়ত দুইটি চক্ষুর দ্বির দৃষ্টি শুভুরের মুখের উপর তুলিয়া বধু ধীরভাবে কহিল,—আপনাকে দেখেই আমি বৃদ্ধিতে পেরেছি, বাবা, এখানকার অনেক কথাই আপনি খামাকে বলবেন, আর বোর হয়, আমার কাছ থেকে তার উত্তরও শুনতে চাইবেন। কিন্তু এ ভাবে এখানে আপনার দাঁড়িয়ে থাকা ত ভাল দেখাচ্ছে না, আপনি ঘরে চলুন বাবা, সেখানে বসে—

অধৈর্য্যভাবে বধুর কথায় বাধা দিয়া বৃদ্ধ বলিলেন,—না, তার কোনও দরকার নেই, এইখানে দাঁড়িয়ে দাঁড়িয়েই আমি—

তা হয় না বাবা, আপনাকে বসতেই হবে!—কথার সঙ্গে সঙ্গে বধু অপূর্ক ক্ষিপ্ততার সহিত দালানের অপর প্রান্তে রক্ষিত সুরহৎ আরাম-কেদারখানি অবলীলাক্রমে দুই হাতে তুলিয়া আনিয়া শুভুরের পদপ্রান্তে রাখিয়া দিল; তাহার পর মিনতির সুরে কহিল,—ঘরে না যেতে চান, এইখানেই আপনি বসুন। যখন আমার বিচার করতেই এসেছেন, তখন দাঁড়িয়ে থেকে ও কাষ ত হ'তে পারে না বাবা, আর তা ভালও দেখায় না।

আসন-গ্রহণের সঙ্গে সঙ্গে মনের বিশ্বাসটুকু গোপন করিয়া মুখে গাঙ্গীর্ঘা আনিয়া কর্তা কহিলেন,—তুমি তা হ'লে নিজেই বৃদ্ধিতে পেরেছ বউমা, যে, আমি আজ এখানে এসেছি তোমার বিচার করতেই!

মৃদুকণ্ঠে অথচ বেশ সপ্রতিভভাবেই বধু কহিল,—আপনার আসবার আগেই আমি বৃদ্ধিতে পেরেছিলাম, আপনার দরবারে ডাক আমার পড়বেই। তবে আপনি যে নিজেই এমন অসময়ে আসবেন, সেটুকু অবগু ভাবতে পারিনি, বাবা!

খোদ কর্তার সম্মুখে বিচারের কথা উঠিলেই বিচার-প্রার্থী অতি বড় সাহসীর বুকখানিও ভয়ে কাঁপিয়া উঠে, কিন্তু সেই জ্বরদস্ত বিচারক বক্রনয়নে লক্ষ্য করিলেন, বধুর মুখে কোনওরূপ আশঙ্কা বা চিন্তার একটি রেখাও পড়ে নাই! বিচারকের কর্ণের দৃশ্বর ইচ্ছা সত্ত্বেও বিচ্ছিন্ন বিদ্রূপের সুরে নির্গত হইল,—তুমি তা হ'লে আগে থেকেই সব জেনে তৈরী হয়েই আছ বল! যে ভেগে পুমোদ্র, তাকে সহজে কেউ জাগাতে পারে না; তেমনি বিচার হবে জেনেও যে দোষ করে, আর তার জন্ম আগে থাকতেই আট-বাট সৈধে রাখে, তাকে বড় বড় কৌশলীরাও জেরায় হারাতে পারে না।

কথোপকথনের সময় কথার পিঠে যে ভাবে অগ্রে কথা বলে, সেই ভাবেই বধু বেশ সহজ কণ্ঠেই কহিল,—তাদের যে ঐ পেষা বাবা, কি ক'রে ওদের হারাতে বলুন; ওরা ভাঙ্গবে, তবুও মচকাবে না!—আবার এমন অনেকেরও আজকাল ডাক পড়ে শোনায়, কি দোষ তাদের, তাই তারা জানে না; কিন্তু তাতেও বিচার তাদের আটকায় না, শাস্তি হয় নির্ঘাত!

কোন সূত্রে নিজের হৃৎকলতাটুকুর সুযোগ লইয়া বধু তাহার মুখের উপর এমন বেপরোয়াভাবে প্রভাতের দিতে সাহস পাইল, মনে মনে ক্ষণকাল সে সম্বন্ধে চিন্তা করিয়াই বিচারক বুলিলেন, এখানে উপস্থিত হইয়াই কর্ণের পদা যে ভাবে তিনি চড়াইয়া দিয়াছিলেন, তাহা চরমে উঠিয়া পুনরায় নামিয়া গিয়াছে; বুদ্ধিমতী বধু এই সুযোগটুকু গ্রহণ করিতে অবহেলা করে নাই।—মুহূর্ত্তে মুখের ভঙ্গী, মনের ভাব ও কর্ণের স্বর উগ্র করিয়া কর্তা কহিলেন,—



তোমার বিরুদ্ধে একটার পর একটা করে কতগুলো নালিশ এসেছে, তা তুমি জান ?

বধূ হাসিমুখে উত্তর দিল,—আমি ত বাইরের কোনো খবরই রাখি না, আপনি ত এখানে এসেই তা জেনেছেন, বাবা !

তুই চক্ষু পাকাইয়া কত্না কহিলেন,—এটাও তোমার বিপক্ষে অন্যতম অভিযোগ !

বধূর মুখের হাসিটুকু মিলাইয়া গেল, শ্বশুরের মুখ হইতে স্নিগ্ধ দৃষ্টি সঙ্গে সঙ্গে নামাইয়া লইল, কিন্তু কথাও কোনও উত্তর সে দিল না ।

কঠিন স্বরে কত্না পুনরায় কহিলেন,—আমি তোমাকে বিশ্বাস করে তোমার হাতে সোণার চাবুকটি আমার দিয়েছিলুম—

আনত তুইটি চক্ষুর স্নিগ্ধ দৃষ্টিটুকু সহসা তীক্ষ্ণ করিয়া বধূ শ্বশুরের মুখের উপর নিক্ষেপ করিল, সে দৃষ্টিতে প্রহ্ন যেন প্রকটিত !

কত্না কহিলেন,—বাইরের দিক দিয়ে তোমাকে ষতটুকু চিনেছিলুম, তাতে খুবই ভরসা ছিল আমার, আমি সে গাধাটার কথা বলেছিলুম তোমাকে, তুমি তাকে চিনতে পারবে, হয় ত তাকে চিট করেও নেবে । কিন্তু তুমি আমার ইসারার দিক দিয়েও যাওনি !

নিরুত্তরে বধূর পুনরায় সেই মন্থভেদী দৃষ্টি ! অপ্রসন্ন মুখখানি বিকৃত করিয়া কত্না কহিলেন,—এখানে এসেই তুমি তোমার দেওর নিবারণকেই সেই গাধা সাব্যস্ত করে বসেছ । শুধু তাই নয়, সকলের সামনেই তুমি এ কথা দম্ব ক'রে প্রকাশ করেছ । করনি তুমি ? প্রতিবাদ করবার সাহস তোমার আছে ?

বধূর সুন্দর মুখখানি সেই মুহূর্তে আরক্ত হইয়া উঠিল : কিন্তু শ্বশুরের কথায় কিছুমাত্র অপ্রতিভ না হইয়া সজোরে দৃঢ়কণ্ঠে কহিল,—মুখে যে কথা আমি বলেছি, তা গোপন করবার অভ্যাস আমার কোনও কালেই নেই, বাবা !

তা হ'লে তোমার দেওর নিবারণকে তুমি সকলের সামনে গাধা বলেছ, এ কথা আমার কাছেও স্বীকার করছ ?

ঠা, বাবা ! আমি এক দিন তাঁকে গাধা বলেছি, আর এক দিন এ কথাও তাঁকে জানিয়েছি যে, তাঁর মে আচরণ, তাতে তাঁকে গাধা ব'লে গাধাকেই ছোট করা হয়েছে ।

বটে ! কিন্তু শেষের এ কথাটা নিবারণ বলে নি ।

বোধ হয়, বলা আবশ্যিক মনে করেন নি, কিনা ভুলে গিয়েছেন ; কিন্তু আমি বলেছি ।

কিন্তু আমি তোমাকে স্পর্শা দেখাবার এতটা অধিকার এখানে দিইনি, বউমা ! এ পর্য্যন্ত এ বাড়ীর কেউ নিবারণের মুখের দিকে চোখ পাকিয়ে চাইতে সাহস করেনি,—গাম্ভীর্যের সেরেস্তার সবাই, এমন কি, দেওয়ানজী পর্য্যন্ত নিবারণকে ভয় করে ।

আপনিও বোধ হয় জানেন না বাবা; ছেলেবেলা থেকে আমিও কাউকে ভয় করতে শিখিনি ।

এ কথা জোর গলায় বলতে পারে কারা জান ? যারা জীবনে কারুর তোয়াক্কা রাখে না—

শুধু তাই নয় বাবা,—যারা জীবনে কোন দিন অন্ধ্যায়ের দার দিয়ে যায় না আর সত্যময় ভগবানের ওপর বিশ্বাস হারায় না !

তুমি এ কথা আজ বলতে পারছ বৌমা, আমার সামনে দাড়িয়ে জোর গলায় ? অথচ তুমি নিজে জান, আমি জানি, একটা আপটা নয়, একডজনের কাছাকাছি অন্ধ্যায় তুমি করেছ । আমি অন্ধ্যায় করেছি ?

নিশ্চয়,—একটু আগে তুমিই স্বীকার করেছ ।

আমি যা করেছি, সেটা স্বীকার করাকেই কি আপনি অন্ধ্যায় ব'লে সাব্যস্ত করছেন ?

তুমি আমাকে আজ অন্ধ্যায়-অন্ধ্যায় শিক্ষা দিতে চাও,—এ চমৎকার !

তা হ'লে, এ কথার ওপর আমার আর কোনও কথা নেই, বাবা ! কিন্তু আপনি ভুলে যাচ্ছেন, আপনি এসেছেন বিচারক হয়ে অন্ধ্যায় স্থির করতে ।

ঠিক কথাই বলেছ তুমি,—বিচার আমি করব, তোমার প্রত্যেক অপরাধের—প্রত্যেক অন্ধ্যায় আত্মস্বীকার—

তাই করুন, কিন্তু আমার বিরুদ্ধে যে সব অভিযোগ, সে-গুলোর ভিত্তি কোথায়, তাও আপনার দেখা কর্তব্য ।

ভাল, তোমার কাছেই নূতন ক'রে আজ কর্তব্য না হয় শিক্ষাই করব ।—কিন্তু এই ভাবে কথার জোরে তুমি যে আমাকে ঠকিয়ে জিতে যাবে, তা মনে ক'র না—

কথার জোরে কোন দিন আমি আপনাকে ঠকাইনি, বাবা !

দাফা

শািবন, ১৩৪১

শাল্লা:--রামগোপাল বিজয়বর্গীয



ঠকাও নি? আলবৎ ঠকিয়েছ তুমি; শুধু কথায়, মুখের কথায় আর লোক-দেখানো দৈহিক কায়দায়!

বাবা!

অমন ক'রে ঝঙ্কার দিয়ে উঠলে সে? অস্বীকার করতে চাও আমার কথা?—কাল হয়েছিল, সেই ৩৪শ গোকুর শিং ধ'রে তাকে দাবানো, আমি চমকে উঠে তখনি সোণার চোখে দেখেছিলুম তোমাকে; তার পর, সুল-বাড়ী তৈরী ক'রে দেবার প্রার্থনা,—শুনে আমি মুগ্ধ হয়ে গেলুম,—উজোড় ক'রে দিনুম সব! তখন ভুলেও ভাবিনি, গায়ের জোর আর মুখের তোড়ই মেয়েদের সপ্তম নয়, তাদের ভেতরটাও দেখবার,—সেইটুকু দেখি নি বলেই আজ এই বিভ্রাট বেনেছে, আমাকে এমন ক'রে ঠকতে হয়েছে!

ঠকতে হয়েছে,—আপনাকে? কে তা হ'লে আপনাকে ঠকিয়েছে, বাবা?

কে আমাকে ঠকিয়েছে?—তুমি, বোমা, তুমি! এ পর্য্যন্ত বাঙ্গলীর হরিনারায়ণ গাঙ্গুলীকে কেউ এমন ক'রে ঠকাতে পারেনি।

আমি আপনাকে ঠকিয়েছি, এই আপনার তা হ'লে দৃঢ়বিশ্বাস, বাবা?

হাঁ, হাঁ;—এই আমার দৃঢ়বিশ্বাস।—তোমার প্রকৃতির একটা দিক দেখিয়ে তুমি আমাকে মাতিয়ে দিয়েছিলে, আর এখানে এসে আর একটা দিক দিয়ে বিব ছড়িয়ে তুমি আমাকে তাতিয়ে তুলেছ! নতুন বৌ তুমি, তোমার ব্যবহারে লোক হাসছে, কাউকে তুমি গাছ কর না, কোনও দিকে তোমার ক্রক্ষেপ নেই,—নিবারণকে তুমি অপমান করেছ, মৃগালিনীর গায়ে পর্য্যন্ত হাত তুলেছ, আমার শ্বশুরের নামে পর্য্যন্ত তুমি আঘাত করেছ—এতই তোমার সাহস,—এগুলো অণায় নয়? এখনও তুমি বলতে সাহস করবে, তুমি অপরাধিনী নও?

কথাগুলি নিঃশেষ করিয়া কৰ্ত্তা জলন্ত দৃষ্টিতে বধূর দিকে চাহিয়া রহিলেন। শ্বশুরের প্রতি কথাটি তীরের মত বধূর অঙ্গে বিঁধিলেও, তাহার জ্বালা অসীম সহিষ্ণুতায় সহ্য করিয়া ধীর-স্বরে বধু কহিল,—তা হ'লে আমার বিরুদ্ধে নালিশ শুধু অণোর নয়, আপনার মনেও নালিশ উঠেছে, আর সেইটাই আরও গুরুতর। কিন্তু এখন আমি যদি

বলি, আমারও একটা নালিশ আছে, আর সেটা অগ্রাণ করবার মতও নয়,—আর এক সঙ্গেই দুটো মামলারই নিষ্পত্তি হওয়া উচিত।

তোমারও নালিশ আছে না কি?—কিসের নালিশ শুনি! আমিও ঠকেছি যে বাবা, আর সেই স্মৃতিই আমার এই নালিশ।

তুমি ঠকেছ? কেন তা হ'লে নালিশ করনি আগেই?

তখন প্রয়োজন বৃদ্ধি। ঠকেছি মনে হলেই ক্ষতিটুকু আদায় করতে সবাই নালিশ করতে ছোটো, কিন্তু আমি সকলের চেয়ে বেশী ঠকলেও নিজেই চেষ্টা ক'রে সে ক্ষতিটুকু পূরণ ক'রে নিতে পারব ভেবেই এত দিন নালিশ করিনি।

তবে এখন নালিশ করতে চাইছ কি অভিপ্রায়ে?

যিনি আমাকে ঠকিয়েছেন, তিনিই আমার নামে আজ নালিশ তুলেছেন, সেই জন্তই আমার নিজের নালিশের কথা তোলা; নতুবা আমি এ পর্য্যন্ত নালিশ কারুর কাছে করিনি।

কি বলছ তুমি বোমা, হেঁয়ালী তোমার রাখ; আমি শুনতে চাই, কে তোমাকে ঠকিয়েছে, কি স্বত্রে কার বিরুদ্ধে নালিশ তোমার?

বিক্ষুব্ধ চিত্তের সমস্ত জ্বালা কণ্ঠের উচ্ছ্বসিত স্বরে যেন ঢালিয়া দিয়াই বধু এক নিশ্বাসে উত্তর দিল,—আপনার বিরুদ্ধে আপনার কাছেই এই নালিশ আমার; আপনি নিজেই আমাকে ঠকিয়েছেন।

দুই চক্ষু দীপ্ত করিয়া চীৎকার তুলিয়া কৰ্ত্তা কহিলেন,—কি বললে তুমি বোমা, আমি—আমি তোমাকে ঠকিয়েছি? ক্রোধের বিপুল আবেগে কণ্ঠ তাঁহার রুদ্ধ হইয়া গেল, কিন্তু দুই চক্ষুর জলন্ত দৃষ্টির দ্বারা বধূর দিকে যেন বিচ্ছুরিত হইতে লাগিল।

বধু কিন্তু কিছুমাত্র কুণ্ঠিত না হইয়া দৃপ্ত কণ্ঠে উত্তর দিল,—হাঁ, আমি প্রমাণ করব আমার কথা,—আপনি ঠকিয়েছেন, শুধু একা আমাকে নয়, তিন জনকে;—আপনার স্বগীয় স্ত্রীকে ঠকিয়েছেন, তাঁর ছেলেকে ঠকিয়েছেন, শেষে আমাকেও ঠকিয়েছেন!—সমস্ত প্রমাণ আমি আপনার চোখের উপর তুলে ধরব,—আপনাকেই বিচার ক'রে রায় দিতে হবে—সতাই কে ঠকেছে, অণায় কোথায়!

। ক্রমশঃ

শ্রীমণিলাল বন্দ্যোপাধ্যায়।






## তুর্কিস্তানের মেয়ে

কার্পিয়ান সাগরের পূর্বপ্রান্তে উইগোর মোঙ্গোলিয়ার পশ্চিম-সীমা — তার মধ্যবর্তী প্রদেশের নাম তুর্কিস্তান। এই বিস্তীর্ণ অঞ্চলে দু'জাত লোকের বাস-ভূমি। একটি জাতি — গৃহ-স্থান

কোকন্দ, মার্গেলান, আন্দিজান, নামাঙ্গান, শিয়ান্দ এবং বোখারা সহরে।

এই সাত জাতির আদি-পুরুষ ছিল ইন্দো-জাঙ্গাণ। তুর্কিস্তানে ভারত ছিল প্রাচীন যুগে আদিম-অধিবাসী। পরে নানা জাতির সংস্রব ও মিলনের ফলে বর্তমান সাত-জাতির সৃষ্টি হইয়াছে।



নারী গাড়ীর সওয়ারী

নায়াবর : অপরি-জাতির নাম সান্ত। নায়াবর-জাতি সর্বদা পরিয়া বেড়াইতেছে—তারা বিগ্রাম জানে না। সান্ত জাতি যেমনি অলস। কাজ নাই, কস্য নাই, বসিয়া আছে! সান্তের বাস প্রধানত: তাশখন্দ, সমরখন্দ,



কোকন্দের ধনী পরিবার

ইন্দো-জাঙ্গাণ জাতির বাস ছিল তুর্কিস্তানে প্রায় দু'হাজার বৎসর পূর্বে। পারস্য হইতে রূপসী বাদার আমদানি হইত তুর্কিস্তানে; এবং মোঙ্গল ও চীনা-তুর্কিস্তানে নারীর দেহে আজো সে রূপের প্রভা বলসিত দেখা যায়, তা শুধু সেই রূপসী বাদীদের দৌলতে। চীনা

ও উজ্জবেগ-রক্তের মহিমায় সার্ভ-নারীর গালের হাড় আজো ঝিক তুলিয়া আছে, নাসা বর্জুলাকার, নয়ন ঈষৎ ট্যারচা-গড়নের; কিন্তু পারশ্ব বাদীর রূপের লাবণ্য বহু শত বর্ষ পরেও ইহাদের দেহে বর্ণের ঋণায় চল-চল করিতেছে।

উজ্জবেগ-পূর্বপুরুষের ভাষা ছিল তুর্কি; সার্ভ-জাতির ভাষাও তুর্কি। খিভা এবং বোখারার আমীরদের জন্ম এই উজ্জবেগ-বংশে। বোখারার বহু অধিবাসী পারশ্ব-বংশ-সম্ভূত। নিজেদের ইহারা তাজিক-জাতি বলিয়া অভিহিত করে।

সার্ভ-জাতি ধর্ম মুসলমান; এবং তারা গোড়া মুসলমান। মেয়েদের পর্দা-বিধি সম্বন্ধে এ-জাতি খুব বেশী-বকম ছাঁশিয়ার।

পথে-ঘাটে বনিয়াদী সার্ভ-বরের মেয়েদের মুখ কেহ দেখিতে পাইবে না। পথে বাহির হইবার সময় তারা সন্ধ্যা-বন্দাবরণে আবৃত রাখে। তবে স্ত্রী-পুরুষ উভয়েই এত বিচিত্র-রঙের পোশাক পরে যে মনে হয়, পথে যেন প্রজাপতির মেলা বসিয়াছে!

সার্ভ-গৃহের অন্তর-মতল যেন জেলখানা! বাহিরের দিকে জানালার চিহ্ন নাই। সদর হইতে অন্তরের প্রবেশ-মুখে থাকে ছোট দ্বার। বাড়ীগুলি সবই প্রায় একতলা! চুম্বকম্প নিত্য লাগিয়া আছে; তাই দোতলা, তিন-তলা বাড়ী গড়িবার কল্পনা সার্ভ-জাতির মনে কখনো জাগে না।

অন্দরে একখানি করিয়া থাকে বসিবার ঘর। এ ঘর গৃহস্থের আর্থিক অবস্থানসূচী সজ্জিত হয়। এই ঘরেই মেয়েদের গহনার সিন্দুক সংরক্ষিত থাকে; এক ধারে বালিশ-বিছানা জড়ো করা থাকে। রাতে এই বালিশ-বিছানা হইয়া বিছানা পাতা হয়।

প্রতি গৃহের অন্তরে ছোট-বড় আঙিনা আছে। আঙিনার বুক ফুঁড়িয়া ঘোলা-জলের স্রোত বহিয়া চলিয়াছে। সেই জলে চলে স্নান; রক্ষনাদি-কাজেও এই জল ব্যবহৃত হয়। এই নোঙরা জলের জগু ব্যাদিও তাই ঘরে-ঘরে নিত্য লাগিয়া আছে।

সার্ভ-সমাজে বয়স্ক নারীরা পাংলা মশলিন কাপড় দিয়া মাথার দীর্ঘ কেশ জড়াইয়া কেশের প্রান্তভাগ কাঁধে বুলাইয়া রাখে—শালের মত ভঙ্গিমায়। কুমারী-মেয়েরা মাথায়

কোন আবরণ দেয় না; মাথার মাঝখানে চেঁচা সোঁপি কাটিয়া ছাঁদিকে বিনুনী বানিয়া পিঠে বুলাইয়া দেয়। কালো রেশমী ফিতা দিয়া তারা চুল বাঁধে। চুলের রঙ মিন্ কালে! কাজেই কালোর কালো বেশ ভালো রকম মিশ খায়। কুমারীরা চুলের ডগায় রঙীন কাচের ও তবলকীর মালা বাঁধে। কেই কেহ ছাঁচারি গাছি কেশে এক-একটি করিয়া



সার্ভ-গৃহস্থ—বাদীর উঠানে

বিনুনি বচনা করে: কাহারো কাহারো পিঠে অমন পঞ্চাশ গাছি বিনুনি ভলিতে দেখা যায়।

সার্ভ-মেয়েদের কেশ হয় বেশ স্থল, ঘন এবং প্রচুর। তারা কখনো চুল কাটে না। সপ্তাহে একদিন মাত্র মাথায় এঁশ চালায়। তবে প্রত্যহ প্রাতে কেশ-প্রসাদন সারিয়া লয় কেশরাশির মধ্য দিয়া অঙ্গুলি চালনা করিয়া। প্রতি বৃহস্পতিবারে মাথা ধুইবার বিধি: টক দই বা ঘোল মাথায় ঢালিয়া মাথা ধোয় এবং চুল ভিজা থাকিতে থাকিতে আঁচড়াইয়া লয়। ধনীর ঘরে টক-দই দিয়া মাথা ধুইবার পর গরম জলে মাথার সে দইটুকু ধুইয়া ফেলিবার ব্যবস্থা আছে। গরীবের ঘরে গরম-জলের ব্যবস্থা নাই।

সাত মেয়েদের দাঁত বড় পরিষ্কার। দাঁতগুলি সমান আকারের : এবং ছুঁকুলু। অর্থাৎ আমরা যাহাকে কুন্দ-দন্ত বলি, সে দণ্ডের অধিকারিণী একমাত্র এই সার্ত-জাতের মেয়েরা। তারা মাংস খায় কচিং—এবং যখনই কিছু আহাৰ করে, তার অব্যবহিত পরক্ষণে আঙুল দিয়া দাঁত রগড়াইয়া মাজিয়া ধুইয়া আচমন করে। এটি তাদের নিত্যকার অভ্যাস। তবে দাঁত বড় বেশী দিন থাকে না। পঁচিশ-ত্রিশ বৎসর বয়সেই দাঁত পড়ে। তখন লোকে পাছে সে দাঁতের গহ্বর দেখে,

ঢিলা জ্যাকেট; পায়ে আঁটেন দীর্ঘ বুট-জুতা। মোজার রেওয়াজ এ দেশে নাই। জুতার শুকতলা খুব নরম চামড়ায় তৈয়ারী হয় এবং জুতার হাঁল থাকে না। পথে বাহির হইবার সময় জুতার উপরে 'গোলোশ' পরেন। এ দেশের মেয়েরা ঘোড়ায় চড়েন। ঘোড়ার চড়িবার জন্ত আলাদা জুতা আছে।

বোখারায় বনিয়াদী ঘরের মেয়েরা কপালের উপর রঙীন শিকের 'ব্যাণ্ড' কিম্বা শিকের ক্রমাল দাঁধেন; তার নীচে থাকে মাথার খুলি-ঢাকা 'ক্যাপ'।



সমরথন্দেব আমীর-পরিবার



কোকন্দেব সার্ত-পরিবার

শ্রেষ্ঠ দাঁতে ও মাড়িতে তারা কালো রং মাথায়। এক বকম লতার রসে জুগটিকে মেয়েরা কালো করিয়া আঁকে; কালির রেখায় চুটি জুকে সংযুক্ত করিয়া দেয়। নখ ও হাতের তালু—মেহদি পাতাল বা হেনার বণে সুরক্ষিত করে। শুধু বিবাহের সময় ছুই গালে রাঙা রঙ মাখে; নহিলে গালে রঙ দেওয়ার রেওয়াজ নাই। অল্প সময় গালে রঙ দিলে সমাজে নিন্দা হয়।

সার্ত-রমণীরা পানুজামা পরেন; গায়ে দেন রঙীন

অলঙ্কারের মতো গলায় পরেন কোরালের মালা, কাণে রূপার ইয়ারিং; হাতে নীলার আংটি ও অজস্র মাড়লি। ইয়ারিং বেশ ভারী। মাথার পিনের সঙ্গে ছক দিয়া (আমাদের দেশের নগের মত) ইয়ারিং আঁটা থাকে নাকছাবির রেওয়াজ আছে। তবে নাক বা কাণ সচিব করার বিধি নাই। ইয়ারিং কাণে দোলে—মাথার পিনের সঙ্গে সে ইয়ারিং আঁটা থাকে।

সার্ত-বিবাহে কোনোরূপ ধর্মীয়তা নাই। শুধু এক

~~~~~

চুক্তিনামা লেখাপড়া হয়। কণ্ঠকে মূল্য দিয়া কিনিতে হয়। এই মূল্য সংগ্রহ করিতে বহু পুরুষ কতুর হইয়া যায়। এ জন্ত বিদি আছে, বিবাহের কথা পাকা হইলে বর যদি মূল্য সংগ্রহ করিতে না পারে, তাহা হইলে কণ্ঠার পিতা-মাতা বা আত্মীয়-স্বজনের অলঙ্ঘ্যে সে আসিয়া কণ্ঠার সঙ্গে দেখা-সাক্ষাৎ, আলাপ-পরিচয় এবং প্রেম-চর্চা করিতে পারে। তবে সাবধান, কণ্ঠার আত্মীয়দের সামনে পড়িয়ে



পল্লী নারী

না! যতদিন না পুল-কণ্ঠার জন্ম হয়, ততদিন খুন্দের সঙ্গে জামাতা দেখা করিবে না। দেখা করা নিষেধ। ইহাই দেশাচার।

ইশলাম-বিদি-বশে পুরুষের একদিকে চারটি মাত্র পল্লী-গহণে অধিকার থাকিলেও তুর্কিস্তানের মোল্লারা পঞ্চ-পল্লী গহণ করিতে পারেন; তাহাতে কোনো নিষেধ বা বাধা নাই। প্রথম পল্লী হয় গৃহিণী; তার কাজ ঘর-সংসার দেখা। অপর পল্লীরা প্রথমার আজ্ঞানুবর্তিনী থাকে। ইহাই বিদি। প্রথম পল্লীর মৃত্যু ঘটিলে অপর পল্লীদের মধ্যে স্বামীর যিনি সমধিক প্রিয়া, প্রথমার আসন বা গদি পান তিনি।

যদি কোন পুরুষের সম্পত্তি নানা দেশে বিক্ষিপ্ত থাকে; তাহা হইলে প্রতি দেশে (অর্থাৎ যে-সব দেশে সম্পত্তি আছে) সে ব্যক্তি একটি করিয়া বিবাহ করিতে পারে। এবং সে সব দেশে দেশওয়ালী স্ত্রী সেই সম্পত্তির রক্ষণাবেক্ষণ করে। বৎসরে ছ'চারিবার সেখানে গিয়া স্বামীকে দাম্পত্য-ধর্ম পালন করিয়া আসিতে হয়।

স্বামীর ধন-সম্পদ—সার্ভ স্ত্রীর চিত্তে অনেক সময় রীতিমত বিভীষিকার সঞ্চার করে। সম্পদ বাড়িলে স্বামীর দল বহু-বিবাহে প্রবৃত্ত হয়। এ জন্ত বিদেহ-বশে বহু নারী বিস খাওয়াইয়া স্বামীকে হত্যা করিয়াছে, এমন ঘটনার অসংখ্য নাই।

সার্ভ রমণীবা অত্যন্ত লজ্জাশীলা। বাহিরের কোনো বন্ধু বা আত্মীয় যদি বৌ দেখিতে আসে তা বৌ কখনো মুখ তুলিয়া তার পানে চাহিবে না! চাহিলে লজ্জাহীন বলিয়া বৌয়ের নিন্দা হইবে।

বিবাহের রাতে কণ্ঠাকে রেশমী বসনে ও নানা ভূষণে সাজাইয়া দীপতীন অন্ধকার কক্ষে বসাইয়া রাখা হয়। তার পর অন্ধনে বিবাহের উৎসব চলে। নাচ-গানের আসর বসে। বন্ধুকে হখন অন্ধনে আনিয়া মাড়রে বসানো হয়। নর্তকী বা গায়িকাদের 'পালা' দিতে হয় নববধূকে।

তুর্কিস্তানে সাধারণ স্নানাগার আছে—সে যেন নরক! অন্ধকার কুঠরী—ছাদের দিকে ছোট একটা গুলুগুলি আছে—সেখান দিয়া যেটুকু আলো আসে! এ কুঠরীতে প্রবেশ করিবামাত্র চোখে কিছু দেখিবার উপায় থাকে না। কুঠরীটি বড়। এই কুঠরীতে আছে প্রকাণ্ড 'হৌজ বা চৌবাচ্ছা; জলে পরিপূর্ণ। সিঁড়ি দিয়া চৌবাচ্ছায় নামিতে হয়। উলঙ্গ নর-নারী ও বালক বালিকারা ভিড় করিয়া স্নানাগারে স্নান করিতে আসে। গরম জল। চৌবাচ্ছায় নীচে মাফেল পাথর—তার নীচে অগ্নি জালিবার ব্যবস্থা আছে। কোনো কোনো স্নানাগারে স্নান করাইয়া দিবার জন্ত পরিচারিকা আছে—বয়সে তারা প্রৌঢ়া। তোয়ালে পরিয়া কোনো মতে লজ্জা রক্ষা করিয়া স্নানার্থীদের মাথায় ও গায়ে তারা গরম জল ঢালিয়া দেয়। স্নানের পর যে সব নারী অঙ্গ-সজ্জা করিতে চায়, তাদের সজ্জা করাষ্টবার জন্ত দ্বিতীয় কুঠরীতে অপর পরিচারিকা থাকে।



তার কাছে থাকে নানা পানে লাল, সাদা ও কালো রঙের পাউডার ; সেই পাউডার মুখে-গায়ে মাখাইয়া তারা প্রসাধন-কায়া সম্পন্ন করে । সাধারণ স্নানাগারে স্নান করিতে হইলে বসন ফেলিয়া নগ্ন দেহে আসিতে হয় । স্নানাগারের দ্বারে পরমা দিলে পরিচারিকা মেলে— কাপড়-চোপড় চৌকি দিবার জন্ত । এখানে সাঁতার কাটো,

জলে মাতন হোলে—কানো কিছুতে নিষেধ নাই ! নিষেধ শুধু সবস্ব-স্নানে ।

সংসারে মে-রমণী সকলের চয়ে বয়সে বড়, রান্না-বাগ্না তাকেই করিতে হয় । প্রধান খাওয়া পোলাও । রান্নার জন্ত সত্ব পাকশালা নাই । উয়ানে থাকে প্রকাণ্ড “তাল উয়ন”—মালি-লেপা ; তার উপরে ঝু-প্যান বা কড়া চাপানো আছে । সেই কড়ায় ভেড়ার চর্কি আছে গালানো—বিশুদ্ধ (purified) চর্কি । কুচি কুচি করিয়া মাংস কাটিয়া এই কড়ায় ফেলিয়া দেয়—সঙ্গে সঙ্গে দেয় গাজরের কুচি । বাজারে গাজরের কুচি বা ফালি কিনিতে পাওয়া যায়—আমাদের দেশে কুমড়ার ফালির মত ।—কড়ার নীচে চলে আগুনের জ্বাল । চর্কি কুড়িলে তাহাতে চাউল দেওয়া হয়—এবং কড়ার উপরে আবরণ টানিয়া দেয় । চাউল বাষ্পে সিক্ত হইতে থাকে । মাঝে মাঝে কাটি দিয়া নাড়িতে হয় । ভাত কুড়িলে তাহাতে কিসমিস, ফোড়ন প্রভৃতি মশলা ছাড়িয়া দেয়—স্বগন্ধ করিবার জন্ত ।

রান্না হইলে বাড়ীর পুরুষের দল আগে খায় ; তাদের আহ্বারের সমস্ত মেয়েরা সামনে বসিয়া খাতির-তদারক করে ; পুরুষদের আহ্বার চুকিলে তবে মেয়েরা খাইতে বসে ।

সান্ত-নারীর উপর মা-ষড়ীর রূপা গুব বেনী রকমের । ষোল্লটি সন্তানের মাতা হওয়া তুর্কিস্তানে বিচিত্র ব্যাপার নয় ; তবে ষষ্ঠগুলি জন্মায়, ততগুলি কাঁচে না—অগত্বে-অনা-নরে গৃহস্থ-ঘরে ষতকরা পঞ্চাশটি শিশু মারা যায় ; পঞ্চাশটি থাকে । মেয়েদের বিবাহ হয় দশ-এগারো বৎসর বয়সে—

ত্রয়োদশ বৎসর বয়সে তারা হয় গর্ভধারিণী ; কাজেই নিজেদের যত্ন করিতে হয় কিরূপে, তাহা শিখিবার পূর্বেই কোলে শিশু আসিয়া দেখা দেয় ! মে-শিশুর যত্ন কি করিয়া তারা করিবে ? কাজেই নিরীহ জীবগুলি মাতৃক্রোড়ে আসিয়া বিদার লয় । শিশুদের মৃত্যু-হার তুর্কিস্তানে অত্যন্ত অধিক ।



মুখে সাহ-রমণী

তুর্কিস্তানে বেসাতির প্রধান বস্তু রেশম । রেশম কাপড় বুনিবার জন্ত ঘরে ঘরে তাঁত আছে । গুটি পোকাও ডিম মেয়েরা নিজেদের ওড়না-চাপা দিয়া সেই তাগে ফুটাইয়া তোলে । মুগীর সাহায্যেও ডিম ফুটানো হয় ।

ছোট বয়সে ছেলেদের লেখাপড়া শুরু হয় শিক্ষয়িত্রীর কাছে । গরীবের ঘরের মেয়েরা শিক্ষয়িত্রীর কাজ করে ।

তুর্কিস্তানের যাবাবার জাতির মধ্যে কির্গিজ জাতি প্রধান । শীতকালে ছাউনি ফেলিয়া সেই ছাউনিতে তারা বাস করে । শীত ছাড়া অপর ঋতুতে বনে-পর্বতে ঘুরিয়া দিনান্তিপাত করে । ইহারাও ধর্ম্মে মুসলমান—তবে গোড়াষি নাই ।



কির্গিজ-জাতের মেয়ে

বিধি প্র-সমাজে  
প্রচলিত নাই।  
সংসারের যা-কিছু  
কঠিন কাজ,  
মেয়েরা করে।  
ছাউনি ফেলিতে,  
কুলি-মজুরের কাজ  
করিতে মেয়েরা  
পট। মাঠে-ঘাটে  
যা কিছু কাজ—  
পশু-পালন, কাঠ  
কাটা, জ্বালানি-  
সংগ্রহ, সে সমস্ত  
কাজ করে মেয়েরা,  
তাই মেয়েদের  
দেহ বেশ জুয়ান।

পোসাক-সমক্ষে মেয়ে-পুরুষে প্রভেদ খুব অল্প, একতর বাজারে  
ভিড়ের মধ্যে এক পুরুষ, কে মেয়ে—চট করিয়া চেনা  
যায় না।

বোখারা ও কাশপীয়ান সাগরের মধ্যে যে বিস্তীর্ণ  
ভূখণ্ড—তার নাম টাঙ্গ-কাস্পিয়া। এ-অঞ্চলে তেছে তুর্কো-  
মান-জাতির বাস। এ জাতির নর-নারী মাঠে-ঘাটে ছাউনি  
ফেলিয়া তাহাতে বাস করে। ধনীরা ছাউনি থাকে অনেক-  
গুলো—স্বতন্ত্র কামরা সমেত। পরিবারের বিভিন্ন নর-নারী  
এক একটি ছাউনি অধিকার করে; গরীবদের থাকে একটি-  
মাত্র ছাউনি, তাহাতে সকলে বাস করে; পক্ষ টাঙাইয়া  
ছাউনির মধ্যে স্বতন্ত্র কামরা রচিত হয়। তুর্কোমান-  
জাতির মেয়েরা কার্পেট-গালিচা তৈয়ার করে। এ-সব  
কার্পেট বাজারে বেশ চড়া দামে বিক্রয় হয়।

তুর্কোমান-মেয়েদের স্বাধীনতা অপরিসীম—যামটা বা  
পদার তারা ধার ধারে না। ছোট বয়স হইতে মেয়ে-  
পুরুষে অবাধ মেলামেশা চলে। তাদের মধ্যে রূপসীর  
অভাব। তবে রূপসী নাই, এমন নয়; রূপসীরা পারশ্ব-  
বাদীদের বংশ-সম্ভূতা।

তুর্কোমান-মেয়েরা রূপার ভারী ভারী অলঙ্কারে  
অনুশোভা বর্ধন করে। বুকে ঝাঁটে রূপার প্লেট—মাথার



তুর্কোমান-পরিবার

কির্গিজ-জাতের মেয়েরা পর্দা মানে না। মুখে ঘোমটা  
দিয়া মুখখানিকে লোকলোচনের অন্তরালে গোপন রাখিবার

টুপিতে অসংখ্য রূপার  
বোতা ম সেলাই  
করিয়া আঁটিয়া  
রাখে 'পায়ে জুতা  
পরে না। বরফে  
পথ-ঘাট আচ্ছন্ন  
থাকিলেও শুধু-পায়ে  
সে পথে অনায়াসে  
চলিতে পারে।

রূপার গঠনা-  
গুলির ওজন অসামান্য,  
তাতে পরে তাগা-  
বলা; গলায় রূপার  
চিক (না, কলার?)  
পরে,—তার ওজন  
আট-দশ সের!



এ যুগের মেয়ে-দুল

সম্পত্তি,—সব বেচিয়া  
স্ট্রীর জুতা সে রূপার  
গঠনা তৈয়ার করায়।  
অথাৎ স্ট্রীর দেহখানি  
যেন পুরুসের ব্যাঙ্ক—  
তার মথাসকলস থাকে  
স্ট্রীর অঙ্গে!

এক জন পাশ্চাত্য  
লেখিকা তুর্কোমান-  
বিবাহের সে বর্ণনা  
লিখিয়াছেন, তাহার  
মধ্য সঙ্কলিত করিয়া  
দিলাম,—

ছাউনিতে-ছাউ-  
নিতে উৎসবের ধুম  
পড়িয়া গেল। আমি

বসিলাম আসনে। ভায়ে-ভায়ে সকলে গরম পোশাকের  
পাত্র বহিয়া আনিতেছে। বহু নিমন্ত্রিত সমাগত।...বধু  
এবং তার তরুণী বাঙ্কবীরা বসিয়াছে আলাদা একটি



খবরের কাগজ পড়া

ছাউনিতে।...ছাউনির সামনে চ'খানি গাড়ী। গাড়ীগুলি  
রাশিয়া হইতে আমদানি। পূর্বে উষ্ট্র ছিল এ-অঞ্চলে  
একমাত্র বাহন; এখন রাশিয়া হইতে গাড়ী আসিয়াছে।...

আহারাদি চুকিলে বধু তার বান্ধবীদের সঙ্গে গিয়া  
গাড়ীতে চড়িয়া বসিল। হাশ্বে-ভাষ্যে যেন আনন্দের প্রতিমা!  
বধু-গৃহের নর-নারীরা অগ্নি গাড়ীতে বসিল। বধুর গাড়ীর  
সঙ্গে এ সব গাড়ী চলিল মিছিল করিয়া। পথে এক জায়গায়  
গিয়া গাড়ী থামিল। সেখানে বর ও বর-পক্ষীয় বহু লোক  
‘আগে হইতে আসিয়া জমাসেত থাকে। বরপক্ষ যদি  
কণ্ঠার মূল্য পূরাপূরি চুকাইয়া দেয়, তাহা হইলে কন্যা  
গিয়া বরের সঙ্গে দেখা করে এবং বর তার হাত ধরিয়া  
নিজের ছাউনিতে লইয়া যায়। পূরা-মূল্য সে সময় দিতে না  
পারিলে একটি রৌপ্যমুদ্রা দিতে হয় কণ্ঠার মাতার হাতে।  
মাতা তখন অনুমতি দেয়,—‘নাও কন্যা তোমার স্বামীর  
সঙ্গে।’ বায়নার টাকা পাঠিয়াছি—বাকী মূল্য বর অচিরে  
দিবে, চুক্তি হইয়াছে। মাতার অনুমতি মিলিলে কন্যা গিয়া  
বরের পাশে দাঁড়ায় এবং কন্যাকে লইয়া বর চলিয়া যায়  
নিজের ছাউনিতে। এমন ভাবে বিবাহ-ক্রিয়া সুসম্পন্ন হয়।

সোভিয়েট রাশিয়ার কল্যাণে তুর্কিস্তানে এখন শিক্ষা-  
সভ্যতার প্রবর্তন হইয়াছে। পুরানে পাঠশালার জায়গায়  
স্কুল বসিয়াছে। মেয়ে-পুরুষ সকলকেই লেখাপড়া শিখিতে  
হয়। সংবাদ-পত্রের আদর হইয়াছে। জুনিয়ার খবর পাঠবার  
জন্য সর্বশ্রেণীর নর-নারীর আজ আগ্রহের সীমা নাই।  
কাজ-কন্ড চুকিলে সন্ধ্যার সময় সরাইয়ে বা আখড়ায় বসিয়া  
পুরুষের দল খবরের কাগজ পড়ে, চারিদিকে ছেলোমেয়ে ও  
তরুণ-তরুণীরা ভিড় করিয়া বসিয়া রাজ্যের খবর শোনে।

দেশের লোক এখন স্বাস্থ্য-তত্ত্ব শিখিতেছে; রাজনীতির  
সংবাদ রাখিতেছে। দশ বৎসরের মধ্যে তুর্কিস্তানে বহু  
উন্নতি সাধিত হইয়াছে। তবে এ উন্নতি শুধু রাশিয়া-  
সম্মিত্ত অঞ্চলে; দূরাঞ্চলে এখনো—‘চরণতলে বিশাল  
মরু দিগন্তে বিলীন’—যাযাবর জাতি সেই বনে-পশুতে  
দুরিয়া বেড়ায়। ভূমি মাপিয়া সেখানে আশ্রয় পাতিয়া  
বাস—সে-রীতি আজো তাদের অবদিত রহিয়াছে।

## রাজেন্দ্র-তর্পণ

‘আশুতোষ কলেজ ইমারতে স্মার রাজেন্দ্রনাথের স্মৃতিসভায় গীত

দীর্ঘ কন্ড-জীবনের শেষে বিরাম গভিলে কন্ডবীর,

দীর্ঘ পথের ক্রান্তি মুচাক মন্দাকিনীর শাত সমীর।

তে দিগ্বিজয়ী, জীবনের রণে

পরম কামা গভিলে ভুবনে,

উৎসবে আজ নন্দিত হোক ইন্দ্রলোকের তব শিবির।

পাতিত অপর জাতির মাঝারে পুরুষ-সিংহ জাগিলে ভূমি

চির-কলঙ্ক মুচালে দেশের দগ্ন করিলে জন্ম-ভূমি।

ভূমি চলে গেলে তব আদর্শ

শীর্ষে বহিবে ভারতবর্ষ,

স্মৃতির তীর্থে চির-উন্নত রবে চিরদিন তোমার শির।

তোমার সাধনা নবীন প্রেরণা দিয়াছে কন্ড-বিমুখ দেশে

ভূমি চলে গেছে শক্তিসাহসকে দেবে মোদেরে মধুর হেসে ?

তব করুণার ছায়ায় যাহারা

পালিত লালিত আজিকে তাহারা

হয়ে হায় ধ্রুব আশ্রয়-হারা ফলে অবিরল অশ্রু-নীর।

শ্রীকালিদাস রায়।



# পাহাড় ভাড়া

উপন্যাস ।

১০

সাত দিন কলিকাতায় থাকিয়া, বাড়ী ভাড়া করিয়া, তাহা  
সাজাইয়া—বেণীক তথায় কাগমমোকাম করিয়া সরলকুমার  
আগ্রায় ফিরিয়া আসিল। সে সাত দিন সে কলিকাতায়  
ছিল, প্রতিদিনই মণিকাকে পত্র লিখিত, আর সেই পত্রের  
সঙ্গে অশ্রুতঃ একটি করিয়া স্ববচিত্ত কবিতা পাঠাইয়া দিত।  
প্রথম দিনের কবিতা—

## প্রেমালোক

বিমানে-বিরাগে গুঁজেছি প্রণয়,  
গুঁজেছি প্রণয় নয়ন-জলে ;  
গুঁজেছি তরস-মখিত-অদয়  
কোথা প্রণয়ের আলোক জলে ।  
প্রভাত সমীরে, সন্দের গগনে,  
তারার তাসিতে, রবির করে,  
অদয়ে, বাতীরে—নিখিল ভুবনে  
পাঠে নাট তীরে ক্ষণেক তরে ।  
গুঁজে গুঁজে সারা—শ্রান্ত নয়ন,  
তেরিঙ্গ সহসা মাববী রাতে,  
উজল করিয়া বিশ্ব-ভবন  
সে আলো তোমারি নয়নে লাতে ।

দ্বিতীয় দিনের পরের সচিত্ত প্রোদিত কবিতা—

## উপমা

তুমি স্নিগ্ধ যেমন শব্দবিহীন শুক্ক বরিষা-রাতি ;  
তুমি উজ্জ্বল যেমন কুম্ববহুল পুষ্পসময়ভাতি ;  
তুমি কোমল যেমন শারদ আকাশে জ্যোৎস্নামধুর নিশি ;  
তুমি মধুর যেমন অরুণ উদয়ে পুলক-আকুল দিশি ;

তুমি সুখদ যেমন বেদনা তপ্তে অশ্রু—বেদনহারী ;  
তুমি উদার যেমন গগন-বিলীন সুনীল সাগরবারি ;  
তুমি অসীম যেমন নিঃস্ব-অদয়ে ন্যাকুল বাসনারাশি ;  
তুমি পুত্র যেমন শিশুর অদরে সরল মধুর হাসি ;  
তুমি হাস্যে যেমন নববিকশিত কুম্বম লোচনলোভা ;  
তুমি ক্রন্দনে যেন শিশিরসিক্ত বিকশিতকুলশোভা ;  
তুমি প্রণয়ে যেমন সুনীল আকারে রজতজ্যোৎস্নাদারা ।  
তুমি বিরাগে যেমন প্রভাত-গগনে মলিনদীপ্তি তারা ;  
তুমি অদয়-সরসে কুটির! উঠেছ প্রভাত-নলিনী সম ;  
আবার অদয় মম !

শেষ দিনের কবিতাটি সে অনেক দ্বিবার পর পাঠাইয়া  
ছিল। আসিবার দিন অশোক-তরুতলে সে যে প্রলোভন  
সংবরণ করিয়া আসিয়াছিল, এ কি তাহারই স্মৃতি চটকে  
উদগত ?—

## তিন রূপ

প্রেমসুখস্বরভিত মিলন শয়ন  
দীর্ঘ জাগরণশেষে নিদা আঁখি ছায় ;—  
লাজ সঙ্কচিত তুমা অদরে চুম্বন—  
কুণবনে মুদ্রমন্ড মলয়ের প্রায় ।  
সে চুম্বনে অদয়ের প্রেমরক্তোৎপল  
শিহরি' বিকশি' উঠে মেলি' শত দল ।

দীর্ঘ অভিমান অশ্রু তুমিত অদরে  
ভীত্র প্রেমচঞ্চাল সরস চুম্বন ;—  
নিদাঘের ভীত্র তাপে তপ্ত ধরা প'রে  
গাঢ়-কৃষ্ণ মেঘমুক্ত স্নানিগ্ন বর্ষণ ।  
সে চুম্বনে কি আকুল প্রণয়ের তুমা,  
কি চাঞ্চল্য, কি আনন্দ, কি অতৃপ্ত আশা !

অপগতচপলতা বহে যে সময়  
গভীর গভীর প্রেম মধু কলসনে,—  
স্নিগ্ধ স্নেহরসসিক্ত কোমল হৃদয়  
আপন সর্পস্ব দেয় প্রেমের চুম্বনে ।  
সে চুম্বনে কি নির্ভর ! মরণের পার  
সে প্রেম বিতরে দিবা জ্যোতিঃ আপনার

কবিতা লিখিয়া সে না পাঠাইয়া থাকিতে পারিত না :  
আবার পাঠাইয়া সন্তি বোধ করিতে পারিত না—মণিকা  
কি মনে করিতেছে, কবিতাগুলি তাহার ভাল লাগিতেছে  
কি না—এইরূপ নানা চিন্তা তাহার মনে সমুদিত হইত।

সে তাহার পদের উত্তরে মণিকার কেকখানি পত্র  
পায় নাই।

মণিকা কবিতাগুলি বার বার পাঠ করিত—পত্র  
একাধিক বার পাঠ করিত; মনে করিত, উত্তর না দিলে  
অশিষ্টতা হইবে না? সরলকুমার কি মনে করিবে? কিম্ব  
তবুও সে পত্র লিখিতে পারিত না। প্রথম চিন্তা হইত,  
কিরূপ সন্তান করিবে? দ্বিতীয় সমস্যা—সরলকুমারের  
পদের উচ্ছ্বাসের নিকট তাহার পত্র একান্ত সঙ্কচিত বোধ  
হইবে—ইত্যাদি। সরলকুমারও, বোধ হয়, পত্রের উত্তর  
পাঠিবাব আশা করে নাই—সই জন্মই তাহার মনে  
অভিমান দেখা দেয় নাই।

আগ্রায় ফিরিয়া গাড়ীতেই জিনিষ রাখিয়া আপনার  
বাগলো হইতে স্নান ও বেশ-পরিবর্তন করিয়া সরলকুমার  
“ছোট সাহেবের” গৃহে গেল। গৃহবেষ্টনোত্তানপথে গাড়ীর  
শব্দ পাইয়া মণিকা তাহার ঘরের জানালার পর্দা সরাইয়া  
মুখ বাড়াইতেই উভয়ের দৃষ্টি মিলিত হইল—ভ্রষ্ট জনেরই  
মুখ হাসিতে দীপ্ত হইয়া উঠিল।

তাহার আনীত জিনিষ দেখিবার জন্ম “ছোট সাহেব”  
যখন মণিকাকে ডাকিলেন, তখন মণিকা পিতার নিকটে  
আসিল। কাপড়ের পর কাপড় প্রভৃতি দেখিয়া “ছোট  
সাহেব” সরলকুমারকে বলিলেন, “এ যে দোকান সাজিয়েছ!”

একখানি গাঢ় লোহিত বর্ণের বেনারসী শাড়ী ও  
তাহারই জামা দেখাইয়া সরলকুমার বলিল, “এই বেণীর  
উপহার।”

“ছোট সাহেব” বলিলেন, “এ যে অনেক দামের।”

সরলকুমার বলিল, “বেণী কখন মাতিয়া লয় না—এ বার  
পসন্দ ক’রে এই কাপড় কিনলে।”

তাহার পর সরলকুমার তাহার জননীর অলঙ্কারের  
বাক্সটি পুলিশ টেবলের উপর রাখিল।

“ছোট সাহেব” বলিলেন, “আমি ভাবছিলাম—আমি  
কি কি দেব, কেমন ক’রে তৈয়ারী করাব। তা’ ও যা’  
দেখছি, তা’তে তা’র আর কোন দরকারই নাই।  
তুমি জান না, মণিকার মা বড় তিসাবী গৃহিণী ছিলেন—  
কামেই আমার কোন বই যখন বিশ্ববিদ্যালয়ের পাঠ্য  
হ’ত, তা’র আয় সবটাই জমত। আমার তিনখানা  
বই পাঠ্য নির্দিষ্ট হয়েছিল—একখানার টাকা মণিকার  
মা’র জন্ম, আর দু’খানার টাকা এদের ভাইবোনের জন্ম  
জমা রেখেছিলাম। মণিকার মা’র জন্ম যে টাকা জমা  
ছিল, তা’ আমি বিশ্ববিদ্যালয়ে দিয়েছি; বি, এ., পরীক্ষায়  
সম্পূর্ণ স্নান অধিকার ক’বে তুমি তা’ থেকেই বৃত্তি  
পেয়েছ। মণিকার টাকাটা ব্যাঙ্কে স্থায়ী জমা আছে—  
রসিদ এর নামে ক’রে দেব, আর টাকাটা কলিকাতায়  
ব্যাঙ্কের হেড অফিসে পাঠাতে লিখে দেব। এর মা’র  
গইনা যা’ আছে, সে-ও শুব।”

সরলকুমার কোন কথা বলিল না।

জিনিষগুলি রাখিয়া সরলকুমার যখন মাইতে চাইল,  
তখন “ছোট সাহেব” বলিলেন, “বেণী আমায় ব’লে গেছে,  
এ বার তুমি এখানেই থাকবে; বাসায় তোমার অসুবিধা  
হ’বে।”

“না—কোন অসুবিধা হ’বে না। বেণী ছাড়া আর  
সকলেই আছে।”

“ছোট সাহেব” হাসিয়া বলিলেন, “কিম্ব বেণী যদি  
আমার উপর রাগ করে?” তিনি মণিকাকে বলিলেন,  
“তখন তোমাকে সাক্ষ্য দিতে হ’বে, আমি সরলকুমারকে  
এখানে থাকতে বলেছিলাম।”

মণিকা হাসিল।

সরলকুমার বলিল, “সে যে উৎসাহে কলিকাতার  
বাড়ী সাজাতে আরম্ভ করেছে, তা’তে সে কথা আর  
তা’র মনে থাকবে না।”

সরলকুমার তাহার বাগলোয় ফিরিয়া যাইলেই  
ছাত্রদল তাহার কাছে আসিয়া জুটিল। তাহাদিগের

সহিত কথা বলিতে বলিতে সে পশ্চাদ্বিকের বারান্দায় গেল। তথায় তাহার প্রেরিত চিত্রকর মণিকার মাতার ছবি নকল করিতেছিলেন। তিনি তাহার জিজ্ঞাসায় বলিলেন, “ছবিখানি আর দু’তিন দিনের মধ্যে শেষ করতে পারব।”

সরলকুমার বলিল, “তার পর ‘ছোট সাহেবের’ ছবি আঁকতে হবে। সুবিধার মধ্যে তাঁকে যখন বলবেন, তখনই বসাতে পারবেন। আর যে ক’খানা আঁকতে হবে, সে কলিকাতায় ফিরে গিয়ে আঁকলেই চলবে।”

চিত্রকর অবসরকালে আগার তাজমহল প্রভৃতির যে সব চিত্র খসড়া করিয়াছেন, সেগুলি সরলকুমারকে দেখাইতে লাগিলেন।

১১

সরলকুমারের সহিত মণিকার বিবাহ ও তাহাদিগের উভয়ের কলিকাতায় গমন এতদ্ভয়ের মধ্যে প্রায় তিন সপ্তাহকাল অতিবাহিত হইল। এই সময়ের মধ্যে চিত্রকর “ছোট সাহেবের” নিকশে তাঁহার পত্নীর ও সরলকুমারের জন্ম তাহার প্রতিকৃতি অঙ্কিত করিলেন। সরলকুমার ও মণিকা এই সময়ের মধ্যে আগায় বহুবার দৃষ্টে কিছু চিত্রনতন বহু স্থান একসঙ্গে দেখিয়া পরম আনন্দ লাভ করিল। আর সেই সময়ের মধ্যে মণিকা দীর্ঘে দীর্ঘে পিতার সেবার ভৃত্যদিগের উপর গুস্ত করিতে লাগিল। তাহাতে সে যে বেদনা অনুভব করিতে লাগিল, স্বামীর প্রতি সুবর্তীর প্রবল অনুরাগ ব্যতীত আর কিছুই তাহাকে তাহা সহ করিবার শক্তি প্রদান করিতে পারিত না।

কিন্তু মাইবার দিন সে যেন একেবারে ভাঙ্গিয়া পড়িল— আর কিছুতেই আপনাকে সংগত করিতে পারিল না। সে মাতৃহীনা কন্যা, যে পিতা পিতার ও মাতার স্নেহ দিয়া তাহাকে বর্দ্ধিত করিয়াছেন, যিনি তাহার উপর সংসারের সব ভার দিয়া আপনি অধ্যয়নে ও অন্যাপনায় আত্মহারা হইয়া ছিলেন—আজ তাহাকে তাঁহাকে ছাড়িয়া যাইতে হইবে,—কত দিনে তাঁহার সহিত তাহার দেখা হইবে, তাহাও বলা যায় না। যদিও সরলকুমার তাঁহাকে অসাধারণ শ্রদ্ধা করে এবং বার বার বলিয়াছে, তাহার মধ্যে মধ্যে তাঁহাকে দেখিতে আসিবে, তবুও সে কিছুতেই আপনাকে শান্ত করিতে পারিতেছিল না।

“ছোট সাহেব” স্বভাবতঃ স্থির, গম্ভীর—তিনিও হৃদয়ে বিশেষ চাঞ্চল্য অনুভব করিতেছিলেন। কিন্তু তাহার বাহ্যিক বিকাশ ছিল না বলিলেই হয়। বিশেষ কণ্ঠার অদীরতা তাঁহাকে আরও স্থির করিয়াছিল। তিনি কন্যাকে শাস্ত হইতে উপদেশ দিতেছিলেন; বলিতে-ছিলেন, তাহাকে সংপাতে বিবাহিতা দেখিয়া তিনি যে আনন্দ লাভ করিয়াছেন, তাহা অতুলনীয়—তাঁহার মনে হইতেছে, এই কর্তব্য শেষ না করিয়া মরিলে তিনি কখন শান্তিতে মরিতে পারিতেন না।

ছাত্রগণ মণিকাকে দেখিয়া বলিতে লাগিল, আঙ্গকাল হিন্দুর ঘরের কিশোরী বন্ধুকেও প্রথম স্বামিগৃহে মাইবার সময় এমন ভাবে কাঁদিতে দেখা যায় না।

“ছোট সাহেব” কন্যাজামাতাকে আশীর্বাদ করিবার জন্য তাহাদিগের সহিত রেল স্টেশন পর্য্যন্ত আসিলেন। কেবল তিনি নহেন—তাঁহার প্রতি শ্রদ্ধাশীল বহু লোকও তাঁহার সহিত আসিলেন। ট্রেন স্টেশনে আসিয়া স্থির হইতে না হইতে ছাত্রগণ সরলকুমারের নির্দিষ্ট কামরাটি কুলে যেন ভরিয়া দিল। যাবাকালে সরলকুমার ও মণিকা তাঁহাকে প্রণাম করিলে “ছোট সাহেব” ভাবাবেগে কোন কথা বলিতে পারিলেন না—তাহাদিগের মস্তকে করতল স্থাপিত করিয়া মনে মনে তাহাদিগকে আশীর্বাদ করিলেন।

ট্রেন চলিয়া গেল।

ছাত্রগণ “ছোট সাহেবের” সঙ্গে তাঁহার বাঙ্গলোয় গেল। তিনি অল্প সময়ের মধ্যেই উচ্ছ্বসিত চাঞ্চল্য সংগত করিয়া অভ্যস্ত গম্ভীরভাবে তাহাদিগের সহিত নানা বিষয়ের আলোচনা করিতে লাগিলেন। তাহারা চলিয়া যাইলে তিনি শূণ্য গৃহ যেন আরও শূণ্য অনুভব করিতে লাগিলেন।

এ দিকে ট্রেন ছাড়িলে মণিকা ব্যাকুলভাবে কাঁদিতে লাগিল। সরলকুমার বলিল, এ সময় কোন কথা বলিয়া তাহাকে সাশ্বনা দিবার চেষ্টা ব্যর্থ হইবেই, পরন্তু মণিকার পক্ষে বিরক্তিকরও হইবে। সে কিছু না বলিয়া কেবল মণিকার মুখ আপনার বক্ষে টানিয়া লইল এবং তাহার কেশের উপর হাত বুলাইতে লাগিল।

বহুকণ কাঁদিয়া মণিকা শাস্ত হইল। সে বলিল, “বাবাকে বলতে ভুলে এসেছি, তিনি যেন আজ থেকেই পত্র লিখে তাঁর সংবাদ জানান।”

সরলকুমার বলিল, “আমি সে কথা তাঁকে ব’লে এসেছি। আমি জানি, তিনি অধীর হ’বেন না; তবুও তিনি অধীর হ’ন কি না, তা’ লক্ষ্য করবার জন্ত বন্ধুদের ব’লে এসেছি। যদি তিনি অধীর হ’ন, তবে আমরা ছুঁচার দিনের মধ্যেই এক বার তাঁ’র কাছে যা’ব।”

মণিকা জানিত, সরলকুমার তাহার পিতাকে পিতৃবৎ জ্ঞান করে। তাঁহার প্রতি ভক্তি উভয়ের মধ্যে একটি বন্ধন। তাহার কথায় মণিকার প্রেম-সমুজ্জ্বল চক্ষুতে প্রশংসার ভাব যেন ফুটিয়া উঠিল। তখন উভয়ে “ছোট সাহেবের” কথাই আলোচনা করিতে লাগিল।

রাত্রিতে নিদ্রার পর প্রভাতে জাগিয়া মণিকা আপনার সৈধ্যা ফিরিয়া পাইল। তখন কেবল দিবালোকবিকাশ হইতেছে। সরলকুমার তাহার পূর্বেই উঠিয়াছিল এবং মণিকাকে ঘোর নিদ্রায় অভিভূতা দেখিয়া তাহাকে না জাগাইয়া আপনি স্নানক্ষে প্রবেশ করিয়াছিল।

মণিকা কামরার বাতায়নপথে চাহিয়া দেখিল— প্রকৃতির রূপের পরিবর্তন হইয়াছে। সে পূর্বে কখন বাঙ্গালায় যায় নাই। আগ্রায় তাহার জন্ম এবং যত দিন তাহার জননী জীবিতা ছিলেন, তত দিন তাহার পিতা তাহাদিগকে লইয়া প্রতি বৎসর গ্রীষ্মাবকাশকালে সিমলায় যাইতেন। তন্মিন্ন তিনি কখন কখন বোম্বাইয়ে গিয়াছেন—রাজপুতানার কতকগুলি স্থান ও দিল্লী মণিকাকেও দেখাইয়াছেন। কিন্তু তিনি বাঙ্গালী হইলেও তাঁহার পক্ষে শেষবয়সে কখন বাঙ্গালায় যাওয়া ঘটে নাই। আর, বোধ হয় সেই জন্তই, তিনি বাঙ্গালার যে চিত্র অঙ্কিত করিছেন, তাহাতে মণিকার মনে বাঙ্গালার সম্বন্ধে অসাধারণ সৌন্দর্যের ধারণা বন্ধমূল হইয়াছিল। “ছোট সাহেব” বলিতেন, ভারতবর্ষের আর কোন প্রদেশের কোন প্রতিভাবান লেখক “বন্দে মাতরম্” রচনা করিতে পারিতেন না; কেন না, বাঙ্গালী বঙ্কিমচন্দ্র চিন্ময়ী মা’র যে মুন্সুরী রূপ দেখিয়াছিলেন, তাহা বাঙ্গালা বাতীত আর কোথাও প্রত্যক্ষ করা যায় না। “বন্দে মাতরম্” যে অতর্কিত প্রেরণাপ্রসূত, তাহা তিনি স্বীকার করিতেন না। তিনি বলিতেন, মার্কিণের বৈজ্ঞানিক সত্যই বলিয়াছেন—প্রতিভার শতকরা নব্বই ভাগ পরিশ্রম অর্থাৎ অমুশীলন, আর দশ ভাগ প্রেরণা। বাঙ্গালী

বহুদিনের সাধনার ফলে যে অবস্থায় উপনীত হইয়াছে, তাহাতেই “বন্দে মাতরম্” রচনা সম্ভব। বাঙ্গালায় প্রকৃতি জীবন-ধারণোপায় সব উপকরণ উৎপাদন সহজসাধ্য করিয়া দিয়া বাঙ্গালীকে তাহার প্রতিভার অমুশীলন করিবার সুযোগ প্রদান করিয়াছিলেন। বাঙ্গালী সে সুযোগের সদ্ব্যবহার করিয়াছে, তাই নব-ভারতে বাঙ্গালী উন্নতির পথি-প্রদর্শক। পিতার কথায় মণিকা যে বাঙ্গালার কল্পনা করিয়াছিল, সে বাঙ্গালা প্রকৃত বাঙ্গালা কি না, তাহা সে জানিত না। কিন্তু সে সেই বাঙ্গালায় যাইতেছে,—সেই বাঙ্গালাই তাহার গৃহ।

সে যখন বাহিরে প্রকৃতির আলোক-সম্পাতমধুর শোভা দেখিতেছিল, তখন স্নানাগারের দ্বার খুলিয়া সরলকুমার বাহির হইল। “জাগাইনি ব’লে রাগ কর নি?”—বলিয়া সে মণিকার ওষ্ঠাধর চুষন করিয়া বলিল, “যাও, মুখ ধুয়ে এস। এর পরের ষ্টেশনে চা।”

মণিকা তাহার একটি ছোট ব্যাগ লইয়া স্নানাগারে প্রবেশ করিল।

পরের ষ্টেশনে ট্রেন আসিয়া স্থির হইবার পূর্বেই মণিকা স্নান শেষ করিয়া বেণ পরিবর্তন করিয়া বাহির হইয়া আসিল।

সরলকুমার বলিল, “সংক্ষেপে সারলে?”

“না। বরং অল্প দিনের চাইতে বেশীক্ষণ ধ’রে চুল মুছেছি—শুকা’বার অসুবিধা হ’বে।”

“অসুবিধা কি? মাথায় কাপড় না রাখলে দেখবে, হাওয়ায় অলক্ষণের মধ্যেই শুকিয়ে যা’বে। একখানা শুকনা তোয়ালে বা’র ক’রে পিঠে কাপড়ের উপর দাও—চুল তার উপর পড়লে কাপড়ও ভিজবে না।”

সরলকুমার আপনিই ব্যাগ হইতে একখানা ছোট তোয়ালে বাহির করিয়া সেখানিকে নিজনিদেশমত স্থাপিত করিল এবং মণিকা চুল এলাইয়া দিল।

গাড়ী ষ্টেশনে থামিলে সরলকুমার চা আনাইল এবং তাহার ভৃত্য আসিলে তাহাকে বলিল, “কাপড় আর তোয়ালে কেচে দাও,—শুকিয়ে যা’বে।”

ভৃত্যকে আদেশ করিয়া সে মণিকাকে বলিল, “আজও—এখন পর্যন্ত আমি এ সব দেখছি; কলিকাতায় পৌঁছে এ সব তোমার ভার, তুমি নেবে।”



মণিকা হাসিয়া বলিল, “বেণীর মত সহকর্মী থাকলে তাঁতে ভয় করবার কোন কারণ থাকবে না।”

“ঠিক বলেছ”—বলিয়া সরলকুমার হাসিতে লাগিল; বলিল, “আমি বলতে পারি, সে ভোর থেকে ঘড়ী দেখছে—কখন ট্রেন পৌঁছবার সময় হ’বে।”

ট্রেন যখন বাঙ্গালায় আসিয়া পড়িল, তখন মণিকা বলিল, “কি সবুজ!”

সরলকুমার বলিল, “বাঙ্গালা ‘সুজলা’—তাই এমন গ্রাম শোভা। মধুসূদন যখন বিলাতে যান, তখন তিনি বাঙ্গালাকে ‘গ্রামা জন্মদে’ বলেই সম্বোধন করেছিলেন—জন্মভূমির কাছে প্রার্থনা জানিয়েছিলেন—

‘ফুটি যেন স্মৃতিজলে,

মানসে, মা, যথা ফলে—

মধুসূদন তামরস কি বসন্তে কি শারদে।’

মা তাঁর প্রার্থনা পূর্ণ করেছিলেন।”

ট্রেন বন্ধমানে পৌঁছিলে সরলকুমার ভৃত্যকে ডাকিয়া জিনিষ গুছাইবার ব্যবস্থা করিল। মণিকা বড় ব্যাগ খুলিতে যাইলে সরলকুমার জিজ্ঞাসা করিল, “কি চাই?”

সে বলিল, “বেণীর উপহার কাপড় আর জামা প’রে আমি কলিকাতায় নামব। দেখলে সে নিশ্চয়ই খুসী হ’বে।”

“নিশ্চয়।”

বেণী ট্রেনেই ছিল। ট্রেন স্থির হইতে না হইতে সে কুলী ডাকিয়া জিনিষ নামাইবার ব্যবস্থা করিল এবং লগেজ-কামরায় যে সব জিনিষ ছিল, সে সব তাহাকে দেখাইয়া দিবার ভণ্ড সরলকুমারকে বলিল। সে বলিল, “আমি একখানা মোটর বাস ঠিক ক’রে রেখেছি, তাঁতে জিনিষ যাবে।”

বেণীর সেনাপতিত্বে কুলীসৈনিকরা যখন তাহাদিগের কাষ সুসম্পন্ন করিল, তখন সকলে যাত্রা করিল।

যাত্রার পূর্বে সরলকুমার বেণীকে বলিল, “বেণী, তোমার বৌদিদি বললেন, তোমার দেওয়া কাপড় প’রে নামবেন।”

বেণীর মুখ হর্ষোৎফুল্ল হইয়া উঠিল। সে মণিকার দিকে চাহিল। মণিকার মনে হইল, সে যেন কি সন্ধান করিতেছিল। সে কি স্নেহ?

গৃহে উপনীত হইয়া মণিকা দেখিল, গৃহ স্বল্পায়তন নহে; আর তাহার সজ্জা সর্বতোভাবে সুন্দর।

বেণী বলিল, “স্নানের ঘরে জল আছে—তোমরা যাও—পথের কষ্ট! জিনিষ সব আমি নামিয়ে নিচ্ছি।”

স্নানের ঘর দুইটি হইতে বাহির হইয়া সরলকুমার ও মণিকা দেখিল, জিনিষ গুছাইয়া রাখিয়া বেণী চাঁর পাতে জল ঢালিয়া তাহাদিগের আগমন প্রতীক্ষা করিতেছে। টেবলের উপর নানারূপ মিষ্টান্ন, পাউরুটি, টোটো প্রভৃতি। দেখিয়া মণিকা বলিল, “এ যে বিষম আয়োজন, বেণী!”

বেণী বলিল, “কলিকাতার খাবার—দেশের জিনিষ কেমন, দেখবে না?”

মণিকা হাসিয়া বলিল, “এক দিনেই সব দেখতে হ’বে?” বেণী সে কথা উত্তর না দিয়া বলিল, “চা কড়া হয়ে যাবে—চাল, বৌদিদি।”

মণিকা বলিল, “আজ আমরা তোমার অতিথি—তুমি চা চাল।”

বেণীই চা ঢালিল।

তাহার পর উভয়ে বাড়ীটা সব দেখিতে গেল। সরলকুমার বলিল, “আমি জিনিষ কতক কিনে, কতক ফরমাস দিয়ে বেণীকে সব বুকিয়ে দিয়ে আগ্রায় গিয়েছিলাম—বেণী সব কেমন সাজিয়েছে, দেখ।”

মণিকা বলিল, “ওকে আর কিছু দেখিয়ে দিতে হয় না।”

“না। মা’র ছাত্র হয়ে ও এমন শিখেছে সে, ওকে শিখাবার আর কিছু নাই।”

“তোমাকে বড় ভালবাসে।”

“বরাবরই বাসত; মা’র আর বাবার মৃত্যুর পর থেকে যেন আরও বেশী ভালবাসে। যাকে বলে প্রাণ দিতে পারে—ও তাই; ও বোধ হয়, দরকার হ’লে আমার জন্ম প্রাণ দিতে পারে।”

১২

কলিকাতার বিরাট মণিকাকে বিস্মিত করিয়াছিল। হাওড়া ষ্টেশন হইতে সেতুর উপর আসিয়া মণিকা দেখিয়াছিল, জনস্রোত বহিয়া গাইতেছে—নদীর পরপারে বিরাট গুদাম ও গৃহ। তাহার পর বড়বাজারের মধ্য দিয়া আসিবার সময় জনতা কি অসাধারণ! সে সরলকুমারকে সেই কথা বলিয়াছিল। সেই জন্ম বাড়ী দেখিয়া সরলকুমার বলিল, “চল, তোমাকে সহর ঘুরিয়ে আনি।” কিন্তু গাড়ী

আনিবার জ্ঞান বলিতে যাইয়া ফিরিয়া আসিয়া সে বলিল, “আজ তোমাকে অপেক্ষা করতে হবে। অভিভাবকের আপত্তি আছে।”

মণিকা হাসিয়া বলিল, “বেণী কি বললে?”

“বললে, কলিকাতা সহর আজই পালিয়ে যাবে না। এত পথ অতিক্রম করে এনে, আজ বিশ্রাম করা তোমার পক্ষে বিশেষ দরকার।”

তাহার পর সরলকুমার বলিল, “আমি ত মোটামুটি বাড়ী সাজাবার ব্যবস্থা করেছি। এখন তুমি দেখে বল, আর কি কি আনতে হবে।”

“এর পর আরও আনতে হবে! তুমি একেবারে প্রাসাদ সাজিয়েছ!”

“আমার নিজের জ্ঞান কত অল্প দরকার, তা’ তুমি আগায় দেখেছ। কিন্তু যখন সাম্রাজ্যের জ্ঞান বাড়ী সাজাতে হয়, তখন সজ্জা তা’র উপযুক্ত হওয়া চাই।”

“আমার দরকার কতটুকু, তা’ও তুমি দেখেছ—আমি কি এতই বদলে গেছি?”

“চল, ছবি হুঁখানা বা’র করে টাঙ্গাবার ব্যবস্থা করা যা’ক।”

উভয়ে উঠিল এবং যাইয়া প্যাকিং কেস হইতে “ছোট সাহেবের” ও মণিকার জননীর ছবি বাহির করাইয়া টাঙ্গাইবার ব্যবস্থা করিল।

সরলকুমার চিত্রকরকে বলিয়া দিয়াছিল, কলিকাতায় ফিরিয়া তাঁহাকে তাহার পিতামাতার ও মণিকার ছবি ঠাকিতে হইবে।

সে দিন বেণী আপনি তাহাদিগের জ্ঞান সব আহাৰ্য্য প্রস্তুত করিয়াছিল।

পরদিন প্রভাতে বেণী মণিকাকে বলিল, “বৌদিদি, চল—তোমার সংসার তুমি বুঝে নেবে।”

মণিকা হাসিতে হাসিতে বেণীর সঙ্গে গেল।

জিনিষ সব মণিকাকে বুঝাইয়া দিতে দিতে বেণী বলিল, “বৌদিদি, যদি রাগ না কর, তবে একটা কথা বলি।”

মণিকা বলিল, “কি কথা, বেণী?”

“না বলতেন, স্ত্রীলোকের সব চেয়ে বড় আর আদরের অলঙ্কার সিন্দূর। সিন্দূর পরতে কি তোমার কোন আপত্তি আছে?”

মণিকা একটু ভাবিল, তাহার পর বলিল, “আপত্তি! কিন্তু আমার ত সিন্দূর নাই।”

“তুমি বললেই আমি এনে দেব; আর দাদাবাবুকে কোঁটা বার ক’রে দিতে বলব।”

মণিকা ভাবিতে লাগিল, ইহাতে আপত্তির কি কারণ থাকিতে পারে? সংসার ও প্রথা ত্যাগ করিতেই হইবে, এমন কোন কথা নাই।

বেণী কখন যাইয়া সিন্দূর কিনিয়াছিল, মণিকা জানিতে পারে নাই। সে যখন সিন্দূর লইয়া আসিয়া দাড়াইল, তখন সরলকুমার ও মণিকা কতকগুলি পুস্তক সাজাইতেছিল। বেণীর হাত হইতে কাগজে মোড়া সিন্দূর লইয়া মণিকা হাসিতে হাসিতে সরলকুমারকে বলিল, “বেণী বলছে, আমি যদি সিন্দূর পরি, তবে ও আনন্দিত হবে।”

সরলকুমার ভাবিল, মণিকা হয় ত ইহা পসন্দ করিতেছে না। সে বলিল, “কি দরকার?”

বেণীর মুখে বিমর্ষভাব দেখা গেল। সে বলিল, “কাল বৌদিদি আসা থেকে আমার মা’র কথা মনে পড়ছে—তিনি বলতেন, সিন্দূর আর নোয়া স্ত্রীলোকের সব চেয়ে বড় আদরের অলঙ্কার। তিনি সতী—লক্ষ্মী—হুই অলঙ্কার পরেই গেছেন।”

বলিতে বলিতে বেণীর হুই চক্ষু হইতে অশ্রু ঝরিয়া পড়িল।

মণিকা বলিল, “বেণী, তুমি যে বলেছিলে, কোঁটা বা’র ক’রে দিতে বলবে।”

বেণী বলিল, “সিন্দূরকোঁটা মা’র গহনার বাস্কে নিশ্চয়ই আছে।”

সরলকুমার বলিল, “গহনার বাস্কে?”

“হঁ। প্রত্যেক বার দিল্লী থেকে আসবার সময় আমাকে দরিবা থেকে কতকগুলো হাতীর দাঁতের সিন্দূরকোঁটা কিনে আনতে হ’ত। মা লোককে দিতেন। তিনি সিন্দূরের আর লোহার বড় আদর করতেন। তাঁ’র গহনার বাস্কে নিশ্চয়ই কোঁটা আছে।”

সরলকুমার হাসিয়া বলিল, “লোহার কথা যে এখনও বল নি, বেণী?”

বেণী বলিল, “সত্য কথা বলতে কি—পাছে বৌদিদি

বিরক্ত হ'ন, তাই ভেবে বলি নি। বাবার আফিসে যে 'সেন সাহেব' চাকরী করতেন, তিনি খুঁটান ছিলেন; তাঁ'র জীকেও সিন্দুর পরতে দেখেছিলাম বলে সিন্দুরের কথাটা সাহস ক'রে বলেছি।"

মণিকা জিজ্ঞাসা কবিল, "লোহা কি?"

সরলকুমার বলিল, "পশ্চিমে যেমন মেয়েদের হাতে যত গহনাই কেন থাকুক না—কাচের চুড়ীই সাধব্যের চিহ্ন, এ দিকে 'লোহা'—চুড়ীর মত লোহার একগাছা গহনা—তা'ই।"

"সেটা সাধব্যের চিহ্ন?"

"হাঁ।"

"গহনার বাক্স কোথায়?"

"বাক্সটার থাকগুলা বা'র ক'রে লোহার আলমারীতে রাখা হয়েছে। আমি আনছি।"

সরলকুমার যাইয়া একে একে থাকগুলা আনিয়া টেবলের উপর রাখিল। সত্যই তাহাতে একাধিক সিন্দুর-কোঁটা ছিল। সবগুলিতেই সিন্দুর। একটি অপেক্ষাকৃত বড় হাতীর দাঁতের কোঁটার অঙ্গে ব্যবহারচিহ্ন ছিল। বেণী বলিয়া উঠিল, "বৌদিদি, এইটি মা'র সিন্দুর-কোঁটা—এইটি তুমি নাও।" মণিকা সেইটি তুলিয়া লইল। তাহার পর সে অলঙ্কারগুলির সম্বন্ধে বলিল, "যেন নূতন!"

বেণী বলিল, "মা কোথাও যাবার সময় যে গহনা পরতেন, এসে তা' মুছে, পরিষ্কার ক'রে তবে তুলতেন। আর অনেক গহনা তিনি পরেন নি—তোমার জন্মট রেখেছিলেন।"

সেই গহনাগুলি দেখাইতে দেখাইতে একগাছা "লোহা" তুলিয়া লইয়া বেণী বলিল, "সে-বার মা সাবিত্রী থেকে যে সব 'লোহা' এনেছিলেন, এ তা'রই একটি; সেকরাকে ডাকিরে তোমার জন্ম সোণার তার জড়িয়ে বাঁধাতে দিয়েছিলেন।"

মণিকা বেণীর নিকট হইতে সেটি লইল—দেখিতে সুন্দর, লোহার উপর সোণার তার জড়ান—মকরের মুখ। মকরের মুখ দেখাইয়া মণিকা সরলকুমারকে জিজ্ঞাসা করিল, "এটি কি?"

সরলকুমার বলিল, "প্রাণিতন্ত্রের কোন পুস্তকে ওর সন্ধান পাবে না।"

"তবে এর বসতি কবিতার মধ্যে?"

"হাঁ। তবে সে-ও একালে নয়। মকর গন্ধার বাহন-রূপে কল্পিত।"

"দেখি, আমার হাতে হয় কি না"—বলিয়া মণিকা দক্ষিণ-হস্তে "লৌহ" পরিবার চেষ্টা করিলে সরলকুমার বলিল, "কিছু জান না।"

মণিকা বলিল, "কেন?"

হাসিতে হাসিতে সরলকুমার "লৌহ" লইয়া বলিল, "বাঁ হাতে পরতে হয়"—তাহার পর আপনার বাম করে মণিকার বাম করতল সস্তুচিত করিয়া ধরিয়া দক্ষিণ হস্তে "লৌহ" পরাইয়া দিল।

মণিকা হাতখানি ঘুরাইয়া দেখিল।

বেণী হর্ষোৎফুল্লভাবে বলিল, "দেখ দেখি, কেমন মানাল!"

এই সময় আর এক জন ভৃত্য কি বিষয়ে উপদেশ লইবার জন্ত বেণীকে ডাকিল। বেণী চলিয়া গেল।

সরলকুমার বলিল, "তবে সিন্দুর পরা আর বাকি থাকে কেন?"

মণিকা হাসিতে হাসিতে বেশ-পরিবর্তনের কক্ষে যাইবার উদ্যোগ করিলে সরলকুমার বলিল, "এ-ও তুমি কিছু জান না। প্রথম দিন স্বামীকেই সিন্দুর পরিষে দিতে হয়।"

"তুমি ত পরিষে দাও নি।"

"বিশ্বের দিন ত বেণী ছিল না, থাকলে হয় ত বলত, কিন্তু সে দিন হয় ত ওর কথা থাকত না।"

"তুমি মনে করছ, বাবা আপত্তি করতেন? তিনি কখন আপত্তি করতেন না। তিনি বলেন, যে সব প্রথার সঙ্গে বহুকালের স্মৃতি জড়ান আছে, সেগুলি মন্দ না হ'লে নষ্ট করা অনাবশ্যক। বরং সে সব গেলে অনেক বৈশিষ্ট্য, বৈচিত্র্য ও সৌন্দর্য্য নষ্ট হয়ে যায়। আমারও তাই মনে হয়। এই ধর না—সিন্দুর পরার বিষয়। সিন্দুর পরলে ত, ভাল ছাড়া, মন্দ দেখায় না।"

"তা' হ'লে সিন্দুর পরিষে দিচ্ছি। একখানা চিরুণী আনি।"

"আমি আনছি"—বলিয়া মণিকা বেশ-পরিবর্তনকক্ষে যাইয়া চিরুণী আনিয়া সরলকুমার সেখানি লইয়া তাহা সিন্দুরনিপু করিয়া মণিকার সীমস্তে রেখা টানিয়া

দিয়া বলিল, “স্রীলোকের সিন্দুর পণ্য এ দেশে এত চলিত যে, ধর্ম-সঙ্গীতেরও বিষয় হয়েছে—

‘অগ্নি স্মৃতিময়ী উষে, কে তোমারে নিরমিল ;

বালার্ক-সিন্দুর-কোঁটা কে তোমার ভালে দিল ?’

তবে সে সিন্দুরের টিপের কথা।”

সে মণিকার মুখখানি একটু উর্দ্ধোৎক্ষিপ্ত করিয়া তাহার জ-যুগলের মধ্যবর্তী স্থানে সিন্দুরের একটি বিন্দু অঙ্কিত করিবার চেষ্টা করিল এবং সেটি ঠিক মধ্যস্থলে অঙ্কিত হইল না দেখিয়া দুই বার রুমালে মুছিয়া তৃতীয় বার তাহা অঙ্কিত করিয়া বলিল, “এই বার আয়নায় দেখ, কেমন হয়েছে।”

মণিকা হাসিতে হাসিতে একখানি দর্পণের সম্মুখে গেল। দর্পণে তাহার হাশোৎফুল্ল মুখের প্রতিবিম্ব পড়িল—হাসিতে তাহার গালে সেই টোল পড়িল। সরলকুমার দেখিল, দেখিয়া মুগ্ধ ও আকৃষ্ট হইল—মণিকার দিকে অগ্রসর হইল। মণিকা দর্পণে তাহার গতি লক্ষ্য করিয়া—ফিরিয়া দাঁড়াইল। সরলকুমারের মনে হইল, কি মোহিনী সৃষ্টি! সে আপনাকে ভাগ্যবান বলিয়া মনে করিল। সে তরুণীর হর্ষ-প্রফুল্ল মুখ চুম্বন করিবার প্রলোভন সংবরণ করিতে পারিল না। টেনিসনের “দিবাস্বপ্নের” একটি চরণ তাহার মনে পড়িল—“পরশ—চুম্বন—মায়া হ’ল অবসান।”

স্রীতি-নিদর্শন বিনিময়ের পর সরলকুমার বলিল, “কেহ কেহ বলেন, সধবা নারীকে চিনাইবার জন্ত যে সিন্দুর আর ‘লোহা’ ব্যবহারের ব্যবস্থা হয়েছিল—সে বর্ষরম্যুগের—তাহাতে বুঝায়, যে নারীর সীমন্তে সিন্দুর আর মণিবন্ধে ‘লোহা’ আছে, তাহার জন্ত যুদ্ধ—রক্ত-পাত হয়ে গেছে, আর সে বন্দিনী।”

মণিকা বলিল, “এ ব্যাখ্যা কখনই কবিজনগোষ্ঠ হ’তে পারে না।”

“না। কবির ব্যাখ্যা—প্রাকৃতিক সৌন্দর্য্যপ্রিয় মানব দিনের আরম্ভে রাত্রির অন্ধকার বিদীর্ণ ক’রে অরুণ-রাগ-বিকাশের সৌন্দর্য্য দেখে মুগ্ধ হয়েছিলেন, আর যে নারীকে তাঁ’রা গৃহের লক্ষ্মী আর সৌন্দর্য্যের সার মনে করতেন তাঁ’র ঘনাক্ষকার কেশের মধ্যে সিন্দুরের ধার ব্যবস্থায় সেই সৌন্দর্য্যের অনুকরণ করেছিলেন।”

“চমৎকার! আর লোহা?”

“সংসারধর্ম্ম ঋষাণ্ডভাবে পালন করতে হ’লে কুম্ভ-কোমলা নারীকেও যে সময় সময় কঠোরতা অবলম্বন করতে হয়, ‘লোহা’ তা’রই প্রতীক।”

মণিকা হাসিয়া বলিল, “এই ব্যাখ্যাটা স্বামীদের সর্বদা মনে রাখা কর্তব্য।”

“কেন?”

“তাঁ’রা যেন কখন পাতরের মত গুচ্ছ ও কঠোর না হ’ন। কারণ, পাতরে আর লোহায় সংঘর্ষ উপস্থিত হ’লে আগুনের উৎপত্তি অনিবার্য্য।”

“আর সেই আগুনে সংসারের আর জীবনের সব সুখ-শান্তির আশা পুড়ে ছাই হয়ে যেতে পারে।”

বেণীর সহিত আলোচনা করিয়া সরলকুমার কলিকাতায় পিতার বন্ধুদিগের একটা তালিকা প্রস্তুত করিল;—স্থির করিল, তাঁহাদিগের সহিত সাক্ষাৎ করিয়া আসিবে; কলিকাতার সমাজে যখন থাকিতে হইবে, তখন সেই সমাজে তাহার স্থানটি নির্দিষ্ট করিয়া লইতে হইবে। তবে তাহাতে কিছু বিলম্ব হইবে; কারণ, তাহার পূর্বে মণিকাকে কলিকাতার দ্রষ্টব্য স্থানাদি দেখাইতে হইবে।

মণিকাকে কলিকাতার দ্রষ্টব্য স্থানগুলি দেখান সেই দিন হইতে আরম্ভ হইল। যিনি কলিকাতাকে “দূরত্বের সহর” নামে অভিহিত করিয়াছিলেন, তিনি ভুল করেন নাই, অতিরঞ্জনের আশ্রয়ও গ্রহণ করেন নাই। কারণ, কলিকাতা জলার জন্ত পূর্বদিকে আর নদীর জন্ত পশ্চিম দিকে বিস্তৃতি লাভ করিতে না পারিয়া গঙ্গার কূলে দীর্ঘ হইয়াছে।

কলিকাতায় যাহারা বাস করে, তাহারা ইহার দ্রষ্টব্য স্থানের বাহ্যিক যেন অনুভব করিতেই পারে না কিন্তু প্রকৃতপক্ষে কলিকাতা বহু দ্রষ্টব্য স্থানের গর্ভ করিতে পারে। এ দেশে রাজা হইয়া ইংরেজ ইহাকেই রাজধানী করিয়া সাজাইয়াছিল এবং কলিকাতা ইংরেজ রাজত্বে দিনে দিনে বিস্তৃতি ও সমৃদ্ধি লাভ করিয়াছিল।

প্রথম দিনেই সরলকুমার কয়টি স্থান ও দ্রব্য দেখাইয়া তাহার আপনার গৃহ দেখাইতে লইয়া গেল। সেই গৃহের বেষ্টনোত্তানমধ্যে এক পার্শ্বে তখন তাহার নির্দেশানুযায়ী বাঙ্গলো গঠনের কার্য্য আরম্ভ হইয়াছে। সে গৃহ যে আগ্রায় “ছোট সাহেবের” বাঙ্গলোর অনুকরণে নির্মিত



হইবে, তাহা সে মণিকার নিকট গোপন রাখিয়া রচনাশেষে মণিকাকে বিন্মিত করিবে মনে করিয়াছিল বটে, কিন্তু সে সঙ্কল্প আর অক্ষুণ্ণ রাখিতে পারিল না। শুনিয়া মণিকা বলিল, “ঠিক ভেমন করা কেন ?”

সরলকুমার বলিল, “আগ্রার বাজলোতে তুমি জন্মাবধি অভ্যস্ত—নিশ্চয়ই সেটা তোমার ভাল লাগে।”

“তুমি যদি কেবলই আমার জন্ম ভাব, তবে যে আর কোন কথা ভাবতেই সময় পাবে না !”

সেঙ্গপীয়ারের পরিচিত উক্তি উদ্ধৃত করিয়া সরলকুমার বলিল :—

“নিমজ্জিত হ'ক রোম টাইবার জলে,  
ধ্বংস হ'ক সাম্রাজ্যের বিস্তৃত খিলান—  
তোমাতেই স্থান মোর।”

প্রগাঢ় প্রেমের পরিচয়ে মণিকা যে অসাধারণ তৃপ্তি ও আনন্দ লাভ করিল, তাহা কি ভাষায় ব্যক্ত করা যায় ? ব্যক্ত করিবার ব্যর্থ চেষ্টাও সে করিল না।

উভয়ের দিন যেন সুখের স্বপ্ন-রাজ্যে অতিবাহিত হইতে লাগিল। [ক্রমশঃ।

শ্রীহেমেন্দ্রপ্রসাদ ঘোষ।

## এসো পুনঃ

মোর পানে চেয়ে হেসেছিলে যবে,  
হে মোর পরাণ-বঁধু,  
সে হাসি তোমার এ মোর অঙ্গে  
তেলেছিল শুধু মধু।

নিরঞ্জন গেহে প্রেমভরে চাতি,  
কয়েছিলে ‘ভালবাসি’ ;—  
হৃদয়-গগনে স্নিগ্ধ আভাস  
চাঁদ উঠেছিল হাসি।

শ্রামল চরণে মণি-মঞ্জীর  
বাজাইয়া রিনি-ঝিনি,  
তারার মালিকা কণ্ঠে ঢুলায়ে  
নিশীথের সোহাগিনী,

নীল অশ্বর নিচোল বক্ষে  
জ্ঞানাকি প্রদীপ জ্বালি,  
ছসারে আমার আসিয়া গোপনে  
দেছে কত গীতি ডালি।

নদীপারে ওই পশ্চিম কূলে  
অলেছে দিনের চিতা ;  
রজনীগন্ধা প্রিয়তম-আশে  
মনস্বখে আমোদিতা।

দিকবালা কত তরুর শ্রবণে  
কয়েছে প্রেমের কথা ;  
আঁপারের সনে চক্রবাকীর  
বেড়েছে হৃদয়-ব্যথা।

জয়টীকা দেছে ললাটে আমার  
সাঁঝের তরুণ ইন্দু ;  
মশোগান কত শুনায়েছে কাণে  
পরাণের সুখ-সিদ্ধ।

সে-গানে মোহিয়া ভুলেছি তোমারে,—  
তাই রহ দূরে সরি !  
বুঝি নাই, প্রিয় ! উৎসব গানে  
আছিল হৃদয় ভরি।

ক্ষম, হে আমার, ক্ষম অপরাধ,  
এস পুনঃ হৃদিমাঝে,  
নিরঞ্জন গেহে প্রেমভরে চাহি—  
এস অপরূপ সাজে।

শ্রীমতী ইলারানী সুখোপাধ্যায়।

# বৈদেশিক প্রসঙ্গ

## যুরোপের অবস্থা

যে রূপ সংবাদ পাওয়া যাইতেছে, তাহাতে মনে হইতেছে যে, যুরোপের অবস্থা অত্যন্ত শঙ্কাজনক হইয়া উঠিয়াছে। ফ্রান্স, জার্মানী, অস্ট্রিয়া, ইটালী, পোলাণ্ড, বেলজিয়াম, স্পেন প্রভৃতি নানা দেশেই অশান্তি নানারূপে আত্মপ্রকাশ করিতেছে। সমস্ত যুরোপ যেন একটা বিস্তীর্ণ বারুদের স্তুপের মত বিরাজ করিতেছে। অগ্নিও স্থানে স্থানে জ্বলিয়া উঠিতেছে। সুতরাং কোথা হইতে কখন কি উপলক্ষে একটা অগ্নিকণা অশুভ মুহূর্তে কোথায় বাইয়া পড়িবে, তাহা বুঝিয়া উঠা কঠিন। সেই জন্ত যুরোপের ভিতরকার অবস্থা খুব শঙ্কাজনক বলিয়া মনে হইতেছে।

এ দিকে যুদ্ধ না বাধিবার অনেকগুলি কারণও যুরোপে উপস্থিত হইয়াছে। গত মহাযুদ্ধের পর হইতে কোন রাজ্যের ভিতরকার অবস্থা বিশেষ ভাল নহে। সর্বত্রই বাণিজ্যের অবস্থা সঙ্কুচিত হইবার সঙ্গে সঙ্গে ব্যয়ের বাহুল্য ঘটিতেছে। সর্বত্রই বেকার-সংখ্যা বাড়িয়া গিয়াছে। গ্রেট ব্রিটেনে ক্রমশঃ যুরোপের মধ্যে শক্তিশালী দেশ। যখনবলে ব্রিটেনের সমকক্ষ লোক যুরোপের মহাদেশে আছে বলিয়া মনে হয় না। সেই গ্রেট ব্রিটেনে এখন প্রায় ২২ লক্ষ লোক বেকার। সরকার হইতে তথায় বেকার লোকদিগকে প্রতিপালন করিতে হয়। সে জন্ত ব্রিটেনের বর্তমান বৎসরে ব্যয় পড়িবে ৩ কোটি ৮৮ লক্ষ পাউণ্ড। এইরূপ বেকার প্রায় সকল দেশেই অল্প-বিস্তর আছে। ফ্রান্সেও আছে, জার্মানীতেও আছে। মার্কিন এখন না কি সর্বাধিক দেশ। সে দেশে বর্তমান সময়ে ৭০ লক্ষ লোক বেকার, ইহা প্রেসিডেন্ট রুজভেল্টের কথা। সুতরাং যাহারা মনে করিয়াছিলেন যে, যুদ্ধের পর “মধুর বহিবে বায়ু ভেসে যাব রঙ্গে,” তাহাদের আশা পূর্ণ হয় নাই। বরং সকল দেশের রাজনীতিকরা প্রতিকূল ঝড়-ঝঞ্ঝার ভয়ে সদাই শঙ্কিত। তাহাদের শঙ্কা এতই বাড়িয়াছে যে, তাহারা যেন একটা পত্র-পতনেও চমকিত হইয়া উঠিতেছেন। যুদ্ধের ভীষণতা এখন সকলেই মর্মে মর্মে অনুভব করিতেছেন। তাহার উপর কাহারও আর্থিক অবস্থা ভাল নহে। প্রায় সকল রাজ্যের বাজেটে জমায় কম, খরচ বেশী দেখিতে পাওয়া যায়। সকল দেশের লোকই কবভাবে পীড়িত। রাজনীতিকদিগের চিন্তার পার নাই। একরূপ অবস্থায় কেহ যে ইচ্ছা করিয়া শান্তিভঙ্গ করিতে প্রবৃত্ত হইবেন, ইহা মনে হয় না।

পক্ষান্তরে, শান্তিরক্ষার জন্ত যে সকল উপায় পাশ্চাত্য রাজনীতিকরা অবলম্বন করিতে বাইতেছেন,—তাহা যেন কাহার অভিসম্পাতে ব্যর্থ হইয়া বাইতেছে। গ্রেট ব্রিটেনের পার্শ্ব অধিকার সর্বাধিক অধিক বিস্তৃত। পৃথিবীর বহু দেশে তাহার টাকা খাটে। সেই জন্ত ব্রিটেনের রাজনীতিকদিগের বিশ্বাস, যুরোপের শান্তিভঙ্গ হইলে তাহারা সর্বাধিক অধিক ক্ষতিগ্রস্ত হইবেন। তাহারা সমরাত্মক সঙ্কটসাধনের জন্ত বধ্যসম্মত

চেষ্টা করিয়া আসিতেছিলেন। কয়েক স্থানে ঐ বিষয়ের বৈঠকও বসান হইয়াছিল। কিন্তু পরস্পরের উপর পরস্পরের বিশ্বাসের অভাব হেতু তাহা সফল হয় নাই। এবার যুরোপের রাজনীতিক আকাশকে মেঘমেহুর দেখিয়া গ্রেট ব্রিটেনই স্বয়ং সমর-সরঞ্জাম বাড়াইবার জন্ত বিস্তর টাকা বরাদ্দ করিয়াছেন। আয়োজন খুব জোরে চলিয়াছে। জাহাজ, বিমান, কামান প্রভৃতি নির্মাণে অনেক বেকার মজুর কাণ্ড পাইতেছে। পূর্বে ব্রিটিশ রাজনীতিক-বর্গ প্রায় বলিতেন,—যুদ্ধের সাজসজ্জা বাড়াইয়া রাখিলে আচম্বিতে যুদ্ধ বাধিতেই পারে। এখন আবার তাহারা মতটা পাণ্টাইয়া ফেলিয়া বলিতেছেন যে, গ্রেট ব্রিটেন যদি পূর্ণ রূপ-সাজে সজ্জিত হন, তাহা হইলে কেহ আর যুদ্ধ করিতে সাহস পাইবে না। মানুষের বিচার-বুদ্ধি অনেক সময়ই স্বার্থবুদ্ধির দ্বারা প্রভাবিত হইয়া থাকে। কিন্তু শেষে বিধাতার মতলবই হাসিল হয়। ফলে এখন যুরোপের চারিদিকেই সাজ সাজ রব পড়িয়া গিয়াছে। ইহাতে শান্তি রক্ষিত হইবে কি না, তাহা লইয়া তর্ক করা বৃথা।

ইহার পর আর একটি ব্যাপার বর্তমান রাজনীতিক অবস্থাকে বিশেষভাবে বিড়ম্বিত করিয়াছে। সেটি হইতেছে, ইটালী কর্তৃক আভিসিনিয়া-বিজয়। এই ব্যাপারে লীগ অব নেশন্সের বা জাতি-সঙ্ঘের ব্যর্থতা পূর্ণ মাত্রায় দেখা দিয়াছে। এই লীগের বা জাতিসঙ্ঘের উপর বিশ্বাস করিয়াই ইথিওপিয়ায় সম্রাট হাইলাস সিলাসী আজ এতটা দুর্দশাগ্রস্ত হইয়া পড়িয়াছেন। এ কথা এখন সত্য বলিয়াই জানা গিয়াছে যে, ইটালী কিছুদিন হইতে আভিসিনিয়ার সহিত যুদ্ধ করিবার জন্ত প্রস্তুত হইতেছিল, কিন্তু যখনই আভিসিনিয়া একটু যুদ্ধের জন্ত প্রস্তুত হইবার লক্ষণ প্রকটিত করিয়াছিল, তখনই ইটালী চাঁৎকার করিয়া বলিয়াছে যে, আভিসিনিয়া নিরপেক্ষতা ভঙ্গ করিয়া যুদ্ধার্থ প্রস্তুত হইতেছে; লীগের তোয়াকা তাহারা কিছুই রাখিতেছে না। লীগ আভিসিনিয়া-রাজকে বরাবরই এই ব্যাপার মিটাইয়া দিবার আশ্বাস দিয়া আসিয়াছিল, সে জন্তও আভিসিনিয়ারাজ বিশেষ কিছুই করেন নাই। তিনি লীগের কথাতেই আশ্বস্ত হইয়াছিলেন। নতুবা ইটালী যখন সম্পূর্ণ প্রস্তুত হইতে পারে নাই, তখন যদি হাইলাস সিলাসী ইটালীর অধিকৃত ইরিট্রিয়া আক্রমণ করিতেন, তাহা হইলে ইটালীকে যে বিষম বিত্রত হইয়া পড়িতে হইত, সে বিষয়ে সন্দেহ নাই। এ কথা এখন বেশ জানিতে পারা গিয়াছে যে, ইটালী প্রথম হইতেই এই আফ্রিকাবাসী অশ্বত জাতির উপর বিশ্বাস-পূর্ণ বোমা নিক্ষেপ করিয়া আসিতেছে। মেজর গ্রাহাম পোল লিখিয়াছেন যে, গত জানুয়ারী মাসে ২ শত ২৪ টন বিশ্বাস-পূর্ণ আভিসিনিয়ার ভিতর লইয়া যাওয়া হইয়াছে। ফলে শোর্বে বা বীরকে ইটালীদানরা ইথিওপিয়াকে পরাজিত করিতে পারে নাই। তাহারা অন্তরীক হইতে বিষমর বাষ্প-পূর্ণ বোমা নিক্ষেপ করিয়াই হাবসীবীরদিগকে কাপুরুষের দায় পরাজিত করিয়াছে। অথচ এই ইটালীই এক সময়ে যুদ্ধে বিষমর বাষ্প ব্যবহারের ঘোর

নিশ্চয় করিয়াছিলেন। যুদ্ধ না করিয়া মধ্যস্থের সাহায্যে সকল বিবাদ মিটাইয়া দিবার জন্ত যে জাতিসংঘের প্রতিষ্ঠা করা হইয়াছে, সেই জাতিসংঘের মুখাপেক্ষী থাকিয়াই আজ আভিসিনিয়া-রাজকে ঘোর হুঁদশা ভোগ করিতে হইল। ইহা ভিন্ন ইটালী যে রেড ক্রস চিকিৎসাগারের উপর বেসরোয়া হইয়া বোমা নিক্ষেপ করিয়াছিল, তাহার উদ্দেশ্য কেবল আহত এবং পীড়িত সৈনিকদিগকে বধ করা

ছিল না—পরন্তু তাহারা আভিসিনিয়ার যে নিষ্ঠুর ও পৈশাচিক ব্যবহার করিয়াছে, তাহার যেন কোন যুরোপীয় সাক্ষী না থাকে, তাহার উপায় করা। ফলে এই দেশ বিজয় করিতে যাইয়া ইটালী কেবল সর্বপ্রকারে অস্ত্রের আচরণ করে নাই,—শান্তিরক্ষার প্রতিষ্ঠান লীগকে একবারে খেলো করিয়া দিয়াছে।

ইটালীর অত্যাচারী পুরুষ মুসোলিনী এই উপলক্ষে আর একটা ব্যাপার প্রদর্শন করিয়াছেন। তিনি হাতে-কলমে দেখাইয়াছেন যে, স্বৈরশাসকরা যদি বিশেষ দৃঢ়তার এক ক্ষিপ্ততার সহিত কাষ করিতে পারেন, তাহা হইলে তাহারা সকল কার্যই সাধন করিতে পারেন।

ইহাতে একটা মন্দ নজীরের সৃষ্টি

হইয়াছে। ইহাতে তিনি যে পথ দেখাইয়াছেন, সেই পথে চলিলে হার হিটলার বোধ হয় অতিশয় ক্ষিপ্ততার সহিত তাহার প্রণট উপনিবেশগুলি পুনরধিকার করিতে পারিবেন। কুকাঘোর পরিণাম এইরূপই হইয়া থাকে। তাই গত ২৯শে এপ্রিল আভিসিনিয়ার সম্রাট হইলাস সিলাসী বলিয়াছিলেন,—I must still hold on until my tardy allies appear. And if they never come, then I say prophetically and without bitterness, "The west will perish"....আমার বিলম্বকামী মিত্র-বর্গ যত দিন না আসিতেছেন, এখনও আমি তত দিন আশাপথ ধরিয়া থাকিব। যদি তাহারা আমার সাহায্যার্থ না আসেন, তাহা হইলে আমি শাস্তভাবে এই ভবিষ্যদ্বাণী করিতেছি যে, "প্রতীচীর পতন হইবে।" ইটালী যে নজীরের সৃষ্টি করিয়াছে, তাহা যে হাবসী সম্রাটের ঐ ভবিষ্যদ্বাণী সফল হইবার পথ প্রশস্ত করিয়া দিবে, তাহাতে বিস্ময়মাত্রও সংশয় নাই।

এ দিকে অষ্ট্রিয়ার সহিত জার্মানীর ত একটা মৈত্রী-বন্ধন হইয়াই গিয়াছে। তিনিতেছি, ইটালীর সহিতও অষ্ট্রিয়া ও জার্মানীর একটা মৈত্রী-বন্ধন হইয়া গিয়াছে। তাহা যদি হইয়া গিয়া থাকে, তাহা হইলে বিগত যুরোপীয় মহাযুদ্ধের পূর্বে মধ্য-যুরোপে যে ত্রিশক্তির সম্মেলন ছিল, তাহারই আবার প্রবর্তনা করা হইল। মুসোলিনী এই ব্যাপারে অষ্ট্রিয়ার গুণনিগকে অভিবাদনও করিয়াছেন। ক্রসেলস সহরে লোকার্ণো চুক্তির স্বাক্ষরকারীদিগের যে সম্মেলন হইবার কথা, তাহাতে যোগদান করিবার জন্ত

বেলজিয়ামের প্রধান সচিব ইটালীকে নিমন্ত্রণ করিয়াছিলেন। সেই নিমন্ত্রণ পত্রের জবাবে ইটালী জানাইয়াছেন যে, ইটালী চিরকালই শান্তিরক্ষার কায্য করিবার জন্ত উৎসুক। তবে উহার প্রথম বৈঠকে জার্মানীকেও যোগ দিবার জন্ত আহ্বান করা উচিত। তিনি ঐ বৈঠকে উপস্থিত না থাকিলে এই বিষয়ের অবস্থা অধিক-তর জটিল হইবে। ঐ গো! "যার ভয় কর তুমি, সেই ভয়কালী



মুসোলিনী



হার হিটলার

আমি।" পাছে ইটালী জার্মানীর দিকে ভিড়িয়া পড়ে,—এই ভয়ে গ্রেট ব্রুটেন এবং ফ্রান্স ইটালীর অনেক ধমক সহিয়াছেন। কিন্তু তথাপি যে তাহাই ঘটিল!

### হাবসীদিগের কথা

যুরোপীয় শক্তিবর্গ এবং জাতিসংঘ ইটালীর বিরুদ্ধে শ্রান্তন বা শাস্তিদানমূলক ব্যবস্থা তুলিয়া লইয়াছেন। বলা বাহুল্য, এখনও হাবসী সংগ্রামের অবসান হয় নাই। ইটালীয়ানরা এখন ঐ দেশের অনেক স্থান জয় করিতে পারে নাই বলিয়া মধ্যে সংবাদ পাওয়া গিয়াছিল। হাবসীরা এখনও কেবল স্বদেশপ্রেমের বশবর্তী হইয়া ইটালীর বিরুদ্ধে সংগ্রাম চালাইতেছে। ঐ সকল সংগ্রামের সংবাদ এখন আর এদেশে আসিয়া পৌঁছিতেছে না। অন্যথ্য তাহারা এখন কেবল অনাথশরণের শরণ লইয়া সংগ্রাম চালাইতেছে। মধ্যে সংবাদ পাওয়া যায় যে, ইটালীর কতকগুলি সৈনিককে হাবসীরা বিনষ্ট করিয়াছে। যুদ্ধ শেষ হইবার পূর্বে এরূপ শ্রান্তন তুলিয়া লওয়া কোনমতেই সমর্থন করা যাইতে পারে না। যদি যুদ্ধ শেষ হইয়া গিয়া থাকে,—যদি হাবসীরা ইটালীয়ানদিগের বশবর্তী স্বীকার করিয়া থাকে,—তাহা হইলে হাবসী সম্রাট সে কথা বলিতেছেন না কেন? আদিস আবার হইতে আগত ইটালীর তিনখানি রণ-বিমানপোতের আয়োহীদিগকে হাবসীরা আক্রমণ করিয়া সংহার করিয়াছে। কেবলমাত্র ফাদার বেয়েলো পলায়ন করিয়া প্রাণ

রক্ষা করিতে পারিয়াছেন। স্বপ্নবিমানখানি লেকেণ্ডিতে নামিয়াছিল। সেইখানেই হাবসীরা ইটালীয়দিগকে আক্রমণ করিয়াছে। এই স্থানে সর্বসমেত ৩০ জন ইটালীয় নিহত হইয়াছিল। আরও প্রকাশ যে, আর্দিস আবাবা এবং জিবুতি রেলপথের অর্কাঙ্কি এবং নজ্জ নামক স্থানে হাবসীরা কিয়দংশ ভাঙ্গিয়া দেয়। স্থানটি মেরামত করা হইয়াছে। বিসাক্ত গ্যাস দ্বারা আক্রান্ত হইবার ভয়ে দেশভুক্ত হাবসীরা এইভাবে যুদ্ধ করিতেছে।

হাবসী জাতির কথা

হাবসী সম্রাট জেনেভায় জাতিসঙ্ঘে যোগ বলিয়াছিলেন, তাহাই হাবসী জাতির মর্মকথা। তিনি হাবসীজাতির এই দুর্দশার জন্ম



সম্রাট হাইলাস সিলাসী

জাতি-সঙ্ঘকেই দায়ী করিয়াছিলেন। তিনি আবেগ-কম্পিত স্বরে বিষবাস্প নিক্ষেপের কথা বলিতে বলিতে বলেন, ৯ খানি হইতে ১৮খানি বিমানপোত শ্রেণী বন্ধ এবং দলে দলে বিভক্ত হইয়া ইথিওপিয়ার উপর বিষময় বাস্প ছড়াইয়া দিচ্ছে। উহার ফলে কেবল সৈনিকরা মরে নাট,—যাহারা সমরে লিপ্ত হয় নাই, একপ সাধারণ দরিবাসীরাও মরিয়াছে। গোমেষাদি গৃহপালিত পশুর দলও মরিয়া নিমূল হইয়া গিয়াছে। গোচর-ভূমি ও পানীয় জল পর্যন্ত বিষবর্ষী বোমার দ্বারা বিসাক্ত করা হইয়াছে। তিনি আরও বলেন যে, এই ভাবের অতিশয় সাংঘাতিক জুঙ্গায়ের প্রকৃত বিবরণ প্রদানের এবং ইহার প্রতিবাদ করিবার জন্ম তাঁহারই তথায় আসিবার প্রয়োজন হইয়াছে। অল্প কেষ্ট জেনিভায় আসিয়া সে কথা যথাযথভাবে বলিতে পারিতেন না। সেই জন্মই তিনি তাঁহার সহকারী যোঁকগকে লইয়া জেনিভায় আসিয়াছেন। তাঁহার এবং আমি এই ভীষণ ব্যাপার প্রত্যক্ষ করিয়াছি। তাঁহার প্রজাদিগের উপর ইটালী যে কাণ্ড করিয়াছে, তাহার যথোচিত প্রমাণ উপস্থিত করিবার জন্ম তিনি তথায় উপস্থিত। তাহার পর হাইলাস সিলাসী জাতিসঙ্ঘের সদস্যগণকে সন্মোদন করিয়া বলিয়াছিলেন,—সমস্ত ইথিওপিয়াকে একতাবদ্ধ করিবার জন্ম চেষ্টা করা হইয়াছিল; কিন্তু ইটালীর চক্রান্তে সে চেষ্টা ব্যর্থ হইয়া যায়। ইটালী ১৪ বৎসর ধরিয়া যুদ্ধের জন্ম প্রস্তুত হইয়া আসিতেছে, কিন্তু তাহা হইলেও যদি যুরোপের কংগ্রেসটি রাজ্য ইটালীর সহিত বন্ধুত্ব রক্ষা করা প্রয়োজন মনে না করিতেন, তাহা হইলে আজ

আবিসিনিয়ার একপ দুর্গতি হইত না। গোপনে গোপনে যে সন্ধি হইয়াছিল, তাহাতে বাস্তবিক হিসাবে ইটালী ইথিওপীয় যুদ্ধের এই প্রকার পরিণতি হইবে স্বীকার করিয়া লওয়া হয়। কিন্তু তাহা হইলেও ৫২টি রাজ্য এই জেনিভায় উপস্থিত হইয়া আমাকে ভরসা দিয়াছিলেন যে, পররাজ্য আক্রমণকারীকে শেষে জয়যুক্ত হইতে দেওয়া হইবে না। তখন আমি জাতিসঙ্ঘের কথায় বিশ্বাস করিয়াছিলাম। আমি মনে করিয়াছিলাম, জাতিসঙ্ঘেরই শেষে জয় ঘটিবে।

এটিকে দুর্দশ আবিসিনিয়াকে যুদ্ধের জন্ম আবশ্যিক জবাবদি পাঠান নিমিত্ত হইল, অন্যদিকে ইটালীর হাতে ছিল সুপ্রচুর অস্ত্রশস্ত্র। উভয় পক্ষের অবস্থার তুলনা করিয়া হাবসী রাজা বলেন,—“আমি জিজ্ঞাসা করি যে, প্রকৃতপক্ষে এই ৫২টি রাজ্যের জাতিসঙ্ঘ দুর্দশ পক্ষকে কিরূপ সাহায্য করিয়াছেন? রাষ্ট্রসঙ্ঘের চুক্তি অনুসারে তাঁহার কতদূর কর্তব্য পালন করিয়াছেন? ইটালীর পক্ষ হইতে আমাকে অনেক সুবিধা করিয়া দিবার প্রস্তাব আসিয়াছিল,—কিন্তু সমস্ত হাবসী জাতির উপর বিশ্বাসঘাতকতা করিতে হইবে বলিয়া আমি সে প্রস্তাবে সম্মত হই নাই। আমি ক্ষুদ্র ক্ষুদ্র রাষ্ট্রগুলির স্বার্থরক্ষার ব্যবস্থা করিতে চাই। যুরোপের তিনটি রাজ্য শাস্তিমূলক বিধান বিনিয়োগ করেন নাই। অল্প রাষ্ট্রগুলি রাষ্ট্রসঙ্ঘের নীতি পালনের কথা মুখে স্বীকার করিলেও কায়ে কিছুই করেন নাই। বরং সেই নীতির প্রতিকূল কার্য করিয়াছেন। আর্থিক সাহায্যের জন্ম আমাদের আবেদন উপেক্ষিত হইয়াছে। এখন জিজ্ঞাসা করি, রাষ্ট্রসঙ্ঘের চুক্তির ১৬ ধারা কিরূপ ভাবে প্রতিপালিত হইয়াছে? আমাদের জাতিসঙ্ঘের অর্থাৎ হাবসীদিগকে জিবুতি রেলপথের সুবিধা হইতে বঞ্চিত করা হইয়াছিল, কিন্তু এখন ইটালীয় সৈন্যদিগকে এই রেলপথে সর্বপ্রকার সুবিধা প্রদান করা হইতেছে। ইহাই কি নিরপেক্ষতার নমুনা? আজ সমস্ত আন্তর্জাতিক নীতি বিপন্ন। তাই আজ আমি আপনাদিগের নিকট আমার দেশকে,—আমার বিপন্ন প্রজাবৃন্দকে রক্ষা করিবার জন্ম আবেদন করিতেছি।” উপসংহারে তিনি বলেন “আমার প্রজাবৃন্দের নিকট আমি কি উত্তর লইয়া খাইব?” হাবসী সম্রাট আমহারিক ভাষায় বক্তৃতা করিয়াছিলেন। একপ আবেগপূর্ণ বক্তৃতা ইহার পক্ষে আর কেহ জাতিসঙ্ঘ করেন নাই। কিন্তু কান্যক্ষেত্রে বিশেষ কোন ফল ফলে নাই। অনেকে বলেন যে, গ্যাসেন বা ইটালীকে শাস্তিদানমূলক ব্যবস্থা বলবৎ রাখিতেই হইবে। কিন্তু সে কথাও শেষ পর্যন্ত রক্ষিত হয় নাই। হাবসীদিগের প্রতিনিধি বলেন, তাঁহার জাতিসঙ্ঘকে একটা বাকাসর্ব্বস্ব প্রতিষ্ঠানে পরিণত হইতে দেখিতে চাহেন না। আবার শুনা যাইতেছে, ইটালীদিগকে প্যালেষ্টাইনে স্থান না দিয়া ইথিওপিয়ায় স্থান দেওয়া হইবে। এ সম্বন্ধে জাতিসঙ্ঘের সহিত ইটালীর একটা আলোচনা চলিতেছে। কলে অশ্রুত হাবসীদিগকে উচ্ছিন্ন করিয়া এখন তথায় ইলুদী বসান হইবার সম্ভাবনা জন্মিয়াছে। নেগাস কিছু অর্থ ঋণস্বরূপ চাহিয়াছিলেন,—কিন্তু তাহা তিনি পান নাই। যাহা হউক, জাতিসঙ্ঘে আবিসিনিয়ার পালনা শেষ হইয়াছে। হাবসী জাতির করুণ কাহিনী নেগাসের বক্তৃতাতে প্রতিবিম্বিত হইয়াছে। উহার উপর আর কিছু বলিবার নাই।

হাবসীরা যে ইটালীয় সৈন্যদিগের নিকট সম্পূর্ণ পরাজয় স্বীকার



করিয়াছে, তাহা মনে হইতেছে না। সম্প্রতি হাবসীরা নৈশ অন্ধকারে যাইয়া আদিস আশাবার সন্নিহিত বনভূমিতে আশ্রয় লয়। পরদিন প্রাতে তাহারা রাস কাপার পুত্রে নেক্তে নগর আক্রমণ করিয়াছিল। কিন্তু শেষে তাহারা রাস হাইলুর সৈন্যগণ কর্তৃক পরাজিত হইয়া পলায়ন করিয়াছে। ইটালী তাহার চিরাচরিত ব্যবহার-মুখ্য এই কৃষ্ণাঙ্গ জাতির উপর বোমাবর্ষণ করিয়াছিল। সংবাদটি ইটালীয়দিগের নিকট হইতে আসিয়াছে, স্মরণ্য বোমায় বিষবাস্প ছিল কি না, তাহা কিছু প্রকাশ নাই। যাহা হউক, তাহাতে ব্যাপার কি, তাহা বুঝিয়া লইতে বোধ হয়, কাহারও বিলম্ব হইবে না। কয়েক জন ইথিওপীয় সৈনিক ইটালীয় সৈনিকদিগের হস্তে বন্দী হইয়াছেন। তন্মধ্যে আছেন গোলজামের এক জন খ্যাতনামা ধর্ম্মবাজক আর এক জন খৃষ্ট ধর্ম্মবাজক। এই ব্যাপারে এখন স্বতঃই সন্দেহ জন্মিতেছে, ইথিওপীয় সংগ্রামের এখনও নিবৃত্তি হয় নাই। উহা বরাবরই চলিতেছে।


### সম্রাটকে আক্রমণ

গত ৩২ শে আঘাট (ইং ১৬ জুলাই) বৃহস্পতিবার প্রাতে লণ্ডনের হাইড পার্কে একটি বড়ই আতঙ্কজনক ঘটনা ঘটিয়া গিয়াছে। ইংলণ্ডের রাজা—ভারতের সম্রাট অষ্টম এডওয়ার্ড ৬টি বন্দী সৈন্যদলকে নতুন পতাকা দিয়া সংবন্ধিত করিতে গিয়াছিলেন। সংবন্ধনা উপলক্ষে সম্রাট একটি স্মৃষ্টি বক্তৃতা করেন। তিনি বলেন, “পৃথিবীর সমস্ত মানুষ আজ শান্তি পাইতে চাহিতেছে। যাহাতে পৃথিবীতে শান্তি অক্ষুণ্ণ থাকে, সকলেই আজ তাহার জন্য কামনা করিতেছে। শান্তি বিরাজিত থাকিলে যে সেবা এবং কর্তব্য-পালনের সুযোগ পাওয়া যায়, তাহার মহত্ব যুদ্ধক্ষেত্রের কর্তব্য-পালন ও সেবারতেরই সমান। আপনারা যুরোপের বিগত মহা-যুদ্ধের কথা ভুলিয়া যান নাই। আমাদের জীবনে এবং আমাদের ভবিষ্যৎ-শতাব্দীর জীবনে সেরূপ হৃদয় যেন আর না আসে, ইহাই আমার আন্তরিক কামনা।” ভাবুকিরগোঞ্জল প্রভাবে এই অনুষ্ঠানটি হইয়াছিল। বাকিংহাম প্রাসাদ হইতে হাইড পার্ক পর্য্যন্ত সম্রাটকে দর্শন করিবার জন্য লোক সমবেত হইয়াছিল। সম্রাট এই জনতার মধ্য দিয়া অশ্বারোহণে গমন করেন, তাহার পার্শ্বে যাইতেছিলেন তাহার ভ্রাতা ডিউক অব ইয়র্ক। রাজমাতা ও রাজমহিলাগণ উৎসব দর্শন করিতে গিয়াছিলেন।

ঐ চাকল্যকর ঘটনা সজ্জাটিত হয় ফিরিবার সময় পথে। সম্রাট বখন কনস্টিটিউশন হিলের উপরিস্থিত একটি তোরণ দিয়া আসিতে-ছিলেন, সেই সময়ে জনতার মধ্য হইতে একটা লোক তাঁহাকে লক্ষ্য করিয়া একটি অস্ত্র নিক্ষেপ করে। পরে দেখা যায় যে, ঐ নিক্ষিপ্ত অস্ত্রটি একটি রিভলভার। রিভলভারটি সম্রাটের অশ্বের পার্শ্বেদে আঘাত করে। রাজ-অশ্ব উহাকে পদাঘাতে দূরে ফেলিয়া দেয়। সম্রাট সেই সময়ে চতুর্দিকে দৃষ্টি নিক্ষেপ করিয়া প্রশান্তচিত্তে ধীরে ধীরে অশ্বপৃষ্ঠে অগ্রসর হইতে থাকেন। এ দিকে এক জন পুলিশের লোক তাহার অশ্ব হইতে সেই আততায়ীর উপর লাফাইয়া পড়িয়া-ছিল এবং জনতার সাহায্যে তাহাকে ধরিয়া ফেলে। পুলিশের অস্ত্র লোকও তথায় উপস্থিত হয় এবং লোকটাকে গ্রেপ্তার করে। লোকটিকে ধরিয়া লইয়া যাইবার সময় আর একটা লোক পুলিশের

নিকট উপস্থিত হয় এবং তখন উভয় পক্ষে ধস্তাধস্তি আরম্ভ হয়। সে লোকটাকেও পুলিশ গ্রেপ্তার করিয়া লইয়া যায়। পথে দুই জন মহিলা প্রত্যক্ষদর্শী পুলিশের মোটর-যোগে ঐ স্থান হইতে চলিয়া যান।

যে ব্যক্তি রাজাকে লক্ষ্য করিয়া এই পিস্তলটি নিক্ষেপ করিয়া-ছিল, সে ব্যক্তির চরণ বিকৃত। তাহার নাম জর্জ এণ্ডরুজ মেহন। আপাতত শুনা যাইতেছে যে, সে সংবাদপত্রে কাষ করে। সে লোকের জীবন বিপন্ন করিবার অভিপ্রায়ে রিভলভার রাখিয়াছিল, এই অভিযোগে অভিযুক্ত হইয়া বোম্বীট থানায় হাজতে রক্ষিত হয়। এক জন গোয়েন্দা বলিয়াছেন যে, মেহন তাহাকে



ভারতের সম্রাট অষ্টম এডওয়ার্ড

বলিয়াছে যে, সমস্ত দোমটাই সার জন সাইমনের। রাজাকে আঘাত করিবার কোন অভিসন্ধি মেহনের ছিল না। সে প্রতিবাদস্বরূপ ঐরূপ কাষ্য করিয়াছে। মেহনের সলিসিটর যে বিবৃতি দিয়াছেন, তাহাতে তিনি বলিয়াছেন যে, আসামী এই কথাই বলিতে চাহে যে, তাহার মনে সম্রাটকে হত্যা করিবার অভিপ্রায় ছিল না কিম্বা সে ঐরূপ চেষ্টাও করে নাই। স্কটল্যান্ড ইয়ার্ড প্রকাশ করিয়াছেন যে, ঐ নিক্ষিপ্ত রিভলভারটির পাঁচটি ঘরে চারিটি গুলী ভর্তি ছিল, একটি ঘর খালি ছিল। লোকটি বিদেশী নহে। এক জন প্রত্যক্ষদর্শী বলিয়াছেন যে, এই ব্যাপারে সম্রাট কিছুমাত্র বিচলিত হন নাই। তিনি যেমন ভাবে যাইতেছিলেন, ঠিক সেই ভাবেই অগ্রসর হইতে থাকেন। এক জন পুলিশ ও একটি স্ত্রীলোক ঐ লোকটার হস্তে আঘাত করাতে সে রিভলভারটি ফেলিয়া দিতে বাধ্য হইয়াছিল।

এ সময় একটা ধস্তাধস্তিও হইয়াছিল। আর এক জন বলিয়াছেন যে, এক জন সওয়ার এবং একটা পুলিশের ঘোড়া আততায়ীর সম্মুখে আসিয়া পড়িয়াছিল বলিয়া তাহার দৃষ্টিপথ রুদ্ধ হয়, সে তখন একটু ইতস্ততঃ করে। তাহার পর সম্রাটের দিকে বিভলভারটি নিক্ষেপ হয়। এই ব্যাপারে সম্রাটের মুখ গম্ভীরভাব ধারণ করে। তিনি স্বীয় অধাধ্যক্ষ সার জন এডওয়ার্ডকে কিছু বলেন। অধাধ্যক্ষ স্মেজর জেনারাল সার জন ক্রকের সহিত আসিতেছিলেন। তখন সম্রাটের এক জন এডিকং ঘটনাস্থলে যাওয়া পুলিশকে কিছু বলিয়া আসেন। জনৈক স্ত্রীলোক বলেন যে, “আক্রমণকারী লোকটা আমাদের পিছনের চতুর্থ সারি হইতে আসিয়াছিল বলিয়া মনে হইতেছে। সে জনতাকে ঠেলিয়া ফুটপাথের ধারে যায়। ঐ সময়

যাহা হটুক, ভগবান যে সম্রাটকে রক্ষা করিয়াছেন, তাহাও সে কোন বিঘ্ন ঘটে নাই, সে জন্ত আমরা ভগবানকে আন্তরিক বক্তব্য করিতেছি। ভারত হইতে এবং পৃথিবীর অন্যান্য বহু স্থান হইতে সম্রাটের নির্বিঘ্নতার জন্ত আনন্দ প্রকাশ করিয়া টেলিগ্রাম প্রেরিত হইয়াছে। সম্রাট দীর্ঘজীবী হউন, ইহাই আমাদের একান্ত কামনা।

### বর্তমান যুগে যুদ্ধের স্বরূপ

যুরোপে এবং পৃথিবীর অন্যান্য স্থানেই খেতকার জাতীর মধ্যে সমরাতঙ্ক উপস্থিত হইয়াছে। এখন কেহ সংগ্রাম করিতে ইচ্ছা করেন না, কিন্তু নিয়তির এমনই একটা গতি আসিয়া পড়িয়াছে যে, সকলেই মনে করিতেছেন যে, লোকের ইচ্ছা থাকুক

আর নাই থাকুক, অচিরভবিষ্যতে যুরোপে একটা অতিভীষণ যুদ্ধ উপস্থিত হইবে। কোথায় কাহাদের মধ্যে ঐ যুদ্ধ ঘটবে, তাহা কেহ ঠিকমত বুঝিয়া উঠিতে পারিতেছেন না সত্য, কিন্তু একটা ভীষণ সংগ্রাম যে আসন্ন, ইহা যুরোপের প্রত্যেক রাজনীতিক যেন নরাক্ষিত হৃদয় মনে করিতেছেন। কাষেই এখন সমস্ত যুরোপে ও মার্কিণে যুদ্ধের কথা লইয়া বিশেষভাবে আলোচনা চলিতেছে। এখানে বলা আবশ্যিক যে, বর্তমান সময়ে বিজ্ঞানের উন্নতির সহিত সংগ্রামের স্বরূপ অনেক পরিবর্তিত হইয়া গিয়াছে। পূর্বে সংগ্রাম যেরূপ ছিল, এখন আর তাহা নাই। বিষয়টি প্রয়োজনীয় বোধে এ স্থলে আমরা সে কথার আলোচনা করিব।

বর্তমান সময়ে যুদ্ধের প্রণালী বদলাইয়া গিয়াছে। যুরোপেই এই প্রণালীর পরিবর্তন ঘটয়াছে। পিটার দি গ্রেটের অথবা নেপোলিয়ান বোনাপার্টের আমলে লোক যুদ্ধ বলিতে যাহা বুঝিত এবং যুদ্ধের পদ্ধতি



এণ্ডরুজ মেহন



সার জন সাইমন

এক বাক্তি ‘উহাকে ধর, উহাকে ধর’ বলিয়া চীৎকার করে। সে পুলিশের সারি ঠেলিয়া যাওয়ার চেষ্টা করিবারাত্র এক জন স্ত্রীলোক তাহার পিছু পিছু যান। ঐ সময় এক জন পুলিশ এবং স্ত্রীলোকটি তাহার হাত হইতে বিভলভারটি ধাকা দিয়া ফেলিয়া দেয়। উহা গাস্তার উপর সাইয়া পড়ে।’ এইরূপ নানা জনের মুখে ভিন্ন ভিন্ন কথা শুনা যায়। এই ঘটনায় সম্রাট তাহার কার্য-তালিকা অনুসারেই কাষ করিয়া গিয়াছেন। উহার কিছুমাত্র পরিবর্তন করেন নাই।

কমন্স সভায় সার জন সাইমন গম্ভীরভাবে বলেন যে, “প্রকৃত ব্যাপার কি ঘটয়াছিল, তাহা এখনও যথাযথভাবে জানিতে পারা যায় নাই। তবে একটা বিভলভার সম্রাটের এবং তাহার অনুগমনকারী সৈনিকদিগের মধ্যে রাস্তার উপর আসিয়া পড়িয়াছিল। আক্রমণকারীকে ধরিয়া হাইড পার্কে খানায় লইয়া যাওয়া হইয়াছে। বিভলভার হইতে গুলী ছোড়া হয় নাই। তবে বিভলভারটির ৫টি ধরের মধ্যে ৪টি ধরে গুলী পোরা ছিল।”

যেরূপ ছিল, এখন আর তাহা নাই। সবই ওলট-পালট হইয়া গিয়াছে। যাহারা মনে করেন যে, বর্তমান সময়ে বৈজ্ঞানিক জ্ঞানবলে কতকগুলি পরসংহারক অস্ত্র-শস্ত্র নিষ্পত্তি হইতেছে এবং তাহার প্রয়োগ হেতু যুদ্ধের পদ্ধতি এবং মারাত্মকতা বৃদ্ধি পাইয়াছে, তাহা বা ব্যাপারটা ঠিকমত বুঝিয়া উঠিতে পারিতেছেন না। নেপোলিয়ানের সময় পর্যন্ত যুদ্ধব্যাপারটা এত ভীষণ ছিল না। তখন যে সকল লোক সৈনিকের বৃত্তি গ্রহণ করিত, তাহাদের মধ্যেই সংগ্রাম সীমাবদ্ধ ছিল। ইহা ছিল কতকটা ব্যাপক মল্লক্রীড়ার মত। তখন প্রত্যেক দশ বা দশাধিপতি কতকগুলি অস্ত্রচালনাকৌশলী লোককে বেতন দিয়া রাখিতেন। তাহারাই ছিলেন সৈনিক। যুদ্ধ এই সৈনিকদিগের মধ্যে সীমাবদ্ধ ছিল। সাধারণ লোকের গায়ে ঐ যুদ্ধের আঁচ বড় অধিক লাগিত না। যে দেশের বা রাষ্ট্রপতির সৈনিকরা প্রতিপক্ষের ঐরূপ সেনাদলকে পরাজিত করিতে সমর্থ হইতেন, সেই দেশের বা রাষ্ট্রপতির যুদ্ধে জয় হইত, তিনি প্রতিপক্ষের রাজ্যকে গ্রাস করিতে পারিতেন। এইরূপে

প্রতিপক্ষের রাজা বিজেত-পক্ষের অধীন হইত। ইহার ফলে তিনি ঐ রাজা হয় নিজ অধিকারভুক্ত করিতেন অথবা ঐ বিজিত রাজাকে করদানে বাধ্য করিতেন। ইহা সেন কতকটা দাব্য-খেলার মত ব্যাপার ছিল।

কিন্তু এখন এই অবস্থার পরিবর্তন ঘটয়াছে। নেপোলিয়ানের আমলেই এই পরিবর্তনের সূত্রপাত হয়। নেপোলিয়ান জাৰ্মানী জয় করিয়া উহাকে চিরপমানত করিয়া রাখিবার চেষ্টা করিয়াছিলেন। তিনি জাৰ্মানীকে এত অল্প সৈন্য রাখিতে বাধ্য করিয়াছিলেন যে, তদ্বারা জাৰ্মানীর পক্ষে কোন প্রকারেই আত্মরক্ষা করা সম্ভব হইত না। কিন্তু মানুষ বাহা ভাবে, বিধাতা তাহা ভাবেন না। স্বর্ণ হস্ত এবং স্টীন নামক দুই জন প্রতিভাশালী সৈনিক পুঙ্ক ইহার মদ্য হইতে একটি কান্ডি বাহির করেন। ইহার দেশের সকল সমর্থ ব্যক্তিকে সেনা-বিভাগে লইয়া তাহাদিগকে উপযুক্ত সামরিক শিক্ষা দিয়া ছাড়িয়া দিতেন। যাইবার সময় তাহাদিগকে অল্প শস্ত প্রদান করিতেন এবং সাধারণ নাগরিকদিগের জায় জীবনযাত্রা নির্বাহ করিতে বলিতেন। এই প্রকারে দেশের প্রায় সমস্ত সমর্থ লোকটী সামরিক শিক্ষা লাভ করিতে থাকে। ইহাদের নাম-নাম সরকারের নিকট লেখা থাকিত, এবং যুদ্ধ বাধিলে তাহাদের প্রয়োজনমত ডাক পড়িত। এই প্রকারে জাৰ্মানীতে সমস্ত সমর্থ ব্যক্তিকে লইয়া জাতীয় সৈন্য গঠিত হইয়া উঠিল। ফলে জাৰ্মানীতে বিশালবাহিনী স্বরূপভাবে গঠিত হইয়াছিল, তাহারই ফলে নেপোলিয়ানকে লিপজিকে বিভবিত এবং ওয়াটার্লুতে বিধ্বস্ত হইতে হইয়াছিল।

বাহা হউক, এই ব্যাপার হইতে সমর-সম্পর্কিত ব্যাপারের নূতন অধ্যায় আরম্ভ হইয়াছে। লোক এই ব্যাপার হইতেই উপলব্ধি করিতে আরম্ভ করে যে, কতকগুলি বেতনভুক্ত সৈনিকের হস্তে কোন জাতির বা দেশের ভাগ্য লগ্ন কবা সম্ভব নহে। যখন যুদ্ধ দ্বারা জাতির সর্বনাশ ঘটে, তখন দেশের প্রত্যেক লোকেরই যথাসম্ভব দিয়া জাতীয় স্বাধীনতা রক্ষা করা কল্যাণ। কিন্তু তাহা হইলেও এই বিষয়টির পূর্ণ পরিণতি লাভ হইতে শতাব্দীকাল বস অতিবাহিত হইয়া গিয়াছে। বিগত যুরোপীয় মহাযুদ্ধের পর হইতে যুরোপীয় জাতিরা ঠেকিয়া শিথিয়াছে যে, যদি কোন জাতি সামরিক আয়োজনে সম্পূর্ণ সজ্জিত না হইতে পারেন, তাহা হইলে সেই জাতির আর নিস্তারের উপায় নাই। অবশ্য জাতির সমস্ত ধন-জন দিয়া সমর-যোজন করার মত হুর্ভোগ আর কিছুই হইতে পারে না। কিন্তু এখন পৃথিবীর সকল জাতিই ইহা বেশ ধারণা হইয়াছে যে, হয় ঐ প্রকার হুর্ভোগকে, না হয় জাতীয় স্বদেশকে বরণ করিতে হইবে। যুরোপের এবং অন্যান্য স্থানের শ্রেষ্ঠ জাতির মধ্যে এই রাক্ষসী সমস্যা অত্যন্ত নগ্নমূর্তিতে আত্মপ্রকাশ করিয়াছে। তাই এখন সমস্ত জাতিই যুদ্ধার্থে সম্পূর্ণ প্রস্তুত হইতেছে। যুদ্ধকালে আর কোন জাতিই বিচ্ছিন্ন ও ব্যষ্টিভাবে কাব করিতে পারিবেন না, দেশের সকলকে সমষ্টিগতভাবে, অর্থাৎ ব্যক্তিগত স্বাতন্ত্র্য বিসর্জন দিয়া একমনে এবং একপ্রাণে সামরিক কাণ্ডে আত্ম-নিয়োগ করিতে হইবে। আজ যদি গ্রেট ব্রিটেন কোন বড় যুদ্ধে লিপ্ত হইত, তাহা হইলে গ্রেট ব্রিটেনের ৫ কোটি লোককেই সমরে বিজয়লাভ করিবার জ্ঞান একমনে একপ্রাণে বণচক্রীর চরণে তাহাদের যথাসম্ভব সমর্পণ করিয়া কাব করিতে

হইবে। উহাতে অলখা করিলে চলিবে না। তাহাদের সমস্ত কল-কারখানাই বণচক্রীর প্রস্তুত করিবার জ্ঞান নিযুক্ত করিবে, সমস্ত মজুর ঐ কার্য করিতেই রত হইবে। সে কার্যসাধনে তাঁহারা শেষ পেনিটি এবং শেষ প্রাণীটি পর্যন্ত নিয়োগ করিতে কুন্তিত হইবেন না। অর্থাৎ বর্তমান যুগে সংগ্রামে বিজয়লাভ করিবার জ্ঞান সর্বত্র পণ করিতে হইবে। বিজ্ঞানের যত দূর উন্নতি হইয়াছে, তাহার ফলও বণচক্রীর চরণে নিবেদন করিয়া স্বজাতি-সংগ্রামে উহা নিয়োগ করা চাই। সূত্রাৎ বর্তমান সময়ে যুরোপীয় সভ্যতা কোথায় আসিয়া দাঁড়াইয়াছে, তাহা একটু চিন্তা করিলেই বুঝা যাইবে।

বিজ্ঞানের উন্নতিফলে এক স্থান হইতে অল্প স্থানে সৈন্য লইয়া যাওয়া এবং মূল স্বক্কাবাবে রসদাদি অতি অল্পসময়ের মধ্যে বহন করিয়া আনা অতি সহজ হইয়া আসিয়াছে। বর্তমান সময়ে কোন দেশের পক্ষেই তাহার সমস্ত সীমান্তপ্রদেশ মনুষ্যের বৃত্তির দ্বারা সুরক্ষিত করা কঠিন নহে। সে বৃত্তি বা বেড়া ভাঙ্গাও বড় সহজ নহে। বিগত যুরোপীয় মহাযুদ্ধে ইহা সকলেই বুঝিয়াছেন, উত্তর সাগর হইতে ভূমধ্য সাগরের বেলাভূমি পর্যন্ত বিস্তীর্ণ ভূভাগ এই প্রকার পথ দ্বারা পরিবেষ্টিত হইয়াছিল। তিন বৎসর ধরিয়া চেষ্টাতেও উহা ভাঙিতে পাবা যায় নাই। যদি জাৰ্মানীতে অবমোহ জন্ম পাচ্চাভাব না ঘটত, তাহা হইলে সম্ভবতঃ উহা ভাঙিতে আরও অধিক সময় লাগিত। সূত্রাৎ বর্তমান যুগে যুদ্ধটা যে ভীষণ ব্যাপারে পরিণত হইয়াছে, তাহা ইহা হইতে বুঝা যাইতে পারে।

পৃথিবীর সর্বত্রই, বিশেষতঃ যুরোপের সকল জাতিই আজ যুদ্ধার্থে এইরূপ ভাবে প্রস্তুত হইতেছে। কিন্তু কোন জাতিই অগ্রসর হইয়া আর সংগ্রামে লিপ্ত হইতে সম্মত নহেন। কারণ, বিজয়লাভের মূল্য হইতেছে সর্বত্র পণ। যে জাতির সাম্রাজ্যের বিস্তার এবং ধনের পরিমাণ যত অধিক, সে জাতিকে তত অধিক পণ করিতে হইবে। সেই জন্ম বড় বড় সাম্রাজ্যবাদী জাতিরা ইচ্ছা করিয়া সমরানলে কাঁপ দিতে প্রস্তুত নহেন। কারণ, তাহাতে তাঁহাদের সর্বাপেক্ষা অধিক পণ ধরিতে হইবে। সাম্রাজ্য এবং ধনে গ্রেট ব্রিটেনই সর্বশ্রেষ্ঠ। সেই জন্ম গ্রেট ব্রিটেন একটা তুচ্ছ কথা লইয়া বণক্ষেত্রে অবতীর্ণ হইতে চাহেন না, ইহা গ্রেট ব্রিটেনের সমীক্ষা-কারিতারই প্রমাণ। যুদ্ধ বাধিলে বাণিজ্যের বিশেষ ক্ষতি হইয়া থাকে। বিগত যুরোপীয় মহাযুদ্ধের ফলে বহু বাণিজ্য-প্রধান জাতির তাহাই হইয়াছিল। গ্রেট ব্রিটেনের বাণিজ্যও বিশেষ ক্ষুণ্ণ হইয়াছিল। বাণিজ্যনাশ হইলে গ্রেট ব্রিটেনের অতিশয় ক্ষতি হইবে। তাই ব্রিটেন সমরাজনে অবতীর্ণ হইতে অসম্মত। কিন্তু তাহা হইলেও যখন সকল জাতিই যুদ্ধের সমস্ত উপকরণ বৃদ্ধি করিতেছেন, তখন গ্রেট ব্রিটেন নিশ্চিন্ত থাকিতে পারেন না। তাঁহাকেও সমরায়োজন বৃদ্ধি করিতে হইতেছে। ধনাঢ্যদেরই সম্পত্তি রক্ষার জন্ম অধিক প্রস্তুত থাকিতে হয়। কিন্তু এইরূপ সমস্ত অবস্থা শান্তিরক্ষার কতদূর অক্ষুণ্ণ হইবে, তাহাই বিচার্য। ইহা বিগ্রহের অক্ষুণ্ণ অবস্থা সৃষ্টি করিতে পারে। সমস্যা ত এইখানেই।



## স্পেনে বিদ্রোহ

স্পেনে বিদ্রোহ উপস্থিত। এই বিদ্রোহ নিতান্ত সামান্য বলিয়া উপেক্ষণীয় নহে। বাপারটা বৃষ্টিতে হইলে গত আঘাট মাসের সাময়িকে আমরা যে সকল কথা বলিয়াছি, তাহা বিশেষ মনোযোগের সহিত পাঠ করা উচিত। গীক সভ্যতার আমল হইতে যুরোপে ধর্মীয় মতের সন্ন্যাসীরা যে বিবাদ বাধিয়া আসিতেছে, তাহা নিতান্তই নিষ্ঠুর এবং অস্বাভাবিক। সে বিবরণ পাঠ করিয়া নিশ্চয় যুরোপের হৃদয়হীনতাও স্পষ্ট হইতে হয়। এখন দেখা যাইতেছে যে, স্পেনে সেই বিবাদ একটু বকমফের হইয়া আত্মপ্রকাশ করিয়াছে। স্পেনে এখন সোস্যালিস্টরা বা সমাজতন্ত্রবাদীরা শাসন-তরণীর হাল ধরিয়া বসিয়াছেন। কিন্তু ভোটদাতাদিগের মধ্যে রাজতন্ত্রাদিগের সংখ্যা অধিক ছিল। কি প্রকারে সমাজতন্ত্রবাদীরা শাসনতরণীর কাণ্ডারী হইয়া দাঁড়াইয়াছে, তাহার বিবরণ গত মাসে দেওয়া হইয়াছে। এখন স্পেনের সমাজতন্ত্রবাদীরা তাঁহাদের বাহ্যে কসিয়ার গায় সঙ্গসঙ্গবাদ প্রতিষ্ঠিত করিতে চাহেন। পব-লোকগণ মিষ্টার অ্যাডল বলিভেন, যার নাম ভাস্কা চাল, তারই নাম মুঁড়। যার বলে সমাজতন্ত্রবাদ, তারেই বলে সর্বস্বত্ববাদ (Communism), উভয়ের মধ্যে ভেদ নাই। এখন শ্রমিক প্রতিষ্ঠান সমাজতন্ত্রবাদ প্রতিষ্ঠান শঙ্কায় শঙ্কিত এবং ঢকল হইয়া উঠিয়াছে। উহারা এবং সৈনিকরা সর্বস্বত্ববাদীদিগের কঠোর শাসন পছন্দ করে না। সেই জন্য তাহারা তথাকথিত গণতন্ত্রের অর্থাৎ সর্বস্বত্ববাদীদিগের বিরুদ্ধে অভ্যুত্থান করিয়াছে। প্রজাতন্ত্রীরা যে ভাবে উত্তোষ-আয়োজন করিতেছিল, তাহা দেখিয়া সাধারণ লোক মনে করিয়াছিল যে, স্পেনে বৃষ্টি দ্বিতীয় সোভিয়েট সরকার প্রতিষ্ঠিত হয়। আমরা গতবারই বলিয়াছি যে, সমাজতন্ত্রী দলের অন্ততম নেতা অধুনা স্পেনের রাজনীতিক তরণীর কর্ণধার সেনর আজানা বলিয়াছিলেন যে, তিনি নিরপেক্ষভাবে রাজকাষা পরিচালিত করিবেন। ইহাতে সমাজতন্ত্রী দল অধীর হইয়া তথায় হান্জামা উপস্থিত করে। তিনি বলিয়াছেন যে, তাঁহারা কোন ধর্মাবলম্বীদিগকেই উৎপীড়িত করিতে চাহেন না; কিন্তু তাহা সত্ত্বেও বিদ্রোহ নিবারণিত হয় নাই। এবার বিদ্রোহের উদ্ভব হইয়াছে মাদ্রিদ নগর হইতে প্রায় ৯০ মাইল দূরস্থিত কুয়েতকা নামক স্থানে। এখানে প্রকৃত দাঙ্গা হইয়াছিল এবং কয়েক জন হতাহত হইয়াছিল। তবে এখানে শেষে স্পেনের রাজতন্ত্রী দলের (ফ্যাসিষ্ট) ১৮৫ জনকে (নেতা, কমান্ডারী এবং জাহাজের লোককে) গ্রেপ্তার করা হয় বলিয়া সংবাদ পাওয়া যায়। স্পেনের সরকারী পুলিশ পক্ষের কথা এই যে, এই সকল লোক শীঘ্রই স্পেনে একটা গণগোল বাধাইবার চেষ্টা করিতেছিলেন, তাই তাঁহাদিগকে গ্রেপ্তার করা হইয়াছে। স্পেনের পার্লামেন্ট সভা কর্তৃক নিযুক্ত স্থায়ী কমিশনের যদি আবশ্যিক মনে হয়, তাহা হইলে সঙ্কটপূর্ণ অবস্থাজ্ঞাপক ঘোষণা অনির্দিষ্টকালের জন্য বলবৎ থাকিবে। এই সময়েই বুঝা যায় যে, ব্যাপাট নিতান্ত সহজ হইবে না। ঠিক এই সময়েই সংবাদ পাওয়া যায় যে, মরক্কোর অন্তর্গত মেনিলা নামক স্থানে সেনাবাহিকের সৈন্যরা বিদ্রোহী হইয়া উঠিয়াছে। তথায় সাময়িক আইন জারি করা হইয়াছে এবং স্পেনের বৈদেশিক সৈন্যদল সত্বর দখল করিয়া

হইয়াছে। মেনিলা সেনাদলের কর্ণেল লিটেল্লা, ও তাঁহার অধীনস্থ সমস্ত সৈন্যই বিদ্রোহী হইয়া দাঁড়াইয়াছেন। তথাকার প্রধান সেনানাযক বিদ্রোহীদিগের হস্তে আত্মসমর্পণ করিয়াছেন। স্পেনের প্রধান সেনাপতি জেনারাল গোমেজ মোটাটো কিউটা হইতে মেনিলায় বণ্ডনা হইয়াছেন। সরকার পক্ষ হইতে তখন প্রচারিত হয় যে, এই বিদ্রোহ বহুদূর পর্যন্ত বিস্তারলাভ করে নাই। সুতরাং সেনাপতি মোটাটো অল্প-সময়ের মধ্যে এই অশান্তির উপশান্তি করিতে সমর্থ হইবেন। আবার এই তারিখেই সংবাদ পাওয়া যায় যে, স্পেনের শাসনাদীন মরক্কো রাজ্যের সর্বত্রই বিদ্রোহ উপস্থিত হইয়াছে। আরজিলা বাবাসি এবং এলকামা নামক স্থানে সৈনিকরা বিদ্রোহী হইয়া উঠিয়াছে। এই বিদ্রোহ প্রবলভাবে প্রসারলাভ করিতেছে। ইহার পরই সংবাদ পাওয়া যায় যে, টোপিনীস্থিত স্পেনিস সৈন্যদিগকে কিউটা হইয়া আলজিয়ামে বসাইবার জন্য আদেশ দেওয়া হইয়াছে এবং মরক্কোতে সেনাদল বন্ধিত করিবার জন্য সমস্ত পদাতিক সৈন্যকে এই সঙ্গে লইয়া যাইতে বলা হইয়াছে। মরক্কোতে বিদ্রোহ অতি শীঘ্র বিস্তারলাভ করিতেছে। স্পেনের সরকারী সংবাদে ঘোষণা করা হইয়াছে যে, তাহাদের সরকারী সৈন্যগণ কিউটাস্থিত বিদ্রোহীদিগের উপর বোমাবৃষ্টি করিতেছে। ইহাতে মনে হইতেছে যে, এই সময় কিউটার বিদ্রোহীরা প্রবল হইয়া উঠিয়াছিল।

এই ব্যাপারের প্রকৃত সংবাদ পাওয়া কঠিন হইয়া উঠিয়াছে। সকল পক্ষই আপনাদিগের স্বার্থের অনুকূলভাবেই সংবাদ পাঠাইতেছেন। এই হান্জামাটা বাধিয়াছে প্রগতিশীল দলে এবং রাজতন্ত্রী দলে। এখন প্রগতিশীল দলকে সমাজতন্ত্রী দল এবং রাজতন্ত্রী দলকে ফ্যাসিষ্ট দল বলিয়া অভিহিত করা হইতেছে। এই ফ্যাসিষ্টদলই বিদ্রোহী আর সমাজতন্ত্রী দলই তথাকার সরকার। বিদ্রোহটি মরক্কো হইতে ক্রমশঃ স্পেনে এবং তথা হইতে প্রায় সমস্ত স্পেনে ছড়াইয়া পড়িতেছে। সরকার পক্ষ তখন বলেন, “মা ভেঃ”! অবস্থা আয়ত্তের মধ্যে আসিয়া পড়িয়াছে। আবার বিদ্রোহীরা সংবাদ দেন, বিদ্রোহ ক্রমশঃই বৃদ্ধি পাইতেছে। প্রকাশ—ফ্যাসিষ্ট দল কতকগুলি সমাজতন্ত্রবাদীকে গুলী করিয়া মারে, কমিউনিষ্ট দল অর্থাৎ সরকার পক্ষ কতকগুলি ফ্যাসিষ্টকে গ্রেপ্তার করে। সরকার পক্ষের কথা এই যে, রাজতন্ত্রী বা ফ্যাসিষ্টরা গণতন্ত্রের উচ্ছেদসাধনের জন্য বিশেষভাবে চেষ্টা করিতে আরম্ভ করে। কিন্তু তাহাদের সে চেষ্টা ব্যর্থ হইয়া যায়। মরক্কোর সৈন্যদল গণতন্ত্রের বিরুদ্ধে যুদ্ধ ঘোষণা করিয়াছে। কিন্তু এই বিদ্রোহ কয়েকটিমাত্র নগরীতে সীমাবদ্ধ রহিয়াছে। তাঁহারা বলিয়াছিলেন যে, স্পেনে কেহই এই বিদ্রোহে যোগদান করিতেছে না। কিন্তু এ সংবাদটা বিশ্বাসযোগ্য মনে হইতেছে না। কারণ, তাহা হইলে এই বিদ্রোহ কখনই এত দিন পর্যন্ত স্থায়ী হইতে পারিত না। ইহার পরে আবার সরকার পক্ষ বলেন, অবস্থা ক্রমশঃ আয়ত্তের মধ্যে আসিয়া পড়িতেছে। ইহার পরই সংবাদ আসে যে, স্পেনে ফ্যাসিষ্ট এবং সোস্যালিস্ট দলে বিরোধ উগ্রভাবে আত্মপ্রকাশ করিয়াছে। ফ্যাসিষ্টদিগের গুলীর আঘাতে অনেক সমাজতন্ত্রবাদী নিহত হইয়াছে। ফলে সোস্যালিস্ট সরকার সহস্রাধিক ফ্যাসিষ্টকে গ্রেপ্তার করেন। শ্রমিকরাও ধর্মঘট করিয়া কাষ বন্ধ করিয়া দেয়। ফ্যাসিষ্টরা বা রাজতন্ত্রীরা পার্লামেন্ট বর্জন করে। সরকার পক্ষ উত্তেজনার উপশমের জন্য পার্লামেন্ট (কটেজ) বন্ধ করিয়া দিয়াছিলেন।



পরস্পর ষে রূপ বিরোধী সংবাদ আসিয়াছে, তাহাতে প্রকৃত ব্যাপার বুঝা অতিশয় কঠিন হইয়া দাঁড়ায়। মধ্যে সংবাদ পাওয়া যায় যে, স্পেনের রাজধানী মাদ্রিদ সহরের পতন হইয়াছে অর্থাৎ রাজতন্ত্রী বা ফাসিষ্ট দল রাজধানী দখল করিয়া লইয়াছিল। কিন্তু পবে ষে রূপ সংবাদ আসিয়াছে, তাহাতে এই সংবাদ সত্য বলিয়া মনে হয় নাই। মাদ্রিদ হইতে বৈতার বাতাবহ যোগে এই সংবাদ প্রচার করা হইয়াছিল যে, অবস্থা অনেকটা সুবিধাভনক হইয়াছে, কিন্তু তাহার পরই মাদ্রিদ সহরের পতন সংবাদ সকলকে চমকিত করিয়া তুলিয়াছিল। ৪ঠা শ্রাবণ জিব্রাল্টার হইতে সংবাদ আসে যে, রাত্রিযোগে বিদ্রোহী সৈন্যরা দক্ষিণ অঞ্চলের অনেকগুলি নগর এবং কয়েকটি বিমানঘাটি অধিকার করিয়া লইয়াছে এবং বলিয়াছে যে, সরকার পক্ষ যদি বিনা সর্তে বিদ্রোহীদের নিকট আত্মসমর্পণ না করেন, তাহা হইলে তাহারা মাদ্রিদ সহরের উপর বোমা বর্ষণ করিবে। এইরূপ অনিশ্চিত অবস্থার জন্ম জিব্রাল্টারে দুইখানি বৃটিশ ডেপুটীয়ার বৃটিশ স্বার্থস্বাকার জন্ম মোতায়েন রাখা হইয়াছিল। ইংলণ্ডের প্লিমউথ (Plymouth) বন্দরেও দুইখানি যুদ্ধ-জাহাজ আবশ্যক হইলে জিব্রাল্টারে যাইবার জন্ম প্রস্তুত হইয়াছিল। লালিনে বিদ্রোহীদের সহিত সরকার পক্ষের প্রবল সংগ্রাম হইয়া গিয়াছে বলিয়া সংবাদ পাওয়া যায়। ১২শে জুলাইয়ের সংবাদ হইতে জানা যায় যে, স্পেনে ১৫ ঘণ্টার মধ্যে তিনবার মন্ত্রিসভার পরিবর্তন ঘটিয়াছিল। তিন জন প্রধান মন্ত্রিপদে নিরীকচিত ব্যক্তিই ব্যাপার দেখিয়া পদত্যাগ করিয়াছিলেন। ইহাতে বুঝা যায় যে, অবস্থা বড়ই সঙ্গীর্ণ হইয়া দাঁড়ায়। তাবের সংবাদে আরও প্রকাশ পায় যে, বিদ্রোহীদের বাধা দিবার জন্ম সরকার পক্ষ গ্রামবাসীদেরকে অস্ত্রশস্ত্র প্রদান করিয়াছিলেন। ইহাতে বেশ বুঝা যায় যে সরকার পক্ষ যেন কতকটা দুর্বল হইয়া পড়িয়াছিলেন। সরকার পক্ষ আবও ঘোষণা করেন যে, সামরিক কমান্ডারীদের সহিত যে সকল সৈনিকের মনের এবং মতের মিল নাই, তাহারা সৈন্যদল ছাড়িয়া চলিয়া যাইতে পারে। অনেক সৈন্য সে জন্ম দল ছাড়িয়া চলিয়া গিয়াছে। আবার বহু লোক আসিয়া সরকারী সৈন্যদলে যোগ দিতেছে বলিয়া প্রকাশ। সরকার পক্ষের তিনখানি রণতরী বিদ্রোহীদের দলে ভিড়িয়া গিয়াছে বলিয়া সংবাদ আসে। বিস্তৃত স্থানে ঘরোয়া যুদ্ধ হইয়াছে। ফেসিতেথ বিদ্রোহী দলের নেতা সেনাপতি ফ্রান্সো বলিয়াছেন যে, আজলুসিয়ার সৈন্যরা ধীরে ধীরে বিদ্রোহীদের যোগ দিতেছে। নৌ-বাহিনীর সৈন্যরাও বিদ্রোহীদের দলে যাইয়া মিশিতেছে। বিদ্রোহীরা প্রচার করিতেছে যে, তাহাদের জয়যাত্রায় বাধা দিতে পারে, এমন কোন শক্তি পৃথিবীতে নাই। আবার সরকার পক্ষ বলিতেছে যে, বিদ্রোহীরা পরাজিত হইতেছে। আসল কথা, প্রকৃত সংবাদ অতি অল্পই পাওয়া যাইতেছে। মিসেস পি, ই ভাওয়ার, নামক জর্নৈক ইংরাজ মহিলা বিদ্রোহীদের গুলীতে আহত হইয়া জিব্রাল্টারে গিয়াছেন। মিষ্টার এডওয়ার্ড মার্শাল নামক জর্নৈক ইংরেজও আহত হইয়া জিব্রাল্টারের হাসপাতালে ভর্তি হইয়াছেন।

ইহার পর সংবাদ পাওয়া যায় যে, বিদ্রোহীরা সান সিবাষ্টিয়ান সহর অবরুদ্ধ করিয়াছে। তাহারা তাহা পর মাদ্রিদ সহরের বাহিরে সরকারী সৈন্যদের সহিত ভীষণ সংগ্রাম করিয়াছে। তথায় ভীষণ অবস্থা উপস্থিত হইয়াছে। এক দল গুণ্ডা তথায় লুণ্ঠন করিবার

উদ্দেশ্যে হোটেল ও ভজনালয়ে অগ্নি সংযোগ করিয়া দিয়াছিল। এ দিকে বিদ্রোহীরা বারগাসে অস্থায়ী ফাসিষ্ট শাসনতন্ত্র প্রতিষ্ঠা করিয়াছে। সেনাপতি ক্যাবানেল্লাস সেই বিদ্রোহীদের নেতৃত্বদে প্রতিষ্ঠিত হইয়াছেন। বৃটিশ প্রজাদিগের উপর যাহাতে অত্যাচার না হইতে পারে, তাহার জন্ম স্পেনের প্রায় প্রতি বন্দরেই বৃটিশ রণতরী রক্ষিত হইয়াছে। এই অনাচারে কতকগুলি বিদেশী নবনারী আহত হইয়াছেন বলিয়া সংবাদ পাওয়া গিয়াছে। তন্মধ্যে সানসিবাষ্টিয়ানে নবওয়ে দুতের পত্নীর মৃত্যু হইয়াছে বলিয়া সংবাদ পাওয়া গিয়াছে। তিনি জানালা খুলিতে যাইয়া সাজাতিকভাবে আহত হইয়াছিলেন। এক জন ইংরেজ-ছাত্রও গুলী লাগিয়া আহত হইয়াছে। ইহার পর সংবাদ পাওয়া যায় যে, মাদ্রিদের নিকট উভয় পক্ষে যে যুদ্ধ হইতেছিল, সেই যুদ্ধে সরকার পক্ষের জয় হইয়াছে। অনেক স্থলে জিনিসপত্র দুর্খুলা হইয়াছে। বাসিলোনার কতকগুলি লোক গোলযোগ ঘটিতেছে দেখিয়া হোটেল এবং ক্লাব-গুলি দখল করিয়া লইয়াছে। তাহাদিগকে শাসন করিবার জন্ম সরকার পক্ষ বিশেষভাবে চেষ্টা করিতেছেন। মাদ্রিদ হইতে সংবাদ পাওয়া যায় যে, তথায় বহু নবনারীই দূতাবাসে যাইয়া আশ্রয় লইয়াছে। সরকার পক্ষ ফরাসীদের নিকট সাহায্য প্রার্থনা করেন, ফরাসীরাও প্রথমে সাহায্য দানে সম্মত হইয়াছিলেন; কিন্তু পবে তাহারা আবার ইতস্ততঃ করিতেছেন। কারণ, তাহারা যদি সরকার পক্ষকে সাহায্য করেন, তাহা হইলে ইটালী ও জার্মানী হয় ত বিদ্রোহীদেরকে সাহায্য করিতে পারেন। সুতরাং এখনও তাহারা সাহায্য করিতে পারে নাই।

এ দিকে সংবাদ আসিয়াছে যে স্পেনের রাজধানী মাদ্রিদ সহর অধিকৃত করিবার জন্ম কাষ্টিল পরগণার অন্তর্ভুক্ত গুয়াডায়ামা নামক স্থানে যে যুদ্ধ হইতেছিল, সেই যুদ্ধে বিদ্রোহী সেনাপতি মোলার সৈনিকগণের মধ্যে দুই হাজার সৈন্য নিহত হইয়াছে, কিন্তু তাহা হইলেও বিদ্রোহীরা সংগ্রামে পৃষ্ঠপ্রদর্শন করিতেছে না। এই সংবাদটি প্যারিস সহর হইতে আসিয়াছে। সুতরাং ইহা সরকার পক্ষের সংবাদ বলিয়াই মনে হইতেছে। সরকার পক্ষের কত সৈন্য হতাহত হইয়াছে, এ সংবাদ ইহাতে নাই। বাসিলোনা হইতে সংবাদ পাওয়া যায় যে, গত সপ্তাহব্যাপী যুদ্ধে তথায় তিন শতের অধিক লোক মৃত্যুমুখে পতিত হইয়াছে। সারাগোমা দখল করিবার জন্ম বিদ্রোহীরা বিশেষভাবে চেষ্টা করিতেছে। সরকার পক্ষ ঐ রণক্ষেত্র হইতে ৮০ মাইল দূরবর্তী স্থানে একটি বিমানের আড্ডা স্থাপন করিয়াছেন। ঐখান হইতে বিমান আসিয়া বিদ্রোহীদের উপর বোমাবৃষ্টি করিবে। আবার মাদ্রিদ হইতে সংবাদ পাওয়া গিয়াছে যে, মেজরকা দ্বীপস্থ পামার উপর বাসিলোনা হইতে প্রেরিত সামুদ্রিক বিমান বোমাবৃষ্টি করিয়াছে। বিদ্রোহীদের অনেক নায়ক নৌকাযোগে পলায়ন করিতে যাইয়া ধরা পড়িয়াছে। ইংরেজ প্রভুতির জাগাজে করিয়া ইংরেজ এবং অজ্ঞাত জাতীয় লোককে নিরাপদ স্থানে লইয়া যাওয়া হইতেছে।

এই আগষ্টের সংবাদে জানা যায় যে, স্পেন সরকারের ডেপুটীয়ার "লেপ্যান্টো" কতিপয় অবস্থায় জিব্রাল্টারে আশ্রয় লয়। ইহার এক জন নৌ-সৈনিক মারা গিয়াছে এবং বিমানধ্বংসকারী কামান অকর্ষণ্য হইয়া পড়িয়াছে। কার্তা জেনাভ নৌ বিভাগের কেজুস্থান। বর্তমান স্পেন সরকারের রণতরীগুলি তথা হইতে

অস্ত্রশস্ত্র ও পেট্রল লইতেছিল। সেখানে ভীষণ বিক্ষোভ ও অগ্নি-কাণ্ড হইয়া গিয়াছে। সরকারী সেনাদল সারাগোসা অভিমুখে অগ্রসর হইতেছে বলিয়া সংবাদ আসে। তাহার বলিতেছে যে, ২ হাজার বিদ্রোহী সৈন্যকে তাহার বন্দী করিয়াছে।

২ খানা ষ্টীমারে ২ হাজার বিদ্রোহী সৈন্য মরক্কো হইতে প্রণালী পার হইতেছিল। সেই সময় সরকার পক্ষের ডেপুটিয়ার মালাসা হইতে ছুটিয়া আসে। বিদ্রোহীদের কয়েকখানা বিমান ষ্টীমার রক্ষার্থ নিযুক্ত ছিল। তথা হইতে বোমা নিক্ষেপ হয়। ফলে ডেপুটিয়ারখানা পলায়ন করে বলিয়া সংবাদ আসিয়াছে।

৬ই আগষ্টের সংবাদে প্রকাশ যে, চরমপন্থী সরকারী সেনাদল হাটপার অধিকার করিয়া একটি গামা গীজ্জার অগ্নি সংযোগ করিয়া দেয়। সান্টাগোয় বিদ্রোহী দল পরাজিত হওয়ায়, সরকারী সৈন্যদলের পক্ষে সারাগোসায় গমনের পথ উন্মুক্ত হইয়াছে বলিয়া সংবাদ আসিয়াছে। উহা অধিকৃত হইলে এই গৃহযুদ্ধের গতি পরিবর্তিত হইতে পারে।

যাহাতে স্পেনের সমাজতন্ত্রবাদীদের জয়লাভ হয়, তাহার জন্ম ফ্রান্সের সর্বতোভাবে চেষ্টা স্বাভাবিক। কারণ, গণতন্ত্রশাসিত ফ্রান্সের একদিকে স্বৈরতন্ত্রশাসিত ইটালী এবং অল্প দিকে স্বৈরতান্ত্রিক জার্মানী রহিয়াছে। তাহার উপর যদি স্পেনে স্বৈরতন্ত্রবাদীরা প্রাদিক্ত লাভ করিতে পারে, তাহা হইলে ফ্রান্স ত স্বৈরতান্ত্রিক রাজ্য কর্তৃক পরিবেষ্টিত হইবে। সেই জন্ম ফ্রান্স স্পেনের সরকার পক্ষকে গোপনে অস্ত্র বেচিতেছেন বলিয়া প্রকাশ। ফ্রান্স অস্ত্র যোগাইবার অভিযোগ অস্বীকার করিতেছে। এ দিকে গুজব রটিয়াছে যে, গ্রেট ব্রিটেন স্পেনীয় সরকারকে অস্ত্র যোগাইবেন। কিন্তু এই বাণ্য লইয়া একটা আন্তর্জাতিক হাঙ্গামা বাধিতে পারে। কারণ, বিদ্রোহী ফাসিষ্টদের সহিত ইটালীর ও জার্মানীর বিশেষ সহায়তা থাকা স্বাভাবিক। তাহাদের সংবাদে প্রকাশ, ইটালী হইতে ৬ খানি বিমান মরক্কোতে বাইতেছিল, তাহার মধ্যে ৩ খানি বিমান ফরাসীদের অধিকারমধ্যে নামিতে বাধ্য হয়। তন্মধ্যে আলজিরিয়ায় যেখানি নামিয়াছে, তাহাতে পাঁচটি কলের কামান ছিল। উহারা নাকি মরক্কোর অন্তর্গত মেন্ডিলার নিকট নাদয় নামক স্থানে যাইতেছিল। তথায় স্পেনিস বিদ্রোহীরা প্রবল হইয়া আছে। সেই জন্ম সন্দেহ করা হইতেছে যে, ইটালী স্পেনের ফাসিষ্টদেরকে অস্ত্র যোগাইয়া সাহায্য করিতেছে।

সম্প্রতি সরকারী বেতারবার্তায় প্রকাশ পাইয়াছে যে, স্পেনের এই গৃহযুদ্ধে অগাধ রাষ্ট্র যাহাতে হস্তক্ষেপ না করে, তদ্বন্দেখে ফ্রান্স প্রস্তাব করিয়াছেন। সেই প্রস্তাবে ইংলণ্ড ও বেলজিয়ম সম্পূর্ণ সম্মতি দিয়াছেন। রুসিয়া যদি অনুমোদন করেন, তাহা হইলে জার্মানীও নিরপেক্ষ থাকিবেন জানাইয়াছেন। রুসিয়াও এই প্রস্তাব গ্রহণ করিয়াছেন। তবে জানাইয়াছেন যে, পোর্তুগালকেও এই নীতি গ্রহণের জন্ম অনুরোধ করা উচিত। কর্তৃপক্ষ আশা করেন যে, পোর্তুগাল এবং ইটালীর নিকট হইতে অমুকুল উত্তর পাওয়া যাইবে।

এ দিকে গৃহযুদ্ধ চলিতেছে, কিন্তু প্রকৃতপক্ষে জয়-পরাজয় কোন পক্ষে হইতেছে, তাহাবুঝা যাইতেছে না। কোথাও সরকার পক্ষ

জয়লাভ করিতেছে, কোথাও ফাসিষ্ট বিদ্রোহীরা জয়যুক্ত হইতেছে। উভয় পক্ষই বলিতেছে যে, তাহারাই জিতিতেছে। স্পেনের বিদ্রোহী সেনাপতি ফ্রান্সো খুব দক্ষতার সহিত সংগ্রাম করিতেছেন। তবে সরকার পক্ষের অর্থবল ও জনবল অধিক। ব্যাপারটা ক্রমশঃ অতিশয় জটিল হইয়া উঠিতেছে। নিরপেক্ষ থাকিবার প্রস্তাব সত্ত্বেও এই উপলক্ষে সমস্ত যুরোপে আগুন জ্বলিয়া উঠিবে কিনা কে বলিতে পারে?

### হার হিটলারের দৈবরক্ষা

সম্প্রতি হার হিটলারের জীবননাশের জন্ম তাহার কয়েক জন আততায়ী বিশেষভাবে চেষ্টা করিয়াছিল। গত ১৫ই মে তারিখে হার হিটলার যখন বেনার্ড বাইতেছিলেন, সেই সময় হিংসাত্মকী মন্বাসবাদীরা তাঁহাকে হত্যা করিবার চেষ্টা করে। কিন্তু তাহাদের সে চেষ্টা ব্যর্থ হইয়া গিয়াছে। হার হিটলারের মোটর-চালক জুলিয়াস শ্বেকের আকৃতির সহিত তাঁহার আকৃতিগত বিশেষ সাদৃশ্য আছে। জুলিয়াস শ্বেকে দেখিয়া জার্মানগণ বহুবার তাঁহাকে হার হিটলার মনে করিয়া বিশেষরূপ সন্দেহনা করিয়াছে। কিছু কাল ধরিয়া জার্মান সরকারের বড় বড় কর্মচারীরা তাঁহাদের চিঠিপত্রে আর, আর অর্থাৎ রোয়েম রিভেঞ্জার (রোয়েম হত্যাকাণ্ডের প্রতিহিংসাসাধকগণ) এই সাক্ষেতিক অক্ষর দেখিতে পায়। সরকারী খানাপিনাতেও রাজপুরুষগণ খাইতে বসিয়াছেন, এমন সময় দেখা যায় যে, তাঁহাদের তোয়ালেতে, ঝাডনে আর আর লিখিত রহিয়াছে। জার্মান পুলিশ এই ভীতিপ্রদর্শকদিগকে পরিবার জন্ম বিশেষভাবে চেষ্টা করিয়াও তাহাদিগকে কোনমতেই ধরিতে পারে নাই। হার হিটলার যখন বেনার্ড বাইতেছিলেন, সেই সময় তাঁহার আততায়ীরা তাঁহাকে হত্যা করিবার চেষ্টা করে। পথে একটি স্থানে রেল-লাইন পার হইতে হয়। সে সময় মোটরখানি একটু ধীরভাবে চালাইতে হইয়াছিল। সেই স্বযোগে হিটলারের শত্রুরা মোটরের উপর গুলী বর্ষণ করিতে আরম্ভ করিয়াছিল। মোটর-চালক খুব জোরে মোটর হাঁকাইয়া শত্রু-হস্ত হইতে নিস্তার পাইয়াছিলেন। ঘটনাক্রমে সে দিন হিটলারই স্বয়ং মোটর চালাইতেছিলেন, আততায়ীরা তাঁহাকে জুলিয়াস শ্বেক মনে করিয়া তাঁহার পার্শ্বে উপবিষ্ট জুলিয়াস শ্বেকেই লক্ষ্য করিয়া গুলী চালাইয়াছিল। ফলে জুলিয়াস শ্বেকই নিহত হন। এই ঘটনার কথা এত দিন প্রকাশ হইতে দেওয়া হয় নাই। কিন্তু অল্পদিন পূর্বে ইহা কোন প্রকারে লগুনে প্রকাশ পায়। তথা হইতে এই সংবাদ সর্বত্র প্রচারিত হইয়াছে। জার্মানিতে শ্বেকের অস্ত্রোষ্টিক্রিয়া রাজকীয় অস্ত্রোষ্টিক্রিয়ার কাষ আড়ম্বরে সম্পন্ন হইয়া গিয়াছে। তাহার জন্ম যে শোভাযাত্রা হইয়াছিল, তাহা রাজারাজড়ার অস্ত্রোষ্টিক্রিয়ার শোভাযাত্রার স্তায় হইয়াছিল। সেনাপতি গোরিং স্বয়ং সেই শোভাযাত্রার অগ্রে অগ্রে গিয়াছিলেন। ইহাকেই বলে রাখে কৃষ্ণ মারে কে? সে দিন হিটলার যদি স্বয়ং মোটর না চালাইতেন, তাহা হইলে হয় ত তাঁহাকে সেই দিনই আততায়ীদের গুলীতে দেহ ত্যাগ করিতে হইত। ইহা নিতান্তই দৈবরক্ষা।





## আমার 'স্মৃতিতর্পণ' সম্বন্ধে দু'একটি কথা

শ্রদ্ধেয় সম্পাদক মহাশয়—

আষাঢ় সংখ্যা মাসিক 'বসুমতি'তে বন্ধুবর শ্রীযুক্ত দীনেন্দ্রকুমার রায় মহাশয় আমার 'স্মৃতিতর্পণ' প্রবন্ধগুলিকে লক্ষ্য করে যে সুদীর্ঘ আলোচনা করেছেন সে সম্বন্ধে দু'একটা কথা বলতে চাই।

বয়স আমার আশীর কোঠায় গড়িয়ে আসছে। জীবন প্রদীপ স্তিমিতপ্রায়। এ সময় একে অপকারণ বাদ-প্রতিবাদে লিপ্ত হবার মত উৎসাহ বা প্রবৃত্তি কোনটাই আমার নেই। কিন্তু কষ্টের দায়িত্ব থেকে আজও মুক্ত হতে পারিনি বলেই এ বিষয়ে কিছু বলতে হচ্ছে।

প্রথমেই আমি এই মূল কথাটা স্মরণ করিয়ে দিতে চাই যে আমার স্মৃতি তর্পণের বহু স্থলে বার বার আমি একথা বলেছি যে অর্ধশতাব্দীর ও অধিক কাল পরে 'স্মৃতিতর্পণ' লিখতে বসে আমি কোন ঘটনারই সন তারিখ সঠিক বলতে পারবো না। কারণ এত কাল পরে সন তারিখ মনে রাখা আমার পক্ষে সম্ভব নয়। মানে মানে দু'একটা বিষয়ে পারিপার্শ্বিক ঘটনার আলোচনা করে কোন কোন প্রসঙ্গের একটা সময় নির্ণয়ের চেষ্টা করেছি বটে, কিন্তু সেটা যখন নিতান্তই আন্দাজি তখন দৃশ্য প্রমাণপূর্ণ হওয়া কিছুমান বিচিত্র নয়। এমন কি অনেক স্থলে আমি ঘটনার পারস্পর্য্য পর্যা্যন্ত সত্যস্বভাবের কথা করতে পারিনি। কিন্তু এসব কথা স্পষ্ট কবুল থাকা সত্ত্বেও দীনেন্দ্র বাবু দেখছি এই অশ্রুতিপর বুদ্ধের ক্ষীণবৃত্তি প্রসূত উৎসাহ সন তারিখ গুলোকেই ঝাঁকুড়ে ধরে অকারণ অনেকখানি উৎসাহ ও সময় নষ্ট করেছেন। তারিখের নিরিখ কসে আমার জীবনের কতকগুলি প্রধান ঘটনাকে 'মেকী' সাব্যস্ত করবার জ্ঞান দীনেন্দ্র বাবুর এই বিপুল পরিশ্রম ও প্রাণপণ প্রয়াস দেখে আমি সপার্বর্ষ বন্ধুবরের জ্ঞান একান্ত অন্তঃকম্পা বোধ করছি।

পিতার স্বর্গারোহন আগে হয়েছিল না মাতার গঙ্গা-লাভের পর হয়েছিল এ যদি কেউ ভুল করে বসে তাহলে দেখছি দীনেন্দ্র বাবু তাকে 'অনাথ' বলে কিছুতেই স্বীকার করবেন না। সন্তানের জন্মতারিখ যদি কোন পিতার স্মরণ না থাকে তাহলে পিতৃপরিচয় থেকে তাঁকে কি বঞ্চিত হতে হবে? কোনটা আগে ঘটেছিল আর পরে ঘটেছিল কোনটা—এ যদি আমি গুছিয়ে বলতে না পেরে থাকি সেজন্য কি ঘটনাগুলিও মিথ্যা হয়ে যাবে?

দীনেন্দ্র বাবুর অসংখ্য বাকবিস্তারের উত্তরে আমি শুধু দৃঢ়তার সঙ্গে এই একটি কথাই বলতে চাই যে আমার বর্ণিত ঘটনাগুলি, বিশেষতঃ পুজ্যপাদ স্বামী বিবেকানন্দ

সম্বন্ধে বর্ণিত ব্যাপার দিবালোকের জ্বায় সম্পূর্ণ সত্য। উহার মধ্যে কোথাও বিন্দুমাত্র অতিরঞ্জন নাই। তবে খুঁটিনাটির ভুল থাকতে পারে বটে, কারণ অনেক দিনের কথা। আমি যে সময়ের কথা বলেছি, তখন দেহাভূত থেকে হরিদ্বার পর্য্যন্ত কোন রেলপথ ছিল না। অধিকেষ যাবার একটি প্রসস্ত পথ ছিল, সে পথে গাড়ী-ঘোড়া, লোকজন ও মালপত্র যাতায়াত করত। এ ছাড়া জঙ্গলের ভিতর দিয়ে আর একটা "একপেয়ে" সোজাপথ ছিল, কাঠুরিয়ারা জঙ্গলে কাঠ কাটবার জ্ঞান এই সক্ষীর্ণ পথ ধরেই বনের মধ্যে যেত। সাতসী গ্রামবাসীরাও অনেকে প্রয়োজন হলে এ পথ ব্যবহার করত। আমি একাদিকবার এই পথ বেয়ে বেলা একটা দেড়টার বেরিয়ে দেহাভূত থেকে অধিকেষ পৌছেছি সন্ধ্যার প্রাক্কালেই। এ পথ সুরু হয়েছে দেহাভূতের 'দহিয়লা' বা ঐরূপ একটা কি নামের গুপ্তগ্রাম থেকে। এ পথের দৈর্ঘ্য তবে অনুমান ২৫০০ মাইল মাত্র! আমি সে বয়েসে ঘণ্টায় পাঁচ ছয় মাইল পথ অবলীলায় চলে যেতে পারতাম এটা কিছুমান বাতাতবীরও নয়, কারণ, আমারই জানিত একাদিক সাধু প্রতি ঘণ্টায় গড়ে এর চেয়েও দীর্ঘতর বন্দুর পথ অনায়াসে অতিক্রম করে যেতেন। দীনেন্দ্র বাবুও একেবারে কাঠিনী জানেন বলেই আমার বিশ্বাস।

মায়াবতী তত্তে প্রকাশিত স্বামীজীর জীবনীতে তাঁর দেহাভূতের অবস্থান সম্বন্ধে যে বিবরণ লিপিবদ্ধ হয়েছে, তা আমার কাছে একান্ত অসম্মত বলেই মনে হয়। একজন পীড়িত সন্ন্যাসীকে নিয়ে স্বামীজীকে আশ্রয়ের জ্ঞান সে যুগে দেহাভূতের দ্বারে দ্বারে ঘুরে ততশ ততই হয়েছিল, এ কথা মনে নেওয়া কঠিন। কারণ নিজ জীবনের অভিজ্ঞতা থেকে আমি জোর করেই বলতে পারি যে গৈরিকপারীকে অবজ্ঞা বা অশ্রদ্ধা করবার মত নাগ্নিক্য বুদ্ধি দে যুগের ভারতবাসী হিন্দুদের মনো তখনও দেখা দেয়নি—অবশ্য বিশেষ কোন গ্রাম বা পরিবার ছাড়া। কিন্তু সে মাই তোকে আমি জিজ্ঞাসা করি, পণ্ডিত আনন্দনারায়ণ দেহাভূতের স্বামী অখণ্ডানন্দকে একখানি পৃথক বাড়ী ভাড়া করে রাখলেন, উপযুক্ত পথ্য ও গরম কাপড় সরবরাহ করলেন, আর তাঁর গুরুভাইরা তাঁকে সেই বাড়ীতে একলা রেখে—"the other stayed else where and begged their meals as fortune favoured them." এ কেমন করে সম্ভব হতে পারে? দেহাভূতের করণপূরে তখন অনেক বাঙ্গালীর বাস ছিল। আমরা যেই শুনলেম যে স্বামীজী কয়েকজন সন্ন্যাসীদের নিয়ে দেহাভূতের



কালীবাড়ীতে অবস্থান করছেন, আমরা তৎক্ষণাৎ ছুটে গেছলেম তাঁদের নিয়ে আসতে। সুতরাং তিনি দেৱাছনের দ্বারে দ্বারে আশ্রয়ের জন্ম ঘুরে ব্যর্থকাম হোয়ে-ছিলেন এ কথা কিরূপে স্বীকার করা যেতে পারে? সম্ভবতঃ মায়াবতীর জীবনী লেখক স্বামীজীর সম্ভিবিহারী সে দিনের কোন সন্ন্যাসীর নিকট দেৱাছনের কাহিনী সংগ্রহ করবার চেষ্টা করেন নি। করলে এত বড় ভুল কখনই হতে পারত না। আমার সে দিনের সঙ্গী ও দেৱাছনের বন্ধু বিমলাচরণ বাবু, যাদের গৃহে স্বামীজী গুরুদাতাগণ সহ অবস্থান করেছিলেন তিনি আজও জীবিত আছেন এবং ঐ ঘটনার সাক্ষ্য দিতে পারেন। মায়াবতীর প্রকাশিত স্বামীজীর জীবনী যে আছোপাস্ত নিভুল বলে মেনে নেওয়া চলে না, তার প্রত্যক্ষ প্রমাণ আমি একাধিক পাচ্ছি, তা ছাড়া "ভারত" নামক সাপ্তাহিক পত্রে প্রকাশিত বিবেকানন্দ মিশনের সন্ন্যাসী স্বামী অমৃতানন্দের লেখা 'শ্রীরামকৃষ্ণ সঙ্ঘের ইতিহাস' শীর্ষক ধারাবাহিক প্রবন্ধগুলির মধ্যে সে দিন চোখ বুজতে গিয়ে দেখেছিলাম, তিনিও মায়াবতীর প্রকাশিত এই বইটির কয়েকটি অসঙ্গতির দিকে সাধারণের দৃষ্টি আকর্ষণ করেছেন। ("ভারত" ১য় বর্ষ, ২০ সংখ্যা, ১০ অগ্রহায়ণ ১৩৪২, পৃ: ৪২৮, ঐ ৩৩ সংখ্যা ৩৮শে মান, পৃ: ৫৪৫ দ্রষ্টব্য।)

যে সন্ন্যাসী জয়ীকেশ মুর্মু স্বামীজীকে ঔষধ সেবন করিয়েছিল সে আজ বৃদ্ধ হয়েছেন এবং সন্ন্যাসীর গর্দ ও গৌরব আজ আর তার নেই, কিন্তু, সে দিন ছিল সে এক পরিণত-মৌবন বলিষ্ঠ পরিব্রাজক। 'প্রাচীন' সাধু নয়, "বৃদ্ধ"ও নয়। দীনেন্দ্রকুমারের উদ্ধৃত দুখানি পুস্তকের বর্ণনা পরস্পর সামঞ্জস্যহীন। ইংরাজিতে আছে,—And before the entrance of the hut, Stood a Sadhu বাংলায় আছে—“এমন সময় সহসা একজন “প্রাচীন” সাধু তথায় উপস্থিত হইলেন। ঘটনাক্রমে তাঁহার নিকট ঔষধ ছিল।” বাংলায় 'পিপুল মধুর' উল্লেখ নাই কিন্তু ইংরাজিতে আছে এখন কোনখানিকে তিনি প্রামাণ্য বলে মানতে চান?

আমার "স্মৃতিতর্পণের" মধ্যে কোথাও 'তুলসী পত্রের' উল্লেখমাত্র নাই। তা'সঙ্গেও দেখছি দীনেন্দ্র বাবু একজন সুপ্রসিদ্ধ সাহিত্যিকের কাছ থেকে এ তথ্য সংগ্রহ করে অতিমাত্রায় উৎসাহিত হয়েছেন। কিন্তু তিনি বোধ হয় জানেন যে সেই সুপ্রসিদ্ধ সাহিত্যিক আমার একজন বহুদিনের পরিচিত বন্ধু। পাতার নামটা জানবার জন্ম তাঁর একান্ত আগ্রহ দেখে আমি তাঁর কাছে তদক্ষলে ছাপা 'তুলসী পাতার' নামটা যে রহস্যচ্ছলেই বলেছিলাম, আশা করি এটুকু বোঝবার মত বয়স দীনেন্দ্র বাবুর হয়েছে।

স্বামীজীর জীবন সঙ্কটকালে, তাঁর কাছে যে আমি দৈবাৎ উপস্থিত হয়েছিলাম এবং সামান্য কিছু তাঁর সেবা করবার সৌভাগ্য লাভ করেছিলাম, এ কাহিনী আমি এই

'স্মৃতিতর্পণে' উল্লেখ করবার ৩৫ বৎসর পূর্বেও টাউন হলে তাঁর স্মৃতিসভায় উল্লেখ করেছিলাম, এ কথা দীনেন্দ্র বাবুও তাঁর স্বকীয় ভঙ্গীতে কতকটা স্বীকার কর্তে বাধ্য হয়েছেন দেখলুম! সুখের বিষয় যে সে দিনের সভায় দীনেন্দ্র বাবুই একমাত্র শ্রোতা ছিলেন না। সেখানে স্বামীজীর ভক্ত আরও এমন অনেকেই উপস্থিত ছিলেন, যারা আমার সেই বক্তৃতা শুনে আমার সঙ্গে অস্বাচিত সাক্ষাৎ ও আলাপ পরিচয় করেছিলেন। তাঁরা কেউ কেউ আজও জীবিত আছেন। এঁদের মধ্যে শ্রীমান গণেন্দ্র মহারাজের নাম করা যেতে পারে—'টাউন হ'ল মিটিং' সম্বন্ধে দীনেন্দ্র বাবুর বর্ণনা ঠিক কি না, সে বিষয়ে সম্ভবতঃ তিনি সাক্ষ্য দিতে পারবেন। পুরাতন 'বসুমতীর' ফাইল খুঁজলেও হয় ত আমার সেই বক্তৃতার সারাংশ পাওয়া যেতে পারে। কিন্তু আমার সে সব সংগ্রহ করিয়া উদ্ধৃত করবার সামর্থ্য ও অবকাশের একান্ত অভাব। আর একটা বিষয়ে দীনেন্দ্র বাবুর দৃষ্টি আকর্ষণ করা দরকার বিবেচনা করি। স্বামী অখণ্ডানন্দ বসুমতী আফিসে এসে দীনেন্দ্র বাবুর কল্পিত ওরূপ কোন অশিষ্ট উক্তি আমার প্রতি প্রয়োগ করতেই পারে না; কেন না, জমিকেশের ঘটনার সময় স্বামী অখণ্ডানন্দ সেখানে উপস্থিত ছিলেন না। তিনি যে সে সময়ে শাহারানপুর হয়ে মীরাট যাত্রা করেছিলেন এ কথা দীনেন্দ্র বাবুর আলোচনার মধ্যেই রয়েছে। সুতরাং বেলেড় মঠের বর্তমান ধর্মগুরু স্বামী অখণ্ডানন্দ মহারাজকে এর মধ্যে টেনে আনার চেষ্টা করাটা বা স্বামী অভেদানন্দের নাম উল্লেখ করে তাঁর উক্তিতে একটা গুরুত্ব আরোপের চেষ্টা করাটা নিতান্ত অবাস্তুর হয়ে পড়েছে। আমার যতদূর স্মরণ আছে, দেৱাছনে স্বামীজীর সঙ্গে কালীমহারাজ (স্বামী অভেদানন্দ) ছিলেন না। সুতরাং তিনি এ সম্বন্ধে কিছু বলতেই পারেন না। যারা ছিলেন তাঁদের মধ্যে এক-জনের কথা আমার অস্পষ্ট মনে পড়ে। ইনি স্বামীজীর অসুস্থতাকে তাঁর 'সমাধি-অবস্থা' বলে গুরু ভাইদের প্রবোধ দেবার জন্ম বিসেষ চেষ্টা করছিলেন। আমার নাম ধাম জানবার জন্মও তিনি একান্ত আগ্রহ প্রকাশ করেছিলেন। কিন্তু পাছে আমার তাঁরা চিনতে পারেন এই আশঙ্কায়—আমার যতদূর মনে পড়ে, আমি তাঁকে আমার নামের পরিবর্তে আমারই তদানীন্তন এক পরিচিত সাধুর নাম বলেছিলাম। তিনি যুক্ত প্রদেশের প্রসিদ্ধ অবধূতাচার্য—'শ্রীভগবান পুরী'।

স্বামীজীর সেই সঙ্গীটী আজও জীবিত আছেন কি না জানি না। বহুকাল পূর্বে একবার ওঁদের খবর নিতে গিয়ে শুনেছিলাম তিনি নাকি সন্ন্যাস আশ্রম পরিত্যাগ কোরে গৃহস্থায়ী হয়ে গিয়েছেন। তিনি জীবিত থাকলে হয়ত এ ঘটনা সম্বন্ধে সাক্ষ্য দিতে পারতেন। কিন্তু সে যাই হোক, একটা বিষয়ে আমার স্মৃতি বিভ্রম সংশোধন



করে দেওয়ার জন্য আমি যথার্থই দীনেন্দ্র বাবুর নিকট কৃতজ্ঞ। আমি বদরিকা ঘুরে দেরাজুনে ফিরে আসবার পর স্বামীজী দেরাজুনে এসেছিলেন এবং দেরাজুন থেকেই পরে তিনি হৃষিকেশে গেছিলেন। আমি আমার বার্কক্যাজনিত হর্কল স্মৃতির দোষে এই ঘটনাটাকে উণ্টে ফেলে আগে পরে করে বসেছিলাম—এজন্য আমি লজ্জিত।

এইবার দীনেন্দ্রকুমারের অগ্ন্যন্ত জুগুৎকটি অপবাদের উত্তর দিয়ে আমি নিরস্ত হতে চাই। আমার এই “স্মৃতি তর্পণের” মধ্যে কোথাও এ কথা বলিনি যে আমি “ছাত্রবৃত্তি” পাশ করেছিলাম। গ্রামের স্কুলে ছাত্রবৃত্তি পড়েছিলাম মাত্র। পরে গওয়ালন্দ চলে যাই। আমার আত্মত্ব গুনে ভূদেব বাবু আমাকে সে পারিতোষিক দিয়েছিলেন তাঁর সেই ব্যক্তিগত উপহারকে, “ছাত্রবৃত্তি পরীক্ষার প্রাইজ” বলে চালাবার চেষ্টা দীনেন্দ্র বাবু তাঁর প্রয়োজনের অমুরোধে করতে পারেন, কিন্তু আমার রচনার মধ্যে কোথাও আমি (তাঁর ভাষায়) এ ‘ধ্বংস’ করিনি। ‘ছাত্রবৃত্তি’ পরীক্ষা না দিয়েও যে ‘মাস্টার’ পরীক্ষা পাশ করা যায়, আশা করি দীনেন্দ্র বাবু এটা এখনও বিশ্বৃত হ’ন নি। দ্বিজেন্দ্রলাল ও আমি প্রবেশিকা পরীক্ষায় উত্তীর্ণ হয়ে “এক ত্রাকেষ্ঠে স্কলারশিপ” পেয়েছিলাম আমার এ ত্রাস্ত ধারণার জন্য স্বর্গগত শ্রদ্ধেয় বন্ধু দ্বিজেন্দ্রলালই দায়ী। কারণ তাঁরই মুখে একাধিকবার একাধিক ব্যক্তির কাছে এ কথা তাঁকে বলতে শুনে আমার মনে এই ধারণাট বদ্ধমূল হয়ে পড়েছিল যে তিনিও তবে আমারই গায় ‘দশ টাকা’ মাত্র স্কলারশিপ পেয়েছিলেন। আমি তাঁর কথায় কোনো দিন সন্দেহান হয়ে বিশ্ববিদ্যালয়ের ক্যালেন্ডার হাতড়ে দেখিনি বা ‘কলিকাতা গেজেটের’ ফাইল খুঁজিনি তাঁর কোনো প্রয়োজনও বোধ করি নি, যে হেতু তাঁর প্রতি বা অপর কোন সতীর্ণ সাহিত্যিকের প্রতি আমার মনে কোন দিন আমি কিছুমাত্র বিবেচনাব পোষণ করিনি। আজ বঙ্গবর দীনেন্দ্রকুমার সে পরিশ্রম স্বীকার করে আমার ত্রাস্ত ধারণা অপনোদন করার আমি তাঁর নিকট আন্তরিক কৃতজ্ঞতা জ্ঞাপন করছি। আমার

অপেক্ষা সর্কবিষয়ে শ্রেষ্ঠতর আমার স্বর্গগত বন্ধু দ্বিজেন্দ্রলাল ১৫৭ টাকা স্কলারশিপ পেয়েছিলেন জেনে আমি আজ অধিকতর গর্ষ অমুভব করছি।

উপসংহারে, কংগ্রেস ব্যাপারটার উল্লেখ না করলে সুদূর দীনেন্দ্রকুমার হয়ত তাঁর ভুল বিশ্বাস নিয়েই বসে থাকবেন। ১৮৮৬ খৃঃ অব্দে কলিকাতায় কংগ্রেসের দ্বিতীয় অধিবেশনে যোগ দিতে এসে আমার পরিচয়পত্রে মাত্র দুটি কথা উল্লেখ করেছিলেন ‘Teacher Goalundo’ দীন দরিদ্র জলদর চিরদিনই ভিখারী, ভূস্বামী বলে বা ইণ্ডিয়ান এসোসিয়েশনের গায় এক অভিজাত প্রতিদ্বন্দ্বিতার সভ্য বলে পরিচয় দেবার স্পন্দা ও দুঃসাহস সে কোনো দিনই করেনি। তবে কংগ্রেস কর্তৃপক্ষ গভর্নমেন্টকে তাঁদের এই অধিবেশনের গুরুত্ব সম্বন্ধে সচেতন করার উদ্দেশ্যে যদি কোনো রিপোর্টে সমবেত প্রতিনিধিবর্গের জমকালো ও ভড়কালো পরিচয় দিয়ে সভার মর্গ্যাদা বৃদ্ধি করে থাকেন তবে সে জন্য এই অদীনকে দায়ী করা অন্তর্চিত।

এ সমস্ত জেনেও তথাপি যখন বহুদিনের অন্তরঙ্গ বন্ধু দীনেন্দ্রকুমার তাঁর সুদীর্ঘ প্রবন্ধে আমাকে অজস্র ব্যঙ্গ, বিদ্রূপ, তীব্র পরিহাস, ও আক্রমণ করেছেন, জানি না এতে তাঁর কি উদ্দেশ্য সিদ্ধ হবে এবং একরূপ ব্যবহারে তাঁর গৌরব কতদূর বৃদ্ধি পাবে তবে আমি এ সমস্ত অপমান তাঁর বৃদ্ধ বয়সের শ্রদ্ধাপ্রদত্ত “গুরুদক্ষিণা” বলেই প্রশান্ত অন্তরে গ্রহণ করলাম।

ইতি তাঃ ২০শে শ্রাবণ ১৩৪৩

বিনীত

শ্রীজলধর সেন

জলধর বাবু কলিকাতা বিশ্ববিদ্যালয়ের বানান সংস্কারের পক্ষপাতী। এজন্য রায় বাহাদুরের প্রতিবাদটি বখাষতাবেই প্রকাশিত হইল। তাঁহার মত সুপ্রবীণ সাহিত্যিকের বর্ণাঙ্কিতগুলি সংশোধন করিতে সাহস করিলাম না। শ্রীযুক্ত দীনেন্দ্রকুমার রায়ের এই প্রবন্ধের প্রতিবাদটি এ মাসে স্থানাভাবে প্রকাশ করিতে পারিলাম না।

মাসিক বঙ্গমতী-সম্পাদক।



# সাম্প্রদায়িক প্রসঙ্গ

## বাঙ্গালী হিন্দুদিগের আবেদন

বাঙ্গালার বহু বিশিষ্ট হিন্দুর স্বাক্ষরিত একখানি আবেদনপত্র ভারত-সচিব লর্ড জ্যেটল্যান্ডের নিকট প্রেরিত হইয়াছিল। বাঙ্গালার হিন্দুরা মাথা-গুণতিতে সংখ্যায় মুসলমান অপেক্ষা অল্প; সুতরাং ভারতের অন্যান্য প্রদেশে সংখ্যায় সম্প্রদায়কে সদস্য নির্বাচনে যে বিশেষ অগ্রকূল্য করা হয়, বাঙ্গালার হিন্দুরা জায়তঃ সেইরূপ অগ্রকূল্যজনক ব্যবস্থার দাবী করিতে পারে। কিন্তু তাহাদিগের পক্ষে সে ব্যবস্থা করা হয় নাই। বাঙ্গালার ব্যবস্থাপক সভায় আড়াই শত সদস্যের আসন রাখা হইয়াছে। সুতরাং বাঙ্গালী হিন্দুদিগের জগৎ অগ্রকূল্য ব্যবস্থা না করিলেও কেবল লোকসংখ্যা হিসাবে বাঙ্গালী হিন্দুদিগের ১ শত ১২ জন সদস্য নির্বাচিত করিবার অধিকার পাওয়া উচিত! কিন্তু তাহাদিগকে তাহা না দিয়া কেবলমাত্র ৮০ জন সদস্য নির্বাচন করিবার অধিকার দেওয়া হইয়াছে। অর্থাৎ যত সংখ্যা বাঙ্গালী হিন্দুদিগের জগৎ জাতি প্রাপ্য, তাহা অপেক্ষা তাহাদিগকে ৩২ জন কম সদস্য নির্বাচনের অধিকার দেওয়া হইয়াছে। জায়ের দৃষ্টিতে উহা অত্যন্ত অবিচার হইয়াছে, তাহা যে কেবল আমরাই বুঝিতেছি, তাহা নহে, শাসকগণও তাহা বিলক্ষণ বুঝেন। এই লর্ড জ্যেটল্যান্ড শাসনসংস্কার সভায় এই বিষয়ে সব কথাই বিশদভাবে বিবৃত করিয়াছিলেন। উহা কেবলমাত্র দুই বৎসরের কথা। তিনি বাঙ্গালায় শাসনকর্তার আসনে বসিয়া পাঁচ বৎসর কাষ করিয়া গিয়াছেন। অতএব কেবলমাত্র সংখ্যা ব্যতীত বাঙ্গালার অন্তঃসকল বিষয়ে কোন সম্প্রদায়ের গুরুত্ব অধিক, তাহা তিনি পূর্ণমাত্রায় অবগত আছেন। সুতরাং দরখাস্ত পাঠ করিয়া তাঁহার কোন কথা বুঝিতে হইবে না। তিনিই বলিয়াছিলেন যে, ১০টি বিশেষ সদস্য পদের মধ্যে যদি হিন্দুরা ১টি লাভ করিতে পারে, তাহা হইলেও মুসলমানরা ১ শত ২৫টি এবং হিন্দুরা কেবলমাত্র ১৩টি সদস্যের আসন পাইবেন। তিনি বলিয়াছিলেন যে, বাঙ্গালার এখনত বা সম্প্রদায় জাতির জগৎ স্বতন্ত্র ব্যবস্থার প্রয়োজন নাই;— কারণ, বিশেষ ব্যবস্থা না থাকিলেও বাঙ্গালার শক্তিশালী নমঃশূদ্র ও রাজবংশীয়দিগের পক্ষে ব্যবস্থাপক সভায় প্রবেশ করিতে কোন বাধা জন্মিতেছে না; কিন্তু তিনি তাহা বুঝিলেও এই ব্যাপারে হিন্দুদিগের দৃঢ়তার সহিত আপত্তি জ্ঞাপন করা অবশ্য কর্তব্য। নিজ জায়সম্বন্ধ অধিকার বাহারা সহজে ছাড়িয়া দিতে চাহে,— তাহারা কখনই তাহার অধিকার রক্ষা করিতে সমর্থ হয় না। পূণ্য প্যাণ্টে বাঙ্গালার হিন্দুদিগের উপর যে ঘোর অবিচার করা হইয়াছে, সে কথাও লর্ড জ্যেটল্যান্ড স্বীকার করিয়াছেন। সুতরাং ইহাতে বুঝাইবার কিছুই নাই। বাহা ইউক, গত ৩১শে আষাঢ় বৃষবার কলিকাতা টাউনহলে কবীন্দ্র ডক্টর রবীন্দ্রনাথ ঠাকুরের সভাপতিত্বে যে জনসভা হইয়াছিল, আমরা তাহার সম্পূর্ণ সমর্থন করি। রবীন্দ্রনাথের বক্তৃতা ভালই হইয়াছিল। কিন্তু এই সাম্প্রদায়িক নির্বাচন-ব্যবস্থা যে দোষাবহ, ইহা কি শাসকবর্গ বুঝেন না? যে মিটার রায়জে ম্যাকডোনাল্ড এই সাম্প্রদায়িক

নির্বাচনের পরিসর বৃদ্ধি করিয়া দিয়াছেন, সেই সমাজতত্ত্ববাদী রায়জে ম্যাকডোনাল্ড কেমন স্পষ্ট এবং সরলভাবে সাম্প্রদায়িক নির্বাচনের এবং সাম্প্রদায়িকতাব পোষণের দোষগুলি বলিয়া দিয়াছিলেন,—তাহা শুনিয়া কেহ কি মনে করিতে পারিয়াছিলেন যে, সেই দরিদ্রত্বঃখে বাধিত রায়জে ম্যাকডোনাল্ডই এই প্রকার সাম্প্রদায়িক ভাববর্দ্ধক সাম্প্রদায়িক নির্বাচকমণ্ডলী কেবল রক্ষা করিবেন না, পরন্তু উহার প্রসার বৃদ্ধি করিয়া দিবেন? সুতরাং শাসকদিগকে কোন কথাই বুঝাইয়া বলিবার কোন প্রয়োজন নাই। তাঁহারা বুঝেন সব কথা। তবে যে তাঁহারা কেন এইরূপ অবিচার করেন, তাহাটী সকলের বিশেষভাবে ভাবিয়া দেখা আবশ্যিক। ডক্টর রবীন্দ্রনাথ তাঁহার অভিভাষণে অন্যান্য কথা মর্মে এ কথাও বলিয়াছেন যে, শাসকদিগকে আমি বিনয় পূর্বক স্মরণ করাইয়া দিতে চাই যে, অর্থগত এবং বাণিজ্যগত শোষণ-নীতির ফলে অথবা বিনা বিচারে বা সম্প্রদায়িক প্রজাদিগকে শাস্তি প্রদানকালে কিম্বা বিচার না করিয়া প্রজাদিগকে অনির্দিষ্ট কালের জগৎ আটক রাখার ফলে আমাদের যে অনিষ্ট হইয়াছে—আমাদের জাতীয় শৌণিতকে বিধ্বস্ত করা তাহা অপেক্ষা অধিকতর অনিষ্টজনক। কারণ, ইহারা দ্বারা, প্রকৃত অপেক্ষা কাল্পনিক, প্রমাণিত অপেক্ষা প্রমাণাত্যবগুক্ত কারণে সুদূর-ভবিষ্যতে পর্যন্ত সমগ্র জাতিকে দগুদান করা হইতেছে।” কবীন্দ্র রবীন্দ্রনাথ বাহা বলিয়াছেন, তাহা বুঝিতে হইলে বিশেষ স্মৃতিধারণের প্রয়োজন হয় না।

কিন্তু লর্ড জ্যেটল্যান্ড হিন্দুর এই সঙ্গত আবেদনে কর্ণপাত করেন নাই। ভারতের রাজ-প্রতিনিধির মাধ্যমে তিনি হিন্দুর আবেদন প্রত্যাখ্যাত হইল, ইহাই জানাইয়াছেন। তাঁহার উক্তি, “সংশ্লিষ্ট বিভিন্ন সম্প্রদায়ের সম্মতি ব্যতীত বৃটিশ সরকার ৩০৮ (ম) ধারা অনুযায়ী সাম্প্রদায়িক রেওয়াদের কোনরূপ পরিবর্তন সাধন করিবেন না। পরন্তু পারলামেন্টের স্পষ্ট সম্মতি ব্যতীত এই ধারা অনুযায়ী কোনরূপ পরিবর্তনসাধন সম্ভব হইবে না।”

বঙ্গ-ভঙ্গের সময়েও লর্ড কার্জন বলিয়াছিলেন যে, বাহা একবার স্থির হইয়া গিয়াছে, তাহার আর পরিবর্তন হইবে না। কিন্তু ভাঙ্গা বাঙ্গালা আবার জোড়া লাগিয়াছিল। এঘর বাঙ্গালার হিন্দুরা কি কবিবেম?

## সুদর্শী আইনের সংশোধন

পাঠকের স্মরণ থাকিতে পারে, ১৯২৯ খৃষ্টাব্দে বাল্যবিবাহ বন্ধ করিবার জগৎ সমাজসংস্কারকরা সরকারের সাহায্যে সর্দা আইন পাশ করাইয়া লইয়াছিলেন। সে সময়ে ঐ আইন বিধিবদ্ধ করিবার বিরুদ্ধে জনমত আন্দোলন প্রকাশ করিয়াছিল। কিন্তু তাহা চাপা দিয়া সমাজসংস্কারকরা ঐ আইন বিধিবদ্ধ করিয়া লইয়াছিলেন। সেই আইন বিধিবদ্ধ হইবার পর এবং জারি হইবার পূর্ববর্তী সময় পর্যন্ত কয়েক মাসের মধ্যে নিখিল ভারতে বাল্য-বিবাহের এবং শিশু বিবাহের বেকশ ধুম পড়িয়া গিয়াছিল, তাহাতে

জনমত-বে কতকগুলি ইহার বিরোধী ছিল, তাহা বেশ বুঝা গিয়াছিল। অথচ রাজনৈতিক বিষয়ে বাহারা জনমতের দোহাই দিতে পক্ষমুখ, এই ধর্ম এবং সমাজ-সম্পর্কিত ব্যাপারে তাঁহারা নানা কৌশলে জনমতকে চাপা দিয়া এই ধর্ম ও সমাজের পক্ষে অকলাণকর আইনটি পাশ করাইয়া লইতে কুঠাবোধ করেন নাই। সে আজ ছয় বৎসরের কথা। এই ছয় বৎসরের অভিজ্ঞতার সংস্কারক মহাশয়রা বুঝিয়াছেন যে, ঐ আইন দ্বারা তাঁহাদের অভি-প্রায় সম্বন্ধে আরও একটু জোর করিতে চাহেন। সেই জন্ত তাঁহারা উৎকলদেশবাসী মিষ্টার বি দাস নামের জর্টনক সদস্যের মাধ্যমে সর্দা আইনের কতকগুলি পরিবর্তনসাধন করিবার জন্ত আইনের এক পাণ্ডুলিপি ব্যবস্থা পরিষদে পেশ করিয়াছেন। বিল-খানিতে প্রধানতঃ তিনটি প্রস্তাব করা হইয়াছে। যথা—

(১) সর্দা আইন অনুসারে কোন বিবাহ অবৈধ বলিয়া নাশিত করিতে হইলে, ফরিয়াদীকে এক শত টাকা জমা দিতে হইবে বলিয়া যে ব্যবস্থা আছে, তাহা উঠাইয়া দিতে হইবে।

(২) সর্দা আইনে ব্যবস্থা আছে যে, বিবাহের পূর্বে, আইন-মতে অপরাধ অনুষ্ঠিত হইবার পূর্বে, ম্যাজিস্ট্রেট ঐ ব্যাপারে কোনরূপ হস্তক্ষেপ করিতে পারিবেন না। মিষ্টার দাসের অভিনব বিলে প্রস্তাব করা হইয়াছে, বিবাহের পূর্বে অর্থাৎ অপরাধ অনু-ষ্ঠিত হইবার পূর্বে ম্যাজিস্ট্রেট বিবাহ নিষিদ্ধ করিয়া দিতে পারিবেন। তিনি যে নিষেধাজ্ঞা জারি করিবেন, তাহা অমাত্র করিলে ৩ মাস সশ্রম বা অশ্রম কারাদণ্ড এবং দুই হাজার টাকা অর্থদণ্ড হইবে।

(৩) আইন ভঙ্গ করিয়া যদি কোন বিবাহ হয়, তাহা হইলে উক্ত পক্ষকে এই মধ্যে সুচলেকা দিতে হইবে যে, কলার বয়স ১৪ বৎসর পূর্ণ হইবার পূর্বে অথবা ম্যাজিস্ট্রেটের যত দিনের ইচ্ছা তত দিনের জঙ্গ বর ও বধু পরস্পর দেখা-সুনা করিতে পারিবেন না।

এই পাণ্ডুলিপিতে লিখিত প্রস্তাবের বিরুদ্ধে এদেশের নানা স্থানে নানা সভাসমিতি হইতেছে, কিন্তু রাজনৈতিক সংবাদপত্রগুলি সনাতনীদিগের উপর অবজ্ঞা হেতু সে সকল সংবাদ প্রকাশ করিতেছেন না। তবে সরকার সে সম্বন্ধে কতকগুলি সংবাদ পাইতেছেন বলিয়া মনে হয়।

(১) এই পাণ্ডুলিপির প্রত্যেক দফাতেই আপত্তি করিবার যুক্তিযুক্ত কারণ বিদ্যমান। কারণ, সর্দা আইনে ফরিয়াদীকে এক শত টাকা আমানত করিতে হইবে বলিয়া যে ব্যবস্থা আছে, তাহা যদি রহিত করা যায়, তাহা হইলে অনেক মিথ্যা মামলা উপস্থিত হইবেই হইবে। ঐরূপ ব্যবস্থা থাকিলেও এখন অনেক মিথ্যা মামলা রুজু হইয়াছে, তখন উহা উঠাইয়া দিলে মিথ্যা মামলা সংখ্যা যে অনেক বাড়িয়া যাইবে, সে বিষয়ে সন্দেহ নাই। মিথ্যা মামলা আনিয়া-প্রতিপক্ষকে বিপন্ন করিবার চেষ্টা এ দেশের অনেক নীচপ্রবৃত্তি লোকের আছে, তাহা অস্বীকার করা যায় না। ছয় বৎসর পূর্বে যে ধারাটি আইনে রাখা যুক্তিযুক্ত বলিয়া মনে হইয়াছিল, আজ ছয় বৎসর পরে তাহা উঠাইয়া দিতে হইবে, এমন কোন যুক্তিসঙ্গত কারণ ঘটে নাই। ছয় বৎসরে এদেশের লোক-চরিত্রের বিশেষ পরিবর্তন ঘটে নাই; ঘটতে পারে না। সেই জন্ত এই ধারাটি উঠাইয়া দিতে বিশেষ আপত্তি আছে।

(২) দ্বিতীয় দফা সম্বন্ধে আপত্তি এই যে, মিষ্টার দাসের বিল আইনে পরিণত হইলে লোকের শক্রতা করিয়া বিবাহ পণ্ড এবং

কল্যাপক্ষকে অকারণ বিশেষ ক্ষতিগ্রস্ত করিবার বিশেষ সুবিধা করিয়া দেওয়া হইবে। কলার বিবাহ হইয়া গেলে আর সে বিবাহ পণ্ড করা যায় না। কিন্তু দাসের বিল আইনে পরিণত হইলে তাহা অনায়াসে করা যাইবে। অপরাধ অনুষ্ঠিত হইবার পূর্বে উহা ম্যাজিস্ট্রেটের আমলে আসিবে, এ ব্যবস্থা অত্যন্ত অজ্ঞায়। ডাকাতি বা রাজবিদ্রোহে অথবা দাঙ্গার উপক্রমে এরূপ ব্যবস্থা হইতে পারে, কিন্তু বিবাহরূপ মাসুলিক এবং শুভকার্য্যে পূর্বে নিষেধাজ্ঞা (Injunction) জারি করা যোর অজ্ঞায়। প্রথমতঃ বর-কলার আকৃতি দেখিয়াই বয়স নির্ণয় করা অত্যন্ত কঠিন, একরূপ অসম্ভব বলিলেও অগ্রাহ্য হইয়া না। এমন কি, কোন শারীর-বিজ্ঞানবিদগণ টিকিৎসকও অভ্রান্তভাবে বয়স নির্ণয় করিতে পারেন না। শিশুদিগের বয়স অনুমানেও দুই এক বৎসরের পার্থক্য ঘটে। কেহ অসম্ভব বাড়ন্ত হয়, কেহ খর্ব্বাকৃতি হয়। এরূপ অবস্থায় কলার বয়স ১৩ বৎসর কি ১৪ বৎসর, তাহা অভ্রান্ত-ভাবে নির্ণয় হইবে কি করিয়া? মনে করুন, ম্যাজিস্ট্রেট সংবাদ পাইলেন কোন বিবাহ হইতেছে, এমন সময় নিষেধাজ্ঞা জারি করিলেন যে, বিবাহ বন্ধ কর। তখন কল্যাপক্ষের পাত্র খুঁজিবার জন্ত সমস্ত চেষ্টা ও ব্যয়, বিবাহের আয়োজনের ব্যয় প্রভৃতি সমস্তই পণ্ড হইয়া যাইবে। ইহা ভিন্ন মনঃকষ্ট ও সামাজিক অপমান ত আছেই। অনেক স্থলে কল্যাটের বিবাহ হওয়াই দায় হইবে। শেষে যদি সাব্যস্ত হয় যে, কলার ও বরের বয়স আইনের সীমা পার হইয়া গিয়াছে,—তখন কি কেবল ক্ষতিপূরণ দ্বারা তাহার প্রতী-কার হইতে পারিবে? আর সেই ক্ষতিপূরণের মাত্রা গায়ত কতদূর হইবে? এরূপ অবস্থায় পিতামাতার উক্তিই সম্ভানের বয়সের প্রমাণ বলিয়াই মানিয়া লইতে হয়। জীবন বীমা প্রভৃতিতেও ত ঠিকুজী কোটী প্রভৃতি প্রমাণ বলিয়া গণ্য হয়। সুতরাং বিবাহ-সভায় ম্যাজিস্ট্রেট নিষেধাজ্ঞা জারি করিলে বরপক্ষ এবং কল্যাপক্ষকে অকারণ হস্তগত করা যাইতে পারে, শক্রতা-সাধনও ভালকপ হয়, অতএব এরূপ ব্যবস্থা কোনমতেই হইতে দেওয়া উচিত নহে। কারণ, অনেক সময় কথাবার্তা ঠিকঠাক করিয়া বিবাহ হইতেই এক বৎসরেরও আরও অধিক সময় অতি-বাহিত হইয়া যায়। অনেক সময় বিবাহ হইবার বহু পূর্বেই বিবাহের কথাবার্তা ঠিকঠাক করা হয়। ইহা সকল দেশেই হয়। হিন্দুর পক্ষেই বা তাহা অপরাধ বলিয়া গণ্য হইবে কেন? সুতরাং এ ব্যবস্থায় কোন নিরপেক্ষ ব্যক্তিই সম্মত হইতে পারেন না।

(৩) ম্যাজিস্ট্রেট যত দিন ইচ্ছা তত দিনের জঙ্গ বর-বধুর মিলন নিষিদ্ধ করিয়া দিতে পারিবেন, এরূপ ব্যবস্থা নিতান্তই ঠেংরিতাসূচক। তিনি কলার বয়স চৌদ্দ বৎসর পূর্ণ হইবার পর পর্যন্ত আর নিষেধাজ্ঞা জারি করিতে পারিবেন না। অতএব বিবাহের বিষয়ে এ ব্যবস্থা কোন মতেই সমর্থন করা যায় না। ফল কথা, মিষ্টার দাসের বিলখানি যেন হিন্দুদিগের উপর প্রতি-হিংসাসাধনের জগাই পরিবর্তিত হইয়াছে বলিয়াই মনে হয়। ইহার তীব্র প্রতিবাদ হওয়া আবশ্যিক।

পল্লীগামে দরিদ্র গৃহস্থের পক্ষে কল্যাকে অধিক বয়স পর্যন্ত অনূঢ় রাখা যে কি কঠিন ও বিপজ্জনক ব্যাপার, তাহা বাদ-সংস্কারকরা না বুঝেন, তাহা হইলে তাঁহাদিগকে কিছুতেই ঐ সকল কথা বুঝান যাইবে না। অনেক অপপ্রাপ্তবয়স্ক বালিকাকে



ফুলসাইয়া ব্যভিচারে লিপ্ত করা হয়, আদালতে তাহা প্রমাণ হইয়া গিয়াছে। য়ুরোপে এবং মার্কিণেও তাহার দৃষ্টান্ত অনেক পাওয়া গিয়াছে। এ স্থানে আর তাহার উল্লেখ করা গেল না। ছেলে কোলে করিয়া বিবাহ য়ুরোপে চলিতে পারে, কিন্তু হিন্দু সমাজ ত তাহার সমর্থন করিবে না। এরূপ অবস্থায় তাহা-দিগকে কারাদণ্ডের এবং সর্বস্ব দণ্ডের ভয় দেখাইয়া বাল্য-বিবাহ উচ্ছেদ করিবার কি প্রয়োজন হইয়াছে? য়ুরোপে এক সময়ে বাল্যবিবাহ চলিত ছিল। জীবন-সংগ্রামের গৌরবতা এবং জীবনযাত্রা নির্বাহের মানদণ্ড বৃদ্ধি হেতু তথায় বাল্যবিবাহ ক্রমশঃ রহিত হইয়া যৌবন-বিবাহ প্রবর্তিত হইয়াছে। উহার ফলে বিবাহ যে একটা ধর্মনির্দিষ্ট অনুষ্ঠান (Sacrament), ইহা লোক ভুলিয়াছে, উহা আইনসম্মত বেণ্যাবৃত্তি বলিয়া লোকের ধারণা সঞ্চিত হইয়াছে, ফলে বিবাহানুষ্ঠান তথায় নিষ্ফল হইয়া গিয়াছে। গৃহস্থাস্রম ক্ষণভঙ্গুর হইয়া পড়িয়াছে। কাষেই এখন য়ুরোপ আবার বাল্যবিবাহ প্রবর্তনের পক্ষপাতী হইতেছে। আর আমাদের সমাজসংস্কারকরা সর্বস্বহানি করিয়া এই বাল্যবিবাহ জনমতের বিরুদ্ধে উঠাইয়া দিতে প্রস্তুত হইয়াছেন।

এক জন মুসলমান সদস্য ব্যবস্থা-পরিষদে এই মর্মে এক পাণ্ডুলিপি উপস্থিত করিয়াছেন যে, সর্দা আইন মুসলমানদিগের বেলায় আমলে আসিবে না। ইহাতে বুঝা যায় যে, মুসলমান সম্প্রদায় আমাদের জায় হাতে মামা হারায় নাই। যে সময় সর্দা আইন বিধিবদ্ধ হইয়াছিল, সে সময় মুসলমানগণ এইরূপ দাবী করিয়াছিলেন। তখন পণ্ডিত মতিলাল নেহেরু জীবিত ছিলেন। তিনি বলিয়াছিলেন যে, মুসলমানরা যদি আইনের দায় হইতে রেহাই পান, তাহা হইলে তিনি ঐ আইন রহিত করিয়া দিবেন। এখন কিন্তু সংস্কারকরা সে কথা মুখে আনিতেছেন না। আইনেও দেখিতেছি, সাম্প্রদায়িকতা প্রতিষ্ঠিত হইতে চলিল, এবং তাহা করিতেছেন,—সংস্কারকদল।

### মন্ত্রিত্ব-গ্রহণ

কংগ্রেসের দলভুক্ত ব্যক্তির সরকারের মন্ত্রিত্ব গ্রহণ করিবেন কি না, তাহা লইয়া বেশ বাদানুবাদ উপস্থিত হইয়াছে। মাদ্রাজের মিষ্টার সত্যমূর্ত্তি মন্ত্রিত্ব গ্রহণের পক্ষে স্পষ্ট মত দিয়াছেন। তাঁহারা সঙ্কত শাসনপদ্ধতিকে অগ্রাহ্য করিয়াছেন বলিতেছেন, তাঁহারা যে কি প্রকারে সরকারের মন্ত্রিত্ব গ্রহণ করিতে পাবেন, তাহা আমরা বুঝিলাম না। মন্ত্রীদিগের হাত দিয়াই সরকারের সকল কার্য নির্বাহ হইবে। অন্ততঃ দৃশ্যতঃ এই ব্যবস্থাই আছে। মন্ত্রী যদি ছায়াবাজীর পুতুলের মত অল্প লোক দ্বারা চালিত হইতে বাধ্য হন, তাহা হইলে কংগ্রেসওয়ালারা কি তাহাই করিতে সম্মত হইবেন? মিষ্টার সত্যমূর্ত্তি বলিতেছেন যে, শাসনসংস্কার বর্জনের সহিত মন্ত্রিত্বগ্রহণ এই উভয় কার্য পরস্পর বেশ খাপ খায়। চমৎকার যুক্তি! শ্রীযুত শরচ্চন্দ্র বসু দেখাইয়াছেন, তাহা খাপ খাইবে না। কিন্তু সে কথা সত্যমূর্ত্তি এবং মিষ্টার রাজাগোপাল আচারিয়া মানিতে চাহেন না। গরজ কি নাই লাজ। আমাদের বিশ্বাস, কাউন্সিলে প্রবেশ করিবার মত গ্রহণ করিয়াই কংগ্রেস স্বীয় মতের বৈশিষ্ট্য হারাইয়া বসিয়াছেন, তাহার উপর যদি তাঁহারা সরকারী উদ্দী

পরিয়া মন্ত্রী সাজিতে সম্মত হন, তাহা হইলে সোণার সোহাগা হইবে। মতের স্বাধীনতা দেখাইতে গেলে মন্ত্রীদিগের কি দশা ঘটে, তাহা বিদিত ভুবনে। পণ্ডিত শ্রীযুত জগৎনারায়ণ, শ্রীযুত চিরভূরি যজ্ঞেশ্বর চিন্তামণি, কুমার শ্রীযুত শিবশেখরেশ্বর রায় প্রভৃতির দৃষ্টান্তই তাহার জাজল্যমান প্রমাণ। যে দেশে এক জন দক্ষ মন্ত্রীকে পদত্যাগ করিবার উৎসাহ দিয়া ভাগাড়ের শকুনির জায় সেই শুল্ক পদ গ্রহণ করিবার জল্প দলে দলে স্বার্থীক এবং আত্মসর্বস্ব লোকের অভাব হয় না, আর তাহারা লোকলজ্জা পরিত্যাগ করিয়া সেই পরিত্যক্ত উদ্দী পরিয়া লোকসমাজে বুক ফুলাইয়া বেড়াইতে পারে, সে দেশে মন্ত্রিত্ব পাইয়া যে কেহ স্বাধীনভাবে কাণ্ড করিতে পারিবেন, ইহা যাঁহারা মনে করিতে পারেন, তাঁহাদিগকে বাতুল ভিন্ন আর কিছুই মনে করা বাইতে পারে না। অতিবুদ্ধি শ্রীযুত রাজাগোপাল আচারিয়া আবার বলিয়াছেন, “ওগো! মন্ত্রীর আসন কুসুমশয়ন নহে,—উহা কটকশয়া।” বৎসর বৎসর চৌদ্দটি হাজার কটক যখন খাইয়া গায়ে বিঁধিবে, তখন তাহা চৌদ্দটি হাজার গোলাপের পাপড়িতে পরিণত হইবে। তিনি বলিয়াছেন, মন্ত্রিত্বগ্রহণ একটা সাময়িক কসরৎ (strategy), যে ফন্দীতে বৎসরে চৌদ্দটি হাজার কই-কাতলা খারায় আসিয়া জমে, সে কাণ্ডকে তাহারা নিন্দা করে, তাহাদের কপী ছিঁড়িয়া দাও।

সর্দার শাদুল সিংহ মধ্যে বাঙ্গালায় আসিয়া বাঙ্গালার হাল-চাল দেখিয়া গিয়াছেন। তিনি বাঙ্গালা হইতে ফিরিয়া খাইয়া হাতে হাঁড়ি ভাঙ্গিয়া দিয়াছেন। তিনি বলিয়াছেন, “বাঙ্গালার একটা বড় কংগ্রেসী দল মন্ত্রিত্ব গ্রহণের পক্ষপাতী। কংগ্রেসের যে নির্বাচন বোর্ড গঠিত হইয়াছে, সে দলে ইহাদের যথেষ্ট প্রভাব বিজয়মান। তবে মাদ্রাজে যেমন বুজরুকী আছে যে, তাঁহারা মন্ত্রিত্ব লইয়া শাসনযন্ত্র অচল করিয়া দিবেন, বাঙ্গালায় এই দলের সেই বুজরুকী নাই। তাঁহারা সোজা কথাই বলেন, “শাসনপদ্ধতি যেমনই হউক না কেন, তাঁহারা তাহা চালাইতে সাহায্য করিবেন।” এই দল যে ঢেঁকির আটশলির মত সকল দিকে চলেন, তাহা জানে সর্বজন। এখন ইহারা আর আপনাদিগকে মডারেটদল হইতে পৃথক রাখিতে চাহেন না,—তবে কিছু প্রতিপত্তি লাভের খাতিরে কংগ্রেসের নাম লইয়া থাকিতে চাহেন। কোন বনের কোন বাঘ, তাহা চিনিয়া রাখা ভাল। সর্দারজী বলিয়াছেন যে, বাঙ্গালায় সকলেরই এই মত যে, নূতন শাসন-পদ্ধতির দ্বারা কোন উপকার হইবে না। যখন শাসনসংস্কার দ্বারা কোন কাৰ্যই হইবে না, তখন চৌদ্দটি হাজারী মন্ত্রিপদই বা ছাড়ি কেন,—ইহাই বোধ হয় এই দলের মত। এখন দেখা যাউক, শ্রীক কতদূর গড়ায়।

### মহাঅাজী ও জহরলাল

কিছুদিন পূর্বে একখানি বিদেশী কাগজে প্রকাশ পায় যে, মহাশয় গান্ধী বলিয়াছেন, “জহরলালজীর কার্যতালিকা আমার জীবনের সমস্ত কাৰ্য্যকে এমনভাবে পণ্ড করিয়া দিয়াছে যে, বৃটিশ সরকারের দৃঢ়তা এবং দমননীতি ততটা ক্ষতি করিতে পারে নাই। পণ্ডিত নেহেরু যে নীতির বিবৃতি করিয়াছেন, তাহাতে আমার কাৰ্য্যের অধিক ক্ষতি হইয়াছে।” মহাঅাজী যে এরূপ



কথা এক জন বিদেশী সাংবাদিকের কাছে বলিতে পারেন, ইহা কেহই বিশ্বাস করিতে পারেন না। মহাশয়াজীর প্রকৃতিট সেরূপ নহে। বাগা হউক, সম্প্রতি মহাশয়াজী তাঁহার “ওরিজন” পত্রে ঐ উক্তির প্রতিবাদ করিয়া বলিয়াছেন যে, তিনি ঐরূপ কথা কাহারও সহিত বলেন নাই। তাঁহার মনে ঐরূপ কোন ভাবও নাই। পণ্ডিত জহরলাল বরং এই সিদ্ধান্তে উপনীত হইয়াছেন যে, হিংসার পথ অবলম্বন করিলে ভারত কখনই স্বাধীনতা লাভ করিতে পারিবে না,—বরং অহিংসার পথে চলিলে স্বাধীনতা লাভ যটিবে। উভয়ের মধ্যে যে পত্র-ব্যবহার হইয়াছিল, তাহাতে তাহা বিশদভাবে বিবৃত আছে। তাহার জন্ম তাঁহাদের উভয়ের মধ্যে ব্যক্তিগত সন্ধু হইবার কোন সম্ভাবনা নাই। তাঁহারা উভয়েই কংগ্রেসের গুরুপথে লক্ষ্য স্থির রাখিয়াছেন। তিনি আরও বলিয়াছেন যে, জহরলালজীর কাব্যতালিকা দ্বারা তাঁহার জীবনের কাব্য পণ্ড হইবার নহে,—তাঁহার আরও বিশ্বাস এই যে, বৃটিশ সরকারের দৃঢ়তা এবং দমন-নীতির ফলে তাঁহার কাব্য-তালিকা পণ্ড হইবার নহে। তিনি আরও বলিয়াছেন যে, তাঁহার যদি কোন দার্শনিকতা থাকে, তাহা হইলে তাহা বাহিরের লোক দ্বারা ক্ষুণ্ণ হইতে পারে না। যদি কাহারও যুক্তি বা মত মন্দ হয়, অথবা যদি উহা অভ্রান্ত হয়, তাহা হইলেও উহার সমর্থকগণ যদি কপট, দুর্বলচিত্ত অথবা অশুচি হন, তাহা হইলে তাঁহার ক্ষতি হইতে পারে। তিনি আরও বলিয়াছেন যে, তাঁহার জীবনে কখনও কোন গুপ্ত অভিসন্ধি ছিল না এবং জহরলালজীর সহিত তাঁহার কোনপ্রকার প্রতিদ্বন্দ্বিতা নাই। মহাশয়াজীর সম্বন্ধে এইরূপ মিথ্যা কথা কেন রটে, তাহা আমরা বুঝিতে পারি না। তবে একটা কথা আছে যে, বড় গাছে বড় ঝড়ই বাধিয়া থাকে। তাঁহাদের উভয়ের লক্ষ্য যখন এক, তখন অবলম্বিত পথ ভিন্ন হইলেও ক্ষতি নাই।

### হাঁসডাংস সন সেতু

আজ কয়েক বৎসর ধরিয়া হাংডাংস সেতুটি নতুন কারয়া গড়িবার প্রস্তাব চলিতেছে। ইহা লইয়া যে কত বাক্যব্যয় হইয়া গেল, তাহার সংখ্যা করা যায় না। এই পুলটি নিৰ্মাণ করিতে তিন কোটি টাকার উপর ব্যয় পড়িবে; সুতরাং উহার ঠিকা পাইবার জন্ম অনেকেই বিশেষ ব্যাকুল ছিলেন। বলা বাহুল্য, এই সেতুবন্ধের ব্যয় বাহা পড়িবে, তাহা দিবে ভারতবাসীরা। কিন্তু সাব্যস্ত হইয়াছে যে, পুল-নিৰ্মাণ কার্যের ঠিকা পাইবেন বিলাতের মেসার্স ক্রিভল্যাণ্ড ব্রিড্জ এণ্ড ইঞ্জিনিয়ারী কোম্পানী। উহারা যে টেন্ডার দিয়াছিলেন, তনিতেছি, তাহা সর্কনিয় ছিল না। তথাপি ইহাদিগকেই ঠিকা দেওয়া হইয়াছে। এইরূপ ব্যাপার আমাদের দেশে বেরূপ গা-সগ হইয়া গিয়াছে, তাহাতে বোধ হয়, কেহই বিশেষরূপ বিস্মিত হন নাই। তবে এই ক্রিভল্যাণ্ড ব্রিড্জ কোম্পানী নাকি ভারতবাসীদিগকে অনন্তগাধারণ অমুকম্পা প্রদর্শন করিয়া বলিয়াছেন যে, যদি তাঁহারা কোন ভারতীয় কারখানার সহিত জাব্য করে এবং অস্ত্র অমুকুল সর্ভে চুক্তি করিতে পারেন, তাহা হইলে তাঁহারা ভারতীয় কারখানা হইতেই ইম্পাত লইবেন। সেতু-কমিশনাররা সেই জন্ম মনে করিয়াছেন যে, যখন ইহাদিগকে ঠিকা

দিলে ভারতীয় লৌহ কারখানাওয়ালাদের ক্ষতি হইবে না, তখন ইহাদিগকেই ঠিকা দেওয়া উচিত। এখন টাটা কোম্পানী এই ইম্পাত সরবরাহের কত অংশ পান, তাহা দেখিবার জন্ম সকলে উৎসুক রহিয়াছেন। কিন্তু এই সেতু নিৰ্মাণ করিতে অনেক পরিমাণ সিমেন্ট বা বিলাতী মাটা লাগিবে। সে মাটাও তাঁহারা এদেশের বিলাতী মাটা প্রস্তুতকারকদিগের নিকট হইতে লইবেন। আরও গুজব শুনা যাইতেছে, ক্রিভল্যাণ্ড কোম্পানী শোণ ভ্যালি কোম্পানীর নিকট হইতে সিমেন্ট গ্রহণ করিবেন সাব্যস্ত করিয়াছেন। শোণ ভ্যালি কোম্পানী মার্জার কোম্পানীর সহিত এই মত্রে একটা চুক্তি করিয়াছেন যে, এই সেতু নিৰ্মাণের জন্ম যত সিমেন্টের প্রয়োজন হইবে, তাহার শতকরা ৬০ ভাগ দিবেন মার্জার কোম্পানী আর ৪০ ভাগ দিবেন শোণ ভ্যালি কোম্পানী।

### স্বস্ত্যস্ত্যাদে গভর্নর

গত ১১ই শাবণ সোমবার বাঙ্গালার গভর্নর সার জন এণ্ডারসন ঢাকার দরবারে এক বক্তৃতা করিয়াছিলেন। সেই বক্তৃতায় তিনি সদ্বাসবাদী বলিয়া বিবেচিত ব্যক্তিদিগকে অনির্দিষ্ট কালের জন্ম আটক রাখা সম্বন্ধে এক বিবৃতি দিয়াছেন। ‘ষ্টেটসম্যান’ কাগজে এই সম্বন্ধে আলোচনা হয়। তাহাই সার জন এণ্ডারসনের এ বিবৃতি লইয়া কতকগুলি কথা বলিবার কারণ। তাঁহার উক্তির লক্ষ্য এই যে, লোক অনেক সময় বলিয়া থাকে যে, সরকার অনেক নিরপরাধ ব্যক্তিকে সন্দেহমাত্র কারিয়া বা পুলিশের কথার উপর নির্ভর করিয়া অনির্দিষ্ট কালের জন্ম আটক রাখিয়াছেন। এ দেশের অনেকেব এরূপ বিশ্বাসও আছে। সার জন বলিতে চাছেন যে, তাঁহারা এরূপ বলেন বা বিশ্বাস করেন, তাঁহারা পাস্ত। কারণ, তিন যত ইচ্ছামত বাছিয়া লইয়া অনেকগুলি আটক আসামীর কাগজপত্র দেখিয়া ভাল রকম বুঝিয়াছেন, এ ক্ষেত্রে ভুল হইবার সম্ভাবনা একরূপ নাই বলিলেও চলে। শুভাগ্যক্রমে আমরা সাব জনের এই উক্তি শুনিয়া আশস্ত হইতে পারিলাম না। সার জন এণ্ডারসন একজন তীক্ষ্ণবুদ্ধি ব্যক্তি। তিনি বহু কাগজপত্র নিরপেক্ষভাবে তন্ন তন্ন করিয়া দেখিয়াছেন, এ কথা আমরা সম্পূর্ণ বিশ্বাস করি। তিনি দেখিয়া বিশেষভাবে বিচার করিয়া বুঝিয়াছেন, ঐ সম্বন্ধে ভুল হইবার সম্ভাবনা অতি অল্প—নাই বলিলেই চলে—এ কথা ঠিক। কিন্তু সার জন কেবল কাগজপত্র ভিন্ন আর ত কিছুই দেখেন নাই। আমরা সার জন এণ্ডারসনকে সমস্রমে জিজ্ঞাসা করি, কেবল নিজীব নথিপত্র দেখিয়া কি সকল সময়ে অভ্রান্ত সিদ্ধান্তে উপনীত হওয়া সম্ভব? তিনি বিশেষভাবে বিচার করিয়া দেখুন, যদি কেহ কাহারও বিরুদ্ধে কোন মিথ্যা মানলা সাক্ষ্য, তাহা হইলে সে কি সাধ্যপক্ষে তাহার ভিতর এমন কোন ফাঁক রাখে—বাহা সহজে ধরা পড়ে? যদি তাহা ধরা পড়িত, তাহা হইলে বিচারকার্য অতি সহজ হইয়া দাঁড়াইত। অনেক সময় আদালতে দেখা গিয়াছে যে, সাক্ষান সাক্ষী এমনভাবে জবানবন্দী দিয়া গিয়াছে যে, তাহা শুনিয়া বিজ্ঞ বিচারকেরও দৃঢ় ধারণা জন্মিয়াছে যে, বাস্তবিকই সত্য

কথা বলিয়া বাইতেছে। বিশেষ সুদক্ষ উকিলের জেরা না পড়িলে সে যে মিথ্যা কথা বলিতেছে, তাহা ধরা পড়ে নাই। যদি কেবল কাগজপত্র দেখিয়াই মামলার বিচার করা যাইত, তাহা হইলে আদালতে সাক্ষীদেরকে জেরা করিবার ব্যবস্থা থাকিত না।

সার জন এগারসন বলিয়াছেন, অনেক ভূতপূর্ব আটক আসামী স্বৈচ্ছায় যে সংবাদ দিয়াছে, তাহার দ্বারাও উহা সমর্থিত হইয়াছে। ভূতপূর্ব আটক আসামীরা “স্বৈচ্ছায়” কাহার নিকট সংবাদ দিয়াছে? কোন পুলিশ-কর্মচারীর নিকট কি? যদি তাহারা “স্বৈচ্ছায়” কোন পুলিশ কর্মচারীর নিকট সংবাদ দিয়া থাকে, তাহা হইলে তাহা বিখ্যাসংযোগা বলিয়া মনে করা যাইতে পারে কি? সার জন এগারসন অবশ্য জানেন যে, কোন আসামী যদি কোন পুলিশ-কর্মচারীর নিকট স্বীকারোক্তি করে, তাহা হইলে তাহা প্রমাণ বলিয়া উপস্থিত করা যায় না। এই ব্যবস্থা করিবার হেতু কি, তাহা অবশ্য সার জন বুঝিয়াছেন। সুতরাং ঐরূপ সমর্থক সংবাদ সত্য বলিয়া গ্রাহ্য করা নিরাপদ নহে। যদি তাহারা ঐরূপ সমর্থক সংবাদ স্বৈচ্ছায় কোন বিচারপতির নিকট দিয়া থাকে,—তাহা হইলে সহজেই এই কথা জানিতে কৌতূহল হয় যে, তাহাদিগকে ‘স্বৈচ্ছায়’ ঐ প্রকার সমর্থক প্রমাণ দিবার জন্য যোগাড় করিয়া আনিয়াছিল কে? এ কথা অবশ্য স্বীকার করিতে হইবে যে, আপীল আদালতে অনেক সময় কাগজপত্র দেখিয়াই বিচার করা হয়। কিন্তু নিম্ন আদালতে সাক্ষীদেরকে যদি জেরা প্রভৃতি না করা হইত, তাহা হইলে উচ্চ আদালত আপীল বিচার ঠিকমত করিতে পারিতেন না। নিম্ন আদালত যদি কেবল সাক্ষীদের জবান-বন্দীমাত্র গ্রহণ করিয়া নথিপত্র উচ্চ আদালতে পাঠাইয়া দেন, তাহা হইলে কি উচ্চ আদালত আপীল বিচারে ঐ মামলা সম্বন্ধে চূড়ান্ত নিষ্পত্তি করিতে সমর্থ হন?

এ কথা অবশ্য কেহই মনে করেন না যে, সরকার যতগুলি লোককে গ্রেপ্তার এবং আটক রাখিয়াছেন, তাহারা সকলেই নির্দোষ। উহাদের মধ্যেই অনেকে সম্ভবতঃ প্রকৃত দোষী। কিন্তু সকলেই যে সমান দোষী, তাহাও মনে করা যাইতে পারে না। সকল ক্ষেত্রেই অপরাধের ভারতম্য থাকে। অনেক চপলমতি বালক হয় ত সঙ্গদোষে পড়িয়া কুর্কর্মে প্রবৃত্ত হয়। তাহারা ক্রমিক বৃদ্ধির দোষে হয় ত ঐরূপ করিতে চেষ্টা করে। উহাদের চরিত্রের সংশোধন হইতে পারে। এরূপ ক্ষেত্রে সকলকে অনির্দিষ্ট কালের জন্য আটক রাখা কোনমতেই বিচারসিদ্ধ হইতে পারে না। উহাদিগকে একটা নির্দিষ্ট কালের জন্য আটক রাখিয়া শেষে সাবধান করিয়া এবং সঙ্গদোষ দিয়া ছাড়িয়া দেওয়া উচিত। তাহারা দোষী, তাহাদের মধ্যে অনেকে কুশিক্ষায় এবং কুবুদ্ধির বশে ঘোর কাপুরুষতাসূচক কুর্কর্মে রত হইয়াছে। কিন্তু তাই বলিয়া তাহাদের যে সংশোধনের উপায় নাই, তাহাও মনে করা উচিত নহে। বাঙ্গালার গবর্ণর যে কষ্ট করিয়া আটক আসামীদিগের কাগজপত্র দেখিয়াছেন, এ জন্য তিনি ধন্যবাদার্থী। তিনি যে বিশেষ তীক্ষ্ণবুদ্ধি লোক, তাহা কেহই স্বীকার করে না। তবে তাহার বুঝা উচিত যে, মানুষমাত্রেরই ভুল হয়। সার আইজ্যাক নিউটনও বাস্তব হইতে ইন্দুরের বাহির হইবার দ্বার প্রস্তত করিতে বাইরা বিষম ভুল করিতে বসিয়াছিলেন।

## নারী-ধর্ষণ ও নারী-লাট

বাঙ্গালার লাট সে দিন ঢাকা সহরে পুলিশ-বাহিনীকে সম্বোধন করিয়া বলিয়াছিলেন, ১৩৩৪ খৃষ্টাব্দ অপেক্ষা ১৩৩৫ খৃষ্টাব্দে এই শ্রেণীর গুরুতর অভিযোগের মামলা শতকরা ৩.টি হারে কমিয়াছে, কিন্তু অপেক্ষাকৃত লঘু অপরাধের মামলা শতকরা ৭টি হিসাবে বাড়িয়াছে। লাট বাহাদুরের এই উক্তি বৃষ্টিতে আমাদের ঘোর অসুবিধা ঘটতেছে। কারণ, নারীর মর্ধ্যাদা বা সতীত্বঘটিত মামলার অপরাধের গুরুত্ব এবং লঘুত্ব সার জন এগারসন কি ভাবে বিচার করেন, তাহা আমরা ঠিক বুঝিয়া উঠিতে পারিতেছি না। আমাদের মনে হয়, নারীর মর্ধ্যাদাহানিকর অপরাধ অপরাধীর পক্ষে ঘোর পশুত্বসূচক, সুতরাং সে অপরাধের গৌরব বা লাঘব থাকিতে পারে না। যে অপরাধে মানুষের প্রকৃতি পশুত্বের পর্যায়ে পড়ে, সে অপরাধ সম্বন্ধে গৌরব-লাঘবের আরোপ করা ভুল। তাহার পর সার জন এগারসন বলিয়াছেন যে, গত বৎসর নারীর মর্ধ্যাদা-নাশের মামলা হইয়াছিল ৭ শত ৩৭টি। তন্মধ্যে হিন্দুনারীর বিরুদ্ধে ৩ শত ৩৩টি আর মুসলমান নারীর বিরুদ্ধে ৪ শত ৪টি। এখন আমাদের জানিতে ইচ্ছা হয় যে, তাহার ধারণা অনুযায়ী এই শ্রেণীর অপরাধের গুরুত্ব এবং লঘুত্ব হিসাবে হিন্দু নারীর উপর কতগুলি গুরু এবং কতগুলি লঘু অপরাধ অমুষ্ঠিত হইয়াছিল এবং মুসলমান নারীদিগের উপরই বা ঐরূপ অপরাধ কতগুলি অমুষ্ঠিত হইয়াছিল, তাহা তিনি আর একটি বক্তৃতায় প্রকাশ করিয়া দিবেন কি? দ্বিতীয়তঃ এই অপরাধ অমুষ্ঠিতাদিগের মধ্যে কত ভাগই বা হিন্দু আর কত ভাগই বা মুসলমান, তাহারও একটা তালিকা দেওয়াও উচিত। কারণ, তাহা হইলে কোন সমাজ কতটা অধঃপাতে গিয়াছে, তাহা বুঝা যায়। আমাদের মনে পড়ে, বঙ্গীয় ব্যবস্থাপক সভায় বখন এই অতীব ঘৃণ্য এবং পশুত্বসূচক অপরাধে বেত্রদণ্ড দিবার ব্যবস্থা হয়, তখন সুরাবন্দী বলিয়াছিলেন যে, এই অপরাধের আসামীদিগের মধ্যে মুসলমানের সংখ্যা অধিক বলিয়া হিন্দুরা ইহার জন্য কঠোর দণ্ড দিতে চাহিতেছেন। সার জন এগারসন অবশ্য বলিয়াছেন যে, যে সব ক্ষেত্রবিশেষে ব্যবস্থা-পূর্বক এবং শৃঙ্খলার সহিত, অথবা পাপের দ্বারা অর্ধলাভ করিবার লোভে এই শ্রেণীর অপরাধ অমুষ্ঠিত হয়, তাহার আসামীদিগকে কঠোর দণ্ড দিতে কোন সম্প্রদায়ই আপত্তি করে না। ইহাতে লাট সাহেব কোন শ্রেণীর অপরাধকে গুরুতর মনে করেন, তাহার আভাস পাওয়া যায়। আমরা অবশ্য ঐ প্রকার পঞ্চাচারের ঐরূপ ভারতম্য বুঝি না। নরকের মধ্যে ভাল মন্দ স্থানের বিচার করা যায় না। তবে কেহ ঐ প্রকার অপরাধের কঠোর দণ্ডের আপত্তি করে কি না, তাহা বেত্রদণ্ড দানের আইন প্রণয়নকালে ভোটের তালিকা দেখিলেই বুঝা যায়। নারীধর্ষণরূপ মহাপাপের অবসানকল্পে কঠোর বেত্রদণ্ড যে মহৌষধ, ইহা ভক্ত-মানুষ-মাত্রেরই স্বীকার করিবেন।

## প্লাবন-পীড়ন

গোমতী নদীর জলবৃদ্ধির ফলে যুক্তপ্রদেশের বহু স্থান জলে ভাসিয়া গিয়াছে। বিস্তীর্ণ স্থানে লোকের ঘরবাড়ী পড়িয়া গিয়াছে।

অনেক লোক জলে ভাসিয়া গিয়াছে। যাহারা ভাসিয়া গিয়াছে, তাহাদের মধ্যে কেহ কেহ অবশ্য ভবনদীর অপূর্ণ তীরে বাইরা পৌঁছিতে, কেহ কেহ হয় ত কোন রূপে আপনার জীবনরক্ষা করিতে পারিবে। গোমতীতীরবর্তী ৫০টি গ্রাম মনুষ্যশূন্য হইয়া গিয়াছে। বাটলার রোডের কয়েকটি স্থান ভাসিয়া গিয়াছে, কতকগুলি রাজপথে লোকের যাতায়াত বন্ধ করিয়া দেওয়া হয়। কেবল লক্ষ্মী সহর বিপন্ন হয় নাই, গোমতীর বামতীরস্থ সমস্ত গ্রাম ও পল্লীর অবস্থা শঙ্কাজনক হইয়া উঠে। ঐ সকল স্থানের অধিবাসীদিগের সাহায্যের জন্ত সরকার কমিশনারের হাতে ১০ হাজার টাকা দিয়াছেন। ইহার পর সংবাদ আসে যে, প্রায় ৬ শত গৃহ পড়িয়া গিয়াছে, গৃহপতনে কয়েক জন লোকের মৃত্যুও হইয়াছে।

ইহা ভিন্ন বেরিলী, পিলভিট, সাজাহানপুরও বঙ্গার প্রকোপে বিশেষ ক্ষতিগ্রস্ত হইয়াছে। বামগঙ্গার জলও বিশেষ বাড়িয়া যায়। লক্ষ্মী সহরের বাঁধটি ভাসিয়া যাইবার আশঙ্কা হইয়াছিল। বালিপূর্ণ বস্তা দিয়া বাঁধটি রক্ষা করা হইয়াছে। গোমতীর পশ্চিম-তীরস্থ অধিবাসীদিগেরই ক্ষতি অধিক হইয়াছে। লক্ষ্মী হইতে যে রাস্তা কাণপুরে গিয়াছে, সেটি রাস্তার ক্ষতিই অত্যন্ত অধিক হইয়াছে। নালগুটির ভিতর দিয়া বঙ্গার জল প্রবেশ করিয়া পল্লী অঞ্চলের গ্রামগুলিকেও বড় বিপন্ন করিয়া তুলিয়াছে। গ্রামবাসীরা ঘরদার ফেলিয়া পলায়ন করিয়াছে। বেরিলীর অবস্থাও বিপন্নকর শুনা গিয়াছিল। তথা হইতে সংবাদ পাওয়া গিয়াছিল যে, বহু লোক গাছের উপর উঠিয়া কোনমতে জীবনরক্ষা করিয়াছে। সহরে প্রায়ই গৃহপতনের শব্দ কয়েক দিন ধরিয়া শুনা গিয়াছিল। এই অঞ্চলের অনেক গৃহপালিত পশু জলে ভাসিয়া গিয়াছে। যুক্তপ্রদেশে এবং বিহারের নানা স্থান হইতে এইরূপ বঙ্গাসম্পর্কিত বিপদের সংবাদ পাওয়া গিয়াছে। রাপ্তি নদীর জলবৃদ্ধি হেতু বিস্তৃত স্থানে বহুলোক বিপন্ন হইয়া পড়িয়াছে। রাপ্তির শাখানদী রোহিণীতে বঙ্গা হইয়াছে। মতিহারী হইতেও শোচনীয় সংবাদ আসিয়াছে। গণ্ডক নদীতে বান আসাতে এবং গাজনা এবং ধিমরা নদীর জল অতিশয় বৃদ্ধি পাওয়াতে বিহার অঞ্চলে বিস্তীর্ণ ভূভাগ জলমগ্ন হইয়াছে। বাঙ্গালা দেশে দামোদর নদে এবং বাঁকুড়া প্রভৃতি জিলায় কতকগুলি নদীর জল বৃদ্ধি পাওয়াতে লোকের মনে আতঙ্কের সঞ্চার হইয়াছে। জলবৃদ্ধিতে স্থানে স্থানে কৃষিক্ষেত্রেরও বিশেষ ক্ষতি হইবার সম্ভাবনা ঘটিয়াছে। ব্রহ্মদেশ এবং মাদ্রাজ হইতে বর্ষাজনিত বঙ্গার সংবাদ আসিয়াছে। ফলে দেখা যাইতেছে, এবার মোটের উপর অধিক বারিপাত হওয়াতে ভারতের বহু স্থানে লোকের দুর্গতি ঘটিয়াছে ও ঘটতেছে। বাঙ্গালার এ বৎসর ত বিধম দুর্ভিক্ষ উপস্থিত হইয়াছে। স্থানে স্থানে লোক না খাইতে পাইয়া মরিতেছে বা আত্মহত্যা করিতেছে একরূপ সংবাদও পাওয়া যাইতেছে। ফলে ভারতবর্ষের উপর যেন দেবতারও অভিসম্পাত আসিয়া পড়িয়াছে বলিয়া মনে হইতেছে। এই বঙ্গার প্রভাবে বহু স্থানে শস্তনাশ হইয়াছে।

## হঙ্গে দুর্ভিক্ষ

গত বৎসর পর্যাপ্ত পরিমাণে বারিপাত না হওয়াতে এবার মধ্যবঙ্গে এবং পশ্চিমবঙ্গে লোকের দারুণ অন্নকষ্ট উপস্থিত হইয়াছে। স্থানে স্থানে ঘোর দুর্ভিক্ষ দেখা দিয়াছে। সরকারও কয়েক স্থানে দুর্ভিক্ষ হইয়াছে বলিয়া ঘোষণা করিয়াছেন। এবার বৃষ্টি হইয়াছে বলিয়া সরকার ইহার মধ্যে অনেক স্থানে সাহায্যদান বন্ধ করিয়া দিয়াছেন। কিন্তু যত দিন ফসল না হইতেছে, তত দিন সাহায্যদান না করিলে যে লোকের ঘোর কষ্ট হইবে, সে বিষয়ে সন্দেহ নাই। হুগলী, বর্ধমান, বাঁকুড়া প্রভৃতি জিলায় দেশের লোকের বিশেষ কষ্ট হইতেছে। বাঁকুড়া প্রভৃতি কয়েকটি জিলায় যাহারা মধ্যবিত্ত ভদ্রশ্রেণীর মধ্যে নিঃস্ব, তাহাদেরই কষ্টের একশেষ হইয়াছে, শুনা যাইতেছে। বাঁকুড়া জিলায় সোণামুখী অঞ্চল হইতে ভীষণ সংবাদ পাওয়া গিয়াছে। এই অঞ্চলে ভদ্র গৃহস্থের অবস্থা অতিশয় শোচনীয় হইয়া উঠিয়াছে। মধ্যবিত্ত গৃহস্থের অবস্থা একবারে চরমে উঠিয়াছে। যে সকল ভদ্রঘরে পুরুষ অভিভাবক নাই, তাহাদের ঘোর বিপদ উপস্থিত। তাহারা ভিক্ষা করিয়া জীবিত আছে, কিন্তু সকলের অবস্থা মন্দ হওয়াতে ভিক্ষা করিয়া আর দিন চালান সম্ভব হইতেছে না। এই অঞ্চলে ১০ শত ঘর তাঁতিবাস। বিদেশ হইতে বেশম আমদানীর ফলে তাহাদের বেশমজাত বস্ত্রশিল্প নষ্ট হইয়া গিয়াছে। উহা পুনরুদ্ধারের দ্বার সম্ভাবনা অতি অল্প। এখন তাহারা অনেকেই বেকার অবস্থায় পতিত। অনেকে উদরের জালা সহিতে না পারিয়া পুত্র-পরিবার ত্যাগ করিয়া বিদেশে চলিয়া যাইতেছে। ফলে অবস্থা বিষম শোচনীয় হইয়া দাঁড়াইয়াছে। হাট আশুরিয়া, বেলে তোড়, বড় জোড়া প্রভৃতি স্থানে লোকের বিশেষ কষ্ট হইয়াছে। কিন্তু তাহারা কোনরূপ সাহায্য পাইতেছে না।

এই ঘোর অন্নকষ্ট অল্পস্থানের মধ্যে সীমাবদ্ধ নাই। ২৪ পরগণা, হুগলী, যশোহর, দিনাজপুর—সর্বত্রই লোকের অন্নকষ্ট উপস্থিত হইয়াছে। প্রত্যেক গৃহস্থই ইহার প্রভাব অনুভব করিতেছে। ফলে এখন বাঙ্গালা হইতে দেশব্যাপী হাহাকার উঠিয়াছে। কেন এমন হয়, ইহাই বিশেষভাবে চিন্তনীয় হইয়া দাঁড়াইয়াছে। আমাদের বিশ্বাস, লোকেরও কৃষি ভিন্ন অল্প বৃত্তি না থাকাতাই এই অবস্থা ঘটিয়াছে। যদি দেশের লোকের কৃষি ভিন্ন অল্প বৃত্তি না থাকে,— আর সেই কৃষি যদি কেবল পরজন্মদেবের কৃপাভিখারী হইয়া থাকে,— তাহা হইলে একরূপ ব্যাপার হইবেই হইবে। সুতরাং অনাবৃষ্টির সময়ের জন্ত সেচের সুব্যবস্থা করা এবং শিল্প সংরক্ষণ করা ভিন্ন ইহার প্রতীকারের অল্প উপায় নাই। অতএব নূতন বড়লাট বাহাদুর যশুদানে কৃষীবলদিগকে যে বাধিত করিতেছেন, তাহাতে বিশেষ কিছুই হইবে না। কৃষীবলের এবং ভারতবাসীর উপকার করিতে হইলে সেচের সুব্যবস্থা এবং শিল্প প্রতিষ্ঠা করা আবশ্যিক। নতুবা একরূপ দুর্ভিক্ষ প্রায়ই ঘটিবে। কিছুতেই তাহা রক্ষা করা যাইবে না।

ত্রীসতীশচন্দ্র মুখোপাধ্যায় সম্পাদিত

কলিকাতা, ১৬৬ নং বহুবাজার স্ট্রীট, বঙ্গমতী রোটারী মেসিনে ত্রীশশিষ্য দত্ত মুদ্রিত ও প্রকাশিত

1955-56



“গভীর অরণ্য-ছায়ে উদাসিনী হয়ে  
বসে থাক : কিংকম্বুকি আলাহাবাদী নীচে।”

ভাদ, ১৯৪৭।

শিল্পী - মিশ্র ব্রহ্মা







১৫শ বর্ষ ]

ভাদ্র, ১৩৪৩

[ ৫ম সংখ্যা ]

## ডিনার-লহরী

[ “যমুনা-লহরীর” অনুকরণ নয় ]

কবিবর স্বর্গীয় স্বিজেন্দ্রলাল রায়ের অপ্রকাশিত কবিতা

মিশ্র কানেড়া

ডিনার, ফলার, ভোজ খেয়েছি বহু,  
কিন্তু খেয়ে কভু হেন হয়নিক “যুত”।

কেন না,—

ধ’রে নৈধে’ ভূমে পেড়ে’, বৃকের উপর হাঁটু গেড়ে’,  
( এই রকম ) খানা আদায় করা বেড়ে।  
যদিও সে লোকটা একটু হয় অপ্রস্তুত ;  
তথাপি এ রকম খানা খেতে বড় ‘যুত’।

এ খানার অনেকগুলি বেশ সুন্দর moral আছে।  
এর প্রথম moral হচ্ছে এই ; —

কফে-পাওয়া রত্নলাভে যে সুখটি পাবে,  
পাবে না তা’ অনায়াসলব্ধ ধনলাভে ;—  
এই যেমন রাজারাজড়া যুগয়া যে করে,  
কিন্মা নিকশ্মারা ছিপ দিয়ে মাছ ধরে,

কেন করে এত কফ ?—ওই সমুদয়,  
চাকর দিয়ে ধরিয়ে ত কেটে খেলেই হয় !  
আরও দেখুন, লোকের কেন

ঘোড়ায় চড়ে’ পড়া,

যখন তার চেয়ে সোজা গাধার পীঠে চড়া ?  
মনুষ্য-চরিত্রেও দেখুন—নবীনা মুখরা,  
অভিমানপরায়ণা নারী বশ করা  
ভারি আমোদের। সবাই জানেন নব বধূর  
অধরেতে কফে-পাওয়া চুম্বন অতি মধুর ;  
কোন কবি বলেন—ভুলে গিইছি ইংরেজিতে—  
গোপনে অবৈধ চুম্বন ভয়ঙ্কর মিঠে !  
যদিও নীতিবিরুদ্ধ কথাটি নিশ্চয় ;  
কিন্তু তার জন্ম দায়ী এ বেচারী নয়।  
আরও উদাহরণ—তৈরি ভাত ছেড়ে যাওয়া  
এবং বনে গিয়ে লোকের নিজে রেঁধে খাওয়া।

কিন্তু অগ্নি উদাহরণ করা কেন খোঁজ,  
তার বেশই ত উদাহরণ আজকার এ ভোজ !  
নিজে-থেকে-দেওয়া খানা,  
নানাবিধ স্থানে নানা,  
খেয়েছি ত লক্ষ লক্ষ অমৃত অমৃত,  
কিন্তু কোনটাই হেন হয়নিক “যুত” ।

এর দ্বিতীয় moral এই যে,—

থাকিলে উত্তম এবং অধ্যবসায়,  
পৃথিবীতে অনেক কার্যই সিদ্ধ করা যায় ;  
প্রমাণ, একা চড়া, রূপদ গাওয়া, পদ্য লেখা,  
জর্মান ভাষার উচ্চারণ ও cheese খেতে শেখা ;  
প্রমাণ, গ্রীষ্মে ছুপর বেলা আপিস করা রোজ ;  
অধিক আর কি প্রমাণ দেব—প্রমাণ এই ভোজ !  
—এর কাছ থেকে খানা আদায় করা আজ  
বুঝি সোজা অধ্যবসায় ও উদ্যমের কাজ !  
অতুল অধ্যবসায়ে আদায় করা খানাটা এ  
খায় বন্ধুভাবে আজি যত আর্ঘ্যসুত —  
সেই জগৎ এ ভোজ রে ভাই খেতে বড় “যুত” ।

এ খানার তৃতীয় moral এই যে,—

একতা ।—থাকিত তাহা এ ভারতে যদি  
পারিত কি য়েচ্ছ পার হতে সিদ্ধ নদী—  
অর্থাৎ নদ । চট্বেন নাক,—নিরঙ্কুশাঃ কবয়ঃ—  
একতা থাকিলে—বলি দেন যদি অভয়—

[ পণ্ডিত সুরেশচন্দ্র সমাজপতি মহাশয়ের নিমন্ত্রণ উপলক্ষে রচিত ]

লোপ পেত বিয়ের হাতে ছেলের দাম হাঁকা ;  
সাহেবদের সব বাবুচিরা পেত টানা-পাখা ;  
বানরদের একতায় রাবণ বাজিমাৎ ;  
রাজাদের একতায় নেপোলিয়ন কাৎ ;  
একতায়—মৌমাছির মধুচক্র গড়ে,  
এবং ছেলেরা তা ভেঙ্গে মধু পান করে ।  
দশ জনের একতায় club হয় নানা ;  
দশ জনের একতায় আজিকার খানা ।  
দশ জনের একতায় দশ জনে খানা খায় ;  
এরেই বলে দশচক্র ভগবান্ ভূত—  
মরিরে ! —তাই এ খানা খেতে বড় “যুত” ।

এ খানাটির চতুর্থ moral,—

বুদ্ধি ।—ছেলের কেনা সন্দেশ চিলে নিয়ে যায় ;  
বাপে কস্টে টাকা জমায়, পুত্র বসে খায় ;  
কোকিল উড়ে বেড়ায়, ও তার ডিমে তা দেয় কাকে ;  
জমীদারে বাড়ি করে, সাহেবেরা থাকে ;  
বোকায় গায়ে আতর মাগে, বুদ্ধিমাণে শোকে ;  
মূর্খে করে বিয়ে, ভোগ করে জ্ঞানী লোকে ;  
—আর্ঘ্যগণ এই কপা শুনে মৎ চটো,  
কারণ, এই শেষোক্তটা ইংরাজদের “মটো” !  
মূর্খে কেনে বহি আর জ্ঞানী পড়ে তায় ;  
বোকা লোকে খানা দেয় ও বুদ্ধিমাণে খায় ।  
নিজের বুদ্ধির পরিচয় নিয়ে বন্ধু সমুদয়  
খেয়ে বাড়ি চলে যাও—ধরো নাক খুঁত ;  
—মনে রেখো, এই রকম খেতে বড় “যুত” ।

[ শ্রীযুক্ত হেমেন্দ্রপ্রসাদ ঘোষ মহাশয়ের সৌজন্যে প্রকাশিত ।





[ উপন্যাস ]

## উনবিংশ পরিচ্ছেদ

নূতন হাওয়া

মিসেস দত্ত চলিয়া গেলে ফুল্লরা পাশের ঘরে আসিল। নকুল বসিয়া একখানা খবরের কাগজের পাতা উন্টাইতেছিল, ফুল্লরাকে দেখিয়া উঠিয়া দাঁড়াইল, বলিল—কি খপর ?

নিশ্বাস ফেলিয়া নকুল বলিল,—ভালো খপর নয়।

ভালো খপর নয় ? কিসের খপর ?...

প্রশ্নের সঙ্গে সঙ্গে ফুল্লরার মনে হইল—তার কাছে জনিয়ার কোন্ খপর এমন মূল্যবান ?

সমস্ত পৃথিবী যেন চোখের সামনে সবেগে জলিয়া উঠিল। স্বামী...?

কিন্তু তিনি বিদেশে! মক্কেলের ব্রীক পিষিয়া চূর্ণ করিয়া তাহা হইতে পয়সা বাহির করিতেছেন! খবর নকুল পাইবে কোথা হইতে ?

কুতূহলী দৃষ্টিতে ফুল্লরা নকুলের পানে চাহিয়া রহিল।

নকুল বলিল—আপনার ভাইঝী...

রোজা ? রোজার সম্বন্ধে কোনো কথা ভাবিবে না, স্থির করিয়া রাখিলেও মন চমকিয়া উঠিল। ফুল্লরা কহিল—রোজা কি করেছে ?

কুণ্ঠা-জড়িত স্বরে নকুল কহিল—কথাটা বলতে লজ্জা হচ্ছে, অথচ না বললে নয়!

অধীর আগ্রহে ফুল্লরা কহিল—বলো...

নকুল বলিল—একখানা টু-শীটার মোটরে তিনি আর একটি ফিরিঙ্গি ছোকরা চলেছিল গড়িয়া হাটের দিকে। টালিগঞ্জের ট্রাম-ডিপোর কাছে একখানা ট্রামের সঙ্গে

গাড়ীর ধাক্কা লাগে। ফিরিঙ্গি-ছোকরার মাথা ফেটে গেছে। আপনার ভাইঝীরও বেশ চোট লেগেছে—তিনি অজ্ঞান হয়ে পড়েন। আমরা ঐ পথে আসছিলুম। এখানে তাঁকে দেখেছি বলেই চিনতে পারলুম। খুব ভিড় জমে গেল। আম্বুলেন্স ডাকিয়ে তাঁদের দুজনকে শলুনাত হাসপাতালে পাঠানো হলো। শুনলুম, দুজনেই না কি মানে, drink করেছিলেন...

ফুল্লরা বলিল—রোজা বেঁচে আছে ?

—আছে...

ফুল্লরা বলিল—বাড়ীতে আনা যাবে না ?

নকুল বলিল,—বোধ হয়, তারা এখন আসতে দেবে না। চোট যা পেয়েছেন, সামান্য নয়! ফিরিঙ্গি ছোকরাটির এখনো জ্ঞান হয়নি, -তবে মরে নি। আপনার ভাইঝীর জ্ঞান হয়েছে দেখে তাড়াতাড়ি আমি এখানে আসি আপনাকে খপর দিতে।

ফুল্লরা কি ভাবিল; তার পর একটা নিশ্বাস ফেলিয়া বলিল—তাকে আমি দেখতে যেতে পারি ?

নকুল বলিল—কেন পারবেন না ?

ফুল্লরা বলিল—তাহলে আমাকে তুমি নিয়ে চলো, নকুল। আমি তো জানি না, কোথায় কার সঙ্গে সেখানে গিয়ে দেখা করতে হবে।

নকুল বলিল—আপনি তাহলে তৈরী হয়ে নিন। আমি আপনার ড্রাইভারকে বলি, গাড়ী আনবে।

—বেশ!

হাসপাতালে আসিয়া রোজাকে দেখিয়া ফুল্লরা শিহরিয়া



উঠিল। মাথায়-মুখে ব্যাভেজ্ঞ বাধা; দুটি চোখ শুষ্ক আঁকুনি করুণ দৃষ্টি মেলিয়া চলিয়া আছে। অশ্রুর বাষ্পে সে দৃষ্টি যেন ধুইয়া নিশ্চল হইয়া রহিয়াছে!

ফুল্লরা কহিল—খুব কষ্ট হচ্ছে?

রোজা কোনো কথা বলিতে পারিল না। আঁকুনি-চোখে দু'কোঁটা জল ঝকঝক করিয়া উঠিল।

নার্শ বলিল,—কথা বলতে পারছেন না।

ফুল্লরা বলিল,—কোনো ভয় নেই?

নার্শ বলিল,—না।

কথায় কথায় প্রকাশ পাইল, রোজা সুরা পান করিয়াছিল। লজ্জায় ফুল্লরার মাথা যেন কাটা গেল!

ফুল্লরা কহিল—বাজী যেতে পারবে না?

নার্শ বলিল,—এখন নাড়াচাড়া করা উচিত হবে না, দু'দিন।

ফুল্লরা কাঁঠ হইয়া দাঁড়াইয়া রহিল।...

গৃহে ফিরিল অনেক রায়ে। মনে যেন চিত্ত জলিতেছে! জীবনে এত অশ্রুতি মানুষকে ভোগ করিতে হয়! কৈ, এমন অশ্রুতি তো অপরে ভোগ করে না! সংসার লইয়া কাজ-কর্মে তাদের দিনের পর দিন কাটিয়া চলিয়াছে...লঘু মন, মুখে হাসি-কথা...

হয়তো তাদের লক্ষ্য নির্দিষ্ট সীমানার মধ্যে আবদ্ধ। মনের যেমন প্রসার নাই, বাসনারও তেমনি সীমা আছে! সে...

কি চায়, আজো তাহা নির্ণয় করিতে পারিল না! সংসার...লোকে বলে, আরাম-নীড়! কিন্তু কোথায় আরাম? কিসে আরাম?

রোজার কথা মনে পড়িল। বেচারী রোজা! রোজা কিসের সন্ধানে এমন করিয়া ঘুরিয়া বেড়ায়? গৃহে তার সুখ নাই, আরাম নাই! আজ কোন্ অপরিচিতের সঙ্গে বাহির হইয়া সে কি করিয়া বসিল? সুরা-পান!

সর্লাঙ্গ রী-রী করিয়া উঠিল। সুরা-পান দোষের... সকলের মুখে শুনিয়া আসিতেছে আশেপাশে। দাদা কি বলিবে? মেয়ের ভার তার হাতে দিয়া কোথায় পড়িয়া আছে কত দূরে! আর এমনি করিয়া ফুল্লরা রোজার ভার বহন করিতেছে!

সমস্ত পৃথিবী তত্ত্ব গোলার মতো চোখের সামনে

বিপর্যয় বেগে ঘুরিতে লাগিল। তার বাঁকে প্রাণী বহি জলিয়া হাই হইয়া যায়!

দারুণ অশ্রুতির মধ্য দিয়া যিনি রাত্রি কাটাইয়া গেল। সকালে স্বামী আসিয়া উপস্থিত।

রোজার কথা ফুল্লরা বলিতে পারিল না। না বলিলেও সুশীল চাটাজী জানিলেন খবরের কাগজ পড়িয়া।

তিনি আসিয়া ফুল্লরাকে বলিলেন,—রোজার এত বড় accident হয়েছে? আমরা বলোনি!

অপরাধীর কুণ্ঠিত দৃষ্টিতে ফুল্লরা স্বামীর পানে চাহিল। সুশীল চাটাজী বলিলেন,—কে এই হার্বাট?

ফুল্লরা কহিল—ওর কোন্ ক্রাশফ্রেণ্ডের ভাই, বোধ হয়।

—তার সঙ্গে রোজা বেরিয়েছিল! তুমি অশ্রুতি দিয়েছিলে?

—না।

—তবে?

ফুল্লরা বলিল রোজার কাহিনী; কবে সে চিঠি লিখিয়া হাজারিবাগ যায়, তার সঙ্গে এ ব্যাপার লইয়া আলোচনা— তাহাতে রোজা কি জবাব দেয়...সব কথা। কোনো কথাই গোপন করিল না।

শুনিয়া সুশীল চাটাজী একটা নিখাস ফেলিলেন, নিখাস ফেলিয়া বলিলেন,—সংসারী হবার কোনো যোগ্যতা নেই,—তোমার নেই, আমাদের নেই।...কিন্তু এ ব্যাপারে আমার চেয়ে তোমার দায়িত্ব অনেক বেশী, ফুল্ল!...কিছু মনে করো না। বিদেশে বসে আমাদের স্বর-সংসার, আমাদের জীবন—এ নিয়ে আমি অনেক চিন্তা করেছি...ভেবেছিলুম, এখানে এসে তোমার সঙ্গে এ-সব কথা আলোচনা করবো। দু'দিন বাদে আলোচনা করতুম,—কিন্তু এখানে আসবামাত্র রোজার এ ব্যাপার...তা কি বলা,...কখনো আমার কথা?

একটা উত্তত নিখাস চাপিয়া ফুল্লরা বলিল,—বলো।

সুশীল চাটাজী বলিলেন—সংসার রচনা করে পুরুষ আর নারী দুজনে মিলে,—সে সংসারে বন্ধুভাবে দুজনে পরস্পরের উপর নির্ভর রেখে—দুজনে মিলে-মিশে আরামে বাস করবে বলে।...পুরুষ হয়তো একা কোনোমতে দিন চালিয়ে যেতে পারে; কিন্তু সংসার নাহলে মেয়েদের চলে না...নয় কি?

ফুল্লরা কহিল—তা নয়। পুরুষই সংসার চায়— দিনের শ্রান্তি ঘুচোবে সংসারে এসে। সংসার ছাড়া তাঁর অল্প আশ্রয় নেই। মেয়েদের আবার সংসার কি? সংসারে সে আসবাব মাত্র। আর পাঁচটা জিনিষ—দাসদাসী, খাট-বিছানা—এ সব জিনিষ না হলে যেমন পুরুষ সংসারে আরাম পায় না, তেমন মেয়েদের না পেলে পুরুষের সংসার অচল থাকে, তাই দয়া করে মেয়েদের এনে পুরুষ সে-সংসারে ঠাই দেয়। সংসার হলো পুরুষের পক্ষে অস্বাচ্ছন্দ্য-অস্বস্তি ঘুচোবার মুক্তি-নীড়—মেয়েদের পক্ষে সংসার কারাগার...বন্ধন! পুরুষের ঘর আছে, বাইরে আছে; মেয়ে-মানুষের বাইরে নেই—শুধু ঘর আছে। আলোর আরাম বোঝবার জন্য অন্ধকারের দরকার...নিছক-আলো মানুষের ভালো লাগে না। তেমন নিছক-বাইরে পুরুষের ভালো লাগে না বলেই পুরুষ ঘর বাঁধে—ঘরে-বাইরে দু'জায়গায় পূর্ণ আরাম উপভোগ করবে বলে!

সুশীল চাটাজী মনোযোগ দিয়া এ কথা শুনিলেন; শুনিয়া মুহূর্ত্ত হাস্য করিয়া বলিলেন,—এ কথা তুমি বলতে পারো...বলবার সুরোগ তোমায় আমি দিয়েছি...এই অবধি বলিয়া সুশীল চাটাজী চুপ করিলেন; কুতূহলী দৃষ্টিতে ফুল্লরার পানে চাহিয়া রহিলেন।

ফুল্লরা কোনো জবাব দিল না।

সুশীল চাটাজী বলিলেন—তোমায় এনে তোমার পানে কোনো দিন আমি থাকাইনি। পরসী রোজগার নিয়ে মত্ত আছি অহর্নিশি। এর ফলে তোমার মন নিবে যেতে বসেছে...সব ব্যাপারে তোমার গভীর উদাস্ত...কোনো কিছুতে আগ্রহ নেই—এগুলো আমি লক্ষ্য করেছি। তাছাড়া এই যে বিদেশে গিয়েছিলুম...সেখানে ধীর বাড়ীতে অতিথি হয়েছিলুম, সেখানে দেখলুম...তারা স্বামি-স্ত্রী...হুজনে কি অন্তরঙ্গতা! সকল কাজে হুজনে হুজনের উপর নির্ভর করতেন! একদিন বেড়াতে যাবার কথা হলো...পঁচিশ মাইল দূরে একটা লেক আছে, সেইখানে। ভদ্র-লোক বললেন, স্ত্রীকে না জানিয়ে মতামত দিতে পারবেন না! আমি ভাবলুম, বেশ তো! অথচ আমি এই মক্কেলের ব্রীফ নিয়ে চলে এলুম, এতদিনের জন্য...এ ব্রীফ নেবার আগে আমার স্ত্রীর মতামত গ্রহণ করিনি!...স্ত্রীর প্রতি স্বামীর কর্তব্যে এতখানি ক্রটি ভালো নয়।...

তাই আমি ভাবতে ভাবতে আসছি, এখন থেকে আর ব্যবসাদারীর পার্টনার-শিপ নয় তোমার সঙ্গে...একেবারে পুরো-দস্তুর সম্পত্য-জীবন যাপন করবো...I, a loving husband, and you a smiling wife...partners in minds.

স্বামীর এ অত্যাশ্র উস্কান ফুল্লরাকে স্পর্শ করিতে পারিল না! সে-যেন কোন্ কল্পলোকে বসিয়া আছে—বাস্তব জগতের আলো-বাতাস যেন সে কল্পলোককে স্পর্শ করিতে পারে না!

মনের মধ্যে নিরবলম্বন শূন্যতা...ফুল্লরা ব্যক্তি পাবিল না, স্বামীর এ কথা কি জবাব দিবে!

সুশীল চাটাজী বলিলেন,—এ গেল আমাদের ঘরোয়া কথা! তার পর রোজা...কাগজে যা লিখেচে...তা যদি সত্য হয়...বড় হুঃখের কথা, বড় লজ্জার কথা! She was smelling of liquor...ভদ্র-ঘরের মেয়ের পক্ষে এর চেয়ে দুর্ভাগ্য আর হতে পারে না!...তুমি হাসপাতালে গিয়েছিলে তাকে দেখতে?

ফুল্লরা কহিল—গিয়েছিলুম।

—তাকে বাড়ীতে নিয়ে এলে না কেন?

ফুল্লরা কহিল—ডাক্তাররা বললেন, নিয়ে আসা চলবে না অন্ততঃ দু'দিন।

সুশীল চাটাজী কহিলেন—আমি ফোন করে দিই তার জন্য আশাদা কামরার ব্যবস্থা করতে...

ফুল্লরা বলিল,—নার্সকে বলে সে ব্যবস্থা কাল রাত্রেই আমি করে এসছি। আজ তাকে দেখতে যাবো।

—যেয়ো। এখানে আমবার কষ্টতা হলোই তাকে নিয়ে এসো। তাকে সুবুদ্ধি দাও...সুশিক্ষা দাও, ফুল। নিজের দেহে মেয়ে নেই...ঐ রোজাকে মানুষ করে এসো, আমরা সংসার-ধর্ম পালন করি। স্নেহ-মায়া—এই সবই মানুষ আনন্দ পায়, আরাম পায়। কথায় বলে, ছেলেমেয়ে মানুষের জীবনে আনন্দ আর কল্যাণ...সে কথা খুব ঠিক। এই রোজাকে, অবলম্বন করে আমরা সংসার রচনা করবো...পরসী বলো, খ্যাতি বলো,—মানুষ এসব চায় সংসারের জন্য!

ফুল্লরা চুপ করিয়া বসিয়া স্বামীর কথা শুনিতেছিল, কোনো জবাব দিল না।

সুশীল চাটার্জী বলিলেন,—তোমার সঙ্গে সন্ত ছিল—  
বিবাহের আগে...সে সন্ত পাগলের প্রলাপ!...সংসার  
মানেই স্বামিন্দ্রীর মিলন-তীর্থ!...হুজনে পথে পথে ঘুরে  
সন্ধ্যার পর মাথা গুঁজে সেখানে আশ্রয় নেবে। সংসার  
গাহতলা নয়।...তার উপর জানো, নারীর জীবন সার্থক  
হয় তার গৃহিনীপনায়...এবং সে গৃহিনীপনা এই সংসারে।

কথাটা বলিয়া সুশীল চাটার্জী হাসিলেন; ফুলরা  
নিঃশব্দে বসিয়া রহিল...যেন পাথরে-গড়া পুতুল!

\* \* \* \*

রোজা ধীরে ধীরে সারিয়া উঠিল। সারিয়া ওঠার  
সঙ্গে বাহিরে উপসর্গ দেখা দিল। পুলিশ একটা কেশ  
করিয়াছে হার্বার্টের নামে। সে কেশের তদন্ত করিতে গিয়া  
এমন ক'টা বিস্তীর্ণ কথা বাহির হইল যে সুশীল চাটার্জীর  
চিন্তার সীমা রহিল না।

তিনি আসিয়া রোজাকে বলিলেন,—এই সব লোককে  
বন্ধু ভেবে তাদের সঙ্গে যত্র-তত্র ঘুরে বেড়াও! আমাদের  
কথা না ভাবো, তোমার বাবার কথা ভাবো না, রোজা!  
এখানে তোমার রেখে তিনি নিশ্চিত আছেন...এ খবরে  
মনে তিনি কতখানি ব্যথা পাবেন, বলা তো!

রোজা গুম্ হইয়া রহিল, কোনো কথা বলিল না।  
সুশীল চাটার্জীর সঙ্গে কোনো বিষয় লইয়া সে কখনো  
তর্ক করে না, আজো করিল না।

সুশীল চাটার্জী বলিলেন—পুরুষের সঙ্গে একই ভাবে  
তোমাদের শিক্ষা চলেছে বলে' তাদের সঙ্গে তোমরা সমান  
চলে চলতে যাও, কিন্তু তা চলা যায় না! ভগবান  
তোমাদের তৈরী করেছেন ভিন্ন উপাদানে! পুরুষের  
সঙ্গে সমান-চলে চলতে গেলে তোমাদের পক্ষে সেটা  
হবে nature-এর বিরুদ্ধে সংগ্রাম! Nature-এর সঙ্গে  
যুদ্ধে তোমরা ক্ষতবিক্ষত হবে—এ কথা নিশ্চয় বলে  
জেনো।...এ সব সঙ্গ ত্যাগ করো। চাও যদি তোমার  
পিশিয়ার সঙ্গে বাইরে বরং একটু ঘুরে এসো...দার্জিলিং  
কিনা কাশ্মীর!...মন যা চাইবে, তা করা মানুষের চলে  
না। ইচ্ছাকে দমন করতে শেখো...মানুষ হও! কি  
বলো?

এ কথার উত্তরেও রোজা কোনো কথা বলিল না।  
সুশীল চাটার্জী আসিয়া ফুলরাকে বলিলেন—বিপদ ঘটেছে!

নিজের মেয়ে হলে শাসন করতে পারতুম—এক্ষেত্রে  
শাসন সম্ভব নয়। পারো যদি, তুমি ওকে বুঝিয়ে সুপথ  
দেখাও।

ফুলরা বলিল—আমার কথা গুনবে না। ওর মন  
এক ভাবে গড়ে উঠেছে...

সুশীল চাটার্জী নিঃশব্দে কি ভাবিলেন বহুক্ষণ...তার  
পর বলিলেন,—তোমার দাদাকে চিঠি লিখবে?

ফুলরা বলিল,—দাদা তো ভবঘুরে মানুষ...

সুশীল চাটার্জী বলিলেন—এ ব্যাপার নিয়ে একটু  
কুৎসার সৃষ্টি হয়েছে। আমাদের অন্তায়...ছেলেমেয়েকে  
এভাবে বেপরোয়া ছেড়ে দেওয়া উচিত নয়! পৃথিবীর  
কতটুকু তারা জানে? এই জন্মই আমাদের দেশের শাস্ত  
বলেছে,—দশ বর্ষাণি তাড়িয়ে! পনেরো বছর বয়স  
পর্যন্ত শাসন-নিষেধের দরকার।

ফুলরা কহিল—শাস্ত্রের কথা উচ্চারণ করলেই কাজ হয়  
না। রোজা আমাদের এখানে এসেছে পনেরো বৎসর  
বয়স পার হয়ে। তখন শাসন-নিষেধে কাজ হয় না।  
—তাহলে উপায়?

একটা নিখাস ফেলিয়া ফুলরা বলিল—কোনো উপায়  
দেখছি না।

সুশীল চাটার্জী কহিলেন,—তাহলে আমি বলি, এই স্কুল  
আর সঙ্গ ছাড়িয়ে দেওয়া যাক। বাড়ীতেই ও থাকবে।  
বেড়াতে যাবে তোমার সঙ্গে, কিনা আমার সঙ্গে।...  
ছ'মাস segregation...। এ-সব বন্ধুর দল যদি এখানে  
দেখা করতে আসে তো তারা রোজার দেখা পাবে না।  
দরওয়ানকে আমি বলে রাখি।...কেশটার সঙ্গক্ষেও  
ব্যবস্থা আমি করি।

## নিঃশব্দে পল্লি

বিহ্বল-বহি

রোজা এখন স্কুলে যায় না। সুশীল চাটার্জী বলিলেন,—  
আগে তোমার শরীর সারুক—তার পরে যোগো।

স্কুল-বাওয়া বন্ধ হইলেও রোজা খেঁষ দিল না। সুশীল  
চাটার্জী বলিলেন—রোজাকে তোমার কাছে দেখি না যে!

ফুলরা বলিল—আসে না।

—সারা দিন কি করে ?

—নিজের মনে থাকে । পড়ে, লেখে, গান গায় ।

সুশীল চাটাজী ক্রণেক কি ভাবিলেন, পরে বলিলেন—  
বাইরে কোথাও যাবে ওকে সঙ্গে নিয়ে ? মানে, change  
of scene ?

• ফুল্লরা বলিল—আমার পক্ষে সম্ভব হবে না । ছেলে-  
মেয়েদের মানুষ করতে হয় কি ভাবে, জানি না ।

হাসিয়া সুশীল চাটাজী কহিলেন—নিজে মানুষ হয়েছ  
তো...সেই experience...

ফুল্লরা নিখাস ফেলিল, ফেলিয়া বলিল—মানুষ হয়েছি !  
আমার মনে হয়, হই নি । নাহলে আর পাঁচ জনের  
মতো সংসারকে অবলম্বন করে থাকতে পারছি না কেন ?

সুশীল চাটাজী বলিলেন—তার কারণ আমরা দুজনেই  
সংসার গড়বার দিকে মনোযোগ দিই নি । আমি হয়ে  
উঠেছি পয়সা রোজগার করবার যত্ন ! গৃহলক্ষ্মীকে জাগাবার  
কোনো চেষ্টা করি নি ।

সপ্রশ্ন দৃষ্টিতে ফুল্লরা চাহিয়া রহিল স্বামীর পানে—  
স্বামীর মুখে এমন কথা আজ পর্য্যন্ত সে শোনে নাই ।

সুশীল চাটাজী বলিলেন—উপায় যখন নেই, এমনি  
ভাবে চলুক । আমার কোর্ট বন্ধ হলে আমিই বেকুবো  
তোমাদের নিয়ে...

মাসখানেক পরের কথা । সন্ধ্যার সময় রোজা আসিয়া  
ডাকিল,—পিশিমা...

ফুল্লরা সম্ভ-প্রকাশিত একখানা ইংরাজী বই পড়িতে-  
ছিল, রোজার আছবানে তার পানে চাহিল ।

ক্রকুটি-ভঙ্গী করিয়া রোজা বলিল,—It is so dull  
just sticking here. (এ ভাবে পড়িয়া থাকা সহ হয়  
না—ভারী একঘেয়ে লাগিতেছে )

ফুল্লরা কহিল—কি চাও ?

—আমি একটু বেকুবো চাই ।

ফুল্লরা বলিল,—চলো...আমিও তাহলে ঘুরে আসি ।

রোজা বলিল,—আমি একলা যাবো ।

ফুল্লরা কহিল—তোমার পিসেমশায়ের মানা আছে,  
জানো তো...

—মানা !

রোজার চোখের দৃষ্টিতে বিরক্তি !

ফুল্লরা বলিল—তোমার শরীর এখনো সারে নি ।

রোজা বলিল—আমি বেশ সেরেছি ।

ফুল্লরা বলিল,—কোথায় যাবে ?

স্বরে একটু ঝঙ্কার দিয়া রোজা বলিল,—ভয় নেই ।  
কোনো বন্ধু-বান্ধবের কাছে যাবো না । মাঠের দিকে  
ঘুরে আসবো !

ফুল্লরা বলিল—কতক্ষণ পরে ফিরবে ?

রোজা বলিল,—কতক্ষণ ! এক ঘণ্টা...দু' ঘণ্টা...  
তিন ঘণ্টা...তার বেশী নয় ।

ফুল্লরা বলিল,—বেশ, যাও ।

রোজা বাহির হইল ; ফুল্লরা ড্রাইভারকে বলিয়া দিল,—  
দিদিমণির শরীর খারাপ—কোথাও যেন না নামেন, দেখো...  
কথাটা বলিয়া দিল রোজার অসাক্ষাতে ! বলিবার  
সময় বুকখানা একবার কাঁপিল । এ কথার অন্তরালে...  
কিছু উপায় কি !

ঘণ্টাখানেক পরে সুশীল চাটাজী ফিরিলেন ; ফিরিয়া  
বলিলেন,—রোজা আর তুমি...চলো, দুজনকে নিয়ে একটু  
ঘুরে আসি ।

ফুল্লরা বলিল,—হঠাৎ ?

সুশীল চাটাজী বলিলেন—আজ সন্ধ্যাবেলায় ফ্রী আছি ।

কথাটা সুশীল চাটাজীর নিজের কাণেই কেমন-ধারা  
লাগিল ! অবসর যদি দৈবাৎ কখনো মেলে, তখন মনে  
পড়ে স্ত্রী বলিয়া ঘরে এক জন জীবন্ত প্রাণী আছে...তার  
পানে মাঝে মাঝে ফিরিয়া চাওয়া প্রয়োজন !

ফুল্লরা বলিল—রোজা বাড়ী নেই ।

—নেই ?

—না । বললে, ভালো লাগছে না, একটু বেড়িয়ে  
আসবো ।

—একা গেছে ?

—তাই ।

সুশীল চাটাজী বলিলেন,—তোমার দাসীকে সঙ্গে দিলে  
না কেন ?

ফুল্লরা বলিল,—মানুষ যেমন হোক, তাকে প্রকাশ-  
ভাবে সন্দেহ করতে আমার বাধে ।



সুশীল চাটাজী বলিলেন—Still a child!

তৎসনা? না, গল্পনা?...

ফুল্লরা কিছু বলিল না, সুশীল চাটাজী কহিলেন—  
কোথায় গেল?

—জানি না। গগনকে বলে দিয়েছি,—দিক্দিগির  
শরীর খারাপ, কোথাও যেন না নামেন, দেখো।

গগন ড্রাইভার। রোজা বেড়াইতে গিয়াছে গগনের  
গাড়ীতে।...

সুশীল চাটাজী গিয়া নিজের ঘরে বসিলেন। ফুল্লরা  
বারান্দায় বসিয়া রহিল। একখানা বিলাতী নভেল  
পড়িতেছিল,—বইয়ে মন লাগিল না।

পাশের বাড়ীতে রেডিও-শেটে গান চলিয়াছিল...

কি চেয়ে হার, কিসের লোভে  
বেরিয়েছিলেম পথের পবে...

সুশীল চাটাজী উৎকর্ণ রহিলেন। কোন্ হতভাগ্যের  
গান এ...

আকাশ-বাতাসে যেন তরঙ্গ ছুটিল! বহু বৎসর  
আপেকার স্মৃতি সে তরঙ্গে ডাসিয়া আসিল। সেই প্রথম  
যৌবন...যখন ঐশ্বৰ্য্যের স্বপ্ন সব-চেয়ে বড় হইয়া মনে  
জাগিত! সে সম্পদকে বিরিয়া কি প্রকাণ্ড জনতা...সে  
জনতা ঠেলিয়া কল্যাণীর বেশে রূপসী জীবন-সঙ্গিনী...

কিন্তু পরসার প্রমত্ত মেশায় জীবন-সঙ্গিনীকে ঠেলিয়া  
গৃহ-কোণে কোথায় ফেলিয়া রাখিয়াছেন...

গান চলিয়াছিল,—

চেয়েছি বা, পেলের না তার!  
ছিল বা, তা গেল কোথায়?  
আজ নাই রে পুঁজি, বিবাহ খুঁজি—  
ছ'নয়ন জলে ভরে!

সুশীল চাটাজী চুপ করিয়া বসিয়া রহিলেন—মন ভারী  
হইয়া উঠিল। পানের কথা-স্মৃতে মন এমন হইয়া  
ওঠে! মানুষের লেখা গান...সে গান মানুষ গাহিতেছে...

তার মনের অতি গোপন কথা যেন কে জানিয়া  
ফেলিয়াছে! গানের ছন্দে ছন্দে সে কথা জাগিয়া আজ  
সারা আকাশ-বাতাস ভরিয়া দিয়াছে!...

মন অস্বস্তিতে ভরিয়া উঠিল।

ফুল্লরা বারান্দায় বসিয়াছিল কোঁচে। বারান্দায়  
আলো নাই। এ গান তার মনকেও তরঙ্গ-মোলায়

উজ্জ্বলিত উষ্মে করিয়া তুলিল যেন যেন বড় বহিষ্কৃত!  
সে ভাবিতেছিল, কি? কি? জীবনে কি আমি চাহিয়াছি?  
কি আমি পাই নাই? কি ছিল...যাহা হারাইয়া নিঃশব্দ  
পড়িয়া আছি! তার চোখের পাতা সজল—নয়নের  
দৃষ্টি উদাস...

সুশীল চাটাজী আসিয়া ডাকিলেন,—ফুল!

মস্ত একটা নিশ্বাস। নিশ্বাস ফেলিয়া ফুল্লরা চাহিল  
স্বামীর পানে। মনে হইতেছিল, স্বামীর হাত ধরিয়া বলে,  
ওগো, নিজেকে বড় একা, বড় নিঃশব্দ মনে হইতেছে, বড়  
অসহায়...! পারো তুমি মনের এ-নিঃসঙ্গতা ঘুচাইয়া  
এ-মনকে ভরিয়া তুলিতে?

সুশীল চাটাজী কোঁচে বসিলেন ফুল্লরার পাশে...তার  
হাত নিজের হাতে তুলিয়া লইলেন, বলিলেন—মন আজ  
তোমাকে চাইছে। আমার সঙ্গে কথা কও। এমন কথা  
কও, যাতে আনন্দ পাই...

ফুল্লরা কহিল—কি কথা কইবো?

সুশীল চাটাজী বলিলেন—জানি না।...তবে এমন  
কথা শুনতে চাইছি...যে-কথা শুনে পুরোনো দিনগুলোকে  
ফিরে পাবো...যেদিন এত পরসার ছিল না, এত অস্বস্তিও  
ছিল না! ছিল শুধু সুখ, স্বস্তি, আশা!

ফুল্লরা চুপ করিয়া বসিয়া রহিল, জবাব দিল না।

সুশীল চাটাজী বলিলেন,—কি কথা...বুঝতে পারচি না।  
তবে সে কথা বাস্তব জগতের নয়...সে কথা মানুষ  
মনে মনে রচনা করে প্রথম যৌবনে...জীবনে যখন বসন্ত  
জাগে...

ফুল্লরা একটা নিশ্বাস ফেলিল।...তার মনও চাহিতেছিল  
এমন কথা...যে-কথার স্মৃতে স্মৃতে চাওয়ার সন্ধান পাওয়া  
যায়!

কিন্তু জানা নাই! সে কথা সে জানে না...কি চায়,  
তাও জানে না! কখনো এ চাওয়ার হিসাব করিয়া দেখে  
নাই। জীবনের পথে এতদূর আসিয়াছে শুধু উদ্ভ্রান্তের  
মতো ছুটিয়া, অন্ধের মতো ছ'নয়ন বন্ধ করিয়া!...

সুশীল চাটাজী বলিলেন—বেশ, কথা না কও, চুপ  
করে ছুজনে বসে থাকি, এসো...এমনি হাতে হাতে রেখে।  
আমার বড় ভাল লাগছে...তোমার পাশে এমনি ভাবে  
চুপ করে বসে থাকতে!...

হুজুনে চুপ করিয়া বসিয়া রহিল... শাশের বাড়ীর রেডিও যন্ত্রটাকে সজীব করিয়া সুরের পর সুরের ধারা বহিয়া চলিয়াছে...

কিন্তু সে সুর প্রাণে পৌঁছিল না। প্রাণ তখনো সেই আগেকার গানের কথা ধরিয়া হাহাকার করিতেছে... স্বপ্নের আবছায়া! মাটির পৃথিবী পায়ের নীচে হইতে সরিয়া গিয়াছে!...

নীচে গাড়ী আসিয়া দাঁড়াইল...গাড়ীর দরজা বন্ধ হইল। ব্যারান্দার আসিয়া দাঁড়াইল রোজা...

ডাকিল—পিশিমা...

সঙ্গে সঙ্গে বেয়ারা আসিয়া জানাইল, এটর্নিবাব আসিয়াছেন কাগজ-পত্র লইয়া।

স্বপ্ন-পুরী ফাঁশিয়া গেল! সুশীল চাটাজীর চমক ভাঙিল...ভাবিলেন, জঙ্গ-জ্যান্ত মানুষ...বইয়ের নায়ক সাজিয়া এভাবে মেলোড্রামার স্বপ্ন দেখিতেছিলেন! জীবন স্বপ্ন নয়...সত্য! বড় কঠিন কঠোর নিশ্চয় সত্য!... গানের সুরে কথায় সত্যকার এ জীবনকে গড়িয়া তোলা যায় না।

হুঁতিন দিন পরের কথা।

ফুল্লরার খেয়াল হইল, ঘর-বার গুছাইবে। চুপচাপ এভাবে বাস করা চলে না। আর পাঁচ ঘরের গৃহিণীর মতো সে ঘর-বারের পরিচর্যা করিবে! চির-পরিচিত ধারার নারী-জন্মের সার্থকতা...

রোজার ঘরে আসিয়া দেখে, রোজা নাই। ঘর বিশৃঙ্খল! ড্রেসিং-টেবলের ড্রয়ার খোলা...আলমারি খোলা...বিছানার উপর কথানা শিকের শাড়ী পড়িয়া আছে...আয়নার উপর পাউডার...

ঘরে যেন ঝড় বহিয়া গিয়াছে!

ফুল্লরা গুছাইতে বসিল। ড্রয়ারের মধ্যে এক-তাড়া কাগজ...চিঠি-পত্র...

সেঙলা গুছাইয়া রাখিতে গিয়া দৃষ্টি পড়িল ক'খানা ফটোগ্রাফে। পুরুষের ছবি। তরুণ মূর্তি। অপরিচিত মুখ...সাত-আটখানা ফটোগ্রাফ।

ফটোর নীচে কোনোটার লেখা—Wishing you always by my side...কোনোটার লেখা—Till we meet...কোনোটার—With kisses...

ফুল্লরার মাথায় রক্ত ছলাৎ করিয়া উঠিল। চোখের সামনে রাশি রাশি অঙ্ককার! একখানা চিঠি...চিঠিতে লেখা ক'টি ছন্দ—My wonderful Bob...

রোজার হস্তাকর। ফুল্লরা চিনিল।

পৃথিবী তার সমস্ত কলরব-কোলাহল লইয়া দূরে সরিয়া চলিয়াছে...ফুল্লরা যেন কোন্ নিরঙ্ক-অঙ্ককার পাতালের গর্ভে নামিয়া চলিয়াছে...তার চেতনা যেন বিলুপ্ত হইয়া যাইতেছে...

রোজার সুরে চেতনা ফিরিল। চেতনা ফিরিতে ফুল্লরা গুনিল, রোজা বলিতেছে—I hate this spying (এ ভাবে গোয়েন্দাগিরি...আমি ঘৃণা করি)...আমার confidential চিঠিপত্র তুমি কি বলে' খাঁটো!...আশ্রয় দেহ বলে' এতখানি জুলুম। No...No I won't tolerate this...No...Never! (না! না! এ আমি সহ্য করবো না...কখনো না।)

বলিতে বলিতে ফুল্লরার হাত হইতে ফটো ও চিঠিপত্র-গুলা রোজা সবলে ছিনাইয়া লইল।

ফুল্লরার সারা দেহ কাঁপিতেছিল...ফুল্লরা ডাকিল,—রোজা...

তীব্র ঝঞ্ঝারে রোজা বলিল,—না। এ সম্বন্ধে কোনো কথা আমি শুনবো না...I call it a shame...it is wicked...I call it an outrage! (এ তোমার অগ্নায় অত্যাচার! )...আমার বয়স হয়েছে...আমার ভালো-মন্দ আমি নিজে বুঝি। কারো হিতোপদেশ আমি মানবো না।

[ ক্রমশঃ

শ্রীসৌরীন্দ্রমোহন মুখোপাধ্যায় ]



# ইতিহাসের আবুসরণ

## মেবারে মারাঠা

মোগল ও রাজপুত ভারতের এই দুই বীর জাতিই দুসার মারাঠা শক্তির প্রভাবে অবসন্ন হইয়া পড়ে, ইহা ঐতিহাসিক সত্য। মারাঠার প্রচণ্ড প্রহার সহ্য করিতে না পারিয়া মোগলের সাম্রাজ্য ভাঙ্গিয়া তখনই হইয়া যায় এবং রাজপুত রাজারা রাজকোষ উন্মুক্ত করিয়া দিয়া সে যাত্রা মহারাষ্ট্র-প্লাবন হইতে রাজপুতানাকে বাঁচাইয়া রাখেন।

নানা সূত্রেই আমরা চিরদিনই রাজপুতজাতির প্রতি গভীর সহানুভূতিসম্পন্ন; সূত্রাং রাজোরারার উপর মারাঠার এই নির্গাতনের সমর্থন করিতে পারি নাই। মোগলের অত্যাচারেই যখন মারাঠা শক্তির অভ্যুদয়, তখন মোগলের সহিত লড়াই করিয়া উহার যদি প্রতিশোধ লইতে চায় কিম্বা তাহাদের রাজপাট ভাঙ্গিয়া চুরিয়া দেয়, সে ত Tit for Tat যেমন বুনো ওল মোগল, তেমনই বাঘাড়ে তেঁতুল এই মারাঠা; ইহাতে নাক সিঁটকাইবার কি আছে! কিন্তু মহাসতী পদ্মিনী দেবীর পুণ্যপীঠ যেখানে, মোগল-বিজেতা মারাঠারা কোন্ মুখে সেখানে হানা দিতে গেল এবং ভারতবর্ষের এমন বনেদী বীরজাতি শিষ্ট সভা নিরীহ রাতপুতদের ঘাড়ের উপর লাফাইয়া পড়িয়া রক্ত চুষিতে চাহিল? রাজপুতরা ত তাহাদের উপর কোনও অত্যাচার করে নাই, 'মাতৃবৎ পরদারেষু, পরদ্রব্যেণ লোষ্ট্রবৎ'—চাপক্য পণ্ডিতের এই নীতি অবলম্বন করিয়াই ত তাহারা স্বরাজ্য আশুলাইয়া পড়িয়াছিল;—তবে?

ইতিহাসের আবুসরণ করিয়া আমরা এই প্রবন্ধে আলোচনা করিতে প্রয়াস পাইব, কি সূত্রে মারাঠা জাতি সর্বপ্রথম কি উদ্দেশ্যে মেবারে আসিয়া উপস্থিত হয়, এই দুই শিবভক্ত জাতির প্রথম সাক্ষাৎ বা সংঘাতে রাজস্থানে কিরূপ বিপ্লব বাধিয়াছিল, পরস্পর কিরূপ ব্যবহার পাইয়াছিল এবং অবশেষে কেনই বা মারাঠা জাতি রাজপুতানার বিভীষিকাস্বরূপ হইয়াছিল।

ছত্রপতি শাহর রাজসভায় পেশোয়ার পদে অধিষ্ঠিত হইয়াই প্রথম বাজীরাও সগর্বে ঘোষণা করিলেন,—ঐ যে বিশালকার বিশীর্ণ মোগল-তরু অসংখ্য শাখা-প্রশাখায় সমস্ত

হিন্দুস্থান আচ্ছন্ন করিয়া দাঁড়াইয়া আছে, উহার মূলচ্ছেদ আমাদের প্রথম কার্য। মূলহীন হইবামাত্রই উহার শাখা-প্রশাখা-সমূহ শুকাইয়া পড়িবে।

আজ মুসোলিনীর এক একটি বক্রতায় বিধে যেমন শিহরণ উপস্থিত হইতেছে, হিটলারের বজ্রবাণী ঝাট্টানায়ক-দিগকে শঙ্কায় আকুল করিয়া তুলিতেছে, সপ্তদশ শতাব্দীর প্রারম্ভে পেশোয়া বাজীরাওএর এই বক্রতা ভারতবর্ষে এমনই চাপক্য উপস্থিত করিয়াছিল। বাদশাহ মহম্মদ শাহের দরবারে সাজ সাজ রব পড়িয়া গেল; শীর্ণ মোগল-তরুর মূলদেশটি রক্ষা করিবার জন্য তাহার দিগন্তবিসারী শাখা-প্রশাখাগুলিও উত্তেজনার ঢলিয়া উঠিল।

বাদশাহের উজীর ছিলেন ভারি বিচক্ষণ, বুনো রাজনীতিক। বাদশাহী-তরু রক্ষা করিতে যাবতীয় সামন্ত ও মিত্র-রাজাদের আহ্বান করিলেন; ফতোয়া দিলেন যে, বিপদ শুধু বাদশাহের নহে, ভারতের সকল রাজারই এই অবস্থা; বাদশাহ যদি টিকিয়া থাকেন, তাঁহারাও টিকিবেন। কথাটার গুরুত্ব সকলেই বুঝিলেন। ইতিমধ্যে মালব প্রদেশ মারাঠাদের হস্তগত হওয়ায়, রাজস্থানের রাজারা শঙ্কিত হইয়া উঠিয়াছিলেন। বাদশাহের আহ্বানে তাঁহারাও সাড়া দিলেন। ভূপালের বিশাল প্রাক্ষণে মারাঠাদের বাধা দিবার জন্য বাদশাহ ও নিজামের সমবেত চেষ্টায় যে বিপুল আয়োজন চলিয়াছিল, রাজপুতানার রাজারাও তাহাতে যোগদানে ইতস্ততঃ করিলেন না। কিন্তু এত উত্তোগ-আয়োজন সমস্তই ব্যর্থ হইয়া গেল; বিজয়ী পেশোয়া দিল্লীর দ্বারে আসিয়া হুকুম দিলেন, জীর্ণ মোগল-তরুর সত্যই বুঝি মূলচ্ছেদ হয়!

কিন্তু তরুর বিজয়ী বীরের দিকে সতয়ে নত হইয়া নির্দেশ দিলেন,—যে বিশাল ভূভাগটি জুড়িয়া আমি দাঁড়াইয়া আছি, তাহার মুনফার সিকি অংশ তোমাকে ছাড়িয়া দিতেছি, আমার গোড়ায় আর কুঠারের যা দিও না বাপু, আরও কিছুদিন আমাকে বাঁচিতে দাও।

হাজার হোক ব্রাহ্মণ, আবার যেমন-তেমন ব্রাহ্মণ নন,

সমগ্র মারাঠাচক্রের পরিচালক ও তৎকালের শ্রেষ্ঠ সেনা-  
নায়ক এই ব্রাহ্মণ বাজীরাও ! দেখে তাঁহার ব্রাহ্মণকুলভিত্তিক  
জামদগ্নির অমিত শক্তি এবং মস্তিষ্কে চাণক্যের প্রথম বুদ্ধি ;  
সুতরাং কুঠার নামাইয়া তিনি বৃদ্ধ তরুর আজ্ঞা মানিয়া  
লইলেন । মিটমাটের জন্য তৎক্ষণাৎ সালিসি সভা বসিয়া  
গেল । বিজেতা বীরকে রীতিমত একটা সেলামী দিয়া তরু-  
রাজ তাঁহার অধ্যুষিত এবং অধিকৃত ও অধিকারচ্যুত সকল  
ভূভাগের এক লম্বা ফিরিস্তি দিয়া নির্ঝিকারে সিকি মুনফা  
ও চৌথ আদায়ের ব্যবস্থা দিলেন ।

এইখানেই হইল সেয়ানায় সেয়ানায় কোলাকুলি ।  
মোগল সাম্রাজ্যের বিচক্ষণ মন্ত্রিগণ ভাবিলেন, পেশোয়াকে  
খুব ঠকাইয়া দিলেন ; কেন না, ফিরিস্তির মধ্যে এমন  
অনেক রাজ্যের নাম ছিল, যাহারা বাদশাহের শাসন-পাশ  
ছিল করিয়া স্বাবীনভাবেই পরিচালিত হইতেছিল,  
এমন কতকগুলি রাজ্য ছিল, যাহারা বাদশাহের হস্ত-  
ছায়াতলে থাকিয়াও রাজস্ব-প্রদানে অবহেলা করিত ।  
সুতরাং পেশোয়াকে এই সকল রাজ্যের রাজস্বের  
অংশ আদায় করিবার অধিকার দেওয়া আর 'উড়ো  
খে গোবিন্দায় নমঃ' বলিয়া নিবেদন করা সমান কথা,—  
ইহাই বাদশাহের মনগাপরিষদ সাব্যস্ত করিয়াছিলেন ।

পক্ষান্তরে, পেশোয়া বাজীরাও সাব্যস্ত করিয়া লইলেন,  
বিশাল মোগল সাম্রাজ্যের অন্তর্গত সকল প্রদেশের রাজস্বের  
চতুর্থাংশ চৌপদরূপ আদায় করিয়া লইবার অধিকার  
প্রদান করিয়া বাদশাহ প্রকারান্তরে মারাঠা-শক্তির সাধ-  
ভৌম প্রোদাত্ত মানিয়া লইলেন । ইচ্ছা করিলেই এই সময়  
পেশোয়া বাজীরাও বাদশাহের অস্তিত্ব লোপ করিয়া দিল্লীর  
সিংহাসনে মহারাষ্ট্র রাজশক্তির প্রতিষ্ঠা করিতে পারিতেন ।  
রণজী সিদ্ধিয়া, মলহররাও হোলকার প্রমুখ তাঁহার অদ্বৈত-  
কন্মা সেনাদীদের এই অভিপ্রায়ই ছিল । কিন্তু এ সময়ে  
বাজীরাওএর সিদ্ধান্ত ছিল যে, বাদশাহের উচ্ছেদ না করিয়া  
তাঁহাকে সাক্ষিগোপালরূপ দিল্লীর সিংহাসনে বসাইয়া  
রাখিয়া তাঁহারই স্বীকৃত চৌপ আদায় স্থলে ভারতের  
সকল প্রদেশের উপর মারাঠা শক্তির প্রভাব ও আধিপত্য  
প্রতিষ্ঠা । ১৭৩৫ খৃষ্টাব্দের এই ঘটনাটি ভারতের রাজ-  
নৈতিক ইতিহাসের একটি স্মরণীয় বিষয় ।

অতঃপর সন্ধিসর্ব অল্পসারে লক্ষ অধিকার প্রতিষ্ঠা বা

রাজ্যে রাজ্যে রণবাহিনী পাঠাইয়া চৌথ আদায়ের পর্ব  
আরম্ভ হইল । যে সকল রাজ্য সহজেই সম্মত হইল,  
ভালই ; অল্পথায় অল্পবলে চৌথ আদায়ের কঠোর ব্যবস্থা  
অবলম্বিত হইল । দিকে দিকে চর্ছর রণবাহিনী লইয়া  
পেশোয়া বাজীরাওএর সেনানীগণ ধাবিত হইলেন ।

বাদশাহী ফিরিস্তির মধ্যে রাজপুতানার নামও লিপি-  
বদ্ধ হইয়াছিল । ভূপালের বৃদ্ধের পর রাজপুতরাজগণ  
পরিণাম চিন্তা করিয়া দীর্ঘকাল পরে সহসা পরস্পর  
একতাবদ্ধ হইয়া পড়িলেন । অধিকাংশ স্থলেই এই ঐক্য-  
বন্ধন বিবাহস্থলে আরও দৃঢ়তর করিবার আয়োজন  
চলিল । সে মারবার মেবারের চক্ষুতে পতিত বলিয়া  
সাব্যস্ত ছিলেন, মহারাষ্ট্র আক্রমণের আতঙ্ক এই সময়  
মেবার ও মারবারের এই অনৈক্য দূর করিয়া দিল ;  
শুধু ইহাই নহে, মেবারের মহামানী রাণা জগৎসিংহ  
মারবারের দুবরাজ বিজয়সিংহের হস্তে নিজের কণ্ঠা পর্য্যন্ত  
সম্প্রদান করিয়া বসিলেন । ইহার পর রাজপুতানায় মারাঠার  
আক্রমণ হইলে সকলেই একসঙ্গে তাহাদের বাধা দিবেন ।

কিন্তু ১৭৩৫ খৃষ্টাব্দের শেষাংশে পেশোয়া বাজীরাও  
স্বয়ং যখন তাঁহার অজয় সেনাদলসহ মেবারের উপকণ্ঠে  
আসিয়া শিবির ফেলিলেন, তখন সমস্ত রাজপুতানা  
কাপিয়া উঠিল । পেশোয়া স্বয়ং যে রাজস্থানে দর্শন  
দিবেন, এ প্রত্যাশা কেহই করেন নাই । দিগ্বিজয়ী যোদ্ধার  
এই অতিক্রম আবিভাব, শান্তভাবে শিবির স্থাপন ও  
তাঁহার চর্ছর সেনাদলের নিরুপদ্রব আচরণ রাজস্থানে  
আলোচ্য বিষয় হইয়া উঠিল । বাহিরের কোনও শত্রুকে এ  
পর্য্যন্ত এমন শিষ্টভাবে তাহার রাজ্য-সীমাতে আস্তানা  
পাতিতে দেখে নাই । মেবারের রাণা সর্বসম্মতিক্রমে যুদ্ধ-  
বাসনা পরিত্যাগ করিয়া সন্ধিবন্ধনে আগ্রহান্বিত হইলেন ।  
রাণার প্রতিনিধিস্বরূপ শালুম্ব্রা সরদার ও প্রধান মন্ত্রী  
বিহারীদাস পেশোয়ার শিবিরে গিয়া সাক্ষাৎ করিয়া  
সমস্ত মেবারের দরবারে আমদণ করিলেন ।

রাণার সিংহাসনের পুরোভাগেই পেশোয়া বাজীরাও-  
এর আসন নির্ধারিত হইয়াছিল । বিপুল সম্মানে পেশোয়া  
রাণার সভায় অত্যর্ধিত হইলেন । সভায় পেশোয়া মারাঠা  
রাজশক্তির দাবী উত্থাপন করিলেন, সে সময়ে রাণা ও



ঠাহার অষ্ট মন্ত্রী সহিত আলোচনা চলিল। কিছুক্ষণ আলোচনার পর সর্বসম্মতিক্রমে স্থির হইল যে, রাণা মারাঠারাজশক্তিকে বার্ষিক এক লক্ষ বাট হাজার টাকা নিয়মিতরূপে কর প্রদান করিবেন।—পেশোয়া বাজীরাও ষত দিন জীবিত ছিলেন, এই সন্ধিসন্ধির অবমাননা কোনও দিন করেন নাই; দীর্ঘকাল রাণা নিয়মিত কর দিয়াছেন এবং মারাঠা সরকার তাহা আদায় লইয়া তুষ্ট হইয়াছেন।

মারাঠার আক্রমণ ভয়ে রাজস্থানের রাজারা একতাবদ্ধ হইয়াছিলেন, মেবারের মহামাত্ত রাণা মারবার ও অধ্বর-রাজবংশের সহিত এই সূত্রে পুত্রকন্টার আদান-প্রদানে কুটুস্থিতা স্থাপন করিয়াছিলেন, এ কথা পূর্বেই বলিয়াছি। কিন্তু কিছুকাল পরে এই কুটুস্থিতা-সূত্রেই একতার বন্ধন ছিঁড়িয়া গেল। অধ্বররাজ শোবে জয়সিংহ লোকান্তরিত হইলে ঠাহার জ্যেষ্ঠ পুত্র ঈশ্বরসিংহ অধ্বরের রাজত্বকে বসিলেন। কিন্তু ঈহার বৈমাত্রেয় অন্তঃ মধুসিংহ সিংহাসনপ্রার্থী হইয়া যুদ্ধ ঘোষণা করিলেন। মেবারের রাণা জগৎসিংহ আবার এই মধুসিংহের মাতুল। রাণা জগৎসিংহ ভাগিনেয়কে এতদূর ভালবাসিতেন যে, মেবারের অন্তর্গত জনবহুল সমৃদ্ধ জনপদস্বরূপ রাজপুর ও ভালপুর ঠাহাকে জায়গীরস্বরূপ দান করিয়াছিলেন। মৃত্যুকালে রাজা শোবে জয়সিংহও কনিষ্ঠ পুত্রকে টঙ্ক, রামপুর, কাগি ও মালপুর নামক চারিটি বিশিষ্ট পরগণা অর্পণ করিয়া গিয়াছিলেন। কিন্তু মধুসিংহ তথাপি সিংহাসনের লোভ ত্যাগ করিলেন না। রাণাও এই সময় ভাগিনেয়ের পক্ষ সমর্থন করিলেন এবং মেবারের সামন্তদের অধুরোধ উপেক্ষা করিয়া ভাগিনেয়কে সাহায্য করিতে সেনাদলসহ বাহির হইলেন। কিন্তু এ যুদ্ধে মেবারের সরদারগণ ও মেবারের সেনাদল আন্তরিকতার সহিত যোগদান করিতে পারে নাই, সুতরাং রাণাকে পরাজয় স্বীকার করিয়া ফিরিতে হইল। পরাজয়জনিত ষত কিছু বিক্ষোভ পড়িল মেবারের সরদারদের উপর। হিতাহিতজ্ঞান হারাইয়া রাণা এক অনর্থ বাধাইয়া বসিলেন; তিনি মেবারের স্বনামধন্য গিহেলাটবংশীয় সরদারের কোলিক তরবারি এক নগরপনিকার হাতে তুলিয়া দিয়া প্লেবের সহিত বলিলেন,—মেবারের সরদারদের যখন এতই অধঃপতন

হইয়াছে, তখন এই তরবারি বারাজনার ব্যবহার্য হওয়াই উচিত।—এই অবমাননা সরদারগণ সহ্য করিতে পারিলেন না, সকলেই রাণার উপর বিরূপ হইয়া উঠিলেন; অনেকেই রাণার সংশ্রব ত্যাগ করিলেন।

রাণার তথাপি চৈতন্ত হইল না, অধ্বররাজ ঈশ্বরীসিংহের হাতে পরাজয়-লাঞ্ছনা ঠাহাকে এতই অধৈর্য্য করিয়া তুলিল যে, তিনিই সর্বপ্রথম প্রচণ্ড শব্দে মুখে রক্তের আশ্রয় দিয়া স্বরাজ্যে নিমন্ত্রণ করিয়া ডাকিয়া আনিলেন।

তলে তলে রাণা ভাগিনেয় মধুসিংহের স্বার্থরক্ষায় ও নিজের অবমাননার প্রতিশোধ-লালসায় মারাঠা-সরদার মলহররাও হোলকারের সহিত ষড়যন্ত্রে প্রবৃত্ত হইলেন। রাণা স্বয়ং হোলকারকে নগদ আট লক্ষ টাকা সেনাধী দিলেন এবং ঠাহার ভাগিনেয় মাতুলদত্ত সমৃদ্ধ দুইটি জনপদ ও পিতৃদত্ত চারিটি বিশাল পরগণা হোলকারের হস্তে তুলিয়া দিলেন এই সত্তে যে, হোলকার সসৈন্ত অধ্বরে উপস্থিত হইয়া ঈশ্বরীসিংহকে সিংহাসনচ্যুত করিবেন ও মধুসিংহকে সেই আসনে বসাইয়া দিবেন।

মারাঠা-সরদার এ প্রলোভন ত্যাগ করিতে পারিলেন না, কেনই বা করিবেন? অবিলম্বে অধ্বর-সীমান্তে হোলকারের আবির্ভাব হইল। দুর্ভাগ্য, ঈশ্বরীসিংহ বুকিলেন, ঠাহার কোনও আশাই নাই; মারাঠার বিরুদ্ধে অস্ত্রধারণ আর মৃত্যুকে বরণ একই কথা। তিনি অধ্বরের শক্তিবাহিনী না করিয়া, নিজেই অশুভের অশুকূলে সিংহাসন ত্যাগ করিয়া চিরদিনের মত সংসার হইতে সরিয়া পড়িলেন। প্রকাশ, চরম লাঞ্ছনার হাত হইতে নিষ্কৃতিলাভের জন্য তিনি বিধপানে আত্মহত্যা করেন। হোলকার অধ্বরে প্রবেশ করিয়া মধুসিংহের মাথায় রাজমুকুট পরাইয়া দিলেন এবং নিজের প্রাপ্য গণ্ডা বুকিয়া লইয়া এবারের মত ফিরিয়া গেলেন। এই সূত্রে মেবারের রাণার সত্যকার পরিচয়ও তিনি পাইয়াছিলেন এবং যিনি প্রথম ঠাহার রসনায় রক্তের স্বাদটুকুর প্রথম সন্ধান দিয়াছিলেন, তাহার পরিপূর্ণ স্বাদ লইতে ঠাহাকে অধিক দিন বিলম্ব করিতে হয় নাই। যে পাপ রাণা স্বয়ং করিয়াছিলেন, সে পাপের প্রায়শ্চিত্ত বংশ-পরম্পরায় বহুদিন ঠাহাকে করিতে হইয়াছে। ইহাই প্রকৃতির প্রতিশোধ।

শ্রীমণিলাল বন্দ্যোপাধ্যায়।



## পরিত্যক্তা

[ গল্প ]

সমস্ত পৃথিবীটা মনোরমার দৃষ্টির সন্মুখে মুহূর্তে যেন অন্ধকার হইয়া গেল; সে আর ভাবিতে পারে না; তাহার চিন্তা-শক্তি লোপ পাইয়াছে।

অতিরিক্ত সচ্ছলতা না থাকুক, এত দিন সংসারে তাহাদের শাস্তির কিছু অপ্রতুল ছিল না, আর বরাবর সে কামনাও করিয়া আসিয়াছে সেইটাই। হিন্দু-নারীর যাহা একান্ত কাম্য, সে তাহা পাইয়াছিল;—স্বামী তাহার ছিলেন দেবতুল্য। তাহার স্বামি-স্নাতে মিলিয়া এই ধূলির ধরাতে স্বর্গ রচনা করিয়াছে।

কিন্তু সে স্বর্গ আজ সহসা ভস্মীভূত হইল কোন্ ক্রোধাক্ত দেবতার অকারণ অভিলাষে! কাহারও এমন কিছু অনিষ্ট ত' সে জ্ঞানতঃ করে নাই। বরং সেই পাণ্ডব-বর্জিত দেশে অল্প যে কয় ঘর বাঙ্গালী পরিবার ছিলেন, তাঁহারা সকলেই তাহাকে বিশেষ মেহের দৃষ্টিতে দেখিতেন। অল্পবয়স্ক ছেলেমেয়েরা ত' মনোমাসী বলিতে অজ্ঞান। তবে সে কি এমন অপরাধ করিল, যাহার জন্ম নির্ধূর নিয়তি তাহার স্বামীকে এমনভাবে কাড়িয়া লইল? কিন্তু তর্ক করিয়া, ছুঃখ করিয়া আর লাভ নাই। যাহার বিচারে তাহার আজ এই শাস্তি, কাহারও আবেদন-নিবেদনে কর্ণপাত করা সে দেবতার স্বভাব নহে। শাস্তি যত ভীষণই হউক, মাথা পাতিয়া লইতেই হইবে।

প্রতিবেশিনীরা এই বিপদের দিনে সত্যই করিয়াছে যথেষ্ট। আজকালকার দিনে মায়ের পেটের বোনও অসময়ে এমন করিয়া বুক দিয়া পড়ে না। রামতারণ বাবু প্রমুখ ভদ্রলোকরাই কি করিয়াছেন কম? রোগীর সেবা পরিচর্যা হইতে আরম্ভ করিয়া মৃত্যুর পর সৎকার পর্য্যন্ত সমস্ত কার্যের ভারই ত' লইয়াছিলেন তাঁহারা।

এ কয়টা দিন সে তাহার কি করিয়া কোথা দিয়া কাটিয়াছে, তাহা নিজেই সে ভাল জানে না। তবু মেয়েরা সকলে তাহাকে অহরহ নানা রকমে সাহস দিয়া ভুলাইয়া রাখিতে চেষ্টা করিয়াছে।

অবশ্য সকলে যে তাহার জন্ম এত টানিয়া করিয়াছে, তাহার কারণও সে একটা নাই, তাহা নহে। সেই ক্ষুদ্র বাঙ্গালী পল্লীর সকল পরিবারেরই সঙ্গে তাহার ও তাহার স্বামীর সখ্য ছিল অতি নিবিড়। সনৎ বাবু বলিতে পুরুষরাও যেমন, মনোদি বলিতে মেয়েরাও ভেমনই পাগল। স্বামীর একটি অতি দুর্লভ গুণ ছিল,—পরকে আপন করার অসাধারণ ক্ষমতা। যত বড় পরশ্রীকাতর বিশ্বিন্দুক লোকই হউক না কেন, একবার কিছুক্ষণ যদি তাঁহার সহিত আলাপ করিয়াছে ত' ব্যস, সখ্যতায়ত্রে বাঁধা পড়িয়াছে নিশ্চয়। অর্থাৎ তিনি ছিলেন এক কথার বাহাকে বলে অজাতশত্রু।

যত ভাবে, মনোরমার ভাবনা ততই বাড়িয়া যায়। সে চিন্তার না আছে আদি, না আছে অন্ত!—তাহার বিবাহ হইয়াছিল বছর পাঁচেক;—সে ত' এই সে দিনকার কথা। এই পাঁচটি বৎসরের প্রতিটি তুচ্ছ ঘটনা পর্য্যন্ত মনোরমার মানসচক্ষুর সন্মুখে জ্বলজ্বল করিতেছে। একটা ঘটনার কথা তাহার আজিও স্পষ্ট মনে পড়ে। বিবাহের পরদিন পিতৃগৃহ ত্যাগ করার পূর্ব্বক্ষণে সে সাক্ষরিত্রে জ্যেষ্ঠাইমার চরণ স্পর্শ করিয়া নমস্কার করিয়াছিল। যদি আসন্ন প্রিয়জন-বিচ্ছেদে সে মনে অতিরিক্ত ব্যথা পায়, সে জন্ম তিনি অবিরাম অশ্রুবর্ষণের মধ্যেই সে দিন যে কি মধুর হাসিয়াছিলেন, সে হাসি ভুলিবার নয়। আর শুধুই কি হাসি? কি স্নেহমাখা মিষ্ট কথাই ছিল জ্যেষ্ঠাইমার।

চিবুক স্পর্শ করিয়া সম্মুখে সে দিন তিনি বলিয়াছিলেন,—  
“বেজবৌ তোকে আমার হাতে তুলে দিয়ে গিছল, মা।  
আমি সেই জিনিষ নিজের হাতে এত বড়টি করে আজ  
এত দিন পরে সনতের হাতে দিয়ে নিশ্চিন্দ হ'লাম।  
আশীর্বাদ করি, সাবিত্রী সমান হ', হাতের নোয়া বজ্র  
হোক; হি'হর ঘরে মেয়েমানুষের এর বড় আশীর্বাদ  
কি আছে আমি মা জানি না।” হায়! আজ যদি সেই  
মাতৃকরা জ্যেষ্ঠাইমা জীবিতা থাকিতেন, আর কিছু না  
হউক, তাঁহার স্নেহছায়ায় আজ সে একটু নিরাপদ  
আশ্রয় পাইত নিশ্চয়।

আশ্রয়ের কথা মনে হইতেই স্বামীর শেষ কথাগুলি  
তাহার মনে পড়িল। সে দিন তাঁহার মৃত্যু হয়, তাহার  
পূর্বরাজিতে একটু জ্ঞান হইতেই মনোরমার হাত দুইটি  
ধরিয়া তিনি বলিয়াছিলেন,—“রমু, মনে কর যদি আমি  
আর নাই উঠি, তোমার যে কি হবে,—না, না, মুখ চাপা  
দিলে কি হবে, মনু. ভাবনার হাত ত' এড়ান যাবে না,  
এত হঠাৎ যে এমন হবে, তা' ভাবিনি, সঙ্গসং কিছু করা  
হয় নি,” বলিতে বলিতে দরদরদারে অশ্রু-বষণ নামিয়াছিল।

স্বামীর জুখ সে দিন সে সে না বুঝিয়াছিল, তাহা নহে,  
তবু জোর করিয়া মুখে যতটা সম্ভব প্রকৃত্ততার ভাব  
আনিয়া বলিয়াছিল,—“আমার মাথা খাও, ও সব বাজে  
কথা ভেবে এখন মিছিমিছি মন খারাপ করো না, লক্ষ্মীটি,  
কিছুই ত হয় নি তোমার—”

কিন্তু তাহার অগুরোধে ও মিন্যে আগ্রাসে সে দিন  
কোনই কল হয় নাই। স্বামী তাহার মাথাটি সাদরে  
বুকের উপর চাপিয়া অশ্রু-বষণ কর্তে দীর্ঘে দীর্ঘে বলিয়া-  
ছিলেন,—“জান মনু, তোমার কথা ভেবে ভেবে আমি  
পাপল হয়ে যাবার দাখিল হ'লাম। আত্মীয়-স্বজনের  
ব্যবহারে বিরক্ত হয়েই, সংসারের সঙ্গে সমস্ত সম্পর্ক  
কাটিয়ে স্নেহায় এই জঙ্গলের মধ্যে চাকরী নিয়েছিলাম;  
কিন্তু শেষটা যে এমন হবে, তা'বি নি। আজ দেখছি,  
কোথাও দাঁড়াবার তোমার স্থান নেই; না আছে পিতৃ-  
কুলের ভেমন কেউ, না আছে স্বগুরুলের; তার ওপর  
পেটে এখন তোমার সন্তান রয়েছে। তুমি বরং একটা  
কাষ কোরো, দাদার কাছে গিয়ে গোররজাকাতেই উঠো;  
নাই বা হ'লেন মা'র পেটের ভাই, একই বাপের ওরসে

জন্ম ত বটে; আর কি জান, অস্ত্রের কুপরামর্শে অস্ত্রায়  
তিনি অনেক করেছেন বটে, কিন্তু দাদা মোটের উপর  
লোক খুব খারাপ নন, গিয়ে উঠলে তিনি ফেলতে পারবেন  
না। আমি রামতারণ বাবুকেও সেই কথা বলে দেব'খন,  
যাতে তাঁরা পরে সেই ব্যবস্থাই করেন।” এই পর্যন্ত  
বলিয়াই তিনি আবার আচ্ছন্ন হইয়া পড়িয়াছিলেন।

স্বামীর মৃত্যুর অব্যবহিত পরে তাঁহার অভাবটাই  
মনোরমা বোধ করিয়াছিল অতি প্রথররূপে। কি কৃষ্ণে  
যে তিনি জ্বর লইয়া ঘরে ফিরিলেন, আর উঠিতে হইল  
না। যে ব্যক্তিটি এত দিন অজস্র আদরে, সোহাগে, যত্নে  
তাহার জীবনকে মধুময় করিয়া রাখিয়াছিল, সে আর  
নাই; হাজার মাথা কুটিলেও সে আর ফিরিবে না, আর  
তাহাকে স্নেহস্নিগ্ধ কর্তে মনু, রমু বলিয়া ডাকিবে না, এই  
চিন্তাটাই তাহার সমস্ত চৈতন্যকে যেন আচ্ছন্ন করিয়া  
রাখিল। যাহাকে নিশিদিন কাছে পাইলে সে সুখী  
হইত, জীবনে তাহাকে সে আর একটীবারও চোখের দেখা  
দেখিতে পাইবে না। সঙ্গুখে তাহার শৃঙ্খতার কুলহীন  
পাপার,—দ্বাপের চিহ্নমান নাই। এ সব কথা সে যত  
চিন্তা করিয়াছে, তই চক্ষু চাপাইয়া অশ্রু-প্লাবন বহিয়াছে।

অবশেষে শোকাত্তভূতির প্রাথমিক মখন একটু হাস  
পাইল, মনোরমার দৃষ্টি তখন নিজের প্রতি কেন্দ্রীভূত  
হইল। যাহা হইবার, তাহা ত হইয়াই গিয়াছে, যত  
বুকভাঙ্গা আত্মনাদই কর আর অশ্রু-নদী বহাইয়া  
দাঙ, সে একবার মায়া কাটাইয়াছে, তাহাকে আর  
ফিরাইয়া আনিবার উপায় নাই। সে জীবনপথে এত দিন  
তুই জনে হাত-পরাধরি করিয়া চলিতেছিল, সেই সুদীর্ঘ  
পথ এখন তাহাকে সম্পূর্ণ একাকীই অতিক্রম করিতে  
হইবে। যত বেদনাই পাও, আর যত ক্লান্তিই বোধ কর,  
না জানাইবে কেহ একটু সমবেদনা, না শুনাইবে ছুইটা  
উৎসাহের বাণী। সঙ্গুখে তাহার নিরালোক ভবিষ্যৎ;  
আর সেই নীরজ অন্ধকারের অন্তরালে—

সহস্র বিভীষিকার কল্পনায় মনোরমা শিহরিয়া  
উঠিতে লাগিল।

বেশী নয়, মাত্র আট দশটি বাঙ্গালী ভদ্রলোক বন-  
বিভাগের চাকরী লইয়া সপরিবারে বঙ্গের বাহিরে সেই

পারিত্য অঞ্চলে জঙ্গলের মধ্যে বাস করিতেছিলেন। ফলে সেখানে একটি ক্ষুদ্র বাঙ্গালী উপনিবেশ গড়িয়া উঠিয়াছিল বলিলেও চলে। বহির্জগতের সঙ্গে প্রায় কোন সম্পর্ক না থাকায়, এই কয়টি পরিবার সুখে, দুঃখে, উৎসবে অথবা বিপদে পরস্পর পরস্পরের অবলম্বন ছিলেন। কাহাকেও না হইলে কাহারও চলিত না, এমন খনিষ্ঠ সম্বন্ধ স্থাপিত হইয়াছিল তাঁহাদের মধ্যে। বিশেষ করিয়া সনৎ ছিল সকলের অতি প্রিয়। বলিতে কি, সেই ছিল সকলের মধ্যে যোগস্থল। এই কয়টি পরিবারকে ঐক্যাত্ম্যে বাঁধিয়াছিল সে-ই। ঈর্ষা ও কলহের বিষ যত অলক্ষ্যেই ধীরে ধীরে সঞ্চিত হইত, তাহার দৃষ্টি অতিক্রম করা সহজ নহে। প্রতিবেশীর বাদবিসম্বাদ মিটাইয়া শান্তিস্থাপন করিতে সনৎ, দুঃখের দিনেই বল আর সুখের দিনেই বল, সনৎকে সকলের চাই-ই। সনৎ না থাকিলে রোগীর পরিচর্যায় ক্রটি থাকিয়া যায়, উৎসব অসম্পূর্ণ থাকে।

এহেন সনৎ যখন সহসা পীড়িত হইয়া পড়িল, সেই বিদেশেও তাহার সেবার অভাব হইল না। তাহার গুণমুগ্ধ প্রতিবেশীর অভাব নাই। বৃদ্ধ রামতারণ বাবু হইতে অজাতগুণ্ড কিশোররা পর্য্যন্ত অহোরাত্র তাহাকে লইয়া ব্যস্ত,—সনৎকে তাহার ঐকান্তিক সেবার দ্বারা জীয়াইয়া তুলিবেই। নারীরাও পিছাইয়া রহিলেন না,— তাঁহাদের কল্যাণহস্ত প্রসারিত করিয়া ছুটিয়া আসিলেন। কিন্তু হইলে কি হইবে, বিধাতাপুরুষ যাহার লগাটে যাহা লিখিয়াছেন, তাহা মানুষের শত চেষ্টাতেও যে রদ হইবার নহে। সনৎ সকলের সেবাশ্রম বাধ্য করিয়া মাত্র তিন দিনের অরে সংসারের মায়া কাটাইল।

পরপারের ডাক যখন আসে, ইচ্ছা থাকিলেও পশ্চাতে ফিরিয়া চাহিবার তখন আর অবসর থাকে না; যে যেমন অবস্থায় আছে, তাহাকে সেই অবস্থায়ই সে আস্থানে সাড়া দিতে হয়। কিন্তু এপারে যাহারা পড়িয়া রছিল, দুর্ভোগ তাহাদেরই। মনোরমারও হইল তাহাই। সে প্রথমে কাঁদিয়া কাঁদিয়া একসা করিল, কাহারও কোন আশ্বাসবাক্যেই সে সাধনার কিছু খুঁজিয়া পাইল না। তার পর যখন সে নিজের অবস্থা বুঝিল, কি অথই ফলে সে এখন পড়িয়াছে, তখন তাহার আর্কনাদও ধামিয়া

গেল। কেননা গভীর দুঃখ ও চিন্তার অন্তর্ভুক্তিতে সে নীরবে দগ্ধ হইতে লাগিল। এত দিন সে কুমুমাস্তীর্ণ পথেই চলিয়া আসিয়াছে, কিন্তু আর নহে, এইবার তাহার সম্মুখে কণ্টকাকীর্ণ বক্র পথ প্রসারিত; কিন্তু এখন তাহার চিন্তা শুধু ত' নিজেকে লইয়াই নহে, তাহার দেহ আশ্রয় করিয়া যে ভ্রম সকলের অলক্ষ্যে ধীরে ধীরে পুষ্ট হইতেছে, তাহার কি হইবে? তাহাকে সমস্তে রক্ষা করার সম্পূর্ণ দায়িত্ব যে তাহারই। হা ভগবান! এত দুঃখও কপালে লিখিয়াছিলে? কিন্তু না, সাড়ম্বরে শোক করার এখন সময় নহে। নিজের জন্ম না হউক, পেটেরটার জন্ম তাহাকে আবার বুকে বল শাধিতে হইবে। তবু ত' রক্ষা, সে এতটাও আশা করে নাই। রামতারণ বাবুর টেলিগ্রামের উত্তরে তাহার ভাসুর নিরঞ্জন টেলিগ্রাম করিয়াছেন, তিনি ভ্রাতার আকস্মিক মৃত্যু-সংবাদে মন্থাগত; সেন এখন হইতে কেহ দয়া করিয়া মনোরমাকে তাঁহার নিকট পৌছাইয়া দেয়।

ইহাই যথেষ্ট, ইহা তাহার কল্পনাতিত। কারণ, এ কথা সে সনতের নিকট ইতিপূর্বে একাদিকবার শুনিয়াছে যে, পৈতৃক বাটীতে তাহার কোন অধিকার নাই। সনতের জননী ছিলেন শ্বশুরের প্রথমা স্ত্রী, তাঁহার সম্মান হইবার কোন আশা নাই দেখিয়া শ্বশুর আবার বিবাহ করেন ও সেই তরুণী স্ত্রীর গর্ভে নিরঞ্জনের জন্ম হয়। ইহার চার পাঁচ বৎসর পরে হয় সনৎ। শ্বশুর মৃত্যুকালে তরুণী স্ত্রীর মনুগায় উইল করিয়া স্বোপার্জিত অর্থে প্রস্তুত বসৎবাটীখানি নিরঞ্জনকে লিখিয়া দেন। সেই নিরঞ্জন যে আবার তাহাকে আশ্রয় দিবেন, এ কথা মনোরমা স্বপ্নেও ভাবে নাই।

স্থির হইয়াছে, আগামী কল্য বৃদ্ধ রামতারণ বাবু নিজে সঙ্গে করিয়া তাহাকে গোবরডাঙ্গায় রাখিয়া আসিবেন। এত দিন এখানে থাকিয়া দেশটার উপর মায়া পড়িয়াছে কম নহে। তাহার জীবনের মধুরতম দিনগুলির স্মৃতি এখানকার সহিতই জড়িত। কিন্তু যে পোড়া রাক্ষসে দেশ শেষে তাহার স্বামীকে এমন করিয়া গ্রাস করিল, সেখানে আর একদণ্ডও থাকিতে সে রাজী নহে। এখন যে দিকেই চাহে, তাহার প্রাণ হাটাকার করিয়া উঠে। এই কয় বৎসর নিরাশ্রীয়া যতগুলি রমণীর সহিত হৃদয়ের নিবিড় যোগ-স্থাপন হইয়াছিল, এখন আর কাহারও প্রতি চাহিলে চলিবে



না; এ দেশের সহিত সকল সম্বন্ধ তাহাকে ছিন্ন করিতেই হইবে।

আহারাদির পর দ্বিতলের বারান্দায় বসিয়া নিস্তারিণী তখন রৌদ্রে চুল শুকাইতেছিল। ব্রজসুন্দরী পাশে বসিয়া কল্পার সহিত কথোপকথনে ব্যস্ত ছিলেন। আজ রবিবার, মনোরমার আসিবার কথা। মা ও মেয়েতে সেই বিষয়েই আলোচনা হইতেছিল।

ব্রজসুন্দরীর কথায় স্ত্রী ধরিয়া, নিস্তারিণী একটা কাঁকানি দিয়া ঘাড়টিকে বামে হেলাইয়া এক বিকৃত মুখভঙ্গী করিয়া বলিল,—“তোমার জামায়ের গুণের কথা আর বল না মা, গুনলে আমার গা জ্বালা করে; জিগ্যেস নেই, পড়া নেই, আন্তি দেখিয়ে নিজের খেয়ালে সাত তাড়াতাড়ি এক তার ক’রে দেওয়া হ’ল,—”

কল্পার বাক্যপ্রবাহে বাধা দিয়া মাতা বলিলেন,—“তা’ নয় ত’ কি বাপু, একটা শলাপরামর্শ কর, মতামত নে, তা না,—হুঁ—সাধ ক’রে কেউ আবার এই আপদ ঘরে জায়? একেই বলে—মুখে থাকতে ভূতে কিলোর।”

বলিতে বলিতেই সদর-দরজায় একটা গরুর গাড়ী আসিয়া দাঁড়াইয়াছে, বুঝিতে পারা গেল। ব্রজসুন্দরী তাড়াতাড়ি উঠিয়া ঘরের জানালা হইতে একবার উঁকি মারিয়া দেখিয়া কল্পাকে ইঙ্গিত করিলেন, আসিয়াছে সে। ইহার পর ছুই জনে বস্তু সংস্কৃত করিয়া নীচে নামিয়া গেলেন।

নিরঞ্জন বৈঠকখানায় গুইয়া তদ্রাজস্র অবস্থায়, অর্ধ-নিম্নলিভ-নেত্রে আলবোলায় সুখটান দিতেছিলেন। গাড়ীর শব্দে সচকিত হইয়া উঠিয়া হাঁকডাক আরম্ভ করিয়া দিলেন,—“ওরে মেথো, কোথায় গেলি, আর না ছুটে ব্যাটা, বৌমা এসেছেন,—”

মনোরমার অভ্যর্থনা স্বধারীতি আর্ন্তনাদসহকারে মহা সমারোহেই হইল। শোকধ্বনি গুনিয়া পল্লীর প্রবীণারা প্রথমে ছুটিয়া আসিলেন ও অবিলম্বেই নবীনারা তাঁহাদের পদাঙ্গুসরণ করিলেন।

নিস্তারিণী ও ব্রজসুন্দরীকে দেখিয়া বোধ হইল, মনোরমার বৈধব্যের দুঃখটা তাঁহাদেরই লাগিয়াছে যেন বেশী;—যন যন দীর্ঘশ্বাসের স্বচ্ছ বহিতে লাগিল; বিরামহীন

চক্ষুসার্জন্যের ফলে বোধ হইল, সমস্ত বস্তুগুলটাই সম্ভবতঃ ভিজিয়া উঠিয়াছে।

কিন্তু এই অভিনয়ের মধ্যেও মাতা ও পুত্রীর মধ্যে নীরবে চোখে চোখে যে কথা হইয়া গেল, তাহা কাহারও নজরে পড়িল না। ভাবটা এই যে,—‘সর্বনাশ, এ যে দেখি গরু-বাছুর একসঙ্গে; আপদটা শুধু একলাই আসে নি, আবার পেটেও একটা নিয়ে এসেছে মে’!

মনোরমাকে তাহার ঘর দেখাইয়া দেওয়া হইল। নীচের ভল্লার হাঁচভল্লার পাশে ছোট অপ্রশস্ত অঙ্ককার ঘরখানি; বহুদিনের অঘরে জীর্ণ দেওয়ালের স্থানে স্থানে বালি খসিয়া পড়ায় ভিতরের ইট বাহির হইয়া পড়িয়াছে; দেখিলে সহসা মনে হয়, যেন একটা কদাকার বৃদ্ধের কঙ্কালের সহিত কোথায় ইহার সামঞ্জস্য আছে। কিন্তু তাই বলিয়া ঘরটি যে অব্যবহৃত অবস্থায় এত দিন পড়িয়াছিল, সে কথাটা বলা ঠিক হইবে না। কয়লা, কাঠ, ঘুঁটে, গুল হইতে আরম্ভ করিয়া আরও কত কি যে ছিল এই ঘরটুকুর মধ্যে, ভাবিলে অবাচ্ হইতে হয়।

মনোরমা ঘরে প্রবেশ করিতেই বোধ করি তাহার এই অনধিকারপ্রবেশে বিরক্ত হইয়াই কতকগুলো আরগুলো ইতস্ততঃ উড়িতে আরম্ভ করিল। এই অন্ধকূপের মধ্যে তাহাকে দিনের পর দিন অতিবাহিত করিতে হইবে মনে হইতেই তাহার অন্তরাঙ্গা মূর্ছার্তের জন্ম শিহরিয়া

কিন্তু বিচলিত হইবার বিশেষ কোন কারণ নাই; শুভাকাজক্ষী, আশ্রিতবৎসলা, আশ্রয়দাত্রীরা অস্বাচিত সাস্থনার বাণী গুনাইতে লাগিলেন।

নিস্তারিণী বলিল,—“ও কিছু না, ছোটবৌ, ভয় পেও না; হুঁদিন থাকতে থাকতেই আবার ঠিক হয়ে যাবে।” একটু থামিয়া আবার বলিল,—“কি করি বল ভাই, কথায় বলে, আপনি গুচে ঠাই পায় না, শঙ্করাকে ডাকে; আমাদেরও হয়েছে তাই; দেখছ ত’ বাড়ীতে—”

কল্পার কথায় বাধা দিয়াই মাতা বলিলেন,—“তুমি আসবে গুনে মা, তারি আমার ভেবেই অস্থির, কত কষ্ট হবে তোমার তাই ভেবে; আমি বলি, তা’ কি করবি বল মা; নলাটের লেখন যাবে কোথায়? কপালে স্বখ যদি থাকবে ত’ এই বয়সে এমন দশা হবে কেন বল?”

মনোরমা গোপনে চক্ষু মার্জনা করিয়া বলিল,—“না মা, এ আমার বেশ হবে’খন, কোন কষ্ট—”

মুখের কথা কাড়িয়া লইয়া ব্রজসুন্দরী বলিলেন,—“তা’ বলবে ষে কি বাছা; তুমি হ’লে আজকালকার সেয়ানা মেয়ে; আর তা’ ছাড়া অন্য উপায় যখন নেই, তখন হ’তেই হবে। জান ত’ মা, বলে, বেঁধে মারে সর ভাল। তবে তোমার পেটে একটা রয়েছে, আর এমন ভরা হয়ে এসেছে, এ কথা ত’ আমরা আগে জানতাম না, বাছা! তা’ হোক, ওর জন্তে ভাবনা কিছু নেই; আমি যখন আছি, একখানকার জিনিষ সুভালাভালি হু’খানে বা’তে হয়, সে ভার আমার। তুমি আর আমার তারি ত’ ভিন্ন নয় মা; আমার কাছে ছুই সমান,—সেও মেয়ে, তুমিও মেয়ে। গুমোর করছিনে, শক্রর মুখে ছাই দিয়ে, তারির এতগুলি সব এই আমারই হাতে মানুষ।” বলিয়া এমন সর্গোরবে এক পাল শিশুর দিকে অঙ্গুলি নির্দেশ করিলেন যে, মনে হইল, কোন শিশু-প্রদর্শনীতে তিনি যেন “ছেলে মানুষ” করার কৃতিত্ব দেখাইয়া স্বর্ণপদক পুরস্কারের আশা করিতেছেন।

মনোরমা এতক্ষণ লক্ষ্য করে নাই, বিভিন্ন বয়সের অনেকগুলি উলঙ্গ এবং অর্ধ-উলঙ্গ কোতূহলী মেয়ে আসিয়া দাঁড়াইয়াছিল,—এক একটি যেন নোঙরার প্রতিমূর্তি। ধূলা, কাদা, ছাই, গোময় প্রভৃতি বিবিধ প্রকার মহার্ঘ্য উপকরণ কত স্থান হইতে আহরণ করিয়া তাহারা যে কি বিপুল যত্নে দৈহিক প্রসাধন করিয়াছে, দেখিয়া মনোরমার বিশ্বাসের অবধি রছিল না।

ব্রজসুন্দরী মনোরমাকে উদ্দেশ্য করিয়া বলিলেন,—“তা’ বাছা, এইবার গা’-হাত ধুয়ে একটু ঠাণ্ডা হয়ে মুখে চারটি দিয়ে নাও; পথে আসতে ছেরোম ত’ আর কম হয় নি। ওলো, ও টে’পি, হাবলি, বুঁচি, আর সব ছুঁড়ীরা, ওখান থেকে চ’লে আস,—ওকে একটু ঠাণ্ডা হ’তে দে।”

এতক্ষণে একটু নিরিবিলি হইতেই মনোরমা সেই স্মৃতিস্মৃতিতে অপরিচ্ছন্ন ঘরে ভূমিশয়্যাতেই তাহার শান্ত দেহ এলাইয়া দিল; তাহার বক্ষের মধ্য হইতে একটি দীর্ঘখাস বাহির হইয়া আসিল,—“মা গো!”—

কালস্রোত কাহারও স্মৃতি-হৃৎখের প্রতি দৃকপাত না করিয়া অবিরাম বহিয়া চলে; দিন ঠিক কাটিয়া যায়। দেখিতে দেখিতে নিরঞ্জনের গৃহেও মনোরমার পাঁচ ছয় মাস কাটিয়া গেল।

এই কয় মাসের ব্যবধানে সে যথেষ্ট সাংসারিক অভিজ্ঞতা লাভ করিয়াছে; লোকচরিত্র অধ্যয়ন করিবার সুযোগ লাভ করিয়াছে প্রচুর। এ সংসারে তাহার স্থান যে কোণায়, হাবে ভাবে, সরস বাক্যে ও নীরব ইঙ্গিতে তাহাকে সকলে প্রত্যহ সহস্র রকমে বুঝাইয়া দিয়াছে; এবং সেটুকু বুঝিয়া সে আনন্দে উল্লসিত হইয়া উঠিতে পারে নাই। অথচ সে সকল হীন অর্থপূর্ণ ইঙ্গিত যত অপমানকরই হউক অথবা বাক্যবাণ যত তীক্ষ্ণ হৃদয়-ভেদীই হউক, মুখ ভার করিবার উপায় নাই; হাসিমুখে সব সহ্য করিতেই হইবে, গায়ে মাখিলে চলিবে না। শ্রদ্ধায়ই হউক, আর অশ্রদ্ধায়ই হউক, তোমার বিপদের দিনে ক্ষুধার অন্ন যে যোগাইতেছে, এমন কি, মাথা গুঁজিবার জন্ত ছাদওয়ালা যা’ হোক একখানি কুটীর পর্য্যন্ত যাহারা তোমাকে নিজেদের শত অপরাধ সত্ত্বেও ছাড়িয়া দিল, তাহারা কখনও যদি কোন রূঢ় কথা বলিয়াই থাকে, বুঝিতে হইবে, সে শুধু তোমারই মঙ্গলের জন্ত।

মনোরমার বড় ভরসা ছিল, আর যে যাহাই বলুক, নিরঞ্জন নিজে লোক নিতান্ত মন্দ নহে; অন্ততঃ স্বামীর নিকট হইতে সে তাহাই শুনিয়াছিল। কিন্তু তাহার সে বিশ্বাস এমন করিয়া এত শীঘ্রই যে ভাঙিবে, ইহা সে কল্পনাও করে নাই। তরঙ্গ-বিক্ষুব্ধ জলরাশি-পূরিবেষ্টিত যে ভূখণ্ডটুকুর উপর দাঁড়াইয়া সে নিজেকে নিরাপদ মনে করিয়াছিল, তাহা যে চোরা বালিমাত্র, সে কথা বুঝিতে তাহার বিলম্ব হইল না।

নিরঞ্জন নিজে সত্যই লোক যে বিশেষ মন্দ, তাহা নহে; কিন্তু তাহার চরিত্রের একটা দিক ছিল বিশেষ দুর্বল,—তাহার স্বাধীন ইচ্ছাশক্তি বলিতে কিছুই ছিল না। সে নিস্তারিণীর চোখেই দেখিত এবং তাহারই কর্ণে শুনিত। নিস্তারিণী ছিল প্রকৃতই তাহার সচিব; কল্পিত ও সত্য সকল বিপদ আপদে সেই তাহাকে যুক্তি-পরামর্শ দিত, সংসার অরণ্যে সেই তাহার পথ-নির্দেশ করিত।

এক কথায় নিরঞ্জন ছিল এক মেরুদণ্ডহীন মনুষ্য ;—কোন কিছু অবলম্বন না পাইলে সে দাঁড়াইতে পারে না।

মনোরমা যখন ইহাদের সংসারে আসিল, তাহার প্রতি নিরঞ্জনের আচরণে অভাবিত মাধুর্য্য লক্ষ্য করিয়া হৃদয়ে কত যে বল পাইল, বলিবার নহে। কিন্তু কয় দিনের অন্তই বা! নিরঞ্জনের হুই কর্ণকুহরে মাতা পুত্রীর বিরামহীন মন্ত্রণাধারা বর্ষণের অব্যর্থ ফল ফলিতে বিলম্ব হইল না; মনোরমা স্ত্রী-পুরুষ সকলেরই চক্ষুশূল হইল। কিন্তু তাহার প্রতি সকলের বিরাগ চরমে পৌঁছিল সেই দিন, যে দিন শত অধস্ত ও অবহেলার মধ্যেও সে অবলীলাক্রমে এক পুত্র-সন্তান প্রসব করিয়া সকলের ঈর্ষাঘ্নিতে ঘৃতাছতি দিল। বিবাহ হওয়া অবধি নিস্তারিণী একটি পুত্র-সন্তান লাভার্থে কি না করিয়াছে? কত মন্ত্র-তন্ত্র, যাগ-যজ্ঞ, কত প্রকার মাহুলী ধারণ, পাঁচু ঠাকুরের দোর ধরা, খ্যাত ও অখ্যাত কত দেবস্থানে ধরণা দেওয়া, পূজা মানত করা, কিছুতেই কিছু হইল না, আর তাহাদেরই কুপাশ্রিতা স্বামিহারা এই মেয়েটা কি না কোন কল্পমাধন না করিয়াও দেবশিশুর মত দিব্য মোটাসোটা গোলগাল নখরকাস্তি এক পুত্রের জননী হইয়া বসিল! 'একচোখো' ভগবানের উপর রাগে নিস্তারিণী গুম্ হইয়া রহিল।

সন্তান কোলে পাইয়া মনোরমা কিন্তু সকল দুঃখ ভুলিল। তাহার স্বামীর এই অমূল্য দানটুকু তাহাকে যেমন করিয়াই হউক রক্ষা করিতে হইবে। হায়! আজ যদি তিনি বাঁচিয়া থাকিতেন। ভাবিতে ভাবিতে মনোরমার মন বর্তমান ভুলিয়া অতীতের স্মরণভিত্তি মন্যে ডুবিয়া যায়। কোলের উপর খোকা কাঁদিয়া উঠিলেই সে সচকিতে তাহাকে বুকে চাপিয়া ধরিয়া মুখে মাথায় চুমা খায়; তাহার হুই চক্ষু দিয়া দরবিগলিতধারে অশ্রু গড়াইয়া পড়ে। এই ভাবে হাসি ও অশ্রুর আলোছায়ার মধ্য দিয়া মনোরমার দিনগুলি কাটিতে লাগিল।

এখানে আসা অবধি ব্রজসুন্দরীর নিরামিষ রন্ধনের ভার মনোরমা স্বেচ্ছায় গ্রহণ করিয়াছে। ইহাদের সংসারে যখন থাকিতেই হইবে, তখন যতটা টানিয়া করা যায়, ততই মজল। ব্রজসুন্দরী ইহাতে প্রথমে একটু মৌখিক আপত্তি করিয়াছিলেন,—কিন্তু সে নেহাৎ করিতে হয় তাই।

মনোরমার নিজেরও যখন নিরামিষ রন্ধন করিতেই হইবে, সে এ কাষটুকু হাসিমুখেই বরণ করিয়া লইল।

কিন্তু মনোরমা আঁতুড়ঘর হইতে বাহির হইবার পর হইতেই নিস্তারিণীর অঙ্গলের ব্যথা সহসা একরূপ বৃদ্ধি পাইল যে, তাহার পক্ষে পাকশালার জিনীমায় যাওয়া নিবিদ্ধ হইল এবং ব্রজসুন্দরীও এত শারীরিক অসুস্থতা বোধ করিতে লাগিলেন যে, সকল কার্যে মনোরমার উপর সতর্ক দৃষ্টি রাখা ও কারণে অকারণে দরাজগলায় নিজের গৃহিণীপনা জাহির করা ভিন্ন সংসারের আর কোন কার্যে তিনি সম্পূর্ণ অপারগ হইয়া পড়িলেন। সুতরাং আমিষ রন্ধনের ভারও আসিয়া পড়িল মনোরমার হাতে। এইরূপে দেখিতে দেখিতে সেই নাতিক্ষুদ্র সংসার-রথটিকে সচল রাখিবার গুরুভার প্রায় সমস্তটাই পড়িল মনোরমার উপর।

নিশান্তের অন্ধকার থাকিতে তাহাকে শয্যাভ্যাগ করিতে হয়। সেই সময় হইতে সমস্ত দিন অবিরাম সংসারের জন্ম হাড়ভাঙ্গা পরিশ্রম করিয়া সকলের শেষে প্রায় মধ্যরাতিতে তাহার ছুটি। কেবল মধ্যাহ্নে আহালাদির পর ঘণ্টাখানেক বিশ্রাম করিবার অবসর সে পায়। কিন্তু ইহাতেও সে কখনও মুখভার করে না। করিবেই বা কেন? সে জানে, খোকাকে তাহার যেন তেন প্রকারে মানুষ করিতে হইবে। এখন আর সে 'নিঃসঙ্গ একাকী' নহে। খোকা তাহার জীবনকে গৌরবান্বিত করিয়াছে! সাংসারিক নিত্যকর্মের বিরল অবসরে সকলের অগোচরে ক্ষণেকের জন্ম যখন সে খোকার নিকট আসে, সেই অবোলা শিশুর মুখখানি দেখিলে, একবারটি তাহাকে বুকে চাপিয়া স্তম্ভ দিলেই তাহার সকল শ্রম সার্থক বলিয়া মনে হয়; মনে হয়, খোকার মুখ চাহিয়া সে জন্ম জন্ম সকল দুঃখ-কষ্ট হাসিমুখে বরণ করিয়া লইতে রাজী আছে। সহস্র ব্যস্ততার মধ্যেও মনোরমার তনুমন অমুক্ষণ অধীর উগ্ৰ হইয়া থাকে—কখন সে তাহার হুই তৃষিত চক্ষু ভরিয়া শিশুর লীলা চাপল্য উপভোগ করিবে।

পরিশ্রম করিতে মনোরমা কাতর নহে; কিন্তু নিস্তারিণী ও ব্রজসুন্দরী যখন তাহাদের তৃণ হইতে চোখা চোখা বাক্য-বাণ প্রয়োগ করিতে থাকেন, তখন তাহার অন্তরটা সত্যই ব্যথায় টনটন করিয়া উঠে; মুহূর্তের চর্কলতার আধির কোণে অশ্রুবিন্দুও বৃষ্টি টনটন করে।

কিন্তু তা হউক, ভগবানের কাছে এ তাহার নিত্য প্রার্থনা, যেন তিনি তাহার শরীর সুস্থ রাখেন। গৃহকর্মে যে দিন সে অক্ষম হইবে, সেই দিনই তাহাকে নিঃসন্দেহ আশ্রয়চ্যুত হইতে হইবে। মনোরমার ঘরের দেওয়ালে এক খানি কালীঠাকুরের পট লম্বিত ছিল। সে সময় নাই অসময় নাই, তাঁহার উদ্দেশে প্রণাম নিবেদন করিয়া বলিত—“হে মা কালী, তুমি অন্তর্যামী, সকলের মনের কথাই ত জান, আমার নীরোগ কোরো মা, যেন খোকাকে নিয়ে আমাকে পথে না দাঁড়াতে হয়।”

কিন্তু কালীঠাকুরকে যদি মনোরমার মত অসংখ্য হিন্দু-বিধবার ছুঃখের কাহিনী শুনিয়া প্রতীকার করিতে হইত, বোধ করি, তাহা হইলে তিনি আর কাহারও নাশিণ শুনিবার মুহূর্ত্তমাত্রও অবকাশ পাইতেন না।

মনোরমার প্রার্থনা যে ব্যর্থ হইয়াছে, সে কথা বৃষ্টিতে পারা গেল সেই দিন—যে দিন মনোরমা পীড়িতা হইয়া শয্যা আশ্রয় করিল। ইদানীং সে অতি দুর্বল হইয়া পড়িয়াছে, অল্প পরিশ্রমেই শাস্ত হইয়া ঠাঁপাইতে থাকে, মনে হয়, চক্ষুর সম্মুখে বিশ্ব-চরাচর যেন ঘূর্ণির মত ঘুরিতেছে।

মাঝে মাঝে ব্রজসুন্দরীর বাক্যসুধা শ্রবণে অমিয় বর্ষণ করে, অবশ্য এ কথা বৃষ্টিতে পারা কঠিন নহে যে, কথাগুলো যাহাতে তাহার প্রতিগোচর হয়, সেই উদ্দেশ্যেই বলা।—“পারিনে বাবা বুড়ো বয়সে,—মায়ে ঝিয়ে মরছি নিজেদের শরীর নিয়ে, আর রাজরাণী চং ক’রে বিছানা কামড়ে প’ড়ে আছেন। পরের হাততোলায় যাকে থাকতে হবে, তার অত সুখের শরীর হ’লে চলে কখনও?”

কথাটা যতই কটু ও অপ্রিয় হউক, উহার মধ্যে সত্য যে আছে, সে বিষয়ে সন্দেহ নাই। ঠিক কথা, এটা সত্য যুগ নহে অথবা সেই অন্ধকারাচ্ছন্ন যুগও নহে, যে সময়ে একান্ত-বর্ত্তী পরিবারের অন্তর্ভুক্ত থাকিয়া পরানে প্রতিপালিত এক-পাল নিঃস্বামী ব্যক্তি দিব্য আরামে দিনাতিপাত করিত। এটা হইল দ্রুত অগ্রগতিশীল আলোকোজ্জ্বল বিংশ শতাব্দী। এ কালে টাকা আনা-পাইএর হিসাবই সকল হিসাবের উর্দ্ধে; পার্থিব লাভ-লোকসান না খতাইয়া কেহ দিবসের তুচ্ছতম কার্য্যটিও করে না।

এ কয় দিন ধরিয়া মনোরমা এ সকল কথাই ক্রমাগত চিন্তা করিয়াছে। আজ যদি তাহাকে অকস্মণ্য জানে ইহার

আশ্রয়দানে পরাশ্রয় হয়, কোথায় দাঁড়াইবে সে? ত্রিভুবনে কে তাহার আপন জন আছে—যাহার নিকট সে আশ্রয় ভিক্ষা করিবে? বাপের বাড়ী বলিতে যাহা আছে, সে শুধু নামেই। কোন্ বাল্যকালে সে তাহার পিতামাতাকে হারাইয়াছে, তদবধি যে জ্যেষ্ঠাইমা নিঃসন্তান বক্ষ্যা নারীর অন্তরনিহিত সমস্ত স্নেহের ভাণ্ডার উজাড় করিয়া দিয়া তাহাকে কণ্ঠানির্কির্শেষে পালন করিলেন, তিনি লোকান্তরে প্রস্থান করিয়াছিলেন তাহাকে একাকী ফেলিয়া। রহিল শুধু কাকার গোষ্ঠী। কিন্তু তাঁহাদের সহিত কোন কালে জ্যেষ্ঠাইমার মুখ দেখাদেখি ছিল না বলিলেও চলে; ফলে, সেও হইয়াছিল তাঁহাদের বিরাগের পাত্র। তবে ইদানীং তাহার দুঃখের কথা শুনিয়া যদি তাঁহাদের মন একটু নরম হয়, এই আশায় মনোরমা নিজের ছুঃখের কাহিনী বর্ণনা করিয়া কিছুদিন হইল কাকাকে একখানি চিঠি দিয়াছে। আর একখানি চিঠি দিয়াছিল তাহার বড় ভগিনীপতি শৈলেশকে। এই ভগিনীপতিটি কিছুদিন যাবৎ বিপত্রীক। দিদি তাঁহার দুই তিনটি নাবালক শিশু রাখিয়া মারা যান; সেই অবধি বেচারী সেই ‘মাওড়া’ শিশুকটিকে লইয়া বড় বিপদে পড়িয়াছে। সংসারে তাহার এক বৃদ্ধা মাতা ভিন্ন অপর কোন স্ত্রীলোকও নাই যে, তাহাদের তত্ত্বাবধান করিবে। মনোরমার দিদি ছিলেন তাহার অপেক্ষা বয়সে অনেক বড়। তিনি ও জামাই-বাবু উভয়েই বাল্যাবধি তাহাকে বিশেষ স্নেহ করিতেন। মনোরমার মনে গোপনলালিত একটু ক্ষীণ আশা ছিল, এই অসময়ে তাহাকে হয় ত’ জামাইবাবুর প্রয়োজন হইতেও পারে।

তাহার ধারণা নিতান্ত মিথ্যা হয় নাই। দুইখানি চিঠিরই জবাব আসিয়াছে। কাকীমা যথেষ্ট পরিশ্রম করিয়া অতি প্রাঞ্জল ভাষায় একখানি চিঠি দিয়াছেন—অশেষ সহানুভূতি জানাইয়া ও নানা অমূল্য উপদেশ দিয়া। তাহার ছুঃখের কাহিনী শুনিয়া তিনি না কি স্বয়ং বিশেষ ব্যথিতা হইয়াছেন; কিন্তু সে যেন ভগবানের উপর বিশ্বাস রাখিয়া নীরবে সব সহ করে; যাহাদের আশ্রয়ে আছে, তাঁহাদের মন রাখিয়া যেন চলে, ইত্যাদি। মনোরমা চিঠিখানা বার বার আঙোপান্ত পড়িয়া দেখিল, কাকীমা কোথাও ঘৃণাকরেও এমন ইঙ্গিত করেন নাই যে, নিতান্ত বাধ্য হইলেও শেষে সে তাঁহার নিকট যেন যার।



জামাইবাবু যে চিঠিখানি লিখিয়াছেন, সেটি খুব দীর্ঘ নহে, কিন্তু লেখকের আন্তরিকতা ফুটিয়া উঠিয়াছে তাহার প্রতিটি ছত্রে। তাহাতে উপকারকের মামুলি দান্তিক উক্তিও নাই, উপদেশের বাহ্যিকতাও নাই।—সাদা কথা সোজা ভাষায় লেখা। মনোরমা যদি নিজবাটা জানে তাঁহার নিকট থাকিয়া তাঁহার মাতৃহীন অপোগণ্ড বোনঝি-গুলিকে কোলে তুলিয়া নয় ত' তিনি ও তাঁহার মাতা মনোরমার নিকট চিরঞ্জনী থাকিবেন।

কিন্তু যে যাহাই লিখুক, মনোরমা এত কাঁচা মেয়ে নহে যে, সহসা অর্ধৈর্ষ্য হইয়া নির্যোধের মত নূতন আশ্রয়ের লোভে বর্তমান আশ্রয় ত্যাগ করিবে। শেষে কি কথা-মালার সারমেয়ের মত অক্রবের লোভে ক্রব ত্যাগ করিয়া নিজের হঠকারিতায় নিজেই ভুগিবে সে? যতক্ষণ পর্য্যন্ত সে বাধ্য না হইবে, নূতন নীড়ের সন্ধানে যাত্রা করিবে না।

কিন্তু শেষ পর্য্যন্ত তাহাকে সেই যাইতেই হইল। সে দিন তাহার বিশ্বয়ের অবধি রছিল না, যখন দেখিল, মাতা ও পুত্রী সহসা তাহার ঘরে আসিয়া প্রবেশ করিলেন ও তাহাকে নানা কুশল-প্রশ্নে অস্থির করিয়া তুলিলেন। ঘটনাটি এতই অভাবনীয় যে, মনোরমা শঙ্কিত হইয়া উঠিল ও অবিলম্বেই বুকিল, শঙ্কা তাহার মিথ্যা নহে; নিস্তারিণী নিছক আশ্রিতবাৎসল্য দেখাইবার জন্ত তাহার স্থল দেহে এত পরিশ্রম করিয়া সিঁড়ি ভাঙ্গিয়া উপর হইতে নীচে নামিয়া আসে নাই। কুশল-প্রশ্নের দীর্ঘ ভূমিকা শেষ হইলে, নিস্তারিণী কণ্ঠে মধু ঢালিয়া দিয়া বলিল,—“তাই ভাবলাম যাই, আজ যেন একটু শরীরটে ভাল বোধ হ'ল, দেখে আসি, ছোট বৌ এদিন ধ'রে ভুগছে,—মা'র মুখে ত ত' নিতাই খবর নেই,—তা' এমন পোড়া শরীর, বারো মাসই একখানা নেগে আছে; তোমার কথা বলছিনে ছোট বৌ, কিন্তু নোকে গুনলে ভাববে, মাগীর সুখের শরীর, আদিখ্যেতা ক'রে রাতদিন গুয়ে থাকে,—”

কন্ডার বাক্যশ্রোতে বাধা দিয়া মাতা বলিলেন,—“নাও কথা;—নোকে অমনি ভাবলেই হ'ল? কি শরীর কি হয়েছে—”

ইহার পর নিস্তারিণী সহসা মূল বক্তব্যে আসিয়া পড়িল,—“তা তুমিও ত' ভুগলে কম দিন নয়, ছোট বৌ। তোমার ভাস্কর ত তোমার জন্মে ভেবেই অস্থির, সে দিন

তাই বলছিলেন, ছোট বৌমার যে রকম শরীর, ওঁর ঠাইনাড়া হওয়ার বিশেষ দরকার, উনি না হয় দিনকতক ওঁর কাকার কাছে—”

ব্রজসুন্দরী কথার সূত্র ধরিয়া বলিলেন,—“তাই বরং যাও বাছা দিনকতক; আর কি জান, জামাই আমার বড় নাজুক কি না, মুখ ফুটে ত বলতে পারে না, আগল কথা হ'চ্ছে দিন আনে দিন খায় বই ত' নয়,—তোমার কাছে বলতে লজ্জা নেই বাছা, তুমি কিছু পর নও,—ও খরচ আর চালাতে পাচ্ছে না; আর তা' ছাড়া কি জান, শত্রুর মুখে ছাই দিয়ে, পাঁচটি নিয়ে থাকতে হয়,—কি ব্যামো তা'রও ত' কিছু ঠিক নেই—”

মনোরমাকে ইহার অধিক আর বুঝাইয়া বলিবার আবশ্যক ছিল না: ঘেটুকু বুঝিয়াছিল, তাহাতেই তাহার কণ্ঠ বাষ্পরুদ্ধ হইয়া আসিতেছিল; কত কষ্টে যে সে অশ্রু-রোধ করিয়াছে, সে শুধু সেই জানে। আর নহে, যথেষ্ট হইয়াছে, ইহার পর হয় ত' আরও অপমানিত হইতে হইবে। সে মৃদুকণ্ঠে বলিল,—“বেশ মা, আপনাদের অসুবিধে ক'রে থেকে লাভ নেই, তাই হবে। বনগাঁয়ে আমার ভগ্নীপতির কাছেই আপাততঃ যাব, আমি আজই সেখানে চিঠি লিখে দিচ্ছি, আমাকে নিয়ে যাবার জন্তে।”

ব্রজসুন্দরী একটু খোঁচা দিবার লোভ সঞ্চার করিতে পারিলেন না; প্লেষ করিয়া বলিলেন,—“তা' বই কি বাছা, তোমার থাকবার যায়গার অভাব কি? খালি মা' এক-খানা চিঠি নেখার অপিক্ষে”; বলিয়া মনোরমার অলক্ষ্যে কন্ডার দিকে চাহিয়া এক অপরূপ মুখভঙ্গী করিলেন। ইঙ্গিতের অর্থ সুস্পষ্ট;—“ওঃ, অংখারে যেন ছুঁড়ী মটমট করছে; বলে ভাঙ্গি ত মচকাই. না। যা না, কোন্ চুলোয় তোর কোন্ কুটুম আছে, তোকে মাথায় ক'রে রাখে একবার দেখি।—তবু যদি গতরে আশুন না নাগত—”

বড় আশা করিয়াই মনোরমা শৈলেশের আশ্রয়ে আসিয়াছিল। শৈলেশের মাতা তাহাকে কন্ডার আদরে গ্রহণও করিয়াছিলেন। মনোরমা মনে করিয়াছিল, মাতৃহীন বোনপো-বোনঝিগুলিকে সে সন্তাননির্বির্শেবে পালন করিবে,—মাতার অভাব তাহাদের মুহূর্তের জন্তও বোধ করিতে দিবে না। তাহার খোকাও তাহাদের সহিত একত্র হাসিয়া খেলিয়া মাতুষ হইবে। শৈলেশের মাতাও

চাহিয়াছিলেন ঠিক তাহাই। তিনি মনোরমার সপ্রতিভ ব্যবহারে একবারে মুগ্ধ হইয়া গেলেন। অজস্র আদরে, যত্নে ও পরিচর্যায় মনোরমাকে তিনি অল্পদিনেই সুস্থ করিয়া তুলিলেন। শিশুদের প্রতি লক্ষ্য রাখা ভিন্ন সংসারের আর কোন শ্রমসাধ্য কার্য তিনি মনোরমাকে করিতে দিবেন না। ভয়,—অতিরিক্ত পরিশ্রম তাহার সহ্য হইবে না। মনোরমা একরূপ অপ্রত্যাশিত আদরে অপ্রস্তুত হয়; সে কথা বুঝিয়া এক দিন তিনি বলিয়াছিলেন,—“আমার কাছে লজ্জা কি, মা? তুমি আমার বোমার আপন বোন, আপন পেটের মেয়ের মতন।” মনোরমা বেশী কথা কহে নাই। শুধু ধীরে ধীরে বলিয়াছিল,—“জানেন ত’ মা আপনি সবই; মায়ের আদর কেমন, তা ত’ জানি না; ছোটবেলার জ্যেষ্ঠাইমার আদরে মাহুব, আর বুড়ো বয়সে আবার যে ভগবান্ আপনার—” বলিতে বলিতে সে আর অশ্রুরোধ করিতে পারে নাই।

একটি মাস পূর্ণ হইয়াছে কি না হইয়াছে, ইহারই মধ্যে ছেলে-মেয়েরা মনোরমাকে পাইয়া বসিয়াছে যেন। মাসীমার নিকট না হইলে তাহার খাইতে চাহে না; মাসীমার কোলের কাছে না শুইলে তাহাদের ঘুম আসে না। তাহাদের খেলার কথা, আনন্দের কথা, তাহাদের সহস্র আকার, নালিশ, সমস্তই মাসীমার কাছে। শৈলেশের মা দেখিয়া মুখ টিপিয়া টিপিয়া হাসেন; মনোরমাকে উদ্দেশ করিয়া ও শৈলেশকে উপলক্ষ করিয়া স্নেহে স্নিতহাস্তে বলেন,—“এই ক’ দিনে কি ঝাণ্ডাই হয়েছে এরা মাসীর; নতুন মাসী পেয়ে কি ও নেমকহারামরা আমাদের ভুলে গেল না কি?” শুনিয়া মনোরমা পুলক ও লজ্জার এক অননুভূতপূর্ব অমুভূতিতে মুহু মুহু হাসিতে থাকে।

মনোরমা বিরলে বসিয়া যখন গোবরডাঙ্গার সেই কদর্যা প্রতিবেশের সহিত তাহার বর্তমান শাস্তিপূর্ণ সুপবিত্র পারিপার্শ্বিকের তুলনা করে, তখন সে অপরিমেয় বিশ্বাসে স্তব্ধ হইয়া শুধু এই কথা কয়টি মনের মধ্যে বার বার আবৃত্তি করে;—“এ শুধু ছঃধিনীর উপর মঙ্গলময় ভগবানের আশীর্বাদ।” কে জানিত, পূর্বের সেই নিদারুণ ছঃসহ দিনগুলির পরে ছিল এই মধুর নিরুদ্বেগ সাংসারিকতা; এ যেন নীরম গল্পের পর ছন্দোবদ্ধ সাবলীল কবিতা।

জপ, তপ, পূজা, অর্চনার আজকাল মনোরমার দীর্ঘক্ষণ

অতিবাহিত হয়। প্রাত্যহিক আত্মিকে বসিয়া সে প্রার্থনা করে,—“হে ভগবান্, আমার আর কোন কামনা নেই; শুধু এদের আশ্রয়ে থেকে থোকা যেন আমার মাহুব হয়; তা’কে রেখে যেন আমি যেতে পারি।”

থোকাকে যতই আদর করে, কিছুতেই মেন তাহার পূর্ণ পরিতৃপ্তি হয় না। ব্রজসুন্দরীর সতর্ক প্রহরায় বহুদিন থোকাকে তেমন যত্ন করা হয় নাই; সে শোধ সে এখানে লইবে। থোকাকে সে মুহূর্তের জগুও চক্রুর অরস্তাল করিবে না, থোকাকার চোখে সে অশ্রুর আবির্ভাব হইতে দিবে না। থোকা সহসা যদি কাঁদিয়া উঠে, মনোরমা তাহার আত্মিক ফেলিয়া ছুটিয়া আসিয়া থোকাকে কোলে তুলিয়া লয়; তাহার সুকোমল গণ্ডে অজস্র গভীর চুম্বন আঁকিয়া দেয়। পরে উদ্দেশে নমস্কার করিয়া বলে,—“ঠাকুর, আমার এ দুর্ভাগ্যতা, এ অপরাধটুকু ক্ষমা কোরো,—থোকাকার যেন আমার কোন অমঙ্গল না হয়, ঠাকুর।”

কিন্তু অপত্যস্নেহ ভগবৎপ্রীতিকে অতিক্রম করিলে সে অপরাধ অমার্জনীয়। সে অপরাধের শাস্তি হইতে নিস্তার নাই। মনোরমাকে সে পাপের প্রয়শ্চিত্ত করিতে হইল তাহার স্নদয়ের নিধি, নয়নের মণি, তাহার স্বামিদেবতার শেষ চিহ্নটুকুকে হারাইয়া। কোথা হইতে কেমন করিয়া যে কি হইয়া গেল, ভাবিলে বিশ্বয়ের সীমা থাকে না। দিব্য নিম্বল নির্মেষ আকাশ, সহসা যেন বজ্রপাত হইয়া মনোরমাকে জীবন্ত দগ্ধ করিয়া গেল। বজ্রাহত-বৃক্ষের মত তাহার বাহুরূপে বিশেষ কোন পরিবর্তন নাই, কিন্তু অন্তরে সে হইল সর্বস্ব হারা রিক্ত। থোকাকে দুই দিন যদি সে প্রাণ ভরিয়া সেবাও করিতে পাইত! উগ্মনা হইয়া মনোরমা চিন্তা-সাগরে ডুবিয়া গেল। হায়! কি লইয়া আর সে কাঁচিয়া থাকিবে?

মনোরমা আর সে মনোরমা নাই। শৈলেশের আশ্রয়ে আসিয়া তাহার মাতার যত্নে ও পর্যাপ্ত বিশ্রামলাভে অতি অল্পদিনে মনোরমার নীরোগ শরীরে যে স্বাস্থ্যের লাভ্য ফুটিয়া উঠিয়াছিল, তাহা অরুণ-কিরণ-স্পৃষ্ট কুরাসার মতই মিলাইয়া গিয়াছে। যে শোকাগ্নি তাহার অন্তরে অহরহ ধিকিধিকি জ্বলিতেছিল, তাহার তাপে দেখিতে দেখিতে মনোরমার দেহ শীর্ণ কঙ্কালসার হইয়া উঠিল। সে

যেন কেমন একরকম হইয়া গিয়াছে। না আছে তাহার কোন কার্যে উৎসাহ, না আছে নিজের শরীরের উপর বিশ্বাস। একটু নিরিবিলা পাইলেই সে মরণাহত খোকোর সেই শেষ চাহনিটুকুর কথা স্মরণ করিয়া কাঁদিতে বসে। শৈলেশের মা কখনও জানিতে পারিয়া সাধুনা পান করিতে আসেন, কিন্তু শেষ পর্য্যন্ত তিনি নিজেই অশ্রুসংবরণ করিতে না পারিয়া অন্তরালে অন্তর্দান করেন।

বিপদের উপর বিপদ; মনোরমা বুঝিতে পারে, যে কারণেই হউক, শৈলেশ ও তাহার মাতা উভয়েরই মুখে কিছুদিন হইতে গভীর ছশ্চিন্তার ছায়া পড়িয়াছে। তবে কি তাহাকেই কেন্দ্র করিয়া মাতা ও পুত্রের মধ্যে মনো-মালিন্য হইল? এই ছন্দ:পতনের মূল কি তবে সেই? স্বীয় অপরাধের গুরুত্বের উপলক্ষিতে ও সঙ্কোচে মনোরমার সমস্ত অন্তর অস্বস্থিতে ভরিয়া গেল। কিন্তু তাহার কৌতূহলের নিবৃত্তি হইতে বেশী দিন লাগিল না। ‘খোকোর’ মা’ গোয়ালিনী বাটীতে ছব যোগান দিত। মনোরমাকে নিভূতে পাইয়া সেই এক দিন হাত-মুখ নাড়িয়া সালফারে ও বেশ একটু পল্লবিত করিয়াই সমস্ত ঘটনাটির আশ্চর্য বর্ণনা করিল। শুনিয়া মনোরমার মনে হইল, সত্যই যদি এই কলিযুগে তাহার প্রার্থনায় ধরনী দ্বিধা হইতেন, তিতরে প্রবেশ করিয়া সকল লজ্জার হাত এড়াইত সে। পাড়ার নিষ্কর্মা জদয়হীন লোকগুলো পরনিকা, পর-চর্চা করা ভিন্ন আর কোন কাম কি খুঁজিয়া পায় না? স্বামিপুত্রহীনা নিরাশ্রয়া বিধবা সে, না হয়, স্রোতের মুখে ভূণের মত ভাসিতে ভাসিতে আসিয়াই পড়িয়াছে বিপত্তীক ভগিনীপতির আশ্রয়ে; কিন্তু তাহাই বলিয়া এই জঘন্ট বিখ্যা অপবাদ রটাইতে হইবে তাহাদের নামে? এই নীচ লোকগুলো নরনারীর সেই এক আদিম সম্পর্ক ভিন্ন আর কোন পবিত্রতর সম্পর্ক কি কল্পনাও করিতে পারে না?

অপরিসীম ছঃখে, লজ্জায় ও ক্রোধে অভিভূত হইয়া মনোরমা ঘরে গিয়া ভূমিশয়া আশ্রয় করিল ও স্বামীকে স্মরণ করিয়া উজ্জ্বলিত আবেগে আবুল অন্তরে রোদন করিয়া অশ্রু বলা বহাইয়া দিল।

ইহার পর আর এখানে থাকা তাহার চলে না; আবার তাহাকে নূতন আশ্রয়ের সন্ধান করিতেই হইবে।

কথাটা এক দিন নিজেই পাড়িল;—সে তাহার কাকার নিকটই যাইবে, তা’ সে বরাতে তাহার বত ছঃখই থাকুক।

ইচ্ছা সত্ত্বেও শৈলেশের মাতা তাহার এই প্রস্তাবে বাধা দিতে পারিলেন না; শুধু সজল-নয়নে স্নেহে তাহার মাথায়, গাত্রে হাত বুলাইয়া দিতে লাগিলেন। তাঁহারা উভয়েই উভয়ের ব্যবহারে মুগ্ধ; পরস্পরের সাহচর্য্য তাঁহাদের একান্ত কাম্য। সহজ নিবিড় পরিচয়ের মধ্য দিয়া দুইটি জদয়ের মধ্যে সে এই অল্পদিনের মধ্যে কি ছশ্চিন্তা স্নেহের সঞ্ছই স্থাপিত হইয়াছিল, সে তাঁহারা আজ এই বিচ্ছেদের পূর্ব্বক্ষণে অন্তর দিয়া উপলক্ষি করিতেছেন। কিন্তু সমাজের রক্ত আঁধিও উপেক্ষণীয় নহে। কুৎসা প্রচারের মোতনীয় সম্ভাব্যতায় সমাজের রসনা উত্তত হইয়া রহিয়াছে; এমন সুবর্ণ-সুযোগ তাহারা সহজে নষ্ট হইতে দিবে না। ছঃখীর ছঃখানল প্রশমিত করার বিষয়ে সমাজের চেতনা না থাকুক, কিন্তু ইচ্ছন যোগাইতে ইহার উৎসাহের সীমা নাই।

শেষ পর্য্যন্ত শৈলেশ মনোরমাকে চুয়াডাঙ্গায় তাহার কাকার নিকট রাখিয়া আসিয়া সমাজকে শান্ত করিল।

মনোরমার কাকীমার ‘দয়াবতী’ নামকরণ সে করিয়াছিল, তাহার দূরদৃষ্টির প্রশংসা করা সত্যই চলে না। মা’য়ের জাতি যে এত নিশ্চয় নিষ্করণ হইতে পারে, রমণীর রসনা সে এমন করিয়া হলাহল বর্ষণ করিতে পারে, দয়াবতীর সহিত তাহার না পরিচয়লাভের সৌভাগ্য হইয়াছে, তাহার পক্ষে সে কথা কল্পনা করাও কঠিন। শৈলেশের জননী কখনও ইহার সহিত তুলনীয় নহে, কিন্তু ব্রজসুন্দরীরও কটু ভাষণে ইহার সহিত সমকক্ষতা করিবার স্পর্ধা হইবে না।

পূর্ব্ব সংবাদ না দিয়া তাঁহার গৃহে পদার্পণ করার জন্ত মনোরমার সঙ্কল্পনা যথোচিতভাবেই হইয়াছে; শুধু তিনি রূপাপরবশ হইয়া এই অমুগ্রহটুকু করিয়াছেন, তাহাকে গৃহবহিষ্কৃত করিয়া দেন নাই। কেবল মুখেই বলিয়াছিলেন,—“সাত আঘাটা ঘুরে শেষে বুঝি এখানেই মরতে এলি? কোনোখানে বুঝি আর ঠাই হ’ল না, তাই?” তাহার পর বিস্মিত দৃষ্টিতে তাহার প্রতি চাহিয়া মুখ বিকৃত করিয়া বলিয়াছিলেন,—“ও মা, কি রূপের ধুচুনিই হয়েছিল? যেন তাওড়াগাছের পেরী আর কি?”

মনোরমা বিপর্যয়ে আমতা আমতা করিয়া লজ্জা-জড়িত কণ্ঠে বলিয়াছিল,—“সংসারে আপনার বিয়ের দরকার ত’ হ’রই, কাকীমা,—”

—“আচ্ছা বাছা, সে কথা হবে এখন পরে, এসেই পড়েছিস যখন—”

• কাকীমার বাক্যের শেষাংশটুকু আর শ্রুতিগোচর হইল না। মোটের উপর বুঝিতে পারা গেল, মনোরমার কথা তাঁহার মনঃপূত হইয়াছে।

দয়্যাবতীর স্বামী উমাচরণও মনোরমার আবির্ভাবে বিরক্ত হইলেন, কিন্তু তিনি চাপা প্রকৃতির লোক, মুখে কিছু প্রকাশ করিলেন না। উমাচরণ সংসারের খরচ দিয়াই খালাস; তিনি সারাদিন বাড়ী থাকেন না, পাড়ায় পাড়ায় তাস, দাবা খেলিয়া বেড়ান। বৃহৎ বিস্তৃত জমিদারী নাই, চাকরীও নাই, অথচ সংসার তাঁহার দিব্য নিরুদ্ধিগ স্বাচ্ছন্দ্যের মধ্য দিয়াই চলে। এককালে তিনি কলিকাতার কোন আফিসে মুচ্ছুদির কার্য করিতেন, শুভব,—বেশ কিছু মোটা রকম ক্যাশ ভান্সিয়া চাকরীতে ইস্তফা দিয়া বসিয়া আছেন।

মনোরমা সাত-পাঁচ ভাবিয়া স্বতঃপ্রবৃত্ত হইয়া তাঁহাদের ঝা ছাড়াইয়া দিল। সংসারের কিছু সাশ্রয় না হইলে ইহারা শুধু শুধু এক জনের অন্ন-বস্ত্র যোগাইবে কেন?

দয়্যাবতীর একটা বিষয়ে খুব নাম-ডাক ছিল,—তাঁহার ঝা শুদ্ধাচারিণী গৃহিণী না কি সারা চুরাডাঙ্গা খুঁজিলেও খুব বেণী দেখিতে পাওয়া যায় না। এই সুনামটুকু তিনি অর্জন করিয়াছিলেন বহু কঠোর সাধনার দ্বারা। চব্বিশ ঘণ্টার মধ্যে অন্ততঃ দশ ঘণ্টা পরিধানে তাঁহার মাত্র একখানি গামোছা; সত্য এবং কাল্পনিক অপবিত্রতার সংস্পর্শ হইতে নিজেকে রক্ষা করিবার উৎকট চেষ্টায় তিনি বকের মত ডিক্সি মারিয়া চলেন ও দৈনিক অন্ততঃ চারিবার স্নান করেন। সংসারে তুচ্ছতম অনাচারও তিনি সহ্য করিতে পারেন না। মনোরমার উপরও এ বিষয়ে তাঁহার দৃষ্টি অতি তীক্ষ্ণ। মধ্যে মধ্যে কোন অলক্ষ্য স্থান হইতে ‘হাঁ, হাঁ’ করিয়া ডিক্সি মারিয়া ছুটিয়া আসেন; ঘুণায় মুখ সিঁটুকাইয়া বলেন,—“মা গো মা, জাতধন্য আর রাখলে না দেখছি এরা,—মাতকাল গিয়ে এককালে থেকে, শেষে কি—”

মনোরমার মুখের উপর হাত নাড়িয়া বলেন,—“ওলো

থাম্ লো, থাম্ ছুঁড়ী, তুই আর আমার শাস্তোর ব্যাখ্যানা করতে আসিস্ নি।—সকড়ির জল, লাগে নি ছিটে—বজলেই অম্নি আমি গুনব? কেন, চোখের মাথা কি আমি খেয়েছি—” বলিতে বলিতে তাঁহার কাংশুকণ্ঠ সপ্তমে উঠিতে থাকে। মনোরমা নীরবে সকল তিরস্কার সহ্য করে, কখন ক্ষীণতম প্রতিবাদও করে না।

এ সকল দুঃখও হয় ত’ অসহ্য নহে, কিন্তু এখানে আর এক নূতন উপদ্রবের উপক্রমে মনোরমা শঙ্কিত হইয়া উঠিল। দয়্যাবতীর এক নিষ্কর্য্য ভ্রাতা দিদির আশ্রয়ে থাকিয়া ফাইফরমাস খাটিত, বাজার করিত ও অবশিষ্ট সময় পাড়ায় পাড়ায় শিশু দিয়া গান গাহিয়া ও আরও অনেক কিছু করিয়া বেড়াইত। আশঙ্কার কথা এই যে, ইদানীং সে মনোরমাকে একটু বিশেষ নজরে দেখিতে আরম্ভ করিয়াছে। একটু নিভূতে পাইলেই গজেন মনোরমাকে গুনাইয়া রসিকতা করিয়া যাত্রার গান ধরে। কিছুদিন হইতে বিশেষ পরিচিত জনের মত তাহার নাম ধরিয়া ডাকিতেও সুরু করিয়াছে; নানা অছিলা করিয়া সময়ে অসময়ে কেবল তাহাকে ডাকাডাকি করে; না আসিলে লাল লাল দাঁত বাহির করিয়া হাসিতে হাসিতে বলে,—“আচ্ছা দিদি, তোমার ওই মনোরমা না কি, ও ডাকাডাকি করলে আসে না কেন বল ত’? তখন থেকে তেষ্ঠার জল চাইছি—মানে, আমি কি বাঘ না ভালুক যে গপ ক’রে গিলে ফেলব?” বলিয়া নিজের রসিকতাতে নিজেই হি হি করিয়া হাসিতে থাকে। রন্ধনরতা মনোরমা গুনিতে পায়, দয়্যাবতী বলিতেছেন,—“জানিনি বাপু, নষ্টচরিতের মেয়েদের রীতই অম্নি ছিনেলী করা; তবু রূপ ত’ ওই পোড়া কাঠ।” বলিয়া তাঁহার বাখারির মত ঝুঁ, ঝুঁ ও লম্বা দেহঘটি বহু কষ্টে আনত করিয়া নিজেই তাহাকে কলসী হইতে জল গড়াইয়া দেন। মনোরমা রাঁধিতে রাঁধিতে অগ্ৰমনে ডালে দুইবার লবণ দিয়া ফেলে ও তজ্জন্ত পরে তাহাকে অশ্রাব্য কুকথা গুনিতে হয়।

সে দিন বাবাঠাকুরের তলার নফর হাজরার যাত্রা হইবে;—বারোয়ারী, যাত্রা বেহলার পালা। পল্লীর স্ত্রী, পুরুষ, ছেলে, বৃদ্ধা কাহারও আনন্দের সীমা নাই। পঙ্কু ওরফে গজেন সকাল হইতে দয়্যাবতীকে যে রূতবার



কতরূপে ব্যাখ্যা করিয়াছে,—“জানলে কি না দিদি, যে লোকটা বেহুলা সাজে, মানে তার নাম হচ্ছে বিশে মুচি,— মানে মন্ত নামডাক তার,—লখিমপুরের জন্তে হাপুস্ চোখে কি কাঁদাটাই কাঁদে,—মানে বিশ্বাস না হয়, যে কোন লোককে—”

যাত্রা আরম্ভ বেলা বারোটায়, সন্ধ্যার পূর্বেই ভাঙ্গিয়া যাইবে।

মনোরমা প্রত্যুষ হইতেই বাসন-কোসন মাজিয়া শেষ করিয়া হেঁসেলে ঢুকিয়াছে ; রন্ধনে বিলম্ব হইলে, আজ তার তাহার অপরাধের ক্ষমা নাই।

আহারাদির পর পরিপাটীরূপে সাজসজ্জা করিয়া পাণ চিবাইতে চিবাইতে দগ্ধাবতী মনোরমাকে উদ্দেশ্য করিয়া বলিলেন,—“আমরা তা’লে চলাম, বাছা ; গজু বলছে, সন্ধ্যার আগে আর যাত্রা ভাঙবে না ; তা’ তুই ততক্ষণ সংসারের কাষকর্ষ সেরে যেটুকু ফুরসুৎ পাবি, বরং একটু গড়িয়ে নিস :” বলিয়া তিনি গজেনের সহিত চলিয়া যাইতে ছিলেন, আর একবার দ্বারপ্রান্ত হইতেই হাঁক দিয়া বলিলেন,—“ওলো মনো, দেখিস, তাই ব’লে ঘুমিয়ে যেন আবার ম’রে থাকিস নি, জোর বা কুস্তকলের ঘুম বাবা ! দরজাটা বন্ধ ক’রে দিয়ে যা,—আর হ্যা, ওবেলার রান্নাবান্না সব একটু বেলাবেলি সেরে রাখিস—আমরা যা ক্লাস্ত হয়ে আসব, এসে আর দাঁড়াতে পারব না কিন্তু, তুই আবার যা ঝুঁড়ের বাদশা, তাই জন্তেই বলা,—”

হেঁসেলে তুলিয়া, অস্তান্ত সকল কাষ সারিয়া মনোরমা যখন দালানের এক কোণে তাহার শতছিন্ন মলিন শয্যাখানি পাতিয়া জাহার পরিশ্রান্ত শরীরটাকে এলাইয়া দিল, তখন বেলা বিপ্রহর। এত ক্লান্তিতেও কিন্তু তাহার চোখে আজ ঘুম নাই। অতীতের বিন্মতপ্রায় যত কথা আজ তাহার অবচেতনার তল হইতে ভাসিয়া উঠিয়া মনে ভিড় জমাইয়া তুলিতেছিল। তাহার জীবন ইতিহাসের প্রতিটি পৃষ্ঠা কেবল নিরবচ্ছিন্ন দুঃখ ও বেদনার কাহিনীতেই পূর্ণ হইয়া চলিয়াছে—আশৈশব মাতৃপিতৃহীন সে, দেবতার মত স্বামী যদি বা লাভ করিল, কয় দিনের জন্তই বা ? দেব-শিশুর মত অমন বে-তাহার খোকা, অমন বে ছলভ ঐশ্বর্য্য, তাহাকেও সে দুর্বলহস্তে ধরিয়া রাখিতে পারিল না। রছিল শুধু তাহাদের স্মৃতি, আর রছিল সে—কোন অজাত

পাপের প্রায়শ্চিত্ত করিতে কে জানে ?.....সংসারের আবর্তে সে আবর্তিত হইয়াই চলিয়াছে, নিকৃপার নিঃসহায়। কত গঞ্জনা, কত কুবাকা, কত অপমানই সে লাভ করিল এই নিষ্করণ পৃথিবীর নিকট হইতে।

চিন্তাচ্ছন্ন অবস্থায় মনোরমা অবশেষে কখন নিজের ক্রোড়ে চলিয়া পড়িয়াছিল, স্মরণ নাই। ঘুম ভাঙ্গিল সদর-দরজার কড়া নাড়ার শব্দে। কে কতক্ষণ ধরিয়া শব্দ করিতেছে, কে জানে ? মনোরমা চক্ষু মেলিয়া দেখিল, সূর্য্য অন্তগত,—মধ্যাহ্ন গড়াইয়া অপরাহ্নে পড়িয়াছে। কিপ্রহস্তে বস্ত্র স্তসংবৃত করিয়া সে উঠিয়া দাঁড়াইল ও দরজা খোলা উচিত হইবে কি না ভাবিতে লাগিল। কিন্তু গজেন ততক্ষণে তাহার নাম ধরিয়া ডাকিতে শুরু করিয়াছে। ইহারই মধ্যে সব ফিরিয়া আসিল না কি ? সংসারের কাষ এখনও সবই ত তাহার বাকী ? কি জবাবদিহী করিবে সে কাকী-মার কাছে ?

কিন্তু না, দরজা খুলিয়া দেখিল, সকলে নহে, কেবল গজেন একা। এ সময়ে এ অবস্থায় তাহাকে একাকী দেখিয়া ত্রাসে মনোরমার বুক কাঁপিয়া উঠিল। মাথার উপর অবগুষ্ঠন একটু টানিয়া দিয়া সে দরজার পার্শ্বে সরিয়া গেল। গজেন ভিতরে প্রবেশ করিয়া দরজাটি বন্ধ করিল ও একগাল হাসিয়া বলিল,—“শরীরটা বড় খারাপ মনে হ’ল, মনোরমা। তাই চ’লে এলাম তোমার কাছে—যাত্রা ভাঙলে জামাইবাবু নিয়ে আসবেখন দিদিকে।”

মনোরমা কোন কথা কহিল না ; পাথরের মত নিশ্চল হইয়া দাঁড়াইয়া রছিল। শুধু একবার অপাঙ্গে চাহিয়া দেখিল, তাহার মুখে অন্তঃস্থতার মানির চিহ্নমাত্র নাই, বরং হিংস্র লোলুপতার কদর্য্যতার তাহার মুখখানা বিস্তী হইয়া উঠিয়াছে।

গজেন আদরে সোহাগে যেন বিগলিত হইয়া, বোধ করি, যাত্রায় সস্ত দেখা নাযকের কর্তৃত্বের অলুকরণ করিয়া বলিল,—“মনোরমা, এস না আমার ঘরে, আমার মাথাটা একটু টিপে দেবে,—ওদের আসতে এখনও অনেক দেরী আছে।”

মনোরমা প্রস্তরমূর্তির মত নীরবে দাঁড়াইয়া রছিল।

উষাচরণদের পুঙ্করিণীর চারিধার জলসমাচ্ছন্ন। বড় বড় আমগাছ, কাঁটালগাছ, আমগাছ প্রভৃতি ত’

আছেই, তাহার উপর বাবলা, জীওল, শিশু, নাটাকাটা, আলকুশী, আশগাওড়া প্রভৃতি ছোট বড় বস্তু বন্ধেরও অভাব নাই। বাটী হইতে পুঙ্করিণীর ঘাট অবধি একটি সরু পথে চলা পথ,—যেন বিধবা নারীর সীমস্ত-রেখা।

পুঙ্করিণীতে একবুক জলে দাঁড়াইয়া মনোরমা,— চিহ্না ও উৎকর্ষায় মুখখানি তাহার পাংশু, বিবর্ণ। এতক্ষণ অবিচ্ছিন্ন মনোযোগ সহকারে সে প্রতিটি মুহূর্ত্ত গণনা করিয়াছে। আর কত কাল সে এইভাবে আবক্ষ জলে দাঁড়াইয়া থাকিবে? গজেনকে সে অনেক কষ্টে মিথ্যা প্রবোধ দিয়া বুঝাইয়া আসিয়াছে,—গা ধুইয়া কাপড় কাচিয়া সে এখনই আসিবে, গজেন যেন অধীর না হয়। মনোরমার মনে একটু ক্ষীণ আশা ছিল, ইতিমধ্যেই কাকীমারা হয় ত' আসিয়া পড়িবেন। কিন্তু আর এই অন্ধকারের মধ্যে থাকিও নিরাপদ নহে। গৃহে ফিরিয়া অপর কোন কোশল উদ্ভাবন করিতে হইবে।

মনোরমা বিমনা হইয়া পা টিপিয়া টিপিয়া ক্ষীণ পথ-রেখা ধরিয়া চলিল। কিন্তু বেশী দূর তাহাকে মাইতে হইল না। মাত্র কয়েক পদ অগ্রসর হইয়াছে, এমন সময়ে সহসা পলকে এক অচিন্তিতপূর্ব্ব ব্যাপার ঘটয়া গেল,—পশ্চাৎ হইতে লুঙ্গিপরিহিত কে একটা হুমণ আকৃতির লোক বজ্রমুষ্টিতে তাহার মুখ চাপিয়া ধরিল ও চার-পাঁচ জোড়া সবল হস্ত তাহাকে তুলিয়া লইয়া বনের মধ্যে অদৃশ্য হইয়া গেল। মনোরমা একবার শুধু প্রাণপণে আর্তনাদ করিয়া উঠিল, কিন্তু সে কাতরধ্বনি গজেনের কর্ণগোচর হইল না। সে তখন সাগ্রহ প্রতীক্ষায় মনোরমার পথ চাহিয়া আছে।

দয়্যাবতী সমস্ত গুনিয়া বলিলেন,—“জানি আমি গোড়া হ'তেই, ও কখনও ঘরে থাকে? এই সমথ বয়স, কিন্তু বাপ রে, কি ঠাট্টমক্, যেন বাজারের বেউশে,—ছি, ছি, ছি, কি ঘেয়া, আমাদের মুখ শুকু ডোবালে গা? মুখে আঙুন অমন মেয়ের...”

উমাচরণ বলিলেন,—“বনগায় শৈলেশের সঙ্গে ওর কীর্তির কথা ত' আর সব শোনো নি? বলি বলি ক'রে ভোমায় বলাও হয়নি। আমি গুনলাম এই সে দিন—দেশে টি টি প'ড়ে গেছে, কলকে কাণ পাতার জো নেই; শেষে সকলে মিলে দূর ক'রে দিয়েছে।”

গজেন এসকল ব্যাপারে অদ্ভিত হইতে নারাজ; কে জানে, শেষে যদি কোন হানুমা বাধে? সে অনেক বুদ্ধি করিয়া বলিয়াছে, বাড়ী ফিরিয়া সে মনোরমাকে দেখিতে পায় নাই, সদর দরজা খোলাই পড়িয়াছিল, ইত্যাদি। নিতান্ত নিয়ম-রক্ষার জন্ত উমাচরণ হারিকেন হস্তে গজেনকে লইয়া একবার পুকুরপাড়টা দেখিয়া আসিয়া কর্তব্য সমাধা করিলেন।

স্মতরাং ইহার পর এ সিদ্ধান্তটুকু খুব সহজেই হইয়া গেল যে, মনোরমা গৃহত্যাগ করিয়া পাপের পথে গা বাড়াইয়াছে। সে রাত্রিটা আর বিশেষ কোন গোলমাল করা হইল না। মনোরমার উদ্দেশে কটুক্তি ও অভিশাপ বর্ষণ করিতে করিতে অনাহারেই সকলে শয্যা গ্রহণ করিলেন।

পরদিন এমন চাঞ্চল্যকর ঘটনার কথা দেখিতে দেখিতে গ্রামে গ্রামে প্রচার হইয়া গেল। নবীন ভট্টচাষ, নকুড় সান্যাল, ভৈরব চকোত্তি প্রমুখ গ্রাম্য-মাতঙ্গররা চণ্ডী-মণ্ডপে সমবেত হইয়া সিদ্ধান্ত করিলেন, সে কুলত্যাগিনী কুলটা নারী সমাজচ্যুতা ত' হইয়াছেই; যদি অবিলম্বে সে নিজের ভ্রম বুঝিয়া ফিরিয়াও আসে, তা' সে যত অন্ততপ্তই হউক, তাহাকে উত্তমরূপে বুঝাইয়া দিতে হইবে যে, সনাতন হিন্দুধর্মে আর যত অনাচারই অনুষ্ঠিত হউক, অসতী নারীকে হিন্দু আবহমানকাল হইতে প্রত্যাখ্যান করিয়া আসিয়াছে। মনোরমা যদি কখনও উমাচরণের “চৌকাঠ মাড়ায়”, তাহা হইলে উমাচরণকে পর্যন্ত ধোপা-নাপিত বন্ধ করিয়া একঘরে করা হইবে।

তিন দিন পরের কথা।—

ব্রাহ্মমুহূর্ত্ত। পূর্বাংশে নবাকুণ-জ্যোতি তখনও অপ্রকাশ। পক্ষিকুল কুলায় ত্যাগ করে নাই। গভীর অন্ধকারমাত্র জ্বলং তারল্য লাভ করিতে সুরু করিয়াছে। উমাচরণ ও দয়্যাবতী তখনও গভীর নিদ্রায় অভিভূত।

খিড়কির দরজায় দ্রুত করাঘাতের শব্দে দয়্যাবতীর নিদ্রায় ব্যাঘাত ঘটিল।—এরূপ অসময়ে কে?—দয়্যাবতী ধড়মড় করিয়া উঠিয়া বসিলেন।

—“ওগো, গুন্হ, ওঠ না একবার, দেখ না কে দরজা ঠেলাঠেলি করছে।”

যুম ভাঙ্গিলে উমাচরণও কাণ পাতিয়া গুলিলেন ;—  
হাঁ, সত্যই বটে ; কে যেন আকুল আগ্রহে চঞ্চল হস্তে  
অতি দ্রুত শব্দ করিতেছে ।—চোর ?—না, তাহা হইলে, সে  
শব্দে এত আকুলতা, এত শব্দ প্রকাশ পাইবে কেন ?—  
তবু সাবধানের মার নাই ;—

উমাচরণ পার্শ্বের দর হইতে গজেনকে ঠেলিয়া তুলিলেন ;  
হুই জনে হুংগাছি মোটা লাঠি লইলেন হাতে, দয়াবতী ভয়ে  
ভয়ে সঙ্গে চলিলেন—লণ্ঠন হস্তে আলো দেখাইয়া ।

কে ?—

সর্বনাশ ! মনোরমা ?

দয়াবতী লণ্ঠন আগাইয়া ধরিলেন ।—হাঁ, মনোরমাই  
বটে । কিন্তু এ কি চেহারা তাহার ?

সকলে সহসা ভয়ে পিছাইয়া আসিলেন । দীর্ঘ, রুক্ষ,  
আলু-লায়িত কেশরাশি অবিচলিত ও বিপর্যস্তভাবে মুখের উপর  
আসিয়া পড়িয়াছে । ক্লান্তি ও গভীর অবসাদে সে ভাঙ্গিয়া  
পড়িয়াছে । দাঁড়াইবার তাহার ক্ষমতা নাই ; তাই অতি  
কাতরভাবে দেওয়ালে হেলান দিয়া সে কোন প্রকারে  
শরীরটাকে সোজা রাখিয়াছে । ক্ষীণ চক্ষু দুইটা জ্বাফুলের  
মত রাস্তা, ও সেই চক্ষুনিঃসৃত অজস্র অশ্রুর ধারাটিছে  
মুখখানি তাহার নিম্নভ, স্নান । সর্বাস্ত তাহার ক্ষত-  
বিক্ষত ; শোণিতরঞ্জিত কাপড়খানা এমন ছিঁড়িয়া  
গিয়াছে যে, তাহাতে লজ্জা রক্ষা হওয়া কঠিন ।

জীতির প্রথম ভাবটা কাটিলে, মনোরমার প্রতি একটা  
কঠোর ঘৃণাব্যঞ্জক দৃষ্টি নিক্ষেপ করিয়া তীব্র কণ্ঠে দয়াবতী  
বলিলেন,—“কে লা, আবার চলানি করতে এলি ? ও  
কালামুখ দেখাতে লজ্জা হোলো না ?—সকালবেলা তোর  
মুখ দেখলাম, জানি না বরাতে—”

অশ্রুমুখী মনোরমা সভয়ে পুষ্করিণীর পশ্চিমদিকে লক্ষ্য  
করিতোছিল ; দৃষ্টি তাহার ব্যপিত, শব্দা-চঞ্চল ; যেন কোন  
হর্ষস্ত তাহার পশ্চাদ্ভাবন করিতেছে, এখনই কেশাকর্ষণ  
পূর্বক লইয়া যাইবে । সে নিরুপায় হইয়া উমাচরণের  
দিকে তাহার করুণ ও কুণ্ঠিত আঁখি দুইটি তুলিয়া অশ্রুচক  
কণ্ঠে কি যেন বলিতে যাইতেছিল, দয়াবতী বাধা দিয়া  
উচ্চকণ্ঠে বলিয়া উঠিলেন,—“স’রে যা, স’রে যা ; আ মনু  
হুঁড়ী, হুঁবি নাকি সকালবেলা ; যে নাগরের সঙ্গে—”

মনোরমার মুখখানা ছাইএর মত সাদা হইয়া গেল ।  
তথাপি সে সাহস সহকারে পশ্চাতে অঙ্গুলি নির্দেশ করিয়া  
কম্পিত কণ্ঠে বলিল,—“ওরা ধ’রে নিয়ে—” বলিতে বলিতেই  
তাহার দুই চক্ষু দিয়া ঝর-ঝর করিয়া অশ্রু গড়াইয়া পড়িল ।

দয়াবতী তীব্র ক্রভঙ্গী করিয়া প্লেষপূর্ণ কণ্ঠে বলিলেন,—  
“তবে আর কি ? কেতাপ হ’লাম ; তাদেরই কাছে রইলে  
না কেন ? বেশ আদর-যত্নে—”

গজেন এ পর্য্যন্ত দাঁড়াইয়া দাঁড়াইয়া মানন্দ কোতুহলে  
নীরবে কোতুক দেখিতেছিল । দয়াবতীর কথা বলার সরস  
ভঙ্গী দেখিয়া সে তাহার আকর্ষণবিশ্রুত লাল লাল দাঁত বাহির  
করিয়া হি হি করিয়া হাসিতে লাগিল ।

নিঃসহায় বিষন্ন দৃষ্টিতে উমাচরণের প্রতি মুখ তুলিয়া  
চাহিতেই উমাচরণ গর্জন করিয়া উঠিলেন,—“সাত যান্য়গায়  
লোক হাসিয়ে শেষে এসেছ আমার সর্বনাশ করতে, মুখে  
চুণ-কালি দিতে ? বটে ?—আমার লোকলজ্জা নেই ?  
ভদ্র সমাজের মধ্যে আমার বাস করতে হয় না ?—বেরো,  
বেরো হারামজাদী, দিনের আলো ফোটবার আগে—”

মনোরমা নিরাশ-কাতর কণ্ঠে জিজ্ঞাসা করিল,—  
“কোথায় যাব ব’লে দিন, কাকা । আমার নড়বার ক্ষমতা  
নেই যে—”

উমাচরণ স্থিরগম্ভীর স্বরে শুধু বলিলেন,—“যে চুলোয়  
এ ক’দিন ছিলে”—বলিয়াই তাঁহার আঁর সেখানে বৃথা না  
দাঁড়াইয়া ভিতরে প্রবেশ করিলেন । গজেন সশব্দে দরজা  
বন্ধ করিয়া দিল ।

মনোরমার দৃষ্টিতে গভীর অন্ধকার নামিয়া আসিল ।  
কে যেন সবলে তাহার কণ্ঠ চাপিয়া ধরিয়াছে । সমস্ত শরীর  
ঝিম্ ঝিম্ করিতেছে ।

অবসন্ন দেহে বিমূঢ়ের মত মনোরমা সেখানেই বসিয়া  
পড়িল । অস্তুহীন নৈরাশ্রে বিহ্বল ও আত্মবিশ্রুত হইয়া,  
স্থানকাল ভুলিয়া সে প্রাণ ভরিয়া কাঁদিতে লাগিল ; তাহার  
হৃদয়ের সকল আশা, যত্না, বেদনা ও অভিযোগ অশ্রুতে  
রূপান্তরিত হইয়া স্থানটিকে সিক্ত করিল । তাহার পর ধীরে  
ধীরে অতি কণ্ঠে উঠিয়া মাতালের মত টলিতে টলিতে  
বনাস্তুরালে কোথায় অদৃশ হইয়া গেল ।

পূর্বাকাশে শুকতারার তখনও জাগিয়া আছে ।

ঐশ্বরবিন্দু ছটোপাধ্যায় ।

## বৈষ্ণব-মতবিবেক

১১

### শ্রীগৌড়ীয় বৈষ্ণব সম্প্রদায়—শ্রীমদীশ্বরপুরী

প্রেমাবতার শ্রীকৃষ্ণচৈতন্যদেব ঠাঁহার নিকট ইষ্টমন্ত্র দীক্ষা গ্রহণ করিয়াছিলেন, তাঁহার নাম শ্রীমদীশ্বরপুরী। ইনি শ্রীমাধবেন্দ্র-পুরীর শিষ্য। ইহার পূর্বনাম কি ছিল, তাহা জানিতে পারা যায় না। তবে প্রেমবিলাস নামক একখানি বৈষ্ণব গ্রন্থে দেখা যায় যে, রাঢ়ীয় ব্রাহ্মণকুলে কুমারহটে শ্যামসুন্দর আচার্যের পুত্ররূপে ঈশ্বরপুরী আবির্ভূত হইয়াছিলেন। \* শ্রীচৈতন্যভাগবতে দেখা যায় যে, মহাপ্রভু নিজেই কুমারহটে যে শ্রীমদীশ্বরপুরীর জন্মস্থান, তাহা স্বীকার করিয়া কুমারহটে আগমন করিয়া তাঁহার গুরুদেবের অপ্রকটকালে তাঁহার জন্মস্থানের মৃত্তিকা নিজ বহির্কাসে বান্ধিয়া লন। যথা—

প্রভু বোলে কুমারহটেবে নমস্কার ।  
শ্রীঈশ্বরপুরীর যে গ্রামে অবতার ।  
কাঁদিলেন বিস্তর চৈতন্য সেই স্থানে ।  
আর শব্দ কিছু নাই ঈশ্বরপুরী বিনে ।  
সে স্থানের মৃত্তিকা আপনি প্রভু তুলি ।  
লইলেন বহির্কাসে বান্ধি এক বুলি ॥  
প্রভু বোলে ঈশ্বরপুরীর জন্মস্থান ।  
এ মৃত্তিকা আমার জীবন ধন প্রাণ ।

—শ্রীচৈতন্যভাগবত আদিখণ্ড। ১৫শ অধ্যায়।

অতএব কুমারহটে যে শ্রীমদীশ্বরপুরীর জন্মস্থান, সে সম্বন্ধে সন্দেহ নাই। কিছুদিন পূর্বে এই কুমারহটে, শ্রীমদীশ্বরপুরীর জন্মভিটারও সন্ধান পাওয়া গিয়াছে। তখন কুমারহটে বহু ভদ্র ব্রাহ্মণ কার্যস্থ বৈষ্ণব বসতি ছিল।

শ্রীমদীশ্বরপুরী রাঢ়ীয় ব্রাহ্মণ ছিলেন কি না, তৎসম্বন্ধে একমাত্র প্রেমবিলাসের সাক্ষ্য বর্তমান। কিন্তু তিনি যে ব্রাহ্মণ ছিলেন, সে সম্বন্ধে কোন সন্দেহ নাই। কারণ, দশনামী সন্ন্যাসীদিগের মধ্যে তৎকালে ব্রাহ্মণ ভিন্ন অন্য কাঠারও সন্ন্যাস দীক্ষা গ্রহণের অধিকার ছিল না, এবং উহাই শ্রীমদাচার্য্য শব্দরের প্রবর্তিত বিধি। এখনও নিষ্ঠাবান্ দশনামী সন্ন্যাসী সম্প্রদায়ে ব্রাহ্মণ ব্যতীত অন্য শিষ্যকে সন্ন্যাসদীক্ষা দেওয়ার রীতি নাই। প্রেমবিলাস বলিতেছেন যে, ঈশ্বর-পুরী পূর্বাশ্রমে রাঢ়ীয় ব্রাহ্মণ ছিলেন এবং তিনি বেদবেদান্তাদি শাস্ত্রে কৃতিত্ব লাভ করিয়া সন্ন্যাস আশ্রম অবলম্বন করেন। তিনি যে এক

\* প্রেমবিলাস গ্রন্থ খুব প্রামাণিক বলিয়া অনেকে মনে করেন না; বিশেষতঃ প্রেমবিলাসকার কিঞ্চিৎ পরেই লিখিয়াছেন যে, কেশব ভারতী ও ঈশ্বরপুরী উভয়েই মাধবেন্দ্রপুরীর নিকট সন্ন্যাস গ্রহণ করেন। পুরীর নিকট সন্ন্যাস গ্রহণ করিলে তাহার উপাধি বা যোগপট “ভারতী” হইতে পারে না—ইহা দশনামী সন্ন্যাসীদিগের প্রাচীন রীতি।

জন বিশিষ্ট পণ্ডিত ছিলেন, সে সম্বন্ধেও সন্দেহের কোনও অবকাশ নাই। কারণ, শ্রীমদীশ্বরপুরী শ্রীচৈতন্যদেবের সন্ন্যাস গ্রহণের পূর্বে একবার নবদ্বীপে আগমন করেন। তিনি প্রথমে নবদ্বীপে আগমন করিয়া শ্রীমদদৈবতাচার্য্যর ভবনে গমন করেন। ঐ সময়ে তিনি “কৃষ্ণ-লীলামৃত” নামক একখানি গ্রন্থ রচনা করিয়াছিলেন, তিনি শ্রীল গদাধর পণ্ডিতকে ঐ গ্রন্থ পাঠ করান। অবশেষে শ্রীচৈতন্যদেবের সন্তিত পরিচয় হইলেও তিনি তাঁহাকে ঐ গ্রন্থখানি দেখিতে দেন। ঐ গ্রন্থখানি বোধ হয় এখন আর পাওয়া যায় না, তবে কেহ কেহ বলেন, ঐ গ্রন্থের পুঁথি উড়িষ্যার কোনও কোনও স্থানে আছে। কিন্তু উহা এ পর্য্যন্ত মুদ্রিত হয় নাই। আমরা শ্রীল রূপগোষামীর সংকলিত শ্রীপদ্মাবলী নামক গ্রন্থে শ্রীমদীশ্বরপুরীর তিনটি শ্লোক পাইয়াছি। ঐ শ্লোক কয়েকটি উক্ত কৃষ্ণলীলামৃত গ্রন্থের শ্লোকও হইতে পারে, বা স্বতন্ত্রভাবে রচিত শ্লোক হইতে পারে। কিন্তু ঐ শ্লোক কয়েকটিতে শ্রীবৃন্দাবনলীলার পবিত্রতম রসমাধুর্য্য ও শ্রীশ্রীযুগল ভজন-নিষ্ঠা অতি সুন্দররূপে প্রকাশিত হইয়াছে। শ্লোক কয়টি পাঠ করিলে শ্রীল ঈশ্বরপুরী যে বেদবেদান্ত, সাংখ্য ও যোগশাস্ত্রেও অভিজ্ঞতা লাভ করিয়াছিলেন, সে সম্বন্ধে আর সন্দেহ থাকে না। প্রথম শ্লোকটি এই :—

যোগশ্রুত্যুপপত্তি-নির্জ্ঞান-বন-ধ্যানাদ্ব্যংসভাবিতাঃ  
স্বরাজ্যং প্রতিপত্ত্ব নির্ভরমমী মুক্তা ভবন্ত দ্বিজাঃ ।  
অশ্রাকঙ্ক কদম্ব-কুঞ্জ-কুহর-প্রোক্ষীসদিন্দীবর-  
শ্রেণী-শ্যামলধাম নাম যুযতাং জন্মান্ত লক্ষাবধি ।

অর্থাৎ “যে সকল দ্বিজ অষ্টাঙ্গযোগ, বেদ ও বেদান্ত আলোচনা, নির্জ্ঞানবনে ধ্যান অথবা তীর্থপর্যটনাদিতে সম্যকরূপে নিশ্চিন্ত হইয়া স্বরাজ্য লাভ করিয়া অর্থাৎ ব্রহ্মসাক্ষাৎকার করিয়া যদি নির্ভয়ে মুক্ত হইতে পারেন, তবে হউন, তাহাতে আমাদের আপত্তি নাই; কিন্তু আমরা কদম্বকুঞ্জসমীপে প্রকৃতরূপে প্রক্ষুটিত ইন্দীবর-শ্রেণীতুল্য শ্যামসুন্দরের নামের দেবক—ঐরূপ অবস্থায় আমাদের যদি অসংখ্য জন্মও হয়, হউক, তাহাতে আমাদের আপত্তি নাই।” এই নিষ্ঠা বিজ্ঞাপতির একটি আত্মনিবেদনের পদে, রাজা কুলশেখরের মুকুন্দ-মালার একটি শ্লোকে ও শ্রীভাগবতে প্রহ্লাদের উক্তিতে ব্যক্ত হইয়াছে; কিন্তু তাহাতে বেদান্ত-যোগাদির অপেক্ষাও যে ভক্তি আদরণীয়া, এই ভাবটি ব্যক্ত হয় নাই। এই ভাবটি শ্রীল ঈশ্বর-পুরীর আর একটি শ্লোকেও প্রকাশিত হইয়াছে—

ধজ্ঞানাং হৃদি ভাসতাং গিরিবরপ্রত্যগ্রকুর্জোকসাং  
সত্যানন্দরসং বিকারবিভবব্যাবর্ত্তমস্তমহঃ ।  
অশ্রাকঙ্ক কিল বল্লরীরতিরসো বৃন্দাটবীলালসো  
গোপঃ কোহপি মহেজ্ঞনীলকচিরশ্চিত্তে মুহঃ ক্রীড়তু ॥



অর্থাৎ শ্রীশৈলানির বিক্রম কুঞ্জও বাহারা ধানপারায়ণ হইয়া নিরুজনে বাস করিতেছে, সেই সৌভাগ্যবান পুরুষগণের হৃদয়ে বিকার-বিতবরহিত অন্তরের মহত্বস্বরূপে নিত্য সুখরূপে ব্রহ্মানন্দ হউক, কিন্তু আমরা তাহা চাহি না, শ্রীবৃন্দাবনবিলাসী গোপীগণের একমাত্র প্রেমাম্পন ইন্দ্রনীলকান্তিশালী কোনও গোপ নিরন্তর ক্রীড়া করিতে থাকুন।

শ্রীমদীশ্বরপুরীর আর একটি শ্লোক এই—

নতান্ বায়ুবিঘ্নিতে স্ববিটপৈর্গায়ত্রীনাং কঠৈ-  
মুক্তরশ্ময়বিন্দুভিরলং যোমাকবানকুঠৈঃ।  
মাকন্দোচপি মুকুন্দ মূর্ছতি তব স্বত্যামুবৃন্দাবনে  
ক্রহি প্রাণসমান চেতসি কথং নামাপি নায়াতি তে।

অর্থাৎ হে মুকুন্দ! এই শ্রীবৃন্দাবনে কে না তোমাকে ভালবাসে? তোমাকে স্মরণ করিয়া বায়ুবিঘ্নিত নিজ শাখার দ্বারা নাচিতে নাচিতে, ভ্রমবগুণরূপ সুকরণ ধনির দ্বারা তোমার গুণ গাহিতে গাহিতে, মকয়ন্দবিন্দুরূপ অশ্রু মোচন করিতে করিতে এবং অক্ষর উদগমের ছলে যোমাকিত হইতে হইতে প্রেম-মূর্ছা প্রাপ্ত হইতেছে, কিন্তু হে আমার প্রাণসমান প্রিয়তম! বল দেখি, আমার চিতে তোমার নামটো কেন উদিত হইতেছে না?

শ্রীমদীশ্বরপুরী মাধবেন্দ্রপুরী গোস্বামীর নিকট সন্ন্যাস দীক্ষা গ্রহণ করিয়া ভারতবর্ষের সমস্ত তীর্থ ভ্রমণ করেন। মাধবেন্দ্রের তিরো-  
ভাবে কিছু পূর্বে তিনি বেঙ্গল আগমন করিয়া গুরুদেবের সেবার নিযুক্ত হন। তিনি পরম প্রেমিক শ্রীমাধবেন্দ্রের হৃদয়ের ভাবের অনুসরণ করিয়া সর্বদা অনুকূল সেবার দ্বারা গুরুদেবকে এমন পরিতুষ্ট করিয়াছিলেন যে, মাধবেন্দ্র এই মর্শী শিষ্যকে তাঁহার অনুপম প্রেম-সম্পদের উত্তরাধিকারী করিয়া স্বাভীষ্ট ধামে গমন করেন। যথা—শ্রীচৈতন্যভাগবতে :—

বস্ত প্রেম মাধবেন্দ্রপুরীর শরীরে।

সস্তোমে দিলেন সব ঈশ্বরপুরীরে।

পাইয়া গুরুর প্রেম কৃষ্ণের প্রসাদে।

ভ্রমেন ঈশ্বরপুরী—অতি নির্ঝরোধে। অদি। ৯ম অধ্যায়

শ্রীচৈতন্যদেব যখন অধ্যাপক সাজিয়া নবদ্বীপে বিভাবিলাসে মত্ত ছিলেন, তখন শ্রীমদীশ্বরপুরী—শ্রীনবদ্বীপে আগমন করিয়া শ্রীঅষ্টমৈত্রের সহিত সাক্ষাৎ করেন এবং গদাধর-শ্রীবাসাদি ভক্ত সহ কয়েক মাস নবদ্বীপে অবস্থান করেন। তিনি ঐ সময়ে শ্রীগোপীনাথ আচার্যের গৃহে অবস্থান করিয়াছিলেন। ঐ সময়ে তিনি গদাধর পণ্ডিতকে তাঁহার স্বকৃত গ্রন্থ 'শ্রীকৃষ্ণলীলামৃত' অধ্যয়ন করান। একদা নবদ্বীপের পণ্ডিতশ্রেষ্ঠ শ্রীচৈতন্যদেবের সহিত পথিমধ্যে তাঁহার সাক্ষাৎ হয়। শ্রীচৈতন্যদেবের অপূর্ণ রূপ দেখিয়া স্বভাবতঃই শ্রীচৈতন্যদেবের প্রতি তাঁহার স্নেহসংকার হইয়াছিল। শ্রীচৈতন্যদেবের অলৌকিক ভগবত্তা-সুলভ শক্তির ভক্ত ভক্তমাত্রই তাঁহার প্রতি আকৃষ্ট হইতেন। শ্রীমদীশ্বরপুরী ভক্তপ্রধান এবং ভগবানকে তাঁহার প্রাণ অপেক্ষা প্রিয়তম জানিয়া উপাসনা করিতেন। সুতরাং শ্রীচৈতন্যদেবে ভগবত্তার তখন আচ্ছাদিত থাকিলেও—চূড়কে যেরূপ লৌহকে আকর্ষণ করে, তিনি সেইরূপভাবেই পুরী গোস্বামীকে আকর্ষণ করিয়াছিলেন। তিনি ঈশ্বরপুরীকে পরম সমাদরে নিজ গৃহে লইয়া গিয়া নারায়ণের

প্রসাদের দ্বারা পরিতোষ সহকারে তাঁহাকে ভিক্তা প্রদান করিলেন। ঐ সময়ে শ্রীচৈতন্যদেবকে তাঁহার স্বকৃত গ্রন্থ শ্রীকৃষ্ণলীলামৃত অধ্যয়ন করিতে দিয়া, উহাতে কোন দোষ থাকিলে তাহা দেখাইয়া দিতে বলেন। পাণ্ডিত্যাভিমानी ব্যক্তির নিকট মহাপ্রভু উদ্ভূতের চূড়ামণি ছিলেন; কিন্তু অকপট ভক্তপ্রবর ঈশ্বরপুরীকে তিনি যথোচিত শ্রদ্ধা সহকারে বলিলেন—

—ভক্তবাক্য কৃষ্ণের বর্ণন।

ইহাতে যে দোষ দেখে সেই পাণ্ডিত্যন।

ভক্তের কবিত্ব যে তে মতে কেনে নয়।

সর্বথা কৃষ্ণের প্রীত তাহাতে নিশ্চয়।

মূর্খ বোলে 'বিফার', 'বিফবে' বোলে ধীর।

তুই বাক্য পরিগ্রহ করে কৃষ্ণবীর।

উহাতে যে দোষ দেখে তাহার সে দোষ।

ভক্তের বর্ণন মাত্র কৃষ্ণের সন্তোষ।

অতএব তোমার সে প্রেমের বর্ণন।

ইহাতে দৃষিবে কোন্ সাহসিক জন?

তুমিই ঈশ্বরপুরী প্রভুর উত্তর।

অমৃত সিক্ত হইল সর্ব-কলেবর।

পুনঃ হাসি বোলেন—“তোমার দোষ নাঞি।

অবশ্য বলিবা দোষ থাকে যেই ঠাঞি।” অদি। ৯ম অধ্যায়

শ্রীল ঈশ্বরপুরী এইরূপ নির্ঝক্কাতিশয় প্রকাশ করিলে শ্রীচৈতন্য-  
দেব এক দিন পুরীগোস্বামীর গ্রন্থে একটি ব্যাকরণের ভুল  
প্রদর্শন করেন। তিনি একটি পদ দেখাইয়া দিয়া বলেন যে, “এই  
ধাতুটি পরম্পদী, সুতরাং উহাকে আত্মনেপদী করা ভুল হইয়াছে।”  
কিন্তু চৈতন্যদেব চলিয়া গেলে ঈশ্বরপুরী ঐ ধাতুটি লইয়া বিচার  
করিয়া উহার যে আত্মনেপদেও প্রয়োগ হয়, তাহা স্থির করেন।  
কয়েক দিন পরে অধ্যাপক নিমাই পণ্ডিতের সহিত সাক্ষাৎ হইলে  
তিনি তাঁহাকে উহা জ্ঞাপন করেন। মহাপ্রভু এইরূপে আত্মবিস্মৃত  
ভক্তের মধ্যেও পাণ্ডিত্যের উৎকর্ষ দেখিতে পাইয়া পরম সন্তোষ  
লাভ করেন। এই সময় শ্রীমদীশ্বরপুরী প্রায়ই শ্রীচৈতন্যদেবের  
সহিত শাস্ত্রলোচনা করিতেন। কয়েক মাস নবদ্বীপে অবস্থান  
করিয়া ভক্তিরসবিহ্বল ঈশ্বরপুরী নবদ্বীপ ত্যাগ করিয়া তীর্থ-  
পর্যটনে বহির্গত হন।

ইহার কয়েক বৎসর পরে শ্রীচৈতন্যদেব পিতৃকার্য সম্পাদনের  
জন্ত গয়াধামে গমন করেন। শ্রীল ঈশ্বরপুরীও ঐ সময়ে বহু  
তীর্থ পর্যটন করিয়া গয়াধামে সমাগত হন। শ্রীচৈতন্যদেব গয়াধামে  
উপস্থিত হইয়া শ্রীল গদাধরের পাদপদ্মচিহ্ন দর্শন করিয়া ভক্তিরসে  
বিহ্বল হইয়া পড়েন। প্রেমাবেশে যখন তিনি শ্রীবিষ্ণুপাদমন্দিরে  
অধীর হইয়া পড়েন, সেই সময়ে তখন তিনি শ্রীমদীশ্বরপুরীকে  
দেখিতে পাইলেন; পুরীগোস্বামীকে দেখিয়া মহাপ্রভু তখনই  
তাঁহাকে প্রণাম করিলেন এবং পুরীও তখন তাঁহাকে দৃঢ়রূপে  
আলিঙ্গন করিলেন। শ্রীচৈতন্যদেব ও ঈশ্বরপুরী উভয়েই তখন  
প্রেমাক্ষরার উত্তরের শরীর সিক্ত করিলেন। প্রভুর হৃদয়ে  
তখন যে প্রেমের প্রবাহ বহিতেছে, তাহা প্রবাহিত হইবার জন্ত  
আর একটি পথ মিলিল। প্রভু তখন এই ভক্তপ্রবরের শরীর লইয়া  
তাঁহাকে কৃপা করিতে অস্বীকার করিলেন। পুরীগোস্বামীও তখন

প্রভুর প্রতি পুত্রাধিক স্নেহ প্রদর্শন করিয়া তাঁহাকে স্নেহ হইয়া  
তীর্থ-কর্তব্য সমাপ্ত করিবার আজ্ঞা করিলেন। প্রভু বধাবিধি  
পিণ্ডদান পুরঃসর অপরাহ্নকালে বাসস্থানে আগমন করিয়া রন্ধনে  
প্রবৃত্ত হইলেন। যখন তাঁহার রন্ধন শেষ হইয়াছে, তখন ঈশ্বরপুত্রী  
তথায় আসিয়া উপস্থিত হইলেন। তিনি কৃষ্ণপ্রেমে বিহ্বল  
অবস্থায় মহাপ্রভুর নিকট উপস্থিত হইলে মহাপ্রভু পিতৃকৃত্যের  
পরে এইরূপ অমুগম ভক্ত অতিথি লাভ করিয়া স্বহস্তে পক  
অন্নাদির দ্বারা পরম সমাদরে তাঁহাকে ভোজন কবাইয়া নিজেও  
পুনরায় অন্নাদি প্রস্তুত করিয়া ভোজন করিলেন এবং পুষ্পচন্দনাদির  
দ্বারা সর্বলোকনমস্তু এই মহাভক্তের পূজা করিলেন। অল্প এক  
দিন তিনি শ্রীমদীশ্বরপুত্রীর নিকট মন্ত্রদীক্ষা গ্রহণ করিবার  
অভিপ্রায় জানাইলেন। শ্রীমদীশ্বরপুত্রী বলিলেন—

“—মন্ত্র বা বলিয়া কোন কথা।  
প্রাণ আমি দিতে পারি তোমারে সর্বথা।”  
তবে তান স্থানে শিক্ষাগুরু নারায়ণ।  
করিলেন দশাক্ষর মন্ত্রের গ্রহণ।

শ্রীচৈতন্যভাগবত আদি। ১৫শ

এই দশাক্ষর মন্ত্রে শ্রীকৃষ্ণদেবের শুদ্ধ মাধুর্যানিষ্ঠ ভক্তনের  
উপদেশ প্রদত্ত হইয়াছে। এই প্রেমগর্ভ উপাসনা আত্মজ্ঞাননিষ্ঠ  
সন্ন্যাসী সম্প্রদায়ের মধ্যে কি করিয়া আসিল, তাগাই বিশ্বের বিষয়।  
কিন্তু শ্রীচৈতন্যদেব স্বয়ং ভগবান্। তিনি ভক্তি ও প্রেমরসের  
পরাকাষ্ঠা জগদ্বাসীকে জানাইয়া দত্ত করিবার জন্ম জগতে অবতীর্ণ  
হইয়াছেন। এই জন্ম নিগিল জগতের অনধিগম্য—এমন কি,  
শুদ্ধ ভক্তনিষ্ঠ ভারতবর্ষের চারি সম্প্রদায়ের বৈষ্ণব সাধনার নিকটও  
যাহা চিরদিন গোপনীয় ছিল—যাহা শ্রীভগবানের রত্ন-মঞ্জার  
মধ্যে অতি সযত্নে লুক্কিত ছিল—সেই অজ্ঞাতপূর্ব অতি মধুর  
প্রাণারাম পঞ্চম পুরুষার্থরূপ প্রেমরসের মন্ডাকিনী-প্রবাহ তিনি  
মাধবেন্দ্র পুরীর মধ্যে সঞ্চারিত করিয়াছিলেন। মাধুর্যানন্দীর  
এই অমৃতস্রোত মহামৃতসিন্ধু শ্রীচৈতন্যদেবে আসিয়া মিলিত হই-  
লেন। পরব্রহ্মের পরম রহস্যময় শ্রীকৃষ্ণদেবলীলা এত দিনে অনাবৃত  
হইয়া জগতের মহাসৌভাগ্যের উৎকর্ষসাধন করিয়া প্রকাশিত  
হইবার উপক্রম হইল।

শ্রীচৈতন্যদেব দীক্ষা গ্রহণ করিয়া গয়াধাম হইতে প্রত্যাগমন  
করিবার পর শ্রীমদীশ্বরপুত্রী যে কোথায় গমন করিয়াছিলেন, তাহার  
বৃত্তান্ত জানা যায় না। তবে তিনি যখন অনিকেত প্রেমিক  
সন্ন্যাসী, তখন শ্রীভগবানের লীলাঙ্গলগুলির প্রতি তাঁহার আকর্ষণ  
স্বাভাবিক। সম্ভবতঃ তিনি এই সকল স্থানে ভ্রমণ ও অবস্থান  
করিয়া তাঁহার প্রেমবিহ্বল জীবনের শেষ যুহুর্ভগুলি যাপন  
করিয়াছিলেন। ইহার শেষ জীবনে শ্রীমান্ কাশীশ্বর ও শ্রীমান্  
গোবিন্দ নামক দুই জন মর্শী সেবক ইহার সেবার নিবৃত্ত ছিলেন।  
শ্রীচৈতন্যদেব যখন দক্ষিণাত্যের তীর্থভ্রমণ শেষ করিয়া পুরীধামে  
প্রত্যাগমন করেন, তখন শ্রীমদীশ্বরপুত্রীর সেবানিবৃত্ত মর্শী ভক্ত  
শ্রীগোবিন্দ তাঁহার গুরুদেবের শেষ আদেশ গ্রহণ করিয়া শ্রীমদীশ্বর-  
পুত্রী গোবিন্দীর তিরোভাবের অন্তে শ্রীচৈতন্যদেবের সমীপে  
আগমন করেন। ইহার সম্বন্ধে কবিকুলশ্রেষ্ঠ শ্রীমৎ কবিকর্ণপুর  
বলিতেছেন—

“ঈশ্বরপুত্রীনিবেষণরতঃ স্বতঃ কৃষ্ণভক্তঃ।  
অসমেতি বিশদহৃদয়ো বিরক্তিমান্ সকলবিষয়েষু।”

অর্থাৎ শ্রীমদীশ্বরপুত্রীর সর্বপ্রকার সেবারত স্বভাবতঃ কৃষ্ণভক্ত  
উদারহৃদয় সকলবিষয়ে বিরক্ত শ্রীমদ্ গোবিন্দ আগমন করিতেছেন।  
গোবিন্দ আসিয়া যখন বলিলেন যে, শ্রীমদীশ্বরপুত্রী তিরোভাব-  
কালে তাঁহাকে শ্রীকৃষ্ণচৈতন্যদেবের নিকট প্রেরণ করিবার সময়  
বলিয়া গিয়াছেন যে, “হে গোবিন্দ! আমি তাঁহাকে গৃহীর বেশেই  
দর্শন করিয়া পরমানন্দে বিভোর হইয়াছিলাম, আমি তাঁহার অল্প  
বেশ অর্থাৎ সন্ন্যাসবেশ দর্শন করি নাই; কিন্তু তুমি সৌভাগ্যবান,  
যেহেতু তুমি সে বেশও দেখিতে পাইবে; অতএব তুমি তাঁহার  
নিকট গমন কর।”

শ্রীমদীশ্বরপুত্রী মহাপ্রভুর সন্ন্যাস গ্রহণের অব্যবহিত পবেই  
লৌকিক লীলা সম্বরণ করিয়াছিলেন এবং তৎকালে তাঁহার প্রিয়  
সোক শ্রীমৎ কাশীশ্বর ও গোবিন্দকে শ্রীচৈতন্যদেবের সেবার নিবৃত্ত  
হইবার আদেশ করিয়া যান। শ্রীমৎ চৈতন্যদেবও গুরুর অমুচয়ের  
দ্বারা নিজ পরিচর্যা কথান সমস্ত নহে—ইহা বুঝিলেও গুরুর  
সাক্ষাৎ আজ্ঞা সর্বাঙ্গপেক্ষা বলবতী, ইহা মনে করিয়া শ্রীগোবিন্দকে  
ও কাশীশ্বরকে নিজ সেবার রত রাখিয়াছিলেন। ইহার পরম  
মর্শী ভক্তের দ্বারা শ্রীচৈতন্যদেবের সেবা করিয়া দত্ত হইয়াছিলেন।

### শ্রীচৈতন্যদেব ও তাঁহার প্রধান পার্শ্বদগণ

শ্রীচৈতন্যদেব ১৪০৭ শকাব্দের (১৪৮৬ খৃষ্টাব্দে) ফাল্গুনী  
পূর্ণিমা তিথিতে শ্রীজগন্নাথ মিশ্রের পুত্ররূপে শ্রীশ্রীনবদ্বীপধামে  
আবির্ভূত হন। তাঁহার পিতা জগন্নাথ মিশ্র শ্রীহট্টে বৈদিক  
বংশে জন্মগ্রহণ করিয়া শৈশব হইতেই বিচারচর্চার ও ব্রাহ্মণ-সমাজের  
সর্বশ্রেষ্ঠ প্রতিষ্ঠান নদীয়া নগরে আসিয়া বাস করেন। বর্তমান  
নবদ্বীপের উত্তরভাগে তৎকালিক নবদ্বীপের প্রধান পল্লীগুলি  
গঙ্গাতীরে অবস্থিত ছিল। ইহার ব্রাহ্মণপল্লীতে শ্রীল জগন্নাথ মিশ্র  
বাস করিতেন। নানাবিধ শাস্ত্রে পাণ্ডিত্য লাভ করিয়া তিনি  
“পুরন্দর” উপাধি প্রাপ্ত হন এবং বেলপুকুরের নীলাধর চক্রবর্তীর  
কন্যা সর্বসম্মত-সম্পন্ন শচীদেবীকে বিবাহ করিয়া নবদ্বীপে বাস  
করিতে থাকেন। কালক্রমে শচীদেবীর গর্ভে তাঁহার পর পর  
আটটি কন্যা জন্মগ্রহণ করিয়া পরলোকগমন করে। পরবর্তী কালে  
বিশ্বরূপ নামে তাঁহার এক পরমসুন্দর পুত্র জন্মগ্রহণ করে।

শ্রীচৈতন্যদেবের আবির্ভাবের প্রায় দশ বৎসর পূর্বে—সম্ভবতঃ  
১৩৯৭ শকাব্দে (১৪৭৫ খৃঃ অব্দে) বিশ্বরূপের জন্ম হয়।  
বিশ্বরূপের জন্মের বহুবৎসর পূর্বে শ্রীহট্ট দেশে ভক্তপ্রবর  
শ্রীল অষ্টৈতাচার্যের আবির্ভাব হয়। শ্রীহট্ট শব্দের অর্থ শ্রীর বা  
শ্রীনারায়ণের মুখ্য শক্তি লক্ষ্মীর হট্ট বা আবাসস্থল। সম্ভবতঃ  
শ্রীচৈতন্যদেবের অসংখ্য শক্তিশালী মুখ্য পার্শ্বদের আবির্ভাবে শ্রীহট্টের  
এই নাম সার্থক হইয়াছিল। শ্রীল অষ্টৈতা আচার্য্য, শ্রীবাস  
পণ্ডিত ও তাঁহার ভ্রাতৃগণ, শ্রীল মুরারি গুপ্ত, শ্রীকৃষ্ণমঙ্গলের গ্রন্থকার  
কবিবল্লভ মাধবাচার্য্য, আচার্য্যরত্ন শ্রীল চন্দ্রশেখর প্রমুখ বহু  
বিখ্যাত শ্রীচৈতন্যপন্থিক শ্রীহট্টে জন্মগ্রহণ করিয়া শ্রীহট্টকে ধর  
করিয়া গিয়াছেন। এই ভক্তগণের মধ্যে শ্রীল অষ্টৈতা আচার্য্যদেব  
প্রায় সকলেরই গুরুতুল্য।

## অঈত আচার্য্য

অঈত আচার্য্য আহুমানিক ১৩৫৫ শকাব্দে খ্রীষ্ট জেলার লাউড় পরগণার অন্তর্ভুক্ত নবগ্রামে ভরখাজগোত্রীয় বারেন্দ্র ব্রাহ্মণ কুন্ডের আচার্য্যের ঔরসে ও নাতা দেবীর গর্ভে জন্মগ্রহণ করেন। গুরুপুত্রের মাঝে সপ্তমী অঈত আচার্য্যের জন্মতিথি। এইরূপ শুনা যায় \* যে, কুন্ডের পণ্ডিতের পর পর ছয়টি পুত্র জন্মগ্রহণ করিয়া তীর্থদর্শনচ্ছলে গৃহস্থাত্ম্য ত্যাগ করিলে, কুন্ডের পণ্ডিতের বৃদ্ধবয়সে অঈত আচার্য্য জন্মগ্রহণ করেন। অঈত আচার্য্য বাল্যকালে কমলাকান্ত বা কমলাক্ষ নামে অভিহিত হইতেন। বাল্যকাল হইতেই তাঁহার বিজ্ঞানশিক্ষার প্রতি বিশেষ অনুরাগ ছিল; এবং অধ্যয়নের সুবিধার জন্তই তিনি বাল্যকাল হইতে শাস্ত্রিপুত্রের আগমন করেন এবং স্বাভাবিক প্রতিভার বলে অল্পবয়সেই তিনি সর্বশাস্ত্রে পারদর্শী হন। অস্ত্রশাস্ত্র অপেক্ষা ভক্তিশাস্ত্রের প্রতিই তাঁহার প্রবল অনুরাগ ছিল। ভক্তিশাস্ত্রপাঠ শেষ করিয়া ত্রিংশৎ মাধবেন্দ্রপুত্রীর নিকট দীক্ষালাভ করিয়া তিনি শ্রীকৃষ্ণপ্রেমে বিহ্বল হন। বঙ্গদেশে ঐ সময় অস্ত্রকামনাহীন বিদ্বৎ ভগবন্তের অভাবদর্শন করিয়া তিনি ব্যথিত হন; এবং শাস্ত্রালোচনার দ্বারা কলিযুগেও যুগাবতাররূপে শ্রীভগদাভির্ভাব কামনা করিয়া গঙ্গাভ্রমণ ও তুলসীদলের দ্বারা জীবের হৃৎকম্প করিবার জন্ত ঐকান্তিক ব্যাকুলতা সহকারে শ্রীকৃষ্ণপূজার রত হন। তীর্থভ্রমণ শেষ করিয়া আচার্য্যদেব সপ্তগ্রামের সন্নিকটবর্তী নারায়ণপুরের নৃসিংহ ভাঙ্গড়ীর সীতা নাম্নী জ্যেষ্ঠা কন্যা ও শ্রীনাগী কনিষ্ঠা কন্যা—এই দুই কন্যাকেই একসঙ্গে বিবাহ করেন। শুনা যায়, এই বিবাহে সপ্তগ্রামের জমিদার হিরণ্য ও গোবর্দ্ধন মজুমদার এই দুই ভাই বহু অর্থব্যয় করেন। আচার্য্যদেব বিবাহের পূর্বেই নবদ্বীপে একটি চতুর্পাঠী স্থাপন করেন, বিবাহের পরে তিনি শাস্ত্রিপুত্রেরও একটি চতুর্পাঠী স্থাপন করিয়া এই স্থানে বাস করিতে আরম্ভ করেন। এইরূপে আচার্য্য দুই স্থানেই চতুর্পাঠী স্থাপন করিয়া কখনও নবদ্বীপে, আবার কখনও শাস্ত্রিপুত্রের অবস্থান করিতে থাকেন। নবদ্বীপবাসী শ্রীবাসাদি ভক্তগণ এবং খ্রীষ্টচৈতন্যদেবের অগ্রজ বিশ্বরূপ ঐ সময়ে অঈত আচার্য্যকে পাইয়া তাঁহার নিকট ভক্তিশাস্ত্রের ব্যাখ্যা এবং শ্রীকৃষ্ণের লীলাকথা শ্রবণ করিয়া পরম তৃপ্তি লাভ করিতেন। ঐ সময়ে হরিদাস ঠাকুর নামক এক জন মহাত্মক অঈতের নিকট আগমন করেন। অঈত আচার্য্যও এই ভক্তপ্রবরকে প্রাপ্ত হইয়া তৎসঙ্গে শ্রীকৃষ্ণভজন ও শ্রীকৃষ্ণ-সংকীর্তনে আনন্দের পরাকাষ্ঠা লাভ করেন।

## হরিদাস ঠাকুর

বর্তমান খুলনা জেলার সাতক্ষীরা মহকুমার অন্তর্গত তাতকালিক বৃচন পরগণার সোণাই বা বর্ণনদীর তীরস্থিত ভাটকলা গাছি বা কেলোগাছি গ্রামে আহুমানিক শকাব্দা চতুর্দশ শতাব্দীর শেষভাগে (সম্ভবতঃ ১৩৭২ শকে) শ্রীল হরিদাস ঠাকুর জন্মগ্রহণ

করেন। খ্রীষ্টচৈতন্যভাগবতকারের মতে তিনি মুসলমান-বংশে প্রোচ্ছৃত হন। কিন্তু অস্ত্র মতে তিনি ব্রাহ্মণগৃহে প্রোচ্ছৃত হইলেও অতি শৈশবে পিতৃমাতৃহীন হওয়ার মলয়া কাজিনামক এক জন মুসলমান তাঁহাকে লালনপালন করেন। \* অস্ত্র কোনও মতে তাঁহার মাতার নাম উজ্জলা ও পিতার নাম মনোহর। † এই মতে মনোহর চক্রবর্তীর পরলোকান্তে হরিদাসের মাতা উজ্জলাদেবী স্বামীর চিত্তবোধে সহমৃত্যু হইলে নিকটবর্তী গ্রামের সন্তানহীন হরিদাস নামক এক জন পিরালী মুসলমান হরিদাসকে একপ্রকার বলপূর্বক লালনপালন করিতে আরম্ভ করে। বাহা হউক, জন্মদোষেই হউক বা অন্তদোষেই হউক, হরিদাস ঠাকুরের যখনও প্রাপ্তি নথকে মওভেদ নাই। প্রামাণিক বৈষ্ণব গ্রন্থে তিনি ব্রহ্ম হরিদাস বা যখন হরিদাস নামে বিখ্যাত। শৈশব হইতেই ইনি কোনও অলৌকিক কারণে শ্রীকৃষ্ণের প্রতি ভক্তিমান ছিলেন এবং শ্রীভগবদ্ভ্যামকেই শ্রীভগবদ্ভজনে কখনও উচ্চৈঃস্বরে কখনও বা মূচ্ছুরে ঐকান্তিক আগ্রহ ও নিষ্ঠা সহকারে প্রতিদিন তিন লক্ষ জপ ও কীর্তন করিতেন। এই মহাপুরুষের জীবনবৃত্তান্ত সত্যই অলৌকিক। ইনি মুসলমান হইয়া শ্রীহরিনামে এই প্রকার দৃঢ়-বিশ্বাসী ও ভক্তিমান দেখিয়া মুসলমান কাজী ও মোল্লাগণের ইহার প্রতি প্রবল বিদ্বেষের সঞ্চার হয়।

ঐ সময়ে তাঁহার পালক পিতা তাঁহার বিবাহের উচ্চোগ করিতে থাকিলে হরিদাস গৃহ ছাড়িয়া পলায়ন করেন এবং বশোহর জেলার বেণাপোল নামক স্থানে আসিয়া তথায় লোকালয় ত্যাগ করিয়া প্রান্তরের মধ্যে একখানি কুটির নির্মাণ করিয়া সমস্ত দিবাত্রি ধরিয়া তিন লক্ষ অথবা মাসে এক কোটি নাম কীর্তন করিতে থাকেন। বেণাপোলের আবালবৃদ্ধ সকলেই হরিদাস ঠাকুরের জ্ঞান সাধুকে এইভাবে ভজন করিতে দেখিয়া তাঁহার প্রতি অমুরক্ত হইয়া পড়িল, কিন্তু জগতে যেমন মহাপুরুষেরও অভাব নাই, সেইরূপ বিনা কারণে সাধুদেবী পাপান্তারও অভাব নাই। বেণাপোলের নিকটবর্তী ভূম্যধিকারী রামচন্দ্র খাঁ হরিদাসের এই নিষ্কিন ভাবকে 'ভণ্ডামি' মনে করিয়া তাঁহার সাধুত্ব নষ্ট করিবার জন্ত কৃতসংকল্প হইল এবং নিজের রক্ষিতা পরমা সুন্দরী এক যুবতী বেণাকে তাঁহার নিকট প্রেরণ করিল; হরিদাসের নিকট উপস্থিত হইয়া বেণা হাবভাব প্রকাশ-পূর্বক স্বীয় অভিলাষ ব্যক্ত করিলে, হরিদাস প্রথম রাত্রিতে বেণাকে বলিলেন, "আমি সংখ্যানামকীর্তনে প্রতিজ্ঞাবদ্ধ আছি, যতক্ষণ পর্যন্ত আমার নাম-জপ সমাপ্ত না হয়, তুমি ততক্ষণ পর্যন্ত অপেক্ষা কর, জপ শেষ হইলেই আমি তোমার অভিলাষ পূর্ণ করিব।" কিন্তু সমস্ত রাত্রির মধ্যে সংখ্যানাম শেষ হইল না। পরদিনও বেণা ঐরূপে রাত্রির প্রারম্ভে সুসজ্জিত হইয়া হরিদাসের সর্বনাশসাধনের জন্ত তাঁহার আশ্রমে উপনীত হইল। হরিদাসও বেণাকে মধুর বচনে আশ্বস্ত করিয়া পূর্বরজনীর জ্ঞান তাহাকে নামকীর্তন না হওয়া পর্যন্ত অপেক্ষা করিবার জন্ত অনুরোধ করিলেন। বেণাও হরিদাসের

\* "শ্রেয়বিলাস", ২৩ বিলাস।

† "উজ্জলা মায়ের নাম, বাপ মনোহর।

বর্ণনদীর তীরে ভাটকলাগাছি গ্রাম।"

জগদানন্দের "চৈতন্য-মঙ্গল"।

\* "শ্রেয়বিলাস" গ্রন্থের বশোহরগাল তাগুকদায়ের প্রকাশিত সংস্করণের চতুর্ভিংশ বিলাসে এই উপাখ্যান দেখিতে পাওয়া যায়। কিন্তু ঐ গ্রন্থ সর্ববাবিসম্মত প্রামাণিক বৈষ্ণব গ্রন্থ নহে।



আশ্রমে বসিয়া সেই মহাপুরুষের নামকীর্তন শুনিতে লাগিল; নামের শক্তিতে তাহার চিত্তবৃত্তি কোমল হইতে কোমলতর হইল। আজন্মকৃত-পাপকার্যাবলীর স্বরণে তাহার হৃদয়ে নানাভাবের তরঙ্গ উঠিতে লাগিল। এ দিকে হরিদাসের সংখ্যা নামকীর্তনে রজনী প্রভাত হইল। হরিদাস ঐ বারান্নাথ নিকট ক্ষমা প্রার্থনা করিয়া রজনীতে আবার আসিতে বলিলেন। রাত্রিতে বেণী আবার আশ্রমে সমাগত হইল—আজ তাহার হৃদয়ের সমস্ত পাপ, তাপ, গ্লানি অনুতাপের বিগলিত অক্ষধারায় ধৌত হইয়া গিয়াছে। তাহার জ্ঞান পাণ্ডুরসী কি প্রকারে হরিদাস ঠাকুরকে পাপপথে টানিয়া লইতে চাহিয়াছিল, তাহা ভাবিয়া সে শিহরিয়া উঠিল,— সে হরিদাসের চরণপ্রান্তে পতিত হইয়া ক্ষমা প্রার্থনা করিল এবং কাঁদিতে কাঁদিতে নিজের উদ্ধারের জন্ত প্রার্থনা করিতে লাগিল। হরিদাস প্রশান্তমনে তাহাকে ক্ষমা করিয়া বলিলেন, “বে দিন তুমি প্রথম আসিয়াছিলে, সেই দিনই আমি এ স্থান ত্যাগ করিয়া যাইতাম, কিন্তু তোমার উদ্ধারের জন্ত আমি এই তিন দিন অপেক্ষা করিয়াছি। তুমি তোমার সমস্ত ঐর্ষ্যা ত্রাক্ষণ ও ভিখারীগণকে দান করিয়া এই আশ্রমে আসিয়া অবস্থান কর, এবং নিষ্ঠা সহকারে তুলসীর সেবা করিয়া প্রত্যহ তিন লক্ষ করিয়া হরিনাম জপ কর— এইরূপে তুমি শ্রীকৃষ্ণের কৃপা প্রাপ্ত হইবে।” এই বলিয়া হরিদাস আশ্রম ত্যাগ করিয়া প্রস্থান করিলেন, অনুতপ্তা বেণী গুরুর আদেশে সর্বস্ব ত্রাক্ষণদিগকে দান করিয়া শ্রীকৃষ্ণভজনে প্রবৃত্ত হইয়া অচিরে শান্তিলাভ করিল। হরিদাস বেণীপোল ত্যাগ করিয়া গেলেন। গোরাই কাজি নামক এক জন মুসলমান কাজী হরিদাস মুসলমান হইয়াও হিন্দু ধর্ম আচরণ করিতেছেন বলিয়া গোড়েশ্বর হুসেন শাহার দরবারে অভিযোগ করে। সেখানে কাজীগণ মুসলমানশাস্ত্র অনুসারে বিচার করিয়া হরিদাসের গোড়ের বাইশ বাজারে বেত্রাঘাতের দ্বারা জীবনাস্তের ব্যবস্থা প্রদান করেন। কিন্তু হরিদাসের কায়মনবাক্য—সর্বস্বই শ্রীকৃষ্ণে অর্পিত—তিনি শ্রীকৃষ্ণ স্বরণ করিয়া অনায়াসে এই বেত্রদণ্ড সহ করিলেন। পরন্তু বাহারা না বুঝিয়া অজ্ঞানভাবে এই পাপে রত হইয়াছে, ভগবানের নিকট তাহাদের জন্ত কাতর প্রাণে ক্ষমা ভিক্ষা করিতে লাগিলেন। শক্রর এইরূপ মঙ্গলকামনা রামানুজাচার্যের প্রিয় শিষ্য কুব্বেশও করিয়াছিলেন। বাহারা তাহার চক্ষু উৎপাটন করিয়া তাঁহাকে অন্ধ করিয়াছিল, বরদবাজের নিকট তিনি তাঁহাদের মুক্তি প্রার্থনা করিয়াছিলেন। শ্রীভগবানের বাঁহারা নিষ্কিন্দ ভক্ত, তাঁহারা জগতের সকল প্রাণীরই মঙ্গলপ্রার্থী। সুতরাং ভক্তোক্ত মহাত্মা হরিদাসের এই বাবহার তাঁহার পক্ষে সম্পূর্ণ স্বাভাবিক হইলেও জগতের বহিমুখ জীবের পক্ষে তাহা সত্যই বিশ্বয়াবহ। হরিদাসের এইরূপ অপূর্ব ধৈর্য, তিতিক্ষা ও জগতের সর্বপ্রাণীর মঙ্গলেচ্ছা দেখিয়া অত্যাচারী মুসলমানগণ তাঁহাকে অলৌকিক শক্তিসম্পন্ন মহাপুরুষ বলিয়া বৃত্তিতে পাবিল এবং বঙ্গাধিপ হুসেন শাহ তাঁহাকে স্বচ্ছন্দে সর্বত্র গমনের অনুমতি দান করিলেন। হরিদাস তথা হইতে চাঁদপুরে বলরাম আচার্যের গৃহে এবং পরে অর্ধশত আচার্যের সকাশে উপনীত হন। সমস্ত নদ যেমন মহাসমুদ্রে সন্মিলিত হয়, শ্রীচৈতন্যদেব অবতীর্ণ হইলেও অর্ধশত আচার্য, হরিদাস, নিত্যানন্দ প্রমুখ যাবতীয় ভক্ত আসিয়া তাঁহার সহিত মিলিত হইলেন।

### শ্রীমদ্ভগবদ্গীতা

হরিদাসের জীবন যেমন আদর্শ বৈরাগ্য ও ভক্তির বিকাশক্ষেত্র, শ্রীমদ্ভগবদ্গীতা প্রভুর জীবনে তেমনই অলৌকিক প্রেমের অপূর্ণ প্রকাশ। শাস্ত্রে যে ভাগবত পরমহংসের কথা দেখিতে পাওয়া যায়, শ্রীমদ্ভগবদ্গীতা তাহারই জীবন্ত আদর্শ। জীবনের সর্বভাবে তাঁহাদের শ্রীভগবানের লীলাই প্রকাশিত হইয়া থাকে—তাঁহাদের জীবনে তাঁহাদের ব্যক্তিগত কোনও কামনা-বাসনা নাই—তাঁহাদের আশ্রয় সম্পূর্ণভাবে ভগবৎসত্তায় সমর্পিত। শ্রীভগবানের সমস্ত কার্য ইহাদিগের দ্বারাই নির্বাহিত হইয়া থাকে। এইরূপে অবতারের প্রেমপ্রদানের যে কার্য—সে কার্য তিনি নিত্যানন্দ প্রভুর দ্বারাই সম্পন্ন করিলেন। এই জন্তই বিধিনিষেধের অতীত শ্রীমদ্ভগবদ্গীতার তত্ত্ব একান্ত দুঃস্বপ্ন। বাঁহারা ভক্তিভরে এই অলৌকিকচরিত্র মহাপুরুষের শরণাগত হইয়াছেন, তাঁহারা তাঁহার চরিত্র-মাহাত্ম্যে বিশ্বিত ও মুগ্ধ হইয়াছেন। এহেন অলৌকিক চরিত্র মহাপুরুষ বীরভূম জেলায় একচক্রা গ্রামে হাড়াই ওঝা বা মুকুন্দ পণ্ডিতের পুত্ররূপে আনুমানিক ১৩৯৫ শকাব্দায় ষষ্ঠী শুক্লা জ্যৈষ্ঠদশী তিথিতে আবির্ভূত হন। বাল্যকাল হইতেই নিত্যানন্দ শ্রীকৃষ্ণলীলার অনুকরণে নানা প্রকার খেলায় বিভোর হইয়া থাকিতেন। কৈশোরের শেষভাগে এক সন্ন্যাসী তাঁহাকে পিতামাতার নিকট হইতে ভিক্ষা করিয়া লইয়া নিজের সহিত তীর্থভ্রমণে বহির্গত করেন। এই ভক্ত সন্ন্যাসীর সহিত নানা তীর্থ ভ্রমণের পর প্রায় কুড়ি বৎসর পরে তিনি বৃন্দাবনাদি তীর্থ-দর্শন শেষ করিয়া নবদ্বীপের প্রেমময় মহাপুরুষের নিকট সমাগত হন। নবদ্বীপের প্রেম-মহাসমুদ্রে মিলিত হইয়া তিনি সেই সমুদ্রের তরঙ্গলীলা জগতে বিস্তার করাই তাঁহার জীবনের মহাত্বরূপে গ্রহণ করিয়াছিলেন। অবিচারিতচিত্তে তিনি এই প্রেমশ্রোতে আত্মসমর্পণ করিয়া সমস্ত বিধিনিষেধের অতীত হইয়া কখনও সন্ন্যাসী—কখনও ব্রহ্মচারী—কখনও অবধূত—কখনও গৃহীরূপে বর্ণাশ্রমধর্মের সমস্ত বাহ্যচারকে মাত্র সামাজিকভাবে অঙ্গীকার করিয়া অন্তরে ভগবৎপদে আত্মসমর্পণ করিয়া তাঁহার জীবনভ্রতের পরিসমাপ্তি করিয়া গিয়াছেন। সাক্ষাৎ ভগবদমু-ভূতির মস্ততায় তিনি চিরকাল উন্মত্ত—তাঁহার কার্যধারার মধ্যে সংকল্পের বিকল্পের অবকাশ নাই—যখনই ভাগবতী বৃত্তির যে প্রেরণা আসিতেছে, তখনই তাহার নিকট তিনি আত্মসমর্পণ করিয়া সেই প্রেরণাকেই তাঁহার জীবনক্ষেত্রে সার্থক ও সফল করিয়া তুলিতেছেন। ইহার মধ্যে এক দিকে যেমন বিচার-বিতর্কের সন্দেহের কোনও অবকাশ নাই, তেমনই অপর দিকে কৃত কর্মের জন্ত দুঃখের, অনুশোচনার বা অনুতাপের কোনও কারণ নাই। শ্রীচৈতন্যভাগবতে এই জন্ত শ্রীমদ্ভগবদ্গীতা ও ব্রহ্মলীলার শ্রীবল-রামকে একই তত্ত্ব বলিয়া নির্দেশ করা হইয়াছে। বস্তুতঃ দার্শনিক তত্ত্ববিচারে সর্ধর্ষণতত্ত্ব যেমন বাস্তবদেবেরই ব্যুৎপত্তি বিকাশের এবং লীলার ক্ষেত্রে শ্রীমদ্ভগবদ্গীতাও সেই প্রকার শ্রীগৌরাজসুন্দরে একান্ত তন্ময়তা বা আত্মসমর্পণের ফলে শ্রীগৌরাজলীলাই প্রকাশিত হইয়াছে। ঐকান্তিক আত্মদানমূলক সেবার দ্বারাই এই প্রকার ঘটনা থাকে, এই জন্তই ইহাকে অনন্তদেবের বা শেখের অবতার-রূপে অনেকে বিশ্বাস করিয়া থাকেন। যিনি সর্বভাবে



ভগবৎ-সেবায় আত্মাকে নিযুক্ত করিয়া নিজে নিঃশেষিত হইয়াছেন, তিনিই শেব। শ্রীরাখামুত্র সম্প্রদায়ের আদিগুরু শ্রীল বায়নাচার্য্য এই শেব সত্বকে তাঁহার স্মৃতিসিদ্ধ “স্তোত্রবর্ষে” বলিয়াছেন—

নিবাস-শয্যাসন-পাত্ৰকাণ্ডকো-  
পধান-বর্ষাতপবারণাদিভিঃ ।  
শরীরভেদৈদম্ভব শেবতাং গঠৈত-  
ধ্বখোচিতং শেব ইতীর্ষ্যতে জ্ঞৈনঃ ।

( স্তোত্রবর্ষ ৪০ শ্লোক )

অর্থাৎ—“আমি ভিন্ন আমার সেই প্রিয়তমকে কে আর সেবা করিতে পারে ?” এই জন্তই তিনি তাঁহার আবাসগৃহ, শয্যা, আসন, পাত্ৰকা, বস্ত্র, উপধান, ছত্রচামরাदिতে পরিণত হইয়া নিজের অলৌকিক শক্তির দ্বারা যখন বেরূপ প্রয়োজন সেইরূপে পৃথক পৃথক শরীরের দ্বারা ভগবানের সেবা করিয়া নিজেকে নিঃশেষিত করেন, এই জন্তই লোকে তাঁহাকে শেব নামে অভিহিত করিয়া থাকে।

এই ভাবেই ব্রজলীলার বলরামের শ্রীকৃষ্ণসেবা, এই ভাবেই রাধাবতীরে লক্ষ্মণের শ্রীরামচন্দ্রের সেবা এবং এই ভাবেই নিত্যানন্দের গৌরানন্দের সেবা। শ্রীগৌরানদের মনে যখনই যে ভাব উঠিয়াছে, শ্রীগৌরান্দে সমাহিতচিত্তে নিতাইয়ের চিত্তে তখনই সেই ভাবের ফুরণ হইয়াছে এবং তখনই সেই ভাবে উদ্ভূত হইয়া নিত্যানন্দ কার্য্য করিয়াছেন। এই জন্ত নিত্যানন্দের কোনও কোনও ভক্ত শ্রীগৌরানদের সহিত শ্রীনিত্যানন্দকে অভিন্ন বলিয়া মনে করিয়াছেন। এই জন্তই গোড়ীয় বৈষ্ণবরা শ্রীনিত্যানন্দ ও শ্রীঅষ্টৈতকে শ্রীগৌরানদেরই স্বীয় অঙ্গরূপে নির্দেশ করিয়া থাকেন। \* শ্রীনিত্যানন্দের কৃপাপ্রাপ্ত দার্শনিক-চূড়ামণি শ্রীল কৃষ্ণদাস কবিরাজ গোস্বামী বেরূপ স্মৃতিস্মরণ বিচার সহকারে নিত্যানন্দতত্ত্ব বিচার করিয়াছেন, তাহা শ্রীচৈতন্যচরিতামৃতের আদি খণ্ডে পঞ্চম অধ্যায়ে দ্রষ্টব্য। বস্তুতঃ অতিহৃৎকোর নিত্যানন্দতত্ত্ব বেরূপ ভাবে তিনি প্রকাশ করিয়াছেন, তাহা সত্যই অপূর্ব। ভক্তগণ তাহার আলোচনা করিলে নিত্যানন্দতত্ত্ব ও নিত্যানন্দমহিমা নিশ্চয়ই হৃদয়ঙ্গম করিতে সমর্থ হইবেন। এই নিত্যানন্দ ও অষ্টৈত আচার্য্যই শ্রীচৈতন্যদেবের মুখ্য সহায়। ইহাদের সহায়তাতেই তাঁহার লীলা পরিপূর্ণ হইয়াছে। প্রকৃতপক্ষে নিত্যানন্দ শ্রীচৈতন্যদেবের সহিত মিলিত হইলেই নবদ্বীপলীলার ভক্তি ও প্রেমদানের কার্য্য আরম্ভ হয়।

### শ্রীবাস পণ্ডিত

শ্রীহৃষ্টে জলধর পণ্ডিত নামক এক জন সদাচারী বৈদিক ব্রাহ্মণ বাস করিতেন। ঐ সময়ে গঙ্গাবাসের জন্ত অনেক ধর্ম্মশীল, সম্পন্ন ব্যক্তির নবদ্বীপেও বাড়ী থাকিত। পণ্ডিত জলধরের নবদ্বীপের বৈদিক পাড়ায়ও একটি আবাসগৃহ ছিল। জলধর পণ্ডিতের পাঁচ পুত্র ;—নলিন, শ্রীবাস, শ্রীরাঘ, শ্রীপতি ও শ্রীকান্ত বা শ্রীনিধি।

\* “অষ্টৈত আচার্য্য নিত্যানন্দ—হুই অঙ্গ।

হুই জন লক্ষ্য প্রভুর বস্ত্র কিছু রঙ্গ।”

চরিতামৃত। আদি। ৫৫।

জলধরের পরলোকাঙ্কিত তাঁহার জ্যেষ্ঠপুত্র নলিন পণ্ডিতের নারায়ণী নামী একটি কন্যা জন্মগ্রহণ করিবার কিছুদিন পরেই নলিন পণ্ডিত ও তাঁহার সহধর্ম্মিণী পরলোকে গমন করেন। শুনা যায়, পিতৃ-মাতৃবিয়োগকালে নারায়ণীর বয়স মাত্র এক বৎসর হইয়াছিল। নলিন পণ্ডিতের পরলোকগমনের পর শ্রীবাসপ্রমুখ তাঁহার চারি ভ্রাতা নবদ্বীপের বাটতে বাস করিতে আরম্ভ করেন। শ্রীবাসের পত্নী মালিনীদেবীই নারায়ণীকে লালন-পালন করেন। শ্রীবাস পণ্ডিত প্রথমবয়সে নিষ্ঠাবান্ ভগবন্তুক্ত ছিলেন না। কিন্তু কিছু কাল পরেই তিনি জানিতে পারেন যে, তাঁহার আত্ম-স্বপ্ন-যোগে জানিতে পারেন যে—ষড়্বিংশ বৎসর বয়সে কোনও এক নির্দিষ্ট দিনে তাঁহার মৃত্যু হইবে। এইরূপে মৃত্যু অবশ্যজ্ঞাতী জানিয়া তিনি শ্রীভগবন্মামজপে কালান্তিপাত করিতে থাকেন। ঐ সময়ে নবদ্বীপে দেবানন্দ পণ্ডিত নামক এক জন অধ্যাপক শ্রীভাগবত পাঠ ও ব্যাখ্যা করিতেন। তখনও নবদ্বীপে অষ্টৈত-চার্য্যের আগমন হয় নাই। তাৎকালিক দেশপ্রচলিত প্রথায়সারে দেবানন্দ পণ্ডিত পাণ্ডিত্যের বলেই ভাগবতের ব্যাখ্যা করিতেন—ভাগবত যে ভগবানের ও ভক্তের মহিমাব্যঞ্জক ভক্তিঃসম্প্রদান গ্রন্থ এবং শ্রীভগবন্তুক্তিই যে ভাগবতের প্রতিপাদ্য, তাহা দেবানন্দ জানিতেন না। তথাপি মৃত্যু অবধারিত জানিয়া শ্রীবাস পণ্ডিত দেবানন্দসকাশে ভাগবতের ব্যাখ্যা শুনিবার জন্ত মৃত্যুর নির্দিষ্ট দিনে উপস্থিত হইলেন। দেবানন্দের ভাগবতের ব্যাখ্যা শুনিয়া শ্রীবাস প্রেমভরে মুচ্ছিত হন, দেবানন্দ ও তাঁহার শিষ্যগণ তাঁহার প্রেমমুচ্ছার মর্ম্ম না বুঝিয়া তাঁহার এই প্রকার ভাবের দ্বারা ভাগবতপাঠের বাধা হইতেছে মনে করিয়া মুচ্ছিত শ্রীবাসকে ভাগবতপাঠের স্থান ছইতে দূরবর্তী স্থানে ধরাধরি করিয়া রাখিয়া অ'সেন। ঐ সময়ে শ্রীবাসের মৃত্যুকাল সমুপস্থিত হয়। কিন্তু শ্রীবাস স্বপ্নাবস্থায় দেখিতে পান, ঐ সময়ে এক জন তেজঃপুঞ্জ-কলেবর অলৌকিকপ্রভাবশালী মহাপুরুষ আসিয়া তাঁহার জীবন রক্ষা করেন। অনতিকাল পরেই তাঁহার চৈতন্য লাভ হইলেই তিনি উঠিয়া ভগবৎকৃপা স্মরণ করিয়া প্রেমভরে ভগবন্মাম কীর্ত্তন করিতে করিতে স্বীয় আবাসে ফিরিয়া আসিলেন। শ্রীবাস তদবধি ঐকান্তিকভাবে শ্রীভগবচ্চর্চাতে দিনান্তিপাত করিতে লাগিলেন। উহার কিছুদিন পরেই শ্রীল অষ্টৈতচার্য্য নবদ্বীপে আসিয়া চতুর্পাঠী স্থাপন করিয়া শ্রীভগবৎগীতা প্রমুখ গ্রন্থের ভক্তিমূলক মর্ম্ম উন্মোচন করিতে আরম্ভ করেন। এই প্রস্তুতি ভক্তি-সরোজের গন্ধ পাইয়া হরিদাস, শ্রীবাস প্রমুখ ভক্তমধুপগণ অষ্টৈতচার্য্যের আশ্রয়ে সমবেত হইতে লাগিলেন। অষ্টৈতচার্য্যও এই সকল ভক্তসকল লাভ করিয়া, ইহাকে ভগবদবতরণের পূর্বাভাসরূপে অবগত হইয়া, বিগণ উৎসাহে ভক্তিশাস্ত্রের ব্যাখ্যা করিয়া ভক্তবৃন্দের প্রাণে অলৌকিক আনন্দের সঞ্চার করিতে লাগিলেন।

### গদাধর পণ্ডিত

যে তত্ত্বদিনে শ্রীচৈতন্যদেব জন্মগ্রহণ করিয়া বাঙ্গালদেশ ও বাঙ্গালীকে ধন্য করেন, অষ্টৈতচার্য্য তাহা বুঝিতে পারিলেও, হরিদাস প্রমুখ হুই এক জন মর্শী তত্ত্ব ভিন্ন আর কাহারও নিকট তাহা প্রকাশ করেন নাই। শ্রীচৈতন্যদেবও বাল্যকাল হইতে বিভ্রাশিকায় মত্ত হইয়া তাঁহার প্রকৃত বরূপ ভক্তগণের নিকট প্রকাশ করিতে

কিঞ্চিৎ বিলাস করিয়াছিলেন। গদাধর পণ্ডিত শ্রীচৈতন্যের অন্তরঙ্গ পার্শ্ব হইলেও শ্রীচৈতন্যের প্রথমেই ইহাদিগের নিকট আশ্রয়-প্রকাশ করেন নাই। গদাধর শ্রীচৈতন্যের অপেক্ষা কিঞ্চিৎ বয়ঃকনিষ্ঠ। কিন্তু গদাধর পিতৃকাল হইতেই সুলীল এবং ভগবতস্ত। এই জন্মই অল্পবয়স হইতেই ইনি অষ্টোত্তাচার্য্য ও জীবাসের সাহচর্য্য লাভ করেন। গদাধরের বংশপরিচয় অল্পসন্ধান করিয়া জানা যায় যে, বৈষ্ণব আশ্রমকূলে সুবিখ্যাত উদয়নের বংশে গদাধর পণ্ডিত জন্মগ্রহণ করেন। উদয়নের দ্বিতীয়া পত্নীর গর্ভে পতপতি নামক যে পুত্র জন্মগ্রহণ করেন, তাঁহারই দ্বিতীয় পুত্র যগাইএর পুত্র কামাই। এই কামাইয়ের বহু পুত্রের মধ্যে বিলাসাচার্য্য নামক এক পুত্র পাণ্ডিত্যে অতুলনীয় ছিলেন। ইনি চট্টগ্রামের তাত্কাঙ্গিক রাজা চিত্রসেনের সভাপণ্ডিতপদ গ্রহণ করিয়া বেলেগীতে বাস করেন। বিলাসাচার্য্যের পুত্র মাধব মিশ্রই গদাধর পণ্ডিতের পিতা; গদাধরের মাতার নাম রত্নাবতী এবং তাঁহার জ্যেষ্ঠ ভ্রাতার নাম জগন্নাথ বা বাণীনাথ। \* বাণীনাথ চট্টগ্রামে জন্মগ্রহণ করেন। পরবর্তী কালে মাধব মিশ্র নবদ্বীপে বাস করিবার সময় আনুমানিক ১৪০৯ শকের বৈশাখ মাসের অমাবস্তা তিথিতে শ্রীল গদাধর পণ্ডিতের জন্ম হয়। গদাধর শৈশবকাল হইতেই শ্রীকৃষ্ণভক্তনে নিষ্ঠানীল। শ্রীচৈতন্যদেবের প্রতি ইহার অসাধারণ আকর্ষণ হেতু ইহাকে শ্রীগৌড়ীয় বৈষ্ণবগণ শ্রীরাধিকারই অবতার বলিয়া মনে করিয়া থাকেন। শ্রীচৈতন্যদেবের প্রতি ইহার অমুরাগ এত দৃঢ় ছিল যে, ইনি বিবাহ না করিয়া সর্বদা শ্রীচৈতন্যদেবের পরিচর্যায় রত থাকিতেন। শ্রীচৈতন্যদেব সন্ন্যাস গ্রহণ করিয়া শ্রীপুরীধামে গমন করিলে ইনি পুরীধাম কখনও ত্যাগ করিবেন না, এই সংকল্পস্বক কেশবসন্ন্যাস গ্রহণ করিয়া সমুদ্রতীরে শ্রীগোপীনাথ নামক বিগ্রহ স্থাপন করিয়া আজীবন শ্রীচৈতন্যদেবের সন্নিধানে অবস্থান করিয়া শ্রীশ্রীগোপীনাথের সেবার রত থাকিতেন। ইনি বেক্রম সুললিত কণ্ঠে প্রেমময় ভাবে শ্রীভাগবত ব্যাখ্যা করিতেন, তাহাতে শ্রীভাগবতের ভক্তিরস মূর্তিমান হইয়া উঠিত—এই জন্ম পুরীতে শ্রীচৈতন্যদেব ও তাঁহার পরিকরবর্গ ইহার নিকট শ্রীভাগবতের পাঠ ও ব্যাখ্যা শুনিয়া পরিতৃপ্তি লাভ করিতেন।

গদাধর পণ্ডিত চট্টগ্রামের জমিদার সুপ্রসিদ্ধ ভক্ত শ্রীচৈতন্য

\* বাণীনাথ পরবর্তী কালে বর্ধমান জিলার চম্পকহাট বা চাঁপাহাটি নামক স্থানে বাস করেন। বৈষ্ণবেতিহাসে ইহার দুইটি পুত্রের সন্ধান পাওয়া যায়, জ্যেষ্ঠ জগন্নাথ কালনার সুবিখ্যাত গৌরীনাম পণ্ডিতের প্রধান শিষ্য এবং উড়িষ্যার অধিতর্কী শ্রীমানন্দ ঠাকুর বা ছুখী কৃষ্ণদাসের গুরু। কনিষ্ঠ নয়নানন্দ উত্তরকালে ভরতপুরে বাস করেন।

দেবের একান্ত অঙ্গুষ্ঠ শ্রীল পুণ্ডরীক বিজ্ঞানিধির নিকট মন্ত্রদীক্ষা গ্রহণ করেন। তদা বায়, এই পুণ্ডরীক বিজ্ঞানিধিও শ্রীল মাধবেন্দ্র-পুরীর শিষ্য। নবদ্বীপে পুণ্ডরীকেরও একটি বাড়ী ছিল। পুণ্ডরীক বিজ্ঞানিধি বাহ্যভাবে বিলাসী জমিদারের স্তায় এই বাড়ীতে বাস করিতেন—কিন্তু তাঁহার অন্তর ভক্তিরসে পরিপূর্ণ ছিল। একদা প্রসিদ্ধ ভক্ত দর্শন মানসে গদাধর মুকুন্দ দত্ত নামক এক জন সুপ্রসিদ্ধ ভক্তের সহিত শ্রীপুণ্ডরীক বিজ্ঞানিধিকে দেখিতে যান। তাঁহার বিলাসিতাপূর্ণ বাহ্যভাব দেখিয়া গদাধরের মনে পুণ্ডরীকের প্রতি অশ্রদ্ধার সঞ্চার হয়। সুকণ্ঠ ভাবরসজ্ঞ মুকুন্দ তাহা বুঝিয়া সুকণ্ঠে শ্রীভাগবতের শ্রীকৃষ্ণের রূপবর্ণনাসূচক একটি শ্লোক পাঠ করেন। এই শ্লোক শুনিবামাত্রই প্রেমে বিহ্বল হইয়া কাঁদিতে কাঁদিতে বধন বিজ্ঞানিধি ধূলায় গড়াগড়ি দিতে লাগিলেন, তখন গদাধরের ভ্রূঙ্গ ভাঙ্গিয়া গেল; তিনি এইরূপ ভক্তচে মনে মনে অশ্রদ্ধা করিয়াছেন বলিয়া অমুতাপানলে দগ্ধ হইতে লাগিলেন। পরে ইহার নিকট মন্ত্রদীক্ষা গ্রহণ করিয়া ইনি ইহার প্রতি অশ্রদ্ধা দেখাইবার পাপের প্রায়শ্চিত্ত করেন। শ্রীচৈতন্যদেব ইহাতে গদাধরের উপর বিশেষ সন্তুষ্ট হন। বৈষ্ণবশাস্ত্রে শ্রীল গদাধরকে “পণ্ডিত গোস্বামী” নামে অভিহিত করা হইয়া থাকে।

শ্রীচৈতন্যদেবের নবদ্বীপলীলার আরও অগণিত ভক্ত যোগদান করিয়াছিলেন। তাঁহাদের মধ্যে তাঁহার মাতৃঘসা শ্রীসর্বজয়া দেবীর স্বামী শ্রীল চন্দ্রশেখর আচার্য্য, শ্রীল মুরারি গুপ্ত, শ্রীল গুণাধর ব্রহ্মচারী, শ্রীল মুকুন্দ দত্ত, শ্রীল বাসুদেব দত্ত, শ্রীল গোবিন্দ ঘোষ, শ্রীল মাধব ঘোষ, শ্রীল বাসুদেব ঘোষ প্রমুখ ভক্তগণের নাম বিশেষভাবে উল্লেখযোগ্য। নবদ্বীপলীলার শ্রীচৈতন্যদেবের যে কার্য্য, তাহা ইহাদিগের সাহায্যেই পরিপূর্ণ হইয়াছিল। এই জন্মই শ্রীচৈতন্যদেবের জীবনকথা বুঝিবার জন্ম ইহাদিগের কিঞ্চিৎ পরিচয়ের প্রয়োজন।

শ্রীচৈতন্যদেবের জীবনকথাকে শ্রীচৈতন্যভাগবতকার শ্রীল বৃন্দাবনদাস ও শ্রীচৈতন্যচরিতামৃতকার আদি লীলা, মধ্যলীলা ও অন্ত্যলীলা এই তিন ভাগে বিভক্ত করিয়াছিলেন। আমরা অতি সংক্ষেপে শ্রীচৈতন্যদেবের জীবনকথার আলোচনায় প্রবৃত্ত হইয়াছি, এই জন্ম আমরা শ্রীচৈতন্যদেবের জীবনকথাকে শ্রীনবদ্বীপলীলা বা গৃহস্থলীলা ও সন্ন্যাসলীলা বা প্রচারলীলা এই দুই ভাগে ভাগ করিয়া তাহার আলোচনায় প্রবৃত্ত হইব। প্রথমে শ্রীচৈতন্যদেব ও তাঁহার পরিকরবর্গের ও সুপ্রসিদ্ধ বৈষ্ণবাচার্য্যগণের জীবনকথার আলোচনা না করিলে গৌড়ীয় বৈষ্ণব দর্শনের, সাহিত্যের তুলনামূলক সমালোচনার পথ প্রশস্ত হয় না, এই জন্মই আমরা প্রথমে ইহার আলোচনায় প্রবৃত্ত হইয়াছি।

শ্রীসত্যেন্দ্রনাথ বসু (এম, এ, বি-এল)।





## স্বয়ংসিদ্ধা

[ উপন্যাস ]

সপ্তম উল্লাস

১

যে গুরুতর অপরাধের অজুহতে বিচারক আসামীর প্রতি দণ্ডবিধানে সমুৎসুক, আসামী কথার সূত্রে অপূর্ণ কোশলে সেই অপরাধ বিচারকের উপর চাপাইয়া তাঁহাকেই প্রশ্ন করিয়া বসিল,—আপনিই বলুন, অপরাধ কার,—অন্য় কোথায় ?

এক্ষেত্রে উদ্ধত আসামীর স্পর্শ, সাহস ও দৃষ্টতায় বিচারকের ঐর্ষ্যচ্যুতি ঘটবারই কথা। কিন্তু বধুর তরফ হইতে এমন প্রচণ্ড আঘাত পাইয়াও কোপনস্বভাব কর্তার ঐর্ষ্য-বোমা ফাটিয়া উঠিল না, দুই চক্ষু পাকাইয়া তর্জন তুলিতেও শোনা গেল না; বরং তাঁহার মুখের পূর্ণ ভাবটুকু আশ্চর্যরূপে পরিবর্তিত হইতে দেখা গেল। বাহিরে যে জীবটির অপূর্ণ সাহস ও শক্তির পরিচয় পাইয়া তিনি তাহাকে নিজ গৃহে আশ্রয় দিয়াছেন, প্রতিপালক-স্থানীয় হইয়াছেন, অন্য়ের সহজে সে মতই উদ্ধত হউক, তাঁহার নিকট মুখ নীচ করিয়াই থাকিবে, পীঠে চাবুক পড়িলেও তাহার ত চোখ পাকাইয়া চাহিবার কথা নহে! কিন্তু সেই জীবই আজ তাঁহাকে তাহার সহজে কিঞ্চিৎ কঠিন ও রুঢ় হইতে দেখিয়া, সুকোশলী আততায়ীর ক্ষিপ্ততার তাঁহার চিত্তের ক্ষতস্থানটুকু লক্ষ্য করিয়া এমন ভাবে যে আক্রমণ করিয়া বসিবে, তাহা তিনি ধারণাও করেন নাই। সুতরাং দারুণ বিরক্তিবানিত রুঢ়তার হারাটুকু তৎক্ষণাৎ মুখেই মিলাইয়া গেল ও সেই স্থলে সুটিয়া উঠিল বিশ্বয়ের গভীর রেখা।

দুঃখ খণ্ডর ও মুখরা বধু উভয়েই ক্ষণকাল নীরব,— কাহারও মুখে কথা নাই। কর্তাই এই নীরবতা ভাঙ্গিয়া দিলেন, গম্ভীরভাবেই কহিলেন,—খাসা! বাঃ! হাঁ, নিজের কথার খেইটুকু যদিও আমি হারিয়ে ফেলেছি তোমার মুখের কথার তোড়ে, বোমা, তবুও তোমাকে বাহোবা না দিয়ে পারছি না!

যদিও কর্তার মুখ দিয়া নরম সুরেই কথাগুলি বাহির হইল, কিন্তু বধুর কাণে সেগুলি যেন বিদ্রূপের মতই শুনাইল; দুই চক্ষুর দৃষ্টি তীক্ষ্ণ করিয়া সে খণ্ডরের মুখের দিকে চাহিল।

চোখোচোখি হইতেই খণ্ডর কথার সুর অপেক্ষাকৃত সহজ করিয়া কহিলেন,—একটা গল্প তা হ'লে বলি শোনো, তা হলেই আমার কথাটা তুমি বুঝতে পারবে, বোমা!— এক ভারী যোদ্ধা ছিল, তলোয়ার চালাতে তার মত ওস্তাদ সে অঞ্চলে আর ছুটি ছিল না। এক দিন হঠাৎ খবর এল, আর এক যোদ্ধা এসে তার ভাইকে কেটে ফেলেছে। কথাটা শুনেই তার মাথায় খুন নেচে উঠল,—তলোয়ার নিয়ে তৈরী হয়ে তখনই ছুটলো সেই ব্রাত্যভাতী ছব্বনের সন্ধানে। খানিক দূর যেতেই ভায়ের দেহ তার চোখে পড়ল; সে স্তব্ধ হয়ে দেখলে, আততায়ী তার তলোয়ারের একটি চোটেই কাঁধ থেকে কোমর পর্যন্ত একেবারে পৈতে কাটা ক'রে তাকে কেটেছে! দেখেই তার মাথায় খুন আর মনের রাগ কোথায় যেন মিলিয়ে গেল; বাহোবা দিয়ে বলে উঠলো সেই দুর্জয় যোদ্ধা—‘কোয়া হাতকা

সাহায্য!—এখন তোমার সম্বন্ধে আমার মনের অবস্থাও হয়েছে কতকটা এই রকমেরই, বুঝেছ ?

বধু খণ্ডের এই মন্তব্য শুনিয়া তৎক্ষণাৎ উত্তর দিল,— কিন্তু আমার মনে হয়, বাবা, এটুকু সাময়িক মোহ ছাড়া আর কিছু নয়! একটু পরেই সেই যোদ্ধা নিশ্চয়ই তাঁর ব্রাতৃত্বাভীক্বে শান্তি দিয়েছিলেন, আর এখানেও আমার মুখের ছোটো কথায় এ মামলা অবশ্য কৈসে যায় নি, এর নিষ্পত্তি একটা হবেই।

কিন্তু মামলার মোড় ত তুমিই ফিরিয়ে দিয়েছ, বোমা। তোমার বিরুদ্ধে যে নালিশ চলছিল, তুমি ত সে নালিশ আমার ওপরেই চালিয়ে দিলে!

অনেক নালিশের নিষ্পত্তি ত আপনাকে করতে হয়েছে, বাবা, আপনি নিশ্চয়ই জানেন, যে মামলার বাঁধনীতে গলদ থাকে, শেষ পর্যন্ত তা গোপে টেকে না,—ফাঁস হয়ে যাবেই; আর, এমন অনেক মামলার কথাও শোনা গিয়েছে, যেখানে কৈচো খুঁড়তে গিয়ে জাত-সাপ বেরিয়ে পড়ে সমস্তই ওলটপালট করে দিয়েছে!

কি রকম ?

এই ধরন, পুনী আসামীর বিচার চলেছে : সাক্ষীদের কথায় প্রমাণ হয়ে গেল, সেই পুন করেছ; হাকিমের মনেও সেই বিশ্বাস; ফাঁসীর লুকুম হয় আর কি! এমন সময়, যাকে খুন করা হয়েছে বলেই মামলা, সেই মরা মানুষ সশরীরে আদালতে এসে হাজির! সবাই অবাক, এক মিনিটেই মামলার গতি ঘুরে গেল।

বধুর কথাগুলি নিবিষ্টভাবেই শুনিয়া কর্তা একটু শ্রমের সুরেই প্রশ্ন করিলেন,—কিন্তু যে হাকিম ঐ মামলার বিচার করতে বসেছিল, এত বড় গলদটা পাণ্টা নালিশের মতই বোধ হয় তারই ষাড়ে আসামী চাপিয়ে দেয় নি ?

কি সুরে এই শ্লেষাত্মক প্রশ্ন, তাহা বুঝিতে বধুর বাধিল না, খণ্ডের মুখের দিকে একটুবার চাহিয়াই সে সহজকণ্ঠে উত্তর দিল,—হাকিমের ত কোনো দোষ ছিল না; যা নিয়ে মামলা, তার সঙ্গে বিচারকের নিজের সম্বন্ধ যদি না থাকে, তাঁর বিরুদ্ধে কেনই বা নালিশ উঠবে বলুন। পাণ্টা নালিশ অবশ্য উঠছিল সেই লোকটার বিরুদ্ধে, যে পুনের এতলা দিয়ে মামলার তথ্য করেছিল। আর,

আপনি যা বললেন বাবা, একখানা বিলিতি কেতাবে তার কথাও পড়েছি।

বিশ্বয়ের সুরে কর্তা প্রশ্ন করিলেন,—কি ?

বধু পরিপূর্ণ দৃষ্টিতে খণ্ডের মুখের দিকে চাহিয়া কহিল,—ও দেশের এক বড়লোকের ছেলে নাম ভাঁড়িয়ে কলেজের একটা মেয়েকে সর্বনাশ করে, তার পর একটা বছর তার সঙ্গে ঘরকন্না করে সঁরে পড়ে। মেয়েটা তখন মনের দুঃখে পাপের পথেই এগিয়ে যায়। বিশ বছর পরে সেই মেয়েটিই এক পুনী মামলার আসামী হয়ে কাঠগড়ায় দাঁড়ায়; বিচারক তার স্মৃচোহারা ও উচ্চশিক্ষার পরিচয় পেয়ে তাকে জিজ্ঞাসা করলেন,—এ কাষ তুমি কেন করলে? মেয়েটি তখন তার পূর্বকথা সমস্তই প্রকাশ করে বললে,—আমার এই অধঃপতনের মূলে সেই প্রতারক; আপনিও ত বিচারক, আমার অপরাধের বিচার করতে বসেছেন, কিন্তু আমি যার বিরুদ্ধে অভিযোগ তুলেছি, সে যেখানেই লুকিয়ে থাকুক, তাকে ধরে এনে তারও বিচার করা কি আপনার কর্তব্য নয় ?

কৌতূহলের সুরে কর্তা প্রশ্ন করিলেন,—বটে! সে ত আচ্ছা মেয়ে;—তা হাকিম কি করলেন তার পর ?

বধু কহিল,—সেই প্রতারকের নাম জানতে চাইলেন। মেয়েটি নাম তার বললে, কিন্তু সে নাম যে বাজে, তাও জানিয়ে দিলে। এইবার বিচারক সাধারণ চোখেই মেয়েটির দিকে ব্যগ্র দৃষ্টিতে চেয়ে জিজ্ঞাসা করলেন,—তোমারও কি তখন এই নাম ছিল? সেই ঘটনার পর মেয়েটিও তার নাম পালটেছিল, বিচারকের প্রশ্নে মাথা নেড়ে তার আসল নামটি শুনিতে দিলে। তখনই বিচারকের হাত থেকে কলম পড়ে গেল; সঙ্গে সঙ্গে তিনি চেয়ার ছেড়ে উঠে বললেন,—আমিই সেই প্রতারক, এর পরও যদি এই মামলার বিচার আমাকেই করতে হয়, তা হলে বিচারাসন কলঙ্কিত হবে!

বিশ্বয়ের আবেগে কর্তা কহিলেন,—এমন! তার পর কি হ'ল তাদের ?

বধু কহিল,—মেয়েটার ফাঁসী হ'ল না বটে, কিন্তু জেল হ'ল; আর জজ সাহেব যথাসর্বস্ব ছেড়ে পাপের প্রায়শ্চিত্ত করতে একটা মিশনে ঢুকে পড়লেন।



বধূর দিকে চাহিয়া এইবার কর্তা মস্তব্য প্রকাশ করিলেন,—তোমার দেখছি গড়াগড়াও বেশ আছে, বৌমা।

বধূ দৃষ্টি নত করিল, কোনও উত্তর দিল না।

ইংরেজিও তা হ'লে জান ?

সহজ কণ্ঠে বধূ উত্তর দিল,—আমার দাদামহাশয় অনেকগুলো ভাষাই জানতেন, ইংরেজিতেও তিনি পণ্ডিত ছিলেন। আমার যা কিছু শিক্ষা তাঁরই কাছে।

জোরে একটি নিশ্বাস ফেলিয়া কর্তা কহিলেন,—ইংরেজিতেও যে তুমি লায়েক হয়ে আছ, তা আমি ভাবি নি!

বধূর কাণে খণ্ডরের এই কয়টি কথা যেন তীক্ষ্ণ হইয়াই বিঁধিল, কিন্তু এ সম্বন্ধে কোনও কথা না তুলিয়া, এই আলোচনার মোড় কিরাইবার অভিপ্রায়েই সে কহিল,—তা হ'লে এখন আমার ওপর আর কি হুকুম, বাবা ?

বধূর মুখে ঈর্ষ্য ক্ষোভের রেখাটুকু তীক্ষ্ণ দৃষ্টিতে লক্ষ্য করিয়া সহসা কঠিন স্বরে কর্তা কহিলেন,—আসল কায়ের ত এখনও কিছু হয় নি, মাঝে থেকে কতকগুলো বাজে কথা তুলে সময়টা কাটরে দিলে; ভেবেছিলে, ঐ সব নজীর দেখিয়ে তোমার মামলাটা চাপা দেবে। কিন্তু ভবী ভোলবার নয়,—তোমার কথায় আমি ভুলি নি, তোমার ঐ সব কথায় আমি কাণ দিয়েছি ব'লে তুমি যদি ভেবে থাক বিচারের কথা আমি ভুলে গিয়েছি, সে তোমার মস্ত ভুল।

খণ্ডরের এই কথায় বধূর মুখে ক্রেশের চিহ্ন ফুটিয়া উঠিল, কিন্তু তথাপি তাহাতে বিছাভের মত হাসির একটু তীক্ষ্ণ ঝিলিক তুলিয়া সে কহিল,—এতক্ষণ পরে আমার সম্বন্ধে কি এই ধারণাটুকুই আপনি স্থির ক'রে নিয়েছেন, বাবা ?

হাঁ, যদি তাই করা হয় সেটা কি অন্য় হয়েছে তুমি বলতে চাও ?

এ ভাবে আপনার সঙ্গে কথা-কাটাকাটি করা আমার পক্ষে হয় ত অন্য়, আমি শুধু বলতে চাই, আমার বিরুদ্ধে যে নালিশ আপনি ওনেছেন, আমি তা মেনে নিচ্ছি, আপনি আমাকে শান্তি দিতে পারেন।

আর তুমি যে নালিশ তুলেছ আমার বিরুদ্ধে আমারই কাছে, তার কি হবে ?

আমি তা তুলে নিচ্ছি।

তা হয় না; যে কথা আমার বিরুদ্ধে তুমি বলেছ, তোমাকে তা প্রমাণ করুতেই হবে। না পার, বাড়ীও

সকলের সামনে দাঁড়িয়ে বাড় হেঁট ক'রে তোমাকে বলতে হবে,—তুমি অন্য় করেছ, মিথ্যে বলেছ।

তা হ'লে প্রকারান্তরে আমাকেই মিথ্যা বলতে হয়, কিন্তু ঐ কাষটি আমাকে দিয়ে হবে না, বাবা। আমি যা-যা বলেছি, তার কোনটি যে মিছে নয়, আমি যেমন জানি, আপনিও জানেন।

আমি জানি ?

হাঁ, জানেন আপনি।

বৌমা!

আপনি বৃথা উত্তেজিত হচ্ছেন, বাবা, কিন্তু আগেকার কথা সবই ভুলে গিয়েছেন! হ'বছরের কোলের ছেলেকে আপনার হাতে তুলে দিয়ে আমাদের মা—ঐ ঘরে দেবীর মত যার ছবি এখনও জল-জল করছে—স্বর্গে চ'লে যান।

হাঁ, স্বীকার করছি তোমার কথা; আর, বাঙালীগুরু সবাই এ কথা জানে। কিন্তু তাতে কি হয়েছে ?

মা এই অন্য়োধটুকু যাবার সময় ক'রে যান, যেন তাঁর খোকার কোনও খোয়ার না হয়, তার ওপর বরাবর আপনার নজর থাকে, মা নেই ব'লে ছেলে যেন অনাদর না পায়। আপনি তাতে সায় দিয়েছিলেন।

সম্ভব; কিন্তু এ কথা আজ ভোলবার মানে? আর, তুমিই বা এ সব কথা জানলে কি ক'রে ?

কুলবধূর অধিকারটুকু দিয়ে এ বাড়ীতে আমাকে এনেছেন বলেই এ সব কথা জানা আমার পক্ষে প্রয়োজন হয়েছিল বাবা, আর জানতে পেরেছিলুম বলেই আপনার সামনে মুখ তুলে আজ বলতে সাহস পাচ্ছি, আমাদের মার মৃত্যুশয্যায় ব'সে আপনি যে তিনটি প্রতিশ্রুতি তাঁকে দিয়েছিলেন, তার কোনটিই রাখতে পারেন নি।

তীক্ষ্ণদৃষ্টিতে বধূর মুখের দিকে চাহিয়া প্লেবের স্বরে খণ্ডর কহিলেন,—অথচ হ'বছরের সেই মাতৃহীন শিশুটি আজ যৌবনের সীমানায় গিয়ে দাঁড়িয়েছে; আর তারই হাতখানি ধ'রে তুমি এ বাড়ীতে কুলবধূ হয়ে ঢোকবার অধিকারটুকু পেয়েছ!

খণ্ডরের এই রুঢ়-বিজ্রপে কিছুমাত্র সঙ্কচিত না হইয়া তেজোদৃষ্ট স্বরে বধূ কহিল,—ছেলেকে বড় ক'রে তুলেছেন, তারই গৌরব আপনি করুছেন, বাবা! পরম্পরে কি ভাবিয়া কণ্ঠের স্বর সহজ করিয়া বধূ কহিল,—বিনা তদারকে

পানের ভেতর হুঁএকটা এমন গাছও থাকে, আর  
শটা গাছের আওতার দ্বারা বেড়ে ওঠে; কিন্তু সে ভাবে  
তাদের বাড়াটা কি শ্রেয়স্বর, তাতে সার্থকতা কিছু আছে?

বৃদ্ধ এবার নির্ঝাঁক! কি কথায় কোন কথা আসিয়া  
ছিল! স্তম্ভবিশ্বরে তিনি বধুর মুখের দিকে তাকাইয়া  
ছিলেন, এ কথার উত্তর তাঁহার মুখে তৎক্ষণাৎ যোগাইল  
।। খণ্ডরকে নিরন্তর দেখিয়া বধুই পুনরায় কহিল,—  
।।সের দিক দিয়ে ছেলেকে শুধু বাড়তেই দিয়েছেন, কেন  
।।, সেটা দাবিয়ে রাখা যায় না। কিন্তু আর সব দিক  
দেয়েই তাকে ধরে-বেঁধে ছোট ক'রে রেখেছেন! এত বড়  
মাপনার জমিদারী, সমস্তই আপনার নখদর্পণে, কিন্তু  
।।ভীর ভেতর থেকেও ঐ ছেলোটর দিকে আপনি দৃষ্টি  
দবারও অবসর পান নি!

বিচলিত হইয়া এবার কর্তা সজোরে উচ্চকণ্ঠে কহিলেন,  
—তুমি এ সব কথা আমাকে বলতে সাহস পাচ্ছ, বোমা?

মুখের কথায় রীতিমত জোর দিয়াই বধু কহিল,—সত্য  
কথা বলতে ত সাহসের অভাব হয় না, বাবা! আমি  
।।সব কথা বলছি, হয় ত আপনার ভাল লাগবে না, কিন্তু  
।।ব কথাই সত্য। মা-হারা ছেলের কান্না আপনি বরদাস্ত  
করতে পারেন নি, মাইনে করা দাসীদের কাছে তাকে সঁপে  
দিয়েছিলেন। তারা সহরের ফেরত, ছেলে শাস্ত কবুবার  
ওষু জান্ত! ছেলের কান্না আর কাণে বাজে না, আপনি  
ধুসী হলেন; কিন্তু প্রহরে-প্রহরে বিষ গিলিয়ে যে তারা  
ছেলেকে ঘুম পাড়িয়ে রাখছিল, তার সন্ধান কোনও দিন  
নিষেছিলেন, বাবা?

বিষ গিলিয়ে ঘুম পাড়াত!

ছনের সঙ্গে মরফিয়া খাওয়াত, ছেলে তাতে সহজে ঘুমিয়ে  
পড়ত, বায়না আর তুলত না;—এমনি ক'রে বছরের পর  
বছর দাসীদের আদর-যত্ন পেয়ে ছেলের মন দিন দিন মুসড়ে  
পড়ে, বাড়তে পারে নি!

বধুর এই অশ্রুতপূর্ব্ব কথায় অতীতের স্মৃতি যেন  
কর্তার মস্তিষ্কে তাল-গোল পাকাইয়া নৃত্য জুড়িয়া দিল;  
মনের বিক্ষোভ সবলে দমন করিয়া প্রসন্ন করিলেন,—এ সব  
কি অস্বস্ত কথা তুমি বলছ, বোমা, বা আর কেউ জানে না,  
আমি জানি না, তুমিই শুধু—

চিত্তের বিষম চাক্ষু্য কর্তার মুখের কথা আর শেষ

হইল না, বধুই সঙ্গে সঙ্গে কথার খেঁটুকু ধরিয়া উত্তর  
দিল,—শুধু আমি নই বাবা, দ্বারা এ কাণ করেছিল,  
তাদের মধ্যে রাখালো চ'লে গেছে, ক্যামা ম'রে গেছে,  
বেঁচে আছে শুধু নিস্তারিণী; পক্ষাঘাতে একটা অঙ্গ তার  
প'ড়ে গেছে, দিনও তার ফুরিয়ে এসেছে। তাকে ডেকে  
জিজ্ঞাসা করলেই সব জানতে পারবেন।

বধুর মুখের দিকে সবিশ্বরে চাহিয়া কর্তা কহিলেন,—  
তুমি এখানে এসেই এত খবর নিয়েছ,—অথচ এতগুলো  
বছরের ভেতর, এ সম্বন্ধে আমি কিছুই কোন দিন  
শুনি নি!

বধু এবার একটু হাসিয়া কহিল,—আপনি যে এ সব  
কিছুই জানতেন না, সে কথা ঠিক; কিন্তু এর জন্তে যে  
অপবাদ, আপনি তা থেকে ত রেহাই পেতে পারেন না,  
বাবা! আপনার জমিদারীর হাজার হাজার প্রজার  
বরের সমস্ত খবরই আপনি রাখেন, সে দিকে আপনার  
কড়া নজর, তাতে সবাই ধল ধল করে; কিন্তু নিজের  
বাড়ীর ভেতরে এত বড় অনাচার, আপনি তার কোনও  
খবরই সংগ্রহ করতে পারেন নি! এই জন্তেই আমি  
বলতে সাহস পেয়েছি বাবা, আপনার আচরণে ঔঁরা  
ঠেকেছেন! এখন আপনিই বলুন, আমার বলাটা কি  
অন্যায় হয়েছে?

কর্তা আড়-নয়নে বধুর উজ্জল মুখের দিকে চাহিয়া  
তাহার স্পর্কার কথাগুলি সমস্তই শুনিলেন। পরক্ষণে  
দৃষ্টি ফিরাইয়া নীরবে মনে মনে কি ভাবিলেন, মুখে  
গাভীর্যের রেখা ফুটিয়া উঠিল; সঙ্গে সঙ্গে তাঁহার কণ্ঠস্বর  
বিকৃত হইয়া নির্গত হইল,—আম-অন্যায় বিচার হবে পরে,  
তার আগে তোমার তুণের সব কটা ভীরই ছোড়া ত  
হয়ে যাক!

খণ্ডরের মুখের কথাগুলি, বলিবার ভঙ্গীতে ভীরের  
মতই বধুর মস্তিষ্কে বিধিল; কিন্তু মুখে ক্রোধের ভাবটুকু  
প্রকাশ না করিয়া বধু সামান্য একটু হাসিয়াই উত্তর  
দিল,—আপনি গুরুজন, আদেশ যখন করছেন, বাবা, তুণ  
আমি খালি করবই; কিন্তু এখনই কি তার প্রয়োজন হবে?

দৃঢ়কণ্ঠে উত্তর হইল,—নিশ্চয়ই; এর নিষ্পত্তি আগে  
ক'রে তার পর অন্য কাণ; রেহাই কারুর নেই, তোমারও  
নয়, আমারও নয়।

বধু শব্দের কথা শেষে সার দিয়াই কহিল,—  
ভগবানের রাজ্যে কাষের 'জবাবদিহি' যে সবাইকেই করতে  
হয়, রেহাই পাবার বো কি ! হিসেব কেলে রাখলে, এক দিন  
সমস্ত জড় হয়ে গোল বাধায় ; কাষেই অনেকগুলো বছরের  
ফেলে-রাখা হিসেবের তলব যখন আজ পড়েছে বাবা, সহজে  
রেহাই পাবার ত উপায় নেই ; তবে ভয় হচ্ছে, পাছে এই  
স্বপ্নে মনে বেশী রকমের আঘাত পান ।

বধুর কথাগুলি শব্দরকে যদিও অসহিষ্ণু করিয়া তুলিতে-  
ছিল, তথাপি শেষ পর্যন্ত শুনিবার কোঁতুলটুকুও তাঁহাকে  
ব্যগ্র করিতেছিল ; কথা শেষ হইতেই তিনি মনের ভাবটুকু  
প্রচ্ছন্ন বিজ্ঞপের ভঙ্গিতে তীক্ষ্ণ কণ্ঠে ব্যক্ত করিলেন,—আমি  
পাছে আঘাত পাই, সেই জন্তই তোমার ভাবনাটা বুঝি  
এখন বড় হয়ে উঠছে, বোমা ! এটা বুঝি পাঞ্জাবী সভ্যতার  
কায়দা ?

গ্রীবা তুলিয়া বধু কক্ষস্বরে প্রশ্ন করিল,—এ কথা কেন  
বললেন, বাবা ?

কথাটা বধুকে আঘাত দিয়াছে বুঝিতে পারিয়াই কৰ্ত্তা  
গম্ভীর হইয়া কহিলেন,—শুনেছি, ওরা একখানা হাত পায়ে  
আর একখানা হাত গলায় রেখে লোকের সঙ্গে কথা কয়,  
ভদ্রতা রক্ষা করে ।

বধু তৎক্ষণাৎ দৃঢ়স্বরে উত্তর দিল,—সে হয় ত দেনা-  
পাওনার ব্যাপারে, যারা মহাজনী করে, তাদের সম্বন্ধে  
হয় ত এ কথা বলা চলে ; কিন্তু দেনা-পাওনা নিয়ে ত  
আমাদের কথা হচ্ছে না, বাবা । আর মহাজন হয়েও ত  
আমি আপনার সামনে দাঁড়িয়ে কথা কই নি !

কৰ্ত্তা এঁবার সহসা উত্তেজিত হইয়া উচ্চকণ্ঠে কহিলেন,—  
নিজের কথাতেই এঁবার ধরা পড়ে গিয়েছে তুমি ! একটু  
আগেই হিসেবের কথা তোমার মুখেই শুনেছি ; দেনা-  
পাওনা নিয়েই ত এই ঝগাট ! মহাজন হয়েই ত তুমি  
আমার সামনে আজ দাঁড়িয়েছ, বোমা—তোমার পাওনা  
আদায় করতে ।

বধু কিছুমাত্র বিচলিত না হইয়া সপ্রতিভ কণ্ঠেই কহিল,  
—বেশ, আপনার কথাই আমি তা হ'লে মনে নিচ্ছি,  
বাবা ! কিন্তু রাগ করবেন না, একটা কথা আমি জানতে  
চাইছি,—যে দেনা আপনি এ পর্যন্ত করেছেন আমাদের  
কাছে, পরিশোধ করতে পারবেন ?

বধুর এই প্রশ্নে স্তব্ধ হইয়া কৰ্ত্তা কয়েক মুহূর্ত্ত তাহার  
উৎসাহদীপ্ত মুখানির দিকে চাহিয়া রহিলেন, তাহার পর  
আস্তে আস্তে কহিলেন,—কি চাও ?

উদ্দীপ্তকণ্ঠে বধু এঁবার উচ্ছ্বাসের সুরে উত্তর দিল,—এতে  
চাইবার কি আছে ; যদি থাকত, আগেই চাইতুম, বধুর  
অধিকারটুকু যখন পেয়েছি—তার জোরেই ; কিন্তু এখন  
চাওয়া বুঝা,—কেন না, এ দেনা শোধ করবার সামর্থ্য  
আপনার নেই ।

কণ্ঠস্বর অতিশয় কর্কশ করিয়া কৰ্ত্তা কহিয়া উঠিলেন,—  
আমার সামর্থ্য নেই ?

বধু তাহার কোমল কণ্ঠস্বরে বিশেষভাবে জোর দিয়া  
কহিল,—না, বাবা, নেই ।

স্বর অপেক্ষাকৃত কোমল ও মৃদু করিয়া কৰ্ত্তা কহিলেন,—  
আমার মুখের ওপর জোর ক'রে তুমি এ কথা বলছ ?

শব্দরের এ কথার উত্তরে বধু গাঢ়স্বরে প্রতি কথাটি  
সু্প্পষ্ট করিয়া কহিল, আপনিই আমাকে বললেন যে,  
বাবা । আমার কি দোষ বলুন ! বেশ, দেনার ফিরিস্তি আমি  
দেখাচ্ছি শোধ করতে পারবেন ?—আপনার ত অর্থের  
অভাব নেই, ঐশ্বর্য্যও রাজার মতন, শক্তি-প্রতিপত্তি প্রচুর,  
তবুও আপনার উপযুক্ত ছেলের এ অবস্থা কেন ? শিক্ষা  
পায় নি, সহবত শেখান নি, বাহুজগতের সঙ্গে পরিচিত  
হবার অবকাশটুকুও তাকে দেন নি ; অপচ ছেলের অবস্থা  
চেপে রেখে শুধু জমিদারী-চাল চলে তাকে আমার সরল  
বাবার কাছে চালিয়ে দিয়েছেন ! আমার বাবা না জানলেও  
আমি ত জেনেছি, আমার কাছে আপনি কত বড় দেনা  
করেছেন, আপনিও মনে মনে জেনেছেন, আমাকে কি ভাবে  
ঠকিয়েছেন ! এর ক্ষতি আপনি পূরণ করতে পারবেন,  
আপনার জমিদারী—সঞ্চিত সমস্ত টাকাকড়ি, আর শক্তি-  
প্রতিপত্তি দিয়ে ?

অধৈর্য্যভাবে কৰ্ত্তা উত্তর দিলেন,—তুমি যে দেখছি  
আবল-তাবল বা' তা' ব'লে বক্তৃতা শুরু ক'রে দিলে, বোমা !  
মেয়েমানুষের জিবের এতটা দোড় ত ভাল নয় !

বধুর উৎসাহ তখন প্রদীপ্ত হইয়া উঠিয়াছে, শব্দরের  
বাধায় কর্ণপাত না করিয়া পূর্ববৎ উচ্ছ্বাসের সুরেই কহিল—  
তা হ'লে একবার দয়া ক'রে ঐ ঘরে চলুন, বাবা, আমাদের  
মায়ের হবি দেখানো জল-জল করছে, তাঁর মুখের দিকে

যদি একটবার চান, ঠিক এই প্রকৃষ্ট আপনার মনের বন্ধ দরজার আঘাত দেবে; আপনাকে মানতেই হবে, ছেলের সম্বন্ধে অবহেলা করে আপনি সেই সাধুীর অস্তিম অমুরোধ-টুকুও উপেক্ষা করেছেন, এখন আর কোনও প্রতীকার করতে পারেন না।

• স্বর্গগতা সাধুী সহধর্মিণীর কথাপ্রসঙ্গে সহসা কর্তা যেন চমকিত হইয়া উঠিলেন, অতীতের বহু পুরাতন কথাই তাঁহার স্মৃতিপথে ভাসিয়া উঠিল, দুই চক্ষু অশ্রুভারাক্রান্ত ও কণ্ঠ যেন তাহার আবর্তে রুদ্ধ হইয়া আসিল।

শুভ্রের মুহূর্ত্তমান অবস্থা দেখিয়াও বধু তাহার প্রহরণ সম্বরণ করিল না, কয়েক মুহূর্ত্ত চুপ করিয়া থাকিয়াই পুনরায় সে কহিল,—আর আপনার ছেলেও যদি এ সম্বন্ধে আপনার কাছে অভিমান করে বলে—

ছেলের কথা উঠিতেই স্তব্ধ নীরব মেঘের বুক চিরিয়া সরব অশনি যেন হুঙ্কার দিয়া উঠিল। বিকৃত মুখে তিত্ত-স্বরে কর্তা কহিলেন,—আমার ছেলে! অর্থাৎ তোমার স্বামী! কিন্তু তাঁরও অভিমান করবার এক্তিয়ার কিছু আছে না কি? আমরা ত জানি, ভগবান্ তাঁকে এ বংশের জ্ঞান করে পাঠিয়েছেন—তাঁর মাথার ভেতর গোবর পুরে দিয়ে! এরই মধ্যে ঐ অসার পদার্থটুকু বৃষ্টি সার হয়ে উঠেছে তোমারই সংস্পর্শে?

স্বামীর সম্বন্ধে পূজনীয় শুভ্রের মুখে এই রূঢ় মন্তব্য শুনিয়া বধু মনে মনে অত্যন্ত বিরক্ত হইলেও মুখে বা কথায় তাহা প্রকাশ না করিয়া অবিচলিত ধৈর্যের সহিত বেশ সহজ কর্তেই এবার উত্তর দিল,—ভগবান্ সত্যই যার ওপর বিরূপ হয়ে অসার করে সংসারে পাঠান, মানুষ কি কখনও তাকে শোধরাতে পারে, বাবা? যে অন্ধ হয়ে জন্মায়, কিম্বা কালা, বোবা বা বিকলাঙ্গ হয়ে ছনিয়ায় আসে, কেউ তাকে সারাতে পারে না। আমিও ত মানুষ, আমার শক্তি কতটুকু! হাঁ, তবে এ কথা আমি অস্বীকার করব না বাবা, তাঁর ভুলটুকু আমি ধরিয়ে দিয়েছি; তাই তিনি আজ দেখতে পেয়েছেন, ভগবান্ তাঁর মাথার ভেতরে গোবর পুরে দেন নি, বাড়ীর মাতঙ্গররাই তাঁর মাথার উপরে গোবরের ঝোড়া চাপিয়ে দিয়েছেন।

কি রকম?

ভগবানপণ্ডিত দশচক্রে রাজার কাছে যে ভাবে ভূত

সাব্যস্ত হয়েছিলেন, ঐরও অবস্থা অনেকটা সেই রকমই হয়ে দাঁড়িয়েছে, বাবা! গোড়াতেই আপনাকে বলেছি দাসীদের অত্যাচারের কথা; একটু বড় হতেই যেমনই আর সব উপসর্গ এসে পড়ল, তখন স্ক্র হ'ল স্বার্থ নিয়ে তাঁর ওপর অত্যাচার।

স্বার্থ নিয়ে অত্যাচার! কাকে লক্ষ্য করে এ কথা তুমি বললে শুনি?

আপনি কি মনে মনেও তা অমুমান করতে পারেন নি বাবা, যে, আমাকে আরও স্পষ্ট করে বলতে হবে?

তা হ'লে তোমার নালিশ শুধু দাসীদের ওপর নয়, আরও ওপরে ছুটেছে? আশ্চর্য্য তোমার যে, আমাকে বিশ্বাস করতে চাও—বড় হয়ে উঠলেও খোকাকে চক্রান্ত করে বেকাম করা হয়েছে!

বিশ্বাস করা না করা আপনার ইচ্ছা; কিন্তু কথার পিঠে কথা যখন উঠেছে, আর যে কথা আমি সত্য বলে জেনেছি, আমি কেন গোপন করুব, বলুন!

ওঁকে বেকাম সাব্যস্ত করে চক্রান্তকারীদের লাভ?

এ কথা জিজ্ঞাসা করাই যে বাহুল্য হচ্ছে, বাবা! আপনার জমিদারীর সাধারণ প্রজারাও জানে, ছেলে যদি বেকাম হয়, বড় হলেও সে জমিদারীর গদীর ওপর বসতে পারে না, তাকে ছোট ভায়েরই হাত-তোলা হয়ে থাকতে হয়!

বধুর এই নির্ভীক উক্তি শুনিয়া রুদ্ধ আরাম-কেদারার হাতলটির উপর সবলে আঘাত করিয়া চীৎকার তুলিলেন,— উঃ, কি সর্বনাশ! তুমি আমার এষ্টেট তছনছ করতে এসেছ,—গাঙ্গুলী-সংসার ভাসতে হাত তুলেছ!

বধুও সঙ্গে সঙ্গে দৃঢ়স্বরে উত্তর দিল,—না বাবা, আমি আপনার ভুলটুকুই শুধু ভেঙ্গে দিতে এমন মোরিয়া হয়ে উঠেছি।

বটে! কিন্তু ভুল শুধু আমি করিনি; খোকা যে জড়-প্রকৃতি নিয়েই জন্মেছে, মাথায় তার বুদ্ধিগুণ কিছু নেই, কল্পিনুকালেও সে মানুষ হবে না,—বড় বড় বিদ্যাঙ্গিগুণের তার ভার নিয়ে শেষে ঐ কথা বলে এলে দিয়ে গেছে।

যে-কোনও কারণেই হোক, তাঁরাও ভুল করেছেন ওঁর সম্বন্ধে।

আমি বাবা, আমি ভুল করেছি; বহরের পর বহর



মোটা মোটা মাইনে নিৰে ধাৰা তাকে নাড়াচাড়া করেছে, তারো ভুল করেছে, আর কটা দিনের চেনা-গুনায় তুমিই শুধু তাকে চিনেছ ?

বধু নিরুত্তরে দৃষ্টি নত করিল, কিন্তু তাহার মুখে দৃঢ়তার রেখাগুলি আরও স্পষ্টভাবে ফুটিয়া উঠিল। বক্র-দৃষ্টিতে তাহা লক্ষ্য করিয়া কৰ্ত্তা কহিলেন,—তা হ'লে তুমি জোর করেই আমাকে বোঝাতে চাইছ যে, খোকার মাথার মধ্যে কোনও গোল নেই ; আমরা তাকে যতটা অপদার্থ মনে ক'রে আসছি, সে তা নয় ;—এই ত ?

বধু সুস্পষ্টভাবে উত্তর দিল,—আমার কথা ত আগেই বলেছি, বাবা !

অনেক কথাই ত তুমি বলেছ, বোমা। কিন্তু একটা কথার সঙ্গে আর একটা কথার সামঞ্জস্য যদি না হয়, কোন কথার ওপরেই নির্ভর করা যায় না। প্রথমেই তুমি বলেছ, বুটো মাল আমি চালিয়ে তোমাকে ঠকিয়েছি !

মাল বুটো জেনেই ত আপনি চালিয়েছিলেন, বাবা। এখনও আপনার মনে দৃঢ় ধারণা, সে মাল বুটোই !

আমি না হয় এ কথা স্বীকার করছি ; কিন্তু তোমার মুখেই পুনরায় শুনতে পাচ্ছি, সে মাল বুটো নয়, আসল। তোমার কোন কথাটি তা হ'লে প্রকৃত ?

বধু বুকিল, বিচক্ষণ শব্দে তাহার কথার খুঁটুকু ধরিয়াই তাহাকে আঘাত করিতে যে অল্প উদ্ভত করিয়াছেন, তাহা অব্যর্থ। যে জন শব্দকে সে অনুধোগ করিতে সাহস পাইয়াছিল, তাহারই শেষের কথায় তাহা খণ্ডন হইয়া যায়। কিন্তু অসাধারণ উপস্থিত-বুদ্ধির প্রভাবে বধু তৎক্ষণাৎ দুইটি কথার সামঞ্জস্য করিতে প্রস্তুত হইল, কিছুমাত্র উত্তেজিত না হইয়া বেশ সহজকণ্ঠেই সে উত্তর দিল,—বিয়ের বাসরে সকলেই জেনেছিল, সোণা ব'লে আপনি পেতল চালিয়ে দিয়েছেন, বাবা। কিন্তু আমি তাদের সে ধারণা ঘুরিয়ে দিয়েছিলাম, নইলে সেখানেই একটা কেলেকারী কাণ্ড কিছু বেধে যেত।

বটে !

আমার দাদা মহাশয়ের আশীর্বাদেই আমি বাসরেই জানতে পেরেছিলাম বাবা, আপনি আমাকে ঠকাবার চেষ্টা করলেও আমি ঠকি নি,—আসল বস্ত্র তার মধ্যে আছে, এক দিন সোণা হবেই। তাই কোনও গোল আর বাধে

নি, আমারও নাগিশ করবার প্রয়োজন হয় নি। আপনি জানতেন, কি আমাকে দিয়েছেন ; আমি জেনেছিলাম, কি ভেবে দিয়েছেন ; কিন্তু আমি কি পেয়েছি, সে কথা ত আমাকে জিজ্ঞাসা করেন নি কোনদিন, বাবা !

বক্রদৃষ্টিতে কিছুক্ষণ বধুর মুখের দিকে চাহিয়া কৰ্ত্তা সহসা প্রশ্ন করিলেন,—সেই সোণার চাবুকটা কি উদ্দেশ্যে আমি তোমাকে দিয়েছিলাম, মা ?

প্রশ্নের সঙ্গে সঙ্গে বধু উত্তর দিল,—এখানেও সেই ভুল আপনি করেছিলেন বাবা, সেই জঞ্জাই এ বাড়ীতে এসেই আমাকে স্বর্ণ-গর্দভের সন্ধানে সমস্তায় পড়তে হয়েছিল।

আর, সে সমস্তা তোমার সোজা ক'রে দিয়েছিল নিবারণ ! কিন্তু মা, তুমিও এখানে মস্ত ভুল করেছ, নিবারণ স্বর্ণ-গর্দভ নয়, স্বর্ণ-সিংহ।

হাসিমুখেই বধু কহিল,—সিংহের চামড়া প'রে একটা গর্দভও কিছুকাল বনে রাজত্ব করেছিল, বাবা। কিন্তু বেশী দিন তার ধাপ্লাবাজী চাপা থাকে নি ;—এ গল্প আপনি অবশ্যই শুনেছেন !

সহসা অসহিষ্ণুভাবে রুক্ষস্বরে কৰ্ত্তা কহিয়া উঠিলেন,—কিন্তু তোমার সেই সত্যিকার সিংহটি কোথায় ? এক ঘণ্টার ওপর ত আমাদের তকরার চলেছে, বাইরের দরজায় আমি যদি পাহারা বসিয়ে না আসতুম, মংলগুণ্ড সবাই এখানে ছুটে আসত। কিন্তু তাঁর সাড়াশব্দই কিছু নেই,—নিজের গুহার প'ড়ে ঘুমুচ্ছেন, কিম্বা ল্যাজ নাড়ছেন হয় ত ! আর, ও যদি নিবারণ হ'ত, তা হ'লে—

শব্দরের কথা শেষ করিবার অবসর না দিয়াই বধু অসঙ্কোচে কহিল,—নিবারণের সঙ্গে ঔঁর পার্থক্য এইখানেই, বাবা !

অতিশয় বিরক্ত ও অসন্তুষ্ট হইয়া অলস-দৃষ্টিতে কৰ্ত্তা বধুর মুখের দিকে চাহিলেন। এই ভয়াবহ দৃষ্টির আঘাত সহ করিয়া তাঁহার মুখের কথায় পুনরায় প্রতিবাদ তুলিবার মত সাহস কাহারও বড় একটা দেখা যায় নাই ; কিন্তু বধু অকুতোভয়ে শব্দরের আরক্তমুখের দিকে চাহিয়া সহজ ভঙ্গীতে কোমল কণ্ঠে কহিল,—পরের মুখের কথা, আর নিজের মনের অনুমান, এদের ওপর এক তরফা জোর দিলে শেষকালে পরাজিত হয় না, বাবা ?

ক্রকুটি করিয়া খণ্ডর জিজ্ঞাসা করিলেন,—এ কথার মানে ? কাকে লক্ষ্য করে কথাগুলো বলা হ'ল, বোমা ?

বধু খণ্ডরের মুখের উপর অচঞ্চল দৃষ্টি স্থাপন করিয়া উত্তর দিল,—আমি খুব সোজা আর সত্য কথাই বলেছি, বাবা ! যে ভুল বরাবর হয়েছে, এখানেও যে ঠিক সেই ভুল হচ্ছে ; আপনি যখন বিচার করতেই এসেছেন, দলীল-দস্তাবেজ সবই যখন কাছে মজুত, তখন নিজের চোখে না দেখে ও-কথাগুলো বলা কি ঠিক হয়েছে ?

খুব জোরে একটা নিশ্বাস ফেলিয়া কর্তা কেদারা ছাড়িয়া উঠিয়া দাঁড়াইলেন, দীর্ঘনিশ্বাসের সহিত রুদ্ধকণ্ঠ হইতে শুধু একটি অমুচ্চ স্বর নির্গত হইল,—হঁ !

বধু অপলক-নয়নে দেখিল, তাহাকে কোনওরূপ আহ্বান না করিয়াই তাহার খণ্ডর একাই অগ্নিনের দরজা দিয়া তাহাদের পাঠাগারের দিকেই চলিয়াছেন !

পড়িবার ঘরখানির ভিতর এতক্ষণ কতকগুলি জটিল আঁকের সমাধান লইয়া একাগ্রচিত্ত গোবিন্দের অপূর্ণ সাধনা চলিয়াছিল ! অল্প কোন দিকেই তাহার ক্রক্ষেপ নাই, বধু যে বাহিরের দ্বারে আঘাতশব্দ শুনিয়া উঠিয়া গিয়াছে ও এতক্ষণ কক্ষে অনুপস্থিত রহিয়াছে, তাহার সম্বন্ধেও সে সম্পূর্ণ অচেতন । টেবলের উপর প্রসারিত খাতাখানির পৃষ্ঠাতেই তাহার প্রাণশক্তি এমনভাবে ঝুঁকিয়া পড়িয়াছিল, যেন খাতার বাহিরে আর কাহারও দিকে তাকাইবার বা খাতার আঁকগুলি সমাধা হইবার পূর্বে অল্পদিকে মনকে চালাইবার তাহার নিজেরই কোনও সামর্থ্য নাই ।

সহসা পরিপূর্ণ উল্লাসে করতালি দিয়া গোবিন্দ কহিয়া উঠিল,—ব্যস্ !—রুল অফ থী কিনিস্ !—এবার কি দেবে ?

আনন্দোচ্ছ্বাসিতমুখে জিজ্ঞাসু নয়নে সে বধুর আসনের দিকে চাহিয়া দেখিল, বধু সেখানে নাই এবং মুখখানি রীতি-যত গভীর করিয়া বিনি সে স্থলে দাঁড়াইয়া আছেন, এ সময় এ গৃহে এ অবস্থায় সে তাঁহাকে এ ভাবে দেখিবার কোনরূপ প্রত্যাশাই করে নাই ! তাহার মুখের হাসি ও মনের উল্লাস সেই মুহূর্ত্তেই কোথায় তলাইয়া গেল, এই অবস্থাতেও তাহার কর্তব্যবুদ্ধি আজ সহসা সচেতন হইয়া উঠিল । তাড়াতাড়ি আসন ছাড়িয়া সে উঠিয়া দাঁড়াইল, এবং তাহার

অজ্ঞাতেই যেন কণ্ঠ হইতে অমুচ্চ স্বর প্রকাবিশ্বয়ের সুরে বাহির হইয়া আসিল,—বাবা ! আপনি !

নিরুত্তরে বিস্ময়বিমূঢ় পুত্রের আপাদ-মস্তক তীক্ষ্ণদৃষ্টিতে নিরীক্ষণ করিয়া বৃদ্ধ একখানা চেয়ার টানিয়া আস্তে আস্তে বসিলেন । সুবহুৎ টেবলখানির উপর অনেকগুলি খাতা ও নানাবিধ কেতাব কেতাহুরস্তভাবেই রাখা ছিল । পর পর কয়েকখানি বাঁধানো বই হাতে লইলেন, খুলিয়া ছই চারি-খানি পৃষ্ঠাও উল্টাইলেন, কিন্তু কোনও গ্রন্থের বিষয়বস্তু সম্ভবতঃ উপলব্ধি করিতে না পারিয়াই যথাস্থানে রাখিয়া দিলেন । অতঃপর যে খাতাখানি লইয়া গোবিন্দ ঘণ্টার পর ঘণ্টা গণিতের সাধনায় মগ্ন ছিল, সেইখানি তুলিয়া, ইংরেজিতে লেখা অঙ্কগুলির উপর বিস্মিতদৃষ্টি প্রসারিত করিয়া প্রশ্ন করিলেন,—এ সব তোমার লেখা, খোকা ?

খোকায় মুখ হইতে যুহুসুরে উত্তর আসিল,—হাঁ ।

পুনরায় প্রশ্ন হইল,—কি আঁক এগুলো ?

গোবিন্দ কহিল,—রুল অফ থী ; আজ শেষ হয়ে গেল !

খাতার পাতাগুলি উল্টাইতে উল্টাইতে কোঁতুলনের সুরে পিতা জানিতে চাহিলেন,—তেরিজের কত পরে এ আঁকটা ?

পুত্রের মন পিতার প্রশ্নে উল্লাসে নাচিয়া উঠিল ; এমন ভাবে পিতা ত কখনও তাহার সহিত কথা কহেন নাই,—আজ তিনি তাহার খাতার আঁক দেখিয়া তাহার কাছেই জানিতে চাহিতেছেন—তেরিজের কত পরে এ আঁক !

উৎসাহের সুরে গোবিন্দ কহিল,—ওঃ ! তেরিজের অনেক পরে, বাবা ! তেরিজ ত স্যাডিসন,—সে ত গোড়ায়, তার পর সবটোকসন, তার পর মটিপিকেশন, তার পর ডিভিসন, তার পর—

পরবর্তী অঙ্কের নামগুলি বলিবার অবসর পুত্রকে না দিয়াই পিতা পুনরায় প্রশ্ন করিলেন,—আচ্ছা, যে আঁক আজ তুমি শেষ করেছ বললে, ওর বাঙ্গালা নামটা কি ?

পুত্র তৎক্ষণাৎ উত্তর দিল,—ত্রৈশিক, বাবা !

মুখের ভাবটুকু পরিবর্তন করিয়া পিতা কহিলেন,—ওঃ, বুঝিছি ; এ আঁক ত পাটীগণিতের প্রায় শেষের দিকেই ! তুমি ত্রৈশিক কবছ ! বটে !

অধিকতর উৎসাহভরে পুত্র কহিল,—শীগীরই আমি পাটীগণিত শেষ করে ফেলব । তখন, কি মজা !

আনন্দবিহ্বল পুত্রের মুখের দিকে দৃষ্টি বদ্ধ করিয়া পিতা

কহিলেন,—আমি ত শুনেছিলুম খোকা, তেরিছের কোটা তুমি পেরতে পার নি, মাষ্টাররা হিমশিম খেয়ে এলে দিবে পালায়! অথচ, সেই তুমিই আজ ত্রৈমাসিক শেষ করেছ!

পিতার মুখের কথায় পুত্রের মুখখানি আপনিই হেঁটে হইয়া পড়িল, সে মুখে যুগপৎ ব্যথা ও লজ্জার চিহ্ন প্রকাশ পাইল।

পুত্রের মুখভঙ্গী লক্ষ্য করিয়াই পিতা প্রশ্ন করিলেন,—কবে থেকে আবার কেঁচে-গুঘু আরম্ভ করা হয়েছে?

আনন্দ-দৃষ্টি পিতার মুখের উপর স্থাপন করিয়া পুত্র নীরব রহিল। পিতা প্রশ্নটি পুনরায় পরিষ্কার করিয়া ব্যক্ত করিলেন,—আমার কথা কি বুঝতে পার নি, খোকা? আমি জিজ্ঞাসা করছি, লেখাপড়ার পাট ত চলোয় গিয়েছিল, আবার শুরু করা হ'ল কবে থেকে?

ফুলশস্যার রাত থেকে।

বটে! ভাল, ভাল; আচ্ছা, শেখাচ্ছেন কে?

গোবিন্দ আবার মুখ হেঁটে করিল, সুন্দর মুখখানি তাহার পিতার এই প্রশ্নে সহসা লাল হইয়া উঠিল। সহসা তাহার মনে পড়িয়া গেল বধুর কথা; সে দৃঢ়তার সহিত বলিয়াছিল, স্বামি-স্ত্রীর মধ্যে যে সব কথা হয়, তাহা কাহাকেও বলিতে নাই। কে তাহাকে পুনরায় লেখাপড়ায় ব্রতী করিয়াছে, আঁক শিখাইতেছে,—তাহা বলিতে হইলেই বধুর নাম তুলিবার কথা। কিন্তু তাহার যে নিষেধ! সুতরাং গোবিন্দ এ প্রশ্ন শুনিয়া নিরুত্তরে মুখ হেঁটে করিয়াই রহিল।

পিতা আড়-নয়নে তাহা লক্ষ্য করিয়া মনে মনে হাসিলেন, পরক্ষণে পুনরায় প্রশ্ন করিলেন, এত কাল পরে হঠাৎ আঁকের উপর এ আগ্রহ কেন?

পুত্র ছই চক্ষু তুলিয়া কম্পিতকণ্ঠে গাঢ়স্বরে উত্তর দিল,—মামুষ হতে হ'লে আগেই যে আঁক শিখতে হয়, নইলে মাথা খোলে না।

পিতার পাকা মাথাটির ভিতর কে যেন সহসা একটি হুঁচ ফুটাইয়া দিল! মনের তাব গোপন করিয়া এবার একটু স্নেহের স্বরেই তিনি কহিলেন,—বড় বড় মাষ্টারগুলো বধন তোমাকে পাঠানিতখানা গুলে খাওয়াতে উঠে পড়ে লেগেছিল, তখন তোমার মাথার ভেতরে ও-কথাটা খেল দি কেন?

পুত্র বালাকের স্মার কোমলকণ্ঠেই উত্তর দিল,—ওঁরা ত কেউ আমাকে ও-কথাটা তখন বুঝিয়ে বলেন নি! খালি খালি বলতেন, আমি গাধা, আমার মাথার ভেতরটা খালি গোবরে ভরা, আমার কিছুই হবে না।

তার পর কেউ বুঝি তোমাকে বুঝিয়ে দিলে, তোমার মাথাটা খালি গোবরে ভরা নয়, চেষ্টা করলে তুমিও মামুষ হ'তে পার?

পুত্র নিরুত্তরে খাড়াটি নাড়িয়া পিতার মস্তব্যে সায় দিল। সঙ্গে সঙ্গে এ সঙ্গে বধুর তীক্ষ্ণ কথাগুলি পিতার স্মৃতিপথে ভেরীর মত যেন ঝঙ্কার তুলিল,—ভগবান্ তার মাথার ভেতরে গোবর পুরে দেন নি, মাতঙ্গররাই তার মাথার ওপরে গোবরের বোঝা চাপিয়ে দিয়েছে!

অতঃপর নীরবেই তিনি কিছুক্ষণ ধরিয়া স্বরখানির সকল অংশই তীক্ষ্ণদৃষ্টিতে দেখিলেন। বুঝিলেন, সত্যকার পড়া-শুনাই এই ঘরে চলিয়াছে। টেবলের উপর পাশা-পাশি যে সকল বই ও খাতা ব্যবহার্য্য হিসাবে পড়িয়া ছিল, তাহাদের ভিতর হইতে একখানি খাতা তুলিয়া পিতা তাহার পাতায় পাতায় পরিষ্কার ছাঁদের লেখা দেখিলেন, পরক্ষণে পুত্রের দিকে চাহিয়া প্রশ্ন করিলেন,—এ লেখাও তোমার?

মাথা নাড়িয়া পুত্র জানাইল, না।

কার হাতের এ সব লেখা?

পুত্র নিরুত্তরে আবার মাথাটি হেঁটে করিল। পিতা বক্রদৃষ্টিতে পুত্রের দিকে চাহিয়া প্রশ্ন করিলেন,—এ লেখা তা হ'লে বৌমার?

পুত্রের চিবুকটি বার ছই নড়িয়া উঠিল এবং তাহাতেই বুঝিতে পারা গেল, পিতার অনুমান সত্য।

খাতাখানির আছোপাস্ত দেখিয়া পিতা একটি সুদীর্ঘ নিশ্বাস ফেলিয়া কহিলেন,—তা হ'লে কেবল আঁকের রাস্তা দিয়েই এখন তোমার ছোটোছোটো চলেছে?

পুত্র ছই চক্ষু বিক্ষারিত করিয়া কহিল,—আঁক ও খালি নয়, পড়তেও যে হয়।

বটে! তা' পড়াটা কি ভাবে চলেছে তোমার?

এই যে কটিং দেখুন না।—কথার সঙ্গে সঙ্গে একখানি খাতার পাতাটি খুলিয়া পিতার হাতে তুলিয়া দিল। একটু বড় ছাঁদের বাগলা অক্ষরে পাতার পুরা পৃষ্ঠাটিকে লিপিকা

এই অপূর্ব পড়বার অহোরাত্রের কর্মধারা। শুক বিষয়ে পিতা পড়িতে আরম্ভ করিলেন :—

ভোর পাঁচটা হইতে সাড়ে ছয়টা... প্রাতঃকৃত্যাদি  
ও ব্যায়াম

সাড়ে ছয়টা হইতে সাতটা ... মাতৃপূজা

সাতটা হইতে সাড়ে সাতটা ... গীতাপাঠ

সাড়ে সাতটা হইতে আটটা ... জলযোগ

আটটা হইতে দশটা ... ইংরেজি সাহিত্য

দশটা হইতে বারোটা ... স্নানাহার ও বিশ্রাম

বারোটা হইতে তিনটা ... অঙ্ক

তিনটা হইতে পাঁচটা ... বাঙ্গালা সাহিত্য

পাঁচটা হইতে সাড়ে সাতটা ... জলযোগ, ব্যায়াম ও  
সায়াকৃত্যাদি

সাড়ে সাতটা হইতে আটটা ... মাতৃপূজা

আটটা হইতে দশটা ... সাময়িক পত্রিকা পাঠ

ও বিবিধ আলোচনা

দশটা হইতে এগারটা ... ভোজন ও বিশ্রাম

এগারোটা হইতে রাত্রি বারোটা ... শাস্ত্রপাঠ

পড়া শেষ হইলে খাতাখানি পুত্রের হাতে ফিরাইয়া দিয়া শুধু একটি বিষয়ে পিতা প্রশ্ন করিলেন,—মাতৃপূজাটা কি ?

পুত্র কহিল,—ও-বরে মায়ের যে ছবি আছে, ঐ সময় তাতে ফুলের মালা পরিয়ে ধূপ-ধূনো গঙ্গাজল দিয়ে পূজা করি আর তাঁর কাছে এই বলে মানত করি,—মা গো! আমার মনের জড়তা ভেঙ্গে দাও, অজ্ঞানতার অন্ধকার দূর ক'রে দিবে বিবেকের আলো দেখাও, সত্যের পথ ধ'রে আমি যেন সত্যকার মানুষ হ'তে পারি।

হুই চক্ষু মুদিত করিয়া প্রার্থনার ভঙ্গীতে পুত্র পিতার সমক্ষে মাতৃপূজার পদ্ধতি বাসকম্বলভ সরলতায় ব্যক্ত করিল।

অতি কষ্টে এবার পিতাকে আশ্বাসঘরণ করিতে হইল, উদগ্র অশ্রুধারাকে সবলে রুদ্ধ করিতে হুই চক্ষু তাঁহার ক্ষীভ হইয়া উঠিল; তাঁহার মনে হইল, বিবাহের দিনেও স্বক-পর্ষ্যারভুক্ত যে পুত্রের মনোবৃত্তি ছয় বৎসরের শিশুর অনুরূপ ছিল, আজ সে যেন সহসা কি এক অলৌকিক যাত্নদণ্ডের স্পর্শের প্রভাবে ষোড়শবর্ষীয় অধ্যয়নশীল কিশোরের

প্রশংসিত মনস্থিতা অর্জন করিয়া লইয়াছে;—এখনও যে কয়টি বৎসরের ব্যবধান রহিয়াছে, এই ভাবে উচ্চ সাধনা চলিলে, তাহার তিরোধানও দীর্ঘ সময়সাপেক্ষ নহে।

এই সময় পাঠাগারের ঘড়িতে তিনটা বাজিল,—সঙ্গে সঙ্গেই বাহিরের ঘণ্টাঘরের ঘোষণাও তাঁহার সমর্থন করিল। পিতা সচকিত হইয়া জোর করিয়া কণ্ঠ পরিষ্কার করিয়া কহিলেন,—তোমার ত এখন পড়বার সময় এল, খোকা। বেশ, তুমি পড়া আরম্ভ কর; আমি একবার ও-ঘরটা দেখে যাই।

কথা শেষ করিয়াই পিতা মধ্যের বড় ঘরখানির দিকে অগ্রসর হইলেন। সময়ের অপব্যয়ে পুত্র অর্ধৈর্ষ্য হইয়া পড়িয়াছিল, এবার সে নিশ্চিত হইয়া এ দিনের পাঠ বাঙ্গালা বইগুলি লইয়া বসিল।

মধ্যের কক্ষে প্রবেশ করিতেই সহধর্মিণীর স্মৃহৎ আলেখ্য-খানির উপর হরিনারায়ণ বাবুর দৃষ্টি পড়িল।

স্বর্গীয়া পত্নীর এই আলেখ্যখানি বহুবারই তিনি দেখিয়াছেন; পত্নীর সহস্র স্মৃতিবিজড়িত এই কক্ষের এই স্থানটিতে দাঁড়াইয়া কত দিন অতীতের কত কথাই তিনি স্মরণ করিবার অবকাশ পাইয়াছেন, প্রিয়-বিরহের গভীর অনুভূতি কত সুদীর্ঘ নিঃশ্বাসেই ব্যক্ত করিয়াছেন!—কিন্তু আজ সেই পরিচিত কক্ষে, সেই আকাঙ্ক্ষিত আলেখ্য-সমীপে আসিয়া দাঁড়াইতেই তাঁহার মনে হইল, তিনি যেন কোনও সুপবিত্র পূজা-মন্দিরে এক অপূর্ব দেবীপ্রতিমার সংস্পর্শে আসিয়াছেন! যদিও এই কক্ষের এক পার্শ্বে মহার্ঘ্য পালঙ্কে শুভ্র শয্যার নিদর্শন রহিয়াছে, তথাপি শুদ্ধাচারের গুচিতায় এখানকার প্রত্যেক বস্তুটিই যেন দেবতার নিখাল্যের মতই অনিন্দ্য ও অনবচ্ছ। অতীত জীবনের কত অহোরাত্রিই এই কক্ষে অতিবাহিত হইয়াছে, কিন্তু কোনও দিনই ত তিনি এখানে সুপবিত্র দেবালয়ের শাখত গাভীর্য্য অনুভব করেন নাই! আর, গৃহের এই পবিত্র সুন্দর পরিস্থিতি গৃহপ্রাচীরে অধিষ্ঠিতা স্বর্ণলতা গৃহিণীর প্রতিকৃতির উপরেও কি এক অনন্তপূর্ব ছাতির বিকাশ করিয়া দিয়াছে!, হরিনারায়ণ বাবু দৃষ্টি প্রথর করিয়া দেখিলেন, আলেখ্যের অধিকারিণীর সীমন্তের যে অংশে সিন্দূর-রেখাটি নিভাস্ত



কীর্ণকার ছিল, তাহা যেন কোনও সিদ্ধহস্তের তুলিকার  
হুলভর হইয়া অন্-অন্ করিতেছে, শুধু এই পরিবর্তনটুকুতেই  
ভৈলচিত্রের মুখখানির শোভা ও সৌন্দর্যের কতখানিই না  
উৎকর্ষ হইয়াছে! অথচ এই ক্রটিটুকু ত এ পর্যন্ত তাঁহার  
চক্ষু হটিকে পীড়া দেয় নাই। সীমস্তের এই সিন্দুরশোভা ও  
সুগন্ধ পুষ্প নিপুণহস্তে রচিত অমুগম মালা চিত্রময়ীকে  
যেন প্রাণময়ী করিয়া তুলিয়াছে! অপলকনয়নে তিনি সেই  
দিকেই চাহিয়া রহিলেন। কিছুক্ষণ পরে দৃষ্টি নত করিতেই  
আলেখ্যখানির পাদপ্রান্তে খেতপ্রস্তরের এক আধারের  
উপর নিবেদিত পুষ্পাঞ্জলির নিদর্শনও পাওয়া গেল;  
বুঝিলেন, চিত্রেখরী দেবীর উদ্দেশে অর্ঘ্য ও পুষ্পসস্তার শ্রদ্ধা  
সহকারে অর্পিত হইয়াছে; পুষ্পের পড়াগনার তালিকায়  
সকাল-সন্ধ্যায় মাতৃপূজার নির্দেশ তৎক্ষণাৎ তাঁহার বিস্ফারিত  
চক্ষুর উপর ভাস্বর হইয়া উঠিল।

অতঃপর ধীরে ধীরে তিনি শয্যার দিকে অগ্রসর হইলেন।  
শয্যাটিও যে নির্দিষ্ট স্থানটি হইতে সরিয়া গিয়া কক্ষের  
প্রান্তদেশে রুজু রুজু ছইটি বাতায়নের মধ্যস্থলে আশ্রয়  
লইয়াছে, কক্ষে প্রবেশ করিয়াই তিনি তাহা লক্ষ্য করিয়া-  
ছিলেন। এখন নিকটে গিয়া দেখিলেন, শুধু স্থান নয়,  
তাহাতে আরও অনেক কিছুই পরিবর্তন হইয়াছে।  
শয্যার যে ছইটি সংযুক্ত আধার স্থল গদি ও সুকোমল প্রচুর  
তোষকে আচ্ছাদিত হইয়া কক্ষের শোভা ও চক্ষুর তৃপ্তি বাড়াইয়া  
তুলিত, তাহা বিধা বিভক্ত হইয়া ছইটি আধারে পরিণত  
হইয়াছে, এবং গদী, তোষক প্রভৃতি সুকোমল আস্তরণের  
স্থলে স্থল ও কর্কশ সতরঞ্চি আধারের মর্যাদা রক্ষা  
করিতেছে। মধ্যমলের মত কোমল গুত্র আচ্ছাদন-বস্ত্র  
অস্তর্হিত হইয়া তাহাদের স্থল অধিকার করিয়াছে একখানি  
সুগচন্দ্র। মধ্যে মাত্র একটি হাত ব্যবধানে এই ভাবে ছইটি  
শয্যা সন্মুখ। বিশ্বয়-কৌতুহলে হরিনারায়ণ বাবু পাশা-  
পাশি ছইটি শয্যাই হাত দিয়া টিপিয়া টিপিয়া পরীক্ষা করিয়া  
দেখিলেন, কোনও পার্থক্যই কোনটির মধ্যে নাই; উভয়  
শয্যাই সুকঠিন ও গুচিতার প্রতীক। আরও লক্ষ্য করিয়া  
দেখিলেন, ভেলভেটের আস্তরণ-মণ্ডিত পালকের উপধান-  
গুলির কোনও নিদর্শনই কোনও শয্যাতে নাই, শুধু প্রত্যেক  
শয্যার প্রান্তদেশে মাথা রাখিবার মোটা রকমের একটি  
করিয়া উপধান রহিয়াছে, শয্যার জায় সেগুলিও কঠিন

এবং তাহাদের আস্তরণ ভেলভেটের নহে; হাতে কাটা  
মোটা রকমের ও সেগুলি গৈরিকবর্ণে রঞ্জিত; সুগচন্দ্রের  
আস্তরণের উপর গেকরা উপধানগুলির সংস্থানে শয্যার  
সৌন্দর্য যেন আরও বিকশিত হইয়া উঠিয়াছে।

আরও কিছুক্ষণ এই অপূর্ণ শয্যা ছইটির সন্মুখে স্থিরভাবে  
দাঁড়াইয়া হরিনারায়ণ বাবু মনে মনে কি ভাবিলেন, তাহার  
পর আস্তে আস্তে পুনরায় স্বর্গীয়া সহধর্মিণীর আলেখ্যখানির  
সান্নিধ্যে ফিরিয়া আসিয়া অমুচ্ছ্বরে ডাকিলেন,—বৌমা!

আহ্বানধ্বনির অব্যবহিত পরেই বধুর সহজ কর্ণধ্বনি  
শুনা গেল,—ডাকছেন আমাকে, বাবা?

খণ্ডের তীক্ষ্ণদৃষ্টি ধারের দিকেই পড়িয়াছিল; দেখিলেন,  
তাঁহার আহ্বানে সাড়া দিয়াই সপ্রতিভভাবে বধু কক্ষমধ্যে  
প্রবেশ করিতেছে, মুখে তাহার বিরাগ, বিকোভ, অভিমান  
অথবা সংশয়ের কোন চিহ্নই নাই। কিয়ৎক্ষণ পূর্বে  
দীর্ঘক্ষণ ধরিয়া যাহার সহিত তাঁহার বিষম বাদামুবাদ  
চলিয়াছিল, নিজে আঘাত পাইলেও, ক্ষমতার উৎকর্ষে তিনি  
যাহাকে কঠোরভাবে কথার আঘাত দিতে রূপণতা করেন  
নাই এবং কথার শেষে ইচ্ছাপূর্বক যাহাকে উপেক্ষা  
করিয়াই তাহার কক্ষে প্রবেশ করিয়াছিলেন, সেই অদ্ভুত  
মেয়েটি এমন সহজ ভঙ্গীতে তাঁহার আহ্বানে সাড়া দিয়া  
সন্মুখে আসিয়া জিজ্ঞাসু ছইটি চক্ষু তুলিয়া দাঁড়াইল, যেন  
কোনও অপরিচয় ঘটনাই ইতঃপূর্বে ঘটে নাই, আহ্বান  
পাইয়া আজ এইমাত্রই যেন সে ব্যগ্র হইয়া দেখা দিয়াছে।

মনের বিশ্বয় মুখে প্রকাশ হইতে না দিয়াই বেশ গভীর-  
ভাবে কণ্ঠা কহিলেন,—ও-ঘরে তোমার দলীল-দস্তাবেজ  
সমস্তই দেখে এলাম, বৌমা।

বধু পলকের জ্ঞান খণ্ডের মুখের দিকে চাহিয়াই তৎক্ষণাৎ  
দৃষ্টি নত করিল, কোনও উত্তর দিল না।

আড়-নয়নে বধুর এই ভাব লক্ষ্য করিয়া খণ্ডের কথার  
স্বর একটু বক্র করিয়াই কহিলেন,—কিন্তু ও-ঘরের কার্যদা-  
কাছন হঠাৎ এ ভাবে পাণ্টানো হ'ল কেন, তা ত  
বুঝলুম না!

বধু এবার চক্ষু তুলিয়া পুনরায় নিজের কর্ণকে শক্ত  
করিয়া আস্তে আস্তে উত্তর দিল,—পাণ্টাবার যে প্রয়োজন  
হয়েছিল, বাবা!

—প্রয়োজন হয়েছিল! তার মানে?

—মানে কি সভ্যই বুঝতে পারেন নি বাবা,—ও-খরের  
দলীল-দস্তাবেজ সব দেখেও?

বধূর স্পষ্ট কথার শব্দের মুখখানি সঙ্গে সঙ্গেই কঠিন  
হইয়া উঠিল; কিছুক্ষণ চূপ করিয়া থাকিয়া সহসা বধূর  
মুখের উপর ভীষণ দৃষ্টিতে চাহিয়া রুক্মকণ্ঠে তিনি কহিলেন,  
—এতক্ষণে তোমার মনের আসল উদ্দেশ্যটুকু আমি বুঝতে  
পেরেছি, বোমা।

জিজ্ঞাসনয়নে বধূ শব্দের মুখের দিকে চাহিল।  
শব্দ কহিলেন,—বিয়ের রাতে তোমার বাবাকে আভাসে  
জানিয়েছিলুম, আমাদের কুলপ্রথা—গাজুলী-বাড়ীতে মেয়ে  
বধূ হয়ে প্রবেশ করলে, সৎসরের মধ্যে ফেরবার উপায়  
থাকে না। তোমার বাবা এ নিয়ম পাণ্টাবার জন্ত  
আপত্তি জানাতে, অস্বরোধ করতে ক্রটি করেন নি, কিন্তু  
আমার সে কথা নড়ে নি। এখন আমার মনে হচ্ছে,  
আমার সেই কথাটা রদ করবার জন্তই তুমি এখানে  
বেপরোয়া হয়ে এই সব কাণ্ড বাধিয়েছ!

বধূর মুখে এতক্ষণে হাসির একটু ঝিলিক দেখা গেল,  
স্নিগ্ধ দৃষ্টিতে শব্দের মুখের দিকে চাহিয়া কোমলকণ্ঠে সে  
প্রশ্ন করিল,—এতে আমার লাভ কিছু খতিয়ে পেয়েছেন,  
বাবা?

অসহিষ্ণুভাবেই শব্দ উত্তর দিলেন,—লাভ তোমার  
বাপের বাড়ী ফিরে যাওয়া! তারা তোমাকে দেখেই  
সেই অবাঞ্ছিত হয়ে তাকাবে, তুমিও তেমনি দস্ত ক'রে  
ওনিয়ে দেবে,—এমন কাণ্ড সেখানে আরম্ভ ক'রে দিলুম  
যে, বুড়ো মুখের কথা পাণ্টাতে পথ পেলো না!

কিন্তু বুঝা বড়াই ত আমি কোনও দিন করিনি, বাবা।  
আর আমি ও জিনিষটা ভালোও বাসি না; আপনি  
তা হ'লে আমার সম্বন্ধে ভুল বুঝেছেন।

ভুল বুঝিছি! সত্যি বলছ তুমি, বোমা?

আমি যদি বলি, আপনার ঐ কথাটাই আমার পক্ষে  
ঠিক 'শাপে বর' হয়ে গিয়েছে, তা হ'লে কি আপনি বিশ্বাস  
করবেন?

মুখের কথার স্বরটুকু পুনরায় নরম করিয়া শব্দ  
প্রশ্ন করিলেন,—কি রকম?

বধূর মুখে দৃঢ়তার আভাস পাওয়া গেল, নিজের কণ্ঠ  
পরিষ্কার করিয়া সুস্পষ্টস্বরে সে কহিল,—বাসরে আপনার

ছেলের পরিচয় পেয়েই আমি স্থির ক'রে নিয়েছিলুম,  
ঐর মুক্তির জন্ত সৎসর ধ'রে এই-তপস্শাই আমি এখানে  
করব।

সৎসরের সুরে শব্দ পুনরায় জিজ্ঞাসা করিলেন,—  
সৎসর তোমার বাপের বাড়ীর পথ বন্ধ জেনেও?

গাঢ়স্বরে বধূ উত্তর দিল,—আমি ইচ্ছা ক'রে নিজেই  
সে পথ যে বন্ধ ক'রে এসেছি, বাবা!

তুমি বন্ধ ক'রে এসেছ, ইচ্ছা ক'রে?

অশ্রুরুদ্ধ হইয়া চক্ষু শব্দের মুখের উপর তুলিয়া  
বধূ কহিল,—সেই জন্তই তখন কনকাল্লির বায়না  
তুলতে হয়েছিল,—আপনার দেওয়া মোহরের খালা মার  
আঁচলে ঢেলে দিয়ে সমস্ত বন্ধন ছিঁড়ে ফেলে শুধু একটি  
উদ্দেশ্যই সমস্ত মন—সমস্ত লক্ষ্য আমার—

অন্তরের দুর্ব্বার উচ্ছ্বাসে বধূর কণ্ঠ সহসা রুদ্ধ হইল,  
পরের কথা কয়টি আর নির্গত হইল না।

শব্দ সহসা চমকিত হইয়া বিশ্বয়ের সুরে কহিয়া  
উঠিলেন,—ও, বটে! মনে পড়েছে! পরক্ষণে মুখের  
ভাব ও কথার সুর পাণ্টাইয়া কহিলেন,—হ্যাঁ, তোমার  
লক্ষ্যটুকুও এবার ধরা প'ড়ে গিয়েছে! ধ'রে নিলুম না হয়  
তোমার কথাতেই বাপের বাড়ীর পথ বন্ধ করেই এসেছ;  
কিন্তু শব্দরবাড়ীতেও ক্রমশঃই ত আগড় বাঁধতে আরম্ভ  
করেছ! কারুর ভোয়াকা রাখতে চাও না, বাড়ীর বধূ তুমি,  
অথচ কারুর সঙ্গে তোমার সম্বন্ধ নেই, ভালমন্দ কোনও  
দিকেই দৃষ্টি নেই, সমস্ত কর্তব্য ছেঁটে ফেলে শুধু নিজেই  
একটি লক্ষ্য বস্তু নিয়েই প'ড়ে আছ! এ চমৎকার!

মূহূর্ত্তে বধূর মুখখানির উপর কে যেন কাঠিন্দের  
আবরণ পরাইয়া দিল, কণ্ঠ ও চক্ষুর দুর্ব্বলতা কোথায়  
পলকে নিশ্চিহ্ন হইয়া গেল, পরিপূর্ণ দৃষ্টিতে শব্দের মুখের  
দিকে চাহিয়া তেজোদৃষ্ট স্বরে বধূ কহিল,—এ প্রসঙ্গ ছেড়ে  
দিন বাব!, এর আলোচনা অপ্রিয় হবে।

শব্দের আপাদমস্তক বধূর কথায় ক্রোধে কণ্ঠকিত  
হইয়া উঠিল, বধূ আজ অসীম স্পর্কায় আলোচনার ধারারও  
নির্দেশ দিতে চায়। বুঝিলেন, এই প্রসঙ্গটাই বধূর পক্ষে  
সাংঘাতিক হইয়া দাঁড়াইয়াছে, সুতরাং ইহাকেই অবলম্বন  
করিয়া তিনি বধূকে রীতিমত আঘাত দিতে উত্তত হইলেন।

মুখের কথায় মনের ক্রোধটুকু ব্যক্ত করিয়া বিরক্তির

স্বরে তিনি কহিলেন,—অন্ত্যের আলোচনা বরাবর অপ্রিয়ই হইবে থাকে, বৌমা। এটা ঢাকবার চেষ্টা করাই মন্ত অস্তায়। আমি তোমাকে যা জিজ্ঞাসা করছি, তার উত্তর তোমাকে দিতেই হবে। তখনও তুমি জোর করে বলেছ, কোন অস্তায় এ পর্যন্ত করনি তুমি, একটি মিথ্যা কথা কখনও বলনি।

বধু মুখ হেঁট করিয়া নিরুত্তর রহিল, কিছুই বলিল না। কিন্তু তাহার এই নীরবতাই যেন প্রকাশ করিতেছিল,— এখনও সে উহাতে সায় দিতেছে।

কর্তা এবার স্বরের উপর বিশেষ জোর দিয়াই কহিলেন, আমি বলছি বৌমা, নববধুর কোনও কর্তব্যই তুমি এ পর্যন্ত করনি—বধুদের যেগুলো অবশ্য কর্তব্য!

বধু সেইভাবেই মুখখানি হেঁট করিয়া রহিল; শ্বশুরের কথায় কোনও প্রতিবাদ তুলিতে বা এ অভিযোগ অস্বীকার করিতে তাহাকে একটি কথাও বলিতে গুনা গেল না।

শ্বশুর এবার উৎসাহিত হইয়া কহিলেন,—বুঝিছ, তুমি 'না' বলতে পার না। তিনটে মাস পুরো হ'তে চললো, তুমি এ বাড়ীতে এসেছ; কিন্তু ব্যবহারে বাড়ীতুচ্ছ সকলকেই জানিয়েছ, তুমি তাদের কাউকে চাও না, আর কারুর দিকে তোমার লক্ষ্য নেই। অস্বীকার করবে তুমি এ কথা?

বধু তথাপি নীরব, প্রস্তর-প্রতিমার মত একই ভাবে অপলক-নয়নে নতমুখে দাঁড়াইয়া রহিল।

শ্বশুর দৃঢ়স্বরে কহিলেন,—এ কথাও তুমি মেনে নিচ্ছ তা হ'লে। আমাকে আরও কঠিন হয়ে বলতে হচ্ছে বৌমা, 'কথাটা খুঁই অপ্রিয়, কিন্তু সত্য,—তোমার খাণ্ডী, দেবর, নন্দ;—এদের কারুর কোনও খবরই তুমি রাখ না, রাখা আবশ্যিক মনে কর না,—আর, আর, এ কথাও সত্য যে, আমার দিকেও তোমার লক্ষ্য নেই!

বধুর মুখে কোনও পরিবর্তনই দেখা গেল না, এমন কি, পর পর একরূপ অভিযোগেও তাহার মুখে চিন্তা বা আশঙ্কার কোন ছায়াও পড়িল না।

শ্বশুর মুখের স্বর এবার কিঞ্চিৎ নরম ও বিকৃত করিয়া কহিলেন,—এখন ছনিয়ার ভেতর তোমার একটি গুঁড় লক্ষ্য—স্বামী!

প্রস্তর-প্রতিমার এককণ্ঠে যেন প্রাণের স্পন্দন আসিল;

সাড়ীর অঞ্চলটি গলায় ঘুরাইয়া শ্বশুরের পদতলে হেঁট হইয়া গড় করিয়া ভাবগদগদস্বরে বধু কহিল,—আপনার এই অহুমানই আজ আমার পক্ষে পরম আশীর্বাদ, বাবা!

একদৃষ্টে কণকাল বধুর দিকে তাকাইয়া শ্বশুর রুদ্ধকণ্ঠে কহিলেন,—কিন্তু এইটাই নববধুর পক্ষে একমাত্র গৌরবের কথা নয়, বৌমা! সীতা, সাবিত্রী, মময়ন্তী—এঁরাও বধু ছিলেন, এঁদেরও স্বামী ছিল, শ্বশুর ছিল, সংসার ছিল—

বধু বিনয়নয়নস্বরে কহিল,—কিন্তু কর্তব্যের সমস্তা যখন এঁদের জীবনে ঝড় তুলেছিল, তখন স্বামী যে গুঁড়ই এঁদেরও লক্ষ্য হয়েছিল, পুরাণেই ত সে পরিচয় পাওয়া যায়, বাবা!

বধুর এই প্রতিবাদে বিরক্ত হইয়া শ্বশুর কহিলেন,—পুরাণের কথা নিয়ে তোমার সঙ্গে তর্ক করবার আমার ইচ্ছা নেই, অবসরও নেই; আর তোমার এ কথার সমর্থন এ যুগে কেউ করবে না। তোমার দপ্তরখানায় ত দেখে এলুম, শ্রীরামকৃষ্ণদেবের কথামৃত রয়েছে; ও বই পড়েছ নিশ্চয়; তিনিই ত বলেছেন গো,—যে মেয়ে রাঁধে, সে কি চুল বাঁধে না! স্বামিভক্তি যেমন উচিত, লক্ষ্যও তেমনই সংসারের সব দিকে রাখা উচিত। যেমন, মাছ ধরতে ব'সে ছিপের ফাতনার দিকে লক্ষ্য থাকলেও, আর সব দিকেও তার নজর থাকে।

শ্বশুরের কথাগুলি নিবিষ্ট-মনে শুনিয়া বধু মুখখানি তুলিয়া মৃদুকণ্ঠে কহিল, শ্রীরামকৃষ্ণদেব ও কথা সংসারীদের সম্বন্ধে বলেছেন বাবা, সংসারের নানা কাষে লিপ্ত থেকেও তাঁরা যাতে ভগবানের দিকে লক্ষ্য রাখতে পারেন; কিন্তু ঋব, প্রহ্লাদ বা শুকদেবের সম্বন্ধে এ কথা ত বলা চলে না!

শ্বশুরের স্বরে শ্বশুর প্রশ্ন করিলেন,—তবে কি ওদের পথেই বেরিয়ে পড়া তোমারও বাসনা, মা!—সেই জন্তই কি সকলকে অবহেলা করে একমুখী রুদ্ধাক্ষ হয়ে উঠেছ?

বধু এবার কণ্ঠস্বর দৃঢ় করিয়া কহিল,—একমুখী না হ'লে কোনও উচ্চ সাধনাই যে সিদ্ধ হয় না, বাবা!

শ্বশুরের মুখে বিস্ময়ের স্বরে প্রশ্ন হইল,—সাধনা?

বধু দৃঢ়স্বরে উত্তর দিল,—হাঁ বাবা, সাধনা; কিন্তু বাঙ্গালাদেশে আর কোনও বধুকে আমার মত এমন কঠিন সাধনা আরম্ভ করতে হয় নি! এমন কঠোর পরীক্ষাও আর কোনও দিন কোনও মেয়ের সামনে এসে বাধা তোলে নি; তাই বলি, বিয়ের রাতে

যে বস্তু আমি পেয়েছি, তাঁকেই পরম বস্তু করে তুলতে শুধু তাঁরই দিকে লক্ষ্য আমাকে রাখতে হয়েছে। মহাভারতে পড়েছি, অন্ন-সাধনার অর্জুন চরম পরীক্ষা দেবার দিনটিতে শুধু ভাসপাখীর মাথাটার উপর লক্ষ্য রেখেছিলেন বলেই গুরুদ্রোণাচার্য্য তাঁকেই তীর ছোড়বার অধিকার দেন, অর্জুনও সিদ্ধিলাভ করেন। যাকে নিয়ে আমার সাধনা, লক্ষ্য যে শুধু তাঁরই দিকে; তাঁকে সিদ্ধ করে না তোলা পর্য্যন্ত এ লক্ষ্য যে ফেরাতে পারব, সে ভরসা কিছুতেই যে করতে পারি না, বাবা।

মুখখানি গম্ভীর করিয়া কর্তা প্রশ্ন করিলেন,— তোমাদের এই সাধনা কত কাল চলবে?

বধু কহিল,—আগেই ত বলেছি বাবা, সপ্তসরের ব্রত নিয়েছি।

শুভ্র কহিলেন,—বুঝেছি, কিন্তু সময়টা যে আপাততঃ সংক্ষেপ করবার প্রয়োজন হয়েছে।

বধু দুই চক্ষুর উপর প্রশ্ন তুলিয়া নীরবে শুভ্রের মুখের দিকে চাহিল।

শুভ্র কহিলেন,—তোমার বিরুদ্ধে যখন নাগিশ উঠেছে, সেটা ত অত দিন ফেলে রাখতে পারি না।

তীক্ষ্ণদৃষ্টিতে শুভ্রের মুখের দিকে চাহিয়া বধু কহিল,— ঐ দিনগুলোর সঙ্গে আমার মামলার কি সম্বন্ধ, তা ত বুঝতে পারলুম না, বাবা! তবে কি বিচারের আগেই শাস্তির ব্যবস্থা হচ্ছে?

ঠিক তাই নয়, বরং তোমাকে বাঁচাবারই ব্যবস্থা করা হচ্ছে। এখন মামলা উঠলে, যে ব্রত তোমার আরম্ভ করেছে, তার ক্ষতি হতে পারে, লক্ষ্য অগ্গদিকে পড়বারই সম্ভাবনা তাতে বেশী; সেই জন্তই তোমাকে ঐ কথাটা বলা হয়েছে। এখন আমার এই ইচ্ছা যে, আজ থেকে চারটি মাসের মধ্যেই তোমার ব্রতটার উদ্‌যাপন হয়ে যায়।

বধুর মুখের স্বর অর্ধক্ষুণ্ট হইয়া বাহির হইল,—চারটি মাসের মধ্যে!

উৎসাহের সহিত কর্তা মুখের কথার উপর জোর দিয়া কহিলেন,—হাঁ, চারটি মাস মাত্র সময় দেওয়া যাচ্ছে; আসছে আশ্বিনের দেবীপক্ষের প্রথম দিনটিতেই ব্রত তোমাকে উদ্‌যাপন করে নিতে হবে। তার পরে বিচার তোমার আরম্ভ হবে। এখন শুধু তদন্তই চলবে ছ'পক্ষের নাগিশের।

বধু সংযতস্বরে কহিল,—বিচারের জন্ত আমার ভাবনা নয় বাবা, ভাবছি শুধু ব্রত পূর্ণ করবার দিন এত সংক্ষেপ হচ্ছে বলে।

শুভ্র দৃঢ়কণ্ঠে কহিলেন,—তিনটে মাস ত ব্রতের কাষেই কাটিয়েছ বউমা, এখনও বাকি রইল চারটে মাস; এই কি কম? মাত্র ক'টা দিনের মধ্যেই যদি একটা ইমারত তৈরী করে মাজিয়ে তোলা সম্ভব হ'তে পারে, এতগুলো মাস এখনও প'ড়ে রয়েছে, এর মধ্যে একটা মাহুস গ'ড়ে তোলা কেনই বা অসম্ভব হবে?

শুভ্রের কথার সঙ্গে সঙ্গেই বধুর মুখখানি এক অপরিণীম উৎসাহের আভায় যেন প্রদীপ্ত হইয়া উঠিল। দুই চক্ষুর দৃষ্টি উজ্জ্বল করিয়া বধু শুভ্রের মুখের দিকে চাহিয়া দৃঢ়স্বরে কহিল,—আপনার যদি আশীর্বাদ থাকে, এই অসম্ভব তা হ'লে সম্ভব হবে, বাবা!

বধুর কথায় এবার শুভ্রের মুখে হাসি দেখা দিল, তার মধ্যেই একটু গর্বের সুরেই তিনি কহিলেন,—এখন তবে বলি, ভবিষ্যৎ ভেবেই তখন সোণার চাবুকটি তোমার হাতে তুলে দিয়েছিলুম মা, সেইটির জোরেই এই অসম্ভবকে এক দিন তুমি সম্ভব করে তুলতে পারবে জেনেই!

বধুর মনে হইল, শুভ্রের কথার সহিত তাঁহার দেওয়া সেই সোণার চাবুকটির একটি আঘাত সজোরে তাহার পৃষ্ঠদেশ স্পর্শ করিল! সর্বাসঙ্গে একটা অসহ আনার অমুভূতি সে প্রাণপণে সম্বরণ করিয়া, মুখের উপর ক্লেশের যে ভাব-টুকু ফুটিয়া উঠিতেছিল, তাহা সবলে গোপন করিয়া, মিনতির সুরেই সে কহিল,—একটু অপেক্ষা করুন বাবা, আমি এখন আসছি।

শুভ্র তাঁহার দুই চক্ষুর দৃষ্টি প্রসারিত করিয়া দেখিলেন, বধু ক্ষিপ্ৰপদে অপর পার্শ্বের সুসজ্জিত কক্ষটির ভিতর প্রবেশ করিল, ভিতর হইতে সামান্য যে শব্দ পাওয়া গেল, তাহাতে তিনি অনুমান করিলেন, বধু তাঁহার তোরঙ্গ খুলিয়া কোনও কিছু বাহির করিতেছে। তাঁহার যুগল ক্রম সহসা কুঞ্চিত হইয়া উঠিল।

অতি অল্পক্ষণের মধ্যেই বধুকে ফিরিতে দেখা গেল; কিন্তু বধুর হাতের বস্তুটির উপর শুভ্রের উৎসুক চক্ষু পড়িতেই তিনি অস্বাভাবিক স্বরে কহিয়া উঠিলেন,— আবার সেই সোণার চাবুক?



বধু অতিশয় সহজ সুরেই উত্তর দিল,—হাঁ বাবা, যেমন আপনি দিয়েছিলেন, বাজেই তুলে রেখেছিলুম ; ব্যবহার করার প্রয়োজন হয় নি এ পর্য্যন্ত, তাই আপনার জিনিষ আপনাকে ফেরত দিচ্ছি।

হুই চক্ষু বিস্ফারিত করিয়া বধুর দিকে চাহিয়া খণ্ডর সবিস্ময়ে কহিলেন,—ফেরত দিচ্ছ ?

বধুর ওষ্ঠপ্রান্তে হাসির একটি ক্ষীণ রেখা ফুটিয়া উঠিল, কহিল,—দেওয়াকে যদি একান্তই সার্থক করে তুলতে না পারা যায়, রেখে ত কোনও লাভ নেই, বাবা। সেটা তখন বোঝা হয়েই দাঁড়ায়।

মান দৃষ্টিতে বধুর দিকে চাহিয়া ভগ্নস্বরে খণ্ডর প্রশ্ন করিলেন,—তা হ'লে কি আমিই ভুল বুঝেছিলুম ?

বধু সুসংঘত দৃঢ়স্বরে উত্তর দিল,—আপনি যে এটি দেবার সময় ভাবতে পারেন নি বাবা, আসল যে বস্তুটি আমার জন্ত তুলে রেখেছেন—সেটি মরচে পড়া লোহার, সোণার চাবুক দিয়ে ঘসে মেজে পিটে কস্মিন্কালেও তাকে সোণা করে তোলা যায় না, তার জন্ত প্রয়োজন—স্পর্শমণির। সেইটি পাবার জন্তই যে একমুখী রুদ্ধাক হয়ে এই সাধনা, বাবা!

নিম্পলকনয়নে খণ্ডর বধুর দৃষ্ট মুখখানির দিকে চাহিয়া রহিলেন।

বধু সেই অবসরে সোণার চাবুকটি খণ্ডরের পদতলে রাখিয়া কণ্ঠস্বর গাঢ় করিয়া কহিল,—আমি এর মান রাখতে পারি নি বাবা, সেজন্ত মাপ চাইছি।

হেঁট হইয়া সেই স্বর্ণময় প্রহরণটি তুলিয়া বিবর্ণমুখে

খণ্ডর বধুর দিকে চাহিয়া কহিলেন,—সত্যই তুমি এর ভার বহন করতে অস্বীকার করছ, বৌমা ?

বধু স্বচ্ছন্দে কহিল,—হাঁ বাবা, এ জিনিষটি সত্যই আমার পক্ষে হুর্দ্বহ। পরকণ্ঠেই বধু কণ্ঠস্বর সহসা অস্বাভাবিকরূপে গাঢ় করিয়া কহিল,—আর এটি দেখলেই আমার সর্সাক্ষে জ্বালা ধরে।

নীরস স্বরে খণ্ডর কহিলেন,—বটে! ভাল, তা হ'লে এটার ভার না হয় নিবারণের হাতেই দেব।

বধুর মুখখানি মুহূর্তের জন্ত উত্তেজিত হইয়া উঠিল, জ্বলন্ত দৃষ্টিতে খণ্ডরের মুখের দিকে চাহিয়া এক নিশ্বাসে সে কহিয়া উঠিল,—তাই দেবেন ; কিন্তু আমাদের মায়ের দিকে ক্ষণকাল চেয়ে যদি জিজ্ঞাসা করতেন কোথায় ওটার স্থান, নিজের মনেই হয় ত তার অল্পভূতি পেতেন, বাবা!

কথার সঙ্গে সঙ্গে বধু যেন জোর করিয়াই দেহটাকে টানিয়া লইয়া পার্শ্বের ঘরখানির ভিতরে সবেগে প্রবেশ করিল।

শেষের কথাটায় যে গোঁচা ছিল, খণ্ডরের বুকে তাহা রীতিমত আগাত দিল ; সঙ্গে সঙ্গে হুই চক্ষুর আর্দ্র দৃষ্টি সহধর্ম্মিনীর আলেখ্যখানির উপর স্থাপন করিয়া উজ্জ্বাসের সুরে তিনি কহিলেন,—যেখানেই তুমি থাক না কেন, সবই ত জানছ, যে অবিচার করেছি তোমার উপরে, তারই প্রতিক্রিয়া এত দিনে সম্ভব হয়েছে ; এখন তুমি যদি একটীবার নেমে এসে, এই সোণার চাবুক নিজের হাতে নিয়ে—গাম্বুলী-বংশের এই অযোগ্য স্বর্ণগর্দভকে শাস্তি দিতে পার, তবেই হয় তার সত্যকার প্রায়শ্চিত্ত ! [ ক্রমশঃ

শ্রীমণিলাল বন্দ্যোপাধ্যায় ।

## মোর পাশে রহ তুমি

প্রদীপ নিবিয়ে দাও—বসো বাতাসনে  
প্রচুর ধবল জ্যোৎস্না রহে সন্মোপনে  
প্রতীকার ঘারে। বকুল-কুম্ব সম  
ওত্র সাজে সর্কন্তু হবে নিরুপম।  
শিখানে দাঁড়াও তুমি। নিম্পলক চোখে  
মুখে তব চেয়ে রই অর্ধ হারালোকে।

বেণুবন মর্ম্মরিবে শিহরিবে ঘন—  
নির্জন শস্যার 'পরে তন্ত্রায় মগন  
রবে তুমি ; অশান্ত বাতাসে খনে খনে  
এলো চুল চুম্বো খাবে তোমার নয়নে।  
মাটির সৌদাল গন্ধ নিস্তক নিশায়  
পূবালী সমীর সাথে আসিবে হেথায়।

পূর্ণিমা-নিশীথে প্রিয়া—নভে ভরা চাঁদ  
আজি তব মনে কোনো ভাগে না কি সাধ !

বন্দে আলী মিয়া ।



## দ্বাদশ পরিচ্ছেদ

ভক্ত-সমাগম—কামিনী কাঞ্চন-ভাগ

১৮৭৩ খৃষ্টাব্দে কলিকাতার ঠাকুরদের নৈনানের প্রমোদকাননে, শ্রীরামকৃষ্ণের সহিত দয়ানন্দ সরস্বতীর সাক্ষাৎ হয়। সঙ্গে ছিলেন কাঞ্চন বিশ্বনাথ উপাধ্যায়। দয়ানন্দ কেশবচন্দ্র সেনকে অতিশয় শ্রদ্ধা করিতেন। কেশব দেবতা মানিতেন না, তাই দয়ানন্দ কেশবের কথায় পোষকতা করিয়া বলিয়াছিলেন যে, ঈশ্বর যদি সর্বশক্তিমান হন, তবে তিনি কি আর দেবতা সৃষ্টি করিতে পারেন না? নিরাকারবাদী দয়ানন্দ রূপে শ্রদ্ধাবান্ ছিলেন না, এই জন্ত জপও মানিতেন না। কাঞ্চনকে 'রাম' নাম জপ করিতে দেখিয়া বলিলেন, "রাম রাম বলা আর সন্দেহ সন্দেহ বলার মধ্যে বিশেষ কোন তফাতই নাই। বরং সন্দেহ আমাদের জানা বা আবাদিত জিনিষ, কিন্তু রাম জিনিষ একেবারেই অজ্ঞাত, এইটুকুই তফাত।"

বিশ্বনাথ উপাধ্যায় শ্রীরামকৃষ্ণকে ১৮৭২-৭৩ খৃষ্টাব্দে দর্শন করেন। ইনি নেপালের রাজার কলিকাতার প্রতিনিধি বা Resident ছিলেন। ঠাকুর তাঁহাকে কাঞ্চন বলিয়া ডাকিতেন। তাঁহার পূর্বকথা এইরূপ :— ইনি প্রথমে কলিকাতায় আসিয়া ঘুসুড়ীতে নেপালের শালকাঠের গোলায় সামান্য বেতনে কৰ্ম করিতেন। কাঞ্চন উত্তর-পশ্চিমের কনৌজী ব্রাহ্মণ ছিলেন—ভক্তবংশ। কাঞ্চনের পিতা ভারতীয় কোন এক ফৌজদারের সুবেদার ছিলেন। তিনি যুদ্ধক্ষেত্রেও এক হাতে যুদ্ধ অপর হাতে শিব-পূজা করিতেন। শাস্ত্রে বিশ্বনাথের বড়ই অনুরাগ ছিল। গীতা, অধ্যায় ভাগবত, এমন কি, বেদান্ত পর্য্যন্ত তাঁহার এমন উত্তমরূপে জানা ছিল যে, যেন সে সব কণ্ঠস্থ। পূজা, জপ, আরতি, পাঠ, স্তব, এ সব নিত্যকৰ্ম না করিয়া, তিনি জলগ্রহণ করিতেন না।

যখন ঘুসুড়ীতে তিনি কৰ্ম করেন, তখন এক দিন তিনি

সঙ্গে দেখেন যে, এক জন জ্যোতির্ষয় পুরুষ তাঁহাকে নিকটে ডাকিতেছেন। উপাধ্যায় এ আকর্ষণ অনুভব করিতে লাগিলেন, তবে তাহা তখনও তাঁর হয় নাই বলিয়া চুপচাপ রহিলেন। ইহার অল্পদিন পরে গঙ্গায় ভীষণ বান ডাকিল এবং সেই জলের তোড়ে, তাঁহার গোলার বহু শালকাঠ ভাসিয়া গিয়া অনেক টাকা লোকমান হইল। সে বৎসর আর বায়িক আয়ব্যয়ের কাগজ তিনি নেপাল সরকারে পেশ করিতে পারিলেন না। এ কারণ নেপাল-দরবার হইতে তাঁহার হাজিরা তলব হইল। ভয়ে বিশ্বনাথ অতিমাত্র বিচলিত হইলেন। স্বাধীন নেপালরাজ ইচ্ছা করিলে বিশ্বনাথের কঠোর শাস্তি হওয়া কিছুমাত্র আশ্চর্যের বিষয় নহে। বিপদে ভগবান্কে ডাকিতে ডাকিতে বিশ্বনাথ নানা স্থানে সাধু দেখিয়া বেড়াইতে লাগিলেন। আশা, যদি কেহ তাঁহাকে অভয় দিতে পারেন। এইরূপে এক দিন উপাধ্যায় ঠাকুরের নাম শুনিয়া দক্ষিণেশ্বরে উপস্থিত হইলেন। ঠাকুরকে দেখিয়া বিশ্বনাথ অতিমাত্র বিস্মিত হইলেন, কারণ, ইনিই তাঁহার সেই স্বপ্নদৃষ্ট পুরুষ। ঠাকুরের নির্জঙ্ঘন সঙ্গের আশায় সে রাত্রি বিশ্বনাথ দক্ষিণেশ্বরে রহিয়া গেলেন এবং ঠাকুরের সঙ্গে কথাবাত্তা করিয়া ও তাঁহার ভাব দেখিয়া কাঞ্চন বুঝিলেন, ইনি সাধারণ ব্যক্তি নহেন। সাধারণ জটাদারী ও ভগ্নাচ্ছাদিত সাধুর অনেক উদ্ভে ইহার স্থান। যাহা হউক, কাঞ্চন নিজের সঙ্কট-কথা ঠাকুরকে জানাইতে ভুলিলেন না এবং তাঁহার রূপা প্রার্থনা করিলেন। ঠাকুর তাঁহাকে মা ভবতারিণীকে সমস্ত জানাইতে ও প্রার্থনা করিতে প্রথমে উপদেশ দিলেন এবং পরে নিজে অভয় দিয়া বলিলেন, রাজাকে সত্য কথা বলিও, তিনি তাহা অবিশ্বাস করিবেন, এমন মনে করিবার কোনই কারণ নাই। ঠিক ঠাকুরের কথাই ফলিয়া গেল। কাঞ্চনের প্রতি রাজা কাঠ ভাসিয়া যাওয়ার কোন দোষ দিলেন না, তাহা দৈব-দুর্ঘটনা বলিয়াই মানিয়া লইলেন। কিন্তু বিশ্বনাথের কপটতার অভাব—তাঁহার সততা, সত্যনিষ্ঠা

দেখিয়া তাঁহাকে কাপ্তেন এই উচ্চ উপাধিতে ভূষিত করিয়া অনেক অধিক বেতনে তাঁহাকে কলিকাতার রাজপ্রতিনিধি বা Resident করিয়া পাঠাইয়া দিলেন। বেতন হইল, ঠাকুর বলিতেন, “বছরে ছ হাজার টাকা।” ঠাকুরের রূপাই তাঁহার পদোন্নতির কারণ, বিশ্বনাথ ইহা বিশ্বাস করিলেন এবং সেই জন্ত তাঁহাকে সাতিশয় ভক্তি করিতে লাগিলেন। ঠাকুরের সেবা করিতে পারিলে কাপ্তেন নিজেকে কৃতার্থ বোধ করিতেন। ঠাকুর বরাহনগরের রাস্তা দিয়া এক দিন যাইতেছেন, এমন সময় বিশ্বনাথ আসিতেছিলেন। তিনি তাঁহাকে দেখিয়া তাঁহার মাথায় ছাতি ধরিয়া আতপ নিবারণ করিয়া সঙ্গে সঙ্গে যাইতে লাগিলেন। মধ্যে মধ্যে নিজের বাড়ীতে ঠাকুরকে নিমন্ত্রণ করিয়া লইয়া গিয়া কাপ্তেন স্বহস্তে তাঁহার পদসেবা করিতেন এবং নিজ হাতে বাতাস করিতেন। এমন কি, এক দিন পায়খানার মধ্যে ঠাকুর বেছঁস হইয়া গিয়াছেন দেখিয়া, কাপ্তেন নিজে পায়খানায় প্রবেশ করিয়া, সবলে তাঁহাকে ছেলেমানুষের মত ঠিক করিয়া বসাইয়া, তাঁহাকে পায়খানা করাইয়া বাতীরে লইয়া আসিয়াছিলেন। দণ্ড বিশ্বনাথের অকপট সাধুসেবা!

কাপ্তেনের স্ত্রী কাপ্তেনের মতই ঠাকুরকে ভক্তি করিতেন এবং নিজের হাতে নানাবিধ ব্যঞ্জন—পাটার চড়চড়ি রাঁদিয়া খাওয়াইতেন। ঠাকুর যতক্ষণ আহার করিতেন, ততক্ষণ তিনি বাতাস করিতেন। তিনিও গীতা পড়িয়াছিলেন। তাঁহার নিজের একটি ঠাকুর ছিল—গোপাল। কাপ্তেন কখনো কখনো স্ত্রীকে ও ছেলেমেয়েদের লইয়া ঠাকুরকে দেখিতে আসিতেন।

একবার কাপ্তেনের সঙ্গে নেপালের এক উচ্চপদস্থ ব্যক্তি জগৎ বাহাজুরের ভাইপো—এক বর্ণেল ও তাঁর ছেলেরা ঠাকুরকে দক্ষিণেশ্বর দেখিতে আসেন। তাঁহারা পেন্টুলান বাহিরে খুলিয়া ধূতি পরিধান করিয়া তবে ঠাকুরের গৃহে প্রবেশ করিলেন, পাছে পেন্টুলান পরিধান করিয়া দর্শন করিলে সাধুর মর্গ্যাদহানি ঘটে। আর একবার কাপ্তেনের সঙ্গে একটি নেপালী কুমারী ভক্ত মেয়ে দক্ষিণেশ্বরে আগমন করেন। তিনি ভাল গীতগোবিন্দ গান করিতে পারিতেন। তিনি গীত করিবেন শুনিয়া মপুরের পুত্র ষারিক বাবুরা—ঠাকুরের ঘরে আসিয়া বসিলেন। বাহিরের লোকের কাছে গান করিতে ইতস্ততঃ

করায় ঠাকুর মেয়েটিকে বলিলেন, “এঁরা ভাল লোক, তুমি আমাকেও শুনাও, ওঁদেরও শুনাও।” তখন মেয়েটি গান গাহিল—সঙ্গে এসরাজ বাজাইয়া সঙ্গত করিল। সে মধুর গান শুনিয়া সকলে মোহিত হইলেন—ষারিকবাবু মধ্যে মধ্যে রুমালে অশ্রু মুছিতে লাগিলেন। দেবীকে যেমন সম্মান করা উচিত, নেপালীরা তাঁহাকে তেমনই সম্মান করিয়া তাঁহার সঙ্গে কথা কহিত ও ব্যবহার করিত। ঠাকুর তাঁহাকে জিজ্ঞাসা করিলেন, “তুমি বিবাহ কর নাই?” তাহার উত্তরে ভক্ত-মেয়েটি বলিলেন, “আমি এক ঈশ্বরের দাসী, আবার কার দাসী হব?”

ইহার কয়েক বৎসর পরে ঠাকুর মখন কেশব সেনের বাটা যাতায়াত করিতে আরম্ভ করিলেন, তখন কাপ্তেন কিম্ব তাহা পছন্দ করিলেন না। কেশব সেন ও তাঁহার দলের লোককে কাপ্তেন স্বেচ্ছাচার ও স্বেচ্ছাধর্মী জ্ঞান করিয়া তাঁহাদিগের প্রতি শ্রদ্ধাহীন ছিলেন, তাই ঠাকুরকে বলিতেন যে, কেন তিনি ঐ লষ্টাচারী ব্যক্তিদের দলে মিশেন? তাহার উত্তরে ঠাকুর বলিয়াছিলেন যে, তিনি ত’ কোন মতলব লইয়া কেশবের নিকট যান না। কেশব ভগবদ্ভক্ত, তিনি তাই তাঁহার মুখে ভগবানের কথা শুনিতে যান। তাহার পর ঠাকুর কাপ্তেনকে বলিলেন, তিনি যে কেশবের সঙ্গ করিতে বারণ করলেন, কিম্ব তিনি লাট সাহেবের বাড়ী যান ও তাহাদের সঙ্গ করেন কেমন করিয়া? কাপ্তেনের হিসাবে সাহেবরা ত’ কেশব সেনের মতই স্বেচ্ছ। তথাপি কার্যগতিকে ও চাকরীর খাতিরে তাঁকেও ত’ লাট দরবারে যাইতে হয়, বসে-দাড়িয়ে থাকিতে হয়; রাজ-পুরুষদের সঙ্গে আলাপ করিতে হয়। এই কথা শুনিয়া অতঃপর কাপ্তেন এরূপ কথা ঠাকুরকে আর বলিতে পারেন নাই। সকল মানুষের এই স্বভাব—নিজের আচরণ ও ছিদ্র দেখে না—পরের ছিদ্র অনুসন্ধান করে। সেই জন্ত ঠাকুর কাপ্তেনকে এই ঔষধ দিয়া তাঁহার চৈতন্য সম্পাদন করিয়া দিলেন। তা’ছাড়া কাপ্তেনের ধারণাও ভুল ছিল। ঠাকুর বলিতেন, ‘আমি কুল খাই, কাঁটার খপরে আমার দরকার কি?’ অর্থাৎ মধুকরের মত তিনি লোকের ভিতর হইতে তাহার ভাবের সারাংশমাত্র গ্রহণ করিতেন, বাকি ত্যাগ করিতেন। তাহাতে সঙ্গদোষ তাঁহাকে আক্রমণ করিতে পারিত না।

ঠাকুরের নিকটে তখনও অধিক ভক্ত-সমাগম হইতেছে না দেখিয়া কাপ্তেন কখনো কখনো দুঃখ করিয়া বলিতেন যে, বাঙ্গালীরা চোখ থাকিতেও অন্ধ। হাতের দ্বারা এমন অমূল্য রতন তাহাদের অপেক্ষায় বসিয়া থাকা সত্ত্বেও তাহারা এঁকে চিনতে পারলে না। কাপ্তেনের আর বিলম্ব হয় হইতেছিল না। তিনি ইচ্ছা করিতেছিলেন, যেন

চক্র উপর পাতা দু'টি ফুলো-ফুলো দেখাইত। ঠাকুর তাঁহাকে কিন্তু আর অধিক পাঠ করিতে নিষেধ করিয়া দিয়াছিলেন। ঠাকুরের কোন সিদ্ধাই ছিল না দেখিয়া কাপ্তেন বলিতেন যে, ঠাকুর মাছ খান বলিয়া তাঁহার সিদ্ধাই হয় নাই। কাপ্তেনের মতে মাছ বাহারা আহাৰ করেন, তাঁদের কাছে অষ্টসিদ্ধি থাকিতে পারে না। কাপ্তেনের সান্তিশয় মাতৃভক্তি ছিল। মা'র সম্মুখে সর্বদা নীচে বসিতেন, মাকে উচ্চ আসনে বসাইতেন। মাঝে মাঝে মাকে কাশীতে পাঠাইতেন এবং সঙ্গে দাস-দাসী যথেষ্ট সংখ্যায় পাঠাইতেন—যাহাতে মা'র সেবাব কষ্ট না হয়। আলপের পর প্রথম প্রথম ঠাকুর কাপ্তেন-দম্পতিকে একটু বায়কুণ্ঠ দেখিয়াছিলেন, কিন্তু শেষে আয়-ব্যয় সমস্তে আর তাঁহারা হিসাব করিতেন না। কাপ্তেন ঠাকুরকে গুরুবৎ ভক্তি করিতেন এবং ঠাকুরও বিশ্বনাথ উপাধ্যায়কে অতিশয় ভালবাসিতেন এবং তাঁহার গুণের সুখ্যাতি ভক্তগণের নিকট সর্বদাই করিতেন।



সৌরীন্দ্রমোহন ঠাকুর

কাপ্তেনের সঙ্গে শ্রীঠাকুর একবার রাজা সৌরীন্দ্রমোহন ঠাকুরের বাড়ীতে গিয়াছিলেন। শ্রীঠাকুর তাঁহাকে প্রথমেই কিন্তু বলিলেন যে, তাঁহাকে রাজা-টাজা ব'লে ডাকিতে পারিবেন না। কেন না, তা হইলে মিথ্যা কথা বলা হইবে। খেতাবী রাজা ঠাকুরের মতে সত্যকারের প্রজা-রঞ্জক রাজা নহেন, তাই তিনি এইরূপ বলিলেন। ঠাকুরের সঙ্গে তাঁহার কিছুক্ষণ

সম্পর্কিত আদিয়া এই রসমাগরে ঝাঁপাইয়া পড়ে। কাপ্তেন যদিও গান গাহিতে পারিতেন না, কিন্তু বেশ ভাল ভাল স্তব জানিতেন ও সুরলয়সহ সে সব স্তব ঠাকুরকে শুনাইতেন। ঠাকুরও বলিতেন, যখন কাপ্তেন পূজাতে বসিতেন, তখন তাঁহার ভাব দেখিলে বোধ হইত, তিনি যেন একটা ঋষি। পূজাস্তে উঠিলে বোধ হইত যেন কৃষ্ণের পাতাতে পিঁপড়ে কামড়াইয়াছে অর্থাৎ ধ্যানজগ

ঈশ্বরীয় কথা হইয়াছিল। তাহার পর সাহেব ও অগাল দর্শক আসাতে কথার গতি ভঙ্গ হইল। যতীন্দ্রমোহন ঠাকুরকে এ স্থানে সাক্ষাৎ করিবার জন্য ডাকা হইলে তিনি সংবাদ পাঠাইলেন, তিনি আসিতে পারিবেন না, কারণ, তাঁহার গলায় বেদনা হইয়াছে।

এই সময় এক দিন কৃষ্ণদাস পাল ঠাকুরকে দর্শন করিতে দক্ষিণেখরে আসিলেন। তিনি এক জন ভারত-বিখ্যাত



দেশ-প্রেমিক ছিলেন। তিনি ঠাকুরের বিষয় সংবাদপত্রে পাঠ করিয়া তাঁহার সহিত সাক্ষাৎ করিতে আসেন।

তিনি “হিন্দু-প্যাট্রিয়ট” নামক ইংরেজি সংবাদপত্রের সম্পাদক ছিলেন। ঘোর রজোগুণী হইলেও তাঁহার হিন্দু-মাননীতে নিষ্ঠা ছিল। একটু কথাবার্তার পরই ঠাকুর



কৃষ্ণদাস পাল

বলিলেন যে, তাঁহার ভিতরে ধর্মভাবের কোন উন্মেষই হয় নাই। ঠাকুর জিজ্ঞাসা করিলেন, “তোমার মতে মানুষ-জীবনের কর্তব্য কি?” উত্তর আসিল—‘জগতের হিত’। তখন ঠাকুর যদিও তাঁহার বিদ্যা-বুদ্ধির কথা অনেক শুনিয়াছিলেন, তথাপি তাঁহার প্রশংসা করিতে পারিলেন না, বরং বলিলেন যে, তাঁহার বুদ্ধি অনেকটা রাঁড়ীপুতের বুদ্ধির মতই হীন। অতি দুঃখিনী বিধবার পুত্র যদি কোনক্রমে মানুষ হয়, তবে তাহার মন থাকে সামান্য ভোগের জিনিষের দিকে, যাহার অভাব সে আবালা অমৃতব করিয়া কেবলই সেইগুলি পাইতে

বাগনা পোষণ করিয়া আসিয়াছে। পাল মহাশয়ের জগতের হিত করা বুদ্ধি সম্বন্ধেও ঠিক ঐরূপ বলা যায় যে, তিনি জীবনের মহৎ লক্ষ্য ত্যাগ করিয়া ছোট জিনিষের দিকে চোখ রাখিয়াছেন। ভগবানলাভই জীবনের উদ্দেশ্য, অণু কোন উদ্দেশ্যই মানুষের শ্রেয় হইতে পারে না। তাহাতে কৃষ্ণদাস বলেন যে, ধর্ম ধর্ম করিয়া ভারতবর্ষের এমন হীনদশা উপস্থিত হইয়াছে এবং ভারতীয় লোকেরা বহু বিষয়ে ত্যাগ স্বীকার করিয়াছে, সেই জন্য ভারতবর্ষ বহুশতবর্ষ পরাধীন হইয়া রহিয়াছে। ধর্ম ছাড়িয়া এখন দেশের লোকের সেবা দ্বারা লোক সংগ্রহ করা ও তাহাদিগকে জাগাইয়া তোলাই উপযুক্ত কার্য। উত্তরে ঠাকুর বলিলেন যে, পাল মহাশয়ের ভাবা উচিত যে, জগৎ এতটুকু স্থান নয় যে, জগতের উপকার করিব মনে করলেই করা যায়। জগৎ মানে অসংখ্য জীব ও অনন্ত কাণ্ড! ভগবানের ইচ্ছা ও শক্তি ছাড়া একটি সামান্য প্রাণীরও বিন্দুমাত্র উপকার করিবার ক্ষমতা কাহারও নাই। বর্ষাকালে গঙ্গার জলে এক প্রকার কাঁকড়ার বাচ্ছা দেখা যায়, তাহাদিগকে ‘মেকুই পোকা’ বলে। এই দর্শনসময়ে গঙ্গায় এই পোকা আসিয়াছিল। ঠাকুর তাই বলিলেন যে, ঐ একপ্রকার ক্ষুদ্র পোকায়ই গণনা হয় না। মানুষও ভগবানের সৃষ্টিতে ঐ পোকায় মত আর একটা জীব ছাড়া কিছুই নয়। সেই ক্ষুদ্রাতিক্ষুদ্র ক্ষীটবৎ মানুষ আবার জগতের উপকার করিবে বলিয়া আশ্চর্য্য করে! পাল মহাশয়কে এই কথাটা ঠাকুর তলাইয়া ভাবিতে বলিলেন। তাহা হইলে তিনি নিজেই বুঝিতে পারিবেন যে, তাঁহার কেবল অনধিকারচর্চাই হইতেছে। তাহা না করিয়া মানুষ-জীবনলাভ করিয়া ঈশ্বরলাভের চিন্তা করাই বুদ্ধিমানের কার্য। জগতের উপকার যেখানে যাহা করা প্রয়োজন, তাহার জন্য মার সৃষ্টিতে কোন প্রকার উপায়, আয়োজন ও কস্মীর অভাব নাই। তার পর দান কি সবই একপ্রকার? অন্নদান দান বটে, তার চেয়ে বড় দান বিদ্যাদান—সর্বশ্রেষ্ঠ দান জ্ঞানদান, ভক্তিদান। পাল মহাশয় এখন কি দান করিবেন, কি দিয়া জগতের উপকার করিবেন, তাহাও বি ভাবিয়া দেখিয়াছেন? ঠাকুরের কথা শুনিয়া পাল মহাশয় আর বাঙ্নিষ্পত্তি করিতে সমর্থ হইলেন না। তিনি মনে মনে কি ভাবিলেন বলা যায় না, তবে ঠাকুরকে প্রশংসা

করিয়। তিনি প্রস্থান করিলেন এবং পরে আর তাঁহার সহিত ঠাকুরের সাক্ষাৎ ঘটে নাই।

মথুরের বিধবা পত্নী জগদম্বা দাসী এই সময়ে চানকে এক অল্পপূর্ণার মূর্তি ধূমধাম সহকারে প্রতিষ্ঠা করিলেন। দারিকা বাবু ঠাকুরকে প্রতিষ্ঠা উৎসব উপলক্ষে লইয়া গেলেন। তিনিও অনেক আনন্দ করিয়া ও সকলকে আনন্দ দান করিয়া উৎসব জমাইয়া দিলেন। ঠাকুর এই সময়ে প্রসঙ্গক্রমে দারিক বাবুদের উপদেশ দিয়া বলিয়াছিলেন, “ভগবানের আনন্দলাভ করিতে হইলে ভক্তি-বিশ্বাসের চার দিতে হয়, তবে অগাধ জলের মাছরূপ সচ্চিদানন্দকে দেখতে পাওয়া যায়।”

পূর্বেই বলা গিয়াছে যে, প্রথম বারে শ্রীমাতা-ঠাকুরাণী দক্ষিণেশ্বরে বর্ষাধিক কাল বাস করিবার পর পিত্রালয়ে ফিরিয়া গিয়াছিলেন। ১৮৭৪ (১২৮১) বৈশাখে শ্রীমা আবার দক্ষিণেশ্বরে আসিবার জন্ম কামারপুকুর জয়রামবাটা হইতে যাত্রা করিলেন। সঙ্গে রামলালের ভগিনী ও ঠাকুরের ভ্রাতৃপুত্রী লক্ষ্মীদেবী ও আরও কয়েক জন সঙ্গী সঙ্গিনী। এই যাত্রায় পথিমধ্যে শ্রীশ্রীমা ভীষণ-দর্শন, রোপ্যবলয়ধারী, কৃষ্ণকায় ও দীর্ঘ লণ্ডুবাহী প্রাকৃতি-বাবসায়ী এক বাগ্দির বা ছলের হাতে পড়িয়া ছিলেন। তবে সৌভাগ্যক্রমে বাগ্দিরীও ঐ সঙ্গে ছিল। ঘটনার বিবরণ এইরূপ;—যাত্রার প্রথম দিন পথ চলার পর তাঁহার সঙ্গীরা তাঁহার মন্থর গমনে অধৈর্য হইয়া তাঁহাকে ও তৎসঙ্গে দুই বৃদ্ধা সঙ্গিনীকে ফেলিয়া অগ্রসর হন, ক্রমে অদৃশ্য হইয়া যান। এ দিকে বিরাট এক প্রান্তরমধ্যে দিনশেষে পথ গরাইয়া যখন শ্রীশ্রীমা প্রমাদ গণিতেছিলেন, তখন উপরি-উক্ত ঐ সঙ্গিদ্বয় তাঁহাদের দলে আসিয়া মিলিত হয়। গারকেশ্বরের পথে জনমানবের বাসহীন এই অসীম প্রান্তরমধ্যে তখন ডাকাতির ভয় খুবই ছিল। এই বিংশ শতাব্দীর মধ্যভাগেও সে ভয় সম্পূর্ণ অদৃশ্য হইয়াছে কি না সন্দেহ। এই সীমাহীন মাঠের মধ্যে সন্ধ্যায় এই ভীষণদর্শন সঙ্গীর সম্মুখে পড়িলে অতি সাহসীরও মনে ভয় হওয়া বাতাবিক। কিন্তু শ্রীমা ভীতা হইলেও ভয়ের সহিত প্রত্যাশাপন্নমতিত্ব না হারাইয়া সেই পুরুষকে দর্শনমাত্রই বাবা ও স্ত্রীলোকটিকে মা বলিয়া ডাকিলেন এবং তাঁহারা

সকলে পূর্বে অর্থাৎ বৈষ্ণবাটী অভিমুখে যাইতেছেন, তাহাও জানাইলেন। কি আশ্চর্য্য, সত্ত্বঃ কণ্ঠাহারা বাগ্দিরী মনে এই জগজ্জননী মাতাকে হঠাৎ এমন বাৎসল্য সঞ্চার হইল যে, শ্রীমাকে ঠিক নিজ গর্ভজাত সেই বিবাহিতা কণ্ঠার মতই সে বোধ করিল এবং মাকে অভয় দিয়া ডাকাত-পত্নী বলিল, “তোমার ভয় নাই মা, আমরা তোমার সঙ্গীদের ধরাইয়া দিব, তুমি নিশ্চিন্ত থাক, মা।” রাত্রে সেই ভীষণদর্শন অথচ স্নেহকোমল-হৃদয় দম্পতি শ্রীমার ও তাঁহার সঙ্গিনীদের যথাযোগ্য আহ্বারের যোগাড় করিয়া কণ্ঠার ন্যায় তাঁহাকে খাওয়াইয়া শোয়াইয়া নিজেরা সতর্ক প্রহরীর মত জাগিয়া রাত্রি কাটাইল। পরদিন তাঁহাকে লইয়া ধীরে পথ চলিয়া—কখন বৃষ্ণতলে বিশ্রাম করাইয়া সমস্ত দিন হাঁটিয়া দিনান্তের পর নিরুদ্ধে রাত্রি যাপন করিল। সঙ্গীদের এখনও দেখা নাই। তৃতীয় দিন তাঁহারা বৈষ্ণবাটীতে পৌঁছিলে শ্রীমা সঙ্গীদের সহিত মিলিত হইলেন। দুই দিনের সাহচর্য্যে ও সেবার সুযোগ লাভ করিয়া এই বাগ্দির-দম্পতি শ্রীমার মধুর বাক্যে ও মিষ্ট স্বভাবে তাঁহার প্রতি এতই স্নেহপ্রবণ হইয়া পড়িয়াছিল যে, তাঁহার কাছে তাহাদের ডাকাতি ব্যবসার কথা স্বীকার করিল। তাহারা এমন কার্য্য আর করিব না বলিয়া তাঁহার কাছে এই প্রতিশ্রুতিও দিল। শেষে তাঁহাকে ছাড়িয়া বিদায় লইতে হইবে, এই চিন্তায় কাঁদিয়া আকুল হইল। তাঁহাকে ছাড়িতে তাহাদের মন যেন চাহিতেছিল না। শেষে একান্তই ছাড়িতে হইবে দেখিয়া মা’র আঁচলে কিছু জলপান ও কিছু কাঁচা মটরশুঁটী বাঁধিয়া দিয়া শ্রীমায়ের পাতান মা ও সেই ডাকাত বাবা সজল-নয়নে বিদায় গ্রহণ করিল। শ্রীমা তাহাদিগকে রাসমণির কালীবাড়ীতে তাহাদের জামাতাকে দেখিতে যাইতে নিমন্ত্রণ করিলেন এবং বিদায়কালে নিজের একখানি বস্ত্র বাগ্দিরীকে দান করিলেন। তদবধি ভক্তরাও শ্রীমার ডাকামত এই পুরুষকে “মার ডাকাত বাবা” এই আখ্যা দিয়াছেন—এবং ভক্তরা বিশ্বাস করেন যে, শ্রীমার আশীর্ব্বাদে সেই ছলে দম্পতি এজন্মে শান্তি ও অন্তে পরমপদ লাভ করিয়া জীবন ধন্য করিয়াছে।

এবারে দক্ষিণেশ্বরে কিছু দিন বাস করিতে করিতে শ্রীমার পেটের পীড়া হয় এবং ক্রমে রোগ আশাশয়ে পরিণত

হইলে তিনি বাধ্য হইয়া জয়রামবাটীতে পিত্রালয়ে ফিরিয়া আসিলেন। এখানে আসিয়া তাঁহার আশয় রোগ এমন বৃদ্ধি পাইল যে, তাঁহার জীবনসঙ্কট অবস্থা হইল। এক দিন মা নিজ গ্রামস্থ সিংহবাহিনীদেবীর মন্দিরে হত্যা দিলেন। হত্যা দিবার ফলে তিনি ঔষধ প্রাপ্ত হন এবং সেই ঔষধ সেবন করিয়া আরোগ্য হন। ইহার কিছু দিন পরে শ্রীমার পিতৃবিয়োগ ঘটে।

মথুরের জীবিতকালে ঠাকুরকে মা দেখাইয়াছিলেন যে, তাঁহার গুণ-সত্ত্ব ভক্ত আছে, যথাসময়ে তাহারা আগমন করিবে। সেই জন্ম ঠাকুর আরতির সময় কুঠীর ছাদে উঠিয়া ডাকিতেন, “ওরে তোরা শীঘ্র আয়, বিষয়ী লোকের সঙ্গে আর আমি সহিতে পারিতেছি না।” প্রথমেই শ্রীমা আসিয়াছেন। আমরা শ্রীমাকে ঠাকুরের সহিত এক আশ্রয় ও অভিন্ন—তাঁহার শক্তি বলিয়া উল্লেখ করিয়াছি। বাহু আচরণে শ্রীমাকে ঠাকুরের সর্বশ্রেষ্ঠ ভক্ত বলাই চলে। শ্রীমা ঠাকুরকে ‘শ্রীগুরুদেব’ এই নামেও ডাকিতেন এবং সাধারণতঃ নিজেকে ঠাকুরের শিষ্যা বলিয়াই মনে করিতেন। তবে তাঁহার ভাব বা সমাধি অবস্থায় শ্রীমা ঠাকুরকে নিজের সহিত যখন অভেদাশ্রয় দেখিতেন, তখনকার কথা স্বতন্ত্র। ঠাকুরের দেহান্তে শ্রীমা মধ্যে মধ্যে ভক্তদের বলিতেন, “ত্যাগ,—কামিনী-কাঞ্চন ত্যাগ—এ কথা শাস্ত্রেই লেখে, তাহার স্বরূপ যে কি, তাহা শ্রীঠাকুরের আবির্ভাব ও লীলাজীবন না দেখিলে কেহই সম্যক ধারণা করিতে পারিতেন না। ঠাকুরের যে ত্যাগ, তাহা অলোক-সামান্য ও এই ত্যাগ-সম্পদে শ্রীরামকৃষ্ণ অবতার অগ্গাণ্ড সকল অবতারকে অতিক্রম করিয়া গিয়াছেন।”

ঠাকুরের সে অতুল্য ত্যাগের আদর্শ যাহাতে অটুট থাকে, সে বিষয়ে ঠাকুরের জীবিতকালে শ্রীমার অপেক্ষা সতর্ক বোধ হয় তাঁহার কোন ভক্তই ছিলেন না! লক্ষ্মীনারায়ণ নামক একজন ভক্ত মাড়োয়ারী এই সময় ঠাকুরের কাছে যাতায়াত করিতেন। ইহার একটু বেদান্ত-চর্চা ছিল। ঠাকুরের সহিত কথা কহিয়া তিনি আনন্দ পাইতেন। তিনি এক দিন মন্দিরে আসিয়া দেখিলেন যে, ঠাকুরের শয্যার চাদর মলিন ও স্থানে স্থানে ছিল। তখন মাড়োয়ারী হুঃখ করিয়া বলিতে লাগিলেন—“সাধুর সেবা এ দেশের লোক জানে না। সাধুর একপ অনাদর

আমি চক্ষে দেখে—সহ্য করতে পারব না। আমার টাকা আছে, আমি আপনাকে দশ হাজার টাকা দিচ্ছি। এই টাকায় কাগজ কিনে রাখলে তার সুদে আপনার নিজের সেবার খরচের আর কোন অভাব হবে না।” ঠাকুর বলিতেন যে, সন্ন্যাসীর পক্ষে টাকার লোভ বা টাকা লওয়া বা রাখা, ঠিক যেন ব্রাহ্মণের বিধবা ব্রহ্মচারিণীর বার বছর ব্রহ্মচর্যের অবঃপতনের মত অশ্রদ্ধেয় কার্য। তিনি লক্ষ্মীনারায়ণের এই প্রস্তাবে এমন ভীত, ব্যথিত ও বিচলিত হইলেন যে, তাঁহার মূর্ছার উপক্রম হইল। ঠাকুরের তৎকালীন অবস্থা হইল ঠিক যেমন কোন স্ত্রী ব্যক্তিকে কেহ হঠাৎ লাঠি দিয়া মস্তকোপরি আঘাত করিলে তাহার যেরূপ সংজ্ঞালোপের অবস্থা হয় তেমনই। তাঁহাকে তদবস্থা দেখিয়া লক্ষ্মীনারায়ণ সাহস হারাইলেন, তবে আশা ছাড়িলেন না। ঠাকুর কিঞ্চিৎ প্রকৃতিস্থ হইলে তিনি তাঁহাকে বলিলেন, “কেন, আপনি ত ব্রহ্মজ্ঞানী—সব সমান আপনার কাছে। আপনার যদি এখনও ত্যাক্য গ্রাহ্য থাকে, তবে আপনার পূর্ণ-জ্ঞান হইয়াছে কেমন করিয়া বলা হয়?” ঠাকুর তাহার জবাবে বলিলেন যে, “হবেও বা, তাঁহার হয় ত পূর্ণ জ্ঞান হয় নাই, কিন্তু—হোক বা না হোক, তিনি কোন মতে মাড়োয়ারীর টাকা গ্রহণ করিতে পারিবেন না। মাড়োয়ারীর স্বভাব নাছোড়বান্দা,—ইতিমধ্যেই পকেট হইতে দশ হাজার টাকার নোটের বাঙুল বাহির করিয়া রাখিয়াছেন। তিনি বলিলেন, “তবে হৃদয়ের নামে টাকা রাখুন! আপনি নিজে ত তা হ’লে আর নিলেন না।” ঠাকুর বলেন, “ওটা বাহিরে হৃদিক রাখার মত কার্য হ’লেও ভিতরে ভিতরে আমার মনে মনে সর্বদা খতান হবে, ঐ টাকা আমার জন্ম প্রদত্ত এবং ঐ টাকার ব্যয় লইয়া হৃদয়ের সঙ্গে বিরোধ ও মতান্তর অনিবার্য।” এ মিথ্যাচারে তিনি সন্নত হইতে পারিবেন না। তখন মাড়োয়ারী শ্রীমাকে ঐ টাকা দিতে চাহিলেন। এবারে ঠাকুর বলিলেন, “বেশ, যাকে দিতে চাও, তাঁকে জিজ্ঞাসা ক’রে দেখি।” শ্রীমাকে জিজ্ঞাসা করিতে তিনি বলিলেন যে, যে ঠাকুরের জীবনের বৈশিষ্ট্য অপূর্ণ ত্যাগ—কামিনী ও কাঞ্চন-ভোগ-ঐর্ষ্যের সঙ্গে যে জীবনের কোন সম্পর্ক নাই—সেই মহাপুরুষের সহধর্মিণী তিনি; তিনি ঠাকুরের অপ্রীতিকর কথা ক’রিতে পারেন। তাঁহার উচ্চাদর্শকে খর্ব করিয়া মাড়োয়ারীর টাকা

ত দূরের কথা, পৃথিবীর সমস্ত ঐশ্বর্য্য করতলগত অবস্থায় লাভ করিলেও তাহার প্রার্থিনী নহেন। তিনি যদি কিছু গ্রহণ করেন, তবে এ সম্বন্ধে লোকের এই ধারণা হইবে যে, ঠাকুরের ইচ্ছা অনুসারে কোশলে শ্রীমাকে দিয়া এই টাকা গ্রহণ করানো হইয়াছে; সুতরাং মাড়োয়ারীর

দান গ্রহণ তাঁহার পক্ষে একবারেই অসম্ভব। অগত্যা মাড়োয়ারীকে এই অপূর্ণ সন্ন্যাসীর ত্যাগের মহিমার নিকট পরাজয় স্বীকার করিয়া ফিরিতেই হইল। ঠাকুরও নিশ্চিন্ত হইলেন।

শ্রীচর্গাপদ মিত্র।

## বালাই—ষাট

ওষুধের শিশি সরাস্ কেন রে  
 বায়ের মলম রাখ্ না,  
 পারমোমিটার নাড়িস্ না কেউ  
 ঐখানেতেই থাক্ না।  
 দে ত' একবার ভাল ক'রে দেখি  
 এই যে এখনও রয়েছ ত' একই,  
 আমার খোকার টেম্প্যারেচার  
 একশ' পয়েন্ট আট না ?  
 নাড়িস্ না কেউ খারমোমিটার,  
 শিশিতে ঢাকা দে ঢাকনা।

আমার খোকার ভাতের বাসনে  
 কালি প'ড়ে গেছে কেন রে ?  
 শত কাজ ফেলে আজ বৈকালে  
 মেজে দেয় খেঁদি সেন রে।  
 কাল রবিবার ধোবা এলে পর  
 খোকনমণির জামা ও কাপড়  
 নাম ধ'রে ধ'রে লিখে লিখে সব  
 বাসি হ'তে দেয় খেন রে,  
 ময়লা কাপড় খোকন আমার  
 পর্বে বল্ ত কেন রে।

আজকে খোকার জন্মদিন যে  
 কেন এলি তুই নাপতিনী,  
 ষাট—ষাট—ষাট অকলাগের  
 কথা কেন শুনি রাত-দিনই!


তোরা যা বলিস মিথ্যা কথা ও,  
 আমার খোকা কি হারাতে পারে গো,  
 শীতলা মায়ের পূজা মেনেছি যে,  
 জানি জাগ্রত যে তিনি,  
 ষাট—ষাট—ষাট আজকের দিনে  
 ফিরে যা লো তুই নাপতিনী।

আজকে মাসের সত্তেরো তারিখ,  
 দিতে যাবি কে রে মাইনে,  
 ইসুলে তার লাগবে এবার  
 পাখার ফি আর ফাইনে,—  
 মাড়ে তিন টাকা,—দিয়ে আয় গিয়ে  
 খোকনমণির নামে বিল নিয়ে ;  
 নাম কেটে খেন না দেয় বাহার—  
 আর কিছু আমি চাইনে,  
 কামাই যতই হোক গে না কেন  
 দেব যা লাগে তা ফাইনে।

আমার ওপর রাগ ক'রে খোকা  
 পালিয়ে গেছে রে না ব'লে,  
 কাণ পেতে আছি আসবে কখন  
 নাচতে নাচতে মা ব'লে।  
 রাগ ক'রে কোলে না আসে রে পাছে  
 রথের পয়সা জমা করা আছে,  
 হুঁটো চক্চকে হুঁআনি রেখেছি  
 বেঁধে কাল থেকে আঁচলে,  
 খেলতে গিয়েছে, ষাট—ষাট—ষাট—  
 আর কিছু নয় তা ব'লে।

শ্রীঅনাথবন্ধু সেনগুপ্ত (বি এল)।





—এক—

—“মিথ্যে ছলনা।”

—“চীংকার করছ কেন? ওরা যে শুন্তে পাবে।”

আবার সে মিথ্যা কথা বলিল। চীংকার আমি মোটেই করি নাই। অতি শাস্ত সুরেই ত বলিয়াছি। মৃহস্পর্শে তাহার হাত হইখানি ধরিয়া মৃহ সুরে কথা বলিতে বলিতে ক্ষুদ্র বিষধরের মৃহ স্বননের মত আমার কণ্ঠ হইতে বাহির হইয়া আসিল বিষবাণী—‘ছলনা’!

তবু বলিল—“ভালবাসি, ওগো তোমার ভালবাসি,—বিখ্যাস কর ভালবাসি।”

‘ভালবাসি’ বলিয়া চিবুক ধরিয়া চুখন করিল। হাতখানি ধরিতে বাইব, দেখি চলিয়া গিয়াছে, অর্ধ-অন্ধকার বারান্দা হইতে কখন নিমিষে সরিয়া পড়িয়াছে। পিছু পিছু বাইয়া দেখি, হলে সমবেত উৎফুল্ল নরনারীর উৎসব প্রায় শেষ হইয়া আসিয়াছে। মিনা বলিয়াছিল, সমস্ত রাত সে নাচিবে। আমি ভাবিয়াছিলাম, সমস্ত রাত ধরিয়া তাহার সেই মোহন নৃত্যছন্দে আপনাকে ছন্দোময় করিয়া তুলিব।

ক্রান্ত উৎসবও বিশ্রাম চাহে। উৎসবক্রান্ত তরুণ তরুণীর কলকণ্ঠে তবু হাসি, তবু যৌবনের উচ্ছ্বাস। এই অজানা মানুষটাকে কেহ ফিরিয়াও পুছিল না, ডাকিয়া একটি কথাও জিজ্ঞাসা করিল না! কনসার্টে বাজিতেছিল হলের এক প্রান্তে, দীর্ঘ ধীরে তাহারই নিকটে গিয়া এক কোণে বসিলাম। সোজা আমারই দিকে মুখ্যাদান করিয়া অতিক্রম একটা বাঁকীর গভীর মুখবিবরে কে যেন আশ্চর্যগোপন করিয়া প্রতি মিনিটে আমাকে ব্যঙ্গ করিয়া হাসিতে লাগিল—হো-হো-হো!

মাকে মাঝে এক একখানি মধুরগন্ধী ধবল মেঘ আমার কাছে আসিয়া আবার ফিরিয়া বাইতে লাগিল। মিনা বৃষ্টি অলক্ষ্যে অলক্ষ্যে কেমন করিয়া আসিয়া আমার আদর করিয়া বাইতে লাগিল। কিন্তু এক সেকেণ্ড—হাঁ, ছোট্ট একটুখানি সেকেণ্ড—ঠিকই আমার কাঁধে তাহার কাঁধের স্পর্শ লাগিল। চোখ নীচু করিতেই দেখিলাম, একটি শুভ্র মরাল-শ্রীবা শুভ্রতম ভ্রমণসজ্জা ভেদ করিয়া জাগিয়াছে। বহুদিন বিস্মৃত সমাধি-বুকে স্রিয়মাণ মর্মর-মূর্ত্তির মুখখানি যেমন ককণ ও শাস্ত, চাহিয়া দেখিলাম, সমাধি-মূর্ত্তির মতই তাহার মুখখানিতে শুভ্র-কঠোর বাস্তব রূপ। দেখিলাম, সূক্ষ্ম, শাস্ত আয়ত, নয়নে অতৃপ্ত আলোকত্বা, নীলাভ স্বেদ নয়নে কালোমণির কক্ষত্বাতি। যতই দেখিলাম, ততই মনে হইল, কালোমণি আরও কালো, আরও

অতলস্পর্শী। নিমিষের দেখা, তাই বৃষ্টি সেই দৃষ্টি একটুকুও আমাকে বিভ্রান্ত করিতে পারিল না। কিন্তু, অনন্ত অন্তলের অর্থ অত ভয়ানক ভীষণ করিয়া ইহার পূর্বে আর বৃষ্টি নাই। অমুভব করিলাম, আমার এই প্রাণটুকু ক্ষীণ-বশ্মি হইয়া তাহার নয়নে গিয়া মিলিতেছে, আর আমি হইয়া বাইতেছি মৌন ও মৃত; আমি আমাকেই চিনিতে পারিতেছি না। অমুভব করিয়া ভয় হইল, চিত্ত হইয়া উঠিল ব্যথাভর। আমার প্রাণটুকু সঙ্গে লইয়া সে একটা দীর্ঘাকৃতি দাঙ্কিক সুপুরুষের সঙ্গে গিয়া নাচিতে লাগিল।

লোকটার আপাদমস্তক প্রত্যেকটি ভাবভঙ্গি লক্ষ্য করিয়া দেখিলাম। তাহার জুতার গড়ন, তাহার ঈষৎ উচ্চ স্বক্বে প্রশস্ততা, তাহার বিচ্ছিন্ন অলকঙ্কের সুচ্ছন্দ আন্দোলন লক্ষ্য করিয়া দেখিলাম। উহার উদাসীন অলক্ষ্য দৃষ্টি আসিয়া আমাকে যেন প্রাচীরগাত্র পিষিয়া মারিতে লাগিল; সেই আঘাতে মনে হইতে লাগিল, আমি যেন এ দেয়ালের মতই অটল ও প্রাণহীন হইয়া পড়িয়াছি।

হলঘরের বাতি উহার নিভাইতে আরম্ভ করিল। আমি মিনার নিকটে গিয়া জিজ্ঞাসা করিলাম—“বাইবে না? আমি সঙ্গে আসি?”

অবাক হইল! ঐ দীর্ঘাকৃতি সুপুরুষটা অগা দিকে চাহিয়াছিল। উহাকে দেখাইয়া মিনা বলিল—“আমি ত ওঁরই সঙ্গে যাব।”

আমাকে একটি নিচ্ছন্ন কক্ষে লইয়া গিয়া চুখন করিল।

চুপি চুপি বলিলাম—“এ চুখন তোমার ছলনা, মিনা।”

বলিল—“কাল আবার দেখা হবে। এসো যেন।”

যখন বাসায় ফিরিলাম, তখন পথের উচ্চ গৃহগুলির পশ্চাৎ হইতে কুছাটিকাচ্ছন্ন উষা উঁকি দিতেছিল। জনমানবহীন পথে কেবল আমি আর আমার ডাইভার। ডাইভার মুখ জড়াইয়া মাথা নীচু করিয়া বসিয়া, আর পশ্চাতে আমি, আমারও চক্ষুর নীচু পর্য্যন্ত আবৃত। ডাইভার নিজের চিন্তায় মগ্ন, আমিও মগ্ন আমার চিন্তায়। আর ঐ পুরু পুরু দেওয়ালগুলির পশ্চাতে সহস্র নিস্ত্রিত নর-নারী, তাহারও মগ্ন আপনাদের স্বপ্ন ও কল্পনায়। ভাবিলাম, মিনার কথা। ভাবিলাম, কি করিয়া সে মরিয়া গেল! মৃত্যুর কথা ভাবিতে ভাবিতে মনে হইল, যেন কুহেলি আলোকচ্ছন্ন প্রাচীরগুলি নীরবে ঝুঁ হইয়া দাঁড়াইয়া নির্বিকারভাবে আমার মৃত্যু নিরীক্ষণ করিতেছে। ডাইভার কি ভাবিতেছিল বলি পাবি না, প্রাচীরগুলির পশ্চাতে লুকায়িত নরনারী—তাহারাই বা কিসের স্বপ্ন দেখিতেছিল বলিতে পারি না, আর আমি যে বি চিন্তায় মগ্ন, তাহাও উহার কেহ জানে নাই।

সোজা ও সুদীর্ঘ পথ বাহিয়া গাড়ী চলিয়াছে। বাড়ীগুলি

পশ্চাৎ হইতে প্রভাতী আলো ফুটিয়া উঠিতেছে। একখানি শীতলগন্ধী মেঘ আমার কাছে আসিয়া দাঁড়াইল, আর আমার কাণের কাছে অদৃশ্য কে যেন বিক্রম করিয়া হাসিয়া গেল—হো—হো—হো!

—দুই—

মুনি ছলনাই করিল। সে আসে নাই। বুধাই আমি তাহার জন্ত প্রতীক্ষা করিলাম। কুহেলি গগন হইতে ধূসরবসনা তুহিন-তমসা নামিয়া আসিল। কখন যে গোবুলি সন্ধ্যা হইল আর সন্ধ্যা হইয়া গেল নিশীথ রাত্রি, তাহা বুঝিতে পারি নাই। গোবুলি, সন্ধ্যা, নিশীথ সব মিলিয়া আমার নিকট এক দীর্ঘ রজনীর সৃষ্টি করিল।

নিফল আশা বৃকে লইয়া তবু আমি তাহারই প্রতীক্ষায় পথে পায়চারি করিতেছি। আমার প্রিয়তমা—হাঁ, হাঁ, আমারই প্রিয়তমা থাকে ঐ উচ্চ প্রাসাদে...

বাড়ীখানির নিকট বাইতে পারিলাম না। লৌহাস্তীর্ণ পথের শেষপ্রান্তে একখানি ফটিক দ্বার হইতে পীত আলোক উদ্ভাসিত হইতেছিল। ওখানেও বাইতে পারিলাম না। পথের এপারে ময়ূর-পাশ্বেপে চলিতেছি ও ফিরিতেছি, আসিতেছি আর বাইতেছি। আলোকিত দ্বারের দিকে দৃষ্টি নিবন্ধ করিয়া করিয়া চলি আর তুষারকণা আমার চোখে কাণে তীক্ষ্ণ সৃষ্টি বিদ্ধ করিতে থাকে। সেই ক্ষুদ্রাতিক্ষুদ্র হিমানী সৃষ্টি এত দীর্ঘ যে, উহা আমার হৃৎপিণ্ডে পর্য্যন্ত প্রবেশ করিল। নিফল প্রতীক্ষার দুঃখ ও ক্রোধের রূপ ধরিয়া সৃষ্টিগুলি আমার হৃদয় বিদ্ধ করিতে লাগিল। উত্তর দক্ষিণ উভয় দিক হইতে হিমবাসু অবিরাম ফুৎকার দিতেছে। হুমারাজ্বর ঢালাগুলির উপর দিয়া বাতাস শিথ দিয়া খেলা করিয়া ফিরিতেছে, আর ঘুরিয়া ফিরিয়া তীক্ষ্ণ হিমখণ্ড দিয়া আমার মুখের উপর ছুরি ঢালাইতেছে। পথের ল্যাম্পগুলির চিমনির উপর বাতাস করাঘাত করিয়া শিখাকে করে আহ্বান। পীত দীপশিখা কাঁপিতে থাকে। হতভাগা দীপশিখা! রাত্রির জঞ্জাই উহাদের নিজ্জনে নিভুতে বাঁচিয়া থাক।

দীপশিখার জন্ত কষ্ট হইল। ভাবিলাম, যখন আমি চলিয়া যাইব, এই পথেই ত আমার জীবনের সব কিছু শেষ হইয়া যাইবে। তখন মাত্র ঐ হিমকণা শূন্যপথে করিবে ছুটাছুটি। তবু—তবু ঐ পীত দীপশিখা নিজ্জনে নিভুতে বাঁকিয়া হেলিয়া পড়িবে আর দারুণ শীতে খর-খরিয়া কাঁপিতে থাকিবে।

মিনার জন্ত পথ চাহিয়া অপেক্ষা করিয়া রহিলাম, সে আসিল না। কেন যে ব্যাধার চোখের জল ফেলিলাম না, ডুকরাইয়া কাঁদিয়া উঠিলাম না, তাহা বলিতে পারি না। বলিতে পারি না, কেন আমি হাসিলাম, কেন আমি মনে মনে সুখী হইলাম, কেন অসুখীগুলিকে হিংস্র স্বাপদের নখের মত বক্র করিয়া বজ্রমৃষ্টি করিলাম! মনে হইল, সেই মৃষ্টির ভিতর একটা ক্ষুদ্র বিবধর অবিরাম চূষন করিয়া বাইতেছে। না—না—মিথ্যা কথা! আমার মৃষ্টির মধ্যে সর্পশিশু কিল-বিল করিয়া খেলা করিতেছে—আমার বৃকের মধ্যে প্রবেশ করিয়া দংশন করিতেছে—সেই দংশনে আমার মাথা টলিতেছে—প্রকৃতিক হইতে পারিতেছি না। না—না—মিথ্যা কথা। কাল আর আত্ম—আত্ম আর কাল, ভবিষ্যৎ আর বর্তমান,

বর্তমান আর অতীত—এগুলির মধ্যে সীমাবেধা বা ছিল, সমস্তই অস্তর্হিত হইল। আমার অস্তিত্বের পূর্ব ও পর কোথায় যেম গিয়া লুকাইল। মনে হইল, আমি চিরকাল বাঁচিয়া রহিয়াছি, ইহা না হইলে আমার জীবনই সম্ভবপর হইত না। প্রাণ যখন ছিল না, আর প্রাণের সঞ্চার যখন আমাতে হইল, সর্বসময় সে—মিনা—ঐ নারী আমার উপর প্রভু করিয়াছে।

অদ্ভুত! উহার আবার একটা নাম আছে? একটা দেহ আছে? ওর প্রাণেরও আবার আরম্ভ অবসান আছে? নারী বেনামা—কোনও নাম নাই ওর। চির দিন, চিরযুগ ও মিথ্যা বলিয়া আসিতেছে। চিরদিন, চিরকাল ও অপেক্ষা করাইয়া রাখে, কখনও আসে না।

বলিতে পারি না, কেন আমি হাসিলাম। কিন্তু আবার -- আবার ঐ হিমকণাগুলি সৃষ্টি হইয়া আমার বৃকের মধ্যে প্রবেশ করিল। আর অদেখা কে যেন আমার কাণের কাছে আসিয়া তেমনই বিক্রম করিয়া হাসিয়া বাইতে লাগিল—হো-হো-হো।

চোখ খুলিয়া উঁচু বাড়ীটার আলোকময় গবাকগুলির দিকে চাহিলাম। উহার আপনাদের নীল ও লাল ভাষায় চূপি চূপি আমাকে বলিল—“নারী তোমায় প্রভাবিত করিয়াছে। তুমি পথে ঘুরিতেছ, প্রতীক্ষা করিতেছ, শীতে কষ্ট পাইতেছ, আর সে, ঐ লাবণ্যময়ী রূপসী, ঐ বিশ্বাসঘাতিনী ওখানে ঐ দীর্ঘাকৃতি রূপবান পুরুষের প্রেমগুঞ্জন উৎকর্ণ হইয়া শুনিতেছে। লোকটা তোমায় ঘণা করে। ওখানে ঢুকিয়া ঐ নারীকে গিয়া যদি হত্যা কর, ভাল কাণ করিবে—উহাতে মিথ্যা নিহত হইবে।”

হাতে ছুরিখানি শক্ত করিয়া ধরিয়া হাসিয়া জবাব দিলাম—“হাঁ! নারীকে আমি হত্যা করব।”

কেন যেন জানালাগুলি আবার করুণনেত্র আমার দিকে চাহিয়া অতি দুঃখের সুরে বলিল—“না-না—উহাকে খুন করিও না। তোমার হাতের ঐ ছুরি তাহার চূষনের মতনই মিথ্যা।”

আমারই মত হতভাগ্য যাহারা ঐ শীতের রাতে পথে বাহির হইয়াছিল, তাহাদের মৌন ছায়াগুলি অনেকক্ষণ অস্তর্হিত হইয়াছে। পথে আমি একা। এই নিরালা তুহিন-শূন্নে আমি মাত্র একা। শৈশতা ও নিরাশায় কাঁপিতেছি, মাত্র আমি আর নিঃসঙ্গ একলা ঐ হতভাগা দীপশিখা। নিকটের এক গির্জা মিনারে ঘড়ী বাজিতে লাগিল, তাহার নিরাশ কল্পিত কাংসা রোদনধ্বনি শূন্নে ছড়াইয়া পড়িয়া নীরব দিগন্তে মিলাইতে লাগিল। ঘড়ীর শব্দ এক দুই করিয়া গণিতে গণিতে হাসি আর চাপিয়া রাখিতে পারিলাম না। ১৫টা বাজিল! বৃদ্ধ ঘড়ীটা ঠিক সময়ই বাজায়, তবু মাঝে মাঝে এমন অবিরাম বাজিয়া যায় যে গির্জার সুরের ঘণ্টাওয়ালাকে উঠিয়া গিয়া হাত দিয়া ঘড়ীর পাগলা হাতুড়ীটাকে চাপিয়া ধরিতে হয়। কিন্তু কাহার জন্ত বৃদ্ধ ঘড়ী অমন বারুকোর কল্পিত করুণকণ্ঠে বাজে? ঐ আর্ন্তনাদ যে শীতে নিশীথের ঘনাকারকে আলিঙ্গন করিয়া কণ্ঠরোধ করিতে চাহে, উহাও কি মিথ্যা? অপ্রয়োজনীয় এই মিথ্যা অতি ব্যর্থ,

...

ঘড়ীর শেষ মিথ্যা-ধ্বনি শেষ হইতে না হইতেই আলোকিত দ্বার খুলিয়া এক দীর্ঘাকৃতি মাছব সিঁড়ি দিয়া নামিতে লাগিল। মাত্র পিঠটা দেখিলাম। মাত্র কাল সন্ধ্যায় দেখিয়াছি, তবু

চিনিলাম ঐ দাস্তিক ঘৃণিত মানুষটাকে। সন্ধ্যার অপেক্ষা তাহার পাদক্ষেপ নিশ্চিত ও সরল মনে হইল। কত বার ঐ দ্বার দিয়া অমন করিয়া আমিও বাহির হইয়া আসিয়াছি। নারীর কপট অধরের চুখন-পুলকে যেমন করিয়া মানুষ চল, তেমনই পাদক্ষেপে সে চলিয়া গেল।

### —তিন—

ভয় দেখাইলাম—মিনতি করিলাম—দাঁতে দাঁত নিষ্পেষিত করিয়া বলিলাম—

“বল—সত্য ক’রে বল।”

বয়ফের মত ঠাণ্ডা ওর মুখ! বিস্ময়-বিফারিত ক্র দুইটির নীচে ওর কাজল-কালো চোখে তেমনই নিরীকার ও তেমনই বহুসময় দীপ্তি। বলিল—

“তোমার কাছে মিথো আমি বলতে পারি?”

সে জানে যে তাহার ছলনা আমি প্রমাণ করিতে পারিব না। সে জানে যে তাহার কথা, তাহার একটুকু মাত্র কপট কথায় আমার পুঞ্জ পুঞ্জ সঞ্চিত এই সন্দেহ হৃদয়িত একেবারে কোথায় উড়িয়া যাইবে। সেই কথাটুকুর জন্মই অপেক্ষা করিলাম। সে বলিল। তাহার ঠোঁট দুইটির উপরে সত্যের মোহন বর্ণচ্ছটা, কিন্তু অন্তরে অন্ধকার, ঘোর কৃষ্ণ অন্ধকার।

বলিল—“ভালবাসি—আমার সবই যে তোমার প্রিয়তম।”

তার পব দুই জনে মিলিয়া সহর হইতে বহুদূরে বেড়াইতে গিয়াছি। এক কক্ষে মাত্র আমি আর সে। অন্ধকার গবাকগুলি দিয়া তুষারাবৃত নিম্নভূমি উঁকি দিতেছে। মাথার উপরে অন্ধকার, চারিদিকে অন্ধকার—নীর্ব নিথর জমাট অন্ধকার। তুষারচ্ছন্ন ঐ নিম্নভূমি দেখিয়া মনে হইল, গভীর তমসা ভেদ করিয়া যেন একটা মড়ার মুখ দেখা যাইতেছে। অতি উত্তপ্ত কক্ষে একটিমাত্র মোমবাতি জ্বলিতেছিল। সেই দীপের রক্তাভ শিখার উপর সহসা আবির্ভূত হইল মৃত্যুসম বেদনার শ্বেত জ্যোতির্বেষ্টন।

“সত্য কথা শুনে দুঃখ পাই পাব, কিন্তু সত্য কথা তোমার বলতেই হবে। তোমার মুখে ঐ সত্য শুনে হয় ত আমার মৃত্যু হবে। কিন্তু সত্য লুকিয়ে রাখার চাইতে মরণই যে ভাল, মিনা! তোমার চুমুতে—তোমার আলিঙ্গনে আমি কপটতার স্বাদ পেয়েছি। তোমার ঐ চোখেও দেখেছি ছলনা। বল মিনা, বল, সত্য প্রাণ খুলে বল। দেখো আমি তা শুনে চিরদিনের মত তোমায় ছেড়ে চলে যাব—আর আসব না!”

সে চূপ করিয়া রহিল। তাহার ভাবহীন সঙ্কানী দৃষ্টি অন্তরের অন্তর তলে পূর্ণ্যস্ত প্রবেশ করিয়া আমার চিত্তকে টানিয়া বাহির করিয়া অদ্ভুত কৌতূহল অনুভব করিতে লাগিল।

চীৎকার করিয়া বলিলাম—“উত্তর দাও—নৈলে হত্যা করব।”

শাস্ত সুরে বলিল—“কর হত্যা! জীবনটা সময় সময় বড়ই দুর্ভাগ্য হয়ে পড়ে। তবু সত্য ত আর ভয় দেখিয়ে টেনে বের করা চলে না!”

মিনার পা ধরিলাম। হাত দুইখানি ধরিয়া কত কাঁদলাম, মিনতি করিলাম। সে মাত্র আমার মাথার তাহার হাতখানি রাখিয়া বলিল—“আহা! বেচারী—বেচারী!”

প্রার্থনা করিলাম—“দয়া কর মিনা, সত্য কি তা বল।”

তাহার স্বচ্ছ সূক্ষ্ম ললাটের দিকে চাহিয়া মনে হইল, সত্য বৃষ্টি ঐখানে, সত্য বৃষ্টি ঐ ভগ্নস্থির কোমল বেটনীর পিছনে রহিয়াছে। উদ্গাদনায় ইচ্ছা হইল, ঐ ললাট চূর্ণ করিয়া সত্যকে বাহির করিয়া আনি। ঐ শুভ্র বস্তুর পশ্চাতে একটা স্বপ্নিও স্পন্দিত হইতেছে। উদ্গাদ বাসনা হইল, আমার এই নখগুলি দিয়া উহার বক্ষ চিরিয়া অন্ততঃ একবারও অবগুষ্ঠনমুক্ত নারী-হৃদয় দেখিয়া লই।

বাতীর আয়ু শেষ হইয়া আসিল। নিরুপ উত্তত দীপশিখা পীতভ হইয়া আসিল। কক্ষপ্রাচীর ক্রমে অন্ধকার হইয়া আসিল, মনে হইল, দেয়ালগুলি দূরে দূরে সরিয়া গিয়াছে।

মিনা খালি বলিল—“আহা, বেচারী, বেচারী!”

প্রদীপের পীতভ শিখা ভয়ে কাঁপিতে লাগিল। শিখা ক্রুদ্ধ ও নীল হইল, তাহার পর নিবিয়া গেল। আমাদের উভয়ের চারিদিকে ঘন অন্ধকার ঘিরিয়া দাঁড়াইল। মিনার মুখ দেখিতে পাইলাম না, তাহার চোখ দেখিতে পাইলাম না, মাত্র অমুভব করিলাম, তাহার হাত দুইটি আমার মস্তককে আলিঙ্গন করিয়া রহিয়াছে। মন হইতে অসত্য বোধটা যেন কোথায় চলিয়া গেল। চক্ষু দুইটি বুঁজিয়া তাহার স্পর্শে মগ্ন হইয়া গেলাম। মনে হইল, আমার চিন্তাও নাই, আমার প্রাণও নাই। মনে হইল, মিনার ঐ স্পর্শই যেন সত্য। সেই অন্ধকারে এক অদ্ভুত ভীতি-বিভ্রাডিত কণ্ঠে সে চূপি চূপি বলিল—“আমায় জড়িয়ে ধর, বড় ভয় পাচ্ছে।”

আবার সব নিস্তব্ধ। আবার এক শঙ্কা-বিভ্রাডিত মুহূর্ত্ত—“সত্য কি তুমি জানতে চাও? কিন্তু তা যে আমি জানিনে! জানতে কি ইচ্ছে আমারও হয় না? আমি বড় ভয় পেয়েছি—ওগো শোন!”

চোখ খুলিয়া চাহিলাম। কক্ষের জমাট অন্ধকার ভয়ে উঁচু গবাকপথে পলায়ন করিতে চেষ্টা করিল, পলায়ন করিতে না পারিয়া কতক অন্ধকার দেয়ালের কোণে গিয়া ভয়ে গুটি মারিয়া লুকাইল। কিন্তু জানালার মধ্য দিয়া মৃত্যু-শুভ্র অতিকায় কে যেন নীরবে চাহিয়া রহিল। মনে হইল, কাহারও যেন মৃত্যু নয়ন দুইটি আমাদের সঙ্কানে বাহির হইয়া তাহার তুষার-দৃষ্টি দিয়া আমাদের আবৃত করিয়া ফেলিতেছে। মিনা আমাকে জড়াইয়া ধরিল, আমিও মিনাকে নিকটে টানিয়া লইলাম। সে চূপি চূপি বলিল—“ওগো! আমার বড় ভয় পাচ্ছে।”

### —চার—

তাহাকে হত্যা করিয়াছি। মিনাকে হত্যা করিয়াছি। জানালার পার্শ্বে তাহার প্রাণহীন স্তূপ পড়িয়া রহিল। জানালার ওপার হইতে মৃত্যু-শুভ্র গগন জ্বলিতে লাগিল। নারীর শবের উপর পাখানি তুলিয়া দিতে হাসিয়া ফাটিয়া পড়িলাম। না—না, পাগলের হাসি নয়! বৃকের উপর হইতে একটা গুরুভার নামিয়া গিয়াছে, তাই আরাম ও স্বচ্ছন্দ হলে আমার বক্ষ স্পন্দিত হইতে লাগিল। সঙ্গে সঙ্গে মনে হইল, বিশ্ব এক আনন্দময়, শান্তিময় মহাশূভ্রে পরিণত হইয়াছে। একটা কীট আমার বৃকের ভিতর কুরিয়া কুরিয়া খাইতেছিল, এখন কীটটা বৃক হইতে পড়িয়া গিয়াছে।

সুঁকিয়া পড়িয়া উহার মৃত্যু-স্থির নয়ন দুইটির দিকে চাহিলাম। আলোক-লুক বিশাল নয়ন দুইটি বিফারিত! মোমের পুতুলের



চোখ দুইটি বেমন গোলগোল, বেমন অন্ধ, তেমনই দেখিলাম মিনার নয়নমণির উপর অস্ত্রের আস্তরণ। উহা অঙ্গুলি দ্বারা স্পর্শ করিতে পারিলাম, খুলিলাম, বন্ধ করিলাম, মোটেই ভয় পাইলাম না। কপটতা ও সন্দেহরূপী যে দৈত্য এত দিন ধরিয়া পরম আগ্রহে আমার রক্ত শোষণ করিয়া খাইতেছিল, নয়নের ঐ কৃষ্ণমণিতে আর তাহার দর্শন পাইলাম না।

উহার আসিয়া গ্রেপ্তার করিতেই হাসিয়া উঠিলাম। বাহারা ধরিতে আসিয়াছিল, তাহাদের নিকট সেই হাসি বড় ভীষণ এক স্বাপদের হাসি। কেহ বীতশ্রদ্ধ হইয়া দূরে সরিয়া গেল। কেহ ভয় দেখাইতে দেখাইতে, আমাকে ধিকার দিতে দিতে সোজা অগ্রসর হইল। কিন্তু এখনই আমার আনন্দোচ্ছল দৃষ্টি তাহাদের চক্ষুর উপর গিয়া পড়িল, তাহাদের মুখ বিবর্ণ হইয়া গেল, তাহাদের পা আর নড়িল না।

বলিল—“পাগল!”

কথাটা উচ্চারণ করিয়া আরাম পাইল। আমি যাহাকে ভালবাসিতাম, তাহাকে হত্যাও করিলাম, আবার সেই হত্যার পর আবার হাসিতেছি, এই হেরালীর উত্তর উহারা পাইল ঐ ‘পাগল’ কথাটাকে। মাত্র এক প্রশান্ত ব্যক্তি আমাকে অল্প এমন এক নামে অভিহিত করিল, যাগা শুনিবামাত্র মনে হইল, আমার কেহ যেন প্রহার করিল। দেখিতে দেখিতে আমার নয়নের জ্যোতিঃ নিবিয়া গেল।

শক্তিশালী প্রশস্ত ব্যক্তিটি ক্রুদ্ধ হয় নাই, সে সগম্ভূতির স্বরে বলিল—“আগা বেচারী!”

বেচারী? চীৎকার করিয়া বলিলাম—“খাম, ও নাম ধ’বে খামায় ডেকো না, খাম!”

জানি না, কেন তাহার উপর কাঁপাইয়া পড়িলাম। তাহাকে হত্যা করিতে, এমন কি স্পর্শ করিতেও আমি চাহি নাই। কিন্তু ঐ সব কাপুরুষকে আমার উন্নত ও সয়তান মনে করিয়া ভয়ে চীৎকার করিতে দেখিয়া ভারি অদ্ভুত ঠেকিল।

কক্ষ মিনার স্মৃতদেহ পড়িয়া রহিল। উহারা আমাকে কক্ষ হইতে বাহির করিয়া লইয়া চলিল। বলবান ও প্রশস্ত লোকটির দিকে চাহিয়া অবিচল চীৎকার করিয়া বলিতে লাগিলাম—“শুখী, শুখী, আমি বড় শুখী।”

সত্য যে পাইয়াছি—উহাই যে সত্য!

—পাঁচ—

শিশুকালে চিড়িয়াখানায় বাঘ দেখিয়াছিলাম। বহুদিন যাবৎ সেই বাঘের কথাই আমি ভাবিয়াছি। অল্প সব জানোয়ার ঝিমোয় অথচ চিন্তা করে না, দর্শকদের দিকে লুকুনেত্র চাহে না পর্যন্ত। বাঘ তেমন নহে। ব্যাঘ্রকে সে দিন পিঞ্জরের এক প্রান্ত হইতে একই লাইন ধরিয়া মাপিয়া মাপিয়া বাইতে দেখিলাম। বাইতেছে, আর প্রত্যেকবার একই দিকে তাকাইতেছে, প্রত্যেকবার পিঞ্জরের একই লৌহদণ্ড গণনা করিতেছে। দেখিলাম, তাহার অবনত হিংস্র আননের দৃষ্টি ঠিক সম্মুখে, একবারও সে দক্ষিণে বা বামে তাকাইল না। সমস্ত দিন ধরিয়া কলরবমত নয়নারী তাহার পিঞ্জর খিরিয়া ভিড় করিয়াছে, তবু তাহার চলা একবারও থামে নাই, তবু সে একবারও দর্শকদের দিকে কিরিয়া চাহে নাই।

জনতার কেহ কেহ-সে দিন হাসিয়াছিল, কিন্তু অনেককে বিষণ্ণ গম্ভীরও দেখিয়াছিলাম। দুর্ভিক্ষ নিফল চিন্তার সর্জীব-দৃশ্য দেখিয়া বেশীর ভাগ লোকই সে দিন দুঃখের শ্বাস ফেলিয়া চলিয়া গিয়াছিল—বাইবার সময় ঐ আবহ শব্দলের দিকে সন্দ্বিগ্ন ও জিজ্ঞাসু নেত্রপাত করিয়া আর একবার দীর্ঘশ্বাস ফেলিয়া গিয়াছিল। উহাদের সেদিন যেন মনে হয় যে, ঐ পিঞ্জরবন্ধ হতভাগ্য ব্যাঘ্র বন্ধ জানোয়ারের সঙ্গে মুক্ত তাহাদেরও নক্ষীবের কোঁথাও যেন একটা মিল রহিয়া গিয়াছে।

তার পর আমি এখন বড় হইলাম, মানুষ ও কেতাব আমার কাণে এখন অসীম অনন্তের কথা শুনাইল, তখন মনে পড়িয়াছে, ঐ পিঞ্জরবন্ধ শব্দলের কথা। তখন যেন আমার মনে হইয়াছে—জানি, আমি জানি ঐ অসীমের ব্যথা।

কারাক্ষের এই প্রস্তর-পিঞ্জরে আমিও যেন সেই ব্যাঘ্র হইয়া গেলাম। পায়চারি করি আর ভাবি। কারাক্ষের এক কোণ হইতে অপর কোণ পর্যন্ত একই লাইন ধরিয়া আমিও পাদচারণা করি, একই লাইন ধরিয়া আমার চিন্তাও পাদচারণা করে। চিন্তা এত গুরু, যেন মনে হইতে লাগিল যে, স্বপ্নে আমার মাথা নাই, পরিবর্তে রহিয়াছে সমগ্র বিশ্বব্রহ্মাণ্ড। সেই বিশ্বে আর কিছুই নাই, আছে মাত্র একটি কথা—বিরাট বিশাল যন্ত্রণাদায়ক একটি অমঙ্গল শব্দ—ছলনা!

দেখিতেছি বড় ভয়ঙ্কর ভুল করিয়াছি, নারীকে হত্যা করিয়া আমি মিথ্যাকে অমর করিয়া ফেলিয়াছি। পূজা প্রার্থনায় হটুক, অন্তরাগ্নির দাহে হটুক, চিন্তাযন্ত্রণার নিপীড়নে হটুক, নারীর বুক হইতে তাহার সত্য আত্মাকে প্রথমে উৎপাটিত করিয়া লইও, তাহার পর তাহাকে হত্যা করিও—পূর্বে যেন করিও না!

সেই কথাই ভাবিতে লাগিলাম, আর কারাক্ষের এক প্রান্ত হইতে অপর প্রান্ত পর্যন্ত পায়চারি করিতে লাগিলাম।

—ছয়—

মিনা সত্য ও মিথ্যাকে লইয়া যেখানে চলিয়া গিয়াছে, সে বড় তমসাবৃত ভীষণ স্থান! আমি সেখানেও বাইব। সময়তানের সিংহাসনের পাদমূলে গিয়া আমি তাহাকে ধরিব, আর তাহার পা দুইপানি ধরিয়া কাঁদিয়া বলিব,—

“ওগো বল, বল—সত্যি কি, তা বল!”

হা ভগবান্! এ-ও ছলনা? ঐ—ঐ গভীর তমসা! ঐ—ঐ যুগযুগের সীমাহীন শূন্য! ওখানে ত সে নাই! মিনা ত কোঁথাও নাই!

তবু মিথ্যা রহিয়া গেল। মিথ্যা অমর! বাতাসের প্রতি কণায় মিথ্যা। শ্বাসপ্রশ্বাসের সঙ্গে এই মিথ্যা সরীসৃপের মত হিস্ হিস্ করিতে করিতে আমার বুকের মধ্যে গিয়া প্রবেশ করিল, আর আমার বক্ষোবেশ ভাঙ্গিয়া গুঁড়াইয়া ফেলিল।

ওহো! মানুষ হইয়া সত্য খুঁজিতে যাওয়া কি বাতুলতা? ওগো! যন্ত্রণা—বড় যন্ত্রণা—

কে আছে রক্ষা কর—আমায় রক্ষা কর! \*

শ্রীতারানাথ রাধা

\* বিশ্ববিদ্যালয় কবি দার্শনিক, কবি ও গল্পলেখক আলিভ অবলম্বনে।





## চুড়ী জেলার ইতিহাস

(পূর্বে প্রকাশিতের পর)

### চুড়ী

চুড়ী খাসমহল

চুড়ী ওলন্দাজদিগের অধিকারভুক্ত যে স্থান ছিল, তাহা হইতে তাহারা ১৩ হাজার ১ শত ২২ টাকা রাজস্ব আদায় করিত। এই রাজস্বের অধিকাংশই নানারূপ অযথা উপায়ে গৃহীত হইত। ওলন্দাজদিগের রাজস্ব-প্রণালী বিষয়ে কমিশনের বাহাজুব বলিয়াছেন যে, উহা অনির্দিষ্ট ও যথেষ্ট। জমির খাজনা ও নূতন পাট্টা করিবার সময় বা পাট্টা বদলাইবার সময় এবং জমি হস্তান্তর করিবার সময় বাহা কিছু আদায় হইত, তাহা রাজস্বমধ্যে পরি-গণিত হইত। খাজনার হার বাস্তবিতাতে বিধা প্রতি ২২।০ টাকা পর্য্যন্ত ছিল। এই বাস্তবিতা প্রায় সর্বসময়ে ৬৫৮ বিধা হইবে। জিলার অন্যান্য স্থানে খাজনার হার ৫ টাকা হইতে ২০ টাকা পর্য্যন্ত ছিল। মোগলদের নিকট হইতে যখন ওলন্দাজরা চুড়ী অধিকার লয়, সেই সময় বেরুপ খাজনার বন্দোবস্ত ছিল, তাহারা সেই খাজনাই প্রচলিত করে। নষ্ট জমি বা যে সমস্ত জমিতে লোকের বাস ছিল না, সেই সমস্ত জমি উদ্ধার করার রাজস্ব বৃদ্ধি হয়।

১৭৫৫, ১৭৬১ ও ১৮১৮ খৃষ্টাব্দের ওলন্দাজদের Dorp Bookএ খাজনার হারের বিষয় কোন উল্লেখ নাই। প্রত্যেক বসতবাড়ীর মূল্য ও তাহার খাজনা মাত্র দেওয়া আছে। ১৭৭৮ খৃষ্টাব্দে খাজনার পরিমাণ ছিল ২৪৬৯ টাকা ও ১৮১৮ খৃষ্টাব্দে এই খাজনা দাঁড়াইয়াছিল ২৪৬১ টাকা। তবে পূর্বেকৃত উপায়ে (পাট্টা বদল করার জন্ত) ৬২৪ টাকা বেশী হয়। এই সমস্ত জমির মালিকদের জাতি ও ধর্ম হিসাবে শ্রেণীবিভাগ করা হইত। চুড়ীর কোষাধ্যক্ষ (fiscal) Mr. Herklotে হুগসীর কলেষ্টের সাহেবকে ১৮২৭ খৃষ্টাব্দে এই সংবাদ দেন যে, তিনি ৪০ বৎসর পূর্কের ওলন্দাজ দলিল পরীক্ষা করিয়া দেখিয়াছেন যে, প্রত্যেক জমির খাজনা তখনও যেমন ছিল, এখনও তেমন আছে। নূতন জমি বিলির জন্ত প্রথমে যে পাট্টা দেওয়া হইয়াছে, তাহাতে বাহা কিছু খাজনা বাড়িয়াছে।

এইরূপ পাট্টাকে ঠিক বলা হইত এবং সাধারণতঃ গঙ্গা বা বাজার স্থাপন বা এইরূপ কোন বিশেষ উদ্দেশ্যের জন্ত দেওয়া হইত। পাট্টা দেওয়ার প্রণালী কলেষ্টের নিকট fiscalএর পক্ষে এরূপ

বর্ণিত আছে—“ডচ গবর্নমেন্টের অধীনে, জমি বিলির জন্ত দুইটি আফিস ছিল, একটি দেশীয় বা জমিদারি কোর্ট, অপরটি যুরোপীয়ান কোর্ট। যুরোপীয়ান কোর্টে খারিজ ও জমি সঞ্চয়ী কায়কর্ষ হইত এবং বাহারা জমি বন্ধক দিতে যাইত, তাহারা জমির বাস্তবিক অধিকারী কি না, তাহাও প্রমাণ করা হইত। পরে এই আফিস হইতে একটি দলিল দেওয়া হইত। সেই দলিল জমিদারী কোর্টে দাখিল করিলে পর একটি পাট্টা দেওয়া হইত এবং এই হস্তান্তর বিষয়টি Dorp Bookএ লিখিত থাকিত। জমিদারি কোর্টে বিক্রয় কোবালা, খারিজ, দানপত্র এই সকল বিষয়ের কায চলিত। কিন্তু এই সকল দলিল বেছেঠারি হইবার পূর্বে দরখাস্তকারীর আবেদনের আপত্তিকারী কেহ আছে কি না, তাহা জানিবার জন্ত প্রকাশ্যভাবে বিজ্ঞাপিত হইত। জমিদারি কোর্টে কেহ কোন আপত্তি না করিলে, হস্তান্তর কায সমাধা হইত ও নূতন পাট্টা দেওয়া হইত। এই কার্যের জন্ত মালিককে জমির মূল্যের উপর শতকরা ৫ টাকা ‘ফি’ দিতে হইত। এই ফি না দিলে দলিল গ্রাহ্য হইত না। জমি দান বা বিক্রয়ের সময়েই এরূপ ফি দিতে হইত; নূতন বা ঠিকা পাট্টার সময় দিতে হইত না। ঠিকা পাট্টায় (বিশেষ অনুগ্রহের ব্যাপার না হইলে) বেশী খাজনা লাগিত এবং পাট্টার ফি ও ষ্ট্যাম্প খরচ দিতে হইত। প্রত্যেক বিষয়ের দলিলেই ষ্ট্যাম্প খরচ লাগিত।

ওলন্দাজদিগের সময় জমির মাপ নিয়ন্ত্রিত উপায়ে গ্রহণ করা হইত।—চারিটি ভাগ-যুক্ত একটি লাঠি থাকিত। প্রত্যেক ভাগের পরিমাণ ২১ ইঞ্চি এবং উগ John Dinksএর নামক এক ওলন্দাজের হাতের মাপ। সমস্ত লাঠিটি ৮৪ ইঞ্চি ও ইংরেজি মাপের ৪ হাত। পরে লাঠিটি ৩ ইঞ্চি কমাইয়া দেওয়া হয়। তাহাতে লাঠির মাপ ৪ হাত হয়। এই সম্পর্কে Ryland মাপ বলা হইত। ইংরেজি মাপ ১৮ ইঞ্চিতে এক হাত।

ইংরেজ কর্তৃক ওলন্দাজ নিয়মের পরিবর্তন :—পরিবর্তন বেশী কিছু হয় নাই। ওলন্দাজদিগের সময় যে সমস্ত পাট্টা দেওয়া হইয়াছিল, সেগুলি অস্বীকার করা হয় নাই। বাহাদের পাট্টা ছিল না, তাহারা অনেক দিনের অধিকার প্রমাণ করাইলে পাট্টা পাইত। ইহার জন্ত ১।০ ফি ও জন্ত কেহ আপত্তি করে কি না, তাহার জন্ত বিজ্ঞাপন খরচ ১।০ আট আনা দিতে হইত। ওলন্দাজ গবর্নমেন্ট

স্থাপিত শতকরা ৫ টাকা ফি ছিল, তাহাও গ্রহণ করা হইত। পাট্টা নতুন করিয়া লওয়ার ফি ১৫০ স্থলে ১১০ হইয়াছিল।

Board of Revenueএর এই নিয়ম ছিল যে, জমি হস্তান্তরিত হইলেই, এমন কি, উত্তরাধিকারসূত্রে হস্তান্তরিত হইলেও ফি দিতে হইত। ইহাতে সাধারণে আপত্তি জানাইলে ১৮২৮ খৃষ্টাব্দের ২১শে আগষ্ট সপারিসদ গভর্নর জেনারল কর্তৃক স্থিরীকৃত হয় যে, জমি দান বা বিক্রয় করিলে ফি দিতে হইবে। আরও জমির খাজনার পরিমাণ হইতে ফি ঠিক করা হইবে। জমির মূল্য ও জমির উপর যে ঘর-বাড়ী থাকিবে, তাহার সহিত এই ফিএর কোন সংশ্লিষ্ট থাকিবে না। ১৮৪১ খৃষ্টাব্দের ৩১শে মার্চ ভারতসরকারের আদেশে জমির মূল্য ইহার বাৎসরিক খাজনার ২০ গুণ হিসাবে ধরা হইবে। ১৭৬৫ খৃষ্টাব্দের ১২ই আগষ্ট হইতে লাখরাজ জমিতে একেবারে ১২ বৎসরের পূর্ণ অধিকার দেওয়া হইত। ১৮২৮ খৃঃ ২৪ অক্টোবর Board of Revenue হইতে ওলন্দাজ পাট্টা সকল ইংরেজ গভর্নমেন্টের পাট্টায় পরিণত করিবার জ্ঞপ্তি আদেশ হয়।

এই আদেশের বিরুদ্ধে চুঁচুড়াবাসীদের নিকট হইতে খুব জোর আপত্তি আসিতে লাগিল। ১৮৩৪ খৃষ্টাব্দের জুলাই মাসে কলেক্টর সাহেব জানাইয়াছিলেন যে, ৮ বৎসর চেষ্টার ফলে পুরাতন ওলন্দাজ পাট্টার মাত্র এক-তৃতীয়াংশ পাইয়াছেন। ১৮৩৩ খৃষ্টাব্দের জুন মাস পর্যন্ত ৪৩৭ খানি নতুন ইংরেজি পাট্টা বাহির হয়। ১৮৩৪ খৃষ্টাব্দের ডিসেম্বর মাসে ২১০০ ওলন্দাজ পাট্টার মধ্যে ১১০০ খানি পরিবর্তন করা হইয়াছিল। কড়া ব্যবহার ফলে ১৮৩৫ খৃষ্টাব্দের শেষে ইংরেজি পাট্টার সংখ্যা ১৩১৪ হয়। ১৮৩৫ খৃষ্টাব্দ পর্যন্ত পাট্টার ফি হিসাবে ১১৮০০ টাকা আদায় হয়। এই উন্নতি উত্তরপাড়ার জয়কৃষ্ণ মুখোপাধ্যায়ের চেষ্টার ফল। তিনি কলেক্টর আফিসের মহাক্ষেত্রখানার কর্তা ছিলেন এবং তাঁহারই উপর কার্যের ভার বিশেষভাবে রাখা ছিল। ১৮৪০ হইতে ১৮৪২ খৃষ্টাব্দ পর্যন্ত ইংরেজি পাট্টার সংখ্যা ৬৫৭ খানি এবং ফি হিসাবে ১৯২ টাকা হইয়াছিল। ওলন্দাজ পাট্টা হইতে ইংরেজি পাট্টা পরিবর্তনের আপত্তি যাহারা করিয়াছিলেন, তাঁহাদের নেতা ছিলেন চুঁচুড়ার শীল পরিবার। শীল পরিবারের কাহারও কাহারও জরিমানাও হইত এবং জরিমানা না দিলে হাজতও হইত।

চুঁচুড়া খাস মহলে জমি হস্তান্তরের আধুনিক নিয়ম :- যিনি জমি দান বিক্রয় করিতে চান, তাঁহাকে ১০ আট আনা কোট-ফি ষ্ট্যাম্প দিয়া দরখাস্ত (এখন দ০ আনা) করিতে হইবে। ঐ জমিতে কেহ কোন আপত্তি করে কি না, তাহা জানিবার জ্ঞপ্তি বিজ্ঞাপনের খরচ হিসাবে আরও দ০ বারো আনা ফি দিতে হয়। তৎপরে তহশীলদার ঐ স্থানে অনুসন্ধান করিয়া ঐ জমি তাঁহার (আবেদনকারীর) অধিকারে আছে কি না এবং গত জরীপ লিপিত বিবরণের সহিত উহা মিলে কি না, তাহা সংবাদ দিবে। যদি হস্তান্তরের অনুমতি হয়, তাহা হইলে পাট্টাসেমামী ১১০ টাকা ও এক বৎসরের খাজনা দিতে হইবে।

### চুঁচুড়ার সোম-বংশ

শ্রীপূর্ণচন্দ্র উত্তটগাঙ্গর মহাশয় বলেন, “চুঁচুড়ার সোমবংশ ও বাগবাজারের মহারাজ রাজবল্লভের বংশ একই। কারণ,

লক্ষ্মীনারায়ণ সোম ও কৃষ্ণবল্লভ সোম এই দুই সহোদর বধাক্রমে উক্ত দুই বংশের পূর্বপুরুষ।” বিশ্ববাণী ৪র্থ বর্ষ জ্যৈষ্ঠ ১৩৩৭ সাল ২য় সংখ্যা হইতে উদ্ধৃত। চুঁচুড়ার সোম-বংশ অতি প্রাচীন বংশ। ইহাদের এক জন পূর্বপুরুষের নাম ছিল রামচরণ সোম। তিনি ওলন্দাজদিগের দেওয়ান পদে নিযুক্ত ছিলেন। তাঁহার পুত্রের নাম শ্যামরাম সোম। ইনি ওলন্দাজ কৌনসিলের এক জন সদস্য ছিলেন। তিনি চুঁচুড়ার গঙ্গাतीরে এক প্রাসাদসম অট্টালিকা নির্মাণ করেন। গঙ্গার উপর একটি ঘাট নির্মাণ করেন। ঐ ঘাটের সিঁড়ি গঙ্গাগর্ভের অতি দূর হইতে আরম্ভ হইয়াছিল - অত্যন্ত ভাঁটার সময়ও সিঁড়ির শেষ হইত না। ঐ অট্টালিকার চারিদিকে ৪টি সিঁহদ্বার ছিল। ঐ অট্টালিকা-নির্মাণ শেষ হইলে শ্যামরাম কৌশল করিয়া নবাবের নহবৎ আনাইয়া নিজ বাড়ীতে নহবৎ বাসাইয়াছিলেন। নবাব এই সংবাদ পাইয়া কৌশলে শ্যামরামকে ধরিয়া লইয়া গিয়া বন্দী করেন। তিনি কোনরূপে বাড়ীতে সংবাদ দেন। পরে বাড়ী হইতে কতকগুলি মূল্যবান উপঢৌকন নবাবকে পাঠাইয়া দেওয়া হয়। নবাব উহা পাইয়া শ্যামরামকে ছাড়িয়া দেন। শুধু তাহাই নহে, শ্যামরামকে “বাবু” \* উপাধি দিয়াছিলেন। ‘শ্যামবাবুর ঘাট’ অত্যাধি চুঁচুড়ায় বিদ্যমান আছে। তাঁহার বংশধররা অনেকে আছেন। চুঁচুড়ার উকিল শ্রীনরেন্দ্রনাথ সোম ঐ বংশের। বরদাকান্ত সোম ঐ বংশের এক জন কৃতী সন্তান ছিলেন।

চুঁচুড়ার সোমবংশ ও সূর্যমূর্ত্তি সম্বন্ধে শ্রীত্রজেন্দ্রনাথ বন্দ্যোপাধ্যায় ১৩১৮ সালের ৩য় সংখ্যা সাহিত্য-পরিষৎ পত্রিকায় যাহা লেখেন, তাহার সারাংশ লিখিতেছি। চুঁচুড়ার সোমবংশ ৬৯৯ বর্ষ (এখন ৭২২ বর্ষ) পূর্বে বাঙ্গালার আসিয়া বাস করেন। তখন গোড়ে হিন্দু শাসন। তাঁহার পরবর্তী বংশধর বলভদ্র সোম গোড়েশ্বরের প্রধান মন্ত্রী ছিলেন। গোড়েশ্বরের প্রধান কর্মচারী পুরন্দর খাঁ (গোপীনাথ বসু) অত্যন্ত ধর্মপরায়ণ ছিলেন। তিনি আবাল্য সূর্যমূর্ত্তি পূজা করিতেন। পুরন্দরের এক রূপবতী কন্যা ছিল। বলভদ্র ঐ কন্যা প্রার্থনা করেন। পুরন্দর বলভদ্রকে কন্যা সম্প্রদান করেন। বিবাহান্তে বলভদ্রও সূর্যোপাসক হইয়া গেলেন। বলভদ্রের প্রপৌত্র শ্যামরাম মন্ত্রাস্তর গ্রহণ করেন। তদবধি তাঁহাদের গৃহস্থিত সূর্যমূর্ত্তি সম্পূর্ণ হইয়া থাকে। শ্যামবাবুর বাড়ীতে কোন বৃহৎ কার্য উপলক্ষে সূর্যমূর্ত্তি স্থানান্তরিত হইয়া তৎকর্তৃক নিশ্চিত ঘাটে স্থান লাভ করেন। আমরা বিশ্বাস, ঐ ঘাটে পড়া ঠাকুরটিকে কেহ কি ভাবিয়া পূজোপচার প্রদানের মধ্যে ‘ঘণ্টা’ নাম দিয়া অশুভবুদ্ধিতে প্রতিষ্ঠা করিয়া থাকিবেন। তদবধি বোধ হয় বলভদ্রের তপনদেবের গাছতলা সার হইয়াছে।

### চুঁচুড়ার সূর্যমূর্ত্তি

চুঁচুড়ার ও হুগলীতে অনেক ধনবান সূর্যমূর্ত্তি-বণিকের বাস। সূর্যমূর্ত্তি-বণিকের সম্বন্ধে কিছু লিখিলে অপ্রাসঙ্গিক হইবে না।

হৈববত কনকক্ষেত্রে ক্ষেত্রিণী কনকাদেবী ১৫০ বৎসর রাজত্ব করেন বলিয়া তাঁহার রাজধানীর নাম নারীপুর হইয়াছিল এবং

\* বাবু উপাধি বাঙ্গালীর ভিতরই প্রচলিত আছে। হয় ত বর্তমান ‘বাবু’ কথাটি ওলন্দাজদিগের সময় হইতেই চলিত হইয়াছে।

তদীয় রাষ্ট্র ( বাহা এখন গাড়বাগ ও কুমায়ুন নামে খ্যাত ) কনক-ক্ষেত্রের নাম হইয়াছিল জীরাজ্য। কনকা দেবীর স্বামীর নাম প্রসেন ও স্বত্বের নাম সুরবেণ। উত্তরকালে নারীপুর ব্রহ্মপুর নামে খ্যাত হইয়াছিল।

সেকালে জীরাজ্যে প্রচুর পরিমাণে স্বর্ণ ও অস্ত্র খনিজ দ্রব্য সকল পাওয়া যাইত। জীরাজ্যনিবাসী রাজনক সনকের স্বজাতীয় কনকক্ষেত্রিগণ পূর্বে হইতেই স্বর্ণাদি ধাতু, মণি, রত্ন, উর্ণা, লবণ প্রভৃতি পার্শ্বভাগ দ্রব্যের ব্যবসা করিত। উহারী কালিকা-পুরীতে প্রচুর পরিমাণে সুরবর্ণের আমদানী করার উহার নাম হইয়াছিল সুরবর্ণপুরী। এইরূপ বাণিজ্যব্যবহার দ্বারা ক্ষেত্রিগণ 'বণিক' আখ্যা প্রাপ্ত হইয়াছিল।

কোন সময়ে এক প্রবল জাতি জীরাজ্য আক্রমণ করে। তৎকালে সনকের বংশধর যুদ্ধে পরাজিত হইয়া রাজ্যভাগ করিতে বাধ্য হন। রাজ্যচ্যুত শ্রীচন্দ্র পরিবারবর্গকে লইয়া সোনানদী-তীরস্থ বোহিতাখগিরি নগরে আসিয়া বাস করেন। শ্রীচন্দ্রের অনুসরণ করিয়া এই সময় অনেক ক্ষেত্রী সপরিবারে বোহিতাখ-গিরিতে আসিয়া বাস করে।

বোহিতাখগিরিবাসী বণিক-বীর কিরণকর রত্নাকরে গিয়া বহরত্স উপাধি ইচ্ছা করিলে আপনাকে সার্থবাহ বলিয়া ঘোষণা করেন। তাঁহার ঘোষণা শুনিয়া নগরবাসী বহু বীর বণিক সোৎসাহে মগ-সাগর পার হইবার ইচ্ছা করিয়া তাঁহার সহিত মিলিত হইলেন এবং রত্নাকর গমনার্থ যাত্রা করিলেন। ইহারা তাম্রলিপ্তি বন্দরে যান আরোহণ করিয়া সুরবর্ণদ্বীপে গমন করেন। সার্থপতি কিরণকর ঐ দ্বীপে বহরত্স আহরণ করেন এবং সার্থের সহিত নিরাপদে সমুদ্রপার হইয়া স্বদেশে প্রত্যাগমন করেন।

বোহিতাখগিরিবাসী বণিকগণ বাণিজ্যার্থ মগধে যাত্রা করিতেন। তাঁহারা কাশানদীর পরপারে বাস করেন এবং সোনানদী পার হইয়া আইসেন বলিয়া মগধের (বিহারের) লোকরা তাঁহাদের নাম দিল 'সোনাপার বণিয়া।'

বহুকাল পরে বোহিতাখগিরির সার্থ সপরিবারে ঐ স্থান হইতে দক্ষিণপূর্বদিকে যাত্রা করেন। তাঁহারা মগধ অতিক্রম করিয়া বনভূমে প্রবেশ করিলেন। ঐ স্থানে তাঁহারা এক নগর প্রতিষ্ঠা করিয়া তাহার নাম দিলেন 'অযোধ্য' (ইহা রামচন্দ্রের অযোধ্যা নহে, এই অযোধ্যা বাঁকুড়া জেলার অন্তর্গত)। ৬৫৫ শকাদে ঐ স্থান হইতে পঞ্চবণিক বাণিজ্যার্থ কর্ণসুরবর্ণ (রাজ্যমাটির ধ্বংসবহুল স্থান প্রাচীন কর্ণসুরবর্ণের স্থান অধিকার করিয়াছে) গমন করেন। মুরশিদাবাদ জেলার ভাগীরথীর দক্ষিণ তটে, বহরমপুরের প্রায় ৩ ক্রোশ দক্ষিণে গমন করিয়া বিবিধ উপঢৌকন সহিত রাজদর্শন করিলে রাজা আদিশুর ঐ সকল উপহার গ্রহণ করিয়া তাহার প্রতিদানে বণিকদিগকে শ্রীপট্ট আদিপ্রসাদ ও সুরবর্ণবণিক এই উপাধি প্রদান করেন।

অমুমান ১০ম শতাব্দীতে উজানি বা উজ্জয়িনী নগরের রাজা বিক্রমকেশরী সুরবর্ণের নিমিত্ত ধনপতি সনগরকে আদেশ দেন। তিনি তদ্বিমিত্ত পৌড় নগরে যাত্রা করেন। রাজা বিক্রমকেশরীর আহ্বানক্রমে অযোধ্যাবাসী ১৬ জন প্রধান বণিক এবং তাহাদের অনুগত আর ৩০ জন বণিক সপরিবারে উজ্জয়িনীতে গমন করে। ঐরূপে ঐ নগর হইতে আগমন হইলেন।

একাদশ শতাব্দীতে পগাসিল টগাসিল আদি মেঘসিলের স্বদেশ সন্তান দক্ষিণ রাঢ়ে (হুগলী জেলা) স্বর্ণরেখা নদীতীরে কাশী-পুরীতে বাস করিতেছিলেন। বণিকগণ রাঢ় দেশে ৬টি সমাজভুক্ত হইয়া বাস করিতেছিলেন। ঐ ছয় সমাজের নাম—১। বিহরণ, ২। সপ্তগ্রাম, ৩। বর্ধমান, ৪। নবগ্রাম ৫। আঙ্গাপুর, ৬। কর্ণনাপুর।

১৪১৪ শকাদে কর্ণনা-নিবাসী অমরাক্ষ মল্লিক এক স্বতন্ত্র অমুষ্ঠান করেন। কর্ণনার নিকটস্থ খড়্গেশ্বরী নদীর দক্ষিণ তটে এক ক্রোশ স্থান ব্যাপিয়া বজ্রভূমি, বাসভূমি, সভামণ্ডপাদি নির্মিত হয়। ইহাদের পুরোহিত ছিলেন গোবর্দ্ধন মিশ্র। বজ্রদিনে সভামণ্ডপে ছয় সমাজের অন্তর্গত ৪০ খানি গ্রামে ৭২২ ঘর বণিক আসিয়াছিলেন। ঐ সভায় কৌলীজের কথা হয়। পুরোহিত গোবর্দ্ধন মিশ্রের উপর ভার পড়িল। পুরোহিত সুরবর্ণবণিকদিগকে ভগবানের আদেশ প্রার্থনার জন্ত অনশন ব্রত গ্রহণ করিতে উপদেশ দিলেন। চতুর্থ দিবসে প্রত্যাদেশ পাইয়া উহাদের খাক বাঁধা হইল। ১২ জন কুলীন, ৮ জন রাঢ়ী, ৩৫ জন বংশজ, ৩৬ জন গৌণবংশজ, ২২৩ জন মৌলিক, ১২৮ জন অতিকষ্ট মৌলিক ও এক জন মাত্র সম্মানী স্থির হইল।

১৬৬৩ শকাদে রাঢ়দেশে বর্গীর হাক্কামা আরম্ভ হইলে বণিক-গণ অস্ত্র নিরাপদ স্থানে পলায়ন করেন। ঐ হাক্কামায় ২৭ গ্রামের মধ্যে ৯ খানি গ্রাম বণিকশূন্য হয়। বণিকগণ হুগলী, চুঁচুড়া, ঢাকা, মুরশিদাবাদ, খাগড়া প্রভৃতি স্থানে গিয়া বাস করিতে লাগিলেন। ঢাকায় রাঢ়ী ও সপ্তগ্রামী বণিক আছেন, তথ্যতীত বঙ্গজ নামে অপর এক শ্রেণীর সুরবর্ণবণিক আছেন। বোধ হয়, বল্লালসেনের অত্যাচার ইহাদের পূর্বপুরুষের উপর হইয়াছিল। বর্গীর হাক্কামার পর হইতে কর্ণনা সমাজের রাঢ়ীয়দিগের ও চুঁচুড়া সপ্তগ্রামীদিগের হুগলী প্রধান সমাজস্থান হয়। কয়েক শতাব্দী পূর্বে রাঢ়দেশে বাসকালে তদদেশীয় লোকে ইহাদের সোনার বাণিয়া বা সোনার বেণে নাম দিয়াছে।

"গৌড়ে সুরবর্ণবণিক" পুস্তক হইতে সারাংশ গৃহীত—প্রণেতা শিবচন্দ্র শীল।

সুরবর্ণবণিকদিগকে সমাজে পতিত করিয়াছিলেন রাজা বল্লালসেন। কেহ কেহ বলেন, বৌদ্ধদের সহায়তা ও রাজার সহায়তাই উহাদের পতিত হইবার কারণ। আবার কেহ বলেন, রাজা বল্লালসেন, বল্লভানন্দ শেঠের নিকট এক কোটি টাকা কর্ণ লইয়াছিলেন। উহা পরিশোধ করিবার জন্ত বল্লভানন্দ ভাগিদ দেন। সেই আক্রোশে তিনি সুরবর্ণবণিকদিগকে সমাজচ্যুত করেন। বাহাই হউক, ঐ সামাজিক হুঁচটনার বিবরণ দিতেছি :—

"বল্লভানন্দ শেঠ নামে এক জন অতি ধনাঢ্য সুরবর্ণ-বণিক ছিলেন। তাঁহার ১৬ কোটি টাকার সম্পত্তি ছিল। ঐ স্থানে কুন্দন আচার্য্য নামে এক ব্রাহ্মণ বাস করিতেন। এক দিন কুন্দন বাড়ী হইতে কার্ঘ্যান্তরে অস্ত্র গমন করিয়াছিলেন—বাড়ীতে তাঁহার জীমাত্ত রহিলেন। ঐ দিনই হঠাৎ এক অতিথি রাত্রিতে আসিয়া উপস্থিত হইলেন। গৃহে এমন কিছু ছিল না যে, অতিথিকে সেবা করান; কিন্তু অতিথিকে বিমুগ্ধ করিতে পারিলেন না। এই সকল ভাবিয়া ঐ ব্রাহ্মণস্বামী, রাজা বল্লালসেনের দত্ত ১০৮ তোলা ওজনের একটি সুরবর্ণগাভী বল্লভানন্দের ভাগিনের মণি দত্তের



নিকট বন্ধক দিয়া পঞ্চবটিকা ( এক পরসী ) লইলেন এবং অতিথি-সংকার করিলেন। ( ভাবিবার কথা এই যে, তখনকার দিনে এক পরসীর আহার হইত )। পরদিন কুন্দন আচার্য্য বাড়ী আসিয়া ঐ ব্যাপার গুনিয়া মণি দত্তের নিকট ঐ বন্ধকী গাভী লইয়া আসিবার জন্ত গেলেন। মণি দত্ত ঐ বন্ধক অস্বীকার করিল এবং তাহা গলাইয়া ফেলিল। কুন্দন নগরপালকে সংবাদ দিলেন এবং পরে রাজাও ঐ সংবাদ পাইলেন। রাজা বিশেষজ্ঞ স্বর্ণকার দ্বারা ঐ সোণা পরীক্ষা করাইলেন। কিন্তু ঐ স্বর্ণকার উৎকোচ গ্রহণ করিয়া ঐ স্বর্ণের নিকৃষ্টতা প্রমাণ করিলেন অর্থাৎ রাজদত্ত স্বর্ণগাভীর স্বর্ণাপেক্ষা এই স্বর্ণ নিকৃষ্ট বলিল। রাজা তাহাতে বিশ্বাস না করিয়া, কান্দী হইতে স্বর্ণকার আনিয়া পরীক্ষা করাইলেন। উহা রাজদত্ত স্বর্ণগাভীর স্বর্ণ ও এই স্বর্ণ এক দরের এবং উহার ওজন ১০৮ তোলা। বিচারে মণি দত্তের দোষ প্রমাণ হইল। রাজা তাহাদের ( সমস্ত স্বর্ণ-বণিকদের ) মাথা মুড়াইয়া রাজ্যের দক্ষিণদিকে নির্ক্ষাসিত করিলেন। সেই সময় হইতেই স্বর্ণ-বণিকেরা সমাজে পতিত হইলেন।”

রাজদত্তের প্রতিশোধ:—এই নিদারুণ দণ্ডের প্রতিশোধ লইবার জন্ত বলভানন্দের কন্যা পদ্মিনী কৃতসঙ্কল্প হইলেন। রাজা বলভানন্দে যেমন অসাধারণ বীর, শাস্ত্রজ্ঞ পণ্ডিত ছিলেন, আবার তেমনি লম্পট ও কামুক ছিলেন। পদ্মিনী এই দুর্বলতার সূত্র ধরিয়া এক দিন রাজ্যের প্রমোদকাননের ভিতর প্রবেশ করিয়া রাজ্যের নজরে পড়িলেন। কিছু দিন পরে পদ্মিনী প্রকাশ করিল যে, সে হাড়িনী। বলভানন্দের পুত্র লক্ষ্মণসেন ঐ হাড়িনীকে তাড়াইবার জন্ত অনেক চেষ্টা করিয়াও কৃতকার্য্য না হইয়া, পিতার বিরুদ্ধে যুদ্ধ ঘোষণা করিলেন। বলভানন্দ পুত্রকে ডাকিয়া বলিলেন, “আমি যাহাকে আশ্রয় দিয়াছি, তাহাকে ত্যাগ করিতে পারিব না।” লক্ষ্মণসেন পিতাকে আর কিছু না বলিয়া আত্মীয়স্বজন ও লোকজন লইয়া রাতে আসিয়া রাজা হইলেন। বলভানন্দ তখন আত্মীয়স্বজনত্যাগ হইলেন। তখন পদ্মিনী নিজের আদল পরিচয় দিয়া, প্রতিশোধ লইবার জন্ত হাড়িনী পরিচয় দিয়াছিল বলিয়া, আশ্চর্য্যত্যা করিল। “বঙ্গের সামাজিক ইতিহাস” হইতে সারাংশ গৃহীত—প্রণেতা হুর্গাচন্দ্র সান্ন্যাল।

স্বর্ণবণিক সমাজ ঐ নির্খ্যাতন ভোগ করিয়াছেন সত্য, কিন্তু এই স্বর্ণবণিক সমাজ সমাজের কল্যাণের জন্ত অনেক মহৎ কার্য্য করিয়াছেন। হুর্গাচরণ লাহা কলিকাতা বিশ্ববিদ্যালয়ে ৫০ হাজার টাকা, মেও হাঁসপাতালে ৫ হাজার টাকা, ডিষ্ট্রিক্ট চ্যারিটেবল সোসাইটিতে ২৪ হাজার টাকা দান করেন। শ্যামাচরণ লাহা দাতব্য চক্ষু-চিকিৎসালয় ( কলিকাতা ) ডফরিণ হাঁসপাতালে ৫ হাজার টাকা দান করেন। জয়গোবিন্দ লাহা আলিপুর পশুশালায় সর্পগৃহ নির্মাণ করিয়াছেন এবং বঙ্গের জুর্ভিক্ষে ১ লক্ষ টাক দান করেন। কৃষ্ণদাস লাহা চুঁচুড়ার জলকলের জন্ত ১ লক্ষ টাকা বেনারস হিন্দু বিশ্ববিদ্যালয়ের জন্ত ৭৫ হাজার টাকা, রিপণ কলেজের সাহায্যকল্পে ১৫ হাজার টাকা, খুলনার জুর্ভিক্ষে ১ হাজার টাকা দেন। মতিলাল শীল অর্থেতনিক বিদ্যালয় স্থাপন করেন। সাগরচন্দ্র দত্ত অর্থেতনিক হাসপাতাল ও স্কুল করিয়া দেন। নয়ানচাঁদ দত্ত জগন্নাথ মন্দির করিয়া দেন এবং ২০ হাজার টাকা প্রণামী দেন। টুহুমণি দাসী বলভপুয়ে বিস্তৃত সড়ক ঘাট

নির্মাণ করিয়া দেন। রাজা রাজেন্দ্রনাথ মল্লিকের বাড়ী প্রত্যহ শত শত দরিদ্র প্রতিপালিত হইতেছে। আর কত বলিব। এই স্বর্ণবণিক সমাজে বৈষ্ণবপ্রধান উচ্চারণ দত্ত জন্মিয়াছিলেন। উচ্চবর্ণের হিন্দু, এ কথা কি অস্বীকার করিতে পার ?

পদ্মিনী-সংক্রান্ত ঘটনার বলভানের অপবাদ প্রচার হইলে, লক্ষ্মণসেন পিতাকে যে কয়টি কবিতা লিখিয়াছিলেন, তাহা নিয়ে দেওয়া গেল। কিন্তু উহা যে লক্ষ্মণসেনের ও বলভানন্দের লেখা, তাহার বিশিষ্ট প্রমাণ পাওয়া যায় না। তবে এই কথা চলিয়া আসিতেছে।

লক্ষ্মণসেন :—

শৈত্যং নাম গুণস্তবৈব সহজঃ স্বাভাবিকী স্বচ্ছতা,  
কিং ক্রমঃ সূচিতাং ভবন্তি সূচয়ঃ স্পর্শেন যস্যাপরে।  
কিং বাস্ত্যং কথয়ামি তে স্মৃতিপদং ত্বং জীবনং দেহিনাং,  
ত্বং চেন্নীচপথেন গচ্ছতি পরঃ কস্তাং নিবোধুং ক্রমঃ ৷ ১ ৷

বলভানন্দ—

তাপো নাপগতস্ত্ববা ন চ কৃশা ধৌতা ন ধূলিজালা  
ন স্বচ্ছন্দমকারি কন্দকবলঃ কা নাম কেলিকথা ?  
পুরোক্তপুস্তকরেণ দৃপ্তকরিণা স্পৃষ্টা ন বা পদ্মিনী,  
প্রায়স্তো মধুপৈবকারণমতো স্বকারকোলাহলঃ ৷ ২ ৷

লক্ষ্মণ—

পরীবাদস্তথো ভবতি বিতথো বাপি মহতাং  
অতথাস্তথো বা হরতি মহিমানং জনরবঃ।  
তুলোত্তীর্ণশ্রাপি প্রকটিতহতাতশেষতমসঃ,  
রবেস্তাদৃকৃতেজো নহি ভবতি কস্তাং গতবতঃ ৷ ৩ ৷

বলভানন্দ—

সুধাংশোজ্জ্বাভেয়ং কথমপি কলঙ্কশ্চ কণিকা,  
বিধাতুর্দোষোহয়ং ন চ গুণনিধেস্তস্ত কিমপি।  
স কিং নাভ্যেঃ পুত্রো ন কিমু হরচূড়ার্চনমণিঃ  
ন বা হস্তি ধ্বাস্তং জগদুপরি কিং বা ন বসতি ৷ ৪ ৷

তোমার স্বভাবসিদ্ধ শীতলতা গুণ।  
নির্খলতা তোমার যে স্বভাব অঞ্জল।  
পবিত্রতা তব সে বাক্যের অগোচর।  
তোমা স্পর্শ করিলে পবিত্র হয় নর।  
কি স্মৃতি করিব জল জীবের জীবন।  
তুমি নীচগামী হইলে কে করে বারণ ৷ ১ ৷

না গেল তমুর তাপ তৃষ্ণা না ঘুটিল।  
শরীরে যেমন ধূলি তেমনি রহিল।  
স্বচ্ছন্দ হইবে কিসে মৃগাল ভক্ষণ।  
ক্রীড়াকক্ষ কোথায় হইবে সংঘটন।  
হায় হায় বিস্তার করিয়া দূরে কর।  
পদ্মিনীকে স্পর্শ না করিল করিবর।  
মধুকর মধুপানে হইয়া বিহ্বল।  
আচরণ করিল কংকার কোলাহল ৷ ২ ৷

সত্য কিম্বা মিথ্যা যদি পরীবাদ হয়।  
জনরবে মহতের হয় তেজস্কর।



কঙ্কারাশি গমন করিলে দিনকর ।  
 সোকে বলে কঙ্কাগত হলেন ভাস্কর ।  
 এই মিথ্যা জনরবে হয় ভেজোগনি ।  
 পরীক্ষা করিতে তুলা যান মনে মানি ।  
 তুলাতে উত্তীর্ণ রবি হইলে পবে আর ।  
 তথাপি তেমন তেজ না হয় তাহার ॥ ৩ ॥

সুধাকর-কলঙ্ক কলার বে আধার ।  
 এ দোষ তাঁহার নহে দোষ বিধাতার ।  
 তিনি কি নহেন অত্রি মূনির সন্তান ।  
 জগতের উপর কি নহে তাঁর স্থান ।  
 অককার সংহার কি না করেন তিনি ।  
 তিনি কি নহেন চন্দ্রচূড়ামণি ॥ ৪ ॥

১৮৯৯০ জামুয়ারী বাঃ ১২২৫১৮ মাঘ "সমাচার-দর্পণ"  
 হইতে উদ্ধৃত !

### চুঁচুড়া হইতে প্রকাশিত পুরাতন সংবাদ-পত্র

১। এডুকেশন গেজেট—ভূদেবচরিত গ্রন্থের ১ম ভাগ পৃঃ  
 ৩৪৩ লেখা আছে—“এডুকেশনগেজেট” সর্বপ্রথম সংখ্যা ৪ঠা জুলাই  
 ১৮৫৬ খৃষ্টাব্দ বাঃ ২২শে আষাঢ় ১২৬৩ সালে প্রকাশিত হয় ।  
 বার্ষিক মূল্য ২ টাকা । ইহা প্রথম সরকারী সংবাদপত্র ছিল ।  
 শিক্ষা-বিভাগের হুজুমন প্রাট সাহেবের পরিচালকতায় ইহা  
 প্রকাশিত হয় । গভর্নমেন্ট ইহার ব্যয় নির্বাহার্থ প্রতি মাসে ২০০  
 টাকা দিতেন । ইহার প্রথম সম্পাদক ওয়াগেন স্মিথ । তিনি  
 নামে মাত্র সম্পাদক ছিলেন । প্রকৃতপক্ষে সম্পাদকীয় কার্য  
 নির্বাহ করিতেন বঙ্গলাল বন্দ্যোপাধ্যায় । স্বাস্থ্যভঙ্গ হওয়ায়  
 স্মিথ সাহেব সম্পাদকের পদ ত্যাগ করেন । তাঁহার স্থলে ১৮৬০  
 খৃষ্টাব্দের প্রথম ভাগে প্রেসিডেন্সী কলেজের তৎকালীন ইংরেজি  
 সাহিত্যের অধ্যাপক প্যারীচরণ সরকার নিযুক্ত হন । ব্রহ্মমোহন  
 মল্লিকের স্মৃতিকথায় জানা যায় যে, প্যারীচরণ সরকারের পূর্বে  
 কানাইলাল পাইন ও ব্রহ্মমোহন মল্লিক উহা পরিচালনা করিতেন ।  
 প্যারী বাবু সম্পাদকতা ছাড়িয়া দিলে ভূদেবচন্দ্র মুখোপাধ্যায়  
 সম্পাদক হইলেন—১৮৬৮ খৃষ্টাব্দে ডিসেম্বর মাসে । তাঁহার  
 সম্পাদকতায় প্রথম সংখ্যা বাহির হয় ৪ ১২ ৬৮ খৃষ্টাব্দে । গভর্নমেন্ট  
 ঐ পত্রিকাখানির সর্বস্বত্ব ভূদেববাবুকে দিয়াছিলেন ।

২। চুঁচুড়া বার্তাবহ—সাপ্তাহিক সংবাদপত্র—১৮৯০ খৃঃ  
 প্রকাশিত হয় । দীননাথ মুখোপাধ্যায় কর্তৃক প্রবর্তিত ।

৩। বেঙ্গল ম্যাগাজিন—শ্রীশ্রীলাল পেপার লিখিতেছেন “We

have much pleasure to publish the prospectus of  
 magazine to be started from the month of August  
 next by Rev. Lall Behari Day...The Bengali  
 magazine will at first consist of 48 pages Demy  
 octavo size...The rate of subscription will be  
 six rupees a year.

Chinsura

June 20th. 1872

Neamy Chund Seal.

Managing proprietor

৪। সুবোধিনী—১৮৫৭ খৃষ্টাব্দে রামচন্দ্র দিচ্ছিতের  
 সম্পাদকতায় বাহির হয় । ইহা পাদরী লঃ সাহেব বলেন । কিন্তু  
 উহা ১৮৫৮ খৃষ্টাব্দে ১৩ই জানুয়ারী প্রকাশিত হয় ।

৫। শিক্ষাদর্পণ—১৮৬৪ খৃষ্টাব্দে ভূদেবচন্দ্র মুখোপাধ্যায়ের  
 সম্পাদকতায় পরিচালিত হয় ।

৬। চিকিৎসাদর্পণ—১৮৭০ খৃষ্টাব্দে প্রকাশিত হয় । বাঃ  
 ১২৮০ সাল ।

৭। সাধারণী—১২৮০ ১১ই কার্তিক প্রকাশিত হয় ।  
 সম্পাদক অক্ষয়চন্দ্র সরকার ( B A, B. L )

৮। বিনোদিনী—“সাধারণীতে” ইহার বিজ্ঞাপন দেওয়া হয় ।  
 “বিনোদিনী সাহিত্য বিজ্ঞান নীতি ইতিহাস সম্বন্ধীয় ( ভ্রমরের  
 আকারে ) মাসিক পত্রিকা...শ্রীমতী ভুবনমোহিনী দেবী কর্তৃক  
 সম্পাদিত হইয়া ‘সাধারণী’ যথেষ্ট প্রকাশিত হইবে ।”

“সাধারণী ১২৮১ ২২শে চৈত্র”

৯। জননী—সম্পাদক প্রসাদদাস গঙ্গোপাধ্যায় ।

১০। নবজীবন—১২৯১ সালে অক্ষয়চন্দ্র সরকার দ্বারা  
 সম্পাদিত হয় ।

১১। জ্যোৎস্নাভার—সম্পাদক প্রসাদদাস গঙ্গোপাধ্যায় ।

১২। সনাতন ধর্মকথা—সম্পাদক কালীকুমার দত্ত ।


১৩। সমাচার—পাক্ষিক পত্র—৩০শে আষাঢ়, ১৩৩৮ সালে  
 প্রকাশিত হয় । সম্পাদক ব্রজবল্লভ বায়—৩ বৎসর চলিয়াছিল ।

[ ক্রমশঃ ।

শ্রীউপেন্দ্রনাথ বন্দ্যোপাধ্যায় ( জ্যোতীরত্ন ) ।

\* “চুঁচুড়া নগরে প্রকাশিত সুবোধিনী নামী এক পাক্ষিকী পত্রিকার  
 প্রথম সংখ্যা আমরা প্রাপ্ত হইলাম, বর্তমান ম'ঘ মাসের প্রথম দিবসে  
 ইহার জন্ম হইয়াছে । সম্পাদকের নাম শ্রীরামচন্দ্র দিচ্ছিত । পত্রিকার  
 মাসিক মূল্য ১০ আনা ।”

২২শে জানুয়ারী ১৮২৮ খৃষ্টাব্দ “এডুকেশনগেজেট ও সাপ্তাহিক  
 বার্তাবহ ।”





[ উপন্যাস ]

১৪

ক্রমা চতুর্দশীর রাত্রি। অন্ধকার মেন সমস্ত পৃথিবীটাকে একখানি ক্রমবসনে আবৃত করিয়া রাখিয়াছে। সঙ্গে সঙ্গে সন্ধ্যার পর হইতেই ভীষণ দুর্ঘোষ, ঝরঝর অবিশ্রান্ত জলধারার সহিত প্রভঞ্জন দেব প্রবলবেগে বহিতেছেন। এ দুর্ঘোষে পথে কুকুর-বিড়ালেরও দর্শন পাওয়া যায় না।

কিছুক্ষণ হইতে ঝড়বৃষ্টির বেগ মন্দীভূত হইয়া আসিতেছে। শেষে বায়ুর বেগ একবারেই স্বাভাবিক হইয়া গেল। কিন্তু তখনও টিপ-টিপ জল ঝরিতেছে। রাত্রি তখন গভীর হইলেও আকাশে ক্ষীণ চন্দ্রমার মৃদু জ্যোৎস্নামেঘের আড়াল হইতে মাঝে মাঝে উঁকি মারিতেছে।

এ দুর্ঘোষেও তুইটি মনুষ্যমূর্তি নিঃশব্দে অসীমবিকাশের আবাসভবনের সন্নিহিত কৃত্রিম জঙ্গলের ঘনসন্নিবিষ্ট বৃক্ষরাজির মধ্যে অপেক্ষা করিতেছিল, তাহাদের দৃষ্টি অটোলিকার পশ্চাৎ-দ্বারের প্রতি নিবদ্ধ। তাহারা অসীমবিকাশ ও চামেলী। এই গভীর নিশীথে বৃষ্টিবাদলের মাঝে তাহারা চোরের মত আশ্রয়গোপন করিয়া রহিয়াছে। আশ্চর্য্য!

আকাশে ঘন ঘন বিজলী চমকিত হইতেছিল। চামেলী সেই বিজলীর আলোকে অন্দরের নির্গমপথ লক্ষ্য করিয়াছিল। হঠাৎ চামেলী অঙ্গুলি নির্দেশ করিয়া বলিল, “ঐ, ঐ অন্দরের দরজার দিকে দেখুন চেয়ে, ঐ দেখুন আলো, আর—ঐ দেখুন কে বেরিয়ে যাচ্ছে—”

অসীমবিকাশ অঙ্গরের মত ঘন ঘন শ্বাস ফেলিতেছিল। তাহার হস্তদ্বয় দৃঢ় মুষ্টিবদ্ধ, সর্কাস কঁোটা কঁোটা বৃষ্টির জলে ভিজিয়া যাইতেছিল, সে দিকে তাহার লক্ষ্যই ছিল না। সে প্রায় রুদ্ধ কণ্ঠে বলিল, “হঁ। পিছনে ও কে?”

চামেলী চুপি-চুপি বলিল, “বোধ হয়, তিনি এগিয়ে দিতে আসছেন। ও কি, আপনি যাচ্ছেন কোথা? এই যে

আমায় কথা দিলেন, কোন গোলমাল করবেন না? না, না, আপনি ও দিকে গেলে আমি চোঁচাবো, ওরাও সাবধান হয়ে যাবে, লোক-জানাজানি হয়ে যাবে। বরং এর পর এক দিন তৈরী হয়ে ঐ দরজার কাছেই গুঁকিয়ে থাকবেন, তা হলে হাতে-নাতে ধরতে পারবেন।”

অসীম কাঁপিতেছিল। ঘন ঘন শ্বাস ত্যাগ করিতে করিতে বলিল, “রক্তমাংসের উঃ চামেলী! পৃথিবীটা এত বিস্তীর্ণ?”

চামেলী তাহাকে একরূপ ধরিয়াই ঠুঁডিওর দিকে লইয়া গেল। যাইতে যাইতে বলিল, “এখান থেকে ঐ বাইরে যাবার ছোট দরজা কতটা দূর? এটুকু যেতে যেতেই ওরা পাঁচালির বাইরে চলে যেতো। দৌড়ে ছুটে গেলেও ওরা দেখতে পেতো,—পেয়ে সামলে নিতো। লাভে হতে একটা হয় ত গোলমাল হত। চলুন যাই।”

কম্পিতপদে অসীমবিকাশ চামেলীর উপর ভর দিয়া ঠুঁডিওর দ্বারসন্নিধ্যে উপনীত হইল। সেখান হইতে গাছের আড়ালে পূর্বের দৃশ্য নয়নগোচর হইতেছিল না। চামেলী দ্বারের চাবী খুলিতে যাইবে, এমন সময় রজনীর ঘোর নীরবতা ভঙ্গ করিয়া অদূরে একটা পিস্তলের আওয়াজ গর্জিয়া উঠিল, সে আওয়াজ সেই রজনীতে বজ্রনির্ঘোষের ঞায় অহুমিত হইল, সঙ্গে সঙ্গে মনুষ্যকণ্ঠ হইতে একটা বিকট পরিভ্রাহি চীৎকার আকাশ ছাইয়া ফেলিল।

মূহুর্তে অসীমবিকাশের ভয়, ক্রোধ, উদ্বেগ, জড়তা অন্তর্হিত হইল। সে নিমেষে চামেলীর সঙ্গ ত্যাগ করিয়া লক্ষ্য দিয়া বাগানের দিকে অগ্রসর হইল এবং শব্দ লক্ষ্য করিয়া দৌড়িল। চামেলীরও আর দ্বার উন্মুক্ত করা হইল না, সেও উর্দ্ধ্বাসে অসীমবিকাশের অনুসরণ করিল।

অস্পষ্ট চন্দ্রালোক অন্ধকার ভেদ করিতে পারিতেছিল

না; কিন্তু সেই সময় হঠাৎ বিদ্যুৎবিকাশ হইল। সেই আলোকে সম্মুখে নাতিদূরে অসীমবিকাশ যে দৃশ্য দেখিল, তাহাতে শিহরিয়া উঠিল, চামেলীও সে দৃশ্য দেখিয়া মুচ্ছিত হইয়া পড়িবার উপক্রম করিল। মুচ্ছিত হওয়ারই কথা বটে! একটা মানুষের রক্তাক্ত দেহ দ্বারসান্নিধ্যে পড়িয়া রহিয়াছে, বৃষ্টির জল তাহার রক্তে লাল হইয়া উঠিয়াছে। প্রাচীরের দ্বার উন্মুক্ত।

আহত মনুষ্যমূর্তির পার্শ্বে নতজানু হইয়া বসিয়া অসীম চীৎকার করিয়া বলিল, “একটা আলো—কে আছে, একটা আলো”—

সেই সময়ে বৃষ্টির জলে ছপ ছপ আওয়াজ করিতে করিতে একটা লোক অট্টালিকার দিক হইতে ছুটিয়া আসিতেছিল। সে চীৎকার করিয়া বলিল, “কি, কি, কি হয়েছে?”

অসীম ও চামেলী কণ্ঠস্বর শুনিয়া বুঝিল, সে শুভেন্দু। তাহাদের চোখে চোখে দৃষ্টি-বিনিময় হইয়া গেল।

শুভেন্দু আসিয়া সম্মুখের দৃশ্য দেখিয়া শিহরিয়া উঠিয়া বলিল, “ইস! কি সর্বনাশ! কে এ লোকটা?”

এই আকস্মিক দুর্ঘটনার সময় কাহারও কোন দিকে দৃষ্টি ছিল না, সকলেই আহত ব্যক্তির প্রতিই স্নিগ্ধদৃষ্টি হইয়াছিল। তাহারা মুহূর্তেই লোকটাকে চিনিতে পারিল, সে মনুয়া। এই হতভাগ্য কুলী কিরূপে এখানে আসিল বা কাহার দ্বারা আহত হইল, সে চিন্তা কাহারও মনে উদয় হয় নাই। অসীম ও শুভেন্দু তখন তাহার হৃদয় ও নাড়ী পরীক্ষা করিতেছিল, আর চামেলী চীৎকার করিয়া সাহায্য প্রার্থনা করিতেছিল।

তখন অট্টালিকা ও ষ্টুডিও হইতে অনেক নরনারী ঘটনাস্থলে সমবেত হইতে আরম্ভ করিয়াছিল। যে যে অবস্থায় ছিল, সন্ধানিদ্রোখিত হইয়া কোনমতে গাত্র আচ্ছাদন করিয়া তথায় ছুটিয়া আসিতেছে, তাহাদের মধ্যে উষা ও হিরণীও ছিল।

পরীক্ষা দ্বারা যখন স্থির হইল যে, লোকটি নিহত হইয়াছে, তখন অসীম চীৎকার করিয়া আদেশ করিল, “পুলিস, পুলিস,— এখনই পুলিসে ফোন ক’রে দাও।” পাঁচ সাত জন লোক প্রভুর আদেশ পালন করিতে ছুটিয়া গেল। একটা লোক একটা পিস্তল কুড়াইয়া আনিয়া অসীমবিকাশের দিকে দিল, পিস্তলটা দ্বারের পার্শ্বে ঝোপের

ভিতরে পড়িয়াছিল, টর্চের আলোকে উহাকে চক্চক করিতে দেখিয়া লোকটি উহা কুড়াইয়া আনিয়াছিল। অসীম উচ্চৈঃস্বরে বলিল, “যেখানে যা আছে, কেউ তাতে হাত দিও না, পুলিস এসে যা হয় করবে।”

তখন বৃষ্টি একবারে ধরিয়া গিয়াছে, রাত্রিও প্রায় প্রভাতোন্মুখ হইয়া আসিয়াছে। শুভেন্দু অসীমকে সযোধন করিয়া বলিল, “এ লোকটি আজ নতুন আসছে না এখানে। আশ্চর্য্য হচ্ছি, আসতো কি ক’রে?”

অসীম সে কথার জবাব দিল না, সে যেন শুভেন্দুকে এড়াইয়া চলিবার চেষ্টা করিতেছিল। ক্ষণপরেই দ্বারসান্নিধ্যে মোটরের হরণ বাজিয়া উঠিল, সদলবলে পুলিস উপস্থিত হইল। পুলিস আসিয়াই নিহত ব্যক্তির সর্বাঙ্গ ও অঙ্গাবরণ তন্নতন্ন করিয়া পরীক্ষা করিল, দ্বারের আশপাশের সমস্ত ঝোপ-জঙ্গল আলোড়ন করিয়া দেখিল, অন্যদের প্রাচীর-দ্বারও তাহাদের পরীক্ষা হইতে অব্যাহতি পাইল না। পিস্তলটি ও মৃত ব্যক্তির জিনিষপত্র হস্তগত করিবার পর পুলিস শব তুলিয়া লইয়া চলিয়া গেল, শব-বাবুদের পর করোনারের তদন্ত হইবে। ইহার মধ্যে আর কিছু কায় করিবার রহিল কি না, তাহা পুলিস ভিন্ন কেহ জানিল না। হত্যাকারী বলিয়া সন্দেহ করিবার মত পুলিস কাহাকেও পাইল না, কেন না, মৃত ব্যক্তির কাছে প্রথমেই গৃহস্বামী ও তাঁহারই দুই জন কর্মচারী উপস্থিত হইয়াছিলেন, তাঁহাদের মধ্যে কেহই পুলিসের সন্দেহভাজন হন নাই। কিন্তু এই ব্যাপারের যবনিকাপাত এইখানেই হইল না।

১৫

সহরে খুবই হৈ-চৈ পড়িয়াছে। কয়দিন হইতে লোকের মুখে এই হত্যাকাণ্ডের কথা ব্যতীত আর কোন আলোচনা নাই। ট্রামে, বাসে, স্কোয়ারে, ময়দানে, ক্লাবে, বৈঠকখানায়—সকলেরই মুখে ঐ একই কথা। সম্ভ্রান্ত ভদ্রপরিবারের ঘরে এত বড় একটা রহস্যজড়িত হত্যাকাণ্ড সকলেরই যে বিশ্বয় উৎপাদন করিবে, তাহাতে আশ্চর্য্যের বিষয় কিছুই ছিল না।

যে দিন অসীমবিকাশের আবাসভবনে এই হত্যাকাণ্ড সংঘটিত হইয়াছিল, তাহার পরদিনই সহরের প্রত্যেক

দৈনিক সংবাদপত্রে বড় বড় হরপে ঘটনার কথা বড় বড় চমকপ্রদ শীর্ষলিপি দিয়া প্রকাশিত হইল। মোটের উপর ইহাই লেখা হইয়াছিল যে, বড় ঘরে এক মস্ত রহস্যজাল-জড়িত নরহত্যা সংঘটিত হইয়াছে। উহা যে স্বেচ্ছাকৃত আত্মহত্যা নহে, তাহা পুলিশ মৃতদেহের গুলীর আঘাতের স্থান এবং পারিপার্শ্বিক অবস্থা দেখিয়া সিদ্ধান্ত করিয়াছে। নিহত ব্যক্তি বেহারী কিম্বা উত্তরপশ্চিম-ভারতীয় এবং নিম্নশ্রেণীর শ্রমিকজাতীয় লোক বলিয়া অনুমান করা হইয়াছে। মৃতদেহের নিকটে একটি পিস্তল পাওয়া গিয়াছে, উহাতে অসীম সিনেমা কোম্পানী লিমিটেডের স্বত্বাধিকারী প্রসিদ্ধ ধনী জমিদার গৃহস্থামী অসীমবিকাশ বাবুর নাম ক্ষোদিত আছে। মৃত ব্যক্তির মৃত্যুর অব্যবহিত পরেই গৃহস্থামী এবং তাঁহার একটি পুরুষ অপর একটি নারী কন্ঠচারী ঘটনাস্থলে প্রথমে উপস্থিত হইয়াছিলেন। মৃতদেহ শবাবচ্ছদের জন্ত যথাস্থানে প্রেরিত হইয়াছে। পুলিশ কেবল গৃহস্থামীকে এইটুকু জানাইয়া রাখিয়াছে যে, তিনি ও তাঁহার যে দুইটি কন্ঠচারী প্রথমে মৃতদেহের নিকট উপস্থিত হইয়াছিলেন, তাঁহারা যেন করোনাবিরোধের বিচারের পক্ষে স্থানত্যাগ না করেন। ইহা ছাড়া যতক্ষণ করোনাবিরোধের সিদ্ধান্ত প্রকাশিত না হয়, ততক্ষণ পুলিশ এ বিষয়ে কোন কথা প্রকাশ করিতে চাহিতেছে না। ঐ লোকটি কে, কোথা হইতে আসিল, আর কেনই বা ধনীর গৃহে নিহত হইল,—ইহা জানিবার জন্ত সহরবাসী জনসাধারণ অতিমাত্র ব্যগ্র হইয়াছে। সহরে ইতিপূর্বে আরও দুই তিনটি হত্যাকাণ্ড সংঘটিত হইয়াছে। অত্যাধিক সে সকল হত্যাকাণ্ডের কোন কিনারা হয় নাই। আশা করা যায়, এই ব্যাপারটিরও উপরে ঐরূপে যবনিকাপাত হইবে না।

এই হত্যাকাণ্ডের পরদিনই হিরণী দেশে চলিয়া গেল, অসীমবিকাশও তাহাকে বিশেষ বাধা দিল না। এই বাড়ীটার উপরই যেন বিধাতার কোপদৃষ্টি পড়িয়াছিল। ততরাং উহা হইতে হিরণী এখন যত দূরে সরিয়া যাইতে পারে, ততই মঙ্গল, হয় ত এই ভাবিয়াই অসীম তাহার যাত্রায় বাধা প্রদান করে নাই।

যাত্রার পূর্বে উহা কেবল বলিয়াছিল, তাহাদের সংসারে যাহাই ঘটুক না কেন, সে জন্ত হিরণীর লেখাপড়া ছাড়িয়া দেশে যাইবার প্রয়োজন কি? এ বাড়ীও যখন

তাহাদের নিজের, তখন সেই বা কি জন্ত বাড়ী ছাড়িয়া যাইবে? হিরণী অনর্থক কথা না বাড়াইয়া কেবল উত্তরে বলিয়াছিল, সে দিন কয়েকের জন্ত হাওয়া বদলাইয়া আসিবে, সে ত জন্মের মত এ বাড়ী ছাড়িয়া যাইতেছে না। আর তাহাদের দেশও ন'মাস ছ'মাসের পথ নহে, প্রয়োজন হইলে তাহাকে খবর দিলেই সে তিন ঘণ্টার মধ্যে চলিয়া আসিবে।

হিরণী কিন্তু দেশে গিয়া এক দিনের জন্ত নিশ্চিন্ত হইতে পারিল না, পূর্বের সুখশান্তিও ফিরিয়া পাইল না। তাহার যেন কিছুতেই তৃপ্তি আসে না, সে কিছুতেই স্বস্তি অনুভব করে না। তাহার মন অনুক্ষণ কি যেন একটা মস্ত অভাব অনুভব করে, কি যেন সে হারাইয়াছে, চেষ্টা করিয়াও খুঁজিয়া পাইতেছে না। লেখাপড়ায় সে মোটেই মন দিতে পারে না, পরীক্ষার জন্ত প্রস্তুত হওয়া তদূরের কথা। যতটুকু সময় সে শয্যাশায়ী পিতার সেবা করে, ততটুকু সময়ই সে অগ্নমনস্ত থাকে, অগ্নথা অস্থির ও চঞ্চলভাবে এখানে সেখানে গুরিয়া বেড়ায়। অপরাহ্নে সে যখন নদীর তীরে বেড়াইতে যায়, তখন প্রজারা জমিদার-কন্ঠাকে দেখিয়া সসম্মুখে পথ ছাড়িয়া দিয়া অভিবাদন করিলে সে অনেক সময় প্রত্যভিবাদন করিতে ভুলিয়া যায়। হয় ত তখন সে অগ্ন কোন বিষয়ে মন দেয় বলিয়াই প্রত্যভিবাদন করে না, অগ্নথা সে এ বিষয়ে অতিমাত্র মনোযোগী ছিল। বয়োবৃদ্ধ প্রজারা তাহার এই ব্যবহারে অতিমাত্র বিস্ময় অনুভব করিত। কোন কোন সময় তাহাকে নিকট-সম্পর্কের দুই একটি জাতি-কন্ঠাকে লেখাপড়া শিখাইতে দেখা যাইত। কিন্তু জাতিকন্ঠারাই অন্তরালে বলাবলি করিত যে, হিরণী দিগ্গি এখন আর আগেকার মত মন দিয়া পড়ায় না, তাহার পদে পদে ভুল হয়, সে কথায় কথায় অন্যমনস্ত হয়। হিরণীর এ অভাবনীয় পরিবর্তন লক্ষ্য করিবার মত তাহার আপনার জন সেখানে কেহ ছিল না।

প্রতিদিন বেলা ১০টার সময় সহর হইতে দৈনিক সংবাদপত্র জমিদারভবনে বিলি হইত। হিরণীর দৈনিক পত্র পাঠ করা নিত্য-নৈমিত্তিক ক্রিয়ার মধ্যে পরিগণিত ছিল। কলিকাতা হইতে আসিবার দিন দশ পরে ঠাণ্ডা এক দিন সংবাদপত্র পাঠ করিতে গিয়া একটি সংবাদের জগজলে



শীর্ষলিপি দেখিয়া তাহার মুখ বিবর্ণ হইয়া গেল। সেই শীর্ষ-  
লিপির নিম্নের রচনা এইরূপ :—অসীম সিনেমা লিমিটেড  
কোম্পানীর স্বত্বাধিকারী ধনবান্ জমিদার অসীমবিকাশের  
আবাসভবনের সংলগ্ন কৃত্রিম জঙ্গলে সে দিন যে ভীষণ  
রহস্যজনক হত্যাকাণ্ড সংঘটিত হইয়াছিল, করোনারের  
বিচারকালে সরকারী ডাক্তারের পরীক্ষায় সপ্রমাণ হইয়াছে  
যে, উহা আত্মহত্যা নহে, নরহত্যাই বটে। আততায়ীর  
পিস্তলের গুলী নিহত ব্যক্তির বাম বক্ষ ভেদ করিয়া চলিয়া  
গিয়াছিল এবং মৃত্যুও তদগুণেই সংঘটিত হইয়াছিল।  
পুলিসের সাক্ষ্য প্রকাশ পাইয়াছে যে, মৃত্যুর পূর্বে  
আততায়ীর সহিত তাহার অতি সামান্যক্ষণ দস্তানবস্তি  
হইয়াছিল। সেই স্থানের চূর্ণশষ্প যে ভাবে মন্দিত হইয়াছিল,  
বৃষ্টির জল সবেও তাহার পরিচয় পাওয়া গিয়াছে।  
আততায়ীর পদে দামী জুতা এবং নিহত লোকটার পায়ে  
নাগরা জুতা ছিল। আততায়ীকেই নিহত ব্যক্তি প্রথমে  
অতর্কিতভাবে আক্রমণ করিয়াছিল এবং আততায়ী প্রাণ-  
ডয়ে তৎক্ষণাত তাহার বক্ষঃস্থল লক্ষ্য করিয়া পিস্তলের গুলী-  
বর্ষণ করিয়াছিল। এই জ্ঞপ্তি মনে হয়, আততায়ী কাহারও  
ডয়ে শঙ্কিত হইয়া পিস্তল হস্তেই সম্বরণে ফটকের দিকে  
অগ্রসর হইতেছিল। সে কোন্ দিক দিয়া আসিতেছিল,  
তাহার চিহ্ন পাওয়া যায় নাই, বৃষ্টির জল সে সব চিহ্ন  
ধুইয়া মুছিয়া দিয়াছে। নিহত ব্যক্তির অঙ্গে রেলের  
কুলীদের মত নীলরঙ্গের কোর্টা ছিল, উহাতে ‘আই  
আর’ অঙ্কর পাওয়া গিয়াছে। লোকটা পশ্চিমা হিন্দু-  
স্থানী কুলী বলিয়া মনে হয়। ইহা ছাড়া তাহার  
অঙ্গাবরণের মধ্যে সামান্য দুই চারি আনা পয়সা,  
গোটা দুই বিড়ি ও দিয়াশালাই, একখানা হিন্দুস্থানী  
বর্ণমালায় কেতাব ছিল; কিন্তু ঐ সকলের ভিতর হইতে  
তাহার নাম ও ঠিকানা পাওয়া যায় নাই। তবে  
মুঠার মধ্যে আততায়ীর এমন কোন জিনিষ কঠিনভাবে  
ধরিয়া রাখিয়াছিল যে তাহা আঙ্গুল কাটিয়া বাহির করিতে  
হইয়াছিল এবং উহা হইতে পুলিস আততায়ীর সন্ধান  
করিতে পারিবে বলিয়া আশা করিতেছে। ঐ জিনিষের  
কথা পুলিস করোনার সাহেবের অমুমতি লইয়া গোপন  
রাখিয়াছে।

আরও একটা বিষয় রহস্যজালজড়িত ঘটনা করোনারের

বিচারকালে প্রকাশ পাইয়াছে। এইটিই জনসাধারণের  
কৌতূহল উদ্বেক করিতেছে। যে পিস্তলটি নিহত ব্যক্তির  
দেহের কাছে কুড়াইয়া পাওয়া গিয়াছে, উহার পাঁচটি  
দরের একটি ঘর শূন্য, আর সবগুলিই গুলী-ভরা। নিহত  
ব্যক্তির বক্ষ হইতে যে গুলী বাহির করা হইয়াছে, তাহা  
অবশিষ্ট চারিটি গুলীর সমশ্রেণীর; সুতরাং ঐ পিস্তলের গুলী-  
তেই যে মৃত ব্যক্তি নিহত হইয়াছে, তাহাতে সন্দেহ নাই।  
পিস্তলে গৃহস্বামীর নাম ক্ষোদাই ছিল। তাঁহাকে জিজ্ঞাসা  
করিলে তিনি বলেন, তিনি ঐ পিস্তলটি বহুদিন পূর্বে তাঁহার  
বন্ধু ও সহকর্মী তাঁহার ফিল্ম কোম্পানীর আর্টিষ্ট ডিরেক্টর  
শুভেন্দু মিত্রের নিকট রাখিতে দিয়াছিলেন, কেমন করিয়া  
ঐ পিস্তল ঐখানে আসিল, তাহা তিনি বলিতে পারেন না।  
শুভেন্দু বাবু জিজ্ঞাসিত হইয়া করোনারকে বলেন যে, ঐ  
পিস্তলটি সিনেমার রিহাসালে ব্যবহার হইত না, উহা  
তাঁহার দেবাজের টানার ভিতরে পড়িয়াছিল, কেমন  
করিয়া কে ডুয়ারের চাবী খুলিয়া উহা বাহির করিয়াছে,  
তাহা তিনি বলিতে পারেন না। উহা তাঁহার টানাতেই  
আছে, তাঁহার এই ধারণাই ছিল।

তাঁহার এই কৈফিয়তে করোনারের কোটে একটা মত  
চাঞ্চল্য উপস্থিত হয়, করোনার ও জুরীরাও তাঁহার  
কৈফিয়তে সন্তুষ্ট হন নাই। উহার পর আর একটা চমক-  
প্রদ ঘটনার কথা জেরার মুখে প্রকাশ হইয়া পড়ে। গৃহস্বামী  
অসীম-প্রকাশ বসু বলেন, তিনি বন্ধুকের আওয়াজ ও নিহত  
ব্যক্তির পরিব্রাহি চৌকর শুনিয়া যখন ঘটনাস্থলের দিকে  
যান, তখন সেখানে নিহত ব্যক্তির পাশে শুভেন্দু বাবুকে  
দেখিতে পান নাই অথবা প্রাচীরের খোলা ফটকের দিক  
হইতেও বাগানে তাঁহাকে প্রবেশ করিতে দেখেন নাই।  
পরন্তু তিনি ও তাঁহার সিনেমার এ্যাকট্রেস শ্রীমতী চামেলী-  
বালা যখন ঠুঁড়িওর দিক হইতে আসেন, তখন ঠুঁড়িওর  
বহির্গমনের সমস্ত দ্বার-গবাক্ষ রুদ্ধ ছিল, সে দিক দিয়া  
আসাও শুভেন্দু বাবুর পক্ষে সম্ভব ছিল না; বস্তুতঃ শুভেন্দু  
বাবু যে কোথা হইতে হঠাৎ আবির্ভূত হইলেন, তাহা তিনি  
কিছুতেই বুঝিতে পারেন নাই।

গৃহস্বামীর এই জবানবন্দীতে কোটে হুলস্থূল পড়িয়া যায়,  
বহু কষ্টে শান্তিরক্ষকদিগকে আদালতের শান্তিরক্ষা করিতে  
হয়। অন্তঃপর শ্রীমতী চামেলীবালার সাক্ষ্য গ্রহণ করা



विद्यया ऽमृतमश्नुते



হয়। তিনিও গৃহস্বামীর কথা প্রতিধ্বনি করেন, পরন্তু বলেন যে, তিনি শপথ করিয়া বলিতে পারেন যে, শুভেন্দু বাবু ঠুঁড়িও হইতে বাহির হন নাই অথবা প্রাচীরের ফটক দিয়াও প্রবেশ করেন নাই। তিনি নিশ্চিতই নিকটের কোন ঝোপ-জঙ্গলে লুকাইয়া ছিলেন এবং সেখান হইতেই বাহির হইয়াছেন।

কোর্টের চাকল্য অপসারিত হইতে না হইতেই আবার এক বিষম চাকল্য উপস্থিত হইল। কারণ, শুভেন্দু বাবু স্বয়ং জিজ্ঞাসিত হইয়া যে জবাব দিলেন, তাহা তাঁহারই সম্পূর্ণ বিপক্ষ প্রমাণ বলিয়া গৃহীত হইবার কথা। করোনার বার বার তাঁহাকে জিজ্ঞাসা করিলেন, ঘটনার সময় তিনি কোথায় ছিলেন এবং কোথা হইতেই বা ঘটনার পর ঘটনাস্থলে উপস্থিত হইয়াছিলেন? শুভেন্দু বাবু বার বার দৃঢ়স্বরে বলিলেন, এ কথার জবাবে তাঁহার কোন উত্তর নাই, তিনি কিছুই বলিতে পারিবেন না। আদালত শুদ্ধ লোক বিস্মিত স্তম্ভিত হইল। এই এক বৎসরে তিনি অতি উচ্চাঙ্গের আটিষ্ট বলিয়া কলিকাতায় সুনাম অর্জন করিয়াছিলেন। সিনেমা জগতে এমন কোন প্রযোজক, গল্পলেখক, অভিনেতা-অভিনেত্রী ছিল না, যাহারা তাঁহার সৌজন্য, ভদ্রতা, বিনয়, নম্র-ব্যবহার এবং সন্মোহিত আঁটে তাঁহার মৌলিকতা ও উদ্ভাবনী শক্তির প্রশংসা না করিত বা তাঁহার গুণে মুগ্ধ না হইত। করোনার রায় দিলেন যে, পশ্চিমা লোকটি অত্বে গুলীতে নিহত হইয়াছে। পুলিশ যথানিয়মে ফৌজদারী আইনের মারফতে শুভেন্দুকে হাজতে রাখিবার আদেশ পাইল। উপযুক্ত আদালতে শুভেন্দুর গায় জনপ্রিয় শক্তিশালী কলাবিদের নরহত্যার অভিযোগে বিচার হইবে।

কাগজখানা হিরণীর হস্তচ্যুত হইয়া পড়িয়া গেল। তাহার চকুর সমক্ষে অক্ষরগুলি পিণ্ডাচের মত তাণ্ডব-নৃত্য করিতে লাগিল, বোধ হয়, ক্ষণকালের জন্ত তাহার চিন্তাশক্তি বিলুপ্ত হইল। কিন্তু সে ক্ষণকালমাত্র। চরিত্রের দৃঢ়তা ছিল হিরণীর বৈশিষ্ট্য, সচরাচর নারীর মধ্যে তাহা লক্ষিত হয় না। কম্পিত হস্তে সে একখানি পকেট টাইম-টেবল লইয়া কলিকাতাঘাতী রেলগাড়ীর সন্ধান করিতে লাগিল, দেখিল, আর পনেরো মিনিট পরে—বেলা এগারোটা আট মিনিটে একখানা গাড়

যাইবে। দেখিবামাত্র সে ঘরের গাড়ী সজ্জিত করিতে আদেশ করিল।

অভুক্ত অবস্থায় নিমেষের মধ্যে জমিদার-কণা—স্বয়ং জমিদার বলিলেও হয়—একবন্দে একাকিনী কলিকাতা যাত্রা করিলেন, ইহাতে ভৃত্য-পরিজনের বিস্মিত হওয়ার কথা ছিল, কিন্তু তাহাদের গৃহকর্ত্রীর প্রকৃতিই ছিল ঐরূপ, তিনি কখনও বাধাধরা নিয়মের গণ্ডী মানিয়া চলিয়া আসিয়াছেন বলিয়া তাহারা মনে করিতে পারে না। হিরণী অতি প্রত্যাশেই প্রাতঃকৃত্য ও স্নান সমাপন করিয়া চা ও প্রাতরাশ গ্রহণ করিত, উহাই তাহার পক্ষে যথেষ্ট বলিয়া বিবেচিত হইল অথবা খেয়ালবশে তিনি আহাৰ্য্য গ্রহণ করিলেন না, জমিদার-তবনে এ কথা তাহাকে জিজ্ঞাসা করিবার সাহসও কাহারও ছিল না।

প্রথম শ্রেণীর কামরায় সে একা। তাহার লগাট চিন্তারেখাগ্রস্ত, মাথার ভিতর তাহার আগুন জ্বলিতেছিল, সে কোন একটা সুসন্দর্ভ সিদ্ধান্তে উপনীত হইবার চেষ্টা করিয়াও তাহাতে উপনীত হইতে পারিতেছিল না। শুভেন্দু বাবুর এরূপ ব্যবহারের কারণ কি? মানুষ জীবন-মরণের সন্ধিস্থলে উপনীত হইয়া এমন করিয়া জীবন লইয়া খেলা করে কেন? কি গুঢ় রহস্য ইহার মধ্যে নিহিত?

তাহার সকল গুণের আধার দাদা জীবনে কখনও মিথ্যা বলিয়াছে বলিয়া সে মনে করিতে পারে না। চামেলীরই বা মিথ্যা সাক্ষ্য দিবার কি কারণ আছে? তবে? তবে কেন শুভেন্দু বাবু তাঁহার সম্বন্ধে সত্য ঘটনা প্রকাশ করিতে ছেন না? অতি বড় নিগূঢ় কারণ না থাকিলে মানুষ নিজের প্রাণ লইয়া খেলা করে না।

চিন্তা—চিন্তা—চিন্তা—চিন্তার আর বিরাম নাই। কলিকাতার নিকটস্থ সহর-তলীর এক স্টেশন হইতে একটি হাটকোটধারী বাঙ্গালী সাহেব এবং তাঁহার সঙ্গে একটি শামলা-চাপকানধারী বাঙ্গালী বাবু তাহার কামরায় উঠিয়া পড়িলেন। তাঁহারা পরস্পর কথা কহিতে কহিতে অগ্ৰমনস্কভাবে গাড়ীতে উঠিয়া সম্মুখে হিরণীকে দেখিয়া নির্বাক বিস্ময়ে একদৃষ্টে তাহার দিকে তাকাইয়া রহিলেন, মনে হইল, যেন এমন অদ্ভুত জিনিষ তাঁহারা জীবনে কখনও দেখেন নাই। মুহূর্ত্ত পরেই বাঙ্গালী



সাহেবটি মাথার ছাট খুলিয়া অভিবাদন করিয়া প্রশংসমান দৃষ্টিতে হিরণীর দিকে চাহিয়া বলিলেন, “আমরা বসতে পারি কি এই বার্থটাতে?”

স্বল্পভাষিণী হিরণী গম্ভীরস্বরে বলিল, “স্বচ্ছন্দে। এটা লেডিসদের জন্তে রিসার্ভ নয়।”

বান্ধালী সাহেব ও বাবু আসন গ্রহণ করিলে পর প্রথমোক্ত হাসিতে হাসিতে বলিলেন, “গাড়ী ছেড়ে দিয়েছে, না বসেই বা করি কি? নামতে ত পারি নে।”

হিরণী কোন জবাব না দিয়া গম্ভীরভাবে গবাক্সের বাহিরে চাহিয়া বসিয়া রহিল।

বোধ হয়, বান্ধালী সাহেব ও বাবু তাহার এই ঔদাসীন্য প্রদর্শনে অন্তরে চটিয়াছিলেন, তাই সাহেব বলিলেন, “দেখেছো অবনী! আজকাল কে ঘরের, কে বাইরের, তা আর চেনবার যো নেই। পোষাক প’রে সেজে থাকলে সবাই ভদ্রের, সবাই গেরস্ত।”

হিরণীর অন্তরে চিন্তাসাগরের তুলান বহিতেছিল, তথাপি কথাটা তাহার কাণে গেল। কথাটা যে তাহাকে ঠেস দিয়া বলা হইয়াছে, তাহাও সে বুঝিল। অল্প সময় হইলে সে কি করিত বলা যায় না, কিন্তু আশ্চর্য্য, সে এখন নীরবে বসিয়া রহিল।

বান্ধালী বাবুটি বলিলেন, “তা ঠিকই বলেছেন। দেখেন না, টামে বাসে যারা ওঠেন, তাঁদের কাপড়চোপড় পরা আর একলা বেড়ান দেখে বোঝা যায় না ত, কে ভদ্রর ঘরের মেয়ে, আর কে সিনেমা থিয়েটারের এ্যাকট্রেস।”

অতঃপর উভয়ে একসঙ্গে এই রসিকতায় হো হো হাসিয়া উঠিলেন। রণায় হিরণীর অন্তরটা ভরিয়া উঠিল। ইহারাই শিক্ষিত ভদ্রলোক—বান্ধালী? কিন্তু তাহাদের মত শিক্ষাপ্রাপ্তা বান্ধালী ভদ্রমহিলারাষ্ট বা এ সব ঈতর সমালোচনার অবসর দেয় কেন? সত্যই তাহার বিক্ষিপ্ত মনের অবস্থায় তাড়াতাড়িতে একাকিনী আসা ভাল হয় না। সে ত এমন কখনও আসে না।

গর্বিতা সহযাত্রীলীকে মগেষ্ঠ আঘাত দেওয়া হইয়াছে মনে করিয়া বান্ধালী সাহেব ও বাবু অতঃপর আপনাদের পূর্ব-আলোচনার সূত্র পুনরায় গ্রহণ করিলেন। তাঁহাদের এক জনের হাতে সেদিনের একখানি ইংরেজি দৈনিকপত্র ছিল। তিনি বলিলেন, “এই সিনেমা এ্যাকট্রেসদের

কথাই ধর না। আজকাল ধুয়ো উঠেছে, আমাদের গেরোস্তো ঘরের মেয়েদের সিনেমায় না নামালে আর চলছে না। কিন্তু যারা এ কথা লিখেছে, তারা ত দেখে না, সিনেমা এ্যাকট্রেসরা কি ভাবে জীবন কাটাচ্ছে। এই ধর না আজকের কেসটা। ঐ যে চপলা না কি—”

দ্বিতীয় বাবুটি বলিলেন, “চামেলী।”

প্রথম বলিলেন, “হাঁ, চামেলী। তা অত রাতে অসীম বাবু আর ঐ চামেলী ষ্টুডিও থেকে বন্ধুকের আওয়াজ শুনে বেরিয়ে এলেন। কেন, তার মানে কি? অত রাতে তাঁদের ষ্টুডিওতে কি দরকার ছিল?”

হিরণী এতক্ষণ নীরবে ছিল, এইবার মুখ ফিরাইয়া কুদ্ধ উত্তেজিত স্বরে বলিল, “দেখুন, পরচর্চায় আপনারা কেন এত আনন্দ পান বলুন দিকি? এইমাত্র ভদ্র মহিলাদের সম্বন্ধে যে আলোচনা করলেন, তা কোন ভদ্রলোক করে না। আবার যাদের সম্বন্ধে আপনারা কোন খবর রাখেন না, খবরের কাগজে এক খবর প’ড়ে তাঁদের ডিগ্রী ডিসমিস দিচ্ছেন! এষ্ট জগোষ্ট আপনাদের কোন উন্নতি হয় না।”

বাবুরা একবারে নিন্দাক—একটি অপরিচিতা অল্প-বয়স্ক বান্ধালী তরুণীর কাছে এমন বোমাবিক্ষোরণের আশঙ্কা তাঁহারা অবশ্যই করেন না। উঃ, মেয়েটা কি বেহায়া! কি আশ্চর্য্য সাহস তাহার! তাঁহারা শ্লেষ ও বিদ্বেষের কণাঘাতে তাহাকে সায়েস্তা করিতে যাইবেন, এমন সময় গাড়ী প্লাটফর্মে ‘ইন’ হইল। হিরণীও সকলের আগে নামিয়া পড়িয়া হন-হন করিয়া ছুটিয়া গিয়া একখানা ট্যাক্সিতে চাপিয়া বসিল। ট্যাক্সি তাহাকে লইয়া উর্দ্ধ্বাঙ্গে ছুটিয়া চলিল। দৈনের বাবু দুইটি নিন্দাক নিশ্চক হইয়া ফ্যাল-ফ্যাল নেত্রে তাহার দিকে চাহিয়া রহিলেন।

১৬

জগৎ যেমন চলে, তেমনি চলিতেছে। মানুষ যেমন নিত্য হাসে কাঁদে, তেমনি হাসিতেছে কাঁদিতেছে, কোথাও কোন ব্যতিক্রম না। তবে যে হিরণীর চোখে তাহার দাদার বৃহৎ পুরীটাকে এই প্রথর সূর্য্যকিরণেও নিশ্চভ ও অন্ধকার দেখাইতেছে, তাহার কারণ হয় ত তাহার

বর্তমান মানসিক অবস্থা। ষ্টুডিঙতে যেমন দৈনন্দিন কাষ হয়, তেমনি হইতেছে, অথচ হিরণী যেন তাহার মন্যে কি একটা বিরাট অভাব অনুভব করিল—যেন কি একটা বিরাট শূন্যতা ও অপূর্ণতা বাড়ীটাকে রাক্ষসের মত গ্রাস করিয়া বসিয়াছে।

হঠাৎ অতর্কিতভাবে অসময়ে হিরণীর আগমন বাড়ীর লোকজনকে বিস্মিত করিল বটে, কিন্তু কেহ কোন কথা কহিতে সাহস করিল না। হিরণী সরাসরি আপনার ঘরে গিয়া হস্ত-মুখ প্রক্ষালন করিয়া বেশ পরিবর্তন করিল। সে অল্পদিনই দেশে গিয়াছে, সেখানকার যাহা তাহা ঠিক তেমনি সাজান আছে। কান্থর মাকে আহ্বান করিতেই সে আসিয়া হাজির হইল। তাহাকে দেখিয়া তাহার বিশ্বয় অপনোদিত হইতে না হইতেই সে তাহাকে জিজ্ঞাসা করিল, “দাদা কোথায়? বৌদি?—দুমুছে বুঝি?”

সৌদামিনী বলিল, “না, তানারা এইমাত্র সেবা ক’রে ঘরে গিয়ে শুয়েছেন। বাবু বার-বাড়ীতে আছেন বোধ হয়।”

হিরণী ক্র কুঞ্চিত করিয়া বলিল, “এইমাত্র? তার মানে? বেলা ত ছুটো বাজে।”

সৌদামিনী বলিল, “এতক্ষণ রুগীর ঘরে বসেছিলেন কি না—”

হিরণী আরও বিস্মিত হইয়া বলিল, “রুগী? কে রুগী?”

সৌদামিনী বলিল, “ঐ যে তানার ভাই, হোটেলের দাদাবাবু—তানার ভারী অসুখ কি না—”

হিরণী আর দাঁড়াইল না, দ্রুতপদে তাহার ভ্রাতৃজয়ার শয়নকক্ষের দিকে চলিয়া গেল। এই দশ দিনে কি ঘটিয়াছে?

তখন উষারাগী শয্যার আশ্রয় গ্রহণ করে নাই, পাণ মুখে দিয়া চেয়ারে বসিয়া চুল এলাইয়া রৌদ্রে বাতাসে শুকাইতেছিল। তাহাকে দেখিয়া অত্যন্ত বিস্মিত হইয়া বলিল, “ও মা! এ কে গো!”

হিরণী তাহার উচ্ছ্বসিত আনন্দে বাধা দিয়া বলিল, “বিভাসদার অসুখ? কি অসুখ? আমি ত শুনে যাইনি।”

মুহূর্ত্তে উষার মুখের হর্ষের দীপ্তি অন্তর্হিত হইল, স্নানমুখে সে বলিল, “না, তা যাওনি। অসুখ আজ দুদিন হয়েছে—ব্রেণ ফিবার। হাঁসপাতালে না যেতে দিয়ে এখানে এনে

চিকিৎসা করা হচ্ছে। এর আগে কদিন এমনই জ্বর ছিল, আজ দুদিন বাড়াবাড়ি।”

হিরণী বলিল, “হঁ। বাড়ী এনেছ, ভালই করেছ। দাদা কোথায়? তিনি জানেন সব?”

উষা অবজ্ঞাভরে বলিল, “তা বলতে পারি নি—তাকে জানাবার দরকার বোধ করিনি। আমার ভাইয়ের জীবন-মরণ নিয়ে খেলা হচ্ছে—আমি কার অনুমতির অপেক্ষা করতে পারি নি, নিজেই নিয়ে এসেছি।”

হিরণী বলিল, “তা বেশ করেছ, এতে দাদাও কখনও অমত করতেন না। আমি সে জগ্ন বলিনি। দাদা জানেন কি না। আমি জানতে চাইছি, তিনি বিভাসদার চিকিৎসা-সেবার সমস্ত ব্যবস্থা ক’রে দিয়ে দেখাশোনা করছেন কি না?”

উষা বলিল, “হঁ, নাও বটে। শুনেছেন তিনি সবই, ডাক্তার আর ওষুধপত্রের ব্যবস্থা ক’রে দিচ্ছেনও সবই, কিন্তু নিজে দেখাশোনা তিনি কিছুই করেন না। তিনি থাকেন হয় বারবাড়ী, না হয় ষ্টুডিঙতে, অন্যদের সঙ্গে তাঁর কোন সম্পর্ক নেই।”

“হঁ” বলিয়া হিরণী একটি দীর্ঘশ্বাস তাগ করিল। তাহার পর মাথা না তুলিয়াই ধীরে ধীরে অক্ষুট স্বরে বলিল, “বিভাসদার জীবনমরণের যুদ্ধ হচ্ছে ব’লে তুমি কারুর দিকে না চেয়ে তাকে নিজের কোলে আশ্রয় দিলে, কিন্তু আর এক জন নির্দোষ মানুষের যে জীবন-মরণ নিয়ে খেলা হচ্ছে, তাতে কি করলে?”

উষা বিস্মিত হইয়া জিজ্ঞাসা করিল, “কার জীবন-মরণ নিয়ে খেলা হচ্ছে, হিরো? ওঃ, শুভেন্দু বাবুর কথা বলছিস? তা আমি কি করবো, মেয়েমানুষ—”

হিরণী এইবার মুখ তুলিয়া কঠোর কণ্ঠে বলিল, “মেয়ে-মানুষ? কেন, সহায়হীন—আশ্রয়হীন—বন্ধুবান্ধবহীন হয়ে তিনি হাজতে রয়েছেন, তোমরা কি একটা বড় ব্যারিষ্টার দিয়ে তাঁকে খালাস করিয়ে আনতে পারতে না? অন্ততঃ তাঁর সঙ্গে দেখা ক’রে তাঁকে ভরসা দিয়েও আসতে পারতে না? এখানে তাঁর কে আছে?”

উষা এত বিস্মিত বোধ হয় জীবনে কখনও হয় নাই। সে সেই সময়ে হিরণীর চোখে মুখে যে দয়ামায়ার দীপ্তি দেখিয়াছিল, তাহা ইহজীবনে ভুলিতে পারে নাই। সে

তাড়াতাড়ি বলিল, “কি করতে পারি আমরা ? পুলিশ যে পিস্তল কুড়িয়ে পেয়েছে—”

হিরণী বলিল, “হ্যাঁ, সে পিস্তল দাদা তাঁকে দিলেও তিনি বলেছেন, সেটা দেবাজের টানাতেই ছিল। চোর ত চুরি করতে পারে সেটা। সেই চোর ত দোষী হ’তে পারে। ভেবে দেখো দিকি, এই কুলীটাকে খুন করবার তাঁর কি কারণ ছিল ? তার সঙ্গে তাঁর কি মনোমুগ্ধকর যোগাযোগ হয়েছিল ?”

উষা অত্যন্ত ভীত হইয়া বলিল, “ও সব কি বলছ তুমি—”

হিরণী উঠিয়া বলিল, “বলছি ঠিকই ! যাক, একবার দাদার গোঁজে যাচ্ছি, সন্ধ্যার পর দেখা করবো’খন।”

উষা বলিল, “কটার গাড়ীতে এলি ? খাওয়া-দাওয়া হয়েছে ত ?”

হিরণী শান হাসিয়া বলিল, “তবু ভাল ! না, সত্যিই দরকার নেই। তবে আমার ঘরে যদি এক কাপ চা পাঠিয়ে দিতে পার ত ভাল হয়। হ্যাঁ, একটা কথা। যে দিন এই খুন হয়, সে দিন প্রায় শেষ রাতে ঠেঁচামেটি গুনে আমরা সবাই ঘুম ভেঙে উঠে বেরিয়ে পড়েছিলুম বাগানে। কৈ, তখন ত শুনিনি, ভুভেন্দু বাবু কোথা থেকে বেরিয়ে এসেছিলেন ব’লে মস্ত একটা গোলমাল হয়েছে ? এটা উঠলো কেন ?”

উষা একটু বিভ্রান্তভাবে বলিল, “আমি ? হ্যাঁ, না, আমি তার কি জানি ? ভুভেন্দু বাবু কোথায় ছিলেন, তা তিনিই বলতে পারেন !”

এতক্ষণ হিরণীর তীক্ষ্ণ দৃষ্টি তাহার উপরই গুস্ত ছিল, উষা দৃষ্টি অবনত করিয়াই তাহার কথার জবাব দিতেছিল। তাহার কথা শেষ হইলে হিরণী বলিল, “না, তাই বলছিলুম। আশ্চর্য্য ! তিনি কি তবে আকাশ থেকে পড়লেন ? কেউ জানে না, তিনি কোথায় ছিলেন ?”

হিরণী সমস্ত অপরাহুটা ভ্রাতার জন্ত অপেক্ষা করিল, কিন্তু তিনি কোনও কার্য্যে বাহিরে গিয়াছিলেন, সন্ধ্যার পূর্বে ফিরিলেন না। হিরণী অস্থির হইয়া উঠিল, তাহার পক্ষে এক একটা ঘণ্টা যেন এক একটা দিনের মতই মনে হইতে লাগিল। আজই তাহার দাদার সহিত পরামর্শ করিয়া উকীল-ব্যারিষ্টার নিযুক্ত করার প্রয়োজন,—অতঃপর

এই চিন্তাই তাহার প্রবল হইয়া উঠিল। এমন কি, সে ভ্রাতৃজায়ার আশ্রানে একবার রোগীকে দেখিয়া আসিল বটে, কিন্তু সে দিকে মনোযোগ দিতে পারিল না, জলযোগে বসিয়া একটা দ্রব্যও স্পর্শ করিতে পারিল না।

রাত্রিতে ভ্রাতা-ভগিনী একসঙ্গে আহারে বসিল। হিরণী বসিল মাত্র। অন্য দিন হইলে অসীমের সে দিকে অবশ্যই দৃষ্টিপাত হইত এবং সেজন্য হিরণীকে অনুরোধও শুনিতে হইত ; কিন্তু এবার তাহা হইল না, অসীমবিকাশ যেন সকল বিষয়েই একটা ঔদাসীন্য প্রদর্শন করিতেছিল, যেন কোন কিছু সহিত তাহার সম্পর্ক নাই, যেন সে এই সংসারের অথবা পৃথিবীর কোন ধার ধারে না ! হিরণীকে অপ্রত্যাশিতভাবে কলিকাতায় আসিতে দেখিয়াও তাহার কোনরূপ কৌতূহলের উদ্বেক হয় নাই, যেন হিরণী নিত্যনৈমিত্তিকভাবেই আহারে বসিয়াছে এবং তাহার এ বাড়ীতে বসবাসে অবিচ্ছিন্নতা অটুট রহিয়াছে, তাহার ব্যবহারে তাহার মনোভাব এইরূপই অন্তর্মিত হইতেছিল।

আহারের পর অসীমের বসিবার কক্ষ নিঃস্বপ্ন হইলে, যখন সে ও হিরণী ব্যতীত সে ঘরে আর কেহ রহিল না, তখন হিরণীই প্রথমে কথা পাড়িল। কথাটা বলিবার জন্ত—তাহার ভ্রাতার নিকট মনের গুরু চিন্তাভার হালকা করিবার জন্ত তাহার প্রাণ হাঁপাইতেছিল। অসীমবিকাশ গুম হইয়া বসিয়া সিগারেট-সেবা করিতেছিল।

হিরণী বলিল, “দাদা, তুমি কি হয়ে গেছ ?”

অসীম যেন আকাশ হইতে পড়িল, এইরূপ ভাণ করিয়া বলিল, “কি হয়ে গেছি ? কেন, কি হয়ে গেলুম আমি ?”

হিরণী বলিল, “আমি এখান থেকে গেলুম এলুম, কি করলুম বা না করলুম, তা জিজ্ঞাসা করতেও কি ভুলে গেছ ? আগে ত ভুলতে না কখনও।”

একরাশ ধূম উদ্গিরণ করিয়া অসীম বলিল, “তাই না কি ? তা আগে ত তুমি যাওয়া-আসার কথা—আমায় না জানিয়ে কখনও যাওয়া-আসা কর নি। কবেই তুমি কখন গেলো বা এলে, তা ত আমার জানবার সুযোগ হয়নি। তা ছাড়া এ বাড়ীতে এখন আর আমি ত কেউ নই !”

কথাটা এমন বিষাদ ও অভিমানের ভরা যে, হিরণীর মনে হইল, তাহার ভ্রাতার সমস্ত অন্তর কথাটা বলিবার সময় বেদনার টন-টন করিতেছে। ব্যথিত হইয়া হিরণী

আসন ছাড়িয়া উঠিয়া আসিয়া অসীমের কাঁধের উপর এক-খানি হাত রাখিয়া কোমল কর্ণে বলিল, “দোষ যদি ক’রে থাকি, ছোট বোন ব’লে আমার বকো মা, দাদা—কিন্তু অমন ক’রে পর মনে করলে আমার কান্না পায় যে!”

হিরণীকে এমন নরম হইয়া যাইতে অসীম কখনও দেখে নাই। কিসের প্রভাবে তাহার এমন পরিবর্তন, তাহা অসীম ভাবিয়া পাইল না। সেও নরম হইয়া বলিল, “বোস হিরো। ভাবছিস, দাদা কেন এমন হলো? সত্যিই আমি আর এখন একটা মানুষ নই, কিন্তু ত-কিমাকার কি একটা হয়ে গেছি। চারদিক থেকে কি যেন একটা কি আমার পিঠে মারছে।”

একটা দীর্ঘশ্বাস ত্যাগ করিয়া বলিল, “দাদা, আমাদের সোণার সংসারে এ কি হলো? আমার প্রাণ ঠাপিয়ে উঠছে এখানে থাকতে—কেবল ডাক ছেড়ে কান্না পাচ্ছে। কি করলে আবার যা ছিল, তা ফিরে আসে।”

অসীমের নিস্পন্দ প্রাণে যেন স্পন্দন ফিরিয়া আসিল। সে উঠিয়া বসিয়া উত্তেজিতস্বরে বলিল, “কি ফিরে আসবে, হিরো? আগেই ত তোকে বলেছিলুম, কাচ ভেঙ্গে গেলে আর জোড়া লাগে না। একবার যা হারিয়ে ফেলা যায়, তা কি আর ফিরে আসে?”

হিরণী বলিল, “কেন আসবে না? তুমি মনে করলেই আবার সব ফিরে আসে। কেন না ব’লে কয়ে ফিরে এসেছি জান? তোমার চোখের পরদা সরিয়ে দিতে—সে মিথ্যেকে ঝাঁকড়ে ধ’রে তুমি আজ সব হারাতে বসেছ, সেই মিথ্যের পরদা ছিঁড়ে ফেলে দিতে।”

অসীম তাচ্ছীল্যভরে বলিল, “মিথ্যে? কি মিথ্যের পরদা সরিয়ে দেবে তুমি, হিরণী? আমার চোখকে ত আমি অবিশ্বাস করতে পারি নে। যাক, ও কথা থাক, তুমি হঠাৎ চ’লে গেলেই বা কেন আর হঠাৎ চ’লে এলেই বা কেন? শুধু ত আমার ভ্রম ঘোচাবে ব’লে আস নি, তোমার আরও কিছু উদ্দেশ্য আছে নিশ্চয়। এ কয় মাসে আমি বেশ বুঝে নিয়েছি যে, মানুষ যাই হোক, কোন স্বার্থ নইলে এক পাও চলে না।”

হিরণী ব্যথা পাইয়াও কঠোর আঘাতের কোন প্রতিঘাত করিল না, সে বলিল, “যদি তোমার তাই বিশ্বাস হয়, তবে তাই করতেই এসেছি, নিজের স্বার্থসাধনই করতে এসেছি।

কিন্তু এটাও বিশ্বাস কর দাদা যে, সে স্বার্থের সঙ্গে তোমার স্বার্থ, এই বাড়ীর স্বার্থ—সবই জড়ান আছে। বলতে পার, কি মনে ক’রে তুমি শুভেন্দু বাবুর বিপক্ষে সাক্ষ্য দিয়েছিলে? চামেলীর কথা ধরি নে,—কিন্তু তুমি?”

অসীম এতক্ষণ স্বাভাবিকভাবেই কথা কহিতেছিল, এইবার কিন্তু হঠাৎ ধৈর্য্যচ্যুত হইয়া বলিল, “বিপক্ষে? তুমি যাকে বিপক্ষে সাক্ষ্য বলছ, তোমার চোখে হয় ত তা বিপক্ষ ব’লে মনে হ’তে পারে, কিন্তু আমি বিপক্ষ স্বপক্ষ কোন সাক্ষ্যই দিই নি, যা সত্য, তাই বলেছি। বলেইছি ত, চোখে যা দেখেছি, তা অবিশ্বাস করতে পারি নে।”

“কি দেখেছো চোখে তুমি—যা চামেলী তোমায় দেখিয়েছিল? না, নিজে দেখেছিলে কারও সাহায্য না নিয়ে—”

“আমি যা দেখেছি, তা বলেছি, এতে কারও সাহায্য নেই না নিই, তাতে কিছু এসে যায় না।”

“বেশ, তাই মেনে নিলুম। কিন্তু যাঁর নামে এত বড় একটা ভয়ানক অভিযোগ হয়েছে,—হয় ত যাকে এর জন্মে কাঁসিকাঠে ঝুলতে হবে, তিনি না তোমার ছেলেবেলার বন্ধু? একসঙ্গে খেলেছ, লেখাপড়া করেছ, আবার তুমিই না তাঁকে এখানে নিয়ে এসেছ? তবে তাঁর রক্ষার জন্তু কি বন্দোবস্ত করেছ? এখানে তাঁর কে আছে?”

অসীম অস্বস্তি বোধ করিতে লাগিল। সে মৃদুস্বরে বলিল, “আমি কি করতে পারি—আদালতে হবে বিচার”—

“তুমি কি করতে পার, তাই জিজ্ঞাসা করছ? বৌদিও ঠিক ঐ কথা বলেছিল। কিন্তু সে ঘরের বউ, আর তুমি পুরুষ মানুষ—বাড়ীর কর্তা। তুমি কিছু করতে পার না? কেন, বড় বড় উকীল-ব্যারিষ্টারের সাহায্য নেওয়া কি তোমার ধম্ম নয়, তোমার উচিত নয়?”

অসীম বিষয়বিস্ফারিত নয়নে ফেল-ফেল করিয়া তাহার ভগিনীর তেজোদীপ্ত আগ্রহে বিস্ফারিত নয়নযুগলের দিকে চাহিয়া রহিল। পুনরায় তাহার মনে হইল, যাহাকে এখনও বালিকা-পর্যায়ভুক্ত বাতীত আর কিছু বলা যায় না, তাহার মধ্য হইতে এই প্রেরণা আসিল কোথা হইতে? কর্ণস্বর যথাসম্ভব গাঢ় ও গম্ভীর করিয়া সে বলিল, “আচ্ছা, একটা কথা জিজ্ঞাসা করি। সে না হয় আমার বন্ধু, কিন্তু



তার জন্তে তোমার এত মাথাব্যথা কেন ? তুমি ত তার উপর অসম্ভব এই সম্ভব ছিলে না ?”

হ্যাং হিরণীর মুখচক্ষুতে অসম্ভব রক্তশ্রোত ছুটিয়া আসিল, সে দৃষ্টি অবনমিত করিয়া লইল। তাহার পর অন্তঃকণ্ঠে বলিল, “মানুষের বিপদে প্রত্যেক মানুষেরই একটা সহানুভূতি এসে থাকে, বিশেষ যদি সে-মানুষ পরিচিত মানুষ হয়।”

অসীম দাঁড়াইয়া উঠিয়া দৃঢ়কণ্ঠে বলিল, “আর যদি বলি, তাকে আমার দোষী বলেই মনে হয় ?”

হিরণীও দৃঢ়কণ্ঠে জবাব দিল, “তা হ’লে বুঝবো, তুমি অত্যাচার আর হিংসার বশে এই বিশ্বাস করছ।”

অসীম ক্ষণকাল নীরব থাকিয়া বলিল, “হঁ ! যদি তাই হয়, আমি তাকে রক্ষা করবার জন্ত চেষ্টা করব কেন ?”

হিরণী বলিল, “মনুষ্যদের খাতির, তোমার পৃথক-বন্ধুদের খাতিবে।”

অসীম বলিল, “যদি তা আমি না মানি ? সে ত বললেই পারে, সে রাতে সে কোথায় ছিল, কোথা থেকে বেরিয়ে এসেছিল।”

হিরণী বলিল, “কেন তিনি তা বলছেন না, তা কি

বুঝতে পারছ না ? কার সুনাম বজায় রাখবার জন্তে আজ তিনি আপনার প্রাণ বলি দিতেও পেছুচ্ছেন না ?”

হিরণীর কণ্ঠস্বরে অসীম আজ যে করুণ কাতর বেদনার সুর শুনতে পাইল, তাহা জীবনে কখনও শুনে নাই। সে স্তম্ভিত হইল। এই নারীজাতির বুক ফাটিলেও মুখ ফুটে না, এই জনশ্রুতি কি মিথ্যা ? তাহাদের অন্তরের অন্তস্তল দিয়া কি স্বচ্ছ নীতল মৃতসঞ্জীবনী সূধার মত ফল্গুশ্রোত বহিয়া যায়, পুরুষের সাধ্য কি তাহার সন্ধান পাইবে ?

বাহিরে কিছুই জানিতে না দিয়া অসীম বলিল, “আমি ও-সব হেঁয়ালি বুঝতে পারি নি। ধর, আমি যদি এ বিষয়ে কিছুই না করি ?”

হিরণী গর্জিতকণ্ঠে বলিল, “তা হ’লে আমিই তার ব্যবস্থা করবো, কর্তব্য তোমার প্রকার নয়।”

হিরণী মন্থরগমনে কক্ষ ত্যাগ করিয়া যাইতেছিল, অসীম দ্রুত হাসিয়া বলিল, “ওরে, শোন হিরো, আমি যাই মনে করি, তার পক্ষে দাঁড়াবার ব্যবস্থা না ক’রে কি থাকতে পারি আমি ? সে ব্যবস্থা আমি আগেই করেছি।”

হিরণী কোনও জবাব না দিয়াই চলিয়া গেল।

। ক্রমশঃ।

শ্রীসত্যেন্দ্রকুমার বসু ( সাহিত্যিক ) !

## সবার উপর

( রবার্ট ব্রাউনিং )

সারা বছরের কুসুম বিলাস  
একটি দমরে আগরে  
একটি রতনেই করিছে বাস  
সে বিশ্বাস রয় আকরে।  
আলো ও ছায়ার সে বৈভব  
সারা সাগরে সঞ্চারে,  
একটি মুকুতা গাঁথি লয় সব  
নিজ গোপন অন্তরে।

আলো ও ছায়ার এ বৈভব,  
কুসুম, মুকুতা, রতন সব—

ছোট হয়ে যায় যাদের কাছে,  
ধরায় এমন কহ, কি আছে ?  
সত্য নয় কি রতনের চেয়ে উজ্জ্বল ?  
আস্থা নয় কি মুকুতার চেয়ে নিম্নল ?  
এমন সে সত্যমানে—সর্বশ্রেষ্ঠ সত্য মম  
এমন সে আস্থা-মানে মোর আস্থা মহত্তম  
এ বিশ্ব-ভুবনে—


কোন্ সে বালিকার  
একটি চুষনে !

শ্রী :—

# বিজ্ঞান-জগৎ

## মোটর-চালিত বিচিত্র দ্বিচক্রযান

বুটিশ রয়্যাল সিন্‌পাল সেনাবাহিনী এবার সময়-কৌশল প্রদর্শনের সময় টিভি বর্ণিত অপূর্ব কৌশল দেখাইয়াছিল। মোটর-দ্বিচক্রযান




মোটর-চালিত বিচিত্র দ্বিচক্র-যান

দ্রুতবেগে চলিতেছে। আরোহীর মাথার উপরে দুই জন সৈনিক দণ্ড ধরিয়া দণ্ডায়মান। দ্রুত-ধাবনে কেহই পড়িয়া যায় নাই।

## দ্বিতল বিমান

ইংলণ্ড হইতে অষ্ট্রেলিয়া এবং বুটেনের অগ্গাল বিমানপথের জন্ত ২৯ খানি বৃহদাকার বিমান নিম্নিত হইতেছে। দিবাভাগে প্রত্যেকটিতে ২৪ জন এবং রাত্রিকালে ১৬ জন যাত্রী যাতাতে নিদ্রা যাইতে পারেন, প্রত্যেক বিমানে তাহার ব্যবস্থা হইতেছে। বিমান-গুলি দ্বিতল। ধূম-



মাঝখানে বিমানের চিত্র, উপরে ও নীচে বসিবার ও শয়নের ব্যবস্থা দৃশ্য

পানের জন্ত স্বতন্ত্র কক্ষের ব্যবস্থা আছে। দ্বিতলে বিমানের নাবিক-গণের এবং তিন টন ওজনের ডাক রাখিবার স্থান আছে। পুচ্ছের দিকে যাত্রীদের মালপত্র এবং ডানায় জ্বালানি তৈল রাখিবার


সুব্যবস্থা হইয়াছে। প্রত্যেক বিমানে ৪ খানি শক্তিশালী এঞ্জিন—প্রত্যেকটি ৭ শত ৪০ অশ্বশক্তি বিশিষ্ট। এই বিমান ঘণ্টায় ২ শত মাইল পথ পূর্বাটন করিবে। রাত্রিকালেও এই বিমান আকাশপথে পরিচালিত হইবে। রেডিওর বন্দোবস্ত ইহাতে থাকিবে।

### মৃত্যুর ফাঁদ

যুক্তরাষ্ট্রের দক্ষিণ-পশ্চিম অঞ্চলে এই গাছ বিদ্যমান। এই গাছের নাম "রতির মৃত্যু-ফাঁদ"। এই রাক্ষসী চারা-গাছের উপর কোনও

পতঙ্গ আসিয়া বসিবামাত্র উহার উভয় পার্শ্বস্থ সূক্ষ্ম তন্তুগুলি চারা-গাছের গবাদের মত পতঙ্গকে চাপিয়া ধরে। উহার গ্রাস হইতে

উদ্ধারের কোন সম্ভাবনা থাকে না, এক সপ্তাহ-



প্রথম দৃশ্যে পতঙ্গ আসিয়া বসিয়াছে, দ্বিতীয় দৃশ্যে তাহার বন্দি অবস্থা, তৃতীয় দৃশ্যে পতঙ্গ জীর্ণ হইতেছে

কাল ঐ চারা গাছ পতঙ্গটিকে নিজ অর্গরে বন্দি করিয়া রাখে এবং তাহার শরীর হইতে যাবতীয় বস্তু শোষণ করিয়া লয়। তার পর আবার সে তাহার মৃত্যু-ফাঁদ মুক্ত করিয়া অল্প শিকারের প্রতীক্ষায় থাকে। চলচ্চিত্রের ক্যামেরা ব্যতীত এই রাক্ষসী মৃত্যু-ফাঁদের সমগ্র চিত্র গ্রহণ করিবার কোন উপায় নাই—এত দ্রুত রাক্ষসীর ক্রিয়া চলিতে থাকে।

### স্বল্পমূল্যের ক্ষুদ্র মোটরগাড়ী

আমেরিকার এক জন কিশোর তিন ডলার মূদ্রা ব্যয়ে এই ছোট মোটরগাড়ী নির্মাণ করিয়াছে। এক গ্যালন তৈলে ইহা ৮০ মাইল



স্বল্পমূল্যের ছোট মোটরগাড়ী

পথ অতিক্রম করিয়া থাকে। এই গাড়ীর গতিবেগ ঘণ্টায় ১০ মাইল। দেড় অশশক্তিবিশিষ্ট মোটর ইহাতে সংলগ্ন আছে।

### অক্ষের ছাপান লেখা পড়িবার ব্যবস্থা

নর্থ ওয়েস্টার্ন বিশ্ববিদ্যালয়ের এক জন উচ্চশিক্ষিত ছাত্র বৈজ্ঞানিক আলোকের সাহায্যে সাধারণ ছাপা গ্রন্থাদি বাহাতে অক্ষর পড়িতে




অক্ষের ছাপা-লেখা পড়ার সুবিধা

পারে, তাহার উপায় উদ্ভাবন করিয়াছেন। ফটো ইলেকট্রিক সেল, আলোক এবং শক্তিশালী কাচ এই তিনটি পদার্থ লইয়া তিনি একটি যন্ত্র নির্মাণ করিয়াছেন। একটি বাক্সের উপর এক খাঁচ বোতাম বসান আছে। তড়িতালোক যখন একটি অক্ষরের উপর আসিয়া পড়ে, অমনই তাহার ছবি বড় হইয়া উঠে এবং যে বোতাম ঐ অক্ষরের ছোতক, তাহা ঠেলিয়া উঠবে। অক্ষর হাত দিয়া সেই উদ্ভিত অক্ষরটি স্পর্শ করিয়া বৃত্তিতে পারিবে, কোন অক্ষর সেটা। উদ্ভাবয়িতা বিবেচনা করেন যে, পদ্ধতি অপেক্ষাকৃত জটিল হইলেও, কালে অক্ষরণ এই উপায়ে ছাপা বই প্রভৃতি পড়িতে পারিবে।

### ভাঁজ করা দ্বিচক্রযান ও নৌকা

এক জন ফরাসী বৈজ্ঞানিক শিল্পী এক জনের উপযোগী একখানি ডোঙ্গা নির্মাণ করিয়াছেন। উহা জলে ডুবিবে না। এই নৌকাকে ভাঁজ করিয়া দ্বিচক্রযানের সহিত সংলগ্ন করিয়া ইচ্ছামত স্থানে লইয়া যাওয়া যায়। জলজমণকালে নৌকাখানিকে অল্পসময়ের মধ্যেই ব্যবহারোপযোগী করিয়া লইতে পারা চলে। নৌকাতে ফাঁপা নল এমনভাবে সন্নিবিষ্ট যে, উহা বায়ুপূর্ণ করিয়া লওয়া যায়। সুতরাং নৌকা জলে ডুবিবে না। ঐ বৈজ্ঞানিক শিল্পী একটি ভাঁজ করা দ্বিচক্রযানও নির্মাণ করিয়াছেন। এই দুইটি



ভাঁজ করা ডোঙ্গা ও দ্বিচক্রবান

পদার্থের সাহায্যে জলে ও স্থলে উক্ত বৈজ্ঞানিক ভ্রমণ করিতে পাবেন।

একটা গুঁড়ির কোঠিবে আবিষ্কার করিয়াছেন। ঐ গুঁড়িটি ৩ হাজার বৎসরের পুরাতন। কোঠিবে বাস ২৪ ফুট। ঐ কোঠিবে একটি অথ ও একটি যণ্ডকে অনায়াসে রাখা যায়।


তিন হাজার বছরের পুরাতন গুঁড়ির

মধ্যস্থ আস্তাবল

ক্যালিফোর্নিয়ার এক জন ক্ষেত্রপতি একটা প্রকৃতি-জাত আস্তাবল

মুদ্রাধার-সংলগ্ন ক্ষুদ্র ক্যামেরা

মুদ্রাধারের সহিত ক্ষুদ্র ক্যামেরাষয় এমনভাবে সন্নিবিষ্ট করিবার



৩ হাজার বৎসরের পুরাতন গুঁড়ির অভ্যন্তরস্থ কোঠির

মুদ্রাধার-সংলগ্ন ক্ষুদ্র ক্যামেরা



বাবু হইয়াছে যে. গোপনে উহার সাহায্যে ছবি তোলা খুবই সহজ। ছবি দেখিলে ক্যামেরার অবস্থান বুঝিতে পারা যাইবে।

ট্যাক প্রতি মিনিটে এক মাইল পথ অতিক্রম করিয়া থাকে। এই ট্যাকের চাকাগুলি রবারনির্মিত।

### অপূর্ব জলযান

ক্যালিফোর্নিয়ার অন্তর্গত স্যানবার্বেলের রবার্ট সিম্পসন নামক এক ব্যক্তি একখানা পরিত্যক্ত বিচক্রযান ও ৮০ সেন্ট মুদ্রা বায়ে এক অপূর্ব




অপূর্ব জলযান

জলযান নির্মাণ করিয়াছেন। ছবি দেখিলেই বুঝা যাইবে, এই জলযানের আকার কিরূপ। তিনি উক্ত জলযান লইয়া সমুদ্রে ভাসিয়াছিলেন। যদি দৈবাৎ ঝড় ও সমুদ্রতরঙ্গে উক্ত জলযান নিমগ্ন হয়, এজন্ম সম্মুখে একটা জীবনরক্ষক যন্ত্রও ঝুলাইয়া রাখিয়াছেন।

### নূতন সামরিক ট্যাক

আমেরিকার ফোর্ট বেননিংএ পদাতিক সৈন্যদের জন্য নূতন ধরণের সামরিক ট্যাক গাড়ী নির্মিত হইয়াছে। অতি বন্ধুর পথেও এই



নূতন সামরিক ট্যাক

### বৈদ্যুতিক ষ্টেথস্কোপ

বৈদ্যুতিক ষ্টেথস্কোপের সাহায্যে চিকিৎসকগণ অতি সহজে ফুসফুস ও হৃদযন্ত্রের পীড়া নির্দেশ করিতে পারেন। বৈদ্যুতিক



বৈদ্যুতিক ষ্টেথস্কোপ

ষ্টেথস্কোপে হৃৎস্পন্দন ও বুকের অজ্ঞাত শব্দ বেশ সুস্পষ্টভাবে অনুভব করা যায়। এই নবোদ্ভাবিত ষ্টেথস্কোপ সাহায্যে দুই জন চিকিৎসক এক সঙ্গে হৃৎস্পন্দন উন্মিত্তে পাইবেন।

### বধিরের জন্য টেলিফোন যন্ত্র

যাঁগারা কাণে কম শোনেন, তাঁগাদের জন্য নূতন ধরণের টেলিফোন




বধিরের জন্য নূতন টেলিফোন যন্ত্র

যন্ত্র নির্মিত হইয়াছে। যন্ত্রগুলি একটা ছোট বোতাম খুঁটিলে ইচ্ছামত শব্দের গতি বন্ধিত করিতে পারা যায়। যাঁহারা জন্মবদির, অবশ্য তাঁহাদের ইহাতে কোনও উপকার হইবে না, কিন্তু যাঁহারা কাণে কম শোনে, তাঁহাদের পক্ষে টেলিফোনযন্ত্রে কথোপকথনের সুবিধা ইহাতে হইবে।

চুরুটের আধার নির্মাণ করিয়াছেন। প্রত্যেকটিতে বিভিন্ন প্রকার গাশ্বোদীপক মুখের ছবি আছে। বহু পর্য্যটক এই আধার সংগ্রহ করিয়া আনেন, ইহাতে শিল্পী বেশ উপাঞ্জন করিয়া থাকে।

### জুতার আকারবিশিষ্ট রেস্টোরাঁ

উটার অগডেন অঞ্চলে রাজপথের ধারে এর আকারবিশিষ্ট একটি পাশুশালা নির্মিত হইয়াছে। ভ্রমণকারীরা এই বিচিত্র দর্শন পাশুশালা দেখিয়া তথায় গিয়া পান-ভোজন ও বিশ্রাম করিয়া থাকেন। এই পাশুশালাটি



জুতার আকারবিশিষ্ট পাশুশালা

কংক্রিট-করা অট্টালিকা - তবে উহার আকার ঠিক তার জায়।

### একশৃঙ্গবিশিষ্ট যগু



একশৃঙ্গ-বিশিষ্ট যগু

### নারিকেল-মালারচিত চুরুটের আধার

শনগুলির জটনৈক শিল্পী নারিকেল-মালা হইতে বিভিন্ন আকারের


ডাঃ ডবলু, এক ডোভ মেইন বিশ্ববিদ্যালয়ের প্রাণিবিদ। একটি নবজাত যগুর মস্তক হইতে তিনি ছুটি কচি শৃঙ্গ অন্তোপচার করিয়া অপসৃত করেন। বয়োবৃদ্ধির সঙ্গে উহারা শৃঙ্গে পরিণত হইত। উক্ত দুইটি কচি শৃঙ্গবৎ দ্রব্য তিনি যগুশিশুর ললাটে সন্নিবিষ্ট করিয়া দেন। তাহার ফলে একটি বৃহৎ শৃঙ্গ উহার ললাটেদেগে বন্ধিত হইতে থাকে। এখন যগুটির বয়স তিন বৎসর। উহাকে দেখিতে পৌরাণিক একশৃঙ্গ যগুর জায়।



নারিকেল-মালার চুরুটের আধার

### উভচর যান

এই উভচর যান শৃঙ্গে ও জলে সমানভাবে চলিতে পারে। ইহার ওজন ২ শত ৬১ মণ। ইহাতে ১৫ জন যাত্রী ও ৩ জন নাবিক থাকিবার স্থান আছে। এই উভচর-যান যণ্টায় ১ শত ৯৮ মাইল পথ অতিক্রম করিয়া থাকে। দক্ষিণ-আমেরিকায় এই জাতীয় যান বাণিজ্যসম্ভার



উভচর যান

লটয়া নৌ ছই  
পতায়াত করিতে  
থাকিবে। তুইটি  
মোটর-এঞ্জিন  
ইত্যাতে সংলগ্ন  
আছে।


## পাদহীন চেয়ার

বাজারে পাদহীন একপ্রকার চেয়ার বাহির হইয়াছে। উত্যাতে  
বসা চলে এবং হেলান দেওয়াও সম্ভবপর। এই আসনে  
বসিয়া থাকিলে বহন করিয়া লওয়াও চলে। এই চেয়ার  
গুটাইয়া রাখা যায়। ছবি দেখিলেই বুঝিতে পারা যাইবে।  
সমুদ্র-সৈকতে উপবেশনের পক্ষে ইতা বিশেষ উপযোগী।



পাদহীন চেয়ার





মাসের পয়লা তারিখ। নীহার স্বামীর মাহিনার টাকা আলমারীতে তুলিতে গেল। গণিয়া দেখিল, একখানা নোট কম। দেখিতে দেখিতে তাহার মুখ কাল-বৈশাখীর মেঘে যেন অন্ধকার হইয়া উঠিল। তীক্ষ্ণনেত্রে স্বামীর পানে চাহিয়া বিরক্তিপূর্ণ কণ্ঠে কহিল, “একখানা নোট কম হুছে কেন?”

অনাদি গুছান আলনাটা ওলট-পালট করিতে করিতে উত্তর দিলেন,—“অ্যা—! অ্যা—!”

নীহারের ক্রোধ বাড়িয়া গেল। বর্শার চকচকে ফলার মত দুই চোখের দৃষ্টি কঠিন ও দীপ্ত হইয়া উঠিল। তীব্র স্বরে সে কহিল,—“ওখানে ঘাঁট্ছ কি? হারিয়েছে বলতে চাও না কি?”

অনাদি মাথা চুলকাইতে আরম্ভ করিলেন। আমতা আমতা করিয়া কহিলেন,—“দেখ, ঠিক তা নয়। কথাটা হুছে—”

—“কি কথাটা হুছে গুনি একবার।” ঝাঁঝের সহিত এইটুকু বলিয়া নীহার ফিরিয়া দাঁড়াইল। চোখের দৃষ্টিতে সে যেন আগুন ছড়াইতে চায়।

অনাদি বিপদ গণিলেন; বুঝিলেন, আর রক্ষা নাই। পত্নীর এই প্রচণ্ড মূর্ত্তি—ঝড়-ঝণা, রুষ্টি সবই ইহার মাঝে অবস্থান করিতেছে। এখনই রুদ্ধতাওবের শুরু হইবে। তাহার ফলাফল মনে হইতেই খার্ডকাশ যাত্রীর মত, পরস্পরকে দলিত-পিষ্ট করিয়া রকমারি বিপত্তিগুলা মুহূর্ত্তে একমুহূর্ত্তে অনাদির চোখের সম্মুখে ভাসিয়া উঠিল। ঘুম ভাঙিয়া সকালের চা হইতে অফিসের ভাত-কাপড়, জামা, পাণ কত কি। অনাদি ব্যাকুল হইয়া উঠিলেন। এখন উপায়?

একটু কাসিয়া অনাদি কহিলেন,—“মানুষের ভাগ্য বঁলে একটা ঈনিষ আছে, স্বীকার কর ত?” কথাটা

শেষ হইতে পাইল না। কড়াং করিয়া আলমারী চাবিবন্ধ করিয়া নীহার ফিরিয়া দাঁড়াইল; তপ্তকণ্ঠে কহিল,—“আর গুনতে কিছু চাই না।”

অনাদি ভীত হইয়া পড়িলেন। দ্বিরিতকণ্ঠে কহিলেন, “না গো না। তোমার সঙ্গে আর পারি না বাপু।”

দরজার নিকট হইতে পত্নী কহিল, “আর পারতেও হবে না, সেই ব্যবস্থাই এবার হবে।”

মিনতিভরা কণ্ঠে অনাদি কহিলেন, “একটা শুভ কায়ে”—কথাটা অনাদি শেষ করিলেন না, কণ্ঠস্বর ভারি হইয়া আসিল।

নীহার দরজার নিকট হইতে গৃহের ভিতর ফিরিয়া আসিল। প্রচণ্ড ক্রোধে মানুষ মত উদ্দীপ্ত হইয়াই উঠুক, একান্ত নিকটতমের ক্ষুর কণ্ঠের ব্যাকুলতা অন্তরকে চকিতে বিচলিত করিয়া তুলে, অজ্ঞাত কোণ হইতে ক্ষমা কুণ্ঠিত-মুখে চাহিয়া দেখে।

স্বামীর নিকট সরিয়া আসিয়া নীহার কহিল,—“সত্য ক’রে বল, টাকা কি কল্পে? জান, আমি কত ক’রে চালাই!” তাহার স্বরে উত্তাপের পরিবর্তে ফুটিয়া উঠিল—ক্ষোভ।

অনাদি কহিলেন,—“সব বুঝি; তবু মন মানে না। আজ অফিসের বড় সাহেব—” অনাদি থামিলেন।

অপ্রসন্ন মুখে নীহার কহিল,—“বড় সাহেব কি হয়েছে?”

খোলা জানালার দিকে চাহিয়া অনাদি কহিলেন,—“মানুষের অদৃষ্ট সম্বন্ধে অনেক কথা, তাই”—অনাদি আবার ঢোক গিলিয়া চূপ করিলেন। একটা কঠিন অপরাধের কণ্ঠের বিচার যেন তাঁহার হইতেছে, এমনই করিয়াই তিনি মাথাটাকে অবনত করিলেন। নীহারেরই বা দোষ কি? সে বেচারী কত করিয়া এই সামান্য আয়েতে সংসারটাকে চালায়। তাহা হইতে এতটুকু



অপচয় সে কেমন করিয়া সহিবে? অনাদি স্ত্রীর উপরও রাগ করিতে পারিলেন না, অথচ এক দিন এই অনাদি দত্তর—। না, যাক্ সে কথা। সে দুঃখ-স্মৃতি আর কেন স্মরণ করা? অনাদি মেঝের দিকে চাহিয়া রহিলেন।

স্বামীর অবনত মুখ, শ্রান মূর্তির দিকে ক্ষণকাল চাহিয়া নীহার গভীর কণ্ঠে কহিল, “ডাক্তার টিকেট কিনেছ বুঝি—? বুঝেছি, কিন্তু কার নামে কিনলে? কার অদৃষ্টের উপর আস্তা এত বেশী হ’ল?”

স্ত্রীর মুখের উপর বিষম হুই চোখের দৃষ্টি তুলিয়া অনাদি কহিলেন, “খুকীর—”

সর্বোত্তম বিশ্বকে নিরীক্ষণ করার মত নীহার ক্ষণকাল স্বামীর মুখের দিকে চাহিয়া রহিল। শেষে কহিল,— “অমলির নামে—? আর কি জগতে লোক পেলে না? ওর চেয়ে যে রাস্তার মুঠের নামে কেনা ছিল ভাল।”

প্রচণ্ড দুঃখের অসহনীয় বেদনা মানুষের মুখ দিয়া যে বিষ উদ্ভিন্ন করে, তাহার জ্বালা জড়াইয়া ধরে নিজেরই সারা অঙ্গে। আকস্মিক, অপ্রত্যাশিত ভাবে নীহারের মুখ দিয়া সম্মানের উপর যে অবজ্ঞা করিয়া পড়িল, তাহারই আঘাত বাজিল নীহারের নিজের বুকে। হুই চোখে অশ্রু ভরিয়া আসিল। জাঁচলে চোখ মুছিয়া সে কার্যাস্তরে চলিয়া গেল।

অমলা ছিল বাপ-মায়ের প্রথম সম্মান। তাহার প্রথম আগমনে ক্ষুদ্র গৃহে আনন্দের বান ডাকিয়াছিল। সে কুড়ি বছর আগেকার কথা।

অমলার পিতামহী পাঁচ জনকে ডাকিয়া কহিয়াছিলেন, “মেয়ে নয়, ও আমাদের সাত বেটা! বোঁমার পেটে এসে অবধি সংসার আমার উথলে উঠেছে।”

কথাটার অতিরঞ্জনের দোষ ছিল না। অভয়চরণ শেয়ার মার্কেটে তখন খুলা-মুঠা ধরিয়া কড়ি-মুঠা করিতেছিলেন।

অন্নপ্রাশনে অভয় দত্ত অনেক ষটা করিলেন। এই পৌত্রীর কল্যাণেই সে তাঁহার যাহা কিছু উপার্জন। ভগবান্ যখন যাহাকে দেন, তখন সব দিকেই তাহাকে ভান করিয়া দিয়া থাকেন। বিধাতা অমলার দেহে রূপ দিতেও রূপণতা করেন নাই। সর্বোপরি ছিল তাহার চোখ দুটি, অনাদি গর্ভিত কণ্ঠে কহিতেন,—“তোমরা

কাব্যেই উপমা পড়,—পদ্মপলাশনেত্র। আমার খুকী মণির চোখ দুটা দেখ, সে জিনিষটি কি?”

হাসিয়া অনাদির মা উত্তর দিতেন, “হবে না, ও যে সাফাৎ লক্ষী এসেছে।” অভয় দত্তের তখন প্রাসাদ নির্মাণের মনোমত জমী ক্রয় করা হইয়া গিয়াছে।

জ্যোতিষীরা কোলী বিচার করিয়া পুনর্কিত-কণ্ঠে জানাইল, “এই রকম অপূর্ণ গ্রহচক্রের সমাবেশ যাহার জন্মকুণ্ডলীতে দেখা যায়, সে কণ্ঠা পিতৃ-গৃহের বিশেষ শুভকারিণী হয় বলিয়া জ্যোতিষশাস্ত্র নির্দেশ করিতেছে। এই কণ্ঠা ভূমিষ্ঠ হইবার সঙ্গে সঙ্গে পিতৃগৃহে ঐশ্বর্য্য-সম্পদ সৌভাগ্য দেখা দিবে। তবে আয়ু—তা ওটা কন্মের দ্বারাই ক্ষয় বৃদ্ধি উভয়ই ষটিয়া থাকে।”

অনাদির মুখ উজ্জ্বল হইয়া উঠিল। পিতাকে তিনি কণ্ঠার কোলী বিচার দেখাইলেন। অভয়চরণ হাসিয়া কহিলেন, “যা প্রত্যক্ষ দেখছি, তা লেখার মধ্যে দেখবার আবশ্যিক কি?”

অমলার বয়স সাত বছর। গৃহ-প্রবেশ হইবে, অভয় দত্ত পৌত্রীকে কোলে লইয়া প্রাসাদে পদার্পণ করিলেন। লক্ষীর সম্মান যে সকলের আগে।

তবে আবহমান কাল হইতে একটা কথা চলিয়া আসিতেছে;—চিরদিন কাহারও সমান যায় না। তাহারই সত্যতা প্রমাণ করিতে অকস্মাৎ অনাদির সংসারের ঢাকা বিপরীত দিকে ঘুরিয়া গেল। পাটের ব্যবসায় হঠাৎ অভয় দত্ত এমন একটা দা খাইলেন— যাহাতে তাঁহার নূতন প্রাসাদের বনেদ অবধি কাঁপিয়া উঠিল। অভয় দত্ত কিন্তু ভয় পাইলেন না। দ্বিগুণ তুলিয়া লইবেন বলিয়া শেয়ার মার্কেটে ভেমনই পড়িয়া রহিলেন। চোখ বুজিয়া ধরিলেন কোম্পানীর কাগজ। ‘কপালে পুরুষ’ বলিয়া নিজের অদৃষ্টকে তাঁহার ভয়ানক বিশ্বাস ছিল; কিন্তু সৌভাগ্যের মত ছুঁতগ্যও আসে দশ দিক হইতে ছুটিয়া, কাগজের বাজার মন্দা পড়িল, এখানেও অনেকখানি লোকসান। অভয়চরণ লোকটা যেন দ্বিগুণ হইয়া উঠিলেন। মজিলেন রেসের নেশায়। যে হাত দিয়া এক দিন তিনি সম্মান, সম্পদ, বৈভবকে বরণ করিয়া গৃহে আনিয়াছিলেন, সেই ছইখানি করের দশটি আঙ্গুল দিয়াই একে একে তিনি সকলকে বিদায় দিতে লাগিলেন।

হুদিন বা সূদিনের দোহাই দিয়া সময় ত এক মুহূর্ত দাঁড়াইয়া থাকে না। দেখিতে দেখিতে অমলা পনেরর কোঠার পা দিল। বিবাহ তাহার দিতে হইবে। কিন্তু কি দিয়া অনাদি তাহা সম্পন্ন করিবেন? অনাদি বিভ্রান্ত হইয়া পড়িলেন। এমনই সময়ে অনাদির গর্ভধারিণী করিলেন পরলোকযাত্রা, অত সাধের পৌত্রীর বিবাহ অবধি তিনি দেখিয়া যাইতে পারিলেন না! ইহার জন্ত অনাদি কিন্তু ক্ষোভ বা আক্ষেপ করিতে পারিলেন না। কি জানি, দু'টা দিন আর বেশী বাঁচিয়া থাকিয়া গেলে মাকে যদি অল্প কিছু হুঃসহ দেখিতে হয়?

তা' অনাদিকে মেয়ের বিবাহ লইয়া বিস্তর হুঃখ বা অনেক ক্লেশ পাইতে হইল না। অমলার অভুলনীয় রূপ, কমনীয় মূর্তি বিবাহটাকে সহজ করিয়া দিল। মনোনীত পাত্রেরই অনাদি কন্যাদান করিলেন,—ধনীর একমাত্র পুত্র! রূপে-গুণেও যথেষ্ট খ্যাতি আছে।

গোটাকয়েক বছর পরে অনাদিদের নিরানন্দ গৃহে উৎসবের জোয়ার বহিল। গ্রীষ্মের গুমটভরা রাত্রি শেষ করিয়া ভোরের স্নিগ্ধ বাতাস যেন মধুর পরশ দিয়া সকল হুঃখ মুছিয়া দিল। কিন্তু সন্মুখে জাগিয়া আছে জৈষ্ঠের উত্তপ্ত মধ্যাহ্ন।

আকস্মিকভাবে অভয়চরণকে ধরিল বেরি-বেরি রোগে। মৃত্যু সব সময়ে অকল্যাণের রূপে আসে না। পূর্ণচ্ছেদ-মূর্তিতে নিশ্চিততার আরাম, যন্ত্রণার শেষে গৃহদ্বারে আসিয়া দাঁড়ায়। দুর্ভোগের হাত হইতে নিষ্কৃতি দিতেই বেরি-বেরি রোগের মধ্য দিয়া মরণ তাহার শমন অভয় দত্তর উপর জারি করিয়া দিলেন। তাই এখানকার চারিপাশের মর্টগেজ, নালিশ, ডিক্রি ইত্যাদি রকমারি বিপদের ফেঁকড়া-গুলাকে ফাঁকি দিয়া অভয় দত্ত মাগুঘের ক্ষমতার বহির্ভূত উর্ক আদালতের কাঠ-ঘেরায় হাজিরা দিতে ব্যস্ত-সমস্ত হইয়া চলিয়া গেলেন। কিন্তু পিতামহের বেরি-বেরি রোগটা আসিয়া ধরিল,—আদরের পৌত্রীকে।

মৃত্যুর সহিত একটা তুমুল দ্বন্দ্ব আরম্ভ হইল। অনাদি, নীহার বেন উন্মত্ত হইয়া উঠিলেন। কেমন করিয়া মেয়ে রক্ষা পাইবে, ইহাই হইল তাঁহাদের একমাত্র চিন্তা। মৃত্যুর সব অলি-গলি বন্ধ করিতে চিকিৎসা, দৈব আরাধনা, শান্তি-যন্ত্যান্ন কিছুই বাকী পড়িল না। দেবদেবীর ছয়ারে

রকমফের মানত করিয়া নীহার অহুঙ্কণ মনে মনে কহিত, “ঠাকুর, আর কিছু চাই না! চাই শুধু অমলার আয়ু। একে আমার কোল-ছাড়া ক'র না।”

একান্ত প্রার্থনা নিষ্ফল হয় না। দেবতা কথা গুনিলেন, অমলা ধীরে ধীরে রক্ষা পাইল। কিন্তু যে ছরস্ত তাহাকে লইতে আসিয়াছিল, সে যেন শূণ্য হাতে ফিরিবে না, এই ছিল তাহার কঠোর সঙ্কল্প। অমোঘ প্রতিজ্ঞা,—জীবনের বিনিময়ে তেমনই বৃষ্টি বা ততোধিক মূল্যবান কিছু লইবেই সে। লইয়া গেলও তাহা। অমলার শোভন-সুন্দর পদ্ম-পলাশ নেত্র দু'টি হঠল—দৃষ্টিহার।

\* \* \* \* \*  
অন্ধ বধু। শূণ্য-শাশুড়ী আগুন হইয়া উঠিলেন। পাঁচটা নয়, সাতটা নয়, ঘরে মাত্র একটা বৌ। সে কি না কাণা? ছি, ছি, অন্ধ লইয়া ঘর করা সম্ভব নয়। একটা ত সুখ আনন্দ আছে!

মিনতি, বুকফাটা ক্রন্দন সব নিষ্ফল। পাথরে বীজ নিক্ষেপ করিলে তাহা ব্যর্থ হয়।

নীহার কাঁদিয়া ফেলিল, “ঠাকুর, এ কি কঠোর শাস্তি অমলিকে দিলে, দেবতা? কেন তাকে তুমি বাঁচালে?” নীহার চমকিয়া উঠিল। মাতৃপ্রাণের একান্ত ব্যাকুলতাই যে রক্ষাকবচের মত মৃত্যুর হাত হইতে সন্তানকে রক্ষা করিয়াছে! এমনই দুর্ভাগ্যের হাত হইতে মুক্তি দিতেই যে দেবতা তাহাকে কাছে টানিয়া লইতেছিলেন।

অনাদি পত্নীকে একান্তে ডাকিয়া বিষয়কর্থে কহিলেন, “যা হবার, তা হয়ে গেল। খুকুর সামনে এ বিষয় নিয়ে তুমি কিছু আলোচনা ক'র না।”

নীহার ব্যাকুল দৃষ্টিতে একবার স্বামীর মুখের পানে চাহিয়া কহিল,—“বেহাই কি বললে? তুমি ত অনেক ক'রে—” কথাটা নীহার শেষ করিতে পারিল না। একটা দুর্নিবার আতঙ্ক তাহার কণ্ঠ রোধ করিল।

ঈষৎ তাপের সহিত অনাদি কহিলেন, “যা বলবার সবই বলেছিলুম। কিন্তু ভবী—ভোলবার নয়।” অল্পস্ত অঙ্গারের মত অনাদির ভিতরটা তখন পুড়িতেছিল।

ভীতকণ্ঠে নীহার কহিল,—“কি উত্তর দিলে?” উদ্ভরটা অবশ্য নীহার অনেকবার গুনিয়াছিল। তথাপি স্বেছাম্পদের কঠিন অমঙ্গল অন্তর যে সহজে বিশ্বাস করিতে চাহে না।

ঘৃণার সহিত ওষ্ঠ-বিকৃতি করিয়া অনাদি কহিলেন,  
“ছেলের বিয়ে দেবে। কাণা বৌ তারা নেবে না।”

বিমানচারী পক্ষী বাণবিদ্ধ হইলে আগে লুটাইয়া  
পড়ে ধরণীর বুকে। প্রাণীর সকল বিপদ দুঃখ আর্ন্ততার  
একমাত্র আশ্রয় ধরিত্রীর বুক। নীহার মেঝের উপর  
বসিয়া পড়িল। আর্ন্তকণ্ঠে কহিল,—“ওগো, মেয়ের বাপ  
হ’লে সব সহিতে হয়; সব করতে হয়। একবার কেন  
খণ্ডের মিনের কাছে হাত জোড় ক’রে—”

পত্নীকে বাধা দিয়া উগ্রকণ্ঠে অনাদি কহিলেন, “দেখ,  
তুমি আমায় কিছু শেখাতে এস না। আমি সব জানি;  
মেয়ে তোমার একলার নয়; আমার বুকেও ঠিক  
তোমারই মত বাজে। আমি পাষণ নই!”

তথাপি নীহার কহিল, “তবু কাকুতি-মিনতিতে অনেক  
সময়ে—”

নৈরাশ্রের কঠোর পীড়ন মানুষকে অকারণ ক্লম্ব করিয়া  
তোলে। উত্তাপের সহিত অনাদি কহিলেন, “ছাই হয়,  
নীহার, ছাই হয়। আমি আর লক্ষপতির ছেলে অনাদি  
দস্ত নই। এখন মার্কেট অফিসের কেরাণী অনাদি দস্ত।  
আমার কথা তারা রাখবে কেন? তারা হ’ল বড়লোক!”

নিমজ্জিতের বাঁচিবার শেষ প্রয়াসটুকু করার মত  
আকুল হইয়া নীহার চাহিল। আর্ন্তকণ্ঠে কহিল,—  
“জামাই স্ত্রীবোধ, তাকে একবার—”

অত্যন্ত ব্যথার স্থানে আঘাত পাইলে মানুষ যেমন  
মোরিয়ার মত একবার ক্লম্বিয়া উঠে, তেমনই করিয়া  
উগ্রকণ্ঠে অনাদি কহিলেন, “নীহার, তুমি কি পাগল হ’লে?  
বাপ-মায়ের সে অবাধ্য হবে কেমন ক’রে? তা আবার  
একটা গরীবের মেয়ের জন্ত! জান, আমি সেই চামারের  
পায়ে ধরেছিলুম!”—

\* \* \* \*

দিন কাটে বলিয়াই অমলার দিন কাটিয়া যাইত।  
দৃষ্টিহীন হইলেও রোগমুক্তির পর শক্তি-সামর্থ্য ধীরে ধীরে  
দেখা দিল।

অমলা ঐশ্বর্য ও-শ্বর্য করে। মায়ের হাতের কাষ-  
কর্ণের দোসর হইবার জন্ত বুরিয়া বেড়ায়। ছোট ছোট  
ডাই-বোনদের পড়ার কাছে নিঃশব্দে বসিয়া সে তাহাদের  
পড়া শুনিতে শুনিতে তন্দর হইয়া পড়ে।

এক দিন মিন্টু কহিল, “বড়দি, এই ছবিখানা দেখ!  
এ মাসের মাসিক বসুমতীতে বার হয়েছে।”

অমলা ছিল বসুমতীর গ্রাহিকা এক দিন। কিন্তু  
এখন? অনাদি সেই অমলার নামই গ্রাহিকা-শ্রেণীভুক্ত  
রাখিয়াছে।

রবি সেকেণ্ড ক্লাশে পড়িত,—সে সহোদরকে বকিয়া  
উঠিল, “মিন্টু, মার খাবি, সবতে তোর চালাকি—”

পড়ার ক্ষেত্রে যুদ্ধের উত্তেজনা জাগিয়া উঠিল। অমলা  
স্নেহকণ্ঠে সকলকে নিবৃত্ত করিল। রবিকে শাস্ত করিবার  
জন্ত মিন্টুর দোষ ক্ষালন করিয়া কহিল, “ওর দোষ নেই,  
রবি। হেলেমানুষ, অত কি মনে থাকে?”

শান্তি প্রতিষ্ঠিত হইয়া পড়া-শুনা পূর্ণ উজ্জমে চলিতে  
লাগিল। মানুষ স্থির হইয়া কতক্ষণ বসিয়া থাকিতে  
পারে? অমলা একখানা মোটা বই লইয়া আপন  
মনে পাতা উন্টাইতে লাগিল। রবি হঠাৎ বলিয়া ফেলিল,  
“বেঙ্গলী সিলেকসনে যে কবিতাগুলো দিয়েছে, গান্ধারীর  
আবেদনটা ভারী চমৎকার লাগে। পড়েছ বড়-দি?”

তরু জু কুচকাইয়া রুষ্টকণ্ঠে কহিল, “নিজের বেলা  
বুঝি দোষ নেই?”

লজ্জায় অপ্রতিভ রবির মুখ কালো হইয়া গেল।  
তাড়াতাড়ি সে কহিল,—“না, না! বলছি, বড়দি শুনবে  
তুমি? পড়ব কবিতাটা?”

এমনই করিয়াই কনিষ্ঠদের সদা সতর্ক স্নেহ-ভালবাসার  
মাঝে যে বেদনাটা রহিয়া রহিয়া জাগিয়া উঠে, সেইটাই  
আবার শীতল হইয়া দুঃখের মাঝে সুখের অল্পভূতি একটুখানি  
দেয়! যেন বর্ষার মেঘাচ্ছন্ন আকাশের ফাটল দিয়া  
রৌদ্রের এতটুকু চিকিমিকি প্রকাশের মত!

সে দিন ভাই-বোনরা ঘিরিয়া ধরিল অমলাকে।

“বড়দি, বাবা তোমার নামে ডাক্তার টিকিট  
কিনেছেন—”

মিন্টু সহোদরার গলা জড়াইয়া কহিল,—“বড়দি,  
তোমার নাম উঠলে আমায় কি দেবে?”

অমলা স্নেহ হাশ্ব কহিল,—“একটা মত্ত বড় বোড়া  
কিনে দেব।”

তরু কহিল,—“বোড়া নয়। মোটরকার। মা বলে,  
বোড়াতেই আমাদের সর্বনাশ হয়েছে।”

কথাটার মর্ম অমলা বুঝিল; জীবৎ বেদনাও অন্তর্ভব করিল। কহিল,—“দূর, তা কি বলতে আছে?”

আপন কথাটাকে সত্য প্রতিপন্ন করিতে মানুষ সব চেয়ে ভালবাসে। বিধাহীন কণ্ঠে তরু কহিল,—“কেন, আমাদের ত বাড়ী ঘর সব গেছে ঐ ঘোড়ার পিছনে। মা বলে, দাদামণি যদি অমন ক’রে রেস না খেলত, তা হ’লে আমরা আজ এমন গরীব হতুম না।”

এমনই একটা আলোচনা এ গৃহে সর্বদাই চলিত। অমলা সবই জানিত। একটা তীব্র ক্ষুধতা, মর্মান্তিক ক্ষোভ এই আক্ষেপমালা রচনা করিত! ছুঃখের কত বড় উৎপীড়নে অজগরের বিযাক্ত নিশ্বাসের মত বর্ষণ করিত শুধু জ্বালা, তাহা অমলা বুঝিত, কিন্তু নিরুপায় সে! তথাপি কনিষ্ঠার কথাগুলি আজ কেমন গায়ে সহিল না! তাহার দৃষ্টিহীন নেত্রপথে দপ করিয়া ভাসিয়া উঠিল—পিতামহের সেই স্নেহমুষ্টি! অমলার সৌভাগ্য হুর্ভাগ্য যেন সেই অতীত লোকটির অতীতে গিয়া পড়িয়াছে।

ক্লিষ্টকণ্ঠে অমলা কহিল,—“তরু, ও-সব বলতে নেই। তিনি গুরুজন! মা লক্ষ্মী ওতে রাগ করেন।”

বাস্! এই শাসনটাই সব চেয়ে বড় শাসন! এই ক্ষুদ্র পরিবারের এর চেয়ে বড় দণ্ড আর কিছু নাই।

সকালবেলা ষ্ট্রেটস্ম্যান সংবাদপত্রখানা হাতে করিয়া, অনাদি ছোট ছেলের মত অধীরভাবে অন্তরের দিকে ছুটিয়া আসিলেন। অত্যন্ত ব্যস্ত হইয়া জোর-গলায় তিনি ডাকিলেন,—“ওগো, কোথা গেলে? আঃ, এমন সময়ে কলতলাতে—? খুকু-মা কোথা রে?”

ছেলেরা হৈ হৈ করিয়া হাঁকিতেছিল,—“বড়দি, বড়দি! হিপ হিপ হুরে! বড়দি, হিপ হিপ হুরে!”

নীহার কলধর হইতে বাহির হইয়া আর্জ-বস্টেই উপরে আসিল। কহিল,—“কি, বাড়ীতে ডাকাত পড়েছে না কি? এত হাঁকাহাঁকি কিসের?”

হর্ষভরা কণ্ঠে অনাদি কহিলেন, “কাগজখানা একবার নিঃস্বের চোখে দেখ!” বলিয়া পল্লীর দিকে সংবাদপত্রখানা বাড়াইয়া দিয়া কহিলেন, “কথায় বলে—আপন চোখে স্মরণ বর্ষে।”

নীহার জীবৎ ভৎসনার সুরে স্বামীকে কহিল,—“মিছে বাজে বকো না! কি যে বল?”

মিষ্টু মাকে জড়াইয়া কহিল, “আমার কিন্তু একটা ঘোড়া চাই, মা! ব’লে রাখছি। তখন ‘না’ বলতে পাবে না।”

রবি কহিল,—“না, না! মোটরগাড়ী, ড্রাইভার রাখতে হবে না, মা! আমি নিজেই ড্রাইভ করতে শিখে নেব।”

তরু কহিল, “লক্ষ্মীটি—মা, একটা লাউডস্পিকার কিনো। আর আমার একটা সিঙ্গার মেশিন—”

নীহার হাসিয়া কহিল, “সকালে তোদের মাথা খারাপ হ’ল না কি? কি, হয়েছে কি? আমার কি রাজস্ব এল এক্ষুণি—”

অনাদি হাসিতে হাসিতে কহিলেন, “এসেছে গো এসেছে! এখন খুকু কোণায় বল?”

“ঠাকুরঘরে পূজা কচ্ছে?”

“আচ্ছা, ঠাকুরকে এক টাকার কাঁচাগোলা দিও।”

আনন্দিত-মুখে নীহার কহিল,—“কি খবরটা শুনি আগে?”

অনাদি হাসিয়া কহিলেন, “খুকুর ঘোড়ার নাম উঠেছে। দেখলে ত আমি চিরকাল জানি, ও আমার পয়মস্ত মেয়ে।”

গর্বে অনাদির মুখ উজ্জ্বল হইয়া উঠিল। উচ্চকণ্ঠে হাঁকিলেন, “খুকু কোথা রে?”

একগাল হাসিতে গিয়া নীহারের চোখ দিয়া অশ্রু গড়াইয়া পড়িল, কহিল, “আহা! আজ যদি বাবা থাকতেন!”

পরিপূর্ণ স্মৃতির মাঝে ছুঃখের দিনটা উজ্জ্বল হইয়া উঠে। ব্যথা লইয়া যে চলিয়া যায়, সবার আগে মনে পড়ে তাহার কথা। ক্ষুর কণ্ঠে অনাদি কহিলেন, “বাবার রোগটা শেষকালে একরকম ঘোড়া ঘোড়া করেই বেড়ে গিয়েছিল।”

একটা নিশ্বাস ফেলিয়া নীহার কহিল, “যাক, অমলুর উপর তাঁর আলীর্বাদ ছিল। অমলুকে তিনি বড় ভালবাসতেন।”

স্বামী ও স্ত্রী উভয়েরই দৃষ্টি বাষ্পাচ্ছন্ন হইয়া আসিল।



তরু চেঁচাইয়া উঠিল, “ঐ রে বড়দি আসছে !”

রবি হাততালি দিয়া লাফাইতে লাফাইতে কহিল, “বড়দি, তোমার ঘোড়ার নখর উঠেছে। এই দেখ, তোমার নখরের সঙ্গে নখর মিলে গেছে।”

অনাদি কহিলেন,—“কাগজখানা নিয়ে অফিসে যাই, সেখানেও হৈ হৈ হবে। বড় সাহেবের সঙ্গে দেখা করব। তিনি বলেছিলেন, দত্ত নিজের নামে কি ওয়াইফের নামে কিনলে না কেন? আমি বলেছিলুম, না সাহেব, এই মেয়ের আমার বড় পয় ছিল।”

\* \* \*

অফিস হইতে অনাদি ফিরিলেন। শরতের সোনালী আলোমাখা আকাশের মত মুখ তাঁহার উজ্জ্বল। ওঠে হাসি।

পত্নীকে ডাকিয়া কহিলেন, “একটা নতুন খবর শুনেছ?”

প্রফুল্ল মুখে নীহার কাছে আসিয়া দাঁড়াইল : কহিল,— “কি? সবাই ত খুব গোলমাল কচ্ছে?”

হাসিতে হাসিতে অনাদি উত্তর দিলেন, “তা আর বলতে, সারাদিন তারা আমায় কোন কাম কতে দেয় নি। বড় সাহেবের কাছে আজ অমলুর সব গল্প করলাম। তিনি শুনে বল্লেন, ভারি ‘লকি’ গার্ল। তার পর জীবন-কাহিনী শুনে বল্লেন, দত্ত, রোস এক কাম করি, তোমার মেয়ের স্বামীকে একটা খবর দিই। কথাটা এক নিমেষে অফিসে চাউর হয়ে গেল। কেসিয়ার বাবু বল্লেন,—আমি ত হরি মল্লিকের ভাড়াটে, একুনি খবর দেব। সুবোধ যে রিজার্ভ ব্যাঙ্কে কাযের জন্ত মুরুব্বী খুঁজছে। ওর এবারের খসুরও এক জন বড় উকীল। কিন্তু ওকালতিতে সুবোধের আস্থা নেই।”

রুদ্ধ নিশ্বাসে নীহার কহিল, “তার পর—”

অনাদি সহাস্র মুখে কহিলেন,—“কেমন প্ল্যান হচ্ছে বল দিকি?”

নিজের বুদ্ধির তারিফ গুনিতে সবাই ভালবাসে, অনাদি পত্নীর মুখের পানে চাহিলেন।

কপালে হাত দিয়া নীহার কহিল,—“সুবোধ আবার বিয়ে ক’লে? কিন্তু যাই হোক, মেয়ে আর আমি তাদের বাড়ী পাঠাব না।”

অনাদি কহিলেন,—“পাগল, আমিই বা তাতে মত দেব

কেন? তবে সুবোধ তখন ছোট ছিল। কলেজের ছেলে। ভালমন্দ বুঝবার অবকাশ কোথা?”

অমলা জানালার ধারে গরাদে মাথা হেলাইয়া বসিয়াছিল। এখন উঠিয়া দাঁড়াইতে পিতামাতার বিস্মিত দৃষ্টি একসঙ্গে তাহার মুখের উপর পড়িল।

মেয়ের মুখের দিক হইতে চোখ ফিরাইয়া নীহার স্বামীর চোখের দিকে চাহিল। অনাদি কহিলেন, “এই যে খুকু তুমি এখানে। আজ অফিসে যা হৈ হৈ! ভারী আমোদে সারাদিন আজ কেটেছে। হ্যাঁ, কেউ কেউ পরামর্শ দিচ্ছে—টিকিটখানা বেচে দাও। কেন না, ঘোড়া যদি না ওঠে।”

নীহার ব্যস্ত হইয়া উঠিল, “না না, ও-সব কথা শুন না, আমি বরাত পরীক্ষা করব। যদি অদৃষ্টে পাওনা থাকে—”

অনাদি কহিলেন,—“খুকু, তোমার কি কোন অসুখ কচ্ছে? মুখখানা কেমন দেখাচ্ছে যেন!”

কপালে হাত বুলাইয়া, দীপ্তিহীন হাসির রেখা ওঠে টানিয়া ঔদাত্ত সহকারে অমলা কহিল, “না, কিছু নয়, শরীরটা শুধু কেমন অবসন্ন বোধ হচ্ছে।”

\* \* \*

আজ কয়দিন হইল, অমলার কেমন হাঁপানির মত হইতেছিল। ডাক্তার আসিয়া বহুক্ষণ পরীক্ষা করিয়া মনুষ্য প্রকাশ করিলেন, বেরিবেরিতে দীর্ঘকাল ভুগিয়া থাকার দরুণ হৃদযন্ত্র দুর্বল আছে। বিশেষ বিশ্রাম—মানসিক শারীরিক উভয় প্রকার বিশ্রাম গ্রহণ করিলে এবং যথানিয়মে ইন্ডেক্সসন্ ও ঔষধ ব্যবহার করিলে কোন ভয় থাকিবে না।

অনাদি কহিলেন, “টাকাটা পেলেই খুকুকে নিয়ে পুরী চ’লে যাব।”

নীহারের মুখ হর্ষোৎফুল্ল হইয়া উঠিল। সাগ্রহে কহিল—“আহা, পুরীর কথা মনে হ’লে মনটা আমার নেচে উঠে। সেই শেষবার যখন বাবার সঙ্গে যাই, অমলুর বয়স তখন দশ না এগার বছর এমনি হবে।”

অনাদি কন্ঠার পানে দৃষ্টিপাত করিয়া সন্দেহকণ্ঠে কহিলেন—“হ্যারে খুকী, তোর পুরীর কথা মনে আছে, মা?”

একটু হাসিয়া অমলা কহিল, “আছে—কিন্তু—”

তাহার রাস্তা কণ্ঠস্বরে স্বামিনী উভয়েই চকিত হইলেন,  
—নীতের রৌদ্রোজ্জ্বল সকালে, আকস্মিক মেঘসঞ্চার হইলে  
যেমন সমস্ত প্রকৃতির রূপ পরিবর্তিত হয়, উভয়ের মুখ  
তেমনই স্তান হইল—গভীর অস্থিত্তিতে একসঙ্গেই দুই জনের  
মন যেন ব্যাকুল হইয়া পড়িল।

• কি যেন একটু বুঝিবার চেষ্টা করিয়াই অনাদি ঔদাস্ত  
সহকারে কহিলেন,—“থাক গে, পুরীর চেয়ে দিন কতক  
কোন পাহাড়ে যাব।”

অমলা কোন সাড়া দিল না। জানালার ধারে ইজি  
চেয়ারে সে শুইয়াছিল। ধীরে ধীরে তাহার নয়নযুগল  
নিম্নলিঙ হইল।

কন্টার ঘুম আসিতেছে অনুমান করিয়া পিতামাতা  
কক্ষ ত্যাগ করিলেন।

অমলা মূদিত-চোখে ভাবিতেছিল পুরীর কথা—সেই  
অশান্ত সমুদ্র-তরঙ্গ। শোভাসম্পদে ভরা সাগর-বক্ষ।  
মানসনেত্র ভাসিতেছিল একটি চঞ্চলা বালিকা, ক্ষিপ্ত  
গতিতে সমুদ্র-উপকূল হইতে ঝিনুক কুড়াইয়া আঁচলে  
ভরিতেছে, কখন নিবিষ্টমনে বসিয়া বালির পুতুল-মন্দির  
গড়িতেছে, আবার ভাঙ্গিয়া ফেলিতেছে।

পিতামহের স্নেহ তিরস্কার, না বাপু, আমি ছোট  
গিন্নীর সঙ্গে আর পারি না। বেলা গেল, চল বাড়ী যাই।  
সেই পরিচিত কণ্ঠস্বর, দীর্ঘকাল পরে অমলার মনে হইল।  
তাহার কাণের কাছে যেন বাজিয়া উঠিল। সত্যি তাহাকে  
যাইতে হইবে। আঃ, পিতামহ-পিতামহীর সেই স্নেহ-  
ক্রোড় কত দিন অমলা পায় নাই! বাল্যের মত অমলার  
আবার ইচ্ছা হইল, পিতামহের গলা জড়াইয়া ধরে।  
অমলার চোখের কোণ বহিয়া অশ্রুবিন্দু গড়াইয়া  
পড়িল, ‘হ্যা! হ্যা! পিতামহের গলা জড়াইয়া সে  
বলিবে,—দাহ! দাহ! তোমার ঘোড়ার দেনা আমি শুধে  
এলুম গো।’

একটা সুগভীর নিশ্বাস সারা চিত্ত মথিত করিয়া ফুলিয়া  
উঠিল। দুর্বল বৃকের মাঝে ব্যাধিগ্রস্ত হুংপিণ্ডটা একটু  
জোরে স্পন্দিত হইয়া যন্ত্রণায় পীড়া দিতে লাগিল। কিন্তু  
তখন অমলার কাণের কাছে কে যেন কত কথা কহিয়া  
চলিতে লাগিল। মানস দৃষ্টিতে ভাসিয়া উঠিল সেই সমুদ্র—  
সেই চাদের আলো! চাদ যেন সমুদ্রের বৃকে গলিয়া  
রূপার মত সৌন্দর্য্য ছড়াইতেছে!

বাহিরে শুধু অন্ধকার—নিবিড় কালো ছায়া। আজ  
অমলাই শুধু দৃষ্টিহারা! বিড়ম্বিত জীবনে সে ভোগ করিতেছে  
শুধু জ্বালা!

স্বামীর গৃহ মনে পড়িল। সে ত একটা মাসের  
সম্বন্ধ। রূপ দেখিয়াই তাহারা বরণ করিয়াছিল।  
রূপের প্রশংসাও উঠিয়াছিল সেখানে শতমুখে। এমন  
সুন্দর চোখ ইতিপূর্বে তাহারা না কি চোখেও দেখে নাই।  
নীলোৎপলনেত্র বধু যে লক্ষ্মী-স্বরূপিণী।

সুগভীর নিশ্বাস ফেলিয়া অমলা ভাবিল, তাহার পাশে  
আজ আর কেহ নাই। ভবিষ্যতেও সে একা। দেখিতে  
দেখিতে হুংপিণ্ডের যন্ত্রণাটা কঠিন মূর্তিতে অসহ বেদনায়  
অমলাকে অস্তির করিয়া তুলিল।

\* \* \* \*

সে দিন রক্ষমূর্তি অনাদি মূহুপদে কক্ষে প্রবেশ  
করিলেন। মুখের চেহারা তাহার স্তান! দৃষ্টিতে সুগভীর  
বিষমতা ফুটিয়া উঠিতেছে। আশ্বে আশ্বে তিনি গিয়া  
পত্নীর মাথার কাছে বসিলেন। বীরে ধীরে কহিলেন,  
“ঘোড়াটা সেকেণ্ড প্রাইজ পেয়েছে। অফিস হতে সাহেব  
এখন টেলিফোন করলেন!”

নীহার চাদর মুড়ি দিয়া ভূমিতে শুইয়াছিল। শিয়রে  
উপবিষ্ট স্বামীকে কহিল, “আর কেন? আর ও সব কথা  
তুল না। মা লক্ষ্মী তার শেষ দান দিয়ে চ’লে গেছে!  
অমলু—মা রে!—”

শ্রীমতী পুষ্পলতা দেবী।





## সীমান্তে মেলট্রেণ লুঠন

[ সত্য ঘটনা ]



ভারতের উত্তর-পশ্চিম সীমান্তের পুলিশ-ইন্স্পেক্টার বঞ্জিৎ সিং বলিতেছেন,—ওয়ালি খাঁ পার্শ্বত্যা পল্লীস্থিত বাসগৃহে বসিয়া চিন্তাকুল চিন্তে সেই পাহাড়ের পাদদেশে প্রসারিত সুবিস্তীর্ণ সমতল ভূখণ্ডের দিকে পুনঃ পুনঃ দৃষ্টি নিক্ষেপ করিতেছিল। সেই পাহাড়ের পাদদেশে সমতল ক্ষেত্রে যে সকল গ্রাম ছিল, তাহা লুঠ করিতে পাবিলে কিরূপ লাভের সম্ভাবনা ছিল—তাহাই সে চিন্তা করিতেছিল। সে জানিত, সেই সকল গ্রামে অনেক মুসলিম বণিকের বাস, তাহারা ধনবান, বহু অর্থের অধিকারী; একবার তাহাদের উপর চড়াও করিতে পারিলে বিপুল অর্থ হস্তগত হয়,— সে বিষয়ে তাহার সন্দেহ ছিল না; কিন্তু অশুভিধা এই যে, ঐ সকল গ্রাম বৃটিশ সীমান্ত অবস্থিত। পাহাড়ের কোন অধিবাসী সেই সকল গ্রামে প্রবেশ করিয়া বৃটিশ প্রচার সম্পত্তি লুঠন করিলে তাহার বিপদ অনিবাধ্য। কিন্তু লুঠনের লোভ সংবরণ করাও দুকহ। একবার চেষ্টা করিয়া দেখা মন্দ কি?

দীর্ঘকাল চিন্তার পর ওয়ালি খাঁ তাহার দুই পুত্র আমেদ খাঁ ও আলিকে, এবং দুই ভ্রাতৃপুত্র আবদুল্লা ও মীর আকবরকে ডাকিয়া তাহাদের সহিত পরামর্শ আরম্ভ করিল। ওয়ালি খাঁ উক্ত নিষিদ্ধ ভূখণ্ডের দিকে লুক্কানৈতে চাহিয়া, সমাগত যুবকগণকে বলিল, “সাহেবদের দেশ লুঠ করিবার জন্ত মমান্দরা প্রস্তুত হইয়াছে। তাহাদের মুন্সী কাল পুনর্বার আমার সঙ্গে দেখা করিয়াছিল। আমাদিগকে হয় তাহাদের দলে যোগদান করিতে হইবে না হয় নিজেদেরই মাথা খাইতে হইবে। আমাদের এখন টাকার দরকার, এতদ্বিন্ন, কয়েকটা রাইফেলও সংগ্রহ করিতে চাই। আমি মুন্সীকে জিজ্ঞাসা করিয়াছিলাম, রাইফেলগুলি কোন্ স্থান হইতে সংগৃহীত হইবে? আমার এই প্রশ্নের উত্তরে তিনি নীচের ঐ গ্রামগুলির দিকে অঙ্গুলি প্রসারিত করিয়াছিলেন।”

ওয়ালি খাঁ বলিতে লাগিল, “কিন্তু যদি আমরা ঐ সকল গ্রাম লুঠ করি, তাহা হইলে সাহেবরা অবিলম্বে এখানে আসিয়া পড়িয়া আমাদের ঘর বাড়ী পুড়াইয়া দিবে। এ অবস্থায় আমি বাহা প্রস্তাব করি, তাহা মন দিয়া শোন। আমরা এই অঞ্চল আক্রমণ না করিয়া নিঃশব্দে পেশোয়ার ও আটকের মধ্যবর্তী রেলপথের নিকট উপস্থিত হইব। সেই স্থানে বাইতে তিন দিন মাত্র সময় লাগিবে। আমরা সেই স্থানে গিয়া লুঠ করিব। তাহা হইলে সেই স্থানের অদূরে বাহাদের বাস—সেই জাকাখেলদের ঘাড়েই সকল দোষ পড়িবে; ইংবেজ সরকার আমাদিগকে সন্দেহ করিতে পারিবে না।”

দীর্ঘকাল তর্ক-বিতর্কের পর এই প্রস্তাবই গৃহীত হইল। স্থির হইল, দলের পাঁচ জনই পরদিন রাত্রিকালে গোপনে গৃহত্যাগ করিয়া তাহাদের রাজ্যসীমা অতিক্রম করিবে, এবং অল্প লোকের অলক্ষিতভাবে নির্দিষ্ট স্থানে উপস্থিত হইবে।

বগলাই রেল ষ্টেশনের ষ্টেশন-মাষ্টার চম্বলাল নৈশ মেল

ট্রেনের প্রতীক্ষায় ষ্টেশনে সমাগত আবোহিগণের মধ্যে ব্যস্তভাবে ঘুরিয়া বেড়াইতেছিলেন। এই ট্রেন প্রতাহ রাত্রি সাড়ে নয়টার সময় ডাক লইয়া পেশোয়ার হইতে বাওয়ালপিণ্ডিতে যাত্রা করিত। প্রত্যেক ষ্টেশনে দৈনিক যত টাকা সংগৃহীত হইত, সেই টাকা এই ট্রেনে বাওয়ালপিণ্ডির সদর আফিসে প্রেরিত হইত।

মেল ট্রেন ষ্টেশনের কিছু দূরে থাকিতে যাত্রীগণকে তাহাব আগমন-সংবাদ জানাইবার জন্ত একখণ্ড লোহার রেল ইম্পাত-নির্মিত একটি ঠুকনী দ্বারা আঘাত করা হইল। ঘটাপ্রকরণ দ্বারা এই সংবাদ বিধোষিত করা হয় না। এই সংবাদ শুনিয়া ট্রেনে আবোহিগ-সমুহ যাত্রীদের মধ্যে সোরগোল পড়িয়া গেল; বাহারা শয়ন করিয়া বা বসিয়া বিশ্রাম করিতেছিল, তাহারা লাফাইয়া উঠিল, এবং পরস্পর ঠেসাঠেলি করিতে করিতে ব্যস্তভাবে বোঁচকা-বাণ্ডুল ঘাড়ে লইয়া প্র্যাটফর্মে কিনারায় আসিল। ট্রেন আসিয়া প্র্যাটফর্মে থামিলে দরজা খুলিয়া তাড়াতাড়ি গাড়ীতে উঠিয়া পড়িবে, এ জন্ত সকলেই প্রস্তুত। অনেকে আত্মীয়-বন্ধু-বর্গকে নিকটে না দেখিয়া, তাহাদের নাম ধরিয়া ডাকাডাকি করিতে লাগিল। সকলেই অত্যন্ত ব্যস্ত।

ট্রেন প্র্যাটফর্মে আসিয়া থামিল। আবোহীরা বিভিন্ন কামরায় উঠিয়া বসিল। ধূলকায় ষ্টেশন মাষ্টার তাহাদের তহবিলের টাকাগুলি ষথানিয়মে ট্রেনের পশ্চাদ্বর্তী গার্ডের গাড়ীতে তুলিয়া দিলেন। গার্ড বংশীধ্বনি করিয়া, হাতের নিশান-আন্দোলিত করিলেন। ট্রেন ভক্-ভক্ শব্দে ধূমরাশি উদ্গিরণ করিতে করিতে বাওয়ালপিণ্ডি অভিমুখে ধাবিত হইল।

ট্রেন ষ্টেশনের প্র্যাটফর্ম অতিক্রম করিলে ষ্টেশন-মাষ্টার এবং তাহার সহযোগী কর্মচারিবর্গ বিশ্রাম করিতে চলিলেন। ওয়ালি খাঁ ও তাহার অমুচররা ষ্টেশনের আলোকের বহির্ভাগে একটি অন্ধকারপূর্ণ স্থানে লুকাইয়াছিল। তাহারা সেই স্থানে সংগুণ থাকিয়া ষ্টেশনের সকল ব্যাপারই লক্ষ্য করিতেছিল। অতঃপর তাহারা সেই গুপ্ত স্থান ত্যাগ করিয়া নিঃশব্দে কোনও আত্মীয়ের কুটীরান্তিমুখে অগ্রসর হইল। সেই কুটীরে প্রবেশ করিয়া তাহারা সকলেই অগ্নিকুণ্ড বেঠন করিয়া বসিল। তাহার পর তাহারা ধূমপান করিতে করিতে ভবিষ্যৎ কার্যপদ্ধতি সম্বন্ধে পরামর্শ আরম্ভ করিল। তাহারা কোন্ পন্থা অবলম্বন করিবে, তাহা স্থির করিবার জন্ত পরামর্শ করাই কর্তব্য মনে করিল। পরামর্শের সময় তাম্বকুট বে অপরিহার্য, ইহা কে অস্বীকার করিতে পারে?

ওয়ালি খাঁ তাহার পুত্র ও ভ্রাতৃপুত্রগণকে সন্ধান করিয়া বলিল, “ট্রেন কি ভাবে আসে, এবং তাহার পর চলিয়া যায়, তাহা তোমরা দেখিয়া আসিলে। প্রতি রাত্রেই উহা এই নিয়মেই আসে ও ষ্টেশন ত্যাগ করে। মেল ট্রেনে আসিয়া ষ্টেশনের তহবিলের টাকাগুলি লইয়া চলিয়া যায়। এই টাকাগুলিতেই আমাদের প্রয়োজন। বেঙ্গলে হউক, উহা আমরা দখল করিব।”

আবহুলা বলিল, “ট্রেনের আরোহীরা যদি আমাদের সঙ্গে লড়াই করে, তাহা হইলে আমরা কি করিব?”

আমেদ খাঁ মাথা ঝাঁকাইয়া বলিল, “আমার সঙ্গে যদি কেহ লড়াই করিতে আসে, তাহা হইলে আমি তাহাকে ছোরা মারিয়া ঝাল করিব।”

আবহুলা বলিল, “ছোরা না হয় মারিলে, কিন্তু সাহেবরা যদি বন্দুক চালায়?”

তাহার চাচা দলপতি ওয়ালি খাঁ বলিল, “খামকা বন্দুক চালাইবে? সাহেবরা সাধারণতঃ বন্দুক সঙ্গে রাখে না। এখন যাহা বলি, তাহা তোমরা সকলে মন দিয়া শোন। কাল রাত্ৰিকালে আমরা বেল-ষ্টেশন লুঠ করিব। যদি তোমরা সকলে সতর্কভাবে আমার উপদেশ পালন কর, তাহা হইলে আমরা টাকাগুলি লুঠ করিয়া নিষ্কিন্বে সরিয়া পড়িতে পারিব।

“কাল সন্ধ্যার অন্ধকার গাঢ় হইলে আমরা সকলে প্রথমে ষ্টেশনে যাইব। আমরা কেহ কাহাকেও চিনি, এ ভাব প্রকাশ করিব না। আমাদের প্রতি কাহারও দৃষ্টি আকৃষ্ট হইতে পারে, এরূপ ভাবগুলিও প্রকাশ করিব না, সেরূপ কোন কাণ্ড করা ত দূরের কথা। ষ্টেশনে এক জন পুলিশ-প্রহরী থাকিবে; তাহাকে এড়াইয়া চলিবে, যেন ভবিষ্যতে সে তোমাদিগকে দেখিলে সনাক্ত করিতে না পারে।”

এই সকল উপদেশ দান করিয়া ওয়ালি খাঁ তাহার পুল আমেদ খাঁকে লক্ষ্য করিয়া বলিল, “তুমি আওরাতদের এড়াইয়া চলিবে, আমি তোমাকে সতর্ক করিয়া দিলাম। তাহাদের কেহ না কেহ তোমাকে একদিন এরূপ ফ্যাসাদে ফেলিবে যে, তাহা হইতে তোমার উদ্ধার লাভ করা কঠিন হইবে, এ কথা স্মরণ রাখিও।”

অতঃপর ওয়ালি খাঁ বলিতে লাগিল, “ট্রেন ষ্টেশনে আসিবার পূর্বে মুহূর্ত্তে মীর আকবর আমার সঙ্গে বাবুর অফিসে প্রবেশ করিবে। সেখানে আমরা সেই ভূঁড়িওয়ালা বাবুটাকে ধরিয়া বাঁধিয়া ফেলিব। এই কার্য শেষ হইলে আমি ইঙ্গিতে আমেদ খাঁকে এই সংবাদ জানাইবামাত্র সে সেই পুলিশম্যানটার কাছে গিয়া তাহাকে বলিবে—ষ্টেশন-মাষ্টার তাহাকে কোন জরুরি কাণ্ডের জন্য ডাকিয়াছে। এই কথা শুনিয়া সে ষ্টেশন-মাষ্টারের ঘরে প্রবেশ করিবেমাত্র তাহাকেও ধরিয়া আমরা সেইভাবে বাঁধিয়া ফেলিব। তাহার পর তোমরা সকলে একযোগে প্র্যাটফর্মের লোকগুলিকে তাড়াইয়া লইয়া গিয়া গুদামে পুরিবে, এবং গুদামের দরজা বন্ধ করিবে। প্র্যাটফর্ম এইভাবে নিৰ্জ্জন হইলে আমরা ট্রেন আক্রমণ করিয়া টাকাগুলি হস্তগত করিব।”

পরদিন সাংকালে পাঠান পাচ জন তাহাদের আড্ডা হইতে বাহির হইয়া ষ্টেশনে উপস্থিত হইল, এবং পুলিশ-প্রহরীর অলক্ষিতভাবে অন্ধকারে লুকাইয়া বসিয়া রহিল।

ওয়ালি খাঁ স্বযোগ বুঝিয়া উঠিয়া ষ্টেশন-মাষ্টারের অফিসের দিকে চলিল। মীর আকবর তাহার অনুসরণ করিল। মাষ্টার বাবু এবং তাহার সহকারী তখন অফিসের কার্যে ব্যস্ত ছিলেন, একজন্ম আগন্তুকদের প্রতি তাহাদের দৃষ্টি আকৃষ্ট হইল না। মীর আকবর অফিসে ঘুরিতে ঘুরিতে অফিসের দেওয়াল-সংলগ্ন বেলপথের মানচিত্রখানির নিকট উপস্থিত হইল, এবং যেন গভীর মনোযোগ সহকারে তাহা দেখিতে লাগিল।

কয়েক মিনিট পরে উভয়ে ঠিক একসঙ্গেই ষ্টেশন-মাষ্টার ও তাহার সহকারীকে তাহাদের আসন হইতে এক ধাক্কা নীচে ফেলিয়া তাহাদের মাথা হইতে পাগড়ী খুলিয়া লইয়া তদ্বারা মুখ ও হাত পা বাঁধিয়া ফেলিল; তাহার পর তাহাদের উভয়কেই টেবলের নীচে লুকাইয়া রাখিল। এই কার্য শেষ করিয়া ওয়ালি খাঁ সেই কক্ষের দ্বারের নিকট উপস্থিত হইয়া আমেদ খাঁকে পুলিশ-প্রহরীর নিকট যাইতে ইঙ্গিত করিল।

পুলিস-প্রহরী সেই সময় এক জন পরিচিত লোকের সহিত আলাপ করিতেছিল; আমেদ খাঁ তাহার সম্মুখে গিয়া বলিল, “আমি মাষ্টার বাবুর অফিস হইতে আসিতেছি, তিনি তোমাকে ডাকিতেছেন।”

প্রহরী বলিল, “তিনি আমাকে ডাকিতেছেন? আনাকে তাহার কি দরকার, তাহা ত বুঝিতে পারিতেছি না!”

প্রহরী ষ্টেশন-মাষ্টারের অফিস-কক্ষে প্রবেশ করিয়া কয়েক পদ অগ্রসর হইতেই পশ্চাৎ হইতে আক্রান্ত হইল; সঙ্গে সঙ্গে তাহার মুখের ভিতর একখান ন্যাকড়া প্রবিষ্ট হওয়ায় তাহার কণ্ঠরোধ হইল। মুহূর্ত্তমধ্যে তাহার হাত-পা বন্ধ বন্ধ হওয়ায় তাহার আর নড়িবার শক্তি রহিল না। সে টেবলের নীচে ষ্টেশন-মাষ্টার ও তাহার সহকারীর পার্শ্বে নিক্ষিপ্ত হইল।

অতঃপর ওয়ালি খাঁ ও তদ্ব্য ‘ভাতিজা’ ষ্টেশন-মাষ্টারের অফিস-ঘরের দ্বার রুদ্ধ করিয়া যখন অল্প কার্যের ব্যবস্থা করিতে চলিল, সেই সময় অজ্ঞাত দস্যু ষ্টেশনের প্র্যাটফর্ম হইতে ব্যক্তিজনকে বিভাড়িত করিয়াছিল।

প্র্যাটফর্ম নিৰ্জ্জন হইয়াছিল কি না, তাহা পরীক্ষার জন্য ওয়ালি খাঁ প্র্যাটফর্মে উপস্থিত হইয়া অদূরে ট্রেনের হইল শুনিতে পাইল। সে তাহার সহযোগিবর্গকে ভবিষ্যৎ কর্তব্য সম্বন্ধে উপদেশ দান করিয়া ট্রেনের প্রতীক্ষা করিতে লাগিল।

মেল ট্রেন ধীরে ধীরে ষ্টেশনে প্রবেশ করিল। ট্রেনের যে গাউ সম্মুখের গাড়ীতে ছিল, প্র্যাটফর্মে লোকাভাব দেখিয়াও কোনরূপ সন্দেহ তাহার মনে স্থান পাইল না। পূর্বেই ট্রেনের গতি হ্রাস হইয়াছিল, প্র্যাটফর্মে প্রবেশ করিয়া ট্রেন থামিয়া গেল।

ট্রেনের প্রধান গাউ পশ্চাতের গাড়ীতে ছিল। ট্রেন ষ্টেশনে প্রবেশ করিবার পূর্বে প্র্যাটফর্ম তাহার দৃষ্টিগোচর হয় নাই। সে তাহার গাড়ীর দ্বার খুলিয়া প্র্যাটফর্মে নামিবার জন্য পা বাড়াইল; কিন্তু তাহার পদদ্বয় প্র্যাটফর্ম স্পর্শ করিবার পূর্বেই তাহার পশ্চাৎ হইতে এক জোড়া হাত লোহার সাঁড়াশীর মত এরূপ দৃঢ়রূপে তাহাকে চাপিয়া ধরিল যে, তাহার হাত দুইখানি নাড়িবারও সাধ্য হইল না! অগত্যা সে পা ছুড়িয়া তাহার পশ্চাৎস্থিত আততায়ীকে লাথাইতে আরম্ভ করিল। আবহুলা তাহার জুতার আঘাতে অত্যন্ত বেজুত হইয়া সহযোগিবর্গের সাহায্য প্রার্থনায় চীৎকার করিতে লাগিল। তাহার চীৎকার শুনিয়া আমেদ খাঁ মুহূর্ত্তমধ্যে তাহার নিকট উপস্থিত হইল, এবং চক্ষুর নিমেষে গাউের বন্ধঃস্থলে এভাবে ছুরিকাঘাত করিল যে, সেই আঘাতেই কর্তব্যনিষ্ঠ গাউের প্রাণ বাহির হইল। তাহার মৃত দেহ আমেদ খাঁর পদপ্রান্তে নিপতিত হইল।

ইতিমধ্যে ট্রেনের অল্প দিকেও অমূরূপ ঘটনা সংঘটিত হইল। সম্মুখের গাড়ীর গাউ গাড়ী হইতে নামিবার সময় তিন জন



'নেটিভ'কে অদূরে দণ্ডায়মান দেখিল; কিন্তু তাহাটিকে সন্দেহ করিবার কোন কারণ ছিল না। গার্ড প্র্যাটফোর্সে নাবিমাত্র সেই তিন জন লোক তাহাকে আক্রমণ করিল। গার্ড তাহাদের সন্দেহ বাহুপাশে বন্দী হইয়া মুক্তিলাভের জগৎ ধস্তাধস্তি করিতে করিতে সাহায্য প্রার্থনার চীৎকার করিল; কিন্তু আততায়ী পাঠানের ছুরিকাঘাতে তাহার কণ্ঠ চিরনীৰব হইল।

ট্রেনের এঞ্জিনচালক গার্ডের চীৎকার শুনিয়া তাহার সহকারিগণকে সাহায্যের জগৎ আহ্বান করিল, এবং লাহার একটা গরাদে সংগ্রহ করিয়া ট্রেনের এঞ্জিন হইতে প্র্যাটফোর্সে লাফাইয়া পড়িল। তাহার পর সে সেই গরাদে মাথার উপর তুলিয়া ওয়ালি খাকে আক্রমণ করিবার জগৎ সম্মুখে ধাবিত হইল; কিন্তু সেই ধৃত পাঠান

ইহাদের দুই জন খেতাপ; সুতরাং এই ব্যাপার লইয়া ভবিষ্যতে তুমুল কাণ্ড সংঘটিত হইবে। এ অবস্থায় লুক্কিত অর্থসহ অতি শীঘ্র পলায়ন করাই তাহার সৰ্ব্বপ্রধান কৰ্তব্য। ট্রেনের কোন আরোহী ট্রেন হইতে নামিয়া ঘাইতে না পারে, এই উদ্দেশ্যে মীর আকবর ট্রেনের অগ্ন অংশে প্রেরিত হইল। অতঃপর প্র্যাটফোর্সে দলের এক জনকে পাঠারায় রাখিয়া অল্প তিন জন পশ্চাদ্বর্তী গার্ডের গাড়ীতে প্রবেশ করিল। সেই ট্রেনের পূর্ববর্তী ট্রেন পর্য্যন্ত প্রত্যেক ট্রেন হইতে যে সকল টাকা সংগৃহীত হইয়াছিল, তাহা সেই গাড়ীতেই সঞ্চিত ছিল। তাহারা সেই টাকাগুলি হস্তগত করিল; তাহার পর ট্রেনের বিভিন্ন গাড়ীতে প্রবেশ করিয়া আরোহিগণের যথাসৰ্ব্বস্ব লুণ্ঠন করিতে লাগিল। যে সকল আরোহী তাহাদের মূল্যবান



দস্যু ওয়ালি খা ও মেলট্রেনের এঞ্জিন চালক

এভাবে মাথা সবাইয়া লইয়া তাহার আক্রমণ বার্থ করিল যে, এঞ্জিন চালক কোঁক সামলাতেই না পারিয়া সম্মুখে পতনোন্মুখ হইল। সেই সুযোগে মীর আকবর তাহার পশ্চাতে লাফাইয়া পড়িয়া তাহার উভয় বাহু বাহুপাশে আবদ্ধ করিল। আলি মুহুর্ন্ত-মধ্যে তাহার তীক্ষ্ণদার ভীষণ ছুরিকা উর্কে তুলিল, এবং তাহার অব্যর্থ আঘাতে হতভাগ্য এঞ্জিনচালক চক্ষুর নিমেষে দরশায়ী হইল!

কয়েক মিনিটের মধ্যে ট্রেনের তিন জন কৰ্মচারী নিহত হইয়া তাহাদের দেহের উত্তপ্ত শোণিতে প্র্যাটফোর্সের বিভিন্ন অংশ প্রাবিত করিল।

দস্যুদলপতি বৃষ্টিতে পাবিল, তাহার লোভ ও নিষ্ঠুরতায় রেল বিভাগের তিন জন সুদক্ষ ও বিশ্বস্ত কৰ্মচারীকে নিহত হইতে হইল,

দ্রব্যাদি দস্যুহস্তে অর্পণ করিতে আপত্তি করিল, পাঠান দস্যুগণের হস্তে তীক্ষ্ণদার ছোরার আফালন দেখিয়া তাহাদের সকল আপত্তি শূণ্যে বিলীন হইল। দস্যুর ছুরিকাঘাতে জীবনাস্ত হইলে কে তাহাদের সম্পত্তি রক্ষা করিবে? সুতরাং দস্যুদলের আক্রমণে ট্রেনের আরোহীরাও সৰ্ব্বস্বাস্ত হইল। দস্যুদের ধারণা হইল, অর্থোপার্জনের এই উপায় যেমন সহজ, সেইরূপ প্রীতিকর। রেল-ওয়ের কয়েক জন কৰ্মচারী তাহাদের ভাগ্যদোষে নিহত হইল বটে, কিন্তু এই পাঠান দস্যুরা তাহাদের জীবন মশা-মাছির প্রাণের জায় তুচ্ছ মনে করিত।

কিন্তু লুণ্ঠন শেষ করিয়া পলায়নের পূর্বেই সেই ট্রেনের অদূরে অল্প এঞ্জিনের হইল্ল-ধ্বনি শুনিয়া দস্যুরা বিস্ময়াভিত্ত হইল। তাহারা লুণ্ঠন-কার্যে বিরত হইয়া তাড়াতাড়ি ট্রেন হইতে প্র্যাটফোর্সে

লাফাইয়া পড়িল, এবং প্র্যাটফর্ষের বাহিরে দৃষ্টিনিক্ষেপ করিয়া, লুষ্ঠিত মেল ট্রেনের ঠিক পশ্চাতে আর একখানি ট্রেনের মাথার আলো দেখিতে পাইল। এই দৃশ্য দেখিয়া দস্যুরা আতঙ্কভিত্ত হইল; তাহারা যে অর্ধরাশি লুঠন করিয়াছিল, তাহা বহন করিয়া দ্রুতবেগে পলায়নের সুবিধা হইবে না বুঝিয়া, সেই পাঁচ জন দস্যু লুষ্ঠিত অর্ধরাশি ফেলিয়া রাখিয়াই প্রাণভয়ে উর্দ্ধ্বাসে পলায়ন করিল, এবং কয়েক মিনিটের মধ্যে নৈশ অন্ধকারে অদৃশ্য হইল।

ডাকগাড়ীর ঠিক পশ্চাতে আর একখানি ট্রেন কিরূপে উপস্থিত হইল, দস্যুরা তাহা বুঝিতে না পারিয়া বিব্রত হইয়াছিল; কিন্তু ইহাতে বিশ্বয়ের কোন কারণ ছিল না। সেই দিন ডাক-গাড়ী ছাড়িবার অল্পকাল পরে মালগাড়ীর একখানি ট্রেন ছাড়িবার প্রয়োজন হইয়াছিল। সেই ট্রেন ডাক-গাড়ীর ঠিক পশ্চাতে চলিলে অনেক অসুবিধা দূর হইবে বুঝিয়া ষ্টেশনের কর্তৃপক্ষ মাল-গাড়ীগুলিতে এঞ্জিন জুড়িয়া ডাক-গাড়ীর ঠিক পশ্চাতেই প্রেরণের ব্যবস্থা করিয়াছিলেন। ডাক-গাড়ী যখন প্রত্যেক ষ্টেশনে থামিয়া সেই দিনের সঞ্চিত টাকাকলি সংগ্রহ করিতেছিল, সেই সময় মাল-গাড়ীর ট্রেন তাহার পশ্চাতে আসিয়া দাঁড়াইতেছিল এবং ডাক-গাড়ী চলিতে আরম্ভ করিলে তাহার অনুসরণ করিতেছিল।

মাল-গাড়ীর ট্রেনের ডাইভার তাহার এঞ্জিন হইতে নামিয়া ষ্টেশনে প্রবেশ করিতেই প্র্যাটফর্ষে প্রধান গার্ডের মৃতদেহ দেখিতে পাইল। সে তাহার ট্রেনের গার্ডকে সঙ্গে লইয়া ষ্টেশন-মাষ্টারের আফিসে প্রবেশ করিতে গিয়া বাহির হইতে আফিস-কক্ষের দ্বার রুদ্ধ দেখিল। তাহারা দ্বার খুলিয়া আফিস কক্ষে প্রবেশ করিল; কিন্তু ষ্টেশন মাষ্টার বা তাহার সহকারীকে দেখিতে পাইল না। অবশেষে তাহারা টেবলের নীচে মাষ্টার বাবুকে, তাহার সহকারী ও পুলিশ-প্রহরীকে রজ্জুবদ্ধ অবস্থায় নিপতিত দেখিয়া তাহাদের বন্ধন মুক্ত করিল। ষ্টেশন-মাষ্টার দস্যুদের অত্যাচার সম্বন্ধে যাহা জানিতেন, তাহা বলিলেন। ডাইভার ও গার্ড ডাক-গাড়ীর আবোহিগণের নিকট তাহাদের দুর্দশার বিবরণ শুনিয়া অত্যাচার ষ্টেশনে টেলিগ্রাম করিবার চেষ্টা করিল; কিন্তু দস্যুরা পলায়নের পূর্বে টেলিগ্রামের কলটি চর্ণ করিয়াছিল, এ ক্ষণ তাহারা কোন দিকেই সংবাদ পাঠাইতে পারিল না।

মেল-ট্রেন আর অধিক কাল আটক বাধা অনুভবিত মনে করিয়া মাল-গাড়ীর এঞ্জিনচালক ও গার্ড মাল-গাড়ী ষ্টেশনের বাহিরে ফেলিয়া রাখিয়া মেল-ট্রেন লইয়া যাত্রা করিল, তাহারা মৃতদেহ-গুলিও একখানি গাড়ীতে তুলিয়া লইল। পরবর্তী ষ্টেশনে উপস্থিত হইয়া তাহারা টেলিগ্রামে অত্যাচার ষ্টেশনে ডাকাতির সংবাদ প্রেরণ করিল। এই সংবাদ পাইয়া ডফারপুর হইতে পুলিশবাহিনী ঘটনাস্থলে প্রেরিত হইল। তাহারা রেলের লাইন হইতে সীমান্তভূমি পর্যন্ত জিলার সর্বস্থানে অনুসন্ধান করিয়া দস্যুদের কোন বাস্তব জানিতে পারিল না। তাহাদের সকল চেষ্টা বিফল হইল।

মাল-গাড়ীর ট্রেনের ডাইভার রেল-ষ্টেশনের যে পুলিশ-প্রহরীকে ষ্টেশন-মাষ্টারের আফিস-কক্ষের টেবলের তলা হইতে টানিয়া বাহির করিয়া তাহার বন্ধন মোচন করিয়াছিল, সেই প্রহরীর নাম নবিকম। নবিকম সেই রাত্ৰিতেই একখানি গাড়ী সংগ্রহ করিয়া

সেই গাড়ীতে আমার (ইন্স্পেক্টার রঞ্জিং সিংএর) সদর আড্ডা চাকলায় উপস্থিত হইল এবং আমার নিদ্রা ভঙ্গ করিয়া ডাকাতির সকল বিবরণ আমার নিকট বিবৃত করিল।

নবিকমের নিকট দস্যুদের সম্বন্ধে যে সকল সংবাদ জানিতে পারিলাম, তন্মধ্যে একটিমাত্র সংবাদ নির্ভরযোগ্য বলিয়া আমার মনে হইল। সে বলিল, যে দস্যু তাহার সম্মুখে উপস্থিত হইয়া ষ্টেশন-মাষ্টার তাহার আফিস-কামরায় তাহাকে ডাকিয়াছিল বলিয়া ধাঙ্গা দিয়াছিল, সেই দস্যু দীর্ঘদেহ খাটাক যুবক। প্রহরী ষ্টেশন-মাষ্টারের আফিস-কক্ষে প্রবেশ করিবামাত্র অল্প দুই জন দস্যু কর্তৃক আক্রান্ত হইয়াছিল; তাহারাও খাটাক। সেই তিন জন বাতীত আর কয় জন দস্যু সেই দলে ছিল, তাহা তখন জানিতে পারি নাই। যাহা হউক, ডাকাতি সম্বন্ধে যে অসম্পূর্ণ বিবরণ সংগ্রহ করিতে পারিলাম, তাহাতেই নির্ভর করিয়া তদন্তে প্রবৃত্ত হইলাম এবং কর্তৃপক্ষের নিকট এই সংবাদ প্রেরণ করিয়া আমি তদন্ত ব্যাপারে কোন পস্থা অবলম্বন করিব, তাহাও তাহার গোচর করিলাম।

অতঃপর আমার তাঁবেদারবর্গের মধ্যে যতগুলি লোক সংগ্রহ করিতে পারিলাম, তাহাদিগকে সেই অঞ্চলে নবাগত খাটাকদিগের সন্ধানে নিযুক্ত করিলাম। ইত্যবসরে আমি নবি বক্সকে সঙ্গে লইয়া সরে-জমিনে তদন্ত করিতে চলিলাম। ষ্টেশনের কর্তৃকারীগণকে জেরা করিয়া জানিতে পারিলাম, দস্যুরা সংখ্যায় পাঁচ জন ছিল।

আমার ধারণা হইল, তদন্ত ব্যাপারে আমরা ঠিক পথই অবলম্বন করিয়াছি। উক্ত পাঁচ জন দস্যুর মধ্যে নূনকলে তিন জন যে খাটাক, এ বিষয়ে আমি নিঃসন্দেহ হইলাম। আমি জানিতাম, সীমান্ত প্রদেশের দস্যুরা কোন স্থানে ডাকাতি করিতে যাইবার সময় তাহাদের নিজের সম্প্রদায়ের বহির্ভূত কোন সম্প্রদায়ের লোককে সেই দলে গ্রহণ করে না। আমার এই অভিজ্ঞতার নির্ভর করিয়া স্থির করিলাম, সেই দলের পাঁচ জন দস্যুই খাটাক সম্প্রদায়ের লোক। রেলপথ হইতে সীমান্তভূমি পর্য্যন্ত যেখানে যত গ্রাম ছিল, সকল গ্রামেই পুলিশের খানাতলাসী চলিল; কিন্তু কোনও স্থানে দস্যুদের কোন চিহ্ন মিলিল না; আমার কোন চেষ্টা সফল হইল না।

সে দিন রাত্ৰিসঙ্গে দস্যুরা মেল-ট্রেন লুঠন করিয়াছিল, তাহার পরদিন রাত্ৰি প্রায় নয়টার সময় আর একটি দুঃসংবাদ আমাদের কর্ণগোচর হইল। শুনিলাম, ষওলাই ষ্টেশনে পরবর্তী ষ্টেশনও লুষ্ঠিত হইয়াছে। সেই ষ্টেশনের ষ্টেশন মাষ্টারকে প্রহারে জর্জরিত করিয়া দস্যুরা তাহাকে মৃতজ্ঞানে ফেলিয়া গিয়াছিল এবং সহকারী ষ্টেশন-মাষ্টারকে বোধ হয় মুক্তিপণ আদায় করিবার অভিসন্ধিতে বাধিয়া লইয়া গিয়াছিল। স্পষ্টই বুঝিতে পারিলাম, আমরা দস্যুদল গ্রেপ্তার করিবার জন্য যে চেষ্টা করিতেছিলাম, সেই চেষ্টা বার্থ হওয়ায় উহারা আমাদের উপহাস করিবার উদ্দেশ্যেই পরদিন পরবর্তী ষ্টেশনে ডাকাতি করিয়াছিল। কিন্তু এই দ্বিতীয় ডাকাতি করিয়া তাহারা নিজেদেরই সর্বনাশের পথ প্রশস্ত করিয়াছিল—‘সর্বমত্যস্তগর্হিতম্।’

এই সময় পর্য্যন্ত আমরা রেলপথ ও সীমান্ত প্রদেশের মধ্যবর্তী স্থানসমূহেই দস্যুগণের অনুসন্ধানে বৃত্ত ছিলাম।

আমরা যথাসম্ভব সতর্কতা সহকারে ঐ সকল স্থানে খানাতল্লাসী করিয়া ব্যর্থ-মনোরথ হওয়ায় এই সিদ্ধান্তে উপনীত হইলাম যে, দস্যুরা সম্ভবতঃ রেল-স্টেশনের সন্নিহিত কোনও স্থানে আড্ডা করিয়াছিল, এবং সেই স্থানে লুকাইয়া থাকিয়া, স্রোযোগ বুঝিয়া ঐ ভাবে ডাকাতি করিতেছিল।

আমি নবিবন্ধকে ডাকিয়া জিজ্ঞাসা করিলাম, “তুমি কোনও অপরিচিত বিদেশীকে কি ইদানীং এই অঞ্চলের কোনও স্থানে বাস করিতে দেখিয়াছ? ‘লাইনের’ অল্প ধারের কোন সংবাদ বাখ কি?”

নবিবন্ধ কয়েক মিনিট চিন্তা করিয়া বলিল, “স’মাস্তের অল্প-ধারের এক জন অধিবাসী জনক সিংএর (তুই মাইল দূরবর্তী কোন গ্রাম) অদৃশ্যিত একখানি কুটারে বাস করিতেছে বটে। এখন আমার স্মরণ হইল, সেই খাটাক সম্প্রদায়ের লোক; আর যে লোকটা স্টেশনে আমাকে মাষ্টার বাবুর কাছে পাঠাইয়াছিল—সেও খাটাক!”

নবিবন্ধের কথা শুনিয়া তাহাকে সঙ্গে লইয়া উক্ত কুটারখানি পরীক্ষা করিতে চলিলাম; কিন্তু কুটারে প্রবেশ করিয়া সেখানে কাহাকেও বাস করিতে দেখিলাম না। কুটারের সর্বস্থান পরীক্ষা করিয়া সন্দেহজনক কিছুই দেখিতে পাইলাম না; তবে কেহ যে সেখানে অল্পদিন পূর্বে বাস করিয়াছিল, তাহা স্পষ্টই বুঝিতে পারিলাম, এবং যে কারণেই হউক, আমার ধারণা হইল সেই কুটারই দস্যুরা সাময়িক আড্ডারূপে ব্যবহার করিয়াছিল। যদি সেখানে কোন সূত্র আবিষ্কার করিতে পারি—এই আশায় কুটারখানি পুনর্বার সতর্কভাবে পরীক্ষা করিলাম; কিন্তু কোন সূত্র আবিষ্কার করিতে না পারায় হতাশ হৃদয়ে আমার সদর আড্ডায় ফিরিয়া আসিলাম।

আমি নবিবন্ধকে বলিলাম, “নবিবন্ধ, যে লোকটা তোমাকে মাষ্টার বাবুর নিকট যাইতে অনুবোধ করিয়াছিল, তাহাকে দেখিলে চিনিতে পারিবে?”

নবিবন্ধ উৎসাহভরে বলিল, “তাহাকে চিনিতে পারিব, এ বিষয়ে আমার বিন্দুমাত্র সন্দেহ নাই। তাহাকে খেপ্তার না করিলে আমি স্থির হইতে পারিব না; আমার ক্ষোভ দূর হইবে না। দাপ্তা দিয়া আমাকে সেই ভূঁড়িওয়ালার বাবুর কাছে পাঠাইয়া সে যে ‘দাপ্তামি’ করিয়াছে, সে জন্য আমি তাহাকে দীর্ঘতম শিক্ষা দিব।”

নিকটে যে সকল গ্রাম ও কুটার ছিল, সেই সকল স্থানে কোন অপরিচিত বিদেশী আসিয়া বাস করিতেছিল কি না, তাহা জানিবার জন্য এক দল লোক পাঠাইলাম; কিন্তু তাহারা অকৃতকার্য হইয়া ফিরিয়া আসিল। তথাপি সেই নিষ্ফল কুটারের উপর আমার লক্ষ্য থাকিল। আমি সীমান্তবাসীদের মনোভাব এবং রুচি-প্রবৃত্তি সম্বন্ধে অভিজ্ঞ ছিলাম; এজন্য নূতন ধরণের একটা পরীক্ষার জন্য আমার আগ্রহ হইল, এবং সেই দিন সন্ধ্যার পূর্বেই আমি গোপনে সকল আয়োজন শেষ করিলাম।

সন্ধ্যাসমাগমের কিছুকাল পূর্বে স্থানীয় একটি মুসলমান রমণী নীলবর্ণ আঁট পায়েজামা পরিধান করিয়া, এবং শালের অবগুঠনে মুখমণ্ডল আচ্ছাদিত করিয়া সেই কুটারের অদূরবর্তী গ্রাম্য কূপ হইতে জল সংগ্রহ করিতে চলিল; জল আনিবার জন্য তাহার

স্বন্ধে একটি মৃন্ময় কলস! তাহার প্রকোষ্ঠে রূপার চুড়ি, পদযুগলে রূপার তোড়া।

রমণী সেই কুটারের নিকট উপস্থিত হইয়া এভাবে পদবিক্ষেপ করিতে লাগিল যে, তাহার পায়ের তোড়ার শব্দে চতুর্দিক প্রতিধ্বনিত হইতে লাগিল। কুটারের নিকট দিয়া চলিবার সময় সহসা তাহার মস্তক হইতে শাল খলিত হওয়ায় রমণী তাহার স্বন্ধের কলস মাটিতে নামাইয়া শালখানি যথাস্থানে পুনঃস্থাপিত করিল, এবং হাতেব চুড়িগুলি ঝঙ্কারিত করিয়া কলসটি পুনর্বার কাঁধে তুলিয়া লইল। তাহার পর সে নম-নম শব্দে অদূরবর্তী কূপ অভিমুখে ধাবিত হইল।

রমণী কুটারের কয়েক গজ দূরে গিয়াছে—সেই সময় পূর্বোক্ত কুটারের দ্বার ঈষৎ উদ্বাচিত হইল, এবং একটি পাঠান যুবক কুটারের দ্বার হইতে মুখ বাড়াইয়া বাহিরে দৃষ্টিপাত করিল; কিন্তু সে সেই গজেন্দ্রগামিনী যুবতী ভিন্ন অন্য কাহাকেও কোন দিকে দেখিতে পাইল না। অতঃপর সে দীর্ঘে দীর্ঘে মুক্ত দ্বারপথে কুটারের বাহিরে আসিল, এবং তীক্ষ্ণদৃষ্টিতে চারিদিকে চাহিয়া পশ্চাতে কুটারদ্বার রুদ্ধ করিল। সেই সময় কুটারের ভিতর হইতে সেই যুবককে লক্ষ্য করিয়া তীব্র তিরস্কার-ধ্বনি উৎপিত হইল, যেন কুটারবাসীরা তাহার কার্যে বিরক্ত হইয়া ক্রোধ প্রকাশ করিল; কিন্তু আর কেহই যুবকের অনুসরণ করিয়া কুটারের বাহিরে আসিল না।

পাঠান যুবক পশ্চাতে দৃষ্টিপাত না করিয়া মুসলমান-রমণীর অনুসরণ করিল। আমি আট জন অনুচর সহ কুটারের অদূরে লুকাইয়া বসিয়াছিলাম; সেই গুপ্তস্থানে বসিয়া আমি সকলই দেখিতে ও শুনিতে পাইতেছিলাম। আমি সেই পাঠান যুবককে রমণীর অনুসরণ করিতে দেখিয়াও সেই স্থান ত্যাগ করিলাম না; অতঃপর কি কাণ্ড ঘটে, তাহা দেখিবার আশায় অনুচরবর্গ সহ নিস্তব্ধভাবে সেই স্থানেই বসিয়া রহিলাম।

রমণী কূপ-সন্নিধানে উপস্থিত হইয়া, কলসটি কূপের নিকট রাখিয়াছে, সেই সময় পাঠান যুবক কূপের নিকট আসিয়া দাঁড়াইল, কিন্তু অবগুঠনবর্তী রমণীর মুখ দেখিতে না পাওয়ায় বুঝিয়া তাহার সম্মুখে আসিল। রমণী তাহার মনের ভাব বুঝিতে পারিয়া, অবগুঠন একটু টানিয়া দিয়া সলজ্জভাবে সরিয়া দাঁড়াইল। যুবক নারীর এই প্রকার ছল-চাতুরীর সহিত পরিচিত, ইহা তাহাকে জানাইবার জন্য প্রগল্ভভাবে চুম্বকুড়ি ছাড়িয়া রমণীর প্রায় গায়ের উপর গিয়া পড়িল, এবং গৃহস্থের জিজ্ঞাসা করিল, “তোমার নাম কি, বিবিজান?”

পুরুষের মোটা গলা হইতে উত্তর বাহির হইল, “নাম আমার নবিবন্ধ, শীঘ্র তুই হাত মাথার উপর তুলিয়া দাঁড়াও, নতুবা—”

তাহার কথা শেষ হইবার পূর্বেই পুলিশ-কনষ্টেবল নবিবন্ধের হাতের টোটাভরা রিভলভার প্রেমিক যুবকের বক্ষঃস্থল স্পর্শ করিল! রিভলভারের ঘোড়ায় অঙ্গুলীর একটু চাপ পড়িলেই হৃদয় বিদীর্ণ হইয়া প্রেমরস গড়াইতে আরম্ভ করিবে, এবং সঙ্গে সঙ্গে প্রেমলীলারও অবসান হইবে, ইহা বুঝিতে পারিয়া যুবক কম্পিতবক্ষে উভয় হস্ত উর্ধ্বে তুলিয়া আতঙ্ক-বিক্ষারিতনেত্রে রমণীর মুখের দিকে চাহিলে, রমণী বাম হস্তে অবগুঠন অপসারিত করিতেই সে দেখিল, গুঁফো নবিবন্ধ আড়নয়নে তাহার মুখের দিকে চাহিয়া তাহার বৃকে রিভলভারের নলের এক খোঁচা দিল।



দস্যাদলপতি ওয়ালি খাঁর প্রেমিক পুত্র আমেদ খাঁর সর্দার তখন আতঙ্কে কাঠ!

যওয়ালি রেলস্টেশনের পুলিশ-প্রহরী নবিবক্স অবগুণ্ঠনের শাল পনতলে নিক্ষেপ করিয়া তাহার সহযোগিবর্গকে ইন্ধিত করিতেই

সতর্কভাবে খানাতল্লাসের ফলে এবার একটি গুপ্তদার আবিষ্কৃত হইল। এই দ্বারটি পূর্বে আমাদের দৃষ্টি অতিক্রম করিয়াছিল। সেই দ্বার দিয়া আমরা ভূগর্ভস্থ একটি গুদামে প্রবেশ করিলাম। এই গুদামে আমরা সহকারী স্টেশন-মাষ্টারকে শৃঙ্খলিত অবস্থায় দেখিতে পাইলাম। দস্যুরা এই গুদামে লুকাইয়া থাকায় পূর্বে আমরা তাহাদের সন্ধান পাই নাই।



নারীর ছদ্মবেশে পুলিশ-কন্টেবল নবিবক্স

কুপের অসুস্থবর্তী গুপ্তস্থান হইতে দুই জন কনটেবল দ্রুতবেগে তাহাদের নিকট উপস্থিত হইয়া আমেদ খাঁর উভয় প্রকোষ্ঠে হাতকড়ি আঁটিয়া দিল।

আমেদ খাঁ শৃঙ্খলিত হইলে আমি অনুচরবর্গ সহ কুটার-দ্বারে উপস্থিত হইয়া দ্বার ভিতর হইতে রুদ্ধ দেখিলাম। দ্বার ভাঙ্গিয়া ভিতরে প্রবেশ করা আমাদের পক্ষে কঠিন হইল না। কুটারের ভিতর অবশিষ্ট চারি জন পাঠানকেই দেখিতে পাইলাম। পুনর্বার

দস্যাদলপতি দেখিতে পাইল, আমরা সংখ্যায় তাহাদের অপেক্ষা অনেক অধিক এবং সকলেই সশস্ত্র, সুতরাং তাহারা আমাদের সহিত যুদ্ধ না করিয়া সহজেই আমাদের হস্তে আত্মসমর্পণ করিল।

সেই সময় নবিবক্স অল্প কনটেবলদ্বয় সহ শৃঙ্খলাবদ্ধ আমেদ খাঁকে সঙ্গে লইয়া কুটারে প্রবেশ করিল। আমেদ খাঁকে দেখিয়া তাহার পিতা ক্রোধে গজ্জন করিয়া বলিল, “তোমার নির্কৃদ্ধিতার জন্যই আমাদের এই বিপদ! আমি কি তোকে নারীজাতিকে এড়াইয়া চলিতে বলি নাই? আমি জানিতাম, স্ত্রীলোকের উপর লোভ করিতে গিয়াই তোমার সর্কনাশ হইবে।”

আমি বলিলাম, “তোমার কথা ফলিয়া গিয়াছে; কিন্তু পুলিশমানকে প্রেম নিবেদন করা তাহার পক্ষে বোধ হয় এই প্রথম!”

আমার কথা শুনিয়া ওয়ালি খাঁ ব্যর্থ ক্রোধে হুঙ্কার দিয়া উঠিল; মুক্তিলাভ করিতে পারিলে সে বোধ হয় আমাকে হত্যা করিত। আমি দস্যু পাঁচটাকে সদরে পাঠাইয়া আমার উপর ওয়ালি সুপারিন্টেন্ডেন্টের নিকট রিপোর্ট করিলাম। যথাকালে আদালতের বিচারে তাহারা স্বাস্থ্যকর (Salutary) দণ্ড লাভ করিল।”

স্বাস্থ্যকর দণ্ডটা কিরূপ, ইনস্পেক্টর তাহা খুলিয়া লিখেন নাই। মেল ট্রেনে সরকারের সম্পত্তি লুঠন, তাহার উপর তিন জন রাজকর্মচারী হত্যা; তন্মধ্যে দুই জন খেতাজ! ভারতের অল্প কোন প্রদেশে, বিশেষতঃ বঙ্গদেশে ইহা অপেক্ষা লঘু অপরাধেও প্রাণদণ্ড অপরিহার্য; কিন্তু সীমান্ত প্রদেশের দুর্ভিক্ষ পাঠান অপরাধীদের বিচারের সময় অনেক কথা বিবেচনা করিতে হয়, এবং তাহার উপর দণ্ডের পরিমাণ নির্ভর করিলে বিশ্বয়ের কোন কারণ থাকে না।

শ্রীদীনেন্দ্রকুমার রায়।





## ব্রহ্মসূত্র



২২

মন্ববর্ণাং চ ( ২১৩৪৪ )

( শঙ্কর ) বেদের মন্ব অংশ হইতেও জানা যায় যে, জীব ব্রহ্মের অংশ। পুরুষসূক্তে আছে,—

পাদোঃ সর্ষভতানি ত্রিপাদশ্চামৃতং দিবী ।

“সর্ষভত ব্রহ্মের একটি পাদ বা অংশ, ইহার আর তিন অংশ অমৃতস্বরূপ এবং স্বর্গলোকস্থিত।” এখানে “সর্ষভত” এই শব্দে চরাচর বিশ্বকে লক্ষ্য করা হইয়াছে, যাহার মধ্যে জীবই প্রধান।

( রামানুজ ) “ভূতানি” এই বহুবচন হইতে বুঝিতে হইবে যে, আত্মা বহুসংখ্যক। যদিও সকল আত্মাই জ্ঞান-স্বরূপ অতএব একরূপ, তথাপি বিভিন্ন আত্মার যে সকল বিভিন্ন আকার আছে, তাহা আত্মজ ব্যক্তিগণ বুঝিতে পারেন। জীবের সংখ্যা যে বহু, তাহা নিম্নের শ্রুতিবাক্য হইতেও জানা যায় :—

নিত্যো নিত্যানাং চেতনশ্চেতনানাং একো বহুনাং

যো বিদধাতি কামান্

অর্থাৎ বহু নিত্য ও চেতন জীবের মধ্যে এক নিত্য ও চেতন ব্রহ্ম আছেন, সেই এক ব্রহ্ম বহু জীবের কাম সম্পাদন করেন।

অপি চ সূর্য্যতে ( ২১৩৪৫ )

“স্মৃতিতেও একথা বলা হইয়াছে।” মহাভারতের অশ্বর্গত গীতা স্মৃতি-গ্রন্থের মধ্যে একটি প্রাণন গ্রন্থ। তাহাতে ভগবান্ বলিয়াছেন,—

মমৈবাংশো জীবলোকে জীবভূতঃ সনাতনঃ অর্থাৎ জীব-সকল নিত্য এবং আমার অংশ। যদিও জীব ব্রহ্মের অংশ, তথাপি জীব ভূতা এবং ব্রহ্ম স্বামী, ইহাতে কোনও দোষ হয় না।

প্রকাশাদিবং ন এবং পরঃ ( ২১৩৪৬ )

( শঙ্কর ) আশঙ্কা হইতে পারে যে, জীব যদি ব্রহ্মের অংশ হয়, তাহা হইলে জীবের দুঃখ হইলে ব্রহ্মেরও দুঃখ হইবে, যেমন কোনও ব্যক্তির দেহের অংশ ( হস্তপদাদি ) আহত হইলে সেই ব্যক্তির কষ্ট হয়। কিন্তু তাহা হয় না। “ন এবং পরঃ” জীব যেমন দুঃখী হয়, ব্রহ্ম সেরূপ হয় না। “প্রকাশাদিবং” সূর্য্যের আলোতে অঙ্গুলি ধরিলে সেই অঙ্গুলি ঠাকাইলে সূর্য্যের আলোও বক্র বলিয়া মনে হয়, কিন্তু সে বক্রতা সূর্য্যকে স্পর্শ করে না। সেইরূপ জীবের দুঃখ ব্রহ্মকে স্পর্শ করে না। ব্রহ্ম আনন্দস্বরূপ। জীব নিজকে দেহ বলিয়া ভ্রম করে বলিয়াই তাহার দুঃখ হয়, নচেৎ জীব যদি নিজ স্বরূপ উপলব্ধি করিতে পারে, তাহা হইলে তাহার দুঃখ হয় না। ব্রহ্মের কখনও দেহাত্মবোধরূপ ভ্রম হইতে পারে না। এজন্ম ব্রহ্মের দুঃখ হইতে পারে না।

( রামানুজ ) “ন এবং পরঃ” অর্থাৎ পরমাত্মা বা ব্রহ্ম এইরূপ ( জীবের জায় দোষযুক্ত ) নহে। “প্রকাশাদিবং” সূর্য্যের প্রকাশ যে ভাবে সূর্য্যের অংশ, দেহ সেরূপ মনুষ্যের অংশ, বিশেষণ সেরূপ বিশেষ্যের অংশ, জীবও সেইরূপ ব্রহ্মের অংশ।

উপনিষদে বলা হইয়াছে “তং হম্ অসি”—এখানে তং শব্দের অর্থ ব্রহ্ম; হম্ শব্দেরও অর্থ ব্রহ্ম,—জীব যাহার শরীর। “অয়ম্ আত্মা ব্রহ্ম” এখানেও অয়ম্ ও আত্মা এই দুইটি শব্দও জীব-যুক্ত ব্রহ্মকেই বুঝাইতেছে।

স্মরণি চ ( ২১৩৪৭ )

( শঙ্কর ) ব্যাসদেব তাঁহার প্রণীত গ্রন্থে বলিয়াছেন,

ন লিপ্যতে কর্মফলৈঃ পদ্যপত্রম্ ইবাশ্বসা

“ব্রহ্ম কর্মফলে লিপ্ত হন না। পদ্যপত্র সেরূপ জড়দ্বারা লিপ্ত হয় না।”

উপনিষদেও ইহা আছে :-

ওয়োঃ অগ্নঃ পিপ্লবঃ স্বাচ্ছ অত্তি

অনগন্ অগ্নঃ অভিচাকশীতি

“ব্রহ্ম ও জীবের মধ্যে এক জন (জীব) পক্ষ কক্ষফল ভক্ষণ করে। অপর (ব্রহ্ম) ভক্ষণ করে না, কেবল দর্শন করে।”

(রামানুজ) প্রভা এবং প্রভাবুক্ত বস্তুর মধ্যে যে সম্বন্ধ, জীব ও ব্রহ্মের মধ্যে সেইরূপ সম্বন্ধ, ইহা স্মৃতিগ্রন্থে উক্ত হইয়াছে :-

একদেশস্থিতশ্রাণ্ণেজ্যোৎস্না বিস্তারিণী যথা।

পরশ্চ ব্রহ্মণঃ শক্তিগুণেদম্ অখিলং জগৎ ॥ (বিষ্ণুপুরাণ)

“অগ্নি এক স্থানে অবস্থান করিলে তাহার জ্যোতি মেরূপ চারিদিকে বিস্তৃত হয়, সেইরূপ নিখিল বিশ্ব পর-ব্রহ্মেরই শক্তি।” উপনিষদেও আছে—“যস্য আত্মা শরীরং” অর্থাৎ আত্মা (জীব) যাহার (ব্রহ্মের) শরীর।

অনুজ্ঞাপরিহারো দেহসম্বন্ধাং জ্যোতিরাদিবং (২.৩.৮)

(শঙ্কর) অনুজ্ঞা—যথা পশুং সংজ্ঞপয়েৎ (যজ্ঞে পশুবধ করিবে), পরিহার—যথা “মা হিংশ্চাং সর্দভূতানি” (কোন প্রাণীকে বধ করিবে না)। এই সকল বিধিনিষেধ “দেহসম্বন্ধাং” দেহের সহিত সম্বন্ধ হেতু ব্যবহৃত হয়। “জ্যোতিরাদিবং” জ্যোতি বা অগ্নি এক হইলেও পবিত্র অগ্নি আহরণ করা হয়, শ্মশানের অগ্নি পরিত্যাগ করা হয়। সেইরূপ আত্মা এক হইলেও বিভিন্ন দেহের সহিত সম্বন্ধে বিভিন্ন বিধিনিষেধ সম্ভব হয়।

(রামানুজ) যদিও সকল আত্মাই ব্রহ্মের অংশ এবং জ্ঞাতাস্বরূপ, তথাপি ব্রাহ্মণ-ক্ষত্রিয়-বৈশ্য-শূদ্রাদি পবিত্র ও অপবিত্র দেহের সহিত সম্বন্ধ নিবন্ধন শাস্ত্রবিহিত বিধিনিষেধগুলির সার্থকতা আছে।

অসম্বৃত্তেচ অব্যতিকরঃ (২.৩.৪৯)

(শঙ্কর) অসম্বৃত্তেঃ (একটি জীবাত্মার বিভিন্ন দেহের সহিত সম্বৃত্তি বা সম্বন্ধ নাই বলিয়া), অব্যতিকরঃ (ব্যতিকর বা কক্ষফলের মিশ্রণ) হয় না—এক জনের কক্ষের ফল অপরকে ভোগ করিতে হয় না।

(রামানুজ) অদ্বৈতমতে যখন আত্মা এক, তখন সেই আত্মাকে সকল কক্ষের ফল ভোগ করিতে হইবে। কিন্তু বিশিষ্টাদ্বৈতমতে যখন জীবাত্মা বহু ও বিভিন্ন, তখন প্রত্যেকে নিজ নিজ কক্ষফল ভোগ করিবে,—কাহাকেও সকলের কক্ষফল ভোগ করিতে হইবে না।

আভাস এব চ (২.৩.৫০)

(শঙ্কর) জলে মেরূপ সূর্যের আভাস বা প্রতিবিম্ব পতিত হয়, সেইরূপ অবিদ্যায় ব্রহ্মের প্রতিবিম্ব পতিত হয়,—তাহাই জীবাত্মা। একটি জলাশয়ে সূর্যের প্রতিবিম্ব কাপিলে, অপর জলাশয়ের প্রতিবিম্ব কাপে না। সেইরূপ একটি জীবাত্মা নিজ কক্ষফল ভোগ করিলে, অপর জীব সেই কক্ষফল ভোগ করে না।

(রামানুজ) অদ্বৈতবাদী বলেন, ব্রহ্মই কল্পিত উপাদি-ভেদে বিভিন্ন জীব বলিয়া প্রতীতি হয়। কিন্তু এই মত প্রকৃত যুক্তিসহ নহে, যুক্তির আভাস মাত্র। কারণ, ব্রহ্মের স্বরূপই প্রকাশ, সেই প্রকাশ যদি অবিদ্যা দ্বারা আবৃত হয়, তাহা হইলে ব্রহ্মের স্বরূপই বিনষ্ট হইবে।

অদৃষ্টানিয়মাৎ (২.৩.৫১)

পরপক্ষে অদৃষ্টের নিয়মের হেতু দেখা যায় না।

(শঙ্কর) সাংখ্যমতে জীবাত্মা বহু এবং সর্বব্যাপক। তাহা হইলে প্রত্যেক দেহের সহিত সকল আত্মা সমভাবে সংবন্ধ। অতএব প্রত্যেক দেহ পাপপুণ্য হেতু যে অদৃষ্ট অর্জন করে, সেই অদৃষ্ট সকল আত্মার সহিত সমান ভাবে সংবন্ধ হইবে। বিভিন্ন জীবের বিভিন্ন অদৃষ্ট থাকিবে, এরূপ কোনও নিয়ম পাওয়া যায় না। বৈশেষিক মতেও এই দোষ হয়।

রামানুজ বলেন যে, এই সূত্রে অদ্বৈতমতেরই দোষ দেখান হইয়াছে। বিভিন্ন জীবের অদৃষ্ট ভিন্ন বলিয়া ভোগ ভিন্ন হইবে, অদ্বৈত মতে ইহা বলা যায় না। কারণ, সকল অদৃষ্টই একমাত্র আত্মা ব্রহ্মেই আশ্রিত,—সুতরাং সকল অদৃষ্ট আত্মার সহিত সমভাবেই সংবন্ধ থাকিবে।

অভিসন্ধ্যাदिषु अपि च एवं ( ২১৩৫২ )

( শঙ্কর ) সাংখ্যমতে ইহা বলা যায় না যে, বিভিন্ন আত্মার অভিসন্ধ্যা অর্থাৎ সংকল্প বিভিন্ন, সুতরাং ভোগও বিভিন্ন। কারণ, সকল আত্মাই যখন সর্বব্যাপক, তখন প্রত্যেক সংকল্প সকল আত্মার সহিত সমানভাবে সংবদ্ধ থাকিবে।

( রামানুজ ) অদৃষ্টের হেতু অদ্বৈত মতে আত্মা যখন এক, তখন প্রত্যেক সঙ্কলের ফল সকল জীবকে ভোগ করিতে হইবে।

প্রদেশাৎ ইতি চেৎ ন অন্তর্ভাবাৎ ( ২১৩৫৩ )

( শঙ্কর ) সাংখ্যমতে ইহাও বলা যায় না যে, প্রত্যেক দেহে আত্মার যে প্রদেশ অবচ্ছিন্ন, সেই প্রদেশ অনুসারে বিভিন্ন জীবের বিভিন্ন সুখ-দুঃখ উপপন্ন হইবে। কারণ, আত্মা সর্বব্যাপক হইলে সকল প্রদেশই তাহার অন্তর্ভুক্ত হইবে ( অন্তর্ভাবাৎ )।

( রামানুজ ) সকল প্রদেশই যখন ব্রহ্মের অন্তর্ভুক্ত, তখন বিভিন্ন প্রদেশ অনুসারে বিভিন্ন জীবের সুখ-দুঃখের ব্যবস্থা হইবে, ইহা অদ্বৈতবাদী বলিতে পারেন না।

দ্বিতীয় অধ্যায় তৃতীয় পাদ সমাপ্ত

শ্রীবসন্তকুমার চট্টোপাধ্যায় ( এম-এ )।

## জয়ন্তী-বাসরে

ভারত আমার ! জননী আমার ! বলিতে গর্বে ভরে যে বুক !  
 নিবিড় বেদনা, তমসার মাঝে সত্যকারের একটি স্মৃতি  
 শুভ জয়ন্তী, উৎসবে তোমার, যোগ দিতে মোরে ডাকে নি কেউ।  
 তবু এ কি ভাব উছলে মরমে, চেউয়ের পরে যে উঠিছে চেউ।  
 ভুলিনি আমার শৈশব-স্মৃতি ভুলিনি জননি ! তোমার স্নেহ।  
 তব ধূলা-কাদা, মাথিয়া নিত্য, বর্ধিত মোর এ চার দেহ।  
 জননী-জঠর, হইতে যে দিন, পড়িলু তোমার বক্ষ চুমি।  
 আদরে সে দিন, হৃদয়ে লইলে, তে মোর জননি ! জন্মভূমি !  
 পল্লীর বৃকে, তব নদীতীরে, কৈশোরে কত করেছি খেলা।  
 ভুলিনি জননি ! সে সকল স্মৃতি, নন্দিত সখা সখীর মেলা।  
 কমল কুমুদ, ভুলিতে দীঘিতে, সাঁতার কাটিয়া সে কি মা যাওয়া।  
 আম কুড়ানোর সঙ্কী লগনো, বহিলে বশেখী উত্তল তাওয়া।  
 তব বন-জাত কুমুম-মালায়, সে দিন সাজিলু বপু ও বর।  
 তোমারি ধাতু তোমারি দূর্কা, আশিস বিছাল, মাথার'পর।  
 হইলু জননী, তোমার প্রতীক, মাতার গর্বে ভরিল বুক।  
 শিশু সন্তান লভিয়া বক্ষে, সে কি মা আনন্দ সে কি মা সুখ !  
 তোমার আকাশ তোমার বাতাস, তব রবি-করে বাঁচিয়া আছি।  
 পদ-রেণু হতে, কোর না বঞ্চিত আকুল কামনা চরণে যাচি।  
 তোমার জীবন তোমারি খাণ্ডে জীবন জোয়ার বহিছে দেবি !  
 সার্থক হোক জনম আমার, তোমার দুখানি চরণ সেবি।

শ্রীমতী চারুশীলা দেবী।

## মোটর দ্বিক্রয়ানে সিকিমযাত্রা

সিকিমের ইতিহাস সম্বন্ধে অতি অল্পই শুনিতে পাওয়া যায়। বিশেষতঃ সিকিমের প্রাচীন ইতিহাস জনপ্রধান হিসাবেই দেশে প্রচলিত আছে। তবে সিকিমের রাজবংশের সঠিত তিব্বতের বিশেষ ঘনিষ্ঠতা আছে, ইহা সর্বজনবিদিত। বহু পূর্বে তিব্বতে অত্যাচারিত হইয়া কয়েক জন বৌদ্ধভিক্ষু যুকসম নামক স্থানে পলাইয়া আশ্রয় লয়। তৎকালে সিকিমে তিব্বতদেশীয় এক জন ক্ষমতাবান ব্যক্তি বাস করিতেন; তাঁহার নাম ছিল পেঁচু নামগৈ। বৌদ্ধ-ভিক্ষুগণ তাঁহার সঠিত মিলিত হন এবং তাঁহাকে সিকিমের রাজা বলিয়া মানিয়া লন। তখন সিকিমের অধিবাসিগণ বেশীর ভাগ লেপচা সম্প্রদায়ভুক্ত ছিল। পেঁচু নামগৈ রাজার

সুবিদ্যা পাইয়া সিকিম-রাজ্যে অনেকে অনেকবার অভিবান করিয়া ছিলেন। সিকিমের দ্বিতীয় এবং তৃতীয় রাজার সময় স্বপ্নাবলম্বী ভূটানবাসীরা সিকিম আক্রমণ এবং লুণ্ঠনরাজ্য করিয়া চলিয়া যায়। তার পর নবম শতাব্দীতে গোর্খারা একবার সিকিম রাজ্যের ভিতর প্রবেশ করিয়া তাহার কিছু অংশ দখল করে। তিব্বতের সহায়তায় সিকিমরাজ তাহাদিগকে বিতাড়িত করিতে সমর্থ হন। কিন্তু তৎকালীন সিকিমরাজ না-বালক থাকায় তিব্বতীরা সুবিদ্যা ক্রিয়া রক্ষকের পরিবর্তে ভক্ষক হইয়া বসিল এবং উত্তরাঞ্চলের খানিকটা অংশ নিজে এলাকাভুক্ত করিয়া লয়। ১৮১৪ খৃষ্টাব্দে ইংরেজদিগের সঠিত নেপালের রাজার যখন প্রথম যুদ্ধ হয়, তখন সিকিমের



গংটক হইতে সিকিম উপত্যকার আর একটি দৃশ্য

উদ্দেশ্য ছিল যে, তিনি উল্লিখিত বৌদ্ধ-ভিক্ষুদের দ্বারা এই লেপচা-দিগকে বৌদ্ধধর্মে দীক্ষিত করিয়া লইবেন। সেই সময় হইতেই সিকিমের রাজা তিব্বতদেশীয় বৌদ্ধ-সম্প্রদায়ভুক্ত হইলেন এবং সঙ্গে সঙ্গে অনেক অধিবাসীও বৌদ্ধধর্মাবলম্বী হয়। তবে সপ্তদশ শতাব্দী হইতেই সিকিমের সম্বন্ধে কিছু কিছু ইতিহাসে পাওয়া যায়। তাহার জন্মই ইতিহাসে চৈগয়াল ফুঁসগ নামগয়ালকেই সর্বপ্রথম রাজা বলিয়া বর্ণিত আছে। শুনিতে পাওয়া যায় যে, তাঁহার পরবর্তী রাজাদের সময় সিকিম রাজ্যের সীমানা দক্ষিণে প্রায় কিষণ-গঞ্জ পর্য্যন্ত বিস্তারলাভ করিয়াছিল। তবে সিকিমবাসী বৌদ্ধরা ধর্মভীক জাতি। তাহাদের রাজ্যলিপ্সা বড় বেশী ছিল না। সেই

রাজা ইংরেজদিগের পক্ষ অবলম্বন করেন এবং ইহার কৃতজ্ঞতাস্বরূপ নেপালের খানিকটা অংশ সিকিম-রাজ্যভুক্ত করা হয়। ১৮৮৮ খৃষ্টাব্দে ইংরেজগণ যখন তিব্বতে সৈন্য প্রেরণ করেন, তখনও তাঁহারা সিকিমের সহায়তা পান। শেষে তিব্বতের অবস্থা সঙ্গীন হওয়ায় ভারত সরকার সিকিম-রাজ্যের সঠিত এক সন্ধি করেন (১৮৯৩ খৃষ্টাব্দে) এবং তদনুযায়ী সিকিমের শাসনভার ভারত-সরকারের কর্তৃত্বাধীনে আসে। তার পর ভারত সরকারের সঠিত সিকিমের আর একটি সন্ধি অনুযায়ী দার্জিলিং অঞ্চল ভারত সরকারের এলাকাভুক্ত হয় এবং তাহার বিনিময়ে সিকিম-দরবার বাৎসরিক বারো হাজার টাকা প্রাপ্ত হন। ১৯১৭ খৃষ্টাব্দে ভারতসরকার





সিকিম উপত্যকা



গংটকস্থিত বৌদ্ধ-পন্নী

বর্তমান মহারাজার তন্ত্রে তাঁহার রাজ্যের সমস্ত শাসনভার ছাড়িয়া দেন এবং তখন হইতে সিকিমে অবস্থিত ইংরেজ প্রতিনিধির ক্ষমতা বহুল পরিমাণে হ্রাস করা হয়।

বর্তমান মহারাজার নাম হিজ হাইনেস শ্রী তালি নামগ্যাল। ইনি সিকিমের একাদশ নরপতি। এখন মহারাজার বয়স প্রায় ৪১ বৎসর। ১৯১৮ খৃষ্টাব্দে তিব্বতের এক ধনী এবং সম্ভ্রান্ত ব্যক্তির কন্যার সহিত ইহার পরিণয় হয়। এখন ইহাদের তিন পুত্র এবং তিন কন্যা বর্তমান। মহারাজা এবং মহারানী উভয়েই বেশ

পরিষ্কার এবং শুদ্ধভাবে ইংরেজি ভাষায় কথাবার্তা বলিতে পারেন। সিকিম-রাজ্যের সম্মানার্থ ভারত সরকার ১৫ বার তোপধনি করিয়া থাকেন। মহারাজ দিল্লীস্থিত নরেন্দ্রমণ্ডলীর (Chamber of Princes) এক জন সভা।

মহারাজা স্বয়ং রাজ্যের সমস্ত কার্যের তদন্ত করেন। তাঁহার এক মন্ত্রণা-সভা আছে, তাহাতে তাঁহার চারি জন পারিষদ আছেন; প্রকৃতপক্ষে তাঁহারাই বিভিন্ন বিভাগের কার্য পরিচালনা করেন। কোনও জটিল কথা বৈদেশিক ব্যাপারে ইংরেজ

প্রতিনিধির পরামর্শ গ্রহণ করা হয়। সিকিম-দরবারের বাৎসরিক আয় ন্যূনাধিক সাড়ে পাচ লক্ষ টাকা। ইহার অধিকাংশ রাস্তাঘাট এবং শিক্ষাবিস্তারকায়ে ব্যয়িত হইয়া থাকে। মহারাজা নিজস্ব তহবিলে কিছু রাখিয়া, বেশীর ভাগ অর্থ ধর্ম এবং শিক্ষাপ্রচারকায়ে ব্যয় করেন। মোটামুটি দেখিতে প্যাওরা যায় যে, এই ক্ষুদ্র পার্বত্য-রাজ্যের যেমন আয়, তেমনভাবে হিসাব করিয়া মহারাজা ব্যয় করেন; এবং তাহার জগাই রাজ-সরকারের তহবিলে কখনও টাকার ঘাটতি পড়ে না।



তিলতী নাট

সিকিম-রাজ্যের লোকসংখ্যা নূন্যধিক এক লক্ষ এবং রাজধর্ম বৌদ্ধ। কিন্তু নেপালের হিন্দুধর্মাবলম্বী লোকসংখ্যাই বেশী। রাজকার্য্য হিন্দী ভাষাতেই হয়, তবে তিলতী-ভাষারও প্রচলন আছে। এখানকার অধিবাসীদের মধ্যে নেপালী, ভূটিয়া এবং লেপ্চা সম্প্রদায় প্রধান। পূর্বেই বলা হইয়াছে যে, লেপ্চারাই এখানকার আদিম অধিবাসী। তিলতী কিম্বা ভূটিয়াদের মধ্যে যাহারা অবস্থাপন্ন এবং বহুদিন যাবৎ সিকিমে ভ্রমসম্পত্তি ভোগ করিতেছেন, তাহারা রাজ-দরবারে বিশেষ সম্মান পান এবং তাহাদিগকে 'কাজী' বলা হয়। প্রকৃতপক্ষে তাহারা এখানকার

সিকিমের নারীরা সম্প্রদায়-নির্কিশেষে সকলেই স্বাধীন। যে সমস্ত পুরুষ বা নারী শুধু ধর্ম্মালোচনা করেন, তাহাদিগকে 'লামা' বলা হয় এবং তাহারা অবিবাহিত থাকেন।

বৌদ্ধ সম্প্রদায়ভুক্ত লোকেরা ভূতপ্রেতবিশ্বাসী। উষধব্যবস্থাতির উপর ইহাদের ততটা আস্থা নাই। জনস্থানে বেশী রকম রোগ-বালাই বা অমঙ্গলের সৃষ্টি হইলে লামাগণ অহোরাত্র তাহাদের 'ত্রিপিটক' বা ধর্ম্ম-গ্রন্থ পাঠ করেন। সিকিমের কোন কোন স্থানে ডাক্তার-



বৌদ্ধ শব-শোভা-যাত্রা

জমিদার। জমিদার-সম্প্রদায়ভুক্তদের মধ্যে অল্প এক শ্রেণীর সম্ভ্রান্ত ব্যক্তি আছেন, তাহাদিগকে 'এলাখাদার' বলা হয়। এই শ্রেণীতে অনেক সিকিমের বহির্দেশীয় লোকও আছেন। ইহাদের সিকিম-রাজ্যের ভিতর চিরস্থায়িতাবে জমির উপর দাবী-দাওয়া লইয়া অনেক বাদবিতণ্ডা চলিতেছে।



মহারাজার প্রাসাদের নূতন অংশ

খানা বা হাসপাতালের বন্দোবস্ত করা হইয়াছে; তন্মধ্যে গংটকস্থ 'স্বয়ং শ্বট্টপ নামগয়াল হাসপাতাল' সম্পূর্ণরূপে আধুনিক ভাবে পরিচালিত হইতেছে। রংপুতে আর একটি বড় হাসপাতাল আছে, তাহার ব্যয়ভার ভারত সরকারের দ্বারা সরবরাহ করা হয়। গংটকে একটি পণ্ড-চিকিৎসালয়ও আছে।

সাধারণের জন্ত গংটকের নিকটে একটি কসাইখানা আছে। বৌদ্ধ সম্প্রদায়ভুক্ত লোকেরা মাংস ভক্ষণ করে বটে; তবে নিজ হাতে পশু বধ করে না।

সিকিমের ভিতর অনেকগুলি প্রাথমিক বিদ্যালয় আছে। ইহার বেশীর ভাগ সরকার দ্বারা পরিচালিত; মাত্র তিন চারিটি তত্রস্থিত খ্রীষ্টান মিশনারীদের হস্তে স্তম্ভ; তাহার জন্তও সরকার হইতে সাহায্য দেওয়া হয়। এই বিদ্যালয়ে ছোট ছোট মেয়েরাও অধ্যয়ন করে। গংটকে একটি ইংরেজি বিদ্যালয় আছে, তাহার নাম 'শ্র

এই 'এলাখা'গুলির 'এলাখাদার' বা সরকার মনোনীত ম্যানেজার স্ব স্ব 'এলাখা'র অন্ন অর্থ সংক্রান্ত দেওয়ানী এবং ফৌজদারী বিচার-কার্য সম্পন্ন করেন। এই কার্য্যালয়গুলির বৃত্তি স্বরূপ তাঁহারা



গংটকস্থিত পুরাতন বৌদ্ধমন্দির

সরকার হইতে কিছুই পান না; তবে বিচার বিষয়ে stamp-fee কিম্বা জরিমানার অর্ধেক অংশ তাঁহারা গ্রহণ করেন—বাকি অর্ধেক সবকারের তহবিলে জমা হয়। 'এলাখাদার'-পরিচালিত এইরূপ



গংটকে হোয়াইট হল তৈয়ারী অবস্থায়

ভাসি নামগন্ডাল উচ্চ ইংরেজি বিদ্যালয়'। ইহা ১৯২৫ খৃষ্টাব্দে প্রতিষ্ঠিত হয় এবং এখন এই বিদ্যালয়ে প্রায় দুই শত ছাত্র অধ্যয়ন করে। ইহার প্রধান শিক্ষক এক জন ইংরেজ। ইনি General Secretary ভাবেও মহারাজার পরিষদের অঙ্গতম।

প্রধানকার বিচারকার্যে নিজ কার্যপদ্ধতি অবলম্বিত হয়। তবে ফৌজদারী ব্যাপারে বৃটিশ ভারতের নিয়মাবলী অবলম্বন করা হয়। সমস্ত দেশটি কয়েকটি 'এলাখা' বিভক্ত করা হইয়াছে।




কালী-বাড়ী

কাছারীর নাম 'আজ কাছারী'। ইহাদের উপরে একটি প্রধান কাছারী (chief court) আছে। 'আজ কাছারী'র কার্যকলাপ পরিদর্শন এবং তথা হইতে প্রেরিত আবেদনের সুনানী এই কাছারীতে হয়। প্রয়োজন বোধ করিলে প্রজাগণের এই কাছারীতে প্রদত্ত রায়ে বিন্দে সপারিসদ মহারাজার নিকট আবেদন প্রেরণ করিবার অধিকার আছে।

এই দেশে দেওয়ানী মামলা কিছু কম; ফৌজদারী মামলাও বড় বেশী তালিকাভুক্ত হয় না। ইহার বেশীর ভাগ পকারেতি দ্বারা বা আপোয়েই নিষ্পত্তি হয়। ফৌজদারী মামলায় তত্রস্থ নেপালীরাই বেশীর ভাগ অভিযুক্ত হয়। এই দেশের প্রজারা সচরাচর গরীব হইলেও চুরি বা ডাকাতি খুব কম হয়। ভিক্ষকের সংখ্যা একেবারে নাই বলিলেই হয়।

ইংরেজ প্রজাদিগের অপরাধের বিরুদ্ধে বিচারকার্যের অধিকার



একটি ঝুলান সেতু

সিকিম দরবারের নাই। তবে তাহার দায়িত্ব তত্রস্থ ইংরেজ প্রতিনিধির ইচ্ছাধীন।

গংটেকস্থিত পুরাতন বৌদ্ধ মন্দির দেখিয়া ফিরিবার পথে তত্রস্থ জেলখানা দেখিয়াছিলাম। 'জলার' ভদ্রলোক, বেশ যত্নসহকারে আমাকে জেলের আভ্যন্তরীণ সমস্ত বিষয়ই প্রদর্শন করান। শুনিলাম, তখন জেলে প্রায় ৫০ জন কয়েদী আছে, তন্মধ্যে একটি স্ত্রীলোকও আছে।

সিকিম দরবারের অধীনে কোনও প্রকার সেনাদল নাই। পুলিশবাহিনীর সংখ্যা এক শতেরও কম। বহিঃশত্রুর আক্রমণের

বিরুদ্ধে তিব্বত এবং নেপাল সীমানার ইংরেজদিগের সেনানিবাস আছে।

সিকিমের ব্যবসায় বলিতে গেলে বেশীর ভাগ কাঠের এবং পশুর লোমের তৈয়ারী কঞ্চল ও গালিচাই প্রধান। কমলালেবুর চাষ যথেষ্ট হয় এবং ইহা বাগিরে রপ্তানী করিয়া সিকিম দরবার যথেষ্ট লাভবান হন। ধানের চাষ এখানে কিছু কম হওয়াতে বাহির হইতে চাল আমদানী করিতে হয়। ভুট্টার চাষ এখানকার লোকের প্রয়োজনের তুলনায় বেশী হয়। এ স্থানের বড় বড় ব্যবসায়গুলি প্রায় সমস্তই মাদোয়ারীদের দ্বারা পরিচালিত।



অখচলাচল-পথের একটি দৃশ্য

দেশের সমৃদ্ধি এবং উন্নতি রাস্তা-ঘাটের অবস্থা হইতেই প্রতীয়মান হয়। সিকিম রাজ্যে যে ক্রমে উন্নতির দিকে অগ্রসর হইতেছে, তাহা রাস্তা-ঘাটের সুন্দর অবস্থা দেখিলেই বুঝিতে পারা যায়। রংপু হইতে গংটেক আসিবার রাস্তা (cart road) শীঘ্রই সম্পূর্ণ হইবে; গংটেকের ভিতরের রাস্তাও অতি সুন্দর। এই উন্নতির প্রশংসা একমাত্র ফকিরচাদ জালি মহাশয়ের প্রাপ্তব্য। রংপু হইতে গংটেকের রাস্তা (২৫ মাইল), এবং বেগক-জালেপলা (৭০ মাইল), এবং বেগক-লাচেন (৫০ মাইল) রাস্তাদ্বয় ভারত সরকার দ্বারা পরিদর্শিত হয়। শেষোক্ত রাস্তাদ্বয় অখ-চলাচলের উপযুক্ত (bridle path)। গংটেকের ডাক-বাংলোয় অতি সুন্দর বন্দোবস্ত আছে। তথায় ১০১২ জনের থাকিবার স্থান আছে।





গংটক হইতে ১৪ মাইল দূরে একটি বৃহৎ জলপ্রপাত

তবে ডাক-বাংলা ব্যবহার করিতে জালি সাহেবের অনুমতি পূর্বে লইতে হয়।

গংটকে বৈদ্যুতিক আলোর এবং জলের কলের বন্দোবস্ত আছে। রাজকর্মচারীদের বাটীতে বিনামূল্যে উভয় জিনিসই সরবরাহ করা হয়। প্রধান প্রধান রাস্তাতেও আলো এবং জলের বন্দোবস্ত আছে।

গংটক হইতে ১৪ মাইল দূরে এক ঝোড়া আছে। ২০ মাইল দূরে একটি বৃহৎ হ্রদ আছে; ইহার নাম ছান্দু এবং এই স্থানের উচ্চতা প্রায় বারো হাজার ফুট। শীতকালে ইহা বরফে জমিয়া থাকে। ইহার চতুর্পার্শ্বের দৃশ্যও অতি মনোরম। শুনিলাম, এক বিদেশী ব্যবসায়ী এই হ্রদ হইতে বৈদ্যুতিক আলো (hydro electric) সমস্ত উত্তরবঙ্গে সরবরাহ করিবার জন্ত কল্পনা করিয়াছিলেন। কিন্তু কোনও কারণ বশতঃ সে কায বন্ধ হইয়া যায়। এই হ্রদের নিকটবর্তী স্থানে একটি বাংলা আছে। এই স্থানে যাঁহঁতে হইলেও অধপৃষ্ঠে যাঁহঁতে হয়।

গংটকে আসিয়া একটি জিনিষের অভাব আশ্চর্য বলিয়া মনে হইল। ভারতবর্ষের অনেক স্থানে বাঙ্গালীর পরিচিত মুগ দেখিতে পাওয়া যায়। সিকিম বাঙ্গালা দেশের এত নিকটবর্তী হইয়াও বহু দূরের যেন এক অজানা এবং অজ্ঞাত দেশ বলিয়া মনে হয়। পূর্বেই উল্লেখ করা হইয়াছে যে, যে কারণেই হউক,



দূর হইতে জলপ্রপাতের দৃশ্য

বাঙ্গালীদের সিকিম রাজ্যে প্রবেশাধিকার ছিল না। পার্শ্বদেশে উক্ত নিয়ম তুলিয়া দিলেও বাঙ্গালীদের সে স্থানে থাকিবার সুবিধা ঘটে নাই।

গংটকে সর্বসম্মত চার জন বাঙ্গালী ভ্রমলোক আছেন— তন্মধ্যে তিন জন তত্ত্ব স্কুলের শিক্ষক এবং অপরটি পোষ্ট মাষ্টার। আর এক জন ঢাকানিবাসী বাঙ্গালী মুসলমান তথায় একটি ছোট মনিহারীর দোকান করিয়া আছেন। বাঙ্গালীর উপর এত অবিবাস—ভাবিয়া বড় দুঃখ অনুভব করিলাম; কিন্তু পরক্ষণেই এই চিন্তা করিয়া একটু হাসিতে চেষ্টা করিলাম যে, বাঙ্গালী যে কারণেই হউক, তাহার স্বাভাবিক বজায় রাখিয়াছে এবং অশ্রমে নিকটে তাহার এক পরিচয়ের দাবীর উপর স্পর্ধা করিয়া দাঁড়াইতে পারে।

গংটকে চার দিন থাকিয়া ৫ই নভেম্বর বেলা সাড়ে এগারটার সময় জালি সাহেবকে আন্তরিক ধন্যবাদ জানাইয়া সহর ত্যাগ করিলাম। আমার তথায় অবস্থিতির সময় তত্ত্ব ইংরেজ প্রতিনিধি বদল হইলেন। শুনিলাম, অবসরপ্রাপ্ত ইংরেজ কর্মচারী ঐ দিনই তিস্তা গ্রামে নামিয়া যাঁহঁবেন। অতএব রাস্তা মেরামত সেই দিন বন্ধ ছিল এবং সি.টমের নিকটবর্তী রাস্তা পরিষ্কার রাখা হইয়াছিল। সুতরাং আমার আসিবার সময় কোনওরূপ অসুবিধা হয় নাই, এবং



মল্লিগ্রাম হইতে তিস্তা নদীর দৃশ্য



সিংটমের পূর্বে লোহার পুল—পার্শ্বে দরসু

বেলা প্রায় তিনটার সময় তিস্তা গ্রামে আসিয়া পৌঁছলাম। ইংরেজ প্রতিনিধির জন্ত তিস্তা নদীর পুলও খোলা রাখা হইয়াছিল। তবে এখানে আসিয়া শুনিলাম যে, খেতান্দ প্রতিনিধি আজ আসিবেন না, কাল আসিবেন।

তিস্তায় আসিয়া পেট্রল ভরিয়া লইলাম। গাটকে মাড়োয়ারী ব্যবসায়ীদের নিকটে মোটরগাড়ীর প্রয়োজনীয় বাবতীয় জিনিস পাওয়া যায় বটে; কিন্তু সেখানে প্রয়োজন বোধ না হওয়াতে তিস্তা গ্রামে এক টিন পেট্রল ভরিয়া লইলাম।


তিস্তা হইতে কালিম্পঙ মাত্র দশ মাইল। কালিম্পঙ পূর্বে কখনও দেখা হয় নাই। সুতরাং এত নিকটবর্তী স্থানে আসিয়াও কালিম্পঙ না দেখিয়া যাওয়া বুদ্ধিমানের কাজ বলিয়া মনে হইল না। অতএব পূর্বপথে আধ মাইল আসিয়া কালিম্পঙের রাস্তা পরিলাম। উঃ—সে রাস্তা কি চড়াই; তবে রাস্তা বেশ প্রশস্ত এবং বঁকা। যাক—নির্বিঘ্নে চালাইয়া ৫টার কিছু পূর্বে কালিম্পঙে আসিয়া পৌঁছলাম।

কলিকাতার ইম্প্রভমেন্ট ট্রাস্টের ঘোষ সাহেবের কথাযায়ী আমি কালিম্পঙে কলিকাতার প্রবীণ সুপ্রসিদ্ধ এটর্নির বাটীতে গিয়া দেখা করিলাম। ইনি সাহিত্যিক হিসাবে আমার পিতার সহিত পরিচিত ছিলেন। কিন্তু দুর্ভাগ্যবশতঃ আমি তাঁহার বাটীতে বাস করিতে চাই শুনিয়া একটু ইতস্ততঃ করিতে

লাগিলেন। গতক ভাল নছে বুদ্ধি আমিও শীঘ্র তাঁহাকে ধল্লাবাদ জানাইয়া পলায়নতৎপর হইলাম এবং তদ্রূপ পূর্বে বিভাগের Sub Divisional Officer শ্রীযুক্ত নগেন্দ্রনাথ দাসগুপ্তের বাটীতে আসিয়া আতিথা গ্রহণ করিলাম। নগেন্দ্রবাবু তখনও তাঁহার আপিস হইতে প্রত্যাবর্তন করেন নাই। সক্যার কিছু পবেই নগেন্দ্রবাবু প্রত্যাবর্তন করিলে তাঁহার সহিত পরিচয় হইল। তিনি তৎক্ষণাতঃ আমার থাকিবার যথারীতি বন্দোবস্ত করিয়া দিলেন।

কালিম্পঙে Municipality না থাকায় সহরের বাবতীয় কাজ P. W. I) দ্বারা পরিচালিত হয়। এখানে বৈজ্ঞানিক আলোর অভাবে রাত্রিতে সহরের দৃশ্য ভূপ্তকর বলিয়া মনে হইল না। এই সহরের উচ্চতা পাচ হাজার ফুটের কিছু কম। সুতরাং ঠাণ্ডা বেশ অনুভূত হইয়াছিল। প্রাতঃকালে হিমালয়ের দৃশ্য উপভোগ্য। প্রত্যুষে শয্যা ত্যাগ করিয়া সহর দেখিবার উদ্দেশে বাহির হইলাম। সহর এখনও তেমন ভাবে তৈয়ারী হয় নাই। ক্রমেই বাঙ্গালী ধনী ব্যক্তির এখানে আসিয়া ছোট বড় বাড়ী তৈয়ারী করিতেছেন। সহরের কিছু দূরে এবং অনেক উচ্চে Kalimpong Home অবস্থিত। এই স্থানটি কালিম্পঙের প্রথম আড্ডা।

সহর দেখিয়া প্রত্যাবর্তন করিবার সময় পথে চঠাং একটু দুর্ঘটনা ঘটয়া গেল। নগেন্দ্রবাবুর বাটীর পথে একটি 'হোটেল'




গাংটকস্থিত সাধারণের ভ্রমণোতান

সিংটমের উপরে এক স্থানের বাস্তা প্রশস্ত করা হইতেছে—  
দূরে পাগাড়ের গাঙ্গে চানের জমি দ্রষ্টব্য

আছে। তাহার সম্মুখ দিয়া যাইবার সময় এক Greyhound কুকুর চীংকার করিতে করিতে আমার পিছু লইল। কোঁতুল-বশতঃ আমার দৃষ্টি তাহার প্রতি দেওয়াতে, বাস্তার পার্শ্বস্থিত সরু নালাতে গাড়ীর সম্মুখের ঢাকা পড়িয়া গেল। তৎক্ষণাৎ

engine বন্ধ করিয়া গাড়ীটি তুলিতে চেষ্টা করিলাম। বলা বাহুল্য, পার্শ্বে ফিরিয়া দেখি, কুকুরটি সেই অবসরে পলায়নে তৎপর হইয়াছিল। কিছুক্ষণ গাড়ী টানাটানির পর দেখি, চার জন বাঙ্গালী ভদ্রলোক সেই পথে আসিতেছেন। সাহাব্য চাওয়া মাত্রই তাঁহারা গাড়ী টানিয়া তুলিলেন। গাড়ী পরীক্ষা করিয়া দেখিলাম সম্মুখস্থ ঢাকার 'ব্রেক' ছিঁড়িয়াছে এবং এদিক-ওদিক সমান্তর জখম হইয়াছে। সৌভাগ্য বশতঃ আমার শারীরিক ক্ষতি কিছু হয় নাই। ভদ্রলোকদিগকে আন্তরিক ধন্যবাদ জানাইয়া, লঙ্কায় শীঘ্র সে স্থান ত্যাগ করিলাম। এইটুকু ভাবিয়া



টানেলের মধ্য হইতে রেল-মোটর বাহির হইয়া আসিতেছে ভূপ্তিবোধ করিলাম যে, এই লঙ্কাকর ঘটনার সময় হাসিবার জন্ম বাস্তায় কেহ ছিল না।

বেলা ন'টার মদোই আশ্রয়াদি শেষ করিয়া নগেন্দ্রবাবুকে অশেষ ধন্যবাদ জানাইয়া কালিঙ্গপুত্র ত্যাগ করিলাম! তিস্তায় পৌঁছাইয়া এবং তথা হইতে শিলিগুড়ির পথে প্রায় ৬ মাইল আসিয়া দক্ষিণদিকের অল্প এক সরু এবং ছোট বাস্তার উপরে উঠিতে লাগিলাম; উদ্দেশ্য-পূরণার্থ দার্জিলিং যাওয়া। প্রায় দুই মাইল চড়াইয়ের পর দেখি, পশ্চাতের ঢাকার হাওয়া একবারে কমিয়া গিয়াছে। স্মৃতরা এইরূপ জনবিরল চড়াই এবং জঘন্য বাস্তায় আর উপরে উঠিবার

প্রয়াস না করিয়া ধীরে ধীরে ফিরিতে লাগিলাম। রাস্তার উপর পাথরের বড় ঢেলা রহিয়াছে, তাহা অধিবর্ত বাটাইয়া চালান বিশেষ কষ্টকর। তিস্তা-শিলিগুড়ির Cart Roadএ পৌঁছিয়া মোটরগাড়ীর অপেক্ষায় প্রায় এক ঘণ্টার উপর বসিয়া রহিলাম। তার পর একটি গাড়ী নিকটবর্তী হইলে চালককে দাঁড়াইবার জন্ত হাত তুলিলাম। দুই সাহেব গাড়ীতে ছিলেন; তাঁহারা গাড়ী থামাইবার কারণ জিজ্ঞাসা করিলে আমি তাঁহাদের গাড়ীর air pump চাহিলাম। তাঁহারা তৎক্ষণাৎ তাঁহাদের চালককে আমার গাড়ীর চাকায় হাওয়া দিতে বলিলেন। তার পর আমার ভ্রমণ-বৃত্তান্ত শুনিয়া বিশেষ আনন্দ প্রকাশ করিলেন এবং উল্লিখিত খাবার বাস্তা দিয়াই বাইতে উৎসাহিত করিলেন। তাঁহাদের এক জনের পরিচয় মিষ্টার কিব্বি, অপরটি তাঁহার বন্ধু ক্যাপ্টেন কেলী। কাণ্ড সমাপ্ত হইলে তাঁহাদের ধন্যবাদ দিয়া বিদায় লইলাম।

পূর্বোক্ত রাস্তার বেকুপ অবস্থা দেখিয়াছিলাম এবং গাড়ীর সম্মুখস্থ 'লেব' না থাকায় যে অসুবিধা হইতেছিল, তাহা চিন্তা





সিংটম হইতে ৩ মাইল উপরে নূতন রাস্তা তৈয়ার হইতেছে—  
পার্শ্বে ৬০ ফুট নিম্নে সিংটম নদী

করিয়া পুনরায় ঐ রাস্তায় যাওয়ার জন্ত ইতস্ততঃ করিতেছিলাম; কিন্তু সাহেবদ্বয়ের উৎসাহের কথা স্মরণ করিয়া ঐ পথেই যাওয়া স্থির করিলাম। আর একটি কারণ, এই পথে দার্জিলিঙ পৌঁছাইতে তথ্য হইতে প্রায় ৩০ মাইল বাইতে হইবে; কিন্তু শিলিগুড়ি হইয়া বাইলে প্রায় ১০০ মাইল পড়িবে। সুতরাং পুনরায় ঐ পথেই উঠিতে শুরু করিলাম। এ যেন বে-পরোয়া নিলজ্জতার গঠতা—ছুটমতি ডানপিটে ছোকরার বেয়াদবী অভিমান!

এই রাস্তার রাস্তায় প্রায় খাড়াই ৪ মাইল আসার পর অপেক্ষাকৃত ভাল রাস্তা পাইলাম। ইহার দু'মাইল পরে আবার খাড়াই। তার পর রাস্তা প্রায়ই চা-বাগানের ভিতর দিয়া অঁকিয়া-ধাঁকিয়া ক্রমে উপরে উঠিতে আরম্ভ করিয়াছে। এই সমস্ত স্থানে রাস্তা অতিশয় অগ্রশস্ত। শুনিলাম, এই রাস্তার Baby Austin যাতায়াত করে; হঠাৎ সম্মুখে পড়িলে পাশ কাটাইবার স্থান নাই। তিস্তার Cart Road হইতে প্রায় ১৩ মাইল আসার পর তাগদায় পৌঁছিলাম। এ স্থানে পূর্বে গোরাদের একটি স্বাস্থ্যনিবাস

ছিল। এখন বাঙ্গালীদের মধ্যে অনেকে এ স্থানে স্বাস্থ্যার্থেই আসিয়া থাকেন। তাগদা হইতে আরও প্রায় ১২ মাইল এক প্রশস্ত অথচ অনবিবর্ত রাস্তায় চালাইয়া গুম বাছায়েন নিকট আসিয়া পৌঁছিলাম। প্রথমবারে তিস্তা যাওয়ার সময় লাডেনলা সাহেবের নির্দেশ মত এই স্থানে দক্ষিণ দিকে মোড় না লইয়া ভুলক্রমে সটান সোজা পথে পেশকের দিকে চলিয়া গিয়া-ছিলাম। তবে এই পেশকের রাস্তায় বাইতে পারিলে প্রায় ১২ মাইলের সুবিধা হয়—কিন্তু ঐ পথে যাওয়া নিবিধ। বিঘাৎের রাস্তাও মোটর-সাইকেলের পক্ষে বিপজ্জনক।



পাতাড়ের সাধারণ দৃশ্য

গুম পৌঁছবার কিছু পূর্বে হইতেই টিপ টিপ করিয়া বৃষ্টি পড়িতেছিল। যন্ত্রণাদায়ক এই অনভ্যস্ত শীতের প্রকোপে ক্ষত-বিক্ষত হইয়া ধীরে ধীরে চালাইয়া প্রায় সাড়ে তিনটার সময় পুনরায় দার্জিলিঙে পৌঁছিলাম। দার্জিলিঙে পুনরায় আসার কারণ শেষোক্ত তাগদা-রাস্তার রাস্তাটির সহিত পরিচয় রাখা।

পরদিন (৬ই নভেম্বর) কলিকাতা প্রত্যাভর্তনের পালা। এদিক ওদিক করিতে করিতে দার্জিলিঙ ছাড়িতে প্রায় সাড়ে চারটা বাজিয়া গেল। কাঁদিয়াও পৌনে ছয়টার পৌঁছিলাম। কাঁদিয়াঃ ছাড়াইয়া কিছুদূর অগ্রসর হইবার পর হিম-কুহেলিকা-সনাচ্ছন্ন কৃষ্ণকায় শীতরাত্রি সম্মুখের পথে গতিবোধ করিল। তার পর



নির্দয়ভাবে ভীষণ বারিপাতের সূত্রপাত হইল। সেই অবিশ্রান্ত জলধারা এবং কুরাসাতরা অঙ্ককার ব্যক্তিতে আশে পাশে কোথাও আশ্রয়স্থান খুঁজিয়া পাওয়ার সম্ভাবনা নাই বুঝিলাম; এবং এই হৃৎযোগে নীচের দিকে গাড়ী চালাইয়া যাওয়া সবিশেষ বিপজ্জনক ভাবিয়া কাসিয়াঙের দিকেই ফিরিলাম এবং সাতটার সময় তথায় আসিয়া পৌঁছিলাম। তথায় Goenka & Coতে বাইয়া তাহার মালিকের খোজ লইয়া জানিলাম, তিনি স্বপ্নে চলিয়া গিয়াছেন। সূত্রবাং সে স্থানে আশ্রয় মিলিল না। তার পর তথায় এক জন বাঙ্গালী ভদ্রলোকের সহিত সাক্ষাৎ হইল; তিনি সন্নিহিতস্থ তাঁহাদের 'মেসে' লইয়া গেলেন, এবং আমার ভিণ্ডা কাপড়গুলি বদলাইবার জন্ত তাঁহাদের কাপড়-জামা দিলেন। বলা বাহুল্য, সেই বৃষ্টিতে আমার সহিত বাহা কিছু ছিল, সমস্ত ভিজিয়া গিয়াছিল।

পরদিন (৭ই নভেম্বর) ভিণ্ডা কাপড়গুলি বোদ্রে শুকাইয়া লইয়া বেলা তিনটার সময় কাসিয়াঙ ত্যাগ করিলাম। কাসিয়াঙ পূর্বে দেখা ছিল না—ওইটুকু সময়ের মধ্যে আশে পাশের যতদূর সম্ভবপর হইল দেখিয়া লইলাম।

নামিবার সময় তিনধরিতার কিছু পূর্বে পাঁচটি বাঙ্গালী যুবকের সহিত সাক্ষাৎ হইল; ইহারা বাইসাইকেলে কলিকাতা হইতে

চারটার সময় পৌঁছিয়া দেখিলাম, North Bengal Express-এর 'গার্ড' সাহেব গাড়ী ছাড়িবার জন্ত বাঁশী বাজাইতেছেন। আমি



ইলিসিয়ম পাহাড়—সংউড হোটেল

ব্যক্তি ন'টা পধ্যস্ত তথায় অপেক্ষা করিয়া দার্জিলিং মেল এ চড়িয়া পরদিন প্রাতঃকালে ঘরের ছেলে ঘবে ফিরিলাম।

শ্রীপ্রণবশচন্দ্র সিংহ।


## বাড়গ্রাম

বনদেশ হ'তে রাজা পথ এসে মনোদেশে দেখি রয়েছে পাতা  
জলে-ধোওয়া-শাল-বনের ছবিটি বহুদিন মনে রহিবে গাঁপা!  
বন-মৃগ সম চঞ্চল ভীকু সাঁওতালী নর-নারীর দলে  
যে মাদল বাজে, মনের গোপনে আজিও যে তার জলুসা চলে!

কাণে গোঁজা ফুল, শিরীষের ডল! কবরীতে শোভে মালতী-মালা  
সবল তনুর অগুতে অগুতে গ্রামল রূপের লাবণী ঢালা!  
সরল জীবন সুখী অনুখন কত সামাগে তুষ্ট সবে—  
কবে আমাদের নগর—সৌন্দর্য বুলিমাং হয়ে কানন হ'বে!  
সাঁঝে ও সকালে বিটপীর ডালে গ্রামা ও দোয়েল তুলিয়া তান  
দিবে ডুবাইয়া সভ্যতা-জাত কৃত্রিমতার যন্ত্রগান  
যতন-লালিত মালকু ঢাকি' অযতনে ফোটা বনের ফুল  
বনভূমি রাঙ্গি' কবে দিবে ভাঙ্গি' বৃথাভিমানীর মনের ভুল!

কবে নগরীর গগন-চুম্বী গরবী প্রাপাদ চুম্ববে পুণি  
তাহারি ঋশানে শাল ও পিয়াল দাঁড়াবে বিশাল শীর্ষ তুলি'!  
সেই সূ-দিনের শুভ-লগনের আশায় আবার জন্ম ল'ব  
বন-পথে-পথে মাদল, বাজায়ে বন-মৃগদের সঙ্গে র'ব।

শ্রীরামেন্দু দত্ত।



## বাঙ্গলা বানানের নিয়ম

কলিকাতা বিশ্ববিদ্যালয় হইতে বাঙ্গলা বানানের নিয়ম প্রচারিত হইয়াছে। ভাইস্ চ্যান্সেলার মহাশয় স্বয়ং ইহার ভূমিকা লিখিয়া দিয়া বলিয়াছেন যে, বিশ্ববিদ্যালয় কর্তৃক প্রকাশিত ও অনুমোদিত পাঠ্য পুস্তকাদিতে ভবিষ্যতে এই নিয়মাবলী-সম্মত বানান গৃহীত হইবে।

বাঙ্গলা বানানের সমস্তা অল্পবিস্তর সকল সময়েই লোকের দৃষ্টি আকর্ষণ করিয়াছে। কিন্তু সম্প্রতি বিশ্ববিদ্যালয় এ বিষয়ে যে ভাব অবলম্বন করিয়াছেন, তাহাতে সমস্তা গুরুতর হইয়াছে। কারণ, কেবল যে তাঁহাদের নিজেদের প্রকাশিত পুস্তকাদিতেই এই নিয়মাবলী অনুসৃত হইবে, তাহাই নহে, পরন্তু বোধ হয় যে, তাঁহারা এই নিয়মের বানানে লিখিত না হইলে কোনও পুস্তক পাঠ্যতালিকাভুক্ত করিবেন না। তবে বিদ্যাসাগর, বঙ্কিমচন্দ্র প্রভৃতির রচনা হইতে সংগ্রহাদিতেও তাঁহারা নূতন নিয়মের বানান চালাইবেন কি না বুঝা যাইতেছে না। সম্প্রতি বঙ্গভাষা শিক্ষার বাহন বলিয়া স্বীকৃত হওয়াতে বিশ্ববিদ্যালয়ের এই বাধ্যতামূলক নীতির ফল সুদূরপ্রসারী হইবে। অতএব এই বানানসমস্তার আলোচনা এক্ষণে কাহারও অবহেলার যোগ্য নহে। আলোচনার ফলে যদি প্রস্তাবিত নিয়মাবলীতে কোন ত্রুটি দেখা যায়, তবে তাহা পরিহার করিয়া ভবিষ্যতে বহু অনর্থের নিবারণ করা সম্ভব হইবে। কারণ, ভাইস্ চ্যান্সেলার আশ্বাস দিয়াছেন যে, আবশ্যক হইলে প্রচারিত নিয়মাবলী সংশোধিত ও পরিবর্তিত হইতে পারিবে।

আলোচনার প্রারম্ভেই প্রশ্ন উঠে, এই নিয়মাবলীর কোন প্রয়োজন আছে কি না? বিশ্ববিদ্যালয় অবশ্য এই প্রয়োজন স্বীকার করিয়া লইয়াছেন, নতুবা তাঁহারা এই কার্যে কালক্ষয় করিতে উদ্যত হইতেন না। কিন্তু কেহ কেহ এই প্রয়োজন অস্বীকারও করিয়াছেন। [দৃষ্টান্ত স্থলে মাসিক (জ্যৈষ্ঠ ১৩৪৩, পৃ: ৩৫৫) ও দৈনিক (১৪ই জ্যৈষ্ঠ, ১৩৪৩) বসুমতীর উল্লেখ করা যাইতে পারে। এই দুই পত্রিকায় সম্পাদকীয় প্রবন্ধে বাঙ্গলা বানান পরিবর্তনের নিয়মাবলী গঠনের প্রয়োজন অস্বীকৃত হইয়াছে।] অধিকন্তু আপত্তি হইয়াছে যে, হাতে কাষ না থাকিলে গড়োর গঙ্গাযাত্রা করার মত এই কার্যে অনাবশ্যক ও ক্ষতিকর। এবং যে সকল পরিবর্তন প্রস্তাবিত হইয়াছে, তাহাতে বাঙ্গলা ভাষার শব্দ গঠনপদ্ধতি ও কোবিদগণের ব্যবহৃত ভাষার ভিত্তির উপর নির্ভর করা হয় নাই, পরন্তু লাইনো টাইপের মেশিনে সম্পোজ করার সুবিধার দিকে দৃষ্টি রাখা হইয়াছে। একরূপ আভাসও দেওয়া হইয়াছে যে, এই সকল কারণে এবং উপযুক্ত শক্তির অভাবে এই প্রচেষ্টা সফল হইবার সম্ভাবনা নাই। প্রস্তাবিত নিয়মাবলীর কোন কোনটি সন্দেহে আপত্তি দর্শানও হইয়াছে।

এই সকল অভিযোগের বিচার করিতে হইলে প্রথমেই অনুমান করিতে হয়, বানানে যে বিশৃঙ্খলতা দেখা দিয়াছে, তাহা কি প্রকারের এবং তাহার কারণ কি? যে সকল শব্দের বানানে পূর্ব-প্রচলিত রীতির ব্যত্যয় ঘটিয়াছে, উহাদের প্রতি দৃষ্টিপাত করিলে

দেখা যায় যে, কতকগুলি ইচ্ছাকৃত এবং কতকগুলি অনিচ্ছাকৃত। ইচ্ছাকৃত পরিবর্তন লেখকবিশেষের স্বীকৃত কোন নীতি অনুসারে করা হইয়াছে। পরিবর্তিত বানান সাধারণতঃ সঙ্গত বিবেচিত হউক বা না হউক, এই শ্রেণীর পরিবর্তন নিছক খেয়ালের অনুসরণে করা হয় নাই, পরন্তু ভাষার বিস্তৃতি বা সরলতা সংঘটনের উদ্দেশ্যে কোন বিশেষ নিয়ম মতে করা হইয়াছে। স্বীকৃতনাথের গৃহীত 'বাংলা' 'আঙিনা' 'বাঙালী', 'কোনো', যোগেশচন্দ্রের প্রবর্তিত 'কাষ', 'বর্তমান', 'নির্মিত', 'পূর্ব', 'কর্ম', 'সর্ব', সুনীতি কুমারের 'নোতুন' প্রভৃতি বানান ইহার দৃষ্টান্ত।

আর এক শ্রেণীর বানানে প্রচলিত বানানের যে পরিবর্তন দেখা যায়, তাহা লেখকের স্বৈচ্ছাকৃত নহে। কোন নীতি অনুসারে না হইয়া লেখকের প্রায় অজ্ঞাতসারে, কখনও কেবল অনবধানতার বশতঃ কখনও বা অজ্ঞতাবশতঃ এই সকল পরিবর্তন ঘটে। এখনও খ্যাতি লাভ করেন নাই অথবা খুব বেশী পরিমাণে লিখেন না, একরূপ লেখকের একই প্রবন্ধমধ্যে যখন 'উন্টো' ও 'উন্টা', 'দেখলুম' ও 'বেকলাম', 'নীচে নামে না' ও 'নাবিয়েছে' দেখিতে পাওয়া যায়, 'ধানভাঙতে' দেখা যায়, তখন বানানের পরিবর্তন অনিচ্ছাকৃত বলিয়া বোধ হয়। 'হুদুগুদ', 'আমাদের সম্পর্কে আসুলে', 'কোলকাতা' প্রভৃতি বানান একই প্রবন্ধেই খাফাতে পরিবর্তনগুলি কতকাংশে অজ্ঞতাপ্রসূত বলিয়া বোধ হয়। উপরে যাগা বলা হইল, তাহার অর্থ একরূপ নহে যে উল্লিখিতরূপে বানানের যে পরিবর্তন দেখা যায়, তাহাব সকলগুলিই খাতনামা লেখকগণের বেলায় ইচ্ছাকৃত ও কোন নীতিঘটিত এবং অখ্যাত লেখকগণের বেলায় অনিচ্ছাকৃত ও অজ্ঞতাপ্রসূত। বস্তুতঃ খাতনামা লেখকদের রচনাতেও এমন অনেক পরিবর্তন লক্ষ্য করা যায় যে, অজ্ঞতাপ্রসূত না হইলেও তাহা যে অনবধানতার ফল, সে বিষয়ে বিশেষ সন্দেহের অবসর নাই। অতি প্রসিদ্ধ লেখকের লেখায়ও একই প্রবন্ধে 'ঠিক-মতো', 'এখনো', 'তা হোলে', 'পুরো মাত্রা', 'ক্রমশ', 'স্বতই', 'ইকুল' আছে; আবার 'কাষ' 'বর্জন'ও আছে। 'ভাঙন' আছে, কিন্তু 'সর্বস্বীন'ও আছে। 'গেছে' আছে, আবার 'গিয়েছিল', 'পৌছিয়ে দিয়েছিল'ও আছে। 'জানতেম'ও আছে, আবার 'পড়েছিলুম'ও আছে। আর একটি প্রবন্ধে 'বললেম'—'দেখলুম' দুইই আছে। 'ভালোবেসেচি', 'য়েখেচে', 'ভুলিয়েচে'ও আছে, আবার 'ধরেছে', 'গেছে', 'পাচ্ছে'ও আছে এবং 'হছে'ও আছে আর 'হয়েছে'ও আছে। যে প্রবন্ধে 'চললেম', 'দেখলুম' দুইই আছে, সেই প্রবন্ধেই 'বুড়ো', 'কোনো', 'হোক', 'চরানো', 'পাখরগুলো' 'কেমনতরো', এমন কি 'বড়ো'ও আছে; আবার 'উর্ক' 'ধৈর্য', 'সর্বত্র', 'সৌন্দর্য', এমন কি 'কর্দমাস্ত্র' পর্যন্ত আছে। 'স্বভাবত' 'সাধারণত' আছে, কিন্তু 'মূলতঃ'ও আছে। 'য়েখেছে'ও আছে, আবার 'ধরেছে' 'পাচ্ছে'ও আছে; 'হছেও' আছে, 'হয়েছে'ও আছে। অপর এক অতি বিশিষ্ট লেখকের প্রবন্ধেও এইরূপ ক্রিয়াপদের বানানে অনৈক্য দৃষ্ট হয়। যথা—'এসেছেন' 'কবেচেন'

'ভাসাচ্ছেন' 'করছেন' 'কাদছেন' 'হয়েচে' 'দেখেছিলুম' 'বলেছিলুম' 'গেটি' 'পেয়েচি'। এই প্রবন্ধেই 'পূর্ব' 'অন্ততঃ' 'হয়ত'ও আছে; আবার 'হোক'ও আছে। এক জন সাবধানী বিশিষ্ট লেখকের একই রচনায় 'হচ্ছে', 'পুঁথি' 'সোণা' দেখা যায়। আবার 'কর্ম' 'বর্তমান', 'বাস্তব', 'বাস্তব' 'আন্তর্জাতিক' দেখা যায়, কিন্তু 'অন্তর্জাতিক'ও দেখা যায়। আর এক জনের প্রবন্ধে 'বাংলা' 'কলকতা' 'পেলুম' 'ভালো' 'কুলো' 'আরো' 'আজো' এবং 'কেনো' (ক্রিয়াবিশেষণ) দেখা যায়। কিন্তু ইনি 'বেরুচ্ছে' না লিখে 'বেরুচ্ছে' লিখেন; 'সর্ব' 'ধর্ম' এবং 'কথাগুলি' লিখেন; এবং 'তা হলে' ও 'তাহোলে' দুইই লিখেন। অপর এক জন সাবধানী লেখকের একই প্রবন্ধে 'বাংলা' ও 'বাঙলা' দুইই আছে। এই প্রবন্ধে তিনি 'রঙ' 'পুরো' 'তেমনি' 'কখনো' 'কান' 'স্রোত' 'ফোটানো' 'পড়া' (ক্রিয়া) লিখিয়াছেন; কিন্তু কোনো না লিখিয়া কোন, আজো না লিখিয়া আজও, ভালো না লিখিয়া ভাল, বস্তার মতো না লিখিয়া বস্তার মত লিখিয়াছেন। করতুম লিখিয়াছেন বটে, কিন্তু হচ্ছে লিখেন নাই, হচ্ছে লিখিয়াছেন এবং গেছে না লিখিয়া 'গিয়েছে', কলকতা না লিখিয়া সোজা কলিকাতা লিখিয়াছেন, এবং ধর্ম, বিশেষতঃ, সম্ভবতঃ লিখিতে ভয় পান নাই। অপর এক জন প্রসিদ্ধ লেখক তাঁহার প্রবন্ধে 'বাংলা', 'বাঙলা', কিন্তু 'তেলেঙ্গা' লিখেন। 'সোনা', 'কেরানী', 'গবর্ণর' কিন্তু 'মডার্ণ' লিখেন। 'ক্রমশ', 'সাধারণত', 'আপাতত' লিখেন বটে, কিন্তু 'এবধি', 'সম্প্রতি'ই লিখেন। 'দুর্ভাগ্য' লিখেন, কিন্তু 'পূর্ব', 'বর্তমান', 'সম্ভবতঃ' ও 'নিশ্চিত' লিখেন, টুটী লিখেন, কিন্তু 'পুঁথি', 'মাটি', 'ইংরেজী' এমন কি 'ষ্টেশন'ও লিখেন। 'মিউজিয়ামের মত' লিখেন, 'সংশ্লি', 'একচেটিয়া', 'ভালবাসিতেন' লিখেন এবং ক্রিয়াপদে কোনরূপ বৈচিত্র্য না পড়াইয়া 'গিয়াছেন', 'করিলাম'ই লিখেন। এক জন পণ্ডিত ও বিখ্যাত লেখক 'লিখিতেছি', 'বুঝিতে হইবে', প্রভৃতি ক্রিয়াপদ ব্যবহার করেন এবং 'রানী', 'জ্যোতিষী', 'নৃতন' লিখেন, কিন্তু 'সকীয়' স্পষ্ট বিবৃত নীতি অনুসারে 'বর্তমান', 'নির্মিত', 'পূর্ব', 'কাথ', 'সদস্য' লিখেন। সুপ্রতিষ্ঠিত লেখিকার রচনায় 'হইতেছে' 'ভালবাসিতাম' প্রভৃতি ক্রিয়াপদ দেখি, বিশেষতঃ, 'কর্ম' এবং 'বাস্তব' ও 'বাস্তব'ও দেখি; কিন্তু 'তারাগো', 'বস্তুটাতো'ও দেখি। এই সকল লেখক-লেখিকা সকলেবই 'খ্যাতি' আছে এবং বয়স পঞ্চাশ বৎসর পার হইয়াছে। তাঁহাদের অপেক্ষা অল্প বয়সের কিন্তু বেশ নাম করা লেখক-লেখিকাদের গল্প-উপন্যাসাদিতে বানানের দিকে দৃষ্টি করিলে দেখিতে পাই, এক জন লিখিয়াছেন 'ক', 'ভাঙা', 'কালো', 'হটো', 'বসানো', 'খোড়া', 'হাটুরে'কিছু 'গেকরা', 'কুমড়া', 'চূড়াগুলি' খাট (ইস্বার্থে)। ইহার ঐ একই লেখাটিতে সজ, ইতস্তত, সোঁপা আছে বটে, কিন্তু শাড়ী, পূর্ব, অর্জন, কর্তব্যই আছে; ক্রিয়াপদে গেল, করিয়াছিল প্রভৃতিই আছে। গল্প-উপন্যাসাদিতে অনেকে প্রায়ই কথাবার্তার কালে মৌখিক ভাষার প্রয়োগ করিয়াছেন। তাহাতে বানানের বেলায় একজনের লেখায় 'বাঙালী', 'ক্রমশ', 'কান', 'ট্রেন' দেখিতে পাওয়া গেলেও 'উর্জ', 'ধর্ম'ই দেখা যায়। 'হুকোঁধ্য'ও আছে, 'হুকিপাক'ও আছে; 'শহর' আছে, কিন্তু 'ষ্টেশন', 'ষ্টুডেন্ট' ও 'এ্যাপোপ্রেসি' আছে। আবার 'খাট'র স্থানে 'খাটো' আছে। 'হুচ', 'হুতা' আছে। এই লেখাটিতে কথাবার্তার ক্রিয়াপদে বৈচিত্র্য

দেখা যায়। 'বললাম', 'দখলাম' আছে; 'গেছে', 'হচ্ছে', 'করেছি' আছে। 'ছেলে ছুটল'... 'ঘুড়িখানা ধরলে', 'ঝুকল', 'পড়ল', ইত্যাদি আছে। এই শ্রেণীর এক জন বয়সে প্রবীণ লেখকের গল্পে কেবল কথাবার্তার নহে, সর্বত্রই 'বাঙলা', 'রঙিন', 'বাড়ি', 'ক্রমশ', 'অন্ততঃ' 'আপাতত', 'বাঁধাছাঁদাগুলো', 'কোনো', 'মতো', 'কী শোচনীয়', 'জানা নেই', 'আটকানো', 'কোরোনো', 'এসনা', 'ধারালো', 'বউ', এ সমস্তই আছে, কিন্তু 'পূর্ব', 'ধর্ম', 'সর্ব', 'বারংবার', 'গিয়েছে', 'পারছে', 'হ'লনা'ও আছে, 'গাড়িও' আছে, 'গাড়ীও' আছে। এই রচনাটিতে পূর্বোক্ত ক্রিয়া-পদের 'ছুটল', 'ধরলে'র গোলমাল অতি প্রচুর। যথা—'গাড়িরে উঠল,.....পা মুড়ে বসল.....ভাব ব্যক্ত করলে.....চুকটটা ফেলে দিলে.....হেসে উঠল, বললে... হাসি দেখা দিলে.....চূপ করে রইল,.....বলে। উচ্ছৃঙ্খলিত হ'য়ে রোদন করলে.....স্বক হয়ে বসল। রোদন করতে লাগল।...তন্দা.....অচেতন করে দিলে।' এইরূপ গোলমালের প্রাচুর্য এক জন অতি প্রসিদ্ধ গ্রন্থকারের লেখাতেও রহিয়াছে। তাঁহার লেখায় দেখিতেছি—'উঠে বসলো.....গম্ভীর মুখে বললে,.....হাসলে, বললে, চেয়ে রইলো, বলতে লাগলো; চূপ করে রইলো, কথা কইলো না, বলতে লাগলো.....সায় দিয়ে বললে।' এই বানানগুলি যে সকল প্রবন্ধ ও গল্প হইতে লওয়া হইয়াছে, তাহার সকলগুলিরই প্রকাশকাল এক বৎসরের মধ্যে।

উপরি-উক্ত বানানগুলির প্রকৃতি পর্যালোচনা করিলে বুঝা যাইবে কি কারণে বিশ্ববিদ্যালয়ের কর্তৃপক্ষ বানানের নিয়ম প্রবর্তন অত্যাবশ্যক মনে করেন, অথচ উল্লিখিত আপত্তিকারিগণ উহা অনাবশ্যক মনে করেন। লেখকের অনবধানতা অথবা অজ্ঞতা-প্রসূত যে সকল বানান দেখা গিয়াছে, সেগুলির কথা ধরিলে প্রায় নিঃসন্দেহে বলা যায় যে, এই সকল বানান সম্বন্ধে কোন নিয়মের প্রয়োজন নাই। লোকের অজ্ঞতার ফল অল্পসংখ্যক বুদ্ধিমানের কাশা নহে।

অবশ্য দেখা যায় যে, কোন কোন সময় অজ্ঞতার ফলও ভাষায় চলিত হইয়া গিয়াছে, কিন্তু এরূপ দৃষ্টান্তের সংখ্যা কম। ইহা নিয়মের ব্যতিক্রম বলিয়া গণ্য এবং এই অনুসারে অল্পসংখ্যক বানানের কোন নিয়ম নির্ধারিত হইতে পারে না। যে সকল লেখকের পাণ্ডিত্য আছে, অথবা সাহাদের রচনা সাহিত্যে বিখ্যাত বা সংখ্যায় প্রচুর, তাঁহাদের বানানের বিশৃঙ্খল অজ্ঞতা-প্রসূত নহে বটে, কিন্তু অনেক স্থলে অনবধানতা-প্রসূত, সে বিষয়ে সন্দেহ নাই। এখনি সম্বন্ধেও কোন নিয়মের আবশ্যকতা স্বীকার না করিলেও চলে, অধিকাংশ স্থলে এগুলি দেখাইয়া দিলেই সংশোধিত হয়। কিন্তু সেগুলির বেলা তাহার পরিবর্তে কোন নীতির দোহাইতে উহাদের সমর্থন করা হয়, সেগুলি এবং আরও যে সকল বানানের পরিবর্তন-ত্ররূপ নীতিমূলে ইচ্ছাপূর্বক করা হয়, সেগুলির অল্প নিয়ম প্রণয়নের আবশ্যকতা স্বীকার না করিলে চলে না। রবীন্দ্রনাথ, যোগেশচন্দ্র প্রমথনাথ ও সুনীতিকুমার কর্তৃক বানানের এরূপ পরিবর্তনে-প্রস্তাব সুবিদিত।

এই আলোচনায় দেখা যাইতেছে, যে সকল বানানে বিশৃঙ্খল আছে, উহাদের কতকগুলি সম্বন্ধে নিয়ম প্রণয়ন অনাবশ্যক; এ কতকগুলি সম্বন্ধে আবশ্যক। অতএব বিশ্ববিদ্যালয় যদি নিয়ম প্রণয়নের ক্ষেত্র শেষোক্ত বানানগুলিতে সীমাবদ্ধ করিয়া থাকেন, তবে



আপত্তির কারণ নাই; কিন্তু যদি তাহা না করিয়া বানানের সকল রকম বিশৃঙ্খলা সম্বন্ধে নিয়ম রচনার অগ্রসর হইয়া থাকেন, তবে তাহা অনেকাংশে অনর্থক বলিতে হইবে। কাজেই দেখা দরকার, বিশ্ববিদ্যালয়ের নিয়ম প্রণয়নের ক্ষেত্র কতদূর বিস্তৃত।

একণে বিনয়টি যে ভাবে প্রচারিত হইতেছে, তাহাতে ধারণা হইতে পারে যে, বিশ্ববিদ্যালয় কেবল কতকগুলি শব্দের বানান নির্দিষ্ট করিয়া দিতে চাহেন। এই ধারণা ঠিক নহে। কিন্তু ইহা ঠিক বলিয়া ধরিয়া লওয়াতে বিতণ্ডার সৃষ্টি হইয়াছে। বস্তুতঃ ভাষার প্রকৃতি ও ব্যাকরণের দিকে দৃষ্টি না দিয়া কেবল শব্দের বানান নির্দ্ধারিত হইতে পারে না। বিশ্ববিদ্যালয়ও কার্যে প্রবৃত্ত হইবার কালে ইহা স্বীকার করিয়া লইয়াছেন, কিন্তু শেষকালে কার্যতঃ অস্বীকার করিয়াছেন বলিয়া বোধ হয়। ইহার ফলেই আপত্তি উঠিয়াছে। বিশিষ্ট লেখকগণের অভিমত সংগ্রহ করণার্থ বিশ্ববিদ্যালয়ের কেন্দ্রীয় পরিভাষা সমিতির সম্পাদক প্রথমে যে পুস্তিকা প্রচার করেন, তাহাতে লিখিয়াছেন, “আধুনিক বাঙলা সাহিত্যের ভাষায় দুই রীতি চলিতেছে—সাধু ও চলিত। বহুকাল বহু প্রচারের ফলে সাধুভাষায় প্রযুক্ত শব্দসমূহের বানান প্রায় সুনির্দিষ্ট হইয়া গিয়াছে, কিন্তু চলিতভাষায় তাহা হয় নাই, বিভিন্ন লেখক বিভিন্ন রীতিতে বানান করেন। বিদ্যালয়ের পাঠ্যপুস্তকে চলিত ভাষা স্থান পাইয়াছে। পরীক্ষার্থী প্রশ্নপত্রের উত্তরে চলিত ভাষায় লিখিতে পারে, এমন অনুমতিও কলিকাতা ও ঢাকা বিশ্ববিদ্যালয় দিয়াছেন। বাঙলা শব্দের, বিশেষতঃ চলিত ভাষায় প্রযুক্ত শব্দের বানানপদ্ধতি নিরূপণ করা অত্যাবশ্যক হইয়া পড়িয়াছে।”

দেখা যাইতেছে, সমস্তার বিচারের আদিতেই ভাষার ‘সাধু’ ও ‘চলিত’ দুই প্রকার রীতি স্বীকৃত হইয়াছে। আলোচনা বাপদেশে আরও একটি ‘কথিত’ রীতি স্বীকৃত হইয়াছে। কারণ, ‘বানান যথাসম্ভব উচ্চারণসূচক হওয়া বাঞ্ছনীয়’, ‘পদের অস্বস্থিত ম স্থানে সর্বত্রঃ দিলে উচ্চারণে বাধিতে পারে’, ‘যদি ভুল উচ্চারণের সম্ভাবনা থাকে, তবে হস্ চিহ্ন বিধেয়’—কেবল যে এই সকলই স্বীকৃত হইয়াছে, তাহা নহে, পরন্তু বহুতর বানান \* এবং বিশেষ করিয়া ক্রিয়াপদের বানান নিরূপণে ‘কথিত’ রীতির ভিত্তিতেই নিয়মের ব্যবস্থা করা হইয়াছে। এই শেষোক্ত প্রকরণের প্রারম্ভেই তাঁহারা লিখিয়াছেন, “সাধু ক্রিয়াপদের লাম বিভক্তিস্থানে চলিত ক্রিয়াপদেও লাম বিধেয়। কারণ, ইহা বহু অঞ্চলের মৌখিকরূপে প্রচলিত এবং সাধুরূপেরও অমুখ্যায়ী।” অতএব তাঁহারা এ স্থলে স্পষ্টতঃই সাধু, চলিত ও মৌখিক বা কথিত ত্রিবিধ রীতিই স্বীকার করিতেছেন। ফলতঃ সমিতি বাঙ্গলা ভাষায় এই ত্রিবিধ রীতি স্বীকার করিয়া বলিতেছেন যে, তাঁহারা ইহার মধ্যে কেবল চলিত রূপের কতকগুলি শব্দের বানান নির্দিষ্ট করিয়া দিতেছেন। কিন্তু দেখা যাইতেছে যে, তাঁহারা যে সকল বানানের নিয়ম করিয়াছেন, তাহা কেবল চলিত ভাষায় নিবন্ধ নহে, ঐ সকল শব্দ সাধু ভাষায়ও প্রযুক্ত হয় এবং উহাদের কতকগুলির বানানে সাধুভাষায় ব্যবহৃত রূপের পরিবর্তে অপর যে রূপ নির্দিষ্ট হইয়াছে, তাহা সাধুভাষায় ব্যবহারের জন্তও

হইয়াছে। কার্যতঃ বলা হইতেছে যে ভাষার প্রাকৃত ত্রিবিধ রীতি-নির্দ্ধিশেষে বাঙ্গলা ভাষায় সর্বত্রই সমিতির নির্দিষ্ট বানান ব্যবহৃত হইবে। অতএব দেখা যাইতেছে যে, ‘চলিত ভাষায়’ কতকগুলি শব্দসম্বন্ধে বানানের নিয়ম করিবেন, এই কথা বলিয়া নিয়ম করিয়া সেই নিয়মগুলি, সাধারণতঃ যাহাকে সাধুভাষা বলা হয়, সেই ভাষাতেও বিস্তৃত করা হইতেছে। বিশ্ববিদ্যালয়-প্রকাশিত বাংলা বানানের নিয়ম-পুস্তিকাতে ভাইস্‌চ্যান্সেলার মহোদয়ের ভূমিকাতে যে ভাবের কথা দেখা যায়, তাহাতে এরূপ সিদ্ধান্ত করা অসম্ভব হইবে না। ইহাতে উক্ত হইয়াছে, “কিছুকাল পূর্বে রবীন্দ্রনাথ চলিত বাংলা ভাষার বানানের রীতি নির্দিষ্ট করিয়া দিবার জন্ত কলিকাতা বিশ্ববিদ্যালয়কে অনুরোধ করেন। গত নবেম্বর মাসে কলিকাতা বিশ্ববিদ্যালয় বাংলা বানানের নিয়ম সংকলনের জন্ত একটি সমিতি গঠিত করেন। সমিতিকে ভার দেওয়া হয় যে, সকল বানানের মধ্যে ঐক্য নাই, সে সকল যথাসম্ভব নির্দিষ্ট করা এবং যদি বাধা না থাকে তবে কোন কোন স্থলে প্রচলিত বানান সংস্কার করা। \* \* \* \* \* বিভিন্ন পক্ষের যুক্তিবিচারের পর সদস্যগণের মধ্যে যতটা মতৈক্য ঘটিয়াছে, তদনুসারেই বানানের প্রত্যেক বিধি রচিত হইয়াছে। \* \* \* \* \* কলিকাতা বিশ্ববিদ্যালয় কর্তৃক প্রকাশিত ও অমুমোদিত পাঠ্যপুস্তকাদিতে ভবিষ্যতে এই নিয়মাবলীসম্মত বানান গৃহীত হইবে।” তাহা হইলে এই নব-নির্দ্ধারিত বানান-রীতি যে সাধারণ সাহিত্যে সাধু ভাষায় জ্ঞা প্রস্তাবিত নহে, তাহা বলা হয় নাই। বস্তুতঃ ইতোমধ্যেই নানা স্থানে অনুরোধ করা হইতেছে যে, সকলে যেন রচনাতে এই প্রস্তাবিত রীতিতে বানান করেন। কোন কোন পত্রিকা-সম্পাদক এই কল্পনা করিয়া আনন্দিত হইয়াছেন যে, তত্ত্ব, তৎসম, দেশজ ও বিদেশী শব্দ সমূহ বাংলাতে একটি নির্দিষ্ট বানানে লেখা হইবে এবং “বাংলা শব্দের একটা বিশেষ রূপ আমরা সর্বত্রই দেখিতে পাইব।” নব বানান-পদ্ধতিতে সম্পাদকীয় প্রবন্ধও রচিত হইয়াছে।\* অতএব ফলতঃ নূতন বানান সাহিত্যে সর্বত্র প্রচলিত হইবে ইহারই ব্যবস্থা হইয়াছে। কারণ, বর্তমানে যখন বাঙ্গলা ভাষায় এম, এ পর্যন্ত পড়াইবার ব্যবস্থা আছে, তখন বিশ্ববিদ্যালয়ের পাঠ্যপুস্তকাদির ভাষা সাধারণ সাহিত্যপদবাচ্য হইবে, ইহাতে সন্দেহ নাই! আমাদের মনে হয়, সমিতির উদ্দেশ্য ও কাঙ্ক্ষার ফলের মধ্যে এই অসঙ্গতি রহিয়াছে এবং ইহা বহুজনগ্রাহ হইতে পারে না।

সমিতির কায্যফলে উদ্ভূত বানানের নিয়মাবলী সাধারণ সাহিত্যের জন্ত নির্দিষ্ট হইয়াছে, ইহা আমরা দেখিতেছি। কিন্তু ইহাও দেখা গিয়াছে যে, সমিতি এই উদ্দেশ্যে গঠিত হয় নাই। যদি ধরা যায় যে, ইহাই তাঁহাদের উদ্দেশ্য, তাহা হইলে, যে প্রয়োজনে বানানের নিয়ম-সংকলন আবশ্যক, সমিতির কার্যে তাহার অতি-বিস্তৃত কায্য করা হইয়াছে এবং তাহার ফলেই এই কায্য খুড়ার

\* কিন্তু কয়েকটি নূতন বানান না থাকিলে ইহার ভাষাকে সাধু ভাষাই বলিতে হয়। এই প্রবন্ধে ‘বাংলা বানানের নিয়মের’ বিস্তৃত পুরাতন বানানসম্মত পুঁজী, পিরমূর্জী, টিভেন্সন, দুর্ধ্বল প্রভৃতি আছে। আবার নূতন নিয়মসম্মত পুরাতন বানানবিরুদ্ধ ‘কোন’ ও আছে, এবং ক্রল, আণ্ডামেন, অর্ধাচীন, প্রদত্ত, মুহূর্ত্ত প্রভৃতি নূতন নিয়মের বানানও আছে।

\* কুরা, সূতা, উঠান প্রভৃতি শব্দ সম্বন্ধে ৭ পৃষ্ঠায় ১৪ নিয়ম দ্রষ্টব্য।



গঙ্গাধারার সহিত তুলিত হইয়াছে। কারণ, সমিতির প্রথম প্রচারিত পত্রে লেখা হইয়াছে যে, আধুনিক বাঙ্গলা সাহিত্যের ভাষায় প্রচলিত দুই রীতির মধ্যে এক রীতিতে, অর্থাৎ চলিত ভাষায় শব্দের বানান নির্দিষ্ট হয় নাই, এবং এই অবস্থায় “বাঙ্গলা শব্দের বিশেষতঃ চলিত ভাষায় প্রযুক্ত শব্দের বানানপদ্ধতি নিরূপণ করা অত্যাৱশ্যক হইয়া পড়িয়াছে।” অতএব “বাঙলা বানানের নিয়ম সংকলনের নিমিত্ত কলিকাতা বিশ্ববিদ্যালয় একটি সমিতি নিযুক্ত করিয়াছেন।” ইহা হইতে বুঝা যাইবে যে, সমিতি যাহাকে চলিত ভাষা বলিয়া বর্ণনা করিয়াছেন, সেই ভাষায়ই শব্দের বানান নিরূপণ করা সমিতির বিশেষ উদ্দেশ্য অথবা বিশেষ উদ্দেশ্য হওয়া উচিত। কারণ, ইহার অতিরিক্ত কোন প্রয়োজন নাই, যেহেতু সাধু ভাষা বলিয়া বর্ণিত অপর যে ভাষারীতি প্রচলিত, তাহাতে “প্রযুক্ত শব্দ-সমূহের বানান প্রায় সুনির্দিষ্ট হইয়া গিয়াছে” ইহা এই সমিতিরই উক্তি। ইহার অতিরিক্ত যাহা কিছু সংস্কার প্রস্তাবিত হইয়াছে, তাহা উদ্দেশ্যের বহির্ভূত অথবা সমিতির মতেও অনাবশ্যক। আমরাও ইতঃপূর্বে দেখিয়াছি, আজকালকার ভাষায় যে সকল বানানের বিশৃঙ্খলা রহিয়াছে, তাহার মধ্যে কেবল কতকগুলির জন্মই নিয়মের প্রয়োজন স্বীকার করা যায়। হইতে পারে যে, সমিতির কার্যের এই অসঙ্গতি তাঁহাদের অজ্ঞাতসারে ঘটিয়াছে, অথবা তাঁহারা তাঁহাদের প্রয়োজনের উপরি উক্ত সীমার কথা বিস্মৃত হইয়াছেন। ফলতঃ তাঁহাদের কার্য রূপের নির্দর্শন এবং উহা পণ্ডিত হইয়াছে বলিয়া যে সমালোচনা হইয়াছে, তাহা এই কারণে ঘটিয়াছে। কারণ, কোনও বানানের পরিবর্তন যদি প্রয়োজনীয় না হয়, তবে সকলের ‘মতৈক্য’ সংস্থাপন উহা গ্রহণ করিবার প্রস্তাব উপস্থাপিত হওয়া উচিত নহে এবং উপস্থাপিত হইলেও তাহা গ্রহণ হইবে কি না সন্দেহ। অনাবশ্যক শ্রেণীর ত কথাই নাই, আবশ্যক শ্রেণীর বানানের পরিবর্তনেও যদি বাঙ্গলা ভাষার ধাতের সঙ্গে মিল রাখা না হয়, তবে সেই পরিবর্তন গৃহীত হইবে না। শব্দের বানানও ভাষাবিজ্ঞানের বহির্ভূত বিষয় নহে। উহা ভাষার স্বকীয় প্রকৃতি অনুসারে হয়। এই প্রকৃতি নির্ধারণে যতই অসুবিধা থাকুক না কেন, কোন নূতন প্রস্তাব আসিলে উহার গ্রহণ বিষয়ে সকলে এই প্রকৃতির প্রভাবেই অনুপ্রাণিত হইবেন। সত্য বটে, ভাষা বুদ্ধিবৃত্তিসম্পন্ন মানব সমাজে প্রচলিত থাকে এবং ঐ কারণে মানব-সমাজের সমষ্টিবিশেষের ইচ্ছাকৃত কৃত্রিম নিয়মানুসারেও তা একটি বিষয়ে চালিত হইতে পারে। তাহা হইলেও, বর্তমান বিষয়ে এরূপ ব্যবস্থা কতদূর কার্যকরী হইবে, তাহা বিবেচ্য। বাঙ্গলা ভাষার ব্যবহার যে মানবসমাজে প্রচলিত, তাহাতে বিশ্ববিদ্যালয় ছাড়া আরও অনেক পক্ষ বিদ্যমান আছেন এবং তাঁহারা কিরূপ ভাষা ব্যবহার করিবেন, তাহাও বিবেচনার বিষয়। ঢাকাতে বিশ্ববিদ্যালয় আছে, তাঁহারাও পাঠ্যপুস্তক নির্মাচন বা প্রণয়নকালে কলিকাতা বিশ্ববিদ্যালয় প্রস্তাবিত রীতি গ্রহণ না করিতে পারেন। টেকস্ট বুক কমিটিও পুস্তকনির্মাচনকালে কোন পৃথক বানানরীতি চাচিতে পারেন। সরকারের অমুবাদ বিভাগ হইতেও ক্রমশঃ অধিক পরিমাণে বাঙ্গলা ভাষার ব্যবহার হইতেছে। তজ্জন্মও পৃথক বানানরীতি গৃহীত হইতে পারে। সর্বোপরি, বিশাল পণ্ডিত ও লেখক সমাজের অনেকে তাঁহাদের রচনায় এই নব-প্রস্তাবিত রীতি গ্রহণ না করিতে পারেন। যতদূর বুঝা যায়, পণ্ডিত ও

লেখক সম্প্রদায়ের কেহ কেহ নূতন বানানে মত দিয়াছেন, কিন্তু তাঁহারা ছাড়া উল্লিখিত অল্প সকল পক্ষের ইহাতে মতৈক্য আছে, ইহার প্রমাণ পাওয়া যায় নাই। এই সকল পক্ষ যদি প্রত্যেকে পৃথক বানানের রীতি প্রবর্তন করেন, তবে ভাষা-শিক্ষার্থীর অতিশয় বিপদ হইবে। তাহা না হইলেও, যদি বানান সংস্কার সমিতিতে এই সকল পক্ষের লোক লওয়াও হইত, তথাপি দেশের বাঙ্গলা ভাষা-ভাষী অধিবাসীদের তুলনায় মুষ্টিমেয় কয়েক ব্যক্তির মত সাধারণের গ্রাহ্য হইতে হইলে, ঐ মত বাঙ্গলা ভাষার সাধারণ প্রকৃতির বিরুদ্ধ হইলো চলিবে না। প্রস্তাবিত বানানের নিয়মগুলির কয়েকটি আলোচনা করিয়া দেখা যাউক, পরিবর্তনের প্রস্তাবে বাঙ্গলা ভাষার সাধারণ প্রকৃতি বিবেচনা করা হইয়াছে, অথবা কেবল কোন রকমে ‘মতৈক্য’ আপোষের ব্যবস্থা মাত্র হইয়াছে।

বাঙ্গলা বানানের সাধারণ নিয়ম সম্বন্ধে সমিতি কতকগুলি মূল নীতি খ্যাপন করিয়াছেন। \* এই সকল নীতিতে কাহারও আপত্তি হইবার কথা নাই। কিন্তু কার্যতঃ বানান নির্দিষ্ট করিতে গিয়া সমিতি এই সকল নীতি লঙ্ঘন করিয়াছেন এবং তজ্জন্ম যে ফলোৎপত্তি হইয়াছে, তাহাতে আপত্তির কারণ আছে। সাধারণ নিয়ম নির্দেশ করিবার পূর্বে সমিতি বানানের বিশেষ নিয়মের আলোচনা ব্যাপারে শব্দগুলিকে তিন শ্রেণীতে ভাগ করিয়াছেন। সংস্কৃত বা তৎসম, অসংস্কৃত অর্থাৎ তদ্ভব, দেশজ ও বিদেশী; এবং নবাগত ইংরেজি ও অগাঢ় বিদেশীয় শব্দ। একই বানান সম্বন্ধে কখন কখন শব্দের শ্রেণীভেদে বিভিন্ন নিয়ম করা হইয়াছে। যথা, রেফের পর ব্যঞ্জন বর্ণের দ্বিঃ বিধয়ে নিয়ম হইয়াছে যে, সংস্কৃত বা তৎসম শব্দে, যদি শব্দের ব্যুৎপত্তির জন্ম আবশ্যক হয়, তবেই দ্বিঃ হইবে, যথা, কার্তিক, নতুবা হইবে না, যথা অর্জুন, কাঁধ, কর্ম, সর্প; অসংস্কৃত শব্দে দ্বিঃ সর্বত্র বর্জনীয়। যথা—পূর্না, সর্দার, জার্মানি। এ স্থলে প্রথমেই বক্তব্য এই যে, ভিন্ন ভিন্ন জাতীয় শব্দের জন্ম ভিন্ন ভিন্ন রকমের নিয়ম করাতে সরলতার হানি হইয়াছে এবং ভবিষ্যৎ শিক্ষার্থীর পক্ষে অসুবিধার সৃষ্টি হইয়াছে। সমিতি দ্বিত্ববর্জন হেতু সংস্কৃত ব্যাকরণের বিকল্প বিধানের শরণ লইয়াছেন, লেখা ও ছাপা সহজ হয় বলিয়াছেন, এবং ‘তিনি’, ‘মারাঠি’ প্রভৃতি ভাষার দৃষ্টান্ত দিয়াছেন। এ স্থলে বক্তব্য এই যে, লেখা ও ছাপা সহজ হওয়ার গুণ্ডি বানান সম্পর্কে বিশেষ গুরুতর নহে। অপর দিকে, একেবারে বর্জন করা না হইলে লেখা ও ছাপা এবং বুঝা প্রস্তাবিত নিয়মে সহজ হইবে, ইহা

\* “বানান যথাসম্ভব সরল ও উচ্চারণসূচক হওয়া বাঞ্ছনীয়। কিন্তু উচ্চারণ বুঝাইবার জন্ম অক্ষর বা চিহ্নর বাহুলা এবং প্রচলিত রীতির অত্যধিক পরিবর্তন উচিত নয়।...প্রচলিত শব্দের উচ্চারণ লোকে অর্থ হইতেই বুঝিয়া লয়। আমাদের ভাষায় বহু শব্দের বানানে ও উচ্চারণে মিল নাই।...এই প্রকার শব্দের বানান সংস্কার করিতে কেহই চান না, প্রবেশ হেনে উচ্চারণের কিঞ্চিৎ ভেদ হইলেও ক্ষতি হয় না।...নবাগত বা অল্পপরিচিত বিদেশী শব্দ সম্বন্ধে...বানানের সরল নিয়ম গঠন করা কর্তব্য।...সংস্কৃত শব্দের বানানে হস্তক্ষেপ অবিধেয়। কেবল বর্তমান লেখক ও পাঠকগণের লাভালাভ হিসাব করিয়া বানানের নিয়ম গঠন করিলে সুবিচার হইবে না। ভবিষ্যতে যাহারা লেখাপড়া শিখিবে, তাহাদের যদি অধিকতর সুবিধা হয়, তবেই নিয়ম গঠন সার্থক হইবে।—”

স্বীকার করা যায় না। বরং এরূপ সকল রেফারেন্স শব্দে দ্বিধা থাকিলেই নূতন শিক্ষার্থীর পক্ষে সরলতাসম্পন্ন হইবে, এ কথা বলা যায়। তারপর, হিন্দী ও মারাঠী প্রভৃতি ভাষায় কিছু থাকিলেই যে আমাদের ভাষার প্রকৃতিবিকৃত হইলেও তাহা করিতে হইবে, ইহা যুক্তিযুক্ত নহে। পক্ষান্তরে, সরলতা ও উচ্চারণের দিক দিয়া এরূপ তৎসম, তদ্ভব বা বিদেশী সকল শব্দেই দ্বিধা বিধান করাই উচিত বলিয়া বোধ হয়। কারণ, সংস্কৃত বা তৎসম শব্দ সম্পর্কে দ্বিধোচ্চারণ পক্ষেও সংস্কৃত ব্যাকরণের বিকল্প বিধান পাওয়া যায়। অধিকন্তু তৎসম বা তদ্ভব বা বিদেশী নির্কিংশে এই সকল শব্দে বাঙ্গালীর পক্ষে দ্বিধোচ্চারণই স্বাভাবিক। হিন্দীতে ‘অর্জুন’ লিখা স্বাভাবিক বটে, যেহেতু হিন্দুস্থানীরা ‘অর্জুন’ উচ্চারণ করে। কিন্তু আমরা স্পষ্ট ‘অর্জুন’ উচ্চারণ করি। হিন্দুস্থানীরা ‘ধবম’ ‘কবম’ উচ্চারণ করে, আমরা ‘ধম’, ‘কম’, বা ‘ধম্মা’, ‘কম্মা’, উচ্চারণ করি। সাধু ভাষায়, ভদ্র সমাজে ‘কর্তাই’ উচ্চারিত হয়। অল্পশিক্ষিতের মধ্যে (অন্ততঃ পূর্ববঙ্গে) ‘কর্তা’ উচ্চারণ দেখা যায় বটে, কিন্তু ভদ্র শিক্ষিত শ্রেণীর মুখে উচ্চারণ ‘কর্তা।’ অতএব দ্বিধোচ্চারণ বাঙ্গালীর পক্ষে একটি প্রকৃত ব্যাপার। সর্বোপরি, বিশেষ নীতির পরীক্ষা ব্যপদেশে ছাড়া, আমাদের স্বপ্রসিদ্ধ লেখকগণের ব্যবহার দৃষ্টে আমাদেরও অর্জুন, কায়া, সর্ক, কম্ব, পর্দা, সর্দার, জাম্বাণী প্রভৃতি শব্দে রেফের পরে বাঙ্গালবর্ণের দ্বিধা বানানই সুপ্রচলিত, অতএব সমিতির নিজেদের ব্যাঘাত সাধারণ নিয়মমতেই, বানান যথাসম্ভব সরল ও উচ্চারণসূচক করিতে হইলে, সুপ্রচলিত বানান বজায় রাখিতে হইলে, এবং ভবিষ্যৎ পাঠার্থীদের অধিকতর সুবিধা দেখিতে হইলে, রেফযুক্ত ব্যঞ্জনবর্ণের বানান বাঙ্গলা ভাষায় দ্বিধাই বিধেয়। এই সকল কারণে আমরা দ্বিধারহিত করার বিকল্প বিধানও বাঙ্গলা ভাষার পক্ষে অস্বাভাবিক মনে করি। কেবল বাহ্য দৃষ্টিতে ছাড়া ইহাতে কোন বিঘ্নই সরল বা সহজও হইবে না।

বিসর্গাস্ত পদ সম্বন্ধে সমিতির নিয়ম—“বাংলায় বিসর্গাস্ত সংস্কৃত পদের শেষের বিসর্গ বর্জিত হইবে, যথা—আয়ু, বক্ষ, মন, ইত্যন্ত, সগ ইত্যাদি; কিন্তু শব্দের মধ্যে বিসর্গসন্ধি যথানিয়মে হইবে, যথা—আয়ুষ্কাল, মনোযোগ, সজোজাত।” যেরূপ শব্দগুলি সম্বন্ধে সমিতি শেষের বিসর্গ বাদ দিতে বলেন, উহার দুই শ্রেণীর শব্দ। সে সম্বন্ধে সমিতি বলিতেছেন যে, ‘আয়ুঃ, চক্ষুঃ, মনঃ প্রভৃতি সংস্কৃত পদ বাংলায় প্রায়শ বিসর্গ না দিয়া লেখা হয়, কিন্তু অব্যয় শব্দে কেহ বিসর্গ দেন, কেহ দেন না, যথা বিশেষতঃ, বিশেষতঃ। সর্বত্র একই নিয়ম বাঞ্ছনীয়।’ অতএব সমিতি বলেন যে, এই বাক্য সকল শব্দেই বিসর্গ বাদ দিতে হইবে। এ স্থলে বক্তব্য এই যে, গত যে কয়েক বৎসরে বানান সম্বন্ধে ঘোরতর যৎসামান্য চলিতেছে, তাহার পূর্বের কথা ধরিলে দেখা যাইবে যে, আয়ু, বক্ষ, মন প্রভৃতি শব্দের অবশ্য লক্ষ্যপ্রতিষ্ঠা লেখকগণও প্রায় বিসর্গ দেন না; কিন্তু ইত্যন্ততঃ, সগঃ প্রভৃতি অব্যয়গুলি মূল সংস্কৃত শব্দ এবং হুবহু সংস্কৃতের আকারেই বাঙ্গলায় গৃহীত হইয়াছে এবং এতাবৎ চলিয়া আসিতেছে। সমিতিও সন্ধির স্থলে বিসর্গ মানিয়া লইতে বলেন। এরূপ অবস্থায়, আয়ু, বক্ষ, মন প্রভৃতির মত অব্যয় শব্দেও বিসর্গ বাদের জগ্গ না করিয়া, সন্ধিস্থলের মত বিসর্গ মানার জগ্গই ‘সর্বত্র একই নিয়ম গ্রহণীয়’, এই নীতির

প্রয়োগ করা বাঞ্ছনীয় মনে হয়। এরূপ করিলে, ‘সংস্কৃত শব্দের বানানে হস্তক্ষেপ করা অবিধেয়’ সমিতির গৃহীত এই সাধারণ নিয়মও ক্ষুণ্ণ হয় না। তসু প্রত্যয়ান্ত করিয়া সংস্কৃত হইতে যত অব্যয় লওয়া হইবে, উহাদের সকলের বেলায়ই এরূপ করিলে ভবিষ্যতে পাঠার্থীরও সুবিধাই হইবে। অতএব আমাদের মতে এই অব্যয় শব্দগুলিতে বিসর্গ রাখাই বিধেয়।

শব্দের অন্তঃস্থ ঙ্গ, উ সম্বন্ধে সমিতির মত এই যে, ‘যদি মূল সংস্কৃত শব্দে ঙ্গ বা উ থাকে, তবে তদ্ভব বা তৎসদৃশ শব্দে ঙ্গ বা উ অথবা বিকল্পে ই বা উ হইবে, যথা, রাণী, রাণি; ময়রাণী, ময়রাণি; শীষ, শিষ; উনিশ, উনিশ, পূব, পুব ইত্যাদি। কিন্তু তদ্ভব ও তৎসদৃশ ভিন্ন অল্প শব্দে কেবল হ্রস্ব ই বা হ্রস্ব উ হইবে, যথা, দিদি, কাকি, ঢাকি, ঢুলি, বাঙ্গালি, ইংরাজি, হিন্দী, রেশমি, ওকালতি ইত্যাদি। প্রথমোক্ত শ্রেণীতে বিকল্প বিধানের জগ্গ সমিতির যুক্তি এই যে, বহু লেখক মূলানুসারে দীর্ঘস্বর রাখিতে চান; অনেকে সর্বত্রই হ্রস্ব লেখা উচিত মনে করেন। অল্প শ্রেণীর শব্দগুলি সম্বন্ধে যুক্তি এই যে, এ স্থলে হ্রস্ব-দীর্ঘ ভেদের হেতু দেখা যায় না, কেবল ই উ লিখিলে বানান সরল হইবে। এই নিয়মগুলি সম্বন্ধে বক্তব্য এই যে, প্রথম শ্রেণীর শব্দে বিকল্পে হ্রস্ব বিধানের কোন হেতু নাই, পরন্তু দীর্ঘ-বিধানই মূলানুগত। যদি নবাগত বিদেশী শব্দে মূলানুগত দীর্ঘ-বানান বিহিত হয়, তবে সংস্কৃত শব্দে তাহার বাস্তব ঘটান কেন হইবে? অধিকন্তু ‘সংস্কৃত শব্দের বানানে হস্তক্ষেপ অবিধেয়’ সমিতির গৃহীত এই নীতি অনুসারেও তৎসদৃশ শব্দে দীর্ঘ স্বর বিহিত হয়। তার পর নবাগত বিদেশী শব্দ সম্বন্ধে প্রদত্ত নিয়ম দৃষ্টে এবং ‘সর্বত্র একই নিয়ম গ্রহণীয়’ এই নীতি অনুসারেও দীর্ঘ বিধানেই বানানে সরলতা আনিবে এবং শিক্ষার্থীর সুবিধা হইবে অথচ কোবিদগণের পদাঙ্ক অনুসরণ করা হইবে। কেবল দীর্ঘ বিধানের স্বপক্ষে এই সকল কারণ থাকা সত্ত্বেও সমিতির কথার ভাবে বোধ হয় যে কতকটা অল্পগ্রহ বশতঃই বিকল্পে দীর্ঘ বানান রাখিতে দেওয়া হইতেছে। অথচ হ্রস্ব বানানের পক্ষে সমিতি এই মাত্র যুক্তি দেন যে, অনেকে সর্বত্র হ্রস্ব লেখা উচিত মনে করেন। ইহাতে কতকটা এই ভাব আসে যে, বানানের শুদ্ধাশুদ্ধি সম্পূর্ণরূপে লেখকগণের ভোটের দ্বারা স্থির করিতে হয়। অথচ অল্প সম্পর্কে এই নিয়মেই সমিতি এ বিষয়ে অপরিবিধ যুক্তির অধিকারও স্বীকার করিয়া বলিতেছেন যে, তৎসদৃশ বা তদ্ভব শব্দ বাতীত অল্প স্থলে বিকল্পেও দীর্ঘস্বর স্বীকার করিবার কোন ‘হেতু’ নাই এবং কেবল হ্রস্ব লিখিলে বানান সরল হইবে। অতএব, কেবল উপরি-উক্ত স্থলে নহে, বহুস্থলেই সমিতি ভোটের সংখ্যাধিক্যেই নিয়ম প্রণয়ন করিয়া থাকিলেও, তাহার নিজেরাই স্বীকার করিয়া লইয়াছেন যে, বানানের পরিবর্তন করিতে হইলে অপরিবিধ যুক্তিরও প্রয়োজন আছে। যাহা হউক, সমিতির দ্বিতীয় শ্রেণীর শব্দে কেবল হ্রস্ব রাখার সম্বন্ধে সমিতি যাহা বলিতেছেন, তাহা সম্পূর্ণ স্বীকার করা যায় না। ঢাক কি ঢোল আছে বলিয়াই ঢাকী কি ঢুলী, বাঙ্গলা দেশের অধিবাসী বলিয়াই বাঙ্গালী, ইংরাজের ভাষা বলিয়াই ইংরাজী ইত্যাদি শব্দে এইরূপ অর্থসহিত সংস্কৃতানুযায়ী প্রত্যয়গুলির যে একটা সঙ্গতি আছে, তাহা দীর্ঘস্বর না রাখিলে নষ্ট হইয়া যাইবে। ঝি দিদি প্রভৃতি কয়েকটি শব্দের কথা ছাড়িয়া দিলে, বানানের যৎসামান্য-চারিতার আধুনিক যুগের পূর্বে শ্রেষ্ঠ লেখকগণের রচনায় এই

সকল শব্দে দীর্ঘ স্বরই প্রচলিত এবং উহাই বাঙ্গলা ভাষার প্রকৃতি-গত হিসাবে সাহিত্যবিহিত হওয়া উচিত।

প্রবন্ধ দীর্ঘ হইয়া পড়িয়াছে। অতএব সমিতির প্রস্তাবিত অক্ষর নিয়মের আলোচনা করিবার স্থান নাই। বাগ্য করা হইয়াছে, তাহা হইতে দেখা যায় যে, অক্ষরপে শুদ্ধাভি বিচার না করিয়া কতকগুলি লেখক শব্দবিশেষের যে বানান করিতে চান, কেবল তাহাই গ্রহণ করিয়া সমিতি ঐ বানান চলাইয়া দিতে চান এবং পূর্বের প্রচলিত বানান ছ' এক স্থলে বিকল্পে রাখিয়া দিয়া অধিকাংশ স্থলেই বাস্তব করিয়া দিতে চান, ইহা কিছুতেই গ্রাহ্য হইতে পারে না। সন্দেহহীন শুদ্ধাভি বিচারে বাঙ্গলা ভাষার স্বকীয় প্রকৃতির বাগ্য অক্ষর, তাহাই শুদ্ধ, য'হা প্রতিকূল তাগা অশুদ্ধ ধরিতে হইবে। ভাষার স্বকীয় প্রকৃতি কি, তাহার সন্ধান করিতে হইলে একথা মনে রাখিতে হইবে যে, বাঙ্গলা ভাষা মাতা-পিতৃগীনা অনাথা নহে, ইহার পূর্ব-পরিচয় আছে এবং বিভাসাগর হইতে বঙ্কিমের সময় পর্যন্ত ইহার পরিণত-রূপ সুপরিচিত। অতএব এই-যুগের প্রসিদ্ধ লেখকগণের ভাষার মধ্যেই বাঙ্গলা ভাষার প্রকৃতির পরিচয় পাওয়া যাইবে। ইহার অর্থ একুপ নহে যে, কোন বিষয়েই ঐ যুগের তুলনায় নূতন কিছুই গ্রহণ করা হইবে না। পরন্তু অর্থ এই যে, নূতন প্রস্তাবের ফলে সুপ্রচলিত পুরাতনের লোপ করা হইবে না, দৃষ্টান্তস্বলে বলা যায় যে, অল্প কোন ভাষার রীতির দোহাইতেও 'হওয়া', 'এডোয়ার্ট' প্রভৃতির পরিবর্তে 'হওয়া', 'এডওয়ার্ড' প্রভৃতি প্রচলন বাঙ্গলীয়

নহে। সমিতি একুপ শব্দস্থলে ও অক্ষর স্থলে হিন্দী প্রভৃতির দোহাই দিয়াছেন, ইহাতে প্রস্তাবকগণের পাণ্ডিত্যের পরিচয় পাওয়া গেলেও, আমাদের মনে রাখিতে হইবে যে, অনাবশ্যক স্থলে অপরের অক্ষরণ করা স্থিতধী ব্যক্তির লক্ষণ নহে এবং বর্তমানের বিপ্লব-যুগে বরঞ্চ স্বাভাভ্যভিমানের মত মাতৃভাষার স্বকীয় রক্ষার দিকেই একটু বেশী নোঁক রাখা উচিত। নাচৎ নিয়ম সমস্তই নষ্ট হইয়া যাইবার সম্ভাবনা আছে। অতএব শুদ্ধ, দেশজ ও বিদেশী শব্দের রূপ নির্ধারণে বাঙ্গলা ভাষার প্রকৃতির সঙ্গে না মিলিলে নূতন কিছুই করা সম্ভব নহে। বানান-সংস্কার বিষয়ে সমিতির উদ্দেশ্য বাহাই হউক, কার্যতঃ দেখা যায় যে, অনেক নিয়মেই শব্দের 'কথিত' ভাষায় বানান গ্রহণ করা হইয়াছে; কিন্তু প্রয়োগের ক্ষেত্র নির্দিষ্ট করা হয় নাই, অথবা সর্বত্র প্রয়োগের ব্যবস্থা করা হয় নাই, একুপ নির্দেশ নাই। দৃষ্টান্তস্বলে ১৯ নিয়মে ( ৭ পৃষ্ঠা ) উল্লেখ করা যাইতে পারে। এই বিষয়ে বিশদ আলোচনা করিতে হইলে সমিতির গৃহীত সাধু, চলিত ও মৌখিক বা কথিত এই তিন প্রকার ভাষাবীতির উল্লেখের উচিত্যনৌচিত্যের বিস্তারিত বিচার করিতে হয়। তদভাবে এস্থলে সংক্ষেপে বলা যায় যে, এই জাতীয় শব্দের এই জাতীয় বানান ভাষার 'কথিত' রীতির রচনার মধ্যে সীমাবদ্ধ থাকা উচিত। অর্থাৎ গল্প উপন্যাসাদি রচনায় যে যে স্থলে স্পষ্টতঃ কথাবাহাটী চলিতেছে, সেট সেট স্থলেই 'কুয়ো', 'সুতো' প্রভৃতি শব্দরূপ অথবা উত্তমপুরুষে 'বললুম', এবং প্রথম পুরুষে 'বললে' প্রভৃতি ক্রিয়াক্রম ব্যবহার করা যাইতে পারে, অক্ষয় নহে।

শ্রীঅমিনাশচন্দ্র মজুমদার ।

## নয়নে-নয়নে

এদয় আমার গারিয়েছি আজ  
শিউলী ফুলের বনে।  
আপন ভুলে তাই রে আমি  
ব'সে আছি আনমনে।

যাহার ঝাশীর সুরটি আমার বাজে সদয়-ভলে,  
যাহার প্রেমের প্রদীপখানি তিয়ার মাঝারে জ্বলে,  
পথে যেতে যেতে চেয়ে গেছে সে যে  
আকুল ঝাশির কোণে—  
শিউলী ফুলের বনে।

তা'রি তরে আজ গাণিয়াছি মালা,  
তা'রি তরে ব'সে রই ।  
প্রভাতে গিয়াছে এই পথ দিয়া,  
এখনো কিরিল কই ?

বৃথা-অভিমানে ভুল বুঝে সে কি চ'লে গেছে তাই ?  
প্রাণের দেবতা প্রাণের কথা কি কিছু বোঝে নাই ?  
নয়ন আমার কহিল যে-কথা  
তা'র নয়নের মনে—  
শিউলী ফুলের বনে ?

মুখোপাধ্যায় ।





## স্মৃতি-সৌধ

আকবরের সমাধি



কাউন্ট ভন গেয়ার ১৮৩৮ খৃষ্টাব্দের ১৪শে এপ্রিল আগ্রা হইতে আকবরের সমাধিসৌধ দেখিতে গিয়াছিলেন। তিনি লিখিয়াছেন—“আজ প্রভাতে অপেক্ষাকৃত শীতল সময়ে আমরা সিকন্দার আকবরের সমাধিসৌধে গোলাব (অর্ধাঙ্গুশে) প্রদান জন্ত গমন করিয়াছিলাম। আকবরের রাজত্বের ও তাঁহার সৃজনী প্রতিভার অসংখ্য নিদর্শন দেখিয়া তাঁহার বিরাটত্ব, সামর্থ্য ও সম্পদ সম্বন্ধে আমরাদিগের মনে শ্রদ্ধা-সংযুক্ত বিশ্বাস সমৃদ্ধ হইয়াছে।” পথে অগ্রসর হইতে চারিদিকে অতীত ঐশ্বর্যের স্মৃতিচিহ্ন নানা ভগ্ন গৃহাদি লক্ষ্য করা যায়। আর বিহিস্তাবাদের গ্রাম শোভার মতো রক্ত-প্রস্তর-খচিত প্রাচীরমণ্ডে প্লেটু মন্দিরের স্তম্ভ (মিনার) ও গম্বুজ প্রভাতের সূর্যালোকে সহজেই দৃষ্টি আকর্ষণ করে। দূর হইতে এই সৌধ যত সুন্দরই কেন বোধ হউক না, নিকটে না আসিলে ইহার স্বরূপ উপলব্ধি করা যায় না। “It is however only in close neighbourhood to the building that one receives a just impression of it as a whole, with its magnificent height and with its amazing wealth and gracious variety of detail. Such is the enchantment of this reality that one seems face to face with some fairy castle of ancient legend.”

তখন সৌধবেষ্টন উদ্যানটি হতশ্রী। কিন্তু ফোয়ারার স্পন্দন, প্রশস্ত রাস্তা ও জলের নালা দেখিয়া দর্শকের হৃদয়ে বিলম্ব হয় নাই যে, এক সময় ইহা জলে, ফলে, ফুলে, ছায়ায় ও হরিৎ শোভায় অসাধারণ সৌন্দর্যময় ছিল। “ই স্থানে মোগল সম্রাটদিগের জলের প্রতি অনুরাগের উল্লেখ করা আমরা প্রয়োজন মনে করি। মোগলরা যে দেশ

হইতে আমরাদিগের এই সুজলা সুন্দলা মলয়জলশীতলা মাতৃভূমিতে আসিয়াছিলেন, সে দেশে জলের অভাবহেতু জলের প্রতি তাঁহাদিগের অনুরাগ নানারূপে আত্মপ্রকাশ করিয়াছিল। বাহারা শাহজাহানের দিল্লীর তুর্গ-প্রাসাদে কক্ষ হইতে কক্ষান্তরে জল-প্রবাহ-প্রবর্তনকৌশল লক্ষ্য করিয়াছেন;—খালিমর্দন খাঁ কীরূপভাবে দূর হইতে খালে প্রাসাদের জন্ত জল আনিবার ব্যবস্থা করিয়াছিলেন, তাহা বিবেচনা করিয়াছেন, দিল্লীর রঙ্গমহলের কেন্দ্রস্থলে ফোয়ারার আদার ও স্নানাগারের ব্যবস্থা বিচার করিয়াছেন, তাঁহারাই মোগল সম্রাটদিগের সলিল-প্রীতির পরিচয় পাইয়াছেন। দিল্লীর যে ইতিহাস-প্রসিদ্ধ স্নানাগারে ইংরেজ দূত সম্রাট জাহাঙ্গীরের সহিত সাক্ষাৎ করিয়াছিলেন, তাহার জল-প্রবাহের ব্যবস্থা এইরূপ ছিল যে, প্রণালীর মধ্যে সংলগ্ন রৌপ্যপত্রের উপর জল যখন প্রবাহিত হইত, তখন ভ্রম হইত ক্ষুদ্র ক্ষুদ্র মৎস্যকুল জলে বিচরণ করিতেছে। সেইরূপ রঙ্গমহলের জলাধারটি জলপূর্ণ হইলে মনে হইত, জলতলে পুষ্প ও পত্র শোভা পাইতেছে। তাজমহলের উদ্যানেও জলপ্রবাহের ব্যবস্থা ছিল।


ইহা কেবল স্মৃতিসৌধ—সমাধি-ভবন নহে, ইহা শিল্পকলার অসাধারণ বিকাশও বটে। ইহা দেখিলে মনে হয়, যেন আকবরের ভাবে প্রভাবিত হইতেছি—(“one feels breathed upon by the rare spirit of him whose husk it shrouds”) ইহার সম্বন্ধে বিশপ হীবরের উক্তি বিশেষভাবে প্রযোজ্য—ইহা দানবদিগের দ্বারা কল্পিত এবং মণিকারদিগের দ্বারা গঠিত।

এই বিরাট সৌধমধ্যে—নিম্নতলে আকবরের দেহাবশেষ জননী বসুন্ধরার অঙ্কে শেষ শয়ন লাভ করিয়াছে। দ্বারপথে প্রবেশ করিয়া নিম্নগামী পথে অগ্রসর হইয়া সমাধিকক্ষে



উপনীত হইতে হয়। তথায় বাহিরের আলো নাই—কিন্তু অন্ধকার গাঢ় নহে। বাহিরের আলোক আর কক্ষের এই অন্ধকার যেন জীবনের সহিত মৃত্যুর প্রভেদ বুঝাইয়া দিতেছে। সমাধিটিতে কোনরূপ কারুকার্য নাই; কেবল আবরণ-প্রস্তরে “আকবর” ক্ষোদিত লিপিতে উৎকীর্ণ। ইহার দুই অর্থও হইতে পারে—(সম্রাট) আর “ঈশ্বর মহান।” ইহার আরও এক অর্থ হইতে পারে—“আকবর ঈশ্বর।” ইহা আকবর-প্রবর্তিত মন্দের মূল কথা হইলেও জাহাঙ্গীর যে ইহা সমাধিত ব্যক্তির নিদেগ বাকীত অণু কোন

তুলনা করেন, তবে এই সৌধের প্রতি একান্তই অবিচার করা হইবে। কারণ, দুইটির প্রকৃতিগত বিভিন্নতা বিবেচনা না করিলে অণায় হইবে। সিকন্দার যিনি সমাধিস্থ, তিনি বীর—যোদ্ধা—শাসক—সম্রাট। পিতা যখন বিপন্ন, তখন পরাশ্রয়ে তাঁহার জন্ম, আর বুদ্ধ করিয়া তাঁহাকে রাজ্যোদ্ধার ও রাজ্যের বিস্তৃতিসাধন করিতে হইয়াছিল। দিল্লী-সিক্কীর তান্ত্র পুরীতে তাঁহার কল্পনাবিকাশ। তাঁহাকে রাজ্যরক্ষা ও প্রজাশাসন করিতে হইয়াছিল; আবার তাহার উপর তাঁহার আকাঙ্ক্ষারও অন্ত ছিল না—



সমাধি-সৌধ

কারণে ব্যবহার করিয়াছিলেন, তাহা মনে হয় না। এই সমাধি দেখিয়া কেবল শ্রীম্যান ক্লিথিয়াছিলেন—“সকল বিষয়—স্থান ও কাল বিবেচনা করিলে আমার মনে হয়, কবিদিগের মতো যেমন সেক্সপীয়র শ্রেষ্ঠ, সম্রাটদিগের মতো আকবর তেমনই। পৃথিবীর নাগরিকরূপে আমি আকবরের সমাধির আবরণ মন্দের-প্রস্তর-ফলককে যে শ্রদ্ধা অর্পণ করিলাম, আমার জ্ঞাত পৃথিবীর আর কোন সম্রাটের সমাধির প্রতি আমি সে শ্রদ্ধা অর্পণ করিতে পারি না।”

আকবরের সমাধির সহিত কেহ যদি তাজমহলের

ভারতবর্ষের ভিন্ন ভিন্ন সংস্কৃতির অধিকারী সম্প্রদায়দ্বয়ের বন্ধুত্বের বন্ধনে বদ্ধ করিয়া আপনার সিংহাসনের ভিত্তি দৃঢ় করিবেন এবং এক নতুন সমগ্র-ধর্ম প্রবর্তন করিয়া অমরত্ব লাভ করিবেন। তাঁহার জীবনের এই স্বপ্ন ইংরেজ কবি টেনিসন অনিন্দ্যসুন্দর ছন্দে বর্ণনা করিবার উপযুক্ত মান করিয়াছিলেন। তিনি যে ভোগবিরত বা বিরক্ত ছিলেন, তাহা নহে, কিন্তু বিশেষ বিলাসাসক্ত ছিলেন না।

আর তাজমহলে যিনি সমাধিস্থ—তিনি—নারী; কোমলভেই তাঁহার সৌন্দর্য্য, বীরত্ব নহে। তিনি বহুবল

স্বামী সম্রাটের প্রেম আকৃষ্ট করিয়া আপনাতে কেন্দ্রস্থ করিয়াছিলেন—ভালবাসাকে একনিষ্ঠ করিতে পারিয়াছিলেন। তাঁহার রূপলাবণ্যের খ্যাতি তখন পৃথিবীর পূর্ণ-  
দ্বয়ের সিন্ধু কিরণের মত সকলের আলোচনার বিষয় ছিল।  
তাঁহার প্রতি স্বামীর ও সম্রাটের প্রেমের কালজয়ী নিদর্শন  
নির্মাণের প্রবল কামনায় শাহজাহান তাজমহল কল্পনা  
ফরিয়ালিখেন। তাই শ্বেত মশ্বরই সে স্মৃতি-সৌধের  
উপযুক্ত উপকরণ—আর তাহার শিল্প-বৈচিত্র্য সেই সুন্দরী-  
শিষ্টা সাম্রাজ্যের বহুমূল্য বেশ-বৈচিত্র্যের ও মূল্যবান  
মূল্যকারসম্পদের নিদর্শন!

আকবরের সবল হস্তে যেমন তরবার শোভা পাইত,


নিদর্শন, সিকন্দার আকবরের সমাধি-সৌধ তেমনই শক্তিশালী  
সম্রাটের অনন্তসাহায্য ক্ষমতার নিদর্শন।

জাহাঙ্গীর পিতার রাজনীতিক বুদ্ধি ও মনীর  
উত্তরাধিকারী হইতে পারেন নাই, তাই এই সৌধনির্মাণেও  
তিনি পিতার কল্পনামুগায়ী কায করিতে না পারিয়া পিতার  
আরু কার্য অসম্পন্ন রাখিয়াছিলেন। এই সৌধ দেখিলে  
টেনিসনের কবিতায় আকবরের উক্তি মনে পড়ে—

I watch'd my son

And those that follow'd, loosen, stone  
from stone

All my fair work."



সমাধিসৌধের অভ্যন্তর

মমতাজের চম্পক অঙ্গুলীধর প্রস্ফুটিত গোলাব তেমনই  
তাঁহার উপযুক্ত ছিল। সুতরাং আকবরের স্বকল্পিত  
সমাধি-সৌধের সহিত পল্লীশোককাতর শাহজাহানের  
কল্পিত মমতাজের স্মৃতি-সৌধের তুলনা করা সম্ভব হইবে  
উভয়ে যে প্রভেদ, তাহা মূলগত—ছই ভাব হইতে  
হইটির উৎপত্তি; ছইটি ছই বিভিন্ন ভাবের অভিব্যক্তি।  
তাজমহল যেমন সম্রাট শাহজাহানের পল্লী প্রেমের উপযুক্ত


এই সৌধের প্রবেশদ্বারের উপরে নকরখানা (নহবত-  
গৃহ)। পূর্বে এই গৃহ হইতে মৃতের সম্মানার্থ নিদিষ্ট সময়ে  
নহবতের করুণ সুর শুনা যাইত। এই তোরণপথে  
প্রবেশ করিয়া উচ্চান অতিক্রম করিয়া সৌধের ভিত্তির  
সম্মুখে উপনীত হইতে হয়। এই ভিত্তি শ্বেত মশ্বর-  
প্রস্তরে নিশ্চিত এবং ইহার দৈর্ঘ্য ও প্রস্থ ৪ শত ফুট।  
এই ভিত্তি-মঞ্চের উপর কয় তল সৌধ রক্তপ্রস্তরে নিশ্চিত।

প্রথম তল ৩০ ফুট উচ্চ এবং কক্ষটি খিলান। মিশরের পিরামিডের মধ্যে প্রবেশ করিতে হইলে যেরূপ ক্রম-নিম্ন পথে অগ্রসর হইতে হয়, তেমনই ক্রম-নিম্নগামী পথে অগ্রসর হইয়া খেত মন্দিররচিত সমাধির সম্মুখে উপনীত হইতে হয়। এই কক্ষটি পূর্বে নীলবর্ণে রঞ্জিত ও চূণের কাষ করা ছিল—তাহাতে সোনালী বর্ণের চিত্রাদি অঙ্কিত ছিল। এখন সে সৌন্দর্য আর নাই। মুহু আলোকে কক্ষটি আলোকিত হওয়ায় ইহার গাভীর্য বর্ধিত হইয়াছে।

আকবরের বর্ম, বেশ ও পুস্তক এই সমাধির পাশ্বে

তাঁহার এই সমাধিসৌধও তেমনই বৈশিষ্ট্যবহুল। তিনিই ইহার কল্পনা করিয়াছিলেন এবং বোধ হয়, যাহাতে ভারতে হিন্দু ও বৌদ্ধ যুগের স্থাপত্যের সম্মিলন সাধন করিতে পারেন, তাহাই তাঁহার উদ্দেশ্য ছিল।

আকবরের দীর্ঘ রাজত্বকালের ঘটনাগুলির আলোচনা করিলে তাঁহার বৈশিষ্ট্য অতি সহজেই বুঝিতে পারা যায়। তিনি যখন জন্মগ্রহণ করেন, তখন তাঁহার পিতা— পিতৃরাজ্যের অধিকারী হইয়াও—শত্রুর আক্রমণে বিব্রত ও বিপন্ন। সেই দুর্দশার মধ্যে জন্মগ্রহণ করিয়া আকবর পিতৃরাজ্যের পুনরুদ্ধারসাধন করিয়াই নিরন্ত



সমাধিসৌধের প্রবেশপথ

রঞ্জিত ছিল। ভরতপুরের জাঠরা সে সব লুণ্ঠনকালে লইয়া গিয়াছিল। তাহারা যখন আগ্রা আক্রমণ করে, সেই সময় (১৭৬৪ খৃষ্টাব্দ) ইহার দুইটি স্তম্ভশীর্ষও নষ্ট করে

সমাধির নিকটে যে মন্দিরনির্মিত বেদী আছে—তাহাতে পূর্বে স্বর্ণপাত্রে সুগন্ধিচূর্ণ পোড়ান হইত—সমগ্র কক্ষ তাহার মুহু সৌরভে পূর্ণ থাকিত।

সৌন্দর্য্যে কোরাণের নানা কথা উৎকীর্ণ।

আকবরের চরিত্রে ও দর্শনমতে সেমন বৈশিষ্ট্য ছিল,

হয়েন নাই, পরন্তু তাহা এমন দৃঢ় ভিত্তির উপর প্রতিষ্ঠিত করিয়াছিলেন যে, পুত্র জাহাঙ্গীরের বিলাস-লালসা ও পৌত্র শাহজাহানের ব্যয়বিলাস তাহা নষ্ট করিতে পারে নাই। শেষে তাঁহার প্রপৌত্র ঔরঙ্গজেবের পর দশমঘোষিতার আঘাতে তাহা নষ্ট হয়। তিনি বুঝিয়াছিলেন, হিন্দুস্থানে হিন্দুর সহিত সখ্যাত্মক বন্ধ না হইলে বিদেশী বিজেতার প্রভুত্ব কখনই স্থায়ী হইবে না, পরন্তু রাজ্য সিংহাসন কণ্টকের আসনেই পরিণত হইবে। সেই জন্

তিনি হিন্দুকে ভুট্টে করিবার চেষ্টা করিয়াছিলেন—হিন্দুকে বিশ্বাস করিয়া দায়িত্বপূর্ণ কার্যভার প্রদান করিয়াছিলেন। তিনি স্বয়ং সুশিক্ষিত ছিলেন না; কিন্তু সকল ধর্মের প্রতি শ্রদ্ধা দেখাটতে ক্রটি করিতেন না এবং ভিন্ন ভিন্ন ধর্মের স্বরূপ জানিবার আগ্রহে নানা ধর্মে অভিজ্ঞ ব্যক্তি-দিগের সহিত ধর্মালোচনা করিতেন। তাহার ফলে তিনি সর্বধর্ম-সম্মেলনের বাসনা মনে পোষণ করিতে আরম্ভ করেন এবং তাহার রাজনীতিক উপযোগিতা অনুভব করিয়া তাহার প্রচারচেষ্টাও করেন। কিন্তু তাঁহার সে চেষ্টা সফল হয় নাই—ধর্ম কখন রাজনীতির সহায়রূপে কল্পিত হইতে পারে না। সে যাহাই হউক, বাহুবলে প্রতিষ্ঠিত প্রাধান্য যে লোকমত অবজ্ঞা করিয়া দীর্ঘকাল স্থায়ী হইতে পারে না, তাঁহার এই সত্যের অনুভূতি তাঁহার সময়ে তাঁহার দূরদর্শিতার ও রাজনীতিজ্ঞতার পরিচায়ক, সন্দেহ নাই। কালোচিত দৌর্বল্য হইতে মুক্তিলাভ না করিলেও তিনি যে পারিপার্শ্বিক পরিবেষ্টনের সঙ্কীর্ণতা হইতে উদ্ধে উঠিবার চেষ্টা করিয়াছিলেন, তাহাতেই তাঁহার গৌরব-পরিচয় পাওয়া যায়।

তাঁহার কল্পিত তাঁহার এই স্মৃতিসৌধও ভারতে ভিন্ন ভিন্ন ধর্মমতের মত ভিন্ন ভিন্ন যুগের স্থাপত্যের সম্মিলনে এক নূতন শিল্পাদর্শ স্থাপনের প্রচেষ্টা। ইহা যদি তাঁহার

কল্পনামুসারে সম্পূর্ণ হইত, তবে হয় ত আমরা আরও সুন্দর একটি স্মৃতিসৌধ পাইতাম।\*

শ্রীহেমেন্দ্রপ্রসাদ ঘোষ।

\* শ্রীযুক্ত উপেন্দ্রনাথ ঘোষ 'মাসিক বসুমতীর' সম্পাদক মহাশয়কে আকবরের খুঁটান-পত্নী সম্বন্ধে এক প্রতিবাদপত্র পাঠাইয়াছেন। আকবরের পত্নী মিরিয়ম যে খুঁটান ছিলেন না, তাহা প্রতিপন্ন করিবার জল্পই পত্রখানি লিখিত। 'মাসিক বসুমতী' বাঙ্গালা মাসিক পত্র—লেখক উপেন্দ্রনাথ বাবু ও বাঙ্গালী; সে অবস্থায় তিনি কেন যে সম্পাদক মহাশয়কে "পুনশ্চ" সংবলিত ইংরেজি পত্র লিখিলেন, তাহা আমরা বুঝিতে পারিলাম না। পত্রখানি যদি অবিশুদ্ধ ইংরেজিতে লিখিত না হইয়া বাঙ্গালায় লিখিত হইত, তবে তাহাতে নিশ্চয়ই লেখকের বা পত্রের গৌরব-হানি হইত না। পত্র-লেখক ভিনসেন্ট স্মিথের উক্তিতে যতটা নির্ভর করিয়াছেন, ততটা নির্ভর যে সকলেই করিবেন, এমন নাও হইতে পারে। আকবরের বহু পত্নীর মধ্যে কেহ খুঁটান ছিলেন কি না, তাহা আমার প্রবন্ধের আলোচ্য নয়। আমি কিম্বদন্তীর উল্লেখ করিয়াছি এবং যে "প্রচলিত মতের" উল্লেখ করিয়াছি, তাহার খণ্ডন করিবার জল্প যেরূপ প্রমাণের ও যুক্তির প্রয়োজন, পত্র-লেখক তাঁহার পত্রে তাহা উপস্থাপিত করেন নাই। তিনি যদি এ বিষয়ে গবেষণা করা প্রয়োজন মনে করেন, তবে ১৯১৬ খৃষ্টাব্দ হইতে ১৯২৭ খৃষ্টাব্দ পর্য্যন্ত এ সম্বন্ধে যে সব সচিত্র প্রবন্ধ প্রধানতঃ 'ষ্টেটসম্যান' ও 'বেঙ্গলী' পত্রদ্বয়ে প্রকাশিত হইয়াছিল, তাঁহাকে সেগুলি—তিনি না দেখিয়া থাকিলে—দেখিতে অনুরোধ করি। ঐ সকল প্রবন্ধে আমার প্রবন্ধে প্রদত্ত চিত্রের বিষয়ও আলোচিত হইয়াছিল।—প্রবন্ধ-লেখক।

## বনফুল

আমি বনফুল বনের মাঝারে

ফুটিয়া রয়েছি একা;

কত লোক আসে কত ফিরে যায়,

মোর পানে কেহ ফিরে নাহি চায়,

যার পথ চেয়ে ফুটে আছি, হায়,

পাই না তাহার দেখা।

দখিণ পবন মোরে বারে বারে

দোল দিয়ে দিয়ে যায়।

চুরি করি মোর মধু স্রবাস

দিশি দিশি দেয় বিলায়ে বাতাস,

হৃদয়ে আমার যে মধু বিকাশ

চাহে নাক নিতে তায়।

এতদিন পরে ওগো মধুকর!

দাড়ালে কি হেথা এসে?

আমার হৃদয়ে আছে যেই মধু


না শুকাতে তারে নিয়ে যাও বধু,

যা আছে আমার সবি দিয়ে শুধু,

ঝরে যাব মৃৎ হেসে।

শ্রীসুনীলকুমার দত্ত।





## মানকীতে বজ্রাঘাত

( উপন্যাস )

দ্বাদশ পঙ্কন

নিস্বেট-ভবনে

প্যারাডাইনের অবসাদ-শিথিল দুঃখ মস্তিষ্কে সকল চিন্তা তখন ধূম্রাকার ধারণ করিয়া যে নিবিড় কুস্মাটিকাঙ্গালের সৃষ্টি করিয়াছিল, তাহার ভিতর দিয়া সে মুক্তির ভাষা কোণে কোণে পড়া আবিষ্কার করিতে পারিল না। গাড়ীর কোণে সে অবসন্নভাবে দেহভার গুস্ত করিয়া মুদিতনেত্রে ভাবিতে লাগিল, মিঃ প্রীডের নিকট যে সাহায্য লাভের আশা করিতেছিল, তাহার কি এই পরিণাম ? সে আশাহীন, নিরুপায় হইয়া, এবং কোথায় যাইবে, কি করিবে, তাহা স্থির করিতে না পারিয়া, তাহার পিতৃবন্ধু এই বহুদর্শী চতুর ব্যবহারাজীবের আশ্রয় গ্রহণ করিয়াছিল। সে ভাবিয়াছিল, যে দুর্ভেদ্য ষড়যন্ত্রজালে তাহাকে পরিবেষ্টিত হইতে হইয়াছিল, তিনি তাহাকে তাহা হইতে উদ্ধার করিতে পারিবেন। মিঃ প্রীডের শক্তি ও কৌশলের উপর প্যারাডাইনের অসামান্য বিশ্বাস ছিল, এবং তাহার কিছু কিছু পরিচয়ও সে পাইয়াছিল। কিন্তু তাহাকে রক্ষা করা দূরের কথা, তিনি তাহাকে যে উপদেশ দান করিলেন, তাহা পালন করিলে তাহাকে নরহত্যার সন্দেহে কারাগারে আবদ্ধ হইতে হইবে। তাহার পর দায়বীর বিচারে প্রাণদণ্ডেরও আশঙ্কা নাই কি ?

এই সকল চিন্তার পর প্যারাডাইন মাথা তুলিয়া মিঃ প্রীডকে বলিল, “আপনি কি সত্যি আমাকে এই কার্য্য করিতে বলেন ? আমি আশা করিয়াছিলাম, আপনি এই সঙ্কট হইতে আমাকে উদ্ধার করিতে পারিবেন। অভিযোগ হইতে মুক্তিলাভ করিব।”

মিঃ প্রীড বলিলেন, “আমিও ত সেইরূপই আশা করি। তোমাকে সঙ্কট হইতে উদ্ধার করিবার একটমাত্র উপায় আছে। সেই রহস্যময় লোকটিকে অর্থাৎ টেরিকে পুঞ্জিয়া বাহির করা দরকার। ইহাবই উপর তোমার কল্যাণ

নির্ভর করিতেছে ; কিন্তু এই কার্য্য করিতে হইলে মিঃ নিস্বেটের সহিত সাক্ষাৎ করিয়া তোমার সকল অপরাধ তাঁহার নিকট মুক্তকণ্ঠে প্রকাশ করিতে হইবে ; কোন কথা গোপন করিলে চলিবে না।”

প্যারাডাইন বলিল, “আপনার আদেশপালনে আমার আপত্তি নাই ; কিন্তু আমি তাঁহার নিকট সকল অপরাধ স্বীকার করিবামাত্র তিনি কি করিবেন, তাহা কি বুঝিতে পারেন নাই ? তিনি তৎক্ষণাৎ পুলিশে সংবাদ দিবেন। তাহার পর আমাকে হাজতে পঠিতে হইবে।”

একটখানি মিঃ প্রীড ও প্যারাডাইনকে বহন করিয়া বায়ুবেগে লণ্ডনের প্রায় কেন্দ্রস্থলে উপস্থিত হইল। মিঃ প্রীড প্যারাডাইনকে বলিলেন, “সে কথা আমি নিঃসন্দেহে বলিতে পারি না, এদেশের পুলিশ সম্বন্ধে তোমার ধারণা যাহাই হউক, তাহারা অত্যাচারী নহে, নিরপরাধেরও পীড়ন করে না ; তাহারা সাপাশুপারে ঞ্চারেরই মর্গাদা রক্ষার চেষ্টা করে। আমরা আর কয়েক মিনিটের মধ্যেই মিঃ নিস্বেটের বাড়ীতে উপস্থিত হইব। তুমি আনুপূর্ব্বিক সকল ঘটনার বিবরণ তাঁহার নিকট প্রকাশ করিবে ; যাহা সত্য, তাহার এক তিলও গোপন করিও না।”

একমাত্র আশ্রয়দাতা পিতৃবন্ধুর এই নির্ভর উক্তি শুনিয়া প্যারাডাইনের উদ্বেগবাকুল চিত্ত নিরাশার অন্ধকারে আচ্ছন্ন হইল ; তাহার মনে হইল, এই ভীষণ সঙ্কটের সম্মুখীন হওয়া অপেক্ষা জলাশয়ের গর্ভে ডুবিয়া মরা শতগুণ অধিক প্রার্থনীয় ছিল। সে কি বলিয়া মিঃ প্রীডের নিকট মনের দুঃখ প্রকাশ করিবে, তাহা স্থির করিতে পারিল না।

মিঃ প্রীড পুনর্বার বলিলেন, “আমিও তোমার সঙ্গেই যাইব বটে, হাঁ, তোমার উকিল হইয়া যাইব ; এবং যদি তোমার পক্ষে কোন সওয়াল-জবাব করিতে হয়, এই উদ্দেশ্যে অভ্যর্থনা-ক্ষে অপেক্ষা করিব। মিঃ নিস্বেটের নিকট তুমি যে সকল কথা বলিবে, তাহা গোপনে বলাই উচিত।

তাহার পর যদি কোন কারণে প্রয়োজন হয়, তখন আমার সঙ্গে দেখা করিবে।”

প্যারাডাইন নিষ্কৃতিলাভের কোন উপায় দেখিতে পাইল না ; গাড়ী ক্রমশঃ নিসবেটের বাসগৃহের সন্নিকটবর্তী হইল। প্যারাডাইন গাড়ীর জানালা দিয়া ল্যাংফোর্ড গার্ডেনসের সন্নিহিত দৃশ্যাবলী দেখিতে পাইল ; ক্রমশঃ সেগুলি যেন তাহার নেত্রপথে অধিকতর পরিষ্কৃত হইতে লাগিল। মিঃ প্রীড ঃনং ভবনের সম্মুখে শকটের গতিরোধ করিলেন তাহার পর এঞ্জিনের ‘সুইচ’ বন্ধ করিয়া দ্বার খুলিয়া নীচে নামিয়া পড়িলেন ; প্যারাডাইন মস্তাভিভূতের গায় নিঃশব্দে তাঁহার অনুসরণ করিল।

মিঃ প্রীড চলিতে চলিতে প্যারাডাইনের বাহু স্পর্শ করিয়া বলিলেন, “কোনও মানববিদ্বেষী বলিয়াছিলেন, সত্য জিনিষটা প্রতিদিনের ব্যবহারের পক্ষে অসম্ভব মৃগ্যবান পণ্য। আমাকে তুমি পূর্বে যে সকল কথা বলিয়াছ, আজ রাত্রিকালে মিঃ নিসবেটের নিকট তাহার পুনরাবৃত্তি করিয়া এই উক্তির অসারতা প্রতিপন্ন করিবে। দেখিও, সাহস হারাইও না। ভয় পাইয়া কর্তব্য বিস্মৃত হইও না।”

মিঃ প্রীড যে ভাবে কথাগুলি বলিলেন, তাহাতে এক্রপ আশুপ্রত্যয় ও দৃঢ়তা, এবং উৎসাহের আভাস ছিল যে, প্যারাডাইনের মনে হইল, সে অকূল সমুদ্রে ডুবিতে ডুবিতে আশ্রয় লাভের জগ্গ একখানি ভেলা পাইয়াছে। মিঃ প্রীড যে তাহাকে বিপদ-সমুদ্রে ডুবাইবার জগ্গ মিঃ নিসবেটের গৃহে লইয়া আসিয়াছেন, ইহা বিশ্বাস করিতে আর তাহার প্রবৃত্তি হইল না। সে বিবর্ণ-মুখে ও মৌনভাবে সিঁড়ি দিয়া বারান্দায় উঠিয়া রুদ্ধ দ্বারের ঘণ্টায় আঘাত করিল। মুহূর্ত্তমধ্যে দ্বার খুলিয়া এক জন সুবেশধারী ভৃত্য মুক্তদ্বারের চৌকাঠে দাঁড়াইয়া প্যারাডাইনের মুখের দিকে চাহিল। প্যারাডাইনকে দ্বারপ্রান্তে দণ্ডায়মান দেখিয়া সেই ভৃত্যের ভাবসংস্পর্শবিহীন, অচঞ্চল দৃষ্টি বিষম ও কোতূহলে বিস্ফারিত হইল।

প্যারাডাইন ভৃত্যকে বিনীতভাবে বলিল, “মিঃ নিসবেট বাজী থাকিলে তাঁহাকে জিজ্ঞাসা করিবে, তিনি কয়েক মিনিটের জগ্গ আমার সঙ্গে দেখা করিবেন কি না ? আমার নাম প্যারাডাইন, তাঁহাকে বলিও, আমি তাঁহার অফিস হইতে তাঁহার সঙ্গে দেখা করিতে আসিয়াছি।”

প্যারাডাইন যে স্বরে কথা বলিল, তাহা শুনিয়া তাহারই মনে হইল, সেই কর্তৃক তাহার নচে, তাহা অগ্গ কোন ব্যক্তির কর্তৃক নিঃসৃত।

ভৃত্য বলিল, “আপনি আমার সঙ্গে ভিতরে আসুন ; মিঃ নিসবেট আপনার সঙ্গে আলাপ করিবেন কি না, তাহা আমি জানিতেছি।

ভৃত্য দরজার এক পাশে সরিয়া দাঁড়াইলে প্যারাডাইন ঘরের ভিতর প্রবেশ করিল। ভৃত্য দ্বারপ্রান্তে দৃষ্টিপাত করিয়া কিছু দূরে আর একটি ভদ্রলোককে অপেক্ষা করিতে দেখিল। সে প্যারাডাইনকে জিজ্ঞাসা করিল, “উনি কে ?”

মিঃ প্রীড ছুই পা অগ্রসর হইয়া বলিলেন, “আমি মিঃ প্যারাডাইনের উকিল। মিঃ প্যারাডাইন যে সকল প্রশ্নের আলোচনা করিবার জগ্গ তোমার মনিবের সহিত দেখা করিতে আসিয়াছেন, তাহাতে আইনঘটিত তর্ক উঠিতে পারে। এই উপলক্ষে যদি আমার মক্কেলকে কোন প্রকার সাহায্য করিবার প্রয়োজন হয়, তাহা হইলে আমার এখানে অপেক্ষা করা কর্তব্য মনে করিয়াই উহার সঙ্গে এখানে আসিয়াছি।”

মিঃ প্রীড ভৃত্যের উত্তরের প্রতীক্ষা না করিয়াই প্যারাডাইনের অনুসরণে হলঘরে প্রবেশ করিলেন, এবং একখানি চেয়ারে বসিয়া, টুপীটি মাথা হইতে খুলিয়া লইয়া জান্নর উপর স্থাপিত করিলেন। প্যারাডাইনের ধারণা হইল, তাহার উদ্ধারের জগ্গ তিনি কোন না কোন উপায় অবলম্বন করিবেন।

ভৃত্য সেই কক্ষ হইতে প্রস্থান করিবার প্রায় পনের মিনিট পরে ফিরিয়া আসিয়া সংবাদ দিল, মিঃ নিসবেট তাহার সহিত সাফাং করিবেন বলিয়াছেন।

প্যারাডাইন ভৃত্যের ইচ্ছিতে কম্পিত-বক্ষে হলঘর হইতে তাহার অনুসরণ করিয়া যে কক্ষের দ্বারে উপস্থিত হইল, সেই কক্ষটি যে লাইব্রেরী, ইহা প্যারাডাইন পূর্বে হইতেই জানিত। প্যারাডাইন ভৃত্যের সহিত প্রস্থান করিলে মিঃ প্রীড হলঘরের চেয়ারে স্থিরভাবে বসিয়া রহিলেন।

কয়েক মিনিট পরে ভৃত্য একাকী হলঘরে ফিরিয়া আসিল, এবং মিঃ প্রীডকে লক্ষ্য করিয়া বলিল, “মিঃ নিসবেটকে আপনার এখানে আসিবার কথা জানাইয়াছিলাম ; আমার কথা শুনিয়া তিনি আপনাকে মণিক্রম’

দেখাইতে আদেশ করিয়াছেন ; আপনি সেই কক্ষে বেশ আরামে থাকিবেন । আপনি আমার অমুসরণ করিলে আপনাকে সেই কক্ষে পৌঁছাইয়া দিতে পারি ।

মিঃ প্রীড তৎক্ষণাৎ উঠিয়া দাঁড়াইয়া বলিলেন, “এ ত ভাল কথাই ; চল যাই ।”

ভৃত্য বলিল, “আপনার টুপী ও ছাতা কি লইয়া যাইতে পারি মহাশয় ?”

মিঃ প্রীড বলিলেন, “না, ও সব তোমাকে লইতে হইবে না ।”

ভৃত্য আর কোন কথা না বলিয়া মিঃ প্রীডকে সঙ্গে লইয়া সুপ্রশস্ত সোপানশ্রেণীর সাহায্যে দোতলায় উঠিল । অনন্তর সে দোতলার বারান্দা অতিক্রম করিয়া তাহার প্রান্তভাগে অবস্থিত একটি কক্ষের দ্বার খুলিল । সে মুক্ত দ্বারের পাশে দাঁড়াইয়া মিঃ প্রীডকে সেই কক্ষে প্রবেশের জ্ঞপ্তি ইঙ্গিত করিলে, মিঃ প্রীড সেই কক্ষে প্রবেশের চেষ্টা না করিয়া বা দ্বারের দিকে পদমাত্র অগ্রসর না হইয়া, হাতের টুপীটি মাথায় ঝাঁটিয়া দিলেন, তাহার পর দৃঢ় স্বরে বলিলেন, “আমাকে তোমারই পিছনে যাইতে হইবে । তুমি আগে চল !”

“আমার পিছনে ?”—বলিয়া ভৃত্য ঘুরিয়া দাঁড়াইয়া তাঁহার দিকে চাহিল ; সে সেই কক্ষের দ্বার খুলিবার পূর্বে দেখিয়াছিল, তিনি দীর্ঘদেহ ভদ্র লোক ; তাঁহার আকৃতি ও পরিচ্ছদ দেখিয়া তিনি এক জন সম্ভ্রান্ত সজ্জন ব্যক্তি বলিয়াই তাহার ধারণা হইয়াছিল । তাঁহার হাতের ছাতার কাপড় গুটান অবস্থাতেই ছিল, এবং ছাতার দাগিটা তিনি ছড়ির মত ধরিয়া রাখিয়াছিলেন ; কিন্তু ভৃত্য যখন তাঁহার কথা শুনিয়া মুখ ফিরাইয়া তাঁহার দিকে চাহিল, তখন সে সবিষ্ময়ে, সভয়ে দেখিল, তাঁহার ছাতার সাজ—শিক, কাপড় প্রভৃতি তাঁহার বা হাতে বুলিতেছিল, এবং তাঁহার দক্ষিণহস্তে একখানি তীক্ষ্ণধার গুপ্তি, সেই গুপ্তির অগ্রভাগ তাহার পাজর ফুটা করিতে উত্তত !

মিঃ প্রীড ভৃত্যের আতঙ্কবিষ্কারিত চকুর দিকে চাহিয়া মৃদুস্বরে বলিলেন, “কোন কথা বলিলে বিপদে পড়িবে ; আর যদি চীৎকার কর, তাহা হইলে সেই চীৎকারে কেহ সাড়া দেওয়ার পূর্বেই তোমার মৃতদেহ এই দরজার গোড়ায় লুটাইতে থাকিবে । তুমি আমাকে

সঙ্গে লইয়া যাইবে, আমার আগে আগে ঐ কক্ষে প্রবেশ করিবে ।”

ভৃত্য বুদ্ধিতে পারিল, তাঁহার আদেশ পালন না করিলে সেই তীক্ষ্ণধার গুপ্তি তাহার পাজর বিদীর্ণ করিয়া উদরে প্রবেশ করিবে । সে নিরুপায় হইয়া সেই কক্ষের অর্দ্ধোদ্বাটিত দ্বারের চৌকাঠের উপর এক পা বাড়াইয়া দিল ; কিন্তু সম্মুখে অগ্রসর না হইয়া সেই স্থানেই দাঁড়াইয়া রহিল । মিঃ প্রীড তাহার পশ্চাতে বারান্দায় দাঁড়াইয়া তাঁহার হাতের গুপ্তিতে একটু জোর দিলেন ; গুপ্তির অগ্রভাগের গোঁচা খাইয়া ভৃত্য অগ্রসর হইয়া কক্ষমধ্যে প্রবেশ করিল । মিঃ প্রীড তখনও সেই কক্ষের দ্বারের বাহিরে দাঁড়াইয়াছিলেন । ভৃত্য সেই কক্ষে প্রবেশ করিবামাত্র কক্ষের দীপালোক নিকীর্ণিত হইল ; সঙ্গে সঙ্গে ধপ্ করিয়া একটা ভারী জিনিষের পতনশব্দ মিঃ প্রীডের কর্ণগোচর হইল । একটা অক্ষুট আর্ন্তনাদও তিনি শুনিতে পাইলেন ; কিন্তু মুহূর্তমধ্যে সেই কক্ষে নিস্তব্ধতা বিরাজ করিতে লাগিল ।

মিঃ প্রীড পদাঘাতে অর্দ্ধোদ্বাটিত কক্ষদ্বার সম্পূর্ণ উদ্বাটিত করিলেন । সেই সময় তিনি বারান্দার মত আলোকে কক্ষভ্যন্তরে দুই জন লোকের ছায়াবৎ মূর্তি দেখিতে পাইলেন ; তাহারা একটি মৃতপ্রায় অসাড় দেহ সেই কক্ষের মেঝের উপর দিয়া টানিয়া লইয়া যাইতেছিল ।

অন্ধকার হইতে কে দৃঢ়স্বরে আদেশ করিল, “দরজা বন্ধ কর ।”

মিঃ প্রীড তৎক্ষণাৎ সেই কক্ষে প্রবেশ করিয়া তাড়াতাড়ি দ্বার রুদ্ধ করিলেন, এবং রুদ্ধদ্বারে পিঠ দিয়া দাঁড়াইলেন । তাহার পর তিনি বা হাত বাড়াইয়া দেওয়াল হাতড়াইতে হাতড়াইতে কিছু দূর অগ্রসর হইতেই সেই কক্ষের বৈজ্যতিক দীপের ‘সুইচ’ তাঁহার হাতে ঠেকিল । পরমুহূর্তেই সেই কক্ষ উজ্জ্বল বিজ্যতালোকে উদ্ভাসিত হইল ।

মিঃ প্রীড সেই কক্ষের চারিদিকে দৃষ্টিপাত করিলেন ; দেখিলেন, কক্ষটি মূল্যবান ও সুদৃশ্য আসবাবপত্র দ্বারা সুসজ্জিত । তিনি দুই জন লোককে মেঝের উপর নিপতিত ভৃত্যের অসাড় দেহের দিকে চাহিয়া থাকিতে দেখিলেন । তাহাদের এক জন ভূপতিত দেহটি লক্ষ্য

করিয়। অশুটস্বরে বলিল, “কি সর্বনাশ, এ কাহার মাথা ভাঙ্গিয়াছি! এ যে উইলিয়ামস্!”

মিঃ প্রীড তৎক্ষণাৎ তাহাদের পশ্চাতে লাফাইয়া পড়িয়া দৃঢ়স্বরে বলিলেন, “তোমরা দুই হাত মাথার উপর তুলিয়া, আমার দিকে পিছন ফিরাইয়া, যেখানে আছ, ঐখানেই দাঁড়াইয়া থাক, নতুবা তোমাদের দুই জনকেই এখনই এই গরের মেঝের উপর মরিয়া পড়িয়া থাকিতে হইবে।”—উজ্জ্বল বিজ্ঞাতালোকে তাঁহার হাতের প্রসারিত গুপ্তি ঝক্‌ঝক্‌ করিয়া উঠিল, যেন বিজ্ঞাতের লোল জিহ্বা!

উভয় ব্যক্তি তৎক্ষণাৎ মাথার উপর দুই হাত তুলিয়া সোজা হইয়া দাঁড়াইল; তাহাদের এক জনের উৎক্লিষ্ট হাত হইতে একটি লৌহ-মুদার খসিয়া পড়িল। মিঃ প্রীড বামহস্ত প্রসারিত করিয়া তাহাদের উভয়েরই বুকের পকেট হইতে রিভলভার বাহির করিয়া লইলেন। তাহারা উভয়েই মিঃ প্রীডের আকস্মিক আক্রমণে একরূপ ভীত ও বিচলিত হইয়াছিল যে, পকেটে পিস্তল থাকিতেও তাহারা তাহা বাহির করিয়া লইয়া ব্যবহার করিবার সুযোগ পায় নাই; বিশেষতঃ, গৃহস্বামীর বিনামুমতিতে তাহা ব্যবহার করিবে—তাহাদের সেরূপ সাহসও ছিল না। যাহারা বহু অপরাধে অপরাধী, তাহারা সাধারণতঃ কাপুরুষ হইয়া থাকে।

মিঃ প্রীড তাহাদিগকে নিবন্ধ করিয়া আদেশ দিলেন, “যখন যে ভাবে চলা উচিত, সেই ভাবে তোমরা চলিতে জান দেখিতেছি। চমৎকার পোষ মানিতে শিখিয়াছ, এখন যাহা বলি, তাহাই কর। ঐখানে উপুড় হইয়া শুইয়া মেঝের উপর মুখ গুঁজিয়া পড়িয়া থাক।”

তাহারা উভয়েই বিনা প্রতিবাদে তৎক্ষণাৎ তাঁহার আদেশ পালন করিল। তাহাদিগকে সেই স্থানে মুখ গুঁজিয়া পড়িয়া থাকিতে দেখিয়া মিঃ প্রীড মেঝের উপর হইতে পূর্বোক্ত লৌহ-মুদারটি তুলিয়া লইলেন, এবং তাহা উর্দ্ধে তুলিয়া তদ্বারা তাহাদের ষাড়ের উপর প্রচণ্ডবেগে আঘাত করিলেন যে, সেই আঘাতে উভয়েরই চেতনা বিলুপ্ত হইল।

অনন্তর মিঃ প্রীড সেই কক্ষ পরীক্ষা করিয়া বাতায়নের নিকট সুরঞ্জিত রজ্জু প্রসারিত দেখিলেন; সেই রজ্জুর সাহায্যে রেশমী পর্দাগুলি গুটাইয়া রাখা হইত। মিঃ

প্রীড সেই রজ্জু খুলিয়া লইয়া তাহার দৃঢ়তা পরীক্ষা করিলেন; তিনি উভয় হস্তে ধরিয়া ঝ্যাট্কা টানেও তাহা ছিঁড়িতে পারিলেন না। তখন সেই রজ্জু দ্বারা সংজাহীন লোক দুইটির হাত-পা দৃঢ়রূপে বাধিয়া ফেলিলেন। যে ভৃত্য তাঁহাকে সেই কক্ষের সম্মুখে লইয়া আসিয়াছিল, তাহার অসাড় দেহ মেঝের এক পাশে পড়িয়াছিল; তাহারও হাত-পা তিনি রজ্জুবদ্ধ করিলেন। এই সকল কার্য শেষ হইলে মিঃ প্রীড সেই কক্ষের দীপ নির্দীপিত করিয়া কক্ষ ত্যাগ করিলেন, এবং বারান্দা দিয়া সিঁড়ির মাথায় আসিয়া দাঁড়াইলেন। তিনি কোনও দিকে কোন শব্দ শুনিতে পাইলেন না; সর্বদা তখন গাঢ় স্তব্ধতা বিরাজিত; কিন্তু দুই এক মিনিট পরে একটা মর্শ্বেদী আত্ননাদ হঠাৎ নৈশ-নিশ্চলতা ভঙ্গ করিল।

## ত্রয়োদশ পঙ্কন

কাদে পা!

প্যারাডাইন মিঃ নিস্বেটের লাইব্রেরী-কক্ষে প্রবেশ করিলে ভৃত্য তাহার নাম উচ্চারণ করিয়া তাহার আগমন-সংবাদ ঘোষণা করিবামাত্র তাহার পশ্চাতে লাইব্রেরীর দ্বার রুদ্ধ হইল। সে একাকী অসহায় অবস্থায় ব্যাঘ্রের গুহায় প্রবেশ করিয়াছে মনে করিয়া আতঙ্কে ও দৃশ্চিন্তায় অভিভূত হইল। তাহার বক্ষঃস্থলে যেন হাতুড়ি পড়িতে লাগিল। সেই কক্ষ তাহার সুপরিচিত; সে তাহার মনিবের আদেশ শ্রবণের জন্ত বহুবার সেই সুসজ্জিত কক্ষে প্রবেশ করিয়াছিল; কিন্তু আর কোনও দিন সেই কক্ষে প্রবেশ করিয়া তাহার মন এ ভাবে আতঙ্কপূর্ণ হয় নাই, আর কোনও দিন প্রভুর আদেশ শুনিতে আসিয়া তাহার হৃদয় কম্পিত হয় নাই বা সে একরূপ অস্বচ্ছন্দতা অনুভব করে নাই।

প্যারাডাইনের ধারণা হইল, তাহার মস্তকের উপর যে বিপদের মেঘ ঘনীভূত হইয়াছে, তাহা হইতে অশনিপাত অপরিহার্য। এই বিপদ হইতে তাহার নিষ্কতি নাই। সামান্য অর্থের লোভে সে বিশ্বাসঘাতকতা করিয়াছিল; সে রিপোর্টখানি আফিসের সিন্দুকে আবদ্ধ না করিয়া



তাহা পকেটে ফেলিয়া আফিসের বাহিরে লইয়া গিয়াছিল, তাহার পর সহসা স্তব্ধ হইয়া উদয় হওয়ায় সে তাহা লইয়া ট্রেনে চাপিয়া মিঃ গার্ডিনের বাড়ীতে গিয়াছিল, এবং তাহার উপরওয়ালা মিঃ গার্ডিনকে মিথ্যা কথায় ভুলাইয়া তাহা তাহার হস্তে অর্পণ করিয়াছিল ; এ সকল কথাই তাহাকে তাঁহার মনিবের নিকট প্রকাশ করিতে হইবে। তাহাকে স্মীকার করিতে হইবে—সে বিশ্বাসঘাতক, মিথ্যাবাদী, তন্দর, প্রতারক ! বিশেষতঃ মিঃ নিস্বেটের ধারণা হইয়াছিল, গার্ডিনের হত্যাকারীই সেই রিপোর্ট হস্তগত করিয়াছিল। গার্ডিনের হত্যাকারীর সহিত তাহার মড়ক ছিল না, ইহা সে কিরূপে মিঃ নিস্বেটের নিকট প্রতিপন্ন করিবে ?—প্যারাডাইনের ধারণা হইল, মিঃ নিস্বেট অবিলম্বে পুলিশের নিকট সংবাদ প্রেরণ করিবেন, পুলিশ আসিয়া সেই স্থানেই তাহাকে গ্রেপ্তার করিবে ; তাহাকে বিচারালয়ে অর্পণ করা হইবে। তাহার পর বিচারের কি ফল হইবে, তাহা চিন্তা করিয়া প্যারাডাইনের মূর্ছার উপক্রম হইল। তাহার একমাত্র সম্মল—মিঃ প্রীডের আশ্বাসবাণী ; কিন্তু তিনি যথাসাধ্য চেষ্টা করিলেও কিরূপে তাহাকে রক্ষা করিবেন, তাহা সে বুঝিয়া উঠিতে পারিল না। তিনি কি উদ্দেশ্যে তাহার সঙ্গে মিঃ নিস্বেটের গৃহে উপস্থিত হইয়াছিলেন, তাহাও সে অনুমান করিতে পারিল না। মিঃ নিস্বেটের নিকট তাহার পক্ষে ওকালতি ? আইনের তর্ক উঠিলে তাহার পক্ষে সমর্থন করিবেন ? কিন্তু সে মনিবের নিকট অপরাধ স্মীকার করিতে আসিয়াছে, নিজের সকল দোষ মুক্তকণ্ঠে প্রকাশ করিতে আসিয়াছে, তাহার অনুকূলে আইনের কি তর্ক থাকিতে পারে ?

প্যারাডাইন আরও ভাবিল, সে যে সাধু উদ্দেশ্যেই রিপোর্টখানি মিঃ গার্ডিনের হস্তে অর্পণ করিয়াছিল, ইহা সে কিরূপে প্রতিপন্ন করিবে ? গার্ডিন নিহত হইয়াছেন। টেরির গল্পই বা কে বিশ্বাস করিবে ? যদি টেরিকে হাজির করিবার জন্ত তাহাকে আদেশ করা হয়, তাহা হইলে সে কিরূপে তাহাকে হাজির করিবে ? সে কোথায় তাহার সন্ধান পাইবে ? মিঃ প্রীড তাহাকে আশ্রয় দান করিয়া তাহার কি উপকার করিলেন ?—ইহাই কি উপকারের নিদর্শন ?

সে সম্মুখে দৃষ্টি নিষ্ক্ষেপ করিয়া মিঃ নিস্বেটকে দেখিতে পাইল। নিস্বেট তখন সেই কক্ষের মধ্যস্থলে আরাম-কেন্দারায় উপবিষ্ট ; তাঁহার হাতের কাছে ছইন্সির ডিক্লেটার, গ্যাস প্রভৃতি সুসজ্জিত ; তাঁহার মুখে একটি চুরুট শোভা পাইতেছিল। মিঃ নিস্বেটের চেয়ারের পশ্চাতে একখানি পদ্দা প্রসারিত ; তাঁহার ঠাণ্ডা না লাগে, এই উদ্দেশ্যেই বোধ হয় পদ্দাখানি সেইভাবে প্রসারিত ছিল, প্যারাডাইনের তখন এইরূপই ধারণা হইল।

মিঃ নিস্বেট প্যারাডাইনকে দেখিয়া মুখের চুরুট সরাইয়া লইয়া কোমলকণ্ঠে সদয়ভাবে বলিলেন, “এসো বাবা প্যারাডাইন, এসো, তুমি এই অসময়ে কি মতলবে আমার সঙ্গে দেখা করিতে আসিয়াছ বল শুনি, আফিসের কোন কায়ে গোলমাল হইয়াছে কি ?”

প্যারাডাইন মনিবের এই প্রকার সদয় সম্ভাষণে বিস্মিত হইল ; প্রহ ও ভৃত্যের মধ্যে কি বিশাল ব্যবধান বর্তমান, তাহা সে জানিত। বিশেষতঃ নিস্বেট আর কোন দিন এরূপ সহানুভূতিভরে কোমল স্বরে তাহাকে সম্বোধন করিয়াছেন, ইহা তাহার স্মরণ হইল না। সে দেখিল, মিঃ নিস্বেট চেয়ারে ঠেস দিয়া কুণ্ডলীকৃত ধূমরাশির ভিতর দিয়া তাহাকে লক্ষ্য করিতেছিলেন। প্যারাডাইন তাঁহার সুকোমল দয়াদ কণ্ঠস্বর শুনিয়াও আশ্চর্য হইতে পারিল না। নিরুৎসাহচিত্তে দীরে দীরে তাঁহার নিকট অগ্রসর হইতে লাগিল।

প্যারাডাইন তাঁহার দিকে অগ্রসর হইতে হইতে শুনিল, “উইলিয়ামস্ আমাকে বলিয়াছিল, তুমি এক জন মুরুক্ষী সঙ্গে লইয়া আমার সঙ্গে দেখা করিতে আসিয়াছ ; লোকটা তোমার মুরুক্ষী না কি ? উইলিয়ামস্ যেন বলিয়াছিল—সে তোমার উকীল। কিন্তু তুমি আসিয়াছ তোমার মনিবের সঙ্গে দেখা করিতে, সম্ভবতঃ আফিস-সংক্রান্ত কোন কথা বলিবার উদ্দেশ্যে ; এ অবস্থায় একটা উকীল লেজে বাধিয়া এখানে আসিবার কি প্রয়োজন ছিল বাপদন, তাহা ত আমি ঠাহর করিতে পারিতেছি না ! যাহা হউক, তুমি বলিতে পার। আফিসের বাহিরে আমি আমার কন্ঠচারীদের সঙ্গে সাধারণ ভদ্রলোকের মতই ব্যবহার করি ; তোমার সঙ্গে আমার কোন প্রয়োজন নাই, তুমি ঐ চেয়ারে বসিয়া পড়।”

কিন্তু প্যারাডাইন চেয়ারে বসিল না ; তাহার মনে হইল, সে যাহা বলিতে আসিয়াছিল, তাহা বসিয়া বলিবার মত কথা নহে । সে মনিবের সম্মুখে দাঁড়াইয়া সেই সকল কথা অপেক্ষাকৃত সুস্পষ্টভাবে বলিতে পারিবে বলিয়াই তাহার ধারণা হইল ।

প্যারাডাইন ভয়-কম্পিত-কণ্ঠে বলিতে লাগিল, “আমার উকিলের উপদেশেই আজ এখানে আপনার সঙ্গে দেখা করিতে আসিয়াছি । আজ সন্ধ্যার সময় তাঁহার সঙ্গে দেখা করিতে গিয়াছিলাম, এবং—”

প্যারাডাইন লিঙ্কনস ইন্ কৌন্সেল্‌এ গমন করিয়া তাহার পিতৃবন্ধু উকিল মিঃ প্রীডের সহিত সাক্ষাতের পর হইতে সে সকল কাণ্ড ঘটনাছিল, তাহা তাহার চিত্তপটে প্রতিকলিত হইল ; তাহার মনে হইল তাহার পর যেন বহু বৎসর অতীত হইয়াছে ।

সে ক্ষণকাল নিস্তর থাকিয়া পুনর্বার বলিতে লাগিল, “আরানা স্বর্ণক্ষেত্রের রিপোর্ট সম্বন্ধে আমার যে সকল কথা বলিবার আছে, তাহাই আপনাকে বলিতে আসিয়াছি, মহাশয় ! গত শনিবার অন্ত্যায় দিন অপেক্ষা অনেক পূর্বেই আফিস বন্ধ হইলেও, সেই দিন বিকালে পশ্চিম-আফ্রিকার ডাক বিলি হইবার কথা ছিল ; এই জন্ত আফিসের পরও আমাকে সেই ডাকের প্রতীক্ষায় আফিসে থাকিতে হইয়াছিল । আমি সেই রিপোর্টখানি পকেটে লইয়া আফিস ত্যাগ করিয়াছিলাম ।”

নিম্বেট বিষয় প্রকাশ করিয়া বলিলেন, “তুমি বলিতেছ কি ? সেই রিপোর্ট তুমিই লইয়াছিলে, গার্ডিন লয় নাই ? সেই রিপোর্ট ডাক-পিয়ন বিলি করিলে তাহা লইয়া আফিসের সিন্দুকে রাখিতে হইবে, এই আদেশই ত দান করা হইয়াছিল ; তুমি তাহা আফিসের সিন্দুকে না রাখিয়া পকেটে রাখিয়াছিলে, ইহার কারণ কি ?”

প্যারাডাইন বিবর্ণ মুখ অবনত করিয়া ভাবিতে লাগিল, এইবার তাহার বিশ্বাসঘাতকতা, লোভ ও কলঙ্কের কথা প্রকাশ করিতে হইবে । সেই সকল অপরাধ স্বীকার করিতে সে এতই কুণ্ডা বোধ করিল যে, কথাগুলি হঠাৎ তাহার মুখ হইতে বাহির হইল না ।

নিম্বেট প্রশংসক দৃষ্টিতে তাহার মুখের দিকে চাহিলেন ।

প্যারাডাইন মুখ তুলিয়া কাতর কুণ্ঠিত দৃষ্টিতে তাহার

মনিবের মুখের দিকে চাহিল, তাহার পর দৃষ্টি অবনত করিয়া বলিতে লাগিল, “আমি অত্যন্ত অর্থকষ্টে পড়িয়াছিলাম, মহাশয়, এই জন্ত এক জন সুদখোর মহাজনের কবলে আমাকে আত্মসমর্পণ করিতে হইয়াছিল । আমি তাহার ঋণ পরিশোধ করিতে না পারায় সে আমাকে ভয় দেখাইয়াছিল, আমি তাহাকে তাহার প্রাপ্য টাকাগুলি সুদে-আসলে পরিশোধ না করিলে, সে আপনাকে পত্র লিখিয়া সকল কথা জানাইবে, এবং আমার চাকরীর মাথা খাইবে । আমার পিতা কঠিন রোগে আক্রান্ত হওয়ায় অর্থাভাবে তাঁহার চিকিৎসার ব্যবস্থা করিতে না পারায় সেই মহাজনের নিকট পঞ্চাশ পাউণ্ড কর্জ লইয়া তাঁহার চিকিৎসা চালাইয়াছিলাম, কিন্তু আমার দুর্ভাগ্যক্রমে তাঁহার প্রাণ রক্ষা করিতে পারি নাই । ঋণ-পরিশোধের জন্ত আমি কিস্তীবন্দী করিয়াছিলাম ; কিন্তু কিস্তী খেলাপ হইয়াছিল ; তথাপি কয়েক কিস্তীর টাকা ও তাহার সুদ, ধার-কর্জ করিয়াও তাহাকে দিয়াছিলাম ; কিন্তু অবশেষে সে আমার নিকট দুই শত পাউণ্ড দাবী করিয়া বসিল ।”

নিম্বেট প্যারাডাইনের এই আত্মকাহিনী শুনিয়া কোন মন্তব্য প্রকাশ করিলেন না ; কিন্তু তাঁহার মুখ গম্ভীর, চক্ষুতে বিরক্তি পরিস্ফুট ।

প্যারাডাইন হতাশভাবে নিম্বেটের মুখের দিকে চাহিয়া বলিতে লাগিল, “এই প্রকার সঙ্কটে পড়িয়া আমি কি করিব, তাহা স্থির করিয়া উঠিতে পারিলাম না ! আমি হতাশ হইয়া পড়িলাম, কোনও দিকে আশার ক্ষীণ রশ্মিও দেখিতে পাইলাম না ! সেই সময় একটি লোকের সঙ্গে হঠাৎ এক দিন আমার পরিচয় হইল । তাহার নাম মিঃ টেরি । উহা তাহার প্রকৃত নাম কি না জানিতে পারি নাই ; কিন্তু সেই নামেই সে আমার নিকট নিজের পরিচয় দিয়াছিল । সে আমার বিপদের কথা শুনিয়া আমার দেনার দুই শত পাউণ্ড দান করিয়া আমাকে এই বিপদ হইতে উদ্ধার করিতে সম্মত হইল ; কিন্তু আমাকে একটি সর্কে রাজী হইতে হইল । সর্কটি এই যে, আরানা স্বর্ণক্ষেত্রের রিপোর্টখানি ডাকঘর হইতে যে দিন আমাদের আফিসে বিলি হইবে, সেই দিনই তাহা তাহার হাতে দিতে হইবে, সে তাহা দেখিয়া লইয়া আমাকে ফেরত দিবে । রিপোর্টখানি হাতে পাইলেই দুই শত পাউণ্ড দিয়া সে আমাকে সাহায্য করিবে । রিপোর্টখানি তাহাকে

প্রদান করিবার উদ্দেশ্যেই আমি তাহা শনিবার অপরাহ্নে আফিস হইতে লইয়া গিয়াছিলাম।”

প্যারাডাইনের কথা শুনিয়া নিস্বেট চেয়ারের উপর সোজা হইয়া বসিলেন, তাহার পর আতঙ্কভিত্ত প্যারাডাইনের মুখের দিকে তীক্ষ্ণ দৃষ্টিতে চাহিয়া তীব্রস্বরে বলিলেন, “তুমি ঘূসের লোভে রিপোর্টখানা চুরি করিয়াছিলে? দুই শত পাউণ্ড উপার্জনের আশায় এই দৃষ্টি করিয়াছিলে—ইহা তুমি স্বীকার করিতেছ?”

প্যারাডাইন আড়ষ্ট স্বরে বলিল, “হাঁ, স্বীকার করিতেছি : আমি অপরাধ স্বীকার করিব, কোন কথা গোপন করিব না, এই উদ্দেশ্যেই ত আপনাদের সঙ্গে দেখা করিতে আসিয়াছি। বিশেষতঃ আমার উকিল আপনার নিকট সরলভাবে সকল কথা স্বীকার করিতেই উপদেশ দিয়াছেন। তবে আরও কথা আছে; সে সকল কথা আপনি বৈয়াকরণ করিয়া শ্রবণ করুন। এই ভাবে দুই শত পাউণ্ড সংগ্রহ করিব—ইহাই প্রথমে আমি স্থির করিয়াছিলাম। কিন্তু রিপোর্টখানি আমি ঐ ভাবে লইয়া যাইলেও তাহার বিনিময়ে টেরির নিকট হইতে টাকা লই নাই, হাঁ, আপনি বিশ্বাস করুন, আমি সেই সঙ্কল্প ভাগ করিয়াছিলাম। আমি তাহার নিকট টাকাগুলি গ্রহণ করি নাই। টেরির সঙ্গে কথা ছিল, আমি রিপোর্ট সহ ভিক্টোরিয়ায় উপস্থিত হইয়া তাহার সহিত সাক্ষাৎ করিব এবং রিপোর্টখানি সেই স্থানেই তাহাকে প্রদান করিব। কিন্তু ভিক্টোরিয়ায় উপস্থিত হইয়া তাহার দৃঢ় প্রতিজ্ঞা করিতে করিতে আমি এ সম্বন্ধে নানা কথা চিন্তা করিতে লাগিলাম। আমি বুঝিতে পারিলাম, তাহার অন্তে প্রতিশাপিত হইতেছি, তাহার প্রতি এই প্রকার বিশ্বাস-বাতকতা করা অত্যন্ত গর্হিত কাণ্ড; এই কাণ্ড করিলে আমি ভদ্রসমাজে মুখ দেখাইতে পারিব না, আমার বংশের সন্মান নষ্ট হইবে। এই অপকার্যের জন্ত চিরজীবন আমাকে অশ্রুতাপানলে দগ্ন হইতে হইবে। আমার ভাগ্যে তাহা থাকে বটে, আমি টেরিকে রিপোর্টখানি দিব না। এইরূপ সঙ্কল্প করিয়া রিপোর্টখানি আফিসের সিন্দুকে রাখিবার জন্ত উৎসুক হইলাম। কিন্তু তখন সন্ধ্যা অতীত হইয়াছিল, আফিস বন্ধ হইয়া গিয়াছিল; এই জন্ত তাহা আফিসের সিন্দুকে রাখিয়া দেওয়া অসম্ভব হইল। সেই সময় আমার মনে পড়িল, আমার উপরওয়ালা আফিসের

হেড ক্লার্ক মিঃ গার্ডিন উইনগেটসএ বাস করেন; রিপোর্টখানি তাহার হস্তে প্রদান করিলে আমার ভ্রম সংশোধিত হইতে পারে। তখনও ট্রেনের সময় ছিল; আমি তাড়া-তাড়ি ট্রেনে প্রবেশ করিয়া টিকিট লইয়া ট্রেনে উঠিয়া পড়িলাম। সন্ধ্যা সাতটা সাতাশ মিনিটের ট্রেন যথাসময়ে উইনগেটস ট্রেনে থামিলে আমি ট্রেন হইতে নামিয়া মিঃ গার্ডিনের বাড়ীর দিকে চলিলাম। তাহার বাড়ীতে উপস্থিত হইয়া তাহার সহিত সাক্ষাৎ করিলাম। তিনি তখন বাড়ীতে একাই ছিলেন। আমি তাহার পাঠকক্ষে প্রবেশ করিয়া রিপোর্টখানি তাহার হাতে দিলাম। আমি তাহাকে বলিলাম, রিপোর্টখানি ভ্রমক্রমে পকেটে রাখিয়াছিলাম এবং আফিসের সিন্দুকে তাহা রাখিতে ভুলিয়া গিয়াছিলাম বলিয়াই তাহা তাহাকে দিতে আসিয়াছি। আমার এই কৈফিয়ৎ তিনি সম্ভবতঃ সত্য বলিয়াই বিশ্বাস করিয়াছিলেন। তিনি আমার নিকট হইতে রিপোর্টখানি লইয়া তাহার পাঠকক্ষস্থ অগ্নিকুণ্ডের বামভাগে সংরক্ষিত কাবোর্ডের ভিতর ভুলিয়া রাখিয়া কাবোর্ডের চাবি বন্ধ করিলেন।

“পরে আমার মনে হইল, আমি উইনগেটসএ যাইবার সময় টেরিকে যেন দেখিয়াছিলাম; সে মিঃ গার্ডিনের বাড়ী পর্যন্ত আমার অনুসরণ করিয়াছিল কি না, তাহা আমি জানিতে পারি নাই। কিন্তু সে আমার অনুসরণ করিয়া থাকিলে, রিপোর্টখানি সে সময় মিঃ গার্ডিনের হস্তে প্রদান করি—সে সময়ে সে তাহার পাঠকক্ষের খোলা জানালা দিয়া তাহা দেখিয়া থাকিতে পারে; এই সন্দেহ আমার মনে বদ্ধমূল হইল। আমি কি উদ্দেশ্যে গার্ডিনের সঙ্গে সে সময় দেখা করিতে গিয়াছিলাম, তাহা অনুমান করা তাহার পক্ষে কঠিন হয় নাই, এইরূপই আমার ধারণা হইয়াছিল। সেই রিপোর্টখানি হস্তগত করিবার জন্ত তাহার আগ্রহ কিরূপ প্রবল হইয়াছিল, তাহাও আমার অজ্ঞাত ছিল না। রিপোর্টখানির প্রতি তাহার প্রবল লোভ না হইলে সে তাহা একনজর দেখিবার জন্ত আমাকে দুই শত পাউণ্ড পুরস্কার প্রদানের অস্বীকার করিবে কেন? বাহা হউক, আমি গার্ডিনের গৃহত্যাগের পর মনে মনে এই সকল কথা আলোচনা করিয়া মিঃ গার্ডিনকে আমার সন্দেহের কথা জানাইয়া সতর্ক করিবার জন্ত পুনর্বার তাহার বাড়ীতে ফিরিয়া আসিলাম।”





नाना

[ 1933, 1933 ]





এই পর্য্যন্ত বলিয়া প্যারাডাইন নীরব হইল, এবং তাহার কথাগুলি শুনিয়া নিস্বেটের মনের ভাব কিরূপ হইল, তাহার কথাগুলি তিনি বিশ্বাস করিলেন কি না, ইহা বুঝিবার জ্ঞান প্যারাডাইন মুখ তুলিয়া তাঁহার মুখের দিকে দৃষ্টিপাত করিল। কিন্তু সে দেখিল, নিস্বেটের মুখকান্তি যেন নিদাঘাপরাহ্নের বিদ্যুৎগর্ভ মেঘের ঝায় গম্ভীর, এবং তাঁহার ক্রকটিকুটিল নেত্রে অবিশ্বাসের ছায়া পরিস্ফুট। প্যারাডাইন বুঝিতে পারিল—নিস্বেট তাহার কথা বিশ্বাস করেন নাই। সে আশায় সে তাঁহার নিকট আসিয়াছিল, তাহা সম্পূর্ণ বিফল হইবে। প্যারাডাইন তাঁহার ক্ষুরিত অধরে অবজ্ঞা, তাক্ষীল্য এবং বিরাগ অঙ্কিত দেখিল।

কিন্তু প্যারাডাইন সত্য কথা বলিবার সঙ্কল্প করিয়াই নিস্বেটের সঙ্গে দেখা করিতে আসিয়াছিল। মনিবের মনের ভাব বুঝিতে পারিয়া তাহার মন নিরাশায় পূর্ণ হইলেও সে বলিতে লাগিল, “আমি দ্বিতীয়বার মিঃ গার্ভিনের বাড়ীতে উপস্থিত হইয়া দরজায় ঘণ্টাধ্বনি করিলাম তাঁহার সাড়া না পাইয়া গলির ভিতর দিয়া তাঁহার খিড়কীর বাগানের দিকে চলিলাম। তাঁহার ঘরের সেই দিকের জানালা খোলা ছিল; আমি সেই জানালার বাহির হইতে মুখ বাড়াইয়া ঘরের ভিতর যে লোমহর্ষণ দৃশ্য দেখিলাম, তাহা দেখিয়াই আমার মূর্ছার উপক্রম হইল। দেখিলাম, তাঁহার অসাড়ুদেহ ঘরের মেঝের উপর পড়িয়াছিল; দেহে প্রাণ ছিল না। বুঝিলাম, তিনি সেই স্থানে আক্রান্ত হইয়া নিহত হইয়াছিলেন।”

প্যারাডাইন এই পর্য্যন্ত বলিয়া নীরব হইল। তাহার আর কোন কথা বলিবার ছিল না। তাহার যাহা কিছু অপরাধ, তাহার কোন অংশ গোপন না করিয়া সমস্তই সে তাহার মনিবের নিকট প্রকাশ করিল। সে মিথ্যা কথা একটিও বলে নাই, কোনও কথা অতিরঞ্জিত করে নাই। তাহার অপরাধ সে সরলভাবে স্বীকার করিল। নিস্বেট কি তাহার অপরাধ মার্জনা করিবেন, না, তাহার প্রতি কঠোর দণ্ডের ব্যবস্থা করিবেন? প্যারাডাইন তাঁহার মুখের দিকে চাহিয়া নিস্তব্ধভাবে দাঁড়াইয়া রহিল।

নিস্বেট তীক্ষ্ণ দৃষ্টিতে প্যারাডাইনের মুখের দিকে চাহিয়া নড়িয়া চড়িয়া চেয়ারে সোজা হইয়া বসিলেন। তাহার পর নীরস স্বরে বলিলেন, “তুমি কি সত্যই আশা কর, তোমার এই

আশ্মানী কেছা আমি বিশ্বাস করিব? যদি তোমার এইরূপ ধারণা হইয়া থাকে, তাহা হইলে আমাকে স্বীকার করিতে হইবে যে, তুমি আমাকে একটি নিরেট গাদা বলিয়াই সিদ্ধান্ত করিয়া রাখিয়াছ। কিন্তু সত্যই আমি গদভ নহি; আমার কাণ্ডজ্ঞান আছে, সত্য মিথ্যা বুঝিবারও শক্তি আছে। সত্য মিথ্যা মিশাইয়া যে গল্প রচিত হয়, তাহার কতটুকু সত্য, এবং তাহার কোন অংশ মিথ্যা, তাহা নিরূপণ করা আমার পক্ষে কঠিন নহে।

“শোন প্যারাডাইন, তুমি মহাজনের নিকট টাকা কড়ি করিয়াছিলে, তাহা আমি জানিতাম না, একরূপ মনে করিও না; সে সংবাদ আমি পাইয়াছিলাম। গত কল্যাণিঃ ফার্মিন আমাকে সে পত্র লিখিয়াছিল, সেই পত্রে সে তোমার দেনার কথা আমাকে জানাইয়াছিল। সুতরাং তুমি তোমার গল্পে তোমার ঋণ সম্বন্ধে যে সকল কথা বলিলে, তাহা যে সত্য, এ বিষয়ে আমি নিঃসন্দেহ। এতদিন, তুমি ঘূসের লোভে আরানা স্বর্ণশ্বেতের রিপোর্ট চুরি করিয়াছিলে, ইহাও সত্য ঘটনা; এবং তাহাও আমি বিশ্বাস করিয়াছি। কিন্তু তাহার পর যে সকল কথা বলিলে, তাহা নির্ভাজ মিথ্যা; তাহাতে এক বিন্দু সত্য নাই। এই মিথ্যা কথাগুলি সত্যের সহিত মিশাইয়া গল্পটিকে একরূপ কোণলে গড়িয়া তুলিয়াছ, এবং একরূপ দক্ষতার সঙ্গে বিবৃত করিলে যে, তাহা শুনিয়া আমারই তাক লাগিয়া গিয়াছিল! এক একবার মনে হইতছিল, হয় ত তাহার মনো কিছু কিছু সত্যের বুকনী থাকিতেও পারে; কিন্তু মিথ্যা কথাকে সত্যের আকার দান করিয়া তাহা সত্য বলিয়া প্রতীতি জন্মাইতে হইলে যেরূপ চাতুর্যের প্রয়োজন, যেরূপ সুতীক্ষ্ণ স্মৃতিশক্তি থাকা প্রয়োজন, তাহা তোমার নাই; এই জ্ঞান তুমি যথাসাধ্য চেষ্টা করিয়াও আমাকে প্রতারণা করিতে পার নাই; বিশেষতঃ তোমার ঐ সকল কথা যে মিথ্যা, তাহার প্রমাণও কিছু কিছু পাইয়াছি। সেই সকল প্রমাণ বত্তমানে, তোমার মিথ্যা কথাগুলি কি করিয়া সত্য বলিয়া স্বীকার করি? নিজের জ্ঞানবুদ্ধি উড়াইয়া দিয়া তোমার মিথ্যা রচনাকে সত্য বলিয়া স্বীকার করিব, আমাকে ততখানি নিকোষ মনে করিলে আমার প্রতি অবিচার করা হইবে, প্যারাডাইন।”

প্যারাডাইন আতঙ্কভিত্ত হৃদয়ে, বিস্ময়-বিস্ফারিতনেত্রে

নিস্বেটের মুখের দিকে চাহিয়া রহিল। সে নিস্বেটের এই সকল কথা মন্য বৃত্তিতে পারিল না; ইহা দুকোঁদ্য রহস্য বলিয়াই তাহার ধারণা হইল।

নিস্বেট তাহাকে হতবুদ্ধির গায় বিহ্বল ভাবে চাহিয়া থাকিতে দেখিয়া গম্ভীর স্বরে বলিলেন, “গত শনিবার পশ্চিম-আফ্রিকার ডাক আসিলে ডাক-পিয়ন তাহা বিলি করিবার জন্ম অপরাহ্নে যখন আমাদের আফিসে আসিয়াছিল, মিঃ গাভিন সেই সময় আফিসে উপস্থিত ছিলেন, এ কথা তুমি গোপন করিয়াছ; কিন্তু ইহা সম্পূর্ণ সত্য। কারণ, আমি তাহাকে সেই সময় আফিসে উপস্থিত থাকিয়া সেই ডাক গ্রহণ করিবার জন্ম টেলিফোনে আদেশ করিয়াছিলাম। তোমার গল্প শুনিয়া মনে হয়, তিনি আমার সেই আদেশ অগ্রাহ্য করিয়া আফিস বন্ধ হইলে অগ্ন্যাক্ষরী গায় বাড়ী চলিয়া গিয়াছিলেন। কিন্তু ইহা কি সম্ভব? তিনি আফিসে উপস্থিত থাকিয়া আমার আদেশ পালন করিলে তোমার গল্পটির অবশিষ্টাংশ কিরূপে সত্য হইতে পারে? মিঃ গাভিন সেই জরুরী রিপোর্ট আফিসে রাখিতে ভরসা না পাওয়ায় তাহা উইনগেটসএর তাহার নিজের বাড়ীতে লইয়া গিয়াছিলেন; কারণ, তিনি জানিতেন, যদি উহা আফিস হইতে অপসৃত হয়, তাহা হইলে সেজন্ম তাহাকেই দায়ী হইতে হইবে। তুমি দেখিলে, মিঃ গাভিন ঐরূপ করায় তোমার দুই শত পাউণ্ড দুস মাঠে মারা গেল! তোমার মুখের গ্রাস হাত-ছাড়া হইল। কিন্তু উৎকোচের লোভ ত্যাগ করিতে না পারিয়া তুমি তাহার অনুসরণ করিলে, তাহার বাড়ীর কোনও অংশে লুকাইয়া থাকিয়া দেখিলে, রিপোর্টখানা তিনি কোথায় রাখিলেন। তিনি তাহা কোথায় রাখিয়াছিলেন, তাহা যে তুমি দেখিয়াছিলে, ইহা তুমি আমার নিকট স্বীকার করিয়াছ। তাহার পর তাহার অজ্ঞাতসারে তাহাকে আক্রমণ করিয়া হত্যা করিয়াছ, এবং রিপোর্টখানি চুরি করিয়া আনিয়া টাকার লোভে যে নরপিণ্ডের হস্তে প্রদান করিয়াছ, সে সেই রিপোর্টের সাহায্যে আমাদের সন্ধান করিয়াছে। তোমার মিথ্যা গল্প অপেক্ষা এই সত্য ঘটনা যে অদিকতর বিশ্বাসযোগ্য এবং স্বাভাবিক, ইহা কি কোন বিচারক অস্বীকার করিতে পারিবেন?”

নিস্বেটের কথা শুনিয়া প্যারাডাইনের সংশয়, সঙ্কট বিলুপ্ত হইল; সে উত্তেজিত স্বরে বলিল, “মিথ্যা কথা, এ কথা সম্পূর্ণ মিথ্যা। আপনি আমার মনিব হইলেও আমি অসঙ্কোচে বলিব, আপনি মিথ্যাবাদী। জানি না, ইহা আপনার দ্রম কি স্বেচ্ছাপ্রণোদিত মিথ্যা উক্তি। আপনার কথা সত্য হইলে সেই দুই শত পাউণ্ড আমার হস্তগত হইত, এবং সেই টাকায় ফার্মিনের ঋণ সুদে-আসলে পরিশোধ করিতে পারিতাম। কিন্তু আপনি জানেন, আপনি স্বীকারও করিয়াছেন—আমি ফার্মিনের ঋণ পরিশোধ করিতে পারি নাই।”

নিস্বেট ক্রোধে কাঁপিতে কাঁপিতে কঠোর স্বরে বলিলেন, “আমি মিথ্যাবাদী? আমার একটা নগণ্য ভ্রাত্যের মুখে এ কথা অদৃত শুনায় বটে! দেখিতেছি, তোমার স্পর্ধার সীমা নাই; কিন্তু সে নরপিণ্ড মৎসামান্য অর্পের লোভে নরহত্যা করিতেও কুণ্ঠিত নহে, সে জিহ্বা সংগত করিতে শিখিবে—ইহা কে প্রত্যাশা করিতে পারে?”


নিস্বেটের চেয়ারের পশ্চাতে সে পদা প্রসারিত ছিল, নিস্বেট মাথা ঘুরাইয়া সেই পদার দিকে চাহিয়া বলিলেন, ডিটেক্টিভ সার্জেন্টরা, তোমরা তাহা শুনিতে চাহিয়াছিলে, অদৃশ্য থাকিয়া তাহা সমস্তই শুনিয়াছ; এখন আমার সম্মুখে আসিয়া তোমাদের কল্পনা পালন কর।”

নিস্বেটের কথা শুনিয়া প্যারাডাইন আশ্চর্যের জন্ম সতর্ক হইবার পূর্বেই পুলিশের সার্জেন্ট-বেশধারী দুই জন লোক পদা টেলিয়া প্যারাডাইনের সম্মুখে লাফাইয়া পড়িল; এবং তাহাদের এক জন প্যারাডাইনের স্কন্ধ স্পর্শ করিয়া কঠোর স্বরে বলিল, “জান প্যারাডাইন, গত ৬ই সেপ্টেম্বর শনিবার রাতে উইনগেটসএর প্রিটোরিয়া ক্রেসেন্ট-নিবাসী হেনরী গাভিনকে ইচ্ছাপূর্বক হত্যা করিয়াছ বলিয়া তোমাকে গ্রেপ্তার করিলাম। আমি তোমাকে সতর্ক করিবার জন্ম বলিতেছি, তুমি এখন যে সকল কথা বলিবে, তাহা তোমার বিরুদ্ধে প্রমাণস্বরূপ ব্যবহৃত হইতে পারিবে।”

দ্বিতীয় সার্জেন্ট পকেট হইতে হাতকড়ি বাহির করিয়া প্যারাডাইনকে শৃঙ্খলিত করিতে উদ্যত হইল।


[ক্রমশঃ]

শ্রীদীনেন্দ্রকুমার রায়।



## স্পেন

স্পেনে এখন ঘরোয়া যুদ্ধ বাপিয়াছে। এই যুদ্ধ উপলক্ষে কঠিন। সে যাহা হউক, এই সময় স্পেন সপক্ষে অনেক সমগ্র যুরোপে সংগ্রামের কালানল জ্বলিয়া উঠিয়া বর্তমান জাতব্য বিষয় “মাসিক বন্ধুত্বের” পাঠকপাঠিকাগণের যান্ত্রিক সভ্যতার ধ্বংসসাধন করিবে কি না, তাহা বলা সম্মুখে উপস্থিত করা বাঞ্ছনীয়।



পূর্বে দিবাগা মুসলমান মসজিদ ছিল, অধুনা খৃষ্টীয় ধর্মমন্দির

ফ্রান্স হইতে স্থলপথে যাত্রা করিলে পিরিনিজ পর্বতমালা অতিক্রম করিতে হয়। পর্বতমালা অতিক্রম করিয়া রেলপথ স্পেনে চলিয়া গিয়াছে।

পার্বত্য নগরসমূহ কাষ্টাইল নামে পরিচিত। এই নগরগুলি যেমন চিত্রা-কর্মক, তেমনই চমৎকার। বার্গোস সহরের গির্জার চূড়া যেন নীল গগনকে স্পর্শ করিতেছে। এল্ এস্কোরিয়াল সন্ন্যাসীদিগের ভূগ, এখানে নৃপতি-দিগের সমাধি বিরাজিত। ঐশ্বর্য রক্তাভ পাহাড়ের সান্নিদেশে সান্ লরেঞ্জোর বিরাট মঠ যেন সর্গকোষ মাথা তুলিয়া দাঁড়াইয়া রহিয়াছে। সেগো-ভিয়ার পাহাড়ের উপর প্রসিদ্ধ ধর্ম-মন্দির, তাহার পাদনিম্নে সহরের নিম্ন-ভাগ অবস্থিত। টলেডোর নিম্নদেশ দিয়া টেগস্ বা টাজো নদ বহিয়া চলিয়াছে।

মাদ্রিদ অপেক্ষাকৃত আধুনিক। এই সহরের রাজপথগুলি বিস্তৃত। পথে জনকোলাহল। সহরের মধ্যে চলচ্চিত্র এবং রঙ্গালয়-সমূহ ভিড় করিয়া





শ্রীমতী "বুল ফাইটার"



সেভিলার নারী



মধ্যস্থ স্পেনীয় বাখালবালক



স্পেনের স্ত্রী



মন্টিহার মোসোর মহিলাবৃন্দ



স্পেন—লাস!বটোর বিয়ের কনে



পশ্চিম-স্পেনের তরুণী

১০৮—১৭



অবগুঠনাবৃত্তা মন্টিহার মোসো মহিলা

রহিয়াছে। সহরের মধ্যে এল্‌প্রাভো  
ষাছঘর পৃথিবীর মধ্যে সর্বোৎকৃষ্ট বলিয়া  
পরিগণিত। এই ষাছঘরে বিশ্ব-বিখ্যাত  
চিত্রশিল্পী—এল্‌ গ্রেকো, মুরিলো, ভেলা-  
কোরেজ, গোইয়া, জুরবারান্ প্রভৃতি  
স্পেনিস্, ফ্রেন্চ, ডচ, জার্মান ও ইটালীয়  
চিত্রকরগণের চিত্রাবলী সংরক্ষিত আছে।

দক্ষিণাঞ্চলে কর্ডোবা সহর প্রথমেই  
দৃষ্টি আকৃষ্ট করে। প্রাচ্যভাবে গঠিত  
এই নগরের সৌন্দর্য্য অতুলনীয়। এখানে  
আরব মসজিদ সূর্যালোকে ঝলসিত  
হইয়া খৃষ্টান স্পেনকে যেন বিদ্রূপ-  
কণাঘাত করিতেছে!

সেভিলা সহরে বহু সভ্যতার নিদর্শন  
পাওয়া যাইবে। বহু জাতি, বহু সভ্য-  
তার সহিত স্পেনের সংস্রব বটিয়াছিল।  
আইবেরিয়ান্, কেণ্ট, বাস্কু, ফিনি-  
সীয়ান্, কার্থেজীয়ান, গ্রীক, রোমান্,  
ভিনিগথ ও যুর। উল্লিখিত জাতি-  
সমূহ স্পেনে আসিয়াছিল। এখনও  
পশ্চিম ঐ সকল জাতির দারা  
স্প্যানিয়ার্ভাগের মধ্যে বিশ্বয়কররূপে  
আবিষ্কার করা যায়।

ইহা ব্যতীত স্পেনিস্ বেদিয়া  
আছে। এক্ষণ বেদিয়া জাতি জগতের কোথাও নাই। সে  
বেদিয়া বটে, তথাপি ভবনুরে বেদিয়া নহে। তাহাকে  
স্পেনীয় বলিতে হইবে, অথচ সে স্পেনীয় নহে। মধ্য-  
যুরোপের যোগাবর রোমানী বেদিয়ার মত তাহারা সহরে  
পর্ষতগুহায় বাস করিয়া থাকে। স্পেনের এই বেদিয়া  
জাতি যেন স্বতন্ত্রভাবে একা এই বিশ্বে দাড়াইয়া আছে।  
সকলে বলে, সহস্র বৎসরেও তাহাদের আচার-ব্যবহার,  
চালচলন, ভাবধারার কোনও পরিবর্তন ঘটে নাই।  
জগতের কোনও বিষয়ে তাহারা কাহারও সহিত রফা  
করিতে রাজি নহে। তাহারা ভাবের আতিশয্যেই জীবন  
ধারণ করে—তাহাদের আত্মা পোষ মানে নাই, তাহারা  
যেমন উচ্ছৃঙ্খল, তেমনই আপনার ভাবে বিভোর।



পিরিনিস্ উপত্যাকাভূমির মহিলারা



স্পেনের প্রবীণ নাবিক



স্পেনের দীঘল



স্পেনের পল্লীবাসী

অনেক বেদিয়া ইতিহাসপ্রসিদ্ধি লাভ করিয়াছে। বেদিয়া-বালিকার নৃত্য চরমোৎকৃষ্ট। যে সকল ভিখারী সাফলালাভ করিয়াছে, তাহারা সকলেই বেদিয়া।

কেহ যদি প্রশ্ন করেন, স্পেনের স্বরূপ কি? ইহাকে দেখিলে বিশ শতাব্দীর প্রতিবাদ বলিয়া মনে হইবে। আবার ইহা আধুনিক। স্পেন অত্যন্ত পুরাতনপন্থী, আবার প্রগতিবাদীও বটে। অনেক বিষয়ে স্পেন সভ্য জাতির বহু পশ্চাতে পড়িয়া আছে বলিয়া মনে হইবে, ইহাকে প্রাচ্য দেশ বলিয়াও ভ্রম হইবে। স্পেনকে পুরুষও বলা যায়, আবার ইহাকে নারীভাবায়ুক বলিলেও ভুল হইবে না। স্পেন যেন বিমর্ষতার ছোতক, আবার মনে হইবে, না, ইহাতে আনন্দোচ্ছ্বাস অপরিমিতভাবেই রহিয়াছে। যাহাই বলা হউক না কেন, স্পেন দেখিলে মনে হইবে না, ইহা নীরস স্থান—সৌন্দর্য্য ইহাতে ওতপ্রোত হইয়া রহিয়াছে।

সেভিলা সহর যেমন দেখিতে বিচিত্র, তেমনি মধুর ইতার সূর্যালোক।

কিন্তু এখানে যখন বারিপাত হয়, তখন আর এখামিতে চাহে না। তখন ত এক পশলা বৃষ্টি হইয়া আকাশ পরিষ্কার হইয়া গেল, পরমুহুর্ত্তেই ঘন মেঘজাল আকাশ ছাইয়া ফেলিয়া মুম্বলধারে বৃষ্টি হইতে লাগিল। রাজপথসমূহ জলে ডুবিয়া গেল—পথে শুধু কাদা ও জল। সে সময়ে নগরবাসীদিগের বিরক্তির সীমা থাকে না। এমনই ভাবে সপ্তাহব্যাপী বর্ষণ চলিতে থাকে। তার পর সহসা আকাশ নিম্নল হইয়া আবার প্রদীপ্ত সূর্যালোক দেখা দিবে।

বৃষ্টির পরই পর্কোৎসবের দিন। পৃথিমার চাঁদ আকাশে দেখা দিবার সঙ্গে সঙ্গে কমলা লেবুর ফুল গাছে গাছে দেখা দিবে। বাতাস লেবু-ফুলের সুমিষ্ট গন্ধে



ভারী হইয়া উঠিবে। একরূপ ব্যাপার  
অন্যত্র নাই।

পূর্ব উপলক্ষে সেভিলার প্রত্যেক  
ধর্মমন্দির হইতে দারুনিশ্চিত বৃহদাকার  
খৃষ্ট ও খৃষ্টজননী মূর্তি বাহির হইয়া  
আবার নগর-প্রদক্ষিণের পর স্ব স্ব  
ধর্মমন্দিরের বেদীতে প্রতিষ্ঠিত হইয়া  
থাকে।

ঐ মূর্তি একটা বৃহৎ পাদপীঠের  
উপর প্রতিষ্ঠিত হয়। মূর্তির অঙ্গে  
মূল্যবান পরিচ্ছদ—মণিমুক্তা-খচিত সে  
পরিচ্ছদ চক্ষু ঝলসাইয়া দেয়। বেদীর  
চারিদিকে পাঁচ ছয় ফুট দীর্ঘ বাতী  
শত শত সংখ্যায় জ্বলিতে থাকে। কোন  
কোন মূর্তির উপরে মূল্যবান রত্নখচিত  
চন্দ্রাতপ শোভা পাইতে থাকে।

সে পাদপীঠের উপর মূর্তিগুলা  
সংস্থাপিত হয়, তাহা নগ্নপদ বাহক-  
দিগের দ্বারা ধীরে ধীরে বাহিত হইয়া  
থাকে। বাহকগণ সেই গুরুভার পদার্থ  
বহন করিয়া গলদ্বন্দ্ব হইয়া উঠে—  
সময়ও ইহাতে অনেক লাগে।

পথে যখন শোভাযাত্রা বাহির  
হয়, তখন তাহার পুরোভাগে ও পশ্চাতে  
ভূষিত বহু লোক থাকে। তাহাদের মস্তকে কোণাকার  
শিরোভূষণ-সমন্বিত অবগুণ্ঠন থাকে। প্রত্যেকেরই বিভিন্ন  
রঙ্গের পোষাক। প্রত্যেকেরই হাতে ছয় ফুট দীর্ঘ বাতী—  
বাতাসে বাতীর আলোক আন্দোলিত হইতে থাকে।

শোভাযাত্রার পুরোভাগে এক জন লোক একটা বড়  
ধুমুচী ধরিয়া থাকে; তাহাতে স্তম্ভ দ্রব্য ইন্ধনস্বরূপ  
ব্যবহৃত হইতে থাকে। সহস্র সহস্র দর্শক শোভাযাত্রার  
অনুবর্তী হইয়া ভক্তিভরে সে দৃশ্য উপভোগ করিতে থাকে।

ডবল ল্যাংডন কিন নামক জনৈক মার্কিন চিত্রকর  
সেভিলায় চিত্রাঙ্কনকার্যব্যাপদেশে গমন করিয়াছিলেন।  
তিনি উল্লিখিত উৎসব দর্শন করিবার সংকল্প করেন। পথে  
আসিয়া উৎসব দেখিতেছিলেন, এমন সময় তিনি জানিতে



দীবর ও দীবর-গৃহিণীরা



সেভিলার নারীরা রাজপথে নৃত্য করিতেছে  
পারিলেন যে, বেদিয়ারা তাহাদের ধর্মমন্দির হইতে বাহির  
হইয়া গোয়াডল কুইভার পার হইয়া আসিতেছে। উহা  
শুনিয়া ঠাহারা নদীর ঘাটে গমন করেন।



পাহাড়ের দাঁড়ের কুটারশ্রেণী



বন্ধু-কনে বিবাহের যৌতুক গ্রহণ করিতেছে

তখন পূর্ণিমা রজনী। চন্দ্রালোকে চারিদিক হাসিতেছে।  
নদীর উপর একটা প্রাচীন সেতু—বহু খিলান সেই সেতুতে

বিগ্গমান। নিম্নে নদীর জলে চাঁদের আলো পড়িয়াছিল, সে দৃশ্য অতি মধুর।

তিনি দেখিলেন, বহুদূরে আলোক-শিখা গুলিতেছে, হেলিতেছে। তখন বুঝা গেল, বেদিয়ারা প্রজ্বলিত বর্তিকা সহ আসিতেছে। অতি মন্থরগতিতে তাহারা আসিতেছিল। শান্ত জল-স্রোতের উপর ছায়া ও আলোর চমৎকার লীলা তখন চলিতেছিল। নদীর জলে যেন সোনা গলিয়া একটা সুন্দর রেখা টানিয়া দিয়াছে। অত লোক আসিতেছিল, অথচ তেমন গোলমাল নাই।

চিত্রকর অচ্যুত সঙ্গীর সহিত বেদিয়াদিগের পশ্চাতে চলিতে লাগিলেন। জনতাও ক্রমশঃ বাড়িতে লাগিল। এই ভাবে চলিতে চলিতে জনতার সহিত তাহারা এক স্থানে উপনীত হইলেন। সে স্থানে দর্শকের অসম্ভব ভিড়।

পার্শ্বের এক পার্শ্বে একটা বৃহৎ বস্তুমন্দির। অপর তিনটা দিকে চূর্ণকাম করা অনতি উচ্চ অট্টালিকা-সমূহ দণ্ডায়মান। রাজপথের প্রদীপ

আলোকশিখা চারিদিক সমুদ্রাসিত করিয়া তুলিয়াছিল। সেই ক্ষুদ্র উদ্যানমধ্যে বহু সহস্র দর্শক সমবেত হইয়াছিল। সকলেই শান্তভাবে আনন্দ করিতেছিল।

তখন রাত্রি ৩টা। গির্জার ঘড়ীতে সুমধুর স্বরে তিনটা বাজিয়া গেল। জনতার মধ্য হইতে একটা মৃতশব্দ হইবার পর সম্পূর্ণ নীরবতা বিরাজ করিতে লাগিল। ঘটিকাঘণ্টের শেষ শব্দ বাতাসে বিলীন হইতে না হইতেই, একসঙ্গে সমস্ত আলোক নিৰ্কাপিত হইল। সহস্র সহস্র দর্শকের উপর তখন চাঁদের আলো পড়িয়াছে। গির্জাঘরের প্রকাণ্ড দ্বার তখনই খুলিয়া গেল। সেই সময় দেওয়ালে সোনালী বাতীর আলোকধারা নির্গত হইতেছে।

একটা অলিন্দ-বেষ্টিত বাতায়ন-পথে ঘণ্টার সুস্পষ্ট ধ্বনি

ବିକାଶକାରୀ ଉତ୍ପାଦନ-ପ୍ରଣାଳୀର ଉଦ୍ଦେଶ୍ୟ



ଉତ୍ପାଦନର ଉଚ୍ଚତମ ସ୍ତରକୁ ଲାଭ କରିବା



.....

[ ଉପର ଉପାଦାନ ]

ଉତ୍ପାଦନର ଉଚ୍ଚତମ ସ୍ତରକୁ ଲାଭ କରିବା



পিরিনিস পর্বত পার হইয়া স্পানিসরা আসিতেছে

নির্গত হইয়া  
রাত্রির বাতাসে  
নিশ্চর জনসমূহের  
দিকে ছুটিয়া  
আসিল। সমগ্র  
সেভিলা যেন সেই  
শব্দ শুনিবার জগু  
উৎকর্ণ হইয়া রহি-  
য়াছে। সে শব্দটি  
প্রার্থনাজনিত।

প্রার্থনার শেষ  
শব্দ বাতাসে মিলা-  
ইয়া যাইতে না  
যাইতেই বজ্র-  
নির্ঘোষে জনসমূহ

হইতে আনন্দের বার্তা ঘোষিত হইল। সমবেত জনতা বিক্ষুব্ধ  
হইয়া উঠিল, সকলেরই কণ্ঠ হইতে চীংকার ও নানাধিধ  
শব্দ বহির্গত হইতে লাগিল।



আধুনিক স্পেনীয় তরুণী

আবার আলোক জলিয়া উঠিল। তখন জনতা ধীরে  
ধীরে সে স্থান ত্যাগ করিয়া অগ্রসর হইতে লাগিল।

[ ক্রমশঃ।

শ্রীসরোজনাথ ঘোষ



# পাহাড় ঝাড়

১৩

মানুষ যখন সুখে থাকে, তখন তাহার মনই নিত্য নূতন আনন্দের উৎসের সন্ধান পায়। সরলকুমারের ও মণিকার তাহাই হইল। তাহারা পরস্পরকে লইয়াই সুখী।

কিন্তু সেই সুখের ও আনন্দের মধ্যে তাহারা কল্পনা করিতে পারেন নাই, সংসারে সুখের সঙ্গে দুঃখও থাকে এবং কলিকাতাতেই তাহাদিগের জন্ম হতাশা ও বিষয় সঞ্চিত ছিল। পিতার বন্ধুদিগের সহিত সাক্ষাৎ করিতে যাইয়াই সরলকুমার তাহা বুঝিল এবং সে বুঝিল বলিয়াই মণিকাও বুঝিল; কারণ, মণিকার নিকট সে কোন বিষয় গোপন রাখিত না।

সরলকুমার সাক্ষাৎ করিতে যাইয়া পিতৃবন্ধুদিগের অধিকাংশেরই নিকটে আশাবুরূপ ব্যবহার পাইল না। তাঁহাদিগের মধ্যে কতাদায়গ্রন্থ কেহ কেহ প্রথমে তাহাকে যে আদর দেখাইয়াছিলেন, সে বিবাহিত জানিতে পারিবার সঙ্গে সঙ্গেই তাহার ঔজ্জ্বল্য ম্লান হইয়া গেল। সে হিন্দুমতে বিবাহ করে নাই জানিয়া কেহ কেহ মুখ গম্ভীর করিলেন। এই অবস্থায় সে বৃদ্ধ চট্টোপাধ্যায় মহাশয়ের সহিত সাক্ষাৎ করিতে যাইবে কি না, ভাবিল এবং ভাবিল বলিয়াই তাঁহার নিকট যাইতে বিলম্ব হইল। চট্টোপাধ্যায় মহাশয় যখন আফিসে 'বড় বাবু', তখন তাহার পিতা চাকরীতে প্রবেশ করেন—তাঁহার অধীনে কাষ শিখেন। তিনি চট্টোপাধ্যায় মহাশয়কে "দাদা" বলিতেন এবং সেইজন্ম সরলকুমার তাঁহাকে "জ্যেষ্ঠামহাশয়" ও তাঁহার পত্নীকে "জ্যেষ্ঠাইমা" বলিত। তাঁহারা স্বামিন্দ্রী হিন্দুর আচার-ব্যবহার নিষ্ঠা সহকারে পালন করিতেন। তিনি হস্ত তাহার মণিকাকে বিবাহে বিরক্ত হইবেন মনে করিয়া সে কয় দিন চিন্তার পর এক দিন প্রাতে নিতান্ত কুণ্ঠিতভাবে—আদর পাইবে না স্থির করিয়া, চট্টোপাধ্যায় মহাশয়ের গৃহে গমন করিল। তিনি বাহিরে বৈঠকখানার সম্মুখে বারান্দায় বসিয়া সংবাদপত্র পাঠ করিতেছিলেন—সরলকুমারকে দেখিয়া মুখ তুলিলেন এবং চশমা খুলিয়া টেবলে রাখিলেন। সরলকুমার

প্রণাম করিল; কিন্তু তাঁহাকে স্নাত দেখিয়া তাঁহার চরণ স্পর্শ করিবে কি না, স্থির করিতে পারিল না। তাহাকে তাহা স্থির করিবার সময় না দিয়া বৃদ্ধ উঠিয়া দাঁড়াইয়া "এস, বাবা, এস!" বলিয়া তাহাকে বৃকে টানিয়া লইলেন এবং তাহাকে বসিতে বলিবার পূর্বেই— "বাবা, এত দিন এসেছ—একবার বৃদ্ধা জ্যেষ্ঠামহাশয়কে আর জ্যেষ্ঠাইমা'কে দেখতে আসতে পার নি! আমরা আর ক'দিন!" বলিয়া অনুরোধ করিলেন।

আপনার কার্যের সমর্থনচেষ্টা করিতে সরলকুমারের প্রবৃত্তি হইল না। বৃদ্ধের স্নেহের পরিচয়ে সে অগাদ ভূক্তি অনুভব করিতেছিল। সে বলিল, "আমার অপরাধ হয়েছে।"

"আরও বড় অপরাধ করেছ, এসেছ—অথচ বৌমা'কে নিয়ে আসনি।"

কুণ্ঠিতভাবে সরলকুমার বলিল, "আমি সাহস করিনি—কারণ, হিন্দুমতে—"

তাঁহার কথায় বাবা দিয়া বৃদ্ধ বলিলেন, "আমি বেণীর কাছে সব শুনেছি। চল—আগে তোমার জ্যেষ্ঠাইমাকে প্রণাম ক'রে আসবে। আমি তোমার বড় অপরাধটা ক্ষমা করলেও তিনি করবেন কি না, জানি না। শাস্ত্রীর বৌ'র উপর অভিমান—মা'র ছেলের উপর অভিমান—বৃদ্ধা হ'লেও যায় না।" বলিয়া তিনি হাসিতে লাগিলেন।

"কই গো! কোথায়?"—বলিতে বলিতে বৃদ্ধ বাড়ীর ভিতরের অংশে প্রবেশ করিলেন—সরলকুমার সঙ্গে গেল।

গৃহিণী তখন পূজা শেষ করিয়া ভাঙার-ঘরে যাইবার আয়োজন করিতেছিলেন। তিনি "কি?" বলিতেই বৃদ্ধ বলিলেন, "এই যে, তোমার সরল এসেছেন। এত দিনে ছেলের আমাদের মনে পড়ল!"

বৃদ্ধা ফিরিয়া আসিলেন। সরলকুমার দেখিল, কয় বৎসরে পরিবর্তনের মধ্যে কেবল তাঁহার কেশরাশি শুভ্র হইয়াছে। মধ্যস্থলে বিভক্ত কেশরাশির মধ্যে চওড়া সিন্দূরের রেখা—পরিধানে চওড়া লাল পাড় গরদের শাড়ী—আর মুখে সেই পরিচিত স্নিগ্ধ মধুর হাসির ভাব!

সরলকুমার প্রণাম করিয়া বলিল, “জ্যেঠাইমা, আমি কিন্তু পা’র ধূলা নেব।” সে তাঁহার চরণ স্পর্শ করিল।

বৃদ্ধ বলিলেন, “বৌমাকে কেন নিয়ে এলে না, জিজ্ঞাসা করলে বললে কি জান?—ও হিন্দুতে বিয়ে করে নি বলে যেন ও অস্পৃশ্য হয়ে গেছে!” তিনি সরলকুমারকে বলিলেন, “চাকরী শেষ ক’রে এলেছি, কিন্তু এখনও লাট-বাড়ীতে নিমন্ত্রণে লাটপত্নী সেকছাও করলে আপনাকে অপবিত্র মনে করি না। আর বৌমা আমার বাড়ীতে এলেই বাড়ী অপবিত্র হ’বে? তোমরা ইংরেজি লেখাপড়া শিখেছ, কিন্তু দেশের আচার-ব্যবহারের স্বরূপ অধ্যয়ন কর নি; তাই বুঝ না—হিন্দুর ‘অস্পৃশ্যতা’ অহিন্দুর কল্পনা। পাতের অর্থাৎ খাবার বিচার আঁতের অর্থাৎ অস্তরের বিচার থেকে ভিন্ন।”

বৃদ্ধা বলিলেন, “কেমন আছ, বাবা? বৌমা কেমন আছেন?”

সরলকুমার “ভাল” বলিলে তিনি বলিলেন, “মিষ্টিমুখ না ক’রে যেন যেও না।”

সরলকুমার হাসিয়া বলিল, “কখন কি গেছি, জ্যাঠাইমা?”

“তা’ যাওনি; কিন্তু, বাবা, তখন ত তোমার এ সঙ্কোচও ছিল না।”

বৃদ্ধ বলিলেন, “ওকে জন্ম করতে হ’বে। কাল সকালে গঙ্গাস্নান করতে যা’বার পথে বৌমাকে আশীর্বাদ ক’রে যা’ব।”

সরলকুমার বলিল, “আপনারা কেন কষ্ট করবেন—আমি নিয়ে আসব।”

“কষ্ট! বাড়ী কি তোমার? আমার বাড়ী আমি যা’ব—তুমি তা’তে কিছু বলবার কে?”

বৃদ্ধা বলিলেন, “ছেলেমানুষ, অত সকালে কি উঠবে?”

সরলকুমার বলিল, “জ্যেঠাইমা, আমরা খুব সকালে উঠি।”

“বেশ। বেশ।”

বৃদ্ধ জিজ্ঞাসা করিলেন, “বাড়ীর নম্বরটা কত?”

সরলকুমার উত্তর দিল, “১২”

“বাঃ! তা হ’লে সূভীর বাড়ীর ছ’খানা বাড়ী পরেই।”

তিনি সরলকুমারকে বলিলেন, “আমাদের বড় মেয়ে

দয়াময়ী—যা’কে তুমি ‘বড়দি’ বল—তারই মেয়ে সূভাষিনী।”

গৃহিণী বলিলেন, “বেশ হয়েছে, সর্বদা যা’বে আসবে। বৌমা একা—মুখটি বুজে থাকতে ভাল লাগবে কেন? আর তিনি মামী—ওদের দেখবেন। ওরাও ত বাড়ীতে কেবল দুই যা’, আমি পরিচয় করিয়ে দিয়ে আসব। দয়াময়ীও যে দিন মেয়ের বাড়ী যাবে, সে দিন ওবাড়ী হয়ে আসবে।”

“নিশ্চয়।”

“বাবা, তোমার বাপ-মার কথা মনে হ’লে এখনও আমরা চোখের জল রাখতে পারি না।”—বৃদ্ধার গলাটা ধরিয়া আসিল।

তিনি তাহার মাতাকে কিরূপ স্নেহ করিতেন, তাহা সরলকুমারের অজ্ঞাত ছিল না।

যখন নানা স্থানে লক্ষ ব্যবহারে হতাশাই সৃষ্ট হইয়াছিল, তখন এই নিষ্ঠাবান্ ব্রাহ্মণ-দম্পতির স্নেহমধুর ব্যবহারে সরলকুমার ও মণিকা যে বিশেষ প্রীতিলাভ করিল, তাহা বলাই বাহুল্য।

চট্টোপাধ্যায় মহাশয় যাহা বলিয়াছিলেন, তাহাই করিলেন—পরদিন প্রাতে গঙ্গাস্নানে যাইবার সময় সস্ত্রীক নাতিনীকে ও তাহার যা’কে সঙ্গে লইয়া সরলকুমারের গৃহে আসিলেন। বৃদ্ধ-বৃদ্ধা পূর্বদিন অনেক বিবেচনা করিয়া স্থির করিয়াছিলেন, বালা দিয়াই বৃদ্ধা মণিকাকে দেখিবেন। সে বধু, তাহার শাশুড়ী নাই। সেই বালা দিয়া তিনি মণিকাকে আশীর্বাদ করিলেন এবং সে প্রণাম করিলে তাঁহার দক্ষিণ হস্তে চিবুক স্পর্শ করিয়া তাহাকে আদর করিয়া বলিলেন, “বঁচে থাক, মা আমার—চিরসুখী হও। তোমাদের আসবার দিনের সংবাদ পেলে আমিই এসে তোমাকে বরণ ক’রে নিতাম। তা’ আমার ছুঁছুঁ ছেলে সংবাদ দেয়নি।” তিনি সরলকুমারের জনক-জননীর কথার উল্লেখ করিয়া অনেক দুঃখ প্রকাশ করিলেন এবং সূভাষিনীকে ও তাহার যা’ কনকলতাকে বলিলেন, “এই নতুন মামীর সঙ্গে আলাপ করিয়ে দিয়ে গেলাম; সর্বদা মামামামীর খোঁজ নেবে—এখানে আসবে।”

তিনি মণিকাকে বলিলেন, “বৌমা, শুনেছি, তুমি বড় পণ্ডিতের মেয়ে; বেহাই মশাই তোমাকে খুব যত্ন ক’রে লেখাপড়া শিখিয়েছেন। ভালই করেছেন। এখন

সমাজের যে অবস্থা দাঁড়াচ্ছে, তাতে ভগবান না করুন—  
মেয়েদেরও দরকার হ'লে, আপনাদের আর সংসারের  
ভার নিতে হ'তে পারে। বিশেষ ছেলেমেয়েদের শিক্ষার  
ভার তাঁরা নিলে শিক্ষাও ভাল হ'বে—খরচও বাঁচবে।  
কালের সঙ্গে সঙ্গে ব্যবস্থা না বদলালে হয় না। স্ব-  
সংসার যেমন দেখতে হ'বে, ছেলে যেমন পালন করতে  
হ'বে, তেমনই কালের সঙ্গে সঙ্গে ব্যবস্থারও পরিবর্তন  
করতে হ'বে।”

তাঁহারা চলিয়া যাইলে মণিকা সরলকুমারকে বলিল,  
“বাবা যে বলেন, প্রকৃত ধর্ম্মানুরক্তি মানুষের মনের  
বিস্মৃতি সাধন করে—সঙ্কীর্ণতা দূর করে, তা' বেশ বুঝা  
গেল।”

ইহার পর হইতে চট্টোপাধ্যায়-দম্পতি তাহাদিগের  
সহিত বিশেষ ঘনিষ্ঠতা করিতে লাগিলেন এবং সুভাষিনী  
ও কনকলতা প্রায়ই মণিকার কাছে আসিতে লাগিল।  
কনকলতা একটি পুত্র লাভ করিবার পর পড়া ছাড়িয়া  
দিয়াছিল, সুভাষিনী তখনও পড়িত। মণিকা উভয়কেই  
পড়াইবার ভার লইল এবং তাহাতে তাহাদিগের মধ্যে  
ঘনিষ্ঠতা আরও বাড়িতে লাগিল।

রাজনীতিক্ষেত্রে প্রবেশ করিয়া তথায় সঙ্কীর্ণতা ও  
দলাদলি দেখিয়া সরলকুমার বিস্মিত ও ব্যথিত হইল।  
তখন দলাদলি যেন দেশ-সেবাকে বিদলিত করিতে উদ্ভত  
হইয়াছে। শাসন-সংস্কারে প্রদত্ত অধিকার ভারতবাসীর  
গ্রহণের অযোগ্য বলিয়া ঘোষণা করিয়া যে দল ব্যবস্থাপক  
সভাসমূহ বর্জন করিয়াছিলেন, তাঁহারা “ভিতর হইতে  
সরকারকে আক্রমণ” করিবার নামে পুনরায় ব্যবস্থাপক  
সভার প্রবেশের জন্ত বিশেষ আগ্রহীল হইয়াছিলেন।  
তাঁহারা যেরূপ দলাদলির সৃষ্টি করিয়াছিলেন, তাহাতে  
তাঁহাদিগের দলভুক্ত না হইলে—তাঁহাদিগের মতই সর্বথা  
অভ্রান্ত—না বলিলে, কাহারও পক্ষে ব্যবস্থাপক সভার  
প্রবেশ যেমন দুঃসাধ্য তেমনই ব্যয়সাধ্য হইয়া উঠিয়াছিল।  
রাজনীতিক্ষেত্রে যে নূতন “কর্তৃত্বভার” দল সৃষ্ট হইয়া-  
ছিল, তাহাতে মোগ দিবার প্রবৃত্তি সরলকুমার অনুশীলন  
করিতে পারে নাই। তাহার যেন মনে হইতে লাগিল,  
তাহার শিক্ষা ও প্রকৃতি পারিপার্শ্বিক অবস্থায় কেবলই  
বিরত ও বিপন্ন হইতেছে।

এই অবস্থায় সে যদি রাজনীতিক্ষেত্রে প্রতিষ্ঠালাভের  
বাসনা বর্জন করিতে পারিত—যদি পারিবারিক জীবনে ও  
সাহিত্য-চর্চায় যে সুখ তাহার পক্ষে মূলভ ছিল, তাহাতেই  
শান্তির ও তৃপ্তির সন্ধান করিত, তবে সে যে সুখী হইতে  
পারিত, তাহাতে সন্দেহ নাই। কিন্তু যে স্থানেই  
প্রতিভা থাকে, সেই স্থানেই তাহার সঙ্গে গর্ভ থাকে।  
সেই গর্ভই তাহাকে পীড়িত করিতে লাগিল।

মণিকা পিত্রালয়ে অতি স্বল্পপরিসর পরিবেষ্টনে  
আপনাকে অভ্যস্ত করিয়াছিল—এখন তাহার নূতন  
জীবনই সে পরিবেষ্টন যথেষ্ট বিস্তৃত করিয়া দিয়াছিল  
এবং মহিলা-সমাজের কোন কোন জনহিতকর ‘অনুষ্ঠানে  
সে কাষের প্রকৃত সুযোগ লাভ করিতে লাগিল। স্বামীর  
ভালবাসা পাইয়া এবং স্বামীকে ভালবাসিয়া সে জদয়ে  
তৃপ্তি লাভ করিত—অশান্তির কোন কারণ সে পাইত  
না।

সরলকুমারের বাল্যবন্ধুদের মধ্যে কেহ কেহ পুরাতন  
বন্ধু পুনর্গঠিত করিতেছিল এবং মধ্যে মধ্যে মণিকা যখন  
স্বামীর সহিত আগ্রায় পিতাকে দেখিতে যাইত, তখন  
তাঁহার উপদেশে সে যেন আনন্দের অকুরন্ত ভাণ্ডার  
লইয়া আসিত।

১৪

আট মাসের মধ্যে যখন বাঙ্গলো নির্মাণ শেষ হইল,  
তখন মণিকার ও সরলকুমারের কি আনন্দ! সেখানিকে  
আগ্রার “ছোট সাহেবের” বাঙ্গলোর মত করিয়া  
সাজাইবার জন্ত সরলকুমার বিশেষ যত্ন করিল এবং সাজান  
যে আরও ভাল হইল, তাহা বলাই বাহুল্য। দিল্লী, আগ্রা,  
মোরাদাবাদ, জয়পুর, ফরকাবাদ, কাশ্মীর প্রভৃতি  
স্থানের শিল্পজ পণ্য আনিয়া গৃহ সাজান হইল। আর  
গৃহসংলগ্ন উদ্যানের সৌন্দর্যসাধনেও যত্নের ক্রটি হইল  
না। বাঙ্গালার—বিশেষ কলিকাতার ভূমি ও জলবায়ু  
গোলাপের পক্ষে আগ্রার ভূমি ও জলবায়ুর মত অনুকূল  
না হইলেও মণিকা গোলাপের বড় পক্ষপাতী বলিয়া  
যুক্ত-প্রদেশ হইতে বাছিয়া বাছিয়া গোলাপের “কলম” আনান  
হইল। যে দিন সেগুলি রোপণ করা হইল, সেই দিন সন্ধ্যার  
পর গৃহকার্য শেষ করিয়া আসিয়া মণিকা দেখিল, সরলকুমার

কি লিখিতেছে। সে যে তাহার পদশব্দ শুনিতে পাইল না, তাহাতেই মণিকা ক্রোধিত্তে পারিল, সে কবিতা রচনা করিতেছে। কৌতূহলবশে মণিকা মূহূপদসঙ্ঘারে আসিয়া সরলকুমারের পশ্চাতে দাঁড়াইয়া তাহার রচনা পাঠ করিতে লাগিল :—

“এন না গাথিয়া মালা গুল যুগিকায়,

পরিব না গলে ;—

সরস পরশে লাজে স্নান হয়ে যায়—

মরে করতলে ।

এন না চম্পক-কলি সোণার বরণ

শাখা হ’তে তুলি’ ;

সে না শুনে ভ্রমরের প্রণয়-গুঞ্জন

হৃদয় আকুলি’ ।

বকুল থাকুক ফুটি’ শাখা আলো করি’

দৌরভে—শোভায় ;

পবন-সঙ্ঘারে পড়ে বৃন্ত হ’তে ঝরি’—

ভূমিতে লুটায় ।

এন না অপরাজিতা—স্নান রবি-করে,

কুটজ কোমল,

শেফালী—তপনে হেরি’ সরমে শিহরে—

খুঁজে ভূমি-তল ।

এন না কমলদল—দিবসের সনে

স্নান হয়ে যায়,

কুমুদ—প্রভাত হেরি’ সলিল-শয়নে

মিশাইতে চায় ।

আনিও গোলাপ—প্রেমগন্ধে চলতল—

রক্ত অভিমানে ।

অভিমানহীন প্রেম কোথা সমুজ্জল

সুখদীপ্তি আনে ?

মণিকা আর চুপ করিগা থাকিতে পারিল না ; বলিল,  
“আচ্ছা, আমি কাগজ গোলাপ গাছ সব তুলে ফেলব !”

সরলকুমার বামবাছ বাড়াইয়া মণিকাকে নিকটে টানিয়া আনিয়া বলিল, “তুমি যে সেই গোবিন্দ অধিকারীর যাত্রার কথা মনে ক’রে দিলো।”

“সে কি ?”

“সেকালে বাহালায় কৃষ্ণরাধার লীলাবিষয়ক অনেক যাত্রা গান হ’ত। গোবিন্দ অধিকারীর যাত্রার একটি পালায় ছিল, রাধা এক দিন কৃষ্ণের উপর অভিমান ক’রে বললেন, তিনি কালো রূপ আর দেখবেন না। আদেশ হ’ল—কুঞ্জে আর কোকিল, ভ্রমর আসতে পারবে না—এমন কি, সখীরা আর নীল কাপড়ও পরতে পারবে না। বৃন্দা সখী ছিল সবার চেয়ে ছুঁট। সে বললে, ‘রাই, তোমার মাথার চুল যে কালো !’ রাধা বললেন, মাথা মুড়িয়ে ফেলবেন। বৃন্দা বলল, ‘আর চোখের তারা ?’ রাধা না ভেবেই বললেন, চোখ উপড়ে ফেলবেন। তখন বৃন্দা বললে, ‘তা’ হ’লে যে কানা হয়ে যাবে ?’ রাধা ভুলে গেলেন—কৃষ্ণের এক নাম—কানাই। তিনি বললেন, ‘আমার কানাই ভাল।’ বৃন্দা তখন হাসিয়া বলিল, ‘কানাই যদি ভাল, তবে আর অভিমান কেন ?’ তুমি ত গোলাপ গাছ তুলে ফেলবে, কিন্তু নিজের মুখখানা কি আয়নায় দেখা বন্ধ করেছ ? টেনিসনের ‘মডের’ কথা মনে আছে ত—

‘পশ্চিমাকাশে গোলাপী বরণ,

দক্ষিণাকাশে গোলাপী কিরণ ;

দুই গণ্ডে তার গোলাপ মোহন—

গোলাপে উপমা যে চারু আনন !’

কি সুন্দর !”

মণিকা বলিল, “বাবার ঐ কবিতা পড়া আমি কখন ভুলতে পারব না।”

“তার কোন কবিতা পড়া ভুলে যায় ?”

“কবিতা লিখতে বাধা দিলাম।”

সরলকুমার মণিকাকে আরও কাছে টানিয়া লইয়া বলিল, “নিজ্জীব কবিতার চাইতে সজীব কবিতা চের ভাল—চের বাঞ্ছিত।”

“কিন্তু সজীব কবিতার আদর ক’দিন ? হায়নের সেই কথা—

নিদাঘ-গোলাপী আভা শোভিছে ও গণ্ড’পরে,

শীতের শীতল ভাব জাগে শুধু ও অন্তরে ;

এ ভাব র’বে না—যা’বে বর্ষ পরে বর্ষ ব’বে—

ও গণ্ডে আসিবে শীত—ও হৃদে নিদাঘ র’বে।”

তাই কি নহ’ত ?”



“ও-বিষয়ে আমি ওমর খৈয়ামের মতাবলম্বী—

• গৌরবের তরে, কেহ ফেলে দীর্ঘশ্বাস,—

কেহ খুঁজে মৃত্যুপারে স্বরগ-আবাস

নগদ যা কিছু পাও

তাই সাথে নিয়ে যাও

ধারে কাষ বুখা বলি’ গণি—

কি কাষ শুনিয়া কোথা দূরে উঠে হৃদুভির ধ্বনি ?  
আমরা আছি বর্তমানে ।”

মণিকা অনুভব করিল, সরলকুমারের বাহবেষ্টনের আকর্ষণ নিবিড়তর হইল—তাহার দেহ মন প্রস্ফুটিত গোলাপেরই মত পূর্বে পূর্ণ হইয়া উঠিল—সে স্বামীর উর্দ্ধোৎকৃষ্ট আনন্দের দিকে চাহিয়া সাগ্রহে তাহা চুম্বন করিল। যে আনন্দের অনুভূতি মন হইতে দেহে ও দেহ হইতে মনে সঞ্চারিত হইয়া মানুষের দেহমন পূর্ণ করে, উভয়েই সেই আনন্দ অনুভব করিল।

পদার্থমাত্রেরই মধ্যে যেমন বৈজ্ঞানিক শক্তি থাকে, তেমনই মানুষমাত্রেরই মনে প্রেম থাকে—তাহা অনুভব-যোগ্য প্রবল করিবার জন্ত তাহাকে প্রেমের দ্বারাই পুষ্ট করিতে হয়। সরলকুমারের প্রেম মণিকার হৃদয়ের প্রেমকে প্রবল করিয়াছিল।

বাগানের মধ্যে বাঙ্গলো রচিত হইবার পর সরলকুমার ও মণিকা মধ্যে মধ্যে তথায় যাইয়া বাস করিত—যেন ছুটি লইত। কিন্তু মণিকা নানা অনুষ্টান-প্রতিষ্ঠানে যোগদান করার তাহাদিগের পক্ষে একসঙ্গে অধিক দিন তথায় বাস করা সম্ভব হইত না ; আর, বোধ হয়, সেই জন্তই মধ্যে মধ্যে তথায় বাস তাহাদিগের নিকট বিশেষ সুখের ও তৃপ্তির হইত।

এইরূপ একটা “ছুটির” সময় তাহারা দুই জন যখন বাগানে বেড়াইতে বেড়াইতে রাস্তার নিকটে আসিয়া পড়িয়াছিল, তখন একখানি মোটরের যাত্রীরা তাহাদিগকে দেখিয়া গাড়ী থামাইয়া—নামিয়া তাহাদিগের নিকটে আসিল। সরলকুমার আগন্তুক পুরুষকে ও মণিকা তাহার সহগামী মহিলাকে চিনিতে পারিল। পুরুষটি ডাক্তার—সরলকুমারের সহিত প্রায় দুই বৎসর এক ছাত্রাবাসে বাস করিয়াছিল ; সে সরলকুমারকে বলিল, “অনেকদিন পরে দেখা। ইনি—”

সরলকুমার হাসিয়া বলিল, “নিশ্চয়ই আমার উত্তমার্ক !” সে মণিকাকে বলিল, “মণিকা, পুঙ্কর বাবু ডাক্তার,—আমরা একই ছাত্রাবাসে থাকতাম।”

• মণিকা তাহাকে নমস্কার করিল।

পুঙ্করকুমারের স্ত্রী সুনীতি হাসিয়া স্বামীকে বলিল, “তোমার আর তোমার বন্ধু-পত্নীর সঙ্গে আমার পরিচয় করিয়ে দিতে হ’বে না। আমাদের পরিচয় অনেক দিনের।”

পুঙ্কর বলিল, “এ যেন একখানা মিলনান্ত নাটকের উপসংহার।”

সুনীতি বলিল, “বাবা যখন আগ্রায় চাকরী করতেন, সেই সময় আমরা দু’জনই এক স্কুলে—খৃষ্টান মিশনারীদের মেয়ে স্কুলে পড়তাম। তখন আমাকে বাধ্য হয়ে মণিকাকে গুরু করতে হয়েছিল।”

“এ ত তুমি কোন দিন বল নি !”

মণিকা বলিল, “এ সব বাজে কথা।”

সুনীতি বলিল, “বাজে কথা ! স্কুলে বাইবেল পড়ান হ’ত। শিক্ষয়িত্রীরা ভাঙ্গা হিন্দীতে ইংরেজির মানে বুঝাবার চেষ্টা করতেন। আমি ইংরেজিতে যেমন হিন্দীতে আবার তা’র চেয়েও পণ্ডিত ; কাষেই মণিকার কাছে মানে বুঝিয়ে নিতে হ’ত। ও ‘ছোট সাহেবের’—আগ্রায় সব চেয়ে বড় পণ্ডিতের—মেয়ে ; ইংরেজীতে শিক্ষয়িত্রীরাও ওকে হারাতে পারতেন না ; আবার ও পশ্চিমে জন্মেছিল—হিন্দী খুব ভাল জানত ; অথচ বাঙ্গালী—বাঙ্গালায় বুঝতে পারত।”

সরলকুমার বলিল, “একাধারে এত গুণ ! কিন্তু রাস্তায় দাঁড়িয়ে কথা কেন ?”

মণিকা আগন্তুকদ্বয়কে বারান্দায় যাইয়া বসিতে অনুরোধ করিল এবং তাহারা উপবিষ্ট হইলে সরলকুমারকে বলিল, “আমি একটু চা আনি।”

তখন সূর্য্য পশ্চিম দিগন্তের দিকে অগসর হইতেছে—আর ছায়ার কালীতে গৃহবেষ্টন-প্রাচীরের উপর গাছের ছবি অঙ্কিত করিতেছে।

তৃত্যকে চা’র যোগাড় করিতে উপদেশ দিয়া আসিয়া মণিকাও বারান্দায় বসিবার উদ্যোগ করিলে সুনীতি বলিল, “বেশ ! ঘরকরা দেখাবে না ?”

মণিকা হাসিয়া বলিল, “এটা আমাদের ছুটি কাটাবার

জায়গা—ঘরকরা যে বিশেষ সম্পূর্ণ, তা' নয়। চল—”  
সে সুনীতিকে সঙ্গে লইয়া যাইয়া ঘরগুলি দেখাইয়া আনিল।

তখন পুঙ্কর সরলকুমারকে বলিতেছে, “সত্যই কবিতার  
রাজ্য রচনা ক'রে—মুষ্টিমতী কবিতাকে সেই রাজ্যের  
সিংহাসনে বসিয়েছ।”

• সুনীতি মণিকাকে বলিল, “গুনছ ত ?”

মণিকা বলিল, “উনিও কি কবিতা লিখেন ?”

সকলে হাসিল।

তখন পরিচয়ের পালা আসিল। পুঙ্কর মেডিক্যাল  
কলেজে ডাক্তারী পরীক্ষায় উত্তীর্ণ হইয়া বিলাতে ও জার্মানীতে  
যক্ষ্মারোগ চিকিৎসার পদ্ধতি অধ্যয়ন করিয়া ফিরিয়া  
আসিয়াছে। সে যাদবপুরে যক্ষ্মারোগীদের হাসপাতালে  
অবৈতনিক পরিদর্শক চিকিৎসক। আজ সে সস্ত্রীক তথায়  
যাইতেছিল—পথে সরলকুমারকে দেখিতে পাইয়াছে। সে  
কলিকাতার দক্ষিণাঞ্চলে বাস করে।

ভৃত্য চা'র সরঞ্জাম লইয়া আসিলে মণিকা চা প্রস্তুত  
করিয়া বলিল, “উপযুক্তরূপ অতিথিসৎকার করতে পারি,  
এমন কিছুই আমাদের এ খেলা-ঘরে নাই; কাষেই  
আমাদের ক্রটি নিজ গুণে আপনাদের উপেক্ষা করতে  
হ'বে।”

পুঙ্কর বলিল, “খেলা-ঘর কেমন ?”

“আমরা ত এখানে স্থায়ী হয়ে বাস করি না।”

“তাই মনে হচ্ছে, যেন শোভা-ঘর সাজান আছে।  
থাকা হয় কোথায় ?”

বাগানবাড়ী দূর বলিয়া সে সহরে কোথায় বাসা  
লইয়াছে, সরলকুমার তাহা বলিল এবং মণিকা সুনীতিকে  
এক দিন তথায় যাইতে নিমন্ত্রণ করিল।

চা পান করিতে করিতে পুঙ্কর ঘড়ী দেখিল। সুনীতি  
বলিল, “তোমার নির্দিষ্ট সময় হ'ল। অল্প ডাক্তাররা  
অপেক্ষা করবেন। চল।”

“তাই বটে”—বলিয়া পুঙ্কর উঠিয়া পড়িল এবং  
মণিকাকে নমস্কার করিয়া বলিল, “আজ একটি রোগী  
দেখবার জন্ত আমরা ক'জন ডাক্তার সেখানে যা'ব;  
সুতরাং আর দেরী করতে পারব না। ক্ষমা করবেন।”

সুনীতি মণিকাকে বলিল, “রোগীর জন্ত ডাক্তারের  
দরদ কত প্রবল, তা' দেখলে ?” তাহার উক্তির মধ্যে যে  
ব্যঙ্গ ছিল, মণিকার কাছে তাহা ব্যর্থ হইল।

মণিকা সুনীতিকে বলিল, “তুমি যাচ্ছ কোথায় ?”

“হাসপাতালে।”

“কেন ?”

“রোগীর স্ত্রীকে দেখতে। এ রোগীর ইতিহাস আছে।  
সে আর এক দিন বলব।”

গাড়ীতে উঠিবার সময় পুঙ্কর স্ত্রীকে বলিল, “রোগীর  
স্ত্রীকে ত সরলও জানে।”

সরলকুমার ও মণিকা তাহা গুনিল; কিন্তু তখন আর  
কিছু জিজ্ঞাসা করা হইল না।

[ক্রমশঃ।

শ্রীহেমেন্দ্রপ্রসাদ ঘোষ।

## ভুলায় সকল ব্যথা

তব নিষ্ঠুরতা হৃদয়ে যখন

কণ্টক সম ফুটে,

অসহ ব্যথায় কম্পিত তনু

যখন শিহরি উঠে ;

অতীত দিনের মধুময় স্মৃতি,

হুঁটি আদরের কথা

স্মরণের ভীরে, ধীরে জেগে উঠে

ভুলায় সকল ব্যথা।

শ্রীমতী অমিয়া সেন।

# বৈদেশিক প্রসঙ্গ

## যুরোপের অবস্থা

যুরোপের রাজনীতিক অবস্থা যে শঙ্কাজনক, এ কথা আমরা বরাবরই বলিয়া আসিতেছি। গত মাসে বাহা বলিয়াছি, পাঠক তাহা স্মরণ করিয়া দেখিবেন। সম্প্রতি একটা- ব্যাপার যুরোপের রাজনৈতিক অবস্থাকে আরও শঙ্কনীয় করিয়া তুলিয়াছে। সে ব্যাপারটি স্পেনের বিদ্রোহ। স্পেনে সমাজতন্ত্রবাদীদিগের সহিত রাজতন্ত্রবাদীদিগের বিরোধ বাধিয়াছে। এই বিরোধ বড়ই ভীষণ আকার ধারণ করিয়াছে। এখন এই ব্যাপার লইয়া যুরোপে আবার একটা প্রবল যুদ্ধ বাধিবার সম্ভাবনা জন্মিয়াছে। যুরোপীয় রাজনীতির গহনা গতি বুঝিবার সাধা আমাদের নাই। তবে এ কথা ইতিহাসপাঠকমাত্রই অবগত আছেন যে, ১৮৭০-৭১ খৃষ্টাব্দে যে ফ্রান্স-জার্মান যুদ্ধ হইয়াছিল, তাহার কারণ এই স্পেনের গৃহবিবাদ। ১৮৭০ খৃষ্টাব্দে স্পেনে একটা বিদ্রোহ উপস্থিত হয়। স্পেনের অধিবাসীরা তদানীন্তন বৃহৎ রাণী ইজ্জেবলাকে তাড়াইয়া দিয়া তাঁহার স্থানে আর এক জনকে সিংহাসনে বসাইবার জন্ত চেষ্টা করিতেছিলেন। শেষে হোহেনজোলার্ন গোষ্ঠীর এক ব্যক্তিকে সিংহাসনে বসান হইবে বলিয়া সাব্যস্ত হয়। ফরাসীরা ঐ ব্যাপারে হস্তক্ষেপ করিতে জার্মানীর সহিত ফ্রান্সের যুদ্ধ বাধিয়াছিল। এবারও যে কতকটা সেইরূপ অবস্থা হইয়াছে, তাহা দেখা যাইতেছে। এবার ফ্রান্স স্পেনের কমিউনিষ্ট বা সর্বস্বত্ববাদী সরকারের পক্ষসমর্থন করিতেছেন এবং তাঁহাদের সহিত সহায়ত্ব দিতে দোষী হইতেছেন,—আর জার্মানী এবং ইটালী রাজতন্ত্রী বা ফাসিষ্ট-দিগকে তলে তলে সাহায্য করিতেছেন। ফলে অবস্থাটা অনেকটা পূর্ববৎই হইয়া দাঁড়াইয়াছে। এ দিকে এখন পাকা বকম সংবাদ পাওয়া যাইতেছে যে, ইটালী, জার্মানী এবং অস্ট্রিয়া পরস্পর সম্মিলিত হইয়াছেন। কাষেই ব্যাপারটা শঙ্কামূলক হইয়া দাঁড়াইয়াছে। রুসিয়ার সহায়ত্ব স্পেনের সর্বস্বত্ববাদী সরকারের দিকে। তবে ফ্রান্স-জার্মান যুদ্ধের সময় বৃটিশসিংহ বেরুপ নিলিগুভাবে দূরে দাঁড়াইয়া ব্যাপারটা দেখিয়াছিলেন, এবার তাঁহারা ততটা নিলিগু-ভাবে এই ব্যাপার দেখিতে সমর্থ হইবেন কি না, সে বিষয়ে অনেকে সন্দেহ করিতেছেন। বৃটিশ জাতি আপনাদিগকে এই ব্যাপার হইতে বধাসম্ভব দূরে রাখিয়াছেন সত্য, কিন্তু ফ্রান্স-জার্মান সংগ্রামে তাঁহারা বতটা নিলিগু ছিলেন, এবার ঠিক ততটা নিলিগু থাকিতে পারিবেন কি না, সে বিষয়ে সন্দেহ বিজ্ঞমান। কারণ, সেবারকার যুদ্ধে বৃটিশ জাতির কোন দিকে কোন স্বার্থই বিজড়িত ছিল না, এবার কিন্তু ভূমধ্যসাগরের দিকে বৃটিশ জাতির স্বার্থ বিশেষভাবে জড়িত রহিয়াছে। বিজয়দুগ্ধ ইটালী এখন ভূমধ্যসাগরে স্বীয় একচ্ছত্র অধিকার প্রতিষ্ঠিত করিতে অভিলাষী। ইটালী ভূমধ্যসাগরের উপাস্তবাসী। ভূমধ্যসাগরে তাহার স্বার্থ আছে। ইংরেজের কিন্তু তাহাতে ক্ষতি হইবার সম্ভাবনা জন্ম নহে। কারণ, ভূমধ্যসাগরের ভিতর দিয়া ইংরেজকে ভারতে আসিতে হয়। এখন

কথা হইতেছে,—ইটালী ইংরেজ জাতির বিরুদ্ধে যাইবেন কি না? ভাব দেখিয়া ত কিছুই বুঝিবার উপায় নাই। ইটালীর সহিত জার্মানীর মিত্রতা কতকটা পাকা-পাকি হইয়াছে,—এবং যদি কোন-রূপ মিত্রতা হইয়া থাকে, তাহা হইলে তাহার সর্ব কি কি হইয়াছে, তাহা না জানিলে কোন কথাই বলা যাইতেছে না। আবার একপাশে শুনা যাইতেছে যে, স্পেনের বিদ্রোহী দলের নেতা সেনাপতি ফ্রান্সো গিনিওর মুসোলিনীকে বলিয়াছেন যে, তাঁহারা যদি এই যুদ্ধে জয়লাভ করেন, তাহা হইলে তাঁহারা ইটালীর সাহায্য দানের জন্ত জিত্রা-টার বন্দরের অদূরে অবস্থিত কিউটা বন্দরটি ইটালীকে প্রদান করিবেন। বন্দরটি পাইলে ভূমধ্যসাগরে ইটালীর বেশ জোর দাঁড়াইবে। ইংরেজদিগের জিত্রা-টার বন্দরের পরপারে মাত্র ১৬ মাইল দূরে এই বন্দরটি অবস্থিত। ইহা পাইলে ইটালী ইচ্ছা করিলে বৃটিশ তরীগুলির ভূমধ্যসাগরে প্রবেশপথ বন্ধ করিবার চেষ্টা করিতে পারিবেন। সেই চেষ্টায় সাফল্য লাভ করিতে পারিলে ইটালীর ভূমধ্যসাগরে একচ্ছত্র অধিকার প্রতিষ্ঠিত করিবার সুবিধা হইবে। কিন্তু সে চেষ্টা সফল হওয়াও সম্ভব বলিয়া মনে হয় না। কারণ, বৃটিশ কেশরী উহাতে পূর্ণমাত্রায় বাধা দিবেন। স্পেনের বিদ্রোহী দলের সেনানায়ক জেনারেল ফ্রান্সো বিশেষ বিপদে পড়িলে বেলজারিক দ্বীপপুঞ্জের দুই একটা দ্বীপও হয় ত ইটালীকে ও জার্মানীকে দিতে সম্মত হইতে পারেন। তাহা হইলে জিত্রা-টারের প্রতিকূলে ডবল জোর পড়িবে। ইটালী এখন বণসজ্জায় সম্পূর্ণ সজ্জিত। মুসোলিনী আবিসিনিয়ার অধিকার রক্ষা করিবার জন্ত এক লক্ষ কক্ষ সৈনিক শিফিত করিয়াছেন। ইটালী ইদানীং ক্রভস্বীর দ্বারা গ্রেটবৃটেনের এবং জাতিনৈজের উপর বেশ একটা চাল দিয়াছেন। ইহাতে ইটালীর পসার পাশ্চাত্যখণ্ডে কিছু বৃদ্ধি পাইয়াছে।

ইটালী ভূমধ্যসাগরে স্বীয় অধিকার সুদৃঢ় করিবার জন্ত সমস্তো-ভাবে চেষ্টা পাইতেছেন, এ কথা পূর্বেই বলা হইয়াছে। ইটালী তাঁহার নৌশক্তি বৃদ্ধিত করিয়াছেন। তবে তাঁহারা যে নৌশক্তিতে গ্রেটবৃটেনের সমকক্ষতালাভে সমর্থ হইয়াছেন, ইহা মনে হয় না। অবশ্য এ বিষয়ে বিশেষজ্ঞরাই প্রকৃত অবস্থা বলিতে পারেন, আমাদের জ্ঞান আদার ব্যাপারীর সে বিষয়ে আলোচনা করিতে যাওয়াই বিড়ম্বনা। এ কথা সোজা বুদ্ধিতে বুঝা যায় যে, ইটালীর নিশ্চিত জাহাজগুলি নূতন, সুতরাং হাল আমলের ও উন্নতধরণের। গ্রেটবৃটেন ইদানীং কিছুকাল বণতরী সঙ্কোচনের সমর্থক বলিয়া নূতন বণতরী নিশ্চিত করেন নাই। ইটালীর আর্থিক অবস্থা ভাল না হইলেও এত অধিক অর্থ ব্যয় করিয়া বণপোত প্রভৃতি নির্মাণের একটা লক্ষ্য আছে। সে লক্ষ্য আর কিছুই নহে,—কেবল ভূমধ্যসাগরে স্বীয় প্রতাপের প্রতিষ্ঠা। বৃটিশ জাতি এই ব্যাপারটা নিশ্চিতই দার্শনিকের জ্ঞান উদাসীনভাবে দেখিতে পারেন না। কারণ, এই ব্যাপারে ইংরেজ জাতির স্বার্থ বেরুপ বিজড়িত,—অতীতের গৌরব-স্মৃতিও সেইরূপ বিজড়িত। এই ভূমধ্যসাগরেই নেপলসন নেপোলিয়ান বোনাপার্টের গর্ভ খর্ষ করিয়া দিয়া ইংরেজের

পৃথিবীব্যাপী সাম্রাজ্যস্থাপনের পথ পরিকৃত করিয়া দিয়াছিলেন। নেপোলিয়ান যদি নীল নদের যুদ্ধে জয়লাভ করিতে সমর্থ হইতেন, তাহা হইলে বর্তমান সময়ে এত বিস্তীর্ণ বৃটিশ সাম্রাজ্য প্রতিষ্ঠিত হইতে পারিত না। বিশেষতঃ সুরেজ খান প্রস্তুত হইবার পর ইংরেজের পক্ষে প্রাচ্যখণ্ডে বাতায়াত করিবার বিশেষ সুবিধা ঘটিয়াছে। সুতরাং সেই ভূমধ্যসাগরে ইংরেজ কখনই স্বীয় অধিকার এবং ক্ষমতা ধরু হইতে দিতে পারেন না। এখন যদি ভূমধ্যসাগরের ভিতর দিয়া ইংরেজের জাহাজ বাতায়াত বন্ধ করিবার সম্ভাবনা জন্মে, তাহা হইলে ইংরেজ তাহা সহ্য করিবেন বলিয়া মনে হয় না। ইংরেজের জাহাজকে যদি উত্তমাশা অন্তরীপ ঘুরিয়া ভারতে আসিতে হয়, তাহা হইলে চারি হাজার মাইল পথ বাড়িয়া যায়। ইহা নিশ্চিতই একটা তুচ্ছ ব্যাপার নহে। যদি একবার ইংরেজ জাতি ভূমধ্যসাগরে স্বীয় প্রভাব হারাইয়া বসেন, তাহা হইলে সেই প্রভাবের পুনঃ প্রতিষ্ঠা করা সহজ হইবে না। এই স্বার্থময় জগতে সকল জাতিই নিজ নিজ স্বার্থ রক্ষা করিতে অবহিত। সুতরাং উহার ফলে হয় ত প্রাচীতে ইংরেজের বাণিজ্য এবং অধিকার ক্ষুণ্ণ হইতে পারে। ইংরেজ তাহা বিলক্ষণ বুঝেন। সেই জন্ম মনে হয় যে, ৬৫ বৎসর পূর্বে ফ্রান্সো-জার্মান যুদ্ধের সময় ইংরেজ যতটা নিরপেক্ষ এবং উদাসীন থাকিতে পারিয়াছিলেন, এখন যদি সত্য সত্যই ইটালী বৃটিশ জাতির ঘোর বিরোধী হইয়া দাঁড়ান এবং ভূমধ্যসাগরে নিজ প্রভাব প্রতিষ্ঠিত করিতে চাহেন, তাহা হইলে, ইংরেজ যতই শাস্তিকামী হউন না কেন, কিছুতেই এই ব্যাপারে ততটা উদাসীন থাকিতে পারিবেন না।

এখন প্রশ্ন হইতেছে, ইটালীর কি সত্য সত্যই এমনই দুর্ভাগ্য হইবে যে, সে প্রবলপ্রভাব বৃটিশ কেশরীর সহিত সংগ্রাম করিতে বাইবে? সহজ বুদ্ধিতে ত সেরূপ আশঙ্কা করিবার কোন সম্ভাবনা দেখা যায় না। কেবল জার্মানীর ভরসায় সেরূপ দুঃসাহসিক কার্যে প্রবৃত্ত হওয়া যেন দূর হইতে বাতুলতার লক্ষণ বলিয়া মনে হয়। ইটালী জানে যে, বিরোধ বাধিলেই গ্রেট ব্রিটেন, ফ্রান্স এবং রুসিয়া একদিকে হইবেই। অবশ্য ইটালী জার্মানী এবং জাপানকে আপনার দিকে পাইবেন বলিয়া হয় ত আশা করিতে পারেন। কিন্তু তাহা যদি ইটালী পায়, তাহা হইলে ইটালীর জয়লাভের আশা থাকে কি? অবশ্য বিধাতার মনে বাহা আছে, তাহাই ঘটে। মানুষ অনেক সময়ে বিবেচনার ক্রটিতে অথবা আত্মসম্মতির প্রভাবে ভুল করে। বিপত্ত যুরোপীয় মহাযুদ্ধ যে কাহার দোষে এবং কি জন্ম ঘটিয়াছিল, তাহা লইয়া যে কত কথাই শুনা গেল, তাহার আর ইয়ত্তা নাই। সেই জন্ম অনেকে মনে করেন যে, যুদ্ধ প্রভৃতি ব্যাপার যেন লোকাতীত কারণেই সজ্জ্বিত হয়। আমরা বাহাই ভাবি না কেন, কাহে তাহা হয় না। নতুবা কে ভাবিতে পারিয়াছিল যে, সেরাজেতোতে এক কাপুরুষোচিত হত্যাকাণ্ডের ফলে সমস্ত যুরোপে ভীষণ দাবানল অলিয়া উঠিবে এবং লক্ষ লক্ষ গৃহে শোকার্দের আর্জনা উঠিবে? মানুষের অহমিকাই অনেক সময় বহু অনর্থের কারণ হইয়া দাঁড়ায়।

প্রস্তাব করা হয় যে, কোন রাজ্যই স্পেনের বিবদমান কোন পক্ষকেই কোনরূপ সহায়তা করিতে পারিবেন না। ফ্রান্স এই প্রস্তাব করেন, ইটালী তাহাতে সম্মত হন। কিন্তু ইহার পর

ইটালী এবং জার্মানী উভয়ে একবাক্যে বলিতে থাকেন, যদি রুসিয়া কোমিটার্ণের মারফতে স্পেনের সরকারকে অর্থ দিয়া, তৈল দিয়া এবং বেতার বার্তাবহ মারফতে উপদেশ দিয়া সাহায্য করিতে থাকেন, তাহা হইলে ঐরূপ সর্ব সম্যক প্রকারে নিবর্থক হয়। কোমিটার্ণ যে এই কার্য করিতেছেন, সোভিয়েট সরকার তাহা অস্বীকার করেন নাই। তাঁহারা বলিয়াছেন, কোমিটার্ণ প্রচার-কার্যের উপর সোভিয়েট সরকারের কোন হাত নাই। এই উক্তি যে নিতান্ত অকিঞ্চিৎ, তাহা বলাই বাহুল্য। গ্রেট ব্রিটেন এই ব্যাপারে নিশ্চিতই নিরপেক্ষ থাকিবেন। কারণ, সংগ্রাম হইলে গ্রেট ব্রিটেনের বাণিজ্য প্রভৃতি ক্ষুণ্ণ হইবার সম্ভাবনা। কিন্তু কেবল স্বার্থের দিক দিয়া সংগ্রামবিমুখতা দেখাইলে তাহাতে সুবিধা ঘটে না। সুদৃঢ় নৈতিক বেদীর উপর দাঁড়াইয়া মানুষ বাহা করে, তাহাই পরিণামে শুভজনক হইয়া থাকে। ভূমধ্যসাগরে গ্রেট ব্রিটেনের স্বার্থ নিশ্চিত রহিয়াছে বলিয়াই শঙ্কা হয়, ইটালী যদি ভূমধ্যসাগরে পূর্ণমাত্রায় স্বীয় প্রভাব প্রতিষ্ঠিত করিবার চেষ্টা করেন, তাহা হইলে হয় ত গ্রেট ব্রিটেনের যুদ্ধ করিবার অপ্ৰবৃত্তি ঘুচিয়া যাইতে পারে। ইচ্ছা করিয়া কোন প্রকৃতিস্থ ব্যক্তি অনলে হাত দিতে যায় না। কোন জাতি অহঙ্কারে আত্ম-হারা না হইলে পরাজয়ের সম্ভাবনা কতখানি, তাহা না দেখিয়া যুদ্ধে নামে না। যাহা হউক, এখন জার্মানীর সহিত ইটালীর ঠিক কোন্ কোন্ সর্ভে সন্ধি হইয়াছে, তাহা না জানিলে আসল ব্যাপারটা বুঝা যাইতেছে না। তবে দেখা যাইতেছে যে, জার্মানী ও রুসিয়া উভয়ে সমঝোজন করিতেছেন। জার্মানী ১০ লক্ষ সৈন্য শিক্ষিত করিতেছেন। তাঁহারা বলিতেছেন যে, তাঁহারা সোভিয়েট সরকারের আক্রমণ ভয়েই ঐরূপ করিতেছেন! ইউনিয়ন অব সোভিয়েট সোস্যালিস্ট রিপাবলিক (U. S. S. R.) এখন ১ কোটি ৩০ লক্ষ সৈন্য রণক্ষেত্রে উপস্থিত করিতে পারেন, এ কথা মর্সিয়ে এডুয়ার্ড হেরিওর মুখে শুনা গিয়াছে। ইহা অতিরঞ্জিত হইতে পারে। কারণ, অনেক সন্ন্যাসীতে গাজন নষ্টই হইয়া থাকে। বাহা হউক, এখন সকল দেশই তাঁহাদের সৈন্যসংখ্যা অত্যন্ত বৃদ্ধি করিতেছেন। ইহা যেন রণচণ্ডীর যুগকাষ্ঠে অধিক-সংখ্যক নরবলি দিবার ব্যবস্থা বলিয়াই মনে হইতেছে। সম্প্রতি সকলেই যুদ্ধের জন্ম প্রস্তুত, কিন্তু যুদ্ধ করিবার ইচ্ছা কাহারও নাই। সকল জাতিই অধিকসংখ্যক সৈনিক, অধিক দুর্গ, অধিক রণপোত, অধিক রণবিমান রাখিতেছেন। ইহা দেখিয়াই লোক বলিতেছে যে, সমস্ত যুরোপ এখন একটি বিশাল এবং বিস্তীর্ণ বাকুদ-স্তূপে পরিণত হইয়া উঠিয়াছে। কিন্তু মানুষ সকল সময় ভবিষ্যৎ ঠিক বুঝিয়া উঠিতে পারে না। তবে গতিক দেখিয়া শঙ্কার কারণ আছে বলিয়াই অনুমান হইতেছে।

### প্রাচীতে ঝটিকা-কেন্দ্র

বর্তমান সময়ে মধ্য-যুরোপে যেরূপ একটি ঝটিকা-কেন্দ্র রহিয়াছে, সুদূর প্রাচীতেও তাহা রহিয়াছে। জাপান মধ্য-মারুরিয়া অঞ্চলে স্বীয় অধিকার প্রতিষ্ঠিত করিয়াছে। যুরোপীয় শক্তিপুঞ্জ তাহা স্নানভাবে দেখিতে পারিতেছেন না। ইহাতে জাপানের



শক্তি বৃদ্ধি পাইবে। জাপান এখন একটি শিল্পপ্রধান দেশে পরিণত হইয়াছে। জাপানী কলে অনেক কার্পাস-বস্ত্র ও সূত্র প্রস্তুত হইতেছে। কিন্তু জাপানের কার্পাস চাব করিবার ভাল ক্ষেত্র নাই। অস্ত্রাস্ত্র জাতিরা পূর্বে হইতে প্রায় সকল স্থান অধিকৃত করিয়া লইয়াছেন। জাপানের পণ্য বিক্রয় করিবার স্থানেরও অভাব। ওসকার কলগুলির খোরাক যোগাইতে হইলে জাপানে প্রভূত তুলার প্রয়োজন। মার্কিণে ১ কোটি ৩০ লক্ষ গাঁইট তুলা উৎপন্ন হয়। তন্মধ্যে মার্কিণ ৭৫ লক্ষ গাঁইট তুলা বিদেশে রপ্তানী করে। জাপানই মার্কিণের সর্বাধিক বড় খরিদদার। তন্মধ্যে ১৯৩৪ খৃষ্টাব্দে জাপান লইয়াছিল ১৮ লক্ষ ৪৫ হাজার ৬ শত ১ গাঁইট। জার্মানী ১৩ লক্ষ ১৮ হাজার ৬৬ গাঁইট। ইংলণ্ড ১২ লক্ষ ৭৮ হাজার ৬৬ গাঁইট, এবং চীন ৩ লক্ষ ৭৫ হাজার গাঁইট। মার্কিণ ঐ বৎসর ৪২ কোটি ডলার মূল্যের তুলা বিক্রয় করিয়াছিল। তাহার মধ্যে জাপান এবং চীন উভয়ে শতকরা ৩০ ডলার মূল্যের কার্পাস কিনিয়াছিল। জাপান দেখিল, তাহাদের অত্যন্ত দূরদেশ হইতে তুলা আনিতে হয়, উহাতে খরচ অত্যন্ত অধিক পড়ে। সেই জন্ত সে নিকটেই এমন একটি স্থান লইবার বাসনা করে যে, তাহাতে সে স্বল্পে ভাল তুলা উৎপাদন করিতে সমর্থ হয়। নিকটেই অল্প সকল দেশে বাইবার পথ রুদ্ধ দেখিয়া সে প্রথমে মার্কিণের অধিকার করিয়া লয়। কিন্তু তাহাতে তাহার সুবিধা হইল না। কারণ, তথায় যে তুলা উৎপন্ন হইল, তাহা ভাল হইল না। জাপান তাহার পর দেখিল যে, উত্তর-চীনে আমেরিকার তুলার ত্রায় খুব ভাল তুলা উৎপাদন করা যায়। অগত্যা জাপান উত্তর-চীনে আপনায় অধিকার প্রতিষ্ঠিত করিবার জন্ত চেষ্টা করিতেছে। কিন্তু অস্ত্রাস্ত্র খেতাবরা এই ব্যাপার সুনজরে দেখিতে পারিলেন না। জাপান যদি এই স্থানে প্রভূত পরিমাণে উৎকৃষ্ট তুলা উৎপাদন করিতে পারে, তাহা হইলে তাহারা ভারত বা মার্কিণ হইতে তুলা লইবে না। ভারতে যত তুলা উৎপন্ন হয়, তাহার অর্ধেক লয় জাপান। এখন জাপান যদি উত্তর-চীনে উৎকৃষ্ট তুলা উৎপাদন করিতে সমর্থ হয়, তাহা হইলে তাহারা আর ভারতের তুলা কিনিবে না। ইহাতে ভারতের বিশেষ ক্ষতি হইবে। দ্বিতীয়তঃ জাপান যদি নিকটে সুবিধামত ভাল তুলা উৎপাদন করিতে পারে, তাহা হইলে তাহারা বস্ত্রের বাজারে অস্ত্রাস্ত্র কার্পাস পণ্য উৎপাদনকারী জাতির সহিত বিশেষভাবে প্রতিদ্বন্দ্বিতা করিতে সমর্থ হইবে। ফলে এই ব্যাপারটা কেহই বিশেষ সুনজরে দেখিতে পারিতেছেন না।

চীনারাও ইহা একেবারেই চাহেন না। চীনারাদের রাজ্য অল্পে অধিকার করে, বা তথায় জাপান বাইরা নিজ প্রভাব বিস্তার করে, ইহা চীন কি করিয়া সহ্য করিতে পারেন? সেই জন্ত চীনের সৈন্যদল জাপানের উপর অত্যন্ত বিক্রম হইয়া পড়িয়াছেন। জাপান তাহার অস্তি নিকটে আসিয়া পড়ে, সোভিয়েট সরকারও ইহা চাহেন না। সেই জন্ত সোভিয়েট সরকারও ভিতরে ভিতরে চীনের জাপানের বিরুদ্ধে পাড়াইবার জন্ত উৎসাহ দিতেছেন। গত মার্চ মাসে রুসিয়ার টেলিগ্রাফিক মার্কিণ সাংবাদিকের নিকট বলিয়াছিলেন যে, যদি জাপান বাহির-মঙ্গোলিয়ার প্রজাতন্ত্রের উপর কোনরূপ প্রভাব বা প্রভূত বিক্রম করিবার প্রয়াস পান, তাহা হইলে সোভিয়েট সরকার কোনমতেই তাহা সহ্য করিবেন না, তাহারা জাপানের সহিত যুদ্ধ করিবেন। জাপান বলিতেছেন,

ওটা রুসিয়ার ধান্নাবাজী। জাপানীরা এখন তাহাদের আভ্যন্তরীণ হান্নামা লইয়াই বাস্তব, এখন তাহাদের বাহির-মঙ্গোলিয়ার বাইরা হান্নামা করিবার সময় নহে। গত ফেব্রুয়ারী মাসে জাপানে যে সৈনিক-বিদ্রোহ হইয়াছিল, জাপান সেই কথাই বলিয়াছেন। এখানে বলা আবশ্যিক যে, চীনে এখন দুইটি সরকার বিদ্যমান; একটি ক্যান্টন সরকার, আর একটি নান্‌কিন সরকার। ক্যান্টন সরকার দক্ষিণে অবস্থিত। ঐ সরকার দক্ষিণ-চীনের কার্য নিরীহ করেন। আর একটি সরকার উত্তর-চীন বা সমস্ত চীনের উপর প্রভূত বিস্তার করিয়া আছেন। ইহার রাজধানী ইয়াংসিকিয়াং নদীতীরে অবস্থিত নান্‌কিন সহরে। ইহাই হইল চীনের কেন্দ্রী সরকার। ক্যান্টন বৃটিশ অধিকৃত হংকং বন্দর হইতে অধিক দূরে নহে; ক্যান্টন অঞ্চলে সর্বস্বত্ববাদী অর্থাৎ কমিউনিষ্টদিগের প্রভাব অত্যন্ত প্রবল। এখানকার লোক জাপানীদিগের ঘোর বিরোধী। পক্ষান্তরে, নান্‌কিন সরকার চীন হইতে কমিউনিষ্ট বা সর্বস্বত্ববাদ উচ্ছিন্ন করিতে বদ্ধপরিকর। টেলিগ্রাফের উক্তি পাঠ করিয়া- ক্যান্টন অঞ্চলের সর্বস্বত্ববাদীদিগের উৎসাহ বৃদ্ধি পায়। ঠিক ঐ সময়েই জাপানে সৈনিক-বিদ্রোহ ঘটে। চীনের Red বা সর্বস্বত্ববাদীরা চীনে সোভিয়েট সরকারের মতলব হাসিল করিবার পক্ষপাতী। পক্ষান্তরে, নান্‌কিন সরকার বলসেবিকদিগের অভিসন্ধিসিদ্ধির ঘোর বিরোধী। চীন-সেনাপতি এবং নান্‌কিন সরকারের মূল গায়ের চিয়াংকাইসেক সর্বস্বত্ববাদীদিগের অভিসন্ধি বেশ বুঝেন। ইহা চীনের সর্বস্বত্ববাদীরা একেবারেই দেখিতে পারে না। তাহাকে পদচ্যুত এবং সংহার করিবার জন্ত তাহারা অতিশয় বাস্তব। এখন জাপান পাছে বাহির-মঙ্গোলিয়া আক্রমণ করে, এই ছলে ক্যান্টন সরকার চীনের উত্তর অঞ্চলে বহু সৈন্য প্রেরণ করেন। ঐ সৈন্যদল শানসী বিভাগের টাইয়ুয়ান পর্যন্ত ভীমবেগে অগ্রসর হয়। তাহারা ঐ স্থানের আরও উত্তরে চীনের প্রাচীরের সন্নিহিত সুইয়ুয়ান নামক স্থানে বাইবে বলিয়া প্রকাশ করে। তাহারা বলে যে, ঐ স্থানে বাইলেই তাহারা বাহির-মঙ্গোলিয়ার দিকে জাপানী সৈন্যের অভিযান রুদ্ধ করিয়া দিতে পারিবে। ইহার কলে নান্‌কিনের সৈন্যদলের সহিত ক্যান্টন সৈন্যদলের সংঘর্ষ ঘটে। ফলে ক্যান্টন সৈন্যদল পরাজিত হইয়া প্রত্যাবর্তন করিতে বাধ্য হয়। চীনের সর্বস্বত্ববাদী সেনাপতি মাও-সি-টুয়েং (Mao She Tuang) সৈন্যদল জেচুয়ানের দুর্গম পর্বতের দিকে আশ্রয় লইবার জন্ত চলিয়া যায়। ইহার পরই সংবাদ পাওয়া যায়, চীনের বলসেবিক সৈন্যদল শানসি অঞ্চলে আটক হইয়া পড়িয়াছে। কিন্তু তাহারা কি জানি কি প্রকারে ঐ অঞ্চল হইতে তিস্তের সীমান্তের দিকে সরিয়া পড়ে। ঐ অঞ্চলে রুসিয়ার প্রভাব পূর্ণ মাত্রায় প্রতিষ্ঠিত। ইহার পরই গত আষাঢ় মাসের প্রথমেই আবার চীনে ভীষণ গৃহযুদ্ধ বাধিবার লক্ষণ দেখা দিয়াছিল। কেবলমাত্র চীনের সর্বস্বত্ববাদীরাই জাপানের শত্রু নহে। তথাকার অধিকাংশ লোকই মনে মনে জাপানের উপর বিরক্ত এবং বিদ্বেষী। এই সময়ে উভয় দলই চাংশা অভিমুখে অভিযান করিল। এই স্থানটি হেংকিয়াং নদতীরে অবস্থিত এবং ছানান পরগণার অন্তর্ভুক্ত। ক্যান্টন সৈন্যদল মুখে প্রকাশ করে যে, জাপানের বিরুদ্ধেই তাহাদের অভিযান প্রচালিত। নান্‌কিন সরকার

সে কথা বিশ্বাস করেন নাই। তাঁহাদের ধারণা, সেনাপতি চিয়াং কাইসেককে পদচ্যুত এবং বিতাড়িত করিবার জন্য ক্যান্টন সরকার গৃহযুদ্ধ করিতে বসিয়াছেন। ক্যান্টন সরকার সে কথা একেবারেই অস্বীকার করিতেছেন। তাঁহারা বলিতেছেন যে, তাঁহারা কয়েক বৎসর ধরিয়া বলিয়া আসিতেছেন যে, বৈদেশিক ব্যাপারে একটু দৃঢ়নীতি অবলম্বন করা আবশ্যিক, কিন্তু সেনাপতি চিয়াং কাইসেক সে কথায় কণপাতও করিতেছেন না। কিন্তু সেনাপতি চিয়াং কাইসেককে সে কত অসুবিধার ভিতর দিয়া কার্য করিতে হইতেছে, তাহা ভাবিলে বিস্মিত হইতে হয়। তিনি জানেন যে, জাপানের সহিত যুদ্ধ করিতে যাইলেই, তিনি এত কষ্ট করিয়া যে চীনের স্বাধীনতা এবং স্বাভাবিক বক্ষা করিয়াছেন, তাহা বিলুপ্ত হইবে। কারণ, চীন এখনও জাপানের সহিত যুদ্ধ করিয়া জয়লাভ করিবার সামর্থ্য অর্জন করেন নাই।



চিয়াং কাইসেক

এ কথা চীনের অল্প কেহ যে না বুঝেন, তাহা নহে। কিন্তু জাপান উত্তর-চীনকে নিজ পদানত করিবে, ইহা তাঁহাদের পক্ষে অসম্ভব। কাষেই তাঁহারা দিশাহারা হইয়া পড়িয়াছেন। চীনের ভিতরকার গলদ অনেক। তথাকার এক এক পরগণার শাসন-কর্তারা বিধম স্বৈরাচারী। তাহাদের দেশাত্মবোধ অপেক্ষা নিজ নিজ স্বার্থবোধ এবং ক্ষমতাপ্রিয়তা অত্যন্ত অধিক। সেইজন্য চিয়াং কাইসেক বিশেষ কিছুই করিয়া উঠিতে পারিতেছেন না। এ দিকে জাপান চীনে একটা অতি প্রবল গৃহযুদ্ধ বাধিলে যেন আনন্দিত হন। কারণ, তাহা হইলে তাঁহাদের মনের বাসনা পূর্ণ করিবার বিশেষ সুবিধা জন্মে। জাপান অবশ্য সে কথা স্বীকার করিতে চাহেন না। উত্তর চীনের প্রাদেশিক অধিপতি-দিগের পরস্পরের মধ্যে বিবাদ এবং ঈর্ষা আছে। দেশের কল্যাণকল্পে তাঁহারা যে সে বিবাদ মীমাংসা করিবেন, সে রূপ মনোবৃত্তি তাঁহাদের নাই। চিয়াং কাইসেকও তাঁহাদিগকে সে কথা বুঝাইয়া দিতে পারিতেছেন না। দেশের দুর্ভাগ্য

হইলে বাহা হয়,—চীনের এখন তাহাই হইয়াছে। তাহা বাধিরে শক্র।

এ দিকে জাপান উত্তর-চীনের কতকগুলি বিভাগ লইয়া একটি স্বতন্ত্র স্বায়ত্ত-শাসনাধিকারসম্পন্ন রাজ্য গঠিবার চেষ্টা পাইতেছেন। সেই রাজ্যের সিংহাসনে তাঁহারা মাঞ্চুকুয়োর শাসক হেনরী পুয়ীকে (Puyi) বসাইবেন বলিয়া সঙ্কল্প করিয়াছেন। যদি তাহাই হয়, তাহা হইলে উত্তরচীন, চীনসাম্রাজ্য হইতে একেবারে বিচ্ছিন্ন হইয়া জাপানের ইচ্ছিতে পরিচালিত একটি রাজ্য পরিণত হইবে। তবে চীনের সকল সংবাদ পাওয়া যাইতেছে না, ভিতরে ভিতরে কি হইতেছে, তাহা বলা কঠিন। এ কথাও শুনা যাইতেছে, জাপানীরা জলপথে অনেক পণ্য আনিয়া ডেইরেন বন্দরে ফেলিতেছেন এবং তথা হইতে উহা পূর্ব হোপেই (Hopei) অঞ্চলে উপনীত করিতেছেন। শুধু না দিয়া ঐ সকল মাল এখন উত্তর-চীনের সর্বত্রই ছড়াইয়া পড়িতেছে। নান্দিন সরকার উহাতে বাধা দিতে পারিতেছেন না। চিয়াং কাইসেককে সে জল্পও বিষম সঙ্কটে পড়িতে হইয়াছে। উহাতে চীনের কেন্দ্রী সরকারের সঙ্ক-সম্পর্কিত আর অনেক কমিয়া যাইতেছে। আবার জাপান রাশিন নামক আর একটি বন্দর খুলিতেছেন। এখান হইতেও মাঞ্চুকুয়োতে এবং ভিতর-মঙ্গোলিয়ায় জাপানী পণ্য লইয়া যাইবার সুবিধা ঘটবে। যে সকল খেতকায় জাতির স্বার্থ এই স্থানে নিহিত রহিয়াছে, তাহারা এই ব্যাপার সুনজরে দেখিতেছে না। কাষেই এ দিকে চীন ও জাপান লইয়া যে একটা অতি প্রবল ঝটিকা-কেন্দ্র সৃষ্ট হইতেছে, সে বিষয়ে সন্দেহ নাই।

### মাগরবক্ষে ঝটিকা-কেন্দ্র

আমরা এ পর্যন্ত চীন এবং জাপানে একটা ঝটিকাকেন্দ্রের উদ্ভব হইতেছে বলিয়াছি,—কিন্তু অল্পের অলক্ষ্যে বারিধিবক্ষে যে আর একটা ঝটিকাকেন্দ্র উদ্ভূত হইতেছে, তাহা কেহই লক্ষ্য করিতেছেন না। বিগত যুরোপীয় মহাযুদ্ধের পর জাৰ্মানীর উপনিবেশগুলি যখন সকলে ভাগাভাগি করিয়া লইতে প্রবৃত্ত হইয়াছিলেন, তখন মাইক্রোনেশিয়া বলিয়া কতকগুলি দ্বীপ জাপান জাতিসমাজের নিকট হইতে আদেশাত্মকভাবে শাসন করিবার অধিকার পাইয়াছিলেন। এই দ্বীপপুঞ্জ ফিলিপাইন দ্বীপপুঞ্জের পূর্বদিকে অবস্থিত। এই দ্বীপগুলি ক্ষুদ্র ক্ষুদ্র প্রবালদ্বীপ। ইহার মধ্যে কেবোলাইনস্, লাড্রোনস্ এবং পিনিউ দ্বীপ কিছু বড়। মানচিত্রে উহার অস্তিত্বও দেখিতে পাওয়া যায় না। উহার মধ্যে আবার একটি ছোট দ্বীপ আছে, সেটি মার্কিনের। দ্বীপগুলির মধ্যে কতকগুলি এত ক্ষুদ্র যে, তথায় পূর্বে জন-মানব প্রায় দেখা যাইত না। এখনও বোধ হয় নাই। জাতিসমাজ যখন জাপানকে এই দ্বীপপুঞ্জ দিয়াছিলেন, তখন তাঁহারা এই সর্ভ করিয়াছিলেন যে, জাপান তথায় কোনরূপ দুর্গ নির্মাণ করিতে পারিবেন না। দ্বীপগুলি প্রবালরচিত বলিয়া গিরি-সঙ্কুল। সম্প্রতি মার্কিনে একটা জনরব উঠে যে, জাপান এই স্থানে দুর্গ নির্মাণ করিতেছেন। মিষ্টার উইলার্ড প্রাইস

শি

এ বাইরা দেখিরা আসিয়াছেন যে, তথ্য নিশ্চয় হবে নাই। তবে তাঁহারা উহার তরী ভিড়াইবার ব্যবস্থা করিয়াছেন। তাহাতে সর্বের কোন খেলাপ হয় নাই। কিন্তু ইতিপূর্বে জাতিসঙ্ঘ জাপানের নিকট এক কৈফিয়ৎ চাহিয়া বসিয়াছেন যে, তাঁহারা তথ্য কি করিতেছেন? জাপান তাহার যে জবাব দিয়াছেন, তাহা নাকি তেমন স্পষ্ট হয় নাই।

এই ব্যাপার লইয়া বেশ একটু হৈ-চৈ করিবার চেষ্টা হইতেছে। জাপান সেইপান (Saipan) বন্দরকে নৌবাহিনীর একটা আড্ডায় পরিণত করিবার চেষ্টা করিতেছেন বলিয়া কথা উঠিয়াছে। এ কথা কত দূর সত্য, তাহা বলা যায় না। তবে ইহাতে কাহারও কোন ক্ষতি হইবার সম্ভাবনা নাই। এখন বাঁহারা জাপানের অভ্যুদয়ে শঙ্কিত, তাঁহারা বলিতেছেন যে, এদিক হইতে চীনের দিকে জাহাজে করিয়া বাইতে হইলে আড়াই হাজারের অধিক ঘাঁটি পার হইয়া বাইতে হইবে। জাপানের জঙ্গ যে সৌম্যবেশা চিহ্নিত করিয়া

দেওয়া হইয়াছে, তাহার এক কোণে পেনিউ বলিয়া একটি ক্ষুদ্র দ্বীপ বিস্তারিত। সেটা না কি সামরিক হিসাবে বড় গুরু। এখন হইতে ফিলিপাইন নিকট, শিলাপুরও দূরে নহে। আবার বলা হইতেছে, জাপান এখানে দুর্গ নিশ্চয় করে নাই সত্য, কিন্তু এখানে দুর্গ নিশ্চয় করিবার কোন প্রয়োজনই হয় না। এখানে অনেক দ্বীপকে প্রকৃতি দুর্ভেদ্য দুর্গ করিয়া নিশ্চয় করিয়াছেন। এ কথা সত্য কি না, তাহা আমরা বুঝি না, জানিও না। তবে যখন এই দ্বীপপুঞ্জ জাপানের হাতে সমর্পণ করা হইয়াছিল, তখন তাহা দেখা উচিত ছিল। যাহা হউক, এখন এই ব্যাপার লইয়া বেরূপ বব তোলা হইতেছে, তাহাতে মনে হইতেছে, এদিকেও একটা ঝটিকা-

কেন্দ্র উদ্ভব হইবার শঙ্কা জাগিতেছে। এখানকার কতগুলি দ্বীপ না কি যুদ্ধ-জাহাজ, দুর্গ-জাহাজ, বণ-বিমান প্রভৃতির স্বাভাবিক আড্ডা হইতে পারে। টুক (truk) নামক একটি ক্ষুদ্র দ্বীপ নৌবাহিনীর স্কন্দর আড্ডা হইতে পারে। এ সকল কথা এখন উঠিতেছে, পূর্বে উঠে নাই। এখন দেখা যাইতেছে যে, বিগত মহাযুদ্ধের পর জর্নৈক গ্রহাচাষ্য গণনা করিয়া বলিয়াছিলেন যে, ইহার পর প্রশান্ত মহাসাগরের বক্ষে একটা বড় রকম যুদ্ধ হইবে, তাহা সম্পূর্ণ নিশ্চয় না হইতেও পারে।

### ইঙ্গ-মিশরীয় মিতালি

ইটালী কর্তৃক আবিষ্কৃত্য অধিকারের পর যুরোপের এবং আফ্রিকার রাজনীতিক অবস্থার একটা নূতন পরিস্থিত উপস্থিত হইয়াছে।

ব্যাপারটা সকলে ঠিক বুঝিয়াই উঠিতে পারিতেছেন না। কারণ, ঘটনাচক্র এত দ্রুত আবর্তিত হইতেছে যে, কে কোথায় কি ভাবে বাইরা দাঁড়াইবে, তাহা এখনও ঠিক বুঝিবার সময় হয় নাই। ইটালী আবিষ্কৃত্য দখল করিয়া লইয়াছে। টানা হুদ এবং তাহার পার্শ্ববর্তী স্থানগুলি ইটালীর দখলেই আসিয়াছে। টানা হুদ নীল নদের প্রাণ, সুরতরং সুরদান এবং মিশরের জীবন। উহা এখন বাইরা পড়িয়াছে ইটালীর হাতে। ইটালী এখন বলদপে দপী। কিন্তু তাহার অর্থবল অধিক নহে। সে এখন বিত্তশালী বুটেনের সহিত বল পরীক্ষা করিবার ক্ষমতা পায় নাই। যাহা হউক, ইটালী বৃটিশ কেশরীকে আশ্বাস দিয়াছেন যে, তাঁহারা কোন দিকে কোনখানেই বৃটিশ স্বার্থের হানি করিবেন না। কিন্তু যুরোপীয় ডিপ্লোমাসীর বেরূপ গতি, তাহাতে শেষ পর্যন্ত বিভিন্ন জাতির স্বার্থসংঘর্ষে পরিণাম কি দাঁড়াইবে, তাহা বুঝিবার উপায় নাই। অতএব বৃটিশ কেশরীকেও পূর্বে হইতে সাবধান হইতে হয়। সেই জন্ত বৃটিশরাজ মিশরের ওয়ার্কদল বা জাতীয় দলকে তুষ্ট করিবার



মিষ্টার এম্বনী ইডেন



লর্ড হ্যালিফাক্স

জন্ত এই মৈত্রী-বন্ধনের ব্যবস্থা করিয়াছেন, এখন অনেকেই এই বিশ্বাস জাগিতেছে। এই মৈত্রী-বন্ধনে বৃটিশ জাতি তাঁহাদের আন্তর্জাতিক স্বার্থ বজায় রাখিয়া মিশরকে অনেকটা স্বাধীনতা দিয়াছেন। লগনের পবরাষ্ট্র বিভাগের কাব্যালরের লোকার্ণো প্রাসাদকে এই নূতন ইঙ্গ-মিশরীয় সন্ধি স্বাক্ষরিত হইয়া গিয়াছে। বৃটিশ সরকারের পক্ষ হইতে স্বাক্ষর করিয়াছেন—মিষ্টার এম্বনী ইডেন, লর্ড হ্যালিফাক্স, সার জন সাইমন, মিষ্টার ব্যামজে ম্যাকডোনাল্ড এবং সার মাইলস্ ল্যাম্পসন; আর মিশরের পক্ষে স্বাক্ষর করিয়াছেন, মিশরের প্রধান মন্ত্রী নাহাস্ পাশা; এবং মিশরের তের জন প্রতিনিধি। এই ব্যাপারে মিশরের রাজনীতিক ভাগ্যের অনেকটা পরিবর্তন ঘটিল। সার এম্বনী ইডেন এই উপলক্ষে যে বক্তৃতা করিয়াছেন, তাহাতে তিনি বলিয়াছেন যে, গত ১৬ বৎসর ধরিয়া মিশরে যে সমস্ত প্রকট হইয়া রহিয়াছে, এইবার তাহার



সমাধান হইবে। এই সিদ্ধির মূলে রহিয়াছে যে বৃটিশ এবং মিশরের স্বার্থ অভিন্ন এবং অচ্ছেদ্য। নাহাস পাশার নেতৃত্বে মিশরের প্রতি-নিধিরা যে মিত্রভাবের পরিচয় দিয়াছেন, তাহার ফলেই এই সন্ধি-পত্র স্বাক্ষর করা হইল। এই সন্ধি উভয় দেশেই নবযুগের প্রবর্তন করিয়া দিবে এবং এই সন্ধির সর্বশক্তি উভয় জাতির সম্পর্ক অত্যন্ত ঘনিষ্ঠ করিয়া তুলিবে। যে সুদীর্ঘকাল ধরিয়া মিশরের সহিত ইংরেজ জাতির সম্পর্ক স্থাপিত হইয়াছে, তাহাতে ইংরেজ জাতি মিশরকে অনেক সম্পদ দান করিয়াছেন। সে স্বল্প ইংবেজ জাতি আজ প্লাবী অমুভব করিতেছেন।

সন্ধির যে সর্ব হইয়াছে, তাহাতে মিশরবাসীরা যে অনেকটা স্বাধীনতা পাইয়াছে, তাহাতে সন্দেহ নাই। ইংরেজ অথবা তাহাদের পাঁচ ছাড়েন নাই। এদিকে ইংরেজের প্রধান স্বার্থ সুরেজ খাল। এই



নার জন সাইমন




নার মাইলস্ ল্যাম্পসন



নাহাস্ পাশা

সুরেজ খাল স্বার্থ ইংরেজ এখন কায়রো ছাড়িয়া তাঁহাদের সেনাবাহিনী ইয়েলিয়ায় লইয়া যাইবেন। তথায় তাঁহারা দুই বৃগেড সৈন্য রাখিবেন। এই পরিমাণ সৈন্যই ইদানীং তথায় রাখিত হইয়া আসিতেছে। ইংরেজ ইদানীং আলেকজান্দ্রিয়াতে যুদ্ধের সময় বা



মিটার ম্যাকডোনাল্ড

যুদ্ধের শঙ্কা ঘটিলে তাঁহাদের রণতরী রাখিতে পারিবেন। হুর্গাদি সুদূর করিবার জন্য যে অর্থ ব্যয় হইবে, তাহার আংশিক খেটবুটেন লইবেন। ১৯৩০ খৃষ্টাব্দের সন্ধির সর্ব অমুসারে রণ-বিমান চলাচলের যে বাধাবাধি নিয়ম ছিল, তাহা তুলিয়া দেওয়া হইল। এখন মিশরের আকাশের যে কোন স্থানে বৃটিশ রণবিমান উড়িবে এবং যে কোন বিমানাশ্রয়ে উহা নামিবে—তথায় আশ্রয় লইয়া থাকিতে পারিবে। ইংরেজ আপাততঃ আলেকজান্দ্রিয়ায় এবং তাহার সম্মিলিত জনপদ ও ভূভাগ অধিকার করিয়া থাকিতে পারিবেন। ষত্ দিন ইয়েলিয়ায় গোরাবারিক প্রভৃতি নির্মিত না হইতেছে, তত দিন গোরা সৈন্য কতক আলেকজান্দ্রিয়ায় থাকিতে পারিবে। এত দিন যে অশ্বারোহী সৈন্যদল মিশরে ছিল, তাহা

তথা হইতে সম্ভবতঃ সরাসিয়া লইয়া যাইয়া দক্ষিণ-প্যালেষ্টাইনে, সুদানে, সাইপ্রাসে এবং জিব্রাল্টারে রাখিত হইবে। ফলে সুরেজ খাল রক্ষার সমস্ত ভারই ইংরেজদিগের হস্তে থাকিবে বটে, কিন্তু মিশরও সে বিষয়ে ইংরেজের সহায়তা করিবেন। মিশরীয় সৈন্যদল একটি ইংবেজ সামরিক মিশনের দ্বারা গঠিত এবং পরিচালিত হইবে। সুদানের ব্যাপারেও মিশরের কিছু হাত থাকিবে। মিশর অতঃপব স্বাধীন রাজ্য বলিয়াই বিঘোষিত হইল। মিশর রক্ষার ভাব প্রধানতঃ মিশরের অধিবাসীরাই পাইলেন। মিশরে যে সকল যুরোপীয় বসবাস করিতে-ছেন, তাঁহাদের বিচারভাব আর যুরোপীয় বিচারকদিগের হাতে থাকিবে না। মিশরপ্রবাসী যুরোপীয়-গণস্বৈচ্ছায় তাঁহাদের অধিকার ত্যাগ করিতে সম্মত কি না, তাহা বিদেশী একটি কমিশনের দ্বারা সিদ্ধান্ত হইবে। যদি তাঁহারা স্বৈচ্ছায় সে অধিকার ত্যাগ করিতে সম্মত না হন, তাহা হইলে মিশরের কর্তৃপক্ষ এক বৎসরের নোটিশ দিয়া তাঁহাদের সে অধিকার বিলুপ্ত করিয়া দিতে পারিবেন। মিশরের রাজ্য এখন স্বাধীন দেশের রাজ্য হইলেন, সেই জন্য তিনি 'হিজ ম্যাজেস্টি' নামে অভিহিত ও সম্মানিত হইবেন।

ফলে মিশর এখন কার্যতঃ স্বাধীন হইল। উহার সৈন্যবিভাগ এখন ইংরেজ কর্তৃক নিয়ন্ত্রিত হইবে

সত্য, কিন্তু তাহাতে উহা লাভ হইবে। কারণ, তাহা হইলে মিশরীয় সৈন্য যে রণকুশল হইবে, সে বিষয়ে সন্দেহ নাই।



স্পেনে গৃহযুদ্ধ

৬০০ বাধিয়া উঠিয়াছে। প্রথমে শুনা গিয়াছিল যে, স্পেনের এই হান্ধামাটা সৈনিকদিগের বিদ্রোহমাত্র, কিন্তু এখন যেরূপ সংবাদ পাওয়া যাইতেছে, তাহাতে বেশ বুঝা যাইতেছে, ইহা বিদ্রোহ নহে, ইহা একটা প্রবল গৃহযুদ্ধ। অর্থাৎ স্পেনের অধিবাসীরা এখন পরস্পর দুই ভাগে বিভক্ত হইয়াছে, এবং তাহারা তাহাদের দেশে কি প্রকার শাসনব্যবস্থা প্রতিষ্ঠিত করিবে, তাহা লইয়া পরস্পর পরস্পরের সহিত বল পরীক্ষা করিতেছে। স্পেনের সরকারী দল

Government are valuable only where they are products of national character, No cunningly devised political arrangements will of themselves do anything. ইহার মর্মার্থ এই যে, "যদি শাসনব্যবস্থার আকার জাতীয় চরিত্রের ফলস্বরূপ হয়, তাহা হইলেই তাহার মূল্য থাকে। নতুবা যতই চতুরতার সহিত রাজনীতিক বন্দোবস্ত কর না কেন, তাহাতে কিছুই হইবে না।" তিনি এখানেই বলিয়াছেন যে, ফ্রান্সের নতুন গণতন্ত্রবাদ পুরাতন শৈব শাসনের ভিন্ন মূর্তি মাত্র। ( New Democracy is but old Despotism differently spelt )



ম্যাড্রোবোকা ফ্যামিষ্ট বিদ্রোহীদের শক্তিকেন্দ্র

কমিউনিষ্ট বা সর্বস্বত্ববাদী ; বর্তমান যুগে গণতন্ত্রের যেরূপ প্রভাব, তাহাতে সর্বস্বত্ববাদীদিগের সহিত বাহিরের অনেকেরই বিশেষ সহানুভূতি বিজ্ঞান। কিন্তু যুরোপে যেন একটা প্রতিকূল হাওয়া বহিয়া যাইতেছে। কতকগুলি লোক এবং দেশ এখন গণতন্ত্র পরিহার করিয়া শৈবতন্ত্রের প্রতিষ্ঠা করাষ্ট শ্রেয় বলিয়া মনে করিতেছেন। ইটালীতে এবং জার্মানীতে এখন শৈবতন্ত্র প্রতিষ্ঠিত হইয়াছে, এবং আরও কয়েকটি দেশে শৈবতন্ত্র প্রতিষ্ঠার পক্ষপাতী লোক দেখা দিতেছে। তাহার কারণ, এই গণ-শাসনে শৈব-শাসনের ন্যায় অত্যাচার হয় না, এ ধারণা ভুল। বরং শৈব-শাসনের অত্যাচার অপেক্ষা গণ-শাসনের অত্যাচার অধিক হইয়া থাকে। হার্সার্ট স্পেনার মর্মার্থই বলিয়াছেন যে—Norms of

সেই জগৎ অনেকে গণতন্ত্র ততটা ভালবাসেন না। সেই জগৎ তথায় উহার প্রতিক্রিয়া আবৃত্ত হইয়াছে। স্পেনে সমাজতন্ত্রী দল কিছুকাল শাসনব্যবস্থা পরিচালিত করিয়াছিলেন, তাহাদের অবিস্মৃ-কারিতার ফলে এই গৃহযুদ্ধ বাধিয়াছে কি না, তাহা এখন বলা কঠিন। কিন্তু কেবল সৈনিকরাই এই যুদ্ধ বাধাইয়াছে বলিলে ব্যাপারটার স্বরূপ বলা হয় না। কারণ, এখন দেখা যাইতেছে, কেবল সৈনিকরা বিদ্রোহী হইলে এমন ব্যাপকভাবে সেই বিদ্রোহ গৃহযুদ্ধে পরিণত হইতে পারিত না। এ কথা অবশ্যই স্বীকার করিতে হইবে যে, ঐ হান্ধামার সংবাদ ঠিকমত পাওয়া যাইতেছে না। বাহা পাওয়া যাইতেছে, তাহা অত্যন্ত অসম্বন্ধ, বিক্ষিপ্ত এবং পরস্পর-বিবোধী। উহা হইতে প্রকৃত অবস্থা বুঝা অসম্ভব। তবে



স্পেন বিদ্রোহে বোমা-বর্ষণে বিধ্বস্ত টলেতো সহরের একটি দৃশ্য



বে-সামরিক স্বেচ্ছা-সৈনিকরা সরকার পক্ষে যুদ্ধ করিবার জগ্ন বাসিলোনা হইতে ট্রেনে  
সারাগোসায় যাইতেছে

কোন পক্ষের অস্ত্রাদির অভাবের লক্ষণ দেখা দেয় নাই। যুদ্ধ চলিতেছে। প্রত্যেক পক্ষই জয়লাভ করিতেছে বলিয়া ঘোষণা করিতেছে। আমরা নিম্নে যুদ্ধের মোটামুটি সংবাদ সঙ্ক্ষেপে প্রদান করিলাম।

পূর্বে সামান্য বিদ্রোহীদের সহিত স্পেনের সরকার যুদ্ধকার্যে ব্যাপৃত আছেন বলিয়া যে সংবাদ পাওয়া গিয়াছিল, জুলাই মাসের একেবারে শেষভাগে সংবাদ পাওয়া যায় যে, সেই বিদ্রোহীরা খুব বীরত্বের সহিত যুদ্ধ করিতেছে; কিন্তু কোন পক্ষই বিশেষভাবে জয়লাভ করিতে পারিতেছে না। মাদ্রিদ, বাসিলোনা এবং অনেক বড় বড় সহরের ভাগ্য কি হয় বলা যায় না। তাহার কয়েক দিন পরে আগষ্ট মাসের প্রথম সপ্তাহেই সংবাদ আসিয়াছিল যে, উভয় পক্ষই প্রচণ্ডবিক্রমে লড়াই

এইটুকু সত্য যে, বিনোদীরা আর কোন পক্ষেই অস্ত্রাদি দিয়া সাহায্য করিবেন না বলিয়া প্রতিশ্রুতি দিয়াছেন। কিন্তু এখনও ত

করিতেছে। মাদ্রিদের উত্তরে গুয়াগুয়ামা পাহাড়-অঞ্চলে উভয় পক্ষের ভূমূল সংগ্রাম চলিতেছে।

বিপ্লবী সৈন্যরা মাদ্রিদ অভিমুখে অগ্রসর হইবার সঙ্কল্প করিয়াছে। এই সময় স্পেনের সরকারী সৈন্যদল উত্তর অঞ্চলে জয়লাভ করিয়াছিল বলিয়া প্রকাশ করা হয়, কিন্তু সঙ্গে সঙ্গে সংবাদ পাওয়া যায়, কামেরেজ এবং সিউদাজের মধ্যবর্তী অঞ্চলে এক প্রচণ্ড সংগ্রাম হইয়া গিয়াছে; সেই যুদ্ধে সরকারী সৈন্যদল পরাজিত হইয়াছে। এই সময়ে বাসিলোনা হইতে সংবাদ পাওয়া যায় যে, এক দল ফরাসি সৈন্য ( উহারা অবশ্য ফ্রান্সের সরকারী সৈন্য নহে ) স্পেনের সরকারী লালপ-টনে যোগ দিবার জন্ত বাসিলোনায় উপস্থিত হইয়াছে। ঐ সময়ে আর বড় বিশেষ উল্লেখযোগ্য সংবাদ পাওয়া যায় নাই। কেবল ভানেলিয়া হইতে এক দল শক্তিশালী সৈন্য গুয়াণ্ডারামা অভিমুখে অগ্রসর হইতেছিল বলিয়া খবর আসে। এই সময়ে ফার্স্ট দল খবর দেয় যে, তাহারা বাডালোজ অভিমুখে অনেকটা অগ্রসর হইয়াছে। আবার সরকার পক্ষ বলে যে, তাহারা গুইসারজন ধ্বংস করিয়া সানসাবষ্টিয়ান হইতে বিদ্রোহীদের সাগব-পথ বন্ধিয়া পলাইবার পথ বন্ধ করিয়া দিয়াছে।

ইহার পরবর্তী সংবাদে প্রকাশ পায় যে, বিদ্রোহীরা মাদ্রিদ সহর অধিকার করিবার জন্ত অগ্রসর হইতেছে, সরকারী সৈন্যদল উহাদের গতিবোধ করিতে পারিতেছে না। কয়েক দিন বর উঠিয়াছিল, মাদ্রিদ বৃষ্টি শককবতলগত হয়। এই সময়ে অর্থাৎ আগষ্ট মাসের মধ্যভাগে এই প্রকার সংবাদ পাওয়া যায়। কিন্তু এ

পর্যন্ত বিদ্রোহীরা মাদ্রিদ দখল করিতে সমর্থ হয় নাই। ইহার পরই সংবাদ পাওয়া গিয়াছিল যে, বিদ্রোহীরা গুয়াদালামার পরিখা প্রভৃতি খনন করিয়া আপনাদের স্থান সুদৃঢ় করিয়া লইয়াছে। অস্ত্রশস্ত্রের প্রধান কারখানাগুলি বিদ্রোহীদের কর্তৃত্বাধীনে রহিয়াছে। পরে সংবাদ পাওয়া যায় যে, যে কোন মুহূর্তে মাদ্রিদেব সহিত ভানেলিয়ার যোগসূত্র ছিন্ন হইতে পারে। ইহার পর সংবাদ আসে যে, বিদ্রোহীরা অনেক দিন যুদ্ধ করিয়া বাডালোজ অধিকৃত করিয়া লইয়াছে। সানসাবষ্টিয়ান অধিকারের জন্ত বিদ্রোহীরা বিশেষভাবে চেষ্টা করিতেছে। এইরূপ নানা সংবাদই পাওয়া যাইতেছে। যুদ্ধের সংবাদ পূর্ববৎই। তবে কোন পক্ষই যে বিশেষ জয়লাভ করিতে পারিতেছে, তাহা মনে হয় না। এমনও সংবাদ পাওয়া যাইতেছে যে, স্পেনের উত্তর-পূর্ব সীমান্তস্থিত ইরুন ( Irún ) নামক স্থানে এবং মাদ্রিদেব উপর বিদ্রোহীরা ভীমতন্ত্রে বোমা বর্ষণ করিতেছিল, তাহারা বুদ্ধিগত পরীক্ষার এক বিশেষ সুবিধাজনক স্থান অধিকার করিয়া লইয়াছে। ফলে যুদ্ধেব অবস্থা যথাপূর্ব তথা পরম। উভয় পক্ষই তুল্য বলশালী মনে হইতেছে। এ দিকে কিছুদিনের জন্ত যুদ্ধ স্থগিত রাখিবার কথা চলিতেছে। একটি সংবাদে প্রকাশ-- মাদ্রিদেব অবস্থা বড়ই সঙ্কটাপন্ন। তথায় যেন কোনরূপ শাসন নাই। শ্রমিক এবং আইবিয়ান বিপ্লবপন্থীরা তথায় সর্ব্বেসর্ব্বা হইয়া দাঁড়াইতেছে। একটি মিটমাটের বৈঠকে সেনাপতি মোলা উপস্থিত ছিলেন।

## মনোময়ী

হে রুদ্রাণি, মোর চিতে নাহি জাগে ভয়  
তোমার কটাক্ষপাতে। শুধু মনে হয়,—  
আমার হারানো-স্মরে গাঁথিয়া কবিতা  
এসেছ দিনের শেষে তুমি দীপাধিতা  
করিতে গোরব দান।

বাঞ্চিতছে কাণে,—

‘যে বাণী তোমার নয়, তারে কোনোখানে  
না করে প্রকাশ যেন আপন বলিয়া  
তীনতার অন্তরালে নিঃস্বরে চলিয়া।’  
সে-কথা ভুলিনি কড়, জেগে আছে মনে  
তোমার প্রহরী হয়ে সতর্ক-নয়নে।  
যে-গান আজিকে তাই গাহিব উল্লাসে  
সুদূর পল্লীর এক অখ্যাত-আবাসে,—  
ধরণীর ধারাপাতে মেলি শব্দদল,  
করে যেন পণিকের স্বপন সফল।

শ্রীপ্রমথনাথ কুঞ্জার।



## জলধর-স্মৃতি-সম্বন্ধনা

### তৃতীয় প্রস্তাব



‘মাসিক বসুমতীর’ আশাট ও শ্রাবণ সংখ্যায় রায় জলধর সেন বাহাদুরের স্মৃতি-তর্পণ-মহাভারতের আদি-সভা বন-বিরাট পর্বের মহিমা-বিপ্লবণ পাঠ করিয়া, কোন কোন সুপ্রসিদ্ধ সাহিত্যিক অমুযোগ বা অনুরোধ জানাইয়াছেন যে, তাঁহাদের সাক্ষরজনীন “দাদা” জলধরবাবু বৃদ্ধ হইয়াছেন—তিনি শেষ জীবনে যে পাথের সঞ্চয় করিতেছেন, তাহাতে বাধা দেওয়া সমীচীন নহে। রায় বাহাদুর নিজেও প্রতিবাদ-সূচনায় লিখিয়াছেন,—

“বয়স আমার আশীর কোঠায় গাড়িয়ে আসছে। জীবন প্রদীপ স্তিমিতপ্রায়। এ সময়ে একপ অকারণ বাদ-প্রান্তবাদে লিপ্ত হবার মত উৎসাহ বা প্রবৃত্তি কোনটাই আমার নেই।”

(‘মাসিক বসুমতী’, ১৩৪৩ শ্রাবণ, ১০০ পৃষ্ঠা)

কিন্তু বৃদ্ধত্বের দাবী কাহাকেও অনর্গল মিথ্যা কথা লিখিবার নিরঙ্কুশ অধিকার প্রদান করে বলিয়া আমাদের জানা নাই। বোধ হয়, সাহিত্য-সুরসিক—সুদীর্ঘনসমাজও এ বিষয়ে আমার সহিত একমত হইয়া, ‘বৃদ্ধত্ব বচনং গ্রাহ্যম্’ নীতির অনুসরণে জলধরবাবুর মিথ্যার প্রবলনারা বর্ষণে বিলাস্তু হইবেন না।

আর অন্তের কুহকজাগ বিস্তারের সময় ত’ জলধরবাবুর উৎসাহের অস্ত ছিল না। এখন সত্যের দিব্যপ্রভায় সে মায়া-প্রহেলিকা অপসারিত হইতে দেখিয়াই কি রায় বাহাদুরের উৎসাহের সঙ্গে সঙ্গে প্রবৃত্তিও অস্থিত হইল?

জলধরবাবু “স্মৃতি তর্পণ সম্বন্ধে দু’একটি কথায়” আমার “জন্ম একান্ত অমুকম্পাবোধ” করিয়া লিখিয়াছেন—

“আমার স্মৃতিতর্পণে বহু স্থলে বার বার আমি একথা বলেছি যে অক্ষয়তাদীর ও অধিককাল পরে ‘স্মৃতিতর্পণ’ লিখিতে বসে আমি কোন ঘটনারই সন তারিখ সঠিক বলতে পারবো না। ...মাঝে মাঝে দু’একটা বিষয়ে পারিপার্শ্বিক ঘটনা আলোচনা করে কোন কোন প্রসঙ্গের একটা সময় নির্ণয়ের চেষ্টা করেছি বটে, কিন্তু সেটা বখন নিতান্তই আন্দাজি তখন ভ্রম প্রমাদপূর্ণ হওয়া কিছুমাত্র বিচিত্র নহে। ...কিন্তু এ সব কথা স্পষ্ট কবুল থাকা সত্ত্বেও দীনেজবাবু দেখছি এই অশীতিপর বৃদ্ধের কীর্ণস্মৃতি প্রসূত দুর্বল সন তারিখ গুলোকেই আঁকড়ে ধরে অকারণ অনেকখানি উৎসাহ ও সময় নষ্ট করেছেন।”

(‘মাসিক বসুমতী’ ১৩৪৩ শ্রাবণ, ৭২০ পৃষ্ঠা)

অথচ জলধরবাবু ১৩৪০ সালের আশ্বিন-সংখ্যা ‘মাসিক বসুমতীতে’—সুবিনয়ে অঙ্কার প্রকাশ করিয়াছেন, “এই বৃদ্ধ বয়স পর্য্যন্ত উচ্চ গণিতের চর্চা ক’রে আনন্দ পাই।”

তাঁহার এই সদম্ম স্বীকার-উক্তি পড়িয়া, তিনি নিজে যে শট্কে গণিতে হাঁপাইয়া উঠেন, এমন অনুমান করা যায় কি? যিনি অক্ষয়-বিশারদ—সাইমাল্টেনিয়াম্ ইকোসেন প্রভাবে অনারাসে দু’তিনটি সংখ্যা নির্ণয়ে সমর্থ, তিনি দুইটি ঘটনার সন তারিখ মিলাইয়া কতটা পার্ক্য তাহা নিরিখ করিতে পারেন না—সম্ভব অসম্ভব বুলিয়া উঠিতে পারেন না, ইহা বিশ্বাস করিতে বলিতেও তিনি লজ্জিত হন নাই! অবশ্য জলধরবাবু সেমন হলাফ করিয়া বলিয়াছেন যে, চোদ্দ গণিয়া কোন দিন দু’লাইন পণ্ডও তিনি লিখিতে পারেন নাই, তেমনই যদি স্বীকার পাইতেন যে, শট্কে নাম শুনিলেই তিনি সট্কাইয়া পড়েন, তাহা হইলে আর কোন বালাই থাকিত না।

কিন্তু জলধরবাবু যে, রীতিমত ডায়েরী রাখিয়া হিমালয় পরিভ্রমণ করিয়াছেন—তাহা ত’ কোন মতেই তাঁহার স্বীকার করিবার উপায় নাই। তাঁহার স্বনামে প্রচারিত ‘হিমালয়’, ‘হিমাঙ্গি’ ‘পথিক’ পুস্তক-সূচনায় খৃষ্টাব্দ মুদ্রিত—প্রতি পৃষ্ঠায় তারিখ ও বার সন্নিবেশিত। হিমালয়-ভ্রমণ সময়ে কাঙ্গাল হীরনাথের গানের বহির সহিত বাঁধান সাদা কাগজে তিনি যে ডায়েরী লিখিয়াছিলেন, তাঁহার সেই তারিখযুক্ত দিনলিপি সংক্ষেপে দিকনির্ঘনমাত্র অবলম্বন করিয়াই ত’ উক্ত ভ্রমণ-কাহিনীত্রয় কল্পনার বর্ণচ্ছটায় সুরঞ্জিত করিয়া বিবচিত—মুদ্রিত—প্রকাশিত হইয়াছে। রায় বাহাদুর ১৩৪০ সালের আশ্বিন-সংখ্যা ‘মাসিক বসুমতীতে’—১৩২৩ সালের বৈশাখ-সংখ্যা ‘ভারতীতে’—‘হিমালয়’ পুস্তকের ৩য় পৃষ্ঠায়—‘হিমাঙ্গির’ (জলধর গ্রন্থাবলী ১ম খণ্ডের) ২য় পৃষ্ঠায়—‘পথিক’ পুস্তকের ১০ম পৃষ্ঠায় নিজেই ইহা স্বীকার করিয়াছেন। সেই ডায়েরীখানি আজও ত’



জলধরবাবুর সঙ্গে সখী। তাঁহার স্বনামে প্রচারিত 'পথিক' পুস্তকের 'যাত্রা, আরম্ভে' প্রকাশ—

“এই অদৃশ্য প্রায় হস্তলিপি হিমালয়ের সেই সুন্দর মনোমোহন ছবি নয়ন সম্মুখে অতুল শোভার ভাণ্ডার উন্মুক্ত করিয়া দেয়। এখনও এই শস্ত-শ্যামলা জন্মভূমির একপ্রান্তে বসিয়া যখনই আমার সেই জীব পাখানি খুলিয়া বসি, তখনই তাহার প্রত্যেক অক্ষর আমার মানস নয়নে হিমালয়ের পবিত্র দৃশ্য প্রসারিত করিয়া দেয়;..... এই ক্ষুদ্র খাতার মধ্যে আমার জীবনের কত সুখ দুঃখ, কত বিরহ কাতরতা, কত বেদনা বিষাদের সুদীর্ঘ কাহিনী অক্ষয় অলিখিত ভাষায় লিপিবদ্ধ রহিয়াছে। বিশালদেহ, উন্নতশীর্ষ বৃক্ষমূলে কত বিনীত বজ্রনী যাপনের মৌন ইতিহাস ইহার পৃষ্ঠায়-পৃষ্ঠায় অঙ্কিত।”

তবে রীতিমত সন তারিখবৃত্ত দিনলিপি রাখিয়া— পরে অণ্ডের “সৌভাগ্যমূল্য উচ্ছ্বাসে” সুসজ্জিত করাইয়া— প্রতি পৃষ্ঠায় তারিখ বারের বাহার দিয়া, যিনি তিনখানি ভ্রমণকাহিনী ছাপাইয়াছেন—সেই “অনীতিপর বৃদ্ধের ক্ষীণস্মৃতি প্রসূত দুর্কল সন তারিখ গুলোর” স্মৃতি বিচ্যুত হইবার অবকাশ কোথায়? জলধরবাবু “মাঝে মাঝে হুঁ একটা বিষয়ে পারিপার্শ্বিক ঘটনার আলোচনা করে কোন কোন প্রসঙ্গের একটা সময় নির্ণয়ের” মে চেষ্টা করিয়াছেন তাহার অনুসরণ করিয়া, অর্ধশতাব্দী পূর্বে— পরিণত সৌভাগ্যে যখন তাঁহার স্মৃতি-দৌর্ভাগ্যের কোন সম্ভাবনা হয় নাই—তখন তিনি হিমালয়-ভ্রমণের ডায়েরীতে যে সকল সন তারিখের নজীর মুদ্রিত করাইয়াছেন, তাহারই অনুশীলনে কি তাঁহার স্মৃতিতর্পণের মাহাত্ম্য বিশ্লেষণ করি নাই? আর মিথ্যা কথা চালাইয়া ধরা পড়িবার আশঙ্কায় সন তারিখ ভুলিয়া যাইবার অভ্যাস ত' জলধরবাবুর নতুন নহে—চিরাচরিত। চল্লিশ বৎসর পূর্ক হইতে—যখন তাঁহার বয়স “আলীর কোঠায় গড়িয়ে” আসে নাই, তখন হইতেই ত' তিনি এ কসরতি দেখাইতেছেন।

“শুক্লাব” — একখানি অতি ক্ষুদ্র খাতায় এ পথের সংক্ষিপ্ত বিবরণ লিপিবদ্ধ করিয়া রাখিয়াছিলাম। যখন খাতাখানিতে পেন্সিল দিয়া লিপি, তখন হয় ত মনে করিয়াছিলাম, ‘শুক্লাব’ লিখিয়া রাখিলেই মাস বৎসর তারিখ সমস্ত স্মরণ হইবে; এখন দেখিতেছি তাহার কিছুই মনে নাই।

(‘পথিক’ ৩য় সং, ১০ পৃষ্ঠা)

কিন্তু এ বার যে সীমাবদ্ধ গণীর ভিতর তিনি আত্ম-প্রশংসার উল্লাসে প্রমত্ত হইয়া নৃত্য করিতেছেন, তাহাতে

যে সে মামলী কৌশল প্রয়োগের সুযোগ নাই, তাহাও কি তাঁহার মত সুচতুর-চূড়ামণিকে স্মরণ করাইয়া দিতে হইবে?

আদালতে মিথ্যা সাক্ষ্য দিতে গিয়া জেরার দাপটে ধরা পড়িলে, শত মিথ্যা কথা বলিয়াও যেমন সে মিথ্যার সংশোধন করা যায় না—জলধর বাবুর সেইরূপ বে-সামর্থ্য অবস্থা কি না—তাঁহার “স্মৃতি তর্পণ সম্বন্ধে হুঁ একটা কথা” প্রতি কথার উত্তরে তাহাই পর পর দেখাইবার প্রয়াস পাইতেছি।

অর্ধ শতাব্দীর অধিককাল দীনতার অভিনয়ে সিদ্ধিলাভে দগ্ধ—সুদক্ষ অভিনেতা রায় বাহাদুর উচ্ছ্বসিত অশ্রু অদম্য আবেগ বোধ করিতে গিয়া, স্বরভঙ্গ-বিকম্পিত-কণ্ঠে প্রশ্ন করিয়াছেন,—

“এমন কি অনেক স্থলে আমি ঘটনার পারম্পর্ষ্য পর্য্যস্ত যথাযথভাবে রক্ষা করতে পারিনি।... সম্ভাবনের জন্মতারিখ যদি কোন পিতার স্মরণ না থাকে তাহলে পিতৃ পরিচয় থেকে তাঁকে কি বঞ্চিত হতে হবে? কোনটা আগে ঘটেছিল আর পরে ঘটেছিল কোনটা—এ যদি আমি গুছিয়ে বলতে না পেয়ে থাকি সে জন্ত কি ঘটনান্তলিও মিথ্যা হয়ে যাবে?”

এই সঙ্গে জলধর বাবু ত' অনায়াসেই তাঁহার পকেটস্থ অক্ষ-পাম্প টিপিয়া, চালি চাপলিনের মত চোখের জলের অজস্রধারায় বক্ষ ভাসাইয়া বলিতে পারিতেন;—“স্বামী বিবেকানন্দ! দ্বীকেশের গঙ্গাতীরের ক্ষুদ্র কুটীরে... সংজ্ঞা শূন্য”—এ উঃসংবাদ কে যেন বে-তার বার্তাবর্তে আমার শিরায় শিরায় বিদ্যৎ শক্তি সঞ্চালিত করেছিল—আমি পায়ে পাখা বেঁধে, দিক্‌বিদিক জ্ঞানহারা হ'য়ে হিমালয়ের জঙ্গলের কাঠকাটবার সঙ্কীর্ণ, বন্ধুর, ‘একপেয়ে’ পথ ধরে যেন বায়ুমার্গে উড়ে ছুটেছিলাম দ্বীকেশে;—গ্রীষ্মের “প্রায়াক্ককার গঙ্গার বালুকাময় চড়ায় সেই গাছের অনুসন্ধান করে সৌভাগ্যক্রমে অনতিদূরেই সেই গাছ পাই; তারি ২১শী পাতা এনে হাতে রগড়ে রস বের করে স্বামীজীর মুখে দেই—প্রায় আধঘণ্টা পরে স্বামীজী চৈতন্যলাভ করলেন”;—বৃদ্ধের দাবীতে ইহার গৌরব-গর্ভমাত্র আমার প্রাপ্য; কিন্তু সে জন্ত ঠিক সেই সময়ে স্বামী বিবেকানন্দ দ্বীকেশে অট্টোত্ত হ'তে যাবেন কেন?—আর মহাত্মা ভূদেব কুমারখালির বঙ্গবিদ্যালয়ে ছাত্রবৃত্তি প্রথম শ্রেণীতে, কাঙ্গাল হরিনাথের নির্দেশে, আমার কবিতা

আবৃত্তি শুনে কেঁদে আকুল হ'য়েছিলেন—অশ্রু-নির্দর্শন স্বরূপ 'স্পেক্টেটর' বইখানি উপহার দিয়ে এসেছিলেন—“বই আর নেই—জ্যেষ্ঠাইয়ার পুরাতন কাঠের সিন্দুকে পোকায় কেটে তাকে একেবারে শেষ করেছে; বইখানি থাকলে আজ আমি পরম গর্ভভরে আমার জীবনের সর্বশ্রেষ্ঠ পুরস্কার সকলকে দেখাতাম;”—কিন্তু সে জন্ত ভূদেবাবুকে পরিদর্শন-কেন্দ্রসীমা অতিক্রম ক'রে কুমারখালির বঙ্গবিদ্যালয়েই বা যেতে হবে কেন?

একটু বেশীমাত্রায় চোখের জল প্রবাহিত করিতে পারিলেই যখন সকল আপদের শান্তি হয়—সকল ভর্কের অবসান হয়—আর সেই অশ্রু-নির্ধরধারা যখন জলধর বাবুর চুরুটের ধোঁয়ার মত অফুরন্ত—মিথ্যা! কথার মত অজস্র—তখন তিনি এমন সঙ্কটকালে সেই চির-আজ্ঞাবহ অশ্রু-বগ্নাকে স্মরণ করিতে বিশ্বৃত হইলেন কেন?

“সন্তানের জন্ম তারিখ যদি কোন পিতার স্মরণ না থাকে তাহলে পিতৃ-পরিচয় থেকে তাঁকে বঞ্চিত হতে” হয় না সত্য,—কিন্তু জলধরবাবু অনেকগুলি সন্তানের পিতা বলিয়া, কোন্টির পর তাঁহার কোন্ পুত্রটি জন্মিয়াছেন, তাহাও কি তিনি বলিতে পারিবেন না? সত্য ঘটনা লিখিতে গিয়া কোন্ ঘটনার পর কোন্টি ঘটয়াছিল, তাহা বিশ্বৃত হওয়া সম্ভব হয় কি?

### বনপর্ব—হিমালয়ে—স্বামীজীর

#### জীবনদান পর্বোধ্যায়

সংসারের কর্ণকোলাহল হইতে বহুদূরে—তপস্শার নিভৃত নিকেতন আলমোড়া মায়াবতীর তপোবনে দ্বাদশবর্ষ-ব্যাপী একনিষ্ঠ সাধনায় আত্মনিবেদন করিয়া, ত্যাগ-বৈরাগ্যসম্পন্ন সন্ন্যাসিগণ, স্বামীজীর তপস্শাসন্থী—লীলা-সহচর—গুরুভ্রাতৃবৃন্দ—প্রাচ্য ও প্রতীচ্যের বিশিষ্ট ভক্তগণের নিকট হইতে তথ্য সংগ্রহ করিয়া, বিশ্ববরণ্য স্বামী বিবেকানন্দের যে প্রামাণ্য জীবনী সংকলন করিয়াছেন—সেই অতুলনীয়, অমূল্য মহাগ্রন্থ হইতে স্তরে স্তরে নিদর্শন উদ্ধৃত করিয়া যাহা সুপ্রমাণিত করিয়াছি—তাহা মিথ্যা প্রতিপন্ন করিবার চুরাশায় রায় বাহাদুর অসীম স্পর্ধা প্রকাশ করিয়া লিখিয়াছেন :—

“আমি শুধু দৃঢ়তার সঙ্গে এই একটি কথাই বলতে চাই যে আমার বর্ণিত ঘটনাগুলি, বিশেষতঃ পুস্ত্যাপাদ স্বামী বিবেকানন্দের সম্বন্ধে বর্ণিত ব্যাপার দিবালোকের জায় সম্পূর্ণ সত্য। উহার মধ্যে কোথাও বিন্দুমাত্র অতিরঞ্জন নাই।”

কিন্তু স্বামীজীর জীবনদানের গৌরবলাভের আশায় উদ্ভ্রান্ত জলধর বাবুর কল্পিত বিবরণ “দিবালোকের জায় সম্পূর্ণ সত্য”; না, তাঁহার মিথ্যার কুহেলিকা-বিস্তার সত্য-সূর্য্য সমুদয়ে মুহূর্ত্তে অপসারিত—তাহা আঘাট-সংখ্যা ‘মাসিক বসুমতীতে’ জলধর স্মৃতি-সম্বন্ধিনার প্রথম প্রস্তাবে বিশ্বৃত ভাবে সুপ্রমাণিত হইয়াছে—সেই জন্ত এ বার সংক্ষেপে নিবেদন করিতেছি। রায় বাহাদুর-কল্পিত মৃত-সঞ্জীবন গাছের ২৭টি পাতার রস খাওয়াইয়া স্বামীজীর চৈতন্য-সঞ্চারের কাহিনীটি এমনই নিদারুণ সত্য যে, প্রতিবাদে তিনি আর দ্বিতীয় বার কাহিনীটির উল্লেখ করিতে সাহস পান নাই—“স্বামী বিবেকানন্দ সম্বন্ধে বর্ণিত ব্যাপার” বলিয়াই সারিয়াছেন।

রায় বাহাদুরের শ্রীমুখনিঃসৃত কথা—অলৌকিক—অলৌকিক—অসম্ভব—কল্পনাভীত—ধারণাভীত হইতেই পারে না—তাঁহার শ্রীকথা অতুল্য—অমূল্য—বেদবাক্যেও উপমার যোগ্য কি না সন্দেহ—তাহাতে কোনরূপ প্রমাণ প্রয়োগের বালাই থাকিতেই পারে না। আর ‘অতিরঞ্জে’—রায় বাহাদুর আকাশ-কুমুমের বর্ণভাতি ব্যতীত অন্য কোন রং যে ‘বিন্দুমাত্র’ ব্যবহার করেন নাই, আশা করি, তাহা সকলেই স্বীকার করিতে পারিবেন।

অলৌকিক স্মৃতির অনুভূতি-প্রভাবে স্বামীজীর জীবন-সঙ্কট বুঝিয়া, জীবনদানের জন্ত ব্যাকুল জলধর বাবু ‘পায়ে পাখা বেঁধে’ কি ভাবে পুরাকালে প্রসিদ্ধ ‘টেস্টকেল দে কটক’ যাইবার মত সহজ সঙ্কীর্ণ পথে উড়িয়া, হিমালয় অতিক্রম করিয়াছিলেন দেখুন :—

“হৃষিকেশ ষাবার একটি প্রসস্ত পথ ছিল, যে পথে গাড়ী-ঘোড়া, লোক-জন ও মালপত্র যাতায়াত করত। এ ছাড়া জঙ্গলের ভিতর দিয়ে আর একটা ‘একপেয়ে’ সোজাপথ ছিল, কাঠুরিয়ারা জঙ্গলে কাঠ কাটবার জন্ত এই সঙ্কীর্ণ পথ ধরেই বনের মধ্যে যেত। সাহসী গ্রামবাসীরাও অনেকে প্রয়োজন হলে এ পথ ব্যবহার করত। আমি একাধিকবার এই পথ বেয়ে বেলা একটা দেড়টায় বেরিয়ে দেয়াছন থেকে হৃষিকেশে পৌঁছিতে সন্ধ্যার প্রাকালেই। এ পথ সুরু হয়েছে দেয়াছনের ‘দহিয়ালী’ বা ঐরূপ একটা ক্রি নামের গণ্ডগ্রাম থেকে। এ পথের দৈর্ঘ্য হবে

অনুমান ২৫:২৬ মাইল মাত্র! আমি সে বয়সে ষষ্ঠীর পাঁচ ছয় মাইল পথ অবলীলায় চলে যেতে পারতাম এটা কিছুমাত্র বাহাদুরীও নয়, কারণ, আমারই আনিত একাধিক সাধু প্রতি ষষ্ঠীর গড়ে এর চেয়েও দীর্ঘতর বন্ধু পথ অনায়াসে অতিক্রম করে যেতেন। দীনেত্র বাবুও এরূপ কাহিনী জানেন বলেই আমার বিশ্বাস।”

উঃ! কি হৃদ্যন্ত হৃৎসাহস! অতঃপর কোন্ ভরসায় বলিব, সে যুগে বাঙ্গালীর জীবনে adventure ছিল না! গাছের পাতার প্রাণদায়িনী সুধারসে মুমূর্ষু স্বামী বিবেকানন্দের জীবনদানের জন্ত জলধরবাবু উন্মত্ত আবেগে, পায়ের পাখা বাঁধিয়া, খাপদসঙ্কুল জঙ্গলাকীর্ণ বন্ধুর পার্কৃত্যপথে একাকী উড়িয়া চলিয়াছেন! ধৌবনকালে পৃথিবীর অধিতীয় মহাবীর নেপোলিয়ানের আল্পস্ উল্লঙ্ঘন—রুসিয়া-অভিযান কাহিনীর অনুবাদ করিয়াছিলাম—আর এই বৃদ্ধ বয়সে রায় বাহাদুরের হিমালয় অভিযানের অসম্ভব অসমসাহস দেখিবার সৌভাগ্যলাভে ধন্ত হইলাম। বিশেষতঃ নেপোলিয়ান সশস্ত্র—বীরেন্দ্রবন্দ-পরিবৃত—তেজস্বী অশ্বে আরোহী—আর আমাদের জলধরবাবু একাকী—পদচারী—গাঠিকমলমাত্র-সম্বল। কিন্তু তাঁহার হিমালয় ভ্রমণ-কাহিনীতে তিনি অল্প কোন বার একাকী অভিযান করিয়াছেন বলিয়া প্রমাণ পাই নাই। বিলাতী উপত্যাসের আজগুবি প্রহেলিকার কল্পনালীলা অপেক্ষা—এ বাস্তব কাহিনী কত বড় মিথ্যার হিমালয়—অসম সাহসের গৌরীশঙ্কর অভিযান!

জলধরবাবুর দৌড়বাজির বিক্রম আমি জানি বলিয়া অসঙ্কোচে নজীর দিয়াছেন। কিন্তু তিনি যে প্রতি “ষষ্ঠীর পাঁচ ছয় মাইল” বেগে জঙ্গলময় পার্কৃত্যপথে “অবলীলায় চলে যেতে পারতেন”, আমি বাঙ্গালার সমস্তল প্রদেশেও তাঁহার সঙ্গের সাপী হইয়া কোন দিন তাহা প্রত্যক্ষ করিবার সৌভাগ্য লাভ করি নাই।

ডেরাডুন হইতে হ্রদীকেশের দূরত্ব কমানইবার জন্ত গণিত-বিশারদ মাষ্টার মহাশয় লিখিয়াছেন ;—

“এ পথ স্ক্রু হয়েছে দেরাডুনের ‘দহিয়াল্লা’ বা ঐরূপ একটা কি নামের গণ্ডগ্রাম থেকে। এ পথের দৈর্ঘ্য হবে অনুমান ২৫:২৬ মাইল মাত্র।”

এই কোঁশলে জলধরবাবু ডেরাডুন হইতে ‘দহিয়াল্লা’ দূরত্বটা অনুগ্রহ করিয়া অসঙ্কোচে বাদ দিয়াছেন। কিন্তু Mr. H. G. Walton I. C. S. সঙ্কলিত ডেরাডুন জেলার সরকারী গেজেটিয়ারের ২২৫ পৃষ্ঠার প্রকাশ—

“Doiwala—a village...It has given its name to a station of the Dehra-Hardwar railway, about 12 miles from the former place.”

এই ১২ মাইল রাস্তা জলধর বাবুর বর্ণিত ‘২৫:২৬ মাইল মাত্রের’ সহিত যোগ করিলে কত মাইল হয়?

সরকারী গেজেটিয়ারের পরিশিষ্টে ডেরাডুন হইতে হ্রদীকেশের রাস্তার দূরত্বের যে ৬ষ্ঠ শ্রেণীর গমনযোগ্য পার্কৃত্য পথের—“6th class road, cleared only”—তালিকা প্রকাশিত হইয়াছে, তাহাতে দেখা যায়—  
ডেরাডুন হইতে ভোগপুর— ১৫ মাইল  
ভোগপুর হইতে রানীপুকরী— ৮ মাইল  
রানীপুকরী হইতে হ্রদীকেশ— ১০ মাইল  
মোট ৩৩ মাইল।

হ্রদীকেশ জঙ্গলাকীর্ণ পথের দূরত্ব—যাহা গেজেটিয়ারে উল্লিখিত হয় নাই—তাহা ইহার সহিত যোগ করিলে নিশ্চয়ই ৩৭:৩৮ মাইলের উপরই হইবে।

কলিকাতার অটোমোবাইল এসোসিয়েশন মোটর অভিযানের জন্ত পথঘাটের মানচিত্র ও পরিমাপ সঙ্কলন করিয়াছেন। অনুরোধক্রমে তাঁহার ১৩ই আগষ্ট তারিখের পত্রে জানাইয়াছেন—ডেরাডুন হইতে হ্রদীকেশ ৩৩ মাইল। ইহার সহিত করণপুরের দূরত্ব যোগ করিলে ৩৬:৩৭ মাইলই হইবে।

ডেরাডুনের কোন লক্ষপ্রতিষ্ঠ ডাক্তার অনুগ্রহ করিয়া ১৭ই আগষ্ট তারিখের পত্রে জানাইয়াছেন :—

“ডেরাডুন থেকে দহিয়াল্লা ১২ মাইল। তার পর দহিয়াল্লা থেকে দুইটি রাস্তা, একটি District Board Road এবং অপরটি Forest Road; এই Forest Road দুইটির (2a) একটি Borkot forest হ'রে সত্যনারায়ণ এবং (2b) অপরটি Kansrao এর আগে হয়ে কিবে হ্রদীকেশ। (2a) দহিয়াল্লা দিয়ে রানীপোখরী—ভোগপুর—বরকোট দিয়ে সত্যনারায়ণের পাশ দিয়ে হ্রদীকেশ। রাস্তা এখনি ভীষণ জঙ্গল; ৩৫ বৎসর আগে কি ছিল জানি না—Tiger infested (ব্যাত্তীতিসঙ্কুল)। (2b) রাস্তা District Board এর পরে যেটা Kansrao Forest Road এ মিলে বড় রাস্তা যেটা Roywalla station থেকে হ্রদীকেশে যায়—তাতে পড়েছে। (2a) এখান থেকে দহিয়াল্লা ১২ মাইল এবং তার পর ২০ মাইল, একুনে ৩২ মাইল। (2b) দহিয়াল্লা ১২ মাইল—D. B. Road হয়ে হ্রদীকেশ ২৫ মাইল একুনে ৩৭ মাইল। কাজেই রাস্তা খুব জানা না থাকলে এবং quickness না থাকলে ৬৭ ষষ্ঠীর বাওয়া খুবই যুক্তিল। আব

quick marchএর অভ্যাস থাকা স্বরকার।...মানুষ নিজেকে একটা হোমরা-চোমরা কর্তে সব কর্তে পারে।”

আর জলধরবাবুর এই ৩৭ মাইল জঙ্গলময় পার্বত্য পথ অতিক্রম করিতে ৬৭ ঘণ্টা কেন—সাড়ে তিন ঘণ্টার বেশী সময় যে লাগে নাই—তাহা পরে দেখাইতেছি।

• সে যুগে যে সকল তপস্বীব্রতী সন্ন্যাসী ডেরাডুন হইতে দ্বীকেশে পদব্রজে আসিয়াছিলেন, তাঁহাদের নিকট সন্ধান লইয়া জানিয়াছি যে, তাঁহারা কেহই দুই দিনের কমে এই জঙ্গলময় পথ অতিক্রম করিতে পারেন নাই। হরিবারে সেবারতে আত্মনিবেদিত কোন সন্ন্যাসী অল্পগ্রহ করিয়া জানাইয়াছেন—করণপুর হইতে দ্বীকেশ ৩৮ মাইল—সাধুরাও কেহ এই সুদীর্ঘ পথ ২-১০ ঘণ্টায় অতিক্রম করিতে পারেন না।

জলধরবাবুর মত মিথ্যাশ্রমী যখন মায়াবতী-সংস্করণ স্বামীজীর প্রামাণ্য জীবনী বিখ্যাস করিয়া উঠিতে পারেন নাই—তখন সরকারী গেজেটিয়ার,—ডেরাডুনের সুপ্রসিদ্ধ ডাক্তারের উক্তি,—সন্ন্যাসীদের কথা যে অন্যায়সে হাসিয়া উড়াইয়া দিতে পারিবেন, তাহাতে সন্দেহের অবকাশ নাই। বজ্রনারায়ণ যাত্রাকালে জলধর বাবু দুই দিনে—অন্ততঃ ১৮ ঘণ্টায়—তাঁহার পাখাবাধা পাত্তানি সবেগে চালাইয়া ডেরাডুন হইতে দ্বীকেশে পৌঁছিয়াছিলেন—সে বিবরণ তাঁহার স্বনামে প্রকাশিত ‘হিমালয়’ পুস্তক হইতে ‘মাসিক বসুমতীর’ আষাঢ় সংখ্যায় ৩৭১ পৃষ্ঠায় উদ্ধৃত করিয়াছি। এ বার তাঁহার স্বনামে প্রচারিত ‘পথিক’ পুস্তক হইতে দ্বীকেশ অভিযান-কাহিনী সংক্ষেপে সঙ্কলন করিতেছি :—

“দ্বীকেশ হরিবার হইতে বার মাইল উপরে, একটা পার্বত্য তীর্থস্থান। কিন্তু সাধারণতঃ যে সকল স্বামী তীর্থ দর্শনোপলক্ষে হরিবার পর্য্যন্ত গমন করেন, তাঁহারা দ্বীকেশ পর্য্যন্ত বাইতে চাহেন না; কেন না পথ বড়ই দুর্গম;...আমি যেখানেই বাই, আমার প্রধান আড্ডা দেরাডুন।...বহু প্রলোভনে এক জন হিন্দুস্থানী বন্ধুকে হস্তগত করা গেল এবং একখানা বয়েল গাড়ী ভাড়া করিয়া, বেলা দুই প্রহরের সময় কঞ্চল ও লোটা লইয়া **খান্নান্নোইয়া** করিলাম।

“দেরাডুন হইতে হরিবার বাইবার একটা ভাল রাস্তা আছে। সে রাস্তাটা বারমাস থাকে না, বৃষ্টির সময় ঝরণাগুলি প্রবল হইয়া উঠিলে সে রাস্তা বন্ধ হইয়া যায়।...এ পথ ছাড়া দ্বীকেশ বাইবার আরও একটা পথ আছে, হরিবারের রাস্তায় ১৪ মাইল আসিয়া তাহার পর জঙ্গলে নামিয়া বাইতে হয়। জঙ্গলে রাস্তা

নাই। জঙ্গল হইতে কাঠ কাটিয়া আনিবার জন্ত কট্টারেরা গাড়ী লইয়া যায়।...তাহা ছাড়া অরণ্য-প্রদেশে লোকজনের দেখা-সাক্ষাৎ পাওয়া একরকম অসম্ভব বলিলেও অত্যাুক্তি হয় না।

“বেলা দুই প্রহরের সময় বাসা হইতে বাহির হইয়া অপরায় প্রায় ৪ টার সময় হরিবারের রাস্তা ত্যাগ করিয়া জঙ্গলে নামিলাম। সম্মুখে একটা প্রকাণ্ড ঝরণা;...কোন রকমে স-গাড়ী ঝরণা পার হওয়া গেল। আমরা যেখানে পার হইলাম, সেখানে মানুষের হাটিকা পার হইবার বো নাই, জলের এত তেজ। ঝরণা পার হইয়া রাস্তা পাওয়া গেল; রাস্তা ত ভারি—সেই চক্রনেমির দাগ। সম্মুখে জঙ্গল দেখিলাম,...মধ্যাহ্ন সূর্যের রশ্মিও তাহার ভিতর কদাচ প্রবেশ করিতে পারে।...

“...দেখিতে দেখিতে সন্ধ্যা হইয়া আসিল, এই অরণ্য-পথ আমাদের গাড়োরানের বিশেষ পরিচিত; তাই সে কোনরকমে পথ না হারাইয়া এই জঙ্গল উত্তীর্ণ হইয়া সন্ধ্যার পর ‘দ্বীকেশ’ নামক একটা গ্রামে গাড়ী লইয়া উপস্থিত হইল।...আহারান্তে আমরা শয়ন করিতে গেলাম।

“প্রভাতে উঠিয়া বিদায় গ্রহণ করিতে আমাদের একটু বিলম্ব হইয়া গেল...কিন্তু গাড়োরান খুব জোরে গাড়ী ইঁকাইতে লাগিল; তখন **পূর্বদিক ফলসু** হইয়াছে মাত্র। সম্মুখে প্রকাণ্ড জঙ্গল। আমরা শীঘ্রই মহারণ্যে প্রবেশ করিলাম।...এই সুবিশাল অরণ্যে প্রবেশ করিয়া আমার মনে হইল, পৃথিবী ত্যাগ করিয়া সহসা বেন চির-অন্ধকার-সমাচ্ছন্ন, অনন্ত-সুত্বতা-পরিব্যাপ্ত পাতালপুরে প্রবেশ করিয়াছি।...

“আমি চলিতে আরম্ভ করিলাম, পাড়ী পিছনে পিছনে আসিতে লাগিল। চারিদিকে যে কি নিবিড় অরণ্য, তা বর্ণনা করা যায় না, উপল্লাসে বড় বড় জঙ্গলের বর্ণনায় তাহার একটু ক্ষীণ আভাস অনুভব করা যায় মাত্র। হিমালয়ের পাদদেশে আগাগোড়া এই রকম বহুদূর বিস্তৃত জঙ্গল; কিন্তু...দ্বীকেশের এই জঙ্গলের স্তায় ভয়ানক জঙ্গল প্রায় দেখা যায় না।...জঙ্গল দেখিয়া প্রাণে...ভয়ের সঞ্চার হইয়াছিল,...একে গাছগুলি খুব ঘন-সন্নিবিষ্ট বলিয়া তাহাদের মাথায় মাথায় ঠেকাঠেকি হইয়া আছে, তাহার উপর আবার নানারকমের পরগাছা তাহাদের মাথাগুলি জড়াইয়া ফেলিয়াছে।...এই অরণ্যে নানাপ্রকার তৃণ এবং অশ্রান্ত ক্ষুদ্রকার লতাগুলের এমন একটা সমাবেশ, আর সেগুলি এত উচ্চ যে, তাহার ভিতর হাতী লুকাইয়া থাকিলেও বুঝিবার বো নাই। শুনিয়াছি এ অরণ্যে সকল রকম জন্তই বাস করে; আমার সৌভাগ্য যে দূরে হস্তিযুধ ছাড়া আমার অদৃষ্টে আর কোন ভীষণ জন্ত দর্শন ঘটে নাই। এ নিবিড় বনে অনেকে হিংস্র জন্তর হাতে প্রাণ হারাইয়াছেন,...এমন কি আমার পরিচিত কয়েকজন বাঙ্গালীও প্রাণ হারাইতে বসিয়াছিলেন...এই সকল কথা মনে হইতে লাগিল। তখন আরও ভীত হইয়া পড়িলাম। খানিকদূর অগ্রসর হইয়া দেখি গাড়ী নাই।...পথে জনমানবের সম্পর্ক নাই; বনের মধ্যে একটু শব্দ হইলেই গা কাঁপিয়া উঠে।...কিন্তু বত চলি, পথ কিছুতেই সংকেপ হয় না; আমি প্রাণপণ শক্তিতে দ্রুতপদে সোজা চলিতে লাগিলাম।...কুণ্ডা-কুণ্ডার অধীর হইয়া কিণ্ডের স্তায় ছুটিতে লাগিলাম। হঠাৎ দূরে একটা শব্দ শুনিয়া আমি থমকিয়া দাঁড়াইলাম।...এ কি



কোন ভৌতিক ব্যাপার? ...কিয়দূরে গিয়া দেখিলাম অল্পদূরে... একটি মোকদ্দমানা বালিকা। ...আমি নিজে পথভ্রান্ত, আমার স্বপ্নে একটি বোল সত্তের বৎসরের পথভ্রান্তা স্মরণী। অনেক ঘুরিতে ঘুরিতে শেষে এক কাঠুরিয়ার আড়ায় উপস্থিত; তাহারা একজন লোক সঙ্গে দিয়া পথ দেখাইয়া দিলে তবে **অপরাহ্ন তিনটার পর স্থবীকেশে পৌঁছান গেল।**"

( 'পথিক', ৩য় সং, ৮৩ হইতে ৯৩ পৃষ্ঠা )

তাহা হইলে জলধর বাবু গাড়ী করিয়াও ত' এই সংক্ষেপ জঙ্গল-পথ দুই দিনে ১৮ ঘণ্টার কমে অতিক্রম করিতে পারেন নাই। অথচ তিনি প্রতিবাদেও লিখিতেছেন—

"আমি একাধিকবার এই পথ বেয়ে বেলা একটা দেড়টার বেরিয়ে দেয়াহন থেকে স্থবীকেশে পৌঁছেছি সন্ধ্যার প্রাক্কালেই।"

এই 'একাধিকবারের'—তাঁহার এক বারের অভিযানে 'হিমালয়' হইতে দেখাইয়াছি যে, তিনি দুই দিনে অন্ততঃ ১৮ ঘণ্টায় ডেরাছন হইতে স্থবীকেশে পৌঁছিয়াছিলেন। তাঁহার স্বনামে প্রচারিত—জলধর গ্রন্থাবলীর ১ম খণ্ডের অন্তর্ভুক্ত—'হিমাদ্রি' পুস্তক—যাহার সম্বন্ধে জলধর বাবুর প্রখ্যাতনামা উকিল শ্রীমুত নরেন্দ্র দেব অল্পগ্রহণ করিয়া স্বীকার করিয়াছেন :—

"স্বসাহিত্যিক শ্রীযুক্ত সুরবোধচন্দ্র বন্দ্যোপাধ্যায় মহাশয় সে স্তার লইয়া হিমালয়ের একটি সাধুভাবার সংস্করণ সংকলন করিয়া দেন। এবং তাহা 'হিমাদ্রি' নামে প্রকাশিত হয়।"

( 'মাসিক বসুমতী' ১৩৪০, মাঘ, ৩৪২ পৃষ্ঠা )

তাহাতেও দুই দিনে ১৮ ঘণ্টায় ডেরাছন হইতে স্থবীকেশে জলধরবাবুর গুডাগমনের বিবরণ সমর্থিত। 'পথিক' পুস্তকেও দেখা যায়, "সংক্ষেপ জঙ্গল পথে খুব জোরে গাড়ী হাঁকাইয়া" এবং "প্রাণপণ শক্তিতে দ্রুতপদে—ক্ষিপ্তের স্তায় ছুটিয়াও" জলধর বাবু দুই দিনে ১৮ ঘণ্টার পূর্বে ডেরাছন হইতে স্থবীকেশে উপনীত হইতে পারেন নাই। তবে এই ত্র্যহস্পর্শের পরও এক শনিবারের বারবেলায় তিনি "এই পথ বেয়ে বেলা একটা দেড়টার বেরিয়ে দেয়াহন থেকে স্থবীকেশে সন্ধ্যার প্রাক্কালেই" পৌঁছিলেন কিরূপে?

ইহার পর মায়াবতী-সংস্করণ স্বামীজীর জীবনীর অসঙ্গতি প্রতিপন্ন করিবার জন্য রায় বাহাদুর লিখিয়াছেন :—

"এক জন সীড়িত সন্ন্যাসীকে নিয়ে স্বামীজীকে আশ্রয়ের জন্য সে যুগে দেয়াহনের কাছে যাবে যাবে ঘুরে হতাল হইত ঘরেছিল,

একথা মনে নেওয়া কঠিন। কারণ নিজ জীবনের অভিজ্ঞতা থেকে আমি জোর করেই বলতে পারি যে গৈরিকধারীকে অবজ্ঞা বা অশ্রদ্ধা করবার মত নাস্তিক্য বুদ্ধি সে যুগের ভারতবাসী হিন্দুদের মধ্যে তখনও দেখা দেয়নি।"

কোন ধর্ম বা কোন সমাজের প্রতি কোনরূপ বিবেচ্য ভাব—অশ্রদ্ধা প্রকাশ না করিয়াও অনায়াসে বলা যাইতে পারে—ডেরাছনে ব্রাহ্মসমাজ ও আর্য্যসমাজের প্রভাব অত্যধিক। জলধরবাবু ব্রাহ্ম-পরিচয়, এবং সে সময় করণপুর স্কুলে সুরযোগ্য শিক্ষকের অভাবে ব্রাহ্ম পরিবারে আশ্রয় লাভ করিয়াছিলেন। কিন্তু স্বামীজী ও তাঁহার গুরুভ্রাতৃগণ সে সুবিধা পান নাই। আর "গৈরিকধারীকে অবজ্ঞা বা অশ্রদ্ধা করবার মত নাস্তিক্য বুদ্ধির" যে প্রকৃষ্ট পরিচয় জলধরবাবুর স্বহস্ত-লিখিত ডায়েরী অবলম্বনে রচিত 'হিমালয়'—'হিমাদ্রি' পুস্তকের প্রতি পৃষ্ঠায় প্রকটিত হইয়াছে—তাহাই ইহার শ্রেষ্ঠতম নিদর্শন—যথাযোগ্য উত্তর। অন্য প্রসঙ্গে জলধর বাবুর সেই নাস্তিক্য বুদ্ধির পরিচয় তাঁহার স্বনামে প্রচারিত পুস্তক হইতে সংকলন করিয়া দিবার বাসনা রহিল।

জলধরবাবু গুনিয়া নিশ্চয়ই আরও বিস্মিত হইবেন যে, সেযুগে—চিকাগোর ধর্ম-মহাসম্মেলনের পূর্বে—স্বামী বিবেকানন্দের নাম জগতে সুপ্রচারিত হইবার পূর্বেও ত' দূরের কথা—কিছুদিন পূর্বে ডেরাছনে ভগবান শ্রীরামকৃষ্ণ-দেবের যে শতবার্ষিক উৎসব হইয়াছিল—স্থানীয় হিন্দুস্থানী ভক্তগণ ব্যতীত মাত্র দুই জন ডেরাছনবাসী বাঙ্গালী ভক্ত তাহার উদ্যোগী হইয়াছিলেন।

ইহার পর—স্বামীজী জলধরবাবুর মত সুবিধা গ্রহণের মনোবৃত্তি লাভ করিতে পারেন নাই বলিয়া, রায় বাহাদুর উল্লসিত হইয়া জিজ্ঞাসা করিয়াছেন :—

"...পণ্ডিত আনন্দনারায়ণ দেয়াহনে স্বামী অধ্যানন্দকে একখানি পৃথক বাড়ী ভাড়া করে রাখলেন, উপযুক্ত পথ্য ও গরম কাপড় সরবরাহ করলেন। আর তাঁর গুরুভাইরা তাঁকে সেই বাড়ীতে একলা রেখে—'the other stayed else where and begged their meals as fortune favoured them.' এ কেমন করে সম্ভব হতে পারে?"

ডেরাছনে স্বামীজী কেবল তাঁহার অসুস্থ গুরুভ্রাতা—স্বামী অধ্যানন্দের জন্যই আশ্রয় ও পথ্য ভিক্ষা করিয়া ছিলেন। আমরা পরম বিশ্বস্তস্বরে অবগত হইয়াছি—ডেরাছনের বহু গৃহে তাঁহার নিরাশ হইলে স্বামীজীর

অনুরোধে পণ্ডিত আনন্দনারায়ণ তাঁহার বাড়ীর সন্নিকটবর্তী একখানি ছোট ভাড়াটিয়া বাড়ীর একটি প্রকোষ্ঠে স্বামী অখণ্ডানন্দকে আশ্রয় প্রদান করেন। পণ্ডিতজী তাঁহার গৃহ হইতে স্বামী অখণ্ডানন্দের জন্ম দুইবেলা খাবার পাঠাইতেন, এবং প্রয়োজনীয় শীতবস্ত্র দিয়াছিলেন। স্বামীজী ও অপর গুরুভ্রাতৃদ্বয় প্রথমে গঙ্গামন্দিরে—পরে স্থানীয় এক লাগা ও বেণের বাড়ীতে অবস্থান করিয়া, স্থানীয় ভদ্রলোকদের গৃহে আহাৰ্য্য ভিক্ষা করিতেন। রাত্রিতে এক জন গুরুভ্রাতা আসিয়া স্বামী অখণ্ডানন্দের নিকট শয়ন করিতেন। স্বামী অখণ্ডানন্দও প্রায় প্রত্যহ দিনমানে স্বামীজী ও গুরুভ্রাতৃগণের নিকট বেড়াইতে যাইতেন।

স্বামীজী যে এই শুভ সুযোগে সদলে এবং সবলে পণ্ডিত আনন্দনারায়ণের দীর্ঘকালব্যাপী আতিথ্য গ্রহণ করেন নাই—ইহাতে জলধরবাবু “নিজ জীবনের অভিজ্ঞতা” স্মরণ করিয়া অবশ্যই বিচলিত হইতে পারেন। এমন সুবিধা গ্রহণে স্বামীজীর অক্ষমতা দেখিয়া রায় বাহাদুরের উল্লসিত—বিস্মিত হইবারই কথা। বেকার অবস্থায় জলধর বাবু ‘সাহিত্য’-সুহৃদ—সমালোচক স্বর্গীয় নলিনীভূষণ গুহ মহাশয়ের চেতলার বাড়ীতে সান্ন্যাসে আশ্রয় গ্রহণ করিয়াছিলেন। ক্রমে জলধর বাবু বঙ্গভ্রমের অভিনয়ে পসার জমাইয়া, তাঁহার গৃহে সপুত্র—সময় সময় সঙ্গীক ভাবে চার পাঁচ বৎসর অধিষ্ঠান করেন। নলিনীবাবু তাঁহাকে আশ্রয় ও আহাৰ্য্য প্রদান করিয়াই নিষ্কৃতি পান নাই—পরিধেয় হইতে পকেট খরচা পর্য্যন্ত যোগাইয়া ধন্য হইতে পারিয়াছিলেন। তিনি এখন স্বর্গীয় হইলেও তাঁহার পুত্র পরিজন এবং চেতলাবাসী বহু প্রবীণ ভদ্রলোক জলধর বাবুর সে পরম আতিথ্য-গ্রহণের আনুপূর্ব্বিক বিবরণ সু-অবগত আছেন। স্পর্ধার শিখরে উঠিয়াই—প্রতিদানে রায় বাহাদুর একখানি উপস্থাসে এই সম্ভ্রান্ত পরিবারের অতি কুৎসিত চিত্র অঙ্কিত করিয়াছেন। আমরা এই ভদ্র-পরিবারের সম্ভ্রমহানির আশঙ্কায় জলধর বাবুর সেই উপস্থাস্থানির নামোল্লেখ করিয়া লেখনী কলঙ্কিত করিলাম না। ১৫ বৎসর সপুত্র আতিথ্যগ্রহণের বিনিময়ে এমন কৃতঘ্নতার নিদর্শন বঙ্গসাহিত্যে আর কখনও দেখিয়াছেন কি? ‘সাহিত্যিক-দিগের ইতিহাসের কিছু মান-মনলা জমা’ করিবার প্রয়াসে জলধর বাবু পরম অমুকম্পায় স্মৃতি-তর্পণে নলিনী বাবুর নাম

পর্য্যন্ত উল্লেখ করিতে বিস্মৃত হইয়াছেন। আশা করি, এখন তিনি পূজনীয় সুরেশচন্দ্র সমাধুপতি মহাশয়ের সেই পরম বন্ধুর কথা বেশ স্মরণ করিতে পারিবেন।

অতঃপর রায় বাহাদুর লিখিয়াছেন :—

“দেবোত্তমের করণপূরে তখন অনেক বাঙ্গালীর বাস ছিল। আমরা সেই কালেই যে, স্বামীজী কয়েকজন সন্ন্যাসীদের নিয়ে দেবোত্তমের কাশীবাড়ীতে অবস্থান করছেন, আমরা তৎক্ষণাৎ ছুটে গেছলেম তাঁদের নিয়ে আসতে। সুতরাং তিনি ঘরে ঘরে আশ্রয়ের জন্ত ব্যর্থকাম হোয়েছিলেন, এ কথা কিরূপে স্বীকার করা যেতে পারে?”

জলধর বাবু নিশ্চয়ই স্বীকার করিবেন—সে যুগে দেবোত্তম অপেক্ষা কলিকাতায় অধিক সংখ্যক বাঙ্গালী বাস করিতেন। কিন্তু ঠাকুরের লীলা-সম্বরণের পর, ভক্তপ্রবর সুরেশচন্দ্র মিত্র এবং তাঁহার দেহান্তের পর বলরাম বাবু ব্যতীত অপর কেহই ত’ সে যুগে বরাহনগর মঠে শ্রীরামকৃষ্ণপদে সমর্পিতপ্রাণ—কঠোর তপস্তানিষ্ঠ এই নবীন সন্ন্যাসিগণকে সাহায্য করিতে অগ্রসর হন নাই। স্বামীজীর শ্রীমুখ-নিঃসৃত কথায় তাহার পরিচয় দিতেছি :—

“We are sannyasins,...We never thought of the morrow. We used to live on what little came by begging. To-day Suresh Babu is not with us, and Balaram Babu has also passed away. Had these two been alive they would have danced with joy at the sight of this Math!...You have heard of Suresh Babu's name. ...know him to be the source of this Math. It was he who helped to found the Baranagore Math. O it was Suresh Mittra who at that time was most anxious to meet our needs!...There were days at the Baranagore Math when we were so much in want that we had nothing to eat. If the rice was procured by begging, there was no salt. On some days, we had only rice and salt, but no one would mind that.”...

( Life of the Swami Vovokananda, vol II, page 27-28. )

কিন্তু জলধর বাবু নিশ্চয়ই চুরুটের ধোয়ার মতই এ সকল বিবরণ উড়াইয়া দিবেন। সে যুগে দেবোত্তমে

কালীবাড়ী প্রতিষ্ঠিত হয় নাই। ‘মাসিক বসুমতীর’ আষাঢ় সংখ্যার প্রকাশিত ‘জলধর-স্মৃতি-সম্বর্ধনার’ উত্তরে জলধর বাবু তাঁহার অনেকগুলি মিথ্যা উক্তির প্রতিবাদ করিতেও সাহস করেন নাই। সেগুলির ভিতর ৩৮২ পৃষ্ঠার প্রথম প্যারার জিজ্ঞাসা করিয়াছিলাম—সে যুগে—“জলধর বাবু কোন্ কোন্ সংবাদপত্র পাঠে ও কোন্ কোন্ বন্ধুর নিকট স্বামী বিবেকানন্দের নাম জানিতে পারিয়াছিলেন?” এই প্রশ্নে তিনি ইহার সহস্তর দিবেন কি?

ইহার পর রায় বাহাদুর লিখিয়াছেন :—

“সম্ভবতঃ মায়াবতীর জীবনী লেখক স্বামীজীর সমভিব্যাহারী সে দিনের কোন সন্ন্যাসীর নিকট দেয়াত্বনের কাহিনী সংগ্রহ করবার চেষ্টা করেন নি। কারণে এত বড় ভুল কখনই হ’তে পারত না।”

না, জলধর বাবু যখন বলিতেছেন, তখন নিশ্চয়ই মায়াবতীর সন্ন্যাসিগণ স্বামীজীর জ্ঞান-কর্ম ভক্তি-সাধনার জ্যোতির্বিবস্তিত পরিব্রাজক-জীবন-কাহিনী আকাশে ফাঁদ পাতিয়া ধরিয়া—এই ১৭০০ পৃষ্ঠাব্যাপী বিরাট ইংরেজী গ্রন্থ চারিখণ্ডে সুসম্পূর্ণ করিয়াছেন। রায় বাহাদুর রূপা করিয়া, এই মহাগ্রন্থখানি এক বার উ-টাইয়া দেখিলে কখনই এমন ছঃসাহস প্রকাশের ভরসা পাইতেন না। স্বামীজী যখন যে স্থানে গিয়াছেন—তাঁহার তপস্যাসঙ্গী গুরুভ্রাতৃগণ—সেই স্থানের বিশিষ্ট ভক্তগণের নিকট হইতে সে সকল তথ্য সংগ্রহ করিয়া, মায়াবতীর সন্ন্যাসিগণ ষাটশব্দব্যাপী সুকঠোর সাধনায় যে তাঁহার এই প্রামাণ্য জীবনী সঙ্কলন করিয়াছেন ;—তাঁহার প্রকৃষ্ট প্রমাণ এই গ্রন্থের বহু পৃষ্ঠায় দেদীপ্যমান। রায় বাহাদুরের প্রয়োজন হইলে তাঁহার তালিকা সঙ্কলন করিয়া দিব। এই প্রামাণ্য গ্রন্থের মুখবন্ধ মাত্র পাঠ করিলেই তিনি এ কথার ষথার্থতা উপলব্ধি করিতে পারিবেন।

বিশেষতঃ স্বামীজীর সে বারের হিমালয়ের সাধনসঙ্গী গুরুভ্রাতৃচতুষ্টয়ের মধ্যে—‘শ্রীরামকৃষ্ণ মঠের’ সন্ন্যাসী সম্প্রদায়ের বেদান্ত-অধ্যাপক—পূজ্যপাদ স্বামী তুরীয়ানন্দ—হৃদীকেশে সে দিনের তপস্তাসঙ্গী হরি মহারাজ এই প্রামাণ্য জীবনী সঙ্কলন-সময়ে আলমোড়া ও মায়াবতীতে অবস্থান করিতেছিলেন। শ্রীরামকৃষ্ণ মিশনের সুযোগ্য সেক্রেটারী—

‘লীলাপ্রসঙ্গ’-রচয়িতা—পরম পূজনীয় স্বামী সারদানন্দ—হৃদীকেশে স্বামীজীর সাধনসঙ্গী শরৎ মহারাজ ‘উদ্বোধন’ কার্যালয় হইতে স্বামীজীর পরিভ্রমণ বিবরণ পাঠাইয়াছিলেন। বেলুড়মঠের বর্তমান ধর্মগুরু—সর্বজনবরণ্য স্বামী অখণ্ডানন্দ—স্বামীজীর হিমালয়সাধী পরিব্রাজক গঙ্গাধর মহারাজ, যিনি সে সময়ে অসুস্থ হইয়া ডেরাছন হইতে মীরাটে গিয়াছিলেন, তিনি আজও সশরীরে বিদ্যমান। ভগবান শ্রীরামকৃষ্ণদেবের কৃপালাভে ধনু—কৃপানন্দ—স্বামীজীর হৃদীকেশের অগ্ন্যতম তপস্তাসঙ্গী পূজনীয় শ্রীযুক্ত বৈকুণ্ঠনাথ সাত্তাল মহাশয়— জলধর বাবুর আকাঙ্ক্ষা-মত আজও স্বর্গীয় হইতে পারেন নাই। তাঁহার স্বহস্ত-লিখিত পত্র পড়িলেই জলধরবাবুর সকল ইন্দ্রজাল মুহূর্তে অপসারিত হইবে। ইহার পরও জলধর বাবু বলিয়াছেন :—

“যে সন্ন্যাসী হৃদীকেশে মৃদু স্বামীজীকে ঔষধ সেবন করিয়েছিল সে আজ বৃদ্ধ হয়েছে……বাংলায় ‘পিপুল মধুর’ উল্লেখ নাই কিন্তু ইংরাজিতে আছে এখন কোন্ খানিকে তিনি প্রামাণ্য বলে মানতে চান?”

মায়াবতীর অষ্টমতাশ্রম-প্রকাশিত স্বামীজীর জীবনী ইংরেজী ছোট অক্ষরে ১৭০০ পৃষ্ঠায়, ৪ খণ্ডে সম্পূর্ণ। ‘উদ্বোধন’ কার্যালয় হইতে শ্রীযুক্ত ইন্দ্রদয়াল ভট্টাচার্য প্রণীত ‘স্বামী বিবেকানন্দ’ পুস্তকখানি বাঙ্গালা বড় অক্ষরে মাত্র ৭০ পৃষ্ঠায় সম্পূর্ণ। এই ক্ষুদ্র পুস্তকে মায়াবতী হইতে প্রকাশিত স্বামীজীর সুবৃহৎ জীবনী গ্রন্থের বিশদ বিবরণের সকল কথা সবিস্তারে অনূদিত হওয়া সম্ভবপর কি? জলধরবাবুর শ্রমকাতরতার কথা বিশেষভাবে জানি বলিয়া আমরা আষাঢ়ের প্রবন্ধে বলিয়াছিলাম—

“এই সংক্ষিপ্ত জীবনী ..হইতে সম্ভবতঃ জলধরবাবু এই কাহিনীটি আশ্রয়সাৎ করিয়াছেন।” ..“কিন্তু তাহাতেও দেখা যায়,” প্রাচীন সাধু এবং তিনিও ঔষধ দিয়াই স্বামীজীর চৈতন্য-সঞ্চার করিয়াছিলেন,—তাহা জলধরবাবু কল্পিত গাছের ২১৩টি পাতার রস নহে। বিশদ ইংরেজী জীবনীতে পিপুলচূর্ণ ও মধুর উল্লেখ থাকিলেও তাহা কি ঔষধ নামে অভিহিত হইতে পারে না? এই সুযোগে জলধরবাবু স্বামীজীর কোন্ জীবনীখানিকে অপ্রামাণ্য করিয়া ফেলিলেন?

তাঁহার পর ‘ভুলনী পাতা’ প্রসঙ্গে রায় বাহাদুর বলিতেছেন :—

...“সেই সুপ্রসিদ্ধ সাহিত্যিক আমার একজন বহুদিনের পরিচিত বন্ধু।...তুলসী পাতার নামটা যে রহস্যচ্ছলেই বলেছিলাম, আশা করি, এটুকু বোঝবার মত বয়স দীনেত্র বাবুর হয়েছে।”

বয়স আমার যতই হউক, এখনও বাহাস্তরের বিশিষ্টতা রক্ষা করিয়া, ‘আশীর কোঠায় গড়িয়ে’ আসে নি, এবং সেই উপলক্ষে ‘অশীতিপর’ হইবার সুযোগ গ্রহণেরও বিলম্ব আছে। জলধরবাবু অতি সাবধানে—পরম গভীরভাবে—অন্তের গুনিবার আশঙ্কায় চারিদিক নিরীক্ষণ করিয়া, তুলসী-পাতার নামটি বেকাস করিয়াছিলেন বলিয়াই গুনিয়াছি। তাঁহার ‘বহুদিনের পরিচিত বন্ধু’কে ধাপ্পা দিবার জ্ঞ রহস্য করিবার মত প্রীতি-মধুর সম্বন্ধের কথা বুঝিতে পারি নাই। বরং ভাবিয়াছিলাম, হাতে রগড়ে হুঁতিনটি তুলসী পাতার রস—তাহা বিন্দুমাত্র হইলেও—সেইটুকু মুখে দিয়াই যখন মুমূর্ষু স্বামী বিবেকানন্দ জীবন লাভ করিয়াছিলেন, তখন অন্তিমকালে তুলসীতলার শেষ শয্যা পাতিয়া তুলসী গাছের হাওয়ার নিশ্চয়ই নব-জীবন লাভ করিতে পারিব। জলধরবাবু সে আশায় নিরাশ করিলেন। এখন বেশ বুঝিলাম, জলধরবাবুর এই ধাপ্পা-বাজিও মিথ্যারই একটা রকমফের।

কিন্তু তিনি ত’ সে প্রাণ-সঞ্চারক গাছের নাম জানেন—সন্ধানও লইয়াছেন—গাছও বিশেষভাবে চেনেন। কলিকাতার বা বাঙ্গালা দেশে জলধরবাবু-বর্ণিত সে গাছ নিশ্চয়ই পাওয়া সম্ভব নহে। আমি অক্ষম সাহিত্যিক হইলেও—জলধরবাবু যদি “প্রশান্ত অন্তরে গ্রহণ” করেন, তাঁহাকে ছবীকেশে ষাইবার রেলভাড়া দিতে সম্মত আছি। তিনি অনুগ্রহ করিয়া হিমালয় হইতে সেই মৃত-সঞ্জীবন গাছ আনিয়া তাঁহারই হাতে রগড়ে তাহারই ২।৩টি পাতার রসে হাসপাতালের কোন মুমূর্ষু রোগীর জীবন দান করুন। এই প্রকৃষ্ট নিদর্শনে সকল ভর্কের অবসান—তাঁহার কথায় সকল অবিশ্বাস মুহূর্ত্তে দূর হউক। সঙ্গে সঙ্গে তাঁহার এই বিশাল দানে চিকিৎসা-বিজ্ঞান সমৃদ্ধ—উদ্ভিদ-বিদ্যা গৌরবান্বিত হউক। রায় বাহাদুরের অপরিমিত করুণায় বিশ্বের মুমূর্ষু মানবগণ পুনর্জীবন লাভ করিয়া, তাঁহার মহিমা-গানে জগৎ মুখরিত করুক। অতুল ঐশ্বর্য ও যশের অধীশ্বর হইবার জ্ঞ তিনি কি মানব-সমাজের এই পরম

কল্যাণ সংসাধন করিবেন না? তাঁহার এই ভূতলে অতুল আবিষ্কার-প্রভাবে আগামী বর্ষের নোবেল প্রাইজের বিজয়মাল্যও ত’ বিনা আয়াসে রায় বাহাদুরের পদপ্রান্তে ঠুত হইয়া সম্মানিত হইতে পারিবে। আর তাঁহার এই বিশ্বরাবহ আবিষ্কারে যে সমৃদ্ধিলাভ সহজসাধ্য, তাহার তুলনায় নোবেল প্রাইজের লক্ষাধিক মুদ্রাও নিতান্ত তুচ্ছ—উপেক্ষার যোগ্য।

মায়াবতী সংস্করণের একটি মাত্রও অসঙ্গতি সপ্রমাণ করিতে না পারিলেও রায় বাহাদুর অসঙ্কোচে বলিয়াছেন—

“মায়াবতী প্রকাশিত স্বামীজীর জীবনী যে আত্মপাক্ষ নিতুল বলে মেনে নেওয়া চলে না, তার প্রত্যক্ষ প্রমাণ আমি একাধিক পাচ্ছি, তাছাড়া ‘ভারত’ নামক সাপ্তাহিক পত্রে প্রকাশিত বিবেকানন্দ মিশনের সন্ন্যাসী স্বামী অমৃতানন্দের লেখা ‘শ্রীরামকৃষ্ণ সঙ্ঘের ইতিহাস’ ঋষিক ধারাবাহিক প্রবন্ধগুলির মধ্যে সে দিন চোখ বুলুতে গিয়ে দেখেছিলাম, তিনিও মায়াবতীর প্রকাশিত এই বইটির কয়েকটি অসঙ্গতির দিকে সাধারণের দৃষ্টি আকর্ষণ করেছেন।”

কিন্তু এই প্রমাণগুলি এতই ভঙ্গুর যে, জলধরবাবুও তাহা উদ্ধৃত করিতে সাহস পান নাই। এই প্রসঙ্গে স্বামী অমৃতানন্দের পরিচয় জানিতে আগ্রহ হওয়া স্বাভাবিক। স্বামী অমৃতানন্দের পূর্ব-পরিচয়—তিনি বিজ্ঞ-সাহিত্যিক শ্রীবৃন্দ নরেন্দ্র দেবের সহোদর শ্রীবৃন্দ নলিনী দেব। মত-বিরোধের ফলে যে সকল নবীন সন্ন্যাসী বেলুড় মঠ ত্যাগ করিয়া, বাগবাজারের বিবেকানন্দ মিশনে যোগদান করিয়াছেন—ইনি তাঁহাদের অন্ততম। কিন্তু সে জ্ঞ আমরা তাঁহার বা তাঁহাদের প্রতি কোনরূপ অশ্রদ্ধা—অসম্মান প্রদর্শন করিতেছি, এমন কথা মনে করিবার কোন সম্ভব কারণ নাই। তাঁহারাও সংসারত্যাগী সন্ন্যাসী—ভগবান শ্রীরামকৃষ্ণদেবের পরম ভক্ত—পূজ্যপাদ শ্রীমৎ ব্রজানন্দ স্বামী—মহাপুরুষ শ্রীমৎ শিবানন্দ স্বামী ও পূজনীয় শ্রীমৎ সারদানন্দ স্বামীর শিষ্য। কিন্তু জলধর-বাবু উল্লিখিত ‘ভারত’ পত্রের ২২ ও ৩৩ সংখ্যায় স্বামী অমৃতানন্দ সমালোচনা প্রসঙ্গে বহু-সাধনা-সংগৃহীত মায়া-বতী-সংস্করণ হইতে শ্রীরামকৃষ্ণ সঙ্ঘ সংগঠনের তথ্যনিচয় সঙ্কলন করিয়াছেন বলিয়াই ত’ বোধ হইল। ‘ভারত’ পত্রের ২২ সংখ্যায় তিনি বলিয়াছেন—মায়াবতী-সংস্করণ স্বামীজীর জীবনীর ১ম খণ্ডের ৩৮৮-৩৮৯ পৃষ্ঠায় “স্বামী



বিজ্ঞানানন্দের নাম নেই।” এরূপ সুপ্রকাশ্য গ্রন্থ সুদূর  
স্মার্যভী হইতে কলিকাতার প্রেসে ছাপাইতে সন্ন্যাসিগণের  
নাম ও পরিচয়-তালিকা হইতে মুদ্রাকর-প্রমাদে একটি নাম  
ছাড় হওয়া বিচিত্র নহে। কিন্তু এই গ্রন্থের দ্বিতীয় সংস্করণের  
১ম খণ্ডের ২০২ পৃষ্ঠায় এই ছাড়টি সংযোজিত হইয়াছে।  
স্বামী অমৃতানন্দের এই প্রবন্ধটি ‘ভারত’ পত্রে ১৩৪২  
সালের ১২ই অগ্রহায়ণ অর্থাৎ ১৯৩৫ খৃষ্টাব্দের ২৮শে  
নবেম্বর তারিখে প্রকাশিত হইয়াছে। সুতরাং তিনি ইচ্ছা  
করিলে অনায়াসে ১৯৩৩ খৃষ্টাব্দে প্রকাশিত এই মহাগ্রন্থের  
দ্বিতীয় সংস্করণটি দেখিতে পারিতেন। ‘ভারত’ পত্রিকার  
৩৩ সংখ্যায় তিনি লিখিয়াছেন, স্বামীজীর জীবনীর দ্বিতীয়  
খণ্ডের ৩৯৭ পৃষ্ঠায় প্রকাশিত স্বামীজীর পরে “(in  
that senso)” কথাটি প্রক্ষিপ্ত। কিন্তু স্বামী অমৃতানন্দ  
এক্ষেণে নূতন দল সংগঠনের পক্ষপাতী বলিয়াই কি ঐ  
প্রক্ষিপ্ত অংশ যে বন্ধনীমধ্যস্থ, তাহা লক্ষ্য করিতে বিন্মত  
হইয়াছেন? উদ্ধৃত অংশের ভিতর বন্ধনী দিয়া স্বরূপ  
অর্থব্যঞ্জক শব্দ-সংযোগরীতি ত’ সাহিত্যে সুপ্রচলিত আছে  
বলিয়াই জানি।

বলা বাহুল্য, স্বামী অমৃতানন্দের সমালোচিত অংশের  
সহিত স্বামীজীর হৃদীকেশে তপস্যার সময়ের বা পরিত্রাজক-  
জীবনকাহিনীর কোনরূপ সংস্রব নাই। রায় বাহাদুর যে  
‘অবধূতাচার্য্য শ্রীভগবান পুরী’ সাজিয়া হৃদীকেশে ২১৩টি  
গাছের পাতার রস খাওয়াইয়া স্বামী বিবেকানন্দের জীবন  
দান করিয়াছিলেন, এ কথা মুক্তিকামী সন্ন্যাসী স্বামী  
অমৃতানন্দও নিশ্চয়ই অসঙ্কোচে স্বীকার করিতে পারি-  
বেন না।

ইহার পর, টাউনহলে স্বামীজীর স্মৃতিস্তম্ভের প্রসঙ্গে রায়  
বাহাদুর লিখিয়াছেন :—

“স্বামীজীর জীবন সঙ্কটকালে, তাঁর কাছে যে আমি দৈবাৎ  
উপস্থিত হইয়াছিলাম এবং সামান্য কিছু তাঁর সেবা করবার সৌভাগ্য  
লাভ করেছিলাম, এই কাহিনী আমি ‘স্মৃতিতর্পণে’ উল্লেখ করবার  
৩৫ বৎসর পূর্বেও টাউন হলে তাঁর স্মৃতিস্তম্ভের উল্লেখ করেছিলাম,  
একথা দীনেন্দ্র বাবুও তাঁর স্বকীয় ভঙ্গীতে কতকটা স্বীকার  
কর্ত্তে বাধ্য হইয়াছেন দেখলুম।”

আধাট সংখ্যা ‘মাসিক বসুমতী’ আজও ছাপা প্য নহে—  
পাঠক “মহাশয়গণকে এক বার ‘জলধর-স্মৃতি-সম্বন্ধনা’  
প্রবন্ধের ৩৮২ পৃষ্ঠাটি অগ্রহণ করিয়া পড়িয়া দেখিতে

অগ্ররোধ করি। ১৯০২ খৃষ্টাব্দের ১৯শে সেপ্টেম্বর  
শুক্রবার অপরাহ্নে টাউন হলে স্বামীজীর শোক-সভায়  
জলধরবাবু বলিয়াছিলেন, “হিমালয়ে এক দিন স্বামী  
বিবেকানন্দ আমার উরুর উপর মাথা রেখে আটদশ  
ঘণ্টা বড় আরামে ঘুমিয়েছিলেন।” ইহাও যে জলধর-  
বাবুর মিথ্যা কথা, তাহা প্রকাশ করিয়া বলা প্রয়োজ্য  
বলিয়া মনে করি নাই। মহাবীর কর্ণের ক্রোড়ে মস্তক  
স্থাপন করিয়া তাঁহার অঙ্গগুরু পরশুরামের দীর্ঘ নিদ্রার  
পর আর এমন কথা শুনা যায় নাই। কিন্তু টাউন হলে  
জলধরবাবুর শ্রীমুখের উক্তি হিমালয়ে তাঁহার ক্রোড়ে স্বামী-  
জীর ৮।১০ ঘণ্টা ব্যাপী পরম আরামের নিদ্রা—৩৫ বৎসর  
পরে স্মৃতি-তর্পণ সময়ে সহসা যে কেমন করিয়া হৃদীকেশে  
জলধরবাবু সংগৃহীত গাছের ২১৩টি পাতার রসে চৈতন্য-  
সঞ্চারে পরিণত হইল, তাহা—“স্বকীয় ভঙ্গীতে স্বীকার  
কর্ত্তে বাধ্য” হওয়া দূরের কথা—মুক্তকর্ত্তে স্বীকার  
করিতেছি, রায় বাহাদুরের সে ভেকী বৃদ্ধিবার মত বুদ্ধিও  
আমার নাই।

এই প্রসঙ্গে তিনি “শ্রীমান গণেন্দ্র মহারাজকে” সাক্ষ্য  
মান্য করিয়াছেন। কিন্তু আমরা বিশেষভাবে জানি, শ্রীমুক্ত  
গণেন্দ্রনাথ বন্দ্যোপাধ্যায় শ্রীরামকৃষ্ণ মঠ-মিশনের  
কার্য্যে তখনও যোগদান করেন নাই। ইহার পর  
গগনস্পর্ধিনী স্পর্ধা প্রকাশ করিয়া রায় বাহাদুর  
লিখিয়াছেন :—

“স্বামী অমৃতানন্দ বসুমতী আফিসে এসে দীনেন্দ্রবাবুর কল্পিত  
ওরূপ কোন অশিষ্ট উক্তি আমার প্রতি প্রয়োগ করতেই পারে  
না। কেন না, হৃদীকেশের ঘটনার সময় স্বামী অমৃতানন্দ সেখানে  
উপস্থিত ছিলেন না। তিনি যে সে সময়ে শাহারানপুর হইয়া  
মীরাটে যাত্রা করেছিলেন একথা দীনেন্দ্রবাবুর আলোচনার মধ্যেই  
থিয়াছে।”

জলধর বাবু ‘অতিথি’ শব্দের অর্থবিপর্য্যয় করিয়া সত্যের  
প্রতীক, বিশ্ববরণ্য স্বামী বিবেকানন্দের মুখে যখন  
অসঙ্কোচে মিথ্যা কথার আরোপ করিতে পারিয়াছেন,  
তখন শ্রীরামকৃষ্ণ-ভক্ত-সম্প্রদায়পূজ্য স্বামী অমৃতানন্দের  
কথাকে তিনি যে অনায়াসে ‘অশিষ্ট উক্তিতে’ বিশেষিত  
করিয়া ধৃষ্টতার পরিচয় প্রকট করিবেন, তাহাতে বিন্ময়ের  
অবকাশ কোথায়? আমরা আবার প্রবন্ধে টাউন  
হলে স্বামীজীর স্মৃতিস্তম্ভ প্রসঙ্গেই পূজ্যপাদ স্বামী

অখণ্ডানন্দের নাম উল্লেখ করিয়াছিলাম। তাহাতে জলধর-বাবুর কোনরূপ সন্দেহের অবকাশ থাকিলে স্বামী অখণ্ডানন্দের মত ব্রহ্মজ্ঞ সন্ন্যাসীর প্রতি এরূপ অসম্মানকর সদন্ত উক্তি প্রয়োগ না করিয়া, তাঁহাকে একখানি পত্র লিখিয়া সত্য নির্ণয় করিলেই শোভনীয় হইত না কি ?

• দ্বীকেশে অর্চনায় হইবার পর স্বামীজী মীরাটে আসিয়া স্বামী অখণ্ডানন্দ—স্বামী তুরীয়ানন্দ—স্বামী ব্রহ্মানন্দ—স্বামী সারদানন্দ—স্বামী কৃপানন্দ—স্বামী অধৈতানন্দ প্রভৃতি গুরুভ্রাতৃগণের সহিত তিন মাসের অধিক কাল পরমানন্দে ধর্মালোচনা করিয়াছিলেন। সেই সময়েও কি কোন দিন তাঁহারা দ্বীকেশে জলধরবাবুর করুণায় স্বামীজীর জীবনলাভের কথা আলোচনা করেন নাই ?

ইহার পর রায় বাহাদুর লিখিয়াছেন :—

“সুতরাং বেলাউ মঠের বর্তমান ধর্মগুরু স্বামী অখণ্ডানন্দ মহারাজকে এর মধ্যে টেনে আনার চেষ্টা করাটা বা স্বামী অভেদানন্দের নাম উল্লেখ করে তাঁর উক্তিতে একটা গুরুত্ব আরোপের চেষ্টা করাটা নিতান্ত অবাঞ্ছনীয় হয়ে পড়েছে। আমার যতদূর স্মরণ আছে, দেহাডুনে স্বামীজীর সঙ্গে কালী মহারাজ (স্বামী অভেদানন্দ) ছিলেন না। সুতরাং তিনি এসম্বন্ধে কিছু বলতেই পারেন না।”

স্বামী অভেদানন্দ সে বার যে দ্বীকেশে স্বামীজীর তপস্শাসন্থী ছিলেন, এ কথা আমরা আষাঢ়ের প্রবন্ধে কোথাও উল্লেখ করি নাই। তথাপি জলধরবাবু তাঁহার মিথ্যাভার-প্রপীড়িত দুর্বল স্মৃতি আলোড়নের সুযোগ লইলেন কেন ? কিন্তু স্বামী অভেদানন্দ তাহার পরে ত’ বহুদিন স্বামীজী ও তাঁহার গুরুভ্রাতৃগণের সঙ্গ করিয়াছেন—সেই স্মৃত্তেও কি দ্বীকেশে জলধরবাবুর পরম কীর্তির কথা জানিবার অবকাশ পান নাই ?

যাহা হউক, অসঙ্কোচে স্বীকার করিতেছি যে, আশ্র-প্রশংসার দৃষ্টে আশ্রহারী জলধরবাবুর বেপরোয়া মিথ্যা-রাশির প্রতিবাদ প্রসঙ্গে আমরা এই সকল সর্বজনবরণ্য—ব্রহ্মবিদ সন্ন্যাসীর নামোল্লেখ করিয়া—তাঁহাদের অসম্মাননার কারণ হইয়া অত্যন্ত অন্তায় করিয়াছি।

স্বামীজীর পরম ভক্ত শ্রীযুত শরৎচন্দ্র চক্রবর্তী মহাশয়ও ত’ দীর্ঘকাল স্বামীজীর সঙ্গলাভ করিয়া, তাঁহার শ্রীযু-নিঃসৃত প্রসঙ্গগুলি সঙ্কলন করিয়া দুই খণ্ডে ‘স্বামি-শিষ্যসংবাদ’ প্রকাশ করিয়াছেন—তিনিও ত’ দ্বীকেশে

স্বামীজীর জীবনদানে জলধরবাবুর মহিমময় কীর্তির কথা জানিতে পারেন নাই।

জলধরবাবু যদি সত্যই দ্বীকেশে স্বামীজীর প্রাণ দান করিতেন, তাহা হইলে স্বামীজী—তাঁহার গুরুভ্রাতৃগণ—বিরাট শিষ্য-সম্প্রদায় নিশ্চয়ই রায় বাহাদুরকে তাঁহার প্রাপ্য সম্মানে বঞ্চিত করিতেন না—চিরদিন তাঁহাকে পরম সমাদর করিতেন। স্বামী বিবেকানন্দ ও তাঁহার গুরু-ভ্রাতৃগণ কখন কাহারও নিকট সামান্য উপকার পাইলে তাহা স্বীকার করিতে—প্রত্যুপকার করিতে কোন দিন কুণ্ঠিত হইয়াছেন কি ?

জলধরবাবু Eye witness চান, তাঁহার নিকট যখন Hearsay is no evidence, তখন শোনা কথার আর কাজ নাই। জলধরবাবুর এই মহিমময় কাহিনী এক জন জানেন বলিয়া রায় বাহাদুরও স্বীকার করিয়াছেন :—

“যারা ছিলেন তাঁদের মধ্যে একজনের কথা আমার অস্পষ্ট মনে পড়ে। ইনি স্বামীজীর অস্মৃতাকে তাঁর ‘সমাধি অবস্থা’ বলে গুরুভাইদের প্রবোধ দেবার জন্য বিসেব চেষ্টা করছিলেন। আমার নামধাম জানবার জন্যও তিনি একান্ত আগ্রহ প্রকাশ করছিলেন। কিন্তু পাছে আমার তাঁরা চিনতে পারেন এই আশঙ্কায়—আমার যতদূর মনে পড়ে, আমি তাঁকে আমার নামের পরিবর্তে আমারই তদনীন্তন এক পরিচিত সাধুর নাম বলেছিলাম। তিনি যুক্ত প্রদেশের প্রসিদ্ধ অবধূতাচার্য—‘শ্রীভগবান পুরী’।”

জলধরবাবু যাহার কথা বলিয়াছেন, ঠাকুরের কৃপা-লাভে ধন্ত সেই স্বামী কৃপানন্দ—পূজনীয় শ্রীযুক্ত বৈকুণ্ঠনাথ সান্যাল মহাশয় প্রথমে স্বামী সারদানন্দের সঙ্গী হইয়া-ছিলেন। পরে তাঁহারা উভয়ে যে আলমোড়া হইতে স্বামী বিবেকানন্দ ও স্বামী অখণ্ডানন্দ মহারাজের হিমালয়ের তপস্শা-সঙ্গী হইয়াছিলেন, তাহা আষাঢ় সংখ্যার ৩৭৮ পৃষ্ঠায় বিবৃত করিয়াছি। ব্রহ্মচারী প্রকাশচন্দ্র সঙ্কলিত ‘স্বামী সারদানন্দ’ জীবনী গ্রন্থের ৭২ পৃষ্ঠায় ১৮৯০ খৃষ্টাব্দের ২৫শে আগষ্টের আলমোড়া পোষ্টাফিসের শীলমোহরের প্রতিলিপি-যুক্ত যে পত্রখানি প্রকাশিত হইয়াছে—তাহা “শরৎ ও সান্যাল” মহাশয়ের স্বাক্ষরযুক্ত। সুতরাং জলধরবাবুর উল্লিখিত ব্যক্তি যে শ্রীযুক্ত বৈকুণ্ঠনাথ সান্যাল, তাহাতে সন্দেহের অবকাশ নাই। মায়াবতী-সংস্করণ স্বামীজীর জীবনীর ২য় খণ্ডের ১২০ পৃষ্ঠায় প্রকাশ :—

“The Swami remained at Dehra Dun for about three weeks, and then advising

Akhandananda to go to a friend's house in Allahabad, and leaving Kripananda to look after him, he with the others went to Hrishikesh. Kripananda joined them a few days later, when Akhandananda went down to Saharanpur on his way to Allahabad."

স্বামী কৃপানন্দ নামে স্বামীজীর তপশ্রাস্ত্রী পূজনীয় সাম্রাট মহাশয় যে স্বামীকেশে স্বামীজীর জীবনসঙ্কট অবস্থায় উপস্থিত ছিলেন, এ বিষয়ে জলধরবাবুও নিঃসন্দেহ হইতে পারিয়াছেন ; এবং তাঁহার নিকট "তিনি যুক্তপ্রদেশের প্রসিদ্ধ অবধূতাচার্য—শ্রীভগবানপুরী" নামে আত্মপরিচয় দিয়া মিথ্যানিষ্ঠা প্রকট করিয়াছিলেন। জলধরবাবু দীর্ঘকাল 'বঙ্গমতী' 'হিতবাদী' প্রভৃতি সংবাদপত্রের সম্পাদক নামে অভিহিত হইয়াও কোন দিন—সম্পাদকীয় প্রবন্ধ—মন্তব্য রচনা না করিয়া—কেবল সংবাদ-সঙ্কলনে সহযোগী সম্পাদকের কার্য করিতেন। এই স্বত্রে জলধরবাবু অসংখ্য ফৌজদারী মামলার বিবরণের অনুবাদ করিয়াছেন। কিন্তু "যুক্তপ্রদেশের প্রসিদ্ধ অবধূতাচার্য শ্রীভগবান পুরীর নাম" গ্রহণ করা যে "False personation"—ফৌজদারী দণ্ডবিধি আইনের ৪১৯ ধারায় নির্দেশিত অপরাধ এবং ফৌজদারীর আইনে যে তাহাদি নাই, ইহাও কি তিনি জানেন না? আর দ্বারে পড়িয়া তাঁহাকে যখন অল্পের নাম গ্রহণ করিতেই হইল—তখন ভিক্ষালব্ধ অর্থে যিনি সমগ্র হিমালয়ে পথ, সেতু, চিহ্ন নির্মাণ করিয়াছেন,—স্বামীকেশে—স্বর্গাশ্রমে—বদরিকাশ্রমের পথে অসংখ্য ধর্মশালা—সদাত্ত প্রতিষ্ঠা করিয়া অমর কীর্তি অর্জন করিয়াছেন—সাধুসেবা-ত্রে আত্মনিবেদিতপ্রাণ সেই বাবা কালীকমলীওলার নামটি গ্রহণ করিলেই ত' পারিতেন। তিনিও ত' সে যুগে বিস্তমান ছিলেন এবং সম্প্রতি হাইকোর্টে তাঁহার প্রতিষ্ঠিত সদাত্ত—ধর্মশালাগুলি পরিচালনার জন্ত যে মামলা চলিতেছে, জলধরবাবু তাহাতে হাজির হইয়া, ভাওয়াল সন্ন্যাসীর মামলার মত সেই মামলাটিকে চমকপ্রদ করিয়া, হয়ত বা তাহার গতি পরিবর্তিত করিতে পারিতেন।

স্বামীজীর জীবনদান-কাহিনীটি 'শুভি-তর্পণে' প্রথম প্রকাশের সময় জলধরবাবু লিখিয়াছিলেন—

"আমি ছায়াবের কাছ থেকে এই কথা শুনে, ভগবানের উদ্দেশ্যে প্রণাম করে আমার সদাত্তে এসে উপস্থিত হলাম।"

এ বার তিনি বলিয়াছেন—"অবধূতাচার্য শ্রীভগবান পুরী" "এক পরিচিত সাধুর নাম বলেছিলাম"—ইহার কোনটি সত্য? পরমহংস অবস্থার মত অবধূতও সন্ন্যাসীর একটি মায়ামুক্ত অবস্থা। অব-ধৌতিক চিকিৎসকের সাইন-বোর্ড দেখিয়াই কি জলধরবাবু 'অবধূতাচার্য' নামটি গ্রহণ করিয়াছিলেন?

ইহার পর সত্য প্রতিষ্ঠার জন্ত ব্যাকুল রায় বাহাদুর লিখিয়াছেন :—

"স্বামীজীর সেই সঙ্গীট আত্ম ও জীবিত আছেন কি না জানি না। বহুকাল পূর্বে একবার তাঁদের খবর নিতে গিয়ে শুনেছিলাম তিনি নাকি সন্ন্যাস-আশ্রম পরিত্যাগ কোরে গৃহস্বাশ্রমে ফিরে গেছেন। তিনি জীবিত থাকলে হয়ত এ ঘটনা সত্যক্ মাক্য দিতে পারতেন।"

রায় বাহাদুর শুনিয়া পরম আশ্চর্য—আনন্দিত হইবেন যে, তিনি এখনও স্বর্গায় হইয়া জলধরবাবুকে মিথ্যা কথা প্রচারের স্বযোগ দিতে পারেন নাই। তিনি তাঁহার কলিকাতার নিজ বাটীতে—বাগবাজার ২০ নং বঙ্গপাড়া লেনে উনআশী বৎসর বয়সে সূস্থ শরীরে—ঠাকুরের লীলা-ধ্যানে পরমানন্দে অবস্থান করিতেছেন। জলধরবাবুর সন্দেহভঙ্গনের জন্ত—পূজনীয় শ্রীশুক্ত বৈকুণ্ঠনাথ সাম্রাট মহাশয়ের স্বস্থ-লিখিত পত্রখানির প্রতিলিপি প্রকাশ করিলাম।

২০ নং বঙ্গপাড়ার  
বাগবাজার

স্বামীকেশে—

স্বামীকেশে স্বামীকেশে শ্রীভগবান পুরীর নাম  
এই নামটি গ্রহণ করা যে "False personation"  
ফৌজদারী দণ্ডবিধি আইনের ৪১৯ ধারায়  
নির্দেশিত অপরাধ এবং ফৌজদারীর আইনে  
যে তাহাদি নাই, ইহাও কি তিনি জানেন না?  
আর দ্বারে পড়িয়া তাঁহাকে যখন অল্পের  
নাম গ্রহণ করিতেই হইল—তখন ভিক্ষালব্ধ  
অর্থে যিনি সমগ্র হিমালয়ে পথ, সেতু,  
চিহ্ন নির্মাণ করিয়াছেন,—স্বামীকেশে—  
স্বর্গাশ্রমে—বদরিকাশ্রমের পথে অসংখ্য  
ধর্মশালা—সদাত্ত প্রতিষ্ঠা করিয়া অমর  
কীর্তি অর্জন করিয়াছেন—সাধুসেবা-ত্রে  
আত্মনিবেদিতপ্রাণ সেই বাবা কালীকমলী  
ওলার নামটি গ্রহণ করিলেই ত' পারিতেন।  
তিনিও ত' সে যুগে বিস্তমান ছিলেন  
এবং সম্প্রতি হাইকোর্টে তাঁহার  
প্রতিষ্ঠিত সদাত্ত—ধর্মশালাগুলি  
পরিচালনার জন্ত যে মামলা চলিতেছে,  
জলধরবাবু তাহাতে হাজির হইয়া,  
ভাওয়াল সন্ন্যাসীর মামলার মত  
সেই মামলাটিকে চমকপ্রদ করিয়া,  
হয়ত বা তাহার গতি পরিবর্তিত  
করিতে পারিতেন।

স্বামীকেশে—  
স্বামীকেশে স্বামীকেশে  
স্বামীকেশে স্বামীকেশে  
স্বামীকেশে স্বামীকেশে

স্মৃতি কখনোই নষ্ট হয় না। স্মৃতি প্রমাণ করে  
 যে আমি এটি। স্মৃতি স্মরণ ও স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়

স্মৃতি কখনোই নষ্ট হয় না। স্মৃতি প্রমাণ করে  
 যে আমি এটি। স্মৃতি স্মরণ ও স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়

স্মৃতি কখনোই নষ্ট হয় না। স্মৃতি প্রমাণ করে  
 যে আমি এটি। স্মৃতি স্মরণ ও স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়

স্মৃতি কখনোই নষ্ট হয় না। স্মৃতি প্রমাণ করে  
 যে আমি এটি। স্মৃতি স্মরণ ও স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়

স্মৃতি কখনোই নষ্ট হয় না। স্মৃতি প্রমাণ করে  
 যে আমি এটি। স্মৃতি স্মরণ ও স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়

স্মৃতি কখনোই নষ্ট হয় না। স্মৃতি প্রমাণ করে  
 যে আমি এটি। স্মৃতি স্মরণ ও স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়  
 স্মরণীয় স্মরণীয় স্মরণীয় স্মরণীয়

স্মৃতি কখনোই নষ্ট হয় না।

ইহার পরই রায় বাহাদুর সার্কাসের ক্লাউনের মত  
 একটি প্রচণ্ড ডিগবাজি খাইয়া উঠিয়া, আমাকে সার্কাসী  
 কেতার স্বদীর্ঘ অভিবাদন করিয়া, কৃতজ্ঞতা প্রকাশের  
 অন্তরালে নূতন মিথ্যার কসরতি দেখাইতেও বিশ্বস্ত হন নাই।  
 কিন্তু এক ডিগবাজি কৌশলে এই সর্ববিধ মিথ্যা কি "দিবা-  
 লোকসম মতো" পরিণত হইবে? তিনি বলিয়াছেন :-

"আমি আমার বান্ধক্যজনিত হৃৎকল স্মৃতির দোষে এই  
 ঘটনাটা উণ্টে ফেলে আগে পরে করে বসেছিলাম—এজ্ঞ আমি  
 লজ্জিত।"

পাহাড়ে মিথ্যাবাদী জগদধরবাবুর প্রতি নিশ্চয়ই  
 "Liar must have strong memory"—মিথ্যাকথার  
 সেই প্রসিদ্ধ নীতি প্রযুক্ত হইতে পারে না। ডেরাডুনে  
 স্বামীজীর আতিথ্যগ্রহণ প্রসঙ্গে 'স্মৃতিতর্পণে' পূর্বে তিনি  
 লিখিয়াছিলেন :-

"এ স্মৃতি কি ভুলবার। এই যে আমাদের সেদিনকার এত  
 আনন্দ—এর মধ্যে কিন্তু ঘৃণাকরেও স্থবীকেশে আমার সেই অভাব-  
 নীয় বা অপ্রত্যাশিত ভাবে স্বামীজীর দর্শনলাভের কথা উল্লেখ  
 করি নি। স্বামীজী ত ন'নই, তাঁর সঙ্গীরাও আমাকে চিনতে  
 পারেন নি—পারবার কথাও নয়; তখন আমি নগ্নপুত্র কঞ্চল সঞ্চল  
 সন্ন্যাসী, আর ডেরাডুনে আমি ভক্তবেশী, প্রকাণ্ড পাগড়ীধারী  
 মাষ্টারজী।"

কিন্তু জগদধরবাবুর ললাটে জয়টীকা-স্বরূপ যে বিশেষ চিহ্নটি  
 পরিষ্কৃত—তাঁহার জঘলমধ্যে অবস্থিত যে বর্জলাকার  
 আঘাটী শ্রীমুখের শোভা শতগুণে বৃদ্ধি করিয়াছে, তাহা  
 তিনি কিরূপে ঢাকিয়াছিলেন, তাহা ত' এই প্রসঙ্গে



বিবৃত করা উচিত ছিল। পাগড়ী দিয়া তাহা ঢাকিতে হইলে চোখের উপরাংশ পর্য্যন্ত যে আচ্ছাদিত করিতে হয়। জলধরবাবু এ বার বলিতেছেন :—

“আমি বদরিকা ঘুরে দেৱাছনে ফিরে আসবার পর স্বামীজী দেৱাছনে এসেছিলেন এবং দেৱাছন থেকেই তিনি স্নানকালে গেছিলেন।”

‘হিমালয়ে’ প্রকাশিত জলধরবাবুর ডায়েরীর অনুসরণে ‘মাসিক বসুমতীর’ আষাঢ় সংখ্যার ৩৮১ পৃষ্ঠায় প্রমাণ করিয়াছি যে, জলধরবাবু ১৮৯০ খৃষ্টাব্দের ২৪শে জুন বদরিকা হইতে দেৱাছনে ফিরিয়াছিলেন—এবং তিনি যে গ্রীষ্মকালের প্রায়াক্কার সন্ধ্যায় স্নানকালে সহসা উপস্থিত হইয়া স্বামীজীর জীবন দান করিয়াছিলেন, বারংবার উল্লেখ তাহা সকলেরই বেশ স্মরণ আছে। বিভিন্ন প্রদেশের লাটসাহেবগণ বর্ষাসমাগমে প্রতি বৎসর জুলাই মাসের দ্বিতীয় বা তৃতীয় সপ্তাহে গ্রীষ্মের শৈলাবাস হইতে নামিয়া আসেন। জলধরবাবুর ‘পথিক’ পুস্তকের ৮৫ পৃষ্ঠায় স্নানকালে প্রবন্ধে প্রকাশিত হইয়াছে :—

সে রাস্তাটি বারমাস থাকে না, বর্ষার সময় বরণাগুলি প্রবল হইয়া উঠিলে সে রাস্তা বন্ধ হইয়া যায়।”

সুতরাং দেৱাছনে জলধরবাবুর সহিত স্বামীজী ও তাঁহার গুরুভ্রাতৃগণকে দেখা করিতে হইলে ১৮৯০ খৃষ্টাব্দের জুন মাসের ২৭শে হইতে জুলাই মাসের তৃতীয় সপ্তাহের ভিতর স্বামীজীকে গুরুভ্রাতৃগণসহ দেৱাছনে যাইতে হয়। কিন্তু দুর্ভাগ্যক্রমে স্বামীজী সদলে ১৮৯০ খৃষ্টাব্দের ১৩ই অক্টোবর দেৱাছনে পৌঁছিয়া প্রায় তিন সপ্তাহ অর্থাৎ ৪ঠা নভেম্বর পর্য্যন্ত দেৱাছনে ছিলেন, মায়াবতীর প্রামাণ্য জীবনী হইতে তাহাও উক্ত প্রবন্ধের ৩৮১ পৃষ্ঠায় সুপ্রমাণিত করিয়াছি।

জলধরবাবু মায়াবতী-সংস্করণ স্বামীজীর প্রামাণ্য জীবনী বিশ্বাস করেন না। কিন্তু ‘স্বামী সারদানন্দ’ গ্রন্থের ৭৫ পৃষ্ঠায় স্বামীজীর হিমালয় যাত্রার সূচনায়, পূজনীয় শরণ মহারাজের স্বহস্ত-লিখিত যে পত্রখানি—আলমোড়া ডাকঘরের শীলমোহরের প্রতিলিপিতে ৫ই সেপ্টেম্বর ১৮৯০ খৃষ্টাব্দ—তারিখ মুক্ত হইয়া প্রকাশিত হইয়াছে এবং যে পত্রখানি আমরা ৩৭৮ পৃষ্ঠায় উদ্ধৃত করিয়াছি—জলধরবাবু তাহা

অস্বীকার করিবেন কিরূপে? জলধরবাবু ইচ্ছা করিলে এই পত্রখানি বেগুড় মঠে দেখিয়া আসিতে পারেন।

আর জলধরবাবু “গ্রীষ্মের...সন্ধ্যার প্রাক্কালে” স্নানকালে সহসা উড়িয়া আসিয়া গঙ্গার বালুকাময় চড়ায় সংগৃহীত গাছের ২৩টি পাতার রসে স্বামীজীর জীবন দান করিয়াছিলেন ;—কিন্তু স্বামীজী যে ৪ঠা হইতে ১২ই নভেম্বরের মধ্যে স্নানকালে অচেতন হইয়া ছিলেন, তাহাও ঐ প্রবন্ধের ৩৮১ পৃষ্ঠাতেই দেখাইয়াছি। এখন ডিগবাজীর কোণে জলধরবাবু যদি “গ্রীষ্মের সন্ধ্যার প্রাক্কাল” অতিক্রম করিয়া নভেম্বর মাসের হিমালয়ের প্রচণ্ড শীতেই স্বামীজীর জীবনদানের দাবী করেন, তাহা হইলে “গ্রীষ্মের সন্ধ্যার প্রাক্কাল”—৭টার পরিবর্তে ৫টা—জোর ৫।টা পর্য্যন্ত শীতকালের “প্রায়াক্কার সন্ধ্যা” বলিয়া ধরা যাইতে পারে। জলধরবাবু “প্রায় শনিবারই অপরাহ্ন দু’টার সময় স্কুল থেকে ফিরে এসে...মহানন্দে বেরিয়ে” পড়তেন। এই শনিবার যদি স্বামীজীর জীবনদান-পর্ব উপলক্ষে তিনি ব্যস্ত হইয়া “একটা দেড়টায় বেরিয়ে দেৱাছন থেকে স্নানকালে...সন্ধ্যার প্রাক্কালেই” পৌঁছিয়া থাকেন, তাহা হইলে সাড়ে তিন ঘণ্টা, জোর চার ঘণ্টায় তাঁহাকে ৩৬।৩৭ মাইল পার্শ্বপথ অতিক্রম করিতে হয়। ইহা কেবল যে কল্পনাবলে সম্ভব, তাহা পূর্বেই দেখাইয়াছি।

জলধরবাবু “সে বয়েসে ঘণ্টায় পাঁচ ছয় মাইল পথ অবলম্বন চলে যেতে” পারতেন। কিন্তু তার বেশী পারিতেন কি? তাঁহার ভ্রমণ-ডায়েরী হইতে সঙ্কলিত ‘পথিক’ পুস্তক হইতে উদ্ধৃত করিয়া দেখাইয়াছি যে, তিনি দুই দিনে আঠারো ঘণ্টায় ‘বয়েলগাড়ী’ করিয়া দেৱাছন হইতে স্নানকালে অভিযান করিয়াছেন। তাঁহার ‘হিমালয়ের’ ৩য় পৃষ্ঠায় প্রকাশ—

“সামান্য দুবে ক্ষুদ্র এক চড়াইয়ে উঠতে হ’লেই আমার ডাক্তার দরকার হয়।”

অন্য যাত্রায় তিনি তিহরী হইতে মসুরীতে কি ভাবে প্রত্যাভ্রমণ করিয়াছেন দেখুন :—

“আজ পাগড়ী ডাক্তারীতে চড়িয়া চলিতেছি।...চারিজন প্রকাণ্ড-কার পাগড়ী আমার ডাক্তারবাহক।...একখানি মোটা লম্বা বাশ, অবশ্য বাধুনি খুব দৃঢ়, আর একখানি কবল, আর দুইগাছি শক্ত

দড়ি, এই তিনটি জব্য আমার ডাঙীর উপকরণ। পর্তবাসিগণ সেই বাঁশের দুই দিকে খানিকটা স্থান বাহিরে রাখিয়া কখনখানি দড়ি দিয়া সেই বাঁশের সঙ্গে বেশ করিয়া বাঁধিয়া লইল। আমি সেই কবলের মধ্যে বসিয়া বৃক্কের মধ্যে বাঁশটি লইয়া দুই হাত দিয়া চাপিয়া, বসিয়া রহিলাম।” (‘পঞ্চিক’ ৩য় সং, ৬৫-৬৬ পৃষ্ঠা)

“ডাঙীওয়ালারা আমাকে তাহাদের একজনের পিঠে চড়িয়া গন্ধা জড়াইয়া ধরিতে বলিল; কিন্তু আমি...সে ভাবে যাইতে অস্বীকৃত দেখিয়া তাহারা আমাকে কবলে জড়াইয়া একজন তাহার পিঠের সঙ্গে বাঁধিল। (‘পঞ্চিক’ ৩য় সং, ৮১ পৃষ্ঠা)

ইহাতে তিনি অবশ্যই সদন্তে বলিতে পারেন—“গর্ক ক’রে বলতে পারি যে হাঁটার সব প্রতিযোগিতায় ফাষ্ট ক্লাস ফাষ্ট হতাম।”

আর “অসংখ্য বাকবিস্তারের” প্রয়োজন নাই—গৌরব-গর্কে আত্মবিস্মৃত জলধরবাবুর লিখিত “পুজ্যপাদ স্বামী বিবেকানন্দ সম্বন্ধে বর্ণিত ব্যাপার” যে কিরূপ ভাবে “দিবা-লোকের ঞায় সম্পূর্ণ সত্য”—বোধ হয়, তাহাতে কাহারও লেশমাত্র সন্দেহের কোন অবকাশ আর নাই! আত্মপ্রশংসার উন্মাদনায় হিমালয়সম মিথ্যার এমন বিরাট বাহার যে আর কখনও দেখেন নাই, আশা করি সকলেই তাহা অসঙ্কোচে স্বীকার করিতে পারিবেন। একটা মিথ্যা ঢাকিতে গিয়া অন্য মিথ্যার আশ্রয় গ্রহণের দৃষ্টান্ত রায় বাহাদুরের এই প্রতিবাদের ছত্রে ছত্রে বিরাজিত; কিন্তু নূতন মিথ্যার সাহায্যেও যাহা টাকা পড়িবার সম্ভাবনা নাই, সে স্থানে তিনি সম্পূর্ণ নীরব; সে সকল কথা প্রতিবাদ করিতেও জলধরবাবু সাহস পান নাই। অতঃপর জলধরবাবুর অপর তিনটি কথার উত্তর দিতেছি।

আদিপর্ব—ছাত্র-জীবনে—

ত্রিলিয়ান্ট পর্বাধ্যায়

রায় বাহাদুর লিখিয়াছেন :—

“আমার এই ‘স্মৃতি-তর্পণের’ মধ্যে কোথাও আমি একথা বলিনি যে, আমি ছাত্রবৃত্তি পাশ করেছিলাম।... ছাত্রবৃত্তি পরীক্ষা না দিবেও যে ‘মাইনর’ পরীক্ষায় পাশ করা যায়, আশা করি দীনেশ্রবাবু এটা এখনও বিস্মৃত হন নি।”

‘ত্রিলিয়ান্ট’ জলধর সেনের পক্ষে নিয়মের ব্যতিক্রম থাকিতে পারে; কিন্তু সাধারণ নিয়ম, ছাত্রবৃত্তি পাশের নম্বর রাখিতে না পারিলে, উহার অতিরিক্ত কেবল ইংরেজি

প্রশ্নপত্রের উত্তরে পাশের নম্বর রাখিয়া ‘মাইনর পরীক্ষায় পাশ করা যায়’ না। ‘ত্রিলিয়ান্ট’ জলধর সেন বার্ককে ইহাও কি বিস্মৃত হইয়াছেন?

সমালোচনার প্রয়োজনে বার বার তিন বার জলধর-বাবুর যে উক্তিটি উদ্ধৃত করিয়াছি—আবার তাহাই উদ্ধৃত করিতেছি—

“আমি যখন বঙ্গবিদ্যালয়ের প্রথম শ্রেণীতে পড়ি,... আমাদের সময়ে ছাত্রবৃত্তি পরীক্ষার পাঠ্য ছিল পরলোকগত রাজকৃষ্ণ মুখো-পাধ্যায় মহাশয় প্রণীত ‘মিত্রবিলাপ কাব্য’।”

“আমি বাল্যকাল থেকেই গোয়ালন্দে ছিলাম। গোয়ালন্দের মাইনর স্কুল থেকেই পরীক্ষা দিবে পাঁচ টাকা বৃত্তি পাই।”

পাঠকগণকে জিজ্ঞাসা করি, ইহা পড়িয়া জলধরবাবু যে ছাত্রবৃত্তি বা মাইনর পাশ করেন নাই—অনুমান করিতে পারেন কি?—ছাত্রবৃত্তি বা মাইনর পাশ না করিয়াই তিনি কি বৃত্তিলাভ করিয়াছিলেন? আবার সেই বৃত্তি মাসিক ৪৮ নহে, সৃষ্টিছাড়া ৫৮ টাকা! ইহা ডবল মিথ্যার উপর মিথ্যার অভ্রভেদী মনুস্মেন্ট নহে কি?

এই প্রশ্নে জলধরবাবু আরও বলিয়াছেন :—

“আমার আবৃত্তি শুনে ভূদেব বাবু আমাকে যে পারিতোষিক দিবেছিলেন, তাঁর সেই ব্যক্তিগত উপহারকে, ‘ছাত্রবৃত্তি পরীক্ষার প্রাইজ’ বলে চালাবার হুশ্চেষ্ঠা দীনেশ্রবাবু তাঁর প্রয়োজনের অনুরোধে করতে পারেন,...”

কিন্তু রায় বাহাদুরের পূর্ব-বর্ণনার অনুসরণ করিয়া মনীষী ভূদেব বাবু যে কুমারখালির বঙ্গবিদ্যালয়ে জলধর-বাবুর কবিতা আবৃত্তি শুনিয়া অশ্র-নির্দর্শন ‘স্পেক্টেটর’ পুস্তকখানি দিয়া আসিয়াছিলেন, তাহা কি বারংবার উদ্ধৃত করি নাই? আর ইহারই সমালোচনায় কি ভূদেব বাবুর পক্ষে জলধরবাবুর ছাত্র-গৌরবের ষণঃসৌরভে আকৃষ্ট হইয়া, পরিদর্শন-সীমা অতিক্রম করিয়া, জলধরবাবুর কবিতা আবৃত্তি শুনিয়া কাঁদিয়া ভাসাইয়া দেওয়া সম্ভব নহে— এই কথাই বলি নাই? তাহাকে যে কোথায় তাঁহার ‘ছাত্রবৃত্তি পরীক্ষার প্রাইজ’ বলে চালাবার হুশ্চেষ্ঠা করিয়াছি— পাঠকমহোদয়গণ অনুগ্রহ করিয়া দেখাইয়া দিবেন কি?

“এক ত্র্যাকেটে স্কারশিপ” প্রশ্নে রায় বাহাদুর লিখিয়াছেন :—

“এ ভাস্কর ধারণার জগৎ স্বর্গগত বন্ধু বিজয়লালই দায়ী।... বিশ্ববিদ্যালয়ের ক্যালেণ্ডার হাতড়ে দেখিনি বা কলিকাতা গেজেটের ফাইল খুঁজিনি।...”

কিন্তু 'ত্রিলিয়ার্ট' জলধরবাবু, বোধ হয়, তাঁহার প্রবেশিকা-পরীক্ষার ফল বা স্কলারশিপ-তালিকাটিও কোন সংবাদপত্রে দেখিবার প্রয়োজন বোধ করেন নাই। মহিষাদলে কাকার বাসায় কবিবরের অভ্যর্থনার মজলিশে তিনি যে অমর কবি দ্বিজেন্দ্রলালের সহিত জলধরবাবুর পরিচয় করিয়া দিয়াছিলেন, তাহা এখনও আমার বেশ মনে আছে। ১৩৪০ সালের ভাদ্র-সংখ্যা 'মাসিক বসুমতীতে' আমার 'সেকালের স্মৃতি' কথায় এই কাহিনীটি প্রকাশের ২৬ মাস পরে জলধরবাবু তাঁহার 'স্মৃতি-তর্পণে' এই নিমন্ত্রণ-প্রসঙ্গ সমাবেশ করিয়াছেন। কিন্তু সে সময় আমি সে মজলিশে উপস্থিত ছিলাম বলিয়া জলধরবাবু দ্বিজেন্দ্রলালের মুখ দিয়া সে সভায় "এক ত্র্যাকেটে স্কলারশিপ" মাহাত্ম্যটি প্রচার করাইতে ভরসা পান নাই। তাহার পর যখনই দ্বিজেন্দ্রলালের সহিত তাঁহার দেখা হইয়াছে, তখনই তিনি সকলকে শুনাইয়া 'ত্র্যাকেট'-মহিমা ঘোষণা করিয়াছেন। শুনিয়াছি, তিনি উহা 'মটো' রূপে হাপাইয়া বৈঠকখানায় বাধাইয়া রাখিয়াছিলেন। জলধরবাবু বোধ হয় ভুলিয়া গিয়াছেন, শ্রাকামীরও একটা সীমা আছে।

এই ক্ষেত্রে জলধরবাবুর 'স্মৃতি তর্পণের' আর একটা কথার অশ্লীলন শেষ করিয়া রাখি। আমাদের পাঠক মহাশয়গণের ভিতরও অনেক ত্রিলিয়ার্ট ছুঁড়েন্ট আছেন—কিন্তু তাঁহারা ১৯ বৎসর বয়সে এন্ট্রেন্স পরীক্ষা দিতে গিয়া—সম্পূর্ণ অপরিচিত "শৈশবের বন্ধুর" নিকট হইতে "তোমার মত ত্রিলিয়ার্ট ছেলে...কখন দেখেন নি"—উচ্চ প্রশংসার সঙ্গে অস্বাভাবিকভাবে প্রতিদিন স্নানভাঙ্গা এবং কিরিবার দিন হাঁড়িভরা সরপুঁরিয়া—সরভাঙ্গা পাইয়াছেন কি?

### সভাপর্ষ-কংগ্রেসে-ভূস্বামী ও প্রতিনিধি-পরিচয় পর্ষাধ্যায়

এই প্রসঙ্গে রায় বাহাদুর প্রতিবাদে বলিয়াছেন :—

"তবে কংগ্রেসের কর্তৃপক্ষ গর্ভমণ্ডকে তাঁদের এই অধিবেশনের গুরুত্ব সম্বন্ধে সচেতন করবার উদ্দেশ্যে যদি কোন রিপোর্টে সমবেত প্রতিনিধিবর্গের ভ্রমকালো ও ভড়কালো পরিচয় দিয়া সভার মর্যাদা বৃদ্ধি করে থাকেন,..."

কংগ্রেসের দ্বিতীয় অধিবেশনে মহারাজা যতীন্দ্রমোহন ঠাকুর, মহারাজা দুর্গাচরণ লাহা, উত্তরপাড়ার সুপ্রবীণ

জমিদার জয়কৃষ্ণ মুখোপাধ্যায়, রাজা রাজেন্দ্রলাল মিত্র, রাজা প্যারীমোহন মুখোপাধ্যায় প্রভৃতি উপস্থিত থাকা সত্ত্বেও কংগ্রেসের কর্তৃপক্ষ কি কারণে যে, গোয়ালন্দ স্কুলের মাসিক ত্রিশ টাকা বেতনের মাষ্টারের পদগৌরব বৃদ্ধি করিয়া—'ভূস্বামী' ও 'গোয়ালন্দ-শাখার প্রতিনিধি'রূপে জলধরবাবুর "ভ্রমকালো ও ভড়কালো" মিথ্যা পরিচয় দিয়া "সভার মর্যাদা" বৃদ্ধি করিবেন, তাহা আমাদের বুদ্ধির অগম্য। প্রতিনিধিগণ নিজে ডেলিগেট ফরমে যে পরিচয় লিখিয়া দেন, তাহাই ত' কংগ্রেসের রিপোর্টে মুদ্রিত হয়। সে যুগের কংগ্রেসে, মহারাজা, জমিদারের কোন অভাব ছিল না, বরং এক জন সাধারণ স্কুল মাষ্টারও তাঁহাদের সহিত যোগদান করিয়াছিলেন—জনমত সংগঠনপ্রয়াস প্রতিপন্ন করিবার জগু ইহাই ত' তাঁহাদের বিশেষ প্রয়োজন। আমাদের পল্লী অঞ্চলে একটি গল্প সুপ্রচলিত আছে—“দাদা, আমি ত' গাজা খাই নি, আমি ঘুমিয়েছিলাম, আমার হাতে জোর ক'রে কল্লে গুঁজে দিয়ে কে গাজা খেয়েছে জানি নে।” ইহা কি তাহারই ভদ্‌সংস্করণ?

'স্মৃতি-তর্পণের' ১৭৮ পৃষ্ঠায় জলধরবাবু নিজেই যে লিখিয়াছেন :—

“সেই অধিবেশনে আমি গোয়ালন্দের জনসাধারণ কর্তৃক প্রতিনিধি নির্বাচিত হ'য়ে যাই।”...

ইহাতেও বোধ হয় জলধরবাবু অসঙ্কোচে স্বর্গীয় ডি, এল, রায় কথিত 'স্কলারশিপ ত্র্যাকেটের' অনুরূপ কৈফিয়ৎ দিতে পারিবেন :—কংগ্রেসের অগ্ৰতম প্রতিষ্ঠাতা—সভাপতি—দেশপূজ্য উমেশচন্দ্র বন্দ্যোপাধ্যায়ের একান্ত অনুরোধক্রমেই—তিনি গোয়ালন্দ শাখার প্রতিনিধি সাজিয়াছিলেন ও আপনার ভূস্বামী পরিচয় লিখিয়াছিলেন।

### বিন্মাটপর্ষ-মহিষাদল-রাজ্যে অজ্ঞাত- বাসে-চুরুট সেবন-পর্ষাধ্যায়

'মাসিক বসুমতীর' ১৩৪০ সালের ভাদ্র-সংখ্যায় মহিষাদলে 'হিমালয়' রচনার ইতিহাস প্রসঙ্গে আমার 'সে কালের স্মৃতিকথার' লিখিয়াছিলাম :—

“মাষ্টার মহাশয় চুরুটের ঘোঁরাব সঙ্গে আমার কথা হাসিয়াই উড়াইয়া গিলেন।”

আমার কথা মিথ্যা প্রতিপন্ন করিবার জন্ত, ইহার প্রতিবাদে শ্রীমুক্ত নরেন্দ্র দেব 'মাসিক বসুমতীর' ১৩৪০ সালের মাঘ সংখ্যায় লিখিয়াছিলেন :—

“আমরা তিনিয়াছি, জলধর বাবু তখনও ধূমপানে অভ্যস্ত হন নাই।...বসুমতীর প্রতিষ্ঠাতা ও উপেন্দ্রনাথ মুখোপাধ্যায় মহাশয়ই তাঁহাকে চুরুট ধরাইয়াছিলেন। সে মহিষাদল আসিবার অনেক পরে।”

রায় বাহাদুর নিজেও 'স্মৃতিতর্পণের' ১২৫ লিখিয়াছেন :—

“এই বৃদ্ধ দানব প্রসিদ্ধ চুরুট-খোর বলে যে একটা স্মনাম বা বদনাম রটে গিয়েছে, সেই চুরুট ধরিয়েছিলেন কে জানেন?—'বসুমতীর' মাসিক স্বর্গীয় উপেন্দ্রনাথ মুখোপাধ্যায় মহাশয়। 'বসুমতী' অফিসে প্রবেশ করবার দুই তিন মাসের মধ্যেই তিনি প্রথম আমার হাতে চুরুট তুলে দেন। এ নেশায় তিনিই আমার গুরু...”

দ্বিজেন্দ্রলাল প্রসঙ্গে 'স্মৃতি-তর্পণের' ৭১৫ পৃষ্ঠায় মাষ্টার মহাশয় লিখিয়াছেন :—

“সে. বোধ হয় ১৮৯৫ কি ৯৬ অব্দে। আমি তখন মহিষাদল স্কুলে মাষ্টারি করি। মহিষাদলের রাজার ম্যানেজার আমার পরম হিতৈষী সুলভ পরলোকগত মহনাথ রায় মহাশয়ের বাসায় থাকি; তাঁর ছেলেকে পড়াই, আর তাঁর ভাতুপুত্র সুলভবর দীনেন্দ্রকুমার রায়েবর সহিত অবসর-সময় যাপন করি।”

আর জলধরবাবু ১৩০৬ সালের ১৫ই বৈশাখ—২৭শে এপ্রেল ১৮৯৯ খৃষ্টাব্দে সুপ্রসিদ্ধ সাংবাদিক পাঁচকড়ি বন্দ্যোপাধ্যায় মহাশয়ের গণেশরূপে বসুমতী কার্যালয়ে যোগদান করেন।

জলধরবাবু চুরুট সেবনের নজীর তাঁহার স্মনামে প্রকাশিত 'পথিক' পুস্তকের 'দারজিলিংয়ের পথে' প্রবন্ধে সন—তারিখ—মাস—বার—ঘণ্টা ধরিয়। এই ভাবে প্রচারিত করিয়াছেন :—

“১৮৯৫ খৃষ্টাব্দের ১৯শ মে রবিবার রাত্রি ১১টার সময়” পার্কতীপুর জংশন হইতে যাত্রা করিয়া দার্জিলিং পৌছিয়া .. “অনিদ্রা, অনাহার ও গাড়ীতে দাক্ষণ কষ্টের পর স্নানাহারশেষে কোথায় চুরুট টানিতে টানিতে খোসগল্প করিব—”

ইহার পরও কি রায় বাহাদুর বলিবেন, তিনি মহিষাদলে চুরুট খাইতেন না,—'বসুমতী' কার্যালয়ে স্বর্গীয় উপেন্দ্রনাথ

মুখোপাধ্যায় মহাশয় তাঁহাকে চুরুট ধরাইয়াছিলেন? এরূপ সামান্য কথাতেও জলধরবাবু মিথ্যার আশ্রয় লইতে লজ্জিত হন নাই। তাঁহার ধারণা, একটা মিথ্যাকথা কোনক্রমে চালাইয়া দিতে পারিলেই তাহা কালক্রমে সত্যে পরিণত হইবে।

অবশেষে জানিয়া প্রীতিলভ করিলাম, আমার সমালোচনাটি জলধরবাবু “তাঁর বৃদ্ধ বয়সের শ্রদ্ধাপ্রদত্ত 'গুরু দক্ষিণা' বলেই প্রশান্ত অন্তরে গ্রহণ” করিয়াছেন। কিন্তু গুরু—মুক্তিমঙ্গলাত—সাধনার পথ নির্দেশকারী বলিয়াই তাঁ জানি। রায় বাহাদুর যে কোন্ অধিকারবলে আমার গুরুর আসন বেপরোয়া ভাবে দখল করিয়া বসিলেন, তাহাও তাঁ বৃষ্টিয়া উঠিতে পারিলাম না। মহিষাদলে তৃতীয় মাষ্টাররূপে শিক্ষকতার জন্ত তিনি মাসিক ৪০ টাকা বেতন পাইতেন। সেই সময়ে কিছুদিন—অনুমান হয় সাত মাস—আমাকে অঙ্ক শিখাইবার নামে দুইখানি পুস্তক লেখাইয়া লইয়াছেন। ছয় সাত মাস আমাকে অঙ্ক শিক্ষা দিবার জন্ত তাঁহার বেতন মাসিক ১০০ টাকা হিসাবে ৬০০ টাকা—জোর ৭০০ টাকা প্রাপ্য হইতে পারিত। সেসমলে আমার লিখিত দুইখানি পুস্তক তিনি স্মনামে প্রচার করিয়া বিভিন্ন সংস্করণে ১০।১২ হাজার টাকা পাইয়াছেন। ইহাতেও কি তাঁহার শিক্ষকতার প্রাপ্য বহুগুণ পরিশোধ করা হয় নাই?

মহাশয়র তর্পণ-পর্কের পূর্বেই রায় বাহাদুর স্মৃতিতর্পণ সমাপন করিতে বাধ্য হইলেন বলিয়া মনে হইতেছে। অতঃপর 'মাসিক বসুমতীতে' যদি জলধরবাবুর জীবনস্মৃতি-মহাভারতের উদ্বোধনপর্ক হইতে গদ্যপর্ক পর্য্যন্ত—বিভিন্ন সংবাদপত্রে তাঁহার শিখণ্ডীলীলার মহিমা বিশ্লেষণের স্বেচ্ছা না পাই—অন্যত্র প্রয়াস পাইব।

জলধর বাবু!—


“কতক্ষণ জলের তিলক থাকে ভাল।

কতক্ষণ রহে শিলা শূন্যেতে মারিলে?”

শ্রীদীনেন্দ্রকুমার রায়।







## প্রতিবাদ পত্র

মাননীয় শ্রীযুক্ত “মাসিক বসুমতী” সম্পাদক মহাশয় সমীপে—  
সবিনয় নিবেদন,

শ্রাবণ-সংখ্যা “মাসিক বসুমতীতে” শ্রীযুক্ত দীনেন্দ্রকুমার রায় মহাশয় “জলধর-স্মৃতি-সম্বর্ধনা” ( দ্বিতীয় প্রস্তাব ) প্রবন্ধে আমার প্রতি একটু কটাক্ষপাত করিয়াছেন। আমার অপরাধ, আমি শ্রদ্ধেয় রায় শ্রীযুক্ত জলধর সেন বাহাদুরের ‘বাল্যজীবন ও ছাত্রজীবনের কথা’ লিখিয়া রাখিয়াছি। দীনেন্দ্রবাবু লিখিয়াছেন—

“শ্রীমান নরেন্দ্রনাথ বসুর সাহিত্য-প্রতিভার পরিচয় এখনও পাই নাই—তিনি কোন্ শ্রীমান নরেন্দ্রনাথ ভাষা জানিবার সৌভাগ্য আজও হয় নাই। তবে তিনি যে কীর্ত্তিমান সাহিত্যিক, সে বিষয়ে সন্দেহ নাই—নচেৎ বিশ্ববিজ্ঞানী সাহিত্য-দ্বিগুঞ্জ জলধর বাবুর ‘বাল্যজীবন ও ছাত্রজীবন’ লিখিবার ভার পাইতেন না। তাঁহার প্রতিভা-রঞ্জিত জলধর বাবুর ‘বাল্যজীবন ও ছাত্রজীবন’ প্রকাশিত হইবার পূর্বে”—ইত্যাদি।

আমি আপনাকে এবং মাসিক বসুমতীর পাঠক পাঠিকাগণকে জানাইতে বাধ্য হইতেছি যে, দীনেন্দ্রবাবুর মত আমার কোন ‘সাহিত্য-প্রতিভা’ না থাকিলেও এবং তাঁহার মত ‘কীর্ত্তিমান সাহিত্যিক’ না হইলেও আমি ১২।১৩ বৎসর যাবৎ তাঁহার সহিত ব্যক্তিগতভাবে পরিচিত। আমার সম্পাদিত ( অধুনালুপ্ত ) “বীণারী” পত্রিকার প্রকাশের স্তম্ভ তিনি লেখাও দিয়াছেন। পূর্বে তাঁহার সহিত আমার পত্র-ব্যবহারও চলিত। কয়েকবার

তিনি আমার নিকট ‘কলিকাতা হোটেলে’ তথাগমন করিয়াছেন। তাঁহাকে আমি কখনও আদর অভ্যর্থনার ক্রটি করি নাই। তিনি কলিকাতায় আসিয়া শ্রীযুক্ত জলধর সেন মহাশয়ের বাসাতেই থাকিতেন, দেখানেও অনেকবার তাঁহার সহিত সাক্ষাৎ ও কথা-বার্তা হইয়াছে। আমি দীনেন্দ্রবাবুকে একাধিকবার জানাইয়াছি যে, সেন মহাশয়ের মুখ হইতে শুনিয়া তাঁহার বাল্যজীবনের কথা লিখিয়া রাখিতেছি। শুনিয়া দীনেন্দ্রবাবু তখন আনন্দই প্রকাশ করিয়াছেন। সব জানিয়া শুনিয়াও “তিনি কোন্ শ্রীমান নরেন্দ্রনাথ, তাহা জানিবার সৌভাগ্য আজও হয় নাই।” এইরূপ স্পষ্ট মিথ্যা বলায় তাঁহার যে কি লাভ তাহা বুঝিতে পারিলাম না। যদি স্বভাবের দোষ হয়, অথবা পূর্বেকার মস্তিষ্কের দুর্বলতা বৃদ্ধি পাইয়া মতিভ্রম ঘটয়া থাকে, তবে পৃথক কথা। অথবা আমার নাম উল্লেখ করিয়া অজ্ঞতার ভাণ বা কটাক্ষপাত না করিলেও, তাঁহার ‘জলধর-স্মৃতি-সম্বর্ধনা’ প্রবন্ধ প্রকাশের উদ্দেশ্য সিদ্ধির কোনট ব্যাঘাত ঘটত না। প্রবন্ধে যত ইচ্ছা মিথ্যা চালাইলেও, আমি কখনও কোন প্রতিবাদ করিতে যাইতাম না।

আশা করি, ভাদ্রের মাসিক বসুমতীতে এই প্রতিবাদ পত্রখানি প্রকাশ করিয়া বাধিত করিবেন। ইতি—২রা ভাদ্র, ১৩৪৩।

বিনীত

শ্রীনরেন্দ্রনাথ বসু।

## প্রতিবাদ পত্রের উত্তর

‘কলিকাতা হোটেলের’ অস্তম স্বত্বাধিকারী শ্রীযুক্ত নরেন্দ্রনাথ বসু যে, সাহিত্য-দ্বিগুঞ্জ রায় জলধর সেন বাহাদুরের ‘বাল্যজীবন ও ছাত্রজীবন’ লিখিবার ভার গ্রহণ করিয়াছেন, পূর্বে কোনদিন তাহা জানিবার সৌভাগ্য আমার হয় নাই। “শ্রীমান নরেন্দ্রনাথ বসু” নামটি যে তাঁহারই একচেটিয়া—অন্ত কাহারও প্রতি প্রযুক্ত হইতে পারে না, তাহাও আমার জানা ছিল না। তবে নরেন্দ্র বাবুর ‘কলিকাতা হোটেলে’ নৈশ-ভোজন সমাপনের স্তম্ভ রায় বাহাদুর যে অপরাহ্ন হইতে সাত্রি দ্বিপ্রহর পর্য্যন্ত বহুদিন অপেক্ষা করিতেন, তাহা জানি। জলধরবাবুর ‘বাল্যজীবন ও ছাত্রজীবন’ প্রণয়নে নরেন্দ্র বাবুর বোগ্যতার কল্পনা করিয়া, তাঁহার প্রতিভার প্রশংসাই ত’ করিয়াছি।

শ্রীযুক্ত নরেন্দ্র বাবু জানিয়া বিশেষ আনন্দিত হইবেন যে,

মেহেরপুর হইতে কলিকাতায় আসিয়া জলধরবাবুর আগ্রহে যে কয় বার তাঁহার বাসায় থাকিয়াছি—প্রতিবারেই আমাকে প্রবন্ধ—অভিভাষণ প্রভৃতি লিখিয়া দিতে হইয়াছে এবং আমার সে রচনাগুলি মাষ্টার মহাশয়ের নামেই প্রকাশিত হইয়া ধস্ত হইয়াছে। স্মরণ্য নরেন্দ্র বাবুর বন্ধু জলধর বাবুর কোনবারে অন্নদানই ব্যর্থ—অপব্যয় হয় নাই—বিনিময় গ্রহণে সার্থক হইয়াছে; যথাসময়ে সেই প্রবন্ধ-তালিকা প্রকাশের বাসনা রহিল।

বাহা হউক, রায় বাহাদুরের বাল্যলীলা কীর্ত্তনের মহিমা গানে, প্রতিভাবান সাহিত্যিক নরেন্দ্র বাবুর লুপ্ত ‘বীণারী’ অল্পম মুর্ছনা-বেশের সহিত, আমার মত অক্ষম সাহিত্যিকের বেতলা শ্রীখোলের টাটি, আশা করি, অতি পরিপাটী হইবে।

বিনীত

শ্রীদীনেন্দ্রকুমার রায়।



# গোবিন্দপুর প্রথম

খোদা গোবিন্দপুর

বাঙ্গালার ইতিহাসে খোদা-গোবিন্দপুরের পৈশাচিক অনাচারের কাহিনী চিরস্মরণীয় হইয়া থাকিবে। খোদা গোবিন্দপুরে প্রায় দেড়শত পরিবারের বাস, তন্মধ্যে ২০২৫ ঘর হিন্দু। একটি হিন্দু পরিবারের উপর দিনের আলোতে দলবদ্ধ হইয়া মুসলমানগণ অত্যাচার করিয়াছিল। প্রথমবার বিচারে দায়রা জজ অভিযুক্ত ৪২ জনের মধ্যে ২ জনকে মুক্তি দিয়া বাকি ৪০ জনের মধ্যে ৮ জনের প্রতি ব্যবস্জীবন নির্কাসন দণ্ড এবং বাকি ৩২ জনের ১০ বৎসর করিয়া সশ্রম কারাদণ্ড প্রদান করেন। ইহা এক বৎসর পূর্বের ঘটনা।

কলিকাতা হাইকোর্টে আপীলের শুনানি হইলে দুই জন জজ মতপ্রকাশ করেন—মামলার পুনর্বিচার হইবে। কারণ, জুরর-দিগকে মামলা বুঝাইবার ব্যাপারে ত্রুটি ছিল। সুতরাং পুনর্বিচার হইবে, রাজসাহীতে নহে—জলপাইগুড়ীতে। বিচারক খুষ্টান জজ হইবেন এবং জুররের পরিবর্তে এসেসর নিয়োগ করিতে হইবে।

যুরোপীয় খুষ্টান জজ, ১ জন হিন্দু ও বাকি মুসলমান এসেসর লইয়া মানসার বিচার শেষ করিয়াছেন। মূল মামলার বিচার-কালে সরকারী উকিল রায় বাহাদুর এস্, এন্, ভাইয়া বলিয়াছিলেন, “যখন এই অত্যাচার চলিয়াছিল, তখন যেন খোদা গোবিন্দপুর বৃটিশ-শাসনের বাহিরে ছিল।” তিনি বিচারককে বলিয়াছিলেন যে তিনটি বিষয় বিবেচনা করিয়া বন্দের দণ্ড প্রদান করাই কর্তব্য। (১) অভিযুক্ত মুসলমান অত্যাচারীদের উত্তেজিত হইবার কোন কারণ ছিল না; (২) তাহারা পূর্ব হইতেই সঙ্কল্প-বদ্ধ হইয়া অত্যাচার করিয়াছিল; (৩) অত্যাচার নৃশংস।

জলপাইগুড়ীর খুষ্টান বিচারক মিঃ ম্যাকশার্প রায় দিয়াছেন— দুই জনের ৪ বৎসর করিয়া সশ্রম কারাদণ্ড, ১০ জনের ৩ বৎসর এবং বিশ জনের ২। বৎসর হইতে ৬ মাস সশ্রম কারাদণ্ড হইল। ৬ জনকে বেকসুর খালাস দেওয়া হইয়াছে। নারীধর্ষণ (৩৭৬ ধারা) ও নারীহরণের (৩৬৬ ধারা) অভিযোগ হইতে আসামী-দিগকে সশ্রম কারাদণ্ড দিয়া কোনও দণ্ড প্রদত্ত হয় নাই।

রায় জজ ম্যাকশার্প বলিয়াছেন, “মোটের উপর প্রমাণ যথেষ্ট হইয়াছে এবং তাহা বিশ্বাসযোগ্য। আসামীর দল যে দাঙ্গা করিয়াছিল, বাধাবলম্বে গৃহস্থদিগকে প্রহার করিয়াছিল ও তাহাদিগকে বিশেষ-ভাবে অপমানিত করিয়াছিল এবং কুশ্রমের শ্রীলতাহানি করিয়াছিল, তাহাতে সন্দেহের অবকাশ নাই। তাহারা যে কাণ্ড করিয়াছিল, তাহার সমর্থন করিবার কোন কারণ নাই।”

মফিজান নাম্নী ৬৭ সন্তানের জননী নারীর সহিত হরেন্দ্রের অবৈধ প্রণয় ঘটে এবং তাহার ফলে মফিজান সন্তানসম্ভবা হয়, এই অভিযোগে মুসলমানরা গোলাবাড়ীতে হরেন্দ্রকে লইয়া গিয়া যথেষ্ট নির্যাতন করে। অর্থাৎ মফিজানকে ডাকিয়া সত্যাসত্য নির্ণয়ের কোন ব্যবস্থাও হয় নাই। সে গ্রামে তাহাকে পাওয়া যায় নাই। এক্ষণে অবস্থায় হরেন্দ্র দোষী কি নিদোষ, তাহার

প্রমাণ কোথায়? আর যদিও মফিজানের সহিত তাহার প্রণয় ঘটিয়া থাকে এবং হরেন্দ্র বাভিচার করিয়া থাকে, সে জন্ম সকলেই তাহাকে ঘৃণা করিবে। রায় জজ বলিয়াছেন, “হরেন্দ্র মণ্ডলের ব্যবহার সম্বন্ধে তাহাদিগের আপত্তি করিবার যদি কোন কারণ থাকিয়া থাকে, তবে গোলাবাড়ীতে তাহারা যথেষ্ট প্রতিকার করিয়াছিল। যে হিন্দু দম্পতি (হরেন্দ্রের পিতা ও মাতা) তাহাদিগের উত্তেজনায় কোনও কারণ দেন নাই, তাহাদিগের সম্বন্ধে তাহাদিগের ব্যবহারে উচ্ছৃঙ্খলতার ভাবই প্রকাশ পাইয়াছে।”

বিচারকের এইরূপ নির্ধারণ সম্বন্ধে, নারীধর্ষণ ও নারীহরণের অভিযোগ বাদ দিলেও, প্রকাশ্য দিবালোকে নিরীহ গৃহস্থগণের উপর দলবদ্ধভাবে, পূর্ব-সংকল্প অনুসারে অনুষ্ঠিত অত্যাচারের জন্ম এই প্রকার লঘু দণ্ড প্রদত্ত হওয়ায় কোন হিন্দু এবং নিরপেক্ষ ভদ্রলোক সন্তুষ্ট হইতে পারেন কি? বিশেষতঃ বিচারক মিঃ ম্যাকশার্প নিজেই বলিয়াছেন যে, এই অপরাধীরা যে মনো-ভাবের পরিচয় দিয়াছে, তাহা দমিত না হইলে, সে অঞ্চলে শান্তি থাকিবে না—অধিবাসিগণের মধ্যে নিরাপদ ভাব রাখাও অসম্ভব হইবে। তাহার উক্তি, “Would seriously interfere with the peace of the locality and with that harmony which should prevail among neighbours irrespective of caste or creed.”

বিচারকের এই প্রকার তীব্র মন্তব্যের সঙ্গে তুলনা করিয়া দেখিলে দণ্ডদেশ যে অত্যন্ত লঘু হইয়াছে, তাহাতে সন্দেহের অবকাশ কোথায়? বিনা উত্তেজনায় দলবদ্ধভাবে নৃশংস পশুর গায় বাহারা দিবালোকে অনাচারের অনুষ্ঠান করে, এই প্রকার দণ্ডদানে তাহাদিগের মনোভাবের পরিবর্তন কি সম্ভবপর? সমাজ ও সভ্যতার উপর অত্যাচার অনুষ্ঠানের প্রবৃত্তি হ্রাস করার পক্ষে এই দণ্ড পর্যাপ্ত হয় নাই, এ কথা নিশ্চয়ই মুক্তকণ্ঠে বলা যাইতে পারে।

তার পর, নারী-নির্যাতন ও নারীধর্ষণ সম্বন্ধে বিচারক নিঃসন্দেহ হইতে পারেন নাই। অর্থাৎ তাহারা যে বলাৎকার করে নাই, তাহাও তিনি পূর্ণমাত্রায় বিশ্বাস করেন নাই, আবার সে কাণ্ড যে তাহারা করিয়াছিল, ইহাও তিনি সিদ্ধান্ত করেন নাই। এ ক্ষেত্রে একটা প্রধান বিষয় বিবেচ্য। যখন পশুপ্রকৃতি মানুষ কোনও নারীকে ধর্ষণ করে, তখন প্রত্যক্ষ সাক্ষী কেহ থাকে না। অপরাধক প্রমাণ বা অবস্থাঘটিত প্রমাণই এক্ষণে ক্ষেত্রে বিচারকের মনকে জ্বাষ বিচারে প্রবৃত্ত করিয়া থাকে। কুশ্রমকুমারীকে বহু জন-সমক্ষে উলঙ্গ অবস্থায় হলুদবনের দিকে কয়েক জন দুর্বৃত্ত টানিয়া লইয়া গিয়াছিল, তাহার বক্ষ মর্দিত পিষ্ট করিয়াছিল, বিচারক বহু ব্যক্তির সাক্ষ্যে তাহা জানিতে পারিয়াছিলেন। তার পর বহু ব্যক্তির সাক্ষ্যে এক্ষণে প্রমাণ তিনি পাইয়াছিলেন যে, প্রকাশ্যভাবে কেহ কেহ প্রশ্ন করিয়াছিল, “মাগীকে লইয়া কি করিয়াছিল?” উত্তর হইয়াছিল, “যাহা করিবার সবই করা হইয়াছে।” তখন তাহাতে সন্তুষ্ট না হইয়া নিগৃহীতা নারীকে পুনর্বার ষাষ ভাঙ্গিয়া প্রকাশ্য

স্থানে আনিয়া বলাংকারের প্রস্তাব হইয়াছিল। কুমুম গোলমালে অল্প আশ্রয়ে পলায়ন না করিলে, পথের উপরেই হস্ত সে অত্যাচার অমুক্তিত হইতে পারিত। নারীহরণ ও নারীধ্বংসের পক্ষে ইহার অপেক্ষা পর্যাপ্ত প্রমাণ কোন কোন ক্ষেত্রে পাওয়া যায়? অবশ্য দারোগার নিকট গভীর ক্ষোভ ও লজ্জাবশতঃ কুমুম প্রথমে বলাংকারের কথা প্রকাশ করে নাই। কিন্তু পরে আদালতে তাহা বলিয়াছিল। কি কারণে প্রথমে সে বলে নাই, তাহাও কি বিবেচনার যোগ্য নহে? সমাজচ্যুতি এবং আরও অনেক প্রকার পরিণামের আশঙ্কায় হিন্দু নারী যে সহজে দর্শিত করার কথা বলিতে চাহে না, ইহা বিবেচনা করিয়া দেখিবার বিষয় নহে কি?

সুতরাং খোদ গোবিন্দপুরের পুনর্নির্বাচনের ফলে যে দণ্ড প্রদত্ত হইয়াছে, তাহাতে হিন্দু অসম্মত, ইহা অত্যন্ত সত্য কথা। নারীর উপর অত্যাচার ইংরেজ জাতি সফল করে না। মিস্ এলিসের কাহিনী মনে পড়িতেছে। কোন পাঠান এই কুমারীকে অপহরণ করিয়া লইয়া যায়। কিন্তু এই অপমানে সমগ্র বৃটিশ ক্ষাত্ৰশক্তি জাগ্রত হইয়া উঠিয়াছিল। সেই পাঠানের গ্রাম সমভূমি করিয়া কুমারী এলিসের উদ্ধারসাধন ঘটয়াছিল। অথচ, কুমারী এলিসের উপর কোন প্রকার অত্যাচার হইয়াছিল কি না, তাহার প্রত্যক্ষ প্রমাণ কোনও আদালতে গৃহীত হয় নাই। শুধু নৃশংস বর্করতার শাস্তি ও নারীহরণ অপরাধের দণ্ডদানের জল্পট বৃটিশ শক্তিঃ এই সুসজ্জত ব্যবহার। তার পর মিস্ সারউডের উপরে নানা কারণে ফুরু অমৃতসরের জনতা অত্যাচার করিয়াছিল বলিয়া তাহার প্রতিশোধকল্পে পঞ্জাবে কি হইয়াছিল, তাহা আজ মনে পড়িতেছে। নারীর প্রতি সে দিন যে অত্যাচার হইয়াছিল, তাহাতে ভারতবাসী মধ্যাহ্ন—ফুরু হইয়াছিল। এক জন ভারতবাসীই মিস্ সারউডকে রক্ষা করিয়াছিল। তথাপি মিস্ সারউডের উপর জনতার অত্যাচারের প্রতিশোধকল্পে জালিয়ানা-বাগের তত্বাকাণ্ড এবং আত্মসজ্জিক বৃকে ঠাটান ও অজ্ঞপ্রকার ব্যবহার কাহিনী ইতিহাসের পৃষ্ঠায় চিত্রমুদ্রিত হইয়া আছে।

খোদ গোবিন্দপুরের মামলায় বিচারক যে দণ্ডেরই ব্যবস্থা করুন, এখন বাঙ্গালার হিন্দুদিগের পক্ষে অনেকগুলি বিশেষ বিবেচ্য বিষয় বহিষ্কার। পূর্ক ও উত্তরবঙ্গের অধিকাংশ স্থানেই হিন্দু বাঙ্গালী সংখ্যা-সম্বিষ্ট সম্প্রদায়ে পরিণত। খোদ গোবিন্দপুরে বেকপ পৈশাটিক অত্যাচার অমুক্তিত হইয়াছে, তাহাতে অতঃপর সংখ্যা-সম্বিষ্ট হিন্দুগণের ঐরূপ স্থান পরিত্যাগ করিয়া অজ্ঞ দল-বদ্ধভাবে বাস করা সম্ভবপর কি না। অবশ্য বাড়ী-ঘর, বিষয়-সম্পত্তি ত্যাগ করিয়া পিতৃ-পিতামহের গ্রাম হইতে চলিয়া যাওয়া সহজ ব্যাপার নহে। কিন্তু হিন্দুর পক্ষে বিষয়টি বিশেষ গুরু। সুতরাং বিশেষভাবে বিবেচনার যোগ্য।

যদি গ্রাম ত্যাগ করা অসম্ভব হইত, তাহা হইলে কিরূপে আশ্রয়-রক্ষা, সপ্তম রক্ষা করিয়া সংখ্যা-সম্বিষ্ট শাস্তিপ্রিয় হিন্দুকে বাস করিতে হইবে, তাহাও বিশেষভাবে বিবেচ্য। কারণ, অমুরূপ অত্যাচার ভবিষ্যতে কোথাও কখনও ঘটিবে না, এ কথা এখন আর কল্পনা করা চলে না। সেজ্জ বাঙ্গালী হিন্দুকে এখন হইতেই প্রস্তুত হইতে হইবে। কিরূপ সম্ভবত্বতা অবলম্বন করিলে, পশুপ্রকৃতি গুণাদিগের আক্রমণ হইতে ধন, শ্রাণ, ইজ্জৎ রক্ষা করা যায়, তাহা জাবিয়া ব্যবস্থা করিতে হইবে।

আর একটা কথা বিশেষভাবে প্রাধিকারযোগ্য। হিন্দুরা নারী জাতিকে মাতৃজাতি মনে করিয়া শ্রদ্ধা করিয়া থাকে। সেই মাতৃ-জাতির সম্মান রক্ষার জল্প জীবনদানও অকিঞ্চিৎকর। খোদ গোবিন্দপুরে কুমুমের উপর যে নিলজ্জ অত্যাচার অমুক্তিত হইয়াছিল—তাহাকে বলপূর্বক নগ্নাবস্থায় হস্তবনের দিকে যখন পালঙ্ক-গণ টানিয়া লইয়া বাইতেছিল, তখন সেখানে উপস্থিত যাহারা ছিল, তখনো কয়েকজন হিন্দুও ত বিচক্ষমান ছিল। তাহারা কি করিয়া সে দৃশ্য দর্শন করিল? মাতৃজাতির ইজ্জৎ রক্ষার জল্প তাহারা পুরুষের জায় কর্তব্যপালন করিয়াছিল কি? কোন স্বাধীন জাতি এরূপ ক্ষেত্রে সংখ্যা-সম্বিষ্ট হইয়াও চূপ করিয়া থাকিত না। কোন ইংরেজ এরূপভাবে তাহার মাতা, জায়া, ভগিনীর প্রতি পাশবিক অত্যাচার নীরবে সহ্য করিত না। বাঙ্গালী হিন্দুর সে কথাটাও ভাবিয়া দেখা উচিত।

খোদ গোবিন্দপুর মামলার পুনর্নির্বাচনের ফলে হিন্দু সম্মত হয় নাই। মুসলমান পত্রিকা অথবা, নেতৃস্থানীয় মুসলমানদিগের মধ্যে কাহারও কণ্ঠ হইতে খোদ গোবিন্দপুরের অত্যাচার-কাহিনীর বিরুদ্ধে তীব্র অভিমত প্রকাশ পাইতে দেখা যায় নাই। যে সকল মুসলমান দিবালোকে এই প্রকার পশুপ্রকৃতির পরিচয় দিয়াছে, তাহাদের কার্গ যে অত্যন্ত বক্রবোচিত, কোনও নেতৃস্থানীয় মুসলমান তাহা এ পর্যন্ত বলেন নাই। হানাদী, ঠাঁর অব ইঁশুরা প্রভৃতি মুসলমান-পরিচালিত বা মুসলমানপক্ষের সংবাদপত্র বহু পুনর্নির্বাচনের ফল দেখিয়া আনন্দ প্রকাশিত করিতেছে। ইহাতে অনবৃদ্ধি মুসলমানগণের মনে কোন ভাবের উদয় হইবে? জল্পপাইগুড়ীর বিচার-ফল আদৌ সন্তোষজনক নহে। এখন দেখা যাইক, সার জন এগারসনের সরকার এ বিষয়ে কি করেন। রায়ের বিরুদ্ধে বাঙ্গালী সরকার আপিল করেন কি না, তাহা বাঙ্গালী হিন্দু লক্ষ্য করিতেছে।

### ভাওয়াল সন্ন্যাসীর মামলা

প্রায় দুই বৎসর আট মাস পরে ভাওয়াল সন্ন্যাসীর মামলায় ঢাকার অস্থায়ী জেলাজজ স্রীযুক্ত পাণ্ডালাল বসু রায় প্রদান করিয়াছেন। প্রায় ১৫ শত সাক্ষীর জবানবন্দী ও ২ হাজার একজিবিট পরীক্ষা করিয়া জজ রায় দিয়াছেন, সন্ন্যাসীই ভাওয়ালের মধ্যমকুমার। অমুরূপ এক মামলা হুগলী আদালতে শতবৎস পূর্ক হইয়াছিল। গত শ্রাবণ সংখ্যার “মাসিক বঙ্গমতীতে” “জাল প্রতাপচাদের” মামলার ইতিহাস “হুগলী জেলার ইতিহাস” শীর্ষক প্রবন্ধে বিশদভাবে প্রদত্ত হইয়াছে। “জাল প্রতাপচাদের” মামলা যেমন ইতিহাস প্রসিদ্ধ, ভাওয়াল সন্ন্যাসীর মামলাও তদ্রূপ। বর্তমানের প্রতাপ-চাঁদ “জাল রাজা” বলিয়াই সাব্যস্ত হইয়াছিলেন; কিন্তু ভাওয়াল সন্ন্যাসী প্রকৃত মধ্যমকুমার বলিয়াই নিয়ম আদালতে সাব্যস্ত হইয়াছেন।

ভাওয়ালের রাজা রাজেন্দ্রনারায়ণের তিন পুত্র। মধ্যম-কুমার পীড়িত হইয়া পত্নী বিভাবতী, স্তালক ও অজ্ঞ লোকের সহিত ১৯০৯ খৃষ্টাব্দে দার্জিলিং গমন করেন। তাহার কিছুদিন পরে আচম্বিতে পীড়া বৃদ্ধি পায় এবং চিকিৎসা চলিতে থাকিলেও তাহার মৃত্যু হয় বলিয়া প্রকাশ পায়।



ভাওয়ালের কুমাবর



দীর্ঘ দ্বাদশ বৎসর পরে গত ১৯২১ খৃষ্টাব্দে এক সন্ন্যাসী ঢাকার উপস্থিত হন। তখন রাজা রাজেন্দ্রনারায়ণের অপরাধ হই পুত্র মৃত। কনিষ্ঠের বিধবা পত্নী সে সময় পোষ্যপুত্র গ্রহণ করিবার আয়োজন করিতেছিলেন। সন্ন্যাসীকে দেখিয়া স্বর্গীয় রাজেন্দ্রনারায়ণের মাতা, রাজেন্দ্রনারায়ণের কস্তারা, তাঁহাকে মধ্যম-কুমার বলিয়া চিনিতে পারেন এবং কুমার রমেন্দ্রনারায়ণ হিসাবে তাঁহাকে গ্রহণ করেন। সন্ন্যাসী তখন আদালতে মামলা দায়ের

তাগা অত্যন্ত দীর্ঘ! রায়ের সংক্ষিপ্ত মর্মে অনুসরণ করিলে দেখা যায় যে, মধ্যমকুমার ভাওয়ালে কিরিয়া আসিয়া নিজের অধিকার প্রতিষ্ঠার চেষ্টা করিলে, তাঁহারই অর্থের বলে তাঁহাকে জাল প্রতিপন্ন করিবার ভীষণ চেষ্টা হইয়াছিল।

জজের রায় আলোচনা করিলে দেখা যাইবে যে, বিগত ১৯০৯ খৃষ্টাব্দের ৮ই মে তারিখে দার্জিলিং হইতে সংবাদ বাহির হয় যে, মধ্যমকুমারের মৃত্যু হইয়াছে। তখনই অনেকের মনে এই ব্যাপারে সন্দেহ জন্মে। বাঁহারা সন্দেহ প্রকাশ করিয়াছিলেন, প্রকাশ, তাঁহাদের মধ্যে মধ্যমকুমারের অগ্রজ এক জন। সুদীর্ঘ একযুগ—দ্বাদশ বৎসরের পরে সন্ন্যাসীর আবির্ভাব হইলে, অনেকেই তাঁহাকে মধ্যমকুমার বলিয়া চিনিতে পারেন! প্রজারাও চিনিতে পারিয়া টাকা সংগ্রহ করিয়া তাঁহার মোকদ্দমার খরচ দিবার আয়োজন করে। ঘটনায় প্রকাশ পায়, মধ্যমকুমারের শ্যালক রেভিনিউ বোর্ডের সেক্রেটারীর কাছে গিয়া মধ্যমকুমারের মৃত্যুর প্রমাণ বক্ষার জন্ত বলেন। কুমারের মৃত্যুর সম্বন্ধে যে সকল এফিডেভিট তিনি সংগ্রহ করিয়া রাখিয়াছিলেন, তাহা বোর্ডের সেক্রেটারীর কাছে অর্পণ করেন। মধ্যমকুমারের শ্যালক রায় বাহাদুর সত্যেন্দ্রনাথ বন্দ্যোপাধ্যায়, কুমারের সম্পত্তি সংস্থাপন করিতে ছিলেন।

মিঃ লিওসে (রেভিনিউ বোর্ডের সেক্রেটারী) মধ্যমকুমারের শ্যালক-প্রমাণাদির বলে, সন্ন্যাসীকে জাল বলিয়া ঘোষণা করেন। সরকারের কর্তৃত্বাধীন কোর্ট-অব গার্ডসই কুমারের পত্নী বিভাবতীর পক্ষে মামলার সমস্ত ব্যয়-ভার বহন করিয়া আসিয়াছেন। কুমার অতি কষ্টে অজ্ঞের সাহায্যে উপর নির্ভর করিয়া মামলা পরিচালনা করিয়াছিলেন।

মিঃ লিওসে সন্ন্যাসীর সম্বন্ধে তদন্ত করিবেন বলিয়া আশ্বাস দিয়াছিলেন। মিঃ কিরণচন্দ্র দেও তদন্ত হইবে বলিয়া



শিকারী-বেশে মধ্যমকুমার (২৭ বৎসর বয়স)

করেন। এই ব্যাপার টাাকার ভীষণ উত্তেজনার সৃষ্টি করে। মধ্যমকুমারের পত্নী বিভাবতী কিন্তু সন্ন্যাসীকে মধ্যমকুমার বলিয়া স্বীকার করেন নাই। বরং তিনি বলেন যে, বাদী পাঞ্জাবের এক জন মহিষপালক। তাঁহার স্বামীর দার্জিলিংএ মৃত্যু হইয়াছে।

এই মামলা সমগ্র বঙ্গদেশে বিশেষ চাকল্য তৈরী হইলে সৃষ্টি করিয়াছিল। সুবিহ্ব বিচারক যে রায় প্রকাশ করিয়াছেন,

১৯২৩ খৃষ্টাব্দে সন্ন্যাসীকে আশ্বস্ত করেন। কিন্তু সরকার পক্ষ হইতে কোনও তদন্ত হয় নাই। জজ রায় প্রদান উপলক্ষে এ সম্বন্ধে মন্তব্য প্রকাশ করিয়াছেন।

জজ স্পষ্ট বলিয়াছেন যে, সন্ন্যাসীকে বঞ্চিত করিবার জন্ত বড়বড়ের প্রচেষ্টা হইয়াছিল। সে বড়বড় উপস্থানের পক্ষে বিশেষরূপে এবং ব্যাপক। আসামীর পক্ষ হইতে ফটোগ্রাফ পরিবর্তিত করিবার চেষ্টা পূর্ণাঙ্গ হইয়াছিল। বাঙ্গালা সরকার

পক্ষ হইতে মিঃ লিগুসে স্তব্ধ পাঞ্জাবে তদন্ত আরম্ভ করেন। ইহার এই কারণে যে, প্রতিবাদী পক্ষ হইতে বলা হইয়াছিল, সন্ন্যাসী মধ্যমকুমার নহেন, এক জন পাঞ্জাবী ধাঙ্গা দিয়া জুড়িয়া বসিবার চেষ্টা করিতেছে। কিঞ্চিৎ কাহার পরামর্শে এরূপ ব্যবস্থা হইয়াছিল ?

রায়ে জজ বলিয়াছেন, বিভাবতী বাষিক লক্ষ টাকা পাইতেন। ঐ টাকাটা বিভাবতীর সগোদর সত্যেন্দ্র বাবুই সম্পূর্ণ ভোগ



১৯২১ খৃষ্টাব্দে ভাওয়াল মধ্যমকুমারের প্রথম ভ্রমদেবপুরে আগমন

করিতেন। বিভাবতী টাকাকড়ির কোনও হিসাব রাখিতেন না, অথবা রাখিবার অক্ষমতাও পাইতেন না। সুতরাং ইহা হইতে সহজেই অনুমেয় যে, সন্ন্যাসী যদি জাল প্রমাণিত না হন, তাহা হইলে সে বিপুল অর্থ আর ভোগ করা চলিবে না, এবং তাহাতে সমৃদ্ধ ক্ষতি কাহার? জজ রায়ে যে অভিমত ব্যক্ত করিয়াছেন, তাহাতে এই বড়ঘণ্টের মূলে তিনি মধ্যমকুমারের খালককে দেখিয়াছেন।

মোকদ্দমায় প্রকাশ পাইয়াছিল, মধ্যমকুমারকে দার্ক্জিঙ্গিংএ বিধ-প্রয়োগে হত্যা করা হইয়াছিল। অবশ্য বিবেক ক্রিয়া বড়-বৃষ্টিতে সম্পূর্ণ হয় নাই। তাই চৈতন্য লাভের পর সন্ন্যাসী, অপরিচিত স্থানে নিজেকে সন্ন্যাসিবেষ্টিত হইয়া থাকিতে দেখিয়াছিলেন। সন্ন্যাসীদিগের চেষ্টাতেই তিনি জীবন লাভ করেন। তার পর তাঁহার পূর্ব-স্মৃতি বিলুপ্ত হওয়ার দীর্ঘকাল সন্ন্যাস-জীবনেই অভ্যস্ত হইয়া পড়েন। দ্বাদশবর্ষ অতিক্রম করিবার পূর্বে গুরু নির্দেশে মধ্যমকুমার দেশে ফিরিয়া আসিয়া নিজের অধিকার দাবী করেন।

মোকদ্দমায় জটিল অবস্থায় বিধ-প্রয়োগে মধ্যমকুমারকে হত্যা করা প্রমাণিত হইলে বিষম বিপদ উপস্থিত হইবে। তাই প্রতিবাদী পক্ষ প্রাণপণে চেষ্টা করিয়াছিল, সন্ন্যাসীকে জাল প্রতিপন্ন করা। পাঞ্জাবের তদন্ত সেই ফলই প্রসব করিয়াছিল। জজ রায়েই বলিয়াছেন, "There were agents at work to make every enquiry yeild a given result."—বড়ঘণ্টাকারীরা এমন সাক্ষ্য-প্রমাণ সৃষ্টি করিয়াছিল যে, সন্ন্যাসী জাল—সে পাঞ্জাবী মহিষ-চালক।

জজ পুঙ্খানুপুঙ্খরূপে বিচার করিয়া সন্ন্যাসীকে প্রকৃত মধ্যমকুমার বলিয়া সাব্যস্ত করিয়াছেন। অবশ্য নিম্ন আদালতের এই বিচারের পর হয় ত হাইকোর্টে আপীল হইতে পারে। সে বাহা হউক, যদি আপীল না হয়, তাহা হইলে, এত দিন পর্যন্ত মধ্যমকুমারকে জাল বলিয়া রেভিনিউ বোর্ড যে ঘোষণা করিয়াছিলেন, তাহা প্রত্যাহার করিয়া লওয়া উচিত কি-না? সরকার অবশ্যই এখন বিবেচনা করিয়া দেখিবেন, খাজনা এখন কাহার প্রাপ্য—মধ্যমকুমারের নহে কি? আরও একটি বিবেচ্য বিষয়, বিভাবতীর পক্ষ হইতে যদি আপীল হয়, তাহার জজ যে ব্যবস্থা হইবে, তাহা কোর্ট-অব ওয়ার্ডস্ হইতে দেওয়া সম্ভব হইবে কি না?

জজের রায় অনুসারে বাহারা বড়ঘণ্টাকারী, তাহাদের সম্বন্ধে সরকার তদন্ত

করিয়া যথাকর্তব্য পালন করিবেন কি না? বাহারা জীবিত ব্যক্তিকে মৃত মনে করিয়া এতবড় বড়ঘণ্টা পাকাইয়া তুলিয়াছিল, তাহাদিগের স্বরূপ প্রকাশিত হওয়া বাঞ্ছনীয়। এ বিষয়ে সরকারী তদন্তের বিশেষ অবকাশ আছে।

মোটের উপর ভাওয়াল সন্ন্যাসীর মামলার অভাবনীয় ব্যাপার প্রকাশ পাইয়াছে। এরূপ ঘটনা উপস্থাস-সংগতেও সাধারণতঃ ঘটে না। সত্য যে কর্তব্য অপেক্ষাও বিচিত্র, তাহা এই ঘটনা হইতেই



ভাওয়ালের মধ্যমকুমার ( ষ্টেট পাইবার পর )

বুঝা যায়। ভাওয়াল বাপারে যাওয়া অপরাধী, তাহাদিগের অপরাধের অনুসন্ধান হওয়া অতীব বাঞ্ছনীয়। ভাওয়াল মামলার কাহিনী বাঙ্গালার লোক আগ্রহ সহকারে পূর্ক্সাবধি অনুসরণ করিয়া আসিয়াছে। এই মামলার জুজু যে বায় প্রদান করিয়াছেন, তাহাতে জনসাধারণ উল্লাস প্রকাশ করিয়াছে। সাধারণের ধারণা, সত্য এক্ষেত্রে অসম্ভব কবিয়াছে।

### কৃষিকথা

ভারতের নূতন বড় লর্ড লিনলিথগো কৃষিকথায় বিশেষ পারদর্শী। কিছুদিন পূর্বে তিনি ভারতীয় কৃষিকমিশনের কর্তা

হইয়া ভারতে আসিয়াছিলেন। সেই সময়ে তিনি ভারতীয় কৃষির অবস্থার সহিত বিশেষভাবে পরিচিত হইতে পারিয়াছেন। এবার তিনি ভারতে আসিয়া ভারতীয় কৃষির উন্নতিসাধনে বিশেষ অবহিত হইয়াছেন। শিল্প প্রধান দেশের পক্ষে একটা বিস্তীর্ণ কৃষিপ্রধান রাজ্য অধীনে রাখা আবশ্যিক, ইহা সাধারণ বুদ্ধিসম্পন্ন মানুষমাত্রেই বুঝিতে পারে। কারণ, কৃষির দ্বারাই পণ্যের উপাদান কাঁচা মাল উৎপাদন করা যায়। বহুদিন পূর্বে মিটার টিয়ানী ( Tierney ) কমন্স সভার ভারতবাসীর প্রতি ইংলণ্ডের অধিবাসীদিগের বাক্য হিসাবে যে কথা বলিয়াছিলেন, তাহাই বোধ হয় এখনও বৃটিশ জাতির মনোভাব। তিনি বলিয়াছিলেন—Leave off weaving : supply us with the raw material and we will weave for you. তোমরা বস্ত্রবস্ত্রন ত্যাগ কর, আমাদিগকে কাপাস দাও, আমরা তোমাদিগকে বস্ত্র বস্ত্রন করিয়া দিব। তখন কথা ছিল, ইংলণ্ড ভারতের নিকট হইতে তাঁহাদের প্রয়োজনীয় সমস্ত তুলা গ্রহণ করিবেন। কিন্তু তাহারা তাহা করেন নাই। যাকেটারেব তাঁতিরা শস্তার দক্ষিণ মার্কিন হইতে ভাল তুলা পাইয়াছিলেন বলিয়া তাঁহারা ভারত হইতে তুলা লওয়া বন্ধ করিয়া দিয়াছিলেন। তাহা ফলে ভারতীয় কৃষীবলের বিশেষ ক্ষতি হইয়াছিল। এখন মার্কিনীরা তাঁহাদের দেশের তুলা হইতে বস্ত্র

নির্মাণে আত্মনিয়োগ করিতেছেন, সেই জন্ত এবং অল্প বহু কারণে ভারতে উৎপন্ন কাঁচা মালের দিকে বৃটিশ জাতির দৃষ্টি পড়িয়াছে। আজ প্রায় ছয় বৎসর Imperial Council of Agricultural Research নামক একটি প্রতিষ্ঠান ভারতে প্রতিষ্ঠিত হইয়াছে। উহাতে কৃষির উন্নতিসাধনকল্পে অনেক গবেষণা করা হইতেছে। সম্প্রতি এই সমিতির ১৯৩৫-৩৬ খৃষ্টাব্দের রিপোর্টও বাহির হইয়াছে। সরকারী ঘানি বেরুপ ঘীরে ঘীরে চলে, তাহাতে এখানে এই রিপোর্ট সখর বাহির হইয়াছে সন্দেহ নাই।

এ দিকে বিলাতের 'টাইমস্' পত্রে উহার ভারতীয় লেখক কৃষকদিগের এবং পল্লীর অবস্থা সন্দেহে এক সুদীর্ঘ পত্র লিখিয়াছেন। সন্দেহ সন্দেহ নবাগত বড়লর্ড লিনলিথগো পল্লীর এবং কৃষি



উন্নতিসাধনকল্পে বাহা করিতেছেন, তাহারও উজ্জ্বল বৃত্তান্ত প্রদান করিয়াছেন। 'টাইমস্' সেই পত্র অবলম্বন করিয়া যে মন্তব্য প্রকাশ করিয়াছেন, তাহাতে কৃষির জ্ঞান বৃটিশ সরকার বাহা করিয়াছেন, তাহা যতদূর সম্ভব উজ্জ্বল ভাষায় বলিয়াছেন এবং সঙ্গে সঙ্গে ভারতীয় রাজনীতিকদিগের নিম্না করিবার স্রোত পরিচালনা করেন নাই। 'টাইমস্' বলিয়াছেন, "ভারতের বিস্তীর্ণ ক্ষেত্রে ৫ লক্ষ গ্রাম এবং গুণগ্রাম বিক্ষিপ্তভাবে বিরাট করিতেছে বটে, কিন্তু কৃষীবলর অনেক সময় উপেক্ষিত; বহু ভারতীয় রাজনীতিক তাহাদের পক্ষ হইয়া কথা বলিবার দাবী করিলেও তাহারা সমসাময়িক জৈবনিক প্রবাহ হইতে দূরে পড়িয়া রহিয়াছে।" ভারতবাসী কৃষকদিগের উপর ভারতীয় রাজনীতিকদিগের বিশেষ কোন দরদ নাই, ইহা বলিবার 'টাইমসের' বিশেষ কারণ থাকিতে পারে, কিন্তু এ কথা যে সম্বন্ধে সত্য, তাহা নহে। বৃটিশ রাজ আজ প্রায় পৌনে দুই শত বৎসর শাসকরূপে ভারতের ভাগ্যাকাশে বিরাজ করিতেছেন বটে, কিন্তু আমরা জিজ্ঞাসা করি, এই পৌনে দুই শত বৎসর তাহারা ভারতীয় কৃষকদিগের এবং কৃষীবলের কতখানি উন্নতি করিয়াছেন? বৃটিশ রাজপুরুষেরা ভারতবাসীর উপর,—বিশেষতঃ ভারতীয় কৃষিবলের উপর কতটা দরদী, তাহা মার উইলিয়ম হাটোর লিপিত আল'অব মেয়োর একটিমাত্র ছয় পাঠ করিলে বুঝা যায়। তিনি লিখিয়াছেন যে,—“In 1866 when famine burst upon the Bengal seaboard, the Government remained unaware that the calamity was imminent until it had become irremediable and scarcity had passed into starvation. অর্থাৎ ১৮৬৬ খৃষ্টাব্দে যখন বাঙ্গালার বেসাড়মিতে ( অর্থাৎ উড়িষ্যায় ) দুর্ভিক্ষ দেখা দিয়াছিল, তখন ঐ বিপদ যে আসন্ন হইয়া পড়িয়াছিল, তাহা সরকার জানিতে পারেন নাই। যতক্ষণ ঐ অজ্ঞান দুর্ভিক্ষে পরিণত হইয়া প্রাক্ত-কারের অসাধ্য না হইয়াছিল, তাহার পূর্বে তাহারা উহা বুঝিয়া উঠিতেই পারেন নাই।” শত বর্ষ বাঙ্গালায় রাজত্ব করিবার পরও যে দেশের শাসকগণ দেশবাসীর প্রকৃত অবস্থা সম্বন্ধে এতটা অজ্ঞ থাকেন, তাহারা কৃষিবলের দুঃখে কতটা দুঃখিত, তাহা সকলেই বুঝিতে পারে। লর্ড মেয়োর ১৮৭১ খৃষ্টাব্দে ভারতে কৃষি এবং বাণিজ্য বিভাগ খুলিয়াছিলেন। তৎপূর্বে কোন সরকারী কন্সচারীট কৃষির উন্নতিসাধনে বিশেষ চেষ্টা করিয়াছিলেন বলিয়া মনে হয় না। ঐ বিভাগ সৃষ্ট হইবার পরও উহার দ্বারা ভারতীয় কৃষিবলের বিশেষ কোন উন্নতি সাধিত হইয়াছে বলিয়া মনে হয় না। উহার কাগজ-পত্র, রিপোর্ট প্রভৃতি ইংরেজি ভাষাতেই প্রকাশিত হয়, দেশের নিবন্ধর চাষীরা তাহা বুঝিতেই পারে না। সুতরাং উহা থাকা আর না থাকা তাহাদের নিকট দুই-ই সমান। মাকাতার আমল হইতে ভারতে যে কৃষিপদ্ধতি চলিয়া আসিয়াছে, জিজ্ঞাসা করি, তাহার কিছু পরিবর্তন হইয়াছে কি? লর্ড মেয়োর রাজপুরুষদিগকে দুইটি বিষয়ে সাবধান হইতে বলিয়াছিলেন,—( ১ ) দেশীয়রা যাহা যুগযুগান্তর ধরিয়া করিয়া আসিতেছে, তাহাদিগকে তাহাই করিবার জ্ঞান জাঁকালরূপে উপদেশ দিও না, ( ২ ) যাহা তাহাদের করার সামর্থ্য বা সঙ্গতি নাই, তাহা তাহাদিগকে করিতে বলিও না।” কিন্তু সরকারী কৃষি বিভাগই ঐ দুইটি কার্য ভিন্ন আর অধিক কিছু করিয়াছেন বলিয়া মনে হয় না। পরীক্ষাকাষে

নিযুক্ত সরকারী কৃষিক্ষেত্র ( Experimental firm ) হইতে যে সকল তথ্য প্রচারিত হয়, তাহা চাষীরা জানিতেও পারে না, তাহাদিগকে তাহা জানাইয়া দিবার ব্যবস্থাও কিছু করা হয় নাই। সুতরাং এ পর্য্যন্ত বৃটিশ সরকারের পক্ষ হইতে যে কৃষির উন্নতি-সাধনকল্পে বিশেষ কিছু করা হইয়াছে, সত্যের অনুবোধে, আমরা তাহা স্বীকার করিয়া উঠিতে পারিলাম না।

ভারতীয় রাজনীতিকগণ যে এ বিষয়ে বিশেষ কিছু করিতে পারিয়াছেন, তাহাও আমরা বলিতে পারি না। উহার কারণ তাহাদের কৃষকদিগের উপর দরদের অভাব কি না, বলা কঠিন; তবে ঐ বিষয়ে জানের অভাবই যে একটা প্রবল কারণ, তাহা স্বীকার করা যায় না। ব্যবহারশাস্ত্রে অথবা রাজনীতিবিদ্যায় ব্যাপ্তি জন্মিলে যে কৃষিবিষয়ক জ্ঞান আপনা-আপনিই গড়াইয়া উঠিবে, এমন কোন কথা নাই। সত্য বটে, সরকার কতকগুলি ছাত্রকে কৃষি-বিদ্যা শিক্ষার্থ বৃত্তি দিয়া সিসিটার ( Cirencester ) কলেজে পড়াইয়া আনিয়াছিলেন, কিন্তু তাহারা উপযুক্ত কর্মক্ষেত্র না পাইয়া কেহ ডেপুটীগিরি, কেহ কলেজে শিক্ষকতা প্রভৃতি করিয়া জীবিকাার্জন করিতে বাধ্য হইয়াছিলেন। এক্ষণে অবস্থায় আসলে বৃটিশ রাজকালে ভারতীয় কৃষির বিশেষ উন্নতি হইয়াছে, তাহা মনে হয় না। জমিতে গড়ে ফসলের ফলন পূর্বাপেক্ষা কম হইয়াছে কি বাড়িয়াছে, তাহার কোন সরকারী হিসাব পাওয়া যায় না। তবে লোকের মুখে বিক্ষিপ্ত এবং ব্যক্তিগতভাবে বাহা শুনা যায়, তাহাতে মনে হয়, জমির ফলন পূর্বাপেক্ষা অনেক কমিয়া গিয়াছে। যে অঞ্চলে ম্যালেরিয়ার প্রাবল্য লক্ষিত হয়, সে অঞ্চলে জমির উৎপাদিকা শক্তি হ্রাস পায়, ইহা অভিজ্ঞতার দ্বারা জানা গিয়াছে। স্বনামধন্য ডাক্তার বেটলী ঐ কথা স্বীকার করিয়াছেন। তবে এ বিষয়ে বিশেষভাবে তথ্য সংগৃহীত হয় নাই। এ বিষয়ে কৃষি বিভাগের অনুসন্ধান ও তথ্য সংগ্রহ করা কর্তব্য ছিল। কিন্তু তাহারা তাহা করিয়াছেন কি? ডাক্তার বেটলী এ দিকে তাহাদের দৃষ্টি আকর্ষণ করিয়াছিলেন, তথাপি এ দিকে কর্তৃপক্ষের বা উক্ত বিভাগের দৃষ্টি পড়ে নাই। সুতরাং বৃটিশ রাজকালে কৃষির উন্নতি সাধিত হইয়াছে বলিয়া 'টাইমসের' গর্ব করিবার কি আছে?

সত্য বটে,—সরকার ভারতে সেচের খালের কিছু ব্যবস্থা করিয়াছেন। কিন্তু দেড় শত বৎসর ধরিয়া তাহারা বাহা করিয়াছেন, তাহা পর্য্যাপ্ত বলিয়া বিবেচিত হইতে পারে কি? অন্ততঃ বাঙ্গালায় তাহা পর্য্যাপ্ত বলিয়া মনে হইতে পারে না। বরং যে সকল নদনদী বাঙ্গালায় সমৃদ্ধিবন্ধনের স্রোত ছিল, তাহা হাজিয়া মজিয়া যাওয়াতে বাঙ্গালার ম্যালেরিয়া বৃদ্ধি এবং সম্পদের হ্রাস হইয়াছে,—তাহা স্বীকার করিতে পারা যায় না। সুতরাং এ বিষয়ে 'টাইমসের' গর্ব করিবার কিছুই থাকিতে পারে না।

ভারতীয় রাজনীতিকগণ কৃষিবলের উন্নতিসাধনে অবহিত নহেন বলিয়া 'টাইমস্' যে অনুবোধ করিয়াছেন, তাহা সম্পূর্ণ নিরর্থক। মহাত্মা গান্ধী যখন উন্নতিসাধন কাষে আত্ম-নিয়োগ করিয়াছিলেন, তখন সরকার কর্তৃক যে হাণ্ডেল সাকুলার জারি করা হইয়াছিল, তাহাতে এই বিষয়ে সরকার-প্রদত্ত বাধা কিরূপ, তাহা সহজে বুঝা যায়। বাহা হউক, লর্ড লিঙ্কলিথগো এখন কেবল এ দেশে আসিয়া কার্যাবস্থা করিয়াছেন। এখন



তিনি এই কাব্য কি ভাবে সম্পাদন করেন, তাহা না দেখিয়া আমরা কোন কথা বলিতে পারিতেছি না।

## রাজ্য-মুঞ্জের বিবাদ

সরকারী তালিকাভুক্ত জাতিগুলির (Scheduled castes) স্বয়ংসিদ্ধ নেতা মিষ্টার এম সি রাজার সহিত ডাক্তার মুঞ্জের একটু 'মনান্তর' ঘটিয়াছে। ঘটনারই কথা। ভোটাভুটি ও সদস্য নির্বাচন লইয়া এক সম্প্রদায়ের সহিত অল্প সম্প্রদায়ের বেরূপ আড়াআড়ি এবং কাড়াকাড়ি চলিতেছে, তাহাতে এইরূপ হওয়াই মানুষের প্রকৃতিসিদ্ধ। আজকাল সম্প্রদায় হিসাবে সদস্য নির্বাচনের অধিকার দানের ব্যবস্থা সরকার করিয়াছেন। সেই জন্ত সকল সম্প্রদায়ই চোখ রাজাইয়া উচ্চবর্ণ হিন্দুদিগের নিকট হইতে যতদূর সম্ভব অধিকার কাড়িয়া লইবার চেষ্টা করিবেন, ইহা স্বাভাবিক। সেই জন্ত সরকারের তালিকাভুক্ত কোন কোন জাতি এই বলিয়া ভয় দেখাইতে আরম্ভ করিয়াছেন যে, হয় উচ্চবর্ণের হিন্দুরা সব তাগ করিয়া রাজনীতিকৃত্ত হইতে বানপ্রস্থ অবলম্বন করুন, যদি না করেন, তাহা হইলে তাঁহারা বলুন, আমরা অল্প ধর্ম গ্রহণ করিব। এরূপ উৎকট আকার পূর্ণ করা সহজ নহে। ভগতে কোন ধর্মই রাজনীতিক দর কষাকষি করিবার জন্ত প্রবর্তিত হয় নাই। ধর্ম আধ্যাত্মিক বাপার। আধ্যাত্মিক পিপাসা শাস্তি করিবার জন্তই স্বয়ীগণ ধর্মের সেবা করিয়া থাকেন। যাঁহাদের আধ্যাত্মিক পিপাসা নাই,—আত্মিক সংবেদনা নাই,—তাঁহারা ধর্মকে রাজনীতির হাটে একটা পণ্যবস্তু বা বিকিকিনির জিনিষ বলিয়া মনে করিবেন, ইহাতে বিশ্বয়ের বিষয় কিছুই নাই। সম্প্রতি কতকগুলি সরকারী তফসিলভুক্ত জাতি সেই জন্ত সাম্যবাদমূলক ধর্ম গ্রহণ করিবেন বলিয়া হুমকী দিতেছেন। ডাক্তার মুঞ্জের সেই জন্ত মিষ্টার রাজাকে একখানি অপ্রকাশ্য পত্রে লিখিয়াছিলেন যে, যদি তফসিলভুক্ত কোন জাতি অল্প ধর্ম গ্রহণ করিতে ইচ্ছা করেন, তাহা হইলে তাঁহারা বৈবচ্য-বিহীন শিখধর্ম গ্রহণ করিতে পারেন। ডাক্তার মুঞ্জের তাঁহাদিগকে বিনামূল্যে এই উপদেশ প্রদানের কি প্রয়োজন পড়িয়াছিল, তাহা আমরা বুলি না। তাঁহারা যদি হিন্দুধর্মের গণ্ডী ছাড়িয়া অল্প ধর্ম গ্রহণ করিতে চাহেন, তাহা হইলে তাঁহারা ব্রাহ্মধর্ম, শিখধর্ম, বৌদ্ধধর্ম, খৃষ্টানধর্ম প্রভৃতি যে কোন সাম্যবাদমূলক ধর্ম গ্রহণ করিতে পারেন। সে বিষয়ে বাহিরের লোকের কোন উপদেশ দিবার অধিকার আছে বলিয়া আমাদের মনে হয় না। ডাক্তার মুঞ্জের এই বিষয়ে উপদেশ দিতে বাইরাই বিপদে পড়িয়াছেন। এখন মিষ্টার রাজা এই পত্রখানি প্রকাশ করিয়া দিয়া এই কথা বলিতেছেন যে, ডাক্তার মুঞ্জের এই সকল জাতিকে হিন্দুদের গণ্ডী হইতে বাহির করিয়া দিয়া শিখধর্মে দীক্ষিত করিতে চাহেন। ডাক্তার মুঞ্জের অবশ্য সেরূপ কোন অভিসন্ধি ছিল না। কিন্তু কোন কোন ব্যক্তিকে অস্বাচিতভাবে উপদেশ দিতে গেলেই অধর্মের ফল ফলে। ডাক্তার মুঞ্জের পত্রখানি অবশ্য, confidential বলিয়া চিহ্নিত ছিল। সুতরাং লেখকের অমুমতি তিন্ন উহা প্রকাশ করা ভদ্রতা-বিরুদ্ধ।<sup>১</sup> কিন্তু মিষ্টার রাজা সে ভদ্রতার বাধাটুকু মানেন নাই। ইহাতে আর বলিবার কি আছে ?

## কংগ্রেস হর্জন্স

মিষ্টার রাজাগোপাল আচারিয়া মাদ্রাজের এক জন প্রগতিশীল ব্রাহ্মণ, তিনি মহাত্মাজীর বৈবাহিক। মহাত্মাজী যখন কংগ্রেসের সর্কসর্কা, তখন তত্ত্ব বৈবাহিক শ্রীযুত মিঃ রাজাগোপাল আচারিয়া কংগ্রেসের যে এক জন "কেটবিষ্ট" হইবেন, ইহাই সংসারের সাধারণ নিয়ম। মহাত্মাজী কয়েক বৎসর যাবৎ বাহ্যতঃ কংগ্রেসের সহিত সম্পর্ক ছাড়িয়া দিয়াছেন। এইবার তাঁহার বৈবাহিকের পালা। তাই তিনি সম্প্রতি অনেক চিঠিপত্র লিখিয়া কংগ্রেসের সহিত সম্পর্ক ছাড়িয়া দিয়াছেন। অজুহত—তাঁহারা কংগ্রেসের দলভুক্ত, তাঁহারা কংগ্রেসের নিয়ম-কাছন মানেন না। সেই অজুহতে যদি কংগ্রেসের সন্তিত সংশ্রব বর্জন করিতে হয়, তাহা হইলে মিষ্টার আচারিয়ার বহুকাল পূর্বেই কংগ্রেসের সন্তিত সম্পর্ক ত্যাগ করা কর্তব্য ছিল। মোটামুটি মতের মিল থাকিলে লোক যে কোন প্রতিষ্ঠানে যোগ দেয়। এমনও অবস্থা হইতে পারে যে, কংগ্রেসের মূলনীতির সহিত কাহারও মতের মিল আছে,—কিন্তু শাখাপন্থে মতের ভিন্নতা লক্ষিত হয়। এরূপ লোক কংগ্রেসে যোগ দিবে কি না, তাহাই বিবেচ্য। বিশেষ ব্যাপারে মতভেদ ঘটতেই পারে। এখন কথা হইতেছে, কোন বিশেষ বিষয়ে যদি একই প্রতিষ্ঠানের দুই জন সদস্যের কোন বিষয়ে দুই মত দেখা যায়, তাহা হইলে কেহ কি তাঁহার বিবেচনামোদিত মত বিসর্জন করিয়া দলের নতে মত দিবেন ? এ বিষয়ে মতভেদ বিদ্যমান। যদি একই প্রতিষ্ঠানের সকল সদস্যের সর্ববিষয়ে একমত হইতে হইত, তাহা হইলে কোন প্রস্তাব এ প্রতিষ্ঠানে উপস্থিত হইলে আর সেই প্রস্তাব সম্বন্ধে ভোট লইবার ব্যবস্থা থাকিত না। সজ্জব বা সমিতির সে মত, সেই মতই সকলে একবাক্যে স্বীকার করিত। বিচার-বিবেচনার বা যুক্তি-তর্কের বালাই-ই থাকিত না। সুতরাং বলা বাইতেছে যে, ভিন্ন মত প্রকাশের এবং বিশেষ বিষয়ে ভিন্নভাবে কাণ্ড করিবার অধিকার সকলেরই আছে এবং থাকা উচিত। যদি তাহা না থাকিত, তাহা হইলে একই কালে কংগ্রেসের অঙ্কে, নোচেঞ্জার এবং প্রোচেঞ্জার নামক দুইটা বিরুদ্ধবাদী দল ছিল কি করিয়া ? যাহা হউক, এই সব বড় কথা ছাড়িয়া দিয়া মোটের উপর এ কথা বলা বাইতে পারে যে, গান্ধীর বৈবাহিক আচারিয়া মহাশয় একটা তুচ্ছ বিষয় লইয়া এই চলানটা চলাইয়াছেন। ডাক্তার রাজন কংগ্রেসের এক জন সদস্য। তাঁহার নিবাস মাদ্রাজে। ত্রিচিনপল্লী মিউনিসিপ্যালিটির সভাপতি নির্বাচনে ডাক্তার রাজন যাহাকে ভোট দিয়াছেন, তিনি কংগ্রেস নির্বাচিত সদস্য নহেন। কিন্তু কংগ্রেসের লোকের পক্ষে কংগ্রেসের মনোনীত ব্যক্তিকে ভোট দিতে হইবে, ইহাই হইল কংগ্রেসের নীতি ও নিয়ম। ডাক্তার রাজন সে নিয়ম লঙ্ঘন করিয়া ভোট দিয়াছিলেন। এক জন কংগ্রেসকর্মীর এত বড় গোস্বাকি কি কংগ্রেসের একমাত্র মুখপাত্র মহাশয়ের "মদেকসদয়" বৈবাহিকের সন্ত হয় ? বিশেষ তিনিই যখন কংগ্রেসের মনোনীত ব্যক্তিকে বিশেষ বিবেচনাপূর্বক মনোনীত করিয়াছেন। অতএব তিনি গোস্বাকির কংগ্রেসের সহিত সর্ক-সম্বন্ধ ছিন্ন করিবার সকল জানাইয়া নিজ বৈবাহিককে, বলাভাই

প্যাটেলকে, জহরলালজীকে আর, বাবু রাজেন্দ্রপ্রসাদকে পত্র পাঠাইলেন। আর অমনই শোকের ঝড় বহিল চৌভিতে। পশন সেই শোকের স্বনন গভীর রগনে দশদিকে ব্যাপ্ত করিয়া দিল। রাজেন্দ্র, প্যাটেল প্রভৃতি মহাত্মার পার্শ্বচরণ “হায় কি হলো হায় কি হলো” বলিয়া ভূমিশয়া গ্রহণ করিলেন। কিন্তু শোক করিবারও কি ছাই ফুরসৎ আছে? মহাত্মাজীব আহ্বানে রাজেন্দ্রপ্রসাদ, জহরলালজী প্রভৃতিকেও ওয়ার্দা অভিমুখে ছুটিতে হইল। শেষটা মান ভাঙ্গিবার জন্ত সাধাসাধি, তবে লক্ষণ দেখিয়া মনে হইয়াছিল মান ভাঙ্গিবে। কিন্তু এই দুঃস্বপ্ন মান ভাঙ্গে নাই। এখন আমাদের একটা কথা জিজ্ঞাস্য এই যে, কংগ্রেসের এই সকল নিয়ম-কানুন কি সকল সদস্যের মত লইয়া করা হয়? তাহা যদি না হয়, এবং যদি তাহা কয়েক জন নেতার মতামতের প্রবর্তিত হয়, তথা হইলে কংগ্রেসকে কি গণতান্ত্রিক প্রতিষ্ঠান বলা যাইতে পারে? আর মিষ্টার রাজাগোপালের এই কার্য কি নিয়মানুগত হইয়াছিল? তাঁহার এই সামান্য বিচারের ভার কি তামিল নাইডু কংগ্রেস কমিটির হাতে দেওয়া উচিত ছিল না? এই আচরণে তাঁহার ঐশ্বরিতা বৃদ্ধির বিলক্ষণ পরিচয় পাওয়া যায়। যাহা হউক, তাঁহার পদত্যাগপত্র গৃহীত হইয়াছে। তিনি এবং ডাক্তার রাজন উভয়েই কংগ্রেস ত্যাগ করিয়াছেন।

### প্রাথমিক শিক্ষানুমতি

বঙ্গীয় সরকার প্রাথমিক শিক্ষা সম্বন্ধে কি করা কর্তব্য, তাহা অবধারণ করিয়া সেই সম্বন্ধে রিপোর্ট দিবার জন্ত কিছুদিন পূর্বে একটি কমিটি গঠিত করিয়াছেন। কমিটি এ পর্যন্ত কি করিয়াছেন এবং কোন্ কোন্ বিষয়ে অনুসন্ধান করিয়া তথ্য সংগ্রহ করিয়াছেন, তাহা আমরা জানিতে পারি নাই। বিষয়টি এখন সাধারণের পক্ষে অত্যন্ত প্রয়োজনীয়, তখন এ বিষয়ে প্রকাশভাবে তথ্যের অনুসন্ধান ও আলোচনা হওয়া উচিত। তবে শুনিতে পাইতেছি যে, কমিটিকে একটা বিষয় বিশেষভাবে পরামর্শ দিবার কথা বলা হইয়াছে। বিষয়টি এই,—যে সকল বিদ্যালয়ে নানা ধর্মাবলম্বী ছাত্র অধ্যয়ন করে, সে সকল বিদ্যালয়ে ধর্ম শিক্ষা প্রদান করা উচিত কি না, এবং যদি উহাতে ধর্মশিক্ষা দিবার ব্যবস্থা করা হয়, তাহা হইলে তাহাতে যাহাতে অকল্যাণ হইতে না পারে, এমন ভাবে কি ব্যবস্থা করা যাইতে পারে, কমিটিকে তাহা নিষ্কারণ করিয়া দিতে হইবে। সমস্তাটি বড়ই জটিল। এ কথা সত্য যে, বাল্যকালেই বালক-বালিকাদিগকে ধর্মশিক্ষা এবং ধর্মনীতি শিক্ষা দেওয়া কর্তব্য। নতুবা লোকের মনে ধর্মভাব স্বাভাবিকভাবে বিকাশলাভ করে না। কিন্তু আক্ষকাল আমাদের এই হতভাগ্য দেশে বেরূপ সাম্প্রদায়িক ভাব গজাইয়া উঠিয়াছে, তাহাতে একই শিক্ষক বা উপদেষ্টার দ্বারা সকল সম্প্রদায়ের বালক-বালিকাকে ধর্ম এবং ধর্মনীতি সম্বন্ধে উপদেশ দেওয়া সম্ভব হইবে না, দেওয়া সম্ভব হইলেও উহা করা সমীচীনও হইবে না। বরং তাহাতে হিত না হইয়া ঘোর অহিত হইবে। অবশ্য প্রাথমিক শিক্ষার্থী শিশুরা ধর্মতত্ত্ব এবং ধর্মনীতির ভাব কখনই বৃদ্ধিতে পারিবে না। তাহাদিগকে ভগবৎকৃপূর্ণ পৌরাণিক উপাখ্যানাদি পাঠ করিতে দেওয়াই সঙ্গত। তাহা করিতে হইলে

বিভিন্ন ধর্মাবলম্বী ছাত্রদিগের জন্ত বিভিন্ন পাঠ্যপুস্তক অধ্যয়ন করিবার ব্যবস্থা করা আবশ্যিক হইবে। নতুবা ধর্মশিক্ষাপ্রদান সম্পূর্ণ নিফল হইয়া দাঁড়াইবে। বিশেষতঃ কোন কোন ধর্মাবলম্বীরা বলিবে যে, তাহাদের ধর্মপুস্তকের কাহিনী তাহাদিগের ছাত্রদিগকে পড়াইতে হইবে। বিশেষতঃ হিন্দুধর্ম আচারনুলক এবং অনুষ্ঠান-সাপেক্ষ। উহার প্রকৃত তথ্য এবং উপকারিতা বৃদ্ধিতে হইলে আচার এবং অনুষ্ঠান দ্বারাই তাহা করিতে হয়। শিবাপ্রসন্ন ভট্টাচার্য্যই বল, আর তারাকিশোর চৌধুরীই (সম্ভদাস বাবাজী) বল, ইহারা সকলেই আনুষ্ঠানিক হইয়া তবে ধর্মবিষয়ে উচ্চস্থান অধিকার করিয়াছিলেন; স্বামী বিবেকানন্দও ঐশী শক্তিসম্পন্ন গুরু নিকট প্রাপ্ত উপদেশের অনুষ্ঠান দ্বারাই ধর্মজগতে শীর্ষস্থান অধিকৃত করিয়াছিলেন। গৃহস্থ লোকের মধ্যেও সার গুরুদাস এবং স্বর্গীয় ভূদেব মুখোপাধ্যায় প্রভৃতি ধর্ম্যানুষ্ঠান দ্বারাই স্বধর্মে দৃঢ়-প্রতিষ্ঠ হইয়াছিলেন। তাই বলি, হিন্দু বালকদিগকে স্বধর্ম শিক্ষা দিতে হইলে তাহাদিগকে আচারানুষ্ঠানপরায়ণ করিতে হইবে। সাধারণের বিদ্যালয়ে তাহা সম্ভব নহে। তবে সাধারণ বিদ্যালয়ে সাধারণভাবে ধর্মনীতি ও পৌরাণিক ভক্তদিগের উপাখ্যান শিক্ষা দেওয়া যাইতে পারে। কিন্তু হিন্দু-মুসলমানে এখন বেরূপ সম্প্রীতি দাঁড়াইয়াছে, তাহাতে উভয়ের পক্ষে ধর্মবিষয়ে একই পুস্তক পাঠ করা কখনই চলিবে না।

### লর্ড জ্যেটল্যান্ডের উত্তর

ভারত-সচিব লর্ড জ্যেটল্যান্ডের বরাবরে বাঙ্গালার বিশিষ্ট ব্যক্তিগণ যে দরখাস্ত করিয়াছিলেন, তাহার উত্তর তিনি দিয়াছেন, তাহার কথা আমরা গত মাসেই পাঠকদিগকে জানাইয়াছি; এবং সে সম্বন্ধে আমরা সক্ষেপে আমাদের মন্তব্যও প্রকাশ করিয়াছি। এবার সে সম্বন্ধে আরও দুই চারিটি কথা বলিব। লর্ড জ্যেটল্যান্ড বলিয়াছেন যে, উভয় সম্প্রদায়ের সম্মতি এবং আবেদন ব্যতীত উহার পরিবর্তন করা হইবে না। সকল সম্প্রদায়ের লোক যদি পরিবর্তন করিতে চাহে, তাহা হইলেও পার্লামেন্টের বিশেষ সম্মতি ভিন্ন উহার পরিবর্তন করা যাইতে পারিবে না। এক কথায় এই সাম্প্রদায়িক বাঁটোয়ারা সম্পর্কিত ব্যাপার বদল করিতে হইলে দুইটি ব্যাপার অত্যাবশ্যক হইবে। একটি ব্যাপার, হিন্দু মুসলমান প্রভৃতি সকল সম্প্রদায় সম্মিলিত হইয়া পরিবর্তন প্রার্থনা আবশ্যক। আর একটি, উহা উঠাইয়া দিবার পক্ষে পার্লামেন্টের বিশেষ সম্মতি চাই। দুইটিই চাই। একটির অভাব হইলে ঐ ব্যবস্থা বিধানের বিধানের মত অটল রহিবে। আইনে কিন্তু সে কথা নাই। আইনে এমন কথা আছে যে, কোন পক্ষ অনুমোদন না করিলেও দশ বৎসরের পূর্বেই সম্রাট ঐ ব্যবস্থার পরিবর্তন করিয়া দিতে পারিবেন। (ভারত শাসন ৩০৮ ধারায় ৪ উপধারা)। ঐ ৪ উপধারায় (i) চিহ্নিত অনুধারাতে বলা হইয়াছে যে, যে সংখ্যালঘিষ্ঠ সম্প্রদায়ের স্বার্থ ইহার সহিত জড়িত, তাহাদের মত লইয়াই উহার পরিবর্তন করা যাইবে। ভারত-সচিব লর্ড জ্যেটল্যান্ড ১৯৩৫ খৃষ্টাব্দের ৮ই জুলাই তারিখে বিসাতের লর্ড সভায় সে কথা স্পষ্টাক্ষরেই বলিয়াছিলেন। উদাহরণস্বরূপ তিনি দেশীয় খৃষ্টানদিগের কথা বলিয়াছিলেন। কিন্তু তিনি বাঙ্গালার

বিশিষ্ট হিন্দুদিগের আবেদনের উত্তরে বলিয়াছেন যে, হিন্দু এবং মুসলমানরা একমত হইয়া সাম্প্রদায়িক বাঁটোয়ারার পরিবর্তন করিতে সম্মত না হইলে আর উহার পরিবর্তন করা হইবে না। ফলে সাত মণ তেলও পুড়িবে না, বাধাও নাচিবে না। মুসলমানদিগের যেরূপ মনোভাব, তাহাতে তাঁহারা কখনিকালেও স্বতন্ত্র নির্বাচকমণ্ডলী ছাড়িতে সম্মত হইবেন না। জিন্নার জ্ঞান ব্যক্তির ভাব দেখিয়া তাহা যাহারা না বুঝিবেন, তাঁহারা কল্পাস্তকাল পর্যন্ত অপেক্ষা করিলেও তাহা বুঝিবেন না। শাসকজাতিও ইচ্ছা করিয়া অথবা জ্ঞানবিচারের অনুরোধে তাহা করিবেন না। যদি বল, শাসক জাতি তবে আইনে ঐ পথ খোলসা রাখিয়াছেন কেন? তাহার অনেক কারণ হইতে পারে। একটি কারণ, তাঁহারা যখন মনে করিবেন বা কর্তব্য বলিয়া বুঝিবেন, তখন তাঁহারা তাহা করিতে পারিবেন। সেই জন্য তাঁহারা আইনের দিক দিয়া ঐ পথে কোন বাধা রাখেন নাই। পাশ্চাত্য ডিপ্লোম্যাটীর স্বরূপ কি, তাহা যাহারা জানেন, তাঁহারাই তাহা বুঝিবেন। অধ্যাপক কার্ভের রীড পাশ্চাত্য জাতির ডিপ্লোম্যাটীর স্বরূপে বলিয়াছেন যে, চাতুরী বা ছলনাই উহার সার ভাগ (I am forced to judge that deceit is the essence of it)। পাশ্চাত্য জাতির মনে করেন, যে ক্ষেত্রে কোন আইন নাই, সে ক্ষেত্রে অবিচার হইতে পারে না। অতএব তথার কোনরূপ নৈতিক বাধ্যবাধকতা নাই। সুতরাং এ ক্ষেত্রে নীতিধর্মের বা যুক্তিতর্কের অবতারণা করিলে কোন ফল পাওয়া যাইবে বলিয়া আশা করা যায় না।

এখন ব্যাপার দেখিয়া মনে হইতেছে যে, বাঙ্গালার উচ্চ বর্ণের হিন্দুদিগের সহিত এইরূপ ব্যবহার করিবার আয়োজন লর্ড কর্ভনের আমল হইতে চলিয়া আসিতেছে। লর্ড কর্ভন যখন বঙ্গ-ভঙ্গ করিয়াছিলেন, তখন তিনি পূর্বতন বাঙ্গালা প্রদেশটি অত্যন্ত বৃহৎ বলিয়া উহাকে দুই ভাগে বিভক্ত করিয়াছিলেন। উহার পূর্বাংশ বাঙ্গালার চট্টগ্রাম বিভাগ, ঢাকা বিভাগ, (দার্জিলিং জিলা) মালদহ জিলা আসামের সহিত সংযুক্ত করিয়া উহার নাম দিয়াছিলেন পূর্ববঙ্গ এবং আসামপ্রদেশ। মিষ্টার ব্যামফিল্ড ফুলার উহার প্রথম ছোট লাট হইয়াছিলেন। ইনিই বলিয়াছিলেন যে, মুসলমান সম্প্রদায় ইহার স্ত্রী রানী। এই প্রদেশটি হইয়াছিল মুসলমানপ্রধান। তাহার পর বাঙ্গালার পশ্চিমাংশ উড়িষ্যা ও বিহারের সহিত সংযুক্ত করিয়া দিয়া উহাতে বাঙ্গালীদিগকে সংখ্যানুসারে পরিণত করেন। তাহার পর যখন ভাঙ্গা বাঙ্গালাকে সংযুক্ত করা হয়, তখন বাঙ্গালার সিংভূম, মানভূম, খ্রীহট, কাছাড় প্রভৃতি জিলাকে বাঙ্গালা হইতে বহির্ভূত করিয়া দিয়া ছোড়া বাঙ্গালাকে মুসলমানপ্রধান করিয়াছেন। যে সময়ে লর্ড কর্ভন বঙ্গ ভঙ্গ করিয়াছিলেন, সে সময়ে তিনি স্বল্পপূর জিলাকে মধ্যপ্রদেশ হইতে বিচ্ছিন্ন করিয়া উড়িষ্যার সহিত মিলাইয়া দিয়াছিলেন। কারণ, এ দেশের লোক উড়িয়া ভাষায় কথা বলে। কিন্তু যখন ভাঙ্গা বাঙ্গালা আবার যুক্ত করিয়া দেওয়া হইল, তখন সিংভূম, মানভূম, খ্রীহট, কাছাড় জিলার অধিবাসীদিগের ভাষা বাঙ্গালা হইলেও সে বিবেচনা না করিয়া ঐ জিলাগুলিকে বাঙ্গালা হইতে বাহির করা হইল। ভাষার দিকটা আর বিবেচনা করা হয় নাই। সেই জন্য আমাদের মনে হয় যে, লর্ড মর্লির settled fact লর্ড হার্ডিংএর শাসনকালে

unsettled হইলেও ব্রিটিশ সরকারের settled policy ঠিক unsettled হয় নাই; সুতরাং এ বিষয়ে আমাদের গর্ক করিবার বিষয় কিছুই নাই। এখন সাম্প্রদায়িক নির্বাচকমণ্ডলী রহিত করিবার জন্য যে আন্দোলন করিবার কথা হইতেছে,— আমরা তাহার সর্বতোভাবে সমর্থন করিলেও উহা যে সর্বতোভাবে সহজে সফল হইবে, তাহা আমরা আশা করিতে পারি না। কিন্তু তাহা হইলেও এ বিষয়ে নিশ্চেষ্ট থাকা উচিত নহে। এ বিষয়ে খুব সাবধানে কার্য করিতে হইবে। লর্ড জ্যেটল্যান্ড উত্তরদানকালে বিশেষ কোন যুক্তি প্রদর্শন করেন নাই, তাহার কারণ, তিনি মনে মনে বুঝেন যে, সে বিষয়ে তাঁহার উপস্থিত বিশেষ প্রবল যুক্তি নাই। তিনি ব্রিটিশ সরকারের নীতিকে পরিচালিত করিতেছেন। মস্তিষ্ক গ্রহণ করিতে তিনি তাহা করিতে বাধ্য। এখন আন্দোলন করিয়া ব্রিটিশ-মন্ত্রিমণ্ডলীকে সেই নীতি বর্জন করাইতে হইবে। সে কাষ বড় সহজ হইবে না। আন্দোলন দ্বারা ব্যক্তি-বিশেষের মত পরিবর্তিত করা সম্ভব হইতে পারে, কিন্তু কোন সজ্জব বা জনমণ্ডলীর মত সহজে পরিবর্তন করা যায় না।

### মুসলমানদের একতানুষ্ঠান

মিষ্টার মহম্মদ আলি জিন্না বোম্বাইয়ের এক জন খ্যাতনামা ব্যাবসায়ী। দাদাভাই নারোজীর নিকট ইনি রাজনীতিতে দীক্ষা গ্রহণ করেন এবং কিছুকাল তাঁহার সেক্রেটারীর কায করিয়াছিলেন। ইনি প্রথমতঃ সাম্প্রদায়িকতার ঘোর বিরোধী ছিলেন। গোলটেবল বৈঠকে বাইয়া ইনি সাম্প্রদায়িক মতে দীক্ষিত হইয়াছেন। ইহার পরই ইনি ১৪ দফা দাবী উপস্থিত করেন। সম্প্রতি তিনি বাঙ্গালী মুসলমানদিগের মধ্যে একতা প্রতিষ্ঠিত করিবার জন্য কলিকাতায় আসিয়াছিলেন। এক্ষণে বলা আবশ্যক যে, সম্প্রতি ইনি একটি কেন্দ্রী পাল'মেটারী বোর্ড সমেত নিখিল ভারতীয় মোস্তেমলীগ গঠন করিয়াছেন। বাঙ্গালার সকল অঞ্চল হইতেই মুসলমান নেতারা ইহার সহিত সাক্ষাৎ করিতে আসিয়াছিলেন। ইহার মত হইতেছে যে, বাঙ্গালায় মুসলমানদিগের বিভিন্ন রাজনীতিক প্রতিষ্ঠান রাখিবার প্রয়োজন নাই। সব একীভূত করিয়া মুসলমানদিগের মধ্যে একমত প্রতিষ্ঠিত করিতে হইবে। ইহারা সকলেই ঠিক একমতাবলম্বী মুসলমানদিগকে ব্যবস্থাপক সভায় নির্বাচনে সদস্যরূপে উপস্থিত করিবেন। এ প্রস্তাবে সকলেই সম্মত হইয়াছেন। এ জন্য যোগাভঙ্গও খুব চলিতেছে। কংগ্রেস যেমন পাল'মেটারী বোর্ড গঠন করিয়াছিলেন, ইহারা এখন সেইরূপ পাল'মেটারী বোর্ড গঠন করিতেছেন। ইহা কংগ্রেস-ওয়ারাদিগের উপর একটা পাল্টা চ'ল, সে বিষয়ে সন্দেহ নাই। সুতরাং স্বর্গীয় চিত্তরঞ্জন দাশের সময়ে মুসলমান সদস্যগণের মধ্যে যে কতকগুলি স্বরাজী দেখা গিয়াছিল, এবার আর তাহা দেখা যাইবে না। অতএব কংগ্রেস মুসলমানদিগের সম্ভাব্য-সম্পাদনের জন্য যে "না গ্রহণ না বর্জন নীতি" গ্রহণ করিয়াছেন, তাহার ফল কতটা পাইলেন, তাহা ভাবিয়া দেখুন। নারায়ণী বলহীনের লভ্যঃ!



## কংগ্রেসের ইস্তাহার

কংগ্রেস নির্বাচনের জন্ত এক ইস্তাহার প্রচার করিয়াছেন। তাঁহারা কংগ্রেস বর্জন করিয়াছিলেন, তাঁহারা কংগ্রেসে প্রবেশ করিতেছেন বলিয়া দেশের লোকের নিকট একটা কৈফিয়ৎ দেওয়া, বোধ হয় কর্তব্য মনে করিয়াছিলেন, সেই জন্ত এই ইস্তাহার প্রচার করিয়াছেন। ১৯২৬ খৃষ্টাব্দের ৮ই মার্চ তারিখে পণ্ডিত মতিলাল নেহেরুর নেতৃত্বে যখন কংগ্রেসওয়ালারা ব্যবস্থা-পরিষদ পরিত্যাগ করিয়া আসিয়াছিলেন, তখন পণ্ডিতজী বলিয়াছিলেন যে, “স্বরাজীরা আড়াই বৎসর ধরিয়া ভারত সরকারের সহিত সহযোগিতা করিয়া আসিতেছেন এবং শাসন-সংস্কার সফল করিবার জন্ত সরকারকে সাহায্য করিয়াছেন, কিন্তু তাহার পরিবর্তে তাঁহারা অবমাননা (humiliation) ভিন্ন আর কিছু পান নাই।” এই কথা বলিয়া পণ্ডিতজী সমস্ত স্বরাজী দলবল সহ ব্যবস্থা-পরিষদ পরিত্যাগ করিয়া আসিয়াছিলেন। এখন আবার সেই স্বরাজী দলই কংগ্রেসে যাইতেছেন এবং হয় ত বা মন্ত্রিসভা গঠনের সঙ্কল্প করিতেছেন। কাষেই একটা কৈফিয়ৎ দিবার প্রয়োজন হইয়াছে। তাঁহারা বলিয়াছেন যে, তাঁহারা সরকারের সহিত সহযোগিতা করিতে যাইতেছেন না, ভারত-সংস্কার আইনে বাধা দিয়া উহা ধ্বংস করিবার জন্ত যাইতেছেন। অসহযোগ আন্দোলনের পর চিত্তরঞ্জন দাশের নেতৃত্বে যখন তাঁহারা ব্যবস্থাপক প্রতিষ্ঠানগুলিতে প্রবেশ করিয়াছিলেন, তখনও তাঁহারা বলিয়াছিলেন যে, তাঁহারা সরকারের সহিত সহযোগিতা করিতে যাইতেছেন না,—শাসনযন্ত্র অচল করিতে যাইতেছেন। বাঙ্গালার স্বর্গীয় চিত্তরঞ্জন দাশ তাহা করিয়া ছিলেন সত্য,—কিন্তু ব্যবস্থা-পরিষদে স্বর্গীয় পণ্ডিত মতিলাল নেহেরুর কথাতেই প্রকাশ যে, তাঁহারা সরকারের সহিত আড়াই বৎসর ধরিয়া সহযোগিতা করিয়াছিলেন এবং তাহার বিনিময়ে কেবল অবমাননাই পাইয়াছিলেন। এবার ত তাঁহারা অনেক রকম অঙ্গীকার করিয়াছেন, মাষ বেকার-সমস্যার সমাধান, শিল্প-সংস্থাপন, কৃষির উন্নতি প্রভৃতি করিবেন,—কিন্তু ব্যবস্থাপক সভাগুলির সাহায্য ভিন্ন কি তাহা করিতে পারিবেন? ঐ বিষয়গুলি সম্বন্ধে আইন করিতে হইলেও সরকারের সহযোগিতা চাই। তাঁহারা মন্ত্রিসভা লইবেন কি না, তাহা নির্বাচনের পর সাব্যস্ত করিবেন। অর্থাৎ তাঁহারা সুবিধা বুঝিয়া কাষ করিবেন, একটা মূল নীতির অঙ্গুসরণ করিয়া কাষ করিবেন না। সাম্প্রদায়িক নির্বাচন সম্বন্ধে তাঁহারা ঘোষণা করিয়াছেন যে, তাঁহারা উহার বিরোধী বটেন,—তবে উহা উঠাইয়া দিতে হইলে সর্ব সম্প্রদায়ের একযোগে কার্য্য করা চাই। সরকারও ঠিক সেই কথা বলিয়াছেন। সুতরাং যদি চন্দ্র-সূর্য্য ভূতলে খসিয়া পড়ার মত অসম্ভব কাণ্ড ঘটে, মুসলমানরা সকলে মিশ্র নির্বাচন চাহেন, তাহা হইলে কংগ্রেসের চেষ্টার প্রয়োজন কি, সরকারই তাহা করিয়া দিবেন। তাঁহারা বলিয়াছেন যে, শাসন-সংস্কার আইন ঘুচিয়া যাইলে, এই স্বতন্ত্র নির্বাচনপদ্ধতিও ঘুচিয়া যাইবে। ঘুচাইবে কে? এ কথা স্থিরমতে জানিয়া রাখা উচিত যে, ব্যবস্থাপক সভাগুলিতে, মুসলমানগণ আসল কাষের বেলায় এককাটা হইবেন। সেই জন্তই ত জিন্নার বাঙ্গালায়

আগমন। দুই একটা ছোট-খাট ব্যাপারে ব্যবস্থা পরিষদে সরকারের সহিত ভোটযুদ্ধে জয়লাভ করিলেই শাসনসংস্কার আইন ভাঙিবে না, উঠিবেও না। কিন্তু আসল ব্যাপারে তোমরা যে জয়লাভ করিতে পারিবে, তাহা মনে করিও না। আর তোমরাও বলিতেছ এবং মুসলমানরাও বুঝিতেছেন যে, শাসন-সংস্কার আইন ধ্বংস হইলে তাঁহাদের এত সাধের সাম্প্রদায়িক নির্বাচন লোপ পাইবে, সুতরাং তাঁহারা তোমাদের সহিত যোগ দিয়া শাসন-সংস্কার আইন নষ্ট করিয়া দিতে সম্মত হইবেন কি? কখনই না। মনে রাখিও, দ্বিতীয় গোল-টেবল বৈঠকে যখন মহাত্মাজী মুসলমানদিগকে বলিয়াছিলেন যে, তোমরা যাগা চাও, আমরা তোমাদিগকে তাহাই দিতে সম্মত আছি, তোমরা মিশ্র-নির্বাচনে সম্মত হও, তাহাতে তাঁহারা সম্মত হন নাই। ইহাতেও যে তোমাদের চৈতন্য হইতেছে না, ইহা অপেক্ষা বিশ্বাসের বিষয় আর কি হইতে পারে?

## ডাক্তার শ্রীযুক্ত অরুণকুমার মুখোপাধ্যায়

সুপ্রসিদ্ধ ঔপন্যাসিক প্রভাতকুমার মুখোপাধ্যায় মহাশয়ের জ্যেষ্ঠ পুত্র ডাক্তার শ্রীযুক্ত অরুণকুমার মুখোপাধ্যায় এম, বি, গত কয়



শ্রীযুক্ত অরুণকুমার মুখোপাধ্যায়

বৎসর কলিকাতার ট্রপিক্যাল স্কুল অফ মেডিকেল “ছক ওয়াম” সম্বন্ধে গবেষণা করিতেছিলেন। ইনি বকফেলার ফাউণ্ডেশনের বৃত্তি পাইয়া গত ২রা ভাদ্র চিকিৎসাবিদ্যা সম্বন্ধে গবেষণার জন্ত আমেরিকা যাত্রা করিয়াছেন। আমরা তাঁহার সাফল্য কামনা করি :



## হাইকোর্টে নুতন জজ

ডাক্তার ত্রিযুত বিজনকুমার মুখোপাধ্যায় কলিকাতা হাইকোর্টের অতিরিক্ত জজ নিযুক্ত হইয়াছেন। বিজন বাবু ১৯১১ খৃষ্টাব্দে



ত্রিযুত বিজনকুমার মুখোপাধ্যায়

বি, এল, পরীক্ষায় প্রথম স্থান অধিকার করিয়া ১৯১৩ খৃষ্টাব্দে ইতিহাসে এম, এ, পরীক্ষায় উত্তীর্ণ হইয়া ১৯১৬ খৃষ্টাব্দে এম, এল, পরীক্ষায় প্রথম স্থান অধিকার করেন ও ১৯২৩ খৃষ্টাব্দে "উস্তেজ অব ল" হইলেন। তিনি এখন সিনিয়র সরকারী উকীলের কাৰ্য্য করিতেছেন। বিজন বাবুর বয়স ৪৫ বৎসর। তিনি অল্পবয়সে বিপত্তীক হইয়া অনাড়ম্বর জীবন যাপন করেন এবং তাঁহার দানশীলতা তাঁহার আইন-জ্ঞানেরই মত লোকের শ্রদ্ধা আকর্ষণ করিয়াছে। আমরা আশা করি, তিনি পদের গৌরব বর্দ্ধিত করিবেন।

## দিল্লীতে ম্যালেরিয়া

যে সময়ে কর্তৃপক্ষ ভারতের রাজধানী কলিকাতা হইতে দিল্লীতে অপসারিত করিয়াছিলেন, সেই সময়ে ভারতবাসীরা প্রাচীন ভারতীয় রাজগণের মহাশয়ানে ভারতের রাজধানী লইয়া বাইবার প্রস্তাবে বিশেষ আপত্তি করিয়াছিলেন। তবে সেই সময়ে ভাঙ্গা বাঙ্গালা কতকটা জোড়া দেওয়াতে লোক আনন্দে এতই অধীর হইয়াছিল যে, তাহারা উহাতে তাদৃশ আপত্তি করিবার অবকাশ পায় নাই। এখন দেখা যাইতেছে যে, তাহাদের সে আপত্তি ঠিকই হইয়াছিল। এই রাজধানী নির্মাণে সরকারের যে টাকা ব্যয় হইয়াছে, তাহা ভাবিলে বিস্মিত হইতে হয়। কিন্তু তাহা হইলেও এই স্থান এখনও সুবিধাজনক হয় নাই। এই স্থানে ম্যালেরিয়ার প্রকোপ অত্যন্ত অধিক। সম্প্রতি ভারত সরকার এই স্থানের ম্যালেরিয়ার প্রশমনকল্পে ৭৫ হাজার টাকা ব্যয় মঞ্জুর করিয়াছেন। বলা বাহুল্য, ইহা প্রাথমিক ব্যয়। এখন এইরূপ কত দফায় কত লক্ষ টাকা ব্যয় হইবে, তাহা বলা কঠিন। এ পর্য্যন্ত শুনা গিয়াছিল যে, তথাকার বাসগৃহগুলির সান্নিধ্যে এনোফিলিস নামক ম্যালেরিয়াবাহী মশকের জন্মস্থান থাকিতে তথায় ম্যালেরিয়ার প্রকোপ দেখিতে পাওয়া যায়। এখন শুনা যাইতেছে যে, সমস্ত নূতন দিল্লীই ম্যালেরিয়াবাহী মশকের জন্মস্থান দ্বারা পরিবেষ্টিত। যদি তাহাই হয়, তাহা হইলে এই ৭৫ হাজার টাকা ত সমুদ্রে পাণ্ড-অর্ঘ্যস্বরূপ হইবে। কারণ, সমস্ত নূতন এবং পুরাতন দিল্লীতে মশক-নারণ কার্য্য রীতিমতভাবে চালাইতে হইবে। পুরাতন দিল্লীর মশককুল আসিয়া নূতন দিল্লীতে আশ্রয় লয়। ইহা করিতে হইলে ধীরে ধীরে কার্য্য করিতেই হইবে। কোন্ স্থানে কিরূপ প্রতীকারের উপায় অবলম্বন করিলে তাহা সফল হইবে, তাহা নির্দ্ধারণ করিয়া কার্য্য করা আবশ্যিক। যে সময়ে নূতন দিল্লীর গঠন-কার্য্য প্রায় শেষ হইয়াছিল, সেই সময়ে অনেক বিশেষজ্ঞ ব্যক্তিকে কর্তৃপক্ষকে বলিয়াছিলেন যে, সমস্ত দিল্লীর স্বাস্থ্য এবং বিস্তার-ব্যবস্থা পরিদর্শনের জন্ত সরকার একটি ডেভলপমেন্ট ট্রাষ্ট বসান, কিন্তু সে সময়ে সরকার সে কথা কাণে তুলেন নাই। এখন যখন কিছুতেই কিছু হইতেছে না, তখন সরকার অন্তোপায় হইয়াই এরূপ ব্যবস্থা করিতে চাহিতেছেন। ভারতের করদাতা গৌরীসেনরা যখন আছে, তখন খরচের বিষয় ভাবিবার প্রয়োজন নাই। তাহাদের নিকট হইতে প্রাপ্ত টাকা দরিদ্র্যামে ঢালিলে কে-ই বা আপত্তি করিবে, আর সে আপত্তি শুনিবেই বা কে ?



ত্রীসতীশচন্দ্র মুখোপাধ্যায় সম্পাদিত

কলিকাতা, ১৬৬ নং বহুবাচার স্ট্রীট, বঙ্গমতী রোটারী মেসিনে ত্রীশশিভূষণ দত্ত মুদ্রিত ও প্রকাশিত।



“ততঃ সোঃপি পদাক্রান্তসুয়া নিজমুখান্ততঃ ।  
অক্রান্তকান্ত এবাসৌ দেবা বীযোগ সংবৃতঃ ॥”

—শ্রীশ্রীচণ্ডী, মহিষাসুরবধঃ ॥ ৪১ ॥





১৫শ বর্ষ ]

আশ্বিন, ১৩৪৩

[ ৬ষ্ঠ সংখ্যা ]

### শরৎ

শরৎ, তোমারে কি দিয়ে এবার জীবনে বরি ?  
কমল কুমুদ শেফালি ছাতিম ? তুমিই এনেছ সঙ্গ করি ।  
তুমিই রচেছ মরালের মালা,  
তুমিই সাজালে কমলার পালা,  
তোমারে বরিতে জীবনের ডালা কোন্ উপচারে বল্ গো ভরি ?


সারা বরষের দিনগুলি আজি তন্নতন্ন বৃগাই খুঁজি,  
তোমারে অর্ঘ্য দেবার মতন কিছুই সেখানে নাইক পুঁজি ।  
পাই শুধু খুঁজি শুকানো কুমুম,  
নিবানো-বাতির কালি আর ধূম,  
পোকায় কেটেছে চামরের লোম, কিসে তব পথ-ক্লান্তি হরি ?

গেছে অঞ্জনা সারাটি বরষ, ফসল ফেলনি প্রাণের ক্ষেতে,  
কুমুমের বন ভরেছে আগাছা শেয়ালকাঁটায়, ভরেছে বেতে ।  
রিক্ত হস্তে তোমারে বরণ,  
করিনু এবার হে মনোহরণ,  
তব আবাহনে বিরসকণ্ঠে নীরস এ গান তাই ত ধরি ।

শ্রীকালিদাস রায় ।







## উমা ব্রহ্ম ( শ্রুতিসিদ্ধান্ত )

“দুর্গাং শিবাং শাস্তিকরীং...প্রণতোহস্মি সদা উমাম্ ॥”

উমা যে ব্রহ্ম, তাহা বলিবার পূর্বে একটু মুখবন্ধ করিতে হইতেছে—

স্বর্গ, মর্ত্ত, পাতাল—ভোগের রাজ্য। দেবতা, মানুষ, অসুর—সকলেই সুখের কাম্বাল। এই সুখেরই জন্ম দেবতা-অসুরে বৃদ্ধ, মনুষ্যে-মনুষ্যে বৃদ্ধ,—আবার মনুষ্য,—দেবতা বা অসুরের উপাসক। কিন্তু সুখ যে কি, তাহা ইহারা অবগত নহেন, একটা কল্পনায় বা একটা মোহে, সুখের মূর্ত্তি ইহারা নিষ্কাণ করিয়াছেন। সেই মূর্ত্তি ভোগ বা ভোগের উপায় লাভ। ভোগস্থান, ঐ—ত্রিলোক—স্বর্গ, মর্ত্ত, পাতাল। মর্ত্ত আমাদিগের প্রত্যক্ষ, স্বর্গ ও পাতালের বর্ণনা শাস্ত্রে আছে। সর্বত্রই ভোগ—মর্ত্তে দুঃখভোগও হয়; স্বর্গ ও পাতালে সুখভোগই হয়। স্বর্গের দেবতার ও পাতালের অসুরের দুঃখভোগ মর্ত্তে আসিয়াই করিতে হয়। সুখ-সাগরমধ্যে যখন দেবতা বা অসুর নিমগ্ন থাকেন, তখন তাঁহাদিগের চিন্তাজনিত দুঃখকণা তেমন অনুভূত হয় না। যদি বা জয়-পরাজয়-জনিত দুঃখ কখনও কখনও হয়, তাহা সুখের তুলনায় নিতান্ত অল্প, বিশেষতঃ বিজিতের দুঃখ মর্ত্তলোকেই হয়।

‘স্বর্গান্নিরাকৃতাঃ সর্কে তেন দেবগণা ভুবি । বিচরন্তি যথা মর্ত্ত্য। সন্ধিক্ষণধ্বরাশ্বনাঃ ।’ মার্কণ্ডেয় পুরাণ।

স্বর্গ ও পাতালের ব্যাখ্যা করিবার স্থান ইহা নহে,—অতএব পুরাণের ইচ্ছিতমাত্রই এ স্থলে প্রদত্ত হইল। এখন আসল কথা বলিতেছি—

স্বর্গের দেবতাগণ এক বৃদ্ধ অসুরগণকে পরাজিত করেন,—তাহাতে তাঁহাদিগের কল্পিত ভোগসুখের মাত্রা-বৃদ্ধি হইয়াছিল। ভোগসুখের মাত্রাবৃদ্ধি বা তৎসম্ভাবনার সহিত গর্কের একটা অবিচ্ছেদ্য সম্বন্ধ। ভোগসুখ-মাত্রা বৃদ্ধি বা তৎসম্ভাবনা, গর্কের কারণ হইয়া থাকে; এই কার্য-কারণভাবই সেই অবিচ্ছেদ্য সম্বন্ধ। দেবগণ তখন বিজয়-গর্কে পক্ষিত। আমরা অসুর-বিজয়ী—এই গর্ক ও তাঁহাদিগের একটা কাল্পনিক সুখের হেতু হইয়াছিল।

মানবের যাহারা উপাশ্র, তাঁহাদিগেরও এই গর্ক, এই মোহ; জগতের প্রকৃত কল্যাণ কিরূপ হইবে?

গর্ক ও মোহ জানীর হয় না, যাহার তত্ত্বজ্ঞান হয় নাই, তাঁহারই গর্ক ও মোহ হইতে পারে। ভোগসুখও তাঁহারই কল্পিত। ত্রিলোকের দেবতা মনুষ্য ও অসুর কেহই যখন তত্ত্বজ্ঞান লাভ করেন নাই, তখন, ইন্দ্র অগ্নি-বায়ু-প্রমুখ দেবগণও যে মোহবশতঃ গর্কযুক্ত হইবেন, তাহাতে বিশ্বয় করিবার কারণ নাই। হাঁ, বিশ্বয়ের কারণ এইটুকু থাকিতে পারে বটে যে, এই ইন্দ্র অগ্নি বায়ু বাগ্ধেদের মজ্জীয় দেবতা, কেবল মজ্জীয় দেবতা বলিলেও ঠিক হয় না, মজ্জীয় প্রধান দেবতা; তাঁহারাও মোহগ্রস্ত। কিন্তু বিশেষ বিচার করিলে বুঝা যায়, ইহাও বিশ্বয়াবহ নহে—কীটপতঙ্গ, পশুপক্ষী, মনুষ্যের ছায়—দেবতারাত্ত যে অজ্ঞানের উপরে প্রতিষ্ঠিত।

এই অজ্ঞান কি?—আত্মার স্বরূপবিষয়ে ভ্রম,—মর্ত্তস্থ প্রাণিবৃন্দ—তৃণশুল্ক কীটপতঙ্গ প্রভৃতি ক্ষুদ্র প্রাণী হইতে মনুষ্য পর্য্যন্ত—সকলেরই দেহকে আত্মা বলিয়া জ্ঞান সাধারণতঃ আছে। আমি রুগ্ন, আমি সুস্থ, আমি সুখী, আমি বৃদ্ধ, আমি বলবান্, আমি দুর্বল—এই জ্ঞান মনুষ্যমধ্যে প্রায় সর্বত্রই বিদ্যমান। তৃণ-শুল্ক-বৃক্ষাদিও নিজ নিজ শরীর-পোষণে ব্যাপৃত, শরীরহানি-ভয়ে ভীত, শারীরিক দুঃখে ম্রিয়মাণ—যত স্বল্পজ্ঞানই উহাদিগের থাকুক না কেন,—তন্মধ্যেই শরীরকে আমি বলিয়া বোধটুকু স্পষ্ট বা অস্পষ্টভাবে আছে। কৃমিকীটাদির ত আছেই, দেহ রক্ষার জন্ম তাহারা সদা ব্যস্ত, দেহহানি-ভয়ে ভীত, মরণভয়ে কিরূপ ব্যাকুল হয়—তাহা সকলেরই প্রত্যক্ষ। মনুষ্যের মধ্যে যাহারা শাস্ত্রজ্ঞ—আত্মা দেহ হইতে ভিন্ন ইহা শাস্ত্রকথায় জানেন, তথাপি তাঁহারা নাম গোত্র উল্লেখ দ্বারা ‘অহং’ নির্দেশ করার মোহের মধ্যে তাঁহারাও জড়িত; একালে যাহারা ‘শিক্ষিত’ বা যাহারা সুসভ্য নামে পৃথিবীতে পরিচিত, তাঁহাদিগের দেহে ‘অহং’বুদ্ধি অধিক-তর,—দেহই যে আত্মা—অথবা দেহেরই অংশবিশেষ যে

আত্মা—জড়বিজ্ঞানবিদ বহু প্রতীচ্য গ্রন্থকার এই মত পোষণ করেন।

দেহে যে আত্মজ্ঞান, ইহা অজ্ঞান ভ্রম। সেই ভ্রম হইতেই ক্ষুদ্র ক্ষুদ্র অসংখ্য মোহ উপস্থিত হয়,—তাহা মানুষের গর্ভেরও হেতু। মানুষের—এবং পৃথিবীস্থ অপর প্রাণীর দেহ পার্থিব আকাশ, বায়ু, তেজ ও জলের সমন্বয় এই পার্থিব দেহে থাকে।

দেবতাদিগের দেহ পার্থিব নহে,—সাধারণতঃ তাঁহাদিগেরও সেই তৈজস দেহে ‘অহং’-জ্ঞান থাকে,—প্রধান প্রধান দেবতাগণের বাহ্য ইন্দ্রিয় ও অন্তঃকরণে ‘অহং’-জ্ঞান থাকে। বাহ্যেন্দ্রিয় ও অন্তঃকরণের দুই প্রকারে পরিচয় আছে—ব্যাষ্টি ও সমষ্টি। প্রত্যেক জীবের যে বাহ্যেন্দ্রিয় ও অন্তঃকরণ, যথা ক চিলিত ১টি প্রাণীর—চক্ষুরিন্দ্রিয় শবণেন্দ্রিয় ইত্যাদি তাহাই ব্যষ্টি এবং এই জগতে যত প্রাণী আছে, তৎসমুদয়ের যে চক্ষুরিন্দ্রিয়সমূহ—শবণেন্দ্রিয়সমূহ ইত্যাদি প্রত্যেক সমূহই এক একটি সমষ্টি—এক এক ইন্দ্রিয়সমষ্টিতে এক এক দেবতার অহংজ্ঞান থাকে; ইন্দ্রিয়ব্যাষ্টিই হউক, আর ইন্দ্রিয়সমষ্টিই হউক,—কিছুই ‘আত্মা’ নহে;—আত্মাতে অহংবুদ্ধি না হইয়া অজ্ঞান অহংবুদ্ধি হইলেই তাহাকে ভ্রম বলিতেই হইবে। এক বস্তুকে অজ্ঞ বস্তুরূপে বুঝাই ত ভ্রম। ভ্রম থাকিলেও দেবতাগণের শক্তি মনুষ্যাপেক্ষা অধিক,—যেমন অপর ভূচর প্রাণী অপেক্ষা মনুষ্যের শক্তি অধিক, তদ্রূপ। সেই শক্তির সহায়তায় মনুষ্য নিজ নিজ ইষ্ট সিদ্ধি করিবার আকাঙ্ক্ষা করিয়া দেবতার উপাসনা করে; রাজা, মহারাজ ও যোগ্যতা-সম্পন্ন মনুষ্যের উপাসনাই ঐ সকল দেবতাপাসনার উদাহরণ, সুতরাং ইজাদি দেবতার ভ্রম বলিলে বিস্মিত হইবার কারণ নাই, তাঁহাদিগের উপাসনাও বিফল নহে।

এস্থলে ইহাও বক্তব্য যে, উপাসক যদি দেবতার আত্ম-জ্ঞানের উপাসনা করে—তাহাতে মুক্তিলাভ হইতে পারে, অতএব উপাসকের ভাবানুসারেই ভোগ সুখ বা মুক্তিলাভ হয়। উপনিষদ্ সেই আত্মতত্ত্বকেই ব্রহ্ম বলিয়াছেন। (শ্রুতি) বৃহদারণ্যক উপনিষদের একটি স্থান উদ্ধৃত করিয়া দেখাইতেছি,—

(১) “য আদিত্যে তিষ্ঠন্নাদিত্যাদত্যস্তো যমাদিত্যোন  
বেদে যশ্চাদিত্যঃ শরীরং য আদিত্য-  
মন্তুরো যমন্তুতোষ ত আত্মান্তুর্যাম্যমৃতঃ”

২৮ ব্রাহ্মণ।

অর্থাৎ “যিনি আদিত্যে থাকিলেও আদিত্য হইতে পৃথক্, আদিত্য যাহাকে জানেন না, আদিত্য যাহার শরীর, অন্তরস্থ থাকিয়া যিনি আদিত্যের নিয়ামক, এই তিনি তোমারই অন্তুর্যামী অমৃত আত্মা।”

আর একটি স্থল—

(২) “দেবাস্তং পরাগুর্গোহুত্রায়নো দেবান্ বেদ।”

বৃহ ৪।৫ ব্রাহ্মণ।

যে ব্যক্তি আত্মা ব্যতীত দেবগণকে পৃথক্ দর্শন করে, দেবগণের নিকট তাহার তান হইয়া থাকে।

আরও একটি—

(৩) “য এবং বেদাহং ব্রহ্মাস্মীতি স ইদং  
সর্কং ভবতি তশ্চ হ দেবাশ্চ নাভূত্যা।  
ঈশতে আত্মা হেমাং স ভবতি, অথ  
যোহুগাং দেবতামুপাস্তেহনোমাবগোহ-  
হমস্মীতি ন স বেদ যথা পশুঃ”

( বৃহ, ১।৪:১০ )

অর্থাৎ যিনি আমি ব্রহ্ম এইরূপ অপরোক্ষ অনুভব করেন, তিনি সর্কস্বরূপ, দেবগণেরও তিনি আত্মা, তাঁহাদিগের প্রতি প্রভুত্ব করিবার সামর্থ্য দেবগণের থাকে না, যে আপনাকে পৃথক্ ও উপাস্তকে পৃথক্ চিন্তা করে, সে ব্যক্তি ভ্রান্ত পশুবৎ।”

অতএব উপাসক ব্রহ্মজ্ঞ হইলে—পৃথক্ কথা, সাধারণতঃ ফলকামী উপাসক দেবতার মোহ থাকিলেও দৈবীশক্তির নিকট হইতে সেই ফল লাভ করে, কিন্তু ব্রহ্মজ্ঞ উপাসক দেবতারও আত্মা বলিয়া দৈবীশক্তি তাহার উপর প্রভুত্ব করিতে পারে না।

এই পর্য্যন্ত যাহা আলোচিত হইল,—তাহার মর্মার্থ এই যে, দেবতার ব্রহ্মজ্ঞ না হইলেও দৈবী শক্তি দ্বারা ভেদবুদ্ধি-সম্পন্ন উপাসকের অতীষ্ট সিদ্ধি করিতে পারেন। অভেদ-বুদ্ধিসম্পন্নের নিকটে তাঁহাদিগের প্রভুত্ব থাকে না,—দেবতা স্বয়ং আত্মতত্ত্ববিষয়ে অভ্রান্ত না হইলেও তাঁহার

যিনি বাস্তবিক আত্মা, তিনি আর অভেদবুদ্ধি-সম্পন্ন উপাসকের আত্মা ত. ভিন্ন নহেন,—যে বাস্তব আত্মার সাহায্যে দৈবীশক্তির বিকাশ, সেই আত্মাকেই দৈবীশক্তি দ্বারা উন্নীত বা অভিভূত করা যায় না। ঐন্দ্রজালিক আপনাকে ইন্দ্রজালে মুগ্ধ করিতে পারে না। ইন্দ্রাদি দেবগণও ব্রহ্মজ্ঞানের অর্থাৎ আত্মতত্ত্বজ্ঞানের অভাবেই অসুরজয়ে গর্কষুক্ত—আত্মাভিমাণে ক্ষীণ হইয়াছিলেন, এই যে উপনিষদের উক্তি, তাহার সত্যতা এবং ঐরূপ দেবতা-গণের বেদোক্ত উপাসনার আবশ্যিকতা প্রদর্শনের জন্তই উপরিভাগের আলোচনা।

উমাই যে ব্রহ্ম, ইহা যে উপনিষদের উক্তি দ্বারা প্রমাণিত হইবে—সেই উপনিষদের তৃতীয় খণ্ডের আরম্ভ উক্ত আলোচনা ভিত্তিতেই প্রতিষ্ঠিত, যথা—

শ্রুতি—কেনোপনিষদ তৃতীয় খণ্ড—‘ব্রহ্মহ দেবেভা।  
বিজিগ্যে তস্ম হ ব্রহ্মণো বিজয়ে দেবা অমহীয়ন্ত ত ঐক্ষন্ত  
অস্মাকমেবারং বিজয়োহস্মাকমেবারং মহিমেন্তি।

ব্রহ্ম বা আত্মাই দেবগণের জয়োদ্ধেশে জয়যুক্ত হন এবং পূজিত হন। কিন্তু দেবতারা দেখিলেন—এই জয় আমা-  
দিগেরই, এ মহিমা আমাদেরই, এইরূপ আত্মপ্লাপাবুক্ত হইলেন।

তাৎপর্য্য এই যে, ব্রহ্ম আত্মাই একমাত্র চেতন। তদ্বিন্ন সকল বস্তুই মায়িক। অতএব জড়পদার্থ,—চেতনের অপি-  
দান ব্যতীত জড়ের কোন শক্তিরই ক্ষুরণ হয় না। এখন জড়বিজ্ঞানের জয় জয়কারের সময়, এখনও তাহার শক্তি-  
বিকাশের মূলে চেতনই বর্তমান। আবিষ্কর্তা, পরিচালক ও ভক্ত সকলেই চেতন। এই যে আবিসিনিয়া জয়ে ইটালীর দম্ভ—গর্ক অহঙ্কার, ইহার মূলে চেতনশক্তিই অবস্থিত। সেই চেতনশক্তির তত্ত্ব অজ্ঞাত বলিয়াই দম্ভ-গর্ক ;  
দেবগণের গর্কও সেই জন্তই হইয়াছিল।

এই চেতন এক—অখণ্ড—অদ্বিতীয়, বিজ্ঞেতা দেবগণের অহংভাব সেই অখণ্ড অদ্বিতীয় চেতনকে আশ্রয় করিয়া  
অবস্থিত নহে। অনেকে যেমন স্থূল দেহকে ‘অহং’ আত্মা মনে করে—দেবগণও অনেকে তাঁহাদিগের তৈজস দেহকে কেহ  
বা সমষ্টি ইন্দ্রিয়বিশেষকেই ‘অহং’ মনে করেন,—বাস্তবিক উহা অহং বা আত্মা নহে, উহা জড়পদার্থ মাত্র। যিনি  
আত্মা, বাস্তব ‘অহং’—তিনি বিজ্ঞেতা ও বিজিত সর্বত্রই

এক। তাঁহারই চেতন প্রকাশ-অন্তর প্রতিফলিত হইয়া  
জড় বায়ুকেও ক্রিয়াশীল করিয়া থাকে। বড়ি, এঞ্জিন  
ইত্যাদি শত শত দৃষ্টান্ত এখন সম্মুখে।

যে চেতন বিজ্ঞেতা ও বিজিত সর্বত্রই সমান, তাঁহাকে  
যদি ঠিক অহুভব করা যায়, তাহা হইলে গর্ক, অভিমান  
থাকিতে পারে না। এই একই একমাত্র চেতনেই সম্ভব।  
জড়ে এই একই নহে। এই জন্ত অহঙ্কার-বিমুক্ত ব্যক্তি বর্ণ-  
পরিপূর্ণ সমাজে একত্ববাদ প্রচার সত্যের অপলাপ মাত্র  
কিছুই নহে। চেতনের যে একই তাহা সত্য—এই সত্য  
জ্ঞান প্রতিষ্ঠিত হইলে—তাহার শোক, দুঃখ থাকে না,  
অভাব অভিযোগ থাকে না, গর্ক অভিমান থাকে না,  
তাহার দৃষ্টিতে সব সমান—এক অখণ্ড আনন্দময় জ্ঞান  
সমুদ্রেই সমস্ত পূর্ণ।

দেবগণের যে অসুরবিজয়, তাহার মূলে ঐ চেতনশক্তি  
বর্তমান বলিয়া উপনিষদে তাহা ব্রহ্মেরই বিজয় বলিয়া  
ঘোষিত হইয়াছে। সে বিজয়ে দেবগণের কোনই দাবি  
নাই। কারণ, দেবতারা ত আপনাদিগকে সেই অখণ্ড  
চেতন বলিয়া জ্ঞানেন না, তাঁহারা ভেদজ্ঞানসম্পন্ন, আমি  
ইন্দ্র দেবরাজ, আমি অগ্নি—বিশ্বদাহক, আমি বায়ু—  
বিশ্বসঞ্চালক। এই ক্ষুদ্র ক্ষুদ্র আমি অখণ্ড ব্রহ্ম নহে,  
বিশ্ববিস্তীর্ণ আনন্দসমুদ্র নহে। কিন্তু কোন্ জীব, মায়াপাশে  
বদ্ধ—দেহধারী প্রাণী এই গভীর তত্ত্ব বিনা উপদেশে  
অবগত হইতে সমর্থ? কেই বা প্রথম উপদেষ্টা হইবে?  
যদি তাহা না হয়, তবে এই সত্য চিরদিনের জন্ত কি  
লুক্কায়িত থাকিবে?

এই সমস্তার সমাধান শ্রুতিতেই আছে—

“যমেবৈষবৃগুতে তেন লভ্য-

স্ত্রৈশ্চৈষ আত্মা বিবৃগুতে তন্নুং স্বাম্।”

(কঠোপনিষদ ১।২)

অর্থাৎ এই আত্মা (ব্রহ্ম) যাহাকে বরণ করে,—আত্ম-  
প্রকাশের উপযুক্ত অধিকারী বুঝেন, তাঁহার নিকট নিজ  
শরীর প্রকাশ করেন। তাৎপর্য্য এই যে, শরীর গ্রহণ না  
করিলে উপদেশ প্রদান করা যায় না—উপদেশ দিবার  
জন্ত তিনিই শরীররূপে প্রকাশিত হন; এবং উপাসকের  
উপাসনা সিদ্ধির অভিলাষের জন্তও তিনি শরীর পরিগ্রহ

করেন। এই মন্ত্র ব্যাখ্যায় কোন কোন আচার্য্য বলিয়াছেন, 'স্বাং তমুং' ইহার অর্থ আপনার স্বরূপ,—তনু শব্দের প্রসিদ্ধ অর্থ যে শরীর, তাহা এ স্থলে গৃহীত হয় নাই। ব্রহ্ম অসঙ্গ অপ্রাণঃ, অমনঃ, অকায়া বলিয়া তাঁহার শরীর হইতে পারে না। কিন্তু এই ভাব বহু আচার্য্যের অভিমত নহে। কারণ, 'স্বাং তমুং' এইরূপ বাক্য না থাকিয়া 'স্বং' মাত্র থাকিলেই তা চলিত। ব্যর্থ 'তমুং' আর তাহার বিশেষণরূপে 'স্বাং' যোজিত করা অমুচিত হয়। শ্রুতিমধ্যে প্রবিষ্ট অর্থ পরিত্যাগ করিয়া মানব-বল্লনাকে গ্রহণ করা উচিত নহে। শ্রুতিতে যে অপ্রাণঃ 'সমনাঃ' আছে, যাহাতে শরীরী মায়ে যে প্রাণ ও মন থাকে, এ শরীরে তাহা নাই। আর তাঁহাকে যে অকার 'অসঙ্গ' বলা হইয়াছে, দেহাভিমান তাঁহার নাই, বা তাত্ত্বিকভাবে প্রাণ মন বা দেহসম্বন্ধ নাই, মায়িক সম্বন্ধ আছে।

ব্রহ্মের যে মায়িক দেহসম্বন্ধ, তাহাতে প্রতিবাদী কেহই নাই। ভগবান শঙ্করাচার্য্য এই মায়াকে অনির্কচনীয় ব্রহ্মশক্তি বলিয়াছেন। শাক্ত মতে মায়ী প্রকৃতি, চেতন ব্রহ্ম-পুরুষ, নিত্য সম্বন্ধযুক্ত প্রকৃতি পুরুষ পূর্ণব্রহ্ম। কেবল প্রকৃতি অচেতন, ব্রহ্ম নহেন। পূর্ণব্রহ্মের পুরুষভাগ আত্মা বা চিৎ কোন স্থলে ব্রহ্ম নামে গৃহীত হইলেও তাহা গ্রামাণের গ্রাম সংজ্ঞার ণায় বৃদ্ধিতে হইবে। প্রকৃতিতে গুণ থাকিলেও প্রকৃতি-পুরুষ উভয়ে কোন গুণ না থাকায় তিনি নিগুণ। এ বিষয়ে পূর্ণ-বিচার আমার ব্রহ্মসূত্র দেবীভাষ্যে আছে। এ স্থলে বাহ্য অনাবশ্যক। যাহা হউক, অদ্বৈতবাদেও ব্রহ্মের বাস্তব শরীর না থাকিলেও মায়ী-কল্পিত শরীর আছে, ইহা স্বীকৃত। আমি বলিতেছি—ব্রহ্মজ্ঞানের অধিকারীর নিকট ব্রহ্ম নিজতত্ত্বজ্ঞানার্থ উপদেশ দিবার জন্ত শরীর ধারণ করিয়া উপস্থিত হন এবং উপাসকের অধিকারানুসারে উপাস্ত মূর্তিতে আবিভূত হন, ইহাই কঠোপনিষদের মন্ত্রার্থ।

ইন্দ্রাদি দেবগণের সম্বন্ধপ্রধান অদৃষ্টবশে ব্রহ্মজ্ঞান লাভের উপযোগিতা ছিল—কিন্তু তাহার বাধক ছিল—গর্ভ অহঙ্কার। ব্রহ্ম প্রথমতঃ এক বিকট জীবরূপে আবিভূত হইয়া তাঁহাদিগের গর্ভনাশ করিলেন। শ্রুতি বলিতেছেন,—

“তদেবাং বিজজৌ তেভ্যো হ প্রাহুর্কভুব তন্ন ব্যজনাস্ত কিমেতদ্ যক্ষমিতি”।

অর্থাৎ সর্বভূতের আত্মা যে ব্রহ্ম, তাঁহার অবিদিত, কি থাকিতে পারে। ইন্দ্রাদি দেবগণের বাস্তব আত্মা বলিয়া তাঁহাদিগের মনোভাব সম্পূর্ণই জানিতে পারিলেন, তখন এক অদ্বিত রূপ ধারণ করিয়া তাঁহাদিগের অনতিদূরে দেখা দিলেন। কিন্তু সেই রূপ দেবগণের অপরিজ্ঞাত।

“তেহগ্নিমক্রবন্ জাতবেদ এতদ্বিজানৌহি।”

দেবগণ অগ্নিকে বলিলেন, হে জাতবেদঃ—এই সম্মুখস্থ অদ্বিত আকৃতিবিশিষ্ট প্রাণীর তত্ত্ব অবগত হন।

“তথৈতি তদভ্যদ্রবৎ। তমব্রবীৎ কোহসীতি

অগ্নিকীহমস্মি জাতবেদা বাহমস্মি।”

অগ্নি স্বীকার করিয়া সেই প্রাণীর সমীপে উপস্থিত হইলে প্রাণী বলিলেন, কে তুমি? অগ্নি উত্তর করিলেন, আমি অগ্নি অথবা নামাস্তরে জাতবেদা।

“ত্বয়ি কিং বীৰ্য্যং? ইত্যপীদং সর্বং দহেয়ং যদিদং পৃথিব্যামিতি।”

প্রাণী জিজ্ঞাসা করিলেন, 'তোমার ক্ষমতা কিরূপ?' অগ্নি বলিলেন, পৃথিবীতে যাহা কিছু আছে, সমস্তই দগ্ধ করিবার ক্ষমতা রাখি।

“তস্মৈ ত্বং নিদধাবেতদহেতি তদুপপ্রোষায় সর্বজনেন দগ্ধুং তন্ন শশাক”

অগ্নির জন্ত একগাছি ত্বণ রাখিয়া বলিলেন, ইহা দগ্ধ কর। অগ্নি সম্পূর্ণ ক্ষমতা প্রয়োগ করিয়াও তাহা দগ্ধ করিতে পারিলেন না। অগ্নি অকৃতকার্য্য হইয়া প্রত্যাবৃত্ত হইলে, বায়ু প্রেরিত হইলেন,—

‘তদভ্যদ্রবৎ তমভ্যবদৎ কোহসীতি বায়ুর্বা অহমস্মীত্য-ব্রবীন্মতরিষা বা অহমস্মীতি।’

বায়ু প্রাণীর নিকটে আসিলেই তখন বায়ুকে সেই প্রাণী জিজ্ঞাসা করিলেন, কে তুমি? বায়ু উত্তর করিলেন, আমি বায়ু বা মাতরিষা।

ত্বয়ি কিং বীৰ্য্যমিত্যপীদং

সর্বমাদদীয় যৎকিঞ্চ পৃথিব্যামিতি।

প্রাণী জিজ্ঞাসা করিলেন, 'তোমার ক্ষমতা কিরূপ?' (বায়ু উত্তর করিলেন) 'পৃথিবীতে যাহা কিছু আছে, তৎসমস্তই আমি আশ্রয়ণ করিতে পারি।'



ভূমি তুং নিদধাবেতদাদৎস্বতি তুপপ্রেয়ায় সর্ক-  
জবেন তন্ন শাশাকাদাতুং।”

বায়ুর জন্ম একগাছি তুং রাখিয়া বলিলেন, ইহা  
আত্মসাৎ কর। বায়ু সম্পূর্ণ বেগেও তাহা আত্মসাৎ করিতে  
পারিলেন না।

তিনি অকৃতকার্য্য হইয়া প্রত্যাহৃত হইলে, দেবরাজ  
ইন্দ্র দেবগণের প্রার্থনায় উপস্থিত হইলেন।

অগ্নি এবং বায়ুর গর্কনাশ হইল বটে, কিন্তু স্বয়ং ব্রহ্ম  
ঐহাদিগের সমক্ষে শরীররূপে আবির্ভূত হইয়া উপদেশ  
করিবেন, এতটা উৎকর্ষ ঐহাদিগের ছিল না—তাই ইন্দ্র  
উপস্থিত হইলেই সেই প্রাণী যক্ষ অন্তর্হিত হইলেন—

স তস্মিন্বেবাকাশোস্ত্রিয়মাজ্জগাম বহু শোভমানা-  
মুমাং হৈমবতীং তাং হোবাচ কিমেতদ্ যক্ষমিতি ।  
স। ব্রহ্মেতি হোবাচ ব্রহ্মণো বা এতদ্ বিজায়ে মহীষধমিতি  
ততো হৈব বিদাধকার ব্রহ্মেতি ।

কেন উপনিষৎ ৩:৪ খণ্ড ।

ইন্দ্র সেই আকাশেই—অন্তর্দানস্থানেই ( আকাশ শব্দের  
অর্থ ব্রহ্ম, “আকাশ আনন্দো ন স্মাৎ” (তৈ: উ: ২।৭) ইত্যাদি  
শ্রুতিপ্রমাণ আছে ) স্ত্রীমূর্তি উপস্থিত দেখিলেন—তিনি বহু  
শোভমানা হৈমবতী উমা। বহু শোভমানা—যে কেবল  
বসন ভূষণ ও দৈহিক সৌন্দর্য্য, তাহা নহে—অস্তুরের করুণা  
প্রসন্নতা প্রভৃতিও ঐহাকে শোভিত করিয়াছিল, ব্রহ্ম  
তখন সর্কসৌন্দর্য্যময়ী করুণাময়ী উমামূর্তিতে আবির্ভূতা  
হইলেন, জগতের কল্যাণের জন্ম, সত্য ব্রহ্মতত্ত্ব প্রকাশের  
জন্ম। ইন্দ্র সেই প্রাণীর অন্তর্দানে ঐহার আবির্ভাব  
দর্শনে পুলকিত হইয়া ঐহাকে জিজ্ঞাসা করিলেন, এই  
প্রাণীটি কে?—

উমা বলিলেন,—ব্রহ্ম; ইহারই এই বিজয়ে তোমরা  
বিজয়ী এবং মহিমান্বিত।

উপদেশ সংক্ষিপ্ত হইলেও ইন্দ্র সেই উপদেশেই দেব-  
গণের মধ্যে প্রথম ব্রহ্মজ্ঞ, এই জন্ম শ্রেষ্ঠ। যথা—

“তস্মাদ্ বা ইন্দ্রোহতিতরানিবাত্তান্ দেবান্ স  
স্বেন্দ্রৈদিষ্টং পস্পর্শ—স প্রথমোবিদাধকার ব্রহ্মেতি।”

কেন উপনিষৎ ৪ খণ্ড ।

এই সংক্ষিপ্ত উপদেশে কিরূপে ইন্দ্রের ব্রহ্মজ্ঞান হইল,  
এই প্রশ্ন সহজে উপস্থিত হয়। কিন্তু ইহাই, উমা যে ব্রহ্ম,  
তাহার বিশিষ্ট প্রমাণ, ব্রহ্ম স্বয়ং উপদেষ্ট্রূপে আকৃত  
হইয়া যতটুকুই উপদেশ প্রদান করুন না কেন, অস্তুরের  
শক্তি সংবর্ধনে তাহাই ইন্দ্রের ব্রহ্মাপরোক্ষজ্ঞানের হেতু  
হইয়াছিল। উপদেশ প্রদানের প্রয়োজনীয়তা ভবিষ্যৎ  
ব্রহ্মজ্ঞানার্থীর শিক্ষার্থ, তাই শ্রুতি বলিয়াছেন,—“আচার্য্যবান্  
পুরুষো বেদ”—আচার্য্যমুখে ব্রহ্মজ্ঞান লাভ করিতে হয়।

প্রাণিস্বরূপধারী ব্রহ্মের আকাশে অন্তর্দান, সেই  
আকাশেই উমার আবির্ভাব, সেই প্রাণীর শক্তি দেব-  
শক্তিকে অকর্ষণ্য করিয়াছে,—অথচ ইন্দ্রের প্রত্যক্ষ দৃষ্ট  
দেবশক্তির নিকট অস্তুরের পরাভব অথচ তাহা ব্রহ্মেরই  
বিজয়, এই সমস্ত আলোচনা করিলে বুঝা যায়,—ব্রহ্ম  
আকাশবৎ সর্কব্যাপী, দেবগণ ঐহারই সত্তার অন্তর্গত,  
দেবতাশক্তি ক্ষুদ্র সীমাবদ্ধ, ব্রহ্মশক্তি অসীম, ব্রহ্মোপদেশ  
প্রাপ্তির পরে—এই সব তত্ত্বস্বৃতি মিলিত হইয়া উত্তমাদি-  
কারীর যে ব্রহ্মাত্মসাক্ষাৎকার সম্পাদন করিবে—ইহাতে  
সন্দেহের অবসর নাই।

ব্রহ্ম স্বয়ংই ঐহার তত্ত্ব জ্ঞাত আছেন,—এই জন্ম  
প্রথম সেই তত্ত্বোপদেশক যে স্বয়ং ব্রহ্ম, ইহাও নিঃসন্দেহ,  
এই কারণে হৈমবতী উমাই শ্রুতিসম্মত ব্রহ্ম। ঋগ্বেদ ৪র্থ  
মণ্ডল—৪০ সূক্তে যে ‘অদ্রিজা ঋতং বৃহৎ’ আছে, তাহার  
সহিত এই হৈমবতী উমাকে একীভূত করাই শ্রুতিসিদ্ধান্ত,  
ইহা শাক্ত সম্প্রদায়ের প্রচলিত মত। সেই ব্রহ্ম ইন্দ্রের  
উপদেষ্ট্রূপে আবির্ভূত হইয়াছিলেন, তিনি সময়ে সমস্ত  
দেবগণের উপাশ্রুতরূপেই আত্মপ্রকাশ করিয়াছেন ‘এবং  
স্তবাদিযুক্তানাং দেবানাং তত্র পার্কতী স্নাতুমভ্যা-  
যয়ৌ তোয়ে জাহব্যা নৃপনন্দন।’ গুপ্তাদি অস্তুর-পরাজিত  
দেবগণ স্তব করিলে পার্কতী দেবলোকে দর্শন দিয়াছিলেন।

অদ্রিজা ও পার্কতী শব্দের একই অর্থ। হৈমবতী  
বলিয়াই তিনি পার্কতী। হৈমবতী শব্দের অর্থ হিমালয়-  
গুহিতা। অতএব অদ্রিজা ও হৈমবতীকে ভিন্নভাবে  
গ্রহণ অকর্তব্য। তিনিই ‘বৃহৎ ঋতং’ বৃহৎবাৎ বৃহৎবাচ  
ব্রহ্মেত্যাত্মৈব গীয়তে। ঋতমেকাক্ষরং ব্রহ্ম—তিনিই  
পরব্রহ্ম।

সেই পরব্রহ্ম হৈমবতী উমা প্রতি গুপ্ত শরতের গুপ্ত

পক্ষে হাশ্বশত্রু বাঙ্গালীর গৃহে, চিরদিন আরাধিতা হইয়া আসিতেছেন, শত কষ্ট শোক দৈন্তমধ্যেও এই কয় দিনের আনন্দ বাঙ্গালী আজও পোষণ করে। এই যে আনন্দপোষণ, ইহা বাঙ্গালীর গুণে নহে—তুমি যে আনন্দময়ী, তুমি যে সত্যং বিজ্ঞানমানন্দং ব্রহ্ম। তাই শ্রুতি গাহিয়াছেন “কোহন্যাং কঃ প্রাণ্যাং যজ্ঞাকাশ আনন্দো ন শ্রাং।” হে আনন্দময়ি, তুমি জগতের জীবন হইলেও তাহা জ্ঞানগম্য এবং ধ্যানগম্য। কিন্তু মুমূর্

বাঙ্গালী যে এখনও জীবিত আছে, তাহা তোমারই আনন্দামৃতধারা-বর্ষণের প্রভাবে। যত দিন উমা মাত্রেয় আগমনানন্দ বাঙ্গালী পাইবে, তত দিন তাহার মৃত্যু নাই, অদৃষ্টের বৈশিষ্ট্য যদি কখন সে আনন্দ হইতে বঞ্চিত হয়—তখন “কোহন্তাং কঃ প্রাণ্যাং”—শাস্তং পাপং এমন দূরদৃষ্ট যেন না হয়—মা তোমার চরণে এই প্রার্থনা, তোমার ঐ উমা নামে তোমার ঐ দুর্গানামের আনন্দে বাঙ্গালী যেন কখন বঞ্চিত না হয়।

শ্রীপঞ্চানন তর্করত্ন।

## কাজের কথা

সহজ ভাষায় বলতে পারো আজব তোমার অভিধানে,  
কি লিখেছে “কাজ” কপাটার সরল অর্থ, কি তার মানে?  
করবে যে কাজ চাকর বিয়ে,  
চলবে না তা আমার দিয়ে,  
অষ্টপ্রহর ব্যানঘ্যানানি সয় বল ত কার পরাণে?

বিষের ছুরি কথার ছিরি গুনলে ছুখে পায় যে হাসি,  
খেয়েছ কি লাজের মাথা? আমি কি ছাই বাঁদী দাসী।  
আছে তোমার ভগ্নী মা ভাজ,  
তাতেও যদি না চলে কাজ,  
খুশমেজাজে পুষতে পারো না হয় দুজন পিসী মাসী।  
রাখতে নারো চাকর-বাকর, অপরাধটা আমার নাকি?  
ওজন তোমার বেশ বুঝেছি, জানতে মূর্খ নাইকো বাকি।  
ঢাকতে নিজের অক্ষমতা,  
শিখেছ খুব প্যাচের কথা,  
চোখ-রাঙানোর দিন গিয়েছে চলবে না আর সে সব ফাঁকি।  
এঁটো-কাঁটা ঘুচোও, কাচো কাপড় চোপড় বাসন মাজো,  
বোলবে ঝাড়ু বালতি নিয়ে এর পরে মেথরাণী সাজো।  
রসুই-ঘরে হাঁড়ি ঠিলে,  
পাকাও পেটের লিভার পিলে,  
তপ্ত খোলার দিয়ে বালি বোলবে কবে মুড়ি ভাজো।

উবু হোয়ে পিড়ের বোসে হেঁট কোরে ঘাড় বাটনা বাঁটো,  
কাটতে আনাজ বঁটির ধারে ঘ্যাচাং কোরে আঙুল কাটো।  
রোদুরে দাও তোষক বালিশ,  
করো পায়ের তৈল মালিশ,  
নাই সোয়ান্তি আরাম বিরাম ভূত খাটুনি সদাই খাটো।  
প্রসাধনের আয়াস স্বীকার নাটক নভেল পড়াশোনা,  
উল দিয়ে ফুল তুলে রঙিন কারপেটেতে আলন বোনা।  
গল্প ফল্প চিঠি লেখা  
সবই কোরে যাচ্ছি একা,  
সাঁজ সকালে মাথতে সাবান স্নানের ঘরে আনাগোনা।  
আরো কত কি যে করি সব কথা কি রঙ্গ স্মরণে?  
এ সব ছাড়া কত কথাই ভাবতে যে হয় মনে মনে।  
নাই মেহনত এ সব কাজে?  
ভাবছো বুঝি কতই বাজে,  
বুঝেও যদি না বোঝে কেউ বোঝানো দায় তেমন জনে।

শ্রীসৌরেশচন্দ্র চৌধুরী।



( উপন্যাস )

১৭

অসীম সিনেমা ষ্টুডিওর কৃত্রিম জঙ্গলে হত্যাকাণ্ডের জঞ্জল সহরে যে বিষম হলহুল পড়িয়াছিল, তাহার রেশ মিলাইতে না মিলাইতে তাহারও অপেক্ষা চিত্তচমকপ্রদ আর এক ঘটনার সারা সহর উন্মাদগ্রস্তের মত চঞ্চল ও আলোড়িত হইয়া উঠিল। এমন ঘটনা এদেশের আদালতে কখনও ঘটিয়াছে বলিয়া কেহ মনে করিতে পারে না।

শুভেন্দু নরহত্যাপরাধে বিচারার্থ উপযুক্ত আদালতে আসামীর কাঠগড়ায় নীত, আদালতগৃহ ও প্রাঙ্গণ লোকে লোকারণ্য, শাস্তিরক্ষকরা অতি কষ্টে আদালতের শান্তি ও শৃঙ্খলা রক্ষা করিতেছে। অসীম ঘাহাই বিশ্বাস করুক, পূর্ববঙ্গুর পক্ষসমর্থনের জঞ্জল বহু অর্থব্যয়ে প্রসিদ্ধ ব্যারিষ্টার ও এ্যাটর্নি নিযুক্ত করিয়াছে, সঙ্গে সঙ্গে একাধিক উকীলও তাঁহাদের সাহায্য করিতে নিযুক্ত হইয়াছেন।

আসামীর বিপক্ষে সাক্ষ্যপ্রমাণ অভেদ্য, দুর্লভ্য; আসামীর দণ্ডের আর কোন সন্দেহ নাই। বিচারক ও ব্যারিষ্টাররা বার বার জিজ্ঞাসা করিয়াও কিছুতেই তাহার মুখ হইতে ব্যহির করিতে পারিলেন না—ঘটনার দিন সে রাত্তিকালে কোথায় ছিল এবং কোথা হইতে ঘটনাস্থলে উপস্থিত হইয়াছিল। সাক্ষীদের সওয়ালজবাব জেরা—সব হইয়া গিয়াছে। ফরিয়াদী সরকারের পক্ষের উকীল তাঁহার মামলা এইবার গুছাইয়া বলিবেন, এবং পুলিশের সংগৃহীত একটি একদ্বিবিট দেখাইয়া আদালতগৃহ লোককে চমকাইয়া দিবেন বলিয়া ঘোষণা করিয়াছেন, এমনই সময়ে আদালতের অনুমতিক্রমে একটি নূতন সাক্ষী, সাক্ষীদের কাঠগড়ায় আসিয়া দাঁড়াইলেন। তাঁহাকে দেখিয়া সারা আদালতের লোক বিস্ময়ে অবাক, সকলের চেয়ে বিস্মিত শুভেন্দু স্বয়ং এবং অসীমবিকাশ। হিরণী সাক্ষীর কাঠগড়ায় প্রকাশ

পাইল, শেষ মুহূর্ত্তে এক নবনিযুক্ত ব্যারিষ্টারের মধ্যস্থতায় হিরণী অঘাচিতভাবে আসামীর পক্ষে সাক্ষ্য দিবার জঞ্জল আদালতের অনুমতি প্রাপ্ত হইয়াছিল।

সাক্ষ্য অতি সামান্য, কিন্তু সামান্য হইলেও অপ্রত্যাশিত, অভাবনীয়, অচিন্তনীয়।

হিরণী অবিকম্পিতকণ্ঠে সাক্ষ্য দিয়া গেল। সে কি ভীষণ সাক্ষ্য! হিরণী বলিল, ঘটনার দিন রাত্তিকালে আসামী তাহারই কক্ষে গিয়াছিল। সে তাহার জ্যেষ্ঠ ভ্রাতার বন্ধু। বাল্যকাল হইতেই তাহার সহিত তাহার জানাশুনা ছিল এবং গত এক বৎসরে একত্র বসবাসের ফলে তাহাদের উভয়ের মধ্যে প্রীতির বন্ধন স্থাপিত হইয়াছিল। কিন্তু আসামী দরিদ্র বলিয়া, হিরণীর আত্মীয়তা তাহার হস্তে তাহাকে সমর্পণ করিতে সম্মত হয় নাই। এই হেতু তাহার গোপনে বিবাহ এবং গৃহত্যাগের সঙ্কল্প করিয়াছিল। ঘটনার ঠিক পূর্বে আসামী বোম্বাই যাত্রা করা স্থির করে এবং সেখানে কর্মগ্রহণ সম্পর্কে তাহার সহিত বোম্বাইএর বিখ্যাত সিনেমা সত্বাধিকারীদের অনেক চিঠিপত্র এখনও তাহার জিনিষপত্রের মধ্যে খুঁজিলেই পাওয়া যাইবে। ঘটনার দিন রাত্তিকালে তাহার কক্ষে উভয়ের মধ্যে ঐ সম্বন্ধেই নিভূতে কথাবার্তা হইতেছিল, তৎপরদিন তাহাদের গোপনে প্রস্তুত হইয়া বোম্বাই যাত্রার কথাও স্থির হইয়াছিল। হঠাৎ একটা বন্দুকের আওয়াজে তাহারা চমকিয়া উঠে এবং আসামী তৎক্ষণাৎ দ্রুতপদে কক্ষত্যাগ করিয়া আওয়াজ লক্ষ্য করিয়া দৌড়িয়া যায়। হিরণী তাহার পর অত্যাগ লোকের সহিত বাহিরে গিয়াছিল।

আদালতে একটি সূচি-পতনের শব্দও তখন শুনিতে পাওয়া সম্ভব ছিল না। হিন্দু বাঙ্গালী ভদ্র সম্রাট গৃহস্থ-গৃহের অনুচর তরুণী কণ্ঠা অধুনা এই প্রকৃতির স্বীকারোক্তি

প্রকাশ আদালতে করিতে আরম্ভ করিয়াছে বটে, কিন্তু ঠিক এই ভাবের সাক্ষ্য এযাবৎ শোনা গিয়াছে বলিয়া কেহ মনে করিতে পারিল না। তাই সকলে বিস্মিত, স্তম্ভিত হইয়া ক্ষণকাল দাঁড়াইয়া রহিল। ইতিমধ্যে আসামী দুই তিনবার “মিথ্যা, মিথ্যা, সম্পূর্ণ মিথ্যা” বলিয়া চীৎকার করিয়া উঠিয়াছিল, অসীমও সেই চীৎকারে যোগদান করিয়াছিল, কিন্তু আদালত কঠোরস্বরে উহা নিবারণ করিয়া গেলেন।

এই সময়ে সরকারী উকীল বলিলেন যে, সাক্ষী যাহা বলিলেন, তাহা তিনি সম্পূর্ণ অমুমোদন করিতেছেন এবং বলিতেছেন যে, আসামী নির্দোষ, তাঁহার বিপক্ষে সরকার মামলা তুলিয়া লইতেছেন। তাহার কারণ এই যে, তিনি এখন যে একজিবিট প্রদর্শন করিবেন, তাহা হইতেই প্রমাণ হইবে যে, এই খুনের জন্ত দায়ী যেই হউক, আসামী দায়ী নহেন। কেন না, পুলিশ নিহত শ্রমিকের বন্ধমুষ্টির মধ্য হইতে যে দ্রব্য সংগ্রহ করিয়াছিল, তাহা হত্যাকারীর বস্ত্রাংশ মাত্র; বহু পরীক্ষার পর স্থির হইয়াছে যে, ঐ বস্ত্রাংশ নেকটাই হইতে ছিন্ন সামান্য একটু খণ্ড মাত্র। আসামী ঘটনার দিন রাত্রিকালে যখন পিস্তলের আওয়াজ ও নিহতের পরিত্রাহি চীৎকারের অব্যবহিত পরে প্রথম ও দ্বিতীয় সাক্ষীর প্রায় সঙ্গে সঙ্গেই ঘটনাস্থলে উপস্থিত হন, তখন তাঁহার অঙ্গে যুরোপীয় পরিচ্ছদ অর্থাৎ নেকটাই কলার প্রভৃতি ছিল না, তিনি দেশীয় বস্ত্রেই ভূষিত ছিলেন। যদি তিনিই হত্যাকারী হইতেন, তবে তাঁহার পক্ষে হত্যা করিয়াই তত শীঘ্র বেশ পরিবর্তন করিয়া আসা সম্ভবপর হইত না। সুতরাং হত্যাকারী যে অন্য ব্যক্তি এবং সে যে প্রাচীরদ্বার দিয়াই পলায়ন করিয়াছিল, তাহাতে সন্দেহ নাই। মামলা গুছাইয়া বলিবার সময়ে তাঁহারা একান্ত অন্ততঃ সন্দেহের সুযোগ দিয়া আসামীকে অব্যাহতি দিবার জন্ত আদালতকে অহুরোধ করিতেন। কেন না, যতক্ষণ পর্য্যন্ত আসামীর অধিকারভুক্ত পিস্তলের উপস্থিতির কারণ নিঃসন্দেহে জানিতে পারা না যায়, ততক্ষণ সন্দেহের সুযোগ ব্যতীত তাঁহাকে আর কোন উপায়ে অব্যাহতি দেওয়া যায় না। এখন পুলিশের উপর সেই কর্তব্য পালনের ভার অর্পিত হইল। শেষ সাক্ষীর সাক্ষ্যে সম্পূর্ণ সপ্রমাণ হইল যে, আসামী সেই রাত্রিতে ঘটনার সময় তাঁহার কক্ষে কোনও গুরু প্রয়োজনে উপস্থিত

ছিলেন এবং পিস্তলের আওয়াজ শুনিয়া বাহিরে আসিয়াছিলেন। সাক্ষী সম্ভ্রান্ত শিক্ষিত ভদ্রমহিলা, তাঁহার সাক্ষ্যে অবিশ্বাস করিবার কোন কারণ নাই। এই সকল কারণে সরকার সানন্দে আসামীর বিপক্ষে মামলা প্রত্যাহার করিয়া লইতেছেন এবং তাঁহাদের ভ্রম-ক্রটির জন্ত তাঁহার নিকট তাঁহাদের আন্তরিক দুঃখ প্রকাশ করিতেছেন।

আদালত অতঃপর আসামীকে মুক্তিদান করিলেন। তখন আদালতের দৃশ্য বর্ণনাতীত। শুভেন্দু জনপ্রিয় ছিল। অনেক লোক তাহার মুক্তিতে আনন্দ জ্ঞাপন করিতে লাগিল, অনেকে তাহাকে শুভেচ্ছা জানাইয়া করমর্দন করিল। শুভেন্দু বহুকষ্টে এই অযাচিত প্রীতি-জ্ঞাপনের আতিশয্য হইতে আপনাকে মুক্ত করিয়া কোনরূপে আদালতের বাহিরে আসিতেই দেখিল, অসীম তাহার জন্ত অপেক্ষা করিতেছে। প্রথমটা অসীমের সংস্পর্শে আসিতেই তাহার সমস্ত অন্তর বিদ্রোহী হইয়া উঠিল। তাহার পর কি ভাবিয়া সে তাহার মোটরে গিয়া উঠিয়া বসিল। তাহার উৎসুক নয়ন চারিদিকে কাহারও অন্বেষণ করিতে লাগিল। অসীম ঈষৎ হাসিয়া মুহূর্ত্তে জানাইল, সে যাহাকে খুঁজিতেছে, সে সকলের আগে চলিয়া গিয়াছে, কোথায় গিয়াছে, সে জানে না।

১৮:

দীর্ঘ পত্র—

পত্রখানি এই ভাবের,—

অসীম বাবু, জীবনের পরপারে যাইবার পূর্বে তোমার কাছে কোন কথা গোপন রাখিয়া যাইব না। জীবনে অনেক পাপ করিয়াছি, এ অপদার্থের জীবনদানই তাহার পাপের প্রায়শ্চিত্ত। অল্পবয়সে মাতৃহীন, তাই আদর আবদার ছিল অসুরস্তু, সংসারে কেহ আমার অনাচারে শাসন করিবার ছিল না। পিতা ছিলেন আফিসের কেরাণী, সারাদিন হাড়ভাঙ্গা খাটুনের পর আমাদের কোন তত্ত্ব লইতে পারিতেন না, অথবা নিত্য অভাব অনাটনের তাড়নার ইচ্ছা থাকিলেও সকল বিষয়ে তত্ত্ব-তাবাস লইবার সুযোগ-সুবিধাও করিয়া উঠিতে পারিতেন না। কাষেই আমি বাল্য হইতেই উচ্ছৃঙ্খল, অবাধ্য, আত্ম-সুখসর্বস্ব ও হীনোক্তিপ্রায় হইয়া উঠিয়াছিলাম। আর



এ বিষয়ে আমার অন্তর আবদার বাহানার অনলে ইচ্ছা যোগাইতে আমার প্রাণাপেক্ষা প্রিয়তমা ভগিনী উবারাণী। তাহার কাছে আমি অনেক অপরাধ করিয়াছি, তাহাকে অনেক কষ্ট দিয়াছি, সে যেন তাহার গুণহীন ভ্রাতাকে ক্ষমা করে।

এক বৃক্ষে আমরা দুইটি ফুল, উভয়ের মধ্যে মাত্র এক বৎসরের ব্যবধান। কিন্তু সে নারী, আমি পুরুষ। আমার সকল আবদার অভিমানের দৌরাত্ম্য তাহাকেই অল্প বয়স হইতে সহ্য করিতে হইত। সে আমার দোষ দেখিতে অন্ধ ছিল, আমার দোষ তাহার কাছে গুণ বলিয়াই গৃহীত হইত। সে আমার হইয়া নিত্য অপরের সহিত কলহ করিত। অথচ তাহার গুণধর ভ্রাতার যে গুণের অস্ত ছিল না, এ কথা তাহাকে কেহ চোখে আঁচুল দিয়া দেখাইয়া দিলেও সে বিশ্বাস করিত না, বরং তৎপরিবর্তে তাহার সহিত তুমুল কলহ করিত।

আমি তাহার দোষ দিতেছি না। সে রূপে ছিল যেমন সাক্ষাৎ লক্ষ্মী, গুণও ছিল তেমনি তাহার অনন্ত। একসঙ্গে উভয়ে স্কুলে ভর্তি হইয়াছিলাম। সে স্কুলে প্রথম বা দ্বিতীয় স্থান অধিকার করিত, আর আমি স্কুল পালাইতাম, ইতর শ্রেণীর বালকদের সহিত সারা দিন খেলার মাঠে অথবা ঘোড়দৌড়ের মাঠে ঘুরিয়া বেড়াইতাম। উহা হইতেই যে পরে আমার রেশের নেশা ও চরিত্রদোষ ঘটিয়াছিল, তাহাতে সন্দেহ নাই। কিন্তু উবারাণীর অন্তরটি ছিল স্নেহ-প্রেমে ভরা, সে স্নেহে অন্ধ হইয়া আমার সকল দোষ ঢাকিয়া রাখিত। তাহার স্বভাবই ছিল ভালবাসা, উদ্বেগ ছিল মহৎ; কিন্তু আমি তাহার সদ্যবহার করি নাই। বরং তাহার বিবাহিত জীবনে পদে পদে তাহাকে বিপদে ফেলিয়াছি, তাহার সোনার সংসারে আগুন জ্বালাইয়াছি।

মধুপুরের ব্যাপার আমার পক্ষে নূতন নহে, এমন অনেক ব্যাপারই পূর্বে ঘটিয়া গিয়াছে। এই স্বগিত পাপ হইতেও উবা আমাকে রক্ষা করিবার জন্য স্বামী সন্দেহের দৃষ্টিতে পড়িয়াছে, আর নিষ্পাপ সরলমতি পরোপকারী শুভেন্দুবাবুও আমার জন্য বহুবিচ্ছেদ সহ্য করিয়াছেন। তিনি আমার জন্য কি না করিয়াছেন? আর আমারই পাপে তাঁহার শান্তি হইতেছে। আর

হিরণী? সেও তাঁহাকে বাচাইবার জন্য অনেক কিছু ত্যাগ স্বীকার করিয়াছে। তাই মুক্তকণ্ঠে সমস্ত পাপ স্বীকার করিয়া বাইতেছি। আমার এই স্বীকারোক্তি সংলগ্ন পত্রে আছে, প্রয়োজন হইলে যথাস্থানে দেখাইতে পারেন।

ঘটনার রাতে শুভেন্দুবাবু আমাকে উবারাণীর সহিত শেষ দেখা করাইতে লইয়া গিয়াছিলেন। পরদিনই তাঁহার সহিত জন্মের মত আমার কলিকাতা ছাড়িয়া বোম্বাই বাইবার কথা। শুভেন্দুবাবু মনের চুখে বোম্বাই বাইতে স্থিরসংকল্প হইয়াছিলেন এবং আমাকেও আপনার সংসারের সুখশান্তির কণ্টক জানিয়া সঙ্গে লইবার প্রস্তাব করিয়াছিলেন। যদি সেই কাল রাতে মনুষ্য আমার ফটকের কাছে আক্রমণ না করিত, তাহা হইলে ঘটনাচক্র অন্য খাতে চালিত হইত। মনুষ্যর ভয়ে আমি পূর্বে শুভেন্দুবাবুর অজ্ঞাতে তাঁহার দেবাজের টানা হইতে সিনেমা কোম্পানীর পিস্তল চুরি করিয়াছিলাম, ঐ পিস্তলটার দরকার হইত না বলিয়া খোজ হইত না। কিন্তু আমি উহার সন্ধান জানিতাম। আমি যখনই পথে বাহির হইতাম, তখনই আমার পকেটে ঐ পিস্তল লুকাইয়া রাখিতাম। মনুষ্য আক্রমণ করিলে আত্মরক্ষার্থ উহা ব্যবহার করিয়াছিলাম।

এই নরহত্যার জন্য দায়ী ঘটনাচক্র, নতুবা মনুষ্যকে হত্যা করিবার আমার বিলুপ্ত ইচ্ছা ছিল না। সে যদি ঐ কালরাতিতে না আসিত!

আমি হত্যার পর পলাইয়া আত্মরক্ষা করিলাম বটে, কিন্তু শত বৃশ্চিকের আলায় জ্বলিতে লাগিলাম। এই অপদার্থ কাপুরুষের জন্য একটা মাহুষের প্রাণ গেল, তাহার উপর আমার প্রাণাপেক্ষা প্রিয় সহোদরার সোণার সংসার কলঙ্ককালিমালিণ হইল, তাহার ও তাহার স্বামীর মনের সুখ হারেখারে গেল,—আর সকলের চেয়ে যেটা বড়, এক নিরীহ নির্দোষ মহাপ্রাণ মাহুষের প্রাণ লইয়া টানাটানি চলিল। আমি জানিতাম, সে নির্দোষ, তাই আমার প্রাণটা পুড়িয়া পুড়িয়া উঠিতে লাগিল, আমার আহা-নিজা দূরে গেল, আমি জানোয়ারের মত কেবল হোটেল-ঘরে পামচারণা করিয়া বেড়াইতাম আর সিগারেটের পর সিগারেট সূঁকিডাম, পেগের পর পেগ

চালাইতাম। শেষে আমার ত্রেণ অলিয়া বাইতে লাগিল, আমি শয্যাশায়ী হইলাম। তাহার পরে কয় দিন কি হইল, কিছুই স্মরণ নাই।

যখন চৈতন্য হইল, তখন উৎকর্ষায় প্রাণ শুকাইয়া উঠিতে লাগিল। সকলের অজ্ঞাতে লুকাইয়া খবরের কাগজ পড়িতাম, মামলার বিষয় জানিতাম। দেখিতেছি, গুভেন্দুবাবুর নিস্তার নাই। সে দিন রাত্রে তিনি যে আমারই মঙ্গলের জন্ত আমার লইয়া আমার ভগিনীর কক্ষে গিয়াছিলেন, তাহা মুখ স্কটিয়া প্রকাশ করিতেছেন না, করিলে আমি মরিব, উবা মরিবে। এ মানুষকে কি দিয়া পূজা করিতে ইচ্ছা করে? এ কি মানুষ, না দেবতা?

আমার জ্ঞানচক্ষু এই মানুষই ফুটাইয়া দিয়াছে। আজ আমি তাই তাহার ঋণ কথঞ্চিৎ পরিশোধ করিবার চেষ্টা করিতেছি। আমার অকর্মণ্য অপদার্থ জীবনের এ সংসারে কোন প্রয়োজন নাই। বিশেষতঃ আমি নরহস্তা, আমার জীবনের মূল্য রাজস্বারে নাই। তাই আজ আমি এই পৃথিবী হইতে নিজেই বিদায় গ্রহণ করিতেছি। আমার স্নেহের ভগিনী উবারাণী আমার জন্ত প্রথমে বড় ব্যথা পাইবে, কিন্তু আপনার মত স্বামী যে নারী সৌভাগ্যগুণে লাভ করিয়াছে, তাহার ব্যথা স্থায়ী হইবে না।

আর গুভেন্দু বাবু? আমার পরম বন্ধু, শিক্ষক, সহোদরাধিক গুভেন্দুবাবু বড় ভাগ্যবান পুরুষ—তাঁহার জন্ত অনন্ত সুখস্বর্গের দ্বার উন্মুক্ত রহিয়াছে, তিনি একটু আপনভোলা না হইয়া ভাল করিয়া খুঁজিলেই সেই স্বর্গের সন্ধান পাইবেন। আমি দিব্য চক্রে দেখিতেছি, তিনি তাঁহার ঈশ্বরিয় ধন লাভ করিয়া সংসারে অশেষ সুখ-সম্পদ ও যশোমান লাভ করিবেন।

আমার সমস্ত অপরাধ ও ক্রটি নিজ গুণে মার্জনা করিবেন। ইতি

আপনার স্নেহাস্পদ—বিভাসচন্দ্র।

দুই তিনবার একমনে পাঠ করিবার পর অসীমবিকাশ ভাবিতেছিল, এই মানুষ,—ইহার কত পরিবর্তনই না ঘটে! জীবনে যে বিভাসচন্দ্র অকর্মণ্য অলস বিলাস-পরায়ণ ও কাপুরুষ ছিল, মরণে সে যত্নকে জয় করিয়া

কি মহত্ব দেখাইয়া গেল! এই মানুষই পশু, আবার এই মানুষই দেবতা।

আত্মহত্যা মহাপাপ, মানুষ কাপুরুষ হইলে আত্মহত্যা করে,—এ কথা অসীম স্বীকার করিত না। জীবন যখন মানুষের দুর্ভাগ্য হয়, তখন এই পৃথিবীতে থাকিবার তাহার প্রয়োজন? বিশেষ যখন সে পরের মঙ্গলার্থে আপনার জীবন বলি দেয়, তখন ত কথাই নাই। বিভাসচন্দ্র পৃথিবীতে আসিয়া অবধি আপনার সুখই খুঁজিয়াছিল, আপনার সুখের জন্ত পরকে বলি দিতে কখনও কাতরতা প্রদর্শন করে নাই। এমন কি, যে স্নেহময়ী ভগিনী জননীর অধিক যত্নে তাহাকে পক্ষপুটে আশ্রয় দিয়া রক্ষা করিয়াছিল, আত্মসুখসাধনের জন্তু সে তাহারও সুখের সংসারে আগুন জালিয়া দিতে বিন্দুমাত্র দ্বিধা বা সঙ্কোচ বোধ করে নাই। দারুণ রোগের কবলে জীবন-মরণের সন্ধিস্থলে উপনীত হইয়া যখন তাহার জ্ঞানচক্ষু উন্মীলিত হইল, যখন বিবেকের তাড়নায় সে অস্থির হইয়া উঠিল, তখন রোগশয্যায় শায়িত থাকিয়াও সমস্ত দিনে কল্পিত হস্তে সে আপনার কৃত কর্মের কথা লিপিবদ্ধ করিয়া অসীমবিকাশের উদ্দেশ্যে রাখিয়া গেল, স্মার যে জীবন-প্রদীপ আপনিই নির্বাপিত হইয়া আসিতেছিল, স্বহস্তে তাহার অবসান করিল। সুযোগও মিলিয়াছিল ভাল। সে দিন ছিল গুভেন্দুর মামলার দিন, বাড়ীর সকলেই আদালতে ছিল। সাত দিনের পর তাহার জ্বর বিরাম হইয়াছিল, সে অপেক্ষাকৃত একটু সুস্থ ছিল এবং ঘুমাইতেছিল, সকলের সহিত সহজভাবেই কথা কহিতেছিল। উবারাণী ইহা দেখিয়া খুবই চিন্তাশূন্য ও প্রফুল্ল মনে আর সকলের মত আদালতে গিয়াছিল। যাইবার আগে বেতনভুক্ত নার্সকে ভাল করিয়া রুগ্ন আতার তত্ত্বাবধান করিতে বলিয়া গিয়াছিল। সে তখন জানিত না যে, আপনার জনে ও ভাড়াটিয়া নার্সে কত প্রভেদ!

তক্ষাচ্ছন্নতার ভাণ করিয়া সে নির্জনে থাকিবার ইচ্ছা জানাইয়া নার্সকে বিদায় করিয়া দিয়া বহুকণ ধরিয়া পত্র লিখিল। তাহার পর? তাহার পর এক মুহূর্তের দুর্ভাগ্যের জন্ত অথবা সরলতার জন্ত সে স্বহস্তে আপনার জীবনমরণের ভার গ্রহণ করিল। টেবলের উপর বিঘ ওষধের অভাব

ছিল না, তাহাই অত্যধিক মাত্রায় গ্রহণ করিয়া বিভাসচন্দ্র পরপারে যাত্রার জন্ত প্রস্তুত হইল।

চিঠিখানা হাতে লইয়া অসীমবিকাশ এই সকল কথাই ভাবিতেছিল। শুভেন্দুকে ঠুড়িতে রাখিয়া বাড়ী আসিয়াই সে সংবাদ লইয়া জানিয়াছিল, তখনও উবারাণী অথবা হিরণী ঘরে ফিরেন নাই, তাঁহাদের লইয়া মোটর ট্রেনে চলিয়া গিয়াছে। অসীম বিস্মিত হয় নাই। সে বুঝিয়াছিল, আদালতের ঘটনার পর হিরণী কখনও কলিকাতার বাসায় ফিরিবে না, সরাসরি দেশে চলিয়া যাইবে। তবে উবা ? বোধ হয়, অনেক করিয়া হিরণীকে বাসায় ফিরাইয়া আনিবার চেষ্টা করিয়া ব্যর্থমনোরথ হইয়া তাহাকে ট্রেনে গাড়ীতে তুলিয়া দিতে গিয়াছে। এ দিকে বাড়ীতেও একটু গোলযোগ উঠিয়াছে। নার্স নাকি দুই তিনবার রোগীর ঘরে প্রবেশ করিতে গিয়া দ্বার খোলা পায় নাই, দ্বার ভিতর হইতে রুদ্ধ। দাসদাসীরাও বিস্তর চেষ্টা করিয়া দ্বার মুক্ত করাইতে পারে নাই।

অসীম বিস্মিত হইয়াছিল। রোগী কি এমনই নিদ্রাচ্ছন্ন যে, এত গোলমালেও নিদ্রাভঙ্গ হয় না? অথবা দুর্বল শরীরে সে মুচ্ছা যায় নাই ত? যখন গৃহকর্তার আদেশে বলপূর্বক দ্বার উন্মুক্ত করা হইল, তখন সব শেষ!

টেবলের উপর দুইখানি পত্র;—একখানি পুলিশ কমিশনারের নামে, অপরখানি অসীমের নামে। দুইখানি খোলা চিঠি। পুলিশ কমিশনারকে বিভাসচন্দ্র লিখিয়াছে যে, সে রোগের যত্ন সাহায্য করিতে না পারিয়া আত্মহত্যা করিয়াছে, তাহার মৃত্যুর জন্ত কেহ দায়ী নহে। আর সেই স্বয়ং পিস্তল চুরি করিয়া মনুষ্যকে হত্যা করিয়াছে। মনুষ্যের পত্নীকে সে হরণ করিয়াছিল বলিয়া মনুষ্য তাহাকে আক্রমণ করিয়াছিল। সে বহু দিন হইতেই তাহার পিছনে পিছনে ফিরিত। অসীমবিকাশের পত্রের প্রথমেই সে ভগিনীকে লিখিয়া গিয়াছে, তাহাকে ক্ষমা করিতে, সে তাহাকে অনেক কষ্ট দিয়াছে, এখন সে পাপের প্রায়শ্চিত্ত করিতেছে, তাহার আশা, মরণে সে তাহাকে ক্ষমী করিতে পারিবে।

অসীম তাহার দীর্ঘপত্রে যে কাহিনী পাঠ করিল, তাহা অপ্রত্যাশিত, উপভাসের ঘটনার জ্ঞান চমকপ্রদ। হুত্রে হুত্রে তাহাতে তাহার অন্তরের অহুতাপ ফুটিয়া বাহির হইয়াছে।

যখন অসীম পত্রে পাঠ করিল, অপদার্থ ভ্রাতাকে স্বামীর ক্রোধ ও ঘৃণা হইতে রক্ষা করিবার জন্ত মেহমতী ভগিনী স্বামীর বন্ধ শুভেন্দুর শরণাপন্ন হইয়াছিল এবং শুভেন্দু প্রথমে কিছুতেই বন্ধুর অজ্ঞাতসারে কোন কাণ্ড করিতে সম্মত হয় নাই, কিন্তু পরে বন্ধুপত্নীর সজল কাতর নরনের ভিন্কা প্রার্থনা এড়াইতে না পারিয়া বন্ধুর অপ্রীতিভাজন হইবার আশঙ্কাসত্ত্বেও তাহাকে এষাবৎ প্রাণপণে সাহায্য করিয়া আসিয়াছে, পরন্তু বন্ধুকে না জানাইয়া তাহাকে গোপনে বন্ধুর অন্তরে ভগিনীর কাছে পৌছাইয়া দিয়াছে ও সেখানে গোপনে কিছুদিন লুকাইয়া রাখিয়া তাহার বাহিরে বসবাসের ব্যবস্থার কথা বুঝাইয়া দিবার জন্ত গোপনে তাহাদের কাছে অন্তরে যাতায়াত করিয়াছে,—তখন অহুতাপানলে অসীমের অন্তর পুড়িয়া যাইতে লাগিল—অহু সে, পতিপ্রাণা পত্নীর প্রতি, সোদরোপম বন্ধুর প্রতি সে বিশ্বাসঘাতক করিয়াছে, এত ক্ষুদ্র—এত নীচ তাহার প্রাণ!

তাহার পর অসীম যখন পাঠ করিল, তাহার মেহমতী ভগিনী হিরণী ভ্রাতৃজ্ঞান প্রাপ্তি অহু ভাগবাসা হেতু এ সকল জানিয়াও প্রতিশ্রুতিভঙ্গের ডগ্গে তাহার নিকট কোনও কথা প্রকাশ করে নাই, তখন তাহার মনের অহুকার কাটিয়া গেল, সে বুঝিতে পারিল, কেন হিরণী তাহার ভ্রাতৃজ্ঞান পক্ষ গ্রহণ করিয়া সকল কথা গোপন করিয়াও তাহার ভ্রম ঘুচাইবার জন্ত সাধ্যমত প্রয়াস পাইয়াছিল। তাহার পর যখন হিরণীকেও লুকাইয়া উবারাণী ভ্রাতার জন্ত শুভেন্দুকে তাহার অনিচ্ছা ও প্রতিবাদ সত্ত্বেও কাঁদিয়া কাটিয়া গোপনে ভ্রাতার সাহায্যের জন্ত সম্মত করিয়াছিল এবং শুভেন্দুকে সেই হেতু অনেক সময়ে অতি সন্তর্পণে অতি গোপনে অন্তঃপুরে যাতায়াত করিতে হইয়াছিল, তখন শুভেন্দুকে যে কত বিপদ অনিচ্ছায় বরণ করিয়া লইতে হইয়াছিল, তাহা সে-ই জানে। সে বিপদ সে পরের জন্ত বরণ করিয়াছিল।

বিভাসচন্দ্র মধুপুরের মনুষ্যের পত্নী জানকীকে কুলের বাহির করিবার কথা পত্রে স্বীকার করিয়াছিল এবং সে জন্ত যথেষ্ট অহুতাপ প্রকাশ করিয়াছিল। সে তাহাকে আনাইয়া কোথায় রাখিয়াছিল, তাহাও সে গোপন করে নাই। মৃত্যুর পূর্বে সে তাহার সকল পাপ সকল অপরাধই মুক্তকণ্ঠে স্বীকার

করিয়াছিল। সে চরিত্রহীন, মদ্যপ, মিথ্যাবাদী, জুরাচোর— তাহার দ্বারা কোন অপকর্ম অসম্ভব ছিল না, একথা সে নিজেই জানাইয়া পাপের প্রায়শ্চিত্তের জন্য প্রস্তুত হইয়াছিল। মনুয়া যখন তাহাকে হত্যা করিবার চেষ্টা করিয়াছিল, তখন সে গুভেন্দুর দেবাজের টানা হইতে গোপনে পিস্তল সংগ্রহ করিয়াছিল এবং অনুরোধ গুলীভরা পিস্তল লইয়া ভয়ে ভয়ে কাগ্যপন করিত। ঘটনার দিন গুভেন্দু তাহাকে তাহার ভগিনীর কাছে গভীর রজনীতে লইয়া গিয়াছিল, সে যুরোপীয় পরিচ্ছদে ভূষিত হইয়া গিয়াছিল। তাহার ভগিনী ও গুভেন্দু তাহাকে গুভেন্দুর সহিত বোম্বাই যাইবার জন্য অনেক করিয়া অনুরোধ করে। সেও তাহাতে অবশেষে সন্মত হইয়াছিল, তবে জানকীর সম্বন্ধে একটা সুব্যবস্থা করিয়া দিতে তাহাদিগকে অনুরোধ করিয়াছিল। যদি সেই কাল রাত্রিতে আর কোন ঘটনা না ঘটত, তাহা হইলে সে নিশ্চিতই গুভেন্দুর সহিত বোম্বাই চলিয়া যাইত, আর তাহা হইলে তাহাকে অনর্থক নরহত্যা করিতে হইত না, অথবা অকালে স্বহস্তে আপনাকেও হত্যা করিতে হইত না। কিন্তু বিধির বিধান অন্তরূপ। গুভেন্দু তাহাকে গোপনে অন্তরের বাহির করিয়া দিয়া উষারাগীকে পৌছাইয়া দিতে গেল। সে কৃত্রিম জ্বলের নিকটবর্তী প্রাচীরের ফটকের কাছে উপনীত হইয়াছে, এমন সময়ে জ্বলের মধ্য হইতে মনুয়া বাঘের মত তাহার উপর লাফাইয়া পড়িল, তাহার হস্তে শাণিত ছুরিকা। সে পূর্বে হইতেই গোপনে বাগানে প্রবেশ করিবার কৌশল আয়ত্ত করিয়াছিল। প্রাণভয়ে সে মনুয়ার সহিত ধস্তাধস্তি করে। ধস্তাধস্তির সময় তাহার নেকটাইয়ের ছিন্ন অংশ তাহার মুষ্টির মধ্যেই রহিয়া যায়। মনুয়াকে হত্যা করিবে বলিয়া সে সঙ্কল্প করে নাই, মৃত্যুর পূর্বে সে একথা মুক্তকণ্ঠে বলিয়া যাইতেছে। কিন্তু পূর্বের অভ্যাস অনুসারে সে গুলীভরা পিস্তল হস্তে লইয়াই অঙ্ককারে যাতায়াত করিত। ধস্তাধস্তিতে হাতের পিস্তলের আওয়াজ হইয়া গেল, পিস্তলের ঘোড়ার উপরেই তাহার আঙ্গুল ছিল। মনুয়া মাংসপিণ্ডের মত পড়িয়া গেলেই সে মুক্ত ফটক দিয়া উর্দ্ধ্বাসে পলায়ন করে। তৎপূর্বে সে হাতের পিস্তল ফেলিয়া দিয়াছিল। হোটেলের দ্বারপাল তাহার কাছে অর্থে বশীভূত ছিল, একজন সময়ে অসময়ে যখনই হউক তাহার হোটেল প্রবেশে অন্তরায়

ছিল না। তাহার কাছে তাহার কুমের চাবী থাকিত। সে ঘরে গিয়া দ্বার রুদ্ধ করিয়া বেশ পরিবর্তন করিয়া শুইয়া পড়িয়াছিল, শয়নের পূর্বে সে তাহার ছিন্ন নেকটাই পুড়াইয়া বাথরুমের ড্রেনে ফেলিয়া দিয়াছিল। পরদিন বেলা দশটার পূর্বে পর্যন্ত সে বেহুঁস হইয়া ঘুমাইয়াছিল, তাহার পর খানসামাদের ডাকাডাকিতে উঠিয়া হাত-মুখ ধুইয়া চা খাইয়া সেই যে শুইয়াছিল আর উঠেনাই, তাহার পর আর তাহার জ্ঞান ছিল না। কখন যে তাহার ভগিনীর আলয়ে হোটেল হইতে নীত হইয়াছিল, তাহা সে কিছুই জানে না।

বিভাসচন্দ্রের সাত দিন সঙ্কটস্থল অবস্থা ছিল। তাহার মধ্যে কি হইয়াছিল, তাহা সে কিছুই জানিত না। জ্বরবিকারের ঘোরে সে কি বলিয়াছিল, তাহাও তাহার মনে নাই। জ্বরত্যাগ হইবার পর কিঞ্চিৎ সুস্থ হইলে সে গুনিল, নরহত্যার অপরাধে গুভেন্দু ধৃত ও আটক হইয়াছে, শীঘ্রই তাহার বিচার হইবে। তাহার দুর্বল মস্তিষ্ক এ আঘাত সহ্য করিতে পারিল না। অসুস্থ অবস্থায় সে কেবল সন্মুখে হত্যার দৃশ্যের স্বপ্ন দেখিয়াছে। তাহারই হস্তে নিহত মানুষের জন্য সম্পূর্ণ নির্দোষ গুভেন্দুর দণ্ড হইবে— হয় ত—না, সে ভীষণ কল্পনা সে করিতেই পারে না— সে ভয়ে চক্ষু মুদ্রিত করিয়া চিন্তার হাত এড়াইবার চেষ্টা করিয়াছিল। কিন্তু বিধাতা তাহাকে সে শাস্তি দেন নাই, সে অহরহ গুভেন্দুর মৃতদেহ ফাঁসিকাঠে দোহুল্যমান হইতে দেখিয়াছিল এবং মানসিক যন্ত্রণায় পরিত্রাহি চীৎকার করিয়াছিল।

যে দিন গুভেন্দুর বিচার, সে দিন সে ধীর অচঞ্চল, সে মন স্থির করিয়া ফেলিয়াছিল। সে নিজের অসার অকিঞ্চিৎকর জীবন দান করিয়া নির্দোষ গুভেন্দুর মূল্যবান জীবন রক্ষা করিতে কৃতসঙ্কল্প হইয়াছিল। গুভেন্দু তাহার কি করিয়াছে, তাহাকে সৎপথে ফিরাইবার জন্য কত ত্যাগ স্বীকার করিয়াছে, সে তাহা মর্মে মর্মে অনুভব করিয়াছে। পাছে সে ধরা পড়ে, পাছে সে জন্ম তাহার ভগিনী মৃতকল্প হয়, পাছে তাহার ভগিনীর সংসারে কলঙ্ক-কালিমা লিপ্ত হয়, এই ভয়ে গুভেন্দু প্রকৃত সত্য গোপন করিয়া আপনার অমূল্য জীবনও আহতি দিতে প্রস্তুত হইয়াছে,—গুভেন্দুর মত মানুষ কয় জন হয়? আজ তাহার জন্ম সে হাসি-মুখে তাহার অপদার্থ জীবন উৎসর্গ করিয়া পাপের



প্রায়শ্চিত্ত করিতেছে, তাহার অন্ত কেহ দারী নহে, কেহ দুঃখ করিবার নাই।

পুনঃপুনঃ পত্র পাঠ করিয়া অসীমবিকাশের অন্তর আলোড়িত হইয়া উঠিল। অঙ্ক সে, স্নেহময়ী দেবীকৃষ্ণিনী নারীর অন্তরের ক্রুদ্ধ ভালবাসা, ব্যথা-বেদনা, হর্ষ-উল্লাসের সন্ধান সে পাইবে কিরূপে? সে কেবল স্বার্থাঙ্কের মত আপনার মনের মাপকাঠি দিয়া স্নেহময়ী জননীসমা ভগিনীর ভালবাসাকে মাপিতে গিয়াছিল। ব্যর্থ তাহার চেষ্টা,—কি ভীষণ ভুল করিয়াই সে সর্বস্ব হারাইতে বসিয়াছিল!

মৃতের কক্ষের ভালবাসা করিয়া অসীম বহির্কোণীতে আসিয়া পুলিশে ফোন করিয়া দিল। ষ্টেশনে ছুটিয়া যাইবার অন্ত তাহার প্রাণ আকুলি-বিকুলি করিতে লাগিল,—কতক্ষণে উবারাণীর সাক্ষাৎ পায় এবং তাহার কৃত অপরাধের অন্ত ক্ষমা প্রার্থনা করে! কিন্তু পুলিশ যতক্ষণ না আসে, ততক্ষণ তাহার গুরু কর্তব্য পড়িয়া রহিয়াছে, সে কর্তব্য ত সে অবহেলা করিতে পারে না। অস্থির হইয়া এটা ওটা সেটা নাড়াচাড়া করিতেছে, এমন সময়ে অন্তরে নারীকণ্ঠে মর্মভেদী ক্রন্দনের রোল উঠিল;—অসীমের বুকিতে বাকী রহিল না যে, উবারাণী ফিরিয়া আসিয়াছে। প্রায় উন্মত্তের মত সে অন্তরের দিকে ছুটিয়া চলিল।

নিভৃত কক্ষে বিপতচেতনা সহস্রাঙ্গীকে বক্ষে ধারণ করিয়া অসীমবিকাশ নানা প্রিয়সম্ভাষণে তাহার চৈতন্য উদ্বেকের চেষ্টা করিতে লাগিল। ক্ষণপরে উবা নয়নকমল উন্মীলিত করিয়া সভয়ে বলিল, “ওঃ, তুমি, তুমি? তুমি এখানে কেন? ওগো, তোমার ছুটি পায় পড়ি, আমরা তোমার বাড়ীতে থাকতে চাইবো না, তুমি আমার দাদাকে ফিরিয়ে দাও।”

উবার মর্মভেদী ক্রন্দনে বাতাস ভরিয়া গেল। বহুকষ্টে অসীম পরীকে শাস্ত করিল, বহুকষ্টে বুঝাইল, তাহার ভ্রাতা পাপের প্রায়শ্চিত্ত করিয়া যে লোকে গিয়াছে, সেখান হইতে আর ফিরিবে না, তাহার আত্মা শাস্তিলাভ করিয়াছে। পরীকে হৃদয়ে ধারণ করিয়া তাহার নয়নাশ্রু মুছাইয়া দিয়া অসীম বাপুরুত্বকণ্ঠে বলিল,—“উবা, আমাকেও পাপের প্রায়শ্চিত্ত করতে দাও, বলা আমার ক্ষমা করবে, আমি তোমার অধম স্বামী।”

উবা কথকিং প্রকৃতিস্থ হইয়া সবিম্বরে বলিল, “ক্ষমা? আমি তোমায় ক্ষমা কোরবো? কিছুই ত বুঝতে পারছি না।”

অসীম বলিল, “না, তা পারবে না। সে আমি পরে বোঝাবো। এখন বল, আমার যে দোষই হয়ে থাক, ক্ষমা করবে? উঃ, একটা ভুলে আমি কি সর্বনাশই না করে বসেছিলাম!”

এইরূপে বিভাসচন্দ্র জীবন বলি দিয়া স্বামিজীর পুনর্মিলনের পবিত্র বেদী নির্মাণ করিয়া দিল। এ অগতে কত ক্ষুদ্র হইতেই না মহত্তের অভ্যুদয়ের সম্ভাবনা হয়!

১৯

রেলের প্রথম শ্রেণীর কামরায় ছুটি যাত্রী—অসীম-বিকাশ ও গুভেন্দু। এক বৎসর পূর্বে দুই বন্ধু বোম্বাই মেলের প্রথম শ্রেণীর যাত্রিরূপে কলিকাতায় আসিয়াছিল, আজ আবার দুই বন্ধু এক বৎসর পরে প্রথম শ্রেণীর যাত্রিরূপে যাইতেছে; তবে এবার যাত্রা দীর্ঘ নহে, মাত্র তিন ঘণ্টার, অসীমবিকাশের পিতৃপিতামহের অধ্যুষিত জমিদার-ভবনে।

গুভেন্দু মামালার পরদিনই বোম্বাই যাত্রার অন্ত নির্লক্ষ্যতাশয্য প্রকাশ করিয়াছিল; কিন্তু অসীম তাহাকে নানা অজুহাতে যাইতে দেয় নাই। প্রথমতঃ উবার অন্তহতা, দ্বিতীয়তঃ ষ্টুডিও ভাঙ্গিয়া দিবার ব্যবস্থা। দুইটিতেই গুভেন্দুর উপস্থিতি একান্ত প্রয়োজনীয় ছিল। অসীম বুঝাইল, যে ভ্রাতা তাহারই মঙ্গলের অন্ত প্রাণ দিল, তাহার ভগিনী স্নেহ হইলে তাহার প্রতি কৃতজ্ঞতা প্রকাশ না করিয়া তাহার চলিয়া যাওয়া সম্ভব নহে। ভ্রাতার আত্মহত্যার উবা যে দারুণ আঘাত পাইয়াছিল, তাহাতে যে শয্যাশায়িনী হইবে, আশ্চর্য্য কি? কেবল অসীমের প্রাণঢালা ভালবাসা ও সেবাবলেই সে উঠিয়া বসিতে সমর্থ হইয়াছিল। তাহার পর অসীম আর স্বীয় আবাসভবনের সহিত ষ্টুডিও সংলগ্ন রাখিবে না বলিয়া কৃতসংকল্প হইয়াছিল। এই এক বৎসরের অভিজ্ঞতার সে বিলক্ষণ বুঝিয়াছিল যে, ষ্টুডিওর আটের চর্চা ও নারক নারিকার দূষিত বায়ু সংসার পরিবার হইতে বৎসরে রাখা যায়, ততই মঙ্গল। সে আরও বুঝিয়াছিল

সে, আকর বাহার মন্দ, তাহার সাময়িক চরিত্র-পরিবর্তন হইলেও তাহার সংসর্গ গৃহস্থের সংসার পরিবারের পক্ষে আদৌ মঙ্গলদায়ক নহে। শুভেন্দুকে সে তাহার বোম্বাই ষ্টুডিওর সর্বময় কর্তা করিয়া দিবে বলিয়া বিস্তর অনুরোধ ও কাকুতিমিনতি করিয়াছিল। কিন্তু শুভেন্দু কিছুতেই তাহাতে সন্মত হয় নাই। সে বলিয়াছিল, সে যেমন চিত্রকর, গল্পলেখক ও প্রয়োজক ছিল, তেমনই থাকিবে, নায়ক-নাট্যিকার সহিত সরাসরি অভিনয় বা পোজের সম্পর্ক সে আর রাখিবে না; পরন্তু অসীমের ষ্টুডিওতেও কোন কর্ম গ্রহণ করিবে না; তবে বোম্বাই সহরে তাহার ষ্টুডিও প্রতিষ্ঠায় যথাসাধ্য সাহায্য করিবে। এই অঙ্গীকারে অসীম শুভেন্দুকে ধরিয়া রাখিয়াছিল। বোম্বাই যাত্রার আর দুইটি দিন মাত্র বাকী, এমন সময়ে একদিন উদারানী শুভেন্দুর সহিত সাক্ষাৎ করিতে গেল। তখন উমা অল্প-স্বল্প চলাফিরা করিতে পারে। কিন্তু তথাপি শুভেন্দু তাহাকে দেখিয়া বিস্মিত হইল, অনুযোগের সুরে বলিল, “একটু খবর দিবে পাঠালে হোত না? আমি ত না ডাকলেও দেখতে গিয়ে থাকি।”

উদারানী মুহূ হাসিয়া বলিল, “তা জানি, কিন্তু গরজ বড় বালাই। মশাই যে আমাদের ছেড়ে জন্মের মত চলে যাচ্ছেন, তার মানে কি? আমরা কি কেউ নই তোমার, শুভেন্দু বাবু? দাদা—”

কথাটা বলিতেই উদার কণ্ঠ বাষ্পরুদ্ধ হইয়া আসিল, নয়নকমল অশ্রুসিক্ত হইল।

শুভেন্দু তাড়াতাড়ি বলিল, “হ্যাঁ, সে ত মানুষ নয়, দেবতা! তার মধ্যে যে এত মহত্ব লুকিয়ে ছিল, তা ত কেউ বুঝতে পারি নি। কিন্তু দিদি, সে গেছে, আমরা ত রইছি”—

উমা ধরা গলায় বলিল, “তাই ত বলতে এসেছিলুম, কেন আমাদের ফেলে পালাচ্ছ তুমি? এই আঘাতের উপর আরও আঘাত দিতে চাও?”

শুভেন্দু খাড় হেঁট করিয়া নীরবে বসিয়া বহিল, একটি কথাও কহিতে পারিল না। কেবল তাহার অন্তস্তল হইতে একটি দীর্ঘশ্বাস বাহির হইয়া গেল।

উমা পুনরাবৃত্তি বলিল, “কিসের জন্ত সর্বত্যাগী হচ্ছ

তাই? অতৃপ্ত তেঁটা—অথচ হাতের কাছে ঠাণ্ডা মিষ্টি জল—হাত বাড়িয়েও নেবে না?”

শুভেন্দু অক্ষুণ্ণে বলিল, “আমি নগণ্য—অকর্মণ্য—”  
উমা বাধা দিয়া উত্তেজিত কণ্ঠে বলিল “আচ্ছা, বোনের একটি কথা রাখো—যাবার আগে দেশে গিয়ে হিরণীর কাছে একবার বিদেয় নিয়ে এস। বল, আমার এই ছোট অনুরোধটা রাখবে? মরবার আগে আমার যে দাদা এমন ক’রে আত্মবলি দিলে আমাদের জন্তে, সেও তোমায় ঐ অনুরোধ ক’রে গিয়েছে। বল, তার অনুরোধ রাখবে?”

পথে যাইতে যাইতে সহসা সম্মুখে বিবর হইতে বিষধর কালসর্পকে বাহির হইতে দেখিলে পথিক যেমন চমকিত হইয়া উঠে, শুভেন্দুর ঠিক সেইরূপ অবস্থা হইল; তাহার অন্তরাঝা শুকাইয়া উঠিল, সে বিষম বিপদে পড়িয়া একবারে ঘামিয়া উঠিল। তখন উমা বুঝাইল যে, যে নারী হইয়াও তাহার মঙ্গলের জন্ত এত বড় ত্যাগ-স্বীকার করিতে পারে, বাহার অধিক ত্যাগ-স্বীকার নারী করিতে পারে না,—তাহার নিকট একবার বিদায় না লইয়া, অন্ততঃ একবার কৃতজ্ঞতা প্রকাশ না করিয়া যাওয়া মনুষ্যত্বের পরিচায়ক নহে।

শুভেন্দু মহা কাঁপরে পড়িয়া আজ তাই অসীমের সহিত তাহার পিতৃপিতামহের আবাসভবনে যাইতেছিল। তাহার মনটা আজ ইচ্ছা-অনিচ্ছার ঘাত প্রতিঘাতে মথিত হইতেছিল। হিরণীর সহিত আবার সাক্ষাতেও কথা মনে করিয়া তাহার বুক গুরু গুরু কাঁপিতেছিল, আবার আর একবার জন্মের মত হিরণীকে দেখিয়া যাইতে পারিবে, এই আশায় সে আনন্দের সপ্তম স্বর্গে নীত হইতেছিল।

শুভেন্দু অসম্ভব গভীর হইয়া বাহিরের খামার ক্ষেত গাছপালার দিকে চাহিয়াছিল। বাঙ্গালার সবুজ মাঠ, সবুজ ধান, আর কানায় কানায় খাল নদী পুকুর ডোবার জল তাহার নয়নের দৃষ্টি ভরাইয়া দিতেছিল, তাহার মন কিন্তু কোথায় ছিল, তাহা কেহ বলিতে পারে না।

হঠাৎ অসীমের একটা প্রশ্নে সে চমকিয়া উঠিয়া বলিল, “এঁ্যা, কিছু বলছো তুমি?”

অসীম বিজ্ঞপের ভঙ্গীতে বলিল, “তবু ভাল, হ’ল হ’ল

বাবু। এক বছর আগে ঠিক এমনি হ'লেনে রেলো আসছিলুম মনে পড়ে ?”

গুভেন্দু গভীরস্বরে বলিল, “হঁ, পড়ে।”

অসীম বলিল, “তখন কল্পর খারা দেখে কি বলেছিলুম মনে নেই বোধ হয় ? যাক সে কথা। উবা যে আসবার আগে তোকে অঙ্ক বলেছিল, তা মিথ্যা নয়। আমি ত বলি, তুই শুধু অঙ্ক নয়, একটা নিরেট গাথা।”

গুভেন্দু ম্লান হাসি হাসিয়া বলিল, “তা ঠিক। তুমি কি তা শাক জানলে ? গাথা যদি না হ'বো, তা হ'লে ছিলুম বোধায়ের অনন্ত সমুদ্রের মুক্ত বিহঙ্গ, যেচে কলকাতার খাঁচার এসে চুকলুম কেন ?”

অসীম বলিল, “তুই মস্ত কাপুরুষের মত কথা বলছিস। মানুষের জীবন-নাটকে সুখ-দুঃখ, সম্পদ-বিপদ, আশা-নিরাশা ছুই-ই আছে, মানুষকে মানুষ হয়ে সংসারে থাকতে গেলে সেটার সঙ্গে সম্পর্ক রাখতে হয়। যারা কাপুরুষ, তারা জীবন-সমুদ্রের ঢেউএর গভী থেকে দূরে থাকতে চায়, কোন ঝকি পোহাতে চায় না। সে জীবন ত পশুর জীবন। কিন্তু বল দিকি, এই সুখ-দুঃখের ধাক্কা খেতে খেতে তার মধ্যে এমন কোন জিনিষ কুড়িয়ে পাস নি কি, যার ভুলনায় সমস্ত দুঃখ-কষ্ট বিপদ-আপদ তুচ্ছ ব'লে মনে হয় ?”

গুভেন্দুর মুখ-চকু রাস্তা হইয়া উঠিল, সে দৃষ্টি অবনত করিয়া লইল, কোন জবাব দিল না। অসীম তাহার ভাব দেখিয়া হাসিয়া বলিল, “স্বীকার করিস না করিস, তোর মুখচোখই ব'লে দিচ্ছে তোর মনের কথা। দেখ, গল্প আছে, একটা অঙ্কের মাথায় পারিজাতমালা ছুড়ে দিয়েছিল ব'লে সে সাপ মনে ক'রে মালাটিকে পথের কাদায় ফেলে দিয়েছিল। এ গল্প শুনেছিস ?”

গুভেন্দু বলিল, “হাঁ, শুনেছি, কেন ?”

অসীম উত্তেজিত হইয়া বলিল, “কেন ? উবা যা তোকে ইসারার বুঝিয়ে দিয়েছিল, তুই তাও বুঝতে পারিস নি, এত বড় অঙ্ক নিরেট গাথা তুই !”

গুভেন্দু বলিল, “উবা কি বলেছিল, আমি ত ভাল ক'রে শুনি নি।”

অসীম বলিল, “না, তা শুনি কেন ? আক আবার তাই হয়ে তোর অঙ্ক চোখে খোঁচা দিয়ে তা বোঝাতে হচ্ছে, এটা কি কম লজ্জার কথা ?”

গুভেন্দু বিস্মিত হইয়া বলিল, “কি বলছো ভাই, কিছুই ত বুঝতে পারছি না।”

অসীম এইবার ক্রুদ্ধ হইয়া চীৎকার করিয়া বলিল, “ওরে গাথা ! হিরণী আদালতে দাঁড়িয়ে তোর জন্তে যা বলেছিল, ভদ্র বাঙ্গালীর ঘরের শিক্ষিত অবিবাহিত মেয়ে কি কাকুর জন্তে তা বলতে পারে ? কেন সে ও-কথা বলেছিল ?”

গুভেন্দুর চোখের সম্মুখ হইতে যেন একখানা গাঢ় মসলিগুণ যবনিকা সরিয়া গেল। মূর্খ অঙ্ক সে, সত্যই দেবভোগ্য নিশ্চাল্য অযাচিতভাবে তাহার মস্তকে পতিত হইলেও সে সেই দেবতার দানকে অজ্ঞানে দূরে নিক্ষেপ করিয়াছে ; যখন তাহার জীবন স্তম্ভ স্তম্ভে ঝুলিতেছিল, তখন কে আশ্রয়বলি দিয়া সেই জীবন রক্ষা করিয়াছিল ? হিরণীর সাক্ষ্যদান ত নারীর পক্ষে আশ্রয়বলিদানের সমতুল।

গুভেন্দু দুই হাতে চক্ষু আচ্ছাদন করিয়া গাড়ীর গবাকের উপরে মাথা গুঁজিয়া পড়িয়া রহিল। অসীম স্নেহভরে তাহার কাঁধের উপর হাত রাখিয়া বলিল, “এই জন্তেই ত তোকে নিয়ে যাচ্ছি, ভাই।”

গুভেন্দু মুখ তুলিয়া গভীর নৈরাশুজড়িতস্বরে বলিল, “আমি বামন হয়ে চাঁদে হাত দেবার স্পর্ধা করছি, অসীম। আমি কত ক্ষুদ্র, কত নীচু ! আমি দরিদ্র—”

অসীম বলিল, “বলেছি ত তুই নিরেট গাথা। ওরে মুকু, ভালবাসায় কি গরীব বড়লোক আছে ? কতখানি ভালবাসলে সে আদালতে ও কথা বলতে পারে, তা কি ভেবে দেখেছিস একবার ? জানিস, তুই যখন হাজতে, তখন সে দেশ থেকে ছুটে এসে আমার কি বলেছিল ? না যাক, ও কথায় আর কাষ নেই। ভাবছি, সৌভাগ্য কার বেশী, আমার না তোর ? উবা বলেছিল, তোর মত সৌভাগ্য কাকুর নয়। আমি দেখছি, আমার সৌভাগ্যও কম নয়, না হ'লে আমি উবাকে আবার ফিরে পাবো কেন ?”

গুভেন্দু বলিল, “ফিরে পাওয়া ? তার মানে ?”

অসীম বলিল, “ফিরে পাওয়া না ? আমি ত উবাকে হারাতে বসেছিলুম এক অঙ্ক ভুলের জন্তে। দেখ, ঐ নারী জাতটাকে যে দেবতারাও বুঝতে পারেন না বলে, তা ঠিক। ওদের বাইরেটা হয় ত কঠিন নীরস, কিন্তু ভেতরটার কি মন্বাকিনীর ধারা বয়, তা ক্ষুদ্র মানুষ আমরা, আমাদের বোঝবার মাধ্যম কি ? ঐ অঙ্ক-সিঁদা কল্পর ধারা বেদিন

আমরা বোঝবার সুযোগ পাবো, সেদিন এ পৃথিবী থেকে অনেক মনের অমিল আর দুঃখকষ্ট ঘুচে যাবে।”

শুভেন্দু এইবার হাসিয়া বলিল, “এদিন পরে যে তুই মত বদল করেছিল, এতে আমি খুবই খুসি হলাম। মানুষ-দেখে শেখে, আর ঠেকে শেখে বটে।”

অসীম বিস্মিত হইয়া বলিল, “তার মানে? আমি কি মত বদলালাম, তা ত বুঝতে পারছি না। হেঁয়ালিতে না হয় ব্যাখ্যা করেই বল।”

শুভেন্দু বলিল, “মনে নেই, আমাদের এই মারের জাতের সম্বন্ধে তোর কি ধারণা ছিল?”

অসীম বলিল, “কি ধারণা ছিল, তা ত মনে নেই।”

শুভেন্দু বলিল, “বা রে রসকে! তুই না বলতিস, ওদের বার ভেতর আলাদা, কেউ বুঝতে পারে না।”

অসীম বহুদিন শুভেন্দুর এমন আনন্দ ও শূর্তির আলাপ শুনে নাই। মনে মনে বিশেষ প্রীতিলাভ করিয়া বলিল, “তা ত এখনও বলি। সত্যিই ওদের বোঝবার আমাদের সাধ্য নেই—তবে—তবে ভালবাসা ওদের অনেকটা বুঝিয়ে দেয় বটে। আমি তা বলে তোর মত ওদের নাম হলেই অজ্ঞান হয়ে পড়ি নে।”

শুভেন্দু উচ্চহাস্য করিয়া বলিল, “তাই না কি?”

অসীম বলিল, “নয় ত কি? আচ্ছা, সত্যি ক’রে বল দিকি, তুই হিরণীকে কি চোখে দেখিস—যেন তোর চেয়ে কত উঁচু, কত বড়, যেন তুই এত ছোট যে ওর নাগাল পাসনি, ঠিক এই ভাবেই ওকে দেখে আসছিস না? তুইও মানুষ, ও-ও মানুষ—তবে?”

শুভেন্দু কিছুক্ষণ গম্ভীর হইয়া বসিয়া রহিল, তাহার পর ধীরে ধীরে বলিল, “স্বর্গের দেবী কখনও দেখিনি, তবে তাদের কথা বইয়ে পড়েছি বটে। কিঙ্ক জাই, হিরণী?—সে ত—”

অসীম হো হো হাসিয়া কামরার গাভীরা ডাকিয়া দিয়া বলিল, “কি রে, সত্যি চোখে জল এনে ফেলি যে, গলাও যে বলে আসছে—দেখ, এতটা বাড়াবাড়ি ভাল না। দেখছি, আর্টিষ্টরা মোটেই প্রাকটিক্যাল ম্যান হ’তে পারে না। এর পর পর সংসার করবি কি ক’রে?”

শুভেন্দুর স্বপ্ন ডাকিয়া গেল, সে লজ্জিত হইয়া মুখ লুকাইয়া রহিল।

অসীম তাহার অবস্থা দেখিয়া তাড়াতাড়ি কথাটার মোড় ফিরাইয়া লইয়া বলিল, “ঐ. যা, সিগারেট-কেসটা ভ’রে আনতে ভুলে গেছি, আর একটাও নেই এতে। তোর কাছে আছে দু’একটা?”

শুভেন্দু তাহার সিগারেটের কেসটা খুলিয়া ধরিল, অসীম তাহা হইতে একটি তুলিয়া ধরাইয়া লইল। তখনও শুভেন্দু কেসটা ধরিয়াছিল, তাহার মনটা তখন যেন সেই কামরার ভিতরে ছিল না।

অসীম তাহাকে দেখিয়া মুহু মুহু হাসিতেছিল। বলিল, “না, তোদের আর্টিষ্টদের নিয়ে চলাফেরাও মুশ্কিল দেখছি! আচ্ছা, ওটা খুলে ধ’রে রেখেছিস কেন বল দিকি?”

শুভেন্দু অপ্রতিভ হইয়া তাড়াতাড়ি সিগারেট-কেসটা মুড়িয়া ফেলিয়া পকেটে পুরিল।

অসীম দাঁড়াইয়া উঠিয়া বলিল, “নে, এইবার অন্তাকে ডাক দে, গাড়ী ত ষ্টেশনে এসে পড়লো।”

ষ্টেশনে গাড়ী ‘ইন’ হইতেই অসীম নামিয়া পড়িল, শুভেন্দুও তাহার অনুসরণ করিল, অনন্ত বেহারা আসিয়া তাহাদের স্টকেস দুইটা নামাইয়া লইল। শুভেন্দু সবিস্ময়ে দেখিল, ষ্টেশন-মাষ্টার এবং ষ্টেশনের কুলীরা সসন্ত্রমে অসীমকে অভিবাদন করিল! মাষ্টার মহাশয় অগ্রসর হইয়া বিনীতকণ্ঠে বলিলেন, “বাবুর জন্তে ত গাড়ী আগেনি বাড়ী থেকে,—একখানা ভাড়া গাড়ী ঠিক ক’রে দেব কি?”

অসীম হাসিয়া বলিল, “না, কোন দরকার নেই, আমরা হেঁটেই যাবো। আপনারা ভাল আছেন ত? নে রে অন্তা, একটা কুলী ডেকে, ও দুটো নিয়ে আসিস তোরা। নমস্কার, মাষ্টার মশাই।”

কথাটা বলিয়া লম্বা লম্বা পা ফেলিয়া প্রফুল্লমনে শিথ দিতে দিতে অসীমবিকাশ শুভেন্দুর হাত ধরিয়া ষ্টেশন হইতে বাহির হইয়া গেল। বাজারের পথে নামিতেই পথিক ও হোকানদারদের মধ্যে যাহারা সম্মুখে পড়িল, সকলেই সসন্ত্রমে তাহাদের অভিবাদন করিতে লাগিল এবং অসীমও হাসিমুখে সকলকে প্রত্যভিবাদন ও কুশল জিজ্ঞাসা করিয়া গ্রাম্য পথে অগ্রসর হইল।

শুভেন্দুর বুঝিতে বাকী রহিল না, এতদঞ্চলে অসীমবিকাশের সম্মান ও প্রতিপত্তি কত অধিক।



২০

অমিদারভবনে একটা তাড়াহুড়া পড়িয়া গেল। ভৃত্য-পরিজন এবং আমলা-মুহুরীরা সকলেই শশব্যস্ত, সকলেই অমিদারের একটা না একটা কাষে লাগিবার জন্ত। কিন্তু বাহার জন্ত এত তাড়াহুড়া, সে ত একবন্দে বন্ধ সমভিব্যাহারে আসিয়াছে, সে ত কাহারও সেবা বা সাহায্য প্রার্থনা করে না।

সকলকে হাসিমুখে আপ্যায়িত করিয়া সে সন্ধ্যাসরি একবারে খুল্লতাতের শয়নকক্ষে গিয়া হাজির হইল। শুভেন্দু প্রথমে ভিতরে ঘাইতে চাহে নাই, তাহার কেমন যেন একটা বাধ বাধ ঠেকিতেছিল। কিন্তু অসীম কিছুতেই তাহাকে অপরিচিত অতিথির মত থাকিতে দিল না, বুঝাইয়া দিল যে, সেও তাহাদের পরিবারের পাঁচ জনের এক জন।

খুল্লতাত শয্যাশায়ী, সন্ধ্যাস রোগে আক্রান্ত হওয়ার পর হইতে তাঁহার এক অঙ্গ পড়িয়া গিয়াছে। প্রথমে কিছুদিন তাঁহার বাকশক্তিও অক্ষত হইয়াছিল, এখন কথা কহিতে পারেন বটে, কিন্তু জিহ্বার জড়তা কতকটা দূর হইলেও এখনও কথার অস্পষ্টতা কিছু আছে। হিরণী তাঁহার শয্যাপার্শ্বে বসিয়া মহাভারতের বিরাট পর্ক পাঠ করিয়া শুনাইতেছিল।

অসীম শুভেন্দুকে লইয়া খুল্লতাতের পাদবন্দনা করিয়া কুশল জিজ্ঞাসা করিতেই হিরণী চমকিত হইয়া কেতাব হইতে চোখ তুলিয়া 'দাদা' বলিয়া হর্ষধ্বনি করিয়া উঠিয়া দাঁড়াইল। কিন্তু ভ্রাতার পশ্চাতে শুভেন্দুকে দেখিয়া থমকিয়া দাঁড়াইল, তাহার সমস্ত শরীরের রক্তটা যেন তাহার মুখে চোখে অসিয়াই আশ্রয় গ্রহণ করিল। অপ্রত্যাশিতভাবে চারি চকুর মিলন হইল! শুভেন্দুর দৃষ্টিতে এমন কিছু ছিল, বাহার জন্ত হিরণী তাড়াহুড়া দৃষ্টি অবনমিত করিয়া লইল।

অসীম হিরণীর এক রাগ কালো মেঘের মত চুলের উপর সন্নেহে হাত রাখিয়া বলিল, "কেমন আছিস, হিরো? না বলে পাগিয়ে এলি কেন?"

হিরণী আনন্দনয়নে প্রায় অক্ষুণ্ণবরে বলিল, "বাবার সঙ্গে কথা কও দাদা, আমি খাবার-দাবারের যোগাড় করি'গিয়ে। বৌদি এল না?"

অসীম বলিল, "না, তার শরীরটা ভাল না—এত বড়

একটা আঘাত পেয়েছে। তা, তোর বাড়ীতে এক জন অতিথিকে আনলুম, তাকে ত একটি কথাও বলিনি? তুই কি করে গেছিস রে? আগে ত এমন ছিলি নি।"

হিরণীর মুখচোখ আবার রাঙ্গা হইয়া উঠিল। সে বিষম অস্বস্তি বোধ করিতেছিল। দুই হাত ষোড় করিয়া কপালে ঠেকাইয়া সে শুভেন্দুকে একটি ছোট নমস্কার করিল, তাহার পর অতি মৃদু কম্পিত কণ্ঠে "ভাল আছেন? বসুন," বলিয়া দ্রুতপদে কক্ষ ত্যাগ করিয়া গেল। শুভেন্দুর কাছে ঘরের সমস্ত আলোটাই যেন নিভিয়া গেল! রেলগাড়ীতে তাহার চিত্ত যেন সপ্তম স্বর্গে উঠিয়াছিল, কিন্তু সাক্ষাতে সেও কম অস্বস্তি বোধ করে নাই।

অসীম তাহাদের অস্বস্তিতে পরম আনন্দ উপভোগ করিয়া মৃদু হাস্য করিতেছিল। প্রফুল্লমুখেই খুল্লতাতের সহিত শুভেন্দুর পরিচয় করাইয়া দিয়া বলিল, "এইটাই আমার বন্ধু শুভেন্দু মিত্র, এরই কথা আপনাকে জানিয়েছিলুম।"

হিরণীর পিতা বলিলেন, "বাঃ, দিল্লি ছেলেটি ত। তা ওঁদের গাড়ীতে কষ্ট হয়েছে, নিয়ে গিয়ে স্নানাহার করিয়ে নাও, এর পর কথা হবে'খন।"

ঘরের বাহিরে আসিয়া অসীম বলিল, "কেমন, যা বলেছিলুম, দেখলি ত?"

শুভেন্দু বলিল, "কি দেখলুম? আমি ত কিছু নতুন দেখলাম না।"

অসীম বিরক্তি প্রকাশ করিয়া বলিল, "নেহু! ভাঙ্গা মাছটি উল্টে খেতে জানেন না! চল, তোর বুকে কাষ নেই!"

শুভেন্দু বলিল, "সত্যিই বুঝলুম না কিছু।"

অসীম হাসিয়া বলিল, "কেন ছুটে পালালো বল দিকি? তুই ভাবছিস, আমাদের খাবার-দাবারের তবির করতে গেল ত? মোটেই না।"

শুভেন্দু বলিল, "তবে? উনি যে খাবার-দাবার ভাল করতে পারেন, তার প্রমাণ ত এক দিন নয়, অনেক দিনই পেয়েছি।"

অসীম তাহার পিঠে একটা ছোট চড় বসাইয়া বলিল, "বা রে, তোর এক বুদ্ধি? ও যে লুকো খেলা থেকে আরম্ভ

ক'রে পোলাও কালিয়া পর্যন্ত সমস্ত রীতিতে পারে, এতটা যখন আবিষ্কার ক'রে ফেলেছিল, তখন ও যে এখন ছুটে গেল তোর জন্তে হাঁড়ী চড়াতে, তাতে আর সন্দেহ কি? ইডিয়ট! চল, চান করি গিয়ে।”

শুভেন্দু যন্ত্রচালিত পুতুলের মত তাহার অনুসরণ করিল বটে, কিন্তু কিছুতেই বুঝিতে পারিল না, সে কোথায় বুদ্ধির দৈন্ত প্রকাশ করিয়া ইডিয়ট আখ্যা লাভের যোগ্যতা অর্জন করিয়াছে। যাইতে যাইতে যুহুস্বরে বলিল, “তোর সব কথাই হেঁয়ালি। আচ্ছা, সত্যি বল দিকি, হিরণী খুব সুন্দর রীতিতে পারে না?”

অসীম ছোট একটা ধাক্কা দিয়া বলিল, “পেটেকো, কেবল পেটের চিন্তা নিয়েই আছিস! কেন যে ভগবান তোকে আটিষ্ট করেছিলেন, বুঝতে পারি না। পুকুরে যাবি, না বাথ-রুম?”

শুভেন্দু বলিল, “রাম! পুকুর যখন বাড়ীর গায়ে, তখন আবার বাথ-রুম? দূর!”

অসীম বলিল, “তবে চল, পুকুরপাড়েরই তেল মাখা যাবে’খন।”

\* \* \* \*

আহার ও বিশ্রামান্তে দুই বন্ধুতে অসীমের বসিবার ঘরে কথা হইতেছিল। ইহার মধ্যে হিরণী একবারও তাহাদের দেখা দেয় নাই; কেবল একবার আহারের সময় দেখা দিয়াই অন্তর্ধান করিয়াছিল। অসীম গভীরভাবে বলিতেছিল, “দেখ, সোজা কথা বলি। তোদের দুজনের বিয়ে হলে আমি যত আনন্দ পাব, এত আর কেউ নয়। উষারও ঐ কথা। কাকাবাবুরও এতে খুব মত আছে। কাষেই তোর পক্ষে এতে কোন বাধা নেই। কিন্তু তবুও একটা মস্ত বাধা রয়েছে, সেটা তোকেই দূর করতে হবে।”

শুভেন্দু বিস্মিত হইয়া বলিল, “আমাকে?”

অসীম বলিল, “হাঁ, তোকেই। তোর মত ভীকু কি করবে, তাই ভাবছি। দেখ, অনেক দিন আগে তোকে একটা কথা বলেছিলুম, বোধ হয় তোর মনে নেই।”

শুভেন্দু অসুস্থভাবে বলিল, “কি?”

অসীম বলিল, “হিরোর যোগ্য পাত্র আমি খুঁজে পাইনি। রাগ করিস নি, প্রথমে তোকেও আমি তার

যোগ্য বর ব'লে মনে করতে পারিনি। হয় ত ভাববি, আমার এটা অন্তায় আবদার—আমার বোন ব'লে”—

শুভেন্দু বাধা দিয়া বলিল, “না, না, যা বলছো, সত্যিই তাই।”

অসীম বলিল, “যাই হোক, আমি তখন কাউকে হিরণীর যোগ্য ব'লে মনে করতে পারি নি, তা এতে আমার লোকে যাই বলুক, ক্ষতি নাই। ঐ সঙ্গে আরও একটা কথা বলেছিলুম মনে আছে কি? আমার বিশ্বাস ছিল, এখনও আছে যে, হিরো যাকে মন না দেবে, জগতে কেউ তাকে ওর সঙ্গে বিয়ে দিতে পারবে না। বরং ও খুবড়ো আইবুড়ো হয়ে থাকবে, তবু ভাল না বাসলে কাউকে বিয়ে করবে না। তাই বলছিলুম কি, আমাদের যতই মত থাক, তোমাকে ওর মন জানতে হবেই আগে, যদিও আমি তা খুব ভাল করেই জেনেছি।”

শুভেন্দুর মুখ শুকাইল, লগাটে শ্বেদবিন্দু দেখা দিল, সে করুণকণ্ঠে বলিল, “আমাকে?”

অসীম বলিল, “হাঁ, তোমাকে। ভাল গর্দভের পাল্লায় পড়েছি বটে! ওরে গাধা, কতবার বোলবো যে, আমি ভাই হয়ে তোর জন্তে যা করছি, কোন ব্যবসাদার ঘটকেও তা করে না? কেন করছি জানিস? তোদের দুজনের সুখশান্তির কথা ভেবে, নইলে আমার কি বয়ে গেছে রে! সাধে কি উষা অসুখ শরীরেও এখানে আসতে জেদ ধরেছিল, বললে পুরুষমানুষের দ্বারা ঘটকালি হয় না!”

শুভেন্দু গুঁক কণ্ঠে বলিল, “আমার কি করতে বল?”

অসীম বলিল, “তোমায় বলি, আমার কোলে গুরে পড়ো, আমি ঝিনুকে ক'রে দুধ খাইয়ে দিই! নেকা! দেখ, আমাদের সমাজে বাপ-ভাইরাই দেখে গুনে মেয়ের বিয়ে দেয়, এ কথা ঠিক। কিন্তু সত্যি কথা বলতে কি, আমরা হিরোকে সে রকম ক'রে মানুষ করি নি, লেখা-পড়া শেখাইনি। কাষেই ওর মতামত না জেনে”—

শুভেন্দু উত্তরোত্তর অস্বস্তি বোধ করিতেছিল, যুহুস্বরে বলিল, “কি ক'রে জানবো? ভেবে রাখি অনেক কথা বোলবো, কিন্তু ওর সামনে গেলেই আমার সব কথা গুলিয়ে যায়।”

অসীম খুব এক চোট হাসিয়া লইল, ভাবিল, এ লোককে

হইয়া সে কি করিবে! শেষে বলিল, “তুই না পুরুষ-মানুষ? এত ভয় একটা মেয়ের কাছে? দূর দূর? ড্রাই-ডেন গ্লডিংস নি? এদিকে ত আটাই কবি:—None but the brave deserves the fair! বীরভোগ্যা বসুন্ধরা কথাটাও ভেবে দেখ না। যা, যা, এই সন্ধ্যার আগে সে বাগানে বেড়ায়, একলা থাকে। যা।”

হিরণী একটা বাগিনী-ঝাড়ের পাশে দাঁড়াইয়া তাহার ক্ষুদ্র শাখা লইয়া খেলা করিতেছিল। গুভেন্দুর বুক কাঁপিতেছিল; কেবল বুক নয়, হাত-পাও কাঁপিতেছিল। বহু কষ্টে মুহূর্ত্তে সে বলিল, “হিরণী!”

হিরণী চমকিয়া পশ্চাতে ফিরিয়া চাহিয়াই দৃষ্টি অবনত করিয়া কাঠ হইয়া দাঁড়াইয়া রহিল।

গুভেন্দু সাহসে বুক বাঁধিয়া বলিল, “বোম্বাই যাবার আগে শেষ বিদায় নিতে এসছিলাম। বল, বোম্বাই যাব, কি এখানে থাকব?”

হিরণী দৃষ্টি অবনত রাখিয়াই মুহূর্ত্তে বলিল, “আমি কি বলব?”

গুভেন্দু বলিল, “হাঁ, তুমিই বলবে, তুমি যদি আমার থাকতে বল, তা হ’লে থাকবো, নইলে চিরজন্মের মত চ’লে যাব।”

হিরণী ক্ষণেক নীরব থাকিয়া বলিল, “কারুর কোথাও যাওয়া আসার উপর আমার কি হাত থাকতে পারে?”

গুভেন্দু বলিল, “কারুর সম্বন্ধে হয় ত না থাকতে পারে, কিন্তু আমার সম্বন্ধে খুবই আছে। তুমি যদি আমার থাকতে বল, তা হ’লে আমি হাতে স্বর্গ পাব—কেবল তোমার একটি মুখের কথা!”

হিরণী নীরবে নত নয়নে আড়ষ্ট হইয়া দাঁড়াইয়া রহিল, কোন উত্তর দিল না।

গুভেন্দু আবার বলিল, “একটা কথা বিজ্ঞাসা করব হিরণী, বল সোজা জবাব দেবে?”

হিরণী বলিল, “বলুন।”

গুভেন্দু বলিল, “তুমি আদালতে আমার হয়ে মিথ্যা সাক্ষ্য দিলে কেন? মিথ্যে বলকের বোঝা মাথায় ক’রে নিলে কেন?”

হিরণী যেন মাটির সহিত মিশাইয়া গেল। তাহার

মুখ-চক্ষু দেখা বাইতেছিল না, নতুবা গুভেন্দু দেখিতে পাইত, সেই মুখে তখন কি ভাবান্তর উপস্থিত হইয়াছে! ক্ষণপরে প্রকৃতিস্থ হইয়া হিরণী পরিষ্কার স্বরে বলিল, “মানুষের প্রাণ নিয়ে যখন টানাটানি, তখন সবাই ত এমন ক’রে থাকে।”

গুভেন্দু কাঁদর-করণ কণ্ঠে বলিল, “সত্যিই তাই—আর কিছুর না?”

হিরণী অক্ষুণ্ণ স্বরে বলিল, “হাঁ, সত্যিই তাই, আর কি হ’তে পারে?”

গুভেন্দু হতাশস্বরে আবার বলিল, “সত্যিই তাই—এক জন মানুষের প্রাণরক্ষার জন্তে মিথ্যে বলোহিলে? ওঃ, তবে আমি মিথ্যে স্বপ্ন দেখছিলাম? তা হ’লে চলুন। হিরণী, যাবার আগে এই বিদায় নিচ্ছি, যদি ভুলেও কখনও কোন মনঃকষ্টের কারণ হয়ে থাকি ক্ষমা ক’র।”

গুভেন্দু আর দাঁড়াইল না, দীর্ঘশ্বাস ত্যাগ করিয়া ধীরপাদবিক্ষেপে উজানের ফটকের দিকে অগ্রসর হইল। সে কামিনীঝাড়ের অন্তরালে অদৃশ্য হইলে একটি নারীমূর্ত্তি দ্রুতপদে পশ্চাৎ হইতে অগ্রসর হইয়া হিরণীকে জড়াইয়া ধরিয়া কপট অনুযোগের স্বরে বলিল, “পোড়ারমুখী বাদরী! তেজও দেখাবেন, আবার কেঁদেও মরবেন! নে, চল, পায়ে ধ’রে ফিরিয়ে আনবি চল।”

হিরণী উষারানীর বৃকে মুখ লুকাইয়া ফুঁপাইয়া ফুঁপাইয়া কাঁদিতেছিল। উষা যে শ্রাসরি মোটরে করিয়া চুপি চুপি চলিয়া আসিয়াছে, তাহা সে জানিতে পারে নাই। উষা থাকিতে পারে নাই, দাসদাসী হারপাল প্রকৃতিকে সঙ্গে লইয়া আসিয়াছে।

উষা ডাকিল, “গুভেন্দু বাবু।”

গুভেন্দু বিস্মিত হইয়া পশ্চাতে চাহিতেই আনন্দে অধীর হইয়া ছুটিয়া আসিল, হর্ষগদগদকণ্ঠে বলিল, “আপনি? আপনি কখন এলেন?”

উষা কৃত্রিম কোপ দেখাইয়া বলিল, “আপনি? আবার আপনি হলুদ কবে থেকে? তা হবুই ত, ভুল এমনি এখন, আফসোসে কি আর মাথার ঠিক আছে? নতুও তাই, তোমার জিনিস তুমি বুকে নাও, কবে সংসারের মানুষ হবে বল দিকি? ভালবাসার জিনিসকে ভালবাসাই জানাতে হয়, তাকে কি জোর করে ফেলতে হয়?”

হাসিতে হাসিতে হিরণীকে একরূপ ঠেলিয়া দিয়া উষা চলিয়া গেল।

গুভেন্দু আর এখন সে গুভেন্দু নাই, সে এইবার কোন ঘিষাবোধ না করিয়া হিরণীর করকমল ছুই হাতে চাপিয়া ধরিয়া আকুল আনন্দভরা গাঢ় স্বরে বলিল, “হিরণী! বৌদি যা ব’লে গেল, তা সত্যি?”

হিরণীর চোখে জল টলটল করিতেছে, কিন্তু তাহার মুখের ছরস্তু হাসি সে চাপিয়া রাখিতে পারিতেছিল না। গুভেন্দুকে জ্বালাতন করিবার ছষ্টবুদ্ধি তখনও সে ত্যাগ করিল না, হাসিয়া বলিল, “আমার বৌদিকে বৌদি বলছ তুমি কোন অধিকারে? কে তোমায় সে অধিকার দিয়েছে?”

গুভেন্দুর আঙ্গ মুখ ফুটিয়াছে, হিরণীর এ শাস্ত প্রেমের মূর্তি ত সে কখনও দেখে নাই। সে তাহাকে আরও কাছে টানিয়া আনিয়া বলিল, “ভালবাসাই আমায় এই অধিকার দিয়েছে, হিরণী! বল না, বৌদি যা ব’লে গেল, তা সত্যি কি না? এই—তুমি সত্যিই আমার জিনিষ কি না?”

হিরণী হাসিয়া বলিল, “মানুষ আবার জিনিষ হয় না কি, বা রে!”

গুভেন্দু ভাবিতেছিল, এই হিরণী কি সেই আগের হিরণী? সে তখন জানিত না বোধ হয়, ভালবাসা মানুষের কি পরিবর্তন করিতে পারে! প্রকাশে গুভেন্দু বলিল, “তোমাদের ভেতরটা এত মিষ্টি? উঃ, বাইরেটা কি ভয়ঙ্কর!—সত্যিই ভয় করে!”

হিরণী বলিল, “ভয় করে? উঃ, খুব পুরুষমানুষ তা!”

গুভেন্দু গম্ভীরভাবে বলিল, “সত্যিই মীরাবাই বলেছিল, প্রেমের রাজ্যে এক প্রেমের ঠাকুরই পুরুষমানুষ, আর সবাই মেয়েমানুষ। যাক, এইবার বল, আমি বোম্বাই যাব, কি এখানেই থাকব? স্বর্গ, না নরক,—আমার জন্মে কি ব্যবস্থা করছ?”

হিরণীর চোখের পাতা আবার ভিজিয়া আসিল। হাসি-কান্নার মাঝে সে গুভেন্দুর বুকে মুখ লুকাইয়া মধুর মৃদুকণ্ঠে বলিল, “তুমি বোম্বাই গেলে আমিও যাব!”

সমাপ্ত


শ্রীসত্যেন্দ্রকুমার বসু (সাহিত্যরত্ন)।

## সংসারের সিন্ধুতীরে

সে কোন্ নির্ছুর পতি স্বার্থ-সিদ্ধি-প্রয়োজনে, করুণ সঙ্গীতে পুত্রহার। রক্ষাবধু সরমার হৃদয়ের চিতাটি জ্বালায়।  
ছুর্যাসার কোপানলে ছয়স্তের উপেক্ষিতা বসন্ত-নিশীথে ভূতলে লুটার কোথা? পুষ্পগুলি গুহতার বিচ্ছেদ-মালায়।  
কোথায় অহল্যা কান্দে পাষণের অন্ধকারে আর্তনাদ করি’ সীতার নয়ন-জল উথলিছে দূর কোন্ অশোক কাননে,  
দ্রৌপদীর হাহাকারে ঝরিতেছে ধরণীর আশার মঞ্জরী বিরলে বসিয়া রহে দগ্ধভাগ্য দময়ন্তী বিগুহ আননে;  
কোথা নর-নারায়ণ সর্বহারী বুভুক্ষায় হয়েছে উতল, তোর কি পশে না কাণে, অন্তরে ওঠে না ব্যথা-বেদনা-লহর?  
অশান্ত শিশুর মত তুই গুধু কল্পনার কুড়ায়ে উপল সংসারের সিন্ধুতীরে কাটাইলি জীবনের সারাটি প্রহর!  
ওই যে ক্রন্দন-রোল দিক্ হ’তে দিগন্তরে উঠিছে কুলিয়া, তারি মাঝে আয় তুই, অকারণে রয়েছিস্ সবারে ভুলিয়া।

শ্রীঅপূর্বকক’ভট্টাচার্য।





( গল্প )

“কলকাতার উমির জন্ম একটি পাত্র দেখে এলাম। এখন প্রজাপতির নির্বন্ধ।”

স্বামীর মুখে কস্তার জন্ম একটি পাত্রের সন্ধানের সংবাদ পাইয়া গৃহিণী মহামায়া বলিলেন, “তাদের মত আছে? অবস্থা কেমন? ছেলেটি কি করে? ছেলের বাপ মা আছে? ছেলেটি দেখতে কেমন?”

পত্নীর মুখে একেবারে প্রমত্তমালা শ্রবণ করিয়া জগদীশ পাল বলিলেন, “কাপড়-চোপড় ছেড়ে, মুখ-হাত ধুয়ে সব কথা বলছি। উমা, এক কলকে তামাক সাজ দেখি।”

বিবাহের নামে কস্তা অদৃষ্ট হইয়াছিল। এখন পিতার আহ্বান শুনিয়া ঘরের বাহিরে আসিল এবং পিতার হঁকা হইতে কলিকাটি তুলিয়া লইয়া দেওয়ালের কুলঙ্গি হইতে তামাক ও টিকা লইয়া রান্নাঘরে প্রবেশ করিল। জগদীশ হাত-মুখ ধুইয়া বস্ত্র পরিবর্তন করিলেন, উমা কলিকায় ফুঁ দিতে দিতে হঁকাটি আনিয়া পিতার হাতে প্রদান করিল এবং উপরের ঘরে চলিয়া গেল। গৃহিণী ইতিমধ্যে ছুই চারিটা সাংসারিক কায শেষ করিয়া স্বামীর নিকটে আসিয়া বলিলেন, “তাদের অবস্থা কেমন?”

জগদীশ বলিলেন, “অবস্থা মাঝামাঝি। কস্তার ঐ একটি ছেলে আর একটি মেয়ে। মেয়েটি ছোট, বছর আট হবে। ছেলে একটা পাশ করে কলেজে পড়ে। ছেলের বাপ একটা সাহেবের আফিসে কায করে, টাকা সত্তর মাইনে পায়। কলকাতার চাপা-তলার নিজের বাড়ী আছে। নীচের তলা ভাড়া দেওয়া, ক’খানা দোকান আছে, মাসে টাকা চল্লিশ ভাড়া পায়। মোটের উপর শ’খানেক টাকা মাসিক আয় আছে। ছেলেটির বয়স বছর কুড়ি হবে; বেশ মোটা-সোটা, রং বেশ ফর্শা। যদি হয়, তবে উমার সঙ্গে বেশ মানাবে। ছেলের নাম ভোলানাথ। নামেও উমার সঙ্গে বেশ মিলন হবে। ভোলানাথ আর উমা।”

গৃহিণী একটু হতাশভাবে বলিলেন, “তা’ ত হ’ল, কিন্তু মিন্বে চাকরি করে শুনে মনটায় কেমন খটকা লাগল। সাহেবের আফিসে চাকরি, পল্পপাতার জল, এই আছে এই নেই। গন্ধবেণের ছেলে, একটা দোকান-টোকান কয়েনি কেন?”

“ব্যবসাবুদ্ধি কি সকলের থাকে? যে ব্যবসা বোঝে না, সে ব্যবসাতে গেলে ঠকতেই হবে। ছেলেবেলা থেকে শিকি না হ’লে কি ব্যবসাতে কেউ লাভ কর্তে পারে?”

“বিয়ে দিতে তাদের মত আছে?”

“এখনও পাকা কথা কিছু বের নি। বলছে, মেয়ে দেখে পছন্দ হলে, তবে অল্প কথা হবে। তারা চার কলী মেয়ে।

আমাদের জাতে বামুন কায়েত বদি কি সোনারবেণের মত কপা মেয়ে কটা আছে? তাই মনে হয় উমাকে দেখে তাদের পছন্দ হবে। নিজের মেয়ে বলে নয়, আমাদের জাতে উমার মত সুন্দরী মেয়ে কটা দেখতে পাওয়া যায়? উমা ত সাক্ষাৎ উমা।”

গৃহিণী কস্তার রূপের পৌরবে গৌরব অল্পতব করিয়া বলিলেন, “তা’ সত্যি কথা। মা’র আমার যেমন মুখ তেমনি রং—বেন কাঁচা হলুদ। এক এক দিন মনে হয়, এমন সোণার বরণ উমা, হয় ত কপালক্রমে কালো ছেলের হাতে পড়বে।”

“তাই যদি হয়, তা’ মন্দ কি? রাম-সীতার মিলন হবে। কিন্তু চাপাতলার ছেলেটির সঙ্গে যদি বিয়ে হয়, তা হ’লে একেবারে রাজঘোটক—বেন হরগৌরীর মিলন হবে।”

“তারা মেয়ে দেখতে কবে আসবে?”

“চাকরে মাছুষ, রবিবার ভিন্ন কি আসতে পারবে? রজনী বলেছে, তারা যে রবিবারে আসবে, তার আগে আমাকে খবর দেবে।”

“এ জোগাড় হ’ল কি করে?”

“রজনীর এক বন্ধু এর ঘটক। সেই বন্ধুটি বরের বাপের সঙ্গে এক আফিসে কায করে।”

“দেখ কি হয়। মেয়ের কপাল, যার হাঁড়িতে চাল দিয়ে এসেছে, তার ঘরে যেতেই হবে।” এই বলিয়া মহামায়া রান্নাঘরে গমন করিলেন, জগদীশ আপন মনে ধূষপান করিতে লাগিলেন।

জগদীশ পালের পৈতৃক নিবাস সপ্তগ্রামের সন্নিক্ত হলুদপুর নামক গ্রামে। তাঁহার পিতা চুঁচুড়াতে আসিয়া বাস করেন চুঁচুড়ার খোড়া বাজারে তিনি একখানা মশলার দোকান করিয়া ছিলেন। প্রথম কয়েক বৎসর তিনি একাকী চুঁচুড়াতে থাকিতেন, দোকানের উন্নতি হওয়াতে তিনি চুঁচুড়াতেই গৃহ নির্মাণ করাইয়া হলুদপুর হইতে পরিবারবর্গকে চুঁচুড়াতে লইয়া আসেন। জগদীশ তাঁহার একমাত্র সন্তান। তিনি পুত্রকে লেখাপড়া শিখাইতে ইচ্ছুক হইয়া ভগলী কলেজের স্কুল বিভাগে ভর্তি করিয়া দিয়াছিলেন। জগদীশ বাল্যকাল হইতে বুদ্ধিমান ও গভীর-প্রকৃতি ছিলেন। ক্লাসে তিনি ভাল ছেলে বলিয়াই গণ্য ছিলেন। জগদীশের পিতা সর্বদাই পুত্রকে বলিতেন, “বাবা, তিনটে পাশই কর আর চারটে পাশই কর, বেণের ছেলে বেন বামুন-কায়েতের মত গোলামি করতে বেও না। মা পছন্দখরীর টাট বজার রেখ, মার আশীর্বাদে দশ জনকে প্রতিপালন করতে পারবে।” জগদীশকে কিন্তু তিনটে বা চারটে পাশ করিতে হইল না, আই-এ পাশ করিবার এক বৎসর পবেই তাঁহার পিতৃবিয়োগ হইল। জগদীশও পিতার উপদেশ অনুযায়ী ‘পছন্দখরীর টাট’ পৈতৃক দোকানে গিয়া বসিলেন।

স্কুলে পড়িবার সময় রজনীকান্ত খোব নামক এক কারু সন্তান

ঠাহার সতীর্থ ছিলেন। রজনীর সহিত জগদীশের বিশেষ সখ্যতা ছিল। প্রত্যহ রাসে দুই জনে একত্র বসিতেন, তাই রাসের ছাত্ররা তাহাদিগকে ‘মণিকবোড়’ বলিত। পিতৃবিয়োগ হওয়াতে জগদীশ সরস্বতীর আশ্রয় ত্যাগ করিয়া লক্ষ্মীর শরণ লইতে বাধ্য হইয়াছিলেন, রজনী সরস্বতীর সেবাতেই প্রবৃত্ত রহিলেন এবং রথাসময়ে লক্ষ্মী কলেজ হইতে বি. এ পাশ করিলেন। রজনীর পিতা মধ্যবিত্ত গৃহস্থ ছিলেন, ঠাহার দুই বিবাহ ছিল। রজনী প্রথমা স্ত্রীর গর্ভজাত। রজনীর মাতার মৃত্যুর পর ঠাহার পিতা পুনরায় বিবাহ করিয়াছিলেন এবং এই দ্বিতীয়া পত্নীর গর্ভে ঠাহার দুইটি পুত্র ও একটি কন্যা হইয়াছিল। রজনীর মাতামহ কলিকাতার লোক, ঠাহার অবস্থাও বেশ ভাল ছিল। রজনীর মাতা ঠাহার একমাত্র সন্তান ছিলেন, সুতরাং মাতামহের সম্পত্তি পরে রজনীই পাইয়াছিলেন। রজনী বি. এ পাশ করিবার পর ঠাহার মাতামহের মৃত্যু হইল। তখন রজনী চুঁচুড়ায় পৈতৃক বাটার অংশ ও অল্প সম্পত্তি বৈমাত্রেয় ভ্রাতাদিগকে দান করিয়া কলিকাতায় গিয়া বাস করিলেন। রজনীর সহিত জগদীশের বাসাসখাতা কিন্তু অক্ষুণ্ণই রহিল।

জগদীশের পিতার সময়ে ঠাহার দোকানে কেবল মশলাই বিক্রয় হইত। জগদীশ দোকানের অনেক উন্নতি করিলেন। দোকানে পৈতৃক আমলের মশলা ত রহিলই, তাহার উপর জগদীশ কাগজ, কালি, কসম, পেন্সিল, সূচ, সূতা নানাপ্রকার বিলাতী ও দেশী ঔষধ, বিলাতী মাটি প্রভৃতিও বিক্রয়ের ব্যবস্থা করিলেন, ফলে দুই তিন বৎসরের মধ্যে জগদীশের দোকানই খোড়োবাজারে বড় দোকান বলিয়া গণ্য হইল। সুতরাং দোকানে তিন চারিজন কর্মচারীও রাখিতে হইল। চুঁচুড়ার সকলেই জানিত—জগদীশ এক কথার মানুষ, ঠাহার দোকানে কোন মিনিষের দরদস্তুর করিতে হয় না। জগদীশ পিতার নিকট বহু বার শুনিয়াছিলেন “খরিদারই দোকানদারের লক্ষী। খরিদারকে ঠকাইলে মা-লক্ষীকে ঠকান হয়।” তাই জগদীশ নিজে ঠকিলেও কখনও খরিদারকে ঠকাইবার কল্পনাও করিতে পারিতেন না।

দোকানের প্রয়োজনীয় পণ্যক্রয় করিবার জন্য জগদীশকে প্রতি সপ্তাহেই একবার বা দুইবার কলিকাতার বাইতে হইত; সেই সময় তিনি রজনীর সঙ্গে দেখা করিতেন। রজনীকে সংসারের ভাবনা ভাবিতে হইত না, মাতামহের আশীর্ষাদে বেশ স্বচ্ছন্দভাবেই ঠাহার সংসার চলিয়া বাইত।

এইরূপে কিছুকাল অতিবাহিত হইবার পর, রজনীর পরামর্শে জগদীশ কলিকাতার বড়বাজারে একখানা ঔষধের দোকান করিলেন। দোকানের জন্য আবশ্যিক মূলধন জগদীশ দিলেন, রজনী সেই দোকানের কর্মকর্তা হইলেন এবং দোকানের চারি আনা অংশী হইলেন। কলিকাতার এই নূতন দোকানের কথা জগদীশ কাহারও কাছে—এমন কি, মহামায়ার কাছেও প্রকাশ করেন নাই। তিনি স্থির করিয়াছিলেন যে, যদি দোকানে লাভ হয় এক দোকান স্থায়ী হয়, তাহা হইলেই তিনি দোকানের কথা পত্নীর নিকটে প্রকাশ করিবেন, যদি ক্ষতি হয়, তাহা হইলে দোকান তুলিয়া দিবেন।

সংসারের জগদীশের উন্নতি হইলেও তিনি চাল বদলান নাই। পিতৃকালে একটি কলমের হাতকাটা মিনকাই পায়ে দিয়া এবং

অল্প খরচতে তিনি অনাবৃত শরীরে দোকানে বসিয়া থাকিতেন। মোটের উপর চুঁচুড়ার সেই পুরাকালের বেণের দোকানই ছিল, সে দোকানে টেবল চেয়ার প্রবেশ করে নাই। কলিকাতার দোকান কিন্তু সম্পূর্ণ অন্তরূপ ছিল। সে দোকানে ইংরেজের দোকানের অমুরূপ সকল ব্যবস্থাই ছিল। সে দোকানের কর্মচারীরা রজনী বাবুকেই দোকানের স্বত্বাধিকারী বলিয়া জানিত, সে দোকানের প্রকৃত মালিক যে জগদীশ পাল, তাহা কেহই জানিত না। জগদীশ কলিকাতার দোকানে প্রায়ই বাইতেন না, বাইলেও আধঘণ্টা বা এক ঘণ্টার অধিক থাকিতেন না। কলিকাতার দোকান সম্বন্ধে বাহা কিছু আলোচনা বা পরামর্শ সমস্তই রজনী বাবুর বাটাতে হইত।

২

জগদীশ পত্নীর নিকটে বলিয়াছিলেন, চাঁপাতলাখ উমার বিবাহের প্রস্তাব হইয়াছে। পাত্রের নাম ভোলানাথ। ভোলানাথের পিতা অবিনাশচন্দ্র দত্ত কলিকাতার Landraff Slimann নামক এক জার্মান কোম্পানির আফিসে কার্য করিতেন। ঐ কোম্পানি জার্মানি হইতে বেশি ও পশ্চিম কাগড়, ঔষধ, নানাপ্রকার কলকজা প্রভৃতি বিবিধ জব্য কলিকাতায় আমদানি করিতেন। অবিনাশ ঐ আফিসে ঔষধ বিভাগের “বড়বাবু” ছিলেন। রজনীর বন্ধু হরিপ্রসন্ন ঐ আফিসে অন্য এক বিভাগের বড়বাবু ছিলেন। তিনি একদিন কথায় কথায় রজনীকে বলিলেন যে, ঠাহাদের আফিসের অবিনাশ বাবু পুত্রের জন্য একটি গৌরাদী স্ত্রী পাত্রী অন্বেষণ করিতেছেন। তাহা শুনিয়া রজনী বলিলেন যে, চুঁচুড়াতে ঠাহার এক বন্ধুর বিবাহযোগ্য একটি স্ত্রী মেয়ে আছে। অবিনাশ সেই কথা শুনিয়া বলিলেন, আগে মেয়েটিকে দেখে যদি পছন্দ হয়, তবে অল্প কথাবার্তা হইবে। তিনি অনেক পাত্রীই দেখিয়াছেন, কিন্তু কোন পাত্রীই ঠাহার মনোনীত হয় নাই। জগদীশ কলিকাতায় গিয়া রজনীর নিকটে ঐ কথা শ্রবণ করিলেন ও একদিন চাঁপাতলাতে গিয়া অবিনাশের সহিত সাক্ষাৎ করিলেন এবং পাত্রী দেখিবার জন্য আমন্ত্রণ করিয়া আসিলেন।

আট দশ দিন পরে জগদীশ অবিনাশের নিকট হইতে একখানা পত্র পাইলেন। অবিনাশ লিখিয়াছেন যে, তিনি পরবর্তী বিবাহের অপরাহ্নকালে হরিপ্রসন্ন এবং অপর দুই জন আত্মীয় সহ পাত্রী দেখিতে চুঁচুড়ায় বাইবেন। যদি পাত্রী পছন্দ হয়, তাহা হইলে সেই দিনই বিবাহের দিন স্থির করিয়া আসিবেন। জগদীশ যখন অবিনাশের পত্র পাইলেন, তখন রজনী কলিকাতায় ছিলেন না, ঔষধের দোকানের কার্য-উপলক্ষে এলাহাবাদ বাইতে হইয়াছিল। তিনি মধ্যে মধ্যে এইরূপ কার্য-উপলক্ষে বিদেশে বাইতেন।

নির্দিষ্ট দিনে অবিনাশ হরিপ্রসন্ন এবং অন্য দুই জন ভ্রাতৃলোকের সহিত জগদীশের বাটাতে উপস্থিত হইলেন। জগদীশ বিলাস-বিমুগ্ন ছিলেন। ঠাহার বাটাটি বেশ পরিষ্কার করণের হইলেও তাহাতে কোনরূপ বিলাসোপকরণ ছিল না। সদরে বৈঠকখানাঘরে ঘরঝোড়া তক্তাপোব, তাহার উপর সতরঞ্চ ও জাকিম পাভা এবং তিন চারিটা তাকিয়া ছিল। জগদীশ সকাল হইতে সন্ধ্যা পর্যন্ত দোকানে থাকিতেন, বৈঠকখানাতে ঠাহার বসিবার

অবকাশই ছিল না। বাটতে অল্প কোন পুরুষ না থাকতে দিনমানে বৈঠকখানা বন্ধই থাকিত।

যথাসময়ে অবিনাশ সদলে জগদীশের বাটতে উপস্থিত হইলে জগদীশ করমোড়ে সকলকে অভ্যর্থিত করিলেন। আগন্তুকগণের মধ্যে একজন বয়োবৃদ্ধ ব্রাহ্মণ ছিলেন, জগদীশ তাঁহাকে ডুমিঠ হইয়া প্রণাম করিয়া তাঁহার পদধূলি গ্রহণ করিলেন। প্রতিবেশী তিন চারি জন ভক্তলোক পূর্বে হইতেই বৈঠকখানাতে বসিয়াছিলেন। জগদীশ বাটার ভিতর হইতে একখানা আসন আনাটয়া জাজিমের এক পার্শ্বে পাতিয়া আগন্তুক ব্রাহ্মণকে সেই আসনে বসিতে বলিলেন।

প্রায় আধ ঘণ্টা নানারূপ আলাপ আলোচনা ও ধূমপানে অতীত হইলে অবিনাশ বলিলেন, “পাল মহাশয়, এইবার আপনার কত্নাকে আনান, আমরা দেখি।”

বৃদ্ধ ব্রাহ্মণ বলিলেন, “এখন সময় ভাল আছে, এরপর আবার বারবেলা পড়বে।”

জগদীশ প্রতিবেশী একটি বালককে বলিলেন, “বাবা উমেশ, ডুমি গিয়ে উমাকে সঙ্গে করে এইখানে নিয়ে এস।”

হরিপ্রসন্ন সহাস্তে বলিলেন, “আপনার কত্নার নাম বুঝি উমা ? তা বেশ হয়েছে, অবিনাশ বাবুর ছেলেও ভোলানাথ।”

বৃদ্ধ ব্রাহ্মণ উচ্চ হাস্ত করিয়া বলিলেন, “বাঃ বাঃ, এ যে নামের স্বাক্ষরটক। অ্যা, উমা আর ভোলানাথ। বেশ বেশ।”

কক্ষকাল পরে সেই বালকের সঙ্গে উমা বৈঠকখানার প্রবেশ করিল এবং প্রথমে ব্রাহ্মণকে ও পরে অপর সকলকে প্রণাম করিয়া জড়সড় হইয়া এক পার্শ্বে উপবেশন করিল। হরিপ্রসন্ন বলিলেন, “এইখানে জানালার দিকে মুখ করে বস ত, মা।”

উমা সরিয়া গিয়া নির্দিষ্ট স্থানে উপবেশন করিলে সকলে বিশ্বয়-বিমুগ্ধ নেত্রে বালিকার রূপরূপি দর্শন করিতে লাগিলেন। বাস্তবিকই উমা নিখুঁত সুন্দরী। মাথার চুল হইতে পায়ে নখ পর্যন্ত সমস্তই সুন্দর। কিয়ৎক্ষণ পরে বৃদ্ধ ব্রাহ্মণ বলিলেন, “অবিনাশ, মেয়ের রূপ দেখ, বেন সাক্ষাৎ মা গৌরী হিমালয় থেকে নেমে এসেছেন। এ মেয়ে যার ঘরে যাবে, তার পরম সৌভাগ্য। দেখি দিদি তোমার হাত দেখি।” এই বলিয়া ব্রাহ্মণ উহার বাঁ হাতখানি ধরিয়া নিবিষ্টচিত্তে করবেখা দেখিতে লাগিলেন এবং মধ্যে মধ্যে মাথা নাড়িয়া আনন্দ প্রকাশ করিতে লাগিলেন। অবশেষে উমাকে বলাইয়া, তাহার কণ্ঠের তুলিয়া, তাহার হস্তভঙ্গী দেখিয়া বৃদ্ধ বলিলেন, “দর্শনলক্ষণা কত্না। স্বয়ং লক্ষ্মী। এ মেয়ে যে ঘরে যাবে, সে ঘরে লক্ষ্মী অচঞ্চলা হ'রে থাকবেন।”

উমাকে বাহা কিছু পরীক্ষা করিবার, সেই বৃদ্ধই করিলেন, জগদীশের প্রতিবেশীরা উমার দীর্ঘবুদ্ধি, দয়া, দাক্ষিণ্য প্রভৃতির উল্লেখ করিয়া মধ্যে মধ্যে মন্তব্য প্রকাশ করিতে লাগিলেন। অবশেষে অবিনাশ বলিলেন, “বাঃ মা ডুমি বাড়ী বাও, এখানে আর কষ্ট করে আড়ষ্ট হয়ে বসে থাকতে হবে না।”

উমা প্রস্থান করিলে সকলেই একবাক্যে উমার রূপের প্রশংসা করিতে লাগিলেন। বৃদ্ধ ব্রাহ্মণ বলিলেন, “ও গো, কেবল রূপ দেখে সুখ্যাতি করে কি হবে ? মেয়ের লক্ষণালক্ষণ দেখতে হয়। আমার বয়স বাট পার হয়েছে, কিন্তু এমন সুলক্ষণা মেয়ে কখন দেখিনি।”

তখন জগদীশ অবিনাশকে বলিলেন, “এত মহাশয় কি বলেন ?”

অবিনাশ বলিলেন, “আমি আর কি বলব ? মেয়ে পছন্দ হয়েছে, তা বলাই বাহুল্য। এখন অস্তিত্ত বিবাহের যীমাংসা হলেই বিবাহের দিন স্থির করা যায়।”

জগদীশ বলিলেন, “অস্তিত্ত বিবাহ কি ? দেনা পাওনা ? আমার ঐ একট মেয়ে। ওর আগে অনেকগুলি সন্তান হয়েছিল, কিন্তু ভগবান তাদের পরমায়ু দেন নাই। এই কত্নাটিই শেষ। দেবতা-ব্রাহ্মণের আশীর্ব্বাদে এইটিই আমার সখল। আমার যা কিছু কুড় কুড়ো আছে, সবই ঐ মেয়ের।”

হরিপ্রসন্ন বলিলেন, “সে ত ঠিক কথা। তবে কি না, আজ কালকার একটা প্রথা হয়েছে, বিবাহের পূর্বে দেনা-পাওনা সব্বন্ধে একটা যীমাংসা—”

অবিনাশ পকেট হইতে একখানা ফর্দ বাহির করিয়া হরিপ্রসন্নর হাতে দিয়া বলিলেন, “এই কাগজটা দেখলেই দত্ত মশাই সব জানতে পারবেন।”

জগদীশ হরিপ্রসন্নর হাত হইতে ফর্দখানা লইয়া একবার আগাগোড়া দেখিয়া বলিলেন, “এই আপনারা চান ? আমি এর চেয়ে ঢের বেশী দেব। আর কোন কথা আছে ?”

অবিনাশ অপ্রস্তুত হইয়া বলিলেন, “আর কি কথা ? হ্যা, একটা কথা আছে। আমি এই ফাল্গুন মাসেই বিবাহ দিতে চাই : কারণ, বৈশাখ মাসটা ভোলার জন্মমাস। তার পর জ্যৈষ্ঠ মাস থেকে অকাল। শ্রাবণ মাসের শেষে বিবাহের দিন আছে বটে, কিন্তু বর্ষা-বাদলে বড়ই অসুবিধা—বিশেষতঃ কলকাতায়। তাই আমি এই মাসেই বিবাহ দিতে চাই।”

জগদীশ বলিলেন, “বেশ। তাই হবে। এখন অমুগ্রহ করে গা তুলে একবার ভিতরে যেতে হবে। ওত কাষ মিঠমুখে আরম্ভ করতে হয়।”

অনন্তর জগদীশের পর, বৈঠকখানার আসিয়া পঞ্জিকা লইয়া বিবাহের লগ্ন স্থির করা হইল। অনেক আলোচনা ও উর্ক-বিতর্কের পর ২৭শে ফাল্গুন শনিবার বিবাহের দিন স্থির করা হইলে অবিনাশ সদলে প্রস্থান করিলেন।

৩

পরদিন জগদীশ, এলাহাবাদে রজনীকে একখানি সুদীর্ঘ পত্র লিখিলেন। পত্রে প্রথমে কাষ-কর্কের কথা লিখিয়া পরে উমার বিবাহের কথা লিখিলেন। পত্রের উপসংহারে লিখিলেন, “অবিনাশ বাবু লোক মন্দ নহেন, তবে আমরা পাড়ারগারের দোকানদার, তিনি সহরের চাকরে বাবু। তাঁর কথার ভঙ্গীতে ও চালচলনে কেমন কেমন বেন একটু লেম্বাক মাখান। তিনি মেয়ে দেখতে এসে পকেট থেকে একখানা ফর্দ বার করে আমাকে দেখালেন। সেই ফর্দে বরাভরণ, গহনা, ফুলশয্যা প্রভৃতির একটা হিসাব ছিল। আমি ফর্দ দেখে বখন বললাম যে, আমি আপনার ফর্দ অপেক্ষা অনেক বেশী দিব, তখন তিনি অপ্রস্তুত হয়ে ফর্দখানা পকেটে রেখে দিলেন। বিবাহে, বরণক্ষ হইতে এইরূপ ফর্দ দেওয়া বা টাকা-কড়ি সব্বন্ধে দর-কষাকষি করা আমি পছন্দ করিনে। বাহা হউক, কথাবার্তা পাকা হয়ে, ২৭শে ফাল্গুন শনিবার বিবাহের দিন স্থির হয়েছে। এখন মেয়ের বয়স। বিবাহের অন্ততঃ এক সপ্তাহ



পূর্বে তোমার আসা চাই। তুমি না এলে আমি বড়ই মুন্সিলে পড়ব।”

চারি দিন পরে রজনীর পত্রের উত্তর আসিল। উমার বিবাহের সম্বন্ধ স্থির হইয়াছে জানিয়া তিনি আনন্দ প্রকাশ করিয়া পত্র লিখিয়াছেন। অবিনাশের সম্বন্ধে তিনি লিখিয়াছেন— “অবিনাশ বাবুর ব্যবহারে তুমি ক্ষোভ প্রকাশ কবেছ, কিন্তু আমি ত ক্ষোভের কারণ কিছু দেখি না। তুমি অবিনাশ বাবুর যে দোষের কথা লিখেছ, সেটা তাঁর দোষ নয়, কলিকাতার আবহাওয়ার দোষ। কলিকাতা অঞ্চলে শতকরা নিরানব্বই জন লোক ছেলের বাপ হলে মনে করে যে, তারা মেয়ের বাপের হাতে মাথা কাটিতে পারে। আমি হরিপ্রসন্ন বাবুর মুখে শুনেছি, অবিনাশ বাবু লোক মন্দ নহেন। তাঁর প্রাণটা সাদা, তবে দোষের মধ্যে একটু বদ্মেজাজী, খড়ের আঙুন এক কথায় জ্বলে ওঠে, তবে সে আঙুন বেশীক্ষণ থাকে না। হরিপ্রসন্ন বাবু বলেন যে, অবিনাশ বাবুর স্ত্রী একে-বারে মাটির মানুষ। মুখে সর্বনা হাসি লেগে আছে, তাঁর মুখ দিয়ে কখনও একটা কড়া কথা বেরায় না। ভোলা তাঁদের একমাত্র সন্তান, তাঁদের কাছে উমার কোন অনাদর হবে না, বরং শান্তুড়ীর কাছ থেকে উমা অতিরিক্ত আদরই পাবে। উমাকে সেই ছোটবেলার দেখেছি, তাতেই আমার ধারণা হয়ে আছে যে, সে কখনও অসুখী হবে না। অবিনাশ বাবুর সঙ্গে আমার একদিনও চাক্ষুষ আলাপ হয় নাই, হরিপ্রসন্ন বাবুর মুখেই তাঁর কথা শুনেছি। কলিকাতায় গিয়ে এইবার আলাপ-পরিচয় করব। উমার বিবাহে আমি নিশ্চয়ই উপস্থিত থাকব, সে বিষয় তুমি নিশ্চিত থাকিও। আজ স্নাত্রেই আমি কানপুর যাব, সেখানে দিন দুই থেকে আমি লক্ষ্মী যাব। এই পত্রের উত্তর তুমি লক্ষ্মী-হস্তরতগঞ্জে ঔষধ-বিক্রেতা হামিদ মহম্মদের দোকানে দিও। লক্ষ্মীএ বোধ হয় পাঁচ সাত দিন থাকিব। লক্ষ্মী হইতেই কলিকাতায় যাইবার ইচ্ছা আছে। ইতি।”

অবিনাশ চূঁচুড়া হইতে কলিকাতায় ফিরিয়া গিয়াই পত্নী গিরিবালায় নিকটে শতমুখে উমার রূপের প্রশংসা করিলেন। বলিলেন, “এত মেয়ে দেখলুম, কিন্তু আজ যে মেয়ে দেখে এলুম, তেমন সুন্দরী মেয়ে আমাদের গল্পবেশে ত দুবের কথা, বায়ুন-কায়েতের ঘরেও বড় দেখতে পাওয়া যায় না। বৌ দেখে লোক বলবে—হাঁ, একটা মেয়ে বটে। মা দুর্গার কাছে যেমন লক্ষ্মী সরস্বতী করে দেয়, এ মেয়ে ঠিক তেমনি।”

গিরিবালা বলিলেন, “তারা লোক কেমন?”

“লোক মন্দ বলে ত মনে হ'ল না। তবে পাড়ার্গেয়ে দোকান-দার, আমাদের কলকাতার লোকের মত সভা ভবা কি ফিট ফাট নয়। ইংরেজি লেখা পড়া জানে বলে মনে হ'ল না, আমি যখন হরিপ্রসন্ন বাবুর সহিত ইংরিজিতে কথাবার্তা কইতেছিলাম, তখন মেয়ের বাপ বোকার মত হাঁ করে আমাদের মুখপানে চেয়েছিল। তাইতেই মনে হল, ইংরিজি জানে না, সামান্ত বাঙ্গালী কিছু শিখেই দোকান ক'রে বসেছে।”

“বাড়ী ঘর কেমন দেখলে? কোঠা বাড়ী না খোড়ো বাড়ী?”

“খোড়ো বাড়ী নয় কোঠা বাড়ী, বাড়ীর অন্দরটা দোতলা। বাড়ী ঘর মন্দ নয়, ঘরগুলি বেশ বড় বড়, কলকাতার বাড়ীর মত

পায়চারি খোপ নয়। খিড়কীতে পুকুরে সানবাধান ঘাট, বাগান, তা মন্দ নয়।”

“দেনা পাওনার কথা কিছু হল?”

“হাঁ, সব কথা আমি মিটিয়ে এসেছি। আমার ফর্দ দেখে বললে—‘এর চেয়ে আমি বেশী দেব, আমার ঐ একটা মেয়ে, আমাকে কিছু বলতে হবে না।’ হরিপ্রসন্ন বাবু ও চক্কোত্তী খুড়ো পাঞ্জি দেখে একেবারে বিয়ের দিন পর্যন্ত ঠিক করেছেন। এই ২৭শে তারিখে বিয়ে।”

গিরিবালা বলিলেন, “তবে আর দেবী কোথা? মাঝে ত পনের যোল দিন। পাকা দেখা, গায়ে হলুদ এসব কবে হবে?”

“সে সেই বিয়ের সময় সময় হবে। তুমি এখন থেকে উয়ুগ আয়োজন কর।”

“তা কর্তে হবে বৈ কি। একলা লোক, দিনও বেশী নেই।”

উয়ুগ আয়োজন উত্তর পক্ষেই হইতে লাগিল। বিবাহের দিনও ক্রমশঃ নিকটবর্তী হইতে লাগিল। ২০শে ফাল্গুন জগদীশ, পুরোহিত এবং চার পাঁচ জন আত্মীয়-বন্ধুকে সঙ্গে লইয়া পাত্র আশীর্বাদ করিয়া আসিলেন। আশীর্বাদ বা “পাকা দেখা” উপলক্ষে অবিনাশ আহাৰ্যের বেকুপ আয়োজন করিয়াছিলেন, তাহা দেখিয়া জগদীশ বিস্মিত হইলেন। অবিনাশ মধ্যবিত্ত গৃহস্থ, কোনরূপে সংসারযাত্রা নির্বাহ করেন, কিন্তু খাজের আয়োজন করিয়াছেন রাজা-রাজড়ার মত। জগদীশ আসনে উপবেশন করিয়া বলিলেন, “নস্তমশাই, এ করেছেন কি? আমরা পাড়ার্গায়ের সামান্ত দোকানদার, আমাদের জন্ত এত বাহুল্য ক'রে আয়োজন করেছেন কেন?”

অবিনাশ সবিনয়ে বলিলেন, “কি আর আয়োজন করেছি? পাকা দেখায় আজকালকার ব্যবস্থাই এই রকম হয়েছে। এ রকম না করলে নিশ্চয় হয়।”

জগদীশ বলিলেন, “কে জানে মশাই আপনাদের কল-কাতার ব্যবস্থা, আমাদের ওদিকে এখনও এতটা বাড়াবাড়ি হয় নাই।”

পরদিন অবিনাশ উমাকে আশীর্বাদ করিয়া আসিলেন। জগদীশ ভাবী জামাতাকে একখানা মোহর দিয়া আশীর্বাদ করিয়াছিলেন, অবিনাশ একখানা গিনি দিয়া উমাকে আশীর্বাদ করিলেন। জগদীশ, আশীর্বাদের দিন আগন্তুকদিগের জন্ত সাধা-সাধা আহাৰ্যের ব্যবস্থা করিয়াছিলেন, অবিনাশের মত “আজ-কালকার” ব্যবস্থা অসুখারী ছত্রিশ প্রকার ব্যঞ্জন, পাঁচ সাত প্রকার চাটনী এবং ত্রিশ প্রকার মিষ্টানের ব্যবস্থা করেন নাই। লুচি, শাকভাজা, একটা নিরামিষ ও একটা মাছের তরকারি, ছোলার ডাল, একটা চাটনী, দধি, ক্ষীর, সন্দেশ, রসগোল্লা ইহাই করিয়া-ছিলেন। কলিকাতা হইতে সমাগত ব্যক্তির আহাৰ্যে বাহুল্যের অভাব দেখিয়া মনে মনে ক্ষুব্ধ হইলেও আহাৰ করিয়া বেশ পরিতুষ্ট হইয়াছিলেন।

আরও তিন চারি দিন কাটিয়া গেল, রজনী ফিরিলেন না। তিনি লক্ষ্মী হইতে পত্র লিখিলেন, “মীরট ক্যান্টনমেন্ট হাসপাতালে ঔষধ সরবরাহ করিবার একটা কন্ট্রাষ্ট পাইয়াছি। ঠিক সময়ে ঔষধ পাঠাইতে পারিলে আমাদের বিশেষ লাভ হইবে। আমি আজই মীরট যাইতেছি, তথা হইতে একেবারে তোমার বাড়ীতে



বাইব। অন্ততঃ বিবাহের দিন প্রাতঃকালে বাহাতে তোমার ওখানে বাইতে পারি, সে চেষ্টা করিব।”

রজনীর স্ত্রী হেমাসিনী ও পুত্রগণ, বিবাহের দুইদিন পূর্বে চুঁচুড়ায় আসিয়াছিলেন। রজনীর চুঁচুড়ার ঝাটা জগদীশের বাটার নিকটেই ছিল। হেমাসিনী পুত্র দুইটিকে লইয়া চুঁচুড়ায় বৈমাত্রেয় দেবরদিগের নিকট আসিয়াছিলেন। বলা বাহুল্য যে, জগদীশ রজনীর বৈমাত্রেয় ভ্রাতৃদ্বিগকেও নিমন্ত্রণ করিয়াছিলেন। হলুদপুর হইতেও জগদীশের জাতিকুটুমগণ আসিয়াছিলেন। জগদীশের একমাত্র সন্তানের বিবাহ, সুতরাং তিনি নিকট এবং দূর সকল আত্মীয়-কুটুমকেই নিমন্ত্রণ করিয়াছিলেন।

বিবাহের দিন সকলেই উপস্থিত হইলেন, কেবল আসিতে পারিলেন না রজনী। তাঁহার পত্র আসিল—তিনি যে কার্যের জন্ত মীরট গিয়াছেন, সে কার্য এখনও শেষ হয় নাই।

শনিবার সন্ধ্যার পূর্বে প্রায় সত্তর পঁচাত্তর জন বরযাত্রী সহ অবিনাশ বর লইয়া বিবাহ-বাটীতে উপস্থিত হইলেন। সন্ধ্যার পরই বিবাহের লগ্ন ছিল, শুভলগ্নে জগদীশ ভোলানাথের হস্তে উমাকে সম্প্রদান করিলেন, নিরীবাধে শুভকর্ম সম্পন্ন হইয়া গেল। সন্ধ্যার পরই বরযাত্রীরা আহাতি করিয়া রাত্রির ট্রেনে কলিকাতার প্রত্যাবর্তন করিলেন। তিন চারি জন বরযাত্রী হাওড়া ষ্টেশনে ট্রেনে উঠিয়াছিল, অনেকেই দেখিয়াছিল, কিন্তু চুঁচুড়া ষ্টেশনে কেহ তাহাদিগকে নামিতে দেখে নাই। অবিনাশের মামাত ভগিনীপতি হয়নাথ এই নিরুদ্ভিষ্ট বরযাত্রীদের অজ্ঞাতম। বিবাহ-বাটীতে হয়নাথকে না দেখিয়া অবিনাশ একটু চিন্তিত হইলেন। তাহাকে গাড়ীতে উঠিতে দেখিয়াছিলেন, কিন্তু চুঁচুড়ায় নামিবার সময় কে নামিল কে না নামিল, সে দিকে তত লক্ষ্য করেন নাই, তিনি বর, পুরোহিত এবং দুই একটি বালককে নামাইতেই ব্যস্ত ছিলেন।

অবিনাশ বিবাহের পূর্বে যেদিন উমাকে আশীর্বাদ করিতে চুঁচুড়ায় আসিয়াছিলেন, সে দিন জগদীশ অভ্যাগতদিগের জন্ত খাজ-দ্রব্যের বিশেষ আড়ম্বর করেন নাই, এ কথা বলা হইয়াছে। সেদিন খাজদ্রব্যের আয়োজন দেখিয়া অবিনাশ জগদীশকে একটু কুপণ-স্বভাব বলিয়াই মনে করিয়াছিলেন। কিন্তু উমার বিবাহের রাত্রিতে ভোজ্যদ্রব্যের আয়োজন দেখিয়া অবিনাশ বিস্মিত হইলেন। জগদীশের কুপণস্বভাব সত্বেও তাহার পূর্বের ধারণা দূর হইল। বরযাত্রীরাও আহাতিকালে, ভোজ্য দ্রব্যের অশেষ প্রশংসা করিল। জগদীশ সকল বিষয়েই এরূপ স্নেহ ব্যবস্থা করিয়াছিলেন যে, কি বরপক্ষ আর কি কস্তাপক্ষ, নিমন্ত্রিত, অনিমন্ত্রিত কেহই কোন বিষয়ে কণামাত্র ক্রটি দেখিতে পাইল না।

পুরোহিত পঞ্জিকা দেখিয়া বলিয়াছিলেন যে, পরদিন রবিবার প্রাতে সাড়ে আটটার মধ্যে বরকস্তাকে লইয়া বাত্রা করিতে হইবে, সাড়ে আটটার পর দিন ভাল নহে। সেইজন্য জগদীশ রবিবার পূর্ব প্রাতে উঠিয়া বাহাতে বরকস্তা আটটার মধ্যেই শুভযাত্রা করিতে পারে, তাহার উদ্ভোগ আয়োজন করিতে লাগিলেন। অবিনাশ প্রাতে শয্যাভ্যাগের পর প্রাতঃকৃত্য শেষ করিয়া বৈঠকখানাতে বসিয়া ধূমপান করিতেছিলেন, এমন সময় জগদীশ তাহার নিকটে গিয়া বসিলেন, “বেয়াই মহাশয়ের বাত্রে বোধ হয় নিদ্রা ভাল হয় নাই। একে ছোট বাত্রী, তার উপর কাবের পোলযোগে ভাল ঘুম না হইবারই কথা।”

অবিনাশ বলিলেন, “আজ্ঞে না, ঘুম বেশ হইয়াছে, কোন ব্যাঘাত হয় নাই। এখন যাতে আমরা একটু সকালে সকালে বাত্রা করিতে পারি, তার ব্যবস্থা করে দিন।”

“সে ব্যবস্থা সমস্ত ঠিকই আছে। এককণ বোধ হয় কস্তা-জামাতা বরণ হইতেছে, গাড়ীও ডাকিতে লোক পাঠাইয়াছি। একটা বিষয়ে আমার একটু ক্রটি হয়েছে। গহনা সব এখনও তৈয়ারী হয় নাই, তাই সব গহনা আজ সঙ্গে দিতে পারলাম না। ক্তাকরা বলেছে, দু’তিন দিনের মধ্যেই বাকি সমস্ত গহনা দিবে।”

সব গহনা প্রস্তুত হয় নাই, এই কথা শুনিয়া অবিনাশের মুখ গভীর হইল। তিনি কিয়ৎকণ নীরব থাকিয়া বলিলেন, “সেটা কি ভাল কথা? গহনা শুধু কস্তা দান করাই ত নিরম। কাল রাত্রে বিবাহের পূর্বে সে কথা আপনার বলা উচিত ছিল; তা হলে যা হয় ব্যবস্থা করা যেত।”

“ব্যবস্থা আর কি করতেন? গহনা প্রস্তুত হয়নি, তাই দিতে পারা গেল না, ইহার উপর আর কি ব্যবস্থা করতে পারতেন? একটা ব্যবস্থা আপনার হাতে ছিল—বিবাহ না দিয়ে বরকে আসন থেকে উঠিয়ে নিয়ে যাওয়া। সেটা কি ভুললোকের কার্য হত?”

অবিনাশ একটু গরম হইয়া বলিলেন, “আর বিবাহ-রাত্রিতে গহনা না দিয়ে ফাঁকি দিয়ে কস্তা পায় করাটাই খুব ভুলখানা হয়েছে নয়? ও সব দোকানদারী চাল আমার কাছে খাটবে না। আমরা কলকাতার লোক, পাড়ার্গেয়ে জুরাচুরি আমাদের কাছে খাটবে না, তা মনে রাখবেন।”

“কি! আমি জুরাচোর? আমি আমার একমাত্র কস্তার গহনা ফাঁকি দিচ্ছি?”

অবিনাশ সক্রোধে বলিলেন, “তা নয় ত আর কি বলব? কুড়িদিন আগে বিয়ের সম্বন্ধ স্থির হয়েছে, এখনও সমস্ত গহনা তৈয়ারী হ’ল না, তাই আমাকে বোঝাতে এসেছ? ও সব চালাকি তোমার এই পাড়ার্গেয়ে ম্যাড়াদেব কাছে ক’র, আমার কাছে নয়?”

জগদীশ সহজে ঐর্ষ্য-চ্যুত হইতেন না, কিন্তু অবিনাশ তাঁহাকে বারংবার জুরাচোর, চালবাজ প্রভৃতি বলায় তাহারও ঐর্ষ্য-চ্যুতি হইল, তিনিও সক্রোধে উচ্চৈঃস্বরে বলিলেন, “জগদীশ পাল জুরাচোর কি না, তা এই চুঁচুড়া সহরের ইতর ভঙ্গ সকলে জানে। আমার চাল দোকানদারী চাল? গন্ধবেণের ছেলে হয়ে যে সাহেবের গোলামি করে, পরের পা চাটে, সে দোকানদারের মর্ধ্যাণা বুঝবে কি?” অবিনাশও তদপেক্ষা উচ্চৈঃস্বরে বলিলেন, “ও সব ফাঁকা আওয়াজে আমি ফুলিনে। বতদিন না সমস্ত গহনা বুঝিয়ে দিবে, ততদিন তোমার মেয়েকে পাঠাব না, এই আমার কথা।”

“আমার মেয়েকে পাঠাবে না? উমা আর আমার মেয়ে আছে নাকি? কাল বখনই শুকে তোমার ছেলের হাতে সম্প্রদান করেছি, তখনই ও তোমার বৌ হয়েছে, ও আর আমার মেয়ে নয়। ওর উপর আমার আর জোর কি? মেয়ে পাঠাবে না। বেশ, পাঠিও না। তবে আমার কথা শুনে রাখ—আমি যদি গন্ধবেণের ছেলে হই, যদি না গন্ধবেণীর পদে আমার মতি থাকে, তবে আমার এই কথা যে, কখনও যদি তোমাকে আমি কিনতে পারি—আমার গোলাম করতে পারি, তবে আমার মেয়েকে আমি ধরে আনব। বত দিন তা না পাইব,

ততদিন জানব আমার মেয়ে অস্বাস্থ্য, আমি নিঃসন্তান, এই আমার কথা।”

উত্তর বৈবাহিকের কলহ বখন চরম সীমায় উপনীত হইল, ঠিক সেই সময় বাটার রাহিরেও একটা গোলমাল শুনিতে পাওয়া গেল। এক জন লোক জড়িতকণ্ঠে বলিতেছিল—“কি বাবা, জগা পালের বাড়ী কেউ আমাকে দেখিয়ে দিবি না? জগা—জগা পাল—জগা বেণে—আমার বেয়াই শালার বাড়ী তোরা কেউ জানিস না? সে কি বাবা—”

বাহিরে গোলমাল শুনিয়া অবিনাশ জানালা দিয়া দেখিলেন, তাঁহারই ভগিনীপতি, পূর্ববাত্রির সেই নিকৃষ্টি হরনাথ মাতাল অবস্থায় ঘরে দাঁড়াইয়া চীৎকার করিতেছে। তাহার জামা-কাপড় কর্দমাক্ত, পায়ে জুতা নাই, গলার চাদর নাই। একপাল বালক তাহাকে ঘিরিয়া কোলাহল করিতেছে। কেহ তাহার গায়ে ধূলি দিতেছে, কেহ পশ্চাৎ হইতে তাহাকে ধাক্কা দিতেছে। অবিনাশ তাহাকে দেখিয়াই বাহিরে আসিয়া বলিলেন,—“এ কি? হরনাথ? তোমার এদশা কেন? কাল কোথায় ছিলে?”

হরনাথ অবিনাশকে দেখিয়া বলিল, “এই যে টান, তুমি এখানে! এই বুঝি জগা বেণের বাড়ী? কাল রাহিরে বাবা ফরাসডাকার খাসা মাল, খুব সস্তা। শালা বলে নটার পর দোকান বন্ধ হবে, বেয়োও তুমি। তত রাহিরে কোথা যাই, বাবা? কোন বেটা জগা বেণের বাড়ীর পথ দেখিয়ে দিলে না। তাই সেই ফরাসডাকার থেকে এই চুঁচুড়ো—সারা পথ সেই জগা শালার বাড়ী খুঁজতে খুঁজতে আসছি। হুঁখানা বাসি লুচি-টুচি দে বাবা, বড় ক্রমে পেয়েছে”—এই বলিয়াই সে কাঁদিয়া ফেলিল।

জগদীশও জানালা হইতে মাতালটার কাণ্ড দেখিতেছিলেন। মাতালটার ক্ষুধার কথা শুনিয়া তিনি এক জন ভৃত্যকে বলিলেন, “বাড়ীর ভিতর থেকে কিছু খাবার এনে ওকে খেতে দে। ঐ রাস্তার পাশে বসে থাক, খবরদার বেন বাড়ীতে মাথা না গলার। মাতালমি করবার আর জায়গা পায় নি?”

অবিনাশ হরনাথকে বলিলেন, “এখানে কিছু খেতে হবে না, আমার সঙ্গে চল, দোকান থেকে খাবার কিনে দেব।”

জগদীশ বাড়ীর মধ্যে গমন করিয়া দেখিলেন, বরণ ও অজ্ঞাত মাজলিক অহুষ্ঠান শেষ হইয়াছে, বর-কস্তা বাত্রা করিলেই হয়। তিনি গম্ভীরভাবে উমার কাছে গিয়া তাহার মাথার হাত দিয়া বলিলেন, “মা উমা, আজ তোমার নিজের ঘরে যাচ্ছ, এত দিন পরের ঘরে ছিলে। খত্তরবাড়ী গিয়ে খত্তর, শাওড়ী, স্বামী, এঁদের আত্মীয়স্বজন সকলকে প্রাণপণে সেবা করবে, আমার কথা, তোমার গর্ভধারিণী কথার ভুলে যেরো। তোমাকে এখন কিছুদিন—হয় ত অনেক দিন আনতে পারব না। সেজন্ত মনে দুঃখ কর না। তোমার খত্তর-শাওড়ী এবং স্বামী যদি আপত্তি না করেন, তাহলে মাঝে মাঝে চিঠিপত্র দিও। বাবা ভোলানাথ, আমার একমাত্র মেয়েকে তোমার হাতে দিয়েছি; তোমাকে কিছু বলবার নাই, তুমি বুদ্ধিমান, রিছান, দেখো বাবা, উমা বেন সুখী হয়।”

ভোলানাথ ও উমা জগদীশকে প্রণাম করিল। জগদীশ বলিলেন, “বাবা ভোলানাথ, আমি মেয়ে দিয়ে দেহল পেয়েছি। তবে আজ বেয়াই মহাপনের কথার বড়ই মনে ব্যথা পেয়েছি। সে

সব কথা পরে তুমি বাড়ীতে গিয়ে শুনবে। আজ আর সে কথার কাব নাই—”

এমন সময় অবিনাশ বাহির হইতে ঠাকিয়া বলিলেন, “ভোলা, আর সময় নাই, এখনই বেরিয়ে পড়তে হবে।”

অবিনাশের কথা শুনিয়া মহামায়া অবগুণ্ঠন টানিয়া দিয়া উমাকে কোলে লইলেন এবং হেমাদিনী ও অজ্ঞাত পুরমহিলা সমভিব্যাহারে সদরঘারে গাড়ীর নিকট গমন করিলেন। গাড়ীর মধ্যে ভোলা-নাথ ও উমা উপবেশন করিলে অবিনাশও গাড়ীতে উঠিলেন। অবিনাশ গাড়ীতে উঠিলে জগদীশ গাড়ীর নিকটে গিয়া কস্তা-জামাতার মাথার হাত দিয়া আর একবার আশীর্বাদ করিলেন এবং অবিনাশকে লক্ষ্য করিয়া বলিলেন, “বেয়াই মশাই, জগদীশ পাল মিথ্যা বড়াই করে না। যেই কথা, সেই কাব।”

অবিনাশ কোন উত্তর করিলেন না। গাড়ী ছাড়িয়া দিল।

বরণের পুরোহিত, নাপিত, হরনাথ এবং অজ্ঞ একজন বরবাজী দ্বিতীয় একখানা গাড়ীতে আরোহণ করিলে, সে গাড়ীও ট্রেন অভিমুখে বাত্রা করিল।

৪

কস্তা-জামাতাকে বিদায় দিয়া মহামায়া, হেমাদিনী প্রভৃতি পুরমহিলারা অশ্রমোচন করিতে করিতে অন্তঃপুরে প্রবেশ করিলেন। জগদীশ বৈঠকখানাতে প্রবেশ করিয়া গম্ভীরভাবে ধূমপান করিতে লাগিলেন। তাঁহার মনে হইল, আজ রজনী যদি উপস্থিত থাকিতেন, তাহা হইলে হয় ত ব্যাপারটা এত গুরুতর হইত না। রজনী বিদ্বান, ধীর, বিবেচক, তিনি উপস্থিত থাকিলে প্রথমেই একটা সুমীমাংসা করিয়া দিতে পারিতেন। হয় ত হরিপ্রসন্ন উপস্থিত থাকিলেও একটা মীমাংসা করিতে পারিতেন। কিন্তু হরিপ্রসন্ন বাবু পূর্ববাত্রিতেই, আহাবাদির পর কলিকাতায় প্রত্যাবর্তন করিয়াছিলেন। ঘটনাক্রমে দুই জনের এক জনও উপস্থিত না থাকিতে একটা তুচ্ছ বিষয়, নূতন কুটুম্বের নিকটে এমন গুরুতর ঘটনার পরিণত হইল। তিনি শুনিয়াছিলেন বটে যে, অবিনাশ বদমেজাজী রগচটা লোক। কিন্তু বিবাহের পরদিনই-যে তিনি সহসা এরূপ বদমেজাজের পরিচয় দিতে পারিবেন, তাহা জগদীশ স্বপ্নেও মনে করেন নাই। বিবাহের বাত্রিতে প্রতিশ্রুত গহনা ত অনেকেই দিতে পারে না, কিন্তু সেজন্ত ত নূতন বৈবাহিকের নিকট এরূপ লাহিত কেহ হয় না। বিশেষতঃ অবিনাশ বেক্রম দান-সামগ্রী, বরাভরণ, ও গহনা আশা করিয়াছিলেন, জগদীশ তাহা অপেক্ষা অনেক উৎকৃষ্ট, অনেক মূল্যবান দ্রব্য দিয়াছেন। যিনি স্বৈছায় এইরূপ মূল্যবান দ্রব্য জামাতাকে উপহার দিয়াছেন, তিনি নিজের একমাত্র কস্তাকে অলঙ্কার সঞ্চয়ে প্রতারণা করিবেন, এ কথা অবিনাশ কল্পনা করিলেন কিরূপে?

তিনি এইরূপ চিন্তা করিতেছিলেন, এমন সময় মহামায়া এবং হেমাদিনী সেই কক্ষে প্রবেশ করিলেন। হেমাদিনী জগদীশের সম্মুখে এবং মহামায়া রজনীর সম্মুখে অর্ধাবগুণ্ঠনবস্ত্রী হইয়া বাহির হইতেন এবং পদোচ্চভাবে কথাও কহিতেন। মহামায়া কক্ষমধ্যে প্রবেশ করিয়া বলিলেন, “হ্যাঁ গা, বখন আমি মেয়ে-জামাই বরণ করছিলাম, তখন বাইরে হাঁকাহাকি হচ্ছিল কেন? তোমার গলা

শুনতে পেলাম, আরও একজনের গলা শুনতে পেলাম, কার সঙ্গ  
ঝগড়া হচ্ছিল ?”

‘জগদীশ ধীরগভীরভাবে বলিলেন, “বেয়াবের সঙ্গ।”

“বেয়াবের সঙ্গ ? সে কি কথা ? নতুন কুটুম, তার সঙ্গ  
কিসের ঝগড়া ?”

এই বলিয়াই তিনি হেমাঙ্গিনীকে বলিলেন, “দিদি বস। ঝগড়া  
কেন হ’ল ?”

“বিয়ের সময় সব গহনা তৈয়ারি হয়নি শুনে তিনি আমাকে  
জুয়াচোর, বদমাশ, পাড়ার্গেয়ে মাড়া প্রভৃতি ষা’নয় তাই বলতে  
লাগলেন। আমার বাড়ীতে বসে শেষে আমাকে শাসিয়ে বললেন  
—যতদিন আমি সমস্ত গহনা না দিব, ততদিন তিনি উমাকে  
পাঠাবেন না।”

মহামায়া বলিলেন, “কি সর্বনাশ। তা তুমি কি বল্ল ?”

“তার কথা শুনে আমারও মাথা গরম হয়ে গেল। আমি  
বল্লম, গহনা তা’ পরের কথা, যদি কখনও তাকে কেনা গোলাম  
করতে পারি ত মেয়েকে বাড়ীতে আনব। যতদিন তা’ না পারি,  
ততদিন তার বৌকে আমি আনবার নামও মুখে আনব না।”

জগদীশের কথা শুনিয়া মহামায়া শিরে করাঘাত করিয়া রোদন  
করিতে লাগিলেন। তিনি ভানিতেন যে, জগদীশের কথার কখনও  
অন্তথা হয় না, সুতরাং ইহজীবনে কতকাল যে কখনও দেখিতে  
পাইবেন, তাঁহার সে আশা অন্তর্হিত হইল। এ কি সর্বনাশের  
কথা ! শুভকার্যের পরিণামে এ কি অন্তঃঘটনা !

হেমাঙ্গিনী বৃহস্পতিয়ে বলিলেন, “তোমার ওকথা বলা ভারি  
অজ্ঞার হয়েছে, ঠাকুরপো। এখন উপায় ?”

জগদীশ বলিলেন, “উপায় ভগবান। উপায় মা গন্ধেশ্বরী।  
ক্রোধ চণ্ডাল, তাই চণ্ডালের মত কথা মুখ দিয়ে বেরিয়ে গেল।  
এর প্রায়শ্চিত্ত আমাকে করতেই হবে। মেয়েকে এখন কিছুতেই  
আনতে পারব না।”

“তুমি পুরুষমানুষ, তোমাদের মন আলাদা, কিন্তু দিদি কি করে  
মেয়েকে না দেখে থাকবে ?”

জগদীশ হতাশভাবে বলিলেন, “এখন কিছুদিন থাকতেই  
হবে। উপায় কি ? রজনী এলে তার সঙ্গ পরামর্শ করে বা হয়  
করা যাবে।”

“তিনি কি উপায় করবেন ? তিনিও ত জানেন যে  
তোমার কথার নড়চড় হয় না। তিনি আর কি পরামর্শ  
দেবেন ?”

“আমার চেয়ে রজনী ঢের বুদ্ধিমান, তার উপর বিদ্বান। দেখা  
যাক সে কি বলে।”

“তাঁরও ত দেখা নাই। তাঁর অল্প বড় ভাবনা হচ্ছে। উমার  
বিয়েতে তাঁর নিশ্চিত আসবার কথা, কিন্তু তাঁর কোন  
শব্দই নেই।”

“কালও তাঁর চিঠি এসেছে, ভাসই আছেন, বোধ হয় কাবের  
গতিকে আগতে পারেন নি।”

মহামায়া এককণ নীরবে বসিয়া উভয়ের কথাবার্তা শুনিতে  
ছিলেন এবং অনর্গল অশ্রুমোচন করিতেছিলেন। হেমাঙ্গিনী তাঁহার  
হাত ধরিয়া বলিলেন, “চল দিদি, ভিতরে চল। বাড়ীতে সব  
কুটুম-সাক্ষেত রয়েছে, তাদের দেখাওন করবে চল। তোমার

কোন ভাবনা নেই। আমার মন বলছে, তোমার ঠাকুরপো এলে  
সব মিটে যাবে।”

“তাই বল দিদি, তোমার মুখে ফুল-চরন পড়ুক। মাকে  
আমার কতদিন দেখতে পাব না, তা ভগবানই জানেন।”

“পাবে, ভাই, পাবে। তার জন্তে ভেব না। ভগবানকে বল,  
উমা যেন সোয়ামি-পুত্র নিয়ে সেই ঘর চিরকাল করে।”

এই বলিয়া হেমাঙ্গিনী মহামায়াকে লইয়া অল্পপুবে  
গমন করিলেন।

কিন্তু মহামায়ার মন কিছুতেই প্রবোধ মানিল না, তাঁহার  
রোদনের আর বিরাম হইল না। বিবাহ-বাটীতে সমাগতা  
কুটুমিনীগণ মনে করিলেন যে, একমাত্র কতকাল খণ্ড-বাড়ী  
পাঠাইয়া মহামায়া শোকে কাতর হইয়াছেন। জামাতার সহিত  
কতকাল আবার অষ্টাহ পরে ফিরিয়া আসিবে এই কথা বলিয়া  
সকলে মহামায়াকে প্রবোধ দিতে লাগিলেন। তখন বুদ্ধিমতী  
হেমাঙ্গিনী, তাঁহাদিগকে নিরস্ত করিবার জন্ত বলিলেন, ‘আট দিন  
পরে ত মেয়ে-জামাই আসবে না। সকালে বেলাই মশাই বলে  
গেছেন যে, তাঁদের জোড়ে বৌ-বেটা পাঠাতে নেই। তাঁদের  
বংশের নিয়ম যে, যতদিন বোয়ের কোলে একটি খোকা কি একটি  
খুকী না হয়, ততদিন বৌ পাঠাতে নেই। পাঁচ বছরের মধ্যে  
হয়ত ভালই, যদি না হয়, তবে পাঁচ বছর পরে পাঠালে কোন  
দোষ হয় না। তোমরা পাঁচ জনে বল, যেন উমা একটি খোকা  
কোলে করেই আসে।’

নতুন কুটুম বাড়ীর এই অদ্ভুত এবং অশ্রুতপূর্ব ব্যবহার কথা  
শুনিয়া সকলেই বিস্ময়প্রকাশ করিলেন।

জগদীশ সেই সকাল হইতে গভীর হইয়া বসিয়াছিলেন,  
কাহারও সহিত অধিক কথাবার্তা করেন নাই। তাঁহারও এই  
ভাব দেখিয়া সকলে মনে করিল যে, তিনিও কতকাল জন্ত অত্যন্ত  
বিচলিত হইয়া পড়িয়াছেন।

সন্ধ্যার সময় রজনী আসিয়া উপস্থিত হইলেন। তাঁহাকে  
দেখিয়াই জগদীশ বলিয়া উঠিলেন, “কি হে, ব্যাপার কি ? তুমি  
কাল নিশ্চিত আসবে বলে পত্র দিয়ে একেবারে ডুব দিলে, কাল  
এলে না কেন ?”

রজনী বলিলেন, “বৃহস্পতিবার রাত্রিতে মীরট ত্যাগ করব  
স্থির করেছিলাম। বৈকালে ক্যান্টনমেন্টের Chief medical  
officer এক পত্র দিয়ে, শুক্রবার সকালে তাঁর সঙ্গ দেখা করতে  
হুকুম করলেন। কাবেই বৃহস্পতিবারে আর রওনা হতে  
পারলুম না। শুক্রবার সকালে সাহেবের কাছ থেকে আবার  
একটা হাজার আট্টেক টাকার অর্ডার জোগাড় করে আসছি।  
জান ত তাই business is business ‘আগে কাব পিছে সেলাম’।  
তা না হলে কি আর সাধ করে মীরটে বসেছিলাম ?”

“সে শু ঠিক কথা। এখন চল বাড়ীর ভিতর। হেম বড়ই  
অস্থির হয়েছে।”

“তা’ ত হবারই কথা। আনিই কি স্থির আছি ?”

উভয় বন্ধুতে বাটার মধ্যে প্রবেশ করিলে রজনীকে দেখিয়া  
হেমাঙ্গিনী ও মহামায়া যেন হাতে স্বর্ণ পাইলেন। তাঁহাদের  
কেন্দ্র ধারণা হইয়াছিল যে, রজনী আসিলেই প্রাতঃকালের  
সেই অধির ঘটনার দাড়া হবে একটা সুমীমাংসা হইবে।



মহামারা আগে রজনীকে হস্ত-সুখাদি প্রকাশন পূর্বক আহাৰ করিতে বলিলেন। দুই দিন রজনীর উদরে অন্ন নাই, আপনার দক্ষণ মনঃকষ্টের মধ্যেও মহামারা তাহা বিস্মৃত হয়েন নাই। আহাৰাদির পর হেমাজিনী স্বামীকে নিচ্ছনে লইয়া গিয়া প্রাতঃকালের ঘটনার কথা বিবৃত করিলেন এবং বলিলেন, “তুমি এর বা হর একটা বিহিত কর। দ্বিদি ত’ সমস্ত দিন কেঁদে কেঁদে চারা হচ্ছে, ঠাকুরপো মুখে কিছু বলছেন না বটে, কিন্তু মুখ দেখে ত বুঝতে পাচ্ছি, উনিও কম কাঁদা কাঁদছেন না। এখন উপায় ?”

রজনী সমস্ত কথা শুনিয়া কয়েক মুহূর্ত্ত স্তম্ভিত হইয়া বসিয়া রহিলেন। তাহার পর একটা দীর্ঘনিশ্বাস ত্যাগ করিয়া বলিলেন, “বটে ? ব্যাপার তা’হলে বেশ গুরুতরই হয়েছে। জগদীশকেও ছেনেবেলা থেকে জানি, ওর কথার কখনও নড়চড় হয় না। যা বলে, তা না করে ক্ষান্ত হয় না। যদি অবিনাশবাবু বলতেন যে, তিনি বৌ পাঠাবেন না, তা হ’লে তাঁর হাতে পায়ে ধরে, যেমন ক’রে পারি মেয়েকে আনতে পারতাম। কিন্তু এ যে উন্টা ঘটনা। জগদীশ প্রতিজ্ঞা করেছে—তার মেয়েকে আনবে না। এক্ষেত্রে করা যায় কি ?”

“এখন উপায় ? উমাকে না পেলে ত দ্বিদি বাঁচবে না।”

“তা ত বুঝছি, কিন্তু উপায় ত আমার হাতে নয়, ভগবানের হাতে। সে উপায়টা কি ভেবে চিন্তে ঠিক করতে হবে। তাড়াতাড়ির কাষ নয়; দুই চার দিনের কাষ নয়। কলকাতার গিয়ে সব দিক দেখে উপায় স্থির করতে হবে। তুমি মহামারাকে ভাবতে বাধণ কর। তাঁকে বল যে, আমি প্রতি সপ্তাহে উমার খবর নিয়ে তাঁকে জানাব। আপাততঃ এতেই তাঁকে সন্তুষ্ট থাকতে হবে।”

সেদিন জগদীশ বা রজনী কেহই এই অপ্রিয় বিষয়ের কোন আলোচনা করিলেন না,—দীর্ঘ পথ রেলগাড়ীতে আসিয়া রজনী অত্যন্ত ক্লান্ত হইয়া পড়িয়াছিলেন বলিয়া জগদীশ তাঁহাকে সকাল করিয়া নিজা ঘাইতে বলিলেন। রজনীও আহাৰের পর শয়ন করিলেন এবং দুই রাত্রি জাগরণের জন্ত অচিরে গভীর নিদ্রায় মগ্ন হইলেন।

বেলা প্রায় এগারটার সময় অবিনাশ বরবধু লইয়া চাপাতলার বাড়ীতে উপস্থিত হইলেন। রবিবারে, শাওড়ীকে নিজ বাটীতে নববধুর মুখ দর্শন করিতে নাই, সেই জন্য অবিনাশের পত্নী গিরিবালা, পুত্রবধুর মুখ দেখিবার জন্ত একখানা স্বর্ণালঙ্কার লইয়া বেলা দশটার সময় হইতেই উদ্গীব হইয়া প্রতীক্ষা করিতেছিলেন। অবিনাশের গাড়ী বাটীর ধারে উপস্থিত হইবামাত্র গিরিবালা বহু সংখ্যক স্ত্রীলোক-পরিবেষ্টিতা হইয়া পথে, গাড়ীর নিকটে উপস্থিত হইলেন এবং গাড়ীর মধ্যে ভোলানাথের পার্শ্বে উপবিষ্টা উমার মুখ দেখিয়া তাহাকে অলঙ্কারখানি পরাইয়া দিলেন। ইতিমধ্যে একজন স্ত্রীলোক এক বড় জল আনিয়া ধারের সম্মুখে ঢালিয়া দিলে গিরিবালা উমাকে কোড়ে করিয়া গাড়ী হইতে নামাইলেন, “গাটহুড়ার” আঁধা ভোলানাথও উমার পশ্চাতে গাড়ী হইতে নামিল এবং অননীর পশ্চাতে পশ্চাতে অন্তঃপুরে প্রবেশ করিল। সকলের শেষে অবিনাশ গাড়ী হইতে নামিলেন, দানসামগ্রীর সৈন্তসমূহ প্রভৃতি নামাইয়া বাটীর মধ্যে পাঠাইয়া দিলেন।

বাটীর মধ্যে আবার একদফা বরণ, কড়িখেলা প্রভৃতি স্ত্রী-আচারের অনুষ্ঠান হইবার পর সমাগত স্ত্রীলোকেরা নববধুর রূপের সমালোচনা আরম্ভ করিল। সমালোচনার পর সকলেই একবাক্যে স্বীকার করিল যে, উমার মত রূপবতী কিশোরী বামুন-কায়েতের বাড়ীতেও বড় দেখিতে পাওয়া যায় না। যেমন মুখ, চোখ, চুল, তেমনই গড়ন আর তেমনই গায়ের রং, কোথাও কি একটু খুঁত নাই ? উমা ত সাক্ষাৎ উমা ! অবিনাশের এক দূর-সম্পর্কীয়া ভগিনী গিরিবালাকে বলিলেন, “হাঁ বৌ, দাদা গন্ধ বেণের মেয়ে আনতে সোনার বেণের মেয়ে আনেননি ত ? আমাদের জাতে এমন রূপ—এমন রং কখনও চোখে পড়েনি।”

বলা বাহুল্য যে, উমার রূপের সমালোচনার সঙ্গে সঙ্গে তাহার পিতৃসন্ত অলঙ্কারের ও দানসামগ্রীরও সমালোচনা হইল এবং সে সমালোচনা জগদীশের প্রতিকূল হয় নাই।

চুঁচুড়া হইতে আসিবার সময় গাড়ীতে পুত্রের নিকটে অবিনাশ জগদীশের সহিত বিবাদসংক্রান্ত কোন কথা বলেন নাই ! রজনী জগদীশকে লিখিয়াছিলেন, অবিনাশ কোঃপরারণ, তবে তাঁহার কোধ তালপাতার আগুন, জলিয়া উঠিয়া তখনই নিবিয়া যায়। সেটা ঠিক কথা। ট্রেনে আসিবার সময় তাঁহার মাথা অনেকটা শীতল হইল। উমার সাক্ষাতে তিনি ঐ প্রসঙ্গ উত্থাপন করা সঙ্গত বলিয়া মনে করিলেন না। গাড়ী হাওড়া ষ্টেশনে আসিবার পূর্বেই তিনি বৃষ্টিতে পারিলেন যে, প্রাতঃকালের ঘটনার জগদীশের কোন অপরাধ নাই, জগদীশকে তিনি অকারণে অপমান করিয়াছেন। বিবাহের রাত্রিতে অনেক কষ্টকর্ত্তাই প্রতিশ্রুত সমস্ত অলঙ্কার দিতে পারেন না। প্রধানতঃ সেটা কষ্টকর্ত্তার ত্রুটি নহে, অলঙ্কার-নির্ধাতার ত্রুটি। সুতরাং জগদীশের সহিত কলহ করা তাঁহার বৎপরোনাস্তি অজ্ঞায় হইয়াছে। তবে তিনি নিজের মনকে এই বলিয়া প্রবোধ দিতে চেষ্টা করিলেন যে, অবিনাশকে কিনিতে না পারিলে তিনি কষ্টকে লইয়া বাইবেন না, এ কথা বলা জগদীশের ভাল হয় নাই।

মধ্যাহ্নকালে আহাৰাদির পর অবিনাশ পত্নী ও পুত্রকে অন্তরালে ডাকিয়া বলিলেন, “আজ সকালে বুখন বেয়ান বর-কষ্টা বরণ করিতেছিলেন, তখন বৈঠকখানাতে বেয়াই মশায়ের সঙ্গে আমার একটু বগড়া হয়েছিল !”

গিরিবালা সবিস্ময়ে বলিলেন, “বগড়া আবার কি হ’ল ? শুভ-কাথে কি আবার গোলযোগ বাধিয়ে এলে ?”

“একটা তুচ্ছ কথা নিয়ে কথা কাটাকাটি হ’ল। সকালে বেয়াই আমাকে বলেন যে, মেয়ের সব গহনা এখন হয়ে উঠল না, পরে হ’লে পাঠিয়ে দিব—”

“তা’ এ ত ভাল কথা, এমন ত আকছার হয়েই থাকে। এতে বগড়ার কথা কি আছে ?”

“আমি সেই কথা শুনে বল্লম যে, বতদিন গহনা না দেবেন, ততদিন বৌমাকে পাঠাব না। তাই না শুনে বেয়াই একবারে তেলে বেগুনে জলে উঠে বলেন—‘আমি যদি গন্ধ বেণের ছেলে হই, তা’হলে বত দিন তোমাকে কিন্তে না পারব, তত দিন তোমার বৌকে বাড়ীতে আনব না।’

গিরিবালা সফোতে গালে হাত দিয়া বলিলেন, “সর্বনাশ, একটি ছেলে, বিয়ে দিয়ে বেয়াই বেয়ান নিয়ে কোথায় আমোদ



আজ্ঞাদ করবে, তাদেরও একটি মেয়ে, তারা কোথায় জামাই বেড়াই নিয়ে, সাধ আজ্ঞাদ করবে, না তুমি সে পথে কাঁটা দিয়ে এলে? গহনা না দিলে মেয়ে পাঠাবে না, একথা কেন তুমি বলতে গেলে? তবে কি বৌভাত, ফুলশয্যার তারা কেউ আসবে না? ফুলশয্যা পাঠাবে ত?

অবিনাশ বলিলেন, “কি ক’রে জানব? বা হ’ক, বা হবার তা হয়ে গেছে, বৌমা যেন এ বিষয়ের বিস্ময়জনক জানতে না পারেন। ছেলেমানুষ, কেঁদেই সারা হবেন।”

গিরিবালা বলিলেন, “তা হলে বৌভাতের পর বৌ-ব্যাটার জোড়ে বাওয়া হবে মা।”

“তাই বা কি ক’রে বলব? যদি তারা নিয়ে বাবার কথা বলে কি নিয়ে যেতে লোক পাঠায়, তখন পাঠাতে আপত্তি করব না।”

গিরিবালা সন্তোষে বলিলেন, “বেড়াই যে নিয়ে বাবার কথা বলবে, তা ত মনে হয় না। অমন কটু দিব্যি ক’রে কেউ কি কথার নড়চড় করে?”

ভোলানাথ সমস্ত কথা শুনি, কিন্তু কোন মন্তব্য প্রকাশ করিল না। অপরাহ্নকালে সে জননীকে একান্তে ডাকিয়া বলিল, “বাবা ত বলেন যে, উনি কেবল বলেছিলেন যে ‘বৌ পাঠাবে না’ আর শব্দ মশাই বলেছিলেন ‘মেয়ে নিয়ে আসবে না’, এ ছাড়া আর কোন কথা হয়নি। কিন্তু আমার ত মনে হয়, অনেককণ ধরে কথা-কাটাকাটি হয়েছিল। কারণ, আমি বাড়ীর ভিতর থেকে বাবার গলা অনেককণ ধরে শুনেছি।”

গিরিবালা বলিলেন, “দেখ দেখি কি বিভ্রাট ঘটিয়ে বসলেন। ঠাণ্ডা স্বভাব ত জানাই আছে, তুচ্ছ কারণে তেলে-বেঙনে জলে উঠে তিলকে তাল ক’রে তোলেন।”

পরদিন অপরাহ্নকালে কুড়ি-পঁচিশ জন লোক ফুলশয্যার জরাদি লইয়া চুঁচুড়া হইতে অবিনাশের বাটতে উপস্থিত হইল। ফুলশয্যার জরাদি দেখিয়া সমবেত কুটুম্বিনী ও প্রতিবেশিনীরা একবাক্যে প্রশংসা করিতে লাগিল। গিরিবালা কুটুম্ববাড়ীর লোকদিগকে পরিচয় সহকারে ভোজন করাইলেন এবং সকলকে পাখের এবং আহারের আশাহুস পুরস্কার দিয়া বিদায় করিলেন।

পাক্ষিক উপলক্ষে ভোজ হইল পরবর্তী শনিবার রাত্ৰিতে। সে দিন চুঁচুড়া হইতে মধ্যাহ্নকালে, জগদীশের দোকানের এক জন বিশস্ত কর্মচারী, অবশিষ্ট অলঙ্কার লইয়া অবিনাশের বাটতে উপস্থিত হইল এবং অবিনাশকে অলঙ্কারগুলি বুকাইয়া দিয়া তাঁহার নিকট হইতে বসি লইয়া প্রস্থান করিল। অবিনাশ তাহাকে সন্ধ্যার পর আহাৰাদি করিয়া বাইবার জন্ত সনির্ভয় অস্বপ্ন করিলেন, কিন্তু সে কিছুতেই সস্ত হইল না। তখন অবিনাশ তাহাকে একটু অলঙ্কার করাইয়া ছাড়িয়া দিলেন। জগদীশ বা তাঁহার কোন আত্মীয় আসিলেন না।

বিবাহের পোলমালা মিটিয়া গেল, অবিনাশ স্বখারীতি আকিসে যাতারাত আশ্রয় করিলেন, ভোলানাথও নিরন্তররূপে কলঙ্কে বাইতে লাগিল। শব্দবাহিনীতে উমা সকলেরই চক্ষুর পুস্তলি হইল। তাহার শাস্ত স্বভাব, মধুর বচন এবং সাংসারিক সকল কার্যেই শান্তীকে সাহায্য করিবার আশ্রয় দেখিয়া তাহার শান্তী ত একবারে সানন্দে গলিয়া গেলেন। শব্দ আকিস হইতে আসিয়াই দেখিতে পাইলেন, তাঁহার হস্ত

প্রেক্ষালনের জল, গামছা এবং হাঁকা লইয়া উমা প্রস্তুত হইয়া আছে। তিনি বস্ত্র পরিবর্তন করিয়া বিজাম করিতে বসিবার উমা পাখা লইয়া বাতাস করিতে বসিত। ভোলানাথের সহোদরা উমা, উমা অপেক্ষা চারি বৎসরের ছোট ছিল, উমা তাহার বেশ-বিভাষ, বেশ-পরিধান করাইয়া দিত, তাহার পড়া বলিয়া দিত, তাহাকে শাস্ত-মধুরভাবে শিষ্টাচার শিখাইত। উমা প্রত্যহ প্রাতে শয্যাভ্যাগের পর তুলসীতলার প্রণাম করিয়া শব্দ ও শান্তীকে প্রণাম করিত। তাহাকে দেখিতে দেখিতে গিরিবালা যেন স্বর্গে রাইতেন, কেবল মনে মনে বলিতেন,— “মা কালী, আমার বৌ-ব্যাটা যেন এমনি সুখে থাকে।”

উমা একবারও পিতৃলয়ে বাইবার কথা মুখে আনিতে না, যখন পিতামাতার জন্ত বড় মন কেমন করিত, অজ্ঞের অগোচরে নিঃশব্দে অশ্রুমোচন করিত এবং কাহারও সাড়া পাইলে তৎক্ষণাৎ চোখ মুছিয়া হাসিমুখে তাহার সম্মুখে বাইত। তাহার ব্যবহার দেখিয়া গিরিবালা সর্বদাই বলিতেন, “ভুল্লোকের মেয়ে বটে, এমন সুন্দর-স্বভাব মেয়ে কখনও দেখি নাই।” স্ত্রীর কথা শুনিয়া অবিনাশ মনে মনে বলিতেন—“এই মেয়ের বাপকে আমি জুয়াচোর ছোটলোক বলিয়া গালি দিয়া আসিয়াছি।” অমৃত্যুতে তাহার অন্তর দগ্ধ হইত।

জগদীশ প্রতি মাসে অন্ততঃ দুইবার করিয়া কস্তা-জামাতার সংবাদ লইবার জন্ত লোক পাঠাইতেন এবং প্রতিবারই সেই লোকের হাতে নানাপ্রকার মিষ্টান্ন ও ফলমূলাদি পাঠাইতেন। ইহার উপর আমের তরু, কাঁঠালের তরু, ইলিশ মাছের তরু, জামাইবটীর তরু, পুজার তরু, নীতের তরু, দোলের তরু ত ছিলই। মধ্যে মধ্যে চুঁচুড়া হইতে জগদীশ কস্তা-জামাতা, জামাতার ভগিনী এবং বেয়ানের জন্ত নানাপ্রকার মূল্যবান জামা-কাপড় পাঠাইতেন। ইহা ব্যতীত পুষ্করিণীর মাছ, বাগানের ফল ও তরি-তরকারী লইয়াও চুঁচুড়া হইতে লোক আসিত। পক্ষ উপলক্ষে তরু ব্যতীত জন্ত সময় যে সকল তরু আসিত, তাহার বাহক বা বাহিকারা অবিনাশের নিকট হইতে পাখের বা পানিপ্রদিক লইত না। অবিনাশ দিতে গেলে তাহার বলিত—“আমরা যাতারাতের টিকিট ক’রে এসেছি। আর এখন ত হামেসা আমাদের আসতেই হবে. রোজ রোজ মজুরি নিতে গেলে চলবে কেন? আর কিই বা জিনিষ এনেছি? এত দাম কতই হবে? কি হাত মজুরি দিতে গেলে আপনাদের লোকসান হবে কত?”

ভোলানাথের বিবাহের এক মাস পরেই অবিনাশের পনের টাকা বেতন বৃদ্ধি হইল। তাঁহার বেতন সত্তর টাকা হইতে পঁচান্ন টাকা হইল। এই বেতনবৃদ্ধি যে সুপরা নববধুর জন্তই হইয়াছে, তাহাতে কাহারও কণামাত্র সন্দেহ রহিল না। এমন সুসন্ধ্যা ও সুপরা বধু, শব্দ শান্তী এবং স্বামী আকিস হইবে না কেন? পিতামাতার অর্শ্রম-ক্লান্তি বেয়না ব্যতীত উমার শব্দবাহিনীতে আর কোন কষ্টই রহিল না। শব্দ-শান্তীর আদর-বধু এবং স্বামীর প্রাণচালা ভালবাসার উমার সে কষ্টও শীঘ্র অন্তর্হিত হইল।

৬

উমার বিবাহের পরদিন জগদীশের সহিত অবিনাশের বিবাহের কথা শুনিয়া মহাশয় শিবে কবিতা করিয়া বলিয়াছিলেন,

“এখন উপায় ?” তাহাতে জগদীশ বলিয়াছিলেন, উপায় ভগবান। হেমাঙ্গিনী রজনীর নিকট ঐ অপ্রিয় ঘটনার উল্লেখ করিয়া বলিয়াছিলেন, “এখন উপায় কি ?” তাহাতে রজনীও জগদীশের বাক্যের প্রতিধ্বনি করিয়া বলিয়াছিলেন—“উপায়, ভগবান করবেন।” ভগবান উপায় করিলেন, কিন্তু অনেক বিলম্বে।

উমার বিবাহের আড়াই বৎসর পরে যুরোপে মহাসমর আরম্ভ হইল, কলে সমস্ত পৃথিবীর ব্যবসায়-বাণিজ্য বিশৃঙ্খল এবং কল্কচ্যুত হইল। যুরোপ ও আমেরিকার নৌ-বাণিজ্য বন্ধপ্রায় হইল। এই সুযোগে জাপান আপনার বাণিজ্য-বৃদ্ধির পরিচয় দিয়া পৃথিবীর বাজার হস্তগত করিল। ইংলণ্ড, ফ্রান্স, জার্মানী, ইটালী প্রভৃতি দেশের কত বড় বড় ব্যবসায়ী কোম্পানি দেউলিয়া হইল, আবার অনেক দেশের কত ছোট ছোট দোকানদার ধন-কুবের হইয়া গেল। সেই বাণিজ্য-বিপ্লব হইতে কলিকাতার বাজারও অব্যাহতি পাইল না। লোহাপটি, কাচপটি এবং ঔষধ-পটির ব্যবসায়ীদের প্রতি লক্ষ্মীর কৃপাদৃষ্টি পতিত হইল। অধিকাংশ ব্যবসায়ী রাতারাতি “আঙ্গুল ফুলে কলাগাছ” হইল। বাঁহারা দুই তিন হাজার টাকা মূলধন লইয়া ব্যবসায় করিতেছিলেন, তাহাদের মধ্যে অনেকেই এক বৎসরের মধ্যে দুই তিন লক্ষ টাকার মালিক হইলেন। জগদীশের পরামর্শ অহুসারে রজনী যুদ্ধের প্রায় ছয় মাস পূর্বে অনূন চল্লিশ হাজার টাকার ঔষধ কিনিয়া গুদামজাত করিয়া রাখিয়াছিলেন। তখন যুদ্ধের কথা কেহ কল্পনাও করে নাই। ছয় মাস পরে যুদ্ধ আরম্ভ হইতেই সেই সকল ঔষধের মূল্য বৃদ্ধি হইতে লাগিল। অবশেষে এক টাকার ঔষধ পনের বোল এমন কি কুড়ি টাকা দিয়াও পাওয়া কষ্টকর হইল। এই সুযোগে জগদীশের ঔষধের দোকানে প্রায় আট লক্ষ টাকা লাভ হইল। রজনী দোকানখানি অপেক্ষাকৃত বড় ও ভাল করিয়া সুসজ্জিত করিলেন। দোকানে কর্মচারীর সংখ্যা বৃদ্ধি পাইল, রজনীর পক্ষে একাকী দোকানের কাষ চালান দুর্ঘট হইল। জগদীশ চুঁচুড়ার দোকান পৈতৃক আমলের “গন্ধেশ্বরের টাট” ছাড়িয়া কলিকাতার দোকানে আসিয়া বসিতে সম্মত হইলেন না। তিনি রজনীকে বলিলেন, “একজন ভাল দেখে কাষের লোক নিযুক্ত কর।”

যুদ্ধের জন্ত ভারতবর্ষে অকস্মাৎ জার্মানপরিচালিত ব্যবসায়-গুলি বন্ধ হইয়া গেল। কলিকাতার বহু পুরাতন “শোডার স্মিথ” প্রভৃতি জার্মান আফিসগুলির সঙ্গে অবিনাশের অন্নদাতা “লান্ডক লিমান” কোম্পানির ব্যবসায় বন্ধ হইল! চাকরী যাওয়াতে অবিনাশ চারিদিক অন্ধকার দেখিলেন। তাহার মাসিক পঁচাত্তর টাকা আয় বন্ধ হইল। যে চল্লিশ টাকা বাটাভাড়া পাইতেন, তাহার উপর নির্ভর করিয়া সংসারযাত্রা নির্বাহ অসম্ভব। অবিনাশের মত শত শত বাঙ্গালী কেহাণীর ঐরূপ অবস্থা হইল।

বিনা মেঘে বজ্রপাতের মত অবিনাশের সংসারে তাহার কর্মচ্যুতির সংবাদ আসিল। সেদিন রাত্রিতে অবিনাশ, গিরিবালা বা জোলামাখ কাহারও নিদ্রা হইল না। ভবিষ্যৎ চিন্তায় সকলেই বিনিদ্র রজনী যাপন করিলেন।

উমা সকল কথা শুনিয়া তাহার খাতড়ীকে বলিল, “আচ্ছা মা, আপনারা এক ভাবছেন কেন ?” কথা কেন একখানা দোকান

গিরিবালা পুত্রবধূকে কোলের কাছে টানিয়া লইয়া বলিলেন, “পাগলী বেটা, দোকান কি অমনি হয় ? দোকান কর্তে যে এক হাজার দু’হাজার টাকা চাই, সে টাকা কোথা ?”

“কেন—আমার ত এত গরনা রয়েছে, বিক্রী করলেই ত টাকা পাওয়া যাবে।”

“বালাই বাট, ও কথা মুখে আনতে নেই। তোমার গরনা জন্ম জন্ম তুমি পরে থাক।”

অবিনাশ গিরিবালায় মুখে, উমার প্রস্তাবের কথা শুনিয়া বলিলেন, “বৌমা পাকা কথাই বলেছেন। যদি চাকরীর মায়া ত্যাগ করে একখানা দোকান কর্তেম, তাহলে আজ আমার ভাবনা কি ? কিন্তু টাকা যোগাড় করতে পারলেই ত ব্যবসা চালান যায় না, ব্যবসায় শিক্ষা চাই।” একদিন অবিনাশ যে দোকানদারকে বুদ্ধির দোষে ঘৃণা ও করুণার পাত্র বলিয়া মনে করিয়াছিলেন, আজ সেই দোকানদারকে তিনি ঈর্ষার পাত্র বলিয়া মনে করিলেন।

চাকরী যাওয়ার পুত্রের বিদ্যালিক্ষা বন্ধ হইল, কলেজের বেতন যোগাইবার ক্ষমতা আর রহিল না। অনুঢ়া কজা উষা বার বৎসরের হইল, আগামী বৎসর না হয় পর বৎসর তাহার বিবাহ দিতেই হইবে, অথচ হাতে একটি পরমা নাই, বাড়ীভাড়া চল্লিশটি টাকা মাত্র সঞ্চল !

ভাবনায় ভাবনার দিন কাটিতে লাগিল। মাস দুই পরে অবিনাশের সহিত পশ্চিমঘ্যে হরিপ্রসন্নর সাক্ষাৎ হইলে অবিনাশ নিজের সাংসারিক দুঃস্বপ্নের কথা উপস্থাপন করিয়া বলিলেন, “রোজই ভাত মুখে দিয়ে চাকরির চেষ্টায় আফিসে আফিসে ঘুরে ঘুরে বেড়াই, কোথাও টাকা পকাশের মতও একটা চাকরি জোগাড় করতে পারলাম না।”

হরিপ্রসন্ন বলিলেন, “বড়বাজারে ‘ইউনিভার্সেল মেডিকেল ষ্টোরে’ একবার চেষ্টা করে দেখুন দেখি, শুনেছি সেখানে এক আধ জন লোক নিচ্ছে।”

এই সংবাদ পাইয়া অবিনাশ সেই দিনই উল্লিখিত স্থানে অর্থাৎ রজনী-পরিচালিত জগদীশের ঔষধের দোকানের উদ্দেশ্যে গমন করিলেন। যথাসময়ে দোকানে প্রবেশ করিয়া দেখিলেন, একটা প্রকাণ্ড হলঘরের মধ্যে চারিদিকে বড় বড় কাচের ‘শো-কেস’ সজ্জিত, দশ বার জন কর্মচারী নানা কাষে ব্যস্ত। পাশের একটা ঘরে কম্পাউণ্ডাররা ঔষধ প্রস্তুত করিতেছে, কোন স্থানে বিদেশে চালান দিবার জন্ত নানাপ্রকার ঔষধ বাক্সবন্দী করা হইতেছে। তিনি এক জন কর্মচারীকে জিজ্ঞাসা করিলেন, “ম্যানেজার বাবু কোথা ?”

সেই কর্মচারী পর্দার অন্তরালে একটা কক্ষ দেখাইয়া দিলেন। অবিনাশ সেই কক্ষমধ্যে প্রবেশ করিতে বাইতেছিলেন, এমন সময় এক জন সাহেব সেই কক্ষ হইতে বাহির হইয়া আসিলেন। অবিনাশ কক্ষমধ্যে প্রবেশ করিয়া দেখিলেন, এক জন গৌরবর্ণ, প্রশস্ত ললাট, কোঁরিত মুখমণ্ডল মধ্যবয়স্ক বাঙ্গালী উদ্রলোক একটা প্রকাণ্ড সেক্রেটারিয়েট টেবলের এক পার্শ্বে বসিয়া আছেন, টেবলের অপর পার্শ্বে দুই তিনখানা খালি চেয়ার।

অবিনাশ কক্ষমধ্যে প্রবেশ করিবামাত্র তিনি জিজ্ঞাসা করিলেন, “কি চান ?”

অবিনাশ নমস্কার করিয়া পকেট হইতে একখানা আবেদনপত্র বাহির করিয়া তাঁহার হাতে দিয়া নীরবে দণ্ডায়মান রহিলেন। সেই ভয়লোক প্রতি নমস্কার করিয়া একখানা চেয়ার দেখাইয়া দিলেন এবং নীরবে দরখাস্তখানা পড়িতে লাগিলেন। পড়া শেষ হইলে তিনি বলিলেন, “আপনি ‘ল্যাণ্ড ক স্ট্রীম্যানের’ আফিসে কাৰ্য্য কর্তে কত দিন সেখানে ছিলেন?”

“প্রায় একশ বৎসর।”

“আপনি ঔষধ বিভাগে ছিলেন, ঔষধের কাৰ্য্য সম্বন্ধে নিশ্চয়ই আপনার জ্ঞান আছে।”

“সে কাৰ্য্য আমার একেবারে অজানা নয়।”

“সেখানে কত বেতন পেতেন?”

“পঁচাত্তি টাকা।”

“আজ শুক্রবার, আপনি একবার সোমবার আসবেন। আরও ক’খানা দরখাস্ত আছে, দেখে স্থির করা যাবে। এ দরখাস্ত-খানা রেখে যেতে পারবেন?”

“আপনি রেখে দিন। পরশু কখন আসব?”

“এমনি সময় আসবেন।”

“যে আজ্ঞা” বলিয়া অবিনাশ নমস্কার পূৰ্ব্বক বিদায় গ্রহণ করিলেন। অবিনাশ প্রস্থান করিবামাত্র ম্যানেজার বাবু একখানা চিঠির কাগজ লইয়া লিখিলেন,

“ভাই জগদীশ,

আজ বেয়াই মশাই এইমাত্র চাকরির উমেদার হয়ে এসেছিলেন, তাঁকে সোমবারে আসতে বলে দিয়েছি। তাঁর সঙ্গে আমার চাকুরি আলাপ-পরিচয় না থাকতে ভালই হয়েছে। উম্মুর মুখে আমার নাম হয় ত শুনে থাকতে পারেন, ভাই মনে করছি, বেয়াইয়ের কাছে আর পিতৃদত্ত নামে আত্মপ্রকাশ করব না, কি বল? রবিবার এখানে এসে আহার করবে, আমি তোমার জন্ত অপেক্ষা করে থাকব! এ দিকের সংবাদ সব মঙ্গল। ইতি।

তোমার রজনী।”

রবিবারে জগদীশ রজনীর বাটীতে আসিলে, উভর বন্ধুতে মিলিয়া অনেক কথা-বার্তী ও পরামর্শ হইল। জগদীশ বলিলেন, “তোমার নাম বদল ক’রে কাৰ্য্য নাই। বেয়াই দোকানের অল্প লোকের মুখে তোমার প্রকৃত নাম জানতে পারেন, চিঠি-পত্রে তোমার নাম ধরা পড়তে পারে। রজনী নামেই থাক, কলকাতার হাজার হাজার রজনী থাকতে পারে।”

সোমবারে অবিনাশ নূতন কার্য্যক্ষেত্রে গিয়া ম্যানেজারের কক্ষে প্রবেশ করিয়া দেখিলেন, ম্যানেজার বাবুর টেবলের দক্ষিণ পার্শ্বে আর একটা বড় সেক্রেটারিয়েট টেবল ও চেয়ার প্রভৃতি রহিয়াছে। অবিনাশ অকস্মৎ চুکیয়া রজনীকে নমস্কার করিলে তিনি প্রতিনমস্কার করিয়া বসিতে বলিলেন, এবং ক্ষণকাল পরে বলিলেন, “আপনাকে লওয়াই আমরা স্থির করেছি। ঔষধের কাৰ্য্য সম্বন্ধে আপনার অভিজ্ঞতা আছে, অল্প দরখাস্তকারীদের তা নাই। আপনি কবে কাৰ্য্য যোগদান কর্তে পারবেন?”

“আমি ত এখন বেকার, বলেন ত আজ থেকেই কাৰ্য্য লাগতে পারি।”

“আজ দিন ভাল নয়। আপনি কাল থেকে আসবেন। আপনি কোথায় থাকেন?”

“—নং অখিল মিত্রীর লেন, চাপাতলা।”

“তবে ত আমার বাড়ীর কাছে, আমি থাকি স্কটস্ লেনে। তা বেশ হ’ল, কাল বেলা এগারটার সময় আপনি প্রস্তুত হয়ে থাকবেন, আমি আসবার সময় আপনাকে ডেকে আসব।”

ম্যানেজার বাবুর সহায়তা ও ভদ্রতার রজনী আপ্যায়িত হইয়া গেলেন। পরদিন রজনী আফিসে বাইবার সময় অবিনাশের বাটীর সম্মুখে গাড়ী ধাঁড় করাইবামাত্র দেখিতে পাইলেন, অবিনাশ প্রস্তুত হইয়াই বৈঠকখানাতে বসিয়া আছেন। তিনি ম্যানেজার বাবুকে দেখিয়া তাড়াতাড়ি উঠিয়া আসিলেন এবং গাড়ীতে উঠিয়া সম্মুখের আসনে বসিতে উদ্বৃত্ত হইলে রজনী তাঁহার হাত ধরিয়া জোর করিয়া নিজের পার্শ্বে বসাইলেন এবং বলিলেন, “আপনি আমা অপেক্ষা বয়োজ্যেষ্ঠ, আপনি ওখানে ব’সে আমাকে অপরাধী করবেন না।”

রজনীর অসামান্যতায় অবিনাশ মুগ্ধ হইলেন। পথে আসিতে অবিনাশ জিজ্ঞাসা করিলেন, “এ গাড়ী কি আপনার?”

“আফিসের গাড়ী। আফিসের কাৰ্য্যেই ব্যবহার হয়। সকালে আমাকে বাড়ী থেকে নিয়ে যায় আবার সন্ধ্যার সময় রেখে যায়। আপনাকে আর চ’লে কিবা ট্রামে যাতায়াত কর্তে হবে না, এক সঙ্গেই যাতায়াত করা যাবে। আমাকে মাঝে মাঝে কলকাতার বাইরেও দশ-পনের দিনের জন্ত যেতে হয়, সে সময় আপনি একলাই এই গাড়ীতে যাতায়াত কর্তেন।” আফিসে উপস্থিত হইয়া অবিনাশ দেখিলেন যে, ম্যানেজারের কক্ষে যে নূতন টেবলটা আনা হইয়াছে, সেটা অবিনাশের ব্যবহারের জন্ত। রজনী তাঁহাকে সেই টেবল দেখাইয়া দিয়া বলিলেন, “আপনি এইখানে আমার পাশেই বসবেন, হুঁজনে পরামর্শ করে কাৰ্য্য করা যাবে।”

অবিনাশ বলিলেন, “আগে কিছুদিন আপনার সাক্ষরদি ক’রে কাৰ্য্য-কৰ্ম্ম শিখে নিই, তারপর পরামর্শ করবেন।”

সে দিন এবং তাহার পর কয়েক দিন ধরিয়া যে সকল সাহেব, মাজোরারী বা বাঙ্গালী দালাল রজনীর নিকটে আসিয়াছিলেন, রজনী তাহাদের নিকটে অবিনাশকে সহকারী ম্যানেজার বলিয়া পরিচিত করাইয়া দিলেন। আগস্টকদিগের মধ্যে কয়েকজন অবিনাশের পূৰ্ব্বপরিচয়ও ছিলেন, তাহারা ‘ল্যাণ্ড ক স্ট্রীম্যানের’ আফিসে পূৰ্ব্বে অবিনাশকে দেখিয়াছিলেন। অবিনাশ যে কত বেতন পাইবেন, তাহা কিছুই জানিতে পারিলেন না, অসুস্থান করিলেন যে, যখন ম্যানেজার বাবু তাঁহাকে সহকারী ম্যানেজার বলিয়া সকলের নিকটে পরিচয় দিতেছেন, তখন বোধ হয় পঞ্চাশ পাট টাকার কম হইবে না।

অবিনাশ ইংরেজী মাসের ১ই তারিখে নূতন কার্য্যে যোগদান করিয়াছিলেন। সে মাস শেষ হইলে পর মাসের ১লা তারিখে দৈনিকানের এক জন কর্মচারী আফিসের “পে-বুক” বা বেতনের হিসাব পুস্তক অবিনাশের নিকটে আনিয়া বিনয় সহকারে বলিলেন, “যে আপনার নামটা সই ক’রে আপনার বেতনের টাকাটা বুকে নিল।”

অবিনাশ দেখিলেন, কর্মচারীদের, নামের তালিকার প্রথমেই তাঁহার নাম এবং নামের পার্শ্বে বেতনের পরিমাণ একশত টাকা



লেখা আছে। উপরক্ত তিনি যে প্রথম আট দিন আফিসে যোগদান করেন নাই, সেই আট দিনের বেতন ধরিয়া পূরা একশত টাকাই তাঁহাকে দেওয়া হইল। তিনি পে-বুকে সহী করিলে কর্মচারী তাঁহাকে দশখানা দশ টাকার নোট দিয়া প্রস্থান করিলেন।

কর্মচারী চলিয়া গেলে অবিনাশ রজনীকে বলিলেন, “মহাশয়, একটা কথা আমি বুঝতে পারছি না। পূর্বে আফিসে আমার বেতন ছিল পঁচালী টাকা, সুতরাং এখানে আমি পঞ্চাশ সাত টাকার অধিক আশা করিনি, এখন দেখছি আমার বেতন একশত টাকা নির্দিষ্ট হয়েছে। ইহার কারণ কি? দ্বিতীয়, আমি ৯ট ভরিখে কাষে নিযুক্ত হয়েছি। অথচ আমাকে পূরা মাসের বেতন দেওয়া হ'ল কেন? এটা বোধ হয় ভুল হয়েছে?”

রজনী হাসিয়া বলিলেন, “না, ভুল হয় নাই। আমি পূরা মাসের বেতন দিবারই ব্যবস্থা করেছি। আপনি কাষ করেন নি ব'লে সামান্য কুড়ি পঁচিশ টাকা কেটে আফিসের কি লাভ হবে, অথচ এই কুড়ি পঁচিশ টাকায় আপনার উপকার হবে। তারপর আপনার বেতন? আপনি সাহেবের আফিসে যে কাষ করতেন, যদি এক জন সাহেব সেই কাষে নিযুক্ত থাকতেন, তা হলে তাঁর কত বেতন হত? বোধ হয় তিনশত টাকার কম নয়। কিন্তু আপনি সাহেব নন বলেই আপনাকে মাত্র পঁচালী টাকা দেওয়া হত। সাহেববা এ দেশে টাকা লুঠ করতে আসে, তারা এ দেশের টাকা স্বদেশে নিয়ে যেতে চায়, তা' স্বদেশবাসীর বেতন হিসাবেই হ'ক আর আফিসের লাভ হিসাবেই হ'ক। আমাদের এটা বাঙ্গালীর আফিস, আমরা বাঙ্গালার টাকা বাঙ্গলাতে রাখতে চাই, তা' আমার ঘরেই হ'ক কি আপনার ঘরেই হ'ক। আজ যদি এক জন পার্শি বা মাদ্রাজীকে আপনার পরিবর্তে লওয়া হত, তা হ'লে তার বেতন পঞ্চাশ বাট টাকাই হ'ত।”

অবিনাশ রজনীর কথা শুনিয়া অনেকক্ষণ নিস্তব্ধ হইয়া রহিলেন, তার পর ধীরে ধীরে বলিলেন, “আপনাকে আমি আর কি বলব, আপনার সশয়সত্য ও মহানুভবতায় আমি আপনার কেনা গোলাম হয়ে রইলাম। জানি না, কি ব'লে আপনার প্রতি কৃতজ্ঞতা প্রকাশ করব।”

রজনী বলিলেন, “আমাকে অমন কথা বলবেন না। আমরা কেউ কারও গোলাম নাই, আমরা সকলেই সেই এক জনের গোলাম। যদি কারও কাছে কৃতজ্ঞতা প্রকাশ করতে হয়, তবে তাঁর কাছে করবেন, তাঁর ধন্যবাদ করবেন, আমি ত উপলক্ষ মাত্র।”

আরও তিন বৎসর অর্থাৎ উমার বিবাহের পর সাড়ে পাঁচ বৎসর অতীত গর্ভে বিলীন হইয়া গেল। উমা এখন উনিশ বৎসর বয়সে পদার্পণ করিয়াছে। তাহার আজ দেড় বৎসর হইল একটি পুত্র হইয়াছে। কন্টার পুত্র-সম্ভাবনার সংবাদে মহামায়া যৎপরোনাস্তি আনন্দ প্রকাশ করিলেন, কিন্তু পরমুহূর্তে দীর্ঘ নিঃশ্বাস ত্যাগ করিয়া বলিলেন, “প্রথম পোয়াতী মার কাছে বাপের বাড়ীতে প্রসব হলেই বেশ হ'ত।”

জগদীশ সে কথা শুনিয়া বলিয়াছিলেন, “প্রথম পোয়াতী কলিকাতার প্রসব হওয়াই ভাল। সেখানে পাকা দাই

আছে, মেয়ে ডাক্তার আছে, বড় বড় ডাক্তার আছে, কোন ভাবনা নাই।”

উমার সাধের সময় জগদীশ স্বর্ণলিঙ্গার এবং বহুল্য বস্ত্র পাঠাইয়াছিলেন। দৌহিত্রের অন্নপ্রাশনের সময়েও শিশুর স্বর্ণ ও রৌপ্য অলঙ্কার, একসেট রূপার বাসন এবং নগদ এক শত টাকা পাঠাইয়াছিলেন, কিন্তু নিমন্ত্রণ রক্ষা করিতে কেহই আসেন নাই। সেই বিবাহের পর হইতে দুই বৈবাহিকের মধ্যে আর দেখা-সাক্ষাৎ হয় নাই।

উমার পুত্রের অন্নপ্রাশনের কিছু পূর্বে তাহার নন্দ উষ্মরও বিবাহ হইয়াছিল। রজনী অবিনাশকে বলিয়াছিলেন যে, উষ্মর বিবাহ বেন ভাল জায়গায় দেওয়া হয়, টাকার জ্ঞান কোন চিন্তা নাই। উষ্মাও ধনবানের বাটতেই পড়িয়াছিল, সেও দেখিতে বেশ সুশ্রী ছিল। কন্টার বিবাহে অবিনাশ প্রায় তিন হাজার টাকা ব্যয় করিয়াছিলেন, তার মধ্যে আড়াই হাজার টাকা অবিনাশ আফিস হইতে পূর্ণ করিয়াছিলেন। কন্টার বিবাহে অবিনাশ জগদীশকেও নিমন্ত্রণ করিয়াছিলেন, জগদীশ ‘আইবুড় ভাত্তে’ বস্ত্র ও মিষ্টান্ন আদি পাঠাইয়াছিলেন।

আড়াই বৎসরে অবিনাশের বেতন এক শত হইতে আড়াই শত হইয়াছিল। তিনি বুদ্ধিমান ও কাণ্ডাক্ষ ছিলেন, রজনী সর্বদা তাঁহার সহিত পরামর্শ করিয়া কাষ করিতেন। ভোলানাথ বি-এ পাশ করিবার পর, রজনীর অনুরোধে পিতার সঙ্গে কাষে বাতির হইয়াছিল, তাহারও আশী টাকা বেতন হইল।

এই কয় বৎসরে অবিনাশের সহিত রজনীর নিবিড় ঘনিষ্ঠতা হইয়াছিল। এক দিন হেমাঙ্গিনী উপযাচক হইয়া অবিনাশের বাড়ীতে গিয়া গিরিবালার সহিত আলাপ করিয়া আসিলেন, গিরিবালার আনন্দ আর ধরে না। হেমাঙ্গিনী উমাকে কাছে টানিয়া লইয়া কত আদর করিলেন। উমা তাঁহাকে দেখিয়া অনেকক্ষণ বিস্মিত নেত্রে চাহিয়া চাহিয়া বলিল, “আমি আপনাকে বেন কোথায় দেখেছি বলে মনে হয়।”

হেমাঙ্গিনী বলিলেন, “আমাকে আর কোথায় দেখবে, মা? তোমার বাপের বাড়ী কোথা?”

গিরিবালা বলিলেন, “বৌমার বাপের বাড়ী চুঁচুড়ো।”

হেমাঙ্গিনী বলিলেন, “তবে ঠিক হয়েছে, আমার এক বমজ বোন আছে, তার বিয়ে হয়েছে চুঁচুড়ায় বড় বাজারে ঘোষেদের বাড়ী।” এই বলিয়া তিনি স্বীয় বৈমাত্রেয় দেবরের নাম করিলেন। উমা বলিল, “তাঁর নাম শুনেছি। আপনার বোন আমার বিয়ের সময় আমাদের বাড়ীতে এসে ছ' তিন দিন ছিলেন। আমি তাঁকে কাকী-মা বলতুম।”

“তুমি আমাকেও কাকী-মা বোল, আমিও তোমাকে উমা বলে ডাকব।”

অল্পদিনের মধ্যেই এই দুই পরিবারের মধ্যে যথেষ্ট ঘনিষ্ঠতা হইল। হেমাঙ্গিনী ও গিরিবালা পরস্পরকে ‘দিদি’ বলিয়া সম্বোধন করিতেন।

ইতিমধ্যে জগদীশ একবার সস্ত্রীক তীর্থ করিয়া আসিলেন। কলিকাতার ব্যবসায়ের কার্য উপলক্ষে তাঁহাকে দিল্লী যাইতে হইয়াছিল, সে সময় রজনী কলিকাতার কার্যে বিশেষ ব্যস্ত থাকাতো তাঁহার যাওয়া হইল না, অগত্যা জগদীশকেই যাইতে



হইল। জগদীশ মহামায়াকে লইয়া দিল্লী, আগরা, মথুরা, বৃন্দাবন, মীরট, লক্ষী, কাণপুর, এলাহাবাদ, কাশী ও গয়া হইয়া প্রত্যাভর্তন করিলেন। প্রয়াগে তিনি মস্তক মুগুন ও গুফ ত্যাগ করিলেন। জগদীশের গৌফ বেমন বড়, তেমনই মোটা ছিল, সেসকল গৌফ বাঙ্গালীর বড় কমই দেখা যায়। গৌফ কামাইয়া ফেলাতে তাঁহার মুখশ্রীর পরিবর্তন হইল। এক একজন লোক থাকে, বাহারা গৌফ কামাইলে সম্পূর্ণ নতুন লোক বলিয়া মনে হয়। জগদীশেরও তাহাই হইল। তিনি ত্রিবেণী-সম্মে যখন কেশ ও গুফ ত্যাগ পূর্বক পিতৃ-পুরুষের শ্রাদ্ধ করিয়া বাসাতে ফিরিয়াছিলেন, তখন তাঁহার সমভিব্যাহারী কর্মচারী, পাচক ও ভৃত্যও সহসা তাঁহাকে চিনিতে পারে নাই।

ব্যবসারে প্রচুর লাভ হইবার পর জগদীশ, রজনীর পরামর্শে হলুদপুরের পুরাতন বাটী ভাঙ্গিয়া তথায় নতুন বাটী নির্মাণ করাইয়াছিলেন। পুরাতন বাটীটি ছোট ছিল, নতুন বাটী খুব বড় এবং দ্বিতল হইল। অস্তঃপুরের সংলগ্ন একটা প্রকাণ্ড বোধ হয় আট দশ বিঘা আমবাগান ও বাগানে দুই তিনটা পুকুরিণী ছিল, সে সকলের সংস্কার করা হইল, বাগানের চতুর্দিক উচ্চ প্রাচীর দিয়া বেড়া হইল। বাটীর সম্মুখে একটা বড় পুকুরিণী ছিল, তাহার পক্ষোক্ষার ও ঘাট বাধান হইল। এই সকল কার্যে রজনী কলিকাতা হইতে দরজা, জানালা, লোহার কড়ি, বরগা, বেলা প্রভৃতি এবং সুন্দর বাস্তমিস্ত্রি পাঠাইয়াছিলেন।

বাটীর নির্মাণকার্য শেষ হইলে, রজনী কলিকাতা হইতে গৃহ-সজ্জা কিনিয়া পাঠাইয়া দিলেন। প্রত্যেক কক্ষ সুন্দর ছবি, দর্পণ, চেয়ার, টেবল, সতরঞ্চ গালিচার সজ্জিত করা হইল। কলিকাতার কোন নার্সারিকে সদর পুকুরের তিন দিকে এবং খিড়কীতে ফুলবাগান করিবার কন্ট্রাক্ট দিয়া সুন্দর ফুলবাগান করা হইল।

এই সকল কার্য সম্পন্ন হইলে রজনী জগদীশকে দিয়া বসিলেন—এ বৎসর শৈতন্য ভিটার চর্গোৎসব করিতে হইবে। জগদীশ প্রথমে একটু আপত্তি করিয়া শেষে সম্মত হইলেন। বলা বাহুল্য যে, রজনীর অমুরোধ মহামায়াও সমর্থন করিয়াছিলেন। জন্মার্ত্তমীর দিন “কাটাম” পূজা হইল, যথাসময়ে কুস্তকার আসিয়া প্রতিমা নির্মাণ আরম্ভ করিল।

পূজার কয়েক দিন পূর্বে, একটা রবিবার মধ্যাহ্নকালে আহারাদির পর রজনী ও হেমাজিনী অবিনাশের বাটীতে উপস্থিত হইলেন। এইরূপ বাতায়ত এই দুই পরিবারে সর্বদাই হইত।

রজনী অবিনাশকে লইয়া বৈঠকখানাতে প্রবেশ করিলেন, হেমাজিনী অস্তঃপুরে গিরিবালায় নিকট গমন করিলেন। রজনী বৈঠকখানাতে উপবেশন করিয়া বলিলেন, “দাদা, আজ আপনাকে নিমন্ত্রণ করতে এসেছি।”

ইদানীং রজনী অবিনাশকে “দাদা” বলিয়া সম্বোধন করিতেন। রজনী অপেক্ষা অবিনাশ পাঁচ ছয় বৎসরের বড় ছিলেন। রজনীকে অবিনাশ “ম্যানেজার বাবু” বলিয়া ডাকিতেন। রজনীর কথা শুনিয়া অবিনাশ সহাস্তে বলিলেন, “কি বকম? আপনারই ত খাচ্ছি। আবার নিমন্ত্রণ কি?”

“সে খাওয়া নয়, এবার সত্য নিমন্ত্রণ। এ বৎসর মা দশভূজাকে বাড়ীতে আনিবার ব্যবস্থা করেছি!”

“বেশ কথা, বড় আনন্দের কথা। কিন্তু আপনার বাড়ীতে ছুর্গাপূজার স্থান কোথায়?”

“এ বাড়ীতে নয়, আমাদের দেশের বাড়ীতে।”

“দেশের বাড়ীতে? আপনার ত এখানেই বাড়ী, আবার দেশ কোথা?”

“এখানকার বাড়ী আমার মাতামহের, আমি তাঁর উত্তরাধিকারী বলে এই বাড়ী পেয়েছি। আমাদের আদত বাড়ী ছগলী জেলায়, মগুগ্রামের কাছে হলুদপুর।”

“হলুদপুর? দেবানন্দপুরের কাছে?”

“আপনি জানেন নাকি? হলুদপুরে কখনও গিয়েছিলেন?”

“না, যাইনি কখনও। শুনেছি আমার বেয়াই—ভোলার শতুরের শৈতন্যক বাস হলুদপুর।”

“ভোলার শতুরবাড়ী চুঁচুড়ায় না?”

“হ্যাঁ, ভোলার দাদাশতুর হলুদপুর থেকে চুঁচুড়ায় এসে বাস করেছিলেন।”

“আমাদের গ্রামে কয়েকঘর আপনাদের স্বজাতি আছে ন বটে। আপনার বেয়ায়ের নাম কি?”

“জগদীশ পাল।”

“ঠেক, হলুদপুরে জগদীশ পাল বলে কাকেও দেখেছি বলে মনে হচ্ছে না। তবে সেখানে পালেদের একটা ভাঙ্গা বাড়ী এবং মস্ত একটা বাগান আছে বটে।”

“হয় ত সেইটাই হবে। তা’ আপনার বাড়ী যাব, এর আর কথা কি? কবে যেতে হবে?”

“আমি সপরিবারে দুই চার দিন আগে যাব। আপনি ষষ্ঠীর দিন বেলা ১টার সময় আফিস বন্ধ করে বৌদিদি, ভোলা এবং বৌমাকে নিয়ে যাবেন। বৈকালে ৪টার সময় ব্যাঙুলে আফিসের রাম সিং কি শিবরতন যে হয় থাকবে, সেই আপনাদের সঙ্গে করে নিয়ে যাবে। বিদেশে গোলমালের বাড়ীতে আপনাদের হয় ত অনেক কষ্ট অনেক অসুবিধা হবে, তবে সেটা আপনার নিজের বাড়ী মনে করে সব সহ্য করতে হবে। আমার স্ত্রীও, বৌদিদি আর বৌমাকে বলতে এসেছেন।”

“বিলম্ব, এ আর বলাবলি কি? আমি ত পূর্বেই বলেছি, আপনি আমাকে কিনে রেখেছেন, আপনি কাকের মুখে খবর—”

“কাকের মুখে কেন, নিজের মুখেই খবর দিচ্ছি। আর কেনা কিনা বলছেন, যার কেনবার তিনিই কিনেছেন, আমরা উপলক্ষ মাত্র।”

অবিনাশ বুঝিলেন, রজনী ভগবানের কথাই বলিতেছেন। তাই বলিলেন, “সে ত ঠিক কথা, তাতে আর সন্দেহ কি আছে? উবার শতুরবাড়ীতে পূজা, তার বোধ হয় বাওয়া হবে না।”

“সে ত বটেই। তা’ উবাকে আর জামাই বাবাজীকে এর পর এক সময় নিয়ে গেলেই হবে।”

রজনী চতুর্থীর দিন আফিসের পর সস্ত্রীক হলুদপুরে গমন করিলেন। অবিনাশ ষষ্ঠীর দিন প্রাতে, হলুদপুরে যাইবার সমস্ত আয়োজন করিয়া আফিসে যাইলেন। পত্নীকে বলিয়া গেলেন যে, ১টার পর ভোলা আফিস হইতে বাটীতে আসিয়া গিরিবালা ও উমাকে লইয়া একবারে স্টেশনে যাইবে, তিনি নিজে ২টার সময় আফিস বন্ধ করিয়া সোজা স্টেশনে যাইবেন। আফিসের বাড়ী

রজনী হলুদপুরে লইয়া গিয়াছিলেন, অবিনাশ ও ভোলানাথ ট্যাক্সি করিয়া ষ্টেশনে যাইবেন, এইরূপ ব্যবস্থা হইল।

ষষ্ঠীর দিন অবিনাশ ছুইটার সময় আফিস বন্ধ করিয়া হাওড়া ষ্টেশনে গমন করিলেন। ষ্টেশনে গিয়া দেখিলেন যে, ভোলানাথ কিছু পূর্বে ষ্টেশনে আসিয়াছে এবং দ্বিতীয় শ্রেণীর টিকিট কিনিয়া পিতার জন্য অপেক্ষা করিতেছে। অবিনাশ সকলকে লইয়া ট্রেনে আরোহণ করিলেন, গাড়ী ছাড়িয়া দিল।

ট্রেন চন্দননগরে উপস্থিত হইলে উমার মন একটু চঞ্চল হইয়া উঠিল, পূর্বের ষ্টেশন চুঁচুড়া, উমার পিত্রালয়। কত দিন উমা পিতামাতাকে দেখে নাই! সেই বিবাহের পরদিন নববধূ স্নেহময়ী জননীর ক্রোড় পরিত্যাগ করিয়া আসিয়াছে, তাহার পর সুদীর্ঘ পাঁচ বৎসর অতীত হইয়াছে, সে জনক-জননীর চরণ দর্শন করে নাই! গিরিবালা পুত্রবধুর মনের ভাব বুঝিতে পারিয়া বলিলেন, “বৌমার মায়ের জগ্ন মন কেমন করছে? তা’ করবারই কথা। কি করব মা, আমাদের কি অসাধ? তোমার বাবাই ত নিয়ে যান না। দেখি ঠুকে বুঝিয়ে যদি মত করতে পারি, তা’ হলে ফেরবার মুখে না হয় তোমাকে ভোলার সঙ্গে চুঁচুড়ায় নামিয়ে দিয়ে যাব।”

চারিটার কিছু পূর্বে ট্রেন ব্যাঙেলে উপস্থিত হইল। সকলে গাড়ী হইতে নামিয়া দেখিলেন, দোকানের বেহারা শিবশরণ প্রাটফরমে দাঁড়াইয়া আছে। তাঁহাদিগকে গাড়ী হইতে অবতরণ করিতে দেখিয়া সে তাড়াতাড়ি তাঁহাদের নিকটে গিয়া তাঁহাদের দ্রব্যাদি নামাইয়া লইল এবং কুলির মাথায় তাগ চাপাইয়া দিয়া ‘খোকাবাবুকে’ কোলে লইয়া অগ্রসর হইল। অবিনাশ ষ্টেশনের বাহিরে আসিয়া দেখিলেন, দোকানের গাড়ী তাঁহাদের জন্য অপেক্ষা করিতেছে। সকলে গাড়ীতে আরোহণ করিলে গাড়ী ছাড়িয়া দিল। শিউশরণ গাড়ীর উপরে, কোচম্যানের পার্শ্বে উপবেশন করিল।

গিরিবালা কলিকাতার মেয়ে, কলিকাতার বৌ, কখনও কলিকাতার বাহিরে যান নাই। পল্লীগ্রাম যে কিরূপ, সে সম্বন্ধে তাঁহার কোন ধারণাই ছিল না। উমারও তথৈব চ, সে চুঁচুড়ার মেয়ে হইলেও কখনও পল্লীগ্রামে যায় নাই! ভোলানাথেরও পল্লীগ্রাম সম্বন্ধে কোন অভিজ্ঞতা ছিল না, সে রেলের গাড়ী হইতে দূরে বা নিকটে পল্লীগ্রাম দেখিয়াছিল, কিন্তু কখনও পল্লীগ্রামের ভিতর দিয়া গমন করে নাই। সুতরাং ঘোড়ার গাড়ী করিয়া যাইবার সময় সকলেই পল্লীগ্রামের বাহু সম্পদ ও সৌন্দর্য দেখিয়া মুগ্ধ হইলেন। কিন্তু ঐ “ধনধান্ত-পুষ্পভরা” গ্রামের ভিতরে যে ম্যালেরিয়া, ঋণভার, জমিদারের কর্মচারীর এবং মহাজনের অত্যাচার কিরূপ বহুমূল হইয়া গ্রামবাসীদিগকে ভিল ভিল করিয়া ধ্বংসমুখে ঠেলিয়া লইয়া যাইতেছে, সে সম্বন্ধে তাঁহাদের কোন ধারণাই ছিল না। তাঁহারা শরৎকালে মাঠে বহুলক্ষীর “অনিল-বিকম্পিত শ্রামল অঞ্চল” দেখিয়াই মুগ্ধ হইলেন।

পথের পার্শ্বে একটা জলাশয়ে শত শত খেত ও লাল পদ্ম ফুটিয়া ছিল, তাহা দেখিয়া গিরিবালা বলিলেন, “কি সুন্দর পদ্মফুল ফুটে রয়েছে দেখ। ইচ্ছে হয় তুলে নি।”

ভোলানাথ তাহা শুনিয়া গাড়ী থামাইতে বলিল এবং গাড়ী হইতে নামিয়া ফুল তুলিতে অগ্রসর হইল। তাহা দেখিয়া শিউশরণ কোচবাক্স হইতে লাফাইয়া পড়িল এবং বলিল, “আপুনে গাড়ী পর বৈঠেন বাবু, হামি ফুল এনে দিচ্ছে।” এই বলিয়া সে এক উক জলে নামিয়া অনেকগুলি খেত ও লাল পদ্ম তুলিয়া আনিয়া ভোলানাথের হাতে দিল এবং একটা লাল পদ্ম খোকার হাতে দিয়া বলিল, “খোকাবাবু ফুল লিবে?”

খোকাবাবু সানন্দে হাত বাড়াইয়া ফুলটি লইল এবং মুহূর্ত্ত-মধ্যে তাহা ছিঁড়িয়া টুকরা টুকরা করিল। ভোলানাথের ইচ্ছা হইল, কয়েকটা ফুল উমার হাতে দেয়, কিন্তু পিতামাতার সম্মুখে লজ্জায় দিতে পারিল না, সে সব ফুলই গিরিবালা হাতে দিল। গিরিবালা তাহা উমার হাতে দিয়া বলিলেন, “বৌমা, ফুলগুলো রেখে দাও, কাল মায়ের চরণে পুষ্পাঞ্জলি দেব।”

বেলা পাঁচটার পর একটা দূরবর্তী গ্রামে একটা সুন্দর দ্বিতল অটালিকা দেখিতে পাওয়া গেল।

গিরিবালা বলিলেন, “ইগা, ওটা কাদের বাড়ী? কি সুন্দর দেখতে, যেন ছবিটি।”

অবিনাশ বলিলেন, “বোধ হয় কোন জমিদারের হবে।”

কিয়ৎদূর গিয়া গাড়ী মোড় করিয়া সেই অটালিকার দিকেই যাইতে লাগিল। তখন অবিনাশ বলিলেন, “গাড়ী বোধ হয় ঐ গ্রামের কাছ দিয়ে কি ভিতর দিয়েই যাবে।”

আরও প্রায় দশ মিনিট পরে গাড়ী ধূলি-সমাচ্ছন্ন বন্ধুর কাঁচা রাস্তা ছাড়িয়া একটা প্রকাণ্ড পুষ্করিণীর পাশ দিয়া পাকা রাস্তা ধরিয়া চলিল। সেই পুষ্করিণীও পদ্মফুলে আবৃত। সকলে একদৃষ্টে সেই পুষ্করিণীর শোভা দেখিতেছিলেন, এমন সময় গাড়ীর গতি বন্ধ হইল, তখন সকলে গাড়ী থামিবার কারণ জানিবার জগ্ন গাড়ীর অপর পার্শ্বের দ্বারে দৃষ্টিপাত করিবামাত্র দেখিতে পাইলেন, রজনী এবং তাঁহার পশ্চাতে অর্দ্ধাবগুঠনবতী হেমাজিনী দাঁড়াইয়া আছেন!

সহিস গাড়ীর দ্বার খুলিবামাত্র হেমাজিনী আসিয়া খোকাকে কোলে লইলেন এবং গিরিবালা ও উমাকে লইয়া বাটার মধ্যে প্রবেশ করিলেন, অবিনাশ ও ভোলানাথও রজনীর সহিত সেই অটালিকায় প্রবেশ করিলেন। বাটার প্রাঙ্গণে উপস্থিত হইয়া সকলে দেখিলেন, সম্মুখে সুন্দর দক্ষিণ-দ্বারী দালানে দশভূজা দুর্গা লক্ষ্মী সর্বস্বতী ও কাভিক গণেশসহ দালান আলো করিয়া দাঁড়াইয়া আছেন। সকলে প্রতিমাকে প্রণাম করিলে হেমাজিনী গিরিবালা ও উমাকে লইয়া অন্তঃপুরে প্রবেশ করিলেন, রজনী অবিনাশ ও ভোলানাথকে লইয়া উপরের বৈঠকখানায় গমন করিলেন। তাঁহারা উপরে উঠিয়া তিন চারিটি কক্ষ অতিক্রম পূর্বেক বৈঠকখানাতে উপস্থিত হইলে অবিনাশ ও ভোলানাথ বৈঠকখানার সজ্জা দেখিয়া বিস্মিত হইলেন। যে সকল কক্ষ তাঁহারা পায় হইয়া আসিলেন, সেই সকল কক্ষও সুন্দররূপে সজ্জিত, কিন্তু বৈঠকখানাই সর্বাপেক্ষা সুন্দররূপে সজ্জিত। চারি দিকে দেওয়ালে সুন্দর সুন্দর চিত্র এবং বড় বড় আয়না, দেওয়ালের নিকটে স্প্রিংওয়াল কোচ, চেয়ার, মধ্যস্থলে একটি প্রকাণ্ড মার্বেল পাথরের টেবল। টেবলের উপরে ছাদ হইতে একটা ঝাড়ুঝুলিতেছে। কক্ষতল বহুমূল্য গালিচার আবৃত। রজনী

সেই কক্ষ আগন্তুককে বসাইয়া বলিলেন, “আপনারা একটু বসুন, আমি এখনই আসছি।”

পার্শ্ববর্তী একটা দ্বার দিয়া তিনি কক্ষান্তরে চলিয়া গেলেন।

রজনী প্রশ্ন করিলে ভোলানাথ নিঃশব্দে পিতাকে বলিল, “বাবা, রজনী কাকা দেখছি এক জন বিশেষ ধনী লোক। ঠিক অবস্থা আর আমাদের অবস্থা আকাশ-পাতাল তফাৎ।”

অবিনাশ বলিলেন, “তাই ত দেখছি। এর পর ঠিক সঙ্গে সমানভাবে কথা কইতে সঙ্কোচ বোধ হবে—”

এমন সময় রজনী আসিয়া বলিলেন, “কি সঙ্কোচ হবে, দাদা?”

অবিনাশ অপ্রস্তুত হইয়া বলিলেন, “আপনাকে আমার সম-পদস্থ মনে ক’রে আপনার প্রাপ্য মর্যাদা দিই নি, সে জন্ত আমি আপনার কাছে শত অপরাধী। আপনি আমার যে উপকার করেছেন, তাতে আমি চিরদিনের জন্ত আপনার কেনা গোলাম হয়ে আছি। আর বেশী কি বসব?”

রজনী সহাস্তে বলিলেন, “আপনি আমার কেনা গোলাম নন! আপনি যাঁর কেনা গোলাম, আমিও তাঁর কেনা গোলাম। এই যে তিনি খোকা বাবুকে নিয়ে আসছেন।”

জগদীশ দৌড়িয়ে বৃকে লইয়া কক্ষমধ্যে প্রবেশ করিয়া বলিলেন, “বেয়াই মশাই, চিন্তে পাবেন? নমস্কার, আমি আপনার সেই পাড়ার্গেয়ে ম্যাড়া—জগদীশ।”

শব্দবের পরিচয় পাইবামাত্র ভোলানাথ গিয়া খণ্ডরকে ভূমিষ্ঠ হইয়া প্রণাম করিল। অবিনাশও তাড়াতাড়ি ভূমিষ্ঠ হইয়া প্রণাম করিতে বাইতেছিলেন, জগদীশ তাড়াতাড়ি দুই পা পিছু হটিয়া গিয়া বলিলেন, “ঠাঁ ঠাঁ, করেন কি? আপনি আমার বয়োজ্যেষ্ঠ, আমাকে অপরাধী করবেন না, আমিই আপনাকে প্রণাম করছি। এখন বোধ হয় বুঝতে পেরেছেন যে জগদীশ পাল মিথ্যাবাদী জুয়াচোর নয়, মুখে যা বলে, কাণেও তা’ করে?”

অবিনাশ সলজ্জে বলিলেন, “আর আমাকে লজ্জা দেবেন না। আমি এই পাঁচ বছর ধ’রে অমৃত্যুতে জলে মরছি। আপনার কাছে যে কমা চাইব, সে সাহসও কর্তে পারি নি।”

“বেয়াই মশাই, ক্রোধ চণ্ডাল। সে দিন আমরা দুজনেই চণ্ডাল হয়েছিলাম। আমিই কি এই ক বছর শাস্তিতে আছি? আপনার চেয়ে আমি আরও বেশী অপরাধী। এতদিন পরে সেই পাপের প্রায়শ্চিত্ত করেছি।”

রজনী বাধা দিয়া বলিলেন, “তুমি প্রায়শ্চিত্ত পবে ক’র এখন, আগে আমাকে আমার পাপের প্রায়শ্চিত্ত করতে দাও।”

অবিনাশ সবিস্ময়ে বলিলেন, “আপনার আবার কি পাপ?”

“আমার পাপ মিথ্যা কথা বলা। সব কথা খুলে বললে আপনি বুঝবেন, আমারও প্রায়শ্চিত্ত দরকার কি না। জগদীশ আমার বাল্যবন্ধু, চুঁচুড়ার এক পাড়াতেই বাড়ী। জগদীশ কলিকিয়েট স্কুল থেকে আরম্ভ করে কলেজ ক্লাস পর্যন্ত এক-সঙ্গে পড়েছি। পিতৃবিয়োগে জগদীশ কলেজ ছেড়ে দোকানে গেল, আমি বি, এ পাশ করে, কলকাতার মাতামহের সম্পত্তি পেয়ে কলকাতার গেলাম। চুঁচুড়ার পৈতৃক বাড়ী আমার বৈমাত্রেয়

ভাই দুটিকে দান ক’রে আমি কলিকাতাবাসী হলেম। জগদীশ বি, এ পাশ করেনি বটে, কিন্তু লেখাপড়া ছাড়ে নি, বিত্তাচর্চা এখন পর্যন্ত সমান রেখেছে। এখন ও আমার ইংরেজি মুসবিদার ভুল ধরে। সে কথা যাক। আমার পরামর্শে জগদীশ কলকাতার ঔষধের দোকান করে, আমাকে চার আনার অংশী করে, আমার উপর দোকানের ভার দিলে। সেই দোকান আমাদের “Universal-Medical Store” জগদীশ চুঁচুড়ার সেই বেণের দোকান নিয়েই রইল। আমাদের দোকানের যে মালিক জগদীশ, তা’ আমি ছাড়া আর কেউ জানে না। উমার বিবাহের পরদিন আমি চুঁচুড়ায় গিয়ে আমার স্ত্রীর মুখে আপনাদের কলহের কথা শুনে স্তম্ভিত হলেম। শেষে প্রতিজ্ঞা করলাম যে, যেমন ক’রে পারি, আপনাদের এই মনোমালিন্য মিটিয়ে দিব, অথচ জগদীশের জেদ, ওর প্রতিজ্ঞাও বজায় রাখতে হবে। সেই জন্ত কলিকাতায় গিয়েই আপনার গতিবিধির উপর নজর রাখবার জন্ত হরিপ্রসন্ন বাবুর উপর গোয়েন্দাগিরির ভার দিলেম। তাঁর মুখেই আপনার কার্য-চূড়তির সংবাদ পাই, আবার তাঁকে দিয়েই আপনাকে, আমাদের দোকানে কর্মখালির সংবাদ দিয়ে আপনাকে দোকানে আনাই। তার পর সব কথাই আপনি জানেন। এ বাড়ী আমার নয়, জগদীশের। আমি রাজাবিশেষ লোক নই, আপনারই মত মধ্যবিত্ত গৃহস্থ। এখন আপনিই ভেবে দেখুন, আপনি কার কেনা গোলাম।”

জগদীশ বলিলেন, “আমার প্রায়শ্চিত্তের শেখটাও গুনিয়ে দাও। বেয়াই মশাই, যে দিন আপনি আমাদের দোকানে যোগ দিয়েছেন, সেই দিন থেকেই আপনাকেও আমি চার আনার অংশী ক’রে নিয়েছি। আপনার মাইনে টাইনে কিছুই নয়, ওসব ভূয়ো, লোক-দেখান। এই তিন বৎসরে আপনার অংশের হাজার পাঁচশেক টাকা আপনার নামেই আফিসে জমা আছে, তাই থেকে আপনার মেয়ের বিবাহে কিছু আপনাকে দেওয়া হয়েছে। আজ থেকে আমাদের দোকানের ছয় আনার অংশী আমি অর্থাৎ খোকাবাবু। রজনী ছয় আনার, আর আপনি চার আনার মালিক। আমার চুঁচুড়ার পৈতৃক দোকান—‘গন্ধেশ্বরীর টাট’ বজায় থাকুক, আমি আর কিছুই চাই না, শেষ বয়সে বুড়-বুড়ীর ওতেই বেশ চলে যাবে। এই বাড়ী বাগান, পুকুর আমি ভোলানাথ আর উমার নামে রেজিষ্টারী ক’রে দিয়েছি; রজনী তাতে সাক্ষী আছে। ভোলানাথ, তোমার বাবাকে নিয়ে আমার সঙ্গে বাড়ীর ভিতরে এসে, তোমাদের ঘর দোর বাগান পুকুর সব দেখে নাও। চল রজনী, এ বাড়ীতে তুমিও যেমন পর, আমিও তেমন পর।”


জগদীশ পুনরায় খোকাকে সম্বোধন করিয়া বলিলেন, “আমার সোনার দাড়, তোমার ঐ বুড়ো দাড় আমার বলে পাড়ার্গেয়ে ম্যাড়া, দাও ত ওর কাণ মলে—”

খোকাবাবু এ কথাটার অর্থ সম্পূর্ণরূপে হৃদয়ঙ্গম করিয়া পিতামহের কোলে ঝাঁড়াইয়া উঠিল এবং আপনার কুসুমপেলব দুইখানি ছোট ছোট হাত দিয়া অবিনাশের দুইটি কাণ ধরিয়া মাথা দোলাইতে দোলাইতে স্বর করিয়া বলিল, “দোএ দোএ দাড় দোএ।”

খোকাবাবুর কাণ দেখিয়া সকলে হাসিয়া উঠিলেন।

শ্রীযোগেন্দ্রকুমার চট্টোপাধ্যায়।





## স্পেন

চিত্রকর বলিয়াছেন, “আমরাও সেখান হইতে ফিরিলাম এবং গির্জার দিকে চলিলাম। এই বিস্ময়কর নাটকের অভিনয় দেখিয়া তাহার বিভিন্ন দৃশ্যে এমনই মুগ্ধ হইয়া পড়িয়াছিলাম যে, আমাদের মন ও চিন্তা তখন সেই বিষয়েই পরিপূর্ণ হইয়া উঠিয়াছিল। কিছুদূর যাইতে না যাইতেই আমরা আর একটা শোভাযাত্রার সম্মুখীন হইলাম। এই

শোভাযাত্রা তখন বিশ্রামার্থ স্থির হইয়া দাঁড়াইয়াছিল। আমরা যখন ভার্জিন মেরীর মূর্তির সম্মুখে আসিয়া পড়িলাম, তখন দেখিলাম, কতকগুলি বাহক যবনিকার অন্তরাল হইতে দ্রুতবেগে নির্গত হইয়া সন্নিহিত পানাগারে ছুটিয়া গেল। সকলেই এক এক পাত্র বীয়ার মত লইয়া স্ব স্ব স্থানে ফিরিয়া আসিল।



১২২১ খৃষ্টাব্দে নির্মিত গির্জা

“দিরাল্ডায় পৌঁছিয়া অতিকষ্টে জনতা ভেদ করিয়া আমরা প্রকাণ্ড ধর্মমন্দিরের তোরণসম্মুখে উপস্থিত হইলাম। রাজপথে আর একটি ভার্জিন মূর্তির ক্ষকবেষ্টিত হইয়া অবস্থান করিতেছিল। ধর্মমন্দিরের দ্বারপথে একটা অস্পষ্ট আলোকধারা বাহিরে আসিতেছিল। পাদপীঠসহ মাতৃমূর্তি উত্তোলিত হইল। শোভাযাত্রা ধীরে ধীরে চলিতে লাগিল। পাদপীঠ তখন



আন্দোলিত হইতেছিল! কিন্তু আবার সোজা হইয়া বাহিত হইতে লাগিল।

“তখন দিক্চক্রবালে তরুণ অরুণ উদিত হইয়াছে। বেদিয়ারা সেই সময় গোয়াডালকুইভার উত্তীর্ণ হইয়া অপর পারে ফিরিবার জন্ত মোড় বাঁকিয়াছে। বিষম ও ক্ষুধাচিত্তে আমরা বিশ্রামার্থ হোটেলে ফিরিয়া আসিলাম। শ্রান্তদেহ শয্যায় এলাইয়া দিলাম—নিদ্রাভারে চক্ষু যখন নিম্নলিত-প্রায়, তখন বাতির তীব্র গন্ধ সহ কমলা লেবুর মিষ্ট ফুলের গন্ধ বা তা সে ভর করিয়া ঘরের মধ্যে প্রবেশ করিল।”

স্পেন দেশে পানালয়ে গিয়া এক গ্রাস সুরা ক্রয় করিলে সঙ্গে সঙ্গে বি না মূল্যে আহাৰ্য্য প্রদান করিয়া থাকে। তন্মধ্যে চিংড়ী মাছ ও বাদাম পর্য্যন্ত থাকে। স্পেনের সুরা বিখ্যাত।

সেভিলার একটি রাজপথের নাম ক্যালে সায়ের পেম্। উহা বহুশতাব্দীর পুরাতন রাজপথ। সেভিলার বক্ষো দেশ বিদীর্ণ করিয়া এই পথ চলিয়া গিয়াছে। মিং ল্যাংডন কিন্ গ্রানাডা দেখিতে গিয়া কিরূপ অপূৰ্ণ অসুভূতি লাভ করিয়াছিলেন, তাহার বিবরণ পাঠকবর্গের কৌতূহল বর্ধন করিবে।

তিনি লিখিয়াছেন, “সমগ্র যুরোপের মধ্যে এই উদ্ভানটি চমৎকার স্থান। এমন মনোরম উদ্ভান অল্প নাই। এই স্থানটি দেখিবার জন্ত আগ্রহ স্বাভাবিক। বিশেষতঃ আমরা জানিতে পারিয়াছিলাম যে, এখানে একটা সঙ্গীতোৎসব হইবে। কতকগুলি বহু মুরজাতিকে স্পানিস মরকো হইতে সংগ্রহ করিয়া আনা হইয়াছিল।

“এ প্রলোভন দমন করা অসাধ্য। তাই একখানি

গাড়ী ভাড়া করিয়া প্রাতঃকালেই যাত্রা করিলাম। আকাশ মেঘ-লেশশূন্য, রৌদ্রকরোজ্জ্বল। সমতল ভূমি দিয়া অগ্রসর হইলাম। পথে অনেকগুলি সুদর্শন কৃষকপল্লী ও ছোট ছোট সহর পড়িল। পল্লী অঞ্চলের বিচিত্র সৌন্দর্য্য দর্শনে চিত্ত পুলকিত হইল। ক্রমশঃ জমি উচ্চাবচ হইতে লাগিল। আমাদের গাড়ী অরণ্য-সকুল পাহাড়ের পার্শ্ব দিয়া চলিতে লাগিল। ক্রমে উপত্যকাভূমির মধ্য দিয়া গাড়ী চলিল—চারিদিকে কৃষকদিগের কুটীর। কষিত ক্ষেত্র এবং জল-




মাস্ত্রিদের কাশনাল মিউজিয়াম

পাইয়ের বাগান নেত্রপথে পড়িল। ক্রমেই জমি বন্ধুর বলিয়া মনে হইতে লাগিল। হয় ত এইভাবে দীর্ঘ পথ পাহাড় ও অরণ্যের মধ্য দিয়া যাইতে হইত; কিন্তু সহসা একটা বিরাট শস্তক্ষেত্রের কাছে আসিয়া গাড়ী দাঁড়াইল। এই তৃণশ্রামল ক্ষেত্রের ধারে ধারে বহু কৃষক-কুটীর, উদ্ভান দৃষ্টিগোচর হইল। প্রত্যেক কুটীর সুদর্শন, মনোরম। চাহিয়া দেখিলাম, সম্মুখে দিগন্ত-বিস্তৃত অসুরূপ ক্ষেত্র। অপরাহ্ন-কালে আমরা সায়েরা নেভাডার নীল পাহাড়শ্রেণী দেখিতে পাইলাম।

“সন্ধ্যার পূর্বে আমরা মোটরে করিয়া গ্রানাডায়

পৌছিলাম। উৎসব সম্বন্ধে সমস্ত সংবাদ জানিবার জন্ত আমরা সোজা কর্তৃপক্ষের আপিসে গমন করিলাম।

“সেখানে সংবাদ পাইলাম যে, উৎসব এখন বন্ধ থাকিবে। কবে উহা আরম্ভ হইবে, কত দিন বন্ধ থাকিবে, তাহা কেহই বলিতে পারিল না। মাদ্রিদ হইতে এ নমুকে সংবাদের প্রতীক্ষা করা হইতেছে; কিন্তু তখনও পর্য্যন্ত কোনও সংবাদ আসে নাই।



সেগোভিলাব রাজপথ

“এ সংবাদ শুনিয়া আমরা বিস্মিত ও নিরাশ হইলাম। আমি ভাবিতেছিলাম, অতঃপর কি করা যায়। এমন সময় এক জন বয়স্ক ভদ্রলোক আমাদের কাছে আসিলেন। এই ব্যক্তি পরিষ্কার ইংরেজি বলিতে পারেন।

“পরিচয়ে জানিতে পারিলাম, এই ব্যক্তিই সমস্ত

উৎসবসংক্রান্ত সূচী ঠিক করিয়াছেন। বহুদিন ধরিয়া তিনি এই উৎসব সম্পাদন করিবার প্রচেষ্টা করিয়া আসিচ্ছিলেন। এখন অস্বাভিভাবে উহা বন্ধ থাকায় তাঁহার ক্ষোভের অন্ত নাই।

“সহসা তিনি আমার দিকে চাহিয়া বলিলেন যে, তিনি মুরদিগকে ট্যাক্সি করিয়া আলাহামব্রায় লইয়া যাইতেছেন। সেখানে ৬টার সময় আমরা যেন যাই। তিনি নিজের দায়িত্বে ও ব্যয়ে এই কার্য্য করিবেন।

“ওয়াশিংটন আরভিং আলাহামব্রা সম্বন্ধে দুইখানি মোটা গ্রন্থ রচনা করিয়াছেন। তাহা প্রত্যেকের পড়িয়া দেখা উচিত।

“আমরা যখন নির্দিষ্ট স্থানে পৌছিলাম, তখন মুররা প্রাঙ্গণে প্রবেশ করিতেছিল। তাহাদের সংখ্যা ২৫১৩ জন হইবে—পুরুষ ও নারী। সকলেরই অঙ্গে পূর্ণ পরিচ্ছদ। আমার সমস্ত শরীরে শিহরণ জাগিল। পাঁচ শতাব্দীর পূর্বে গৃষ্টানরা যখন আরবদিগকে বহিষ্কার করিয়া দেয়, তখন তাহারা যেরূপ বেশে ছিল, আজ যেন সেইভাবেই তাহারা রহিয়াছে। সে দৃশ্য যেমন চিত্তাকর্ষক, তেমনই ঐতিহাসিকতাপূর্ণ। যেন কোন পৌরাণিক দৃশ্য দেখিতেছি!

“তাহারা বেশ আগ্রহভরে সমস্ত দেখিয়া বেড়াইতেছিল। সেখানকার সৌধগাত্রে যে সব আরবী অক্ষর ও লেখমালা ছিল, তাহারা তাহা পাঠ করিতেছিল। মিনার-

সমূহের কারুকার্য্য দেখিয়া তাহারা যেন মত্তমুগ্ধ হইয়া পড়িতেছিল।

“অবাক্ বিস্ময়ে তাহারা মনোরম উদ্ভান ও প্রাঙ্গণের চারিদিকে পর্য্যটন করিতেছিল। কোথাও সুদীর্ঘ, উন্নত সাইপ্রেস, বৃক্ষশ্রেণী, কোথাও কমলালেবুর কুঞ্জ, কোথাও




শ্রী আলবার্কার তরুণী



হৃদয়াজক ও ধনী মহিলা



শ্রীমতী বাদকদল



বিলাসিনী স্পেনীয় মহিলা



সেগোভিয়া গ্রামের নারী মেয়র



বেদিয়া দম্পতি




কর্ডোবার প্রসিদ্ধ মুরনির্মিত মসজিদ






পাগাডের দ্বারে বদিয়া-পল্লী



আলহাম ব্রা প্রাসাদ



আপেল নৃত্য




নৃত্যের অপর দৃশ্য

যথিকা কুল ফুটিয়া  
রহিয়াছে, রোডো-  
ডেনড্রনের বাহার  
বাগানকে আলো-  
কিত করিয়া  
রাখিয়াছে! মাঝে  
মাঝে কৃত্রিম উৎস  
প্রস্রিত জলধারা  
উৎসারিত হইয়া  
সৌন্দর্যকে অভিনব  
করিয়া তুলিতে  
ছিল।


“মুরদিগের অঙ্গে  
বিচিত্র ও বিবিধ-  
বর্ণের অক্ষবাস।  
প্রাচীর সোপান-  
পথে আরোহণ  
স্ববরোধন করিয়া  
কক্ষমন্দির নানাবিধ  
দৃশ্য দর্শন করিয়া  
বেড়াইতেছিল।  
ঠিক তাহাদের  
পূর্বপুরুষগণ এই  
প্রাসাদে এত-  
ভাবেই ঘোরা-  
ফেরা করিত।

“শালহাম্ব্রা  
ছর্গের ছাদের উপর  
আমরা যখন  
উঠিলাম, তখন  
সুবর্ণপ্রতিম সূর্য-  
দেব আবীর ছড়া-  
ইয়া দিক্চক্রবালে

অস্তবাইবার উপক্রম করিতেছিলেন। আমাদের সম্মুখে  
নাসারিনেভাদার তুষার-কিরীটী শৃঙ্গসমূহ যেন গগন-প্রান্ত  
স্পর্শ করিতেছে। বিবিধবর্ণের মেঘমালা অর্দ্রিমালার কাছে




এইখানে রাজা দ্বিতীয় ফিলিপ দশমজীবন যাপন করিতেন



প্রসিদ্ধ চিত্র-শিল্পী এন্‌থেকোর সোড়শ শতাব্দীর ভবন

কাছে ঘুরিয়া বেড়াইতেছিল। আমাদের পদতলে গ্রানাডা  
সহর। উহার ক্ষুদ্র অটালিকাসমূহ দূরে যেন অ্যামিতি  
রেখার মত দেখাইতেছিল। আমাদের দক্ষিণভাগে



পাহাড়ের ধারে বিরাট মঠ



উৎসব শোভাযাত্রা





“উৎসব-সভায় সেউলানা” নৃত্য



বেদিয়া নারী ও অলপূর্ণ কুন্ড

উপত্যকাভূমির ও-পারে যাতাবর বেদিয়াদিগের গুহা-সমবিত সহর।


“এই অপূর্ণ, চমৎকার দৃশ্য দেখিয়া আমরা মন্থমুগ্ধ হইয়া পড়িলাম। অদূরে মধুর সঙ্গীতধ্বনি হইতেছিল। তাহার বিচিত্র ঝঙ্কার আমাদের কাছে বাতাসে ভর করিয়া ভাসিয়া আসিতে লাগিল। এক জন মূর গান গাহিতে আরম্ভ করিয়া দিয়াছে।

“নীল গগনপথে একটা বিমান সশব্দে উড়িয়া আসিতেছিল। আমাদের মাথার উপর একটা বৃহৎ পক্ষীর ঞায় সে উড়িতে লাগিল। বিমান হইতে কতকগুলি সাদা জিনিষ ছড়াইয়া পড়িল—সেগুলি বিজ্ঞাপন।

“আমরা আলহাম্ভ্রা প্রাসাদ-শীর্ষে মূরদিগের সঙ্গে দাঁড়াইয়াছিলাম। তাহাদেরই পূর্বপুরুষরা এই প্রাসাদ নির্মাণ করিয়াছিল।”

শান্তিপূর্ণ স্পেনরাজ্যে এখন অশান্তির কালানল জলিয়া উঠিয়াছে। ইহার ফলে স্পেনের পরিণাম কি দাঁড়াইবে, কে বলিতে পারে ?

শ্রীসরোজনাথ ঘোষ।



“কি আনন্দের কথা উমে !  
 লোকের মুখে শুনি, সত্য বল শিবানি,  
 অন্নপূর্ণা নাম তোর কি কাশীধামে ?  
 অর্পণে যখন তোমায় অর্পণ করি,  
 ভোলানাথ ছিলেন মুষ্টিধর ভিখারী,  
 একি কথা আজ শুনি শুভঙ্করি,  
 বিশ্বেশ্বর তুই কি বিশ্বেশ্বরের বামে ?  
 ক্ষেপা ক্ষেপা আমার বল ত দিগম্বরে,  
 গঞ্জনা সয়েছি কত ঘরে পরে,  
 এখন দ্বারী নাকি ফেরে বিশ্বেশ্বরের দ্বারে,  
 ডরে যেতে নারে ইন্দ্র চন্দ্র যমে ॥”

শারদীয়া সপ্তমীর সুপ্রভাত। বাবাজী গানটি গাহিয়া একটানু গঞ্জিকার পিয়াসে জমীদারবাড়ীর দেউড়ীতে আসিয়া বসিল। সেখানে পাইক নগ্দী প্রভৃতি সমধর্মী হরিতানন্দসেবক নানা সাজে নানা কাষে আলস্ত-যাপন করিতেছে। বাবাজীকে দেখিয়া তাহার আফ্লাদে গদগদ হইয়া উঠিল। তাহাদের সন্দার ষষ্ঠী তাহাকে আনন্দে আলিঙ্গন করিল। মোধো বলিল, বাবাজী, ব্যাং মারবে না কি ?

ষষ্ঠী বলিল, তা আবার জিজ্ঞাসুছিস ? তরিবৎ করে সাজ। বাবাজী, ছোঁড়াটা বোকা বটে, কিন্তু বুটি চেনে ! মোধো, তোমাজ করে দরদ দিয়ে তৈরি কর।

মোধো গাঙ্গা প্রস্তুত করিল। বাবাজী ব্যাং মারিল।

ষষ্ঠী বলিল, কেমন বাবাজী !

বাবাজী ভাবে গদগদ হইয়া উত্তর দিল, একেবারে কীর—কীরখণ্ড !

কলিকা জলিয়া উঠিল দেখিয়া ষষ্ঠী মোধোকে ইঙ্গিত করিল। মোধো প্রস্তুত হইল।

বাবাজী দ্বিতীয় কলিকার শেষ টান দিয়া গান ধরিল—

“কি শুনি কি শুনি ওহে চিত্তামণি,  
 তুমি নাকি হও নেশার শিরোমণি !  
 ভাও খাও নাকি গাঙ্গাটি মল,  
 আফিং না কি তুমি বাটিতে গোল.  
 তোমার নেশার অস্ত্র কে পায় উমাকান্ত—  
 ছিপি খুলে দেখি ভাঁড়ে মা ভবানী ।”

তৃতীয়া কলিকা তৈরী হইবার পর ষষ্ঠী বাবাজীর হাতে তুলিয়া দিয়া বলিল, এবার একটু মায়ের কথা বল।

গঞ্জিকারক্ত চক্ষু তুলিয়া বাবাজী জিজ্ঞাসা করিল, কি বললে, যেটের বাছা ষষ্ঠীদাস ? আগে সাবাড় কর গঞ্জিকার চাষ, তার পর যাওয়া যাবে কৈলাস ! আহা ! বাবা আমার দিগম্বর, নেশার প্যাকম্বর ! গঙ্গাধর হরিতানন্দদায়িনীকে জটারূপে মাথায় ধরেছেন ! কৈলাস নৌয়ার নৌয়াকার—নন্দী-ভৃঙ্গী ঐ কাষেই আছেন ! পোড়া কলকে ঝাড়ছেন আর বাবার গায় সেই ছাই মাখাচ্ছেন !

মোধো প্রশ্ন করিল, যদি গাঙ্গা শিবের জটা হয়, তা হলে গঙ্গা কি ?

বাবাজী উৎসাহিত হইয়া বলিলেন, সাধু, মধু—সাধু ! তবে যে ষষ্ঠী বলছিল, মোধো বোকা ? কি জানো মধু, গঙ্গা হচ্ছেন কারণানন্দদায়িনী, তিনিই ভাঁড়ে মা ভবানী। নইলে ভগীরথকে অত তপস্যা করতে হয় ? ভাগীরথী দেবলোকে সোমরস, আর মত্তে—ভাঁড়ে মা ভবানী।

মধু ভক্তিভরে প্রণাম করিল। বাবাজী গান ধরিল—

“আমি তুই শযোধরা জ্যাস্তেমরা  
 হ’য়ে আছিষ্ যার তরে ।  
 তোর সেই ষিঙ্গী মেয়ে সিঙ্গী চড়ে  
 এল এত দিন পরে ॥

রাজ-দুয়ারে বাধা হাতী—

চেয়ে দেখে তোর নাতনী নাতী,—

কেউ বসেছেন পেঁচার ওপর

কারুর বাহন হাঁস।

যে নাতীর বরণ গোর

করেছে বাহন ময়ূর,

এরা একস্তরে উড়লে পরে

বয় ঝোড়ো বাতাস।

আর যেটা হাতী-গুঁড়ো রংটা সিঁদূর

দ'রে এক ধেড়ে ঈঁচুর—

জিন্ কবে তার পিঠে ব'সে

বাগিয়ে ধরে রাশ।

ঘর-বাড়ী চিড়িয়াখানা

হবে যে তা ছিল জানা,

পেটের মেয়ে বিলিয়ে দিলি

বলদ-চাপা ক্ষেপা বরে।”

ঠিক বলেছ, বাবাজী, ঠিক বলেছ, বলিতে বলিতে সম্প্রতি যিনি দেউড়ীতে প্রবেশ করিলেন, তিনি এ অঞ্চলে বিশেষ পরিচিত। কেহ বলে সাধক, কেহ বলে মাতাল। নাম তনুবিনোদ। তবু এই মাতালকে দেখিয়া সকলে সসম্মানে পথ দিতে লাগিল। কিন্তু ব্রাহ্মণ কোন দিকে লক্ষ্য না করিয়া দালানে দেবী-সমক্ষে দণ্ডায়মান হইলেন। কিছুক্ষণ প্রতিমা নিরীক্ষণ করিয়া বলিলেন, এখনও প্রাণ-প্রতিষ্ঠা হয় নি।

জমিদার রাজা রাজচন্দ্র তখন দালানে উপস্থিত। একে প্রবল প্রতিষ্ঠাশালী জমিদার, তার যজমান, অধিকন্তু রাজা। পুরোহিত ভাবিলেন, বেটা যজমান-ঘরটা দখল করবার ফন্দি করেছে। দারুণ বিরক্ত হইয়া বলিলেন, না। সেটা তোমার জন্তে বাকি রেখেছি। তুমি আর হুঁ-পাত্তর কারণ ক'রে ভক্তিটা একটু বাড়িয়ে এসো! প্রতিষ্ঠা করবে। প্রতিষ্ঠার মন্ত্র জানো?

মা-ই জানেন—বলিয়া তনুবিনোদ গান ধরিলেন—

দীন-দুখ-হারিণী তারা।

কে জানে জননী তুমি সাকারা কি নিরাকারী ॥

ভবরাণী ভয়হরা,

নিগুণে ত্রিগুণধরা,

এলোকেশী, শশিশেখরা।

যাবে ত' দিন দুখে-সুখে,

দুর্গা দুর্গা বল মুখে—

অকুল পাথার দেখে সুমুখে,

সাধের গোলকধাঁধায় ঢুকে

হয়েছি মা দিশাহারা।

দুর্গমে ত্রাহি মে দুর্গে ভবানী

ভবেশদারা ॥

সহসা এক কাণ্ড ঘটয়া গেল। সকলেরই মনে হইল, শ্রীমন্দির যেন চলিতেছে! মায়ের মুখ অপূর্ণ আভায় দীপ্ত! অধরে ঈশ্বর হাসি, ত্রিনয়ন করুণায় চল চল; দেবগৃহ যেন কোন অলৌকিক সত্যায়, দিব্য চেতনায় জম্জম করিতেছে—কার শ্রীঅক্ষ-সৌরভে পরিপূর্ণ! এখানে কলুষিত চিন্তার স্থান নাই; রাগ-দেহ-হিংসা, বিষয়-বাসনা যেন চিরতরে নির্কাসিত, আর তার স্থলে যেন কোন দৈবী মায়াবলে প্রেম-ভক্তি-অনুরাগ, পীতি-করুণার তিলোল বহিতেছে! সকলেরই চক্ষে অক্ষ, মুখে 'মা মা' রব!

সেই সময় চণ্ডীপাঠ হইতেছিল—

“বার্তা চ সর্কজগতাং পরমার্হিহনী।”

রাজা রাজচন্দ্র 'মা-মা' বলিতে বলিতে ফুঁপাইয়া কাঁদিয়া উঠিলেন।

তনুবিনোদ তৎক্ষণাৎ তাঁহার হৃদয়ে হাত বুলাইতে বুলাইতে বলিলেন, রাজা, স্থির হও।

রাজচন্দ্র ও তনুবিনোদ প্রায় সমবয়সী। উভয়ে এক পাঠশালায় পড়িতেন। সেই ক্রীড়াচঞ্চল বাল্যকালে দু'জনে যে পীতিবন্ধন হইয়াছিল, কাল তাহা ছিন্ন করিতে পারে নাই। উপনয়নের পর দু'জনের জীবনগতি ভিন্ন ধারায় প্রবাহিত হইল, কিন্তু বন্ধন টুটিল না। এক জন বিষয়ের সেবক হইলেন। এক জন সাধক।

এই জমিদার-বংশের আদি ইতিহাস যেমন বিচিত্র, তেমনি বিস্ময়কর। কুল-প্রতিষ্ঠাতা লক্ষ্মীপতি নিরতিশয় দরিদ্র ছিলেন। পত্নী কমলা অতিশয় সরলা, অসামান্য রূপসী, একান্ত পতিভক্তিপরায়ণা। বয়স যৌবনের

উপাস্তে উপস্থিত হইয়া যেন স্থির, নিশ্চল হইয়া দাঁড়াইয়া আছে। এই অশেষবাহিনী দারিদ্র্যকে দেখিলে মনে হইত অনন্তর্যোবনা। শরীর অনাহার-শীর্ণ, পরিধান জীর্ণ-বাস, তবু সহাস মুখকমল চিরপ্রফুল্ল। এই শরীরিণী লাবণ্য-প্রতিমা যে দেখিত, তাহারই মনে হইত, এ অলৌকিক সৌন্দর্য্য বৃকি দেবলোকেও ছল্লভ। এই পূজারী নারীর পায় পুষ্পাঞ্জলি দিয়া জীবন ধন্য করি। আহা, এ নারী ভাগ্যহীনা! মরি, মরি, এ যে চিত্রকরের ধ্যানাতীত সুষমা!

কমলার জীবনের কার্য্য পতিসেবা আর সাধ অন্তত: জীবনে এক দিন মনের মতন ক'রে মা লক্ষ্মীর পূজা। কিন্তু বছরের পর বছর ফিরিতেছে; দারিদ্র্যের সঙ্গে নিত্য প্রাণপণ রণ নিত্য নিত্য জীবন ক্ষয় করিতেছে। কবে আর মনের আকাঙ্ক্ষা পূর্ণ হবে? প্রতিদিন প্রভাতে উঠিয়া পতিপদে প্রণাম করিয়া প্রার্থনা করে, আমার আশীর্বাদ কর, যেন এক দিনের তরে মনের মত ক'রে তোমায় অন্ন-ব্যঞ্জন ধ'রে দিতে পারি। মা, লোকে বলে স্ত্রীভাগ্যে ধন। আমারই কপালদোষে আমার স্বামী দরিদ্র। মা লক্ষ্মি, এক দিনের জন্ম সদয় হও। আমি এক দিন, ওঁকে পেট ভরে তৃপ্তি ক'রে খেতে দেখি! মা, গয়না-কাপড়, লোক-জন, দাস-দাসী, ঐশ্বর্য্য,—আমার জন্ম আমি কিছুই চাই না। তোমার কৃপায় উনি সুখী হবেন, হা-অন্ন, হা-অন্ন ক'রে বেড়াতে হবে না, এইটুকু জেনে যেতে পারলে আমি অনন্ত নরক বরণ করতে রাজি আছি। কমলা প্রতি বৎসর আশা করে, প্রতি বৎসর নিরাশ হয়। আশা ফুরায় না, আশা হৃদয়-বাসা ছাড়ে না, দিনে দিনে বাড়ে।

আজ করদিন লক্ষ্মীপতি অসুস্থ, বাহির হইতে পারেন না। উপার্জনের পথ বন্ধ। তাহার সন্তোষ দোকান-দারগণ বিশ্বাস করে; বিনা মূল্যে কিছু কিছু পণ্য ছাড়িয়া দেয়, লক্ষ্মীপতি তাহাই ফেরি করিয়া বাহা উপার্জন করেন, তাহাতেই অতিকষ্টে জীবিকা-নির্বাহ হয়। কোন দিন কমলার চিত্রিত দেবদেবীর পট; কোন দিন কমলার হাতে তৈরি মাটির খেলনা-পুতুল; কোন দিন কমলা চাল, ছোলা, ডাল, চিড়ে, চীনের বাদ্যম-প্রভৃতি ভাঙ্গিয়া তৈল-লবণ মাখিয়া শালপাতার ছোট ছোট পুরিঙ্গা করিয়া দেয়, খরিদারের ভিড় লাগে। এমনিভাবে হুঃসী সম্পতির দিন

চলে। গুণবতী পত্নীর সেবায়, যত্নে, প্রসন্ন হাতে, মিষ্ট কথায় লক্ষ্মীপতি সকল কষ্ট ভুলিয়া যান।

কিন্তু বাহারা দুর্দিনের বন্ধুর পথ বাহিয়া দারিদ্র্যের শেষসীমায় উপস্থিত হন, অর্থ বাহাদের আকাশকুসুম, স্বাস্থ্যই তাহাদের পরম সম্পদ—জীবনযাত্রার মূলধন। করদিন শয্যাশায়ী লক্ষ্মীপতির ঔষধ ত দূরের কথা, পথ্য পর্য্যন্ত জুটিতেছে না। কমলা চোখের জল গোপন করিয়া আশ্বাসবাক্য প্রয়োগ করে, কেন ভাবছ? মা একটা উপায় করবেনই।

লক্ষ্মীপতি কহিলেন, কবে? মরণ হবে যবে?

বালাই! তা কেন?

তবে? কমলা, কত লোক না খেতে পেয়ে মরছে, কার উপায় হচ্ছে?

তা জানি নি। পরের কথা বলতে পারি নি। আমি আমাদের কথা জানি। তুমি জীবনে কখনো মিথ্যা কথা কওনি, কাউকে প্রবঞ্চনা করনি। চিরদিন সততা আশ্রয় ক'রে আছ। সাধ্যমত লোকের উপকার করেছ—অর্থে নয়, সামর্থ্যে। তোমার দিন একদিন আসবেই, আশা ক'রে থাক, বিশ্বাস কর।

বাহির হইতে কে ডাকিল, লক্ষ্মীপতি বাবু আছেন?

ক্ষুদ্র একখানি কুটীর, সামনে একটু দাওয়া, তাহাতেই রন্ধন হয়। তাহার ভিতর-বাহির নাই। লক্ষ্মীপতি বলিলেন, আছি। কিন্তু অসুস্থ। আপনার দরকার?

বলছি। ভিতরে যেতে পারি?

স্বচ্ছন্দে।

আগন্তুক ভিতরে আসিয়া বলিল, ইনি আপনার স্ত্রী? আমি একজন চিত্রকর। আমি মায়ের একখানি তৈল-চিত্র আঁকতে ইচ্ছা করি।

কার দরকার?

কারুর নয়, আমারই। এ আদর্শ সৌন্দর্য্য পৃথিবীতে ছল্লভ। আমি সেই আদর্শ চিরস্থায়ী ক'রে ধন্য হব! আপনি অস্বীকার করবেন না। আমি মাকে যথাসাধ্য প্রণাম দিবে আঁকব। সৌন্দর্য্য আমি অনেক দেখেছি। পায়ের নখাগ্র থেকে মাথার চুল পর্য্যন্ত এমন নিখুঁত সৌন্দর্য্য দেখিনি। আরও স্বীকার করছি, যে আদর্শ আমি আঁকব, তা চিরদিন লোকচক্ষুর আড়ালেই থাকবে।



আবশ্যক হলে মায়ের হাত, পা, চোখ, কাণ, মুখের গঠন আদর্শরূপে আমি ভিন্ন ভিন্ন চিত্রে অঙ্কিত করব। যা, একবার দাঁড়াও ত।

কমলা উঠিলে চিত্রকর পাচটি মোহর দিয়া প্রণাম করিল।

কমলা বলিল, বাবা, আমি সম্মত, কিন্তু আমার গয়না-কাপড় ত' কিছু নেই।

আমি তা চাই-ও না। কেবল একটা কষ্ট কিছুদিন তোমাকে করতে হবে। আমি একটি উপযুক্ত বাড়ী ঠিক করব। বাবাকে নিয়ে কিছুদিন তোমাকে সেখানে স্থানান্তরিত হতে হবে।

তৈলচিত্রে শেষ হইল। লক্ষ্মীপতি পুনরায় নিজ কুটীরে ফিরিয়া আসিলেন। কিন্তু লক্ষ্মীপতি লক্ষ্য করিলেন, কমলা দিন দিন কেমন অশ্রমণা ও উদ্ভিগ্ন হইয়া উঠিতেছে।

এক দিন কারণ জিজ্ঞাসা করিলে কমলা বলিল, দেখ, আমার আজীবনের সাধ আমি এক দিন মা-লক্ষ্মীর পূজা করি।

লক্ষ্মীপতি কহিলেন, তা বেশ ত'! চিত্রকরের প্রসাদে ত' দিন এক রকম চ'লে যাচ্ছে। তা আমরা ছুঃখী, দুঃখীর মত পূজা করব। বনে ফুল আছে, নদীতে জল আছে, ছোট একখানি চিনির নৈবেদ্য ক'রে দেবে। ভক্তিই সার।

পাগল! মায়ের দয়া না হলে কার সাধ্য তাঁর পূজা করে! তা তোমার বতই কেন ভক্তি থাক না।

লক্ষ্মীপতি বলিলেন, তাই ত'! সে সত্য কথা।

ও গো, তোমায় বলতে ভুলে গেছি। আমি তখন রাধ'ছি, দুটা কাকে ঝগড়া করতে করতে এসে আমাদের চালের ওপর কি ফেলে গেছে। আমি কাগজ মুড়ে তুলে রেখেছি।

কমলা কাগজের মোড়কটি আনিয়া স্বামীর হাতে দিয়া প্রশ্ন করিল, কি, বল দিকি ?

লক্ষ্মীপতি মোড়ক খুলিয়া দেখিতে দেখিতে জিনিষটির উপর তাঁহার দৃষ্টি স্থির হইয়া গেল।

ও কি ?

বড় 'কি' নয়, কমলা এ অমূল্য রত্নহার!

অড়োয়া হার! কাক কোথা গেল ?

দাঁড়া কি! কাকের মত চোর আর খুঁট গ্যার কোন

কানোয়ার নেই! আজ হ'দিন ধ'রে গুন্ডি, বেগমের হার হারিয়েছে। যে খুঁজে দিতে পারবে, নবাব তাকে পুরস্কার দেবেন।

তুমি এখনি দিয়ে এস।

তা আর বলতে!

কিন্তু দেখ, নবাব যদি কিছু পুরস্কার দিতে চান, জিজ্ঞাসা করেন, কি চাও? বোলো, আমার স্ত্রী জানে।

রত্নহার সত্যই অমূল্য। বহু ব্যয়ে প্রস্তুত হইয়াছে। বেগমের অতি পেয়ারের অলঙ্কার। এ হার অদৃশ্য হইবার পর, দুই দিন ধরিয়া নবাব-বাড়ীতে হুম্বুল হইতেছে।

হার হাতে পাইয়া নবাব আনন্দে অধীর হইয়া বলিলেন, ও হি চিজ! তোমকে ক্যায়সে মিলে ?

লক্ষ্মীপতি বর্ণনা করিলেন। নবাব বলিলেন, তা জ্বব! কেয়া বখসিস্ মাগো ?

জনাব! সে আমার পরিবার জানে।

পরিবার কেয়া! তোমারা জরু? আচ্ছা, তোন্ যাও, পুহ করকে আও। মো মাজেগা, মিলেগা।

এক জন পারিষদ বলিল, জনাব! তাঁবেদারের কসুর মাপ হয়, এই গরীব আদমী যদি আবুহোগেনের মত বাদশাহী সখ করে, পাবে ?

নবাব হাসিয়া বলিলেন, বেশখ!

লক্ষ্মীপতি তৎপূর্বেই কুটীরে ফিরিয়া কমলাকে প্রশ্ন করিলেন, কি চাও? তুমি যা চাইবে, সদাশয় নবাব তাই দেবেন।

দেবেন? তুমি প্রার্থনা কোরো, এই কোজাগর লক্ষ্মীপূজার রাত্রিতে আমার এই কুটীর হাড়া এ সহরে আর কোথাও কোন বাড়ীতে আলো জলবে না। এমন কি, নবাব-বাড়ীতেও নয়।

বখসিস্ প্রার্থনা গনিয়া নবাব বিস্মিত হইয়া বলিলেন, নবাব-কোঠাসে বি? বহৎ আচ্ছা! ঐ হোগা।

প্রধান মন্ত্রী তখন জোড়হস্তে কহিলেন, বন্দে নেওয়ারাজ! এ ছব'মনের চর, এর সন্নতানী মৎলব আছে! সমস্ত সহর অন্ধকার ক'রে কি মৎলব হাঁসিল করবে। তাঁহাপনার বাড়ী পর্যন্ত কোথাও বাতি জলবে না।

এক জন পারিষদ বলিলেন, উস'বে উর কেয়া খামিন? জনাবকা খৌগুম'বে সব' রৌসনী হো' যান।

মিষ্টভাবে পরিচুষ্ট হইয়া জনাব পারিষদকে একটি উৎকৃষ্ট আভরের ফাহা বখসিস্ করিলেন।

গরীব পরোয়ার! বান্দার আরজ—

বস্ উজীর! যো হয়া সো চুকা—

কোজাগর নিশীথে ভক্তের আকুল আহ্বানে লক্ষ্মীদেবী আসিয়া দেখিলেন, সমস্ত জনপদ অন্ধকার, কেবল এক দরিদ্র-কুটীরে দীপ জলিতেছে। সে শিখা মলিন করিয়া এক রমণী ঘারে দণ্ডায়মান। উভয়ের মুখদৃষ্টি উভয়ের মুখে আবদ্ধ। কমলা সাষ্টাঙ্গে প্রণত হইয়া পরমমুখে দেবীকে পিড়ির উপর বসাইয়া পুনরায় প্রণতঃ হইয়া কহিল, মা বোস; আমি স্নান করে আসি। আমি না ফিরে এলে যেয়ো না। দেবী বলিলেন— তথাস্ত।

কমলা চলিয়া গেল, কিন্তু আর ফিরিল না। চঞ্চলা অচলা হইয়া রহিলেন।

কমলা চলিয়া যাইবার পর, লক্ষ্মীপতি নিদারুণ শোকে অভিভূত হইয়া রহিলেন। ক্রমে ঐশ্বর্যের বলা বহিল। কিন্তু এ বৈভব কাহার সঙ্গে ভোগ করিবেন? কমলা বিহনে সকলই বিশ্বাদ।

আত্মীয়-স্বজন, বন্ধু-বান্ধব জোর করিয়া আবার তাঁহার বিবাহ দিলেন। বংশ লোপ হইলে এ বৈভব ভোগ করিবে কে? কিন্তু কমলা তাঁহার হৃদয় ও স্মৃতি জুড়িয়া রহিল।

ইহাই এ বংশের আদি ইতিহাস। কমলার আত্মদানে এ বংশের ঐশ্বর্য অক্ষয়। আশ্চর্য্য! পুরুষানুক্রমে এ বংশে একটি বই পুত্র জন্মে না, বিবর ভাগ হয় না।

যে কুটীরে দেবীর প্রথম আবির্ভাব হইয়াছিল, তাহা এখনও পূর্বস্থান অধিকার করিয়া আছে। তাহার চারিপাশে রিশাল অট্টালিকা উঠিয়াছে; কুটীরের উপর কত ঝঞ্জা বহিয়া গিয়াছে, কত শিলাপাত, বারিবর্ষণ, তাহাকে বার বার বেদনা দিয়েছে; কত ভূকম্পন তাহাকে নিশ্চিহ্ন করিবার নিমিত্ত প্রাণপণ প্রয়াস পাইয়াছে; কতদিন রিষা ধরনী এই কালক্রমী কুটীরবরের আলিঙ্গন-লাভের জন্য উগ্র আকাজক্য কালক্ষেপ করিতেছে; ইহার চক্ষুর সম্মুখে কমলা-চরণাঙ্কিত এই বালু-বংশের কত ভাগ্যধর ধুরধর কালক্রমে আসিয়া ভানিয়া গিয়াছে,

তাহার ইয়ত্তা নাই; কিন্তু এই অবিদ্যার কুটীর-প্রবর সমভাবে এবং প্রভাবে বিরাজমান!

যাহারা পূর্বকর্মফলে এই 'শ্রীমতাং গেহে' জন্মগ্রহণ করেন, তাঁহাদের জীবনের প্রধান কর্তব্য এই কুটীরখানির রক্ষণাবেক্ষণ। কোন বৎসর মাটি, কোন বৎসর খুঁটি, কোন বৎসর বাতা, কোন বৎসর চাল বদলানো হয়; রায়বংশ-বধু, লক্ষ্মীর কোঁটা, ধান, কড়ি, শস্য, পিড়িখানি সমস্তে রক্ষা করেন। পূজার কোন আড়ম্বর নাই। সেই কোন্ পুরাকালে কমলা-নারী কোন্ দরিদ্র-বধু যে সকল উপাদানে লক্ষ্মী-প্রতিষ্ঠা করিয়াছিলেন, যে সকল উপকরণে মায়ের পূজা করিয়াছিলেন, তাহার কোন পরিবর্তন হয় নাই। কিন্তু পরম বিশ্বাসের বিষয় এই, এখনও সেই নির্দিষ্ট ক্ষণে পদ্মগন্ধে কুটীর আমোদিত করে; কোথা হইতে কোন্ স্বর্গীয় ধূপ-সৌরভ ভাসিয়া আসে এবং স্থল-দৃষ্টির অগোচর এক দিব্যসত্তা ও রুচির প্রভাষ কুটীর ঝলমল করিতে থাকে।

সপ্তমীপূজা শেষ হইয়াছে। রাজা রাজচন্দ্র ও তন্ত্র-বিনোদ এখনও পূজার দালানে বসিয়া কথাবার্তা কহিতেছেন। রাজার চক্ষু অশ্রুভারাক্রান্ত। তন্ত্রবিনোদ বলিতেছেন, রাজা, ধৈর্য্য! 'সহনঃ সর্বদুঃখানামপ্রতীকারপূর্বকম্'। যে সন্ন, সে রন্ন, যে না-সন্ন, সে নাশ হয়। ঐ দেখ রাজা, তোমারই এক প্রজা! ও গৃহহীন, সম্পত্তিহীন, একমাএ পুত্র গত, সম্প্রতি গৃহশূণ্য হয়েছে। মায়ের পাদপদ্মে যেন হৃদয়ভার ঢেলে দেবার জন্তু ছুটে আসছে।

প্রজা আসিয়া প্রতিমার সম্মুখে লুটাইয়া পড়িল। কিছুক্ষণ পরে বৃত্তকরে কাতরস্বরে গাছিল—

“এখনো কি ভ্রম্ময়ি হয়নি মা তোর মনের মত।

অকৃতী সন্তানে মা গো হুখ দেবে বল কত ॥

সংসার-বিষে জলি মত

হুর্গা হুর্গা বলি তত,

বিষহর মা বিষহরী মৃত্যুঞ্জয়ের বিবহত ॥”

প্রজা একটু শান্ত হইয়া তন্ত্রবিনোদ ও রাজচন্দ্রকে প্রণাম করিল।

রাজা প্রশ্ন করিলেন, তোমার নাম কি?

প্রজা বিজ্ঞানসিদ্ধি করিল, বলুব বারাঠাকুর?

নাম বলবে না কেন ?

সাধারণতঃ প্রজারা রাজা রাজচক্রকে 'মহারাজ' বলিত। বলিল, মহারাজ, নামে আমার দিকার জন্মে গেছে। আমার জন্ত অভিধানের নূতন সংস্করণ করতে হবে। 'আনন্দ' মানে যে ছাং, এ 'ত' কোন অভিধানেই লেখে না। মহারাজ, 'রাম' মানে সব অভিধানেই বলে 'শ্রেষ্ঠ'। কিন্তু 'রাম' মানে শ্রেষ্ঠও বটে, অপকৃষ্টও বটে। এটা আমার জীবনের অভিজ্ঞতা।

রাজা বলিলেন, তা হ'ক ! তোমার, গুন্ডি, কেউ নেই। তুমি খাও কোথা ?

আনন্দরাম বলিল, যেথা সেথা।

রাজা বলিলেন, বেশ কথা ! এখন থেকে রাজবাড়ীতে থাকবে।

মহারাজ, এত ছাং পেয়েও জন্মভূমিতে প'ড়ে আছি। আপনি দেখছি, শেষটা আমার দেশ-ছাড়া করলেন ! আমি এক জায়গায় খাই না, খাব না।

কেন ?

কেন ? মহারাজ, 'অভাগা যত্নপি চার, সাগর শুকায় যায়।' আমি ভর করলে রাজবাড়ী মাঠ হবে। রাজাদেশ লঙ্ঘন করা পাপ, বিশেষ আপনার মতন দয়ার্দ্র, ধার্মিক রাজার। তাই মানে মানে স'রে পড়াই ভাল। আমার ছোঁয়াচ লাগলে আপনার বিশাল রাজপাট—একদিনে ধাঁই কুটকাট ! মহারাজ, লোকে বলে, আমাকে শনিত্তে ঘোরাচ্ছে ! শনির বাবারও সাধ্য নেই। ঘোরাচ্ছেন যিনি, তিনি আজ পরমানন্দে হেথা রাজভোগ খেতে এসেছেন। একটি মজা দেখেছ, বাবাঠাকুর ! গোপীকৃষ্ণ কেঁটেরে এনেছেন, আনেন-নি কেবল তিথারীটাকে। যাক্ রাজা, বেটা কত ছাং দিতে পারে, আমিও মরিয়া হয়েছি। দেখে নোব।

তন্ত্রবিনোদ বলিলেন, পারবে না, আনন্দ ! এ সাগরের তল নেই। পাতালেরও রসাতল আছে। নইলে রাজ-রাজেশ্বরীর ঘরে শঙ্কর তিথারী বিব খেয়ে মৌলোনা।

সে বাই হ'ক, আনন্দ ! আজকে তোমার রাজবাড়ীতে মারের এসাদ পেতে হবে।

বাবাঠাকুর, জী পুত্র, বিষয়-বৈভব, সব যুচে যায়, কিন্তু খাওয়া-দাওয়ার হাঁকীম খোঁচে না। রাজাদেশ-নিরোধিবা, আমি একটা ডুকদিরে আসি।

তন্ত্রবিনোদ হাসিয়া বলিলেন, একেবারে ডুব মেরো না যেন।

সাধ্য কি, বলিয়া আনন্দ চলিয়া গেলে, তন্ত্রবিনোদ বলিলেন, রাজা, দেখছ, এ কত সইছে।

বটে, বিনোদ, বটে ! কিন্তু এ ব্যক্তি মরিয়া হয়েছে। এর আর ভাবনার কিছু নেই। এ মাথার বোঁঝা নামিয়েছে, আশা-নিরাশার হাত এড়িয়েছে। এ ছাং-সাগরে ভাসছে, কিন্তু তরঙ্গে আর নাচে না। আমার অবস্থা ভেবে দেখ। আমি দৈবকোপে পতিত। এ বংশে একটি ক'রে পুত্র জন্মে, আমি নিঃসন্তান। তিনটি বড় বড় পরগণা আমার জমিদারীর অন্তর্গত—তার একটা বহুয় ভেসে গেছে, একটা ভূমিকম্পে বিলুপ্ত, একটা মহামারীতে জনশূন্য।

তন্ত্রবিনোদ বলিলেন, রাজা, সিকস্তি-পয়স্তি মহলের চিরকালই ঐ দশা, জান ত', রাজা ! আজ ধুরে মুছে নিয়ে গেল, কাল ফিরে দিল। এক দিক ভাঙে, এক দিক গড়ে। হ'নারই ত' তোমার জমিদারীভুক্ত। গেছে, আবার হবে।

হয়ে লাভ ? আমি নিঃসন্তান। ভোগ করবে কে ?

বধুর এখনও বয়স পেরয় নি। সন্তান হতে পারে।

শোনকালে নয়, বিনোদ ! তুমি কি জান না, সে পাগল ?

পাগল কেন বলছ ? পাগল নয়।

তুমি ত' তার মুখ দেখেছ ? যেন সর্বদাই আবিষ্ট, আচ্ছন্ন। যেন উপদেবতা-আশ্রিত।

রাজা, এক মারের মুখ ছাড়া জ্ঞান হয়ে অবধি কোন স্ত্রীলোকের মুখ দেখি নি। কিন্তু তুমি পাগল বলছ কেন ?

বলছি কেন ? এক এক সময় এক একটা এমন আনুকা কথা করে বসে—তার না আছে মাথা, না আছে যুগ !

হাঁদনা-তলার গুতর্গুটির সময় বলে উঠল—ও গো, একে আমি চিনি। এর সঙ্গে আবার বিয়ে কেন ? বাগরে

আমার তৃকাপেলে, নিজে ছুটে গিরে আমার জল এনে দিলে। নববধুর লজ্জাজড়িত সে সঙ্কোচভাব নাই। এক

জন বললে, হ্যাঁ গো, বরকে তোর লজ্জা করছে না ? বললে, ও-ও বরাবর আমার বর। আমি লজ্জা কব্ব

কেন ? তোদের সঙ্গে নূতন পরিচয়, তোরী লজ্জাকর গৈয়া

তন্ত্রবিনোদ বলিলেন, কিছু বুঝতে পারলেম না। এ লজ্জাহীনতা অভিমাত্রায় সরলতাও হতে পারে!

অলৌকিক রূপ দেখে বাবা মা একেবারে ঝুঁকে পড়লেন। কোণী-বিচার অবধি করলেন না যে, বধুর আর-পয় সম্ভান-ভাগ্য আছে কি না। কেবল বলতেন, সুলক্ষণা বধু।

সুলক্ষণা বধুর আগমনের পর পিতা-মাতা স্বর্গারোহণ করলেন। ক্রমে ক্রমে তিনটে মহল উবে গেল—যেন ভোজ-বাজি। পিতৃপুরুষের পিণ্ডও লোপ হ'ল।

কিন্তু রাজা, সবাই ত' সুখ্যাতি করে; বলে, যেমন রূপ, তেমনি গুণ!

সে কথা সত্য। ভালবাসায় সে সবাইকে জয় করেছে। তোমাকেও?

আমাকেও! আর আশ্চর্য্য এই, বিনা আয়াসে। কখনো একখানা ভাল কাপড় কি গয়না পরে না। সেই যে লোহা, রুলি, কড় পরে এসেছিল, এখনও তাই। বলে—কেন, তুমি ত' চিরদিন এমনি নিরাভরণাকেই ভালবেসেছ! আমি তোমাকে ঐশ্বর্য্য দেখাতে আসিনি, তোমার ঐশ্বর্য্য দেখতে এসেছি। বিবাহের বধু, বাড়ীতে পা দিয়েই কি বললে জান, বিনোদ? বললে, এখানে ত' আগে আমি এসেছি। আমার সে কুটার কোথা?

কি বললে?

সে কুটার কোথা?

তন্ত্রবিনোদ বলিলেন, রাজা, বধু পাগল নয়। সে কথা পরে বলব। মাকে ভাল করে দেখে কতকগুলি লক্ষণ মিলিয়ে বলব।

বিনোদ, মেলাবে আর ছাই। ফুলশস্যার প্রথম আলাপ কি জানো? জিজ্ঞাসা করলে, 'হাঁ গা, সত্যি কি আমার চিন্তে পারছ না? একেবারে ভুলে গেছ?' আমি বললেম, 'আমি ত' মনে করতে পারছি না।' বললে, সে কি?

এই সময় রাজবধু দেবী-মণ্ডপে পুষ্পাজলি দিতে আসিলে অন্তর্কিতে তন্ত্রবিনোদের দৃষ্টি তাঁহার উপর পড়িল। তন্ত্রবিনোদ চমকাইয়া উঠিলেন। মনে মনে বলিলেন, এ কি আশ্চর্য্য সাদৃশ্য!

সপ্তমী-পূজার ভোগীরতি প্রায় শেষ হইয়াছে। বেলা

প্রায় অপরাহ্ন। রাজা রাজচন্দ্র আহারাতে বিশ্রাম করিতেছেন। সংবাদ দিয়া একখানি স্বয়ং জৈলচিত্র হস্তে তন্ত্রবিনোদ কক্ষে প্রবেশ করিলেন।

কি ও, বিনোদ?

উঠে বসে দেখ।

আবরণ মুক্ত করিয়া তন্ত্রবিনোদ চিত্রখানিকে অমুকুল আলোকে স্থাপন করিলেন।

বহু দিনের অঙ্কিত চিত্র। কিন্তু এখনও বর্ণ পর্য্যন্ত মলিন হয় নাই।

একবার চিত্রের প্রতি, একবার বধুর প্রতি দৃষ্টি-নিষ্কোপ করিতে করিতে রাজচন্দ্র বলিলেন, কি অদ্ভুত সাদৃশ্য বিনোদ? চিত্র দেখে বুঝা যায় না, সত্যদর্শী শিল্পীর অঙ্কিত এই অপার্থিব সৌন্দর্য্য কি ধ্যানকল্পিত, না চিত্রের কোন প্রত্যক্ষ আদর্শ ছিল!

তন্ত্রবিনোদ বলিলেন, ব্রহ্মা ব্যতীত মানব-ধ্যানে এ মূর্ত্তির কল্পনা অসম্ভব। এ চিত্রের প্রত্যক্ষ আদর্শ ছিল। রাজবধু জাতিস্মরা।

বধু বলিল, রাজা, ও আমারই ছবি। তখন আমার নাম ছিল কমলা, নীচে লেখা আছে, দেখ।

রাজচন্দ্র দেখিলেন—সত্য।

কিন্তু এ ছবি তুমি কোথা পেলে, বিনোদ?

কেমন করে যে আমাদের বাড়ী এ ছবি এল, জানা নাই। আমার কোন পূর্বপুরুষ চিত্রকর ছিলেন। তাঁর হাতে আঁকা আরও অনেক ছবি আছে, সে সকলের মধ্যে এখানিও ছিল।

বধু বলিল, রাজা, বিবাহের আগে মা-লক্ষ্মী আমার স্বপ্ন দিয়েরছিলেন, বাছা, আমি চঞ্চলা, চিরদিন কোথাও একাদিক্রমে আবদ্ধ থাকতে পারি না। তুমি আশ্বদানে আমাকে সত্যবদ্ধ করে এসেছিলে, তুমি ফিরে না এলে আমি মুক্তি পাব না।

আমি বললেম, আমি কার কাছে যাব?

মা বললেন, জানি, মা, জন্মে জন্মে সতীর এক পতি। তোমার স্বামী ছিলেন, লক্ষ্মীপতি, আমি তোমার অন্ত তাকেও পাঠাচ্ছি। চল, মা, আমার সত্যে মুক্ত কর।

বধু বলিল, রাজা, সেবার এসেছিলেম, তোমার প্রতিষ্ঠা করতে। এবার এসেছি, তোমার ঐশ্বর্য্য দেখতে,



তোমার নিয়ে যেতে। আমি আসবার কিছুদিনই পরেই  
মা-লক্ষী প্রস্থান করেছেন। রায়-বংশের বিপুল বৈভব  
ক্রমে ক্রমে ভাঙতে শুরু হয়েছে। আমার সন্তান হয়নি  
যে, তার অস্ত্র ভেবো না। নইলে বংশধরকে ভিখারী  
দেখতে হ'ত। রাজা, চারিদিকে চেয়ে দেখ, কত ধন-  
কুবের নিরস্ত, কত রাজপ্রাসাদ চূর্ণ-বিচূর্ণ, কত জনপদ  
জনশূন্য হয়েছে, লক্ষী কোথাও চিরস্থায়ী ন'ন। রাজা,  
মনে ক্ষোভ কোরো না। বিষয়-বৈভব, ঐশ্বর্য,

স্বখসম্পদ এই আছে, এই নেই। সব ভোজবাজি—ভোজ-  
বাজি! কালে উদয়, কালে বিলয়—

“যে শ্রোতে মিলার আমি,  
সেই পুনঃ লয় টানি,

সম্পদ জীবন-আগে ধায়,

কত বা সম্পদ ফেলে জীবন পালায় ॥”

শ্রীদেবেন্দ্রনাথ বসু।

## অমারে করিল জয় অতীতের আমি

তখনো অতসী নামে ঘটেনি বিপ্লব, অতসী ডাকিত তারে সবে ;  
তখনো সহস্র তার বালিকা অস্ত্র ভরিয়া উঠেনি কলরবে।

জাপানী ফাসুসগুলির রঙিন আলো

তখনো তাহার কাছে লাগেনি ভালো,

তখনো তাহার চলা ধারনি মোচড় ধরেনি তাহারে কোন নেশা,—  
বিবিধ অস্ত্র লয়ে পল্কা বাসন হয়নি তখনো তার পেথা।

ডুইং ক্রমের আলো লয়নি টানিয়া সিনেমা পাটি আর গানে,  
অস্ত্রায় স্মৃতির কথা পুরুষ বাছব কহেনি তখনো তার কাণে।

মিশিরা পুরুষ সাথে অকুষ্ঠ হয়ে,

মনের সহস্র ভাব বাধনি করে ;

সামান্ত জ্ঞানের মাঝে অসংখ্য বাসনা তখনো হয়নি জানাজানি,—  
প্রসারি অনন্ত বাহু বিশাল পৃথিবী তাহারে দেখনি হাতছানি।

অত্যন্ত জ্ঞানের কোণে অক্ষুট করনা, ছিল না অনেক কিছু আশা,  
অল্পতে হইত সখী অতসী সেদিন, অল্পতে সম্ভব ছিল হাসা।

সামান্ত স্বামীয়ে লয়ে পল্লীর মাঝে,

পল্লীর বধুটি হয়ে প্রত্যাশ মাঝে,

প্রদীপ দেখায়ে দিয়ে তুলসীতলার প্রণাম করিত খুব সুখে।

সেদিন অতসী কিন্তু সামান্ত কিছুতে থাকিতে পারিত ভরা বৃকে।

আজি সে অতসী কোথা? ঘটেছে বিপ্লব, প্রগতি করেছে তারে জয় !  
অতসী মোরালো মাথা হ'লার অসি, তাহার ঘটিল পরাজয়।

অতসী মরিয়া গেল আমার মাঝে,

পূর্ণ হয়েছি আজ অসির সাজে ;

আমারি শৈশব আমি কেলেছি হারারে অতসী হয়েছি শুধু আমি,—  
আমারি-আমাকে আমি করেছি নিহত, অতসী গিয়াছে আজ খসি।

ডুইং ক্রমের আলো আমার চোখেতে খেলেছে আশার স্বকমকি,  
বৃহৎ বাসনা কত করেছি জালন ঠুকিয়া জ্ঞানের চকমকি।

আজের পৃথিবী আর নহেকো সহস্র,

অল্প কিছুতে হার নাহি যে গরজ,

আজিকে পাইতে চাই প্রকাণ্ড প্রসার অনেক বাসনা আগে মনে,—  
বিরাট সিডান কার বৃহৎ প্রাসাদ নতুন ঘটনা প্রতি কণে।

ষাদের রয়েছে খ্যাতি জগৎ জুড়িয়া তাহারা থাকিবে মোরে ঘিরি,  
সৌভাগ্য মানিবে মনে সে জন তখন যখন বাহার দিকে ঘিরি।

আমারে স্বীকৃতি পেয়ে তাদেরি কেহ

স্ববন করিবে যুরে আমারি দেহ,

স্বরূপ স্বামীটি হবে থাকিবে সম্পদ মনের প্রসার তার মনে,—

আমার স্বাধীন মতে হবে না ব্যাঘাত বিরাগ হবে না তার মনে।

বৃহৎ আকাঙ্ক্ষাগুলি রহিল বাচিয়া, বাসনা রহিল খুব বড় ;

তাহারা রহিল বটে ভরিয়া অস্ত্র কিন্তু রহিল জড়সড়।

জীবন-সাম্রাজ্য ক্রমে ঘনাবে আসে,

আকাশকুমুম সম করনা ভাসে,

কোথায় রহিল সেই বিরাট প্রত্যাশা সময় বুধাই গেল বয়ে ;—

অনন্ত প্রতীক্ষা আর প্রচণ্ড কামনা সাজেতে রহিল নত হয়ে।


বৃহৎ প্রাসাদ সাথে সিডান মোটর প্রেমিক স্বামীও হ'ল ফিঁকা,  
কেহই এল না তারা করিল ছলনা, বুধাই দেখালো মরীচিকা।

আলোয়া আলোর মত প্রগতি আলো

হঠাৎ নিভিয়া গেল, রহিল কালো—

নির্কোণ অতসী মেয়ের সমাধি কঙ্কাল আমার অস্ত্রঘায়ে হাসে,  
শিথিলতা অসিরে আজ নির্কোণ অতসী জিতিয়া লইল অনাগাসে !

শ্রীহেমচন্দ্রনাথ বসু।



শরৎকাল। অন্ধকার রাত্রি। বৃদ্ধ মহাজন লাইব্রেরী ঘরে পাঠচারী করিয়া বেড়াইতেছিল। তাহার মনে পড়িতেছিল পনের বছর পূর্বের এক সাক্ষ্য-ভোজের কথা। অনেক লোক উপস্থিত ছিল, অনেক রকমের কথাবার্তা হইতেছিল। প্রাণদণ্ড সম্বন্ধে কথা উঠিল। অতিথিগণের কয়েক জন ছিল কলেজের প্রফেসর ও সংবাদপত্র-লেখক, তাহারা কেহই প্রাণদণ্ডের অনুমোদন করিল না। সকলেই বলিল, এটা একটা বর্ষরোচিত শাস্তি, সভ্যজগতের নিতান্ত অযোগ্য, নৈতিকতার দিক দিয়াও কোনমতে সমর্থন করা যায় না। কেহ কেহ বলিল, প্রাণদণ্ডের পরিবর্তে ব্যবসায়িক কারাদণ্ডের ব্যবস্থা হওয়া উচিত।

গৃহস্থানী বলিয়া উঠিল, “মহাশয়গণ, আপনাদের সহিত আমি একমত হইতে পারিলাম না। প্রাণদণ্ড বা আজীবন কারাবাস—কোনটাতেই আমার ব্যক্তিগত অভিজ্ঞতা না থাকিলেও সহজ বুদ্ধিতে আমার মনে হয়, জীবনব্যাপী কারাবাস অপেক্ষা প্রাণদণ্ড অনেকাংশে ভাল। এক মুহূর্তেই জীবনলীলা শেষ হইয়া যায়—তিল তিল করিয়া মরিতে হয় না। মুহূর্তমধ্যে জীবনের পরপারে উপস্থিত হওয়া, আর এ পারে বসিয়াই রহিয়া রহিয়া পিষিয়া পিষিয়া মরা—এই দু’টোর মধ্যে কোনটাকে আপনারা ভাল মনে করিবেন?”

অতিথিদের মধ্যে এক জন বলিল, “দু’টোই অজ্ঞায়, কেন না, উদ্দেশ্য একই—জীবন লওয়া। গভর্ণমেন্ট ত ভগবান নন! যে জীবন ইহার দান করিবার ক্ষমতা নাই, সে জীবন নেওয়ার অধিকারও ইহার থাকি উচিত নয়।”

উপস্থিতের মধ্যে এক জন ছিল আইন-ব্যবসায়ী, বছর পঁচিশেক বয়স। তাহার মতামত জিজ্ঞাসা করা হইলে সে বলিল, “প্রাণদণ্ড বা জীবনভর কারাদণ্ড, দু’টোর একটাও উচিত শাস্তি নয়। তবু একটাকে যদি বাছিয়া লইতে হয়, তবে দ্বিতীয়টাই ভাল। কেন না, মরার চেয়ে কোনমতে বাঁচাই ভাল। ইহা বোধ হয় কেহ অস্বীকার করিবেন না।”

তার পর কৌতুকজনক আলোচনা শুরু হইল। মহাজনের বয়স ছিল সে সময়ে অল্প, রক্ত ছিল গরম। উত্তেজিত হইয়া টেবলের উপর সশব্দে ঘুট্টাঘাত করিয়া চীৎকার করিয়া বলিয়া উঠিল, “মিথ্যা কথা। আমি দশ লক্ষ টাকা বাজী রাখিতে রাজী আছি। আপনি পাঁচ বছর একটা অন্ধকার কারাগৃহে থাকিতে পারিবেন?”

উকিলটি বলিল, “দশ লক্ষ টাকা দিবেন? ঠিক বলছেন? তা হ’লে আমিও বাজী রাখতে রাজী আছি। পাঁচ বছরের কারাগার পনের বছর ওষুধ থাকতে রাজী আছি।”

মহাজন বলিল, “পনের? আচ্ছা, মহাশয়গণ আপনারা সাক্ষী রহিলেন, আমি দশ লক্ষ টাকা বাজী রাখিলাম।”

“স্বীকৃত হইলাম,” উকিল বলিল, “আপনি বাজী রাখিলেন দশ লক্ষ টাকা, আমি বাজী রাখিলাম আমার স্বাধীনতা।”

দুই জনেই এই অদ্ভুত বাজী রাখিল। মহাজন ধনী, ধনীর মন খেয়ালে পরিপূর্ণ। দশ লক্ষ টাকা তাহার কাছে কিছুই নয়। আনন্দে আত্মহারা হইয়া উকিলের দিকে কিরিয়া সে বলিল, “দেখুন, এখনও সময় আছে, আপনার কথা কিরিয়ে নিন। দশ লক্ষ টাকার আমার কিছু যায় আসে না। কিন্তু আপনি জীবনের মূল্যবান তিন চারিটা বছর হারাইবেন। তিন চার বছর বলিতেছি, কেন না, এর বেশী আপনি কোনমতেই থাকিতে পারিবেন না। আরো মনে করিয়া দেখুন, বাধ্য হইয়া কারাদণ্ড ভোগ করা অপেক্ষা স্বৈচ্ছায় কারাবাস সহ করা আরো ভয়ঙ্কর। ইচ্ছা করিলেই স্বাধীন হইতে পারি, এই চিন্তা আপনার সমস্ত জীবনটাকে অস্থির করিয়া তুলবে। বাস্তবিকই আপনার জগৎ দুঃখ হইতেছে।”

মহাজন পাঠচারী করিতে করিতে এই অতীত ঘটনার আলোচনা করিয়া আপনা আপনি প্রশ্ন করিতেছে—“আচ্ছা, আমিই বা কেন এমন বাজী রাখিতে গেলাম? কি লাভ হ’ল এতে? উকিলটি তার জীবনের পনের বছর হারাইল, আর আমি আমার দশ লক্ষ টাকা ব্যয় ফেলিলাম। এর দ্বারা লোকে কি বুঝবে প্রাণদণ্ড ভাল, না জীবনব্যাপী কারাবাস ভাল? না না, এ শুধু মুখের খেলা। আমার দিক দিয়া অর্থের বিকার, আর উকিলটির পক্ষে অদম্য অর্থের স্পৃহা।”

তাহার আরও স্মরণ হইল, সে দিন সাক্ষ্য-ভোজের পরে কি কি হইয়াছিল। ঠিক হইল, মহাজনেরই বাজীর অতি নির্জন একটা ঘরে বড়ানজরবন্দীতে উকিলকে তাহার কারাবাস-জীবন কাটাইতে হইবে। ঠিক হইল, এই পনের বছরের মধ্যে সে প্রাক্ষণে নাথিতে পারিবে না, জীবিত মস্তব্যের মুখ দেখিতে পাইবে না, মাস্তূবের কণ্ঠস্বর শুনিতে পাইবে না, চিঠিপত্র বা সংবাদপত্র কিছুই পাইবে না। সে বাস্তব বাজীতে পারিবে, বই পড়িতে পারিবে, পত্র লিখিতে পারিবে, মতপান ও ধূমপান করিতে পাইবে। সর্ব্ব অল্পপারে সে ছোট একটি জানালার ভিতর দিয়া বাহির জগতের সহিত সংবাদ আদানপ্রদান করিতে পারিবে—কিন্তু কেবল সঙ্কেতে ইস্যায়, কথাবার্তা দ্বারা নহে। সর্ব্বে খুঁটিনাটি সবই লেখা হইল। একেবারে নির্জন কারাবাস; ১৮৭০ খৃষ্টাব্দের ১৪ই নভেম্বরের বেলা ১২টা হইতে ১৮৮৫ খৃষ্টাব্দের ১৪ই নভেম্বরের

বেলা ১২টা পর্যন্ত। যদি বন্দী এই সময় সর্বত্র কোনটা উল্লেখ করিতে চেষ্টা করে, এমন কি, যুক্তির সীমিত দিনের দুই মিনিট পূর্বে পলাইয়া যায়, তাহা হইলেও মহাজনের আর দশ লক্ষ টাকা দিতে হইবে না।

বন্দী-জীবনের প্রথম বৎসরে নিষ্কলমে এবং শান্তি-এমনিতাবে উকিলকে চাপিয়া ধরিল যে, তাহার জীবন দুর্ভাগ্য হইল। তাহার জানালা হইতে দিবানিশি পিয়ানোর শব্দ শোনা গেল। মদ বা তামাক সে কিছুই স্পর্শও করিল না। সে লিখিল, “মদে শুধু বাসনা জাগাইয়া তুলে—নিষ্কলমে বন্দীর পক্ষে তাহা অতি ভয়ঙ্কর। বিশেষতঃ একাকী বসিয়া মদ খাওয়ার চেয়ে বিরক্তজনক ব্যাপার আরি নাই।” তামাকের ধূম তাহার গৃহের নির্মল বায়ু দূষিত করে, প্রথম বৎসরে সে কোন সখ্যক বিবরণক নভেল, প্রহসন ইত্যাদি হালকা বকমের বই পড়িয়া কাটাইল।

দ্বিতীয় বৎসরে তাহার খর হইতে পিয়ানোর আওয়াজ আর শোনা যায় নাই। সে কেবল চিন্তাশীল প্রবন্ধপূর্ণ বই চাহিয়া পাঠাইয়াছে। পঞ্চম বৎসরে আবার সন্ন্যাসচর্চা এবং মন্ত্রপান। বাস্তব তাহার পাহারার নিযুক্ত ছিল, তাহারা লক্ষ্য করিয়া দেখিয়াছে, সমস্ত বৎসরটাই পান-ভোজন করিয়া বিছানায় শুইয়া থাকিয়া কাটাইয়াছে। বই সে পড়ে নাই। কোন কোন সময়ে স্নানান্তে অনেকক্ষণ পর্যন্ত লিখিয়া কাটাইয়া প্রাতঃকালে তাহা ছিঁড়িয়া ফেলিয়া দিয়াছে। অনেকবার তাহাকে কানিতেও দেখা গিয়াছে।

ষষ্ঠ বৎসরের শেষভাগে বন্দী উৎসাহভরে সাহিত্য, দর্শন, ইতিহাস পড়িয়াছে। এমনই তাহার উৎসাহ—এমনই তাহার আগ্রহ যে, মহাজনের পক্ষে বই জোগাইয়া উঠা ভার। ঠিক এই সময়টাই মহাজন তাহার নিকট হইতে নিম্নলিখিত চিঠিখানি পাইল, “প্রিয় কাহারওক, আমি এই লাইন করটা অন্ততঃ ছয়টা ভাষায় লিখিয়া পাঠাইতেছি। অভিজ্ঞদের দেখাইলে যদি তাহারা বলেন যে, ইহা নিতুল, তবে আপনাকে অমরোধ করিতেছি, সন্তোষরূপ বাগানের মধ্যে একটা বন্ধুকের আওয়াজ করিবেন। সেই শব্দেই আমি বুঝিব, আমার পরিচয় ব্যর্থ হয় নাই। সকল যুগের সকল দেশের মনীষিগণ বিভিন্ন ভাষায় কথা বলিয়া থাকেন—বাহন পৃথক; কিন্তু ভিতরের সার বস্তুটি এক। খোসা ছাড়াইয়া সেই বস্তুটির আবাদন পাইয়া আমার কি যে স্বর্গীয় আনন্দ, তাহা যদি আপনাকে বুঝাইতে পারিতাম।” বন্দীর ইচ্ছা পূর্ণ করা হইল। একটা বন্ধুকের আওয়াজে তাহার সকলতার সংবাদ বন্দীকে জানান হইল।

আরও পরে, দশম বৎসরে, উকিল তাহার টেবলের ধারে নিশ্চল হইয়া বসিয়া কেবল বাইবেল পাঠ করিল। যে ব্যক্তি চারি বৎসরে ছয় শত এমন বিভাবস্তাপূর্ণ বড় বড় বই শেষ করিতে পারে, সে সমস্ত গোটা বৎসরে বাইবেলের মত এক সোজা ও ছোট বই পড়িয়া কাটাইল কেন, তাহা মহাজন অতি বিস্মিত হইল।

শেষের দুই বৎসর উকিল স্পষ্টরূপে পুস্তকখানি শেষ করিয়া ফেলিল—নানা ধরণের বই, কখনও অকৃত-বিজ্ঞান, কখনও বা সেকুলার, বাইবেল, কখনও বা বাসায়নিক গ্রন্থ, চিকিৎসাশাস্ত্র, নভেল, দর্শন বা বর্ষক্রম। মনে হয়, সে যেন তাহার সমস্ত পুস্তক

মধ্যে অসীম সমুদ্রে হাবুডাবু খাইতেছে—কিন্তু জীবন-সংসার প্রচীর একটার পর একটা ধরিয়া কুণ্ডল গ্রাস হইতে উহার পাইবার প্রয়াস করিতেছে মাত্র।

এই সমস্ত পনের বছর আশ্রয় কথা মহাজনের মনে আসিতে লাগিল, আর সে ভাবিল, “কাল-বেলা বাবোটার সময় তার মুক্তি। সর্ব্ব অমুসারে তাকে দশ লক্ষ টাকা দিতে হবে। যদি যেই, আমার আর কিছুই থাকিবে না, একেবারে সর্ব্বনাশ হইবে।”

পনের বছর আগে দশ লক্ষ টাকা তাহার আয়ের মধ্যেই ছিল না। কিন্তু এখন তাহার ভাবিতেও ভয় করে, তাহার মেনা বেশী না আর বেশী। নিজের উচ্ছৃঙ্খলতা প্রভৃতি নানা কারণে তাহার কারবার খারাপ হইয়া পড়িতেছিল। বহু লক্ষপতির অবস্থা হইতে সে এখন সামান্ত নগণ্য কারবাবী হইয়া পড়িয়াছে।

নিদারুণ দৃষ্টিস্তায় কপালে করাঘাত করিতে করিতে সে আপন মনে বলিয়া বাইতে লাগিল, “কি অশুভকণে বাস্তবী রাখিয়াছিলাম। লোকটা যদি মরিয়া বাইত, তবুও হইত। এখন তার মাত্র ৪০ বৎসর বয়স। আমারই শেষ কপর্দকটি লইয়া, আমাকেই পথের ভিখারী করিয়া দিয়া সে পথম আরায়ে নিশ্চিন্ত সুখে জীবন অতিবাহিত করিতে থাকিবে, আর আমার সঙ্গে কালেভদ্রে দেখা হইলে হয় ত প্রহসন ব্যঙ্গের সুরে আমাকে বলিবে, ‘মহাশয়, আপনাকে অশেষ ধন্যবাদ। আপনার হ’তেই আমার এই সুখ, এই সম্পদ। আপনাকে আমি সাহায্য করিতে পারি কি?’ না, না, না—এ অসহ। লজ্জা, অপমান, দেউলিয়া অবস্থা হইতে জাগ লাভ করিবার একমাত্র উপায়—উহাকে মাঝিতেই হইবে।”

ঘড়িতে ৩টা বাজিয়া গিয়াছে। সমস্ত বাড়ীটা নিশ্চল। মহাজন চাবিটা লইয়া সেই বন্দীগৃহের দিকে ধাবিত হইল। বাহিরে ভীষণ শীত, ভীষণ অন্ধকার। ভিজা, কনকনে বায়ু গর্জন করিয়া বেড়াইতেছে। কোন বকমে হাতড়াইতে হাতড়াইতে সেই কারাগৃহের নিকট আসিয়া পাহারাওয়ালার কাছে ডাকিল। সাড়া পাইল না, বোধ হয়, কোথাও না কোথাও ঘুমাইয়া পড়িয়া থাকিবে। মহাজন ভাবিল, “যদি আমার মনের সংকল্প কার্যে পরিণত করিতে পারি, সন্দেহটা নিশ্চয়ই পাহারাওয়ালার উপর পড়িবে।”

সেই ঘরের বারান্দাটার উপর উঠিয়া দিরাশালাই আলাইয়া দেখিল, কোণে একটা বিছানা পড়িয়া আছে, শয্যার কেহ নাই। জানালার ভিতর দিয়া বন্দীর কামরার ভিতরে দৃষ্টিপাত করিল, দেখিল, মিটমিটে একটা আলো জলিতেছে। বন্দী নিজে টেবলের ধারে বসিয়া আছে; কেবল তাহার পিঠ, চুল, এবং হাত দেখা যায়। টেবলের উপর, চেয়ারের উপর, ঘরের মেঝের উপর এলো-মেলোভাবে বই ছড়ান রহিয়াছে।

এইরূপে মিনিট পাচেক অজীত হইল, কিন্তু বন্দী একটুও নড়িল না। পনের বছরের বন্দীজীবন তাহাকে নিশ্চল হইয়া বসিয়া থাকিতে শিখাইয়াছে। মহাজন জানালার উপর অঙ্গুলি দ্বারা শব্দ করিল, কিন্তু বন্দী যেমন ছিল, তেমনই বসিয়া রহিল। তার পর মহাজন সতর্কতার সহিত তাল ধুলিল। ময়চপড়া তালার খট করিয়া শব্দ হইল। পনের বছরের রুদ্ধ হৃদয় ধাক্কা পাইয়া কড়াকড় করিয়া আর্দ্রনাশ করিয়া উঠিল। মহাজন মনে করিয়াছিল, একটা বিষয়ের চীৎকার শুনিতে পাইবে, আর সঙ্গে সঙ্গে ময়চের পদক্ষেপ তাহার দিকে অগ্রসর হইয়া আসিবে। মিনিট তিনেক



গেল। কামরার ভিতরে পূর্বের জায় নিস্তরতা বিরাজ করিতে লাগিল। মহাজন ভিতরে প্রবেশ করিল।

টেবলের সম্মুখে একজন লোক বসিয়াছিল। একখানা চর্মাবৃত কঙ্কাল—কোকড় কোকড়া লম্বা চুল—লম্বা দাড়ি। মুখের রং হলুদে—একটু মেটে। গাল বসিয়া গিয়াছে, হাত একখানি, হাড় মাত্র—দেখিতে ভয় হয়। চুল পাকিতে আরম্ভ করিয়াছে। চেহারা দেখিয়া কেহ বলিবে না যে, মাত্র ৪০ বৎসর বয়স। টেবলের উপর তাহারই লেখা একখানা কাগজ পড়িয়াছিল।

মহাজন ভাবিল, “আহা, বেচারী বোধ হয় ঘুমাইয়া ঘুমাইয়া লক্ষ টাকার স্বপ্ন দেখিতেছে। একটা ধাকা মারিয়া বিছানার উপর ফেলিয়া গলাটা টিপিয়া দিলেই সব শেষ। অস্বাভাবিক মৃত্যুর কোন চিহ্নও কেহ খুঁজিয়া পাইবে না। মনে করিবে, হার্টফেল্ করিয়া মরিয়াছে। আচ্ছা, আগে দেখা যাক কাগজখানায় কি লিখে রেখেছে।”

বলিয়াই টেবলের উপর হইতে কাগজখানা তুলিয়া ধরিয়া সে পড়িতে আরম্ভ করিল—

“কাল বেলা বারোটায় সময় আমি আমার স্বাধীনতা, লোক-জনের সহিত দেখাশুনা, মেলামেশা করিবার অধিকার ফিরিয়া পাইব। কিন্তু এই কক্ষ ত্যাগ করিয়া সূর্যালোকে বাহির হইবার পূর্বে তোমাদের নিকট কয়েকটা কথা বলা বিশেষ আবশ্যিক মনে করি। আমার মধ্যে যদি কিছু সত্য থাকে তাহারই আজ আমি দোহাই দিয়া বলিতেছি, তোমরা যাহাকে স্বাধীনতা, জীবন, স্বাস্থ্য এক কথায় জগতের সুখ সম্পদ বস, আমি তাহাকে অস্তবের সহিত ঘৃণা করি।

“এই পনের বৎসর ধরিয়া আমি—এই পার্শ্ববর্তী জীবনটাকে বিশেষ যত্নের সহিত পাঠ করিয়া আসিতেছি। সত্য বটে, এই দীর্ঘ-কাল মধ্যে আমি পৃথিবীর রূপ কেমন বা জীবন্ত মনুষ্যের রূপ কিরূপ, তাহা দেখি নাই। কিন্তু বইয়ের ভিতর দিয়া পান-ভোজন, আমোদ-প্রমোদ, প্রেম, ভালবাসা, বন্ধু—সকল জিনিষের সতিতই আমার পরিচয় ঘটিয়াছে। তোমাদের কবিগণের উদ্ভূত সৃষ্টি স্বর্গের অপসরাগণের জায় সুন্দরী সুন্দরী রমণীগণ রাতে আমার নিকট আসিয়া—অমৃতগুণে আমার হৃদয়কে আনন্দরসে সিক্ত করিয়াছে, তোমাদেরই বইয়ের সাহায্যে অতি উচ্চ পঙ্কতের চড়ায় উঠিয়া আমি দেখিয়াছি, তরুণ অরুণ কেমন করিয়া উদার অবগুঠন ঘোচন করিয়া দেয়,—সায়াক্ষের সূর্য কেমন করিয়া আকাশ নদ নদী সমুদ্রে স্বপ্নালোকের সৌন্দর্য ঢালিয়া দেয়। দেখিয়াছি, মাথার উপরের মেঘাবরণ ভেদ করিয়া কেমন করিয়া চপল হাসির দীপ্তিতে দিগ্দিগন্ত উদ্ভাসিত করিয়া, চলিয়া যায় চপলা। তোমাদেরই বইয়ের ভিতর দিয়া কত অসাধ্য সাধন করিয়াছি—কত সমৃদ্ধিশালী নগরকে জ্বালাইয়া পোড়াইয়া মরুভূমিতে পরিণত করিয়াছি—কত নূতন

ধর্ম প্রচার করিয়াছি, কত শত দেশের উপর দিয়া বিজয়ী বাহিনী চালাইয়া আসিয়াছি।

“তোমাদের বই-ই আমাকে বিভা দিয়াছে। শতাব্দীর সঞ্চিত জ্ঞানভাণ্ডার আজ আমার এই ক্ষুদ্র মগজের মধ্যে। আমি জানি, তোমাদের সকলের চেয়ে আমি জ্ঞানী ও বুদ্ধিমান।

“এখন আমি তোমাদের বইগুলিকে ঘৃণা করি, জগতের সুখ-সম্পদ জ্ঞান সকলকে ঘৃণা করি। সকলই অসার, অশ্রদ্ধা, কার্মনিক, মর্শটিকার ন্যায় অমূলক। তোমরা ধনের, জ্ঞানের, সৌন্দর্যের অহঙ্কার কর। কিন্তু মনে রেখ, মৃত্যু আসিয়া একদিন তোমাদের গর্ভ দূর করিয়া দিবে—তোমাদের সকল গরিমা সেই মহাদিনে তাসের ঘরের মত সহজে ধূলিসাৎ হইয়া যাইবে।

“তোমরা পাগল, ভুল পথ ধরিয়া চলিয়াছ। তোমাদের মনুস্য মিত্যাকে সত্য বলিয়া মনে কর, কদর্যকে সুন্দর বলিয়া ধারণা কব। স্বর্গসুখের পরিবর্তে পৃথিবীর তিক্ত আনন্দকে আলিঙ্গন কর। তোমাদের দেখিয়া আমি বিশ্বাসে নরিয়া যাই। আমি তোমাদের বুদ্ধিতে চাই না, বুদ্ধিতেও চাই না।

“যে স্বর্ণমুগের পশ্চাতে অহরহ তোমরা ছুটিয়া বেড়াইতেছ, আমিও যাহাকে একদিন জীবনের শ্রেষ্ঠ সাধনার ধন বলিয়া ভাবিতাম, তাহার প্রতি আন্তরিক ঘৃণা দেখাইবার জন্ত আমি বলিতেছি, আমার দাবী দশ লক্ষ টাকা ছাড়িয়া দিলাম। আমার দাতাকে সম্পূর্ণরূপে নিশ্চিস্ত করিবার জন্ত সর্বের নিয়ম উল্লঙ্ঘন করিয়া কাল নির্দিষ্ট সময়ের পাঁচ মিনিট পূর্বে বাহির হইয়া আসিব।”

পড়া শেষ হইলে মহাজন কাগজখানি টেবলের উপর রাখিয়া এই উদ্ভূত প্রকৃতির লোকটার দিকে এক দৃষ্টে তাকাইয়া রহিল। চোখের জল বাধা মানিল না—টপ টপ করিয়া টেবলের উপর পড়িতে লাগিল। কিছুকাল এইভাবে দাঁড়াইয়া থাকিয়া ধীরে ধীরে সে ঘরের বাহির হইয়া গেল। জীবনে কখনই তাহার নিজের প্রতি এমন তীব্র দিক্কার জন্মায় নাই। নিজের ঘরে আসিয়া সে নিঃশব্দে বিছানায় শুইয়া পড়িল। গ্রানি ও অম্লশোচনার তীক্ষ্ণ কশাঘাতে অনেকক্ষণ পর্যন্ত সে ঘুমাইতে পারিল না।

পরদিন পাহারাওয়াল দৌড়াইয়া আসিয়া সংবাদ দিল, সে বন্দীকে জানালা দিয়া সম্মুখের প্রাঙ্গণে বাহির হইতে দেখিয়াছে। তার পর ফটক পর্যন্ত আসিয়া কোথায় অদৃশ্য হইয়া গিয়াছে।

মহাজন তৎক্ষণাত পাহারাওয়ার সঙ্গে সঙ্গে আসিয়া তাহার কথার সত্যতা পরীক্ষা করিল। বন্দী নিতুল পলাইয়াছে, অনাবশ্যক গুজব এড়াইবার জন্ত বন্দীর সেই ত্যাগ-পত্রখানা টেবলের উপর হইতে উঠাইয়া লইয়া বাড়ী আসিয়া আপন সিন্দুকে বন্ধ করিয়া রাখিয়া দিল।

শ্রীকেশবচন্দ্র মুখোপাধ্যায়।







## জন্মতিথি

[ গল্প ]

“রায় মশাই!—রায় মশাই, বাড়ী আছেন?”

সঙ্গে সঙ্গে বাহিরের দরজার কড়া ঝন্-ঝন্ করিয়া বাজিয়া উঠিল।

হিমাংশুকুমার সবে গৃহদেবতা রাধামাধবের পূজা সারিয়া বাহিরে বারান্দায় আসিয়া দাঁড়াইয়াছিলেন। ভাদ্রের আকাশ আজ যেন মেঘমূচ্ছিত—এখনই হয় ত ধারাবর্ষণ আরম্ভ হইবে। তিনি উদাস-দৃষ্টিতে আকাশের দিকে চাহিয়া নিজের অদৃষ্টের কথা ভাবিতেছেন, এমন সময় কড়া নাড়ার শব্দ বজ্রনির্ঘোষের জায় তাঁহার বুকে আসিয়া বাজিল।

“রায় মশাই আছেন?—”

এ কণ্ঠস্বর পরিচিত। হিমাংশুকুমার স্থলিত চরণে সিঁড়ি দিয়া নীচে নামিতে লাগিলেন।

সতের বৎসর বয়স্ক পুত্র সীতাংশু আসিয়া বলিল, “বাবা, মাখমবাবু ডাকছেন আপনাকে।”

হিমাংশু বলিলেন, “তাঁকে বাইরের ঘরে বসাত্ত, আমি যাই।”

স্বামীর মলিন মুখের দিকে চাহিয়া পত্নী হেমপ্রভা উৎকণ্ঠিতস্বরে বলিলেন, “কি হবে?”

মুখে উত্তর জোগাইল না। উপরের দিকে হাত তুলিয়া হিমাংশুকুমার ধীরে ধীরে বাহিরের ঘরের দিকে চলিলেন।

পঞ্চদশী কন্যা বীণা ছল-ছল নেত্রে মাতার পার্শ্বে আসিয়া দাঁড়াইয়াছিল। উভয়েরই দৃষ্টি গমনোন্মুখ পুরুষটির প্রতি স্থির-নিবন্ধ।

বাহিরের ঘরে একখানি জীর্ণপ্রায় তক্তপোষের উপর অর্ধচন্দ্র একখানা মাহুর পাতা। তাহারই উপর বসিয়া সীতাংশু পড়াগুনা করিত। হিমাংশুপ্রকাশ দেখিলেন,

মাখমবাবু তাহাতে না বসিয়া বাতায়নের ধারে দাঁড়াইয়া আছেন।

শিষ্টাচারের বাহু আদান-প্রদানের পর মাখমবাবু বলিলেন, “তা হ’লে রায় মশাই, কালই ত বাড়ী ছেড়ে দিচ্ছেন? দেখুন, আপনি এক কথার মানুষ, আর অনেক দিন আপনার সঙ্গে কারবার করেছি, তাই আদালতে আর যাবার ইচ্ছে নেই।”

হিমাংশুকুমার গুরুকণ্ঠে বলিলেন, “আদালতের কথা কেন তুলছেন, মাখমবাবু? আমার কথার খেলাপ ত হবে না।”

আগস্থক মৃদু হাসিয়া বলিলেন, “তা জানি। আপনি কথার খেলাপ জীবনে কখনও করেন নি। তা হ’লে, কাল কখন বাড়ী খালি ক’রে দেবেন? দলিলে লেখা মত সঠে বারো বছর কাল শেষ হবে। এর মধ্যে আমার প্রাপ্য গণ্ডা মায় সুদ শোধ ক’রে দিতে পারতেন যদি, তা হ’লে বাড়ী ত আপনাদেরই থাকত। তা যখন—”

বাধা দিয়া বিনীতকণ্ঠে হিমাংশুপ্রকাশ কহিলেন, “কিন্তু কাল ভাদ্র সংক্রান্তি। আপনিও হিন্দু, আমিও তাই। দয়া ক’রে কাল পরশু দু’দিন আমার সময় দিন। ২রা আশ্বিন আপনি বাড়ীর দখল পাবেন।”

শেষের দিকে হিমাংশুপ্রকাশের কণ্ঠস্বর ভারী হইয়া আসিল। আসন্ন নিঃসহায় ও নিরাশ্রয় অবস্থার কথাও বোধ হয় মনে পড়িল।

মাখমবাবু কয়েক মুহূর্ত নীরবে কি ভাবিলেন। তার পর ধীরে ধীরে বলিলেন, “আচ্ছা, তাই হবে। কিন্তু দোহাই আপনার, এর পর আর কোন ওজর-আপত্তি যেন করবেন না। আপনার কথায় আমি বিশ্বাস করি। দেখবেন, যেন আইন-আদালত আর না করতে হয়।”

হিমাংশুপ্রকাশ মুহূর্তের জন্ত যেন উত্তেজিত হইয়া পড়িলেন। তিনি দৃঢ়কণ্ঠে বলিলেন, “পৈতৃক ভিটের মোহ সামান্য নয়, কিন্তু পরশুদিন বিকেলবেলা—সন্ধ্যার আগেই আমি বাড়ী খালি ক’রে দেব, মাখমবাবু। আপনি নিশ্চিন্ত থাকুন। আমার কথা নড়-চড় হবে না।”

“আচ্ছা দেখবেন। খুব চুংখের সঙ্গেই আমাকে এ কায করতে হচ্ছে। কারও ভিটেবাড়ী নেবার আগ্রহ আমার নেই। কিন্তু বারো বছরেও আপনি পারলেন না। কি করি বলুন, হিমাংশুবাবু, আমার অপরাধ নেবেন না।”

“না, না, এতে আপনার ত কোন দোষ নেই। আমার ভাগ্য, মাখমবাবু।”

নমস্কার জানাইয়া মাখমবাবু বিদায় লইলেন।

হিমাংশুপ্রকাশ স্থাগুর মত ঘরের মাঝখানে দাঁড়াইয়া রহিলেন।

পুত্র সীতাংশু অনেকক্ষণ সে ঘর হইতে বাহির হইয়া গিয়াছিল। হিমাংশুপ্রকাশ ধীরে ধীরে তক্তপোষে মাড়রের উপর বসিয়া পড়িলেন।

ভবানীপুরের এই পৈতৃক বাড়ীখানিই শেষ অবলম্বন ছিল। তাই মহা দুর্দিনে এত কাল শোক-কাতরা জননী, পত্নী হেমপ্রভা ও পুত্র-কন্যাকে লইয়া তিনি মাথা গুঁজিয়া থাকিবার সন্মোগ পাইয়াছিলেন। আর দুই দিন পরে সে সন্মোগও থাকিবে না।

কঠোর জীবন-সংগ্রামে অনবরত যুদ্ধ করিয়া হৃদয় ক্ষত-বিক্ষত হইলেও বলিষ্ঠহৃদয় হিমাংশুপ্রকাশ বাহিরে এতটুকু বিচলিত ভাব প্রকাশ করিতেন না।

পিতা স্বচ্ছন্দ জীবনযাত্রা নির্বাহ করিয়া যথেষ্ট অর্থ-সম্পদ রাখিয়া গিয়াছিলেন। এলাহাবাদে ব্যবসায় উপলক্ষে সপরিবারে দীর্ঘকাল বাস করিয়া যথেষ্ট অর্থোপার্জন করিয়াছিলেন। পিতার মৃত্যুর পর হিমাংশুপ্রকাশ পৈতৃক ব্যবসায়কে উন্নতির উচ্চশিখরে তুলিয়াছিলেন। বাড়ী গাড়ী সবই তাঁহার ছিল। ব্যবসায় প্রতিষ্ঠানে মাসিক সাতাশ শত টাকা কর্মচারীদিগের বেতন বাবদই তিনি দিতেন। ভাগ্যাকাশে দীপ্ত সূর্যের

কিরণোচ্ছ্বাস—দৃষ্টিস্তার কোন হেতুই ছিল না। কনিষ্ঠ সহোদর তখন বালকমাত্র। সুধাংশু তাহার দাদাকে দেবতার মত ভক্তি করিত। পুত্র সীতাংশু তিন বৎসরের বালক। বীণা এক বৎসরের শিশু।

অকস্মাৎ মেঘলেশহীন আকাশে প্রলয়-জলদ-জাল দেখা দিল। যে কর্মচারীর উপর বিশ্বাস স্থাপন করিয়া বড় বড় কন্ট্রাক্ট, প্রতিষ্ঠানের নামে চুক্তি করা হইত, তাহার লুক্ক চিত্তের বিশ্বাসঘাতকতায় একটি বড় চুক্তিতে লক্ষাধিক টাকা লোকসান দিতে হইল। শুধু তাহাই নহে, আরও কয়েকটি চুক্তির হিসাব-নিকাশ করিতে গিয়া, ভোজ-বাজির ঋায় অল্পদিনের মধ্যেই ব্যবসায় ত বন্ধ হইলই, এলাহাবাদের বাড়ী, গাড়ী, তৈজসপত্র এমন কি, যথাসর্বস্ব দিয়া অপমান ও লাঞ্ছনার দায় হইতে নিষ্কৃতি পাইলেন।

ইন্দ্রিরা যখন দয়া করিয়া গৃহীর মাথায় সোনার ঝাঁপি ঢালিয়া দিয়া আশীর্বাদ করেন, তখন যেমন চারিদিক হইতে অযাচিতভাবে অর্থ-সম্পদ ভাণ্ডার পূর্ণ করিয়া ফেলে, আবার যখন চঞ্চলচরণে তিনি গৃহীর আশ্রয় ত্যাগ করেন, তখন বানের জল শেষ হওয়ার মত, স্রোতের টানে পূর্ব-সঞ্চিত যাহা কিছু থাকে, তাহাও নিঃশেষে অন্তর্হিত হয়। জননী ও স্ত্রীর স্বর্ণালঙ্কারগুলিও সঙ্গে সঙ্গে পাওনা-দারদিগের দাবী মিটাইতে বিদায় গ্রহণ করিল।

এই অভাবনীয় পরিবর্তন পাঁচ বৎসরের মধ্যেই ঘটয়া গেল।

উপায়ান্তর না দেখিয়া হিমাংশুপ্রকাশ এলাহাবাদের মায়ী ত্যাগ করিয়া ভবানীপুরের পৈতৃক বাড়ীতে আশ্রয় গ্রহণ করিলেন। তখন কনিষ্ঠ সহোদর সুধাংশুর লেখা-পড়ার দিকেই তাঁহার একান্ত দৃষ্টি পড়িল।

অনেক পরিচিত পিতৃবন্ধুর সহায়তায় একটি সওদাগরী আপিসে হিমাংশুপ্রকাশ একশত টাকা বেতনে একটি চাকরী পাইলেন। সুধাংশু তখন মিত্র ইনষ্টিটিউশনে ম্যাট্রিক ক্লাশের ছাত্র। পড়াপুনা অথবা মনোবোগ থাকায় সে প্রথম শ্রেণীর বৃত্তি লইয়া ম্যাট্রিক পাশ করিল।

যথাসময়ে আই, এস, সি, ও বি, এস, সিতে সর্বোৎকৃষ্ট ছাত্ররূপে সে জননী ও দাদার প্রাণে আনন্দের বজ্রা বহাইয়া দিল। ঠিক এই সময়ে আর একটি ঋণের বোঝা হিমাংশুপ্রকাশকে অধির করিয়া তুলিল।

সেই ঋণভার হইতে মুক্তিলাভের জন্য পৈতৃক বাড়ী বন্ধক পড়িল। উত্তমর্ণ দলিল করাইয়া লইল, বারো বৎসরের মধ্যে সুদসহ আসল টাকা শোধ দিতে না পারিলে, ষাটশ বৎসর অস্ত্রে বাড়ীটি তাহারই হইবে। হিমাংশুপ্রকাশের আশা ছিল, সুধাংশু তত দিনে মানুষ হইবে, তাঁহার নিজের অবস্থারও পরিবর্তন সম্ভব হইতে পারে। সুতরাং বাড়ী বিক্রয় করিয়া ফেলিলে হয় ত ঋণ-শোধের পর কিছু অর্থ পাওয়া যাইত। কিন্তু তাহার অপেক্ষা এ ব্যবস্থা ভাল। কারণ, বারো বৎসরে কি দেনা শোধ দিয়া পৈতৃক ভিটাকে ফিরাইয়া আনা যাইবে না ?

আশাতেই মানুষ বাচে—নানা প্রকার ভাঙ্গাগড়া করে। ভ্রাতার সহিত পরামর্শ করিয়া হিমাংশুপ্রকাশ ঐ সন্তেই ঋণ গ্রহণ করিয়া দেনার দায় হইতে মুক্ত হইলেন। উভয় ভ্রাতাই সেই দলিলে স্বাক্ষর করিয়া দিলেন।

হয় ত বিধাতার আশীর্ষাদে সুদিনের আনন্দোচ্ছল মূর্তি দেখা দিত, কিন্তু তাহা ঘটিল না। এম, এস, সি পরীক্ষায় রসায়নে সর্বপ্রথম স্থান অধিকার করার কয়েক মাস পরেই সুধাংশুপ্রকাশ নিরুদ্দেশ হইয়া গেল। সে আজ প্রায় ৮ বৎসরের কথা। যাইবার সময় সংক্ষিপ্ত পত্রে সে শুধু দানার চরণে সহস্র প্রণাম জানাইয়া লিখিয়া গিয়াছিল, মার জন্ত চিন্তা নাই, তাহার দাদা আছেন। যদি অবস্থার মোড় ফিরাইতে পারে, সে তখন ফিরিবে। দাদা যেন তাহার সহস্র অপরাধ ক্ষমা করেন। বাঙ্গালদেশে হিন্দু বাঙ্গালীর অন্নসংস্থানের উপায় নাই বুঝিয়াই সে এই পথ অবলম্বন করিয়াছে। "মা, দাদা ও বৌদিদি যেন তাহার উদ্দেশে আশীর্ষাদ বর্ষণ করেন।

সেই দিন হইতে বিধবা জননী শয্যা লইয়াছেন। তাঁহার নয়নের অশ্রুধারা হিমাংশুপ্রকাশ মুছাইতে পারেন নাই। আজ পর্যন্ত পরম স্নেহাধার সুধাংশুর কোনও সংবাদই তিনি পান নাই—অথচ সংবাদ পাইবার জন্ত তাঁহার চেষ্টার কোন ক্রটই তিনি করেন নাই।

ভাদ্রের আসন্ন বর্ষগোশুখ প্রভাতে বাহিরের ঘরে বসিয়া কনিষ্ঠের কথা মনে করিয়া জ্যেষ্ঠের আননে ধারা নামিয়া আসিল। সে যখন দেশত্যাগ করিয়াছিল, তখন হিমাংশুর মাসিক এক শত টাকা আয় সে দেখিয়া গিয়াছিল। সেই টাকার সংসার সচলই ছিল। কিন্তু

আজ তিন বৎসর হইল, সদাগরী আপিসের সে চাকরী হিমাংশুপ্রকাশ হারাইয়াছেন। অর্থনীতিক দুর্দশার চাপে কোম্পানী বহু লোক কমাইয়া দিয়াছিল। সেই যত্নে হিমাংশুরও চাকরী গিয়াছিল।

জীবনসংগ্রামের বিভীষণ রূপ তার পর হিমাংশু-প্রকাশকে কিরূপ শক্তিত করিয়া তুলিয়াছিল—দিনের পর দিন অর্ধাশন ও অনশনের মধ্য দিয়া কি অগ্নিপরীক্ষা আরম্ভ হইয়াছিল, সুধাংশু, স্বেচ্ছানির্কাসিত কনিষ্ঠ সহোদর ত তাহার কোনও আভাসই পায় নাই। সে বাঁচিয়া আছে কি না, তাহাই বা কে জানে ?

সহোদরের কথা মনে হইতে হিমাংশুপ্রকাশ বালকের জায় কাঁদিয়া উঠিলেন। শোক-পীড়িতা মাতা এখনও জানেন না যে, আর দুই দিন পরেই এ গৃহ হইতে তাঁহার নির্কাসিত হইবেন। সংসারের দুঃখ-দৈত্যের, অভাব-অনটনের আভাসমাত্র তাঁহার কেহই বুঝাকে জানিতে দিতেন না। শোকবিমূঢ়া জননী নিজের দ্বিতলস্ত এক প্রাস্তপ্তিত কক্ষে থাকিতেন। কদাচিৎ বাহিরে আসিতেন। আট বৎসর এমনই ভাবে চলিতেছে।

আজ মাস পাঁচেক হইল, একটি মাড়োয়ারীর আপিসে হিমাংশুপ্রকাশ ত্রিশ টাকা বেতনে একটি কাথ জুটাইয়া লইয়াছেন। কিন্তু মাসিক বেতন অগ্রিম লইয়াই তাঁহার দুঃখময় দিন অতিকষ্টে চলিতেছিল। বাড়ীর মূল্যবান আসবাবপত্র সবই জঠরজ্বালা নিবারণের জন্ত একে একে গৃহর মায়া ত্যাগ করিয়া পাত্রাস্তর আশ্রয় করিয়াছিল। কিন্তু প্রতিবেশী কাহারও নিকট মুহূর্তের জন্ত অভিমানী হিমাংশুপ্রকাশ হাত পাতেন নাই। নিজের পারিবারিক অবস্থার কথা ভ্রমেও তিনি কাহাকেও জানিতে দিতেন না।

বাড়ীর মাথতীয় কর্ম হেমপ্রভা ও বীণার নিপুণ হস্তে সম্পাদিত হইত। প্রতিবেশীদিগের অধিকাংশই ভাড়াটিয়া—সুতরাং কাহারও সহিত আলাপ-পরিচয়ের প্রবৃত্তি এবং অবকাশ তাঁহাদের কাহারও ছিল না।

আপনাকে বহু আশ্রাসে সংযত করিয়া লইয়া হিমাংশু-প্রকাশ স্তব্ধভাবে বসিয়া ভাবিতে লাগিলেন।

এমন সময় প্রায় নিরাতরণা কজা বীণা আসিয়া পিতার পার্শ্বে দাঁড়াইল। ধীরে ধীরে পিতার কাঁচা-পাকা

কেশরাজির মধ্যে তাহার কোমল হাতের অঙ্গুলিগুলি চালনা করিয়া বলিল, “বাবা, মা তোমাকে ডাকছেন।”

মুহূর্তমাত্র সেই কিশোরী কণ্ঠের স্নান মুখের দিকে চাহিয়া হিমাংশু বলিলেন, “অমন করে গোক না, মা! আমাদের ভরসা রাধামাধব।”

• যুক্তকর তিনি ললাটে ঠেকাইলেন।

কিশোরীর আয়ত নেত্রপথে ঝর ঝর করিয়া ধারা নামিয়া আসিল।

রাধামাধব! রাধামাধব! বাবাকে রক্ষা করবে না?

সন্ধ্যা হইতেই ঝন্ ঝন্ করিয়া বৃষ্টি আরম্ভ হইয়াছিল।

ঠাকুর-বরে সন্ধ্যারতি করিবার জন্ম হিমাংশুপ্রকাশ প্রবেশ করিয়াছিলেন।

পিতৃ-পিতামহের পূজিত, দীর্ঘ দিনের প্রতিষ্ঠিত গৃহ-দেবতার দিকে নিবন্ধ দৃষ্টিতে চাহিয়া হিমাংশুপ্রকাশ আসনে বসিলেন।

রাধামাধবের মাণায় সোনার মুকুট ও সোনার ময়ূর-পুচ্ছ, গলদেশে সোনার কদম্বমালা, পায়ে সোনার নূপুর। মাধবের হাতে সোনার বাণী। স্বর্ণ-সিংহাসনের উপর বিগ্রহ মূর্তি শত বৎসরাধিক কাল পূর্বে প্রতিষ্ঠিত হইয়াছিল। অবস্থার নিদারুণ পীড়ন, সংসারের ভীষণ ঝটিকাবর্ত্ত মাথার উপর দিয়া চলিয়া গিয়াছে, কিন্তু বিগ্রহকে কিছুই স্পর্শ করিতে পারে নাই। পিতামহ, অতিরুদ্ধ-পিতামহ স্বহস্তে দেবতার অঙ্গে রত্নালঙ্কারগুলি পরাইয়া দিয়াছিলেন— স্বহস্তে তাঁহারা গৃহদেবতার পূজা করিয়া গিয়াছেন। স্বর্গীয় পিতৃদেবের শেষ আমলে বিগ্নস্ত পূজারীর পূজায় বিগ্রহকে সঙ্কষ্ট থাকিতে হইত। কিন্তু কলিকাতায় আসিয়া হিমাংশু-প্রকাশ স্বহস্তে পূজার ভার গ্রহণ করিয়াছিলেন।

পূজার আসনে বসিয়া হিমাংশুপ্রকাশ চারি দিকে চাহিয়া দেখিলেন। না—উদ্ভানের ফুল ও তুলসীপত্র এবং গঙ্গাজল, ইহা ছাড়া কোন উপচারই আজ রাধামাধবের জন্ম নাই।

একটা প্রচণ্ড হাহাকার তাঁহার বুকের মধ্যে দীর্ঘশ্বাস ফেলিল।

“ঠাকুর, আজ তোমাদের শেতুল দেবার জন্ম এই

গঙ্গাজলই ভরসা। এই নিয়েই সঙ্কষ্ট হও, রাধামাধব! কাল থেকে এই হতভাগা এ-ও যোগাড় কর্তে পারেন না।

ই্যা, কালই ২রা আশ্বিন। এ বাড়ী ছাড়িতে হইবে। কিন্তু রাধামাধবকে কোথায় রাখা হইবে? এখনও পর্যন্ত কোনও বাড়ী ঠিক হয় নাই। কাল বৈকালের মধ্যে যেমনই হউক, একটা কুটীর খুঁজিয়া লইতেই হইবে।

উপায় নাই, উপায় নাই!

মা কিন্তু এখনও কিছুই জানেন না। কাল সকালে তাঁহাকে বলিতেই হইবে। দুঃখিনী জননী; পুত্র-শোকাভুরা মা আমার!—

বাহর তাড়নায় চোখের জল মুছিয়া হিমাংশুপ্রকাশ আচমন করিয়া স্তব্ধ হইয়া বসিলেন।

না, দেবতার অর্চনার সময় দুর্বল হৃদয়ের এমন অভিব্যক্তি শুধু অশোভন নহে—অমার্জনীয় অপরাধ।

ক্ষমা কর, দয়াল ঠাকুর! রাধামাধব, অপরাধ লইও না!

কিন্তু ধ্যান একাগ্র হইতে চাহে না! রাধামাধবের মুখে কি বিক্রপের হাশ্ব? নিমীলিত নয়নের সম্মুখেও বিগ্রহের দীপ্তমূর্তি যেন হাসিতেছে—জ্যোৎস্নাধারা ঝরিয়া পড়িতেছে না কি?

হাস ঠাকুর, তোমার হাসিবারই কথা। অক্ষম সেবকের দৈন্ত্য দেখিয়া বিশ্ব হাসিতেছে। তুমি বিশ্বেশ্বর, কৌতুক হাশ্ব নিশ্চয়ই তোমার আননে উদ্ভাসিত হইয়া উঠিবেই! কিন্তু অগ্নিধারা ত নহে! এ যে অনন্ত জ্যোৎস্নার প্লাবন বহিয়া চলিয়াছে!

প্রবলবেগে জলধারা নামিয়া আসিল। মাঝে মাঝে আকাশের বুক চিরিয়া দামিনীর ললিত-নৃত্য চলিয়াছে। উন্মুক্ত বাতায়ন-পথে এক একটা দম্কা বাতাস ছুটিয়া আসিতেছে।

একটি তামার পাত্রে গঙ্গাজল ঢালিয়া হিমাংশুপ্রকাশ বলিলেন, “সারা বিশ্বের বিচিত্র খাণ্ড ভক্ত তোমায় নিবেদন করে ধন্য হয়। এই দীন, অক্ষম সেবকের ঘরে আছ বলে, আজ এই গঙ্গাজলেই তোমাদের ক্ষুণ্ণবৃত্তি হোক, রাধামাধব! এ শান্তি আমার জন্মই রয়েছে। আমারই কর্মফল। তুমি অনন্ত প্রেমময়—তোমার কাছে শেষ ভিক্ষা, বল্ল থেকে নিজের ব্যবস্থা তুমি নিজে করে নিও।”



পঞ্চপ্রদীপ জ্বালাইয়া ঘণ্টাধ্বনি করিতে করিতে হিমাংশুপ্রকাশ নিম্পলক-নেত্রে বিগ্ৰহের পানে চাহিয়া রহিলেন ।

ভক্তিভরে প্রণাম করিয়া তিনি আপন মনে বলিলেন, “আমার সব গেছে, রাখামাধব ! কিন্তু কথার মর্যাদা রাখতে কখনো ভুলিনি । যদি আশীর্বাদ করবার যোগ্যপাত্র ব’লে তোমার বিবেচনার হয়, ঠাকুর, তা হ’লে কালও যেন, কথার খেলাপ না ক’রে বসি । শুধু এইটুকু তুমি দেখো ।”

পূজা সারিয়া নিঃশব্দে হিমাংশুপ্রকাশ বারান্দার আসিয়া দাঁড়াইলেন ! কেহ কোথাও নাই । শুধু অন্ধকার আকাশ ভাঙ্গিয়া প্লাবন নামিতেছিল ।

রন্ধনাগারের আলোক নির্কাপিত । রাধিবার মত কিছু নাই, তাই রান্না চড়ে নাই । বাকি যে কয়েকটা পয়সা পকেটে পড়িয়াছিল, মাতার জন্ত কিছু ফল ও মিষ্ট তিনি কিনিয়া আনিয়া ওবেলা ঠাকুরকে নিবেদন করিয়া দিয়াছিলেন । তাহাতেই মার এবেলা চলিবে ।

ঐ ত দূরে তাঁহার জননীর শয়ন-কক্ষ । না, এখন নহে । কাল সকালেই নিদারুণ সংবাদ দিলেই হইবে । অন্ততঃ রাত্রির মত তাঁহার শোককাতর অন্তর বিশ্রাম-সুখ লাভ করুক ।

৪

শরতের প্রসন্ন আকাশে তখনও তরুণ-অরুণের দীপ্তি স্কটিয়া উঠে নাই । গত রজনীতে যে প্রচুর বারিপাত হইয়াছিল, প্রভাতের মেঘশৃঙ্খল সুনীল আকাশ দেখিয়া তাহা অনুমান করা যায় না ।

হিমাংশুপ্রকাশ বাহিরে আসিয়া দাঁড়াইয়াছিলেন । তাঁহার শ্রান্ত নয়নযুগল দেখিলেই স্পষ্ট বুঝা যাইবে, সারারাত্রি তিনি নিদ্রা যাইতে পারেন নাই ।

নৈরাশ্রপূর্ণ দৃষ্টিতে তিনি আকাশের দিকে চাহিলেন ।

হ্যা, আজ ২রা আশ্বিন । তাঁহার নিজের জীবনের স্মরণীয় তারিখ এই ২রা আশ্বিন । এমনই কর্মফলের অমোঘ ব্যবস্থা যে, এই স্মরণীয় তারিখেই তাঁহাকে পৈতৃক বাসভবন ত্যাগ করিয়া চলিয়া যাইতে হইবে । কোনও উপায় নাই ।

কিন্তু কোথায় যাইবেন ? আর কয়েক ঘণ্টা মাত্র

সময় আছে । ইহারই মধ্যে যে কোনও স্থান খুঁজিয়া লইয়া সেইখানেই মাথা গুঁজিতে হইবে । সত্য বটে, দুই দিন ধরিয়া তিনি অনেক স্থানে অনুসন্ধান করিয়াছেন, কিন্তু মাত্র ৩০ টাকা উপার্জন যাহার, পাঁচটি বড়ুকু প্রাণীর জীবন ধারণের উপযোগী অবশ্য প্রয়োজনীয় খাদ্য সংগ্রহ করিয়া মাথা গুঁজিবার মত, কুটীরের ভাড়া যোগাইবার মত যে অর্থ কোনও মতে ব্যয় করা চলে, তাহার উপযোগী একটি ক্ষুদ্র কুটীরের সন্ধান তিনি এখনও পান নাই । যাহা পাইয়াছেন, তাহার ভাড়া যোগাইবার সামর্থ্যও তাঁহার নাই ।

তথাপি অপেক্ষা করিলে চলিবে না । এখনই তাঁহাকে বাহির হইতে হইবে । কাল পুত্রকণ্ঠা ও স্ত্রীর সহিত সমস্ত রাত্রি তাঁহাদের অনশনে কাটিয়াছে । মাড়োয়ারী মনিবের নিকট হইতে ভাদ্র মাসের পূরা বেতনই দফায় দফায় অগ্রিম লওয়ার পর আর এখন কিছুই পাওনা নাই । অত্যন্ত কাতরভাবে গতকল্য ৫টি টাকা অগ্রিম চাহিয়াছিলেন । মাড়োয়ারী অপ্রসন্ন মুখে বলিয়াছিল যে, এমন ভাবে প্রতি মাসে অগ্রিম মাহিনা সে দিতে পারিবে না । বাবুর যদি না পোষায়, এ চাকরী তিনি ছাড়িয়া দিতে পারেন । বহু সুবিধা সে তাঁহাকে এই কয় মাস দিয়া আসিয়াছে । আর সে এমন আবদারের প্রশয় দিবে না । পূরা মাস কাজ করিলে পর তবে বেতন সে দিবে ।

এই উজ্জ্বলিত্তে যে অপমানের জ্বালা ছিল, হিমাংশুপ্রকাশ নীরবেই তাহা সহ্য করিয়াছেন । বাড়ীতে আসিয়া কাহারও কাছে ঘুণাক্ষরেও তাহার আভাস মাত্র দেন নাই ।

অনাহার ত আছেই, কিন্তু বাড়ী ছাড়িয়া না দিলে ত চলিবে না । এখন সেই চেষ্টাই করিতে হইবে ।

কলভলার কাষ সারিয়া হিমাংশু আবার বারান্দার আসিয়া দাঁড়াইলেন । অর্ধমলিন জামাটা রেলিংএর উপর রাখিয়া আবার তিনি নীল আকাশের দিকে চাহিলেন । নাই !—নাই !—কোথাও কোন আশার আলোক-রেখা-পাতের সম্ভাবনা নাই ।

সহসা তাঁহার কাণে গেল, বীণা মৃদুস্বরে তাহার মাকে উদ্দেশ করিয়া বলিতেছে, “আজ বাবার জন্মদিন, না, মা ?”

একটা ভিত্ত হাসির কীর্ণরেখা হিমাংশুপ্রকাশের ওষ্ঠাধরে মুহূর্তের জন্ত দেখা দিল । একবার প্রাণ ভরিয়া

হো হো শব্দে হাসিবার ইচ্ছা তাঁহার মনে জাগিয়া উঠিল।  
হ্যাঁ, অনশনে যাহারা দিন কাটায়, গৃহত্যাগ করিবার শমন  
যাহার শিরে, তাহার জন্মতিথি—জন্মদিনের আলোচনা  
অতি শোভন ব্যাপারই বটে!

কিন্তু অন্তরের উচ্ছ্বল দানবটাকে চাপিয়া ধরিয়া  
হিমাংশুপ্রকাশ নীরবেই দাঁড়াইয়া রহিলেন।

সহসা মনে হইল, আসন্ন বিপদের কথাটা জননীকে এই  
সময় জানাইয়া রাখাই ভাল। কারণ, যাহা অনিবার্য,  
যে দুঃখকে অতিক্রম করিবার কোনও পথ নাই, তাহাকে  
শীঘ্র শীঘ্র বরণ করিয়া লওয়াই যুক্তিসঙ্গত। সমস্ত দিনে জননী  
এ আঘাতকে সহ্য করিবার মত অবকাশ পাইতে পারেন।

যে ঘরে মা শয়ন করেন, হিমাংশু সেই দিকে চলিলেন।

না, এখনও তিনি উঠেন নাই। সাড়া শব্দ পাওয়া  
যাইতেছে না। থাক, না হয়, আর একটু অপেক্ষাই  
করা যাউক।

ধীরে ধীরে তিনি বারাণ্ডার পূর্বস্থানে আসিয়া দাঁড়াইয়া  
চারি দিকে চাহিলেন। পিতৃ-পিতামহের স্মৃতিমাধুর্য্যপূর্ণ  
এই ভিটা! ইহাকে ছাড়িয়া যাইতে হইবে!

বলিষ্ঠহৃদয় হিমাংশুপ্রকাশ, বক্ষের দ্রুত স্পন্দনকে  
যেন দুই হাতে চাপিয়া নিঃশেষ করিতে চাহিলেন।

“ও!—ও!—”

সহসা তিনি পৃষ্ঠদেশে দুইখানি পেলব করের স্পর্শ  
অনুভব করিলেন। মাথা তুলিয়া চাহিয়া দেখিলেন, এক  
পার্শ্বে পত্নী, অপর পার্শ্বে কন্যা বীণা।

“ওগো!—ওগো!—তুমি যদি অমন কর, তা হ'লে—”

অশ্রুবাষ্পে কণ্ঠস্বর রুদ্ধ হইয়া গেল।

বীণা আর্তকণ্ঠে বলিল, “বাবা! বাবা—”

প্রচণ্ড বলে আপনাকে সংযত করিয়া হিমাংশুপ্রকাশ  
সোজা হইয়া দাঁড়াইলেন। অধীর হইয়া পড়িলে নিয়তির  
আক্রমণ হইতে ত নিস্তার নাই।

রাধামাধব! রাধামাধব!—

এমন সময় বাহিরের রুদ্ধ দরজায় কড়া সজোরে  
বাজিয়া উঠিল।

এত সকালেই কি আবার শমনের বাজা আসিল?

হিমাংশুপ্রকাশের চরণযুগল আর দেহভার বহন  
করিতে পারিল না। তিনি সেইখানে বসিয়া পড়িলেন।

মমুখ্যকণ্ঠস্বর ও সেই সঙ্গে সোপানে দ্রুত সবল পদধ্বনি  
শোনা গেল।

“দাদা! দাদা! বৌদি!—”

এ কাহার কণ্ঠস্বর!

তাড়িতস্পৃষ্টের গায় হিমাংশুপ্রকাশ উঠিয়া দাঁড়াইলেন।  
তাঁহার চরণতলে আট বৎসরের নির্কাসিত সহোদর সুধাংশু-  
কুমারের নত দেহ সবলে তুলিয়া ধরিয়া হিমাংশুপ্রকাশ  
তাহাকে বুকে জড়াইয়া ধরিলেন।

“ফিরে এলি ভাই আমার!”

“এসেছি, দাদা, আর ষাব না। আমার শত দোষ  
ক্ষমা করুন। বৌদি, তুমিও ক্ষমা কর।”

“ওরে হিমু, এইমাত্র স্বপ্ন দেখলাম, আমার সুধা  
ফিরে এসেছে।”

বৃদ্ধা জননী ঘরের বাহিরে আসিবার পূর্বেই সুধাংশু  
মাতার চরণ বন্দনা করিয়া তাঁহার অবশ দেহ দুই হাতে  
শক্ত করিয়া ধরিল।

“ফিরে এলি, বাপধন! ওরে, ওরে!—”

শয্যার উপর মাতাকে সম্বর্পণে বসাইয়া দিয়া সুধাংশু  
বলিল, “মা গো, আর আমি তোমার কাছ ছেড়ে যাব না।  
যে জন্মে গিয়েছিলুম, রাধামাধব তা আমাকে আশার  
অতিরিক্ত দিয়েছেন।”

“দাড়া, বাবা, তোর চাঁদ মুখ ভাল ক'রে দেখি।”

জননীর অশ্রুধারা মুছাইয়া দিয়া সুধাংশু বলিল,  
“মা, অনেক কাষ বাকি, আমি সেগুলো সেরে তোমার  
কাছেই এসে বসব'খন। তুমি আর চোখের জল  
ফেল না।”

বাহিরে জ্যেষ্ঠের কাছে আসিয়া একবার সে চারিদিকে  
চাহিয়া দেখিল। তাড়াতাড়ি পকেট-বইখানি খুলিয়া কি  
দেখিয়া বলিল, “বৌদি, আজ দাদার জন্ম দিন না? আট  
বছর ধরে এই দিনটিকে আমি রোজ প্রণাম করতাম,  
বৌদি!”

সীতাংশু কাছে আসিয়া দাঁড়াইয়াছিল। সে বলিল,  
“কাকাবাবু, বাবার জন্মদিনেই আমাদের এ বাড়ী ছেড়ে  
চলে যেতে হবে। কাল থেকে—”

“ওরে তুই চুপ কর, সীতু। জানি, ৩১শে ভাদ্র বারো

বছর পূর্ণ হয়ে গেছে। আমার নোট-বইয়ে তা লেখা আছে। দাদা, এত চেষ্টা করেছিলাম, কিন্তু কোনমতেই পরশু এসে পৌঁছতে পারিনি। তিন বছর জার্মানী, ফ্রান্স, ইটালী, ইংলণ্ডে ছিলাম। পাঁচ দিন হ'ল বোধে এসে নেমেছি। একটা জরুরী কাষ রেজেষ্ট্রী করতে দুদিন দেবী না হ'লে ঠিক এসে পড়তাম।”

বাহিরে ট্যাক্সিওয়ালা তাগাদা দিতেছিল সুধাংশু বলিল, “চল সীতু, আগে জিনিষগুলো নামিয়ে নেই।”

খুড়া-ভাইপোতে নীচে নামিবার সময় কি কথা হইল। ট্যাক্সিকে দাঁড় করাইয়া সুধাংশু উপরে উঠিয়া আসিল। কয়খানা-ঘর চকিতে দেখিয়া সে বীণা ও বৌদিদির আপাদ-মস্তক নিরীক্ষণ করিল। এক জনের হাতে শাঁখা, অপরের হাতে কয়গাছ। কাচের চুড়ী তাহার দৃষ্টি অতিক্রম করিল না।

“দাদা, এমন অবস্থা হয়েছে, এ আমি জান্তাম না। তা হ'লে—”

কথা শেষ না করিয়াই সুধাংশু ডাকিল, “সীতু, চট ক'রে একবার এদিকে আয়, বাবা।”

নিজের স্টকেস খুলিয়া জিনিষপত্র হাঁটকাইয়া কি একটা সে বাছিয়া লইয়া পকেটে রাখিল। এক তাড়া নোট দাদার হাতে গুঁজিয়া দিয়া সে তাড়াতাড়ি নীচে নামিয়া গেল। ট্যাক্সি ঠাঁট দিয়া শৃঙ্খলিত করিতে করিতে খুড়া-ভাইপোকে লইয়া দ্রুতবেগে চলিয়া গেল।

এক ঘণ্টার মধ্যে ট্যাক্সি-বোঝাই নানাবিধ শাক-সব্জি ফলমূল, চাউল, ডাইল, ধূত, তৈল প্রভৃতি সহ তাহারা ফিরিয়া আসিল।

“বৌদি, অনেকদিন তোমার হাতের অমৃত-স্বাদে বঞ্চিত। এ-বেলা ভাল করে রান্না কর।”

তার পর দাদার হাতে একখানি দলিল দিয়া বলিল, “এই নিন্ আপনার মর্টগেজ দলিল। মাখমবাবুর সব টাকা শোধ দিয়ে এটা ফিরিয়ে আনলুম। যা যা লিখে নেওয়া দরকার এই কাগজে সব করিয়ে নিয়েছি। হাজার টাকা তাঁকে পুরস্কার-স্বরূপ দিয়েছি। কারও পৈতৃক ভিটে নিতে তিনিও রাজী ছিলেন না। কিন্তু দাদা, আপনি এত সহজে বাগী ছেড়ে দিতে রাজী হয়েছিলেন কেন? আদালতে গেলে মাখমবাবুকে অন্ততঃ দুটি বছর অপেক্ষা করতে হ'ত।”

হিমাংশুপ্রকাশ বলিলেন, “সে কথা ঠিক। কিন্তু ভাই, আমি কথা দিয়েছিলাম যে। কথার দাম যে অনেক ভাই।”

উচ্ছ্বসিত কণ্ঠে সুধাংশু বলিল, “আপনার পায়ের তলায় রসে ঐ মন্ত্র শিখেছিলাম বলেই আজ আমাদের অবস্থা ফিরে গিয়েছে, দাদা। আপনার ঐ মন্ত্রবলেই সব লোভ দমন করতে পেরেছিলাম। শুধু দাদা, আমি যার কাছে বোম্বাই সহরে প্রথম কাষ নেই, তিনি মস্ত ধনী ব্যবসায়ী। অনেক রকম কারবার তাঁর। প্রথম একশ টাকা মাইনেতে তাঁর ল্যাবরেটোরিতে রাসায়নিক হয়ে ঢুকি। কথা দিয়েছিলাম, গবেষণায় যে সব জিনিষের ফরমুলা বেরোবে, তার মালিক হবেন তিনি। অনেকগুলো দরকারী জিনিষ আমি খুব কম খরচে তৈরী করবার উপায় আবিষ্কার করেছিলাম। তা থেকে তিনি প্রচুর লাভ পান সে ফরমুলা আমি তাঁকে না দিলেও পারতাম। কিন্তু কথার দাম সব চেয়ে বড়, আপনারই জীবনের শিক্ষা আমি ভুলিনি। তার ফলে কি হয়েছে জানেন, দাদা? আমাকে তিনি কারবারের একটা অংশ দিয়েছেন। তিন বছর সাগর-পারে পাঠিয়ে নানা বিষয় শিখিয়ে এনেছেন তিনি। কিন্তু আমি নিজেকে ক্ষমা করতে পারছি না। এত কষ্ট দাদা পেয়েছেন, জান্লে আগেই প্রতিকারের ব্যবস্থা করতাম।”

অস্থির চরণে সুধাংশু বারাগায় কয়েকবার পায়চারি করিল। তার পর বলিল, “বৌদি, সব কথা পরে হবে। দাদার জন্মদিনের উৎসব-ভোজ আশ মিটিয়ে করতে হবে। কোন চিন্তা নেই, আমার বন্ধু সুকুমার ও যোগেশকে আস্তে বলে দিয়েছি। তারা এল বলে। খুব কাজের লোক তারা। সীতু, তুই আমাদের যে সব আত্মীয়-বন্ধু আছে, তাদের বাড়ী নেমস্তন্ন ক'রে আয়। হ্যাঁ, সন্ধ্যার পর ভোজ। ঢের সময় আছে, সব ঠিক হয়ে যাবে। আমি এখনি আসছি, দাদা।

হিমাংশু বলিলেন, “চা খেয়ে নিয়ে তবে বেরিও, ভাই।”

“দাদা, আপনি ও আদেশ করবেন না। আপনার হুকুম আমি ফেলতে পারব না। চা পরে হবে, তার চেয়েও দরকারী জিনিষ আছে। দাদা, সেটা আগে সেরে আসি।”

সন্ধ্যার সময় সমস্ত বাড়ীটা সুসজ্জিত হইয়া আলোক-মালায় হাসিয়া উঠিয়াছিল। সুধাংশু লরী করিয়া প্রত্যেক দরকে সজ্জিত করিবার উপযোগী দ্রব্য-সস্তার কিনিয়া আনিয়াছিল।

হেমপ্রভার কর-প্রকোষ্ঠে সোনার চুড়ী, গলায় হার, বীণারও তাহাই। সারাদিন সুধাংশু এই সব কাষেই নিখাস ফেলিবার অবকাশ পায় নাই। বন্ধুদিগের তদ্বিধে উপাদেয় আহাৰ্য্য-সস্তার প্রস্তুত হইয়াছিল। যেন ইন্দ্রজাল-স্পর্শে কয়েক ঘণ্টার মধ্যেই রূপান্তর ঘটয়া গেল।

আত্মীয়-স্বজনগণ ভূরি ভোজনে পরিতৃপ্ত হইয়া যখন বিদায় লইলেন, তখন রাত্রি দশটা। রাধামাধবের পূজার্চনা সারিয়া হিমাংশুপ্রকাশ আহাৰে বসিলেন। মাতা আসিয়া আশীর্বাদ করিলেন, পত্নী, পুত্র, কন্যা আসিয়া হিমাংশুর পদধূলি গ্রহণ করিলেন।

সকলের শেষে সুধাংশু দাদাকে প্রণাম করিয়া বলিল, “দাদা, আপনার পঁয়তাল্লিশ বছরের জন্মদিনে ছোট ভায়ের এই প্রণামীটা নিতে হবে।”

একখানি চমৎকার রেশমী বস্ত্রের সুদৃশ্য মুদ্রাধার।

“এটা আমি ইটালী থেকে আপনার জন্মই এনেছি। এ জিনিষ আর কোথাও পাওয়া যায় না, দাদা।”

ঘরের মধ্যে বৃদ্ধা জননী, হেমপ্রভা, বীণা ও সীতাংশু ছাড়া আর কেহ ছিল না।

সুধাংশু বলিল, “দাদা, বড় ছুঃখ সামনে দেখেই পালিয়েছিলাম। প্রতিজ্ঞা করেছিলেম, দাদার ছুঃখ দূর করব, মা! তাই সকলের মনে কষ্ট দিয়ে সোজা বোম্বাই গেলাম। অনেক কষ্টে চাকরী হ’ল, মাইনে একশ টাকা। কিন্তু তাতে ত সকলের ছুঃখ দূর করা যাবে না। চূপ করে নিরীহান্তের মতই রইলাম। মনিব নিজে সুশিক্ষিত, উদার এবং ভারী বুদ্ধিমান। আমার গবেষণার ফলে প্রথম বছরেই তাঁর বহু লক্ষ টাকা লাভ হ’ল। এমনি করে পাঁচ বছর গেল। তখন গেলাম বিলেতে। কারখানায়

কারখানায় ঘুরে অনেক নতুন জিনিষ শিখে নিলাম। ফিরে যখন এলাম, মনিব কি বললেন জান? ষাভের শতকরা পাঁচ টাকা করে তিনি আমার জন্ম-আলাদা করে রেখেছিলেন। আর আমার মাইনে ৫শ টাকা করে হিসেব ধরেছিলেন। কথার মর্যাদা রেখেছিলাম বলে, তিনি আমারও মর্যাদা রেখেছেন। দেখলাম, কয় বছরে পাঁচ লাখ টাকা আমার মাইনে ও বোনাস্। তাঁর যে কত লাভ হয়েছে, তার হিসেব করা যায় না।”

হিমাংশুপ্রকাশের নেত্র ছলছল করিয়া উঠিল। তিনি বলিলেন, “চমৎকার ভদ্রলোক ত তিনি!”

“হ্যাঁ, দাদা। ভাল লোকও অনেক আছেন বৈ কি, তাঁরা পরিশ্রমের মূল্য দিতে জানেন। আমার ধারণা, যারা সংপথে থেকে প্রাণপণ পরিশ্রম ও বুদ্ধির পরিচয় দিতে পারে, ভগবান তাদের দয়া করেন। বোম্বাইয়ে ফিরে এলে মনিব বললেন, কলকাতায় একটা নতুন আফিস খুলতে হবে। আমার ৩ লাখ ও তাঁর ৯ লাখ—১২ লাখ টাকার মূলধনে কারবার। আমি তার ম্যানেজিং ডাইরেক্টর, অংশ চার ভাগের এক ভাগ। বাকি ২ লাখ টাকা আমি সঙ্গে তুলে এনেছি। সে টাকা দাদা আপনার। অবশ্য যা খরচ হয়ে গেছে আজ, তা বাদে। ঐ রেশমী থলেতে বাকি টাকার নোট আছে।”

“না, ভাই, এত টাকা আমার কি হবে? তোমার মত ভাই যার আছে, তার টাকার দরকার নেই।”

জ্যেষ্ঠের চরণে হাত রাখিয়া সুধাংশু বলিল, “সে হবে না, দাদা। যদি এতটুকু স্নেহ থাকে, ছোটর প্রণামী জন্মদিনে নিতেই হবে। আপনি ছাপাখানার কায় ভাল বোধেন, একটা ভালরকম ছাপাখানা খুলুন।”


সীতাংশু বলিল, “কাকাবাবু, আমার আপনাদের কারবারে টেনে নিন।”

“পাগল, তুই এখন লেখাপড়া কর। ব্যবসা ত আছেই। রসায়নে তোকে এম এ পাশ করতেই হবে।”

শ্রীসরোজনাথ ঘোষ







## ছন্দোহার গান

স্বাধীন ব্যবসা! চমৎকার এই স্বাধীনতা! জীবন-যাপনের  
রুচ তাড়না যেখানে দিন-দিন হৃদয়ের যত কিছু উচ্চ  
প্রকৃতির স্বাস্রোধ করিতেছে, সেখানে কি না স্বাধীনতা!

চপ করিয়া একাকী বসিয়া-বসিয়া ভাবিতেছিল নীতীশ।  
ঘরের পরমা খরচ করিয়া কাষ শেষ করিয়া বিল  
দিয়াছে, আজ চার-মাসের উপর হইয়া গেল, সে-বিলের  
এখনো টাকা পাওয়া গেল না। এই ত স্বাধীন ব্যবসা!

লেখা-পড়া শিখিয়া কোন দিকেই যখন কোন ভরসা  
দেখা গেল না, তখন ঘরের যৎসামান্য পুঁজি খাটাইয়া  
নীতীশ কন্ট্রাক্টরী কাষে নামিয়া পড়িয়াছিল। কত  
কথাই মনে হইয়াছিল সে দিন! বাবসা করিয়া যাহারা  
জগদ্বিখ্যাত হইয়াছেন, মনে জাগিয়াছিল তাঁহাদের কথা।  
এক দিন হয় ত এমনি সামান্য ভাবে ব্যবসা শুরু  
করিয়াছিলেন সার আর এন্—মুখার্জিও!

সে-সব কথা আজ স্মরণ করিতেও নীতীশের হাসি  
আসে। মানুষের মনটা এমনি অদ্ভুত বস্তুই বটে!  
কল্পনায় সে যে কি ভাঙ্গা-গড়া করিতে না পারে!

—ওগো, শুনুছো!—বাড়ীর ভিতর হইতে ডাক  
আসিল।

নীতীশ ভিতরে অফিসিয়া দাড়াইল।

স্বী অস্থযোগের সুরে বলিল,—বাপ রে বাপ! সারা  
দিনটা ত টো-টো ক'রে সুরে বেড়িয়ে এতক্ষণে বাড়ী  
চুকলে, তাও ভেতরে মন বসে না। কি-যে মধু আছে  
ঐ বাইরের ঘরটিতে! ঘর-বোঝাই ত কতকগুলো ভাঙ্গা  
কাঠ, লোহার পরাদে আর চটের খলে। মা গো! আমার ত  
ও-ঘরে চুকতেই গা মিন্-মিন্ করে। ভালোও লাগে ত!

নীতীশ খানিকটা ক্লাস্তির হাসি হাসিয়া বলিল,—  
বক্ততা ত পূর্ব ঝাড়ছো। শুধুই ওই পর্য্যন্ত, না, চা-  
টারের ব্যবস্থা আছে?

উঠানের এক ধারে বসিয়া কণিকা তরকারী কুটিতে-  
ছিল। ছোট ছেলেমেয়ে ছুটি সামনে বসিয়া তরকারীর

ডালা হইতে এটা সেটা তুলিয়া লইয়া খেলা করিতেছিল।  
কণিকা বট কাৎ করিয়া উঠিয়া বলিল,—সেই জন্তেই  
ত ডাকলুম। একটু দেখো এদের, আমি চট ক'রে  
পরটা-ক'খানা সেকে চায়ের জলটা চড়িয়ে দিই।

নীতীশ ছোট ছেলেটাকে কোলে তুলিতে যাইতেছিল,  
কণিকা বলিল,—উহ, কোলে তুলো না। খেলা করুক;  
তুমি শুধু একটু আগলে থেকে।

তাওয়ার উপর পরটা সেকিতে সেকিতে কণিকা  
হাসিয়া বলিল,—আজ দুপুরবেলা রেখা এসেছিল। দিবিয়া  
আছে ওরা।

—কেন?

—কাল আমাদের নেমন্তন্ন ক'রে গেল। আমি যত  
বলি, ছেলে-পুলে নিয়ে—তত সে রাগ করে! সত্যি,  
কি ক'রে যাওয়া হবে, তুমিই বল না!

—কেন, তুমি যেয়ো শুধু খোকাকে নিয়ে। ওরা সব  
আমার কাছে থাকবে'খন্।

কণিকা একমুখ হাসিয়া বলিল,—বা রে! তুমি  
বুঝি যাবে না? সে হয় ত কর্তাকে পাঠিয়ে দেবে তোমার  
কাছে, দেখো। কাল যে তাদের বিবাহ-তিথি!

—বিবাহ-তিথি?

—হ্যাঁ গো। ছ'বছর আগে এই তারিখে ওদের  
বিয়ে হয়েছিল, তাই।

—ওঃ! ইংরিজিতে যাকে বলে marriage anniver-  
sary! দেশটা ইংরিজি আদব-কায়দার ভ'রে উঠলো।

কণিকা তাহার মুখের পানে একবার চাহিয়া  
লইয়া বলিল,—কেন, বেশ ত লোকে যেমন জন্ম-  
তিথির উৎসব করে?

নীতীশ বলিল,—ওদের এখন সবই বেশ! দিবিয়া  
মোটাই মাইনের চাকরী পেয়েছে, ও-দিকে ছেলে-মেয়ের  
ঝঞ্জাট নেই। ওদের সবই সাজে! ওরা এখন ইচ্ছা করলে  
সারা জীবনটাই এরোপেনে হনিমুন ক'রে কাটাতে পারে!

কণিকা বলিল,—তোমার অম্নি চোখ টাটাচ্ছে! ভাবছো, আমিও ত এত লেখাপড়া শিখলাম—

দ্বীপ কথাম্বলো নীতীশের ভাল লাগিল না। মুখে কি একটা শক্ত কথা ঠেলিয়া আসিল, কিন্তু সেটা সে চাপিয়া গেল। ছোট ছেলেটা ততক্ষণে মা-বাপের নজর ঐড়াইয়া ডালা হইতে একটা আলু তুলিয়া লইয়া ঝটিতে কাটিবার জন্ত কসরৎ করিতেছিল, হঠাৎ নীতীশের সে দিকে নজর পড়িতেই সে ছেলের পিঠে একটা চড় বসাইয়া দিয়া বলিল,—আরে গেল যা! মরবি যে হাত কেটে, হতভাগা!

ছেলে ডাক ছাড়িয়া কাঁদিয়া উঠিল। কণিকা গালে হাত দিয়া বলিল,—বাবা: ! অম্নি করে' মারে!

চট করিয়া উঠিয়া সে খোকাকে কাঁখে তুলিয়া লইয়া মুখখানা গুম্ব করিয়া আবার খাবার সেকিতে বসিল।

নীতীশ বলিল,—দাও আমার কোলে।

কণিকা বলিল,—না, থাক। খুব হয়েছে!

—তবে থাক। বলিয়া নীতীশ আবার বৈঠকখানায় গিয়া বসিল।

রেখা কণিকার একটু দূর-সম্পর্কের বোন। তাহার স্বামী দেবনাথ ইন্কাম-ট্যান্স অফিসার, সম্প্রতি এখানে বদলী হইয়া আসিয়াছে। প্রথম প্রথম নীতীশদের বাড়ীতে খুব ঘনঘন যাতায়াত চলিয়াছিল; কিন্তু তারপর হাকিম-মহলে তাহাদের আসর জমিয়াছে, সুতরাং এখানে আসাটা কমিয়াছে। কণিকা এক দিন বলিয়াছিল,—রেখা ত আর বড় আসে না কৈ!

নীতীশ জবাব দিয়াছিল,—কি ক'রে আসবে! তার বর এক জন হাকিম, আর তোমার—

কণিকা ঠোট ঝাঁকাইয়া বলিয়াছিল,—হ'লেই বা হাকিম গো! আমার বর ত কারু তাঁবের চাকর নয়!

প্রকাশ্যে কোন প্রতিবাদ না করিলেও নীতীশ নিজের মনে মনে বলিয়াছিল, চাকর অবশ্য নয়, কিন্তু, তাঁবেদার বহু লোকের।

আজ সেই কথাটাই বার বার মনে পড়িতেছিল। মনে মনে সে বলিতেছিল,—চাকুরেকে তবু এক জন নির্দিষ্ট উপরওয়ালার মন খোঁগাইতে হয়, কিন্তু তাহাদের এই

স্বাধীন ব্যবসা? নিত্য নতন নতন মনিবের মন খোঁগাইতে খোঁগাইতে তাহাদের মনুষ্যত্বটুকুও বুঝি খর্ব হইয়া গেল। তাহার সঙ্গে ঐ দেবনাথের তুলনা? অথচ, এক দিন গিয়াছে, যে দিন অমন চাকরীর সম্ভাবনাকে সে রীতিমত অবহেলা করিয়াছে বৈ ত' নয়! জীবনে ছিল কত বড় আদর্শ—কত মনোরম কল্পনার রঙ্গ সে আদর্শের প্রাণপ্রতিষ্ঠা হইয়াছিল। ঠিক কবে—কোন দিনটিতে যে সেই বিরাট আদর্শ চুরমার হইয়া ভাঙ্গিয়া একেবারে নিশ্চিহ্ন হইয়া গেল, তাহাও আজ মনে পড়ে না। আজ শুধু কোন রকমে বাঁচিয়া থাকাটাই হইয়াছে জীবনের মূল মন্ত্র। আজ আর কণিকা সে প্রাণময়ী জীবন-সঙ্গিনী নয়, জীবনধারণের নিতান্ত মামুলী একটা প্রয়োজন মাত্র। নর ও নারীর এই বিবাহ-ব্যাপার লইয়া কত গভীর তথ্যপূর্ণ কাব্য তাহার মনে জাগিত, কিন্তু আজ? আজ হাসি আসে রেখাদের ঐ আজগুবি কল্পনায়! বিবাহ-তিথি! যেন উহাদের বিবাহ-ব্যাপারটা পৃথিবীর ভিতর কত বড় অরণীয় একটা ঘটনা!

বন্ধুরা বলিত, ওহে নীতীশ, তুমি দিন দিন একটা রীতিমত সিনিক্ হয়ে উঠছো!

এ কথাটা নীতীশও মনে মনে ভাবে। সত্যই হয় ত সে সিনিক্ হইয়া পড়িতেছে। নিজের মনেই এক-একবার বলে, তাতেই বা ক্ষতি কি? বরং সিনিকের দৃষ্টি দিয়া বাস্তব জীবনের রূঢ় সত্যটা উপলব্ধি করা যায়।

পরের দিন রেখাদের বাড়ীতে মাইতে হইল তাহাদের বিবাহ-তিথির উৎসবে। নীতীশ যাইতে চাহে নাই; কণিকা বলিয়াছিল, কি যে তুমি দিন দিন হয়ে যাচ্ছে! তুমি না গেলে ওরা যে কত বেশী দুঃখিত হবে, তা বুঝি বুঝতে পারছো না? এর পর লোকে বলবে, তুমি যে এই সব আমোদ-আহ্লাদে যোগ দিতে চাও না, এটা তোমার হিংস্রটেপনা ছাড়া আর কিছুই নয়।

সুতরাং যাইতেই হইল।

প্রচুর আয়োজন করিয়াছিল বেচারী। গান-বাজনা, হাসি-গল্প, আহার-আপ্যায়ন, সবে মধোই যেন কেমন একটা বিশেষত্ব আছে। কোন-কিছুতেই যেন এতটুকু অবসাদের স্থানি নাই, আগাগোড়া সমস্ত অস্থানটিতেই

যেন একটা তাজা প্রাণের স্পর্শ রহিয়াছে। ফুলে-ফুলে হৃদয়স্থানি ভরিয়া দেওয়া হইয়াছে; কোনখানে একটি ফুলের একটি পাপড়িও যেন ক্লান্ত হইয়া হেলিয়া পড়ে নাই। প্রত্যেক মানুষটির মুখে এক অপূর্ণ সজীবতা। যেন গৃহস্থামী দম্পতির দাম্পত্য-জীবনের শুভ কামনা সকলেরই অন্তরের ভিতর হইতে স্বতঃই উৎসারিত হইয়া উঠিতেছে।

নীতীশ সত্যি অবাধ হইয়া গেল। এই কলমলেশহীন আনন্দ-মেলার মাঝখানে নিজেকে যেন তাহার অত্যন্ত বে-মানানু বিসদৃশ ঠেকিতে লাগিল। মনে মনে সে বলিল,—সত্যি হয় ত ইহার ভিতর সুন্দর কিছু একটা আছে, যা' অতিবড় সিনিকের চক্ষুও ধাঁধিয়া দিবে। মনে পড়িল কণিকার কথাটা; 'এর পর লোকে বলবে, তুমি যে এই সব আশোদ-আহ্লাদে যোগ দিতে চাও না, সেটা তোমার হিংস্রটেপনা ছাড়া আর কিছুই নয়।' তা, সত্যি যদি লোকে তাই মনে করে, অনুযোগ করিবার—রাগ করিবার বোধ হয় বিশেষ কিছু থাকে না। সত্যি হয় ত তাহার অন্তরের ভিতর একটা হিংস্রটে বীজ ঢুকিয়া দিন দিন ডাল-পালা বিস্তার করিতে শুরু করিয়াছে, এবং এমন এক দিন আসিবে, যে দিন তাহার ডালপালার অন্তরালে এতটুকু মুক্ত স্বচ্ছ আলোও আর চোখে পড়িবে না।

রেখা এক সময় আন্দারের সুরে বলিল,—আপনাকে কিন্তু ছাড়ছি নে, জামাই বাবু! অনেক দিন আপনার গান শুনি নি। আজ গাইতে হবে।

নীতীশ যেন নিজের মধ্যেই চমকিয়া উঠিল। সে গান গাহিবে? এক দিন অবশ্য ছিল, যে দিন নীতীশের গান একটা শুনিবার মত জিনিষ বলিয়া আদর পাইয়াছে, কিন্তু আজ?

রেখা কিন্তু নাছোড়বান্দা। তা ছাড়া, আজ রাত্রিতে কেমন করিয়া নীতীশেরও মনে হইতেছিল, তাহার বাহিরের শুককঠোর আবরণ ভেদ করিয়া বহুদিনের নিরুদ্ধ একটা রসধারা আপনা-আপনি উচ্ছ্বসিত হইয়া উঠিতে চাহিতেছে। সুতরাং, আবার যদি জীবনে কোন দিন গান গাহিতেই হয়, আজই তাহার সবচেয়ে শুভক্ষণ।

বহুদিন পরে নীতীশ আজ হারমোনিয়ম কোলে তুলিয়া গান গাহিল। গান নেহাৎ মন্দ জমিল না। আর অপরে কে কি মনে করিল, সে দিকে নীতীশের দৃকপ্যুতও ছিল

না। নিজের আনন্দেই আচ্ছন্ন হইয়া সে গাহিয়া গেল; এবং আর একজন পদার আড়ালে দাঁড়াইয়া রুদ্ধনিশ্বাসে শুনিল তাহার গান, সে কণিকা।

কোলেরটি ছাড়া অপর ছেলেমেয়ে তিনটিকে কণিকা অনেক আগেই চাকরের সঙ্গে বাড়ীতে পাঠাইয়া দিয়াছিল। সে তাহাদের গল্প বলিয়া ঘুম পাড়াইয়া রাখিয়াছিল।

তাহারা যখন বাড়ী ফিরিল, তখন রাত্রি এগারোটা বাজে।

কণিকা বলিল,—তুমি যেতে চাচ্ছিলে না। আমাদের দেখে রেখা কত গুণীই যে হয়েছে!

নীতীশ বলিল,—গুণী আমি নিজেও কম হইনি, কণা! এখন বেশ বৃদ্ধিতে পারছি, না গেলে লোকসান হ'তো রীতিমত।

ছেলেকে বিছানার ভিতর শোয়াইয়া দিয়া কণিকা বলিল,—এমনি চমৎকার রাত্রিটা আজ! ইচ্ছে হ'চ্ছে, বাইরে বসি একটু।

নীতীশ বলিল,—ব'সো না!—একটু দাঁড়াও, এই চাতালটার উপর ঐ সতরঞ্চিখানা বিছিয়ে নিই—

কণিকা বলিল,—তোমার ঘুম পাগনি?

নীতীশ বলিল,—একেবারেই না। ঘুম যেন চোখ থেকে বহু-বহুদূরে স'রে গিয়েছে। আজ মনে হ'চ্ছে, এমনি ক'রে ব'সে-ব'সে সারারাত কাটিয়ে দিতে পারি।

কণিকা বলিল,—তোমার গানখানি আজ এমন মিষ্টি লাগলো আমার! অথচ, আমি ব'লে ব'লে ম'রে গেলেও গান গাও না। আমি যে কত ভালবাসি তোমার গান!

নীতীশ হাসিয়া বলিল,—দূর্ পাগল কোথাকার! আমার আবার গান! করি ত ঠিকদারী, গান গাইবো কখন বল ত?

—তবে আজ গাইলে যে?

—আজ? আজ যেন আমার কি হয়েছে! সেই যে গানে আছে না,—'তুমি যে সুরের আগুন লাগিয়ে দিলে মোর প্রাণে!' আমারও আজকের অবস্থা ঠিক তাই! আজ আমার পুরোণো দিনের কত কথা যে মনে আসছে। এ-সব কথা মনে হয়েছে আগেও কত দিন, কিন্তু অল্প দিন সে-স্বস্তির সঙ্গে যে বুকজাঙ্গা বেদনা মেশানো



"সৌন্দর্যের সবকমি কবান তাবে স্মারি:  
দামক নানে উক করনি দাঁড় পোপের তব।"

আশ্বিন, ১৩৪১।

। শিল্পী—মিষ্টাব উম্মা





থাকে, আজ যেন তার এক বিন্দুও নেই। আজ মনে হচ্ছে, মনের আমার মে-সম্পদ এক দিন ছিল, তা আজও হারিয়ে যায়নি। নিঃস্ব আমি হতে যাব কেন; হৃদয় আমার যে কানায়-কানায় পূর্ণ হয়ে আছে সর্বক্ষণ! এই ত তুমি আমার পাশে বসে রয়েছ; সেই তুমি, যে আমার কল্পনার রামধনু-রঙে নৃত্তিমতী হয়ে এসে আমার কাছে দর দিতেছিলে, একটুও ত তার বদল হয় নি!

কণিকা বলিল,—তুমি দিন দিন একটা পাগল হচ্ছে।

বলিতে বলিতে গভীর একটা তৃপ্তির নিখাসকে চাপিবার চেষ্টা করিতে করিতে স্বামীর আরো কাছে সরিয়া আসিয়া বলিল,—আচ্ছা, আমাদের বিয়ে হয়েছে কবে গা?

—কেন, তুমি ভুলে গেছ? ২৩শে শ্রাবণ। আজ ভালো ১২ই।

—ও হ্যাঁ, ২৩শে শ্রাবণই ত! বলিতে বলিতে কণিকা স্বামীর একখানি বাহর উপর চিবুকটি রাখিয়া তাহার মুখের পানে নিষ্পলক দৃষ্টিতে চাহিয়া রহিল।

নীতীশ হাসিয়া বলিল,—কেন বল ত? মংলবটা তোমার আমিও যেন আন্দাজ করতে পারছি—

কণিকা খিল্ খিল্ করিয়া হাসিয়া বলিল,—কি বল দিকিন?

নীতীশ বলিল,—মুখ ফুটে না-ই বা বল্‌লুম! কিন্তু, আজ এই বারো বছর বিয়ে হয়েছে—এতকাল পরে বৃষ্টি—

কণিকা বলিল,—বা রে, তা কেন হবে না! বরং আমার ত মনে হয়, বিবাহ-তিথির উৎসব করা আমাদেরই সাজে।

নীতীশ সাগ্রহে বলিল,—তার মানে?

—মানে এই যে, বারো বছর আমাদের বিয়ে হয়েছে; বিয়ের পরের প্রথম ক'বছরের পাগলামীটা আমাদের কেটে গিয়েছে। এই বারো-বছরের দাম্পত্য-জীবনে এটুকু আমরা প্রমাণ করতে পেরেছি—বিবাহ আমাদের সার্থক হয়েছে সব-দিক দিয়ে। সুতরাং—

নীতীশ বলিল,—চুপ করলে যে? চমৎকার লাগছে তোমার কথাগুলি! তার পর বল, 'সুতরাং—'?

কণিকা লজ্জিতা হইয়া বলিল,—সত্যি, তুমি অমন

করে আমায় ঠাটা করো না! ভুল আমি কিছু বলিনি। রেখাদের বিয়ে হয়েছে মোটে আজ দু'বছর—জীবনকে ওরা কতটুকুই বা দেখেছে বল ত! জীবনের সত্যিকার চেহারা হয় ত এখনো ওদের চোখেই পড়েনি; সত্যিকার দাম্পত্য-জীবন বলতে যা বোঝায়, তার ত সব-কিছুই বাকী! মোটে এই দুটো বছরের জীবনে হয় ত ওরা পরস্পরকে চেনবারই সুযোগ পায়নি। কিন্তু আমরা—

নীতীশ অশ্রুমনস্ততার সুরে বলিল,—আমরা পেরেছি। তা হয় ত পেরেছি। দু'জনে হাত-ধরাধরি করে জীবনের যাত্রাপথে এতটা এগিয়ে এসিছি যে, এখন হয় ত ভরসা করে বলতে পারি, বাকী পথটুকু যেতে পারব—তা সে পথ যতই বন্ধুর হোক—যতই জর্যোগ থাকুক আমাদের পথ-চলার রাত্রিটুকুতে। নয় কি বল?

যেন নিজের অজ্ঞাতেই দু'খানি বাহু দিয়া স্বামীকে ধীরে ধীরে বেঁচন করিয়া কণিকা বলিল,—নিশ্চয়।

দু'জনে অনেকক্ষণ যেন তন্ময় হইয়া বসিয়া রহিল। কণিকা হঠাৎ মুখ তুলিয়া সোজা হইয়া বসিয়া বলিল,—সত্যি, আসছে ২৩শে শ্রাবণ হবে আমাদের প্রথম বিবাহ-তিথির উৎসব; এবং এর পর যত দিন বাঁচবো—

নীতীশ চুপ করিয়া তাহার মুখের পানে চাহিয়া রহিল। বুকখানি তাহার সত্যিই আজ কানায় কানায় ভরিয়া উঠিয়াছিল। সে পূর্ণতার ভারে সে নিব্বাক হইয়া রহিল।

কণিকা বলিল,—রেখাদের নেমস্তম্ভ করতে হবে কিন্তু। আর তোমার খুব অন্তরঙ্গ বন্ধু হ'চার জনকে! বেশী লোক ত আমাদের এখানে ধরবে না! যে বাড়ী!

নীতীশ বলিল,—বেশী লোকের দরকারই বা কি? ধর, বাইরের ঘরটার ঐ জঞ্জালগুলো সরিয়ে যদি ভালো করে চূণকাম করে নেওয়া যায়—বেশী করে খানিকটা ব্লু দিয়ে—তার পর ঘর-জোড়া ফরাস্ পেতে দিলে মন্দ হবে না। আর ফুল কিছু; তা সে আনিয়ে নেবার লোক পাবো। এক জন আছে, রোজ সে কলকাতা যায়।

কণিকা মুখে-চোখে উৎসাহের হাসি ফুটাইয়া বলিল,—তবে ত খুব চমৎকার হবে! রেখা গান গাইবে, আর তুমিও—

—দূর পাগল! আমার বাড়ীতে আমিই গান গাইব কি?

ঘরের ভিতর হইতে খোকার ফোঁপানো কান্নার শব্দ পাওয়া গেল। কণিকা ধড়মড় করিয়া উঠিয়া একবার ঘরের ভিতর গিয়া তখনই আবার ফিরিয়া আসিয়া বলিল,— খোকার কিছ একটা ভালো সিকের জামা কিনে দেওয়া চাই, তা' বলে রাখছি; আর ইলার একখানা ভালো শাড়ী—

সে দিন জ্যোৎস্নায় ধোওয়া সেই মুক্ত আকাশের নীচে বসিয়া বসিয়া এবং তার পর বিছানায় পড়িয়া পড়িয়াও তাহাদের আগামী বিবাহ-বার্ষিকী সম্বন্ধে জল্পনা যে কত রাত্রি পর্যন্ত চলিয়াছিল, তাহা হই জনের কাহারও খেয়াল ছিল না। শেষে যখন নীতীশ বলিয়াছিল,— ‘আর না, আলোচনাটা আজ এইখানেই মূলতুবী রইল,’ তখন ঘুমের সাধনায় ছুঁজনেই চোখ বুজিয়া এই একটা কথাই ভাবিয়াছিল যে, আজিকার মত সুখনিদ্রা বহুদিন তাহাদের জীবনকে অভিমুক্ত করে নাই।

সকালে যখন কণিকা ডাকিল,—ওগো, ওঠো ওঠো, চা হয়ে গেছে। নীতীশ চোখ মেলিয়া দেখিল, রীতিমত বেলা হইয়াছে। ধড়মড় করিয়া উঠিয়া বসিয়া বলিল,— এ্যা! ক'টা বেজেছে বল দিকিন? সাতটা বেজে গেছে না কি?

সেলুকের উপর ছোট টাইম-পিস্টা টিক্‌টিক্ করিতেছিল। কণিকা সে দিকে তাকাইয়া বলিল,—দশ মিনিট এখনো বাকী আছে।

নীতীশ তাড়াতাড়ি বিছানা ছাড়িয়া উঠিয়া মুখে-হাতে এলোমেলো খানিকটা জল দিয়া কাপড়ের খুঁটে তাহা মুছিতে মুছিতে বলিল,—আঃ, জামা-কাপড়গুলো আবার কোথায় গেল? সাতটা বেজে গেলে আর দেখা পাব না এঞ্জিনিয়ার বাবুর।

কণিকা হতবুদ্ধির মত বলিল,—চা খাবে না?

—আরে, রাখো তোমার চা ঢাকা দিয়ে। চা খেতে গিয়ে আমি হাজার টাকার কাষটা হারাই আর কি!

কোন রকমে জামা-জুতা পরিয়া নীতীশ এক রকম ছুঁটিতে ছুঁটিতে বাড়ী হইতে বাহির হইয়া গেল। দুর্গা দুর্গা বলিয়া কণিকা দেয়ালের ছবিখানির উদ্দেশ্যে কয়েকবার প্রণাম করিল।

মিনিট পনেরোর মধ্যেই তাহাকে ঘুরিয়া আসিতে দেখিয়া কণিকা বলিল,—দেখা হ'লো?

—ঘোড়ার ডিম। তিনি ছ'টার ট্রেনেই টুরে বেরিয়ে গেছেন। কাষটা হাতছাড়া হ'লো দেখছি। কৈ দাও, চা দাও—বলিয়া এমন ভাবে ক্যানিশের ইজি চেয়ারখানায় গা এলাইয়া বসিল যে, দেখিলে মনে হয়, লোকটার ভিতর আর সামান্য একটু উগ্গমও অবশিষ্ট নাই।

কণিকা চায়ের পেয়ালা হাতে দিয়া বলিল,—টুরে বেরুলেই বা! ফিরে এলেও ত তোমার কাষটুকু হ'তে পারবে।

পেয়ালার ছোট একটা চুমুক দিয়া নীতীশ নিদারুণ হতাশার সুরে বলিল,—অত সোজা যদি এর মীমাংসা হ'তো গো, তা হ'লে আর ভাবনা কি ছিল বল! এঞ্জিনিয়ার বাবু ফিরে এলে তাঁর সঙ্গে আমি দেখা করবার চের আগে সে-সব অন্য লোকের সঙ্গে ব্যবস্থা হয়ে যাবে। সবাই ত আর আমার মত অকম্পা নয়। তারা জানে, কি ক'রে কাষ করতে হয়!

ও-পাশে বড় ছেলেমেয়ে দুটিতে ততক্ষণে খাবার লইয়া রীতিমত একটা খণ্ডগুদ্ধ বাধাইয়া বসিয়াছিল, কণিকাকে তাহারই খবরদারী করিতে হইল। তা ছাড়া তাহার স্বামী সম্বন্ধে এটুকু সে জানিত, নিজে সে যতক্ষণে না বুঝিবে, কাহারও সাধ্য নাই তাহাকে কোন জিনিষ বুঝাইয়া দেওয়ার। সুতরাং ওদিকে সময় নষ্ট করিয়া লাভও নাই।

বেলা বারোটোর সময় নীতীশ আহালাদি সারিয়া বাহির হইয়া গেলে কণিকা একখানা মাসিকপত্র টানিয়া লইয়া তুলপোষের উপর উপুড় হইয়া গুইল। ছোট ছেলেটা চাকরের কাছে আছে, বড় মেয়ে ইলা সুলে গিয়াছে, অপর দুইটি ঘুমাইয়াছে। সুতরাং তাহার উপবাস-খিন্ন সাহিত্য-তৃষাকে সামান্য একটু খোরাক দিবার এই প্রকৃষ্ট অবসর। কিন্তু পড়া তাহার বেশী দূর আগাইল না। বিগত রজনীর স্মৃতিটুকু এক অপূর্ণ রসদারা লইয়া তাহার হৃদয়কে অভিমুক্ত করিল। সুল বাসি হইয়াছে, কিন্তু তাহারই স্মৃতি হৃদয় যেন দিশাহারা হইতে চায়। সত্যই, কাল তাহার স্বামীর যে মূর্তি সে দেখিয়াছিল, সে মূর্তিটাকে যেন সে বহুদিন হইল ভুলিয়াই গিয়াছিল। কাল হঠাৎ সেই ভুলিয়া-যাওয়া

মানুষটির সহিত অকস্মাৎ তাহার দেখা হইয়া গেল। কিন্তু, আজ সে কোথায়? যে বিস্তৃত নির্ঝরধারা হঠাৎ কাল প্রবল জলোচ্ছ্বাসে ঢুকুণ প্লাবিত করিয়া ছুটিয়াছিল, রাগি অবসানের সঙ্গে সঙ্গে তাহার চেহারার কেমন করিয়া এতখানি বদল হইয়া গেল? কাল গভীর রাত্রি পর্য্যন্ত তাহাদের সেই অদ্ভুত জল্পনা-কল্পনাগুলা মনের মাঝে টানিয়া আনিতে গিয়া কণিকার মনে হইতে লাগিল, আসলে ও-সব কোন-কিছুই বৃষ্টি বটে নাই, আগাগোড়া সে একটা দুঃসহ সুখস্বপ্ন বই আর কিছুই নয়! তেইশে শ্রাবণ হইবে তাহাদের বিবাহ-তিথির উৎসব! দিনের আলোর মাঝে বসিয়া কথাটাকে কতখানি উদ্ভট আর আজগুবি বলিয়া মনে হইতেছে! অথচ, এ-সমক্ষে তাহাদের দুজনের প্রত্যেকটি কথা এখনও তাহার বুকের মাঝে গাঁথা রহিয়াছে। বিবাহ-তিথির কল্পনাটা যত অদ্ভুতই হউক, তবু সেই কথা-গুলিকে দিриয়াই কি-সেন সুরের মূর্ছনা বাজিতেছে, একটা সেন অপূর্ণ সুবাস জড়াইয়া আছে তাহাদের গত-রজনীর কল্পনা গুলিকে!

সন্ধ্যার সময় নীতীশ বাড়ী ফিরিয়া বৈঠকখানাঘরে ছুতা গুলিতে-গুলিতেই ঠাঁকিয়া বলিল,—কৈ গো, চা তৈরী, না, এখনও তোমার উত্তুন ধরেনি? বাপ রে বাপ, ক্ষিদের জালায় নাড়া-ভুঁড়ি গুলা পর্য্যন্ত—

কণিকা মুখ ভার করিয়া বলিল,—খেতে ত আর আমি বারণ করিনি! আমার সামনে এসে বললে তবে ত খেতে দেব, না, মাঠে—তোমার মিস্ত্রী-মজুরদের সামনে আমি যাব—

নীতীশ মুহূর্তকাল স্তীর মুখের পানে চাহিয়া থাকিয়া পরে বলিল,—ও! তা বটে—বটে—

পরে হঠাৎ একমুখ হাসিয়া কণিকার একখানা হাত চাপিয়া ধরিয়া বলিল,—বেশ আছি আমরা ছুটিতে, না? আমি যত গরম হব, তুমি হবে নরম, আমি যত নরম হব, তুমি হবে—

কণিকা ফিক্ করিয়া হাসিয়া ফেলিয়া কহিল,—খুব হয়েছে। থামো। উনি নরম হবার মানুষই বটে! আমি যাই চূপ্‌চাপ্‌ করে থাকি। নইলে—

তাহার মুখের কথা কাড়িয়া লইয়া নীতীশ বলিল—নইলে অল্প কার সাধ্য হতো না আমার সঙ্গে ঘর

করবার? একশোবার মান্ছি। তোমাকে না পেলে আমার জীবনে বিয়ে করাই হতো না!—

কণিকা বলিল,—তা কেন হবে না গো। আমি ম'রে গেলেও এখন বহুৎ মিলবে—

—তাও মিলবে? সত্যি বলছো? আঃ, বাচলুম—

কণিকা একবার ক্রুদ্ধ কটাক্ষে স্বামীর দিকে চাহিয়া বলিল,—কত রঙ্গই যে জানা আছে!

নীতীশ ততক্ষণে জামা ছাড়িয়া মুখ ধুইতে ধুইতে বলিল,—জানা হয় ত অনেক রকম আছে। কিন্তু উপস্থিত জঠরজ্বালার সঙ্গে অসহযোগ ক'রে রঙ্গ করবার বাসনা নেই। সত্যি বলছি।

খাইতে বসিয়া নীতীশ বলিল,—আজ সেই বিলের চেকটা পাওয়া গেল। মনে করেছিলুম, মোটা রকমের কাটছাঁট দেবে, তা ছিট পাই পেমেন্ট হ'লো!

কণিকা বলিল,—আমার টাকাগুলো দাও দেখি! আমার সেভিং-ব্যাঙ্কের সব টাকাগুলি বার করে ত কাষে লাগানো হয়েছে; এবার আমার চাই— আজই চাই—

নীতীশ বলিল,—মূলেই ভুল করছো। আজ টাকা নেই, আছে শুধু একখানা কাগজ। টাকা পাব কাল। কিন্তু পাব—ঐ পর্য্যন্তই! এই টাকাটার জন্মে কত কাষ সে আটক প'ড়ে আছে! টাকার অভাবে মামুদপুরের রাগ্তার কাষটা শেষ করতেই পারছি নে।

কণিকা মুখ ভার করিতেছে দেখিয়া নীতীশ তাড়াতাড়ি কথা ঘুরাইয়া বলিল,—আরে হ্যাঁ, আসল কথাই যে মনে পড়েনি! তুমিও ত বেশ! বৈঠকখানাঘরটা, হোয়াইট-ওয়ান্স করতে হবে যে! আজ হলো তেরই, আর ত মোটে দশটা দিন বাকী! তুমি ত এক রাত্তিরের মধ্যেই দিব্যি সব ভুলে ব'সে আছ!

মুখখানিকে আরও একটু গভীর করিয়া কণিকা বলিল, ভুলবো না ত কি হবে? আমাদের আবার বিবাহ-তিথি, তার আবার উৎসব!

—হলেই বা! লোকে কাণা ছেলেরও ত কল্যাণ কামনা করে! ধর না তেমনিই—

চাকর আসিয়া খবর দিল, বাহিরে মিস্ত্রীরা বসিয়া আছে।



যাই—বলিয়া নীতীশ আহালাদি শেষ করিয়া বাহিরের ঘরে যাইতেছিল, কণিকা তাহার হাতে মসলা দিয়া বলিল,— মিস্ত্রীদের তা হ'লে ব'লে দিও ঠিক করে ক'বে আসবে!

নীতীশ তাহার মুখের পানে চাহিয়া একটু হাসিয়া চলিয়া গেল।

পরের দিন সকাল হইতেই কণিকা চাকরকে দিয়া বৈঠকখানাঘরের জিনিষপত্র বাহির করিতে আরম্ভ করিয়া দিল। নীতীশ ইটখোলায় ইটের সন্ধানে গিয়াছিল; ফিরিয়া আসিয়া দেখিল, ভাঙ্গা কাঠ, লোহা-লকড়, সীমেন্টের খালি থলি হইতে আরম্ভ করিয়া চেয়ার, টেবল, কাগজপত্র সব বাহিরের চাতালটায় রাখা হইয়াছে। নীতীশ বলিল,—এগুলো সব এখানেই বার ক'রে রাখলে? ভালো মুদ্রিল! বৃষ্টি হ'লেই বিপদ হবে যে!

কণিকা বলিল,—বিপদ কিছু হবে না গো, কিছু না! কৈ, মিস্ত্রী এলো না?

নীতীশ বলিল,—এ বেলা কোথায় আসবে? কাষ সেরে যদি সময় থাকে ত ও-বেলা আসবে'খন। কোথাও কিছু নেই, তুমি হট ক'রে সব টেনে-টুনে একাকার করলে!

কণিকা বলিল,—বেশ করেছি। নইলে বৃষ্টি ও আর কোনোকালে হবে? তোমার কাণ্ড ত!

কণিকার তাগিদে বৈঠকখানাঘরখানি খুব ভাল করিয়া চূণকাম করা হইল। প্রায় বছর দেশের উপর হইয়া গেল, দেওয়ালে চূণ পড়ে নাই। সাদা দেওয়াল রীতিমত হনুদ-বর্ণ হইয়া উঠিয়াছিল, তার উপর চারিদিকে পেরেক, পেরেকের গর্ত, এবং সেই গর্তের অধিবাসী ছারপোকা-গুলিকে নিশ্চূর্ণ করিবার ব্যর্থ প্রচেষ্টার দাগ দেওয়ালের বেধানে সেখানে! কণিকা দাঁড়াইয়া থাকিয়া তিনবার করিয়া চূণকাম করাইল এবং বেশী করিয়া নীল রঙ ধরাইল। নীতীশ বাড়ী আসিলে বলিল,—দেখেছো, কি চমৎকার হ'য়েছে! নিজে দাঁড়িয়ে না থাকলে এমনটি হ'তো কি না! দেখ, ঐ দেয়ালটার পাশাপাশি থাকবে আমার সেই ছুঁচে-বোনা ছবি-ছখানি, আর এ-দেয়ালে থাকবে ফটোগুলি! আচ্ছা, এখানে বিলিভী ঝাউয়ের আর বিলিভী খেজুরের পাতা পাওয়া যাবে না? ঐ দেয়ালটাতো—

বাধা দিয়া নীতীশ বলিল,—কিন্তু, এই সব জিনিষপত্রগুলো—

কণিকা বলিল,—ভয় নেই গো, টেবল-চেয়ার ঘরে তুলে রাখব। আর সব থাকবে এইখানে প'ড়ে। দেয়ালে যদি একটু কিছু দাগ পড়ে ত ভালো হবে না, তা ব'লে রাখছি কিন্তু!

নীতীশ বলিল—তথাস্তু।

তেইশে শ্রাবণের আর দিন চার মাত্র বাকী।

সেদিন দুপুরে কণিকা গিয়াছিল রেখাদের বাড়ীতে বেড়াইতে। কথায় কথায় রেখাদের বিবাহ-তিথির উৎসবের প্রসঙ্গটা উঠিয়া পড়িল। রেখা বলিল,—এখনও জামাইবাবুর গলাটি কি মিষ্টি! ও বলছিল তাই—

কণিকা তাড়াতাড়ি বলিয়া উঠিল—কি বলছিলেন? নিন্দে করছিলেন বৃষ্টি?

—য্যাং, নিন্দে করবার মত গান নাকি জামাইবাবুর? আর নিন্দে করলেই নাকি আমি ছেড়ে কথা কইতুম!

কণিকা হাসিয়া বলিল,—বা রে! খারাপ হ'লে খারাপ বলবেন না? তার জন্তে তুমি নাকি কোমর বেঁধে ঝগড়া করবে বরের সঙ্গে? আর সত্যিই ত এখন ওর সে গলার আর কিছু নেই। সত্যি ক'রে বল না, কি বলছিলেন জামাইবাবু?

—বলছিলেন, দিদিই সত্যি সুখী! গান জিনিষটা যে গায়, তার আর আনন্দ কি? শোনার সৌভাগ্য যার, সে-ই ত সত্যিকার সুখী!

কণিকা হাসিয়া বলিল,—সেমন সুখী তিনি নিজেও, কেন না, তোমার মত গাইয়ে বউ পেয়েছেন।

রেখাও একটু সলজ্জ হাসি হাসিয়া বলিল,—সেইটুকুই ঠেসিয়ে বলা হোলো আর কি!

কণিকা বলিল,—তোমরা বৃষ্টি ভাবো, ও আজকাল গান গায়? কিছু না হবে ত এই পাঁচ-ছ' বছর পরে সেদিন তোমাদের ওখানে ওর গান শুনলুম—

—কেন? গায় না কেন, দিদি? তুমিও ত শিখতে পারো?

কণিকা হাসিয়া বলিল,—বাস্ রে, আমিও শিখবো? ইলা বড় হচ্ছে, তাকেই বড় শেখাচ্ছে?

রেখা বলিল,—সত্যি, তোমরা যেন দিন দিন কি হ'য়ে যাচ্ছে। না আছে কোনো সখ, না আছে কিছু!

কণিকার একনারী ঠাট্টা হইল, বলে, আগামী তেইশে তারিখে তাহাদের বিবাহ-তিথি, যাওয়া চাই। কিন্তু কথাটা অপর পর্য্যন্ত আসিয়াও যেন কেমন বাপিয়া গেল। মনে মনে বলিল,—থাক। সে আবার পরে এক দিন আসিলেই চলিবে।

হঠাৎ এক সময় ঝঝঝঝ করিয়া জ্বরে বৃষ্টি নামিয়া পড়িল। রৌতিমত শ্রাবণের দারা। কিছুতেই আর গামিতে চায় না, একঘেষে বিরক্তিকর বৃষ্টি। বাতাসের একটু সম্পর্ক নাই—সমস্ত প্রকৃতি যেন নির্দ্বিবেদ গোবেচারার মত দাঁড়াইয়া দাঁড়াইয়া ভিজিতেছে।

কণিকা বলিল,—মুন্ডিলে পড়লুম ত ভাই! বাড়ী যাই কি ক'রে!

রেখা বলিল,—মুন্ডিল আবার কি গো! জলে পড়েছ বুঝি? ব'সো, একবারে ও-বেলা খাওয়া-দাওয়া করে' তবে যাবে।

কণিকা বলিল,—পাগল আর কি! আমি খেলেই বুঝি হ'য়ে গেল?

রেখা বলিল,—কেন, আমি চাপরাশী পাঠিয়ে জামাই-বাবুকেও না-হয় নেমস্তন্ন ক'রে পাঠাচ্ছি। তা হ'লে ত হবে!

কণিকা অপ্রতিভের হাসি হাসিয়া বলিল,—তোমার জামাইবাবু যেন এখন বাড়ীতেই ব'সে আছেন! কোথায় কোন মাঠের ধারে কুলী খাটাতে খাটাতে হয়তো গাছ-তলাতে দাঁড়িয়ে কাক-ভেজা হয়ে ভিজছে!

রেখা খিল খিল করিয়া হাসিয়া বলিল,—হ্যাঁ গো, তাই আবার ভেজে না কি কেউ? দিদির আমার মন কেমন করছে বলে' যা খুশী তাই বলতে শুরু করেছে!

—হ্যাঁ, বলছে যা খুশী তাই! খুব মেয়ে বাবা!

কণিকা যখন বাড়ী ফিরিল, তখন সন্ধ্যা হয় হয়। আকাশে একটু ধরণ করিলেও ফিস্ফিস্ করিয়া তখনো বৃষ্টি পড়িতেছে। নীতীশ তখনো বাড়ী ফেরে নাই। ইলা রাগ করিয়া একপাশে গুম্ব হইয়া বসিয়া আছে। কণিকা তাহার চিবুক ধরিয়া তুলিয়া বলিল,—হ্যাঁ রে, ইস্কুল থেকে এসে খেয়েছিস্ তো? ও মা, রাগ হ'য়েছে বুঝি?

চাকর মধু বলিল,—খাবার যে তুমি ঢাকা দিয়ে রেখেছিলে মা, গাট আমি দিয়েছি। কিছুতেই খাবে না, কেঁদে-কেঁদে চোখ কুলিয়েছে' দেখ না!

তাহাকে কোলে তুলিয়া আদর করিতে করিতে কণিকা বলিল,—মধু, তুমি বাবা ঠোঁড়টা জ্বলে ফেল। মবুতে আজ কেন বে' গিয়েছিলুম!

আবার বৃষ্টি নামিয়াছিল। মনে হইল, এ-বৃষ্টি আজ আর সারারাত্রি গামিবে না। নীতীশ বাড়ী ফিরিল, আগাগোড়া জলে ভিজিয়া; মাথার চুলগুলি বাহিয়া টস্ টস্ করিয়া জল পড়িতেছে। কণিকা গালে হাত দিয়া বলিল,—অবাক কাণ্ড! করেছ কি গো! অসুখ হ'য়ে সন্দনাশ হবে যে!

নীতীশ বলিল,—অসুখ একটু হ'তেও পারে, তবে সন্দনাশ কিছু হবে না, তার ভয় নেই।

কণিকা ঝঙ্কার দিয়া বলিল,—মুখে কি কিছু আটকাই না?

—সত্যি কথা বলতে আটকাবে যে কেন, তাও তো কিছু বুঝিনে। পচা গরমের দিনে মানুষের প্রাণাস্ত হয়, কিন্তু ছারপোকার বংশবৃদ্ধি হয়। হুংখ-হুন্দশাতে মানুষ যারা—তারাই কাবু হয়, আমাদের পরমাণু বাড়ে।

—খুব হয়েছে। কথাতে তো পারবার ঘো নেই!

—সত্যি কথা মানতে চাও না, ঐ তো তোমার দোষ, কণা!

কণিকা খুব ভালো সূচের কাষ জ্ঞানিত। তার নিজের হাতের ছ'খানি হুচীচিত্র একবার কোন্ প্রদর্শনীর শিল্প-বিভাগে প্রথম পুরস্কার পাইয়াছিল—কালো জমীর উপর রকমারি রঙের রেশম দিয়া একটি ফুলের তোড়া, এবং অপরটিতে—পুকুরের স্বচ্ছ হিল্লোলিত জলে তিনটি রাজহংস বেড়াইতেছে। এ-সংসারের মধ্যে কণিকার সবচেয়ে প্রিয় বস্তু এই ছ'টি। ক্রমে বাধা ছবি ছ'খানি তাহার শোবার ঘরে টাঙ্গানো ছিল। এমন দিন কদাচিৎ আসিত, যে দিন কণিকা তাহার সংসারের সব ঝঞ্জাটকে একটুখানি আড়াল করিয়া ইহাদের একটু ঝাড়ামোছা না করিত।

পরদিন সকালে রীধাবাড়ার কাষ শেষ করিয়া কণিকা সেই ছবি ছ'খানি খুলিয়া লইয়া বৈঠকখানা-ঘরের সম্মুখে

আসিয়াই রীতিমত অবাক হইয়া গেল। যে ভাঙ্গা-কাঠ লোহা-লকড় ইত্যাদি দ্রব্যগুলো সে টানিয়া চাতালে বাহির করাইয়াছিল, সেগুলো অবশু সেখানেই আছে। কিন্তু নতন কতকগুলো অদ্ভুত মালপত্রের ঘর যেন বোঝাই হইয়া গিয়াছে। কয়েকখানা নতন ও পুরাতন জানালা-দরজা, কয়েক বস্তা সীমেন্ট, কতকগুলো জং-ধরা লোহার পাইপ ইত্যাদি। ঘরের উপর হুঁখানা ছেঁড়া সতরঞ্চি ও চট এলোমেলো ভাবে ছড়ানো। ঘরের ভিতর যেন কিসের একটা দুর্গন্ধ। ভিতরে ঢুকিতে গিয়া কণিকার নজরে পড়িল, এক কোণে কতকগুলো টিকের গুঁড়ো, পোড়া তামাক, দেশলাইয়ের ভাঙ্গা বাস, পোড়া কাঠি, এবং পোড়া কাগজের কুচি ইত্যদ্যন্তঃ ছড়াইয়া আছে। এক ষায়গায় দেয়ালের নতন চূণকামের উপর খানিকটা ধোঁয়ার কালো দাগ অতি বিশিষ্ট ভাবে লাগিয়া রহিয়াছে।

কণিকার মাথা ঘুরিতে লাগিল। এ সব কি যে কাণ্ড এবং কাহার দ্বারা সংঘটিত হইল, তাহা সে বুঝিতে পারিল না। অভ্যন্তর রুক্মস্বরে মধুকে ডাকিয়া জিজ্ঞাসা করায় সে জানাইল, কাল দুপুরবেলা বাবুর লোকজন আসিয়া ঐ জিনিষগুলো রাখিয়া গিয়াছে এবং রাত্রিতে তিন জন মিস্ত্রী ঐ বৈঠকখানাতেই শয়ন করিয়াছিল।

কণিকা রুক্মস্বরে বলিল,—আমাকে বলতে পারেনি ?

মধু নির্দোষ অপরাধীর দৃষ্টিতে কণিকার মুখের পানে চাহিয়া রছিল। বেচারি যেন বলিতে চায়, তাঁহাকে জানাইতে হইবে, এ কথাটাও তো তাহার জানা ছিল না। সে কথা ঘুরাইবার জন্য বলিল,—আর তাই যদি একটু ভালো ক'রে রাখতো, মা! দেখ না, জানালা-দরজাগুলো এমন তাবে রেখেছে যে, ওদিকের দেয়ালের এতবড় এক চোকলা চূণবালি খসে' গেছে।

দুপুরবেলা নীতীশ বাড়ী আসিতেই কণিকা বলিল,—রাজ্যস্বত্ব ধাঙ্গড়-চোরাড়কে ঐ বৈঠকখানা-ঘরে গুতে দেওয়া আর ঐ সব ছাই-ভস্মগুলো দিয়ে ঘর বোঝাই করা হোলো কার হুকুমে তাই শুনি ?

নীতীশ প্রথমটা হতবুদ্ধি হইয়া গেল। বিষয়ের কণ্ঠেই জবাব দিল,—কেন! আমিই তো ব'লেছিলুম। অপরাধটা কি হোলো ?

কণিকা বন্ধার দিয়া বলিল,—অপরাধ খাবার কি ?

তোমার বাড়ী, তোমার সব, আমি তো দাসী-বাদী বই আর কিছু না! তবে, এমনি লক্ষীছাড়ার মত কাণ্ড দেখলেই বলতে হয়। চূণকাম-করা ঘরটার আর কিছু বাকী রাখো নি যে!

মামুদপুরের রাস্তার কাষটার লাভ তো থাকিবেই না, বরং লোকসানই হইবে রীতিমত; কেন না, গত কয়দিনের প্রচুর বর্ষায় নিকটের ঝাঙ্গোড় ছাপাইয়া ভলের স্রোতে রাস্তার অনেকখানি অংশ ধ্বসিয়া গিয়াছে। নীতীশ আজ বরাবর সেখান হইতে মনে-মনে তাহার লোকসানের অঙ্কটা হিসাব করিতে-করিতে বাড়ী ফিরিতেছিল; এবং বাড়ীতে পা দিতে না দিতেই এই বিপত্তি। সে আর তাহার মেজাজকে বেশে রাখিতে পারিল না। বেশ গম্ভীরভাবেই বলিল,—তা আর কি হবে বল! লক্ষীশ্রী এতে না থেকে যদি শুধু সৌখীনভাবে ব'সে ব'সে উপোস করলেই থাকে, তা হলে সেটা আমার জানা ছিল না; স্বীকার করছি।

কণিকার ত কথাই নাই। একে সে রীতিমত সপ্তমে চড়িয়াই ছিল, তার উপর এই শ্লেষের কথায় সে একবারে জ্ঞান হারাইল।

—হ্যাঁ গো! সৌখীনগিরিই দিনরাত করছি দেখছো না! তোমার সংসারে এনে আমাকে বসিয়ে বসিয়ে রাণী-গিরির আদরেই খাওয়াচ্ছে। ত! সকাল থেকে রাণি ৯টা পর্যন্ত রীতিমত নাকে দড়ি দিয়ে ঘানি টানিয়ে নিয়ে তবে হুঁমুঠো করে খেতে দিচ্ছে। বলতে গেলে আর বাকী থাকে না!

নীতীশ জবাব দিল,—বিষয়ের আগে এটুকু খবর নিয়ে তবে এই হা ঘরের ঘরে পা বাড়াতে হয়! রাণীগিরির আদর খাওয়ার বাসনা যদি ছিল ত তার স্থান এখানে নয়, সেটা তোমার বাবা-মা ভালো রকমই জানতেন।

কণিকা অগ্নিমূর্তির মত সোজা হইয়া দাঁড়াইল। —ইতরের মত বাপ-মা তুলে কথা কইতে লজ্জা করে না ?

নীতীশ ছোট্ট করিয়া বলিল,—না। কারণ, আমিও যে ধাঙ্গড়-চোরাড়দের এক জন!

কথাতে যদিও আছে, 'দাম্পত্যকলহে চৈব বহ্বারম্ভে লগ্নুক্ৰিয়া!' এবার কিন্তু ইহাদের দাম্পত্য-কলহটা যেন

একটু সীমা ছাড়াইয়া গিয়াছিল। তাই তাহার ফল যাহা হইল, তাহাকে নিতান্ত 'লবুকিয়া' বলা চলে না। জীবনে কণিকা ও নীতীশের। যত বেশীই ঝগড়া-ঝাটি হউক, এক বেলার বেশী কথা বন্ধ থাকে নাই, কিন্তু এবার তাহার এতখানি ব্যতিক্রম হইল যে, এক দিন ছই দিন করিয়া পূরা চার দিন কাটিয়া গেল, তবু কেহ কাহারও কাছে কথা কহিবার এতটুকু আগ্রহ দেখাইল না।

আজ তেইশে শ্রাবণের রাত্রি কি অসম্ভব রকম

মূলধারে বৃষ্টি হইতেছে সারারাত ! ধরিত্রী যেন কাঁদিয়া কাঁদিয়া সারা হইতেছে। খোকাকে বুকের ভিতর টানিয়া লইয়া নিজের ছোট বিছানাটির উপর বিনিদ্র-নেত্রে পড়িয়া পড়িয়া কণিকা সারাটি রাত সেই অশরীরিকীর কান্না শুনিয়াছে এবং সেই সঙ্গে সঙ্গে নিজের চোখের জলে বাগিশ ভিজাইয়াছে। আজ তাহাদের বিবাহ-তিথি ! এই ত তাহার উৎসব ! উৎসবের আর বাকী রহিল কি ?

শ্রীপ্রফুল্লকুমার মণ্ডল।

## বায়ু পরিবর্তন

মধুপুরে আসি ভাড়াটে বাড়ীর দেওয়ালেতে দেখিলাম, বিমলা কমলা বিভা রেবা আশা লেখা আছে কত নাম। শুনিলাম তারা দশ বারো জন কোন কলেজের ছাত্রী, বড় দিনে বৃষ্টি এসেছিল হুয়ে দেশ-ভ্রমণের যাত্রী। চাকর বামুন সঙ্গে লইয়া হাওয়া বদলাতে আসি, শরনক্ষে দশখানি মুখ উঠিল মধুর হাসি; আপেক নিশিতে স্বপ্ন বীণায় মৃদু ঝঙ্কার তুলি, আমার নিদ্রা হরিতে লাগিল কলেজের মেয়েগুলি। আমার মনের উপবনে তারা গন্ধে মধুতে ভরি, শিহরি' শিহরি' উঠিতে লাগিল প্রভাত পুষ্পপরী।

কুসুমের নিঃশ্বাসে—

বিভোল করিল মধু-রাতে মোরে মধুপুরে মধুমােসে। ডাক্তার আসি বক্তৃতা দিয়ে স্বাস্থ্যতত্ত্ব নানা, কহিলেন কালই চূণকাম করি' ফেলা চাই বাড়ীখানী। ভাবিলাম আহা কেমন করিয়া টানিয়া চূণের তুলি, যুছিয়া ফেলিব নিশ্চয় হাতে এই চাদ মুখগুলি! গনিয়ার যত কাঠ প্রাণী ওই ডাক্তারগুলো সব, জীবনের কোন রূপ-রস নারে করিবারে অহুভব! চামড়ার নলে শোনে শুধু ওরা ধুক-ধুক করে প্রাণ, গুনিতে পায় না ওঠে নামে সেথা কত তারে কত তান। জরের প্রদাহ বুকিবারে দেখে কত বেগে নাড়ী চলে, বুকে না কত যে শিরায় শিরায় বাসনা-বহি জলে। ঘুমের ওষুধে নাশ করে ওরা নিশীথ জাগার জালা, বেঁধে আনা ঘুম ছিঁড়ে দেয় কত স্বপন মাদবী মালা।

"সদয়-যত্ন" যারা,—

পেশা করিয়াছে, বুকিবে কি ছাই সদয়-ওহু তারা।

বায়ু বদলাতে গিয়ে—

ফিরে এহু হায় কাঁচা বয়সেতে পাকা বায়ুরোগ নিয়ে !

যা হোক তথাপি চূণকাম হ'ল আমার ভাড়াটে বাসা, অভিমান করি ঢাকা দিল মুখ সেই বিভা রেবা আশা। ভাবিলাম পোড়া স্বাস্থ্যের দায়ে হ'ল চির বিচ্ছেদ, মোর তরে স্মৃতি লিখে যাওয়া সখী-সাথে, এ কি কম বেদ ! পর দিন দেখি চূণের পৌঁচড়া গুকায়ে হুয়েছে সাদা, তাহারি আড়ালে বিভা রেবা আশা স্মৃটিয়াছে আধা আধা। কালো পেন্সিলে স্মৃতি লেখা পরে সাদা চূণকাম টানি' কালো চুলে যেন তুলেছে তাহারা সাদার ঘোমটাখানি। কালিকার সেই জুতা-টুতা পরা কলেজের মেয়েগুলি, মধু ভরা বধু সেজেছে আজিকে সিঁথিতে ঘোমটা তুলি। আমারে ভোলেনি এক জনও তারা ঘোমটার আড়ে আড়ে, সরম-নশ্র নয়ন তুলিয়া চাহে যেন ধীরে ধীরে।

বিভা রেবা আর আশা,

গোপনে গোপনে বেঁধেছে সবাই আমার এ বুকে বাসা।

পা টিপে পা টিপে চলে গেল শীত গরম পড়িল ভারি, পৌঁটলা-পুঁটলি বাধি এক দিন গুটলাম পাত্তাড়ি। সন্ধ্যার গাড়ী ধরি তাড়াতাড়ি ছাড়িলাম মধুপুর, এক্সপ্রেসখানা কহিতে লাগিল, ছাড়িয়া মামুলি সুর,— বিমলা কমলা—বিমলা কমলা—বিভা রেবা আশা সই, ভুলোনা ভুলোনা আমার ভুলোনা—তোমাদের ছাড়া নই। তক্তার ঘোরে কাণে কাণে মোরে কহিল তাহারা যেন, ওগো নিষ্ঠুর, ফিরে এস, এস,—ফেলে চলে যাও কেন ? স্বজন বন্ধু কহিল সবাই,—শরীর সারেনি কিছু, কেমনে সারিবে ? পুরো ছুটো মাস ফিরেছি হাওয়ার পিছু। যত বার তাবি অজানা অচেনা তারা ছাই মোর কেবা, তত মন প্রাণ ডেকে ওঠে হুয়ে, কোথা বিভা আশা রেবা।

শ্রীঅনাথবন্ধু সেনগুপ্ত, ( বি-এল )।





## শ্রীশ্রীরামকৃষ্ণ-দেব



### ত্রয়োদশ পরিচ্ছেদ

ব্রহ্মানন্দ কেশবচন্দ্র সেন ও ব্রাহ্ম-ভক্তগণের সহিত

ঠাকুরের মিলন—খৃষ্টান ধর্ম সাধন

শ্রীমার পরে ঠাকুরের অন্যতম শ্রেষ্ঠ ভক্ত ও ভক্ত-সংগ্রাহক, ভক্তচূড়ামণি ব্রহ্মানন্দ কেশবচন্দ্র সেনের সহিত শ্রীঠাকুরের মিলনকথা এইবার বর্ণিত হইতেছে। 'নব-বিধান' ধর্মপ্রবর্তক, অদ্বিতীয় বাগ্মী, উনবিংশ



কেশবচন্দ্র সেন

শতাব্দীর শ্রেষ্ঠ ধর্মপ্রচারক কেশবচন্দ্রের জন্ম হয় ২৪ পরগণার অন্তর্গত গরিফা গ্রামে। কেশবচন্দ্রের পিতা প্যারীমোহন এক জন ধর্মসাধননিষ্ঠ ভক্ত ছিলেন। তাঁহার পিতামহ রামকমল সেন পরম বৈষ্ণব ছিলেন।

তিনি তুলসীকানন রচনা করিয়া তাহার মধ্যে বসিয়া ধ্যানজপাদি করিতেন। কেশবের জন্ম হয় ১৮৩৮ খৃষ্টাব্দে। কেশব ও ঠাকুরের প্রথম মিলন হয় ১৮৭৫ খৃষ্টাব্দে, তখন কেশবের বয়সক্রম ৩৭, ঠাকুরের বয়স ৬২।

বাল্যে কেশব সকাঙ্গে ছাপ পরিয়া, হরিসঙ্কীর্ণনে খেলের সঙ্গে ভালে ভালে নাচিতেন। বাল্যকালেই কেশবের ধর্মভাব উদ্দীপিত হইয়াছিল। ১৮৫৭ খৃষ্টাব্দে ১৯ বৎসর বয়সে ইনি ব্রহ্মসম্ম গ্রহণ করেন। ধর্মাস্তুর গ্রহণ জন্ম—কেশবের আত্মীয়স্বজনগণ তাঁহাকে অনেক পীড়ন করেন। কেশব প্রথমে দেবেন্দ্রনাথ ঠাকুরের আদি সমাজে যাতায়াত আরম্ভ করেন। ১৮৬২ খৃষ্টাব্দে ইনি আদি সমাজের এক জন 'আচার্য্য' নিয়োজিত হন এবং দেবেন্দ্রনাথ ঠাকুর তাঁহাকে 'ব্রহ্মানন্দ' উপাধি দেন। ১৮৬৪ খৃষ্টাব্দে ঠাকুর মথুরের সঙ্গে আদি সমাজে গমন করিয়া কেশবকে প্রথম দর্শন করেন। পূর্বে তিনি পঞ্চবটীতে ভাবাবেশে দর্শনাদির মধ্যে কেশবকে জ্যোতিঃরাশির অভ্যন্তরে দর্শন করিয়াছিলেন, সে কথা আমরা যথাস্থানে বলিয়াছি। ১৮৬৫ খৃষ্টাব্দে কেশব আদি সমাজ ত্যাগ করিয়া, ১৮৬৯ খৃষ্টাব্দে ২২শে আগষ্ট 'ভারতবর্ষীয় ব্রাহ্ম-সমাজ' প্রতিষ্ঠা করেন। ১৮৭০ খৃষ্টাব্দে কেশব ইংলণ্ডে গমন করেন। সেখানে তিনি অসামান্য বাগ্মিতায় ইংলণ্ডের ধর্মপিপাসুগণকে মুগ্ধ করেন, এমন কি, মহারাণী ভিক্টোরিয়াও তাঁহার সহিত আলাপে হৃষ্টলাভ করিয়া, কেশবকে পরোক্ষে নানা ভাবে সম্মানিত করেন। ভারতবর্ষে ফিরিয়া আসিয়া কেশব নানা হিতকর কার্য্যে আত্মনিয়োগ করেন। তিনি Indian Reform Association স্থাপন করেন—মূলত সমাচার নামে একখানি সংবাদপত্র প্রচার করেন। ১৮৭৭ খৃষ্টাব্দে ২৮শে কাষ্টিক কেশবচন্দ্র "কমল কুটার" নামক অপার সার্কিউলার রোডস্থ বৃহৎ বাড়ীতে আসিয়া বাস করিতে আরম্ভ করেন। ইহার পূর্বে তিনি কলুটোলার বাস করিতেছিলেন।

কেশব সেনকে দেখিবার আগে ঠাকুর নারায়ণ শাস্ত্রীকে কেশবকে পরখ করিতে পাঠাইয়াছিলেন। নারায়ণ শাস্ত্রী ফিরিয়া আসিয়া ঠাকুরকে বলিয়াছিলেন যে, কেশবের বরাং ভাল। পাঠক এ কথা পূর্বেই জানিয়াছেন। এইবার ঠাকুর স্বয়ং কেশবকে দেখিতে যাইতে ইচ্ছা করিলেন। ১৮৭৫, মার্চ মাসে কেশবচন্দ্র মাথাবসা গলি নিবাসী জয়গোপাল সেনের বেলঘরের বাগানে একান্তে ধ্যানজপ করিবার জন্ত অবস্থান করিতেছিলেন। সেই সময়ে হৃদয়ের সঙ্গে ঠাকুর এক দিন বৈকালে কাপ্তেনের গাড়ীতে চড়িয়া ঐ বাগানে উপস্থিত হইলেন। হৃদয় অগ্রগামী হইয়া সভক্ত কেশবকে বলিলেন, তাঁহার মামা শ্রীরামকৃষ্ণ পরমহংস কেশবচন্দ্রকে দেখিতে আসিয়াছেন। ঠাকুর ধূতিপরা, ধূতির অগ্রভাগ কাঁদের উপরে ফেলা। তাঁহাকে দেখিয়া প্রথমে কেশবশিষ্য ব্রাহ্মগণ সামান্য ব্যক্তি বোধে তাঁহার প্রতি আদৌ শ্রদ্ধাশীল বা অবহিত হন নাই। ঠাকুর তথাপি অগ্রসর হইয়া বলিলেন, “বাবু, তোমরা নাকি ঈশ্বরকে দেখতে পাও, তাই শুনে তোমরা ঈশ্বরকে কেমন দেখ, তাই শুনতে এসেছি।” তাহার পর কেশবকে দেখাইয়া হৃদয়কে সোধোধন করিয়া বলিলেন, “ওরে হৃদে, ওঁরই ল্যাজ খসেছে।” এই কথা শুনিয়া সভার সকলে উহা পাগলের প্রলাপ মনে করিয়া উচ্চ হাস্য করিতে লাগিলেন। কিন্তু কেশব তাঁহাদিগকে হাস্য করিতে বারণ করিয়া, ঠাকুরকে এই কথা বলিবার অর্থ জিজ্ঞাসা করিলেন। ঠাকুর তখন বুঝাইয়া বলিলেন যে, সাধারণ মায়াবদ্ধ জীব সংসারজলে বেড়াচির মত ভাসিয়াই ঘুরিয়া বেড়ায়, সচ্চিদানন্দরূপ আড়ায় বা ডাঙ্গায় উঠিতে পারে না। কিন্তু লেজ খসিয়া গেলে তখন জলেও থাকে, ইচ্ছা করিলে লাফাইয়া ডাঙ্গায়ও উঠিতে পারে। কেশবের মায়ার লেজ খসায় তিনি সাধারণভাবে সংসারেও থাকিতে পারেন এবং ইচ্ছা করিলে সচ্চিদানন্দ ব্রহ্মেরও রস আন্বাদ করিতে সমর্থ। এই বেড়াচির দৃষ্টান্তে ও তাঁহার মধুর ব্যাখ্যায় কেশব মুগ্ধ হইলেন। তাহার পর ঠাকুর একটি শ্রামাবিষয়ক গান করিলেন এবং গানের শেষে সমাবিস্ত হইয়া গেলেন। সেই অবস্থায় হৃদয় তাঁহার কর্ণে ‘ওম্’ ‘ওম্’ মন্ত্র উচ্চারণ করিতে করিতে যখন আবার তাঁহার ক্রমশঃ সহজ অবস্থা হইতে লঙ্গিল, তখন শিষ্য কেশবের বিষয়ের

সীমা রহিল না। তিনি বুঝিতে পারিলেন যে, ইনি সাধারণ সাধক বা ভক্তের মত নহেন, ইনি ভগবানের নামে আত্মবিস্মৃত হন। নিশ্চয়ই ইনি উন্নত স্তরের মহাপুরুষ—ইহাকে উপেক্ষা করার সাধ্য কাহারও নাই। সে দিন আর একটু কথাবার্তার পর ঠাকুর প্রত্যাবর্তন করিলেন, কিন্তু কেশব তাঁহার কথা—ভাব—ভগ্নবস্তুক্তি মনে করিয়া রাখিয়া দিলেন। তাহা তাঁহার হৃদয়ে গভীরভাবে অঙ্কিত হইয়া রহিল।

ইহার পর কেশবচন্দ্র, প্রমদ সেন প্রমুখ তাঁহার তিন জন শিষ্যকে দক্ষিণেশ্বরে পাঠাইলেন। উদ্দেশ্য—তাঁহারা তিন দিন দক্ষিণেশ্বরে থাকিয়া দিবারাত্র ঠাকুরকে লক্ষ্য করিবেন, তিনি স্থিতধী হইয়াছেন কি না। গীতায় এই স্থিতধীর কথা আছে। তাঁহারা কিন্তু রাত্রিকালে ঠাকুরের ঘরে থাকিয়া কেবল মনো মনো “দয়াময়”, “দয়াময়” বলিয়া চীৎকার করিতে লাগিলেন; সেই সঙ্গে ঠাকুরকে বুঝাইতে চেষ্টা করিতে লাগিলেন, তিনি যেন পারত্রিক কল্যাণের জন্ত কেশবকে গিয়া ধরেন—কেশব তাহা হইলে তাঁহার একটি গতি করিয়া দিতে পারেন। ঠাকুর যত বলেন যে, তিনি মূক্তি চান না, তিনি সাকার বিশ্বাসী—মা-ই তাঁহার সর্বস্ব, ততই তাঁহারা “দয়াময়” “দয়াময়” করেন। তখন ঠাকুরের ভাবাবস্থা হইল। সেই ভাবাবস্থায় তিনি তাঁহাদের বলিলেন—“মা শ্রীমারী এখন থেকে বেরিয়ে—এ ঘরে থাকতে পাবি না।” ঠাকুরের তৎকালীন দৃঢ়তা ও সিংহতুল্য প্রভুত্বের ভাব দেখিয়া ভয়ে বাধ্য হইয়া অগত্যা তাঁহারা বাহিরে গিয়া রাত্রি যাপন করিলেন—‘দয়াময়’ নাম ঘন ঘন উচ্চারণ করাও বন্ধ রাখিলেন।

ইহার পর এক দিন কেশব শম্ভু মল্লিককে সঙ্গে লইয়া ঠাকুরের সঙ্গে দেখা করিতে দক্ষিণেশ্বর মন্দিরে আগমন করিলেন। এ দিনে কথা-প্রসঙ্গে Free Willএর কথা উঠিল—ইংরেজিপড়া লোকদের মত, মানুষের ইচ্ছা স্বাধীন। ঠাকুর তখন কেশবকে বলিলেন যে, স্বাধীন ইচ্ছা-টিচ্ছা কোন জীবেরই নাই। গাছের পাতাটি যে নড়ে, তাও ঈশ্বরের ইচ্ছায়। সবই ঈশ্বরের ইচ্ছাধীন। মানুষ মায়ের হাতের যন্ত্র মাত্র। তিনি মানুষকে যাহা করান, মানুষ তাহাই করে—যাহা বলান, মানুষ তাই বলে, মানুষকে যেমন

রাখেন, মানুষ তেন্নি থাকে। কেশব বলিলেন, তবে ত' মানুষের দায়িত্ব থাকে না। ঠাকুর বলিলেন, যত দিন মানুষ ঠিক ঠিক ঈশ্বরের পূর্ণ কর্তৃত্ব অমুভব করিতে পারে না, তত দিন তাহার ভাল-মন্দ, পাপ-পুণ্য, আলো-আঁধার বোধ থাকিবেই এবং ভাল কায করিলে যেমন মানুষের মন উল্লসিত হয়, মন্দকর্ম করিলে তেমনি মানুষের মন 'ধুকপুক' করে। এই বৈষম্যবুদ্ধি কাঁচা মানুষের মধ্যে মা-ই রাখিয়া দিয়াছেন। নচেৎ মন্দ কর্মের প্রসার হইত। ঠিক যে জানে আমি যন্ন, মা যন্ত্রী, তাহার আর বেতালে পা পড়ে না, সে আর কাহারও অকল্যাণকর কোন কায করিতে পারে না।

সে দিন বেলা চারিটার সময় কেশব ঠাকুরকে জিজ্ঞাসা করিলেন যে, সাধু-ভোজন কখন হবে। মন্দিরে সদাব্রত যে বন্ধ হইয়াছে, কেশব তাঁহা জানিতেন না, সেই জন্ম এই প্রশ্ন করিয়াছিলেন। এই সরল প্রশ্নে ঠাকুর তাঁহাকে বড়ই পছন্দ করিলেন এবং কেশবের এই সরলতার কথা ভক্তদিগকে দৃষ্টান্তস্বরূপ প্রায় বলিতে ভালবাসিতেন। পরে ঠাকুর কেশবকে শ্রীমন্দিরে গিয়ে মাকে দর্শন করিতে বলিলেন। কিন্তু কেশবের তখন খৃষ্টান ধর্মের প্রতি অতিশয় শ্রদ্ধা—তিনি যিশুর মত বলিলেন, “আমি মাকে ত' জানি না। আমি যে বাবাকে নিজ মনপ্রাণ সব অর্পণ করেছি।” তখন ঠাকুর তাঁহাকে নানা উপমা দিয়া বুঝাইতে লাগিলেন,—ব্রহ্ম ও শক্তি অভেদ এবং এক জনকে মানলে অপরকেও মানতে হবে—যেমন ছন্দ যেখানে, ধবলয় সেইখানে; অগ্নি যেখানে, দাহিকাশক্তি সেইখানে, বিরাট সমুদ্র যেখানে, “হিল্লোল কল্লোলও” সেইখানে। বাবা ও মা একই স্থানে,—অভেদাত্মা। নানা কথাবার্তার পর ঠাকুর কেশবকে মিস্ত্রিমুখ করাইয়া সে দিনের মত বিদায় দিলেন।

ইহার পর আর এক দিন ঠাকুর বেলঘরের ঐ বাগানে আবার কেশবকে দেখিতে যান। কেশববাবু এই বাগানে ১৮৭৫, এপ্রেল মাসের শেষ পর্য্যন্ত ছিলেন। সে দিনে ঠাকুর বেশ টকটকে গাণপাড় বৃত্তি পরিয়া গিয়াছিলেন। তাঁহা দেখিয়া কেশবচন্দ্র বলিয়াছিলেন “আজ এত কাপড়ের বাহার কিসের জন্ম?” ঠাকুরও উত্তর দেন “কেশবের মন ভুলাতে আজ আগমন কি না, তাই এত বেশভূষার

পারিপাটা!” কেশব তাহা শুনিয়া হাসিতে লাগিলেন। ঠাকুর রসিকচূড়ামণি ছিলেন, রসের অবতারণা করিয়া শ্রোতাঙ্গিকে মুগ্ধ করিয়া দিতে পারিতেন।

এইরূপে যাতায়াতে কেশবের সহিত ঠাকুরের ঘনিষ্ঠতা বাড়িতে লাগিল। কেশব সেন প্রথমে খুবই রজোগুণী ছিলেন। সাধুসঙ্গ করিবার প্রয়োজনীয়তা তত বিশ্বাস করিতেন না—সেই জন্ম সাধুসঙ্গও তেমন করেন নাই। তাঁহার কলটোলার বাড়ীতে ঠাকুর এক দিন হৃদয়কে লইয়া গিয়াছিলেন। ঠাকুর যখন পৌঁছিলেন, তখন কেশবচন্দ্র টেবিলে কি লিখিতেছিলেন। ঠাকুরকে আসিতে ও অপেক্ষা করিতে দেখিয়াও তিনি লেখা বন্ধ করিলেন না। ঠাকুর যে সে ঘরে বসিয়া অপেক্ষা করিতেছেন, সে দিকে জ্ঞানপও করিলেন না। লেখা শেষ করিয়া তিনি নীচে নামিয়া ফরাসে গিয়া বসিলেন। ঠাকুরকে প্রণাম নমস্কার কিছুই করিলেন না। এই সব দেখিয়া ঠাকুর তখন এক কাগ্য আরম্ভ করিলেন। কেশব দক্ষিণেগেগে গেলোই তিনি আগে কেশবকে মাথা নীচু করিয়া নমস্কার করিতেন। এইরূপ করিতে করিতে তবে কেশব ভূমিষ্ঠ হইয়া প্রণাম করিতে শিখিলেন। প্রথম প্রথম কেশবচন্দ্র ঠাকুরের সম্মুখেই পায়ের উপর পা তুলিয়া বসিতেন। তাহা দেখিয়া ঠাকুর বলিতেন যে, ঐরূপ করিয়া বসিতে নাই, উহাতে রজোগুণ বদ্ধিত হয়। তখন আবার কেশবচন্দ্র পা নামাইয়া বসিতে শিখিলেন। এইরূপে ঠাকুর নিজ আচরণ দেখাইয়া কেশবচন্দ্রকে এবং ঐরূপ ভাবের রজোগুণী ভক্তগণকে শিক্ষা দিতেন। ‘আপনি আচারি ধর্ম অপর শিখায়।’

ঠাকুরকে প্রথম দর্শনের পর কেশব ১৮৭৫, ২৮ মার্চ তারিখের ‘মিরর’ (Indian Mirror) পত্রে ইংরেজিতে এই মন্তব্য লিখিয়াছিলেন—“আমরা সম্প্রতি দক্ষিণেগেগের পরমহংসদেবকে দেখিয়াছি। তাঁহার অনাড়ম্বর ভাব, ধর্মজীবনের গভীরতা ও সূক্ষ্ম অঙ্গুষ্ঠিতে মুগ্ধ হইয়াছি। তাঁহার অক্ষরময় উপমাগুলি যাহা তিনি প্রসঙ্গতঃ ব্যবহার করেন, তাহা যেমন সুন্দর, তেমনি দেশকাণ উপযোগী। পরমহংসদেবের মানসিক অবস্থা দয়ানন্দ সরস্বতীর মানসিক অবস্থার বিপরীত। পরমহংসদেব শাস্ত্র, অপর ব্যক্তি উগ্রভাবাপন্ন। এই মহাপুরুষকে দেখিয়া আমাদের বোধ

হইতেছে যে, হিন্দুধর্মে না জানি কত সৌন্দর্য্য ও সত্যই না নিহিত রহিয়াছে!” ঠাকুরের ভালবাসা যেমন কেশবের প্রতি দিন দিন বর্দ্ধিত হইতে লাগিল, কেশবের ভক্তিও ঠাকুরের প্রতি তেমনি দিন দিন বাড়িয়া যাইতে লাগিল।

১৮৭৬ খৃষ্টাব্দে ফাল্গুন মাসে, শুক্লা দ্বিতীয়ার দিনে ঠাকুরের জন্মতিথিতে, ঠাকুরের জননী চন্দ্রমণি দেবী দেহত্যাগ করিলেন। তাঁহার শেষ জীবনে হৃদয় ও ঠাকুরের ভ্রাতৃপুত্র রামলাল তাঁহার অতিশয় সেবা করিতেন। দেহত্যাগের পর ঠাকুর মাতাকে ফুল-চন্দনাদি দিয়া সাজাইয়া শ্রীচরণপূজা করিলেন এবং রামলালকে দিয়া এঁড়ের ঘাটে মাতার অন্ত্যেষ্টিক্রিয়াদি সম্পন্ন করাইলেন। নিজে বৈধকর্ম্ম কিছুই করিতে পারিলেন না, এমন কি, জলাঞ্জলি দিবার চেষ্টা করিয়াও দেখিলেন যে, তাহের আঙ্গুল ঝাকিয়া গিয়া অঞ্জলির মধ্য দিয়া জল বাহির হইয়া যায়, কিছুই তাতে রাখিতে পারেন না। মা'র কোন কার্য্যেই লাগিলেন না বলিয়া তিনি দুঃখে কাঁদিতে লাগিলেন। হলধারী এই সময়ে তথায় উপস্থিত ছিলেন। তিনি এত দিনে বুঝিয়াছিলেন যে, শ্রীরামকৃষ্ণদেব যে সে ব্যক্তি নহেন, ক্ষণজন্মা—মহাপুরুষ। তিনি ঠাকুরকে বলিলেন যে, একরূপ খেদ করা তাঁহার উচিত নয়। ঈশ্বর দর্শন যাহারাই করেন, তাঁহাদের এই 'গলিত হস্ত' অবস্থা হয় :—তাঁহারা আর কোন বৈধকর্ম্ম করিতে পারেন না। একরূপ ব্রহ্মজ্ঞগণ ধর্ম্মাধর্ম্ম কর্ম্মাকর্ম্মের পার হইয়া যান, এ কথা শাস্ত্র বলিয়াছেন।

ঠাকুর এই কারণে গয়াধামে মাতার বা পিতার কার্য্য করিতে যাইতে পারেন নাই :—মথুরের সঙ্গে তীর্থ হইতে প্রত্যাবর্ত্তনকালেও গয়াতে নামেন নাই। সেই জন্ত শ্রীমাকে বলিয়াছিলেন, তিনি যেন ঐ বৈধ কার্য্যগুলি করিবার চেষ্টা করেন। ঠাকুরের দেহত্যাগের পর শ্রীমা গয়ায় গিয়া ঐ সমস্ত কার্য্য তাঁহার নির্দেশমত নিজেই সম্পন্ন করিয়াছিলেন।

এ দিকে কেশবের যাতায়াত ক্রমশই বেশী বেশী চলিতে লাগিল এবং ঠাকুরকেও তিনি নিজ গৃহে লইয়া যাইতে ক্রটি করিতেন না। কেশবের ওখানে গিয়া ক্রমে ঠাকুরের সঙ্গে বিজয়কৃষ্ণ গোস্বামী, শিবনাথ শাস্ত্রী, মণিলাল মল্লিক, বেণী পাল, অমৃতলাল বসু, ত্রৈলোক্যনাথ সান্যাল, প্রতাপচন্দ্র মজুমদার প্রভৃতির আলাপ-পরিচয় হইতে

লাগিল। তাঁহারাও মধ্যে মধ্যে ঠাকুরের কাছে দক্ষিণেশ্বরে গমনাগমন করিতে লাগিলেন। কেশবও সুলভ সমাচার, ইণ্ডিয়ান মিরর, রিভিউ প্রভৃতি কাগজে ঠাকুরের নাম ও ভাব কিছু কিছু লিখিতে আরম্ভ করিলেন। এইরূপে ভক্ত-সংগ্রহ কার্য্য আরম্ভ হইল। ইংরেজি-শিক্ষিতগণ কেশব বাবুর কাগজ পড়িয়া জানিতে পারিলেন যে, দক্ষিণেশ্বরের মন্দিরে এক জন অসাধারণ সাধু অবস্থান করিতেছেন, যাহার নাম শ্রীরামকৃষ্ণ পরমহংস। এইরূপ প্রচারের ফলে দক্ষিণেশ্বরে দর্শকের সংখ্যা ও ভীড় ক্রমশঃ বাড়িতে আরম্ভ হইল। কেশবরূপ যন্ত্রের সাহায্যে মা এইবার ঠাকুরের আগমনের আসল উদ্দেশ্য—কলিতে জীবোদ্ধার, সেই মহান উদ্দেশ্য সাধনের নিমিত্ত উত্তরসাধক কল্মিগণকে আকর্ষণ করিবার জন্ত প্রচারকার্য্য আরম্ভ করিলেন। ঠাকুরও বলিয়াছিলেন, তিনি পূর্ণব্রহ্ম; রাজা যেমন ছদ্মবেশে নিজ রাজ্য দর্শন করেন, সেইমত গুপ্তবেশে আসিয়াছেন। কেশবচন্দ্র সংবাদপত্রে লিখিয়া ঠাকুরের আগমনসংবাদ প্রচার করিতে আরম্ভ করিলেন। কেশব স্বতঃপ্রবৃত্ত হইয়া ঠাকুরকে বলিয়াছিলেন, “আপনার মত মহাপুরুষের আগমন ব্যর্থ হইতে দিব না—আমি লোক যোগাড় করিব।”

শম্ভুচন্দ্র মল্লিক দেহত্যাগ করিয়াছেন, এখন যত্নলাল মল্লিক আনাগোনা করিতেছেন। ইহারা সব খৃষ্টান মতের—বা ঐ ভাবে সহানুভূতিসম্পন্ন লোক। কেশবের সঙ্গে আলাপ হইবার পর ঠাকুর দেখিলেন, কেশবও যিশুখৃষ্টের কথা বলেন, তাঁরই চং চাং অনুসরণ করেন। ঠাকুরের মন এই সব কারণে এইবার খৃষ্টানভাবের দিকে ঝুঁকিল। সর্ব্বভাবময় ঠাকুর কোন ভাব তাঁহার কাছে অপরিচিত থাকিতে দিবেন না—তাই এইবার যিশুর ভাব চিন্তা করিবেন ইচ্ছা করিলেন। যত্নলাল মল্লিকের বাগানে মেরী মায়ের ক্রোড়ে শিশুপুত্র যিশুর প্রতিমূর্ত্তির একখানি পট ছিল। এক দিন কার্য্যোপলক্ষে ঠাকুর যত্নলালের বাগানে গিয়া ঐ পটের দিকে চাহিতে চাহিতে ভাবাবিষ্ট হইলেন। ক্রমে সেই শিশুমূর্ত্তি হইতে জ্যোতির্নিঃসরণ হইতে লাগিল এবং ঐ জ্যোতিঃস্রোত ঠাকুরের সঙ্গে আসিয়া প্রবেশ করিতে লাগিল। ভাব উপশম হইলে দেখা গেল, কি আশ্চর্য্য, ঠাকুরের মধ্যে তৎকালে হিন্দুয়ানীর জ্বাব চলিয়া গিয়াছে, খৃষ্টান ভাব প্রবেশ করিয়াছে। তিন দিন



তিনি আর মন্দিরে গমন করিলেন না, নিজের ঘরের মধ্যে রহিলেন এবং ভাবে নানা গীঞ্জায় উপাসনার দৃশ্য দেখিতে—ঘণ্টাপ্রবলি শুনিতে লাগিলেন। এই সময় তিনি দেখিয়াছিলেন যে, এ দেশীয় লোক ব্যতীত তাঁহার বহু পরিচিত শিষ্য ভক্ত অন্যান্য খৃষ্টান দেশে—খৃষ্টীয়ান জাতির মধ্যেও রহিয়াছে। ইহার পর তিনি, যিশু জলমগ্ন পিটারকে উদ্ধার করিতেছেন খৃষ্টীয়ান ধর্মভাবের এই ছবিখানি নিজের ঘরে আনাইয়া রাখিয়া দিয়াছিলেন।

Mr. William নামে এক ভক্ত পাদ্রী সাহেব এই সময় ঠাকুরকে দর্শন করিয়াছিলেন। ঠাকুরের

খৃষ্টান সাধনা ভিন্ন তিনি বুদ্ধদেবের বিশেষ ভজন--আরাধনা করিয়াছিলেন কি না, জানা যায় নাই। তবে তাঁহার ঘরে একটি খেত প্রস্তরের বুদ্ধমূর্তি ছিল, এখনও আছে দেখা যায়। কোথা হইতে এই মূর্তি আসিয়াছিল, তাহা ঠিক বলা যায় না। সম্ভবতঃ কোন বৌদ্ধ সাধু বা ভক্ত তাঁহাকে ইহা দান করিয়া থাকিবেন। কিন্তু আমরা ধরিয়া লইতে পারি যে, ঠাকুর ধ্যানে বুদ্ধমূর্তি দর্শন করিয়াছিলেন। নচেৎ ১৮৮৬, ৯ই এপ্রেল তারিখে কাশীপুর বাগানে নরেন্দ্রের সঙ্গে কথাপ্রসঙ্গে বুদ্ধমূর্তির মাথার উপরে চুলের কুঁটী বাঁধা কি না—তাঁহার চক্ষু সমাদিস্থ কি না জিজ্ঞাসা করিবেন কেন? তা ছাড়া ঠাকুর বুদ্ধদেবের মত সম্বন্ধেও বলিয়াছিলেন যে, বুদ্ধ নিরীশ্বরবাদী ছিলেন না। স্ব স্বরূপকে চিন্তা করিয়া তিনি নিজে বোধস্বরূপ হইয়া গিয়াছিলেন, তাই মুখে সে অবস্থার কথা বলিতে পারেন নাই। তাঁহার অবস্থা ছিল অস্তি ও নাস্তির মধোর অবস্থা—ইহাই শ্রীঠাকুরের মত।

এতদ্বিন্ন ঠাকুর সে নানকপন্থী হাবিলদার কুমারসিংহের সঙ্গে খুব মিশিতেন, তাহা পূর্বেই বলা হইয়াছে। কাশীতে ঠাকুর সে নানক পন্থী সাধুদের মতে কিছুদিন যাতায়াত করিয়াছিলেন, তাহাও আমরা দেখিয়াছি। কিন্তু তিনি শিখদলের সাধনা করিয়াছিলেন কি না জানা যায় নাই। শিখমতের কথা তিনি মধ্য মধ্য বলিতেন, কবীরের কথাও প্রায় বলিতেন এবং তিনি যে কবীরের জীবন-সাধনার কথা স্মবিদিত ছিলেন, তাহাও বেশ বুঝা যায়। তুলসী দাসের ও কবীর দাসের দোহা তিনি অনেক সময় ব্যবহার করিতেন। কবীরের দোহা—

সাকার মেরীপিতা, নিরাকার মাহোতারী,—

কাকো নিন্দো কাকো বন্দো দোনো পাল্লাভারী।

তুলসীদাসের দোহা—

ও হি রাম দশরথকো বেটা, ও হি রাম ঘট ঘটমে লেটা,

ও হি রাম জগৎপশেরা, ওহি রাম সবসে নিয়ারা—

এইগুলি ঠাকুর সর্বদাই ব্যবহার করিতেন।

[ ক্রমশঃ

শ্রীচূর্ণাপদ মিত্র।



যীতুখণ্ড

ভিতর যিশুর আবির্ভাব দেখিয়া ভক্ত উইলিয়ামের মনে বৈরাগ্য জাগিয়া উঠিল। শেষ জীবনে তিনি হিমালয় প্রদেশে কোন এক নিভৃত স্থানে নিরবচ্ছিন্ন ঈশ্বরচিন্তায় কাল কাটাষ্টয়াছিলেন। এইভাবে ঠাকুরের খৃষ্টান সাধনা শেষ হইল।



## মানকীতে বজ্রাঘাত

| উপন্যাস |

### চতুর্দশ পল্লব

হতাশের আন্তর্নাদ

প্যারাডাইন স্তম্ভিতভাবে বসিয়া রছিল; সার্জেন্ট তাহাকে গ্রেপ্তারের জ্ঞপ্তি প্রস্তুত হইয়া আসিয়া, গোপনে বসিয়া তাহার অপরাধ স্বীকার-কাঠিনী হুনিতেছিল, ইহা তাহার চিন্তার অতীত ছিল। সে হতাশভাবে সার্জেন্টটার মুখের দিকে চাহিতেই একটি যুবক লাইব্রেরীর দ্বার পুলিয়া অত্যন্ত ব্যগ্রভাবে তাহাদের সম্মুখে অগ্রসর হইল।

আগন্তুক নিসবেটকে সম্বোধন করিয়া ব্যাকুল স্বরে বলিল, “উইলিয়ামস্ কোথায়? আমি কোথাও তাহাকে খুঁজিয়া পাইলাম না। আমি এই বাড়ীর সর্বস্থানে তাহাকে খুঁজিয়াছি। সে কোথায়, নিসবেট?”

আগন্তুকের কর্ণস্বর শুনিয়া প্যারাডাইনের যেন স্বপ্ন-ভঙ্গ হইল। এ কর্ণস্বর সে তাহার সুপরিচিত! সে বিস্ফারিত-নেত্রে আগন্তুকের মুখের দিকে চাহিল। প্যারাডাইন যাহাকে খুঁজিয়া তাহার সন্ধান পায় নাই, এ সে সেই টেরি! টেরিই যে মিঃ গার্ডিনকে হত্যা করিয়া তাহার কাবোর্ড হইতে স্বর্ণক্ষেত্রের রিপোর্ট চুরি করিয়াছিল—এ বিষয়ে তাহার সন্দেহ ছিল না। সেই টেরি এই রাত্রিকালে সহসা নিসবেটের লাইব্রেরী-কক্ষে উপস্থিত! নিসবেটকে সে নিতান্ত পরিচিত ব্যক্তির আয় সম্বোধন করিল! এ কি রহস্য, ইহার মনোদ্ঘাটন করা তাহার অসাধ্য হইল। কিন্তু প্যারাডাইন নিজের চক্ষুকে অবিশ্বাস করিতে পারিল না। সেই পরিচিত মূর্তি—যে আরানা স্বর্ণখনির রিপোর্টখানির পরিবর্তে তাহাকে দুই শত পাউণ্ড পুরস্কার প্রদানের অঙ্গীকার করিয়াছিল।

প্যারাডাইনের বিশ্বয় কথঞ্চিৎ প্রশমিত হইলে, সে লাফাইয়া উঠিল, এবং স্থানকাল বিস্মৃত হইয়া, তাহার সকল বিপদ ও লাঞ্চার জ্ঞপ্তি দায়ী টেরিকে ধরিবার জ্ঞপ্তি

তাহার দিকে দাবিত হইল; কিন্তু সে কয়েক পদ অগ্রসর হইতেই কি একটা জিনিস তাহার পশ্চাৎ হইতে নিষ্ফল হইয়া ‘ঝনাৎ’ শব্দে তাহার মাথায় পড়িল। সেই আঘাতে সে অলিতপদে পড়িতে পড়িতে সামলাইয়া লইল। এবং পদপ্রান্তে দৃষ্টিপাত করিয়া দেখিল—তাহা এক জোড়া লোহার হাতকড়ি। সার্জেন্ট এই হাতকড়ি দ্বারা তাহাকে বাধিতে উদ্বৃত হইয়াছিল, এবং তাহাই সে তাহার মস্তক লক্ষ্য করিয়া নিষ্ফেপ করিয়াছিল।

হাতকড়ির আঘাতে প্যারাডাইন ঈষৎ আহত হইলেও তাহার গতিরোধ হইল না দেখিয়া সার্জেন্টদ্বয় তাহাকে ধরিবার জ্ঞপ্তি সবেগে তাহার নিকট অগ্রসর হইল। সেই মুহূর্তে নিসবেট গম্ভীর-স্বরে আদেশ করিল, “দরজাটা শীঘ্র বন্ধ কর।”

নিসবেটের আদেশে টেরি দ্বারের নিকট ফিরিয়া গেল, এবং দরজার চাবি বন্ধ করিয়া রুদ্ধদ্বারে পিঠ দিয়া দাঁড়াইল; তাহার পর সে অবজ্ঞাভরে প্যারাডাইনের মুখের দিকে চাহিয়া নিসবেটকে বলিল, “এই অভিনয় শীঘ্র বন্ধ কর, নিসবেট! বিলম্বে যে কি অসুবিধায় পড়িতে হইবে, কিরূপ বিপদ ঘটতে পারে—আমি তাহা অনুমান করিতে না পারিলেও বুঝিতে পারিয়াছি—আজ রাত্রে আমাদের অজ্ঞাতসারে কোনও একটা বিলাট ঘটিয়াছে। ল্যাংহাম দুই তিন ঘণ্টা পূর্বে এই সম্মতানটাকে উহার কায়েমী মোকামে পাঠাইয়া ফিরিয়া আসিতে পারিত; কিন্তু সে যে এই কাষ শেষ করিতে পারে নাই, সম্মুখেই তাহার উজ্জল প্রমাণ জাজ্জল্যমান। অথচ এখন পর্য্যন্ত সে ফিরিয়া আসিয়া কোন কৈফিয়ৎ দিল না! আবার উইলিয়ামস্কে কোথাও পাওয়া যাইতেছে না, সে পর্য্যন্ত ফেরার!”

টেরির কথায় সেই বক্ষস্থ তিন ব্যক্তি—নিসবেট এবং সার্জেন্টদ্বয় আতঙ্কভিত্ত হইয়া বিস্ফারিত-নেত্রে তাহার

মুখের দিকে চাহিয়া রহিল, যেন কোন অজ্ঞাত বিপদের আশঙ্কায় তাহা বা অভিজ্ঞ হইল। প্যারাডাইনও তাহার বিপদের ভীষণতা বুঝিতে পারিল; কিন্তু কিরূপ ষড়যন্ত্রের ফলে তাহাকে এই কাঁদে বন্দী হইতে হইয়াছে, এবং ইহার পরিণাম কি, তাহা ধারণা করা তাহার অসম্ভব হইল।

প্যারাডাইন তাহার চিত্তে মূৰ্ছিত মিস্ গ্রেডের উপদেশে তাহার মনিব মিস্ নিস্বেটের নিকট অপরাধ স্বীকার করিতে আসিয়া হঠাৎ জানিতে পারিল, যে টেরি নিস্বেটের আফিসের গুপ্ত রিপোর্ট হস্তগত করিবার জন্ত তাহাকে উৎকোচ দানে বশীভূত করিবার চেষ্টা করিয়াছিল এবং তাহাতে অকৃতকার্য হওয়ায় নিস্বেটের বিশ্বস্ত কর্মচারীকে হত্যা করিয়া সেই রিপোর্ট চুরি করিতেও কুষ্ঠিত হয় নাই, সেই নরপিণ্ড টেরি নিস্বেটের বন্ধু! সে নিস্বেটকে তাহার সমকক্ষের গায় সম্বোধন করিল, এবং যে ভাবে আলাপ করিল—তাহা শুনিয়া কেবল প্যারাডাইনের নহে, যে শুনিত, তাহারই ধারণা হইত, টেরি নিস্বেটের কোন গুপ্ত ষড়যন্ত্রের সহযোগী! কেবল তাহাই নহে, প্যারাডাইনকে জলে ডুবাইয়া হত্যা করিবার জন্ত যে চেষ্টা হইয়াছিল, টেরি নিস্বেটকে সেই চেষ্টার ব্যর্থতার কথা জানাইয়া উৎকণ্ঠা প্রকাশ করিল; প্যারাডাইন বুঝিতে পারিল, তাহাকে হত্যা করিবার জন্ত কেবল যে টেরিই সচেষ্ট ছিল, একরূপ নহে, নিস্বেটও তাহা জানিত, এবং তাহারই ইচ্ছিতে তাহার অনুচররা তাহাকে হত্যা করিবার জন্ত পুঙ্করিণীর জলে নিক্ষেপ করিয়াছিল। তাহার গায় নিম্নপদস্থ নগণ্য কর্মচারীকে হত্যা করিবার জন্ত এই প্রকার প্রতিষ্ঠাপন্ন দনাঢ্য ব্যক্তিগণের একরূপ আগ্রহের কারণ কি, 'মানুকীতে' বজ্রাঘাতের জন্ত তাহারা কেন এত ব্যস্ত হইয়াছিল, প্যারাডাইন তাহা তাহার বুদ্ধির অগম্য বলিয়াই মনে করিল, কিন্তু ইহারা একযোগে যে একটা ভীষণ ষড়যন্ত্রে সাফল্যলাভের চেষ্টা করিতেছিল, এবং সেই ষড়যন্ত্রের সাফল্যের জন্ত তাহার মৃত্যু অপরিহার্য,—প্যারাডাইন ইহা সম্পূর্ণরূপেই বুঝিতে পারিল।

এই সকল কথা মনে মনে আলোচনা করিয়া প্যারাডাইনের সর্কাস ক্রোমে জ্বলিয়া উঠিল, অতঃপর আশ্ব-সংবরণ করা তাহার অসম্ভব হইল। তাহার স্বরণ হইল,

সেই দিন সাংকালে একটা জাল ডিটেক্টিভ তাহাকে স্টেলাগু ইয়ার্ডে যাইতে হইবে বলিয়া ভুলাইয়া রেস্টুরার বাহিরে লইয়া গিয়াছিল এবং একখান গাড়ীতে পুরিয়া হত্যা করিতে উত্তম হইয়াছিল। আবার এই গভীর রাতিতে আর দুই জন ইতর চক্ৰী পুলিশের সার্জেন্ট সাজিয়া তাহার মনিবের লাইব্রেরীতে তাহাকে বন্দী করিতে উত্তম! পুলিশের সহিত ইহাদের কোন সম্বন্ধ নাই, এ বিষয়ে প্যারাডাইন নিঃসন্দেহ হইল। সে বুঝিতে পারিল—ইহারা টেরি এবং নিস্বেটের সহযোগী, তাহাদের চক্রান্তের চক্ৰী।

প্যারাডাইন ভাবিল, প্রাণরক্ষা করিতে হইলে তাহাকে সেই কক্ষ ত্যাগ করিতে হইবে, পলায়ন ভিন্ন তাহার নিষ্কতি নাই। নিস্বেটও তাহাকে হত্যা করিবার জন্ত কৃতসঙ্কল্প হইয়াছে, ইহার কারণ জানিবার জন্ত তাহার আগ্রহ হইলেও সন্ধ্যাে এই সঙ্কট হইতে মুক্তিলাভই যে তাহার প্রধান কর্তব্য, এ বিষয়ে সে নিঃসন্দেহ হইয়াছিল।

কিন্তু কি উপায়ে সে পলায়ন করিবে? টেরি নিস্বেটের আদেশে সেই কক্ষের দ্বার চাবি দিয়া বন্ধ করিয়াছিল, এবং রুদ্ধদ্বারে পিঠ দিয়া দাঁড়াইয়াছিল। সেই কক্ষে একটিমান বাতায়ন ছিল, সেই বাতায়নপথে পলায়নের জন্ত তাহার আগ্রহ হইল। প্যারাডাইন আর সময় নষ্ট না করিয়া দ্রুতবেগে সেই বাতায়নের নিকট উপস্থিত হইল। সে বাতায়নের সম্মুখস্থিত প্রসারিত পর্দা ক্ষিপ্ৰহস্তে অপসারিত করিয়া দেখিল, বাতায়নও রুদ্ধ। সে সে তাহা উন্মোচিত করিয়া পলায়ন করিবে, তাহারও সন্ধ্যোগ হইল না; কারণ, সেই মুহূর্তেই সে পশ্চাতে একাদিক ব্যক্তির দ্রুত পদধ্বনি শুনিত পাইল। দুই তিন জন আততায়ী তাহাকে ধরিতে আসিতেছে দেখিয়া এবং আশ্রয়স্থানের আর কোন উপায় নাই বুঝিয়া প্যারাডাইন গুরিয়া দাঁড়াইয়া সম্মুখে যে চেয়ার-খানা দেখিতে পাইল, তাহা উভয় হস্তে মাথার উপর তুলিয়া ধরিল।

জাল ডিটেক্টিভদের তাহার সম্মুখে আসিয়া পড়িয়াছিল। টেরিও তাহার অনুসরণ করিয়াছিল, কিন্তু সে একটু দূরে ছিল। প্যারাডাইন তাহার আততায়িত্বের হস্তে একটা লৌহদণ্ড ও রজ্জ্ববদ্ধ একটা ভারী ডাণ্ডা দেখিতে পাইল। প্যারাডাইন বুঝিতে পারিল, তাহারা সেই উভয় অস্ত্র দ্বারা মুহূর্তমধ্যে তাহাকে আক্রমণ করিবে; সেই ভারী অস্ত্রের

আঘাতে তাহার মৃত্যু হইলেও তাহা প্রয়োগ করিতে তাহারা কুণ্ঠিত হইবে না, তাহাদের চোখ-মুখের ভঙ্গী দেখিয়া এ বিষয়ে প্যারাডাইন নিঃসন্দেহ হইল।

জল ডিটেক্টিভস তাহার সম্মুখে পাশাপাশি হইয়া দাঁড়াইয়াছিল। প্যারাডাইন তাহাদের মস্তক লক্ষ্য করিয়া সবেগে চেয়ারখানি নিষ্ক্ষেপ করিল; এক জন চক্ষুর নিম্নে বসিয়া পড়ায় নিষ্ক্ষিপ্ত চেয়ার তাহার দেহ স্পর্শ করিতে পারিল না বটে, কিন্তু দ্বিতীয় ব্যক্তি সতর্ক হইবার পূর্বেই চেয়ার প্রচণ্ড বেগে তাহার মাথার এক পাশে আছড়াইয়া পড়িয়া গেল। সেই আঘাতে লোকটা মেরুর উপর দুরিয়া পড়িয়া গেল। সেই মুহুর্তে অন্য লোকটা প্যারাডাইনের উপর লাফাইয়া পড়িয়া ছুই তাতে তাহাকে জড়াইয়া ধরিল; তাহার পর উভয়ে মেরুর উপর পড়িয়া দস্তাদস্তি করিতে লাগিল। উভয় পক্ষ হইতে অবিশ্রান্ত দ্বন্দ্ব ক্রমে ক্রমে চড় বসিত হইতে লাগিল, সেই সঙ্গে উভয়ের পাদতাড়নারও বিরাম রহিল না।

কিন্তু উভয়ের এই দ্বন্দ্ব দীর্ঘকালস্থায়ী হইল না। কয়েক মিনিটের মধ্যেই টেরি ও নিস্বেট উভয়েই তাহাদের অন্তরকে সাত্ৰাণ্য করিতে আসিল। তিন জন আততায়ীর বিরুদ্ধে প্যারাডাইন একাকী কি করিতে পারে? প্যারাডাইন আহত হইয়া হস্তপদচালনায় অসমর্থ হইল, সে অতি কষ্টে টানিয়া টানিয়া নিশ্বাস ফেলিতে লাগিল।

টেরি বলিল, “নিস্বেট, কাষটা বড় নোংরা রকমের হইতেছে; আমি উহার সমর্থন করিতে পারি না, উহার শেষ ফল ভাল হইবে না।”

নিস্বেট কোন কথা না বলিয়া দাঁড়াইয়া হাঁপাইতে লাগিল।

টেরি পুনরবার বলিতে লাগিল, “রকম বড় ভাল মনে হইতেছে না; আজ রাতে আমাদের সকল কাষই যেন ভুল হইয়া গিয়াছে! গলদটা কোথায়, তাহা ঠিক ধরিতে পারিতেছি না; কিন্তু লাংহাম ফিরিয়া আসিল না; তাহার নিকট যে সকল সংবাদের প্রত্যাশা করিতেছিলাম, তাহার কিছুই জানিতে পারিলাম না। তাহার উপর উইলিয়াম্‌সেরও দেখা নাই। সে কোন্‌ চুলোয় গিয়াছে, তাহা বুঝিতে পারিতেছি না।”

নিস্বেট বলিল, “খ্যাপার দুকোথা বটে, এই সময়তানটার

এতক্ষণ পুষ্করিণীর জলে ডুবিয়া অক্লান্ত করা উচিত ছিল; কিন্তু সে ভাবে না মরিয়া হতভাগা পণ ভুলিয়া এখানে আসিয়া পড়িয়াছে; উহার কারণ বুঝিতে পারিতেছি না। আমার সন্দেহ, আমরা যে যত পরিচালিত করিয়াছিলাম, তাহার কোন অংশের একটা ক্রম আলাগা হওয়াতে কল ঠিক চলে নাই, ব্যবস্থাটা ওলটপালট হইয়া গিয়াছে। উহা আমাদের সঙ্কল্পসিদ্ধির অন্তকূল নহে। কিন্তু উইলিয়াম্‌সের জন্ম তোমার এত ব্যাকুল হইবার প্রয়োজন নাই। সে হয় ত সেই উকিল বেটার অভ্যর্থনার জন্ম ব্যস্ত আছে। ইনি একটা উকিল লেজে দাঁড়িয়া আমার কাছে উহার প্রভুভক্তির হিসাব দিতে আসিয়াছিলেন কি না; প্রভুভক্ত ভৃত্যের আশা ছিল, উকিলটা উহার চুরি ও নরহত্যার অপরাধ তুড়ি দিয়া উড়াইয়া দিয়া এখন হইতে উহাকে উদ্ধার করিয়া লইয়া যাইবে! তবে লাংহাম কোথায় গিয়া আটকা পড়িল, তাহা অনুমান করিতে পারিতেছি না। কারিনির সঙ্গে তাহার দেখা হয় নাই।”

টেরি বলিল, “তুচ্ছিস্তার কথা বটে।”

নিস্বেট মাথা নাড়িয়া বলিল, “জন্তোর তুচ্ছিস্তা! তুচ্ছিস্তা করিয়া লাভ কি? আর তুচ্ছিস্তাই বা কেন? আমাদের মাথা উচু করিয়া নিভীকচিত্তে চারিদিকে দৃষ্টি রাখিতে হইবে। ভয় করিবার কারণ নাই। আগামী শুক্রবার শেষ বন্দোবস্তের দিন, শুক্রবারের পূর্বে কিছুই হইতেছে না। সেই সময়ের পূর্বে আরানা সম্বন্ধে কোন ব্যবস্থা হইবে না। আমাদেরকে কেবল লক্ষ্য রাখিতে হইবে যে, তাহার পূর্বে যেন কেহ রহস্যভেদ না করে। তবে এই হতভাগাটাই কিঞ্চিৎ তুচ্ছিস্তার কারণ হইয়াছে বটে।” নিস্বেট প্যারাডাইনের দিকে অঙ্গুলি নির্দেশ করিল।

টেরি বলিল, “তুচ্ছিস্তা! এ তুচ্ছিস্তা শেষ করিতে কতক্ষণ? উহাকে এই রাতেই সাবাড় করিয়া দাও, উহার মুখ চিরদিনের জন্ম বন্ধ হইয়া যাইবে। একটা মশা মারিতে উদ্যোগ-আয়োজনের প্রয়োজন নাই। কয়েক ঘণ্টা পূর্বে জলে ডুবিয়া মরিয়া যে আমাদেরকে নিশ্চিন্ত করিত, কয়েক ঘণ্টা পরে না হয় সে এখানেই মরিল। জল সর্ব সমান, আমি বলিতেছি—যে মরে তাহার পক্ষে।”

নিস্বেট বলিল, “তা বটে, কিন্তু কাষটা কিরূপে শেষ করা যায়? এখানে উহাকে হত্যা করা কঠিন না হইতে



পারে ; কিন্তু আমার ঘরের ভিতর উহার প্রাণ-বিহ্বলকে খাঁচা-ছাড়া করিয়া খাঁচোটোর কি ব্যবস্থা করিব ? তাহা সরাইয়া ফেলিবার পূর্বে যদি কোন বাধা-বিঘ্ন ঘটে, তখন সেই ফ্যাসাদ সামলাইবার উপায় কি ?”

সমস্তা জটিল বটে ; মানুষের মৃতদেহ সরাইয়া ফেলিবার সময় কোন বিঘ্ন ঘটিবে না, নির্বিঘ্নে কার্যোদ্ধার হইবে, ইহার নিশ্চয়তা কি ? তাহার উপর প্যারাডাইন একটা উকিল সঙ্গে আনিয়াছিল, যদি তাহাকেও হত্যা করা হইয়া থাকে, এবং উহার আসিবার পূর্বে যদি পুলিশে সংবাদ দিয়া আসিয়া থাকে, তাহা হইলে দু'জন মানুষকে খুন করিয়া তাহা হজম করা এখানে নিতান্ত সহজ নহে। সুতরাং উভয়কেই সকল অবস্থার কথা চিন্তা করিতে হইল।

জাল সার্জেন্টদের যে ব্যক্তি চেয়ারের গুঁতা খাইয়া অজ্ঞান হইয়া মেঝের উপর নিপ্পন্দভাবে পড়িয়াছিল, চেতনা লাভ করিয়া কয়েক মিনিট পূর্বে সে উঠিয়া বসিয়াছিল। সে নিস্বেট ও টেরির পরামর্শ শুনিয়া বলিল, “এই সামান্য বিষয়ের জন্ত আপনাদের এত চিন্তিত্ব হইল কেন ? আমি সত্বেই বলিতেছি, শুনুন। আপনারা এই সময়তানের শিরা কুঁড়িয়া কোন একটা উগ্র মাদক দ্রব্য উহার রক্তের সঙ্গে মিশাইয়া আমার হাতে উহাকে ছাড়িয়া দিন। আমি উহাকে গাড়ীতে তুলিয়া লইয়া মাঠের কোন নির্জন অংশে নামাইয়া দিব। সেই উকিলটার সম্বন্ধেও ঐ রকম ব্যবস্থা করিবার পরামর্শ ত আপনাই দিয়াছিলেন, কর্তা ! উহাদের দুই জনকেই নিরাপদে রাখিয়া আসিবার ভার লইতে রাজী আছি। উকীল ও মক্কেল দু'জনেই একসঙ্গে আর এক আদালতে হাজির হইয়া আশ মিটাইয়া মামলা করিবে। সেই আদালতের মামলার আপীল নাই।”

অনুচরের যুক্তি শুনিয়া নিস্বেট যেন অকূল সমুদ্রে কূল দেখিতে পাইল। সে খুসী হইয়া বলিল, “ঠিক কথা বলিয়াছ, এ অতি চমৎকার উপায়, এক টিলে দুই পাখী মরিবে, অপচ কোথা হইতে টিল পড়িল, তাহা কেহই জানিতে পারিবে না। আমার বাড়ী হইতে উহার চলিয়া গিয়াছে, তাহা প্রমাণ করা কঠিন হইবে না। তবে উহাদিগকে এক স্থানে নামাইয়া দিও না। উহাদের

এক জনকে যেখানে নামাইবে, তাহার পঞ্চাশ ঘাট মাইল দূরে আর এক জনকে বিসর্জন দিবে। কিন্তু আর অধিক বিলম্ব করা সম্ভব নহে, এই সময়তানটাকে শীঘ্র পিচকিরি দেওয়ার ব্যবস্থা কর। এই হাঙ্গামা যত শীঘ্র মিটিয়া যায়, ততই ভাল।”

নিস্বেট একটা আরোকের শিশি, এবং সূক্ষ্মাণ্ড একটা পিচকিরি সংগ্রহ করিয়া আনিয়া তাহা টেরির হাতে দিলে টেরি প্যারাডাইনের পাশে বসিয়া জাল ডিটেক্টিভদেরকে ইঙ্গিত করিল। তাহার উভয়ে প্যারাডাইনকে সেই কক্ষের মেঝের উপর চাপিয়া ধরিয়া তাহার কোটের আন্তরিক বাতমূলে গুটাইয়া তুলিল। প্যারাডাইন তাহাদের সকল কথাই শুনিয়াছিল, সে তাহাদের কবল হইতে মুক্তিলাভের জন্ত দস্তাবন্দী করিতে লাগিল ; কিন্তু সে তিন জনের সহিত দীর্ঘকাল যুদ্ধ করিয়া পরিশ্রান্ত হইয়াছিল ; তাহার সকল চেষ্টা বিফল হইল। টেরি আরোকপূর্ণ পিচকিরির অগ্রভাগ তাহার উন্মুক্ত বাতমূলে স্পর্শ করিল। প্যারাডাইন প্রাণভয়ে কাতর হইয়া এক্রূপ আর্তনাদ করিল যে, তাহার হতাশ আর্তনাদ গভীর রাত্রিতে সেই নিস্তরক অট্টালিকার প্রতি কক্ষে প্রতিধ্বনিত হইল।

## পরগদশ পল্লব

শেখ বাকী

প্যারাডাইন প্রাণভয়ে ভীত হইয়া এবং জীবনের আশা ত্যাগ করিয়াই কাতর-কণ্ঠে আর্তনাদ করিয়াছিল, শত্রু-পুরীতে সেই আর্তনাদ কাহারও কর্ণগোচর হইলে সে যে তাহাকে রক্ষা করিতে আসিবে, এক্রূপ আশা তাহার মনে স্থান পায় নাই। যে ব্যক্তি তাহার হাত ধরিয়াছিল, প্যারাডাইন তাহার হাতে এক্রূপ প্রচণ্ডবেগে ধাক্কা দিল যে, সেই ধাক্কায় সে দুই হাত দূরে ছিটকাইয়া পড়িল। পিচকিরি ভাঙ্গিয়া যাইতে পারে, এই আশঙ্কায় টেরি হাত টানিয়া লইয়া, বা হাত দিয়া প্যারাডাইনের মুখে সবেগে এক গুঁতা মারিল। তাহার পর তাহাকে ধমক দিয়া বলিল, “মুখ বুজিয়া বসিয়া থাক গাধা, ও রকম চ্যাচাইলে মুখের ভিতর রুল গুঁজিয়া দিব।”

প্যারাডাইন আততায়ীর কবল হইতে যে হাত মুক্ত

করিয়াছিল, সেই হাত দিয়া সে দেহের অস্থিম শক্তি প্রয়োগ করিয়া দ্বিতীয় ব্যক্তির চুয়ালে এক ঘুসি মারিল সে, সেই ঘুসি খাইয়া সে প্যারাডাইনের অণু হাত ছাড়িয়া দিয়া আঘাতমন্ত্রণায় দুই হাতে মুখ ডলিতে লাগিল। সেই সুযোগে প্যারাডাইন টেরির হাত লক্ষ্য করিয়া এক ঘুসি মারিতেই টেরি পিচকিরি ভাঙ্গিবার ভয়ে সরিয়া বসিল।

এই ভাবে মুক্তিলাভ করিয়া প্যারাডাইন দুই হাতে চারি দিকে ঘুসি চালাইতে লাগিল। তাহাকে মুক্তিলাভ করিতে দেখিয়া তাহার চারি জন শত্রুই একসঙ্গে তাহার উপর লাফাইয়া পড়িল; তাহারা তাহাকে মেঝের উপর ফেলিয়া, কেহ তাহার বুকে হাঁটু চাপাইয়া দিয়া তাহার দুই হাত চাপিয়া ধরিল, দুই জনে তাহার উভয় পায়ের উপর চাপিয়া বসিল, এক জন তাহার গলা দুই হাতে ধরিয়া চাপ দিতে লাগিল। তাহার শ্বাসরোধের উপক্রম হইল।

প্যারাডাইন বুকিতে পারিল, আর তাহার নিষ্কৃতি নাই, তাহার অস্থিমকাল বনাইয়া আসিয়াছে; কিন্তু সেই সঙ্কটজনক অবস্থাতেও তাহার মনে হইল, বিনা দোষে তাহাকে অকালে এই ভাবে প্রাণ বিসর্জন করিতে হইতেছে—ইহার কারণ কি? তাহাকে হত্যা করিবার জ্ঞান ইহাদের সকলেরই এত আগ্রহ কেন? সে দেখিল—তাহার মনিব নিস্বেট তাহার গলা চাপিয়া ধরিয়া শ্বাস রুদ্ধ করিয়া তাহাকে হত্যা করিবার চেষ্টা করিতেছিল, কিন্তু নিস্বেটকে সে চিরদিন শ্রদ্ধা ও সম্মান করিয়া আসিয়াছে, অভাবে পড়িয়া মোহে ভুলিয়া এক দিন সে কর্তব্যপথভ্রষ্ট হইয়াছিল। বটে, কিন্তু সে কোন দিন তাহার অনিষ্টচেষ্টা করে নাই, প্রাণপণে তাহার সেবা করিয়া আসিয়াছে; তাহার কি এই পুরস্কার? যে টেরি নিস্বেটের অনিষ্টচেষ্টা করিয়া আসিয়াছে তাহার কর্তব্যনিষ্ঠ কন্সচারীকে হত্যা করিয়াছে, তাহার রিপোর্ট চুরি করিয়া তাহার ব্যবসায় নষ্ট করিতে উদ্বৃত্ত হইয়াছে, সেই টেরির সহিত ষড়যন্ত্র করিয়া সে তাহাকে হত্যা করিতে উদ্বৃত্ত হইয়াছে। প্যারাডাইনের মনে হইল, এই রহস্য-ভেদের পূর্বে তাহার মৃত্যু হইলে মৃত্যুর পরও সে শাস্তিলাভ করিতে পারিবে না।

নিস্বেট বলিল, “টেরি, এইবার তোমার হাতের কায শেষ কর। অনেক সময় নষ্ট হইয়াছে, আর বিলম্ব করা সম্ভব হইবে না।”

টেরি এবার প্যারাডাইনের বামহস্ত টানিয়া ধরিয়া তাহার কোটের আস্থিন বাহমূলে ঠেলিয়া দিল। প্যারাডাইন বুকিতে পারিল, আর তাহার নিষ্কৃতি নাই, মুহূর্ত পরেই সে পিচকিরি বিধাইবার যন্ত্রণা বুকিতে পারিবে, উগ্র মাদকদ্রব্য তাহার দেহশোণিতের সহিত সংমিশ্রিত হইবে, তাহার ‘পরই’ তাহার চেতনা বিলুপ্ত হইবে, আর তাহা ফিরিয়া আসিবে না। তাহার পর তাহার দেহের কি গতি হইবে, সে চিন্তা তাহার মনে স্থান পাইল না। চেতনা-বিলোপের পর মৃত্যু, ইহাই তাহার শেষ চিন্তা।

কিন্তু সেই মুহূর্তে সেই কক্ষে এক অভাবনীয় কাণ্ড ঘটিল। যেন একটা বোমা মহাশব্দে সেই কক্ষে বিদীর্ণ হইয়া কক্ষস্থ আসবাব-পত্রগুলি চূর্ণ করিল। যাহারা তাহাকে ধরিয়াছিল, তাহারা প্রচণ্ড ধাক্কায় কে কোথায় সরিয়া পড়িল, প্যারাডাইন তাহা বুকিতে পারিল না, তাহার মনে হইল, ভীষণ বিস্ফোরণে তাহার সর্বাঙ্গ চূর্ণ হইয়া গিয়াছে। নিস্বেট তাহার কর্ণালী সজোরে চাপিয়া ধরিয়াছিল, সে দূরে ছিটকাইয়া পড়িয়া আর উঠিতে পারিল না। টেরির হাত হইতে পিচকারি খসিয়া পড়িল এবং সে সবেগে দেওয়ালের গায়ে নিষ্ফিণ্ড হইল। প্যারাডাইন যে মুহূর্তে বুকিতে পারিল, আততায়ীদের কবল হইতে সে মুক্তিলাভ করিয়াছে, সেই মুহূর্তে সে লাফাইয়া উঠিল। সে চতুর্দিকে দৃষ্টিপাত করিয়া দেখিতে পাইল, তাহার আততায়ীরা সকলেই সেই কক্ষের মেঝের উপর কুখাণ্ডের তায় গড়াইতেছে, এক জন গড়াইতে গড়াইতে আসিয়া দুই হাতে তাহার একখানি পা চাপিয়া ধরিল। প্যারাডাইন পদাঘাতে তাহাকে দূরে নিষ্ক্ষেপ করিয়া মাতালের মত টলিতে টলিতে সেই কক্ষের ঘাঁরের দিকে অগ্রসর হইল।

প্যারাডাইন ঘাঁরের দিকে চাহিয়া মুহূর্তমধ্যে সেই কক্ষে সংঘটিত বিভ্রাটের প্রমাণ দেখিতে পাইল। সে দেখিল, ঘাঁরে চাবি লাগাইবার জ্ঞান যে কল ছিল, সেই কলখান চূর্ণ হইয়া কোথায় উড়িয়া গিয়াছে, কপাটের সেই স্থানে একটি প্রকাণ্ড ফুকর! কপাটের কড়াগুলি চূর্ণ হওয়ায় কপাট কাত হইয়া চৌকাঠের গায়ে ঝুলিতেছিল। দুই এক স্থানে অল্প বাধিয়া থাকায় তাহা সমভূমি হয় নাই।

প্যারাডাইন ঘাঁর অতিক্রম করিবামাত্র ঘাঁহাকে সে

দেখিবার প্রত্যাশা করে নাই, তাঁহাকেই সেই কক্ষের দিকে অগ্রসর হইতে দেখিল। মিঃ প্রীডকে দেখিয়া সে তাঁহার ভাবভঙ্গীর কোন পরিবর্তন বুঝিতে পারিল না, সে তাঁহার আফিসে তাঁহাকে যেরূপ অচঞ্চল ও প্রকৃতিস্থ দেখিয়াছিল, তখনও তাঁহার সেই প্রকার সংযত ভাব। যেন তিনি তাঁহার কোন মক্কেলকে আইনসংক্রান্ত উপদেশ দান করিতে করিতে হঠাৎ সেখানে উঠিয়া আসিয়াছেন।

কিন্তু প্যারাডাইন তাঁহার একটা পরিবর্তন লক্ষ্য করিল; সে তাঁহার বামহস্তে একটি অটোমেটিক পিস্তল দেখিতে পাইল; তাঁহার দক্ষিণ হস্তে তীক্ষ্ণধার সুদীর্ঘ গুপ্তি, দীপালোকে তাহা স্বকমক করিতেছিল। আয়ুশক্তিতে প্রত্যক্ষীণ সমরবিজয়ী সেনাপতির আয় দুটপদে তিনি অগ্রসর হইতেছিলেন।

মিঃ প্রীডকে সেই কক্ষে প্রবেশ করিতে দেখিয়া প্যারাডাইন তাঁহার অনুসরণ করিয়া সেই কক্ষে প্রত্যাগমন করিল। মিঃ প্রীড যেন তাহাকে দেখিয়াও দেখেন নাই, তিনি তাহাকে সেই কক্ষে তাঁহার অনুসরণের জন্ত ইচ্ছিতও করেন নাই; তথাপি তাহাকে দেখিয়া তাহার মনে হইল, তাঁহার সঙ্গে লক্ষ শক্রসমাকীর্ণ রণক্ষেত্রে যাইতেও তাহার আশঙ্কার কোন কারণ নাই।

প্যারাডাইন সেই কক্ষে পুনঃপ্রবেশ করিয়া দেখিল, টেরির হাত হইতে পিচকিরিটা গালিচার উপর খসিয়া পড়িয়াছে, সে তাহার বকের পকেটে হাত পুরিয়া ব্যগ্রভাবে কি খুঁজিতেছিল। সেই মুহূর্ত্তে মিঃ প্রীডের হাতের গুপ্তি তাহার সেই হাতে বিদ্ধ হইল। টেরির যত্নসহ আর্ন্তনাদ করিয়া গালিচার উপর চিত হইয়া পড়িয়া গেল।

গোয়েন্দাদের এক জন উঠিবার চেষ্টা করিতেই তাহার ঘাড়ের মিঃ প্রীডের অব্যর্থ গুপ্তির এক গোঁচা লাগিল; তাহার হাত পকেটে ছিল, হাতের চাপে তাহার পকেটেই পিস্তলের গুলী বাহির হওয়ায় তাহার কোটে আগুন দিয়া গেল, এবং পশমী কাপড় পুড়িবার দুর্গন্ধ বাহির হইল। প্যারাডাইন সেই সময় তাহাকে আক্রমণ করিয়া তাহার নাকে মুখে দুসি মারিতে লাগিল। ইতিমধ্যেই মিঃ প্রীড অল্প গোয়েন্দাকে আক্রমণ করিয়া তাহারও হৃদয়ে গুপ্তি বিদ্ধ করিলেন। আঘাত-সম্বন্ধে সে আর্ন্তনাদ করিতে লাগিল।

মিঃ প্রীড প্যারাডাইনকে সঙ্গে লইয়া যেখানে দাঁড়াইয়া ছিলেন, সেই স্থান লক্ষ্য করিয়া কাগজ চাপা, রুল, বোতল ও গ্যাস প্রভৃতি নিষ্কিপ্ত হইতে লাগিল। মিঃ প্রীড টেরি ও জাল সার্ফেক্টরকে জখম করিয়া গালিচার উপর ফেলিয়া রাখিয়া তীক্ষ্ণ দৃষ্টিতে সেই কক্ষের সকল অংশ পরীক্ষা করিতে লাগিলেন। সে দিক হইতে কাগজ চাপা, বোতল প্রভৃতি বসিত হইতেছিল, তিনি সেই দিকে চাহিয়া নিস্বেটকে দেখিতে পাইলেন; সে তখন সেই কক্ষের বাতায়নের অদূরে একটি ডেকের সম্মুখে বুল্কিয়া পড়িয়া তাহার দেবাজ গুলিবার চেষ্টা করিতেছিল। নিস্বেটই ডেকের উপর হইতে কাগজ চাপা, রুল প্রভৃতি নষ্টয়া তাহার দিকে নিষ্ফেপ করিতেছিল, হঠাৎ তিনি বুঝিতে পারিলেন।

মিঃ প্রীড সেই ডেকের দিকে অগ্রসর হইয়া বলিলেন, “আমি তোমাকেই চাই, নিস্বেট!”

নিস্বেটের লাইরেবীতে প্রবেশ করিয়া মিঃ প্রীড এই সন্দেহপ্রথম কথা কহিলেন। কিন্তু তাহার কণ্ঠস্বরে উদ্বেজনীর আভাসমান ছিল না। তিনি নিস্বেটকে নিরুত্তর দেখিয়া একলক্ষ ডেকের নিকট উপস্থিত হইলেন, এবং নিস্বেটকে ডেকের অন্তরে বুল্কিয়া পড়িয়া তাহার দেবাজ হাতড়াইতে দেখিয়া তাহার হাতের সুতীক্ষ্ণ গুপ্তিখানি তাহার দিকে প্রদারিত করিলেন। নিস্বেট তাহার আচরণ লক্ষ্য না করিয়া, এমন কি, তাহাকে কোনও কথা না বলিয়া দেবাজ হইতে একটা ক্ষুদ্র কোটা সংগ্রহ করিল, এবং সেই কোটা গুলিয়া একটি শাদা বড়ি বাহির করিয়া তাহা মুখের ভিতর নিষ্ফেপ করিল।

নিস্বেট সেই ডেকের আড়ালে দাঁড়াইয়া এই কার্য করিলেও সেই কক্ষের বিজ্যাতালোকে এই দৃশ্য মিঃ প্রীডের তীক্ষ্ণদৃষ্টি অতিক্রম করিল না। তিনি তৎক্ষণাৎ ডেক দুরিয়া নিস্বেটের চেয়ারের পাশে উপস্থিত হইলেন এবং তাঁহার হাতের গুপ্তি নিস্বেটের হৃদয়ে স্পর্শ করিয়া গম্ভীর স্বরে বলিলেন, “ও কি করিলে?”

নিস্বেট উন্মত্তের আয় হী হী করিয়া হাসিয়া অবজ্ঞা-ভাবে তাঁহার মুখের দিকে চাহিল। তাহার মুখে বিজয়ীর গর্ভ পরিষ্কার!

[ ক্রমশঃ ]

শ্রীদীনেত্রকুমার রায়।



## রুম-অঙ্গনা

রুম—আধুনিক নাম আনাতোলিয়া বা এশিয়া-মাইনর :

কৃষ্ণ-সাগর ( Black Sea ) এবং ভূমধ্য সাগরের অশ্রুতর্জা যে দীর্ঘ ভূখণ্ড গিয়া যুরোপের পূর্ব-সীমানায় মিশিয়াছে, তাহার নাম এশিয়া-মাইনর । এই এশিয়া-মাইনরকে পৃথিবীর সংক্ষিপ্ত-সার বলিলে অত্যুক্তি হয় না । এশিয়া-

এখানকার অধিবাসীদের মধ্যে কতক বিদেশী বিজয়ী জাতির বংশধর ; কতক বা পূর্ব-বিজয়ীদের বংশ-জাত ; বাকী প্রাগৈতিহাসিক বিভিন্ন জাতির বংশ সম্বৃত ।

ধর্ম-বিশ্বাস হিসাবে ইহাদের জাতি নিদ্বিষ্ট হইয়াছে । এখানে বেশীর ভাগ লোকই হয় মুসলমান, নয় খৃষ্টান, নয় ইহুদী । এশিয়া-মাইনর বা রুমের নারী সমাজের আলোচনা করিতে হইলে এই বিভিন্ন ধর্ম-বিশ্বাস পরিয়াই তাহা করিতে হইবে ।

এখানকার গভর্ণমেন্ট কোনো ধর্মের হস্তক্ষেপ করে না । সেজন্য সর্বধর্মের লোকেই নিরূপদ্রবে বাস করে ! তবে খৃষ্টান ও ইহুদী—এ দুই জাতিকে মাঝে মাঝে অসুবিধা ভোগ করিতে হয় না, এমন নয় !

মুসলমানদের মধ্যে প্রধান—ওসমানলি সম্প্রদায় । মুসলমানদের আরো কয়টি সম্প্রদায় আছে—সার্কেশিয়ান, জর্জিয়ান, কুর্দ, তাতার, ভুকোমীন, যুবক প্রভৃতি । খৃষ্টানদের মধ্যে আছে আর্মেনী, গ্রীক ও রোমান-ক্যাথলিক ।

বনিয়াদী মুসলমান ও খৃষ্টান ঘরের মেয়েরা অপরূপ রূপসী । বস্ফরাস-তীরবর্তী শির্গার মেয়েদের মতো রূপসী চিনিয়ায় আর নাই ! এখানকার মেয়েদের চোখ চমৎকার—ক্রমেন তুলির রেখায় লেখা । গায়ের বর্ণ স্বচ্ছ, স্নিগ্ধ, গৌর ।

ওসমানলি-জাতের মেয়েদের বর্ণ ও গঠনে পার্থক্য দেখা যায় । তার কারণ, নানা জাতির মিশ্রণে ওসমানলি-জাতির সৃষ্টি ! হু'জাতের ঘরের মেয়েরাই অঙ্গ সজ্জা • সম্বন্ধে খুব সচেতন—কি বেশে, কি ভূষায় !



গ্রীক-জাতের মেয়ে

মাইনরে সর্ব-জাতির মিলন ঘটিয়াছে । এই প্রদেশ অটোমান বা ওসমানলি তুর্কির অধীনে আছে প্রায় চারশো বৎসর ধরিয়া ।



মাজিলে-গুজিলে রূপের জলুণ বাড়িবে, তাই বিচার মতো এই সজ্জা-বিধির তাঁরা সাধনা করেন। মাথার চুলে নানা রকম রঙ মাখেন, কণমেটিক ব্যবহার করেন।

মুসলমান-জাতের মেয়েদের স্নানের ব্যবস্থার রীতিমত সমারোহ ঘটে। নিত্য-স্নান করেন; তবু সে স্নান চলে



খুঠান-কিশোরী

দীর্ঘ-কাল ধরিয়া। সংসার হাজিয়া যাক, মজিয়া যাক— স্নান-বিলাসে কোনো কালে মুসলমান-বরের মেয়েদের শৈশল্য বা ঔদাস্য দেখা যায় না। স্নান করিতেই অনেকের দিন 'ভোর' হইয়া যায়।

মুসলমানের বরে মেয়েরা আজো যুরোপীয় পোষাক-পরিচ্ছদ গ্রহণ করেন নাই। ছাটের নামে তাঁদের নাসিকা এখনো কুঞ্চিত হয়। মুখে-মাথায় ঘোমটা বা ওড়নার রেওয়াজ এখনো আছে। তবে সেকালে ফেরিজী নামে দাগরা কোমর হইতে পায়ের তলা পর্য্যন্ত বিলম্বিত থাকিত, এখন সে দাগরার বুল কমিয়া হাঁটুর খানিক নীচে পর্য্যন্ত উঠিয়াছে। মাথায় অনেকে ওড়নার উপর সূদৃশ 'কেপ' ব্যবহার করেন—এ কেপের বুল পিঠের দিকেরে বুলাইয়া

দেন। এই কেপের জগু তাঁরা খুব গাঢ় রঙের সাটান বা তাসের কাপড় ব্যবহার করেন। কেপের ব্যবহার ধনীর ঘরেই প্রচলিত দেখা যায়। এই ওড়না ও কেপের জগুই ধনী ও নিধনের ঘরে মেয়েদের পরিচ্ছদে যা তার-তমা! কেপ ও ওড়না ফেলিয়া দিলে, হ'বরের মেয়েদের বেশে কোনো স্বাতন্ত্র্য উপলব্ধি হয় না।



মুশ্‌লিম-বমণী

পিকনিকে কিংবা মৃত্ত প্রান্তরের মিলন-মেলায় মেয়েরা পরিচ্ছদের উপর গায়ে লম্বা কোট চড়ান। এ কোট ড্রেসিং-গাউনের অনুরূপ। সিল্ক, আলপাকা বা কোনো রকম হালকা রঙীন কাপড়ে এ কোট তৈরী হয়। বাহিরে সাদা মশলিনের ওড়না পরেন; কালো কেশের শোভা বাড়াইয়া তোলেন মণিরত্ন খচিত চিকুণী ও পিন আঁটিয়া! তবে মুখ কখনো ঘোমটার ঢাকিয়া রাখেন না! মুখেই তাঁদের যা কিছু শোভা-মাধুরী!

একালে নারী-সমাজে প্রাথমিক শিক্ষার প্রবর্তন হইয়াছে। তবে সাধারণ গৃহস্থ ও দরিদ্র-ঘরে শিক্ষার তেমন সমাদর এখনো ঘটে নাই। ছেলেদের শিক্ষা-সম্বন্ধে

ব্যবস্থা আছে, তাও পর্যাপ্ত নয়। দনী মুসলমানেরা উচ্চ শিক্ষার জন্ত ছেলেদের যুরোপে পাঠান। মেয়েদের পাঠানো চলে না, সে-রীতি এখনো প্রচলিত হয় নাই। বনিয়া দী যেরে গভর্ণেশ বহাল হইতেছে—তা হাদের সাহচর্যে মেয়েরা যুরোপীয় ভাষা স্বকথা কহিতে, চিঠি-পত্র লিখিতে শেখে। যুরোপীয় সাহিত্যে এমনি করিয়া তাদের জ্ঞান-লাভ হয়।

ইহার ফলে ওশমানলি-যেরে লেখিকার আবির্ভাব ঘটিয়াছে। যুরোপীয় সাহিত্যের বহু তুর্কি-অনুবাদ করিয়া মেয়েরা তুর্কি-সাহিত্য পরিপুষ্ট করিতেছেন। হালি হালুম নামে একজন মহিলা স্কটারির আমেরিকান

উয়োমেন্‌স্ কলেজের গ্রাজুয়েট। তাঁর লিখিত যুরোপীয়-গ্রন্থের তুর্কি-অনুবাদ রাজ-দরবারে সমাদর লাভ করিয়াছে



মুসলিম কৃষাণের মেয়ে



বেহুইন-রমণী

এবং সুলতান তাঁহাকে উপাধি-ভূষণে ভূষিত ও সম্মানিত করিয়াছেন।

খৃষ্টান ও ইহুদী-সমাজে বিদ্যা-চর্চার জন্ম স্থল আছে অনেকগুলি। এ দুই জাতের ছেলেমেয়েরা লেখাপড়ার চর্চা ভালো করিয়াই করে।

রুমের সমুদ্র-তীরবর্তী প্রদেশগুলিতে ওশমানলি সম্প্রদায়ের বাস। বিদেশী-বিবাহের ফলে এ জাতের রক্তে খাঁটী রুম-রক্ত আজ নাই।

সমুদ্র হইতে দূরবর্তী অন্তঃপ্রদেশগুলিতে সার্কেশিয়ান এবং অপর সম্প্রদায়ের রক্তে বিদেশী রক্তের সংস্রব ঘটে নাই। বিবাহ-বিধি সম্বন্ধে তারা চিরদিন নিয়ম মানিয়া চলিয়াছে—এজন্ম প্রাচীন আচার-রীতি এসব সমাজে এখনো প্রায় অক্ষুণ্ণ অক্ষত রহিয়া গিয়াছে।

ক্রিমিয়া ও বালকান্ রাজ্যে পুরাকালে বিপ্লব বাধিলে সেখানকার বহু নর-নারী পলাইয়া এশিয়া-মাইনরে আসিয়া আশ্রয় লয়। সেই সব জাতির বংশধর এবং সার্কেশিয়ানরা খুব কর্মশীল ও পরিশ্রমী। পুরুষেরা ক্ষেত-

খামারে কাজ করে। গ্রাম ও ক্ষেত পরিষ্কার-পরিচ্ছন্ন রাখিবার দিকে তাহাদের যত্নের সীমা নাই। এজন্ম গ্রামগুলি দেখায় ছবির মতো। কৃষাণের ঘরে কাজ-কর্ম করে



ক্ষেতের বাণে



তুর্কোমান কৃষাণ-মেয়ে

মেয়েরা; পুরুষদের কাজ-কর্ম বড় থাকে না! মেয়েরা ক্ষেত-খামার দেখে; গৃহে বসিয়া চরকা ও তাঁত চালাইয়া পশমী ও হুতির কাপড় বোনে; কার্পেট তৈয়ার করে।

পরিবারস্থ সকলের পরণের উপযোগী কাপড়-চোপড়— এমন কি, খলি ও তাঁবু তৈয়ার করাতেও মেয়েদের পটুতা অসাধারণ। ধান কোটা, ধান ছাঁটা, ছপ দোহা, দদি, ননী, ছানা তৈয়ার করা এবং রন্ধনাদি—সব কাজ মেয়েরা করে। অলশ্র এ-জাতের মেয়েদের অবিদিত। পুরুষের দল বলদ লইয়া মাঠে লাঙ্গল দেয়, ফসল বোনে—অবশিষ্ট যা কিছু কাজ, তা মেয়েরা করে।

বাড়ী-ঘর মাটির তৈরী। আমাদের দেশের মতো হাঁচা-বেড়ায় মাটা লেপিয়া বাড়ী-ঘর তৈয়ার হয় না।



সেখের হারেম-বাসিনী

মাটির ইট রচিয়া রৌদ্রে বেষ করিয়া তাতাইয়া শুকাইয়া তাহা দিয়া দেওয়াল নির্মাণ করে।

যে সব গ্রামে গাছপালা নাই, মেয়েরা সেখানে ঘুঁটে দেয়, জ্বালানি সংগ্রহ করিয়া বেড়ায়। ঘুঁটে দিবার ব্যবস্থা হুবহু আমাদের দেশের মতো—গোবরের তাল চটকাইয়া হাতে করিয়া বাড়ী-ঘরের দেওয়ালে 'পিষ্টক'-লেপন।

এশিয়া-মাইনরের যে-সব গ্রামে ঘুঁটের ব্যবস্থা আছে, সে-সব গ্রাম বেশ পরিষ্কার-পরিচ্ছন্ন। সেখানে সকলের স্বাস্থ্যও ভালো। যে-সব গ্রামে গাছপালা আছে, সেখানে কাঠ

দিয়া জ্বালানির কাজ চলে, ঘুঁটের রেওয়াজ নাই; কাজেই গোবর ও রাজ্যের আবর্জনা পাড়ায়-পাড়ায় জমিয়া পাহাড় গড়িয়া ওঠে এবং হুর্গন্ধ ও রোগ সে সব গ্রামের মাটা কামড়াইয়া, আকাশ-বাতাস ছাইয়া রীতিমত উৎপাত-বিভীষিকার সঞ্চার করিয়া তোলে।

এদেশের পুরুষ মেয়েদের অধিকার বা ব্যক্তিত্ব একেবারে উড়াইয়া দেয় নাই। তাদের মতো মেয়েদেরও দেহ-মন আছে, স্বাধীন সত্তা আছে। পুণ্য করিলে মেয়ে-জাতেরও বেহেশ্তে জারগা মিলিবে,—এ জাতের পুরুষ তাগ স্বীকার

করে। সেজ্ঞ বহু ব্যাপারে মেয়েদের বঞ্চনা সহিতে হয় না। পুরুষদের মতো মেয়েরাও ভীর্ণে যায়; পুণ্য-কামনায় উপবাসাদি করে। নিত্য পূজা-প্রার্থনাতেও মেয়েদের এক্তিয়া আছে।

মৃতের কল্যাণ-কামনায় মেয়ে-পুরুষে প্রার্থনা করে। মেয়েরা নিত্য মসজিদে গিয়া উপাসনা না করিলেও মসজিদে তাদের প্রবেশ নিষিদ্ধ নয়। মসজিদে মেয়েদের উপাসনার জ্ঞ স্বতন্ত্র স্থান নির্দিষ্ট ও নির্দ্ধারিত আছে। এ জাতের ছেলে মেয়েরা শৈশব হইতে কোরাণ মুখস্থ করে। তাহাদিগকে কোরাণ আবৃত্তি করিতে হয়। কোরাণ পড়িয়া তাহাতে জ্ঞান লাভ করিলে মেয়ে ও ছেলে—উভয়কে 'হাফেজ' উপাধি দেওয়া হয়।

এশিয়া-মাইনরের মুসলমান-সমাজে হারেমের ব্যবস্থা এতটুকু স্বতন্ত্র নয়! স্বামী ও নিকট-আত্মীয় ভিন্ন অপর পুরুষ-মানুষের সঙ্গে মেয়েদের দেখাশুনা, আলাপ-পরিচয়, মেলামেশা নিষেধ। এতখানি শাসন থাকিলেও গৃহের কর্তা কিন্তু নারী। গৃহে নারীর স্বাধীনতা অবাধ। কাহারো কাছে তাঁকে সংসারের কাজ-কর্ম সম্বন্ধে কোনো কৈফিয়ৎ দিতে হয় না। নিজ-সম্পত্তিতে এবং নিজের দাসী-বাদীর উপর তাঁর অধিকার অবাধ অব্যাহত।

এখানকার মুসলিম-সমাজে বহু-বিবাহ নিন্দিত।



অধিকাংশ পুরুষই একটিমাত্র বিবাহ করে। কাজেই স্বামীর উপর সপত্নীর অংশীদারীর কোনো আশঙ্কা নাই; এবং স্বামি-স্ত্রীর মধ্যে সহজেই প্রীতি-ভালোবাসার সম্পর্ক ঘনিষ্ঠ নির্বিড় হয়। ওঠে।

এখানকার মুসলিম-সমাজ মেয়েদের স্বাধীন-সত্তা এতখানি মানিয়া চলে যে, ঘরের কোনো বাদী যদি মালিকের দৌলতে সম্মানের মাতা হয় তো সে বাদীকে কোনো গৃহস্থ বেচিতে পারে না—তাকে বেচিবার অধিকার লুপ্ত হয়। সে বাদীকে ও বাদীর সে-সম্মানকে পালন করিতে সে বাধ্য এবং সে সম্মান বৈধ সম্মানের তুল্য পিতৃ-সম্পত্তিতে অধিকার পায়।

বিবাহ এদেশে চুক্তি-নামার মতো—কন্ট্রাক্ট। চুক্তি-নামা লিখিয়া স্বামী বিবাহ করে। দলিলে লিখিতে হয়, নিজের বংশ-মরগ্যাদা-হিসাবে স্ত্রীকে স্বামী যাবজ্জীবন পোষণ করিবে। ডিভোর্স ঘটিলে স্ত্রীর যাবতীয় সম্পত্তি (personal properties) শুধু স্ত্রীকে প্রত্যর্পণ করিবে না—বিবাহের সময় যে দেন-মোহর দিবার সর্ত থাকে, স্ত্রীর হাতে পূরাপুরি তাহা বুঝাইয়া দিতে হইবে—যাহাতে গ্রাসাচ্ছাদনে কোনো-রূপ অস্ববিধা বা কষ্ট তাঁহাকে ভোগ করিতে না হয়।

ডিভোর্সের বিধি খুব সহজ। শুধু ক'জন সাক্ষী ডাকিয়া তাদের সামনে স্ত্রীকে সম্বোধন করিয়া স্বামী তিন-বার 'তলাক' কথাটি উচ্চারণ করিবে।

ইহুদী-জাতের মধ্যে বহু-বিবাহ প্রচলিত আছে। তবে তার বিধি অভিনব। অর্থাৎ দ্বিতীয়া পত্নী-গ্রহণে পুরুষের অধিকার মিলে যদি প্রথম স্ত্রীর গর্ভে সম্মান না থাকে, তবেই; নচেৎ নহে। প্রথম স্ত্রীর সম্মান জন্মিলে দ্বিতীয় পত্নী-গ্রহণে স্বামীর কোনো অধিকার থাকে না।

শিক্ষিত ইহুদী-সমাজে বহু-বিবাহ নিন্দনীয়। নিঃসম্মান হইলে স্বামি-স্ত্রী প্রায় পোষ্যপুত্র গ্রহণ করে।

ইহুদীদের বিবাহ কন্ট্রাক্টের ধরণে এবং ডিভোর্স-বিধি-মুসলিম-ডিভোর্সের অনুরূপ। এক্ষেত্রেও সেই স্ত্রীর গ্রাসাচ্ছাদনের সুব্যবস্থা-কল্পে দেন-মোহর চুকাইয়া দিতে হয় এবং স্ত্রী তার নিজস্ব সম্পত্তি লইয়া স্বামি-গৃহ ত্যাগ করিয়া চলিয়া আসে। স্ত্রীর নিজস্ব সম্পত্তি স্বামী আটকাইয়া রাখিতে পারে না।

এশিয়া-মাইনরে—মুসলিম ও ইহুদী উভয় সমাজেই

মেয়েদের বিবাহ দিতে হয় অল্প বয়সে—যৌবনোদয়ের পূর্বে। বিবাহের সম্বন্ধ স্থির করে মা-বাপ—মেয়েদের সে বিষয়ে কোনো কথা বলা চলে না।

নানানু জাত! তাই বিবাহের বিধিতে বহু পার্থক্যও দেখা যায়। তবে সকল বিবাহেই অর্থ-ব্যয় হয় প্রচুর—উৎসবাদি চলে সপ্তাহ-কাল ব্যাপিয়া। বিবাহে বহু আচার-রীতি আছে, সেগুলি নিখুঁতভাবে পালন করিতে হয়।



ইহুদী-রূপসী

ইহুদী, গ্রীক ও আর্ম্যানি বিবাহের বিধি জটিল এবং সে বিবাহ-বিধির সঙ্গে নানা ধর্ম্মানুষ্ঠান বিজড়িত আছে। খৃষ্টান ও ইহুদী সমাজে কন্টার পিতাকে বিবাহ-কালে কন্টাকে রীতিমত যৌতুক দিতে হয়—মেয়ের পোষাক-পরিচ্ছদ এক প্রহর,—তার উপর বিছানা, কার্পেট, তৈজস-পত্রাদি এবং সংসারের প্রয়োজনীয়-স্বারাে বিবিধ সামগ্রী।



ফুট টুপি কারখানা



বেশমের কারখানা

স্বতন্ত্র। পুরাকালের ধরণে বাদী-প্রথা রহিত হইয়াছে এবং এশিয়া-মাইনরে আজ বাদীর হাট বা বাদী বাজার নাই সত্য—তবু গোপনে, বাদী কেনা-বেচা আজো চলিতেছে।

খেতাঙ্গিনী-বাদীর আমদানি এখনো প্রবল। পুরাকালে খেতাঙ্গিনী-বাদীর কারবার বেশ সমারোহে চলিত এবং সেই সব খেতাঙ্গিনী-বাদীর গর্ভজাত পুত্র-কন্যাদের দৌলতেই সাকেশিয়ান, জর্জিয়ান ও কুর্দ জাতির সৃষ্টি! এসব বাদীর আদর-যত্ন ছিল, অপরিমিত। তাদের ভালো বেশ ভূষা মিলিত—উৎকৃষ্ট আহাৰ্য্য মিলিত; পারিবারিক আয়োজন

এদেশের মুসলিম-সমাজে মেয়ে-জাতের সম্বন্ধে কয়েকটি বিধি-নিষেধ আছে। বাদীর গর্ভে যে সব মেয়ের জন্ম, তারা ছাড়া অনাস্থীয় কোনো পরিবারে কোনো মেয়ে দাস্ত্র বৃত্তি করিবে না। কারণ, অনাস্থীয় পুরুষ সেন মেয়েদের মুখ না দেখে! বাদী বা বাদী-বংশীয়াদের কথা

প্রমোদেও তাদের সাদর-নিমন্ত্রণ মিলিত।

বাদী-বিবাহে তখন অগোরব ছিল না—এখনো নাই। রূপসী-মেয়েকে এদেশে কখনো ছুর্ভাগ্য বরণ করিতে হয় নাই। রূপসী নারীর আদর এদেশে চিরদিন! ধনীদেব তারা মমতার মণি! তার উপর বাদী-বিবাহে অর্ধ-ব্যয়

অল্প ; সৎশ-জাতা বধু-বিবাহে উৎসব সমারোহ করা চাই—  
তাঁহাতে অনেক বায়। এ জন্ত বহু পুরুষ শস্তায় বিবাহ-  
ব্যবস্থা সারে বাঁদীকে বধু হে গ্রহণ করিয়া ! বিবাহের  
পর বাঁদীদের শিক্ষার সুব্যবস্থা করা হয়।

ছেলের বাঁদীদের উপর বাপের কোনো অধিকার  
নাই। রুমের বহু বনিয়াদী হারেমে এখনো পুরুষ-ভৃত্যের  
প্রবেশাধিকার নাই—অন্দরে খোজা ভৃত্য দাঁতু করে।



আর্থান-রূপসী

এশিয়া-মাইনরের সিল্কের বাজারের খ্যাতি বিশ্ববিস্তৃত।  
রুমে সমারোহে গুটির চাব হয়। মেয়েরা গুটি পালন করে,  
তাহা হইতে রেশমী সূতা বাহির করে—তাঁতে সিল্কের কাপড়  
বোনে। এখন সিল্কের ফ্যাক্টরি বসিয়াছে। সে ফ্যাক্টরিতে  
মেয়ে-কারিগর নহিলে সুশৃঙ্খলভাবে কাজ চলে না।

তুর্কির বিখ্যাত ফেজ টুপির মস্ত বাজার আছে  
স্মির্নায়। এখন বস্ত্রপাতি বসিয়াছে। মোজা-গেঞ্জির কল  
লইয়া এখানকার বহু গৃহের মেয়েরা যেমন মোজা-গেঞ্জি  
তৈয়ার করেন, সে দেশের মেয়েরাও তেমনি ঐ কল লইয়া  
ফেজ-টুপি তৈয়ার করেন।

এক কথায় এ দেশের মেয়েরা খুব বেশী রকম  
কস্মশীলা—আলগু তাঁরা জানেন না।

এশিয়া-মাইনরে ছেলেমেয়ের আদর অত্যধিক।  
অপত্য-হীনতা—খৃষ্টান, মুসলিম ও ইহুদী—সকল সমাজই  
দুর্ভাগ্য ও চরম অভিশাপ বলিয়া মনে করে। ছেলে-  
মেয়ের আদরে কোনো প্রভেদ নাই। পুত্র-সন্তান জন্মিলে  
গৃহে যেমন আনন্দ-কলরব ওঠে, মেয়ের জন্মেও তেমনি।  
তবে ছেলের আদর সাধারণতঃ বেশী এই কারণে  
যে, ছেলে বংশ-ধারা রক্ষা করিবে—পর-গৃহে গিয়া পর  
হইয়া যাইবে না; অর্থ উপার্জন করিবে, বিষয় রক্ষা  
করিবে।

যারা কণ্ঠা বিক্রয় করে, কণ্ঠার জন্মে তাদের খুব  
আনন্দ। কুর্দ জাতি মেয়ে বিক্রয় করে। তাদের কাছে  
মেয়ের আদর খুব বেশী। এক একটি মেয়ে বেচিয়া ৭০  
পাউণ্ড দাম আদায় করা—সেখানে নিত্যকার ব্যাপার!  
মেয়ের বাজার-দরও তাই।

পুত্র-কণ্ঠা জন্মিলে—পাঁচ বৎসর বয়স পর্য্যন্ত  
তাদের বড় সাবধানে রাখিতে হয়—পাছে কারো নজর  
লাগে—পাছে ভূতে পায়! পাঁচ জনের কাছে ছেলে মেয়ের  
রূপ, বুদ্ধি বা স্বাস্থ্যের স্তুতি করিতে নাই—তাহা হইলে  
নজর লাগে! এ বিশ্বাস খৃষ্টান, মুসলিম ও ইহুদী—তিন  
সমাজেই সমভাবে বিদ্যমান।

ছেলে-মেয়ের মৃত্যু ঘটে একটু বেশী মাত্রায়। মা-বাপ  
শোকের সে ব্যথা প্রকাশ করেন সমাধি-ফলকে। একটি  
শিশু-সমাধি-লেখার পরিচয় দিয়া আমাদের এ প্রসঙ্গের  
উপসংহার করি।

একটি মেয়ে! তার সমাধি-স্তম্ভে শোকার্ভ পিতা-  
মাতা লিখিয়া রাখিয়াছেন—

ফুটিবার পূর্বে এ কুসুম বস্তুচ্যুত করিয়া কে ছিঁড়িয়া  
লইয়া গেল! লইয়া গেল সেই অমর-কুঞ্জে গোলাপের  
পাপড়ি যেখানে কখনো ঝরে না; যে কুঞ্জে মা-বাপের  
শোকাক্রম অমল শিশিরের মতো তাকে সজীব স্নিগ্ধ রাখিবে।  
এ কুসুম-কলিকার জন্ত তোমরা একটুবার প্রার্থনা  
করো!

## দেহ-ছন্দ

এক জন সুরসিক ইংরেজ লেখক বলিয়াছেন, ভালো নোড়া এবং সত্যকার সুন্দরী নারী—উভয়ের পা হইবে সুহাঁদে গঠিত!

অঙ্গে রূপের জ্যোৎস্না বহিয়া গেলেও যদি নারীর হাত-পা অঙ্গ-প্রত্যঙ্গের গঠনে ছন্দ বা সামঞ্জস্য না থাকে, তাহা হইলে তাঁকে সুন্দরী বলা চলে না। কেহ তা বলিবে না। যে-নারীর সৌন্দর্য্য-সাধনা নাই, তাঁর নারী-জন্ম রুখা!

দেহ-চর্চার আলোচনা আমরা পূর্বে করিয়াছি। আজ চরণচর্চার কথা বলিব।

নারীর চরণ তুচ্ছ করিবার বস্তু নয়। স্বয়ং নারায়ণ নর-দেহ ধারণ করিয়া যেদিন পুরুষের আদর্শ বুঝাইতে পৃথিবীতে আসিয়াছিলেন, সে-দিন তিনি রূপসী শ্রীমতীর চরণ ছন্দে বিমুগ্ধ হইয়া গাহিয়াছিলেন,—‘দেতি পদপল্লবমুদারম্!

পদ-পল্লব উদার হ্রৌক -সেই সঙ্গে পদ-পল্লবে মাধুরী থাকা চাই! ফাটা চ্যাপটা বে-হাঁদের চরণ - সে চরণের উদারতা পদাঘাতে প্রকাশ পাইতে পারে, প্রেম-প্ৰীতির রাজ্যে সে পায়ের কোনো দাম নাই!

নারীর রূপশ্রী বিকাশ পায় তাঁর সারা অঙ্গের গঠন-সামঞ্জস্যে। ইংরেজিতে একটা কথা আছে—shapeliness. এ কথার বাংলা প্রতিশব্দ—সুহাঁদ; অর্থাৎ হাত-পা প্রভৃতি বিবিধ অঙ্গ-প্রত্যঙ্গ যেন বেচপ না হয়। মুখখানি খাশা বা দেহের রূপ গোলাপ ফুলের মতো—সেই সঙ্গে হাত দুখানি যদি হয় খাটো, চরণ বেয়াড়া-গোহের,—অর্থাৎ অপর অঙ্গ যদি বেতালা-ছন্দে পিণ্ডবৎ গড়িয়া ওঠে, তাহা হইলে কোন্ রমণী না লজ্জায়-সঙ্কোচে জীবন্মুতা থাকেন! মুখে দুঃখ প্রকাশ না করুন, মনের সঙ্গে ছলনা চলে না!

আমাদের দেশে শাস্ত্রকারেরা পুণ্য সংস্কৃত-ভাষায় নারীর শ্রীসৌন্দর্য্যের বহু হৃদিশ দিয়া গিয়াছেন। দেহ-চর্চা ও অঙ্গ-প্রসাধন সে-কালে ছিল কলাবিদ্যার অন্তর্ভুক্ত। তার শিক্ষা চলিত পরম নিষ্ঠাভরে। আজ অজ্ঞতার জগৎ বা যে- কারণেই হোক, বাঙালীর সংসারে মেয়েদের দেহ-চর্চার প্রথা উঠিয়া গিয়াছে। ফলে বাঙালীর গৃহে সত্যকার সুন্দরী আজ দুর্লভ। বাঙলার কমল-বন কি সত্যই শেয়ালকাটা-বনে

পরিণত হইবে? না। আমরা চাই, বাংলার মেয়ের বিশ্ব-ভরা সে সৌন্দর্য্য-খ্যাতি আবার সমৃদ্ধ হোক!

বৈজ্ঞানিক প্রণালীতে দেহ-চর্চার যে বিধি দেহ-ছন্দ-গঠনে—বিশেষ করিয়া চরণ-হাঁদ-গঠনের পক্ষে সব-চেয়ে উপযোগী, আজ আমরা সেই বিধির কথা বলিব।

কি সাধনায়-নারীর দেহ সুর্জল গড়িয়া উঠিতে পারে? গালে মাংস জমিবে না; মাথায় কেশ অল্প হইবে না; বাহু হইবে নিটোল; রস্তুক; সুহাঁদের চরণ; বক্ষ পীনোরত,—প্রাচীন চিত্রে সুন্দরীর যে-মূর্ত্তির পরিচয় আমরা পাই, সে মূর্ত্তি লাভ করিতে হইলে আমাদের সঙ্কলিত প্রণালী সহায় হইবে, সে সঙ্কল্পে বিন্দুমাত্র সংশয় নাই। তবে কথায় বলে, মানুষ ভিন্ন-রুচি; এবং নারীর সৌন্দর্য্য বা সজ্জা—প্রিয়জনের চিত্ত-বিনোদনের জগৎ। এই ভিন্ন রুচি লক্ষ্য করিয়াই রবীন্দ্রনাথ বলিয়াছেন—

বার অদৃষ্টে যেমনি ছুটুক, গোমরা সবাই ভালো!

ভিন্ন রুচির কথা ছাড়িয়া নারী-দেহের যে-আদর্শ সম্ভবাদিসম্মত, সেই আদর্শের প্রতি আমরা লক্ষ্য রাখিয়াছি।


সৌন্দর্য্য-সাধনার গোড়ার কথা, ভালো স্বাস্থ্য। সে কথা বারান্তরে বলিব। স্বাস্থ্য ভালো—মানিয়া লইয়া আমরা এই ব্যায়ামের কথা বলিতেছি।

সুদক্ষ শিল্পী-রচিত ভেনাস-মূর্ত্তির ছবি অনেকে দেখিয়াছেন। সামান্য সাধনায় ঘরে ঘরে মেয়েরা তেমনি সুছন্দ-গঠিত দেহের অধিকারিনী হইতে পারেন। এইসঙ্গে সে ক’খানি ছবি ছাপা হইল, সেই ছবিগুলি দেখিয়া, সকলের দৃষ্টির অন্তরালে ঘরে বসিয়া ছবির ভঙ্গীতে দেহ-চর্চা করুন। হাত-পা, সেই সঙ্গে সারা অঙ্গ সুছন্দে গঠিত হইবে; যদি সুছন্দে দেহ গড়িতে পারেন, তাহা হইলে স্বাস্থ্য-সম্বন্ধে চিন্তার কারণ বড় একটা থাকিবে না।

১ নম্বর ছবি। তিনখানি বাধানো বই হাতাতে চাপিয়া ধরিয়া অর্ধ-বর্তুল-ভঙ্গিমায় বই-সমেত হাত দুখানি সামনের দিকে মাথার উপর দিয়া বেগে ঘুরাইবেন। হাত বেশ সিধাভাবে প্রসারিত রাখিতে হইবে।

২ নম্বর ছবি। বক্ষয়ুগ নিটোল সুগঠিত করিতে—সিধা খাড়া হইয়া দাঁড়ান। ঘাড়ের পিছন দিক দিয়া দুই হাত ঘুরাইয়া পাণি অঞ্জলি বন্ধ করুন। তার পর ছবির ভঙ্গীতে সামনের দিকে মাথা বুঁকাইয়া দিন—দুই কনুই





বাধানো বই

২ বন্ধ নিটোল

দুই হাঁটু স্পর্শ করিবে। স্পর্শ না করিলেও কল্পই দুটিকে যথাসাধ্য দুই হাঁটুর কাছাকাছি আনা চাই। হাঁটু থাকিবে না বা হুমড়াইবে না, ছ'শিয়ার!

৩ নম্বর ছবি। দুই হাত পিছন দিকে বুলাইয়া কোমরের কাছে পুটবন্ধ করুন; এবং এক পা তুলিয়া দীর্ঘ দীর্ঘ হাঁটু। হাঁটু যেন চিবুক স্পর্শ করে। পর-পর দু'পা তুলিয়া এ ব্যায়াম করিতে হইবে। দশ বার হইতে বিশ বার এ ব্যায়াম অভ্যাস করা চাই। এক-পায়ে

মাথা ধরুন শুধু বা হাত দিয়া (ছবির ভঙ্গীতে)— তার পর চেয়ারের মাথায় বা পা তুলিয়া দিন; চেয়ারে পা ঠেকিবে না। যখন বা হাতে চেয়ার পরিবেন, তখন বা পা তুলিতে হইবে। তার পর ঠিক এমনি ভাবে ডান হাতে চেয়ারের মাথা পরিয়া ডান পা তুলিতে হইবে। এ ক্রিয়া চলিবে বেশ দ্রুত-তালে; পা তুলিয়া চূপ করিয়া পাড়াইবেন না।

৬ নম্বর ছবি। সিঁদা খাড়া হইয়া দাঁড়ান। দুই হাত

ভর দিয়া চলিতে হইবে, মনে রাখিবেন; এবং চলিবেন ধীর-ভাবে।

৪ নম্বর ছবি। পিঠওয়ালা চেয়ারে বসুন; বসিয়া চেয়ারের পিছন দিক (দুই দিক) দুই হাতে ধরুন; তার পর বুক সিঁদা রাখিয়া শুধু ঘাড় ফিরাইবেন—যতদূর পর্য্যন্ত ঘাড় ফিরানো চলে। একবার ডাহিনে, পরক্ষণে বা দিকে ঘাড় ফিরাইবেন। চক্ষু মুদিবার প্রয়োজন নাই।

৫ নম্বর ছবি। চেয়ারের পিছনে গিয়া দাঁড়ান। চেয়ারের



৩ দুই হাত পিছনে



৪ চেয়ারে বসুন

৫ পিছনে দাঁড়ান



৬ খোঁপার নীচে

মাথার খোঁপার নীচে পুটবন্ধ করুন। দুই পা পাশাপাশি না রাখিয়া ছবির ভঙ্গিমায় রক্ষা করুন। তার পর বাঁ পা পিছনে বাড়াইয়া পায়ের আঙুলে ভর রাখুন—সঙ্গে সঙ্গে ডান পায়ের হাঁটু মুড়িয়া নতজানু হইবার ভঙ্গিতে থাকিতে হইবে। তার পর ঠিক এমনি ভাবে ডান পা পিছন দিকে বাড়াইয়া বাঁ পায়ের হাঁটু মুড়িয়া অবস্থান করিতে হইবে। এ ব্যায়াম চলিবে দশ-বারো বার।

৭ নম্বর ছবি। সিঁড়িতে বা উঁচু ধাপে বসিয়া একবার




৭ উঁচু ধাপ

বাঁ হাত, পরের বার ডান হাত সিঁদা প্রসারিত করিয়া দিন। দশবার এই ব্যায়াম করা চাই।


পর-পর যে ক্রিয়ার উল্লেখ করিলাম—এমনি ভাবে পর্যায়ক্রমে এ ব্যায়াম নিত্য অভ্যাস করা চাই। এক মাসেই সফল মিলিবে।

যাহাদের দেহে মেদ জন্মিতেছে, কিম্বা জন্মিয়াছে, তাঁহারা একটা লাঠি বা ছড়ি লইয়া ৮ নম্বর ছবি দেখিয়া এমনি ভঙ্গিমায় ব্যায়াম-চর্চা করিলে মেদ ঝরিয়া দেহ সূহন্দে গঠিত হইবে



৮ লাঠির ব্যায়াম





## নীল কাগজের মোড়ক

( গল্প )

গোড়ার দিকের অনেক কথাই বলিতে পারা যায়; কিন্তু তাহা সব বলিতে গেলে অপ্রাসঙ্গিক হইয়া পড়িবে, কিন্তু কিছু না বলিলেও প্রসঙ্গটা বুঝিবার পক্ষে সুবিধা হইবে না।

বর্তমানের শ্রীমত রেবতীমোহন অতীতে যখন শ্রীমান রেবতী ছিল এবং যখন তাহার বয়স ছিল পঁচিশ কি ছাশিশ, তখন তাহার বৃদ্ধ পিতা তাহার বিবাহ দিবার জন্ত কনে খুঁজিতে খুঁজিতে হঠাৎ গেলেন মারা। সুতরাং কাশটা ঐখানেই বন্ধ হইয়া গেল। অর্থাৎ পিতার মৃত্যুর পর বিয়ের জন্ত ব্যস্ত না হইয়া, রেবতীমোহন তখন হইতে বৈষ্ণব-গ্রন্থাবলী লইয়া ব্যস্ত হইয়া পড়িল। কনে গৌজার বদলে, সে তখন ভাগবত, চৈতন্যচরিতামৃত, বৈষ্ণবপদাবলী প্রভৃতি গৌজাখুঁজি শুরু করিতে লাগিল। এই ভাবে বছর দশেক কাটিবার পর যখন তাহার বৃদ্ধ জননীও তাহার আলোচনা এবং গবেষণার মধ্যে তাহাকে একলা ছাড়িয়া দিয়া স্বর্গারোহণ করিলেন, তখন রেবতীমোহনের বহুদিনের পতিত হৃদয়ক্ষেত্রে হঠাৎ কোথা হইতে প্রেমের বীজ পড়িয়া অঙ্কুরিত ও সঙ্গে সঙ্গেই তাহা তরুর আকার ধারণ করিয়া ফলে-ফুলে মুঞ্জরিত হইয়া উঠিল। শ্রীমত রেবতী তখন বাদ্য হইয়া কিছুদিনের জন্ত তাহার গ্রন্থ-গবেষণা স্থগিত রাখিয়া, স্ত্রী অপেক্ষে মনোযোগ দিল। ক্ষেত্রে নামিয়া রেবতীমোহন দেখিল, বঙ্গদেশে বহু-প্রবাহের স্রাব কণা-প্রবাহ বর্তমান। তাহার অনুসন্ধিৎসু চক্ষু চারিদিকে একবার ফিরাইতেই রাশি-রাশি কুমারী কণার সংবাদ তাহার নিকট আসিয়া পড়িল। রেবতীমোহন অতি যত্নে তন্মধ্য হইতে বাছিয়া লইল ফরিদপুর নাজির-পাড়ার শ্রীমতী নবভূগা দাসীকে। সেই সময় নবভূগার বয়স কুড়ি এবং রেবতীর বয়স ছাশিশ আর দশ অর্থাৎ ছত্রিশ।

বিবাহের পর একটি ষণ্ণ কাটিয়া গিয়াছে। সুতরাং এখন শ্রীমতী নবভূগা কুড়ি ছাড়াইয়া—এ দেশের হিসাবে বত্রিশ বছরের বৃদ্ধী হইয়াছে এবং রেবতীমোহনকেও উনপঞ্চাশীতে ধরি ধরি করিতেছে। এই দীর্ঘ সময়ের মধ্যে উভয়ের সুখের অপেক্ষা দুঃখে, শান্তির অপেক্ষা অশান্তিতে এবং ভাবের অপেক্ষা অভাবেই কাটিয়াছে। কোথায় কিছু ক্রটি হয় ত 'শুভদৃষ্টির' সময় অজ্ঞাতে গটিয়া গিয়াছিল, কোথায় কি একটু কোষ্ঠির হয় ত গরমিল ছিল, যাহার ফলে এই দ্বাদশ বৎসরকাল ধরিয়া উভয়ের মধ্যে কলহের আর কামাই নাই। সে দিন নবভূগা স্বামীর অজ্ঞাতে এক জন দাড়িওয়াল পাগড়া বাবা পাজাবী গণৎকারকে ডাকিয়া তাহার কারণ জিজ্ঞাসা করিয়াছিল। পাজাবাটি গণিয়া বলিয়াছিল যে, অষ্টোত্তরশতাব্দীর কলহের পর তবে কলহের নিবৃত্তি হইবে। কতবার ঝগড়া হইয়াছে, তাহার একটা সঠিক হিসাব নবভূগার কাছে আছে। নবভূগা দেখিল, একশ ছয়বার হইয়া গিয়াছে, আর তাহা হইলে দুইটিবার মাত্র বাকী। উভয়েরই অন্তরে এই দ্রবটির প্রবৃত্তি একরূপ প্রবল যে, আর মাত্র দুইটিবারেই তাহার নিবৃত্তি হইবে, তাহা ভাবিতে বিশ্বাসে ও সংশয়ে মন ভরিয়া উঠে।

যাহা হউক, বাকী দুইটির মধ্যে একটির শুভঘটনা সেই দিনই মহা সমারোহে সংঘটিত হইল। কারণটি পূর্ব তুচ্ছ হইলেও ঝগড়াটি হইল খুব উচ্চশ্রেণীর। রাত্রিতে খাইতে বসিয়া রেবতী তরকারীতে হাত দিয়া কহিল, এটা কিসের তরকারী গা? নবভূগা কহিল, ঝিঙে পোস্ত।

মুখটা বিকৃত করিয়া রেবতী কহিল আবার ঝিঙে? যেটা একটা অখাদ্য বস্তু হইবে, সেইটেই রোজ খাঁধবে? কথায় বলে—

'পাখীর ঠোঁট ঝিঙে,  
আর তরকারীর ঠোঁট ঝিঙে।'

একটু শ্লেষের ফোড়ন দিয়া নবদুর্গা কহিল, ঝিঙেটা আমি একটু বেশি ভালবাসি—সেই জন্তে ঐ কার্তিক মালীকে একটা ঝিঙে-ফেত করতে বলেছি। তা সত দিন না সেটা তৈরী হয়, তত দিন এই রোজ মোটে আড়াই-সের করে বাজার থেকে—

• রেবতী কটমট করিয়া নবদুর্গার দিকে চাহিয়া রহিল।

নবদুর্গা একটু বিমুক্ত হাসি হাসিয়া কহিল, ভয় করবে না কি ?

ভয় তুমি হোতে পারলেই তোমার পক্ষে ছিল ভাল ? তা হোলে আর রোজ দুবেলা এই ছাই-ভয়গুলো আমাকে খেতে হোত না। বলিয়া ঝিঙের তরকারিটা রেবতী খালা হইতে মাটিতে ফেলিয়া দিল।

নবদুর্গার সর্কশরীর রাগে রি-রি করিয়া উঠিল। কহিল, রান্নাটা কাল থেকে নিজেই তা হোলে কোরো, আমি আর পারব না। আমি ত রাধুনী হিসেবে মাস-মাইনেতে বাবু-সাহেবের সংসারে আসি নি।

ধোয়া হইতে দপ্ করিয়া আগুন জলিয়া উঠিল।

ভাতগুলো খালা উণ্টাইয়া ফেলিয়া দিয়া, তরকারিটা নবদুর্গার গায়ে ছড়িয়া দিয়া, ছপের বাটিটায় লাথি মারিয়া রেবতী গজ্জাইল, তাই এনেছি—তাই এনেছি—তাই এনেছি।

সমস্ত ঘরখানা ভাতে, তরকারিতে, ছপে, জলে একাকার হইয়া গেল। বাড়া ভাত আর রেবতীর পেটে গেল না। হাত ধুইয়া আসিয়া সে আলো নিভাইয়া শয্যায় শুইয়া পড়িল। নবদুর্গাও অভুক্ত থাকিয়া, মেঝের একদারে স্বতন্ত্র শয্যা রচনা করিয়া শুইয়া পড়িল।

কয়েক দিন হইল ফরিদপুর হইতে নবদুর্গার পিতামহী তাহাকে দেখিতে আসিয়াছিলেন। নবদুর্গার কনিষ্ঠ সহোদর নিশিকান্ত ওকালতী উপলক্ষে কলিকাতার গ্রাম-বাজারে বাসা করিয়া থাকে। নবদুর্গার বাসায় পাঁচ সাত দিন থাকিয়া গজ্জান্ন করিয়া এখন তিনি সেইখানে গিয়া আছেন। কয়েক দিন সেখানে থাকিয়া দেশে চলিয়া যাইবেন, ১০৭ নম্বরের ঝগড়াটার ওজন বেশ একটু ভারি গোছেই হইয়াছিল; সুতরাং তাহার ভারে পরদিন নবদুর্গা ভাইয়ের বাসায় চলিয়া গেল এবং সেখান হইতে পিতামহীর সঙ্গে একবার ফরিদপুর গিয়া হাজির হইল।

আবার মাসটা রাগের উপরই কাটিল। শ্রাবণ মাসের গোড়াতেই রেবতী নবদুর্গাকে পত্র দিল। তাহাতে লিখিল—১০ বছর বয়সেও তোমার ছেলেমানুষী গেল না। বর-সংসার করতে গেলে একটু-আদটু কথা-কাটাকাটি হয়ই। ছোটো বাসন এক যায়গায় থাকলে ঠোকাঠুকি লাগেই, তাই বোলে কি রাগ করে সাত-সমুদ্র তের নদীর পার গিয়ে আমায় কাঁদিয়ে বসে থাকতে হয় ? ধন্য তোমায়, দুর্গা ! তোমার কঠিন প্রাণটাকেও ধন্য ! আমি শয়নে-স্বপনে তোমাকেই খালি ভাবছি। আর পাগলামী কোরো না। সামনে ভাদ্র মাস ; সুতরাং শীঘ্রই চলিয়া আসিবে।

নবদুর্গারও আসিবার জন্ত প্রাণ ছটফট করিতেছিল। সে নিজের মনে বলিল, বাস্তবিক চ'লে আসাটা ভাল হয় নি। ১০৮ বার ঝগড়া ত হবেই ! এ যখন বিধির বিধান, তখন এতে ত আর কারও হাত নেই। যা হোক, আর একবার বাকী। এবার কোন রকমে চোখ-কাণ বুজে চুপ করে থাকব।

একটা ভাল দিন দেখিয়া নবদুর্গা কলিকাতা চলিয়া আসিল। ঠাকুরমা সঙ্গে কিছু আমচুর আর আমসত্ত্ব দিয়াছিলেন। সেইগুলির কিছু ভাইকে দিবার জন্ত শিয়ালদ' হইতে চেতলা না গিয়া বরাবর গ্রামবাজারে ভাইয়ের বাসাতেই নবদুর্গা আসিল। তোরঙ্গের মধ্য হইতে আমচুর ও আমসত্ত্বগুলি বাহির করিল, ভাই নিশিকান্ত জিজ্ঞাসা করিল, ও কাথাখানা কিসের দিদি ? নবদুর্গা কহিল, তলায় লেগে আমসত্ত্বগুলো খারাপ হয়ে যাবে বলে তোরঙ্গের নীচে ঠাকুরমা ওখানা পেতে দিয়েছিল। ও বছরকালের কাথা—ঠাকুরমার ছেলেবেলাকার। তার নিজের হাতের তৈরী।

নিশিকান্ত কহিল, বছরকালের যে, তা ত দেখেই জানা যাচ্ছে। কিন্তু নতুন বেলায় বেশ ছিল ত ?

হ্যাঁ। ভারি সুন্দর কারিকুরি। দাদামশাই না কি এই কাথা গায়ে দিয়েই কত বড় বড় জায়গায় যেত। তুই রাখিস ত রাখ্। কিন্তু এতে আর কিছু পদার্থ নেই ; যেখানে ধরবি, সেইখানেই খসে পড়বে ; নইলে আর ঠাকুরমা তোরঙ্গের তলায় পেতে দিয়েছে ?

অতি সন্তর্পণে কাথাখানা ধরিয়া নিশিকান্ত দেখিতে লাগিল।



২

কয় দিন হইতে একটি লোক রেবতীর কাছে আসা-যাওয়া করিতেছে। মনে হয়, যেন ঐ লোকটি কোন দ্রব্য বিক্রয় করিবে এবং রেবতী তাহা কিনিবে। বিক্রয় বস্তুটি কোন জমি-যায়গা নয়, কোন বাড়ী-ঘরও নয়, কিম্বা কোন বাগান, পুকুর, গরু, ছাগল, আলমারি, দেবাজ, ঘড়ি, বই, ছাতা, হুড়ি, গদি, তোষক, বাসন-কোসন, চাল-ডাল, দুধ-মি, কমলা-গুঁটে, টিকে-তামাক প্রভৃতি কোন দ্রব্য নয়। হাত-খানেক লম্বা, মোটা নীল কাগজে জড়ান ছোট একটা মোড়ক। বস্তুটি তাহারই মধ্যে সম্বন্ধে রক্ষিত। বোধ হয়, আসন্ন পূজার উপহারস্বরূপ নবদুর্গার জন্ত কোন স্বর্ণালঙ্কারের পেটিকা। নেকলেস, কি হার কি আর কিছু। কিম্বা তাহার জন্ত কোন মূল্যবান সাড়ী, কি ব্লাউজ! কিম্ব—না না, তাহা ত নহে! তাহাই যদি হইবে, তাহা হইলে তাহা নবদুর্গার সম্মুখে না আনিয়া তাহাকে না দেখাইয়া, এইরূপ গোপনে দেখাশুনা এবং দর-কষাকষি কেন হইবে? তাহা হইলে কি কোন চোরাই-মাল; গোপনে আনিয়া, গোপনে বসিয়া, গোপনে গোপনে তাহার দর-দস্তুর হইতেছে?

যাহাই হউক, দুই দিন আনা-গোনার পর তাহার মূল্য স্থির হইয়া গেল এবং রেবতী নগদ এক শত এক টাকা দিয়া দ্রব্যটি ক্রয় করিয়া তাহা পরম ভক্তিভরে মাথায় ঠেকাইল। লোকটিকে কহিল, একখানা রসিদ দিতে হবে। লোকটি রসিদ দিলে, সেখানিও ঐ মোড়কের মধ্যে রাখিয়া আর একবার তাহা মাথায় ঠেকাইয়া আপাততঃ বৈঠকখানারই এক স্থানে অতি যত্ন সহকারে রেবতী রাখিয়া দিল।

সন্ধ্যার পর রেবতী নবদুর্গাকে কহিল, আজ একটি অমূল্য দ্রব্য কিনেছি।

নবদুর্গা কহিল, কি? রাগের ওপর আবার রাগিনী-টাগিনী কিছু যোগাড় করে ফেলে না কি? শুধু রাগে হয় ত আর কুলুচ্ছে না।

রেবতী কহিল, ঠাট্টা নয়; হুপ্রাপ্য জিনিষ—অমূল্য বস্তু। এ দ্রব্য ঘরে থাকলে আর ঝগড়া-ঝাটি, ছুঃখু-অশান্তি কিছুই থাকবে না, দুঃখ! কিম্ব এখন আর বলছি না, পরে বোলবো। —আমার বহুদিনের সাধ যে হঠাৎ এমন ভাবে—

বহুদিনের সাধ ত তোমার একখানা বাড়ী কেনা। কিনলে না কি?

কলকাতার বাড়ী কেনা কি আর আমার হয়ে উঠবে? আমার ছুঁচার হাজার পুঁজিতে আর এখানে বাড়ী করার আশা নেই। অগচ, চিরকাল ধরে এই রকম ভাড়া করেও আর আমি থাকছি না। ভূতের নাতির মত বাসাড়ে নাম আমি শীগ্গীরই ঘোচাব।

ভূতের নাতি মানে?

ভূতের নাতি মানে, একটা কথা আছে জান না?

আবাগের বেটা ভূত।

ভূতের বেটা—বিত্তিকিচ্ছি।

বিত্তিকিচ্ছির তিন চেলে—

চোখাড়ে, জোয়াড়ে, আর বাসাড়ে।

নবদুর্গা কহিল, তা হলে বাড়ী করবে কোথায়?

কোলকাতার বাইরে কোথাও। মনে করছি, হয় নবদ্বীপ, নয় অন্ততঃ খড়দ।

ও-সব যায়গায় আমি থাকতে পারব না, তা কিম্ব আগে থাকতেই বলে রাখছি।

কেন? অপরাধ?

অপরাধ-টপরাধ জানি না; তবে মানে—কথা হচ্ছে, যে, সে আমি থাকতে পারব না। পাড়া-গাঁ; জল-কাদা, বন-জঙ্গল—

কিম্ব, কথা হচ্ছে যে, চৌরঙ্গীতে কি গড়ের মাঠে বাড়ী করবার মত ত টাকা আমার নেই;—রেবতীর কণ্ড একটু তীর এবং চক্ষুর্ধ্ব অপেক্ষাকৃত বড় হইয়া উঠিল।

নবদুর্গা তাড়াতাড়ি উঠিয়া পড়িয়া কহিল, পালাই বাবা এখান থেকে, এই নিয়েই হয় ত এখনই কুরুক্ষেত্রকাণ্ড বাধবে। বলিয়া দালানের দিকে চলিয়া গেল; যাইতে যাইতে কহিল, সেই অমূল্য বস্তুটি এই বেলা শীগ্গীর একটুখানি গুলে খেয়ে ফেল।

রেবতী তাহার পিছন পিছন আসিয়া অতি মুহূর্ত অতি মোলায়েম, এবং অতি অদ্ভুত ভঙ্গীতে কহিল, ফরিদপুরে নাজিরপাড়া বলে যে গ্রামটা আছে, সেটা বোধ হয়, বালীগঞ্জ এভেনিউ বা লেক রোডের ওপরে নয়। সেখানে বোধ হয় যথেষ্ট বন-জঙ্গল এবং জল-কাদা। আর রাস্তা সেখানকার পিচ ঢালা নয়। আর তার ছুঁধারে সন্ধ্যার পর ইলেকট্রিক জলে না।

অনুরূপ ভঙ্গীতে নবদুর্গা কহিল, জন্মভোর সেখানে ত আমার কাটেনি! কেটেছে এইখানেই। তা কাটুক আর না কাটুক, আমি কলকাতা ছেড়ে কোথাও গিয়ে থাকতে পারব না; স্পষ্ট কথা।

• থাকতে পারবে না?—রেবতীর চোখের দৃষ্টি ও মুখের ভিতর দিয়া যেন আগুন ছিটকাইল।

না, পারব না। বলিয়া নবদুর্গা দালান হইতে আবার শয়নঘরের জানালার ধারে আসিয়া বসিল। পিছন পিছন রেবতীও আসিয়া দাঁড়াইল। ঝড়ের পূর্ব-লক্ষণ। তাহার ভাব—গুরু-গম্ভীর; মুখে কথা নাই; ঝড় উঠিল বলিয়া।—ব্যাপার দেখিয়া নবদুর্গা কহিল, তোমার মংলবখানা কি শুনি?

কটমট করিয়া নবদুর্গার মুখের দিকে চাহিয়া রেবতী জিজ্ঞাসা করিল, খড়দায় গিয়ে যদি থাকি, তা হলে তুমি সেখানে গিয়ে থাকতে পারবে না?

না।

বলি, তুমি আমায় বিয়ে করেছ—না, আমি তোমায় বিয়ে করেছি?

হুঁজনেই হুঁজনকে বিয়ে করেছি।

সহসা ঘর ফাটাইয়া রেবতী চীৎকার করিয়া উঠিল, বলি—আমি স্বামী, না—তুমি স্বামী?

মুখখানা বিকৃত করিয়া নবদুর্গা উঠিয়া দাঁড়াইয়া কহিল, তুমি খড়দার গো-স্বামী।

ঝড় উঠিল।

রেবতী ক্ষিপ্তের মত সমস্ত ঘরের মধ্যে ছুটাছুটি করিয়া এটা-ওটা-সেটা টানিয়া টানিয়া মেঝের উপর ছুড়িয়া ফেলিতে লাগিল। বিছানার বালিশ ফেলিল, চাদর ছিঁড়িল, আলো ভাঙিল, ফুলদানী উল্টাইয়া দিল, স্ট্রকেশ ধরিয়া আছাড় মারিল, আলনা হইতে নবদুর্গার কাপড় লইয়া তাহা ফালা-ফালা করিয়া ছিঁড়িল; তার পর দেরাজে দুই চারিবার লাথি মারিয়া, ধড়াস করিয়া সশব্দে ঘরের দরজায় একটা ধাক্কা দিয়া, বাসা হইতে বাহির হইয়া গেল।

দালানের দেওয়ালে ঠেসান দিয়া বসিয়া নবদুর্গা মনে মনে হিসাব করিল, এই হ'ল—১০৮।

১০৮এর পর এক সপ্তাহ কাটয়া গিয়াছে, কিন্তু এখনও উভয়ের মধ্যে বাক্যলাপ হয় না। নবদুর্গা ঘরের কায়-কর্মে, রাঁধে-বাড়ে, রেবতীকে দেয়, নিজে খায়; তার পর মেঝের এক ধারে পৃথক শয়্যা পাতিয়া শুইয়া পড়ে। আর রেবতী প্রায় সারাদিনই বাহিরের বৈঠক-খানায় কাটায়, সেইখানেই কোশা-কুশী লইয়া জপ-তপ করে, পদাবলীর বই পড়ে, আর ভাবে। ভাবে যে, নবদুর্গা যদি পাঁচ-সাতশ টাকার মধ্যে সুবিধামত কোন বাড়ী কিনতে পাউ, তাহা হ'লে চমৎকার হয়। সুন্দর যায়গা। পবিত্র স্থান। জিনিষ-পত্র সস্তা। জীবনের শেষ দিন পর্যন্ত দিব্য সুখ-শান্তিতে তা'হলে কেটে যাবে।

পরক্ষণেই ভাবে—কিন্তু তা কাটবে কি? 'আমি যাই বঙ্গে—আমার কপাল যায় সঙ্গে'। যে স্ত্রীটি আছেন, তাঁকে নিয়ে নবদুর্গা ছেড়ে শান্তিপুর গিয়ে থাকলেও শান্তি পাবার জো নেই।—আবার কখনো ভাবে, নবদুর্গা যদি সুবিধে না হয়ে ওঠে, তা হ'লে—খড়দা। একটা সমাজ যায়গা! কলকাতাও কাছে হবে। দিব্য গঙ্গার ধার। চমৎকার শোভা। সকাল বিকেল গঙ্গার ধারে এসে বসলে প্রাণ ঠাণ্ডা হয়ে যাবে!

বাবু, চিঠি আছে।

ছপুরবেলা আহালাদির পর রেবতী বৈঠকখানায় শুইয়া ঐ রকম সাত-পাঁচ চিন্তা করিতেছিল, সেই সময় পিয়ন আসিয়া একখানি পত্র দিয়া গেল। পত্রখানা পড়িয়া আনন্দে তাহার হৃদয় নাচিয়া উঠিল। মহা সুখবর! মৃত্যুসংবাদ!

নবদুর্গার পিতামহীর মৃত্যু হইয়াছে।

সঙ্গে সঙ্গেই রেবতী হিসাব করিয়া ফেলিল, তিন বছর অর্থাৎ ৩৬ মাসে ৩৬ টাকা প্রিমিয়ম দেওয়া হইয়াছে, অন্ততঃ শ'দুই টাকা ত পাওয়া যাইবেই।

ব্যাপারটা এই যে, নবদুর্গার পরামর্শে তাহার বৃদ্ধা পিতামহীর নামে কি একটা ইন্সিউর্যান্স কোম্পানীতে আজ বছর তিন হইল, 'ডেথ্ বেনিফিট' ইন্সিওর করা হইয়াছিল। নবদুর্গাকে 'নমিনি' করিয়া রেবতী মাসে মাসে একটা করিয়া টাকা এই তিন বৎসরকাল যোগাইয়া আসিতেছে। বৃদ্ধী মরিলে পর একটা মোটা টাকা, অর্থাৎ

দুই শ'য়ের কম নয় এবং পাঁচ শ'য়ের বেশী নয়—নবদুর্গার অর্থাৎ রেবতীর হস্তগত হইবে। সেই শুভক্ষণ আজ উপস্থিত। সামনে পূজা। এই সময় এই রকম একটা পাও—' রেবতী যাহা ভাবিতেছিল, সে সব কথা ভুলিয়া গেল। মনের আনন্দ মনে লুকাইয়া, মলিন মুখে সে তখন, যেখানে নবদুর্গা বসিয়া সুপারি কুঁচাইতেছিল, সেইখানে আসিয়া চিঠিখানা তাহার কোলের উপর ফেলিয়া দিল ; কহিল, নাজিরপাড়া থেকে এসেছে।

চিঠিখানা পড়িয়া নবদুর্গার চোখ হুলহুল করিয়া উঠিল। রেবতী একটা দীর্ঘনিশ্বাস ফেলিয়া কহিল, ভগবান কখন যে কাকে হঠাৎ টান দিয়া টেনে নেন, তা আর বোঝবার জো নেই। এই ত তাঁর জগৎ! সবই রুখা— ছুটো-ছুটি, লাফালাফি, বকাবকি, রাগা-রাগি—মানুষের এ সব কতক্ষণের জগৎ! যাহা, বুড়ী ছিল, তবু—। অগ্গদিকে রেবতী মনে মনে হিসেব করিতে লাগিল, দুশোর বেশীও পাওয়া যেতে পারে। দুশ' থেকে পাঁচ শ'র মধ্যে। তা দুশোও পেতে পারি, তার বেশীও পেতে পারি। ভগবানের কি দয়া! সেদিনকার ১০১ টাকা সঙ্গে সঙ্গেই তিনি তুলে দেওয়ালেন। জয় গুরু!

কোলের উপর সুপারি ও জাঁতি রাখিয়া নবদুর্গা শাড়ীর আঁচলে ঘন ঘন চোখ মুছিতে লাগিল। রেবতী বিমর্ষ মুখে এক পা এক পা করিয়া চলিয়া আসিয়া বৈঠকখানায় প্রবেশ করিল।

দিন চার পাঁচ পরে রেবতী নবদুর্গাকে কহিল, পূজোর এবার কি কাপড় তোমার পছন্দ বল? আর ব্লাউজ সে দিন একটা দোকানে যা দেখে এসেছি, তেমন আর দেখি নি। তারি চমৎকার। সেই ব্লাউজ একটা তোমার জন্যে আমি কিনবোই। তোমাকে মনোমত করে সাজাতে আমার যে কত সাধ, তা আর কি বলব তোমায়, দুর্গা। তুমি ত বুঝতে পার না যে, এই এতবড় বুকখানার সবটাই তুমি জুড়ে আছ!—ক'দিন হোল, তোমার চেহারাটা যেন একটু খারাপ হয়েছে। স্নান করে মিহরির সরবৎ বোপ হয় খাও না? খেও একটু করে। নিজের শরীরটার ওপর একটু লক্ষ্য রেখো। আমাকে আর ভাবিয়ে তুলো না। যাক, কি কাপড় এবার তোমার কিনবো বল দেখি?

নবদুর্গা কহিল, এবার তোমার টানাটানি, এবার আমার জন্যে আর তোমায় বিশেষ কিছু খরচ করতে হবে না। তোমার শরীরটাও যেন আগের চেয়ে খারাপ হয়ে গেছে। এত করে বলি, আধসেরের ওপর আর এক পো করে ছপ খাও, তা ত কিছুতেই খাবে না তুমি! তোমাকে নিয়ে কি মুন্ডিলেই যে পড়েছি আমি!

রেবতী হর্ষ-গদগদ স্বরে কহিল, জগতে স্বামি-স্ত্রীর সম্বন্ধ যে কি মধুর, কত ঘনিষ্ঠ, তা কি সকলে বোঝে? স্বামীর স্ত্রী আর স্ত্রীর স্বামী, এ ছাড়া জগতে আর কে আছে? একটা পরের মেয়ে আর একটা পরের ছেলে— কি করে যে এমন এক হয়ে মিশে যায়, আমি তাই ভাবি।

নবদুর্গা কহিল, সকলেরই কি তাই হয়? আমরা মনে করেছি, সব স্বামি-স্ত্রীই আমাদের জু'ঙনের মত পরস্পর পরস্পরকে এই রকম করে ভালবেসে এই রকম প্রাণে প্রাণে মিশে এক হয়ে আছে। কিন্তু তাই কি? যাক,—এবার আর আমার জন্যে তোমাকে এক পরসাদে খরচ করাব না। যা হোক কিছু আমি পাব ত?

কোথেকে?

কেন, এই ঠাকুমার দরুণ টাকাটা?

রেবতী যেন একটা হঠাৎ ধাক্কা খাইল। বলিল, কি বলছ, কিছু বুঝলুম না।

বলছি যে, আমি ত 'নমিনি'। সুতরাং যা পাবার, সে ত আমিই পাব। তুমি যে ৩৬ টাকা দিয়েছ, সেইটে তোমায় দিয়ে যা থাকবে, তাই থেকেই এবার সাড়ী ব্লাউজ কিনবো। তার পর যা থাকবে, সেটা আমার থাকবে।

থাকবে?

হ্যাঁ।

এক মিনিট রেবতী চুপ করিয়া রহিল। তার পর দেখিতে দেখিতে তাহার মুখখানা যেন ফুলিয়া উঠিল, চোখ দুইটা উজ্জ্বল হইল। গা-ঝাড়া দিয়া উঠিয়া বসিয়া কহিল, বুড়ীর দরুণ ও টাকাটা তোমার, না?

আমার নামেই ত আছে।

তা হোল, ওটা তোমারই ত?

হ্যাঁ, আমার।

একটা বিকৃত, হুঁট হাসি হাসিয়া রেবতী কহিল, তা হালে ঐ গলার হারছড়াটা—ওটা তোমার? ওই অনন্ত-জাড়াটা—ওটাও তোমার? ঐ চুড়ি ক'গাছা, ঐ বালা, ঐ কাণের হুল, আলমারীভরা সব কাপড়-চোপড়—সবই তোমার? তুমি ঐ সব ব্যবহার কর ব'লে—ঐ সবই তোমার? এই বিছানা তোমার? ঐ সব বটি-বার্টা, বাসন-কোসন, বাস-তোরং, চেয়ার-টেবিল, আলমারি—সব তোমার?—বলিতে বলিতে সহসা গলার আওয়াজ একেবারে পঞ্চমে তুলিয়া রেবতী চীৎকার করিয়া উঠিল, বল না; চুপ ক'রে ব'সে রইলে কেন? ব্যবহার কর ব'লে এ সমস্ত কি তোমার?—রেবতী শেষ কথাটায় একরূপ ভীষণ গর্জন করিয়া উঠিল যে, মনে হইল, ঘরের ছাদ বৃষ্টি বা ফাটিয়া গেল।

নবদুর্গা সেই পাঞ্জাবী গণ্ডকারকে মনে মনে গালি দিয়া, মনে মনেই তাহার উদ্দেশ্যে কহিল, মুখপোড়ার গোণার মুখে ছাই। আর একবার তাকে দেখতে পাই ত মুখেও তার খানিকটা উল্লনের ছাই দিয়ে দি।

অর্থাৎ ১০৮ ছাড়াইয়া, আজ হইল ১০৯।

নবদুর্গাকে নীরব থাকিতে দিল না। রেবতী ভীমনাদে গর্জাইল, তোমার-তোমার-তোমার। আমার-আমার-আমার!—তার পর তীব্র শ্লেষের সহিত ব্যঙ্গচ্ছলে বলিল, কি গো, তুমি ভাল আছ ত, নবদুর্গা? এই আমি—রেবতীমোহন বেশ ভাল আছি; তুমি কোন্ দেশ থেকে আসছ? আমি আসছি সেই আমীরনগর থেকে! তুমি-তুমি-তুমি, আমি-আমি-আমি? তোমার-তোমার-তোমার! আমার-আমার-আমার!

উঠিয়া দাঁড়াইয়া নবদুর্গা কহিল, একেবারে যে উন্মাদ হয়ে উঠলে? রক্ষে কর, টাকা! আর আমি চাই না; আমার চোদ্দ পুরুষের ঘাট হয়েছে! উঃ! কি সাংঘাতিক রাগ রে বাবা। আমার পূজোর কাপড়-রাউজও চাই না, টাকাও চাই না। কিছু চাই না।

লাফাইয়া উঠিয়া রেবতী বলিল, তা কি হয়? টাকা যে তোমার! তোমার যে ঠাকুমা-মরা টাকা। আমাকে খালি ৩৬ টাকা দিয়ে দিলেই হবে'খন। আর তার সঙ্গে আড়াই পয়সা স্কুদ। টাকা এনে কোথায় রাখবে? তোমার বাক্সে, না আমার বাক্সে? হাঃ হাঃ হাঃ!

তোমাদের বাড়ী কোথা? আমাদের বাড়ী সেই নবদ্বীপ—খড়দা!

নবদুর্গা রান্নাবরে পলাইয়া গেল। যাইতে, যাইতে বলিল, মাথায় একটু পেকে পুকুরের জল ঢেলে ঠাণ্ডা কর। গতিক খারাপ!

চোখ-মুখ লাল করিয়া, রাগে ক্লান্তিতে ক্লান্তিতে রেবতী রান্নাবরের দিকে ছুটিল। তাহার পর যে কাণ্ড হইল, তেমন বোধ হয় দু'এক মাসের মধ্যে ঘটে নাই। ঝগড়া-ঝাটি করারও যেমন শক্তি আবশ্যিক, তা শোনারও তেমন শক্তির দরকার। রেবতীর ঝগড়া শুনিতে আর আমাদের শক্তি নাই। স্মতরাং সে দিনের কাণ্ডের কথা আর নাই-বা বলিলাম। তবে এইটুকু বলার দরকার যে, সেই দিনই বৈকালে ট্যাক্সি আনাইয়া নবদুর্গা শ্রামবাজারে তাহার ভাইয়ের বাসায় চলিয়া গেল এবং রেবতীও পরদিন প্রত্যুষে সংসার ত্যাগ করিয়া চলিয়া যাইবার সঙ্কল্প করিল।

রাত্রিতে রেবতী কিছু না খাইয়া যখন শয্যায় গিয়া শুইয়া পড়িল, তখন হইতে বহুক্ষণ পর্যন্ত তাহার নিদ্রা আসিল না। সে শুইয়া থাকিয়া নানারূপ চিন্তা করিতে লাগিল। রাগের ভাবটা যদিও তাহার কমিয়া আসিয়াছিল বটে, কিন্তু বিরাগের ভাবটা সেইখানে এখন জাঁকিয়া বসিল। রেবতী ভাবিল, সংসার ত্যাগ করেই যেতে হবে, তবে তার আগে আর একটা কায ক'রে দেখলে হয়। দিনকতক কোথাও গিয়ে লুকিয়ে থাকলেই হয়। তা' হোলেই বিবিজান্ বুঝবে এখন, কত ধানে কত চাল। নাঃ—তাই করতে হবে। একটু জন্ম হওয়ার দরকার।

প্রভাতে শয্যা ত্যাগ করিয়াই রেবতী চলিল—ভবানী-পুরের দিকে লুকাইয়া থাকিবার জন্ম বাসা খুঁজিতে। বাসা অনেক মিলিল, কিন্তু সুবিধামত মিলিল না। হয়—ভাড়া বেশী, নয় ত—এক বাড়ীতে ৫৭ জনের সঙ্গে থাকিতে হইবে। অবশ্য আলাদা একটা বাড়ী লওয়া চলিবে না। তার ভাড়াও বেশী, দরকারও নাই। কাহারও বাড়ীর মধ্যে একখানা ঘর হইলেই তাহার চলিবে। দু'একটা শাস কোন প্রকারে সে অজ্ঞাতবাসে কাটা হইবে। আর দুই বেলা হোটেল



হইতে খাইয়া আসিবে। কিন্তু বহুলোকের সঙ্গে এক বাড়ীতে কাটান—সে মহা অসুবিধা। সুতরাং সে একটা চায়ের দোকানে প্রবেশ করিয়া, সেখানে পবিত্রভাবে মাটির ভাঁড়ে এক কাপ চা খাইয়া লইয়া আবার ঘরের খোঁজে বাহির হইল।

রমেশ মিত্র রোড, হরিশ চ্যাটার্জী স্ট্রীট, বকুল-বাগান বাই লেন, মহিম হালদার স্ট্রীট, নন্দন লেন, বলরাম বসু বাট রোড, রোল্টন স্ট্রীট প্রভৃতি খুঁজিয়া তাহার পছন্দমত অনেকগুলি বাটীতে খালি ঘর পাইল বটে, কিন্তু একটি মুঙ্গিল হইল যে, শুধু বেটাছেলেকে থাকিবার জগু কেহই ঘর দিতে রাজী হয় না। এক যায়গায় রেবতী বলিল, একলা আমাকে ঘরভাড়া দেবেন না ?

না।

না-দেবার হেতুটা কি ?

হেতু আছে বই কি।

কুনতে পাই না ?

অর্থাৎ—আপনি এক জন অজানা বক্তি Third person, তাতে একলা, অর্থাৎ কি না singular number, জানেন ত, third person singular হোলেই verb-এর গারে ঙ যোগ হয়। তার মানে বুঝতে পেরেছেন ত ? অর্থাৎ Third person একলা হোলেই—বিপদ; তাঁর হরেক রকমের ক্রিয়াকাণ্ড ঘটবে। Third person, plural হলে আর কোন হাঙ্গামা নেই, তাঁদের ক্রিয়া singular; যেমন He বা She—goes, কিন্তু They—go সুতরাং, বুঝলেন না ? একলা He-কে বা She-কে সহজে কেউ ঘর-ভাড়া দেবে না ; They হতে হবে।

বাঃ ! চমৎকার ! আপনি দেখছি একজন মহাপণ্ডিত লোক !

চড়কডাঙ্গা হাইস্কুলে 5th classটি 'লিঙ্ক' নিয়ে ফেলেছিলুম। ইচ্ছে করলে তুড়ি দিয়ে, ঐ গিয়ে পি, আর, এস পর্য্যন্ত হোতে পারতুম ; কিন্তু ও-সব বাজে সখ আমাদের ছিল না।

চমৎকার ! আপনি দেখছি, এক জন মহাশয় লোক। আপনার সঙ্গে ছোটো কথা কোয়ে আজ খণ্ড হোলুম।

তার পর খুরিতে ঘুরিতে আরও কয়েকটি ঘর রেবতী পছন্দমত পাইল, কিন্তু সর্বত্র ঐ এক সুর ;— একলা পুরুষ

মানুষকে ভাড়া দেওয়া হইবে না। মনে মনে রেবতী সকলের উপর বিষম চটিয়া গেল। সকলের ত আর স্ত্রী থাকে না, তাহা হইলে তাহারা আর ঘর পাইবে না ? খৃষ্টানদের স্বর্গীয় পিতা সেই যে ইভটিকে আদমের সঙ্গে গের্গে পাঠিয়েছিলেন, এখনও পর্য্যন্ত তার আর ব্যতিক্রম ঘটবার জো নেই ! সম্প্রতি থিয়েটারে সে কি-একখানা বইয়ের অভিনয় দেখিয়াছিল ;—যাতে এক যুবকের অনেকটা এই ধরণের বিপদের ব্যাপারই ছিল। সেই কথা ভাবিতে ভাবিতে শেষে যে বাড়ীটায় রেবতী গেল, সেখানে কছিল, দেখুন, ঘর আমার পছন্দ হয়েছে ; কিন্তু আমি স-স্ত্রীক নই, অ-স্ত্রীক। আমাকে ভাড়া দিতে কোন আপত্য-টাপত্য হবে না ত ?

বাড়ীওয়ালা বলিল, আপনি একলা থাকবেন ? মেয়ে-ছেলে কেউ নেই ?

একটি মেয়ে আছে। সেই মেয়ে—সেই ছেলে। অর্থাৎ বিধবা হয়ে এখন ছেলের মতই পিতালয়ে বাস। বুঝলেন না ?

বুঝিছি। তা আপনার কণ্ঠকে নিয়ে যখন থাকবেন, তখন আর—

আপত্য কিছু নেই ত ?

আজ্ঞে না।

রেবতী নিশ্বাস ফেলিয়া বাঁচিল। কিন্তু বাঁচার আরও একটু দেবী আছে। একটা কণ্ঠ ত যোগাড় করিতে হইবে। তবে অ-স্ত্রীকের ঘর পাওয়ার মত নি-কণ্ঠার কণ্ঠ পাওয়া তত শক্ত হইবে না।

বেলা হইয়া পড়িয়াছিল। গুরিতেও হইয়াছে অনেক। সুতরাং স্বানটাকে সে-দিন মূলতুবী রাখিয়া রেবতী একটা 'কেবলমাত্র ভদ্রলোকের জগু' ছাপ মারা হিন্দু হোটেলে প্রবেশ করিল। সেখানে আহালাদি সারিয়া পাণ চিবাইতে চিবাইতে দেখিল, একটি বছর ২৫।২৬ বৎসরের বিধবা যুবতী হোটেলের ঠাকুর-মশায়ের কাছে চূপটি করিয়া বসিয়া আছে। ঠাকুর-মশাইকে জিজ্ঞাসা করিয়া জানিল যে, মেয়েটি ব্রাহ্মণের মেয়ে, তিন কুলে আর কেউ নেই, এক যায়গায় রান্নার কাষ করিত ; সেই কাষটি সম্প্রতি গিয়াছে, তাই ঠাকুর-মশাইকে আসিয়া সুপারিশ ধরিয়াছে, কোথাও যদি

একটু কাগ-কর্ষ...ইত্যাদি ইত্যাদি। রেবতী দেখিল, ভগবানের দয়া তাহার প্রতি অসীম। সে মেয়েটিকে বলিল, দেখ মা-লক্ষ্মী, রামার জন্তে আমার একটি লোক দরকার। আমি এই একলা লোক। হুঁবেলা ছুটি রোঁধে খাওয়াতে পারবে, মা? কিন্তু ব'লে রাখি, মা-লক্ষ্মী, আমার বাসাতেই চব্বিশ ঘণ্টা তোমায় তা হোলে থাকতে হবে। রাজী আছ?

ঠাকুরমশাই কহিল, সে ত ওর পক্ষে ভালই হবে। ঘরভাড়াটা বেঁচে যাবে; দিব্যি মেয়ের মত থাকবে।

হ্যাঁ বাবা; ঠিক ঐ নিজের মেয়ের মতই ভেবে থাকতে হবে। কারণটাও আমি তা হোলে খুলে বলি।—বলিয়া রেবতী ঘর ভাড়ার সম্বন্ধে আনুপূর্বিক ব্যাপারটা খুলিয়া বলিল। সমস্ত গুনিয়া মেয়েটি রাজী হইল। কহিল, হ্যাঁ বাবা, সে আমি বেশ থাকব।

ঠাকুর মশাই কহিল, তোমার বরাত ভাল; বেশ থাকবে তুমি। যাও, এখনি বাবুর সঙ্গে তা'হোলে চ'লে যাও।

তাহাই হইল। তখনি হুঁজনে সেই বাড়ীতে আসিল। রেবতী বাড়ীওয়ালাকে ডাকিয়া কহিল, আজ থেকেই তা হোলে আপনার ঘর ভাড়া নিলুম। আমার মেয়ে হরিদাসীকে নিয়ে এলুম। ঘর আর দালানটা ও কাঁট-টাট দিয়ে পরিকার করুক, আমি জিনিষপত্রগুলো নিয়ে আসি।

রেবতী ঠিক করিয়াছিল, বেশী কিছু জিনিষপত্র আনিবার কোন আবশ্যক নাই। বড় জোর দুইটা কি তিনটা মাস অজ্ঞাতবাসে থাকিয়া নবহুর্গাকে একটু জন্ম করা মাত্র। সুতরাং তাহার চেতলার বাসা হইতে খালি লইয়া আসিল—একখানি ছোট তক্তাপোষ, সেই উপযোগী বিছানা, দু'চারিটা খালা বাসন, নিজের ব্যবহারের জামা কাপড়, দুই চারিখানা বই আর একটি ট্রাঙ্ক। ট্রাঙ্কের মধ্যে খরচের মত কিছু টাকা আর নীল কাগজের মোড়ক—সেই অমূল্য বস্তুটি।

রেবতী তাহার মা-লক্ষ্মীকে লইয়া নূতন বাসায় দিব্য দিন কাটাইতে লাগিল। মেয়ে রান্না-বান্না করে, বাপে-ঝিয়ে খায়। মেয়ে শোয় দালানে, বাপ শোয় ঘরের মধ্যে। বাপ মেয়েকে ডেকে বলে, হ্যাঁ গা মা, কি আজ রাঁধবে রুগ দেখি? মেয়ে বলে, জগুবাবুর বাজারে কপি

কড়াইণ্ডি না কি উঠেছে বাবা, নিয়ে এস; বড্ড খেতে ইচ্ছে করছে। রেবতী কণ্ঠার জন্তু, তাহাই আনে।

বাড়ীওয়ালার গৃহিণী দুপুরবেলা মেয়ের সঙ্গে কথা-বার্তা কয়। জিজ্ঞাসা করে, আর ভাই-বোন কেউ নেই? একটি ভাই ছিল, ছোটবেলাতেই মারা গিয়েছে। মা?

মা মারা গিয়েছে, এই বছর কতক হোলো।

তুমি বিধবা হয়ে থেকে পর্যন্তই বুঝি বাপের কাছে? হ্যাঁ; নইলে বাবাকে আর কে ছুটি রোঁধে দেবে বলুন।

এইভাবে চলে। দিন :৪।১৫ পরে এক দিন সকালে বাড়ীওয়ালার-গৃহিণী তাহাকে বলিল, আজ আমরা সব দক্ষিণেশ্বর বেড়াতে যাব; যাবে তুমি?

হরিদাসী কহিল, কি ক'রে যাব বলুন? বাবা আজ দুপুরবেলা থাকবেন না, কোথায় যাবেন। ঘর ফেলে কোথাও সেতে বাবা বারণ করেছেন।

দ্বিপ্রহরে আহারাদির পর রেবতী কোথাও বাহির হইবার জন্ত প্রস্তুত হইয়া হরিদাসীকে কহিল, ওরা সব দক্ষিণেশ্বর গেল, তুমিও মা-লক্ষ্মী গেলে পারতে?

আমি অনেকবার গিয়েছি। ঘরে তালা দিয়ে দিলেন, বাবা? চাবিটা একবার দিন ত, আপনার গামছাটা বার ক'রে রাখি। বড্ড ময়লা হয়েছে, আজ কেচে দেবো। বলিয়া হরিদাসী রেবতীর হাত হইতে চাবি লইয়া ঘর খুলিল এবং গামছাখানি লইয়া পুনরায় তালা লাগাইয়া দিয়া রেবতীর হাতে চাবি দিয়া দিল।

অপরাত্ন পাঁচটার সময় রেবতী বাসায় ফিরিয়া আসিল। কিন্তু আসিয়া যাহা দেখিল, তাহাতে তাহার চক্ষু স্থির! ঘরের তালা খোলা, ঘর হাঁ-হাঁ করিতেছে। তাহার মা-লক্ষ্মীটি নাই এবং সেই সঙ্গে বাসন-কোসনগুলির একখানিও নাই, বিছানার চাদরখানা নাই, মশারিটা নাই, আর সকলের উপর ষ্টীল-ট্রাঙ্কটা নাই—যাহার মধ্যে টাকা কড়ি ছাড়া, নীল কাগজে মোড়া সেই অমূল্য বস্তুটি ছিল। আর কি আছে বা নাই, তাহা দেখিবার মত মনের অবস্থা বা অবসর তাহার ছিল না। সে তখনি হোটেলের সেই ঠাকুরমশায়ের কাছে ছুটিল।

ঠাকুরমশাই সমস্ত গুনিয়া কহিল, সে ত আমার জানা-শোনা কেউ নয় বাবু। কোথায় তার বাসা, কি

তার নাম, কিছুই জানি না। দিন দু'দিন আমার কাছে কাষের জন্তু পে আসা-যাওয়া করেছিল।

রেবতী বাসায় ফিরিয়া আসিয়া মাথায় হাত দিয়া বসিল! সে বুঝিতে পারিল যে, হরিদাসী তাহার নিকট হইতে ঘরের চাবি চাহিয়া লইয়া তালা খুলিয়াছিল, কিন্তু তালা আর বন্ধ করে নাই। তালা বন্ধ করিবার ভাণ করিয়া খুব চতুরতার সহিত তাহা কোন রকমে লাগাইয়া রাখিয়াছিল মাত্র। যাহা হউক—বাসন-কোসন-গুলোর জন্তেও কিছু নয়, বিছানার চাদর বা মশারির জন্তেও কিছু নয়, গোটা পঞ্চাশ টাকা ট্রান্সের মধ্যে যাহা ছিল, তার জন্তেও ততটা নয়, কিন্তু—সেই জিনিষটি! সেই নীল কাগজের মোড়ক!

রেবতীর চোখে জল আসিবার উপক্রম হইল।

শ্রামবাজার। নিশিকান্তর বাসা।

নবদুর্গা বসিয়া রেবতীর কথা ভাবিতেছিল,—আজ আঠার দিন হোল, তবুও দেখছি, রাগ এখনও পড়েনি। নেভবার আগে পিঙ্গম সেমন বেশী করে জ্বলে ওঠে, বোধ হয় এ-ও তাই হবে। গণৎকারটার কথাই বোধ হয় ঠিক; এইবার ঝগড়ার বোধ হয় শেষ। তবে ১০৮এর যারপায় ১০৯ হোল এই যা। তা ফাউ বলে একটা জিনিষ আছে ত? ১০৮এর একটা ফাউ হওয়া ত উচিত। এ-ও তাই।

সেই সময় নিশিকান্ত আসিয়া স্নুখে দাঁড়াইল। তাহার হাতে সেই নীল কাগজের মোড়কটি। নবদুর্গা জিজ্ঞাসা করিল, কি ওটা নিশিকান্ত? নিশিকান্ত কহিল, এটি একটি ছুপ্রাপ্য জিনিষ। বলিয়া দিদির হাতে মোড়কটি দিয়া, সেইখানে মেজের উপর বসিয়া পড়িল। নবদুর্গা মোড়কটি খুলিতেই দেখিল, উপরে একখানি হাতে লেখা রসীদ রহিয়াছে। বিক্রেতা শ্রীনিবারণ বন্দ্যোপাধ্যায়, ক্রেতা শ্রীব্রজ রেবতীমোহন ঘোষের নিকট হইতে এক শত এক টাকা নগদ বুঝিয়া লইয়া……ইত্যাদি ইত্যাদি। নবদুর্গা কহিল, হ্যাঁ হ্যাঁ—আমায় বলেছিল বটে যে ১০১ টাকা দিয়া এক মহামূল্য জিনিষ কিনিছি। তা, এ কি ব্যাপার বল্ দেবি?

নিশিকান্ত বলিল, ব্যাপারটা—ভাল করে একটু ভেবে না দেখলে ঠিক বুঝে উঠতে পাচ্ছি না, দিদি। এখন এটা পেলুম—রাজারামের ঘরে।

রাজারামটা কে রে?

রাজারাম হচ্ছে—সুরেশের ঐ টানের বাড়ীর ভাড়াটে; একখানা ঘর নিয়ে থাকতো। ওর ভাড়া আদায়ের ভার ত আমারই ওপরে কিনা। ব্যাটার কাছে আট মাসের ভাড়া ২৮ টাকা বাকী। রাজই বলে—আজ দোবো, কাল দোবো। সেদিন বলে, দেশ থেকে আমার ছোট ভগিনী এসেছে: ভবানীপুরে কোথায় রান্নার কাষ পেয়েছে। এইবার সব আপনার চুকিয়ে দিয়ে দোবো।—আজ গিয়ে দেখি, বেটা জিনিষপত্র সব নিয়ে পালিয়েছে। কোন্ কঁাকে যে সরেছে, অল্প ভাড়াটে কেউ জানতেও পারেনি। ঘরে একটা পাঁচ পরসার তালা লাগান ছিল। এখন গিয়ে সেটা ভেঙ্গে ফেললুম।

সেই ঘরেই বুঝি এটা পেলি?

হ্যাঁ, ঘরের একধারে পড়েছিল—এই নীল কাগজ-খানায় এলোমেলোভাবে জড়ানো; আমি গুছিয়ে-গাছিয়ে, এই রকম প্যাক করে নিয়ে এলুম।

লোকটা কি জাত?

বোলতো ত ব্রাহ্মণ। গলায় পৈতেও একগাছা ছিল, কিন্তু আমার ত বিশ্বাস হয় না।

ভ্রাতা-ভগিনীতে তখন এই নীল-কাগজের মোড়ক লইয়া কথা-বার্তা হইতে লাগিল।

\* \* \* \* \*

চেতলা হইতে রেবতীর পত্র পাইয়াই আজ সকালে নবদুর্গা শ্রামবাজার হইতে চলিয়া আসিয়াছে। রেবতী লিখিয়াছিল, তাহার অসুখ।

স্বামীর মুখের দিকে চাহিয়া নবদুর্গা কহিল, তা'হোলে অসুখ-টসুখ সবই মিছে। তা মিছে কথা বলে আমার আনলে কেন; আবার দুদিন বাদে ত ঝগড়া বাধিয়ে বিদেশ করে দেবে?

রেবতী কহিল, না দুর্গা, আর ঝগড়া করব না। আর অসুখ বলে যে লিখেছি, তা সত্যিই লিখেছি। শরীরে কোন অসুখ নেই বটে, কিন্তু মনের মধ্যে আমার ভয়ানক অসুখ; এক ত দু'টি নেই—সে একটা মহা অসুখ, তার ওপর

আমি নেই, সেটা ত মহাসুখ ! ও বাজে কথা রেখে দাও। তার ওপর কি—সেইটে বল।

তার ওপর, ১০১ টাকা দিয়ে যে অমূল্য দ্রব্যটি পেয়েছিলুম, সেইটি আমার চুরি গেছে। লাভ করেও, কি জিনিস যে হারালুম, দুর্গা, তা আমিই জানি।

• জিনিষটা কি বল দেখি ?

জিনিষটা ? সে আর কি বোলবো !—রেবতীর অস্তর ভেদ করিয়া একটি ছুখের নিঃশ্বাস বাহির হইল। তার পর স-বিবাদে কহিল, শ্রীগোরাঙ্গ যে কাঁপাখানি গায়ে দিতেন,—সেই কাঁপা। অমূল্য জিনিষ। দুপ্রাপ্য বস্তু।

তা, অত যে ঝগড়াটে, তার কাছে কখনো তেমন জিনিষ থাকে !

স-খেদে রেবতী কহিল, ঠিকই বোলেছ তুমি। মহাপাপীর কাছে সে পুণ্যময় জিনিষ থাকবে কেন ? আর আমি তোমার সঙ্গে ঝগড়া করব না।

তুমি যদি গোরাঙ্গদেবের নাম নিয়ে দিব্যি করে বল যে, আর কখনো আমার সঙ্গে অত্যাচার ঝগড়া করবে না, তা হোলে সেই কাঁপা আমি তোমায় এখন দিতে পারি। সে কাঁপা আমার হাতে এসেছে।

লাফাইয়া উঠিয়া রেবতী কহিল, শ্রীগোরাঙ্গের সেই কাঁপা ?

হ্যাঁ।—বলিয়া নিজের তোরঙ্গ হইতে সেই নীল-কাগজের মোড়কটি বাহির করিয়া বলিল, এই ত ?

মহা-উল্লাসে নবদুর্গার হাত হইতে মোড়কটি ছিনাইয়া লইয়া রেবতী বলিয়া উঠিল, এই—এই—এই—দুর্গা ! এই সেই জিনিষ !

তা, চুরি হোয়েছিল কি করে ?

কি করে ?—ভয়ানক গরম ; রাতে দরজা খুলে গুয়ে-ছিলুম। হঠাৎ দেখি, একটা হিন্দুস্থানী গোছের লোক, ঝাঁকড়া চুল,—সে সব ধীরে সুস্থে তোমায় বলব এখন। তা, তুমি কোথা থেকে পেলো, দুর্গা ?

আমি প্রথমে পেয়েছিলুম সেবার ঠাকুরমার কাছ থেকে। তোরঙ্গে আমনত্বের দাগ লাগবে বলে তলায় পেতে দিয়ে-ছিলেন। আমি দিয়ে আসি—নিশিকান্তকে। নিশির

একটা নতুন মক্কেল ওর স্বপ্ন সূচের কাম দেখে অনেক করে ওটা চেয়ে নিয়ে যায় ! সেই লোকটাই সম্ভবতঃ ঐ জাল নিবারণ বন্দ্যোপাধ্যায়, যে তোমার কাছ থেকে ঠকিয়ে একশো একটি টাকা নিয়ে গিয়েছে। ছুখের বিষয়—লোকটা একটা ছোটো মক্কেল ; নিশির সঙ্গে দেখা-সাক্ষাৎ হবার কোন সম্ভাবনা নেই। তা থাকলে, হয় ত টাকাটা তোমার আদায় হোয়ে যেত।

রেবতী হাঁ করিয়া নবদুর্গার মুখের দিকে চাহিয়া রহিল !

নবদুর্গা কহিল, তাঁর পর তোমার কাছ থেকে কি করে চুরি হয়, তা জানি না। অবশেষে গিয়ে পড়ে ওটি—রাজারাম কিম্বা তার বোনের হাতে। সেখান থেকে পায় নিশি। নিশির কাছ থেকে পাই আমি।—তা, এখন দিব্যি কর, আর ঝগড়া-টগড়া করবে না ?

রেবতী অতিমাত্রায় বিস্মিত হইয়া কহিল, গোরাঙ্গের নাম নিয়ে দিব্যি করে বলছি দুর্গা, আর তোমার সঙ্গে ঝগড়া করব না। তোমার সঙ্গে ঝগড়া করে থাকা কি আমার চলে ; তুমি হোলে আমার অর্দ্ধাঙ্গিনী—আমার সাত রাজার—বলিতে বলিতে রেবতী নবদুর্গার কাঁধ ধরিয়া, মুখখানা তাহার মুখের কাছে লইয়া গেল। নবদুর্গা তাহাকে ঈষৎ ঠেলিয়া দিয়া কহিল, অত ভালবাসায় আর দরকার নেই। তা হোলে হয় ত আবার ঝগড়া বাধিয়ে ফেলবে। তা, ঝগড়াতে আমার সঙ্গে তুমি যতটা মজবুত, বুদ্ধি-সুদ্বিত্তে ত তেমন মজবুত নও ?

কেন ?


নইলে, শ্রীগোরাঙ্গের কাঁপা বলে ঠকিয়ে একশ একটি টাকা নিয়ে গেল। এটা তোমার মাথায় এলো না যে, সে জিনিস কি যার-তার কাছে আছে, না, ১০১ টাকায় তা পাওয়া যায় ? মহাপ্রভুর গায়ের কাঁপা যে অমূল্য সম্পত্তি ! হাজার টাকাতো যে সে জিনিষ পাওয়া যায় না ! তার দাম কি টাকায় হয় ?

রেবতী বোকার মত নবদুর্গার মুখের দিকে চাহিয়া রহিল। হাতে তাহার সেই—নীল-কাগজের মোড়ক।

শ্রীঅসমজ মুখোপাধ্যায়।







## তন্ত্রশাস্ত্রে দেবীমহাত্মা



সদস্যের পরস্পরে বর্তমানা হ্রীংকাররূপিনী মহামায়া, যিনি স্ত্রীম মহিমায় গুণময়ী হইয়া আপনাকে বহুধা রচনার নাম-রূপ ধারণে ঘোরা ও সৌম্যা, এবং সম ও বিধম ভাবে সৃষ্টি-সামঞ্জস্য করিতেছেন,—যাঁহার আরাধনার চতুর্কর্গ অনায়াস-লভ্য—ইহা যে শাস্ত্রে গীত, তাহা আগম-শাস্ত্র। আর প্রকৃতিরূপ মানবকে কোশলে নিবৃত্তিমার্গে উপনীত করিবার উপায় যাহাতে উপদিষ্ট, তাহাই তন্ত্রশাস্ত্র। বিষয়-বিষদষ্ট মানবকে চিকিৎসা দ্বারা নিরাময়-পদ্ধতি যাহাতে প্রকাশিত, তাহারই নাম তন্ত্রশাস্ত্র।

করুণাই যাঁহার মূর্তি, এবং ত্যাগ যাঁহার ভূষণ, যিনি জগৎ-অমঙ্গল হলাহল পানে নীলকণ্ঠ, এবং জীব-শুভচিন্তায় যাঁহার অঙ্গকান্তিও শুভ্র, সেই মঙ্গলময় অঘোরনাথ-শ্রীমুখ-নিঃসৃত এই তন্ত্রশাস্ত্র পণ্ডপতিমত বলিয়া প্রসিদ্ধ।

মনকে ত্রাণ করেন বলিয়াই মন্ত্র বা মহাবাক্য, গুরু ও ইষ্টসহ অভেদ ভাবনায় তন্ত্রশাস্ত্রে আবৃত্তির নাম জপ। হিংসা ও আড়ম্বরবিহীন এই জপযজ্ঞ তন্ত্রমতে শ্রেষ্ঠ সাধন। বিন্দু বিন্দু বারিপাতে কঠিন পাষণ যেমন ক্ষয় পায়, তেমনই জপানন্দ ক্ষরণে চিত্ত বিগলিত হইয়া জগন্মাতার পাদপদ্মে বিলীন হয়। ইহাই শিববাক্য, এবং ইহা নিঃসংশয়। ঠাকুর বলেন—ডুবুরিরা শিকল ধরে যেমন সাগরতলে নেমে যায়, সেইরূপ নাম অবলম্বন করে নামীর কি না ভগবৎপাদপদ্মে মন ডুবে যায়।

দ্বিজাতিগণ বৈদিকমার্গ অনুসরণে অপবর্গ লাভ করিবে ; কিন্তু যাহারা দ্বিজ নহে বা দ্বিজকুলোদ্ভব হইয়াও পণ্ডিত, তাহাদের এবং সকল বর্ণের নরনারীর পরিভ্রাণ বাসনার, কৰ্ম, জ্ঞান, ভক্তি ত্রিধারা মিলনে করুণাময় সদাশিব সুখ-সাধ্য যে তন্ত্রমত প্রচার করিয়াছেন, অর্কাচীনের অপচেষ্ঠায় বিবৃত হওয়ার অধুনা অনেকে তন্ত্রনাম শ্রবণে নাসিকা কুঞ্চিত করিয়া থাকেন। কিন্তু তাঁহাদের ভাবা উচিত—এই দোষ তন্ত্রের না অপদার্থ অসংযমী উপাসকের ?

আবার প্রকৃত তথ্য না জানিয়া কোন কোন পণ্ডিত কহিয়া থাকেন যে, বৌদ্ধধর্মের বিকৃত অবস্থায় তন্ত্রের

উৎপত্তি। এ মতও সমীচীন নহে। যদি কিছু হইয়া থাকে, তাহা উপতন্ত্র। ঋগ্বেদে “অহং রুদ্রেভিব স্তুভিশ্চরাম্যহমাদি-তৈরুত্ব বিশ্বদেবৈরিত্যাদি” দেবীস্তুক্ত ও “তামগ্নীবর্গাং তপসা জলন্তীং বৈরোচনীং কৰ্মফলেষু জুষ্টাং”, “দুর্গাং দেবীং শরণমহং প্রপঞ্চে” রাত্রি-স্তুক্ততে মহাদেবীর আরাধনা বিশেষরূপে বর্ণিত। আবার কেনোপনিষদেও জানা যায়, দেবরাজ মহামায়াকে উমাং হৈমবতীং রূপে দর্শন করিয়া কৃতার্থ হন। পুরাণপাঠেও জানা যায়, ব্রহ্মা, ইন্দ্র, রাজা সুরপ ও অবতার পুরুষ শ্রীরামচন্দ্রও ভগবতীর আরাধনায় অতীষ্ট লাভ করিয়াছেন।

মহাভারত মোক্ষদম্পর্কাদ্যায়ে দেখা যায় যে, ভূত-ভাবন ভবানীপতি মানবকল্যাণকামনায় যে পণ্ডপতিমত প্রকাশ করেন, প্রসন্নচিত্তে প্রজাপতি দক্ষরাজকে উপদেশ করিতেছেন। এই সমস্ত আলোচনায় হৃদয়ঙ্গম হয় যে, মহা-দেবীর উপাসনাপদ্ধতি তন্ত্রশাস্ত্র অতীব প্রাচীন ও অশেষ-কল্যাণকর।

ভগবান্ কপিলদেব তাঁহার সাংখ্য-শাস্ত্রে চতুর্বিংশতি তত্ত্ব-প্রসবিনী যে অব্যক্ত প্রকৃতির মহত্ত্ব গান করিয়াছেন, তিনিই ভগবতী। আবার প্রবীণ পাশ্চাত্য দার্শনিকগণও একবাক্যে কহিয়াছেন—যাঁহা হইতে চরাচর বিশ্বসৃষ্টি, তিনিই অনির্কচনীয় শক্তি, (force unspeakable)। তবে তাঁহার মহাশক্তির উপাসনা সম্বন্ধে কোন বিশেষ প্রকরণ প্রকাশ করেন নাই। কিন্তু আর্ধ্যাধ্যয়িগণ যে পদ্ধতি অবলম্বনে সেই আত্মশক্তি অনির্কচনীয় মহামায়ার সাক্ষাৎকার লাভ করিয়াছেন, তাহাই তন্ত্রশাস্ত্র।

যাঁহার পুণ্য প্রচেষ্ঠায়, অমুমান তিন শত বৎসর পূর্বে, বাঙ্গালাদেশে আত্মশক্তি কালী ও জগদ্ধাত্রী দুর্গার প্রতীক (মূর্তি) পূজার প্রচার হয়, সেই ভগবতীনন্দন কৃষ্ণানন্দ আগমবাগীশ সমগ্র বাঙ্গালীর পূজনীয় ও চিরস্মরণীয় হইয়া আছেন, তিনিই নবদ্বীপধামে পণ্ডপতিমত সাধনায় শিবত্ব লাভ করেন। তাঁহারই পদাঙ্কানুসরণে রামপ্রসাদ, কামলাকান্ত প্রভৃতি সাধক মহৎদ্বারা তন্ত্রশাস্ত্র সাধনে

ভগবতীর দর্শন লাভ করিয়া, যখন দেশকে ধলু করিয়াছেন, তখন মহান্ তন্ত্রশাস্ত্রকে কি করিয়া (নব্য-মতে) নিন্দনীয় বলা যায় ?

অবিমুক্তক্ষেত্র বারাণসীতে সাধনপ্রভাবে নিব্বন্দ্ব হইয়া যিনি দ্বিতীয় বিশ্বনাথরূপে পূজা পাইয়াছেন, ঠাকুর বলেন— সেই স্মরণে মহাপুরুষ ত্রৈলোক্যস্বামী আত্মশক্তির উপাসনায় শিবদ্ব লাভ করিয়াছেন। দেখিয়াছি, তাঁহার সমাধির উপর কালীমাতার প্রতিমা প্রতিষ্ঠিত।

পরিশেষে জগন্মঙ্গল ভগবান্ শ্রীরামকৃষ্ণ যোগেশ্বরী ভৈরবী ব্রাহ্মণীর সহায়তায় বিশ্বমূলে তন্ত্রসাধনায় শিবদ্ব লাভ করিয়া তন্ত্রশাস্ত্রকে সমুদ্ভাসিত করিয়াছেন—শ্রদ্ধাবান্ পাঠক ইহাই অবধারণা করুন। ঠাকুর বলিতেন—মহা-শক্তির আরাধনা বিনা কেহ শ্রেষ্ঠদ্ব লাভ করিতে পারে না। শ্রীকৃষ্ণের ইষ্টদেবতা ত্রিপুরা ভৈরবী, ভগবান্ শঙ্করের অন্নপূর্ণা, নবদ্বীপচন্দ্রের অন্নপূর্ণা এবং নিত্যানন্দ মহাপ্রভুর রাজরাজেশ্বরী।

বেদান্তশাস্ত্রে “সদেব সৌম্যেদমিদগ্রামাসীৎ একোমেবা- দ্বিতীয়ঃ” বলিয়া পরব্রহ্মের মহিমা কীর্তন করা হইয়াছে;

কিন্তু কোথা হইতে আবার মায়ী অবতারণা করিয়া মায়ীকে ব্রহ্মের অবরোধক বলা হইয়াছে, অল্পবুদ্ধিতে তাঁহা বুঝা যায় না। তন্ত্রশাস্ত্র বলেন, যিনি সগুণ অবস্থায় পরমা প্রকৃতি (গণেশজননী), দুর্গা, রাধা, লক্ষ্মী, সরস্বতী প্রকৃতি পঞ্চধা ইতি বলিয়া আরাধিতা, তিনিই তুরীয় অবস্থায় পরব্রহ্ম। ইহাই তন্ত্রের মহত্ব। আবার সপ্তশতী শ্রীচণ্ডীতেও বর্ণিত আছে—“স বিদ্যা পরমা মুক্তের্হেতুভূতা সনাতনী। সংসারবন্ধহেতুশ্চ সৈব সর্বেধ্বরেখরী ॥” আবার “একৈবাহং জগত্তত্র দ্বিতীয়া কা মমাপরা।” বাস্তবিক পরব্রহ্মের পূর্ণভাবে প্রকাশ দেবীমাহাত্ম্য ভিন্ন অত্র কোন শাস্ত্রে দেখা যায় না।

ঠাকুর তাঁহার সন্ন্যাসদাতা গুরু ঞাংটাকে গুরুদক্ষিণা দানস্বরূপ বলিয়াছিলেন—পুরীজী! ব্রহ্ম ও শক্তি অভেদ, যেমন অগ্নি ও তার দাহিকাশক্তি, জল ও তার শৈত্য এবং পুষ্প ও তার সৌরভ—এক হতে অত্রকে প্রভেদ করা যায় না। আবার একই সাপ যেমন স্থির ও গতিশীল, অভেদ। যখন স্থির তখন ব্রহ্ম, যখন গতিশীল অর্থাৎ সৃষ্টাদি কার্য্য-তৎপরা, তখনই শক্তি; সূত্রাৎ ব্রহ্ম ও শক্তি অভেদ।

শ্রীবৈকুণ্ঠনাথ সান্যাল।

## আগমনী

নেহার নবীন উষা নব নীল গগনে।  
 ( মায়ের ) রাতুল চরণ-রাগ ফুটিয়াছে ষতনে ॥  
 তঁরুণ কিরণ মাখি  
 সমীরে খেলিছে পাখী,  
 প্রেমের পুলকে পাখী কুঁজনিছে কাননে—  
 জাগ রে জাগ রে নর  
 কুস্বপন পরিহর  
 প্রেমানন্দ হৃদে ধর দুর্গা বলো বদনে ॥  
 ত্রীপদ পরশ আশে  
 সলিলে নলিনী হাসে  
 রাঙা জবা রক্তবাসে হুলিতেছে পবনে ॥  
 বলে ফুল কুতূহলে—  
 তুলে দাও পদতলে  
 ধলু হও, ধলু কর কণিকের জীবনে ॥

শ্রীদেবেন্দ্রনাথ বসু।



## স্ত্রীশচরিত্রং

( গল্প )

রূপ তরুণীর এবং রূপ। তরুণের। তরুণের নাম সুশীল।  
তরুণী গীতা।

সুশীল বড়লোক,—তার অনেক টাকা। তিন পুরুষ  
ধরিয়া ষ্টক-এক্সচেঞ্জে টাকার বন্দিগাদ গাড়িয়াছে।

তরুণী গীতা আই-এ পাশ করিয়াছে। বেচারী!  
বালিগঞ্জ অল্পপূর্ণা বালিকা-বিদ্যালয়ে টীচারী করিয়া অল্প-  
সংস্থান করিতে হয়। থাকে এভেজুয়ের কাছাকাছি ক্র্যাটের  
তিন-তলায় দেড়খানি কামরা ভাড়া করিয়া।

সুশীল তিন পুরুষ ধরিয়া টাকার চাম করিতেছে।  
টাকার দাম সে জানে এবং মনটাকেও টাকা-পয়সার  
কোটিং দিয়া শক্ত করিয়া ফেলিয়াছে। সে-মন বাতাসে  
দোলে না, টলে না। টাকা রোজগার করিতে  
বসিয়া কোথায় কার মনে আঘাত দিতেছে, সেদিকে  
লক্ষ্য নাই।

পয়সার জন্ত ষ্টক-এক্সচেঞ্জেই যারা সার বলিয়া  
জানে, মানুষ মারিতে তাদের হাত বা বুক কাঁপে না।  
তিন পুরুষের রক্তের গুণে সুশীলেরো বুক-হাত কাঁপে না।  
স্বার্থ যার মনে সিংহাসন পাতিয়া বসে, বিবেকের সে ধার  
ধারে না। সুশীলেরও তাই ঘটিয়াছে।

এখনো সে বিবাহ করে নাই। না করার বিশেষ  
হেতু ছিল না। করে নাই তার কারণ, কেহ বলে অবসরের  
অভাব! কেহ বলে, এদিক পানে চাহিবার...

যে যাই বলুক, বিবাহ হয় নাই, শুধু এইটুকু জানিয়া  
রাখা দরকার।

গীতার সঙ্গে সুশীলের প্রথম দেখা— ঠিক যেন সিনেমার  
ছবির মতো! অকস্মাৎ!

গীতা গিয়াছিল বালিগঞ্জ ষ্টেশনের ও-ধারে স্কুলের একটি  
মেয়ের জন্মতিথির ভোজে নিমন্ত্রণ।

রবিবার। বেলা তখন দুটা। রেলওয়ে-লাইন পার হইয়া  
গীতা ফিরিতেছিল। সহসা পথে একদল ছরস্ত মহিষ। সুশীল  
আসিতেছিল এই পথে টু শীটার মোটর হাঁকাইয়া—একা।

সহসা দুটা মহিষ শিঙ বাঁকাইয়া কুথিয়া দাঁড়াইল  
মোটরের সামনে। গাড়ী বাঁচাইতে গিয়া সুশীল একটা  
প্রকাণ্ড অশথ গাছের গুঁড়িতে খাইল ধাকা। গাড়ী  
উল্টাইল, সঙ্গে সঙ্গে সুশীল ছিটকাইয়া পড়িল। মাথায়  
চোট! গীতার আর্ত চীৎকার...

চকিতে এতগুলো ব্যাপার ঘটয়া গেল—ঠিক সিনেমার  
ছবির দৃশ্য...গোড়া হইতে যেন রিহার্সাল দেওয়া ছিল।

সেখানে আর কোনো লোক নাই। আই-এ পাশ  
করিলেও গীতা নারী। কাজেই সে ছুটিয়া গেল সুশীলকে  
দেখিতে।

সুশীল তখন উঠিয়া বসিয়াছে। তার মাথা কাটিয়া  
রক্ত ঝরিতেছে।

নিরুপায় দৃষ্টিতে গীতা চারিদিকে চাহিল। যে-লোকটার  
মহিষ, সে আসিয়া দেখা দিল। তাকে দেখিয়া গীতা  
কহিল,—বেহঁশিয়ার হয়ে মোষ চালান্। মা, শীগগির  
মা, যেখান থেকে পাস, জল নিয়ে আয়!

লোকটা ভয়ে হতভম্ব! গীতার কথায় জল আনিতে  
ছুটিল।

জল আসিলে মাথায়-মুখে জল দিয়া গীতা সুশীলের  
সেবা করিল। সুশীল প্রকৃতিস্থ হইল। গীতা তার মাথায়  
ভিনা ক্রমাল দিয়া পটা বাঁধিল। সুশীলের মুখে কথা  
নাই—চাহিয়া রহিল গীতার পানে। মনে হইতেছিল, এঞ্জেল।

পটা বাধিয়া দিয়া গীতা বলিল—আপনার গাড়ী তো চলবে না ?

নিখাস ফেলিয়া সুশীল বলিল,—না। বলিয়া সে চাহিল গীতার পানে। ভাবিল, গাড়ী না চলুক, ক্ষতি নাই। এইখানে পথেই না হয় পড়িয়া থাকিবে ! পথে চোট খাইয়া আজ যা পাইয়াছে...

সে-পাওয়ার কাছে আঘাতের বেদনা যেন উবিয়া গেছে !

গীতা বলিল,—আপনি কোথায় থাকেন ?

সুশীল বলিল—অনেক দূর...শ্রাবজারে।

গীতা কহিল—সঙ্গে লোকজন নেই। গাড়ী চলবে না।

কি করে আপনি বাড়ী যাবেন ?

একটা ঢোক গিলিয়া সুশীল বলিল—তাই ভাবছি।

সুশীল চাহিল পথের প্রান্তে...

গীতাও চিন্তা করিতেছিল। এই বিপদ...জন্ম ! কি করিয়া ভদ্রলোক...

সে বলিল—পথের চোট ! একজন ডাক্তারের কাছে যাওয়া দরকার আগে।

সুশীল কোনো জবাব দিল না ; সকৌতূহলে গীতার পানে চাহিয়া রহিল।

যত দায় এখন গীতার। সে বলিল—আমি থাকি পার্কের কাছে ক্ল্যাটে। আমার ক্ল্যাটে একজন ডাক্তার থাকেন। তাঁর কাছে অন্ততঃ ..

সুশীল আরাম বোধ করিল। এখনি চোখের অন্তরাল নয় ! তার উপর এঞ্জেলের ঠিকানাও জানিতে পারিবে।

একখানা ট্যাক্সি ডাকাইয়া সুশীলকে লইয়া গীতা আসিল তার ক্ল্যাটে। ডাক্তার পরিতোষ বাবু গৃহে ছিলেন। তিনি ঔষধ দিলেন ; সেই সঙ্গে একটা ইঞ্জেকশন। পথের চোট...কি জানি, যদি টেটানাস... সাবধানের মার নাই !

এ পরিচর্যা চলিল গীতার ঘরে।

ঘরখানি ছোট হইলেও সাজানো। এ যুগের রুটির নিখুঁৎ আদর্শ ! গীতা শুধু দেখিতে গুনিতে ভালো, তা নয়, তার টেইও ভালো !

সুশীল বলিল—আমি এবার আসি।

গীতা বলিল—বেয়ারাকে বলি একখানি ট্যাক্সি ডেকে দিক।

সুশীল বলিল—আপনাকে বড় বিব্রত করলুম !

গীতা সে কথা কাণে তুলিল না, ভৃত্যকে বলিল ট্যাক্সি ডাকিতে।

গীতা বলিল—আপনার গাড়ী ?

মুহু হাশ্বে সুশীল বলিল,—বাড়ী থেকে লোক পাঠিয়ে দেবো। তারা এসে কারখানায় গাড়ী নিয়ে যাবে।...ভাবনা নেই। গাড়ী ইন্শিওর করা আছে।

বেয়ারা আসিয়া বলিল, ট্যাক্সি আসিয়াছে।

সুশীল বলিল—যিনি আমার প্রাণ বাঁচালেন, তাঁর নাম জানতে পারি ?

—গীতা।

—এক সময় এসে আলাপ করণো। অপরাধ নেবেন না।

গীতা জবাব দিল না। তার মুখে সার্থকতার স্নিগ্ধ মুহু হাসি।

সুশীল কহিল—ধন্যবাদ। নমস্কার !

—নমস্কার !

সুশীল চলিয়া গেল। খোলা খড়খড়ির সামনে গীতা চুপ করিয়া বসিয়া রহিল। আকাশে-বাতাসে আজ যেন নূতন কিসের হিল্লোল বহিয়া চলিয়াছে !

পরের দিন সন্ধ্যার সময় সুশীল আসিয়া দেখা দিল। চায়ের পেয়ালাকে কেন্দ্র করিয়া মুহু আলাপের সূত্রপাত !

সুশীল কহিল,—আপনাকে টিচারী করতে হয় ?

হাসিয়া গীতা বলিল—আস্মীয়ের বাড়ী গলগ্রহ হয়ে থাকার চেয়ে ভালো নয় ?

তার পর সুশীল আসিতে লাগিল নিত্য !

চায়ের পেয়ালো...এবং গল্প-স্বল্প।

এক সপ্তাহ পরে সুশীল বলিল—একটু বেড়াতে যাবেন ? অবশ্য এ অনুরোধে যদি অপরাধ না হয়...



হাসিয়া গীতা বলিল—কেন যাবো না? আপনি বলচেন...বেশ।

এক মাস পরে সুশীল আসিয়া কথায় কথায় জানাইল, এমন হইয়াছে যে এখানে না আসিলে সুশীলের সন্ধ্যা যেন বিফল হইবে, মনে হয়! সারা দিন কাজ কর্তব্যের মধ্যে মনে হয়, কখন সন্ধ্যা হইবে, কখন আসিবে লোক রোডে!

সে যে অনেক টাকার মালিক। জীবনটা কি করিয়া উপভোগ করিতে হয়, তা সে জানে। এ কয় দিনে সে ভালো করিয়া গীতাকে বুঝাইয়াছে...ইঙ্গিতে ভঙ্গিতে এ কথা জানাইয়াছে, সে বিবাহ করে নাই শুধু একটা কারণে। অর্থাৎ এ পর্য্যন্ত দেখা পায় নাই...কোথাও নয়, সে যেমন চায়...

কিন্তু এ সব কথায় গীতার দিক হইতে তেমন সাড়া জাগে না! এত বড় ধনী...তরুণ সুশীল...গীতাকে সে কামনা করিতেছে...তার দ্বারে নিত্য আসিতেছে...

কেন? কিসের আশায়? কি বাসনা মনে লইয়া...

গীতা তা বোঝে না? নিশ্চয় বোঝে!

গীতার ঘরের এই সজ্জা পরিপাটী বেশ-ভূষণ...এ সব দেখিয়া বুঝিতে বাকী নাই, গীতা চায় বাচার মতো বাচিতে—জীবনকে উপভোগ করিতে! ফিটফাট...কোথাও এতটুকু clumsy নয়...

তার উপর এ-কালের মেয়ে! পাশ করিয়াছে...টিচারী করে পরসার-রোজগারের জুতা। তার সঙ্গে এমন অসঙ্কোচে বসিয়া হাসি-পল্ল করিতেছে...

এ কথা বোঝে না...যে সুশীলকে বিবাহ করিলে গোলামী করিতে হইবে না, ছঃখ-অভাব ঘুচিবে? রাণীর মতো ঐশ্বর্য্য...

কথায় বলে, রমনীর মন! তাই কি খেলিয়া খেলাইতে চায়?

কিন্তু সুশীল...তার যে কি হইয়াছে!

সুশীল আনিত লাপিল উপহার...নিত্য। চকোলেট...ফুল...ক্রীল-ষ্টারের ছবি...সেফটি পিন...কাণের ছল...

গীতা কোনোদিন অগ্রসর হইতে না...প্রত্যাখ্যানও করে না।

শিকারী? কিন্তু মন-বিহীন যে এ-কাদের মায়া কাটিতে পারে না!

ছুজনে বসিয়া গল্প করে। গীতা বলে, তার স্কল-সেক্রেটারির বিরক্তি...মেয়েদের ফন্দি, অভিসন্ধির কথা। সুশীল বলে তার ষ্টক-এক্সচেঞ্জের গল্প। রণছোড়া দাস গভীর-মলের কাণ মলিয়া কেমন করিয়া দশ হাজার টাকা...

রাত্রি আটটা বাজে। গীতা বলে—আমার সেই নিত্য কাজ...মেয়েদের ট্রান্সলেশনের খাতা!

সুশীল ওঠে অনিচ্ছায়। কোনোদিন বলিতে পারিল না, আর একটু বসি।

গীতার কথার সুর সহজ হইলেও...কেমন যেন সুদৃঢ় আদেশের আমেজ-মিশানো...

কথায় কথায় গীতা বলিতেছিল—ছুনিয়ায় বাস করতে হলে সব আগে চাই টাকা। টাকা না থাকলে জীবন মিথ্যা হয়। জ্যোৎস্না বনুন, জল-কল্লোল বনুন, মলয়-বাতাস বনুন, আর গজল-গানই বনুন—টাকা না থাকলে সব অচল, সব মিথ্যা।

এ-কথায় সুশীলের মনে প্রচণ্ড উৎসাহ জাগিল। সে বলিল—তাহলে গীতা দেবী, আমার আর্জি? সোনার সিংহাসনে তুমি বসে থাকবে রাণী হয়ে...

ছুঁচোখে হাসির প্রদীপ জালিয়া গীতা চাহিল সুশীলের পানে। সুশীলের শিরায়-শিরায় রক্ত নাচিয়া উঠিল।

সুশীল বলিল—আমি ভালোবাসি গীতা দেবী...

গীতা হাসিল, হাসিয়া বলিল,—ভালোবাসেন?...আমাকে?

সুশীলের চোখে স্বপ্নাবেশ! সুশীল বলিল,—তাই...

গীতা বলিল—আমায় আপনি আশ্চর্য্য করলেন, সুশীল বাবু! ভালোবাসেন!...কিন্তু আমার কতটুকু আপনি জানেন? আমি কার মেয়ে? কেমন মেয়ে? আমার কি দাম? আমার কোনো ইতিহাস আছে কি না? এ বয়সে একলা বাস করি...চাকরি করি...এগুলো আমাদের দেশে স্যাটিকিফেট পাবার মতো মোটেই নয় যে! তাহাড়া জীবনে আমি কি চাই? সে-সব কোনো পরিচয় না জেনে...?

সুশীল বলিল—তোমার যেটুকু জেনেছি, সে জানা

আমার চরম জানা, গীতা দেবী! তার বেশী জানতে আমি চাই না...জানবার দরকার নেই।

সুশীলের স্বরে প্রচুর আবেগ! সে আবেগের দোরে 'আপনি' ভুলিয়া সে একেবারে তুমি বলিয়া ফেলিয়াছে।

গীতা বলিল—কিন্তু আর কাকেও যদি আমি হৃদয় দিয়ে থাকি?

—না, তা হতে পারে না, গীতা দেবী। হৃদয় দিয়ে তুমি থাকবে বসে...যাকে হৃদয় দেবে, সে দূরে সরে থাকবে—তা হতে পারে না।

গীতার দুই হাত নিজের হাতে চাপিয়া ধরিয়া সুশীল বলিল,—তুমি বলো, আমার আশা হুরাশা নয়?

হাত ছাড়াইয়া লইয়া শান্ত স্বরে গীতা বলিল—সুন্দর আমার কথা...স্থির হোন...

উচ্ছ্বসিত আবেগে সুশীল বলিল—না না, আমি স্থির থাকতে পারবো না! ...একটি কথা শোনো...তুমি যে বলো, টাকাই এ জীবনে সব-চেয়ে কামনার ধন! সে টাকা তোমার হবে। আমি তোমায় একদিনে কি ভালো-বেসেছি...

গীতা বলিল—আর যদি একথা সত্য হয়, অলু কারো সঙ্গে আমার বিয়ে হবে...স্থির হয়ে আছে?

সুশীল বলিল—আমি বিশ্বাস করি না। তোমায় নেবার যোগ্যতা ক'জনের আছে? তোমায় কে কি দিয়েছে? কি দিতে পারে? গহনা? দামী শাড়ী? মোটর? মান-সম্মত? ...আমার মতো ভালোবাসা...?

গীতা কণেক গভীর হইয়া রহিল; পরে বলিল—চট করে একথার মীমাংসা হতে পারে না। ছুদিন সময় দিন আমার...একটু ভাবি! ...ভালো কথা, এসে আমার বললেন, সিনেমায় নিয়ে যাবেন; ভালো ছবি আছে। প্রেমের কথা এখন থাক...সিনেমায় চলুন। আমি আসি...এখন তৈরী হবো'ধন!

গীতা চলিয়া গেল...বিদ্যৎ-রশ্মির মতো!

সুশীল গুম হইয়া বসিয়া রহিল...পাষণ...পাষণ-প্রতিমা! গীতা যে কি চায়...অথচ এমন সহজ অসঙ্কোচ কথাবার্তা!

পাঁচ মিনিটের মধ্যে গীতা আসিয়া দাঁড়াইল দিব্য বেশে সাজিয়া। সে মূর্ত্তি দেখিয়া সুশীল বিহ্বল!

গীতা কহিল—উঠুন।

সুশীল বলিল—একটা সামান্য জিনিষ নিয়ে এসেছিলাম...

যদি অনুমতি পাই?

গীতার চোখের দৃষ্টিতে যেন তীক্ষ্ণ ছুরি ঝকঝকিয়া উঠিল...

গীতা বলিল—কি জিনিষ? শুনি।

—একটি আংটি।

কেস খুলিয়া সুশীল আংটি বাহির করিল। হীরায় খচিত। হীরার দৌণ্ডি যেন ঠিকরিয়া পড়িতেছে!

গীতা বলিল—পকেটে রেখে দিন। বলেছি তো—ও সব কথা আর নয়। আমি ভেবে দেখি; চলুন এখন সিনেমায়...

সিনেমায় গীতা কোনো কথা কহিল না। প্রেমের এক প্রগাঢ় দৃশ্য যখন পর্দায় ফুটিয়াছে, সুশীল ডাকিল,—গীতা দেবী...

গীতা কহিল,—চুপ!...

সুশীলের সমস্ত আবেগ এই ছোট কথার আঘাতে ঝরিয়া মরিয়া গেল।

সিনেমায় আর কোনো কথা হইল না।

তিন দিন পরের কথা। স্থান,—লেকের দোলন-পুলের উপর।

পশ্চিম-আকাশ রাঙা হইয়া উঠিয়াছে। সূর্য্য অস্ত গিয়াছে অনেকক্ষণ—তাহারি রক্ত-রাগ আকাশ কোথায় লুকাইয়া রাখিয়াছিল। সূর্য্য অস্তাচলে গেলে সেই রক্ত-রাগ চাদরের মতো নিজের গায়ে মেলিয়া ধরিয়াছে। একটা পাখী সে রঙ দেখিয়া মশগুল হইয়া পাতরে আড়ালে ডাকিয়া উঠিয়াছে...গীতা চাহিয়াছিল সেই রাঙা আকাশের পানে...

তার হাতখানি চাপিয়া ধরিয়া সুশীল ডাকিল,—গীতা দেবী...

আবেগে গাঢ় গদগদ ভাষা! দুই চোখে তীব্র ভৎসনা ভরিয়া গীতা বলিল—আপনি পাগল করে তুললেন, দেখছি! পথে-ঘাটে এ ভাবে কেউ প্রেম নিবেদন করে না!

সুশীল বলিল—আমার হৃৎখে তোমার দয়া হয় না?

—না...আপনি ভুল-পথে আমার মনে প্রবেশ করবার চেষ্টা করছেন। ফুল, চকোলেট, শাড়ী, ছল,

পিন এনে আমার আপনি উপহার দিচ্ছেন! সেজন্য আমার কৃতজ্ঞতার সীমা নেই। এসব জিনিষের সখ আমার খুব—ভাও মানি। কিন্তু স্ত্রীলোকের মন কি এই দিবেই পাওয়া যায়?...আপনার পরস্যা আছে অটেল... তা থেকে হুঁচার পরস্যা খরচ করে যে-সব উপহার আপনি আনেন, আমার মনে হয়, যেন রূপা-সুষ্টি করছেন! ছেলেখেলার মতো! কিন্তু এর চেয়েও বেশী যদি আমি চাই?...দিতে পারেন?

সাগ্রেহে সুশীল বলিল,—কি তুমি চাও, বলো... মোটর-গাড়ী?

হাসিয়া গীতা বলিল—না। মোটরে চড়ার সখ আপনার দৌলতে আমার মিটেচে।

—তবে?...আমায় বিয়ে করলে জগতে তোমার কোনো অভাব থাকবে না, গীতা দেবী!...না, আমি মরীচিকার পিছনে আর ছুটেতে পারবো না। বলো তুমি...আমার এ-আশা...

গীতা বলিল—বেশ, এ কথার জবাব আমি দেবো... তবে এই লোকারণ্যে নয়।...একটা কথা শুধু এখন বলে রাখি সুশীল বাবু, যদি যথার্থ আমার ভালোবাসেন, তাহলে এসব তুচ্ছ উপহারে সে ভালোবাসা নিবেদন করবেন না। উপহার যদি দিতে চান...এমন উপহার দিন, যার জন্ত আমার মন কাঙাল হয়ে আছে।

—কি সে...বলো আমার!

গীতা বলিল—আপনাকে আমি বলেছি তো...গোপনতা রাখিনি...আমি বাচার মতো বাচতে চাই। এবং... বেশ, কি আমি চাই, বলি। আপনি দেখেছেন, আমার ড্রেসিং টেবলের উপর একটা ফুলদানী আছে। সে ফুলদানী কাশ্মীরী...পুরোনো জিনিষ! আমার বাবা ওটি কিনেছিলেন...যখন কাশ্মীরে যান, তখন। একটি নয়, একজোড়া। তিনি মারা যান অনেক দুঃখ পেয়ে...সে সময় পরসার অভাব হয়। ফুলদানীর একটি তিনি বেচে দেন। সেটি বেচে যে ব্যথা পান, সে ব্যথা সহিতে পারেননি—সে ব্যথা বৃকে নিয়ে তিনি মারা যান। সে ফুলদানী কোথায়, আমি সন্ধান জানি। আমার সাথ, সেটি কিনি। কিন্তু যে লোকের কাছে সে ফুলদানী আছে, সে পণ করেছে, সেটা বেচবে না।...সেজন্য আমার কি দুঃখ...

গীতা নিখাস ফেলিল।

সুশীল বলিল,—এই কথা! সে ফুলদানী আমি এনে দেবো। যত টাকা দাম লাগে। তুমি বলো, কার কাছে সে ফুলদানী আছে...

গীতা বলিল—ঠিকানা লেখা আছে আমার ডায়েরিতে। বাড়ী ফিরে আপনাকে ঠিকানা দেবো।

সুশীলের মনে হইল, মনের আকাশে এতকাল ধরিয়া যে-মেঘ জমিয়া আছে, এবারে সে মেঘ কাটিবে!

সুশীল বলিল,—সে ফুলদানী এনে দিলে আমার আশা তুমি পূর্ণ করবে? আমার স্ত্রী...

বাধা দিয়া গীতা বলিল—এ জবাব পাওয়া শক্ত হবে না, সুশীল বাবু।

সুশীল ভাবিল, তুচ্ছ একটা ফুলদানী! একখানি চেক কাটিবার ওয়াস্তা শুধু!

সেই রাত্রেই নাম-ঠিকানা মিলিল। মহা-উৎসাহে সুশীল বলিল—কাল তুমি এ ফুলদানী পাবে। যদি সে লোক ফুলদানীটি না বেচে থাকে...একটা নিখাস ফেলিল; ফেলিয়া বলিল—তুচ্ছ ফুলদানী! হুঁঃ! এ-কথা এতদিন কেন বলোনি গীতা দেবী?

গীতা বলিল—এতদিন কি-চেঁষ্টাই করেছি সে ফুলদানীর জন্ত!

—আর ভাবনা নেই। কাল তুমি এ ফুলদানী পাবে।

গীতা বলিল—কিন্তু তার একেবারে ধনুর্ভঙ্গ পণ!

হাসিয়া সুশীল বলিল—হরধনু ভেঙ্গেছিলেন রামচন্দ্র... আর এ ফুলদানী-ধনু ভাঙবে শ্রীমান সুশীল। রামচন্দ্র হরধনু ভেঙ্গে পেয়েছিলেন সীতা দেবীকে...আমি পাবো গীতা দেবীকে!...কিন্তু মনে থাকে যেন, ফুলদানীর বিনিময়ে পাণি-বিনিময়!

গীতা বলিল—আগে ফুলদানী সংগ্রহ করুন...

উৎসাহ-ভরে সুশীল বলিল,—না, আমি চাই স্পষ্ট কথা।...রাজি?

গীতা বলিল,—বেশ, রাজি। যদি ভেতেন...

হাসিয়া সুশীল বলিল,—গীতা দেবী নাম বদলে তুমি হবে শ্রীমতী সুশীলা দেবী।

একটা তুচ্ছ ফুলদানী !

সুশীল ভাবিল, রূপার টাকা ! তার জোরে কি না পাওয়া যায় ! ফুলদানী...নারীর রূপ...

ষ্টক-একচেত্নের পথে চিত্তরঞ্জন এভেম্বরের উপর জীর্ণ একটা ক্ল্যাট। ডাইভারকে পাঠাইয়া সুশীল সংবাদ লইল, এ ক্ল্যাটের চার তলায় মেশ। সেই মেশের ঘরে থাকে অমরেশ।

অমরেশকে চাই। গীতা নাম-ঠিকানা দিয়াছে,— অমরেশ সামান্য টুকিটাকি বেচিয়া দিনাতিপাত করে। তার কাছে আছে ফুলদানী।

সুশীল ভাবিল, অবস্থা দেখিয়া মনে হয়, তার জয় নিশ্চিত। এই ভাঙা বাড়ীর তিন তলার মেশে যে বাস করে, তার গাঁই কতই বা ! পাঁচ টাকা ? দশ টাকা ? বড় জোর, পঞ্চাশ ? ফুলদানীটি দিবার পথ পাইবে না ! তখন...

বুকের মধ্যে হাইল্যাণ্ডার দলের ব্যাগ-পাইপ বাজিয়া উঠিল...বিজয়-উল্লাসে !

সুশীল তিন তলায় উঠিল। অমরেশকে পাওয়া গেল।

ছোট ঘর—রাজ্যের টুকিটাকি দ্রব্যে ঘর ভরিয়া আছে।

সরু একখানা তক্তাপোষে বসিয়া এক জন যুবক নিবিষ্টমনে কতকগুলি কাগজ লইয়া হিসাব লিখিতেছে...

সুশীল সে-ঘরে ঢুকিয়া প্রণয় করিল—অমরেশ কার নাম ?

যুবক ফিরিয়া চাহিল, পরে উঠিয়া দাঁড়াইল ; তার পর কহিল,—আমার নাম অমরেশ।

সুশীল কহিল,—হঁ !...

অনেক তাকে লক্ষ্য করিল ; তার পর বলিল,—তোমার কাছে একটা কাশ্মীরী ফুলদানী আছে ?

—হ্যাঁ ।

—দেখি ।

অমরেশ ফুলদানী বাহির করিল। সুশীল ফুলদানীটি হাতে লইয়া দেখিল, দেখিয়া বলিল—ঠিক ! এটি আমি কিনতে চাই । কত হলে দেবে ? এক-দর বলো...

যুহু হাতে অমরেশ বলিল,—কিন্তু এটি আমি বেচবো না ।

বেচিবে না ! পাগল আর কাহাকে বলে ! ফুলদানীর চেয়ে নগদ টাকার দাম অনেক বেশী !

সুশীল কহিল—তুমি ব্যবসা করো তো ?

—করি ।

—তবে ?...ফুলদানীতে ফুল গুঁকে কারো পেট ভরে না বাপু !

কথা শুনিয়া অমরেশ চমকিয়া উঠিল। জানা নাই, শুনা নাই, খরিদদার ! সে আসিয়া একেবারে হিতোপদেশ গ্রন্থ রচিতে বসিয়া যায় ! আশ্চর্য লোক !

সুশীল কহিল—এই নাও পাঁচ টাকা...দাঁও ও-ফুলদানী !

অমরেশ কহিল—কিন্তু...

—বেশ, বেশ !' দর বাড়াতে চাও ? এই দশ টাকা দিচ্ছি...আর কথা কয়ো না...

অমরেশ বলিল—ও-ফুলদানী আমি বেচবো না ।

—বেচবে না ? সুশীল অগ্নেক স্তব্ধ রহিল, তার পরে বলিল,—সেটিমেন্ট ! ব্যবসা করতে বসে সেটিমেন্ট দেখলে চলে না । বেশ, পনেরো টাকা দিচ্ছি...

অমরেশ বলিল—কিন্তু !...

আবার কিন্তু ?...

সুশীলের রোষ চড়িয়া গেল। সঙ্গে সঙ্গে দাম চড়িতে লাগিল...

চড়িয়া উঠিল তিনশো টাকায় ।

অমরেশ কুণ্ঠা-ভরে কহিল—আজ্ঞে...

সুশীল রাগিয়া গেল ; কহিল—ও, সাধটি বলে' তোমার গাঁই বেড়ে চলেছে ! বেশ, আমি চাই না ও-ফুলদানী...বিলিতি দোকানে ওর চেয়ে ঢের ভালো ফুলদানী পাবো'খন এবং কম দামে। নেহাৎ জোড়-ভাঙ্গা হয়ে আছে বলেই খপর পেয়ে এসেছিলুম...

সুশীল নামিয়া আসিল...ঝাঁকের মাথায় একেবারে একতলায়...

তার পর দাঁড়াইয়া কি ভাবিল। ভাবিয়া আবার সিঁড়ি বহিয়া তিন তলায় উঠিল। উঠিয়া অমরেশের ঘরে...

অমরেশ তখনো দাঁড়াইয়া আছে...তার হাতে ফুলদানী !

সুশীল কহিল—শোনো, পাঁচশো টাকা পর্যন্ত দিতে রাজি। নগদ...আর কথা কয়ো না...পাঁচশো টাকায় ব্যবসা ফালাও করে তুলতে পারবে'খন ! নেহাৎ আমার ঝাঁক পড়েচে...

অমরেশ তবু নড়িতে জানে না। সে জবাব দিল না।



সুশীল ভাবিল, লোকটা ভয়ঙ্কর ফন্দীবাজ তো!  
কি ভাবিয়াছে?

সুশীলের আপাদ-মস্তক জ্বলিয়া উঠিল। এমন বেয়াদব!  
কিন্তু বাজি রাখিয়াছে গীতার কাছে...তার এত বড়  
মুখ ছোট হইবে? পরাজয়ের কালি মাখিয়া সেখানে  
গিয়া কি বলিয়া দাঁড়াইবে? লেখাপড়া-জানা এ-কালের  
মেয়ে...তার বচনে ধার আছে! না...

সুশীল উঠিল দেড় হাজার টাকার...অমরেশ তবু কাঠ!  
সুশীল পার্শ্ব বাহির করিল...নোটের তাড়া গণিয়া  
হ'হাজার টাকা...

সে তাড়া অমরেশের হাতে গুঁজিয়া দিয়া বলিল,—এই  
নাও হ'হাজার। জন্মে কখনো এত টাকার মুখ দেখবে না।  
...নাও, হাতের লক্ষী পায়ে ঠেলো না। হাঁড়র ছেলে  
তো...মা-লক্ষীর অপমান করো না।

একটা নিখাস ফেলিয়া অমরেশ কহিল—আপনার যখন  
এত ঝাঁক...বেশ, নিন ফুলদানী...

ফুলদানীটি হাতে লইয়া ছই চোখে অগ্নিবৃষ্টি করিয়া  
সুশীল চাহিল অমরেশের পানে...তীব্র আক্রোশভরা স্বরে  
কহিল—Downright cheating...এ-ভাবে বাবসা করলে  
একদিন জেলে যাবে...বুঝলে!

কথাটা বলিয়া সুশীল এক-মুহূর্ত দাঁড়াইল না...  
চলিয়া আসিল।

অমরেশ তক্তাপোষের উপর পড়িয়া হা-হা উচ্চহাস্তে  
আপনাকে একেবারে লুটাইয়া দিল।

গাড়ীতে উঠিয়া সুশীল ভাবিল, এবারে তুমি গীতা...  
রূপ-সৌবনের মায়ায় ভাকে মুগ্ধ করিয়া...হ'হাজার...  
হ'হাজার টাকা তোমার দাম...নারী!

ড্রাইভার কহিল—অফিস যাবো?

সুশীল বলিল—হ্যাঁ...

ভাবিল, এ হ'হাজার টাকা তুলিতে কতক্ষণ!

তার পর...

সন্ধ্যার সময় গীতার ঘর।

সুশীল আসিয়া বলিল—চলো সিনেমায়...মাড়ে  
মটার শো...

গীতা বলিল—আজ যাবার উপায় নেই। কাল স্কুলে  
প্রাইজ আছে। আমায় আজ এখন স্কুলে যেতে হবে।  
কখন ফিরবো, জানি না। সারা দিন কাজে ব্যস্ত থাকবো।  
পরশুর আগে ছুটি মিলবে না।

সুশীল বলিল—কিন্তু তোমার সঙ্গে যে আমার খুব  
দরকারী কথা ছিল। জীবন-মরণের কথা...

কুতূহলী দৃষ্টিতে গীতা চাহিল সুশীলের পানে।

সুশীল বলিল,—সেই ফুলদানী আর তার সঙ্গে  
যে বাজি...

—পেয়েচেন ফুলদানী?

গীতার স্বরে কি উল্লাস!

সুশীল বলিল—পেয়েচি। সে ফুলদানী তোমায় দেবো  
শুভ লগ্নে...যে লগ্নে তুমি তোমার কথা রক্ষা করবে। যে  
কথা আছে...

গীতা বলিল,—কিন্তু ফুলদানী! সে লোকটি বেচেছে  
আপনাকে! আশ্চর্য্য...

হাসিয়া বিজয়-দৃষ্ট স্বরে সুশীল কহিল—রূপোর টাকা...  
তার শক্তি অমোঘ, গীতা দেবী!

—তাই দেখাচি। কিন্তু আমায় ক্ষমা করবেন সুশীল  
বাবু, আমাকে এখন স্কুলে যেতে হবে...

—বেশ...পরশু এসে দেখা করবো।

মাথা নাড়িয়া গীতা বলিল,—তাই আসবেন। এখন  
আমার কোনো দিকে চাইবার সময় হবে না... ফুলদানী  
সেই দিনই আনবেন।

সুশীল বিদায় লইল। পাবাণী!...শুধু টাকা  
চিনিয়াছ! এ ব্যস্মে তোমার মনে ভালোবাসার রেখাও  
পড়ে নাই! এত দিনের এতখানি অন্তরঙ্গতা...

মরীচিকা!...

সুশীল নিখাস ফেলিল।

হ' দিন কাটিয়া গেল। কি করিয়া কাটিল...সুশীল  
ভাবিয়াছিল, এ ছটা দিন কোনো কালে কাটিবে  
না!...

কথা-মতো সেদিন সন্ধ্যায় সুশীল আসিয়া দেখা দিল  
গীতার ক্ল্যাটে...দরের দ্বারে তালা।

গীতা?

সংবাদ মিলিল, গীতা এখনকার বাস; তুলিয়া চলিয়া গিয়াছে।

চলিয়া গিয়াছে!

পাশের ঘরের ভদ্রলোক বলিলেন,—আপনার নাম সুশীল বাবু? আপনার আজ আসবার কথা ছিল?

• ঢৌক গিলিয়া সুশীল বলিল,—হ্যাঁ।

—ও! তা আপনার জন্ম একখানি চিঠি রেখে গেছেন। আনি...

একটু আরাম! সুশীল স্বস্তির নিশ্বাস ফেলিল। গীতা তবে ভোলে নাই!

ভদ্রলোক খামে-মোড়া চিঠি আনিয়া সুশীলের হাতে দিলেন; বলিলেন—বসবেন? আহুন আমার ঘরে...পাশেই।

—না।

বারান্দায় আলো জ্বলিতেছিল। খাম ছিঁড়িয়া সুশীল চিঠি পড়িল।

লেখা আছে—

সুশীলবাবু

ক্ষমা করিবেন। টাকার শক্তি অমোঘ—এ কথা আপনি বলিতেন সকল সময়ে। বলিতেন, টাকায় কি না পাওয়া যায়!

কথাটা যত বড় সত্য বলিয়াই জানিয়া রাখুন, এ কথাও সত্য বলিয়া জানিবেন, নারীর মন টাকার মূল্যে পাওয়া যায় না।

অমরেশ বাবুকে আপনি চিনিতে পারেন নাই। তাঁর বাবার নাম পরেশ বাবু। পশ্চিম রায়; ষ্টক এক্সচেঞ্জে আপনার বাবার হাতে তিনি সর্বস্বান্ত হন। এ কথা

অমরেশ বাবু জানেন। কিন্তু আপনারা, বড় লোক—টাকার সিংহাসনে বসিয়া আছেন। আপনার বাবা অমরেশবাবুর বাবাকে সর্বস্বান্ত করিয়াছিলেন।

তাই আপনার পরিচয় পাইয়া তার একটু শোধ লইবার সাধ তাঁর মনে জাগে।

অমরেশবাবুর সঙ্গে আমার বিবাহের কথা পাকা হইয়া আছে।

আপনি যেভাবে আমার মৃগয়া করিবার বাসনায় মত্ত হইয়াছিলেন...

কিন্তু সে সব কথা নূতন করিয়া তুলিবার প্রয়োজন নাই।

ফুলদানীটি আপনি রাখিয়া দিন। আমার সঙ্গে যে প্রণয়-লীলার অভিনয় করিয়াছেন, তার স্মৃতি!

ভাবিয়াছিলেন, আমি এমন অসঙ্কোচে আপনার সহিত মিশিতেছি, বুঝি আপনার ঐশ্বর্যে তুলিয়া! আমার মনকে আমি জানি বলিয়াই আপনার সঙ্গে এমন ঘনিষ্ঠভাবে মেলামেশা করিয়াছি...

ও ফুলদানীর জুড়ি নাই। আপনার কাণ্ড দেখিয়া আমার ঘরের ফুলদানীটি অমরেশ বাবুর কাছে পাঠাইয়া-ছিলাম।

আমরা বাহিরে যাইতেছি। বাহিরে ভালো চাকরি পাইয়াছি। অমরেশ বাবুও চাকরি পাইয়াছেন।

আপনাকে ধন্যবাদ! বিবাহ করিয়া ঐ দু'হাজার টাকায় সংসার পাতিবার সুবিধা হইবে।

আপনার ভালোবাসার কথা জীবনে ভুলিব না।

গীতা


শ্রীমৌরীন্দ্রমোহন মুখোপাধ্যায়।

## “বিদায় বেলা”

ঘণা যদি কর যাবার বেলা,  
অবহেলায় মুখটি রাখ ফিরে,  
কেমন করে হবে আমার বলা,  
না বলা সেই গোপন বাণীটির?  
হৃৎখে আমার বিদায় লগন ভরি  
পড়বে অশ্রু বিন্দু বিন্দু ঝরি;  
মুখের ভাষা হারিয়ে যাবে মোর—  
কইব কথা কাতর ছুটি চোখে,

এমনি করে তোমার পানে চাবে  
হৃৎখ যাতে বাজে তোমার বুকে।  
ডাকবে তখন জানি আদর করে,  
তোমার দেওয়া প্রিয় নামটি ধরে।  
বইবে অশ্রু ছুটি নয়ন ছাপি,  
হিয়ার বাধন উঠবে কাঁপি কাঁপি,  
রাগ-অভিমান সব ভুলিয়া আমি  
তোমায় চেয়ে রইবো দিবস-যামি।

কুমারী কমলরাণী চট্টোপাধ্যায়।



১

“ওঠ, মা, ওঠ, মা,—বোধ, মা, :

ঐ এল তোর ঈশানী—পাষাণী।”

শরতের দিন প্রভাত হইতেছে। কলিকাতার উপকণ্ঠে—  
জাহ্নবীর কূলে প্রভানাথ রায় চৌধুরীর গৃহে হুর্গোৎসবের  
সময় শানাই ঐ গানের সুর তুলিতেছিল। কৃত-গঙ্গান্নান  
বৃদ্ধ চৌধুরী মহাশয় পূজামণ্ডপেই বসিয়া ছিলেন। আর  
তাঁহার নিকট হইতে অদূরে এক প্রোঁটা, এক যুবতী ও এক  
বিধবা কিশোরী পূজার সব আয়োজনে ব্যস্ত ছিলেন।

এক যুবক গৃহদ্বারের নিকটে বার বার ষাইতেছিল  
আর আসিতেছিল। দুইটি বালক চৌধুরী মহাশয়ের কাছে  
বসিয়া প্রতিমা ও “চালচিত্র” দেখিতেছিল ও মধ্য মধ্য  
বৃদ্ধকে নানা প্রশ্ন করিতেছিল।

গৃহস্বামী চৌধুরী মহাশয়ের মুখে গান্ধীর্যের ভাব  
বিবাদে নিবিড়তর হইয়াছে। তিনি বৈষ্ণব চৌধুরী-  
বংশোদ্ভূত—বাল্যে মাতৃহীন হইয়া মাতামহীর নিকট লালিত-  
পালিত হইয়াছিলেন। মাতামহ তখন পশ্চিমে রসদ-  
বিভাগে চাকরী করিতেন। তাঁহার এক সন্তান—চৌধুরী  
মহাশয়ের মাতা। পশ্চিমেই শিক্ষাগাভ করিয়া চৌধুরী  
মহাশয় মাতামহের চেষ্টায়, ভারত সরকারের হিসাব  
বিভাগে চাকরী পাইয়াছিলেন। মাতামহীর মৃত্যুর পর  
তাঁহার মাতামহ কালীতে আসিয়া দেহরক্ষা করিবার ও  
শেষে মণিকর্ণিকার মহাশয়খানে ভ্রমীভূত হইবার বাসনার  
কালীবাসী হইয়াছিলেন। কালীবাসী হইবার সময় তিনি  
দীর্ঘজীবনের সমগ্র সময় দৌহিত্র প্রভানাথকে দিয়া কেবল  
রাজরাজেশ্বর শালগ্রাম শিলা সঙ্গে লইয়া গিয়াছিলেন।  
অবসর পাইলেই প্রভানাথ সপরিবারে বৃদ্ধের নিকট  
আসিতেন। বৃদ্ধের নির্দেশ ছিল, “রাজরাজেশ্বরকে, আমার

আপনার নিকট হইতে দূরে কলিকাতায় বিদ্যালয়ের ছাত্রা-  
বাসে রাখিয়াছিলেন—সে উকীল হইবে। তিনি শেষ  
জীবনে তাহার নিকটে কলিকাতায় আসিয়া বাস করিবেন  
মনে করিয়া কলিকাতায় একখানি বাড়ী করাইয়া তাহা  
রাজরাজেশ্বরের সেবার জন্ত দিবেন, স্থির করিয়াছিলেন।

এমন সময় এক দিন তিনি পুত্র ধরানাথের এক পত্র  
পাইলেন—সে ব্যারিষ্টার হইবার জন্ত বিলাত যাত্রা  
করিল। সংবাদ পাইবার পর প্রথমেই প্রভানাথের মনে  
পড়িল, দাদামহাশয়ের সেই কথা—আজকাল লোক বিগ্রহ  
নিগ্রহ মনে করিতেছে। রাজরাজেশ্বরের সেবার ব্যবস্থা  
কি হইবে? তিনি মাতামহের নির্দেশানুসারে রাজরাজেশ্বরকে  
গঙ্গায় সমর্পণ করিতে পারেন; কিন্তু বুদ্ধের নিকট তিনি যে  
অর্থ পাইয়াছেন, তাহা কি তিনি আচারভ্রষ্ট—পিতামাতার  
অনুমতির অপেক্ষা রক্ষায় অনবহিত পুত্রের ভোগের জন্ত  
দিতে পারেন? তাঁহার মন বলিল—না।

মাতামহের পৈতৃক গৃহ কলিকাতার উপকণ্ঠে—গঙ্গার  
কূলে। সে গৃহে দোল, দুর্গোৎসবের জন্ত ব্যবস্থা ছিল  
এবং সেজন্ত যে সম্পত্তি ছিল, তাহা হইতে পুরোহিত-  
গোষ্ঠী সেই ভগ্নপ্রায় গৃহের চণ্ডীমণ্ডপে সে সব পূজার  
যেমন-তমন ব্যবস্থা করিতেন। অণু সরিকরা কেহ  
বাড়ীতে থাকিতেন না—দেবার্চনার কোন সংবাদও  
লহিতেন না।

প্রভানাথ কয় দিনের জন্ত কলিকাতায় আসিলেন—  
মাতামহের পৈতৃক গৃহের সরিকদিগের সন্ধান করিয়া  
তাঁহাদিগকে প্রাপ্যতিরিক্ত কিছু দিয়া গৃহে তাঁহাদিগের  
স্বস্থি নিশ্চয় লইলেন এবং গৃহটির সংস্কারের যে ব্যবস্থা  
করিলেন, তাহাতে তাহা পুনর্নির্মিত হইবে। তিনি স্থির  
করিলেন, তাঁহার সঞ্চিত অর্থের অর্ধাংশে তিনি ধরানাথকে  
বঞ্চিত করিবেন না বটে, কিন্তু মাতামহদত্ত সমস্ত সম্পদ  
তিনি দেবসেবার জন্ত প্রদান করিবেন।

ফিরিয়া যাইয়া তিনি সে কথা স্ত্রীকে বলিলেন; তাহার  
পর জ্যেষ্ঠ পুত্রকে তাহা বলিয়া বলিলেন, “আমি সুখচরে  
যাইয়াই বাস করিব। তুমি কি করিবে?”

নরনাথ ক্ষণমাত্র চিন্তা না করিয়া বলিল, “যে স্থানে  
আপনি আর মা রাজরাজেশ্বরকে লইয়া যাইবেন, সেই  
স্থানেই আমার আশ্রয়—আপনাদের চরণে।”

“কিন্তু চাকরী?”

“আপনাদের সেবা অপেক্ষা চাকরী বড় নয়।”

“ভাল করিয়া ভাবিয়া দেখ।”

“ভাবিবার কিছুই নাই। টাকা? আপনি যে আপনার  
বাবার এক পয়সাও পান নাই—কিন্তু আপনার কি কোন  
অভাব হইয়াছে?”

তখন স্থির হইল, প্রভানাথই চেষ্টা করিয়া দেখিবেন,  
যদি নরনাথের চাকরী বাঙ্গালা সরকারে বদল করা যায়।  
তাহা হইলে সে সুখচরেই থাকিয়া চাকরী করিতে  
পারিবে। তাহা না হয়—সে চাকরী ত্যাগ করিবে।

যখন এই সব ব্যবস্থা হইতেছিল, সেই সময় প্রভানাথের  
কনিষ্ঠা কন্যা শেফালীর বিবাহ হইল। মল্লীনাথ “পাত্রের”  
যে সব গুণ কন্ডার, মাতার, পিতার ও বাহুবের বাঞ্ছিত  
বলিয়া বর্ণনা করিয়াছেন, সেই রূপ, বিত্ত, বিদ্যা ও কুল—  
সবই সে পাত্রের ছিল। কিন্তু বিবাহের পর এক বৎসরও  
কাটিবার পূর্বে ট্রেন-দুর্ঘটনায় যুবকের জীবনান্ত হইল।  
বিনামেঘে বজ্রাঘাতে দুইটি পরিবারের সুখ বিনষ্ট হইয়া  
গেল। চৌধুরী মহাশয়ের পত্নীকে অত্যন্ত কাতর দেখিয়া  
চৌধুরী মহাশয় স্বয়ং দৃঢ় হইয়া তাঁহাকে বুঝাইলেন—  
তিনি যদি ধৈর্যধারণ করিতে না পারেন, তবে কন্যাকে  
কে ধৈর্যদান করিবে?

এক দিন উপবাসী থাকিয়া সমস্ত দিন জপে কাটাইয়া  
সন্ধ্যারতি শেষ করিয়া প্রভানাথ ঠাকুরঘরের দ্বারে যাইয়া  
শয়ন করিলেন—কাহাকেও সে দিকে আসিতে নিষেধ  
করিলেন।

তিনি কি করিলেন বা কি পাইলেন, তাহা কেহ জানিল  
না। প্রভাতে তিনি গৃহিণীকে বলিলেন, তিনি সুখচরে  
যাইবেন—রাজরাজেশ্বরকে, তাঁহাকে ও শেফালীকে লইয়া  
যাইবেন। গৃহিণী কোন কথা জিজ্ঞাসা করিলেন না।

শুনিয়া নরনাথ একমাস ছুটির দরখাস্ত করিল—  
কলিকাতায় চাকরী বদল হয়, ভাল; না হয়—চাকরী  
ত্যাগ করিবে; সে পিতামাতার সঙ্গে যাইবে।

পক্ষকালের মধ্যেই সকলে পরিচিত স্থান ত্যাগ  
করিয়া গঙ্গাতীরে মাতামহের ভিটার নবনির্মিত গৃহে  
আসিলেন; নূতন জীবন আরম্ভ হইল—প্রাতে সকলে  
একসঙ্গে গঙ্গাস্নান। তাহার পর পূজার্চনা, প্রভানাথ



এক জন বৃদ্ধ পণ্ডিত নিযুক্ত করিয়া বিধবা কন্যাকে সংস্কৃত শিক্ষা দিতেছিলেন—আপনিও তাহাকে শাস্ত্রোপদেশ দিতেন। ততক্ষণ পণ্ডিত মহাশয় পড়াইতেন, ততক্ষণ তিনি তাঁহার কাছে থাকিতেন। গৃহে আমিষ ও নিরামিষ রন্ধনের ব্যবস্থা স্বতন্ত্র হইয়াছিল—প্রথমোক্ত ব্যবস্থা কেবল নরনাথ, তাহার স্ত্রী ও পুত্রদ্বয়ের জন্য। রাজরাজেশ্বরের সেবানার প্রভানাথের কোর্শলে দিন দিন শেফালীর উপর অধিক গুরুত্ব হইতেছিল। পিতার উপদেশে ও আগ্রহে সে সেই ভাবের যেন অগাধ তৃপ্তি লাভ করিতেছিল।

সৌভাগ্যক্রমে নরনাথ বাঙ্গালী সরকারে চাকরী পাইয়াছিল। সে সুখচর হইতে যাতায়াত করিত। শোক যেন সে পরিবারকে পুণ্যপুত করিয়া দিয়াছিল।

অল্পক্ষণ পরে একখানি মোটরের বংশীপন্থি অদূরে গুনা গেল। নরনাথ বাস্তু হইল। গৃহদ্বারে গেল। স্বামিসহ ভগিনী ললিতা আসিয়া উপস্থিত হইল। ছোট ছেলেটিকে নরনাথ বুকে লইয়া নামাইল—বড় ছেলেটি—মেরেটি নামিয়া আসিয়া সোনালী রৌদ্রে ভরা প্রান্তর হইতে চণ্ডীমণ্ডপে দেবী-প্রতিমা দেখিতে দেখিতে মণ্ডপের সোপানে উপস্থিত হইল। ললিতা ততক্ষণে আসিয়া পৌঁছিয়াছে। সে উদ্দেশে প্রতিমা ও পিতাকে প্রণাম করিয়া ছেলেদিগকে বলিল, “চল, আগে স্নান করে তবে ঠাকু-দালানে উঠবি।” ততক্ষণে গৃহিনী ও শেফালী—তাহাদিগের আগমনে,—মণ্ডপে আসিয়া দাঁড়াইয়াছিলেন। প্রভানাথ জিজ্ঞাসা করিলেন, “সব ভাল?” জামাতা সুধাংশু বলিল, “আপনার আশীর্বাদে সব মঙ্গল।” ললিতা কোন কথা বলিতে পারিল না—ভগিনীর বেশ দেখিয়া তাহার চক্ষু অশ্রুতে ভরিয়া আসিয়াছিল।

এই সময় অদূরে আবার মোটরের বাদী বাজিল। নরনাথ আবার দ্বারের দিকে গেল। এই মোটরে ধরানাথ আসিল। সে তাহার পূর্বদিন বিলাত হইতে ফিরিয়াছে। সে বলিল, “দাদা, খুঁজে খুঁজে বাড়ী ঠিক যার করেছি।”

নরনাথ বলিল, “খুঁজে পেতে কি কষ্ট হয়েছে? আমিও রাস্তায় নক্সা পড়ে একেই দিয়েছিলাম।”

“তা’না হ’লে পেতে আরও দেরী হ’ত।”

ধরানাথ নামিয়া ট্যাক্সি-চালককে ভাড়া দিল;—দিতে দিতে সঙ্গী যুবককে বলিল, “কিন্তু, তুমি ফিরবে কিসে?”

নরনাথ বলিল, “এখান থেকে বাস যার। আমার গাড়ীও রয়েছে।” সে ভ্রাতাকে জিজ্ঞাসা করিল, “সঙ্গে কে?”

ধরানাথ বলিল, “আমার বন্ধু। বিলাতে আমরা এক পরিবারে ছিলাম। মিষ্টার-ব্যানাজ্জীর বাড়ী পুলা জিলায়।”

সঙ্গী যুবক বলিল, “বরং বল—বাড়ী ছিল পুলা জিলায়।”

নরনাথ জিজ্ঞাসা করিল, “কেন?”

“আমরা বহুদিন বাড়ী-ছাড়া।”

সকলে প্রান্তরে প্রবেশ করিলে প্রভানাথ মুখ তুলিয়া দেখিলেন। বিদেশীর বেশে পুত্র—সেই বেশধারী আর এক জনের সহিত পূজার দিন গৃহে প্রবেশ করিল। তাঁহার মন সে প্রসন্ন হইল না, তাহা বলাই বাহুল্য।

ললিতা তখনও প্রান্তরেই ছিল। সে ভ্রাতার সঙ্গে অপরিচিত যুবককে দেখিয়া মাপার উপর কাপড়-আরও একটু টানিয়া দিয়া মুহূর্ত্তে নরনাথকে জিজ্ঞাসা করিল, “দাদা, কোন্ পথে যা’ব?”

নরনাথ, “আয়” বলিয়া তাহাকে পথ দেখাইয়া বাড়ীর মধ্যে লইয়া গেল।

সুধাংশু ধরানাথকে জিজ্ঞাসা করিল, “ভাল ত?”

ধরানাথ বলিল, “হাঁ।”

গৃহিনী ও শেফালী ধরানাথের সঙ্গী যুবককে দেখিয়া পূর্বেই মণ্ডপ হইতে পূজার সামগ্রী রাখিবার দরে ফিরিয়া গিয়াছিলেন।

ভ্রাতার ব্যবহারে নরনাথ বিশেষ শঙ্কিত হইতেছিল। সে পিতার মুখে অপ্রসন্নভাব লক্ষ্য করিয়াছিল। সে দৃঢ়-চিত্ত পিতার প্রকৃতি বিশেষরূপে জানিত—স্বভাবতঃ তাহা যেমন কোমল, আবার প্রয়োজনে তেমনই কঠিন হইতে পারে। ধরানাথের ব্যবহারে তিনি যে বিরক্ত হইয়াছিলেন, সে বিরক্তি তিনি কখন গোপন করেন নাই, তবুও নরনাথের আশা ছিল, সে ফিরিয়া আসিলে পিতার স্নেহ হ্রত সে বিরক্তি প্রকাশিত করিতে “পারিবে। কিন্তু কই

মাস পূর্বে সে আশাও নির্মূল হইয়াছিল। কারণ, ধরানাথ পিতাকে না জানাইয়া বিলাতে যাত্রা করিবার বহু দিন পূর্বেই প্রভানাথ তাহার বিবাহ-সম্বন্ধ স্থির করিয়া রাখিয়াছিলেন। পাত্রীর মাতামহ তাঁহার সহিত দীর্ঘকাল এক স্থানে চাকরী করিয়াছিলেন এবং বাঙ্গালার বাহিরে প্রবাসী বাঙ্গালীদিগের মধ্যে তখন যে ঘনিষ্ঠতাই নিয়ম ছিল—উভয়ের প্রকৃতিগত সাদৃশ্যের জন্ত সে ঘনিষ্ঠতা বিশেষ বর্দ্ধিত হইয়াছিল। এই বালিকাটি শৈশবে মাতৃহীনা হইয়া মাতামহীর নিকট পালিতা এবং বাল্যাবধি সে শেফালীর খেলার সঙ্গী ছিল। তাহার বিবাহের বয়স হইবার অনেক পূর্বেই প্রভানাথ ও কনকের পিতামহ এই সম্বন্ধ স্থির করিয়া রাখিয়াছিলেন। প্রভানাথ “এক কথার মানুষ”—যে কথা দিতেন, তাহা রক্ষা করিবার জন্ত কোনরূপ ত্যাগ-স্বীকারে কুণ্ঠিত হইতেন না। কাষেই এ সম্বন্ধ যে ভাঙ্গিতে পারে, এ ধারণা তাঁহারও যেমন ছিল না, কনকের মাতামহেরও তেমনই ছিল না। বলা বাহুল্য, ধরানাথও কনককে বাল্যাবধি দেখিয়া আসিয়াছিল এবং জানিত, তাহার সহিত কনকের বিবাহ হইবে। সে বিলাতে যাইবার পরই প্রভানাথ তাঁহার বন্ধুকে বলিয়াছিলেন, জীবনে তিনি কখন প্রতিশ্রুতিভঙ্গ করেন নাই বটে, কিন্তু পুত্রের জন্ত তাঁহাকে তাহাই করিতে হইতেছে—ধরানাথের সহিত কনকের বিবাহ দিবার প্রতিশ্রুতি রক্ষার দায়িত্ব আর তিনি স্বীকার করিতে পারেন না; কিন্তু কনকের মাতামহের বিশ্বাস ছিল, ধরানাথের পুত্র কখনই পিতার প্রতিশ্রুতি-ভঙ্গের কারণ হইবে না। সে বিশ্বাস হয়ত প্রভানাথেরও ছিল। বিশেষ কনক বাল্যাবধি জানিয়াছে, ধরানাথই তাহার স্বামী হইবে। সেই জন্ত উভয়েরই সে সম্বন্ধ ভঙ্গ করিতে অনিচ্ছা ছিল।

নরনাথ ভ্রাতাকে প্রতি সপ্তাহে যে পত্র লিখিত, তাহাতে অগ্ণাত সংবাদের সঙ্গে, ইচ্ছা করিয়াই, কনকের সংবাদ দিত। শেফালী বিধবা হইলে কনক কয়দিন আসিয়া তাহার কাছে ছিল এবং নরনাথের মাতার আস্থানে তাহার মাতামহ ও মাতামহী এক বার কলিকাতায় তাহাকে লইয়া আসিয়া তাঁহার আতিথ্য-স্বীকারও করিয়া গিয়াছেন। সেই বার প্রভানাথ গৃহিণীকে বলিয়াছিলেন, “তুমি আর অতটা ঘনিষ্ঠতা করবার অভ্যাস ছেড়ে দাও। যে ছেলে পেটে ধরেছে, তাঁতে কি কথা রাখতে পারবে?” কিন্তু মার মন—

তখনও কোনরূপ অবিশ্বাস স্থান দিতে চাহে নাই। কনককে তিনি যে শেফালীরই মত স্নেহের দৃষ্টিতে দেখিয়া আসিয়াছেন—সে তাঁহার পুত্রবধু হইবে, এ ধারণা যে তিনি সবদেই পুষ্ট করিয়া আসিয়াছেন।

কিন্তু নরনাথের নিকট এক পত্রে ধরানাথ পিতার আশঙ্কা সত্য প্রতিপন্ন করিয়া মাতার বিশ্বাস চূর্ণ করিয়া দিয়াছে। মিষ্টার এস, কে, মুখার্জী (ওরফে শ্রীকুমার মুখোপাধ্যায়) ব্যারিষ্টার, পশারও আছে। তিনি সপরিবারে বিলাতে গিয়াছিলেন। সে এক বৎসর পূর্বের কথা। সেই সময় তাঁহার দ্বিতীয়া কন্যার সহিত ধরানাথের পরিচয় হয়। সেই পরিচয় তাহাকে সেই যুবতীটির প্রতি আকৃষ্ট করে এবং মুখোপাধ্যায়-পরিবার হাইকোর্টের ছুটাশেষে দেশে ফিরিবার পরও তাহার সহিত তাঁহাদিগের ঘনিষ্ঠতার অবসান হয় নাই। ধরানাথ জ্যেষ্ঠকে লিখিয়াছিল, তাহার বিশ্বাস, সে মিষ্টার মুখার্জীর কন্যাকে বিবাহ করিলে তাহার পশার জমিবার সুবিধা হইবে এবং সেই জন্ত সে স্থির করিয়াছে, দেশে ফিরিয়া মিস্ আইভী মুখার্জীকে বিবাহ করিবে।

নরনাথ স্বভাবতঃ কোন কথা পিতার নিকট গোপন করিত না। কিন্তু ভ্রাতার পত্রে এই দুঃসংবাদ পাইয়া সে ভাবিয়াছিল—এ সংবাদ পিতাকে দিবে, কি না দিয়া ধরানাথকে মতপরিবর্তন করিবার জন্ত লিখিবে? কারণ, সে জানিত, এ সংবাদ পিতার পক্ষে যেমন বেদনার কারণ হইবে, ভ্রাতার পক্ষেও তেমনই অনিষ্টকর হইতে পারে। কিন্তু অনেক ভাবিয়া সে স্থির করিল, “এ সংবাদ—যত দুঃসংবাদই কেন হউক না, পিতার নিকট গোপন রাখা যখন সম্ভব হইবে না, তখন গোপন রাখিবার চেষ্টা না করাই সঙ্গত।

পত্র দেখিয়া প্রভানাথ—যেন আপনার মনে বলিলেন, ভার বাড়িতে বাড়িতে শেষ এমন হয় যে, একটি কুটার ভাঙেই উটের পীঠ ভাঙ্গিয়া যায়।

নরনাথ বলিল, “আমি তাঁকে বুঝিয়ে চিঠি লিখব।”

প্রভানাথ দৃঢ়ভাবে বলিলেন, “না। তোমার ভাই যখন জীবনে সব কাষেই তোমার মতামতের অপেক্ষা রাখে না, তখন জানবে, সে তোমার উপদেশ দেবার অধিকার স্বীকার করেছে।”

প্রভানাথ সেই দিনই তাঁহার বন্ধুকে—কনকের মাতা-মহকে এই সংবাদ জানাইয়া দিলেন।

গৃহিণী সংবাদ শুনিয়া কঁাদিয়া ফেলিলেন; রাজরাজেশ্বরের দ্বারে যাইয়া অন্তরের প্রার্থনা জানাইলেন—“ঠাকুর, এত বড় আঘাত ঔকে দিও না।”

আর এক জন এই সংবাদ পাইয়া মন্থাহতা হইল—সে শেফালী। কনকের সঙ্গে তাহার বাণ্যাবধি যে ঘনিষ্ঠতা রহিয়াছে, তাহাতে এই সংবাদ তাহার পক্ষে বিশেষ বেদনার কারণ; কিন্তু কেবল তাহাও নহে। বিধবা হইয়া সে যে আগ্রহে ও যে বিশ্বাসে পরলোকগত স্বামীর সহিত মিলিত হইবার প্রতীক্ষা করিতেছিল, কনক যে সেইরূপ আগ্রহে ও বিশ্বাসেই ধরানাথের আগমন প্রতীক্ষা করিতেছিল! ধরানাথ যে তাহার সেই আগ্রহ ও বিশ্বাস বিনষ্ট করিয়া দিতে পারে, তাহা সে অনুমান করিতেও পারে নাই। কনক সুন্দরী, সুশীলা; হয় ত ধরানাথ আজকালের হাওয়ায় স্ত্রীকে তথা-কথিত শিক্ষায় শিক্ষিতা দেখিতে চাহিবে মনে করিয়া তাহার মাতামহ তাহাকে সে শিক্ষাও দিতেছিলেন। যদি ধরানাথ তাহাকে বিবাহ না করে, তবে তাহার যে আদর্শ ক্ষুণ্ণ হইবে, তাহা—শেফালী আর অশ্রু সম্বরণ করিতে পারে নাই।

অবস্থাটা নরনাথের কাছে বড়ই অস্বাভাবিক ও কষ্টকর মনে হইতেছিল। বাড়ীর ছেলে কয় বৎসর পরে বাড়ীতে ফিরিয়া আসিয়াছে। “সে পিতামাতাকে প্রণাম করিতে পারিল না, মাতা তাহাকে বক্ষে লইতে পারিলেন না—ভগিনীরা তাহার কাছে ছুটিয়া আসিতে পারিল না। গৃহে পূজা—সে দেবী-প্রণাম করিল না। সে আসিয়াছে—এত দিন পরে, বিদেশীর বেশে, পরের মত!

সে তাহার পুত্রস্বয়কে ইঙ্গিত করিলে তাহার চণ্ডীমণ্ডপ হইতে নামিয়া আসিল এবং তাহার ইঙ্গিতে কাকাকে ও কাকার সঙ্গীকে প্রণাম করিল। ধরানাথ বলিল, “বাক্স-গুলি আজ পা’ব—তা’ই এদের জন্ত যা’ এনেছি, তা’ আনতে পারি নি।” সে তাহাদিগকে কিছুই বলিল না।

নরনাথ ভ্রাতাকে আর ভ্রাতার সঙ্গীকে লইয়া যাইয়া বৈঠকখানা-ঘরে বসাইল; ভ্রাতাকে নিজস্ব করিল,

“কাপড় আনি নি?” পূর্বে হইলে সে বলিত, “কাপড় আনি নি?”

ধরানাথ হাসিয়া বলিল, “কেন, একখানা কাপড় কি দেবে না?”

নরনাথ চলিয়া গেল এবং দুই জনের জন্ত কাপড়, জামা ও চটি জুতা আনিয়া দিয়া বলিল, “স্নান করবে ত?”

“স্নান আমরা সেরে এসেছি।”

সম্মুখে গঙ্গার জলপ্রবাহ দেখা যাইতেছিল, ধরানাথ বলিল, “বাড়ীটি বেশ যারগায়!”

একটা অস্বাভাবিক অবস্থার অনুভূতি নরনাথকে পীড়িত ও উৎকণ্ঠিত করিতে লাগিল। এ যেন বৈশাখের তাপতপ্ত অপরাহ্নে কাল-বৈশাখীর আশঙ্কাজনিত আতঙ্ক। কি জানি, কি হয়!

সে দিনের একখানি সংবাদপত্র ভ্রাতাকে দিয়া নরনাথ চলিয়া গেল। বাড়ীতে পূজা—ভগিনী, ভগিনীপতি ও তাহাদিগের পুত্রকন্যারা আসিয়াছে। মা ও শেফালী ত পূজার ঘরেই কাষে ব্যস্ত। কেবল তাহার স্ত্রী সুরমা সংসারের নিত্যনৈমিত্তিক কাষে আছে।

নরনাথ যাইয়া দেখিল, ভগিনী ও ভগিনীপতি গঙ্গাস্নানে যাইবার আয়োজন করিতেছে। সুরমা তাহাদিগের আয়োজনে সাহায্য করিতেছে। স্বামীকে দেখিয়া সুরমা মাথার উপর কাপড় টানিয়া দিল। নরনাথ ভগিনীপতিকে বলিল, “বাড়ীতেই স্নান কর না কেন?”

সুধাংশু বলিল, “তোমার ভাইটিই ত দেখলাম ‘সাহেব’ সঙ্গে পূজা দেখতে এসেছেন। তুমি আবার ‘সাহেব’ হ’লে কবে? তুমি ধুতিপরা তেলমাখা বাঙ্গালী, তুমি কি মনে কর, এমনই পাপ করেছি যে, সম্মুখে গঙ্গা আর স্নান করব না?”

ললিতা সুরমাকে বলিল, “এ শালা-ভগিনীপতির ঝগড়া, ওতে কাণ দিতে হ’বে না। তুমি তেল নিয়ে এস।”

সুরমা মৃদুস্বরে বলিল, “ছেলেদের কি আমি বাড়ীতে স্নান করিয়ে দেব?”

“চলুক না, এক একটা ডুব দিয়ে আসবে। এখনও ঠাকরুণ প্রণাম করতে পেলাম না—বাবার মা’র পায়ের ধূলা নিতে পারলাম না। শীঘ্র কর।”

নরনাথ সঙ্গে যাইয়া ভগিনী, ভগিনীপতি ও

ভাগিনেয়-ভাগিনেয়ীদিগকে স্নান করাইয়া আনিল। সুরমা সকলের জন্ম খাবার গুছাইয়া রাখিল।

ফিরিয়া আসিয়া ললিতা সুরমাকে বলিল, “তোমার নন্দাই আর ছেলেদের তোমার জিন্মায় রেখে আমি ঠাকুরদালানে চললাম।”

সুধাংশু বলিল, “উঃ, কি স্বার্থপর! আমি কি ঠাকুরগণকে আর বাবা-মা'কে প্রণাম করব না?” বলিয়া সে হাসিতে লাগিল।

উভয়ে ঠাকুরদালানের দিকে চলিয়া গেলে সুরমা স্বামীকে বলিল, “ঠাকুরপোর আর তাঁর সঙ্গে লোকটির খাবার পাঠিয়ে দেব ত?”

নরনাথ “হাঁ” বলিয়া বাহিরে চলিয়া গেল।

সুরমা ধরানাথের ও তাহার বন্ধুর জন্ম খাবার পাঠাইয়া দিয়া ললিতার ছেলেমেয়েদের খাবার দিল।

নরনাথ ঘুরিয়া যখন বৈঠকখানায় আসিল, তখন দেখিল, ধরানাথ ও তাহার বন্ধুর সম্মুখে খাবার সাজানই রহিয়াছে, তাহারা খায় নাই। সে নাতার বন্ধুকে জিজ্ঞাসা করিল, “খেলে নাকি?”

বন্ধু বলিলেন, “আমরা কিছু খেয়েই এসেছি।”

“কিন্তু পূজার বাড়ী, ভাত খেতে একটু দেয়ী হ'বে।”

বন্ধু ধরানাথকে বলিলেন, “তবে খেয়েই নেয়া মা'ক। কখন ফিরা যাবে?”

ধরানাথ উত্তর দিবার পূর্বেই নরনাথ নাতাকে জিজ্ঞাসা করিল, “সে কি, তুমি থাকবে না?”

ধরানাথ উত্তর দিল, “আজ থাকা হ'বে না। কাল না হয় আবার আসব।”

নরনাথ বিস্মিত হইল। সে জানিত না, ভ্রাতা আসিবার পূর্বেই আইতীকে পত্র লিখিয়া আসিয়াছিল, পৌঁছিয়াই তাহার সহিত সাক্ষাৎ করিতে যাইবে!

বন্ধু রণেশ্বর তাহা জানিত; তাই নরনাথ চলিয়া গেলেই সে বন্ধুকে বলিল, “কলিকাতায় যে—there is metal more attractive—তা' কি দাদা জানেন না?”

ধরানাথ সে কথায় কেবল হাসিল—কোন উত্তর দিল না।

ধরানাথ আরও এক কারণে ফিরিতে ব্যস্ত হইয়াছিল। রণেশ্বর যে দেখিল, গৃহে তাহার অভ্যর্থনাটা উল্লেখযোগ্যই

হইল না—তাহাতে সে লজ্জিত হইতেছিল। এমন জানিলে সে কখনই পূজার দিন বাড়ীতে আসিত না—না হয় বিলাত হইতে এক সপ্তাহ পরে রওনা হইত বা বোম্বাইয়ে এক সপ্তাহ কাটাইয়া আসিত। কিন্তু সঙ্গে পঞ্জিকাও ছিল না—আর থাকিলেও এ কথা তাহার মনে হইত না।

৪

আহারের পূর্বে নরনাথ আসিয়া ভ্রাতাকে ডাকিয়া বারান্দায় যাইয়া জিজ্ঞাসা করিল, তাহার বন্ধুকে একা খাইতে দিলে কি দোষ হইবে? ধরানাথ বিরক্ত হইয়া বলিল, “কেন? না হয় আমাদের ছ'জনকে আলাদা দাও।”

নরনাথ বলিল, “বল্ছিলাম, এত দিন পরে এলে; আজও মা'র কাছে খাবে না?”

ধরানাথ বলিল, “খেতে তোমরা আর দিচ্ছ কই?”

নরনাথ বুঝিল, সে যে ভাবে কথাটা বলিয়াছে, ধরানাথ সে ভাবে তাহা গ্রহণ করিল না। সে সে বিষয়ে আর কোন কথা না বলিয়া ধরানাথকে বলিল, “চল—মা ঠাকুরঘর থেকে এসেছেন—দেখা করবে।”

ধরানাথ যাইয়া পিতাকে ও মাতাকে প্রণাম করিল। দিদিকে ও বৌদিদিকে সে প্রণাম করিলে শেফালী আসিয়া তাহাকে প্রণাম করিল। শেফালীকে দেখিয়া ধরানাথের মনের মধ্যে দুঃখ সে আর রোধ করিতে পারিল না। সে ছোট ভগিনী—তাহার সৌন্দর্য্য দেখিয়া সে-ই তাহার নাম রাখিয়াছিল—শেফালী। আজ তাহার পরিধানে থান কাপড়, তাহার দেহ আভরণশূন্য।

প্রভানাথ কেবল জিজ্ঞাসা করিলেন, “ভাল আছ?”

মা বলিলেন, “জিনিষপত্র নিয়ে এলে না?”

ধরানাথ বলিল, “না, মা। আমি মনে করেছিলাম, কলিকাতার বাড়ী এত দিনে হয়ে গেছে। কিন্তু তা' ত হয়নি; অথচ আমাকে ত সেখানেই থাকতে হ'বে—একটা ফ্ল্যাট—বাসা দেখে নিতে হ'বে।”

“সে না হয় পরেই নেবে।”

“কিন্তু আমার সঙ্গে এক বন্ধু এসেছেন, তাঁকে বলেছি, ছ'জনে বিকেলেই ফিরে যাব।”

মা লক্ষ্য করিলেন, প্রভানাথের মুখে বিরক্তির ভাব দৃষ্টিয়া উঠিতেছে। তিনি আর কিছু বলিলেন না। কিন্তু



তাঁহার বৃকের মধ্যে যে ব্যথা অনুভূত হইল, তাহা গোপন করিতেই তাঁহাকে বিশেষ চেষ্টা করিতে হইল। তিনি বুঝিলেন, মাতৃস্নেহ তাঁহাকে পুত্রের প্রকৃতির স্বরূপ সম্বন্ধে অন্ধ করিয়া রাখিয়াছিল, কিন্তু তাহা প্রভানাথের মানব-চরিত্রজ্ঞানকে ভুলাইতে পারে নাই। প্রভানাথ পুত্রের সম্বন্ধে যে সব আশঙ্কা প্রকাশ করিয়াছিলেন, স সব বর্ণে বর্ণে সত্য হইতেছে! মার মনে তাহাতে যে বেদনার বিকাশ হইতেছিল, ধরানাথ কি তাহা অনুমানও করিতে পারিতেছিল না?

স্বতন্ত্র ঘরে ধরানাথের ও রণেন্দ্রের আহার্য্য প্রদত্ত হইল। নরনাথও সেই কক্ষে আহার করিতে বসিল। মা কিছু থাকিতে পারিলেন না—তাহাদিগের আহারের স্থানে পুনঃ পুনঃ আসিতে লাগিলেন।

আহারের পরই ধরানাথ ভ্রাতাকে বলিল, “দাদা, আমরা এখন যাব।”

নরনাথ আপনার মোটর বাহির করিতে বলিল।

যাইবার সময় ধরানাথ আবার পিতামাতাকে প্রণাম করিতে গেল। এ বার রণেন্দ্রও তাহার সঙ্গে যাইয়া তাঁহাদিগকে প্রণাম করিল।

তাঁহাদিগকে প্রণাম করিয়া ধরানাথ পার্শ্বের দালান হইতে বলিল, “দিদি, বৌদিদি, আমরা আজ চললাম।”

ললিতা অগত্যা বাহিরে আসিয়া বলিল, “কাল আসবে ত?” তাহার মাথায় কাপড় দেখিয়া ধরানাথ বলিল, “এসেছ বাপের বাড়ী—এখানেও ঘোমটা! দয়্য তোমরা!”

শেফালীও মাথায় কাপড় টানিয়া আসিয়া তাহাকে প্রণাম করিয়া গেল।

মোটরে চড়িলে রণেন্দ্র বলিল, “তোমার ঐ ছোট বোনটির কথা তুমি বলতে?”

ধরানাথ বলিল, “হাঁ। দেখে মনটা এমন খারাপ হয়ে গেল! মনে হচ্ছে, বিদেশে ছিলাম—ছিলাম ভাল।”

“ঐটুকু মেয়ে আর কি সুন্দরী! সমাজের কি যে নির্ভর ব্যবস্থা!”

“ওই ছিল আমাদের সকলের সব চেয়ে স্নেহের।”

রণেন্দ্র বলিল, “বাস্তবিক।”

তাঁহার পর উভয়েই বহুকণ চূপ করিয়া রহিল।

শেষে রণেন্দ্র বলিল, “মন অতটা ভার ক’রে কিন্তু মিস মুখার্জীকে দেখতে যেও না। যদি আমাদের মত অভ্যাস করতে, তবে তোমাকে পথ থেকে এক ‘পেগ’ পান করিয়ে নিয়ে যেতাম।”

ধরানাথ বলিল, “সত্যিই আমি ভাবছি— আজ মিষ্টার মুখার্জীর বাড়ী যাব কি না।”

“বাঃ! চিঠি লিখে রেখে গিয়েছ। তা’রা—বিশেষ মিস মুখার্জী কত আগ্রহে তোমার জন্ম অপেক্ষা করছেন। আর তুমি যাবে না?”

ধরানাথ ভাবিতে লাগিল। বোম্বাইয়ে পৌঁছিয়াই সে টেলিগ্রাম করিয়াছিল এবং আজ সকালে পিতামাতার কাছে যাইবার পূর্বেই সে পত্র পাঠাইয়া আসিয়াছিল—সে আজই যাইবে। স্মরণ্য না যাইলে ভাল দেখায় না। কিন্তু ভাল দেখান না দেখানটাই যে তাহার একমাত্র বিবেচনার বিষয় ছিল, তাহা নহে; সেটা তাহার মনকে বুকায়িবার উপায় ব্যতীত আর কিছুই নহে। সে নিজে সে দিকে আকৃষ্ট হইতেছিল, বন্ধুর কথা সেই দিকে তাহার আকর্ষণ বিবর্তিতই করিল। সে স্থির করিল, সে যাইবে।

রণেন্দ্র যখন জিজ্ঞাসা করিল, “কি ঠিক করলে?”—তখন ধরানাথ বলিল, “যাব।”

রণেন্দ্র তাহার পিঠ চাপড়াইয়া বলিল, “এই ত ভাল ছেলের মত কথা—” বলিয়া হাসিয়া বলিল, “এই ত প্রেমিক যুবকের মত কথা।”

ধরানাথ কেবল একটু হাসিল।

রণেন্দ্র বলিল, “দেখ, একটা কাণ তোমাকে করতেই হবে।”

“কি কাণ?”

“সমাজের অত্যাচার থেকে তোমার বোনটিকে রক্ষা করতে হবে।”

ধরানাথ মনে মনে বলিল—আমি জানি, তাহা অসাধ্য-সাধন।

সে দিন মিষ্টার মুখার্জীর গৃহে ধরানাথের আদর-বড়ের প্রাচুর্য্য যেন তাহাকে অভিভূত করিয়া ফেলিল। সে বাড়ীতে থাকিবে না ওনিয়া আইতীর মা বলিলেন, “হুঁ, ছেলে, সে কথা তুমি আমাদের ঘৃণাকরেও জানাওনি!”



শিল্পী—শ্রী কুমুদলাল সেন

১৯৩৭ খ্রিঃ

আখিল, ১৯৩৭



ধরানাথ বলিল, “জানাতে কি হ’ত ?”

“আমরা স্টেশন থেকে তোমাকে এখানে আনতাম। তুমি আমাদের পর ভাবছ বটে, কিন্তু আমরা তোমাকে পরের ছেলেই মনে করি।”

আইভীর দিদি বলিল, “মিষ্টার রায় চৌধুরীর এখনও লজ্জা ভাঙেনি।”

আইভীর ছোট ভগিনীটি (সে-ও দ্বাবিংশবর্ষীয়া) বলিল, “দেগুন, আপনি হয় ‘রায়’ হ’ন, নয় ত ‘চৌধুরী’ হ’ন—‘রায় চৌধুরী’ অকারণ বড় বড়।”

মিষ্টার মুখাজ্জী হাসিয়া বলিলেন, “বেশ বলেছিস, বেবী! তোমরা জান না, ভবানীপুরে হরিশ মুখাজ্জি রোডের যখন নামকরণ-প্রস্তাব মিউনিসিপ্যালিটিতে আলোচনা হয়, তখন মূল প্রস্তাব ছিল, নাম হবে ‘হরিশচন্দ্র মুখাজ্জি রোড’—তাহাতে এক জন ইংরেজ কমিশনার বলেছিলেন, ‘বল কি—হরিশচন্দ্র মুখাজ্জি রোড? কে এখানে বাস ক’রতে থাকবে? নাম কর হয় ‘হরিশ রোড’, নয় ত ‘চন্দ্র রোড,’ নয় ত ‘মুখাজ্জী রোড’। অত বড় নাম চলবে না’।”

ধরানাথ আসিতে চাহিল বটে, কিন্তু রাত্রিতে আহাৰ না করিয়া ছুটি পাইল না এবং ছুটি যে পাইল, সে-ও একটা সন্টে—সে পরদিন আসিয়া তাহাদিগের সহিত ‘লাঞ্চ’ খাইবে। সে বলিয়াছিল, সে তাহার বন্ধু রণেন্দ্রকে মধ্যাহ্নে তাহাদিগের বাড়ীতে লইয়া যাইবে; শুনিয়াই আইভীর মা বলিয়াছিলেন, তিনি তাহাকেও নিমন্ত্রণ করিয়া পাঠাইবেন। বিদায় লইয়া—পরদিন আসিবার প্রতিশ্রুতি দিয়া ধরানাথ তাহার হোটেলে গেল।

৬

পরদিন ধরানাথ মিষ্টার মুখাজ্জীর গৃহে উপস্থিত হইয়া দেখিল, রণেন্দ্র তাহার পূর্বেই আসিয়াছে এবং আসর জমাইয়া লইয়াছে। সে আসিলেই বেবী বলিল, “আপনার কথাই হচ্ছিল।”

ধরানাথ বলিল, “আমার অপরাধ?”

“অপরাধ ভয়ানক।”

“সকাল থেকে একটা ভাল ক্ল্যাটের সন্ধানে ঘুরে ঘুরে হুয়রান। তবুও”—সে ঘড়ী দেখিল—“আমার ত দেৱী হয় নি!”

“সে কথা হচ্ছে না। আপনার বাড়ীতে পূজা; আর আপনি আমাদের পূজা দেখাতে নিয়ে যাবার কোন কথা ‘স্পিকটি নট’!”

রণেন্দ্র বলিল, “সেটা আপনাদের অনধিকার চর্চার কথা। আপনারা গঙ্গামানও করবেন না—ঠাকুরদালানে উঠতেও পাবেন না। দেখে এলাম, ধরানাথের পরিবার খুব রক্ষণশীল।”

কথাটা কিন্তু মিসেস মুখাজ্জীর খুব ভাল লাগিল না। তিনি ভয় পাইলেন—যদিও ধরানাথ বলিয়াছে, সে বিবাহের পর কলিকাতায় স্ততস্থি থাকিবে, তবুও—কি জানি, তাহার পরিবারের রক্ষণশীলতায় যদি আইভী ঝাঁকিয়া বসে। তিন তিনটি মেয়ে—বহু দিন বিবাহযোগ্য হইয়াছে; অনেক চেষ্টায় যদি বা একটির পাত্র সংগ্রহ করা গিয়াছে, সে যেন ফস্কাইয়া না যায়। তিনি বলিলেন, “সব পরিবারই প্রথমে রক্ষণশীল থাকে—তার পর পরিবর্তন হয়।”

রণেন্দ্র বলিল, “যেমন গুটীপোকা প্রজাপতি হয়! কিন্তু আপনি যা মনে করছেন, তা নয়। আপনি ত জানেন, কথায় বলে, ‘বিশ্বকর্মা কত বড় শিল্পী, তা জগন্নাথের মূর্তি দেখলে বুঝতে পারা যায়’; তেমনি আমি একটা ব্যাপারেই এঁদের রক্ষণশীলতার পরিচয় পেয়েছি।”

না জানি রণেন্দ্র কি বলিবে, সেই আশঙ্কায় ধরানাথ চঞ্চল হইয়া উঠিল। কুক্ষণে সে রণেন্দ্রকে সঙ্গে লইয়া গিয়াছিল।

রণেন্দ্র বলিল, “ধরানাথের ছোট বোনটির বয়স, বোধ হয় এখনও ১৬১৭ পায় হয়নি—কি সুন্দরী, আর কি সুশীলা। তার বিধবার বেশ।”

মিসেস মুখাজ্জী বলিলেন, “আহা! অমন বয়সে আজকাল বিয়েই হয় না। বিয়ের কত দিন পরে বিধবা হয়েছে?”

ধরানাথ বলিল, “এক বৎসরের মধ্যে।”

রণেন্দ্র বলিল, “এমন অবস্থায় কি আবার বিয়ে দেওয়া উচিত নয়?”

মিসেস মুখাজ্জী বলিলেন, “অমন অবস্থায় বিয়ে যে হিন্দু-শাস্ত্রেও নিষিদ্ধ নয়, তা’ ত এখন সকলেই জানে।”

“কি যে আপনি বলেন! আমাদের সমাজ কি শাস্ত্র মানে, না শাস্ত্রের কথা শুনেতে চায়; সে তার আচারের নাগপাশেই বাধা প’ড়ে আছে।”



এই সময় মিষ্টার মুখাজ্জীর ইচ্ছিতে মিসেস মুখাজ্জী “খাবার দিতে বলি” বলিয়া উঠিয়া গেলেন এবং মিষ্টার মুখাজ্জীও কক্ষান্তরে গমন করিলেন। তাঁহারা যুবক-যুবতীদিগকে কথাবার্তায় স্বাধীনতা দিবার জন্তই সে কায করিলেন।

আইভীর দিদি বলিল, “আচারের কি পরিবর্তন হচ্ছে না?”

রণেন্দ্র বলিল, “কোথায় হচ্ছে? ধরানাথ বলেন, ঐ ভগিনীটি ওঁদের সকলের আদরের। উনি কি তাঁর আবার বিয়ে দেবার চেষ্টা করতে পারেন?”

বেবী বলিল, “কেন পারবেন না?”

আলোচনাটা ধরানাথের প্রীতিপ্রদ হইতেছিল না। সে বলিল, “আমার চেষ্টাই কি সব? শেফালীর মত হওয়া চাই। আর তাকে বিয়ে করবার জন্ত প্রস্তুত লোকও চাই।”

রণেন্দ্র তর্কের উত্তেজনার মুখে বলিল, “লোকের অভাব নাই।”

“কোথায় লোক?”

“আমিই প্রস্তুত আছি।”

রণেন্দ্রের কথায় ভগিনীত্রয়ের মধ্যে অর্থপূর্ণ দৃষ্টি-বিনিময় হইয়া গেল। তাহার কারণ, তাহারা জানিত, কল্যাণের মধ্যে আইভীর সহিত ধরানাথের বিবাহ-সম্বন্ধ স্থির করিয়া তাহাদিগের পিতামাতা অবশিষ্ট দুইটি দুহিতার মধ্যে একটির জন্ত রণেন্দ্রের অবস্থাদির সন্ধান লইতেছিলেন।

কিন্তু তাহারা বুঝিল, রণেন্দ্রের কথার একটা উত্তর না দিলে ভাল দেখায় না। তাই আইভী বলিল, “কপাটা পাকা ত?”

রণেন্দ্র বলিল, “নিশ্চয়।” তাহার পর সে হাসিয়া বলিল, “তা’ হ’লে আপনি ধরাকে এ বিষয়ে অনুরোধ করবেন ত?”

“তা’ করব। আমি অনুরোধ করছি।”

“বাস্।”

তাহার পর আহারের জন্ত ডাক পড়িল। আহারের টেবলে বসিয়া বেবী সেই কপাটা কথায় কথায় পিতামাতাকে জানাইয়া দিল। তাঁহারা সে বিষয়ে আর কোন আলোচনা করিলেন না।

অপরাত্নে বিদায় লইবার পূর্বে ধরানাথ আইভীকে বলিল, “আমি যে সব ‘ফ্ল্যাট’ দেখেছি, তা’র মধ্যে খান তিনেক ভাল, মনে হয়। এক বার দেখতে যাওয়ার সুবিধা হ’বে?”

আইভী কপট লজ্জার ভাব দেখাইয়া বলিল, “আপনি ভারী দুষ্ট। আমি কেন দেখতে যা’ব?”

“যাকে ‘ঘর করতে’ হ’বে, ঘরটা তিনি দেখবেন না?”

“কি যে বলেন।”

ধরানাথ তখন মিসেস মুখাজ্জীকে বলিল, “আমি ত বাশবনে ডোম কাণা হয়েছি; কোন্ ‘ফ্ল্যাট’ নেব, ঠিক করতে পারছি না। কোন্টা ভাল হ’বে, যদি দেখে দেন।”

মিসেস মুখাজ্জী বলিলেন, “বেশ ত—এখন গেলেই হয়।”

তাহাই হইল—মিসেস মুখাজ্জী আপনি যাইবেন; আইভী তাঁহার সঙ্গে যাইবে।

পূজার কয় দিন কাটিয়া গেল।

প্রভানাথের গৃহে ধরানাথের জন্ত কেমন একটা বিষাদের ছায়াপাত হইয়াছিল। পূজার আনন্দও তাহা দূর করিতে পারিল না। প্রভানাথ কোন কথা প্রকাশ করিলেন না বটে, কিন্তু তাহার মনের ভাব তাহার মুখেই প্রকাশ পাইল। আর গৃহিণী বার বার দেবীর নিকট কামনা প্রকাশ করিলেন—পুত্রের মতিপরিবর্তন হউক। সে কামনা দেবতার চরণে নিবেদন করিবার সময় তিনি উচ্ছ্বসিত অশ্রুধারা রুদ্ধ করিতে পারিলেন না। মাতায় ও পুত্রীদ্বয়ে এবং পুত্রবধূতে সেই বিষয়ে বহু আলোচনা হইল। এদিকে নরনাথ ভগিনীপতির সঙ্গে সে বিষয়ে বহু আলোচনা করিল; কিন্তু কেহই কর্তব্য স্থির করিতে পারিলেন না।

বিজয়া দশমীর দিনও ধরানাথ আসিল না।

নরনাথ মনে করিল, সে অভিমান করিয়াছে—প্রথম দিন আসিয়াই সে যে মা’র কাছেও যাইতে পারে নাই, পিতা বিশেষ কোন কথা বলেন নাই, তাহাতে সে ব্যথিত হইয়াছে। প্রকৃত ব্যাপার কিন্তু তাহা নহে। সে “ফ্ল্যাট” ঠিক করিতে ও আসবাব বাছিতেই ব্যস্ত ছিল। প্রথম দিন “ফ্ল্যাট” দেখিবার কথায় আইভী যে কপট লজ্জা প্রকাশ

করিয়াছিল, তাহা কাটিয়া যাইতে বিলম্ব হয় নাই। তাহার পছন্দমতই জিনিষ ক্রয় করা স্থির হইতেছিল এবং কোন্ ঘর কিরূপে সাজান হইবে, সে-ই তাহা স্থির করিতে লাগিল। মিসেস মুখার্জী)স বিষয়ে কণ্ঠকে উৎসাহিত করিতে লাগিলেন; আর রণেন্দ্র অস্বাচিন্তভাবে পরামর্শ দিতে লাগিল।

বিজয়াদশমীর পরদিন প্রাতেই ধরানাথ পিতৃগৃহে গেল। বিজয়ার পরদিন গুরুজনকে প্রণাম করা ও আশীর্বাদীয়দিগের প্রণাম গ্রহণ করা বাঙ্গালার হিন্দুদিগের মধ্যে পুরাতন—প্রচলিত রীতি। ধরানাথ সে রীতির ব্যতিক্রম করিতে চাহিল না। তন্নিম্ন তাহার অণ্ড প্রয়োজনও ছিল।

প্রভানাথ বিলাতে পুত্রকে লিখিয়াছিলেন, তিনি তাঁহার মাতামহের নিকট হইতে প্রাপ্ত সম্পত্তির অংশ নিষ্ঠাভ্রষ্ট পুত্রকে দিবেন না—ঐ সম্পত্তি রাজরাজেশ্বরের; তবে তাঁহার সঞ্চিত অর্থের অর্দ্ধাংশে তিনি তাহাকে বঞ্চিত করিবেন না—সে চাহিলেই তাহা পাইবে। এখন তাহার অর্থের প্রয়োজন। “ফ্ল্যাট” সাজাইতে, মোটর গাড়ী কিনিতে—তাহার পর সংসারের ব্যয় নির্বাহ করিতে সর্ব্বাঙ্গে প্রয়োজন টাকার। টাকা পিতার নিকট হইতেই পাইতে হইবে। তাঁহাকে সে কথা বলিতে হইবে। সে কথা সে নরনাথকে বলিবে।

তাহার অণ্ড প্রয়োজনের কথা সে কিরূপ বলিবে, তাহা সে স্থির করিতে পারিতেছিল না। ঋথচ রণেন্দ্র ও আইভী সেই কথা লইয়া বার বার তাহাকে বিদ্রূপ করিয়াছে—রণেন্দ্রের বিদ্রূপ আন্তরিক; কিন্তু আইভীর বিদ্রূপ তাহার মন বুঝিবার জ্ঞ। সে শেফালীর বিবাহের কি করিল? সে কথা সে ত দাদাকেও বলিতে পারিবে না। রণেন্দ্র এক দিন মুখার্জী ভগিনীত্রয়ের উপস্থিতিতেই বলিয়াছিল, “ধরানাথের বালবিধবা ভগিনীর বিয়ের কথা বলে আমরা দেখছি, ওকে বাড়ীছাড়া করলাম—ও আর বাড়ী যাচ্ছে না।” বেবী তাহাতে একটু ব্যঙ্গভরেই বলিয়াছিল, “আপনারই বা তাতে অত ব্যস্ত বা ভাবিত হবার কারণ কি, বলুন ত!” কিন্তু সে কথার প্রচ্ছন্ন ভাব যে—

“আমারি বধুয়া আন বাড়ী যায়,  
আমারি আশ্বিনা দিয়া?”

তাহা কিন্তু ধরানাথ উপলব্ধি করিতে পারে নাই। কারণ, মুখার্জী-পরিবারের সম্পর্কে আসিয়া এবং কয় বৎসর বিলাতে থাকিয়া সে তাহার রক্ষণশীল পরিবারে সৃষ্ট ও পুষ্টি মনোভাব ও সংস্কার হইতে একেবারে অব্যাহতি লাভ করিতে পারে নাই। সেই জ্ঞ অতিপ্রগতিশীল মুখোপাধ্যায়-পরিবারের নকল বিলাতীভাব যেমন তাহাকে তাহার নূতনহে আকৃষ্ট করিত, তেমনই আবার সুবতী ও অতিক্রান্ত-প্রায়স্বোবনাদিগের “গায়ে পড়া” ভাব তাহার নিকট কেমন যেন অশোভন মনে হইত। তবে ভাবটা মনে স্থায়ী হইত না—ধরনের আকাশে গুহ্র অল্পের মত আসিয়াই ভাসিয়া যাইত, সঞ্চিত হইতে পারিত না।

বিজয়াদশমীর পরদিন ধরানাথ আসিয়া যখন পিতাকে প্রণাম করিল, তখন পিতা পুত্রকে আশীর্বাদ দিলেন, কিন্তু আলিঙ্গন দিলেন না। সে দিন সে বাঙ্গালীর বেশেই আসিয়াছিল। মা বলিলেন, “থাক না বাড়ীতে এসে।” ভগিনী ললিতাও তাহাটী বলিল।

ধরানাথ বলিল, “তোমাদেরই অশুবিধা হবে।”

মা বলিলেন, “কিসের অশুবিধা?”

“বাবার—”

বাধা দিয়া মা বলিলেন, “ছেলের উপর রাগ—ও অভিমান কেটে যাবে।”

ললিতা বলিল, “না হয়, একটা প্রায়শ্চিত্তই করবে।”

ধরানাথ বলিল, “কি পাপ করেছি যে, আমাকে প্রায়শ্চিত্ত করতে হ’বে?”

মা বলিলেন, “তা সত্যি—এখন কোন্ ঘরে বিলেত যাওয়া নাই?”

শেফালী বলিয়া উঠিল, “ছোড়দা, যদি আর কোন পাপও না ক’রে থাক, তবে একটা যে মহাপাপ করেছ, তা’ ত আর অস্বীকার করতে পারবে না।”

ললিতা ভগিনীকে জিজ্ঞাসা করিল, “কি?”

“বাবার মনে ব্যথা দেওয়া।”

কথাটার কোন সত্ত্বর কেহই দিতে পারিল না—ধরানাথও পারিল না।

ধরানাথ শেষে বলিল, “আমি আজ বিকেলে যাব—আবার কাল সকালেই আসব।”

মা ভাবিলেন, মন্দের ভাল।

অপরাহ্নে কলিকাতায় যাইবার পূর্বে ধরানাথ দাদাকে টাকার কথা বলিয়া গেল।

পরদিন ধরানাথ সকালেই আসিল।

গৃহিণী তাহার আগমনবার্তা সানন্দে প্রভানাথকে জানাইলে তিনি একটু হাসিয়া বলিলেন, “কিন্তু তুমি যা’ ভাবছ, তা’ নয়। ও আসছে টাকা নিতে। কাল নরনাথকে আমাকে বলবার জ্ঞা ব’লে গিয়েছিল, আজ উত্তর শুন্তে এসেছে।”

গৃহিণী হতাশ হইলেন।

প্রভানাথ বলিলেন, “এই টাকাটি নিষে গিয়ে বিবাহ করবে। তা’র পর আর ছেলেকে দেখতে পাবে না। গল্পে আছে, ব্রাহ্ম সমাজের শিবনাথ শাস্ত্রী যখন ব্রাহ্ম হ’ন, তখন তাঁ’র বাবা তাঁ’র বন্ধু বিদ্যাসাগর মহাশয়ের কাছে সেই জ্ঞা স্বয়ং সংসার ত্যাগ ক’রে কাশীবাসী হ’বার সঙ্কল্প জানালে বিদ্যাসাগর মহাশয় বলেছিলেন, ‘ব্যস্ত হও কেন? দেখবে, মুড়কীর রস শুকিয়ে যা’বে।’ কিন্তু তাঁ’র পরই শাস্ত্রী মহাশয় যখন প্রচারক হ’বার জ্ঞা চাকরী ছেড়ে দিলেন, তখন তাঁ’র বাপ বিদ্যাসাগর মহাশয়কে বললেন, ‘ঈশ্বর, এ সে রস মরা ত পরের কথা—একবারে মোয়া পাকিয়ে গেল!’ সে যা’ হ’ক—আমি ত ছেলের ভরসা ছেড়েই দিয়েছি; তবে টাকাকড়ি নষ্ট ক’রে শেষে কষ্ট না পায়।”

টাকার সম্বন্ধে নরনাথ দাদাকে জানাইল, পিতা বলিয়াছেন, তিনি যে টাকা ধরানাথকে দিবেন, স্থির করিয়াছেন, তাহা সে ইচ্ছা করিলে সবও লইতে পারে। কিন্তু নরনাথ পরামর্শ দিল, “আমার মনে হয়, দরকার-মত মাসে মাসে টাকা নিলেই ভাল হয়। কারণ, যে দেশ থেকে ফিরে এলে, সে আমাদের মত দরিদ্রের দেশ নয়, সে ঐশ্বর্যের দেশ—আমাদের ১৫ টাকা সে দেশে ১ টাকা। হাতে বেশী টাকা থাকলেই বেশী খরচের প্রলোভন সঞ্চার করা হুঙ্কর হ’বে।”

ধরানাথ দাদার কথার ষাথার্থ্য উপলব্ধি করিয়া বলিল, “বাড়ীর আসবাবপত্র কিনতে, মোটর গাড়ীতে প্রথমে ত বেশী টাকা লাগবে।”

নরনাথ বলিল, “যা’ লাগে নিও; আমি জানি, বাবা কোন প্রশ্ন করবেন না।”

ধরানাথ তাহাই স্থির করিল।

নরনাথ বলিল, “আমি আজ বাবাকে ব’লে ‘কোম্পানীর কাগজ’ তোমার নামে সহি করিয়ে রাখব, কাল আসবে ত’?”

ধরানাথ বলিল, “হাঁ।”

টাকাটা পাইয়া সে আইতীকে কি উপহার দিবে, তাহাই সে ভাবিতে লাগিল। কিন্তু দাদার সহিত সে বিষয়ে পরামর্শ করিতে সে লজ্জা বোধ করিল, আর তাহার সহিত পরামর্শ করাও নিফল হইবে। সে পরামর্শ করিতে হইবে—রণেন্দ্রের সঙ্গে।

রণেন্দ্রের কথায় তাহার মনে পড়িল, সে তাহাকে আবার শেফালীর বিবাহের কথা জিজ্ঞাসা করিয়াছে—সে কথা উত্থাপিত করিয়া আইতীর কাছে তাহাকে লজ্জা দিয়াছে। কিন্তু সে কিরূপে সে কথার উত্থাপন করিবে? এক একটা পরিবেষ্টন, এক একরূপ আলোচনার অন্তকূল। মুখাজ্জী পরিবারের পরিবেষ্টনে সেরূপ কথা বলিতে সঙ্কোচ হয় না; কিন্তু তাহার পিতৃগৃহের পরিবেষ্টনে সে কথা মনে তইলেও মুখে ফুটে না—শীতের বাতাস যেমন কোকিলের স্বর বন্ধ করিয়া দেয়—ঠিক তেমনই হয়।

অথচ আজ ফিরিয়া সে যখন মুখাজ্জীদিগের গৃহে যাইবে, তখন হয় ত রণেন্দ্র তাহার থাকিবে এবং তাহাকে জিজ্ঞাসা করিবে, “কি ধরানাথ, তোমার প্রতিশ্রুতি-পালনের কি করলে?” আইতীও হয় ত তাহার কথায় যোগ দিবে।

ধরানাথ লক্ষ্য করিয়াছিল, সে শেফালীর বিবাহের প্রস্তাব করার পর হইতে মুখাজ্জীদিগের গৃহে রণেন্দ্রের—তাহারই মত নিমন্ত্রণ হইতেছে এবং তাহার প্রতি সকলের মনোযোগের মাত্রাটাও কিছু অধিক হইতেছিল। রণেন্দ্র তাহার উল্লেখ করিয়া ধরানাথকে বলিয়াছিল, “ওঁরা মনে করেছেন, তোমাকে যেমন পাক্ড়েছেন, আমাকেও তেমনই পারবেন। কিন্তু—আমি গরিবের ছেলে, আমার পক্ষে ও পরিবারের ঐ সব ‘ক্যাশানেবল ফ্লার্ট’ বিয়ে করা হ’বে—কান্সালের ঘোড়ারোগ। তা’র পরে অবনিবনাও হ’বে, আর শেষ অবধি হয় ত ছাড়াছাড়ি—কেলেঙ্কারী। ওতে আমি নেই; আমি তেমন কাঁচা ছেলে নই যে কাদে পা দেব।”

ধরানাথ জিজ্ঞাসা করিয়াছিল, “তোমার এত আপত্তিই বা কেন?”

“আপত্তির কারণ অনেকগুলি। প্রথম কারণ, আর সর্বপ্রধান কারণ, একই উৎস হ’তে উদ্ভূত। আজ কাল আমাদের পরিচয়—তথ্য-কথিত ‘বন্ধু’ সবই ভাষা-ভাষা; তাই তুমি আমার জীবনের ইতিহাস জান না। আমার বয়স যখন তিন বছর, তখন মা মারা যান। বাবা আবার বিবাহ করেন। আমার এক পিসীমা ছিলেন—এখনও আছেন—তিনি বালবিধবা; তিনি কি পুরুষের কি স্ত্রীলোকের দ্বিতীয়বার দারপরিগ্রহের বিরোধী ছিলেন। তিনি কালীবাসী হ’লেন, আমাকে সঙ্গে নিয়ে গেলেন। আমি তাঁর কাছে যে পরিবেষ্টনে লালিতপালিত, তা’তে আমার কাছে মুখার্জী-কুমারীদের ভাবটা ভাল লাগে না। আর বড় কথা এই যে, যদি বিয়ে করি, তবে এমন মেয়ে বিয়ে করব যে, পিসীমা’র অসময়ে সেবা-শুশ্রূষা করবে এবং তিনি তা’র সেবা নিবেন।”

“তাই কি তুমি আসবার সময় কালী হয়ে এলে?”

“হ্যাঁ।”

“কিন্তু তুমি তবে কি ক’রে শেফালীর বিয়ের কথা বলছ?”

রণেশ্বর হাসিয়া উঠিয়া বলিয়াছিল, “ওটা মুখার্জী-কুমারীদের চটাবার জন্ত আর—যদি তাঁদের অতিরিক্ত মনোযোগ হ’তে নিষ্কৃতি পাই, সেই আশায়।”

কিছুক্ষণ চুপ করিয়া থাকিয়া রণেশ্বর বলিয়াছিল, “কিন্তু এ কথাও ঠিক যে, আমি মনে করি, তোমার ভগিনীর মত বালবিধবাদের বিয়ে হওয়া অশাস্ত নয়; তবে সে তাদের ইচ্ছার উপর নির্ভর করে।”

রণেশ্বরের সে দিনের কথা ধরানাথের মনে একটা নূতন ভাবের প্রবেশপথ মুক্ত করিয়া দিয়াছিল। সে যাতা পূর্বে ভাল লক্ষ্য করে নাই; তাহা লক্ষ্য করিয়াছিল—রণেশ্বরের প্রতি মুখার্জী-পরিবারের প্রবল মনোযোগ। সঙ্গে সঙ্গে বিলাতে তাঁহাদিগের তাহার সহিত ঘনিষ্ঠতার কথাও তাহার মনে পড়িয়াছিল।

কিন্তু—সে যে নূতনের আকর্ষণে আকৃষ্ট হইয়াছিল,

সেই নূতনের মোহ তখনও তাহাকে অভিভূত করিয়া না থাকিলেও তাহার আকর্ষণ শিথিল হয় নাই। তাহার পর সে তাহার কর্ণে বন্ধ; সে কথা দিয়াছে, সে আইতীকে বিবাহ করিবে। তাহার মনে হইল না, আজ যদি তাহার তুলনায় অধিক অর্থশালী অথবা আই, সি, এস,—এমন কি, বড় ব্যারিষ্টারের পুত্র পাওয়া যায়, তবে মুখার্জী-পরিবারের সব মনোযোগ সেই দিকে যাইবে এবং আইতীরও হয়ত তাহাতে উৎসাহের অভাব হইবে না।

বিধবা পিসীমা’র সম্বন্ধে রণেশ্বরের সশ্রদ্ধ ভাবটি, “হেসে নাও ছ’দিন বই শু নয়” মতের মূর্তি রণেশ্বরের মনের এই গোপন সম্পদটি, তাহার কাছে বড়ই ভাল লাগিয়াছিল। সে কি কতকগুলি সংস্কার আমাদের ধাতুগত বলিয়া?

রণেশ্বরের কথা ধরানাথের মনে যে নূতন ভাবের প্রবেশপথ মুক্ত করিয়া দিয়াছিল, তাহা কিন্তু কি ভাবে তাহার মনে প্রবেশ করিতেছিল,—প্রবেশ করিতেছিল কি না—তাহা ধরানাথ আপনিও বুঝিতে পারিতেছিল না। কারণ, নির্দিষ্ট সময়ে মিষ্টার মুখার্জীর গৃহে যাইবার জন্ত তাহার আগ্রহ বিন্দুমাত্র হ্রাস হইয়াছে, ইহা সে-ও অনুভব করিতে পারিত না; সে যতক্ষণ তথায় থাকিত, ততক্ষণ সময় কিরূপে কাটিয়া গেল, তাহা সে বুঝিতেই পারিত না—মনে হইত, সময় এত শীঘ্র অতিবাহিত হয়! আর সে যখন সে গৃহ হইতে ফিরিয়া আসিত, তখন সে তথায় অতিবাহিত সময়ের সুমধুর স্মৃতি লইয়া ফিরিত—বর্ণ মেমন রঞ্জকের হাতে তাহার রঞ্জন রাখিয়া যায়, সে স্মৃতি তেমনই তাহার মনে লাগিয়া থাকিত এবং সে আবার তথায় যাইবার জন্ত নির্দিষ্ট সময়ের প্রতীক্ষা করিত।

১০

কয়দিন ধরানাথ উপযুক্ত পরিপিতৃগৃহে আসিল। ললিতা যে দিন রাত্তিকালে প্রভানাথ আহারে বসিলে তাহাতে একটু আনন্দ প্রকাশ করিল, সে দিন প্রভানাথ বলিলেন, “আর আসবে না। আজ তা’র টাকা নিয়ে গেছে।”

কেহ আর কোন কথা বলিল না।

প্রভানাথই সে স্তব্ধতা ভাঙ্গিয়া বলিলেন, “এই বার বিয়ে করবে; তা’র পর আর তাকে বড় দেখতে পাবে না।”



নরনাথ একটু কোণল করেছে—টাকাটা একেবারে নিতে  
. ব্যরণ করেছে ; তাই কালে ভদ্রে আসবে ।”

পরদিন ধরানাথ আসিল না ; তাহার পরদিন আসিল ।  
আসিয়াই সে দাদার ও ললিতার ছেলে-মেয়েদিগকে ডাকিল,  
বলিল, “চল, সব, বেড়িয়ে নিয়ে আসি ।” সে মোটর গাড়ী  
ফিনিয়া আনিয়াছিল ; তাহাতে তাহাদিগকে লইয়া  
খানিকটা ঘুরাইয়া আনিলা । সে সকালেই গাড়ীতে  
আইভী ও তাহার ভগিনীদিগকে বেড়াইতে লইয়া গিয়াছিল  
—কথা ছিল, বৈকালেও তাহাদিগকে লইয়া যাইবে ।  
সেই জন্তই সে ৩টা বাজিবার পূর্বেই যাইবার জন্ত ব্যস্ত  
হইল ।

সে বিদায় লইতে আসিলে নরনাথের পত্নী বলিল,  
“ঠাকুরপো, গাড়ী ত দেখালেন ; যাঁর জন্ত গাড়ী, তাঁকে  
কবে দেখাবেন ?”

ধরানাথ ব্যস্ত করিয়া বলিল, “সেটা ত ভাগ্যের কথা—  
যে দিন আপনাদের সে সৌভাগ্য হ’বে !”

ললিতা বলিল, “সত্যিই কি তুমি তা’ হ’লে কনককে  
বিয়ে করবে না ?”

ধরানাথ বেন একটু কুণ্ঠিতভাবে উত্তর দিল, “আমি ত  
দাদাকে সে কথা লিখে দিরাছিলাম ।”

“লিখেছিলে বটে, কিন্তু তবুও আমরা তা’ বিশ্বাস করতে  
পারি নি ।”

শেফালী বলিল, “আমরা মনেই করতে পারি নি,  
আমাদের তাই এমন অস্তায় করতে পারবে ।”

ধরানাথ বলিল, “কেন বল দেখি ?”

“একটি মেয়ের জীবন ব্যর্থ করা কি মানুষের কাৰ ?”

“ব্যর্থ হবে কেন ? তার কি আর বিয়ে হবে না ?  
হয়ত আমার চেয়ে অনেক ভাল ঘরে বসেই পড়বে ।”

“তুমি কি ক’ বছর বিলাতে থেকে হিন্দুর সব সংস্কারও  
বিসর্জন দিয়ে এসেছ ? যে অতি অল্প বয়স থেকে তোমার  
সঙ্গে তাঁর বিয়ের সম্বন্ধ স্থির আছে, জেনেছে ; বাবা কথা  
দিরাছেন—এই বিশ্বাসে নির্ভর ক’রে তাঁর অতিভাবকরা  
সেই মা-তারা মেরেটিকে তোমার মনের মত হ’বার জন্ত  
প্রস্তুত করেছেন ; যাঁর মনের উপর তোমার হাপ পড়েছে,  
তার যদি আর কোথাও বিয়ে হয়, তবে সেই আপনাকে  
ধিকার দেবে । যে সমাজ তুমি দেখে এসেছ আর আজ

দেখছ, সে সমাজের শিক্ষা-নীতি যে রকম, তা’তে সে সমাজ  
আমাদের আদর্শ কল্পনা করতেও পারবে না । এ আদর্শ  
তাঁদের ধারণার অতীত । তুমি কি বুঝতেও পারছ না,  
কত বড় অস্তায় করছ ?”

বলিতে বলিতে শেফালী কাঁদিয়া ফেলিল ।

ধরানাথ তাহার কথার ক্ষুরধার হইতে অব্যাহতি লীভ  
করিল । আপনাকে সামলাইয়া লইয়া সে বলিল, “তোমার চির-  
কালই সমান গেল । ছেলেবেলা তোমার জন্ত আমাকে পাখী  
পোষা ছেড়ে দিতে হয়েছিল ; একটা পাখী যদি মরত তবে  
তুই সে দিন কেবলই কাঁদতিস—খাওয়াও হ’ত না ।”

শেফালী তখনও কাঁদিতেছিল ।

ললিতা তাহাকে সাম্বনাদানের অভিপ্রায়ে বলিল, “কত  
ছোটবেলা থেকে ওরা হ’জন বন্ধু ! আর ওর কত আশা  
আর সাধ কনক ওর ভাজ হবে ! আমাদের সকলেরই  
সেই ইচ্ছা ছিল ।”

ধরানাথ বলিল, “তোমরা ছোট ছোট বিষয় নিয়েই  
ব্যস্ত হও—বিচলিত হও ; কিন্তু সমাজের বড় বড় অত্যাচার  
একেবারেই দেখ না । শেফালীর কথা কি তোমরা ভেবে  
দেখেছ ? ওকে দেখে গিয়ে অবধি আমার বন্ধু রপেন  
বলছে আর তার সঙ্গে সঙ্গে মিস্ মুখার্জীও বলছে—কেন  
আমি জিদ করছি না, ওর বিয়ে দিতেই হবে ?”

নিদাঘ-দিনান্তের যে মেঘে ধারাবর্ষণ হইতেছে, সে  
যদি সহসা দীপ্ত-বিছ্যতেঃ বিস্তারে পরিণত হয়, তবে  
ধেমন হয়—শেফালী তেমনই হইল ।

সে বলিল, “তুমি আমার ভাই ? ও কথা বলতে তোমার  
দ্রি ব আড়ষ্ট হয়ে গেল না ? তুমি আমার ভাই—বড়,  
কোথায় তুমি আমার কোন ক্রটি লক্ষ্য করলে আমাকে  
সহৃদয় দেবে—শাসন করবে, বিপদে আমাকে রক্ষা  
করবে ; না—তুমি এমন কুখ্যা বলতে পারলে ? বাবা  
সত্যই বলেন, প্রবৃত্তিপরিণাম—ইচ্ছাকাল-সর্বত্র সমাজের  
সংস্কৃতি তোমার মনকে বিকৃত করেছে । তোমার যে বন্ধু  
এই কথা বলেছে, তাঁকে নিয়ে এসে তুমি রাজসভায়  
এই মন্দির অপবিত্র করেছ । আর তোমার যে মিস  
মুখার্জী তোমার এই কথায় সায় দিরাছে, সেই তোমার  
সাথী স্ত্রী হবে । এই মনোভাব নিয়ে সে স্ত্রীর ধর্ম  
অবিচলিত থাকবে ? বিক—তোমার শিক্ষার ।”

স্বপ্নভরে শেফালী সে কক্ষ ত্যাগ করিয়া চলিয়া গেল। তাহার মনে হইল, সে কোন অপবিত্র স্পর্শ অশুভব করিয়াছে; গঙ্গাজল স্পর্শ করিয়া সে রাজরাজেশ্বরকে প্রণাম করিতে গেল।

কক্ষের সকলেরই মনে হইল যেন, একটি অগ্নিগোলক ধর হইতে বাহির হইয়া গেল। বরে তাহার বিকীর্ণ তাপ অশুভূত হইতে লাগিল।

কেহ কোন কথা বলিতে পারিল না। যেন শেফালীর কথায় সে কক্ষমধ্যে যে পরিবেষ্টনের সৃষ্টি হইয়াছিল, তাহার মধ্যে কথা—অট্টহাস্তের মত শুনাইবে।

দেবারতনে প্রবেশ করিয়া প্রকৃত হইলে সারম্বয় যে ভাবে স্থান ত্যাগ করে, কিছুক্ষণ পরে ধরানাথ সেই ভাবে কক্ষ ত্যাগ করিল। নরনাথ তাহার সঙ্গে গেল।

ধরানাথ যাইয়া আপনার মোটর গাড়ীতে উঠিল। নরনাথ তাহাকে জিজ্ঞাসা করিল, “তুমি যাচ্ছ?”

সে শিরঃসঞ্চালনে জানাইল—হাঁ।

১১

মনের কি অবস্থা লইয়া ধরানাথ পিতৃগৃহ হইতে চলিয়া গেল, তাহা সহজেই অনুমান করা যায়। শেফালী যাহা বলিয়াছে, তাহার পর সে আর কিরূপে পিতৃগৃহে যাইবে? সে পথ যেন তাহার পক্ষে চিরকাল হইয়া গেল। কিন্তু সে পথ রহিল, সেই পথেই তাহার সব আকর্ষণ।

কলিকাতার বাসায় যাইয়া বেশ পরিবর্তন করিয়াই সে মিষ্টার মুখাজ্জীর গৃহে গেল; সে কথা দিয়া আসিয়াছিল, বৈকালে আইভীকে ও তাহার ভগিনীত্রয়কে বেড়াইতে লইয়া যাইবে।

মিষ্টার মুখাজ্জীর গৃহ শূন্য! পুরাতন ভৃত্য তাহাকে জানাইল, মিসেস মুখাজ্জীর ভ্রাতার পীড়ার সংবাদ পাইয়া সাহেব ও মাজী তথায় গিয়াছেন। আর হরেন দত্তের সঙ্গে দিদিমণির বেড়াইতে গিয়াছেন।

সে জিজ্ঞাসা করিল, “হরেন দত্ত কে?”

“আপনি তাঁকে দেখেন নি। তিনি বিলেত থেকে ডাক্তার হয়ে এসে রেস্তুরে ডাক্তারী করছিলেন। ‘বেজ বাবাকে’ বিয়ে করার জন্য তিনি অনেক দিন যাতায়াত করেছিলেন। কিন্তু তাঁর টাকা নেই বলে সাহেব আর মা সে বিয়ের মত

করেন নি। তিনি রেস্তুরে গিয়েছিলেন। একটা সৃষ্টি খেলার নাকি অনেক টাকা পেয়েছেন। তাই আবার এসেছেন।”

“কেন?”

“হয়ত ‘বড় বাবার’ কি ‘ছোট বাবার’ সঙ্গে বিয়ের চেষ্টায়। ‘আইভী বাবা’কে ত আর পাবেন না!”

শুনিলে শুনিলে ধরানাথ কেমন অশ্রুমনস্ক হইয়া পড়িল।

ভৃত্য বলিল, “আপনি বসবেন?”

“আচ্ছা”—বলিয়া ধরানাথ ড্রয়িং-রুমে প্রবেশ করিল।

ভৃত্য বলিল, “চাবি ত আমার কাছে নাই; চা—”

ধরানাথ বলিল, “দয়কার নেই।”

ভৃত্য চলিয়া গেল। ধরানাথের মনে আবার শেফালীর সেই আগুনের মত সৃষ্টি ফুটিয়া উঠিল। তাহার সেই কথা তাহার মনে পড়িল—এই মনোভাব লইয়া মিস মুখাজ্জী তোমার সাধী স্ত্রী হইবে!

ধরানাথ বসিয়া আইভীর আগমন প্রতীক্ষা করিতে লাগিল আর ভাবিতে লাগিল—শেফালীর আদর্শে আর আইভীর আদর্শে কত প্রভেদ!

ক্রমে সন্ধ্যা হইল। ভৃত্য আসিয়া আলো জালিয়া দিয়া বলিল, “অনেকক্ষণ অপেক্ষা করতে হচ্ছে।”

ধরানাথের মনে হইল, ভৃত্যও তাহার অবস্থায় সহানুভূতি করিতেছে। সে বলিল, “আমি এখন চললাম।”

ধরানাথ চলিয়া গেল।

কিন্তু খানিকটা ঘুরিয়া—একটা হোটেলে চা পান করিয়া সে আবার সেই গৃহে ফিরিয়া আসিল। মুখাজ্জী-কলার তখনও ফিরে নাই। ভৃত্য সংবাদ দিল—তাহারা কোন অজ্ঞাত স্থান হইতে টেলিফোন করিয়াছে—তাহারা বাড়ীতে খাইবে না। মিষ্টার ও মিসেস মুখাজ্জীও ফিরেন নাই।

রাত্রি তখন প্রায় ৯টা।

ধরানাথ চলিয়া যাইবার উদ্যোগ করিতেছে, এমন সময় একখানা ট্যাক্সী আসিল—মিস মুখাজ্জীত্রয়কে নাশাইয়া দিয়া—

“কাল আমি আসব,” বলিয়া এক জন যুবক চলিয়া গেল।

ভগিনীত্রয় ড্রয়িং-রুমে প্রবেশ করিয়া দেখিল—ধরানাথ। আইভী জিজ্ঞাসা করিল, “অনেকক্ষণ অপেক্ষা করতে হয়েছে?”

ধরানাথ বলিল, “আমার সঙ্গে ত কথা ছিল, বিকেলে আমি এসে বেড়াতে নিয়ে যাব।”

“আমি বড় ছাঃখিত !—কিন্তু কি করব—অনেক দিন পরে এক জন পুরাণ বন্ধু এলেন—জিন ক’রে বেড়াতে নিয়ে গেলেন—তার পর হোটেলে না খাইয়ে ছাড়লেন না।”

“বন্ধুটি কে ?”

“এক জন ডাক্তার—রেসুন থেকে এসেছেন।”

“পুরাতন বন্ধু—না পুরাতন প্রেমিক ?”

ধরানাথের হাসিতে যে স্ফূরণ ভাব ছিল; আইভী তাহা বুঝিতে পারিল না।

সে বলিল, “অনেক দিন তিনি প্রার্থী ছিলেন বটে।”

“আজ একলা তাঁর সঙ্গে এত রাত অবধি কাটিয়ে আসতে তোমাদের কোন সন্ধ্যা হ’ল না ?”—স্বরটা রুক্ষ।

কথাটা আইভীর ভাল লাগিল না। সে বলিল, “তাঁতে কি দোষ হয় ?”

“কিছুই নয় ?”

“ওঃ, রগেন বাবু ঠিকই বলেছিলেন, আপনাদের পরিবার অতিরিক্ত রক্ষণশীল। দেখছি, সে ভাব আপনারও পুরা-মাত্রায় আছে।”

“হয়ত তুমি আমাকে বা’ ভেবেছিলে—আমি তা’ নই ; আর আমি তোমাকে বা’ ভেবেছিলাম—তুমিও তা’ নও।”

আইভীর ভগিনীরা নিস্তর হইয়া রহিল। আইভীর মনে হইল—তাহাদিগের সম্মুখে তাহার প্রতি ধরানাথের এই ব্যবহার অপমান। সে বলিল—“বোধ হয় তা’ই।”

ধরানাথ বলিল, “তা হ’লে আর অগ্রসর হ’বার আগেই আমাদের যে যার পথ দেখে নেওয়া ভাল হ’বে।”

সে বাইয়া গাড়ীতে উঠিল। গাড়ী চলিয়া গেল। মুখার্জী কুমারীত্রয় পরস্পরের দিকে চাহিতে চাহিল, সেন পলকে প্রলয় হইয়া গিয়াছে।

পরদিন প্রাতে মিসেস মুখার্জী ধরানাথের সন্মানে তাহার “ক্ল্যাটে” বাইয়া তাহার চাকরের নিকট গুলিলেন, ধরানাথ প্রকৃতবে চলিয়া গিয়াছে—বলিয়া গিয়াছে, সে “ক্ল্যাট” ছাড়িয়া দিবে।

মিসেস মুখার্জী বুঝিলেন, অনেক চেষ্টায় যে শিকারটিকে দ্যলে আনিতে পারিয়াছিলেন, মেয়েদের ভুলে সে ভাল

হইতে পলাইয়াছে। তবে করেন কিরিয়া আসিয়াছে সে সত্য সত্যই লটৌরীতে টাকা পাইয়াছে ত ?

১২

সমস্ত রাত্রি ধরানাথ ঘুমাইতে পারে নাই। জীবনের কয়টা বৎসর তাহার যেন দারুণ ছঃস্বপ্ন মনে হইতেছিল। প্রত্যুষে উঠিয়া সে যখন গাড়ী বাহির করিয়া চলিয়া গেল, তখন কলিকাতা কেবল জাগিতেছে।

ধরানাথ পিতৃগৃহে প্রবেশ করিয়া গুলিল, প্রভানাথ সপরিবারে গঙ্গাস্নান করিতে গিয়াছেন। সম্মুখের ঘরে জামা ও জুতা ফেলিয়া সে ঘাটের দিকে গেল। স্নানার্থীরা তখন কেবল জলে নাষিবার উচ্ছোগ করিতেছেন—প্রভানাথ বলিলেন, “সব সাবধান, তাঁটার টান ধরেছে।”

ধরানাথ বাইয়া প্রথমে পিতার ও তাহার পর মাতার পদধূলি গ্রহণ করিল। সকলে বিম্মিত হইলেন।

ললিতা বলিল, “ভেলমাথা অবস্থায় কি প্রণাম করতে আছে ?”

ধরানাথ বলিল, “ছেলের সকল অবস্থাতেই বাপ-মা’কে প্রণাম করতে আছে।”

সে সর্ক্যাগ্রে গঙ্গাজলে অবতরণ করিয়া ডুব দিল—উঠিয়া বুককরে গঙ্গাপ্রণাম করিয়া উচ্চারণ করিল—ওঁ।

মা বলিলেন, “তুই গামছা আনিস নি ?”

ধরানাথ বলিল, “না, মা।”

মা ছেলেকে আপনার গামছাখানি দিলেন।

স্নান করিয়া ফিরিবার সময় ধরানাথ দাদাকে বলিল, “দাদা, পুরোহিত ঠাকুর মশাইকে ডেকে আমার প্রার্থিস্তের ব্যবস্থা কর—আজই কর।”

তাহার পর সে বলিল, “কনকের কি বিষে হয়েছে ?”

নরনাথ বলিল, “বোধ হয় না।”

“তুমি তাঁদের টেলিগ্রাম ক’রে দাও—যদি তাঁদের আপত্তি না থাকে, আমি বাবার কথার অবাধ্য হ’ব না।”

নরনাথ গৃহে ফিরিয়া যখন সকলকে সে কথা জানাইল, তখন মারও পূর্বে শেকালী বাইয়া রাজরাজেশ্বরকে প্রণাম করিল—সবই তোমার কৃপা।

শ্রীহেমেন্দ্রপ্রসাদ ঘোষ।



## স্বয়ংসিদ্ধা

### অষ্টম উল্লাস

১

বহির্কাটিতে কর্তার বিশাল খাম-কামরা যেমন সেরেস্টার সম্মত রক্ষা করিত, অন্তঃপুরে রানীর মহলেও তাঁহার নিজস্ব কক্ষটি অন্তঃপুরিকাদের অহেতুকী উল্লাস ও অনর্থক উল্লাসকে সংযত করিয়া রাখিত।

প্রায় ত্রিশ ফুট লম্বা একটি সুদীর্ঘ কক্ষ; তাহার এক ধারে পাশাপাশি অনেকগুলি সোফা, আরাম-কেদারা; তাহাদের পরেই একখানি কারুকার্যখচিত প্রকাণ্ড পালঙ্ক, তাহার উপর পালঙ্কের উপযুক্ত উচ্চাঙ্গের শয্যা আস্থিত। অল্পদিকটি একেবারে শূণ্য, শুধু কক্ষতলটি বরাবর কার্পেট-মণ্ডিত। এই দীর্ঘস্থানটি এই ভাবে খালি রাখিবার কারণ, কর্তা এখানে প্রায়ই অপূর্ণ ভঙ্গীতে পদচারণা করিয়া থাকেন। কোনও কঠিন বিষয়ের মীমাংসা যখন তাঁহার মস্তিষ্কের মধ্যে আলোড়ন উপস্থিত করে, তখনই কর্তাকে—সুদীর্ঘ হাত দুইখানি পীঠের দিকে আন্বল করিয়া কক্ষের এই অংশটির এক প্রান্ত হইতে অল্প প্রান্ত পর্যন্ত ক্রমাগতই পরিক্রমণ করিতে দেখা যায় এবং এই ভাবে ঘণ্টার পর ঘণ্টা অতিবাহিত হয়, ইহাই তাঁহার চিরন্তন অভ্যাস।

কিন্তু এ দিন যেন একান্ত অসহিষ্ণুভাবেই তিনি কক্ষের এই নির্দিষ্ট অংশটির উপর পদচারণা করিতেছিলেন। প্রতি পদক্ষেপের সঙ্গে সঙ্গেই লম্বাট তাঁহার কুঞ্চিত হইতেছিল, প্রশান্ত মুখখানির সর্বত্রই চিন্তার চিহ্ন সুস্পষ্ট হইয়া উঠিয়াছিল; এই কক্ষে এই ভাবে অবিরাম পরিক্রমণ তাঁহার নূতন নয়, কিন্তু চক্ষু ও মুখের ভঙ্গী অন্তর্নিহিত ভাবের যে আভাস দিতেছিল, তাহা সত্যই অভিনব।

অনিমেষের দিকের দরজার পদ্ম ঠেলিয়া মাধুরী দেবী বেশ গস্তীরভাবেই কক্ষমধ্যে প্রবেশ করিলেন। কর্তাও ঠিক এই সময় ঘারের দিকেই মুখ ফিরাইয়াছিলেন; সহসা চোখোচোখি হইতেই উভয়ের ভাবান্তর উভয়ের চোখেই ধরা পড়িয়া গেল।

কর্তা আশ্চর্যবরণের উদ্দেশে প্রথমেই তৎপর হইয়া কহিলেন,—এত দেবী যে? এক ঘণ্টার উপর হবে আমি তোমাকে ডেকেছি।

সহজকণ্ঠে রানী কহিলেন,—খবর আমি ঠিক সময়েই পেয়েছি, তবে দেবী ক'রে আসাটা আমার ইচ্ছাকৃতই।

ক্র কুঞ্চিত করিয়া কর্তা রানীর মুখের দিকে চাহিলেন, সঙ্গে সঙ্গে তাঁহার অজ্ঞাতেই যেন কণ্ঠস্বর তীক্ষ্ণ হইয়া বাহির হইল,—বটে!

রানী সুস্পষ্ট স্বরে বিলম্ব কবিবার কারণটুকু নির্দেশ করিয়া দিলেন,—বউমার মহলে তিন ঘণ্টার ওপর তকরার চলবার পর ঘণ্টাখানেক নিরালস্য বিশ্রামের খুবই প্রয়োজন ছিল।

কথাটা কর্তার কাণে রসের আভাস না দিয়া বিরক্তির আঘাত দিল; রুক্ষস্বরে প্রশ্ন করিলেন,—কি ক'রে এ খবর এরই মধ্যে তোমার কাণে এসে পৌঁছাল?

রানী কহিলেন,—তুমি যা মনে ক'রে এ কথা জিজ্ঞাসা করছ, তা ভুল; তুমি নিজেই জানো, দরজায় পাহারা বসিয়ে গিয়েছিলে; আর, এ বাড়ীর দাসী-বাঁদীদের কারুর 'বাড়ি ছুটো মাথা নেই যে, তোমার হুকুমের একটুকু নড়চড় করতে পারে।



হৃৎস্বরে কৰ্ত্তা-বিজ্ঞাসা করিলেন,—জবে তুমি ও কথা বললে কি হয়ে ওনি ?

ঈশং বিজ্ঞপের সুরে রাণী, উত্তর দিলেন,—আমি যে এ বাড়ীর রাণী, সমস্তই আমাকে জানতে হয়; মাহুব না বললেও, বাতাস আমার কাণে কাণে সব গুনিয়ে নিয়ে যায়।

ছই চক্ষু উজ্জল করিয়া তীক্ষ্ণ দৃষ্টিতে কৰ্ত্তা রাণীর মুখের দিকে চাহিয়া কহিলেন,—ভালো, ভালো, কথাটা যেন ভুলে যেয়ো না—এখনি যা বললে। এর পীঠে অনেক কথাই আমাকে তুলতে হবে, এখানেও ক' ঘণ্টা সময় কাটবে, তা কে জানে!

কথার সঙ্গে সঙ্গে একখানা সোফার দিকে অগ্রসর হইয়া কৰ্ত্তা কহিলেন,—কতক্ষণ দাঁড়িয়ে থাকবে তুমি, ব'স।

রাণী কহিলেন,—আমার বসবার মরকার হবে না. বসেই ছিন্দুম, তোমার বসাতাই প্রয়োজন হয়েছে, এক ঘণ্টা ধরেই মৌড়ামৌড়ি ক'রে যে কাঙ্ক্ষিত হয়ে পড়েছ, তা বুঝতে পারছি।

সোফার কোমল অঙ্গে দেহভার স্তম্ভ করিয়া কৰ্ত্তা কহিলেন,—এই একটি ঘণ্টা যে এখানে বিশ্রাম করিনি, এ কথা তা হ'লে স্বীকার করছ বল?

রাণী গম্ভীরমুখে উত্তর দিলেন,—চাবুকের বা পীঠে পড়লে স্থির হয়ে কেউ যে বিশ্রাম করতে পারে না, গায়ের আলায় ছুটোছুটি করে, এ কথা এখন স্বীকার না ক'রে পাচ্ছি না।

একটা নিখাস ফেলিয়া কৰ্ত্তা প্রশ্ন করিলেন,—ও ভাবে এ কথা বলবার মানে ?

রাণী মুখের কথায় একটু জোর দিয়াই কহিলেন,—যে ভাবে নিশ্চয় ফেলে কথাটা তুমি বললে, তাতেই বোঝা যাচ্ছে, মানে তুমি বুঝতে পেরেছ। বেশী ক'রে বোঝাতে গেলেই গায়ের আলাটুকু বাজবে বই ত নয়!

সন্দেহভাবে রাণীর মুখের দিকে চাহিয়া কৰ্ত্তা কহিলেন, বউমার মন্ডলে আমি গিয়েছিলুম জানা কথা, অনেকক্ষণ সেখানে থাকতে হয়েছিল আমাকে, সবাই জানে; কিন্তু কি কথাবার্তা আমাদের মধ্যে হয়েছে, যুগাক্ষরে কেউ তার একটি বর্ণও গুনেছে, আমার ত মনে হয় না; জবে কি হয়ে তুমি আমাকে বোটা দিলে যে—বউমার কথা যা

বরদা করতে না পেরেই গায়ের আলায় আমাকে ছুটো-ছুটি করতে হয়েছে ?

স্বামীর কথার শেষ দিকে তীব্রতার আভাস পাইয়া রাণী ক্ষণকাল তাঁহার দিকে তীক্ষ্ণদৃষ্টিতে চাহিয়া সহসা কহিলেন,—বউমার সঙ্গে বোঝাপড়া করতে আট-বাট বেধেই গিয়েছিলে, কিন্তু ফেরবার সময় মুখ, চোখ, গলার স্বর এগুলোকে ত বাধতে পারনি, ওয়াই যে স্পষ্ট আনিয়ে দিচ্ছে, যা খেয়েই ফিরে এসেছ তুমি, গারে আলা ধরেছে।

কথাটা কৰ্ত্তাকে রীতিমত আঘাত দিল, তিনিও প্রতি-আঘাত দিতে অবহেলা করিলেন না; তীক্ষ্ণ বিজ্ঞপের সুরে কহিলেন,—যার পাণ্ডু রোগ হয়, সে ছনিয়াওক সমস্তই পাণ্ডুবর্ণ দেখে। কে জলুছে, তা জানতে আমার বাকি নেই; কিন্তু এটা হচ্ছে সমুদ্র, কিছুতেই তাতে না।

ব্যঙ্গের ভঙ্গীতে একটু তীক্ষ্ণ হাসির ঝিলিক তুলিয়া রাণী কহিলেন,—কিন্তু নিশ্চয় গর্জন করতেও ছাড়ে না!

কৰ্ত্তার মুখখানি হঠাৎ গম্ভীর হইয়া উঠিল; মনে মনে বুঝিলেন, এখানে প্রতিপক্ষ সমকক্ষের দাবী লইয়া প্রতি-উত্তর দিতে কিছুমাত্র দ্বিধা করিবে না; স্মৃতরাং সন্ধির প্রত্যাশায় তিনি নিজেই কথার সুর নরম করিয়া কহিলেন,—অনুমানের উপর জোর ক'রে কিছু সাব্যস্ত করা ঠিক নয়, তাতে ঠকতে হয়।

রাণী এ কথায় সায় না দিয়া প্রতিবাদের ভঙ্গীতে কহিলেন,—কিন্তু এ পর্য্যন্ত যা কিছু সাব্যস্ত করা হয়েছে, সবই ত অনুমানের উপর নির্ভর করেই!

বিশ্বয়ের সুরে কৰ্ত্তা কহিলেন,—তাই কি? এর নজীরও তা হ'লে নিশ্চয়ই আছে?

রাণী কহিলেন,—অনেক। প্রথম নজীরই ত আমি। তুমি!

নিশ্চয়ই; শুধু বংশরক্ষার অভিপ্রায়েই যে রাজকন্তাকে ধরে আনা হয়নি, সে তুমিও জান, আমিও জানি; এর পেছনে ছিল একটা উচ্চরের অনুমান।

বটে!

এক চিলে ছুটো পাখী শিকার করবার অনুমান করেই তুমি নেচে উঠেছিলে।

বল কি!

আরও স্পষ্ট করেই বলছি ; তোমার অনুমান ছিল, রাজসিংহের মত একটা কীর্তি অর্জন করা, আর আমার বাবা সরকার-ঘেঁসা বলে তাঁকে জানিয়ে দেওয়া—ওর কোনও দাম নেই।

কৌতূহলাবিষ্ট হইয়া কর্তা রাণীর দিকে কিছুক্ষণ চাহিয়া রহিলেন, তাহার পর একটু হাসিয়া কহিলেন,—এত কাল পরে এত বড় একটা তবু তুমি আবিষ্কার করে ফেলেছ! কিন্তু এর আগে ত কোন দিন এ সম্বন্ধে কোন কথাই আমাকে বলনি।

রাণী গাঢ়স্বরে কহিলেন, বলবার ত প্রয়োজন এ পর্য্যন্ত হয়নি। কথার পীঠে কথা উঠতেই আমাকে বলতে হ'ল যে, অনুমানের উপর নির্ভর করেই মত কিছু গুরুতর ব্যাপারেই তুমি মাথা দিয়েছ। একটা নজীর ত দেখালুম, আরও অনেক আছে।

কর্তা কহিলেন,—পাক, আর গুনিয়ে কাষ নেই। বাজে কপায় আমরা কাষের কথা পেকে তফাতে এসে পড়েছি। যে জন্ত তোমাকে ডেকেছি, সে সম্বন্ধে কোন কথাই এখনও হয়নি। কিন্তু তুমি বসবে না?

রাণী কহিলেন,—না, বসলে তোমার সঙ্গে কপায় আমি পেরে উঠব না; আমি বেশ বুঝতে পেরেছি, ও মহলে যা খেয়ে আমার ওপরেই তার শোধটা তুলবে বলেই তুমি তৈরী হয়ে এসেছ।

আবার ঘুরিয়ে ফিরিয়ে ঐ কথাই তুমি টেনে আনছ!

ঐ কথা ছাড়া নতুন কোন কথা সত্যই কি তোমার বলবার আছে? আমার ত মনে হয় না।

তোমার মনের কি ধারণা, তাই গুনি!

এ বাড়ীতে এসে অবধি কাষের কোন কৈফিয়ৎই আমাকে দিতে হয় নি, তলবও আসেনি, প্রয়োজনও দেখা দেয়নি। সেই কৈফিয়ৎ আজ আমাকে দিতে হবে। আমার এই ধারণা কি অমূলক?

উজ্বাসের সুরে কর্তা কহিলেন,—চমৎকার, কিন্তু আমি ভেবে পাচ্ছি না, তাঁরিক করব কার? বোঁমাও অসময়ে তাঁর মহলার আমাকে দেখেই বলেছিলেন, আমি তাঁর বিচার করতে এসেছি। তুমিও আমার তলব পেয়েই সাব্যস্ত করে নিয়েছ—তোমার কাষের কৈফিয়ৎ নিতেই ডেকেছি।

আমার এই উজ্বাসে জ্বকপ না করিয়াই সহজকণ্ঠে

রাণী কহিলেন,—আমি প্রস্তুত হয়েই এসেছি। তোমার যা কিছু জিজ্ঞাসা করবার আছে, তার কাষ আরম্ভ করতে পার, আমার পক্ষ থেকে কিছুমাত্র অবহেলা হবে না।

কর্তা কর্তের স্বরটুকু কৃত্রিম সহানুভূতিতে গাঢ় করিয়া কহিলেন,—তোমার যখন এত জেদ, তখন তোমার মুখ-রক্ষায় আমার পক্ষ থেকেও অবহেলা করা কিছুমাত্র উচিত নয়। হাঁ, ভাল কথা, গোড়াতেই যে কথাটা তুমি জোর করে বলেছিলে, হঠাৎ মনে পড়ে গেল,—এ বাড়ীর তুমি রাণী, সবই তোমাকে জানতে হয়, বাতাস তোমার কাণে কাণে সব কথাই গুনিয়ে দিয়ে যায়;—এই কথাগুলিই ঠিক বলেছিলে না?

রাণী দুই চক্ষু মেলিয়া মুহূর্তের জন্ত স্বামীর মুখের দিকে চাহিলেন, পরক্ষণেই দৃষ্টি ফিরাইয়া কহিলেন,—এ কথা তোলবার কোনও প্রয়োজনই ছিল না, মুখের কথা অস্বীকার করবার শিফা কখনও পাইনি।

কর্তা কহিলেন,—তা আমি জানি, আর এ জন্ত কতবার প্রশংসা করেছি, তুমিও তা জান। তবে ঐ কথাটা তোমার তোলা কতকটা সংস্কারের মতই; আদালতে হাকিমের সামনে অতি বড় সত্যবাদীকেও যেমন হলপ করতে হয়! হাঁ, এবার কাষের কথাই হোক। সত্যিই, চারদিকের অবস্থা এমনই তালগোল পাকিয়ে উঠেছে যে, কতকগুলো খবর না নিয়ে আমার আর নিষ্কৃতি নেই।

কথাগুলি শেষ করিয়াই কর্তা তীক্ষ্ণ দৃষ্টিতে রাণীর মুখের দিকে চাহিলেন; কিন্তু রাণীর নিকট হইতে কোনও উত্তর পাওয়া গেল না।

কর্তা পুনরায় কহিলেন,—একটু আগেই তুমি আমার সম্বন্ধে বলেছ, রাজস্থানের রাজসিংহের মত বাহবা নেবার জন্তই আমি তোমাকে বিবাহ করেছি, আরও একটা অপবাদ চাপিয়েছ, সে কথা এখন থাক, প্রথমটার কথা তুলেই বলছি, সব দিক দিয়ে বিবেচনা করলে সবাই এ কথা বলবে যে, কাষটা ঠিক অন্বেষণ করিনি, আর এ কাষ-টুকু শেষ করতে ভ্যাগস্বীকারও বড় অল্প করতে হয়নি। এখন এ সম্বন্ধে এইমাত্র বিচার্য যে, আমি তোমাকে অবহেলা করেছি কি না!

রাণী মর্ম্মস্পর্শী স্বরে কহিলেন,—এ অভিযোগ ত আমি কোনও দিন করিনি, বরং আমি মুক্তকণ্ঠেই বলব,

বিবাহের পর তুমি আমাকে যে মর্যাদা দিয়েছ, তা সামান্য নয়; তোমার সংসারে আমাকে সম্বলিত করেছ তুমি। যে অধিকার আমি পেয়েছি, আর সেই সূত্রে সংসারের সকলের ওপর এ পর্য্যন্ত যে ক্ষমতা চালিয়ে এসেছি, একটি দিনের জন্যও তুমি তাতে প্রতিবাদ তোলনি, কোনও বাধাই দাওনি।

রাণীর কথাতেই নিজের বক্তব্য বিষয়ের সূত্রটুকু পাইয়াই কর্তার মুখখানি মুহূর্তের জন্য হর্ষোৎকুল হইয়া উঠিল, উৎসাহের সুরে তৎক্ষণাৎ কহিলেন,—বেশ, খুসী মনেই যে ভাবে তুমি ক্ষমতা পাওয়ারটার কথা বললে, সেই পাওয়া ক্ষমতাটুকুও তুমি ওজন করে সবার ওপর চালিয়ে এসেছ—এ কথা জোর করে বলতে পারবে?

স্বামীর এই অপ্ৰত্যাশিত কঠোর প্রশ্নটি মুহূর্তের জন্য বেন রাণীকে স্তব্ধ করিয়া দিল; কিন্তু পরমুহূর্তেই তিনি এই আঘাতটি একেবারেই অগ্রাহ্য করিয়াই দৃষ্টকণ্ঠে কহিলেন,—এ কথার উত্তর দেবার আগে আমি জানতে চাই, ক্ষমতা দেবার সময় সেটা প্রয়োগ করবার কোনও নির্দেশ আমাকে দিচ্ছেছিলে?

সেটা কেউ দেয় না।

দেয়। অন্তরে কি কথা, শুনেছি, বড়লাটকে এ দেশে পাঠাবার আগে বিলেতের কর্তারা ক্ষমতা চালানো সম্বন্ধে রীতিমত তালিম দিতে ভোলেন না। তোমার জমিদারীর কোনও মহালে যখন নতুন নায়েব বাহাল করা হয়, তাকেও কি কোনও নির্দেশ দাও না—কি ভাবে সে প্রজাপালন করবে, তার ক্ষমতার এক্তিয়ার কতখানি?

স্বীকার করলুম, তোমাকে কোনও নির্দেশ দেওয়া হয় নি; তুমি যেখানে সহধর্মিণী, সংসারের গৃহিণী, সেখানে তোমার ক্ষমতা নিয়ন্ত্রিত করা আমি নিঃশ্রয়োজন মনে করেছিলুম। কিন্তু তোমারও ত কর্তব্য তাতে যথেষ্ট ছিল!

নিশ্চয়ই। কর্তব্যে যদি অবহেলা হ'ত আমার পক্ষ থেকে, তা হ'লে গোড়াতেই ঝড় উঠত; এতগুলো বছর নিরুদ্বেগে কাটবার পর আজ হঠাৎ কৈফিয়তের জলব আসত না।

তা হ'লে কেন তুমি বলতে কুণ্ঠিত হচ্ছ যে, সংসারের সবার ওপরেই তুমি ওজন করে তোমার ক্ষমতা চালাও নি?

অনর্থক মিথ্যা বলে ত কোনও লাভ নেই। নিজের ওজনে সব কর্তব্য পালন করা চলে না, বিধাতার স্মৃতিতেও

তারওম্যের মস্ত নেই, মানুষ সবাই সমান হয় না, চেহারাও স্বভাবে কত ভেদাই দেখা যায়, একটা হাতের পাঁচটা আঙুলই সমান নয়; কাষেই কি ক'রে আমি বলতে পারি যে, ওজন করেই আমার ক্ষমতা চালিয়েছি?

এ কথার উত্তরে আমি যদি বলি, তা হ'লে তুমি ক্ষমতার অপব্যবহার করেছ; যারা চালাক, তারা তোমার তোর্ষা-মোদ করে তোমাকে ঠকিয়ে তাদের সুবিধে গুছিয়ে নিয়েছে, আর যারা বোকা, তোমার মন যোগাতে পারেনি, তারা বরাবরই অসুবিধে ভোগ করেছে, নিজেরা ঠকেছে?

গুরুতর অভিযোগ! কর্তা ভাবিয়াছিলেন, বোমা এবার সম্বন্ধে বিদীর্ণ হইবে ও সঙ্গে সঙ্গে একটা কদর্য্য আব-হাওয়ার আবর্ত বহিবে। কিন্তু রাণীর দৈর্ঘ্য কিছুমাত্র ক্ষুণ্ণ হইল না, বা তাঁহার কণ্ঠস্বরে তীব্রতার কোনও আভাস পাওয়া গেল না। সহজ কণ্ঠেই তিনি স্বামীর এই কঠোর মন্তব্যের উত্তরে কহিলেন,—সংসারের সকল ক্ষেত্রেই আবহমানকাল থেকে এই যোগাযোগ চ'লে আসছে। যারা চালাক, তারা জেতে; যারা বোকা, তারা ঠকে। ইতি-হাসেও এর নজীর আছে।

কর্তা বিশ্বাসের সুরে কহিলেন—তুমি যে দেখছি মস্ত মস্ত কথা তুলে আমাদের কথাটাকে গুছিয়ে দিতে চলেছ!

রাণী মুহূর্ত হাসিয়া কহিলেন,—মস্ত বস্ত জলের ওপর জোর করে পড়লেই জল গুলিয়ে ওঠে; সত্যকে খাটো করে আমি ত তোমার মন যোগাতে বসি নি, মনের মস্ত কথা-টাই সাহস ক'রে খুলে বলেছি।

কর্তা ক্র কুণ্ঠিত করিয়া কহিলেন, তা হ'লে এ বাড়ীতে যারাই তোমার সো হতে পারে নি, তুমি তাদের সকলকেই কোণঠাসা করে রেখেছ বল?

রাণী সুস্পষ্ট সুরে উত্তর দিলেন,—আমার মত অবস্থায় যে কোনও মেয়ে পড়ত, এ কাষটুকু না করলে তার নিষ্কৃতিই ছিল না। এ বাড়ীতে এসেই আমি দেখলুম, বাড়ীগুলো সকলেই আগেকার রাণীর নামেই পাগল, তাঁর তুলনায় আমি যে কত ছোট, তা প্রমাণ করতে তাদের চেঁচোর অন্ত নেই। কাষেই আমারও প্রথম কাষ হ'ল, আমার সেই স্বর্গীয় মতীনটির স্মৃতিটুকু পর্য্যন্ত মুছে ফেলা, আর আমি যে জোর চেয়ে সব দিক দিয়ে বন্ধ, সেটা সব দিক দিয়ে প্রমাণ করা। আমার হাতে যখন এক ক্ষমতা,

আমার কর্তব্যে আমি যখন কৰ্ত্তা, নিজেকে প্রতিষ্ঠা করবার এ সুযোগ কেন ত্যাগ করব ?

নিজের অজ্ঞাতেই কৰ্ত্তা যেন মনে মনে চমকিত হইয়া উঠিলেন। এত কাল বিবাহ হইয়াছে, কিন্তু সহধর্মিণীর সহিত এভাবে কোনও দিন তাঁহার কথোপকথন হয় নাই, এমন সুস্পষ্টভাবে রাণী কোনও দিন তাঁহার মনের কথাগুলি ব্যক্ত করেন নাই। কিছুক্ষণ বদ্ধদৃষ্টিতে তিনি রাণীর মুখের দিকে তাকাইয়া রহিলেন, তাহার পর জোরে এক নিশ্বাস ত্যাগ করিয়া কহিলেন,—হঁ! আচ্ছা, এবার একটা শক্ত কথাই আমাকে তুলতে হচ্ছে; খোকার সম্বন্ধেও কি তুমি ও ক্ষমতা বরাবর চালিয়ে এসেছ? সতীনের স্বতি পর্যন্ত মুছে ফেলতে যখন তুমি চেষ্টার ক্রটি করনি, সেই সতীনের ছেলের ছেলের কি তা হ'লে—

স্বর এখানে ভাবের উচ্ছ্বাসিত আবর্তে রুদ্ধ হইয়া গেল, দ্রুত দুইটি চক্ষু রাণীর মুখের দিকে তুলিয়া নিবিষ্টভাবে তিনি চাহিয়া রহিলেন, শীকরসিক্ত তারকা দুইটিই যেন অসমাপ্ত কথাগুলি ব্যক্ত করিয়া দিল।

রাণী অবিচলিত কণ্ঠে কহিলেন—খোকার কথা বলছ? কি সম্বন্ধে তোমার এই প্রশ্ন? তাকে আশ্রিত-যত্ন করবার, মানুষ করে তোলাবার, না আর কিছু?

কৰ্ত্তা অভিভূতের মত কহিলেন,—আমি কথাটার খেই হারিয়ে ফেলাছি ক্রমাগতই, কোন্ কথাটা আমি জানতে চাই, সেটা আমি না বলেই তোমাকে জানাচ্ছি, তুমি তার সম্বন্ধে সবই যখন জান, তোমার যেটুকু বলবার আছে, তার সম্বন্ধে তাই বল।

রাণী কহিলেন,—সংসারের ভার আমার ওপর যতটা বিশ্বাস করে তুমি দিয়েছিলে, খোকার ভার ত সে ভাবে আমাকে দাওনি, বরং ওদিক দিয়ে আমাকে অব্যাহতি দিয়ে তোমার আগেকার রাণীর দাসীদের হাতেই তাকে সমর্পণ করেছিলে।

হাঁ,—এ কথা আমি অস্বীকার করছি না। সপত্নীপুত্রের ঝগড়া সঙ্কর করতে যদি তুমি বেজার হও, সেই জগুই আমি তোমাকে অসুবিধায় ফেলিনি।

ওধু তাই কি? কিন্তু আমার মনে হয়, বিমাতার হাতে প'ড়ে পাছে খোকার অনিষ্ট হয়, এই আশঙ্কাতেই আমাকে জব্ব্বলা কথা হয়েছিল। আমিও ভেবেছিলুম,

সেটা বিধাতারই আশীর্বাদ। কেন না, খোকার ভার যদি আমাকেই দিতে, আর আমি প্রসন্ন হয়েই তাকে কোলে তুলতুম, তা হ'লে আজ সে জড়ভরতের মত অকর্মণ্য হয়ে প'ড়ে থাকত না।

কিন্তু তবুও কি তার দিকে রূপার দৃষ্টিতে চাওনাটা তোমার উচিত ছিল না?

না। প্রথম দিকে আমি অভিমান করেই তার দিকে চাইনি, তার পর নিবারণ আসতে তার দিকেই আমাকে পুরোপুরিই চাইতে হয়েছিল। বড় হতে সবাই যখন বললে, খোকা একেবারে নীরেট, বুদ্ধিগুদ্ধি কিছু নেই, লেখাপড়া হবে না, আর নিবারণের সুখ্যেত তাদের মুখে ধরে না, তখন বোধ হয়, আমার মত খুসী আর কেউ হয়নি।

আর্তস্বরে কৰ্ত্তা কহিলেন,—তুমি গুনে খুসী হয়েছিলে?

মুহু সুরে রাণী কহিলেন—অত্যন্ত ব্যথা পেয়েছিলুম—এই কথাটা মিছে বানিয়ে বললে তুমি হয় ত খুসী হতে; কিন্তু আমি অকপটে সত্যই বলছি। আর, কেনই বা খুসী হব না? আমি ত মানুষ, খুব বেশী যে লেখাপড়া শিখে তত্ত্বজ্ঞান পেয়েছি, তাও নয়, রক্ত-মাংসের শরীর আমার, ঘোল আনা স্বার্থ নিয়ে সম্বন্ধ। সতীনের ছেলে যাচ্ছেতাই হলেই আমার ছেলের অদৃষ্ট যখন খুলে যাবে, বাঙলীর গদিতে সেই বসবার যোগ্যতা পাবে, মায়ের পক্ষে এর চেয়ে খুসীর কথা আর কি থাকতে পারে? তবে এ কথা স্বীকার করবই, গল্প-উপজ্ঞাসের সংমাদের মত ঐ কাঁটাটাকে ভাঙ্গবার বা তোলাবার কোনও চেষ্টাই যেমন করিনি, তেমনই তাকে শাণাবারও কোনও যত্নই এ পর্যন্ত 'নিইনি, ভোঁতা হয়েই যাতে বরাবর প'ড়ে থাকে, সেইটুকুই ছিল আমার আগ্রহ। এতে আমাকে তোমরা স্বার্থপরই বল, বা এই নিয়ে যে কোনও অপবাদই আমার ওপর চাপাও, আমি বরাবর জোর করে বলে বাব—সন্তানের স্বার্থের দিকে চেয়ে আমি আমার কর্তব্যই করেছি।

অসহিষ্ণুভাবে কৰ্ত্তা কহিলেন—আর যাকে বঞ্চিত করতে তুমি এই অনাচার করেছ, সেও কি তোমার সন্তান নয়?

রাণী কৰ্ত্তস্বরে রীতিমত জোর দিয়া কহিলেন—না। কাগজে, কেভাবে যেমন পড়া যায়—আমি মা, দেশীয় আমার অসংখ্য সন্তান, এও ঠিক তাই! গুনতেই ভাল বাইরে থেকে, স্বার্থের সংস্রবে এলেই গোল বাঁধে। সন্তানের



মমতা নিয়ে আজ তুলছ তুমি সমস্তা, কিন্তু গোড়ার বিশ্বাস করতে পারনি, তখন ছিলুম আমি বিমাতা! ব্যবধানের প্রাচীর তুলেছিল কে? অথচ, নিজেও ছিলে দিব্যি নিশ্চেষ্ট, একবারে নির্দিকার! তার পর, নিজেই বরাবর নিবারণকে প্রাধান্য দিবেছ, নিজেই স্বীকার করেছ কতবার—সেই গদীতে বসবে। অথচ—

বিকৃতকণ্ঠে কৰ্ত্তা কহিলেন—খামলে কেন, বল; তোমার কথাটা ত এখনও শেষ হয়নি।

রাণী উজ্জ্বাসের সুরে কহিলেন—সে মত এখন বদলে গিয়েছে। যে দিন কবরের মেরেকে প্রথম দেখেছিলে, তার হাতের জোর দেখে নেচে উঠেছিলে এ বংশের বউ করতে, আমি গরীবের মেয়ে বলে রাজী হইনি—অমনি রোধ তোমার চেপে গেল, আর এত কাল পরে হঠাৎ খোকার জন্তে বুক অমনি টনটম করে উঠল! এখন নিবারণ হয়েছে যাচ্ছেতাই; দিনরাত স্বপ্ন দেখছ, বউ তোমার ইচ্ছিন হয়ে ঐ গাধাবোটখানাকে টেনে নিয়ে জমিদারী গদীর কিনারায় ভিড়িয়ে দেবে! এই স্বপ্নে বিভোর হয়েই তুমি থাক, আর যে কৈফিয়ৎ আমি দিলুম, যদি আমার দোষ তাতে থাকে, শান্তির ব্যবস্থা স্বচ্ছন্দেই করতে পার, আমি তার জন্তে প্রস্তুত হয়েই এসছি।

রাণীকে এবার উত্তেজিত দেখিয়া কৰ্ত্তা বিদ্রূপের ভঙ্গীতে কহিলেন,—এঃ! সেই মামুলী রাস্তাতেই শেষটায় গড়িয়ে পড়লে তুমি! শান্তির কথাও ওঠেনি, আর বোমার কথা আমি মোটেই তুলিনি, তুমি খামকা সেই ভদ্রলোকের মেরেকে টেনে মামলাটা ভারী করতে চাইছ! তা হ'লে বেশ বোকা যাচ্ছে, এখন বোমাই হয়ে দাঁড়াচ্ছেন তোমার প্রতিদ্বন্দী!

রাণী প্লেথের সুরে উত্তর দিলেন,—এটা আমার দুর্ভাগ্য ছাড়া আর কি বলি!

কিন্তু ব্যাপারটাকে ঘুরিয়ে সৌভাগ্যের বিষয় করে নেওয়া যায় না?

কি সূত্রে শুনি?

এই মুখরা মেরেটিকে মাঝের স্নেহে তোমার কোলে টেনে নিয়ে?

উদ্বীর্ণকণ্ঠে রাণী কহিলেন—তা হয় না, কিছুতেই না। এমন অনুরোধ তুমি যেন দ্বিতীয়বার আমাকে আর কর

না। তার চেয়ে, তোমার জড়ভরত খোকাটিকে যদি ওর কাঁধেই ভর দিয়ে বাঙালীর গদীতে বসাতে চাও, তাতেও আমার আপত্তি নেই, বাধা দিতে একটি কথাও আমি বলব না।

গম্ভীরমুখে কৰ্ত্তা প্রশ্ন করিলেন,—কিন্তু নিবারণকে ঠেকাতে পারবে?

দৃষ্টকণ্ঠে রাণী উত্তর দিলেন,—আমি তাকে জোর করে টেনে আনব, বেঁধে রাখব—

তার পরে? বরাবর এই মেরেটির প্রভুত্ব সহিতে পারবে?

সে ভাবনা পরে। তোমার আর কিছু জিজ্ঞাসা করার আছে?

কৰ্ত্তা পরিষ্কার করিয়া সুস্পষ্টস্বরে কৰ্ত্তা কহিলেন,—তুমি যে কথাগুলো এইমাত্র বললে, তার প্রতিবাদ করার আছে। তুমি নিশ্চয়ই জান, বাঙালীর গদীতে এ পর্য্যন্ত গাঙ্গুলী-বংশের কোনও ছেলে অন্য বংশের কোনও মেয়ের কাঁধে ভর দিয়ে বসেনি; জ্যেষ্ঠের অধিকারে ওখানে একান্তই বসতে যদি হয়, খোকাটিকেই বসতে হবে; কিন্তু তার আগে মানুষ হবার যোগ্যতাটুকু অর্জন করতে না পারলে ওটা তার পক্ষে হুরাশা ছাড়া কিছু নয়।

রাণী স্তব্ধভাবেই কথাটা গুনিলেন। কিছুক্ষণ কাহারও মুখে কথা নাই। কৰ্ত্তা একবার অপাঙ্গে রাণীর মুখের দিকে চাহিলেন, পরক্ষণে সমবেদনা উদ্বেকের ভঙ্গীতে কোমলকণ্ঠে কহিলেন,—তুমি এ ভারটুকু নিতে পার না? যে কোনও কারণেই হোক, যে অবহেলা তার সখকে তার শৈশবের অসহায় অবস্থায় আমাদের পক্ষ থেকে হয়ে গেছে, এখন কি সেটা শুধরে নেওয়া যায় না?

ক্ষণকাল মনে মনে কি ভাবিয়া রাণী স্নিগ্ধস্বরে উত্তর দিলেন,—যদি সম্ভব হ'ত, তোমার এ অনুরোধ আমি মাথা পেতে নিতুম, কিন্তু এখন তা হবার নয়। পাথরকে চালানো যায়, কিন্তু জাগানো যায় না।

মুখে উৎকুল্লের ভাব প্রকাশ করিয়া জোরকণ্ঠে কৰ্ত্তা কহিলেন,—ঠিক! এটা সম্ভব কি না, জানবার জন্তই তোমাকে ডেকেছিলুম, আর এই সূত্রে এত বাজে কথা রূখা চর্চা করা গেল। কিন্তু আমি এই আসল তথ্যটুকু না বুঝেই নিজের খেয়ালে ঐ মেরেটিকেই অগতির গতি ভেবে ওর হাতে আমার বড় গাধের সোণার চাকুটি তুলে দিয়েছিলুম।

মুহুর্তে রাণী কহিলেন,—স কণা শুনেছি।

স্বর এবার দৃঢ় করিয়া উচ্চাসের সহিত কর্তা কহিলেন,—  
কিন্তু আজ সে চারুকটি ফিরিয়ে দিয়েছে আমাকে, বলেছে,  
পাথরকে আগাতে মানুষের মনের পরশই যথেষ্ট, সোণার  
সংস্রবের দরকার হয় না। আমি এ কথার উত্তরে কি  
সাব্যস্ত করেছি, শুনতে চাও?

জিজ্ঞাসনয়নে রাণী কর্তার মুখের দিকে তাকাইতেই  
তিনি উত্তেজিতকণ্ঠে গাঢ়স্বরে কহিলেন,—তার বিরুদ্ধে যে  
সমস্ত নাগিন আজ পর্য্যন্ত এসেছে, আমি সব মূলতুবী রেখেছি

শুধু তার দিকে চেয়ে, যদি ঐ পাথরটাকে সে আগাতে  
পারে, তার সাত খুন মাপ, সকলের ওপরে হবে তখন  
তার স্থান; কিন্তু যদি ধারে, তা হ'লে ঐটিকেই অবলম্বন  
করেই তাকে শামাপুরে ফিরে যেতে হবে। যাকে বলে—  
পুনর্মুষ্কিতো ভব!

কথাটা শেষ হইতেই কর্তার ওষ্ঠপ্রান্তে হাসির একটা  
তীক্ষ্ণ কিলিক দেখা দিল, সে হাসিটুকু প্রথর বিহ্যাতের  
মতই তীব্র। রাণী অপলকনেত্রে স্বামীর সেই বিচিত্র  
মুখখানির দিকে চাহিয়া রহিলেন।

শ্রীমণিলাল বন্দ্যোপাধ্যায়।

## শরৎরাণী

অত্র চিকণ রঙীন আঁচল চড়িয়ে দিয়ে নীল গগনে,  
আসল রে ঐ শরৎরাণী শিউলি ফোটার শুভক্ষণে।  
মেঘের ফাঁকে দাঁড়িয়ে সে আজ পিচকারী দেয় সবুজ—রঙের,  
আয় রে তরুণ আয় রে সবুজ শরৎরাণী ডাক্ছে তোদের!  
গাঙের চরে চখা-চখীর ব'স্ছে মেলা দেখ রে চেয়ে,  
রামধনু-রং পের্জাপতির ঝাঁক চ'লেছে হর্ষে ধেয়ে;  
কুম্ভচূড়ার শাখায় শাখায় এলিয়ে পড়ে ফুলের রাশি,  
কাজ্লা দীঘির কঁমল'পরে বস্ছে কালো ভোমরা আসি;  
ধানের শীষে উঠ্ছে বাজি কোন্ রাত্তি পার সোনার নুপুর—  
আয় রে ছুটে আয় রে তরুণ কাণ পেতে শোন্ বুমুর বুমুর!  
ডালিম গাছের আগ্‌ডালেতে হোল্‌দে পাখী নাচ্ছে দোহল্,  
গার শাখেতে ডাহক ডাকে পিক-পাপিয়া হর্ষে আকুল!  
চেউ লেগেছে আজকে খুসীর সবার বৃকে সবার মুখে,  
ভূঁইচাঁপা কয়—“আয় রে হিজল্” নাচ'ব মোরা মনের সুখে।  
সবুজ পাতায় সবুজ ঘাসে উড়্ছে সবুজ ওড়নাখানি,  
আয় রে তরুণ আয় রে সবুজ ডাক্ছে তোদের শরৎরাণী!

কাদের নওরাজ

# বৈদেশিক প্রসঙ্গ

## শান্তি কোথায় ?

আমরা কয়েক মাস ধরিয়াই যুরোপের অবস্থা আলোচনা করিয়া আসিতেছি। ক্রমশঃই যুরোপের শান্তিভঙ্গের শঙ্কা বেন বৃদ্ধি পাইতেছে বলিয়া মনে হইতেছে। সে দিন জার্মানীর প্রধান পুরুষ হার হিটলার বলিয়াছেন যে, তিনি আশ্চর্যকার জন্ত তাঁহার দেশে ১ কোটি ২০ লক্ষ যুবকে প্রস্তুত রাখিয়াছেন। তাহারা ইঞ্জিত পাইলেই কসিয়ার উপর যাইয়া কাঁপাইয়া পড়িবে। আবার তাহার পাঁটা জবাবে কসিয়ার সেনানায়ক হার হিটলারকে বলিয়াছেন যে, তাঁহার জার্মানীর আক্রমণ প্রতিহত করিয়া জার্মানীকে শিকা দিবার জন্ত একেবারে সাজিয়া গুজিয়া বসিয়া আছেন। জার্মানী চাহেন ইউক্রেন প্রদেশ আর যুরাল পর্বতটি। রুস সেনাপতি পাঁটা জবাবে বলিয়াছেন—“অতদূর আসিতে হইবে না। তাহার পূর্বেই আমরা তোমার সমর-সাধের অবসান করিয়া দিব।” ফলে এখন বাহ্মাফোটটা চলিতেছে সোভিয়েট-শাসিত কসিয়ার এবং নাৎসি শাসিত জার্মানীর সহিত। অল্প সকলে চকিতনেত্রে ব্যাপারটা নিরীক্ষণ করিতেছেন। কারণ, সত্য সত্যই যদি এই দুইটি দেশের মধ্যে যুদ্ধ বাধে, তাহা হইলে তাহার তরঙ্গ-তাড়না কতদূর যাইয়া পড়িবে, তাহা কেহই বলিতে পারেন না। ইহারা পরস্পর নিজ নিজ শক্তির কথা যে কতটা বাড়াইয়া বলিতেছেন, তাহাও বৃথা যাইতেছে না। কসিয়ার রক্ত চক্ষু দেখাইয়া বলিতেছেন যে, আগামী যুদ্ধে তাঁহারা এমন ভীষণ অস্ত্র-শস্ত্র ব্যবহার করিবেন, যাহা ইতঃপূর্বে কোন সংগ্রামেই ব্যবহার করা হয় নাই। এ কথাগুলি নিতান্তই খাপ্লাবানী বলিয়াই মনে হয়। কারণ, এ পর্যন্ত যুদ্ধে শস্ত্র-সংহারে যে সফল বিষাক্ত রাসায়নিক দ্রব্য ব্যবহৃত হইয়াছে, তাহার মারাত্মকতা বর্তী ভীষণ বলিয়া গুনা গিয়াছিল, উহা না কি তত ভীষণ নহে। বিগত যুরোপীয় মহাযুদ্ধে প্রায় পৌনে ৭১ হাজার মার্কিনী সৈন্য বিষাক্ত বাষ্প দ্বারা আহত হয়। তাহাদের মধ্যে অতি অল্পসংখ্যক লোকই রণক্ষেত্রে মরিয়াছিল, হাসপাতালে যাইয়া তাহা অপেক্ষা কিছু অধিক লোক মারা যায়। গড়ে লোক কিছু আড়াই টন করিয়া গ্যাস ব্যবহার করিবার ফলে শতকরা ৩ জন লোক মরিয়াছিল কি না সন্দেহ। ইটালী আবিগিনিয়ার অত্যন্ত মারাত্মক গ্যাস ব্যবহার করিয়াছিল, গুনা গিয়াছিল। কিন্তু শেষে বতদূর জানিতে পারা গিয়াছে, তাহাতে মনে হইতেছে যে, গ্যাসের জন্ত হাবসীরা পরাজিত হয় নাই, ইটালী হাবসী সর্দারদিগকে ডাঙ্গাইয়া লইয়াছিল বলিয়া তাহারা কতকটা পরাজিত হইয়াছে। ইটালী এখনও সমস্ত হাবসী-রাজ্য জয় করিতে পারে নাই; সুতরাং গ্যাসের মারাত্মকতা যে একেবারে অতি ভীষণ, তাহা নহে। কিন্তু যদি জার্মানীর সহিত কসিয়ার বিবাদ বাধে আর সেই বিবাদ অল্প

দেশে সংক্রমিত হয়, তাহাই এখন সকলের চিন্তার বিষয় হইয়া দাঁড়াইয়াছে। বিগত যুরোপীয় মহাযুদ্ধে ১ কোটি ৭০ লক্ষ লোক রণক্ষেত্রে শয়ন করিয়াছিল। ইহা বড় সহজ কথা নহে। ইহা ভিন্ন কত টাকা ও ধন-সম্পত্তি যে ব্যয়িত এবং নষ্ট হইয়া গিয়াছে,—তাহার ইয়ত্তা হয় না। সেই ক্ষতির প্রভাব হইতে আশ্রিও শিল্প ও বাণিজ্যজগৎ মুক্ত হইতে পারে নাই। ইহা সকলেই বুঝিতেছেন। কাষেই যদি যুদ্ধ বাধে, সেই শঙ্কায় সকলেই শঙ্কিত হইয়া উঠিতেছেন। এখন কাহারও যুদ্ধে লিপ্ত হইবার ইচ্ছা নাই সত্য, কিন্তু ইচ্ছা না থাকিলেও লোক অবস্থার ঘূর্ণাবর্তে পড়িয়াও যুদ্ধে লিপ্ত হয়। বিগত যুরোপীয় মহাযুদ্ধে ইংরেজ সহসা লিপ্ত হইতে চাহেন নাই। শেষে অনেক চিন্তার পর তাঁহারা উহাতে লিপ্ত হইয়াছিলেন। ঐ সময় ঘোর চিন্তায় Earl Grey আল' গ্রেব মন্ত্রকের কেশগুলি কয়দিনে পাকিয়া গিয়াছিল। সুতরাং নিয়তির লীলা বুঝা ভার। এ দিকে জার্মানী পোল্যান্ডকে হাত করিবার জন্ত পূর্ণ-মাত্রায় চেষ্টা করিতেছেন। ফ্রান্সও সে চেষ্টা কম করিতেছেন না। পোল্যান্ড কি করিবেন, তাহাই গালে হাত দিয়া ভাবিতেছেন। অষ্ট্রিয়া ও হাঙ্গেরী জার্মানীর দিকে অনেকটা ঝুঁকিয়া পড়িয়াছেন। তাই মনে হইতেছে, যুরোপের অবস্থা বড় ভাল নহে। ছোট ছোট রাজ্যগুলিও প্রাণপণে আশ্চর্যকার জন্ত প্রস্তুত হইতেছেন। একদম অবস্থায় শান্তিবন্ধা সম্ভব কি না, তাহাই সকলে চিন্তা করিতেছেন।

## সোভিয়েট সরকারের শাসন-সংস্কার

সোভিয়েট সরকার মানুষের অস্বনিহিত ভাবনাশিকে আমলে আনিতে চাহেন না। তাঁহারা ধর্মকে বড় একটা গ্রাফের মধ্যে আনিতে নাযায়। সে জন্ত তাঁহারা যে কত কাণ্ডই করিয়াছেন, তাহার ইয়ত্তা নাই। সে সকল কথা আমরা আর এ স্থলে বলিতে চাহি না। কিন্তু তাহা হইলেও কসিয়ার জন-সাধারণ ধর্মকে একেবারে তাহাদের হৃদয় হইতে নির্কাসিত করিতে সম্মত হয় নাই। কসিয়ার সর্বস্বত্ববাদের প্রতিষ্ঠাতা লেনিন একবার তাঁহার এক বক্তৃতায় বলিয়াছিলেন যে, ধর্মটা মানুষের একটা ব্যক্তিগত ধারণার এবং ভাব-নিচয়ের অভিব্যক্তি মাত্র। উহা নিষিদ্ধ করা সম্ভব নহে,—ইহাই মনে করা বিধেয়। কিন্তু সে কথা সোভিয়েট সরকারের কতকগুলি অত্যাচারী কর্তার মনে স্থান পায় নাই। তাঁহারা মানুষের ধর্ম-প্রবৃত্তিকে দমিত করিবার জন্ত অনেক উপায় দেখিয়াছিলেন; কিন্তু তাহা সফল হয় নাই। ইহা লইয়া কেবল অকারণ মানব-সমাজে কতকগুলি ক্যাগাফ উপস্থিত হইয়াছিল। সম্প্রতি টেলিন কসিয়ার শাসন-ভঙ্গের কিছু পরিবর্তন করিয়াছেন। সে পরিবর্তনটি এই যে,

তিনি নিঃশব্দ করিয়াছেন যে, অতঃপর কৃষিকার লোক, অবাধে ধর্ম-সাধনা করিতে পারিবে, কিন্তু উহা যাহাতে সর্বস্বত্ববাদের কোনরূপ বাধা উপস্থিত করিতে পারে, সেরূপ ভাবে তাহা করিতে পারিবে না। সুতরাং কৃষিকার শাসনতন্ত্রে ধর্ম-সহিত্যতা বৎকিঞ্চিৎ স্থান পাইল। নিকলাস ভোরিকাইন এই সংবাদটি, প্যারিসের একখানি মাসিক পত্রে প্রকাশ করিয়াছেন। কিন্তু কোন ধর্মনীতিই যে সর্বস্বত্ববাদের মূল নীতির সহিত খাপ খাইবে, তাহা আমাদের মনে হইতেছে না। এই পরিবর্তনে আপাততঃ কৃষিকার বহুলোক যে খুসী হইয়াছে, তাহা ঐ লেখকের কথাতাই প্রকাশ। সুতরাং সর্বস্বত্ববাদ যে কৃষিকার জন সাধারণের বিশেষ প্রীতিজনক, তাহা মনে হয় না।

বলসেবিক কৃষিকায় আর একটি ব্যবস্থা প্রবর্তিত হইয়াছে। তথায় বাবসায়ী প্রভৃতি মধ্যবর্তী শ্রেণীর মধ্যে অবাধ প্রণয়-ব্যবস্থা প্রবর্তিত হইয়াছে। পুরুষ এবং নারী পরস্পর পরস্পরকে মনোনীত করিয়া লইলেই তাহাদের বিবাহ হয়। এইপ্রকার বিবাহ আছে বলিয়া উহার যথেষ্ট অপব্যবহারও হইতেছে। তরুণরা তথায় এক বৎসরের মধ্যে পাঁচবার করিয়া বিবাহ করিয়া পাঁচবারই পত্নীকে তালুক দিতেছে। আর তরুণীরা প্রজ্ঞাপতি যেমন একটি ফুল হইতে অল্প ফুলে উড়িয়া যায়, সেইরূপ স্বচ্ছন্দে এক পুরুষকে ছাড়িয়া ক্রমাগত পুরুষান্তরের অন্বেষণ করিতেছে। ইউনিয়ন অব-সোভিয়েট সোশ্যালিষ্ট রিপাবলিকের মুখপত্র 'প্রাব্দা' পত্র লিখিয়াছেন যে, এইরূপ করিলেও ঐ সফল উচ্ছ্বাস নরনারী সমাজে সম্মানিত হইতে-ছেন। তাহাদের ঐরূপ আচরণে তাহাদের মর্যাদা ক্ষুণ্ণ হইতেছে না। সেইজন্য ঐ পত্র লিখিয়াছেন যে, এই আচরণ সমাজতন্ত্র-বাদীদের মূলনীতির অঙ্গ নহে, এবং উহা তাহাদের নীতি-বিজ্ঞানের অন্তর্ভুক্তও নহে। কিন্তু সোভিয়েট সরকার লোকের ব্যক্তিগত জীবনে কোনরূপ হস্তক্ষেপ করিতে ইচ্ছা করেন না। তবে সোভিয়েট সরকার কোন নর বা নারীকে পিতৃ-এবং মাতৃ-দেহ গুণ বিস্মৃত হইতে দিবেন না। যেখানে ধর্ম নাই, সেখানে নীতিবিজ্ঞান থাকিতে পারে না। উক্ত পত্র ঐ তারিখে বলিয়াছেন, জুয়েভা ঘোষণা করিয়াছেন যে parti committee পার্টি কমিটী যে সকল ক্ষেত্রে বিবাহ-বিচ্ছেদ করিবার জন্ত লোককে উত্তেজিত করেন, তাহা অত্যন্ত অসঙ্গত। তাহা বন্ধ করিয়া দেওয়া আবশ্যিক। অনেক সময় দেখা যায় যে, স্বামী-স্ত্রীতে বেশ সুখে স্বচ্ছন্দে সংসার করিয়া বাইতেছেন। তাহাদের মধ্যে প্রণয়ও জন্মিয়াছে। তাহার পর পার্টি কমিটী আবিষ্কার করিয়া ফেলিলেন যে, পতির পিতা সর্বস্বত্ববাদের বিরোধী ছিলেন, অথবা পত্নীর জননী ছিলেন জর্টনক ধর্মযাজকের কন্যা। অমনই তাহারা পরস্পরকে তালুক দিবার হুকুম দিলেন। ইহাতে অনেক পরিবারে সুখ-শান্তির অবসান হইয়াছে এবং তাহারা অশেষ দুঃখে পতিত হইয়াছে। নিকিটিনা নামক এক জন ছাত্র বলিয়াছেন যে, "কৃষিকার যাহারা রাজকার্য চালাইতেছেন, তাহাদের পারিবারিক জীবনের প্রতি সম্মানবুদ্ধি থাকা আবশ্যিক। তাহাদের যে তাহা নাই, তাহা তাহাদের ব্যবস্থাতেই সুপ্রমাণ। তাহারা পারিবারিক সুখ-স্বচ্ছন্দতার দিকে কোনরূপ দৃষ্টিদান করিতে সক্ষম নহেন। সেইজন্য তাহারা স্বামীকে এক সহরে কাষ

করিতে বলেন, আর স্ত্রীকে অল্প সহরে কাষ করিতে বলেন। ইহাতে স্বামী স্ত্রী এবং সন্তান-সন্ততিবর্গের যে ঘোর অসুবিধা ও কষ্ট হয়,—তাহা সহজেই বুঝা যায়। কর্তৃপক্ষকে যদি পারিবারিক দিক দিয়া এই বিষয়টি বিচার করিতে বলা হয়, তাহা হইলে তাহারা সে কথা অবজ্ঞানুচক হাস্ত এবং মুখভঙ্গী করিয়া উড়াইয়া দেন।" ইহাতে বুঝা যাইতেছে যে, সোভিয়েট কর্তৃপক্ষের খামখেয়ালীর জন্ত অনেক লোক অসন্তুষ্ট। সোভিয়েট সরকার সমস্ত দেশ-বাসীকে কর্ম প্রদান করেন। স্ত্রী-পুরুষ সকলকে তথায় সরকারী কাষ করিতে হয়। এরূপ অবস্থায় যদি তাহারা স্বামীকে এক সহরে কাষ দিয়া স্ত্রীকে ৫০ ক্রোশ দ্রবর্তী আর এক বায়গায় কাষ দেন, তাহা হইলে তাহাতে লোক অসন্তুষ্ট হইবে বৈ কি। তাহারা সে ঐরূপ দিয়া থাকেন, তাহা বিদ্যার্থী নিকিটিনার উক্তিহেই প্রকাশ। সোভিয়েট কর্তৃপক্ষের ধর্ম-বিষয়ে এত অধিক যে, যদি কাহারও শাস্ত্রী ধর্মযাজকের কন্যা হন,—তাহা হইলে পার্টি কমিটীর হুকুম মতে সে স্ত্রীকে তালুক দিতে বাধ্য হইবে। এ কথা তরুণ জুয়েভার (Zuyeva) উক্তি হইতেই জানা যায়। স্বামীর পিতা কিংবা পিতামহ কোন কালে সর্বস্বত্ববাদের বা সাম্যবাদের বিরোধী ছিল,—অতএব পার্টি-কমিটী স্ত্রীকে অমন স্বামী পরিত্যাগ করিতে বলিবেন বা বাধ্য করিবেন, ইহা কখনই সাধারণের পক্ষে সম্ভাব্যজনক হইতে পারে না। কিন্তু এই সব কথা সোভিয়েট সমাজতান্ত্রিক সম্মেলনের প্রাব্দা (Pravda) পত্রে গত মে মাসের শেষ ভাগে প্রকাশ পাইয়াছে। দেশে এই প্রকার যথেষ্টাচার চালান হইতেছে বলিয়া সাইবিরিয়ার বন্দিবাসে প্রথমে তত লোক আটক হইয়াছিল, আর এখন দেশ শাসন করিবার জন্ত সোভিয়েট সরকারের এত অধিক সৈন্য রাখিবার প্রয়োজন হইতেছে। সোভিয়েট-রাজত্ব যে রামরাজত্ব, ইহা মনে করিবার কোন কারণ নাই।

### প্যালেষ্টাইনে অশান্তি

প্যালেষ্টাইনে অশান্তির কথা আমরা ইহার পূর্বে কয়েকবার আলোচনা করিয়াছি। আমরা পূর্বেই বলিয়াছি যে, ১৯১৭ খৃষ্টাব্দে বালফুর যে ঘোষণা করিয়াছিলেন, তাহা হইতেই বর্তমান অশান্তির উদ্ভব হইয়াছে। আরব জাতি আজ দেড় হাজার বৎসর ধরিয়া ঐ দেশে বাইয়া বসবাস করিতেছেন। সুতরাং তাহারা ঐ দেশে একটা কায়মী স্বয়ং প্রতিষ্ঠিত করিয়াছেন বলিয়া মনে করিতেছেন। এ দিকে জার্মানিতে হিটলারের ইহুদীবিষয়ে ঐ অঞ্চলে ইহুদীদের পক্ষে থাকা অসম্ভব করিয়া তুলিয়াছে। বালফুরের ঘোষণায় উৎসাহিত হইয়া ইহুদীরা দলে দলে তাহাদের পিতৃভূমি প্যালেষ্টাইনে আসিয়া বাস করিতেছে। ইহুদীরা আসিয়া এই অঞ্চলটি বিশেষ সমৃদ্ধিশালী করিয়া তুলিয়াছে। যেখানে বিস্তীর্ণ মরুভূমি ছিল,—সেইখানে ইহুদীরা সুন্দর সুন্দর নগর প্রতিষ্ঠিত করিয়াছে ও করিতেছে। টেল আভিব ঐরূপ ইহুদীদের রচিত একটি সুন্দর নগর। ১৯২৬ খৃষ্টাব্দে এই নগরে মাত্র ৩০ হাজার লোক ছিল। এখন তথাকার স্থায়ী বাসিন্দা হইয়াছে দেড় লক্ষ।



এখন এই নগর এত সুন্দর হইয়াছে যে, যুরোপের যে কোন সুন্দরী নগরীর সহিত ইহার তুলনা হইতে পারে। এইরূপ অনেক নগর তথ্য প্রতিষ্ঠিত হইয়াছে। এ দিকে নানা স্থান হইতে ইহুদীরা এই দেশে আসিয়া বসবাস করিতেছে দেখিয়া আরবরা শঙ্কিত হইয়া মনে করিতেছে যে, তাহাদিগকে এখন নিজ বাসভূমিতে পরবাসী হইয়া থাকিতে হইবে। সেই জন্য তাহারা বিদ্রোহী হইয়া উঠিতেছে। ইহার পূর্বে তাহারা হইবার বিদ্রোহ উপস্থিত করিয়াছিল,—কিন্তু এবারকার বিদ্রোহ সর্বাপেক্ষা প্রবল বলিয়া মনে হইতেছে। উভয় পক্ষে মারামারি কাটাকাটি পূর্বাশ্রয় প্রবলবেগে চলিতেছে বলিয়া মনে হইতেছে। উগা সহজে প্রশমিত হইবে, এরূপ লক্ষণ দেখা যাইতেছে না। খৃষ্টান-জাতির ইহুদীদিগের সহিত অধিক সহানুভূতিসম্পন্ন হইবারই কথা। আরবজাতির অত্যন্ত দুর্ভব। তাহারা একেবারে মোরিয় হইয়া ইহুদীদিগকে খুন করিয়া দিতেছে। ইহুদীরা অপেক্ষাকৃত শাস্ত হইলেও উহার পান্টা জ্বাবে খুন করিতে কণ্ডর করিতেছে না। ইংরেজ বলিতেছেন যে, তোমরা ক্ষান্ত হও; আমরা অগ্রে শ্রাস্ত: কি করা কর্তব্য, তাহা বিচার করিয়া দেখি। কিন্তু আরবজাতির ক্ষান্ত হইতে চাহিতেছে না। তাহারা স্থির করিয়াছে যে, ইহুদীদিগকে উচ্ছেদ না করিয়া ছাড়িবে না। ইংরেজ সেই জন্য এই অঞ্চলে সামরিক আইন জারি করিবেন বলিয়া ভয় দেখাইতেছেন। কিন্তু আরবরা তাহাতে ভয় পাইতেছে না। তাহারা মোরিয় হইয়া সুবিধা পাইলেই ইংরেজ সৈনিকদিগকে ও ইহুদীদিগকে হত্যা করিতেছে। আবার ইহুদীরাও সুবিধা পাইলেই আরবদিগকে হত্যা করিতেছে। ইহুদীরা ইংরেজ-সৈনিকদিগকে হত্যা করিতেছে না। এ দিকে বিলাত হইতে দলে দলে সৈনিক প্যালেষ্টাইন অভিমুখে যাত্রা করিতেছে। তথাপি প্রতিদিনই হত্যার সংবাদ পাওয়া যাইতেছে। আরবরা কিরূপ ভাবে হত্যাকাণ্ড চালাইতেছে, তাহার একটি দৃষ্টান্ত এ স্থানে দেওয়া গেল। ১লা সেপ্টেম্বর এক দল হাইল্যান্ডার সৈন্য নাবুলাস এবং জেরুজালেমের মধ্যবর্তী অঞ্চলে বিদ্রোহী আরবদিগকে দমন করিবার জন্য নিযুক্ত ছিল। আরবরা যাত্রার উপরে ফাঁদ পাতিয়া রাখিয়াছিল। একটি সৈন্যপূর্ণ বাসগাড়ি উহার উপর দিয়া চলিয়া যায়। ফাঁদের মধ্যস্থ বিস্ফোরক বিদীর্ণ হয়। কিন্তু আরোহী-সৈন্যদিগের মধ্যে কেহ হত্যা হত হয় নাই। দুই জন হাইল্যান্ডার অপর একটি ফাঁদের উপর বাইয়া পড়ে। তাহারা আহত হইয়াছিল। এইরূপ ভাবে স্থানে স্থানে আরবদিগের ফাঁদে পড়িয়া বৃটিশসৈন্য হত্যা হইতেছে; তাহার উপর গুলীর আঘাতে বহু আরব, ইহুদী, এবং কতকগুলি করিয়া গোরা-সৈনিক আহত এবং নিহত হইতেছে। যাহা হউক, এখন বহু বৃটিশ-সৈন্য প্যালেষ্টাইনে প্রেরিত হইতেছে। প্রায় প্রতি সপ্তাহেই এক একখানি সৈনিকপূর্ণ জাহাজ বিলাত হইতে প্যালেষ্টাইন অভিমুখে যাত্রা করিতেছে। কিন্তু হান্সরাটি যে সহজে নিবৃত্তি পাইবে, তাহা মনে হইতেছে না।

প্যালেষ্টাইনের এই ব্যাপারটি অত্যন্ত জটিল হইয়া দাঁড়াইয়াছে। প্রকাশ, ইটালী তিনবে তিনবে আরবদিগকে ইংরেজের এবং ইহুদীদিগের বিরুদ্ধে উত্তেজিত করিতেছে। 'হেরাল্ড' পত্রিকার

জেরুজালেমস্থিত সংবাদদাতা সংবাদ দিয়াছেন যে, আরবজাতি এখন পূর্ণ স্বাধীনতা প্রাপ্তির দাবী করিতেছেন। তাঁহাদিগকে অধিক ক্ষমতা না দিলে আর শাস্ত রাখা সম্ভব হইবে না। ইটালী উগ্রপন্থী আরবদিগকে অস্ত্র-শস্ত্র এবং অর্থ দিয়া সাহায্য করিতেছেন। উক্ত সংবাদদাতা বলিয়াছেন যে, ইহার মধ্যে তাঁহারা বিদ্রোহী আরবদিগকে ২ লক্ষ লীরা দিয়া সাহায্য করিয়াছেন। এরূপ কথা না কি প্রকাশ পাইয়াছে যে, ইটালী আনিসিনিয়ার ইহুদীদিগকে স্থান দিয়া তাহাদিগকে স্বমতে আনিবার জন্য চেষ্টা করিয়াছিলেন। কিন্তু ইহুদীরা সে প্রস্তাবে সম্মত হয় নাই। ইরাক জাতিসভ্যের পরিষদে প্যালেষ্টাইনের কথা তুলিবে বলিয়া আরব-সংবাদপত্রগুলি সংবাদ প্রকাশ করিয়াছে। আরবরা নানা দিক হইতে বৃটিশবাহিনীকে আক্রমণ করিতেছে। নাবুলাস এবং জেনিনের মধ্যবর্তী এক স্থানে আরবরা ইংরেজদিগের প্রহরী সৈন্যদিগকে আক্রমণ করে। কিন্তু তাহাতে বৃটিশ প্রহরী সেনার বিশেষ কোন ক্ষতি হয় নাই। ইহুদীদিগের নূতন বৎসর আরম্ভ হইবার পর হইতেই আরবরা খুব উৎসাহ সহকারে ইহুদীদিগকে আক্রমণ করিতে আরম্ভ করিয়া দিয়াছে। এক রাজিতে আরবরা ইহুদীদিগের নব্বটি কেন্দ্রস্থলে আক্রমণ চালায়। মামাখের নিকট ইহুদীদিগের এক ময়দার কল আরবরা ভাঙা ভাঙা করিয়া দিয়াছে। উগাতে ৫ হাজার পাউণ্ড আশ্রয় ক্ষতি হইয়াছে। গত ১৮ই সেপ্টেম্বর শুক্রবার লণ্ডনের ডাউনিং স্ট্রীটে বৃটিশ মন্ত্রিসভার এক বৈঠক বসিয়াছিল, ঐ বৈঠকে প্যালেষ্টাইন সম্বন্ধে আলোচনা হইয়াছিল বলিয়া সকলে অনুমান করিতেছেন। ফলে প্যালেষ্টাইন সম্বন্ধে নিত্যই নূতন নূতন হান্সামা উপস্থিত হইতেছে। আরবরা যদি ধর্মঘট ত্যাগ না করে, তাহা হইলে শীঘ্রই তথ্য সামরিক আইন জারি হইবে বলিয়া মনে হইতেছে।

—

### শান্তির আকাঙ্ক্ষা

যুরোপের অবস্থা যেরূপ দাঁড়াইয়াছে, তাহাতে পদে পদে তথ্য শান্তিভঙ্গের আশঙ্কা ঘটিতেছে। এমন কি, যদি যুরোপীয় জাতি-বর্গের বিগত যুদ্ধের ভীষণতা সম্বন্ধে অভিজ্ঞতা না থাকিত, তাহা হইলে বোধ হয়, এতদিন যুদ্ধ বাধিয়া যাইত। কারণ, যুরোপে এখন স্বার্থ লইয়া বিশেষ কাড়াকাড়ি চলিতেছে। সকল জাতিই প্রায় সর্বস্বপণ করিয়া যুদ্ধের জন্য প্রস্তুত হইতেছে। কাবেই যাহারা শান্তিকামী, তাঁহারা এ অবস্থার নিশ্চিন্ত থাকিতে পারিতেছেন না। সেই জন্য গত ৩রা সেপ্টেম্বর ধরাপৃষ্ঠে কি উপায়ে শান্তি স্থাপন করা সম্ভব হইতে পারে, সেই বিষয়ে একটা পরামর্শ স্থির করিবার জন্য বেলজিয়ামের ক্রসেলস্ সহরে বহু হোমরা-চোমরা রাজনীতিক মিলিত হইয়া শান্তি স্থাপনের উপায় সম্বন্ধে আলোচনা করিয়াছিলেন। তাঁহারা যে সিদ্ধান্ত করিয়াছেন,—তাহাতে আসল কথা বাদ দিয়া একটা ফতোয়া দিয়া বসিয়াছেন। তাঁহারা বলিয়াছেন যে, জাতি-সভ্যের বল ও শক্তি বৃদ্ধি করিতে হইবে। এই কার্য করিতে সকল শক্তিরই একজোট হইয়া কার্য করিতে হইবে। সকল জাতিতেই শক্তির সর্বগুলি মানিয়া চলিতে হইবে। সকল জাতিতেই যুদ্ধের সাজসরঞ্জামগুলি কমাইতে হইবে। সব কথা বলা হইয়াছে, কিন্তু আসল কথাটি বলা হয় নাই। আসল কথা, পণ্ডল দ্বারা

মাতৃ বা জাতি নিজ ইষ্টসাধনকল্পে যে অসঙ্গত ব্যবস্থা বা অঙ্গ জাতির সহিত অন্য় সর্ষ করিয়াছে, তাহা সমস্তই বাতিল করিয়া দিতে হইবে। যাহা প্রত্যেক জাতির বা দেশের স্বায়স্বত অধিকার, তাহার সন্ধান পূর্ণমাত্রায় বজায় রাখিতে হইবে,— তাহাদের সে অধিকার বিন্দুমাত্রও ক্ষুর করা হইবে না। এই প্রকার সাম্বিক সমদর্শিতাই কেবল মানব-সমাজে শান্তি-প্রতিষ্ঠায় একমাত্র সমর্থ। ডাক্তার উড্রো উইলসন যখন জাতিস্বয়ের পরিকল্পনা করিয়াছিলেন, তখন তিনি সমগ্র জাতিকে আত্ম-নিয়ন্ত্রণের অধিকার দানের কথা বলিয়াছিলেন। কিন্তু জাতিরা সেই ব্যাপারটি এমনভাবে দাঁড় করাইলেন যে প্রেসিডেন্টের পরিকল্পিত জাতিস্বয় হইতে মার্কিনই আপনাকে দূরে রাখিয়া দিয়াছেন। আন্তর্জাতিক সঙ্ঘ এবং ব্যবহার ঠিক ব্যক্তিগত সঙ্ঘ এবং ব্যবহারের স্ায় নহে। উহার সঙ্ঘে সর্বজন-স্বীকৃত কোন আইন নাই। সাধারণ লোকের ব্যক্তিগত ব্যবহারে লোক রাজ আইনের এবং সামাজিক প্রশংসা ও নিন্দার দ্বারা প্রভাবিত হয়। কিন্তু আন্তর্জাতিক ব্যবহারে সে বালাই একে-বারেই নাই। তাহার পর ভগবানের ভয় এ যুগে কেহ করে না। ব্যক্তিগত জীবনেও আমরা দেখিতে পাই, অত্যাচারী এবং অত্যাচারে পীড়িত উভয় পক্ষই ভগবানের কৃপা ভিক্ষা করে। আর অত্যাচারী যদি যোগাড়ের জোরে জয়লাভ করে, তাহা হইলে সেও ছোড়া পাঠা দিয়া কালীপূজা দেয় বা গীর্জায় যাইয়া ভগবানকে ধন্যবাদ দেয়। আন্তর্জাতিক ব্যাপারেও ঠিক তাহাই। আভিসিনিয়া সংগ্রামের সময় হাবসীরাও ভগবানের কৃপা চাহিয়াছিল,—ইটালীয়রাও চাহিয়াছিল। সুতরাং সে ভয় আন্তর্জাতিক ব্যবহারের উপর কোনরূপ প্রভাব বিস্তৃত করিতে পারে না। ফল কথা, আন্তর্জাতিক ব্যাপারে স্ায়ের ব্যবস্থা প্রতিষ্ঠিত হইতে বহু বিলম্ব আছে। পণ্ডিতরা একসঙ্গে জড় হইয়া বসি জটলা করুন না কেন, তাঁহারা সাম্রাজ্যবাদের সহিত কিছুতেই শান্তির গাঁইটছড়া বাঁধিতে পারিবেন না। এ সকল শাস্তিসংসদে কেবল অজ্ঞা-যুদ্ধের স্ায় বহুবারে লক্ষ্য হইবে। ইহা প্রকৃতির প্রতিশোধ।

### ত্রিশক্তির সম্মেলন

এ কথা পাকাভাবে ঘোষণা করা হইয়াছে যে, শীঘ্রই ভিয়েনা সহরে ইটালী, অষ্ট্রিয়া এবং হাঙ্গেরী এই তিন রাজ্যের পররাষ্ট্র-সচিবরা সম্মিলিত হইবেন। কি বিষয়ে পরামর্শ হইবে, তাহা প্রকাশ নাই। তবে ইটালীর একখানা পত্রে মিনিওর গায়দা লিখিয়াছেন যে, এই তিনটি শক্তিকে একত্র হইয়া কাষ করিতে হইবে, সকলকেই অঙ্গসজ্জা করিতে হইবে, সকলকে একসঙ্গে কাষ করিতে হইবে এবং তাহাদের সকলের রাজ্যের বাহিরে যদি কোন শঙ্কাজনক অবস্থার আবির্ভাব হয়, তাহা হইলে সে জগৎ তাঁহাদিগের সকলকেই প্রস্তুত হইতে হইবে। ইহাতে বেশ বুঝা যাইতেছে যে, যুদ্ধের পূর্বে বিভিন্ন জাতি বেরূপ সজ্জবদ্ধ হইয়া পরস্পর শক্তির সমতা রক্ষা করিবার চেষ্টা করিতেন,—এখনও সেইরূপ চেষ্টা করা হইতেছে। কিন্তু মহাযুদ্ধের পর শুনা গিয়াছিল যে, আর শক্তির সমতা সাধন করিবার প্রয়োজন হইবে না, উড্রো উইলসনের পরিকল্পিত জাতিস্বয় স্ায়বিচার দ্বারা সকল বিবাদের মীমাংসা

হইবে। সেই জাতিস্বয়ও প্রতিষ্ঠিত হইল, কিন্তু উহা যেমনটি করিয়া গড়িয়া তুলিবার কথা, তেমনটি হইল না। কাষেই আবার সেই পুরাতন ব্যবস্থার পুনরাবর্তন ঘটিল।

### ম্যাকমেহনের দণ্ড

জর্জ এণ্ডর ম্যাকমেহন নামক জর্নৈক ইংরেজ যুবক সম্রাট অষ্টম এডওয়ার্ডের দিকে একটা গুলীভরা পিস্তল নিক্ষেপ করিয়াছিল বলিয়া ওল্ড বেইলী আদালতে অভিযুক্ত হইয়াছিল। সম্রাট যখন হাইড পার্ক হইতে ফিরিতেছিলেন, তখনই এই কাণ্ড ঘটে। শ্রাবণ মাসের 'মাসিক বসুমতীর' বৈদেশিক প্রসঙ্গে আমরা সে কথা বলিয়াছি। গত ১৪ই সেপ্টেম্বর (২২শে ভাদ্র) তাহার অপরাধের বিচার হয়। তাহার বিরুদ্ধে তিন দফা অভিযোগ উপস্থিত করা হয়, যথা (১) মানব-জীবন বিপন্ন করিবার জগৎ পিস্তল প্রভৃতি রাখা, (২) রাজার নিকট পিস্তল উপস্থিত করা এবং রাজাকে ভয় দেখাইবার জগৎ বে-আইনী-ভাবে এবং ইচ্ছাপূর্বক তাঁহার দিকে পিস্তল নিক্ষেপ করা। প্রথম দুইটি অভিযোগ সপ্রমাণ হয় নাই বলিয়া সে অব্যাহতি পাইয়াছে এবং (৩) অভিযোগে সে দোষী সাব্যস্ত হইয়াছে বলিয়া তাহাকে মাত্র এক বৎসর সশ্রম কারাদণ্ড দেওয়া হইয়াছে। বিচারকালে আসামী ম্যাকমেহন নানা কথাই বলিয়াছে। সে ওল্ড বেইলী আদালতে বলিয়াছে যে, কোন একটি বৈদেশিক জাতির প্রতিনিধিরা তাহাকে অর্থ দিয়া রাজাকে হত্যা করিবার জগৎ নিয়োগ করিয়াছিল। যে ব্যক্তি তাহাকে অর্থ দিয়া এই দুর্কর্মে নিয়োগ করিয়াছিল, বিদেশী দূতাবাসের সেই লোকটির নাম সে একখানি কাগজে লিখিয়া তাহা বিচারপতিকে দিয়াছিল। উহা জজ, জুরী এবং এটর্নি জেনারাল দেখিয়াছিলেন। তাহার উক্তিই প্রকাশ পাইয়াছিল যে, সে যে ষড়যন্ত্রের কথা বলিয়াছিল, "সেই ষড়যন্ত্রের উদ্দেশ্য ছিল যে, রাজাকে হত্যা করিলে বৃটিশ সাম্রাজ্য হিম্মতিন হইয়া যাইবে। সুতরাং সেই সাম্রাজ্যের অংশ-বিশেষ অপর দেশকে দেওয়া হইবে।" এই কথা শুনিয়া আদালত-সদস্য লোক স্তম্ভিত হইয়া উঠে। জজ এবং জুরী ম্যাকমেহন-কথিত ঐ ষড়যন্ত্রের কথা বিশ্বাস করেন নাই। কিন্তু সে বার বার উত্তেজিত হইয়া বলে, তাহার কথা একটুও মিথ্যা নহে। সম্রাটকে হত্যা করা সম্ভবতঃ তাহার উদ্দেশ্য ছিল না; ঐরূপ উদ্দেশ্য থাকিলে, সে ঐরূপভাবে পাগলের মত সম্রাটের দিকে পিস্তলটি নিক্ষেপ করিবে কেন? সে কঠোর শাস্তিই প্রার্থনা করিয়াছিল; কিন্তু বিচারপতি তাহাকে কঠোর শাস্তি দেন নাই। বিচারপতি বলিয়াছেন যে, তিনি বুঝিতে পারিয়াছেন যে, আসামীর রাজাকে খুন করিবার ইচ্ছা ছিল না। অত্যাচারী তিনি তাহাকে কঠোর দণ্ড দিতেন। এই দণ্ডদেশ শুনিয়া এ দেশের লোক একটু বিস্মিত হইয়াছে। এদেশে ঐরূপ কাণ্ড কেহ করিলে হয় তাহার প্রাণ-দণ্ড অথবা তাহার বাবজীবন নির্বাসন দণ্ডই হইত। ঐরূপ কঠোর দণ্ড যে অনেক হইয়াছে,—তাহার দৃষ্টান্ত ভারতের সর্বত্রই আছে। আমরা তাহা উদ্ধৃত করিয়া এই মন্তব্য দীর্ঘ করিতে চাহি না। সামান্য বক্তৃতার বা লেখায় বেরূপ কথা বাহির হইলেও এদেশে বক্তার এবং লেখকের ইহা অপেক্ষা অনেক কঠোর দণ্ড হয়। ইহা স্বাভাবিক। কারণ, স্বাধীন জাতিমাত্রই মনে করে

যে, তাহাদের রাজ্য যদি অত্যাচারী না হন,—তাহা হইলে প্রজা-  
দিগের স্নেহ এবং শ্রীতির উপর রাজ্যের নির্বিঘ্নতা সম্পূর্ণ নির্ভর  
করে। কিন্তু বিজিত রাজ্যের প্রজারা যতই রাজভক্ত হউক না  
কেন,—তথাকার বিদেশী ব্যুরোক্রেসী কিছুতেই তাহা মনে করিতে  
পারেন না। সীলী (Sheeley) যথার্থই বলিয়াছেন যে, যখন  
কোন রাজ্য নিজ জাতীয়তার গণ্ডী ছাড়িয়া তাহার ক্ষমতা  
প্রসাধিত করে, তখন তাহার ক্ষমতা হইয়া দাঁড়ায় অনিশ্চিত  
এবং কৃত্রিম (precarious and artificial) (Expansion  
of England 3rd lec)। সেই অল্প ঈহারা যতই  
বিদেশী প্রজাকে প্রাণ খুলিয়া বিশ্বাস করিতে পারেন না।  
ইংগ সাম্রাজ্যবাদীদিগের দুর্বলতা। এই দুর্বলতা যদি তাহার  
পরিহার করিতে পারিতেন, তাহা হইলে তাহার অনেক  
হুঁতুপ এবং হুঁচিষ্টা হইতে নিস্তার পাইতেন।

### সিরিয়ায় স্বায়ত্ত-শাসন

কাগজে-কলমে সিরিয়ার স্বায়ত্ত-শাসন প্রতিষ্ঠিত হইল। গত  
৯ই-সেপ্টেম্বর ফ্রান্সের পররাষ্ট্রসচিবের গৃহে ফ্রান্সের সহিত সিরিয়ার  
শাসন সম্বন্ধে চুক্তিপত্র স্বাক্ষরিত হইয়া গিয়াছে। এই চুক্তিতে  
সর্ত্ত করা হইয়াছে যে, তিন বৎসরের মধ্যে সিরিয়া স্বাধীনতা লাভ  
করিবে। ইংলণ্ডের সহিত ইরাকের যে সন্ধিপত্র স্বাক্ষরিত হইয়াছে,  
ফ্রান্সের সহিত সিরিয়ার চুক্তিপত্র অনেকটা তাহারই আদর্শে রচিত  
হইয়াছে। তবে শুনা যাইতেছে যে, ইকো-ইরাকীয় চুক্তিপত্রের  
কতকগুলি দোষ এই চুক্তিপত্রে পরিহার করা হইয়াছে। ফ্রান্স-  
সিরিয়ার চুক্তিতে খৃষ্টান এবং অল্প সকল সংখ্যালঘিষ্ঠ সম্প্রদায়ের স্বার্থ  
বাহাতে ক্ষুণ্ণ না হয়, তাহার ব্যবস্থা করা হইয়াছে। ইদানীং  
সিরিয়ার জাতীয়তাবাদ স্বাধীনতা লাভের জন্য বিশেষভাবে আন্দোলন  
করিতেছিল, সে কথা পূর্বেই আমরা প্রকাশ করিয়াছি। এই  
উপলক্ষে মারামারি ও হান্দামাও অনেক হইয়াছে। সিরিয়া  
অত্যন্ত প্রাচীন রাজ্য। ইহা পূর্বে এসিরিয়ান রাজ্যের অন্তর্ভুক্ত  
ছিল। ইহার অধিকাংশ অধিবাসীই আরামিয়ান এবং আরবদিগের  
বংশধর। আরামিয়ান প্রাচীন এসিরিয়ার অধিবাসী। ইহার  
এখন মুসলমানধর্ম গ্রহণ করিয়াছে। ১৫১৬ খৃষ্টাব্দে এই রাজ্যটি  
তুর্ক সাইয়্যুদার অধীন হয়। কিন্তু তুর্কদের শাসনাধীনে ইহা  
বিশেষ উন্নতিলাভ করিতে পারে নাই। বিগত যুরোপীয় মহা-  
যুদ্ধের পর এই রাজ্যটি ফ্রান্সের তত্ত্বাবধানে রাখা করা হইয়াছে।  
এখন আরও তিন বৎসর পরে সিরিয়া স্বাধীন হইবে। এখন এই  
চুক্তিপত্রের সর্ত্ত এবং সিরিয়ার প্রকৃত অবস্থা না জানিতে পারিলে  
ইহার কল কিরূপ হইবে, তাহা অনুমান করা কঠিন।

### জাতি-সজ্জ

জেনিভার জাতি-সজ্জ প্রতিষ্ঠিত হইবার পর হইতে এই প্রতি-  
ষ্ঠানটি কখনই বিশেষ ক্ষমতামালা বলিয়া গণ্য হয় নাই। চেপের  
আন্তর্জাতিক সালিসী আদালত যে কারণে নিফল হইয়াছে—  
জেনিভার জাতি-সজ্জও অনেকটা সেই কারণেই নিফল হইয়া  
গিয়াছে। আর্ভিসিনিয়া-ইটালীয় সংগ্রামে জাতি-সজ্জের মধ্যমা

বিশেষভাবে ক্ষয় পাইয়াছে। এখন ইংরেজ ও ফরাসী এই দুই  
জাতি মিলিয়া জাতি-সজ্জকে মধ্যমাশালী কবিবার চেষ্টা করিতেছেন।  
তাহা করিতে হইলে এখন বাহারা জাতি-সজ্জের বাহিরে আছেন,  
তাঁহাদিগকে জাতি সজ্জ যোগ দিবার জন্য চেষ্টা করিতে হয়। ইটালী  
জাতি-সজ্জ হইতে নাম কাটাটবেন বলিয়া মধ্যে মধ্যে ভ্রমকী  
দিত্তেছেন। সে দিন আর্ভিসিনিয়ার প্রতিদ্বন্দ্বিতাকে জাতিসজ্জ  
আসন দিবার প্রস্তাবে ক্রুদ্ধ হইয়া ইটালী বলিয়াছিল যে, সে জাতি-  
সজ্জ বর্জন করিবে। যে প্রতিষ্ঠান লোক কথায় কথায় বর্জন  
করিতে পারে, সে প্রতিষ্ঠান কখনই বলশালী হইতে পারে না।  
জার্মানী এখন আর সেই ধূল্যবলুষ্ঠিত জাতি নাই। তাহার নষ্ট  
শক্তি সে কতকটা ফিরিয়া পাইয়াছে বলিয়াই মনে হয়। সেই  
জার্মানী এখন জাতিসজ্জের ভিতর নাই। জার্মানীকে এখন  
জাতিসজ্জের ভিতর লইয়া আসিবার জন্য বিশেষ চেষ্টা হইতেছে।  
সেই জন্য লয়েড জর্জ, উইনষ্টন চার্চিল প্রভৃতি ইংলণ্ডের হোমরা-  
চোমরা রাজনীতিকরা এখন হিটলারের গুণগানে বত হইয়াছেন।  
কিন্তু একটা ব্যাপার বড় স্ক্রীন হইয়া উঠিতে পারে। জার্মানী  
তাহার নষ্ট উপনিবেশগুলি ফিরিয়া পাইবার দাবী করিবেন। এই-  
খানেই ষোল আনা গোল নাথিবার সম্ভাবনা। কাষেই জার্মানীকে  
কোণ-ঠাসা করিয়া রাখিবার চেষ্টাও ইংলণ্ড প্রভৃতি কয়েকটি শক্তির  
পক্ষে স্বাভাবিক। হার হিটলার, মুসোলিনী এবং সেনাপতি আর্ভিস  
প্রভৃতি উপনিবেশ লাভের দাবী উঠে-সবে যোগা করিতেছেন।  
ইংলণ্ডের ধর্মবিশ্বাসী মিষ্টার ল্যান্ডবারি স্পষ্টাক্ষরেই বলিতেছেন যে,  
উপনিবেশগুলিই যদি বত অনিষ্টপাতের মূল হয়, তাহা হইলে ঐ  
সকল উপনিবেশ হইতে কাঁচা মাল বর্জনের একটা সুরাবস্থা কর,  
আর উপনিবেশগুলি শক্তিবিশেষের হাতে না রাখিয়া একটা  
আন্তর্জাতিক সমিতির হাতে আদেশাত্মকভাবে শাসন করিবার জন্ম  
ছাড়িয়া দাও। তাহা হইলেই চমৎকার হইবে। যেমন অধীন  
ব্যক্তির পক্ষে এক নামক অপেক্ষা বহু নামক কষ্টকর, সেইরূপ অধীন  
জাতির পক্ষে এক জাতি অপেক্ষা বহু জাতির নামক অধিক কষ্টকর  
হইবেই। যাহা হউক, উপনিবেশ এবং অধিকার লইয়া যত দিন  
সাম্রাজ্যবাদী জাতিদিগের মধ্যে আঁচড়া-আঁচড়ি ও কামড়া-কামড়ি  
চলিবে, তত দিন তাহাদের মধ্যে একমত্য প্রতিষ্ঠা করা সম্ভব হইবে  
না; জাতিসজ্জও যে উদ্দেশ্যে প্রতিষ্ঠিত হইয়াছিল, সে উদ্দেশ্য  
সাধন করিতে পারিবে না। কারণ, স্বার্থের টান জায়বিচারকে  
যতটা ক্ষুণ্ণ করিতে পারে, এমন আর কিছুতেই পারে না।  
মার্কিনও এখন একটি অতি প্রবল শক্তিশালী জাতি। সেই  
মার্কিনীরাই ত জাতিসজ্জের বাহিরে রহিয়াছেন। তাহাকেও জাতি-  
সজ্জের ভিতর গ্রহণ না করিলে জাতিসজ্জের বলাধান হইবে না।

পাছে যুরোপে একটা যুদ্ধ বাধিয়া উঠে, এই শঙ্কায় ইংলণ্ড  
প্রভৃতি জাতিসজ্জের সদস্তগণ ইটালীর সহিত যুদ্ধ করিতে সাহসী  
হন নাই। কিন্তু জার্মানীর সহিত যদি ফরাসিয়ার যুদ্ধ বাধে, তাহা  
হইলে ইংলণ্ড কি করিবেন? সম্ভবতঃ তাহার ঐ-যুদ্ধে লিপ্ত  
হইবেন না। কিন্তু পশ্চিম-য়ুরোপে যদি অশান্তি উপস্থিত হয়,  
তাহা হইলে ইংলণ্ড নিরপেক্ষ ও নির্মল হইয়া থাকিতে পারিবেন  
বলিয়া মনে হয় না। আসল কথা, রাষ্ট্র-সজ্জ এখন কেবল  
কয়েকটি প্রবল শক্তির বহুস্বরূপ হইয়া পড়িয়াছে। একরূপ অবস্থায়  
ইহার দ্বারা ইহার প্রকৃত উদ্দেশ্য কখনই সিদ্ধ হইতে পারে না।



## মিশরে শিক্ষা-বিস্তারের পরিকল্পনা.

মিশরের কার্যে সহর হইতে সংবাদ পাওয়া গিয়াছে যে, মিশরের শিক্ষা বিভাগের কর্তৃপক্ষ তথাকার বালক-বালিকাদিগের শিক্ষাদান বাধ্যতামূলক করিবার ব্যবস্থা করিয়াছেন। তাঁহারা শিক্ষাদান কার্যের জন্য একটা কার্যতালিকা প্রকাশ করিয়াছেন। আগামী জানুয়ারী মাস হইতে ঐ কার্যতালিকা অনুসারে কাষ আরম্ভ হইবে। তদনুসারে সমস্ত মিশরে ১ হাজার ৩ শত বিদ্যালয় প্রতিষ্ঠিত হইবে। ঐ বিদ্যালয়গুলিতে ১৫ লক্ষ বালক-বালিকা শিক্ষালাভ করিবে। সুসংবাদ তাহাতে সন্দেহ নাই। মিশরের বিস্তার সাড়ে ৩ লক্ষ বর্গ-মাইল। লোকসংখ্যা ১ কোটি সাড়ে ২৭ লক্ষ; সুতরাং সমস্ত বিদ্যালয়ে তথাকার সমস্ত বালক-বালিকার স্থান সঙ্কুলান হওয়া সম্ভব হইবে বলিয়া মনে হয় না। তথায় কিরূপ বয়স পর্য্যন্ত বালক-বালিকাগণ বিদ্যালয়ে বাইবার উপযুক্ত বলিয়া বিবেচিত হইবে, তাহা ঠিক বুঝা যাইতেছে না। যাহা হউক, স্বাধীনতাপ্রাপ্তির অল্পদিন পরেই মিশরবাসীরা যে এই কার্য আরম্ভ করিয়াছেন, তাহা তাঁহাদের পক্ষে প্রশংসনীয়, তাহাতে সন্দেহ নাই।

## স্পেনের বিদ্রোহ

স্পেনের গৃহযুদ্ধ পূর্ববৎই চলিতেছে। বেরুপ সংবাদ পাওয়া যাইতেছে, তাহাতে মনে হইতেছে, তথায় বিদ্রোহীরাই অধিকাংশ যুদ্ধে জয়লাভ করিতেছে। তবে মোটের উপর মনে হইতেছে যে, উভয় পক্ষই তথায় তুল্য বলশালী। কখন কখন যাইতেছে যে, বিদ্রোহীরা বা ফাসিষ্ট দল সরকারী সৈন্যদিগকে এক স্থান হইতে বিতাড়িত করিতেছে, তাহার পর আবার কয়েক দিন পরেই সংবাদ আসিতেছে যে, বিদ্রোহীরা সেই স্থান হইতে সরকারী বাহিনী কর্তৃক বিতাড়িত হইতেছে। সান সাবষ্টিয়ান ও আলকাজার দুর্গ বিদ্রোহীরা দখল করিয়াছে বলিয়া প্রকাশ পাইয়াছে। আলকাজারের পতন সম্বন্ধে নানাক্রম সংবাদ পাওয়া যায়। এখন কুনা যাইতেছে যে, বিদ্রোহীরা ঐ স্থান অধিকার করিয়াছে। সেপ্টেম্বর মাসের শেষভাগে সংবাদ আসে যে, বিদ্রোহী সৈন্যরা প্রচণ্ড-বিক্রমে যুদ্ধ করিয়া টলিতো দখল করিয়াছে এবং তথা হইতে অগ্রসর হইয়া তাহার আলকাজার হইতে সরকারী সৈন্যদিগকে বিতাড়িত করিয়া অবরুদ্ধ ফাসিষ্ট সৈন্যদিগকে উদ্ধার করিয়াছে। মধো বিদ্রোহীরা বাহাতে অগ্রসর হইতে না পারে, তাহার জন্য সরকার পক্ষ এক কৌশল অবলম্বন করিয়াছিল। তাহার আলবাসে নদীর বাধ খুলিয়া দেয়। ফাসিষ্ট বা বিদ্রোহী সৈন্যদল আলবাসে নদীর গুরু খাত বহিয়া অগ্রসর হইতেছিল। হঠাৎ তাহাদের উপর জলপ্রবাহ আসিয়া পড়াতে তাহাদের কতক সৈন্য ভাসিয়া যায় আর কতক সৈন্য প্রধান সৈন্যদল হইতে বিচ্ছিন্ন হইয়া পড়ে। মাদ্রিদের নিকটস্থ মাকেন্দা নামক স্থানে স্বয়ং স্পেনের প্রেসিডেন্ট আজানা সরকারী সৈন্যদল পরিচালিত করেন। কিন্তু তিন দিন অবিশ্রাম যুদ্ধের পর সরকারী সৈন্য পরাজিত হয়। এখনও মাদ্রিদ দখল করিবার জন্য বিদ্রোহী পক্ষ সরকার পক্ষের সহিত যুদ্ধ করিতেছে। সময় সময় যুদ্ধের সংবাদ বন্ধ থাকিতেছে। সরকার পক্ষ

বলিতেছেন যে, বিদ্রোহীরা অল্প শক্তির নিকট হইতে সাহায্য পাইতেছে বলিয়া তাহারা একপভাবে যুদ্ধ করিতে পারিতেছে। বিদ্রোহীদিগের বোমা এবং রণবিমান বেরুপ কার্য করিতেছে, তাহা দেখিয়াই সরকার পক্ষ ঐরূপ সন্দেহ করিতেছেন। আবার কেহ কেহ বলিতেছেন যে, কুসিয়া ভিতরে ভিতরে সরকার পক্ষকে উৎসাহ দিতেছেন এবং সাহায্য করিতেছেন। ফলে এই গৃহবিবাদে স্পেন ভূমি একেবারে উৎসন্ন যাইতে বসিয়াছে। উভয় পক্ষই উভয় পক্ষের সহিত অত্যন্ত নিষ্ঠুর ব্যবহার করিতেছে। এক জন বিশেষজ্ঞ বলিয়াছেন যে, এই গৃহযুদ্ধে যত লোক মরি তেছে, তাহার অধিক লোক শত্রুপক্ষ কর্তৃক বন্দী হইয়া নৃশংস-ভাবে নিহত হইতেছে। কেহ কেহ বলিতেছেন যে, স্পেনের এই গৃহযুদ্ধ যুরোপকে দুই ভাগে বিভক্ত করিয়া দিবে। যাহারা সর্ব-স্বত্ববাদী, তাহারা এক পক্ষ হইবেন, আর যাহারা রাজতন্ত্রবাদী, তাহারা আর এক পক্ষ হইবেন। অর্থাৎ ইটালী জার্মানী প্রভৃতি যাহারা ব্যক্তিগত শাসনের পক্ষপাতী, তাহারা হইবেন এক পক্ষ, আর অপর পক্ষে থাকিবেন ফ্রান্স এবং কুসিয়া। অস্ত্রাশ্রয় শক্তির কতক এ পক্ষ, কতক ও পক্ষ অথবা কেহ বা নিরপেক্ষ থাকিবেন। অবশ্য এই হাজামা যদি অধিক দিন চলে, তাহা হইলে ইহা হইতে একটা জটিলতার উদ্ভব হইতে পারে, তাহা নিশ্চিতভাবে বলা যায় না। যদি স্পেনে সমাজতন্ত্রবাদীদিগের জয় হয়, তাহা হইলে পশ্চিম-যুরোপে গণতন্ত্রের প্রভাব বৃদ্ধি পাইবে। বিদ্রোহীরা জয়লাভ করিলে যাহারা রাজনীতিক এবং অল্প কারণে এক ব্যক্তির দ্বারা পরিচালিত নিয়মতন্ত্রমূলক শাসন চাহেন,—তাঁহাদেরই বল বৃদ্ধি পাইবে। স্পেনের ফাসিষ্টদিগের মত ইটালীয় এবং জার্মানীর ফাসিষ্টদিগের মত হইতে স্বতন্ত্র। তাহারা চাহে ধর্মযাজকদিগের অধীনে শক্তিশালী ব্যক্তিগণ কর্তৃক পরিচালিত শাসনতন্ত্র; তাহারা রক্ষণশীল। তাহাদের মনোভাব যুরোপের অস্ত্রাশ্রয় দেশের লোকের মনোভাব হইতে স্বতন্ত্র। কুসিয়ায় ঠিক মধ্যবর্তী শ্রেণী বলিয়া স্বতন্ত্র শ্রেণী নাই। স্পেনে তাহা আছে। এক জন বিশিষ্ট রাজনীতিক লেখক বলেন, স্পেনের ফাসিষ্ট নামে অভিহিত শ্রেণীরা ধর্মকে বিসর্জন করিবার পক্ষপাতী নহেন।

## আর্থিক ব্যাপারে নূতন চাঁল

সম্প্রতি পাশ্চাত্য-খণ্ডে আর্থিক ব্যাপারে একটা নূতন কাণ্ড ঘটান হইতেছে। মার্কিন, ইংলণ্ড এবং ফ্রান্স এই তিন জাতি মিলিয়া তাঁহাদের দেশের প্রচলিত মুদ্রাগুলির মূল্য সমানুপাতিক হিসাবে কমাইয়া দিয়াছেন। ইহার ফলে বিদেশে, অর্থাৎ এশিয়ায়, আফ্রিকায় এবং আমেরিকায় ঐ তিনটি দেশের উৎপন্ন পণ্য মূল্যে বিক্রয় করিতে পারা যাইবে, সে বিষয়ে সন্দেহ নাই। এখন হুগু যদি ফ্রান্সের দৃষ্টান্ত অনুসারে তাহাদের দেশের মুদ্রামূল্য হ্রাস করিয়া দেয়, তাহা হইলে ভারতীয় শর্করা-শিল্পের বিশেষ ক্ষতি হইবে বলিয়া অনেকে অস্বস্তান করিতেছেন। গিল্ডারের মূল্য কমিলে জাভার চিনি, কার্পাস প্রভৃতির মূল্য কমিবে। কিন্তু ভারতীয় টাকার মূল্য যখন বিলাতী পাউণ্ড ষ্টার্লিংএর মূল্যের সহিত গাঁথা রহিয়াছে, তখন ষ্টার্লিংএর মূল্য কমিলেই টাকার মূল্য কমিবে। সুতরাং সে দিকে আশঙ্কার কারণ কতটা আছে, তাহা কিছু দিন না



বাইলে ঠিক বুঝা যায়নি। ভারতীয় সুগার মিলস্ এসো-সিফেশন কিং এজন্স ইহার মধ্যেই আভিষ্কৃত হইয়া উঠিয়াছেন। এ বিষয়ে এখনও বিস্তৃত সংবাদ পাওয়া যায় নাই। এ ব্যাপার লইয়া ঈশ্বরী বিলাতী পার্লামেন্টে আলোচনা হইবে। এ ব্যাপারের সহিত ভারতবাসীর স্বার্থ নানাভাবে জড়িত রহিয়াছে। এই সম্পর্কে সকল কথা না জানিতে পারিলে এ সম্বন্ধে বিস্তৃতভাবে মত প্রকাশ করা চলে না। ইহার পূর্বে ক্রান্ত মুক্তা বিষয়ে সুবর্ণ-মান পরিত্যাগ করিবেন না স্থির করিয়াছিলেন। ইহা লইয়া ক্রান্তে অনেক তর্কবিতর্কও হইয়া গিয়াছে। তবে এ সম্বন্ধে একটা কথা বলা হইয়াছে যে, এই ব্যবস্থায় বিশেষ শাস্তি প্রতিষ্ঠা করা সম্ভব হইবে। এ অসুখমান সত্য বলিয়া মনে হয় না। এখন এই ব্যাপার দেখিয়া জাপানী, ইটালী প্রভৃতি কি করেন, তাহাও দ্রষ্টব্য।

### চীন-জাপানে হান্সামা

চীনের সহিত জাপানের একটা হান্সামা বাধিবার সম্ভাবনা ঘনিষ্ঠ। আধুনিক মাসের প্রথমেই সংবাদ পাওয়া যায় যে, হান্সামা জাপানী দূতাবাসের এক জন জাপানী পুলিশ-প্রহরী গুলীর আঘাতে নিহত হইয়াছিল। সেট উপলক্ষে জাপানীরা ঐ স্থান দখল করে এবং তাহার ফলে জাপানীদের সহিত চীনাদিগের মনের মালিন্য অত্যন্ত অধিক মাত্রায় বৃদ্ধি পায়। তাহার পর এই ব্যাপার সম্বন্ধে বিশেষ কোন সংবাদ পাওয়া যায় না। সম্প্রতি

আচম্বিতে এক সংবাদ আসিয়াছে যে, তথ্য অবস্থা বড়ই সঙ্গীন হইয়া পড়িয়াছে। জাপানীরা চীনের নিকট হইতে কতকগুলি বিষয় দাবী করিয়াছিল, তাহার পাণ্টা জবাবে চীনারা জাপানীদিগের নিকট হইতে কতকগুলি বিশেষ দাবী করিয়াছে। চীনাদিগের সে দাবীগুলি অসম্মত নহে। যথা, জাপানীরা শুধু না দিয়া কোন পণ্যই চীনদেশে লইয়া বাইতে পারিবেন না, উত্তর-চীন হইতে অতিরিক্ত জাপানী সৈন্য সরাইয়া লইয়া বাইতে হইবে, চীনের কোন ব্যাপারে জাপানী সৈনিকরা হস্তক্ষেপ করিতে পারিবেন না। টাঙ্গী সাংহাই চুক্তি বাতিল করিতে হইবে ইত্যাদি। চীনাদের এই দাবীর কথায় তাহাদের বিশেষ দৃঢ়তার পরিচয় পাওয়া বাইতেছে। ইহা দেখিয়া জাপানীরা বিস্মিত। ইহার পরই সংবাদ আসিয়াছে যে, সাংহাই অঞ্চলে লোকের ভ্রাস উপস্থিত হইয়াছে। চীনারা সাংহাই এবং নাঙ্কিনের মধ্যবর্তী স্থানে ৭ হাজার সৈন্য এবং নাঙ্কিন সাংহাই এবং হেংচাউ-সাংহাই রেলপথে ৭৫ হাজার সৈন্য মোতায়েন করিয়াছেন। এদিকে বৃটিশ নৌবিভাগের কর্তৃপক্ষ ইংরেজ নারী ও বালক-বালিকাদিগকে হাংকো ও অলান্স ইয়াংসি বন্দর হইতে স্থানান্তরিত করিবার ব্যবস্থা করিতেছেন। ইংরেজ বলিতেছেন, এ সমস্ত ভ্রাস হইবার কোন কারণ ঘটে নাই। এটা কেবল সাবধানতা অবলম্বন হিসাবেই করা হইতেছে। অনেকে শঙ্কা করিতেছেন যে, জাপান সম্ভবতঃ ইয়াংসি বন্দরগুলি অবরুদ্ধ করিতে পারেন। সুতরাং কখন কি হয় বলা যায় না। অবস্থা সঙ্গীন। তবে যুদ্ধ যে বাধিবেই, এমন অবস্থা এখনও হয় নাই।

### নারী


অতৃপ্ত-তরঙ্গ-কুরু আকাক্ষু-সাগরে  
তৃপ্তি-শম্প-শ্রাম-কুল তুমি হে কল্যাণি !  
মোহ-মুগ্ধ-ভ্রষ্ট-পথ পাছ শিরোপরে  
ধ্রুব তারা সম তব দীপ্ত দৃষ্টিধানি ।

তোমার হৃদয় সে যে পারিজাত সম  
রূপে রসে গন্ধে আনে ত্রিদিব ধরায়  
সদা সেবা-ব্রত-লিপ্ত হস্ত নিরুপম  
অসীম আশাস আনে আতুর হিরায় ।

সুচির-রহস্যময়ী তুমি নিত্য নব,  
আনন্দের উৎস বহে তব পদ চুমি  
পুরুষ পৌরুষ-দৃপ্ত স্পর্শ গতি তব,—  
আগাশক্তি নিখিলের হে কল্যাণি, তুমি ।

তোমাতে বন্দনা করে সপ্তরীপবাসী  
শেফার পরেছে বিশ্ব তব প্রেমকাসী ॥

শ্রীযজ্ঞেশ্বর রায় ।



## ফরসা

( গল্প )

১

আমার বয়স তখন সাত বছর, সেই সময় আমার ছোট ভাই ছই বৎসরের শিশু ভুলুকে আমাদের সংসারের কর্তী বিধবা পিসীমার হাতে সঁপিয়া দিয়া মা আমার সংসারের খেলা শেষ করিলেন। সেকালের কথা। বাবা নবাব সরকারের জমিদারী ডিহি দুর্গাপুর কাছারীর নায়েব ছিলেন। সেকালে আমাদের পল্লী অঞ্চলের কোন গৃহস্থ ঘর-দরজা চাবিবন্ধ করিয়া, বা তাহা কাহাকেও ভাড়া দিয়া পরিজনবর্গকে চাকরীস্থানে লইয়া যাইতেন না; আত্মীয়স্বজন ও পাড়া-পড়সীরা এরূপ কার্যের নিন্দা করিতেন। সেকালের বাঙ্গালা-নবীশ, পাড়াগেঁয়ে লোক-গুলির এরূপ নৈতিক সাহস ছিল না যে, সেই নিন্দা অগ্রাহ করিয়া ঐ প্রকার সামাজিক প্রথা-বহির্ভূত কায করিবেন। বিশেষতঃ, আমার ঠাকুরদাদা তখনও জীবিত—সংসারের কর্তী। আমার ঠাকুরমা আমার জন্মের পূর্বেই পতিপুল রাখিয়া, পাকা চুলে সিঁদুর পরিয়া, পতিপরায়ণা হিন্দু-নারীর চির-আকাজ্কিত সতীলোকে প্রস্থান করিয়াছিলেন। বারুক্যে বিপন্নীক বুদ্ধ শস্ত্রের সেবা-শুশ্রূষা আমার মায়ের জীবনের প্রধান ব্রত হইয়া দাঁড়াইয়াছিল। কিন্তু মাও সংসারের মায়া কাটাইয়া অকালে জগজ্জননীর ক্রোড়ে আশ্রয় লইলেন। সেই দুদিনের কথা এত কাল পরেও ভুলিতে পারি নাই। মনে পড়িতেছে, পাড়ার কয়েক জন লোক আমাদের বাড়ীর আঙ্গিনার তুলসীওলা হইতে মাকে খাটিয়ার তুলিয়া হরিবোল দিতে দিতে গ্রামের পথ দিয়া কোথায় লইয়া গেল। আমি ‘মা, মা’ বলিয়া কাঁদিয়া মাটিতে গড়াইতে লাগিলাম। ঠাকুরদাদা আমাকে কোলে তুলিয়া লইয়া, ঘরের দাওয়ার বসিয়া চোখের জলে আমার বুক ভাসাইতে লাগিলেন; কিন্তু তাঁহার মুখ হইতে একটা কথাও বাহির হইল না। পিসীমা ভুলুকে বুক জড়াইয়া ধরিয়া মাটিতে পড়িয়া হাহাকার করিতে লাগিলেন।

সোনার সংসার ঝশান হইল। মায়ের আকস্মিক মৃত্যুর সংবাদ পাইয়া বাবা তিন দিন পরে তাঁহার কন্মস্থল হইতে, বাড়ী আসিলেন। তখন সব শেষ হইয়া গিয়াছিল।

২

বাবা পরের চাকর; চাকরীর খাতিরে তিনি মায়ের সাংঘাতিক পীড়ার সংবাদ পাইয়াও তাড়াতাড়ি বাড়ী আসিয়া মাকে শেষ দেখা দেখিতে পারিলেন না। তাঁহার এই দুঃখ কিরূপ দুঃসহ হইয়াছিল, তাহা বঝিতে পারি, আমার সে বয়স হয় নাই। কিন্তু এই দুর্ঘটনার পর কোন দিন বাবার মুখে হাসি দেখিয়াছি বলিয়া মনে পড়ে না। কয়েক দিন পরে এক দিন সন্ধ্যার পর আমাদের প্রতিবেশী মাণিক ঘোষের গরুর গাড়ীতে চড়িয়া বাবা আবার চাকরী করিতে চলিলেন।

তিনি গাড়ীতে উঠিলে আমি গাড়ীর কাছে দাঁড়াইয়া হতাশভাবে বলিলাম, “তোমার সঙ্গে যাব, বাবা! আমার বড় মন কেমন করছে।” আমার ছই চোখের জল গাল বহিয়া গড়াইয়া পড়িল।

বাবা বলিলেন, “সেখানে গিয়ে ত থাকতে পারবে না, আবার বাড়ী আসবার জন্যে কান্নাকাটি করবে। বাড়ীতে ঠাকুরদাদা আছেন, পিসীমা আছেন, তাঁদের কাছে থাকবে, ভুলুর সঙ্গে খেলা করবে। আর রোদে রোদে বেড়িও না, অশুখ করবে। আবার আমি আসবো।”

আমি বলিলাম, “মা’র কাছে যাব বাবা, মা কবে আসবে?”

আমার বয়স তখন সাত বৎসর উত্তীর্ণ হইয়াছে মাত্র। মা মরিলে আর ফিরিয়া আসেন না, এ জ্ঞান তখনও লাভ করিতে পারি নাই। বাবা আমার প্রশ্নের উত্তর দিলেন না। পিসীমা ভুলুকে কোলে লইয়া গাড়ীর অদূরে দাঁড়াইয়া আঁচলে চোখ মুছিতেছিলেন; বাবা বলিলেন, “দিদি,

কালুকে ঘরে নিয়ে যাও, আর দেখো, যেন মা মা করে কেঁদে না বেড়ায়, সময়ে দুটো খাইয়ে দিও; আর ত কেউ ওর মুখের দিকে চাইবার নেই। উঃ, কি কষ্ট!”

দেখিলাম, বাবা গাড়ীর ভিতর বসিয়া তাঁহার গায়ের চাদর দিয়া চোখ মুছিলেন।

মাসিক ঘোষ উঠানের গাবগাছের গোড়া হইতে দড়ি-বাধা বলদ জোড়াটা খুলিয়া আনিয়া গাড়ীর ঘোয়ালে যুতিয়া দিল।—গাড়ী উঠান হইতে অদূরবর্তী পথে নামিল।

আমি মাটীতে পড়িয়া ধূলায় গড়াইতে গড়াইতে “বাবা গো, আমাকে নিয়ে যাও, আমি মা’র কাছে যাব” বলিয়া হাত-পা ছুড়িয়া কাদিতে লাগিলাম।

সে দিনের কথা মনে হইলে এই বৃদ্ধা বয়সেও চোখ কাটিয়া ছল পড়ে। শৈশবে মাতৃহীন হওয়া যে কি কষ্ট, তা যে আমার বয়সে মা হারাষ্টয়াছে—সেই জানে।

৩

সুখের দিন কাটে, দুঃখের দিনও পড়িয়া থাকে না। বাবা মনের সকল দুঃখ-কষ্ট মনের ভিতর চাপিয়া রাখিয়া, একাকী বিদেশে বৈচিত্র্যহীন জীবন বহন করিয়া কি ভাবে অর্থোপার্জন করিতেন—তাহা বুঝিতে পারিব, তখনও আমার সে বয়স হয় নাই। তিনি ঠাকুরদাদাকে মাসে মাসে সংসার-খরচের জল্প চিঠির ভিতর নোট পাঠাইতেন, একালের মত তখন মণিঅর্ডারে টাকা পাঠাইবার নিয়ম ছিল না। সংসারে পরিবার মাত্র চারি জন,—ঠাকুরদাদা, পিসীমা, আমি আর ভুলু। আমি মাকে হারাইবার পর ঠাকুরদাদার কাছ-ছাড়া হইতাম না। সন্ধ্যার পর আমাদের বৈঠকখানায় তাঁহার পাশে বসিয়া ‘একে চন্দ্র ছইএ পক্ষ’ প্রভৃতি আবৃত্তি করিতে করিতে কখন ঘুমাইয়া পড়িতাম, তাহা জানিতে পারিতাম না। ভুলু পিসীমার কোলে মাঝে হইতে লাগিল।

এই ভাবে সুখে দুঃখে সাত আট বৎসর কাটিয়া গেল। পনের বৎসর বয়সে গ্রামের এন্ট্রান্স স্কুলের তৃতীয় শ্রেণীতে পড়ি। সেকলে হেড্ মাস্টার রাখাল বাবুকে ঘরের মত ভয় করিতাম; তাঁহার মন্ত্রী ছিলেন জানকী মাস্টার। ছেলেরা তাঁহাকে ‘জানকী বাব’ বলিত, এবং

‘জানকী বাবের দাঁত কিটিমিটি’ বলিয়া দূর হইতে তাঁহাকে ফেপাইত। তিনি আমাদেরকে আঁক কষাইতেন, এবং বলিতেন, উচ্চশ্রেণীর গণিতের আলোচনা করিয়া বড়ই আনন্দ লাভ করেন, তাঁহার শিক্ষা-কোর্সেই আঁকে আমরা এক একটি ‘গৌরীশঙ্কর’ বনিয়া গিয়াছিলাম। হেড্ মাস্টার রাখাল বাবু যখন আমাদের গ্রামের সেকালের আবগারী দোকানের ‘ভেণ্ডার’ মহেশ সা’র ধাত্তেশ্বরীর বোতল শূণ্ণগর্ভ করিয়া প্রতি শনিবার অপরাহ্নে ছাত্র-সভায় সুনীতি প্রচার করিতেন, তখন দীনবন্ধুর ‘সধবার একাদশী’র নিম্নে দত্তের কথা কথা মনে পড়িত। ‘সধবার একাদশী’ সেই সময় নূতন প্রকাশিত হওয়ায় আমাদের গ্রামের ‘বান্ধব রক্ষালয়ে’ তাহার ‘রিহাসেল’ চলিতেছিল।

‘লেখাপড়া করে নেই, গাড়ী-ঘোড়া চড়ে সেই’ এই আদর্শেই সে যুগে আমরা শিক্ষালাভ করিতেছিলাম। ব্যায়ামচর্চা সেই যুগে ‘গোয়ার্জমি’ বলিয়া গণ্য হইত, এবং যদি কোনও দিন সন্ধ্যার পূর্বে স্কুলের হাতায় আমরা চাম্চু—হাড়ু-ডুডু খেলিতে খেলিতে রাখাল বাবুকে কালো দাড়ির নিশান উড়াইয়া সেই পথে আসিতে দেখিতাম, তাহা হইলে খেলা ছাড়িয়া উর্দ্ধ্বাসে পলায়ন করিতাম। এবং মাধব চাটুয়ো মশায়ের অন্তঃপুরে আশ্রয় গ্রহণ করিতাম।

সেকালে আমাদের গ্রামের ছেলেরদের মধ্যে ঘুড়ি উড়াইবার অভ্যাস সংক্রামিত হইয়াছিল। এ বিষয়ে ছোট-বড় ইতর-ভদ্র কাহারও উৎসাহের অভাব ছিল না। স্কুলের অধিকাংশ ছাত্র পড়াশুনা ছাড়িয়া, ঘুড়ি নাটাই লইয়া কেপিয়া উঠিত। তবে বাতিক বৃদ্ধি হইত শ্রাবণ মাসে বুলন পূর্ণিমার পর হইতে। গ্রামের দুই তিন জন বেকার এই সময় নানাবর্ণের পাতলা কাগজে ঘুড়ি নির্মাণ করিয়া তাহা বিক্রয়ে কয়েক মাসে যে অর্থ সংস্থান করিত, তাহাতে তাহারা সংবৎসরকাল সংসার-প্রতিপালনে সমর্থ হইত।

কিন্তু ছেলেরদের উৎসাহ হৃদমণীর হইয়া উঠিত। তাহারা নূতন নাটাই সংগ্রহের জন্য দুতোর বাড়ীতে

ধরণা দিয়া বসিয়া থাকিত, কাটিমের স্ত্রী কিনিয়া তাহাতে মাঞ্জা দেওয়ার জন্ত ঘরে ঘরে শিশি-বোতল ভাঙ্গিয়া সারাদিন হামানদীস্তায় তাহা চূর্ণ করিবার শব্দ! গাবগাছ হইতে গাব পাড়িবার জন্ত ছেলেরা পড়াশুনা বন্ধ করিয়া বাগানে বাগানে ঘুরিয়া বেড়াইত। গাব সংগৃহীত হইলে খৈএর মণ্ডের সহিত বোতল-চূর্ণ ও গাবের আটা মিশাইয়া মধ্যাহ্নেরোদ্রে এক এক দল ছেলের স্ত্রী মাঞ্জা দেওয়ার ঘটনা মনে পড়িলে সেকালের সেই তরুণ-জীবন লাভ করিবার জন্ত প্রাণ ব্যাকুল হইয়া উঠে।

সেই সকল গুড়িই বা কত রকম! কোনখানি উত্তম-ফণা সাপের মত, সুদীর্ঘ লাম্বুল বায়ুপ্রবাহে আন্দোলিত করিতে করিতে তাহাকে উর্দ্ধ হইতে উর্দ্ধতর আকাশে পাবিত হইতে দেখিতাম। কোনখানির আকার মানুষের স্তম্ভ হস্তপদ-বিশিষ্ট; কোনখানির হস্তের আকার। গ্রাম-প্রান্ত হইতে দুই একখানি 'আগুড়ে' গুড়ি উড়িত, সেগুলি বাঁশের চ্যাটাই বা তালাই-নির্মিত; দুই হাত আড়াই হাত দীর্ঘ, তাহার অনুরূপ প্রশস্ত। ঢেঁড়ার কাটা মোটা পাটের বা শণে। দড়ির সাহায্যে সেই গুড়ি উড়াইতে হইত; উর্দ্ধাকাশে উড়িবার সময় বায়ু-তরঙ্গে প্রতিহত হওয়ায় তাহা বন্ বন্ শব্দ করিত, একালের গগনবিহারী এরোপ্লেনের শব্দের অনুরূপ। কাগজ-নির্মিত বড় বড় 'ধাউই' গুড়িগুলির গুঞ্জনধ্বনিতে আকাশ পূর্ণ হইত। এই সময় প্রতিদিন অপরাহ্নে মিউনিসিপাল অফিসের অদূরবর্তী গড়ের মাঠ ও তাহার সন্নিহিত দীদির পাড় বালক, যুবক ও পল্লীর সৌখীন বৃদ্ধের দলে পূর্ণ হইত। গ্রামের জমিদার মহাতাপ মুখ্যে, রামচরণ মল্লিক পর্য্যন্ত গুড়ি নাটাই লইয়া সেই উৎসবে যোগদান করিতেন। তাঁহাদের গুড়ির স্ত্রী 'অকাটা' ছিল। অনেকে তাঁহাদের স্ত্রী তাহা ফেলিয়া তাহা কাটিবার চেষ্টা করিত। উভয় পক্ষের স্ত্রীর 'প্যাচ' লাগিলে দলের কি উৎসাহ! দর্শকগণ স্পন্দিত বক্ষে উর্দ্ধদৃষ্টিতে সেই দৃশ্য নিরীক্ষণ করিত। উভয় পক্ষ বন্-বন্ শব্দে নাটাই ঘুরাইয়া স্ত্রী ছাড়িতেছে, গুড়ি লাট খাইতে খাইতে ঠুলি করিয়া পঞ্চাশ হাত নীচে নামিয়া পড়িয়া আবার হাউইএর মত সবেগে উর্দ্ধে উঠিতেছে;

উভয় পক্ষই হাতের নানাপ্রকার ভঙ্গী করিয়া স্ত্রী ছাড়িতেছে। হঠাৎ চারিদিকে মুহূর্ত্ত করতালি-ধ্বনির সহিত শত শত কণ্ঠে উচ্চারিত হইল 'ফরসা!' ছিন্ন-স্ত্র গুড়িখান ঘুরিতে ঘুরিতে শূন্যমার্গে ছুটিয়া চলিল। গ্রামের পঞ্চাশ জন বালক যুবক সেই দুই পয়সা মূল্যের গুড়ি ধরিবার জন্ত প্রাণের মায়া বিসর্জন দিয়া দৌড়াইতে লাগিল। বিজয়ী জমিদার বাবু সগর্বে অধিক উৎসাহে তাঁহার নাটাইয়ের স্ত্রী ছাড়িতে লাগিলেন। তাঁহার বিজয়গর্ভ-প্রদীপ্ত উর্দ্ধোৎক্ষিপ্ত চক্ষুর দিকে চাহিলে মনে হইত—চক্ষু নীরব ভাষায় বলিতেছিল, "আমার গুড়ির সঙ্গে প্যাচ? হতভাগার আস্পর্শকো কয় নয়!"—হতভাগ্য নবাব সিরাজউদ্দৌলাকে পলাশীর যুদ্ধে পরাজিত করিয়া ক্লাইভও বোধ হয় সেইরূপ আত্মপ্রসাদ লাভ করিতে পারেন নাই!

আমাদের ক্লাশের অনেক ছাত্রেরই গুড়ি উড়াইবার সখ ছিল। তাহারা পড়াশুনা ছাড়িয়া গুড়ি নাটাই এবং স্ত্রীর মাঞ্জা লইয়া ক্ষেপিয়া উঠিয়াছিল দেখিয়া হেড্ মাষ্টার রাখাল বাবু কঠোর শাসন আরম্ভ করিয়াছিলেন। এই অপরাধে তাঁহার 'পিনাল কোডে' শারীরিক ও মানসিক উভয়বিধ শাস্তিরই ব্যবস্থা ছিল। যাহাদের গুড়ির বাতিক অধিক ছিল, শাস্তিস্বরূপ তাহাদিগকে প্রত্যহ দশখান 'রাইটিং' (হস্তলিপি) কাপিবুক দেখিয়া লিখিয়া আনিতে হইত, এবং তাঁহার আদেশে খার্ড মাষ্টার জানকী অধিকারী পি, ঘোষের পাঠাগণিত হইতে দশটি আঁক বাড়ীতে বসিয়া কবিবার ভার দিতেন। কেহ এই আদেশ অগ্রাহ্য করিলে, বা কোন রকমে দায় সারিলে শারীরিক দণ্ডের ব্যবস্থা ছিল। সেই ব্যবস্থাও নানাপ্রকার; নির্দিষ্ট সময়ে ক্লাশে দাঁড়াইয়া থাকিতে হইত, পরে হাঁটুভাঙ্গা নীল ডাউন, তাহাতে ফল না হইলে 'ষ্ট্যাণ্ডাপ্ অন দি বেঞ্চ'—অতঃপর বেঞ্চের উপর এক পা তুলিয়া দাঁড়াইবার আদেশ। ছুটির পর এক ঘণ্টা ক্লাশে আটক। এই ভাবে 'ইন্টার্ণ' করিয়াও কোন খল না হইলে উভয় করতলে পাঁচ ঘা করিয়া বেত্রাঘাত।

কিন্তু এই কঠোর দণ্ডও অনেক সময় নিষ্ফল হইত।



জানকী মাষ্টারের বেতের আস্থাদন-মাধ্যম্য তাঁহার ছাত্র-গণের অনেকে বুড়াবয়সে কর্মক্ষেত্র হইতে বিদায় গ্রহণের পরেও ভুলিতে পারেন নাই, এইজন্য তিনি কোন কোন কৃতবিদ্য ও কর্মজীবনে লক্ষ্যপ্রতিষ্ঠ হাতের প্রসঙ্গে বলিতেন, মাথা পিটিয়া তিনি ঘোড়া করিতেন। আমার কখনো ঘোড়া হইবার সখ হয় নাই, এবং ঘুড়িরোগও কোন দিন আমাকে স্পর্শ করিতে পারে নাই।

আমার ছোট ভাই ভুলুর বয়স তখন নয় দশ বৎসর। বৎসরের অধিকাংশ সময় বাবাকে চাকরী উপলক্ষে হুর্গাপুর কাছারীতেই বাস করিতে হইত। ঠাকুরদাদা ও পিসীমা আমাদের দুই ভাইয়ের লালনপালনের ভার গ্রহণ করিয়াছিলেন। ভুলু তখন গ্রামের স্কুলে নীচের ক্লাশে পড়িত। তাহার সহপাঠীগণের দেখাদেখি ঘুড়ি, সূতা ও নাটাই সংগ্রহের জন্য সে কেপিয়া উঠিয়াছিল। সে নাটাই ও সূতা কিনিবার পরসার জন্য ঠাকুরদাদার নিকট আশ্রয় আশ্রয় করিয়াছিল। কিন্তু পাছে সে লেখাপড়ায় তাচ্ছল্য প্রকাশ করিয়া ঘুড়ি লইয়া মাতামাতি করে—এই আশঙ্কায় ঠাকুরদাদা তাহার খেয়ালের সমর্থন করেন নাই। কিন্তু তাঁহার নিকট পরসার সংগ্রহ করিতে না পারিলেও তাহার উৎসাহ শিথিল হইল না।

পাড়ার রমণীসমাজ জানিত—পিসীমা মহাজনী করেন। তাঁহার যে কিছু অলঙ্কার ছিল, বিধবা হইবার পর তাহা সমস্তই তিনি বিক্রয় করিয়া যে টাকা সঞ্চয় করিয়াছিলেন, উচ্চ সুদে তাহা তিনি পল্লীরমণীগণকে ধার দিতেন। কাহাকেও তিনি খালি হাতে টাকা ধার দিতেন না; খালা, ষটি, বাটি বা অলঙ্কার-পত্র বন্ধক রাখিয়া তিনি টাকা ধার দিতেন, এবং এক পরসারও সুদ ছাড়িতেন না। কিন্তু সময়ে সময়ে সুদের লোভে তাঁহাকে ক্ষতিগ্রস্তও হইতে হইত। একবার তাঁহার ‘মহাপ্রসাদের’ এক পুত্র হাঁদা চাটুবে তাঁহার নিকট এক সেট সোনার বোতাম বন্ধক রাখিয়া কুড়িটি টাকা ধার করিয়াছিল। সুদে-আসলে দেনা ত্রিশ টাকা বার আনার দাঁড়াইলে, তিনি ঋণ-পরিশোধের জন্য হাঁদাকে পীড়াপীড়ি করিয়া ধরিলেন। হাঁদা জবাব দিয়াছিল, তাহার ঋণ পরিশোধের সামর্থ্য নাই; পিসীমা তাহার বোতাম বিক্রয় করিয়া লইতে পারেন। পিসীমা আমাদের প্রতিবেশিনী শ্রাকরা-বৌকে বোতাম-ছড়াটা

গলাইতে দিলে শ্রাকরা-বৌ বোতামগুলি পিসীমাকে ফেরৎ দিয়া বলিল—গিল্টির বোতাম, তাহার স্বামী বলিয়াছে—উহার মূল্য চারি পরসারও নহে! পিসীমা হাঁদাকে কোমদারীতে কেলিয়া দশদানের ভয় দেখাইয়া শুনিতে পাইলেন—সেই বোতাম যে হাঁদাই তাঁহার নিকট বন্ধক রাখিয়াছিল, তাহা তাঁহাকে সপ্রমাণ করিতে হইবে, এবং তাঁহাকে আদালতে সাক্ষীর কাঠরায় উঠিতে হইবে। অগত্যা তাঁহাকে সুদের লোভে আসলের মায়া বিসর্জন করিতে হইল। লাভের মধ্যে তাঁহার মহাপ্রসাদের সঙ্গে বাক্যান্যাপ বন্ধ হইল। বার্ককে তীর্প-ধর্ম করিয়া যদি কিছু টাকা অবশিষ্ট থাকে, তবে তাহা মাতৃ-হীন ভুলুর বিবাহের সময় তদ্বারা নববধুর জন্য দুই একখানি অলঙ্কার প্রস্তুত করাইবেন—পল্লীর রমণীসমাজে তিনি এই অভিপ্রায় প্রকাশ করিতেন। তাঁহার এই আকাঙ্ক্ষার পরিচয় পাইয়া বিধাতা অলক্ষ্যে থাকিয়া হাসিতেন কি না, তাহা তিনিই জানেন।

৩

পিসীমা পাড়ার মুচিরাম ঘোষের স্ত্রী নেতা ঘোষাণীর একগাছা রূপার খাড়ু বন্ধক রাখিয়া, টাকায় মাসিক এক আনা সুদে পাঁচটি টাকা ধার দিয়াছিলেন। ঘোষাণী দুখ বিক্রয় করিয়া প্রতিমাসে পাঁচ আনা সুদ দিয়া যাইত। আসল টাকা পরিশোধ করিতে বিলম্ব হইলেও ক্ষতি নাই, কিন্তু প্রতিমাসে সুদের পরসার নগদ দিতে হইবে—এই ‘করারে’ তিনি ঘোষাণীকে টাকা পাঁচটি ধার দিয়াছিলেন।

পিসীমা এক দিন সায়ংকালে তাঁহার ঘরের দাওয়ার বসিয়া, হরিনামের ঝুলিটি হাতে লইয়া মালা ফিরাইতে ছিলেন, ভুলু তাঁহার কোলে মাথা রাখিয়া বিশ্রাম করিতে ছিল। সেদিন সন্ধ্যার পূর্বে সে প্যাচে-কাটা একখান ঘুড়ির লোভে বহুদূর পর্যন্ত দৌড়াদৌড়ি করিয়া পরিশ্রান্ত হইয়াছিল। কিন্তু তাহার চেষ্টা সফল হয় নাই। একটি নাটাই ও সূতা সে কিরূপে সংগ্রহ করিবে, এই চিন্তায় তাহার নিজার ব্যাঘাত হইতেছিল।

সেই সময় নেতা ঘোষাণী পূর্বমাসের সুদের পাঁচ আনা—দুইটি ছরানী ও চারিটি পরসার আনিয়া পিসীমার পদ-প্রান্তে রাখিয়া গেল। পিসীমা সেগুলি তুলিয়া লইয়া

হরিনামের ঝুলির ভিতর রাখিয়া দিলেন কিছুকাল পরে তাঁহার জপ শেষ হইলে, তিনি ঝুলিটি মস্তকে স্পর্শ করিয়া তাহার আংটাটি ঘরের দেওয়ালের পেরেকে ঝুলাইয়া রাখিলেন। ঘোষণী-প্রদত্ত সূদের পয়সাগুলি ঝুলির ভিতর হইতে লইয়া বাসে রাখিতে হইবে, এ কথা তিনি বিশ্বস্ত হইয়া ভুলুকে ভাত বাড়িয়া দিবেন বলিয়া রান্নাঘরে চলিলেন।

ভুলু কিন্তু পিসীমার ঝুলির ভিতর পয়সা রাখিবার কথা বিশ্বস্ত হয় নাই; পিসীমা প্রস্থান করিলে সে একখানি টুল হাতে হইয়া দেওয়ালের নিকট রাখিল, এবং তাহার উপর উঠিয়া দাঁড়াইয়া পিসীমার ঝুলির ভিতর হইতে পয়সাগুলি বাহির করিয়া লইল। সে তাহা কোঁচার খুঁটে বাধিয়া পিসীমার আহ্বানে রান্নাঘরে খাইতে চলিল।

পরদিন প্রভাতে স্নানের পর আঙ্কি করিতে গিয়া ঘোষণী-প্রদত্ত সূদের কথা পিসীমার স্মরণ হইল। কিন্তু ঝুলিটি ওলট-পালট করিয়া তিনি একটি পয়সাও আবিষ্কার করিতে পারিলেন না। পয়সাগুলি কি ভাবে অদৃশ্য হইয়াছিল—তাহা জানিবার জ্ঞান নিধিরাম ঘোষকে ডাকিবার প্রয়োজন হইল না; নিধি হাত চালাইতে ও ‘চাল পড়িতে’ জানিত। নিধিরাম ঘোষের চালপড়া অব্যর্থ; চোর তাহার পড়া চাল খাইলে তিন রাত্রির মধ্যে রক্ত বমন করিয়া মরিত। সে কথা স্মরণ হওয়ার পিসীমা ভয়ে শিহরিয়া উঠিলেন। তিনি জানিতেন—তাঁহার হরিনামের ঝুলির ভিতর পয়সা রাখিতে কেবল ভুলুই দেখিয়াছিল। বিশেষতঃ, বাড়ীতে তখন আর কেহই ছিল না। ‘পৈরভী’ ঝি সংসারের সকল কাষ শেষ করিয়া চলিয়া গিয়াছিল।

কিন্তু ভুলু পয়সাচুরি স্বীকার করিল না। পিসীমা তাহাকে বলিলেন, “পয়সাগুলো ভুলোই নিয়েছে। এক মুঠো পয়সা! ভুলো কি কেনে দেখিসু ত, বাবা!”

৭

গোয়েন্দাগিরির জ্ঞান আমাকে অধিক পরিশ্রম করিতে হইল না। পরদিন শনিবার বেলা দেড়টার সময় সূদের ছুটী হইলে ভুলুকে বাড়ীতে দেখিতে পাইলাম না। আশ্বিন মাস, মেঘমুক্ত নিশ্চল আকাশ। রৌদ্রের তেজ অত্যন্ত প্রখর। ঠাকুরদাদা ভুলুকে চোখে চোখে রাখিতেন। স্কুল

হইতে তাহাকে বাড়ী ফিরিতে না দেখিয়া তিনি আমাকে ভুলুর সন্ধানে পাঠাইলেন।

আধঘণ্টা পরে দত্তপাড়ার তেঁতুলতলায় ভুলুকে খেপ্তার করিলাম। দেখিলাম, ভুলু দত্তপাড়ার চার পাঁচটি সমবয়স্ক সঙ্গীর সাহায্যে ঘুড়ির সূতার গাবের আটা ও বোতলচুরের মাঝা দিতেছিল। পিসীমার সূদের আট পয়সা দিয়া নূতন একটা নাটাই, এবং দুই আনার কাটিমের সূতা কিনিয়া সেই সূতার মাঝা দেওয়া হইতেছিল। অবশিষ্ট চারি পয়সা দিয়া শ্রীহরি সরকারের নিকট দুইখানি তিব্বতী কাগজের ঘুড়ি সংগ্রহ করা হইয়াছে। অনুষ্ঠানের ক্রটি নাই। রোদ্রে দাঁড়াইয়া সূতার মাঝা দিতে দিতে তাহার মুখ লাল হইয়া গিয়াছিল। কপাল বহিয়া টস্টস্ করিয়া ঘাম ঝরিতেছিল। আমাকে হঠাৎ সেখানে উপস্থিত দেখিয়া ভুলুর লাল মুখ কালো হইয়া গেল।

মাতৃহীন ছোট ভাই, কোন দিন তাহার প্রতি কঠোর ব্যবহার করি নাই; কিন্তু ক্রমাগত আদর পাইয়া তাহার পরকাল নষ্ট হইবার উপক্রম! পিসীমার পয়সা চুরি করিয়া এই কাণ্ড! তাহার উপর আশ্বিনের রোদ্রে গলদ-ঘর্ম্ম। আমার বড় রাগ হইল। নাটাইটা তাহার হাত হইতে কাড়িয়া লইয়া ভাঙ্গিয়া ফেলিলাম; সূতার তারগুলি ছিঁড়িয়া ফেলিয়া তাহার গালে এক চড় মারিলাম, এবং তাহাকে কাণে ধরিয়া বাড়ী আনিলাম। ভুলুর চোখ দিয়া জল ঝরিয়া গাল দুইখানি প্লাবিত করিল। চড় খাইয়া সে ‘মা গো’ বলিয়া একবার কাঁদিয়া উঠিয়াছিল। তাহার সেই আর্তনাদ ছুরীর মত আমার বুকে বিধিল। সেই ক্ষত এককাল পরেও আমার বুকের ভিতর টাটকা আছে।

অভিমানী ভুলু অভিমান-ভরে সেই রাতে ভাত খাইল না। নাটাই ও সূতা নষ্ট হওয়ায় সেই রাতে যতক্ষণ সে না ঘুমাইল, ফুলিয়া ফুলিয়া কাঁদিল। পিসীমা সকল কথা শুনিয়া আমাকে তিরস্কার করিলেন। আমি বলিলাম, “তোমরাই আদর দিয়ে ওর মাথা খেলে। এখন বুঝতে পারছ না, বড় হয়ে তোমার আজরেগেপাল লোকের ঘরে সিঁদ কাটবে।”

দীর্ঘকাল রোদ্রে পুড়িয়াই হউক, আর মনে আঘাত

লাগিবার ফলেই হউক, সেই দিন শেষ রাতে ভুলুর অর হইল। অরটা বাঁকা; প্রথম হইতেই ডাক্তার ঔষধ দিলেন, কিন্তু পাঁচ দিনের মধ্যে অরের বিরাম হইল না। ডাক্তার আদিয়া নানাভাবে রোগ পরীক্ষা করিলেন— তাহার পর গম্ভীর মুখে বলিলেন, “বোধ হয় টাইফয়েডে দাঁড়াবে।”

শুনিয়া ভয়ে আমাদের প্রাণ উড়িয়া গেল। সংবাদ পাইয়া বাবা বাড়ী আসিলেন। আশ্বিন মাস, পূজা আসিল। কিন্তু পূজা কোন্ দিক দিয়া গেল, তাহা আমরা জানিতে পারিলাম না। আমরা সকলে আহা-নিদ্রা ত্যাগ করিয়া, ভুলুকে বাঁচাইবার জন্ত যমের সহিত যুদ্ধ করিতে লাগিলাম। ভুলুর ঘোর বিকার! বিকার-বোরে তাহার মুখে কেবল নাটাই, হতা ও বুদ্ধির কথা। কখন বলে, ‘আমার নাটাই ভেঙ্গে না দান, আর আমি পিসীমার পরমা চুরি করবো না।’

আমার বুকের রক্ত ঘেন চোখ ফাটিয়া অশ্রুরূপে গড়াইয়া পড়িল।

বাবা ভুলুর জন্ম ভাল জামা, কাপড়, জুতা আনিয়া-ছিলেন। ভুলু আরক্ত-নেত্রে বিকারবোরে সেগুলি চাহিয়া দেখিল। তাহার দুই চোখ দিয়া জল ঝরিতে লাগিল।

ক্রমে সপ্তমী, অষ্টমী, নবমী কাটিল। দশমীর অপরাহ্নে দন্তবাড়ী মা দুর্গার বরণ আরম্ভ হইয়াছে; বরণের তালে তালে বাজনা বাজিতেছে, শানাই কাঁদিয়া কাঁদিয়া জননী দশভুজার বিদায়-গীতি গাহিতেছে।

আর কোন আশা নাই। পিতৃবন্ধু ডাক্তার রোগীর অবস্থা দেখিয়া সঙ্কলনেত্রে নির্ঝাঁকভাবে প্রস্থান করিলেন। “ভুলু, বাপ আমার, সোনা আমার, মাগিক আমার, আমাকে ছুঁথের সাগরে ভাসিয়ে কোথায় দাচ্ছিন, বাবা!”

ভুলু অতি কষ্টে পাশ ফিরিবার চেষ্টা করিয়া অশ্রু-হিকার সঙ্গে বলিল, “লোট, লোট, ফরসা!”

শ্রীদীনেন্দ্রকুমার রায়।

## তর্পণ

আমার হাতের তর্পণ-বারি করিতে পান  
জাগহ সকল লোক,  
ব্রহ্ম হইতে স্তম্ভ অবধি—নিখিল প্রাণ  
সবারি তৃপ্তি হোক,  
আমার পূর্ব-পুরুষ যাহারা সংবরি ভবখেলা  
পিতৃলোকের উজ্জল কক্ষে করে আনন্দ মেলা,  
তাদেরি তৃপ্তি চিন্তে মাগিয়া আজিকে পুণ্যবেলা  
রচি এ দিব্য শ্লোক,  
সবারি তৃপ্তি হোক।

কোথা রে অমর, এ মর বিধে উরহ আজি তর্পণ-বারি লহ,  
সক দানব পন্নগ তরু উরগরাজি, কেহ আজ পর নহ,  
নিখিল বিধে যে আছ যেথায় ক্ষুদ্র বৃহৎ সব,  
এই ধরণীর উপকূলে আজি জাগাও মহোৎসব,  
আমার প্রাণের মন্ত্র আরাবে বাজে প্রেম স্তম্ভরব,  
—বিচিত্র প্রাণ যোগ,—  
সবারি তৃপ্তি হোক!

আমি যে মানব, পূর্ণ-প্রাণেরে করিতে ভোগ  
ব্রহ্মেছি লক্ষ যোনি,  
উদ্ভিদ কীট পশু বিহঙ্গ সবারি যোগ  
আপন চিন্তে গুনি,

সারা-মনে আজি জাগিতেছে গত কোটি জনমের কথা  
অনুভব করি সারা সৃষ্টির সূত্র, ছুঁথ, হাসি, ব্যথা,  
সকল ধরার তৃপ্তি মাগিয়া রচি তর্পণ-গাথা  
মন্ত্রের সহযোগ,  
সবারি তৃপ্তি হোক।

অন্ন-বসন-বিহীন যে কাদে গোপন পুরে, ছুঁথ গুচুক তার,  
বিলাস-মগন যে জন শাস্তি আশায় ঘুরে—লভুক শাস্তি-ধার,  
এতটুকু প্রাণ কণিকার লাগি যে করিছে হাহাকার  
ইহ-পরলোকে কাঁদিছে যাহারা—যাচি প্রেম সূধাদার,  
আজি এ মন্ত্র-মহিমা পুলকে চিত্ত ভরুক তার,  
যাক সন্তাপ শোক,  
সবারি তৃপ্তি হোক।


মাহুষে মানুষে বিভেদ-বুদ্ধি বিদূরি আজি  
বিমল হউক প্রাণ,  
হৃদয়ে হৃদয়ে বিপুল আবেগে উঠুক বাজি  
মিলন-মন্ত্র গান,  
জ্ঞায় ও ধর্ম প্রেমের রাজ্য স্থাপিতে নিখিল ভবে,  
আজি গুতখনে মন্ত্র-পুলকে জাগহ জাগহ সবে,  
অমর পক্ষে মরণ জিনিয়া আনন্দ-কলরবে,  
চিত্ত পূরিত হোক,  
সবারি তৃপ্তি হোক!

শ্রীহরিকৃপা বর্মা-চৌধুরী!

# বিজ্ঞান-জগৎ

## বনের পাখীর গান লিপিবদ্ধ করার উপায়

বনের পাখী কিছুমাত্র সন্দেহ করিতে পারিবে না .ব, মানুষ কিছু দূর হইতে তাহার কলকাকসী যন্ত্রে সাহায্যে তুলিয়া লইতেছে, এমন ব্যবস্থা এখন সম্ভবপর হইয়াছে। একটা ত্রিকোণাকার যন্ত্রে



বনের পাখীর গান লিপিবদ্ধ করার উপায়

গোলাকার শব্দসংগ্রাহক যন্ত্র সন্নিবিষ্ট থাকে। উহার ঠিক মাঝখানে মাইক্রোফোন যন্ত্রটি অবস্থিত। পাখী যখন নিশ্চিন্তমনে গান করিতে থাকে, তখন তাহার গান এই যন্ত্রে সংগৃহীত হইয়া থাকে।

## রূপার পাতের উপর অঙ্গুলীর ছাপ

বাসায়নিক প্রক্রিয়ায় যে কোন তৈলাক্ত স্থান ও অগাঢ় কঠিন স্থান হইতে অঙ্গুলীর ছাপ সংগ্রহ করা সম্ভবপর হইয়াছে। ক্যালিফোর্নিয়ায় পালমাভোনাস্থিত পুলিশ বিভাগের কোনও বাসায়নিক আইওডিন বাষ্প সাহায্যে অঙ্গুলীর অস্পষ্ট ছাপকে স্পষ্ট করিবার প্রণালী উদ্ভাবন করিয়াছেন। এই আইওডিন বাষ্প বন্দুকের সাহায্যে প্রয়োগ করা হয়। বন্দুকও এই উদ্দেশ্যে বিশেষভাবে

নির্মিত। এই উপায়ে অঙ্গুলীর ছাপ স্পষ্ট হইলে একখানি রূপার পাত এই অঙ্গুলীর ছাপের সংস্রবে রাখা হয়। তার পর উহার উপর প্রবল আলোকরশ্মি নিপাতিত করার ব্যবস্থা করা হয়।



রূপার পাতে অঙ্গুলীর ছাপ

ইহার ফলে রূপার পাতে যে ছাপ পড়ে, তাহা চিরস্থায়ী, কখনও বিলুপ্ত হইবে না। এই প্রণালীতে বারবার ছাপ লইলেও মৌলিক ছাপ ক্ষতিগ্রস্ত হইবে না।

## তৈল-নিষেক যন্ত্র



তৈলনিষেক যন্ত্র

তৈল-নিষেকের জন্য এক-প্রকার নূতন যন্ত্র উদ্ভাবিত হইয়াছে। ফাউন্টেন পেনের ন্যায় এই যন্ত্র পকেটে আঁটিয়া রাখা যায়। এই যন্ত্র এমন স্বচ্ছ যে, উহার অভ্যন্তরে কতখানি তৈল আছে, তাহা অনায়াসে বুঝিতে পারা যায়। মাথার দিকে জুঁ আঁটা ছিপি থাকায় তৈল পরিমাণ পড়িবার কোনও আশঙ্কা নাই।



## ভ্রমণকারীদিগের জন্য বড় মোটর-গাড়ী

ই গাড়ীতে ৮ জনের বসিবার আসন আছে। চাকাগুলি স্বপূর্ণ। ইহা সমভাবে রাজপথে এক বেলা-লাইনের উপর দিয়া




ভ্রমণকারীদিগের জন্য বড় মোটরগাড়ী

ক্রম ধাবিত হইতে পারে, এমন ব্যবস্থা ইহাতে আছে। গাড়ীর মধ্যে সিঁথিবির সবঞ্জাম সহ টেবল রাখিবার বন্দোবস্ত করা হইয়াছে। তাস বা বিলিয়ার্ড খেলার ব্যবস্থাও আছে।

## বিমানবিহারীর জন্য ঘড়ী

দক্ষিণ-আফ্রিকা জোহান্সবার্গে যে সকল বিমানবিহারী বিমানসহ শুরমাগে উড়িতে থাকেন, তাঁহারা ভূতলে যাহাতে নির্দিষ্ট সময়ে অবতরণ করিতে পারেন, সেজন্য একটা প্রকাণ্ড ঘটিকাযন্ত্র বাণ্ড বিমানপোতাশ্রয়ে স্থাপন করা হইয়াছে। বিমান-বিহারীরা ৩ হাজার ফুট উর্দ্ধ হইতে এই ঘটিকা-যন্ত্র দেখিয়া সময়




বিমানবিহারীর জন্য ঘটিকাযন্ত্র

নির্দেশ করিতে পারেন। এই ঘটিকা-যন্ত্রের ব্যাস ত্রিশ ফুট, বৈজ্ঞানিক শক্তিতে উহা পরিচালিত হইয়া থাকে। উহার মিনিট-সূচক কাঁটাটি ১৭ ফুট দীর্ঘ, ঘটানির্দেশক কাঁটার দৈর্ঘ্য ১২ ফুট।

## গাছের গুঁড়ির মধ্যে ফটোগ্রাফের ঘর

দুই জন ফটোগ্রাফার মোটরচালিত যানের উপর গাছের গুঁড়ির ফটোগ্রাফের ঘর লইয়া দেশভ্রমণ করিতেছেন। এক হাজার



গাছের গুঁড়ির মধ্যে ফটোগ্রাফের ঘর

বৎসরের এক প্রাচীন গাছের গুঁড়ি সংগ্রহ করিয়া তন্মধ্যে তাঁহারা ঘর নির্মাণ করিয়াছেন। এই গুঁড়িটা লম্বে সোল ফুট এবং ইহার ব্যাস ৮ ফুট। আলোকচিত্র গ্রহণের পর অন্ধকার ঘরে তাঁহারা ফটোগ্রাফের যাবতীয় প্রয়োজনীয় কার্য সম্পন্ন করেন। ফটোগ্রাফীর যাবতীয় সাজসরঞ্জামও ইহার মধ্যে আছে।

## অষ্ট্রেলিয়ার হাঙ্গকারী পক্ষী

অষ্ট্রেলিয়ার ককাদুরা পাখী হাঙ্গসহকারে গান গাচে। অগ্নি কোনও পাখী তাগা পারে না। অষ্ট্রেলিয়ার চলচ্চিত্র বা রেডিওতে



অষ্ট্রেলিয়ার হাঙ্গকারী পক্ষী

ভালবাসে। ইহার আকার কাক-পক্ষীর স্তায়। পাঁজটে রং—ডানায় দ্রুত নীলের ছিট আছে।

এই পাখীর হাঙ্গি শুনিতে পাওয়া যাইবে। অষ্ট্রেলিয়া-সংক্রান্ত কোনও চলচ্চিত্র প্রদর্শনকালে আগেই এই পাখীর গান বা হাঙ্গি দর্শকদিগকে শুনাইয়া দিবার ব্যবস্থা আছে। এই পাখী অষ্ট্রেলিয়া ছাড়া আর কোথাও পাওয়া যায় না। ইন্দুরকুল ধ্বংসে ইহার জুড়ি আর নাই। জনসাধারণ এই পাখীর গান শুনিতে খুব

## দৌচুল্যমান কাফে

রাইননদের উপর দিয়া যাহারা টীয়াবে ভ্রমণ করেন, তাঁহারা যখন ভীষ্মীর উর্দ্ধে আলোকমালা দেখিতে পান, তখনই




দোতল্যমান আলোকিত কাফে

ব্যক্তি পাবেন, কলোন আর বেশী দূরে নাই। এই কাফে বা বেস্টোরা দেখিতে অনেকটা বিদ্যাপাথার কাষ। উহার উপরি-ভাগে আলোকদীপ্ত। এই বেস্টোরা বা পাথশালার উপরের অংশ নদীগর্ভের অনেক দূর পর্য্যন্ত প্রসৃত। দেখিলেই মনে হইবে, বেস্টোরাটি যেন শূন্যে ছলিতেছে।

### তিন চাকার দ্রুতগামী মোটর-গাড়ী

ক্যালিফোর্নিয়ায় তিন চাকার মোটর গাড়ী দেখা দিয়াছে। ইংলণ্ডেও এইরূপ তিন চাকার গাড়ী আছে। শুধু অধিক দিতে




• তিন চাকার দ্রুতগামী মোটর-গাড়ী

হইবে না বলিয়াই তিন চাকার মোটর গাড়ীর প্রচলন। চারি চাকার মোটর-গাড়ীর ট্যাক্স বেশী দিতে হয়। এই গাড়ীর ওজন ৯ শত ৫০ পাউণ্ড। এক গ্যালন তৈলে এই গাড়ী ৬০ মাইল ধাবিত হইয়া থাকে। উহা ঘণ্টায় ৭০ মাইল পর্য্যন্ত দৌড়িতে পারে।

### মরুভূমে চারি চাকার পালযুক্ত গাড়ী

ক্যালিফোর্নিয়ায় একটি শুষ্ক ভূদ আছে। এই ভূদে জলের চিহ্ন-মাত্র নাই, আছে শুধু বিস্তীর্ণ বালুকারাশি। একখানি ৪ চাকার




মরুভূমে চারি চাকার পালযুক্ত গাড়ী

পালবিশিষ্ট যান নিশ্চিত হইয়াছে। পাল খাটান হইলে, বাতাসের বেগে এই যান ঘণ্টায় ৪০ মাইল বেগে মরুভূমের উপর দিয়া চলিতে থাকে। সূর্য্যোদয়ের সঙ্গে সঙ্গে বালুকারাশি উত্তপ্ত হইতে থাকে। তখন উত্তাপতরঙ্গ বালুকারাশির উপর দিয়া বহিতে থাকে। এই ভাবে বায়ু-চালিত হইয়া যানখানি মরুভূমের উপর দিয়া যখন চলিতে থাকে, তখন মনে হইবে, খাঁটি ভূমের উপর দিয়া পালের সাহায্যে যেন জলযান চলিতেছে।

### বক্তৃতাকারী যান্ত্রিকমুক্তি

টেক্সাসে শ্রমিক প্রশিক্ষণার্থে যুক্তরাষ্ট্রের শ্রমিক বিভাগ একটি অপূর্ণ মূর্তি সংগ্রহ করিয়া দেখাইতেছেন। ষ্ট্রসবার্গের কারখানায়




বক্তৃতাকারী যান্ত্রিকমুক্তি

এই মূর্তিটি নিখিত হইয়াছে। এমন কলকল্লা ইত্যাদি সন্নিবিষ্ট করা হইয়াছে যে, এই যান্ত্রিকমুক্তি ৪ মিনিট পরিমাণে শ্রমিক ও যন্ত্র সম্বন্ধে বক্তৃতা দিয়া শ্রোতৃবৃন্দকে আনন্দ প্রদান করে।

### সাধারণ বিমান রণবিমানে পরিণত

জাপানী সাধারণ ডিসেল মোটর-চালিত যান্ত্রিক বিমানকে রণবিমানে পরিণত করিবার ব্যবস্থা হইয়াছে। এই বিমানে যে তৈল বা বস্তু তর, তাহার মূল্য অল্প। এই বস্তু বিমানে যাত্রী-দিগের জন্ম নীচের



সাধারণ বিমান রণবিমানে পরিণত

পাখার কাছে কামরা আছে। দুই জোড়া চাকার সাহায্যে এই বিমান মাটিতে অবতীর্ণ হয়।

### বিচিত্র বায়ুযন্ত্র


এই বিচিত্র বায়ুযন্ত্রটিতে বীণার মত তার আছে। পদ দ্বারা পাদানীতে চাপ দিয়া অঙ্গুলির সাহায্যে এই যন্ত্র বাজাইতে হয়।



বিচিত্র বায়ুযন্ত্র

এই নৃতন বায়ুযন্ত্র যেন সেলাইয়ের কলের জায় চালাইতে হয়। যন্ত্রটির নাম রাখা হইয়াছে "রোলিন"। এই যন্ত্র-সাহায্যে স্মিট বরলহরী উপিত হয়।





## একবিংশ পন্নিচ্ছেদ

চক্র

ঝাঁজিয়া বকিয়া নাচিয়া মাতিয়া রোজা একশা করিয়া দিল; তার পর কোঁচে বসিয়া পড়িল। বসিয়া ফুল্লরার পানে চাহিয়া ফুঁশিতে লাগিল—হুই চোখে যেন মশাল জ্বলিতেছে!

ফুল্লরা তার পানে চাহিয়াছিল। প্রশান্ত দৃষ্টি। চিন্তার পর চিন্তা ছ-ছ বেগে তার মনের উপর দিয়া যেন উড়িয়া চলিয়াছে...

এমনিভাবে প্রায় পাঁচ মিনিট কাটিল। রোজা হুঁহাতে মুখ ঢাকিল। একটা নিশ্বাস ফেলিয়া ফুল্লরা ডাকিল, --রোজা...

রোজা ফুঁপাইতেছিল,—ফুল্লরার আঁহ্রানে মুখ ভুলিল, বলিল—কি!...বকবে?

ফুল্লরা কহিল—বকবো না। বকিনি। ও-সব চিঠি যদি আমায় তুমি দেখাতে, তাহলে লজ্জা পেতে।...আমি দেখেছি বলেই তুমি লজ্জা বোধ করচো! তাহলে বুঝচো, এ চিঠি তোমার পাবার মতো নয়!...

রোজা বলিল—আমার বয়স হয়েছে। কি চিঠির কি মানে হয়, তা আমি বুঝি।

—বোঝো যদি, তাহলে ও চিঠি জমিয়ে রেখো না। পুড়িয়ে ফ্যালো। ও-সব চিঠি রাখবার নয়। পুড়িয়ে চিঠির কথা ভুলে যাও।

রোজা কোনো জবাব দিল না...তার হুই চোঁট কাঁপিতেছিল।

ফুল্লরা রোজার পাশে বসিল, তাকে এক-রকম বাহুর সেরে দিবিয়া কহিল—ও চিঠি তোমাকে যারা লেখে, তারা

তোমার অপমান করে—এটুকু এখন ঝোঁকের মাথায় বুঝতে পারচো না...কিন্তু পরে বুঝবে। আমি তোমায় বকিনি।...তুমি এখনো ছেলেমানুষ—পৃথিবীর খপর কত টুকু জানো?...

ফুল্লরা চুপ করিল; একটা নিশ্বাস ফেলিল।

রোজা এবারও কোনো জবাব দিল না।

ফুল্লরা বলিল—একটা কথা না বললে নয় রোজা, তাই বাধ্য হয়ে বলতে হচ্ছে।...

আবার খানিক চুপ-চাপ...তার পর বলিল—তোমার মায়ের জন্ম মন কেমন করে না? তোমার বাবার কথা মনে হয় না?

মা...বাবা...তাহাদের কথা কেন আসে? রোজা কুতূহলী দৃষ্টিতে ফুল্লরার পানে চাহিল। ফুল্লরা বলিল—তোমার বাবাকে তুমি ভালোবাসো নিশ্চয়। তিনিও তোমায় ভালোবাসেন। এখানে টাকা পাঠাচ্ছেন তোমার জন্ম। ভালো যদি না বাসবেন, তাহলে টাকা কেন পাঠাবেন? তোমার কোন খপর নশ নিলেই পারতেন!...

এ কথার অর্থ রোজা বুঝিল না।

ফুল্লরা বলিল—তোমার মা তোমায় ছেড়ে চলে গেছেন...কেন? কার সঙ্গে?...তোমার কি সে সব ভালো লাগে? আজ তোমার মা যদি কাছে থাকতেন...?

মায়ের কথা রোজার মনে পড়িল। প্রায় ভুলিতে বসিয়াছে। সত্য, মা যদি চলিয়া না যাইত! মা চলিয়া গেছে বলিয়াই চারিদিককার সব বাঁধন শিথিল হইয়া কাটিয়া গিয়াছে। কিন্তু এ সব কথা পিশিমা কেন তোলে?

ফুল্লরা বলিল—তোমার বাবা তোমাকে সেখানে নিজের কাছে না রেখে এখানে রেখে গেলেন কেন? তিনি একা... তোমায় দেখতে পারবেন না বলেই তো? ছেলেমানুষ...



তোমাদের দেখা দরকার, তাই।...এখানে তোমার কোনো ব্যাপারে নিষেধ বা শাসন নেই।...কিন্তু যাক, বেশী কথা বলবার দরকার নেই...শুধু এইটুকু জেনে রাখো, যারা তোমায় এ রকম চিঠি লেখে, তাদের সঙ্গে মেশা উচিত নয়। তুমি ভদ্র-ঘরের মেয়ে...তোমার নিজের মান-ইজ্জৎ আছে। বন্ধু-পরিচয়ে তোমার সে মান-ইজ্জতে এরা আঘাত দেবে—সেটা গৌরবের কথা নয়।

এবারে রোজা কথা কহিল, বলিল,—মান-ইজ্জতে আঘাত?

ফুল্লরা বলিল,—তাই।

রোজা কহিল—আমরা পরস্পরে বন্ধু!

ফুল্লরা বলিল—এ বন্ধু হলে কোথায়? কি করে? তারা তোমার সঙ্গে এক ক্লাশে পড়ে না।

রোজা বলিল—আমার ক্লাশে যে-সব মেয়ে পড়ে, এদের মধ্যে কেউ তাদের ভাই, কেউ বা ভাইয়ের বন্ধু। একসঙ্গে গান-গল্প হয়। আমাদের ভালো লাগে...

ফুল্লরা অবিচল দৃষ্টিতে রোজার পানে চাহিয়া রহিল; কোনো জবাব দিল না।

রোজা বলিল,—মানুষ একলা ঘরের কোণে বসে থাকতে পারে না। সে সঙ্গী চায়, বন্ধু চায়।

বাধা দিয়া ফুল্লরা বলিল—একটা কথা...

রোজা কহিল,—কি?

ফুল্লরা বলিল—এ সব বন্ধু তোমাদের স্কুলের কম্পাউণ্ডে গিয়ে তোমাদের সঙ্গে আলাপ-পরিচয় করতে পারে?

রোজা বলিল—স্কুলে ক্লাশ চলেছে—সেখানে আলাপ করবার অবসর কোথায়?

ফুল্লরা কহিল—তোমাদের স্কুল থেকে মেয়েরা যে সে দিন সপ্তমীরে করে শিবপুরে গিয়েছিলে পিকনিক করতে—এ সব বন্ধুকে নিয়ে যেতে পেরেছিলে? না, স্কুল-অপরিচয় এদের সঙ্গে নিয়ে যেতে দিত?

রোজা জবাব দিল না।

ফুল্লরা বলিল—দিত না। কেন না, তোমাদের বয়সে অনায়াস ছেলেমেয়েদের একা-একা ছেড়ে দেওয়া হয়তো উচিত নয়।...কিন্তু সে কথা যাক,—তোমায় যে ভাবে ওরা চিঠি লিখেছে, সে-রকম চিঠি বন্ধুকে কেউ লেখে না। বিশেষ, ভদ্র-ঘরের মেয়েদের।

—তুমি পড়েচো সে-চিঠি?

—না। চিঠি পড়িনি। এক-আধ ছত্র মাত্র চোখে পড়েছে। ওদের ফটোগ্রাফ ওরা তোমায় কেন পাঠায়, বলতে পারো, রোজা?

—তাতে কি ক্ষতি হয়েছে? বন্ধুর ফটো বন্ধুকে পাঠিয়েচে।

ফুল্লরা কহিল—আমি তোমায় প্রশ্ন করেছি...বলো, কেন পাঠায়? আগে তার জবাব দাও। ক্ষতি আছে কি না, সে কথা পরে হবে।...আমি তোমার শত্রু নই...তোমার ভালোই চাই!...এদের সঙ্গে তুমি যদি হলা করে বেড়াও, তাতে আমার কোনো ক্ষতি বা অনিষ্ট হয় না—তাও বোঝো! এখন আমার কথার জবাব দাও...এরা ফটো পাঠায় কেন?

কথা বাধিয়া গেল...মাথায় যেন রক্ত-স্রোত উছলিয়া উঠিল! ফুল্লরার পানে সে চাহিতে পারিল না—মুখ কিরাইল।

ফুল্লরা কহিল,—বলো,—কেন?

রোজা বলিল—তুমি জিজ্ঞাসা করচো...কিন্তু না, নিশ্চয় তুমি আমার চিঠি পড়েচো।...পড়েনি? বলো সত্য করে...রুগ গভীর স্বরে ফুল্লরা কহিল—আমি মিথ্যা কথা বলি না, রোজা।...

রোজা সে স্বরে ভড়কাইয়া চুপ করিয়া রহিল।

ফুল্লরা কহিল—তুমি যখন বলতে পারচো না, তখন আমার উচিত, ও-চিঠি পড়া।...পড়বো?

—না, না...

রোজার স্বর উচ্ছ্বসিত। সে কহিল—না। ও-সব আমার প্রাইভেট চিঠি। প্রাইভেট চিঠি আমি তোমার দেখাবো কি করে?...না...

রোজা উঠিল, উঠিয়া একেবারে গিয়া দাঁড়াইল খোলা খড়খড়ির ধারে...রোজাকে বুকের কাছে টানিয়া শাস্ত স্বরে ফুল্লরা কহিল,—শোনো রোজা, এ চিঠি তুমি নিজে আমাকে দাও, আমি পড়ি।...চিঠি পড়ে বুঝতে পারবো, বাইরের অজানা পুরুষমানুষের সঙ্গে এ-রকম চিঠিপত্র চলা উচিত কি না। যদি বুঝি, তাহলে তোমায় আমি বুঝিয়ে দিতে পারবো, এ চিঠি লেখা অজায়ব কেন। একটা কথা ভেবে ছাখো, শুধু...এ-সব বন্ধুর সঙ্গে নিত্য তোমার দেখা হচ্ছে...

কথাবার্তাও চলছে...তবু এমন কি কথা থাকতে পারে, যে-কথা সে দেখায় হতে পারে না? যে কথার জন্য এত আয়োজন করে চিঠি লিখতে হবে? যে চিঠি তুমি তোমার আপনার লোক-জনের সামনে বার করতে পারো না?...

রোজা শুনিল...সব কথা কোনো জবাব দিল না; শুধু অবিচল স্থির দৃষ্টিতে চাহিয়া রহিল।

ফুল্লরা বলিল—এ চিঠি যদি আমার দেখাতে না পারো, তাহলে আমার চোখের সামনে এ-সব চিঠি পুড়িয়ে ফ্যালো। এখনি।

রোজা আবার কুশিয়া উঠিল এবং ফুল্লরার বাহু-পাশ হইতে নিজেকে মুক্ত করিয়া সঙ্কপে বলিল—না, ও চিঠি আমি দেখাবো না।

—তাহলে পুড়িয়ে ফ্যালো।

রোজার চোখে আবার সেই অগ্নিময় দৃষ্টি! ঘরের চারিদিকে সে তাকাইল, কহিল—এখানে কোথায় চিঠি পুড়োবো?

ফুল্লরা বলিল—চলো বারান্দায়। আমি দিয়াশলাই আনিয়ে দিচ্ছি!...রোজা...

রোজা নিশ্বাস ফেলিল; তার পর চিঠির রাশি জড়ো করিয়া ফুল্লরার পানে চাহিল।

ফুল্লরা বলিল—ফটোগ্রাফগুলোও ঐ সঙ্গে। কোথাকার কে কল্প, হার্ড, সনাতন হাজরা, কার্ল স্কাইনটন—এরা তোমার বন্ধু হতে পারে না...তোমায় এভাবে চিঠি লিখে ছবি পাঠিয়ে অপমান করতে পারে না!

রোজা যেন কি-মনে বশীভূত হইয়াছে! নিঃশব্দে সে ফটোগুলো হাতে লইল।

ফুল্লরা বলিল—এসো।

রোজা আসিল ফুল্লরার ইঙ্গিতে। বারান্দায় আঙুন জ্বলিল এবং সে আগুনে রোজা চিঠির রাশি ছিঁড়িয়া কুচি কুচি করিয়া আহুতি দিল। সেই সঙ্গে দুখানা ফটোগ্রাফও একখানা সেই এন কলের—শীঘ্র দিতে দিতে যে ছোকরা এ বাড়ীর ফটকে আসিয়া কার্ড পাঠাইতে দ্বিধা করে নাই।

নিমেষে সব পুড়িয়া ছাই হইয়া গেল...উজ্জল অগ্নিশিখা চকিতে কালো ভস্মরাশিতে মিলাইয়া অদৃশ্য হইল। রোজা কাঁপিয়া উঠিল। এ সে কি করিয়াছে? নিমেষের খেয়ালে

তার জীবনের আনন্দ-দীপ এমন ভাবে নিবাইয়া দিল! কাণের কাছে সেই অজস্র স্তুতি...ভালোবাসা...ভালোবাসা...বাহুর উদগ্র আবেগ...

রোজার মনে হইল, নিমেষের দুর্বলতায় নিজেকে সে এমন করিয়া নিজের সব পাওয়া-সম্মত বিসর্জন দিয়া বসিল!

ফোভে অপমানে কাঁদিয়া সেইখানে সে লুটাইয়া পড়িল।

ফুল্লরা ডাকিল,—রোজা...

রোজাকে বুকে টানিয়া লইবার জন্য ফুল্লরা হুঁহাত বাড়াইল। সবলে ফুল্লরার হাত সরাইয়া দিয়া রোজা বলিল—না, না...কোনো কথা শুনবো না আমি...তোমাদের বাড়ীতে আছি...তোমার হুকুম তো আমি তামিল করেছি! আবার কেন? আরো কি চাও? দাও, আমার হাত ছেড়ে দাও...

কথাটা বলিয়া চকিতে উঠিয়া বারান্দা ছাড়িয়া ঘর ছাড়িয়া ছুটিয়া সে সেদিক হইতে প্রস্থান করিল।

## দ্বাবিংশ পরিচ্ছেদ

নিঃসঙ্গ

গৃহে রহিল না। পায়ে ঠাট্টিয়া রোজা বাড়ী ছাড়িয়া বাহির হইয়া গেল। নিরুপায় দৃষ্টিতে একতলার বারান্দায় থাকিয়া ফুল্লরা সে দৃশ্য দেখিল।

না, এ যেন দু'পেনি দামের লক্ষ্মীছাঁড়া উপত্যাসের বটনা গৃহমধ্যে ঘটয়া চলিয়াছে!

বারান্দার রেলিঙে হাতের ভর রাখিয়া ফুল্লরা দাঁড়াইয়া ভাবিতে লাগিল, এ কি, এ কি কাণ্ড! মেয়েরা স্বাধীন-ভাবে বিচরণ করিবে, তার স্বাধীন সত্তা থাকিবে—সে দাসী নয়, বাদী নয়,—এ-কথা কে না স্বীকার করে? তা বলিয়া এমন বেচাল, বিক্রী আচরণ! নিজের মান-ইজ্জতের পানে লক্ষ্য নাই! যার-তার সঙ্গে হল্লা করিয়া বেড়ানো!

রোজা যদি নিজের মেয়ে হইত? কথাটা মনে উদয় হইবামাত্র ফুল্লরা শিহরিয়া উঠিল। রোজা পর নয়, মায়ের পেটের ভাই নিশানাথ...তার মেয়ে রোজা! নিজের মেয়ে আর দাদার মেয়ে—হুজনে তফাত কতটুকু!

এ কথা স্বামীকে খুলিয়া বলা প্রয়োজন। তাঁর সঙ্গে পরামর্শ...

“নিরুপায় বিপদে স্বামীর কথা মনে পড়িল। স্বামী ছাড়া এ সম্বন্ধে কাহারও সঙ্গে পরামর্শ চলে না।

সন্ধ্যার পর সুনীল চাটাজী ফিরিলেন, কিন্তু তাঁকে পাওয়া গেল না। তাঁর পিছনে আসিল দু’তিন জন এটর্নি ও মক্কেল। তাঁদের পরামর্শ চুকিল, রাত্রি তখন দশটা।

বসিয়া বসিয়া ফুল্লরা শ্রান্ত হইয়া পড়িল। দশটার পর সুনীল চাটাজী আসিয়া বলিলেন—চুপ করে বসে আছো যে!

ভোজন-কামরা। ফুল্লরা বলিল,—এমনি...

সুনীল চাটাজী বলিলেন—আজ বড্ড ষাটুনি গেছে... কাল যাবে... পরশুও! মানে, তিন দিন এখন...

ভোজনে তিনি মনোনিবেশ করিলেন। ফুল্লরা চুপ করিয়া বসিয়া রহিল। নিঃশব্দতার বেদনা কাঁটার মতো বুকে বিঁধিতে লাগিল।

নিঃশব্দ সে চিরদিন। তবু আজ সারাক্ষণ স্বামীর সঙ্গ-কামনায় মন কি ভয়ঙ্কর আকুল অবীর হইয়া আছে।

সে দিকে স্বামীর লক্ষ্য নাই! দেখিলেন, ফুল্লরা রান মুখে বসিয়া আছে। তবু...

আরনার সে নিজের মুখ দেখিয়াছে—এমন পাণ্ডু মলিন ছায়া পড়িয়াছে তার মুখে, সারা অবয়বে... স্বামীর সেদিকে লক্ষ্য পড়িল না! নারী ও পুরুষের সাম্য! পুরুষও একথা বলে। মুখের কথা! বলে, শরীর মন প্রাণ, স্বাধীন সত্তা! সব শুধু মুখের কথা! এই যে ফুল্লরা চুপ করিয়া বসিয়া আছে রান মলিন মুখে, জগতের বিপুল নিঃশব্দতার আবরণে নিজেকে ঢাকিয়া মুড়িয়া... স্বামী তো দ্বিতীয় প্রশ্ন তুলিলেন না... কেন? তোমার কি হইয়াছে?

বুকখানা প্রচণ্ড ব্যথায় তুলিয়া উঠিল।

সুনীল চাটাজী বলিলেন,—খুব একটা complicated মর্কর্ম... আত্মনের ভয়ঙ্কর technicality... রীতিমত পরিশ্রম করতে হচ্ছে।

ফুল্লরা যেন কাঠের পুতুল... কথাগুলো তার মনের কোণে প্রবেশ করিল না।

সুনীল চাটাজী তার পানে চাহিলেন, বলিলেন—কি ভাবচো?

ফুল্লরা একটা নিশ্বাস ফেলিল, বলিল—একটা কথা ছিল...

সুনীল চাটাজী বলিলেন—কি কথা, ফুল্ল?

ফুল্লরা বলিল—রোজার সম্বন্ধে...

সুনীল চাটাজী বলিলেন,—ঠা, ভালো কথা, আজ কোটে তোমার দাদার টেলিগ্রাম পেয়েছি... তিনি দু’তিন দিনের মধ্যে এখানে আসবেন। দেবো তোমায় সে টেলিগ্রাম?... আর কোন কথা নেই... শুধু আসবেন—এই খপরটুকু মাত্র।... তা, রোজা কি করেছে?

কথার স্বরে তেমন আবেগ নাই। ফুল্লরা বুকিল, মকদ্দমার খুঁটিনাটি কথায় স্বামীর মন এখন ভরিসা আছে।

ফুল্লরা বলিল—থাক, অল্প সময় বসবো’খন।

—তাই বলা। মনে আজ আর কোন কথা ঢকচে না যেন...

স্বামী আহার করিতে লাগিলেন। ফুল্লরা বসিয়া রহিল।

ভোজন-শেষে স্বামী উঠিলেন, বলিলেন,—তুমি সঙ্গে পড়ো গে... আমার আজ নিয়মের ব্যতিক্রম, এখানে দু’চার খানা বই ষাঁটতে হবে।

স্বামী চলিয়া গেলেন। ফুল্লরা কিছুক্ষণ গুম হইয়া বসিয়া রহিল, তার পর দীর্ঘ দীর্ঘ দোতলায় আসিল।

ঘরের সামনে প্রশস্ত বারান্দা। জ্যোৎস্নার আলোক ভরিয়া গিয়াছে।

ফুল্লরা চুপ করিয়া বারান্দার কোঁচে বসিয়া রহিল। সমস্ত পৃথিবী রূপ-রস-গন্ধের স্পর্শহারা হইয়া যেন পাথরের কঠিন গোলার মতো তই চোখের সামনে ঘুরিতেছে ঘুরিতেছে! সে পৃথিবীর কোথাও যেন এতটুকু প্রাণ নাই... কিছু নাই!...

সুনীল চাটাজীর আলানে ফুল্লরা বড়মুড়িয়া উঠিয়া বসিল।

সুনীল চাটাজী কহিলেন—এখানে বসে ঘুমোচ্ছ?

ফুল্লরা কহিল—বড্ড ক্লান্তি বোধ করছিলুম!

সুনীল চাটাজী কহিলেন—গিয়ে বিছানায় শুয়ে পড়ো... ঘুমোলে আরাম পাবে।...

ফুল্লরা বলিল—একটু পরে শুতে যাবো। এখানে বসে ভালো লাগচে। বাতাস আছে... জ্যোৎস্না...

হাসিয়া সুলীল চাটার্জী বলিলেন,—সত্যি, you look so tempting...

সুলীল চাটার্জী মুখ আনত করিলেন। ফুল্লরা চমকিয়া উঠিয়া দাঁড়াইল।

সুলীল চাটার্জী কহিলেন—Hearts divided.

কথাটা ফুল্লরার মনের কোণায় যে বিপিল...নিখাস ফেলিয়া সে বলিল—No hearts...we are more heads.. without hearts.

কথাটা বলিয়া ফুল্লরা চলিয়া গেল নিজের ঘরে।

.. সুলীল চাটার্জী চুপ করিয়া ক্ষণেক দাঁড়াইয়া রহিলেন। মনে হইতেছিল, স্বামি-স্ত্রী...পাশাপাশি বাস করিয়াও দুজনে রহিয়া গেলেন যেন ক্ষণেকের বন্ধু! জীবনে কি চাহিয়াছিলেন? কি পাইলেন?

টাকা-রোজগারের যত্ন-মাত্র! টাকা আসিতেছে হুড়ুহুড়ু করিয়া...সে টাকার বিপুল ভারে মন চাপা পড়িয়া গিয়াছে! এই কি জীবন?

## ত্রয়োবিংশ পরিচ্ছেদ

নব সমস্তা

সকালে নতন উপদ্রব। ছবি আসিয়া হাজির। ফুল্লরার মনের অবসাদ এখনো কাটে নাই।

রোজার ঘরের দ্বার ভিতর হইতে বন্ধ। রোজা এখনো বিছানায় পড়িয়া ঘুমাইতেছে।

সত্য, সেই যে বাহির হইয়া গেল, কখন বাড়ী ফিরিল? সংবাদ লইবার উদ্যোগ-আয়োজন করিতেছে, এমন সময় ছবি আসিয়া উপস্থিত। তার সঙ্গে একগাদা লগেজ।

ছবি বলিল—হুঁদিন আশ্রয় দিতে হবে, ভাই। আমি শুধু শ্রান্ত নই...আর্জ, আতুর!

সপ্রশ্ন দৃষ্টিতে ফুল্লরা তার পানে চাহিয়া রহিল। মুখ দিয়া কোনো কথা বাহির হইল না।

ছবি বলিল,—একটু নিখাস নিতে দে...যে-ঝড়ের মধ্য থেকে আসছি...

ব্যাপার কি? পৃথিবীর বুকখানা ফাঁশিয়া গিয়াছে? সে রক্ত-পথে রাজ্যের অঘটন মাথা তুলিয়া দাঁড়াইতে চায়?

শান্ত হইয়া ছবি তার কাহিনী বলিল।

ক'মাস পূর্বের কথা। ছবির একটি ছেলে হইয়াছিল। সে ছেলে ক'দিন মাত্র বাঁচিয়াছিল। কিন্তু সেই ক'দিনেই ছবির মনে যে-রেখা টানিয়া গিয়াছে!...

এক মাস পূর্বে লাহোরের এক ফিল্ম-কোম্পানি আসিয়া ছবিকে বলে, তাদের ছবিতে নাট্যিকার ভূমিকার নামিতে হইবে। পাঁচ হাজার টাকা দিবে। ছবিতে ও-অঞ্চলে ছবি খুব খ্যাতি লাভ করিয়াছে।

ছেলেটি মারা যাইবার পর ছবির মন ভাঙ্গিয়া যায়; পড়িয়াছিল নিজের ঘরে...বাহিরের সঙ্গে সব সম্পর্ক কাটিয়া দিয়া। লাহোরের আফ্রানে সে ভাবিল, শোকের মোহ ঘুচাইয়া আবার উঠিয়া দাঁড়াইবে! আনওয়ার আপত্তি তুলিল, বলিল—ছেলে হইবার পর আনওয়ার ঠিক করিয়াছে, ছবি তার স্ত্রী হইয়া ঘরে থাকিবে—লোকের ভিড়ে আর অভিনয় করিতে নামিবে না! স্ত্রীকে আনওয়ার অভিনয় করিতে দিবে না। বিশেষ তার সঙ্গে যে-কোম্পানির যোগ নাই, তাদের সঙ্গে মিশিয়া।

ইহা লইয়া রীতিমত তর্ক চলে। আনওয়ার বলিল,—আমার মান-মর্যাদার কথা ছেড়ে দি...মনে আঘাত লাগবে।

ছবি জবাব দিল—তোমার নিজের কাজ নিয়ে তুমি থাকতে পারো—আর আমি স্ত্রীলোক বলে আমার এ-শক্তি নিয়ে আমি পড়ে থাকবো পুতুলের মতো ঘরের কোণে?

আনওয়ার বলিল,—আমি থাকবো বোম্বাইয়ে, তুমি থাকবে লাহোরে...সংসার?

ছবি বলিল—থাকবে। যখন ফিরে আসবো, তখন সে সংসারে আবার দুজনে পাশাপাশি মিলবো।

আনওয়ার বলিল—না, তোমার যাওয়া হবে না।

ছবি বলিল—গেলে কি অপরাধ হবে?...আমার কোনো স্বাধীনতা থাকবে না...তোমার স্ত্রী হয়েছি বলে...? আমি স্ত্রীলোক...কিন্তু আমার যে-শক্তি আছে, তার জোরে খ্যাতি পেয়েছি। পুরুষ হলে যেতে কোনো বাধা থাকতো না! মেয়ে-মানুষ বলেই হাত-পা মাথা আমি খাটাতে পাবো না?

আনওয়ার বলিল—পুরুষ-মানুষ চির যুগ ধরে 'কাজ করে আসছে। দুজনের আশা-আকাঙ্ক্ষা, জীবন-ধারা ভিন্ন রকমের।



ছবি বলিল—পুরুষ বলে জীবনকে নানা দিক দিয়ে তোমরা সার্থক করবে! আর আমি মেয়ে-মানুষ, তাই...

অর্থাৎ ছবি নারী, তাই তার নিজের শক্তি, সাধ, আশা, আকাঙ্ক্ষা থাকিলেও সে শক্তি, সাধ-আশা তাকে বিসর্জন দিতে হইবে! নিজের সব সাধ-আশাকে স্বামীর সাধ-আশা-আকাঙ্ক্ষার নীচে চাপিয়া রাখিয়া শুধু স্বামীর আরাম আর মান-সম্মত রক্ষা করিয়া চলিবে!

ছবি বলিল—আমার ভবিষ্যতের দ্বারে তোলা বন্ধ করে আমার থাকতে হবে! আমি মেয়ে-মানুষ, তাই সে দ্বার খুলে চলায় আমার নিষেধ। মেয়ে-মানুষের সামনে ফটক বন্ধ! পুরুষের সামনে শত ফটক খোলা! পঞ্চাশ বৎসর বয়সেও পুরুষ যে কোনো ফটকে ঢুকতে পারে বিংশ বৎসর বয়সের আশা আকাঙ্ক্ষা মনে নিয়ে। মেয়েমানুষ তা পারে না! সে যেন পোষা কুকুর...তার গলায় থাকবে শিকল...তার গতি হবে মনিবের ইচ্ছাধীন!...

এমনি তর্ক বিবর্ত হইয়া লাহোরের লোককে সে বিদায় দিয়াছে। স্বামী আনওয়ার বলে,—এখন বয়স হইতেছে—এখন অভিনয় করিয়া টো-টো করিয়া ঘুরিলে চলিবে না! সংসারের দিকে মন দিতে হইবে। সংসার গড়িয়া তুলিতে হইবে। তার উপর মেয়েমানুষের একা পথ চলায় নানা বিপদ! অর্থাৎ...

কথাটা বলিয়া ছবি হাসিল।

এসব কথা তার ভালো লাগে না। তাই স্বামী পুনঃ চলিয়া যাইবামাত্র সে এখানে আসিয়াছে। দুদিন এখানে থাকিয়া শ্রান্ত অবসন্ন দেহ মনকে সঞ্জীবিত করিয়া তুলিবে; তার পর ভাবিয়া-চিন্তিয়া...

ছবি বলিল, মানুষ ধরণে ঘরের কোণে বসিয়া থাকা... আর যে থাকিতে পারে, থাকুক! সে পারিবে না।

একপার উপর বলিবার কিছু নাই...ছবি আশ্রয় চাহিতেছে। বলিবার কথা থাকিলেও এখন কোনো কথা বলা চলে না। ফুলরা কোনো কথা বলিল না।

ছবি রহিয়া গেল।

থাকিয়া থাকিয়া ফুলরার মনে দারুণ অবসাদ জাগে। এত লেখাপড়া শিখিয়াও জীবনটা কি হইয়া গেল! একেবারে এলোমেলো! চিরদিনের মতো সংসারকে আশ্রয় করিয়া

যারা পড়িয়া থাকে, তাদের পানে করুণার দৃষ্টিতে চাহিত। জীবনের অর্থ বোঝে না, উদ্দেশ্য বোঝে না,—কোনোমতে দাড়া করিয়া মুখ শুষ্কিয়া পড়িয়া আছে। এত জানিয়াও সে নিজে কি পাইয়াছে?

ফুলের কাজ, সভা-সমিতির কাজ, দেশের কাজ—কোনটায় না হাত দিয়াছে! যেন যন্ত্রের মতো!...একটা উত্তেজনা...একটা হুজুগ...একটা মাতন! দেশ যেখানকার সেইখানে আছে; সভা-সমিতিতে সেই একই ধারায় বক্তৃতা আর চাঁদা চলিয়াছে! তাহাতে কার লাভ? নারী-রক্ষা-সমিতি! এ-সমিতিই বা কি করিয়াছে? কোনো বুদ্ধিহীন নারীকে নিজের দেহ-মনের ইজ্জৎটুকু পর্যন্ত শিখাইতে পারিল না! ফুল? মন যেখানে ছোট রহিয়া গেল, কতকগুলো বইয়ের পড়া সেখানে জোর করিয়া মিলাইয়া দিলে কি লাভ হইবে? ছবি! লেখাপড়া যতখানি করিয়াছে, তার ফলে নিজের জীবনকে লইয়া যেন এই তো ফুটবল খেলিয়া বেড়াইতেছে! উভা! কোনোদিন ইন্সিট্রেন্সের কাজ করিতে চলিয়াছে, কোনোদিন বা বচ্চার স্রোতে গা ভাসাইয়া চলিয়াছে। আর রোজা?

ফুলরা শিখিয়া উঠিল! নিজেকে কোন্ পথে মত্ৰ আবেগে ছুটাইয়া দিয়াছে?

রোজা বলিল, আরাম পায়! কিসের আরাম? সিনেম!...মোটরে বেড়ানো! সে আমোদ তো তার নিজের আয়ত্তে আছে! তবু...

একদল পুরুষ কাণের সামনে স্তুতি-গান করে—তাহাতে ভুলিয়া এমন করিয়া...

নিজের মনের অলি-গলির সে সন্ধান লইল। জীবনকে গুছাইয়া চালাইতে পারিয়াছে, এ-কথা বলা চলে না! তবু এমন উত্তেজনার ঝোঁকে উহাদের মতো...

গোড়া হইতে ভুল করিয়া বসিয়াছে? হয়তো তাই সংসারে পা দিতে আসিয়া শিক্ষার গর্বে স্বামীকে বলিয়াছিল, equal partnership!

কিন্তু ঘর-সংসার কি সত্যই দোকানের পার্টনারশিপ? স্নেহ, মায়ী, মমতা...

সেগুলো নিখল হইবে বলিয়া মানুষের মনে স্থান পায় নাই, সত্য!

স্বামীই বা তাকে কবে কাছে ডাকিয়াছেন? প্রেমের কথা প্রবেশ-ভরে কবে বলিয়াছেন? বিবাহ হইয়া অবধি দেখিতেছে, স্বামী তাঁর ত্রীফ আর মক্কেল লইয়া মত্ত আছেন সারাক্ষণ! এ সংসারের প্রবেশ-পথ-মুখে বলিয়াছিল—  
equal partnership! জীবনকে না জানিয়া জীবনের সব হিসাব-নিকাশ সে সারিতে বসিয়াছিল...তা কখনো হয়?

নন্দা কাটিয়া জীবনের পথ এখানে একেবারে নির্দেশ করা আছে...একটু সরিয়া চলিয়াছ, কোথায় কতদূরে গিয়া পড়িবে, তার আর ঠিক-ঠিকানা নাই!

পাশ করিয়া অর্ধোপার্জনে মন দিয়া নিজেই যদি সকলের সহিত সম্পর্কবিহীন রাখিত, হয়তো আজ এতখানি অস্বস্তি সহিতে হইত না! বিবাহ করিয়া সংসারকে উপেক্ষা করা চলে না!...

বনলতা! তাদের স্থলে টাঁচারী কবিত। ধ্যান-জ্ঞানে জানিয়াছিল—স্বামী, সংসার। হাদি-মুখে কতখানি ভূক্তি বুকে লইয়া সে-সংসারে সে প্রবেশ করিয়াছে।

জীবনকে সার্থক ভূক্তি কঠিতে আদর, সোহাগ, ভালোবাসা, প্রেমের মধুবানী—এগুলোর প্রয়োজন আছে বৈ কি... নহিলে যুগ-যুগ ধরিয়া এগুলিকে মানুষ এমন আদরে শিরোধার্য করিবে কেন?...

ত'দিন পরে নিশানাথ আসিল। তখন সন্ধ্যা হইয়া গিয়াছে।

সুশীল চাটাজী বলিলেন—ভগ্নীর সঙ্গে আলাপ করুন। আমি আজ সকাল-সকাল অতিথি বিদায় করে' আপনাদের সঙ্গে যোগ দেবো'খন।

ফুল্লরা কহিল—ত'চার দিন থাকবে তো এবারে?

নিশানাথ বলিল—চেষ্টা করচি, যাতে এখানে বাকী ক'টা দিন থাকতে পারি!

ফুল্লরা দাদার পানে চাহিল—ত'চোখে সপ্রশ্ন দৃষ্টি।

নিশানাথ মুহূ হাসিল, হাসিয়া বলিল,—অফিসের ব্রাঞ্চ খুলে কলকাতায়। আমরা তিন জন এসেছি সে অফিসের ব্যবস্থা করতে। সীলোনের মায়া কেটেছে। বলেছি, আমার বাড়ী কলকাতায়; কলকাতাতেই যদি আমায় রাখেন... বড় উপকার হবে। ডিরেক্টর বলেছে, সে ব্যবস্থা করবে।

ফুল্লরা কহিল—বড় ভালো হয় তাহলে। সত্যি, একা পড়ে আছে কোথায় কতদূরে। তার উপরে এক জায়গায় থাকানয়। আজ আছো ক'ণ্ডিতে, কাল কলসো, পরও চলবে কোথায় সেই মরিশম! কেনই বা এমন ভবঘুরের মতো থাকা!

হাসিয়া নিশানাথ বলিল—না রে, এ হলো এ্যাডভেঞ্চার। জামিস তো, এ্যাডভেঞ্চারের নেশা আবার ছেলেবেলা থেকে!

ফুল্লরা বলিল—ছোটদার কোনো খপর জানো?

—না।...তুই জানিস?

—কার কাছ থেকে জানবো? জানতে ইচ্ছা করে। ভাই-বান তো...কিছুদিন থেকে সকলকে কাছে পাবার জন্য মন এমন লালায়িত হয়!...

নিশানাথ সিগার ধরাইল, তার পর বলিল,—রোজা বোধ হয় খুব জ্বালাতন করছে?

ফুল্লরার বুকখানা ধ্বক করিয়া উঠিল। সে বলিল—এইখানেই তুমি থাকবে তো?

নিশানাথ কহিল—থাকবো?

—থাকো বড়দা, সত্যি...

ফুল্লরার স্বরে মিনতি। নিশানাথ বলিল—আমরা তিন জনে উঠেছি ত্রিশকো হোটেলে।...তা বেশ। তোর এখানেই বরং থাকবো। জিনিষপত্রগুলো তাহলে আনাতে হবে।

নিশানাথ কহিল—রোজা জানে, আমি আসবো?

ফুল্লরা বলিল—জানে। তবে কবে আসবে, তা কারো জানা ছিল না তো...

—কোথায় সে?

ফুল্লরা বলিল—কি জানি! বোধ হয়, সিনেমায় গেছে। প্রায় যায়।

—হঁ! এখানেও সিনেমা! আমার ভাবনা হয় ফুল্ল... সেই কথা আছে sins of fathers...ওর মায়ের কথা মনে হলে রোজার জন্ত আমার সত্যি ভয় হয়। কিছু বললে রোজা বলে, আমরা pioneers on the path of emancipation.

[ক্রমশঃ

শ্রীসৌরীন্দ্রমোহন মুখোপাধ্যায়।



হঠাৎ



কনফুসিয়াস-পূর্ণাঙ্গী চৈনিক দর্শনশাস্ত্রে উল্লিখিত আছে যে, 'হঠাৎ' বস্তুটা যোগ নহে, বিয়োগ। স্থান, কাল ও পারের বিচিত্র সমন্বয়ে হঠাৎ কিছু ঘটনা সম্ভব নহে; সমবেত বস্তু, শক্তি ও বিষয়ের মধ্যে এক বা একাধিকের অন্তর্দ্বন্দ্বই 'হঠাতে'র আবির্ভাব বা উৎপত্তি। এই বিয়োগ বা অন্তর্দ্বন্দ্ব স্থান, কাল ও পারভেদে হস্তাকর করণ বা মারাত্মক হইতে পারে। চীনারা অত্যন্ত কম কথা বলে, ইচ্ছিতমাত্র দিয়াই চৈনিক দার্শনিক 'হঠাৎ' প্রসঙ্গের শেষ করিয়াছেন।

কাম্বোজকার কবি-দার্শনিক কুচাহো সম্পূর্ণ অল্প কথা বলেন। এই বিষয়ে চৈনিক মতাবলম্বী ব্রাডিভোষ্টকের কবি বিখ্যোতেলাচুংভিন্সির সহিত 'তেরপুন-তান্সি' (সাম্বা-সংবাদ) পত্রিকার ঠাহার যে বৈজ্ঞানিক আলোচনা দীর্ঘ-কাল চলিয়াছিল এবং পরে যাহা 'বিশ্বাস্য' (অর্থাৎ পয়জার) নামক সাপ্তাহিকে জবজ্ব খেউডে রূপান্তরিত হইয়া শুচি-বায়ু-গ্রন্থ কাম্বোজীয়ানদের ভীতির উদ্দেশ্যে করিয়াছিল সে সকলের উল্লেখ করিবার প্রয়োজন নাই; এইটুকুমাত্র বলিলে যথেষ্ট হইবে যে, কুচাহো 'হঠাৎ'কে যোগ বলেন, বিয়োগ নহে। চলিত (existing) বস্তু ও ঘটনা সমন্বয়ে বর্ধিতনা বা-বর্ধিবস্তুর যোগ না ঘটিলে 'হঠাতে'র উদ্ভব হইতে পারে না। দৃষ্টান্তরূপে তিনি ধূমকেতুকে (পুচ্ছ-সমেত) 'হঠাতে'র পর্যায়ের ফেলিয়াছেন। তিনি বলেন, অনন্ত নভোমণ্ডলে সূর্য্য প্রভৃতি নক্ষত্রমণ্ডলী; শুক্র, মঙ্গল, বৃহস্পতি, শনি প্রভৃতি গ্রহ এবং চন্দ্রজাতীয় উপগ্রহ সর্বদা বর্ধমান; এই চলিত বস্তু ও ঘটনাসমন্বয়ে ধূমকেতুর যোগ ঘটিলে 'হঠাতে'র আবির্ভাব হয়। কলে রাষ্ট্রে, সমাজে ও সাহিত্যে গোলযোগ অবশ্যস্থাবী।

জাপানীরা মুহূর্ত্ত ভূমিকম্পপীড়িত, টাইফুনক্রিষ্ট, 'হঠাৎ'ই ঠাহাদের নিত্য বর্ধমান, সুতরাং 'হঠাৎ' বলিয়া কোনও পদ ঠাহাদের অভিধানে নাই।

আর্কিমিডিস হইতে আইনষ্টাইন পর্য্যন্ত যুরোপের বৈজ্ঞানিক সম্প্রদায় 'হঠাৎ' লইয়া দীর্ঘ বাইশ শতাব্দী যে

কোলাহল সৃষ্ট করিয়াছেন ও তাহা উত্তরোত্তর মেরুপ বৃদ্ধি পাইতেছে, তাহাতে এ বিষয়ে হঠাৎ কিছু বলা উচিত হইবে না। কোন পক্ষই হঠিতেছে না, এবং পরস্পর তর্ক-বিচারের মধ্যে হঠকারিতা একরূপভাবে আত্মপ্রকাশ করিতেছে যে, মনে হয়, আর একটা মহাশুদ্ধ না ঘটিলে এই আন্দোলনের পরিসমাপ্তি হইবে না। যুরোপকে আমরা বাদ দিতেছি।

আমেরিকায় 'হঠাতে'র একটিমাত্র দৃষ্টান্ত আছে, তাহা কলম্বাসের আমেরিকা আবিষ্কার; ইণ্ডিয়ায় গৌড়ে রেড 'ইণ্ডিয়া'র সম্মান হঠাৎ ঘটিয়াছিল, সুতরাং ইয়াক্সি অভিধানে 'হঠাৎ' শব্দের অর্থে একটু ভুলের সংজ্ঞা জড়িত আছে। আমেরিকায় 'হঠাতে'র ছল্লোড় যে পরিমাণ হয়, তাহাতে 'হঠাৎ' লইয়া আলোচনা ঠাহারা বরদাস্ত করিবেন বলিয়া মনে হয় না, হঠাৎ কিছু একটা করিয়া বসিতে ঠাহারা ইতস্তত করেন না।

আফ্রিকার অরণ্য, পল্লত ও প্রান্তরনিবাসীদের মধ্যে সিংহ, ব্যাঘ্র, গরিলা, হস্তী, অজগর প্রভৃতি অতিকায় বন্য জন্তু হঠাৎ আবির্ভূত হয়, এই জন্তু 'হঠাৎ'কে তাহাদের বড় ভয়। যুরোপ-আমেরিকার খেতান্দ্র অধিবাসীদিগকেও তাহারা 'হঠাতে'র পর্য্যায়ের ফেলিয়াছে।

কিন্তু প্রমদ্র দীর্ঘ করিয়া লাভ নাই। ভারতবর্ষের ঋষি বলিয়াছেন, সহসা বিদ্যোত ন ক্রিয়াম্—হঠাৎ কিছু করিবে না। ইহাতে প্রতীতি হয় যে, প্রাচীন ঋষিরা 'হঠাৎ'কে যোগের পর্য্যায়ের ফেলিয়াছিলেন। যাহা চলিতেছে তাহার ব্যতিক্রম ঘটানই হঠাৎ কিছু করা। প্রচলিত মত ও রীতির ব্যতিক্রম, কিছু না করিলে ঘটনা সম্ভব নহে; সুতরাং কোনও ক্রিয়া বা ঘটনার উপর 'হঠাতে'র নির্ভর।

হঠাৎ কিছু বলিতে চাহি না বলিয়াই আমাদের এই ভূমিকার অবতারণা, আসলে জীবনে আমরা 'হঠাৎ'কে প্রাক-কনফুসিয়াস চৈনিক ঋষিদের দৃষ্টিতেই দেখিয়া থাকি। যেমন ধরুন, ট্রেন ঝড়ের বেগে ছুটিতেছে, চাকা সরাইয়া

ফেলুন কিম্বা উহার গতিবেগ একেবারে বাদ দিন, কি ঘটবে? যাহা ঘটবে, তাহা কল্পনা করিলেই 'হঠাৎ'র ক্ষমতা বুঝিতে পারিবেন। প্রণাস্ত মহাসাগরে জাহাজ ভাসিতেছে—তলদেশের খানিকটা অংশ সরিয়া গেল, হঠাৎ জাহাজডুবি হইবে। লিফ্টে চাপিয়া দ্বারভাঙ্গা বিল্ডিং উঠিতেছেন, মাঝখানে বৈজ্যতিক শক্তি অপসারিত হইল, আপনি না যাইতে পারিতেছেন, কণ্টোলাস অফিসে, না নামিতে পারিতেছেন নীচে, সঙ্গে এম-এ ক্লাসের এক জন ছাত্রীও থাকিতে পারেন। লিফ্টম্যান? আলোকরশ্মি সেকেন্ডে ১ লক্ষ ৮৬ হাজার মাইল বেগে তাহার রেটিনায় অন্তত সেই সময়ের জন্ম ধাক্কা দিতেছে না.....

সুবিমল দত্ত ছাত্র ও অধ্যাপক মহলে কাণামুখায় শুনিয়াছে, এই বৎসর এম-এ পরীক্ষায় ইংরেজি বি-গপে প্রায় প্রত্যেক পেপারেই সে রেকর্ড মার্ক পাঠিয়া প্রথম হইয়াছে, একুনে প্রথম ভো বটেই। সত্যাসত্য নির্ধারণের জন্ম সে কণ্টোলাসের কাছে যাইতেছিল। খবরটা যে তাহার মনে বিশেষ উৎসাহের সৃষ্টি করিয়াছিল তাহা নহে, তবু মা ভাবিতেছেন। দেশে তাঁহাকে খবর পাঠাইতে হইবে। মাটি হইতে মাঝ পথে উঠিতে লিফ্ট বেশী সময় লয় নাই, উহারই মনো সে অনেক কিছুই ভাবিয়াছে; পড়াশুনা লইয়া বেশ ছিলাম, সে পাট তো চুকিল, এখন চাকুরির জোগাড়ে দরজায় দরজায় ঘুরিতে হইবে, ফার্স্ট ক্লাস ফার্স্টের চাকরি হয়তো একটা জুটবে, হয়তো যত্ন করিয়া বি-সি-এস দিলে ডেপুটিগিরিও জুটতে পারে। কিন্তু 'গণার' কথা বাদ দিলেও চাকরিকে তাহার বড় ভয়, কত রকমের লোকের সহিত কারবার করিতে হইবে! অথচ মামাদের স্বন্ধে আর চাপিয়া থাকিলে অন্য় হয়, মা তো পাকাপাকি রকমেই সেখানে বাসা বাধিয়াছেন, তাহার পড়ার খরচও এত কাল মামারাই জোগাইয়া আসিয়াছেন, আর ভাল দেখায় না। চাকরি লইয়া মাকে কাছে আনিতে হইবে, প্রোফেনারি চাকরিটা ভাল, ঝগড়া কম, তাহার মনের মতও বটে, লেখাপড়া লইয়াই থাকিতে পারিবে। এ দিকে মা আবার বিয়ের জন্ম পীড়াপীড়ি শুরু করিয়াছেন, পাত্রীও না কি দেখিয়াছেন অনেকগুলি, একটিকে তাঁহার পছন্দ হইয়াছে, মাগের কাছে গিয়াই তাহাকে পাত্রী দেখিতে ছুটিতে হইবে—

তেতলা কিম্বা চারতলা হইতে কে যেন বেল টিপিতেছিল, ক্রিং ক্রিং করিয়া দুইবার ঘণ্টা বাজিয়াই চুপ, ঘড়াং করিয়া মাঝ রাস্তায় লিফ্ট, থামিয়া গেল, কারেন্ট বন্ধ হইয়াছে। আচমকা একটা ধাক্কার মত, 'অন্তমনস্ক সুবিমল বিহ্বলভাবে চাহিয়া দেখিল, তাহার সহযাত্রী এক জন মেয়ে, এতক্ষণ সে তাহাকে লক্ষ্যই করে নাই। হঠাৎ লিফ্ট থামাতে সে প্রায় তাহার ঘাড়ের উপর পড়িয়াছে।

অপ্রস্তুত সুবিমল আপনাকে সামলাইয়া লইয়া কি করা উচিত ঠিক করিতে না পারিয়া বিনীতভাবে শুধু একটি নমস্কার করিল।

বড় গরম, লিফ্টম্যান শুষ্ক ভ্যাভাচ্যাকা খাইয়া ঘামিয়া উঠিয়াছে, হাতল ধরিয়া এ দিকে ঘুরাইতেছে, ওদিকে ঘুরাইতেছে কিম্ব বিকল কল কথা বলে না, নড়ে না। চার দিকে দেয়াল আলোহীন অন্ধকার।

মেয়েটি কথা বলিতে চেষ্টা করিল। সুবিমলকে সে চেনে, বিদ্যাসাগর কলেজে একসঙ্গে বি-এ পড়িত, ফেল করিয়া এক বৎসর পিছাইয়া পড়িয়াছে। নাম কল্যাণী সোম। গানের বাজারে নাম আছে। সুবিমল চোখ তুলিয়া সহপাঠিনী মেয়েদের কখনও দেখে নাই, সুতরাং অল্প সকলের মত কল্যাণীও তাহার সম্পূর্ণ অপরিচিত। কিম্ব ফার্স্ট ক্লাস ফার্স্টকে চেনা অসম্ভব নয়।

কল্যাণী কথা বলিতে চেষ্টা করিল বটে, কিন্তু মুখ দিয়া বাহির হইল শুধু, সুবিমল বাবু?

ত্রিশঙ্কর মত আকাশের মাঝখানে অবস্থিত সুবিমল যেন আকাশ হইতে পড়িল। তাহার অবাধ হওয়ার ভাব দেখিয়া কল্যাণী ততক্ষণে সাহসী হইয়া উঠিয়াছে। বলিল, আশ্চর্য্য, আপনি আমার চেনেন না দেখছি, বিদ্যাসাগরে আমরা একসঙ্গে পড়তাম। আমার নাম কল্যাণী।

স্মৃতিভ্রংশ হইবার পর মানুষ প্রথম যখন অস্পষ্টভাবে পূর্বস্মৃতি ফিরিয়া পাইতে থাকে, সেই ধরি-ধরি-ধরিতে পারি-না অবস্থা হইল সুবিমলের। একবার নজর দিয়া কল্যাণীকে দেখিল।

—কল্যাণী সোম? ইউনিভার্সিটি ইন্সটিটিউটে—

লজ্জা হইল কল্যাণীর, মুখ নীচু করিয়া প্রসঙ্গটা চাপা দিবার জন্মই বলিল, আপনি তো এবারে রেকর্ড—



কিন্তু ব্যাপারটা কি? গরমে ও অঙ্ককারে দম প্রায় বন্ধ হইয়া আসিল যে! আলো নিভিবার জল চারি দিকে কোলাহল সুরু হইয়াছে, বারান্দায় ও প্যাসেজে সকলে হলা সুরু করিয়াছে, পাঁচ মিনিটের উপর হইল কারেন্ট ফেল করিয়াছে।

লিটল সাহেব এবং অক্ষয় মৈত্রের মতামত প্রমাণ করিয়াছেন, অঙ্ককূপহত্যা নিছক গল্পমাত্র। ক্ষোর করিয়া সুবিমল কিছু বলিতে পারে না, ইতিহাসের ছাত্র নয় সে,



১২ঃ লজ্জা আসিয়া তাহার ক্লান্ত মুখখানিকে রাঙাইয়া দিল

কিন্তু ঐরূপ হওঁয়; কিছুমাত্র অদম্বব নয়। মিস কেরী নাকি বাঁচিয়াছিলেন, কল্যাণীও বাঁচিয়া থাকিবে, কিন্তু সে মরিতে বসিয়াছে।

আর সোজা দাঁড়াইয়া পাকা যায় না, লিফ্টের একটা দেওয়ালের গায়ে হেলান দিলে কি রকম হয়! কিন্তু ও কি, কল্যাণী যে কুঁকিয়া পড়িয়াছে, মুর্ছা গেল না কি?

লিফ্টম্যান ধরিতে যায়, এ অবস্থাতেও সুবিমলের ততটুকু ক্ষান্তবীর্য্য ছিল, সে একবার গা-ঝাড়া দিয়া দাঁড়াইল এবং কল্যাণীকে পিঠে একটা—কোমরে একটা হাত দিয়া শূন্যে তুলিতে চেষ্টা করিল।

হঠাৎ—

কিন্তু এবার যোগ। অবিরাম বিদ্যুৎপ্রবাহ, আলো, পাখা, ক্রিং ক্রিং—কোলাহল।

লিফ্টম্যানের দিকে চাতিয়া সুবিমল শুধু বলিল, নীচে নামাও।

আঃ—বলিবা কল্যাণী চোখ খুলিল, এ কি, আমি কোথায়?

হঠাৎ—

লজ্জা আসিয়া তাহার ক্লান্ত মুখখানিকে রাঙাইয়া দিল। সুবিধা থাকিলে মাথায় ঘোমটা টানিয়া দিত। ক্ষীণকণ্ঠে শুধু বলিল, আমার শরীরটা কেমন করছে, বাড়ি পৌঁছে দেবেন আমার?

রেজার্ভ-লোকপ সহপাঠীরা তো ছিলই—ফিফ্‌থ ইয়ার, সিক্স্‌থ ইয়ার, ল ক্লাস, কেরাণী—ভানু-মতীর খেল দেখিতেও মেছুরা বাজার ষ্ট্রীটে এত লোক চট করিয়া জড় হয় না! সুবিমল মালকৌচা মারিল।

সহানুভূতি, হাসি, উপহাস—প্যারীচরণ সরকার ষ্ট্রীটের মুখ পর্য্যন্ত—মেরিয়ামকে কাঁধে তুলিয়া জিন ভল্‌জিন (জাঁ ভালজাঁ লিখিতে

সাহস হয় না) প্যারিসের সুড়ঙ্গপথে চলিতে এতখানি কষ্ট পায় নাই, কল্যাণী কিন্তু নিজেই হাঁটিয়া চলিয়াছিল।

ট্যান্ডি।  
মোড়ে মোড়ে বিদ্যুৎ-প্রবাহ বন্ধ হওয়ার ব্যাপার লইয়া গুলতানি চলিতেছে। ডপূর না হইলে তই একটা ডাকাতির খবরও হয়তো এতক্ষণ বাজারে ছড়াইয়া পড়িত। কিন্তু সুবিমল ইংরেজী কাব্য পড়িয়াছে অথচ মোটে কল্পনাগ্রবণ নয়। আকস্মিক এবং অভাবনীয় ঘটনা তাহার মনে কোনও রসসৃষ্টিই করিল না। বাইনোমিয়াল থিয়োরেমের মত অতি সংক্ষেপে সে প্রণয় করিল, কেমন বোধ হচ্ছে? এইবার বাঁয়ে যাব তো?

অনুস্থ অবস্থাতেও কল্যাণীর কি বাঁয়ে বসিতে ইচ্ছা।

হইতেছিল? ভাল ছেলে, চেহারাও নিন্দার নয়। চোখে চশমা পর্য্যন্ত নাই; তা ছাড়া এমন নাইত অ্যাণ্ড আন্যুয়াসুউমিং—বাংলা বিশেষণগুলো গালির মত শুনায়। একবার ডিক্শনারি দেখিতে হইবে।

মেজ কাকা বৈঠকখানার করাসে তাকিয়া হেলান দিয়া পেসেঙ্গ খেলিতেছিলেন, দুই তিন বৎসরের আধ-উলঙ্গ একটি শিশু তাঁহার পাশে উপুড় হইয়া ঘুমাইতেছিল; ভিতরের বারান্দায় মা হরিমতি-ঝয়ের সঙ্গে ঝুঁটিতে হেঁতুল ছাড়াইতে ছিলেন। কল্যাণী কলেজ হইতে ফিরিয়া সুজির কুটি খায়, পাশে তোলা উনানে এলুমিনিয়ামের বাটিতে সুজি সিদ্ধ হইতেছিল।

দরজায় ট্যান্ডি থামিতেই মেজ কাকা ক্রকুটি করিলেন, হরতনের 'সার্টটা' প্রায় মিলিয়া আসিয়াছিল, এ সময়ে কাহারো আবার জ্বালাইতে আসিল!

সুবিমলই ভাড়া দিল, কল্যাণী তখনও গাণকর্থে বলিল, দাঁড়ান, মায়ের কাছ থেকে আসি—

মেজ কাকা হাঁকিলেন, কে রে, রাণী না? এত সকাল সকাল যে! ট্যান্ডিতে কে এল রে?

কল্যাণীর পিছনে পিছনে সুবিমল বৈঠকখানায় ঢুকিল।

লজ্জা যেন দ্বিগুণ হইয়া আসিল, সহসা কোনও জবাব না দিয়া সে মেজ কাকার পাশে শায়িত ঘুমন্ত শিশুকে কোলে তুলিয়া নাচাইতে সুরু করিল এবং একটু দম লইয়া হাসিতে হাসিতে সুবিমলকে লক্ষ্য করিয়া বলিল, আমার দিদির ছেলে, আর ইনি মেজ কাকা।

সঙ্কুচিত সুবিমল বিনীতভাবে নমস্কার করিল, ইত্যবসরে দিদির ছেলের গালে একটা কামড় দিয়া তাহাকে জাগাইতে চেষ্টা করিতে করিতে কল্যাণী বলিল, ইনি সুবিমলবাবু, এবার এম-এতে ইংরেজিতে ফার্স্ট হয়েছেন। বলিয়া সে আজিকার লিফ্ট ও কারেন্টমিটার ব্যাপারটা বলিতে যাইতেছিল, বৈঠকখানার ভিতরের দরজার পাশে মা আসিয়া দাঁড়াইলেন। মেজ কাকা তিনপুরুষে কেরানি, রিটার্নস করিয়া সম্প্রতি পেসেঙ্গ খেলিতেছেন। ফার্স্ট ক্লাস ফার্স্ট ছেলের মধ্যে ভাবী হাকিমের গন্ধ পাঠিয়া তিনি যুগপৎ পুলকিত ও সঙ্কুচিত হইতে লাগিলেন।

মা প্রশ্ন করিলেন, কি রে রাণী?

মায়ের মন স্বতই স্নেহাঙ্গু। সমস্ত ব্যাপার শুনিয়া

মায়ের বিপদে এভাবে সাহায্যে করিবার জ্ঞান সুবিমলকে তিনি আশীর্ব্বাদ করিলেন 'সুবিমল আগেই প্রণামটা সারিয়া লইয়াছিল।

কল্যাণীর দিদি আসিলেন, বি-এ পাস, অত্যন্ত সু-রসিকা। স্বামী রেসুনে এডভোকেট; খবর পাঠাইয়াছেন এইবার আসিয়া পত্রীকে লইয়া যাইবেন। তিনি সুবিমলকে ইতিমধ্যেই কল্যাণীর বনিষ্ঠ ঠাওরাইয়া কয়েকটি রসাল রসিকতা করিতে চেষ্টা করিলেন। কল্যাণী চটয়া আড়াল হইতে ইচ্ছিতে তাহাকে নিরস্ত করিতে চেষ্টা করিল। তিনি কিন্তু সুবিমলকে ছাড়িলেন না, চা খাওয়াইয়া



কল্যাণীর পিছনে পিছনে সুবিমল বৈঠকখানায় ঢুকিল

তাসগুলি ছই হাতে ঠেলিয়া সরাইয়া দিয়া মেজকাকা বিন্মিতভাবে কল্যাণীর মুখের দিকে চাহিলেন। কল্যাণী

এবং চায়ের পেয়ালার মত তাহার ক্ষুদ্র মস্তিষ্কে তুফান তুলিয়া দিয়া যখন কল্যাণীকে গানের করমাস

করিলেন, তখন মা ও মেজ কাকার পরামর্শ শুরু হইয়া গিয়াছে।

পরীক্ষায় বরাবর ফাষ্ট হইলেও সুবিমল বোকা ছিল না। হার্মি ও ইন্ডিত তীরের মত তাহার বৃকে বিধিতে লাগিল। না হয়, মুর্ছাপন্ন কলাণীকে সে বাড়ি পর্য্যন্ত পৌছাইতেই আসিয়াছে, কিন্তু সহনশীলতা কি অপরাধ?

সে দিনের পর শেষ হইল। খুশি হলাম বাবা, আবার কবে আসছ?—মায়ের সম্বন্ধে অনুরোধ; দেখবেন, ভুলে যাবেন না, আসবেন কিন্তু—দিনের সকৌতুক আশ্বাস; এবং স্বয়ং কলাণীর আনন্দ দৃষ্টিক্ষেপ—সুবিমল পরদিনই মায়ের কাছে চলিয়া যাইবে স্থির করিয়া ফেলিল। কলিকাতায় আর নয়।

সুবিমলের ফাষ্ট হওয়ার কথাটা ঠিক, দেশে একটু দম লইয়া আসিয়া চাকুরির সন্ধান করিতে হইবে।

এ পক্ষের এই কথা। কিন্তু সেদিনকার সেই ত্যাগের আক্রমণে ও পক্ষে ভাঙাচোরা শুরু হইয়াছে। দিদি বলিলেন, কোনও খবর নেওয়া নেই, মরবি সে! হয়তো—

কলাণী দিনের মুখ চাপিয়া ধরে, কলেজের খাতাগুলি গুছাইয়া লইতে লইতে লজ্জিতভাবে বলে, তুমি কি কাণা দিদি?



তুমি কি কাণা, দিদি

কিন্তু সে ইউনিভার্সিটি আর নাই, সেই প্রফুল্ল ঘোষ, সেই জয়গোপাল ব্যানার্জি, সেই সুনীতি চ্যাটার্জী, সেই কমল রুম! তেতলার ব্যাল্কনিতে দাঁড়াইলে গাছের ফাঁকে ফাঁকে গোলদীঘির জল, বিদ্যাসাগরের ঠ্যাচুটাও যেন বদলাইয়া গিয়াছে; ওই চওড়া কপাল, রুক্ষতার অন্তরালে হৃদয় বলিয়া কি কিছু ছিল না? নিশ্চয়ই ছিল, নহিলে লোকে তাঁহাকে দয়ার সাগর বলিত কেন?

পড়িতে ভাল লাগে না, বি এ পাস করিতে তিন বৎসর লাগিয়াছিল, এম-এটা পাস করা অসম্ভব। আর পাস করিয়াই বা হইবে কি! দিদি সঙ্গে লইয়া যাইতে চাতিতেছেন, রেডুন যাওয়াই ভাল।

\* \* \*


খাইতে বসিলে মায়ের খান্দানানি যেন বাড়িয়া যায়, এটা খাওটা খাও, মাছের মুড়োটা—মানুষে কি অত খাইতে পারে? ছপ না খাইয়া খাইয়া ছপ না-খাওয়াটাই অভ্যাস হইয়াছে, একটা কেমন গন্ধ—

মা বলেন, মেয়েটি ভাল বাবা, কটোগিরাপ তো দেখলি! শুনেছি স্কুলে পড়েছেও। এক রকম কথা দিয়ে ফেলেছি।

সুবিমল কখনও মায়ের অব্যর্থ নয়, পৃথিবীতে মা-ই

তাঁহার একমাত্র আরাধ্য দেবতা। মামারা তাঁর পর। পাত্রী ছোট মামীর কোন আয়ীনের কথা। ছোট মামী বাপের বাড়ি গেলেন, মামাত ভাইকে সঙ্গে করিয়া সুবিমল পাত্রী দেখিতে গেল। দরদালানে একটি সতরঞ্চি বিছাইয়া দিয়াছে, সামনে একটি আসন পাতা। ছোট মামীমা মেয়েটিকে সঙ্গে করিয়া আসিতেছেন। সুবিমল লজ্জায় মুখ তুলিতে পারিতেছে না, ছোট্ট গুটি পা, দেখিতে মন্দ নয়, মেয়েরা আলতা কেন পরে এত দিন সে বুঝিতে পারিত না, আলতা জিনিসটা নেহাৎ অনর্থক নয়।

মেয়েটি নমস্কার করিয়া সামনের আসনে বসিল, মেয়েটিকে সন্দোষন করিয়া ব্যঙ্গের ভঙ্গীতে প্রশ্ন করিল, মামীমা তাহার পিঠে হাত দিয়া একটু কাঁকিয়া দাড়াইয়া গান গাইতে পার তুমি? নাচতে জান?



গান গাইতে পার তুমি? নাচতে জান?

ছোট মামী-  
মার হাত কাঁপিল,  
মনে মনে বলি-  
লেন, ধরনী দ্বিধা  
হও!

আসে পাশে,  
ঘরের ভিতরে ও  
বাহিরের বারান-  
্দায়, দরজা ও  
জানালা পথে  
কৌতূহলী ছেলে-  
মেয়ের দল উকি  
দিতেছে, বৌদিদিরা  
আছেন, পিসিমাও  
কাণপাতিয়া  
আছেন নিশ্চয়ই।  
সুবিমলের কত  
প্রশংসাই তিনি  
করিয়াছেন, এমন

সময়ে বলিলেন, কি বাবা, বিমল, কিছু জিজ্ঞেস কর, .  
চোখ তুলে দেখ—কমলা আমাদের লক্ষ্মী মেয়ে।

পাশের কোনও বাড়ি হইতে গ্রামোফোনের গান  
ভাসিয়া আসিতেছিল—বুকে দোলে তার বিরহ-বাথার  
মালা।

সেই গান!

হুঁসি—

পৃথিবীর রং বদলাইয়া গেল, ভূমিকম্প, ওলটপালট!  
লিফটের ভিতর কল্যাণীর মুর্ছাহত মুখ, বিদায় মুহূর্তে  
তাহার লজ্জানত কাতর দৃষ্টি। দিদির 'আসবেন কিন্তু—'

অসম্ভব অসম্ভব! মাকে মনে মনে প্রণাম করিয়া  
সুবিমল মরিয়া হইয়া উঠিল। পৃথিবীতে তখন আর  
কোথায়ও কিছু নাই, সব লেপিয়া মুছিয়া গিয়াছে, শুধু  
সে আর দিদির হাত ধরিয়া কল্যাণী। চিরকালের ভদ্র,  
সুখত, নয় সুবিমল এক নিমিষে নিশ্চয় রুঢ় হইয়া গেল।

ছেলে এ যুগে হয় না, চোখ তুলিয়া কথা বলিতে জানে না।  
ইহার পর তিনি আর এখানে মুখ দেখাইবেন কি করিয়া?

কিন্তু ব্যাপার কি? বেশী লেখাপড়া করিয়া ছোঁড়াটা  
ক্ষেপিয়া গেল না কি! কিংবা কলিকাতায় ডাইনিদের  
পাল্লায় পড়িয়া—ভুটটার একটাও সতি হইলে তো জানিয়া  
শুনিয়া উহার হাতে কমলাকে দেওয়া চলবে না। তিনি  
আর সেখানে দাঁড়াইলেন না, যথেষ্ট অপমানিত হইয়াছেন।  
একেবারে পিসিমার কাছে গিয়া কাঁদিতে বসিলেন।

মামাত ভাই শিশির তাহার হাত ধরিয়া টানিতে  
লাগিল। কমলা ভয়ে কাঁপিতেছে। আর কি বিস্তী প্রশ্ন  
করা যায় সুবিমল ভাবিতে লাগিল, যখন আরম্ভ করা  
গিয়াছে শেষ করাই ভাল। দীনবন্ধুর হেমচাঁদ নদেরচাঁদের  
নীলাবতী-সন্দর্শন পড়া ছিল, শেষ মার দিবার জন্ম প্রশ্ন  
করিল, তুমি বিগ্ণাসুন্দর পড়েছ?

প্রবীণাদের চাঞ্চল্য ছেলেমেয়েরা ছত্রভঙ্গ হইয়া



পড়িল, ভূমিকম্প হইলেও এমন হইত না। এক জন আধা-বয়সী মহিলা ছিলের মত ছেঁা মারিয়া কমলাকে তুলিয়া লইয়া গেলেন। নিমেষ মধ্যে অন্ধর হইতে সদর পর্য্যন্ত খবর ছড়াইয়া পড়িল, সুবিমল প্রকৃতিস্থ অবস্থায় আসে নাই।

মামাত ভাই শিশির রাগে গৌ গৌ করিতে করিতে এক রকম টানিতে টানিতেই সুবিমলকে বাহিরে লইয়া গেল; দু'না দিতে পারিলেই তাহার যেন ভ্রুপ্তি হইত।

সুবিমল আর সেখানে দাড়াইল না, হাটিয়া স্টেশন এবং সেখান হইতে মায়ের কাছে পৌছিতে পাঁচ ঘণ্টা লাগিল। নিজের ঘরে ঢুকিয়া স্লটেকেস গুছাইয়া লইতে মিনিট বিশেক মাত্র; মা শশব্যস্তে আসিয়া নানা প্রশ্ন করিলেন। সুবিমল বেশি কথা না বলিয়া শুধু এক কাপ চা চাহিল। মা খাবার আনিলেন, খাইতে খাইতে সুবিমল বলিল, বিয়ে ভেঙে দিলে এলাম মা, আমাকে মাপ কর। আমি ন'টার ট্রেনে কলকাতা যাচ্ছি, চাকরি করব।

বিস্মিত মাকে আর কিছু জানিবার বা বুঝিবার অবসর না দিয়া সুবিমল কলিকাতা চলিয়া গেল। একেবারে ল্যান্ডাউন রোড। মেজ কাকা পূর্ববৎ পেসেঙ্গ খেলিতেছেন।

—এই সে বাবা সুবিমল, এস, এস। গুরে রাণী—

ডাক শুনিয়া দিদি আসিলেন, খোকাকে কোলে লইয়া পিছনে পিছনে কল্যাণী।

দিদি বলিলেন, আমি জানতাম—

কল্যাণী দিদির মুখে হাত চাপা দিতে গেল, দিদির ছেলে দেখাদেখি মাসির মুখের উপর হাত রাখিল। কল্যাণী মুখ ফিরাইয়া খোকাকর চুমু খাইতে মাটবে, দিদি তাহাকে টানিয়া ধরিয়া বলিলেন, থাম্ থাম্, ট্রান্সকার্ড এপিপেট হচ্ছে, দে আমার ছেলে দে—

\* \* \* \*

মা মন্দাহত হইয়াছেন, কিন্তু ছেলের উপর রাগ করিয়া থাকা সুসম্ভব। হোক ছোট বউয়ের অপমান! ছেলে অনেক বড়।

ছেলে চিঠি লিখিয়াছে।

কলিকাতার সরকারী কলেজে চাকরি হইতে পারে, ডেপুটি হইবার জন্ত পরীক্ষাও দিবে। সমস্ত ঘটনা সে লিখিয়াছে, কল্যাণীরা ব্রাহ্মনয়, স্বজাতি। মন্দের ভাল, ছেলের মত হইলেই হইল, বউ এক জন চাই, কল্যাণী হইলেই বা দোষ কি?

ছেলেকে ঘর ভাড়া করিতে বলিয়া শিশিরের সঙ্গে তিনি কলিকাতায় আসিলেন। কল্যাণীর মেজ কাকা স্টেশনে তাঁহাকে অভ্যর্থনা করিতে আসিয়াছেন, ভদ্রলোককে ভালই লাগিল।

মা মেয়েদের লইয়া ভাবী বেয়ানের সঙ্গে সাক্ষাৎ করিতে আসিলেন। কল্যাণী তাঁহার পায়ে হাত দিয়া প্রণাম করিতেই তাঁহার সমস্ত রাগ মুহূর্ত্ত মধ্যে জল হইয়া গেল। ভোলানাথ হইলে কি হয়—ছেলের পছন্দ আছে।

\* \* \* \*

হঠাৎ—

বিবাহের পর বাসর-ঘরে বর-কনে পাশাপাশি বসিয়া আছে। কল্যাণী ও দিদির বন্ধুভাগ্য ভাল, মেয়েরা গিজগিজ করিতেছে। দিদি চরকির মত ঘুরিতেছেন, কতী তো তবু রেঙ্গুন হইতে আসিয়া পৌছেন নাই।

কল্যাণীর এক বন্ধু গান গাহিতেছে। সেট গান!

বুকে দোলে তার বিরহ-ব্যথার মালা—

হঠাৎ আলো নিবিয়া গেল। দিদি না ফিউজ, শেষ পর্য্যন্ত বুঝা গেল না।



# গান্ধীজীদিগের শিক্ষা

## রাজবন্দীদের শিক্ষা

১৯৩৫ খৃষ্টাব্দের আগষ্ট মাসে বাঙ্গালার লাট সার জন এগার্সন এই মর্মে এক ঘোষণা করেন যে, তাঁহারা কতকগুলি রাজবন্দীকে বাছিয়া তাহাদিগকে কৃষি এবং শিল্প শিক্ষা দিবেন। তাহাদিগের শিক্ষা সমাপ্ত হইলে তাহাদিগকে কতকগুলি শর্তে ছাড়িয়া দেওয়া হইবে। তাহাদের উপর তখন আর বঙ্গীয় সংশোধিত কোঁজদারী আইন বলিবে না। তদনুসারে সরকার গৌরীপুরে এবং সুখচরে ছোট ছোট শিল্প শিখাইবার কারখানা এবং মসলন্দপুরে কৃষি বিদ্যা শিখাইবার ব্যবস্থা করিয়াছেন। এই কারখানা হইতে যাহারা শিল্প শিখিয়া বাহির হইয়া যাইবে, সরকার তাহাদিগকে কিছু কিছু মূলধন দিয়া কাণ্ডা আরম্ভ করিবার সুযোগ দিবেন। বলা বাহুল্য, এই মূলধন সরকার উহাদিগকে ঋণস্বরূপ দিবেন, তাহার জন্ম তাহাদিগকে বার্ষিক শতকরা ৬ টাকা হারে সুদ দিতে হইবে। মসলন্দপুর (ই, বি, রেলওয়ের) স্টেশনের অনতিদূরে সরকার কৃষি শিক্ষাদানের জন্য ৬ শত বিঘা জমি লইয়া তাহাতে ৬০ জন রাজবন্দীকে কৃষিক্ষিক্ষা দিতেছেন। যাহাদিগকে শিল্প-শিক্ষা দেওয়া হইতেছে, তাহাদের অনেকের শিক্ষা সমাপ্ত হইয়াছে; যাহারা কৃষিক্ষিক্ষা করিতেছে, আগামী জানুয়ারী মাসে তাহাদের শিক্ষা সমাপ্ত হইবার কথা। এখন দেখা যাউক, ইহার ফল কি হয়। কারণ, এইবারই তা কার্যারম্ভের সময়।

আপাতদৃষ্টিতে সরকারের এই পরিকল্পনা ভাল বলিয়াই মনে হইতেছে। অবশ্য হিংসামূলক বিপ্লববাদ বুদ্ধিক্ষিতের জন্ম হইতেই বাহির হয়। কিন্তু তাই বলিয়া বুদ্ধিক্ষাই বিপ্লববাদ উদ্ভবের একমাত্র কারণ নহে। অসন্তোষও উহার অন্যতম প্রবল কারণ। একজন খ্যাতনামা ইংরেজ লেখক বলিয়াছেন যে, *Hungry masses and discontented classes are the seed-beds of revolution* ক্ষুধার্ত জনসাধারণ এবং অসন্তুষ্ট উচ্চশ্রেণীর লোকরাই বিপ্লবের নিলয়। সুতরাং লোকের—বিশেষতঃ বেকার লোকদিগের জীবিকা অর্জনের একটা উপায় করিয়া দিলেই বিপ্লববাদ নিরস্ত হইতে পারে। এখন সরকারের এই পরিকল্পনাটি পরীক্ষাধীন রহিয়াছে। সুতরাং আপাতদৃষ্টিতে উহা বতই ভাল বলিয়া মনে হউক না কেন, কার্যক্ষেত্রে উহার ফল কিরূপ হয়, তাহা না জানিলে কিছুই বলা যাইতেছে না। সকল সময়ে ব্যবহারিক ক্ষেত্রে মতের এবং কাষের মিল করা যায় না। আজকাল ভদ্রশ্রেণীর লোকরা তাঁহাদের জীবনযাত্রা নির্বাহের মানদণ্ডটি বহুতরুপ ভাবে বৃদ্ধি করিয়াছেন,—তাহাতে এই সকল কাষ করিয়া যদি তাঁহাদের স্বচ্ছন্দে জীবিকা অর্জনের উপায় হয়, তাহা হইলে ইহাতে সন্তোষ হইবে বলিয়া আশা করা যায়। সরকার বলিয়াছেন, এই সকল শিক্ষিত শিল্পী হাতে-হাতিয়াই কাষ করিবে,—ইহাই তাঁহাদের পরিকল্পনার মুখ্য লক্ষ্য। তাঁহারা শ্রমিক রাখিয়া কাষ চালান, ইহা তাঁহাদের ইচ্ছা নহে। ইহার কারণ কি, তাহা আমরা ঠিক বুঝিতে পারিলাম না। যদি ঐ

সকল বন্দী বন্দীদশা হইতে মুক্ত হইয়া অল্প লোককে কাজ শিখাইয়া একটু বড় করিয়া কাষ করে এবং তাহাতে কিছু অধিক লাভ পায়, তাহা হইলে সে বিষয়ে বরং সরকারের বিশেষ উৎসাহ দেওয়া উচিত। উহাদিগকে যে টাকাটা ধার দিবার ব্যবস্থা হইয়াছে, তাহার সুদের হারটা কিছু অধিক হইয়াছে মনে হয়। বর্তমান সময় টাকার বাজার রড় মন্দা। কোম্পানীর কাগজের সুদও অল্প। একরূপ অবস্থায় উহাদিগের ঋণের টাকার সুদ কিছু কমাইয়া দেওয়াই কি সম্ভব নহে? যাহারা চাষকার্য করিবে, তাহারা যদি স্থানে স্থানে বাইরা উন্নতভাবে চাষ করে, তাহা হইলে তাহাদের দুর্ভাগ্য দেখিয়া অনেক চান্দী ভাল ভাবে চাম করিতে শিখিবে। সুতরাং এই দিকটাও বিশেষ ভাবে ভাবিয়া দেখা আবশ্যিক।

## রহিমী অনুশাসন

সার আন্ধার রহিম ভারতবর্ষীয় ব্যবস্থা-পরিষদের সভাপতি। তাঁহার কার্য বিলাতী কমন্সসভায় স্পীকারের অনুরূপ। অর্থাৎ তিনি পরিষদের কার্য বাহাতে সুচারুরূপে নির্বাহিত হয়, তাহাই করিয়া থাকেন। কোন সদস্য বাহাতে অনাবশ্যক, বাগ্‌বল্ল, পুনরাবৃত্তিপূর্ণ কথা বলিয়া সভার সময় নষ্ট করিতে না পারেন, সে জন্য তিনি যুক্তিসঙ্গত নিয়মকানুন প্রবর্তিত করিতে পারেন। কংগ্রেসের সদস্যদিগের ভোটের জোরে তিনি পরিষদের তক্তে বসিয়াছেন। তাঁহার হাতে নগদ ক্ষমতা কিছু আছে। সম্প্রতি তিনি নিয়ম করিয়াছেন যে—“যে সকল প্রশ্ন সংবাদপত্রের কোন সম্পাদকীয় প্রবন্ধের ভিত্তি উপর অবস্থিত, সে সব প্রশ্ন আর ব্যবস্থাপক সভায় জিজ্ঞাসা করা যাইতে পারিবে না।” তাঁহার এই ফতোয়া শুনিয়া আমরা বিস্মিত। এমন বেয়াড়া এবং বিদূক্‌টে নিয়ম বিলাতের পার্লামেন্টে ত নাই-ই, কোন দেশের কোন পার্লামেন্টের আছে কি না, তাহা আমরা জানি না; শুনিও নাই। সার আন্ধারের সংবাদপত্র-বির্ষে এবং সাম্প্রদায়িকতা-প্রীতি বোধ হয় সর্বজনবিদিত। একবার মুর্শিদাবাদের নবাবের কলিকাতাস্থিত ভবনে তিনি সংবাদপত্র সম্বন্ধে উদ্ভত এবং অবজ্ঞা-সূচক মন্তব্য প্রকাশ করিয়াছিলেন বলিয়া অপমানিত এবং শেখটা ক্ষমা প্রার্থনা করিতে বাধ্য হইয়াছিলেন। আজ মথুরার রাজপাটে বসিয়া তিনি ত্রজের সে “হ হাতে হু পায়ে ধরার” কথা ভুলিয়া গিয়াছেন,—কিন্তু দেশের লোক তাহা ভুলে নাই। তাঁহার এই নিয়মের মূলে যে কোন যুক্তিযুক্ততা বা প্রয়োজনীয়তা আছে, তাহা মনে হয় না। তিনি কি কারণে এই বেয়াড়া নিয়ম করিয়াছেন, তাহা বলেন নাই। তাঁহার হস্তে নিয়ম করিবার ক্ষমতা আছে বলিয়া তিনি এইরূপ একটা ফতোয়া জারি করিয়া লোককে চমকিত করিলেন! কিন্তু তিনি কি বলিতে পারেন যে, বিলাতের যে কমন্স সভার আদর্শে (অন্ততঃ দৃশ্যতঃ) এই ব্যবস্থা পরিষদ গঠিত, সে কমন্স সভার কোন স্পীকার কি এইরূপ কোন ফতোয়া দিয়াছেন? কমন্স সভায় তা মন্তব্য-সম্বলিত অনেক সংবাদকে

ভিত্তি করিয়া অনেক প্রশ্ন ছিদ্দাসা করা হইয়া থাকে। তিনি কমপ সম্ভার কাব্যবিবরণী দেখিলেই তাঁহা বুঝিতে পারিবেন। সাধারণের প্রতিদান ব্যক্তিগত খেয়াল চরিতার্থ করবার স্থান নহে। কিন্তু সার আকারের সে আকেশ আছে কি ?

### সত্যীত্বরক্ষার্থ বহুহত্যা

শঙ্কিন্যাত্যে বোম্বাই প্রদেশের অন্তর্গত পশ্চিম খালেশ অঞ্চলে দেশওয়াল গ্রাম। পাণ্ডু ঐ গ্রামের রাজস্ব-পাতিস বা মণ্ডল। সেইজন্য গ্রামে তাহার যথেষ্ট প্রভাব এবং প্রতিপত্তি ছিল। লোক তাহাকে ভয়ও করিত। কিন্তু সেই গ্রামের সোম সাধু নামক ভট্টনৈক ব্যক্তির স্ত্রী যশোদার উপর তাহার লোলুপ দৃষ্টি পড়ে। গত ২৪ ডিসেম্বর পাণ্ডু মন খাইয়া মত্ত অবস্থাতেই যশোদার গৃহে প্রবেশ করে। যশোদা এবং তাহার স্বামী সোমসাধু পাপিষ্ঠ পাণ্ডুকে তাহার পাপ চেঁচা হইতে বিরত করিবার জন্য অনেক চেঁচা করে। কিন্তু সে কিছুতেই বিরত হইতে চাহে না। তখন তাহার উভয়ে মিলিত হইয়া পাণ্ডুকে হত্যা করে। খুনের দাগে সোমসাধু এবং যশোদাকে অভিযুক্ত করিয়া চালান দেওয়া হয়। তাহার স্বামী-স্ত্রী উভয়ের মধ্যে কেহই এই খুনের কথা স্বীকার করে নাই। তাহারা বলে যে, যশোদার সত্যীত্ব রক্ষার জন্য উপায় না দেখিয়া তাহার পাণ্ডুকে খুন করিয়াছে। প্রথমে পশ্চিম খালেশের দায়বা জজের নিকট এই মামলার বিচার হয়। অধিকাংশ এসেসরের সহিত একমত হইয়া দায়বা জজ আসামীদ্বকে মুক্তিপ্রদান করেন। কিন্তু এখানে এই ব্যাপারের যবনিকা পতন হয় নাই। বোম্বাই সরকার এই বিচার-ফলে সন্তুষ্ট হইতে না পারিয়া দায়বা জজের আদেশের বিরুদ্ধে বোম্বাই হাইকোর্টে আপীল করেন। আপীল মামলার বিচার করেন বোম্বাই হাইকোর্টের বিচারপতি মিষ্টার ক্রমফিল্ড এবং জীবন্ত ক্রীতীশচন্দ্র সেন। তাহারা উভয়ে একমত হইয়া আসামী দুইজনকে বায়জীবন নির্দাসন দণ্ডে দণ্ডিত করিয়াছেন। সঙ্গে সঙ্গে তাহারা মস্তব্য প্রকাশ করিয়াছেন যে, ঘটনাটি যেরূপ, তাহাতে সরকারের পক্ষে আসামী দুইজনের উপর দণ্ড প্রকাশ করা কর্তব্য।

বিচারপতিদ্বয় রায়ে বলিয়াছেন, যদি সর্ববিধ উপায় অবলম্বন করিয়াও তাহাদের পক্ষে যশোদার সত্যীত্ব রক্ষা করা অসম্ভব হইত, তাহা হইলে তাহারা পাতিসকে হত্যা করিলে দণ্ডের দায় হইতে অব্যাহতি পাইতে পারিত। আমরা দুই জন বিচারপতির এই সিদ্ধান্ত পড়িয়া বিস্মিত। তাহারা কি দেশের প্রকৃত অবস্থা কিছুই জানেন না? এখন বোম্বাই সরকার এই আসামী দুই জনের উপর দণ্ড প্রকাশ করেন কি না, তাহাই উঠব্য।

### নিম্নপদে যুরোপীয় নিয়োগ

সিটারী প্রকাশ কিছুদিন পূর্বে ব্যবস্থা পরিবর্তন এই মর্মে এক প্রস্তাব উপস্থিত করিবার ইচ্ছা প্রকাশ করিয়াছিলেন যে, সরকারী নিম্নপদে যুরোপীয়দিগকে নিযুক্ত করা হউক। ঐরূপ করা হইলে সরকারী কাৰ্য ভাল এবং সরকারের আত্মসম্মান বজায় থাকিবে।

প্রস্তাবটি পরিচালনকর বলিয়া সার আকার বহিম উগ্র ব্যবস্থা পারমর্মে পেশ করিতে দেন নাই। প্রস্তাবটা যতটুকু উপহাস করিয়া উপস্থিত করা হইক না কেন, শেষ পর্যন্ত ঐরূপ ব্যবস্থা হওয়াও বিচিত্র নহে! আমাদের এক জন সহযোগী লিখিয়াছেন যে, "কোম্পানীর আমলে গোড়ার দিকে যখন কোম্পানীর ইংরেজ কথচারীগণ বেতন কম পাইত, তখন তাহারা ঘৃণা হইত এবং অল্প উপরি রাজস্বের অনেক অধিক করিত বলিয়া কর্তৃপক্ষ তাহাদের বেতন বাড়াইয়া দেন।" ঠিক কথা। কিন্তু এখনই কি ঘৃণা লওয়া খুব অধিক কমিয়াছে? অল্প বেতনই কি ঘৃণা লওয়ার একমাত্র কারণ? যে ব্যক্তি যে পদে নিযুক্ত হয়, সে ব্যক্তি যদি সে পদের যোগ্য না হয়, তাহা হইলেও সে স্থানক ক্ষেত্রে ঘৃণা লইয়া থাকে, অথচ সকলেই যে তাহা সহ, তাহা আমরা বলিতেছি না। সকল ব্যাপারেরই ব্যতিক্রম আছে। এ সম্বন্ধে আমরা অধিক কথা বলিতে চাই না। যাহারা শাসনকার্য্য চালাইবেন, তাহারাষ্ট তাহা বুঝিবেন। ব্যবস্থা পরিবর্তনের অন্ততম সদস্য মিষ্টার জামসালও আর একটি এই দরবের প্রস্তাব উপস্থিত করিতে চাহিয়াছিলেন। সে প্রস্তাবটির মর্ম্ম এই যে, আগামান যখন বিশেষ ভাল স্থান, তখন ভারতের রাজধানী তথায় লইয়া নাওয়া হউক। পরিবর্তনের সভাপতি এই প্রস্তাবটিও পরিচালনকর বলিয়া উগ্র পরিবর্তন উপস্থিত করিতে দেন নাই। সার আকার উগ্র পরিচালনকর মনে করিয়াছিলেন। তবে তিনি কি আগামান সম্বন্ধে সরকারী উক্তি বিবাস করেন না? নিতীতে ত মালেকিয়ার আত্মতা। আর আগামান যখন স্বাধীন সম্পদে স্বসম্পন্ন, তখন তথায় ভারতের রাজধানী লইয়া যাউতে আপত্তি কি?

### কংগ্রেস-নেতার সঙ্গোপসঙ্গ

কর্ণাট দেশের রাজনীতিক জন-নাযক জীবন্ত গঙ্গাধর দেশপাণ্ডে পূণার কংগ্রেস নির্বাচন সভায় ভারতবাসীকে এক দফা সঙ্গোপদেশ নিয়াছেন। "তাহার মর্ম্ম এই যে, সরকারের দলাদলি হুলিয়া সকল ভারতবাসীর কংগ্রেসের সহিত মিশিয়া যাউতে হইবে, তাহা হইলে কংগ্রেস ভারতের একমাত্র রাজনীতিক দল হইয়া আগামী নির্বাচনে সরকারের সহিত সংগ্রাম করিতে পারিবেন।" উপদেশটি সাধু! কিন্তু লোক চিরকাল হইতে এবং পুরুষ-পুরুষান্তরকমে উগ্র কনিয়া আসিতেছে। মায় কথামালার গল্পেও তাহা আছে। United we stand, divided we fall. উগ্র বাতারা ইংরেজি পড়িয়াছে, তাহা বাই জানে। তবে সংসায়ে এত দলাদলি কেন? হীন স্বার্থের সেবা আর অহমিকাই এই দলাদলির কারণ। দলাদলি সকল দেশেই আছে। তবে পরাধীন দেশে ভেদের ও অনৈক্যের মাত্রা একটু গভীর হয়। কারণ, তাহাদের দেশান্তরবোধ কমে, ব্যক্তিগত এবং সম্প্রদায়গত ক্ষুদ্র স্বার্থের অনুভূতি বাড়িয়া উঠে। তাহার উপর কংগ্রেস সাম্প্রদায়িক রোয়দাদ প্রভৃতি সম্বন্ধে যে নীতি অবলম্বন করিয়াছেন, তাহাতে তাহার স্বয়ং পরিয়া আবার ভেদবুদ্ধি অতি ক্রমবেগে গড়াইয়া উঠিতেছে। তাহারা মনে করেন যে, সরকারের মতামতভেদ হইয়া চলিলে তাহাদের ব্যক্তিগত এবং সম্প্রদায়গত



নিশেষ অধিকারগুলি বজায় থাকিবে, তাঁহারা একথাও মনে রাখিবেন যে একতা-প্রতিষ্ঠার চেষ্টা করিবেন না। কংগ্রেস সংস্কৃত শাসনব্যবস্থা পুনঃ করিবার জন্ত বন্ধপরিষ্কার। কিন্তু সকলেই সংস্কৃত শাসনব্যবস্থা পুনঃ করিলেই মঙ্গল হইবে,—এ কথা কায়মনো-বাক্যে বিশ্বাস না করিতে পারেন। যাঁহাদের ঐরূপ বিশ্বাস, তাঁহারা কি এখন দেশপাণ্ডুর বা জগদ্রাজীর হুকুমমতে আত্মমত তুলিয়া—আত্ম-অভিমান ভাসাইয়া দিয়া কংগ্রেসের মতে মত দিয়া চলিবেন? সরকারী গয়ের খাঁর দল এবং যাঁহারা কংগ্রেসের সুপারিশে পার্টিফণ্ডে টাকা দিয়া নির্বাচন-দরিয়া একেবারে অনায়াসেই পার হইয়া যান, তাঁহারা কি আত্মসার্থের সক্ষানরূপ মহাপুণ্য ব্রত পরিহার করিয়া দেশের স্বার্থরূপ বকাণ্ড প্রত্যাশায় ধূরিয়া বেড়াইবেন? তাঁহারা নিশ্চিতই কংগ্রেস ওয়ালা বলিয়া এক ফপাইবেন আর বিশেষ প্রয়োজনীয় ব্যাপার মধ্যস্থে ভোট দিবার সময় অপরিণাম্য কারণে পরিষদে গর-ভাজির হইবেন। সুতরাং দেশপাণ্ডু মহাশয়ের সহপদেণ সবেও সকলে দলাদলি তুলিয়া কংগ্রেসের সতিত মিলিত হইবেন না।

### ক্ষয়রোগের বৃদ্ধি

আমাদের দেশের লোকের ধারণা, আজকাল আমাদের দেশে ক্ষয়রোগ দ্রুত বিস্তারলাভ করিতেছে। ৫০ বৎসর পূর্বে বঙ্গ ক্ষয়রোগের কথা অতি অল্পই শুনা যাইত। এখন এ রোগ দেখা-তথ্য। বঙ্গীয় টিউবারকুলোসিস সমিতির জার্নালে সম্প্রতি যে তথ্য প্রকাশ পাঠিয়াছে, তাহা শুনিলে শরীর শিহরিয়া উঠে। এই কলিকাতা সহরে ৩০ হাজার যক্ষ্মাগ্রস্ত রোগী বিদ্যমান, তাহাদের মধ্যে প্রতিদিন ৮ জন রোগী যমালয় বাত্মা করে। নিখিল বঙ্গে ১০ লক্ষ যক্ষ্মারোগগ্রস্ত ব্যক্তি আছে,—কিন্তু রোগিনিবাস বা হাসপাতালে কেবলমাত্র ২ শত ৮৪টি রোগী রাখিবার স্থান বর্তমান। অতএব অবস্থা কিরূপ শোচনীয়, তাহা সকলে চিন্তা করিয়া দেখুন। যক্ষ্মারোগাক্রান্ত ব্যক্তির যখন নিষ্ঠাবন ত্যাগ করে, সেখান হইতে ইহা বিস্তার লাভ করে; সুতরাং হুঁসাদিগকে যত্নতরু অবাধে বিচরণ করিতে দেওয়া সম্ভব নহে। কলিকাতা সহরে চিকিৎসাদীন নহে, একপ রোগীর সংখ্যা নাকি ২৭ হাজার। ইহারা যে সকলেই শয্যাশায়ী তাহা নহে; সুতরাং ইহারা সর্বত্র বিচরণ করে। ইহাতে এই রোগ দ্রুত বৃদ্ধি পায়। বাঙ্গালার টিউবারকুলোসিস সমিতির বিভিন্ন ঔষধালয় হইতে ৩ হাজার রোগীকে ঔষধ দেওয়া হয়। হাসপাতালে মোট ২ শত ৮৪ জন রোগীর শয্যা আছে। বহু রোগী ব্যক্তিগত হিসাবে কবিবাজ প্রভৃতি দ্বারা চিকিৎসিত হইয়া থাকে। এই রোগ পূর্বে পল্লীগামবাসীদিগের মধ্যে প্রায় দেখা যাইত না। এখন তথায় ইহার বেশ প্রাচুর্য দেখা যাইতেছে। দরিদ্র লোকদিগের মধ্যেই ইহা বিশেষভাবে দেখা যায়। বাত্মা হইক, সকল সভ্য দেশেই এই রোগাক্রান্তদিগের জন্ত রোগিনিবাস আছে। আমাদের দেশে নাই। এ সম্বন্ধে সরকারের এবং সাধারণের বিশেষ অবজিত হওয়া আবশ্যিক।

### মহাআত্মী এবং রাজনীতি

ভবিষ্যৎপ্রে এক ব্যক্তি লিখিয়াছেন যে, জনৈক চীনদেশীয় ভ্রমলোক মহাত্মা গান্ধীর সতিত সাক্ষাৎ করিতে আসিয়াছিলেন। তাঁহার সতিত কথাপ্রসঙ্গে মহাত্মাজী বলিয়াছিলেন যে,—“আমি রাজনীতি বিষয়ে প্রামাণ্য ব্যক্তি নহি। আমি প্রায় দুই বৎসর পূর্বে হইতেই কংগ্রেস হইতে-বিদায়-গ্রহণ করিয়াছি। এখন আমি বর্তমানকাল হইতে পিছাইয়া পড়িয়াছি।” উত্তরে সেই চীনা ভ্রমলোকটি জিজ্ঞাসা করেন যে, আপনি কি অল্প লোককে সুরিষা দিবার জন্ত কংগ্রেস হইতে বিদায় গ্রহণ করেন নাই? উত্তরে মহাত্মাজী বলেন যে, “আমি ঐরূপ করি না। আমি সভ্যশ্রেণী লোক। যে সময়ে আমি কংগ্রেস হইতে এবং রাজনীতিক্ষেত্র হইতে অবসর গ্রহণ করিয়া-ছিলাম, তখন আমি সম্পূর্ণভাবে রাজনীতি ক্ষেত্র হইতে সরিয়া পড়িয়া-ছিলাম। ভবিষ্যতে আমার কপালে কি আছে, তাহা ভগবানই জানেন।” মহাত্মাজীর কথার মর্ম এই যে, বর্তমান সময়ে তিনি রাজনীতির সতিত সমতানতা বন্ধ করিয়া চলিতে পারিতেছেন না, —সেই জন্ত তিনি রাজনীতিক্ষেত্র হইতে সরিয়া দাঁড়াইয়াছেন। কিন্তু তিনি পূর্ণমাত্রায় সরিয়া দাঁড়াইতে পারিয়াছেন কি? তাঁহার দলস্থ কোন ব্যক্তি বলিয়াছেন যে, তিনি জগদ্রাজীকে কংগ্রেসের সভাপতি করিবার জন্ত চেষ্টা করিয়াছিলেন এবং গতবার কংগ্রেসে উপস্থিত হইয়াছিলেন। ইহাতে তিনি যে রাজনীতিক্ষেত্র হইতে সম্পূর্ণ সরিয়া দাঁড়াইয়াছেন,—ইহা মনে করিতে পারা যায় কি? বাত্মা হইক, মহাত্মাজী যদি সত্য সত্যই চিবিদিনের জন্য রাজনীতি-ক্ষেত্র হইতে সরিয়া দাঁড়াইয়া থাকেন,—তাহা হইলে সেটা দেশের পক্ষে দুর্ভেদ্য বলিয়া স্বীকার করিতে হইবে। কারণ, ভারতের রাজনীতিক্ষেত্রে তাঁহার ন্যায় শক্তিশালী এবং প্রভাবশালী ব্যক্তি আর নাই।

### মিলনের প্রয়াস

মুসলমানগণ সম্পূর্ণ সাম্যবাদী। তাঁহাদের মধ্যে জাতিভেদ নাই, সুতরাং তাঁহাদের মধ্যে একতা প্রতিষ্ঠিত করা অতি সহজ, এ বিশ্বাস অনেকেরই ছিল। কিন্তু তাহা হইলেও মুসলমানদিগের পরস্পরের মধ্যে দলাদলি ও আড়াআড়ি অল্প নাই। ভারতেও নানা জাতির ও নানা ধর্মাবলম্বী লোকের অভাব নাই,—কিন্তু পাশ্চাত্য, আফগান রাজ্যে এবং ইরাকে মুসলমানদিগের পরস্পরের মধ্যে আড়াআড়ি আছে, তাহা শুনিলে পাওয়া যায়। বাঙ্গালার মুসলমানদিগের মধ্যেও দলাদলির অভাব নাই। কিন্তু এখন আবার নির্বাচন-গাজনের ঢাক বাজিয়া উঠিয়াছে,—আর ভোট-প্রার্থীদিগের মনে ভোটদাতাদিগের কথা জাগিয়াছে। ঢাকার নবাব খাজা হবিবুল্লাহ এবং বোম্বাইয়ের সাম্প্রদায়িকতার পৃষ্ঠপোষক মিষ্টার জিন্না সম্মিলিত হইয়া বাঙ্গালার মুসলমানদিগকে এককটা করিবার চেষ্টা করিবার জন্ত অনেক বাকাব্যয় করিয়া গেলেন। সঙ্গে সঙ্গে সার্ব-অবিচ্ছিন্ন হালিম গজনভী সাহেবও সানাইয়ে পৌ ধরিয়াছেন। ইহার মুসলমানদিগকে সব ‘এক দিল’ করিবার জন্ত চেষ্টা করিতেছেন কিন্তু অনা বক্তব্য স্বর যে শুনা না যাইতেছে, তাহা নহে। সা



আবদুল হালিম গজনভী কলিকাতা ইসলামিয়া কলেজের ছাত্র-নিগণ্ডে উপদেশ-দান-প্রসঙ্গে বলিয়াছেন, “সাম্প্রদায়িক স্বার্থকে দেশের এবং সমগ্র জাতির স্বার্থের উপর বলিয়া গণ্য করিলে, একটা বড় ভুল এবং অনুবদনী নীতিই অনুসরণ করা হইবে।” ইহা ত মুখের সভাশোভন কথা। তিনি বলিয়াছেন, তাঁহাদিগকে বাহারা সাম্প্রদায়িকভাবে ভাবিত বলে, তাহারা মিথ্যাবাদী। এই সভাসকল বাক্তি এ পর্যন্ত জাতীয়তার পরিবন্ধনকল্পে কি কি কাষ করিয়াছেন, তাহা বলিয়া দিবেন কি? কেবল কথায় চিঁড়া ভিজিবে না। মুখে জাতীয়তা জাতীয়তা বলিয়া চীৎকার করিলে জাতীয়তাবাদী হওয়া যায় না। যাগ হউক, ঢাকার নবাব এবং বোম্বাইয়ের জিন্না সাহেবও সব মুসলমানকে ‘এক দিল’ করিয়া গেলেন। এদিকে প্রজারলের নায়ক মিষ্টার ফজলুল হক তাঁহাদের দলে ভিড়িবেন কি না, তাহাষ্ট চিন্তা করিতেছেন। তিনি নবাব সাহেবের দলকে বলিতেছেন যে, এ পর্যন্ত তোমরা মস্ত্রী সাজিয়া বৎসব বৎসব অনেক টাকা উদ্ভব করিতেছ, —কিন্তু প্রজার জগা তোমরা এ পর্যন্ত কি করিয়াছ? হক সাহেবের এই প্রশ্নের সহস্র নবাবী দল নিতে পারেন নাই। সুতরাং হক সাহেব ব্যাপার কি হয় দেখিয়া তবে নবাবী দলে যোগ দিবেন স্থির করিয়াছেন। কাষেই সমস্ত মুসলমানের ‘এক দিল’ হইবার সম্ভাবনা মাঠে মারা ঘাইবার আশঙ্কা উপস্থিত হইয়াছে। এখন সার আবদুল হালিম গজনভী সাহেব নবাবী সাম্প্রদায়িক দলে ভিড়িবেন, না জাতীয়তার সম্মান বক্ষা করিবেন? হই নৌকার পা দিলে মাঝ দরিয়ায় পড়িয়া ডুবিয়া মরিতে হয়।

### অন্যায় সাকুলার

আগামী এপ্রিল মাস হইতে ভারতের প্রদেশগুলিকে “তথাকথিত” স্বায়ত্ত-শাসনাদিকার দেওয়া হইবে; সুতরাং তাহার পূর্বেই বিভিন্ন প্রদেশের ব্যবস্থাপক সভার সদস্য নির্বাচিত করিতে হইবে। সংস্কৃত শাসনপদ্ধতি যতটো সঠিক নির্বাচন কাষ পরিচালিত হইবে। সুতরাং আর কালবিলম্ব করিবার সময় নাই। সেই জগা সকল দলেই সাজ সাজ রব উঠিয়াছে। ভারতের মুসলমানগণ ‘এক দিল’ হইয়া কাষ করিবার জগা চেষ্টা করিতেছেন। মডারেট বা উদার-নৈতিক দল কি করিতেছেন, তাহা জানিতে পারা যায় নাই। কংগ্রেস ভারতের সর্বাধিক শক্তিশালী রাজনীতিক প্রতিষ্ঠান। ইহারা বলিতেছেন যে, সংস্কৃত ভারত-শাসন আইন অচল করিবার জগা ইহারা ব্যবস্থাপক সভার প্রবেশ করিতেছেন। শুনা ঘাইতেছে, সরকারী কংগ্রেসদিগের মধ্যে কেহ কেহ আগামী নির্বাচনে কংগ্রেস দলভুক্ত বাক্তিরা যাগাতে অধিক সংখ্যার নির্বাচিত হইতে না পারেন, তাহার জগা চেষ্টা করিতেছেন। সম্প্রতি জওহরলাল নেহেরু একখানি সাকুলারের সঙ্কান পাঠিয়াছেন যে, কোর্ট অব ওয়ার্ডসের সেক্রেটারী যুক্তপ্রদেশের সমস্ত ডিষ্ট্রিক্ট অফিসারকে একখানি করিয়া সাকুলার দিয়াছেন; সেই সাকুলারে লিখিত আছে যে, আগামী নির্বাচনে কংগ্রেসের মনোনীত সমস্তগণ যাগাতে নির্বাচিত হইতে না পারেন, তাহার যোগাড় করিতে হইবে। অধিকন্তু যে সকল নির্বাচনপ্রার্থী নির্বাচিত হইলে কংগ্রেসের নির্ধারিত কার্যসূচীর বিরোধিতা করিবেন, তাঁহারা যাগাতে নির্বাচিত হইতে

পারেন, তাহার ব্যবস্থা করিতে হইবে।” কোর্ট অব ওয়ার্ডসের সেক্রেটারী সভ্য সতাই এইরূপ এক সাকুলার জারি করিয়াছেন কি না, তাহা আমরা জানি না। তবে পণ্ডিত জওহরলাল নেহেরু উহা আবিষ্কার করিয়াছেন। এখন জিজ্ঞাস্য, যুক্তপ্রদেশের সরকারের সম্মতি লইয়াই কি এই সাকুলার জারি করা হইয়াছে? যদি ঐরূপ সাকুলার জারি করা না হইয়া থাকে, তাহা হইলে যুক্তপ্রদেশের সরকারের ঐ সংবাদের প্রতিবাদ করা উচিত। কারণ, সরকারের পক্ষে নির্বাচনে এরূপভাবে হস্তক্ষেপ করা সম্পূর্ণ অন্যায়। উহাতে ভোটারদিগের স্বাধীনভাবে নির্বাচনে বাধা দেওয়া হয়। এ দেশের ভোটারারা অনেকেই অশিক্ষিত অথবা এত অল্প শিক্ষিত যে, তাঁহারা ভোটারদের গুরুত্ব বুঝিতে অসমর্থ। জুর্জীকে যেমন তাঁহার জ্ঞান ও বিশ্বাসমতে ভোটারদের বাধা দিলে বা অনুবোধ করিলে দোষ হয়, ভোটারকেও যেমনই তাঁহার জ্ঞান ও বিশ্বাসমতে যে বাক্তি ভোট পাঠিবার পক্ষে সর্বাধিক অধিক যোগ্য, সেই বাক্তিকে ভোট দিতে না দেওয়া বা তাহাকে ছাড়িয়া অন্য বাক্তিকে ভোট দিতে অনুবোধ করা কোনমতেই সঙ্গত হইতে পারে না। উহা অতিশয় দোষের। আমরা সেজগা এই সাকুলারের কথা সত্য কি না, তাহা জানিতে উচ্চা করি। কিন্তু জওহরলালী যখন উহা আবিষ্কার করিয়াছেন, তখন অনেকেই মনে করিতেছেন যে, ‘সন্ন্যাসী চোর নয় বোচকায় দটায়।’ যুক্তপ্রদেশের কোর্ট অব ওয়ার্ডসের সেক্রেটারী যদি এইরূপ সাকুলার প্রচার করিয়া থাকেন — তাহা হইলে ঐ প্রদেশের সরকার তাঁহাকে সেজগা উপযুক্ত দণ্ড দিবেন কি?

### পণ্ডিত জওহরলালের আক্ষান

কংগ্রেসের সভাপতি পণ্ডিত জওহরলাল সম্প্রতি এই কথা তাঁহার দেশবাসীদিগকে বুঝাইবার চেষ্টা করিতেছেন যে, “বর্তমান অবস্থায় আমাদের দেশে দুইটা ভিন্ন তিনটা দল থাকা উচিত নহে। এক দলে থাকিবেন বিদেশী শাসকবর্গ ও তাঁহাদের অনুচরগণ, আর অপর দিকে থাকিবেন দেশের স্বরাজ্যকামী লোক। ইহাই হইল প্রকৃত দল-বিভাগ। ইহার মাঝখানে একটা বা একাধিক দল থাকা ভাল নহে; উহাতে দেশের ক্ষতি হইবার সম্ভাবনা। কিন্তু কংগ্রেসী দল ও সরকারী দলের মধ্যে অগা কতকগুলি দল যে আছে, তাঁহাদের মধ্যে অনেক ভাল লোকও আছেন। কোন কোন দলের আদর্শ এবং লক্ষ্যে কংগ্রেসের আদর্শ ও লক্ষ্যের প্রায় অনুরূপ — তাহাও স্বীকার করিতে হয়। কিন্তু দেশে এই সকল মধ্যবর্তী দল থাকতে দেশের শক্তি বিভক্ত হইয়া যায় এবং দেশের লোকের দৃষ্টি আদর্শ এবং লক্ষ্য হইতে ভ্রষ্ট হইয়া সর্বাধিক স্বার্থের দিকে নিবন্ধ হয়।” জওহরলালী যে কথাগুলি বলিয়াছেন, তাহা মোটের উপর সত্য। তাহাতে আর সন্দেহ নাই। কিন্তু দেশের সকল লোকই সব বিষয়ে একমত হইতে পারিয়াছেন, এরূপ দৃষ্টান্ত পৃথিবীর কোন দেশেই নাই। সর্বদেশে এবং সর্বকালেই চিন্তাশীল বাক্তিদিগের মধ্যে কোন কোন জটিল বিষয়ে মতভেদ ঘটিয়া আসিতেছে। কিন্তু এই মতভেদের এবং দলভেদের জগা কেবল অল্পদলের লোকদিগকে আক্রমণ করা সঙ্গত নহে। এ বিষয়ে কংগ্রেসেরও দোষ আছে। কংগ্রেস এমন কতকগুলি কাষ করিতেছে যে, তাহা সকল লোক











